



BIBLIOTECA  
SEMINARIO V.  
PORDENONE

A

D

AUG F 9



GEORGE W. B. & CO. 100 N. 4TH ST.



00000000000000000000000000000000



# NONVS TOMVS OPERVM

D. AVRELII AVG. HIPPONENS. EPISCOPI, CONTINENS  
illius tractatus, hoc est, expositiones ad populum factas in nouum testamentum, cū  
alijs uarij generis opusculis, quorum indicem habet alterum huius paginæ latus.



BASILEAE IN OFFICINA FROBENIANA,  
ANNO M D XXIX

**Q**uoniam tractatus in psalmos omnes plusquam iustam uoluminis magnitudinem poscebant, nec quicquam recipiebant accessionis, in hunc Tomum quasi farraginem quandam rerum cōgessimus. Primo loco digessimus tractatus in nouum testamentum. Secundo loco opuscula quædam inflammantia affectum pietatis. Tercio loco concionalia quædam de uarijs argumentis. In his, quæ non uidebantur Augustini, notauimus elogio.

## I N D E X.

In euangeliū Ioannis expositio	3	De catadysmo sermo	672
In epistolam Ioannis expositio	391	De tempore Barbarico sermo	677
In Apocalypsim Ioannis expositio	446	De sobrietate & uirginitate sermo	683
Meditationum liber unus	474	Speculum peccatoris tractatus	689
De diligendo deo liber alius qui & meditationum inscribitur	505	De pœnitentiæ medicina, liber unus	694
Soliloquiōrū animæ ad deū liber unus	516	De utilitate pœnitentiæ tractatus	701
Manuale liber unus	542	De conflictu uitiorū & uirtutū, lib. unus	707
triplici habitaculo liber unus	554	De quatuor uirtutibus charitatis tract.	716
Scalæ Paradisi liber	558	De laudibus charitatis tractatus	720
De duodecim abusionum gradibus	563	De honestate mulierū, liber unus	722
De contritione cordis liber unus	570	De pastoribus, liber unus	724
De cognitione ueræ uitæ liber unus	576	De ouibus, liber siue Homilia	739
De speculo, liber unus	595	De symbolo fidei ad catechumenos, libri quatuor	752
De uita Christiana liber unus	607	De conuenientia decem præceptorum & decem plagarum liber unus	783
De assumptione beatæ Mariæ uirg.	618	De rectitudine catholicæ cōuersationis tractatus	786
De disciplina Christiana	622	De utilitate ieiunij tractatus	801
De decem chordis	628	De urbis excidio tractatus	806
De cantico nouo, liber unus	638	De creatione primi hominis tractatus	810
De contemptu mundi, liber unus	643	De arbore scientiæ boni & mali tract.	811
De uanitate seculi, liber unus	646	De pugna animæ tractatus	815
De obedientia & humilitate sermo	649	De antichristo tractatus	816
De bono disciplinæ sermo	650	Psalterium quod matri suæ cōposuit	818
De uisitatione infirmorū, libri duo	653	Super magnificat expositio	820
De cōsolatione mortuorū sermones duo	662		
De quarta feria, siue cultura agri dominici sermo	667		

FINIS.



A PRAEFATIO INCERTVM CVIVS, NAM AVGVSTINI  
non esse res ipsa damnat, in laudem euangelij secundum Ioannem.



Mnibus diuinæ scripturæ paginis euangelium excellit, quia quod lex & propheta futurum prædixerunt, hoc completum dicit euangelium. Inter ipsos autem euangeliorum scriptores, Ioannes eminet in diuinorum mysteriorum profunditate, qui à tempore dominicæ ascensionis per annos sexagintaquinque uerbum dei absq; adminiculo scribendi, usq; ad ultima Domitiani prædicauit tempora. Sed occiso Domitiano, cū permitte Nerua, de exilio redisset Ephesum, cōpulsus ab episcopis Asiæ, de coæterna patri diuinitate Christi scripsit aduersus hæreticos, qui eo absente irruerant in eius ecclesias, qui Christum ante Mariam fuisse negabant. Unde merito in figura quatuor animalium, aquilæ uolanti comparatur, quæ uolat altius cæteris auibus, & solis radios irreuerberatis aspicit luminibus. Cæteri quippe euangelistæ, qui temporalem Christi natiuitatem, & temporalia eius facta, quæ gessit in homine sufficienter exponunt, & de diuinitate pauca dixerunt, quasi animalia gressibilia cum domino ambulant in terra: hic autem pauca de temporalibus eius gestis edisserens, sed diuinitatis potentiam sublimius cōtemplans, cum domino ad cœlum uolat. Qui enim supra pectus domini in cœna recubuit, cœlestis haustum sapientiæ cæteris excellentius de ipso dominici pectoris fœte potauit. Legerat siquidem euangelia trium euangelistarum, & approbauerat fidem eorū & ueritatē, in quibus deesse uidit aliqua gestarū rerū historiæ, & ea maxime quæ dominus gessit primo prædicationis suæ tempore, scilicet antequam Ioannes Baptista clauderetur in carcere. Hæc ergo quasi dimissa ab illis scribit Ioannes quæ fecit Iesus antequam Ioannes clauderetur: sed maxime diuinitatem Christi & trinitatis mysterium commendare curauit. Tres siquidem alij euangelistæ dicta & facta domini temporalia, quæ ad informandos mores uitæ præsentis maxime ualent, copiosius profecuti, circa actiuam uitam sunt uersati: in  
B qua laboratur, ut cor mundetur ad uidendum deum, Ioannes uero pauca domini facta dicit: uerba uero domini quæ trinitatis unitatem, & uitæ æternæ felicitatem insinuant, diligentius conscribit, & sic in contemplatiua uita, uirtute commendanda, intētionem suam & prædicationem tenuit: in qua contemplatiua uacatur ut deus uideatur. Iste siquidem est Ioannes quem dominus de fluctuaga nuptiarum tempestate uocauit, & cui matrem uirginem uirgini commendauit.

## DIVI AVRELII AVGV

STINI HIPPONENSIS EPISCOPI, IN EVANGELIUM IOANNIS, EXPOSITIO.

Ab eo quod scriptum est, In principio erat uerbum, & uerbū erat apud deum, & deus erat uerbum, usq; ad id quod ait, Et tenebræ eam non comprehenderunt.

Tractatus I.



IN T VENTES quod modo audiuius ex lectione Apostolica, quod animalis homo non percipit ea quæ sunt spiritus dei, & cogitantes in hac ipsa præsentī turba charitatis uestre, necesse esse, 1. Cor. 2 ut multi sint animales, qui adhuc secundum carnem sapiant, nondumq; possint ad spiritalem intellectum se erigere: hæc uero uementer quomodo ut dominus dederit, possim dicere, uel pro modulo meo explicare quod lectum est ex euangelio, In principio erat uerbum, & uerbum erat apud deū, & deus erat uerbum. Hoc enim animalis homo non percipit. Quid ergo fratres, silebimus hinc? quare ergo legitur si  
a 2 silebitur?

filebitur. Aut quare auditur, si nō exponitur? Sed & quid exponitur, si nō intelligitur? Itaq; quoniam rursus esse non dubito in numero uestro quosdam, à quibus possit non solū expositū capi, sed & anteq̃ exponatur intelligi, non fraudabo eos qui possunt capere: dum tamen meo superfluo esse auribus eorum, qui non possunt capere. Postremo aderit misericordia dei, fortasse ut omnibus satisfaciatur, & capiat quisq; quod potest: quia & qui loquitur, dicit quod potest: nam dicere ut est, quis potest? Audeo dicere fratres mei, forsitan nec ipse Ioannes dixit ut est, sed & ipse ut potuit, quia de deo ut homo dixit: Et quidem inspiratus à deo, sed tamen homo: quia inspiratus, dixit aliquid: si non inspiratus esset, dixisset nihil. Quia uero homo inspiratus, non totum quod est dixit, sed quod potuit homo dixit. Erat enim iste *psal. 71* Ioannes, fratres charissimi, de illis montibus de quibus scriptum est, Suscipiant montes pacem populo tuo, & colles iustitiam. Montes, excelsæ animæ sunt: colles, animæ sunt paruulæ. Sed ideo montes excipiunt pacem, ut colles possint excipere iustitiam. Quæ est iustitia quam colles excipiunt? Fides, quia iustus ex fide uiuit. Non autem acciperent minores animæ fidem, nisi maiores animæ quæ montes dictæ sunt, ab ipsa sapientia illustrarentur, ut possint paruulis transire, quod possent paruuli capere, & uiuere ex fide colles, quia montes pacem suscipiunt. Ab ipsis montibus dictum est ecclesiæ: pax uobiscum, Et ipsi montes pacem annunciando ecclesiæ, non diuiserunt se aduersus eam à quo susceperunt pacem, ut ueraciter nō fictè nunciarent pacem. Sunt autem alij montes naufragosi, quod quisq; nauim cum impulerit, soluitur. Facile est enim cum uidetur terra à periditantes, quasi conari ad terram: sed aliquando uidetur terra in monte, & saxa latent sub monte, & cum quisq; conatur ad montem, incidit in saxa, & ibi non inuenit portum, sed planctum. Sic fuerunt quidam montes, & magni apparuerunt inter homines, & fecerunt hæreses & schismata, & diuiserunt ecclesiam dei. Isti qui diuiserunt ecclesiam dei, nō erant illi montes de quibus dictum est, Suscipiant montes pacem populo tuo. Quomodo enim pacem susceperunt, qui unitatem diuiserunt? Qui autem susceperunt pacem nunciandam populo, contemplati sunt ipsam sapientiam, quantum humanis cordibus potuit contingi, quod nec oculus uidit, nec auris audiuit, nec in cor hominis ascendit. Si in cor hominis nō ascendit, quomodo ascendit in cor Ioannis? An non erat homo Ioannes? An forte nec in cor Ioannis ascendit, sed cor Ioannis in illa ascendit? Quod enim ascendit in cor hominis, de imo est ad hominem: quod autem ascendit cor hominis, sursum est ab homine. Etiam sic fratres dici potest, quia si ascendit in cor Ioannis, si aliquo modo potest dici, intantum ascendit in cor Ioannis, in quantum ipse Ioannes non erat homo: Quid est, non erat homo? In quantum cœperat esse angelus: *1. Cor. 3* quia omnes sancti, angeli, quia annunciatores dei: ideo carnalibus & animalibus non ualentibus percipere quæ sunt dei quid ait Apostolus? Cū enim dicitis, ego sum Pauli, ego Apollō, nōne homines estis? Quid eos uolebat facere, quibus exprobrabat, quia homines erant? *psal. 81* Vultis nosse quid eos facere uolebat? audite in psalmis, Ego dixi dñi estis, & filij excelsi omnes. Ad hoc ergo uocat nos deus, ne simus homines. Sed tunc in melius non erimus homines, si prius nos homines esse agnoscamus, id est, ut ad illam celsitudinem ab humilitate surgamus: ne cum putamus nos aliquid esse cū nihil simus, non solum nō accipiamus quod non sumus, sed amittamus quod sumus. Ergo fratres de his montibus & Ioannes erat, qui dixit, In principio erat uerbū, & uerbū erat apud deū, & deus erat uerbū. Susceperat pacem mons iste, contemplabatur diuinitatē uerbi, Qualis iste mons erat, quā excelsus? Transcenderat omnia cacumina montium terrarum, transcenderat omnes campos aëris, transcenderat omnes altitudines syderum, transcenderat omnes choros & legiones angelorum. Nisi enim transcenderet ista omnia quæ creata sunt, nō perueniret ad eum per quem facta sunt omnia, Non potestis cogitare quid transcenderit, nisi uideatis quō peruenierit. Quæris de cœlo & terra: facta sunt. Quæris de his quæ sunt in cœlo & terra: utiq; multo magis & ipsa facta sunt. Quæris de spiritalibus creaturis, de angelis, de archangelis, sedibus, dominationibus, uirtutibus, principatibus? & ipsa facta sunt. Nam cum enumeraret hæc omnia *psal.* mus



A mus, conclusit sic, Ipse dixit & facta sunt, ipse mandauit & creata sunt. Si dixit & facta sunt, psal. 32  
 per uerbū facta sunt: si autē per uerbum facta sunt, nō poterat Ioannis cor peruenire ad id  
 quod ait, In principio erat uerbū, & uerbū erat apud deū, & deus erat uerbū, nisi transcendis-  
 set omnia quæ sunt facta per uerbū. Qualis ergo iste mons, quā sanctus, quā altus inter  
 illos mōtes qui susceperūt pacē populo dei, ut colles possent suscipere iustitiā? Videte ergo psal. 120  
 fratres ne forte de ipsis montibus est Ioannes, de quibus paulo ante cātauius, Leuaui o-  
 culos meos in montes, unde ueniet auxilium mihi. Ergo fratres mei, si uultis intelligere, leua-  
 te oculos uestros in montem istum, id est erigite uos ad euangelistam, erigite uos ad eius  
 sensum. Sed quia montes isti pacem suscipiunt: non potest autem esse in pace, qui spem po-  
 nit in hominem, nolite sic erigere oculos in montem, ut putetis in homine spem uestram es-  
 se collocandam, & sic dicite, Leuaui oculos meos in montes, unde ueniet auxilium mihi, ut  
 statim subiungatis, Auxilium meum à domino, qui fecit cœlum & terram. Ergo leuemus  
 oculos in montes, unde ueniet auxilium nobis: & tamen non ipsi montes sunt, in quibus  
 spes nostra ponenda est. Accipiēt enim montes quod nobis ministrent. Ergo unde & mon-  
 tes accipiunt, ibi spes nostra ponenda est. Oculos nostros enim leuamus ad scripturas, quia  
 per homines ministratæ sunt scripturæ: leuamus oculos nostros ad montes, unde ueniat au-  
 xilium nobis. Sed tamen quia ipsi homines, qui scripserunt scripturas, non de se lucebant:  
 sed ille erat uerum lumen, qui illuminat omnem hominem uenientem in hunc mundum.  
 Mons erat & ille Ioannes Baptista qui dixit, Non sum ego Christus, ne quisquam spem  
 in montem ponens, caderet ab illo qui montes illustrat, & ipse confessus ait, Quoniam de  
 plenitudine eius nos omnes accepimus. Ita debes dicere, Leuaui oculos meos in montes,  
 unde ueniet auxilium mihi: ne auxilium quod tibi uenit, montibus imputes: sed sequaris &  
 dicas, Auxilium meum à domino, qui fecit cœlum & terram. Ergo fratres ad hoc ista monu-  
 erim, ut quando erexistis cor ad scripturas, cum sonaret euangelium, In principio erat uer-  
 bum, & uerbum erat apud deum, & deus erat uerbum, & cætera quæ lecta sunt, intelligatis  
 B uos leuasse oculos ad montes. Nisi enim montes ista dicerent, unde omnino cogitaretis nō  
 inueniretis. Ergo ex montibus uenit uobis auxilium, ut hæc uel audiretis, sed nondum pote-  
 stis intelligere quod audistis. Inuocate auxilium à domino, qui fecit cœlum & terram: quia  
 montes sic potuerunt loqui, ut non possent ipsi illuminare. Quia & ipsi illuminati sunt audi-  
 endo inde, unde qui hæc dixit, accepit Ioannes ille fratres: qui discumbebat supra pectus  
 domini, & de pectore domini bibebat quod propinaret nobis, sed propinauit uerba: intel-  
 lectum autem inde debes capere unde & ipse bibebat qui tibi propinauit, ut leues oculos  
 tuos ad montes, unde ueniet tibi auxiliū, ut inde tanquā calicē, id est uerbū propinatū acci-  
 peres: & tamen quia auxiliū tuū à domino, qui fecit cœlū & terrā, inde impleres pectus, unde  
 impleuit ille: unde dixisti, Auxilium meum à domino, qui fecit cœlum & terrā. Qui potest  
 ergo fratres, impleat hoc quod dixi, leuet quisque cor suum quomodo illud uidet idoneū,  
 & capiat quod dicitur. Sed forte hoc dicitis, quia ego uobis sum præsentiōr quā deus. Ab-  
 sit, Multo est ille præsentiōr: nam ego oculis uestris appareo, ille conscientijs præsidet. Ad-  
 ris leuatis ad nos, nec ad nos: non enim sumus de illis montibus, sed ad ipsum euangelium,  
 ad ipsum euangelistam: cor autem implendum ad dominum. Et unusquisque sic leuet, ut ui-  
 deat quid leuet, & quò leuet. Quid dixi, quid leuet, & quò leuet? Quale cor leuet uideat, quia  
 ad deum leuat, ne sarcina uoluptatis carnalis prægauatum, ante cadat quā fuerit suble-  
 uatum. Sed uidet se quisq; gestare onus carnis, det operam per continentiam, ut purget quod  
 leuet ad deum. Beati enim mundo corde, quoniam ipsi deum uidebūt. Nam ecce quid pro- Matth. 5  
 dest, quia sonuerunt uerba, In principio erat uerbum, & uerbum erat apud deum, & deus e-  
 rat uerbum: & nos diximus uerba cum loqueremur. Nunquid tale uerbum erat apud deū?  
 Nōne ea quæ diximus sonuerūt atq; transierunt? Ergo & dei uerbū sonuit & peractū est?  
 Quomodo omnia per ipsum facta sunt, & sine ipso factum est nihil? Quomodo omne per  
 a 3 illud

illud regitur, quod per illud creatum est, si sonuit & transit: Quale ergo uerbum, quod & dicitur & non transit? Intendat charitas uestra, magna res est. Quotidie dicendo uerba uiluerunt nobis, quia sonando uerba & transeundo uiluerunt, & nihil aliud uidentur quam uerba. Est uerbum & in ipso homine quod manet intus, nam sonus ex ore procedit. Est uerbum quod uere spiritaliter dicitur, illud quod intelligitur de sono, non ipse sonus. Ecce uerbum dico, cum dico, deus. Quam breue est quod dixi, quatuor litteras & duas syllabas: nunquid nam hoc totum est deus, quatuor litterarum & duarum syllabarum? An quantum hoc uile est, tantum charum est quod in eis intelligitur? Quid factum est in corde tuo cum audisses, deus: quid factum est in corde meo cum dicerem, deus? Magna & summa quaedam substantia cogitata est, quae transcendit omnem mutabilem creaturam carnalem & animalem. Et si dicam tibi, deus mutabilis est, an incommutabilis? Respondebis statim, Absit ut uel ego credam uel sentiam commutabilem deum: incommutabilis ergo est deus. Anima tua quamuis parua, quamuis forte adhuc carnalis, non mihi potuit respondere nisi incommutabilem deum: omnis autem creatura mutabilis. Quomodo ergo potuisti scintillare in illud quod est super omnem creaturam, ut certus mihi responderes incommutabilem deum? Quid est ergo illud in corde tuo, quando cogitas quandam substantiam uiuam, perpetuam, omnipotentem, infinitam, ubique praesentem, ubique totam, nusquam inclusam? Quando ista cogitas, hoc est uerbum de deo in corde tuo: nunquid autem hoc est sonus ille, qui quatuor literis constat & duabus syllabis? Ergo quicumque dicuntur & transeunt, soni sunt, litterae sunt, syllabae sunt. Hoc uerbum transit, sonat. Quod autem significauit sonus, & in cogitante est, qui dixit, & in intelligente est, qui audiuit, manet hoc transeuntibus sonis. Refer animum ad illud uerbum, Si tu potes habere uerbum in corde tuo, tanquam consilium natum in mente tua, ut mens tua pariat consilium, & insit consilium quasi proles mentis tuae, quasi filius cordis tui: prius enim cor generat consilium, ut aliquam fabricam construas, aliquid amplum in terra moliaris, iam natum est consilium, & opus nondum completum est. Vides tu, quid facturum es, sed alius non miratur nisi cum feceris & construxeris molem, & fabricam illam ad exculpationem perfectionemque perduxeris. Attendunt homines mirabilem fabricam, & mirantur consilium fabricantis: stupent quod uident, & amant quod non uident. Quis est qui potest uidere consilium, & non sola facta? Si ergo ex magna aliqua fabrica laudatur humanum consilium: quis uidere quale consilium dei est? Dominus Iesus Christus, id est uerbum dei: Attende fabricam istam mundi: uide quae sint quae facta sunt per uerbum, & tunc cognosces quale sit uerbum. Attende haec duo mundi corpora, caelum & terram. Quis explicat uerbis ornatum caeli? quis explicat fecunditatem terrae? quis digne collaudat temporum uices? quis digne collaudat seminum uim? Videris quae ta ceam, ne diu commemorando parum dicam, forte quam potestis cogitare. Ex fabrica ergo ista animaduertite, quale uerbum est per quod facta est, & non sola facta est. Omnia enim ista uidentur, quia pertinent ad sensum corporis. Per illud uerbum & angeli facti sunt, per illud uerbum & archangeli facti sunt, potestates, sedes, dominationes, principatus. Per illud uerbum facta sunt omnia: hinc cogitate quale uerbum est. Respondet mihi modo, forte nescio quis, & quis hoc uerbum cogitat? Noli ergo tibi quasi uile aliquid facere, cum audis uerbum formare. Verba quae audis quotidie, ille talia uerba dixit, talia uerba locutus est: talia uerba mihi narras: assidue enim dicendo nomina uerborum, quasi uiluerunt uerba: & quando audis, In principio erat uerbum, ne uile aliquid putares quale consuesti cogitare, cum uerba humana soleres audire, audi quid cogites, Deus erat uerbum. Exeat nunc nescio quis infidelis Arius & dicat: Quia uerbum dei factum est, quomodo potest fieri, ut uerbum dei factum sit, quando deus per uerbum fecit omnia? Si & uerbum dei ipsum factum est, per quod aliud uerbum factum est? Si hoc dicis, quia hoc est uerbum uerbi, per quod factum est illud, ipsum dico ego unicum filium dei. Si autem non dicis uerbum uerbi: concede non factum per quod facta sunt omnia. Non enim per seipsum fieri potuit, per quod facta sunt omnia: crede ergo



A go euangelistæ, poterat enim dicere, In principio fecit deus uerbum: quomodo dixit Moyses, In principio fecit deus cælum & terram, & omnia sic enumerat, Dixit deus, fiat, & factum est. Si dixit, quis dixit? Vtiq; deus. Et quid factum est? Creatura aliqua. Inter dicentem deum & factam creaturam quid est per quod factum est? nisi uerbum, quia dixit deus, Fiat, & factum est. Hoc uerbum incommutabile, quamuis mutabilia per uerbum fiant, ipsum incommutabile est. Noli ergo credere factum, per quod facta sunt omnia, ne non reficiaris per uerbum, per quod reficiuntur omnia. Iam enim factus es per uerbum, sed oportet te refici per uerbum. Si autem mala fuerit fides tua de uerbo, non potes refici per uerbum: & si tibi contigit fieri per uerbum, ut per illud factus sis, per te defeceris: & si per te defeceris, ille te reficiat qui te fecit: si per te deterior efficeris, ille te recreet qui te creauit. Quomodo te autem recreet per uerbum, si male aliquid sentias de uerbo? Euangelista dicit, In principio erat uerbum: & tu dicis, In principio factum est uerbum. Ille, Omnia per ipsum facta sunt, dicit: & tu dicis, quia & ipsum uerbum factum est: poterat dicere euangelista, In principio factum est uerbum: sed quid ait? In principio erat uerbum. Si erat, non est factum, ut ista omnia per ipsum fierent, & sine ipso nihil. Si ergo erat in principio uerbum, & uerbum erat apud deum, & deus erat uerbum: si non potes cogitare quid sit, differ ut crescas. Ille cibus est, accipe lac ut nutriaris, ut sis ualidus ad capiendum cibum. Sanè fratres quod sequitur, Omnia per ipsum facta sunt, & sine ipso factum est est nihil. Videte ne sic cogitetis, quia nihil aliquid est: solent enim dicere multi male intelligentes, sine ipso factum est nihil, & putare aliquid esse nihil. Peccatum quidem non per ipsum factum est, & manifestum est, quia peccatum nihil est, & nihil fiunt homines cum peccant. Et idolum non per uerbum factum est. Habet quidem formam quandam humanam, sed ipse homo per uerbum factus est: nam forma hominis in idolo, non per uerbum facta est: & scriptum est, Scimus quia nihil est idolum. Ergo ista non sunt facta per uerbum: sed quæcunque naturaliter facta sunt, quæcunque facta sunt in creaturis, omnia omnino quæ fixa in cælo sunt, quæ fulgent desuper, quæ uolitant sub cælo, & quæ mouentur in uniuersa natura rerum, omnis omnino creatura. Dicam planius, dicam fratres ut intelligatis, ab angelo usque ad uermiculum. Quid prædarius angelo in creaturis? Quid extremius uermiculo in creaturis? Perculsum. Quid prædarius angelo in creaturis? Quid extremius uermiculo in creaturis? Per quem factus est angelus, per ipsum factus est & uermiculus. Sed angelus dignus cælo, uermiculus terra. Qui creauit, ipse disposuit. Si poneret uermiculum in cælo, reprehenderes. Si uellet angelos nasci de putrescentibus carnibus, reprehenderes: & tamen propter hoc facit deus, & tamen non est reprehendendus. Nam omnes homines de carne nascuntur, quid sunt nisi uermes? Et de uermibus angelos facit. Si enim ipse dominus dicit, Ego autem sum uermis & non homo: quis dubitat hoc dicere, quod scriptum est & Job. 25  
in Job, quanto magis homo putredo, & filius hominis uermis? Primo dixit, homo putredo, & postea, filius hominis uermis: quia uermis de putredine nascitur, ideo homo putredo, & filius hominis uermis. Et ecce quod fieri uoluit propter te, illud quod in principio erat uerbum, & uerbum erat apud deum, & deus erat uerbum. Quare hoc factum est propter te, nisi ut suggeres qui manducare non poteras? Omnino ergo fratres sic accipite, Omnia per ipsum facta sunt, & sine ipso factum est nihil. Vniuersa enim creatura per ipsum facta est, maior, minor: per ipsum facta sunt supera, infera: spiritualis, corporalis, per ipsum facta sunt. Nulla enim forma, nulla compages, nulla cõcordia partium, nulla qualiscunq; substantia, quæ potest habere pondus, numerum & mensuram, nisi per illud uerbum, & ab illo uerbo creatore, cui dictum est, Omnia in mensura & numero & pondere disposuisti. Nemo ergo uos fratres fallat, quando forte tædium patimini ad muscas. Etenim aliqui derisi, à diabolo decepti sunt, & à musca capti sunt. Solent enim aucupes ponere in muscipula muscas, ut esuriētes aues decipiant: sic & isti ad muscas à diabolo decepti sunt. Nā nescio quis tædiū patiebatur ad muscas, inuenit illū Manichæus tædio affectū, & cum diceret se non posse pati muscas, & odisse uehementer illas, statim ille, Quis fecit has, inquit,

quit: Et quia tædio affectus est, & quia oderat illas, non ausus est dicere, deus illas fecit: erat autem catholicus. Ille statim subiecit, Si deus illas nō fecit, quis illas fecit? Planē ait ille, Ego credo quia diabolus fecit muscas. Et ille statim, Si muscas diabolus fecit, sicut te uideo confiteri, quia prudenter intelligis, apem quis fecit, quæ paulo amplior est musca? Non ausus ille est dicere, quia deus fecit apem, & muscam non fecit, quia res erat proxima. Ab ape duxit ad locustam, à locusta ad lacertam, à lacerta ad auem, ab aue duxit ad pecus, inde ad bouem, inde ad elephantem, postremo ad hominem, & persuasit homini, quia non à deo factus est homo. Ita ille miser cum tædium passus est à muscis, musca factus est, quem diabolus possideret. Beelzebub quippe interpretatum dicitur princeps muscarum: de quibus scriptum est, Muscæ morientes exterminant oleum suauitatis. Quid igitur fratres, quare ista dixi? Claudite aures cordis uestri aduersus dolos inimici, intelligite, quia deus fecit omnia, & in suis gradibus collocauit. Quare autem patimur multa mala à creatura quā fecit deus, nisi quia offendimus deum? Nunquid hæc angeli patiuntur? Fortassis & nos in illa uita, ista non timebimus. De pœna tua peccatum tuum accusa, non iudicem. Nam propter superbiam instituit deus istam creaturam minimam & abiectissimam, ut ipsa nos torqueret: ut cum superbus fuerit homo, & se iactauerit aduersus deum, & cum sit mortalis, mortalem terruerit, & cum homo sit, proximum hominem non agnouerit, cum se exerit, pulicibus subdatur. Quid est quodd te inflas humana superbia? Homo tibi dixit conuicium, & timuisti, & iratus es: pulicibus resiste ut dormias. Cognosce qui sis, nam ut noueritis fratres, propter superbiam nostram domandam creata ista, quæ molesta nobis essent. Si populum Pharaonis superbum potuit deus domare de ursis, de leonibus, de serpentibus, cur muscas & ranas illis immisit, ut rebus uilissimis superbia domaretur? Omnia ergo per ipsum fratres, omnia omnino per ipsum facta sunt, & sine ipso factum est nihil. Sed quomodo per ipsum facta sunt omnia? Quod factum est, in ipso uita est. Potest etiam sic dici, Quod factum est in illo, uita est, Ergo totum uita est, si sic pronunciauerimus. Quid enim non in illo factum est? Ipse est enim sapientia dei, & dicitur in psalmo, Omnia in sapientia fecisti. Si ergo Christus est sapientia dei, & psalmus dicit, omnia in sapientia fecisti, omnia sicut per illum facta, ita in illo facta sunt. Si ergo omnia in illo fratres charissimi, & quod in illo factum est, in illo uita est, ergo & terra uita est, ergo & lignum uita est. Dicimus quidem lignum uitæ, sed secundum intellectum lignum crucis, unde accepimus uitam: ergo & lapis uita est. Inhonestum est sic intelligere, ne rursus nobis subrepat eadem sordidissima secta Manichæorum, & dicat: quia habet uitam lapis, & habet animam paries, & restitula habet animam, & lana & uestis. Solent enim delirantes dicere, & cum reprehensi fuerint & repulsi, quasi de scripturis proferunt dicentes, Vt quid dictum est, Quod factum est, in ipso uita est? Si enim omnia in ipso facta sunt, omnia uita sunt. Non te abducant, pronuncia sic, Quod factum est, hic subdistingue, & deinde infer, in illo uita est. Quid est hoc? Facta est terra, sed ipsa terra quæ facta est, non est uita. Est autem in ipsa sapientia spiritaliter ratio quædam, qua terra facta est, hæc uita est. Ergo quod factum est, in illo uita est. Quomodo possum, dicam charitati uestre. Faber facit arcam. Primo in arte habet arcam: si enim in arte arcam non haberet, non esset unde fabricando illam proferret. Sed arca sic est in arte, ut non ipsa arca sit quæ uidetur oculis. In arte inuisibiliter est, in opere uisibiliter erit. Ecce facta est in opere, nunquid destitit esse in arte? Et illa in opere facta est, & illa manet quæ in arte est: nam potest illa arca putrescere, & iterum ex illa quæ in arte est alia fabricari. Attendite ergo arcam in arte, & arcam in opere. Arca in opere non est uita, arca in arte uita est: quia uiuit anima artificis, ubi sunt ista omnia antequam proferantur. Sic ergo fratres charissimi, quia sapientia dei, per quam facta sunt omnia, secundum artem continet omnia antequam fabricet omnia. Hic quæ fiunt per ipsam artem, non continuo uita sunt: sed quicquid factum est, uita in illo est. Terram uides, est in arte terra. Cœlum uides, est in arte cœlum. Solem & lunam uides, sunt & ista in arte: sed foris



A sed foris corpora sunt, in arte uita sunt. Videte si quo modo potestis, magna enim res dicta est, & si non à me magno, aut non per me magnum, tamen à magno. Non enim à me paruulo dicta sunt hæc: sed ille non est paruulus ad quem respicio, ut dicam, Capiat quisque ut potest, in quantum potest: & qui non potest, nutriat cor ut possit. Vnde nutriat: De lacte nutriat ut ad cibum perueniat, à Christo per carnem nato non recedat, donec perueniat ad Christum ab uno patre natum, uerbum deum apud deum, per quod facta sunt omnia: quia illa uita est quæ in illo est lux hominum: hoc enim sequitur. (Et uita erat lux hominū.) Et ex ipsa uita homines illuminantur. Pecora non illuminantur, quia pecora non habent rationales mentes, quæ possint uidere sapientiam. Homo autem factus ad imaginem dei, habet rationalem mentem, per quam possit percipere sapientiam. Ergo illa uita per quā facta sunt omnia, ipsa uita lux est, & non quorumcūque animalium, sed lux hominum: unde paulo post dicit, Erat lumen uerum, quod illuminat omnem hominem uenientem in hunc mundum. Ab illo lumine illuminatus est Ioannes Baptista: ab illo & ipse Ioannes euāgelista: ex ipso lumine plenus, erat qui dixit, Nō sum ego Christus, sed qui post me uenit, cuius ego non sum dignus corrigiam calceamenti soluere. Ab illo lumine illuminatus erat qui dixit, In principio erat uerbum, & uerbum erat apud deum, & deus erat uerbum: ergo illa uita lux est hominū. Sed forte stulta corda adhuc capere istam lucem non ualent, quia peccatis suis aggrauantur, ut eam uidere non possint: non ideo cogitēt quasi absentem esse lucem, quia eam uidere nō possunt: ipsi enim propter peccata tenebræ sunt. Et lux in tenebris lucet, & tenebræ eā non comprehenderunt.) Ergo fratres, quomodo homo positus in sole cæcus, præsens est illi sol, sed ipse soli absens est: sic omnis stultus, omnis iniquus, sic omnis impius, cæcus est corde. Præsens est illi sapientia, sed cum cæco præsens est, oculis eius absens est: non quia ipsa illi absens est, sed quia ipse ab illa absens est. Quid ergo faciat iste: mundet unde possit uideri deus: quomodo? Si propterea uidere non possit, quia sordidos & saucios oculos habet, irruente puluere aut pituita uel fumo, diceret illi medicus, Purga de oculo tuo quicquid mali est, ut possis uidere lucem oculorum tuorum. Puluis, pituita, fumus, peccata & iniquitates sunt. Tolle inde ista omnia, & uidebis sapientiam quæ præsens est, quia deus est ipsa sapientia. Et dictum est, Beati mundo corde, quoniam ipsi deum uidebunt. Matth. 5

De eo quod scriptum est, Fuit homo missus à deo, cui nomen erat Ioannes, usque ad id quod ait, Plenum gratiæ & ueritatis. Tractatus II.

**B**onum est fratres charissimi, ut textum diuinarum scripturarum, & maxime sancti euangelij, nullum locum præmittentes pertractemus, ut possumus: & pro nostra capacitate pascamur, & ministremus uobis unde & nos pascimur. Capitulum primum præterito die dominico tractatum esse meminimus, id est, In principio erat uerbum, & uerbum erat apud deum, & deus erat uerbum, hoc erat in principio apud deum, Omnia per ipsum facta sunt, & sine ipso factum est nihil, quod factum est: In illo uita erat, & uita erat lux hominum, & lux in tenebris lucet, & tenebræ eam non comprehenderunt: hucusque tractatum esse credo. Recordamini omnes qui affuistis, & qui non affuistis, credite nobis & his qui adesse uoluerunt. Nunc ergo quia non possumus semper omnia replicare propter eos, qui hoc uolunt audire quod sequitur, & oneri est illis, si repetantur priora cum defraudatione posteriorum, dignentur & qui non aderant non præterita exigere, sed cum his qui aderant & nunc audire præsentia. Sequitur, Fuit homo missus à deo, cui nomen erat Ioannes.) Etenim ea quæ dicta sunt superius, fratres charissimi, de diuinitate Christi dicta sunt ineffabili & propè ineffabili. Quis enim capiat, In principio erat uerbum, & uerbum erat apud deum? Et ne uilescat tibi nomen uerbi per consuetudinem quotidianorum uerborum, & deus erat uerbum. Hoc uerbum idipsum est, unde hesterno die multum locuti sumus, & præstiterit dominus

dominus ut uel tanta loquēdo aliquid ad corda uestra perduxerimus. In principio erat uerbum: Idipsum idipsum est, eodem modo est sicut est, semper sic est, mutari non potest, hoc C  
Exod. 3 est, deus est. Quod nomen suum dixit famulo suo Moyse, Ego sum qui sum, & qui est misit me. Quis ergo hoc capiet? cum uideatis omnia mortalia mutabilia, cum uideatis nō solum corpora uariari per qualitates, nascendo, crescendo, deficiendo, moriendo, sed etiam ipsas als, discendi animas per affectum diuersarum uoluntatum<sup>†</sup> distendi atq; dispergi: cum uideatis homines & percipere posse sapientiam, si se illius luci & calori admouerint: & amittere posse sapientiam, si inde malo affectu recesserint. Cum uideatis ergo ista omnia esse mutabilia, quid est quod est, nisi quod transcendit omnia, quæ sic sunt ut non sint? Quis ergo hoc capit, aut quis quomocunq; intenderit uires mentis suæ, ut attingat quomodo potest ad id quod est, ut cum ad id quodcunq; mente attigerit, possit peruenire? Sic est enim tanquam uideat quisq; de longinquo patriam & mare interiaceat, uidet quò eat, sed non habet qua eat: sic ad illam stabilitatem nostram ubi quod est, est, quod hoc solum semper sic est ut est, uolumus peruenire: interiacet mare huius seculi qua imus, & si iam uidemus quò imus, nam multi nec quò eant uident. Vt ergo esset & qua iremus, uenit inde ad quem ire uolebamus. Et quid fecit? Instituit lignum quo mare transeamus. Nemo enim potest transire mare huius seculi, nisi cruce Christi portatus. Hanc crucem aliquando complectitur & infirmus oculus & quia nō uidet longe quò eat, nō ab illa recedat, & ipsa illū perducet. Itaq; fratres mei, hoc, insinuauerim cordibus uestris, si uultis pie & Christiane uiuere, adhærete Christo secundū id quod pro nobis factus est, ut perueniatis ad eū secundū id quod est, & secundū id quod erat. Accessit, ut pro nobis hoc fieret: quia hoc pro nobis factus est ubi portent infirmi, & mare huius seculi transeant, & perueniant ad patriā, ubi iam nauis non opus erit, quia nullū mare transibitur. Melius est ergo non uidere mente id quod est, & tamen à Christi cruce nō recedere, quàm uidere illud mente, & crucem Christi cōtemnere. Bonum est super hoc & optimum, si fieri potest, ut & uideatur quò eundum sit, & teneatur quo portetur qui pergit. Hoc D  
potuerunt mentes magnæ montium: qui montes dicti sunt, quos maxime illustrat lumen iustitiæ, potuerunt & uiderunt illud quod est: nam uidēs Ioannes dicebat, In principio erat uerbum, & uerbum erat apud deum, & deus erat uerbū. Viderunt hoc, & ut peruenirent ad id quod uidebant de longe, à cruce Christi non recesserunt, & humilitatem Christi non contempserunt. Paruuli ergo qui hoc non possunt intelligere, non recedentes à cruce & à passione & à resurrectione Christi, in ipsa nauis perducuntur ad id quod non uident, in qua nauis perueniunt & illi qui uident. At uero quidam philosophi huius mundi extiterunt, & inquisierunt creatorem per creaturam: quia potest inueniri per creaturam, euidenter dicente Rom. 1 Apostolo, Inuisibilia enim eius à cōstitutione mundi, per ea quæ facta sunt intellecta conspiciuntur, sempiterna quoq; uirtus eius & diuinitas, ut sint inexcusabiles. Et sequitur, Quia cum cognouissent deum, non dixit, quia non cognouerūt deum: sed quia cum cognouissent deum, non sicut deum glorificauerunt, aut gratias egerūt, sed euauerunt in cogitationibus suis, & obscuratum est insipiens cor eorum. Et unde obscuratum est? Sequitur & dicit apertius, Dicentes enim se esse sapientes, stulti facti sunt: uiderunt enim quò ueniendum esset, sed ingrati ei qui illis præstitit quod uiderūt, sibi uoluerunt tribuere quod uiderunt, & facti superbi amiserunt quod uidebant, & conuersi sunt inde ad idola & simulacra & culturas dæmonum, adorare creaturam, & contemnere creatorem: sed iam isti elisi ista fecerunt. Vt autem quibus dixit, Qui cum cognouissent deum, non sicut deum glorificauerunt, uiderunt hoc quod dicit Ioannes, quia per uerbum dei facta sunt omnia, Nam inueniuntur ista & in libris philosophorum. Et quia unigenitum filium habet deus, per quem facta sunt omnia, illud potuerunt uidere quod est, sed uiderunt de longe: noluerunt tenere humilitatem Christi, in qua nauis securi peruenirent ad id quod longe uidere potuerunt, & sorduit eis crux Christi. Mare transeundum est, & lignum contemnens: O sapientia superba, itridens crucifixū Christum,



C stum, ipse est quem longe uidisti. In principio erat uerbum, & uerbum erat apud deum, & deus erat uerbum. Sed quare crucifixus est? Quia lignum tibi humilitatis eius necessarium erat: Superbia enim tumeras, & longe ab illa patria proiectus eras, & fluctibus huius seculi interrupta est uia, & qua transeatur ad patriam, non est nisi ligno porteris. Ingrate, irrides eum qui ad te uenit ut redeas: Ipse factus est uia, & hoc per mare. Inde in mari ambulauit, ut ostenderet in mari esse uiam. Sed tu qui quomodo ipse ambulare in mari non potes, nauis portare, ligno portare: Crede in crucifixum, & poteris peruenire. Propterea crucifixus est, ut humilitatem doceret, & quia si sic ueniret ut deus non agnosceretur. Si enim sic ueniret ut deus, non ueniret eis qui uidere deum non poterant: Non enim secundum id quod deus est, aut uenit aut discedit, cum sit ubique praesens, & nullo loco contineatur. Sed secundum quid uenit? Quod apparuit homo. Quia ergo sic erat homo ut lateret in illo deus, missus est ante illum magnus homo, per cuius testimonium inueniretur plus quam homo. Et quis est hic? Fuit homo. Et quomodo posset iste uerum de deo dicere, nisi missus à deo? Quid uocabatur? Ioannes. Cui nomen erat Ioannes.) Quare uenit? Hic uenit in testimonium, ut testimonium perhiberet de lumine, ut omnes crederet per illum.) Qualis iste qui testimonium perhiberet de lumine? Magnum aliquid iste Ioannes, ingens meritum, magna gratia, magna celsitudo. Mirare, plane mirare, sed tanquam montem. Mons autem in tenebris est, nisi luce uestiatur: Ergo tantum mirare Ioannem, ut audias quid sequatur: Non erat ille lumen.) Ne cum montem putes lumen esse, naufragium in monte facias, non solatium inuenias. Sed quid debes mirari? Montem tanquam montem: Erige autem te ad illum qui illuminat montes, qui ad hoc erectus est, ut prior radios excipiat, & oculis tuis saucijs nunciet. Ergo non erat ille lumen: Quare igitur uenit? Sed ut testimonium perhiberet de lumine.) Ut quid hoc? Ut omnes crederent per illum.) Et de quo lumine testimonium perhiberet? Erat lux uera.) Quare additum est, uera? Quia & homo illuminatus dicitur lux, sed uera lux illa est quae illuminat: Nam & oculi nostri dicuntur lumina, & tamen nisi aut per noctem lucerna accendatur, aut per diem sol exeat, lumina ista sine causa patent. Sic ergo & Ioannes erat lux, sed non uera lux, quia per eum non illuminantur tenebrae, sed illuminatione factus est lux: nisi enim illuminaretur, tenebrae erat, sicut omnes impij, quibus iam credentibus dixit Apostolus, Fuiſtis enim aliquando tenebrae. Modo autem quia crediderunt, quid? Nunc autem lux, inquit, in domino. Nisi adderet in domino, non intelligeremus. Lux, inquit, in domino, tenebrae non in domino eratis. Fuiſtis enim aliquando tenebrae, ibi enim non addidit, in domino: Ergo tenebrae in uobis, lux in domino. Sic & ille non erat lux, sed ut testimonium perhiberet de lumine. Vbi autem est ipsa lux? Erat lux uera, quae illuminat omnem hominem uenientem in hunc mundum.) Si omnem hominem uenientem, & ipsum Ioannem: Ipse ergo illuminabat, à quo se demonstrari uolebat. Intelligat charitas uestra: Veniebat ad mentes infirmas, ad corda saucia, ad acrie animae lippientis. Ad hoc uenerat, unde posset anima uidere quod perfecte est: quomodo plerumque contingit, ut in aliquo corpore radiato cognoscat ortus esse sol, quae oculis uidere non possumus, quia & qui saucios habet oculos, idonei sunt uidere parietem illuminatum & illustratum à sole, uel montem uel arborem, aut aliquid huiusmodi idonei sunt uidere, & in alio illustrato demonstrat illis ortus ille, cui uidendo adhuc minus idonea acrie gerunt. Sic ergo illi montes ad quos Christus uenerat, minus idonei erant eum uidere: radiauit Ioannem, & per illum cognitus est ille qui illuminat, ac se illuminatum esse, non qui radiaret & illuminaret, cognitus est ille qui illuminat, cognitus est ille qui illustrat, cognitus est qui implet. Et quis est? Qui illuminat, inquit, omnem hominem uenientem in hunc mundum: nam si illinc non recederet, non esset illuminandus. Sed ideo hic illuminandus, quia illinc recessit, ubi homo semper poterat esse illuminatus. Quid ergo si uenit huc, ubi erat? In hoc mundo erat.) Hic erat & huc uenit: Hic erat per diuinitatem, & huc uenit per carnem, quia cum hic esset per diuinitatem, à stultis caecis & iniquis uideri non poterat. Ipsi iniqui tenebrae sunt, de quibus dictum est: Et lux lucet in tenebris, & tenebrae eam non comprehendunt

Matth. 14.

Ephes. 5

derunt. Ecce hic est & modo, & hic erat, & semper hic est, & nunquam recedit, & nusquam c  
recedit. Opus est ut habeas unde uideas quod tibi nunq̃ recedit: Opus est ut tu non rece/  
das ab eo, qui nusq̃ recedit: Opus est ut tu non deseras, & non desereris. Noli cadere, & non  
tibi occidet: Si tu feceris casum, ille tibi facit occasum: Si autem tu stas, præsens est tibi. Sed  
non stetisti, recordare unde cecideris: unde te deiecit qui prior te cecidit. Deiecit enim te, nō  
ui, non impulsu, sed uoluntate tua. Si enim malo non consentiret, staret, illuminatus mane/  
res. Modo autem quia iam cecidisti, & factus es saucius corde, unde uideri illa lux non po/  
test, uenit ad te talis qualem possis uidere, & talem se hominem præbuit, ut ab homine quæ/  
reret testimonium. Ab homine quærit testimonium deus, & deus testem habet hominem.  
Habet deus testem hominem, sed propter hominem. Tam infirmi sumus, ut per lucernam  
quæramus diem, quia lucerna dictus est ipse Ioannes domino dicente, Ille erat lucerna ar/  
dens & lucens, & uos uoluistis exultare ad horam in lumine eius: Ego autem habeo testi/  
monium maius Ioanne. Ergo ostendit quia propter homines uoluit per lucernam demon/  
strari ad fidem credentium, ut per ipsam lucernam inimici eius confunderentur. Illi enim  
inimici qui illum tentabant & dicebant: Dic nobis in qua potestate ista facis? Interrogabo  
uos & ego, inquit, unum sermonem, dicite mihi: Baptismum Ioannis unde est, de cælo an  
ab hominibus? Et turbati sunt, & dixerunt apud semetipsos: Si dixerimus de cælo, dictu/  
rus est nobis: Quare ergo non credidistis illi? Quia ille Christo perhibuerat testimonium,  
& dixerat, Non sum ego Christus, sed ille: Si autem ex hominibus dixerimus, timemus  
populum ne lapidet nos, quia tanquam prophetam habebant Ioannem. Timentes lapida/  
tionem, sed plus timentes ueritatis confessionem, responderunt mendacium ueritati, & men/  
tita est iniquitas sibi. Dixerunt enim, Nescimus. Et dominus quia ipsi contra se clausierant,  
negando se scire quod nouerant, nec ipse illis aperuit, quia nō pulsauerunt. Dictum est em̃,  
Pulsate, & aperietur uobis. Non solum autem illi, non pulsauerunt ut aperiretur, sed negan/  
do ostium ipsum contra se astrinxerunt. Et ait eis dominus: Nec ego dico uobis, in qua po/  
testate ista facio. Et confusi sunt per Ioannem, impletumq̃ in illis est, Paraui lucernā Chri/  
sto meo, inimicos eius induam confusione. In mundo erat, Et mundus per ipsum factus  
est.) Ne putes quia sicerat in mundo quomodo in mundo est terra, in mundo est cælum,  
in mundo est sol & luna & stellæ, in mundo arbores, pecora, homines: Non sic iste in mūdo  
erat. Sed quomodo erat? Quomodo artifex, regens quod fecit: Non enim sic fecit quomo/  
do facit faber arcam. Forinsecus est arca quam fecit, & illa in alio loco posita est cum fabrica/  
tur, & quamuis iuxta sit, ipse alio loco sedet qui fabricat & extrinsecus est ad illud quod fa/  
bricat: Deus autem mundo infusus fabricat ubiq̃ positus, fabricat & non recedit aliquo,  
non extrinsecus quasi uersat molem quam fabricat: Præsentia maiestatis facit quod facit,  
præsentia sua gubernat quod fecit. Sic ergo erat in mundo, quomodo per eum mundus a/  
ctus est: Per ipsum enim mundus factus est, & mundus eum non cognouit. Quid est, mun/  
dus factus est per ipsum? Cælum & terra, mare & omnia quæ in eis sunt, mundus dicitur.  
Iterum alia significatione, dilectores mundi mundus dicuntur. Mundus per ipsum fa/  
ctus est, Et mundus eum non cognouit) Num enim cæli, non cognouerunt creatorem  
suum, aut angeli non cognouerunt creatorem suum, aut non cognouerunt creatorem su/  
um sidera, quem confitentur dæmonia? Omnia undique testimonium perhibuerunt.  
Sed qui non cognouerunt? Qui amando mundum, dicti sunt mundus: Amando enim  
habituamus corde. Amando autem hoc appellari meruerunt, quod ille ubi habitabant,  
quomodo dicimus, mala est illa domus, aut bona est illa domus: Non in illa quam di/  
cimus malam parietes accusamus, aut in illa quam dicimus bonam parietes laudamus,  
sed malam domum, inhabitantes malos, & bonam domum, inhabitantes bonos: Sic &  
mundum, qui inhabitant amando mundum: qui sunt qui diligunt mundum. Ipsi enim  
corde habitant in mundo: Nam qui non diligunt mundum, carne uersantur in mundo,  
sed corde inhabitant cælum, sicut Apostolus dicit, Nostra autem conuersatio in cælis est.



- A Ergo mundus per eum factus est, & mundus eum non cognouit. In sua propria uenit,) quia omnia ista per eum facta sunt, Et sui eum non receperunt.) Qui sui? Homines quos fecit. Iudæi quos primitus fecit super omnes gentes esse, quia aliæ gentes idola adorabant, & dæmonibus seruiebant: Ille autem populus natus erat de semine Abraæ, & ipsi maxime sui, quia & per carnem quam suscipere dignatus est cognati. In sua propria uenit, & sui eum non receperunt. Omnino nullus recepit? Nullus ergo saluus factus est? Nemo ergo saluus fiet, nisi qui Christum susceperit ueniētem. Sed addidit, Quotquot autē receperunt eum.) Quid eis præstitit? Magnam beueuolentiam, magnam misericordiam. Vnicus natus est, & noluit manere unus. Multi homines cū filios nō habuerint, peracta ætate adoptant sibi, & uoluntate faciunt quod natura non potuerunt: hoc faciunt homines. Si autē aliquis habeat filium unicum, gaudet de illo magis, quia solus omnia possessurus est, & non habebit qui cum eo diuidat hæreditatem, ut pauperior remaneat. Non sic deus, unicum eundem ipsum quem genuerat, & per quem cuncta creauerat, misit in hunc mundum, ut non esset unicus, sed fratres haberet adoptatos. Nō enim nos nati sumus de deo quomodo ille unigenitus, sed adoptati per gratiam ipsius. Ille enim uenit unigenitus ut solueret peccata, qui genitus, sed adoptati per gratiam ipsius. Ille enim uenit unigenitus ut solueret peccata, qui genitus, sed adoptati per gratiam ipsius. Ille enim uenit unigenitus ut solueret peccata, qui genitus, sed adoptati per gratiam ipsius.
- B salutem, nos eum possideamus sicut lucem. Quid ergo dedit his qui receperunt illum? Dedit eis potestatem filios dei fieri, his qui credunt in nomine eius.) ut teneant lignum & mare transeant. Et quomodo illi nascuntur? Isti quia filij dei & fratres Christi, utiq; nascuntur: Nam si nō nascuntur, filij quomodo esse possunt? Sed filij hominū nascuntur ex carne & sanguine, & ex uoluntate uiri & complexu coniugij. Illi autem quomodo ei nascuntur? Qui non ex sanguinibus,) tanq; maris & foeminae. Sanguines non est latinum, sed quia græce positum est pluraliter, maluit ille qui interpretabatur sic ponere, & quasi minus latine loqui secundū Grammaticos, & tamē explicare ueritatem secundū auditum uerborum. Si enim diceret ex sanguine, singulari numero, non explicaret quod uolebat, Ex sanguinibus enim homines nascuntur maris & foeminae. Dicamus ergo, nō timeamus ferulas Grammaticorum, dum tamen ad ueritatem solidam & certiolem perueniamus. Reprehendit qui intellit, ingratus quia intellexit: Non ex sanguinibus, neq; ex uoluntate carnis, neq; ex uoluntate uiri.) Carnem pro foemina posuit, quia de costa cum facta esset, Adam dixit, Hoc nunc os ex ossibus meis, & caro de carne mea. Et Apostolus ait, Qui diligit uxorem suam, nunc os ex ossibus meis, & caro de carne mea. Et Apostolus ait, Qui diligit uxorem suam, seipsum diligit: nemo enim unq; carnem suam odio habet. Ponitur ergo caro pro uxore, quomodo & aliquādo spiritus pro marito. Quare? Quia ille regit, hæc regitur: ille imperare debet, ista seruire: nā ubi caro imperat, & spiritus seruit, peruersa domus est. Quid peius in domo, ubi foemina habet imperium super uirum? Recta autem domus ubi uir imperat, foemina obtemperat. Rectus ergo ipse homo ubi spiritus imperat, caro seruit. Hi ergo non ex uoluntate carnis, neq; ex uoluntate uiri, sed ex deo nati sunt.) Vt autem homines nasceretur ex deo, primo ex ipsis natus est deus. Christus enim deus, & Christus natus ex hominibus, non quæsiuit quidē nisi matrem in terra, quia iam patrem habebat in cælo: natus ex deo per quem efficeremur, natus ex foemina per quē reficeremur. Noli ergo mirari o homo, quia efficeris filius per gratiam, quia nasceris ex deo secundū uerbum eius. Prius ipsum uerbum uoluit nasci ex homine, ut tu securus nascereris ex deo, & diceres tibi, Nō sine causa
- b deus

deus nasci ex homine uoluit, nisi quia alicuius momenti me existimauit, ut immortalem me faceret, & pro me mortaliter nasceretur. Ideo cum dixisset, ex deo nati sunt, quasi ne miraremur & exhorreremus tantam gratiam, ut nobis incredibile uideretur, quia homines ex deo nati sunt, quasi securum te faciens, ait, Et uerbum caro factum est, & habitauit in nobis.) Quid ergo miraris, quia homines ex deo nascuntur? Attende ipsum deum natum ex hominibus. Et uerbum caro factum est, & habitauit in nobis: quia uero uerbum caro factum est, & habitauit in nobis, ipsa natiuitate collyrium fecit, unde tergerentur oculi cordis nostri, ut possimus uidere maiestatem eius per eius humilitatem. Ideo factum est uerbum caro, & habitauit in nobis: sanauit oculos nostros. Et quid sequitur? Et uidimus gloriam eius.) Gloriam eius nemo poterat uidere, nisi carnis humilitate sanaretur, unde non poteramus uidere. Intendat ergo charitas uestra, & uidete quod dico. Irruerat homini quasi puluis in oculum, irruerat terra, sauciauerat oculum, uidere non poterat lucem. Oculi enim collyria & medicamenta nihil sunt, nisi de terra. De puluere cecatus es, de puluere sauctibus carnalibus, inde fuerat oculus cordis cecatus: Verbum caro factum est. Medicus iste tibi fecit collyrium. Et quoniam sic uenit ut de carne uitia carnis exstingeret, & de morte occideret mortem: ideo factum est in te, ut quoniam uerbum caro factum est, possis dicere, Et uidimus gloriam eius. Qualem gloriam? Qualis factus est filius hominis. Illa humilitas ipsius est, non gloria ipsius. Sed ad quod perducta est acies hominis curata per carnem? Vidimus, inquit, gloriam eius, gloriam quasi unigeniti a patre, plenum gratiae & ueritatis.) De gratia & ueritate alio loco uberius in ipso euangelio, si dominus dignatus fuerit donare, tractabimus. Haec nunc sufficiant, & aedificamini in domino Iesu Christo, & confortamini in fide, & uigilate in bonis operibus, & a ligno nolite recedere, per quod possitis mare transire. Ab eo quod scriptum est, Ioannes testimonium perhibet de ipso, usque ad id quod ait, Lex per Moysen data est, gratia & ueritas per Iesum Christum facta est, Tractatus tertius.

**G**RATIAM & ueritatem dei, qua plenus sanctus apparuit unigenitus filius domini & saluator noster Iesus Christus, distinguendam a ueteri testamento, quoniam res est noui testamenti, suscepimus in nomine domini, & uestrae charitati promissimus. Adestote ergo intenti, ut & quantum capio, donet deus, & quantum capitis, audiatis. Reliquum enim erit, ut si semen quod spargitur in cordibus uestris, non abstulerint aues, nec spinae praefocauerint, nec aestus exusserint, accedente pluuia hortationum quotidianarum, & cogitationibus uestris bonis quibus hoc agitur in corde, quod agitur in agro rastris, ut gleba frangatur, & semen operiatur, & germinare possit ut afferat fructum, ad quem gaudeat & laetetur agricola. Si autem pro semine bono & pro pluuia bona, non fructum, sed spinas attulerimus, nec semen accusabitur, nec pluuia erit in crimine, sed spinis ignis debitus praeparabitur. Homines sumus, quod puto non diu esse suadendum charitati uestrae, Christiani, & si Christiani, utique ipso nomine ad Christum pertinentes. Huius signum in fronte gestamus: de quo non erubescimus, si & in corde gestamus. Signum eius est humilitas eius. Per stellam eum magi cognouerunt, & erat hoc signum de domino datum coeleste atque preclarum. Noluit stellam esse in fronte fidelium signum suum, sed crucem suam: unde humiliatus, inde glorificatus est. Inde erexit humiles, quo humiliatus ipse descendit. Pertinemus ergo ad euangelium, pertinemus ad nouum testamentum. Lex per Moysen data est, gratia autem & ueritas per Iesum Christum facta est. Interrogamus Apostolum, & dicit nobis, Quoniam non sumus sub lege, sed sub gratia, Misit ergo filium suum factum ex muliere, factum sub lege, ut eos qui sub lege erant redimeret, ut adoptionem filiorum reciperemus. Ecce ad hoc uenit Christus, ut eos qui sub lege erant redimeret, ut iam non simus sub lege, sed sub gratia. Quis ergo dedit legem? Ille dedit legem, qui dedit & gratiam: Sed

Rom. 6

Gal. 4



**A** Sed legem per seruum misit, cū gratia ipse descendit. Et unde facti erant homines sub lege? Non implendo legem: qui enim legem implet, nō est sub lege, sed cum lege: qui autem sub lege est, non subleuatur, sed premitur lege. Omnes itaq; homines sub lege constitutos reos facit lex, & ad hoc illis super caput est, ut ostendat peccata, non tollat. Lex ergo iubet, dator legis miseretur. In eo q; lex iubet, conantes homines implere uiribus suis quod à lege præceptum est, ipsa sua temeritate & præcipiti præsumptione ceciderunt, & non sunt cum lege, sed sub lege facti sunt rei. Et quoniam suis uiribus implere nō poterant legem, facti rei sub lege, implorauerunt liberatoris auxilium, & reatus legis fecit ægritudinem superbis. Ægritudo superbiorum, facta est confessio humiliorum. Iam confitentur ægroti qui ægrotant, ueniat medicus, & sanct ægrotos. Medicus quis est? Dominus noster Iesus Christus: Quis dominus noster Iesus Christus? Ille qui uisus est ab eis à quibus crucifixus est. Ille qui apprehensus, colaphizatus, flagellatus, sputis illitus, spinis coronatus, in cruce suspensus, mortuus, lancea uulneratus, de cruce depositus, in sepulchro positus. Ille ipse dominus noster Iesus Christus: ille ipse planē, & ipse est totus medicus uulnerum nostrorum crucifixus. Ille cui insultatum est, quo pendente persecutores caput agitabant, & dicebant, Si filius dei es, descende de cruce. Ipse est totus medicus noster, ipse planē. Quare ergo non ostendit insultantibus quia ipse erat filius dei, ut si se permisit in cruce leuari, saltem cum illi dicerent, Si filius dei est, descendat de cruce: tunc descenderet & ostenderet eis uerum se esse filium dei, quem illi ausi fuerant irridere? Noluit. Quare noluit? Nunquid quia non potuit? Potuit planē. Quid est enim amplius, de cruce descēdere, an de sepulchro surgere? Sed pertulit insultantes: nam crux non ad potentiæ documentum, sed ad exemplum patientiæ suscepta est. Ibi uulnera tua curauit, ubi sua diu pertulit. Ibi à morte sempiterna sanauit, ubi temporaliter mori dignatus est: & mortuus est. An non in illo mors mortua est? Qualis mors? Quæ mortem occidit. Ipse est tamen dominus noster Iesus Christus totus, qui uidebatur & tenebatur & crucifigebatur? Non totum hoc ipse est. Hoc ipse est quidem: sed non totum illud

**B** quod uidebatur à Iudæis, non hoc est totum Christus. Et quid est? In principio erat uerbum. In quo principio? Et uerbum erat apud deum. Et quale uerbum? Et deus erat uerbum. Nūquid forte à deo factum est hoc uerbum? Non. Hoc enim erat in principio apud deum. Quid ergo, alia quæ fecit deus non similia sunt uerbo? Non. Quia omnia per ipsum facta sunt, & sine ipso factū est nihil. Quomodo per ipsum omnia sunt facta? Quia quod factum est, in ipso uita erat, & anteq; fieret, uita erat. Quod factum est, non est uita: sed in arte, hoc est in sapientia dei, anteq; fieret uita erat. Quod factum est, transijt: quod est in sapientia, transire non potest. Vita ergo in illo erat quod factum est. Et qualis uita? Quia & anima corporis uita est. Corpus nostrum habet uitam suam, quam cum amiserit, mors est corporis. Talis ergo erat illa uita? Non. Sed uita erat lux hominum. Nunquid lux pecorum? Nam ista lux & hominum & pecorum est. Est quædam lux hominum, unde distant homines à pecoribus. Videamus, & tunc intelligemus quid sit lux hominum. Non distas à pecore, nisi intellectu. Noli aliunde gloriari. De uiribus præsumis, à bestiis uinceris: de uelocitate præsumis, à muscis uinceris: de pulchritudine præsumis, quanta pulchritudo est in pennis pauonis? Vnde ergo melior? Ex imagine dei. Vbi imago dei? In mente, in intellectu. Si ergo ideo melior pecude, quia habes mentem qua intelligas, quod non potest pecus intelligere: inde autē homo, quia melior pecore. Lux hominum est lux mentium: lux mentium supra mentes est, excedit omnes mentes. Hoc enim erat uita illa per quam facta sunt omnia. Vbi erat? Hic erat. An apud patrem erat, & hic non erat? An quod uerius est & apud patrem erat & hic erat? Si ergo hic erat, quare non uidebatur? Quia lux in tenebris lucet, & tenebræ eam non comprehenderunt. O homines, nolite esse tenebræ, nolite esse infideles, iniqui, rapaces, auari, amatores seculi. Hæ sunt tenebræ. Lux non est absens, sed uos absentes estis à luce. Cæcus in sole præsentem habet solem, sed absens est ipse soli. Nolite ergo esse tenebræ. Hæc est enim forte gratia de qua dicturus sum. Utinam non simus tenebræ.

Ephr. 5 bræ, & dicat nobis Apostolus, Fuiſtis aliquando tenebræ, nūc autem lux in domino. Quia  
 ergo non uidebatur lux hominum, id eſt lux mentium, opus erat ut homo diceret de luce  
 teſtimonium, nō quidem tenebroſus, ſed iam illuminatus: nec tamen quia illuminatus ideo  
 ipſe lux, ſed ut teſtimonium perhiberet de lumine: nam nō erat ille lux. Et quæ erat illa lux?  
 Erat lux uera, quæ illuminat omnem hominem uenientē in hunc mūdum. Et ubi erat iſta?  
 In hoc mundo erat. Et quomodo in hoc mundo erat, nunquid ſicut iſta lux ſolis, lunæ, lu-  
 cernarum, ſic & iſta lux in mundo eſt? Non. Quia mundus per eum factus eſt, & mundus  
 eum nō cognouit: hoc eſt, lux in tenebris lucet, & tenebræ eā non cōprehenderunt: mundus  
 enim tenebræ, quia dilectores mundi, mundus. Non enim creatura non agnouit creatorem  
 ſuum: teſtimonium dedit cœlum de ſtella: teſtimonium dedit mare, portans ambulanti-  
 domini ſuum: teſtimonium dederunt uenti, qui ad eius iuſſum quieuerunt: teſtimonium  
 dedit terra, illo crucifixo contremuit. Si omnia iſta teſtimonium dederunt, quomodo mun-  
 dus eum non cognouit, niſi quia mundi dilectores ſunt mundi, corde habitantes mūdum?  
 Et malus mundus, quia mali homines habitatores mundi: ſicut mala domus, non parietes,  
 ſed inhabitantes. In propria uenit, id eſt, in ſua uenit, & ſui eum non receperūt. Quæ ergo  
 ſpes eſt, niſi quia quotquot receperūt eum, dedit eis poteſtatem filios dei fieri? Si filij fiunt,  
 naſcuntur: ſi naſcuntur, quomodo naſcuntur? Non ex carne, non ex ſanguinibus, nō ex uo-  
 luntate carnis, non ex uoluntate uiri, ſed ex deo nati ſunt. Gaudeant ergo, quia ex deo nati  
 ſunt: præſumant ſe pertinere ad deum, accipiant documentum, quia ex deo nati ſunt. Et uer-  
 bum caro factum eſt, & habitauit in nobis. Si uerbum non erubuit naſci de homine, homi-  
 nes erubeſcunt naſci de deo? Hoc autem quia fecit, curauit: quia curauit uidemus. Hoc eſt  
 enim quod uerbum caro factum eſt, & habitauit in nobis: medicamentum nobis factū eſt,  
 ut quia terra cæcabamur, de terra ſanaremur, & ſanati quid uideremus? Et uidimus, inquit,  
 gloriam eius, gloriam tanq̃ unigeniti à patre, plenū gratiæ & ueritatis. Ioannes teſtimo-  
 nium perhibet de ipſo & clamat, dicens, Hic erat quem dixi, Qui poſt me uenit, ante me fa-  
 ctus eſt. Poſt me uenit, & præceſſit me. Quid eſt, ante me factus eſt? Præceſſit me, non fa-  
 ctus eſt anteq̃ factus eſſem ego, ſed antepoſitus eſt mihi, hoc eſt, ante me factus eſt. Quare  
 ante te factus eſt, cum poſt te uenerit? Quia prior me erat. Prior te o Ioannes. Quid ma-  
 gnum ſi prior te? Bene, quia tu illi perhibes teſtimonium. Audiamus ipſum dicentem, Et  
 ante Abraam ego ſum. Sed & Abraam in medio generis humani ortus eſt: multi ante il-  
 lum, multi poſt illum. Audi uocem patris ad filium, Ante luciferum genui te. Qui ante luci-  
 ferum genitus eſt, omnes ipſe illuminat. Dictus eſt enim quidā lucifer qui cecidit: erat enim  
 angelus, & factus eſt diabolus: & dixit de illo ſcriptura, Lucifer qui mane oriebatur, cecidit.  
 Vnde lucifer? Quia illuminatus lucebat. Vnde autem tenebroſus factus? Quia in ueritate  
 nō ſterit. Ergo ille ante luciferū, ante omnē illuminatū: ſiquidē ante omnē illuminatum eſſe  
 neceſſe eſt, à quo illuminatur omnes qui illuminari poſſunt: ideo hoc ſequitur, Et de pleni-  
 tudine eius nos omnes accepimus. Quid accepiftis? Et gratiā pro gratiā. Sic enim habēt  
 uerba euangelica collata cū exemplaribus græcis. Nō ait, Et de plenitudine eius nos omnes  
 accepimus, gratiā pro gratiā: ſed ſic ait, Et de plenitudine eius nos omnes accepimus, & gra-  
 tiā pro gratiā: id eſt accepimus, ut neſcio quid nos uoluerit intelligere de plenitudine eius ac-  
 cepiſſe, & inſuper, gratiā pro gratiā. Accepimus enim de plenitudine eius, primo gratiā: &  
 rurſum accepimus gratiā pro gratiā. Quā gratiā primo accepimus? Fidē. In fide ambulan-  
 tes in gratiam ambulamus. Vnde enim hoc meruimus? Quibus noſtris præcedētibz me-  
 ritis? Non ſe quiſq; compalpet, redeat in conſciētiam ſuam, quærat latebras cogitationum  
 ſuarum, redeat ad ſeriem factorū ſuorum: non attendat quid ſit ſi iam aliquid eſt, ſed quid  
 fuerit ut eſſet aliquid, inueniet non ſe dignum fuiſſe niſi ſupplicio. Si ergo ſupplicio dignus  
 fuiſti, & uenit ille qui non peccata puniret, ſed peccata donaret, gratiā tibi data eſt, non mer-  
 ces reddita. Vnde uocatur gratiā? Quia gratis datur. Non enim præcedētibz meritis eam  
 emiſti quod accepifti. Hanc ergo accepit gratiam primam peccator, ut eius peccata dimitte-  
 rentur.



**A** rentur. Quid meruit? Interroget iustitiam, inueniet pœnam. Interroget misericordiam, inueniet gratiam. Sed hoc promiserat deus per prophetas. Itaq; cum uenit dare quod promiserat, non solum gratiã dedit, sed & ueritatem. Quomodo exhibita est ueritas? Quia factum est quod promissum est. Quid est ergo gratiã pro gratiã? Fide promeremur deum, & qui digni non eramus quibus peccata dimitterentur, ex eo quia tantum donum indigni accepimus, gratia uocatur. Quid est gratiã? Gratis data. Quid est gratiã? Gratis donata, non red dita. Si tibi debebatur, merces reddita est, nō gratia donatã. Si autē uere debebatur, bonus fuisti: si autem non merito tuo, ut uerum est, malus fuisti. Credidisti autem in eum qui iustificat impium. Quid est qui iustificat impium? Ex impio facit pium. Cogita quid per legem tibi imminere debebat, & quid per gratiam cōsecutus sis. Si consecutus autem es istam gratiam fidei, eris iustus ex fide. Iustus enim ex fide uiuit, & promerebis deum uiuēdo ex fide. Cum promerueris deum uiuēdo ex fide, accipies præmium immortalitatem, & uitam æternam: & illa gratia est, Non pro merito quidem accipies uitam æternam, sed tātum pro gratia. Si enim, fides gratia est, & uita æterna quasi merces est fidei, uidetur quidem deus uitam æternam tantq; debitam reddere. Cui debitam? Fideli, quia promeruit illā per fidem. Sed quia ipsa fides gratia est, & uita æterna gratiã est pro gratiã: audi Paulum apostolum confitentem gratiam, & postea debitum expetentem. Confessio gratiæ quæ est in Paulo? Qui *1. Timoth. 1* prius fui blasphemus & persecutor & iniuriosus, sed misericordiam, inquit, consecutus sum. Indignum se dixit qui consequeretur, consecutum tamen non per merita sua, sed per misericordiam dei. Audi illum iam flagitantem debitum, qui primo indebitam suscepit gratiam. Ego enim, inquit, iam immolor, & tempus resolutionis meæ instat, bonum certamen *2. Timoth. 4* certauī, cursum consummaui, fidem seruaui, de cetero reposita est mihi corona iustitiæ. Iam debitum flagitat, iam debitum exigit. Nam uide uerba sequentia, Quam mihi reddet dominus in illa die, iustus iudex. Vt ante susciperet gratiam, misericordem patrem opus habebat: ut præmium gratiæ, iudicem iustum, qui nō damnauit impium, donauit fidelem. Et tamen si bene cogites, ipse dedit fidem primo, qua eum promeruisti: non enim de tuo promeruisti, ut tibi aliquid deberetur. Quod ergo præmiū immortalitatis postea tribuit, dona sua coronat, nō merita tua. Ergo fratres, omnes de plenitudine eius accepimus. De plenitudine misericordiæ eius, de abundantia bonitatis eius accepimus. Quid? Remissionem peccatorum, ut iustificaremur ex fide. Et insuper quid? Gratiam pro gratiã, id est, pro hac gratiã in qua ex fide uiuimus, recepturi sumus aliam. Quid tamē nisi gratiam? Nam si dixero, quia & hoc debetur, aliquid mihi assigno quasi cui debebatur. Coronat autem in nobis deus dona misericordiæ suæ, si in ea gratiã quam primum accepimus, perseveranter ambulemus.

**B** Lex enim per Moysen data est, quæ reos tenebat. Quid enim ait Apostolus, Lex subintravit, ut abundaret delictum. Hoc proderat superbis, ut abundaret delictū: multum enim sibi dabant, & quasi uiribus suis multum assignabant, & non poterant implere iustitiã, nisi adiuuaret ille qui iustus erat. Superbiam illorum uolens domare deus, dedit legem, tantq; dicens, Ecce implete, ne putetis deesse iubētem. Non deest qui iubeat, sed deest qui impleat. Si ergo deest qui impleat, unde non implet? Quia natus cum traduce peccati & mortis, de Adam natus traxit secum quod ibi conceptum est. Cecidit primus homo, & omnes qui de illo nati sunt, de illo traxerunt concupiscētiã carnis. Oportebat ut nasceretur alius homo, qui nullam traxit concupiscētiã, homo & homo, homo ad mortem, & homo ad uitam: sicut dicit Apostolus, Quoniãquidem per hominē mors, & per hominem resurrectio mortuorum. Per quem hominem mors, & per quem hominem resurrectio mortuorum? Noli festinare. Sequitur & dicit, Sicut enim in Adā omnes moriuntur, sic & in Christo omnes uiuificabuntur. Qui pertinent ad Adam? Omnes qui nati sunt de Adam. Qui ad Christum? Omnes qui nati sunt p Christum. Quare omnes in peccato? Quia nemo natus est præter Adam. Vt autē omnes nascerentur ex Adā, necessitatis fuit ex damnatione nasci: per Christum, uolūtatis est & gratiæ, Non cogūtur homines nasci per Christū, non quia uoluerunt, b 3 nati

nati sunt ex Adam: omnes tamen qui ex Adam cū peccato, peccatores: omnes qui per Christi  
 stum iustificati, iusti, non in se sed in illo: nam in se si interrogas, Adam sunt: in illo si interro- C  
 ges, Christi sunt. Quare? Quia ille caput dominus noster Iesus Christus, non cum traduce  
 peccati uenit, sed tamen uenit cum carne mortali. Mors peccatorum pœna erat, in domino  
 munus misericordiæ erat, non pœna peccati. Non enim aliquid habebat dominus, quare  
 iuste moreretur. Ipse ait, Ecce uenit princeps huius mundi, & in me nihil inuenit. Quare er-  
 go moreris? Sed ut sciant omnes quia uoluntatem patris mei facio, surgite eamus hinc.  
 Non habebat ille quare moreretur, & mortuus est: tu habes quare, & mori dedignaris. Di-  
 gnare æquo animo pati per meritum tuum, quod ille pati dignatus est, ut te à sempiterna  
 morte liberaret. Homo & homo: sed ille non nisi homo: iste deus & homo. Ille homo pec-  
 cati, iste homo iustitiæ. Mortuus es in Adam, resurge in Christum, nam utrunq; debetur ti-  
 bi. Iam credidisti in Christum, reddes tamen quod debes de Adam. Sed nō te in æternum  
 tenebit uinculum peccati: quia mortem tuam æternam occidit mors temporalis domini dei  
 tui. Ipsa est gratia fratres mei, ipsa est & ueritas, quia & promissa & exhibita. Non erat ista  
 in ueteri testamento, quia lex minabatur, non opitulabatur: iubebat, non sanabat: languo-  
 rem ostendebat, non auferebat: sed illi præparabat medico uenturo cum gratia & ueritate:  
 tanq̃ ad aliquem quem curare uult medicus, mittat primum seruum suū, ut ligatum illum  
 inueniat. Sanus non erat, & sanari nolebat, & ne sanaretur, sanum se esse iactabat. Missa lex  
 est, ligauit eum, inuenit se reum, iam clamabat de ligatura. Venit dominus, curat amaris ali-  
 quantum & acerbis medicamentis: Dicit enim agrote, ferto: dicit, tolera: dicit, noli diligere  
 mundum, habeto patientiam, curet te ignis continetia, ferrum persecutionum tolerant uul-  
 nera tua. Expauescebas qui fuisti ligatus, liber ille & nō ligatus bibit quod tibi dabat: prior  
 passus est ut te consolaretur, tanq̃ dicens, Quod times pati pro te, prior patior pro te. Hac  
 est gratia & magna gratia, quis illā digne collaudat? De humilitate Christi loquor fratres  
 mei: Maiestatem Christi & diuinitatem Christi, quis loquitur in explicando & dicendo? D  
 Ut quoquo modo humilitatem Christi loquamur nō sufficimus, imō deficimus, totum co-  
 gitantibus cōmittimus, non audientibus adimplemus, Cogitate humilitatem Christi. Sed  
 quis nobis, inquis, eam explicat, nisi tu dicas? Ille intus dicat, melius illud dicit qui intus ha-  
 bitat, q̃ qui foris clamat. Ipse uobis ostendat gratiam humilitatis suæ, qui cœpit habitare  
 in cordibus uestris. Iam uero si in eius humilitate explicanda & eroganda deficimus, maie-  
 statem eius quis loquatur? Si uerbum caro factū conturbat nos, In principio erat uerbum,  
 quis explicabit? Tenete ergo fratres mei soliditatem istam. Lex per Moysen data est, gra-  
 tia & ueritas per Iesum Christum facta est.) Per seruum lex data est, reos fecit: per impera-  
 torem indulgentia data est, reos liberauit. Lex per Moysen data est: Non sibi aliquid am-  
 plius seruus assignet, q̃ quod per illum factum est. Electus ad magnum ministerium tanq̃  
 fidelis in domo, sed tamen seruus agere secundū legem potest, soluere à reatu legis non po-  
 test. Lex ergo per Moysen data est, gratia & ueritas per Iesum Christum facta est. Et forte  
 aliquis dicat, Et gratia & ueritas non est facta per Moysen, qui uidit deum? Statim subiecit,  
 Deum nemo uidit unquam.) Et unde innotuit Moyse deus? Quia reuelauit seruo suo do-  
 minus. Quis dominus? Ipse Christus qui præmisit legem per seruum, ut ueniret ipse cum  
 gratia & ueritate. Deum enim nemo uidit unq̃. Et unde illi seruo quantum capere posset  
 apparuit? Sed unigenitus, inquit, filius qui est in sinu patris, ipse enarrauit.) Quid est in  
 sinu patris? In secreto patris. Non enim deus habet sinum, sicut nos habemus in uestibus,  
 aut cogitandus est sic sedere quomodo nos, aut forte cinctus est ut sinum haberet: sed quia  
 sinus noster intus est, secretum patris, sinū patris uocamus. In secreto patris qui patrē nouit,  
 ipse enarrauit: Nā deum nemo uidit unq̃. Ipse ergo uenit, & narrauit quicquid uidit. Quid  
 uidit Moyses? Moyses uidit nubē, uidit angelum, uidit ignem, omnis illa creatura typum  
 domini sui gerebat, non ipsius domini præsentiam exhibebat: Nanq; aperte habes in lege,  
 Et loquebatur Moyses cū domino, ecōtra in in contra, sicut amicus cū amico suo. Si quaeris  
 ipsam

IOH. 1.4

Exod. 3



A ipsam scripturam, inuenies Moysen dicentem, Si inueni gratiam in conspectu tuo, ostende mihi teipsum manifeste ut uideam te. Et parum est quia dixit: responsum accepit, Non potes uidere faciem meam. Loquebatur ergo fratres charissimi cum Moyse angelus, portans typum domini, & illa omnia quæ ibi per angelum facta sunt, futuram istam gratiam & ueritatem promittebāt. Qui bene scrutatur legem, nouerūt: & cum opportunum est, ut & nos aliquid inde dicamus, quantum dominus reuelat, nō tacemus charitati uestræ. Illud autem sciatis, quia omnia quæ corporaliter uisa sunt, non erāt illa substantia dei. Illa enim carneis oculis uidemus, dei substantia unde uidetur? Euangelium interroga, Beati mundo corde, quia ipsi deum uidebunt. Fuerunt homines qui dicerent uanitate sui cordis decepti: Pater inuisibilis est, filius autem uisibilis est. Vnde uisibilis nisi propter carnem? quia suscepit carnem, manifestum est. Illi enim qui carnem Christi uiderunt, aliqui crediderunt, aliqui crucifixerunt. Et qui crediderunt, illo crucifixo nutauerant, & nisi ipsam post resurrectionem palparent, fides ad eos non reuocaretur. Si ergo propter carnem uisibilis filius est, & nos concedimus, & est catholica fides: si autem ante carnem uisibilis, sicut ipsi dicunt, id est, anteq̃ incarnaretur, multum delirant, & multum errant. Facta enim sunt illa uisibilia corporaliter per creaturam, in quibus typus ostenderetur, non utiq̃ substantia ipsa demonstrabatur & manifestabatur. Et hoc attendat charitas uestra leue documentum. Sapiētia dei uideri oculis non potest. Fratres, si Christus sapiētia dei & uirtus dei, si Christus uerbum dei: uerbum hominis oculis nō uidetur, uerbum dei uideri sic potest? Expellite ergo de cordibus uestris carnales cogitationes, ut uere sitis sub gratia, ut ad nouum testamentū pertineatis: ideo uita aeterna promittitur in nouo testamento. Legite uetus testamentum & uidete, quia carnali adhuc populo ea quidē præcipiebantur quæ nobis. Nam unum deum colere & nobis præcipitur: Nō accipies in uanum nomen domini dei tui: & nobis præcipitur, quod est secundū præceptum. Obserua diē sabbati: magis nobis præcipit, quia spiritualiter obseruādum præcipitur: Iudæi enim seruiliter obseruabāt diē sabbati, ad luxuriā, ad ebrietatem. Quanto melius sceminae eorum lanam facerent, q̃ illo die in Neomenijs saltarent. Absit fratres, ut illos dicamus obseruare sabbatum. Spiritualiter obseruat sabbatum Christianus, abstines se ab opere seruili. Quid est enim ab opere seruili? A peccato. Et unde probamus? Dominum interroga, Omnis qui facit peccatum, seruus est peccati. Ergo & nobis præcipitur spiritualiter obseruatio sabbati. Nā illa omnia præcepta nobis magis præcipiuntur, & obseruāda sunt, Non occides: Non mœchaberis: Non furaberis, Non falsum testimonium dices: Honora patrem tuum & matrem tuam: Non concupisces rem proximi tui: Non concupisces uxorem proximi tui. Nōne ista omnia & nobis præcipiuntur? Sed quare mercedem, & inuenies ibi dici, Ut expellātur hostes à facie tua, & accipietis terram quam promisit deus patribus uestris: quia non poterant capere inuisibilia, per uisibilia tenebantur. Quare tenebantur? Ne penitus interirent & ad idola laberentur. Nam fecerūt hoc fratres mei sicut legitur, oblitī tanta miracula quæ fecit deus coram oculis eorum. Mare discissum est, uia facta est in medijs fluctibus, sequentes hostes eorum iisdem aquis operti sunt, per quas illi transierunt. Et cum Moyses homo dei recessisset ab oculis eorum, idolum petierunt & dixerunt, Fac nobis deos qui nos præcedant, quia ille homo dimisit nos. Tota spes eorum in homine posita erat, non in deo. Ecce mortuus est homo, nūquid mortuus est deus, qui eruit eos de terra Ægypti? Et cum fecissent sibi imaginem uituli, adorauerunt & dixerunt, Hi sunt dii tui Israël, qui te liberauerūt de terra Ægypti. Quām cito oblitī tā magnificam gratiam? Quibus ergo modis teneretur populus talis, nisi promissis carnalibus? Ea ibi iubentur in decalogo legis quæ & nobis, sed nō ea promittuntur quæ nobis. Nobis quid promittitur? Vita aeterna. Hæc est autem uita aeterna, ut cognoscant te unum uerum deum, & quem misisti Iesum Christum. Cognitio dei promittitur: ipsa est gratia pro gratia. Fratres, modo credimus, non uidemus. Pro ista fide præmium erit uidere quod credimus. Nouerant hoc prophetae, sed occultum erat anteq̃ ueniret. Nam quidā suspirans amator in psalmis dicit,

*Psal. 26* Vnam petij à domino hanc requiram. Et quæris quid petat: Forte enim terram petit fluentem lacte & melle carnaliter, quamvis spiritualiter ista quærēda sit & petenda: aut forte subiectionem hostium suorum, aut mortē inimicorum, aut imperia, & facultates huius seculi. Ardet enim amore, & multum suspirat, & æstuat & anhelat. Videamus quid petat, Vnam petij à domino, hanc requirā. Quid est hoc quod requirit: Vt inhabitem in domo domini, per omnes dies uitæ meæ. Et puta quia habitas in domo domini, unde ibi erit gaudiū tuū: Vt contempler, inquit, delectationem domini. Fratres mei, unde clamatis, unde exultatis: unde amatis, nisi quia ibi est scintilla huius charitatis: Quid desideratis rogo uos: Quod uideri potest oculis, tangi potest. Pulchritudo aliqua est quæ oculos delectat. Nōne martyres amati sunt uehementer, & quando eos commemoramus, inardescimus in amore: Quid in illis amamus fratres: Membra laniata à feris: Quid fœdus, si oculos carnis interrogas: Quid pulchrius, si oculos mētis interrogas: Quid tibi uidetur adolescēs pulcherrimus, fur: Quomodo horrent oculi tui: nūquid oculi carnis horrent: Si ipsos interrogas, nihil illo corpore cōpositius, nihil ornatiū, & parilitas membrorum, & coloris delectatio illicet oculos: & tamen cū audis, quia fur est, fugis hominem animo. Vides ex alia parte senem curuum, baculo innitentem, uix se mouentem, rugis undiq; exaratum, quid uides quod oculos delectet: Audis quia iustus est, amas, amplecteris. Talia nobis præmia promissa sunt fratres mei, tale aliquid amate, tali regno suspirate, & talem patriam desiderate, si uultis peruenire ad id, cum quo uenit dominus noster, id est, ad gratiam & ueritatem. Si autem corporalia præmia concupieris à deo, adhuc sub lege es, & ideo ipsam legem implebis. Quando enim uideris abundare ista temporalia in eis qui deum offendunt, nutant gressus tui, & dicis tibi, Ecce ego colo deum, quotidie ad ecclesiā curro, genua mihi trita sunt in orationibus, & assidue agroto: homicidia faciūt homines, rapinas faciunt, exultant & abundant, bene est illis. Talia ergo quærebas à deo. Certe ad gratiam pertinebas. Si gratiam ideo tibi dedit deus, quia gratis dedit, gratis ama, noli ad præmium diligere deū, ipse sit tibi præmium tuū, *D*icat anima tua, Vnam petij à domino, hanc requiram, ut inhabitem in domo domini per omnes dies uitæ meæ, ut contempler delectationem domini, Noli timere, ne fastidio deficiās. Talis erit illa delectatio pulchritudinis, ut semper tibi præsens sit & nunq̃ satieris, imò semper satieris & nunq̃ satieris. Si enim dixero, quia non satiaberis, fames erit: si dixero, quia satiaberis, fastidiū timeo: ubi nec fastidium erit, nec fames, quid dicā, nescio. Sed deus habet quod exhibeat nō inuenientibus quomodo dicāt, & credētibus quod accipiāt.

Ab eo quod scriptum est, Et hoc est testimonium Ioannis, quando miserunt Iudæi ab Hierosolymis sacerdotes & leuitas, usq; ad id, Et ego nesciebam eum, sed qui me misit baptizare in aqua, ipse mihi dixit, Super quem uideris spiritum descendentem sicut columbam & manentem super eum, ipse est qui baptizat in spiritu sancto.

Tractatus quartus.

**S**AEPISSIME audiuit sanctitas uestra, & optime nostis, quoniā Ioannes Baptista quanto præclarior erat in natis mulierum, & quanto humilior ad cognoscendum deum, tanto meruit esse amicus sponsi, zelans non sibi, nō suum honorem quærens, sed iudicis sui, quem tanq̃ præco præibat. Itaq; prophetis præcedentibus prænunciare de Christo futura concessum est: huic autem digito ostendere. Sicut enim ignorabatur Christus ab his qui prophetis non crediderant anteq̃ ueniret, sic ab eis igno-  
*Psal. 49* rabatur & præsens. Venerat enim humiliter primo & occultus, tanto occultior, quanto humilior. Populi autem spernentes propter superbiam suam humilitatem dei, crucifixerūt saluatorem suum, & fecerunt damnatorem suum. Sed qui primo uenit occultus, quia uenit humilis, nunquid deinceps nō est uenturus manifestus, quia excelsus: Audistis modo *Psal. 49* mum, Deus manifestus ueniet, deus noster & non silebit. Siluit ut iudicaretur, non silebit cum coeperit iudicare. Non diceretur, manifestus ueniet, nisi primo uenisset occultus: nec *Esa. 55* diceretur, non silebit, nisi quia primo siluit. Quomodo ergo siluit: Interroga Esaiā, Sicut ouis ad occi-



**A** ad occisionem ductus est, & sicut agnus coram eo qui se tondet, fuit sine uoce, sic nō aperuit os suum. Veniet autem manifestus, & non silebit. Quomodo manifestus? Ignis ante eum præibit, & in circuitu eius tempestas ualida. Tempestas ualida tollere habet totam paleam de area, quæ modo trituratur: & ignis incendere quod tempestas abstulerit. Modo autem tacet, tacet iudicio, sed nō tacet præcepto. Si enim tacet Christus, quid sibi uolunt hæc euangelia? quid sibi uolunt uoces apostolicæ? quid cantica psalmorum? quid eloquia prophetarum? In his enim omnibus Christus non tacet. Sed tacet modo ne uindictæ, non tacet ut moneat. Veniet autem præclarus in uindicta, & apparebit omnibus, & qui in eum non credunt. Modo uero quia & præsens occultus erat, oportebat enim ut cōtemneretur: nisi enim cōtemneretur, non crucifigeretur. Si non crucifigeretur, non funderet sanguinē, quo precio nos redemit. Vt autē daret precium, pro nobis crucifixus est, ut crucifigeretur contemptus est, ut cōtemneretur humilis apparuit. Tamen quia quasi in nocte apparuit in corpore mortali, lucernam sibi accendit unde uideretur. Ipsa lucerna Ioannes erat, de quo iam multa audistis, & præsens lectio euangelij uerba Ioannis continet. Primo quod principium est confitentis, quia non ipse erat Christus. Tanta autem excellentia erat in Ioanne ut posset credi Christus esse: & in eo probata est humilitas eius, quia dixit nō se Christum esse, cum posset credi esse. Ergo hoc est testimonium Ioannis quando miserunt Iudæi ab Hierosolymis sacerdotes & leuitas ad eum ut interrogarent eum, Tu quis es? Non autem mitterent, nisi mouerentur excellentia autoritatis eius, quia ausus est baptizare. Et confessus est & non negauit. Quid confessus est? Et confessus est, quia nō sum ego Christus. Et interrogauerunt eū, Quid ergo? Helias es tu? Nouerāt enim quia præcessurus erat Helias Christum. Non enim alicui incognitum erat nomen Christi apud Iudæos. Istum non esse Christum putauerunt, nō omnino Christum non esse uenturum, cum sperarent uenturum. Sic offenderunt in præsentem, offenderūt tanq̃ in humilem lapidem. Lapis enim ille adhuc paruus erat, iam quidem præcisus de mōte sine manibus: sicut dicit Daniel propheta, uidisse se lapidem præcisum de monte sine manibus. Sed quid sequitur? Et creuit, inquit, lapis ille, & factus est mōs magnus, & impleuit uniuersam faciē terræ. Videat ergo charitas uestra quod dico, Christus ante Iudæos iam præcisus erat de monte: montem regnum uult intelligi Iudæorum. Sed regnum Iudæorum nō impleuerat uniuersam faciem terræ. Inde præcisus est ille lapis, quia inde natus est in præsentia dominus. Et quare sine manibus? Quia sine opere uirili uirgo peperit Christum. Iam ergo erat lapis ille præcisus sine manibus, ante oculos Iudæorum, sed humilis erat. Non immerito, quia nōdum creuerat lapis ille, & impleuerat orbem terrarum, quod ostēdit in regno suo, quod est ecclesia, quæ impleuit totam faciē terræ. Quia ergo nōdum creuerat, offenderunt in illum tanq̃ in lapidē, & factum est in eis quod scriptū est, Qui ceciderit super lapidem cōquassabitur, & super quos ceciderit lapis ille conteret eos. Primo super humilem ceciderunt, excelsus super illos uenturus est. Sed ut eos uenturus excelsus conterat, primo eos humilis quassauit. Offenderunt in eum, & quassati sunt: non contriti sed quassati sunt, ueniet excelsus & conteret eos. Sed ignoscendum est Iudæis, quia offenderunt in lapidem, qui nondum creuerat. Quales sunt illi qui in ipsum montem offendunt? Iam de quibus dicam cognoscitis, qui negant ecclesiam toto orbe diffusam, non in humilem lapidem, sed in ipsum montem offendunt, quod factus est ille lapis dum cresceret. Cæci Iudæi non uiderunt humilem lapidem. Quanta cæcitas est non uidere montem? Ergo uiderūt humilem, & nō cognouerunt. Demonstrabatur illis per lucernam: nam primo ille quo maior nemo surrexerat in natis mulierum, dixit, Non sum ego Christus. Diciturq̃ illi est, Nūquid tu es Helias? Respōdit, Nō sum. Christus enim præmittit ante se Heliam, & dixit non sum, & fecit nobis quæstionem. Timendum est enim, ne minus intelligentes contraria putent Ioannem dixisse q̃ Christus dixit. Quodam enim loco, cum dominus Iesus Christus in euāgelio quædā diceret de se: respōderunt illi discipuli, Quomodo enim dicunt scribæ, id est periti legis quia Heliam oportet primum uenire? Et ait domi-

Daniel, 2

Luc. 20

Matth. 17 nus, Helias iam uenit, & fecerunt ei quæ uoluerunt, & si uultis scire, ipse est Ioannes Baptista. Ioannes  
 sta. Dominus Iesus Christus dicit, Helias iam uenit, & ipse est Ioannes Baptista. Ioannes  
 autem interrogatus sic se confessus est Heliam non esse, quomodo nec Christum esse: & utique  
 sicut uerum confessus est Christum se non esse: sic uerum confessus est nec Heliam se esse.  
 Quomodo ergo comparabimus dicta præconis cum dictis iudicis? Absit ut præco mentiat: hoc enim loquitur quod audit à iudice. Quare ergo ille, non sum Helias: & dominus, ipse est Helias? Quia in eo dominus Iesus Christus præfigurare uoluit futurum aduentum suum, & hoc dicere, quia in spiritu Heliae erat Ioannes. Et quod erat Ioannes ad primum aduentum, hoc erit Helias ad secundum aduentum. Quomodo duo aduentus iudicis, sic duo præcones. Iudex quidem ipse, præcones autem duo, non duo iudices. Oportebat autem iudicem primo uenire iudicandum: misit ante se primum præconem, uocauit illum Heliam: quia hoc erit in secundo aduentu Helias, quod in primo Ioannes. Iamque intendat charitas uestra quod uerum dicam. Quando conceptus est Ioannes, uel potius quando natus est, spiritus sanctus hoc de illo homine impleto prophetauit, Et erit, inquit, præcursor altissimi, in spiritu & uirtute Heliae. Non ergo Helias, sed in spiritu & uirtute Heliae. Quid est in spiritu & uirtute Heliae? In eodem spiritu sancto, uice Heliae. Quare uice Heliae? Quia quod Helias secundo, hoc Ioannes in primo aduentu fuit. Recte ergo modo Ioannes proprie respondit: nam dominus figurate, Helias ipse est Ioannes. Iste autem, ut dixi, proprie, non sum ego Helias. Si figuram præcursoris aduertas, Ioannes ipse est Helias. Quod enim ille ad primum aduentum, hoc ille ad secundum erit. Si proprietatem personæ interrogas, Ioannes, Ioannes: Helias, Helias. Dominus ergo ad præfigurationem recte ipse est Helias: Ioannes autem recte ad proprietatem, non sum Helias: nec Ioannes falsum, nec dominus falsum: nec præco falsum, nec iudex falsum, sed si intelligas. Quis autem intelligit, nisi qui imitatus fuerit humilitatem præconis, & cognouerit celsitudinem iudicis? Nihil enim humiliter ipso præcone fratres mei, nullum tantum meritum Ioannes habuit quod de ista ipsa humilitate, quod cum possit fallere homines, & putari Christus & haberi pro Christo: tantæ enim gratiæ tantæque excellentiæ fuit, confessus est tamen aperte & dixit, Non sum ego Christus. Nunquid tu Helias es? Iam si diceret, Helias sum: ergo iam in secundo aduentu adueniens dominus iudicaret, non adhuc in primo iudicaretur, tanquam dicens, Venturus est adhuc & Helias, Non sum, inquit, Helias: sed obseruate humilem ante quem uenit Ioannes, ne sentiat excelsum ante quem uenturus est Helias. Nam & dominus ita compleuit, ipse est Ioannes Baptista qui uenturus est Helias. Ipsa præfiguratione uenit iste, qua proprietate uenturus est Helias. Tunc Helias per proprietatem Helias erat, nunc per similitudinem Ioannes Helias erit. Modo Ioannes per proprietatem Ioannes est, tunc per similitudinem Helias Ioannes erit. Ambo præcones sibi dederunt similitudines suas, & tenuerunt proprietates suas: unus autem dominus iudex, siue illo præcone præcedente, siue illo. Et interrogauerunt eum, Quid ergo, Helias es tu? Et dixit, Non. Et dixerunt ei, Propheta es tu? Et respondit, Non. Quis es tu? ut responsum demus his qui miserunt nos: Quid dicis de te ipso? Ait, Ego uox clamantis in deserto. Esaias illud dixit, In Ioanne prophetia ista Esaiæ impleta est, Ego uox clamantis in deserto. Quid clamantis? Dirigite uiam domini, rectas facite semitas dei nostri. Non uobis uidetur præconis esse, dicere, exite, facite uiam? Nisi quod præco exite dicit: Ioannes dicit, uenite. A iudice repellit præco, ad iudicem uocat Ioannes. Imò uocat Ioannes ad humilem, ne iudex sentiat excelsus. Ego uox clamantis in deserto, dirigite uiam domini, sicut dicit Esaias propheta. Non dixit, ego sum Ioannes, ego sum Helias, ego sum propheta. Sed quid dixit? Hoc uocor, Vox clamantis in deserto, dirigite uiam domino, rectas facite semitas dei nostri: ego sum ipsa prophetia. Et qui missi fuerant, erant ex pharisæis id est, ex principibus Iudæorum. Et interrogauerunt eum, & dixerunt ei, Quid ergo baptizas, si tu non es Christus, neque Helias, neque propheta? Quasi audaciæ uidebatur esse baptizare: quasi in qua persona querimus, utrum tu sis Christus, tu dicis te non esse. Querimus ne forte præcursor illius sis: quia nouimus ante Christi aduentum uenturam esse



- A** esse Heliam: negas te esse Heliam. Querimus ne forte aliquis multum præueniēs præco es, id est propheta, & accepisti hanc potestatem: nec prophetam te esse dicis. Et non erat propheta Ioannes, maior erat q̄ propheta, quia dominus de illo tale testimonium dedit, Quid existis in desertum uidere, arundinem uento agitari? Vtique non uento agitari subaudis, quia non hoc erat Ioannes, qui quasi à uento moueretur. Qui enim à uento mouetur, circumflatur omni spiritu seductorio. Sed quid existis uidere, hominem mollibus uestitum? Vestiebatur enim Ioannes asperis, id est, tunica facta de pilis cameli. Ecce qui mollibus uestiuntur, in domibus regum sunt: nō ergo existis uidere hominem mollibus uestitum. Sed quid existis uidere, prophetam? Ita dico uobis, maior q̄ propheta hic: quia propheta longe, ante prænunderunt, Ioannes præsentem demonstrabat. Quid ergo tu baptizas, si tu nō es Christus, neq; Helias, neq; propheta? Respōdit eis Ioannes, & dixit, Ego baptizo in aqua, mediū autem uestrum stetit quem uos nescitis. Humilis enim non uidebatur, & propterea lucerna accēsa est. Videte quomodo det locum, qui aliud posset putari. Ipse est qui post me uenit, qui ante me factus est. Sicut iam diximus, id est, antepositus est mihi, Cuius ego non sum dignus ut soluam corrigiam calciamenti eius. Quantum se abiecit, & ideo multum eleuatus est, quoniā qui se humiliat exaltabitur. Vnde debet uidere sanctitas uestra, quia si Ioannes sic se humiliauit, ut diceret, non sum ego dignus corrigiam soluere: quomodo habent humiliari, qui dicunt, nos baptizamus, nos quod damus nostrum est, & quod nostrum est, sanctum est? Ille dicit, non ego sed ille: illi dicunt, nos. Non est dignus Ioannes soluere corrigiam calciamenti eius, quod si dignum se diceret, q̄ humilis esset? Et si dignum se diceret, & sic diceret, Ille uenit post me qui ante me factus est, cuius tantummodo corrigiam calciamenti dignus sum soluere, multum se humiliasset. Quando autem nec ad hoc dignum se dicit, uere plenus spiritu sancto erat, qui sic seruus dominum agnouit, & ex seruo amicus fieri meruit. Hæc in Bethania facta sunt trans Iordanem, ubi erat Ioannes baptizans. Altera autem die uidit Ioannes Iesum ueniētem ad se, & ait, Ecce agnus dei, ecce qui tollit peccata mundi. Nemo sibi arroget & dicat, quia ipse auferat peccata. Vnde iam intendite, contra quos superbos intendebat digitum Ioannes: nondum erant nati hæretici, & iam ostendebatur: contra illos clamabat tunc à fluuio, cōtra quos modo clamat ex euangelio, Venit Iesus, & quid dicit ille? Ecce agnus dei. Si agnus dei, innocens. Et Ioannes agnus, an non & ipse innocens? Sed quis innocens? quantum innocens? omnes ex illa traduce ueniunt & illa propagine, de qua cantat gemens Dauid, Ego in iniquitate conceptus sum, & in peccatis mater mea in utero me aluit. Solus ergo ille agnus, qui non sic uenit, non enim in iniquitate conceptus est, quia non de mortalitate conceptus est: nec eum in peccatis mater eius in utero aluit, quem uirgo concepit, uirgo peperit, quia fide concepit, fide suscepit: ergo ecce agnus dei, non habet iste traducem de Adam: carnem tantum sumpsit de Adam, peccatum non assumpsit. Qui non assumpsit de nostra massa peccatum, ipse est qui tollit nostrum peccatum: Ecce agnus dei, ecce qui tollit peccata mundi. Nostis quia quidam homines dicunt aliquando, Nos tollimus peccata hominibus, quia sancti sumus. Si enim non fuerit sanctus qui baptizat, quomodo tollit peccata alterius, cum sit ipse homo peccator? Contra istas disputationes uerba nostra non dicamus, hunc legamus, Ecce agnus dei, ecce qui tollit peccata mundi. Non sit præsumptio hominibus in homines, non transmigret passer in montes, in domino confidat: & si leuat oculos suos in montes, unde ueniet auxilium ei, intelligat quia auxilium eius à domino, qui fecit cœlum & terram. Tantæ excellētiæ Ioannes, dicitur ei, Tu es Christus? dicit non: tu es Helias? dicit non: tu es propheta? dicit non. Quare ergo baptizas? Ecce agnus dei, ecce qui tollit peccata mūdi. Hic est de quo dixi, Post me uenit uir qui ante me factus est, quia prior me erat. Et post me uenit, quia posterius natus, ante me factus est, quia prælatus est mihi. Prior me erat, quia in principio erat uerbū, & uerbum erat apud deum, & deus erat uerbū. Et ego nesciebam eum, dixit, Sed ut manifestaretur Israël, propterea ueni ego in aqua baptizans, Et testimoniū perhibuit Ioānes, dicens:

dicens: quia uidi spiritum de coelo descendentem quasi columbam, & mansit super eum, & ego nesciebam eum. Sed qui me misit baptizare in aqua, ille mihi dixit, Super quē uideris spiritum descendentem & manentē super eum, hic est qui baptizat in spiritu sancto. Et ego uidi & testimonium perhibui, quia hic est filius dei. Intendat modicum charitas uestra, Ioannes quando didicit Christū: Missus est enim ut baptizaret in aqua. Quæsitū est quare? Vt manifestaretur Israël, dixit, Quid profuit baptismum Ioannis? Fratres mei, si profuit aliquid, & modo maneret, & baptizarentur homines in baptismo Ioannis, & sic uenirent ad baptismum Christi. Sed quid ait? Vt manifestaretur Israël, id est ipsi Israël, populo Israël ut manifestaretur Christus, uenit baptizare in aqua. Accepit ministeriū baptismatis Ioannes, in aqua pœnitentiæ parare uiam domino, non existens dominus, ac ubi cognitus est dominus, superfluo ei uia parabatur, quia cognoscētibus se ipse factus est uia. Itaque non durauit diu baptismum Ioannis. Sed quomodo demonstratus est dominus? Humilis, ut ideo acciperet baptisma Ioannis, in quo baptizaretur ipse dominus: & opus erat domino baptizari? Et ego interrogatus cito respōdeo, Opus erat domino nasci, opus erat domino crucifigi, opus erat domino mori, opus erat domino sepeliri. Si ergo tantam suscepit pro nobis humilitatem, baptismum non erat suscepturus? Et quid profuit quia suscepit baptismum serui? Vt tu non dedignareris suscipere baptismum domini. Intendat charitas uestra. Futuri erant aliqui in ecclesia excelsioris gratiæ catechumeni. Fit enim aliquando ut uideas catechumenum abstinenter ab omni concubitu, ualefacientem seculo, renuntiantem omnibus quæ possidebat, distribuentē pauperibus, & catechumenus est: instructus est etiā forte doctrina salutari, supra multos fideles. Timēdum est huic, ne dicat apud semetipsum de baptismo sancto quo peccata dimittuntur: quid plus accepturus sum? Ecce ego melior sum illo fidei & illo fidei: cogitans autē fideles, aut coniugatos, aut forte idiotas, aut habentes & possidentes res suas, quas ipse distribuit iam pauperibus, & meliorem se esse arbitrās quā ille qui iam baptizatus est, dedignetur uenire ad baptismum, dicens, Hoc sum accepturus quod habet ille: & proponat sibi illos quos contēnit, & quasi sordeat illi hoc accipere quod acceperūt inferiores: quia iam uidetur ipse sibi melior, & tamen omnia peccata super illum sunt, & nisi uenerit ad salutare baptismum ubi peccata soluuntur, cum omni excellentia sua non potest intrare in regnum celorum. Sed ut illam excellentiam inuicaret dominus ad baptismum suum, ut peccata illi dimitterentur, uenit ipse ad baptismum serui sui. Et cum ipse non haberet quod ei dimitteretur, nec quod in illo lauaretur, suscepit à seruo baptismum, & tanquā allocutus est filium superbientem & extollentem se, ac dedignantem se forte accipere cum idiotis, unde ei possit salus uenire, & quasi dicens, Quantum te extendis? quantum te extollis? quanta est excellentia tua? quanta gratia tua? maior potest esse quā mea? Si ego ueni ad seruum, tu dedignaris uenire ad dominum? Si ego suscepī baptismū serui, tu dedignaris à domino baptizari? Nam ut noueritis fratres mei, quia non ex necessitate alicuius uinculi peccati dominus ueniebat ad ipsum Ioannem, sicut dicunt alij euangelistæ, cum ad illum ueniret baptizandus dominus, ait ipse Ioannes, Tu ad me uenis, ego à te debeo baptizari. Et quid ipse ei respondit? Sine modo ut impleatur omnis iustitia. Quid est impleatur omnis iustitia? Moti ueni pro hominibus, baptizari non debeo pro hominibus? Quid est impleatur omnis iustitia? Impleatur omnis humilitas. Quid ergo? Nō erat suscepturus baptismum à bono seruo, qui passionem suscepit à seruis malis? Intendite ergo baptizato domino, nemo alius baptizaretur baptismo Ioannis. Multi autem baptizati sunt baptismo Ioannis, baptizatus est & dominus baptismo Ioannis, & cessauit baptismum Ioannis. Deinde iam missus est in carcerē Ioannes, deinceps nemo baptizatus inuenitur illo baptismo. Si ergo propterea uenit & Ioannes baptizans, ut domini humilitas nobis demonstraretur, ut quia ille suscepit à seruo, nos non dedignaremur suscipere à domino, dominum solum Ioannes baptizaret. Sed si solum dominum Ioannes baptizaret, nō deessent qui putarent sanctius



A sanctius fuisse baptismum Ioannis quàm Christi, quasi baptismate Ioannis solus Christus meruisset baptizari: baptismate autem Christi genus humanum. Intendat charitas uestra. Baptismate Christi baptizati sumus, nō tantum nos, sed & uniuersus orbis terrarum, & baptizatur usq; in finem. Quis nostrum potest ex aliqua parte comparari Christo, cui se Ioannes dixit indignum soluere corrigiam calciamenti? Si ergo ille Christus tātā excellētiā homo deus, solus baptizaretur baptismo Ioannis, quid dicturi erant homines? Quale baptismum habuit Ioannes? Magnum baptismum habuit, ineffabile sacramentum, Vide, quia solus Christus meruit baptizari Ioannis baptismate: atq; ita maior uideretur baptismi serui, quàm baptismi domini. Baptizati sunt & alij baptismate Ioannis, ne melior uideretur baptismi Ioannis quàm Christi. Baptizatus est autem & dominus, ut domino suscipiente baptismi serui, non dedignaretur alij serui suscipere baptismi domini. Ad hoc ergo missus erat Ioannes: sed nouerat Christum an non nouerat? Si nō nouerat, quare dicebat quando uenit ad fluuium Christus, Ego à te debeo baptizari: hoc est, scio qui sis? Si ergo iam nō nouerat, certe tunc cognouit quando uidit columbam descendantem. Manifestum est quia columba non descendit super dominum, nisi posteaquàm ascendit de aqua baptismi. Dominus baptizatus ascendit ab aqua, aperti sunt cœli, & uidit super eum columbam. Si ergo post baptismum descendit columba, antequam baptizaretur dominus, dixit illi Ioannes, Tu ad me uenis, ego à te debeo baptizari: ante illum nouerat qui dixit, Tu ad me uenis, ego à te debeo baptizari. Quomodo ergo dixit, Et ego nesciebā eum, sed qui me misit baptizare in aqua, ille mihi dixit, Super quem uideris spiritum descendantem sicut columbam, & manentem super eum, hic est qui baptizat in spiritu sancto? Non parua quæstio est fratres mei. Si uidistis quæstionem, non parū uidistis: superest ut ipsius solutionem dominus det. Tamen illud dico, si uidistis quæstionem non est parum. Ecce positus est Ioannes ante oculos uestros, stans ad fluuium Ioannes baptista. Ecce uenit dominus adhuc baptizandus, nondum baptizatus. Audi uocem Ioannis, Tu ad me uenis, ego à te debeo baptizari. Ecce iam cognoscit dominum, à quo uult baptizari. Baptizatus dominus ascendit ab aqua, aperiuntur cœli, descendit spiritus, modo illū cognoscit Ioannes. Si modo illum cognoscit cui dixit antea, Ego à te debeo baptizari? Si autē non eum modo cognoscit, quia iam nouerat eum, quid est quod dixit, Non noueram eum, sed qui me misit baptizare in aqua, ille mihi dixit, Super quem uideris spiritum descendantem sicut columbam, & manentem super eum, ipse est qui baptizat in spiritu sancto. Fratres, si ista quæstio hodie soluat, grauat uos, non dubito, quia iam multa dicta sunt. Sciatis autem talem istam quæstionem esse, ut hæc sola perimat partem Donati. Ad hoc dixi charitati uestræ, ut intentos uos facerem: similiter ut soleo, simul ut oretis pro nobis & pro uobis, ut & nobis det dominus digna loqui, & uos digna capere mereamini. Interim hodie dignamini differre: sed hoc breuiter dico interim, donec soluat, Interrogate pacifice, sine rixa, sine contentione, sine altercationibus, sine inimicijs: & uobiscum quærite, & alios interrogate & dicite, Hanc quæstionē proposuit hodie episcopus noster, aliquando si dominus concesserit soluturus eam. Sed siue soluat siue nō soluat, putate me proposuisse quod me mouet. Moueor enim multum. Dicit Ioannes, Ego à te debeo baptizari, tanquam Christo cognito. Si enim non nouerat eum à quo uoluit baptizari, temere dicebat, Ego à te debeo baptizari: nouerat ergo eum. Si nouerat eum, quid est ergo quod dicit, Non noueram eum, sed qui me misit baptizare in aqua, ipse mihi dixit, Super quem uideris spiritum descendantem & manentem super eum sicut columbā, ipse est qui baptizat in spiritu sancto. Quid dicturi sumus? Quia non scimus quando uenerit columba. Ne forte ibi lateat, legantur alij euangelistæ, qui planius illud dixerunt, & inuenimus apertissime tunc descendisse columbam, cum dominus ab aqua ascendit: super baptizatum enim Christum aperti sunt cœli, & uidit spiritum sanctum descendantem. Si iam baptizatum cognouit, uenienti ad baptismum quomodo dicit, Ego à te debeo baptizari? Hanc uobiscum interim ruminare, hanc uobiscum conferte,

hanc uobiscum tractate. Præstet dominus deus noster, ut antequàm à me audiat, alicui uestrum prior eam reuelet. Tamen fratres hoc sciatis, quia per istius quæstionis solutionem pars Donati de baptismi gratia, ubi nebulas obtendunt imperitis, & retia tendunt auibus uolantibus, si frontem habeant, omnino non habebunt, omnino eorum ora claudentur.

Ex eo quod scriptum est, Et ego nesciebam eum, sed qui me misit baptizare in aqua, ille dixit mihi, Super quem uideris spiritum descendentem & manentem super eum, ipse est qui baptizat in spiritu sancto.

Tractatus v.



Ioan. 8

Ioan. 14

Ioan. 10

Matth. 3

Sicut dominus uoluit, ad diem promissionis nostræ peruenimus, præstabit etiã hoc, ut ad ipsius promissionis redditionem peruenire possimus. Tunc enim ea quæ dicimus, & nobis & uobis utilia sunt si ab ipso sunt. Quæ autem ab hominibus sunt, mendacia sunt, sicut ipse dixit dominus noster Iesus Christus, Qui loquitur mendacium, de suo loquitur. Nemo habet de suo nisi mendacium & peccatum. Si quid autem homo habet ueritatis atq; iustitiæ, ab illo fonte est quẽ debemus sitire in hac eremo, ut ex eo quasi guttis quibusdam irrorati, & in hac peregrinatione interim consolati, ne deficiamus in uia, uenire ad eius requiẽ satietatemq; possimus. Si ergo qui loquitur mendacium, de suo loquitur: qui loquitur ueritatẽ, de deo loquitur. Verax Ioannes, ueritas Christus. Verax Ioannes, sed omnis uerax à ueritate uerax est. Si ergo uerax Ioannes, & uerax esse homo non potest nisi à ueritate, à quo erat uerax nisi ab eo qui dixit, Ego sum ueritas? Non ergo posset dicere, aut ueritas cõtra ueracem, aut uerax contra ueritatem. Ueracem ueritas misit, & ideo uerax erat, quoniam à ueritate missus erat. Si ueritas Ioannem miserat, Christus eum miserat: sed quod Christus cum patre facit, pater facit: & quod pater cū Christo facit, Christus facit: nec seorsum pater aliquid facit sine filio: nec seorsum aliquid filius sine patre. Inseparabilis charitas, inseparabilis unitas, inseparabilis maiestas, inseparabilis potestas: secundum hæc uerba quæ ipse posuit, Ego & pater unum sumus. Quis ergo misit Ioannem? Si dicamus, pater, uerum dicimus: si dicamus filius, uerum dicimus: manifestius autem ut dicamus, pater & filius. Quem misit ergo pater & filius, unus deus misit, quia filius dixit, Ego & pater unum sumus, quomodo ergo nesciebat eum à quo missus est? Dixit enim, Ego nesciebam eum, sed qui me misit baptizare in aqua, ipse mihi dixit. Interroga Ioannem, qui te misit baptizare in aqua, quid tibi dixit? Super quem uideris spiritum descendentem, sicut columbam, & manentem super eum, ipse est qui baptizat in spiritu sancto. Hoc tibi o Ioannes dixit, qui te misit: manifestum est quia hoc, quis ergo te misit? Forte pater. Verus deus pater, & ueritas deus filius: si pater sine filio te misit, deus sine ueritate te misit. Si ideo autem uerax es, quia ueritatem loqueris, & ex ueritate loqueris, nõ te misit pater sine filio, sed simul te misit pater & filius: si ergo & filius te misit cum patre, quomodo nesciebas eum à quo missus es? Quem uideras in ueritate, ipse te misit, ut agnosceretur in carne & dixit, Super quem uideris spiritum descendentem sicut columbam & manentem super eum, ipse est qui baptizat in spiritu sancto. Hoc audiuit Ioannes, ut nosset eum quem non nouerat, an ut plenius nosset quem iam nouerat? Si enim omni ex parte nõ nosset, ueniẽti ad fluuiũ ut baptizaretur non diceret, Ego à te debeo baptizari, & tu uenis ad me? Nouerat ergo. Quando autem columba descendit? Iam baptizato domino, & ab aqua ascendente. At si ille qui eum miserat, dixit, Super quem uideris spiritum descendentem sicut columbam, & manentem super eum, ipse est qui baptizat in spiritu sancto, & non nouerat eum, sed columba descendente cognouit eum. Columba uero tunc descendit, quando dominus ab aqua ascendit. Tunc autem cognouerat Ioannes dominum, quando ad eum dominus ad aquam ueniebat: manifestatur nobis, quia Ioannes secundum aliquid nouerat, secundum aliquid non nouerat dominum. Nisi autem hoc intellexerimus, mendax erat: quomodo ergo erit uerax agnoscens, qui dixit, Tu ad me uenis, ego autem à te debeo baptizari? Verax est cum hoc dicit. Et quomodo rursus



A do rursus uerax est cum dicit, Ego nō nouerā eum, sed qui misit me baptizare in aqua, ipse mihi dixit, super quē uideris spiritū descendente sicut columbā, & manente super eū, ipse est qui baptizat in spiritu sancto. Innotuit per columbā dominus, non ei qui se non nouerat, sed ei qui in eo aliquid nouerat, aliquid nō nouerat. Nostrū est ergo quærere quid in eo Ioannes nōdum nouerat, & per columbam didicit. Quare missus est Ioannes baptizans, iam memini me quantum potui dixisse charitati uestræ. Si enim baptismum Ioannis necessarium erat saluti nostræ, & modo debuit exerceri, Non enim modo non saluantur homines, aut modo plures non saluantur, aut alia tunc salus erat, & alia modo. Si mutatus est Christus, mutata est salus. Si salus in Christo est, & idem ipse Christus est, eadē nobis salus est. Sed quare missus est Ioannes baptizans? quia oportebat baptizari Christum: quare oportebat baptizari Christum? quia oportuit nasci Christum, quia oportuit crucifigi Christum. Si enim uiam humilitatis demonstraturus aduenerat, & seipsum facturum ipsam humilitatis uiam, in omnibus ab eo implenda erat humilitas. Auctoritatem dare baptismum suo hinc dignatus est, ut cognoscerent serui sui, quanta alacritate deberent currere ad baptismum domini, quando ipse non dedignatus est suscipere baptismum serui. Donatum enim erat hoc Ioanni, ut ipsius baptismum diceretur. Hoc attēdat, & distinguat, & nouerit charitas uestra, baptismum quod accepit Ioannes, baptismum Ioannis dictum est. Nullus ante illum iustorum, nullus post illum ut acciperet baptismum, quod baptismum ipsius diceretur, accepit: solus tale donum accepit: accepit quidem, non enim à se posset aliquid. Si enim à se quis loquitur, mēdacium de suo loquitur. Et unde accepit, nisi ab ipso domino Iesu Christo? Ab illo ut baptizare posset accepit, quem postea baptizauit. Nolite mirari, Sic enim hoc fecit Christus in Ioanne, quomodo quiddam fecit in matre. De Christo enim dictū est, Omnia per ipsum facta sunt. Si omnia per ipsum, & Maria per ipsum facta est, de qua postea natus est Christus. Intendat charitas uestra, quomodo creauit Mariam, & creatus est per Mariam: sic dedit baptismū Ioanni, & baptizatus est à Ioanne. Ad hoc ergo accepit baptismū à Ioanne, ut accipiens quod inferius erat ab inferiore, ad id quod superius erat hortaretur inferiores. Sed quare non solus ipse baptizatus est à Ioanne, si ad hoc missus erat Ioannes, per quem baptizaretur Christus, ut pararet uiam domino, id est ipsi Christo? Et hoc iam diximus. Sed commemoramus, quæ necessaria sunt præsenti quæstioni, Si solus dominus noster Iesus Christus baptizatus esset baptismo Ioannis, tenete quod diximus, non tantum ualeat seculum ut deleat ē cordibus uestris, quod ibi scripsit spiritus dei. Nō tantum ualeant spinæ curarum, ut suffocent semen quod seminatur in uobis. Quare enim cogimur eadem repetere, nisi quia de memoria cordis uestri securi non sumus. Si ergo solus dominus baptizatus esset baptismo Ioannis, non deessent qui sic eum haberent, ut putarent baptismum Ioannis maiorem esse, quā sit baptisma Christi. Dicerent enim, Usque adeo illud baptismum maius est, ut solus Christus ab eo baptizari meruisset. Ergo ut daretur nobis à domino exemplum humilitatis, ad percipiendam salutem baptismatis, Christus suscepit quod ei opus nō erat, sed propter nos opus erat. Et rursus, ne hoc ipsum quod accepit à Ioāne Christus, præponeretur baptismati Christi, permitti sunt & alij baptizari à Ioanne, sed qui baptizati sunt à Ioanne non eis sufficit, Baptizati sunt enim baptismo Christi, quia non baptismus Christi erat baptismus Ioannis. Qui accipiūt baptismum Christi, baptismum Ioannis non quærunt: qui acceperunt baptismum Ioannis, baptismum Christi quæserunt. Ergo Christo sufficit baptismus Ioannis. Quomodo non sufficeret, quando nec ipsi erat necessarius? Illi enim nullum baptismum erat necessarium, sed ad hortandos nos ad baptismum suum, suscepit baptismum serui. Et ne præponeretur baptismum serui, baptismo domini, baptizati sunt alij baptismate conserui. Sed qui baptizati sunt baptismate conserui, oportebat ut baptizarentur baptismate domini. Qui autem baptizantur baptismate domini, non opus habent baptismate conserui. Quoniam ergo acceperat Ioannes baptismum quod proprie Ioannis diceretur: dominus autem Iesus Christus baptismum suum noluit,

De conse. dist.  
4. cap. aliud  
4. sen. dist. ca. 1

4. sen. di. 5. c. 2

1. Cor. 1

Matth. 21

Ioan. 1

Matth. 3

alicui dare, non ut nemo baptizaretur baptismo domini, sed ut semper ipse dominus baptizaret: id actum est ut per ministros dominus baptizaret, id est, ut quos ministri domini baptizaturi erant, dominus baptizaret, non illi. Aliud est enim baptizare per ministerium, aliud baptizare per potestatem. Baptisma enim tale est, qualis est ille, in cuius potestate datur: non qualis est ille, per cuius ministerium datur. Tale erat baptismum Ioannis, qualis Ioannes: baptismum iustum tanquam iusti, tamen hominis, sed qui acceperat à domino talem gratiam, ut dignus esset præire iudicem, & cum digito ostendere & implere uocem prophetiæ illius, Vox clamantis in deserto, parate uiam domini. Tale autem baptismum domini, qualis dominus: ergo baptismum domini diuinum, quia dominus deus. Potuit autem dominus noster Iesus Christus, si uellet, dare potestatem alicui seruo suo, ut daret baptismum suum tanquam uice sua, & transferret à se baptizandi potestatem, & constitueret in aliquo seruo suo, & tantam uim daret baptismo translato in seruum, quantam uim haberet baptismus datus à domino. Hoc noluit ideo, ut in illo spes esset baptizantium, à quo se baptizatos agnoscerent. Noluit ergo seruum ponere spem in seruo. Ideoq; clamabat Apostolus, cum uideret homines, uolentes ponere spem in seipso: Nunquid Paulus pro uobis crucifixus est, aut in nomine Pauli baptizati estis? Baptizauit ergo Paulus tanquam minister, non tanquam ipsa potestas. Baptizauit autem dominus tanquam potestas. Intendite, & potuit hanc potestatem seruis dare, sed noluit: si enim daret hanc potestatem seruis, id est, ut & ipsorum esset quod domini erat, tot essent baptismata quot essent serui, ut quomodo dictum est, baptismum Ioannis, sic diceretur baptismum Petri, sic baptismum Pauli, sic baptismum Iacobi, baptismum Thomæ, Matthæi, Bartholomæi. Illud enim baptismum Ioannis dictum est. Sed forte aliquis resistit & dicit, Proba nobis quia illud baptismum Ioannis dictum est. Probabo, ipsa ueritate dicente, quando interrogauit Iudæos, Baptismum Ioannis unde est, de cælo, an ex hominibus? Ergo ne tot baptismata dicerentur quot essent serui, qui baptizarent accepta potestate à domino: sibi tenuit dominus baptizandi potestatem, seruis ministerium dedit. Dicit se seruus baptizare, recte dicit: sicut Apostolus dicit, Baptizauit autem & Stephanæ domum, sed tanquam minister. Ideo si sit & malus, & contingat illi habere ministerium, & si eum homines non nouerunt, & deus eum nouit, permittit deus baptizare per eum qui sibi tenuit potestatem. Hoc autem Ioannes non nouerat in domino: quia dominus erat, nouerat: quia ab ipso debebat baptizari nouerat, & confessus est: quia ueritas erat ille, & ille uerax missus à ueritate, hoc nouerat. Sed quid in eo non nouerat? Quia sibi retenturus erat baptismatis sui potestatem, & non eam transmissurus, & translaturus in aliquem seruum: sed siue baptizaret in ministerio seruus bonus, siue baptizaret in ministerio seruus malus, nesciret ille qui baptizaretur baptizari, nisi ab illo qui sibi tenuit baptizandi potestatem. Et ut noueritis fratres, quia hoc in illo non nouerat Ioannes, & hoc didicit per columbam: dominum enim nouerat, sed eum baptizandi sibi potestatem retenturum, & nulli seruo eam daturum, nondum nouerat: secundum hoc dixit, Et ego nesciebam eum. Et ut noueritis, quia ibi hoc didicit, attendite sequentia, Sed qui misit me baptizare in aqua, ipse mihi dixit, Super quem uideris spiritum descendantem sicut columbam, & manentem super eum, hic est qui baptizat in spiritu sancto. Quid ipse est? dominus. Sed iam nouerat dominum. Ergo putate hucusque dixisse Ioannem, Ego non noueram eum, sed qui me misit baptizare in aqua, ipse mihi dixit. Querimus quid dixerit: sequitur, Super quem uideris spiritum descendantem tanquam columbam, & manentem super eum, non dico sequentia. Interim attendite, Super quem uideris spiritum descendantem sicut columbam, & manentem super eum, ipse est. Sed quid ipse est? Quid me uoluit per columbam docere qui me misit, quia ipse erat dominus? Iam noueram à quo missus eram: iam noueram eum cui dixi, Tu ad me uenis baptizari, ego à te debeo baptizari, usque adeo ergo noueram dominum, ut ego ab eo uellem baptizari, non ut à me ipse baptizaretur. Et tunc mihi dixit, Si ne modo impleatur omnis iustitia. Pati ueni, baptizare non ueni. Impleatur omnis iustitia ait mihi



A ait mihi deus meus, impleatur omnis iustitia: doceam, perferam plenam humilitatem. No-  
 uit superbientes in futuro populo meo: noui aliquos in aliqua excellentiori gratia futuros <sup>als, superuenientes</sup>  
 homines, ut cum uiderint idiotas aliquos baptizari, illi quia meliores sibi uidentur, siue con-  
 tinentia, siue eleemosynis, siue doctrina, dedignabuntur fortasse accipere, quod illi inferiores  
 acceperunt. Oportet ut sanem eos, ut non dedignentur uenire ad baptismum domini, quia  
 ego ueni ad baptismum serui. Iam ergo hoc nouerat Ioannes, & nouerat dominum. Quid  
 ergo docuit columba? Quid uoluit per columbam, id est per spiritum sanctum, sic uenientem  
 docere qui miserat eum, cum ait Super quem uideris spiritum descendantem sicut colum-  
 bam, & manentem super eum, ipse est dominus. Quis ipse est? Dominus. Noui. Sed nun-  
 quid hoc iam noueras, quia dominus iste habens baptizandi potestatem, eam potestatem  
 nulli seruo daturus est, sed sibi eam retenturus est: ut omnis qui baptizatur per serui mini-  
 sterium, non imputet seruo sed domino? Nunquid hoc iam noueras? Non hoc noueram  
 ab eo qui mihi dixit: Super quem uideris spiritum descendantem sicut columbam, & manen-  
 tem super eum, ipse est qui baptizat in spiritu sancto: non ait ipse est dominus: non ait, ipse  
 est Christus: non ait, ipse est Iesus: non ait, ipse est qui natus est de uirgine Maria, posterior  
 te & prior te, non ait hoc: iam enim hoc nouerat Ioannes. Sed quid non nouerat? Tantam  
 potestatem baptismatis ipsum dominum habiturum & sibi retenturum, siue presentem in  
 terra, siue absentem corpore in coelo, & presentem maiestate sibi retenturum baptismatis po-  
 testatem: ne Paulus diceret baptismum meum: ne Petrus diceret baptismum meum, ideo uide-  
 te & intendite uoces apostolorum. Nemo apostolorum dixit baptismum meum: quamuis  
 unum omnium esset euangelium, tamen inuenies dixisse euangelium meum, non inuenis  
 dixisse baptismum meum. Hoc ergo didicit Ioannes, fratres mei. Quod didicit Ioannes per  
 columbam, discamus & nos. Non enim columba Ioannem docuit, & ecclesiam non docu-  
 it, cui ecclesiae dictum est, Vna est columba mea. Columba doceat columbam, nouerit cor  
 B lumba, quid Ioannes didicit per columbam. Spiritus sanctus in specie columbae descendit.  
 Hoc autem quod discebat Ioannes per columbam, quare in columba didicit? Oportebat enim ut  
 disceret, nec hoc forte oportebat ut nisi per columbam disceret. Quid dicam de columba fratres  
 mei? Aut quando mihi sufficit facultas uel cordis uel linguae, dicere quomodo uolo: & forte  
 non digne uolo quomodo dicendum est: nec sic tamen possum dicere quomodo uolo: quanto mi-  
 nus quomodo dicendum est. Ego a migliore hoc audire uellem, non uobis dicere. Discit Ioannes  
 eum quem nouerat, sed in eo discit in quo eum non nouerat, in quo nouerat non discit. Et quid  
 nouerat? Dominum. Quid non nouerat? Potestatem dominici baptismi in nullum homi-  
 nem a domino transiuram: sed ministerium plane transiurum, potestatem a domino in ne-  
 minem ministrorum, ministerium & in bonos & in malos. Non exhorreat columba mini-  
 sterium malorum, respiciat domini potestatem. Quid tibi facit malus minister, ubi bonus  
 est dominus? Quid te impedit maliciosus praeco, ubi beneuolus est iudex? Ioannes didicit  
 per columbam hoc. Quid est quod didicit? Ipse repetat: Ipse mihi dixit, inquit, Super quem  
 uideris spiritum descendantem sicut columbam, & manentem super eum, hic est qui baptiz-  
 at in spiritu sancto. Non ergo te decipiant o columba, seductores, qui dicunt, Nos baptiza-  
 mus. Columba agnosce, quid docuit columba, Hic est qui baptizat in spiritu sancto. Per co-  
 lumbam discitur quia hic est: & tu eius potestate putas te baptizari, cuius ministerio bapti-  
 zaris? Si tu hoc putas, nondum es in corpore columbae: & si non es in corpore columbae, non  
 mirandum quia simplicitatem non habes. Simplicitas enim maxime per columbam de-  
 monstratur. Quare per simplicitatem columbae didicit Ioannes, quia hic est qui baptizat  
 in spiritu sancto, fratres mei, nisi quia columbae non erant qui ecclesiam dissipauerunt? acci-  
 pitres erant, milui erant. Non laniat columba, & uides illos inuidiam nobis facere, quasi de  
 persecutionibus quas passi sunt. Corporales quidem passi quasi persecutiones, cum essent fla-  
 gella domini manifeste dantis disciplinam ad tempus ne damnet in aeternum, si eam non cogno-  
 uerit, sed & correxerint. Illi uero persequuntur ecclesiam qui dolis persequuntur. Illi grauius cor-  
 ferunt,

Rom. 4. 13

feriunt, qui linguæ gladio feriunt. Illi acerbius sanguinem fundunt, qui Christum quantum in ipsis est, in homine occidunt. Perterriti uidentur quasi iudicio potestatum. Quid tibi facit potestas si bonus es? Si autem malus es, time potestatem: non enim frustra gladium portat, dicit Apostolus. Tuum gladium noli educere, quo percutis Christum. Christiane, quid tu persequeris in Christiano? Quid in te persecutus est imperator? Carnem persecutus est, tu in Christianos spiritum persequeris. Non occidis tu carnem, & tamen nec carni parcent, & tamen quotquot potuerunt cædendo necauerunt, nec suis nec alienis pepercerunt. Notum est hoc omnibus. Inuidiosa est potestas quia legitima est. Inuidiose facit, qui iure facit: sine inuidia facit, quia præter leges facit. Attendat unusquisque uestrum fratres mei, quid habeat Christianus. Quod homo est, commune cum multis: quod Christianus est, secernitur à multis, & plus ad illum pertinet quod Christianus, quam quod homo: nam quod Christianus, renouatur ad imaginem dei, à quo homo factus est ad imaginem dei: quod autem homo, posset & malus, posset & paganus, posset & idololatra. Hoc tu persequeris in Christiano quod melius habet: hoc enim uis auferre unde uiuit. Viuit enim temporaliter secundum spiritum uitæ, quo corpus animatur: uiuit autem ad aternitatem secundum baptismum, quod accepit à domino. Hoc illi uis tollere, quod accepit à domino: hoc illi uis tollere unde uiuit. Latrones eos quos uolunt spoliare sic uolunt, ut ipsi plus habeant, & illi nihil habeant: tu & tollis huic, & apud te non erit plus: non enim plus tibi fit, quia huic tollis. Sed uere hoc faciunt. Qui? Hi qui tollunt animam, & alteri tollunt, & ipsi duas animas non habent. Quid ergo uis auferre? unde tibi displicet, quæ uis rebaptizare? Dare non potes quod iam habet, sed facies negare quod habet. Quid acerbius faciebat paganus, persecutor ecclesiæ? Exerebantur gladij aduersus martyres, mittebantur bestiae, ignes admouebantur. Vt quid ista? ut diceret qui ista patiebatur, non sum Christianus. Quid doces tu eum quem uis rebaptizare, nisi ut primo dicat, non sum Christianus? Ad quod aliquando persecutor proferebat flammam, ad hoc tu producis linguam. Seducendo facis, quod ille occidendo non fecit. Et quid est quod daturus es, & cui daturus es? Si tibi uerum dicat, & non seductus à te, mentietur: dicturus est, habeo. Interrogas, habes baptismum? habeo dicit. Quandiu habeo, dicit, inquis, non sum daturus. Et noli dare: quod enim uis dare, habere in me non potest, quia quod accepi, auferri à me non potest: sed tamen expecta, uideam quid me uis docere. Dic, inquit, primo, non habeo: sed hoc habeo. Si dixero, non habeo, mentiar. Quod habeo, habeo. Non habes inquit: Doce quia non habeo: Malus tibi dedit: si malus Christus, malus mihi dedit: Nō inquit malus Christus: sed non tibi Christus dedit. Quis ergo mihi dedit? responde, Ego me à Christo scio accepisse. Dedit tibi, inquit, sed traditor nescio quis, non Christus. Videro quis fuerit minister, uidero quis fuerit præco. De officiali non disputo, iudicem attendo: & forte quod obijcis officiali mentiris. Sed nolo discutere causam officialis sui, cognoscat dominus amborum. Forte si exigam ut probes, non probas, imò mentiris. Probatum est te probare nō potuisse: sed non ibi pono causam meam, ne cum studio se cœpero defendere homines innocentes, putes me spem meam uel in hominibus innocentibus posuisse. Fuerunt homines qualeslibet: ego à Christo accepi, à Christo baptizatus sum. Non, inquit, sed ille episcopus te baptizauit, & ille episcopus illis communicat. A Christo sum baptizatus, ego noui. Vnde nosti? Docuit me columba, quam uidit Ioann. O milue male, non me dilanies à uisceribus columbæ. In columbæ membris nuptizauit, aut ille te baptizauit: per columbam mihi & tibi dicitur. Hic est qui baptizat. Cui credo, miluo an columbæ? Certet tu mihi dic, ut per illam lucernam confundaris, qua confusi sunt & priores tui, inimici, pares tui Pharisei, qui cum interrogarent dominum, In qua potestate ista faceret: interrogo & ego uos, inquit, unum istum sermonem, dicite mihi, Baptismum Ioannis unde erat, de cœlo an ex hominibus? Et illi qui præparabant iaculari dolos, irretiti sunt quæstione, cœperunt uoluere apud semetipsos, & dicere,

Matth. 23



**A** cere, Si dixerimus quia de cœlo est, dicturus est nobis, quare non credidistis ei? Ioannes enim dixerat de domino, Ecce agnus dei, ecce qui tollit peccata mundi. Quid ergo quaeritis, in qua potestate ista facio? O lupi, in potestate agni facio quæ facio: sed ut nossetis agnum, quare non credidistis Ioanni qui dixit, Ecce agnus dei, ecce qui tollit peccata mundi? Scientes ergo illi quid dixisset Ioannes de domino, dixerunt apud se: Si dixerimus, quia de cœlo est baptismum Ioannis, dicet nobis, quare ergo non credidistis ei? Si dixerimus, quia ex hominibus est, lapidabimur à populo, quia sicut prophetam habent Ioannem. Hinc timebant homines, hinc ueritatem fateri confundebantur. Tenebræ tenebras responderunt, sed à luce superatæ sunt. Quid enim responderunt? Nescimus. Quod sciebant dixerunt, nescimus: & dominus, Nec ego uobis dico, inquit, in qua potestate ista facio. Et confusi sunt primi inimici: unde? de lucerna: quis erat lucerna? Ioannes. Probamus quia lucerna erat? Probamus: dominus enim dicit, Ille erat lucerna ardens & lucens. Probamus, quia & de ipso confusi sunt inimici: psalmum audi, Parauit lucernam Christo meo, inimicos eius induam confusione. Adhuc in huius uitæ tenebris ad lucernam fidei ambulamus: teneamus & nos lucernam Ioannem, confundamus & inde inimicos Christi, imò ipse confundat inimicos suos per lucernam suam. Interrogemus & nos quod dominus Iudæos, interrogemus & dicamus, Baptisma Ioannis unde est, de cœlo an ex hominibus? Quid dicturi sunt? Videte si non & ipsi tanquam inimici de lucerna confundantur. Quid dicturi sunt? Si dixerint ex hominibus, & ipsi sui eos lapidabunt. Si autem dixerint, de cœlo, dicamus eis, quare ergo non credidistis ei? Et dicunt fortasse, credimus ei. Quomodo ergo dicitis quia uos baptizatis? & Ioannes dicit, Hic est qui baptizat? Sed ministros, inquit, tanti iudicis iustos oportet esse, per quos baptizat. Et ego dico & omnes dicimus, quia iustos oportet esse tanti iudicis ministros. Sint ministri iusti si uolunt, Si autem noluerint esse iusti, qui in cathedra Moyse sedent, securum me fecit magister meus, de quo spiritus eius dixit, Hic est qui baptizat. Quomodo securum me fecit? Scribæ, inquit, & pharisæi super cathedram Moyse sedent, quæ dicunt facite: quæ autem faciunt, facere nolite, dicunt enim & non faciunt. Si fuerit minister iustus, computo illum cum Paulo, computo illum cum Petro, cum istis computo iustos ministros: quia uere iusti ministri gloriam suam non quaerunt: ministri enim sunt, pro iudicibus haberi nolunt, spem in se poni exhorrescunt. Ergo computo cum Paulo iustum ministrum. Quid enim dicit Paulus? Ego plantaui, Apollo rigauit, sed deus incrementum dedit. Neque qui plantat est aliquid, neque qui rigat, sed qui incrementum dat deus. Qui uero fuerit superbus minister, cum diabolo computatur, sed non contaminatur donum Christi: quod per illum fluit, purum est: quod per illum transit liquidum, uenit ad fertilem terram: Puta quia ipse lapideus est, quia ex aqua fructum ferre non potest, per lapideum cannalē transit aqua ad areolas: in cannali lapideo nihil generans, sed tamen hortis plurimum fructum affert. Spiritualis enim uirtus sacramenti ita est ut lux, & ab illuminandis pura excipitur, & si per immundos transeat, non inquinatur. Sint planē ministri iusti, & gloriam suam non quaerant, sed illius cuius ministri sunt. Non dicant, baptismum meum est, quia non est ipsorum: attendāt ipsum Ioannem, Ecce Ioannes plenus erat spiritu sancto, & baptismum de cœlo habebat, non ex hominibus. Sed quatenus habebat? Ipse dixit, Parate uiam domino. Vbi autem cognitus est dominus, ipse factus est uia, non iam opus erat baptismo Ioannis, quo pararetur uia domino. Tamen quid nobis solent dicere, Ecce post Ioannē baptizatum est: antequam enim bene ista quaestio tractaretur in ecclesia catholica, multi in ea errauerunt, & magni & boni: sed quia de membris columbae erant, non se praeciderunt, & factum est in eis quod dixit Apostolus, Si quid aliter sapitis, hoc quoque uobis deus reuelabit. Vnde isti qui se separauerunt, indociles facti sunt: quid ergo solent dicere? Ecce post Ioannem baptizatum est, post hæreticos non baptizatur? Quia quidam qui habebant baptismum Ioannis, iussi sunt à Paulo baptizari: non enim habebant baptismum Christi. Quid ergo exaggeras meritum Ioannis, & quasi abijcis

psalm. 131

Matth. 23

1. Cor. 3

philip. 3

Act. 19

infelicitatem hæreticorum? Et ego tibi concedo sceleratos esse hæreticos. Sed hæretici baptisma Christi dederunt, quod baptisma non dedit Ioannes. Recurro ad Ioannem & dico, Hic est qui baptizat. Si enim melior Ioannes quàm hæreticus, quomodo melior Ioannes quàm ebriosus? quomodo melior Ioannes quàm homicida? Si post deteriore baptizare deberemus, quia post meliorem baptizarunt apostoli. Quicumque apud ipsos baptizati fuerint ab ebrioso, non dico ab homicida, non dico à satellite alicuius scelerati, non dico à raptore rerum alienarum, non dico ab oppressore pupillorum, non à separatore coniugum: nihil horum dico, quod solenne est dico, quod quotidianum est dico, quod uocatur omnes dico, & in ista ciuitate, quando ab eis dicitur, alijs ieiunantibus, bene sit nobis, & tali die festo Ianuariarum non debes ieiunare, ea dico leuia, quotidiana: ab ebrioso homine cum baptizatur, quis est melior, Ioannes an ebriosus? Responde si potes, quòd ebriosus tuus melior sit quàm Ioannes. Nunquam hoc audebis. Ergo tu quia sobrius es, baptiza post ebriosum tuum: si enim post Ioannem baptizauerunt apostoli, quanto magis debet post ebriosum sobrius baptizare? An dicis, in unitate mecum est ebriosus? Ergo Ioannes amicus sponsi, non erat in unitate cum sponso? Sed tibi ipsi dico quisquis es: tu es melior, an Ioannes? Non audebis dicere, ego sum melior quàm Ioannes. Ergo post te baptizent tui, si forte fuerint meliores: si enim post Ioannem baptizatum est, erubescere quia post te non baptizaturus dicturus es, Sed ego baptismum Christi habeo & doceo. Aliquando ergo cognosce iudicem, & noli præco superbus esse. Baptisma Christi das, ideo post te non baptizatur: post Ioannem ideo baptizatum est, quia baptismum Christi non dabat, sed baptismum suum: quia sic acceperat ut ipsius esset. Non ergo tu melior quàm Ioannes, sed baptismum quod per te datur, melius quàm Ioannis. Ipsum enim Christi est, istud autem Ioannis. Et quod dabatur à Paulo, & quod dabatur à Petro Christi est, & quod datum est à Iuda Christi erat. De Iuda, & non baptizatum est post Iudam: dedit Ioannes, & baptizatum est post Ioannem: quia si datum est à Iuda, baptismum Christi erat: quod autem à Ioanne datum est, Ioannis erat. Non Iudam Ioanni, sed baptismum Christi etiam per Iudæ manus datum, baptismo Ioannis etiam per manus Ioannis dato recte præponimus. Etenim dictum est de domino antequàm pateretur, quia baptizabat plures quàm Ioannes. Deinde subiunctum est, Quamuis ipse non baptizaret, sed discipuli eius: ipse & non ipse. Ipse potestate, illi ministerio. Seruitutem ad baptizandum illi admouebant: potestas baptizandi in Christo permanebat. Ergo baptizabant discipuli eius, & ibi adhuc erat Iudas inter discipulos eius. Si quos ergo baptizabat Iudas, non sunt iterum baptizati: & quos baptizauit Ioannes, iterum baptizati sunt? Planè iterum: sed non idem erat baptismus. Quos enim baptizauit Ioannes, Ioannes baptizauit: quos autem baptizauit Iudas, Christus baptizauit. Sic ergo quos baptizauit ebriosus, quos baptizauit homicida, quos baptizauit adulter, si baptismum Christi erat, Christus baptizauit. Non timeo adulterum, non ebriosum, non homicidam, quia columbam attendo, per quam mihi dicitur, Hic est qui baptizat. Ceterum, fratres mei, delirum est dicere, quia melioris meriti fuit, non dico Iudas, sed quilibet hominum, quàm ille de quo dictum est, In natis mulierum nemo surrexit maior Ioanne Baptista. Non ergo huic quisquam seruus, sed baptismum domini etiam per seruum malum datum, baptismati etiam amici serui præponitur. Audi quales commemorat apostolus Paulus falsos fratres in inuidia prædicantes uerbum dei. Et quid de illis dicat? Et in hoc gaudeo, sed & gaudebo. Christum enim annunciabant, per inuidiam quidem, sed tamen Christum: non per quid, sed quem uide. Per inuidiam tibi prædicatur Christus: uide Christum, uita prædicatam per inuidiam. Noli imitari malum prædicatorem, sed imitare bonum quod tibi prædicatur. Christus ergo à quibusdā per inuidiam prædicabatur: & quid est inuidere? Horrendum malum: Ipso malo diabolus deiectus est, ipso deiecto deiecit multos. Maligna pestis est, & habebant illam quidam Christi prædicatores, quos tamen prædicare permittit Apostolus. Quare? quia Christum prædicabant. Qui autem

i. q. 1. c. dedit

Ioan. 4

De conse. dist. 4.  
c. baptismus

Matth. 13

Philip. 1



**A** autem inuidet, odit: & qui odit, quid de illo dicitur? Audi apostolum Ioannē, Qui odit fratrem suum, homicida est. Ecce post Ioannem baptizatum est, post homicidam non baptizatum est: quia Ioannes dedit baptismum suum, homicida dedit baptismū Christi. Quod sacramentum tam sanctum est, ut nec homicida ministrante polluatur. Non respuo Ioannem, sed potius credo Ioanni: quid credo Ioanni? Quod didicit per columbam: quid didicit per columbam? Hic est qui baptizat in spiritu sancto. Iam ergo fratres, tenete hoc, & cordibus uestris insigite. Si enim hodie uoluero plenius dicere, quare per columbam, tempus non sufficit. Quia enim res dicenda insinuata est Ioanni per columbam, quam non nouerat in Christo Ioannes, quamuis iam nosset Christum, exposui quantum arbitror sanctitati uestre. Sed quare hanc ipsam rem per columbam oportuit demonstrari, si breuiter dici posset, dicerem. Sed quia diu dicendum est, & onerare uos nolo: quomodo adiutus sum orationibus uestris, ut illud quod promisi, implerem: adiuuate etiam atque etiam pia intentione & uotis bonis, & illud apparebit uobis, quare Ioannes quod didicit in domino: quia ipse est qui baptizat in spiritu sancto, & nulli seruo suo talem legauit potestatem baptizandi, nō debuit discere nisi per columbam.

De eo quod dictum est, Columbam super dominum descendisse, usq; ad id quod ait, Ego uidi, & testimonium perhibui, quia hic est filius dei.

Tractatus VI.



**B** Ateor sanctitati uestre, timueram ne frigus hoc frigidus uos ad conueniendum faceret: sed quia ista celebritate & frequentia uestra, spiritu uos feruere demonstrastis, non dubito quin etiam orastis pro me, ut debitum uobis exoluam. Promiseram enim in nomine Christi differere hodie, cum angustia temporis tunc impediret, ne id possemus explicare tractando, quare deus per columbæ speciem ostendere uoluerit spiritum sanctum. Hoc ut explicetur, illuxit nobis dies hodiernus, & sentio audiendi cupiditatem, & pia deuotione uos celebrius congregatos. Expectationem uestram deus impleat ex ore nostro. Amastis enim ut ueniretis: sed amastis, quid? Si nos, & hoc bene, nam uolumus amari à uobis, sed nolumus in nobis. Quia ergo in Christo uos amamus, in Christo nos redamate, & amor noster pro inuicem gemat ad deum. Ipse enim gemitus columbæ est: si ergo gemitus columbæ est, quod omnes nouimus, gemunt autem columbæ in amore: audite quid dicat Apostolus, & nolite mirari, quia in columbæ specie uoluit demonstrari spiritus sanctus, Quid enim oremus, sicut oportet, inquit, nescimus, sed ipse spiritus interpellat pro nobis gemitibus inenarrabilibus. Quid ergo fratres mei, hoc dicturi sumus, quia spiritus gemit, ubi perfecta & æterna beatitudo est ei cum patre & filio? Spiritus enim sanctus deus, sicut dei filius deus, & pater deus. Ter dixi deus, sed non dixi tres deos: magis enim deus ter quàm dñi tres, quia pater & filius & spiritus sanctus unus deus. Hoc optime nostis. Non ergo spiritus sanctus in semetipso apud semetipsum in illa trinitate, in illa beatitudine, in illa æternitate substantiæ gemit, sed in nobis gemit, quia gemere nos facit. Nec parua res est, quod nos docet spiritus sanctus gemere: insinuat enim nobis quia peregrinamur, & docet nos in patriam suspirare, & ipso desiderio gemimus. Cui bene est in hoc seculo, imò qui putat quod ei bene sit, qui lætitia rerum carnalium, & abundantia temporalium, & uana fœlicitate exultat, habet uocem corui: uox enim corui clamosa est, non gemebunda. Qui autem nouit in pressura se esse mortalitatis huius, peregrinari se à domino, nondum teneri illam perpetuam, quæ nobis promissa est beatitudinem, sed habere illam in spe, quam habiturus est in re, cum dominus uenerit in manifestatione præclarus, qui prius in humilitate uenit occultus: qui hæc nouit, gemit. Et quandiu propter hæc gemit, bene gemit. Spiritus illum docuit gemere, à columba didicit gemere. Multi enim gemunt in infelicitate terrena, uel quassati damnis, uel ægritudine corporis prægrauati, uel carceribus inclusi, uel catenis colligati, uel fluctibus

fluctibus maris merſi ac iactati, uel aliquibus inimicorum inſidijs circumſepti gemit: **C**  
 ſed non columbæ gemitu gemit, non amore dei gemit, non ſpiritu gemit. Ideo ta-  
 les cum ab iſtis preſſuris fuerint liberati, exultant in grandibus uocibus: ubi apparet quia  
 corui ſunt, non columbæ. Ideo merito de arca miſſus eſt coruus, & non eſt reuerſus, miſ-  
 ſa eſt columba, & reuerſa eſt. Illas duas aues miſit Noë: habebat ibi coruum, habebat  
 & columbam: utrumque hoc genus arca illa continebat. Et ſi arca figurabat eccleſiam, ui-  
 detis utique quia neceſſe eſt, ut in iſto diluuiſe ſeculi utrumque genus contineat eccleſia, &  
 coruum & columbam. Qui ſunt corui? qui ſua quærent. Qui columbæ? qui ea quæ Chri-  
 ſti ſunt quærent. Propterea ergo cum mitteret ſpirituſanctum, duobus modis eum  
 oſtendit uiſibiliter, per columbam & per ignem. Per columbam ſuper dominum baptiza-  
 tum, per ignem ſuper diſcipulos congregatos. Cum enim aſcendiſſet dominus in cœlum  
 poſt reſurrectionem, peractis cum diſcipulis ſuis quadraginta diebus, impleto die Pen-  
 tecoſtes, miſit eis ſpirituſanctum, ſicut promiſerat. Spiritus ergo tunc ueniens imple-  
 uit locum illum, factoque primo ſonitu de cœlo tanquam ferretur flatus uehemens, ſicut  
 in actibus Apoſtolorum legimus, Viſæ, inquit, illis ſunt linguæ diuiſæ uelut ignis, qui &  
 inſedit ſuper unumquemque eorum, & cœperunt linguis loqui, ſicut ſpiritus dabat eis pro-  
 nunciare. Hanc uidemus columbam ſuper dominum, has linguas diuiſas ſuper diſcipulos  
 congregatos: ibi ſimplicitas, hic feruor oſtenditur. Sunt enim qui dicuntur ſimplices, & pi-  
 gri ſunt: uocantur ſimplices, ſunt autem ſegnes. Non talis erat Stephanus plenus ſpirituſan-  
 cto: ſimplex erat, quia nemini nocebat: feruens erat, quia impios arguebat. Non enim  
 tacuit Iudæis, cuius ſunt uerba illa flammantia, Dura ceruice, & incircumciſi corde & auri-  
 bus, uos ſemper reſtititiſti ſpirituſancto. Magnus impetus, ſed columba ſine felle ſæuit.  
 Nam ut noueritis, quia ſine felle ſæuebat, illi auditis his uerbis qui corui erant, ad lapides  
 ſtatim aduerſus columbam cucurrerunt: cœpit Stephanus lapidari, & qui paulo ante ſer-  
 mens & feruens ſpiritu, tanquam in inimicos impetum fecerat, & tanquam uiolentus inue-  
 ctus erat in uerbis igneis atque flammantibus, ut auditiſti, Dura ceruice, & incircumciſi cor-  
 de & auribus: ut qui ea uerba audiret, putaret Stephanum, ſi ei liceret, ſtatim illos uelle  
 conſumi, uenientibus in ſe lapidibus ex manibus eorum genuflexo ait, Domine, ne ſtatu-  
 as illis hoc delictum, Inhaſerat tibi mititati columbæ. Prior enim illud fecerat magiſter, ſu-  
 per quem descenderat columba, qui pendens in cruce ait, Pater, ignoſce illis, quia nesciunt  
 quid faciunt. Ergo ne ſpiritu ſanctificati dolum habeant, in columba demonſtratum eſt:  
 ne ſimplicitas frigida remaneat, in igne demonſtratum eſt. Nec moueat, quia linguæ di-  
 uiſæ ſunt. Distant enim linguæ, ideo diuiſis linguis apparuit. Linguæ, inquit, diuiſæ uelut  
 ignis, qui & inſedit ſuper unumquemque eorum. Distant inter ſe linguæ, ſed linguarum di-  
 ſtantiæ non ſunt ſchiſmata. In linguis diuiſis noli diſſipationem timere, unitatem cogno-  
 ſce in columba. Sic ergo ſic oportebat demonſtrari ſpirituſanctum uenientem ſuper do-  
 minum, ut intelligat unusquiſque ſi habeat ſpirituſanctum, ſimplicem ſe eſſe debere ſi-  
 cut columbam: habere cum fratribus ueram pacem, quam ſignificant oſcula columba-  
 rum. Habent enim oſcula & corui: ſed in coruiſ falſa pax, in columba uera pax. Non omnis  
 ergo qui dicit, pax uobiſcum, quaſi columba audiendus eſt. Vnde ergo diſcernuntur oſcu-  
 la coruorum ab oſculis columbarum? Oſculantur corui, ſed laniant: à laniatu innocens eſt  
 natura columbarum. Vbi ergo laniatus, non eſt uera in oſculis pax. Illi habent ueram pa-  
 cem, qui eccleſiam non laniauerunt: nam corui de morte paſcuntur. Hoc columba nō habet,  
 de frugibus terræ uiuit, innocens eiſ uictus eſt: quod uere fratres mirandum eſt in colum-  
 ba. Sunt paſſeres breuiſſimi, qui uel muſcas occidūt, nihil horū colūba: non enim de morte  
 paſcitur. Qui laniauerūt eccleſiā, de mortibus paſcūtur. Potens eſt dominus, rogemus ut re-  
 uiuifcant qui deuorantur ab eiſ & ſentiunt: multi enim agnoſcunt, quia reuiuifcant, nam  
 ad eorum aduētum quotidie gratulamur in nomine Chriſti. Vos enim ſic eſtote ſimplices,  
 ut ſitis prudentes & feruentes, & feruor ueſter in linguis ſit. Nolite tacere, ardentibus lin-  
 guis

Gen. 8

Aſ. 2

Aſ. 7

Aſ. unitati  
Luce 232. queſt. c. non  
omnis qui



**A** quis loquentes, accendite frigidos. Quid enim fratres mei, quis non uideat quod illi non uident? Nec mirum, quia inde reuerti nolunt, sicut coruus qui de arca missus est. Quis enim non uideat quod illi non uident? Et ipsi spiritu sancto ingrati sunt. Ecce columba descendit super dominum, & super dominum baptizatum, & apparuit ibi sancta illa & uera trinitas, quæ nobis unus deus est. Ascendit enim dominus ab aqua, sicut in euangelio legimus, & ecce aperti sunt coeli, & uidi spiritum descendentem uelut columbam, & mansit super eum. Et statim uox consecuta est, Tu es filius meus dilectus, in quo mihi bene complacui. Apparuit manifestissima trinitas, pater in uoce, filius in homine, spiritus sanctus in columba. In trinitate ista quod missi sunt apostoli, uideamus quod uidemus, & quod mirum est, quia illi non uident: non enim uere non uident, sed ad id quod facies eorum fert, oculos claudunt. A quo missi sunt discipuli, in nomine patris & filij & spiritus sancti? Ab illo de quo dictum est, Hic est qui baptizat. Dictum est enim ministris ab eo qui sibi tenuit hanc potestatem. Hoc enim in illo uidit Ioannes, & cognouit quod non nouerat, non quia eum non nouerat filium dei, aut eum non nouerat dominum, aut non nouerat Christum: aut uero & hoc non nouerat, quia ipse baptizaturus esset in aqua, & Christus in spiritu sancto? Nā & hoc nouerat. Sed quia non ita ut sibi teneret potestatem, & in nullum ministrorum eam transferret, hoc est quod didicit in columba. Per hanc enim potestatem quam Christus solus sibi tenuit, & in neminem ministrorum transfudit, quamuis per ministros baptizare dignatus sit, per hanc stat unitas ecclesiæ, quæ significatur per columbam, de qua dictum est, Vna est colūba mea, una est matris suæ. Si enim, ut iam dixi, fratres mei, transferretur potestas à domino ad ministrum, tot baptismata essent, quot ministri essent, & iam non staret unitas baptismi. In-  
**B** tēdite fratres, Antequam ueniret dominus noster Iesus Christus ad baptismum, nam post baptismum descendit columba, in qua cognouit Ioannes quiddam proprium, cum ei dictum est, Super quem uideris spiritum descendentem sicut columbam, & manentem super eum, ipse est qui baptizat in spiritu sancto: nouerat, quia ipse baptizabat in spiritu sancto, sed quia tali proprietate, ut potestas ab eo non transiret in alterum, quamuis eo donante hoc ibi didicit. Et unde probamus, quia iam & hoc nouerat Ioannes, quia baptizaturus erat dominus in spiritu sancto, ut hoc intelligatur didicisse in columba, quod ita esset baptizaturus dominus in spiritu sancto, ut in neminem alium hominem potestas illa transiret? Vnde probamus? Columba iam baptizato domino descendit. Ante autē q̄ uenisset dominus ut baptizaretur à Ioanne in Iordane, diximus, quia nouerat eum, illis uocibus ubi ait, Tu ad me uenis baptizari, ego à te debeo baptizari. Sed ecce dominum nouerat, nouerat filiū dei. Vnde probamus quod iam nouerat, quia ipse baptizaret in spiritu sancto? Antequam ueniret ad fluuium, cum multi ad Ioannem currerent baptizari, ait illis, Ego quidem baptizo uos in aqua: qui autem post me uenit maior me est, cuius non sum dignus corrigiam calcei mei soluere, ipse uos baptizabit in spiritu sancto & igni: iam & hoc nouerat. Quid ergo per columbam didicit, ne mendax postea inueniretur, quod auertat à nobis deus, opinari, nisi quandam proprietatem in Christo talem futuram, ut quamuis multi ministri baptizaturi essent, siue iusti siue iniusti, non tribueretur sanctitas baptismi, nisi illi super quem descendit columba: de quo dictum est, Hic est qui baptizat in spiritu sancto. Petrus baptizat, hic est qui baptizat: Paulus baptizat, hic est qui baptizat: Iudas baptizat, hic est qui baptizat. Nā si pro diuersitate meritorum baptisma sanctum est, quia diuersa sunt merita, diuersa erunt baptismata, & tanto quisq; aliquid melius putatur accipere, quanto à meliore uidetur accepisse. Ipsi spirituales sancti, intelligite fratres mei, boni pertinentes ad columbam, pertinentes ad sortem ciuitatis illius Hierusalem, ipsi boni in ecclesia, de quibus dicit Apostolus, No-  
 uit dominus qui sunt eius, diuersarum gratiarū sunt, non omnes paria merita habent. Sunt alij alijs sanctiores, sunt alij alijs meliores. Quare ergo si unus ab illo, uerbi gratia, iusto sancto baptizetur: alius ab alio inferioris meriti apud deum, inferioris gradus, inferioris continentiae, inferioris uitæ: unum tamen & par & æquale est quod acceperunt, nisi quia hic  
 est qui

Matth. 3

De conse. dist. 4, cap. aliud Cant. 6

2. Tim. 2

De conse. dist. 4. c.  
cum baptizat

4. sen. dist. c. 1

Matth. 28

psal. 2

Esaie 2

Gal. 3

Aff. 2

Cant. 6

est qui baptizat? Quomodo ergo cum baptizat bonus & melior, non ideo iste bonum accepit, & ille melius. Sed quamuis bonus & melior fuerint ministri, unum & æquale est quod acceperunt, non est melius in illo, & inferius in isto: sic & cum baptizat malus ex aliqua uel ignorantia ecclesiæ, uel tolerantia: aut enim ignorantur mali, aut tolerantur ut palea, quousque in ultimo uentiletur area, illud quod datum est, unum est, nec impar propter impares ministros, sed par & æquale, propter, Hic est qui baptizat. Ergo dilectissimi uideamus quod uidere illi nolunt, non quod non uideant, sed quod se uidere doleant, quasi clausum sit contra illos quod missi sunt discipuli, in nomine patris & filij & spiritus sancti, ut baptizarent tanquam ministri. Quod missi sunt? Ite, dixit, baptizate gentes. Audistis fratres quomodo uenit illa hæreditas, Postula à me & dabo tibi gentes hæreditatem tuam, & possessionem tuam terminos terræ. Audistis quomodo de Sion prodit lex, & uerbum domini de Hierusalem: ibi enim audierunt discipuli, Ite baptizate gentes in nomine patris & filij & spiritus sancti. Intenti facti sumus cum audiremus, Ite baptizate gentes: in cuius nomine? In nomine patris & filij & spiritus sancti. Iste unus deus, quia non in nominibus patris & filij & spiritus sancti, sed in nomine patris & filij & spiritus sancti: ubi unum nomen audis, unus est deus: sicut de semine Abrahe dictum est, & exponit Paulus apostolus, In semine tuo benedicentur omnes gentes: non dixit in seminibus tanquam in multis, sed tanquam in uno, & semine tuo quod est Christus. Sicut ergo quia ibi non dicit in seminibus, docere te uoluit Apostolus, quia unus est Christus: sic & hic cum dictum est in nomine, non in nominibus, quomodo ibi in semine, non in seminibus, probatur unus deus pater & filius & spiritus sanctus. Sed ecce, inquiunt, discipuli ad dominum, Audiuius in quo nomine baptizemus, ministros nos fecisti, & dixisti nobis. Ite baptizate in nomine patris & filij & spiritus sancti. Quod ibimus? quod non audistis? ad hæreditatem meam: Interrogatis, quod ibimus? Ad id quod emi sanguine meo: quod ergo? Ad gentes, ad gentes inquit. Putaui quia dixit, ite baptizate Afros in nomine patris & filij & spiritus sancti. Deo gratias. Soluit dominus quæstionem, docuit columba. Deo gratias, Ad gentes apostoli missi sunt: si ad gentes, ad omnes linguas. Hoc significauit spiritus sanctus diuisus in linguis, unitus in columba. Hoc linguæ diuiduntur, hoc columba copulat. Linguæ gentium concordarunt, & una lingua Africæ discordauit. Quid euidentius fratres mei: in columba unitas, in linguis gentium societas. Aliquando enim linguæ per superbiam discordauerunt, & tunc sunt factæ linguæ ex una multæ. Post diluuium enim quidam superbi homines, uelut aduersus deum se munire conantes, quasi aliquid esset excelsius deo, aut aliquid tutius, superbiæ erexerunt turrim, quasi ne diluuium si postea fieret deleberentur. Audierant enim & recesserant, quia omnis iniquitas erat deleta diluuium. Ab iniquitate temperare nolebant, altitudinem turris contra diluuium requirebant, & edificauerunt turrim excelsam: uidit deus superbiam ipsorum, & hunc errorem illis immitti iussit, ut non se cognoscerent loquentes, & factæ sunt diuersæ linguæ de superbia. Si superbia fecit diuersitates linguarum: humilitas Christi congregauit diuersitates linguarum. Iam quod illa turris dissociauerat, ecclesia collegit. De una lingua factæ sunt multæ: noli mirari, superbia hoc fecit. De multis linguis fit una, noli mirari, charitas fecit: quia etsi soni diuersi linguarum sunt, in corde unus deus inuocatur, una pax custoditur. Vnde debuit ergo charissimi demonstrari spiritus sanctus, unitatem quandam designans nisi per columbam, ut pacatæ ecclesiæ diceretur, Vna est colūba mea? Vnde debuit humilitas, nisi per auem simplicem & gemen-tem, non per auem superbam & exultantem sicut coruus? Et forte dicent, Quia ergo columba, & una columba, præter unam columbam baptismus esse non potest. Ergo si apud te est columba, uel tu es columba, quando ad te uenio, tu da mihi quod non habeo: scitis hoc ipsum esse. Ecce modo uobis apparebit, non esse de uoce columbæ, sed de clamore corui. Nam paululum attendat charitas uestra, & timete insidias, imò cauete, & excipite uerba contradi-centium respuenda, non transglutienda & uisceribus danda. Facite inde quod fecit dominus, quando illi obtulerunt amarum potum: Gustauit & respuit: sic & uos audite & abiicite. Quid



- A Quid enim dicūt? Videamus, Ecce, inquit, tu es columba. O catholica, tibi dictum est, Vna est columba mea, una matris suæ. Tibi certe dictum est, Expecta, noli me interrogare. Si mihi dictum est proba primum: si mihi dictum est, cito uolo audire. Inquit, Tibi dictū est. Respondeo uoce catholica, mihi. Hoc autem fratres, quod ore meo solius sonuit: sonuit, ut arbitror, & cordibus uestris, & omnes pariter diximus, Ecclesiæ catholicæ dictum est, Vna est columba mea, una est matris suæ: præter ipsam ergo columbā, inquit, baptisma non est. Ego qui præter ipsam columbam sum baptizatus, ergo non habeo baptismum? Si baptismum non habeo, quare mihi non das quando ad te uenio? Et ego interrogo, Interim sequestremus, cui dictum est, Vna est columba mea, una est matris suæ. Adhuc quærimus, Aut mihi dictum est, aut tibi dictum est? Sequestremus cui dictum sit. Hoc ergo quæro, si columba est simplex, innocēs, sine felle, pacata in osculis, nō sæua in unguibus, quæro utrum ad huius colūbæ membra pertineāt auari, raptores, subdoli, ebriosi, flagitiosi, membra sunt columbæ huius? Absit, inquit. Et reuera fratres, quis hoc dixerit ut nihil aliud dicā? Raptores solos, si dicam, membra accipitris possunt esse, nō membra columbæ. Milui rapiunt, accipitres rapiunt, corui rapiunt: columbæ non rapiunt, non dilaniant. Ergo raptores nō sunt membra columbæ. Non apud uos fuit uel unus raptor? Quare manet baptismus quem dedit accipiter & non columba? Quare non baptizatis apud uosmetipsos post raptores & adulteros & ebriosos, post auaros apud uosmetipsos? An isti omnes membra columbæ sunt? Sic dehonestatis columbam uestram, ut ei membra uulturina faciatis. Quid ergo fratres, quid dicimus? Mali & boni sunt in ecclesia catholica: ibi autem soli mali sunt. Sed forte inimico animo hoc dico, & hoc postea requiratur. Et ibi certe dicunt, quia sunt boni & mali. Nam si dixerint solos bonos se habere, credant illis sui, & subscribo, Non sunt apud nos dicant, nisi sancti, casti, sobrii, non adulteri, non fœneratores, non fraudatores, non per iuri, non uinolenti. Dicant, Non enim attendo linguas ipsorum, sed tango corda ipsorum.
- B Cum autem notī sint & uobis & suis, sicut & uos & uobis in catholica & illis notī estis, nec nos eos reprehēdamus, nec illi se palpent. Nos fatemur in ecclesia catholica & bonos & malos esse, sed tanq̃ grana & paleas. Aliquando qui baptizatur à grano palea est: & qui baptizatur à palea, granum est: alioquin si qui baptizatur à grano, ualet: & qui baptizatur à palea, non ualet, falsum est, hic est qui baptizat. Si autem uerum est, hic est qui baptizat, & quod ab illo datur, ualet, & quomodo columba baptizat? Non enim malus ille columba est, aut ad mēbra columbæ pertinet, nec hic potest dici in catholica, nec apud illos. Si illi dicunt, columbam esse ecclesiam suam, quid ergo intelligimus fratres mei, quoniam manifestum & omnibus notum est, & si nolint conuincuntur: quia & ibi quando dant mali, non post illos baptizatur: & hic quando dant mali, nō post illos baptizatur. Columba non baptizat post coruum: coruus quare uult baptizare post columbam? Intēdat charitas uestra, Et quare designatum est nescio quid per columbā, ut baptizato domino ueniret columba, id est spiritus sanctus in specie columbæ, & maneret super eum, cum in aduentu columbæ hoc cognosceret Ioannes, propriam quandam potestatem in domino ad baptizandum, quia per hanc propriam potestatem, sicut dixi, pax ecclesiæ firmata est. Et potest fieri ut habeat aliquis baptismum præter columbam: ut prosit ei baptismus, præter columbam nō potest. Intendat charitas uestra & intelligat quod dico: nam & ista circumuentione sæpe seducunt fratres nostros, qui pigri & frigidi sunt. Simus simpliciores & feruentiores. Ecce, inquit, Ego accepi, an non accepi? Respondeo, accepisti. Si ergo accepi, non est quod mihi des, securus sum, etiam testimonio tuo. Et ego quidem me dico accepisse, & tu me fateris accepisse, utriusq; lingua securum me facit. Quid ergo mihi promittis? Quare uis catholicum facere, quando non mihi aliquid daturus es amplius, & me iam accepisse fateris quod te habere dicis? Ego autē quando dico, ueni ad me, dico quia non habes tu, qui fateris quia habeo. Quare dicis, ueni ad me? Docet nos columba, Respondet enim de capite domini, & dicit, Baptismum habes, charitatem autem qua ego gemo non habes. Quid est hoc, inquit,
- d Baptismum

Baptismum habeo, charitatem non habeo. Sacramentum habeo, charitatem non. Noli clamare, ostende mihi quomodo habeat charitatem qui diuidit unitatem. Ergo, inquit, habeo baptismum. Habes, sed baptismum illud sine charitate nihil tibi prodest: quia sine charitate tu nihil es: nam baptismus ille etiam in illo qui nihil est, non est nihil. Baptisma quippe illud aliquid est, & magnum aliquid est, propter illum de quo dictum est, *Hic est qui baptizat*. Sed ne putares illud quod magnum est, tibi aliquid prodesse posse si non fueris in unitate, super baptizatum columba descendit, tanquam dicens, Si baptismum habes, esto in columba, ne non tibi prosit quod habes. Veni ergo ad columbam dicimus, non ut incipias habere quod non habebas, sed ut prodesse tibi incipiat quod habes. Foris enim habebas baptismum ad perniciem: intus si habueris, incipit prodesse ad salutem. Non enim tantum tibi proderat baptismus, & non etiam oberat: Et sancta possunt obesse: in bonis enim sancta ad salutem insunt: in malis ad iudicium. Certe enim fratres nouimus quid accipiamus, & utique sanctum est quod accipimus, & nemo dicit non est sanctum. Et quid ait Apostolus? Qui autem manducat & bibit indigne, iudicium sibi manducat & bibit: non ait quia illa res mala est, sed quia ille malus male accipiendo, ad iudicium accipit bonum quod accipit. Non enim mala erat buccella, quae tradita est Iudae a domino: Absit. Medicus non daret uenenum: salutem medicus dedit, sed indigne accipiendo ad perniciem accepit, quia non pacatus accepit. Sic ergo & qui baptizantur. Habeo, inquit, mihi, Fateor, habes: obserua quod habes, eo ipso quod habes damnaberis. Quare? Quia rem columbae praeter columbam habes. Si rem columbae in columba habeas, securus habes. Puta te esse militem: si characterem imperatoris tui intus habeas, securus militas: si extra habeas, tunc non solum tibi ad militiam non prodest character ille, sed etiam pro desertore punieris. Veni ergo ueni, & noli dicere, iam habeo, iam sufficit mihi. Veni, columba te uocat, gemendo te uocat. Fratres mei uobis dico, gemendo uocate, non rixando: uocate orando, uocate inuitando, uocate ieiunando: in charitate intelligat quia doletis illos. Non dubito fratres mei, quia si uideant dolorem uestrum, confundentur & reuiuiscunt. Veni ergo ueni, noli timere: time si non uenis: imo non time sed plange. Veni, gaudebis, si ueneris. Gemis quidem in tribulationibus peregrinationis, sed gaudebis in spe. Veni ubi est columba, cui dictum est, *Vna est columba mea, una est matris suae*. Columbam unam uides super caput Christi: linguas uides in toto orbe terrarum. Idem spiritus per columbam, idem & per linguas. Si per columbam idem spiritus, & per linguas idem spiritus sanctus per totum orbem terrarum datus est, a quo te praecidisti ut dantes cum coruo, non ut gemas cum coluba. Veni ergo. Sed sollicitus es forte & dicis, Foris baptizatus sum, timeo ne inde sim reus, quia foris accepi. Iam cepisti cognoscere quid gemendum sit. Verum dicis, quia reus es, non quia accepisti, sed quia foris accepisti. Tene ergo quod accepisti, emenda quod foris accepisti. Accepisti rem colubae, praeter columbam accepisti. Duo sunt quae audis, accepisti, & praeter columbam accepisti. Quod accepisti, approbo: quia foris accepisti, improbo. Tene ergo quod accepisti: non mutatur sed agnoscitur, character est regis mei, non ero sacrilegus: corrogo desertorem, non immuto characterem. Noli de baptismo gloriari, quia dico ipsum est. Ecce dico ipsum est, tota catholica dicit ipsum est: aduertit coluba, & agnoscit & gemit, quia ipsum foris habes: uidet ibi quod agnoscat, uidet ibi & quod corrigat. Ipsum est, ueni. Gloriaris quia ipsum est, & non uis uenire? Quid ergo mali qui non pertinent ad columbam, ait tibi columba, & mali inter quos gemo, & qui non pertinent ad membra mea & necesse est ut inter illos gemam: nonne habent quod te habere gloriaris? nonne multi ebriosi habent baptismum? nonne multi auari, nonne multi idololatrae, & quod est peius furtim? Nonne pagani ad idola eunt, uel ibant publice? Nunc occulte Christiani sortilegos quaerunt, mathematicos consulunt: & isti habent baptismum, sed columba gemit inter coruos. Quid ergo gaudes quia habes? Hoc habes quod habet & malus. Habeto humilitatem, charitatem, pacem: habeto bonum quod nondum habes, ut prosit tibi bonum quod habes: nam quod habes, habuit & Simon magus, Actus apostolorum testes sunt, ille liber canonicus

De conse. di. 2  
c. & sancta

1. Cor. 11

Cant. 6



A nicus omni anno in ecclesia recitandus. Anniversaria solennitate post passionem domini notis illum librum recitari: ubi scriptum est, quomodo conuersus sit Apostolus, & ex persecutore prædicator factus: ubi etiam die pentecostes missus est spiritus sanctus in linguis diuisis uelut ignis. Ibi legimus multos credidisse in Samaria per prædicationem Philippi. Intelligitur autem siue unus ex apostolis, siue ex diaconis, quia septem ibi diaconos legimus ordinatos, inter quos etiam nomen Philippi: per Philippi ergo prædicationem crediderunt Samaritæ. Samaria cœpit abundare fidelibus: ibi erat iste Simon magus, qui per magicas factiones suas demētauerat populum, ut eū uirtutem dei putarent: commotus tamen signis quæ à Philippo fiebant, etiā ipse credidit: sed quomodo ipse crediderit, posteriora sequētia demonstrauerunt. Baptizatus est autē & Simon. Audierunt hoc apostoli qui erant in Hierusalem, & missi sunt ad illos Petrus & Ioannes, & inuenerunt multos baptizatos. Et quia nullus ipsorum adhuc acceperat spiritum sanctum, sicut tunc descēdebat ad ostendendam significationem gentium crediturarum, ut linguis loqueretur, in quos descendebat spiritus sanctus, imposuerunt illis manus orātes pro eis, & acceperunt spiritum sanctum. Simon ille qui non erat in ecclesia columba, sed coruus, quia ea quæ sua sunt quærebat, non quæ Iesu Christi: unde in Christianis potētiam magis amauerat q̄ iustitiā, uidit per impositionem manuum apostolorum dari spiritum sanctum, nō quia ipsi dabant, sed quia ipsis orātibz datus est, & ait apostolis, Quid uultis à me accipere pecuniæ, ut & per impositionē manū A. 8. 8 mearum detur spiritus sanctus? Et ait illi Petrus, Pecunia tua tecū sit in perditionem, quoniam donum dei putasti pecunia comparandum. Cui dicit, Pecunia tua tecū sit in perditionem? utiq̄ baptizato. Iā baptisma habebat, sed colūbæ uisceribus nō hærebat. Audi quia non hærebat: uerba ipsa Petri apostoli aduerte, sequitur enim, Non est tibi pars neq̄ sors in hac fide. In felle enim amaritudinis uideo te esse, Colūba fel non habet, Simon habebat, ideo separatus erat à colūbæ uisceribus. Baptisma illi quid proderat? Noli ergo de baptismo gloriari, quasi ex ipso salus tibi sufficiat. Noli irasci, depone fel, ueni ad columbā. Hic tibi proderit, quod foris non solum non proderat, sed etiā oberat. Neq̄ dicas, non uenio, quia foris sum baptizatus. Ecce incipe habere charitatē, incipe habere fructum, inueniatur in te fructus, mittat te columba intrō. Inuenimus hoc in scriptura, Imputribilibus lignis arca fuerat fabricata. Imputribilia ligna sancti sunt fideles pertinētes ad Christum. Quomodo enim in templo lapides uiui de quibus ædificatur templum, homines fideles dicti sunt: sic ligna imputribilia homines perseverantes in fide. In ipsa ergo arca ligna imputribilia erant. Arca enim ecclesia est, ibi baptizat colūba illa. Arca enim illa in aqua ferebatur: ligna imputribilia intus erant, baptizata sunt. Inuenimus quædam ligna foris baptizata, omnes arbores quæ erant in mūdo. Ipsa tamen aqua erat, non erat altera: omnis de cœlo uenerat, & de abyssi fontium. Ipsa erat aqua in qua baptizata sunt ligna imputribilia, quæ erant in arca, in qua baptizata sunt ligna foris. Missa est columba, & primum non inuenit requiem pedibus suis, rediit in arcam: plena enim erant aquis omnia, & maluit redire q̄ rebaptizari. Coruus autē ille emissus est anteq̄ siccaretur aqua, rebaptizatus redire noluit, mortuus est in his aquis. Auertat deus corui illius mortem: nam quare non est reuersus, nisi quia aquis interceptus est? At uero columba non inueniens requiem pedibus suis, cum ei undiq̄ clamaret aqua, ueni, ueni, hic tingere: quomodo clamant isti hæretici, ueni, ueni, hic habes, non inueniēs illa requiem pedibus suis, reuersa est ad arcam. Emisit illam Noë iterum, sicut uos mittit arca ut loquamini illis. Et quid fecit postea columba? Quia erant ligna foris baptizata, reportauit ad arcam rami de oliuæ. Ramus ille & folia & fructū habebat. Non sint in te sola uerba, non sint in te sola folia, sit fructus, & redis ad arcam, nō per te ipsum, columba te reuocat. Gemite foris, ut illos intrō reuocetis. Etenim fructus iste oliuæ si discutiatur, inuenies quid erat. Oliuæ fructus charitatem significat. Vnde hoc probamus? Quomodo enim oleū à nullo humore premitur, sed disruptis omnibus exilit & supereminet: sic & charitas nō potest premi in ima, necesse est ut ad superna emineat. Propterea de illa dicit Apo

1. Cor. 12 stulus, Adhuc supereminentiorem uiam uobis demonstro. Quia diximus de oleo quia supereminet, ne forte non de charitate dixerit Apostolus, supereminentiorem uiam uobis demonstro, audiamus quid sequitur. Si linguis hominum loquar & angelorum, charitatem autem non habeam, factus sum tanquam aeramentum sonans, aut cymbalum tinniens. Duo nunc Donate exclama, Disertus sum: & clama, doctus sum. Quantum disertus, quantum doctus? Nunquid linguis angelorum locuturus es? Et tamen si linguis angelorum loquereris, charitatem non habens, audirem aera sonantia & cymbala tinnientia. Soliditatem aliquam quero, fructum in folijs inueniam: non sint sola uerba, habeant oliuam, redeant ad arcam. Sed, inquires, habeo sacramentum. Verum dicis, sacramentum diuinum est, habes baptisma, & ego confiteor. Sed quid dicit idem Apostolus? Si sciero omnia sacramenta, & habuero prophetiam & omnem fidem, ita ut montes transferam: ne forte & hoc diceres, Credidi, sufficit mihi. Sed  
 Iacob. 2 quid dicit Iacobus? Et daemones credunt & contremiscunt. Magna est fides, sed nihil prodest si non habeat charitatem. Confitebantur & daemones Christum credendo, sed non diligendo dicebant, Quid nobis & tibi fili dei? Fidem habebant, charitatem non habebant, ideo daemones erant. Noli de fide gloriari, adhuc daemonibus comparandus es: noli dicere Christo domino, mihi & tibi quid est? Unitas enim Christi tibi loquitur, Veni cognosce pacem, redi ad uiscera columbae. Foris baptizatus es, habeto fructum, & redi ad arcam, Et tu, Quid nos quaeritis si mali sumus? Ut boni sitis. Ideo uos quaerimus, quia mali estis: nam si mali non essetis, inuenissemus uos, non uos quaereremus. Qui bonus est, iam inuentus est: qui malus est, adhuc quaeritur: ideo uos quaerimus, redite ad arcam. Sed iam habeo baptismum. Si omnia sacramenta sciero, & habuero prophetiam & omnem fidem, ita ut montes transferam, charitatem autem non habeam, nihil sum. Fructum ibi uideam, oliuam ubi uideam: & reuocare ad arcam. Sed quid ais? Ecce nos multa mala patimur: haec si pro Christo pateremini, non pro honoribus uestris. Audite quid sequitur. Iactant se enim aliquando, quia eleemosynas multas faciunt, dant pauperibus, quia patiuntur molestias, sed pro Donato non pro Christo. Vide quomodo patiaris: nam si pro Donato pateris, pro superbo pateris. Non es columba si pro Donato pateris: non erat ille amicus sponsi, nam si amicus esset sponsi, gloriam sponsi quaereret, non suam. Vide amicum sponsi dicentem, Hic est qui baptizat. Ille non erat amicus sponsi, pro quo pateris: Non habes uestem nuptialem: & si ad conuiuium uenisti, foras habes mitti. Imo quia foras missus es, ideo miser es: redi aliquando & noli gloriari. Audi quid dicat Apostolus, Si distribuero omnia mea pauperibus, & tradidero corpus meum ut ardeam, charitatem autem non habeam, nihil sum. Ecce quod non habes. Si tradidero, inquit, corpus meum ut ardeam, & utique pro nomine Christi: sed quia sunt multi qui iactanter illud faciunt, non cum charitate: ideo si tradidero corpus meum ut ardeam, charitatem autem non habeam, nihil mihi prodest. Charitate fecerunt martyres illi, qui in tempore persecutionis passi sunt, charitate fecerunt: isti autem de tumore & de superbia faciunt, nam cum persecutor desit, seipsum praecipit. Veni ergo ut habeas charitatem. Sed nos habemus martyres. Quos martyres? Non sunt columbae, ideo uolare conati sunt, & de petra ceciderunt. Omnia ergo fratres mei uidetis, quia clamant aduersus illos omnes paginae diuinae, omnis prophetia, totum euangelium, omnes apostolicae litterae, omnis gemitus columbae, & nondum euigilant, nondum exurgunt. Sed si columba sumus, gemamus, toleremus, speremus: aderit misericordia dei, ut efferueat ignis spiritus sancti in simplicitate uestra, & ueniet. Non est desperandum, orate, praedicate, diligite, prorsus potens est dominus: iam ceperunt cognoscere frontem suam: multi cognouerunt, multi erubuerunt: aderit Christus, ut cognoscant & ceteri. Et certe fratres mei uel palea sola ibi remaneat, omnia grana colligentur: quicquid tibi fructificauit, reuoluentes quid dicant? Villas nostras tulerunt, fundos nostros tulerunt, proferunt testamenta hominum. Ecce ubi Gaius eis donauit fundum ecclesiae, cui praerat Faustinus. Cuius episcopus erat Faustinus? Ecclesiae. Quid est ecclesiae? Ecclesiae dixi, cui praerat Faustinus, sed non ecclesiae



**A** ecclesie præerat Faustinus, sed parti præerat. Columba autem ecclesia est. Quid clamas? Nō deuorabimus uillas, columba illas habeat. Quærat quæ sit columba, & ipsa habeat: nam nostis fratres mei, quia uillæ istæ non sunt Augustini. Et si uos non nostis, & putatis me gaudere in possessione uillarum, deus nouit: ipse scit, quid ego de illis uillis sentiam, uel quid ibi sufferam. Nouit gemitus meos, si mihi aliquid de columba impertiri dignatus est. Ecce sunt uillæ. Quo iure defendis uillas? diuino an humano? Respondeant, Diuinum ius in scripturis habemus, humanum ius in legibus regum. Vnde quisq; possidet quod possidet? Nōne iure humano? Nam iure diuino, domini est terra & plenitudo eius. Pauperes *psal. 23* & diuites deus de uno limo fecit, & pauperes & diuites una terra supportat. Iure tamen humano dicit, Hæc uilla mea est, hæc domus mea, hic seruus meus est. Iure ergo humano, iure imperatorum. Quare? Quia ipsa iura humana per imperatores & reges seculi deus distribuit generi humano. Vultis legamus leges imperatorum, & secundū ipsas agamus de uillis? Si iure humano uultis possidere, recitemus leges imperatorum, uideamus si aliquid uoluerunt ab hæreticis possideri. Sed quid mihi est imperator? Secundū ius ipsius possides terram. Aut tolle iura imperatorum, & quis audet dicere, mea est illa uilla, aut meus est ille seruus, aut domus hæc mea est? Si autem ut teneantur ista ab hominibus, iura acceperunt regum: uultis recitemus leges, ut gaudeatis, quia uel unum horum habeatis, & non imputetis nisi māsuetudini columbæ, quia uel ibi uobis permittitur permanere? Leguntur enim leges manifestæ, ubi præceperūt imperatores, eos qui præter ecclesie catholice communio-  
**B** nem usurpant sibi nomen Christianum, nec uolūt in pace colere pacis autorē, nihil nomine ecclesie audeant possidere. Sed quid nobis & imperatori? Sed iam dixi, de iure humano agitur: & tamen apostolus uoluit serui regibus, uoluit honorari reges, & dixit, Reges reue-  
*1. Pet. 2* rimini. Nolite dicere, quid mihi & regi? Quid tibi ergo & possessioni? Per iura regum possidentur possessiones. Dixisti, quid mihi & regi? Noli dicere possessiones tuas, quia ad ipsa  
*Cant. 6* iura humana renunciaſti quibus possidentur possessiones. Sed de diuino iure ago, ait. Ergo euangelium recitemus. Videamus quousq; ecclesia catholica Christi est, super quam uenit columba, quæ docuit, Hic est qui baptizat: quomodo ergo iure diuino possideat, qui dicit, Ego baptizo: cū dicat columba. Hic est qui baptizat, cum dicat scriptura, Vna est colum-  
*Cant. 6* ba mea, una est matris suæ? Quare laniaſtis columbam? Imò laniaſtis uiscera uestra, nam uobis laniaſtis, columba integra perseuerat. Ergo fratres mei, si ubiq; non habent quod dicant, ego dico uobis quid faciant, ueniant ad catholicam, & nobiscum habebunt nō solum terram, sed etiam illum qui fecit cœlum & terram.

Ab eo quod scriptum est, Et ego uidi & testimonium perhibui, quia hic est filius dei, usq; ad id quod scriptum est, Amen dico uobis, uidebitis cœlum apertum, & angelos ascendentes & descendentes super filium hominis. Tractatus VII.



**C**ONGAUEMV S frequentia uestra, quia ultra quā sperare potuimus, alacriter conuenistis. Hoc est ergo quod nos lætificat & consolatur in omnibus laboribus & periculis uitæ huius, amor uester in deum, & pium studium, & certa spes, & feruor spiritus. Audistis cum psalmus legeretur, quia inops & pauper clamat ad deum in hoc seculo. Vox enim est, ut sæpius audistis, & meminisse debetis, non unius hominis, & tamen unius hominis. Non unius, quia fideles multi: multa grana inter paleas gementia, diffusa toto orbe terrarum. Vnius autem, quia membra Christi omnes, ac per hoc unum corpus. Iste ergo unus populus inops & pauper, non nouit gaudere de seculo, & dolor eius intus est, & gaudium eius intus est, ubi non uidet nisi ille qui exaudit gementem, & coronat sperantem. Læticia seculi uanitas, cum magna expectatione speratur ut ueniat, & nō potest teneri cum uenerit. Iste enim dies qui lætus est perditis hodie in ista ciuitate, cras utiq; nō erit, nec idem ipsi cras hoc erunt quod hodie sunt. Et trāseunt omnia, & euolant omnia, & sicut fumus uanescunt. Et uæ qui amant talia: Omnis enim anima sequitur quod amat. Omnis enim caro scēnū, & omnis honor carnis quasi flos scēni. Fœnum

aruit, flos decidit: uerbum autem domini manet in aeternum. Ecce quod ames, si uis manere in aeternum. Sed dicere habebas, Vnde possum apprehendere uerbum dei? Verbum caro factum est, & habitauit in nobis. Quapropter fratres charissimi, ad inopiam nostram & paupertatem nostram pertineat, & quod illos dolemus qui sibi abundare uidentur: gaudium enim ipsorum quasi phreneticorum est. Quomodo autem phreneticus gaudet in infania, plerumque & ridet, & plangit illum qui sanus est: sic & nos fratres charissimi, si recipiamus medicinam de caelo uenientem: quia & nos omnes phrenetici eramus, tanquam salui facti, qui ea quae diligebamus non diligimus, gemimus ad deum de his qui adhuc insaniunt: potens est enim ut & ipsos saluos faciat, & opus est ut respiciant se, & displiceant sibi. Spectari uolunt, & spectari se non nouerunt: nam si aliquantum oculos ad se conuertant, uident confusionem suam. Quod donec fiat, alia sint studia nostra, alia sint aduocamenta animae nostrae. Plus ualet dolor noster quam gaudium illorum. Quantum pertinet ad numerum fratrum, difficile est ut quisque ex illa celebritate raptus fuerit ex uiris: quantum autem ad forum numerum, contristat nos: & hoc magis dolendum est, quia non ipsae potius ad ecclesiam currunt, quas debuit si non timor, certe ueccundia de publico reuocare. Viderit hoc qui uidet, & aderit misericordia eius, ut saluet omnes. Nos autem qui conuenimus, pascalemur epulis dei, & sit gaudium nostrum sermo ipsius. Inuitauit enim nos ad euangelium suum, & ipse cibus noster est, quo nihil dulcius, sed si quis habeat palatum sanum in corde. Bene autem arbitror meminisse charitatem uestram hoc euangelium lectionibus congruis ex ordine recitari: & puto uobis non excidisse quae iam tractata sunt, maxime recentiora de Ioanne & de columba. De Ioanne scilicet, quid nouum didicerit in domino per columbam, qui iam nouerat dominum. Et hoc inuentum est inspirante spiritu dei, quod iam quidam Ioannes nouerat in domino: sed quod ipse dominus ita esset baptizaturus, ut baptizandi potestatem a se in neminem transfunderet, hoc didicit per columbam, quia dictum ei erat, Super quem uideris spiritum descendentem uelut columbam, & manentem super eum, hic est qui baptizat in spiritu sancto. Quid est, hic est? Non est alius, & si per alium. Quare autem per columbam? Multa dicta sunt, nec possum, nec opus est omnia retexere, praecipue tamen propter pacem, quia & ligna quae baptizata sunt foris, quia fructum in eis inuenit columba, ad arcam attulit: sicut meministis columbam missam a Noe de arca, quae diluuium nauat: sed non sola folia habebat, habebat & fructum. Ita quod hoc optandum est fratribus nostris qui foris baptizantur, ut habeant fructum, non illos sinet columba foris, nisi ad arcam reducerit. Fructus autem est totus charitas, sine qua nihil est homo, quicquid aliud habuerit. Et hoc uberrime ab Apostolo dictum commemorauimus & recensimus. Ait enim, Si linguis hominum loquar & angelorum, charitatem autem non habeam, factus sum uelut aëramentum sonans, aut cymbalum tinniens. Et si habuero omnem scientiam, & sciam omnia sacramenta, & habeam omnem prophetiam, & habuero omnem fidem: fidem autem quomodo dixit omnem? ut montes transferam, charitatem autem non habeam, nihil sum. Et si distribuero omnia mea pauperibus, & si tradidero corpus meum ita ut ardeam, charitatem autem non habeam, nihil mihi prodest. Nullo modo autem possunt dicere se habere charitatem, qui diuidunt unitatem. Haec dicta sunt, sequentia uideamus. Perhibuit Ioannes testimonium, quia uidit. Quale testimonium perhibuit? Quia ipse est filius dei. Oportet enim ut ille baptizaret qui est filius dei unicus, non adoptatus. Adoptati filij, ministri sunt unici. Unicus habet potestatem, adoptati ministerium. Licet baptizet minister non per baptizat. Altera die iterum stabat Ioannes, & ex discipulis eius duo. Et respiciens Iesum ambulantiem, dicit, Ecce agnus dei. Vtique singulariter iste agnus, nam & discipuli dicti sunt agni, Ecce ego mitto uos sicut agnos in medio luporum. Dicti sunt & ipsi lumen, Vos autem estis lumen mundi. Sed aliter ille de quo dictum est, Erat lumen uerum, quod illuminat omnem hominem

1. Cor. 13

Matth. 10

Matth. 5



A hominem uenientem in hunc mundum. Sic & agnus singulariter, solus sine macula, sine peccato; non cuius maculae absterse sint, sed cuius macula nulla fuerit. Quid enim quia dicebat Ioannes de domino, Ecce agnus dei? Ipse Ioannes non erat agnus? Non erat uir sanctus? Non erat amicus sponsi? Ergo singulariter ille, hic est agnus dei: quia singulariter huius agni sanguine solo, homines redimi potuerunt. Fratres mei, si agnoscimus precium nostrum quia sanguis est agni, qui sunt illi qui hodie celebrant festiuitatem sanguinis, nescio cuius mulieris? Et quod ingrati sunt? Raptum est aurum, dicunt de aure mulieris, & cucurrit sanguis, & positum est aurum in trutina uel in statera, & preponderauit multum de sanguine. Si pondus ad inclinandum aurum habuit sanguis mulieris, quale pondus habet ad inclinandum mundum sanguis agni, per quem factus est mundus? Et quidem ille spiritus nescio quis, ut premeret pondus, placatus est sanguine. Immundi spiritus nouerant uenturum Iesum Christum, audierant ab angelis, audierant ex prophetis, & sperabant eum uenturum. Nam si non sperabant, unde clamauerunt, Quid nobis & tibi est? Venisti ante tempus perdere nos? scimus quia sis sanctus dei. Venturum sciebant, sed tempus ignorabant. Sed quid audistis in psalmo de Hierusalem? Quonia beneplacitum habuerunt serui tui in lapides eius, & pulueris eius miserebuntur. Tu exurgens, inquit, misereberis Sion, quoniam uenit tempus ut misereris eius. Quando uenit tempus ut miseretur deus? Venit agnus. Qualis agnus est? Quem lupi timent. Qualis agnus est? Qui leonem occisus occidit. Dictus est enim diabolus leo circumiens & rugiens, quarens quem deuoret: sanguine agni uictus est leo, ecce spectacula Christianorum. Et quid est amplius? Illi oculis carnis uident uanitatem, nos cordis oculis ueritatem. Ne putetis fratres, quod sine spectaculis nos dimisit dominus deus noster: nam si nulla sunt spectacula, cur hodie conuenistis? Ecce quod diximus, uidistis & exclamastis: non exclamaretis nisi uidissetis. Et magnum est hoc spectare per totum orbem terrarum, uictum leonem sanguine agni, educta de dentibus leonum membra Christi, & adiuncta corpori Christi. Ergo nescio quid simile imitatus est quidam spiritus, ut sanguine simulacrum suum emi uellet, quia nouerat precioso sanguine quandocumque redimendum esse genus humanum. Fingunt enim spiritus mali umbras quasdam honoris sibi metipsis, ut sic decipiant eos qui sequuntur Christum. Usque adeo fratres mei, ut illi ipsi qui seducunt per ligaturas, per precantationes, per machinamenta inimici, misceant precantationibus suis nomen Christi: quia iam non possunt seducere Christianos ut dent uenenum, addunt mellis aliquantum, ut per id quod dulce est, lateat quod amarum est, & bibatur ad perniciem: usque adeo ut ego nouerim aliquo tempore illius palleati sacerdotem solere dicere, & ipse palleatus Christianus est. Ut quid hoc fratres, nisi quia aliter non possunt seduci Christiani? Ne queratis ergo alibi Christum, quam ubi se uoluit predicari Christus. Et quomodo uobis uoluit predicari, sic illum tenete, sic in cordibus uestris scribite. Murus est aduersus omnes impetus, & aduersus omnes insidias inimici. Nolite timere, nec tentat ille nisi permissus fuerit: constat illum nihil facere, nisi permissus fuerit aut missus. Mittitur tanquam angelus malus a potestate dominante: permittitur quando aliquid petit: & hoc fratres non fit, nisi ut probetur iusti, puniatur iniusti. Quid ergo times? Ambula in domino deo tuo, certus esto, quod te non uult pati, non patris: quod te permiserit pati, flagellum corrigetis est, non poena damnatis. Ad hereditatem sempiternam erudimur, & flagellari dedignamur? Fratres mei, si recusaret quisque puer colaphis aut flagellis caedi a patre suo, quomodo diceretur superbus, desperatus, ingratus paternae disciplinae? Et ut quid erudit pater homo filium hominem, ut possit non perdere temporalia quae illi acquisiuit, quae illi collegit, quae non uult eum perdere, quae ipse qui relinquit, non potuit in sempiternum tenere: non docet filium cum quo possideat, sed qui post eum possideat. Fratres mei, si filium docet pater successorem, & quem docet & ipsum similiter per omnia illa transitorium, quia & ille qui monebat transiture est: quomodo uultis erudiat nos pater noster, cui non successuri, sed ad quem accessuri sumus, & cum quo in aeternum mansuri in hereditate, quae non marcescit, nec moritur, nec grandinem nouit? Et ipse hereditas & ipse pater est: hunc possidebimus, & eru-

Marci 1

Psalm. 101

als, pileati

als, pileatus

diri non debemus. Sufferamus ergo eruditionem patris, non quando nobis dolet caput curramus ad præcantatores, ad sortilegos & remedia uanitatis. Fratres mei, non uos plan-  
gam, quotidie inuenio ista: & quid faciam? Nondum persuadeo Christianis in Christo  
spem esse ponendam. Ecce si cui factum est remedium, moriatur. Quam multi enim cum  
remedijs mortui sunt, & q̃ multi sine remedijs uixerunt. Qua fronte exiit anima ad deum?  
Perdidi signum Christi, accepit signū diaboli. An forte dicet, non perdidi signum Christi?  
Ergo signum Christi cum signo diaboli habuisti. Non uult Christus communionem, sed  
solus uult possidere quod emit. Tāti emit ut solus possideat, tu facis ei cōsortem diabolum,  
Ecc̃i 2 cui te per peccatum uendideras. Væ duplici corde, qui in corde suo partem faciunt deo, par-  
tem faciunt diabolo. Iratus deus, quia sit ibi pars diabolo, discedit, & totum diabolus possi-  
debit. Non frustra itaq; Apostolus dicit, Neq; detis locum diabolo. Cognoscamus ergo  
Eph̃es. 4 agnum fratres, cognoscamus precium nostrū. Ecce duo de discipulis Ioannis, quia talis erat  
Ioannes amicus sponsi, non quærebat gloriam suam, sed testimonium perhibebat ueritati:  
nunquid uoluit apud se remanere discipulos suos, ut non sequerentur dominum? Magis  
ipse ostendit discipulis suis quem sequerentur: habebant enim illum tanq̃ agnū, & ille,  
Quid me attenditis? Ego non sum agnus: Ecce agnus dei. De quo & superius dixerat, Ecce  
agnus dei. Et quid nobis prodest agnus dei? Ecce, ait, qui tollit peccata mundi: secuti sunt  
illum hoc audito duo qui erant cū Ioanne. Videamus sequētia, Ecce agnus dei, hoc Ioānes.  
Et audierunt eum duo discipuli loquentem, & secuti sunt Iesum. Conuersus autem Iesus,  
& uidens eos sequentes se, dicit eis, Quid quæritis? Qui dixerunt, Rabbi, quod dicitur inter-  
pretatum magister, ubi habitas? Non sic illum sequebātur quasi iam inhærerent illi: nam  
manifestum est quando illi inhæserunt, quia de nauī eos uocauit. In his enim duobus erat  
Andreas, sicut modo audistis. Andreas autem frater Petri erat. Et nouimus in euangelio q̃  
Petrum & Andream dominus de nauī uocauit, dicens, Venite post me, & faciam uos pesca-  
tores hominum. Et ex illo iam inhæserunt illi ut non recederent. Modo ergo q̃ illum se-  
quuntur isti duo, non quasi non recessuri sequuntur, sed uidere uoluerunt ubi habitaret, &  
Ecc̃i 6 facere quod scriptum est, Limen ostiorum eius exerat pes tuus, surge ad illum uenire assu-  
due & erudiri præceptis eius. Ostendit eis ille ubi maneret, & uenerunt & fuerunt cum illo.  
Quam beatum diem duxerunt, quam beatam noctem. Quis est qui nobis dicat quæ au-  
dierint illi à dñō? Aedificemus nosmetipsi in corde nostro, & faciamus domum quo ueniat  
ille & doceat nos, colloquatur nobis. Quid quæritis? Dixerūt ei, Rabbi, quod dicitur inter-  
pretatum magister, ubi habitas? Dicit eis, Venite & uidete. Et uenerunt & uiderunt ubi  
maneret, & apud eum manserunt die illo. Hora autem erat quasi decima.) Nihil ne arbitra-  
mur pertinuisse ad euangelistam, dicere nobis quota hora erat? Potest fieri ut nihil ibi nos  
animaduertere, nihil quærere uoluerit? Decima erat hora. Numerus iste legem significat,  
quia à Iudæis nō poterat impleri per timorē. Vnde dominus dicit, Nō ueni soluere legem,  
sed implere. Merito ergo decima hora eum secuti sunt ad testimoniū amici sponsi duo isti:  
& decima hora audiuit, Rabbi, quod interpretatur magister. Si decima hora Rabbi domi-  
nus audiuit, & decimus numerus ad legē pertinet, magister legis nō est nisi dator legis, quia  
filius dei dedit legē: nemo dicat quia alius dedit legē, & alius docet legem. Ipse illam docet  
qui illam dedit: ipse est magister legis suæ, & docet illā. Et misericordia est in lingua ipsius,  
ideo misericorditer docet legē, sicut dictum est de sapiētia, Legem autē & misericordiam in  
lingua portat. Noli timere, ne implere legē non possis, fuge ad misericordiam. Si multū est  
ad te legem implere, utere pacto illo & chirographo, utere precibus quas tibi constituit &  
cōposuit iurisperitus cœlestis: qui enim habēt causam & uolūt supplicare imperatori, quæ-  
runt aliquē scholasticū iurisperitū, à quo sibi preces componantur, ne forte si aliter petierint  
q̃ oportet, nō solū non impetrēt quod petūt, sed & pœnā pro beneficio cōsequantur. Cum  
ergo quærerent supplicare Apostoli, & nō inuenirēt quomodo adirent imperatorem deum,  
dixerunt



A dixerunt Christo, Domine, doce nos orare, hoc est, iuris perite noster, assessor dei, imò con- LUC. I. 11  
 fessor, compone nobis preces. Et docuit dominus de libro iuris cœlestis, docuit quomodo  
 orarent, & in ipso quod docuit, posuit quandā conditionem, Dimitte nobis debita nostra,  
 sicut & nos dimittimus debitoribus nostris. Si non secundū legem petieris, reus eris. Cōtre  
 miscis imperatorem factus reus, offer sacrificium humilitatis, offer sacrificiū misericordiæ,  
 dic in precibus, Dimitte mihi, quoniā & ego dimitto: sed si dicis, fac. Quid enim facturus es,  
 quò iturus es, si mētitus fueris in precibus? Non quomodo dicitur in foro, carebis beneficio  
 rescripti, sed nec rescriptū impetrabis. Iuris enim forēsis est, ut qui in precibus mētitus fuerit,  
 non illi prosit quod impetrauit. Sed hoc inter homines, quia potest falli homo: potuit falli  
 imperator, quando preces misisti: dixisti enim quod uoluisti, & cui dixisti, nescit an uerū sit:  
 dimisit te aduersario tuo conuincendū, ut si ante iudicem cōuictus fueris de mēdacio, quia  
 nō potuit ille nisi præstare, nesciens an fueris mētitus, ibi carebis ipso beneficio rescripti, quo  
 perduxisti rescriptum. Deus autē quia nouit utrū mentiaris, an uerū dicas, non facit ut in iu-  
 dicio tibi nō prosit, sed nec impetrare te permittit, qui ausus es mentiri ueritati. Quid ergo  
 facturus es? dic mihi, Implere legē ex omni parte, ita ut in nullo offendas, difficile est. Rea-  
 tus ergo certus est, remedio uti non uis? Ecce fratres mei, quale remediū posuit deus contra  
 ægri tudines animæ. Quod ergo? Cum caput tibi dolet, laudamus si euangelium ad caput  
 tibi posueris, & nō ad ligaturā cucurreris. Ad hoc enim perducta est infirmitas hominum,  
 & ita plangēdi sunt homines qui currūt ad ligaturas, ut gaudeamus quando uidemus ho-  
 minē in lectulo suo cōstitutum, iactari febribus & doloribus, nec alicubi spem posuisse, nisi  
 ut sibi euangeliū ad caput poneret, nō quia ad hoc factum est, sed quia prælātū est euange-  
 lium ligaturis. Si ergo ad caput ponitur ut quiescat dolor capitis, ad cor nō ponitur ut sane-  
 tur à peccatis. Fiat ergo. Quid fiat? Ponatur ad cor, sanetur cor, bonum est. Bonū est ut de  
 salute corporis nō satagas, nisi ut à deo illā petas. Si scit tibi prodesse, dabit illam tibi: si non  
 tibi dederit, nō tibi proderit habere illam. Quām multi ægotāt in lecto innocētes, & si sani  
 fuerint, procedūt ad scelera cōmittenda. Quām multis obest sanitas? Latro qui procedit ad  
 faucem occidere hominē, quanto melius illi erat ut ægotaret. Qui nocte surgit ad effodien-  
 dum parietē alienum, quāto illi melius si febribus iactaretur: innocētius ægotaret, scelerate  
 sanus est. Nouit ergo deus quid nobis expediat, id agamus tātum ut cor nostrum sanū sit  
 à peccatis. Et quando forte flagellamur in corpore, ipsum deprecamur. Rogauit eū Paulus  
 apostolus, ut auferret ab eo stimulum carnis, & noluit auferre: nunquid perturbatus est, &  
 nunquid contristatus dixit se desertum? Magis se dixit non desertum, quia nō ablatum est  
 quod uolebat auferri, ut illa infirmitas sanaretur: hoc enim inuenit in uoce medici, Sufficit  
 tibi gratia mea, nā uirtus in infirmitate perficitur. Vnde ergo scisti q, nō uult te sanare deus,  
 adhuc tibi expedit flagellari? Vnde scis q, putre est quod secatur medicus, agens ferrū per pu-  
 trida? Nōne nouit modum quid faciat, quousq; faciat? Nūquid ululatus eius qui secatur,  
 retrahit manus medici artificiose secantis? Ille clamat, ille secatur. Crudelis qui non audit cla-  
 mantē, an potius misericors, quia uulnus persequitur ut sanet ægotum? Hæc fratres mei  
 ideo dixi, ne quis quærat aliquid præter auxiliū dei. Quādo forte in aliqua correptione do-  
 mini sumus, uidete ne pereatis, uidete ne ab agno recedatis, & à leone deuoremmini. Diximus  
 ergo, quare hora decima sequētia uideamus. Erat† Andreas frater Simonis Petri, unus de als, habet autē  
 duobus qui audierāt ab Ioāne, & secuti fuerant eum. Inuenit hic† Simonem fratrem suum, als, habet primum  
 & dicit ei, Inuenimus Messiam, quod est interpretatum Christus.) Messias hebraice, latine  
 unctus, græce Christus est: ab unctione enim dicitur Christus. Chrisma unctio est græce, er-  
 go Christus unctus. Ille singulariter unctus, præcipue unctus, unde omnes Christiani un-  
 guntur. Ille præcipue, quomodo in psalmo dicit, audi, Propterea unxit te deus deus tuus Psal. 44  
 oleo exultationis, præ participibus tuis. Participes enim eius omnes sancti: sed ille singula-  
 riter sanctus sanctorū, singulariter Christus, singulariter unctus. Et† duxit ad Iesum,) An- als, adduxit  
 dreas fratrem suū Simonem. Intuitus autē eum Iesus, dixit, Tu es Simon filius† Ioannis, als, Ioanna  
 tu uo/

Math. 7

tu uocaberis Cephas, quod interpretatur Petrus.) Non magnū quia dominus dixit, cuius filius esset iste. Quid magnū domino? Omnia nomina sanctorū suorū sciebat, quos ante constitutionem mundi prædestinauit: & miraris, quia dixit, uni homini, tu es filius illius, & tu uocaberis illud, Magnum, quia mutauit ei nomen, & fecit de Simone Petrum. Petrus autem à petra, petra uero ecclesia. Ergo in Petri nomine figurata est ecclesia. Et quis securus, nisi qui ædificat supra petrā? Et quid ait ipse dominus, Qui audit uerba mea hæc & facit ea, similabo eum uiro prudenti, ædificanti supra petram, non cedit tentationibus: descendit pluuia, aduenerunt flumina, flauerunt uenti, & impegerunt in domum illam, & nō cecidit: fundata enim erat supra petram. Qui audit uerba mea & non facit ea, iam unusquisque nostrum timeat & caueat, similabo eum uiro stulto, qui ædificauit domum suā super arenam: descendit pluuia, uenerunt flumina, flauerunt uenti, & impegerunt in domum illam, & facta est ruina eius magna. Quid prodest quia intrat ecclesiā, qui uult super arenā ædificare. Audiendo enim & non faciendo, ædificat quidem, sed super arenam. Si enim nihil audit, nihil ædificat: si audit, ædificat. Si quærimus ubi, si enim audit & facit, supra petram: si audit & non facit, super arenam. Duo sunt genera ædificatium, aut supra petram, aut supra arenam. Quid ergo illi qui non audiunt? Securi sunt? Securos eos dicit, quia nihil ædificant. Nudi sunt sub pluuia, ante uentos, sanè flumina cum uenerint, ista ante illos tollunt, quā domus deiciant. Ergo uana est securitas, & ædificare, & supra petram non ædificare. Si audire uis & non facere, ædificas, sed ruinam ædificas: cum autem uenerit tentatio, deicit domum, & cum ipsa ruina tua te tollet. Si autem non audis, nudus es, & illis tentationibus tu ipse retraheris. Audi ergo & fac. Vnum est remedium. Quanti forte hodie audiendo & nō faciendo rapti sunt fluuiio celebritatis huius? Audiendo enim & non faciendo, uenit fluuius ipsa celebritas anniuersaria, impletus est torrens, transiturus est & siccaturus: sed uæ illi quem tulerit. Illud uero nouerit charitas uestra, quia nisi quis & audiat & faciat, nō ædificat supra petrā, & non pertinet ad nomen tam magnum, quod sic commendauit dominus. Intentum enim te fecit, nam si hoc ante Petrus uocaretur, non ita uideres mysterium petræ, & putares casum eum sic uocari, non prouidentia dei. Ideo uoluit eum aliud prius uocari, ut ex ipsa commutatione nominis, sacramenti uiuacitas commendaretur. Et in crastinum uoluit dominus Iesus exire in Galilæam, & inuenit Philippum. Dicit ei, Sequere me. Erat autem de ciuitate Andreæ & Petri. Et inuenit Philippus Nathanaëlem, iam uocatus à domino. Et dixit ei, Quem scripsit Moyses in lege & propheta, inuenimus filium Ioseph. Eius filius dicebatur, cui despōsata erat mater eius. Nam quia ea intacta cōceptus & natus sit, bene nouerūt omnes Christiani ex euāgelio. Hoc Philippus dixit Nathanaëli, addidit & locum, A Nazareth. Et dixit Nathanaël, A Nazareth potest aliquid boni esse. Quid intelligitur fratres, non quomodo aliqui pronūciant: nam & sic solet pronūciari, A Nazareth potest aliquid boni esse? Sequitur enim uox Philippi, Et dixit, Veni & uide. Ambas enim pronūciationes potest ista uox sequi, siue sic pronuncies tanquā confirmans, à Nazareth potest aliquid boni esse: & ille, Veni & uide: siue sic dubitans, & totum interrogans, à Nazareth potest aliquid boni esse? Veni & uide. Cū ergo siue illo modo, siue isto pronūcietur, nō repugnant uerba sequētia: nostrū est quærere quid potius intelligamus in his uerbis: qualis fuerit Nathanaël dñs cognitus est testimonio Ioānis, beatus Nathanaël cognitus testimonio ueritatis: quia dñs & si testimonium Ioannis nō commēdaretur, ipse sibi perhibuit testimoniū, quia sufficernā quærebant ueritatē: & ideo Ioānes per quem dñs ostenderetur missus est. Audi dñm Nathanaëli testimoniū perhibētē. Et dixit ei Nathanaël, A Nazareth potest aliquid boni esse. Dicit ei Philippus, Veni & uide. Et uidit Iesus Nathanaëlem uenientē ad se, & dicit de eo, Ecce uere Israëlita in quo dolus nō est. Magnū testimoniū: hoc nec Andreæ dictū, nec Petro dictū, nec Philippo, quod dictum est de Nathanaële, Ecce uere Israëlita, in quo dolus



**A** dolus non est. Quid ergo faciamus fratres? Deberet iste primus esse in apostolis, & non solum primus non inuenitur in apostolis, sed nec medius nec ultimus inter duodecim Nathanaël, cui tantum testimonium perhibuit filius dei, dicens, Ecce uere Israelita, in quo dolus non est. Quæritur causa, quantum dominus intimat, probabiliter inuenimus. Intelligere enim debemus ipsum Nathanaëlem eruditum & peritum legis fuisse: propterea noluit illum dominus inter discipulos ponere, quia idiotas elegit, unde confunderet mundum: audi Apostolum dicentem ita, Videte, inquit, uocationem uestram fratres, quia non multi sapientes 1. Cor. 1 secundum carnem, non multi potentes, non multi nobiles: sed infirma mundi elegit deus, ut confundat fortia: & ignobilia mundi & contemptibilia elegit deus: & ea quæ non sunt tantum ea quæ sunt, ut ea quæ sunt, euacuentur. Si doctus eligeretur, fortasse ideo se diceret electum, quia doctrina eius meruit eligi: dominus noster Iesus Christus uolens superborum frangere ceruices, non quaesuit per oratorem piscatorem, sed de piscatore lucratus est imperatorem. Magnus Cyprianus orator, sed prius Petrus piscator, per quem postea crederet non solum orator, sed & imperator. Nullus nobilis primo electus est, nullus doctus, quia infirma mundi elegit deus, ut confunderet fortia. Erat autem iste magnus & sine dolo, hoc solo non electus, ne cuius uideretur dominus doctos elegisse: & ex ipsa doctrina legis ueniebat, quod cum audisset a Nazareth: scrutatus enim erat scripturas, & sciebat quia inde erat expectandus saluator, quod non facile alij scribæ & pharisæi nouerant. Iste ergo doctissimus legis, cum audisset Philippum, dicentem, Inuenimus Iesum quem scripsit Moyses in lege & propheta, a Nazareth filium Ioseph: Ille qui optime scripturas nouerat, audito nomine Nazareth, erectus est in spem, & dixit, A Nazareth potest aliquid boni esse. Iam cetera de ipso uideamus, Ecce uere Israelita, in quo dolus non est. Quid est in quo dolus non est? Forte non habebat peccatum? forte non erat æger? forte illi medicus non erat necessarius? Absit. Nemo sic natus est ut illo medico non egeret. Quid sibi ergo uult, in quo dolus non est? Aliquanto intentius quæramus, apparebit modo in nomine domini. Dolum dicit dominus, & omnis qui uerba latina intelligit, scit quia dolus est cum aliud agitur & aliud fingitur. Intendat charitas uestra, non dolus dolor est: propterea dico, quia multi fratres imperitiores latinitatis loquuntur sic, ut dicant, dolus illum torquet, pro eo quod est dolor. Dolus fraus est, simulatio est: quando aliquis aliquid in corde tegit, & aliud loquitur, dolus est, & tantum duo corda habet: unum quasi sinum cordis habet, ubi uidet ueritatem: & alterum sinum, ubi concipit mendacium: & ut noueritis hunc esse dolum, dictum est in psalmis, labia dolosa. Quid est Psalm. 11 labia dolosa? Sequitur, In corde, & corde locuti sunt mala. Quid est in corde, & corde, nisi duplici corde? Si ergo dolus in isto non erat, sanabilem illum medicus iudicauit, non sanum. Aliud est enim sanus, aliud sanabilis, aliud insanabilis. Qui ægrotat cum spe, sanabilis dicitur: qui ægrotat cum desperatione, insanabilis: qui autem iam sanus est, non eget medico. Medicus ergo qui uenerat sanare, uidit istum sanabilem, quia dolus in illo non erat. Quomodo dolus in illo non erat? Si peccator est, fateretur se peccatorem. Si enim peccator est, & iustum se dicit, dolus est in ore ipsius: ergo in Nathanaële confessionem peccati laudauit, non iudicauit non esse peccatorem. Propterea cum pharisæi qui sibi uidebantur iusti, reprehenderent dominum quia miscebatur ægrotis medicus, & dicerent, Ecce cum quibus manducat, cum publicanis & peccatoribus: Respondit medicus phreneticis, Non est opus sanis medicus, sed male habentibus: Matth. 9 non ueni uocare iustos, sed peccatores: hoc erat dicere, Quia uos iustos dicitis, cum sitis peccatores, sanos uos iudicatis cum langueatis, medicinam repellitis, non sanitatem tenetis. Unde ille pharisæus qui uocauerat dominum ad prandium, sanus sibi uidebatur: ægrota autem illa mulier irrupit in domum, quo non erat inuitata, & desiderio salutis facta impudens accessit, non ad caput domini nostri, non ad manus, sed ad pedes: lauit eos lachrymis, terxit capillis suis, osculata est eos, & unxit unguento, pacem fecit cum uestigijs domini peccatrix. Reprehendit ille tantum sanus medicum, ille pharisæus qui illic discumbebat, & ait apud se, Hic si esset propheta, sciret quæ mulier eius pedes tetigisset. Ideo autem suspicatus erat Luc. 7 eum

eum ignorasse, quia non illam repulit, quasi ne immundis manibus tangeretur. Nouerat autem ille, permisit se tangi, ut tactus ipse sanaret. Dominus uidens cor pharisæi, proposuit similitudinem, Duo debitores erant cuidam fœneratori, unus ei debebat quinquaginta denarios, alter quingentos. Cum non haberent unde redderent, donauit ambobus, quis eum plus dilexit? Et ille, credo domine, cui plus donauit. Et cōuersus ad mulierē, dixit Simoni, Vides istam mulierem? Intraui in domum tuam, aquam pedibus meis non dedisti, illa autem lachrymis lauit pedes meos, & capillis suis terxit. Osculum mihi non dedisti, illa autem non destitit pedes meos osculari. Oleum mihi non dedisti, illa autem unxit pedes meos unguento: Propterea dico tibi, Remittuntur ei peccata multa, quoniam dilexit multum. Cui autem modicum dimittitur, modicum diligit: hoc est dicere, Plus ægrotas, sed sanum te putas: modicum putas tibi dimitti, cum plus debitor sis. Bene ista, quia dolus in illa non erat, meruit medicinam. Quid est, dolus in illa non erat? Confitebatur peccata. Hoc & laudat in Nathanaële, q̄ dolus in illo nō erat: quia multi pharisæi qui abundabant peccatis, iustos se dicebant, & dolum afferebant, per quem sanari non poterant. Vidit ergo iā iustum in quo dolus non erat, & ait, Ecce uere Israëlita, in quo dolus non est. Dicit ei Nathanaël, Vnde me nosti? Respondit Iesus & dixit, Priusquam te Philippus uocaret cum esses sub ficu, uidi te.) id est sub arbore fici. Respondit ei Nathanaël & ait, Rabbi tu es filius dei, tu es rex Israël.) Aliquid magnum potuit Nathanaël iste intelligere, in eo quod dictum est, cum esses sub fici arbore uidi te, priusquam te Philippus uocaret. Nam talem uocem protulit, tu es filius dei, tu es rex Israël, qualem tanto post Petrus, quando ei dominus ait, Beatus es Simon bar Iona, quia non tibi reuelauit caro & sanguis, sed pater meus qui est in cœlo. Et ibi nominauit petram, & laudauit firmamentum ecclesiæ in ista fide. Hic iam dicit, Tu es filius dei, tu es rex Israël. Vnde? Quia dictum est ei, Anteq̄ te Philippus uocaret cum esses sub arbore fici, uidi te. Quærēdum est, an aliquid significet ista arbor fici. Audite enim fratres mei, Inuenimus arborem fici maledictam, quia sola folia habuit, & fructum non habuit. In origine humani generis Adam & Eua cum peccassent, de folijs ficulneis succinctoria sibi fecerunt. Folia ergo ficulnea intelliguntur peccata. Erat autem Nathanaël sub arbore fici, tanquam sub umbra mortis. Vidit eum dominus, de quo dictum est, Qui sedebant in umbra mortis, lumē ortum est eis. Quid ergo dictum est Nathanaëli? Dicis mihi o Nathanaël, unde me nosti? Modo iam loqueris mecum, quia uocauit te Philippus. Iam quem uocauit per apostolum, ad ecclesiam suam uidit pertinere. O tu ecclesia, o tu Israël, in quo dolus non est: Si es populus Israël in quo dolus non est, modo iam cognouisti Christum per apostolos, quomodo Nathanaël cognouit Christum per Philippum. Sed misericordia sua ante te uidit, q̄ tu eum cognosceres, cum sub peccato iaceres. Nunquid enim nos prius quæsiuimus Christum, & non ille nos quæsiuit? Nunquid nos uenimus ægroti ad medicum, & non medicus ad ægrotos? Nōne ouis illa perierat, & relictis nonaginta no- uem pastor quæsiuit illam, & inuenit, quam lætus in humeris reportauit? Nōne perierat drachma illa, & accendit mulier lucernam, & quæsiuit in tota domo sua donec inuenit? Et cum inuenisset, collatamini mihi, ait uicinis suis, quoniā inueni drachmā quā perdideram: sic & nos sicut oues perieramus, & sicut drachma perieramus: & sic pastor inuenit ouem, sed quæsiuit ouem: mulier inuenit drachmā, sed quæsiuit drachmam. Quæ est mulier? Caro Christi. Quæ est lucerna? Paraui lucernam Christo meo. Ergo quæsi sumus ut inueniremur, inuenti loquimur. Nō superbiamus, quia anteq̄ inueniremur perieramus, si nō quæreremur. Non ergo nobis dicant quos amamus & uolumus lucrari paci ecclesiæ catholicæ: Quid nos uultis? quid nos quæritis, si peccatores sumus? Ideo uos quærimus ne pereatis: quærimus, quia quæsi sumus: inuenire uos uolumus, quia inuēti sumus. Itaq; Nathanaël cum dixisset, Vnde me nosti? Ait dominus, Priusquam te uocaret Philippus, cum esses sub ficu uidi te. O tu Israëlita sine dolo quisquis es, o popule uiuēs ex fide, antequam te per apostolos meos uocarem, aut cum esses sub umbra mortis, & tu me non uideres, ego te uidi.



**A** Dominus deinde dicit ei: Quia dixi tibi, uidi te sub arbore fici, credis, maius his uidebis.) Quid hoc maius his? Et dixit eis: Amē amen dico uobis, uidebitis cœlos apertos, & angelos ascendentes & descendentes supra filium hominis.) Fratres, nescio quid maius dixit quā est, cum esses sub arbore fici uidi te. Plus enim est quod nos dominus uocatos iustificauit, quā quod uidit iacentes sub umbra mortis. Quid enim nobis proderat si ibi remansissemus, ubi nos uidit? Nunquid non iaceremus? Quid hoc est maius, quando uidimus angelos ascendentes & descendentes super filium hominis? Iam aliquando de his ascendentibus & descendētibz angelis dixeram. Sed ne obliti fueritis, breuiter dico tanquā cōmemorans, pluribus enim dicerem si non cōmemorarem, sed modo insinuarem. Scalas uidit Iacob per somnium, & in ipsis scalis uidit angelos ascēdentes & descendentes, & lapidem quē sibi posuerat ad caput, unxit. Audistis quia messias Christus est, audistis quia unctus Christus est. Nō enim sic posuit lapidē unctū ut ueniret & adoraret, alioquin idololatria esset significatio Christi. Facta est ergo significatio, quousque oportuit fieri significationem, & significatus est Christus lapis unctus, sed non in idolo. Lapis unctus, lapis quare? Ecce pono in Sion lapidem electū preciosum, & qui crediderit in illū nō confundetur. Quare unctus? Quia Christus à chrismate. Quid autē uidit tunc in scalis? Ascendentes & descendentes angelos. Sic est & in ecclesia. Angeli dei, boni prædicatores prædicātes Christū: hoc est super filiū hominis ascendunt & descendunt. Quomodo ascendunt, & quomodo descendunt? Ex uno habemus exemplū. Audi apostolum Paulum, quod in ipso inuenerimus, hoc de cæteris ueritatis prædicatoribus credamus. Vide Paulum ascendentem: Scio hominem in Christo ante annos quatuordecim raptum fuisse usque ad tertium cœlum, siue in corpore, siue extra corpus nescio, deus scit, & audiuit ineffabilia uerba, quæ non licet homini loqui. Ascendentem audistis, descendentem audite. Non potui loqui uobis quasi spiritalibus, sed quasi carnalibus: quasi paruulis in Christo lac uobis potū dedi, nō escam. Ecce descendit qui ascenderat. Quare quō ascēderat? Usque ad tertium cœlū. Quare quō descēderit? Usque ad lac paruulis dandum. Audi quia descendit. Factus sum paruulus, inquit, in medio fratrum, tanquā si nutrix foueat filios suos. Videmus enim & nutrices & matres descendere ad paruulos, & si norunt latina uerba dicere, decurrant illa & quassant quodammodo linguam suam, ut possint de lingua disertā fieri blandimenta puerilia, quia si sic dicant, non audit infans, sed nec proficit infans. Et disertus aliquis pater, si sit tantus orator ut lingua illius fora concrepent, & tribunalia concutiantur, si habeat paruulum filium, cum ad domum redierit, seponit forensē eloquentiā quo ascēderat, & in lingua puerili descendit ad paruulum. Audi uno loco ipsum Apostolū ascēdentem & descendētem in una sententia. Siue enim mente excessimus deo, siue temperantes sumus uobis. Quid est, mente excessimus deo? ut illa uideamus quæ non licet homini loqui. Quid est, temperātes sumus uobis? Nunquid iudicaui me aliquid scire inter uos, nisi Iesum Christum & hunc crucifixum? Si ipse dominus ascendit & descendit, manifestum est, quia & prædicatores ipsius ascendunt imitatione, descendunt prædicatione. Et si aliquanto uos diutius tenuimus, consilij fuit ut opportuna hora transirent. Arbitramur iam illos peregrisse uanitatem suam. Nos autem fratres, quoniam pasti sumus epulis salutaribus, quæ restāt agamus, ut diem dñicum solēniter impleamus in gaudijs spiritalibus, & comparemus gaudia ueritatis cū gaudijs uanitatis: Et si horremus doleamus: si dolemus, oremus: si oramus, exaudimur: si exaudimur, & illos lucratur.

**B** Ab eo loco ubi ait, Et die tertio nuptiæ factæ sunt in Chana Galileæ, usque ad id quod ait: Quid mihi & tibi est mulier, nondum uenit hora mea? Trac. viii



Iraculum quidē dñi nostri Iesu Christi, quod de aqua uinum fecit, non est mirandum eis qui nouerunt quia deus fecit: Ipse enim fecit uinum in illo die in nuptijs in sex illis hydrijs, quas impleri aqua præcepit, qui omni anno hoc facit in uitibus. Sicut enim quod miserunt ministri in hydrias, in uinum conuersum est opere domini: sic & quod nubes fundunt, in uinum conuertitur eiusdē opere dñi. Illud autē

non miramur, quia omni anno fit, assiduitate amisit admirationem. Nam & consyderatio  
nem maiorem inuenit, quā id quod factum est in hydrijs aqua. Quis est enim qui consyde-  
rat opera dei, quibus regitur & administratur totus hic mundus, & non obstupescit obui-  
turque miraculis? Si cōsyderet uim unius grani cuiuslibet seminis, magna quidē res est, hor-  
ror est consyderanti: sed quia homines in aliud intenti perdiderunt cōsyderationem operū  
dei, in qua darent laudem quotidie creatori, tanquā seruauit sibi deus inusitata quādam quæ  
faceret, ut tanquā dormientes homines, ad se colendum mirabilibus excitaret. Mortuus resur-  
rexit, mirati sunt homines: tot quotidie nascuntur, & nemo miratur. Si consyderemus prū-  
dentius, maioris miraculi est esse qui non erat, quā reuiuiscere qui erat. Idem tamen deus pa-  
ter domini nostri Iesu Christi per uerbum suum facit omnia, & regit quæ creauit. Piora mi-  
racula fecit, per uerbum suum deum apud se: posteriora miracula fecit per ipsum uerbū suū  
incarnatum, & propter nos hominem factum. Sicut miramur quæ facta sunt per hominē  
Iesum, miremur quæ facta sunt per deum Iesum. Per deum Iesum facta sunt cœlum & ter-  
ra, mare, & omnis ornatus cœli, opulentia terræ, fecunditas maris, omnia hæc quæ oculis  
adiacent, per Iesum deum facta sunt: & uidemus hæc, & si est in nobis spiritus illius, sic no-  
bis placent ut artifex laudetur: non ut ad opera conuersi ab artifice auertamur, & faciē quo-  
dammodo ponentes ad ea quæ fecit, dorsum ponamus ad artificem qui fecit. Et hæc quidē  
uidemus & adiacent oculis: quid illa quæ non uidemus, sicut sunt angeli, uirtutes, potesta-  
tes, dominationes, omnisque habitator fabricæ huius supercœlestis, non adiacens oculis no-  
stris: quanquā sæpe & angeli quando oportuit, demonstrauerunt se hominibus: Nōne deus  
& per uerbum suum, id est, unigenitum filiū suum dñm nostrum Iesum Christum fecit hæc  
omnia? Quid ipsa anima humana quæ non uidetur, & per opera quæ exhibet in carne, ma-  
gnam præbet admirationem bene cōsyderantibus: à quo facta est nisi à deo, & per quem fa-  
cta est, nisi per filium dei? Nondū dico de anima hominis: cuiusuis pecoris anima quodā-  
modo regit molem suam: sensus omnes exierit, oculos ad uidendum, aures ad audiendū, na-  
res ad percipiendum odorem, oris iudicium ad sapes discernendos, membra denique ipsa  
ad peragenda officia sua: Nūquid hæc corpus & nō anima, id est, habitatrix corporis agit?  
Nectamen uidetur oculis, & ex his quæ agit admirationē mouet. Accedat iam consyderatio  
tua etiam ad animam humanam, cui tribuit deus intellectum cognoscendi creatorem suū,  
discernendi & distinguendi inter bonum & malum, hoc est inter iustum & iniustum: quanta  
agit per corpus? Attendite uniuersum orbem terrarum ordinatum in ipsa humana republi-  
ca, quibus administrationibus, quibus ordinibus potestatum, conditionibus ciuitatum, legi-  
bus, moribus, artibus: hoc totū per animam geritur, & hæc uis animæ non uidetur. Cū sub-  
trahitur corpori, cadauer iacet: cum autem adest corpori, primo condit quodāmodo puto-  
res corruptibiles: nam omnis caro in putredines defluit, nisi quodā condimento animæ te-  
neatur: sed hoc cōmune illi est cū pecoris anima. Illa magis miranda quæ dixi, quæ ad men-  
tē & intellectum pertinent, ubi etiam ad imaginē creatoris sui renouatur, ad cuius imaginē  
factus est homo. Quid erit hæc uis animæ, cū & corpus hoc induerit incorruptionē, & mor-  
tale hoc induerit immortalitatē? Si tanta potest per carnem corruptibilem, qui non poterit  
per corpus spiritale post resurrectionem mortuorū? Hæc tamē anima, ut dixi, admirabilis  
naturæ atque substantiæ, inuisibilis res est & intelligibilis: & hæc tamen per Iesum deū facta  
est, quia ipse est uerbum dei. Omnia per ipsum facta sunt, & sine ipso factū est nihil. Cū er-  
go tanta uideamus facta per dñm Iesum, quid miramur aquā in uinū conuersam per ho-  
minē Iesum? Neque enim sic factus est homo, ut perderet quod deus erat. Accessit illi homo,  
non amissus est deus. Ipse ergo fecit hoc, qui illa omnia. Non itaque miremur quia deus fe-  
cit: sed amemus quia inter nos fecit, & propter nostrā reparationē fecit. Aliquid enim & in ipsis  
factis innuit nobis: Puto, quia non sine causa uenit ad nuptias. Excepto miraculo, aliquod  
& in ipso facto mysterij sacramentū latet: pulsemus ut aperiat, & de uino inuisibili inebriet  
nos: quia & nos aqua eramus, & uinum nos fecit. Sapientes enim fecit, sapimus enim fidem  
ipsius



A ipsius, qui prius insipientes eramus. Et forte ad ipsam sapientiam pertinet, cum honore dei, & cum laude maiestatis eius, & cum charitate potentissimæ misericordiæ eius, intelligere quid sit gestum in hoc miraculo. Dominus inuitatus ad nuptias uenit: quid mirum si in illam domum ad nuptias uenit, qui in hunc mundum ad nuptias uenit? Si enim non uenit ad nuptias, non hic habet sponsam. Et quid est quod ait Apostolus: Aptauit uos uni uiro, uirginem castam exhibere Christo? Quid est quod timet, ne uirginitas sponsæ Christi per astutias diaboli corrumpatur? Timeo, inquit, ne sicut serpens Euam seduxit astutia sua, sic & uestre mentes corrumpatur à simplicitate & castitate, quæ est in Christo. Habet ergo hic sponsam quam redemit sanguine suo, & cui pignus dedit spiritum sanctum: eruit eam de mancipatu diaboli, mortuus est propter delicta eius, resurrexit propter iustificationem eius. Quis offerret tanta sponsæ suæ? Offerant homines qualibet ornamenta terrarum, aurum, argentum, lapides preciosos, equos, mancipia, fundos, prædia, nunquid aliquis offerret sanguinem suum? Si enim sanguinem suum sponsæ dederit, non erit qui ducat uxorem. Dominus autem securus moriens, dedit sanguinem suum pro ea quam resurgens haberet, quam sibi iam coniunxerat in utero uirginis. Verbum enim sponsus, & sponsa caro humana, & utrumque unus filius dei, & idem filius hominis, ubi factus est caput ecclesiæ. Ille uterus uirginis Mariæ, thalamus eius: inde processit tanquam sponsus de thalamo suo, sicut scriptura prædixit: Et ipse tanquam sponsus procedens de thalamo suo, exultauit ut gigas ad currendam uiam. De thalamo processit uelut sponsus, & inuitatus uenit ad nuptias. Certi sacramenti gratia, uidetur matrem de qua sponsus processit, non agnoscere & dicere illi: Quid mihi & tibi est mulier? Nondum uenit hora mea. Quid est hoc? Ideo ne uenit ad nuptias, ut doceret matres contemni? Non. Utique ad cuius nuptias uenerat, ideo ducebat uxorem ut filios procrearet, & ab eis quos ut procrearet optabat, utique honorari cupiebat. Ille ergo uenerat ad nuptias ut exhonoreret matrem, cum & propter filios habendos, quibus reddere honorem parentibus imperat deus, ipsæ nuptiæ celebrantur, & ducuntur uxores? Proculdubio fratres latet ibi aliquid, nam tanta res est, ut quidam quos cauendos præmonuit Apostolus, sicut supra commemorauimus, dicens: Timeo ne sicut serpens Euam seduxit astutia sua, sic & uestre mentes corrumpantur à simplicitate & castitate quæ est in Christo: derogantes euangelio & dicentes, quod Iesus non sit natus de Maria uirgine, hinc argumentum sumere conarentur erroris sui, ut dicerent: Quomodo erat mater eius, cui dixit: Quid mihi & tibi est mulier? Respondendum ergo est eis & considerandum, quare hoc dixerit dominus, ne sibi aliquid aduersus sanam fidem insanientes inuenisse uideantur, unde sponsæ uirginis castitas corrumpatur, id est, unde fides ecclesiæ uioletur: reuera enim fratres eorum, qui præponunt mendacium ueritati. Nam isti qui uidentur sic honorare Christum, ut negent eum carnem habuisse, nihil aliud eum quam mendacem prædicant. Qui enim mendacium prædicant in hominibus, quid ab eis expellunt nisi ueritatem? Immittunt diabolum, excludunt Christum: immittunt adulterum, excludunt sponsum, paranymphe, scilicet uel potius leones & serpentes. Ad hoc enim loquuntur ut serpens possideat, Christus excludatur. Quomodo possidet serpens? Quando possidet mendacium, quando possidet falsitas, serpens possidet: quando possidet ueritas, Christus possidet. Ipse enim dixit: Ego sum ueritas. De illo autem dixit: Et in ueritate non stetit, quia ueritas non est in eo. Sic est autem ueritas Christus, ut totum uerum accipias in Christo, uerum uerbum patris, æqualis patri, uera anima, uera caro, uerus homo, uerus deus, uera natiuitas, uera passio, uera mors, uera resurrectio: si aliquid horum dixeris falsum, intrat putredo, de ueneno serpentis nascuntur uermes mendaciorum, & nihil integrum remanebit. Quid est ergo, inquit, quod ait dominus, Quid mihi & tibi est mulier? Forte in eo quod sequitur ostendit nobis dominus, quare hoc dixerit: Nondum, inquit, uenit hora mea. Sic enim ait: Quid mihi & tibi est mulier? nondum uenit hora mea. Et hoc cur dictum sit requirendum est. Prius ergo hinc resistamus hæreticis. Quid dicit serpens ueternosus, uenenorum insibilator & inspirator antiquus? Quid dicit: Non habuit matrem foeminam Iesus. Vnde probas? Quia dixit, inquit, quid mihi & tibi est mulier?

2. Cor. 11

Psal. 18

Ioan. 2

als lenones.

Ioan. 14

Ioan. 8

als & die tertia

Non obseruat ordi-  
nem textus qui ha-  
bet, & deficiente ui-  
no, dicit mater Ie-  
su ad eum, uinū nō  
habent, Et dicit ei  
Iesus.

Quis hoc narravit, ut credamus quia hoc dixit? Quis hoc narravit? Nempe Ioannes euangelista dixit: Et erat ibi mater Iesu, nam ita narravit. Altera die nuptiæ factæ sunt in Chana Galileæ, & erat ibi mater Iesu. Venerat autem illuc inuitatus Iesus ad nuptias cum discipulis suis. Tenemus duas sententias ab euangelista prolatas. Erat ibi mater Iesu, euangelista dixit: quid dixerit matri suæ Iesus, ipse euangelista dixit: & quomodo dixit respondisse matri suæ Iesum, ut primo diceret, ait illi mater eius? Videte fratres, ut aduersus linguam serpentis, munitam uirginitatē cordis habeatis. Illic in ipso euangelio eo ipso euangelista narrante dicit: Erat ibi mater Iesu: &, Dixit illi mater eius. Quis hoc narravit? Ioannes euangelista. Et quid respondit matri Iesus? Quid mihi & tibi est mulier? Quis hoc narrat? Idē ipse Ioannes euangelista. O euangelista fidelissime & ueracissime, tu mihi narras dixisse Iesum, quid mihi & tibi est mulier: cur ei apposuiſti matrē quā non agnoscit? Nam tu dixisti, quia ibi erat mater Iesu, & quia dicit ei mater eius: cur nō potius dixisti: Erat ibi Maria, & dicit ei Maria? Vtrūq; tu narras, & dicit ei mater eius, & respondit ei Iesus: Quid mihi & tibi est mulier? Quare hoc? quia utrūq; uerum est. Illi autem in eo uolunt credere euangelistæ, quod narrat Iesum dixisse matri, Quid mihi & tibi est mulier: & in eo nolūt credere euangelistæ, quod ait, Erat ibi mater Iesu, & dicit ei mater eius. Quis est autē qui resistit serpenti & tenet ueritatē? Cuius uirginitas cordis non corrumpitur astutia diaboli? Qui utrūq; uerū credit, & quia erat ibi mater Iesu, & quia illud respondit matri Iesus. Sed si nondum intelligit quē admodū dixerit Iesus, Quid mihi & tibi est mulier? interim credat quod dixerit & quod matri dixerit: sit primo pietas in credente, & erit fructus in intelligente. Interrogo uos o fideles Christiani: Erat ibi mater Iesu? Respondete, erat. Vnde scitis? Respondete, hoc loquitur euangelium. Quid respondit matri Iesus? Respondete, quid mihi & tibi est mulier? Non dum uenit hora mea.) Et hoc unde scitis? Respondete, hoc loquitur euangelium. Nullus uobis corrumpt hanc fidem, si uultis sponso seruare castam uirginitatem. Si autē quæritur a tamen credat, & hoc respondisse: & tamen matri respondisse Iesum. Hac pietate merebitur etiam intelligere cur ita responderit, si orando pulset, & non rixando accedat ad ostium ueritatis: Tantū caueat ne dum se putat scire, aut erubescit nescire, cur ita responderit, cogat credere aut euangelistam fuisse mentitum qui ait, Erat ibi mater Iesu: aut ipsum Christum falsa morte passum propter delicta nostra, & falsas cicatrices ostendisse, ppter iustificationem nostram, falsumq; dixisse: Si manseritis in uerbo meo, uere discipuli mei estis, & cognoscetis ueritatem, & ueritas liberabit uos. Si enim falsa mater, falsa caro, falsa mors, falsa uulnera passionis, falsæ cicatrices resurrectionis, non ueritas credentes in eum, sed potius falsitas liberauit: Immo uero falsitas cedat ueritati, & confundantur omnes, qui propterea se uolunt uidere ueraces, quia Christum conantur demonstrare fallacem: & nolunt sibi dici, nō uobis credimus quia mētimini, cum ipsam ueritatē dicant esse mentitā: quibus tamen si dicamus, unde nostis dixisse Christū, Quid mihi & tibi est mulier? euangelio se credidisse respondet: Cur ergo nō credūt euangelio dicenti, Erat ibi mater Iesu, & dicit ei mater eius? Aut si hoc mētitur euangelium, quomodo ei credit quia dixerit Iesus, Quid mihi & tibi est mulier? Cur non potius miseri, & quod ita nō extraneæ, sed matri dñs responderit, fideliter credūt: & cur ita responderit, pie quærūt? Multum enim interest inter eū qui dicit, uolo scire quare Christus hoc matri responderit: & eū, qui dicit, scio quod hoc Christus nō matri responderit. Aliud est intelligere uelle quod clausum est: aliud nolle credere, quod apertum est. Qui dicit: scire uolo cur ita Christus matri responderit, aperiri sibi uult euangelium cui credit: qui autem dicit, scio quod hoc Christus nō matri responderit, ipsum euangelium arguit de mendacio, ubi credit quod Christus ita responderit. Iam uero si placet fratres, illis repulsis, & in sua cecitate errantibus semper, nisi humiliter sanentur, nos quæramus, quare dominus noster sic matri responderit? Ille singulariter natus de patre sine matre, de matre sine patre: sine matre deus, sine patre homo, sine matre ante tempora, sine patre in fine temporum: quod respondit, matri re-



A tri respondit, quia erat ibi mater Iesu, & dixit ei mater eius. Hoc totum euangelium loquitur. Illic nouimus, quia erat ibi mater Iesu, ubi nouimus quod dixerit ei, Quid mihi & tibi mulier? nondum uenit hora mea. Totum credamus, & quod nondum intelligimus requiramus. Et primum hoc uidete, ne forte quomodo inuenerunt Manichæi occasionem perfidiæ suæ, quia dixit dñs, Quid mihi & tibi est mulier? sic inueniāt mathematici occasionē fallaciæ, quia dixit, nōdū uenit hora mea. Et si hoc secūdū mathematicos dixit, sacrilegiū fecimus incendiō codices eorum. Si autem recte fecimus, sicut apostolorū temporibus factū est, non secundum eos dixit dñs, nondum uenit hora mea. Dicunt enim uaniloqui & seducti seductores: Vides quia sub fato erat Christus qui dicit, nōdū uenit hora mea. Quibus ergo prius respondendum est, hæreticis an mathematicis? Vtriq; enim à serpente illo ueniunt, uolentes corrumpere uirginitatem cordis ecclesiæ, quam habet in integra fide. Primo si placet, eis quos proposueramus, quibus quidem iam ex magna parte respondimus. Sed ne arbitrentur nos non habere quid dicamus de his uerbis quæ dominus matri respondit, uos magis aduersus illos instruimus: nam illis refellendis, puto quod sufficiant quæ iam dicta sunt. Cūr ergo ait matri filius, Quid mihi & tibi est mulier, nōdū uenit hora mea? Dominus noster Iesus Christus, & deus erat & homo: secundum q̄ deus erat, matrem non habebat: secundū q̄ homo erat, habebat matrē. Mater ergo erat carnis, mater infirmitatis quā suscepit ppter nos. Miraculum aut quod facturus erat, secundū diuinitatē facturus erat, nō secundū infirmitatem: secundū q̄ deus erat, non secundū id quod infirmus natus erat: sed infirmum dei fortius est hominibus. Miraculum ergo exigebat mater, at ille tanq̄ nō agnoscat uiscera humana, operaturus facta diuina, tanq̄ dicens: Quod de me facit miraculū, non tu genuisti, diuinitatem meā non tu genuisti: sed quia genuisti infirmitatē meam, tūc te cognoscam cum ipsa infirmitas pendeat in cruce, hoc est enim, nondum uenit hora mea. Tunc enim cognouit qui utiq; semper nouerat, & ante q̄ de illa natus esset, in prædeterminatione nouerat matrem: & ante q̄ deus crearet, de qua ipse homo crearetur, nouerat matrē.

B Sed ad quandam horam in mysterio non agnoscit: & ad quandam horam quæ nondum uenerat, in mysterio rursus agnoscit. Tunc enim agnouit, quando illud quod peperit moriebatur: non enim moriebatur per quod facta erat Maria, sed moriebatur quod factum erat ex Maria. Non moriebatur æternitas diuinitatis, sed moriebatur infirmitas carnis. Illud ergo respondit discernēs in fide credentium, quis, per quam uenerat. Venit enim per matrem feminam deus & dñs cœli & terræ. Secundum q̄ dñs mundi, q̄ dñs cœli & terræ, dominus utiq; & Mariæ: secundū q̄ creator cœli & terræ, creator & Mariæ: secundū autem q̄ dictū est: Factum ex muliere, factum sub lege, filius Mariæ, Ipse dominus Mariæ, ipse filius Mariæ: ipse creator Mariæ, ipse creatus ex Maria. Noli mirari, quia & filius & dñs. Sicut enim Mariæ, ita & Dauid dictus est filius: & ideo Dauid filius, quia Mariæ filius. Audi Apostolum aperte dicentē, quia factus est ei ex semine Dauid secundū carnem: audi eum & dñm Dauid, dicat hoc & ipse Dauid: Dixit dñs domino meo, sede ad dexteram meam. Et ipse Iesus hoc proposuit Iudæis, & eos inde conuicit: Quomodo ergo Dauid & filius & dñs? Filius Dauid secundum carnem, dominus Dauid secundum diuinitatem: sic Mariæ filius secundum carnem, dominus Mariæ secundū maiestatem. Quia ergo non erat illa mater diuinitatis, & per diuinitatem futurum erat miraculum quod petebat, respōdit ei: Quid mihi & tibi est mulier? Sed ne putes q̄ te negem matrem, nōdū uenit hora mea: Ibi enim te agnoscam, cum pendere in cruce cœperit infirmitas cuius mater es. Probemus si uerum est. Quādo passus est dominus sicut idem euangelista dicit, nouerat matrem dominus, & qui nobis insinuauit etiam in his nuptijs matrem dñi, ipse narrat. Erat, inquit, illic circa crucem mater Iesu, & ait Iesus matri suæ: Mulier ecce filius tuus: & ad discipulum, ecce mater tua. Cōmendat matrem prior matre moriturus, & ante matris mortem resurrecturus. Cōmendat homo homini hominem, hoc peperit Maria. Illa hora iam uenerat de qua tunc dixerat, nondum

Gal. 4

Rom. 1

Psal. 109

Matth. 22

Ioh. 19

dum uenit hora mea. Quantum arbitror fratres, responsum est hæreticis: mathematicis respondemus. Et ipsi unde conantur conuincere, quia sub fato erat Iesus: Quia ipse ait, ut in-  
 quiunt, nondum uenit hora mea. Si ergo dixisset, horam non habeo, exclusisset mathe-  
 maticos, non essent unde calumniarentur. Nunc uero quia dixit, nondum uenit hora mea,  
 contra ipsius uerba quid possumus dicere? Mirum est quod mathematici credendo uerbis  
 Christi, conantur conuincere Christianos, quod sub hora fatali uixerit Christus. Credant  
 ergo Christo dicenti: Potestatem habeo ponendi animam meam, & potestatem habeo ite-  
 rum sumendi eam: Nemo tollit eam à me, sed ego pono eam à meipso, & iterum sumo eam.  
 Ergo ne ista potestas sub fato est? Ostendant hominem qui potestatem habeat quando mo-  
 riatur, quamdiu uiuat, omnino non ostendunt: credant ergo deo dicenti: Potestatem ha-  
 beo ponendi animam meam, & iterum sumendi eam, & querant quare sit dictum, nondum  
 uenit hora mea. Nec ideo iam sub fato ponant conditorem cœli, creatorem atq; ordinato-  
 rem syderum: quia si esset fatum de syderibus, non poterat esse sub necessitate syderum con-  
 ditor syderum. Adde quia non solum Christus non habuit quod appellas fatum, sed nec  
 tu, aut ego, aut ille, aut quisquā hominum. Veruntamen seducti seducunt, & proponunt fal-  
 lacias hominibus. Tendunt ad capiendos homines, & hoc in plateis. Nam qui tendunt ad  
 capiendas feras, uel in syluis, uel in solitudine id agunt: quàm infelicitè uani sunt homines,  
 quibus capiendis in foro tenditur. Nummos accipiunt, cū se homines hominibus uendunt:  
 dant isti nummos ut se uanitatibus uendant: Intran- enim ad mathematicum, ut emant  
 sibi dominos, quales mathematico dare placuerit, uel Saturnum, uel Iouem, uel Mercuriū,  
 uel si quid aliud sacrilegi nominis. Intrauit liber, ut nummis datis seruus exiret, immo ue-  
 ro non intraret si liber esset, sed intrauit quod eum dominus error & domina cupiditas tra-  
 xit. Vnde & ueritas dicit: Omnis qui facit peccatum, seruus est peccati. Quare ergo dixit: nō-  
 dum uenit hora mea? Magis quia in potestate habebat quando moreretur, nondum uide-  
 bat esse opportunum, ut illa potestate uteretur. Quomodo nos fratres, uerbi gratia, si loqui-  
 mur: Iam certa hora est, qua exeamus ut celebremus sacramēta: si ante exeamus quàm opus  
 est, nōne peruersi & præposterī sumus? Quia ergo non facimus nisi quando opportunum  
 est: propterea in his agendis cum ita loquimur, fatum consideramus? Quid est ergo, non-  
 dum uenit hora mea? Quando ego scio opportune me pati, quando passio mea utilis erit:  
 nondum uenit ipsa hora, tunc uoluntate patiar: ut utrūq; serues, & nondū uenit hora mea,  
 & potestatem habeo ponendi animam meam, & iterum sumendi eam. Venerat ergo, ha-  
 bens in potestate quando moreretur: nam si ante moreretur quàm discipulos elegisset, cer-  
 te præposterum esset. Si esset homo qui non haberet in potestate horam suam, posset ante  
 mori quàm discipulos elegisset. Et si forte moreretur iam electis eruditissq; discipulis, præ-  
 stare ei ne ipse hoc faceret. At uero qui uenerat in manu habēs quādo iret, quādo rediret,  
 quousq; excurreret, cui paterent inferi, nō tantū morienti, sed & resurgenti, ut nobis ostēde-  
 ret spem immortalitatis ecclesiæ suæ, in capite ostendit quod membra expectare deberent,  
 resurget etiam in cæteris membris, qui resurrexit in capite. Hora ergo nondum uenerat, op-  
 portunitas nondum erat. Vocandi erant discipuli, annunciandum erat regnum cœlorum,  
 faciendæ erant uirtutes: cōmendanda erat diuinitas in miraculis: cōmendanda erat huma-  
 nitas domini in ipsa compassione mortalitatis. Ille enim esuriebat, quia homo erat: paui-  
 bus imperabat, quia deus erat. Qui dormiebat quia homo erat: uentis & flucti-  
 bus euangelistæ, quod prædicaretur ecclesiæ. At ubi tantum fecit quantum sufficere iudicauit, ue-  
 nit hora non necessitatis, sed uoluntatis: non conditionis, sed potestatis. Quid ergo fratres,  
 uersa, quid architriclinus, quid sponsus, quid mater Iesu in mysterio, quid ipsæ nuptiæ? Dicē-  
 da sunt omnia, sed onerandi non estis. Volui quidē in nomine Christi & hesterno die quo  
 solet



**A** solet sermo deberi charitati uestre id agere uobiscum, sed non sum permissus necessitatibus quibusdam impediens. Si ergo placet sanctitati uestre, hoc quod ad mysterium pertinet huius facti, in crastinum differamus, & non oneremus & uestram & nostram infirmitatem. Sunt forte hodie multi qui propter solennitatem diei, non propter audiendum sermonem conuenerunt. Crastino qui uenerint, uenient audituri, ut nec fraudemus studiosos, nec grauemus fastidiosos.

Ab eo loco ubi ait, dicit mater eius ministris: Quodcumque uobis dixerit facite, usque ad id quod ait: Implete hydrias aqua, & impleuerunt eas usque ad summum.

Tractatus

IX



**A**SSIT deus dominus noster, ut donet nobis reddere quod promissimus. Hesterno enim die si meminisset sanctitas uestra, cum temporis includeremur angustia, ne sermonem inchoatum impleveremus, in hodiernum diem distulimus, ut ea quae in hoc facto euangelicae lectionis mystice in sacramentis posita essent, ipso adiuuante aperirentur. Non itaque opus est nobis morari diutius in commendando dei miraculo: Ipse est enim deus qui per uniuersam creaturam quotidiana miracula facit, quae hominibus non facilitate, sed assiduitate uiluerunt. Rara autem quae facta sunt ab eodem domino: id est, a uerbo propter nos incarnato, maiorem stuporem hominibus attulerunt: non quia maiora erant quam sunt ea quae quotidie in creatura facit, sed quia ista quae quotidie fiunt, tanquam naturali cursu peraguntur: illa uero efficacia potentiae etiam tanquam praesentis, exhibita uidentur oculis hominum. Diximus sicut meministis, resurrexit unus a mortuis, obstupuerunt homines: cum quotidie nasci qui non erant, nemo miretur: Sic aquam in uinum conuersam quis non miretur: cum hoc annis omnibus deus in uitis faciat? Sed quia omnia quae fecit dominus Iesus, non solum ualent ad excitanda corda nostra miraculis, sed etiam ad aedificanda in doctrina fidei, scrutari nos oportet quid sibi uelint illa omnia: id est, quid significet: horum enim omnium significationes, sicut recordamini, in diem hodiernum distulimus. Quod dominus inuitatus uenerit ad nuptias, etiam excepta mystica significatione, confirmare uoluit quod ipse fecit nuptias. Futuri enim erant, de quibus dixit Apostolus, prohibentes nubere, & dicentes quod malum essent nuptiae, & quod diabolus eas fecisset, cum idem dominus dicat in euangelio interrogatus: utrum liceat homini dimittere uxorem suam ex qualibet causa, non licere excepta causa fornicationis. In qua responsione si meministis, hoc ait: Quod deus coniunxit, homo non separet. Et qui bene eruditi sunt in fide catholica, nouerunt quod deus fecerit nuptias: & sicut coniunctio a deo, ita diuortium a diabolo fit. Sed propterea in causa fornicationis licet uxorem dimittere, quia ipsa esse uxor prior noluit, quae fidem conjugalem marito non seruauit. Nec illi qui uirginitatem deo uouent, quam ampliorem gradum honoris & sanctitatis in ecclesia teneant, sine nuptiis sunt: nam & ipsi pertinent ad nuptias cum tota ecclesia, in quibus nuptiis sponsus est Christus. Ac per hoc ergo dominus inuitatus uenit ad nuptias, ut conjugalis castitas firmaretur, & ostenderetur sacramentum nuptiarum, quia & illarum nuptiarum sponsus personam domini figurabat, cui dictum est: Seruasti uinum bonum usque adhuc. Bonum enim uinum Christus seruauit usque adhuc: id est, euangelium suum. Iam enim incipiamus ipsa sacramentorum opera detegere, quantum ille donat in cuius nomine uobis promissimus. Erat prophetia antiquis temporibus, & a prophetiae dispensatione nulla tempora cessauerunt. Sed illa prophetia quando, in illa Christus non intelligebatur, aqua erat. In aqua enim uinum quodammodo latet. Et dicit Apostolus, quid intelligamus in ista aqua: Usque in hodiernum, inquit, diem quamdiu legitur Moyses id ipsum uelamen super cor eorum positum est, quod non reuelatur, quia in Christo euacuatur. Et cum transferint, inquit, ad dominum, auferetur uelamen. Velamen dicit ad operationem prophetiae, ut non intelligeretur. Tollitur uelamen cum tran-

Nō obseruat Aug. in hoc tractatu integram formā textus, sed plura uerba transilit, quaedam commemorat, quaedam uariat.

1. Timoth. 4

Matth. 19

2. Cor. 3

seris ad dominum: sic tollitur insipientia cum transferis ad dominum, & quod aqua erat, c  
 uinum tibi fit. Lege libros omnes propheticos, non intellecto Christo, quid tam insipidum  
 & fatuum inuenies? Intellige ibi Christum, non solum sapit quod legis, sed etiam inebriat,  
 mutans mentem à corpore, ut præterita obliuiscens, in ea quæ ante sunt extendaris. Er  
 go prophetia ab antiquis temporibus, ex quo prorsus currit ordo nascentium in genere  
 humano, de Christo non tacuit: sed occultum ibi erat, adhuc enim erat aqua. Vnde  
 probamus quòd omnibus temporibus superioribus usque ad ætatem qua dominus uer  
 nit, prophetia de illo non defuit? Ipso domino dicente: Cum enim resurrexisset à mor  
 tuis, inuenit discipulos suos dubitantes de ipso quem secuti erant. Viderunt enim eum  
 mortuum, & non sperauerunt eum resurrecturum, & tota spes eorum concidit. Vnde  
 Luc, 23 de ille latro laudatus ipso die meruit esse in paradiso, quia in cruce confixus tunc confes  
 sus est Christum, quando de illo discipuli dubitarunt. Ergo inuenit eos nutantes, & quo  
 dammodo arguentes se ipsos, quòd in illo redemptionem sperauerant: dolebant tamen  
 eum sine culpa occisum, quia nouerant innocentem, Et hoc ipsi post resurrectionem dixe  
 runt, cum quosdam eorum tristes inuenisset in uia, Tu solus peregrinaris in Hierusalem,  
 Luc, 24 & non cognouisti quæ facta sunt in illa his diebus? Ille autem dixit eis: Quæ? Illi uero dixe  
 runt: De Iesu Nazareno, qui fuit uir propheta potens in factis & dictis in conspectu dei &  
 uniuersi populi, quomodo hunc tradiderunt sacerdotes & principes nostri in damnatione  
 mortis, & cruci eum fixerunt. Nos autem sperabamus quia ipse erat qui redempturus esset  
 Israël, & nunc tertius dies agitur hodie ex quo hæc facta sunt. Hæc atq; alia cum dixisset  
 unus ex duobus, quos inuenit in uia euntes ad propinquum castellum: respondit ipse &  
 ait: O insensati & tardi corde ad credendum, super omnia quæ locuti sunt propheta: Non  
 ne hæc omnia oportebat pati Christum, & introire in claritatem suam? Et fuit incipiens à  
 Moyse & omnibus prophetis, interpretans illis in omnibus scripturis quæ de ipso erant. Itē  
 alio loco, cum palpari se manibus discipulorum uoluit, ut crederent quia in corpore resurre  
 xerat: Hi sunt, inquit, sermones quos locutus sum ad uos, cum adhuc essem uobiscum, quia  
 oporteret impleri omnia quæ scripta sunt in lege Moyse & prophetis & psalmis de me. Tūc  
 aperuit illis sensum ut intelligerēt scripturas, & dixit illis, Quia sic scriptum est, & sic oport  
 rebat pati Christum, & resurgere à mortuis tertia die, & prædicare in nomine eius peniten  
 tiam & remissionem peccatorum in omnes gentes, incipientes à Hierusalem. His ex euange  
 lio quæ certe manifesta sunt intellectis, patebunt illa omnia mysteria, quæ in isto miraculo  
 domini latent. Videte quid ait: Quia oportebat impleri in Christo, quæ de illo scripta sunt.  
 Vbi scripta sunt? In lege, inquit, & prophetis & psalmis: nihil scripturarum ueterum præ  
 termisit. Illa erat aqua: Et ideo dicti sunt illi à domino insensati, quia eis adhuc aqua sapie  
 bat, non uinum. Quomodo autem fecit de aqua uinum? Cum aperuit eis sensum, & ex  
 posuit eis scripturas, incipiens à Moyse & per omnes prophetas: unde iam inebriati dice  
 bant, Nonne cor nostrum ardens erat in nobis de Iesu, dum loqueretur nobis in uia, &  
 aperiret nobis scripturas? Intellexerunt enim Christum in his libris, in quibus eum non  
 nouerant. Mutauit autem aquam in uinum dominus noster Iesus Christus, & sapit quod  
 non sapiebat, & inebriat quod non inebriabat. Si enim iussisset inde aquam effundi, &  
 sic ipse mitteret uinum ex occultis creaturæ finibus, unde fecit & panem quando satura  
 uit tot milia: non enim quinque panes habebant quinque milium hominum saturita  
 tem, aut saltem duodecim cophinos plenos, sed omnipotentia domini quasi fons pa  
 teres improbasse. Cum autem ipsam aquam conuertit in uinum, ostendit nobis quòd  
 & scriptura uetus ab ipso est: nam iussu ipsius impletæ sunt hydriæ. A domino qui  
 dem & illa scriptura, sed nihil sapit si non ibi Christus intelligatur. Intendite autem  
 quod ipse ait, quæ scripta sunt in lege & prophetis & psalmis de me, Nouimus autē legem  
 ex qui



A ex quibustēporibus narret: id est, ab exordio mundi. In principio fecit deus cœlum & terram: inde usq; ad hoc tempus quod nunc agimus, sexta ætas est, ut sæpe audistis & no-  
 stis. Nam prima ætas est ab Adam usque ad Noë: secunda à Noë usque ad Abraam: sic & Matthæus euāgelista per ordinem sequitur & distinguit: tertia ab Abraam usque ad  
 Dauid: quarta à Dauid usque ad transmigrationem Babylonis: quinta à transmigratio-  
 ne Babylonis usq; ad Ioannem baptistam: sexta inde usq; ad finē seculi. Propterea & sexta  
 die fecit deus hominem ad imaginem suam, quia sexta ista ætate manifestatur per euange-  
 lium reformatio mentis nostræ, secundum imaginē eius qui creauit nos. Et cōuertitur aqua  
 in uinum, ut iam manifestatum Christum in lege & prophetis sapiamus. Ideo, Erant ibi  
 sex hydriæ, quas iussit impleri aqua. Sex ergo illæ hydriæ, sex ætates significant, quibus nō  
 defuit prophetia. Illa ergo tempora sex, quasi articulis distributa atq; distincta, quasi uasa  
 essent inania, nisi à Christo implerentur: quid dixi tempora, quæ inaniter currerent, nisi in  
 eis dominus Iesus prædicaretur? Impletæ sunt prophetiæ, plenæ sunt hydriæ, sed ut aqua in  
 uinum conuertatur, in illa tota prophetia Christus intelligitur. Quid est autē, Capiebant  
 metretas binas uel ternas? Mysteriū nobis maxime ista locutio cōmendat. Metretas enim  
 dicit mensuras quasdam, tanq̃ si diceret, urnas, amphoras, uel si quid huiusmodi. Nomen  
 mensuræ est metreta, & à mensura accepit nomē ista mensura. Metron enim mensurā dicūt  
 Græci: inde appellatæ metretæ. Capiebant enim metretas binas uel ternas. Quid dicimus  
 fratres? Si ternas tantum diceret, non curreret animus noster nisi ad mysterium trinitatis.  
 Sed forte nec sic debemus inde cito iam sensum nostrum auertere, quia dixit binas uel ter-  
 nas: quia nominato patre & filio, consequenter & spiritus sanctus intelligēdus est. Spiritus  
 enim sanctus non est patris tantūmodo, aut filij tantūmodo spiritus, sed patris & filij spī-  
 tus: scriptum est enim: Si quis dilexerit mundum, nō est spiritus patris in illo. Item scriptū  
 est: Si quis autē spīritū Christi non habet, hic non est eius. Idem autē spiritus & patris & fi-  
 lij: nominato itaq; patre & filio, intelligitur & spiritus sanctus, quia spiritus est & patris &  
 filij. Cum autē nominatur pater & filius, tanq̃ duæ metretæ nominātur: cum autem ibi in-  
 telligit spūs sanctus, tres metretæ. Ideo nō dictū est, capientes metretas, aliæ binas, aliæ ter-  
 nas: sed ipsæ sex hydriæ capiebant metretas binas uel ternas: tanq̃ diceret, & quando di-  
 co binas, etiam spiritum patris & filij cum his intelligi uolo: & quando dico ternas, ipsam  
 trinitatem manifestius enuncio. Quisquis itaq; nominat patrem & filium, oportet ibi intel-  
 ligi tanq̃ charitatem inuicem patris & filij, quod est spiritus sanctus: fortassis enim discus-  
 sæ scripturæ, quod non sic dico, ut hoc dicere possim, aut quasi aliud inueniri non possit, sed  
 tamen fortasse scrutatæ scripturæ indicant, q̃ spiritus sanctus charitas est. Et ne putetis uilē  
 esse charitatem: quomodo autem uilis est, quando omnia quæ dicuntur non uilia, chara di-  
 cuntur? Si ergo quæ non sunt uilia, chara sunt: quid est charius ipsa charitate? Sic autem cō-  
 mendatur charitas ab Apostolo ut dicat: Supereminentiorem uiam uobis demonstro: Si  
 linguis hominum loquar & angelorum, charitatem autem non habeam, factus sum ut æra  
 mentum sonans, aut cymbalum tinniens: Et si sciero omnia sacramenta & omnem scientiā,  
 & habuero prophetiam & omnem fidem, ita ut montes transferam, charitatem autem nō  
 habeam, nihil sum. Et si distribuero omnia mea pauperibus, & tradidero corpus meum ut  
 ardeam, charitatem autem non habuero, nihil mihi prodest. Quanta est ergo charitas, quæ  
 si desit, frustra habentur cætera: si assit, recte habentur omnia. Tamen charitatem laudans  
 apostolus Paulus copiosissime atq; uberrime, minus de illa dixit, quàm quod ait breuiter  
 apostolus Ioannes, cuius est hoc euangelium. Neque enim dubitauit dicere: Deus cha-  
 ritas est: Scriptum est etiam, quia charitas dei diffusa est in cordibus nostris per spiritum  
 sanctum qui datus est nobis. Quis ergo nomet patrem & filium, & non ibi intelligat cha-  
 ritatem patris & filij? quam cum habere cœperit, spiritum sanctum habebit: quam si non  
 habuerit, sine spiritu sancto erit. Et quomodo corpus tuū sine spiritu, quod est anima tua,  
 si fuerit, mortuum est: sic anima tua sine spiritu sancto: id est, sine charitate si fuerit, mortua  
 deputa-

Gen. 1

Matth. 23

1. Ioan. 2

Rom. 8

1. Cor. 12 &amp; 13

1. Ioan. 4

Rom. 5

deputabitur. Ergo metretas binas capiebant hydriæ, quia in omnium temporum prophetia pater & filius prædicatur, sed ibi est & spiritus sanctus. Ideoque adiunctum est, uel ternas: *Ioan. 10* Ego & pater, inquit, unum sumus. Sed absit ut spiritum sanctum, ubi audimus, ego & pater unum sumus, non esse dicamus: Tamen quia patrē & filium nominauit, capiebant hydriæ *Matth. 28* binas metretas. Sed audi uel ternas: Ite baptizate gentes, in nomine patris & filij & spūs sancti. Itaque in eo quod dicuntur binæ, non exprimitur, sed intelligitur: in eo uero quod dicuntur, uel ternæ, etiā exprimitur trinitas. Sed est & alius intellectus non prætermittendus, & ipsum dicam, eligat quisque quod placeat, nos quod suggerit non subtrahimus. Mensa enim domini est, & non oportet ministrum fraudare conuiuas, præsertim sic esurientes ut appareret auiditas uestra. Prophetia quæ ab antiquis temporibus dispensatur, ad salutem omnium gentium pertinet. Ad solum quidem populum Israël missus est Moyses, & ei soli populo per eum lex data est, & ipsi propheta ex illo populo fuerunt, & ipsa distributio temporum secundum eundem populum distincta est: unde & hydriæ dicuntur. Secundum purificationem Iudæorum: Sed tamen quia illa prophetia etiam cæteris gentibus annunciabatur, manifestum est, quandoquidem Christus in ea occultus erat, in quo benedicentur omnes gentes, sicut promissum est Abraæ, dicente domino: In semine tuo benedicentur omnes gentes. *Gen. 22* Nondum enim intelligebatur, quia nondum aqua conuersa erat in uinum: ergo omnibus gentibus dispensabatur prophetia. Quod ut emineat iocundius, de singulis ætatibus, tanque de singulis hydrijs, pro tempore quædam cōmemoremus. In ipso exordio, Adam & Eua parentes omnium gentium erāt, nō tantūmodo Iudæorū: Et quicquid figurabat in Adā de Christo, ad omnes utique gentes pertinebat, quibus salus erat in Christo. Quid ergo potissimum dicam de aqua primæ hydriæ, nisi quod Apostolus ait, de Adam & Eua: Nemo enim me dicet prauē intellexisse, quādo intellectū nō meū, sed Apłi pfero. Illud ergo uinū quātū mysteriū de Christo cōtinet, quod cōmemorat Apostolus dicēs: Et erūt duo in carne una. *Eph. 5* Sacramentū hoc magnū est. Et ne quis istam magnitudinē sacramenti in singulis quibusque hominibus uxores habentibus intelligeret: Ego autē, inquit, dico in Christo & in ecclesia, quod est hoc sacramentū magnum, erunt duo in carne una. Cum de Adam & Eua scriptura *Gen. 2* geneleos loqueretur: unde uentū est ad hæc uerba: Propterea relinquet homo patrem & matrem, & adhærebit uxori suæ, & erunt duo in carne una: sic ergo Christus adhæsit ecclesie, ut essent duo in carne una. Quomodo reliquit patrem: quomodo matrem reliquit: Patrem, quia cum in forma dei esset nō rapinam arbitratus est esse se æqualem deo, sed semetipsum *Phil. 2* exinaniuit, formam serui accipiens: Hoc est enim, reliquit patrem, nō quia deseruit & recessit à patre, sed quia nō in ea forma apparuit hominibus, in qua æqualis est patri. Quomodo reliquit matrē: Relinquēdo synagogam Iudæorū, de qua secundū carnē natus est, & inhærendo ecclesie quā ex omnibus gentibus cōgregauit. Ergo prima hydria habebat, præerat, in uinū mutata nondū erat. Et quia illuminauit nos per Apostolū dñs, ut ostēderet nobis quid ibi quæreremus in ipsa una sententia, erūt duo in carne una, sacramentū magnum in Christo & in ecclesia: iam licet nobis ubique Christū quærere, & de omnibus hydrijs uinū potare. Dormit Adam ut fiat Eua, morit Christus ut fiat ecclesia. Dormienti Adæ fit Eua de latere, mortuo Christo lancea percussus latus, ut pfluant sacramenta quibus formetur ecclesia. Cui non apparet quia in illis tunc factis futura figurata sunt, quādoquidem dicit Apostolus ipsum Adam formā futuri esse: Qui est, inquit, forma futuri. Præfigurabant omnia *1 Cor. 15* mystice: Neque enim uero nō poterat deus uigilanti costā educere, scēminamque formare: An forte ne doleret latus quādo costa detracta est, ppter hoc oportebat ut ille dormiret: Quis est qui sic dormiat, ut ei ossa non euigilanti euellantur: An quia deus euellebat, propterea homo non sentiebat: Poterat ergo & uigilanti sine dolore euellere, qui poterat dormienti: sed proculdubio hydria prima implebatur, prophetia illis temporibus futuro isto tempore dispensabatur. Christus etiam figuratus est in Noë, & in illa arca orbis terrarum. Quare ergo in



**A** go in arca inclusa sunt omnia animalia, nisi ut significarent omnes gentes: Non enim deerat deo rursus creare omne genus animalium: quando enim omnia non erant, non dixit, producat terra, & produxit terra: Vnde ergo tunc fecit, inde reficeret: uerbo fecit, uerbo reficeret, nisi quia mysterium commendabat, & secundam hydriam prophetica dispensationis implebat, ut per lignum liberaretur figura orbis terrarum, quia in ligno figenda erat uita orbis terrarum. Iam in tertia hydria ipsi Abrae quod iam commemorauimus, dictum est: In semine tuo benedicentur omnes gentes. Et quis non uideat cuius habeat figuram unicus eius, qui sibi ad sacrificium quod ipse immolandus ducebatur, ligna portabat: Portauit enim dominus crucem suam, sicut euangelium loquitur. Hoc de tertia hydria commemorasse sufficiat. De David autem quid dicam, quod ad omnes gentes pertinebat prophetia eius, quando modo audiuius psalmum: & difficile est ut dicatur psalmus, in quo hoc non sonet: Sed certe ut dixi modo cantauimus: Surge deus iudica terram, quoniam tu hereditabis in omnibus gentibus. Et ideo Donatistae tanquam proiecti de nuptiis: sicut ille homo qui non habebat uestem nuptialem, inuitatus est & uenit, sed proiectus est de numero uocatorum, qui non habebat uestem ad sponsi gloriam: qui enim suam gloriam quaerit, non Christi, non habet uestem nuptialem: non enim uolunt consonare uoci illius qui amicus erat sponsi, & ait: Hic est qui baptizat. Nec immerito illi qui non habebat uestem nuptialem, hoc per increpationem obiectum est quod non erat: Amice, quid huc uenisti? Et sicut ille obmutuit, sic & isti: quid enim prodest strepitus oris muto corde? Nouerunt quippe intus apud semetipsos non se habere quod dicant: intus obmutuerunt, foris perstreperunt. Audiunt uelint nolint, etiam apud se cantari: Surge deus iudica terram, quoniam tu hereditabis in omnibus gentibus. Et non communicando omnibus gentibus, quid aliud quam se exharedatos esse cognoscant: Quod ergo dicebam fratres, quia ad omnes gentes pertinet prophetia: uolo enim alium sensum ostendere in eo quod dictum est: Capietes metretas binas uel ternas, ad omnes, inquam, gentes pertinere prophetiam, modo commemorauimus demonstratum in Adam, qui est forma futuri. Quis autem nesciat quod de illo exorta sunt omnes gentes, & in eius uocabulo quatuor litteris, quatuor orbis terrarum partes per graecas appellationes demonstrantur: Si enim Graece dicatur, oriens, occidens, aquilo, merides, sicut eas plerisque locis sancta scriptura commemorat, in capitibus uerborum inuenis Adam: dicuntur enim Graece quatuor memoratae mundi partes, ἀνατολή, δύσις, ἀρκτος, μεσημβρία. Ista quatuor nomina si tanquam uersus quatuor sub inuicem scribas, in eorum capitibus Adam legitur. Hoc in Noe propter arcam figuratum est, in qua erant omnia animalia, quae significabant omnes gentes: hoc in Abraa, cui apertius dictum est: In semine tuo benedicent omnes gentes: hoc in David, de cuius psalmis, ut alia omittam modo cantauimus: Surge deus iudica terram, quoniam tu hereditabis in omnibus gentibus. Cui enim deo dicitur, surge, nisi qui dormiuit? Surge deus iudica terram, tanquam diceretur: Dormisti iudicatus a terra, surge ut iudices terram. Et quod pertinet illa prophetia: Quoniam tu hereditabis in omnibus gentibus? Iam uero in quinta aetate tanquam in quinta hydria, Daniel uidit lapidem praecisum de monte sine manibus, & confregisse omnia regna terrarum, & creuisse illum lapidem, & factum esse montem magnum, ita ut impleret uniuersam faciem terrae. Quid apertius fratres mei? Lapis de monte praeciditur, ipse est lapis quem reprobauerunt aedificantes, & factus est in caput anguli. De quo monte praeciditur, nisi de regno Iudaeorum, unde dominus noster Iesus Christus secundum carnem natus est? Et praeciditur sine manibus, sine opere humano, quia sine amplexu maritali de uirgine exortus est. Mons ille unde praecisus est, non impleuerat uniuersam faciem terrae: non enim tenuerat regnum Iudaeorum omnes gentes: at uero regnum Christi, omnes gentes & uniuersum orbem terrarum cernimus occupare. Iam ad sextam aetatem pertinet Ioannes baptista, quo nemo exurrexit maior de natis mulierum: de quo dictum est, Maior quam propheta. Quomodo & ipse ostendit, quia omnibus gentibus missus est Christus, quando Iudaei uenerunt ad eum ut baptizarentur: Et ne superbiret

*Matth. 5* superbirent de nomine Abraæ, generatio, inquit, uiperarum, quis ostendit uobis fugere à uentura ira: Facite ergo fructum dignum pœnitentiæ, id est, humiles estote: superbis enim loquebatur. Vnde autem erant superbi: De genere carnis, nō de fructu imitationis patris Abraam. Quid eis ait: Nolite dicere, patrē habemus Abraam, potens est enim deus de lapidibus istis suscitare filios Abraæ. Lapidem dicens omnes gentes, non propter firmitatem, sicut lapis dictus est, quem reprobauerunt ædificantes: sed propter stoliditatem & duriciam stulticiæ, quia eis quos adorabant similes facti erant, Adorabant enim insensata simulacra, pariter insensati: Vnde insensati: Quoniam in psalmo dicitur: Similes illis fiant qui faciunt ea, & omnes qui confidunt in eis. Ideo cum cœperint homines deum adorare, quid audiūt: Vt sitis filij patris uestri qui in cœlis est, qui solem suum facit oriri super bonos & malos, & pluit sup iustos & iniustos. Quapropter si ei sit homo similis quē adorat: quid est, potēs est deus de lapidibus istis suscitare filios Abraæ: Nos ipsos interrogemus, & uideamus quia factum est: Nos enim de gentibus uenimus, De gentibus autem non ueniremus, nisi deus de lapidibus suscitasset filios Abraæ. Facti sumus filij Abraæ imitando fidem, nō nascendo per carnem. Sicut enim illi degenerando exhæredati: sic nos imitando adoptati. Ergo fratres, ad omnes gentes pertinebat etiam ista sexta hydria prophetiæ, & ideo de omnibus dictum est: Capietes metretas binas uel ternas. Sed quomodo ostendimus omnes gentes pertinere ad binas uel ternas metretas: Æstimantis enim fuit quodammodo, ut ipsas diceret binas quas dixerat ternas, ad cōmendandū scilicet sacramentum. Quomodo sunt binæ metretæ: Circūcisio & præputium. Hos duos populos scriptura cōmemorat, & nullum præmittit hominum genus, quando dicit, circūcisio & præputium. In duobus istis nominibus habes omnes gentes, & binæ metretæ sunt. His duobus parietibus de diuerso uenientibus ad pacem in seipso faciendam, lapis angularis factus est Iesus. Ostendamus & ternas metretas in eisdem ipsis omnibus gentibus. Tres enim erant filij Noë, per quos reparatum est genus humanum: Vnde dominus ait: Simile est regnum cœlorum fermento quod accipit mulier, & abscondit in farinæ mensuris tribus, quo ad usq; fermentaretur totum. Quæ est ista mulier, nisi caro domini: Quod est fermentum, nisi euangelium: Quæ sunt tres mensuræ, nisi omnes gentes, propter tres filios Noë: Ergo sex hydriæ capientes binas uel ternas metretas, sex sunt ætates temporum, capientes prophetiam pertinentem ad omnes gentes, siue in duobus generibus hominū: id est, Iudæis & Græcis, sicut sæpe Apostolus cōmemorat: siue in tribus, propter Noë tres filios significatos. Figurata est enim pphetia pertingens usq; ad omnes gentes. Nam in eo quod pertingit, dicta est metreta, sicut dicit Apostolus: *2. Cor. 10* Accepimus mensuram pertingendi usq; ad uos: Gentibus enim euangelizans sic ait, mensuram pertingendi ad uos.

Ab eo loco ubi ait: Post hæc descendit Capernaum ipse & mater eius, usq; ad id quod ait: Ille autem dicebat de templo corporis sui.

Tract. x

*Matth. 5* **I**N psalmo audistis gemitum pauperis, cuius membra per totam terram tribulationes patiuntur usq; in finem seculi. Satagite fratres mei esse in his membris, & de his membris. Nam tribulatio tota transitura est. Væ gaudentibus, quia ueritas dicit: Beati lugentes, quoniam ipsi consolabuntur. Deus homo factus est: Quid factururus est homo, propter quem deus factus est homo: Hæc spes consoletur nos in omni tribulatione & tentatione huius uitæ. Nō enim cessat inimicus persequi, & si nō aperte sæuit, insidijs agit. Quid enim agit: Et super iram dolose agebant. Inde dictus est leo & draco. Sed quid dicitur Christo: Et conculcabis leonem & draconem. Leo propter apertam iram, draco propter occultas insidias. Draco eiecit Adam de paradiso. Idem ipse leo percutus est ecclesiam, dicente Petro: Quia aduersarius uester diabolus sicut leo rugiens circūit, quærens quem deuoret. Non tibi sæuitiam suam perdidisse diabolus uideatur, quādo blanditur, tunc magis cauendus est. Sed inter has omnes insidias & eius tentationes, quid faciemus, nisi quod ibi audiuius: Ego autem cum mihi molesti essent, induebam me cilicio, & humiliabam



**A** humiliabam in ieiunio animā meā. Est qui exaudit, ne dubitetis orare : qui autē exaudit, in-  
 tus manet. Non in montē aliquē oculos dirigatis, non faciē in stellas, aut solē aut lunā leue-  
 tis. Non tunc exaudiri uos arbitremini, quādo super mare oratis, imō detestamini tales ora-  
 tiones. Munda tantū cubiculū cordis, ubi fueris, ubicunq; oraueris, intus est qui exaudit, in-  
 tus in secreto, quem sinum uocat cum ait, Et oratio mea in sinu meo conuertetur. Qui te ex-  
 audit, non est prāter te, Non longe uadas, nec te extollas, ut quasi attingas ad illum mani-  
 bus. Magis si tu extuleris, cades: si te humiliaueris, ipse appropinquabit. Hic dominus deus  
 noster uerbum dei, uerbum caro factum est, filius patris, filius dei, filius hominis : excelsus  
 ut nos faceret, humilis ut nos reficeret, ambulans inter homines, patiens humana, abscon-  
 dens diuina. Descendit, ut dicit euangelista, in Capernaum, ipse & mater eius & fratres  
 eius & discipuli eius, & ibi mansit non multis diebus. Ecce habet matrem, habet fratres, ha-  
 bet & discipulos: inde fratres, unde matrem. Fratres enim scriptura nostra, non eos solos ap-  
 pellare consueuit qui nascuntur ex eodem uiro & foemina, aut ex eodem utero, aut ex eodē  
 patre, quamuis diuersis matribus, aut certe ex eodem gradu uelut compatruales aut confor-  
 brinos, non solum hos fratres nouit dicere scriptura nostra. Quomodo loquitur, sic intelli-  
 genda est: Habet linguam suam: quicunq; hanc linguam nescit, turbatur & dicit: unde fra-  
 tres domino? Non enim Maria iterum peperit? Absit, inde coepit dignitas uirginum. Illa  
 foemina mater esse potuit, mulier esse non potuit. Dicta est autem mulier secundum foemi-  
 neum sexum, non secundum corruptionem integritatis, & hoc ex lingua ipsius scripturæ,  
 Nam & Eua statim facta de latere uiri sui, nondum contacta à uiro suo, nostis quia muli-  
 er appellata est, Et formauit eam in mulierem. Vnde ergo fratres cognati Mariæ fratres  
 domini? de quolibet gradu cognati: unde probamus? ex ipsa scriptura, Frater Abraæ di-  
 ctus est Loth, filius erat fratris ipsius, lege & inuenies, quia Abraam patruus erat Loth, &  
 dicti sunt fratres, unde nisi quia cognati? Item Iacob Laban Syrum habebat auunculum,  
**B** frater enim erat Laban matris Iacob, id est, Rebeccæ uxoris Isaac. Lege scripturam, & inue-  
 nies quia fratres dicuntur auunculus & sororis filius. Qua regula cognita, inuenies omnes  
 consanguineos Mariæ fratres esse Christi. Sed illi discipuli magis erant fratres, quia & illi  
 cognati fratres non essent, si discipuli non essent. Et sine causa fratres, si magistrum non co-  
 gnoscerent fratrem. Nam quodam loco cum ei nunciassent matrem & fratres eius foris stan-  
 tes, ille autem cum discipulis suis loquebatur, ait, Quæ mihi mater, uel qui fratres? Et exten-  
 dens manum super discipulos suos dixit, Hi sunt fratres mei, & quicunq; fecerit uoluntatem  
 patris mei qui in coelis est, ille mihi mater & frater & soror est. Ergo & Maria quia fecit uo-  
 luntatem patris, hoc in ea magnificauit dominus: quia fecit uoluntatem patris, non quia ca-  
 ro genuit carnem. Intendat charitas uestra. Propterea cum dominus in turba admirabilis  
 uideretur, faciens signa & prodigia, & ostendens quid lateret in carne, admiratæ quædā ani-  
 mæ dixerunt, Felix uenter qui te portauit. Et ille, Imō felices qui audiūt uerbum dei, & custo-  
 diunt illud: hoc est dicere, Et mater mea quam appellatis felicem, inde felix, quia uerbum dei  
 custodit, non quia in illa uerbum caro factum est, & habitauit in nobis: sed quia custodit  
 ipsum uerbum dei per quod facta est, & quod in illa caro factum est. Homines non gaude-  
 ant prole tēporali, exultent si spiritu iunguntur deo. Hæc diximus propter id quod ait euan-  
 gelista, quia cum matre sua & fratribus suis & discipulis habitauit in Capernaū paucis die-  
 bus. Deinde quid sequitur? Et propē erat pascha Iudæorū, & ascendit Hierosolymam.)  
 Aliam rem nobis euangelista narrat, sicut se habebat recordatio annunciantis. Et inuenit  
 in templo, boues & oues & columbas & nummularios sedentes. Et cum fecisset quasi flagel-  
 lum de resticulis, omnes eiecit de templo, boues quoq; & oues, & nummulariorum effudit  
 æs, & mensas subuertit, & his qui columbas uendebant dixit, Auferte ista hinc, & nolite face-  
 re domum patris mei domū negotiationis.) Quid audiuimus fratres? Ecce templum illud  
 figura adhuc erat, & eiecit inde dominus omnes qui sua quærebant, qui ad nundinas uene-  
 rant, & quæ ibi uendebant illi, quæ opus habebāt homines in sacrificijs illius temporis. No-  
 uit enim

Matth. 12

Luc. 11

uit enim charitas uestra quod sacrificia illi populo pro eius carnalitate & corde adhuc lapide talia data sunt, quibus teneretur ne in idola deflueret, & immolarent ibi sacrificia, boues & oues & columbas. Nostis, quia legistis, Non ergo magnum peccatum si hoc uendebant in templo, quod emebatur ut offerretur in templo, & tamen eiecit inde illos. Quid si ibi ebriosos inueniret, quid faceret dominus, si uendentes ea quæ licita sunt, & contra iusticiam non sunt? Quæ enim honeste emuntur, non illicite uenduntur: expulit tamen, & non est passus domum orationis fieri domum negotiationis. Si negotiationis domus non debet fieri domus dei, potationis debet fieri? Nos autem quando ista dicimus, strident dentibus suis aduersus nos, & consolatur nos psalmus quem audistis, Striderunt in me dentibus suis. Nouimus & nos audire unde curemur, & si ingeminatur flagella Christo, quia flagellatur sermo ipsius. Congregata sunt, inquit, in me flagella & nesciebant. Flagellatus est flagellis Iudeorum, flagellatur blasphemis falsorum Christianorum: multiplicant flagella domino deo suo & nesciunt. Faciamus nos quantum ipse adiuuat: ego autem cum mihi molesti essent, induebam me cilicio, & humiliabam in ieiunio animam meam. Dicimus tamen fratres, non enim & ipse pepercit illis, qui flagellandus erat ab eis. Prior illos flagellauit, signum quoddam nobis ostendit, quod fecit flagellum de resticulis, & inde indisciplinatos negotiationem in dei templo facientes flagellauit. Etenim unusquisque in peccatis suis restem sibi texit: propheta dicit, Vae his qui trahunt peccata sua sicut restem longam. Et quis facit restem longam? qui peccato addit peccatum. Quomodo adduntur peccata peccatis? Cum peccata quæ facta sunt cooperiuntur alijs peccatis. Furtum fecit, ne inueniatur quia fecit, quarit mathematicum: sufficeret furtum fecisse. Quare uis adiungere peccatum peccato? Ecce duo peccata. Cum ad Mathematicum prohiberis accedere, blasphemias episcopum, ecce tria peccata. Cum audis, mitte illum foras de ecclesia: dicis, duco me ad partem Donati: ecce addis quartum. Crescit restis. Time restem, Bonum est tibi ut hic inde cum flagellaris, corrigaris, ne in fine dicatur, Ligate illi pedes & manus, & projicite eum in tenebras exteriores. Crinibus enim peccatorum suorum unusquisque constringitur. Illud dominus dicit, illud alia scriptura dicit, Sed utrumque dominus dicit, De peccatis suis ligantur homines, & mittuntur in tenebras exteriores. Qui sunt tamen qui uendunt boues? Ut in figura queramus mysterium facti, qui sunt qui oues uendunt & columbas? Isti sunt qui sua querunt in ecclesia, non quæ Iesu Christi. Venale habent totum, quia nolunt redimi: emi nolunt, & uendere uolunt. Bonum est enim eis ut redimantur sanguine Christi, ut perueniant ad pacem Christi. Quid enim prodest acquirere in hoc seculo quodlibet temporale & transitorium, siue sit pecunia, siue sit uoluptas uentris & gutturis, siue sit honor in laude humana? Nonne omnia fumus & uentus? nonne omnia transeunt & decurrunt? Et uae his qui inhaerint transeuntibus, quia simul transeunt. Nonne omnia ut fluuius præceps currens in mare? Et uae ei qui ceciderit, quia in mare trahetur: ergo tenere debemus omnes affectus à talibus concupiscentijs. Fratres mei, qui talia quæ runt, uendunt: nam & Simon ille ideo uolebat emere spiritum sanctum, quia uendere uolebat spiritum sanctum, & putabat apostolos mercatores tales esse, quales dominus de templo flagello eiecit: talis enim ipse erat, & quod uederet, emere uolebat, de illis erat qui columbas uendebant: etenim in columba apparuit spiritus sanctus. Qui ergo uendunt columbas fratres? Qui dicunt, nos damus spiritum sanctum. Quare enim hoc dicunt, & quo precio uendunt? precium honoris sui accipiunt. Accipiunt precium cathedras temporales, ut uideatur ipsi uendere columbas. Caue fratres mei, quomodo eos uidetis qui uendunt propolarios? Quisquid quod uendit laudat, bet Maximianus, alterum habet in Carthagine Primianus, alterum habet in Mauritania Rogatus, alterum habet in Numidia illi & illi, quos iam nec nominare sufficimus. Circumit ergo aliquis emere columbam, unusquisque ad propositum suum laudat quod uendit. Auertatur illius cor ab omni uendente, ueniat ubi gratis accipitur. Nec sic erubescant fratres, quia per ipsas dissensiones suas amar



**A** ras & maliciosas, cum sibi tribuunt quod non sunt, cum extolluntur putant se aliquid esse, cum nihil sint, tot partes de se fecerunt. Sed quid in eis impletum est quod nolunt corrigi, nisi quod audistis in psalmo? Discissi sunt nec compuncti sunt. Qui ergo boues uendunt? *Bo* *psalm. 34*  
 ues intelliguntur, qui nobis scripturas sanctas dispensauerunt. Boues erant apostoli, boues erant prophetæ: unde dicit Apostolus, Boui trituranti os non infrenabis. Nunquid de bo- *1. Cor. 9*  
 bus pertinet ad dominum? an propter nos dicit? Propter nos enim dicit, quia debet in spe qui arat arare, & triturans in spe participandi. Ergo illi boues reliquerunt nobis memoriam scripturarum. Non enim de suo dispensauerunt, quia gloriam domini quaesierunt. Quid enim audistis in ipso psalmo? Et dicant semper, magnificetur dominus, qui uolunt pacem serui eius. Seruus dei, populus dei, ecclesia dei. Qui uolunt pacem ecclesiae ipsius, magnificent dominum, non seruum, & dicant semper magnificetur dominus, qui uolunt pacem serui eius: *psalm. 21*  
 Ipsius populi, ipsius serui uox est illa euidens, quam in lamentationibus audistis in psalmo, & mouebamini cum audiretis, quia inde estis: quod cantabatur ab uno, de omnibus cordibus resonabat. Felices qui se in illis uocibus tanquam in speculo cognoscebant. Qui ergo uolunt pacem serui eius, pacem populi eius, pacem unius illius quam dicit unicam, & quam uult erui de leone, & de manu carnis unicam meam, qui dicunt semper magnificetur dominus: ergo illi boues dominum magnificauerunt, non se. Videte bouem magnifican- *Esaiæ 1*  
 tem dominum suum, quia agnouit bos possessorem suum. Attendite bouem timentem, ne deferatur possessor bouis, & in boue praesumatur, quomodo expauescit eos qui uolunt in illo ponere spem, Nunquid Paulus pro uobis crucifixus est, aut in nomine Pauli baptizati *1. Cor. 1*  
 estis? Quod dedi, non ego dedi, gratis accepistis, columba de caelo descendit. Ego, inquit, *1. Cor. 3*  
 plantaui, Apollo rigauit, sed deus incrementum dedit. Neque qui plantat est aliquid, neque qui rigat, sed qui incrementum dat deus. Et dicant, semper magnificetur dominus, qui uolunt pacem serui eius. Isti autem de scripturis ipsis fallunt populos, ut accipiant ab ipsis honores  
**B** & laudes, & non conuertantur homines ad ueritatem. Quia uero ipsis scripturis fallunt populos, a quibus quaerunt honores, uendunt boues, uendunt & oues, id est ipsas plebes, & cui uendunt? diabolo. Namque fratres mei, si Christi unica ecclesia est & una est, quicquid inde praeciditur, quis tollit nisi leo ille rugiens & circumciens, quaerens quem deuoret? Vae his *1. Petri 5*  
 qui praeciduntur: nam illa integra permanebit, Nouit enim dominus qui sunt eius. Tamen *2. Tim. 2*  
 quantum in ipsis est, uendunt boues & oues, uendunt & columbas, obseruant flagellum peccatorum suorum. Certe quando aliquid tale patiuntur propter istas iniquitates suas, agnoscant quia dominus fecit flagellum de resticulis, & adhuc admonet eos ut mutant se, & non sint negociatores: nam si se non mutauerint, audient in fine, Ligate illis manus & pedes, & *Matth. 22*  
 projicite in tenebras exteriores: tunc dictum est, Zelus domus tuae comedit me. Recordati sunt discipuli quia zelus domus dei eiecit illos de templo domini. Fratres, unusquisque *psalm. 68*  
 Christianus in membris Christi zelo domus dei comedatur. Quis comeditur zelo domus dei? Qui omnia, quae forte ibi uidet peruersa, satagit emendare, cupit corrigere, non quiescit. Si emendare non potest, tolerat, gemit: non excutitur de area granum, sustinet paleam, ut intret in horreum, cum palea fuerit separata. Tu ante horreum, si granum es, noli excuti de area, ne prius ab auibus colligaris, quam in horreum congregeris. Aues enim caeli aereae potestates expectant aliquid rapere de area, & non rapiunt nisi quod inde fuerit excussum: ergo zelus domus tuae comedat te. Vnumquenque Christianum zelus domus dei comedat, in qua domo dei membrum est. Non enim magis est domus tua, quam domus ubi habes salutem sempiternam. Domum tuam intras propter requiem temporalem: domum dei intras propter requiem sempiternam. Si ergo in domo tua ne quid peruersum fiat satagis, in domo dei ubi salus proposita est, & requies sine fine, debes pati quantum in te est, si quid forte peruersum uideris? Vnumquenque Christianum zelus domus dei comedat: uerbi gratia, Vides fratrem currere ad theatrum, prohibe, mone, contristare, si zelus domus dei comedit te. Vides alios currere & inebriari uelle, & hoc uelle in locis sanctis, quod nusquam de-

cet, prohibe quos potes, tene quos potes, terre quos potes, quibus potes blandire: noli quie  
 scere: tamen si amicus est, admoneatur leniter: uxor est, seuerissime refrenetur: ancilla est, et  
 am uerberibus compescatur. Fac quicquid potes, pro persona quam portas: & perficis, zelus  
 domus tuæ comedit me. Si autem fueris frigidus, marcidus, ad te solum expectans, & quasi  
 tibi sufficiens & dicens in corde tuo, Quid mihi est curare aliena peccata: sufficit mihi anima  
 mea, ipsam integram seruem deo. Eia, non tibi uenit in mentem seruus ille qui abscondit ta  
 lentum, & noluit erogare? Nunquid enim accusatus est, quia perdidit, & non quia sine lu  
 cro seruauit? Sic ergo audite fratres mei ut non quiescatis: ego uobis consilium daturus  
 sum: det ille qui intus est, quia & si per me dederit, ille dat. Nostis quid agatis unusquisque  
 in domo sua cum amico suo, cum inquilino, cum cliente suo, cum maiore, cum minore, quo  
 modo dat deus aditum, quomodo aperit ianuam uerbo suo, nolite quiescere lucrari Chri  
 sto, quia lucrati estis à Christo. Dixerunt illi Iudæi, Quod signum ostendis nobis, quia  
 hæc facis? Et dominus, Soluite templum hoc, & in tribus diebus excitabo illud. Dixe  
 runt ergo Iudæi, Quadraginta & sex annis ædificatum est templum hoc, & tu, dicis tribus  
 diebus excitabo illud? Caro erant, carnalia sapiebant, ille loquebatur spiritualiter. Quis au  
 tem possit intelligere de quo templo dicebat? Sed non multum quærimus: per euangeli  
 stam nobis aperuit, de quo templo diceret, Soluite templum hoc, & tribus diebus excitabo  
 illud. Quadraginta sex annis ædificatum est templum, & triduo suscitabis illud? Dice  
 bat autem, ait euangelista, de templo corporis sui. Et manifestum est occisum dominum  
 post triduum resurrexisse. Hoc modo omnibus nobis notum est, & si Iudæis clausum est,  
 quia foris stant, nobis tamen apertum est, quia nouimus in quem credidimus. Ipsius tem  
 pli resolutionē & reædificationē, anniuersaria solennitate celebraturi sumus. Ad quā uos ex  
 hortamur, ut præparetis uos si qui estis catechumeni, ut accipiatis gratiā. Iā nūc tempus est,  
 iā nunc parturiatur quod tunc nascatur: ergo illud nouimus. Sed forte hoc exigitur à nobis,  
 utrū habeat aliquod sacramentū quadraginta sex annis ædificatū templū. Sunt quidē mul  
 ta quæ hinc dici possunt, sed quod breuiter dici potest & facile intelligi, hoc interim dicamus  
 fratres. Diximus enim iam, nisi fallor, hesterno die, Adā unū hominē fuisse, & ipsum esse to  
 tum genus humanum: Nam ita diximus si meministis, quasi fractus est, & sparsus colligi  
 tur, & quasi conflatus in unam societatem atque cōcordiam spiritalem, & gemit unus pau  
 per modo ipse Adam, sed in Christo innouatur: quia sine peccato uenit Adam, ut pecca  
 tum Adam solueret in carne sua, & ut reintegraret sibi Adam imaginem dei. Adam ergo  
 caro Christi de Adam, ergo de Adam templum quod destruxerunt Iudæi, & suscitauit do  
 minus triduo: resuscitauit enim carnem suam. Videte, quia deus erat æqualis patri. Fratres  
 mei, dicit Apostolus, Qui eum excitauit à mortuis. De quo dicit? de patre. Factus, inquit,  
 obediens usque ad mortem, mortem autem crucis. Propter quod & deus illum excitauit à  
 mortuis, & dedit ei nomen quod est super omne nomen. Resuscitatus & exaltatus est do  
 minus. Resuscitauit eum à mortuis, quis? pater: cui dixit in psalmis, Excita me & reddam  
 illis. Ergo pater eum resuscitauit, non se ipse? Quid autem facit pater sine uerbo? Quid au  
 tem facit pater sine unico filio suo? Nam audi, quia & ipse deus erat, Soluite templum hoc  
 & tribus diebus excitabo illud. Nunquid dixit, soluite templum quod triduo pater meus  
 resuscitet? Sed quomodo cum pater suscitatur, & filius suscitatur: sic cum filius suscitatur, & pater su  
 scitat: quia filius dixit, Ego & pater unum sumus. Quid ergo sibi uult numerus quadragen  
 a? Interim ipse Adam quia per totum orbem terrarum est, audistis iam hester  
 no die in quatuor litteris græcis, quatuor uerborum græcorum. Si enim ista uerba qua  
 tuor scribas subinuicem, id est nomina quatuor partium mundi, orientis, occidentis, aquilo  
 nis & meridiani, quod est totus orbis: unde dicit dominus, à quatuor uentis collecturum  
 electos suos cum uenerit ad iudicium. Si ergo ista quatuor nomina græca ἀνατολή quod  
 est oriens: δύσις quod est occidentis: ἀρκτική quod est septentrio: μεσημβρία, quod est meri  
 dies. Anatole, dysis, arctos, meseimbria: capita uerborum Adam habent. Quomodo ergo  
 ibi in

Phil. 2

psal. 40

Ioh. 10

Mat. 13



A ibi inueniemus senarium numerum? Quia caro Christi de Adam erat. Ad litteras numeros computant græci, quod & nos facimus. A litteram ipsi lingua sua ponunt α alpha, & uocatur α alpha unum. Vbi autem in numeris scribunt β beta, quod est b ipsorum, uocatur in numeris duo. Vbi scribunt γ gamma, uocatur in numeris ipsorum tria. Vbi scribitur δ delta, uocatur in numeris ipsorum quatuor, & sic per omnes litteras numeros habent. M, quod nos dicimus, & illi dicunt μ mi, quadraginta significat. Dicunt enim, τεσσαράκοντα. Iam uide te, istæ litteræ quem numerum habeant, & ibi inuenietis quadraginta sex annis ædificatum templum. Habet enim Adam, α alpha, quod est unum, Habet δ delta quod sunt quatuor, habes quinque. Habet iterum α alpha quod est unum, habes sex. Habet & μ mi, quod est quadraginta, habes quadraginta sex. Hæc fratres mei etiam ab anterioribus maioribus nostris dicta sunt, & inuentus est iste numerus in litteris quadragenarius senarius. Et quia dominus noster Iesus Christus de Adam corpus accepit, non de Adam peccatum traxit, templum corporeum inde sumpsit, non iniquitatem quæ de templo pellenda est. Ipsam autem carnem quam traxit de Adam, Maria enim de Adam, & domini caro de Maria, iudæi crucifixerunt, & ille resuscitaturus erat ipsam carnem triduo, quam illi in cruce erant occisuri. Illi soluerunt templum quadraginta sex annis ædificatum, & ille triduo resuscitauit illum. Benedicimus dominum deum nostrum qui ad lætitiā spiritalem congregauit nos. Simus in humilitate cordis semper, & gaudium nostrum penes ipsum sit. Nō de prosperitate aliqua huius seculi inflemur, sed nouerimus felicitatem nostram non esse nisi cum ista transierint. Modo gaudium nostrū fratres mei in spe sit, nemo gaudeat quasi in re præsentī, ne hæreat in uia. Totum gaudium de spe futura sit, totum desiderium uitæ æternæ sit. Omnia suspiria in Christo anhelent, ille unus pulcherrimus, qui & fœdos dilexit ut pulchros faceret, desideretur. Ad illū unum curratur, illi ingemiscatur, & dicant semper magnificetur dominus, qui uolunt pacem serui eius.

B Ab eo quod scriptum est, Cum autem esset in Hierusalem Iesus in pascha in die festo, multi crediderunt in nomine eius, usque ad id quod ait. Amen amen dico tibi, nisi quis renatus fuerit ex aqua & spiritu sancto, non potest introire in regnum dei. Tractatus. XI.



Proportune nobis dominus procurauit hodierna die lectionis huius ordinem: nam quia ex ordine euangelium secundum Ioannem cōsiderare atque tractare suscepimus, credo quod aduertat charitas uestra. Opportune ergo occurrit, ut hodie audiretis ex euangelio, quia nisi quis renatus fuerit ex aqua & spiritu sancto, non uidebit regnum dei. Tempus ergo est ut uos exhortemur, quia adhuc estis catechumeni, qui sic credidistis in Christum, ut adhuc uestra peccata portetis. Nullus autē regnum cœlorum uidebit oneratus peccatis, quia nisi dimissa fuerint, non regnabit cum Christo. Dimitti autem non possunt, nisi ei qui renatus fuerit ex aqua & spiritu sancto. Sed modo uerba quemadmodum se habeant aduertamus, ut hic inueniant qui pigri sunt, quanta sollicitudine sibi festinandū sit ad onus deponendum: quia si ferrent aliquam sarcinam grauem aut lapidis aut ligni, aut alicuius etiam lucris, si frumentum portarēt, si uinum siue pecuniam, currerent ut deponerent. Nunc onera quia portant sarcinam peccatorum, pigri sunt currere: currendum est ut deponatur hæc sarcina, quæ premit & mergit. Ecce audistis quia.

Cū esset dominus Iesus Christus Hierosolymis in pascha in die festo, multi crediderunt in nomine eius, uidentes signa eius quæ faciebat. Multi crediderūt in nomine eius. Et quid sequitur? Ipse autem Christus nō credebat semetipsum eis. Quid sibi hoc uult? Illi credebant in nomine eius, & ipse Iesus nō credebat semetipsum eis. An forte nō crediderant ei & fingeant se credidisse, & propterea Iesus nō credebat semetipsum eis? Sed nō diceret euangelista, multi crediderūt in nomine eius, nisi uerum illis testimonium perhiberet. Magna ergo res & mira res. Credunt homines in Christum, & Christus se nō credit hominibus, præ-

fertim quia filius dei est: utique uolens passus est, & si nollet, nunquam pateretur: qui si nol-  
 let nec nasceretur. Si autem hoc solum uellet, ut nasceretur tantum, & nō moreretur, & quic-  
 quid uellet faceret, quia omnipotentis patris filius omnipotēs est. Ex ipsis rebus probemus  
 LUCÆ 4 quia cum uoluissent eum tenere, discessit ab eis. Loquitur euangelium, Et cum uoluissent  
 eum de uertice montis præcipitare, discessit ab eis illæsus. Et quando uenerunt ad eum com-  
 prehendum, iam uenditum à Iuda proditore, cum ille putaret in potestate se habere,  
 tradere magistrum suum & dominum suum: & ibi ostendit dominus uoluntate se pati, nō  
 necessitate: nam cum eum comprehendere Iudæi uoluissent, dixit illis, Quem quæritis? At  
 IOH. 18 illi dixerunt, Iesum Nazarenum. Et ille, Ego sum. Hac uoce audita, redierunt retro & cecide-  
 runt. In eo quod eos respondens deiecit, ostendit potestatem, ut in eo quod ab eis compre-  
 hensus est, ostēderet uoluntatem. Ergo quod passus est, misericordiæ fuit: traditus est enim  
 IOH. 10 propter delicta nostra, & resurrexit propter iustificationem nostram: audi uerba ipsius, Pot-  
 testatem habeo ponendi animam meam, & potestatem habeo iterum sumendi eam. Ne-  
 mo tollet eam à me, sed ego pono illam à meipso, & iterum sumo eam. Cum ergo haberet  
 tantam potestatem, cum eam dictis prædicaret, factis ostenderet, quid sibi uult quod nō se  
 credebat eis Iesus, quasi aliquid nolenti nocituris, aut aliquid nolenti facturis, præsertim quia  
 iam crediderant in nomine eius? Et de ipsis dicit euangelista, Crediderunt in nomine eius,  
 de quibus dicit, Ipse autem Iesus non credebat semetipsum eis. Quare? Quod ipse nosset  
 omnes, & quia opus ei non erat, ut quis testimonium perhiberet de homine: ipse enim scie-  
 bat quid esset in homine. Plus nouerat artifex quid esset in opere suo, quàm ipsum opus  
 quid esset in semetipso. Creator hominis nouerat quid esset in homine, quod ipse creatus  
 homo non nouerat. Nōne hoc probamus de Petro, quia non nouerat quid in ipso esset  
 quando dixit, Tecum ero usq; ad mortem? Audi quia dominus nouerat quid esset in ho-  
 mine. Tu mecum usq; ad mortem? Amen amen dico tibi, priusquam gallus cantet, ter me  
 negabis. Homo ergo nesciebat quid esset in se, sed creator hominis nouerat quid esset in ho-  
 mine: crediderant tamen in nomine eius multi, & ipse Iesus non se credebat eis. Quid dici-  
 mus fratres? Forte consequentia indicabūt nobis quid sibi uult mysterium uerborum istor-  
 rum, quia crediderant in eum homines, manifestum est, uerum est, nemo dubitat, euange-  
 lium loquitur, uerax euangelista testatur. Item quia ipse Iesus non credebat semetipsum il-  
 lis, & hoc manifestum est, & hoc nullus Christianus dubitat, quia & hoc euangelium loqui-  
 tur, & idem uerax euangelista testatur. Quare ergo crediderunt illi in nomine eius, & Iesus  
 non credebat semetipsum illis? Sequentia uideamus. Erat autē homo ex Phariseis, Ni-  
 codemus nomine princeps Iudæorum. Hic uenit ad eū nocte, & dixit ei, Rabbi. Iam hoc  
 nostis, quia rabbi magister dicitur. Scimus quia à deo uenisti magister. Nemo enim pos-  
 test hæc signa facere quæ tu facis, nisi fuerit deus cum eo. Ergo iste Nicodemus ex his erat  
 qui crediderāt in nomine eius, uidentes signa & prodigia eius quæ faciebat. Superius enim  
 hoc dixit, Cum autem esset Hierosolymis in pascha in die festo, multi crediderunt in nomi-  
 ne eius. Quare crediderunt in nomine eius? Sequitur & dicit, Videntes signa eius quæ facie-  
 bat: & de Nicodemo quid dicit? Erat princeps Iudæorū nomine Nicodemus. Hic uenit ad  
 eum nocte, & ait illi, Rabbi scimus quia à deo uenisti magister. Et iste ergo crediderat in no-  
 mine eius. Et ipse unde crediderat? Sequitur. Nemo enim potest hæc signa facere quæ tu fa-  
 cis, nisi fuerit deus cum eo. Si ergo Nicodemus de illis multis erat qui crediderant in nomi-  
 ne eius, iam in isto Nicodemo attendamus quare Iesus non se credebat eis. Respondit Ie-  
 sus & dixit ei, Amen amen dico tibi, nisi quis renatus fuerit denuo, non potest uidere regnū  
 dei. Ipsi ergo se credit Iesus, qui nati fuerint denuo. Ecce illi crediderunt in eum, & Iesus  
 non se credebat eis. Tales sunt omnes catechumeni, ipsi iam credunt in nomine Christi,  
 sed Iesus non se credit eis. Intendat & intelligat charitas uestra, Si dixerimus catechume-  
 no, credis in Christo? Respondet, credo, & signat se cruce Christi, portat in fronte, & non  
 erubescit de cruce domini sui. Ecce credit in nomine eius: interrogemus eum, Manducas car-  
 nem



A nem filij hominis, & bibis sanguinem filij hominis? Nescit quid dicimus, quia Iesus non se credidit ei. Cum ergo ex eo numero Nicodemus esset, uenit ad dominum, sed nocte uenit, & hoc forte ad rem pertinet. Ad dominum uenit, & nocte uenit: ad lucem uenit, & in tenebris uenit. Renati autem ex aqua & spiritu sancto, quid audiunt ab Apostolo? Fuistis aliquando tenebrae, nunc autem lux in domino, sicut filij lucis ambulate. Et iterum, Nos autem qui diei sumus, sobrii sumus. Qui ergo renati sunt, noctis fuerunt, & diei sunt: tenebrae fuerunt, & lumen sunt. Iam credit se illis Iesus, & non nocte ueniunt ad Iesum sicut Nicodemus, non in tenebris quaerunt diem: tales enim iam etiam profitentur. Accessit ad illos Iesus, facit in illis salutem, quia ipse dixit, Nisi quis manducauerit carnem meam, & biberit sanguinem meum, non habebit in se uitam. Et quod signum crucis habent in fronte catechumeni, iam de domo magna sunt, sed fiant ex seruis filij: non enim nihil sunt, quia iam ad domum magnam pertinent. Quando autem manna manducauit populus Israel? Cum transisset mare rubrum. Mare autem rubrum quid significet, audi Apostolum, Nolo autem uos ignorare fratres, quia omnes patres nostri sub nube fuerunt, & omnes mare transierunt. Ut quid per mare transierunt? & quasi causam quaereres ab illo, secutus ait, Et omnes in Moyse baptizati sunt, in nube & in mari. Si ergo figura maris tantum ualuit, species baptismi quantum ualebit? Si quod gestum est in figura, traiecit populum ad manna perduxit, quid exhibebit Christus in ueritate baptismi sui, traiecit per eum populo suo? Per baptismum suum traiecit credentes, occisis omnibus peccatis, tanquam hostibus consequentibus: sicut in illo mari omnes Aegyptij perierunt. Quod traiecit fratres mei? quod traiecit per baptismum Iesus, cuius figuram tunc gerebat Moyses, qui per mare traiecit? quod traiecit? ad manna: Quod est manna? Ego sum, inquit, panis uiuus qui de coelo descendi. Manna accipiunt fideles, iam traieci per mare rubrum. Quare & per mare rubrum? Iam mare, quare rubrum? Significabat mare illud rubrum baptismum Christi. Vnde rubet baptismus Christi, nisi Christi sanguine consecratus? Quod ergo perducit credentes & baptizatos? Ad manna: ecce dico manna. Notum est quid acceperint Iudaei, populus ille Israel, notum est quid illis pluisset deus de coelo: & nesciunt catechumeni quid accipiunt Christiani? Erubescant ergo quia nesciunt: transeant per mare rubrum, manducant manna, ut quomodo crediderunt in nomine Iesu, sic se ipsis credat Iesus. Ideo intendite fratres mei, quid respondeat iste qui nocte uenit ad Iesum. Quamuis ad Iesum uenerit, tamen quia nocte uenit, adhuc de tenebris carnis suae loquitur, non intelligit quod audiuit a domino, non intelligit quomodo audiuit a luce, quae illuminat omnem hominem uenientem in hunc mundum. Iam ei dominus dixit, Nisi quis renatus fuerit denuo, non uidebit regnum dei. Dicit ad eum Nicodemus, Quomodo potest homo nasci cum sit senex? Spiritus ei loquitur, & ille carnem sapit. Carnem suam sapit, quia carnem Christi nondum sapit. Cum enim dixisset dominus Iesus, Nisi quis manducauerit carnem meam, & biberit sanguinem meum, non habebit in se uitam, scandalizati sunt quidam qui eum sequebantur, & dixerunt apud semetipsos, Durus est hic sermo, & quis potest eum audire? Putabant enim hoc dicere Iesum, quod eum possent concisum sicut agnum coquere & manducare, abhorrentes a uerbis eius, recesserunt, & amplius eum non sunt secuti. Sic Euangelista loquitur, & dominus ipse remansit cum duodecim. Et illi ad eum, Domine, ecce illi dimiserunt te. Et ille, Nunquid & uos uultis abire? Ostendere uolens, quia ipse illis erat necessarius, non illi erant Christo necessarij: ne quis terreat Christum, quando dicitur ut sit Christianus, quasi beatior erit Christus, si tu fueris Christianus. Bonum est tibi ut sis Christianus: nam si non fueris, malum Christo non erit. Audi uocem psalmi, Dixi domino deus meus *psal. 115* es tu, quoniam bonorum meorum non eges. Ideo deus meus es tu, quoniam bonorum meorum non eges. Si fueris sine deo, minor eris: si fueris cum deo, maior deus non erit. Non ex te ille maior, sed tu sine illo minor. Cresce ergo in illo, noli te subtrahere, ut qua-

si ille deficiat. Reficiaris, si accesseris: deficiaris, si recesseris. Integer manet te accedente, inter-  
 ger manet te cadente: cum ergo dixisset discipulis, Nunquid & uos uultis abire? respon-  
 dit Petrus, petra illa uoce omnium, Domine, ad quem ibimus? uerba uitæ æternæ habes:  
 bene sapuit in ore ipsius caro domini. Dominus autem exposuit eis & dixit, Spiritus est  
 qui uiuificat, caro autem non prodest quicquam: cum dixisset, Nisi quis manducauerit car-  
 nem meam, & biberit sanguinem meum, non habebit in se uitam, ne carnaliter intelligerēt,  
 Spiritus est, inquit, qui uiuificat, caro autē nihil prodest. Verba autem quæ locutus sum uo-  
 bis, spiritus & uita sunt. Hunc spiritum & hunc uitam non sapiebat iste Nicodemus, qui no-  
 cte uenerat ad Iesum. Ait ei Iesus, Nisi quis renatus fuerit denuo, non uidebit regnum dei.  
 Et ille carnem suam sapiens, in cuius ore nondum sapiebat caro Christi, quomodo, inquit,  
 potest homo nasci cum sit senex? Nunquid potest in utero matris suæ iterum introire &  
 nasci? Nō nouerat iste nisi unam natiuitatem ex Adam & Eua, ex deo & ecclesia nondum  
 nouerat. Non nouerat nisi eos parentes qui generant ad mortem, nondum nouerat eos pa-  
 rentes, qui generant ad uitam. Non nouerat nisi eos parentes qui generant successores, non  
 dum nouerat eos, qui semper uiuentes generant permansuros. Cum ergo sint duæ natiuita-  
 tes, ille unam intelligebat. Vna est de terra, alia de cælo: una est de carne, alia est de spiritu:  
 una est de mortalitate, alia de æternitate: una est de masculo & fœmina, alia de deo  
 & ecclesia. Sed ipsæ duæ singulæ sunt, nec illa potest repeti nec illa. Recte intellexit Ni-  
 codemus, sed natiuitatem carnis. Sic & tu intellige natiuitatem spiritus, quomodo intel-  
 lexit Nicodemus natiuitatem carnis. Quid Nicodemus intellexit? Nunquid potest ho-  
 mo denuo in uentrem matris suæ intrare & nasci? Sic quicumque tibi dixerit, ut spiritali-  
 ter iterum nascaris, respōde quod dixit Nicodemus, Nunquid potest homo iterum in uen-  
 trem matris suæ intrare & nasci? Iam natus sum de Adam, non me potest iterum generare  
 Adam: iam natus sum de Christo, non me potest iterum generare Christus. Quomodo  
 uterus non potest repeti, sic nec baptisumus. Qui nascitur de ecclesia catholica, tanquam de  
 Sara nascitur, de libera nascitur: qui nascitur de hæresi, tanquam de ancilla nascitur, sed ex  
 femine Abraam. Aduertat charitas uestra ad magnum sacramentum. Testatur deus & di-  
 cit, Ego sum deus Abraam & deus Isaac & deus Iacob. Non erant alij patriarchæ, non erat  
 ante istos sanctus Noë, qui solus in toto genere humano cum tota domo sua meruit de di-  
 luuio liberari: in quo & in filijs eius figurata est ecclesia: ligno portante euadit diluuium.  
 Deinde postea magni quos nouimus, quos sancta scriptura commendat, Moyses fide-  
 lis in tota domo eius: & illi tres nominantur, quasi eum soli promeruerint, Ego sum deus  
 Abraam & deus Isaac & deus Iacob. Hoc mihi nomen est in æternum. Sacramentum  
 grande, Potens est dominus & ora nostra aperire & corda uestra, ut dicere possimus sicut  
 reuelare dignatus est, & capere possitis sicut expedit uobis. Tres ergo isti patriarchæ, Abra-  
 am, Isaac & Iacob. Iam nostis filij Iacob quia duodecim fuerunt, & inde populus Israël:  
 quia ipse Iacob Israël, & populus Israël tribus duodecim, pertinentes ad duodecim filios  
 Israël. Abraam, Isaac & Iacob, tres patres, & populus unus. Tres patres tanquam in princi-  
 pio populi: tres patres à quibus figurabatur populus, & populus ipse prior præsens popu-  
 lus. In populo enim Iudæorum figuratus est populus Christianorum. Ibi figura, hic ueri-  
 tas: ibi membra, hic corpus, dicente Apostolo, Hæc autem in figura contingebant illis.  
 Vox est Apostoli, Scripta sunt, inquit, propter nos, in quos finis seculorum obuenit. Re-  
 currat nunc animus uester ad Abraam, Isaac & Iacob. In istis tribus inuenimus parere li-  
 beras, parere & ancillas. Inuenimus ibi & partus liberarum, inuenimus ibi & partus an-  
 cillarum. Ancilla nihil boni significat, Ecce ancillam, inquit, & filium eius: non enim hæ-  
 res erit filius ancillæ cum filio liberæ. Apostolus hoc commemorat, & in illis duobus fi-  
 lijs Abraæ, dicit Apostolus fuisse figuram duorum testamentorum, ueteris & noui. Ad  
 uetustestamentum pertinent dilectores temporalium, dilectores seculi. Ad nouum te-  
 stamentum dilectores uitæ æternæ. Ideo illa Hierusalem in terra, umbra erat cœlestis  
 Hierusa

1. Cor. 10

32. q. 4. c. re/  
currat



- A** Hierusalē matris omnium nostrum, quæ est in celo: & hæc Apostoli uerba sunt. Et de ista ciuitate unde peregrinamur, multa nostis, multa iam audistis. Inuenimus autem rem miram in istis partibus, id est, in istis foetibus, in istis generationibus liberarum & ancillarum, quatuor scilicet genera hominum: in quibus scilicet quatuor generibus, completur figura totius populi futuri Christiani, ut nō sit mirum quod in illis tribus dictum est, Ego sum deus Abraam, & deus Isaac, & deus Iacob. In omnibus enim Christianis fratres intēdite, aut per malos nascuntur boni, aut per bonos nascuntur mali: aut per bonos boni, aut per malos mali. Amplius istis quatuor generibus non potestis inuenire. Quæ iterum repetam, aduertite, retinete & excutite corda uestra, nolite pigri esse: capite ne capiamini, quomodo quatuor genera sunt omnium Christianorum. Aut per bonos nascuntur boni, aut per malos nascuntur mali: aut per bonos mali, aut per malos boni. Puto quia planum est, per bonos boni: si & qui baptizant boni sunt, & qui baptizantur recte credunt, & in membris Christi recte numerantur. Per malos mali, si & qui baptizant mali sunt, & qui baptizantur, duplici corde accedunt ad deum, & non tenent eos mores quos audiunt in ecclesia, ut ibi non sint paleæ sed frumentum: quā enim multi sint, nouit charitas uestra. Per malos boni, aliquando baptizat adulter, & qui baptizatur iustificatur. Per bonos mali, aliquando qui baptizant sancti sunt: qui baptizantur, tenere uias domini nolunt. Puto ergo fratres notum esse in ecclesia & quotidianis exemplis manifestari ea quæ dicimus, sed in prioribus nostris patribus ea consyderemus, quia habuerunt & illi ista quatuor genera. Per bonos boni: Ananias Paulum baptizauit. Quid per malos mali? Dicit Apostolus quosdam prædicatores euangelij, quos dicit non caste annunciare solere euangelium, quos tolerat in societate Christiana, & dicit, Quid enim? Dum omni modo siue per occasionem siue per ueritatem Christus annuncietur, & in hoc gaudeo. Nunquid maleuolus erat, & de alieno malo gaudebat? Sed quia & per malos uerum prædicabatur, & per malorum ora Christus prædicabatur: si quos isti sui similes baptizabant, mali malos baptizabant: si quos isti baptizabant, tales quales admonet dominus cum dicit, Quæ dicunt facite, quæ autem faciunt, facere nolite, mali bonos baptizabant. Boni malos baptizabant, quomodo à Philippo sancto Simon magus baptizatus est. Nota sunt ergo ista quatuor genera fratres mei. Ecce iterum ea reposito, tenete illa, numerate illa, aduertite illa, cauete quæ mala sunt, tenete quæ bona sunt. Per bonos boni nascuntur, cum per sanctos sancti baptizantur: per malos mali, cum & qui baptizant & qui baptizantur inique & impie uiuunt. Per malos boni, cum mali sunt qui baptizant, & boni qui baptizantur: per bonos mali, cum boni sunt qui baptizant, & mali qui baptizantur. Quomodo inuenimus ista in tribus istis nominibus, Ego sum deus Abraam, deus Isaac & deus Iacob? Ancillas accepimus in malis, liberas accepimus in bonis. Pariunt liberæ bonos, Sara peperit Isaac. Pariūt ancillæ malos, Agar peperit Hismaël. Habemus in uno Abraam & illius genus cum per bonos boni, aut per malos mali: aut per bonos mali, aut per malos boni. Per bonos mali ubi figurati sunt? Libera erat Rebecca uxor Isaac, legitime peperit geminos, unus erat bonus, alter malus. Habes aperte ibi scripturam dicentem dei uoce, Iacob dilexi, Esau autem odio habui. Istos duos genuit Rebecca, Iacob & Esau, unus inde eligitur, alius reprobatur. Vnus succedit in hæreditatem, alter exhæredatur. Non facit populum suum deus de Esau, sed facit de Iacob. Semen unum, diuersi qui concepti sunt. Vterus unus, diuersi qui nati sunt. Nunquid non libera peperit Iacob, quæ libera peperit Esau? Luctabantur in utero matris suæ, & dictum est Rebecca, cum ibi luctarentur, Duo populi sunt in utero tuo: duo homines, duo populi: bonus populus, malus populus: sed tamen in uno uentre luctabantur. Quanti mali sunt in ecclesia, & unus uterus portat, donec in fine discernentur, & boni aduersus malos clamant, & mali aduersus bonos reclamant, & in unius uisceribus utrique luctantur. Nunquid semper simul erunt? In fine exitur ad lucem, declaratur natiuitas, quæ hic in sacramento figuratur. Et tunc apparebit, Iacob dilexi, Esau autem odio habui.
- Iam

Exo. 3

Act. 9

Philip. 1

Matth. 23

Act. 8

Malach. 1

Gen. 25

Iam ergo inuenimus fratres & de bonis bonos, de libera Isaac: & de malis malos, de ancilla Hismaël: de bonis malos, Esau de Rebecca: & de malis bonos ubi inuenimus? Restat Iacob, ut in tribus patriarchis quattuor generum istorum perfectio concludatur. Habuit uxores Iacob liberas, habuit & ancillas. Pariunt liberae, pariunt & ancillae, & fiunt duodecim filij Israël. Si numeres omnes de quibus nati sunt, non omnes de liberis, non omnes de ancillis, sed tamen omnes ex uno semine. Quid ergo fratres mei? Nūquid qui nati sunt de ancillis, non simul possederunt terram promissionis cum fratribus suis? Inuenimus ibi bonos filios Iacob natos de ancillis, & bonos filios Iacob natos de liberis. Nihil illis obfuit natiuitas de uteris ancillarum, quando in patre cognouerunt semen suum, & consequenter regnum cum fratribus tenuerunt. Quomodo ergo in filiis Iacob nō obfuit illis q̄ nati sunt de ancillis, quominus tenerent regnū, & terrā repromissionis cū fratribus ex æquo acciperēt, nō illis obfuerunt natales ancillarū, sed praeualuit semen paternum: sic quicumq; per malos baptizantur, tanq̄ de ancillis uidetur nati, sed tamen quia ex semine uerbi dei, quod figuratur in Iacob, non contristentur, simul hæreditatem cum fratribus possidebunt. Securus ergo sit, qui de semine bono nascitur, tantum non imitetur ancillam. Si de ancilla nascitur, ancillam malam superbientem non imitetur. Vnde enim filij Iacob de ancillis nati, possederunt terram promissionis cum fratribus: Hismaël autem de ancilla natus, expulsus est de hæreditate? Vnde nisi quia ille superbus erat, illi humiles. Erexit ille ceruicem, & uoluit seducere fratrem suum, ludens cū illo. Magnum ibi sacramētum. Ludebant simul Hismaël & Isaac, uidit illos Sara ludentes, & ait Abraæ, Eijce ancillā & filium eius, nō enim hæres erit filius ancillae cum filio meo Isaac: & cum contristatus esset Abraam, confirmauit ei à domino angelus dictum uxoris eius. Iam hic manifestum est sacramētum, quia nescio quid futurum parturiebat illa res gesta. Ludentes uidit & dicit, Eijce ancillam & filium eius. Quid est hoc fratres? Quid enim mali fecerat Hismaël puero Isaac, quia ludebat cum illo? Sed illa lusio, illusio erat. Illa lusio deceptionem significabat: nam magnum sacramentum, attendat charitas uestra. Persecutionem illam uocat Apostolus ipsam lusionem, ipsum lulum persecutionem uocat. Ait enim, Sed sicut tunc ille qui secundum carnem natus erat, persequabatur eum qui secundum spiritum: ita & nunc, id est, qui secundum carnem nati sunt, persequuntur eos qui secundum spiritum nati sunt. Qui sunt secundum carnem nati? Dilectores mundi, amatores seculi. Qui sunt secundum spiritum nati? Amatores regni coelorum, dilectores Christi, desiderantes uitam æternam, gratis colentes deum. Ludunt, & dicit Apostolus persecutionem. Nam posteaquam dixit hæc uerba Apostolus, Et sicut tunc ille qui secundum carnem natus erat, persequabatur eum qui secundum spiritum: ita & nunc, secutus est & ostendit de qua persecutione diceret. Sed quid dicit scriptura? Eijce ancillā & filium eius, non enim hæres erit filius ancillae cum filio meo Isaac. Quæramus ubi hoc dicat scriptura, ut uideamus utrum aliqua persecutio præcesserit Hismaëlis in Isaac, & inuenimus hoc dictum esse à Sara, quando uidit pueros ludentes simul. Quam lusionē dicit scriptura uidisse Saram, hanc persecutionem dicit Apostolus. Plus ergo uos persequuntur qui uos illudendo seducunt, Veni ueni, baptizare hic, hic habes uere baptismum: noli ludere, unus est uerus. Ille lusus est, seducis, & ista persecutio grauis tibi erit. Melius tibi erat si Hismaëlem tu lucrareris ad regnum: sed non uult Hismaël, quia ludere uult. Tene tu hæreditatem patris & audi, Eijce ancillam & filium eius, non enim hæres erit filius ancillae cum filio meo Isaac. Isti etiam audent dicere, quia in persecutione tolerant afflictionem corporis. Si tamen aliquando passi sunt, aut quomodo passi sunt, ipsi sciant, aut conueniant conscientias suas: si tamen afflictionem corporis passi sunt, aut quomodo passi sunt persecutionem quam faciunt grauiorem: caue quando uult ludere Hismaël cum Isaac, quando tibi blāditur, quando offert alterum baptismum: responde, habeo iā baptismum. Si enim uerus est iste baptismus, quisquis uult alterū dare, illudere uult. Caue animæ persecutorem: Nā si à principibus catholicis aliqua passa est pars Donati aliquid quando



**A** quando: secundum corpus passa est, non secundum illusionem spiritus. Audite & uidete in ipsis ueteribus factis, omnia futurarum rerū signa & indicia. Inuenitur Sara afflixisse Agar ancillā. Sara libera est, posteaq; superbire ccepit ancilla, quæsta est Abraæ Sara & dixit, Eijce ancillam, erexit aduersum me ceruicem suam: & quasi ab Abraam fieret, de Abraam quæsta est mulier. Abraam uero qui non in ancilla libidine abutendi tenebatur, sed officio generandi, quoniam Sara ei dederat unde prolem susciperet, ait ei, Ecce ancilla tua, utere ea si- Gen. 16 cut uis, & afflixit eam grauius Sara, & fugit à facie eius. Ecce libera afflixit ancillam, & non illam uocat persecutionem Apostolus. Ludit seruus cum domino, & persecutionem uocat. Afflictio ista nō uocatur persecutio, & latio illa uocatur persecutio. Quid uobis uidetur fratres, nōne intelligitis quid significatum sit? Sic ergo quando uult deus concitare potestates aduersus hæreticos, aduersus schismaticos, aduersus dissipatores ecclesiæ, aduersus exufflatores Christi, aduersus blasphematores baptismi, non mirentur: quia deus concitat ut à Sara uerberetur Agar: cognoscat se Agar, supponat ceruicem, quia cum humiliata discederet à domina sua, occurrit ei angelus & dixit: quid est Agar ancilla Saræ? Cū conquesta esset de domina, quid audiuit ab angelo? Reuertere ad dominam tuam. Ad hoc ergo affligitur ut reuertatur, atq; utinā reuertatur, quia proles eius sicut filij Iacob, cū fratribus hæreditatē tenebit. Mirantur aut, quia cōmouentur potestates Christianæ aduersus detestandos dissipatores ecclesiæ. Si nō ergo mouerētur, & quomodo redderēt rationē de imperio suo deo? Intendat charitas uestra quid dicam, quia pertinet hoc ad reges seculi Christianos, ut tēporibus suis pacatam uelint matrē suā ecclesiā habere, unde spiritaliter nati sunt. Legimus Danielis uisiones & gesta prophetica. Tres pueri in igne laudauerunt dominū, miratus est Nabuchodonosor rex laudātes deum pueros, & circa eos ignem non nocentem. Et cum admiratus esset, quid ait Nabuchodonosor rex, non uel Iudæus uel circumcīsus ille, qui statuam suam erexerat, & ad eam adorandam omnes coēgerat, tamen laudibus trium puerorū cōmotus, ubi uidit maiestātē dei præsentis in igne, quid ait? Et ego proponā decretū omnibus Daniel. 5 tribubus & linguis in omni terra. Quale decretū? Quicumq; dixerint blasphemiam in deū Sydrac, Misac & Abdenago, in interitu erunt, & domus eorum in perditionē. Ecce quomodo sauiat rex alienigena, ne blasphemetur deus Israël, qui potuit tres pueros de igne liberare: & nolunt ut sauiant reges Christiani, quia Christus exufflatur, à quo non tres pueri, sed orbis terrarum cum ipsis regibus à gehennarum igne liberantur. Nam tres illi pueri, fratres mei, liberati sunt ab igne temporali: nūquid nō ipse dominus Machabæorū, qui & triū puerorū? Illos ab igne liberauit, illi in tormentis igneis corpore defecerunt, sed in legitimis mandatis animo permanserunt, illi aperte liberati sunt, illi occulte coronati sunt. Plus est liberari de flamma gehennarum, quā de fornace potestatis humanæ. Si ergo Nabuchodonosor rex laudauit & prædicauit, & gloriā dedit deo, quia liberauit de igne tres pueros, & tantā gloriā dedit, ut decretū mitteret per regnū suū, Quicumq; dixerint blasphemiam in deum Sydrac Misac & Abdenago, in interitu erunt, & domus eorū in perditionem: quomodo isti reges non moueantur, qui non tres pueros attendunt liberatos de flamma, sed seipsos liberatos de gehenna, quando uidet Christū, à quo liberati sunt, exufflari in Christianis, quando audiunt dici Christiano, dic te non esse Christianum? Talia facere uolunt, & saltē talia pati nolunt. Nam uidere qualia faciunt, & qualia patiuntur. Occidunt animas, affliguntur in corpore. Sempiternas mortes faciunt, & temporales se perpeti conqueruntur. Et tamen quæ patiuntur, proferant nobis nescio quos in persecutione suos martyres. Ecce Marculus de præcipitatus est: & ecce Donatus Bagaīensis in puteum missus est. Quando potestates Romanæ talia supplicia decreuerunt, ut præcipitarentur homines? Quid autem respondent nostri? Quid sit gestum nescio: tamen quid tradunt nostri, quia ipsi se præcipitauerunt, & potestates infamauerunt. Recordemur consuetudines potestatum Romanorum, & uideamus cui credendum sit. Dicunt nostri illos se præcipitasse: si non sunt ipsi discipuli ipsorum qui se modo de saxis nullo persequente præcipitant, non credimus, als, contra 2. Mach. 7

mus. Quid mirum, si fecerunt illi quod solent? Nam potestates Romanæ nunquā talibus supplicijs usæ sunt: non enim non potuerunt occidere aperte: sed illi qui se mortuos coluocuerunt, famosiorē mortem nō inuenerunt: postremo quicquid illud est, nō noui. Et si passa es o pars Donati corporalem afflictionem ab ecclesia catholica, à Sara passa es Agar, redi ad dominam tuam. Locus quidem necessarius aliquanto diutius nos tenuit, ut textū totum euangelicæ lectionis exponere minime ualeremus, sufficiat interim charitati uestre fratres, ne hac quæ dicta sunt, dicendo alia, excludantur de cordibus uestris. Hæc tenete, talia discite, flammantes illuc procedite, frigidos accendite.

Ab eo quod scriptum est, Quod natū est de carne caro est, & quod natum est de spiritu, spiritus est: usque ad id quod ait, Qui autem facit ueritatem, uenit ad lucem, ut manifestentur eius opera, quia in deo sunt facta.

#### Tractatus XII.

**I**X eo quod hesterno die intentam fecimus charitatem uestram, intelligimus uos alacrius & numerosius conuenisse: sed interim lectioni euangelicæ ex ordine sermonem debitum reddamus si placet. Deinde audiet charitas uestra de pace ecclesiæ, uel quid egerimus, uel quid adhuc agendum speremus. Nunc autē tota intentio cordis ad euangelium feratur, nemo enim aliunde cogitet. Si enim qui totus adest, uix capit: qui se per cogitationes diuersas diuidit, nōne & quod cœperat fundit? Meminit autem charitas uestra, dominico præterito quātum dominus adiuuare dignatus est, differuisse nos de spiritali regeneratione, quam lectionem uobis iterum legi fecimus, ut quæ tunc non dicta sunt, in Christi nomine adiuuantibus orationibus uestris impleamus. Regeneratio spiritalis una est, sicut generatio carnalis una est. Et quod Nicodemus domino ait, uerum dixit, quia non potest homo cum sit senex, redire rursū in uterum matris suæ & nasci. Ille quidem dixit, quia homo cum sit senex hoc non potest, quasi si infans esset, posset: omnino enim non potest, siue recens ab utero, siue annosa iam ætate redire rursū in materna uiscera & nasci. Sed sicut ad natiuitatem carnalem ualent muliebria uiscera ad semel pariendum: sic ad natiuitatem spiritualem ualent uiscera ecclesiæ, ut semel quisque baptizetur. Propterea ne quis forte dicat, sed iste in hæresi natus est, & iste in schismate natus, amputata sunt omnia si meministis, quæ uobis disputata sunt de tribus patribus nostris, quorū deus dici uoluit, non quia soli erant, sed quia in his solis impleta est integritas significandi populi futuri. Inuenimus enim natum de ancilla, & ex hæredatum, natum de libera hæredem. Rursum inuenimus natum de libera ex hæredatum, natum de ancilla hæredem. Natus de ancilla ex hæredatus Ismaël, natus de libera hæres Isaac. Natus de libera ex hæredatus Esau, natus de ancillis hæredes filij Iacob. In illis itaque tribus patribus, omnis futuri populi figura perfecta est: nec immerito deus inquit, Ego deus Abraam & deus Isaac & deus Iacob, hoc mihi nomē, inquit, in æternum. Magis meminerimus, quid promissum sit ipsi Abrahæ: hoc enim promissum est Isaac, hoc promissum est & Iacob. Quid inuenimus, In semine tuo benedicentur omnes gentes. Credidit tunc unus quod nondum uidebat: uident homines & excantur. Completum est in gentibus, quod promissum est uni: & separantur à communione gentium, qui & quod impletum est uidere nolunt: sed quid illis prodest quia uidere nolunt? Vident uelint nolint, aperta ueritas & clausos oculos ferit. Responsum est Nicodemo qui ex eis erat qui crediderant in Iesum, & ipse Iesus non se credebatur eis: quibusdam enim non se credebatur, cum iam in illum credidissent: sic habes scriptum, Multi crediderunt in nomine eius, uidentes signa quæ faciebat. Ipse autem Iesus non credebatur semetipsum illis. Nō enim opus habebat, ut quisquam testimonium perhiberet de homine. Ecce iam illi credebant in Iesum, & ipse Iesus non se credebatur eis. Quare? Quia nondum erant renati ex aqua & spiritu sancto. Inde hortati sumus, & hortamur fratres nostros catechumenos: Si enim interrogas eos, iam crediderunt in Iesum, sed quia nondum carnem eius & sanguinem accipiunt, nondum se illis credit Iesus. Quid faciant ut se illis credat Iesus? Renascantur ex aqua & spiri-

Exo. 3

Gen. 22

Ioan. 2



**A** & spiritu sancto, proferat ecclesia quod parturit: concepti sunt, ædantur in lucē, habent ubera quibus nutriantur: non timeant ne nati suffocentur, ab uberibus maternis non recedant. Nullus potest homo redire in matris uiscera & iterū renasci. Sed de ancilla nescio quis natus est: nunquid tunc qui nati sunt de ancillis, redierunt in uterū liberarum ut denuo nascerentur? Semen Abraam ut faceret filium de ancilla, uxor autor fuit, natus est ex semine uiri, & non Gen. 16 utero, sed solo placito uxoris, nunquid quia de ancilla, ideo exheredatus? Si propterea exheredatus quia de ancilla natus est, nulli ancillarum filij admitterentur ad hæreditatem. Filij Iacob admissi sunt ad hæreditatem, Hismaël autem non quia ex ancilla natus exheredatus, sed quia superbus matri, superbus in filium matris, mater enim eius magis Sara quā Agar. Illius uterus accommodatus, illius uoluntas accessit. Nō faceret Abraam quod Sara nollit, magis ergo ille filius Saræ. Sed quia superbus in fratrem, & superbus ludendo: ludendo, quia deludendo: quid ait Sara? Ence ancillam & filium eius, non enim hæres erit filius Gen. 28 ancillæ cum filio meo Isaac. Nō ergo illum uiscera ancillæ eiecerunt foras, sed ceruix seruilis. Et si liber superbus sit, seruus est, & quod peius est, malæ dominæ ipsius superbiæ. Itaq; fratres mei, respondete homini non posse rursus nasci hominem. Quicquid iterū sit, illusio est, quicquid iterum sit, lusus est. Hismael ludit, foras mittitur: animaduertit enim eos Sara ludentes, ait scriptura, & dixit Abræ, Ence ancillam & filium eius. Displicuit Saræ lusus puerorum, aliquid nouum uidit pueros ludere. Nōne optant hoc quæ filios habent, uidere ludētes filios suos? Vidit illa & improbauit. Nescio quid uidit in lusu. Illusionem uidit in illo lusu, animaduertit serui superbiā, displicuit illi, eiecit foras. Nati ergo de ancillis, ad hæreditatem admittuntur Iacob, & natus de libera mittitur foras Esau. Nemo enim præsumat quia de bonis nascitur, nemo præsumat quia per sanctos baptizatur. Qui per sanctos baptizatur, adhuc caueat ne nō sit Iacob sed Esau. Hoc ergo fratres dixerim, melius est ab hominibus sua quærētibus & mundum diligētibus, quod significat nomen ancillæ, baptizari, **B** & spiritualiter hæreditatem quærere Christi, ut sit tanq; filius Iacob de ancilla, quā baptizari per sanctos & superbire, ut sit Esau foras mittendus, quamuis natus ex libera. Hæc fratres tenete: Non uos palpamus, nulla spes uestra in nobis sit, nec uobis blandimur nec nobis, unusquisq; suam sarcinā portet. Nostrium est, dicere ne male iudicemur: uestrum est audire, & corde audire, ne exigatur quod damus: imò quando exigitur, lucrum inueniatur, nō detrimentum. Dicit dominus Nicodemo,) & exponit ei, Amen amen dico tibi, nisi quis renatus fuerit ex aqua & spiritu sancto, non potest intrare in regnum dei.) Tu, inquit, carnalem generationem intelligis, cum dicis, Nunquid potest homo redire in uiscera matris suæ? Ex aqua & spiritu sancto oportet ut nascatur propter regnum dei. Si propter hæreditatem patris hominis temporalem, nascitur ex uisceribus matris carnalis: propter hæreditatē patris dei sempiternam, nascatur ex uisceribus ecclesiæ. Generat per uxorem filium pater moriturus successurum, generat deus de ecclesia filios non successuros, sed secum mansuros. Et sequitur, Quod natum est de carne, caro est, & quod natum est de spiritu, spiritus est.) Spiritualiter ergo nascimur, & in spiritu nascimur uerbo & sacramento, adest spiritus ut nascamur: spiritus inuisibiliter adest unde nascaris, quia & tu inuisibiliter nasceris. Sequitur enim & dicit, Nō mireris quia dixi tibi, oportet uos nasci denuo. Spiritus ubi uult spirat, & uocem eius audis, sed nescis unde ueniat aut quò uadat.) Nemo uidet spiritum, & quomodo audimus uocem spiritus? Sonat psalmus, uox est spiritus: sonat euangelium, uox est spiritus: sonat sermo diuinus, uox est spiritus. Vocem eius audis, & nescis unde ueniat & quò uadat. Sed si nascaris & tu de spiritu, hoc eris ut ille. Qui nō est adhuc natus de spiritu, nesciat de te unde uenias & quò eas. Hoc enim secutus ait, Sic est omnis qui natus est ex spiritu. Respondit Nicodemus & dixit ei, Quomodo possunt hæc fieri?) Et reuera carnaliter non intelligebat. In illo fiebat, quod dixerat dominus, Vocem spiritus audiebat, & nesciebat unde uenerat & quò ibat. Respondens Iesus & dixit, Tu es magister in Israël, & hæc ignoras?) O fratres, quid putamus dominum huic magistro Iudæorū quasi insultare uoluisse?

Nouerat dominus quid agebat, uolebat illum nasci ex spiritu. Nemo ex spiritu nascitur, nisi si humilis fuerit, quia ipsa humilitas facit nos nasci de spiritu, quoniam prope est dominus obtritis corde. Ille magisterio inflatus erat, & alicuius momenti sibi esse uidebatur, quia doctor erat Iudaeorum. Deponit ei superbiam, ut possit nasci de spiritu: insultat tanquam indocto, non quia superior uult uideri dominus: quid magnum, deus ad hominem, ueritas ad mendacium? Maior Christus quam Nicodemus dici debet, dici potest, cogitandus est. Si diceretur maior Christus quam angeli, ridendum erat: incomparabiliter enim maior creator omni creatura, per quem facta est omnis creatura. Sed exagitat superbiam hominis, Tu es magister in Israël & hæc ignoras? Tanquam diceret, Ecce nihil nosti princeps superbus, nascere ex spiritu: si enim natus fueris ex spiritu, uias dei tenebis, ut Christi humilitatem sequaris. Sic enim altus est super omnes angelos, quia cum in forma dei esset, non rapinam arbitratus est esse æqualis deo, sed semetipsum exinaniuit formam serui accipiens, in similitudinem hominum factus, & habitu inuentus ut homo, humiliauit semetipsum factus obediens usque ad mortem: & ne mortis genus tibi aliquod placeat, mortem autem crucis. Pendebat, & insultabatur ei. De cruce descendere poterat, sed differebat, ut de sepulchro resurgeret. Pertulit superbos seruos dominus, medicus ægrotos. Si hoc ille, quid illi quos oportet nasci ex spiritu? Si hoc ille uerus magister in cælo, non hominum tantum sed & angelorum? Si enim docti sunt angeli, uerbo dei docti sunt. Si uerbo dei docti sunt, quærite unde docti sunt, & inuenietis. In principio erat uerbum, & uerbum erat apud deum, & deus erat uerbum. Tollatur homini ceruix, sed aspera & dura, ut sit lenis ceruix ad portandum iugum Christi. De quo dicitur, Iugum meum leue est, & sarcina mea leuis est. Et sequitur, Si terrena dixi uobis & non creditis, quomodo si dixero uobis cœlestia credetis? Quæ terrena dixit fratres? Nisi quis natus fuerit denuo, terrenum est? Spiritus ubi uult spirat, & uocem eius audis, & nescis unde ueniat, aut quò eat, terrenum est? Si de isto uento diceret, sicut nonnulli intellexerunt, cum quæreretur ab eis quid terrenum dixerit dominus, dum ait, Si terrena dixi uobis & non creditis, quomodo si cœlestia dixero credetis? Cum ergo quæreretur à quibusdam, quid terrenum dixerit dominus, angustias passi dixerunt: quòd ait de spiritu ubi uult spirat, & uocem eius audis, & nescis unde ueniat, aut quò eat, de isto uento dixit, Quid enim nominauit terrenum? Loquebatur de generatione spiritali, secutus ait: sic est omnis qui natus est ex spiritu. Deinde fratres, quis nostrum non uideat, uerbi gratia, austrum euntem à meridie ad aquilonem, aut alium uentum uenientem ab oriente ad occidentem? Quomodo ergo nescimus unde ueniat & quò eat? Quid ergo dixit terrenum, quod non credebant homines? An illud quod de templo suscitando dixerat? Corpus enim suum de terra acceperat, & ipsam terram de terreno corpore susceptam parabat suscitare. Non ei creditum est terram suscitaturum. Si terrestria, inquit, dixi uobis & non creditis, quomodo si cœlestia dixero credetis? Hoc est, si non creditis quia templum possum resuscitare deiectum à uobis, quomodo credetis quia per spiritum possint homines regenerari? Et sequitur, Et nemo ascendit in cœlum nisi qui descendit de cœlo, filius hominis qui est in cœlo? Ecce hic erat, & in cœlo erat: hic erat carne, & in cœlo erat diuinitate, imò ubique diuinitate. Natus de matre, non recedens à patre. Duæ natiuitates Christi intelliguntur, una diuina, altera humana: una per quam efficeremur, altera per quam reficeremur. Ambæ mirabiles, illa sine matre, ista sine patre. Sed quia de Adam corpus acceperat, quia Maria de Adam, ipsum quoque corpus suscitaturus erat. Terrenum quiddam dixerat, Soluite templum hoc, & in tribus diebus suscitabo illud. Cœleste autem quiddam dixit, Nisi quis renatus fuerit ex aqua & spiritu, non uidebit regnum dei. Eia itaque fratres, deus uoluit esse filius hominis, homines uoluit esse filios dei. Ipse descendit propter nos, nos ascendamus propter ipsum. Solus enim descendit, & ascendit qui hoc ait, Nemo ascendit in cœlum, nisi qui descendit de cœlo. Non ergo ascensuri sunt in cœlum quos facit filios dei? Ascensuri sunt planè. Hæc nobis promissio est, Erunt æquales angelis dei. Quomodo ergo nemo ascendit nisi qui descendit? Quia unus



A unus descendit, & unus ascendit. De cæteris quid intelligendum, nisi quia membra eius erunt ut unus ascendat: propterea sequitur, Nemo ascēdit in cœlum nisi qui de cœlo descendit, filius hominis qui est in cœlo. Miraris quia hic erat & in cœlo? Tales fecit discipulos suos. Paulum audi apostolum dicentem, Nostra enim conuersatio in cœlis est. Si homo *Philip. 3* Paulus apostolus ambulabat carne in terra, & cōuersabatur in cœlo, deus cœli & terræ non poterat esse & in cœlo & in terra? Si ergo nemo nisi ille descendit & ascendit, quæ spes est cæteris? Ea spes est cæteris, quia ille propterea descendit & ascendit, ut in illo & cum illo unum essent, qui per illum ascensuri essent. Non dicit, & seminibus, ait Apostolus, quasi in multis, sed tãquam in uno, & semini tuo qui est Christus. Et fidelibus ait, Vos autem Christi. Si autem Christi, ergo semen Abraæ estis. Quod dixit unum, hoc dixit omnes nos esse. Ideo in psalmis aliquando plures cantant, ut ostendatur quia de pluribus fit unus: aliquando unus cantat, ut ostendatur quid fiat de pluribus. Propterea unus sanabatur in illa piscina, & quisquis alius descendebat, non sanabatur. Ergo iste unus commendat unitatem ecclesiæ. Væ illis qui oderunt unitatem ecclesiæ, & partes sibi faciunt in hominibus, audiant illum qui uolebat eos facere unum in uno. Ad unum audiant illum dicentem, Nolite uos fa- *1. Cor. 5* cere multos, ego plantaui, Apollo rigauit, sed deus incrementum dedit. Sed neque qui plantat est aliquid, neque qui rigat, sed qui incrementum dat deus. Illi dicebant, Ego sum Pauli, *1. Cor. 1* ego Apollo, ego Cephæ. Et ille, Diuisus est Christus? In uno estote, unū estote, unus esto. Nemo ascendit in cœlum, nisi qui de cœlo descendit. Ecce uolumus esse tui, dicebant Paulo. Et ille, Nolo sitis Pauli, sed eius estote cuius est uobiscum Paulus. Descendit enim & mortuus est, & ipsa morte liberauit nos à morte. Morte occisus, mortē occidit. Et nostis fratres, quia mors ista per diaboli inuidiam intrauit in mundum. Deus mortem non fecit, scriptura loquitur, nec lætatur in perditione uiuorum: creauit enim ut essent omnia. Sed quid ibi ait? Inuidia autem diaboli mors intrauit in orbem terrarum. Ad mortem à diabolo propi- *Sap. 2* natam, nō ueniret homo ui adactus: non enim cogendi potentiam diabolus habebat, sed persuadendi uersutiam. Si non consentiret, nihil inuexerat diabolus, consensio tua o homo te perduxit ad mortem. A mortali mortales nati, & ex immortalibus mortales facti. Ab Adam omnes homines mortales, Iesus autem filius dei, uerbum dei, per quod facta sunt omnia, unicus, æqualis patri, mortalis factus est, quia uerbum caro factum est, & habitauit in nobis. Si ergo mortem suscepit, & mortem suspendit in cruce, de ipsa morte liberantur mortales. Quod in figura factum est apud antiquos, commemorauit illud dominus, Et sicut, inquit, Moyses exaltauit serpentem in eremo, ita exaltari oportet filium hominis, ut omnis qui credit in eum non pereat, sed habeat uitam æternam.) Magnum sacramentum, & qui legerunt, nouerunt. Deinde audiant uel qui non legerunt, uel qui forte lectum uel auditum obliti sunt. Prosternebatur in eremo populus Israël moribus serpentum, fiebat magna strages multarum mortium, plaga enim dei erat corripientis & flagellantis ut erudiret. Demonstratum est ibi magnum sacramentum rei futuræ, ipse dominus testatur in hac lectione, ut nemo possit aliud interpretari quàm quod ipsa ueritas de se indicat. Dictum est enim ad Moysen à domino, ut faceret æneum serpentem, & exaltaret in ligno in eremo, & admoneret populum Israël, ut si quis morsus esset à serpente, illum serpentem in ligno exaltatum attenderet, & factum est: mordebantur homines, intuebantur & sanabantur. Quid sunt serpentes mordentes? Peccata de mortalitate carnis. Quis est serpens exaltatus? Mors domini in cruce. Quia enim à serpente mors, per serpentis effigiem figurata est mors. Morsus serpentum lætalis, mors domini uitalis. Attenditur serpens, ut nihil ualeat mors. Morsus serpentum lætalis, mors domini uitalis. Attenditur serpens, ut nihil ualeat mors. Sed cuius mors? Mors uitæ, serpens. Quid est hoc? Attenditur mors, ut nihil ualeat mors. Sed cuius mors? Mors uitæ, si dici potest mors uitæ, imò quia dici potest, mirabiliter dicitur. Sed nunquid non erit dicendum quod fuit faciendum? Ego dubitem dicere, quod dñs pro me dignatus est facere? Nōne uita Christus? Et tamen in cruce Christus: nōne uita Christus? Et tamen mor-


tuus est CHRISTVS: sed in morte CHRISTI mors mortua est, quia uita mortua occidit mortem, plenitudo uitæ deglutiuit mortem: absorpta est mors in CHRISTI corpore. Sic & nos dicemus in resurrectione, quando iam triumphantes cantabimus, Vbi est mors contentio tua? ubi est mors aculeus tuus? Interim modo fratres ut à peccato sanemur, CHRISTVM crucifixum intueamur, quia sicut Moyses, inquit, exaltauit serpentem in eremo, ita exaltari oportet filium hominis, ut omnis qui credit in eum non pereat, sed habeat uitam æternam. Quomodo qui intuebantur illum serpentem, non peribant moribus serpentum: sic qui intuentur fide mortem CHRISTI sanantur à moribus peccatorum. Sed illi sanabantur à morte ad uitam temporalem: hic autem ait, ut habeant uitam æternam. Hoc enim interest inter figuratam imaginem & rem ipsam: figura præstabat uitam temporalem: res ipsa cuius illa figura erat, præstat uitam æternam.

Non enim misit deus filium suum ut iudicet mundum, sed ut saluetur mundus per ipsum.) Ergo quantum in medico est, sanare uenit ægrotum. Ipse se interimit, qui præcepta medicæ obseruare non uult. Venit saluator ad mundum. Quare saluator dictus est mundi, nisi ut saluet mundum, non ut iudicet mundum? Saluari non uis ab ipso, ex teipso iudicaberis. Et quid dicam, iudicaberis? Vide quid ait, Qui credit in eum, non iudicatur: qui autem non credit, quid dicturum sperabas, nisi iudicatur? Quod addit, Iam, inquit, iudicatus est: Nondum apparuit iudicium, sed iam factum est iudicium: nouit enim dominus qui sunt eius, nouit qui permaneant ad coronam, qui permaneant ad flammam. Nouit in area sua triticum, nouit & paleam, nouit & segetem, nouit & zizania, iam iudicatus est qui non credit. Quare iudicatus est? Quia non credidit in nomine unigeniti filij dei. Hoc est autem iudicium, quia lux uenit in mundum, & dilexerunt homines magis tenebras quam lucem: erant enim mala opera eorum.) Fratres mei, quorum opera bona inuenit dominus? Nulorum, omnia enim opera mala inuenit. Quomodo ergo quidam fecerunt ueritatem, & uenerunt ad lucem? Et hoc enim sequitur, Qui autem facit ueritatem uenit ad lucem, ut manifestentur opera eius, quia in deo sunt facta.) Quomodo quidam opus bonum fecerunt, ut ueniret ad lucem, id est ad Christum? Et quomodo quidam dilexerunt tenebras? Si enim omnes peccatores inuenit, & omnes à peccato sanat, & serpens ille in quo figurata est mors domini, eos sanat qui morfi fuerant, & propter morsum serpentis erectus est serpens, id est, mors dñi, propter mortales homines, quos inuenit iniustos: quomodo intelligitur, hoc est iudicium, quia lux uenit in mundum, & dilexerunt homines magis tenebras quam lucem, erant enim mala opera eorum? Quid est hoc? Quorum enim erant bona opera? Nonne uenisti ut iustifices impios? Sed dilexerunt, inquit, tenebras magis quam lucem: ibi posuit uim. Multi enim dilexerunt peccata sua, & multi confessi sunt peccata sua: quia qui confitetur peccata sua, & accusat peccata sua, iam cum deo facit. Accusat deus peccata tua, & si tu accuses, coniunge ris deo. Quasi duæ res sunt, homo & peccator. Quod audis homo, deus fecit: quod audis peccator, ipse homo fecit: dele quod fecisti, ut deus saluet quod fecit. Oportet ut oderis in te opus tuum, & ames in te opus dei. Cum autem ceperit tibi displicere quod fecisti, inde incipiunt bona opera tua, quia accusas mala opera tua. Initium operum bonorum, confessio est operum malorum. Facis ueritatem, & uenis ad lucem: quid est, facis ueritatem? Non te palpare ueritatem. Venis autem ad lucem ut manifestentur opera tua, quia in deo sunt facta: quia & hoc ipsum quod tibi displicuit peccatum tuum, non tibi displiceret, nisi deus tibi lucceret, & eius ueritas tibi ostenderet. Sed qui etiam admonitus diligit peccata sua, odit adiuuentem lucem & fugit eam, ut non appareant opera eius mala quæ diligit: qui autem facit ueritatem, accusat in se mala sua, non sibi parcat, non sibi ignoscit ut deus ignoscat: quia quod uult ut deus ignoscat, ipse agnoscit & uenit ad lucem: cui gratias agit, quod ille quid in se odisset, ostenderit. Dicit deo, Auerte faciem tuam à peccatis meis. Et qua fronte dicit, nisi iterum



**A** rum dicat, quoniā facinus meum ego cognosco, & peccatū meū coram me est semper. Sit ante te quod nō uis esse ante deum: Si autem post te feceris peccatū tuum, retorquet illud tibi deus ante oculos tuos, & tunc retorquet, quando iam pœnitētiæ fructus nullus erit. Currite, ne tenebræ uos comprehendant. Fratres mei euigilate ad salutem uestram, euigilate dū tempus est, nullus retardetur à templo dei, nullus retardetur ab opere dñi, nullus auocetur ab oratione continua, nullus à solita deuotione fraudetur. Euigilate cum dies est, lucet dies: Christus est dies, paratus est ignoscere reis, sed agnoscentibus: punire autē defendentes se, & iustos se iactantes, & putantes se esse aliquid cum nihil sint. In dilectione autem eius & in misericordia eius qui ambulat, etiam liberatus ab illis lætalibus & grandibus peccatis, quæ sunt facinora hominum, homicidia, furta, adulteria, præter illa quæ minuta uidentur esse peccata, linguæ aut cogitationum, aut immoderationis in rebus concessis, facit ueritatem confessionis, & uenit ad lucem in operibus bonis. Quomodo minuta plura peccata si negligantur, occidūt. Minutæ sunt guttæ quæ flumina implent, minuta sunt grana arenæ, sed si multa arena imponatur, premit atq; opprimit. Hoc facit, sentina neglecta, quod facit fluctus irruens. Paulatim per sentinam intrat, sed diu intrando & non exhauriendo, mergit nauim. Quid est autem exhaurire, nisi bonis operibus agere, ut non obruant peccata, gemendo, ieiunando, tribuendo, ignoscendo. Iter autem huius seculi molestum est, plenum tentationibus, in rebus prosperis ne extollat, in rebus aduersis ne frangat. Qui tibi dedit felicitatem huius seculi, ad consolationem tuam dedit, non ad corruptionem. Rursus qui te flagellat in isto seculo, ad emendationē, non ad damnationē facit. Ferto patrē erudientem, ne sentias iudicem punientem. Hæc quotidie dicimus uobis, & sæpe dicenda sunt, quia bona & salutaria sunt.

Ab eo quod scriptū est: Post hæc uenit Iesus & discipuli eius in Iudæam terrā, & illic demorabatur cum eis, usq; ad id: Qui habet sponsam sponsus est, amicus aut sponsi est, qui stat & audit eū, & gaudio gaudet ppter uocē spōsi. Trac. XIII

**B**  **R** D O lectionis euangelicæ secundum Ioannem, sicut potestis meminisse, qui curam geritis profectus uestri, ita sequitur, ut hæc quæ modo lecta est, hodie nobis tractanda proponatur. Ab ipso principio usq; in hodiernam lectionē, quæ supradicta sunt, meministis iam esse tractata. Et si forte inde multa estis oblitiscerte uel officium nostrum manet in uestra memoria, quæ hinc audieritis de baptismo Ioannis. Et si non tenetis omnia, audisse uos tamen, credo q; teneatis quæ dicta sunt, etiam quare spiritus sanctus in columbæ specie apparuerit: & quomodo illa nodosissima quæstio soluta sit, quia nescio quid quod non nouerat, didicit Ioannes in dño per columbam, cum iam eum nosset, quando uenienti ut baptizaret ait: Ego à te debeo baptizari, & tu uenis ad me: *Matth. 3* quando ei dñs respondit: Sine modo, ut impleatur omnis iusticia. Nunc ergo ad eundem Ioannem, cogit nos ordo lectionis reuertī. Ipse est ille qui prophetatus est per Esaïam: Vos *Esa. 40* clamantis in deserto, parate uiam domino, rectas facite semitas eius. Tale testimonium reddidit domino suo, & quia ille dignatus est, amico suo: dominusq; ipsius & amicus ipsius perhibuit testimonium Ioanni: dixit enim de Ioanne: In natis mulierum nemo surrexit maior *Matth. 11* Ioanne baptista. Sed quia illi se preposuit, in hoc q; plus erat à Ioanne deus, qui autem minor est, inquit, in regno cœlorū, maior est illo. Minor natiuitate, maior potestate, maior diuinitate, maiestate, claritate, tanq; in principio erat uerbū, & uerbū erat apud deū, & deus erat *Ioan. 1* uerbū. Sic aut perhibuerat in superioribus lectionibus Ioānes dño testimonium, ut filiū dei quidem diceret, deū non diceret, nec tamen negaret. Tacuerat deum, nō negauerat deū, sed nō omnino tacuit deum. Fortassis enim inuenimus hoc in hodierna lectione. Dixerat filiū dei: sed dicti sunt & homines filij dei. Dixerat tantæ excellentiæ illū fuisse, ut non esset ipse dignus corrigiam calciamenti eius soluere. Iam magnitudo ista multum dat intelligi, cuius non erat dignus corrigiam calciamenti soluere, ille quo nemo surrexerat, maior in natis mulierum. Plus erat om̃ibus hominibus & angelis: nam angelū inuenimus prohibuisse, ne homo illi ad pedes caderet, cum enim quædam in Apocalypsi angelus ostēderet Ioanni, qui *Apocalyp. 22*

scripsit hoc euangelium, conterritus magnitudine uisionis Ioannes, cecidit ad pedes angelorum. Et ille: Surge, ne feceris hoc, deum adora: nam & ego conseruus tuus sum & fratrum tuorum. Cadere ergo sibi ad pedes hominem angelus prohibuit: Nōne manifestum est quia super omnes angelos est, cui talis homo quo maior nemo surrexit in natis mulierum, dicit indignum se esse soluere corrigiam calciamenti eius? Tamen aliquid euidentius dicat Ioannes, quia deus est dñs noster Iesus Christus. Inueniamus hoc in præsenti lectione, quia forte & de illo cantauimus: Regnauit dñs super omnem terram: contra quod surdi sunt, qui putant eum in Africa sola regnare. Nō enim nō dictū est de Christo cū dictū est: Regnauit dñs super omnem terram. Quis est enim alius rex noster, nisi dñs noster Iesus Christus? Ipse est rex noster. Et quid audistis in ipso psalmo recenti uersu modo cantato? Psallite deo nostro psallite, psallite regi nostro psallite. Quem dixit dñm, ipsum dixit regem nostrum, psallite deo nostro psallite: psallite regi nostro, psallite intelligenter. Ne in una parte uelis intelligere cui psallis, quoniam rex omnis terræ deus. Et quomodo est omnis terræ deus rex, qui uisus est in una parte terrarum, in Hierosolyma, in Iudæa ambulans, inter homines natus, sanguis, crescens, manducans, bibens, uigilans, dormiens, fatigatus ad puteum sedens, compressus, flagellatus, sputis illitus, spinis coronatus, ligno suspensus, lancea percussus, mortuus, sepultus? Quomodo ergo rex omnis terræ? Quod uidebatur in loco, caro erat: oculis carnis is caro apparebat, in carne mortali maiestas immortalis occultabatur. Et quibus oculis maiestas immortalis penetrata cōpage carnis poterat intueri? Est alius mentis oculus, est interior oculus. Non enim nullos oculos habebat & Tobias, quādo cæcus oculis corporeis filio dabat præcepta uitæ. Ille patris manum tenebat ut pedibus ambularet, ille filio consilium dedit, ut uiam iusticiæ teneret: Et hic oculos uideo, & hic oculos intelligo. Et meliores oculi dantis uitæ consilium, quā oculi tenentis manum. Tales oculos quærebat & Iesus, quando ait ait: Philippe, qui uidet me, uidet & patrem meum. Isti oculi in intelligentia sunt, isti oculi in mente sunt: adeo cum dixisset psalmus: Quoniam rex omnis terræ deus, subiecit statim, psallite intelligenter. Quod enim dico, psallite deo nostro psallite, deum dico regem nostrum. Sed regem nostrum inter homines uidistis, tanquā hominē uidistis, passum, crucifixum, mortuum. Latebat aliquid in illa carne, quod oculis carnis uidere non potuistis. Quid illic latebat? Psallite intelligenter. Nolite oculis quarere quod mente conspicit. Psallite lingua, quia inter uos caro. Sed quia uerbum caro factum est & habitauit in nobis, reddite sonum carni, reddite deo mentis obtutum. Psallite intelligenter, & uidetis quia uerbum caro factum est, & habitauit in nobis. Dicat & Ioannes testimonium. Post hæc uenit Iesus & discipuli eius in Iudæam terram, & illic demorabatur cum eis & baptizabat. Baptizatus baptizat, non eo baptismo baptizat quo baptizatus est. Dat baptismum dominus baptizatus à se uo, ostendens humilitatis uiam, & perducens ad baptismum domini: hoc est, baptismum suum, præbendo humilitatis exemplum, quia ipse non respuit baptismum serui. Et in baptismo serui uia præparabatur domino, & baptizatus dominus uiam se fecit uenientibus. Ipsum audiamus: Ego sum uia, & ueritas & uita. Si ueritatē quæris, uiam tene: nam ipse est uia, quæ est ueritas. Ipsa est quod is, ipsa est qua is, non per aliud is ad illud, non per aliud uenis ad Christum: per Christum ad Christum uenis. Quomodo per Christum ad Christum? Per Christum hominem ad Christum deum: Per uerbum caro factum, ad uerbum quod in principio erat deus apud deum. Ab eo quod manducauit homo, ad illud quod quotidie manducant angeli. Sic enim scriptum est: Panem angelorum manducauit homo: panem cœli dedit eis: panem angelorum manducauit homo. Quis est panis angelorum? In principio erat uerbum, & uerbum erat apud deum, & deus erat uerbum. Quomodo panem angelorum manducauit homo? Et uerbum caro factum est, & habitauit in nobis. Sed quia diximus manducare angelos fratres, ne putetis morsibus fieri. Nam si hoc intellexeritis, quasi dilaniatur deus, quem manducant angeli. Quis dilaniat iusticiam? Sed



**A** rursum mihi aliquis dicit: Et quis est qui manducat iusticiam? Vnde ergo beati qui esuriunt *Matth. 5* & sitiunt iusticiam, quoniam ipsi saturabuntur? Cibus quem manducas per carnem ut reficiaris tu, ille deficit: ut reparet te, consumitur. Manduca iusticiam, & tu reficeris, & illa integra perseverat: quomodo uidendo istam lucem corpoream reficiuntur oculi nostri, & res est corporea quæ uidetur oculis corporeis. Multi enim cū fuerint diutius in imis tenebris, infirmantur acies ipsorum, quasi ieiunio lucis fraudati oculi cibo suo: luce quippe pascuntur, defatigantur ieiunio & debilitantur, ita ut ipsam lucem qua reficiuntur uidere nō possint: & si diutius abfuerit, extinguuntur, & tanq̃ moritur in eis ipsa acies lucis. Quid ergo? Quia tot oculi quotidie ista luce pascuntur, minor non fit, & illi reficiuntur, sed ipsa integra permanet. Si hoc potuit deus de luce corporea corporeis oculis exhibere, non exhibet mundis cordibus lucem illam infatigabilem, integram, perseverantem, nulla parte deficientem? Quam lucē? In principio erat uerbum, & uerbum erat apud deum. Videamus si lux est: quoniam apud *Psal. 39* te est fons uitæ, & in lumine tuo uidebimus lumen. In terra aliud est fons, aliud lumen. Sitiens quæris fontem, & ut peruenias ad fontem, quæris lucem, & si dies non est, accendis lucernam, ut ad fontem peruenias. Fons ille, ipse est lux. Sitientibus fons est, cæco lux est. Aperiantur oculi ut uideant lucem, aperiantur fauces cordis ut bibant fontem. Quod bibis, hoc uides, hoc audis, totum tibi fit deus: quia horum quæ diligis, totum tibi est. Si uisibilia attendis, nec panis est deus, nec aqua est deus, nec lux ista est deus, nec uestis est deus, nec domus est deus: omnia enim hæc uisibilia sunt, & singula sunt. Quod est panis, non hoc est aqua, & quod est uestis, non hoc est domus, & quod sunt ista, non hoc est deus: uisibilia enim sunt. Deus tibi totum est. Si esurieris, panis tibi est, si sitieris, aqua tibi est, si in tenebris es, lumen tibi est, quia incorruptibilis manet: si nudus es, immortalitatis uestis tibi est, cum incorruptibile hoc induerit incorruptionem, & mortale hoc induerit immortalitatem. Omnia enim possunt dici de deo, & nihil digne dicitur de deo: Nihil latius hac inopia. Quæris congruum nomen, non inuenis, quæris quo modo dicere, omnia inuenis. Quid simile, agnus & *Apoc. 5* leo, de Christo utrumq; dictum est. Ecce agnus dei. Quomodo leo? Vicit leo de tribu Iuda. Audiamus Ioannem. Baptizabat Iesus. Diximus quia baptizabat Iesus. Quomodo Iesus, quomodo dominus, quomodo dei filius, quomodo uerbum? sed uerbum caro factum est. Erat autem & Ioannes baptizans in Enon iuxta Salim. Locus quidam Enon intelligitur, quia lacus erat: Quia aquæ multæ erant ibi: Et ueniebāt & baptizabantur. Non dum enim missus erat in carcerem Ioannes. Si meministis, ecce iterum dico quod dixi. Quare baptizabat Ioannes? Quia oportebat ut dominus baptizaretur. Et quare oportebat ut dominus baptizaretur? Quia multi contempturi erant baptismum, eo quod iam maiore gratia præditi uiderentur, quàm uiderent alios fideles. Verbi gratia, iam continenter uiuens catechumenus, contemneret coniugatum, & diceret se meliorem esse quàm sit fidelis. Ille catechumenus posset dicere in corde suo: Quid mihi opus est baptismum accipere, ut hoc habeam quod & iste, quo iam melior sum? Ne ergo ceruix ista præcipitaret quosdam, de meritis iusticiæ suæ plurimum elatos, baptizari uoluit dominus a seruo, tanquàm alloquens filios capitales: Quid uos extollitis? quid erigitis? quia habetis ille prudentiam, ille doctrinam, ille castitatem, ille fortitudinem patientiæ? Nunquid tātum habere potestis quantum ego qui dedi? Et tamen ego baptizatus sum a seruo, uos dedignamini a domino. Hoc *Matth. 5* est, ut impleatur omnis iusticia. Sed dicit aliquis: Sufficiebat ergo ut baptizasset dominum Ioannes, quid opus erat ut alij baptizarentur a Ioanne? Et hoc diximus, quia si solus dominus baptizaretur a Ioanne, non deesset ista cogitatio hominibus, quod meliorem habebat baptismum Ioannes quàm dominus: Diceret enim, usq; adeo magnus erat baptismus quem habebat Ioannes, ut solus Christus illo fuerit dignus baptizari. Ergo ut ostenderetur melior baptismus quem daturus erat dñs, & ille tanq̃ serui intelligeretur, ille tanq̃ dñi, baptizatus est dominus, ut præberet humilitatis exemplū: non solus autem baptizatus est ab eo, ne baptismus Ioannis melior baptismo dñi uideret. Ad hoc aut uiam præbuit dñs no-

ster Iesus Christus, sicut audistis fratres: ne quis arrogans q̄ habeat abundantiam alicuius gratiæ, dedignaretur baptizari baptismo domini: quantumcunq; enim catechumenus proficiat, adhuc sarcinam iniquitatis suæ portat, non illi dimittitur, nisi cum uenerit ad baptismum. Quomodo non caruit populus Israël populo Ægyptiorum, nisi cum uenisset ad mare rubrum: sic pressuris peccatorum nemo caret, nisi cum ad fontem baptismi uenerit. Facta est ergo quæstio ex discipulis Ioannis cum Iudæis de purificatione. Baptizabat Ioannes, baptizabat Christus. Moti sunt discipuli Ioannis, concurrebatur ad Christum, ueniebatur ad Ioannem: qui enim ueniebant ad Ioannem, mittebat illos ad Christum baptizari, non mittebantur ad Ioannem qui à Christo baptizabantur. Turbati sunt discipuli Ioannis, & coeperunt quæstionem tractare cum Iudæis, quomodo solet fieri: intelligas dixisse Iudæos maiorem esse Christum, & ad eius baptismum debere concurrere. Illi nondum intelligentes, defendebant baptismum Ioannis. Ventum est ad ipsum Ioannem, ut solueret quæstionem. Intelligat charitas uestra. Et hic utilitas ipsa humilitatis agnoscitur & ostenditur: utrum in ipsa quæstione cum errarent homines, gloriari apud se uoluit Ioannes. Fortasse enim dixisset, uerum dicitis, recte contenditis, baptismus meus est melior: nam ut noueritis quod baptismus meus est melior, ipsum Christum ego baptizauī. Poterat hoc dicere Ioannes baptizato Christo, quantum se si uellet extendere, habebat ubi se extenderet: sed melius nouerat apud quem se humiliaret: Quem se nouerat nascendo antecedere, illi uoluit confitendo cedere. Salutem suam intelligebat in Christo esse. Iam dixerat superius: Nos omnes de plenitudine eius accepimus: & hoc confiteri decum est. Quomodo enim omnes homines de plenitudine eius accepimus, nisi ille sit deus? Nam & si ille homo & non deus, de plenitudine dei accepit etiam ipse qui non deus est. Si aut omnes homines de plenitudine eius accipiunt, ille est fons, & illi bibentes. Qui bibunt fontem, & sitire possunt & bibere. Fons nunquam sitit, fons seipso non eget: Fonte egent homines aridis uisceribus, aridis faucibus, currunt ad fontem ut reficiantur: Fons fluit ut reficiat, ita & dominus Iesus. Videmus quid responderit Ioannes. Venerunt ad Ioannem, & dixerunt ei: Rabbi, qui erat tecum trans Iordanem, cui tu testimonium perhibuisti: ecce hic baptizat, & omnes currunt ad illū. Hoc est, quid dicis? Non sunt prohibendi ut ad te potius ueniant? Respondit Ioannes & dixit: Non potest homo quicquā accipere, nisi ei datum fuerit de cælo. De quo putatis hoc dixisse Ioannem? De seipso, quasi homo accipiat de cælo. Intendat charitas uestra: Non potest homo quicquā accipere, nisi fuerit ei datum de cælo. Ipsi uos mihi testimonium perhibetis quod dixerim, ego non sum Christus: Tanquam dicens: Quid uos fallitis uosipsos? Mihi quomodo proposuistis istam quæstionē? Quid mihi dixistis: Rabbi, qui erat tecum trans Iordanem, cui tu testimonium perhibuisti? Nostis ergo quale testimonium illi perhibui? Quomodo dicturus sum non esse illum quem dixi esse? Ego qui aliquid accepi de cælo ut aliquid essem, inanem me uultis esse, ut loquar contra ueritatem. Non potest homo accipere quicquā nisi fuerit illi datum de cælo. Ipsi uos mihi testimonium perhibetis, quod dixerim: ego non sum Christus. Non es tu Christus? Sed quid si maior illo: quia tu illum baptizasti? Missus sum ego: Præco sum, ille iudex est. Et audi testimonium multo uehementius, multo expressius. Videte quid nobiscum agatur, uidete quid are debeamus: uidete quia aliquem hominem amare pro Christo, adulterium est. Quare hoc dico? Attendamus uocem Ioannis. Poterat in illo errari, poterat ipse putari qui non erat. Respuit à se falsum honorem, ut teneat solidam ueritatem. Videte quid dicat Christum, quid se. Qui habet sponsam sponsus est. Casti estote, sponsum amate. Quid autem tu es qui nobis dicis, qui habet sponsam sponsus est? Amicus autem sponsi qui stat & audit eum, gaudio gaudet propter uocem sponsi. Aderit dominus deus noster pro motu cordis mei, multo enim gemitu plenū est dicere quod doleo: sed obsecro uos per ipsum Christum, ut quod dicere non potuero, uos cogitetis. Noui enim dolorem meum exprimi satis digne non posse: multos enim adulteros uideo, qui sponsam tanto precio emptam, amatam,



**A** amatam scdam ut pulchra fieret, illo emptore, illo liberatore, illo decoratore, possidere uolunt, & id agunt uerbis suis ut pro sponso amentur. De illo dictum est, hic est qui baptizat. Quis huc exit & dicit, ego baptizo? Quis huc exit & dicit, ego quod dederam hoc est sanctum? Quis huc procedit qui dicit, bonum est tibi ut nascaris ex me? Amicum sponsi audiamus, non adulteros sponsi audiamus, zelantem, sed non sibi, Fratres regredimini corde ad uestras domos, carnalia loquor, terrena loquor: Humanum dico propter infirmitatem carnis uestra. Multi habetis coniuges, multi habere uultis, multi & si non uultis, habuistis, multi qui omnino coniuges habere non uultis. De coniugibus patrum uestrorum nati estis. Nullum cor est quod non iste tangat affectus, nullus in rebus humanis tam deuius a genere humano est, qui quod dico non sentiat. Ponite aliquem peregre profectum, commendasse amico suo sponsam suam, Vide quæso te, charus meus es, ne forte me absente pro me aliquis ametur. Qualis ergo ille qui custodiens sponsam uel uxorem amici sui, dat quidem operam ut nullus alius ametur: sed si se amari pro amico uoluerit, & uti uoluerit commendata sibi, quæ detestandus uniuerso humano generi apparet? Videat illam aliquanto petulantius per fenestram attendere, aut iocari cum aliquo, prohibet tanquam zelet. Video zelatem, sed non uideo cui, utrum amico absenti, an sibi presenti. Putate hoc dominum nostrum Iesum Christum fecisse. Commendauit amico suo sponsam suam, peregre profectus est accipere regnum, sicut ipse dicit in euangelio, & tamen præsens est maiestate. Fallatur amicus qui trans mare profectus est, & si fallitur, uæ illi qui fallit: quid cum fallere deum conatur intuentem omnium corda, & omnium secreta rimantem? Existit aliquis hæreticus, & dicit, Ego do, ego sanctifico, ego iustifico, nolo eas ad illam sectam. Bene quidem zelat, sed uide cui. Nō eas ad idola, bene zelat: non ad sortilegos, bene zelat. Videamus cui zelat. Ego quod do sanctum est, quia ego do. Ego quem baptizo baptizatus est, quem non baptizo non est baptizatus. Audi amicum sponsi, discite zelare amico tuo. Audi uocem illius, Hic est qui baptizat. Quare tibi uis arrogare quod tuum non est? Usque adeo absens est qui hic reliquit sponsam suam? Nescis quia ille qui a mortuis resurrexit, ad dexteram patris sedet? Si contempserunt eum Iudæi in ligno pendentem, tu contemnis in cælo sedentem? Nouerit charitas uestra magnum dolorem me pati de hac re. Sed, ut dixi, dimitto cætera cogitationibus uestris. Non enim dico si loquar tota die, si plangam tota die, nō sufficio. Non dico, si habeam, sicut dicit propheta, fontem lachrymarum: sed si conuertar in lachrymas & lachrymæ fiam, in linguas & linguæ fiam, parum est. Redeamus, uideamus quid dicit iste, Qui habet sponsam, sponsus est: non est mea sponsa, & non gaudes in nuptiis? Imò gaudeo ait, Amicus autem sponsi qui stat & audit eum, gaudio gaudet propter uocem sponsi, Non, inquit, gaudeo propter uocem meam, sed propter uocem sponsi gaudeo: ego sum in audiendo, ille in dicendo: ego enim sum illuminandus, ille lumen: ego sum in aure, ille in uerbo, ergo amicus sponsi qui stat & audit eum. Quare stat? Quia non cadit. Quare non cadit? Quia humilis est. Vide stantem in solido, Non sum dignus corrigiam calciamenti eius soluere. Bene te humilias, merito non cadis, Merito stas, merito audis eum, & gaudio gaudes propter uocem sponsi. Sic & Apostolus amicus sponsi zelat, & ipse non sibi, sed sponso: audi uocem zelantis, Zelo dei uos zelo dixit, non meo, non mihi, sed zelo dei. Vide quomodo, quā zelat, cui zelat. Desponsauit enim uos uni uiro, uirginem castam exhibere Christo. Quid ergo times? quare zelas? Timeo, inquit, ne sicut serpens seduxit Euam astutia sua: sic & uestri sensus corrumpantur a castitate quæ est in Christo Iesu. Omnis ecclesia uirgo appellata est: diuersa membra ecclesiæ, diuersis donis pollere uidetis atque gaudere. Alij coniugati, aliæ coniugatæ: alij uiduati uxoribus ultra non quarunt, aliæ uiduatæ maritis ultra non quarunt: alij integritatem ab ineunte ætate cōseruant, aliæ uirginitatem suā deo deuouerunt. Diuersa sunt munera, sed omnes isti una uirgo est. Vbi est ista uirginitas? Non enim in corpore. In corpore paucarum sceminarum est. Et si dici uirginitas in uiris potest, paucorum uirosum sanctitas, integritas etiam corporis est in ecclesia, & honorabilius membrum est. Alia autē membra

non

non in corpore, sed omnia in mente seruant uirginitatem. Quæ est uirginitas mentis? Integra fides, solida spes, sincera charitas. Hanc uirginitatem timebat ille, qui zelabat sponsam à serpente corrumpi. Sicut enim membrum corporis uiolatur in quodam loco, sic seductio linguæ uiolat uirginitatem cordis. In mente non corrumpatur, qui non uult sine causa tenere corporis uirginitatem. Quid ergo dicam fratres mei? Et hæretici habent uirgines, & multæ sunt uirgines hæreticorum. Videamus si sponsum amāt, aut uirginitas ista custodiatur. Cui custodiatur? Christo, inquit. Videamus si Christo, & non Donato. Videamus cui seruetur ista uirginitas, cito probare potestis. Ecce ostendo sponsum, quia ipse se ostendit. Perhibet illi testimonium Ioannes, Hic est qui baptizat. O tu uirgo, si sponso huic seruas uirginitatem tuam, quare curris ad eum, qui dicit, Ego baptizo: cum amicus spōsi tui dicat, Hic est qui baptizat. Deinde sponsus tuus totum orbem tenet, quare tu in parte corrumpers? Quis est sponsus? Quoniam rex omnis terræ deus. Ipse sponsus tuus totum tenet, quia totum emit. Vide quanti emerit, ut intelligas quid emerit. Quod precium dedit? Sanguinem fudit. Vbi fudit sanguinem suum? In passione. Nōne sponso tuo cantas, aut cantare te fingis, quando emptus est totus orbis, Foderunt manus meas & pedes meos, dinumerauerunt omnia ossa mea: Ipsi uero considerauerunt & conspexerunt me, diuiserunt uestimenta mea, & super uestem meam miserunt sortem. Sponsa es, agnosce uestem sponsi tui. Super quam uestem missa est fors? Interroga euangelium. Vide cui desponsata sis, uide à quo arras accipias, interroga euangelium: uide quid tibi dicat in passione domini. Erat ibi tunic<sup>a</sup>. Videamus qualis, desuper texta. Desuper texta quid significat nisi charitatem? Desuper texta tunica, quid significat nisi unitatem? Hanc tunicam attende, quam nec persecutores Christi diuiserunt. Ait enim, Dixerunt inter se, Non diuidamus eam, sed sortem super eam mittamus. Ecce unde audistis psalmum, Vestem persecutores non consciderunt, Christiani ecclesiam diuidunt. Sed quid dicam fratres? Aperte uideamus quid egerit, Ibi enim emit, ibi precium dedit. Pro quanto dedit? Si pro Aphrica dedit, non simus Donatistæ, & non appellemur Donatistæ sed Christiani, quia Christus solam Aphricam emit, quanquam & hic non soli Donatistæ. Sed non tacuit in commercio suo quid emerit. Fecit tabulas, deo gratias, non nos sefellit: opus est ut audiat illa sponsa, & intelligat ibi cui uouerit uirginitatem. Ibi enim in ipso psalmo, ubi dictum est, Foderunt manus meas & pedes meos, dinumerauerunt omnia ossa mea: ubi passio domini apertissime declaratur: qui psalmus omni anno legitur nouissima hebdomada intento uniuerso populo, imminente passione Christi, & apud nos & apud illos psalmus iste legitur. Intendite fratres, quid ibi emit: recitentur tabulæ commerciales, quid ibi emit, audite, Commemorabuntur & conuertentur ad dominum, uniuersi fines terræ. Et adorabunt in conspectu eius, uniuersæ familie gentium: quoniam ipse est regnum, & ipse dominabitur gentium. Ecce quid emit, Ecce quoniam rex omnis terræ deus est sponsus tuus, quid ergo ad pannos uis deduci? Talem diuitem agnosce, totum emit, & tu dicis, partem hic habes. O placere sponso, o si non corrupta loquereris, & corrupto, quod peius est, corde, non corpore: amas hominē pro Christo, amas dicentem, Ego baptizo: amicum sponsi non audis dicentem, Hic est qui baptizat. Non audis dicentē, Qui habet sponsam sponsus est, ego non habeo sponsam dixit: sed quid sum? Amicus: amicus autem sponsi qui stat & audit eum, gaudio gaudet propter uocem sponsi. Euidenter ergo fratres mei, nihil prodest istis seruare uirginitatem, habere continentiam, eleemosynas dare: omnia illa quæ laudantur in ecclesia, nihil illis profunt, quia conscindunt unitatem, id est, tunicam illam charitatis. Quid faciunt? Diserti sunt multi inter illos, magnæ linguæ flumina linguarum, nunquid angelice eloquuntur? Audiant amicum sponsi zelantem sponso, nō sibi, Si linguis hominū loquar & angelorum, charitatem autē non habeam, factus sum uelut aramētum sonans aut cymbalū tinniens. Sed quid dicunt? Habemus baptismum. Habes, sed nō tuum. Aliud est habere, aliud dominari. Baptismū habes quia accepisti ut baptizatus sis. Accepisti tanquā illuminatus, si tamen à te non sit obrebratus.



**A** bratus: & quando das, minister das, non possessor: præco damas non iudex. Per præconem loquitur iudex, & in actis tamen non scribitur, præco dixit, sed iudex dixit. Proinde uide si tuum est quod das potestate. Si autem accepisti, confitere cum amico sponsi: non potest homo accipere quicquam, nisi datum fuerit ei de cælo. Confitere cum amico sponsi, Qui habet sponsam sponus est: amicus autem sponsi stat & audit eum. Sed o si stares & audires eum, & non caderes ut audires te. Audiendo enim eum stares, & audires: nam loqueris, & tibi caput inflas. Ego, inquit, ecclesia, si sponsa sum, si arras accepi, si precio sanguinis illius redempta sum, audio uocem sponsi: & uocem amici sponsi tunc audio, si sponso meo det gloriam, non sibi. Dicat amicus, Qui habet sponsam sponus est: amicus autem sponsi qui stat & audit eum, gaudio gaudet propter uocem sponsi. Ecce habes sacramenta, & ego concedo. Habes formam, sed sarmētum es de uite præcisum. Tu formam ostendis, ego radicem quero. De forma fructus non exit, nisi ubi est radix. Vbi autem est radix nisi in charitate? Et audi formam sacramentorum. Paulus loquitur, Si sciam, inquit, omnia sacramenta, & habeam 1. Cor. 13 omnem prophetiam & omnem fidem: & quantam fidem? ita ut montes transferam, charitatem autem non habeam, nihil sum. Nemo ergo uobis fabulas uendat: & Pontius fecit miraculum, & Donatus orauit, & respondit ei deus de cælo. Primo autem falluntur aut fallunt: Postremo fac illum montes transferre, charitatem autem, inquit, non habeam, nihil sum. Videamus utrum habuerit charitatem. Crederem, si non diuississet unitatem: nam & contra istos, ut sic loquar, mirabiliarios cautū me fecit deus meus, dicens, In nouissimis temporibus exurgēt pseudoprophetae, faciētes signa & portēta, ut inducant si fieri potest etiam electos: ecce prædixi uobis. Ergo cautos nos fecit sponus, qui & miraculis decipi non debemus. Aliquando enim & desertor terret prouincialem, sed utrum in castris sit, & aliquid illi profit character ille in quo signatus est, hoc attēdit qui terreri & seduci nō uult. Teneamus 1. q. 1. c. Teneamus ergo unitatem fratres mei: præter unitatem & qui facit miracula nihil est. In unitate enim erat populus Israël, & non faciebat miracula: præter unitatem erant magi Pharaonis, & faciebant similia Moyfi. Populus Israël, ut dixi, non faciebat miracula: qui erant salui apud deum, qui faciebant, an qui non faciebant? Petrus apostolus resuscitauit mortuum, Simon magus fecit multa. Erant ibi multi Christiani qui non poterant facere, nec quod faciebat Petrus, nec quod faciebat Simon. Sed unde gaudebant? Quia nomina eorū erant scripta in cælo. Nam & redeuntibus discipulis, dominus noster Iesus Christus propter fidem gentium hoc ait: dixerunt enim gloriātes ipsi discipuli, Ecce domine in nomine tuo etiā dæmonia nobis subiecta sunt. Bene quidem confessi sunt, detulerunt honorem nomini Christi: & tamen quid ait eis? Nolite in hoc gloriari, quia dæmonia uobis subiecta sunt: sed gaudete quia nomina uestra scripta sūt in cælo. Petrus dæmonia exclusit, nescio quæ anicula uidua, nescio quis homo qualiscunq; laicus habens charitatem, tenens integritatem fidei, nō facit hoc: Petrus in corpore oculus est, ille in corpore digitus, in eo tamen corpore est, in quo & Petrus: & si minus ualet digitus q̄ oculus, nō est tamen præcisus à corpore. Melius est esse digitum & esse in corpore, quā esse oculū & euelli de corpore. Proinde fratres mei, nemo uos fallat, nemo uos seducat, amate pacē Christi, qui pro uobis crucifixus est cū deus esset. Paulus dicit, Neq; qui plantat est aliquid, neq; qui rigat, sed qui incrementum dat deus. Et 1. Cor. 3 quisquam nostrum dicit quia aliquid est? Si dixerimus q̄ aliquid sumus, & nō illi gloriam dederimus, adulteri sumus, nos amari uolumus, non sponsum. Vos Christum diligite, & nos in illo, in quo & uos à nobis diligimini. Inuicem se diligant membra, sed omnia sub capite uiuant. Dolore quidem fratres mei multa coactus sum dicere, & pauca dixi: lectiorem tamen finire non potui, aderit dominus ut opportune finiatur. Nolui enim amplius onerare corda uestra, quæ uolo uacare gemitibus & orationibus, pro his qui adhuc surdi sunt & non intelligunt.

Ab eo quod scriptum est, Hoc ergo gaudium meū impletum est, illum oportet crescere, me autem minui, usq; ad id quod ait, Qui credit in filium, habet uitam æternam, qui autem incredulus est filio, non uidebit uitam, sed ira dei manet super eum.

## Tractatus XIII.

**L**ECTIO ista de sancto euangelio, excellentiam diuinitatis domini nostri Iesu Christi, & humilitatem hominis qui meruit dici amicus sponsi, nos docet ut distinguamus quid intersit inter hominem hominem, & hominem deum. Quia homo deus, dominus noster Iesus Christus, deus ante omnia secula: & homo in nostro seculo, deus de patre, homo de uirgine, unus tamen atq; idē dominus & saluator Iesus Christus, filius dei deus & homo. Ioannes uero excellentis gratiæ missus ante ipsum, illuminatus ab illo qui lumen est. De Ioanne enim dictum est, Non erat ille lumen, sed ut testimonium perhiberet de lumine. Potest quidē dici lumen, & bene dicitur & ipse lumen, sed illuminatū, non illuminans. Aliud est enim lumen quod illuminat, & aliud lumen quod illuminatur: nam & oculi nostri lumina dicuntur, & tamen in tenebris patent & nō uident. Lumen autem illuminans à seipso lumen est, & sibi lumen est, & non indiget alio lumine ut lucere possit, sed ipso indigent cætera ut luceant. Confessus est ergo Ioannes, sicut audistis, quia cum discipulos multos faceret Iesus, & perferretur ad eum ueluti ut instigaretur, quasi inuido enim narrauerūt, Ecce ille facit plures discipulos q̄ tu: ipse confessus est quid esset, & inde meruit ad ipsum pertinere, quia non est ausus se dicere quod est ille. Hoc ergo dixit Ioannes, Non potest homo accipere quicq̄, nisi datum illi fuerit de cælo. Ergo Christus dat, homo accipit. Ipsi uos mihi testimonium perhibetis q̄ dixerim, Ego non sum Christus, sed quia missus sum ante illum. Qui habet sponsam sponsus est: amicus autem sponsi qui stat & audit eum, gaudio gaudet propter uocem sponsi: non sibi gaudium fecit de se. Qui enim uult gaudere de se, tristis erit: qui autē de deo uult gaudere, semper gaudebit, quia deus sempiternus est. Vis habere gaudium sempiternum? Adhære illi qui sempiternus est. Talem se dixit Ioannes, propter uocem sponsi gaudet amicus sponsi, ait, non propter uocem suā, sed stat & audit eum. Si ergo cadit, nō audit eum: de illo enim quondam qui cecidit, dictū est, Et in ueritate non stetit, de diabolo dictum est, Ergo stare debet amicus sponsi & audire. Quid est stare? Permanere in gratia eius quam accepit, & audit uocem ad quam gaudet: sic erat Ioannes, nouerat unde gaudebat, non sibi arrogabat quod ipse non erat: sciebat illuminatum se, non illuminatorem. Erat autem lumen uerum, ait euangelista, quod illuminat omnem hominem uenientem in hunc mundum. Si ergo omnem, & ipsum Ioannem, quia & ipse de hominibus. Etenim quamuis nemo esurrexit maior Ioāne in natis mulierū, unus tamen & ipse ex his qui nati sunt ex mulieribus: nunquid comparāndus est ei, qui quia uoluit natus est? Et ideo nouo partu, quia nouus natus. Ambæ enim generationes domini inusitatae sunt, & diuina & humana. Diuina non habet matrem, humana non habet patrem. Ergo unus de cæteris Ioannes, sed tamen maioris gratiæ, ita ut in natis mulierum nemo exurrexit maior illo, tantam testificationem tribuit dñō nostro Iesu Christo, ut illum dicat sponsum, se amicum sponsi, non dignum tamen soluere corrigiam calciamenti ipsius. Hinc audiuit iam multa charitas uestra, quod sequitur uideamus, aliquātum enim spissum est ad intelligendum: sed quoniā dicit ipse Ioannes, quia non potest homo accipere quicq̄, nisi datum illi fuerit de cælo, quicquid non intellexerimus, rogemus eum qui dat de cælo, quia homines sumus, & non possumus accipere quicq̄, nisi ille dederit qui homo non est. Hoc ergo sequitur, & dicit Ioannes, Hoc ergo gaudium meum impletum est. Quod est gaudium ipsius? Ut gaudeat ad uocem sponsi. Impletum est in me, habeo gratiā meam, plus non mihi assumo, ne & quod accepi amittā. Quod est hoc gaudium? Gaudio gaudet propter uocem sponsi. Intelligat ergo homo non se gaudere debere de sapientia sua, sed de sapientia quam accepit à deo, Nihil plus quærat, nō amittit quod inuenit: multi enim ideo facti sunt insipientes, quia dixerunt se esse sapiētes. Arguit illos Apostolus, & dicit de ipsis. Quia



**A** Quia quod notum est dei, ait, manifestum est illis: deus enim illis manifestauit. De quibus Rom. 1  
 ingratissimis impijs, audite quid dicat: Deus enim illis manifestauit: Inuisibilia enim eius à crea-  
 tura mudi per ea quae facta sunt intellecta conspiciuntur, sempiterna quoque uirtus eius ac di-  
 uinitas, ut sint inexcusabiles. Quare inexcusabiles? Quia cognoscentes deum, non dixit, quia  
 non cognouerunt, sed quia cognoscentes deum, non sicut deum glorificauerunt aut gratias  
 egerunt, sed euauerunt in cogitationibus suis, & obscuratum est insipiens cor eorum: Dicen-  
 tes enim se esse sapientes, stulti facti sunt. Si enim deum cognouerant, simul cognouerant,  
 quia non eos fecerat sapientes nisi deus: Non ergo sibi tribuerent quod à se non habebant,  
 sed ei à quo acceperant. Non autem agendo gratias insipientes facti sunt: Ergo deus quod  
 dederat gratis, tulit ingratissimis. Noluit esse hoc Ioannes, gratus, esse uoluit. Confessus est acce-  
 pisse se, & gaudere se dixit propter uocem sponsi, & ait: Hoc ergo gaudium impletum est. Illum  
 oportet crescere, me autem minui. Quid est hoc? Illum oportet exaltari, me autem humili-  
 liari. Quomodo crescit Iesus? quomodo crescit deus? Perfectus non crescit. Deus autem non  
 crescit nec minuitur. Si enim crescit, perfectus non est: si minuitur, deus non est. Iesus autem  
 deus quomodo crescit? Si ad aetatem, quia dignatus est esse homo & fuit puer: & cum sit uer-  
 bum dei, infans in praesepe iacuit, & cum ipse matrem suam condiderit, lac infantiae de ma-  
 tre suxit. Quia creuit ergo Iesus aetate carnis, ideo forte dictum est: Illum autem oportet cre-  
 scere, me autem minui. Sed quare & hoc? Ioannes & Iesus quantum ad carnem pertinet, coae-  
 ui erant. Sex menses inter se habebant, & pariter creuerant, & si diutius ante mortem domi-  
 nus noster Iesus Christus uellet hic esse, & ipsum Ioanem hic secum esse, quomodo pariter  
 creuerant, ita pariter senescere poterant. Quare autem illum oportet crescere, me autem mi-  
 nuui? Primo, quia iam & dominus triginta annorum erat. Nunquid iuuenis si iam triginta  
 annorum sit adhuc crescit? Iam ab ipsa aetate uergere incipiunt homines, & declinare ad gra-  
 uiores aetatem, & inde ad senectutem. Sed & si pueri essent ambo, non diceret: illum opor-  
 tet crescere, me autem minui, sed diceret, simul nos oportet crescere: Nunc autem triginta an-  
 norum ille, triginta & ille: sex menses qui intererant, nullam distinguunt aetatem: Magis illud  
 inuenit lectio quam aspectio. Quid ergo est: illum oportet crescere, me autem minui? Ma-  
 gnum hoc sacramentum, intelligat charitas uestra: Antequam ueniret dominus Iesus, homines glo-  
 riabantur de se. Venit ille homo, ut minueretur hominis gloria, & augeret gloria dei. Etenim  
 uenit ille sine peccato, & inuenit omnes cum peccato. Si sic uenit ille ut dimitteret peccata,  
 deus largiatur, homo confiteatur: etenim confessio hominis, humilitas hominis: miseratio dei, alti-  
 tudo dei. Si ergo uenit ille dimittere homini peccata sua, agnoscat homo humilitatem suam, &  
 deus faciet misericordiam suam. Illi oportet crescere, me autem minui: hoc est, illi oportet dare, me  
 autem accipere: illi glorificari, me autem confiteri. Intelligat homo gradum suum, & confiteatur deo, & au-  
 diat Apostolum dicentem homini superbienti & elato, & extollere se uolenti. Quid autem habes  
 quod non accepisti? Si autem accepisti, quid gloriaris quasi non acceperis? Intelligat ergo  
 homo quia accepit, qui uolebat suum dicere quod non est eius, & minuatur. Bonum est enim  
 illi ut deus in illo glorificetur: ipse in se minuatur, ut in deo augeatur. Haec testimonia & haec  
 ueritatem etiam passionibus suis significauerunt Christus & Ioannes: Nam Ioannes capi-  
 te minuitur, Christus in cruce exaltatus est, ut & ibi appareret quid est, Illum oportet cresce-  
 re, me autem minui: hoc est: illum oportet exaltari, me autem humiliari. Deinde natus est  
 Christus cum iam inciperent crescere dies, natus est Ioannes quando coeperunt minui dies.  
 Attestata est ipsa creatura & ipsae passionibus, uerbis Ioannis dicentis: Illi oportet crescere, me  
 autem minui. Crescat ergo in nobis gloria dei, & minuat gloria nostra, ut in deo crescat & no-  
 stra. Hoc enim dicit Apostolus: hoc dicit scriptura sancta: Qui gloriatur, in domino gloriatur. In te uis  
 gloriari & crescere, sed malo tuo male crescis: qui enim male crescit, iuste minuitur. Crescat ergo  
 deus qui semper perfectus est, crescat in te. Quanto enim magis intelligis deum, & quanto magis  
 capis, uidetur in te crescere deus. Ipse autem non crescit, sed semper perfectus est. Intellige-  
 bas heri modicum, intelligis hodie amplius, intelliges cras multo amplius. Lumen ipsum dei  
 h crescit

1. Cor. 1  
 Hier. 9

crescit in te, ita ut uelut deus crescit, qui semper perfectus manet. Quēadmodū si curarentur  
 alicuius oculi ex pristina cæcitate, & inciperet uidere paululum lucis, & alia die plus uideret,  
 & tertia die amplius, uideretur illi lux crescere, & lux tamen perfecta est, siue ipse uideat, siue  
 non uideat: sic est & interior homo, proficit quidem in deo, & deus in illo uidetur crescere:  
 ipse tamen minuetur, ut à gloria sua decidat, & in gloria dei surgat. Et distincte iam & ma-  
 nifeste apparet quomodo audiamus: Qui desursum uenit, super omnes est.) Vide quid  
 dicat de Christo, quid de se. Qui est de terra, terra est, & de terra loquitur.) Qui desursum  
 uenit, super omnes est, Christus est: qui autem est de terra, terra est, & de terra loquitur, Io-  
 annes est. Et hoc est totum, Ioannes de terra est, & de terra loquitur. Totum testimonium  
 quod perhibet de Christo, de terra loquitur: Non uoces domini audiuntur à Ioanne, ubi te-  
 stimonium perhibet Christo: Quomodo ergo de terra loquitur? Sed de homine dicebat,  
 quantum ad ipsum Ioannem pertinet, de terra est & de terra loquitur. Si autem aliqua lo-  
 quitur diuina, illuminatus est à deo: nam si non esset illuminatus, terra terram loqueretur.  
 Ergo seorsum est gratia dei, seorsum est natura hominis. Modo natura hominis in terra na-  
 scitur, crescit, usitata ista hominum discit. Quid nouit, nisi terram de terra? Humana loquitur,  
 humana nouit, humana sapit. Carnalis carnaliter æstimat, carnaliter suspicatur. Ecce est to-  
 tus homo. Veniat gratia dei, illuminet tenebras illius sicut dicit: Tu illuminas lucernā meā,  
 domine deus meus illumina tenebras meas. Assumat mentē humanam, cōuertatur ad lucē  
 suam, quia incipit iam dicere quod Apostolus dicit: Non ego, sed gratia dei mecum: Et ui-  
 uo autem iam non ego, uiuit uero in me Christus, hoc est, illum oportet crescere, me autem  
 minui. Ergo Ioannes quod ad Ioannem pertinet: de terra est & de terra loquitur. Si quid di-  
 uinum audisti à Ioanne, illuminantis est, non recipientis. Qui de cælo uenit supra omnes  
 est, & quod uidit & audiuit hoc testificatur, & testimonium eius nemo accepit.) De cæ-  
 lo uenit, supra omnes est dominus noster Iesus Christus, de quo superius dictum est: Ne-  
 mo ascendit in cælum, nisi qui de cælo descendit, filius hominis qui est in cælo. Est autem su-  
 per omnes, & quod uidit & quod audiuit à patre hoc loquitur: Habet enim & patrem ipse  
 filius dei, habet & patrem & audiuit à patre: Et quod audiuit à patre quid est? quis hoc ex-  
 plicat? quando lingua mea, quando cor meum sufficere potest, uel cor ad intelligendum, uel  
 lingua ad proferendum? Quid est quod filius audiuit à patre? Forte filius uerbū patris au-  
 diuit, immo filius uerbum patris est. Videtis quemadmodum hic fatigetur omnis conatus  
 humanus. Videtis quemadmodum hic deficiat omnis coniectura pectoris nostri, & omnis  
 intentio mentis caligantis. Audio dicentem scripturam, quia ipse filius hoc loquitur, quod au-  
 diuit à patre. Et rursum audio dicentem scripturam, quia ipse filius uerbū patris est. In prin-  
 cipio erat uerbum, & uerbum erat apud deum, & deus erat uerbum. Nos loquimur uerba  
 uolantia & transeuntia: mox ut sonuerit ex ore tuo uerbum tuum, transit, peragit strepitū  
 suum & transit in silentium, nunquid potes sequi sonum tuum, & tenere ut stet? Cogitatio  
 tamen tua permanet, & de ipsa cogitatione permanente dicimus multa uerba transeuntia.  
 Quid dicimus fratres mei? Deus cum loqueretur adhibuit uocem, adhibuit sonos, adhibuit  
 syllabas? Si adhibuit ista, qua lingua locutus est? Hebræa, an Græca, an Latina? Ibi necessa-  
 riæ linguæ, ubi distinctio gentium: ubi autem nemo potest dicere, illa lingua uel illa lingua  
 locutum esse deum, cor tuum attende, quando concipis uerbum quod dicas. Dicam enim  
 si potero quod in nobis attendamus, non unde illud comprehendamus. Quando ergo con-  
 cipis uerbum quod proferas, rem uis dicere, & ipsa rei conceptio in corde tuo iam uerbum  
 est: nondum processit, sed iam natum est in corde, & manet ut procedat. Attēdis autem ad  
 quē procedat, & cū quo loquaris. Si Latinus est, uocem latinam quæris: Si Græcus est attē-  
 dis, uerba Græca meditaris: si Punicus est, attendis si nosti linguam Punicam. Pro diuersita-  
 te ergo auditorum diuersas linguas adhibes, ut proferas uerbum conceptum: Illud autem  
 quod in corde conceperas, nulla lingua tenebatur. Cū ergo deus loquens, linguam non quæ-  
 reret, & genus locutionis non assumeret, quomodo auditus est à filio, cum ipsum filium sic  
 locutus

Psal. 17

1. Cor. 15

Gal. 2



**A** locutus deus? Quomodo enim tu uerbum quod loqueris, in corde habes & apud te est, & ipsa conceptio spiritalis est: nam sicut anima tua spiritus est, ita & uerbum quod concepisti spiritus est: nondum enim accepit sonum ut per syllabas diuidatur, sed manet in conceptione cordis & in speculo mētis: sic deus addidit uerbum, hoc est genuit filium: Et tu quidem ex tempore gignis uerbum etiam in corde, deus sine tempore genuit filium per quem creauit omnia tempora. Cum uerbum dei filius sit, filius autem locutus est nobis, nō uerbum suum, sed uerbum patris, se nobis loqui uoluit, qui uerbum patris loquebatur. Hoc ergo quomodo decuit & oportuit, dixit Ioannes: quomodo potuimus nos exposuimus: cui ad cor nondum peruenit dignus de tanta re intellectus, habet quō se conuertat, habet quo pulset, habet à quo quærat, habet à quo petat, habet à quo accipiat. Qui de cœlo uenit supra omnes est, & quod uidit & audiuit, hoc testatur, & testimoniū eius nemo accepit. Si nemo, ut quid uenit? Quorundam enim nemo. Est quidam populus præparatus ad iram dei, damnandus cum diabolo: horum nemo accipit testimonium Christi. Nam si omnino nemo, nullus homo: Quid est quod sequitur. Qui autem accepit testimonium eius, signauit quia deus uerax est? Certe ergo nemo, si tu ipse dicis, qui accepit testimonium eius, signauit quia deus uerax est. Responderet ergo fortasse Ioannes interrogatus & diceret: Noui quid dixerim, nemo. Est enim quidam populus natus ad iram dei, & ad hoc præcognitus. Qui sint enim credituri, & qui non sint credituri, nouit deus. Qui sint perseveraturi in eo quod crediderunt, & qui sint lapsuri, nouit deus: & numerati sunt à deo omnes futuri in uitam æternam, & nouit iam illum populum distinctum. Et si ipse nouit & prophetis dedit nosse per spiritum suum, dedit & Ioanni. Attendebat ergo Ioannes, non oculo suo: nam quantum ad ipsum pertinet, terra est, de terra loquitur: sed in ea gratia spiritus, quā accepit à deo, & uidit quendam populum impium infidelem, attendens illum in infidelitate sua & ait: Testimonium eius qui uenit de cœlo, nemo accipit. Quorum nemo? Eorum qui ad sinistram futuri sunt: eorum quibus dicitur: *Ite in ignem æternum, qui præparatus est diabolo & angelis eius.* **B** Qui ergo accipiunt? Illi qui ad dexteram futuri sunt, illi quibus dicitur: *Venite benedicti patris mei, percipite regnum quod uobis paratum est ab origine mundi.* Attendit ergo in spiritu diuisionem, in genere autem humano cōmixtionem: Et quod nondum locis separatum est, separauit intellectu, separauit cordis aspectu, & uidit duos populos, fidelium & infidelium. Attendit infideles & ait: Qui de cœlo uenit super omnes est, & quod uidit & audiuit, hoc testatur, & testimonium eius nemo accipit. Deinde transtulit se à sinistra, aspexit ad dexteram, & secutus ait: Qui accepit testimonium eius, signauit quia deus uerax est. Quid est, signauit quia deus uerax est, nisi homo mendax est, & deus uerax est? Quia nemo hominum potest dicere quod ueritatis est, nisi illuminatus ab eo qui mentiri non potest. Deus ergo uerax, Christus autem deus. Vis probare? Accipe testimonium eius & inuenies. Qui enim accepit testimonium eius, signauit quia deus uerax est. Quis? Ipse qui de cœlo uenit & super omnes est, deus uerax est. Sed si nondum illum intelligis deum, nondum accepisti testimonium eius: Accipe & signa, præsumenter intelligis, definienter agnoscis, quia deus uerax est. Quē enim misit deus, uerba dei loquitur.) Ipse est deus uerax: Et misit illum deus. Deus misit deum. Iunge ambos, unus deus: deus uerax missus à deo. De singulis interroga, deus: & de ambobus interroga, deus. Deus, non singuli deus, & ambo dii, sed singulus quisque deus, & ambo deus. Tanta enim ibi est charitas spūs sancti, tanta pax unitatis, ut de singulis cū interrogatur, deus tibi respondeat. De trinitate cū interrogatur, deus tibi respondeatur. Si enim spiritus hominis quando inhæret deo, unus spiritus est, aperte Apostolo dicente: Qui adhæret domino unus spiritus est: quanto magis æqualis filius adhærens patri, simul cum illo unus deus est? Audite alterum testimoniū. Nostis quā multi crediderūt, quādo omnia quæ habebant ad pedes apostolorum uendita posuerunt, ut distribueretur unicuique sicut opus erat. Et de illa congregatione sanctorum quid dicit scriptura? *Erat illis anima una & cor unum in deum.* Si charitas de tot animabus fecit animā unam, & de tot cordi

Matth. 25

1. Cor. 6

A. 4

bus fecit cor unum: quanta est charitas inter patrem & filium? Maior utique potest esse quam in  
 ter illos homines quibus erat cor unum & anima una. Si ergo multorum fratrum cor unum  
 propter charitatem, & multorum fratrum anima una propter charitatem: deus pater & deus fi-  
 lius dicturus est, quia duo sunt. Si duo dii sunt, non est ibi summa charitas. Si enim hic tanta  
 charitas est, ut animam tuam & animam amici tui unam animam faciat, quomodo ibi non est unus  
 deus pater & filius? Absit ut hoc sentiat fides non ficta. Prorsus quantum excellat charitas illa,  
 hinc intelligite. Multae animae sunt multorum hominum, & si se diligunt, una anima est: sed  
 possunt dici & multae animae, possunt dici & in hominibus, quia non est tanta coniunctio.  
 Ibi autem unum deum licet dicas, duos aut tres deos non licet ut dicas. Hinc tibi commendatur su-  
 pereminentia & summitas charitatis tanta, ut maior illa esse non possit. Quae enim misit deus,  
 verba dei loquitur: Hoc utique de Christo dicebat, ut se ab illo distingueret. Quid enim ipsum  
 Ioannem, nonne deus misit? An non ipse dixit, missus sum ante eum, & qui me misit baptizare  
 in aqua? Et de illo dictum est: Ecce mitto angelum meum, qui praeparabit viam tuam ante te. Non-  
 ne & ipse verba dei loquitur, de quo etiam dictum est quod sit amplius quam propheta? Si ergo & ipsum  
 deus misit, & verba dei loquitur: quomodo ad distinctionem de Christo eum dixisse dicimus:  
 quem enim misit deus, verba dei loquitur. Sed uide quid adiungat: Non enim ad mensu-  
 ram dat deus spiritum. Quid est hoc: Non enim ad mensuram dat deus spiritum? Inue-  
 nimus quia ad mensuram dat deus spiritum. Audi Apostolum dicentem: Secundum mensuram do-  
 nationis Christi. Hominibus ad mensuram dat, unico filio non dat ad mensuram. Quomo-  
 do hominibus ad mensuram? Alij quidem datur per spiritum sermo sapientiae: alij sermo scie-  
 tia, secundum eundem spiritum: alij fides in eodem spiritu, alij prophetia, alij discretio spirituum,  
 alij genera linguarum, alij donatio curationum. Nunquid omnes apostoli? nunquid omnes  
 prophetae? nunquid omnes doctores? nunquid omnes uirtutes? nunquid omnes dona  
 habent sanitatum? nunquid omnes linguis loquuntur? nunquid omnes interpretantur? Aliud  
 habet iste, aliud ille: Et quod habet ille, non habet iste. Mensura est, diuisio quaedam dono-  
 rum est. Ergo hominibus ad mensuram datur, & concordia ibi unum corpus facit. Quo-  
 modo aliud accipit manus ut operetur, aliud oculus ut uideat, aliud auris ut audiat, aliud  
 pes ut ambulet, anima tamen una est quae agit omnia, in manu ut operetur, in pede ut am-  
 bulet, in aure ut audiat, in oculo ut uideat: sic sunt etiam diuersa dona fidelium tanquam mem-  
 bra, ad mensuram unicuique propriam distributa. Sed Christus qui dat, non ad mensuram  
 accepit. Audi enim adhuc quid sequitur, quia de filio dixerat: Non enim ad mensuram dat  
 deus spiritum. Pater diligit filium, & omnia dedit in manu eius. Et adiecit, omnia dedit  
 in manu eius, ut nosset & hic qua distinctione dictum sit, pater diligit filium. Quare enim  
 pater non diligit Ioannem? Et tamen non omnia dedit in manu eius. Pater non diligit Pau-  
 lum? Et tamen non omnia dedit in manu eius. Pater diligit filium, sed quomodo pater filium,  
 non quomodo dominus seruum: quomodo unicum, non quomodo adoptatum. Itaque omnia de-  
 dit in manu eius. Quid est omnia? Ut tantus sit filius, quantus est pater. Ad aequalitatem  
 enim sibi genuit eum, cui rapina non esset in forma dei esse aequalem deo. Pater diligit filium,  
 & omnia dedit in manu eius. Ergo cum ad nos pater dignatus est mittere filium, non pute-  
 mus aliquid minus nobis missum quam est pater. Pater mittens filium, se alterum misit. Namque  
 putantes adhuc discipuli, quia pater aliquid maius est quam filius, uidentes carnem & non in-  
 telligentes diuinitatem, dixerunt ei: Domine ostende nobis patrem, & sufficit nobis, tanquam si di-  
 cerent: Iam nouimus te, benedicimus te, quia nouimus te. Gratias enim tibi agimus, quia  
 ostendisti te nobis, sed patrem nondum nouimus: Propterea cor nostrum ardet, & sarragit  
 concupiscentia quadam sancta uidendi patris tui qui te misit. Ipsum nobis ostende, & ni-  
 hil amplius a te desiderabimus: sufficit enim nobis cum ille fuerit demonstratus, quo  
 maior esse nemo potest. Bona concupiscentia, bonum desiderium, sed paruus intellectus. At-  
 tendens enim ipse dominus Iesus, paruos magna quærentes, & seipsum magnum inter paruos, par-  
 uum inter paruos, ait Philippo qui hoc dixerat uni ex discipulis: Tanto tempore uobiscum  
 sum,



**A** sum, & non cognouistis me, Philippe: Posset hic Philippus respondere: cognouimus te. Sed nunquid diximus tibi, ostende nobis te: Te cognouimus, sed patrem querimus. Subiecit statim: Qui me uidet, uidet & patrem. Qui ergo æqualis patri missus est, ne eum æstimemus ex infirmitate carnis: sed cogitemus maiestatem indutam carne, non oppressam carne. Manens enim deus apud patrem, apud homines factus est homo, ut tu per illum qui apud te factus est homo, fieres talis qualis caput deum: non enim homo potest capere deum. Videre poterat homo hominem, capere deum non poterat. Unde non poterat capere deum: Quia oculum cordis unde caperet non habebat. Erat ergo aliquid intus saucium, & aliquid foris sanum. Corporis oculos habebat sanos, cordis habebat saucios. Factus est ille homo ad corporis oculum, ut credens in eum qui uideri corporaliter potuit, curreres ad eum ipsum uidendum, quem spiritualiter uidere non poteras. Tanto tempore uobiscum sum, & non cognouistis me: Philippe, qui me uidet, uidet & patrem. Quare illi non illum uidebant: Ecce uidebant illum, & patrem non uidebant. Videbant carnem, sed maiestas latebat. Quod uidebant discipuli qui amauerunt, uiderunt & Iudæi qui crucifixerunt. Intus ergo erat totus ille, & sic intus in carne, ut apud patrem maneret: non enim deseruit patrem, quando uenit ad carnem. Carnalis cogitatio non capit quod dico. Differat intellectum, & incipiat a fide. Audiat quod sequitur: Qui credit in filium, habet uitam æternam: qui autem incredulus est filio, non uidebit uitam, sed ira dei manet super eum. Non dixit, ira dei ueniet ad eum, sed ira dei manet super eum. Omnes qui nascuntur mortales, habent secum iram dei. Quam iram dei: Quam excepit primus homo Adam. Si enim peccauit primus homo, & audiuit, morte morieris: factus est mortalis ille, & cepimus nasci mortales, cum ira dei nati sumus. Venit inde filius non habens peccatum, & indutus est carne, indutus mortalitate, & si ille nobiscum communicauit iram dei, nos pigri sumus cum illo communicare gratiam dei: Qui ergo non uult credere in filium, ira dei manet super eum. Quæ ira: De qua dicit *Aplūs*: Fuimus enim & nos natura filij iræ sicut & ceteri. Omnes ergo filij iræ, quia de male *Eph. 2* dicto mortis uenientes. Crede in Christum, factum propter te mortalem, ut illum capias immortalē: quando enim ceperis eius immortalitatem, nec tu eris mortalis. Viuebat, moriebaris: mortuus est ut uiuas. Attulit gratiam dei, abstulit iram dei. Deus bibit mortem, ne mors biberet hominem.

Ab eo loco ubi ait: Ut ergo cognouit Iesus quia audierunt pharisæi, quia Iesus plures discipulos facit, usque ad id quod ait: Et mulieri dicebant, quia non iam per tuam loquelam credimus, ipsi enim & audiuius & scimus, quia hic est uere saluator mundi:

Tractatus

xv



**N**OTVM est, non rude est auribus charitatis uestræ, euangelistam Ioannem uelut *Cap. III* aquilam uolare altius, caliginemque terræ transcendere, & lucem ueritatis firmioribus oculis intueri. Multa enim iam ex euangelio eius per mysterium nostrum domino ad iuuante tractata sunt. Ex ordine autem sequitur hæc lectio, quæ hodie recitata est. Ea quæ dicturus sum domino donante sic audituri estis, ut magis recognoscatis quam discatis. Non ideo tamen pigra debet esse intentio, quia non est cognitio sed recognitio. Hoc lectum est, & hanc lectionem tractandam suscepimus, gestamus in manibus quod dominus Iesus ad puteum Iacob loquebatur cum Samaritana muliere. Dicta enim ibi sunt magna mysteria, & magnarum similitudines rerum, pascētes animam esurientem, reficientes languentem. Dominus autem hæc cum audisset cognouisse pharisæos quod plures discipulos faceret quam Ioannes, & plures baptizaret, quam Iesus non baptizaret, sed discipuli eius, reliquit Iudæam terram, & abiit iterum in Galilæam. Hinc diutius disputandum non est, ne immorantes in manifestis, angustias temporis patiamur ad obscura tractanda & aperienda. Vtique dominus si sciret pharisæos ita de se cognouisse, quod plures discipulos faceret, & quod plures baptizaret: ut hoc eis ad salutem ualeret sequendi eum, ut & ipsi essent discipuli, & ipsi uellent ab eo baptizari: magis non relinqueret Iudæam terram, sed propter illos maneret ibi. Quia uero cognouit eorum scientiam, simul cognouit & inuidentiam, quia non hoc propterea didicerunt ut sequerentur, sed ut persequerentur, abiit inde: Poterat quidem ille & præsens ab his non teneri, si nolleret: non occidi, si nolleret, quia poterat & non nasci, si nolleret. Sed quia

in omni re quā gessit ut homo, hominibus in se credituris praebebat exemplū: quia unusquisque  
 seruus dei nō peccat si secesserit in aliū locū, uidēs furorē forte persequētū se, aut quārētū in  
 malū animā suā. Videre autē sibi seruus dei peccare si faceret, nisi in faciēdo dñs praecepsisset.  
 Fecit hoc ille magister bonus ut doceret, nō q̄ timeret. Fortassis etiā hoc moueat, cur dictū  
 sit: Baptizabat Iesus plures q̄ Ioānes: & postea q̄ dictū est, baptizabat, subsecutū est, Quā  
 q̄ Iesus nō baptizabat, sed discipuli eius. Quid ergo falsum dictū erat & correctū est, cū ad  
 ditū est: Quāq̄ Iesus nō baptizabat, sed discipuli eius? An utrūq̄ uerū est, quia & Iesus bap  
 tizabat, & nō baptizabat? Baptizabat enim, quia ipse mūdabat: nō baptizabat, quia non  
 ipse tingeat. Præbebāt discipuli ministeriū corporis, praebebat ille adiutorium maiestatis.  
 Quādo enim cessaret à baptizando, quādo nō cessat à mūdando? De quo dictū est ab eo  
 dem Ioanne, p̄ Ioannis baptistæ personā dicentis: Hic est qui baptizat. Ergo Iesus adhuc  
 baptizat, & quousq̄ baptizandi sumus, Iesus baptizat. Securus homo accedat ad inferiorē  
 ministrum: habet enim superiorē magistrum: sed forte ait aliquis: Baptizat quidē Christus  
 in spū, nō in corpore: quasi uero alterius dono q̄ illius quisq̄ etiā sacramēto corporalis & ui  
 sibilis baptismatis imbuat. Vis nosse quia ipse baptizabat, non solū spū, sed etiā aqua? Au  
 di Apostolū: Sicut Christus, inquit, dilexit ecclesiā suā, & seipsum tradidit pro ea, mundans  
 eam lauacro aquæ in uerbo, ut exhiberet ipse sibi gloriosam ecclesiā, nō habentē maculam,  
 aut rugam, aut aliquid huiusmodi. Mūdans eam: Vnde? Lauacro aquæ in uerbo. Quid est  
 baptismus Christi? Lauacrū aquæ in uerbo. Tolle aquā, nō est baptismus: tolle uerbū, &  
 nō est baptismus. Iam ergo his peractis, per quæ peruenit ad colloquētiā cū illa muliere, ui  
 deamus quæ restant plena mysterijs, & grauida sacramētis. Oportebat autē, inquit, eū trāsi  
 re per Samariā. Venit ergo in ciuitatē Samariæ quæ dicitur Sichar, iuxta prædium quod de  
 dit Iacob filio suo Ioseph. Erat autē ibi fons Iacob.) Puteus erat: Sed omnis puteus fons,  
 nō omnis fons puteus. Vbi enim aqua de terra manat, & usui præbet haurientibus, fons di  
 citur: sed si in promptu & superficie sit, fons tantū dicitur: si autē in alto & profundo sit, ita puteus  
 uocatur, ut fontis nomē nō amittat. Iesus ergo fatigatus ex itinere, sedebat sic sup̄ fontem:  
 Hora erat quasi sexta.) Iam incipiunt mysteria. Nō enim frustra fatigat Iesus, nō enim fru  
 stra fatigat uirtus dei, nō enim frustra fatigatur, per quē fatigati recreant: non enim frustra  
 fatigatur, quo deferente fatigamur, quo præsentē firmamur. Fatigatur tamē Iesus, & fatigat  
 ab itinere, & sedet: & iuxta puteū sedet, & hora sexta fatigatus sedet. Omnia ista innuunt ali  
 quid, & indicare uolūt aliquid, intentos faciūt, ut pulsemus hortant. Ipse ergo aperiat & no  
 bis & uobis, qui dignatus est ita hortari ut diceret: Pulsate & aperietur uobis. Tibi fatigatus  
 est ab itinere Iesus. Inuenimus uirtutē Iesum, & inuenimus infirmū Iesum, fortem & infir  
 mum. Fortē, quia in principio erat uerbū, & uerbū erat apud deū, & deus erat uerbum: hoc  
 erat in principio apud deū. Vis uidere q̄ iste filius dei fortis sit? Omnia p̄ ipsum facta sunt,  
 & sine ipso factū est nihil, & sine labore facta sunt. Sed quid ergo illo fortius, per quē sine la  
 bore facta sunt omnia? Infirmū uis nosse? Verbū caro factū est, & habitauit in nobis. Forti  
 tudo Christi te creauit, infirmitas Christi te recreauit. Fortitudo Christi fecit, ut qd' nō erat  
 esset: infirmitas Christi fecit, ut quod erat nō periret. Condidit nos fortitudine sua, quasi uic  
 nos infirmitate sua: nutrit ergo ipse infirmus infirmos, tanq̄ gallina pullos suos, huic enim  
 se similē fecit: Quotiēs uolui, inquit ad Hierusalē, cōgregare filios tuos sub alas, tanq̄ galli  
 na pullos suos, & nolui. Videtis autē fratres, quēadmodum gallina infirmet in pullis suis:  
 nulla enim alia auis q̄ sit mater agnoscat. Videmus nidificare passerēs quoslibet ante ocu  
 los nostros, hirūdines, ciconias, colūbas quotidie uidemus nidificare, quos nisi quādo in ni  
 dis uideamus, parentes esse nō agnoscimus: gallina uero sic infirmatur in pullis suis, ut etiā  
 si ipsi pulli nō sequantur, filios nō uideas, matrē tñ intelligas, ita sit alis demissis, plumis hispi  
 da, uoce rauca, om̄ibus mēbris demissa & abiecta: ut quēadmodū dixi, & si etiam filios non  
 uideas, matrē tamen intelligas. Sic ergo infirmus Iesus fatigatus ab itinere: Iter ipsius est ca  
 ro pro nobis assumpta. Quomodo enim iter habet qui ubiq̄ est, qui nusq̄ deest? Quod it  
 aut

6. pul. 3. hom. quā

Matth. 7

Matth. 23



**A** aut unde it, nisi quia non ad nos ueniret, nisi formam uisibilis carnis assumeret? Quia ergo uenire ad nos eo modo dignatus est, ut in forma serui, assumpta carne appareret, ipsa carnis assumptio est iter ipsius. Ideo fatigatus ab itinere, quid est aliud quam fatigatus in carne? Infirmus in carne Iesus, sed noli tu infirmari. In illius infirmitate tu fortis esto: quia quod infirmum est dei, fortius est hominibus. Sub hac rerum imagine, Adam qui erat forma futuri, præbuit nobis magnum iudiciū sacramenti, imò deus in illo præbuit. Nam & dormiēs meruit accipere uxorem, & de costa eius facta est uxor: quoniam de Christo in cruce dormiente, futura erat ecclesia de latere eius, de latere scilicet dormientis: quia de latere in cruce pendente, lancea percussio, sacramēta ecclesiæ profluxerunt. Sed quare hoc dicere uolui fratres? Quia infirmitas Christi nos facit fortes. Magna ibi imago præcessit, Potuit deus carnē detrahēre hominī unde faceret scēminā, & magis uidet̃ quasi cōgruere potuisse: fiebat em̃ sexus infirmior, & magis de carne infirmitas fieri debuit, q̃ de osse, ossa enim in carne firmiora sunt: non detraxit carnem unde faceret mulierem, sed detraxit os, & detracto osse formata est mulier, & in locum ossis caro adimpleta est. Poterat pro osse os facere, poterat ad faciendam mulierem non costam, sed carnem detrahēre. Quid igitur significauit? Facta est mulier in costa tanq̃ fortis: factus est Adā in carne tanq̃ infirmus. Christus est & ecclesia. Illius infirmitas nostra est fortitudo. Quare ergo hora sexta? Quia ætate seculi sexta. Computa in Euangelio tanquam unam horam, unā ætatem ab Adam usq̃ ad Noë: secundam à Noë usq̃ ad Abraam; tertiam ab Abraam usq̃ ad Dauid: quartam à Dauid usq̃ ad transmigratiōē Babylonīæ: quintam à transmigratiōe Babylonīæ usq̃ ad baptisum Ioannis. Inde sexta agitur. Quid miraris? Venit Iesus, & humiliādo se uenit, ad puteū fatigatus uenit, qui infirmā carnē portauit. Hora sexta, quia ætate seculi sexta. Ad puteū, quia ad profunditatē huius habitationis nostræ. Vnde dicit̃ in psalmis, De profundis clamaui ad te dñe. Sedit, ut dixi, quia humilis uenit. Et uenit mulier) Forma ecclesiæ, non iam iustificatæ sed iustificandæ, nam hoc agit sermo. Venit ignara, inuenit eum, & agitur cum illa. Videamus, Quid uideamus? Venit mulier de Samaria haurire aquam. Samaritani ad Iudæorum gentem non pertinebant, alienigenæ fuerunt, quamuis uicinas terras incolerent. Longum est originem Samaritanorum retexere, ne nos multa teneant, & necessaria non loquamur: sufficit ergo ut Samaritanos inter alienigenas deputemus: & ne hoc audacius me arbitremini dixisse quā uerius, audite ipsum dominum Iesum, quid dixerit de illo Samaritano, uno de decem leprosis quos munda uerat, qui solus rediit ut gratias ageret, Nonne decem mundati sunt, & nouem ubi sunt? Non erat alius qui rediret & daret gloriam deo, nisi alienigena iste. Pertinet ad imaginem rei, q̃ ab alienigenis uenit ista mulier, quæ typum gerebat ecclesiæ: uentura enim erat ecclesia de gētibz, alienigena de genere Iudæorum. Audiamus ergo in illa nos, & in illa cognoscamus nos, & in illa gratias deo agamus p nobis. Illa enim figura erat, non ueritas: quia & ipsa præmisit figuram, & facta est ueritas. Nam credidit in eum, qui de illa figuram nobis prætendebat. Venit ergo haurire aquam: Simpliciter uenerat haurire aquam, sicut solent uel uiri uel scēminæ. Dicit ei Iesus, Da mihi bibere. Discipuli enim eius abierant in ciuitatem ut cibos emerent. Dicit ergo ei mulier illa Samaritana, Quomodo tu Iudæus cum sis, bibere à me possis quæ sum mulier Samaritana? Nō enim contutur Iudæi Samaritanis.) Videtis alienigenam, omnino uasculis eorū Iudæi non utebantur. Et quia ferebat secum mulier uasculū unde aquā hauriret, eò mirata est, quia Iudæus petebat ab ea bibere, quod nō solebant facere Iudæi. Ille aut̃ qui bibere quærebat, si dē ipsius mulieris sitiebat. Deniq̃ audi, quis petat bibere. Respondit Iesus & dixit ei, Si scires donū dei, & quis est q̃ dicit tibi, da mihi bibere, tu forsitan petisses ab eo, & dedisset tibi aquam uiuam.) Petit bibere, & promittit bibere. Eget quasi accepturus, & affluit tanquam satiaturus. Si scires, inquit, donum dei. Donum dei est spiritus sanctus. Sed adhuc mulieri recte loquitur, & paulatim intrat in cor. Fortassis iam docet, quid enim ista hortatione suauius & benignius? Si scires donū dei, & si scires quis est qui dicit tibi, da mihi bibere, tu pete

de sexbris, hinc ætatis  
cor. caput: quod h. h. h. h.  
a. h. h. h. h. h. h. h. h. h.

Psalm. 129

Luc. 17

res, & daret tibi aquā uiuam. Hucusq; suspendit. Viua aqua dicitur uulgo, illa quæ de fonte exit: Illa enim quæ colligitur de pluuia in lacunas aut cisternas, aqua uiua nō dicitur: Et si de fonte manauerit, & in loco aliquo collecta steterit, nec ad se illud unde manabat admiserit, sed interrupto meatu, tanq̃ à fontis tramite separata fuerit, non dicitur aqua uiua: Sed illa aqua uiua dicitur, quæ manans excipitur. Talis aqua erat in illo fonte. Quid ergo promittebat quod petebat? Tamē mulier suspēsa. Ait: Dñe, neq; in quo haurias aquā habes, & puteus altus est.) Vide quomodo intellexerit aquā uiuam, aquā scilicet quæ erat in illo fonte. Tu mihi uis dare aquā uiuam, & ego fero unde hauriam, & tu nō fers. Aqua uiua hic est, quomodo mihi daturus es? Aliud intelligens & carnaliter sapiens quodāmodo pulset, ut aperiat mandata. Dicit aliquid euidentius dñs de illa aqua uiua: Dixerat enim mulier: Nunquid tu maior es patre nostro Iacob, qui dedit nobis puteū, & ipse ex eo bibit, & filij eius & pecora eius? De hac aqua uiua dare mihi non potes, quoniā hauritoriū nō habes, forte aliū fontem promittis: Patre nostro melior potes esse, qui hūc puteū fodit, & ipse cū suis usus est eo? Dñs ergo dicat, quid dixerit aquā uiuam. Respondit Iesus & dixit ei: Omnis qui biberit ex aqua hac, sitiet iterum: qui autem biberit ex aqua quā ego dabo ei, non sitiet in æternū: sed aqua quam ego dabo ei, fiet in eo fons aquæ salientis in uitam æternā.) Apertius locutus est dñs, fiet in eo fons aquæ salientis in uitā æternā. Qui biberit de aqua ista, nō sitiet iterum. Quid euidentius, quia non aquam uisibilem, sed inuisibilem promittebat? Quid euidentius, quia nō carnaliter, sed spiritaliter loquebatur? Adhuc tamen illa mulier carnē sapit, delectata est non sitire, & putabat hoc secundum carnem promissum sibi esse à domino: quod quidē fiet, sed in resurrectione mortuorum: Iam hoc uolebat illa. Dederat enim deus aliquādo seruo suo Helix, ut per quadraginta dies nec esuriret nec sitiret. Qui hoc potuit dare per quadraginta dies, non potuit dare semper: Sperabat enim illa, nolens indigere, nolens laborare, assidue uenire ad illum fontem, onerari pondere, quo indigentia suppleretur, & finito quod hauserat, rursus redire cogebatur: & quotidianus ei fuit iste labor, quia indigentia illa reficiebatur, non exinguebatur. Delectata ergo tali munere, rogabat ut ei aquā uiuam daret. Verūtamen non prætereamus, quoniā dñs spiritale aliquid promittit. Quid est, qui biberit de aqua hac sitiet iterū? Et uerū est secundū hanc aquā: Et uerū est secundum q̃ significat illa aqua. Etenim aqua in puteo, uoluptas seculi est in profunditate tenebrosa. Hic eam hauriunt homines hydria cupiditatum. Cupiditatē quippe proni submitunt, ut ad uoluptatem haustam de profundo perueniant, & fruuntur uoluptate præcedente & præmissa cupiditate: nam qui non præmiserit cupiditatē, peruenire nō potest ad uoluptatē. Potest ergo hydriam cupiditatē, & aquā de profundo uoluptatē. Cū peruenierit quisq; ad uoluptatē seculi huius, cibus est, potus est, lauacrū est, spectaculū est, cōcubitus est: Nūquid non iterū sitiet? Ergo de hac aqua qui biberit, iterū, inquit, sitiet. Si autē acceperit à me aquā, non sitiet in æternum. Satiabimur, inquit, in bonis domus tuæ. De qua ergo aqua daturus est, nisi de illa aqua, de qua dictum est: Apud te est fons uitæ. Nam quomodo sitient qui inebriantur ab ubertate domus tuæ? Promittebat ergo saginam quandam & satietatem spiritus sancti, & illa nondū intelligebat: Et non intelligens, quid respondebat? Dicit ad eum mulier: Dñe, da mihi hanc aquam ut non sitiam, neq; ueniam huc haurire.) Ad laborem indigentia cogebat, & laborē infirmitas recusabat. Vtinā audiret: Venite ad me omnes qui laboratis & onerati estis, & ego uos reficiā. Hoc enim ei dicebat Iesus ut non laboraret, sed illa nondum intelligebat. Deniq; uolens ut intelligeret: Dicit ei Iesus: Vade uoca uirum tuum & ueni huc.) Quid est: uoca uirum tuum? Per uirū suū ei uolebat aquam illam dare, an quia non intelligebat, per uirū suū eā uolebat docere: Forte quomodo ait Ap̃lus de mulieribus: Si quid autē uolūt discere, domi uiros suos interrogent. Sed ibi dicitur, domi uiros suos interrogent, ubi non est Iesus qui doceat. Deniq; dicit mulieribus quas prohibebat Apostolus loqui in ecclesia: cū uero ipse dñs aderat, & præsens præsentī loquebat, qd opus erat

psal. 64

psal. 55

Matth. 11

1. Cor. 14



**A** erat ut per uirum eius ei loqueretur: Nūquid per uirū suum loquebatur Mariæ sedenti ad Luc. 10  
pedes suos & excipienti uerbum suum, quādo Martha circa multū ministeriū, etiā de soror-  
ris felicitate occupatissima murmurauit: Ergo fratres mei, audiamus & intelligamus quod  
ait dñs: uoca uirum tuum, mulier. Forte enim & animæ nostræ dicit: uoca uirū tuū. Quæra-  
mus & de uiro animæ: Cur iam nō ipse Iesus uir animæ uerus est? Assit intellectus, quoniā  
quod dicturi sumus uix capitur nisi ab intentis. Assit ergo intellectus ut capiat, & ipse intel-  
lectus erit fortasse uir animæ. Videns ergo Iesus quia mulier nō intelligebat, & uolens eam  
intelligere: Voca, inquit, uirum tuū: ideo enim nescis quod dico, quia intellectus tuus nō ad-  
est. Loquor ego secundū spīritū, tu audis secundū carnem. Quæ loquor, nec ad uoluptatem  
auriū pertinent, nec ad oculos, nec ad olfactū, nec ad gustū, nec ad tactū. Mente sola capiun-  
tur, intellectu solo hauriuntur. Ille intellectus nō tibi adest, quomodo capis quod dico? Vo-  
ca uirū tuū, præsentia intellectū tuū. Quid est enim animā habere? Nō est magnum, nam &  
pecus habet. Vnde tu melior? Quia intellectū habes, quod pecus nō habet. Quid est ergo?  
Voca uirū tuū? Nō me capis, non me intelligis. De dono dei tibi loquor, tu autem secundū  
carnē cogitas, secundū carnē sitire nō uis, ego spīritū alloquor: absens est intellectus tuus, uo-  
ca uirū tuū. Nolite fieri sicut equus & mulus, quibus nō est intellectus. Ergo fratres mei, ani- Psalm. 31  
mam habere & intellectū nō habere: hoc est nō adhibere, nec secundū eū uiuere, bestialis est  
uita. Est enim in nobis quiddā bestiale quo in carne uiuimus, sed intellectu regendū est. Mo-  
tus em̄ animæ secundū carnē se mouētis, & in delicias carnales immoderate diffluere cupiē-  
tis, regit desuper intellectus. Qui debet dici uir, qui regit, an qui regitur? Proculdubio cū ordi-  
nata uita est, intellectus animā regit, ad ipsam animā pertinens: Nō enim aliquid aliud est  
q̄ anima, sed aliquid animæ est intellectus: quomodo nō aliquid aliud q̄ caro est oculus,  
sed aliquid carnis est oculus. Cū autē aliquid carnis sit oculus: cetera tamen membra carna-  
lia luce perfundi possunt, lucem sentire nō possunt, solus ea oculus & perfundit & perfuit:  
**B** sic in anima nostra quiddā est quod intellectus uocat. Hoc ipsum animæ quod intellectus  
& mens dicitur, illuminatur luce superiore. Iam superior illa lux qua mens humana illumi-  
natur, deus est: erat enim uerum lumen, quod illuminat omnem hominē uenientem in hūc  
mundum. Talis lux Christus erat, talis lux cum muliere loquebatur, & in illa intellectus nō  
aderat, qui illa luce illuminaretur, nec tantum perfunderetur, uerūetiam frueretur. Ergo do-  
minus tanq̄ diceret, illustrare uolo, & non adest quem: Voca, inquit, uirum tuū, adhibe in-  
tellectum per quem docearis, quo regaris. Ergo constitue animam excepto intellectu tanq̄  
fœminam: intellectum autem habere tanq̄ uirū. Sed iste uir non bene regit fœminam suā,  
nisi cum à superiore regitur, caput enim mulieris uir: caput autem uiri Christus. Loqueba-  
tur caput uiri cum fœmina, & non erat uir. Et tanq̄ diceret dominus: Adhibe caput tuum,  
ut ille suscipiat caput suum: ergo uoca uirum tuum & ueni huc: id est, adesto, præsens esto:  
uelut enim absens es, dum non intelligis præsentis uocem ueritatis. Præsens esto, sed noli  
sola, cum uiro tuo adesto. Et adhuc illa nondum aduocato illo uiro non intelligit: adhuc car-  
nem sapit, absens est enim uir. Non habeo, inquit, uirum. Et dominus sequitur, & myste-  
ria loquitur. Intelligas reuera istam mulierem non habuisse tunc uirum, sed utebatur nescio  
quo non legitimo uiro, adultero magis quā uiro. Et dominus ei: Bene dixisti, quia non  
habeo uirum. Vnde ergo tu dixisti: uoca uirum tuum? Et audi, quia bene nouit dominus  
eam non habere uirum: dicit ei & c. ne forte putaret mulier ideo dixisse dominum: Bene di-  
xisti, quia non habeo uirum excepto intellectu, tanq̄ fœminam, quod hoc à muliere didice-  
rit, non quod ipse istud diuinitate cognouerit, audi aliquid quod nō dixisti: Quinq̄ enim  
uiros habuisti, & istum quem habes, non est uir tuus. Hoc uere dixisti. Iterū cogit de istis  
quinq̄ uiris subtilius aliquid perscrutari. Multi quippe intellexerunt, non quidem absurde,  
nec usq̄quaq̄ improbabiler, quinq̄ uiros mulieris huius, qnq̄ libros Moyse: utebant em̄  
eis Samaritani, & sub eadem lege erant: nam inde illis & circumcisio inerat. Sed quoniam  
angustat nos quod sequitur: Et nunc quem habes, non est uir tuus, uidet mihi facilius nos  
posse

posse accipere quinque viros priores animæ, quinque sensus corporis esse. Quando enim quisque nascitur antequam uti posset mente atque ratione, non regitur nisi sensibus carnis. Anima in puero paruo, quod audit, quod uidetur, quod olet, quod sapit, quod tactu sentitur, hoc appetit aut fugit. Appetit quicquid mulcet, fugit quicquid offendit. Hos enim quinque sensus mulcet uoluptas, offendit dolor. Secundum hos quinque sensus tantum quinque viros, prius uiuit anima, quia istis regitur. Quare autem uiri dicti sunt? Quia legitimi. A deo quippe facti, & à deo donati animæ. Infirma est adhuc quæ istis quinque sensibus regitur, & sub istis quinque uiris agit. At ubi uenerit ad annos exercendæ rationis, si eam susceperit optima disciplina & doctrina sapientiæ, quinque illis uiris ad regendum non succedit, nisi uir uerus legitimus & illis melior, & qui melius regat, & qui ad æternitatem regat, ad æternitatem excolat, ad æternitatem instruat: nam isti quinque sensus non ad æternitatem nos regunt, sed ad ista temporalia uel appetenda uel fugienda. Vbi uero intellectus sapientiæ imbutus regere coeperit animam, scit iam non solum fugere foueam, & ambulare in æquali quod oculi ostendunt animæ infirmæ: nec tantum canoras uoces suauiter audire, dissonasque repellere: uel blandis odoribus delectari, putresque respuere: aut dulcedine capi, & amaritudine offendi: aut lenibus mulceri, & asperis lædi. Ista enim omnia infirmæ animæ sunt necessaria. Quid ergo regiminis adhibere per illum intellectum? Non alba & nigra discreturus est, sed iusta & iniusta, bona & mala, utilia & inutilia, castitatem & impudicitiam, hanc & illam, illam ut amet, istam ut uitet: charitatem & odium, ut diligat charitatem & uitet odium, in hac ut sit, in illa ut non sit. Hic uir quinque illis uiris in ista muliere non successerat. Vbi enim non succedit ille, error dominatur: nam cum coeperit anima capax esse rationis, aut à sapiente mente regitur, aut ab errore: sed error non regit sed perdit. Post istos ergo quinque sensus mulier illa adhuc errabat, & error eam uentilabat. Error autem iste non erat legitimus uir, sed adulter: Ideo ei dominus ait: Bene dixisti, quia non habeo uirum. Quinque enim uiros habuisti: quinque te sensus carnis primo rexerunt, uenisti ad ætatem utendæ rationis, nec ad sapientiam peruenisti, sed in errorem incidisti. Ergo post illos quinque uiros iste quem habes, non est tuus uir. Et quid erat si uir non erat nisi adulter? Vocæ, inquit. Vocæ itaque, non adulterum, sed uirum tuum, ut intellectu me capias, non errore de me aliquid falsum sapias: adhuc enim errabat mulier quæ aquam illam cogitabat, cum iam dominus de spiritu sancto loqueretur. Quare errabat, nisi quia adulterum, non uirum habebat? Tolle ergo hinc istum adulterum qui te corrumpit, & uade uoca uirum tuum: Voca & ueni, ut intelligas me. Dicit ei mulier: Domine ut uideo, propheta es tu. Tunc coepit uenire uir, nondum plene uenit: prophetam dominum putabat. Erat quidem & propheta, nam de seipso ait: Non est propheta sine honore, nisi in patria sua. Item de illo dictum est ad Moysen: Prophetam eis suscitabo de fratribus corum similem tui: Similem scilicet ad formam carnis, non ad eminentiam maiestatis. Ergo inuenimus dominum Iesum dictum prophetam. Proinde iam non multum errat mulier ista: Video, inquit, quia propheta es tu. Incipit uocare uirum, adulterum excludere: uideo quia propheta es tu, & incipit querere quod illam solet mouere. Contentio quippe fuerat inter Samaritanos & Iudæos, quia Iudæi in templo à Salomone ædificato adorabant deum: Samaritani longe inde positi non in eo adorabant. Et eo Iudæi meliores se esse iactabant, quia in templo adorabant deum: Non enim contumuntur Iudæi Samaritanis, quia dicebant eis: Quomodo uos iactatis, & ideo uos meliores nobis esse perhibetis, quia templum habetis quod nos non habemus? Nunquid patres nostri qui deo placuerunt, in illo templo adorauerunt? Nonne in monte isto adorauerunt ubi nos sumus? Melius ergo nos, inquiunt, in hoc monte deum rogamus, ubi patres nostri adorauerunt. Contendebant utique ignari, quia uirum non habentes, illi pro templo, illi pro monte inflabantur aduersus inuicem: Dominus tamen modo quid docet mulierem, tantum cuius uir coeperat præsens esse. Dicit ei mulier: Domine uideo quia propheta es tu: Patres nostri in monte hoc adorauerunt, & uos dicitis quia Hierosolymis adorare oportet. Dicit ei Iesus: Mulier crede mihi. Veniet enim ecclesia, sicut dictum est in Canticis canticorum, ueniet & pertransiet.

Ab ini



**A** Ab initio fidei ueniet ut pertranseat, & pertransire nō potest nisi ab initio fidei. Merito etiā præsente uiro audit mulier: crede mihi. Iam enim est in te qui credat, quia præsens est uir tuus. Cœpisti adesse intellectu, quando me prophetam appellasti. Mulier crede mihi, quia nī *Esaiæ. 7* si credideritis non intelligetis. Ergo mulier crede mihi: Quia ueniet hora, quando neq; in monte hoc, neque in Hierosolymis adorabitis patrem. Vos adoratis quod nescitis, nos adoramus quod scimus, quia salus ex Iudæis est. Sed ueniet hora: quando? Et nunc est. Quæ ergo hora? Quando ueri adoratores adorabunt patrem in spiritu & ueritate.) Nō in monte isto, non in templo, sed in spiritu & ueritate. Nam & pater tales quærit qui adorēt eū.) Quare pater tales quærit qui adorent eum, non in monte, non in templo, sed in spiritu & ueritate? Spiritus est deus.) Si corpus esset deus, oportebat eum adorari in monte, quia corporeus est mons: Oportebat eum adorari in templo, quia corporeum est templum. Spiritus est deus: Et eos qui adorant eum, in spiritu & ueritate oportet adorare.) Audiuius & manifestū est, foras eramus, intrō missi sumus. O si inuenirem, dicebas, montem aliquē altū & solitariū: credo enim quia in alto est deus, magis me exaudiet ex alto. Quia in monte es, propinquum te deo putas, & cito te exaudiri, quasi de proximo clamantem. In excelsis *Psal. 137* habitat, sed humilia respicit. Propè est dominus: quibus? Forte altis, his qui obtriuerūt cor. Mira res est, & in altis habitat, & humilibus propinquat. Humilia respicit, excelsa autem à longe cognoscit. Superbos longe uidet, eo illis minus propinquat, quo sibi uidētur altiores. Quærebamus ergo montem, descende ut attingas: sed si ascendere uis, ascende: noli montem quærere: Ascensus, inquit, in corde eius: Hoc psalmus dicit, in conualle plorationis. Conual- *Psal. 83* lis humilitatem habet: ergo intus age totum. Et si forte quæris aliquem locum altum, aliquē locum sanctum, intus exhibe te templum deo, Templum enim dei sanctum est quod estis *1. Cor. 3* uos. In templo uis orare, in te ora. Sed prius esto templum dei, quia ille in templo suo exaudiet orantem. Veniet ergo hora & nunc est, quando ueri adoratores adorabunt patrem in spiritu & ueritate. Nos adoramus quod scimus: uos adoratis quod nescitis, quoniam sa- *Eph. 2* lus ex Iudæis est. Multum dedit Iudæis: sed noli istos reprobos accipere. Parietem illum accipe cui adiunctus est alius: ut pacati in lapide angulari quod est Christus, copularentur. Unus enim paries à Iudæis, unus à gentibus, longe à se isti parietes, sed donec in angulo coniungantur. Alienigenæ autem hospites erant, & peregrini à testamento dei. Secundum hoc ergo dictum est: Nos adoramus quod scimus. Ex persona quidem Iudæorum dictum est, sed non omnium Iudæorum: non reproborum Iudæorum, sed de quibus fuerāt Apostoli, quales fuerunt prophætæ, quales fuerunt illi omnes sancti, qui omnia sua uendiderunt, & precium rerum suarum ad pedes apostolorum posuerunt. Non enim repulit deus plebem suam quam præsciuit. Audiuit enim hoc mulier ista, & addidit: Iam dudum prophetam dixerat. Vidit talia dicere eum cum quo loquebatur, quæ iam plus essent ad prophetam. Et quid respondit, uidete. Dicit ei mulier: Scio quia Messias ueniet qui dicitur Christus. Cum ergo uenerit ille, omnia nobis demonstrabit.) Quid est hoc? Modo ergo de templo contempto contendunt Iudæi, & nos de monte contendimus. Cum ille uenerit, & montem contemnet, & templum euertet, & docebit nos ista omnia, ut in spiritu & ueritate nouerimus adorare. Sciebat quis eam posset docere, sed iam docentem nondum agnoscebat. Iam enim digna erat cui manifestaretur. Messias autem unctus est, unctus Græce Christus est, Hebraice Messias est: unde & Punice, Messe dicitur unge, cognatæ quippe sunt linguæ istæ & uicinæ, Hebraica, Punica & Syra. Ergo dicit ei mulier: Scio quia Messias ueniet qui dicitur Christus. Cum ergo uenerit ille nobis annunciabit omnia. Dicit ei Iesus: Ego sum qui loquor tecum.) Vocauit ergo uirum suum. Factus est uir eius caput mulieris, *1. Cor. 11* factus est Christus caput uiri. Iam mulier ordinatur in fide, & regitur bene uictura. Posteaquàm audiuit hoc: Ego sum qui loquor tecum: iam ultra quid diceret, quando Christus dominus manifestare se uoluit mulieri cui dixerat: Crede mihi? Et continuo uenerunt discipuli eius, & mirabantur quia cum muliere loquebatur: quia quærebat perdi-

tam

tam, qui uenerat quærere quod perierat. Hoc enim illi mirabantur, bonum enim mirabantur, non malum suspicabantur. Nemo tamen ei dixit, quid quæris, aut quid loqueris cum ea? Reliquit ergo mulier hydriam suam.) Mulier audito: Ego sum qui loquor tecum, & recepto in cor Christo domino, quid faceret nisi iam hydriam dimitteret & euangelizare curreret? Proiecit cupiditatem, & properauit annunciare ueritatem. Discant qui uolunt euangelizare, & proijciant hydriam ad puteum. Recordamini quid superius dixerim de hydria, uas erat unde aqua hauriebatur, Græco nomine appellatur hydria, quoniam Græce hydor aqua dicitur, tanquam si aquarium diceretur. Proiecit ergo hydriam suam, quæ iam non usui sed oneri fuit: auida quippe desiderabat aqua illa satiari, ut nuntiaret Christum onere abiecto: Currit ad ciuitatem & dicit illis hominibus: Venite & uidete hominem qui mihi dixit omnia quæcunque feci.) Pedetentim ne illi quasi irascerentur & persequerentur: Venite & uidete hominem, qui dixit mihi omnia quæcunque feci. Nunquid non ipse est Christus? Exierunt de ciuitate & ueniebant ad eum. Et rogabant eum discipuli dicentes: Rabbi manduca.) Ierant enim emere cibos & uenerant. Ille autem dixit: Ego habeo cibum manducare quem uos non scitis. Dicebant ergo discipuli adinuicem: Nunquid aliquis attulit ei manducare?) Quid mirum si mulier illa non intelligebat aquam? Ecce discipuli non intelligunt escam. Audiuit autem cogitationes illorum, & iam instruit ut magister, non per circumitum, sicut & illam cuius adhuc uirum requirebat, sed iam aperte. Meus, inquit, cibus est, ut faciam uoluntatem eius qui misit me.) Ergo & potus ipse erat in illa muliere, ut faceret uoluntatem eius qui miserat eum: Ideo dicebat, sitio, da mihi bibere, scilicet ut fidem in ea operaretur, & fidem eius biberet, & eam in corpus suum tranjeret, corpus enim eius ecclesia: Ipse est ergo, inquit, cibus meus, ut faciam uoluntatem eius qui me misit. Nōne uos dicitis quia adhuc quatuor menses sunt & messis uenit?) In opus feruebat, & operarios mittere disponebat. Vos quatuor menses computatis ad messem, ego uobis aliam messem albam & paratam ostendo. Ecce dico uobis: Leuate oculos uestros & uidete, quia iam albæ sunt regiones ad messem.) Ergo messores missurus est. In hoc enim uerbum uerum, quia alius est qui metit, alius est qui seminat, ut & qui seminat simul gaudeat & qui metit. Ego misi uos metere, quod uos nō laborastis: Alij laborauerant, & uos in laborem eorum introistis.) Quid ergo? Messores misit, non seminatores. Quō messores? Vbi iam ali j laborauerunt. Nam ubi iam laboratum erat, utique seminatum erat, & quod seminatum erat, iam maturum erat factum, falcem & trituram desiderabat. Quō ergo erant messores mittendi? Vbi iam prophetae prædicauerant, ipsi enim seminatores. Nam si ipsi non seminatores, unde ad illam mulierem peruenerat? Scio quia Messias ueniet: Iam ista mulier fructus maturus erat, & erāt albæ messes & falcem quærebant. Misi uos quoque metere quod non seminastis. Alij seminauerunt, & uos in labores eorum introistis. Qui laborauerunt? Ipse Abraam, Isaac, Iacob. Legite labores eorum. In omnibus laboribus eorum prophetia Christi, & ideo seminatores. Moyses & ceteri patriarchæ & omnes prophetae quanta pertulerunt in illo frigore quando seminabant? Ergo iam in Iudæa messis parata erat. Merito ibi tanquam matura seges fuit, quando tot hominum milia precia rerum suarum afferebant, & ad pedes apostolorum ponentes, expeditis humeris à sarcinis secularibus, Christum dominum sequebantur: Vere matura messis. Quid inde factum est? De ipsa messe eiecta sunt pauca grana, & seminauerunt orbem terrarum, & surgit alia messis quæ in fine seculi metenda est. De ista messe dicitur: Qui seminant in lachrymis, in gaudio metent. Ad istam ergo messem, non apostoli sed angeli mittentur. Messores, inquit, angeli sunt. Ista ergo messis crescit inter zizania, & expectat purgari in fine. Illa uero messis iam matura erat, quō prius missi sunt discipuli, ubi prophetae laborauerunt. Sed tamen fratres uidete quid dictum sit: Simul gaudeat, & qui seminat & qui metit. Disparis temporis labores habuerunt apostoli & prophetae, sed gaudio pariter perfruentur, mercedem simul accepturi sunt uitam æternam. Ex ciuitate autem illa multi crediderunt in eum Samaritani propter sermonem eius, non propter uerbum mulieris testimonium perhibentis, quia

A. 4.

Psalm. 125

Matth. 13



**A** quia dixit mihi omnia quaecumque feci. Cum uenissent autem ad eum Samaritani, rogauerunt ut apud eos maneret, & mansit ibi duos dies. Et multo plures crediderunt propter sermonem eius. Et mulieri dicebant, quia non propter tuam loquelam credimus, ipsi enim nos audiimus & scimus, quia hic est uere saluator mundi.) Et hoc paululum animaduertendum est, quia lectio terminata est. Mulier primum nunciauit, & ad mulieris testimonium crediderunt Samaritani, & rogauerunt eum ut apud eos maneret, & mansit ibi biduo, & plures crediderunt, & cum credidissent, dicebant mulieri, Non iam propter uerbum tuum credimus, sed ipsi cognouimus & scimus, quia est uere hic saluator mundi: primo per famam, postea per praesentiam. Sic agitur hodie cum eis qui foris sunt & nondum sunt Christiani, Christus nunciatur per Christianos amicos, tanquam illa muliere, hoc est, ecclesia annunciat: ad Christum ueniunt, credunt per istam famam, manet apud eos biduo, hoc est, dat illis duo praecepta charitatis, & multo plures & firmitus in eum credunt, quoniam uere ipse est saluator mundi.

Ab eo loco ubi ait, Post duos autem dies exiit inde & abiit in Galilaeam, usque ad id quod ait, Quia illa hora erat in qua dixit ei Iesus, filius tuus uiuit, & credidit ipse & domus eius tota.

Tractatus xvi.

**M**ODERNA euangelica lectio, hesterni diei sequitur lectionem, quae nobis proponitur ad disputandum. In qua quidem sensus non sunt inuestigatione difficiles, sed digni praedicatione, digni admiratione & laudatione. Proinde locum istum euangelij cum commendatione commemoremus, potiusque cum difficultate tractemus, Abiit enim Iesus post biduum) quod fecerat in Samaria, In Galilaeam,) ubi nutritus erat. Secutus autem euangelista, ait, Ipse enim Iesus testimonium perhibuit, quia propheta in patria sua honorem non habet.) Non propterea post biduum discessit Iesus de Samaria, quia honorem in Samaria non habebat: non enim Samaria patria ipsius erat, sed Galilaea. Cum ergo istam deseruisset tam cito, & ad Galilaeam uenisset ubi nutritus erat, quomodo attestatur, Quia propheta in patria sua honorem non habet, magis uidetur attestari potuisse, quia propheta in patria sua honorem non haberet, si contemneret pergere in Galilaeam, & in Samaria remansisset? Intendat ergo charitas uestra insinuatam nobis non modicum sacramentum, suggerente domino & donante quod loquar. Quaestionem propositam cognouistis, solutionem eius exquirite. Sed repetamus propositionem, ut solutionem desiderabilem faciamus. Mouit nos cur euangelista dixerit, Ipse enim Iesus testimonium perhibuit, quod propheta in patria sua honorem non habet. Hoc permoti retexamus uerba superiora, ut inueniamus, cur hoc euangelista dicere uoluerit, & inuenimus superiora uerba eius ita narratis, quoniam post biduum profectus est de Samaria in Galilaeam. Propter hoc ergo dixisti o euangelista testimonium perhibuisse Iesum, quod propheta in patria sua honorem non haberet, quia post biduum reliquit Samariam, & properauit uenire in Galilaeam? Immo uero quasi uideor mihi congruentius intelligere, quia si honorem in patria sua Christus non haberet, non ad eam relicta Samaria festinaret: sed, nisi fallor, immo quia uerum est & non fallor, melius enim quam ego uidit euangelista quid diceret, melius me ueritatem uidebat, qui eam de pectore domini bibebat. Ipse est enim Ioannes euangelista, qui inter omnes discipulos super pectus domini discubebat, & quem dominus charitatem debens omnibus, tamen praeter ceteris diligebat. Ergo ille falleretur, & ego recte sentirem? Immo si pie sapio, obedienter audiam quod dixit, ut merear sentire quod sensit. Accipite itaque charissimi, quid hic sentiam sine praediuicio, si uos melius aliquid senseritis: magistram enim unum omnes habemus, & in una schola condiscipuli sumus. Hoc ergo sentio, & uidete si non aut uerum est, aut propinquat ueritati quod sentio. In Samaria biduum fecit, & crediderunt in eum Samaritani: tot dies in Galilaea fecit, & non in eum crediderunt Galilaei. Retexite uel recolite memoria hesterni diei & lectionem & sermonem. Venit in Samariam, ubi eum primum mulier illa praedicauerat, cum qua ad puteum Iacob locutus erat magna mysteria, eo uiso Samaritani & audito crediderunt in eum propter uerbum mulieris, & firmitus crediderunt propter uerbum eius, & plures crediderunt, sicut scriptum est ibi, facto biduo.

Ioan. 15

i Quo

Quo numero dierum mystice commēdatus est duorum numerus præceptorum, in quibus duobus præceptis tota lex pendet & propheta, sicut hesterno die nos commendasse meministis. Pergit in Galilæam, & uenit in ciuitatē Chana Galilææ, ubi de aqua uinum fecit.) Ibi autē quando aquā in uinum cōuertit, sicut scribit ipse Ioānes, crediderunt in eū discipuli eius, & utiq; plena erat domus turbis conuiuātium. Factū est tam magnum miraculum, & nō in eū crediderunt nisi discipuli eius. Hanc ciuitatē Galilææ modo repetiuit. Ecce quidā regulus cuius filius infirmabatur, uenit ad eum, & rogare cōcepit ut descēderet,) ad illā ciuitatem uel domum, Et sanaret filium eius, incipiebat enim, inquit, mori.) Qui rogabat nō credebatur. Quid à me expectas audire? Dominū interroga quid de illo senserit. Rogatus enim talia respondit, Nisi signa & prodigia uideritis nō creditis.) Arguit hominem in fide tepidum, aut frigidum, aut omnino nullius fidei, sed tentare cupiētem de sanitate filij sui qualis esset Christus, & quis esset, quantū posset. Verba enim rogātis audimus, cor diffidētis non uidemus: sed ille pronunciauit, qui & uerba audiuit & cor inspexit. Deniq; & ipse euāgelista testimonio narrationis suæ ostendit, quia nondū crediderat, qui uenire ad domum suā dominum cupiebat ad sanādum filium eius. Nam posteaq; ei nunciātū est sanum esse filium eius, & inuenit ea hora sanatum, Qua hora dominus dixerat, uade filius tuus uiuit, & credidit, inquit, ipse & domus eius tota.) Si ergo propterea credidit ipse & domus eius tota, quia nunciatur filius eius sanus, & cōparauit horā nunciantiū horæ prænunciantis, quando rogabat, nōdum credebatur. Samaritani nullum signum expectauerant, uerbo eius tantummodo crediderant: ciues autem eius audire meruerūt, Nisi signa & prodigia uideritis, non creditis, & ibi tamen facto tanto miraculo, nō credidit nisi ipse & domus eius. Ad solum sermonem crediderunt plures Samaritani, ad illud miraculum sola illa domus credidit, ubi factum est. Quid igitur fratres, quid nobis commendat dominus? Tunc Galilæa Iudææ patria erat domini, quia ibi nutritus est: nunc uero quia portendit aliquid res illa, nō enim sine causa dicta sunt prodigia, nisi quia aliquid portendunt: prodigium enim appellatum est quasi porrodictum, q; porro dicat, porro significet, & aliquid futurum esse portendat. Quia ergo aliquid illa omnia portēdebant, aliquid illa omnia prædicabant, faciamus modo nos patriam domini nostri Iesu Christi secundū carnem: non enim habuit patriam in terra, nisi secundū carnem, quā accepit in terra. Faciamus ergo patriam domini populū Iudæorum. Ecce in patria sua honorem nō habet. Modo attende Iudæorum turbas, attende iam gentem illam dispersam toto orbe terrarum, & euulsam radicibus suis, attende ramos fractos, cōscissos, dispersos, aridos, quibus fractis inferi meruit oleaster. Vide turbā Iudæorū, quid dicit modo? Quem colitis, quem adoratis, frater noster erat. Et nos respondeamus, propheta in patria sua honorem nō habet. Deniq; illi ambulātem dominū Iesum in terra, facientemq; miracula, cæcos illuminātem, surdis aures aperientem, mutorum ora soluentem, paraliticorum membra restringētem, super mare ambulātem, uentis imperātem & fluctibus, mortuos suscitātem, tanta signa facientē uiderunt, & uix inde pauci crediderūt. Populo dei loquor. Tā multi credidimus, quæ signa uidimus? Illud ergo quod factū est tunc, hoc quod nunc agitur portēdebat. Iudæi fuerūt uel sunt similes Galilæis, nos similes illis Samaritanis. Euangelium audiuius, euangelium credidimus, euangelio cōsensimus, per euangelium in Christum credidimus, nulla signa uidimus, nulla exigimus. Quamuis enim unus ex duodecim electis & sanctis, tamen Istraēlita fuit de gente scilicet dñi, Thomas ille qui in loca uulnere digitos cupiebat mittere, sic eū arguit dñs quomodo istū regulum. Huic dixit, Nisi signa & prodigia uideritis nō creditis: illi autem dixit, Quia uidisti, credidisti. Ad Galilæos uenerat post Samaritanos, qui sermoni eius crediderūt, apud quos nulla miracula fecerat, quos firmos in fide securus cito dimiserat, quia diuinitatis præsentia nō dimiserat. Ergo qñ dicebat dñs Thomæ, Veni mitte manum tuā, & noli esse incredulus sed fidelis, & cū ille exclamaret tactis uulnerū locis, & diceret, Dñs meus & deus meus: increpatur & dicitur ei, Quia uidisti credidisti. Quare? Nisi quia propheta in patria sua honorem non habet. Quia uero apud alienigenas



- A** alienigenas propheta iste honorem habet, quid sequitur? Beati qui non uiderunt & crediderunt. Prædicti sumus nos, & quod dñs ante laudauit, & in nobis implere dignatus est. Viderunt qui crucifixerunt, palpauerunt, & sic pauci crediderunt: nos nō uidimus, nō contrectauimus, audiuius, credidimus, fiat in nobis, perficiatur in nobis beatitudo quā promissit & hic, quia patriæ ipsius prælati sumus, & in futuro seculo, quia pro ramis fractis inserti sumus. Hos enim ramos se fracturū esse monstrabat, & hunc oleastrum inserturū, quando commotus Centurionis fide, qui ei dixit, Non sum dignus ut sub tectum meum intres, sed tantum dic uerbo, & sanabitur puer meus: nam & ego homo sum sub potestate cōstitutus habens sub me milites, & dico huic, uade & uadit: & alio, ueni & uenit: & seruo meo, fac hoc & facit. Cōuersus ad eos qui se sequebātur, dixit, Amen dico uobis, non inueni tantā fidē in Israël. Quare non inuenit tantā fidem in Israël? Quia propheta in patria sua honorē non habet. Nunquid nō & illi Centurioni poterat dicere dñs, quod dixerat huic regulo, Vade, puer tuus uiuit. Videte distinctionem, regulus iste dominū ad domum suā descendere cupiebat: ille Cēturio indignū se esse dicebat. Illi dicebatur, Ego uenio & curabo eū: huic dictum est, Vade filius tuus uiuit. Illi præsentiam suā promittebat, hunc uerbo sanabat. Iste tamen præsentiam suā extorquebat, ille se præsentia eius indignum esse dicebat: huic succēsum est elationi, illi cōsensum est humilitati, tanq̃ huic diceret, Vade filius tuus uiuit, noli mihi tædium facere, Nisi signa & prodigia uideritis, nō creditis. Præsentiam meā uis in domo tua, possum & uerbo iubere. Noli tu de signis credere, Centurio alienigena credidit me uerbo posse facere, & anteq̃ facerem credidit, uos nisi signa & prodigia uideritis, nō creditis. Ergo si ita est, frangātur supbi rami, humilis inseratur oleaster: manet tamen radix, illis præcis, istis receptis. Vbi manet radix? In patriarchis. Etenim patria Christi populus Israël, quia ex eis uenit secundū carnem. Sed huius arboris radix, Abraam, Isaac, & Iacob, patriarchæ sancti. Et ubi sunt isti? In requie apud deū in honore magno, ut in Abraæ sinu iustus ille pauper post corporis exitū leuaretur, & in Abraæ sinu de longinquo à superbo diuite uideretur. Ergo radix manet, radix laudatur, sed rami superbi & præcidi & arescere meruerunt: oleaster autē humilis illorū præcisione inuenit locū. Audi ergo quēadmodum præciantur rami naturales, quēadmodū inseratur oleaster ex ipso Cēturione, quē propter comparationem huius reguli cōmemorandum putauī. Amen, inquit, dico uobis, nō inueni tantā fidem in Israël. Propterea dico uobis, quia multi ab oriēte & occidēte uenient. Quā latā terram occupauerat oleaster. Amara sylua, mūdus hic fuit. Sed propter humilitatē, nō sum dignus ut intres sub tectum meū. Multi ab oriente & occidēte uenient. Et puta quia ueniēt, quid de illis fiet? Si enim ueniēt, iam præcisi sunt de sylua, ubi inserēdi sunt ne arescāt? Et recūbent, inquit, cū Abraam & Isaac & Iacob. In quo cōuiuio? Ne forte nō inuites ad semper uiuendum, sed ad multū uiuendū, recumbent cū Abraam & Isaac & Iacob. Vbi? In regno, inquit, cœlorum. Et quid erit de illis qui uenerūt de stirpe Abraæ? Quid sit de ramis quibus arbor plena erat? Quid, nisi quia præcidētur, ut isti inserātur? Doce quia præcidētur: audi, Filij autem, inqt, regni ibunt in tenebras exteriores. Habeat ergo apud nos honorē propheta, quia non habuit honorē in patria sua. Non habuit honorē in patria, in qua cōditus est: habeat honorē in patria quā condidit. In illa enim cōditus est cōditor omnium, conditus in illa est secundū formam serui: nā ipsam ciuitatē in quā conditus est, ipsam Sion, ipsam Iudæorum gentem, ipsam Hierusalem, ipse cōdidit cum esset apud patrē uerbum dei: omnia enim per ipsum facta sunt, & sine ipso factū est nihil. De illo ergo homine de q̃ & hodie audiuius, unus mediator dei & hominum homo Christus Iesus, etiā psalmus prælocutus est, dicens, Mater Sion dicet homo. Quidā mediator dei & hominū, homo mater Sion, dicet, Quare mater Sion dicet? Quia inde accepit carnem, inde uirgo Maria, de cuius utero forma serui suscepta est, in qua dignatus est apparere humillimus. Mater Sion dicet homo, & homo iste qui dicit mater Sion, factus est in ea, homo factus est in ea. Nā deus erat ante eā, & homo factus est in ea. Qui homo factus est in ea, ipse fundauit eā altissimus, nō humillimus.

Matth. 8

Psal. 86

Homo factus est in ea humillimus, quia uerbum caro factum est, & habitauit in nobis. Ipse fundauit eam altissimus, quia in principio erat uerbum, & uerbum erat apud deum, & deus erat uerbum: omnia per ipsum facta sunt. Quia uero condidit istam patriam, hic habeat honorem. Repulit eum patria in qua natus est: suscipiat eum patria, quam regenerauit.

Ab eo quod scriptum est, Post haec erat dies festus Iudaeorum, & ascendit Iesus Hierosolymam, usque ad id quod ait, Quarebant eum Iudaei interficere, quia non solum soluebat sabbatum, sed & patrem suum dicebat deum, & aequalem se faciens deo.

## Tractatus XVII.

Cap. V



**M**IRUM non esse debet à deo factum miraculum: mirum enim esset si homo fecisset. Magis gaudere quam mirari debemus, quia dominus noster & saluator Iesus Christus homo factus est, quam quod diuina inter homines deus fecit. Plus est enim ad salutem nostram quod factus est propter homines, quam quod fecit inter homines: & plus est quod uitia sanauit animarum nostrarum, quam quod sanauit languores corporum mortuorum. Sed quia ipsa anima nec cum nouerat à quo sananda erat, & oculos habebat in carne unde facta corporalia uideret, nondum habebat sanos in corde, unde deum latentem cognosceret, fecit quod uideri poterat, ut sanaretur unde uideri non poterat. Ingressus est locum ubi iacebat magna multitudo languentium, caecorum, claudorum, aridorum, & cum esset medicus & animarum & corporum, & qui uenisset sanare omnes animas credentium, de illis languentibus unum elegit quem sanaret, ut unitatem significaret. Sed mediocri corde, & quasi humano captu & ingenio consideremus facientem, & quod ad potestatem pertinet, non magnum aliquid perfecit, & quod ad benignitatem, parum fecit. Tot iacebant, & unus curatus est, cum posset uno uerbo omnes erigere. Quid ergo intelligendum est, nisi quia potestas illa, & benignitas illa magis agebat, quid animae in factis eius pro salute sempiterna intelligerent, quam quid pro temporali salute corpora mereretur? Corporum enim salus quae uera expectatur à domino, erit in fine in resurrectione mortuorum: tunc quod uiuet, non morietur: tunc quod sanabitur, non aegrotabit: tunc quod satiabitur, non esuriat neque sitiet: tunc quod renouabitur non ueterascet: nunc uero in illis factis domini & saluatoris nostri Iesu Christi, & caecorum aperti oculi, morte clausi sunt, & paralyticorum membra constricta, morte dissoluta sunt, & quicquid sanatum est temporaliter in membris mortalibus, in fine defecit. Anima uero quae credidit, ad uitam aeternam transitum fecit. Animae ergo crediturae cuius peccata dimittere uenerat, ad cuius languores sanandos se humiliauerat, de hoc languore sanato magnum signum dedit. Cuius rei & cuius signi profundum sacramentum, quantum dominus donare dignatur, attendentibus uobis & oratio adiuuantibus infirmitatem nostram, loquar ut potero. Quicquid autem non possum, supplebit in uobis ipse, quo adiuuante facio quod possum. De hac piscina quae quinque porticibus cingebatur, in quibus iacebat magna multitudo languentium, assidue nos tractasse memini, & rem dicturus sum, quam mecum plures recognoscantur: & qui nouerant, confirmetur. Proinde tanquam nota breuiter perstringenda sunt, non otiose inculcanda. Piscina illa & aqua illa, populum mihi uidetur significare Iudaeorum. Significari enim nomine aquarum populum, aperte nobis indicat Apocalypsis Ioannis, ubi ei cum ostenderetur aquae multae, & interrogasset quid essent, responsum accepit, populum esse. Aqua ergo illa, id est, populus ille quinque libris Moyse, tanquam quinque porticibus claudebatur. Sed illi libri prodebant languidos, nec sanabant: lex enim peccatores conuincebat, non soluebat. Ideo littera sine gratia reos faciebat, quos confitentes gratia liberabat. Nam hoc dicit Apostolus, Si enim data esset lex quae posset uiuificare, omnino ex lege esset iustitia. Quare ergo data est lex? sequitur & dixit, Sed conclusit scriptura omnia sub peccato, ut promissio ex fide Iesu Christi daretur credentibus. Quid euidentius? Nonne uerba haec exposuerunt nobis & quinque porticus, & languentium multitudinem? Quinque porticus lex est. Quare quinque porticus non sanabant languentes? Quia si data esset lex quae posset uiuificare, omnino ex lege esset iustitia. Quare ergo continebant, quos non sanabant? Quia conclusit scriptura omnia sub peccato, ut promissio ex fide

ais, credentium

Apoc. 17

Gal. 3



**A** ex fide Iesu Christi daretur credentibus. Quid ergo fiebat ut in aqua illa turbata sanarentur, qui in porticibus sanari non poterant? Subito enim uidebatur aqua turbata, & à quo turbabatur non uidebatur. Credas hoc angelica uirtute fieri solere, non tamen sine significante aliquo sacramento. Post aquam turbatam mittebat se unus qui poterat, & sanabatur solus: post illum quisquis se mitteret, frustra faceret. Quid sibi ergo hoc uult, nisi quia uenit unus Christus ad populum Iudæorum, & faciendo magna, docendo utilia, turbauit peccatores, turbauit aquam præsencia sua, & excitauit ad passionem suam: sed latens turbauit. Si enim cognouissent, nunquam dominum gloriæ crucifixissent. Descendere ergo in aquam turbatam, hoc est humiliter credere in domini passionem: ibi sanabatur unus, significans unitatem. Postea quisquis ueniret, non sanabatur, quia quisquis præter unitatem fuerit, sanari non poterit. Videamus ergo quid uoluerit significare in illo uno, quem etiam ipse seruans unitatis mysterium, sicut prælocutus sum, de tot languentibus unum sanare dignatus est. Inuenit in annis eius numerum quendam languoris. Triginta & octo annos habebat in infirmitate. Hic numerus quomodo magis ad languorem pertineat quam ad sanitatem, paulo diligentius exponendum est. Intentos uos uolo, aderit dominus ut congrue loquar, & sufficienter audiat. Quadragenarius numerus sacratus nobis in quadam perfectione commendatur. Notum esse arbitror charitati uestræ: testatur sepiissime diuinæ scripturæ: ieiunium hoc numero consecratum esse bene nostis: nam & Moyses quadraginta diebus ieiunauit, & Helias totidem, & ipse dominus noster & saluator Iesus Christus hunc ieiunii numerum impleuit. Per Moysen significatur lex, per Heliam significantur prophetae, per dominum significatur euangelium. Ideo in illo monte tres apparuerunt, ubi se discipulis ostendit in claritate uultus & uestis suæ. Apparuit enim medius inter Moysen & Heliam, tantum euangelium testimonium haberet à lege & prophetis. Siue ergo in lege, siue in prophetis, siue in euangelio, quadragenarius numerus nobis in ieiunio commendatur. Ieiunium autem magnum & generale est, abstinere ab iniquitatibus & illicitis uoluptatibus seculi, quod est perfectum ieiunium, ut abnegantes impietatem & seculares cupiditates, temperanter & iuste & pie uiuamus in hoc seculo. Huic ieiunio quam mercedem addit Apostolus? Sequitur & dicit, Expectantes illam beatam spem & manifestationem gloriæ beati dei, & saluatoris nostri Iesu Christi. In hoc seculo quasi quadragesimam abstinentiæ celebramus, cum bene uiuimus, cum ab iniquitatibus & ab illicitis uoluptatibus abstinemus. Sed quia hæc abstinentiæ sine mercede non erit, expectamus beatam illam spem & reuelationem gloriæ magni dei & saluatoris Iesu Christi. In illa spe, cum fuerit de spe facta res, accepturi sumus mercedem denarium. Ipsa enim merces redditur operariis in uinea laborantibus secundum euangelium, quod uos credo reminisci: neque enim omnia commemoranda sunt tantum rudibus & imperitis. Denarius ergo qui accepit nomen à numero decem redditur, & coniunctus quadragenario fit quinquagenarius: unde cum labore celebramus quadragesimam ante pascha, cum lætitia uero tantum acceptam mercedem quinquagesimam post pascha. Nam huic tantum salutaris labori boni operis, qui pertinet ad quadragenarium numerum, additur quietis & felicitatis denarius ut quinquagenarius fiat. Significauit hoc & ipse dominus Iesus multo apertius, quando post resurrectionem quadraginta diebus conuersatus est in terra cum discipulis suis, quadragesimo autem die cum ascendisset in cælum, peractis decem diebus misit mercedem spiritus sancti. Significata sunt ista, & quibusdam significatibus res ipsæ præuētæ sunt. Significationibus pascimur, ut ad res ipsas durantes peruenire possimus. Operarii enim sumus, & adhuc in uinea laboramus, finito die, finito opere, merces restituetur. Sed quis operarius perdurat ad percipiendam mercedem, nisi qui pascitur cum laborat? Non enim & tu operario tuo mercedem solam daturus es: non enim afferes illi unde uires reparet in labore? Pascis utique cui mercedem daturus es. Proinde & nos dominus in istis scripturarum significationibus laborantes pascit: nam si ista intelligendorum sacramentorum lætitia subtrahatur à nobis, deficimus in labore, & non erit qui perueniet ad mercedem. Quomodo ergo quadragenario numero perficitur opus? Fortasse ideo, quia lex in decem præceptis data

est, & per totum mundum prædicanda erat lex: qui totus mundus quatuor partibus com-  
 mēdatur, oriente & occidēte, meridie & aquilone: unde denarius per quatuor multiplicatus,  
 ad quadragenariū peruenit: uel quia per euangelium quod quatuor libros habet, impletur  
 lex, quia in euangelio dictū est, Non ueni soluere legē, sed adimplere. Siue ergo illa, siue ista  
 causa, siue alia aliqua probabiliore quæ nos latet, doctiores nō latet, certū est tamē quadra-  
 genario numero significari quandā perfectionē in operibus bonis, quæ maxime opera bo-  
 na exercētur in abstinentia quadam ab illicitis cupiditatibus seculi, hoc est, generali ieiunio.  
 Rom. 15 Audi & Apostolum dicentē, Plenitudo legis charitas. Charitas unde? Per gratiam dei, per  
 spiritū sanctum. Nō enim habemus illā ex nobis, quasi facientes illā nobis. Dei donū est &  
 magnum donū: quoniā charitas dei, inquit, diffusa est in cordibus nostris per spiritū sanctū  
 qui datus est nobis. Charitas ergo implet legē, & uerissime dictū est, Plenitudo legis chari-  
 tas. Quæramus hanc charitatē, quemadmodū commēdatur à dño. Memētote quid propo-  
 fuerim, numerū triginta octo annorum in illo languido. Volo exponere quare numerus ille  
 trigessimus & octauus, languoris sit potius q̄ sanitatis. Ergo, ut dicebā, charitas implet legē.  
 Ad plenitudinē legis in omnibus operibus pertinet quadragenarius numerus. In charitate  
 autē duo præcepta nobis cōmendātur. Intuemini obsecro & figite memoriæ quod dico, ne  
 sitis contēptores uerbi, ne fiat anima uestra uia, ubi grana iactata nō germinant: & uenient,  
 inquit, uolatilia coeli & colligent ea. Percipite & recōdite cordibus uestris: charitas præcepta  
 duo sunt à dño commēdata, Diliges dominū deum tuū ex toto corde tuo, & ex tota anima  
 tua, & ex tota mēte tua: & diliges proximum tuū sicut teipsum: in his duobus præceptis to-  
 ta lex pendet & prophetæ. Merito & illa uidua omnes facultates suas, duo minuta misit in  
 dona dei: merito & pro illo languido à latronibus sauciato, stabularius duos nummos ac-  
 cepit unde sanaretur: merito apud Samaritanos biduum fecit Iesus, ut eos charitate firma-  
 ret. Binario ergo isto numero cū aliquid boni significatur, maxime bipertita charitas com-  
 mendatur. Si ergo quadragenarius numerus habet perfectionem legis, & lex nō impletur  
 nisi in gemino præcepto charitatis, quid miraris quia languebat, qui ad quadraginta duo  
 minus habebat? Videamus proinde iā quo sacramēto iste languidus curetur à dño. Venit  
 enim ipse dñs, charitatis doctor, charitate plenus, breuiās, sicut in illo prædictū est, uerbum  
 super terrā, & ostēdit in duobus præceptis charitatis pendere legē & prophetas. Inde ergo  
 pependit Moyſes quadragenario suo, inde Helias cū suo, hunc numerū attulit dominus in  
 testimonio suo. Curatur iste languidus à præſente dño, sed prius quid ei dicit? Vis sanus  
 fieri? Respōdit ille hominem se nō habere, à quo in piscinā mittatur. Vere necessarius erat  
 illi homo ad salutē: sed homo ille qui & deus est. Vnus enim deus, unus & mediator dei &  
 hominum, homo Christus Iesus. Venit ergo homo qui erat necessarius, quare sanitas dif-  
 fertur? Surge, inquit, tolle grabatum tuum & ambula. Tria dixit, Surge, tolle grabatum  
 tuum, & ambula. Sed surge, non operis imperium fuit, sed operatio sanitatis. Sano autem  
 duo imperauit, tolle grabatum tuū, & ambula. Rogo uos, cur non sufficeret, ambula? Aut  
 certe cur non sufficeret, surge? Neq; enim ille cum sanus surrexisset, in loco remāſisset: nōne  
 ad hoc surrexisset ut abiſſet? Mouet ergo me etiā q̄ duo præcepit, qui illū iacentē duobus  
 minus inuenit: tanq̄ enim duo quædā iubēdo quod minus erat impleuit. Quomodo ergo  
 inueniamus in his duobus dñi iussis, duo illa præcepta significata esse charitatis? Tolle, in-  
 quit, grabatum tuū & ambula. Quæ sunt illa duo præcepta fratres, recolite mecum. Notissi-  
 ma enim esse debent, nec modo tantū uenire in mentē cū cōmemorantur à nobis, sed deleri  
 nunq̄ debēt de cordibus uestris. Semper omnino cogitate, diligendū esse deū & proximū.  
 Deū ex toto corde, ex tota anima, & ex tota mente: & proximū tanq̄ teipsum. Hæc semper  
 cogitāda, hæc meditāda, hæc retinēda, hæc agēda, hæc implēda sunt. Dei dilectio prior est  
 ordine præcipiēdi, proximī autē dilectio prior est ordine faciēdi. Neq; enim qui tibi præci-  
 peret dilectionē istā in duobus præceptis, prius tibi cōmendaret proximum, & postea deū:  
 sed prius deū, postea proximū. Tu autē quia deum nondū uides, diligēdo proximū prome-  
 reris



**A** teris quem uideas: diligēdo proximum, purgas oculū ad uidendum deum, euidēter Ioanne dicente, Si fratrem quē uides non diligis, deum quē non uides quomodo diligere poteris? *1. Ioan. 4.* Ecce dicitur tibi, dilige deum. Si dicas mihi, ostēde mihi quem diligam: quid respōdebo nisi quod ait ipse Ioannes: Deum nemo uidit unq̃. Et ne te alienū omnino à deo uidendo esse *Ioan. 1.* arbitreris, Deus, inquit, charitas est, & qui manet in charitate, in deo manet & deus in eo. Diliges ergo proximū: & intueri in te, unde diligis proximū, ibi uidebis ut poteris deū. Incipe ergo diligere proximū: Frange esuriēti panem tuū, & egenos sine tecto, induc in domū tuā. Si uideris nudū, uesti, & domesticos seminis tui ne despexeris. Faciens autē ista quid conseris? Tunc erumpet uelut matutina lux tua. Lux tua deus est, tibi matutina, quia post noctem seculi tibi ueniet: nā ille nec orietur nec occidet, quia semper manet, Erit tibi matutinus redeunti, qui tibi occasum fecerat pereunti. Ergo tolle grabatū tuū, mihi uidetur dixisse, dilige proximum tuum. Sed clausum est adhuc, & expositione indiget quātum arbitror, quare in tollendo grabato dilectio proximi commēdatur: nisi forte hoc nos offendit, quia per grabatum rem quandā stolidā & insensatam proximus commēdatur. Nō irascatur proximus, si cōmendatur nobis per rē quæ sine anima & sine sensu est. Ipse dñs & saluator noster Iesus Christus lapis angularis dictus est, ut duos conderet in se. Dictus est & petra unde aqua profluxit, Petra autē erat Christus. Quid ergo mirū, si petra Christus, lignum proximus? Non tamen quaecunq; lignū, quomodo nec illa qualiscunq; petra, sed unde aqua profluxerat sitiētibus. Nec qualiscunq; lapis, sed angularis, qui in semetipso copulauit duos parietes ē diuerso uenientes: sic nec quaecunq; lignū proximum acceperis, sed grabatū portans. Quid ergo in grabato obsecro te? Quid, nisi quia ille lāguidus grabato portabatur? Sane tus autē grabatū portat. Quid dictū est ab Apostolo? Inuicem onera uestra portate, & sic *Gal. 6.* adimplebitis legē Christi. Lex ergo Christi charitas est, nec charitas impletur nisi inuicem onera nostra portemus: Sufferētes, inquit, inuicem in dilectione, studētes seruare unitatem *Ephes. 4.* spiritus in uinculo pacis. Cum esses languidus, portabat te proximus tuus: sanus factus es, porta proximum tuum. Inuicē onera uestra portate, & sic adimplebitis legem Christi. Sic adimplebis o homo quod tibi deerat. Tolle ergo grabatum tuum, sed cū tuleris, noli remanere: ambula, diligēdo proximū, & curā habendo de proximo tuo. Iter agis, quōd iter agis, nisi ad dominum deum tuū, ad eum quē diligere debemus ex toto corde, ex tota anima, ex tota mēte? Ad dominū enim nondū peruenimus, sed proximū nobiscum habemus. Porta ergo eum cū quo ambulas, ut ad eū peruenias, cū quo manere desideras. Tolle ergo grabatum tuū & ambula. Fecit hoc ille, & scandalizati sunt Iudæi. Videbant enim hominem die sabbati portātem grabatum suū, nec calūniabantur domino q̃ sanū fecerat sabbato, ut eis responderi posset, quia si cuiusq; eorum iumentum in puteum cecidisset, utiq; die sabbati erueret illud, & saluaret iumentum suū. Non utiq; iam illi obijciebant q̃ die sabbati sanatus esset homo, sed q̃ portaret grabatum suū. Si sanitas nō erat differēda, nunquid & opus fuerat imperandum? Non licet tibi, inquiunt, facere quod facis, tollere grabatum tuum. Et ille autorem sanitatis suæ obijciebat calumniatoribus: Qui, inquit, me fecit sanum, ille mihi dixit, Tolle grabatum tuum & ambula. Non acciperem iussionem, à quo acceperam sanitatem? Et illi, Quis est ille homo qui tibi dixit, Tolle grabatum tuum & ambula? Sed qui sanus erat factus nesciebat quis esset, à quo hoc audierat. Iesus autem, cum hoc fecisset & iussisset, Declinauerat ab eo in turba. Videte quēadmodum & hoc impleatur. Portamus proximum, & ambulamus ad deum, sed eum ad quem ambulamus, nondum uidemus. Ideo & ille nondum nouerat Iesum: Sacramentum hoc commendatum est, quia in eum credimus quem nondum uidemus. Et ut non uideamus, declinat in turba. Difficile est in turba uidere Christum. Solitudo quādam necessaria est menti nostræ, quādam solitudine intentionis uidetur deus. Turba strepitum habet, uisio ista secretum desiderat. Tolle grabatum tuum, porta portatus proximum tuū, & ambula ut peruenias. Noli Iesum quærere in turba, nō est tanq̃ unus de turba. Præuenit omnem turbam, prior ascendit de mari

piscis ille magnus (piscem Christum dixit) & in cœlis sedet interpellans pro nobis. Tanq̃ la-  
 cerdos magnus unus intrauit in interiora ueli, turba foris stat. Ambula tu qui portas proxi-  
 mum tuum, si didicisti portare qui solebas portari. Deniq; modo nondū nosti Iesum, non  
 dum uides Iesum. Quid postea sequitur? Quoniam nō destitit ille tollendo grabatū suum  
 & ambulando. Vidit eum postea Iesus in templo. In turba non eum uidit, in templo uidit.  
 Dominus quidem Iesus & in turba eum uidebat & in templo: ille autem languidus Iesum  
 in turba nō cognouit, in templo cognouit. Peruenit ergo ille ad dominū, uidit eum in tem-  
 plo, uidit eū in loco sacro, in loco sancto. Et quid ab eo audit? Ecce iam sanus factus es,  
 noli peccare, ne quid tibi deterius contingat. Tunc ille posteaq; uidit Iesum & cognouit  
 Iesum autorem sanitatis suæ, non fuit piger in euangelizādo quem uiderat. Abijt & num-  
 ciavit Iudæis, quia Iesus esset, qui eum sanum fecerat. Ille annunciabat, & illi insaniebant.  
 Ille salutem suā prædicabat, illi salutem suam non quærebant. Persequebantur Iudæi do-  
 minum Iesum, quia hæc faciebat in sabbato. Quid ergo dominus modo respōdet Iudæis,  
 audiamus. De sanis factis hominibus sabbato, dixi quid soleat respondere, quia iumenta  
 sua non contemnebant sabbato uel liberando uel alendo. De portato grabato quid re-  
 spondit? Manifestum opus corporale factum erat ante oculos Iudæorum, nō sanitas cor-  
 poris, sed operatio corporis, quæ non uidebatur ita necessaria quæadmodum sanitas. Aper-  
 te ergo dominus dicat sacramentum sabbati, & signum obseruandi unius diei ad tempus  
 datum esse Iudæis, impletionem uero ipsam sacramenti in illo uenisse. Pater meus, inquit,  
 usq; modo operatur & ego operor. Misit in eos magnum tumultum, aduētū domini tur-  
 batur aqua: sed qui turbat, latet, & tamen sanandus est turbata aqua æger unus magnus,  
 passo domino totus mundus. Videamus ergo responsionem ueritatis. Pater meus, inquit,  
 usq; modo opatur & ego operor. Falso ergo dixit scriptura, quia deus requieuit ab omnibus  
 operibus suis in die septimo. Et cōtra hanc scripturam per Moysen ministratam, loquitur  
 dominus Iesus, cū ipse dicat Iudæis, Si crederetis Moysi, crederetis & mihi, de me enim ille  
 scripsit. Videte ergo ne aliquid uoluit significari Moyses, q̃ deus requieuit die septimo:  
 non enim defecerat deus operando creaturam suam, & indigebat requie sicut homo. Quo-  
 modo defecerat qui uerbo fecerat? Tamen & illud uerum est, quia requieuit deus ab omni-  
 bus operibus suis in die septimo: & hoc uerum est, quod ait Iesus, Pater meus usq; modo  
 operatur & ego operor. Sed quis explicet uerbis, homo hominibus, infirmus infirmis, indo-  
 ctus discere cupientibus, & forte si quid sapit promere & explicare non ualens hominibus,  
 difficile forte capientibus, etiam si explicari possit quod capitur: Quis, inquam, fratres mei  
 explicet uerbis, quomodo deus & quietus operetur, & operās quiescat? Obsecro uos, ut hoc  
 uobis proficientibus differatis: uisio enim ista templum dei quærit, sanctum locum quærit.  
 Portate proximum & ambulate, ibi eum uidebitis, ubi uerba hominum non quærat. Hoc  
 forte potius dicere ualemus, quia & in eo q̃ deus in die septimo requieuit, ipsum dominū  
 saluatore nostrum Iesum Christum qui hæc loquebatur & dicebat, Pater meus usq; modo  
 operatur & ego operor: magno sacramento significauit: quia & dominus Iesus utiq; deus,  
 ipse est enim uerbum dei, & audistis quia in principio erat uerbum, & non quaecunq; uer-  
 bum, sed deus erat uerbū, & omnia per ipsum facta sunt, forte significatus est requieturus  
 in die septimo ab omnibus operibus suis. Legite enim euāgelium, & uidete quanta opera-  
 tus sit Iesus. Operatus est salutē nostram in cruce, ut impleretur in eo omnia prædicta pro-  
 phetarum. Coronatus est spinis, suspēsus est in ligno, dixit sitio, accepit acetum in spongia,  
 ut impleretur quod dictum est, Et in siti mea potauerunt me aceto. At ubi impleta sunt  
 omnia opera eius: sexta sabbati inclinato capite tradidit spiritum, & in sepulchro sabbato  
 requieuit ab omnibus operibus suis. Ergo tanq̃ diceret Iudæis, Quid expectatis ut non  
 operer sabbato? Sabbati dies ad significationem meā uobis præceptus est. Opera dei at-  
 tenditis, ego ibi erā cum fierent, per me facta sunt omnia. Ego noui, pater meus usq; modo  
 operatur. Operatus est pater lucē, sed dixit, ut fieret lux. Si dixit, uerbo operatus est. Verbum  
 eius



**A** eius ego eram, ego sum, per me factus est mundus in illis operibus, per me regitur mundus in istis operibus. Pater meus & tunc operatus est cum fecit mundum, & usque nunc operatur cum regit mundum: ergo & per me fecit cum fecit, & per me regit cum regit. Dixit hæc, sed quibus? Surdis, cæcis, claudis, lãguidis, medicum nõ agnoscẽtibus, & tanq̃ in phrenesi mēte perditã occidere uolentibus. Proinde quid secutus euangelista dixit, Hinc ergo magis quærebant eum Iudæi interficere, quia nõ solum soluebat sabbatũ, sed & patrem suum dicebat deum.) Non quomocunq̃, sed quid? Aequalem se faciens deo.) Nã omnes dicimus deo, Pater noster qui es in cœlis. Legimus & Iudæos dixisse, cum tu sis pater noster. Ergo non hinc irascebantur, quia patrem suũ dicebat deum, sed q̃ longe alio modo q̃ homines. Ecce intelligunt Iudæi quod non intelligunt Ariani. Ariani quippe inæqualem patri filium dicunt, & inde hæresis pulsatur ecclesiã. Ecce ipsi cæci, ipsi interfectores Christi, intellexerũt tamen uerba Christi. Nõ cum intellexerũt esse Christũ, nec eum intellexerũt filium dei: sed tamen intellexerũt in illis uerbis, quia talis cõmendaretur filius dei, qui æqualis esset deo. Quis erat nesciebant, talem tamen prædicari agnoscebãt, quia patrem suũ dicebat deum, æqualem se faciẽs deo. Nõne erat ergo æqualis deo? Non ipse se faciebat æquale deo, sed ille illũ genuerat æqualem. Si se ipsum faceret æqualem deo, caderet per rapinam: Qui enim se uoluit æqualem facere deo cum non esset, cecidit, & ex angelo factus est diabolus: & hanc superbiam homini propinauit, unde ipse deiectus est: nã hoc dixit hominĩ, cui stanti lapsus inuidit, Gustate, & eritis sicut dii, id est, usurpatione rapite quod facti nõ estis, quia & ego rapiẽdo deiectus sum. Non hoc prodebat, sed hoc suadebat. Christus autẽ æqualis patri natus erat, nõ factus, natus de substantia patris. Vnde illũ sic cõmẽdat Apostolus, Quia cum in forma dei esset, non rapinã arbitratus est esse se æquale deo. Quid est, non rapinã arbitratus est esse se æqualem deo? Nõ usurpauit æqualitatẽ dei, sed erat in illa in qua natus erat: & nos ad æquale deum quomodo perueniremus, semetipsum exinaniuit formã serui accipiens. Nõ ergo se exinaniuit amittẽs quod erat, sed accipiẽs quod nõ erat. Hãc formã serui cõtemnentes Iudæi, dñm Christum æquale patri intelligere nõ poterant, quamuis cum hoc de se dicere minime dubitabant: & ideo sæuiebãt, & adhuc tamen eos ille perferebat, & sanitatẽ sæuietium requirebat.

Ab eo loco, ubi ait, Amen amen dico uobis, non potest filius à se facere quicq̃ nisi quod uiderit patrem facientem, usq̃ ad id, ubi ait, Pater enim diligit filium & omnia demonstrat ei quæ ipse facit.

Matth. 6

Esai. 14

Gen. 3

Philip. 2

## TRACTATUS XVIII.



**I**OANNES euangelista inter consortes & participes suos alios euangelistas, hoc præcipuum & propriũ donum accepit à domino, super cuius pectus in conuiuio discumbebat, ut per hoc significaret, quia secreta altiora de intimo pectore eius potabat, ut ea diceret de filio dei, quæ paruulorum mētes fortassis intentas excitare possint, implere autem nondum capaces non possint. Grandiusculis autẽ quibusq̃ mentibus, & ad ætatem quandã interius uirilem perueniẽtibus, dat aliquid uerbis his, quo & exerceatur & pascatur. Audistis cum legeretur, & unde sermo iste uenerit meministis. Hæsterno enim die lectũ est, q̃ propterea uolebant Iesum Iudæi interficere, quia non solũ soluebat sabbatũ, sed etiã patrem suũ dicebat deum, æquale se faciens deo. Quod Iudæis displicebat, hoc ipsi patri placebat. Hoc sine dubio placebat etiã eis, qui honorificãt filiũ, sicut honorificant patrẽ, quia si eis nõ placeat, displicebunt: Non enim deus erit maior, quia placet tibi: sed tu minor si displicet tibi. Aduersus hanc autẽ eorũ calumpniã uenientem uel de ignorantia uel de malicia loquitur dominus: nõ omnino q̃ capiant, sed unde agitur & conturbentur, & fortasse cõuersi uel conturbati medicũ quærant. Dicebant autẽ quæ scriberentur, ut etiã à nobis postea legerentur. Viderimus ergo quid in Iudæorũ cordibus factũ sit, cum hæc audirent: quid in nobis fiat cum hæc audimus, amplius cogitemus. Neq̃ enim natæ sunt hæreses, & quædã dogmata perversitatis illaqueantia animas, & in profundũ præcipitantia, nisi dũ scripturæ bonæ intelliguntur nõ bene, & quod in eis nõ bene intelligitur, etiã temere & audacter asseritur. Itaq̃ charissimi, ualde caute hæc audire debemus, ad quæ capiẽda paruuli

paruuli sumus, & corde pio & cum tremore, sicut scriptum est, hanc tenentes regulam sanitatis, ut quod secundum fidem qua imbuti sumus, intelligere ualuerimus, tantum de cibo gaudeamus: quod autem secundum sanam fidei regulam intelligere non poterimus, dubitationem auferamus, intelligentiam differamus, hoc est, ut etiam si quid nescimus, bonum tamen & uerum esse minime dubitemus. Et ego fratres qui suscepi loqui uobis, cogitandus sum a uobis qui susceperim, & quae susceperim. Suscepi enim tractanda diuina homo, spiritualia carnalis, & aeterna mortalis. Etiam a me charissimi, longe sit uana praesumptio, si uolo sanus in domo dei conuersari, quae est ecclesia dei uiui, columna & firmamentum ueritatis: pro modulo meo capio quod uobis appono. Vbi aperitur, pascor uobiscum: ubi clauditur, pulso uobiscum. Commoti sunt ergo Iudaei & indignati sunt: merito quidem, quia audebat homo aequalem se facere deo: sed ideo immerito, quia in homine non intelligebant deum. Carnem uidebant, deum nesciebant: habitaculum cernebant, habitatorem ignorabant: caro illa templum erat, deus inhabitabat intus. Non ergo Iesus carnem aequabat patri, non formam serui domino comparabat: non quod factum est propter nos, sed quod erat quando fecit nos. Quis namque sit Christus (catholicis loquor) nostis, quia bene credidistis: non uerbum tantum, nec caro tantum, sed uerbum caro factum est, ut habitaret in nobis. Recensete de uerbo quod nostis, In principio erat uerbum, & uerbum erat apud deum, & deus erat uerbum: hic aequalitas cum patre. Sed uerbum caro factum est, & habitauit in nobis: hac carne minor est patre. Ita pater & aequalis & maior: aequalis uerbo, maior carne: aequalis ei per quem fecit nos, maior eo qui factus est propter nos. Ad hanc regulam sanam catholicam, quam praecipue nosse debetis, quam tenere qui nostis, a qua prorsus fides uestra labi non debet, quae nullis hominum argumentis extorquenda est cordi uestro, ut dirigamus ea quae intelligimus, & quae forte non intelligimus dirigenda ad hanc regulam, quandoque differamus cum idonei fuerimus. Nouimus ergo aequalem patri filium dei, quia nouimus in principio deum uerbum. Quid ergo Iudaei uolebant cum interficere? Quia non solum soluebat sabbatum, sed & patrem suum dicebat deum, aequalem se faciens deo, uidentes carnem, non uidentes uerbum. Loquatur ergo & contra eos uerbum per carnem, & interior habitator sonet per habitaculum suum, ut qui potest, nouerit quis intus habitat. Quid ergo eis dicit? Respondit itaque Iesus & dixit eis, commotis quod aequalem se faceret deo, Amen amen dico uobis, non potest filius a se facere quicquam, nisi quod uiderit patrem facientem. Ad haec quid responderint Iudaei, scriptum non est, & fortasse tacuerunt. Quidam tamen qui Christianos se haberi uolunt, non tacent, & quodammodo ex his uerbis concipiunt quaedam dicenda contra nos: quae contemnenda non sunt & propter ipsos & propter nos. Ariani quippe haeretici dicentes, non per carnem sed ante carnem, filium ipsum qui suscepit carnem, minorem esse quam pater est, & non esse eiusdem substantiae, cuius pater est, capiunt ex his uerbis causam calumniae, & respondent nobis, Videtis quia dominus Iesus cum animaduerneret Iudaeos ex hoc moueri, quod patri deo aequalem se faceret, & talia uerba subiunxit, ut se aequalem non esse monstraret: mouebantur enim Iudaei, aiunt, aduersus Christum, quia aequalem se faciebat deo, & uolens eos corrigere ab hoc motu Christus, & eisdem monstrare filium non esse aequalem patri, id est, aequalem deo, ait, quasi dicens, Quid irascimini, quid indignamini, non sum aequalis, quia non potest filius a se facere quicquam, nisi quod uiderit patrem facientem. Qui enim non potest, inquit, facere a se quicquam, nisi quod uiderit patrem facientem, utique minor est, non aequalis. In hac regula cordis sui distorta & praua, haereticus audiat nos nondum obiurgantes, sed adhuc quasi quarentes, & explicet nobis quod sentit. Puto enim o quisquis ille est, faciamus eum tamquam praesentem adesse, Tenes nobiscum, quia in principio erat uerbum? Teneo, inquit, & quia uerbum erat apud deum? Et hoc, inquit, teneo, Sequere ergo, & hoc fortius tene, quia deus erat uerbum. Et hoc, inquit, teneo: sed ille deus maior, ille deus minor. Iam nescio quid paganum redolet, cum Christiano me loqui arbitrabar. Si est deus maior & deus minor, duos deos colimus, non unum deum. Quare, inquit, & tu non duos deos dicis aequales sibi? Hoc ego non dico.

Aequalita



A *Æqualitatem enim istam sic intelligo, ut ibi intelligam etiam indiuiduam charitatem: & si indiuiduam charitatem, perfectam unitatem. Si enim charitas quā misit hominibus deus, de multis hominū cordibus fecit cor unū, & multas hominum animas fecit animā unam: sicut de credentibus seseq; inuicem diligentibus scriptum est in actibus apostolorum, Erat <sup>Act. 4</sup> illis anima una & cor unum in deum. Si ergo anima mea & anima tua cum idem sapimus nosq; diligimus, sit anima una: quanto magis pater deus & filius deus, in fonte dilectionis deus unus est? Verum ad hæc uerba quibus commotum est cor tuum, intēde, & recale me cum quod de uerbo requirebamus. Si iam tenemus, deus erat uerbum, adiungo illud, quia cum dixisset, Hoc erat in principio apud deum: continuo subiecit euangelista, Omnia per ipsum facta sunt, & sine ipso factum est nihil. Nunc te quæredo exagito, nunc te contra me moueo, & te cōtra te interpello. Tene tantum memoriter ista de uerbo, Quia deus erat uerbum: & omnia per ipsum facta sunt. Audi iam uerba quibus commotus es, ut minorem diceres filium: nempe quia dixit, Non potest filius à se facere quicq; nisi quod uiderit patrem facientem. Ita, inquit, expone mihi paululum, sic quātum opinor intelligis, quoniā quædam facit pater, filius autē attendit quemadmodum facit pater, ut possit & ipse ea facere, quæ uiderit patrem faciētem. Duos quasi fabros constituisti, ita patrē & filium, ut etiā magistrum & discipulum: quomodo solent patres fabri docere filios suos artem suam. Ecce descēdo ad carnalem sensum tuum, ita interim cogito ut tu: uideamus si cogitatio hæc nostra inueniat exitum secundū illa, quæ iā de uerbo pariter locuti sumus, pariterq; sentimus, quia deus uerbum, & omnia per ipsum facta sunt. Pone igitur patrē tanq; fabrum, quædam opera facientem, filium autē tanq; discipulum, qui nō potest facere quicq; nisi quod uiderit patrem faciētem: intēdit enim quodammodo in manus patris, ut quomodo uiderit eum fabricare, sic & ipse tale aliquid fabricet in operibus suis. Sed pater iste omnia illa quæ facit, & uult ut attendat eum filius, & talia & ipse faciat per quem facit. Eia nunc est ut assis sententiæ tuæ priori, quam mecum recensuisti, mecumq; tenuisti, quia in principio uerbum, & apud deum uerbum, & deus uerbum, & omnia per ipsum facta sunt. Tu ergo cum mecum tenueris, quia per uerbū facta sunt omnia, rursus carnali sapore & puerili motu facis tibi in animo deum facientem, & uerbum attendentem, ut cum fecerit deus, faciat & uerbum. Quid enim fecit deus præter uerbum? Si enim facit, nō omnia per uerbum facta sunt, perdidisti quod tenebas. Si autē omnia per uerbum facta sunt, corrige quod male intelligebas. Fecit pater, & non fecit nisi per uerbum. Quomodo attēdit uerbum ut uideat patrem facientē sine uerbo, quod similiter faciat uerbum? Quicquid fecit pater, per uerbū fecit, aut falsum est, omnia per ipsum facta sunt: sed uerum est, omnia per ipsum facta sunt. Parum fortasse tibi uidebatur, Et sine ipso factū est nihil. Recede ergo ab ista carnis prudentia, & quæramus quemadmodum dictum sit, Nō potest filius à se facere quicq; nisi quod uiderit patrē facientem. Quæramus, si digni sumus qui apprehēdamus. Fateor enim, magna res est, ardua omnino, uidere facientē patrem per filium, nō singula opera facientem patrē & filium, sed quodlibet opus patrē per filiū, ut nulla opera fiāt uel à patre sine filio, uel à filio sine patre: quia omnia per ipsum facta sunt, & sine ipso factum est nihil. Quibus in fundamento fidei firmissime constitutis, iam quale est uidere, quia nō potest filius à se facere quicq; nisi quod uiderit patrem faciētem? Quæris, ut opinor, nosse filiū facientem: quære prius nosse filium uidentem. Certe quid enim ait? Non potest filius à se facere quicq; nisi quod uiderit patrē facientem. Intende quod dixit, nisi quod uiderit patrem facientem. Præcedit uisio, & sequitur effectio: uidet enim ut faciat: Tu quid quæris iam nosse quomodo faciat, dum nondū scias quomodo uideat? Quid curris ad id quod posterius est, relicto quod prius est? Vidētem se dixit & facientem, non facientem & uidentem, quia nō potest à se facere quicq; nisi quod uiderit patrem faciētem. Vis ut explicem tibi quomodo faciat? Tu mihi explica quomodo uideat. Si hoc tu explicare non potes, nec ego illud: si hoc tu percipere nondum es idoneus, nec ego illud. Vterq; ergo nostrum quærat, uterq; pulset, ut uterq; accipere mereatur. Quid quasi*

doctus

doctus calumniaris indocto: ego ad faciendū, tu ad uidendū, ambo indocti à magistro  
quæramus, nō in schola eius pueriliter litigemus. Tamen simul iam didicimus, quia omnia  
per ipsum facta sunt. Ergo manifestum est, quia nō alia opera facit pater, quæ uideat filius,  
ut & ipse faciat similia, sed eadē opera facit pater per filium, quia omnia per uerbum facta  
sunt. Iam quomodo faciat deus quis nouit? Non dico quomodo fecerit mūdum, sed quo-  
modo fecerit oculum tuum, cui carnaliter inhaerens, uisibilia inuisibilibus comparas. Talia  
enim de deo cogitas, qualia his oculis uidere cōsuesti. Si autē istis oculis uideri posset deus,  
<sup>Matth. 5</sup> non diceret, Beati mundo corde, quia ipsi deum uidebunt. Ergo habes oculum corporis ad  
uidendū fabrum, sed nondum habes oculum cordis ad uidēdum deum: ideo quod soles  
uidere in fabro, transferre uis in deum. Pone in terra terrena, sursum cor. Quid ergo fratres  
charissimi? Explicaturi sumus nos quod interrogauimus, quomodo uideat uerbū, quomo-  
do pater uideatur à uerbo, quid sit uidere uerbi? Non sum tam audax, tam temerarius, ut  
hoc me explicare pollicear uobis. Vtuncq; suspicor modulum uestrum, noui tamen meum.  
Si ergo placet, nō diutius immoremur, percurramus lectionem, & uideamus uerbis domini  
turbari corda carnalia: ad hoc turbari, ne in eo quod tenent, remaneāt. Extorqueatur tanq;  
puerile ludicrum, nescio quid, quo se male auocant, ut possint inseri utiliora grandioribus,  
ut possint proficere qui repebāt in terra. Surge, quære, suspira, anhela desiderio, & ad clausa  
pulsā. Si autem nondum desideramus, nondum inhiamus, nondū suspiramus, margaritas  
quibuscunq; proiecturi sumus, aut margaritas qualescunq; nos ipsi inuenturi sumus? No-  
uerim ergo charissimi desiderium in corde uestro: mores perducunt ad intelligentiā: genus  
uitæ perducit ad genus uitæ. Alia uita terrena, alia uita cœlestis: alia uita pecorum, alia uita  
hominum, alia uita angelorum. Vita pecorū, terrenis uoluptatibus æstuat, sola terrena con-  
quirrit, in hæc prona atq; proiecta est: uita angelorū sola cœlestia: uita hominum media est  
inter angelorum & pecorum. Si uiuit homo secundū carnem, pecoribus cōparatur: si uiuit  
secundū spiritum, angelis sociatur. Quando secundū spiritum uiuis, quære etiā in ipsa ange-  
lica uita, utrum paruus an grandis sis. Si enim adhuc paruus es, dicūt tibi angeli, cresce: nos  
panem manducamus, tu lacte nutrire, lacte fidei, ut peruenias ad cibum spei. Si autē adhuc  
inhiatur sordidis uoluptatibus, si adhuc fraudes cogitantur, si mēdacia nō uitantur, si men-  
dacia periurijs cumulantur, tam immūdum cor audet dicere, Explica mihi, quomodo uidet  
uerbum? etiā si possim, etiā si iam uideam. Porro autē si forte ego non sum in his moribus,  
& tamen ab ista uisione longe sum: quantum ille qui nondū isto superno desiderio rapitur,  
terrenis desiderijs prægrauatur? Multum interest inter aduersantem & desiderantem: &  
iterum multum interest inter desiderantem & fruentem. Viuis ut pecora, aduersaris: angeli  
perfruuntur. Tu autem si non uiuis ut pecora, iam nō aduersaris. Desideras aliquid & non  
capis, inchoasti ipso desiderio uitā angelorum: crescat in te & perficiatur in te, & capias hoc  
non à me, sed ab illo qui & me fecit & te. Tamen nō utcunq; nos dimisit & dominus qui uo-  
luit intelligi: quia in eo quod dixit, Non potest filius à se facere quicq;, nisi quod uiderit pa-  
trem facientem, nō alia opera pater facit quæ uideat filius, & alia filius cum uiderit patrem  
facientem, sed eadem opera ipsa & pater & filius. Secutus enim ait, Quæcunq; ille fecerit,  
hæc & filius similiter facit. Non cum ille fecerit, alia filius similiter facit: sed quæcunq; ille fe-  
cerit, hæc & filius similiter facit. Si hæc facit filius quæ fecerit pater, per filiū facit pater. Si per  
filium facit quæ facit pater, non alia pater, alia filius facit, sed eadē opera sunt patris & filij.  
Et quomodo eadē facit & filius, & eadem & similiter? Ne forte eadē sed dissimiliter: eadem  
inquit, & similiter. Et quomodo possit eadem non similiter: accipite exemplum, quod puto  
ad uos non sit grande. Cū scribimus litteras, facit eas primo cor nostrum, & deinde manus  
nostræ. Certe unde omnes acclamastis, nisi quia cognouistis certum esse quod dixi, & mani-  
festum omnibus nobis? Litteræ fiunt primo à corde nostro, deinde à corpore nostro. Ma-  
nus seruit imperāti cordi, easdem litteras facit & cor & manus. Nunquid alias cor, alias ma-  
nus? Nam aliud est cor, aliud est manus. Easdem quidē facit manus, sed non similiter. Cor  
enim



A enim nostrum facit eas intelligi inuisibiliter: manus autem uisibiliter. Ecce quomodo fiunt ea  
 dem & dissimiliter. Vnde parum fuit domino dicere, quaecunq; pater fecerit, hæc & filius fa-  
 cit, nisi adderet, & similiter. Quod si enim hoc modo intelligeres, quomodo quaecunq; cor fa-  
 cit, hæc & manus facit, sed nō similiter. Hic uero addidit, hæc & filius similiter facit. Si & hæc  
 facit & similiter facit, expergiscere, erigatur Iudæus, credat Christianus, conuincatur Aria-  
 nus hæreticus, æqualis est patri filius. Pater enim diligit filium, & omnia demonstrat ei  
 quæ ipse facit. Ecce est illud, demonstrat, cui: Vtiq; quasi uidenti. Redimus ad id quod expli-  
 care non possumus, quomodo uerbū uideat. Ecce homo factus est per uerbū: sed homo ha-  
 bet oculos, habet aures, habet manus, diuersa mēbra in corpore. Per oculos potest uidere,  
 per aures potest audire, per manus operari: diuersa membra, diuersa membrorum offi-  
 cia: non potest illud membrum quod potest alterum, tamen propter corporis unitatem,  
 oculus & sibi & auri uidet, & auris sibi & oculo audit. Nunquid tale aliquid in uerbo arbi-  
 trandum est esse, quoniam omnia per ipsum? & dixit scriptura in psalmo, Intelligite qui in *psalm. 95.*  
 sapientes estis in populo, & stulti aliquando sapite. Qui plantauit aurem nō audiet, aut qui  
 finxit oculū non considerat? Si ergo finxit oculum uerbū, si plantauit aurem uerbū, quia o-  
 mnia per uerbū, non possumus dicere, non audit uerbū, non uidet uerbū, ne obiurget nos  
 psalmus & dicat, Stulti aliquando sapite. Itaq; si audit uerbum & uidet uerbū, audit filius &  
 uidet filius. Nunquid tamen & in ipso diuersis locis quæsituri sumus oculos & aures? Aliun-  
 de audit, aliunde uidet, & auris eius non potest quod oculus: & oculus non potest quod po-  
 test auris? An totus ille uisus est, & totus auditus? Forte ita, imò non forte, sed uere ita, dum  
 tamen & ipsum eius uidere, & ipsum eius audire, longe alio modo quàm nostrū sit: & uidere  
 & audire simul in uerbo est, nec aliud ibi est audire, & aliud uidere, sed auditus uisus, & uisus  
 auditus. Et nos qui aliter audimus, aliter uidemus, hoc unde nouimus? Redimus forte ad  
 nos, si non sumus præuaricatores, quibus dictū est, Redite præuaricatores ad cor, redite ad *Esaiæ 46*  
 cor: qd itis à uobis, & peritis à uobis? quid itis solitudinis uias? Erratis uagādo, redite, quò-  
 B ad dominū: cito est: primo redi ad cor tuū, exul à te uagaris foris: te ipsum non nosti, & quæ-  
 ris à quo factus es: redi redi ad cor, tolle te à corpore. Corpus tuū habitatio tua est: cor tuū  
 sentit etiam per corpus tuum: sed corpus tuum non quod cor tuum: dimitte corpus tuum,  
 redi ad cor tuū. In corpore tuo inueniebas alibi oculos, alibi aures, in corde tuo nūquid hoc  
 inuenis? an in corde nō habes aures: de quibus ergo dominus dicebat, Qui habet aures au- *Luc. 8*  
 diendi audiat: an in corde nō habes oculos? Vnde dicit Apostolus, Illuminatos oculos cor- *Ephr. 1*  
 dis uestri: Redi ad cor, uide ibi qd sentias forte de deo quia ibi est imago dei. In interiore ho-  
 mine habitat Christus, in interiore homine renouaris ad imaginē dei, in imagine sua cogno-  
 sce autorem eius. Vide quemadmodū omnes corporis sensus cordi intrò nuncient id, quod  
 fenserint foris. Vide quā multos ministros habeat unus interior imperator, & quid apud  
 se etiā sine his ministris agat. Renunciant oculi cordi alba & nigra, renunciant aures eidem  
 cordi canora & dissona. Renunciant nares eidē cordi odora & putentia. Renunciant gustus  
 eidem cordi amara & dulcia. Renunciant tactus eidē cordi lenia & aspera. Renunciat sibi  
 ipsum cor iusta & iniusta. Cor tuū & uidet & audit, & cætera sensibilia dijudicat, & quò non  
 aspirant corporis sensus, iusta & iniusta, mala & bona discernit. Ostēde mihi oculos, aures,  
 nares cordis tui. Diuersa sunt quæ ad cor tuum referuntur, & diuersa ibi membra non inue-  
 niuntur. In carne tua alibi audis, alibi uides: in corde tuo ibi audis, ubi uides. Si hoc imago,  
 quanto potentius ille cuius est imago? Ergo & audit filius & uidet filius, & ipsa uisio & audi-  
 tio filius: & hoc est illi audire quod esse, profecto & hoc est illi uidere quod esse. Tibi nō hoc  
 est uidere quod esse, quia & si perdas uisum, potes esse: & si perdas auditum, potes esse. Pu-  
 tamus ne pulsauimus? Erectum est aliquid in nobis quod uel tenuiter suspicemur, unde lu-  
 men ueniat nobis: puto fratres, quia cum loquimur ista, & cum meditamur, exercemus nos.  
 Et cum exercemus nos in ipsis, & rursus quasi reflectimur pondere nostro ad ista consueti,  
 tales sumus quales lippientes, cum producuntur ad uidendum lumen, si forte antea uisum  
 k omnino

omnino non habebant, & incipiunt eundem uisum per diligentiam medicorum utcumque reparare, & cum probare uult medicus quantum salutis eis accesserit, tentat & eis ostendere quod uidere desiderant, & non poterant cum cæci essent, & redeunte iam utcumque acie oculorum, producuntur ad lumen. Et cum uiderint fulgorem, in ipso reuerberantur quodāmodo, & respondet medico demonstranti, Iam iam uidi, sed uidere non possum. Quid ergo facit medicus, Reuocat ad solita & addit collyriū. ut ad illud quod uisum est, & uideri non potest, desiderium nutriat, & ex ipso desiderio curetur plenius, & si qua mordacia reparanda sanitati adhibentur, fortiter ferat, ut amore illius lucis accessus dicat sibi, Quando erit ut illud firmis oculis uideam, quod saucijs infirmisq; nō potui? Urget medicū, & rogat ut curet. Ergo fratres, si forte tale aliquid factum est in cordibus uestris, si utcumque erexistis cor uestrum ad uidendum uerbum, & ipsius luce reuerberati ad solita recidistis, rogate medicum ut adhibeat collyria mordacia, præcepta iustitiæ. Est quod uideas, sed non est unde uideas. Nō mihi antea credebas, quia est quod uideas, duce quadam rationis adductus es: propinquasti, intendisti, palpitaſti, refugisti. Scis certe esse quod uideas, sed idoneū nō te esse qui uideas. Ergo curare. Quæ sunt collyria? Noli mētiri, noli periurare, noli adulterari, noli furari, noli fraudare. Sed consueſti, & cum aliquo dolore à cōsuetudine reuocaris, hoc est quod mordet, sed sanat: nā dico tibi liberius ex timore & meo & tuo, si curari restiteris, & esse idoneus ad perfruendum hac luce neglexeris, ualetudine oculorum tuorum tenebras amabis, & amādo te nebras, in tenebris remanebis, & remanendo in tenebris, etiā in tenebras exteriores projiceris: ibi erit fletus & stridor dentiū. Si nihil in te faciebat amor lucis, faciat timor doloris. Sufficiens me locutū arbitror, & lectionem tamen euangelicam non finiui. Si dicam reliqua, onerabo uos, & timeo ne etiam quod haustum est effundatur. Sufficiant ergo ista charitati uestre. Debitores sumus, non nunc, sed semper quandiu uiuimus, quia propter uos uiuimus: ueruntamen uitam nostram istā infirmā, laboriosam, periculosam, in hoc mundo cōsolamini bene uiuendo. Nolite nos contristari & atterere malis moribus uestris. Cū enim offendimur mala uita uestra, si refugiamus à uobis, & separemus nos à uobis, & ad uos nō accedamus, nōne conqueremini et dicetis, & si languebamus curaretis, & si infirmabamur uisitareſti? Ecce curamus, ecce uisitamus, sed non nobis fiat quomodo audistis ab Apostolo, Timeo ne sine causa laborauerim in uos.

Matth. 22

Ab eo quod scriptum est, Non potest à se filius facere quicquā, nisi quod uiderit patrem facientē, usq; ad id quod ait, Quia non quero uoluntatem meam, sed uoluntatem eius qui misit me. Tract. XIX.



Ermone pristino quantum nostrum mouit affectum, & intelligendi paupertatem, locuti sumus ex occasione uerborum euangelicorum ubi scriptum est, Nō potest filius à se facere quicquam, nisi quod uiderit patrem facientem. Quid sit uidere filij, hoc est uidere uerbi, quia filius uerbum, & quia per uerbū facta sunt omnia, quomodo possit intelligi, quod uideat filius primo patrem facientem, tunc demum & ipse faciat quæ facta conspexerit, cum pater nihil nisi per filium fecerit: omnia enim per ipsum facta sunt, & sine ipso factum est nihil. Non tamen explicatū aliquid diximus, quia nec explicatum aliquid intelleximus. Aliquando enim sermo deficit, ubi etiā intellectus proficit: quanto magis sermo patitur defectionē, quando intellectus non habet perfectionem? Nūc itaq; quantum dominus donat, breuiter percurramus lectionē, & uel hodie expleamus debitum pensum. Si quid forte remanserit uel temporis uel uirium, retractabimus si poterimus, quantum & à nobis & apud uos fieri potest. Quid sit uidere uerbi, demonstrari uerbo non potest: omnia quippe dicta sunt hic, quæ si intelligantur secundum humanū sensum carnaliter, nihil aliud nobis facit anima plena phātasmatum, nisi quasdam imagines uelut duorum hominum patris & filij, unius ostendentis, alterius uidentis: unius loquentis, alterius audientis, quæ omnia idola cordis sunt. Quæ si iam deiecta sunt de tēplis suis, quanto magis deiicienda sunt de cordibus Christianis? Non potest, inquit, à se facere quicquā nisi



A nisi quod uiderit patrem facientem. Verum est hoc, tenete hoc: dum tamen non amittatis, quod in ipsius euangelij exordio tenuistis, quia in principio erat uerbū, & uerbum erat apud deum, & deus erat uerbum, & præcipue quia omnia per ipsum facta sunt. Quod nūc enim audistis, coniungite illi auditui, & utrunq; concordet in cordibus uestris. Sic itaq; non potest filius à se facere quicquam, nisi quod uiderit patrem facientem, ut tamē pater ea quæ facit non faciat nisi per filiū: quia filius eius est uerbū, & in principio erat uerbum, & uerbum erat apud deum, & deus erat uerbum, quia omnia per ipsum facta sunt. Quæcunq; enim ille fecerit, hæc & filius similiter facit.) Nō alia sed hæc, non dissimiliter sed similiter. Pater enim diligit filium, & omnia demonstrat ei quæ ipse facit.) Ad hoc quod supra dixit, Nisi quod uiderit patrem facientem, uidetur pertinere, & quod omnia demonstrat ei quæ ipse facit. Sed si pater demonstrat quæ facit, nec filius potest facere nisi pater demonstrauerit: paterq; demonstrare non potest nisi fecerit, consequens erit ut non per filium faciat omnia pater. Porro si fixum atq; inconcussum tenemus, quia per filium omnia pater facit, antequam faciat demonstrat filio, ut filius demonstrata faciat: quæ demonstrata iam facta sunt, aliquid proculdubio pater sine filio fecit: sed non facit pater aliquid sine filio, quia filius dei uerbum dei est, & omnia per ipsum facta sunt. Remanet igitur fortasse, ut quæ pater facturū est, demonstret facienda ut per filium sint facta: nam si filius ea facit quæ pater facta demonstrat, non utiq; per filium facit. Monstrari enim non possent filio nisi facta: filius facere non posset, nisi monstrata fuerint: ergo sine filio facta? Sed uerum est, omnia per ipsum facta sunt: ergo antequam facta, monstrata sunt. Sed hoc diximus differendum esse, quo redeundum sit, percurſa lectione, si ut diximus, aliquid uel temporis uel uiriū nobis remanserit, ad ea quæ distulimus retractāda. Amplius audite & difficilius. Et maiora his, inquit, demonstrabit ei opera, ita ut uos miremini.) Maiora his, quibus maiora? Facile occurrit his quæ modo audistis, curationibus languorū corporaliū. De isto em̄ qui triginta & octo annos habebat in infirmitate, & Christi uerbo sanatus est, nata est huius occasio tota sermonis. Et propter hoc dominus dicere potuit, maiora his demonstrabit ei opera, ut uos miremini. Sunt enim opera maiora quā ista, & demonstrabit ea pater filio. Non demonstrauit ei tanquam de præterito, sed demonstrabit de futuro, hoc est demonstraturus est. Rurſus difficilis oritur quæstio. Est enim aliquid apud patrem quod filio nōdum demonstratū sit: & aliquid apud patrem quod adhuc latebat filium, quando ista filius loquebatur. Si em̄ demonstrabit, hoc est demonstraturus est, nondum demonstraui, & filio tunc demonstraturus est quando & istis: sequitur enim, ita ut uos miremini. Et hoc difficile est uidere, quomodo tanquam temporaliter filio coæterno aliquid demonstret æternus pater omnia scienti, quæ sunt apud patrem. Quæ sunt tamen illa maiora? Hoc enim forte facile est intelligere. Sicut enim pater, inquit, suscitatur mortuos & uiuificat: sic & filius quos uult uiuificat.) Maiora enim sunt opera mortuos suscitare, quā languidos sanare. Sed sicut resuscitat pater mortuos & uiuificat, sic & filius quos uult uiuificat. Alios ergo pater, alios filius, sed omnia per ipsum. Ipsos itaq; filius quos & pater: quia nō alia, nec aliter, sed hæc & filius similiter facit. Ita planē intelligendum est & ita tenendum: sed mementote quia filius quos uult uiuificat. Tenete hic ergo nō solum potestatem filij, uerum etiam uoluntatem, & filius quos uult uiuificat, & pater quos uult uiuificat, & ipsos filius quos & pater: ac per hoc eadem patris & filij potestas est & uoluntas. Quid est ergo quod sequitur? Neq; enim pater iudicat quenquam, sed iudiciū omne dedit filio, ut omnes honorificent filium, sicut honorificant patrem.) Quod ita subiunxit tanquam rationem reddens superioris sententiæ: multum mouet, intenti estote. Filius quos uult uiuificat, pater quos uult uiuificat. Filius suscitatur mortuos, sicut pater suscitatur mortuos: neq; enim pater iudicat quenquam. Si in iudicio suscitādi sunt mortui, quomodo pater suscitatur mortuos, si non iudicat quenquam? Omne quippe iudiciū dedit filio: in illo autem iudicio suscitantur mortui, & resurgent alij ad uitam æternam, alij ad pœnam. Quod totum si filius facit, pater autem ideo non facit, quia pater non iudicat

quenquā, sed omne iudicium dedit filio, contrariū uidebitur ei quod dictū est: Sicut pater c. suscitāt mortuos & uiuificat: sic & filius quos uult uiuificat: simul ergo suscitāt. Si simul suscitāt, simul uiuificant, simul ergo iudicant: quomodo itaq; uerum est, Neq; enim pater iudicat quenq; sed omne iudicium dedit filio? Moueant interim propositæ quæstiones, præstabit dominus ut solutæ delectēt. Ita est fratres, Omnis quæstio nisi intentum fecerit proposita, non delectabit exposita. Sequatur ergo ipse dominus, ne forte in his quæ subnectit, aperiat se aliquantum. Subtexit enim nubilo lucē suā, & difficile est aquilæ more uolare super omnē nebulam qua tegitur omnis terra, & uidere in uerbis domini syncerissimā lucē. Ne forte ergo calore radiorum suorum discutiāt caliginem nostram, & aliquantulū se in cōsequētib; aperire dignetur, dilatis istis sequentia uideamus. Qui non honorificat filium, non honorificat patrem qui misit illum. Hoc uerum est & planū est, Omne quippe iudiciū dedit filio, sicut supra dixit, ut omnes honorificent filium sicut honorificant patrem. Quid si inueniuntur qui patrem honorificant, & non honorificant filium? Nō potest, inquit, fieri, qui non honorificant filium, non honorificant patrem qui misit illum. Non potest ergo dicere aliquis, Ego patrem honorificabam, quia filium non nouerā: si nondum filium honorificabas, nec patrem honorificabas. Quid est ergo honorificare patrē, nisi quod habeat filium? Aliud est enim cum tibi cōmendatur deus quia deus est: & aliud est, cum tibi cōmendatur deus quia pater est. Cum tibi quia deus est cōmendatur, creator tibi commēdatur, omnipotens tibi commendatur, spiritus quidem summus, æternus, inuisibilis, incommutabilis tibi commendatur. Cum uero tibi, quia pater est, cōmendatur, nihil tibi aliud quā & filius cōmendatur: quia pater dici non potest, si filium non habet: sicut nec filius, si patrem nō habet. Sed ne forte quidem patrem honorifices tanquam maiorem, filium uero tanquā minorē, ut dicas mihi, honorifico patrem: scio enim quod habeat filium, & non erro in patris nomine, non enim patrem intelligo sine filio: honorifico tamen & filium tanquam minorem, corrigit te ipse filius & reuocat te dicens, ut omnes honorificent filium, non inferius, sed sicut honorificant patrem. Qui ergo non honorificat filium, non honorificat patrem qui misit illū. Ego, inquit, maiorem honorem uolo dare patri, minorem filio. Ibi tollis honore patri, ubi minorem das filio. Quid enim aliud tibi uidetur itā sentienti, nisi quia pater æqualem sibi filium generare, aut noluit, aut non potuit? Si noluit, inuidit: si non potuit, defecit. Nō ergo uides, quia ita sentiendo ubi maiorem honorem uis dare patri, ibi es contumeliosus in patrem? Proinde sic honorifica filium, quomodo honorificas patrem, si uis honorificare & patrem & filium. Amen amen dico uobis, quia qui uerbum meū audit & credit ei qui misit me, habet uitam æternam, & in iudiciū non uenit, sed transit à morte in uitam. Non nūc transit, sed iam transiit à morte in uitam. Et hoc attendite, qui uerbum meum audit: & non dixit, & credit mihi, sed credit ei qui me misit. Verbum ergo filij audiat, ut patri credat. Quare uerbum audit tuum, & credit alteri? Nōne cum uerbum alicuius audimus, eidē uerbum proferenti credimus, loquenti nobis fidem accommodamus? Quid ergo uoluit dicere, qui uerbum meum audit, & credit ei qui misit me, nisi quia uerbum eius est in me? Et quid est, audit uerbum meum, nisi audit me? Qui credit mihi, & credit ei qui misit me, quia cum illi credit, uerbo eius credit: cum autem uerbo eius credit, mihi credit: quia uerbum patris ego sum. Pax ergo in scripturis, & omnia disposita, nequaquam rixantia. Tu abiice litem cordis tui, intellige concordiam scripturarum: nunquid contraria sibi diceret ueritas, Qui audit, inquit, uerbum meum, & credit ei qui misit me, habet uitam æternam, & in iudiciū non uenit, sed transit à morte ad uitā? Meministis quod superius posueramus, quia sicut pater suscitāt mortuos & uiuificat: sic & filius quos uult uiuificat. Incipit iam aperire se & loqui de resurrectione mortuorum, & ecce resurgunt mortui, Qui enim uerbum meum audit, & credit ei qui misit me, habet uitam æternā, & in iudiciū nō uenit. Proba quia resurrexit, sed transit, inquit, à morte ad uitam. Qui transiit à morte ad uitam, nullo dubitāte utiq; resurrexit. Non enim transiret de morte ad uitam, nisi primo esset in morte, & non esset in uita: cum autem



A autem transferit, erit in uita, nō erit in morte. Mortuus ergo erat & reuixit, perierat & inuentus est. Fit proinde iam quādam resurrectio, & transeūt homines à morte quadam ad quādam uitam: à morte infidelitatis, ad uitam fidei: à morte falsitatis, ad uitam ueritatis: à morte iniquitatis, ad uitam iustitiæ. Est ergo & ista quādam resurrectio mortuorum. Aperiat illam plenius, & dilucescat nobis ut cœpit. Amen amen dico uobis, quia uenit hora & nunc est.) Nos expectamus in fine resurrectionem mortuorum, nam ita credimus. Imò nō expectamus: sed planè expectare debemus, neque enim falsum credimus in fine mortuos resurrecturos. Cum ergo uellet dominus noster Iesus insinuare nobis quādam resurrectionem mortuorum, ante resurrectionem mortuorum, nō sicut Lazari, uel filij illius uiduæ, uel filiæ archisynagogi, qui resurrexerunt morituri, nam & ipsorū mortuorū quādam resurrectio facta est ante resurrectionē mortuorum: sed sicut hic dicit, Habet, inquit, uitā æternā, & in iudiciū non uenit, sed transit à morte ad uitam. Ad quam uitā? ad æternā: non autē sicut corpus Lazari: transijt enim & ille à morte sepulchri ad uitā hominum, sed non ad æternā, iterum moriturus: resurrecturi autem in fine seculi mortui, in uitam æternam transibūt. Cum ergo uellet dominus noster Iesus Christus magister cœlestis, uerbum patris & ueritas demonstrare nobis quādam resurrectionem mortuorum in æternam uitam, ante resurrectionem mortuorum in æternam uitam, Venit hora inquit, tu proculdubio imbutus fide, resurrectionis carnis expectabas horam illā finis seculi, diem iudicij, quam ne in isto loco expectares, addidit, & nunc est. Quod ergo dicit, Venit hora, non dicit de illa hora nouissima, ubi in iussu et uoce archangeli, & in tuba dei dominus ipse descendet de cœlo, & mortui in Christo resurgent primi, deinde nos uiuentes qui reliqui sumus, simul rapiemur cum illis in nubibus obuiam Christo in aëra, & ita semper cum domino erimus. Et ueniet hora illa, sed nō est nūc. Hora uero ista quæ sit, aduertite. Venit hora & nunc est. Quid in ea sit? Quid nisi resurrectio mortuorum? Et qualis resurrectio? Ut qui resurgunt, in æternum uiuant? Hoc erit & nouissima hora. Quid igitur, quomodo intelligemus duas istas resurrectiones? Nunquid forte qui nunc resurgunt, tunc non resurgent, ut aliorū fiat tunc resurrectio, aliorum nunc? Non est ita, nam ista resurrectione si recte credidimus, resurreximus: & nos ipsi qui iam resurreximus, alteram in fine resurrectionem expectamus. Sed & nunc in æternā uitam resurreximus, si in fide ipsa perseveranter manemus: & tunc in æternam uitam resurgemus, quando angelis coæquabimur. Ipse ergo distinguat, ipse aperiat quod loqui ausi sumus, quomodo fiat resurrectio ante resurrectionem, nō aliorum & aliorum, sed eorundem: nec talis qualis Lazari, sed in uitam æternā. Aperiet planè. Audite dilucentem magistrum, & illabentem cordibus nostris solem nostrum, non quem desiderant oculi carnis, sed cui æstuant aperiri oculi cordis. Ipsum ergo audiamus, Amen amen dico uobis, quia uenit hora & nūc est, quando mortui. Videte exprimi resurrectionem. Quando mortui audient uocē filij dei, & qui audierint uiuent.) Quare addidit, qui audierint uiuent? Possent enim audire nisi uiuerent? Sufficeret ergo, Venit hora & nunc est, quando mortui audierint uocem filij dei. Iam nos si intelligeremus uiuentes eos, quando nisi uiuerent, audire nō possent: non, inquit, quia uiuunt audiunt, sed audiendo reuiuiscunt. Audient, & qui audierint uiuent. Quid est ergo audiēt, nisi obaudiēt? Quantū enim pertinet ad auris auditū, nō omnes qui audiēt uiuent: multi enim audiunt & non credūt. Audiēdo & non credēdo non obaudiūt, nō obaudiēdo nō uiuent. Itaq; hic, qui audiēt, nihil est aliud quàm qui obediēt. Qui ergo obedierint uiuēt, certi sunt, securi sunt, uiuēt. Prædicatur Christus uerbum dei, filius dei, per quem facta sunt omnia, certe dispensationis gratia, assumpta carne natus ex uirgine, infans in carne, iuuenis in carne: patiens in carne, moriens in carne: resurgens in carne, ascendens in carne: promittēs resurrectionem carni, promittēs resurrectionem menti: menti ante carnem, carni post mentem. Qui audit & obaudit uiuet: qui autem audit & non obaudit, id est qui audit & contemnit, audit & non credit, non uiuet. Quare non uiuet? quia non audit. Quid est non audit? non obaudit. Ergo qui audierint, uiuent. Attende nunc quid dixeramus differendum, ut

nūc si fieri potuerit aperiatur. Subiecit continuo de hac ipsa resurrectione. Sicut enim pater habet uitam in semetipso, sic dedit & filio uitam habere in semetipso. ) Quid est, habet uitam pater in semetipso? Non alibi habet uitam, sed in semetipso: uiuere quippe suum in illo est & non aliunde. Et non alienum est, non quasi mutuatur uitam, nec quasi particeps sit uitæ, eius uitæ quæ non est quod ipse: sed habet uitā in semetipso, ut ipsa uita sibi sit ipse. Si potuero adhuc modicum quid inde dicere exēplis propositis ad intelligentiam uestram informandam, domino adiuuante potuero, & pietate intēctionis uestræ. Viuit deus, uiuit & anima: sed uita dei immutabilis est, uita animæ mutabilis est. Deus nec proficit nec deficit, sed est ipse semper in se, est ita ut est, non aliter nunc, aliter postea, aliter antea: animæ uero uita, ualde aliter atq; aliter. Viuebat stulta, uiuit sapiēs: uiuebat iniqua, uiuit iusta. Nūc meruit, nunc obliuiscitur: nunc discit, nunc discere nō potest. Nunc perdit quod didicerat, nūc recipit quod amiserat. Mutabilis uita animæ, & cū uiuit anima in iniquitate, mors eius est. Cum autem sit iusta, fit particeps alterius uitæ, quæ non est quod ipsa: erigendo se quippe ad deum & inhærendo deo, ex illo iustificatur. Dictum est enim, Credenti in eum qui iustificat impium, deputatur fides eius ad iustitiam. Deficiendo ab illo fit iniqua, proficiendo ad illum fit iusta. Nōne uidetur tibi quasi aliquid frigidum, igni admotum feruescere, remotum ab igne torpescere? Nōne uidetur tibi quiddā tenebrosū, admotum luci clarescere, remotum à luce nigrescere? Tale quiddam est anima, nō tale aliquid deus. Potest & homo dicere habere se lucem nunc in oculis suis: Dicāt ergo quasi quadā uoce propria oculi tui si possunt, Habemus lucem in nobisip̄s. Contrā dicitur, non proprie dicitis, habere uos lucē in uobisip̄s: habetis lucem, sed in in cœlo. Habetis lucem, si forte nox est, sed in luna, in lucernis, non in uobisip̄s: nam clausi amittitis, quod aperti percipitis. Non in uobisip̄s habetis lucem, sole occidente tenete lucem si potestis. Nox est, & lumine nocturno perfrimini: subducta lucerna tenete lucem. Cum uero subducta lucerna in tenebris remaneatis, non lucem in uobisip̄s habetis. Hoc est ergo habere lucem in semetipso, non indigere luce ex altero. Ecce ubi si quis intelligat, ostendit filium æqualem patri, ubi ait, Sicut habet pater uitā in semetipso, sic dedit & filio uitā habere in semetipso. ) Ut hoc solū intersit inter patrem & filium, quia pater habet uitam in semetipso, quam nemo ei dedit. Filius autē habet uitam in semetipso quam pater dedit. Sed etiam hic oritur aliquod nubilum discutiendum. Non deficiamus, intenti simus: pascua mentis sunt, nō fastidiamus ut uiuamus. Ecce, inquis, fateris ipse, quod uitam filio pater dedit, ut habeat eam quidem in semetipso, sicut habet pater uitā in semetipso. Nō indiget ille, nō indigeat & iste: ut sit ille uita, sit & iste, & utrūq; coniunctum una uita, non duæ: quia unus deus, non duo dñj, & hoc ipsum sit esse uitam. Quomodo ergo dedit filio uitam pater? Non sic quasi ante fuerit filius sine uita, atq; ut uiueret à patre accepit uitam: nam si hoc esset, non haberet uitam in semetipso. Ecce de anima loquebar. Est anima, etsi non sit sapiens, etsi non sit iusta, anima est: etsi non sit pia anima est. Aliud illi ergo est esse animam: aliud uero, esse sapientem, esse iustam, esse piā. Est ergo aliquid quod nondum est sapiens, nondum iusta, nondum pia, non tamen nihil est, nō tamen nulla uita est: nam ex operibus quibusdam suis ostendit se uiuam, etsi non se ostendit sapientem, piā iustam. Nisi enim uiueret, corpus nō moueret pedibus gressum, manibus opus, oculis intuitum, auribus auditum, nō aperiret os ad uocem, linguam ad distinctionem uocum non moueret. His itaq; operibus uiuere se ostēdit, & esse aliquid quod sit corpore mortalius. Sed nunquid his operibus, sapientem, piā, iustam se ostēdit? Nōne ambulant, operantur, uident, audiunt, loquuntur & stulti, & impij, & iniusti? Cum uero se erigit ad aliquid quod ipsa nō est, & quod supra ipsam est, & à quo ipsa est: percipit sapientiam, iustitiā, pietatem, sine quibus cum esset, mortua erat, nec uitam habebat qua ipsa uiueret, sed qua corpus uiuificaret. Aliud est enim in anima unde corpus uiuificatur, aliud unde ipsa uiuificatur. Melius quippe est quā corpus, sed melius quā ipsa est deus. Est ergo ipsa etiam si sit insapiēs, iniusta & impia, uita corporis. Quia uero uita eius est deus, quomodo cum ipsa est in,



**A** est in corpore, præstat illi uigorem, decorem, mobilitatem, officia membrorum: sic cum uita eius deus in ipsa est, præstat illi sapientiam, pietatem, iustitiam, charitatem. Aliud est ergo quod præstat corpori de anima: aliud, quod præstatur animæ de deo. Viuificat & uiuificatur: mortua uiuificat, sed ipsa non uiuificatur. Veniente itaq; uerbo & infuso audientibus factisq; illis non solum audientibus, sed etiam obediētibus, resurget anima à morte sua ad uitam suam, hoc est, ab iniquitate, ab insipientia, ab impietate ad deum suum, qui est illi sapientia, iustitia, charitas. Resurgat ad illum, illuminetur ab illo. Accedite, inquit, ad deum. Et *psal. 33* quid nobis erit? Et illuminamini. Si ergo accedēdo illuminamini, & recedēdo tenebramini, nō erat in uobis lumen uestrum, sed in deo uestro. Accedite ut resurgatis: si recesseritis moriemini. Si ergo accedendo uiuitis, recedendo moriemini, non erat in uobis uita uestra: Ipsa est enim uita uestra, quæ est lux uestra. Quoniam apud te est fons uitæ, & in lumine tuo ui- *psal. 33* debimus lumen. Non ergo sicut anima aliquid aliud est antequàm illuminaretur, & sit melius cum illuminatur participatione melioris: ita & uerbum dei, filius dei, aliquid aliud erat antequàm acciperet uitam, ut participando habeat uitam, sed uitam habet in semetipso, ac per hoc ipse est ipsa uita. Quid ergo ait, dedit filio uitam habere in semetipso? Breuiter dixerim, genuit filium. Neq; erat sine uita, & accepit uitam, sed nascendo uita est. Pater uita est non nascendo: filius uita est nascendo. Pater de nullo patre, filius de deo patre. Pater quod est, à nullo est, quod autem pater est, propter filium est. Filius uero & quod filius est propter patrem est, & quod est, à patre est. Et hoc ergo dixit, uitam dedit filio, ut haberet eam in semetipso, tanquam diceret, Pater qui est uita in semetipso, genuit filium qui esset uita in semetipso. Pro eo enim quod genuit, uoluit intelligi dedit, tanquam si cuiquam diceremus, dedit tibi deus esse. Cui dedit? Si alicui iam existēti dedit esse, non ei dedit esse, quia erat antequàm ei daretur qui posset accipere. Cum ergo audis, dedit tibi esse, non eras qui acciperes, & existendo accepisti ut esses. Dedit structor domui huic ut esset, sed quid ei dedit? Ut domus esset. Cui dedit? Huic domui. Quid ei dedit? ut domus esset. Quomodo potuit dare domui ut domus esset? Etenim si domus erat, cui daretur ut domus esset, quando iam domus erat? Quid est ergo, dedit ei ut domus esset? Fecit ei ut domus esset. Quid ergo filio dedit? Dedit ei ut filius esset. Genuit ut uita esset, hoc est, dedit habere ei uitam in semetipso ut esset uita, non egens uita, ne participando intelligatur habere uitam. Si enim participando haberet uitam, non in semetipso, posset & amittendo esse sine uita: hoc in filio ne accipias, ne cogites, ne credas. Manet ergo pater uita, manet & filius uita. Pater uita in semetipso, non à filio: filius uita in semetipso, sed à patre. A patre genitus ut esset uita in semetipso: pater uero non genitus, uita in semetipso, nec minorem filium genuit, qui crescēdo fieret æqualis. Non enim ad sui perfectionem adiutus est tempore, per quem perfectū creata sunt tempora. Ante omnia tēpora patri coæternus est: nō enim unq̃ pater sine filio. Æternus autem pater est, ergo coæternus & filius. Quid tu anima? Mortua eras, amiseras uitam, audi patrē per filium, surge, recipe uitam, ut in eo recipias uitam quā nō habes in te, qui habet uitam in semetipso. Viuificat ergo te pater & filius, & agitur prima resurrectio, quando resurges ad participandā uitā quod tu non es, & participando efficeris uiuens. Resurge à morte tua ad uitam tuam, qui est deus tuus, & transi à morte in uitam æternam. Habet enim uitam æternam pater in semetipso, & nisi filium talem generaret qui haberet uitam in semetipso, non sicut pater suscitatur mortuos & uiuificat, sic & filius quos uellet uiuificaret. Quid ergo de illa resurrectione corporis? Nam & isti qui audiunt & uiuunt, unde nisi audiendo uiuunt? Amicus enim sponsi stat & audit eum, & gaudio gaudet propter uocem sponsi, non propter uocem suam, hoc est participando, non existendo audiunt & uiuunt: & omnes qui audiunt uiuunt, quia omnes qui obediunt uiuunt. Dic aliquid domine etiam de resurrectione carnis: fuerunt enim qui eā negarēt, & dicerent, quia ista sola est resurrectio, quæ fit per fidē: cuius resurrectionis modo dominus fecit cōmemorationem, & inflāmauit nos, quia quidam mortui audiunt uocē filij dei & uiuent. Non eorū qui audierint alij moriētur,

alijs uiuent, sed omnes qui audierint uiuent, quia omnes qui obedierint uiuent. Ecce uidemus resurrectionem mentis, non ergo amittamus de fide resurrectionem carnis. Et nisi tu domine Iesu dixeris eam, quæ opponemus contradictoribus? Omnes enim sectæ quæ se aliqua religione hominibus inferere præsumpserunt, non negauerunt istam mentiũ resurrectionem, ne diceretur eis: si non resurgit anima, quare mihi loqueris? Quid in me facere uis? Si non facis ex deteriore meliorem, quare mihi loqueris? Si non facis ex iniquo iustum, quare mihi loqueris? Si autem facis ex iniquo iustum, & ex impio piũ, & ex stulto sapientem, & fateris resurgere animam meam, si tibi obtemperauero, si tibi credidero. Volentes ergo sibi credi omnes qui instituerunt alicuius etiã falsæ religionis sectam, negare istam mentiũ resurrectionem non potuerunt, omnes de illa consenserunt. Sed multi carnis resurrectionem negauerunt, dixerunt in fide iam factam esse resurrectionem. Talibus resistit Apostolus dicens, Ex quibus est Hymanæus & Philetus, qui circa ueritatem aberrauerunt, dicentes resurrectionem iam factam esse, & fidem quorundam subuerterunt. Iam factam esse resurrectionem dicebant, sed eo modo ut alia non speraretur, & reprehendebant homines, qui sperabant resurrectionem carnis, uelut iam resurrectio quæ promissa erat, credendo impleretur in mente. Reprehendit eos Apostolus, Cur eos reprehendit? Nonne hoc docebant quomodo dominus loquebatur, Venit hora & nunc est, quando mortui audient uocem filij dei, & qui audierint uiuent. Sed de uita mentium loquor adhuc: ait tibi Iesus, Nondum loquor de uita corporum, sed loquor de uita uitæ corporum, id est, de uita animarum, in quibus est uita corporum: nam scio esse corpora in monumentis iacentia, scio & corpora uestra in monumentis futura. Nondum de illa resurrectione loquor. De ista loquor, de ista resurgite, ne ad penam in illa resurgatis. Sed ut noueritis, quia de illa loquor, quid addo? Sicut enim habet pater uitam in semetipso: sic dedit & filio habere uitam in semetipso. Hæc uita quod pater est, quod filius est, ad quid pertinet, ad animam, an ad corpus? Non enim uitam illam sapientiæ sentit corpus, sed mens rationalis. Nam nec omnis anima potest sentire sapientiam: habet enim & pecus animam, sed pecoris anima non potest sentire sapientiam. Ergo anima humana potest sentire istam uitam quam habet pater in semetipso, & dedit filio uitam habere in semetipso, quia illud est uerum lumen quod illuminat non omnem animam, sed omnem hominem uenientem in hunc mundum. Cum enim ipsi menti loquor, audiat, id est obediat & uiuat. Noli itaque domine tacere de resurrectione carnis, ne non eam credant homines, & remaneamus nos argumentatores, non prædicatores. Ergo sicut habet pater uitam in semetipso: sic dedit & filio habere uitam in semetipso. Intelligant qui audiunt, credant ut intelligant, obediant ut uiuant. Audiant adhuc aliud, ne hic finitam esse resurrectionem putent. Et dedit ei potestatem & iudicium facere. Quis dedit? pater. Cui dedit? filio. Cui enim dedit habere uitam in semetipso, & potestatem dedit ei & iudicium facere. Quia filius hominis est. Iste enim Christus, & filius dei, & filius hominis est. In principio erat uerbum, & uerbum erat apud deum, & deus erat uerbum, hoc erat in principio apud deum. Ecce quomodo dedit ei uitam habere in semetipso. Sed quia uerbum caro factum est & habitauit in nobis, ex uirgine Maria homo factus, filius hominis est. Proinde quia filius hominis est, quid accepit? Potestatem & iudicium facere. Quod iudicium? In fine seculi, & ibi erit resurrectio mortuorum, sed corporum. Animas ergo suscitatur deus: per Christum filium dei: corpora suscitatur deus per eundem Christum filium hominis. Dedit ei potestatem. Hanc potestatem non haberet nisi acciperet, & esset homo sine potestate: sed ipse est filius hominis, qui & filius dei. Hæredo enim ad unitatem personæ filius hominis filio dei, facta est una persona, eademque filius dei quæ & filius hominis. Quid autem propter quod habeat dinoscendum est. Filius hominis habet animam, habet corpus: filius tamem dei quod est uerbum dei, habet hominem, tanquam anima corpus. Sicut anima habet corpus non facit duas personas, sed unum hominem: sic uerbum habet hominem, non facit duas personas sed unum Christum. Quid est homo? Anima rationalis habet corpus: quod est Christus? Verbum dei habet hominem. Video de quibus rebus loquar, & quid loquar, & quibus loquar.

Nunc

4. Ien. di. 48.  
c. sed cum



A Nunc audite resurrectionem corporum non me, sed dominū locuturum, propter eos qui resurrexerunt surgendo à morte, inhærendo uitæ. Cui uitæ? Quæ non nouit mortem. Quare non nouit mortem? quia nescit mutabilitatem. Quare nescit mutabilitatem? quia uita est in semetipso. Et potestatem dedit ei & iudicium facere, quia filius hominis est. Quod iudiciū, & quale iudicium? Nolite mirari hoc, quia dixi, dedit ei potestatem & iudicium facere.

Quia uenit hora.) Non addidit, & nunc est. Ergo horam quandam uult insinuare in fine seculi. Hora autem nunc est ut resurgant mortui, hora erit in fine seculi ut resurgant mortui. Sed resurgunt nunc in mente, tunc in carne. Resurgunt nunc in mente, per uerbum dei filium dei: resurgent tunc in carne, per uerbum dei carnem factū filiū hominis. Neque enim ad iudicium uiuorum & mortuorū pater ipse uenturus est, nec tamen recedit à filio pater. Quomodo ergo non ipse uenturus est? quia non ipse uidebitur in iudicio. Videbunt in quē pupugerunt. Forma illa erit iudex, quæ stetit sub iudice: illa iudicabit quæ iudicata est: iudicata enim inique, iudicabit iuste. Veniet ergo forma serui, & ipsa apparebit: etenim forma dei quomodo apparebit iustis & iniustis? Nam si iudicium non fieret nisi inter solos iustos, appareret tanquam iustis forma dei. Quia uero iudicium futurum est iustorum & iniquorum, nec licet ut iniqui uideant deum, Beati enim mundo corde, quia ipsi deum uidebunt: talis Matth. 5 apparebit iudex, qualis uideri possit & ab eis quos coronaturus est, & ab eis quos damnaturus est. Forma ergo serui uidebitur, occulta erit forma dei. Occultus erit in seruo filius dei, & apparebit filius hominis, quia potestatem dedit ei & iudiciū facere, quia filius hominis est. Et quia ipse solus apparebit in forma serui: pater autem non apparebit, quia non est indutus forma serui: ideo superius ait, Pater non iudicat quenquā, sed omne iudiciū dedit filio. Bene ergo dilatū est, ut ipse esset expositor qui propositor: superius enim occultū erat: nunc autē, ut arbitror, manifestū est, quia dedit ei potestatem & iudiciū facere, quia pater non iudicat quenquam, sed omne iudiciū dedit filio, quia iudiciū per illā formā futurū est, quā non habet pater. Et quale iudiciū? Nolite mirari hoc, quia uenit hora, non ea quæ nunc est, ut resurgant animæ: sed quæ futura est, ut resurgant corpora. Expressius hoc dicat, ut calumniā hæreticus negator resurrectionis corporis non inueniat, quantū iam intellectus elucescat. Cū superius dictū est, uenit hora: addidit, & nūc est. Modo autē, uenit hora: nō addidit, & nūc est. Tamē omnes <sup>†</sup> causas, omnes clauiculas calumniarū, omnes nodos laqueorū aperta ueritate dirūpat. als, ansas Nolite mirari hoc, quia uenit hora. In qua omnes qui in monumentis sunt.) Quid euidētius, quid expressius? Corpora sunt in monumētis: animæ non sunt in monumentis, nec iustorū, nec iniquorū. Iusti anima in sinu Abraæ fuit, iniqui anima apud inferos torquebatur, in monumento nec illa, nec illa. Superius quando ait, Venit hora & nunc est, obsecro intendite. Nostis fratres, quia ad panē uentris cū labore peruenitur, quanto magis ad panem mentis? Cum labore statis & auditis, sed nos cū maiore stamus & loquimur. Si laboramus propter uos, collaborare nō debetis propter eosdē uos? Superius ergo cū diceret, uenit hora & adderet, & nūc est, quid subiecit? Quando mortui audiēt uocē filij dei, & qui audierint uiuent. Non dixit, omnes mortui audient, & qui audierint uiuēt: mortuos enim iniquos uolebat intelligi: & nunquid omnes iniqui obediūt euangelio? Aperte dicit Apostolus, sed non Rom. 10 omnes obediunt euangelio. Tamē qui audiunt uiuēt, quia omnes qui obediūt euangelio, transeunt ad uitā æternā per fidē: non tamen omnes obediunt, & hoc nunc est. At uero in fine omnes qui sunt in monumētis, hoc est, iusti & iniusti, Audiēt uocē eius, & procedent.) Quomodo noluit dicere & uiuēt? Omnes enim procedēt, sed nō omnes uiuēt. Ideo quippe quod supra dixit, Et qui audierint uiuēt, in ipsa obeditione uitā æternā intelligi uoluit & beatā, quā non omnes habebūt qui de monumētis procedēt. Iā ergo & cōmemoratione monumentorū, & expressione processionis de monumētis aperte intelligimus corporū resurrectionem: audient omnes uocem eius & procedēt. Et ubi iudicium, si omnes audient, & omnes procedent? Quasi totum confusum est, nihil uideo discretum. Certe accepisti potestatem iudicandi, quia filius hominis es, Ecce aderis in iudicio, resurgent corpora: de ipso iudicio dic aliquid

aliquid, hoc est, de discretione malorum & bonorum. Et hoc audi, Qui bene fecerunt, in resurrectionem uitæ: qui male egerunt, in resurrectionem iudicii.) Superius cum de resurrectione mentium & animarum loqueretur, nūquid fecit discretionem? Sed omnes qui audiēt, uiuent, quia obediendo uiuent: at uero resurgendo & procedendo de monumentis, non omnes ad uitā æternam ibunt, sed qui bene fecerūt: qui autem male, ad iudicium. Hic enim iudicium pro pœna posuit, & erit diremptio, & non qualis modo est: nam & modo separamur non locis, sed moribus, affectionibus, desiderijs, fide, spe, charitate: simul enim cum iniquis uiuimus, sed nō una uita est omnium. In occulto dirimimur, in occulto separamur, quomodo grana in area, nō quomodo grana in horreo. Et separantur grana in area & miscentur. Separantur, cum à palea expoliantur: miscentur, quia nondum uentilantur. Tunc aperta erit separatio, sicut morum, sicut uitæ, sicut sapientiæ, ita & corporum. Eunt qui bene fecerunt, uiuere cum angelis dei: qui male egerunt, torqueri cum diabolo & angelis eius, & transtiet forma serui. Ad hoc certe præsentauerat ut faceret iudicium: post iudicium perget hinc, ducet secum corpus cui caput est, & offeret regnum domino, tunc planè uidebitur forma illa dei, quæ non potuit uideri ab iniquis, quorum uisioni forma serui exhibenda erat. Dicit & alibi sic, Ibunt isti in combustionem æternam, de quibusdam sinistris: iusti autem in uitā æternam: de qua alio loco dicit, Hæc est autem uita æterna, ut cognoscāt te unum uerū deū & quem misisti Iesum Christum. Tunc ibi apparebit, qui cum in forma dei esset, non rapinam arbitratus est esse se æqualem deo: tunc se ostendet, quomodo se dilectoribus suis ostensurū promissit. Qui enim diligit me, ait, mandata mea custodit: & qui diligit me, diligitur à patre meo, & ego diligā eum, & ostendā meipsum illi. Quibus loquebatur, præsens eis erat: sed formā serui uidebant, formā autē dei non uidebant. Per iumentū ad stabulū ducabantur curandi, sed sanati uidebunt: quia ostendā, inquit, meipsum illis. Quomodo ostenditur æqualis patri, cum dicit Philippo, Qui me uidet, uidet & patrem meū? Nō possum ego à meipso facere quicquā, sicut audio, iudico, & iudicium meum iustū est.) Et quia dicturi illi eramus, Si tu iudicabis & pater non iudicabit, quia omne iudicium dedit filio, non ergo secundum patrem iudicabis, adiecit, Non possum ego à meipso facere quicquā, sed sicut audio, iudico, & iudicium meū iustū est. Quia non quero uoluntatē meā, sed uoluntatē eius qui misit me.) Certe filius quos uult uiuificat, non quærit uoluntatē suā, sed uoluntatē eius qui misit illum: non meā, non propriā, non meā, nō filij hominis, non meā quæ resistat deo. Faciunt enim homines uoluntatem suam, non dei, quando faciunt quod uolunt, non quod iubet deus: quando autem ita faciunt quod uolunt, ut tamen sequantur uoluntatem dei, non faciunt uoluntatem suam, quamuis quod uolunt faciant. Volens fac quod iuberis, atque ita & hoc facias quod uis, & non uoluntatem tuam facies, sed iubentis. Quid ergo, sicut audio ita iudico? Audit filius, & demonstrat ei pater, & uidet filius patrem facientem. Et ista distuleramus paulo enudeatius pro uiribus pertractare, si tempus nobis peracta lectione & uires remanserint. Si dicam me posse loqui adhuc, forte & uos audire iam non potestis. Itē forte auditate audiendi dicitis, possumus. Melius est ergo ut ego infirmitatem meam fatear, qui iam fatigatus loqui nō possum, quā ut uobis bene satiatis, adhuc infundā quod nō bene digeratis. Proinde huius promissionis quam ad hodiernum tempus, si superesset, distuleram, tenete me adiuuante domino in crastinum debitorem.

De eo quod scriptum est, Amen amen dico uobis: nō potest filius à se facere quicquam, nisi quod uiderit patrem facientem. Quæcunque enim pater facit, hæc eadem & filius facit similiter. Tract. xx.



Erba domini nostri Iesu Christi, maxime quæ Ioannes commemorat euangelista, qui non sine causa super pectus domini discumbebat, nisi ut secreta altioris sapientiæ eius ebiberet, & quod amando biberat, euangelizando iuctaret, ita secreta sunt & profundæ intelligentiæ, ut omnes turbent qui peruerso sunt corde: & omnes exerceant, qui recto sunt corde. Proinde animaduertat charitas uestra ad hæc



**A** ad hæc pauca quæ lecta sunt. Videamus si quo modo possumus, donâre & adiuuante ipso, qui uerba sua nobis uoluit recitari, quæ tunc audita atq; conscripta sunt, ut modo legeretur, quid sibi uelit quod audistis, dicere. Amen amen dico uobis, non potest filius à se facere quicquam, nisi quod uiderit patrem facientem: quæcunq; enim pater facit, hæc eadem & filius facit similiter.) Vnde autem natus sit sermo iste, commemorandi estis propter superiora lectionis, ubi curauerat dominus quendam inter illos, qui quinque porticibus piscinæ illius Salomonis iacebat, cui dixerat, Tolle grabatū tuum, & uade in domum tuam. Hoc autem fecerat sabbatis, unde perturbati Iudæi calumniabantur, quasi euerforem & præuaricatore rem legis. Tunc eis dixerat, Pater meus usq; modo operatur, & ego operor. Illi enim carnaliter sapientes sabbati obseruationem, putabant dominum post laborem fabricati mundi usq; ad hunc diem quasi dormire, & propterea sanctificasse illum diem, ex quo cæpit uelut à laboribus requiescere. Est aut sacramentum sabbati antiquis patribus nostris præceptū, quod nos Christiani spiritaliter obseruamus, ut ab omni seruili opere, id est, ab omni peccato, quia dominus dixit, Omnis qui facit peccatū seruus est peccati: abstineamus nos, & habeamus quietem in corde nostro, id est, tranquillitatem spiritalem. Et quamuis in hoc seculo id conemur: ad eam tamen requiem perfectam non perueniemus, nisi cum de hac uita exierimus. Sed ideo dictum est deum requieuisse, quia iam creaturam nullam condebat postq; perfecta sunt omnia. Quietem uero propterea appellauit scriptura, ut nos admoneret post bona opera quieturos: sic enim scriptū habemus in Genesi, Et fecit deus omnia bona ualde, & requieuit deus die septimo, ut tu homo cum attendis ipsum post bona opera requieuisse, nō tibi speres requiem, nisi cum bona fueris operatus. Et quemadmodum deus postea quam fecit hominem ad imaginem & similitudinē suam sexto die, & in illo perfecit omnia opera sua bona ualdere, quieuit septimo die: sic & tibi requiem non speres, nisi cum redieris ad similitudinem dei, in qua factus es, quam peccando perdidisti. Non enim dominus laborasse dicendus est, qui iussit & facta sunt. Quis est qui post tantam operis facilitatem, quasi post laborem uelit requiescere? Si iussit, & aliquid ei restitit, & non est factum, & ut fieret laborauit, merito dicatur post laborem requieuisse. Cum uero & in ipso libro Geneseos legamus, Dixit deus, fiat lux, & facta est lux: dixit deus, fiat firmamentum, & factum est firmamentum, & cætera in uerbo eius continuo facta: cui rei attestatur & psalmus dicens, Ipse dixit & facta sunt, ipse mandauit & creata sunt: quomodo post mundum factum, requiem quasi ut cessaret requirebat, qui in iubendo nunquam laborauerat? Ergo illa mystica sunt, & propterea ita posita, ut nobis requiem speremus post hanc uitā, si bona opera fecerimus. Ideo dominus retundens impudentiam & errorem Iudæorum, & ostendens eos nō recte sapere de deo, ait illis scandalizātibus, quod sabbato operabatur hominum sanitatem, Pater meus usq; modo operatur, & ego operor. Nolite ergo putare quia sabbato ita requieuit pater meus, ut ex illo nō operetur, sed sicut ipse nunc operatur operor & ego: sed sicut pater sine labore, sic & filius sine labore. Dixit deus & facta sunt: dixit Christus languenti, Tolle grabbatum tuum, & uade in domum tuam, & factū est. Catholica aut fides habet, quod patris & filij opera inseparabilia sunt. Hoc est quod uolo, si possum, loqui charitati uestræ: sed secundum illa uerba domini, Qui potest capere capiat: qui autem capere non potest, nō mihi ascribat, sed tarditati suæ, & cōuertat se ad illū qui cor aperit, ut infundat quod donat. Postremo & si quisq; propterea nō intellexerit, qā nō à me sic dictū est ut dici debuit, ignoscat humanæ fragilitati, & supplicet diuinæ bonitati: habemus em̄ intus magistrū Christū, quicquid per aurē uestrā & os meū capere nō potueritis, in corde uestro ad eū cōuertimini: qui & me docet quod loquor, & uobis quæadmodū dignat' distribuit, qui nouit quid det & cui det: aderit petēti, aperiet pulsanti, & si forte nō dederit, nemo se dicat desertū. Forte em̄ aliquid dare differt, sed neminē esurientē relinquit. Si em̄ nō dat ad horā, exercet quærentē, nō contēnit petentē. Videte ergo & attēdite quid uelim dicere, & si forte nō possim, catholica fides hoc habet firmata spiritu domini in sanctis eius, cōtra omnē hæreticā prauitatē, qā pa-

| tris &amp;

tris & filij opera inseparabilia sunt. Quid est quod dixi? Quomodo ipse pater & filius in-  
 separabiles sunt, sic & opera patris & filij inseparabilia sunt. Quomodo pater & filius in-  
 separabiles sunt? quia ipse dixit, Ego & pater unum sumus, quia pater & filius non sunt  
 duo dii, sed unus deus, uerbum & cuius est uerbum, unus & unicus deus: unus pater &  
 filius charitate complexi, unusque charitatis spiritus eorum, ut fiat trinitas pater & filius  
 & spiritus sanctus. Non ergo tantum patris & filij, sed & spiritus sancti, sicut aequalitas &  
 inseparabilitas personarum, ita etiam opera inseparabilia sunt. Adhuc planius dicam,  
 quid sit, opera inseparabilia sunt. Non dicit catholica fides, quia fecit deus pater aliquid,  
 & fecit filius aliquid aliud: sed quod fecit pater, & filius fecit, & spiritus sanctus fecit. Per uer-  
 bum enim facta sunt omnia: quando dixit & facta sunt, per uerbum facta sunt, per Chri-  
 stum facta sunt, In principio enim erat uerbum, & uerbum erat apud deum, & deus erat  
 uerbum, omnia per ipsum facta sunt. Si omnia per ipsum facta sunt: dixit deus, fiat lux, &  
 facta est lux: in uerbo fecit, per uerbum fecit. Ecce ergo nunc audiuius euangelium, cum re-  
 sponderet stomachantibus Iudaïs, quia non solum soluebat sabbatum, sed & patrem suum  
 dicebat deum, æqualem se faciens deo: sic enim scriptum est in superiori capitulo. Cum ergo  
 tali eorum erranti indignationi dei filius & ueritas responderet, ait. Amen amen dico uobis,  
 non potest filius à se facere quicquam, nisi quod uiderit patrem facientem. Tanquam dice-  
 ret, Quid scandalizati estis, quia patrem meum dixi deum, quia æqualem me facio deo? Ita  
 sum æqualis, ut ille me genuerit: ita sum æqualis, ut non ille à me, sed ego ab illo sim. Hoc  
 nim intelligitur in his uerbis, Non potest à se filius facere quicquam, nisi quod uiderit patrem  
 facientem, hoc est, quicquid filius habet ut faciat, à patre habet ut faciat: quare habet à patre  
 ut faciat? Quia à patre habet ut filius sit, quia à patre habet ut possit, quia à patre habet ut  
 sit: Filio enim hoc est esse quod posse: homini non ita est, ex comparatione humanæ infir-  
 mitatis, longe infra iacentis. Vtuncq; corda sustollite, & ne forte aliquis nostrum tangat se-  
 cretum, & quasi coruscatione magnæ lucis horrescens, sapiat aliquid, ne insipiens remaneat:  
 nō tamen se totum sapere putet, ne superbiat & quod sapuit amittat. Homo aliud est quod  
 est, aliud quod potest. Aliquando enim & est homo, & nō potest quod uult. Aliquando au-  
 tem sic est homo, ut possit quod uult. Itaq; aliud est esse ipsius, aliud posse ipsius: si enim hoc  
 esset esse ipsius, quod est posse ipsius, cum uellet posset. Deus autem cui non est alia substan-  
 tia ut sit, & alia potestas ut possit, sed consubstantialis illi est quicquid eius est, & quicquid  
 est, quia deus est, non alio modo est, & alio modo potest, sed esse & posse simul habet, quia  
 uelle & facere simul habet. Quia ergo potentia filij de patre est, ideo & substantia filij de pa-  
 tre est: & quia substantia filij de patre, ideo potentia filij de patre est. Non alia potentia est  
 in filio, & alia substantia: sed ipsa est potentia quæ substantia, substantia ut sit, potentia ut  
 possit. Ergo quia filius de patre est, ideo dixit, Nō potest à se filius facere quicquā: quia non  
 est filius à se, ideo non potest à se. Videtur enim quasi minorem se fecisse cum dixit, Nō po-  
 test filius à se facere quicquā, nisi quod uiderit patrem facientem. Hic erigit ceruicem hæreti-  
 ca uanitas, eorum scilicet qui dicunt filium minorem esse quàm patrem, minoris potestatis, possibi-  
 litatis, non intelligentes mysterium uerborum Christi. Attendat autē charitas uestra, & uideat  
 quemadmodum in carnali suo intellectu modo turbentur in ipsis uerbis Christi. Hoc autē  
 paulo ante prælocutus sum, quia omnia peruersa corda perturbat, sicut pia corda exercet uer-  
 bum dei, maxime quod per Ioannem euangelistam dicitur. Alta enim per illum dicuntur,  
 non qualiacunq; nō quæ facile intelligantur. Ecce iam hæreticus si forte audit uerba ista, eri-  
 git se & dicit nobis, Ecce minor est filius quàm pater: ecce audi uerba filij quæ dicit, Non po-  
 test filius à se facere quicquam, nisi quod uiderit patrem facientem. Expecta quemodmodū  
 scriptum est, Esto mansuetus ad audiendum uerbum ut intelligas. Puta enim me conturba-  
 tum esse his uerbis, qui dico æqualem potestatem maiestatemq; esse patris & filij, cum au-  
 diui, Nō potest filius à se facere quicquam, nisi quod uiderit patrem facientem. Turbatus  
 his uerbis quare abs te, qui iam tibi uideris intellexisse. Nouimus in euangelio, filium am-  
 bulasse



**A** bulasse super mare, ubi patrem uidit ambulasse super mare: Hic iam ille turbatur. Pone ergo quod intellexeras, & simul quæramus. Quid ergo facimus? Verba dñi audiuius, Nō potest filius à se facere quicquid, nisi quod uiderit patrem facientem. Ambulauit ipse super mare, pater nuncq; ambulauit super mare. Certe nō facit filius quicquid, nisi quod uiderit patrem facientem. Redi ergo mecum ad id quod dicebam, ne forte sic intelligendum sit, ut de quæstione ambo exeamus: nam ego secundum fidem catholicam uideo, quomodo exeam sine offensione, sine scandalo: tu autem circūclusus, quæris qua ex eas. Qua intraueras uide, forte non intellexisti & hoc quod dixi, qua intraueras uide, ipsum audi dicentem: Ego sum ianua, Ioh. 10  
Non sine causa ergo quæris qua ex eas, & non inuenis, nisi quia per ianuam nō intraisti, sed per maceriam cecidisti. Ergo quemadmodū potes, à ruina tua collige te, & intra per ianuā, ut sine offensione intres, & sine errore ex eas. Per Christū ueni, nec ex corde tuo afferas quod dicas, sed quod ille ostendit, hoc loquere. Ecce fides catholica, quemadmodum exit de ista propositioe: ambulauit filius super mare, pedes carnis fluctibus imposuit, caro ambulabat, diuinitas gubernabat. Quando ergo caro ambulabat & diuinitas gubernabat, pater absens erat: Si absens erat, quomodo ipse filius dicit: Pater autem in me manens, ipse facit opera Ioh. 14  
sua: Si ergo pater in filio manēs, ipse facit opera sua, ambulatio illa carnis super mare, à patre fiebat, per filium fiebat. Ergo illa ambulatio opus est patris & filij inseparabile: utrumq; ibi operantem uideo: nec pater filium deseruit, nec filius à patre discessit. Itaq; quicquid facit filius, non facit sine patre, quia quicquid facit pater, non facit sine filio. Exitū est hinc, uide quia recte nos dicimus inseparabilia esse opera patris & filij & spiritus sancti. Nā quomodo tu intelligis: ecce fecit deus lucem, & uidit filius patrem facientem lucem, secundū carnalem intellectum tuum, quia ideo uis minorem intelligere quia dixit, Nō potest filius à se facere quicquid, nisi quod uiderit patrem facientem. Fecit deus pater lucem: quam aliam fecit filius: Fecit deus pater firmamentum, cælum inter aquas & aquas, uidit eum filius secundum intelligentiam tuam tardam & grossam, quia uidit filius patrem facientem firmamentum & dixit, non potest filius à se facere quicquid, nisi quod uiderit patrem facientem.  
**B** Da mihi alterum firmamentum: an tu amisisti fundamentum? Superædificati autem supra Eph. 2  
fundamentum apostolorum & prophetarum, ipso summo lapide angulari existente Christo Iesu, pacantur in Christo, nec contendunt & errant in hæresi. Intelligimus ergo lucem factam à deo patre, sed per filium. Omnia ergo per ipsum facta sunt, & sine ipso factum est nihil. Excute intelligentiam tuam: nec intelligentiam uocandam, sed planè stulticiam. Deus pater fecit mundum: quem fecit filius alterum mundum? Da mihi mundū filij. Iste in quo sumus, cuius est? Dic nobis, à quo factus est? Si dixeris à filio, errasti à patre: si dixeris à patre, non à filio, respondebit tibi euangelium: Et mundus per eum factus est, & mundus eum non cognouit. Agnosce ergo eum per quem factus est mundus, & noli esse inter illos qui eū non receperunt, qui eum qui fecit mundum non cognouerunt. Inseparabilia ergo opera patris & filij. Sed hoc est, non potest filius à se quicquid facere, quod esset si diceret, non est filius à se. Etenim si filius est, natus est: si natus est, ab illo est de quo natus est. Sed tamē æqualem sibi genuit: non enim defuit aliquid generanti: aut tempus quæsiuit ut generaret qui genuit coæternū: aut matrē quæsiuit ut generaret qui de se protulit uerbū: aut pater generās ætate præcesserat filium, ut minorem filium generaret. Et forte dicit aliquis: quia per multa secula in senectute sua deus suscepit filium. Sicut pater sine senectute, sic filius sine incremento. Nec ille senuit, nec ille creuit: sed æqualis æqualem genuit, æternus æternum. Quomodo, inquit, aliquis æternus æternum? Quomodo flāma temporalis generat lucem tēporalem. Coæua est autem flamma generans luci quam generat, nec præcedit tempore flamma generans lucem generatam, sed ex quo incipit flamma, ex illo incipit lux. Da mihi flammam sine luce, & do tibi deum patrem sine filio. Hoc est ergo, non potest filius à se facere quicquid, nisi quod uiderit patrem facientem: quia uidere filij, hoc est natum esse de patre. Nō alia uisio eius & alia substantia eius: nec alia potentia eius, alia substantia eius: Totū quod est, de  
I patre

patre est: totum quod potest, de patre est, quoniam quod potest & est, hoc unum est, & de patre totum est. Sequitur & ipse in uerbis suis, & male intelligentes conturbat, ut ad rectum intellectum reuocet errantes. Cū dixisset, non potest filius à se facere quicquid, nisi quod uiderit patrem facientem: ne forte carnalis subreperet intellectus, ut auerteret mentem, & faceret sibi homo quasi duos fabros, unum magistrum, alterum discipulum quasi attendentem magistrum, uerbi gratia, facientem arcam, ut quomodo ille fecit arcam, faciet & iste alteram arcam secundum uisionem quam inspexit in magistro operante. Sed ne tale aliquid sibi duplicaret in illa simplici diuinitate intellectus carnalis, secutus ait: Quaecumque enim pater facit, hæc eadem & filius facit similiter. Non enim ait, quaecumque facit pater, facit & filius alia similia, sed quaecumque pater facit, hæc eadem & filius facit similiter. Quæ ille, hæc & ipse: Mundum pater mundum filius, mundum spiritus sanctus. Si tres dii, tres mundi: si unus deus pater & filius & spūs sanctus, unus mūdus factus est à patre, per filiū in spū sancto. Hæc ergo facit filius quæ facit & pater, & non dissimiliter facit, & hæc facit & similiter facit. Iam dixerat hæc facit: quare addidit, similiter facit? Ne alius prauus intellectus uel error in anima nasceretur. Vides enim hominis opus, animus est in homine & corpus. Animus imperat corpori, sed multū interest inter corpus & animum. Corpus uisibile est, animus inuisibilis. Inter potentiam uirtutemque animi, & cuiusuis licet cœlestis corporis multū interest. Imperat tamē animus corpori suo, & facit corpus: & quod uidetur animus facere, hoc facit & corpus. Vides ergo corpus hoc idē facere quod animus, sed nō similiter. Quomodo hoc idē facit, sed nō similiter facit? Animus uerbū apud se iubet linguæ, & profert uerbū quod facit animus. Fecit animus, fecit & lingua: fecit dñs corporis, fecit & seruus. Sed ut faceret seruus, à dño accepit ut faceret, & iubente dño fecit. Hoc idem ab utroque factum est: sed nunquid similiter? Quomodo non similiter ait aliquis? Ecce uerbum quod fecit animus meus, manet in me: quod fecit lingua mea, percussio aëre transiit, & nō est. Cū dixeris uerbum in animo tuo, & sonuerit per linguam tuam, redi ad animum tuum, & uide quia ibi est uerbū quod fecisti. Nūquid sicut mansit in animo tuo, mansit in lingua tua? Quod sonuit per linguam tuam, fecit lingua sonans, fecit animus cogitans. Sed quod sonuit lingua, transiit: quod cogitauit animus, permanet. Hoc ergo fecit corpus, quod fecit animus, sed non similiter. Fecit animus quæ tenet animus: fecit enim lingua quod sonat, & per aërem aurem uerberat. Nūquid sequeris syllabas & facis ut maneant? Non ergo sic pater & filius, sed hæc eadem facit, & similiter facit. Si fecit deus cœlum quod manet: hoc fecit filius cœlum quod manet. Si fecit pater hominē qui moritur: eundem filius hominem fecit qui moritur. Quaecumque fecit pater instantia, hæc fecit & filius instantia, quia similiter fecit: & quaecumque fecit pater temporalia, hæc eadem fecit filius temporalia: quia non solum ipse fecit, sed & similiter fecit. Pater enim fecit per filiū, quia per uerbum fecit pater omnia. Quære in patre & filio separationem, nō inuenis: sed si assuerexisti, tunc inuenies: si aliquid supra mentem tuam tetigisti, tunc nō inuenies: nam si in his uersaris quæ sibi errans animus facit, cum imaginibus tuis loqueris, non cum uerbo dei. Fallunt te imagines tuæ, transcede corpus & sape animum, transcede & animū, & sape deū: nō tangis deū nisi & animum transieris: quāto minus tangis si in carne manseris? Illi enim qui sapiunt carnem, quā longē sunt à sapiendo quod deus est, quia non ibi essent, etiam si animum saperent. Recedit homo multum à deo quando sapit carnaliter, & multum interest inter carnem & animum: plus tamen interest inter animum & deum. Tu si in animo es, in medio es: si infra attendis, corpus est: si supra attendis, deus est. Attolle te à corpore, transi etiam te. Vide enim quod dixit psalmus, & admoneris quemadmodū sapiendus sit deus.

psal. 41 Factæ sunt, inquit, lachrymæ meæ panes die ac nocte, cū dicitur mihi quotidie, ubi est deus tuus. Tanquā pagani dicant: Ecce dii nostri, deus uester ubi est? Ostendūt enim illi quod uideatur: nos colimus quod non uidetur. Et cui ostēdamus? Homini qui nō habet unde uideatur: nam utique si ipsi deos suos uidēt oculis: habemus & nos alios oculos, unde uideamus deum nostrū. Ipsi oculi mūdandi sunt, ut uideamus dñm nostrū. Beati em̃ mundo corde, quia ipsi deum



**A** deum uidebūt. Ergo cū se cōturbatum dixisset, cum dicit illi quotidie, ubi est deus tuus: hæc meditatus sum, inquit, quia dicit mihi quotidie, ubi est deus tuus. Et quasi uolens cōprehendere dñm suum, hæc meditatus sum, inquit, & effudi super me animā meam. Vt ergo attingerem deū meum, de quo mihi dicebatur, ubi est deus tuus, nō effudi animam meā sup carnem meā, sed super me. Transcendi me ut illū tangerem. Ille enim est super me qui fecit me: Nemo eum attingit, nisi qui se transierit. Cogita corpus, mortale est, terrenū est, fragile est, corruptibile est, abiice. Sed forte caro tēporalis est. Alia corpora cogita: cœlestia corpora cogita, maiora, meliora, splendida sunt. Attende & ipsa, uelut fulgura uoluuntur ab oriente ad occidentē, non stant, uidētur oculis, non solū ab homine, sed etiā à pecore. Transi & ipsa. Et quomodo, inquires, transeo cœlestia corpora, cum ambulo in terra? Non carne transis, sed mente: Abiice & ipsa, quāuis luceant, corpora sunt: q̄uis de cœlo fulgeant, corpora sunt. Veni, quoniam forte non te putas habere quod eas, cum cōsyderas ista omnia: & ultra cœlestia corpora, quod iturus sum, inquis, & quid mente transiturus sum? Consyderasti ista omnia? Consyderauis, inquis. Vnde consyderasti? Ipse consyderator appareat. Ipse enim consyderator, istorum omnium discriminator, distinctor & quodāmodo appensor in libra sapientiæ, animus est. Sine dubio melior est animus quo ista omnia cogitasti, q̄ ista omnia quæ cogitasti. Animus ergo iste spūs est non corpus: Transi & ipsum. Cōpara corpora ipsi animo primo, ut uideas quod transeas. Cōpara illū carni: absit, nec digneris cōparare. Cōpara illū fulgori solis, lunæ, stellarū: maior fulgor est animi. Primo celeritatē animi ipsius uide, uide si nō uehemētior scintilla est animi cogitantis, q̄ splendor solis lucentis. Solē orientē tu uides animo, motus ipsius q̄ tardus est ad animū tuū. Cito tu potuisti cogitare quod facturus est sol, q̄ ille facturus est. Ab ortu ad occidentē uēturus est, iam ex alia parte cras oriet. Vbi hoc fecit cogitatio tua, adhuc ille tardus est, & tu omnia peragraisti, magna ergo res est animus. Sed quomodo dico, transi & ipsum? Quia ipse animus mutabilis est, q̄uis melior sit omni corpore: modo nouit, modo non nouit: modo obliuiscitur, modo recordatur: modo uult, modo non uult: modo peccat, modo iustus est. Transi ergo omnē mutabilitatē, nō solum omne quod uidetur, sed & omne quod mutat: Transisti enim carnē quæ uidetur: trāstisti cœlū, solē, lunam, stellas q̄: transisti & omne quod mutatur. Jam em̄ istis transactis ueneras ad animū tuū, sed & ibi inuenisti mutabilitatē animi tui, nunquid mutabilis est deus? Transi ergo & animū tuū, effunde super te animā tuā ut cōtingas deū, de quo tibi dicitur: Vbi est deus tuus? Ne putes te aliquid facturū quod homo nō possit. Hoc fecit ipse Ioannes euangelista: Transcendit carnem, transcendit terram quā calcauit: transcendit mariā quæ uidebat, transcēdit aërem ubi alites uolitant, transcendit solem, transcendit lunam, transcendit stellas, transcendit omnes spūs qui non uidentur, transcendit mētem suam, ipsam rationem animi sui. Transcendens ista omnia, super se effundens animam suam, quod peruenit? Quid uidit? In principio erat uerbum, & uerbum erat apud deum. Si ergo separationem non uides in luce, quid separationem quæris in opere. Vide deum, uide uerbū eius: inhære uerbo dicenti, quia ipse dicens non syllabis dicit, sed splendore sapientiæ fulget: hoc est dicere, quod dictum est de sapientia ipsius, candor est lucis æternæ. Attende candorem solis, in cœlo est, & expandit candorem per terras omnes, per maria omnia, & utiq; corporalis lux est. Si separas candorem solis à sole, separa uerbum à patre. De sole loquor. Lucernæ una flammula tenuis, quæ uno flatu possit extinguī, spargit lucem suam super cuncta quæ subiacent, uides lucem sparsam à flammula generatam, emissionem uides, separationem non uides. Intelligite fratres charissimi, patrem & filium & spiritum sanctum inseparabiliter sibi coherere, trinitatē hanc unum deum, & omnia opera unius dei, hæc esse patris, hæc esse filij, hæc esse spiritus sancti. Cætera quæ sequuntur quæ pertinent ad sermonem ipsius dñi nostri Iesu Christi in euangelio, quoniam & crastino die sermo debetur uobis, adestote ut audiat.

Ab eo quod scriptū est: Pater enim diligit filium, & omnia demonstrat ei quæ ipse facit, & maiora horū demonstrabit ei opera, ut uos miremini, usq; ad eū locū ubi ait: Vt omnes honorificent filiū, sicut honorificant patrem: qui non honorificat filium, non honorificat patrem qui misit illum: Tractatus XXI.

**I**N ESTERNO dic quantū dñs donare dignatus est, qua potuimus facultate tractauimus, & qua potuimus capacitate intelleximus, quomodo inseparabilia sūt opera patris & filij, nec alia facit pater, alia filius: sed omnia pater facit per filium, tanq; per uerbum suū, de quo scriptum est. Omnia per ipsum facta sunt, & sine ipso factum est nihil. Sequentia uerba hodie uideamus, & ab eodē dño eius misericordiam & deprecemur, & speremus: ut primū si dignum ipse iudicat, intelligamus quod uerū est. Si aut non potuerimus, non eamus in illud quod falsum est. Melius est enim nescire, q; errare: sed scire est melius q; nescire. Itaq; ante omnia conari debemus ut sciamus: si potuerimus, deo gratias: si autem non potuerimus interim peruenire ac uenire ad ueritatē, nō eamus ad falsitatē. Qui enim sumus & quid tractemus cōsiderare debemus. Homines sumus carnem portantes, in hac uita ambulantes: & si iam de semine uerbi dei renati, tamen ita in Christo innouati, ut nondū penitus ab Adā expoliati. Quod enim nostrum mortale & corruptibile aggrauat animā, ex Adam esse apparet manifestū est: quod autē nostrū spiritale subleuat animā, de dei dono & misericordia eius, qui unicum suū misit cōmunicare nobiscū mortem nostrā, & ducere nos ad immortalitatē suā. Hunc habemus magistrū, ut nō peccemus: & defensorē si peccauerimus, & cōfessi atq; cōuersi fuerimus: & interpellatorē p nobis, si quid boni à dño desiderauerimus: & datorem cū patre, quia deus unus est pater & filius: Sed loquebatur illa homo hominibus, deus occultus, homo manifestus, ut manifestos homines faceret deos: & filius dei factus filius hominis, ut hominū filios faceret filios dei. Qua hoc arte sapientia suā faciat, in eius uerbis agnoscimus. Loquit̃ em̃ paruulis paruus, sed ipse ita paruus, ut & magnus: nos aut̃ paruī, sed in illo magni. Loquit̃ enim tanq; fons fouēs & nutrens lactentes, & amando crescentes. Dixerat: Non potest filius à se facere quicq; nisi quod uiderit patrē facientē: Intelleximus autē quia non seorsum aliquid pater facit, quod cū uiderit aliquid filius, faciat & ipse aliquid tale inspecto opere patris sui: sed id quod dixerat: Non potest filius à se facere quicq; nisi quod uiderit patrē facientē: quia de patre est totus filius, & tota substantia & potentia eius ex illo est, q genuit eū. Modo aut̃ cū dixisset, & se hāc facere similiter quæ facit pater: ut non intelligamus alia facere patrē, alia filiū, sed simili potentia facere filium eadē ipsa quæ pater facit, cum pater facit per filiū, secutus ait quod hodie lectum audiuius: Pater enim diligit filium, & omnia demonstrat ei quæ ipse facit. Rursus mortalis cogitatio perturbat. Demonstrat pater filio quæ ipse facit. Ergo ait aliquis: Seorsum pater facit, ut possit filius uidere quod facit. Rursus occurrūt humanæ cogitationi tanq; artifices duo, uelut si faber doceat filiū suū artem suam, & demonstret ei quicquid facit, ut possit etiā ipse facere quod uiderit patrē facientē. Omnia, inquit, demonstrat ei quæ ipse facit. Cū ergo pater facit, filius nō facit, ut possit uidere filius quod pater facit. Certe omnia per ipsum facta sunt, & sine ipso factū est nihil. Hinc uideamus quēadmodū pater demonstrat filio quod facit, cum pater nihil faciat, nisi quod per filium facit. Quid fecit pater? Mundū. Itā ne factū mundū demonstrauit filio, ut ipse tale aliquid faceret? Detur ergo mūdus nobis quē fecit filius. Sed & omnia per ipsum facta sunt, & sine ipso factū est nihil: Et mūdus p ipsum factus est. Si factus per eū est mūdus, omnia per ipsum facta sunt, & nihil facit pater quod non per filiū faciat. Vbi demonstrat filio pater quod facit, nisi in ipso filio per quem facit? Quis enim locus ubi demonstretur opus patris filio, quasi extra faciat & extra sedeat, & filius attendat manū patris quēadmodū faciat? Vbi est illa inseparabilis trinitas? Vbi est uerbum de quo dictum est, q ipse est uirtus & sapientia dei? Vbi quod de ipsa sapientia dicitur: Candor est enim lucis aternæ? Vbi quod de illa iterum dicitur: Attingit à fine usq; ad finē fortiter, & disponit omnia suauiter? Si quid facit pater, per filium facit. Si per sapientiam suam



A suam & uirtutē suam facit, non extra illi ostendit quod uideat, sed in ipso illi ostendit quod faciat. Quid uidet pater, uel potius quid uidet filius in patre ut faciat? Et ipse possum forte dicere, sed da iam qui possit capere, aut forte possum cogitare nec dicere, aut forte nec cogitare. Excedit enim nos illa diuinitas tanq̃ deus homines, tanq̃ immortalis mortales, tanq̃ æternus tēporales. Inspiret & donet de fonte illo uitæ, nunc aliquid irrorare dignetur & stillare in sitim nostram, ne in hac eremo arescamus. Dicamus ei domine, cui didicimus dicere pater. Audemus enim hoc, quia ipse uoluit ut auderemus: si tamen sic uiuamus, ut non nobis dicat: Si dñs sum, ubi est honor meus? Dicamus ergo illi, Pater noster. Cui dicimus, *Malach. 1*  
 pater noster? Patri Christi. Qui ergo patri Christi dicit, pater noster, quid dicit Christo nisi frater noster? Non tamen sicut Christi pater, ita & noster pater. Nunq̃ enim Christus ita nos coniunxit, ut nullam distinctionem faceret inter nos & se. Ille enim filius æqualis patri, ille æternus cum patre, patriq̃ coæternus. Nos autem facti per filium, adoptati per unicum. Proinde nunq̃ auditum est de ore domini nostri Iesu Christi cum ad discipulos loqueret̃, dixisse illum de deo summo patre suo, pater noster, sed aut pater meus dixit, aut pater uester, usq̃ adeo ut quodam loco poneret hæc duo: Vado ad deum meum, inquit, & deum uestrum. Quare non dixit deū nostrum? Et patrem meum dixit & patrem uestrum, non dixit nostrum: Sic iungit ut distinguat, sic distinguit ut non seiungat. Vnū nos uult esse in se, unū autem patrem & se. Quantūcunq̃ ergo intelligamus & quantūcunq̃ uideamus, etiam cum angelis æquati fuerimus, non uidebimus sicut uidet filius. Nos enim & quando non uidemus, sumus aliquid. Quid aliud sumus quando non uidemus, nisi non uidentes sumus: tamen uelut non uidentes, & ut uideamus, conuertimus nos ad deum quem uideamus, & fit in nobis uisio quæ non erat quando nos tamen eramus. Est enim homo non uidens, & idē ipse cum uiderit dicitur homo uidēs. Non ergo hoc est illi uidere, quod esse hominē: nam si hoc illi esset uidere quod esse hominem, nunq̃ esset homo nisi uidens. Cum uero est homo non uidens, & quærit uidere quod nō uidet, est qui quærat, est qui se cōuertat ut uideat: & cum se bene cōuerterit & uiderit, fit homo uidens, qui prius erat homo non uidens. Videre ergo accedit illi, & recedit ab illo. Accedit illi cū se conuerterit, recedit ab illo cū se auerterit. Nunquid ita filius? Absit. Nunquid fuit filius non uidens, & postea factus est uidens, sed uidere patrem, hoc illi est esse filium. Nos enim aduertendo ad peccatum amittimus illuminationem, & conuertendo nos ad deum, percipimus illuminationem. Aliud est enim lumē quo illuminamur, aliud nos qui illuminamur. Lumen autem ipsum quo illuminamur, nec auertitur à se, nec perdit lucere quia lux est. Sic ergo demonstrat pater omnia quæ facit filio, ut in patre sit omnia filius. Videndo enim natus est, & nascendo uidet: sed non aliquando non erat natus, & postea natus est, sicut nō aliquādo nō uidit, & postea uidit: sed in eo quod est illi uidere, in eo est illi esse, in eo est illi natum esse, in eo est illi permanere, in eo est illi nō mutari, in eo est illi sine initio, & sine fine persistere. Nō ergo carnaliter accipiamus, quia pater facit opus & demonstrat filio, & uiderit filius opus quod pater facit, & facit illud in alio loco, aut de alia materia: Omnia enim per ipsum facta sunt, & sine ipso factum est nihil. Verbum patris est filius, nihil dixit deus quod non dixit in filio. Dicendo enim filio quod facturus erat pater per filium, ipsum filium genuit per quē faceret omnia. Et maiora horum demonstrabit ei opa ut uos miremini.) Rursus hic turbat. Et quis est qui digne perscrutat̃ hoc tantum secretū? Sed iam quomodo nobis loqui dignatus est, ipse aperiat: neq̃ enim uellet dicere quod nollet intelligi: Quia dicere dignatus est, sine dubio excitauit audientiā. Nunquid quē excitauit ut audiret, excitatū deseret? Diximus ut potuimus, nō tēporaliter scire filium, & nec aliud esse filij uisionē, & aliud ipsum filiū, sed ipsam uisionē & ipsam scientiā uel sapientiā patris esse filiū, eamq̃ sapientiā & eam uisionē æternā esse ab æterno, & ei à quo est coæternā, nec ibi per tēpus aliquid uariari, nec aliquid nasci quod nō erat, nec aliquid perire quod erat. Diximus hæc ut potuimus. Quid ergo hic modo facit tēpus, ut diceret: maiora his demonstrabit ei opera. Idem demonstraturus est, hoc est demonstrabit: Aliud est de

monstravit, aliud est demonstrabit. Demonstravit de praterito dicimus, demonstrabit de monstraturum dicimus. Quid ergo hic agimus fratres? Ecce quē dixeramus patri coeternū, nihil in illo uariari per tempus, nihil moueri per spacia uel momentorū uel locorū, manere semper cū patre, uidentem patrem & uidendo existentē: rursus nobis tēpora nominās, demonstrabit ei, inquit, his maiora. Ergo demonstraturus est aliqd filio, quod nō nouit filius? Quid ergo faciemus? Quomodo hoc intelligimus? Ecce dñs noster Iesus Christus sursum erat, deorsum est. Quādo sursum erat? Quādo dixit, quācūq; facit pater, hac eadē & filius facit similiter. Vnde modo deorsum? Maiora his demonstrabit ei opa. O dñe Iesu Christe, saluator noster, uerbū dei, per quod facta sunt omnia, quid tibi pater demonstraturus est quod adhuc nescis? quid te latet patris? quid te latet in patre, quē nō latet pater? Quae opera tibi maiora demonstraturus est? aut quibus operibus maiora sunt quae demonstraturus est? Cū enim dixit, maiora his, debemus prius intelligere quibus maiora. Recordemur unde sermo iste pcessit, quādo curatus est ille qui triginta & octo annos habebat in infirmitate, & iussit eū saluū tollere grabatū suū, & ire in domū suā. Hinc enim Iudaei cōmoti cū qbus loquebatur, loquebat uerbis & tacebat intellectu, quodāmodo innuebat intelligētibus, exalabat irascentibus. Hinc ergo cū essent cōmoti Iudaei, qā hoc sabbato dñs faceret, dederūt occasionē sermoni huic. Nō ergo sic audiamus hac tanq; obliiti quae supra dicta sunt, sed respiciamus illū languidū triginta & octo annorū subito factū sanū, admirantibus Iudaeis & irascentibus: Quarebant tenebras magis de sabbato q lumen de miraculo. His ergo indignantibus loquens ait hoc: maiora his demonstrabit ei opera. His maiora: Quibus? Quod uidistis hominē factū sanum, cuius languor durauerat usq; ad triginta & octo annos: his maiora pater demonstraturus est filio. Quae sunt maiora? Sequit & dicit: Sicut enim pater suscitatur mortuos & uiuificat, sic & filius quos uult uiuificat. Planē maiora sunt ista. Valde em plus est ut resurgat mortuus, q ut conualescat aegrotus. Maiora sunt ista. Sed quādo ea pater demonstraturus est filio? Nescit enim ea filius, & ille q loquebatur nō nouerat mortuos suscitare? Adhuc habebat discere resuscitare mortuos, per quē facta sunt omnia, q fecit ut uiueremus, q nō eramus? Adhuc habebat discere ut resuscitaremur? Quid est qd' uult dicere? Descendit em ad nos, & q pauloante loquebat ut deus, coepit loqui ut homo. Ipse est tñ homo qui deus, quia deus factus est homo, sed factus quod nō erat, nō amittens quod erat. Ergo accessit homo, ut esset homo q erat deus, nō iam ut homo esset, & nō esset deus. Audiamus ergo eū & factum, qui audiebamus conditorē. Conditorē quia uerbum in principio: factū, quia natū ex uirgine Maria. Conditorē ante Abraam, ante Adam, ante terram, ante cœlū, ante omnia corporalia & spiritalia: factum autem ex semine Abraae, ex tribu Iuda, ex uirgine Israhēlica. Si ergo nouimus hunc qui nobis loquitur, & deum & hominem, intelligamus uerba dei & hominis: aliquando enim talia nobis dicit quae pertineant ad maiestatem, aliquando quae pertineant ad humilitatem. Ipse enim rex excelsus qui humilis, ut nos humiles faciat excelsos. Quid ergo ait? Demonstrabit mihi pater his maiora, ut uos miremini. Ergo nobis est demonstraturus, non illi. Cum ergo nobis sit demonstraturus pater: propterea dixit, ut uos miremini. Exposuit enim quod uoluit dicere, demonstrabit mihi pater. Quare nō dixit, demonstrabit uobis pater, sed demonstrabit filio? Quia & nos membra sumus filij: & nos membra tanq; quod discimus, ipse discit quodāmodo in membris suis. Quomodo discit in nobis? Quomodo patitur in nobis. Vnde scimus quia patitur in nobis, unde pbamus? Ex illa uoce de cœlo: Saule Saule quid me persequeris? Nōne ipse est qui iudex in fine seculi residebit, & iustos ad dexterā ponens, iniquos autē ad sinistrā, dicturus est: Venite benedicti patris mei percipite regnum: Esuriui enim & dedistis mihi manducare? Cūq; illi responderint: Dñe, quādo te uidimus esurientem, dicturus est eis: Cū unī ex minimis meis dedistis, mihi dedistis. Qui ergo dixit: Cum unī ex minimis meis dedistis, mihi dedistis, & nunc interrogetur à nobis, & dicamus illi: Dñe quādo eris discens, cū tu doceas omnia? Statim enim nobis in fide nostra respondebit: Cū unus ex minimis discit, ego disco. Ergo gratulemur



A talemur & agamus gratias, non solū nos Christianos factos esse, sed Christum. Intelligitis fratres gratiam dei super nos capitis: admiramini, gaudete, Christi facti sumus. Si enim caput ille est, nos mēbra, totus ille homo & nos. Hoc est quod apostolus dicit Paulus: Ut ul/ Eph. 4. tra iam non simus paruuli, iactati & circūdati omni uento doctrinæ, superius autē dixerat: Donec occurramus omnes in unitatē fidei, in agnitionē filij dei in uirū perfectū, in mensurā ætatis plenitudinis Christi. Plenitudo ergo Christi caput & membra. Quid est caput & mēbra? Christus & ecclesia. Arrogamus enim nobis hoc supbe, nisi ipse dignetur hoc pmittere, qui per Apostolū eundē dicit: Vos autē estis corpus Christi & mēbra. Cū ergo ostēdit pater 1. Cor. 12. mēbris Christi, Christo ostēdit, sit quoddā miraculū magnū, sed tñ uerū. Ostendit Christo quod nouerat Christus, & ostēdit Christo p Christū. Res mira est & magna est: sed scriptura sic loquit. Cōtradiçturi sumus diuinis eloquijs, & nō potius intellecturi, & ex ipsius dono q ei donauit gratias acturi? Quid est quod dixi, demonstrat Christo p Christū? Demonstratur membris per caput. Ecce uide illud in te. Pone te clausis oculis uelle aliquid tollere, ne scit manus quō eat, & utiq; manus tua membrū tuū est, nō enim à corpore tuo separata est, aperī oculos, uidet etiam manus quō eat, demonstrante capite mēbrū secutū est. Si ergo in te potuit inueniri tale aliquid ut corpus tuū ostēderet corpori tuo, & per corpus tuū demonstratur aliquid corpori tuo, noli mirari quia dictū est, demonstrat Christo per Christū. Demonstratur enim caput ut membra uideant, & docet caput ut mēbra discant. Vnus tamen homo caput & mēbra: Noluī se separare, sed dignatus est agglutinari. Longe à nobis erat, & multū longe. Quid tam longe, q̄ conditū & cōditor? Quid tam longe, q̄ deus & homo? Quid tam longe, q̄ iusticia & iniquitas? Quid tam longe, q̄ æternitas & mortalitas? Ecce q̄ longe erat uerbum in principio, deus apud deū per quē facta sunt omīa. Quomodo ergo factus est prope, ut esset quod nos, & nos in illo? Verbum caro factū est, & habitauit in nobis. Hoc ergo est nobis demonstraturus: hoc demonstrauit discipulis suis, qui cū in carne uiderant. Quid est hoc? Sicut pater suscitāt mortuos & uiuificat: Sic & filius quos uult uiuificat.) Alius ne pater, alius filius? Certe omnia per ipsum facta sunt. Quid dicimus fratres mei? Lazarū suscitauit Christus, quem mortuum suscitauit pater, ut uideret Christus quem Ioh. 11. admodum Lazarū suscitaret? An quando resuscitauit Lazarū Christus, non eum resuscitauit pater? Et sine patre fecit filius solus? Legite ipsam lectionem, & uidete quia patrem ibi inuocat ut resurgat Lazarus: sicut homo inuocat patrem, sicut deus facit cum patre. Ergo & Lazarus quōd resurrexit, & à patre & à filio suscitatus est in dono & gratia spūs sancti, & illud mirabile opus trinitas fecit. Non ergo sic intelligamus, sicut ergo pater suscitāt mortuos & uiuificat, sic & filius quos uult uiuificat, ut alios à patre resuscitari & uiuificari, alios à filio existimemus, sed eosdem quos pater suscitāt & uiuificat, ipsos & filius suscitāt & uiuificat, quia omnia per ipsum facta sunt, & sine ipso factum est nihil. Et ut ostenderet habere se q̄ uis à patre, datam tamen patris potestatem, ideo ait: Sic & filius quos uult uiuificat. Et ut ostenderet ibi uoluntatem suam, & ne quis diceret, suscitāt pater mortuos per filium, sed ille tanq̄ potens, iste tanq̄ ex aliena potestate, tanq̄ minister facit aliquid sicut angelus, potestatem significauit ubi ait: Sic & filius quos uult uiuificat: non enim uult pater aliud quā filius, sed sicut illis una substantia, sic una uoluntas est. Et qui sunt isti mortui quos uiuificat pater & filius? An ipsi sunt de quibus diximus, Lazarus, uel filius illius uiduæ, uel filia archi-synagogi? Nouimus enim istos à Christo domino nostro suscitatos. Aliud aliquid nobis uult insinuare, resurrectionem scilicet mortuorum quam omnes expectamus, nō illam quā quidam habuerūt ut crederent cæteri. Resurrexit enim Lazarus moriturus, resurgemus nos semp cū Christo uiçturi. Talē resurrectionē pater fecit an filius? Immo uero pater per filiū. Ergo filius in patre, & pater in filio. Vnde pbamus, q̄a de ista dicit resurrectiōe? Cū dixisset, sicut em pater suscitāt mortuos & uiuificat, sic & filius quos uult uiuificat, ne intelligeremus mortuorū resurrectionē quā facit ad miraculum, non ad uitā æternam, secutus ait: Neq; enim pater iudicat quenquam, sed iudicium omne dedit filio.) Quid hoc est? De mor-

tuorum resurrectione dicebat, quia sicut pater suscitatur mortuos & uiuificat, sic & filius quos uult uiuificat: unde continuo tanquam rationem subiecit de iudicio dicens: Neque enim pater iudicat quēquā, sed omne iudicium dedit filio, nisi quia de resurrectione dixerat mortuorum, quæ futura est in iudicio. Paulo ante putabamus aliquid facere patrem, quod non facit filius, quando dicebat: Pater diligit filium, & omnia demonstrat ei quæ ipse facit: tanquam pater faciebat, & filius uidebat: Sic erat subrepens menti nostræ intellectus carnalis, quasi pater faceret quod filius non faceret: filius autem uideret patrem demonstrantem quod fieret à patre. Ergo uelut pater faciebat, quod filius non faciebat. Modo iam uidemus aliquid facere filium quod non facit pater. Quomodo nos uersat, & mentem nostram pertractat, huc atque illuc ducit, uno carnis loco remanere non sinit, ut uersando exerceat, exercendo mundet, mundando capaces reddat, capaces factos impleat. Quid de nobis faciunt uerba hæc? Quid loquebatur? Quid loquitur? Paulo ante dicebat, quia demonstrat filio pater quicquid facit, uidebam quasi patrem facientem, filium expectantem. Modo rursus uideo filium facientem, patrem uacantem: Non enim pater, inquit, iudicat quēquā, sed omne iudicium dedit filio. Quando ergo filius iudicaturus est, pater uacabit & non iudicabit? Quid est hoc? quid intelligam domine? quid dicis qui uerbum dei es? homo sum. Dicis quia pater non iudicat quenquā, sed omne iudiciū dedit filio. Lego alio loco te dicente: Ego non iudico quēquā, est qui quærat & iudicet. De quo dicis, est qui quærat & iudicet, nisi de patre? Ille quærit iniurias tuas, ille iudicat de iniurijs tuis: Quomodo hic pater non iudicat quenquā: sed omne iudicium dedit filio? Interrogemus & Petrum, audiamus eum loquentem in epistola sua: Christus pro nobis passus est, inquit, relinquens nobis exemplum, ut sequamur uestigia eius, qui peccatum non fecit, nec dolus inuentus est in ore eius: qui cum malediceretur, non maledicebat, cum iniuriam acciperet non minabatur, sed commendabat illi qui iuste iudicat: Quomodo uerum est quia pater non iudicat quēquā, sed omne iudicium dedit filio? Turbamur hic, turbati desudemus, desudantes purgemur. Conemur utcumque donante ipso, penetrare alta secreta uerborum istorum. Temere fortasse facimus, quia discutere & scrutari uolumus uerba dei. Et quare dicta sunt, nisi ut sciantur? Quare sonuerunt, nisi ut audiantur? Quare audita sunt, nisi ut intelligantur? Confortet ergo nos & donet nobis aliquid quantum ipse dignatur, & si nondum penetramus ad fontem, de riuo bibamus. Ecce ipse Ioannes nobis tanquam riuulus emanauit, perduxit ad nos de alto uerbum, humiliauit, & quodammodo strauit, ut non horreamus altum, sed accedamus ad humilem. Omnino est quidam intellectus uerus, fortis, si quo modo eum tenere possumus, quia pater non iudicat quenquam, sed omne iudicium dedit filio. Hoc enim dictum est, quia hominibus in iudicio non apparebit nisi filius: Pater occultus erit, filius manifestus. In quo erit filius manifestus? In forma qua ascendit: Nam in forma dei cum patre occultus est, in forma serui hominibus manifestus. Non ergo pater iudicat quēquā, sed in manifesto omne iudicium dedit filio. Hoc enim dictum est, quia hominibus in iudicio non apparebit nisi filius, sed manifesto. In quo manifesto iudicio filius iudicabit, quia ipse iudicandis apparebit. Euidētius nobis ostēdit scriptura, quia ipse apparebit, Quadragesimo die post resurrectionem suam ascendit in celum, uidentibus discipulis suis, & uox illis angelica, uiri, inquit, Galilæi, quid statis aspicientes in celum? Ille qui assumptus est à uobis in celum, sic ueniet quemadmodum uidistis eum euntem in celum. Quomodo eum uidebant ire? In carne quam tetigerunt, quam palpaauerunt, cuius etiam cicatrices tangendo sibi probauerunt, in illo corpore in quo cum eis intrauit & exiuit per quadraginta dies, manifestans se eis in ueritate, non in aliqua falsitate, non phantasmate, non umbra, non spiritu, sed quēadmodum ipse dixit non fallens. Palpate & uidete, quia spiritus carnē & ossa non habet, sicut me uidetis habere. Est quidē illud iam corpus dignū cœlesti habitatione, non subiaccens mortī, non mutabile per ætates. Non enim sicut ad illam ætatem ab infantia creuerat, sic ab ætate quæ iuuentus erat, uergit in senectutem: manet sicut ascendit, uenturus ad eos quibus antequam ueniat, uerbum suum uoluit prædicare. Sic enim

Ioan. 8

1. Pet. 2

4. sen. dis. 48. ca.  
sed cum

Act. 1

Luc. 24



A enim ueniet in forma humana. Hanc uidebunt & impij, uidebunt & ad dexteram positi, uidebunt ad sinistram separati, sicut scriptum est: Videbunt in quem pupugerunt. Si uidebunt in quem pupugerunt, corpus ipsum uidebunt quod lancea percusserunt. Lancea non percutitur uerbum. In hoc enim impij uidere potuerunt quod & uulnerare potuerunt. Latentem deum in corpore non uidebunt: post iudicium uidebitur ab his, qui ad dexteram erunt. Hoc est ergo quod ait: Pater non iudicat quemcumque, sed omne iudicium dedit filio: quia manifestus ad iudicium ueniet filius in humano corpore apparens, hominibus dicens dextris: Venite benedicti patris mei Ioan. 19 percipite regnum: dicens sinistris: Ite in ignem aeternum, qui prae paratus est diabolo & angelis eius. Ecce uidebitur forma hominis a pijs & impijs, a iustis & ab iniustis, a fidelibus & ab infidelibus, a gaudentibus & a plangentibus, a confisus & confusis. Ecce uidebitur cum uisa fuerit illa forma in iudicio, & fuerit peractum iudicium, ubi dictum est: Pater non iudicat quemcumque, sed omne iudicium dedit filio: ob hoc, quia filius apparebit in iudicio in forma, quam ex nobis suscepit. Quid postea futurum est quando uidebitur forma dei, quam sitiunt omnes fideles: quando uidebitur illud, quod erat in principio uerbum deus apud deum, per quod facta sunt omnia: quando uidebitur illa forma dei, de qua dicit Apostolus: Cum in forma dei esset, Phil. 2 non rapinam arbitratus est esse aequali deo. Magna enim illa forma ubi aequalitas patris & filij cognoscitur ineffabilis, incomprehensibilis, maxime paruulis. Quando uidebitur? Ecce ad dexteram sunt iusti, ad sinistram sunt iniusti. Omnes pariter homines uident filium hominis, uident qui peractus est, uident qui crucifixus est, uident humiliatum, uident natum ex uirgine, uident agnum de tribu Iuda, uerbum deum apud deum. Quando uidebunt, ipse erit & tunc, sed forma serui apparebit. Forma serui seruis demonstrabitur: forma dei, filiis seruabitur. Fiant ergo serui filij, qui sunt ad dexteram, eant in aeternam hereditatem olim promissam, quam non uidentes martyres crediderunt, pro cuius promissione sanguinem suum sine dubitatione fuderunt. Eant illuc & uideant ibi. Quando illuc ibunt? Dicat ipse dominus: Sic ibunt illi in combustionem aeternam, iusti autem in uitam aeternam. Ecce uitam aeternam nominauit. Nunquid hoc nobis dixit, quia ibi uidebimus & cognoscemus patrem & filium? Quid si uiuamus in aeternum, sed illum patrem & filium non uidebimus? Audi alio loco ubi uitam aeternam nominauit, & expressit quid sit uita aeterna. Noli timere, non te fallo, non sine causa promisi dilectoribus meis dicens: Qui habet mandata mea & seruat Ioan. 14 ea, ille est qui diligit me. Et qui me diligit, diligetur a patre meo, & ego diligam eum, & manifestabo meipsum illi. Respondeamus domino & dicamus: Quid domine deus noster magnus, quid magnum nobis demonstraturus es teipsum? Quid enim? Et Iudaeis te demonstraisti. Nonne te uiderunt & qui crucifixerunt? Sed demonstraabis te in iudicio, cum stabimus ad dexteram tuam. Nunquid & illi qui ad sinistram stabunt non te uidebunt? Quid est quod demonstraabis nobis teipsum? Nunc enim non te uidemus cum loqueris? Responde: Et demonstraabo meipsum in forma dei, uidetis modo in forma serui. Non te fraudabo o homo fidelis, crede quia uidebis, amas & non uides: amor ipse te perducet ut uideas, ama, persevera in amando. Non fraudabo, inquit, amorem tuum, qui mundaui cor tuum, ut quid enim mundaui cor tuum, nisi ut deus a te possit uideri? Beati enim mundo corde, quia ipsi deum uidebunt. Sed hoc, inquit, seruus, tanquam cum domino disputans, non expressisti cum dixisti: Ibunt iusti in uitam aeternam, non dixisti: ibunt ut uideant me in forma dei, uideant patrem cui aequalis sum. Alibi attende quid dixit: Haec est autem uita aeterna, ut cognoscant te unum uerum deum, & Ioan. 17 quem misisti Iesum Christum. Et modo ergo post commemoratum iudicium, quod omne dedit filio pater non iudicans quemcumque, quid futurum est? Quid sequitur? Ut omnes honorificent filium, sicut honorificant patrem. Modo honorificant patrem, & contemnitur filius: Filius enim uidebatur ut seruus, pater honorificabatur ut deus. Apparebit & filius aequalis patri, ut omnes honorificent filium, sicut honorificant patrem. Modo ergo hoc habemus in fide. Nec dicat Iudaeus, patrem honorifico, quid mihi est cum filio? Respondeat illi: Qui non honorificat filium, non honorificat patrem. Mentiris omnino, filium blasphemas, & patri facis iniuriam. Pater enim filium misit, tu contemnis quem misit. Quomodo honorificas mittentem, qui blasphemas missum? Ecce inquit,

inquit, aliquis missus est, & maior est pater, quia misit. Recede à carne, uetus homo suggerit c  
 uetustati, tu in nouo agnosce nouitatem: nouus tibi, seculo antiquus, perpetuus, aternus, re  
 uocet ad hoc intellectum. Minor est filius, quia missus, dictus est filius. Missionē audio, non  
 separationē. Sed hic, inquit, uidemus in rebus humanis, quia maior est, qui mittit q̄ ille qui  
 mittitur. Sed res humanæ fallunt hominē, res diuinæ purgant. Noli attendere ad res huma  
 nas, ubi maior uidetur qui mittit, & minor qui mittitur, quanq̄ & ipsæ res humanæ dicunt  
 contra testimonium. Velut uerbi gratia, si quis uxore uellet petere, & per se non posset, ami  
 cum maiorem mittit qui ei petat. Et sunt multa in quibus ipse maior eligitur, qui mittatur à  
 minore. Quid ergo calumniam uis facere, quia ille misit, ille missus est? Sol radium mittit, &  
 non separat: luna splendorem mittit, & non separat: lucerna lumen fundit, & non separat.  
 Video ibi missionem, & nullam uideo separationem: nam si de rebus humanis quæris exē  
 pla, ô hæretica uanitas, quanquam sicut paulo ante dixi, & ipsæ res humanæ in quibusdam  
 exēplis coarguunt & uincunt te, tamen attende q̄ sit aliud in rebus humanis, unde uis duce  
 re exempla ad res diuinæ. Homo qui mittit, manet ipse, & pergit ille qui mittitur. Nūquid  
 pergit homo cum eo quem mittit? Pater autem qui misit filium, non recessit à filio. Ipsum  
 dominum audi dicentem, Ecce ueniet hora ut unusquisq̄ descendat ad sua, & me solum re  
 linquetis, sed non solus sum, quia pater mecum est. Quomodo eum misit cum quo uenit?  
 quomodo eū misit à quo nō recessit? Alio loco dixit, Pater aut in me manens facit opera.  
 Ecce in illo est, ecce operatur, nō recessit à misso mittens, quia missus & mittens unum sunt.

Ioh. 16. 14

Ab eo quod scriptum est, Amen amen dico uobis, quia qui uerbum meū audit,  
 & credit ei, qui misit me, habet uitam aternam, & in iudiciū nō uenit, sed transit  
 à morte in uitā, usq; ad eum locū ubi ait, Sicut audio iudico, & iudiciū meum iu  
 stū est, qd' nō quæro uoluntatē meā, sed uoluntatē eius qui misit me. Tract. XII.



**N**ONDIVERTIANI & hesterni diei sermones redditos uobis, sequitur ho  
 dierna euangelica lectio, quam ex ordine pertractemus, nō pro eius dignitate, p  
 sed pro uiribus nostris: quia & uos nō pro inūdātis fontis largitate, sed p uestro  
 modulo capitis. Et nos non tantum dicimus in aures uestras, quātum ipse fons  
 manat, sed quantum capere possumus, quod in uestros sensus trañciamus, abundantius o  
 perante ipso in cordibus uestris, q̄ nobis in auribus uestris. Res enim magna tractatur, &  
 non à magnis, imò multum à paruis, spem tamen & fiduciam dat nobis, qui magnus pro  
 pter nos factus est paruus. Si enim ab illo non exhortaremur, nec inuitaremur ad eum intel  
 ligendum, si desereret nos tanq̄ cōtemptibiles, quia capere non possemus diuinitatē ipsius,  
 si nō caperet in se mortalitatem nostrā, & perueniret ad nos ut loqueretur nobis euangeliū,  
 si quod in nobis abiectū & minimū est, uoluit cōmunicare nobiscū, putamus eum noluisse  
 nobis dare magnū suū, qui suscepit paruū nostrū? Hæc dixi, ne quis uel nos reprehendat  
 ista tractantes, quasi multū audaces: uel de se desperet, quod possit capere dono dei, quod  
 illi dignatus est loqui filius dei. Ergo loqui nobis dignatus est, debemus credere quia uoluit  
 ut intelligat. Sed si non possumus, præstat intellectū rogatus, qui uerbū præstitit nō roga  
 tus. Ecce quæ uerborū ista secreta sunt, attendite. Amen amē dico uobis, quia qui uerbum  
 meū audit, & credit ei qui misit me, habet uitā aternā. Ad uitam certe aternā omnes redi  
 mus. Et ait, Amen amen dico uobis, qui uerbū meum audit & credit ei qui misit me, habet  
 uitā aternā. Nunquid ergo audire uos uoluit uerbū suū, & intelligere noluit? Quandoqui  
 dē si in audiendo & credendo uita aterna est, multo magis in intelligendo. Sed gradus pie  
 tatis fides, fidei fructus intellectus, ut perueniamus ad uitam aternam, ubi nō nobis legat  
 euangeliū: sed ille qui nobis modo euāgelium dispensauit, remotis omnibus lectionibus &  
 paginis, & uoce lectoris & tractatoris, appareat omnibus suis purgato corde assistentibus,  
 & in corpore immortalī iā nunq̄ morituris, mūdans eos & illuminās, uidētes & uiuētes, in  
 principio erat uerbū, & uerbū erat apud deū. Nūc ergo quē quæsiuimus attēdamus, & quē  
 audiuius cogitemus. Deus est em̄ Christus, & cū hominibus loquit: capi se uult, faciat car  
 paces.



**A** paces: uideri se uult, aperiat oculos. Non tamen sine causa loquitur nobis, nisi quia uerū est, quod promittit nobis. Verba mea, inquit, qui audit, & credit ei qui me misit, habet uitā aeternam. Vt in iudicium non ueniat, sed transeat à morte ad uitam. Vbi & quando uenimus de morte ad uitam, ut non in iudicium ueniamus? In hac uita transimus à morte ad uitam: in hac uita quæ nondum est uita, hinc transimus à morte ad uitam. Quis est ille transitus? Qui audit uerba mea, dixit, & credit ei qui misit me. Seruas ista & credis, & transis. Et est qui stādo transit? Planè est: stat enim corpore, transit mente. Vbi erat, unde transiret? Et quò transit? A morte ad uitam. Vide unum hominem stantem, in quo agatur totum hoc quod dicitur. Stat, audit, forte non credebat, audiendo credit: paulo ante non credebat, modo credit, quasi de regione infidelitatis ad regionem fidei transitum fecit, motu cordis, non motu corporis: motu in melius, quia iterum qui deserunt fidem, mouentur in deterius. Ecce in hac uita, quæ sicut dixi, nondum est uita, transitur à morte ad uitam, ut in iudicium non ueniat. Quare autem dixi, quia nondum est uita? Si uita esset ista, non diceret dominus cuidā, si uis uenire ad uitam, serua mandata. Non enim ait illi, si uis uenire ad uitam aeternam: non addidit aeternam, sed tantum dixit uitam. Nec uita nominanda est, quia non est uera uita. Quæ est uera uita, nisi quæ est aeterna uita? Audi Apostolum dicentem ad Timotheum, *Matth. 19*  
*1. Timoth. 6*  
 Præcipe diuitibus huius seculi, non superbe sapere, neq; sperare in incerto diuitiarum, sed in deo uiuo: qui præstat nobis omnia abundanter ad fruendum, bene faciant diuites, sint in operibus bonis, facile tribuant, communicent. Vt quid hoc? Audi quod sequitur, Thesaurizent sibi fundamentum bonum in futurum, ut apprehendant ueram uitam. Profecto ista in qua erant, falsa uita est: nam ut quid uelis apprehendere ueram, si iam tenes ueram? Si autem apprehendenda est uera, migrandum est à falsa. Et quā migrandum? Quò? Audi, crede, & transitum facis de morte ad uitam, & in iudicium non uenis. Quid est hoc q̃ in iudicium nō uenies? Et quisq̃ melior erit Paulo apostolo, qui ait, Oportet nos exhiberi omnes *2. Cor. 5*  
**B** ante tribunal Christi, ut illic recipiat unusquisq; quæ per corpus gessit, siue bonum siue malum. Paulus dicit, Oportet nos exhiberi omnes ante tribunal Christi: & tu tibi audes promittere, quia in iudicium nō uenies? Absit, inquis, ut ego mihi hoc promittere audeam, sed credo promittēti. Saluator loquitur, ueritas pollicetur, ipse dixit mihi, Qui audit uerba mea, & credit ei qui me misit, habet uitam aeternam, & transitum facit de morte in uitam, & in iudicium non ueniet: Ergo audiui uerba domini mei, credidi. Iam infidelis cum essem, factus sum fidelis, sicut ipse monuit, transi à morte ad uitam, ad iudicium non uenio, non presumptione mea, sed ipsius promissione. Paulus autem contra Christum loquitur, seruus contra dominum, discipulus contra magistrum, homo contra deum, ut cum dominus dicat, quia qui audit & credit, transit à morte ad uitam, & in iudicium nō uenit: dicat Apostolus, Oportet nos omnes exhiberi ante tribunal Christi? Aut si ad iudicium non ueniat, quid ad tribunal exhibetur? Nescio quomodo intelligam. Reuelat ergo dominus deus noster, & per scripturas suas admonet nos dicens, quot modis intelligatur, quando dicitur in iudicium. Horror ergo ut attendatis. Aliquando iudicium discriminatio dicitur. Secundū illū modū quo dicitur iudiciū discriminatio, oportet nos omnes exhiberi ante tribunal Christi, ut illic recipiat homo quæ per corpus gessit, siue bonum siue malū: ipsa est enim discriminatio, ut bonis bona, malis mala distribuantur. Nam si iudicium semper in malo acciperetur, non diceret psalmus, Iudica me deus. Audit forte aliquis dicentem, Iudica me deus, & miratur. Solet *psal. 42*  
 enim homo dicere, ignoscat mihi deus, parce mihi deus. Quis est qui dicat, Iudica me deus? Et aliquando in psalmo uersus ipse in diapsalmate ponitur, qui præbeatur à lectore, & respondeatur à populo. Nunc forte alicui cor percutitur, & timet cantare deo & dicere, Iudica me deus: & tamen cantat populus credens, nec putat se male optare quod dicitur à diuina lectione, & si parum intelligit, credit aliquid boni esse quod cantat. Et tamen & ipse psalmus non dimisit hominem sine intellectu. Secutus enim uerbis posterioribus ostendit, quale iudicium diceret, quia non est damnationis sed discretionis. Ait enim, Iudica me deus,

deus. Quid est, iudica me deus? Et discerne causam meam à gente nō sancta. Ergo secundū hoc iudicium discretionis, oportet nos omnes exhiberi ante tribunal Christi. Secundum iudicium autem damnationis, qui audit uerba mea, inquit, & credit ei qui misit me, habet uitam aeternam, & in iudicium non ueniet, sed transitum facit à morte ad uitam. Quid est in iudicium non ueniet? In damnationem non ueniet. Probemus de scripturis, quia dictū est iudicium, ubi pœna intelligitur, q̄p̄ & in hac ipsa lectione paulo post audietis ipsum uerbum iudicij non positum nisi pro damnatione & pro pœna. Tamen Apostolus dicit quodam loco scribens ad eos, qui corpus quod fideles norunt, male tractabant: & propter quod male tractabant, corripiebantur flagello domini. Ait enim illis: Propterea multi in uobis in firmi & ægroti dormiunt sufficienter. Multi enim propterea etiam moriebantur. Et securus est: Si enim nos ipsos iudicaremus, à domino non iudicaremur: hoc est, si nos ipsos corripere mus, à domino non corripemur: cum iudicamur autem à domino, corripimur, ne cū hoc mundo damnemur. Sunt ergo secundū pœnam qui iudicantur hic, ut parcatur illis ibi: sunt quibus parcatur hic, ut abundantius torqueantur ibi: sunt autem quibus distribuuntur ipsæ pœnæ sine flagello pœnæ, si flagello domini correcti non fuerint: ut cum hic contempserint patrē uerberatē, ibi sentiant iudicem punientem. Ergo est iudiciū quo missurus est deus, id est, filius dei in fine diabolus & angelos eius, & omnes infideles & impios cū eo. Ad hoc iudicium non uenit, qui modo credens transitum facit à morte ad uitam: etenim ne putares credendo te nō moriturū secundum carnem, & accipiendo carnaliter diceret tibi: Dominus meus mihi dixit: Qui audit uerba mea, & credit ei qui misit me, transiet à morte ad uitam: Ergo ego credidi, non sum moriturus. Scias te mortem quam debes supplicio Adam, perfoluturum, accepit enim ille in quo tunc omnes fuimus, morte morieris, nec potes euadere sententiam diuinam, sed cum persolueris mortem ueteris hominis, suscipies uitam aeternā nō ui hominis, & trāsītum facies à morte ad uitam. Modo interim fac transitum uitæ. Quæ est uita tua? Fides. Iustus ex fide uiuit. Infideles, inquit, mortui sunt, de quibus dominus ait, Dimitte mortuos ut sepeliant mortuos suos. Ergo & in hac uita sunt mortui, sunt uiui, & quasi omnes uiuunt. Qui sunt mortui? qui non crediderūt. Qui sunt uiui? qui crediderūt. Quid dicitur mortuis ab Apostolo? Surge qui dormis. Sed somnum dixit, non mortem. Audi sequentia, Surge qui dormis, & exurge à mortuis. Et quasi diceret, quò ibo? Et illuminabit te Christus. Iam cum te credentem illuminauerit Christus, transitum facis à morte ad uitam: mane in eo quò transisti, & non uenies ad iudicium. Exponit illud enim ipse & sequitur. Amen amen dico uobis, ne forte quia dixit, transit à morte ad uitam: intelligamus hoc in futura resurrectione, ostendere uolēs quomodo transit qui credit: & hoc est transire de morte ad uitam, transire ab infidelitate ad fidem, ab iniustitia ad iustitiam, à superbia ad humilitatem, ab odio ad charitatem. Nunc autē amen amen dico uobis, quia ueniet hora & nūc est. Quid euidentius? Iam certe aperuit quod dicebat, quia modo fit quò nos Christus hortatur: ueniet hora, quæ hora & nūc est. Quando mortui audient uocem filij dei, & qui audierint uiuent. Iam de his mortuis locuti sumus. Quid putamus fratres mei, In ista turba quæ me audit nulli sunt ne mortui? Qui enim credunt, & secundum ueram fidem agunt, uiuunt, & mortui non sunt: qui autem uel non credunt, uel sicut dæmones credunt, tremantes & male uiuentes, filium dei confitentes, & charitatem non habentes, mortui potius deputandi sunt, & tamen agitur adhuc hora ista. Non enim hora de qua locutus est dominus, una erit hora de duodecim horis unius diei: ex quo locutus est usq; ad hoc tempus, & usq; ad finem seculi, ipsa una hora agitur, de qua dicit in epistola sua Ioannes, Filioli, nouissima hora est, ergo nunc est: qui uiuit, uiuat: qui mortuus erat, uiuat: audiat uocē filij dei qui mortuus iacebat, surgat & uiuat. Clamauit dominus ad sepulchrū Lazari, & quadriduanus mortuus resurrexit. Qui putebat, in auras processit, sepultus erat, lapis superpositus erat. Vox saluatoris irrupit duriciam lapidis, & cor tuum ita durum est, ut nondum illa uox diuina te rumpat. Surge in corde tuo, procede de sepulchro tuo. Etenim mortuus in corde tuo, tanq̄ in sepulchro

2. Cor. 11

Matth. 8

Eph. 5

1. Ioan. 2



**A** pulchro iacebas, & tanquam saxo malæ consuetudinis grauaris. Surge & procede, & crede & confitere. Qui enim credit, surrexit: qui cōfitetur, processit. Quare processisse dicimus confitentem? Quia anteq̃ confiteretur, occultus erat: cum autem confiteretur, procedit de tenebris ad lucem. Et cum confessus fuerit, quid dicetur ministris? Quod dictum est ad funus Lazari, Soluite illum, & sinite abire. Quomodo dictum est ministris apostolis, Quæ solueritis in terra, soluta erunt & in cœlo. Venit hora & nunc est, quādo mortuī audient uocem filij dei, & qui audierint uiuent: unde uiuent? De uita. De qua uita? De Christo. Vnde probamus quia de uita Christo? Ego sum, inquit, uia, ueritas & uita. Ambulare uis, ego sum uia. *Ioan. 14.* Falli non uis, ego sum ueritas. Mori non uis, ego sum uita. Hoc dicit tibi saluator tuus, non est quod eas nisi ad me: nō est quā eas nisi per me. Nunc ergo ista hora agitur, hoc & agitur planē, & omnino nō cessatur. Surgunt homines qui mortui erant, transibunt ad uitam, ad uocem filij dei uiuunt, de illo perseverantes in fide ipsius. Habet enim filius uitā, unde uiuant credētes habet. Et quomodo habet? Sicut habet pater. Audi ipsum dicentem, Sicut enim pater habet uitā in semetipso, sic dedit & filio uitā habere in semetipso. Fratres, ut potero dicam. Hæc sunt enim illa uerba quæ paruum intellectum perturbant. Quare addidit, in semetipso? Sufficeret enim ut diceret, Sicut enim pater habet uitam, sic dedit & filio habere uitā. Addidit, in semetipso: habet enim in semetipso pater uitā, habet & filius in semetipso. Aliquid intelligere nos uoluit, in eo q̃ ait, in semetipso: & hic secretū in uerbo, hoc clausum est, pulsemus ut aperiatur. O domine, quid est quod dixisti? In semetipso quare addidisti? Etenim Paulus apostolus quē uiuere fecisti, nō habebat uitam? Habebat, inquit, quantum homines mortui ut reuiuiscant, & ad uerbum tuum credendo transeant. Cum transierint, non in te habebunt uitam? Habebunt, nam & ego pauloante dixi, Qui audit uerba mea, & credit ei qui me misit, habet uitam æternam. Ergo illi qui in te credunt, habent uitam: & non dixisti, in semetipsis. Cum autē de patre loquereris, dixisti, Sicut pater habet uitam in semetipso: rursus cum de te loquereris, dixisti, sic & filio dedit habere uitam in semetipso. Sicut habet, sic dedit habere. Vbi habet? In semetipso. Paulus ubi habet? Nō in semetipso, sed in Christo. Tu fidelis ubi habes? Non in temetipso, sed in Christo. Videamus si hoc dicit Apostolus, Viuo autē iam non ego, uiuit uero in me Christus: uita nostra, tanq̃ nostra, *Gal. 2.* ideo de uolūtate propria nostra non erit nisi mala, peccatrix, iniqua: uita uero bona de deo in nobis est, non à nobis. Christus autē in semetipso habet uitam sicut pater, quia uerbum dei non modo male uiuit, & modo bene uiuit: homo autem modo male, modo bene. Qui male uiuebat, in uita sua erat: qui bene uiuit, ad uitā Christi transit. Particeps factus uitæ, non eras quod accepisti, & eras qui acciperes: filius autem dei non quasi primo fuit sine uita, & accepit uitam. Si enim sic illam acciperet, nō eam haberet in semetipso. Quid est enim in semetipso? Vt ipsa uita ipse esset. Adhuc aliquid planius fortasse dicam, Lucernam quisq̃ accendit, exempli gratia, lucerna illa quantum pertinet ad flammulā quæ ibi lucet, ignis ille habet lucem in semetipso: oculi autem tui qui lucerna absente iacebant & nihil uidebant, iam ipsi habent lucem, sed non in semetipsis. Proinde si se à lucerna auerterint, tenebrantur: si se conuerterint, illuminantur. At uero ille ignis quamdiu est lucet, si uolueris illi lucem tollere, simul & ipsum extinguis: nā sine luce non potest remanere. Sed lux Christus inextinguibilis & coæternus patri, semper candens, semper lucens, semper feruens: nā si nō ferueret, nunquid diceretur in psalmo, Nec est qui se abscondat à calore eius? Tu autē in peccato tuo *psalm. 8* frigidus eras, cōuertaris ut ferueas: si recesseris, frigescis. In peccato tuo tenebrosus eras, conuertaris ut illumineris: si auerteris te, obscuraberis. Proinde qui in tenebris eras, cum illuminaris non eris lumen, quamuis sis in lumine: ait enim Apostolus, Fuistis enim aliquando *Ephes. 4* tenebræ, nunc autē lux in domino. Cum dixisset, nunc autem lux, addidit in domino. In te ergo tenebræ, lux in domino. Lux quare? Quia participatione lucis illius es: si autem à luce qua illuminaris recesseris, ad tenebras tuas redis. Non sic Christus, non sic uerbum dei, sed quomodo? Sicut habet pater uitam in semetipso, sic dedit filio habere uitam in semetipso,

m ut non

ut non participatione uiuat, sed incommutabiliter uiuat: & omnino ipse uita sit, sic dedit & filio habere uitā. Sicut habet, sic dedit. Quid interest? Quia ille dedit, iste accepit. Nunquid iam erat quando accepit? Nunquid intelligimus Christum aliquando fuisse sine luce, cum ipse sit sapientia patris, de qua dictū est, Candor est lucis æternæ? Ergo quod dicitur, dedit filio, tale est ac si diceretur, genuit filium: generando enim dedit. Quomodo enim dedit ut esset, sic dedit ut uita esset, & sic dedit, ut in semetipso uita esset. Et quid est, in semetipso uita esset? Non aliunde uita indigeret, sed ipse esset plenitudo uitæ, unde credentes alij uiuerent dum uiuerent. Dedit ergo illi habere uitam in semetipso, dedit ei tanq̃ uerbo suo, tanq̃ ei qui in principio erat uerbum, & uerbum erat apud deum. Deinde quia homo factus, quid illi dedit? Et potestatem dedit ei iudicium facere, quoniam filius hominis est.) Secundū q̃ filius est dei, sicut habet pater uitam in semetipso, sic & dedit filio uitam habere in semetipso: secundū autem q̃ filius hominis est, potestatem dedit ei iudicium faciendi. Hoc est quod hesternō die exposui charitati uestræ, quia in iudicio homo uidebitur, deus autē non uidebitur, sed post iudicium uidebitur ab his qui uicerint in iudicio. Ab impijs autem non uidebitur deus: quia ergo homo uidebitur in iudicio, forma illa quæ sic ueniet sicut ascēdit, ideo supra dixerat, Pater non iudicat quenq̃, sed omne iudicium dedit filio. Hoc etiam in isto loco repetit, cum dicit, Et potestatem dedit ei iudicium faciendi, quoniam filius hominis est: tanq̃ diceret tu, Potestatem dedit ei iudicium faciendi: Quare? Quando nō habuit istam potestatem iudicij? Quando in principio erat uerbum, & uerbum erat apud deum, & deus erat uerbum, quando omnia per ipsum facta sunt: nūquid nō habebat potestatem iudicij faciendi? Sed secundū hoc dico, potestatem dedit ei iudicium faciendi, quia filius hominis est. Sed secundū hoc accepit potestatem iudicandi, quia filius hominis est: nam secundum q̃ dei filius est, semper habuit hanc potestatem. Accepit qui resuscitatus est, accepit qui natus est, accepit qui crucifixus est. Qui fuit in morte, est in uita: uerbum dei nūq̃ in morte, semper in uita. Iam ergo de resurrectione forte aliquis nostrum dicebat, Ecce resurreximus, qui audit Christum, qui credit & transit de morte ad uitam, & in iudiciū non ueniet. Venit hora & nūc est, ut qui audit uocem filij dei uiuat: mortuus erat, audiuit, ecce resurgit. Quid est quod dicitur postea resurrectio futura carnis, & resurrectio corporū mortuorum? Parce tibi, noli præcipitare sentētiā, ne pergas post illam. Est quidem ista resurrectio quæ fit nūc, mortui erant infideles, mortui erant iniqui, uiuunt iusti, transeunt à morte infidelitatis ad uitam fidei. Sed noli inde credere nullam futuram postea resurrectionem corporis, crede futuram & resurrectionem corporis. Audi enim quid sequatur post commendatam resurrectionem istam quæ fit per fidem, ne quis putaret istam solam esse, & incideret in illam desperationem & errorem hominum, qui peruertebant aliorum sensus, dicentes resurrectionem iam factam esse, de quibus dicit Apostolus, Et fidem quorundam peruertunt. Credo enim quia talia uerba illis dicebant, Ecce dominus ubi ait, Et qui credit in me, transit à morte ad uitam, iam facta est resurrectio in omnibus fidelibus qui fuerāt infideles, quomodo altera dicitur resurrectio? Gratias deo nostro, fulcit nutantes, dirigit hesitantes, confirmat dubitantes. Audi quid sequitur, quia non habes unde tibi facias caliginem mortis: si credidisti, totum crede. Quid totum, inquis, credo? Audi quid dicit, Nolite mirari hoc: quia dedit potestatem filio faciendi iudicij. In fine dico, ait, Quomodo in fine? Nolite mirari hoc, Quia ueniet hora: hic non dixit, & nūc est. In illa resurrectione fidei quid dixit? Veniet hora & nūc est. In ista resurrectione quia commendat futuram corporum mortuorum, ueniet hora dixit, non dixit nūc est, quia in fine seculi uentura est. Et unde, inquis, mihi probas, quia de ipsa resurrectione dixit? Si patienter audias, tu ipse tibi modo probabis. Sequamur ergo, Nolite mirari hoc, quia uenit hora. In qua omnes qui in monumētis sunt, audient uocē filij dei, & procedent.) Quid euidentius ista resurrectione? Iam dudum non dixerat, qui in monumentis sunt, sed mortui audient uocem filij dei, & qui audierint uiuent. Nō dicitur, alij uiuent, alij damnantur, quia omnes qui credunt uiuent.



**A** De monumentis autē quid dixit? Omnes qui sunt in monumentis audient uocē filij eius, & procedent, nō dixit, audient & uiuent. Si enim male uixerant & iacebant in monumētis, ad mortem resurgent, nō ad uitam: ergo uideamus qui procedēt, licet paulo ante mortui audiendo & credēdo uiuebant. Non ibi facta est discretio, non dictum est, audient mortui uocem filij dei, & cum audierint, alij uiuēt, alij damnātur, sed omnes qui audierint uiuent, quia qui credunt, uiuent, qui habēt charitatem uiuent, & nemo morietur. De monumētis autem audient uocem, Et procedent.) Quōd? Qui bene fecerunt, ad resurrectionē uitæ: qui male fecerunt, ad resurrectionem iudicij.) Hoc est iudicium, pœna illa de qua paulo ante dixerat, Qui credit in me, transiet à morte ad uitam, & in iudiciū non ueniet. Non possum ego à me facere quicquid, sicut audio iudico, & iudicium meū iustum est.) Si sicut audis iudicas, à quo audis? Si à patre, certe pater nō iudicat quenquam, sed omne iudiciū dedit filio. Quoniam tu quodāmodo præco patris, ut quod audis dicas. Quod audio hoc dico, quia quod est pater hoc sum. Dicere enim meū esse est, quia uerbū patris sum: hoc enim tibi dicit Christus. Inde de tuo quid est, sicut audio, ita iudico, nisi sicut sum? Quomodo enim audit Christus? Fratres, quæramus rogo uos, Audit Christus à patre? Quomō illi dicit pater? Vtiq; si dicit illi, uerba ad illum facit, omnis enim qui aliquid alicui dicit, uerbo dicit. Quomodo pater filio dicit, quādo filius uerbum patris est? Quicquid autē nobis pater dicit, uerbo suo dicit, uerbū patris filius est, ipso uerbo quo alio uerbo dicit? Vnus est deus, unum uerbum habet, in unō uerbo omnia continet. Quid est ergo, Sicut audio ita iudico? Sicut de patre sum, ita iudico. Ergo iudicium meū iustū est, uerū est. Nā si nihil facis ex te o domine Iesu, quomodo sentiūt carnales, si nihil facis ex te? Quomodo paulo ante dixisti, sic & filius quos uult uiuificat: modo dicis, ex me facio nihil? Sed quid commendat filius, nisi quia de patre est? Quid est de patre? Non esse de se. Sed non est de se filius, si de se esset, filius non esset, sed filius de patre est. Pater ut sit nō est de filio, filius ut sit de patre est, æqualis est patri, sed tamen iste de illo, non ille de isto. Quia non quæro uoluntatem meā, sed uoluntatem eius qui misit me.) Filius unicus dicit, Non quæro uoluntatem meā, & homines uolūt facere uoluntatē suā. Ille tantū se humiliat qui æqualis est patri, & tantū se extollit qui in imo iacet, & nisi ei manus porrigatur non surgit. Faciamus ergo uolūtatem patris, uolūtatem filij, uoluntatem spiritus sancti, quia trinitatis huius una uoluntas, una potestas, una maiestas est. Ideo tamen dicit filius, Non ueni facere uolūtatem meā, sed uoluntatem eius qui misit me, quia Christus non est de se, sed de patre suo est. Quod autem habuit ut homo appareret, de creatura assumpsit quam ipse formauit.

Ab eo loco, ubi dictum est, Si ego testimonium perhibeo de me, testimonium meum non est uerum, usq; ad id q; ait, Et non uultis uenire ad me, ut uitam habeatis.

## TRACTATUS XXIII



**Q**UODAM loco in euangelio dominus ait, prudentem auditorem uerbi sui similem esse debere hominī qui uolēs ædificare, fodit altius donec perueniat ad fundamentū stabilitatis petræ, & ibi securus cōstituat quod fabricat, aduersus impetum fluminis, ut cū uenerit, repercutiatur potius firmitate ædificij, q̃ impulsu suo ruinam faciat illi domui. Putemus scripturam dei tanq̃ agrum esse, ubi uolumus aliquid ædificare. Non simus pigri, nec superficie contenti, fodiamus altius donec perueniamus ad petram, petra autē erat Christus. Hodierna lectio de testimonio domini nobis locuta est, quia non habet necessariū ab hominibus testimoniū, sed habeat maius q̃ sunt homines, atq; id testimoniū dixit quod sit. Opera, inquit, quæ ego facio, testimoniū perhibent de me.) Deinde adiunxit, Et testimonium perhibet de me qui misit me pater.) Ipsa quoq; opera quæ facit, à patre se accepisse dicit. Testimoniū ergo perhibent opera, testimonium perhibet pater. Nullū ne testimoniū perhibuit Ioānes? Perhibuit planē, sed tanq̃ lucerna, non ad satiandos amicos, sed ad cōfundendos inimicos: iam enim antea prædictū erat à persona patris, Paraui lucernam Christo meo: Inimicos eius indui confusione, super ipsum

ipsum autē effloreat sanctificatio mea. Esto tanquā in nocte positus. Attēdisti in lucernam, & miratus es lucernam, & exultasti ad lumen lucernæ. Sed illa lucerna dicit esse solē in quo exultare debeas, & quamuis ardeat in nocte, diem te iubet expectare. Non ergo quia illius hominis testimonium non erat opus, nam ut quid mitteretur si nō erat opus? Sed ne in lucerna remaneat homo, & lumen lucernæ sufficere sibi arbitretur, ideo dñs nec lucernam illam superfluā dicit fuisse, nec tamen te dicit in lucerna debere remanere. Dicit aliud testimonium scriptura dei, ubi utiq; deus perhibuit testimonium filio suo, & in illā scripturā Iudæi spem posuerant in lege scilicet dei, ministrata sibi per Moysen famulum dei. Scrutamini, inquit, scripturam, in qua uos putatis uitam æternam habere, ipsa testimonium perhibet de me, & non uultis uenire ad me ut uitā habeatis. Quid uos putatis habere in scriptura? Vitam æternam. Ipsam interrogate, cui perhibet testimoniū, & intelligite quæ sit uita æterna. Et quia propter Moysen uolebant repudiare Christum, tanquā aduersarium institutis, præceptisq; Moysi, rursus eosdem ipse conuincit, tanquā de alia lucerna. Omnes enim homines lucernæ, quia & accendi possunt & extinguī. Et lucernæ quidē cū sapiunt, lucēt, & spiritu feruent, nā & si ardebant & extinctæ sunt, etiā putent. Permanferunt enim serui dei lucernæ bonæ, ex oleo misericordiæ illius, non ex uiribus suis. Gratia quippe dei gratuita, illa oleum lucernarū est. Plus enim illis omnibus laboraui, ait quædā lucerna. Et ne uiribus suis ardere uideretur, adiūxit, Non autē ego, sed gratia dei mecū. Omnis ergo prophetia ante domini aduentum, lucerna est. De qua dicit Petrus apostolus, Habemus certiore prophetiā sermonē, cui bene facitis intēdentes quemadmodū lucernæ lucenti in obscuro loco, donec dies luceat, & lucifer oriatur in cordibus uestris. Lucernæ itaq; prophetæ, & omnis prophetia una magna lucerna. Quid apostoli? Nō lucernæ etiam ipsi? Planē lucernæ. Solus enim ille non lucerna: nō enim accēditur & extinguitur, quia sicut pater habet uitam in semetipso, sic dedit filio habere uitā in semetipso. Lucernæ ergo & apostoli, & gratias agūt, quia & accensæ lumine ueritatis sunt, & feruēt spiritu charitatis, & suppetit illis oleum gratiæ dei. Si non essent lucernæ, non diceret illis dñs, Vos estis lumen mundi. Nam postea quē dixit, Vos estis lumen mundi: ostendit ne tale lumen se putarent, quale dictū est, Erat lumen uerum, quod illuminat omnē hominem ueniētem in hunc mundū: tunc autē hoc de dño dictū est, cum à Ioanne distingueretur. De Ioāne quidē Baptista dictū erat, Nō erat ille lumen, sed ut testimoniū perhiberet de lumine. Et ne diceret, quomodo lumen nō erat, de quo Christus dicit, quia lucerna erat? In cōparatione alterius luminis nō erat lumen: Erat enim uerum lumen, quod illuminat omnē hominē ueniētem in hunc mundū. Ergo cū & discipulis diceret, Vos estis lumen mundi: ne sibi aliquid tributū putarēt, quod de solo Christo intelligendū esset, & ita lucernæ uento superbiæ extinguerētur, cum dixisset, Vos estis lumen mundi: cōtinuo subiunxit, Nō potest ciuitas abscondi supra montē constituta, neq; accendūt lucernam & ponunt eam sub modio, sed super candelabrū, ut luceat omnibus qui in domo sunt. Sed quid si apostolos nō dixit lucernā, sed accēsores lucernæ quā ponerēt super candelabrum? Audi quia ipsos dixit lucernā, Sic luceat, inquit, lumen uestrū coram hominibus, ut uidētes bona opera uestra glorificent non uos, sed patrē uestrū qui in cœlis est. Ergo & Moyses perhibuit testimoniū Christo, & Ioānes perhibuit testimoniū Christo, & ceteri prophetæ & apostoli perhibuerunt testimoniū Christo. His omnibus testimonijs præponit testimoniū operum suorū, quia & per illos nō nisi deus perhibuit testimoniū filio suo. Sed perhibet alio modo deus testimoniū filio suo. Per ipsum filium suū indicat deus filiū, indicat se per filiū, ad hunc si potuerit homo peruenire, nec lucernis indigebit, & uere fodiendo altius ædificiū perducet ad petram. Facilis est ergo fratres hodierna lectio, sed propter hesternū debitum, scio enim quid distulerim, nō abstulerim, & dñs dignatus est donare, etiā hodie loqui ad uos. Recordamini quid reposcere debeatis, si forte aliquo modo seruata pietate & salubri humilitate, extēdamus nos nō aduersus deum, sed ad deū, & leuemus ad eū animā nostrā, effundentes eam super nos, sicut ille in psalmo, cui dicebatur, Vbi est deus tuus: hæc, inquit, meditatus sum.



**A** sum, & effudi super me animā meam. Leuemus ergo animam nostram ad deum, non contra deum, quia & hoc dictū est, Ad te domine leuaui animā meam. Et leuemus adiuuante *Psalm. 24* ipso, quia grauis est. Vnde autē grauis est? Quia corpus quod corrūpitur aggrauat animā, *Sap. 9* & deprimat terrena inhabitatio sensum multa cogitantem. Ne forte ergo possimus sensum nostrum à multis colligere ad unū, & euulsum à multis leuare ad unū: quod quidem nō poterimus, ut dixi, nisi adiuuet ille qui ad se uult leuari animas nostras, & contingamus ex aliqua parte, quomodo uerbum deus unicus patri coæternus & coequalis patri, nō faciat nisi quod uiderit patrē facientem, cū tamen pater ipse non faciat aliquid nisi per filiū uidentem. Videtur mihi quomodo dñs Iesus in hoc loco magnum quiddā insinuare uolens intentis, & infundere capacibus, incapaces autē excitare ad studium, ut nondū intelligentes bene uiuendo capaces fiāt: insinuauit nobis animā humanā & mentē rationalē quæ inest homini, non inest pecori, non uegetari, nō beatificari, nō illuminari, nisi ab ipsa substātia dei, eamq; animā facere aliquid per corpus & de corpore, atq; habere subiectum corpus, & per corporalia mulceri posse sensu corporis uel offendi, & propter hoc, id est, propter consortiū quoddam animæ & corporis in hac uita atq; complexum, delectari animā lenitis, uel contristari offensis corporis sensibus, beatitudinem tamen eius qua fit beata ipsa anima, non fieri nisi participatione illius uitæ semper uiuæ, incōmutabilis, æternæq; substātiæ, quæ deus est, ut quomodo anima quæ inferior deo est, id quod ipsa inferius est, hoc est corpus, facit uiuere, sic eandē animā nō facit beate uiuere, nisi quod ipsa anima est superius. Superior enim anima q̄ corpus, & superior q̄ anima deus. Anima ut præstet aliquid inferiori, præstatur illi à superiore. Seruiat dño suo, ne cōculcetur à seruo suo. Hæc est fratres mei, religio Christiana, quæ prædicatur per totū mundum horrētibus inimicis, & ibi uincūtur murmurātibus, ubi præualēt sc̄uētibus. Hæc est religio Christiana, ut colatur unus deus, nō multi dī: quia nō facit animā beatā nisi unus deus. Participatione dei fit beata, nō participatione sanctæ animæ fit beata infirma anima, nec participatione angeli fit beata sancta anima: sed si quærit beata esse infirma anima, quærat unde beata sit sancta anima: non enim beatus efficeris ex angelo tu, sed unde angelus, inde & tu. His præmissis atq; firmissime cōstitutis, animam rationalem nō beatificari nisi à deo, corpus non uegetari nisi per animā, atq; esse quandā medietatē inter deum & corpus, animā. Intēdite ergo & recolite mecum, non hodiernā, de qua sufficiēter locuti sumus, sed hesternā lectionē, quā ecce iā triduo uersamus atq; tractamus, & pro uiribus fodimus, donec ad petrā perueniamus. Verbum Christus, & uerbū dei Christus: apud deū, uerbū Christus, & deus uerbū Christus, & deus & uerbum unus deus. Illuc perge anima contēptis cæteris, uel etiā transcēsis. Illuc perge, nihil potētius ista creatura quæ mens dicitur rationalis, nihil hac creatura sublimius. Quicquid supra istā est, iā creator est. Dicebam autē quia uerbū Christus, & uerbū dei Christus, & deus uerbū Christus, sed non tantū uerbū Christus, quia uerbū caro factū est, & habitauit in nobis: ergo & uerbū & caro Christus. Cū enim in forma dei esset, nō rapinā arbitratus est esse se æqualem deo. Et quid *Philip. 2* nos in imo, qui nō poteramus infirmi & humi repētes attingere deū? Nunquid relinquēdi eramus? Absit. Semetipsum exinaniuit formā serui accipiens, nō ergo formā dei amittens. Factus est ergo homo qui erat deus, accipiēdo quod nō erat, non amittendo quod erat. Ita factus est homo deus. Ibi habes aliquid propter infirmitatē tuam, ibi habes aliud propter perfectionem tuam, erigat te Christus per id quod homo est, ducat te per id quod deus & homo est, perducatur te ad id quod deus est. Et tota prædicatio dispensatioq; per Christum hæc est, fratres, & alia nō est, ut resurgāt animæ, resurgant & corpora. Vtrunq; quippe mortuum erat, corpus ex infirmitate, anima ex iniquitate. Resurget anima ab iniquitate per id quod deus est, resurget corpus à corruptione per id quod homo est. Animæ resurgunt per substātiā dei, corpora per dispēnationem humanā. Quia utrunq; mortuū erat, resurgat utrunq;. Quid utrunq;? Anima & corpus. Per quid ergo anima nisi per deum Christum? Per quid corpus, nisi per hominē eundē Christū? Erat enim & in Christo anima humana,

tota anima, nō irrationale tantum animæ, sed etiam rationale quod mens dicitur. Fuerunt enim quidam hæretici, & pulsi sunt ab ecclesia, qui putarent nō habere mentem rationalem corpus Christi, sed quasi animam beluinam: excepa quippe rationali mēte uita beluina est. Sed quia expulsi sunt, & ea ueritate expulsi sunt, accipe totū Christum, uerbum, mentem rationalem, & carnē: hoc totū Christus est. Resurgat anima tua ab iniquitate per id quod deus est, resurgat corpus tuū à corruptione per id quod homo est. Proinde charissimi, audite magnam lectionis huius, quātum mihi uidetur, profunditatem, & uidete quemadmodum loquatur hic Christus, nihil aliud q̄ quare uenerit Christus, ut resurgāt animæ ab iniquitate, resurgant corpora à corruptione. Iam dixi animæ per quid resurgāt, per ipsam substantiam dei: corpora per quid resurgant, per dispensationem humanam domini nostri Iesu Christi.

*Resumit hic Aug.  
quod in 4. tracta-  
tibus expositū est  
amplius exponēdū*

Amen amen dico uobis, nō potest à se filius facere quicq̄, nisi quod uiderit patrē facientē. Quæcunq; enim ille fecerit, hæc & filius similiter facit.) Cælum, terram, mare, quæ in cælo, quæ in terra, quæ in mari, uisibilia, inuisibilia, animalia in terris, fruteta in agris, natantia in aquis, in aëre uolantia, in cælo lucentia. Præter hæc omnia, angelos, uirtutes, sedes, dominationes, principatus, potestates: omnia per ipsum facta sunt. Nunquid fecit omnia hæc deus pater, & demonstrauit ea facta filio, ut & ipse faceret alterū mundum his omnibus plenum? Nō utiq;. Sed quid? Quæcunq; enim ille fecerit, hæc & nō alia, sed hæc & filius, nec dissimiliter, sed similiter facit. Pater enim diligit filium, & omnia demonstrat ei quæ ipse facit.) Demonstrat pater filio ut animæ suscitētur, quia per patrem & filium animæ suscitātur. Nec possunt uiuere animæ, nisi earū uita sit deus. Si ergo nō possunt uiuere animæ, nisi earū uita sit deus, sicut ipsæ sunt uita corporū, quod demonstrat pater filio, id est, quod facit per filiū facit: nō enim faciēdo demonstrat pater filio, sed demonstrādo facit per filiū. Videt enim filius patrem demonstrātem anteq̄ aliquid fiat, & ex demonstratione patris & uisione filij, sit à patre per filium: sic animæ suscitātur, si potuerint uidere istam unitatis coniunctionem, patrem demonstrantē, filiū uidentē, & per patris demonstrationē & filij uisionē fieri creaturā: atq; id fieri per patris demonstrationē & filij uisionē, quod nec pater sit nec filius, sed infra patrē & filiū, quicquid sit à patre per filiū. Quis hoc uidet? Ecce iterū ad carnales sensus, ecce rursus humiliamus nos, & descēdimus ad uos, si tamen aliquid aliquādo ascēderamus à uobis. Vis demonstrare aliquid filio tuo, ut faciat quod facis, facturus es tu & sic demonstraturus. Quid igitur facturus es quod demōstres filio, nō utiq; facis per filium, sed tu solus facis quod ipse factū uideat, & aliud tale similiter faciat? Nō est hoc ibi. Quid pergis ad similitudinem tuā, & deles in te similitudinē dei? Ibi omnino nō est hoc. Inueni aliquid quomodo demōstres filio tuo quod facies anteq̄ facis, ut cū demonstraueris, per filiū facias hoc quod facis. Iā forte quasi occurrit tibi, Ecce, inquis, cogito facere domū, & uolo ut per filium meum fabricetur, anteq̄ eam ipse fabricem ostendo filio meo quod facere uolo, & facit ipse, atq; ego per ipsum, cui ostendi uoluntatem meam. Recessisti quidem à pristina similitudine, sed adhuc iaces in magna dissimilitudine. Ecce enim anteq̄ facias domum, indicas filio tuo, & demonstras quid facere uelis, ut te demonstrāte anteq̄ facias, faciat ipse quod demonstraues, & tu per ipsum. Sed uerba dicturus es filio tuo, inter te & ipsum uerba cursura sunt, & inter demonstrātem & uidentem, uel loquentem & audientem sonus articulatus uolat, qui non est quod tu, non est quod ipse: sonus quippe ille qui exit de ore tuo, & uerberato aëre tangit aurem filij tui, & impleto sensu audiendi perducit ad cor cogitationem tuam, sonus ergo ille nō est ipse tu, nō est ipse filius tuus. Signum datū est ab animo tuo, animo filij tui, quod signum nō est nec animus tuus, nec animus filij tui, sed aliud aliquid. Itā ne putamus patrem deum locutum esse cum filio? Fuerunt uerba inter deū & uerbum, quomodo istud est? An quicq; uellet pater dicere filio? Si uellet uerbo dicere, ipse filius est uerbum patris. Nunquid per uerbum loqueretur ad uerbum? An quia filius magnum uerbum, minora uerba cursura erāt inter patrem & filium, sonus aliquis & quasi creatura quædā temporalis atq; uolatrica, exitura erat ex ore patris, & percussura aurem filij? Nunquid habet deus cor-  
pus,



**A** pus, ut quasi ex eius labijs procedat, & habet aures corporis uerbum, in quas sonus ueniat. Remoue omnia corporalia, simplicitatem uide, si simplex es. Quomodo autē eris simplex? Si te nō mundo implicaueris, sed ex mūdo explicaueris, explicando enim te simplex eris, & uide si potes quod dico, aut si nō potes, crede quod nō uides. Dicis filio tuo, uerbo dicis: uerbum quod sonat, nec tu es, nec filius tuus. Habeo, inquis, aliud quo ostendam: ita enim est, inquis, eruditus filius meus, ut nec loquentē me audiat, sed nutu ostēdo ei quod faciat. Ecce nutu ostende quod uis, certe animus tuus uult ostēdere quod in se habet. Vnde facis nutū? De corpore scilicet & labijs, uultu, supercilijs, oculis, manibus, hæc omnia nō sunt quod animus tuus, etiā ista media sunt. Intellectū est aliqd per hæc signa quæ nō sunt quod animus tuus, nec quod animus filij tui, sed hoc totum quod corpore agis infra animum tuum est, & infra animum filij tui, nec potest cognoscere animum tuū filius tuus, nisi dederis ei signa de corpore. Quid igitur facio? Nō est hoc ibi, simplicitas ibi est. Pater ostendit filio quod facit, & ostendendo filium gignit. Video quid dixerim, sed quia uideo & quibus dixerim, fiat in uobis intellectus iste quandoq;. Nunc si non potestis comprehendere quid sit deus, uel hoc comprehendite quid non sit deus: multum profeceritis, si non aliud q̄ est de deo senseritis: nondum potes peruenire ad quid sit, perueni ad quid nō sit. Non est deus corpus, nō terra, non cælum, nō luna, non sol, nō stellæ, nō corporalia ista: si enim nō cœlestia, quanto minus terrena? Tolle omne corpus. Adhuc audi aliud, Non est deus mutabilis spiritus, nā fateor, & fatendum est, quia euangeliū loquitur, Deus spiritus est. Sed transi omnē mutabilem spī *Ioan. 4* ritū, transi spiritū qui modo scit, modo nescit, modo meminit, modo obliuiscitur, uult quod nolebat, non uult quod uolebat, siue patiatur iam istas mutabilitates, siue pati posset: transi hæc omnia, non inuenies in deo aliquid mutabilitatis, nō aliquid quod aliter nūc est, aliter pauloante fuerit: nam ubi inuenis aliter & aliter, facta est ibi quædā mors: mors enim est, nō esse quod fuit. Immortalis enim dicitur anima: est quidē, quia uiuit semper anima, & est in illa quædā uita permanēs, sed mutabilis uita. Secundū mutabilitatem uitæ huius & mor- *Matth. 8* *Ephes. 5* *col. 2* *col. 3* *1. Timoth. 6* **B** talis dici potest, quia si uiuebat sapiēter, & desipit, mortua est in deterius: si uiuebat insipienter & sapit, mortua est in melius: nā esse mortem in deterius, esse mortē in melius scriptura nos docet. Vtiq; in deterius mortui erāt, de quibus dicitur, Sine mortuos, sepeliāt mortuos suos: & Exurge qui dormis, & exurge à mortuis, & illuminabit te Christus. Et de hac lectio- ne quando mortui audiēt, & qui audierint uiuent, in deterius mortui erant, ideo reuiuiscūt. Reuiuiscendo moriūtur in melius, quia & reuiuiscēdo nō erunt quod erant: non esse autem quod erant, mors est. Sed forte si in melius est, non appellatur mors: appellauit autē illam mortē Apostolus, Si autē mortui estis cū Christo ab elemētis huius mūdi, qd adhuc uelut uiuētes de hoc mūdo decernitis. Et iterū, Mortui enim estis, & uita uestra abscondita est cū Christo in deo. Morī nos uult ut uiuamus, quia uiximus ut moreremur. Quicquid ergo & à meliore in deterius, & à deteriore in melius moritur, non est hoc deus, quia neq; in melius ire potest summa bonitas, neq; in deterius uera aternitas. Vera autē aternitas est, ubi temporis nihil est. Erat autē modo hoc, & modo illud, iam tēpus admissum est, aternū nō est. Nam, ut noueritis, quia non sic deus immortalis quomodo anima, certe immortalis est anima: quid ergo est quod ait Apostolus de deo, Qui solus habet immortalitatem: nisi quia hoc aperte dixit, solus habet incommutabilitatem, quia solus habet ueram aternitatem, ergo ibi nulla mutabilitas. Agnosce in te aliquid quod uolo dicere intus: intus in te, nō in te quasi corpore tuo, nā & ibi potest dici in te. In te est enim sanitas, in te quaelibet ætas, sed secundum corpus in te est manus, pes tuus: sed aliud est in te intus, aliud in te tanq; in ueste tua. Sed relinque foris & uestē tuā & carnem tuā, descende in te, adī secretariū tuū, mentem tuā, & ibi uide quod uolo dicere si potueris. Si enim tu ipse à te longē es, deo propinquare unde potes? Dicebā de deo, & intellecturū te arbitraberis. De anima dico, de te dico, intellige, ibi te probabo. Nō enim ualde longe pergo in exēpla, quando de mēte tua uolo aliquā similitudinem dare ad deū tuū, quia utiq; nō in corpore, sed in ipsa mente factus est homo

ad imaginē dei. In similitudine sua deum quæramus, in imagine sua creatorē agnoscamus. Ibi intus, si potuerimus, inueniamus hoc quod dicimus, quomodo demōstret pater filio; & filius uideat quod demōstrat pater, anteq̃ fiat aliqd à patre per filiū. Sed cū dixerō & intellexeris, nec sic putes iā illud aliqd tale esse, ut serues ibi pietatē, quā uolo à te seruari; & præcipue moneo, id est, ut si nō uales comprehendere deum quid sit, parum nō tibi putes esse scire quid nō sit. Ecce in mēte tua uideo aliqua duo, memoriā tuā & cogitationē tuā, id est quasi acie quandā & obtutū animæ tuæ. Vides aliqd, & per oculos percipis, & cōmendas memoriæ, & ibi est intus quod memoriæ commēdasti, in abdito recōditum quasi in horreo, quasi in thesauro, quasi in secretario quodā & penerrali interiore. Cogitas aliunde, intētio tua alibi est: illud quod uidisti in memoria tua est, & non uidetur à te, quia cogitatio tua in aliud intenditur. Modo probo, sciētibus loquor, Carthaginem nomino, omnes modo intus quicunq; eā nostis, uidistis Carthaginem, nunquid tot sunt Carthagine quæ animæ uestre? Omnes uidistis per nomen hoc, per quatuor has syllabas notas uobis, erumpentes ex ore meo, tactæ sunt aures uestre, factus est sensus animæ per corpus, & ab alia intentione reflexus est animus ad id quod ibi erat, & uidit Carthaginē. Nunquid tunc est ibi Carthago facta? Quamuis iā ibi erat, sed latebat. Quare latebat? Quia animus tuus in aliud attēdebat. Cum uero reflexa est cogitatio tua ad id quod erat in memoria, inde formata est, & uisio quædam animi facta est: antea non erat uisio, sed erat memoria: reflexa cogitatione ad memoriā, facta est uisio. Demōstrauit ergo memoria tua cogitationi tuæ Carthaginē, & quod in illa erat anteq̃ intēderes, cōuersæ ad se intētionis cogitationis ostēdit. Ecce facta est à memoria demōstratio, facta est in cogitatione uisio, & nulla uerba in medio cucurrerunt, nullū ex corpore signū datum est, nec innuisti, nec rescripsisti, nec sonuisti, & tamen cogitatio uidit quod memoria demōstrauit: eiusdē autē substantiæ est & quæ demōstrauit, & cui demōstrauit. Sed Carthaginem ut haberet & memoria tua, per oculos hausta est imago hæc uidisti enim quod in memoria reconderes. Sic arborē quā meministi uidisti, sic montē, sic fluiuium, sic amici faciē, sic inimici, sic patris, matris, fratris, sororis, filij, uicini: sic litterarū in codice conscriptarū, sic ipsius codicis, sic huius basilicæ: omnia ista uidisti, & uisa quia iā erāt, memoriæ commēdasti, & tanq̃ posuisti illic quæ uidisti cogitando cum uelles, etiā cū ab istis corporis oculi defuissent. Vidisti enim Carthaginē cū esses Carthagini, accepit speciē per oculos anima tua, hæc species recondita est in memoria tua, & serualti aliquid intus homo apud Carthaginē cōstitutus, quod posses apud te uidere etiā cum ibi nō esses. Hæc omnia forinsecus accepisti. Pater demōstrat filio, nō accepit extrinsecus, intus totum agitur, quia nihil creaturarū esset extrinsecus, nisi hoc pater fecisset per filiū. Creatura omnis à deo facta est, anteq̃ fieret nō erat. Nō ergo facta uisa est & retēta memoriter, ut eā pater filio tanq̃ memoria cogitationi mōstraret, sed faciendā pater mōstrauit, faciendā filius uidit, & eam pater demonstrādo fecit, quia per filiū uidentē fecit. Et ideo mouere nō debet, quia dictū est, nisi quod uiderit patrē facientē, non dictū est, demōstrātem. Per hoc enim significatū est, id esse patri facere, quod est demōstrare: ut ex hoc intelligatur per filiū uidentē omnia facere, nec illa demōstratio, nec illa uisio tēporalis est. Quia enim per filium fiunt omnia tēpora, nō utiq; aliquo tēpore possent ei demōstrari faciēda. Sic autē demōstratio patris, filij uisionē gignit, quæadmodū pater filij gignit. Demōstratio qppe generat uisionē, nō uisio demōstrationē. Quod si purius & pfectius intueri ualeremus, fortasse inueniremus, nec aliud esse patrē, aliud eius demonstrationē: nec aliud filiū, aliud eius uisionē. Sed si uix hoc cepimus, uix explicare potuimus, quomodo memoria quod cepit extrinsecus, ostēdat cogitationi: quanto minus capere aut explicare poterimus, quomodo pater deus demōstrat filio quod nō habet aliūde, uel quod nō est aliud q̃ ipse? Paruuli sumus, loquor uobis quid nō sit deus, nō ostēdo quid sit. Ergo ut capiamus quid sit, quid faciemus? Nūquid à me, nunqd per me poteritis? Dicā hoc paruulis, & uobis & mihi. Est per quē possimus: modo cantauimus, modo audiuius, laeta in deum curam tuā, & ipse te enutriet. Ideo enim nō potes o homo, quia paruulus es.



**A** Si paruulus es, nutriendus es: nutritus, grandis eris, & quod paruulus non poteras, grandis uidebis: sed ut nutriaris, iacta in deum curam tuam, & ipse te enutriet. Modo ergo percurramus breuiter quæ restant, & uidete hic quæ commendauimus, quomodo dominus insinuet.

Pater diligit filiū, & omnia demonstrat ei quæ ipse facit.) Ipse suscitatur animas, sed per filiū, ut fruantur animæ suscitatae substantia dei, hoc est patris & filij. Et maiora his demonstrabit ei opera.) Quibus maiora? Sanitatibus corporum, Iam & antea tractauimus, nec immorari debemus. Maior est enim resurrectio corporis in æternum, quæ hæc quæ ad tempus facta est in illo languido sanitas corporis. Et maiora his demonstrabit ei opera. Vt uos mihi remini.) Demonstrabit quasi temporaliter, ergo quasi homini facto in tempore, quia uerbum deus non est factus, per quem omnia facta sunt tempora: sed homo factus est in tempore, apparet quo consule, quo die conceptum de spiritu sancto, uirgo Maria peperit Christum. Ergo homo factus est in tempore, per quem deum facta sunt tempora: ideo tanquam in tempore demonstrauit ei opera maiora, id est resurrectionem corporum, ut uos miremini factam per filium resurrectionem corporum. Deinde redit ad illam resurrectionem animarum. Sicut enim pater suscitatur mortuos & uiuificatur, sic & filius quos uult uiuificatur.) Sed secundum spiritum uiuificatur pater, uiuificatur filius, quos uult pater, quos uult filius, sed ipsos pater quos filius, quia omnia per ipsum facta sunt: sicut enim pater suscitatur mortuos & uiuificatur, sic & filius quos uult uiuificatur. De resurrectione animarum dictum est hoc: quid de resurrectione corporum? Redit & dicit, Neque enim pater iudicat quenquam, sed omne iudicium dedit filio.) Resurrectio animarum fit per substantiam patris & filij æternam & incommutabilem: resurrectio uero corporum fit per dispensationem humanitatis filij temporalem, non patri coæternam: ideo cum memoraret iudicium ubi fieret resurrectio corporum: Non enim pater, inquit, iudicat quenquam, sed omne iudicium dedit filio. De resurrectione autem animarum, sicut pater suscitatur mortuos & uiuificatur, sic & filius quos uult uiuificatur: illud ergo simul pater & filius. Hoc autem de resurrectione corporum, non iudicat pater quenquam, sed omne iudicium dedit filio,

**B** Vt omnes honorificent filium, sicut honorificant patrem.) Hoc redditum est resurrectioni animarum, ut omnes honorificent filium. Quomodo? Sicut honorificant patrem: animarum enim resurrectionem sic operatur filius quomodo pater, sic uiuificatur filius quomodo pater. Ergo in animarum resurrectione omnes honorificant filium, sicut honorificant patrem. Quid de honorificatione propter resurrectionem corporis? Qui non honorificatur filium, non honorificatur patrem qui misit illum.) Non dixit sic, sed honorificatur & honorificatur. Honoratur enim homo Christus, sed non sicut pater deus. Quare? Quia secundum hoc dixit, Pater maior me est. Quando autem honorificatur filius, sicut honorificatur pater? Cum in principio erat uerbum, & uerbum erat apud deum, & omnia per ipsum facta sunt. Et ideo in hac honorificatione secunda, quid ait, Qui non honorificatur filium, nec honorificatur patrem qui misit illum? Non est missus filius, nisi quia factus est homo. Amen amen dico uobis.) Iterum redit ad resurrectionem animarum, ut assidue dicentem capiamus, quia uelut uolentem sermonem sequi non poteramus, ecce immoratur nobiscum sermo dei, ecce quasi habitat cum infirmitatibus nostris, redit rursus ad commendationem resurrectionis animarum, Amen amen dico uobis,

Quia qui uerbum meum audit, & credit ei qui me misit, habet uitam æternam: sed tanquam ex patre. Quia qui uerbum meum audit, & credit ei qui misit me, ex patre habet uitam æternam, credendo in eum qui misit illum. Et in iudicium non uenit, sed transit à morte ad uitam.) Sed ex patre uiuificatur cui credit. Quid tu? Non uiuificas? Vide quia & filius quos uult uiuificatur. Amen amen dico uobis, quia uenit hora quando mortui audient uocem filij dei, & qui audierint uiuent.) Hic non dixit, credent ei qui misit me, & ideo uiuent: sed audiendo uocem filij dei, qui audierint, hoc est, obaudierint filio dei, uiuent. Ergo & ex patre uiuent cum credent patri: & ex filio uiuent, cum audient uocem filij dei: quare & ex patre uiuent & ex filio uiuent? Sicut enim habet pater uitam in semetipso, sic dedit filio habere uitam in semetipso.) Impleuit de resurrectione animarum, restat euidentius dicere de resurrectione corporum:

porum: Et potestatem dedit ei iudicium facere: non solum animas per fidem & sapiētiā suscitare, sed & iudicium facere. Quare autem hæc? Quia filius hominis est.) Facit ergo aliquid pater per filium hominis, quod non facit ex substantia sua cui æqualis est filius, sicut ipsum nasci, sicut ipsum crucifigi, sicut ipsum mori, sicut ipsum resurgere, non enim aliquid horum patri cōtigit: sic & resurrectionem corporum: nam resurrectionē animarum ex substantia sua pater, per substantiam filij qua illi æqualis est: animæ quippe fiunt participes illius incommutabilis lucis, non corpora: resurrectionem autem corporum pater per filium hominis. Et potestatem enim dedit ei iudicium facere, quia filius hominis est, secundum illud quod supra dixit, Neque enim pater iudicat quenquam. Et ut ostēdat quia de resurrectione corporum, hoc dixit, Nolite mirari hoc, quia ueniet hora: non nunc est, sed ueniet hora:

In qua omnes qui in monumētis sunt, iā hoc & hesterno die satiatissime audistis, Audiēt uocem eius, & procedent.) Et ubi? In iudicium: Qui bene fecerunt in resurrectionem uitæ, qui male egerunt, in resurrectionem iudicij.) Et tu hoc facis solus o domine, quia omne iudicium filio pater dedit, & non iudicat quenquam? Ego, inquit, facio. Sed quomodo facis?

Non possum à me facere quicquid, sed sicut audio iudico, & iudicium meum iustum est.) Cum diceretur de resurrectione animarum, non dicebat audio, sed uideo. Audio enim tanquam præcipiētis patris imperium. Iam ergo sicut homo, sicut quo maior est pater, iam ex forma serui, non ex forma dei, sicut audio iudico, & iudicium meum iustum est. Vnde est iudicium iustum hominis? Fratres mei attendite, Quia non quero uoluntatem meam, sed uoluntatem eius qui misit me.)

Ab eo quod scriptum est, Post hoc abiit Iesus trans mare Galilææ quod est Tiberiadis, usque ad id quod ait, Illi ergo homines cum uidissent quod fecerat signum, dicebāt, Quia hic est uere propheta qui uenit in mundum. Tractatus XXIII.

Cap. VI



**MIRACULA** quæ fecit dominus noster Iesus Christus, sunt quidem diuina opera, & ad intelligendum deum de uisibilibus admonent humanā mentem. Quia enim ille non est talis substantia quæ uideri oculis possit, & miracula eius quibus totum mundum regit, uniuersamque creaturam administrat, assidue uiluerunt, ita ut penè nemo dignetur attendere opera dei mira & stupenda in quolibet seminis grano, secundum ipsam suam misericordiam seruauit sibi quædam, quæ faceret opportuno tempore præter usitatum cursum ordinemque naturæ, ut non maiora sed insolita uidentur stupere, quibus quotidiana uiluerant. Maius enim miraculum est gubernatio totius mundi, quam saturatio quinque milium hominum de quinque panibus, & tamen hæc nemo miratur. Illud mirantur homines, non quia maius est, sed quia rarum est. Quis enim & nunc patet uniuersum mundum, nisi ille qui de paucis granis segetes creat? Fecit ergo quomodo deus. Vnde enim multiplicat de paucis granis segetes, inde in manibus suis multiplicauit quinque panes, potestas enim erat in manibus Christi. Panes autem illi quinque, quasi semina erant, non quidem terræ mandata, sed ab eo qui terram fecit multiplicata. Hoc ergo ad motum est sensibus quo erigeretur mens, & exhibitum oculis ubi exerceretur intellectus, ut inuisibilem deum per uisibilia opera miraremur, & erecti ad fidem, & purgati per fidem, etiam ipsum inuisibiliter uidere cuperemus, quæ de rebus uisibilibus inuisibiliter nosceremus. Nec tamen sufficit hæc intueri in miraculis Christi. Interrogemus ipsa miracula, quid nobis loquantur de Christo. Habet enim si intelligantur linguam suam: nam quia ipse Christus uerbum dei est, etiam factum uerbi, uerbum nobis est. Hoc ergo miraculum sicut audiuius, quam magnum est, queramus etiam quam profundum sit. Non tantum eius superficie delectemur, sed etiam altitudinem perscrutemur: habet enim aliquid intus, hoc quod miramur foris. Vidimus, expectauimus magnum quiddam, præclarum quiddam, & omnino diuinum, quod fieri nisi à deo non possit. Laudauimus de facto factorem. Sed quemadmodum si litteras pulchras alicubi inspiceremus, non nobis sufficeret laudare scriptoris articulum, quomodo eas pariles, æquales, decorasque fecit, nisi etiam legerimus quid nobis per illas indicauerit: ita factum hoc qui tantum



**A** tantum inspicit, delectatur pulchritudine facti, ut admiretur artificem: qui autem intelligit, quasi legit. Aliter enim uidetur pictura, aliter uidentur litteræ. Picturam cū uideris, hoc est, totum uidisse laudasse: litteras cum uideris, non hoc est totum, quoniam commoneris & legere, & enim dicis, cum uideris litteras, si forte nō eas nosti legere, Quid putamus esse quod hic scriptum est? Interrogas quid sit, cum iam uideas aliquid. Aliud tibi demonstraturus est, à quo quæris agnoscere quod uidisti. Alios ille oculos habet, alios tu. Nōne similiter apices uideris? Sed nō similiter signa cognoscitis. Tu ergo uides & laudas, ille uidet & laudat, legit & intelligit. Quia ergo uidimus, quia laudauimus, legamus & intelligamus. Dominus in monte, multo magis intelligamus quia dominus in monte, uerbum est in alto. Proinde non quasi humiliter iacet, quod in mōte factum est: nec transeunter prætereundum est, sed suspiciendum. Turbas uidit, esurientes agnouit, misericorditer pauit, nō solum pro bonitate, uerumetiam pro potestate. Quid enim sola prodesset bonitas, ubi non erat panis, unde turba esuriens pascere? Nisi bonitati adesset potestas, ieiuna illa turba & esuriens remaneret. Deniq; & discipuli qui erant cū domino in fame, & ipsi turbas uolebant pascere, ut non remanerent inanes, sed unde pascere non habebant. Interrogauit dominus unde emerentur panes ad turbas pascendas. Et ait scriptura, Hoc autē dicebat tentans eum, discipulū scilicet Philippum quem interrogauerat. Ipse autem sciebat quid esset factururus. Cur ergo bonus tentabat, nisi quia ignorantiam discipuli demonstrabat? Et forte in demonstratione ignorantiae discipuli aliquid significauit. Apparebit ergo cū ipsum sacramentum de quinque panibus cœperit nobis loqui, & quid significet indicare. Ibi enim uidebimus, quare dñs in hoc facto ignorantiam discipuli uoluit interrogando quod sciebat, ostendere: nam interrogamus aliquando quod nescimus, audire uolētes ut discamus: aliquando interrogamus quod scimus, & scire uolentes utrum ille sciat quem interrogamus: utrunq; hoc nouerat dominus, & quod interrogabat sciebat, & quid esset factururus ipse nouerat, & hoc nescire Philippum sciebat similiter. Quare itaq; interrogabat, nisi quia illius ignorantiam demonstrabat? Et hoc quare fecerit, ut dixi, postea intelligemus. Andreas ait, Est hic puer quidā qui habet quinque panes & duos pisces, sed hæc quid sunt ad tantos? Cum dixisset Philippus interrogatus ducetorum denariorum panes nō sufficere, quibus tanta illa turba reficeretur, erat ibi quidam puer portans quinque panes hordeaceos & duos pisces. Et ait Iesus, Facite homines discumbere. Erat autē ibi scenum multum, & discubuerunt ferme quinque milia hominum. Accepit autē dominus Iesus panes, gratias egit, iussit frāgi panes, poni ante discumbentes. Fracti sunt panes, positi ante discumbentes, non iam quinque panes, sed quod adiecerat qui creauerat quod auctum erat. Et de piscibus quantum sufficiebat. Parum est turbam illam fuisse satiatam, etiam fragmenta resederunt: & ipsa colligi iussa sunt ne perirent. Et impleuerant duodecim cophinos fragmentorum. Breuiter ut curramus, quinque panes intelliguntur quinque libri Moyse, merito non triticeii sed hordeacei, quia ad uetus testamentum pertinent. Nostis autē hordeum ita creatum, ut ad medullam eius uix perueniatur, uersitur enim eadem medulla tegmine paleæ, & ipsa palea tenax & inhærens, ut cum labore exuatur. Talis est littera ueteris testamenti, uestita tegminibus carnalium sacramentorum: sed si ad eius medullam perueniatur, pascit & satiat. Ferebat ergo puer quidā quinque panes & duos pisces. Si quæramus quis fuerit puer iste, forte populus Israël erat. Sensu puerili portabat, nec māducabat, illa enim quæ portabat clausa onerabāt, aperta pascebant. Duo autem pisces uidentur nobis significare duas illas in ueteri testamento sublimes personas, quæ ungebantur ad populum sanctificandum, & regendum sacerdotes & reges. Et ipse uenit in mysterio aliquando, qui per illas significabatur: uenit aliquando qui per medullam hordei ostendebatur, per paleam uero hordei occultabatur. Venit ipse unus utranq; personam in se portans, sacerdotis & regis. Sacerdotis per uictimam, quam seipsum obtulit pro nobis deo. Regis, quia regimur ab eo, & aperiuntur quæ clausa portabātur. Gratias illi, impleuit per se quod per uetus testamentum promittebatur, & frangi iussit panes: frangendo multi

multiplicati sunt. Nihil uerius. Quinq; enim libri Moyſi, q̄ multos libros cum exponūt, tanq; frangendo, id est, diſſerēdo fecerunt. Sed quia in illo hordeo ignorātia primī populi regebatur, de quo primo populo dictū est, Quamdiu legitur Moyſes, uelamen super corda eorum positum est. Nondum enim ablatum erat uelamen, quia nōdum uenerat Christus. Nondū uelum templi fuerat illo in cruce pendente cōscissum. Quia ergo ignorātia populi erat in lege, propterea illa domini tentatio ignorantia discipuli demonstrabat. Nihil igitur uacat, omnia ianuunt, sed intellectore requirunt, nā & iste numerus paſti populi populum significabat sub lege constitutū. Cur enim quinq; milia erāt, nisi quia sub lege erāt, quæ lex quinq; libris Moyſi explicatur. Vnde & quinq; illis porticibus languidi prodebātur, non sanabantur. Ille autē ibi curauit languidum, qui & hic turbas de quinq; panibus pauit: nam & super fœnū discumbebāt. Carnaliter ergo sapiebāt, & in carnalibus quiescebant. Omnis enim caro fœnum. Quæ sunt autē illa fragmenta, nisi quæ populus non potuit māducare? Intelligentur ergo quædā secretiora intelligentiæ, quæ multitudo non potest capere. Quid ergo restat nisi ut secretiora intelligentiæ quæ nō potest capere multitudo, illis credatur qui idonei sunt & alios docere, sicut erāt apostoli, unde duodecim cophini impleti sunt. Factū est hoc & mirabiliter, quia magnum: factū est & utiliter, quia spiritaliter factū est. Qui tunc uiderunt, admirati sunt: nos autē non miramur cū audimus. Factū est enim ut illi uiderent, scriptū est autē ut nos audiremus. Quod in illis oculi ualuerunt, hoc in nobis fides: cernimus quippe animo, quod oculis nō potuimus. Et prælati sumus illis, quoniā de nobis dictū est, Beati qui nō uident & credūt. Addo autē, quia forte intelleximus, quod illa turba nō intellexit. Et uere nos paſti sumus, qui ad medullā hordei peruenire potuimus. Deniq; homines illi qui uiderunt, hoc quid putauerunt? Illi, inquit, homines cum uidissent quod fecerat signum, dicebant, quia hic est uere propheta. Adhuc forte ideo Christum prophetam putabant, quia super fœnum discumbebāt. Erat autem ille dñs prophetarum, impletor prophetarum, sanctificator prophetarum, sed & propheta: nam & Moyſi dictū est, Suscitabo eis prophetam similem tui: similem secundum carnem, non secundum maiestatem. Et de ipso Christo illā domini promissionem habere intellectum, aperte in actibus apostolorū exponitur & legitur. Et ipse dominus de se ait, Non est propheta sine honore, nisi in patria sua. Propheta dominus, & uerbum dei dominus, & nullus propheta sine uerbo dei prophetat. Cum prophetis uerbum dei, & propheta uerbum dei. Meruerunt priora tempora prophetas afflatos, & impletos uerbo dei: meruimus nos prophetā ipsum uerbum dei. Sic autem propheta Christus, dominus prophetarum, sicut angelus Christus, dñs angelorum: nam & ipse dictus est magni consilij angelus. Veruntamen alibi quid dicit propheta? Qui nō legatus neq; angelus, sed ipse ueniens saluos faciet eos, id est, ad saluos eos faciendos nō mittet legatum, non mittet angelum, sed ueniet ipse. Quis ueniet? Ipse angelus. Certe non per angelum, nisi quia iste sic angelus, ut etiā dominus angelorū. Etenim angeli latine nunciū sunt. Si Christus nihil annūciaret, angelus non diceretur: si Christus nihil prophetaret, propheta non diceretur: exhortatus est nos ad fidem, & ad capeſſendam uitam æternam. Aliquid præſens annūciauit, aliquid futurum prædixit. Ex eo q̄ præſens nūciauit, angelus erat: ex eo q̄ futurum prædixit, propheta erat: ex eo q̄ uerbum dei, caro factum est, & angelorum & prophetarum dominus erat.

Ab eo quod scriptū est, Iesus ergo cū cognouisset, q̄ uenissent ut raperent eum, usq; ad id quod ait, Et omnis qui uidet filiū & credit in eū, habet uitā æternam, & ego resuscitabo eum in nouissimo die.

Tractatus xxv.



ESTERNAM ex euangelio lectionem, ista est hodierna quæ sequitur, unde hodiernus sermo debetur. Facto illo miraculo, ubi quinq; milia hominum de quinq; panibus pauit Iesus, cum admiratæ essent turbæ, & cū magnum prophetam dicerent qui uenit in mundum: sequitur hoc, Iesus ergo cum uidisset, quia uenerant ut raperent eum, & facerent eum regem, fugit iterum in monte ipse solus. Datur ergo



**A** ergo intelligi, q̄ dominus cum sederet in monte cum discipulis suis, & uideret turbas ad se uenientes, descēderat de monte, & circa inferiora loca turbas pauerat: nā quomodo fieri potest, ut rursus illuc fugeret, nisi ante de monte descenderet? Significatur ergo aliquid, q̄ dñs de alto descēdit ad pascendas turbas, pauit & ascendit. Quare autē ascendit, cū cognouisset quia eū uellent rapere & regē facere? Quid enim? Non erat rex, qui timebat fieri rex? Erat omnino. Nec talis rex qui ab hominibus fieret, sed talis rex qui hominibus regnum daret. Nunquid forte hic aliquid significat nobis Iesus, cuius uerba facta sunt? Ergo in hoc q̄ uoluerunt eū rapere & regē facere, & propter hoc fugit in montē ipse solus, hoc in illo factū tacet, nihil loquitur, nihil significat: an forte hoc erat rapere eū, præuenire uelle tēpus regni eius? Etenim uenerat modo, nō iā regnare quomodo regnaturus est, in eo q̄ dicimus, Adueniat regnum tuū. Semper quidē ille cū patre regnat secundū q̄ est filius dei, uerbū dei, uerbū per quod facta sunt omnia. Prædixerūt autem propheta regnum eius, etiam secundū id q̄ est factus Christus, & fecit fideles suos Christianos: erit enim regnum Christianorum quod modo colligitur, quod modo cōparatur, quod modo emitur sanguine Christi. Erit aliquando manifestum regnum eius, quādo aperta erit claritas sanctorum, post iudicium ab eo factum: quod iudicium supra ipse dixit, quod filius hominis facturum sit. De quo etiam Apostolus dixit, Cum tradiderit regnū deo & patri. Vnde etiā ipse ait, Venite benedicti patris mei, percipite regnum, quod uobis paratum est ab initio mundi. Discipuli autē & turbæ credentes in eum, putauerunt illum sic uenisse ut etiā regnaret: hoc est uelle rapere & regem facere, præuenire uelle tempus eius, quod ipse apud se occultabat, ut opportune proderet, ut opportune in fine seculi declararet. Nam ut noueritis, quia regē eum uolebant facere, id est, anteuenire, & iam habere manifestum Christi regnum, quem primo oportebat iudicari, & deinde iudicare, ubi crucifixus est, & illi qui in eum sperabāt, spem resurrectionis eius perderant, resurgens à mortuis inuenit inde duos cum desperatione sibi sermocinantes, & cum gemitu quæ gesta fuerant colloquentes, & apparens eis uelut incognitus, cum oculi eorum tenerentur ne ab eis agnosceretur, sermonem tractantibus miscuit, illiç narrantes ei unde sermocinarentur, dixerunt, q̄ ille magnus propheta in factis & dictis occisus esset à principibus sacerdotū: Et nos, inquiūt, sperabamus, quia ipse esset redemptio Israël. Recte sperabatis, uerum sperabatis, in illo est redemptio Israël. Sed quid festinatis? Rapere uultis. Illud etiam indicabat nobis hunc sensum, quia cum eum quærent discipuli de fine, dixerunt ei, Si hoc in tempore repræsentabis, & quando regnum Israël? Iam enim esse cupiebant, iam uolebant, hoc est rapere, & regem facere. Sed ait discipulis, quia adhuc solus ascēsurus erat. Non, inquit, est uestrum scire tempora uel momenta, quæ pater posuit in sua potestate: sed accipietis uirtutem ex alto, spiritum sanctum superuenientem in uos, & eritis mihi testes in Hierusalem, & in omni Iudæa & Samaria, & usq̄ ad fines terræ. Vultis ut iam exhibeam regnum, prius colligam quod exhibeam. Altitudinem amatis, & altitudinem adipiscimini, sed per humilitatē me sequimini. Sic de illo etiā prædictum est, Et cōgregatio populorum circundabit te, & propter hanc in altum regredere: id est, ut circundet te congregatio populorum, ut multos colligas, regredere in altū. Sic fecit, pauit & ascendit. Quare autē dictū est, fugit? Neq̄ enim uere si nollet teneretur, si nollet caperetur, qui si nollet, nec agnosceretur: nam ut noueritis hoc mystice factum, nō ex necessitate sed ex significante dispositione, modo in consequenti uidebitis, quia eis secundo turbis quæ eum quærebant apparuit, & cū eis loquens, multa eis dixit, multa de pane cœlesti disputauit. Nonne cum ipsis de pane disputans erat, à quibus ne teneretur aufugerat? Non ergo & tunc poterat agere ut non ab eis comprehenderetur, quemadmodum postea quando cum eis loquebatur? Aliquid ergo significauit fugiēdo. Quid est ergo fugit? Non potuit intelligi altitudo eius. Quicquid enim non intellexeris, fugit me dicis. Ergo fugit iterum in montem ipse solus. Primogenitus non intellexeris, fugit me dicis. Interea illo sursum posito solo sacerdote magno, qui intrauit in interiora ueli, foris populo constituto: hunc enim

sacerdos ille in lege ueteri significabat, qui hoc semel in anno faciebat. Illo ergo sursum posito, discipuli in nauicula quid patiebantur? Nam illo in altis constituto, nauicula illa ecclesiam significabat. Si non hoc primo in ecclesiam intelligimus, quod illa nauicula patiebatur, non erant illa significantia, sed simpliciter transcuntia. Si autem uidemus exprimi in ecclesia ueritatem illarum significationum, manifestum, quia facta Christi genera sunt locutionum. Vt autem sero factum est, inquit, descenderunt discipuli eius ad mare. Et cum ascenderent nauiculam, uenerunt trans mare in Capernaum. Cito dixit finitum quod postea factum est. Venerunt trans mare in Capernaum, & redit ut exponat quemadmodum uenerunt, quia per stagnum nauigantes transierunt. Et dum nauigarent ad eum locum quò eos uenisse iam dixit, recapitulando exponit quid acciderit. Tenebræ iam factæ erant, & non uenerat ad illos Iesus. Merito tenebræ, quia lux non uenerat. Tenebræ iam factæ erant, & non uenerat ad eos Iesus. Quantum accedit finis mundi, crescunt errores, crebescunt terrores, crescit iniquitas, crescit infidelitas. Lux denique quæ charitas apud Ioannem ipsum euangelistam satis aperteque monstratur, ita ut diceret, Qui odit fratrem suum in tenebris est, creberime extinguitur. Crescunt iræ, & tenebræ odiorum fratrum quotidie crescunt, & nondum uenit Iesus. Vnde apparet quia crescunt? Quoniam abundauit iniquitas, refrigeret charitas multorum. Crescunt tenebræ, & nondum uenit Iesus. Crescentibus tenebris, refrigerante charitate, abundante iniquitate, ipsi sunt fluctus nauem turbantes. Tempestates & uenti, clamores sunt maledicorum. Inde charitas refrigerat, inde fluctus augentur, & turbatur nauis. Vento magno flante mare exurgebat. Tenebræ crescebant, intelligentia minuebatur, iniquitas augebatur. Cum remigassent ergo quasi stadia uiginti quinque aut triginta. Interea ambulabant, promouebant, nec uenti illi & tempestates & fluctus & tenebræ id agebant, ut uel nauis non promoueretur, uel soluta mergeretur, sed inter illa omnia mala ibat. Etenim quia abundauit iniquitas, & refrigerat charitas multorum, crescunt fluctus, augentur tenebræ, sauiunt uenti, sed tamen nauis ambulat. Qui enim perseverauerit usque in finem hic saluus erit. Nec ipse stadiorum numerus contemnendus est. Neque nimis uere posset nihil significare quod dictum est, Cum remigassent stadia uiginti quinque aut triginta, tunc ad eos uenit Iesus. Sufficeret aut uiginti quinque aut triginta, maxime quia aestimantis erat, non assermantis. Nunquid periclitaretur ueritas in aestimante, si diceret stadia ferme triginta, aut stadia ferme uiginti quinque? sed ex uiginti quinque fecit triginta. Queramus numerum uigessimum quintum. Vnde constant, unde fiunt? de quinario. Quinarius ille numerus ad legem pertinet. Ipsi sunt quinque libri Moyse, ipsi sunt quinque porticus illæ languidos continentibus, ipsi quinque panes quinque milia hominum pascentes. Ergo legem significat numerus uicesimus quintus. Quomodo quinque per quinque, id est, quinquies quini, faciunt uiginti quinque, quadratum quinarium. Sed huic legi antequam euangelium ueniret, deerat perfectio. Perfectio autem in senario numero comprehenditur, propterea sex diebus deus mundum perfecit, ut quinque ipsa per sex multiplicentur, ut lex per euangelium adimpleatur, ut fiant sexies quini triginta. Ad eos ergo qui implent legem, uenit Iesus. Et uenit. Quomodo? Calcans fluctus, omnes tumores mundi sub pedibus habens, omnes celsitudines seculi premeus. Hoc agitur quantum additur tempori, & quantum accedit ætas seculi. Augentur in isto mundo tribulationes, augentur mala, augentur contritiones, exaggerantur hæc omnia. Iesus transit calcans fluctus, & tamen tantæ sunt tribulationes, ut etiam ipsi qui crediderunt in Iesum, & qui conantur perseverare in fine, expauescant ne deficiant. Christo fluctus calcante seculi, ambitiones & altitudines deprimente, expauescit Christianus. Nunc hæc illi prædicta sunt? Merito & Iesu in fluctibus ambulante. Timuerunt. Quomodo Christiani quamuis habentes spem in futuro seculo, quando uiderint deprimi altitudinem seculi huius, plerumque conturbantur de contritione rerum humanarum, aperiunt euangelium, aperiunt scripturas diuinas, & inueniunt ibi ista omnia prædicta, quia hoc dominus facit. Deprimunt celsitudines seculi, ut ab humilibus glorificetur. De quorum altitudine prædictum est, cui

Hic præteritur textus, Videt Iesum, usque & timuerunt



A est, ciuitates firmissimas destrues, & inimici defecerunt frameæ in finem, & ciuitates destruisti. Quid ergo timetis Christiani? Christus loquitur. Ego sum, nolite timere.) Quid hæc expauescitis? quid timetis? Ego ista prædixi, ego facio, necesse est ut fiant. Ego sum, nolite timere. Voluerunt ergo accipere in nauim.) Agnoscentes & gaudentes securi facti.

Et statim fuit nauis ad terram ad quam ibant.) Factus est finis ad terram, de humido ad solidum, de turbato ad firmum, de itinere ad finem. Altera die turba quæ stabat trans mare.) unde illi uenerant, Vidit quia nauicula alia non erat ibi nisi una, & quia non introisset cum discipulis suis in nauim, sed soli discipuli eius abissent, alia uero superuenerunt naues à Tiberiade, iuxta locum ubi manducauerunt panem, gratias agentes domino. Cum ergo uidisset turba, quia Iesus non esset ibi neque discipuli eius, ascenderunt in nauiculas, & uenerunt Capernaum quærentes Iesum.) Insinuat tamen est illis tam magnum miraculum: uiderunt enim quod discipuli soli ascendissent in nauim, & quia alia nauis non ibi erat. Venerunt autem inde & naues iuxta locum illum ubi manducauerunt panes, in quibus eum turbæ secutæ sunt cum discipulis suis. Ergo non ascenderat, alia nauis illic non erat. Vnde subito trans mare factus est Iesus, nisi quia super mare ambulauit, ut miraculum monstraret.

B Et cum inuenissent eum.) turbæ. Ecce repræsentat se turbis, à quibus se rapi timuerat, & in montem fugerat. Omnino confirmat & insinuat nobis in mysterio dicta esse illa omnia: & facta in magno sacramento, ut aliquid significaret. Ecce est ille qui in montem fugerat turbas, nonne cum ipsis turbis loquitur? Modo teneat, modo regem faciat. Et cum inuenissent eum, Trans mare, dicunt ei. Rabbi, quando huc uenisti?) Ille post miraculi sacramentum & sermonem infert, ut si fieri potest, qui pasti sunt, pascantur: & quorum satiauit panibus uentres, satiet & sermonibus mentes, sed si capiunt: & si non capiunt, sumatur quod non capiunt, ne fragmenta pereant. Loquatur ergo & audiamus. Respondit Iesus & dixit, Amen amen dico uobis, quæritis me, non quia uidistis signa, sed quia manducaastis ex panibus meis.) Propter carnem me quæritis, non propter spiritum. Quam multi non quærunt Iesum, nisi ut illis faciat bene secundum tempus: alius negocium habet, quærit intercessionem clericorum: alius premitur à potètiore, fugit ad ecclesiam: alius pro se uult interuenire apud eum, apud quem parum ualet. Ille sic, ille sic, impletur quotidie talibus ecclesia. Vix quæratur Iesus propter Iesum. Quæritis me non quia uidistis signa, sed quia manducaastis ex panibus. Operamini cibum, non cibum qui perit, sed qui permanet in uitam æternam.) quæritis me propter aliud, quærite me propter me. Scipsum charissimi dominus insinuat istum cibum, quod in sequentibus illucescit. Quem filius hominis dabit uobis.) Expectabas credo iterum panes manducare, iterum discumbere, iterum saginari: sed dixerat, cibum non qui perit, sed qui permanet in uitam æternam: quomodo dictum fuerat mulieri illi Samaritanæ, Si scires *Ioan. 4* quis est qui petit à te bibere, tu forsitan postulasses ab eo, & daret tibi aquam uiuam: cum illa diceret, Vnde tibi, quandoquidem non habes hauritorium, & puteus altus est? Samaritanæ respondit, Si scires qui à te petit bibere, tu petisses ab eo, & daret tibi aquam uiuam, unde qui biberit, amplius non sitit: nam de hac aqua qui biberit, sitiet iterum. Et gaui sa est illa, & uoluit accipere, quasi non passura sitim corporis, quæ labore hauriendi fatigabatur, & sic inter huiusmodi sermocinationes peruenit ad potum spiritalem. Omnino isto modo & hic: hunc ergo cibum operamini, non qui perit, sed qui permanet in uitam æternam, quem filius hominis dabit uobis. Hunc enim pater signauit deus.) Istum filium hominis nolite sic accipere, quasi alios filios hominum, de quibus dictum est, Filij autem hominum in protectione alarum tuarum sperabunt. Iste filius hominis sequestratus quadam gratia spiritus, & secundum carnem filius hominis, exceptus à numero hominum, filius hominis est. Iste & filius hominis & filius dei est, iste homo etiam deus est. Alio loco interrogans discipulos ait, Quem dicunt esse homines filium hominis? Et illi, Alij Ioannem, alij Heliam, *Math. 16* alij Hieremiam, aut unum ex prophetis. Et ille, Vos uero quem me dicitis esse? Respondit Petrus, Tu es Christus filius dei uiui. Ille dixit se filium hominis, & Petrus eum dixit filium

dei uiui. Optime ille commemorabat quod misericorditer exhibuerat. Ille commemorabat quod in claritate permanebat. Verbum dei commendabat humilitatem suam, homo agnoscit claritatem domini sui. Et reuera fratres, puto quia iustum est. Humiliauit se propter nos, glorificemus illum nos. Non enim filius hominis propter se est, sed propter nos. Ergo filius hominis erat illo modo, Cum uerbum caro factum est, & habitauit in nobis, ideo enim hunc deus pater signauit. Signare quid est, nisi proprium aliquid ponere. Hoc est enim signare, imponere aliquid quod non confundatur cum cæteris. Signare, est signum rei ponere. Cuius rei ponis signum, ideo ponis signum, ne confusa cum alijs, à te non possit agnosci. Pater ergo eum signauit. Quid est signauit? Proprium quiddam dedit, ne cæteris comparatur hominibus. Ideo de illo dictum est, Vixit te deus deus tuus oleo exultationis, præ participibus tuis. Ergo signare quid est? Exceptum habere, hoc est, præ participibus tuis. Itaque nolite, inquit, me contemnere, quia filius sum hominis, & querite à me cibum qui non perit, sed permanet in uitam æternam. Sic enim filius hominis sum, ut non sim unus ex uobis, sic sum filius hominis, ut pater deus me signaret. Quid est signaret? Proprium aliquid mihi daret, quo non confunderer cum genere humano, sed per me liberaretur genus humanum. Dixerunt ergo ad eum, Quid faciemus ut operemur opera dei? ) Dixerat enim illis, Operamini escam, non quæ perit, sed quæ permanet in uitam. Quid faciemus, inquit? quid obseruando hoc præceptum implere poterimus? Respondit Iesus & dixit eis, Hoc est opus dei ut credatis in eum quem misit ille. ) Hoc est ergo manducare cibum non qui perit, sed qui permanet in uitam æternam. Ut quid paras dentes & uentrem? Crede & manducaſti. Discernitur quidem ab operibus fides: sicut Apostolus dicit, iustificari hominem per fidem sine operibus legis, & sunt opera quæ uidentur bona sine fide Christi, & non sunt bona, quia non referuntur ad eum finem ex quo sunt bona. Finis enim legis Christus ad iustitiam omni credenti. Ideo noluit discernere ab opere fidem, sed ipsam fidem dixit esse opus dei: Ipsa est enim quæ per dilectionem operatur. Nec dixit, hoc est opus uestrum, sed hoc est opus dei, ut credatis in eum quem misit ille, ut qui gloriatur, in domino gloriatur. Quia ergo inuitabat eos ad fidem, illi adhuc quærebant signa quibus crederent. Vide si non Iudæi signa petunt. Dixerunt ergo ei, Quod ergo tu facis signum, ut uideamus & credamus tibi, quid operaris? Parum ne erat quod de quinque panibus pasti sunt? Sciebant hoc quidem, sed huic cibo manna de cælo præferebant. Dominus autem Iesus talem se dicebat, ut se Moyſi præponeret. Non enim ausus est Moyſes dicere, quod daret cibum non qui perit, sed qui permanet in uitam æternam. Aliquid plus iste promittebat quàm Moyſes. Per Moyſen quippe promittebatur regnum & terra fluens lac & mel, temporalis pax, abundantia filiorum, salus corporis, & cætera omnia, temporalia quidem, in figura tamen spiritualia, quia ueteri homini in ueteri testamento promittebantur. Attendebant ergo promissa per Moyſen, attendebant promissa per Christum. Ille plenum uentrem promittebat in terra, sed cibo qui perijt: iste promittebat cibum non qui perit, sed qui permanet in uitam æternam. Attendebant eum plus promittentem, & quasi nondum uidebant maiora facientem. Attendebant itaque qualia fecisset Moyſes, & adhuc aliqua maiora uolebant fieri ab eo qui tam magna promittebat, quid, inquit, facis ut credamus tibi? Et ut noueritis quia miracula illa huic miraculo comparabant, & ideo quasi minora ista iudicabant quæ faciebat Iesus. Patres enim nostri, inquit, manna manducauerunt in deserto. ) Sed quid est manna? Forte contemnitis. Sicut scriptum est, Dedit illis manna manducare. ) Per Moyſen patres nostri panem de cælo acceperunt, & non est dictum eis à Moyſe, operamini cibum qui non perit. Tu promittis cibum qui non perit, sed qui permanet in uitam æternam, & non talia operaris qualia Moyſes. Panes hordeaceos ille non dedit, sed manna de cælo. Dixit ergo eis Iesus, Amen amen dico uobis, non Moyſes dedit uobis panem de cælo, sed pater meus dedit uobis panem de cælo. Verus enim panis est qui de cælo descendit, & dat uitam mundo. ) Verus ergo ille panis qui dat uitam mundo, & ipse cibus est, de quo paulo ante locutus sum, opera

De conse. dif.  
2. c. ut quid  
Rom. 4. 3

psal. 44



A operamini cibum qui non perit, sed qui permanet in uitam æternam. Ergo & illud manna hunc significabat, & illa omnia signa mea erant. Signa mea dilexistis, qui significabatur contemnitis. Non ergo Moyſes dedit panem de cœlo, deus dat panem. Sed quem panem? Forte manna? Non, sed panem quem significabat manna, ipsum scilicet dominum Iesum. Pater meus dat uobis panem uerum. Panis enim dei est qui descendit de cœlo, & dat uitam mundo. Dixerunt ergo ad eum, domine, da nobis semper panem hunc. Quomodo mulier illa Samaritana cui dictum est, Qui biberit de hac aqua, non sitiet unquam: continuo illa secundum corpus accipiens, sed tamen carere indigentia nolens, da mihi, inquit, domine de hac aqua: sic & isti, domine, da nobis panem hunc qui nos reficiat, nec deficiat. Dixit autem eis Iesus, Ego sum panis uitæ, qui uenit ad me, non esuriat: & qui credit in me, non sitiet unquam. Qui uenit ad me, hoc est quod ait, & qui credit in me: & quod dixit, non esuriat, hoc intelligendum est, & non sitiet unquam. Vtroque illa significatur æterna satietas, ubi nulla est egestas. Panem de cœlo desideratis, ante uos habetis, & non manducatis. Sed dixi uobis, quia & uidistis me & non credidistis. Sed non ideo ego populum perdidi. Nunquid enim infidelitas uestra fidem dei euacuauit? Vide enim quod sequitur. Omne quod dat mihi pater, ad me ueniet, & eum qui uenit ad me, non eijciam foras. Quale est, intus illud, unde non exitur foras? Magnum penetrabile, & dulce secretum. O secretum sine tædio, sine amaritudine malarum cogitationum, sine interpellatione tentationum & dolorum. Nonne illud secretum est quo intrauit ille, cui dicturus est dominus seruo bene merito, Euge serue bone & fidelis, intra in gaudium domini tui? Et eum qui ueniet ad me, non eijciam foras. Quia descendi de cœlo non ut faciam uoluntatem meam, sed eius qui misit me. Ideo ergo eum qui ueniet ad te, non eijcias foras, quia descendisti de cœlo, non facere uoluntatem tuam, sed uoluntatem eius qui te misit. Magnum sacramentum. Obsecro uos, simul pulsemus, exeat ad nos aliquid quod nos pascat, secundum quod nos delectauit. Magnū illud & dulce secretum, Qui ueniet ad me, attende, attende & appende. Qui uenit ad me, non eijciam foras. Ergo qui ueniet, inquit, non eijciam foras. Quare? Quia descendi de cœlo, non ut faciam uoluntatem meam, sed uoluntatem eius qui misit me. Ipsa est ergo causa quare non eijcias eum foras qui uenit ad te, quia non uoluntatem tuam facere descendisti de cœlo, sed uoluntatem eius qui te misit. Ipsa, quid ergo querimus utrum ipsa sit? Ipsa est, ipse loquitur. Qui uenerit ad me, non eijciam foras. Et quasi quæreret, quare? Quia non ueni facere uoluntatem meam, sed uoluntatem eius qui misit me. Timeo ne foras propterea exierit anima à deo, quia superba erat, imò non dubito: scriptum est enim, Initium omnis peccati superbia: & Initium superbiam hominis apostatare à deo: scriptum est, firmum est, uerum est. Deinde quid de superbo dicitur mortali, accincto pannis, carnis prægrauato pondere, corruptibili corpore, & tamen extollenti se, & obliuiscenti quia pelle uestitus sit? Quid ei dicit scriptura? Quid superbis terra & cinis? Quid superbit? Dicat quid superbit. Quoniam in uita sua proiecit intima sua? Quid est proiecit, nisi porro iecit? hoc est exire foras. Etenim intrare intro, appetere intima est: proijcere intima foras, exire est. Intima proiecit superbus, intima appetit humilis: superbia eijcimur, humilitate regredimur. Caput omnium morborum superbia, quia caput omnium peccatorum superbia. Medicus quando agnitum discutit, si curet quod per aliquam causam factum est, & ipsam causam per quam factum est non curet, ad tempus uidetur mederi, causa manente morbus repetitur. Verbi gratia, apertius hoc dicam. Humor in corpore scabiem uel ulcera gignit in corpore, fit magna febris, & non paruus dolor, exhibentur quædam medicamenta quæ scabiem cōpescant, & feruorem illum ulceris sedant, & adhibentur & proficiunt, uides hominem qui fuit ulcerosus & scabiosus sanatum, sed quia humor ille non eiectus est, rursus ad ulcus redit: cognoscens hoc medicus, purgat humorem, detrahit causam, & nulla erunt ulcera. Vnde ergo abundat iniquitas? Per superbiam. Cura superbiam, & nulla erit iniquitas. Ut ergo causa omnium morborum curaretur, id est superbia, descendit & humilis factus est filius dei. Quid superbis ho

Ioan. 4

Matth. 25

Ecc̃i 10

mo: Filius dei propter te humilis factus est. Puderet te fortasse imitari humilem hominem, c  
 saltem imitare humilem deum. Venit filius dei in homine, & humilis factus est. Præcipitur  
 tibi ut sis humilis, non tibi præcipitur ut ex homine fias pecus. Ille deus factus est homo, tu  
 homo cognosce quia es homo. Tota humilitas tua est ut cognoscas te. Ergo quia humilita  
 tem docet deus: dixit, Nō ueni facere uoluntatem meam, sed eius uoluntatem qui misit me,  
 hæc enim commendatio humilitatis est. Superbia quippe facit uoluntatem suam, humili  
 tas facit uoluntatem dei. Ideo qui ad me uenerit, non eijciam foras. Quare? Quia non ueni  
 facere uoluntatem meam, sed uoluntatem eius qui misit me. Humilis ueni, humilitatem do  
 cere ueni: qui ad me uenit, incorporatur mihi: qui ad me uenit, humilis fit: qui mihi adhæret,  
 humilis erit, quia non facit uoluntatem suam, sed dei: & ideo non eijciatur foras, quia cum  
 psal. 35 superbus esset, eiectus est foras. Vide illa interiora commendari in psalmo, Filij autem ho  
 minum in protectione alarum tuarum sperabunt. Vide quid sit ire intrò, uide quid sit ad il  
 lius protectionem confugere, uide quid sit etiam sub uerba patris currere: flagellat enim  
 omnem filium quem recipit. Filij autem hominum in tegmine alarum tuarum sperabunt:  
 & quid est intus? Inebriabuntur ab ubertate domus tuæ. Cū miseris intrò, intrantes in gau  
 dium domini sui inebriabuntur ab ubertate domus tuæ, & torrente uoluptatis tuæ pota  
 bis eos. Quoniam apud te est fons uitæ, non foris extra te, sed intus apud te, & in lumine  
 tuo uidebimus lumen. Prætende misericordiam tuam scientibus te, & iustitiam tuam his  
 qui recto sunt corde. Qui sequuntur uoluntatem domini sui, nō quærentes sua, sed quæ le  
 psal. 72 su Christi, ipsi sunt recto corde, ipsis non commouentur pedes: Bonus enim deus Israël re  
 ctis corde. Mei autem, inquit ille, penè commoti sunt pedes. Quare? Quia zelauit in peccato  
 ribus, pacem peccatorum intuens. Ergo quibus bonus est deus nisi rectis corde? Nam mihi  
 toto corde displicuit deus. Quare displicuit? quia dedit felicitatem malis: & ideo nutarūt mi  
 hi pedes, quasi sine causa seruisssem deo. Ideo ergo mei penè commoti sunt pedes, quia non  
 fui rectus corde. Quid est ergo rectus corde? Sequens uoluntatem dei. Felix est ille, laborat  
 ille: ille male uiuit & felix est, ille iuste uiuit & laborat. Non indignetur iuste uiuens & labo  
 rans, intus habet quod felix ille non habet, non ergo tristetur, non maceretur, non deficiat.  
 Felix ille habet aurum in arca, iste deum in conscientia. Compara nunc aurum & deum,  
 arcam & conscientiam. Ille illud habet quod perit, & ibi habet unde perit: iste deum habet,  
 & eum qui perire non potest, & ibi habet unde auferri nō potest, sed si sit rectus corde, tunc  
 enim intrat & non exit: ideo ille dicebat, Quoniam apud te est fons uitæ, & non apud nos.  
 Ideo intrare debemus ut uiuamus, non quasi nobis sufficere ut pereamus, non quasi de no  
 stro uelle satiari ut arescamus, sed os ad ipsum fontē ponere, ubi aqua nō deficit. Quia uolu  
 it suo consilio uiuere Adā, & lapsus est per eum qui ante ceciderat per superbiam, qui ei cali  
 cem ipsius superbiæ propinauit. Quia ergo apud te est fons uitæ, & in lumine tuo uidebi  
 mus lumen, intus bibamus, intus uideamus. Quare enim inde exitum est? audi quare. Non  
 ueniat mihi pes superbiæ: ergo ille exijt cui uenit pes superbiæ, ostendit quia ideo exijt. Et  
 manus peccatorum non moueat me, propter pedem superbiæ. Quare hoc dicis? Ibi cecide  
 runt omnes qui operantur iniquitatem. Vbi ceciderunt? In ipsa superbia expulsi sunt, nec  
 potuerunt stare. Si ergo superbia expulit eos qui non potuerunt stare, humilitas intromit  
 psal. 50 tit, qui possunt in perpetuū stare. Ideo etenim ille qui dixit, Exultabunt ossa humiliata: præ  
 dixit, Auditui meo dabis exultationem & lætitiā. Quid est, auditui meo? Audiendo te fe  
 lix sum: de uoce tua felix sum: intus bibendo felix sum: ideo non cado, ideo exultabunt ossa  
 humiliata, ideo amicus sponsi stat & audit eum, ideo stat, quia audit. De interiore fonte bi  
 bit, ideo stat. Illi qui noluerunt de interiore fonte bibere, ideo ceciderunt & expulsi sunt, nec  
 potuerunt stare. Doctor itaq; humilitatis uenit non facere uoluntatem suam, sed uolunta  
 tem eius qui misit illum. Veniamus ad eum, intremus ad eum, incorporemur ei, ut nec nos  
 faciamus uoluntatem nostram, sed uoluntatem dei, & non nos eijciat foras, quia membra  
 eius sumus, quia caput nostrum esse uoluit docendo humilitatem. Ad extremum, ipsum au  
 dite



A dite concionantem, Venite ad me qui laboratis & onerati estis. Tollite iugum meum super uos, & discite à me, quia mitis sum & humilis corde. Et cum hoc didiceritis, inuenietis requiem animabus uestris, unde non eijciamini foras: quia descendi de cœlo, non ut faciam uoluntatem meam, sed uoluntatem eius qui misit me. Humilitatem doceo, ad me uenire non potest nisi humilis. Non mittit foras nisi superbia, quomodo non exit foras qui seruat humilitatem, & non labitur à ueritate. Dicta sunt quantum dici potuerunt de abscondito sensus fratres: satis enim hic latet sensus, & nescio utrum congruis uerbis à me sit depromptus & excultus, quare ideo non eijciat foras qui uenit ad illum, quia non uenit facere uoluntatem suam, sed uoluntatem eius qui misit eum. Hæc est autem, inquit, uoluntas eius qui misit me patris, ut omne quod dedit mihi, non perdam ex eo. Ipse illi datus est qui seruat humilitatem: hoc accepit, qui non seruat humilitatem, longe est à magistro humilitatis. Ut omne quod dedit mihi, non perdam ex eo. Sic non est uoluntas in conspectu patris uestri, ut pœreat unus de pusillis istis. De tumentibus potest perire, de pusillis nihil perit: quia nisi fueritis sicut pusillus iste non intrabitis in regnum cœlorum. Omne quod dedit mihi pater non perdam ex eo. Sed resuscitabo illud in nouissimo die. Videte quemadmodum & hic geminam illam resurrectionem deliniet. Qui uenit ad me, modo resurgit humilis factus in membris meis, sed & resuscitabo eum in nouissimo die secundum carnem.

Mat. 22

Matth. 18

Hæc est enim uoluntas patris mei qui misit me, ut omnis qui uidet filium, & credit in eum habeat uitam æternam, & ego resuscitabo eum in nouissimo die. Superius dixit, qui audit uerbum meum & credit ei qui misit me: modo autem, qui uidet filium, & credit in eum. Nō dixit, uidet filium, & credit in patrem: hoc est enim credere in filium quod & in patrem, quia sicut habet pater uitam in semetipso, sic dedit & filio uitam habere in semetipso, ut omnis qui uidet filium & credit in eum, habeat uitam æternam. Credendo & transeundo ad uitam, tanquam prima illa resurrectione, & quia non est sola, & resuscitabo ego eum, inquit, in nouissimo die.

B

Ab eo quod scriptum est, Murmurabāt ergo Iudæi de illo, quia dixisset, Ego sum panis uiuus qui de cœlo descēdi, usq; ad id ubi ait, Qui manducat hunc panem uiuet in æternum. Tractatus XXVI.



Uin dominus noster Iesus Christus, sicut in euangelio cum legeretur audiui-  
mus, panem se esse dixisset, qui de cœlo descendit. Murmurauerunt Iudæi &  
dixerunt, Nōne hic est Iesus filius Ioseph, cuius nos nouimus patrem & ma-  
trem? Quomodo ergo hic dicit, quia descēdit de cœlo? Isti à pane de cœlo lon-  
ge erant, nec eum esurire nouerant. Fauces cordis languidas habebant, auribus apertis sur-  
di erāt, uidebāt & cæci stabant: panis quippe iste interioris hominis quærit esuriē, unde alio  
loco dicit, Beati qui esuriūt & sitiūt iustitiā, quoniā ipsi saturabūtur. Iustitiā uero nobis esse  
Christū Paulus apostolus dicit, ac per hoc qui esurit hunc panē, esuriat iustitiā: sed iustitiā  
quæ de cœlo descēdit, iustitiā quā dat deus, nō quā sibi facit homo. Si enim nullā sibi homo  
faceret iustitiā, nō diceret idē Apostolus de Iudæis: Ignorātes enim dei iustitiā, & suā uolē-  
tes cōstituere, iustitiā dei nō sunt subiecti: inde erāt isti qui panē de cœlo descendente nō in-  
telligebant, quia sua iustitia saturati, iustitiā dei nō esuriebāt. Quid est hoc, iustitia dei & iu-  
stitia hominis? Iustitia dei hic dicitur, non qua iustus est deus, sed quam dat hominī deus,  
ut iustus sit homo per deum. Quæ autē erat illorū iustitia, qui de suis uiribus præsumebāt,  
& quasi impletores legis seipsos ex sua uirtute dicebant? Nemo implet legem nisi adiuue-  
rit gratia, id est, panis qui de cœlo descendit: Legis enim plenitudo, compendio ut ait Apo-  
stolus, charitas est: charitas non nummi, sed dei: charitas non terræ, non cœli, sed eius qui fe-  
cit cœlum & terram. Vnde ista charitas hominī? Ipsum audiamus, Charitas, inquit, dei dif-  
fusa est in cordibus nostris per spiritum sanctum qui datus est nobis. Daturus ergo domi-  
nus spiritum sanctum, dixit se panem qui de cœlo descēdit, hortans ut credamus in eū. Cre-  
dere enim in eū, hoc est manducare panē uiuū. Qui credit in eum, manducat, inuisibiliter sa-

Matth. 5

Rom. 10

Rom. 13

Roma. 5

De conse. dif.

2. c. credere

4. sen. dif. 9. c. 1

ginatur, quia & inuisibiliter renascitur. Infans intus est, nouus intus est: ubi nouellatur, ibi  
 satiatur. Quid ergo talibus murmurantibus Respōdit Iesus: Nolite murmurare inuicē.)  
 Tanquam dicens, Scio quare non esuriatis, & istum panem non intelligatis neq; quærat. Noli  
 Nolite murmurare inuicem. Nemo potest uenire ad me, nisi pater qui misit me traxerit  
 eum.) Magna gratiæ commendatio. Nemo uenit nisi tractus. Quem trahat & quem nō tra-  
 hat: quare illum trahat, & illum non trahat, noli uelle iudicare si non uis errare: semel accipe  
 2. sen. di. 2. c. & intellige, Non traheris, ora ut traharis. Quid hic dicimus fratres: si trahimur ad Christū,  
 non est tamen ergo inuiti credimus, ergo uolentia adhibetur, non uoluntas excitatur? Intrare quisquam  
 ecclesiam potest nolens, accedere ad altare potest nolens, accipere potest sacramentum no-  
 lens, credere non potest nisi uolens. Si corpore crederetur, fieret in nolentibus: sed non cor-  
 pore creditur ad iustitiam, Apostolum audi dicentem, Corde creditur ad iustitiam. Et quid  
 Rom 4. 10 sequitur? Ore autem confessio fit ad salutem. De radice cordis surgit ista cōfessio. Aliquan-  
 do audis confitentem, & nescis ardentem: uocas confitentem, & nescis credentem. Sed nec  
 debes uocare confitentem, quem iudicas non credentem: hoc est enim confiteri, dicere quod  
 habes in corde. Si autem aliud in corde habes, aliud dicis, loqueris, non confiteris. Cum er-  
 go in Christum corde credatur, quod nemo utique facit inuitus, qui autem trahitur, tan-  
 quam inuitus cogi uidetur, quomodo istam soluimus quæstionem: Nemo uenit ad me, ni-  
 si pater qui me misit traxerit eū? Si trahitur aliquis, inuitus uenit: si inuitus uenit, nec credit:  
 si non credit, nec uenit. Non enim ad Christum ambulando currimus, sed credendo: nec  
 motu corporis, sed uoluntate cordis accedimus. Ideo illa mulier quæ fimbriam tetigit, ma-  
 Luce 8 gis tetigit quā turba quæ pressit. Ideo dominus dixit, Quis me tetigit? & mirātes discipu-  
 li dixerunt, Turba te comprimit, & dicis, quis me tetigit? Et ille repetiuit, Tetigit me aliquis.  
 Illa tangit, turba premit: quid est tetigit, nisi credidit? Vnde & mulieri post resurrectionem  
 Ioan. 20 dixit uolenti se mittere ad pedes eius, Noli me tangere, nondum enim ascendi ad patrem:  
 quod uides, hoc solum me esse putas. Noli me tangere, quid est? Hoc me solum esse putas  
 quod tibi appareo. Noli me sic credere, hoc est noli me tangere, nondum enim ascendi ad  
 patrem meum: tibi nondum ascendi, nam inde nunquam recessi. Interea non tangebatur  
 stantem, & quomodo tangeret ad patrem ascendentem? Sic tamen sic se tangi uoluit, si tan-  
 gitur ab eis à quibus bene tangitur, ascendens ad patrem, manens cum patre, æqualis patri.  
 Inde & hic si aduertis, Nemo uenit ad me, nisi quem pater attraxerit, noli te cogitare inui-  
 tum trahi. Trahitur animus & amore. Nec timere debemus ne ab hominibus qui uerba  
 perpendunt, & à rebus maxime diuinis intelligendis longe remoti sunt, in hoc scripturarū  
 sanctarum euangelico uerbo forsitan reprehendamus, & dicatur nobis, Quomodo uolun-  
 tate credo si trahor? Ego dico, Parum est uoluntate, etiam uoluptate traheris. Quid est tra-  
 hi uoluntate? Delectare in domino, & dabit tibi petitiones cordis tui. Est quædam uolu-  
 psal. 36 ptas, cordis, cui panis dulcis est ille cœlestis. Porrò si poëtæ dicere licuit, Trahit sua quæq; uo-  
 Virg. in 2. eglo. luptas: non necessitas, sed uoluptas: non obligatio, sed delectatio: quanto fortius nos dicere  
 debemus, trahi hominem ad Christum, qui delectatur ueritate, delectatur beatitudine, dele-  
 ctatur iustitia, delectatur sempiterna uita, quod totum Christus est. An uero habet corpo-  
 ris sensus uoluptates suas, & animus deseritur à uoluptatibus suis? Si animus nō habet uo-  
 psal. 35 luptates suas, unde dicitur? Filij autem hominum, sub tegmine alarum tuarum sperabunt.  
 Inebriabuntur ab ubertate domus tuæ, & torrente uoluptatis deliciarum tuarum potabis  
 eos, Quoniam apud te est fons uitæ, & in lumine tuo uidebimus lumen. Da amantem, &  
 sentit quod dico, da desiderantem, da feruentem, da in ista solitudine peregrinantem atq;  
 sitientem, & fontem æternæ patriæ suspirantem, da talem, & scit quid dicam: si autem frig-  
 do loquor, nescit quid loquor. Tales erant isti qui inuicem murmurabant. Pater, inquit,  
 quem traxerit, uenit ad me. Quid est autem, pater quem traxerit, cum ipse Christus tra-  
 har? Quare uoluit dicere, pater quem traxerit? Si trahendi sumus, ab illo trahamur, cui di-  
 cant. 1 cit quædam quæ diligit, Post odorem unguentorum tuorum curremus. Sed quid intelligi  
 uoluit,



A uoluit, aduertamus fratres, & quantū possumus capiamus. Trahit pater ad filium eos qui propterea credunt in filium, quia eum cogitant patrem habere deū. Deus enim pater æqualem sibi genuit filium, & qui cogitat, atq; in fide sua sentit & ruminat æqualem esse patri eū in quem credidit, ipsum trahit pater ad filium. Arius credidit creaturam, non eum traxit pater, quia non cōsiderat patrem, qui filium non credit æqualem. Quid dicis ō Ari, quid dicis hæretice, quid loqueris? Quid est Christus? Nō, inquit, deus uerus, sed quē fecit deus uerus, Non te traxit pater, non intellexisti patrem, cuius filium negas. Aliud cogitas, non est ipse filius, nec à patre traheris, nec ad filium. Aliud est enim filius, aliud quod tu dicis. Fotinus dicit, Homo solus est Christus, non est & deus: Qui sic credit, non pater eum trahit. Quem traxit pater? Illum qui dicit, Tu es Christus filius dei uiui, non sicut propheta, non sicut Ioannes, non sicut aliquis magnus iustus, sed sicut unicus, sicut æqualis, Tu es Christus filij dei uiui, ait. Vide quia tractus est, & à patre tractus est. Et dominus quid? Beatus es Simon bar Iona, quia non tibi reuelauit caro & sanguis, sed pater meus qui in cœlis est. Ista est reuelatio, ista est attractio. Ramū uiridē ostendis oui, & trahis illam. Nuces puero demonstrantur & trahitur, & quod currit trahitur, amādo trahitur, sine læsione corporis trahitur, cordis uinculo trahitur. Si ergo ista quæ inter delicias & uoluptates terrenas reuelantur amantibus, trahunt, quoniā uerum est, Trahit sua quēq; uoluptas, nō trahit reuelatus Christus à patre? Quid enim fortius desiderat anima quā ueritatē? Quod auidas fauces habere debet, unde optare, ut sanum sit intus palatum uera iudicādi, nisi ut manducet & bibat sapientiā, iustitiam, ueritatem, æternitatē? Vbi autem hoc? Ibi melius, uerius ibi: nam hic facilius possumus esurire, & hoc si bonam spem habemus, quā saturari, Beati enim, inquit, qui esuriunt & sitiunt iustitiam, sed hic: quoniam saturabuntur, sed ibi. Ideo cum dixisset, Nemo uenit ad me, nisi pater qui misit me traxerit eū, quid subiecit? Et ego resuscitabo eum in nouissimo die.) Reddo illi quod amat, reddo quod sperat. Videbit quod adhuc non uidendo credidit: manducabit quod esuriit, saturabitur eo quod sitit. Vbi? In resurrectione mortuorum, quia ego resuscitabo eum in nouissimo die. Scriptum est enim in prophetis, Et erūt omnes docibiles dei. Quare hoc dixi ō Iudæi? Pater uos non docuit, quomodo potestis me agnoscere? Omnes regni illius homines docibiles dei erunt, nō ab hominibus audient: & si ab hominibus audiunt, tamen quod intelligunt, intus datur, intus coruscat, intus reuelatur. Quid faciunt homines forinsecus annunciantes? Quid facio modo ego cum loquor? Strepitum uerborū ingero auribus uestris. Nisi ergo reuelet ille qui intus est, quid dico, aut quid loquor? Exterior, cultor arboris: interior, est creator. Qui plantat & qui rigat, extrinsecus operatur: hoc facimus nos. Sed neq; qui plantat est aliquid, neq; qui rigat, sed qui incrementum dat deus, hoc est, erūt omnes docibiles dei. Qui omnes? Omnis qui audiuit à patre & didicit, uenit ad me.) Videte quomodo trahit pater: docendo delectat, non necessitatem imponendo. Ecce quomodo trahit, erunt omnes docibiles dei. Trahere dei est. Omnis qui audiuit à patre & didicit, uenit ad me: trahere eū dei est. Quid igitur fratres? Si omnis qui audiuit à patre & didicit, ipse uenit ad Christum, Christus nihil hic docuit. Quid quod patrem magistrum homines non uiderunt, filium uiderunt? Filius dicebat, sed pater docebat. Ego cum homo sim quem doceo? Quem fratres nisi eum, qui audit uerbum meum? Si ego cum homo sim, illum doceo qui audit uerbum meum: illum docet pater, qui audit uerbum eius. Si illum docet pater qui audit uerbum eius, quære quid sit Christus, & inuenies uerbum eius. In principio erat uerbum. Non in principio fecit deus uerbum, quomodo in principio fecit deus cœlum & terram: ecce quia non est creatura. Discet trahi ad filium à patre, doceat te pater, audi uerbum eius. Quod uerbum, in quies, audio? In principio erat uerbum. Non factum est, sed erat, & uerbum erat apud deum, & deus erat uerbum. Quomodo homines in carne constituti audiant tale uerbum? Quia uerbum caro factum est, & habitauit in nobis. Exponit hoc & ipse, & ostendit nobis quid dixerit, qui audiuit à patre & didicit, uenit ad me. Continuo subiecit quod cogitare

Matth. 16

Matth. 5

1. Cor. 5

tare possemus. Non quia patrem uidit quisquam, nisi is qui est à deo, hic uidit patrem. Quid est quod ait, Ego uidi patrem, uos non uidistis patrem, & tamen non uenitis ad me, nisi trahamini à patre? Quid est autem nobis trahi à patre, nisi discere à patre? Quid est discere à patre, nisi audire à patre? Quid est audire à patre, nisi audire uerbum patris, id est me? Ne forte ergo cum dico uobis, Omnis qui audiuit à patre & didicit, dicatis apud uos, sed nunquam uidimus patrem, quomodo ergo discere potuimus à patre? A meipso audite, Non quia patrem uidit quisquam, sed qui est à deo, hic uidit patrem: ego noui patrem, ab illo sum, sed quomodo uerbum ab illo cuius est uerbum, non quod sonat & transit, sed quod manet cum dicente, attrahit audientem: admoneat quod sequitur, Amen amen dico uobis, qui credit in me habet uitam æternam. Reuelare se uoluit quid esset: nam compendio dicere potuit, qui credit in me, habet me, ipse enim Christus uerus deus est, & uita æterna. Quid est autem habere me? Habere uitam æternam: uita æterna mortem assumpsit, uita æterna mori uoluit: sed de tuo, nō de suo. Accepit à te, ubi moreretur pro te: ab hominibus enim carnem assumpsit, sed non more hominum. Nam patrem habens in cælo, matrem elegit in terra, & illic natus sine matre, & hic sine patre. Assumpsit ergo uita mortem, ut uita occideret mortem. Nam qui in me credit, inquit, habet uitam æternā, nō quod patet, sed quod latet. Vita enim æterna uerbum, in principio erat apud deum, & deus erat uerbum, & uita erat lux hominum. Ipse uita æterna, dedit & carni suscipere uitam æternam. Mori uoluit, sed die tertio resurrexit. Inter uerbum suscipiens carnem resurgētem, mors media consumpta est. Ego sum, inquit, panis uitæ. Et unde illi superbiebant? Patres uestri, inquit, manducauerunt in deserto manna, & mortui sunt. Quid est unde superbitis? Manducauerunt manna, & mortui sunt. Quare manducauerūt & mortui sunt? Quia quod uidebant, credebant: quod non uidebant, non intelligebant, ideo patres uestri, quia similes estis illorum. Nam quantum pertinet fratres mei ad mortem istam uisibilem & corporalē, nunquid nos non morimur, qui manducamus panem de cælo descendētem? Sic sunt mortui & illi, quemadmodum & nos sumus morituri, quantum attinet, ut dixi, ad mortem huius corporis uisibilem atq; carnalem. Quantum autem pertinet ad illam mortē, de qua terret dominus, quia mortui sunt patres istorum. Manducauit manna & Moyses, manducauit manna & Aaron, manducauit manna & Phinees, manducauerunt ibi multi qui domino placuerunt, & mortui non sunt. Quare? Quia uisibilem cibum spiritualiter intellexerunt, spiritualiter esurierunt, spiritualiter gustauerunt, ut spiritualiter satiarentur. Nam & nos hodie accipimus uisibilem cibum: sed aliud est sacramentum, aliud est uirtus sacramenti. Quam multi de altari accipiunt & moriuntur, & accipiendo moriuntur: unde dicit Apostolus, Iudiciū sibi manducat & bibit. Nōne buccella dominica uenenū fuit Iudæ? & tamen accepit, & eū accepit, in eum inimicus intrauit, nō quia malum accepit, sed quia bonum male malus accepit. Videte ergo fratres, panem cœlestem spiritualiter manducate, innocentiam ad altare apportate, Peccata & si sunt quotidiana, uel non sint mortifera, antequam ad altare accedatis, attendite quod dicatis, Dimitte nobis debita nostra, sicut & nos dimittimus debitoribus nostris. Si dimittis dimittetur tibi: securus accede, panis nō uenenum est. Sed uide si dimittis: nam si non dimittis mentiris, & ei mentiris, quem non fallis: mentiri deo potes, deum fallere non potes. Nouit ille quid agas, intus te uidet, intus te examinat, intus inspicit, intus iudicat, intus aut damnat aut coronat. Patres ergo istorum, id est mali patres malorum, infideles patres infidelium, murmuratores patres murmuratorum. Nam de nulla re magis dominum offendisse ille populus dictus est, quā contra deum murmurando. Ideo & dominus uolens ostendere eos talium filios, hinc ad eos cœpit, Quid murmuratis in inuicem murmuratores, filij murmuratorum? Patres uestri manna manducauerunt, & mortui sunt, non quia malum erat manna, sed quia male manducauerunt. Hic est panis qui de cælo descendit. Hunc panem significauit manna, hunc panem significauit altare dei. Sacramenta illa fuerunt, in signis diuersa sunt, sed in re quæ significatur paria sunt. Apostolum audi, Nolo

1. Cor. 11

De conse. dis.

2. e. et sancta c.  
c. sicut Iudas

Matth. 6



A Nolo enim uos, inquit, ignorare fratres, quia patres nostri omnes sub nube fuerunt, & omnes mare transierunt, & omnes per Moysen baptizati sunt in nube, & in mari, & omnes eandem escam spiritalem manducauerunt. Spiritalem utique eandem, nam corporalem alteram, quia illi manna, nos aliud: spiritalem uero quam nos, sed patres nostri, non patres illorum, quibus nos similes sumus, non quibus illi similes fuerunt. Et adiungit. Et omnes eundem potum spiritalem biberunt. Aliud illi, aliud nos, sed specie uisibili quidem, tamen hoc idem significante uirtute spirituali. Quomodo enim eundem potum? Bibebant, inquit, de spirituali, sequente petra: petra autem erat Christus. Inde panis, inde potus. Petra Christus in signo, uerus Christus in uerbo & in carne. Et quomodo biberunt? Percussa est petra de uirga bis. Gemina percussio, duo ligna crucis significat. Hic est ergo panis qui de caelo descendit. Vt si quis manducauerit ex ipso, non moriatur. Sed qui pertinet ad uirtutem sacramenti, non qui pertinet ad uisibile sacramentum. Qui manducat intus, non foris, qui manducat in corde, non qui premit dente. Ego sum panis uiuus, qui de caelo descendi. De caelo descendit & manna: sed manna umbra erat, iste ueritas est. Si quis manducauerit ex hoc pane, uiuet in aeternum. Et panis quem ego dabo, caro mea est pro mundi uita. Hoc quando caperet caro, quod dixit panem carnem? Vocatur caro, quod non capit caro. Et ideo magis non capit caro, quia uocatur caro. Hoc enim exhorruerunt, hoc ad se multum esse dixerunt: hoc enim non posse fieri putauerunt. Caro mea est, inquit, pro mundi uita. Norunt fideles corpus Christi, si corpus Christi non negligant esse. Fiant corpus Christi, si uolunt uiuere de spiritu Christi. De spiritu Christi non uiuit, nisi sit corpus Christi. Intelligite fratres mei quid dixerim, Homo es, & spiritum habes, & corpus habes. Spiritum dico quae anima uocatur, qua constat quod homo est: constat enim ex anima & corpore. Habes itaque spiritum inuisibilem, corpus uisibile. Dic mihi quid ex quo uiuat? Spiritus tuus uiuit ex corpore tuo, an corpus tuum ex spiritu tuo? Respondet omnis qui uiuit, qui autem hoc non potest respondere, nescio si uiuit. Quid respondet omnis qui uiuit? Corpus utique meum uiuit de spiritu meo. Vis ergo & tu uiuere de spiritu Christi, in corpore esse Christi. Numquid enim corpus meum uiuit de spiritu tuo? Meum uiuit de spiritu meo, & tuum de spiritu tuo. Non potest uiuere corpus Christi nisi de spiritu Christi. Inde est quod exponens nobis apostolus Paulus hunc panem, Unus panis, inquit, unum corpus multi sumus. O sacramentum pietatis, o signum unitatis, o uinculum charitatis. Qui uult uiuere, habet ubi uiuat, habet unde uiuat, accedat, credat, incorporetur ut uiuificetur. Non abhorreat a compage membrorum, quod refecari mereatur, non sit distortum de quo erubescatur: sit pulchrum, sit aptum, sit sanum: haereat corpori, uiuat deo de deo, nunc laboret in terra, ut postea regnet in caelo.

B Litigabant ergo Iudaei ad inuicem dicentes, Quomodo potest hic carnem suam nobis dare ad manducandum? Litigabant utique ad inuicem, quoniam panem concordiae non intellegebant, nec sumere uolebant: nam qui manducant talem panem, non litigant ad inuicem, quoniam unus panis, unum corpus multi sumus. Et per hunc facit deus unius moris habitare in domo. Quod autem ad inuicem litigabant, & quaerunt quomodo possit dominus carnem suam dare ad manducandum, non statim audiunt, sed adhuc eis dicitur, Amen amen dico uobis, nisi manducaueritis carnem filij hominis, & biberitis eius sanguinem, non habebitis uitam in uobis. Quomodo quidem detur, & quisnam modus sit manducandi istum panem, ignoratis. Veruntamen, nisi manducaueritis carnem filij hominis & biberitis eius sanguinem, non habebitis uitam in uobis. Haec non utique cadaueribus, sed uiuentibus loquebatur. Vnde ne istam uitam intelligentes, & de hac re litigarent, secutus adiunxit, Qui manducat meam carnem & bibit meum sanguinem, habet uitam aeternam. Hanc ergo non habet, qui istum panem non manducat, nec istum sanguinem bibit: nam temporalem uitam sine illo habere homines possunt, aeternam uero omnino non possunt. Qui ergo non manducat eius carnem, nec bibit eius sanguinem, non habet in se uitam: & qui manducat eius carnem, & bibit eius sanguinem, habet uitam aeternam. Ad utrumque autem respondit quod dixit,

1. Cor. 10

Nume. 20

psalm. 67

dixit, æternam. Non ita est in hac esca, quam sustentandæ huius corporis uitæ causa sumimus: nam qui eam non sumpserit, non uiuet: nec tamē qui eam sumpserit uiuet. Fieri enim potest, ut senio uel morbo uel aliquo casu, plurimi & qui eam sumpserint, moriātur: in hoc uero cibo & potu, id est, corpore & sanguine domini non ita est, nam & qui eam nō sumit, non habet uitam: & qui eam sumit habet uitam, & hanc utiq; æternam. Hunc itaq; cibum & potum, societatem uult intelligi corporis & membrorum suorum, quod est sancta ecclesia in prædestinatis & uocatis, & iustificatis, & glorificatis sanctis & fidelibus eius. Quorum primum iam factum est, id est prædestinatio: secundum & tertium, & factum est, & fit, & fit, id est uocatio & iustificatio: quartum uero nunc in spe est, in re autem futurum est, id est glorificatio. Huius rei sacramētum, id est, unitatis corporis & sanguinis Christi alicubi quotidie, alicubi certis interuallis dierum in dominica mensa præparatur, & de mensa dominica sumitur, quibusdam ad uitam, quibusdam ad exitium. Res uero ipsa cuius & sacramētum est, omni homini ad uitam, nulli ad exitium, quicunq; eius particeps fuerit. Ne autem putarent sic in isto cibo & potu promitti uitam æternam, ut qui eam sumerent, iam nec corpore morerentur: huic cogitationi dignatus est occurrere, nam cum dixisset, Qui manducat meā carnem & bibit meum sanguinem, habet uitam æternā, continuo subiicit & dixit, Et ego resuscitabo eum in nouissimo die.) Vt habeat interim secundum spiritum uitam æternā in requie, quæ sanctorum spiritus suscipit: quod autē ad corpus attinet, nec caro eius uita æterna fraudetur, sed in resurrectione mortuorum in nouissimo die. Caro enim mea, inquit, uere est cibus, & sanguis meus uere est potus.) Cum enim cibo & potu id appetāt homines, ut neq; esuriant neq; sitiant: hoc ueraciter non præstat nisi iste cibus & potus, qui eos à quibus sumitur, immortales & incorruptibiles facit, id est societas ipsa sanctorū, ubi pax erit & unitas plena atq; perfecta. Propterea quippe sicut etiam ante nos hoc intellexerunt homines dei, dominus noster Iesus Christus corpus & sanguinem suum in eis rebus commēdauit, quæ ad unum aliquid rediguntur ex multis. Namq; aliud in unum ex multis granis conficitur & constat: aliud in unum ex multis acinis confluit. Deniq; iam exponit quomodo id fiat quod loquitur, & quid sit manducare corpus eius, & sanguinem eius bibere. Qui manducat carnem meam, & bibit meum sanguinem, in me manet & ego in illo.) Hoc est ergo manducare illam escam, & illum bibere potum, in Christo manere, & illum manentem in se habere. Ac per hoc qui non manet in Christo, & in quo non manet Christus, proculdubio nec manducat spiritaliter carnem eius, nec bibit eius sanguinem, licet carnaliter & uisibiliter premat dentibus sacramentum corporis & sanguinis Christi: sed magis tantæ rei sacramentum ad iudicium sibi manducat & bibit, quia immundus præsumpsit ad Christi accedere sacramenta, quæ aliquis nō digne sumit, nisi qui mundus est: de quibus dicitur, Beati munda corde, quoniam ipsi deum uidebūt. Sicut, inquit, misit me uiuēs pater, & ego uiuo propter patrem, & qui manducat me, & ipse uiuet propter me.) Nō ait, sicut manduco patrem, & ego uiuo propter patrem: & qui manducat me, & ipse uiuet propter me. Non enim filius participatione patris fit melior, qui est natus æqualis: sicut participatione filij per unitatem corporis eius & sanguinis, quod illa manducatio potatioq; significat, nos efficimur meliores. Viuius ergo nos propter ipsum, manducantes eum, id est, ipsum accipientes æternam uitam, quam nō habebamus ex nobis: uiuit autem ipse propter patrem, missus ab eo, quia semetipsum exinanauit factus obediens usq; ad mortem crucis. Si enim secundum id accipimus, uiuo propter patrem, quod alibi ait, Pater maior me est, sicut & nos uiuimus propter ipsum, qui maior est nobis, hoc ex eo quod missus est, factum est: missio quippe eius exinanitio suimetipsum est, & formæ seruilis acceptio, quod recte intelligitur, seruata etiam filij cū patre æqualitate naturæ. Maior enim est pater homine filio, sed æqualem habet deum filium, cum idem sit & deus & homo, dei filius & hominis filius unus Christus. In qua sententia si recte accipiuntur hæc uerba, ita dixit, Sicut me misit uiuens pater, & ego uiuo propter patrem, Et qui manducat me, & ipse uiuet propter me: ac si diceret, Vt ego uiuam propter

De conse. dif.  
2. c. q. discordat

Matth. 5



A patrem: id est, ad illum tanquam ad maiorem referam uitam meam, exinanitio mea fecit in qua me misit. Vt autem quisque uiuat propter me, participatio facit qua manducat me. Ego itaque humiliatus uiuo propter patrem, ille erectus uiuit propter me. Si autem ita dictum est, uiuo propter patrem, quia ipse de illo, non ille de ipso est, sine detrimento æqualitatis dictum est. Nec tamen dicendo, & qui manducat me, ipse uiuet propter me, eandem suam & nostram æqualitatem significauit, sed gratiam mediatoris ostendit. Hic est panis qui de cælo descendit, ut illum manducando uiuamus, quia æternam uitam ex nobis habere non possumus. Non sicut, inquit, manducauerunt patres uestri manna, & mortui sunt. Qui manducat hunc panem, uiuet in æternum. Quod ergo illi mortui sunt, ita uult intelligi, ut non uiuant in æternum: nam temporaliter & hi profecto moriuntur qui Christum manducant, sed uiuunt in æternum, quia Christus est uita æterna.

Ab eo quod scriptum est: Hæc dixit in synagoga docens sabbato in Capernaum, usque ad id quod ait: Ille enim traditurus erat eum, cum esset unus de duodecim:

## Tractatus XXVII



VERBA domini ex euangelio, quæ sermonem pristinum consequuntur audiui mus, hinc sermo debetur auribus & mentibus uestris, & hodierna die non importunus est. Est enim de corpore domini, quod dicebat se dare manducandum propter æternam uitam. Exposuit autem modum attributionis huius & doni sui, quomodo daret carnem suam manducare dicens: Qui manducat carnem meam, & bibit sanguinem meum, in me manet & ego in illo. Signum quia manducauit & bibit hoc est, si manet & manetur, si habitat & inhabitatur, si hæret & non deferatur. Hoc ergo nos docuit & admonuit mysticis uerbis, ut simus in eius corpore sub ipso capite in membris eius, edentes carnem eius, non relinquentes unitatem eius. Sed qui aderant, plures non intelligendo scandalizati sunt: Non enim cogitabant hæc audiendo, nisi carnem, quod ipsi erant. Apostolus autem dicit, & uerum dicit: Sapere secundum carnem mors est. Carnem dat nobis suam dominus manducare, & sapere secundum carnem mors est. Cum de carne sua dicat, quia ibi est uita æterna: ergo nec carnem debemus sapere secundum carnem, sicut in his uerbis: Multi itaque audientes, non ex inimicis, sed Ex discipulis suis, dixerunt: Durus est hic sermo, & quis potest eum audire? Si discipuli durum habuerunt istum sermonem, quid inimici? Et tamen sic oportebat, ut diceretur quod non ab omnibus intelligeretur. Secretum dei intentos debet facere, non aduersos: isti autem cito defecerunt. Talia loquente domino Iesu Christo, non crediderunt aliquid magnum dicentem, & uerbis illis aliquam gratiam cooperientem, sed prout uoluerunt ita intellexerunt, & more hominum, quia poterat Iesus, aut hoc disponebat Iesus, carnem qua indutum erat uerbum, ueluti cõcisam distribuere credentibus in se. Durus est, inquit, hic sermo, quis potest eum audire? Sciens autem Iesus apud semetipsum, quia murmurabāt de eo discipuli eius. Sic enim apud se ista dixerūt, ut ab illo non audirentur, sed ille qui eos nouerat in seipsis, audiens apud semetipsum: respondens ait, hoc uos scandalizat: quia dixi, carnem meam do uobis manducare, & sanguinem meum bibere, hoc uos nempe scandalizat. Si ergo uideritis filium hominis ascendentem ubi erat prius. Quid est hoc? Hinc soluit illud quod non nouerant: hinc aperuit unde fuerant scandalizati: hinc planè si intelligerent. Illi enim putabant eum erogaturum corpus suum, ille autem dixit, se ascensurum in cælum, utique integrum. Cum uideritis filium hominis ascendentem ubi erat prius: certe uel tunc uidebitis, quia non eo modo quo putatis erogat corpus suum, certe uel tunc intelligetis, quia gratia eius non consumitur moribus. Et ait: Spiritus est qui uiuificat, caro non prodest quicquam. Hoc antequam exponitur ut dominus donat, illud non negligenter prætereundum est, quod ait: Si ergo uideritis filium hominis ascendentem ubi erat prius: Filius enim hominis Christus ex uirgine Maria. Ergo filius hominis hic cepit esse in terra, ubi carnem assumpsit ex terra. Vnde prophetice dictum erat: Veritas de terra orta est. Quid sibi ergo uult quod ait: Cum uideritis filium hominis ascendentem ubi erat prius?

Rom. 8

Præteritur hic textus, Hæc dixit in synagoga docens in Capernaum.

Psal. 34

prius? Nulla enim esset quaestio si ita dixisset: Si uideritis filium dei ascendentem ubi erat prius. Cum uero filium hominis dixit ascendentem ubi erat prius, nunquid filius hominis in caelo erat prius, quā in terra esse cepit? Hic quidem dixit, ubi erat prius, quasi tūc nō ibi esset quādo haec loquebatur. Alio autē loco ait: Nemo ascendit in caelum, nisi qui de caelo descendit, filius hominis qui est in caelo: non dixit erat, sed filius, inquit, hominis qui est in caelo. In terra loquebatur, & in caelo se esse dicebat, & non ita dixit: Nemo ascendit in caelum, nisi qui de caelo descendit, filius hominis qui est in caelo, quod pertinet nisi ut intelligamus, quod etiā pristino sermone cōmendauit charitati uestrae, unam personam esse Christum deum & hominem, non duas: ne fides nostra non sit trinitas, sed quaternitas. Christus ergo unus est, uerbum, anima & caro: unus Christus filius dei & filius hominis: unus Christus filius dei semper, filius hominis ex tempore: tamen unus Christus secundum unitatem personae in caelo erat, quando in terra loquebatur. Sic erat filius hominis in caelo, quemadmodum filius dei erat in terra: filius dei in terra in suscepta carne, filius hominis in caelo in unitate personae. Quid est ergo quod adiungit: Spiritus est qui uiuificat, caro non prodest quicquid. Dixeramus ei: patitur enim uos non contradicentes, sed nosse cupientes. O domine, magister bone, quomodo caro non prodest quicquid, cum tu dixeris: Nisi quis manducauerit carnem meam, & biberit sanguinem meum, non habebit in se uitam? An uita non prodest quicquid, & propter quid sumus quod sumus, nisi ut habeamus uitam aeternam, quam tua carne promittis? Quid est ergo, non prodest quicquid? Caro non prodest quicquid, sed quomodo illi intellexerunt: carnem quippe sic intellexerunt, quomodo in cadauere dilaniatur, aut in macello uenditur, non quomodo spiritu uegetatur. Proinde sic dictum est, caro nō prodest quicquid, quomodo dictum est, scientia inflat. Iam ergo debemus odisse scientiam? Absit. Et quid est, scientia inflat? Sola sine charitate. Ideo adiunxit, charitas uero aedificat. Adde ergo scientiae charitatem, & utilis erit scientia, non per se, sed per charitatem: sic etiam nunc caro non prodest quicquid, sed sola caro. Accedat spūs ad carnem, quomodo accedit charitas ad scientiam, & prodest plurimum: nam si caro nihil prodesset, uerbum caro nō fieret, ut inhabitaret in nobis. Si per carnem nobis multum profuit Christus, quomodo caro nihil prodest? Sed per carnem spiritus aliquid pro salute nostra egit, caro uas fuit, quod habebat attendere, nō quod erat. Apostoli missi sunt, nunquid caro ipsorum nihil nobis profuit? Si caro apostolorum nobis profuit, caro domini poterat nihil prodesse? Unde enim ad nos sonus uerbi, nisi per uocem carnis? Unde stilus? unde conscriptio? Ista omnia opera carnis sunt, sed agitante spiritu tanquam organum suum. Spiritus ergo est qui uiuificat, caro non prodest quicquid. Sicut illi intellexerunt carnem, non sic ego do ad manducandum carnem meam. Proinde, Verba, inquit, quae ego locutus sum uobis, spiritus & uita sunt.) Diximus enim fratres hoc dominum commendasse in manducatione carnis suae, & potione sanguinis sui, ut in illo maneamus, & ipse in nobis. Manemus autem in illo, cum sumus membra eius: manet autem ipse in nobis, cum sumus templum eius. Ut autem simus membra eius, unitas nos compaginatur: ut compaginet unitas, quae facit nisi charitas? Et charitas dei unde? Apostolum interroga: Charitas, inquit, dei diffusa est in cordibus nostris per spiritum sanctum qui datus est nobis. Ergo spiritus est qui uiuificat: spiritus enim facit uiua membra, nec uiua membra spiritus facit, nisi quae in corpore quod uegetat, ipse spiritus inuenerit: nam spiritus qui est in te, o homo, qui constas ut homo sis, nunquid uiuificat membrum quod separatum inuenerit à carne tua? Spiritum tuum dico animam tuam. Anima tua non uiuificat nisi membra quae sunt in carne tua, unum si tollas, iam nō uiuificatur ex anima tua, quia unitati corporis tui non copulatur. Haec dicuntur ut amemus unitatem, & timeamus separationem: nihil enim sic debet formidare Christianus, quam separari à corpore Christi. Si enim separatur à corpore Christi, non est membrum eius: si non est membrum eius, non uegetatur spiritu eius. Quisquis autem, inquit Apostolus, spiritum Christi non habet, hic non est eius. Spiritus ergo est qui uiuificat, caro autem non prodest quicquid: Verba quae ego locutus sum uobis, spiritus & uita sunt. Quid est spiritus & uita sunt? Spiritualiter intelligenda

Ioan. 3

1. Cor. 8

Rom. 5

11. q. 3, c. nihil



- A** genda sunt. Intellexisti spiritualiter? Spiritus & uita sunt. Intellexisti carnaliter? Etiam sic illa spiritus & uita sunt, sed tibi non sunt. Sed sunt quidam, inquit, in uobis qui non credunt.) Non dixit, sunt quidam in uobis qui non intelligunt, sed causam dixit quare non intelligat. Sunt enim quidam in uobis qui non credunt, & ideo non intelligunt, quia non credunt. Propheta enim dixit: Nisi credideritis, non intelligetis. Per fidem copulamur, per intellectum uiuificamur: prius hæreamus per fidem, ut sit quod uiuificet per intellectum: nam qui non hæret, resistit: qui resistit non credit: nam qui resistit, quomodo uiuificatur? Aduersarius est radio lucis quo penetrandus est, non auertit aciem, sed claudit mentem. Sunt ergo quidam qui non credunt: credant & aperiant, aperiant & illuminabuntur. Sciebat enim ab initio Iesus qui essent credentes, & quis traditurus esset eum.) Ibi enim erat & Iudas: nam quidam scandalizati sunt: ille autem mansit ad insidiandum, non ad intelligendum. Et quia ideo manserat, non de illo tacuit dominus: non illum expressit, sed nec siluit, ut omnes timerent, quibus unus periret. Sed postea quia dixit, & distinxit credentes à non credentibus, expressit causam quare non credant. Propterea dixi uobis, inquit, quia nemo potest uenire ad me, nisi fuerit ei datum à patre meo.) Ergo & credere datur nobis, non enim nihil est credere. Si autem magnum aliquid est, gaudes quia credidisti, sed noli extolli. Quid enim habes quod non accepisti? Ex hoc multi discipuli eius abierunt retro, & iam non cum illo ambulauerunt.) Alij abierunt retro, sed post satanam, non post Christum: nam aliquando dominus Christus Petrum appellauit satanam, magis quia uolebat præcedere dominum suum, & consiliū dare ne moreretur ille qui uenerat ut moreretur, ne nos in æternum moreremur, & ait illi: Redi post me satanas, non enim sapiſ quæ dei sunt, sed quæ hominis sunt: Non enim illum repulit retro ire post satanam, & appellauit satanam, sed fecit post se ire, ut non esset satanas ambulando post dominum. Isti autem sic redierunt retro, quomodo de quibusdam sceminis dicit Apostolus: Quædam conuersæ sunt retro post satanam. Et ulterius cum illo non ambulauerunt.
- B** Ecce præcisi à corpore uitam perdiderunt, quia forte in corpore non fuerunt. Inter non credentes & ipsi deputandi sunt, quibus discipuli dicerentur: abierunt retro non pauci, sed multi. Hoc factum est ad consolationem, quomodo aliquando contingit ut dicat homo uerum, & quod dicitur non capiatur, atque illi qui audiunt, scandalizentur & discedant. Pœnitent autem hominem dixisse quod uerum est. Dicit autem apud se homo, non debui sic dicere, non hoc dicere debui. Ecce domino contigit: Dixit & perdidit multos, remansit ad paucos. Sed non turbabatur ipse, quia ab initio nouerat & qui credentes essent, & qui non credentes: nos si nobis contingat, perturbamur, solatium in domino inueniamus, & tamē caute uerba dicamus, ea quæ ille ad paucos qui remanserant. Dixit ergo Iesus ad duodecim:) id est, illis duodecim qui remanserunt: Nunquid & uos, inquit, uultis ire?) Non discessit nec Iudas, sed quare manebat? Domino iam apparebit, nobis postea manifestatus est. Respondit Petrus pro omnibus, unus pro multis, unitas pro uniuersis. Respondit ergo ei Simon Petrus: Domine ad quem ibimus?) Repellis nos à te, da nobis alterum te. Si à te recedimus, ad quem ibimus? Verba uitæ æternæ habes.) Videte quemadmodum Petrus dante deo, recreante spiritu sancto intellexit. Vnde nisi quia credidit: Verba uitæ æternæ habes? Vitam enim æternam habes in ministratōe corporis & sanguinis tui: Et nos credimus & cognouimus.) Non cognouimus & credimus, sed credimus & cognouimus. Credimus enim ut cognosceremus: nam si prius cognoscere, & deinde credere uellemus, nec cognoscere nec credere ualeremus. Quid credimus & quid cognouimus? Quia. Tu es Christus filius dei uiui,) id est, quia ipsa uita æterna tu es, & non das in carne & sanguine tuo nisi quod es. Ait ergo dominus Iesus: Nōne ego uos duodecim elegi, & unus ex uobis diabolus est?) Ego undecim elegi diceret, an eligitur diabolus, & in electis est diabolus? Electi in laude solent dici: an electus est & iste, de quo nolente & nesciente magnum aliquid boni fieret? Hoc est proprium dei, contrarium iniquis. Sicut enim iniqui male utuntur bonis operibus dei, sic contra deus bene utitur malis operibus iniquorum. Quam bonum est membra corporis ita esse, quemadmo-

1. Cor. 4.

Matth. 16

1. Timoth. 5

3. sen. dis. 23. ca. no  
tandum in fine.

dum disponi non possunt nisi ab artifice deo. Petulantia tamen quàm male utitur oculis, fallacia quàm male utitur lingua. Falsus testis nonne linguam suam & animam suam prius trucidat, & alterum ledere se perempto conatur? Male utitur lingua, nec ideo malum est lingua: opus est dei lingua, sed bono opere dei male utitur illa nequitia. Quomodo utuntur qui pedibus currunt ad scelera, quomodo utuntur manibus homicidæ, & illis adiacentibus forinsecus bonis. creaturis dei? Quàm male utuntur mali auro, iudicia corrumpunt, innocentes opprimunt. Luce ista mali male utuntur: male uiuendo enim etiam ipsam lucem quam uident, ad ministerium scelerum suorum usurpant. Lens ut faciat aliquid mali malus, lucere sibi uult ne offēdat, q̄ iam intus offendit & cecidit: quod timet in corpore, iam incurrit in corde. Omnibus ergo bonis dei, ne per singula currere longum sit, male utitur malus: contra, malis hominum malorum bene utitur bonus. Et quid tam bonum quàm unus deus? Quandoquidem ipse dominus dixit: Nemo bonus nisi unus deus. Quāto ergo ille melior, tanto melius utitur & malis nostris. Quid Iuda peius? Inter omnes adhaerentes magistro inter duodecim, loculi illi cōmissi sunt, & dispensatio pauperum distributa. Ingratus tanto beneficio, honori tanto, accepit pecuniam, perdidit iusticiam: tradidit uitam mortuus, quē ut discipulus secutus, ut inimicus persecutus est: & totum hoc malū Iudæ, sed malo eius bene usus est dominus. Tradi se pertulit, ut redimeret nos: ecce malum Iudæ in bonum conuersum est. Satanas quantos martyres persecutus est: si satanas persequendo cessaret, hodie tam gloriosam coronā sancti Laurentij non celebraremus. Si ergo ipsius diaboli malis operibus bene utitur deus, quod facit malus, male utendo sibi nocet, non bonitati dei contradicit. Artifex illo utitur, & magnus artifex: si illo uti non posset, nec eum esse permetteret. Ergo unus ex uobis diabolus est, ait: cum ego uos duodecim elegerim. Potest & sic intelligi quod ait: Duodecim elegi, quia sacratus est numerus. Non enim quia perijt inde unus, ideo illius numeri honor demptus est: nam in locum pereuntis, alius subrogatus est. Mansit numerus cōsecratus, numerus duodenarius, quia per uniuersum mūdum, hoc est, per quatuor cardines mundi, trinitatem fuerant annunciaturi, ideo & quaterni. Se ergo exterminauit Iudas, non duodenarium numerum uiolauit: ipse deseruit præceptorem, nam deus illi appositus fuit successorem. Hoc totū quod dominus de carne & de sanguine suo locutus est, & quod in eius distributionis gratia uitam nobis promisit æternā, & quod hinc uoluit intelligi manducatores & potatores carnis & sanguinis sui, ut in illo maneat, & ipse in illis, & quod non intellexerūt qui non crediderunt, & quod spiritalia carnaliter sapiendo scandalizati sunt, & quod eis scandalizatis & pereuntibus, consolatio domini affuit discipulis qui remanserant, ad quos probandos interrogauit: Nunquid & uos uultis ire? ut responsio permanſionis eorum innotesceret & nobis: nam & ille nouerat quia manebant. Hoc ergo totum ad hoc nobis ualeat dilectissimi, ut carnem Christi & sanguinem Christi non edamus tantum in sacramento, quod & multi mali, sed usque ad spiritus participationem manducemus & bibamus, ut in domini corpore tanquā membra maneamus, ut eius spiritu uegetemur, & non scandalizemur, etiam si multi modo nobiscum manducant & bibunt temporaliter sacramenta, qui habebunt in fine æterna tormēta: modo enim corpus Christi mixtū est tanquā area, sed nouit dominus qui sunt eius: si tu nosti quid trituras, quia ibi est latens massa: nec consumit trituratio quod purgatura est uentilatio. Certi sumus fratres, quia omnes qui sumus in corpore domini, & manemus in illo, ut & ipse maneat in nobis, in hoc seculo necesse habemus usque in finem inter malos uiuere, non inter illos dico malos qui blasphemant Christum: raro enim iam inueniuntur qui lingua blasphemant, sed multi qui uita. Necesse est ergo ut inter illos usque in finem uiuamus. Sed quid est quod ait: Qui manet in me & ego in illo, quid nisi quod martyres audiebant: Qui perseuerauerit usque in finem hic saluus erit? Quomodo mansit in illo sanctus Laurentius, cuius hodie festum diem celebramus? Mansit usque ad tentationem, mansit usque ad tyrannicam interrogationem, mansit usque ad acerrimam cōminationem, mansit usque ad peremptionem, parum est, usque ad immanem excruciationem

Marci. 10

A. 7. 1

2. Timoth. 2

Matth. 10



**A** ciationem mansit. Non enim occisus est cito, sed cruciatus est in igne. Diu uiuere permissus est, immo nō diu uiuere permissus est, sed tarde mori cōpulsus est. In illa ergo longa morte, in illis tormētis quæ bene manducauerat & bene biberat, tanq̃ illa esca saginatus, & illo calice ebriatus, tormēta nō sensit. Ibi enim erat qui dixit: Spūs est q̃ uiuificat: Caro enim ardebat, sed spūs animā uegetabat. Non cessit, & in regnū successit. Dixerat aut̃ illi Sixtus martyr sanctus, cuius diē quinto ab hinc retro die celebrauimus: noli mœrere fili: Episcopus em̃ erat ille, iste diaconus: Noli mœrere, inquit, sequeris me post triduum. Triduum autē dixit medium inter diem passionis sancti Sixti, & diem hodiernū passionis sancti Laurentij, triduum est medium. O consolatio: non ait, noli mœrere fili, desinet persecutio, & saluus eris: sed noli mœrere, quod ego præcedo tu sequeris, nec consecutio tua differtur. Triduum mediū crit & mecum eris. Accepit oraculū, uicit diabolus, peruenit ad triumphum.

De eo quod ait: Et post hæc ambulabat Iesus in Galilæam, usq̃ ad id: Nemo tamen palām loquebat̃ de eo propter metū Iudæorū: Tractatus XXVIII.



**I**n isto euangelij capitulo fratres, dñs noster Iesus Christus secundū hominē se cap. 7 plurimum cōmendauit fidei nostræ. Etenim semp hoc agit dictis & factis suis, ut deus credatur & homo. Deus qui nos fecit, homo qui nos quæsiuit: deus cū patre semper, homo nobiscum ex tempore. Non enim quæreret quem fecerat, nisi ipse qui fecerat fieri uoluisset. Verum hoc mementote, & de cordibus uestris nolite dimittere, sic esse Christum hominem factum, ut non desisteret deus esse. Manens deus accepit hominem, qui fecit hominem: quando ergo latuit ut homo, non potentiā perdidisse putandus est, sed exemplum infirmitati præbuisse. Ille enim quando uoluit detentus est, quando uoluit occisus est. Sed quomodo futura erant membra eius: id est, fideles eius qui nō haberent illam potestatem quam habebat ipse deus noster: q̃ latebat, q̃ se tanq̃ ne occideret occultabat, hoc indicabat factura esse membra sua, in quibus utiq̃ membris suis ipse erat.

**B** Nō em̃ Christus in capite & nō in corpore, sed Christus totus in capite & in corpore. Quod ergo membra eius, ipse: quod autem ipse, non continuo mēbra eius: nam si non ipsi essent membra eius, non diceret Saulo: Quid me persequeris? Non enim Saulus ipsum, sed mem Act. 9 bra eius, id est, fideles eius in terra persequabatur. Noluit tamē dicere sanctos meos, seruos meos: postremo honorabilius fratres meos, sed me, hoc est, membra mea, quibus ego sum caput. His prædictis puto nos in hoc capitulo quod modo lectū est, non esse laboraturos: sæpe enim significatum est in capite, quod futurum erat in corpore. Post hæc, inquit, ambulabat Iesus in Galilæam: non enim uolebat in Iudæam ambulare, quia quærebant eū Iudæi interficere.) Hoc est quod dixi, infirmitati nostræ præbebat exemplum. Non ipse perdidit potestatem, sed nostram consolabatur fragilitatem. Futurum enim erat, ut dixi, ut aliquis fidelis eius absconderet se, ne à persecutoribus inueniretur. Et ne illi pro crimine obijceretur latibulum, præcessit in capite quod in membro confirmaretur: sic enim dictum est: Nolebat ambulare in Iudæam, quia quærebant eum Iudæi occidere: quasi nō possit Christus & ambulare inter Iudæos, & non occidi à Iudæis. Hanc enim potentiā quando uoluit demonstrauit: nam cum eum iam passurum tenere uellent, ait illis: Quem quæritis? Re Ioh. 18. sponderunt, Iesum: & ille, Ego sum, non se occultans, sed manifestans. Ad eam tamen manifestationem illi non substituerunt, sed recedentes retro ceciderunt. Et tamen quia pati uenerat, surrexerunt & tenuerunt, ad iudicem adduxerunt & occiderunt. Sed quid fecerūt? Quod ait quædam scriptura: Terra tradita est in manus impij, caro data est in potestatem Iudæis: Iob. 9 Et hoc propterea, ut quasi sacculus cōscinderetur, unde nostrū precium manaret. Erat aut̃ in proximo dies festus Iudæorum scenophegia.) Quid sit scenophegia, scripturas qui legerūt, nouerunt. Faciebant die festo tabernacula ad similitudinē tabernaculorū, in quibus habitauerunt cū ex Aegypto educti peregrinarentur in eremo. Iste erat dies festus & magna solennitas: celebrabant hoc Iudæi uelut reminiscens beneficia domini, qui occisuri erant dñm. Hoc ergo die festo, quia plures erant dies festi: sic enim appellabatur apud Iudæos

dies festus, ut non esset dies unus sed plures. Locuti sunt fratres eius ad dominū nostrū.) c  
 Fratres eius sic accipite sicut nostis: non enim nouum est quod auditis. Consanguinei uir/  
 ginis Mariæ, fratres domini dicebantur. Erat enim consuetudinis scripturarum, appellare  
 fratres quoslibet consanguineos & cognationis propinquos, & extra usum nostrū, non quo  
 more nos loquimur: nam quis dicat fratrem auunculum & filium sororis? Scriptura tamen  
 etiam huiusmodi cognationis fratres appellat: nam Abraam & Loth fratres sunt dicti, cū  
 esset Abraam patruus Loth: & Laban & Iacob fratres sunt dicti, cum esset auunculus La/  
 ban Iacob. Cum ergo auditis fratres domini, Mariæ cogitate consanguinitatem, non iterū  
 parientis ullam propaginem. Sicut enim in sepulchro ubi positum est corpus domini, nec  
 antea nec postea mortuus iacuit: sic uterus Mariæ nec antea nec postea quicquam morta/  
 le concepit. Diximus fratres qui fuerint, audiamus quid dixerint: Transi hinc & uade in  
 Iudæam, ut & discipuli tui uideant opera tua quæ tu facis.) Opera domini discipulos non  
 latebant, sed istos latebant. Isti enim fratres, id est, consanguinei, Christum consanguini/  
 neum habere potuerunt, credere autem in eum ipsa propinquitate fastidierunt. Dictum est  
 in euangelio, non enim hoc nos audemus opinari, modo audistis, addūt & monent. Ne/  
 mo enim in occulto quid facit, & quærit palām esse. Si hæc facis, manifestas te metipsum  
 mundo.) Et continuo: Neq; enim fratres eius credebant in eum.) Quare in eum non cre/  
 debant? Quia humanam gloriam requirebant. Nam & quod eum uidentur monere fra/  
 tres, gloriæ ipsius consulunt, facis mirabilia, innotesce: id est, appare omnibus, ut laudari pos/  
 sis ab omnibus. Loquebatur caro carni, sed caro sine deo carni cum deo. Loquebatur enim  
 prudentia carnis uerbo quod caro factum est, & habitauit in nobis. Quid ad hæc domi/  
 nus? Dicit ergo eis Iesus: Tempus meum nondum uenit, tempus autem uestrum semper  
 est paratum.) Quid est hoc? Nondum uenerat tempus Christi? Quare ergo Christus uer/  
 nerat, si tempus eius nondum uenerat? Nonne audimus Apostolum dicentem? Cum au/  
 tem uenit plenitudo temporis, misit deus filium suum. Si ergo in plenitudine temporis mis/  
 sus est, quando debuit missus est, quando oportuit uenit: quid ergo est, tempus meū nondū  
 uenit? Intelligite fratres quo animo illi loquebantur, qui quasi fratrem suum monere uide/  
 bantur: dabant ei consilium consequendæ gloriæ, ueluti seculariter & terreno affectu mo/  
 nentes, ne esset ignobilis & latitaret. Quod ergo ait dominus: Tempus meum nondum uenit,  
 illis respondit qui ei consilium de gloria dabant. Tempus gloriæ meæ nondum uenit.  
 Videte quā profundum sit, de gloria illi admonebant, sed ille uoluit altitudinē humilita/  
 te præcedere, & ad ipsam celsitudinē p humilitatē uia sternere: nam & illi discipuli utiq; glo/  
 riam requirebāt, qui uolebant sedere, unus ad dexteram eius, & alter ad sinistram. Attende/  
 bant quod, & non uidebant qua uia dominus eos ut ordinate uenirent ad patriam, reuoca/  
 uit ad uitam. Excelsa est enim patria, humilis uia, patria est uita Christi, uia passio Christi.  
 Qui recusat uiam, quid quærit patriam? Deniq; & illis hoc respondit, quærentibus altitudi/  
 nem: Potestis bibere calicem quem ego bibiturus sum? Ecce qua uenitur ad celsitudinē quā  
 desideratis, calicem quippe cōmemorabat humilitatis atq; passionis. Ergo & hic, tempus  
 meum nondum uenit, tempus autem uestrum, id est, mundi gloria semper est paratū, hoc  
 est tēpus de quo in prophetia loquitur Christus, id est, corpus Christi: cum accepero tem/  
 pus, ego iusticiam iudicabo. Modo enim non est tempus iudicandi, sed iniquos tolerandi.  
 Ferat igitur modo corpus Christi, & toleret iniquitatem male uiuentium, habeat tamen iu/  
 sticiam modo anteq; habeat iudicium: per iusticiam enim peruenit ad iudicium. Toleran/  
 tibz quippe membrīs iniquitatem seculi huius, quid scriptura sancta dicit in psalmo? Non  
 repellet deus plebem suam. Laborat quidem plebs eius inter indignos, inter iniquos, in/  
 ter blasphemantes, inter murmurantes, detrahentes, insectantes, & si liceat perimentes. La/  
 borat quidem, sed non repellet dominus plebem suam, & hæreditatem suam non derelin/  
 quet, quoadusq; iusticia quæ modo est in sanctis eius, conuertatur in iudicium, cū implebit  
 quod eis dictum est: Sedebitis super duodecim sedes, iudicantes duodecim tribus Israël.  
 Habe



**A** Habebat iusticiam Apostolus, sed nondum illud iudicium de quo dicit: Nescitis quoniam <sup>1. Cor. 4</sup> angelos iudicaturi sumus? Sit ergo modo tempus iuste uiuendi, postea erit tēpus eos qui male uixerunt iudicandi. Quoadusq; iusticia, inquit, conuertat<sup>r</sup> in iudiciū, hoc erit tēpus iudicij, de quo dñs dixit, tempus meū nondum uenit. Erit tēpus gloriæ, ut qui uenit in humilitate, ueniet in altitudine: qui uenit iudicāndus, ueniet iudicaturus: qui uenit occidi à mortuis, ueniet iudicare de uiuis & mortuis. Deus, inquit psalmus, manifestus ueniet, deus noster & nō <sup>Psalm. 49</sup> silebit. Quid est manifestus ueniet? Quia uenit occultus. Tunc non silebit: nam quando uenit occultus, sicut ouis ad immolandum ductus est, & sicut agnus coram tondente se non aperuit os suum. Veniet & non silebit. Tacui, inquit, nunquid semper tacebo? Modo autē quid necessarium est eis qui habēt iusticiā, quod in illo ipso psalmo sequitur: Quoadusq; iusticia conuertatur in iudicium. Et qui habent eam? Omnes qui recto sunt corde. Quaritis fortasse qui sint recti corde? Illos inuenimus in scriptura rectos corde, qui mala seculi tolerant, & non accusant deum. Videte fratres: rara causa est ista quā loquor: nescio quo enim modo quando euenit homini aliquid mali, deum currit accusare, qui deberet se. Quādo boni aliquid agis, te laudas: quando mali aliquid pateris, deum accusas: hoc est cor tortū, non rectum, ab ista distortionē & prauitate si corrigaris, conuertitur in contrarium quod faciebas. Antea enim quid faciebas? Laudabas te in bonis dei, accusabas deum in malis tuis: cōuerso corde & directo, laudabis deum in bonis suis, accusabis te in malis tuis: isti sunt recto corde. Deniq; ille nondum recto, cui displicebat felicitas malorum & labor bonorum, ait correctus: Quām bonus deus Israël rectis corde: Mei autem, quando non eram rectus <sup>Psalm. 72</sup> corde, penē cōmoti sunt pedes, paulominus effusi sunt gressus mei. Quare? Quia zelauī in peccatoribus, pacem peccatorum uidens. Vidi, inquit, malos felices, & displicuit mihi deus: hoc enim uolebat, pacem peccatorum intuens, ut non permitteret deus malos esse felices. Intelligat homo, nunquam hoc permittit deus. Sed ideo malus felix putatur, quia quid sit felicitas ignoratur. Simus ergo recti corde: tempus enim gloriæ nostræ nondum uenit. **B** Dicitur amatoribus huius seculi, quales erant fratres domini: tempus uestrum semp adest paratum: tempus nostrum nondum uenit. Audemus enim hoc dicere & nos, quoniam corpus domini nostri sumus, quoniam membra eius sumus, quoniā caput nostrū gratanter agnoscimus. Dicamus prorsus, quoniā propter nos & ipse hoc dignatus est dicere. Quādo nobis insultant amatores huius seculi, dicamus eis: tempus uestrum semper adest paratum: tempus autem nostrum nondum uenit, nobis enim dixit Apostolus: Mortui enim estis, & uita uestra abscondita est cum Christo in deo. Quando ueniet tempus nostrum? Cum Christus, inquit, apparuerit uita uestra, tunc & uos apparebitis cum ipso in gloria. Quid deinde addit? Non potest mundus odisse uos. Quid est hoc, nisi non potest mundus odisse amatores suos, testes falsos suos? Bona enim dicitis, quæ mala sunt, & mala quæ bona sunt. Me autem odit, quia testimonium ego perhibeo de illo, quia opera eius mala sunt. Vos ascendite ad diem festum hunc. Quid est hunc? Vbi gloriam humanam quaritis. Quid est, hunc? Vbi extendere uultis carnalia gaudia, non æterna cogitare. Ego non ascēdo ad diem festum hunc, quia meum tempus nondum impletum est. In die festo hoc gloriam uos humanam requiritis: Meum uero tempus, id est, gloriæ meæ nondum uenit. Ipse erit dies festus meus, non diebus istis percurrens & transiens, sed permanens in æternum: ipsa erit festiuitas, gaudium sine fine, æternitas sine labore, serenitas sine nube. Hæc cum dixisset, ipse mansit in Galilæa. Ut autem ascenderunt fratres eius, tunc & ipse ascendit ad diem festum, non manifeste, sed quasi in occulto. Ideo non ad diem festum hunc, quia nō gloriari tēporaliter, sed aliquid docere salubriter, corrigere homines, de die festo æterno admonere, amorē ab hoc seculo auertere, & in deū cōuertere cupiebat. Quid est autē q, quasi latenter ascēdit ad diē festū? Nō uacat & hoc ab intellectu. Videſ mihi fratres etiā hinc q, q̄si latenter ascēdit, aliqd significare uoluisset: nam cōsequētia docebūt, sic eū ascēdisse media to die festo, id est, mediatis illis diebus, ut etiā palām doceret. Sed quasi latenter dixit, ne se

ostenderet hominibus. Non uacat quod latenter ascendit Christus ad diem festum, quia ipse latebat in illo die festo. Adhuc etiam ego quod dixi in latibulo est: Manifestetur ergo: tollatur uelut, & appareat quod erat secretum. Omnia quae dicta sunt antiquo populo Israel in multiplici scriptura sanctae legis quae agerent, siue in sacrificijs, siue in sacerdotijs, siue in diebus festis, & omnino in quibuslibet rebus quibus deum colebant, quaecumque illis dicta & praecepta sunt, umbrae fuerunt futurorum. Quorum futurorum? Quae implentur in Christo: unde dicit Apostolus: *2. Cor. 1* Quotquot enim promissiones dei sunt, in illo est, id est, in Christo impletae sunt. Deinde dicit in alio loco: *1. Cor. 10* Omnia in figura contingebant illis, scripta sunt autem propter nos, in quos fines seculorum deueniunt. Dixit & alibi: Finis enim legis Christus est. Item alio loco: Nemo uos iudicat in cibo, aut in potu, aut in parte diei festi, aut neomeniae, aut sabbatorum, quae sunt umbrae futurorum. Si ergo omnia illa umbrae fuerunt futurorum, & scenophegia umbrae erat futurorum: hic ergo dies festus, quaramus cuius futuri umbrae erat. Exposui quid erat scenophegia, celebratio erat tabernaculorum, propterea quia populus de Aegypto liberatus tendens per desertum ad terram promissionis, in tabernaculis habitauit. Quid sit animaduertamus, & nos erimus: nos, inquam, quia membra Christi sumus. Si sumus, illo autem dignate sumus, non nobis promerentibus. Attendamus ergo nos fratres: educti sumus de Aegypto, ubi diabolo tanquam Pharaoni seruebamus, ubi lutea opera in terrenis desideriis agebamus, & in eis multum laborauimus, etenim nobis Christus quasi lateres facientibus clamauit: Venite ad me omnes qui laboratis. Hinc educti per baptismum tanquam mare rubrum, ideo rubrum, quia Christi sanguine consecratum, mortuis omnibus inimicis nostris qui nos insectabantur: id est, deletis omnibus peccatis nostris, in desertum traiectionis sumus. Modo ergo antequam ad patriam, promissionis, id est, aeternum regnum ueniamus, in deserto in tabernaculis sumus. Qui ista agnoscunt, in tabernaculis sunt: futurum enim erat, ut quidam hoc agnoscerent. Ille enim est in tabernaculis, qui se esse in mundo intelligit peregrinum. Ille se intelligit peregrinantem, qui se uidet patriam suspirantem. Cum autem corpus Christi est in tabernaculis, Christus est in tabernaculis, sed tunc non euidenter, sed latenter, adhuc enim umbra lucem obscurabat: ueniente luce umbra remota est. Christus erat in occulto, in scenophegia Christus erat, sed latens Christus. Modo iam cum manifesta sunt ista, agnoscimus nos iter agere in eremo: si enim agnoscimus, in eremo sumus. Quid est in eremo? In deserto. Quare in deserto? Quia in isto mundo ubi sitis in uia inaquosa. Sed sitiamus ut satureremur. Beati enim qui esuriunt & sitiunt iusticiam, quoniam ipsi saturabuntur. Et sitis nostra de petra impletur in eremo: petra enim erat Christus, & uirga percussa est, ut autem manaret, bis percussa est, quia duo ligna sunt crucis. Omnia ergo haec quae fiebant in figura, manifestantur in nobis. Et non uacat quod de domino dictum est, ascendit ad diem festum, non manifeste, sed tanquam in occulto. Figura enim erat ipsum in occulto, quia in ipso die festo Christus latebat, quia ipse dies festus Christi membra peregrinatura significabat. Iudaei ergo quarebant eum in die festo: antequam ascenderet. Priores enim fratres ascenderunt, & non tunc ascendit ille, quando illi putabant & uolebant, ut etiam hoc impleretur quod ait: Non ad hunc, id est, ad quem uultis, primum uel secundum diem. Ascendit autem postea, ut euangelium loquitur, mediante die festo: id est, cum iam illius diei festi tot dies praeterissent quot remansissent: ipsam enim festiuitatem quantum intelligendum est, diebus plurimis celebrabant. Dicebant ergo: Vbi est ille? Et murmur multum de eo erat in turba. Unde murmur? De contentione. Quae fuit contentio? Quidam enim dicebant quia bonus est, alij autem non, sed seducit turbas. De omnibus seruis eius hoc dicitur modo. Quicumque eminuerit in aliqua gratia, spiritali profectu, alij dicunt quia bonus est, alij quia non, sed seducit turbas, unde hoc? Quia uita nostra abscondita est cum Christo in deo: ideo licet dicere hominibus per hyemem, mortua est ista arbor, uerbi gratia: Arbor fici, arbor piri & huiusmodi pomorum similis est arida, & tempore diu hyems est, non apparet, aestas probat, iudicium probat: aestas nostra reuelatio Christi est, Deus manifeste ueniet, deus noster & non silebit. Ignis ante eum praebit. Iste ignis inflamabit inimicos eius. Aridas arbores ignis comprehendet, tunc enim aridae apparebunt, quando eis dicitur: Esuriui, & non distis



**A** distis mihi manducare. In alia uero parte, hoc est in dextera, apparebit fecunditas fructuum, dignitasque foliorum, uiriditas æternitas eis erit. Illis ergo tanquam aridis dicitur: Ite in ignem æternum: Ecce enim securis ad radicem arborum posita est. Omnis ergo arbor quæ non facit fructum, excidetur, & in ignem mittetur. Dicant ergo de te si proficis in Christo, dicant homines, seducit turbas. De ipso toto corpore Christi hoc dicitur. Cogita corpus Christi adhuc in mundo, cogita corpus Christi adhuc in area, uide quemadmodum blasphemetur à palea: simul quidem trituantur, sed paleæ conteruntur, frumentum purgatur. Quod dictum est ergo de domino, ualet ad consolationem, de quocunque hoc dictum fuerit Christiano.

Nemo tamen palam loquebatur de illo propter metum Iudæorum. Sed qui non loquebantur de illo propter metum Iudæorum? Qui dicebant, bonus est, non qui dicebant, seducit turbas. Qui dicebant, seducit turbas, sonitus eorum apparebat tanquam aridorum foliorum. Seducit turbas, clarius sonabant: bonus est, pressius susurrabant. Modo autem fratres quibus nondum uenerit illa gloria Christi quæ nos æternos factura est, modo tamen ita credit ecclesia eius, ita eam dignatus est per cuncta diffundere, ut iam susurraretur, seducit turbas, & clarius personet, bonus est.

De eo ubi ait: Iam autem die festo mediante, ascendit Iesus in templum & docebat, usque ad id quod ait: Qui misit illum hic uerax est, & iniusticia in illo non est:

Tractatus

XXIX.

**Q**UOD sequitur de euangelio & hodie lectum est, consequenter & nos uideamus, & quod dominus donauerit, hinc dicamus. Hesterno die hucusque lectum erat, quia licet non uidissent dominum Iesum in templo per diem festum, loquebantur tamen de illo: Et alij dicebant, bonus est: alij autem non, sed seducit turbas. Dictum enim hoc est ad eorum solatium, qui postea prædicantes uerbum dei, futuri erant ut seductores & ueraces. Si enim seducere decipere est, nec Christus seductor, nec apostoli eius, nec quisque seductor debet esse Christianus: si autem seducere aliunde aliquem ad aliud persuadendo ducere est, querendum est unde & quod? Si à malo ad bonum, bonus seductor est: si à bono ad malum, malus seductor est. In hac ergo parte qua seducuntur homines de malo ad bonum, utinam omnes seductores, & uocemur & simus. Ascendit ergo postea dominus ad diem festum, mediante die festo & docebat, & mirabantur Iudæi dicentes: Quomodo hic litteras scit cum non didicerit? Ille qui latebat, docebat, & palam loquebatur, & non tenebatur. Illud enim ut lateret erat causa exempli, hoc potestatis. Sed cum doceret, mirabantur Iudæi: omnes quidem quantum arbitror mirabantur, sed non omnes conuertebantur. Et unde admiratio? Quia multi nouerant ubi natus, quemadmodum fuerit educatus: nunquam eum uiderant litteras discentem. Audiebant autem de lege disputantem, legis testimonia proferentem, quæ nemo possit proferre nisi legisset, nemo legere nisi litteras didicisset, & ideo mirabantur. Eorum autem admiratio, magistro facta est insinuandæ altius ueritatis occasio. Ex eorum quippe admiratione & uerbis, dixit dominus profundum aliquid, & diligentius inspicere & discuti dignum. Propter quod intentam facio charitatem uestram, non solum ad audiendum pro uobis, sed etiam ad orandum pro nobis. Quid ergo dominus respondit eis admirantibus quomodo sciret litteras quas non didicerat? Mea, inquit, doctrina non est mea, sed eius qui misit me. Hæc est enim profunditas prima: uidetur enim paucis uerbis quasi contraria locutus. Non enim ait, ista doctrina non est mea, sed mea doctrina non est mea. Si non tua, quomodo tua? Si tua, quomodo non tua? Tu enim dicis utrumque, & mea doctrina & non mea. Nam si dixisset, ista doctrina non est mea, nulla esset quaestio. Nunc uero fratres, primitus intēdite quaestionē, & sic ordine expectate solutionē: nam qui non uidet quaestionē quæ proponitur, quomodo intelligit quod exponitur? Hoc est ergo in quaestione quod ait, mea, non mea. Hoc uidetur esse contrarium, quomodo mea, quomodo non mea. Si ergo intueamur diligenter quod ipse in exordio dicit sanctus euangelista: In principio erat uerbum, & uerbum erat apud deum, & deus erat uerbum: independet huius solutio quaestionis. Quæ est doctrina patris, nisi uerbum patris? Ipse ergo

Jer: 3. post. x. boni: Quia

ergo Christus doctrina patris, si uerbum patris. Sed quia uerbum non potest esse nullius, sed alicuius, & suam doctrinam dixit seipsum, & non suam, quia patris est uerbum. Quid enim tam tuum quam tu? Et quid tam non tuum quam tu? Si alicuius est quod es, uerbum ergo & deus est, & doctrinae stabilis uerbum est, non sonabilis per syllabas & uolatilis, sed manentis cum patre, ad quam conuertamur manentem, sonis transeuntibus admoniti. Non enim nos ita admonet quod transit, ut ad transitoria nos uocet: ita admonemur, ut diligamus deum. Totum hoc quod dixi, syllabae fuerunt, percussum aërem uerberauerunt, ut ad sensum uestrarum aurium peruenirent: sonando transierunt, non tamen illud quod uos admonuit transire debet, quia ille quem uos diligere admonui non transit. Et cum transeuntibus syllabis admoniti, conuersi ad eum fueritis, nec uos transibitis, sed cum manente manebitis. Hoc est magnum in doctrina, altum & aeternum quod manet, quod uocat omnia quae temporaliter transeunt, quando bene significant, nec mendaciter proferuntur: Omnia quippe signa quae perferimus sonis, aliquid significant quod non est sonus: Non enim duae breues syllabae, deus est, & duas breues syllabas colimus, & duas breues syllabas adoramus, & ad duas breues syllabas peruenire desideramus, quae penè ante desinunt sonare quam coeperunt, nec in eis secunda locus est nisi prima transierit. Manet ergo aliquid magnū quod dicit deus, quod quis non maneat sonus cum dicit deus. Sic intendite doctrinam Christi, & peruenietis ad uerbum dei: cum autem peruenieritis ad uerbum dei, intendite deus erat uerbum, & uidebitis uerum dictum esse, mea doctrina. Intendite etiam cuius est uerbum, & uidebitis recte dictum esse, non est mea. Breuiter ergo dico charitati uestrae: hoc uidetur mihi dixisse dominus Iesus Christus: Mea doctrina non est mea, ac si diceret: Ego non sum à meipso. Quamuis enim filium patri dicamus & credamus aequalem, nec ullam in eis esse naturae uel substantiae distantiam, nec inter generantem atque generatum aliquod interfuisse temporis interuallum, tamen hoc seruato & custodito ista diximus, quod ille pater est, ille filius. Pater autem non est si non habeat filium, & filius non est si non habeat patrem: sed tamen filius deus de patre, pater autem deus, sed non de filio. Pater filij, non deus de filio, ille autem filius patris & deus de patre. Dominus enim Christus dicitur lumen ex lumine. Lumine ergo quod non ex lumine, & lumine aequale quod ex lumine, simul unum lumen, non duo lumina. Si intellexerimus, deo gratias: si quis autem parum intellexit, fecit homo quousque potuit, cetera uideat unde speret. Forinsecus ut operarij possumus plantare & rigare, sed dei est incrementum dare. Mea, inquit, doctrina non est mea, sed eius qui misit me. Audiat consilium, qui dicit, nondum intellexi. Magna quippe res & profunda cum fuisset dicta, uidit utique ipse dominus Christus hoc tam profundum non omnes intellecturos, & in consequenti dedit consilium. Intelligere uis, crede: deus enim per prophetam dixit: Nisi credideritis, non intelligetis. Ad hoc pertinet quod etiam hic dominus secutus adiunxit: Si quis uoluerit uoluntatem eius facere, cognoscat de doctrina, utrum ex deo sit, an ego à meipso loquar. Quid est hoc? Si quis uoluerit uoluntatem eius facere? Sed ego dixeram, si quis crediderit, & hoc consilium dederam, si non intellexisti, inquam, crede. Intellectus enim merces est fidei. Ergo noli quærere intelligere ut credas, sed crede ut intelligas, quoniam nisi credideritis, non intelligetis. Cum ergo ad possibilitatem intelligendi consilium dederim obedientiam credendi, & dixerim dominum Iesum Christum hoc ipsum adiunxisse in consequenti sententia, inuenimus eum dixisse: Si quis uoluerit uoluntatem eius facere, cognoscat de doctrina eius. Quid est, cognoscat? Hoc est intelliget. Quid est autem, si quis uoluerit uoluntatem eius facere? Hoc est credere. Sed quia cognoscat: hoc intelliget, omnes intelligunt. Quia uero quod ait: Si quis uoluerit uoluntatem eius facere, hoc pertinet ad credere, ut diligentius intelligatur, opus est nobis ipso domino nostro expositore, ut indicet nobis utrum reuera ad credere pertineat facere uoluntatem patris eius. Qui nesciat hoc esse facere uoluntatem dei, operari opus eius: id est, quod illi placet. Ipse autem dominus aperte alio loco dicit: Hoc est opus dei, ut credatis in eum quem ille misit. Sed si creditis in eum, creditis ei. Non autem continuo qui credit ei, credit in eum: nam & daemones



**A** dæmones credebant ei, & non credebant in eum. Rursus etiam de apostolis ipsius possumus dicere: Credimus Paulo, sed non credimus in Paulum: credimus Petro, sed non credimus in Petrum. Credenti autem in eum qui iustificat impiū, deputatur fides eius ad iusticiā. Quid Rom. 4 est ergo credere in eum? Credendo amare, credendo diligere, credendo in eū ire, & eius mēbris incorporari. Ipsa est ergo fides quam de nobis exigit deus: & nō inuenit quod exigit, nisi donauerit quod inueniat. Quæ fides nisi quā definiuit alio loco Apostolus plenissime dicens: Neq; circūcisio aliquid ualet neq; præputium, sed fides quæ per dilectionē operat, Gal. 5 non qualiscūq; fides, sed fides quæ per dilectionem operatur. Hæc in te sit, & intelliges de doctrina dei. Quid enim intelliges? Quia doctrina ista non est mea, sed eius qui me misit: id est, intelliges quia Christus dei filius, qui est doctrina patris, non est ex seipso, sed filius est patris. Sabellianā hæresim sentētia ista dissoluit. Sabelliani enim dicere ausi sunt ipsum esse filium qui est & pater, duo esse nomina, sed unā rem. Si duo essent nomina & res una, non diceretur, mea doctrina non est mea. Vtiq; si tua doctrina nō est tua o domine, cuius est, nisi alius sit cuius sit? Quod dixisti, Sabelliani non intelligunt, non enim trinitatem uiderunt, sed sui cordis errorem secuti sunt: nos cultores trinitatis & unitatis, patris & filij & spiritus sancti & unius dei, intelligamus de doctrina Christi, quomodo non est eius, & ideo dixit se non à seipso loqui: quoniam Christus patris est filius, & pater Christi est pater, & filius de deo patre deus est, pater autem deus, non de filio deo deus est. Qui à semetipso loquitur, gloriam propriam quærit.) Hoc erit ille qui uocatur antichristus, extollens se, sicut Apostolus ait, supra omne quod dicitur deus, & quod colitur. Ipsum quippe annūcians dominus gloriam suam quæsiturum, non gloriam patris, ait ad Iudæos: Ego ueni in nomine Ioan. 5 patris mei, & non suscepistis me: alius ueniet in nomine suo, & hunc suscipietis. Significauit eos antichristum suscepturos, qui gloriam nominis sui quæsiturus est: inflatus, non solidus, & ideo non stabilis, sed utiq; ruinosus. Dominus autem noster Iesus Christus, magnum Ioan. 14 Ioan. 10 exemplum nobis præbuit humilitatis: nempe æqualis est patri, nempe in principio erat uerbum, & uerbum erat apud deum, & deus erat uerbum: nempe ipse dixit, & uerissime dixit: Tanto tempore uobiscum sum, & non cognouistis me? Philippe, qui uidet me uidet Ioan. 14 & patrem: nempe ipse dixit & uerissime dixit: Ego & pater unum sumus. Si ergo ille cum Ioan. 10 patre unum, æqualis patri, deus de deo, deus apud deum, coæternus, immortalis, pariter incommutabilis, pariter sine tempore, pariter creator & dispositor temporum: tamen quia uenit in tempore, & formam serui accepit, & habitu est inuentus ut homo, quærit gloriam patris, non suam. Quid tu homo facere debes, qui quando aliquid boni facis, gloriam tuam quæris: quando autem aliquid mali facis, deo calumniam meditaris? Intende tibi, creatura es, agnosce creatorem: seruus es, ne contempnas dominum: adoptatus es, sed non meritis tuis. Quære eius gloriam, à quo habes hanc gratiam. Homo assumptus cuius gloriam quæsiuit? Eius, cuius est unicus natus. Qui autem quærit gloriam eius qui misit illum, hic uerax est, & iniusticia in illo non est.) In antichristo autem iniusticia est, & uerax non est, quia gloriam suam quæsiturus est, nō eius à quo missus est: non enim est missus, sed uenire permissus. Omnes ergo pertinentes ad corpus Christi, ne inducamur in laqueos antichristi, nō quæramus gloriam nostram: sed si ille quæsiuit gloriam eius qui eum misit, quanto magis nos eius qui nos fecit?

Ab eo quod ait: Nōne Moyses dedit uobis legem, & nemo ex uobis facit legem? Quid me quæritis interficere, usq; ad id quod ait: Nolite iudicare secundum faciem, sed iustum iudicium iudicate: Tractatus xxx.



**E** VANGELII sancti lectionem, de qua pridem charitati uestre locuti sumus, ista quæ modo lecta est, hodierna consequitur. Dominū loquentem audiebant & discipuli & Iudæi: ueritatem loquentem audiebant, & ueraces & mendaces: charitatem loquentem audiebant, & amici & inimici: bonum loquentem audiebant, & boni & mali. Illi audiebant, sed ille discernebat, & quibus sermo prodesset, & profutu-

profuturus esset, uidebat & praeuidebat. In illis enim qui tunc erant uidebat, in nobis qui futuramur praeuidebat. Nos itaque sic audiamus euangelium, quasi praesentem dominum, nec dicamus: O illi felices qui eum uidere potuerunt: quia multi in eis qui uiderunt & occiderunt: multi autem in nobis qui non uiderunt & crediderunt. Quod enim preciosum sonabat de ore domini, & propter nos scriptum est, & nobis seruatum est, & propter nos recitatur, & propter posteros recitabitur, & donec seculum finiatur. Sursum est dominus, sed etiam hic est ueritas dominus. Corpus enim domini, in quo resurrexit, uno loco esse potest: ueritas eius ubique diffusa est. Dominum ergo audiamus, & quod ipse donauerit de uerbis eius, & nos dicamus: Nonne Moyses, inquit, dedit uobis legem, & nemo ex uobis facit legem? Quid me quaeritis interficere? Ideo enim quaeritis interficere, quia nemo ex uobis facit legem: nam si legem faceretis, in ipsis litteris Christum cognosceretis, & praesentem non occideretis. Respondit enim turba. Respondit quasi turba non pertinentia ad ordinem, sed ad perturbationem. Denique turba turbata, uidete quid responderit? Daemonium habes, quis te quaerit occidere? Quasi non peius fuit dicere, daemonium habes, quam eum occidere. Ei quippe dictum est, quod daemonium haberet qui daemones expellebat. Quid possit aliud dicere turba turbulenta? Quid possit aliud olere cornu commotum? Turba turbata est: Unde? A ueritate. Turbam lippitudinis turbauit claritas lucis. Oculi enim non habentes sanitatem non possunt ferre luminis claritatem. Dominus non plane turbatur, sed in sua ueritate tranquillus non reddidit malum pro malo, nec maledictum pro maledicto: Quibus si diceret, daemonium habetis uos, uerum utique diceret. Non enim talia illi ueritati dicerent, nisi eos falsitas diaboli irritaret. Quid ergo respondit, audiamus tranquille, & tranquillum bibamus: Vnum opus feci, & omnes miramini. Tamen quod dicens: Quid si omnia opera mea uideritis? Ipsius enim opera erant quae in mundo uidebant, & ipsum qui fecit omnia non uidebant. Fecit unam rem, & turbati sunt, quia saluum fecit hominem sabbato. Quasi uero si quisquam aegrotus sabbato sanaretur, alius illum sanum fecisset quam ille qui eos scandalizauit, quia unum hominem saluum fecit sabbato. Quis enim alius alios saluos fecit quam ipsa salus, qui illam salutem quam dedit huic homini, dat & iumentis? Salus enim corporalis erat. Salus carnis & reparatur & moritur, & cum reparatur, mors differtur, non aufertur. Tamen fratres, etiam ipsa salus a domino est, per quolibet datur, quicunque curante & ministrante impertiat, ab illo datur a quo est omnis salus, cui dicit in Psalmo: Homines & iumenta saluos facies domine: sicut multiplicasti misericordiam tuam deus. Quia enim deus est, multiplicat misericordiam suam, peruenit etiam ad salutem carnis humanae, peruenit etiam ad salutem mutorum animalium. Sed qui dat salutem carnis hominibus iumentisque communem, nunquid nulla salus est quam seruat hominibus? Est certe alia quae non solum communis est hominibus & iumentis, sed nec ipsis hominibus communis est bonis & malis. Denique cum ibi de ista salute dixisset quam communiter accipiunt pecora & homines: propter illam salutem quam sperare debent homines, secutus adiunxit: Filii autem hominum, sub tegmine alarum tuarum sperabunt: Inebriabuntur ab ubertate domus tuae, & torrente uoluptatis tuae potabis eos: Quoniam apud te est fons uitae, & in lumine tuo uidebimus lumen. Haec est salus quae ad bonos pertinet, quos appellauit filios hominum, cum supra dixisset: Homines & iumenta saluos facies domine. Quid enim? Illi homines non erant filii hominum, ut cum dixisset homines, sequeretur & diceret: Filii autem hominum, in tegmine alarum tuarum sperabunt? Quasi aliud erant homines, & aliud filii hominum. Non tamen arbitror sine aliqua significatione distinctionis hoc dixisse spiritum sanctum. Homines ad primum Adam, filii hominum ad Christum. Forte enim homines pertinent ad primum hominem: filii autem hominum pertinent ad filium hominis. Vnum opus feci, & omnes miramini, & continuo subiungit: Propterea Moyses dedit uobis circumcisionem. Bene factum est ut acciperetis circumcisionem a Moyse: Non quia ex Moyse est, sed ex patribus. Abraam quippe primus accepit circumcisionem a domino. Et in sabbato circumciditis. Conuincit uos Moyses. In lege accepistis ut circumcidatis octauo die: accepistis in lege ut uacetis septimo die: si octauus dies



**A** uis dies illius qui natus est occurrerit ad diem septimū, quid facietis? Vacabitis & seruetis sabbatum, an circunciditis ut impleatis sacramentum diei octauī? Sed noui, inquit, quid facitis, circunciditis hominem. Quare? Quia circūcisio pertinet ad aliquod signaculum salutis, & non debent homines sabbato uacare à salute, ergo nec mihi irascimini, qui saluum feci totum hominem sabbato. Si circuncisionem, inquit, accipit homo in sabbato, ut nō soluatur lex Moyſi.) Aliquid enim per Moyſen in illa constitutione circuncisionis salubriter institutum est, mihi operanti salutem in sabbato quare indignamini? Forte enim illa circūcisio ipsum dominum significabat, cui isti curanti & sananti indignabantur. Iussa est enim adhiberi octauo die circūcisio. Et quid est circūcisio, nisi carnis expoliatio? Significat ergo ista circūcisio expoliationē à corde cupiditatum carnalium: nō ergo sine causa data est, & in eo membro iussa fieri, quoniā per illud membrū procreatur creatura mortalium, & per unum hominem mors, sicut per unum hominem resurrectio mortuorum, & per unum hominem peccatum intrauit in mundum, & per peccatū mors. Ideo quisq; cū praputio nascitur, quia omnis homo cum uitio propaginis nascitur, & non mundat deus siue à uitio cum quo nascimur, siue à uitijs quæ male uiuēdo addimus, nisi per cultellum petrinum, id est dominum Iesum Christum. Petra enim erat Christus. Cultellis enim petrinis circuncidebant, & petre nomine Christū figurabāt, & præsentē non agnoscebant, sed insuper eū occidere cupiebāt. Quare autē octauo die, nisi quia post septimū sabbati dñs die dominico resurrexit? Ergo resurrectio Christi quæ facta est tertio quidē die passionis, sed octauo die in diebus hebdomadis, ipsa nos circuncidit. Audi circūcisos uera petra, Apostolo admonēte, Quæ sursum Col. 3 sunt quærite, non quæ super terram. Circūcisus loquitur, Resurrexit Christus, abstulit uobis desideria carnalia, abstulit concupiscētiās malas, abstulit superfluum cum quo nati eratis, & multo peius quod male uiuēdo addideratis. Circūcisi per petram quare adhuc sapitis terram? Et ad extremum quia legem dedit Moyſes, & circunciditis hominem sabbato, intelligite hoc significari opus bonum quod ego feci totum hominē saluum sabbato, quia & curatus est ut sanus esset in corpore, & credidit ut sanus esset in anima. Nolite iudicare personaliter, sed rectum iudicium iudicate.) Quid est hoc? Modo quia per legem Moyſi circunciditis sabbato, nō irascimini Moyſi, & quia ego die sabbati saluum feci hominem, irascimini mihi. Personaliter iudicatis, ueritatem attendite: Ego non me præfero Moyſi, ait dominus, qui erat & ipsius Moyſi dominus. Sic attendite quomodo homines nos duos tanq̃ ambos homines: iudicate inter nos, sed uerum iudicium iudicate: nolite me honorare, & honoratum illum damnare, sed illo intellecto me honorate. Hoc enim eis alio loco dixit, Si Ioan. 5 crederetis Moyſi, crederetis utiq; & mihi, de me enim ille scripsit. Sed hoc loco noluit dicere, tanq̃ se & Moyſe ante illos constitutis. Propter legem Moyſi circunciditis, quando etiam sabbatum occurrerit, & ego sanitatum faciendarum beneficentiam non uultis ut exhibeam per sabbatū? Quia dominus circuncisionis & dominus sabbati, salutis est autor. Et seruilia opera prohibiti estis facere sabbato, si uere intelligatis seruilia opera, nō peccatis. Qui enim Ioan. 8 facit peccatum, seruus est peccati. Nunquid seruire opus est, hominē sanare sabbato? Manducatis & bibitis, ut aliquid dicam ex admonitione domini nostri Iesu Christi, & ex uerbis eius. Vtiq; quare māducatis & bibitis in sabbato, nisi quia pertinet ad salutē quod facitis? Per hoc ostenditis, opera salutis nō esse ullo modo die sabbati omittenda. Ergo nolite personaliter iudicare, sed rectum iudicium iudicate: attendite me quomodo hominem, attendite Moyſen quomodo hominem: si secundum ueritatem iudicetis, neq; Moyſen neq; me condemnabitis: & ueritate cognita me cognoscetis, quia ego sum ueritas. Hoc uitium fratres quod dominus notauit hoc loco, euadere in hoc seculo magni laboris est, non personaliter iudicare, sed rectum iudicium retinere. Admonuit quidem dominus Iudæos, sed monuit & nos: illos conuincit, & nos instruxit: illos redarguit, nos exacuit, non putemus hoc nobis non ideo dictum, quia tunc ibi nō fuimus: scriptum est, legitur, cum recitaretur audiuius, sed tanquam Iudæis dictum audiuius: non nos ponamus post nos, & quasi intueamur

iniquos reprehensos, & ipsi nos faciamus quod in nobis ueritas ipsa reprehēdat. Iudæi quidem personaliter iudicabant: sed ideo non pertinent ad nouum testamentum, ideo non habent in Christo regnum cœlorum, ideo non iunguntur sanctorum societati angelorum: terrena quærebant à domino. Terra enim promissionis, uictoria ab inimicis, fecunditas pariendi, multiplicatio filiorum, abundantia fructuum, quæ illis omnia à deo quidem uero & bono, tamen ut carnalibus promissa sunt: omnia hæc fecerat illis uetus testamentum. Quid est uetus testamentum? Quasi hæreditas pertinens ad hominem ueterem. Nos innouati sumus, homo nouus facti sumus, quia & ille homo nouus uenit. Quid tam nouum quæ nasci de uirgine? Quia ergo non erat quod in illo innouaret præceptum, quia nullum habebat peccatum, nouus partus est datus. In illo partus nouus, in nobis homo nouus. Quid est homo nouus? A uetustate innouatus. Ad quam rem innouatus? Ad desideranda cœlestia, ad concupiscenda sempiterna, ad patriam quæ sursum est, quæ hostem non timet desiderandam: ubi non perdimus amicum, non timemus inimicum; ubi uiuimus cum bono affectu, sine defectu: ubi nemo nascitur, quia nemo moritur; ubi nemo iam proficit, & nemo deficit: ubi non esuritur & non sititur, sed satietas est immortalitas, & cibus ueritas. Hæc habentes promissa & ad nouum testamētum pertinētes, & nouæ hæreditatis facti hæredes, & ipsius domini cohæredes, aliam spem ualde habemus, non personaliter iudicemus, sed rectum iudicium teneamus. Quis est qui non iudicat personaliter? Qui diligit æqualiter. Dilectio æqualis facit non acceptari personas: nam cum homines diuerso modo pro suis gradibus honoramus, tunc timendū est ne personas accipiamus. Sed quando inter duos iudicamus, & aliquando inter necessarios, sit nonnunquā iudicium inter patrem & filium: queritur pater de malo filio, aut queritur filius de duro patre, seruamus honorificentiam quæ debetur patri à filio, quæ deficit à filio. Non æquamus filium patri in honore, sed præponimus si bonam causam habet, filium æquamus patri in ueritate, & sic tribuimus honorem debitum, ut non perdat æqualitas meritum: ita uerbis domini proficimus, & ut proficiamus, gratia illius adiuuamur.

2. q. 7. c. queritur

Ab eo quod ait, Dicebant ergo quidam ex Hierosolymis, Nōne hic est quem quærebant Iudæi interficere, & ecce palām loquitur, & nihil ei dicunt, usq; ad id, quod ait, Quæritis me & non inuenietis, & ubi sum ego, uos non potestis uenire.

## Tractatus xxxi.



**M**INUIT charitas uestra pristinis sermonibus, & lectum esse in euangelio, & à nobis ut potuimus disputatum, quod dominus Iesus ideo uoluit occulte ascendere ad diem festum, nō quia timebat ne teneretur: sed ut significaret etiam in ipso die festo qui celebrabatur à Iudæis, se occultari, & suū esse mysterium. Hodierna ergo lectione apparuit potestas, quæ putabatur timiditas: loquebatur enim palām in die festo, ita ut mirarentur turbæ, & dicerent quod audiuiimus, cum lectio legeretur:

Nōne hic est quē quærebant interficere, & ecce palām loquitur, nihil illi dicunt, nunquid uere cognouerunt principes quia hic est Christus? Qui nouerant qua seuitia quærebatur, mirabantur qua potentia non tenebatur: deinde non plene intelligentes illius potentiam, putauerunt principum esse scientiam, quod ipsi cognouerant eundem esse Christum, ideo percerunt ei, quem tantopere occidendum quæsierunt: deinde illi ipsi apud seipsos, qui dixerant, Nunquid cognouerūt principes quia hic est Christus, fecerunt quæstionem qua eis uideretur quod non ipse esset Christus: adiungentes enim dixerunt, Sed istum nouimus unde sit, Christus autem cum uenerit, nemo scit unde sit. Non enim inaniter opinio nata est. Si consideremus scripturas, inuenimus fratres, quomodo sanctæ scripturæ dixerint de Christo, quoniam Nazareus uocabitur: ergo prædixerunt unde sit. Rursus si locum natiuitatis eius quæramus, tanquā inde sit ubi natus est, nec hoc latebat Iudæos propter scripturas quæ ista prædixerant. Nā cum eū uisa stella magi quærerent adorare, uenerunt ad Herodem, & dixerunt quid quærent & quid uellent. Ille autem conuocatis eis qui legem sciebant, quæ

fuit



**A** fuit ab eis ubi Christus nasceretur. Illi dixerunt, In Bethleem Iudæ, & testimonium etiam *Mich. 5* propheticum protulerunt. Si ergo propheta prædixerant & locum unde erat origo carnis eius, locum ubi eum peperit mater eius, unde nata est ista opinio apud Iudæos quā modo audiuius, Christus cum uenerit, nemo scit unde sit, nisi quia utrunq; prædicauerāt & præ-nunciauerant scripturæ. Secundū hominē prædixerunt scripturæ unde esset, secundū deum latebat impios, & quærebat pios: ad hoc enim & isti dixerunt, Christus cum uenerit, nemo scit unde sit, quia hāc illis opinionē generauerat, quod per Esaiā dictum est, Generationem *Esaiæ 53* autem eius quis enarrabit? Deniq; & ipse dominus ad utrunq; respondit, & quia nouerant eum unde esset, & quia non nouerāt, ut attestetur prophetiæ sanctæ quæ de illo ante prædicta est, & secundū humanitatem infirmitatis, & secundū diuinitatem maiestatis. Audite ergo uerbum domini fratres, uidete quēadmodum confirmauit eis, quod dixerunt, Christus cum uenerit, nemo scit unde sit. Clamabat ergo docens in templo Iesus, Et me scitis, & unde sim scitis, & à me ipso non ueni, sed est uerus qui me misit, quem uos nescitis.) Hoc est dicere, & me scitis, & me nescitis: hoc est dicere, & unde sim scitis, & unde sim nescitis. Vnde sim scitis, Iesus à Nazareth, cuius etiam parentes nostis: solus enim in hac causa latebat uirginis partus, cui tamen testis erat maritus, ipse enim hoc poterat fideliter indicare, qui possit maritaliter & cælare. Hoc ergo excepto uirginis partu, totum nouerant in Iesu quod ad hominem pertinet. Facies ipsius nota erat, patria ipsius nota erat, genus ipsius notū erat, ubi natus est sciebatur. Recte ergo dixit, & me nostis, & unde sim scitis, secundū carnē & effigiem hominis quam gerebat: secundū autem diuinitatem & à me ipso non ueni, sed uerus est qui me misit, quem uos non scitis, sed ut eum sciatis, credite in eum quem misit, & sciatis: deum *Ioan. 1* enim nemo uidit unquam, nisi unigenitus filius qui est in sinu patris, ipse enarrauit: & Patrem non cognoscit nisi filius, & cui uoluerit filius reuelare. Denique cum dixisset, Sed est uerus qui misit me, quem uos non scitis, ut ostenderet eis unde possent scire quod nesciebant, subiiecit, Ego scio eum.) Ergo à me quærite ut sciatis eum. Quare autem scio eum?

**B** Quia ab ipso sum, & ipse me misit.) Magnifice utrunq; monstrauit, Ab ipso, inquit, sum, quia filius de patre, & quicquid est filius, de illo est cuius est filius. Ideo dominum Iesum dicimus de deo, patrem non dicimus deum de deo, sed tantum deum: & dicimus dominum Iesum lumen de lumine: patrem non dicimus lumen de lumine, sed tantum lumen: ad hoc ergo pertinet, quod dixit, Ab ipso sum. Quod autem uidetis me in carne, ipse me misit. Vbi audis, ipse me misit, noli intelligere naturæ dissimilitudinē, sed generātis autoritatem.

Quærebant ergo eum apprehendere, & nemo misit in illum manus, quia nondum uenit hora eius.) hoc est, quia nolebat. Quid est enim, nondum uenit hora eius? Nō enim dominus sub fato natus est, hoc nec de te credendum est, quanto minus de illo per quē factus es? Si tua hora uoluntas est illius, illius hora quæ est nisi uoluntas sua? Nō ergo horam dixit qua cogeretur mori, sed qua dignaretur occidi: tempus enim expectabat quo moreretur, quia & tempus expectare uoluit quo nasceretur, de hoc Apostolus loquens, ait, Cum autem uenit plenitudo temporis, misit deus filium suum. Ideo multi dicunt, Quare non ante uenit Christus? Quibus respondendum est, quia nondum uenerat plenitudo temporis, morante illo per quem facta sunt tempora, sciebat enim quando uenire deberet. Primo per multam seriem temporum & annorum prædicendus fuit: non enim aliquid paruum uenturum fuit, diu fuerat prædicandus, semper tenendus. Quanto maior iudex ueniebat, tātō præconum lōgior series præcedebat. Deniq; ubi uenit plenitudo temporis, uenit & ille qui nos liberaret à tempore: liberati enim à tempore, uenturi sumus ad æternitatem illam ubi non est tempus. Nec dicitur ibi, quando ueniet hora: dies est enim sempiternus, qui nec præceditur hesterno, nec excluditur crastino. In hoc autem seculo uoluuntur dies, & alij transeunt, & alij ueniunt, nullus manet, & momenta quibus loquimur, inuicem se expellunt: nec stat prima syllaba ut sonare posset secūda. Ex quo loquimur aliquantum senuimus, & sine ulla dubitatione senior sum modo quā mane, ita nihil stat, nihil fixū manet in tempore. Amare

p 2 itaq;

itaque debemus per quæ facta sunt tempora, ut liberemur à tempore, & figamur in æternitate, ubi iam nulla est mutabilitas temporum. Magna igitur misericordia domini nostri Iesu Christi, factum esse eum propter nos in tempore, per quæ facta sunt tempora, factum esse inter omnia, per quæ facta sunt omnia, factum esse quod fecit: factus est enim quod fecerat: factus est enim homo qui hominē fecerat, ne periret quod fecerat. Secundū hanc dispensationem iam uenerat hora natiuitatis, & natus erat: sed nōdum uenerat hora passionis, ideo nondū passus erat. Denique ut noueritis nō necessitatem, sed potestatem moriētis, propter nōnullos hoc loquor, qui cū audierint, nondū uenit hora eius, edificātur ad credēda fata eius, & fiunt corda eorū fatua. Ut ergo noueritis potestatem moriētis, ipsam passionē recolite, crucifixum intuemini: dixit in ligno pendens, Sitio. Illi hoc audito, in arūdine per spongiā obtulerūt ei acetum in cruce, accepit & ait, Perfectum est, & indinato capite tradidit spiritū. Videtis potestatem moriētis, quia hoc expectabat uolens, donec omnia complerētur quæ de illo prædicta fuerant ante mortem futura: dixerat enim propheta, Dederūt in escam meam fel, & in siti mea potauerūt me aceto: expectabat ut hæc omnia complerētur: postea quæ completa sunt, dixit, Perfectum est, & abscessit potestate, quia nō uenerat necessitate: ideo quidā plus mirati sunt istā potestatem moriētis, quæ potentiā miracula facientis. Ventū est enim ad crucem, ut corpora deponerētur de ligno, quoniā sabbatū illucescebat: & inuenti sunt latrones uiuentes: supplicium quippe crucis ideo durius erat, quia diutius cruciabat, & omnes crucifixi longa morte necabātur. Illi autē ne remanerent in ligno, cruribus fractis coacti sunt mori, ut possent inde deponi. Dominus autē inuētus est mortuus, & admirati sunt omnes: & qui eum uiuū contempserunt, mortuum sic mirati sunt, ut dicerent quidā, Vere filius dei est hic. Vnde est illud fratres, ubi ait quærētibus se, Ego sum: & illi retro redeūtes omnes ceciderūt: erat ergo in illo potestas summa. Nec hora cogeatur mori, sed horā expectabat qua oportune fieret uoluntas, nō qua inuite impleteretur necessitas. De turba autē multi crediderunt in eū. Humiles & pauperes saluos faciebat dñs: principes insaniebāt, & ideo medicum non solū nō agnoscebat, sed etiā occidere cupiebant. Erat quædā turba quæ suā aegritudinem cito uidit, & illius medicinam sine dilatione cognoscebat. Videte quid sibi dixerit turba ipsa cōmota miraculis: Nunquid Christus cum uenerit, plura signa facturum est? Vtiq; si duo non erunt hic est: crediderunt ergo in eum dicentes ista, Principes uero illi audita multitudinis fide, & eo murmure quo Christus glorificabatur. Miserūt ministros, ut apprehēderent eum. Quem apprehēderent, adhuc nolentem? Quia ergo nō poterāt apprehēdere nolentem, missi sunt ut audirēt docentē. Quid docentē? Dicit ergo Iesus, Adhuc modicum tempus uobiscū sum. Quod modo uultis facere, facturi estis, sed nō modo, quia adhuc modicum tempus uobiscū sum: Et tunc uado ad eum qui me misit. Implere debeo dispensationem meā, & sic peruenire ad passionem meā. Quæritis me & nō inuenietis, & ubi sum ego, uos nō potestis uenire. Hic iam resurrectionem suam prædixit: noluerunt enim agnoscere præsentē, & postea quæsierunt, cum uiderēt in eum multitudinem iam credentem: magna enim signa facta sunt, etiā cum dominus resurrexit, & ascendit in cælum. Tunc per discipulos facta sunt magna, sed ille per illos qui & per seipsum: ipse quippe illis dixerat, Sine me nihil potestis facere. Quando claudus ille qui sedebat ad portam, ad uocē Petri surrexit, & suis pedibus ambulauit ut homines mirarētur: sic eos allocutus est Petrus, quia non in sua potestate ista fecit, sed in uirtute illius quæ ipsi occiderunt, multi compuncti dixerunt, Quid faciemus? Viderunt enim se ingenti crimine impietatis astrictos, quando illum occiderunt, quem uenerari & adorare debuerunt, & hoc putabant esse inexprabile, magnum enim facinus erat, cuius cōsideratio illos faceret desperare: sed nō debebant desperare, pro quibus in cruce pendens dominus est dignatus orare: dixerat enim, Pater ignosce illis, quia nesciūt quid faciunt. Videbat quosdā suos inter multos alienos, illis iam petebat ueniam, à quibus adhuc accipiebat iniuriam: Non enim attendebat quod ab ipsis moriebatur, sed quia pro ipsis moriebatur. Multum est quod illis cōcessum est, & ab ipsis & pro ipsis, ut nemo de sui peccati



**A** cati dimissione desperet, quando illi ueniam meruerunt qui occiderunt Christum. Mortuus est Christus pro nobis, sed nunquid à nobis? At uero illi uiderunt Christum suo scelere morientem, & crediderunt in Christum suis sceleribus ignoscentem: quousque biberent sanguinem quem fuderant, de sua salute desperauerunt: ergo hoc dixit, Quæritis me & non inuenietis, & ubi sum ego, uos non potestis uenire: quia quæsituri illum erant post resurrectionem compuncti, nec dixit ubi ero, sed ubi sum. Semper enim ibi erat Christus, quod fuerat rediturus: sic enim uenit ut non recederet: unde alio loco ait, Nemo ascendit in cælum nisi qui descendit de cælo, filius hominis qui est in cælo: non dixit, qui fuit in cælo. In terra loquebatur, & in cælo se esse dicebat. Sic uenit, ut inde non abscederet: sic rediit, ut non nos dereliqueret. Quid miramini? Deus hoc facit. Homo enim secundum corpus in loco est, & de loco migrat, & cum ad alium locum uenerit, in eo loco unde uenit non est: deus autem implet omnia, & ubique totus est, non secundum spacia tenetur locis: erat tamen Christus secundum uisibilem carnem in terra: ideo ait, Vbi ego sum, uos non potestis uenire: nec dixit, non poteritis, sed non potestis. Tales enim tunc erant qui non possent: nam ut sciatis non hoc ad desperationem dictum, & discipulis suis dixit tale aliquid, Quod ego uado, non potestis uenire, cum pro illis orans dixerit, Pater, uolo ut ubi ego sum, & ipsi sint mecum. Denique hoc Petro exposuit, & ait illi, Quod ego uado, non potes me sequi modo, sequeris autem postea. Dixerunt ergo Iudæi, non ad ipsum, sed ad semetipsos, Quod hic iturus est quia non inueniemus eum? Nunquid in dispersionem gentium iturus est, aut docturus gentes? Non enim sciebant quid dixerunt, sed quia ille uoluit, prophetauerunt. Iturus enim erat dominus ad gentes, non præsentia corporis sui, sed tamen pedibus suis. Qui erant pedes eius? Quos pedes conculcare uolebat persequendo Saulus, quando ei caput clamabat, Saule Saule, quid me persequeris? Quis est hic sermo, quem dixit, Quæritis me & non inuenietis, & ubi ego sum uos non potestis uenire? Unde hoc dixit dominus nescierunt, & tamen aliquid quod futurum erat, nescientes prænuñciauerunt. Dixit enim hoc dominus, quia locum, si tamen densus est locus, id est, sinum patris unde nunquam discessit unigenitus filius, non illi nouerant, nec cogitare idonei erant ubi erat Christus, unde non recessit Christus, quod rediturus erat Christus, ubi manebat Christus. Unde hoc cordi humano cogitare, aut linguæ explicare? Hoc ergo illi nullo modo intellexerunt, & tamen ex hac occasione salutem nostram prædixerunt, quod iturus esset ad dispersionem gentium, & impleturus quod legebant, & non intelligebant, Populus quem non cognoui seruiuit mihi, in obauditu auris obaudiuit mihi: illi non audierunt in quorum oculis fuit, illi audierunt in quorum auribus sonuit. Illius enim ecclesiæ naturæ de gentibus typum gerebat mulier quæ fluxum sanguinis patiebatur, tangebatur & non uidebatur, nesciebatur & sanabatur. Figura quippe erat, quod dominus interrogauit, Quis me tetigit? Quasi ignorans ignoratam sanauit: sic fecit & gentibus: non eum didicimus in carne, & meruimus carnem eius manducare, & in carne eius membra esse. Quare? Quia misit ad nos. Quos? Præcones suos, discipulos suos, seruos suos, redemptos suos quos creauit, sed quos & redemit fratres suos: totum parum dixi, membra sua, semetipsum: misit enim ad nos membra sua, & fecit nos membra sua. Tamen secundum speciem corporis quam Iudæi uiderunt & contempserunt, non apud nos fuit Christus, quia & hoc de illo dictum erat, sicut Apostolus dicit, Dico enim Christum ministrum fuisse circūcisionis propter ueritatem dei, ad confirmandas promissiones patrum. Ad illos debuit uenire, à quorum patribus, & quorum patribus est promissus: ideo & ipse sic ait, Non sum missus nisi ad oues quæ perierant domus Israël: sed quid dicit Apostolus in sequenti? Gentes autem super misericordia glorificare deum: quid & ipse dominus? Habeo alias oues quæ non sunt ex hoc ouili: qui dixerat, Non sum missus nisi ad oues quæ perierant domus Israël, quomodo habet alias ad quas non est missus, nisi quia significauit per præsentiam corporalem non se missum exhibere nisi solis Iudæis, qui uiderunt & occiderunt, & multi tamen inde & antea & postea crediderunt? Messis prima de cruce uentilata est, ut esset semen unde alia

messis confurgeret. Nunc uero cum fama euangelij, & bono eius odore excitati, credunt fideles eius per omnes gentes, erit expectatio gentium, quando ueniet qui iam uenit, quando ab omnibus uidebitur, qui tunc à quibusdam uisus nō est, à quibusdam uisus est: quando ueniet iudicaturus qui uenit iudicandus, quando ueniet discreturus, qui uenit ut discerneretur. Non enim ab impijs Christus est discretus, sed cum impijs iudicatus: de illo enim *Esaie 52* dictum est, Inter iniquos reputatus est. Latro euasit, Christus damnatus est: accepit indulgentiam criminofus, damnatus est qui omnium crimina confitentium relaxauit: tamen & ipsa crux si attendas, tribunal fuit. In medio enim iudice constituto, unus latro qui credidit liberatus, alter qui insultauit, damnatus est. Iam significabat quod facturus est de uiuis & mortuis, alios positurus ad dexteram, alios ad sinistram. Nihil ergo medium erit. Similis ille latro futuris ad sinistram, similis alter futuris ad dexteram, iudicabatur, & iudicium minabatur.

Ab eo loco ubi ait, In nouissimo autem die festiuitatis stabat Iesus & clamabat, dicens, Si quis sitit ueniat ad me & bibat, usque ad id, quod ait, Non enim erat spiritus datus, quia Iesus nondum fuerat glorificatus.

#### Tractatus XXXII.



**I**NTER dissensiones & dubitationes Iudaeorum de domino Iesu Christo, inter cetera quae dixit, quibus alij confunderentur, alij docerentur, Nouissimo festiuitatis die illius.) Tunc enim ista agebantur quae appellatur scenophegia, id est, tabernaculorum constructio, de qua festiuitate iam ante meminit charitas uestra fuisse disertum, uocat dominus Iesus Christus, & hoc non utcumque loquendo, sed clamando, ut qui sitit, ueniat ad eum. Si sitimus, ueniamus, & non pedibus sed affectibus, nec migrando sed amando ueniamus, quatenus secundum interiorem hominem & qui amat migrat. Et aliud est migrare corpore, aliud corde: migrat corpore, qui motu corporis mutat locum: migrat corde, qui motu cordis mutat affectum. Si aliud amas, aliud amas, non ibi es, ubi eras: clamat ergo nobis dominus, Stabat enim & clamabat, Si quis sitit ueniat ad me & bibat: qui credit in me, sicut scriptum est, flumina de uentre eius fluent aquae uiuae.) Quid hoc est, & quando euangelista exposuit, immorari non debemus: unde enim dixerit dominus, Si quis sitit, ueniat ad me & bibat, & qui credit in me, flumina de uentre eius fluent aquae uiuae: consequenter exposuit euangelista, dicens, Hoc autem dixit de spiritu, quem accepturi erant credentes in eum. Nondum enim erat spiritus datus, quia Iesus nondum erat glorificatus.) Est ergo sitis interior & uenter interior, quia est homo interior. Et ille quidem homo interior inuisibilis, exterior autem uisibilis: sed melior interior quam exterior. Et quod non uidetur hoc plus amatur, constat enim plus amari hominem interiore quam exteriore: unde hoc constat, unusquisque in seipso probet. Quamuis enim qui male uiuunt, animos suos corpori addicant, uiuere tamen uolunt, quod non est nisi animi: magisque seipsum indicant qui regunt, quam illa quae reguntur. Regunt enim animi, reguntur corpora. Gaudet unusquisque uoluptate, & capit de corpore uoluptatem. Sed separa animum, nihil restat in corpore quod gaudeat, & si de corpore gaudet, animus gaudet. Si gaudet de domino sua, de se non debet gaudere. Et si habet animus unde delectetur extrinsecus, sine delictis manet intrinsecus. Omnino constat plus amare hominem animam suam quam corpus suum: sed & in alio homine plus amat homo animam quam corpus. Quid enim amatur in amico, ubi est amor syncerior & castior. Quid amatur in amico, animus an corpus. Si si des amatur, animus amatur: si beneuolentia amatur, beneuolentiae sedes animus est. Si hoc amas in altero, quia & ipse amat te, animum amas, quia non caro sed animus amat: ideo enim amas, quia te amat: quare unde te amet, & uides quid amas: plus ergo amatur & non uidetur. Aliquid etiam uolo dicere, ubi magis appareat dilectioni uestrae quantum ametur animus, & quemadmodum corpori praeponeatur. Illi ipsi lasciuia amatores, qui pulchritudine corporum delectantur, & forma membrorum accenduntur, tunc amant amplius quando amantur:



A amantur: nam si amet & sentiet quia odio habetur, magis irascitur q̄ diligit. Quare magis irascitur q̄ diligit? Quia non ei redditur quod impendit. Si ergo ipsi corporum amatores redamari se uolunt, & hoc magis eos delectat si ametur, quales sunt amatores animorum? Et si magni sunt amatores animorū, quales sunt amatores dei, qui pulchros animos facit? Sicut enim animus facit decus in corpore, sic deus in animo, non enim facit corpori unde ametur nisi animus, qui cū migrauerit, cadauer horrescis, & quātumcunq; pulchra illa membra dilexeris, sepelire festinas: decus ergo corporis animus, decus animi deus. Clamat ergo deus ut ueniamus & bibamus, si intus sitiamus: & dicit, quia cum biberimus, flumina aquae uiuæ fluent de uentre nostro. Venter interioris hominis, conscientia cordis est. Bibito ergo de isto liquore, reuiuiscit purgata consciētia, & hauriens fontem habebit: etiā ipsa fons erit. Quid est fons, & quid est fluuius, qui manat de uentre interioris hominis? Beneuolentia qua uult consulere proximo. Si enim putet quia quod bibit, soli ipsi debet sufficere, nō fluit aqua uiua de uentre eius: si autem proximo festinat consulere, ideo non siccatur, quia manat. Videbimus nūc quid sit quod bibunt, qui credunt in domino, quia utiq; Christiani sumus, & si credimus, bibimus, & unusquisq; in seipso debet agnoscere si bibit, & si uiuit ex eo quod bibit: non enim nos deserit fons, si non deseramus fontem. Exposuit euangelista, ut dixi, unde dominus clamasset, ad qualem potum inuitasset, & quid bibentibus propinasset, dicens, Hoc autem dicebat de spiritu quem accepturi erant credentes in eum: nondum enim erat spiritus datus, quia Iesus nondum erat glorificatus. Quem dicit spiritum, nisi sanctum spiritum? Nam unusquisq; homo habet in se proprium spiritum, de quo loquebar cū animum commendarem: animus enim cuiusq;, proprius est spiritus eius, de quo dicit Paulus apostolus, Quis enim scit hominum quæ sunt hominis, nisi spiritus qui in ipso est? Deinde ad 1. Cor. 2 iunxit, Sic & quæ dei sunt, nemo scit nisi spiritus dei. Nostra nemo scit nisi spiritus noster. Nō enim noui quid cogitas, aut tu quid cogito: ipsa enim sunt propria nostra, quæ interius cogitamus, & cogitationū uniuscuiusq; hominis ipsius spiritus testis est. Sic & quæ dei sunt, nemo scit nisi spiritus dei: nos cum spiritu nostro, deus cum suo: ita tamen ut deus cum suo spiritu sciat etiam quid agatur in nobis: nos autem sine eius spiritu scire nō possumus quid agatur in deo. Deus autem scit in nobis, & quod ipsi nescimus in nobis: nam infirmitatem suā Petrus nesciebat, quando à domino q̄ ter esset negaturus audiebat, & æger se nesciebat, medicus ægrū sciebat. Sunt ergo quædā quæ deus nouit in nobis, nesciētib; nobis: tamen quantum ad homines pertinet, nemo sic se nouit quomodo ipse homo. Alius nescit quid in illo agatur, sed spiritus eius nouit. Accepto autē spiritu dei, discimus & quid agitur in deo, non totū, quia nō accepimus totum. De pignore multa nouimus: pignus enim accepimus, & huius pignoris plenitudo postea dabitur. Interim in hac peregrinatione pignus nos consolatur, quia qui nos dignatus est oppignerare, multum paratus est dare. Si talis est arra, quid est cuius est arra? Sed quid est quod ait, Non erat spiritus datus, quia Iesus nondum erat glorificatus? In euidenti est intellectus, non enim non erat spiritus dei, qui erat apud deum: sed nondum erat in eis qui crediderant in Iesum, ita enim disposuit dominus Iesus, non eis dare spiritum istū de quo loquimur, nisi post resurrectionem suam, & hoc non sine causa. Et forte si quæramus, annuet ut inueniamus: & si pulsemus, aperiet ut intremus. Pietas pulsat, non manus: quāq; pulsat & manus, si ab operibus misericordiæ non cesserit manus. Quæ igitur causa est, cur dominus Iesus Christus statuerit non nisi cum esset glorificatus dare spiritum sanctum? Quod anteq̄ dicamus ut possumus, prius quarendum est ne quem forte moueat quomodo nōdum erat spiritus in hominibus sanctis, cum de ipso domino recens nato legatur in euangelio, q̄ eum in spiritu sancto agnouerit Symeon: agnouit etiam Anna uidua prophetissa: agnouit Ioannes ipse qui eum baptizauit: impletus spiritu sancto Zacharias multa dixit: spiritum sanctum ipsa Maria ut dominum conciperet, accepit. Multa enim indicia præcedētia de spiritu sancto habemus, anteq̄ dñs glorificaretur resurrectione carnis suæ. Nō enim alium spiritum etiā prophetae habuerunt, qui Christum

Ioan. 20

uenturum prænunciauerunt: sed modus quidam futurus erat dationis huius, qui omnino antea non apparuerat: de ipso hic dicitur, nusq̃ enim legimus antea congregatos homines accepto spiritu sancto, linguis omnium gentium locutos fuisse. Post resurrectionem autem suam, primum quando apparuit discipulis suis, dixit illis, Accipite spiritum sanctum: de hoc ergo dictum est, Non erat spiritus datus, quia Iesus nōdum erat glorificatus. Et insufflauit in faciem eorum, qui flatu primum hominem quem fecit uiuificauit, & de limo erexit, quo flatu animam membris dedit, significās eum se esse, qui insufflauit in faciē eorum ut à luto exurgerēt, & luteis operibus renūciarent. Tunc primum post resurrectionem suā dominus quam dicit euangelista glorificationem, dedit spiritum sanctum. Deinde commoratus cum eis quadraginta diebus, ut liber actuum apostolorum demonstrat, ipsis uidentibus & uidentibus deducantibus ascēdit in cœlum. Ibi peractis decem diebus, die pentecostes misit de super spiritum sanctum. Quo, sicut dixi, qui fuerāt in uno loco congregati accepto impleti, omnium gentium linguis locuti sunt. Quid ergo fratres, quia modo qui baptizatur in Christo, & credit in Christum, non loquitur omniū gentium linguis, non est credendus accepisse spiritum sanctum? Absit ut ista perfidia tentetur cor nostrum: certi sumus omnē hominem accipere, sed quantum uas fidei attulerit ad fontem, tantum implet. Cum ergo & modo accipiat, dixerit aliquis, Quare nemo loquitur linguis omnium gentium? Quia iam ipsa ecclesia linguis omnium gentium loquitur: antea in una gente erat ecclesia, ubi omnium linguis loquebantur. Loquendo linguis omniū significabat futurum, ut crescendo per gentes, loqueretur linguis omnium gentium: in hac ecclesia qui non est, nec modo accipit spiritum sanctum. Præcisus enim & diuisus ab unitate membrorum, quæ unitas linguis omnium loquitur, renunciet sibi, non habet, nam si habet, det signum quod tunc dabatur. Quid est, det signum quod tunc dabatur? Loquatur omnibus linguis: respondet mihi, Quid enim, tu loqueris omnibus linguis? Loquor planē, quia omnis lingua mea est, id est eius corporis, cuius membrum sum. Diffusa ecclesia per gētes loquitur omnibus linguis: ecclesia est corpus Christi, in hoc corpore membrum es: cū ergo membrum sis eius corporis quod loquitur omnibus linguis, crede te loqui omnibus linguis. Unitas enim membrorum charitate concordat, & ipsa unitas loquitur, quomodo tunc unus homo loquebatur. Accipimus ergo & nos spiritum sanctum si amamus ecclesiam, si unitate cōpaginamur, si catholico nomine & fide gaudeamus. Credamus fratres, quātum quisq̃ amat ecclesiam Christi, tātum habet spiritum sanctum: datus est enim spiritus, sicut Apostolus dicit, ad manifestationem. Quam manifestationem? Sicut ipse idem dicit, Quia aliq̃ datur per spiritum sermo sapientiæ, aliq̃ sermo scientiæ secundum eundem spiritum, aliq̃ fides in eodem spiritu, aliq̃ donatio curationum in uno spiritu, aliq̃ operatio uirtutum in eodem spiritu: multa enim dātur ad manifestationem, sed tu forsitan eorum omnium quæ dixi nihil habes. Si amas non nihil habes, si enim amas unitatem, etiā tibi habet quisquis in illa habet aliquid. Tolle inuidiam, & tuū est quod habeo: tollam inuidiā, & meū est quod habes: liuor separat, sanitas iungit. Oculi solus uidet in corpore, sed nunquid soli sibi oculi uidet? Et manū uidet, & pedē uidet, & cæteris membris uidet: non enim si aliquis ictus in pedem ueniat, auertit se oculi inde ut non præcaueat. Rursus sola manus operatur in corpore, sed nunquid sibi soli operatur? Et oculo operatur, nam si ictus aliquis ueniens non eat in manum, sed tantum in faciem, nunquid dicit manus, non moueo, quia nō tendit ad me? Sic pes ambulando omnibus membris militat: membra cætera tacent, & lingua omnibus loquitur. Habemus ergo spiritum sanctum, si amamus ecclesiam: amamus autem, si in eius compage & charitate consistimus: nam ipse Apostolus cū dixisset diuersa dona dari diuersis hominibus, tanq̃ officia quorumq̃ membrorum, Adhuc, inquit, supereminentiorem uiam uobis demonstrō: & cœpit loqui de charitate. Præposuit eam linguis hominum & angelorū, præposuit miraculis fidei, præposuit sciētiæ & prophetiæ, præposuit etiā illam magno operi misericordiæ, quo sua quæ possidet, distribuit quisq̃ pauperibus: & ad extremū, præposuit etiā corporis passionibus. His omnibus



A tam magnis rebus præposuit charitatē. Ipsam habeto, & cuncta habebis: quia sine illa nihil proderit quicquid habere potueris. Quia uero ad spiritum sanctū pertinet charitas de qua loquimur: quæstio enim modo in euangelio de spiritu sancto retractatur, audi Apostolum dicentem, Charitas dei diffusa est in cordibus nostris per spiritū qui datus est nobis. Quare *Rom. 5* ergo dñs spiritū, cuius maxima beneficia sunt in nobis, quia charitas dei per ipsum diffusa est in cordibus nostris, post resurrectionem suā dare uoluit? Quid significauit? Vt in resurrectione nostra charitas flagret, & ab amore seculi separetur, ut tota currat in deū. Hic enim nascimur & morimur, hoc non amemus: charitate migremus, charitate sursum habitemus, charitate illa qua diligimus deum. Nihil aliud in hac uita nostræ peregrinationis meditemur, nisi quia & hic nō semper erimus, & ibi nobis locū bene uiuēdo præparabimus, unde nunq̃ migremus. Dominus enim noster Iesus, posteaq̃ resurrexit, iam nō moritur, mors illi ultra, sicut Apostolus dicit, non dominabitur. Ecce quod amemus si uiuimus, si in ipsum credimus qui resurrexit, & dabit nobis nō quod hic amant homines qui deum nō amant, aut tanto plus amant, quanto illū minus amant: tanto autē hoc minus amant, quāto illum plus amant. Sed uideamus quid nobis promisit, non diuitias terrenas & temporales, nō honores & potestates in seculo isto: uidetis enim omnia hæc dari & hominibus malis, ne magnipendantur à bonis. Non ipsam postremo corporis sanitatem, nō quia ipse illā non dat, sed quia ut uidetis & pecoribus dat: non uitā longam, quid est enim longū quod aliquando finitur? Nō pro magno nobis credētibus promisit longæuitatem, aut decrepitā senectutē, quā omnes optāt anteq̃ ueniat, omnes de illa cū uenerit, murmurant. Nō pulchritudinem corporis, quā uel corporis morbus, uel ipsa senectus quæ optatur, exterminat. Vult esse pulcher, & uult esse senex, ista duo desideria sibīnuicem concordare non possunt. Si senex eris, pulcher nō eris: quando senectus uenerit, pulchritudo fugiet, & in uno habitare nō possunt uigor pulchritudinis, & gemitus senectutis. Omnia ergo ista non nobis promisit, qui dixit, *B* Qui credit in me, ueniat & bibat, & flumina de uentre eius fluēt aquæ uiuæ. Vitā æternam promisit, ubi nihil timeamus, ubi nō conturbemur, unde non migremus, ubi nō moriamur, ubi nec decessor plangitur, nec successor speretur. Quia ergo tale est quod nobis promisit amantibus, & per spiritum sancti charitatem feruentibus, ideo ipsum spiritum noluit dare, nisi cum esset glorificatus, ut in suo corpore ostenderet uitam, quam modo non habemus, sed in resurrectione speramus.

Ab eo loco, ubi ait, Ex illa ergo turba cū audissent hos sermones eius, usq̃ ad id quod ait, Nec ego te cōdēnabo, Vade & amplius noli peccare. Tract. XXXIII



**M**INIT charitas uestra sermone pristino ex occasione lectionis euangelicæ locutos nos esse uobis de spiritu sancto. Ad hunc potandum cū dominus inuitasset credētes in se, loquens inter eos qui illū tenere cogitabāt, & interficere cupiebāt, nec ualebant, quia ille nolebat. Cum ergo hæc locutus esset, nata est de illo in turba dissensio, alijs putātibus q̃ ipse esset Christus, alijs dicentibus quia de Galilæa non exurget Christus. Qui uero missi fuerant ut eū tenerent, redierunt immunes à crimine & pleni admiratione, nā & testimonium perhibuerūt diuinæ doctrinæ eius, cum dicerent à quibus missi fuerant: Quare non adduxistis eum? Responderunt enim nunq̃ se audisse hominē sic locutum.) Non enim quisq̃ sic loquitur homo, ille autē sic locutus est, quia deus erat & homo. Tamen pharisæi testimoniū eorū repellētes, dixerūt eis, Nunqd & uos seducti estis? Videmus enim delectatos uos esse sermonibus illius. Nunquid aliquis de principibus credidit in eū aut ex pharisæis? Sed turba hæc quæ nō nouit legē, maledicti sunt.) Qui nō nouerāt legem, ipsi credebant in eū qui miserat legē: & eum qui miserat legē cōtemnebant illi qui docebant legē, ut impleretur quod dixerat ipse dñs, Ego ueni ut non uidētes *Ioan. 9* uideant, & uidētes cæci fiant. Cæci enim facti sunt pharisæi doctores, illuminati sunt populi nesciētes legem, & in autōrē legis credētes. Nicodemus tñ unus ex pharisæis, qui ad dñm nocte uenerat.) Et ipse non quidē incredulus, sed timīdus, nā ideo nocte uenerat ad lucem, quia

quia illuminari uolebat, & sciri nolebat, respondit Iudæis, Nunquid lex nostra iudicat hominem, nisi audierit ab ipso prius & cognouerit quid faciat? Volebant enim illi peruerse ante esse damnatores quæ cognitores: sciebat enim Nicodemus, uel potius credebatur, quia si tantummodo eum uellent patienter audire, forte similes fierent illis qui missi sunt tenere, & maluerunt credere. Illi responderunt, ex præiudicio cordis sui, quod & illis: Nunquid & tu Galilæus es? id est, quasi à Galilæo seductus, dñs enim Galilæus dicebatur, quoniam de Nazareth ciuitate erant parētes eius. Secundū Mariam dixi parentes, nō secundū uirile semen: non enim quæsiuit in terra nisi matrem, qui iam habebat de super patrē, nam utraq; eius natiuitas mirabilis fuit: diuina sine matre, humana sine patre. Quid ergo illi quasi legis doctores ad Nicodemum dixerunt? Scrutare scripturas & uide, quia propheta à Galilæa non surgit. Sed dñs prophetarum inde surrexit. Reuersi sunt, inquit euangelista, unusquisque in domum suā. Inde Iesus perrexit in montē Oliueti. In montē autē Oliueti, in montē fructuosum, in montē unguenti, in montē chrismatis: ubi enim decebat docere Christū nisi in monte Oliueti? Christi enim nomen à chrismate dictum est. Chrisma autē græce, latine unctio nuncupatur. Ideo autem nos unxit, quia luctatores contra diabolum fecit. Et diluculo iterum uenit in templum, & omnis populus uenit ad eum, & sedens docebat eos. & nō tenebatur, quia nondū pati dignabatur. Nūc iam attēdite, ubi ab inimicis tentata sit domini mansuetudo. Adducunt autem illi scribæ & pharisæi mulierē in adulterio deprehensam, & statuerūt eā in medio, & dixerūt ei, Magister, hæc mulier modo deprehensa est in adulterio. In lege autē Moyses mādauit nobis huiusmodi lapidare. Tu ergo quid dicis? Hæc autem dicebant tentātes eum, ut possent accusare eum. Vnde accusare? Nunquid ipsum in aliquo facinore deprehenderāt, aut illa mulier ad eū aliquo modo pertinuisse dicebatur? Quid est ergo tentātes eum, ut possent accusare eū? Intelligamus fratres admirabilem mansuetudinem in dño fuisse. Animaduertunt eū nimium esse mitem, nimium esse mansuetum: de illo quippe fuerat ante prædictum, Accingere gladio tuo super femur tuum potentissime. Specie tua & pulchritudine tua, intēde prospere, procede & regna: Propter ueritatem & mansuetudinem & iustitiā. Ergo attulit ueritatem ut doctor, mansuetudinē ut liberator, iustitiā ut cognitor. Propter hæc eum esse regnaturū in spiritu sancto propheta prædixerat: cum loqueretur, ueritas agnoscebatur: cum aduersus inimicos non moueretur, mansuetudo laudabatur. Cum ergo de duobus istis, id est, de ueritate & mansuetudine eius inimici liuore & inuidia torquerentur: in tertio, id est iustitia, scandalū posuerunt. Quare? Quia lex iusserat adulteros lapidare. Et utiq; lex quod iniustū erat, iubere nō poterat. Si quis aliquid diceret quæ lex iusserat, iniustus deprehenderetur. Dixerant ergo apud semetipsos, Verax putatur, mansuetus uidetur, de iustitia illi quærenda calumnia est: offeramus ei mulierem in adulterio deprehensam, dicamus quid de illa in lege præceptum sit: si eam iusserit lapidare, mansuetudinem non habebit: si eam dimitti censuerit, iustitiam non tenebit. Ut autem mansuetudinem, inquiunt, non perdat, in qua iam populis amabilis factus est, sine dubio eam dimitti debere dicturus est, hinc nos inueniemus accusandi occasionem, & eum reum faciemus tanquam legis præuaricatorem, dicentes ei, Hostis es legis, contra Moysen respondes, imò contra eum qui per Moysen legem dedit: reus es mortis, cum illa & tu ipse lapidandus es. Posset his uerbis atq; his sententijs inflammari inuidia, feruere accusatio, flagitari damnatio. Sed cui hoc? Peruersitas rectitudini, falsitas ueritati, corruptum cordi recto, stultitia sapientiæ. Quando illi laqueos præpararent, in quos non prius ipsi caput inijcerent. Ecce dominus in respondendo, & iustitiam seruaturus est, & à mansuetudine non recessurus. Non est captus cui tendebatur, sed potius capti sunt qui tendebant, quia in eum qui eos posset de laqueis eruere non credebant. Quid ergo respondit dominus Iesus? Quid ergo respondit ueritas? Quid respondit sapientiā? Quid respondit ipsa cui calumnia parabatur iustitia? Non dixit, non lapidetur, ne contra legem dicere uideretur. Absit autem ut diceret, lapidetur: uenit enim non perdere quod inuenerat, sed quærere quod perierat. Quid



- A** Quid ergo respondit? Videte quàm plenum sit iustitia, plenum mansuetudine & ueritate. Qui sine peccato est uestrum, inquit, prior in illâ lapidem mittat.) O responsio sapientiæ, quomodo eos intromisit in semetipsos? Foris enim calumniabatur, seipfos intrinsecus non perscrutabantur: adulteram uidebant, se non perspiciebant: prauaricatores legis legē implere cupiebant, & hoc calumniando, non uere, tanq̃ adulteram à castitate damnando. Audistis Iudæi, audistis pharisæi, audistis doctores legis, legis custodem, sed nondum intellexistis legistatorem, quid uobis aliud significat, cum digito scribit in terra? Digito enim dei lex scripta est, sed propter duros in lapide scripta est. Nūc iam dominus in terra scribebat, quia fructum quærebat. Audistis ergo, Impleatur lex, lapidetur adultera: sed nūquid in illa punienda, lex implenda est à puniendis? Consideret se unusquisq; uestrum, intret in semetipsum, ascendat tribunal mentis suæ, constituat se ante conscientiam suam, cogat se confiteri. Scit enim quis scit, quia nemo scit hominū quæ sunt hominis, nisi spiritus hominis qui in ipso est. Unusquisq; in se intendens, peccatorem se inuenit. Ita planè. Ergo aut istam dimittite, aut simul cum illa pœnâ legis excipite. Si diceret, nō lapidetur adultera, iniustus conuinceretur: si diceret lapidetur, mansuetus nō uideretur. Dicat quod dicere debet, & māsuetus & iustus: Qui sine peccato est uestrum, prior in illam lapidem mittat, hæc uox iustitiæ est, puniatur peccatrix, sed non à peccatoribus: impleatur lex, sed non à prauaricatoribus legis. Hæc uox omnino iustitiæ est, qua iustitia illi tanq̃ trabali telo percussi, sese inspicientes & reos inuenientes. Unus post unum omnes recesserūt.) Relicti sunt duo, misera & misericordia. Dominus autē cū eos illo telo iustitiæ percussisset, nec dignatus est cadētes attēdere, sed auerso ab eis obtutu. Rursum digito scribebat in terra.) Relicta autē sola illa muliere, omnibusq; abeuntibus, leuauit oculos suos ad mulierē.) Audiuius uocē iustitiæ, audiamus & mansuetudinis. Plus enim credo territa erat illa cum audisset à dño dictum, Qui sine peccato est uestrum, prior in illam mittat lapidem. Illi ergo attendentes se, & abscessu ipso cōfessi de se, reliquerant mulierem cum grandi peccato, ei qui erat sine peccato. Et quia illa hoc audierat,
- B** Qui sine peccato est, prior in illâ lapidem mittat, ab illo se sperabat puniendam, in quo peccatum intueri non poterat. Ille autē qui aduersarios eius repulerat lingua iustitiæ, leuans in eam oculos mansuetudinis. Interrogauit eam, nemo te condemnauit? Respondit illa, Domine, nemo: & ille, Nec ego te condemnabo.) à quo te forte damnari timuisti, quia in me peccatū non inuenisti, nec ego te condemnabo. Quid est domine? Faues ergo peccatis? Non planè. Ita attende quod sequitur, Vade, deinceps iā noli peccare.) Ergo & dominus damnauit, sed peccatū, nō hominem: nam si peccatorum fautor esset, diceret, nec ego te condemnabo, uade & uiue ut uis, de mea liberatione esto secura, ego quātumcunq; peccaueris, te ab omni pœna etiā gehennæ & inferni terroribus liberabo. Non hoc dixit: intendant ergo qui amant in dño mansuetudinē, & timeāt ueritatem: etenim dulcis & rectus dominus. Ama q̃ dulcis est, time q̃ rectus est. Tanq̃ mansuetus dixit, tacui: sed tanq̃ iustus, nūquid semper tacebo? Misericors & miserator dominus. Ita planè, adhuc adde lōganimis, adhuc adde, & misericors: sed time quòd est in nouissimo & uerax: quòd enim modo sustinet peccantes, iudicaturus est cōtemnentes. An diuitias longanimitatis & mansuetudinis eius contemnis? Ignoras quia patientia dei ad pœnitētiā te adducit? Tu autē secundū duriciā cordis tui & cor impœnitens, thesaurizas tibi iram in die iræ & reuelationis iusti iudicij dei, qui reddet unicuiq; secundū opera sua. Mansuetus dñs, longanimis dñs, misericors dñs: sed & iustus dñs, & uerax dñs, largitur tibi spaciū correctionis, sed tu plus amas dilationem q̃ emendationem. Malus fuisti heri, hodie bonus esto: & hodiernū diem in malicia peregisti, uel cras mutare: semper expectas, & de misericordia dei tibi plurimū polliceris, quasi ille qui tibi per patientiam promisit indulgentiā, promiserit tibi etiā prolixiorē uitā. Vnde scis quid pariat crastinus dies? Recte dicis in corde tuo, qñ me correxero, deus mihi omnia peccata mea dimittet. Negare nō possumus, q̃ correctis atq; cōuersis indulgentiā deus promisit: nā in q̃ propheta mihi legis, quia p̃misit correcto indulgentiā: nō mihi legis, quia promisit tibi
- deus

deus longam uitam. Ex utroq; igitur homines periclitantur, & sperando & desperando: contrarijs rebus, contrarijs affectionibus. Sperando qui decipitur: Qui dicit, Bonus est deus, misericors est deus, facia quod mihi placet, quod libet, laxem habenas cupiditatibus meis, implea desideria animae meae. Quare hoc? Quia misericors est deus, bonus est deus, mansuetus deus, spe isti periclitantur. Desperatione autem, qui cum inciderint in grauius peccata, putantes sibi non posse iam ignosci poenitentibus, & statuentes se ad damnationem sine dubio destinatos, dicunt apud semetipsos, iam damnandi sumus, quare non quod uolumus facimus? Animo gladiatorum, ferro destinatorum, ideo molesti sunt desperati. Iam enim quod timeant non habent, & uehementer timedi sunt. Istos desperatio necat, spes illos. Inter spem & desperationem fluctuat animus. Metuendum est ne te occidat spes, & cum multum speras de misericordia, incidas in iudicium. Metuendum est rursus ne te occidat desperatio, & cum putas iam tibi non ignosci quae grauius commisisti, non agas poenitentiam, & incurras in iudicem sapientiam, quae dicit, Et ego uestrae perditioni superridebo. Quid ergo agit dominus minus cum periclitantibus utroq; morbo? Illis qui spe periclitantur, hoc dicit, Ne tardes conuertere ad dominum, neq; differas de die in diem: subito enim ueniet ira illius, & in tempore uindictae disperdet te. Illis qui desperatione periclitantur, quid dicit? In quacumq; die iniquus conuersus fuerit, omnes iniquitates eius obliuiscar. Propter illos ergo qui desperatione periclitantur, proposuit indulgentiae portum: propter illos qui spe periclitantur, & dilationibus illuduntur, fecit diem mortis incertum, quando ueniat ultimus dies, nescis. Ingratus es, quia hodiernum habes in quo corrigaris? Sic ergo dixit ad istam mulierem, Nec ego te condempnabo: sed facta secura de praeterito, caue futura, nec ego te condempnabo: deleui quod commisisti, obserua quod praeci, ut inuenias quod promisi.

Prouerb. 1

Ecc. 5

Ezech. 18

De eo quod dictum est: Ego sum lux mundi, qui sequitur me non ambulat in tenebris, sed habebit lumen uitae.

Tractatus XXXIII.



Q UOD modo audiuius & intente accepimus cum sanctum euangelium legitur, non dubito quod omnes etiam intelligere conati sumus, & quisque nostrum de re tam magna quae lecta est, pro suo modulo cepit quod potuit, & posito patre uerbi, nemo est qui se queratur nihil gustasse. Sed interim non dubito, quia difficile quisque est qui totum intellexerit: tamen etiam si est qui omnia uerba domini nostri Iesu Christi modo ex euangelio recitata satis intelligat, toleret ministerium nostrum, quousque si possumus illo adiuuante tractando faciamus, ut uel omnes, uel multi intelligant, quod se pauci intellexisse laetantur. Quod ait dominus, Ego sum lux mundi: clarum puto esse eis qui habent oculos, unde huius lucis participes fiant. Qui autem non habent oculos nisi in sola carne, mirantur quod dictum est a domino Iesu Christo, Ego sum lux mundi: & forte non desit qui dicat apud semetipsum, Nunquid forte dominus Christus est sol iste, qui ortu & occasu peragrat diem? Non enim defuerunt haeretici qui ista senserunt. Manichaei solem istum oculis carneis uisibilem, expositum & publicum, non tantum hominibus, sed etiam percoribus ad uidendum, Christum dominum esse putauerunt. Sed catholicae ecclesiae recta fides improbat tale commentum, & diabolicam doctrinam esse cognoscit. Non solum agnoscit credendo, sed in quibus potest conuincit etiam disputando. Improbemus itaque huiusmodi errorem, quem sancta ab initio anathematizauit ecclesia. Non arbitremur dominum Iesum Christum hunc esse solem quem uidemus oriri ab oriente, occidere in occidente: cuius cursui nox succedit, cuius radij nube umbrantur, qui certo de loco in locum motione commigrat. Non est hoc dominus Christus, non est dominus Christus sol factus, sed per quem sol factus est, Omnia enim per ipsum facta sunt, & sine ipso factum est nihil. Est ergo lux quae fecit hanc lucem, hanc amemus, hanc intelligere cupiamus, ipsam sitiamus, ut ad ipsam lucem aliquando ueniamus, & in illa ita uiuamus, ut nunquam omnino moriamur. Ista enim lux est, de qua propheta olim praemissa, ita in psalmo cecinit, Homines & iumenta saluabis domine, sicut multiplicata est misericordia tua deus. Psalmi sancti ista uerba sunt. Aduertite quid de tali luce antiquus

Ioan. 1

Psalm. 35



antiquus sanctorum hominum dei sermo pramiserit. Homines, inquit, & iumenta saluos facies domine, sicut multiplicata est misericordia tua deus. Quomodo enim deus es, & habes multiplicem misericordiam: peruenit eadem multiplicitas misericordiae tuae, non solum ad homines quos creasti ad imaginem tuam, sed etiam ad pecora quae hominibus subditi sunt: à quo enim salus hominis, ab illo salus & pecoris. Non erubescas hoc sentire de domino deo tuo, imò praesumas & fidas & caueas ne aliter sentias. Qui saluum facit te, ipse saluum facit equum tuum, ipse ouem tuam, ad minima omnino ueniamus, ipse gallinam tuam. Domini est salus, & ista deus saluat. Mouet te, interrogas, miror quid dubitas, dedignabitur saluare, qui dignatus est creare? Domini est salus, Angelorum, hominum, pecorum, domini est salus. Sicut nemo est à seipso, ita nemo saluus est à seipso. Proinde uerissime psalmus atque optime ait, Homines & iumenta saluos facies domine. Quare? Sicut multiplicata est misericordia tua deus: tu enim es deus, tu creasti, tu saluas, tu dedisti esse, tu das sanum esse. Si ergo sicut multiplicata est misericordia dei, ab illo homines & iumenta saluantur, nonne homines habent aliquid aliud quod eis deus praestet creator, quod iumentis non praestet? Nulla ne discretio est inter animal factum ad imaginem dei, & animal subditum imagini dei? Est planè. Praeter salutem istam communem nobiscum animantibus mutis, est quod nobis praestet deus, illis autem non praestet. Quid est hoc? Sequere in eodem psalmo. Filij autem hominum sub tegmine alarum tuarum sperabunt: habentes modo salutem communem cum pecoribus suis, filij hominum sub tegmine alarum tuarum sperabunt. Aliam habent salutem in re, aliam in spe. Salus ista quae in praesenti est, hominibus pecoribusque communis est: sed est alia quam sperant homines, & accipiunt qui sperant, non accipiunt qui desperant, Filij autem hominum sub tegmine, inquit, alarum tuarum sperabunt. Qui autem perseverant, sperant, à te proteguntur, ne de spe à diabolo deiciantur, sub tegmine alarum tuarum sperabunt: si ergo sperabunt, quid sperabunt nisi quod pecora non habebunt? Inebriabuntur ab ubertate domus tuae, & torrente uoluptatis tuae potabis eos. Quale uinum est, unde inebriari laudabile est? Quale uinum est, quod non turbat, sed dirigit mentem? Quale uinum est, quod facit perpetuo sanum, non inebriando facit insanum? Inebriabuntur, unde? Ab ubertate domus tuae, & torrente uoluptatis tuae potabis eos. Vnde? Quoniam apud te est fons uitae, ipse fons uitae ambulabat in terra: ipse dicebat, Qui sitit ueniat ad me. Ecce fons. Sed nos de lumine loqui coeperamus, & propositam ex euangelio quaestionem de lumine tractabamus: lecta est enim nobis dicente domino, Ego sum lux mundi. Inde quaestio, ne quis carnaliter sapiens solem istum intelligendum putaret: uenimus inde ad psalmum, quo considerato, inuenimus interim dominum fontem uitae, bibe & uiue. Apud te inquit, fons uitae, ideo sub umbraculo alarum tuarum sperabunt filij hominum, inebriari isto fonte quærentes. Sed de lumine dicebamus, sequere ergo: nam propheta cum dixisset, Apud te est fons uitae, secutus adiunxit, & in lumine tuo uidebimus lumen, deum de deo, lumen de lumine: per hoc lumen factum est solis lumen, & lumen quod fecit solè, sub quo fecit & nos, factum est sub sole propter nos. Factum est, inquam, propter nos sub sole lumen quod fecit solem. Noli contemnere nubem carnis: nube regitur, non ut obscuretur, sed ut temperetur. Loquens ergo per nubem carnis lumen indeficiens, lumen scientiae, lumen sapientiae: ait hominibus, Ego sum lux mundi. Qui sequitur me non ambulabit in tenebris, sed habebit lumen uitae. Quomodo te abstulit ab oculis carnis, & reuocauit ad oculos cordis? Non enim sufficit dicere, qui me sequitur, non ambulabit in tenebris, sed habebit lumen: addidit enim uitae: sicut ibi dictum est, quoniam apud te est fons uitae. Videte itaque fratres mei, quomodo uerba domini cum illius psalmi ueritate concordent, & ibi lumen positum est cum fonte uitae, & à domino dictum est lumen uitae. In illis autem uisibus corporalibus, aliud est lumen, aliud fons. Fontem fauces quærunt, lumen oculi: quando sitimus, quærimus fontem: quando in tenebris sumus, quærimus lumen: & si forte nocte sitiamus, lumen accendimus ut ad fontem ueniamus. Non est sic apud deum: quod lumen est, hoc est fons.

Qui tibi lucet ut uideas, ipse tibi manat ut bibas. Videtis ergo fratres mei, uidetis si intus uideatis, quale hoc lumen est, de quo dominus dicit, Qui me sequitur, non ambulabit in tenebris. Sequere istum solem, uideamus si non ambulabis in tenebris. Ecce oriendo exit à te, ille cursu suo ad occidentem pergit: tibi forte ad orientem profectio est, nisi tu in contrariam partem pergas, non qua ille tendit, sequendo eum profecto errabis, pro oriente occidentem tenebis: tu eum in terra si sequaris, errabis: nauta si eum in mari sequatur, errabit. Postremo uidetur tibi sequendum esse solem, & tendis etiam ipse ad occidentem, quò & ille tendit. Videamus cum occiderit, si non ambulabimus in tenebris. Vide quemadmodum & si nolueris eum deferere tu, ipse te deferet, seruitutis suæ necessitate peragens diem. Dominus autem noster Iesus Christus interim & cum per carnis nubem non omnibus apparerebat, per sapientiæ potestatem omnia tenebat. Deus tuus ubique totus est, si non ab illo facias casum, nunquam à te ipse facit occasum. Qui ergo me, inquit, sequitur, non ambulabit in tenebris, sed habebit lumen uitæ. Quod promisit, futuri temporis uerbo posuit: nò enim ait, habet, sed habebit lumen uitæ: non ait tamen, qui sequetur me, sed qui sequitur me. In eo quod facere debemus, præsens tempus posuit: quod autem promisit facientibus, futuri temporis uerbo significauit. Qui sequitur, habebit: modo sequitur, post habebit: modo sequitur per fidem, post habebit per speciem: quandiu enim sumus in corpore, ait Apostolus, peregrinamur à domino: per fidem enim ambulamus, nò per speciem: quando per speciem? Cum habuerimus lumen uitæ, cum ad illam uisionem uenerimus, quando nox ista transierit. De illo quippe die qui exorturus est, dictum est, Mane astabo tibi & contemplantor. Quid est mane? Transacta nocte seculi huius, transactis erroribus tentationum, superato illo leone qui nocte rugiens circumit, quem deuoret quærens. Mane astabo tibi & uidebo. Nunc uero quid putamus fratres huic tempori congruere, nisi quod rursus in psalmo dicitur? Lauabo per singulas noctes lectum meum, lachrymis meis stratum meum rigabo. Per singulas noctes, inquit, flebo, in desiderio lucis ardebo. Videt dominus desiderium meum. Quomodo dicit illi alter psalmus, Ante te omne desiderium meum, & gemitus meus à te non est absconditus. Desideras aurum, uideri potest: quærens enim aurum manifestus eris hominibus: desideras frumentum, interrogas qui habeat, & cupiens peruenire ad id quod desideras, indicas te. Desideras deum, quis uidet nisi deus? à quo enim petis deum sicut panem, sicut aquam, sicut aurum, sicut argentum, sicut frumentum? A quo petis deum nisi à deo? Ipse petitur à seipso, qui promittit seipsum. Extendat anima cupiditatem suam, & sinu capaciore quærat comprehendere, quod oculus non uidit, nec auris audiuit, nec in cor hominis ascendit. Desiderari potest, concupisci potest, suspirari potest: in illud potest digne cogitari, & uerbis explicari non potest. Ergo fratres mei, quod dominus breuiter ait, Ego sum lux mundi, qui me sequitur, non ambulabit in tenebris, sed habebit lumen uitæ. Quibus uerbis aliud est quod iussit, aliud quod promisit. Faciamus quod iussit, ne impudenti fronte consideremus quod promisit, ne dicat nobis in iudicio suo: fecisti enim quod iussi, ut petas quod promisi? Quid ergo iussisti domine deus noster? Dicit tibi, ut sequereris me. Consilium uitæ petisti, cuius uitæ, nisi de qua dictum est, Apud te est fons uitæ: audiuit quidam, Vade uende omnia quæ habes, & da pauperibus, & habebis thesaurum in coelo, & ueni sequere me: tristis abcessit, non est secutus. Quæsiuit magister bonum, interpellauit doctorem, & contempsit docentem: tristis abcessit, ligatus cupiditatibus suis: tristis abcessit, habens grandem sarcinam auaritiæ super humeros suos, laborabat, æstuabat, & qui ab illo sarcinam deponere uoluit, non est sequendus putatus, sed deferendus. Postea uero quàm dominus per euangelium clamauit, Venite ad me omnes qui laboratis & onerati estis, & ego uos reficiam: Tollite iugum meum super uos, & discite à me quia mitis sum & humilis corde: quàm multi fecerunt audito euangelio, quod ex ore ipsius audito diues ille non fecit. Ergo modo faciamus, sequamur dominum, soluamus compedes, quibus impedimur sequi. Et quis idoneus soluere tales nodos, nisi



nisi ille adiuuet cui dictū est, Dirupisti uincula mea: de quo alius psalmus dicit, Dominus <sup>psal. 115</sup>  
 soluit compeditos, dominus eligit elisos. Et quid sequuntur soluti & erecti, nisi lumen à quo <sup>psal. 145</sup>  
 audiunt, Ego sum lux mundi, qui me sequitur, non ambulabit in tenebris, quia dominus il-  
 luminat cecos. Illuminamur ergo modo fratres, habentes collyrium fidei. Præcessit enim  
 eius salua cum terra, unde inungeretur qui cecus est natus. Et nos de Adam cæci nati su-  
 mus, illo illuminante opus habemus, miscuit saluam in terra, Verbum caro factum est, &  
 habitauit in nobis: miscuit saluam cum terra, ideo prædictum est, Veritas de terra orta <sup>psal. 84</sup>  
 est: ipse autem dixit, Ego sum uia, ueritas & uita. Veritate perfruemur cum uiderimus fa- <sup>ioan. 14</sup>  
 cie ad faciem: quia & hoc promittitur nobis: nam quis auderet sperare, quod deus non  
 dignatus esset uel polliceri uel dare? Videbimus facie ad faciem: Apostolus dicit, Nunc <sup>1. Cor. 13</sup>  
 scio ex parte, nunc in ænigmate per speculum: tunc autem facie ad faciem. Et Ioannes a-  
 postolus in epistola sua, Dilectissimi, nunc filij dei sumus, & nondum apparuit quid eri- <sup>1. Ioan. 3</sup>  
 mus: scimus quia cum apparuerit, similes ei erimus, quoniam uidebimus eum sicuti est.  
 Hæc est magna promissio: si amas sequere, amo, inquis, sed quâ sequor? Si dixisset tibi  
 dominus deus tuus, Ego sum ueritas & uita, desiderans ueritatem, concupiscens uitam,  
 uiam qua ad hæc peruenire posses, profecto quæreres & diceres tibi, Magna res ueritas,  
 magna res uita, si esset quomodo illuc perueniret anima mea. Quæreres quâ? audi eum di-  
 centem primo, Ego sum uia: antequam diceret quò, præmisit quâ, Ego sum, inquit, uia.  
 quò uia? Et ueritas & uita. Primo dixit quâ uenias, postea dixit quò uenias. Ego sum  
 uia, ego sum ueritas, ego sum uita. Manens apud patrem, ueritas & uita, induens se carne,  
 factus est uia. Non tibi dicitur, labora quærendo uiam, ut peruenias ad ueritatem & ui-  
 tam, non hoc tibi dicitur, piger surge, uia ipsa ad te uenit, & te de somno dormientem ex-  
 citauit: si tamen excitauit, surge & ambula. Forte conaris ambulare, & non potes, quia  
 dolent pedes. Vnde dolent pedes? An iubente auaritia per aspera cucurrerunt? Sed dei uer-  
 bum sanauit & claudos. Ecce, inquis, sanos habeo pedes, sed ipsam uiam non uideo: illumi-  
 nauit & cecos: hoc totum per fidem, quandiu peregrinamur à domino manentes in cor-  
 pore. Cum autem perambulauerimus uiam, & ad ipsam patriam peruenerimus, quid erit  
 nobis lætius? quid erit nobis beatius? quia nihil pacatius, nihil enim aduersus hominem  
 rebellabit. Nunc uero fratres, difficile sine rixa sumus: ad concordiam quidem uocati su-  
 mus, iubemur pacem habere inter nos, ad hoc conandum est, omnibusq; nitendum uiri-  
 bus, ut aliquando perueniamus ad perfectissimam pacem. Modo autem litigamus plerun-  
 que cum eis, quibus consulere uolumus: ille errat, tu uis ducere ad uitam: resistit paganus,  
 disputas contra errores idolorum & dæmoniorum: resistit hæreticus, disputas contra alias  
 doctrinas dæmoniorum. Malus catholicus non uult bene uiuere: corripis etiam interio-  
 rem fratrem tuum, tecum manet in domo, & perditas uias quærit, æstuas quomodo illum  
 corrigas, ut de illo bonam rationem domino amborum reddas: quantæ undique rixarum  
 necessitates? Plerumque homo tædio affectus, dicit apud semetipsum, Quid mihi est pati  
 contradictores, pati eos qui reddunt mala pro bonis? Ego uolo consulere, illi uolunt peri-  
 re: consumo uitam meam litigando, pacem non habeo: inimicos insuper facio, quos ami-  
 cos habere deberem, si beneuolentiam consulentis attenderent. Quid mihi est ista perpeti?  
 Redeam ad me, mecum ero, deum meum inuocabo. Redi ad teipsum, ibi inuenies ri-  
 xam: si coepisti deum sequi, ibi inuenies rixam. Quam rixam, inquis, inuenio? Caro concupi-  
 scit aduersus spiritum, & spiritus aduersus carnem. Ecce tu ipse es, ecce tu solus es, ecce tecum <sup>Gal. 5</sup>  
 es, ecce alium nullum hominem pateris: sed uides aliam legem in membris tuis, repugnan-  
 tem legi mentis tuæ, & captiuantem te in lege peccati quæ est in membris tuis. Exclama er-  
 go, & à rixa interiore clama ad deum, ut tibi pacificet te: miser ego homo, quis me libera-  
 bit de corpore mortis huius? Gratia dei per Iesum Christum dominum nostrum, Quia  
 qui me, inquit, sequitur, non ambulabit in tenebris, sed habebit lumen uitæ. Finita tota ri-  
 xa, immortalitas consequetur, quia nouissima inimica destruetur mors. Et qualis pax erit?

Oportet corruptibile hoc induere incorruptionem, & mortale hoc induere immortalitatem. C. quod ut ueniamus, quia tunc erit in re, nunc sequamur in spe eum qui dixit, Ego sum lux mundi, qui me sequitur, non ambulabit in tenebris, sed habebit lumen uitae.

Ab eo quod dictum est, Dixerunt ergo Pharisei, Tu de teipso testimonium perhibes, testimonium tuum non est uerum, usque ad id quod dictum est, Verum est testimonium meum, quia scio unde ueni & quod uado.

Tractatus XXXV.

**D**E uerbis domini nostri Iesu Christi ubi ait, Ego sum lux mundi: qui me sequitur, non ambulabit in tenebris, sed habebit lumen uitae, hesterno die qui affuitis, diu disputatum esse meministis. Et si adhuc uelimus de illo lumine disputare, diu loqui possemus: nam non possumus explicare compendio. Itaque fratres mei, sequamur Christum lumen mundi, ne ambulemus in tenebris. Tenebrae metuentae sunt, morum, non oculorum: & si oculorum, non exteriorum, sed interiorum: unde discernitur non album & nigrum, sed iustum & iniustum. Cum haec ergo dixisset dominus noster Iesus Christus. Responderunt Iudaei, Tu de teipso testimonium dicis, testimonium tuum non est uerum. Antequam ueniret dominus noster Iesus Christus, multas ante se lucernas propheticas accendit & misit. De his etiam erat Ioannes Baptista, cui tam magnum ipsum lumen, quod est dominus Christus, perhibuit testimonium, quale nulli hominum: ait enim, In natis mulierum non surrexit maior Ioanne Baptista. Hic tamen quomodo erat maior in natis mulierum, dicit de domino Iesu Christo, Ego quidem baptizo uos in aqua, qui autem uenit fortior me est, cuius non sum dignus calciamentum soluere. Vide te quemadmodum se lucerna diei submittat: lucernam uero ipsum Ioannem fuisse dominus ipse testatur, Ille erat, inquit, lucerna ardens & lucens, & uos uoluistis ad horam exultare in lumine eius. Quando autem dixerunt Iudaei domino, Dic nobis in qua potestate ista facis? Sciens dominus quia Ioannem Baptistam pro magno habebant, & quod ipse quem pro magno habebant, eis de domino testimonium perhibuisset, respondit eis, Interrogabo & ego uos unum sermonem, dicite mihi, Baptismum Ioannis unde est, de caelo, an ex hominibus? Turbati illi intra semetipsos, cogitabant, quia si dicerent ab hominibus, lapidari possent a turba, quae Ioannem prophetam esse credebant: si dicerent, de caelo: responderet eis, Ille quem confitemini de caelo habuisse prophetiam, mihi testimonium perhibuit, & ab illo audistis in qua ego ista faciam potestate. Viderunt ergo, quodlibet horum respondissent, in laqueos se casuros, & dixerunt, Nescimus. Et dominus eis, Nec ego dico uobis, in qua potestate ista facio. Non uobis dico quod scio, quia non uultis fateri quod scitis: lustissime utique repulsi, confusi abscefferunt. Et impletum est quod in psalmo per prophetam dicit deus pater, Paraui lucernam Christo meo, id est, ipsum Ioannem, Inimicos eius in duam confusione, super ipsum autem effloreat sanctificatio mea. Habebat ergo dominus Iesus Christus testimonium prophetarum ante se praemissorum, praconum iudicem praecedentium. Habebat testimonium a Ioanne, sed ipse maius testimonium erat quod sibi perhibebat. Illi autem infirmis oculis lucernas quarebant, quia diem ferre non poterant: nam Ioannes idem ipse apostolus, cuius euangelium in manibus habemus, in ipsius euangelij sui capite ait de Ioanne, Erat homo missus a deo, cui nomen erat Ioannes. Hic uenit ut testimonium perhiberet de lumine, ut omnes crederent per eum: non erat ille lumen, sed ut testimonium perhiberet de lumine. Erat lumen uerum, quod illuminat omnem hominem uenientem in hunc mundum: si omnem, ergo & Ioannem: unde dicit & ipse Ioannes, Nos omnes de plenitudine eius accepimus. Discernite ergo ista, ut proficiat mens uestra in fide Christi, ne semper infantes sitis ubera quarentes, & a cibo solido resilientes. Debetis apud matrem sanctam ecclesiam Christi nutriri & ab lactari, & ad escas solidiores accedere mente, non uentre. Hoc ergo discernite, aliud esse lumen quod illuminatur, aliud quod illuminatur: nam



A nat: nam & oculi nostri lumina dicuntur, & unusquisque ita iurat, tangens oculos super lumina sua, sic uiuāt lumina mea. Visitata iuratio est. Quæ lumina si lumina sunt, desit lumen in cubiculo tuo clauso, pateant & luceant tibi: non utique possunt. Quomodo ergo in ista facie quæ habemus & lumina nuncupamus, & quando sana sunt & quando patent, indigent extrinsecus adiutorio luminis: quo ablato & non illato, sana sunt, aperta sunt, nec tamen uident: sic mens nostra quæ est oculus animæ, nisi ueritatis lumine radietur, & ab illo qui illuminat, nec illuminatur, mirabiliter illustretur, nec ad sapientiam nec ad iustitiam poterit peruenire: ipsa est enim uita nostra iuste uiuere. Quomodo autem non offendit in uia, cui non lucet lumen? Ac per hoc in tali uia uidere opus est, in tali uia uidere magnum est: nam Tobias in facie oculos clausos habebat, & filius patri manum dabat, pater filio uiam præcipiendo monstrabat. Responderunt ergo Iudæi, Tu de te testimonium dicis, testimonium tuum non est uerum. Videamus quid audiant: audiamus & nos, sed non sicut illi: illi contempnentes, nos credentes: illi occidere Christum uolentes, nos per Christum uiuere cupientes. Interim ista distantia distinguat aures mentesque nostras, & audiamus quid responderit dominus Iudæis. Respondit Iesus & dixit eis, Et si ego de me testimonium perhibeo, uerum est testimonium meum: quia scio unde ueni, & quò uado.) Lumen & alia demonstrat & seipsum. Accendis lucernam, uerbi gratia, ut quæras tunicam, & præstat tibi ardens lucerna ut inuenias tunicam: nunquid accendis lucernam ut uideas ardentem lucernam? Lucerna quippe ardens idonea est & alia quæ tenebris operiebantur nudare, & se ipsam tuis oculis demonstrare: sic & dominus Christus, & inter fideles suos, & inimicos Iudæos, tanquam inter lucem & tenebras distinguebat, tanquam inter illos quos radio fidei perfundeat, & illos quorum clausos oculos circumfundeat. Nam etiam sol iste & uidens faciem illustrat & cæci: ambo pariter stantes, & faciem ad solem habentes, illustrantur in carne, sed non ambo illuminantur in acie: uidet ille, sed non ille uidet. Ambobus sol præsens est, sed præsentem solem unus absens: sic & sapientia dei, uerbum dei, dominus Iesus Christus ubique præsens est, quia ubique est ueritas, ubique est sapientia. Intelligit quis in oriente iustitiam: intelligit alius in occidente iustitiam, nunquid alia est iustitia quam ille intelligit, alia quam iste? Separati sunt corpore, & in uno habent acies mentium suarum. Quam uideo iustitiam hic constitutus, si iustitia est: ipsam uidet iustus nescio, quot mansionibus à me carne seiunctus, & in illius iustitia luce coniunctus. Ergo testimonium sibi perhibet lux, aperit sanos oculos, & sibi ipsa testis est ut cognoscatur lux. Sed quid agimus de infidelibus? nunquid illis non est præsens? Est præsens & illis, sed quibus eam uideant, oculos non habent cordis. Audi de illis ex euangelio ipso prolatam sententiam, Et lux lucet in tenebris, & tenebræ eam non comprehenderunt. Ergo ait dominus & uerum ait, Et si ego de me testimonium perhibeo, uerum est testimonium meum, quia scio unde ueni, & quò uado. Patrem uolebat intelligi, patri gloriam dabat filius: æqualis glorificat eum à quo est missus, quantum debet homo glorificare eum à quo est creatus? Scio enim unde ueni, & quò uado. Iste qui in præsentia uobis loquitur, habet quod non deseruit, sed tamen uenit: non enim ueniendo inde discessit, aut redeundo nos reliquit. Quid miramini? deus est: non potest hoc fieri, sed ab homine, non potest hoc fieri ab ipso sole, quando pergit ad occidentem, deserit orientem, & donec oriturus redeat ad orientem, non est in oriente: dominus autem noster Iesus Christus & uenit & ibi est, & rediit & hic est. Audi ipsum euangelistam alio loco dicentem, & si potes cape: si non potes, crede. Deum, inquit, nemo uidit unquam, nisi unigenitus filius qui est in sinu patris, ipse enarrauit: non dixit, fuit in sinu patris, quasi ueniendo deseruerit sinum patris. Hic loquebatur, & ibi se esse dicebat: qui & hinc discessurus, quid dixit, Ecce ego uobiscum sum omnibus diebus usque ad consummationem seculi. Ergo uerum est testimonium luminis, siue se ostendat siue alia: quia sine lumine non potes uidere lumen, & sine lumine non potes uidere quodlibet aliud,

Matth. 28

bet aliud quod non est lumen. Si idoneum est lumen ad demonstranda ea quæ non sunt lumina, nunquid in se deficit: nunquid se non aperit, sine quo alia patere non possunt: Locutus est Propheta uerum, sed unde haberet nisi de fonte hauriret? Locutus est Ioannes uerum, sed unde locutus est, ipsum interroga, Nos, inquit, de plenitudine eius accepimus. Ergo idoneus est dominus noster Iesus Christus, qui sibi perhibebat testimonium. Sed plane fratres mei, in nocte huius seculi audiamus & prophetiam intente: modo enim ad fragilitatem nostram, nocturnasque cordis nostri intimas tenebras humilis uoluit uenire dominus noster. Homo uenit contemnendus & honorandus, uenit negandus & confitendus: contemnendus & negandus à Iudæis, honorandus & confitendus à nobis: iudicandus iniuste, iudicaturus iuste. Talis ergo uenit, ut oporteret ei lucernam testimonium perhibere: nunquid opus erat, ut Ioannes tanquam lucerna perhiberet testimonium dici, si dies ipse ab infirmitate nostra posset uideri? Sed non poteramus. Infirmus factus est infirmis, per infirmitatem sanauit infirmitatem: per mortalem carnem carnis abstulit mortem: de corpore suo collyrium fecit luminibus nostris. Quia ergo dominus uenit, & in nocte seculi adhuc sumus, oportet ut & prophetias audiamus: nam de prophetia conuincimus contradicentes paganos. Quid est Christus, dicit paganus? Cui respondemus, quem prænunderunt prophetae. Et ille, qui prophetae? Recitamus Esaïam, Danielelem, Hieremiam, alios sanctos prophetas, dicimus quàm longe ante illum uenerint, quanto tempore aduentum eius præcesserint: hoc ergo respondemus, Præuenerunt eum prophetae, prædixerunt eum esse uenturum. Respondet aliquis eorum, qui prophetae? Nos recitamus, qui nobis quotidie recitantur. Et ille, qui sunt hi prophetae? Nos respondemus, qui & prædixerunt ea, quæ fieri uideamus: & ille, Vos, inquit, uobis illa finxistis: uidistis ea fieri, & quasi uentura quæ prædicta sunt essent, in libris quibus uoluistis, conscripsistis. Hic contra inimicos paganos, occurrit nobis aliorum testimonium inimicorum. Proferimus codices à Iudæis, & respondemus, Nempe & uos & illi, fidei nostræ estis inimici, ideo sparsi sunt per gentes, ut alios ex alijs conuincamus inimicis. Codex Esaïæ proferatur à Iudæis, uideamus si non ibi lego, Sicut ouis ad immolandum ductus est, & sicut agnus coram tondente fuit sine uoce, sic non aperuit os suum, in humilitate iudicium eius sublatum est, liuore eius sanati sumus. Omnes ut oues errauimus, & ipse traditus est pro peccatis nostris. Ecce lucerna una. Alia proferatur, Psalms aperitur, etiam inde prædicta passio Christi recitetur, Foderunt manus meas & pedes meos, dinumerauerunt omnia ossa mea. Ipsi uero consyderauerunt me, diuiserunt sibi uestimenta mea, & super uestimentum meum miserunt sortem. Apud te laus mea, in ecclesia magna confitebor tibi. Commemorabuntur & conuertentur ad dominum uniuersi fines terræ. Et adorabunt in conspectu eius uniuersæ patriæ gentium: quia domini est regnum, & ipse dominabitur gentium. Erubescat unus inimicus, quia codicem ministrabat alius inimicus. Sed ecce de codicibus prolatis, ab uno inimico alterum uici, & ipse qui mihi codicem protulit, non relinquatur: ab illo proferatur, unde & ipse uincatur. Lego alium prophetam, & inuenio dominum loquentem ad Iudæos, Non est mihi uoluntas in uobis, dicit dominus, nec accipiam sacrificium de manibus uestris: quoniam ab ortu solis usque ad occasum, sacrificium mundum offertur nomini meo. Non uenis Iudæe ad sacrificium mundum? conuince te immundum. Ecce & lucernæ perhibent testimonium: diei propter infirmitatem nostram, quia diei claritatem tolerare & uidere non possumus: nam & nos ipsi Christiani in comparatione quidem infidelium lux iam sumus: unde dicit Apostolus, Fuiſtis enim aliquando tenebræ, nunc autem lux in domino, sicut filij lucis ambulante. Et alibi dixit, Nox præcessit, dies autem appropinquabit, abijciamus ergo opera tenebrarum, & induamur arma lucis, sic ut in die honeste ambulemus. Tamen quia in comparatione illius lucis ad quam uenturi sumus, adhuc nox est etiam dies in quo sumus. Audi Petrum apostolum, delatam dicit domino Christo uocem de magnifica potestate, Tu es filius

Esaie. 53

psal. 21

Malach. 1

Ephes. 5

Rom. 13



**A** es filius meus dilectus, in quo bene complacui: hanc uocem, inquit, nos de cœlo audiui-  
 delatam, cum essemus cum illo in monte sancto. Sed quia nos non ibi fuimus, & istam uo-  
 cem de cœlo tunc non audiuius, ait ad nos ipse Petrus, Et habemus certiore propheti-  
 cum sermonem: præuidens enim dominus Iesus Christus impios quosdam futuros, qui  
 miraculis eius calumniarentur, magicis artibus ea tribuendo, prophetas ante præmisit: nun-  
 quid em̃ si magus erat, & magicis artibus fecit ut coleretur, & mortuus magus erat anteq̃ na-  
 tus? Prophetas audi, o homo mortue, & uermescendo calumniose: prophetas audi, lege: au-  
 di quia ante dominum uenerunt. Habemus, inquit apostolus Petrus certiore propheti-  
 cum sermonem, cui benefacitis attendentes, sicut lucernæ in obscuro loco, donec dies illuce-  
 scat, & lucifer oriatur in cordibus uestris. Quando ergo dominus Iesus Christus uenerit,  
 & sicut dicit etiam apostolus Paulus, illuminauerit occulta tenebrarum, & manifestauerit  
 cogitationes cordis, ut laus sit unicuique à deo, tunc præsentē tali die lucernæ non erunt ne-  
 cessariæ. Non legetur nobis propheta, non aperiatur codex Apostoli, non requiratur testi-  
 monium Ioannis, nō ipso indigebimus euangelio: ergo omnes scripturæ tollētur de medio,  
 quæ nobis in huius seculi nocte tanquam lucernæ accendebantur, ne in tenebris remanere-  
 mus. Istis omnibus sublati, ne quasi nobis luceant indigentibus, & ipsis hominibus dei per  
 quos hæc ministrata sunt, nobiscum lumen illud uerum clarumq̃ uidentibus, remotis ergo  
 his adiumentis quid uidebimus? Vnde pascetur mens nostra? Vnde obtutus ille lætabi-  
 tur? Vnde erit illud gaudium, quod nec oculus uidit, nec auris audiuit, nec in cor hominis  
 ascendit? Quid uidebimus? Obsecro uos, amate mecum, currite credendo mecum, patriam  
 supernam desideremus, supernæ patriæ suspiremus, peregrinos nos esse hic sentiamus.  
 Quid tunc uidebimus, dicat nunc euangelium, In principio erat uerbum, & uerbum erat  
 apud deum, & deus erat uerbum. Vnde tibi ros inspersus est, ad fontem uenies, unde radi-  
 us per obliqua & per anfractuosa tibi ad cor tenebrosū missus est, nudus ipsam lucē uide-  
 bis, cui uidendæ ferendæq̃ mundaris. Dilectissimi, quod & hesternō commemorauī, Ioan-  
**B** nes ipse dicit, Filij dei sumus, & nondum apparuit quid erimus: scimus quia cum apparue-  
 rit, similes ei erimus, quoniam uidebimus eum sicuti est. Sentio uestros affectus attolli me-  
 cum in superna, sed corpus quod corrūpitur, aggrauat animam, & deprimit terrena inhabi-  
 tatio sensum multa cogitantem. Depositorus sum & ego codicem istum, discessuri estis &  
 uos quisque ad sua. Bene nobis fuit in luce communi, bene gauisi sumus, bene exultauimus;  
 sed cum ab inuicem recedimus, ab illo non recedamus.

1. Ioan. 3

Ab eo quod dictum est, Vos secundum carnem iudicatis, ego non  
 iudico quenquam, usq̃ ad id quod dictum est, Ego sum qui testimo-  
 nium perhibeo de meipso, & testimonium perhibet de me qui misit  
 me pater.

Tractatus XXXVI.



**I**n quatuor euangelij, uel potius quatuor libris unius euangelij sanctus Ioan-  
 nes apostolus, non immerito secundum intelligentiam spiritalē aquilæ com-  
 paratus, altius multoq̃ sublimius alijs tribus erexit prædicationem suam, & in  
 eius erectione etiam corda nostra erigi uoluit: nam cæteri tres euangelistæ tan-  
 quam cum homine domino in terra ambulabant, de diuinitate eius pauca dixerunt: istū au-  
 tem quasi piguerit in terra ambulare, sicut ipso exordio sui sermonis intonuit, erexit se, non  
 solum super terram, & super omnem ambitū aëris & cœli, sed super omnem etiā exercitum  
 angelorū, omnemq̃ constitutionem inuisibilium potestātū, & peruenit ad eū per quē facta  
 sunt omnia: dicendo, In principio erat uerbū, & uerbum erat apud deū, & deus erat uerbū,  
 Hoc erat in principio apud deum. Omnia per ipsum facta sunt, & sine ipso factum est ni-  
 hil. Huic tantæ sublimitati principij etiam cætera congrua prædicauit, & de domini diui-  
 nitate quomodo nullus alius est locutus, hoc ructabat quod biberat. Non enim sine cau-

sa de illo in isto euangelio narratur, quia & in conuiuio super pectus domini discumbibat. De illo ergo pectore in secreto bibebat: sed quod in secreto bibit, in manifesto eructauit, ut perueniat ad omnes gentes, nō solum incarnatio filij dei, passio, & resurrectio, sed etiam quod erat ante incarnationem, unicus patri, uerbum patris, coaeternus generanti, æqualis ei à quo missus est, sed in ipsa missione minor factus, quo maior esset pater. Quicquid ergo humiliter positum auditis de domino Iesu Christo, suscipite carnis dispensationem, cogitate qualis factus est propter nos, non qualis erat ut faceret nos: quicquid autem sublime & supra omnes creaturas excelsum atque diuinum, & patri æquale atque coaeternum de illo audieritis in euangelio poni uel legeritis, scitote uos hoc legere quod ad formam dei pertinet, non quod ad formam serui: quia si istam regulam tenueritis qui capere potestis, non autem omnes capere potestis, sed omnes credere debetis: si ergo hanc regulam tenueritis, aduersus calumnias tenebrarum hæreticarum, tanquam in lumine ambulantes securi pugnabit. Non enim defuerunt qui sola euangelica testimonia legendo sectarentur, quæ de humilitate Christi posita sunt, qui aduersus ea testimonia, quæ de diuinitate eius locuta sunt, surdi fuerunt: ideo surdi ut male uerbosi. Item quidam illa sola attendentes, quæ de domini sublimitate dicta sunt, etiam ipsi misericordiam eius qua homo factus est propter nos, & si legerunt non crediderunt, & ab hominibus inducta, atque falsa esse putauerunt, contententes deum tantummodo fuisse dominum nostrum Christum, non etiam hominem: alij sic, alij sic, utrique in errore. Catholica autem fides ex utroque uerum tenens quod tenet, & prædicans quod credit, & deum Christum intellexit, & hominem credidit: utrumque enim scriptum est, & utrunq; uerum est. Si deum tantum dixeris Christum, medicinam negas qua sanatus es: si hominem tantum dixeris Christum, potentiam negas qua creatus es. Vtrunq; igitur tene anima fidelis & cor catholicum: utrumque tene, utrumq; crede, utrumq; fideliter confitere: & deus Christus est, & homo Christus. Qualis deus Christus: æqualis patri, unus cum patre. Qualis homo Christus: De uirgine natus, trahens de homine mortalitatem, non trahens iniquitatem. Isti ergo Iudæi uidebant hominem, nec intelligebant, nec credebant deum, atque inter cetera audistis iam quemadmodum ei dixerunt, Tu de teipso testimonium dicis, testimonium tuum non est uerum, audistis etiam quid ille responderit, cum hesterno die lectum esset, & pro nostris uiribus disputatum. Hodie uerba eius hæc locuta sunt. Vos secundum carnem iudicatis. Ideo, inquit, mihi dicitis, Tu de te testimonium dicis, testimonium tuum non est uerum, quia secundum carnem iudicatis, quia deum non intelligitis, & hominem uidetis, & hominem persequendo deum latentem offenditis, ergo secundum carnem iudicatis. Ideo uobis arrogans uideor, quia ego testimonium perhibeo: omnis enim homo quando de se uult perhibere testimonium laudabile, arrogans & superbus uidetur: ideo scriptum est, Nō te laudet os tuum, sed laudet te os proximi tui: sed hoc homini dictum est: infirmi enim sumus, & apud infirmos loquimur, uerum dicere & mentiri possumus, & si uerum dicere debemus, & mentiri tamen possumus cum uolumus. Lux mentiri non potest, absit ut in lucis diuinæ splendore tenebræ mendacij reperiatur. Loquebatur ille tanquam lux, loquebatur tanquam ueritas, sed lux in tenebris lucebat, & tenebræ eam non comprehenderunt: ideo secundum carnem iudicabant. Vos, inquit, secundum carnem iudicatis. Ego non iudico quenquam. Nō ergo iudicat quenq; dominus Iesus Christus: Nōne ipse est quem confitemur resurrexisse tertia die, ascendisse in cælum, ibi sedere ad dexteram patris, inde esse uenturum ad iudicandos uiuos & mortuos? Nōne ipsa est fides nostra, de qua dicit Apostolus, Corde creditur ad iustitiam, ore autem confessio fit ad salutem? Ergo quando ista confitemur, contra dominum loquimur? Nos dicimus uenturum iudicem uiuorum & mortuorum: ipse autem dicit, Ego non iudico quenquam, id est modo, sicut dicit alio loco, Ego non ueni ut iudicem mundum, sed ut saluum faciam mundum, non iudicium suum negando, sed differendo. Aut certe quia

Prophet. 27

Roma. 16

Ioan. 3



A quia dixerat, Vos secundum carnem iudicatis, ita subiunxit, Ego non iudico quenquam, ut subaudias, secundum carnem. Nullus ergo nobis contra fidem quam tenemus & annunciamus de iudice Christo, scrupulus dubitationis in corde remaneat. Venit Christus, sed primo saluare, postea iudicare, eos iudicando in poenam qui saluari noluerunt, eos perducendo ad uitam, qui credendo salutem non respuerunt. Prima ergo dispensatio domini nostri Iesu Christi medicinalis est, non iudicialis: nam si primo uenisset iudicaturus, neminem inuenisset cui præmia iustitiæ redderet. Quia ergo uidit omnes peccatores, & omnino neminem esse immunē à morte peccati: prius erat eius misericordia præroganda, & post exercendum iudicium: quia de illo cantauerat psalmus, Misericordiam & iudicium cantabo tibi *psal. 100* domine. Non enim iudicium ait & misericordiam, nam si primo esset iudicium, nulla esset misericordia: sed primo misericordia, postea iudicium. Quæ est primo misericordia? Creator hominis, homo esse dignatus est, factus est quod fecerat, ne periret quod fecerat. Quid huic misericordiae addi potest? Et tamen addidit, Parum fuit ei hominē fieri, sed etiam ab hominibus reprobari: parum fuit reprobari, & exhonorari: parum erat exhonorari, & occidi: sed hoc parum est, morte crucis. Nam & cum eius obedientiam usque ad mortem factam commendaret Apostolus, parum illi fuit dicere, factus obediens usque ad mortem, non enim qualemcunque mortem, sed addidit: mortem autem crucis. Illa morte peius nihil fuit inter omnia genera mortium. Denique ubi dolores acerrimi exagitant, cruciatus uocatur, à cruce nominatus: pendentes enim in ligno crucifixi, clauis ad lignum pedibus manibusque confixi, producta morte necabantur: nō enim crucifigi hoc erat occidi, sed diu uiuebatur in cruce, non quia longior uita eligebatur, sed quia mors ipsa protendebatur, nec dolor citius finiretur. Mori uoluit pro nobis, parum dicimus, crucifigi dignatus est, usque ad mortem crucis obediens factus. Elegit extremum & pessimum genus mortis, qui omnem fuerat ablaturus mortem. De morte pessima occidit omnem mortem: pessima enim erat non intelligentibus Iudeis, nam à domino electa erat: ipsam enim crucem suam signum habiturus erat, ipsam crucem de diabolo superato tanquam trophæum in frontibus fidelium positurus, ut diceret Apostolus, Mihi autem absit gloriari nisi in cruce domini nostri Iesu Christi, per quem mihi mundus crucifixus est, & ego mundo. Nihil erat tunc in carne intolerabilius, nihil est nunc in fronte gloriosius. Quid seruat fidei suo, qui talem honorē dedit supplicio suo? Denique modo in poenis reorum non est apud Romanos, ubi enim domini crux honorata est, putatum est quod & reus honoraretur si crucifigeretur. Qui ergo ideo uenit, neminem iudicauit & mala passus est: pertulit iniustum iudicium, ut ageret iustum: sed in eo quod pertulit iniustum, misericordiae fuit. Denique ita humilis factus est ut perueniret ad crucem, distulit quidem potentiam, sed publicauit misericordiam. Vnde distulit potentiam? Quia de cruce noluit descendere, qui potuit de sepulchro resurgere. Vnde publicauit misericordiam? quia pendens in cruce dixit, Pater ignosce illis, quia nesciunt quid faciunt. Siue ergo propter hoc, quia non uenerat iudicare mundum, sed saluare mundum, dixit, Ego nō quenquam iudico: siue quemadmodum commemorauimus, quoniam dixerat, Vos secundum carnem iudicatis: addidit, Ego non iudico quenquam, ut intelligamus Christum non secundum carnem iudicare, sicut ab hominibus iudicatus est: nam ut agnoscatis iam & iudicem Christum, audite quod sequitur, Et si iudico ego, iudicium meum uerum est. Ecce habes & iudicem, sed agnosce saluatorem, ne sentias iudicem. Quare autem dixit iudicium suum uerum esse? Quia solus, inquit, non sum, sed ego & qui misit me pater. Dixi uobis fratres, quia Ioannes iste euangelista sanctus multum alte uolat: uix est eum mente comprehendere. Mysterium autem altius uolantis opus est ut commemorem charitati uestræ. Et apud Ezechielem prophetam, & in Apocalypsi ipsius Ioannis, cuius est hoc euangelium, commemoratur animal quadrupes, habens quatuor personas, hominis, uituli, leonis, aquilæ. Qui ante nos scripturarum sanctarum mysteria tractauerunt, plerique in hoc animali, uel potius in his animalibus quatuor

quatuor euangelistas intellexerunt. Leonem pro rege positum, quoniam uidetur leo rex esse quodammodo bestiarum, propter potentiam & terribilem fortitudinem. Hæc persona tributa est Matthæo, quia in generationibus domini regum seriem persecutus est, quemadmodum esset dominus per stirpem regiam de semine Dauid regis. Lucas autem quoniam cepit à sacerdotio Zachariæ sacerdotis, faciens mentionem patris Ioannis Baptistæ, uitulo deputatus est, quia magna uictima uitulus erat in sacrificijs sacerdotum. Marco homo Christus merito assignatus est, quia neque de regia potestate aliquid dixit, neque de sacerdotali cepit, sed tantum ab homine Christo exorsus est. Hi omnes propè de terrenis, id est de his quæ in terra gessit dominus noster Iesus Christus, non recesserunt: de diuinitate eius per pauca locuti sunt, tanquam in terra cum illo ambulantes. Restat aquila, ipse est Ioannes, sublimium prædicator, & lucis internæ atque æternæ fixis oculis contemplator: dicuntur enim & pulli aquilarum à parietibus sic probari, patris scilicet ungue suspendi, & radijs solis opponi, qui firme contemplatus fuerit, filius agnoscitur: si acie palpitaueit, tanquam adulterinus ab ungue dimittitur. Iam ergo uidete quàm sublimia loqui debuit, qui est aquilæ comparatus, & tamen etiam nos humi repentes, infirmi & uix ullius momenti inter homines, audemus tractare ista, & ista exponere, & putamus nos aut capere posse cum cogitamus, aut capi dum dicimus. Quare ista dixi? forte enim post hæc uerba quisquam mihi iuste dicat, Pone ergo codicem: quod excedit mensuram tuam, quid sumis in manum tuam? quid ei committis linguam tuam? ad hoc respondeo, Multi hæretici abundant, & ad hoc eos deus abundare permisit, ne semper lacte nutriamur, & in bruta infantia remaneamus. Quia enim non intellexerunt quomodo commendaretur diuinitas Christi, sapuerunt sicut uoluerunt. Non autem recte sapiendo, fidelibus catholicis quæstiones molestissimas intulerunt: ceperunt exagitare & fluctuare corda fidelium. Iam tunc necessitas facta est spiritualibus uiris, qui aliquid secundum diuinitatem domini nostri Iesu Christi, non solum legerant in euangelio, sed etiam intellexerant, ut contra arma diaboli Christi arma proferrent, & de Christi diuinitate aduersus falsos fallacesque doctores, quantum possent uiribus, apertissima conflictatione pugnarent, ne cum ipsi tacerent, alij perirent. Quicunque enim senserunt dominum nostrum Iesum Christum, aut diuersæ substantiæ esse quàm pater est, aut tantum esse Christum solum ut ipse sit pater, ipse sit filius, ipse sit spiritus sanctus: quicunque etiam sentire uoluerunt hominem fuisse solum, non deum factum hominem, aut ita deum ut in sua diuinitate mutabilem, aut ita deum ut non & hominem, à fide naufragauerunt, & de portu ecclesiæ proiecti sunt, ne inquietudine sua naues secum positas frangerent. Quæ res coëgit, ut etiam nos minimi, & quantum ad nos pertinet prorsus indigni, quantum autem ad illius misericordiam, in aliquo dispensatorum eius numero constituti, non uobis taceamus, quod aut intelligatis, mecumque gaudeatis, aut si intelligere nondum ualetis, credendo securi in portu maneatis. Dicam ergo, capiat qui potest, credat qui non potest. Tamen dicam quod ait dominus, Vos secundum carnem iudicatis, ego non iudico quenquam, aut modo, aut secundum carnem: sed etsi ego iudico, iudicium meum uerum est. Quare iudicium meum uerum est? Quia solus non sum, inquit, sed ego, & qui misit me pater. Quid ergo domine Iesu? Si solus esses, falsum esset iudicium tuum, & ideo uerum iudicas, quia solus non es, sed tu & qui te misit pater. Quid responsurus sum? ipse respondeat, Verum est, inquit, iudicium meum. Quare? quia solus non sum, sed ego & qui misit me pater mecum est. Si tecum est, quomodo te misit? Et te misit, & tecum est, itane & missus non recessisti, itane & ad nos uenisti, & ibi mansisti? Quomodo istud creditur? quomodo capitur? ad hæc duo respondeo, Quomodo capitur, recte dicis: quomodo creditur, non recte dicis. Imò ideo bene creditur, quia non cito capitur: nam si cito caperetur, non opus erat ut crederetur, quia uideretur: ideo credis, quia non capis, sed credendo sis idoneus ut capias. Nam si non credis, nunquam capies, quia minus idoneus remanebis. Fides ergo mundat te, ut intellectus impleat te. Verum est, inquit, iudicium meum, quia solus non sum, sed ego & qui mi-



A qui misit me pater. Ergo domine deus noster Iesu Christe, missio tua incarnatio tua est: sic uideo, sic intelligo: postremo sic credo, ne arrogantiae sit dicere, sic intelligo. Prorsus & hic est dominus noster Iesus Christus, imò hic erat secundum carnem, modo hic est secundum diuinitatem, & cum patre erat, & à patre non recesserat. Quòd ergo dicitur missus uenisse ad nos, incarnatio ipsius commendatur, quia pater non est incarnatus. Nam Sabelliani dicti sunt quidam haeretici, qui uocantur & Patripassiani, qui dicunt ipsum patrem passum fuisse, noli tu catholice: si enim fueris Patripassianus, non eris sanus. Ergo intellige missionem filij nominatam incarnationem filij: patrem autem incarnatum esse non credas, sed & à filio incarnato patrem recessisse non credas. Ille carnem portabat, ille autem cum filio erat. Si in cœlo pater, in terra filius: quomodo pater cum filio erat? quia & pater & filius ubi que erant: non enim in cœlo sic est deus, ut non sit in terra. Audi illum qui uolebat fugere iudicium dei, & non inueniebat quòd, Quò ibo, inquit, à spiritu tuo, & à facie tua quò fugiam? *psal. 138* si ascendero in cœlum, tu ibi es. De terra erat quaestio: audi quòd sequitur, si descendero ad infernum ades. Si ergo & in inferno dicitur quòd affit, quid rerum remanet ubi non sit? uox enim dei est apud prophetam, Cœlū & terram ego impleo. Vbiq; ergo est qui nullo clauditur loco: noli ab illo auerti, & tecum est. Si uis ad eum peruenire, noli piger esse amare: nō enim pedibus, sed affectibus curris, uno loco manens uenis, si credis & diligis: ergo ubique est. Si ubiq; est, quomodo cum filio non est? Itā ne cum filio nō est, qui si credis & tecū est? Vnde ergo uerum est iudicium eius, nisi quia uerus est filius? Hoc enim dixit, Et si iudico, uerū est iudiciū meū, quia solus non sum, sed ego & qui misit me pater: tanquā diceret, Verū est iudiciū meū, quia filius dei sum: unde probas quia filius dei es? quia solus nō sum, sed ego & qui misit me pater. Erubescere Sabelliane, audis filiū, audis patrē. Pater pater est, filius filius est: non dixit, Ego sum pater, & ego ipse sum filius: sed solus non sum, inquit. Quare solus nō es? quia mecū est pater. Ego sum, & qui me misit pater: audis, ego sum, & qui me misit. Ne perdas personam, distingue personas, distingue intelligentiam, noli separare perfidia, ne iterum quasi fugiens Charybdim, in Scyllam incurras: uorabat enim te gurgēs impietatis Sabellianorū, ut diceres ipsum esse patrē qui est filius, modo didicisti, solus nō sum, sed ego & qui misit me pater. Agnoscis quia pater pater est, & filius filius est. Bene agnoscis: sed noli dicere, pater maior est, filius minor est: noli dicere, pater aurum est, filius argentum est. Vna substantia est, una diuinitas, una coeternitas, perfecta aequalitas, dissimilitudo nulla. Nam si tantummodo alterum credideris esse Christum, non eum qui pater est, & in alio quo tamen distantem secundum naturam esse putaueris, à Charybdi quidē euasisti, sed in Scyllæis scopulis naufragasti. In medio nauiga, utrunq; periculosum latus euita. Pater pater est, filius filius est. Iam dicis pater pater est, filius filius est: bene periculum absorbentis gurgitis euasisti, quid uis ire in alteram partem, ut dicas, Aliud est pater, filius aliud? Aliud est recte dicis, aliud non recte: alius enim est filius, quia non est ipse qui pater, & alius pater quia non est ipse qui filius: non tamen aliud, sed hoc ipsum est & pater & filius. Quid est, hoc ipsum est? Vnus deus est. Audisti quia non sum solus, sed ego & qui misit me pater, audi quomodo credas patrem & filium, audi ipsum filium, Ego & pater unum sumus: non dixit, pater ego sum, aut ego & pater unum est: sed cum dicit, Ego & pater unū sumus, utrunque audi, & unum & sumus, & à Charybdi & à Scylla liberaberis. In duobus istis uerbis, quòd dixit, unum, liberat te ab Ario: quòd dixit, sumus, liberat te à Sabellio. Si unum, non ergo diuersum: si sumus, ergo & pater & filius: sumus enim non diceret de uno, sed unū non diceret de diuersis: ergo ideo uerum est, inquit, iudiciū meū, breuiter ut audias, quia filius dei sum: sed sic tibi persuadeo, inquit, quia filius dei sum, ut intelligas quia mecum est pater, non sic sum filius ut ipsum deseruerim, non ita hic sum ut cum ipso non sim, non ita ibi ille est, ut mecum non sit. Formam serui accepi, sed formam dei nō amisi. Solus ergo, inquit, non sum, sed ego & qui misit me pater. Dixerat de iudicio, de testimonio uult dicere. In lege, inquit, uestra scriptum est, quia duorum hominum testimonium uerum est, Ego sum

*Hiere. 25**Notanda. quod si aliud dicitur aliud autem aliud persona*

sum qui testimonium perhibeo de meipso, & testimoniū perhibet de me qui misit me pater.) Expofuit illis & legem si ingrati non essent. Magna enim quæstio est fratres mei, & ualde mihi uidetur in mysterio res esse constituta: ubi deus dixit, In ore duorum uel trium testimonium stabit omne uerbum. Veritas quæritur per duos testes: Ita planè, sic se habet humani generis consuetudo: sed tamen fieri potest ut & duo mentiantur. Susanna casta duobus falsis testibus urgebatur, nunquid quia duo erant, ideo falsi testes non erant? De duobus dicimus aut de tribus, uniuersus populus mentitus est contra Christum. Si ergo populus constans ex magna hominum multitudine, falsus testis inuentus est, quomodo accipiendū est, In ore duorum uel trium testimonium stabit omne uerbum, nisi quia hoc modo per mysterium trinitas commendata est, in qua est perpetua stabilitas ueritatis: Vis habere bonam causam? habeto duos uel tres testes, patrem & filium & spiritum sanctum. Denique quando Susanna casta scemina, fidelisq; cōiunx, duobus falsis testibus urgebatur, trinitas illi in conscientia atq; in occulto suffragabatur, illa trinitas de occulto unum testem Daniele exci-  
tauit, & duos conuincit. Ergo quia in lege uestra scriptum est, duorum hominum testimonium uerum esse, accipite nostrum testimonium, ne sentiat is iudicium. Ego enim, inquit, nō iudico quenquam, sed testimonium perhibeo de me: differo iudicium, nō differo testimonium. Eligamus nobis fratres contra linguas hominum, contra infirmas suspiciones generis humani deum iudicem, deum testem: non enim dedignatur testis esse qui iudex est, aut promouetur cum sit iudex, quoniam qui testis est ipse iudex erit. Quare ipse testis? quia nō quærit alium unde cognoscat qui sit. Quare ipse iudex? quia ipse habet potestatem mortificandi & uiuificandi, damnandi & absoluendi, in gehennam præcipitandi, & in cœlos leuandi, diabolo coniungendi & cum angelis coronandi. Cum ergo ipse habeat hanc potestatem, iudex est: quia uero ut te cognoscat non quærit alium testem, qui tunc iudicabit te, modo uidet te. Non est unde illum fallas, cum cœperit iudicare: non enim adhibes tibi aliquos falsos testes, qui iudicem illum possent circumuenire. Quando cœperit iudicare deus, hoc tibi dicet, Quando contemnebas, ego uidebam: & quando non credebas, sententiam meā non frustrabam: differebam, non auferebam: noluisti audire quod præcepi, senties quod prædixi: si autem audias quæ præcepi, nō mala senties quæ prædixi, sed bona percipies quæ promisi: ne aliquem sanè moueat quod ait, Verum est iudicium meum, quia solus nō sum, sed ego & qui misit me pater: cum alibi dixerit, Pater non iudicat quenquam, sed omne iudiciū dedit filio. Iam in eisdem uerbis euangelij disputauimus, & nunc admonemus nō hoc ideo dictum, quia pater non erit cum filio iudicante, sed quoniam bonis & malis in iudicio solus filius apparebit in ea forma in qua passus est, & resurrexit, & ascendit in cœlum: discipulis quippe tunc aspicientibus ascendentem uox angelica sonuit: Sic ueniet quemadmodum uidistis eum euntem in cœlum, id est in forma hominis, in qua iudicatus est iudicabit, ut etiā illud propheticum impleatur, Videbunt in quem pupugerunt. Cum uero euntibus iustis in uitam æternam, uidebimus eum sicuti est, non erit illud iudicium uiuorum & mortuorum, sed præmium tantummodo uiuorum. Item ne moueat quod ait, In lege uestra scriptū est, quia duorum hominum testimonium uerum est, & ideo quisquam existimet non fuisse illam legem dei, quia non dictum est in lege dei: sciat ita dictum esse in lege uestra, tanquā diceret, quæ uobis est data, à quo nisi à deo? Sicut dicimus, Panem nostrum quotidianum & tamen dicimus, Da nobis hodie.

Ab eo quod dictum est, Dicebant ergo, Vbi est pater tuus? usque ad id quod dictum est, Et nemo apprehendit eum, quia nondum uenerat hora eius.

Tractatus XXVII.



Quod in sancto euangelio breuiter dicitur, nō breuiter oportet exponi, ut quod auditur, intelligatur. Verba enim pauca domini, sed magna sunt: non numero æstimanda, sed pondere: nec ideo contemnenda quia pauca, sed ideo quærenda quia magna. Qui affuistis hesterno die audistis: ut potuimus disputauimus ex eo quod



**A** eo q̄ ait dñs: Vos secundum carnem iudicatis, ergo non iudico quēq̄. Sed & si iudico ego, iudicium meum uerum est, quia solus non sum, sed ego & qui misit pater. In lege uestra scriptum est, quia duorum hominum testimonium uerum est. Ego sum qui testimonium perhibeo de me, & testimoniū perhibet qui misit pater. Ex his uerbis hesterno, ut dixi, die reditus sermo auribus & mentibus uestris. Hæc cum dominus dixisset, illi qui audierant, uos secundum carnem iudicatis, manifestauerunt quod audierunt. Responderunt enim domino loquenti de deo patre suo & dixerunt: Vbi est pater tuus? Patrem Christi carnaliter acceperunt, quia uerba Christi secundum carnem iudicauerūt. Erat autem qui loquebatur in aperto caro, in occulto uerbum: homo manifestus, deus occultus. Videbant indumentū, & contemnebant indutum: contemnebant, quia nesciebant: nesciebant, quia non uidebāt: non uidebant, quia cæci erant: cæci erant, quia non credebant. Videamus ergo, & ad hæc dominus quid responderit. Vbi est, inquiūt, pater tuus, audiui mus te dicere: Solus nō sum, sed ego & qui me misit pater. Nos solum te uidemus, patrem tuū tecum non uidemus: quomodo te dicis solum non esse, sed cum patre tuo esse? Aut ostende nobis tecum esse patrē tuum. Et dominus: Nunquid me uidetis, ut patrem ostendam uobis? Hoc enim sequit̄, hoc suis uerbis ipse respondit, quorum uerborum expositionem nos ante præmisimus. Videte enim quid dixerit: Neq̄ me scitis, neq̄ patrē meū: si me sciretis, forsitan & patrē meū sciretis. Dicitis ergo, ubi est pater tuus, quasi iam me sciatis, quasi totum hoc sim quod uidetis. Ergo quia me non nostis, ideo uobis patrem meum non ostendo. Me quippe hominem putatis, ideo patrem meum hominem quæritis, quia secundum carnem iudicatis. Quia ergo secundū quod uidetis aliud sum, & aliud secundū quod non uidetis: patrē autem meū loquor occultus occultum, prius est ut me noueritis, tunc & patrem meum scietis: si enim me sciretis, & patrem meum forsitan sciretis. Ille qui omnia scit, quando dicit forsitan, nō dubitat sed increpat: attende enim quomodo increpatue dicatur ipsum forsitan, quod uidet̄ esse uerbum dubitationis. Sed dubitationis uerbum est quādo dicitur ab homine, ideo dubitante, quia nesciente: cum uero dicitur à deo uerbum dubitationis, cum deum nihil utiq̄ lateat, illa dubitatione arguitur infidelitas, non opinatur diuinitas. Homines enim de his rebus quas certas habent aliquādo increpatue dubitant, id est, uerbū dubitationis ponunt, cum corde non dubitent: uelut si indigneris seruo tuo & dicas, Contemnis me, considera, forsitan dominus tuus sum: hinc & Apostolus ad quosdam contēptores suos loquens ait: Puto autem q̄ & ego spiritum dei habeo. Qui dicit puto, dubitare uidetur: sed ille increpat, 1. Cor. 7 non dubitabat. Et ipse dominus Christus alio loco increpans infidelitatem futurā generis humani: Cum uenerit, inquit, filius hominis, putas inueniet fidem in terra? Iam quantū existimo, intellexistis quomodo sit positum, forsitan, ne quis uerborū appensor & syllabarū examiner ueluti latine loqui sciens, reprehendat uerbū quod dixit dei uerbū, & reprehendendo dei uerbū, nō eloquēs sed mutus remaneat. Quis em̄ loquit̄ sic quomodo loquit̄ uerbū quod erat in principio apud deū? Noli uerba ista considerare, & ex his uerbis assuetis illud uerbū metiri uelle quod deus est: audis enim uerbum & contemnis: audi deum & time: In principio erat uerbum. Tu reuocas ad usum sermocinationis tuæ, & dicis apud te: Quid est uerbum? Quid magnum est uerbum? Sonat & transit: uerberato aëre aurē percutit, postea non erit. Audi adhuc: uerbum erat apud deum: manebat, non sonando transibat. Adhuc forte contemnis: Deus erat uerbum. Apud te ipsum ô homo, cū est in corde tuo uerbum, aliud est quàm sonus: sed uerbum quod est apud te ut transeat ad me, sonū quasi uehiculum quærit, assumit enim sonum, imponit se quodammodo in uehiculum, transcurrit aërem, uenit ad me, non recedit à te: sonus autem ut ueniret ad me, recessit à te, nec persistit apud me, uerbum enim quod erat in corde tuo, nunquid sono prætereunte præterijt? Quod cogitabas dixisti: sed ut ad me perueniret quod apud te latebat, syllabas sonuisti, sonus syllabarum perduxit ad aurem meam cogitationem tuam: per aurē meam descendit in cor meum cogitatio tua, sonus mediū transuolauit: uerbum uero illud quod assum

pfit sonum, anteq̃ sonares, erat apud te: quia sonuisti, est apud me, & non recessit à te. Hoc  
 attende, quisquis es examinador sonorum: uerbum dei cōtemnis, quia uerbum hominis nō  
 cōprehendis. Scit ergo omnia per quē facta sunt omnia, & tamen dubitando increpat: si me  
 sciretis, forsitan & patrem meum sciretis. Increpat infideles, nam talem sententiam dixit disci-  
 pulis suis: sed ibi non est uerbum dubitationis, quia non fuit causa increpandæ infidelitatis:  
 nam quomodo dixit Iudæis: si me sciretis, forsitan & patrem meum sciretis: dixit & discipu-  
 lis suis, quando cum Philippus interrogauit, immo postulauit & ait: Dñe, ostende nobis pa-  
 trem, & sufficit nobis: quasi diceret & ipse, te iam nouimus, apparuisti nobis, uidemus te, di-  
 gnatus es eligere, nos secuti sumus te: mirabilia tua uidimus, uerba salutis audiuius, præ-  
 cepta suscepimus, promissa speramus, multum nobis conferre præsentia tua ipse dignatus  
 es: sed tamen cum te nouerimus, quia patrem nondum nouimus, inflāmur desiderio il-  
 lius uidendi quē nondum nouimus: ac per hoc quia te nouimus, sed nō nobis sufficit, donec  
 & patrem nouerimus, ostende nobis patrē & sufficit nobis. Et dñs ut sciret nō se nosse quod  
 se putabant iam nosse: tanto tempore uobiscum sum, & me nescitis? Philippe, qui me uidet,  
 uidet & patrē meū. Nunquid habet ista sententia uerbum dubitationis? Nūquid dixit, qui  
 me uidet, forsitan uidet & patrem? Quare? Quia fidelis audiebat, non fidei persecutor, ideo  
 non erat dñs increpator, sed doctor, Qui me uidet, uidet & patrem meum: & hic, si me scire-  
 tis, & patrem sciretis. Tollamus uerbum quo notata est infidelitas audientium, & ipsa sen-  
 tentia est. Iam hesterno die cōmendauimus charitati uestræ, & diximus sententias Ioannis  
 euangelistæ, quibus nobis narrat quod à domino didicit, nec discutiendas fuisse si fieri pos-  
 set, nisi hæreticorum cōmenta cōpellerent. Breuiter ergo hesterno die insinuauimus charita-  
 ti uestræ esse hæreticos qui uocantur patripassiani, uel à suo autore Sabelliani, hi dicunt  
 ipsum esse patrem qui est filius, nomina diuersa, unam uero esse personam: cum uult pater  
 est, inquit, cum uult filius, tamen unus est. Iterum sunt alij hæretici qui uocantur Ariani:  
 confitentur quidem unicum patris filium dominum nostrū Iesum Christum, illum patrem  
 filij, istum filium patris: cum qui pater est non esse filium: eum qui filius est, nō esse patrem:  
 confitentur generationem, sed negant æqualitatem. Nos, id est, catholica fides, ueniens de  
 doctrina apostolorum, plantata in nobis, per seriem successionis accepta, sana ad posteros  
 transmittenda, inter utrosq̃, id est, inter utrunq̃ errorem tenuit ueritatem. In errore Sabel-  
 lianorum unus est solus, ipse pater qui filius: in errore Arianorum, alius est quidem pater,  
 alius filius, sed ipse filius nō solum alius, sed etiam aliud est: tu in medio quid? Excluisisti Sa-  
 bellianum, exclude & Arianum: Pater pater est, filius filius est, alius, non aliud: Quia ego &  
 pater, inquit, unum sumus, sicut etiam hesterno die quantum potui cōmendaui. Cum au-  
 dit, sumus, abscedat confusus Sabellianus: cum audit, unum, abscedat cōfusus Arianus. Gu-  
 bernet catholicus inter utrūq̃ fidei suæ nauigium, quoniam iam cauendū est in utroq̃ nau-  
 fragium. Dic ergo tu quod dicit euāgelium: Ego & pater unum sumus: non ergo diuersum,  
 quia unum: non unus, quia sumus. Paulo ante dixit: Iudiciū meū uerum est, quia solus nō  
 sum, sed ego & qui misit me pater: tanq̃ diceret, ideo iudiciū meum est uerum, quia filius  
 dei sum, quia uerum loquor, quia ipse ueritas ego sum. Isti carnaliter intelligentes dixerunt:  
 Vbi est pater tuus? Modo audi Ariane, neq̃ me scitis, neq̃ patrem meum: quia si me scire-  
 tis, forsitan & patrem meum sciretis. Quid est, si me sciretis, & patrē meum sciretis, nisi ego &  
 pater unum sumus? Quādo uides aliquē alicui similem, intendat charitas uestra, quotidiana  
 locutio est, non sit uobis arduū, quod esse aduertitis usitatum: quādo ergo uides aliquē  
 alicui similem, & nosti tu cui similis sit, admirans dicis: quomodo iste homo similis est illi ho-  
 mini? Hoc non diceres, nisi duo essent. Hic ille qui eū ignorat, cui tu istum similem dicis: Itā  
 ne, inquit, similis est? Et tu ad eum: Quid enim? Tu illū non nosti? At ille: Non noui, inquit.  
 Iam tu ut illum quem nescit, ei notum facias, ex præsentē quē cernit, respondes & dicis: Hūc  
 uidisti, illum uidisti: non utiq̃ quia hoc dixisti, unum esse asseuerasti, & duos negasti, sed p-  
 pter similitudinem tale dedisti responsū: istum nosti & illum nosti, ualde enim similis est,  
 & nihil



**A** & nihil distat omnino. Hinc & dñs: Si me, inquit, sciretis, & patrem meum sciretis, non quia pater est filius, sed quia patri similis est filius. Erubescat Arianus. Gratias domino, quia & ipse Arianus recessit ab errore Sabelliano, & non est patripassianus, non dicit ipsum patrē indutum carne uenisse ad homines, ipsum esse passum, ipsum resurrexisse, & quodammo- do ad se ascendisse, hoc non dicit: agnoscit mecum patrem, patrem esse, & filium, filium esse: sed ô frater, euasisti illud naufragium, quare tendis in alterum? Si pater pater est, filius filius est, quare dicis dissimilem? quare diuersum? quare aliam substātiā? Si dissimilis esset, nun- quid diceret discipulis suis: Qui me uidet, uidet & patrem? Nunquid diceret Iudæis: si me sciretis, & patrem meum sciretis? Vnde hoc uerum esset, nisi & illud uerū: Ego & pater unū sumus? Hæc uerba locutus est in Gazophylacio, docēs in templo.) Magna fiducia sine ti- more: non enim pateretur quod nollet, qui nec nasceretur si nollet: deniq; quod sequitur:

Et nemo apprehendit eum, quia nondum uenerat hora eius.) Hoc item nonnulli cum au- diunt, sub falso fuisse dominum Christum credunt, & dicunt: Ecce Christus habebat fatum. O si cor tuum non esset fatuum, non crederes fatum: si fatum sicut nonnulli intellexerunt, à fando dictum est, id est, à loquendo, uerbum dei quomodo habet fatū, quādo in ipso uerbo omnia sunt quæ condita sunt? Non enim aliquid deus constituit, quod ante nesciuit: in uer- bo ipsius erat quod factū est. Mūdus factus est, & factus est & ibi erat: quomodo & factus est & ibi erat? Quia domus quam ædificat instructor, prius in arte erat: & ibi melius erat si- ne uetustate, sine ruina: tamen ut ostendat artem, fabricat domum, & processit quodammo- do domus ex domo, & si domus ruat, ars manet: ita apud dei uerbum erant omnia quæ condita sunt, quia omnia in sapientia fecit deus, & cuncta nota fecit: non enim quia fecit di- dicit, sed quia nouerat fecit. Nobis quia facta sunt, nota sunt: illi nisi nota essent, facta non essent. Præcessit ergo uerbum, & quid ante uerbum dei? Nihil omnino, nam si esset, aliquid ante, non dictum esset: In principio erat uerbum, sed in principio factum est uerbum. *De Gen. 1*

**B** nique de mundo quid ait Moyses: In principio fecit deus cælum & terram: fecit quod non erat, si ergo fecit quod non erat, ante quid erat? In principio erat uerbum. Et unde cœ- lum & terra? Omnia per ipsum facta sunt: tu ergo ponis Christum sub fato. Vbi sunt fata? In cœlo, inquis, in ordine & conuersionibus syderum: quomodo ergo fatum habet, per quē factum est cælum & sydera, cum tua uolūtas si recte sapias, transcendat & sydera? An quia nosti Christi carnem fuisse sub cœlo, ideo putas & potestatem Christi subditam cœlo? Au- di stulte, nondum uenerat hora eius: non quia cogere mori, sed quia dignaretur occidi: nouerat enim ipse quando deberet mori. Intendit omnia quæ prædicta sunt de illo, & ex- pectabat finiri omnia quæ prædicta sunt ante eius passionē futura, ut cum impleta essent, tunc ueniret passio dispositionis ordine, nō fatali necessitate. Deniq; audite ut probetis, in- ter cætera quæ de illo prophetata sunt, scriptum est etiam hoc: Dederunt in escam meam *psal. 68* fel, & in siti mea potauerunt me aceto. Quomodo facta sint, in euangelio nouimus, prius dederunt fel, accepit, gustauit & despuit: postea in cruce pendens, ut omnia prædicta com- plerentur, ait: Sitio, acceperunt spongiam aceto plenam, in arundine ligauerunt, & admo- uerunt pendenti, accepit ille & ait: Perfectum est: quid est, perfectū est? Impleta sunt omnia quæ ante passionem meam fuerant prophetata: ergo adhuc quid hic facio? Deniq; postea q̄p dixit, perfectum est, inclinato capite tradidit spiritum. Nunquid illi latrones iuxta confi- xi, quando uoluerunt, expirauerunt? Tenebātur uinculis carnis, quia nō erant creatores car- nis, clauis confixi diu cruciabantur, quia infirmitati non dominabantur. Dominus autem quando uoluit, carnem in utero uirginali accepit, quādo uoluit ad homines processit, q̄p diu uoluit inter homines uixit, quāmdiu uoluit à carne discessit, hoc est potestatis, non necessita- tis. Hanc ergo horam ille expectabat, non fatalem, sed opportunam & uolūtariam, ut prius omnia complerentur, quæ ante passionem ipsius compleri oportebat: nam quomodo sub fati necessitate positus erat, qui alio loco dixit: Potestatem habeo ponendi animam meam, & potestatem habeo iterum sumendi eam? Nemo tollet eam à me, sed ego ipse pono eam

à me, & iterum sumo eam. Ostendit hanc potestatem, quando cum Iudæi quærebant, quæ c  
 104n.18 quæritis, inquit? Et illi: Iesum: & ille: Ego sum, qua uoce audita, redierunt retro, & ceciderunt.  
 Matth.27 Dicit aliquis: si hæc in illo potestas erat, quare cum Iudæi insultarent pendenti & diceret: Si  
 filius est descendat de cruce, non descendit, ut eis suam potestatem descendendo monstra-  
 ret? Quia patientiam docebat, ideo potentiam differebat: si enim cōmotus ad eorum uer-  
 ba descenderet, uictus conuiciorum dolore putaretur. Prorsus non descendit, fixus perman-  
 sit, quando uoluit abscissurus: nam quid ei magnum fuit de cruce descendere, qui potuit de  
 sepulchro resurgere? Intelligamus ergo nos quibus hoc ministratum est, potentiam domi-  
 ni nostri Iesu Christi occultam, tunc manifestam futuram in iudicio: de quo dictū est: Deus  
 Psal.49 manifestus ueniet, deus noster & non silebit: quid est, manifestus ueniet? Quia uenit occul-  
 tus, ueniet manifestus deus noster, hoc est Christus, & non silebit: quid est, non silebit? Quia  
 primo siluit, ubi siluit? quando iudicatus est, ut etiam hoc impleretur, quod & propheta  
 Esai.53 prædixerat: Sicut ouis ad immolandum ductus est, & sicut agnus coram tondente se sine uo-  
 ce, sic non aperuit os suum. Si ergo pati nollet, non pateretur: si nō pateretur, sanguis ille nō  
 funderetur: si sanguis ille non funderetur, mundus non redimeretur. Agamus itaq; gratias  
 & potestati diuinitatis, & miserationi infirmitatis eius, & de occulta potentia quam Iudæi  
 non nouerant, unde illis modo dictum est, neq; me nostis, neq; patrem meum, & de carne  
 suscepta quā Iudæi nouerant, & eius patriam sciebant. Vnde illis alio loco dixit: Et me sci-  
 tis, & unde sim scitis, utrunq; nouerimus in Christo, & unde æqualis est patri, & unde illo  
 maior est pater. Illud uerbum est, illud caro, illud deus est, illud homo: sed unus Christus  
 deus & homo.

Ab eo quod dictum est: Dixit ergo eis Iesus: Ego uado & quæritis me, usq;  
 ad id quod dictum est: Dixit eis Iesus: Principium qui & loquor uobis:

Tractatus

XXXV III.



LECTIO sancti euāgelij quæ præcessit hodie: nam ita cōclusa erat, quia locutus  
 est docens in gazophylacio dñs quæ uoluit, & quæ audistis, & nemo apprehen-  
 dit eum, quia nondum uenerat hora eius. Hinc disputatum est dominico die,  
 quod ipse donare dignatus est. Intimauius charitati uestre quare dictum sit:  
 Nondum uenit hora eius, ne positum Christum sub aliqua necessitate fatali ulla impietas  
 auderet improbe suspicari: nondum enim uenerat hora qua ex ordine suo secundum ea quæ  
 prædicta sunt de illo, non mori cogeretur inuitus, sed occideretur paratus. Modo, autem de  
 ipsa passione sua, quæ posita erat, non in eius necessitate, sed potestate: Locutus est Iudæ-  
 is dicens, Ego uado.) Christo enim dño mors profectio fuit illò, unde uenerat & unde nō  
 discesserat. Ego, inquit, uado & quæritis me: non desiderio sed odio: nam illum posteaq;  
 abscessit ab oculis hominum inquisierunt, & qui oderant, & qui amabant. Illi persequendo,  
 Psal.141 illi habere cupiendo. In psalmis ait ipse dominus per prophetam: Periit fuga à me & non  
 Psal.39 est qui requireret animam meam: & iterum ait alio psalmo: Confundantur & reuereantur re-  
 quirantes animam meam: culpauit qui non requirerent, damnauit requirentes: bonum est  
 enim quærere animam Christi, sed quomodo eam quæsierunt discipuli: & malum est quæ-  
 rere animam Christi, sed quomodo eam Iudæi quæsierunt. Illi enim ut haberent, isti ut per-  
 derent: deniq; isti quia sic quærebāt more malo, corde peruerso, quid secutus adiūxit: Quæ-  
 ritis me, & ne putetis quia bene me quæritis: In peccato uestro moriemini.) Hoc est Chri-  
 stum male quærere, in peccato suo mori, hoc est, illum odisse per quem posset solum saluus  
 esse. Cum enim homines quorum spes in deo est, non debeant mala reddere nec p malis,  
 reddebant illi mala pro bonis. Prænunciauit ergo illis dominus, dixitq; sententiā præsciis,  
 quòd in suo peccato morerentur: deinde adiunxit: Quòd ego uado, uos non potestis ueni-  
 re.) Hoc & dominus discipulis suis alio loco dixit, nec tamen eis dixit, in peccato uestro mo-  
 riemini. Quid autem dixit? Quòd & istis: quòd ego uado, uos non potestis uenire: non ab-  
 stulit spem, sed prædixit dilationem: quando enim hoc discipulis dominus loquebatur, tūc  
 non



**A** non poterant uenire quò ille ibat, sed postea uenturi erant: isti autem nunc, quibus prae-  
 feius dixit: In peccato uestro moriemini. His auditis uerbis, quomodo solent carnea cogitan-  
 tes, & secundum carnem iudicantes, & totum carnaliter audientes atq; sapientes dixerunt:  
 Nunquid interficiet semetipsum quia dixit, quò ego uado uos non potestis uenire? Stul-  
 ta uerba & omnino insipientiae plena. Quid enim? Non poterant illò uenire quò ille perre-  
 xisset, si interficeret semetipsum: nunquid ipsi non erant morituri? Quid est ergo: nunquid  
 interficiet semetipsum, quia dixit, quò ego uado, uos non potestis uenire? Si de morte ho-  
 minis diceret, quis homo non moritur? Ergo quò ego uado dixit, non cū itur ad mortē, sed  
 quò ibat ipse post mortem. Illi itaq; non intelligentes, ista responderunt: & dominus ad eos  
 qui terrā sapiebant quid ait? Et dicebat eis: Vos deorsum estis: Ideo terram sapitis, quia  
 sicut serpentes terrā manducatis: quid est, terrā māducatis? Terrenis pascimini, terrenis dele-  
 ctamini, terrenis inhiatis, sursum corda nō habetis. Vos deorsum estis: Ego de supernis sum:  
 uos de mūdo hoc estis, ego nō sum de hoc mūdo. Quomodo enim erat de mūdo, per quē  
 factus est mundus? Omnes de mundo post mundum, quia prius mundus, & sic homo de  
 mundo. Prius autem Christus, deinde mūdos: quomodo ante mundū Christus, ante Chri-  
 stū nihil? Quia in principio erat uerbum, omnia per ipsum facta sunt: si ergo erat ille de su-  
 pernīs: de quibus supernis? de aëre? Absit, ibi & aues uolitant: de cœlo quod uidemus?  
 Et hoc absit, ibi & stellæ & sol & luna circueunt: de angelis: neq; hoc intelligatis: per illum  
 & angeli facti sunt, per quem omnia facta sunt: de quibus ergo supernis Christus? Ab ipso  
 patre, nihil illo deo superius, qui uerbum genuit æquale sibi, coeternum sibi, unigenitum, si-  
 ne tempore, per quem conderet tempora: sic ergo accipe Christum de supernis, ut excedas  
 cogitatione tua omne quod factum est, uniuersam omnino creaturam, omne corpus, omnē  
 cōditum spiritum, omnem rem quoquo modo mutabilem. Totum excede, sicut excessit Io-  
 annes, ut contingeret, in principio erat uerbum, & uerbum erat apud deum, & deus erat uer-  
**B** bum. Ego ergo, inquit, de supernis sum, uos de hoc mundo estis, ego non sum de hoc mun-  
 do. Dixi ergo uobis, quia moriemini in peccatis uestris. Exposuit nobis fratres quid in-  
 telligi uoluerit: uos de hoc mundo estis, quia peccatores erant, quia iniqui erant, quia infide-  
 les erant, quia terrena sapiebant: nam quid uobis uidetur de sanctis apostolis? Quātum in-  
 tererat inter Iudæos & apostolos? quantum inter tenebras & lucem, quantum inter fidē &  
 infidelitatem, quantum inter pietatem & impietatem, quantum inter spem & desperationem,  
 quantum inter charitatē & cupiditatē: multū ergo intererat. Quid ergo quia tātum intererat,  
 apostoli de mundo non erant? Si cogites quomodo nati sint, & unde uenerint, quia omnes  
 ex Adam uenerant, de hoc mūdo erant: sed quid eis ait ipse dominus? Ego uos de hoc mūdo Ioan. 15  
 do elegi. Qui ergo de mundo erant, facti sunt non de mundo, & pertinere cœperunt ad eū  
 per quem factus est mundus. Isti autem remanserunt esse de mundo, quibus dictū est: mo-  
 riemini in peccatis uestris. Nemo ergo dicat fratres, de hoc mundo non sum: quisquis es ho-  
 mo, de hoc mundo es: sed uenit ad te qui fecit mundum, & liberauit te de hoc mundo: si de-  
 lectat te mundus, semper uis esse immūdos: si autem iam non te delectat hic mundus, iam  
 tu es mundus: uerūtamen si per aliquam infirmitatem adhuc te delectat mūdos, habitet in  
 te qui mundat, & eris mundus: si autem fueris mundus, non remanebis in mundo, nec au-  
 dies quod audierunt Iudæi: moriemini in peccatis uestris. Omnes enim cum peccato nati  
 sumus, omnes uiuendo ad id quod nati eramus, addidimus, magisq; de mundo facti su-  
 mus, quā tunc quando de parentibus nostris nati sumus. Et ubi essemus, si ille non ueni-  
 ret, qui nō habebat omnino peccatū, ut solueret omne peccatum? In quem Iudæi quia non  
 credebant, merito audierunt, moriemini in peccatis uestris. Quia non habere peccatum nul-  
 lo modo potuistis, qui cum peccato nati estis: sed tamen si in me, inquit, credideritis, cū pec-  
 cato quidem nati estis, sed in peccato uestro morituri non estis. Tota ergo infelicitas Iudæo-  
 rum ipsa erat, non peccatum habere, sed in peccatis mori. Hoc est quod debet fugere omis  
 Christianus. Propter hoc ad baptismum curritur, propter hoc qui aegritudine uel aliunde

periclitantur, sibi desiderant subuenire, propter hoc etiam sugens paruulus à matre p̃is ma-  
nibus ad ecclesiam fertur, ne sine baptismo exeat, & in peccato quo natus est moriatur. Infe-  
licissima conditio, misera sors istorum, qui de ore ueridico audierunt, in peccatis uestris mo-  
riemini. Vnde tamen hoc eis contingat, exponit: Si enim non credideritis quia ego sum,  
moriemini in peccatis uestris. Credo fratres in illa multitudine quæ dominum audiebat,  
& eos fuisse qui credituri erant, quasi autem in omnes processerat seuerissima illa sententia,  
in peccato uestro moriemini, ac per hoc & illis qui credituri erant, spes erat ablata. Illi scie-  
bāt, illi timebant: immo nō timebant, sed etiā desperabant. Reuocauit eos in spem, adiunxit  
enim: si nō credideritis quia ego sum, moriemini in peccatis uestris. Ergo si credideritis quia  
ego sum, non moriemini in peccatis uestris. Reddita est spes desperantibus, excitatio facta  
est dormientibus cordibus: euigilauerunt inde plurimi, crediderunt, sicut euangelij ipsius cō-  
sequentia testatur. Erant enim illic membra Christi, quæ nondum adhæserant corpori Chri-  
sti: & in illo populo à quo crucifixus est, à quo in ligno suspensus est, à quo pendens irrisus  
est, à quo lancea uulneratus est, à quo felle & aceto potatus est, erant membra Christi pro  
quibus dixit: Pater, ignosce illis, quia nesciunt quid faciunt. Quid autem conuerso non igno-  
scitur, si fusus Christi sanguis agnoscitur? Quis homicida desperet, si in spem redditus est à  
quo etiam Christus occisus est? Crediderunt inde multi, donatus est eis sanguis Christi, ut  
magis eum biberent quo liberarentur, quàm rei de illo effuso tenerentur, quis desperet? Et  
si in cruce latro saluatus est ante paululum homicida, post paululum accusatus, conuictus,  
damnatus, suspensus, liberatus, noli mirari, ubi conuictus ibi damnatus, sed ibi liberatus ubi  
mutatus. In hoc ergo populo cui dñs loquebatur, erant qui in peccato suo fuerant morituri,  
erant etiam qui in ipsum qui loquebatur fuerant credituri, & ab omni peccato liberandi:  
tamen hoc attende quod ait dominus Christus: si non credideritis quia ego sum, moriemini  
in peccatis uestris: quid est, si non credideritis quia ego sum? Ego sum, quid? Nihil addi-  
dit, & quia nihil addidit, multum est quod cōmendauit: expectabatur enim ut diceret quid  
esset, nec tamen dixit: quid expectabatur ut diceret? Forte, nisi credideritis quia ego sum  
Christus, nisi credideritis quia ego sum dei filius, nisi credideritis quia ego sum uerbum pa-  
tris, nisi credideritis quia ego sum conditor mundi, nisi credideritis quia ego sum homi-  
nis formator & reformato, creator & recreator, factor & refactor, nisi hoc credideritis  
quia ego sum, moriemini in peccatis uestris: multum est quod ait ipse, ego sum: quia sic dixe-  
rat dominus Moyse: Ego sum qui sum. Quis digne eloquatur, quid sit, sum: Mittebat deus  
per angelum suum, seruū suū Moysen ad liberandum ex Ægypto populū suum. Legistis  
quod audistis & nostis, cōmemoro tamen, mittebat tremementem, excusantem, sed obediē-  
tem. Cum ergo excusaret ait deo, quem loqui in angelo intelligebat. si dixerit mihi populus,  
quis est deus qui misit te, quid dicam eis? Et dominus ad eum, Ego sum qui sum: & repeti-  
uit, Dices filiis Israël: q̃ est, misit me ad uos: nō ait & ibi, ego sum deus, aut ego sum mūdi fa-  
bricator, aut ego sum omnium rerum creator, aut ego sum ipsius populi liberandi propaga-  
tor, sed hoc tantum, ego sum qui sum, & dices filiis Israël, qui est: non addidit, qui est deus  
uester, qui est deus patrum uestrorum, sed tantum hoc dixit, qui est misit me ad uos. Forte  
multum erat & ad ipsum Moysen, sicut multum est & ad nos, & multo magis ad nos intelli-  
gere quid dictū sit, ego sum qui sum, & qui est, misit me ad uos. Et si forte caperet Moyses,  
illi ad quos mittebat quando caperent? Distulit ergo dominus quod capere homo nō pos-  
set, & ad didit quod capere posset: adiūxit enim & ait: Ego sum deus Abraā, & deus Isaac,  
& deus Iacob. Hoc potes capere: nam ego sum qui sum, quæ mens potest capere? Quid er-  
go nos? Audebimus ne aliquid dicere ex hoc quod dictū est, ego sum qui sum? Vel potius  
ex hoc quod dominum dicere audistis, nisi credideritis quia ego sum, moriemini in peccatis  
uestris? Itā ne his uerbis meis tantillis & penē nullis audebo disputare, quid sit quod ait do-  
minus Christus, nisi credideritis quia ego sum? Audebo ipsum dominum interrogare, audi-  
te me interrogantem potius quàm disputantem, magis quærentem quàm præsumentem,  
potius



**A** potius discitem q̄ docentem, & certe in me uel per me etiā uos interrogate. Præsto est etiā ipse dñs qui ubiq; est, audiat interrogandi affectum, & intelligendi præstet effectū: nam & ego quibus uerbis & forte aliqd capio, perducere possum quod capio ad corda uestra: quis nam sufficit sonus, quæ suppetit eloquentia, quæ uires intelligendi, quæ facultas proferēdi? Dicam ergo dño nostro Iesu Christo, dicā & audiet me: credo præsentem, omnino nō dubito: ipse enim dixit: Ecce ego uobiscum sum usq; ad consummationē seculi. O domine deus Matth. 28 noster, quid est quod aisti, nisi credideritis quia ego sum? Quid enim non est eorum quæ fecisti? nunquid cælū non est? nunquid terra non est? nunquid non sunt ea quæ in terra & in cælo sunt? nūquid homo ipse cui loqueris non est? nunquid angelus quē mittis non est? Si omnia sunt hæc quæ per te facta sunt, quid est quod tibi propriū quiddam tenuisti ipsum esse, quod alijs non dedisti, ut tu solus esses? Nam quomodo audio, ego sum qui sum, quasi alia nō sint? Et quomodo audio, nisi credideritis quia ego sum? Illi nō erant qui audiebāt? Et si peccatores erant, homines erant: quid ergo facio? quid sit ipsum esse, dicat cordi, intus dicat, intus loquatur, homo interior audiat, mens capiat uere esse, est enim semper eodē modo esse. Res enim quælibet (omnino quasi cœpi disputare, & destiti quærere, forte quod aui diui uolo loqui, auditui meo det exultationē & uestro cū loquor) res enim quælibet prorsus qualicunq; excellentia si mutabilis est, nō uere est: nō enim est ibi uerū esse, ubi est, non esse: quicquid enim mutari potest, mutatum non est quod erat: si non est quod erat, mors quædam ibi facta est: peremptum est aliquid ibi quod erat, & non est. Nigredo mortua est in capite albescentis senis, pulchritudo mortua est in corpore fessi & incurui senis, mortuæ sunt uires in corpore languentis, mortua est statio in corpore ambulantis, mortua est ambulatio in corpore stantis, mortua est ambulatio & statio in corpore iacentis, mortua est locutio in lingua tacentis. Quicquid mutatur & est quod nō erat, uideo ibi quandā uitam in eo quod est, & mortem in eo quod fuit: deniq; de mortuo cum dicitur, ubi est homo ille? respondet, fuit. O ueritas quæ uere es: nam in omnibus actionibus & motibus nostris, & in omni prorsus agitatione creaturæ duo tempora inuenio, præteritum & futurum: præsens quæro, nihil stat: quod dixi iam non est, quod dicturus sum, nondum est: quod uiui, iam non est, quod uicturus sum, nondū est. Præteritum & futurū inuenio in omni motu rerum: in ueritate quæ manet, præteritū & futurū nō inuenio, sed solū præsens, & hoc incorruptibiliter, qd' in creatura nō est. Discute rerū mutationes, inuenies fuit & erit: cogita deum, inuenies est, ubi fuit & erit, esse nō possit. Ut ergo & tu sis, transcende tēpus: sed quis transcendet uiribus suis? Leuet illuc ille qui patri dixit: Volo ut ubi ego sum, & ipsi sint mecū. Hoc itaq; promittens ne moriamur in peccatis nostris, nihil aliud dñs Iesus Christus mihi uidetur his uerbis dixisse, nisi si credideritis quia ego sum: prorsus nihil aliud mihi uidetur his uerbis dixisse q̄ hoc, nisi credideritis quia deus ego sum, moriemini in peccatis uestris. Bene, deo gratias, quia dixit, nisi credideritis, nō dixit, nisi ceperitis: quis em̄ hoc capiat? Aut uere quia ausus sum dicere, & uisi estis intelligere, aliquid de tanta ineffabilitate cepistis: si ergo non capis, fides te liberat: Ideo & dominus non ait, nisi ceperitis quia ego sum, sed quod poterant dixit: nisi credideritis quia ego sum, moriemini in peccatis uestris. Et illi semper terrena sapiētes & semper secundū carnē audientes & respōdentes: Quid ei dixerunt? Tu quis es? Nō enim cū dixi sti, nisi credideritis quia ego sum, addidisti qd' esses: quis es ut credamus? Et ille: principiū.) Ecce quod est esse principiū, mutari nō potest, principiū in se manet & innouat omnia: principiū est, cui dictū est: Tu aut idē ipse es, & anni tui nō deficient. Principium ait, Qui & loquor uobis.) Principiū me credite, ne moriamini in peccatis uestris, tanq̄ enim in eo quod dixerunt: tu quis es? Nihil aliud dixerunt, q̄ quid te esse credimus. Respondit, principiū, id est, principiū me credite. In Græco nāq; eloquio discernit, quod non potest in latino. Apud Græcos em̄ fœminini generis est principiū, sicut apud nos lex generis fœminini est, q̄ apud illos est masculini: sicut sapiētia & apud nos & apud illos generis fœminini est. Cōsuetudo locutiōis ideo p̄ diuersas linguas uariat genera uocabulorū, q̄ in ipsis rebus nō inuenis se-

xum. Non enim sapientia uere foemina est, cum Christus sit dei sapiētia, & Christus appelletur genere masculino, sapientia foeminino, cum ergo dicerēt Iudaei: Tu quis es? Ille qui sciebat esse ibi quosdā credituros, & inde dixisse, tu quis es? ut scirēt quid illum credere deberēt: respondit, principium: non tanq̃ diceret principium sum, sed tanq̃ diceret, principium me credite. Quod in sermone Græco, ut dixi, euidenter apparet, ubi foeminini generis est principium: uelut si uellet dicere se esse ueritatem, & dicentibus: tu quis es? responderit, ueritatem, cum uideretur ad id quod dictum est: tu quis es? respondere debuisse, ueritas, id est, ueritas sum: sed altius respondit, cum uideret eos ita dixisse, tu quis es? ac si dicerent: quoniam abs te audiuius, nisi credideritis quia ego sum, quid te esse credimus? Ad hoc respondit, principium: tanq̃ diceret, principium me credite. Et addidit, qui & loquor uobis, id est, quia humilis propter uos factus ad ista uerba descendi: nam si principium sicuti est, ita maneret apud patrem, & non acciperet formam serui, & homo loqueretur hominibus, quomodo ei crederent, cum infirma corda intelligibile uerbum sine uoce sensibili audire non possint? Ergo, inquit, credite me esse principium, quia ut credatis non solum sum, sed & loquor uobis: sed de hac re iam multū est loqui uobis: placeat itaq; charitati uestræ, ut quod restat, illo adiuuante seruemus crastino reddituri.

Ab eo quod dictum est: multa habeo de uobis loqui & iudicare, sed qui misit me uerax est, usq; ad id quod dictum est: Et nō cognouerunt quia patrem eius dicebat deum,

Tractatus

XXXIX



**V**ERBA domini nostri Iesu Christi quæ habuit cum Iudæis, ita moderans loquelam suam, ut cæci non uiderent, & fideles oculos aperirēt, quæ hodie de sancto euangelio recitata sunt, ista sunt: Dicebant ergo Iudæi: tu quis es? Quia dixerat supra dominus, nisi credideritis, quia ego sum, moriemini in peccatis uestris. Ad hoc ergo illi: Tu quis es? ueluti quærentes nosse in quem deberēt credere, ne in suo peccato morerētur. Respondit, dicentibus: tu quis es? Et ait: Principium qui & loquor uobis. Si se dixit dominus esse principium, quæri potest utrū & pater principium sit. Si enim filius principium est qui habet patrem, quanto facilius intelligendus est deus pater esse principium qui habet quidem filium cui pater sit, sed non habet de quo sit: filius enim patris est filius, & pater utiq; filij pater est: sed deus de deo filius dicitur, lumen de lumine filius dicitur. Pater dicitur lumen, sed non de lumine, pater dicitur deus, sed non de deo: si ergo deus de deo, lumen de lumine principium est, quanto facilius intelligitur principium, lumen de quo lumen, & deus de quo deus. Videtur itaq; absurdum charissimi, ut filium dicamus principium, & patrem principium non dicamus, sed quid agemus? Nunquid duo erunt principia? Cauendum est hoc dicere. Quid ergo? Et si pater principium, & filius principium, quomodo non duo principia? Quomodo dicimus patrē deū & filium deū, nec tamen dicimus duos deos: nefas est enī dicere duos deos, nefas est dicere tres deos, & tamen q̃ pater est nō est filius, qui filius est non est pater: spiritus autē sanctus patris & filij spiritus, nec pater est nec filius. Quamuis ergo, sicut aures catholicæ sunt eruditæ in gremio matris ecclesiæ, nec ille qui est pater sit filius, nec ille qui est filius sit pater, nec spūs sanctus patris & filij sit, uel filius uel pater, tres deos tamen esse non dicimus, quamuis de singulis si quærat, necesse est de quocunq; interrogati fuerimus, deum esse fateamur. Et absurda ista uidentur hominibus solita trahentibus ad insolita, uisibilia ad inuisibilia, creaturam comparantibus creatori. Interrogant enim nos aliquando infideles & dicunt: patrē quē dicitis, deū dicitis? respondemus deū: filiū quē dicitis, deum dicitis? respondemus deū: spiritū sanctū quē dicitis, deū dicitis? respondemus deū: Ergo, inquit, pater & filius & spūs sanctus tres sunt dii? respondemus, non. Turbantur, quia non illuminantur: cor clausum habēt, quia clauem fidei non habent. Nos ergo fratres fide præcedēte, quæ sanat oculos cordis nostri, quod intelligimus sine obscuritate capiamus, quod nō intelligimus, sine dubitatione credamus. A fūdāmēto si dei nō recedamus, ut ad culmē p̃fectiōis ueniamus: deus est pater, deus est filius, deus est spūs sanctus



**A** ritus sanctus: & tamen pater non est qui filius: nec filius est qui pater: nec spiritus sanctus pateris & filij spiritus, aut pater est aut filius. Trinitas unus deus, trinitas una æternitas, una potestas, una maiestas: tres personæ, sed non tres dñj. Nunc mihi calumniator respódeat: quid ergo tres? Si enim tres ait, oportet dicat, quid tres? Respondeo. Pater & filius & spiritus sanctus. Ecce, inquit, tres dixisti: sed qd tres exprime, immo tu numera? Nam ego cōpleo tres, cum dico pater & filius & spiritus sanctus. Id enim quod pater ad se est, deus est, quod ad filium est, pater est: quod filius ad seipsum, deus est, quod ad patrem est, filius est. Ista quæ dico potestis de similitudinibus agnoscere quotidianis. Homo & alter homo, si ille sit pater, ille filius, quod homo est, ad seipsum est, quod pater est, ad filium est: & filius q̄ homo est ad seipsum est, quod autem filius est, ad patrem est: pater enim nomen est dictum ad aliquid, & filius ad aliquid: sed isti duo homines sunt. At uero pater deus ad aliquid est pater, id est, ad filium: & filius deus ad aliquid est filius, id est, ad patrem: sed non quomodo illi duo homines sunt, sicuti duo dñj. Quare hoc non ita est ibi? Quia illud aliud, hoc autem aliud est: quia illa diuinitas est, hæc humanitas. Est ibi aliquid ineffabile, quod uerbis explicari non possit, ut & numerus sit, & numerus non sit: uidete enim si non quasi apparet numerus, pater & filius & spiritus sanctus trinitas: si tres, quid tres? Deficit numerus: ita deus nec recedit à numero, nec capitur numero: quia tres sunt, tanq̄ est numerus: si quæris qui tres? Non est numerus: unde dictum est: Magnus dominus deus noster & magna uirtus eius, & sapientia eius nō est numerus. Vbi cogitare cœperis, incipis numerare: ubi numeraueris, quid numeraueris non potes respondere. Pater, pater est: filius, filius est: spūs sanctus, spūs sanctus est. Quid sunt isti tres, pater & filius & spūs sanctus, non tres dñj? nō: Nō tres omnipotētes? non. Nō tres mūdi creatores? nō. Ergo om̄ipotens pater? omnipotens planē. Ergo & filius non omnipotens? & filius omnipotēs planē. Ergo spūs sanctus nō om̄ipotens? & ipse om̄ipotens: tres ergo omnipotētes? Non, sed unus omnipotēs. Hoc solū numerū insinuat quod adinuicē sunt, nō quod ad se sunt: quia enim deus pater ad se est deus simul cū filio & spū sancto, nō sunt tres dñj: quia ad se est omnipotens simul cū filio & spū sancto, non sunt tres om̄ipotentēs. Quia uero nō ad se est pater, sed ad filiū, nec filius ad se est, sed ad patrem, nec spiritus sanctus ad se, in eo q̄ dicit spūs patris & filij, non est: quid dicam tres, nisi patrem & filium & spiritum sanctū unū deum, unum omnipotentē: ergo unum principiū. Accipite aliquid de scripturis sanctis, unde hoc quod dicitur utiq̄ capiatis. Posteaq̄ dominus noster Iesus Christus resurrexit, & cum uoluit ascendit in cœlum, decem diebus illic impletis misit inde spiritum sanctum: quo impleri qui aderant in conclauī unā, omnium gētiū linguis cœperunt loqui, miraculo exterriti domini interfectores, compuncti doluerūt, dolentes mutati sunt, mutati crediderunt, acceperunt corpori domini, id est, numero fidelium tria milia hominum. Item alio facto quodam miraculo, acceperunt alia quinq̄ milia, facta est plebs una non pauca, in qua omnes accepto spū sancto quo amor spiritalis accensus est charitate ipsa & feruore spūs in unū redacti, cœperunt in ipsa societatis unitate uendere omnia quæ habebant, & precia ponere ad pedes apostolorum, ut distribueretur unicuiq̄, prout cuiq̄ opus erat: Et hoc de illis scriptura dicit, quod erat eis anima una & cor unum in deum. **Act. 4** Attendite ergo fratres, & hic agnoscite mysterium trinitatis, quomodo dicamus & pater est & filius est, & spiritus sanctus est: & tamen unus deus est. Ecce illi tot milia erant, & cor unum erant: ecce tot milia erant, & una anima erāt, sed ubi? In deo, & quanto magis ipse deus. Nūquid erro in uerbo quādo dico duos homines duas animas, aut tres homines tres animas, quid erro in uerbo quādo dico duos homines duas animas? Recte utiq̄ dico, accedant ad deum, & una anima est aut multos homines multas animas? Recte animæ per charitatē unā anima est, & multa corda unū omniū: si accedentes ad deū, multæ animæ per charitatē unā anima est, & multa corda unū cor: qd agit ipse fons charitatis in patre & filio? nōne ibi magis trinitas est unus deus? Inde eī nobis charitas uenit de ipso spū sancto, sicut dicit Aplūs: Charitas dei diffusa est in cordibus nostris p̄ spiritū sanctum q̄ datus est nobis: si ergo charitas dei diffusa est in cordibus nostris p̄ spm̄ sanctū q̄ datus est nobis, & multas animas facit una ania, & multa corda facit unum

unum cor, quanto magis pater & filius & spūs sanctus, deus unus, lumen unū, unūq; principium. Audiamus ergo principium quod loquitur nobis: Multa, inquit, habeo loqui de uobis & iudicare.) Meministis quod ait: Ego non iudico quēq; ecce modo dicit: Multa habeo de uobis loqui & iudicare: sed aliud est non iudico, aliud habeo iudicare: non iudico, dixit ad præsens: uenerat enim ut saluaret mundum, non ut iudicaret mundum. Quod autē dicit: Multa habeo de uobis loqui & iudicare, iudicium futurum dicit. Ideo enim ascendit, ut ueniat iudicare uiuos & mortuos: nemo iustius iudicabit, quā qui iniuste iudicatus est. Multa, inquit, habeo de uobis loqui & iudicare. Sed qui misit me uerax est.) Videte quemadmodum patri det gloriam æqualis filius. Exemplum enim nobis præbet, & tanq; in cordibus nostris loquitur, O homo fidelis, si euangelium meum audis, dicit tibi dominus deus tuus: ubi ego in principio uerbum deus apud deum, æqualis patri, coæternus gignenti, do gloriam ei cuius sum filius, quomodo tu superbus es aduersus eum cuius seruus es? Multa habeo, inquit, de uobis loqui & iudicare, sed qui me misit uerax est: tanquā diceret ideo uerum iudico, quia filius ueracis ueritas sum. Pater uerax, filius ueritas, quid putamus esse amplius? Cogitemus si possumus quid est amplius, uerax an ueritas? De quibusdam quæramus, pius homo an pietas? sed plus est ipsa pietas: pius enim à pietate, non pietas à pio: potest enim esse pietas, & si ille qui pius erat, factus est impius, ipse perdidit pietatem, pietati nihil abstulit. Quid item pulcher & pulchritudo? Plus est pulchritudo quā pulcher: pulchritudo enim facit pulchrum, non pulcher facit pulchritudinem. Castus & castitas? Castitas planè plus est quā castus: si enim castitas non esset, unde esset iste castus nō haberet: si autem noluerit esse castus, castitas integra perseuerat. Si ergo plus pietas quā pius, plus pulchritudo quā pulcher, plus castitas quā castus, nunquid dicturi sumus plus ueritas quā uerax? Si hoc dixerimus, filium incipiemus dicere patre maiore: ait enim apertissime ipse dominus: Ego sum uia & ueritas & uita. Ergo si filius ueritas, pater quid, nisi quod ait ipsa ueritas, qui me misit uerax est. Filius ueritas, pater uerax, quid plus sit quæro, sed æqualitatem inuenio: uerax enim pater non ab ea ueritate uerax est cuius partem cepit, sed quam totam genuit. Video planius esse dicendum, & certe ne uos diu teneam, hodie hucusq; tractetur, cum finiero quod uolo dicere, adiuuante deo sermo claudatur. Hoc ideo dixi, ut intentos uos facerem. Omnis anima quoniam res est mutabilis, & quamuis magna creatura, tamen creatura est, quāuis corpore melior, tamē facta: omnis ergo anima quoniam mutabilis est, hoc est, modo credit, modo nō credit, modo uult, modo non uult, modo adultera est, modo casta, modo bona, modo mala, mutabilis est. Deus autem hoc est quod est, ideo proprium nomen sibi tenuit: Ego sum qui sum, hoc & filius, dicendo: Nisi credideritis quia ego sum. Ad hoc pertinet: & tu quis es? Principium. Deus igitur incōmutabilis est, anima mutabilis: quādo capit anima ex deo unde sit bona, participando fit bona, quomodo tuus oculus participando uidet: nam lumine subtracto nō uidet, cuius particeps factus uidet, quia ergo anima participando fit bona, si mutata cœpit esse mala, bonitas manet cuius erat particeps bona: bonitatis enim cuiusdā particeps facta est cum bona esset, quā mutata in peius, integra bonitas permanet. Si recedat anima & mala fiat, non minuitur bonitas: si reuertat & bona fiat, non crescit bonitas. Factus est oculus tuus particeps lucis huius & uidet: clausus est, hanc lucē nō minuiisti: apertus est, hanc lucē nō auxisti. Hac data similitudine fratres intelligite, quia si pia est anima, est pietas apud deū, cuius fit particeps anima: si est casta anima, est castitas apud deum, cuius est particeps anima: si bona est anima, est bonitas apud deum cuius est particeps anima: si est uerax anima, est ueritas apud deū cuius est particeps anima: cuius particeps si nō fuerit anima, omnis homo mendax: si omnis homo mendax, nullus homo de suo est uerax. Pater autē uerax de suo est uerax, quia genuit ueritatem. Aliud est, uerax est homo iste qui iam percepit ueritatē: aliud est, uerax deus qui genuit ueritatē. Ecce quomodo uerax est deus, nō participando, sed generādo ueritatē. Video uos intellexisse & gaudeo: sufficiat uobis hodie, cætera quādo dñō placuerit, sicut donauerit, exponemus.



Ab eo loco ubi dictum est: Dixit ergo eis Iesus: Cum exaltaueritis filiū hominis, usq; ad id quod dictū est: Hæc illo loquente, multi crediderunt in eū: Tract. XL.



**D**E sancto euangelio secundū Ioannē quod gestare nos uidetis in manibus, iam multa audiuit charitas uestra, quæ deo donante sicut potuimus disputauimus, cōmendantes uobis maxime istum euangelistam de domini diuinitate, secundum quam æqualis est patri filius unicus dei, loqui elegisse, & propterea aquilæ comparatū: nulla quippe auis uolare altius perhibetur. Proinde quæ ex ordine subsequuntur, sicut ea dñs tractare donauerit, intentissime audite. Locuti sumus uobis de præcedenti lectione insinuantes, quomodo intelligat pater uerax, filius ueritas. Cum autem dixisset dñs Iesus, uerax est qui me misit. Nō intellexerūt Iudæi quòd de patre illis diceret. Et ait illis: quoniam cum legeretur audistis. Cum exaltaueritis filium hominis, tunc cognoscetis quia ego sum, & à meipso facio nihil, sed sicut docuit me pater, hæc loquor.) Quid est hoc? Nihil enim aliud uidetur dixisse, nisi eos post passionem suam cognituros quis esset. Proculdubio ergo uidebat ibi aliquos quos ipse nouerat, quos ipse cum cæteris sanctis suis ante constitutionem mundi præsciendo elegerat, post passionem suam esse credituros. Ipsi sunt illi quos assidue cōmendauimus, & ad imitationem cum magna exhortatione proponimus: misso enim desuper spiritu sancto post domini passionem, & resurrectionem, & ascensionem, cum miracula fierent in eius nomine, quem tanq̃ mortuum persequentes Iudæi contempserant, compuncti sunt corde: & qui sæuientes occiderunt, mutati crediderunt: & quem sanguinem sæuendo fuderunt, credendo biberunt illa tria milia, & illa quinq; milia Iudæorum, quos ibi uidebat quando dicebat: Cum exaltaueritis filium hominis, tunc cognoscetis quia ego sum: tanq̃ dicens: differo cognitionem uestram, ut impleam passionē meam. Ordine uerso cognoscetis qui sum, non quia omnes tunc erant credituri ex his audiebāt, id est, post passionem domini: nam paulopost dicit: Hæc eo loquente, multi crediderunt in eum: & nondum exaltatus erat filius hominis. Exaltationem quippe diem passionis, non glorificationis, crucis, non cœli, quia & ibi exaltatus est, quando pependit in ligno, sed illa exaltatio humiliatio fuit: Tunc enim factus est obediens usq; ad mortem, mortem autem crucis. Hoc oportebat impleri per eorum manus, qui postea fuerant credituri, quibus dixit: Cum exaltaueritis filium hominis, tunc cognoscetis quia ego sum. Quare hoc, nisi ut nemo desperaret in quocūq; scelere male sibi conscius, quando uidebat eis donari homicidium qui occiderant Christum? Hos ergo in illa turba agnoscens dominus dixit: Cum exaltaueritis filiū hominis, tunc cognoscetis quia ego sum. Iam nostis quid sit sum, nec assidue repetendū est, ne pariat res tanta fastidium. Recolite illud: Ego sum qui sum, & qui est misit me, & agnoscetis quid dictum sit, tunc scietis quia ego sum: sed & pater est, & spiritus sanctus est, ad ipsum esse p̃tinet tota trinitas. Sed quia dñs sicut filius loquebat̃, ne forte in eo quod dixit, tūc cognoscetis quia ego sum, subintraret error Sabellianorū, hoc est, patri passionorū, quæ uobis errorē cōmendauī nō tenendū, sed cauendū, eorū scilicet q̃ dixerūt: Ipse est pater, ipse est filius, duo sunt nomina, sed res una: propter istū ergo cauendū errorē cū dixisset dñs, tūc cognoscetis quia ego sum, ne ipse intelligeret pater, cōtinuo subiūxit: Et à meipso facio nihil, sed sicut docuit me pater, hæc loquor.) Iam gaudere cœperat Sabellianus, erroris sui occasionē cōperta: statim ut se tanq̃ in obscuro extulit, sequētis sentētiæ luce cōfusus est. Puta ueras eū esse patrem, quia dixit ego sum: audi quia filius est, à meipso facio nihil. Quid est, à meipso facio nihil? A meipso nō sum: filius em̃ de patre est deus: pater aut̃ non est de filio deus: filius est deus de deo, pater aut̃ deus, sed nō de deo: filius est lumen de lumine, pater aut̃ lumen, sed non de lumine: filius est, sed est de quo est: pater aut̃ est, sed non est, de quo est. Quod ergo addidit: sicut docuit me pater, hæc loquor, nemini uestrū obrepat cogitatio est. Carnalis fratres mei: nō em̃ potest hūana infirmitas cogitare nisi quod cōsueuit facere uel audivere. Nolite ergo uobis q̃si duos hoīes ante oculos ponere, unū patrē, alterū filiū, & loquēcē patrē ad filiū, sicut facis quādo uerba aliq̃ dicis filio tuo, monēs eū & instruens eū quomō loquatur

quatur, ut quaecumque audiuit à te cōmendat memoria: cum cōmendauerit memoria, profertur & lingua, distinguat personas, inferat auribus alienis quod percepit in suis. Nolite ita cogitare, ne in corde uestro idola fabricetis, & humanam formam, humanorum liniamēta membrorum, figuram carnis humanae, sensus istos conspicuos, staturam motusque corporis, linguae officium, distinctiones sonorum: Nolite in illa trinitate cogitare, nisi quod pertinet ad formam serui quam accepit unigenitus filius, cum uerbum caro factum est ut habitaret in nobis, ibi non te prohibeo humana infirmitas cogitare quod nosti, immo etiam compello. Si fides in te uera est, talem Christum cogita, sed ex Maria uirgine, non de deo patre. Talē cogita, infans fuit, creuit ut homo, ambulauit ut homo, esuriuit, sitiuit ut homo, dormiuit ut homo, passus postremo ut homo, suspensus in ligno, occisus, sepultus ut homo, in eadē forma resurrexit, in eadem forma ante oculos discipulorum ascendit in caelum, in eadem forma uenturus est ad iudicium, angelorum enim uox est in euāgelio expressa: Sic ueniet quomodo eum uidetis euntem in caelum. Quando ergo de forma serui cogitas in Christo, humanam effigiem cogita, si est in te fides: quando autem cogitas: In principio erat uerbum, & uerbum erat apud deum, & deus erat uerbum, pereat de corde tuo omnis humana figuratio, pellat de cogitationibus tuis quicquid sine corporeo terminatur, quicquid loci spacio continetur, uel quantalibet mole diffunditur, de corde tuo figmentū tale dispereat. Cogita, si potes, pulchritudinē sapientiae, occurrat tibi pulchritudo iusticiae: Forma est: Statura est: Color est: Nihil horum est, & tamen est: nam si non esset, non amaretur, nec merito laudaretur, nec amata, nec laudata corde moribusque teneretur. Nunc uero fiunt homines sapientes, unde fieret nisi esset sapientia? Porro autem o homo, si sapientiam tuam uidere carnis oculis nō potes, nec tali imaginatione cogitare qualia corporalia cogitantur, sapientiae dei audes ingerere humanam corporis formam? Quid ergo dicimus fratres? Quomodo locutus est pater filio? Quomodo filius ait, sicut docuit me pater, haec loquor? Locutus est illi, quando docuit pater filium uerba fecit, quomodo tu quando doces filium tuum uerba facis? Quomodo facis uerba uerbo? Quae uerba multa fierent unico uerbo? Verbum enim patris aurem habuit ad os patris: Carnalia sunt ista, pereant de cordibus uestris. Hoc enim dico, ecce si intellexistis quod ego dixi, ego certe locutus sum, & mea uerba sonuerunt, sonisque aures pepulerunt, & per sensus auditus uestri ad cor sententiam perduxerunt. Si intellexistis, facite aliquem audisse latinae linguae hominem: tantūmodo audisse, nec tamen intellexisse quod dixi: quantum ad strepitum emissum ex ore meo, sic eius ille particeps factus est qui nō intellexit, quomodo & uos. Cū sonum audiuit, eadem syllabae aures eius percusserunt, sed in corde ipsius nihil genuerunt. Quare? Quia non intellexit. Vos autem si intellexistis, unde intellexistis? Ego ad aurem sonui, nunquid ego in cor lumen accendi? Proculdubio si uerum est quod dixi, & hoc uerbum non solum audistis, uerūetiam intellexistis, duae res ibi factae sunt, discernite illas, auditus & intellectus. Auditus per me factus est, intellectus per quem? Ego ad aurem dixi ut audiretis, ad cor uestrū quis dixit ut intelligeretis? Sine dubio aliquis & ad cor uestrum aliquid dixit: ut non solum strepitus iste uerborum percuteret aurem uestram, sed etiam in cor uestrum aliquid descenderet ueritatis. Dixit aliquis & ad cor uestrum, sed non eum uidetis: si intellexistis fratres, dictū est & cordi uestro: Munus dei est intelligentia. Quis hoc dixit in corde uestro si intellexistis? Cui dicit psalmus: Da mihi intellectum ut discam mandata tua. Verbi gratia, episcopus locutus est. Quid locutus est aliquis ait? Respondes quid locutus sit, addis, uerum dixit. Tunc alius qui non intellexit, quid dixit, inquit? Aut quid est quod laudas? Ambo me audierunt, ambobus ego dixi, sed uni ipsorum deus dixit. Si parua magnis comparare conceditur, quomodo nos ad eum quid sumus? Tamen nescio quid incorporaliter & spiritualiter facit in nobis deus, quod nec sonus est qui aurem percutiat, nec color qui oculis discernatur, nec odor est qui naribus capiatur, nec sapor qui faucibus iudicetur, nec durū, nec molle quod tangendo sentiatur, tamē aliquid est quod sentire facile est, explicare impossibile est. Si ergo deus, ut dicere coeperā, loquitur in cordibus nostris sine sono, quomodo



**A** quomodo loquitur filio suo? Sic ergo fratres, sic cogitate quantum potestis, ut dixi, licet parua magnis modo aliquo comparare, sic cogitate, Incorporaliter pater locutus est filio, quia incorporaliter pater genuit filium, nec eum sic docuit quasi indoctum genuerit, sed hoc est eum docuisse, quod est scientem genuisse, & hoc est docuit me pater, quod est scientem me genuit pater. Si enim quod pauci intelligunt, simplex est natura ueritatis, hoc est filio esse quod nosse. Ab illo ergo habet ut nouerit, a quo habet ut sit, non ut prius ab illo esset, & ab illo postea nosset, sed quemadmodum illi gignendo dedit ut esset, sic gignendo dedit ut nosset, quia simplici, ut dictum est, naturae ueritatis esse & nosse non est aliud atque aliud, sed hoc ipsum. Dixit ergo ista Iudaeis, & addidit, Et qui me misit mecum est: iam hoc & ante dixerat, sed rem magnam assidue commemorat, misit me & mecum est. Si ergo tecum est o domine, non unus ab alio missus est, sed ambo uenistis: & tamen cum ambo simul sint, unus missus est, alter misit. Quomodo missio incarnatio est, & ipsa incarnatio filii tantum est, & non patris: misit itaque pater filium, sed non recessit a filio, non enim quod misit filium, non ibi erat pater: ubi enim non est qui fecit omnia, ubi non est & qui dixit, Coelum & terram ego impleo? Sed forte pater ubique est, & filius non ubique est: *Hierc. 2*  
Euangelista audi, In hoc mundo erat, & mundus per eum factus est: ergo, inquit, qui misit me, *Ioan. 1*  
cuius autoritate tanquam paterna incarnatus sum, mecum est, non me reliquit. Quare non me reliquit?

Et non me reliquit, inquit, solum, quia ego quae placita sunt ei facio semper. Ipsa est aequalitas semper, non ex quodam initio & deinceps, sed sine initio, sine fine: dei enim generatio non habet initium temporis, quia per genitum facta sunt tempora. Haec illo loquente, multi crediderunt in eum. Utinam & me loquente multi qui aliud sapiebant intelligant, & credant in eum. Quidam enim fortasse sunt in ista multitudo Ariani, non audeo suspicari esse Sabellianos, qui ipsum patrem dicunt esse qui filius est. Haeresis quippe ista nimis antiqua est, & paulatim euiscerata: Arianorum autem adhuc uidetur habere aliquam motionem quasi cadaueris putrescentis, aut certe ut multum quasi hominis anima egentis, oportet inde reliquos liberari, sicut inde multi liberati sunt. Et quidem ista ciuitas eos non habebat, sed posteaque multi peregrini adueniunt, nonnulli & ipsi uenerunt. Ecce haec domino loquente, multi Iudaei crediderunt in eum, ecce & me loquente Ariani credant, non in me, sed mecum in eo. Dicebat ergo dominus ad eos qui crediderant in eum Iudaeos, Si uos manseritis in uerbo meo: ideo manseritis, quia initiati estis, quia & ibi esse coepistis: si manseritis, hoc est, in fide quae in uobis esse creditibus coepit, quod peruenistis? Vide quale initium, quod perducit. Amaisti fundamentum, culmen attende, & ex ista humilitate aliam celsitudinem quaere. Fides enim humilitatem habet, cognitio & immortalitas & aeternitas non habet humilitatem, sed celsitudinem, erectionem & nullam defectionem, aeternam stabilitatem, nullam ab inimico expugnationem, nullum deficienti timorem. Magnum est quod incipit a fide, sed contemnitur fundamentum: solet etiam in aedificio ab imperitis contemni, fossa sit grandis, lapides quoquo modo passim mittuntur, nulla ibi expositio, nulla pulchritudo apparet, quomodo nec in arboris radice apparet aliqua pulchritudo, totum tamen quicquid te delectat in arbore, de radice surrexit. Si uides radicem & non delectaris, uides arborem & miraris. Stulte quid miraris, inde surrexit quo non delectaris. Parum aliquid uidetur fides credentium, non habes stateram unde appendas. Audi ergo quod perueniat, & uide quanta sit: sicut & ipse dominus in alio loco dicit, Si habueritis fidem sicut granum sinapis: *Matth. 17*  
quid humiliter, quid uehementius, quid minutius, quid feruentius? Ergo & uos ait, Si manseritis in uerbo meo in quo credidistis, quod producemini? Vere discipuli mei eritis. Et quid nobis prodest? Et cognoscetis ueritatem. Quid promittit credentibus fratres? Et cognoscetis ueritatem. Quid enim non illam cognouerant, quando dominus loquebatur? Si non cognouerant, quomodo crediderunt? Non quia cognouerunt crediderunt, sed ut cognoscerent crediderant, quomodo crediderunt? Non quia cognouerunt ut credamus: quod enim cognouerunt, credimus enim ut cognoscamus, non cognoscimus ut credamus: quod enim cognouerunt, credimus enim ut cognoscamus, nec in cor hominis ascendit. Quid est enim fides, nisi credere quod non uides? Fides ergo est quod non uides credere, ueritas quod credidisti uideri: sicut ipse quodam loco ait, Ideo dominus prius ad faciendam fidem ambulauit in terra. Homo  
s erat,

erat, humilis factus est, ab omnibus uidebatur, nec ab omnibus cognoscebatur, à multis reprobabatur, à turba occidebatur, à paucis dolebat, sed tamen nec ab eis à quibus dolebat, nondum sicut erat cognoscebatur. Totum hoc quasi initium est liniametorum fidei & structuræ futuræ. Quod dñs ipse attendens quodam loco ait, Qui diligit me, mādā mea custodit: & qui diligit me, diligetur à patre meo, & ego diligā eum, & ostendā me ipsum illi: quē qui audiebant, utiq; iam uidebant, eis tamen si diligebant, uidēdum esse promittebat: sic & hic cognoscetis ueritatem. Quid enim, quod dixisti, nō est ueritas? Veritas est, sed adhuc creditur, nondū uidetur: si maneatur in eo quod creditur, peruenitur ad id quod uideatur. Inde Ioannes ipse sanctus euāgelista in epistola sua, Dilectissimi, inquit, filij dei sumus, sed nondū apparuit quid erimus: iam sumus, & aliquid erimus, quid plus erimus q̄ sumus? Audi, nondū apparuit quid erimus, scimus quia cum apparuerit, similes ei erimus. Vnde: quoniā uidebimus eum sicuti est, magna promissio, sed merces est fidei: quæris mercedem, opus præcedat: si credis, mercedem exige fidei: si autē non credis, fidei mercedem qua fronte quæris? Si ergo manseritis in uerbo meo, uere discipuli mei eritis, ut contemplemini ipsam ueritatem sicuti est, non per uerba sonantia, sed per lucem splēdentem, cum signauerit nos, quod legitur in psalmo, Signatum est super nos lumen uultus tui dñe. Moneta dei sumus, nummus à thesauro, aberrauimus errore, detritū est quod in nobis fuerat impressum, uenit qui reformet, quia ipse formauerat. Quærit & ipse nummū suū, sicut Cæsar nummū suū: ideo ait, Reddite Cæsari quæ Cæsaris sunt, & deo quæ dei sunt: Cæsari nummos, deo uos ipsos: tunc ergo exprimetur ueritas in nobis. Quid dicā charitati uestræ? O si cor esset quælitescens: suspirans in illam ineffabilem gloriam, o si peregrinationem nostram in gemitu sentiremus, & seculum non amaremus, & ad eum qui nos uocauit, pia mente perpetuo pulsarem. Desideriū sinus cordis est, capiemus, si desiderium quantū possumus extēdamus. Hoc nobiscum agit scriptura diuina, hoc cōgregatio populorū, hoc celebratio sacramentorum, hoc baptismus sanctus, hoc cantica laudis dei, hoc ipsa nostra disputatio, ut hoc desiderium non solum seminetur & germinet, uerumetiā in modū tantæ capacitatis augeatur, ut idoneum sit sumere quod oculus non uidit, nec auris audiuit, nec in cor hominis ascēdit. Sed amate mecū, non amat multū nummū, qui amat deum. Et ego palpaui infirmitatem, non ausus sum dicere, non amat nummū, sed nō multum amat nummum, quasi amandus sit nummus, sed nō multum. O si deum digne amemus, nummos omnino nō amabimus. Erit tibi nummus instrumentū peregrinationis, nō irritamentum cupiditatis, quo utaris ad necessitatem, nō quo fruaris ad delectationē. Deum ama si aliquid in te egit, quod audisse te laudas. Vtere mundo, non te capiat mundus quō intraisti, iter agis, exiturus uenisti, non remāsurus. Iter agis, stabulū est hæc uita, utere nummo, quomodo uiator in stabulo utitur mensa, calice, urceo, lectulo, dimissurus nō permāsurus. Si tales fueritis, erigite cor si potestis & audite me, si tales fueritis, ad eius promissa uenietis: non enim multum est ad uos, quia magna est manus eius qui uos uocauit: uocauit, inuocetur, dicatur illi, Vocasti nos, uocamus te: ecce audiui uocantem, audi te inuocantes. Perduc quō promissi, perfice quod inchoasti, noli deferere munera tua, noli deferere agrum tuum, germina tua intrent in hortum tuum. Abundant tempestates in mundo, sed maior est qui fecit mundum: abundant tentationes, sed non deficit qui in illo spernō ponit in quo defectus nullus est. Ad hoc hortatus sum ista fratres, quia libertas de qua loquitur dominus noster Iesus Christus, non huius temporis est: uidete quid adiunxit, Vere discipuli mei eritis, & cognoscetis ueritatem, Et ueritas liberabit uos. Quid est, liberabit uos? Liberos uos faciet. Denique Iudæi carnales, & secundum carnem ambulantes, non hi qui crediderant, sed in illa turba qui non crediderant, iniuriam sibi factam putauerunt, quia dixit eis, Veritas liberabit uos: indignati sunt seruos se esse significatos. Et uere serui erant, & exponit illis quæ sit seruitus, & quæ sit futura libertas quam ipse promittit. Sed de hac libertate & de illa seruitute, nimis longum est, ut hodie disputemus.



A Ab eo quod ait, Dicebat autem Iesus ad eos qui crediderant, usque ad id quod dictum est, Si ergo uos filius liberauerit, uere liberi eritis. Tractatus XLI.



Q UOD lectionem pristinam sequitur, & de sancto euangelio hodie nobis recitatum est, tunc distuli dicere, quoniam multum iam dixeram, & de libertate in qua nos uocauit gratia saluatoris, non prætereunter neque negligenter fuerat differendum: hinc hodie domino adiuuante statuimus loqui uobis. Quibus enim loquebatur dominus Iesus Christus, Iudæi erant, ex magna quidē parte inimici, sed etiam amici ex quadam parte iam facti & futuri: nam quosdam ibi uidebat, sicuti iam diximus, qui post passionem fuerant credituri, hos intuens dixerat, Cum exaltaueritis filium hominis, tunc cognoscetis quia ego sum. Erant ibi etiam qui hæc loquente illo continuo crediderunt, ipsis locutus est quod audiuius hodie. Dicebat ergo Iesus ad eos qui crediderant ei Iudæos, Si manseritis in uerbo meo, uere discipuli mei eritis. Manendo eritis: quia enim nunc credentes estis, manendo uidentes eritis: ideo sequitur, & cognoscetis ueritatem. Veritas incommutabilis est, ueritas panis est, mentes reficit, nec deficit, mutat uescentem, non ipsa in uescēte mutatur. Ipsa est ueritas uerbum dei, deus apud deum unigenitus filius: hæc enim ueritas carne induta est propter nos, ut de Maria uirgine nasceretur, & impleretur prophetia, Veritas de terra orta est. Hæc ergo ueritas cum Iudæis loqueretur, latebat in carne, latebat autem non ut negaretur, sed ut differretur, differretur ut in carne pateretur, in carne autem pateretur, ut caro peccati redimeretur. Stans itaq; conspicuus secundū infirmitatem carnis dominus noster Iesus Christus, & secundum maiestatem diuinitatis occultus, dixit ad eos qui ei cum hæc loqueretur crediderant, Si manseritis in uerbo meo, uere discipuli mei eritis: Qui enim perseuerauerit usq; in finē, hic saluus erit: & cognoscetis ueritatem quæ modo uos latet & loquitur uobis. Et ueritas liberabit uos. Hoc uerbum dominus ad libertatē posuit, liberabit uos: nihil est enim aliud proprie liberat, nisi liberum facit, quomodo saluat, nihil est aliud q̄ saluum facit, quomodo sanat nihil est aliud q̄ sanum facit, dicit, nihil est aliud q̄ diuitem facit: sic liberat, nihil est aliud q̄ liberum facit. Hoc in uerbo græco planius est, nam in latina cōsuetudine plerunq; dicimus hominem liberari, quod ad libertatem non pertinet, sed tantum ad salutem: sicut quisq; dicitur liberari ab infirmitate, usitate dicitur, non tamen proprie. Sic autem posuit dominus hoc uerbum, ut diceret, Et ueritas liberabit uos, ut in græca lingua nemo dubitet eum de libertate dixisse. Denique & Iudæi sic intellexerunt & responderunt ei, non illi qui iam crediderant, sed illi qui in turba erant nondum credentes. Responderunt ei, Semen Abraæ sumus, & nemini seruiuius unquam, quomodo tu dicis, liberi eritis? Non autem dixerat dominus, liberi eritis, sed ueritas liberabit uos. In quo tamen uerbo illi, quia sicut dixi patet in græco, non intellexerunt nisi libertatem, & extulerunt se q̄ semen essent Abraæ, & dixerunt, semen Abraæ sumus, & nemini seruiuius unquam, quomodo tu dicis, liberi eritis? O pellis inflata, non est ista magnitudo, sed tumor. Et hoc ipsum secundum huius temporis libertatem quomodo uerum dixistis, nemini seruiuius unquam? Ioseph non est uenundatus? Prophetæ sancti in captiuitatem non sunt ducti? Deinde nōne ipse ille est populus qui in Ægypto lateres faciebat, & regibus duris, non saltem in auro & argento, sed in luto seruebat? Si nemini seruiistis unquam, o ingrati, quid est quod assidue uobis imputat deus, q̄ uos de domo seruitutis liberauit? An forte patres uestri seruiuerunt, uos autē qui loquimini, nemini unquam seruiistis? Quomodo ergo soluebatis iam tributa Romanis? Vnde & ipsi ueritati laqueum quasi captionis proposuistis, ut diceretis, Licet reddere tributum Cæsari, ut si dixisset, licet, teneretis eum quasi male optasset libertati seminis Abraæ: si autem diceret, non licet, calumniaremini apud reges terræ, q̄ prohiberet regibus tributa persolui. Merito prolato numero uicti estis, & captioni uestre uosipsi estis respondere cōpulsī: ibi enim uobis dictum est, Reddite Cæsari quæ Cæsaris sunt, & deo quæ dei sunt: cum uosipsi respondiissetis, q̄ nummus haberet imaginem Cæsaris: quia sicut quærit Cæsar in nummo imaginem suam, sic

psal. 84.

Matth. 22

deus quærit in homine suam: hæc ergo respōdit Iudæis, Mouet enim me fratres, hominum uana superbia, qui etiam de ipsa quam carnaliter intelligebant, sua libertate mentiti sunt dicentes, Nemini seruiuimus unquam. Dominus autem quid eis responderit, hoc potius & intētius audiamus, ne & nos ipsi serui inueniamur. Respōdit enim eis Iesus, Amen amen dico uobis, quia omnis qui facit peccatum, seruus est peccati. Seruus est, sed utinam hominis & non peccati. Quis non sub his uerbis contremiscat? Præstet nobis dominus noster Iesus Christus, id est, & mihi & uobis, ut pro sententia loquar de hac libertate appetenda, & de illa seruitute uitanda. Amen amen dico uobis, ueritas dicit: & quale est domini dei nostri dicere, Amen amen dico uobis. Multum commendat quod ita pronunciat, quodammodo si dici fas est, iuratio eius est, amen amen dico uobis. Amen quippe interpretatur uerum: & tamen non est interpretatum, cum potuisset dici, uerum dico uobis. Nec Græcus hoc interpretis ausus est facere, nec Latinus: nā hoc uerbum quod est amen, nec Græcum est nec latinum, sed Hebræum: sic mansit, non est interpretatum, ut honorē haberet uelamento secreti, non ut esset negatū, sed ne uilesceret nudatum: nec semel tamen, sed bis à domino dictum est, amen amen dico uobis. Iam quantum hoc commendatum sit, ex ipsa geminatione cognoscite. Quid est ergo commendatum? Verum uerum dico uobis, ueritas dicit. Quæ utiq; & si non diceret, uerum dico, mentiri omnino non posset. Tamen commendat, tamen inculcat, dormientes quodammodo excitat, intentos facit, contemni non uult. Quid dicit? Amen amen dico uobis, quia omnis qui facit peccatū, seruus est peccati. O miserabilis seruitus. Plerunq; homines cum dominos malos patiuntur, uenales se petunt, non quærentes dominum non habere, sed saltem mutare: seruus peccati quid faciat? Quem interpellat? Apud quem se uenalem petat? Deinde seruus hominis aliquando sui domini duris imperiis fatigatus, fugiendo requiescit: seruus peccati quò fugit? secū se trahit quocunq; fugerit. Non fugit seipsam mala conscientia, non est quò eat, sequitur se, imò nō recedit à se: peccatum enim quod facit intus est. Fecit peccatum, ut aliquam corporalem caperet uoluptatem, uoluptas transit, peccatū manet, præterit quod delectabat, remansit quod pungat: mala seruitus. Aliquando fugiunt homines ad ecclesiam, & plerunq; eos patimur quantū indisciplinatos, nolentes carere diuinis qui nolunt carere peccatis. Aliquando etiam illicito iugo & improbo subiecti fugiunt ad ecclesiā, quia retinētur ingenui ad seruitutem, & interpellatur episcopus, & nisi curet operam impēdere ne ingenuitas opprimatur, immisericors deputatur. Ad Christum omnes fugiamus, contra peccatum deum liberatorem interpellamus: uenales nos petamus, ut eius sanguine redimamur: dicit enim dominus, Gratis uendati estis, & sine argēto redimemini: sine precio, scilicet uestro, quia meo. Hoc dominus dicit, ipse enim preciū dedit, non argentum, sed sanguinem suum: nam nos & serui & egeni remanseramus. Liberat ergo ab hac seruitute solus dominus: qui illam non habuit, ipse de illa liberat, solus enim in hac carne uenit sine peccato: nā quos uidetis in manibus matrum paruulos ferri, nondum ambulant, & iam sunt compediti, traxerunt enim de Adam quod soluatur à Christo. Pertinet etiam ad ipsos cum baptizantur ista gratia quā dominus pollicetur, quia de peccato solus liberare potest, qui uenit sine peccato, & factus est sacrificium pro peccato: audistis enim cum Apostolus legeretur, Pro Christo, inquit, legatione fungimur, tanq; deo exhortante per nos: obsecramus pro Christo, id est, tanquam uos Christus obsecret, quid? reconciliamini deo. Si exhortatur & obsecrat Apostolus ut reconciliemur deo, inimici eramus deo: nemo enim reconciliatur nisi ex inimicitijs: inimicos autē nos non natura, sed peccata fecerunt. Vnde inimici illius, inde serui peccati. Non habet deus liberos inimicos, necesse est serui sint: & serui remanebunt, nisi ab illo liberentur, cui peccādo inimici esse uoluerunt. Obsecramus ergo, inquit, pro Christo, recōciliamini deo. Quomodo autem reconciliamur, nisi soluatur quod inter nos & ipsum separat? ait enim propheta, Non grauauit aurem ne audiat, sed peccata uestra separant inter uos & deum: quia ergo non reconciliamur nisi ablato quod in medio est, & posito quod in medio sit. Est enim medium separans,

De his qui fugiunt  
ad ecclesiam

Esaiæ 52

2. Cor. 5

Esaiæ 59



**A**rans, sed contrà est mediator reconcilians: medium separans est peccatum, mediator reconcilians est dominus Iesus Christus, unus enim deus, & unus mediator dei, & hominum homo Christus Iesus. Vt ergo tollatur materia separans quod est peccatum, uenit ille mediator, & factus est sacrificium sacerdos ipse. Et quia sacrificium factus est pro peccato, offerens seipsum in holocaustum in cruce passionis suæ: sequitur Apostolus & dicit, cum dixisset, obsecramus pro Christo reconciliamini deo, quasi diceremus, quomodo poterimus reconciliari? Eum, inquit, id est, ipsum Christum, qui nō nouerat peccatum, peccatum pro nobis fecit, ut nos simus iustitia dei in ipso, eum ipsum, inquit, Christum deum, qui non nouerat peccatum. Venit enim in carne, hoc est, in similitudine carnis peccati, nō tamen in carne peccati, nō habens ullum omnino peccatum, & ideo factus est uerum sacrificium pro peccato, quia nullum habebat ipse peccatum. Sed forte de sensu meo dixi, quia peccatū sacrificium est pro peccato, qui legerunt agnoscant, qui non legerunt, non sint pigri, non sint, inquam, pigri ad legendum, ut ueraces sint ad intelligendum. Cū de sacrificijs enim præciperet deus offerendis pro peccato, in quibus sacrificijs non erat expiatio peccatorum, sed umbra futurorum, eadem ipsa sacrificia, easdē ipsas hostias, easdem ipsas uictimas, eadē ipsa animalia quæ admouebantur mactanda pro peccatis, in quorum sanguine sanguis ille figurabatur, peccata lex appellat, usque adeo ut in quibusdā locis scriptū sit ita, ut sacerdotes immolaturi ponerent manus suas super caput peccati, id est, super caput uictimæ immolandæ pro peccato. Tale ergo peccatum, id est, sacrificium pro peccato, factus est dominus noster Iesus Christus, qui non nouerat peccatum, merito liberat ab hac seruitute peccati, ille qui dicit in psalmis, Factus sum tanq̃ homo sine adiutorio, inter mortuos liber: solus enim liber, quia non habebat peccatum: ipse enim dicit in euangelio, Ecce uenit princeps huius mundi, diabolum significans uenturum in Iudæis persecutoribus: ecce, inquit, uenit, & in me nihil inueniet. Non quomodo in eis quos occidit etiam iustos, inuenit quaecunq̃ peccatum, in me nihil inueniet: & tanq̃ ei diceretur, si nihil in te inueniet, quare te occidet? subiecit & ait, Sed ut sciant omnes quia uoluntatem patris mei facio: surgite eamus hinc. Non, inquit, mortē mei peccati necessitate persoluo, sed in eo q̃ morior uoluntatem patris mei facio, plusq̃ ibi facio q̃ patior, quia si nollem, nec passus essem: habes illum alio loco dicentem, Potestatem habeo ponendi animam meam, & potestatem habeo iterum sumēdi eam: ecce uere inter mortuos liber. Cum ergo omnis qui facit peccatum, seruus est peccati, quæ sit spes nobis libertatis audite, Seruus autē, inquit, non manet in domo in æternum. Ecclesia est domus, seruus peccator est, intrant multi in ecclesiā peccatores: nō ergo dixit, seruus nō est in domo, sed nō manet in domo in æternū: si ergo nullus ibi seruus erit, quis ibi erit? Cū enim rex iustus sederit in throno, sicut scriptura loquitur, quis gloriabitur castum se habere cor? aut quis gloriabitur mundum se esse à peccato? Multum nos terruit o fratres mei dicendo, seruus nō manet in domo in æternum: adiungit autem & dicit, Filius autē manet in æternum. Ergo solus in domo sua erit Christus, nullus illi populus cohærebit: cui hæret caput, si non erit corpus? An forte totum hoc filius, caput & corpus: nō enim sine causa, & terruit, & spem dedit. Terruit, ne peccatum amaremus: spem dedit, ne de peccati solutione diffideremus. Omnis, inquit, qui facit peccatum, seruus est peccati. Seruus autē nō manet in domo in æternum. Quæ ergo nobis spes est, qui non sumus sine peccato? audi spem tuam, filius manet in æternum. Si ergo filius uos liberauerit, tunc uere liberi eritis. hæc spes nostra est fratres, ut à libero liberemur, & liberando seruos nos faciat: serui enim eramus cupiditatis, liberati serui efficiamur charitatis: hoc & Apostolus dicit, Vos autē fratres in libertatem uocati estis, tantum ne libertatem in occasionem carnis detis, sed per charitatem seruite inuicem: non ergo dicat Christianus, Liber sum, in libertatem uocatus sum: seruus eram, sed redemptus sum, & ipsa redemptione liber effectus sum, faciam quod uolo, nemo me prohibeat à uoluntate mea si liber sum: sed si ista uoluntate peccatum facis, seruus es peccati. Noli ergo libertate abuti ad libere peccandū, sed utere ad non peccandū: erit enim uoluntas tua libera, si fuerit

als, indicandum

Psalm. 87

Ioan. 14

Ioan. 10

Proverb. 26

Gal. 5

- Rom. 6 pia:eris liber, si fueris seruus, liber peccati, seruus iustitiæ, dicente Apostolo, Cum serui effectis peccati, liberi eratis iustitiæ: nunc autem liberati à peccato, serui autem facti deo, habetis fructum uestrum in sanctificatione, finem uero uitam æternam. Hoc conemur ut id agamus, prima libertas est carere criminibus. Intēdite fratres mei, intēdite, ne forte possim perducere uobis ad sensum, & qualis modo sit, & qualis futura sit ista libertas. Quēlibet ualde iustum discutias in hac uita, quamuis iam sit dignus iusti uocabulo, nō est tamen sine peccato: audi
1. Ioan. 1 ipsum sanctum Ioannem, cuius & hoc euangelium est, in epistola sua dicentem, Si dixerimus, inquit, quia peccatum non habemus, nos ipsos decipimus, & ueritas in nobis non est. Solus hoc dicere potuit in mortuis liber, de solo dici potuit qui non nouerat peccatum, de solo dici potuit, & enim expertus est omnia secundum similitudinem sine peccato: solus dicere potuit, Ecce ueniet princeps mundi, & in me nihil inueniet: quemcunq; aliū licet iustum discusseris, non omnimodo est sine peccato. Nec qualis erat Iob, cui dñs tale testimonium perhibebat ut diabolus inuideret, & postularet tentandum, tentans superaretur ut ille probaretur: ideo autē ille probatus est, non quia latebat deum coronandus, sed ut innotesceret
- Iob 25 hominibus imitandus: etiam ipse Iob quid dicit, Quis enim mundus? nec infans, cuius est unius diei uita super terram. Sed planē multi iusti dicti sunt sine querela, quod intelligitur sine crimine: nulla enim querela iusta est de his in rebus humanis qui non habent crimen: crimen autē est peccatum graue, accusatione & damnatione dignissimum. Non ergo deus quædā peccata damnat, quædam iustificat & laudat: nulla laudat, sed odit omnia. Quomodo odit medicus ægitudinem ægroti, & id agit curādo ut ægritudo pellatur, æger leuetur: sic deus gratia sua hoc in nobis agit, ut peccatum cōsumatur, homo liberetur. Sed quando consumitur, inquires? si minuitur, quare non consumitur: minuitur autē in uita proficiētium, quod in uita consumitur perfectōrū: prima est ergo libertas, carere criminibus: ideo & apostolus Paulus quando elegit ordinādos uel presbyteros uel diaconos, & quicumq; ordinandus est ad præposituram ecclesiæ: non ait, si quis sine peccato est, hoc enim si diceret, omnis homo reprobaretur, nullus ordinaretur: sed ait, Si quis sine crimine est, sicut est homicidiū, adulterium, aliqua immūdia, fornicationes, furtum, fraus, sacrilegiū, & cetera huiusmodi: cum cœperit ea nō habere homo, debet autē non habere omnis Christianus, homo incipit caput erigere ad libertatē: sed ista inchoata est, non perfecta libertas. Quare, inquit, aliquis non est perfecta libertas? Quia uideo aliam legem in membris meis, repugnantē legi mentis meæ: nō enim quod uolo hoc ago, sed quod odi illud facio. Caro, inquit, concupiscit aduersus spiritum, & spiritus aduersus carnem, ut non ea quæ uultis illa faciatis: ex parte libertas, ex parte seruitus: nondum tota, nondum pura, nondum plena libertas, quia nondum plena æternitas: habemus enim ex parte infirmitatē, ex parte accepimus libertatē, quicquid peccatum est, à nobis antea deletum est in baptismo: nūquid quia deleta est tota iniquitas, nulla remansit infirmitas? si non remansisset, sine peccato hic uiueremus. Quis autē audeat hoc dicere nisi superbus? nisi misericordia liberatoris indignus? nisi qui seipsum uult decipere, & in quo ueritas non est? ergo ex eo q. remansit aliquid infirmitatis audeo dicere, ex qua parte seruimus deo, liberi sumus: ex qua parte seruimus legi peccati, adhuc serui sumus: unde dicit Apostolus quod dicere cœperamus, Condelector legi dei secundū interiorem hominem: ecce unde liberi, unde condelectamur legi dei. Libertas enim delectat, nam quamdiu timore facis quod iustum est, nō deus te delectat, quādiu adhuc seruus facis, non te delectat: delectet te, & liber es. Noli timere poenam, sed ama iustitiā: nondū potes amare iustitiam, time uel poenam, ut peruenias ad amandam iustitiam: ergo iam ille ex parte superiore liberum se esse sentiebat, unde dicebat, condelector legi dei secundū interiorem hominem. Delectat me lex, delectat me quod iubet lex, delectat me ipsa iustitia. Video aliam legem in membris meis, hæc est quæ remansit infirmitas, repugnantem legi mentis meæ, & captiuantem me in lege peccati quæ est in membris meis. Et ex hac parte sentit captiuitatem, ubi non est impleta iustitia: nam ubi condelectatur legi dei, non captiuus, sed legis amicus est.
- Dis. 21. c. 4. apost.
1. Timoth. 3
- Rom. 7



A. cus est, & ideo liber, quoniam amicus. Quid ergo ex eo quod restat? Quid nisi respiciamus ad illum, qui dixit, Si uos filius liberauerit, tunc uere liberi eritis? denique & ipse qui loquebatur ad illum respexit, Infelix ego homo, quis me liberabit, inquit, de corpore mortis huius? Gratia dei per Iesum Christum dominum nostrum: ergo si uos filius liberauerit, tunc uere liberi eritis: denique ita concludit, Igitur ipse ego mente seruo legi dei, carne autem legi peccati: ipse ego, inquit: non enim duo sumus inter nos contrarii de diuersis principijs uenientes, sed ego ipse mente seruo legi dei, carne autem legi peccati, quamdiu languor oblectatur saluti. Sed si carne seruis legi peccati, fac quod ait ipse Apostolus, Non ergo regnet peccatum in uestro Rom. 6 mortali corpore ad obediendum desiderijs eius, neque exhibeatis membra uestra arma iniquitatis peccato: non ait, non sit, sed non regnet. Quamdiu uiuis, peccatum necesse est esse in membris tuis, saltem illi regnum auferatur, non fiat quod iubet. Surgit ira, noli dare irae linguam ad maledicendum, noli dare irae manum aut pedem ad feriendum: non surgeret ista ira irrationabilis, nisi peccatum esset in membris: sed tolle illi regnum, non habeat arma unde contra te pugnet, discet etiam non surgere, cum arma non coeperit inuenire: non exhibeatis membra uestra arma iniquitatis peccato, sed induite arma iustitiae, alioquin toti captiui eritis, & non erit dicere, mente seruo legi dei: mens enim si teneat arma, membra non mouentur in ministerium furentis peccati. Teneat arcem imperator interior, quia sub maiore imperatore iuuandus assistit, frenet iram, coerceat concupiscentiam: inest tamen quod frenetur, inest quod coerceatur, inest quod teneatur. Quid autem uolebat ille iustus mente seruiens legi dei, nisi ut omnino non esset quod frenaretur? Et hoc debet conari omnis qui tendit ad perfectionem, ut & ipsa concupiscentia cui non dantur ad obediendum membra, quotidie in proficiente minuatur. Velle, inquit, adiacet mihi, perficere autem bonum non inuenio: nunquid dixit, non mihi adiacet facere bonum? si hoc dixisset, spes nulla esset: non ait, non mihi adiacet facere, sed non mihi adiacet perficere. Quae est enim perfectio boni, nisi consummatio & finis mali? Quae est autem consummatio mali, nisi quod lex dicit, Non concupisces? Omnino non concupiscere Exod. 20 perfectio boni est, quia consummatio mali est. Hoc dicebat ille, perficere bonum non mihi adiacet, quia non poterat facere ut non concupisceret: faciebat tantum ut concupiscentiam refrenaret, ut concupiscentiae membra ad satellitium non praeberet. Perficere ergo, inquit, bonum non mihi adiacet. Non possum implere quod dictum est, non concupisces. Quid ergo opus est ut impleas, post concupiscentias tuas non eas. Hoc age interim quamdiu sunt illicitae concupiscentiae in carne tua, post concupiscentias tuas non eas. Mane in seruitute dei, in libertate Christi, mente serui legi dei tui. Nolito dare concupiscentijs tuis uires, sequendo eas, uires eis addis: dando eis uires quomodo uincis, quando contra te inimicos nutris uiribus tuis? Quae igitur libertas plena atque perfecta est in illo domino Iesu, qui dixit, Si uos filius liberauerit, tunc uere liberi eritis, quando plena & perfecta libertas erit? Quando nullae inimicitiae, quando nouissima inimica destruetur mors. Oportet enim corruptibile hoc induere 2. Cor. 15 incorruptionem, & mortale hoc induere immortalitatem: cum autem mortale hoc induerit immortalitatem, tunc fiet sermo qui scriptus est, Absorpta est mors in uictoria: Vbi est mors contentio tua? Quid est, ubi est mors contentio tua? Caro concupiscit aduersus spiritum Gal. 5 & spiritus aduersus carnem, sed quando peccati caro uigebat. Vbi est mors contentio tua? Iam uiuimus, iam non moriemur in illo, qui pro nobis mortuus est & resurrexit, ut qui uiuunt, inquit, iam non sibi uiuant, sed ei qui pro ipsis mortuus est & resurrexit. Precemur medicum faucij, portemur in stabulum curandi. Ille est enim qui promittit sanitatem, qui misertus est in uia semiuiuo à latronibus derelicto, infudit oleum & uinum, curauit uulnera, leuauit in iumentum, perduxit in stabulum, stabulario commendauit. Cui stabulario? Forte illi qui dixit, Pro Christo legatione fungimur. Dedit etiam duos nummos qui impen- 2. Cor. 5 derentur faucio curando, forte ipsa sunt duo praecepta, in quibus rota lex pendet & propheta. Ergo fratres & ecclesia hoc tempore in qua saucius sanatur, stabulum est uiatoris, sed ipsi ecclesiae sursum est haereditas possessoris.

Ab eo quod scriptum est, Scio quod filij Abraae estis, sed quaeritis me interficere, usque ad id quod scriptum est, Propterea uos non auditis, quia ex deo non estis.

## Tractatus XLII.



Matth. 4

**D**OMINVS noster etiam in forma serui non seruus, sed in forma etiam serui dominus, fuit quippe illa carnis forma seruilis, sed quamuis esset similitudo carnis peccati, non erat caro peccat, libertatem promisit credentibus in se: Iudaei uero tanquam de sua libertate superbiētes, dedignati sunt fieri liberi, cum essent serui peccati: ideo autem se liberos esse dixerunt, quia semen erant Abraae. Quid ergo eis respondit ad haec dominus, hodierna lectio cum recitaretur, audiuius. Scio, inquit, quia filij Abraae estis, sed quaeritis me interficere, quia sermo meus non capit in uobis. Agnosco uos, inquit, filij Abraae estis, sed quaeritis me interficere, agnosco carnis originem, non cordis fidem. Filij Abraae estis, sed secundum carnem, ideo, inquit, quaeritis me occidere, sermo enim meus non capit in uobis: si sermo meus caperetur, caperet: si caperemini, intra retia fidei tanquam pisces concluderemini. Quid est ergo non capit in uobis? Non capit cor uestrum, quia non recipitur à corde uestro: sic enim est sermo dei, & sic esse debet fidelibus tanquam pisci hamus: tunc capit quando capitur, nec fit iniuria illis qui capiuntur: ad salutem quippe, non ad perniciem capiuntur: unde dominus discipulis suis ait, Venite post me, & faciam uos piscatores hominum. Non ergo isti erant tales, & tamen filij Abraae erant, filij hominis dei homines iniqui: trahebant enim carnis genus, sed degeneres facti erant, non imitando fidem cuius filij erant: audistis certe dominum dicentem, Scio quia filij Abraae estis: audite quid dicat postea, Ego quod uidi apud patrem meum loquor, & uos quaer uidistis apud patrem uestrum facitis. Iam dixerat, scio quia filij Abraae estis. Quid autem faciunt quod eis dixit, quaeritis me occidere, hoc apud Abraam nunquam uiderunt. Dominus autem patrem deum uoluit intelligi, cum dixit, Quae uidi apud patrem meum loquor: ueritatem uidi, ueritatem loquor, quia ueritas sum. Si enim dominus ueritatem loquitur quam uidit apud patrem, se uidit, & se loquitur, quia ipse est ueritas patris quam uidit apud patrem: ipse est enim uerbum, quod uerbum erat apud deum. Isti ergo malum quod faciunt, quod dominus obiurgat & corripit, ubi uiderunt? Apud patrem suum. Cum audieritis in consequentibus apertius dictum, quis sit eorum pater, tunc intelligemus qualia uiderint apud talem patrem: adhuc enim non nominat patrem ipsorum, paulo superius Abraam commemorauit, sed carnis origine, non uitae similitudine. Dicturus est alterum patrem illorum, qui nec genuit nec creauit ut homines essent, sed tamen filij erant eius in quantum mali erant, non in quantum homines erant, in quo imitati, non quod creati. Responderunt & dixerunt ei, Pater noster Abraa est. quasi dicerent, quid dicturus es tu contra Abraam, aut si aliquid potes audere reprehendere Abraam: non quia dominus non audebat reprehendere Abraam, sed talis erat Abraam qui non reprehederetur à domino, sed potius laudaretur: tamen isti uidebantur eum prouocare, ut aliquid mali diceret de Abraam, & esset occasio faciendi quod cogitabant, Pater noster Abraam est. Audiamus quomodo eis responderit dominus, cum illorum damnatione laudans Abraam. Dicit eis Iesus, Si filij Abraae estis, opera Abraae facite: nunc autem quaeritis me interficere, hominem qui ueritatem uobis locutus sum, quam audiui à deo, hoc Abraa non fecit. Ecce ille laudatus, isti dannati. Abraam non erat homicida. Non dico, inquit, ego dominus sum Abraae: quod si diceret, uerum diceret: nam dixit alio loco, Ante Abraam ego sum, tunc eum illi lapidare uoluerunt. Non dixit hoc: interim quod uidetis, quod aspicitis, quod me solum putatis, homo sum, hominem dicentem uobis quod audiuit à deo, quare uultis occidere, nisi quia non estis filij Abraae? Et tamen superius ait, Scio quia filij Abraae estis, non negat eorum originem, sed facta condemnat: caro eorum ex illo erat, sed uita non erat. Nos autem charissimi, nunquid de genere uenimus Abraae, aut ullo modo Abraam pater noster fuit secundum carnem? Originem de carne eius caro Iudaeorum ducit, non caro Christianorum, nos de alijs gentibus uenimus, & tamen imitando



A imitatio Abrahæ fidem, filij facti sumus: audi Apostolum, Abrahæ dictæ sunt promissiones Gal. 3  
 & semini eius. Non dicit, inquit, & seminibus, quasi in multis, sed tanquam in uno, & semini  
 tuo quod est Christus. Si autem uos Christi, ergo semen Abrahæ estis, secundum promissio-  
 nem hæredes. Nos ergo facti sumus semen Abrahæ gratia dei, non de carne Abrahæ. Fecit illi  
 cohæredes deus: illos exhæredauit, istos adoptauit, & de arbore illa oliuæ cuius radix est in  
 patriarchis, ramos naturales superbos amputauit, humilem oleastrum inseruit: ideo cum  
 uenirent ad Ioannem baptizandi Iudæi, erupit in illos & ait illis, Generatio uiperarum: ma-  
 xime quippe de altitudine originis gloriabantur, ille autem generationem eos dixit uipe-  
 rarum, non solum hominum, sed uiperarum: hominum formam uidebat, sed uenenum agno-  
 scebat: uenerant tamen mundandi, quia utique baptizandi: & ait illis, Generatio uiperarum,  
 quis uobis ostendet fugere à uentura ira? Facite ergo fructus dignos pœnitentiæ, & nolite  
 dicere intra uosipsos, patrem habemus Abraham, potens est enim deus de lapidibus istis su-  
 scitare filios Abrahæ: si fructus dignos pœnitentiæ non feceritis, nolite uobis de illa stirpe  
 blandiri, potens est & uos damnare, & Abraham filijs non fraudare: habet enim unde exci-  
 tet filios Abrahæ: fient filij, qui fidem fuerint imitati, potens est deus de lapidibus istis susci-  
 tare filios Abrahæ. Nos sumus, in parentibus nostris lapides eramus, quando pro deo lapi-  
 des colebamus, de talibus lapidibus familiam deus fecit Abrahæ. Quid se ergo extollit inanis  
 & uana iactantia? Filij Abrahæ gloriari iam desinant: audierunt quod audire debuerunt,  
 Si filij Abrahæ estis, factis probate, non uerbis. Quæritis me occidere hominem interim, non  
 dico filium dei, non dico deum, non dico uerbum, quia non moritur uerbum: hoc dico quod  
 uidetis, quia & quod uidetis potestis occidere, & quem non uidetis offendere. Hoc ergo  
 Abraham non fecit, uos facitis opera patris uestri, & adhuc non dixit, quis est iste pater eorum.  
 Modo illi quid responderunt? Cœperunt enim utcumque cognoscere, non de carnis genera-  
 tione deum loqui, sed de uitæ institutione. Et quia consuetudo scripturarum est quas lege-  
 bant, fornicationem spiritualiter appellare, cum dijs multis & falsis anima tanquam prostituta  
 subijcitur, ad hoc responderunt. Dixerunt itaque ei, Nos ex fornicatione non sumus nati,  
 unum patrem habemus deum. Jam uiluit Abraham, repulsi enim sunt quomodo repelli de-  
 buerunt ore ueridico, quia talis erat Abraham, cuius facta non imitabantur, & de illius genere  
 gloriabantur, & mutauerunt responsionem, credo dicentes apud semetipsos, quotienscumque  
 nominauerimus Abraham, dicturus est nobis, Quare non imitamini eum, de cuius genere  
 gloriamini? Nos sanctum, iustum, innocentem tantum uirum imitari non possumus, deum  
 dicamus patrem nostrum, uideamus quid nobis dicturus est: prorsus falsitas inuenit quod  
 diceret, ut non inueniret ueritas quid responderet, audiamus quid dicant, audiamus quid  
 audiant, Vnum, inquit, patrem habemus deum. Dixit ergo eis Iesus, Si deus pater ue-  
 ster esset, diligeretis utique me. Ego enim ex deo processi & ueni, neque enim à meipso ueni, sed  
 ille me misit. Dicitis deum patrem, agnoscite me uel fratrem. Veruntamen erexit intelli-  
 gentibus cor, & illud tetigit quod solet dicere, Non à meipso ueni, sed ille me misit, à deo  
 processi & ueni. Mementote quod soleamus dicere, ab illo uenit, & à quo uenit cum illo uenit:  
 Christi ergo missio est incarnatio. Quod uero de deo processit uerbum, æterna processio est,  
 non habet tempus, per quem factum est tempus: nemo dicat in corde suo, antequam esset  
 uerbum, quomodo erat deus? Nunquam dicas, antequam esset uerbum dei, nunquam deus sine  
 uerbo fuit, quia uerbum est manens, non transiens, deus, non sonus, per quod factum est  
 cœlum & terra, non quod præterijt cum his quæ facta sunt super terram: ergo ab illo processit  
 ut deus, ut æqualis, ut filius unicus, ut uerbum patris, & uenit ad nos, quia uerbum caro fa-  
 ctum est ut habitaret in nobis: aduentus eius, humanitas eius: mansio eius, diuinitas eius:  
 diuinitas eius quod imus, humanitas eius quæ imus. Nisi nobis fieret quæ iremus, nunquam  
 ad illum manentem perueniremus. Quare, inquit, loquelam meam non cognoscitis? Quia  
 non potestis audire sermonem meum. Ideo non poterant cognoscere, quia non poterant  
 audire: sed unde audire non poterant, nisi quia corrigi credendo nolebant? Et hoc unde?  
 Vos

Vos ex parte diabolo estis.) Quamdiu patrem commemoratis, quamdiu patres mutatis, modo Abraam, modo deum, audite à filio dei, cuius sitis filij, à patre diabolo estis. Hic iam cauenda est hæresis Manichæorum, quæ dicit esse quandam naturam mali, & quandam gentem tenebrarum cum principibus suis, quæ ausa est pugnare contra deum. Illum uero deum ne debellaret gens aduersa, regnum eius misisse contra eam tanq̃ uiscera sua principis de luce sua, eamq̃ gentem fuisse debellatam, unde diabolus originē ducit: hinc dicunt ducere originem carnem nostram, & secundū hoc putant dictum à domino, Vos ex patre diabolo estis, quod essent illi uelut natura mali, ducentes originem de gente contraria tenebrarum. Sic errant, sic excæcantur, sic seipsos faciunt gentem tenebrarum, credendo quod falsum est cōtra eum à quo creati sunt: bona est enim omnis natura, sed uitiata hominis est natura per uoluntatem malam. Quod fecit deus, non potest esse malum, si ipse homo non sit sibi malus: sed planè creator, creator est, creatura, creatura est, æquari creatura nō potest creatori, discernit eum qui fecit ab eo quod fecit. Æquari nō potest fabro scamnum, æquari non potest columna structori, & tamen faber si scamnum fecit, lignum ipse non creauit: dominus autē deus noster quia omnipotens est, & uerbo fecit quod fecit, omnia quæ fecit non habuit unde faceret, & tamen fecit: facta sunt enim quia uoluit, facta sunt quia dixit, sed facta factori comparari nō possunt. Quæris quid compares, filium unicum agnosce. Vnde ergo Iudæi filij diaboli? imitando non nascendo. Audite scripturæ sanctæ consuetudinem: propheta dicit ad ipsos Iudæos, Pater tuus Amorrhæus, & mater tua Cethæa: Amorrhæi gens erat quædam unde originem Iudæi non ducebant: Cethæi & ipsi gentem suam habebant, omnino alienā à genere Iudæorum: sed quia erant impij Amorrhæi & Cethæi, Iudæi autem imitati sunt impietates illorum, inuenerunt sibi parentes, non de quibus nascerentur, sed quorum mores sectantes pariter damnarentur. Quæritis autem fortasse unde ipse diabolus? Inde utiq̃ unde & cæteri angeli, sed & cæteri angeli in sua obediētia perstiterunt, ille inobediēdo & superbiēdo lapsus est angelus, & factus est diabolus: sed modo audite quid dicat dominus, Vos, inquit, de patre diabolo estis: Et desideria patris uestri uultis facere. Ecce unde filij eius, quia talia desideratis, nō quia de illo nati estis: quæ sunt illius desideria? Ille homicida erat ab initio.) Ecce quid est, desideria patris uestri facere uultis. Quæritis me occidere, hominē qui ueritatem uobis dico. Et ille inuidit homini, & occidit hominem: diabolus enim cum inuideret homini, serpente indutus locutus est mulieri, & de muliere uenenauit & uirum. Mortui sunt, diabolus audiendo, quem non audissent, si dominum audire uoluissent: positus enim homo inter eū qui creauit, & cum qui lapsus est, obtemperare debuit creatori, non deceptor: ergo ille homicida erat ab initio: uidete genus homicidij fratres. Homicida dicitur diabolus, non gladio armatus, non ferro accinctus ad hominem uenit, uerbum malum seminauit & occidit. Noli ergo putare te non esse homicidam, quando fratri tuo mala persuades: si fratri tuo mala persuades, occidis, & ut scias quia occidis, audi psalmum, Filij hominum dentes eorum arma & sagittæ, & lingua eorum gladius acutus. Vos ergo desideria patris uestri uultis facere, ideo scuitis in carnem, quia non potestis in mentem. Ille homicida erat ab initio, utiq̃ in primo homine, ex illo ille homicida, ex quo potuit fieri homicidium: ex illo potuit fieri homicidium, ex quo factus est homo. Nō enim posset occidi homo, nisi prius fieret homo. Homicida ergo ille ab initio, & unde homicida? Et in ueritate non stetit.) ergo in ueritate fuit, sed non stando cecidit. Et quare in ueritate non stetit? Quia ueritas non est in eo.) Non quomodo in Christo sic est ueritas, ut Christus ipse sit ueritas. Si ergo iste in ueritate stetisset, in Christo stetisset: sed in ueritate non stetit, quia ueritas non est in eo. Cum loquitur mēdacium ex proprijs loquitur, quia mendax est & pater eius.) Quid est hoc? Audistis uerba euangelij, intenti accepistis: ecce repeto ut agnoscatis quid exigatis, de diabolo dominus ea dicebat, quæ de diabolo dici à domino debuerant. Ille homicida erat ab initio, uerum est, nam primum hominem occidit, & in ueritate non stetit, quia de ueritate lapsus est. Cum loquitur mendacium, utique ipse

Ezech. 16

De peni. dist. 1  
c. noli

Psalm. 56



**A** ipse diabolus de proprijs loquitur, quia mendax est & pater eius. In his uerbis quidam patrem diabolum habere putauerunt, & quaesierunt quis esset diaboli pater. Hic uero detestabilis error Manichæorum inuenit adhuc quo deciperet imperitos: solent enim dicere, Putas diabolus angelus fuit & lapsus est? Ab illo cepit peccatū, sicut dicitis, Pater eius quis erat? Nos contrā, Quis enim nostrum aliquādo dixit diabolum habere patrem? Et illi contrā, Dominus dicit, euāgelium loquitur de diabolo dicens, ait ille, homicida erat ab initio, & in ueritate non stetit, quia ueritas non est in eo. Cum loquitur mendaciū, ex proprijs loquitur, quia mendax est & pater eius. Audi, intellige, non te longe mitto, in ipsis uerbis intellige, diabolus dominus dixit patrem mendacij: quid est hoc? Audi quid sit, replica modo ipsa uerba & intellige, non omnis enim qui mēitur, pater mendacij sui est: si enim ab alio mendacium accepisti, & dixisti, tu quidē mentitus es proferendo mendacium, sed pater mēdacij ipse non es, quia ab altero accepisti mendacium: diabolus autem à seipso mendax fuit: mendacium suum ipse genuit quod à nemine audiuit. Quomodo deus pater genuit filium ueritatem: sic diabolus lapsus genuit quasi filiū mēdaciū. His auditis, replica nūc & recale uerba domini mens catholica, quid audieris aduerte, quid dicat attende. Ille quis? diabolus homicida erat ab initio. Agnoscimus, occidit Adam, & in ueritate non stetit: agnoscimus quia de ueritate lapsus est, quia ueritas in eo nō est: uerū est, quia recedendo à ueritate, non habet ueritatem. Cum loquitur mendacium, de proprijs loquitur, nō aliunde accepit unde loquatur: cum loquitur mendacium de proprijs loquitur, quia mendax est & pater eius. Et mendax est & pater mēdacij: nā tu forte mēdax es, quia mendaciū loqueris, sed nō es pater eius: si enim quod dicis à diabolo accepisti & diabolo credidisti, mendax es, pater mendacij non es. Ille uero quia nō aliunde accepit mendaciū, quo mendacio tanq̃ ueneno serpēs hominem occideret, pater est mendacij, sicut deus pater est ueritatis. Recedite à patre mēdacij, currite ad patrem ueritatis, amplectimini ueritatem, ut accipiat libertatem. Illi autē Iudæi apud patrem suum uiderant quod loquebantur, quid, nisi mendacium? Dominus autem apud patrem suum uidit quod loqueretur, quid, nisi seipsum? Quid, nisi uerbum patris? Quid, nisi ueritatem patris aeternam, & patri coeternam? Ille ergo homicida erat ab initio, & in ueritate non stetit, quia ueritas non est in eo: cum loquitur mendacium, de proprijs loquitur, quia mēdax est: & non solū mendax est, sed & pater eius, id est, ipsius mēdacij quod loquitur pater est, quia ipse genuit mendacium suum. Ego autē quia ueritatem dico, non creditis mihi. Quis ex uobis arguet me de peccato? Si ueritatē dico, quare nō creditis mihi? Pensate fratres charissimi mansuetudinem dei, relaxare peccata uenerat & dicebat, Quis ex uobis arguet me de peccato? Non dedignatur ex ratione ostendere se peccatorem nō esse, qui ex uirtute diuinitatis poterat peccatores iustificare: quis ex uobis arguet me de peccato, quomodo ego arguo & uos & patrē uestrum? Si ueritatem dico, quare uos non creditis mihi, nisi quia filij diaboli estis? Valde terribile est, quādo subdidit, Qui est ex deo, uerba dei audit, propterea uos non auditis, quia ex deo non estis. Iterum nolite attendere naturam sed uitium: sic sunt isti ex deo, & non sunt ex deo: natura ex deo, uitio nō ex deo. Obsecro uos attendite, in euāgelio habetis unde sanemini contra errores uenenosos & nefarios haereticorum, quoniam & de his uerbis solent Manichæi dicere: ecce quia duæ naturæ sunt, una bona & altera mala. Dominus dicit, quid dicit dominus? Propterea uos non auditis, quia ex deo non estis, dicit dñs hæc. Quid ergo, inquit, tu ad ista dicis? Audi quæ dicā: & ex deo sunt, & ex deo nō sunt: natura ex deo sunt, uitio nō sunt ex deo: natura enim bona quæ ex deo est, peccauit uolūtate credēdo quod diabolus persuasit, & uitata est, ideo medicum quærit, quia sana non est. Ecce quod dico si impossibile tibi uidetur ut ex deo sint, & ex deo non sint, audi quia non est impossibile: sic sunt ex deo, & non sunt ex deo, quomodo & filij Abrahæ sunt, & nō sunt filij Abrahæ. Hic habetis, non est quod dicatis, ipsum dñm audi, ipse illis dixit, Scio quia filij Abrahæ estis, nunqd dñs mētiretur? Absit, ergo uerū est quod dixit dominus, Verū est, ergo q̃ illi Abrahæ filij erant, uerū est. Audi ipsum negantē qui dixit, filij Abrahæ

Abraæ estis, ipse illos negavit filios Abraæ. Si filij Abraæ estis, facta Abraæ facite: nunc quæritis me occidere, hominem qui ueritatem uobis dico quam audiui à deo, hoc Abraam non fecit: uos facitis opera patris uestri, id est, diaboli: quomodo ergo & filij Abraæ erant, & filij Abraæ non erant? Vtrunq; in illis ostendit, & filij Abraæ erant, propter originē carnis, & non erant filij Abraæ, propter uitium diabolicæ persuasionis: sic & dominum & deum nostrū attēdite, & ex illo erant, & ex illo nō erant. Quomodo ex illo erant? quia ipse creauit hominem de quo nati erant. Quomodo ex illo erant? quia ipse est cōditor naturæ, ipse est creator carnis & animæ. Quomodo ergo ex illo nō erant? quia uitiosi à seipsis facti erant: ex illo non erant, quia imitādo diabolu, filij diaboli facti erant. Venit ergo dominus deus ad hominem peccatorem: duo nomina audisti & hominē, & peccatorem. Quod homo est, ex deo est: q; peccator est, nō est ex deo, à natura uitium secernatur: agnoscatur natura, unde creator laudetur: agnoscatur uitium, propter quod medicus inuocetur: q; ergo ait dominus, Qui est ex deo uerba dei audit, propterea uos nō auditis, quia ex deo nō estis, nō naturarū merita discreuit, aut propter suā animam & carnem aliquam naturam in hominibus quæ peccato uitiatā non esset inuenit: sed quomodo præscierat qui fuerant credituri, ipsos dixit ex deo, quomodo regenerationis adoptione renascerentur ex deo: ad hos pertinet. Qui est ex deo, uerba dei audit: quod uero sequitur, Propterea uos nō auditis, quia ex deo nō estis: eis dictum est, qui nō solum peccato uitiosi erant, nam hoc malū commune erat omnibus, sed etiā præcogniti q; non fuerāt credituri ea fide qua sola possent à peccatorū obligatione liberari. Quapropter præsciebat illos quibus talia dicebat, in eo permansuros q; ex diabolo erant, id est, in suis peccatis atq; impietate morituros, in qua ei similes erant, nec uētuos ad regenerationē in qua essent filij dei, hoc est, ex deo nati, à quo erāt homines creati. Secundū hanc prædestinationem locutus est dominus, nō q; aliquem hominem inuenerit, qui uel secundū regenerationem iam esset ex deo, uel secundū naturam iam nō esset ex deo.

Ab eo quod scriptum est, Responderunt igitur Iudæi & dixerunt ei, usque ad id quod scriptum est, Tulerunt ergo lapides Iudæi ut iacerent in eum. Iesus autem abscondit se, & exiuit de templo.

#### Tractatus XLIII.

**I**N ISTA lectione sancti euangelij, quæ hodie recitata est, à potentia discimus patiētiam. Quid enim sumus serui ad dominū, peccatores ad iustum, creatura ad creatorem: tamē quomodo si quid mali sumus, à nobis sumus: ita quicquid boni sumus, ab illo & per illum sumus. Et nihil sic quærit homo quomodo potentiam. Habes dominū Christum magnam potentiam: sed prius eius imitetur patiētiam, ut perueniat ad potētiam. Quis nostrū patiēter audiret si alicui diceretur, dæmoniū habes? Quod dictum est ei qui non solum homines saluabat, sed etiā dæmonibus imperabat: hoc cū dixissent Iudæi, Nōne bene dicimus nos, quia Samaritanus es, & dæmoniū habes? (Ego dæmonium nō habeo.) Non dixit, Samaritanus nō sum, & utiq; duo fuerūt obiecta: quamuis maledictū maledicto nō reddiderit, quāuis conuiciū nō conuicio refutauerit, pertinuit tamen ad eū negare unā rē, alterā non negare. Non frustra fratres, Samaritanus enim interpretatur custos. Nouerat se ille nostrū esse custodem, Nō enim dormit neq; dormitat qui custodit Israël: & Nisi dñs custodierit ciuitatē, inuanū uigilabūt qui custodiūt eam. Est ergo ille custos noster, q; creator noster, nō enim pertinuit ad eū ut redimeremur, & nō pertinere ad eū ut seruaremur. Deniq; ut plenius noueritis mysterium quare se Samaritanum negare nō debuit, parabolā illā notissimā attendite, ubi homo quidā descēdebat ab Hierusalem in Hiericho, & incidit in latrones, qui eū grauiter uulnerātes, semiuiuū in uia reliquerūt. Transijt quidā sacerdos neglexit eū, trāsijt Leuites, & ipse præterijt: transijt quidā Samaritanus, ipse est custos noster, ipse accessit ad sauciū, ipse impendit misericordiā, ei q; se præstitit proximū, quē nō deputauit alienū. Ad hoc ergo solum q; dæmoniū nō haberet, nō autē se Samaritanum non esse respondit: deinde post tale conuicium, hoc solū dixit de gloria sua. Sed

*Psal. 120*

*Psal. 126*



Sed honorifico, inquit, patrem meum, & uos inhonorastis me.) hoc est, ego me non honorifico, ne uobis arrogans uidear, habeo quem honorificem: sed si uos agnosceretis, sicut ego honorifico patrem, sic & uos honorificaretis me. Ego facio quod debeo, uos facitis quod non debetis. Ego autem, inquit, non quaero gloriam meam, est qui quaerat & iudicet.) Quem uult intelligi nisi patrem? Quomodo ergo alio loco dicit, Pater non iudicat quenquam, sed omne iudicium dedit filio: & hic dicit, Non quaero gloriam meam, est qui quaerat & iudicet? Si ergo iudicat pater, quomodo non iudicat quenquam, sed omne iudicium dedit filio? Hanc quaestionem ut soluamus attendite: simili locutione solui potest: scriptum habes, Deus neminem tentat: & iterum scriptum habes, Tentat uos dominus deus uester, ut sciat si diligitis eum: nempe quaestio est. Videtis enim quomodo deus neminem tentat, & quomodo tentat uos dominus deus uester, ut sciat si diligitis eum. Item scriptum est, Timor non est in charitate, sed perfecta charitas foras mittit timorem: & alio loco scriptum est, Timor domini castus permanens in seculum seculi. Et ipsa quaestio est, quomodo enim perfecta charitas foras mittit timorem, si timor domini castus permanet in seculum seculi? Intelligimus ergo duas esse tentationes, unam quae decipit, alteram quae probat. Secundum eam quae decipit, deus neminem tentat: secundum eam quae probat, tentat uos dominus deus uester, ut sciat si diligitis eum. Sed iterum & hic alia nascitur quaestio, quomodo teneat ut sciat, quem latere nihil potest antequam tentet? Non ergo deus nescit, sed dictum est ut sciat, quod est, ut scire uos faciat. Locutiones tales & in sermonibus nostris sunt, & in autoribus eloquentiae reperiuntur. De sermone nostro aliquid dicam. Fossa caeca dicitur, non quia oculos perdit, sed quia latendo non uidentem facit: aliquid & de illis autoribus dicam. Tristes lupinos ait quidam, hoc est amarus, non quia ipsi sunt tristes, sed quia gustati contristant, hoc est tristes faciunt: sunt ergo & in scripturis locutiones eiusmodi. Qui in talibus quaestionibus cognoscendis laborant, in soluendis talibus quaestionibus non laborant. Ergo teneat uos dominus deus uester ut sciat. Quid est ut sciat? Vt scire uos faciat si diligitis eum. Iob latebat se, sed deum non latebat, admisit tentatorem, & fecit eum sui cognitorem. Quid de duobus timoribus? Est timor seruilis, & est timor castus: est timor ne patiaris poenam, est alius timor ne amittas iustitiam. Timor ille ne patiaris poenam seruilis est, quid magnum est timere poenam? Hoc & nequissimus seruus, hoc & crudelissimus latro. Non est magnum timere poenam, sed magnum est amare iustitiam, qui ergo amat iustitiam, nihil timet: Timet plane, non ne incidat in poenam, sed ne amittat iustitiam. Fratres mei, credite & conijcite ex eo quod amatis. Amat aliquis uestrum pecuniam: putas inuenio aliquem qui non amat? Ex hoc tamen ipso quod amat, intelligat quod dico, timet damnum. Quare timet damnum? quia pecuniam diligit. Quantum amat pecuniam, tantum timet ne perdat pecuniam. Ergo inuenitur aliquis amator iustitiae, qui plus in corde damnum pertimescat, qui plus timeat expoliari iustitia, quam tu pecunia. Ipse est timor castus, ipse permanet in seculum seculi, non eum tollit charitas, nec foras mittit, sed magis complectitur & comitem tenet, simul possidet: uenimus enim ad deum, ut uideamus faciem ad faciem. Ibi timor castus nos seruat, timor enim ille non perturbatur, sed confirmatur. Timet mulier adultera ne uir eius ueniat, timet & casta ne uir eius abscedat. Ergo secundum aliam tentationem deus neminem tentat: secundum aliam uero tentat uos dominus deus uester. Et secundum alium timorem timor non est in charitate, sed perfecta charitas foras mittit timorem: secundum uero alium timorem, timor domini castus permanens in seculum seculi. Sic & hoc loco secundum alterum iudicium pater non iudicat quenquam, sed omne iudicium dedit filio: secundum uero alterum iudicium, ego, inquit, non quaero gloriam meam, est qui quaerat & iudicet. Et de isto uerbo quaestio ista soluitur. Habes in euangelio commemoratum poenale iudicium, Qui non credit iam iudicatus est: & alio loco, Veniet hora quando hi qui sunt in monumentis audient uocem eius, & procedent qui boni fecerunt in resurrectionem uitae, qui male egerunt in resurrectionem iudicii. Videte quem admodum iudicium pro damnatione & poena posuit, & tamen si semper iudicium pro da-

Ioan. 5

Iaco. 1

Deut. 15

1. Ioan. 4

psal. 18

Ioan. 5

psal. 42 mnatione acciperetur, nunquid audiremus in psalmo, Iudica me deus? Ibi iudicium secundum afflictionem, hic iudicium secundum discretionem positum est. Quomodo secundum discretionem? Quomodo exponit ipse qui ait, Iudica me deus. Lege enim & uide quod sequitur. Quid est, Iudica me deus, & discerne causam meam, inquit, de gente non sancta? Quod ergo dictum est, Iudica me deus, & discerne causam meam de gente non sancta: secundum hoc ait modo dominus Christus, Ego non quero gloriam meam, est qui quærat & iudicet. Quomodo est qui quærat & iudicet? Est pater meus, qui gloriam meam à uestra gloria discernat & separet. Vos enim secundum hoc seculum gloriamini, Ego non secundum hoc seculum glorior, qui patri dico, Pater glorifica me ea gloria quam habui apud te, antequam mundus esset. Quid est ea gloria? Ab humana inflatione discreta. Secundum hoc iudicat pater. Quid est iudicat? Discernit. Quid discernit? Gloriam filij sui à gloria hominum, quia ideo dictum est, Vixit te deus deus tuus oleo exultationis tue præ participibus tuis. Non enim quia homo factus est, iam comparandus est nobis: nos homines cum peccato, ille sine peccato; nos homines trahentes de Adam & mortem & delictum: ille de uirgine carnem mortalem, nullam iniquitatem: denique nos nec quia uolumus nati sumus, nec quamdiu uolumus uiuimus, nec quomodo uolumus, morimur: ille antequam nasceretur, elegit de qua nasceretur, natus fecit ut à magis adoraretur, creuit infans, & miraculis se deum ostendebat, & infirmitate hominem præferebat. Postremo elegit & genus mortis, hoc est, ut in cruce penderet, & ipsam crucem in cordibus fidelium figeret, ut dicat Christianus, Mihi autem absit gloriari, nisi in cruce domini nostri Iesu Christi. In ipsa cruce quando uoluit corpus dimisit & abscessit, in ipso sepulchro quamdiu uoluit iacuit: quando uoluit, tanquam de lecto surrexit. Ergo fratres secundum ipsam formam serui, nam illud quis digne loquitur, In principio erat uerbum, & uerbum erat apud deum, & deus erat uerbum: secundum ipsam, inquam, formam serui. multum interest inter gloriam Christi, & gloriam omnium ceterorum. De ipsa gloria dicebat, quando quoddam dæmonium habebat, audiebat, Ego non quero gloriam meam, est qui quærat & iudicet. Tu autem de te domine quid dicis? Amen amen dico uobis, si quis sermonem meum seruauerit, mortem non uidebit in æternum. Vos, inquit, dicitis, dæmonium habes, ego uos ad uitam uoco, seruate sermonem meum, & non moriemini. Illi audiebant, mortem non uidebit in æternum, qui sermonem meum seruauerit, & irascebantur, quia iam mortui erant illa morte quæ uitanda erat. Dixerunt ergo Iudæi, Nunc cognouimus quia dæmonium habes, Abrahæ mortuus est & propheta, & tu dicis, si quis sermonem meum seruauerit, mortem non gustabit in æternum. Videte locutiones scripturarum, mortem non uidebit, id est, gustabit: mortem uidebit, mortem gustabit. Quis uidet? quis gustat? Quos oculos habet homo ut uideat, quando moritur? Quando ueniendo mors ipsos oculos claudit ne aliquid uideant? Quomodo dicitur, non uidebit mortem? Item quo palato, quibus faucibus mors gustatur, ut quid sapiat dignoscatur? Quando totum sensum tollit, quid in palato remanebit? Sed uidebis dictum est, & gustabit, pro eo quod est, experietur. Hæc dominus, parum est si dicam, moriturus moriturus loquebatur, quia & domini exitus mortis, sicut loquitur psal. mus. Cum ergo & moriturus loqueretur, & moriturus loqueretur, quid sibi uult quod ait, Qui sermonem meum seruauerit, mortem non uidebit in æternum: nisi quia uidebat dominus aliam mortem, de qua nos liberare uenerat? Mortem secundam, mortem æternam, mortem gehennarum, mortem damnationis cum diabolo & angelis eius, ipsa est uera mors, nam ista migratio est. Quid est ista mors? Relictio corporis, depositio sarcinæ grauis: sed si alia sarcina non portetur, qua homo in gehennam præcipitur. De ipsa ergo morte dominus dixit, mortem non uidebit in æternum, qui sermonem meum seruauerit. Non expauescamus istam mortem, sed illam timeamus: quod est autem grauius, multi peruersè temendo istam, incidunt in illam. Dictum est aliquibus, adorate idola, quod si non feceritis, interficiemini: aut quemadmodum ille Nabuchodonosor rex dixit, Si non feceritis, mitte-  
mini



A mini in caminū ignis ardentis. Multi timuerunt & adorauerunt, nolētes mori mortui sunt: timēdo mortē quæ nō euaditur, inciderūt in mortē quā euadere omnino feliciter possent, si istā quæ non euaditur, infelicitē non timerent: natus es homo, moriturus es, quā ibis ut non moriaris? Quid facies ut non moriaris? ut dominus tuus necessitate moriturum consolaretur, qui uoluntate mori dignatus est: quando uides Christum mortuū, dedignaris mori? Ergo cum moriturus es, quā euadas non habes, hodie sit, cras sit, futurum est: debitū est, reddendum est. Quid ergo agit homo timens, fugiēs occultat se ne inueniatur ab inimico? Nunquid agit ut non moriatur, sed ut paulo serius moriatur, non accipit debiti securitatē, sed postulat dilationem. Quantumlibet diu differatur, ueniet quod differtur. Illam mortem timeamus quam timuerunt tres uiri, quando dixerunt regi, Potens est deus etiam de ista flamma liberare nos, & si ibi non fuit timor illius mortis quā modo dominus comminatur quando dixerunt, Sed & si noluerit aperte liberare, potest in occulto coronare. Vnde & ipse dominus facturus martyres, & caput martyrum futurus ait, Nolite timere eos qui occidunt corpus, & postea non habent quod faciant. Quomodo non habent quod faciant? Quid si cum occiderint corpus, bestiis lacerandum & diripiendum alitibus proiciant? Videtur adhuc scuitia habere quod faciat: sed cui facit? Qui migravit: inest corpus, sed nullus est sensus: habitatio iacet, habitator abscessit: ergo postea non habent quod faciant, nō sentienti enim nihil faciunt, Sed eum timete qui habet potestatem & corpus & animā occidere in gehennam ignis. Ecce de qua morte loquebatur cum diceret, qui sermonem meum seruauerit, mortem non uidebit in æternum: seruemus ergo fratres sermonem ipsius in fide peruenturi ad speciem, cum acceperimus plenissimam libertatē. Isti autem indignantes mortui, & morti sempiternæ prædestinati, respondebant conuiciose & dicebant, Modo cognouimus quia dæmoniū habes, Abraam mortuus est & propheta: sed ista morte quam dominus uult intelligi, nec Abraam mortuus est nec propheta. Illi enim mortui sunt & uiuunt, isti uiuebant & mortui erant: nam respondens quodam loco Sadduceis mouentibus quæstionem de resurrectione, hoc ait ipse dominus, De resurrectione autem mortuorum nō legistis, quomodo ait dominus de rubo ad Moysen, Ego sum deus Abraam & deus Isaac & deus Iacob. Non est deus mortuorum, sed uiuorum. Si ergo illi uiuunt, laboremus sic uiuere, & cum illis uiuere cum mortui fuerimus. Quem teipsum facis, inquit, ut dicas, mortem non uidebit in æternum qui sermonem meum seruauerit, cum scias & Abraam mortuum & prophetas? Respondit Iesus, Si ego glorifico meipsum, gloria mea nihil est, Est pater meus qui glorificat me, hoc ait propter illud quod dixerunt, Quem teipsum facis? Resert enim gloriam suam ad patrem suū, de quo est, & qui deus est. Aliquando Ariani & de isto uerbo calumniantur fidei nostræ & dicunt, Ecce maior est pater, quia utiq; glorificat filium. Hæretice, non legisti ipsum filium dicentem, quod glorificet patrem suum? Sed & ille filium glorificat, & filius patrem glorificat. Pone perniciem, agnosce æqualitatem, corrige peruersitatem. Est ergo, inquit, pater meus qui glorificat me, Quem uos dicitis, quia deus non est, & non cognouistis eum, uidete fratres mei quemadmodum ostēdat ipsum deum patrem esse Christi, qui annuntiatus est & Iudæis. Propterea dico, quia rursus quidam hæretici dicunt deum annunciatum in ueteri testamēto, nō esse patrem Christi, sed nescio quē principem malorum angelorū, Manichæi sunt qui ista dicunt, Marcionitæ sunt qui ista dicunt. Sunt & alij fortassis hæretici quos commemorare, uel nō opus est, uel à me omnes recoli in præsentī non possunt, non defuerunt tamen qui hoc dicerent. Itaq; attendite ut habeatis quid dicatis & contra ipsos. Eum dicit patrem suum dominus Iesus Christus, quem illi dicebant deum suum, & non cognouerunt: si enim ipsum cognouissent, eius filium recepissent. Ego autem, inquit, noui eum. Secundum carnem iudicantibus potuit & hinc arrogans uideri, quia dixit, ego noui eum: sed uidete quid sequatur. Si dixero quia non noui eum, ero similis uobis mendax. Ergo arrogantia nō ita caueatur, ut ueritas relinquatur. Sed scio eum & sermonem eius seruo. Sermonem patris tanq; filius loquebatur, & ipse erat uer

Daniel 3

Matth. 10  
Luc. 12Matth. 22  
Exo. 3

erat uerbū patris, quod hominibus loquebatur, Abraā pater uester exultauit, ut uideret diē meū, & uidit & gauisus est. Magnū testimoniū perhibet Abraā, semē Abraā, creator Abraā, Abraā exultauit, inquit, ut uideret diē meū: uidit, nō timuit, sed exultauit ut uideret diē meū. Erat enim in illo charitas, quæ foras mittit timorē. Nō ait exultauit quia uidit, sed exultauit ut uideret. Credēs utiq; exultauit sperando, ut uideret intelligēdo, & uidit. Et quid potuit plus dicere, uel quid debuit plus dicere dominus Iesus Christus? Et uidit, inquit, & gauisus est. Quis explicat hoc gaudium fratres mei? Si gauisi sunt illi quibus deus oculos carnis aperuit, quale gaudiū fuit uidentibus cordis oculis lucē ineffabilē, uerbū manēs, splendore pijs mentibus refulgentē, sapientiā indeficientē, apud patrē manentē deū, & aliquando in carne uenturum, nec de patris gremio recessurum? Totū hoc uidit Abraam: nā quod ait, diem meum: incertum potest esse unde dixerit, utrum diem domini temporale quo erat uenturus in carne, an diem domini qui nescit ortum, nescit occasum. Sed ego non dubito patrem Abraam totum scisse. Et ubi inueniam? An sufficere nobis debet testimoniū domini nostri Iesu Christi? Putemus non inuenire nō posse, quia forte difficile est quomodo manifestū sit, quod Abraā exultauit ut uideret diē Christi, & uidit & gauisus est. Et si nos nō inuenimus, nūquid mētiri ueritas possit? Credamus ueritati, & de Abraā meritis minime dubitemus. Tamē audite unum locum, qui mihi interim occurrit. Pater Abraam quando misit seruum suum, ut peteret uxorem filio suo Isaac, hoc eum sacramento constrinxit, ut fideliter quod iubebatur impleat, & sciret etiā ipse quid faceret: magna enim res agebatur, quando Abraā semini coniugium quærebatur. Sed ut hoc cognosceret seruus quod nouerat Abraā, quia nepotes non carnaliter desiderabat, nec de genere suo aliquid carnale sapebat, ait seruo suo quem mittebat, Pone manum sub femore meo, & iura mihi per deum cœli. Quid uult deus cœli ad femur Abraā? Iam intelligitis sacramentum, per femur genus cœli. Ergo quid fuit illa iuratio, nisi quia significabat de genere Abraā uenturum in carne deum cœli? Stulti reprehendunt Abraam, quia dixit, Mitte manum sub femore meo. Qui reprehendunt carnem Christi, reprehendunt factum Abraā. Nos autē fratres, si agnoscimus carnem Christi uenerandam, illud femur non contemnamus, sed in prophetia dictum accipiamus. Etenim propheta erat Abraam: cuius propheta? seminis sui & domini sui. Semen suū significauit dicendo, Mitte manum sub femore meo. Dominum suum significauit addēdo, & iura mihi per deum cœli. Irati Iudæi responderunt ei, Quinquaginta annos nondū habes, & Abraam uidisti? Et dominus, Amen amē dico uobis, antequām Abraam fieret, ego sum. Appende uerba, & cognosce mysterium, antequām Abraam fieret, intellige, fieret ad humanam naturam: sum, uero ad diuinam pertinere substantiam. Fieret, quia creatura erat Abraam. Nō dixit, antequām Abraam esset ego sum, sed antequām Abraam fieret: qui nisi per me, non fieret, Ego sum. Nec hoc dixit, antequām Abraā fieret, ego factus sum. In principio enim fecit deus cœlum & terram: nam in principio erat uerbum. Antequām fieret Abraam, ego sum. Agnoscite creatorem, discernite creaturā. Qui loquebatur, semen Abraā factus erat, & ut Abraam fieret, ante Abraā ipse erat. Hinc iam uelut Abraā apertissimo conuicio commoti sunt acrius, blasphemasse quippe illis uisus est dominus Christus, quoniam dixit, Antequām Abraam fieret ego sum. Tulerunt ergo lapides ut iacerent in eū. Tanta duritia quō current nisi ad similes? Iesus autem, tanquam homo, tanquam in forma serui, tanquam humilis, tanquam passurus, tanquam moriturus, tanquam nos suo sanguine redempturus, non tanquam ille qui est, nec tanquam in principio uerbum, & uerbum apud deum. Nam cum illi lapides tollerent ut mitterent in eum, quid magnum erat ut eos continuo dehiscens terra absorberet, & pro lapidibus inferos inuenirent? Non erat magnum deo, sed magis erat commendanda patientia, quā exercenda potentia. Abscondit se ergo ab eis, ne lapidaretur. Tanquam homo à lapidibus fugit, sed uix illis à quorum lapideis cordibus deus fugit.



Ab eo quod scriptum est, Et præteriens Iesus uidit hominem cæcum à natiuitate, usq; ad id quod scriptum est, Nunc uero dicitis quia uidemus, peccatum uestrum manet. Tractatus XLIIII.



E homine quem dominus Iesus illuminauit qui cæcus natus fuit, proluxa lectio recitata est, quam si uniuersam pertractare conemur, pro sui dignitate si cut ualemus singula considerantes, non sufficit dies. Proinde peto & admoneo charitatem uestram, ut in his quæ aperta sunt sermonem nostrum non requi

ratis, nam nimis longum erit in singulis immorari. Breuiter ergo cæci huius illuminati com mendo mysterium. Ea quippe quæ fecit dominus noster Iesus Christus, stupenda atq; mi randa, & opera & uerba sunt: opera, quia facta sunt: uerba, quia signa sunt. Si ergo quid si gnificet hoc quod factum est cogitemus, genus humanum est ille cæcus: hæc enim cæcitas contigit in primo homine per peccatum, de quo omnes originem duximus, nō solum mor tis, sed etiam iniquitatis. Si enim cæcitas est infidelitas, & illuminatio fides, quæ fidelem quā do uenit Christus inuenit? Quandoquidē Apostolus natus in gente prophetarū dicit, Fui *Ephes. 2* mus & nos aliquando natura filij iræ sicut & cæteri. Si filij iræ, filij uindictæ, filij poenæ, filij gehēnæ, Quomodo natura, nisi quia peccante primo homine, uitium pro natura inoleuit? Si uitium pro natura inoleuit, secundum mentem omnis homo cæcus natus est: si enim ui det, non opus habet ductore: si opus habet ductore & illuminatore, cæcus est ergo à nati uitate. Venit dominus. Quid fecit? Magnum mysterium commēdauit. Expuit in terram de salina sua lutum fecit. ) quia uerbū caro factum est. Et inunxit oculos cæci. ) Inunctus erat, & nōdum uidebat. Misit illum ad piscinam quæ uocatur syloē. ) Pertinuit autem ad euangelistam commendare nobis nomen huius piscinæ, & ait, Quod interpretatur mis sus. ) Iam qui sit missus agnoscitis: nisi enim ille fuisset missus, nemo nostrum esset ab ini quitate dimissus. Lauit ergo oculos in ea piscina, quæ interpretatur missus, baptizatus est in Christo: si ergo quando eum in semetipso quodammodo baptizauit, tunc illuminauit: quando inunxit fortasse catechumenum fecit. Potest quidem aliter atq; aliter tanti sacramē ti exponi profunditas & pertractari, sed hoc sufficiat charitati uestræ, audistis grande my sterium. Interroga hominem, Christianus es? Respōdet tibi, Non sum. Si paganus es aut Iudæus? Si autem dixerit, non sum, adhuc quæris ab eo: catechumenus, an fidelis? Si respō derit tibi, catechumenus, inunctus est, nondum lotus. Sed unde inunctus quære? Et respon det, Quære ab illo in quē credat, eo ipso quo catechumenus est, dicit in Christum. Ecce mo do loquor & fidelibus & catechumenis. Quod dixi de sputo & luto, quia uerbū caro factū est, & hoc catechumeni audiunt, sed non eis sufficit ad quod inuncti sunt, festinent ad laua crum si lumē inquirunt. Iam ergo propter quosdam in hac ipsa lectione quæstiones, uerba domini & ipsius uniuersæ lectionis percurramus potius quàm tractemus. Exiens Iesus ui dit hominem cæcum. ) non utcunq; cæcum, sed A natiuitate. Et interrogauerunt eum di scipuli eius, Rabbi. ) scitis Rabbi quia magister est, magistrum appellabāt, quia discere de siderabant, quæstionem quippe domino proposuerunt tanq; magistro. Quis peccauit? hic, an parentes eius ut cæcus nasceretur? Respondit Iesus, Neque hic peccauit, neq; paren tes eius, ut cæcus nasceretur. ) Quid est quod dixit? Si nullus homo sine peccato, nūquid pa rentes huius cæci sine peccato erant? Nunquid ipse uel sine originali peccato natus erat, uel uiuendo nihil addiderat? An quia oculos clausos habebat, cōcupiscētiæ minime uigilabat? Quanta mala committunt cæci, à quo malo abstinent? Mens mala etiam clausis oculis nō poterat uidere, sed nouerat cogitare, & forte cōcupiscere aliquid quod cæcus non posset im plere, sed in corde iudicari à cordis perscrutatore. Si ergo & parentes eius habuerunt pecca tum, & iste habuit peccatū quare dominus dixit, Neq; hic peccauit, neque parētes eius, nisi ad rem de qua interrogatus est, ut cæcus nasceretur: habebant enim peccatū parentes eius, sed non ipso peccato factum est ut cæcus nasceretur. Si ergo non peccato factum est paren tum ut cæcus nasceretur, quare cæcus natus est? Audi magistrum docentem, Quærit creden tem ut

tem, ut faciat intelligētem. Ipse causam dicit, quare ille cæcus sit natus. Neque, inquit, hic peccauit, neque parentes eius, sed ut manifestetur opera dei in illo.) deinde quid sequitur? Me oportet operari opera eius qui misit me.) Ecce est ille missus, in quo faciem lauit cæcus: & uide quid dixerit, me oportet operari opera eius qui misit me. Donec dies est,) Memen-  
tote quomodo uniuersam gloriam illi dat de quo est, quia ille habet filiū qui de illo sit, ipse non habet de quo sit: sed quare dixisti domine, donec dies est: audi quare. Veniet nox quādo nemo potest operari.) Nec tu domine? Itā ne tantum ualebit nox illa ut nec tu possis in ea operari, cuius opus nox est. Puto enim domine Iesu, imò non puto, sed credo atque confirmo te ibi fuisse, quando dixit deus, Fiat lux, & facta est lux: si enim uerbo fecit, per te fecit, & ideo dictum est, Omnia per ipsum facta sunt, & sine ipso factum est nihil. Diuisit deus inter lucem & tenebras: lucem uocauit diem, & tenebras noctē. Quæ est illa nox, quæ cum uenerit, nemo poterit operari? Audi quid sit dies, & tunc intelliges quæ sit nox: unde sumus audituri quisnam sit dies iste: Ipse dicat. Quādiu in hoc mundo sum, lux sum mundi.) Ecce ipse dies est. Lauat oculos cæcus in die, ut uideat diē.) Quādiu, inquit, in mundo sum, lux sum mundi. Ergo nescio quæ nox erit, quādo ibi Christus nō erit, ideo nemo poterit operari. Restat inquirere fratres mei, patienter accipite inquirentem me: uobiscum quæro, uobiscum inueniam a quo quæro. Constat expressum ac definitum diem commemorasse dominum hoc loco seipsum, id est, lumen mundi: ergo operatur ipse quādiu est in hoc mundo. Putamus eum fratres fuisse hic tunc, & modo non hic esse. Si ergo hoc putamus, iam ergo post ascensum domini facta est nox ista metuenda, ubi nemo posset operari. Si post ascensum domini facta est nox ista, unde apostoli tanta operati sunt? Nunquid ista nox erat, quando spiritus sanctus ueniens, & omnes qui in uno loco erāt adimplens, dedit eis loqui omnium gentium linguis? Nunquid nox erat quando claudus ille ad uerbum Petri saluus effectus est, imò ad uerbum domini habitantis in Petro? Nunquid nox erat quando transeuntibus discipulis agri cum lectulis ponebantur, uel ut umbra transeuntium tangerentur? Dominus autem cum hic esset, neminem transiens umbra sua saluum fecit, sed ipse discipulis dixerat, Maiora horum facietis. Dixerat quidem dominus, maiora horum facietis: sed non se extollat caro & sanguis: audiat dicentem, Sine me nihil potestis facere. Quid igitur? quid dicemus de nocte ista? quando erit, quādo nemo poterit operari? Nox ista impiorum erit, nox ista eorum erit quibus in fine dicetur, Ite in ignem æternum, qui paratus est diabolo & angelis eius: sed nox dicta est, non flamma, non ignis. Audi quia & nox est: de quodam seruo dicit, Ligatē illi manus & pedes, & projice eum in tenebras exteriores. Operetur ergo homo dū uiuit, ne illa nocte præueniatur, ubi nemo possit operari. Modo est ut operetur fides per dilectionem: & si modo operamur, hic est dies, hic est Christus: audi promittentem, & ne arbitreris absentem. Ipse dixit, Ecce ego uobiscum sum. Quādiu non sit in nobis sollicitudo qui uiuimus, si fieri posset, de hac etiam uoce posteros qui futuri sunt securissimos faceremus. Ecce, inquit, ego uobiscum sum omnibus diebus usque ad consummationem seculi. Dies iste qui circumitu solis huius adimpletur, pau-  
cas horas habet: dies præsentia Christi usque in cōsummationem seculi extenditur. Post resurrectionem uero uiuorum & mortuorum, cum positis ad dexterā dixerit, Venite benedicti patris mei, percipite regnum: positis autem ad sinistrā dixerit, Ite in ignem æternum, qui paratus est diabolo & angelis eius: ibi erit nox, ibi nemo potest operari, sed recipere quod operatus est. Aliud est tempus operationis, aliud receptionis: reddet enim dominus unicuique secundū opera sua, cum uiuis & mortuis sic facturus est: erit enim tunc nox ualida, quæ inuoluat impios. Sed & modo omnis infidelis quando moritur illa nocte suscipitur, & nō est ut illic aliquid operetur. In illa nocte diues ardebat, & stillam aquæ de digito pauperis requirebat, dolebat,angebatur, fatebatur, nec ei subueniebatur, & conatus est benefacere: ait enim Abraæ, Pater Abraam, mitte Lazarum ad fratres meos, ut dicat illis quid hic agatur, ne & ipsi ueniant in hunc locum tormentorum. O infelix, quando uiuebas tunc erat tempus

Ioan. 14

Ioan. 15

Mat. 25

Matth. 22

Matth. 28

Luca 16



A pus operandi: modo iam in nocte es, in qua nemo possit operari. Hæc cum dixisset, ex-  
puit in terram, & fecit lutum ex sputo, & liniuit lutum super oculos eius, & dixit ei, Vade &  
laua in natatoria Siloë, quod interpretatur missus. Abijt ergo, & lauit, & uenit uidens.) hæc  
quia manifesta sunt, transeamus. Itaq; uicini qui uidebāt eum prius, quia mendicus erat,  
dicebant, Nonne hic est qui mendicabat? Alij dicebant, quia hic est, alij nequaquam, sed si-  
milis est ei.) Aperti oculi uultum mutauerant. Ille dicebat, quia ego sum.) Vox grata, ne  
damnaretur ingrata. Dicebant ergo ei, quomodo aperti sunt oculi tui? Respondit, Ille  
homo qui dicitur Iesus, lutū fecit, & unxit oculos meos, & dixit mihi, Vade ad natatoriam  
Siloë & laua, & abijt & uidi.) Ecce annunciator factus est gratiæ: ecce euangelizat, confitetur  
uidens: cæcus ille confitebatur, & cor impiorum frangebatur, quia non habebant in corde,  
quod iam ille habebat in facie. Dixerūt ei, Vbi est ille qui tibi aperuit oculos? ait, Nescio.)  
In his uerbis animus ipsius adhuc inuncto similis erat, nondum uidenti: sic ponamus fra-  
tres, tanquam illam unctionem in animo habuerit, prædicat, & nescit quem prædicat.  
Adducunt eum ad Phariseos qui cæcus fuerat. Erat autem sabbatum quando lutum fecit  
Iesus, & aperuit oculos eius. Iterum ergo interrogabant eum Pharisei, quomodo uidisset.  
Ille autem dixit eis, Lutum posuit mihi super oculos meos, & laui & uideo. Dicebant ergo  
ex Phariseis quidam.) Non omnes sed quidam: iam enim inungebantur quidam. Quid er-  
go dicebant, nec uidentes, nec inuncti? Non est hic homo à deo, qui sabbatum non custo-  
dit.) Ipse potius custodiebat, qui sine peccato erat. Sabbatum enim spiritale hoc est, non ha-  
bere peccatum. Denique fratres, hoc admonet deus, quando commendat sabbatum, Omne *Leuit. 25*  
opus seruile non facietis: hæc sunt uerba dei commendantis sabbatum, Omne opus seruile  
non facietis in eo. Iam superiores lectiones interrogate, quid sit opus seruile, & dominū au-  
dite, Omnis qui facit peccatum, seruus est peccati. Sed isti nec uidentes, ut dixi, nec inuncti, *Ioan. 8*  
sabbatum carnaliter obseruabant, spiritualiter uiolabant. Alij dicebant, Quomodo potest  
homo peccator hæc signa facere? Ecce sunt inuncti. Et schisma erat inter eos.) Dies ille di-  
uisus erat inter lucem & tenebras. Dicunt ergo cæco iterum, Tu quid dicis de eo qui ape-  
ruit tibi oculos? Quid de illo sentis? quid existimas? quid iudicas? Quærebant quemadmo-  
dum homini calumniarentur, ut de synagoga repelleretur, sed à Christo inueniretur. Sed il-  
le constanter quod sentiebat expressit. Ait enim, Quia propheta est.) Adhuc quidem in-  
unctus in corde nondum deum confitetur, nec mentitur tamen. Ipse enim dominus de se  
metipso ait, Non est propheta sine honore nisi in patria sua. Non crediderunt ergo Iu-  
dæi de illo, quia cæcus fuisset & uidisset, donec uocauerunt parentes eius qui uiderat, id est,  
qui cæcus fuerat & uiderat. Et interrogauerunt eos dicētes, Hic est filius uester, quem uos  
dicitis quia cæcus natus est? Quomodo autem nunc uidet? Responderunt eis parentes eius  
& dixerunt, Scimus quia hic est filius noster, & quia cæcus natus est, quomodo autem nunc  
uideat nescimus, aut quis eius aperuit oculos nos nescimus. Et dixerunt, Ipsum interroga-  
te, ætatem habet, ipse de se loquatur.) Scimus quidem quia filius noster est: sed iuste cogere  
mur loqui pro infante, si ipse pro se loqui non posset: olim loquebatur, modo uidet, cæ-  
cum à natiuitate nouimus, loquentem olim scimus, uidentem modo uidemus: ipsum inter-  
rogate ut instruamini, quid nobis calumniamini? Hæc dixerunt parentes eius, quia ti-  
mebant Iudæos. Iam enim conspirauerant Iudæi, ut si quis eum confiteretur Chri-  
stum, extra synagogam fieret.) Iam non erat malum fieri extra synagogam: illi ex-  
pellebant, sed Christus excipiebat. Propterea parentes eius dixerunt, quia ætatem ha-  
bet, ipsum interrogate. Vocauerunt ergo rursus hominem, qui fuerat cæcus, & dixerunt  
ei, Da gloriam deo? nega quod accepisti. Hoc planè non est glo-  
riam deo dare, sed deum potius blasphemare. Da, inquit, gloriam deo. Nos scimus  
quia hic homo peccator est. Dixit ergo ille, Si peccator est, nescio: unum scio, quia cæcus  
cum essem, modo uideo. Dixerunt ergo illi, Quid fecit tibi? quomodo aperuit oculos  
tuos?

tuos?) Et ille iam stomachans aduersus duriciam Iudæorum, & ex cæco uidens, nō ferens cæcos. Respondit eis, Dixi iam uobis, & audistis, Quid iterum uultis audire? Nunquid & uos uultis discipuli eius fieri? Quid est, nunquid & uos, nisi quia ego iam sum, nunquid & uos uultis? Iam uideo, sed nō inuideo. Maledixerunt ei & dixerūt, Tu discipulus eius sis.) Tale maledictum super nos, & super filios nostros: maledictum enim est, si cor discutias, non si uerba perpendas. Nos autem Moyfi discipuli sumus, nos scimus quia Moyfi locutus est deus, istum autem nescimus unde sit.) Vtinam sciretis, si sciretis quia Moyfi locutus est deus, sciretis quia per Moysen prædicatus est deus: habetis enim dominum dicentem, Si crederetis Moyfi, crederetis & mihi: de me enim ille scripsit, Itā ne sequimini seruum, & dorsum ponitis contra dominum? Sed nec seruum sequimini, nam per illum ad dominum duceremini. Respondit ille homo & dixit eis, In hoc mirabile est, quia uos nescitis unde sit, & aperuit oculos meos. Scimus autem quia peccatores deus non exaudit, sed si quis dei cultor est, & uoluntatem eius facit, hunc exaudit.) Adhuc inunctus loquitur: nam & peccatores exaudit deus: si enim peccatores deus non exaudiret, frustra ille publicanus oculos in terram demittens, & pectus suum percutiens diceret, Deus propitius esto mihi peccatori. Et ista confessio meruit iustificationem, quomodo iste cæcus illuminationem. A seculo non est auditum, quoniā quis aperuit oculos cæci nati? Nisi esset hic à deo non poterat facere quicquam.) Libere, constanter & ueraciter. Hæc enim quæ à deo facta sunt, à quo fierent nisi à domino? Aut quando à discipulis talia fierent, nisi in eis dominus habitaret? Responderunt & dixerunt ei, In peccatis natus es totus.) Totus quid est? Cum clausis oculis. Sed qui aperuit oculos, saluat & totum. Ipse dabit ad dexteram resurrectionem, qui in facie dedit illuminationem. In peccatis totus natus es. Et tu doces nos? Et eiecerunt eum foras.) Ipsi illum magistrum fecerunt, ipsi ut discerent totiens interrogauerunt, & ingrati docentem proiecerunt. Sed quod dixi iam dudum fratres, illi pellunt, excipit dominus: magis enim quia expulsus est, Christianus factus est. Audiuit dominus quia eiecerunt eum foras, & cum inuenisset eum, dixit ei, Tu credis in filium dei? modo lauat faciem cordis. Respondit ille & ait, quasi adhuc inunctus. Quis est domine ut credam in eum? Et dixit ei Iesus, Et uidistis eum, & qui loquitur tecum ipse est.) Missus est ille, iste lauans faciem in Siloë, quod interpretatur missus: denique iam facie lota cordis & mundata conscientia, agnoscens eum non filium hominis tantum quod ante crediderat, sed iam filium dei qui carnem susceperat. Ait, Credo domine.) Parum est credo, uis uidere qualem credat? Et procidens adorauit eum. Et dixit ei Iesus, Modo dies ille est inter lucem & tenebras discernens. In iudicium ego in hunc mundum ueni, ut qui non uident uideant, & qui uident cæci fiant.) Quid est hoc domine? Magnam quæstionem fassis intulisti, sed erige uires nostras, ut possimus intelligere quod dixisti. Venisti ut qui non uident uideant, recte, quia lumen es: recte, quia dies es: recte, quia de tenebris liberas. Hoc omnis anima accipit, omnis intelligit: quid est hoc quod sequitur, Et qui uident cæci fiant? Ergo ne quia uenisti, cæci fiunt qui uidebant? Audi quid sequitur, & fortassis intelliges. Commoti sunt ergo uerbis istis, Quidam ex Phariseis, & dixerunt ei, Nunquid & nos cæci sumus? Audi iam quid est quod mouebat, & qui uident cæci fiant. Dixit eis Iesus, Si cæci essetis non haberetis peccatum, Cum sit cæcitas ipsa peccatum, si cæci essetis, id est, si uos cæcos aduerteretis, si uos cæcos diceretis, & ad medicum curreretis, si ergo ita cæci essetis, non habetis peccatum, quia ueni ego auferre peccatum. Nunc uero dicitis quia uidemus, peccatum uestrum manet.) Quare? Quia dicendo uidemus, medicū nō quæritis, in cæcitate uestra reuertentur, & medicum quærunt ut uideant, & qui uident cæci fiant: quid est, qui uident cæci fiant? Qui se putant uidere, & medicum non quærunt, & in sua cæcitate permanent. Ergo istam discretionem uocauit iudicium, cum ait, In iudicium ueni in hunc mundum



**A** mundum, quo discernit causam credentium & confitentium à superbis se uidere putanti-  
bus, & ideo grauius exccatis, tanquam dixerit ei peccator confitens & medicum quærens,  
Iudica me deus, & discerne causam meam de gente nō sancta, Illorum scilicet qui dicunt, ui- psal. 4.  
demus, & eorum peccatum manet. Nō autē illud iudiciū iam intulit mundo, quo de uiuis &  
mortuis in fine seculi iudicabit. Secundum hoc enim dixerat, Ego non iudico quenquam, ioan. 8  
quoniam prius uenit, non ut iudicet mundum, sed ut saluetur mundus per ipsum.

Ab eo quod scriptum est, Amen amen dico uobis, qui non intrat per ostium in ouile ouium, sed ascēdit aliunde, ille fur est & latro, usq; ad id quod ait, Ego ueni ut uitam habeant, & abundantius habeant. Tractatus XLV

Tractatus XLV

**D**e illuminato illo, qui cæcus natus est, sermo ad Iudæos domini exortus est. Huic itaq; lectioni hodiernam esse contextam, scire debuit & commoneri charitas uestra. Cum enim dominus dixisset, In iudiciū enim ego ueni in hunc mundum, ut qui non uident, uideant: & qui uident, cæci fiant: quod eo tempore, quando lectum est, ut potuimus exposuimus, quidam ex pharisæis dixerunt, Nunquid & nos cæci sumus? Quibus respondit dominus, Si cæci essetis, non haberetis peccatū, Nunc autem dicitis, quia uidemus, peccatum uestrum manet. His uerbis subiunxit ea, quæ hodie cum recitarētur, audiuius. Amen amen dico uobis, qui non intrat per ostium in ouile ouium, sed ascendit aliunde, ille fur est & latro.) Dixerunt enim se cæcos nō esse, uidere autem tunc possent, si oues Christi essent. Vnde sibi usurpabant lumen, qui furebant contra diem. Propter illorum ergo uanam & superbam & insanabilem arrogantiam dominus Iesum ista contexit, in quibus salubriter nos, si aduertamus, admonuit. Multi enim sunt, qui secundum quandam uitæ huius cōsuetudinē dicuntur boni homines, boni uiri, bonæ scelerum minæ, innocentes, & quasi obseruantes ea quæ in lege præcepta sunt, deferētes honorem parentibus suis, non mœchantes, non homicidiū perpetrantes, non furtum facientes, non falsum testimonium aduersus quenquam perhibentes, & cætera quæ in lege mandata sunt, uelut obseruantes: Christiani non sunt, & plerunq; se iactant quomodo isti: nunquid & nos cæci sumus? Quia uero ista omnia quæ faciunt, & nesciunt ad quem finē referant, inaniter faciunt. Dominus de grege suo & de ostio qua intratur ad ouile, similitudinē proposuit in hodierna lectione: dicant ergo pagani: Bene uiuimus. Si per ostium non intrant, quid prodest eis: unde gloriantur? Ad hoc enim debet unicuiq; prodesse uiuere, ut detur illi semper uiuere: nam cui non datur semper uiuere, quid prodest bene uiuere? Quia nec bene uiuere dicendi sunt, qui finē bene uiuendi uel cæcitate nesciunt, uel inflatione contemnunt. Nō est autem cuiquam spes uera & certa semper uiuendi, nisi agnoscat uitam quod est Christus, & per ianuā intret in ouile. Querunt ergo plerunq; tales homines etiā persuadere hominibus ut bene uiuant, & Christiani non sint. Per aliā partē uolunt ascendere, rapere & occidere, nō ut pastor cōseruare atq; saluare. Fuerūt ergo quidā philosophi, de uirtutibus & uitijs subtilia multa tractātes, diuidētes, definiētes, ratiocinatiōes acutissimas cōcludētes, libros implēs, suā sapientiā buccis crepantibus uentilantes, qui etiā dicere auderent hominibus, nos se quimini, sectā nostrā tenere, si uultis beate uiuere. Sed nō intrabant per ostiū, perdere uolebant, macltare & occidere. Quid de istis dicā? Ecce ipsi Pharisei legebat, & in eo quod legebant, macltare & occidere. Quid de istis dicā? Absit. Sabellius dicit, Qui filius est, ipse est pater: haeretici. Forte ipsi per ianuā intrauerunt? Absit. Arianus dicit, Alius est filius non est pater. Non intrat per ostium qui filiū dicit patrem. Quando enim dicitur alius est filius, aliud est filius. Recte diceret si diceret, alius, non aliud. Quando enim dicitur alius est filius, aliud est filius.

cit aliud, ei contradicit à quo audit, Ego & pater unum sumus. Nec ipse ergo per ostium intrat: prædicat enim Christum qualem sibi fingit, non qualem ueritas dicit: nomen habes, rem non habes. Alicuius rei nomen est Christus, tene ipsam rem, si uis prodesse tibi nomen: alius, nescio unde sit, sicut Fotinus, Christus homo est, inquit, deus non est: nec ipse intrat per ostium, quia Christus homo & deus est. Et quid opus est multa percurrere, & multa uana hæresum enumerare? Hoc tenete, ouile Christi esse catholicam ecclesiam. Quicumque uult intrare ad ouile, per ostium intret, Christum uero prædicet, non solum Christum uerum prædicet, sed Christi gloriam quærat, non suam: nam multi quærendo gloriam suam, oues Christi sparserunt potius quam congregauerunt: humilis est enim ianua Christus dominus: qui intrat per hanc ianuam, oportet humilem esse, ut sano capite possit intrare: qui autem se non humiliat sed extollit, per maceriam uult ascendere: qui autem per maceriam ascendit, ideo exaltatur ut cadat. Tecte tamen adhuc loquitur dominus Iesus, nondum intelligitur: nominat ostium, nominat ouile, nominat oues: commendat hæc omnia, sed nondum exponit. Legamus ergo, quia uenturus est ad ea uerba, in quibus nobis aliqua quæ dixit dignetur exponere, ex quorum expositione dabit nobis fortasse etiam illa quæ non exposuit intelligere: pascit enim manifestis, exercet obscuris. Qui non intrat per ostium in ouile ouium, sed ascendit aliunde, uæ mihi sero, quia casurus est. Sit ergo humilis, per ostium intret, plano pede ueniat, & non offendat. Ille, inquit, fur est & latro, qui oues suas uult dicere oues alienas, ad hoc suas, id est furto ablatas, ut non saluet, sed ut occidat. Ergo fur est, quia quod alienum est suum dicit: latro, quia & quod est furatus occidit. Qui autem intrat per ostium, pastor est ouium: huic ostiarius aperit.) De ostiario isto tunc quæramus, quando ab ipso domino audierimus quod sit ostium, & qui sit pastor. Et oues uocem eius audiunt, & proprias oues uocat nominatim.) Habet enim nomina eorum scripta in libro uitæ. Proprias oues uocat nominatim: hinc dicit Apostolus, Nouit dominus qui sunt eius. Et adducit eas, & cum proprias oues emiserit, ante eas uadit, & oues illum sequuntur, quia sciunt uocem eius. Alienam autem non sequuntur, sed fugiunt ab eo, quia non nouerunt uocem alienorum.) Tecta sunt uerba hæc, plena quæstionibus, grauida sacramentis. Sequamur ergo & audiamus magistrum ex his obscuris aliquid aperiens, & per id quod aperit, nos forte intrare facientem. Hoc prouerbium dixit illis Iesus, illi autem non cognouerunt quid loqueretur eis.) Forte nec nos. Quid ergo interest inter illos & nos, antequam ista uerba agnoscamus & nos? Quia nos pulsamus ut aperiatur nobis: illi autem Christum negando nolebant intrare seruandi, sed foris remanere perdendi. Quod ergo nos audimus hæc pie, quod antequam illa intelligamus, credimus uera esse atque diuina, magna ab istis diuersitate distamus. Cum enim duo audiunt uerba euangelij, unus impius, alter pius, & talia sunt ut forte ambo non intelligant, unus dicit, nihil dixit: alius dicit, uerum dixit, & bonum est quod dixit, sed nos non intelligimus: iste quia credit iam pulsare, & dignus est cui aperiatur si pulsare persistat, ille uero adhuc audiat, Nisi credideritis non intelligetis. Quare ista commendo? quia etiam cum uerba hæc obscura sicut possum exposuero, aut quia ualde sunt abdita, uel ego eorum non apprehendero intelligentiam, uel explicandi quod intelligo non habuero facultatem, uel tamen fuerit quisque tardus, ut etiam exponentem non sequatur, non de se desperet: maneat in fide, ambulet in uia, audiat Apostolum dicentem, Et si quid aliter sapitis, hoc quoque uobis deus reuelabit, uerum tamen in quod peruenimus, in eo ambulemus. Incipiamus ergo audire exponentem, quem audiuius proponentem. Dixit ergo iterum eis Iesus, Amen amen dico uobis, quia ego sum ostium ouium.) Ecce ipsum ostium quod clausum posuerat, aperuit. Ipse est ostium, agnouimus, intremus: ut nos intrasse gaudeamus. Omnes quotquot uenerunt, fures sunt & latrones.) Quid est hoc domine Omnes quotquot uenerunt? Quid enim? Tu non uenisti: sed intellige. Omnes quotquot uenerunt dixit, utique præter me. Recolamus ergo, Ante aduentum ipsius uenerunt prophetae, nunquid fures & latrones fuerunt? Absit, non præter illum uenerunt, quia cum illo uenerunt. Venturus præcones mittebat, sed eorum corda quos misit



A miserat, possidebat. Vultis nosse quia cum illo uenerunt: Qui est ipse semper, carnem quippe accepit ex tempore. Quid est ergo semper? In principio erat uerbum. Cum illo ergo uenerunt, qui cum uerbo dei uenerunt. Ego sum, inquit, uia & ueritas & uita. Si ipse est ueritas, cum illo uenerunt qui ueraces fuerunt: quotquot ergo prater illum, fures sunt & latrones, id est, ad furandum & occidendum. Sed non audierunt eos oues. Maior hæc quaestio est, non audierunt eos oues. Ante aduentum domini nostri Iesu Christi, quo humilis uenit in carne, præcesserunt iusti, sic in eum credentes uenturum, quomodo nos credimus in eum qui uenit. Tempora uariata sunt, non fides, quia & ipsa uerba pro tempore uariantur, cum uarie declinantur. Alium sonum habet, uenturus est: alium sonum habet, uenit: mutatus est sonus, uenturus est, & uenit: eadem tamen fides utrosque coniungit, & eos qui uenturum esse, & eos qui eum uenisse crediderunt: diuersis quidem temporibus, sed utrosque per unum fidei ostium, hoc est per Christum, uidemus ingressos. Nos credimus dominum nostrum natum ex uirgine, uenisse in carne, passum esse, resurrexisse, in cælum ascendisse, totum hoc sicut uerba auditis præteriti temporis, impletum esse iam credimus: in eius sunt fidei societate nobiscum & illi patres, qui crediderunt de uirgine nasciturum, passurum, resurrecturum, in cælum ascenditurum, illos enim ostendit Apostolus ubi ait, Habentes autem eundem spiritum fidei, sicut scri-  
ptum est. Credidi propter quod locutus sum: & nos credimus, propter quod & loquimur. Propheta dixit, Credidi propter quod locutus sum. Apostolus dicit, Et nos credimus, propter quod & loquimur: ut scias autem quod una sit fides, audi dicentem, Habentes eundem spiritum fidei & nos credimus: sic & alio loco. Nolo enim uos, inquit, ignorare fratres, quia patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari: & omnes eandem escam spiritalem manducauerunt, & omnes eundem potum spiritalem biberunt. Mare rubrum significat baptismum, Moyses ductor per mare rubrum significat Christum: populus transiens significat fideles: mors Aegyptiorum significat abolitionem peccatorum. In signis diuersis eadem fides, sic in signis diuersis quomodo in uerbis diuersis, quia uerba sonos mutant per tempora, & utique nihil aliud sunt uerba quam signa: significatio enim uerba sunt, tolle significationem uerbo, strepitus inanis est. Significata sunt ergo omnia: nunquid non eadem credebant, per quos hæc signa ministrabantur, per quos eadem quæ credimus, prophetata prænunciabantur: utique credebant: sed illi uentura esse, nos autem uenisse: ideo autem sic ait, Eundem potum spiritalem biberunt: si spiritalem eundem, nam corporalem non eundem. Quid enim illi bibe-  
bant? si spiritalem eundem, autem erat Christus: uidete ergo, fide manente, signabant enim de spiritali sequente petra: petra autem erat Christus: uidete ergo, fide manente, signa uariata. Ibi petra Christus, nobis Christus quod in altari dei ponitur, & illi pro magno sacramento eiusdem Christi biberunt aquam profluentem de petra, nos quid bibamus norunt fideles. Si speciem uisibilem intendas, aliud est: si intelligibilem significationem, eundem potum spiritalem biberunt. Quotquot ergo illo tempore crediderunt uel Abraam, uel Isaac, uel Iacob, uel Moyse, uel alijs patriarchis, alijsque prophetis Christum prænuntiantibus, oues erant, & Christum audierunt, non alienam uocem, sed ipsius audierunt. Iudex fuerat in præcone, quia & quando iudex loquitur per præconem, exceptor non facit, præco non dixit, sed iudex dixit. Alij sunt ergo quos non audierunt oues, in quibus non erat uox Christi, errantes, falsa dicentes, inania garrientes, uana fingentes, miseros seducentes. Quid est ergo quod dixi? Maior hæc quaestio est, quid habet obscurum & ad intelligendum difficile? audite obsecro: ecce dominus ipse Iesus Christus uenit, prædicauit, utique multo magis uox pastoris erat, expressa ipso ore pastoris: si enim per prophetas uox pastoris erat, quanto magis uocem pastoris proferebat lingua ipsa pastoris: non omnes audierunt. Sed quid putamus? Qui audierunt oues erant? Ecce audiuit Iudas, & lupus erat: sequebatur, sed pelle ouina tectus, pastori insidiabatur. Aliqui uero eorum, qui Christum crucifixerunt, non audiebant, & oues erant: ipsos enim uidebat in turba, quando dicebat, Cum exaltaueritis filium hominis, tunc cognoscetis quia ego sum. Quomodo ista sol-  
uitur

Ioan. 14

2. Cor. 4  
psal. 115

Ioan. 2

uitur quæstio: Audiunt non oues, & non audiunt oues: sequuntur uocem pastoris quidam lupi, & ei quædam cōtradiciunt oues, postremo pastorem occidunt oues. Soluitur quæstio: respondet enim aliquis & dicit, Sed quando non audiebant, oues nondum erant, tunc lupi erant: uox audita eos mutauit, & ex lupis oues fecit. Quando autem factæ sunt oues, audierunt, & pastorem inuenerunt, pastoremq; secutæ sunt: pastoris promissa sperauerunt, quia iussa fecerunt. Soluta est utcunq; ista quæstio, & cuiquam forte sufficiat. Me autem adhuc mouet, & quid me moueat communico uobiscum, ut quodammodo quærens uobiscum, reuelante illo uobiscum merear inuenire: quid ergo me moueat accipite, per Ezechielē prophetam dominus obiurgat pastores, & dicit inter cætera de ouibus, Errantem ouem non reuocastis. Et errantē dicit, & ouem appellat: si quādo errabat ouis erat, cuius uocem ut erraret audiebat. Proculdubio enim nō erraret, si uocem pastoris audiret, sed ideo errauit, quia uocem audiuit alieni, uocem furis & latronis audiuit. Certe latronum uoces non audiunt oues: Qui uenerunt, inquit, & intelligimus, præter me, id est, qui uenerunt præter me, fures sunt & latrones, & non audierunt eos oues. Domine, si non audierunt eos oues, quomodo errant oues, si oues non audiunt nisi te? Tu autem ueritas es: quisquis ueritatem audit non utiq; errat: illi autem errant, & oues appellantur, nam si in errore ipso oues non appellarentur, non diceretur per Ezechielē prophetam, Errantem ouem non reuocastis. Quomodo & errat & ouis est: uocem alieni audiuit: certe non audierunt eos oues. Deinde modo multi colliguntur ad ouile Christi, & ex hæreticis fiunt catholici: à furibus tolluntur, pastori redduntur. Et alieni quando murmurant, tædium patiuntur ad reuocantem, & nō intelligunt iugulantem, ueruntamen etiam cum renitentes uenerunt quæ oues sunt, agnoscunt uocem pastoris, & se uenisse lætantur, & errasse erubescunt. Quando ergo in illo errore tantamquam in ueritate gloriabantur, & utiq; non audiebant uocem pastoris, & alienum ideo sequebantur, oues erant an nō erant? Si oues erant, quomodo alienos oues audiūt? Si oues nō erant, quare obiurgātur illi quibus dicitur, Errantē ouē nō reuocastis? Ipsi etiam iā factis catholicis Christianis, bonæ spei fidelibus, aliquādo mala cōtingunt, seducuntur in errorem, & post errorē reuocantur. Quando seducti sunt in errorē, & rebaptizati sunt, aut post ouilis dominici societatem, rursus in errorem pristinum reuoluti sunt, oues erant an nō erant? Vnde que catholici erant: si catholici, fideles erant, oues erant. Si oues erant, quomodo uocem alieni audire potuerunt cum dominus dicat, non audierunt eos oues? Audistis fratres altitudinem quæstionis. Dico ergo, Nouit dominus qui sunt eius: nouit præscitos, nouit prædestinatos: de illo quippe dicitur, Quos aut præsciuit & prædestinauit cōformes fieri imaginis filij sui, ut sit primogenitus in multis fratribus: quos aut prædestinauit, ipsos & uocauit: & quos uocauit, ipsos & iustificauit: quos aut iustificauit, ipsos & glorificauit. Si deus p nobis, quis cōtra nos? Adde adhuc, Qui proprio filio suo nō pepercit, sed pro nobis omnibus tradidit eum, quomodo etiā non cum illo omnia nobis donauit? sed quibus? Nobis præscitis, & prædestinatis, iustificatis, glorificatis, de quibus sequitur, Quis accusabit aduersus electos dei? Nouit dominus qui sunt eius, ipsæ sunt oues. Aliquando se ipsæ nesciunt, sed pastor nouit eas, secundum istam prædestinationem, secundum istam dei præscientiam, secundum electionem ouium, ante constitutionem mundi: secundum istam ergo præscientiam dei & prædestinationē, quā multæ oues foris, quā multi lupi intus, & quā multa oues intus, & quā multi lupi foris. Quid est quod dixi, quā multa oues foris? quā multi modo luxuriantur, casti futuri: quā multi blasphemant Christū, credituri in Christum: quā multi se inebriant, futuri sobrii: quā multi rapiunt res alienas, donaturi suas, ueruntamen modo uocem alienam audiunt, alienos sequuntur. Item quā multi intus laudant, blasphemantur: casti sunt, fornicaturi: sobrii sunt, se uino postea sepulturi: stant, casuri: & non sunt oues: de prædestinatis enim loquimur. De his loquimur quos nouit dominus, qui sunt eius: & tamen ipsi quamdiu recte sapiūt, Christi uocem audiunt. Ecce audiūt ipsi, non audiunt illi, & tamen secundum prædestinationem non oues isti, oues illi. Adhuc manet

2. Tim. 2

Rom. 8



Matth. 10.

LHC, NO.

Ioan. 17

1. Ioan. 2

etiam foris, id est, coram hominibus operari: unde & in psalmo legitur: Exiet homo ad opus suum: & ipse dominus dicit: Luceant opera uestra coram hominibus: sed plus me delectat quod ipsa ueritas tantum pastor bonus, & ideo bonus doctor quodammodo nos admonuit, quemadmodum intelligere debeamus, quod ait: Ingredietur & egredietur, & pascua inueniet, consecutus adiunxit: Fur non uenit nisi ut furetur, & mactet, & perdat, ego ueni ut uitam habeant, & abundantius habeant. Vide enim mihi dixisse, ut uitam habeant ingrediētes, & abundantius habeant egredientes. Non autem potest quisque per ostium, id est, per Christum egredi ad uitam aternam, quæ erit & specie, nisi per ipsum ostium, hoc est, per eundem Christum in ecclesia eius quæ est ouile eius, intrauerit ad uitam temporalem, quæ est in fide, ideo ait: Ego ueni ut uitam habeant, hoc est, fidem, quæ per dilectionem operatur, per quam fidem in ouile ingreditur ut uiuant, quia iustus ex fide uiuit. Et abundantius habeant, qui perseuerando usque in finem, per illud ostium, id est, per fidem Christi egrediuntur, quoniam ueri fideles moriuntur, & abundantius habebunt uitam, ueniendo quo pastor ille præcessit, ubi nunc deinde moriantur. Quamuis ergo & hic in ipso ouili non desint pascua, quoniam ad utrumque possimus intelligere quod dictum est, & pascua inueniet, id est, & ad ingressum & ad egressum: tamen tunc uera pascua inuenient ubi saturentur, qui esuriunt & sitiunt iusticiam, qualia pascua inuenit cui dictum est: Hodie mecum eris in paradiso. Quomodo autem ipse sit ostium, ipse pastor, ut per seipsum quodammodo etiam ipse ingredi & egredi intelligatur, & quisnam sit ostiarius, longum est hodie quærere, & disserendo sicut ipse donauerit explicare.

Ab eo quod dictum est: Ego sum pastor bonus, bonus pastor animam suam ponit pro ouibus suis, usque ad id quod ait: Mercenarius autem fugit, quia mercenarius est, & non pertinet ad eum de ouibus: Tractatus XLVI



**L**OUENS dominus Iesus ouibus suis, & presentibus & futuris, quæ tunc aderant, quæ erant ibi iam oues eius, erantque quæ futurae erant eius oues: Item presentibus & futuris, & illis & nobis, & quotquot etiam post nos fuerint oues eius, quis ad eas missus esset, ostendit. Omnes ergo audiunt uocem pastoris sui dicentis: Ego sum pastor bonus. Non adderet bonus, nisi essent pastores mali: sed pastores mali ipsi sunt fures & latrones, aut certe ut multum mercenarii. Omnes enim hic personas quas posuit, requirere, distinguere, nosse debemus: aperuit enim iam duas res dominus, quas quodammodo clausas proposuerat. Iam scimus quia ostium ipse est, scimus quia pastor ipse est: fures & latrones qui sint, in hesternâ lectione patefactum est. Hodie autem audiui mercenarium, audiui & lupum, heri nominatus est & ostiarius. In bonis ergo ostium est & ostiarius, pastor & ouis: in malis fures & latrones, mercenarii, lupus. Ostium domini Christum accipimus ipsum pastorem, ipsum ostiarium: quia enim hæc duo ipse exposuit, ostiarium nobis reliquit quærendum: & quid ait de ostiario? Huic, inquit, ostiarius aperit: cui aperit? Pastori. Quid aperit pastori? Ostium. Et quis est ipsum ostium? Ipse pastor. Nunquid si dominus Christus non exposuisset, non ipse dixisset: Ego sum pastor, & ego sum ostium, auderet quisquam nostrum dicere, quod ipse Christus sit & pastor & ostium? Si enim diceret, ego sum pastor, & non diceret, ego sum ostium, quæsituri eramus quis esset ostium, & forte aliud putantes ante ostium remansuri, gratia illius & misericordia nobis exposuit: quæ nos seipsum dixit, exposuit ostium, seipsum dixit, ostiarium quærendum nobis reliquit: quæ nos dicturi sumus ostiarium. Quemlibet inueniremus, cauendum est ne maior existimeretur quam ipsum ostium: quia ostiarius in domibus hominum maior est ostio. Ostiarius enim ostio, non ostium præponitur ostiario, quia ostiarius ostium, non ostium custodit ostiarium. Non audeo dicere aliquem ostiarium maiorem: audiui enim iam quid sit ostium, non me latet, non sum dimissus coniecturæ meæ, non mihi humana est relaxata suspicio, deus dixit, ueritas dixit, mutari non potest quod immutabilis dixit. Dicam ergo in huius profunditate quæstionis quid mihi uidetur: eligat unusquisque quod placet, pia tamen sentiat, sicut scriptum est: Sentite de domino in bonitate, & in simplicitate cordis quærite illum. Ostiarium forte ipsum dominum



- A** dñm debemus accipere: multo sunt enim inter se diuersa in rebus humanis, pastor & ostiū, q̄ ostiarius & ostium, & tamen dominus & pastore se dixit, & ostium: cur ergo nō intelligamus ipsum & ostiarium? Si enim cōsideremus proprietates, dominus Christus nec pastor est, sicut consueuimus nosse & uidere pastores, nec ostium est, nō enim cum faber fecit: si autem secūdm aliquā similitudinē & ostium & pastor est, audeo dicere & ouis est: ouis nempe sub pastore est, tñ ille & pastor est & ouis: ubi est pastor? Ecce hic habes, lege euāgelium: Ego sum pastor bonus: ubi est ouis? Interroga prophetam: Sicut ouis ad immolādum ductus est: ubi est agnus? Interroga amicum sponsi: Ecce agnus dei, ecce qui tollit peccata mūdi. Adhuc aliquid secundum istas similitudines mirabilis sum dicturus: & agnus enim & ouis & pastor, inter se amica sunt: contra leones autem à pastoribus oues custodiri solent, & tamē de Christo cum sit ouis & pastor, legimus dictū: uicit leo de tribu Iuda. Hæc omnia fratres, secundum similitudines accipite, non secundum proprietates. Solemus uidere pastores sedere supra petram, & inde cōmissa sibi pecora custodire. Vtiq; melior pastor q̄ petra, super quam sedet pastor, & tamen Christus & pastor & petra. Totum hoc secundum similitudinem: proprietatē autem si quæras à me: In principio erat uerbum, & uerbū erat apud deum, & deus erat uerbum: si quæras à me proprietatem, filius unicus de patre in æternum ab æterno genitus, æqualis gignenti, per quem facta sunt omnia, cum patre incōmutabilis, & accepta forma hominis non mutatus, ex incarnatione homo, filius hominis & filius dei. Hoc totum quod dixi, non similitudo sed res est: non ergo pigeat nos fratres secūdm quasdam similitudines ipsum accipere ostium, ipsum ostiarium: quid est enim ostium? Quo intramus: quis est ostiarius? Qui aperit: quis ergo se aperit, nisi qui seipsum exponit? Ecce dominus dixerat ostium, non intellexeramus: quādo nō intelleximus, clausum erat, qui aperuit ipse est ostiarius: nulla est ergo necessitas aliqd aliud quærere, nulla necessitas, sed fortasse est uoluntas: si est uoluntas, noli exorbitare, noli à trinitate discedere: si personam aliquam quæris ostiarij, spiritus sanctus occurrat: non enim dedignabitur ostiarius esse spiritus sanctus, quando ipsum ostium esse dignatus est filius: uide ostiarium, forte spiritum sanctum, ipse dominus discipulis suis de spiritu sancto dicit: Ipse uos docebit omnem ueritatem. Ostium quid est? Christus: quid est Christus? Veritas. Quis aperit ostium, nisi qui docet omnem ueritatem? De mercenario autem quid dicimus? Non in bonis hic cōmemoratus est. Pastor bonus, ait, animam suam dat pro ouibus suis: mercenarius & qui non est pastor, cuius non sunt oues propriæ, uidet lupum uenientem, & dimittit oues, & fugit, & lupus rapit, & dispergit oues. Non hic bonam personam mercenarius gerit, & tamen in aliquo utilis est: nec mercenarius diceretur, nisi acciperet à conducente mercedem: quis est ergo iste mercenarius, & culpabilis, & necessarius? Hinc uero fratres luceat nobis ipse dominus, ut & mercenarios intelligamus, & mercenarij non simus. Quis est ergo iste mercenarius? Sunt quidam ecclesiæ præpositi quibus Paulus apostolus dicit: Sua quærentes, non quæ Iesu Christi: quid est sua quærentes? Non Christum gratis diligentes, non deum propter deum quærentes, tēporalia cōmoda sectantes, lucris inhiantes, honores ab hominibus appetentes: hæc quando amantur à præposito, & propter hoc seruitur deo, quisquis est talis mercenarius est, inter filios se non computet: de talibus enim & dominus dicit: Amen dico uobis, per ceperunt mercedem suam: audi de Timotheo sancto quid dicat apostolus Paulus: Spero autem in domino Iesu, Timotheum cito me mittere uobis, ut & ego bono animo sim, cum cognouero quæ circa uos sint: neminem enim habeo tam unanimem, qui germane de uobis sollicitus sit, omnes enim sua quærent, non quæ Iesu Christi. Inter mercenarios pastor ingemuit, quæsiuit aliquem q̄ synceriter diligeret gregem Christi, & circa se in eis qui cum illo eo tempore fuerant non inuenit: non enim in ecclesia Christi tunc præter Paulum apostolum & Timotheum nemo erat qui germane de grege sollicitus esset, sed contigerat ut eo tempore quo Timotheum misit circa se alium de filijs non haberet, sed soli mercenarij cum illo essent, sua quærentes, non quæ Iesu Christi: & tamen ipse germane de grege sollicitus,

Esa. 53

Ioan. 1

Apoc. 5

Ioan. 16

Phil. 2

Matth. 6

Philip. 2

maluit filium mittere, & inter mercenarios remanere. Inuenimus & mercenarios, non eos di-  
 scutit nisi dominus, qui cor inspicit, ipse discutit, tamen aliquando intelliguntur à nobis, nō  
 enim frustra dixit ipse dominus etiā de lupis, ex fructibus eorū cognoscetis eos: multos in-  
 Matth. 5 terrogant tentationes, & tunc apparent cogitationes, multi autem latent. Habet ouile domi-  
 ni prappositos, & filios, & mercenarios. Prappositi autem qui filij sunt, pastores sunt: si pasto-  
 res sunt, quomodo unus pastor, nisi quia sunt illi omnes unius membra pastoris, cuius sunt  
 Es. 53 oves propriæ? Nam & ipsi membra sunt ipsius unius ovis, quia sicut ovis ad immolandū  
 ductus est. Audite autem, quia & mercenarij necessarij sunt: multi quippe in ecclesia cōmo-  
 da terrena sectantes, Christum tamen prædicant, & per eos uox Christi auditur, & sequun-  
 tur oues non mercenarium, sed uocem pastoris per mercenarium. Audite mercenarios ab  
 Matth. 23 ipso domino demonstratos: scribæ, inquit, & pharisæi cathedram Moyfi sedent, quæ dicunt  
 facite, quæ autem faciunt, facere nolite: quid aliud dixit, nisi per mercenarios uocem pastoris  
 audite? Sedendo enim cathedrā Moyfi, legē dei docent, ergo per illos deus docet: sua uero  
 illi si uelint docere, nolite audire, nolite facere, certe enim tales sua quærunt, non quæ Iesu  
 Christi. Nullus tamen mercenarius ausus est dicere populo Christi, tua quære, non quæ Ie-  
 su Christi: qui enim male facit, nō prædicat de cathedra Christi, inde laedit unde male facit,  
 nō unde bona dicit: botrum carpe, spinam caue. Bene quia intellexistis, sed propter tardio-  
 res dicam hoc idem planius, quod modo dixi, botrum carpe, spinam caue, cum dominus di-  
 Matth. 7 cat: Nunquid colligunt de spinis uuam, aut de tribulis ficus? Verum est omnino, & etiam  
 uerum ego dixi, botrum carpe, spinam caue, quia botrus aliquando de radice uitis exor-  
 tus, pendet in sepe, crescit palmes, inseritur spinis, & portat fructum spina non suum: non  
 enim spinam uitis attulit, sed spinis palmes incubuit: noli interrogare nisi radices, quære ra-  
 dicem spinæ, extra inuenies à uite: quære originem uuæ, uitis hanc protulit ex radice. Cathe-  
 dra ergo Moyfi uitis erat, pharisæorū mores spinæ erant: doctrina uero per malos, palmes  
 in sepe. Botrum inter spinas caute lege, ne dum quæris fructum, laceres manum: & cum au-  
 dis bona dicentem, ne imiteris mala facientem, quæ dicunt facite, legite uuas: quæ autem fa-  
 ciunt, facere nolite, cauete spinas: etiam per mercenarios uocem pastoris audite, sed noli-  
 te esse mercenarij, cum sitis membra pastoris: ipse autem Paulus apostolus sanctus qui di-  
 Phil. 2 xit: Neminem habeo qui tam germane de uobis sollicitus sit, omnes enim sua quærunt, nō  
 quæ Iesu Christi: alio loco inter mercenarios filiosq; distinguens, uidete quid dixerit: Qui-  
 dam per inuidiam & contentionem, quidam uero & per bonam uolūtatem Christum præ-  
 dicant: quidam ex charitate, scientes quia in defensione euangelij positus sum, quidam uero  
 & per contumaciam Christum annunciant non caste, existimantes tribulationem suscitari  
 uinculis meis. Isti mercenarij erant, Paulo apostolo inuidebant: quare inuidebant, nisi quia  
 temporalia requirebant? Sed quid adiungit attendite: quid enim? Cum omni modo, siue  
 occasione, siue ueritate Christus annuncietur, & in hoc gaudeo, sed & gaudebo. Veritas est  
 Christus, ueritas à mercenarijs occasione annuncietur, ueritas à filijs ueritate annuncietur.  
 Filij æternam hæreditatem patris patienter expectant: mercenarij temporalem mercedem  
 conducentes, festinanter exoptant. Mihi humana gloria cui mercenarios inuidere uideo, mi-  
 nuatur, & tamen per linguas mercenariorum & filiorum diuina Christi gloria diffametur,  
 cum siue occasione, siue ueritate Christus annuncietur. Vidimus qui sit etiam mercenarius:  
 quis est lupus, nisi diabolus? Et quid dictum est de mercenario? Cum uiderit lupum ueniē-  
 tem fugit, quia non sunt eius oves propriæ, nec ei cura est de ouibus: nunquid talis erat apo-  
 stolus Paulus? absit. Nunquid talis Petrus? absit: nunquid tales ceteri apostoli, excepto  
 Iuda filio perditionis? absit. Pastores ergo illi? Planè pastores: & unde unus pastor? Iam  
 dixi pastores, quia membra pastoris illo capite gaudebāt, sub illo capite cōcordabant, uno  
 spiritu in unius corporis compage uiuebant, ac per hoc omnes ad unum pastorem pertine-  
 bant. Si ergo pastores, non mercenarij, quare fugiebant quādo persecutionem patiebant?  
 2. Cor. 11 Expone nobis, o domine, uidi in epistola fugientem Paulum, per murū in sporta submis-  
 sus est,



Matth. 10

1. *Timoth. 2*

Col. 2

B mo in æternū nō manebit: sunt adhuc hæc querenda, & discutienda nobiscū, sed ostendere nos non est consilij: dominica enim cibaria cum seruis ministramus, in pascuis dominicis oves pascimus, & simul pascimur: sicut non est negandum quod necessarium est, sic non est cor in firmū pabuli multitudine prægrauandū: non sit ergo molestū charitati uestræ, quia omnia quæ hic adhuc discutienda arbitror, hodie nō discutio, sed iterum nobis in nomine dñi diebus reddendī sermonis, eadē lectio recitabit, & diligenter illo adiuvante tractabitur.

Ab eo quod dictū est: Ego sum pastor bonus, & cognosco oves meas: & cognoscunt me meæ, usq; ad id quod ait: Nunquid dæmonium potest eorum oculos aperire?

XLVII.

corum oculos aperire?  
**Q** V I sermonem domini dei nostri non solum libenter, sed etiam diligenter audistis, promissionis nostræ proculdubio meministis. Ipsa quippe lectio euangelica & hodie lecta est, quæ lecta fuerat proximo dominico die. Propterea quoniam in quibusdam necessitatibus immorati, non potuimus omnia discutere, quæ uestris sensibus debebamus. Proinde quæ iam dicta atq; tractata sunt, hodie non quærimus, ne adhuc eadem repetendo, ad illa quæ nondū dicta sunt, peruenire minime permittamur. Nostis iam in nomine domini qui sit bonus pastor, & quæadmodum pastores boni membra sint eius, & ideo pastor sit unus. Nostis qui sit mercenarius ferendus, quis lupus, & fures & latrones cauendi, quæ sint oues, quod sit ostium quo & oues ingrediuntur, & pastor quomodo sit intelligendus ostiarius: nostis etiam quoniam quisquis non per ostium intrauerit, fur est & latro, nec uenit nisi ut furetur, & occidat & perdat. Hæc omnia dicta, sufficienter quantum ex istimo pertractata sunt: hodie debemus dicere quantum adiuuat dominus, quoniam ipse Iesus Christus saluator noster, & pastorem se esse dixit, & ostium, & pastorem bonum dixit intrare per ostium: quomodo ipse per se ipsum intrat? Si enim nemo pastor bonus est nisi qui per ostiū intrat, & ipse est præcipue pastor bonus, & ipse est ostiū, intelligere nō possum nisi & ipsum per se ipsum ad oues suas intrare, & uocē suam illis dare ut sequantur eū, easq; intrantes

11 3

intrantes

intrantes & exeuntes pascua inuenire, quod est uita aeterna. Cito ergo dico, ego quaerens intrare ad uos, id est, ad cor uestrum, Christum praedico: si aliud praedicem, per aliam partem conabor ascendere. Christus itaque mihi ianua est ad uos, per Christum intro, non ad parietes uestros, sed ad corda uestra. Quid est, per Christum intro? Christum in me libenter audistis. Quare Christum in me libenter audistis? Quia oues Christi estis, sanguine Christi comparata estis, agnoscitis precium uestrum quod non a me datur, sed per me praedicat. Ille quippe emit, qui precium sanguinem fudit: preciosus sanguis est illius sine peccato, fecit tamen ipse etiam suorum sanguinem preciosum, pro quibus dedit sanguinis precium: nam si suorum sanguinem non faceret preciosum, non diceretur: Preciosa in conspectu domini mors sanctorum eius. Itaque etiam quod ait: Pastor bonus animam suam ponit pro ouibus, non ipse unus fecit, & tamen si illi qui fecerunt membra eius sunt, idem ipse unus hoc fecit. Ipse enim potuit facere sine illis, ipsi sine illo unde potuerunt, cum ipse dixit: sine me nihil potestis facere. Hinc autem ostendimus quod & alij fecerunt, quia ipse apostolus Ioannes, qui hoc quod audistis euangelium praedicauit, in epistola sua dixit: sicut pro nobis animam suam posuit, sic & nos debemus animas, per fratribus ponere. Debemus dixit, debitores nos fecit, qui primus exhibuit: ideo quodam loco scriptum est: Si federis cenare ad mensam potentis, sapienter intellige quae apponuntur tibi, & mitte manum tuam, sciens quia talia te oportet praeparare. Mensa potentis quae sit nostis, ubi est corpus & sanguis Christi, qui accedit ad talem mensam, praeparet talia. Et quid est, praeparet talia? Quomodo ipse pro nobis animam suam posuit, sic & nos debemus ad aedificandam plebem, ad asserendam fidem animas pro fratribus ponere: ideo Petrus quae facere uolebat pastorem bonum, non in ipso Petro, sed in corpore suo ait: Petre amas me? Pasce oues meas: hoc semel, hoc iterum, hoc tertio, usque ad eius tristitiam: & cum tantum interrogasset dominus, quantum interrogandum esse indicauit, ut ter confiteatur qui ter negauerat, & ei suas oues pascendas tertio commendasset, ait illi: Cum iunior esses, cingebas te & ambulabas ubi uolebas, cum autem senueris, extends manus tuas, & alter te cinget, & ducet te, quod tu non uis. Et exposuit euangelista quid dominus dixerit: hoc autem, inquit, dixit significans qua morte clarificaturus esset deum. Ad hoc ergo pertinet pasce oues meas, ut ponas animam tuam pro ouibus meis, iam illud quod ait: Sicut nouit me pater & ego agnosco patrem.) Quis nescit hoc? Ipse enim agnoscit patrem per se, nos per illum, quia ipse per se cognoscit, nouimus, quia & nos per illum etiam hoc nouimus, quia & hoc per illum nouimus: ipse enim dixit: Deum nemo uidit unquam, nisi unigenitus filius qui est in sinu patris, ipse enarrauit: ergo & nos per ipsum, quibus enarrauit. Item alibi ait: Nemo nouit filium nisi pater, neque patrem quis nouit nisi filius, & cui uoluerit filius reuelare: sicut ergo ipse per se nouit patrem, nos autem per illum nouimus patrem, sic intrat in ouile per semetipsum, & nos per ipsum. Ostium dicebamus per Christum nos habere ad uos: quare? Quia Christum praedicamus: nos Christum praedicamus, & ideo intramus per ostium. Christus autem Christum praedicat, quia seipsum praedicat, & ideo pastor per seipsum intrat. Lumen cum alia monstrat quae uidentur in lumine, nunquid aliquo indiget ut monstretur? Lumen ergo & alia demonstrat & seipsum. Quaecumque intelligimus, intellectu intelligimus, & ipsum intellectum, unde nisi intellectu intelligimus? Nunquid sic oculo carnis & alia uides & ipsum? Quauis enim uideant homines oculis suis, non tamen uident oculos suos. Oculus carnis alia uidet, se non potest, intellectus autem & alia intelligit, & seipsum: quomodo intellectus uidet se, sic & Christus praedicat se: si praedicat se, & praedicando intrat ad te, per se intrat ad te & ad patrem. Ipse est ostium, quia non est quae ueniatur ad patrem nisi per ipsum: unus enim deus & unus mediator dei & hominum, homo Christus Iesus. Verbo multa dicuntur, haec ipsa quae dixi, utique uerbo dixi: si uelim dicere & ipsum uerbum, unde dico nisi uerbo? Ac per hoc per uerbum & alia dicuntur quae non sunt quod uerbum, & ipsum uerbum dici non potest nisi per uerbum: adiuuante domino exemplis abundauimus. Tenete ergo quomodo dominus Iesus Christus, & ostium sit, & pastor: ostium pandendo se, pastor intrando per se. Et quidem fratres, qui per



A pastor est, dedit & membris suis: nam & Petrus pastor, & Paulus pastor, & ceteri apostoli pastores, & boni episcopi pastores. Ostium uero nemo nostrum se dicit, hoc sibi ipse proprium tenuit, qua intrant oues. Denique Paulus boni pastoris implebat officium quando Christum praetenuit, qua intrant oues. Denique Paulus boni pastoris implebat officium quando Christum praetenuit, qua intrant oues. Denique Paulus boni pastoris implebat officium quando Christum praetenuit, qua intrant oues.

B de illo: An uultis accipere experimentum eius qui in me loquitur Christus? Audite & ipsum de illo: An uultis accipere experimentum eius qui in me loquitur Christus? Audite & ipsum

animam meam, ut iterum sumam eam. Nō gloriētur Iudæi quasi qui prævaluerint, ipse potest  
 fuit animā suam: ego dormiui dicit: nostis psalmū: Ego dormiui & somnū cœpi, & exurrexi,  
 quoniā dñs suscepit me: modo psalmus ipse lectus est, modo audiui: Ego dormiui &  
 somnū cœpi, & exurrexi, quoniā dñs suscepit me: quid est, ego dormiui? Quia uolui dormi-  
 ui: quid est dormiui? Mortuus sum: nōne dormiuit, qui quādo uoluit de sepulchro tanq̃  
 de lecto surrexit? Sed amat dare gloriā patri, ut nos ædificet gloriā dare creatori: nam q̃ ad-  
 didit, exurrexi, quoniā dñs suscipiet me, putatis hic quasi uirtutē eius defecisse, ut per potesta-  
 tem suā mori potuerit, & per potestātē suam resurgere nō potuerit? Sic enim uident sonare  
 uerba nō intentius intellecta, Ego dormiui, id est, q̃ uolui dormiui, & exurrexi. Quare? quia  
 dñs suscipiet me. Quid enim? Tu à teipso resurgere nō ualeres? Si enim nō ualeres, non dice-  
 res: Potestātē habeo ponendi animā meam, & potestātē habeo iterū sumendi eam. Au-  
 di alio loco in euangelio, quia non solū pater suscitauit filiū, sed etiam filius seipsum: Solui-  
 te, inquit, templū hoc, & in triduo suscitabo illud: & euangelista, hoc autē, inquit, dicebat de  
 templo corporis sui. Hoc enim suscitabat quod moriebatur: nam uerbum non est mortuū,  
 anima illa nō est mortua: si nec tua moritur, dñi moreretur? Vnde scio, inquis, si mea nō mo-  
 ritur? A te non occidatur, & non moritur: quomodo, inquis, ego possum occidere animam  
 meam? Vt alia peccata interim taceam, os quod mētitur occidit animā. Quomodo, inquis,  
 securus sum, quia nō moritur? Ipsum dñm audi, dantem seruo securitatē: Nolite timere eos  
 qui occidunt corpus, & postea nō habent quid faciant: sed planē quid ait? Eum timete qui  
 habet potestātē corpus & animā occidere in gehennam. Ecce quia moritur, ecce quia nō mo-  
 ritur: quid est mori ipsius? quid est mori carni tuæ? Mori carni tuæ, est amittere uitam suā:  
 mori animæ tuæ, est amittere uitam suam: uita carnis tuæ anima tua, uita animæ tuæ deus  
 tuus. Quomodo moritur caro amissa anima, quæ uita est eius: sic morit̃ anima amisso deo,  
 qui uita est eius. Certe ergo immortalis est anima? Planē immortalis est, quia uiuit & mor-  
 tua est: quod enim de uidua delitiosa dixit Apostolus, de anima etiam si deum suum ami-  
 ferit, dici potest, uiuens mortua est. Quomodo ergo ponit animā suam dñs? Fratres, quæra-  
 mus hoc paulo attētius, nō nos artat hora quæ solet, die dñico uacat nobis, hoc lucent qui  
 ad uerbum dei etiam die hodierna conueniunt. Pono, inquit, animam meam: quis ponit?  
 quā ponit? Christus. Quid est Christus? Verbum & homo, nec sic homo ut sola caro: sed  
 quia homo constat ex carne & anima, totus est homo in Christo, non enim partem deterio-  
 rem suscepisset, & partem meliorem deseruisset: & pars quippe hominis melior est anima q̃  
 corpus. Quia ergo totus homo in Christo, quid est Christus? Verbum, inquam, & homo:  
 quid est uerbū & homo? Verbum, anima, caro. Tenete hoc, quia non defuerunt hæretici, &  
 in ista sententia pulsi quidē iam olim à ueritate catholica, sed tamen ut fures & latrones nō  
 intrātes per ostiū, insidiari ouili nō desinunt. Apollinaristæ hæretici dicti sunt, quia ausi sunt  
 dogmatizare, q̃ Christus nō sit nisi uerbum & caro, & animā humanā nō eum assumpsisse  
 contendunt, nam & aliqui eorū fuisse in Christo animā negare nō potuerunt. Videte absur-  
 ditatem & insaniam nō ferendā, animā irrationalē eum habere uoluerunt, rationalē nega-  
 uerunt: dederūt illi animā pecoris, subtraxerūt animā hominis: sed illi abstulerunt Christo  
 rationē, non tenendo rationē. Absit hoc à nobis in fide catholica nutritis atq; fundatis. Ex  
 hac ergo occasione admonuerim charitatē uestrā, ut quomodo superioribus lectionibus sa-  
 tis uos instruximus, aduersus Sabellianos & Arianos, Sabellianos q̃ dicunt, ipse est pater q̃  
 filius, Arianos q̃ dicūt, aliud est pater, aliud est filius, q̃ si nō sint eiisdē substantiæ pater & fi-  
 lius. Instruximus etiā quātū meministis, & quātū meminisse debetis cōtra hæreticos Fotinia-  
 nos, qui solū hominē Christū esse dixerūt, contra Manichæos, qui solū sine homine deū: ex  
 hac occasione de anima instruamus uos & cōtra Apollinaristas, q̃ dicūt dñm nostrū Iesum  
 Christū nō habuisse animā humanā, id est, animā rōnalē, animā intelligētē, animā, inq̃, in  
 q̃ distamus à pecore q̃ homines sumus: quomodo ergo hic dixit dñs: Potestātē habeo po-  
 nendi animā meā? Quis ponit animā, & iterū sumit eam? Christus ex eo q̃ uerbum est po-  
 nit ani-



**A** nit animam, & sumit eam iterum. An ex eo quod anima humana est, ipsa se ponit, & iterum ipsa se sumit? An ex eo quod caro est, caro animam ponit, & iterum sumit? Tria proposui, omnia pertractemus, & hoc eligamus quod conueniat regulæ ueritatis: si enim dixerimus quia uerbum dei posuit animam suam, & iterum sumpsit eam, metuendum est ne subintret praua cogitatio, & dicatur nobis: ergo aliquando anima illa separata est à uerbo, & aliquando uerbum illud, ex quo suscepit animam illam, fuit sine anima. Video enim fuisse sine anima humana uerbum, sed cum in principio erat uerbum, & uerbum erat apud deum, & deus erat uerbum. Ex quo enim uerbum caro factum est, ut habitaret in nobis, & susceptus est à uerbo. An animam uero à uerbo non separauit: si enim mortuus est dominus, imò quia mortuus est dominus, mortuus est enim pro nobis in cruce, sine dubio caro ipsius expirauit animam: ad tempus enim exiguum anima deferuit carnem, sed redeunte anima resurrecturam: à uerbo autem animam separatam esse non dico. Latronis animæ dixit: *Hoc* Luc. 23 resurrecturam: à uerbo autem animam separatam esse non dico. Latronis animam non deferbat, & deferbat suam? Ab die mecum eris in paradiso: fidelem latronis animam non deferbat, & deferbat suam? Absit: sed illius ut dominus custodiuit, suam uero inseparabiliter habuit: si autem dixerimus, quia ipsa se anima posuit, & iterum ipsa se sumpsit, absurdissimus sensus est, non enim quæ à uerbo non erat separata, à seipso poterat separari. Dicamus ergo & quod uerum est, & quod facile intelligi potest: ecce homo quilibet non constans ex uerbo & anima & carne, sed ex anima & carne, de isto homine interrogemus, quomodo ponat animam suam quicumque homo? An forte nullus homo ponit animam suam? Potes mihi dicere, nullus homo habet potestatem ponere animam suam, & iterum sumere eam. Ponere autem animam suam nisi posset homo, non diceret Ioannes apostolus: Sicut Christus animam suam pro nobis posuit, sic & nos debemus animas pro fratribus ponere. Ergo & nobis licet, si & nos impleamur uirtute ipsius, quia sine illo nihil facere possumus, possumus ponere pro fratribus animas nostras. Quando martyr quilibet sanctus posuit pro fratribus animam suam, quis posuit, & quæ posuit? Hoc si intellexerimus, ibi uidebimus quemadmodum à Christo dictum sit: *Paratus es pro Christo mori?* Paratus habeo ponendi animam meam. O homo, paratus es pro Christo mori? Paratus es pro Christo animam tuam ponere? Et ad ista tus, inquit, dicam hoc alijs uerbis: Paratus es pro Christo animam tuam ponere? Et ad ista uerba sic mihi respondet, Paratus sum, quomodo mihi responderat cum dicerem, paratus es mori: hoc ergo est ponere animam, quod est mori: sed pro quo? Vbi est certamen? Omnes enim homines quando moriuntur, ponunt animam, sed non omnes pro Christo ponunt. Et nemo habet potestatem sumere quod posuerit, Christus autem & pro nobis posuit, & quando uoluit, posuit, & quando uoluit, sumpsit. Ponere ergo animam, mori est: sic & apostolus Petrus domino dixit: Animam meam pro te ponam, id est, pro te moriar: carni hoc tribue. Caro Ioh. 13 ponit animam suam, & caro iterum sumit eam, non tamen sua potestate caro, sed potestate 3. sen. dis. 21. ca. sicut te inhabitantis carnem. Caro ergo ponit animam suam expirando. Vide ipsum dominum in cruce: Sitio, dixit, illi qui aderant, tinxerunt spongiam in aceto, alligauerunt arundini, & ap- Ioh. 19 *posuerunt ori eius: quod cum accepisset, ait: Perfectum est.* Quid est, perfectum est? Impleta sunt omnia quæ ante mortem futura de me fuerant prophetata, quia & potestatem habebat quando uellet ponendi animam suam. Postea quæ dixit, perfectum est, quid ait euangelista? Et inclinato capite tradidit spiritum, hoc est ponere animam: modo hic attendat charitas uestra, inclinato capite tradidit spiritum: Quis tradidit? quem tradidit? Spiritum tradidit, caro illum tradidit. Quid est, caro illum tradidit? Caro illum emisit, caro illum expirauit, ideo dicitur enim expirare, extra spiritum fieri, quomodo est exulare, extra solum fieri, exorbitare, extra orbitam fieri: sic expirare, extra spiritum fieri, quia spiritus anima est: cum ergo exit anima à carne, & remanet caro sine anima, tunc homo ponere animam dicitur. Quando Christus animam posuit? Quando uerbum uoluit. Principatus enim in uerbo erat, ibi potestas erat quando poneret caro animam, & quando sumeret: si ergo caro animam posuit, quomodo Christus animam posuit? Non enim caro Christus: Ita planè & caro Christus, & anima Christus, & uerbum

uerbum Christus, nec tamen tria hæc tres Christi, sed unus Christus: hominem interroga, & de teipso fac gradum ad ea quæ supra te sunt, & si nondum intelligenda, saltem credenda: quomodo est enim unus homo anima & corpus, sic unus Christus uerbum & homo, uide te quid dixerim, & intelligite: anima & corpus duæ res sunt, sed unus homo: uerbum & homo duæ res sunt, sed unus Christus: ergo de homine quære, ubi est Paulus apostolus? Mor- do si quis respondeat, in requie cum Christo, uerum dicit: item si quis respondeat, Romæ in sepulchro, & ipse uerum dicit. Illud mihi de anima, hoc de eius carne respondit: nec tamen ideo duos dicimus apostolos Paulos, unum qui requiescit in Christo, alium qui positus est in sepulchro, quæuis apostolum Paulum dicamus uiuere in Christo, eundemq; apostolū Paulum dicamus mortuum iacere in sepulchro. Moritur aliquis, dicimus, bonus homo, fidelis homo in pace est cum domino, & continuo eamus ad exequias ipsius, & sepeliamus illum, eum sepulturus es quem iam dixeras in pace esse cum deo, cum aliud sit anima quæ immor- taliter uiget, aliud corpus quod corruptibiliter iacet: sed ex quo cōsortiū carnis, & animæ ho- minis nomē accipit, ita & singulū atq; separatū, utrūlibet eorū nomē hominis tenuit. Ne- mo ergo titubet quando audit dñm dixisse: pono animā meā, & iterū sumo eam: ponit eā caro, sed ex potestate uerbi: sumit eā caro, sed ex potestate uerbi. Et ipse dñs Christus dictus est sola caro. Quomodo, inq̃t, p̃bas? Audeo dicere, & sola caro Christi dictus est Christus. Credimus certe non in solum deū patrē, sed & in Iesum Christum filiū eius unicū dñm no- strum: modo totum dixi, in Iesum Christum filium eius unicū dominum nostrum: totū ibi intellige, & uerbum, & animam & carnem: sed utiq; confiteris etiam illud quod habet ea- dem fides, in eum Christum te credere qui crucifixus est & sepultus. Ergo etiam sepultum Christum esse non negas, & tamen sola caro sepulta est: si enim erat ibi anima, nō erat mor- tuus: si autem uera mors erat, & eius uera sit resurrectio, sine anima fuerat in sepulchro, & ta- men sepultus est Christus: ergo Christus erat etiam sine anima caro, quia non est sepulta ni- si caro. Disce hoc etiā in apostolicis uerbis: Hoc sentite, inquit, in uobis, quod & in Christo Iesu, qui cum in forma dei esset, non rapinam arbitratus est esse se æqualem deo: quis nisi Christus Iesus, quantum attinet ad id quod est uerbum, deus apud deum? Vide aut quod sequitur: sed semetipsum exinaniuit formam serui accipiens, in similitudinem hominum fa- ctus, & habitu inuentus ut homo. Et hoc quis, nisi idem ipse Christus Iesus? Sed hic iam omnia sunt, & uerbū in forma dei, quæ accepit formam serui, & anima & caro in forma ser- ui, quæ accepta est à forma dei, humiliauit semetipsum, factus obediens usq; ad mortem. Iam in morte sola caro est à Iudæis occisa: si enim discipulis dixit: Nolite timere eos qui oc- cidunt corpus, animam autem non possunt occidere, nunquid in ipso potuerunt plus quam corpus occidere, & tamen carne occisa, Christus occisus est? Ita cum caro animā posuit, Chri- stus animam posuit, & cum caro ut resurgeret animam sumpsit, Christus animam sumpsit: nec tamen potestate carnis hoc factum est, sed eius qui & animam & carnem, ubi hæc adim- plerentur assumpsit. Hoc, inquit, mandatum accepi à patre meo.) Verbum non à uerbo accepit mandatum, sed in uerbo unigenito patris est omne mandatum: cum autem dicitur Ioh. 5 filius à patre accipere quod substantialiter habet, quomodo dictum est: Sicut habet pater uitam in semetipso, sic dedit filio habere uitam in semetipso? Cum filius ipse sit uita, nō po- testas minuitur, sed generatio eius ostenditur, quoniā pater non quasi ei filio q̃ imperfectus est natus, aliquid addidit, sed ei quem perfectum genuit, omnia gignendo dedit: ita illi dedit suam æqualitatem, quem non genuit inæqualem: sed hæc loquente domino, quoniam lux lucebat in tenebris, & tenebræ eam non comprehendebant. Dissensio iterum facta est in- ter Iudæos propter sermones hos. Dicebant autem multi ex ipsis: Dæmonium habet & in- sanit: quid eum auditis? Istæ fuerunt densissimæ tenebræ. Alij dicebant: hæc uerba non sunt dæmonium habentis. Nunquid dæmonium potest cæcorū oculos aperire? Iam isto- rum oculi cœperant aperiri.



Ab eo quod ait: Facta sunt encænia in Hierosolymis, usq; ad id quod ait: Omnia autem quæcunq; dixit Ioannes de hoc, uera erant, & multi crediderunt in eum:

Tractatus XLVIII

**Q**UOD iam cõmendaui dilectioni uestre, stabiliter meminisse debetis, sanctũ Ioannem euangelistam nolle nos semper lacte nutriri, sed solido cibo uesti. Quisquis autẽ ad sumendũ solidũ cibum uerbi dei adhuc minus idoneus est, lacte fidei nutritur, & quod intelligere non potest, credere nõ cunctetur: fides enim meritum est, intellectus præmium. In ipso labore intentionis desudat acies mentis nostræ, ut ponat fordiculas nebulæ mentis humanæ, & serenetur ad uerbũ dei: nõ ergo recuset labor si adest amor: nõ stis em quoniã qui amat nõ laborat. Omnis enim labor non amantibus grauis est: si tãtos labores cũ auaris portat cupiditas, nobiscũ nõ portet charitas. Euangelium intendite. Facta sunt encænia in Hierosolymis.) Encænia festiuitas erat dedicationis templi. Græce em canonicum dicitur nouum. Quodocunq; nouum aliquid fuerit dedicatum, encæniam uocantur. Iam & usus habet hoc uerbum, si quis noua tunica induatur, encæniam dicitur. Illum enim diem quo templum dedicatum est, Iudæi solẽniter celebrabant, ipse dies festus agebatur, cũ ea quæ lecta sunt, locutus est dominus. Hyems erat, & ambulabat Iesus in templo in porticu Salomonis. Circũdederũt ergo eũ Iudæi, & dixerũt ei: Quousq; animã nostrã tollis? Si tu es Christus, dic nobis palãm.) Non ueritatẽ desiderabant, sed calumniã præparabant. Hyems erat, & frigidi erant. Ad illũ em diuinũ ignẽ accedere pigri erãt. Si accedere est credere, qui credit, accedit: qui negat, recedit: nõ mouetur anima pedibus, sed affectibus. Friguerãt diligendi charitate, & ardebant nocendi cupiditate: longe aberant, & ibi erant: non accedebant credendo, & premebant persequendo, quarebãt audire à domino, ego sum Christus, & fortasse de Christo secundũ hominem sapiebant: prædicauerunt enim prophetae Christum, sed diuinitatem Christi & in prophetis & in ipso euangelio, nec hæretici intelligunt, quanto minus Iudæi, q̃p̃ diu uelamen est super cor eorũ. Deniq; quodã loco sciens dñs Iesus eos de Christo secundũ hominẽ sapere, nõ secundũ deum, secundũ id q̃ homo erat, nõ secundũ id q̃ deus etiam assumpto homine permanebat, ait illis: Quid uobis uideť de Christo, cuius filius sit? Responderunt secundũ opinationem suam, Dauid: sic enim legerunt, & hoc solũ tenebant, quia diuinitatẽ eius legebant, sed nõ intelligebant. Dñs autem ut eos susponderet ad quarendã eius diuinitatẽ, cuius contemnebant infirmitatẽ, respondit eis: quomodo ergo Dauid in spiritu dicit eũ dñm dicens: Dixit dñs dño meo, sede à dextris meis: donec ponam inimicos tuos sub pedibus tuis? Si ergo Dauid in spiritu dicit eũ dñm, quomodo filius eius est? Non negauit, sed interrogauit, ne quis hoc cum audierit, putet q̃ dñs Iesus negauerit se filium esse Dauid: filiũ Dauid dñs Iesus si se negaret, cecos sic eũ inuocantes non illuminaret: transiebat enim aliquando, & duo cæci sedẽtes iuxta uiam clamauerũt: Miserere nostri fili Dauid: qua uoce audita, miseratus est, stetit & sanauit, lumẽ dedit, quia nomen agnouit: dicit & apostolus Paulus: Qui factus est ei ex semine Dauid secundum carnem. Et ad Timotheũ: Memor esto Iesum Christũ resurrexisse à mortuis ex semine Dauid secundũ euangeliũ meũ: quia de semine Dauid originem Maria uirgo ducebat: inde dñs de semine Dauid erat. Hoc p̃ magno Iudæi à Christo quarebant, ut si diceret, ego sum Christus, secundum quod illi solum sapiebant de semine Dauid, calumniarentur quod sibi arrogaret regiam potestatem: plus est quod eis respondit: illi de filio Dauid uolebant calumniari, ille filium dei se esse respondit. Et quomodo? Audite. Respondit eis Iesus: Loquor uobis, & non creditis. Opera quæ ego facio in nomine patris mei, hæc testimonium perhibet de me: sed uos nõ creditis, quia nõ estis ex ouibus meis.) Iam supra didicistis quæ sint oues, estote oues: oues credẽdo sunt, oues pastore sequẽdo sunt, oues redẽptore nõ contemnẽdo sunt, oues per ostiũ intrando sunt, oues exeũdo & pascua inueniẽdo sunt, oues æterna pfruẽdo sunt: quomodo ergo istis dixit, nõ estis ex ouibus meis? quia uidebat eos ad sempiternũ interitum

Matth. 22

Psal. 109

Matth. 20

Rom. 1

2. Timoth. 2

interitum prædestinatos, non ad uitam æternam sui sanguinis precio comparatos. Oves  
 meæ uocem meam audiunt, & cognosco eas, & sequunt me, & ego uitā æternā do eis. Ecce  
 sunt pascua. Si recolitis, supius dixerat, & ingrediet & egrediet, & pascua inueniet. Ingressi  
 sumus credendo, egredimur moriendo: sed quomodo per ostium fidei ingressi sumus, sic fi-  
 deles de corpore exeamus: sic enim per istud ostiū egredimur ut pascua inuenire possimus.  
 Bona pascua, uita æterna dicitur, ibi nulla herba arefcit, totum uiuet, totum uiget. Solet quæ-  
 dam herba dici semper uiua, est herba quæ semper dicitur uiuere: ibi solum uiuere inueni-  
 tur. Vitam æternam, inquit, dabo eis, ouibus meis: uos calumnias propterea quæritis, quia  
 de uita præsentis cogitatis. Et non peribunt in æternum: subaudis, tanq̃ eis dixerit: uos  
 peribitis in æternum, quia non estis ex ouibus meis. Nō rapiet eas quisq̃ de manu mea.  
 Intentius accipite. Pater meus quod dedit mihi, maius est omnibus. Quid potest lupo?  
 Quid potest fur & latro? non perdunt nisi ad interitum prædestinatos. De illis autem ouib.  
 bus, de quibus dicit Apostolus: Nouit dominus qui sunt eius: & quos præsciuit ipsos & præ-  
 destinauit: quos autem prædestinauit, ipsos & uocauit: quos autem uocauit, illos & iustifica-  
 uit: quos autem iustificauit, ipsos & glorificauit: de ouibus istis nec lupo rapit, nec fur ro-  
 lit, nec latro interficit: securus est de numero earum qui pro eis nouit quod dedit, & hoc est  
 quod ait: Non rapiet eas quisq̃ de manu mea. Et item ad patrem: Pater meus quod dedit  
 mihi, maius est omnibus: quid dedit filio pater maius omnibus, nisi ut ipse ille esset unige-  
 nitus filius? Quid est ergo quod dedit? Iam erat cui daret, an gignendo dedit? Nam non  
 erat cui daret ut filius esset, aliquando erat, & filius non erat. Absit ut aliquando dominus  
 Christus fuerit, & filius non fuerit: de nobis hoc dici potest: aliquando filij hominum era-  
 mus, filij dei non eramus. Nos enim filios dei gratia fecit, illum natura: quia uero natus est,  
 non est ut dicas, non erat anteq̃ natus erat, nunq̃ enim non natus erat, qui patri coæter-  
 nus erat: qui sapit capiat, qui non capit credat, nutriatur & capiet. Verbum dei semper cum  
 patre, & semper uerbum, & quia uerbum, ideo filius: semper ergo filius, & semper æqualis.  
 Non enim crescendo, sed nascendo æqualis est, qui semper natus est de patre, filius de deo  
 deus, de æterno coæternus: pater autem non de filio deus, filius de patre deus: ideo pater fi-  
 lio gignendo dedit ut deus esset, gignendo dedit ut sibi coæternus esset, gignendo dedit ut  
 æqualis esset: hoc est quod maius est omnibus, quomodo uita filius, & habens uitam filius,  
 quod habet hoc est. Tu aliud es, aliud habes, uerbi gratia, habes sapientiam, nunquid tu  
 es ipsa sapientia? Deniq̃ quia non es tu ipse quod habes, si amiseris quod habes, reddis ut  
 non habeas: & aliquando resumis, aliquando amittis, quomodo oculus noster non in  
 seipso habet inseparabiliter lucem, aperitur & capit, clauditur & amittit. Non sic est de-  
 us dei filius, non sic est uerbum patris, non sic est uerbum quod non sonando transit, sed  
 nascendo manet: sic habet sapientiam, ut ipse sit sapientia, faciatq̃ sapientes: sic habet ui-  
 tam, ut sit ipse uita, faciatq̃ uiuentes: hoc est quod maius est omnibus. Attendit Ioannes ipse  
 euangelista cælum & terram, uolens dicere de filio dei, attendit & transcendit. Cogitauit su-  
 pra cælum, milia exercitus angelorum, cogitauit & transcendit uniuersa: sicut aquila nubes,  
 sic sua mente creaturam, transcendit magna omnia, peruenit ad illud quod maius est omni-  
 bus, & dixit: In principio erat uerbum. Sed quia ille cuius est uerbum non est de uerbo, uer-  
 bum autem de illo cuius est uerbum, ideo ait: Quod dedit mihi pater maius est omnibus,  
 id est, ut sim uerbum eius, ut sim unigenitus filius eius, ut sim splendor lucis eius, maius est  
 omnibus: ideo nemo rapit, inquit, oues meas de manu mea: Nemo potest rapere de ma-  
 nu patris mei. De manu mea, & de manu patris mei. Quid est hoc, nemo rapit de manu  
 mea, & nemo rapit de manu patris mei? Vtrum una manus est patris & filij, an forte ipse fi-  
 lius manus est patris sui? Si manum intelligamus potestatem, una est patris & filij potestas,  
 quia una est diuinitas: si autem manum intelligamus, sicut dictum est per prophetam: Et  
 brachium domini cui reuelatum est, manus patris ipse est filius. Quod non ita dictum est,  
 tanq̃ deus habeat humanam formam, & quasi corporis membra, sed quod per ipsum  
 facta

2. Timoth. 2

Ioan. 1

Esa. 53



- A facta sunt omnia: nam solent & homines dicere manus suas esse alios homines, per quos faciunt quod uolunt. Aliquando & ipsum opus hominis, manus hominis dicitur quod fit per manum: sicut dicitur quisque agnoscere manum suam, cum id quod scripsit agnoscit. Cum ergo multis modis etiam hominis dicatur manus, qui proprie manum habet in sui corporis membris: quanto magis non uno modo intelligendum est cum legitur, manus dei cui forma corporis nulla est? Ac per hoc melius hoc loco manum patris & filii intelligimus potestatem patris & filii: ne forte cum hic manum patris ipsum filium dictum acceperimus, incipiat carnalis cogitatio etiam ipsius filii querere filium, quem similiter credat Christi manum: ergo nemo rapit de manu patris mei, hoc est, nemo rapit mihi: sed ne forte adhuc titubet, audi quid sequitur. Ego & pater unum sumus.) Hucusque Iudaei tolerare potuerunt: audierunt, Ego & pater unum sumus, & non pertulerunt, & more suo duri ad lapides cucurrerunt, tulerunt lapides ut lapidarent eum, Dominus quia non patiebatur quod nolebat pati, & non est passus nisi quod uolebat pati, adhuc eos lapidare cupientes alloquitur. Sustulerunt lapides Iudaei ut lapidarent illum. Respondit eis Iesus & dixit, Multa bona opera ostendi uobis ex patre meo, propter quod eorum opus me lapidatis? Et illi responderunt, De bono opere non lapidamus te, sed de blasphemia, & quia tu homo cum sis, facis te ipsum deum.) Ad illud hoc responderunt quod dixerat, Ego & pater unum sumus. Ecce Iudaei intellexerunt, quod non intelligunt Ariani: ideo enim irati sunt, quoniam senserunt non posse dici, ego & pater unum sumus, nisi ubi aequalitas est patris & filii: dominus autem uidete quid responderit tardis, uidit eos non ferre splendorem ueritatis, & eos temperauit in uerbis. Nonne scriptum est in lege uestra, id est, uobis data, Quia ego dixi dei estis? deus dicit per prophetam in psalmo hominibus, Ego dixi dei estis: & legem appellauit dominus generaliter omnes illas scripturas, quamuis alibi specialiter dicat legem, a prophetis eam distinguens, sicut est, Lex & propheta usque ad Ioanem: & in his duobus praeceptis tota lex pendet & propheta. Aliquando autem in tria distribuit easdem scripturas, ubi ait, Oportebat impleri omnia quae scripta sunt in lege & prophetis
- B & psalmis de me. Nunc uero psalmos etiam legis nomine nuncupauit, ubi scriptum est, Ego dixi dei estis. Si illos dixit deos ad quos sermo dei factus est, & non potest solui scriptura, quem pater sanctificauit & misit in mundum, uos dicitis quia blasphemias, quia dixi filius dei sum? Si sermo dei factus est ad homines ut dicerentur dei, ipsum uerbum dei quod est apud deum, quomodo non est deus? Si per sermonem dei fuerint homines dei, si participando fiunt dei, unde participant non est deus? Si calefacti quodammodo igne salutari dei efficiuntur, unde calefiunt non est deus? Si lumina illuminata dei sunt, lumen quod illuminat non est deus? Accedis ad lumen & illuminaris, & inter filios dei numeraris: si recedis a lumine, obscuraris, & in tenebris computaris. Illud tamen lumen nec accedit ad se, quia non recedit a se. Si ergo uos deos facit sermo dei, quomodo non est deus uerbum dei? Pater ergo sanctificauit filium suum, & misit in mundum: forte aliquis dicat, Si pater eum sanctificauit, ergo aliquando non erat sanctus? sic sanctificauit quomodo genuit: ut enim sanctus esset, gignendo ei dedit, quia sanctum cum genuit: nam si quod sanctificatur, ante non erat sanctum, quomodo dicimus deo patri, Sanctificetur nomen tuum? Si non facio opera patris mei, nolite mihi credere: si autem facio, & si mihi non uultis credere, operibus credite, ut cognoscatis & credatis, quia in me est pater & ego in illo.) Non sic dicit filius, in me est pater & ego in illo, quomodo possunt homines dicere, Si enim bene cogitemus, in deo sumus, & si bene uiuamus, deus in nobis est, fideles participantes eius gratiam, illuminati ab ipso in illo sumus, & ipse in nobis: sed non sic unigenitus filius, ille in patre, & pater in illo, tanquam aequalis in eo cui est aequalis. Denique nos aliquando possumus dicere, in deo sumus & deus in nobis: ego & deus unum sumus, nunquid possumus dicere? In deo es, quia deus continet te, deus est in te, quia templum dei factus es: sed nunquid quia in deo es & deus est in te, potes dicere, Qui me uidet, deum uidet: quomodo unigenitus dixit, Qui me uidet, uidet & patrem: & Ego & pater unum sumus? Agnosce proprium deum, & munus serui: proprium domini est aequalitas patris, munus serui est participatio

icipatio saluatoris. Quærebant ergo eum apprehendere.) Vtinam apprehenderent, sed credendo & intelligendo, non scæuendo & occidendo. Nā modo fratres mei, quando talia loquor, infirmus fortia, paruus magna, fragilis solida, & uos tanq̃ ex eadē massa, unde sum & ego ipse qui uobis loquor, simul omnes apprehendere uolumus Christum. Quid est apprehendere? Intellexisti, apprehendisti, sed nō sic Iudæi: tu apprehendisti ut habeas, illi apprehendere uolebant ut nō haberent: & quia sic uolebāt apprehēdere, quid eis fecit? Exiit de manibus eorum.) Non eum apprehenderunt, quia manus fidei non habuerunt. Verbū caro factū est, sed nō erat uerbo magnum, eijcere carnem suā de manibus carnis. Mēte uerbū apprehendere, hoc est Christum recte apprehendere. Et abiit iterum trans Iordanem in eum locū ubi erat Ioannes baptizans primū, & mansit ibi: & multi uenerūt ad eum, & dicebant, quia Ioannes quidē signum fecit nullum.) Meministis uobis dictum de Ioanne, quia lucerna erat, & diei testimoniū perhibebat: quid ergo isti apud se dixerunt, Ioānes signum fecit nullum? Nullū, inquiūt, miraculum ostēdit Ioannes: non dæmonia fugauit, nō expulit febrem, non cæcos illuminauit, nō mortuos suscitauit, nō tot milia hominum de quinq; uel septem panibus paut, nō supra mare ambulauit, nō uentis & fluctibus imperauit, nihil horum fecit Ioannes: & totū quicquid dicebat, huic testimoniū perhibebat. Per lucernam ueniamus ad diem, Ioānes nullū signum fecit. Omnia autē quæcunq; dixit Ioānes de hoc, uera erant.) Ecce quid apprehēderunt, nō quomodo Iudæi uolebāt apprehēdere discedentem, apprehēderunt isti permanentē. Deniq; quid sequitur, Et multi crediderunt in eum.) Ab eo quod ait, Erat autem quidam languens Lazarus, usque ad id quod ait, Abiit in regionem iuxta desertum, in ciuitatem quæ dicitur Effrem, & ibi morabatur cum discipulis suis.

## Tractatus XLIX.

Cap. XI



IOANN. 5

INTER omnia miracula quæ fecit dominus noster Iesus Christus, Lazari resurrectio præcipue prædicatur. Sed si attendamus quis fecerit, delectari debemus potius q̃ mirari. Ille suscitauit hominē qui fecit hominem: ipse enim est unicus patris, per quē, sicut nostis, facta sunt omnia. Si ergo per illū facta sunt omnia, quid mirum est si resurrexit unus per illum, cū tot quotidie nascatur per illum? Plus est homines creare q̃ resuscitare: dignatus est tamen & creare & resuscitare: creare omnes, resuscitare quosdam: nam cū multa fecisset dominus Iesus, nō omnia scripta sunt, sicut idē ipse sanctus euāgelista testatur, multa dominum Christum & dixisse & fecisse quæ scripta nō sunt: electa sunt autē quæ scriberentur, quæ saluti credentium sufficere uidebantur. Audistis enim quia dominus Iesus mortuū suscitauit, sufficit tibi ut scias, quia si uellet, omnes mortuos suscitaret, & hoc quidē sibi ad finem seculi reseruauit: nā quē audistis magno miraculo quadriduanum mortuū suscitasse de sepulchro, ueniet hora, sicut ipse ait, quando omnes qui sunt in monumētis, audient uocē eius, & procedent. Resuscitauit putentē, sed tamen in cadauere putente adhuc erat forma membrorū: ille in nouissimo die, ad unā uocē cineres est reductus in carnē: sed oportebat ut modo aliqua faceret, quibus datis uelut suæ uirtutis indicijs, credamus in eū, & ad illā resurrectionē præparemur, quæ erit ad uitam, nō ad iudiciū: ita quippe ait, Veniet hora, qñ omnes qui in monumentis sunt audient uocē eius, & procedent q̃ bona fecerūt ad resurrectionē uitæ, qui mala egerūt ad resurrectionē iudicij. Tres tamen à dño resuscitados mortuos in euāgelio legimus, & forte non frustra: domini quippe facta non sunt tantūmodo facta, sed signa: si ergo sunt signa, præter id q̃ mira sunt, aliqd̃ profecto significāt, quorū factorum significationē inuenire, aliquanto est operosius, q̃ ea legere uel audire. Admirātes audiebamur, tanq̃ magni miraculi spectaculo ante nostros oculos cōstituto, cū euāgeliū legeretur quēadmodū reuixerit Lazarus. Si attēdamus mirabiliora opera Christi, omnis qui credit, resurgit: si attendamus omnes, & intelligamus detestabiles res mortes, omnis qui peccat moritur. Sed mortē carnis omnis homo timet, mortē animæ pauci. Pro morte carnis quæ sine dubio quādoq; uētura est, curāt omnes ne ueniat, inde est q̃ laborant: laborat ne moriatur homo moriturus, & nō laborat, ne peccet homo in æternū uicturus,

For. 5. p. 242. 4. hom. quod.



**A** uicturus, & cum laborat ne moriatur, sine causa laborat. Id enim agit ut multū mors differatur, non ut euadatur: si autē peccare nolit, non laborabit, & uiuet in æternum. O si possemus excitare homines mortuos, & cū ipsis pariter excitari, ut tales essemus amatores uitæ perennētis, quales sunt homines amatores uitæ fugiētis. Quid nō facit homo sub mortis periculo constitutus? Gladio impēdente ceruicibus, prodiderūt homines quicquid sibi unde uiuerēt reseruabāt. Quis nō continuo prodidit ne percuteretur? Et post proditiōē fortasse percussus est. Quis nō ut uiueret, cōtinuo perdere uoluit unde uiueret, eligens uitā mendicātem quā celerem mortem? Cui dictū est, nauiga ne moriaris, & distulit? Cui dictū est, labora ne moriaris, & piger fuit? Leuia deus iubet, ut in æternū uiuamus, & obedire negligimus: non tibi deus dicit, Perde quicquid habes ut uiuas exiguo tēpore in labore sollicitus, sed da pauperi unde habes, ut uiuas semper sine labore securus. Accusant nos amatores uitæ tēporalis, quā nec cū uolunt, nec quamdiu uolūt habent, & nos inuicē nō accusamus, tam pigri, tam tepidi ad capeffandā uitam æternā, quā si uoluerimus, habebimus, cū habuerimus, nō amitteremus. Hanc autē mortem quam timemus, etiā si noluerimus, habebimus. Si ergo dñs magna sua gratia, & magna sua misericordia animas suscitāt ne moriātur in æternū, bene intelligimus tres illos mortuos quos in corporibus suscitauit aliqd significare, & figurare de resurrectionibus animarū quæ fiūt per fidē. Resuscitauit filiā Archisynagogi adhuc in domo iacētem: resuscitauit iuuenē filium uiduæ, extra portā ciuitatis elatum: resuscitauit Lazarū sepultum quatrduanum: intueatur quisq; animam suā, si peccat, moritur, peccatū mors est animæ: sed aliqn̄ in cogitatione expectatur: delectauit quod malum est, cōsensisti, peccasti, cōsensio illa occidit te: sed intus est mors, quia cogitatū malū nondū processit ad factum. Talē animam resuscitare se significās dñs, resuscitauit illā puellam quæ nōdum erat foras elata, sed quia in domo mortua iacebat, quasi peccatū latebat. Si autē non solū malæ delectationi cōsensisti, sed etiā ipsum malū fecisti, quasi mortuum tuū extra portā tulisti, iam foras es, & mortuus elatus es: tamen & ipsum dñs resuscitauit, & reddidit uiduæ matri suæ. Si peccasti, pœniteat te, & resuscitet te dñs, & reddet te ecclesiæ matri tuæ. Tertius mortuus Lazarus est: genus mortis immane, mala cōsuetudo appellatur: aliud est enim peccare, aliud peccādi consuetudinem facere. Qui peccat & continuo corrigitur, cito reuiuiscit, quia nondum est implicatus, consuetudine non est sepultus: qui autē peccare cōsueuit, sepultus est, & bene de illo dicitur, fœceret: incipit enim habere pessimā famam, tanq̄ odorē teterrimū: tales sunt omnes assueti sceleribus, perditis moribus. Dicis ei, noli facere: quando te audit quē terra sic premit, & tabe corrūpitur, & mole cōsuetudinis prægrauatur: nec ad ipsum tamen resuscitandū minor fuit uirtus Christi. Nouimus, uidemus quotidie, uidemus homines pessima cōsuetudine permurata uiuere melius, quā uiuant qui reprehendebant: detestabar is hominē. Ecce ipsa soror Lazari, si tamen ipsa est quæ pedes dñi unxit unguēto, & tersit capillis suis quos lauerat lachrymis, melius suscitata est quā frater eius: de magna malæ consuetudinis mole est liberata: erat enim famosa peccatrix, & de illa dictum est, Dimittūtur ei peccata multa, quoniam dilexit multū. Videmus multos, nouimus multos, nemo desperet, nemo de se præsumat: & desperare malum est, & de se præsumere: sic noli desperare, ut eligas de quo debeas præsumere: ergo dñs & Lazarum suscitauit. Audistis qualem, id est, quid significet Lazari resurrectio. Legamus itaq; iam, & quoniā multa in hac lectione manifesta sunt, expositionē in singulis nō quæramus, ut necessaria pertractemus. Erat autē quidā languens Lazarus à Bethania, de castello Mariæ & Marthæ sororū eius. In superiori lectione meministis, qd dñs exiens de manibus eorū qui lapidare illū uoluerant, discessit trans Iordanem ubi Ioānes baptizabat. Ibi ergo dño constituto infirmabatur in Bethania Lazarus, quod castellū erat proximum Hierosolymis. Maria autē erat quæ unxit dominū unguēto, & extersit pedes eius capillis suis, cuius frater Lazarus infirmabatur. Miserūt ergo sorores eius ad eū, dicentes, Iam intelligimus quò miserunt, ubi erat Iesus, quoniā absens erat, trans Iordanē scilicet: miserunt ad dominū, nunciantes qd ægrotaret frater earū, ut si dignaretur ueniret, & eū ab ægritudine liberaret.

beraret. Ille distulit sanare, ut possit resuscitare: quid ergo nunciauerunt sorores eius, Dñe, ecce quem amas infirmatur. non dixerunt ueni: amanti enim tantummodo nunciandum fuit. Non ausæ sunt dicere, ueni & sana, non ausæ sunt dicere, ibi iube, & hic fiet: cur enim nō & ista, si fides illius Centurionis inde laudatur? Ait enim, Nō sum dignus ut intres sub tectū meū, sed tantū dic uerbo, & sanabitur puer meus: nihil horū ista, sed tantummodo, Domine, ecce quem amas infirmatur: sufficit enim ut noueris, nō enim amas & deferis: dicit aliquis, Quomodo per Lazarū peccator significabatur, & à dño sic amabatur? Audiat eū dicentē, Non enim ueni uocare iustos, sed peccatores: si enim peccatores deus non amaret, de cœlo ad terrā non descenderet. Audiens autē Iesus, dixit eis, Infirmitas hæc nō est ad mortem, sed pro gloria dei, ut glorificetur filius dei. Talis glorificatio ipsius non ipsum auxit, sed nobis profuit: hoc est ergo quod ait, nō est ad mortem, quia & ipsa mors nō erat ad mortem, sed potius ad miraculum, quo facto crederent homines in Christum, & uitaret uerā mortē. Sanē uidete, quemadmodū tanq̃ ex obliquo dñs de se dixit, propter quosdam qui negāt filiū deum esse: nā sunt hæretici qui hoc dicūt, q̃ filius dei nō sit deus: ecce audiāt, Infirmitas hæc, inquit, nō est ad mortē, sed pro gloria dei: quæ gloria? cuius dei? audi quid sequitur, ut glorificetur filius dei: infirmitas ergo hæc nō est ad mortē, sed pro gloria dei, ut glorificetur filius dei per eam. Per quam? Per illā infirmitatem. Diligebat autem dñs Iesus Martham & sororem eius Mariā, & Lazarum. Ille languens, illæ tristes, omnes dilecti, sed diligebat eos & languentiū saluator, imò etiā mortuorum suscitator, & tristium cōsolator. Vt ergo audiuit quia infirmabatur, tunc quidē mansit in eodē loco duobus diebus. Nunciauerunt ergo illi, mansit illic ille: tamdiu tempus ductū est, quousq̃ quatrimum compleretur: non frustra, nisi quia forte, imò quia certe & ipse numerus dierū intīmat aliquod sacramentum. Deinde post hæc dicit discipulis suis, Eamus in Iudæam iterum, ubi penē fuerat lapidatus, qui propterea inde discessisse uidebatur, ne lapidaretur: discessit enim ut homo, sed in redeundo quasi oblitus infirmitatem, ostēdit potestātē, Eamus, inquit, in Iudæam. Deniq̃ hoc dicto, uidete quemadmodum discipuli territi fuerint. Dicūt ei discipuli, Rabbi, nunc quærebant te Iudæi lapidare, & iterum uadis illuc? Respondit Iesus, nōne duodecim sunt horæ diei? Quid sibi uult ista respōsio? Illi dixerunt, modo te lapidare uolebant Iudæi, & iterū illuc uadis ut te lapidēt? Et dominus, nōne duodecim horæ sunt diei? Si quis ambulauerit in die nō offendit, quia lucem huius mundi uidet: si autem ambulauerit in nocte, offendit, quia lux non est in eo. De die quidem locutus est, sed in nostra intelligentia quasi adhuc nox est. Inuocemus diē ut expellat noctem, & cor lumine illustret: quid enim dominus dicere uoluit? Quantum mihi uidetur, quantū subluet altitudo profunditasq̃ sententia, redarguere uoluit illorū dubitationem & infidelitatem. Voluerūt enim consilium dare dño ne moreretur, qui uenerat mori ne ipsi morerentur: sic etiā quodā alio loco, Petrus sanctus diligēs dominū, sed adhuc nō plene intelligēs cur uenisset, timuit ne moreretur, & uitæ displicuit, id est, ipsi domino: nam cum indicaret discipulis q̃ esset Hierosolymis passurus à Iudæis, respōdit Petrus inter cæteros, & ait, Absit à te dñe, propitius tibi esto, nō fiet istud: & continuo dominus, Redi post me satanas, nō enim sapis quæ dei sunt, sed quæ hominū: & paulo ante confitens dominū laudē meruerat: audierat enim, Beatus es Simon bar Iona, quia nō tibi reuelauit caro & sanguis, sed pater meus qui in cœlis est. Cui dixerat beatus es, illi dicit, redi retro me satanas, quia beatus à se non erat. Sed unde? Quia non tibi reuelauit caro & sanguis, sed pater meus qui in cœlis est. Ecce unde beatus es, non de tuo, sed de meo. Nō quia pater ego, sed quia omnia quæ habet pater mea sunt: si beatus est ille Petrus de ipsius domini: satanas de cuius? ibi dicit, rationē quippe reddidit beatitudinis, cum diceret, Non caro & sanguis tibi reuelauit hoc, sed pater meus qui in cœlis est, hæc est causa beatitudinis tuæ: quod uero dixit, Redi post me satanas, audi etiā huius rei causam: non enim sapis quæ dei sunt, sed quæ sunt hominis. Nemo ergo se palpet, de suo satanas est, de dei beatus est: quid est enim de suo, nisi de peccato suo? Tolle peccatū quod est tuum, iustitia, inquit,



A inquit, de meo est. Quid enim habes quod non accepisti? Cum ergo uellent dare consilium 1. Cor. 4  
homines deo, discipuli magistro, serui domino, ægroti medico, corripuit eos & ait, Nonne  
duodecim horæ sunt diei? si quis ambulauerit in die nō offendit. Me sequimini, si nō uultis  
offendere, nolite mihi consilium dare, quos à me cōsiliū oportet accipere: quò ergo perti-  
net, nōne duodecim horæ sunt diei? Quia ut diem se esse ostenderet, duodecim discipulos  
elegit: Si ego sum, inquit, dies & uos horæ, nunquid horæ diei consilium dant? horæ diem  
sequuntur, nō dies horas: si ergo illi horæ, quid ibi Iudas? & ipse inter duodecim horas, qui  
si hora erat, lucebat. Sed dominus in hoc uerbo nō ipsum Iudā, sed successorē ipsius præui  
debat. Iuda enim cadente successit Matthias, & duodenarius numerus mansit. Non ergo  
frustra duodecim discipulos elegit dominus, nisi quia ipse spiritalis est dies: sequantur ergo  
horæ diem, prædicent horæ diem, horæ illustrentur à die, horæ illuminentur à die, & per ho-  
raturum prædicationē credat mundus in diem: hoc ergo ait de compendio, Me sequimini, si  
non uultis offendere. Et post hæc dicit eis, Lazarus amicus noster dormit, sed uado ut à  
somno excitem eum.) Verū dixit, sororibus mortuus erat, domino dormiebat: hominibus  
mortuus erat, qui eum suscitare nō poterant: nā dominus tanta eum facilitate excitabat de  
sepulchro, quanta tu nō excitas dormientem de lecto: ergo secundū potentiam suam dixit  
dormientem, quia & alij mortui dicti sunt in scripturis sæpe dormientes, sicut Apostolus di-  
cit, De dormiētibus autem nolo uos ignorare fratres, ut nō contristemini, sicut & cæteri qui 1. Tessal. 4  
spem nō habent: ideo & ipsos dormientes appellauit, quia resurrecturos prænuñciauit. Dor-  
mit ergo omnis mortuus, & bonus & malus: sed quomodo interest in ipsis q̄ quotidie dor-  
miunt & exurgunt, quid quisq̄ uideat in somnis, alij sentiunt læta somnia, alij torquentia,  
ita ut euigilans dormire timeat, ne ad ipsa iterum redeat: sic unusquisq̄ hominum cū causa  
sua dormit, cū causa sua surgit, & interest quali custodia quisq̄ recipiatur, ad iudicē postea  
producendus: nā & receptiones in custodia pro meritis causarū adhibentur: alios iubentur  
custodire lictores, humano & miti officio atq̄ ciuili: alij traduntur optionibus: alij mittun-  
tur in carcerem, & in ipso carcere nō omnes, sed pro meritis causarum in ima carceris contru-  
duntur. Sicut ergo diuersæ custodiæ agentium in officio, sic diuersæ custodiæ mortuorum,  
& diuersa merita resurgētium: receptus est pauper, receptus est diues: sed ille in sinu Abraæ,  
ille ubi sitiret, & guttā nō inueniret. Habent ergo omnes animæ, ut ex hac occasione instrua-  
charitatem uestram, habent omnes animæ cū de seculo exierint diuersas receptiones suas, 4. sen. dis. 54. ca. h  
habent gaudium boni, & mali tormenta. Sed cū facta fuerit resurrectio, & bonorum gau-  
dium amplius erit, & malorum tormenta grauiora, quando cū corpore torquebūtur. Rece-  
pti sunt in pace sancti patriarchæ, propheta, apostoli, martyres, boni fideles, omnes tamen  
adhuc in fine recepturi sunt quod promisit deus: promissa enim est resurrectio etiā carnis,  
mortis consummatio, uita æterna cū angelis, hoc omnes simul accepturi sumus: nā requiem  
quæ continuo post mortē datur, si ea dignus est, tunc accipit quisq̄ cū moritur. Priores acce-  
perunt patriarchæ, uidete ex quo requiescūt. Posteriores propheta, recētes apostoli, multo  
recentiores sancti martyres, quotidie boni fideles: & alij in ista requie tamdiu sunt, alij non  
tamdiu, alij paucioribus annis, alij recenti tempore. Cum uero ab hoc somno euigilabunt,  
simul omnes quod promissum est accepturi sunt. Lazarus amicus noster dormit, sed uado  
ut à somno excitē eum. Dixerūt ergo discipuli.) Quomodo intellexerunt, sic respōderunt,  
Domine, si dormit saluus erit.) Solet enim esse somnus ægrotantium, salutis indicium.  
Dixerat autem Iesus de morte eius, illi autē putauerunt, q̄ de dormitione somni diceret.  
Tunc ergo dixit eis Iesus manifeste.) subobscurè enim dixerat dormit: ait ergo manifeste,  
Lazarus mortuus est, & gaudeo propter uos ut credatis quia nō eram ibi.) Sed scio quia  
mortuus est: æger enim, non mortuus fuerat nunciatus. Sed quid lateret eum qui creauerat,  
& ad cuius manus anima morientis exierat? hoc est quod ait, Gaudeo propter uos ut cre-  
datis quia non ibi eram, ut iam inciperent admirari, quia dominus potuit dicere mortuum,  
quod nec uiderat nec audierat. Vbi sanè meminisse debemus, q̄ adhuc etiā ipsorum disci-  
pulorum

pulorum qui in eum crediderant, miraculis ædificabatur fides: non ut ea quæ non erat esse inciperet, sed ut ea quæ iam esse cœperat, cresceret, quamuis tali uerbo usus sit, quasi tunc credere inciperent: non enim ait, Gaudeo propter uos ut fides uestra augeatur siue firmetur, sed ait, ut credatis: quod intelligendum est, ut amplius robustiusq; credatis. Sed eamus ad eum. Dixit ergo Thomas qui dicitur didymus ad condiscipulos, eamus & nos, & moriamur cum illo. Venit itaq; Iesus, & inuenit eum quatuor dies iam in monumento habentem.) De quatuor diebus multa quidem dici possunt, sicut se habent obscura scripturarum, quæ pro diuersitate intelligentium multos sensus pariunt. Dicamus & nos, quid nobis uideatur significare mortuus quatrduanus: quomodo enim in illo cæco intelligimus quodammodo humanum genus, sic forte & in isto mortuo multos intellecturi sumus: diuersis enim modis una res significari potest. Homo quando nascitur, iam cum morte nascitur, quia de Adam peccatum trahit: unde dicit Apostolus, Per unum hominem peccatum intrauit in mundum, & per peccatū mors, & ita in omnes homines pertransiit, in quo omnes peccauerunt: ecce habes unū diem mortis, q; homo trahit de mortis propagine. Deinde crescit, incipit accedere ad rationales annos, ut legem sapiat naturalem, quam omnes habent in corde fixā. Quod tibi nō uis fieri, alij ne feceris. Nunquid hoc de paganis dicitur, & non in natura ipsa quodammodo legitur? Furtum uis pati? Vtiq; non uis: ecce lex in corde tuo, quod non uis pati, facere noli: & hanc legem transgrediuntur homines: ecce alter dies mortis. Data est lex etiam diuinitus per famulum dei Moysen: dictum est illic, Non occides, non mœchaberis, non falsum testimonium dices, honora patrem & matrem, non concupisces rem proximi tui: ecce lex scripta est, & ipsa contemnitur, ecce tertius dies mortis. Quid restat? Venit & euangelium, prædicatur regnum cœlorum, diffamatur ubiq; Christus, minatur gehenna, uita promittitur æterna, & ipsa contemnitur, transgrediuntur homines euangeliū: ecce quartus dies mortis, merito iam foetet: nūquid & talibus est neganda misericordia? Absit, etiam ad tales dominus excitandos non dedignatur accedere. Multi autem ex Iudæis uenerant ad Martham & Mariam, ut consolarentur eas de fratre suo. Martha ergo ut audiuit, quia dominus uenit, occurrit illi. Maria autem domi sedebat. Dixit ergo Martha ad Iesum, domine, si fuisses hic, frater meus non fuisset mortuus, sed & nunc scio, quia quacumq; poposceris à deo, dabit tibi deus. Nō dixit, sed & modo rogo te, ut resuscites fratrem meum: unde enim sciebat, si fratri eius resurgere utile fuerit: hoc tantum dixit, scio quia potes, si uis facis: utrum enim facies, iudicij tui est, non præsumptionis meæ: sed & nunc scio, quia quacumq; poposceris à deo, dabit tibi deus. Dicit illi Iesus, Resurget frater tuus, hoc ambiguū fuit, non enim ait, modo resuscito fratrem tuum, sed resurget frater tuus. Dicit ei Martha, scio quia resurget in resurrectione, in nouissimo die.) De illa resurrectione securo sum, de hac incerta sum. Dicit ei Iesus, Ego sum resurrectio & uita. Dicis, resurget frater meus in nouissimo die: uerum dicis, sed per quem tunc resurget, potest & modo, quia ego sum, inquit, resurrectio & uita. Audite fratres, audite quid dicat: certe tota expectatio erat circumstātiū, ut reuiuisceret Lazarus, unus mortuus quatrduanus: audiamus & resurgamus. Quam multi sunt in hoc populo, quos premit cōsuetudinis moles, forte audiunt me quidā, quibus dicitur, Nolite inebriari uino in quo est luxuria: dicunt, nō possumus. Forte audiūt me aliqui immūdi, lasciuijs & flagitijs inquinati, quibus dicitur, Nolite hoc facere ne pereatis: & respondēt, nō possumus tolli à consuetudine nostra: o dñe istos resuscita. Ego sum, inquit, resurrectio & uita: ideo resurrectio, quia uita. Qui credit in me, etiam si mortuus fuerit uiuet. Et omnis qui uiuit & credit in me, nō morietur in aternū. Quid est hoc, qui credit in me, etiam si mortuus fuerit uiuet? sicut Lazarus mortuus est uiuet, quia nō est deus mortuorū, sed uiuorū. De olim mortuis patribus, hoc est, de Abraā & Isaac & Iacob, tale respōsum Iudæis dedit, Ego sum deus Abraā & deus Isaac & deus Iacob: nō est deus mortuorū, sed uiuorū, omnes enim illi uiuunt: crede ergo, & si mortuus fueris, uiues: si autē nō credis, & cum uiuis mortuus es, Probemus & hoc, quia si nō credis & uiuis, mortuus es: cuidā dominus differēti sequi



**A** sequi eum & dicenti, Eam prius sepelire patrem meum: sine, inquit, mortuos sepelire mortuos suos, tu ueni sequere me. Erat ibi mortuus sepeliendus, erant ibi & mortui mortuum sepul- Matth. 8  
turi: ille mortuus in carne, illi in anima. Vnde mors in anima: quia non est fides. Vnde mors in corpore: quia non est ibi anima, ergo animæ tuæ anima fides est. Qui credit in me, inquit, etiam si mortuus fuerit in carne, uiuet in anima, donec resurgat & caro nunquam postea moritura, hoc est, qui credit in me, licet moriatur uiuet: & omnis qui uiuit in carne & credit in me, & si moriatur ad tempus propter mortem carnis, non morietur in æternum propter uitam spiritus & immortalitatem resurrectionis: hoc est quod ait, Et omnis qui uiuit & credit in me, non morietur in æternum. Credis hoc? ait illi, Vtiq; domine, ego credidi, quia tu es Christus filius dei, qui in hunc mundum uenisti. Quando hoc credidisti? Credidi quia tu es resurrectio, credidi quia tu es uita, credidi quia qui credit in te, & si moriatur, uiuet, & qui uiuit & credit in te, non morietur in æternum. Et cum hæc dixisset, abiit & uocauit Mariam sororem suam silentio, dicens, Magister adest, & uocat te. Aduertendum est, quemadmodum suppressam uocem silentium nuncupauit: nam quomodo siluit, quæ dixit, Magister adest, & uocat te? Aduertendum etiam quemadmodum euangelista non dixerit, ubi uel quando uel quomodo Mariam dominus uocauerit, ut hoc in uerbis Marthæ potius intelligeretur narrationis breuitate seruata. Illa ut audiuit, surgit cito, & uenit ad eum. Nondum enim uenerat Iesus in castellum, sed erat adhuc in illo loco, ubi occurrerat ei Martha. Iudæi igitur qui erant cum illa in domo & consolabantur eam, cum uidissent Mariam quia cito surrexit & exiit, secuti sunt eam dicentes, quia uadit ad monumentum, ut ploret ibi. Quare pertinuit hoc ad euangelistam narrare: ut uideamus quæ occasio fecerit, ut plures ibi essent quando Lazarus resuscitatus est. Putantes enim Iudæi propterea illam festinare, ut doloris sui solatiū lachrymis quaereret, secuti sunt eam, ut tam grande miraculum quatruiduani mortui resurgētis testes pluri inueniret. Maria autem cum uenisset ubi Iesus erat, uidēs eum cecidit ad pedes eius, & dixit ei, dñe, si fuisses hic, frater meus non esset mortuus. Iesus ergo ut uidit eam plorantem, & Iudæos qui cum illa erant plorantes, fremuit spiritu & turbauit semetipsum, & dixit, Vbi posuistis eum? Nescio quid nobis insinuauit fremendo spiritu, & turbando seipsum. Quis enim eum posset nisi seipsum ipse turbare? Itaque fratres mei, primo hic attendite potestatem, & sic inquirete significationem. Turbaris tu nolens, turbatus est Christus, quia uoluit: resurrexit Iesus, uerum est, sed quia uoluit: dormiuit Iesus, uerum est, sed quia uoluit: contristatus est Iesus, uerum est, sed quia uoluit: mortuus est Iesus, uerum est, sed quia uoluit: in illius potestate erat, sic uel sic affici, uel non affici. Verbum enim animam suscepit & carnem, totius hominis sibi coaptans in personæ unitate nati. Verbum enim animam suscepit & carnem, totius hominis sibi coaptans in personæ unitate nati. Verbum enim anima apostoli uerbo illustrata est, anima Petri uerbo illustrata est, anima Pauli & aliorum apostolorum, sanctorum prophetarum uerbo illustrata sunt animæ, sed de nulla dictum est, Verbum caro factum est: de nulla dictum est, Ego & pater unum sumus. Anima & caro Christi cum uerbo dei una persona est, unus Christus est, ac per hoc ubi summa potestas est, secundum uoluntatis nutum tractatur infirmitas, hoc est, turbauit semetipsum: dixi potestatem, attendi te significationem. Magnus reus est, quem mortis quatruiduum & illa significat sepultura. Quid est ergo quod turbat semetipsum Christus, nisi ut significet tibi, quomodo turbari tu debeas, cum tanta mole peccati grauaris & premeris? Attendisti enim te, uidisti te reum, computasti tibi, illud feci, & peccit mihi deus, illud commisi, & distulit me, euangelium audiui, & contempsisti, baptizatus sum, & iterum ad eadem reuolutus sum: quid facio, quod eo, unde euado? quoniam ista dicis, iam fremuit Christus, quia fides fremit. In uoce frementis apparet spes resurgentis, si ipsa fides est intus, ibi est Christus fremens: si fides in nobis, Christus in nobis. Quid enim aliud ait Apostolus, habitare Christum per fidem in cordibus uestris? ergo fides tua de Christo, Christus est in corde tuo. Hinc est illud quod dormiebat in nauis, & cum periclitaretur discipuli, iam imminente naufragio accesserunt ad eum, & excitauerunt eum: surrexit Christus, imperauit uentis & fluctibus, & facta est tranquillitas magna. Sic & tu, intrant uenti cor tuum, utique nauigas, ubi hanc uitam antequam procellosum & periculosum pelagus transis, intrant uenti, mouent fluctus, Ephes. 3

turbant nauem. Qui sunt uenti? Audisti cōuiciū, irasceris: conuiciū uentus est, iracundia fluctus est. Periclitaris, disponis respondere, disponis maledictum pro maledicto reddere, iam nauis propinquat naufragio. Excita Christum dormientem, ideo enim fluctuas, & mala pro malis reddere preparas, quia Christus dormit in nauī. In corde enim tuo somnus Christi obliuio fidei: nam si excitas Christum, id est, recolas fidem, quid tibi dicit tanquam uigilans Christus in corde tuo? Ego audiui, dæmonium habes, & pro eis orauī: audit dominus, & patitur, audit seruus, & indignatur: sed uindicare uis. Quid enim? Ego iam sum uindicatus: cum hæc loquitur tibi fides tua, quasi imperatur uentis & fluctibus, & sit tranquillitas magna. Quomodo ergo hoc est excitare Christum in nauī, excitare fidem: sic in corde hominis quem premit magna moles & consuetudo peccati, in corde hominis transgressoris, etiam sancti euangelij contemptoris & pœnarum æternarum, fremat Christus, increpet se homo: audi adhuc, Fleuit Christus, fleat se homo. Quare enim fleuit Christus, nisi quia flere hominē docuit? Quare fremuit & turbauit semetipsum, nisi quia fides hominis sibi merito displicētis, fremere quodāmodo debet in accusatione malorum operum, ut uiolentiæ pœnitendi cedat consuetudo peccandi? Et dixit, ubi posuistis eum? Scisti quia mortuus sit, & ubi sit sepultus ignoras? & ista significatio est, quia sic perditum hominem quasi nescit deus: non ausus sum dicere nescit, quid enim ille nescit? sed quasi nescit: unde hoc probamus? Dominum audi dicturum in iudicio: Non noui uos, discedite à me. Quid est, non noui uos? Non uos uideo in luce mea, non uos uideo in illa iustitia quam noui: sic & hic tanq̃ nesciens talem peccatorem, dixit, Vbi posuistis eum? Talis est uox dei in paradiso posteaq̃ homo peccauit, Adam ubi es? Dicunt ei, domine ueni & uide.) Quid est uide? misere: uidet enim dominus quando miseretur: unde illi dicitur, uide humilitatem meam & laborem meū, & dimitte omnia peccata mea. Et lachrymatus est Iesus, dixerunt ergo Iudæi, Ecce quomodo amabat eum.) Quid est, amabat eum? Nō ueni uocare iustos, sed peccatores in pœnitentiam. Quidam autē dixerunt ex ipsis, Non poterat hic qui aperuit oculos cæci, facere ut & hic nō moreretur? Qui noluit facere ut non moreretur, plus est quod facturum est, ut mortuus suscitetur. Iesus autem rursus fremens in semetipso, uenit ad monumentum.) Fremet & in te, si disponis reuiuiscere: omni homini dicitur, qui premittitur pessima consuetudine, uenit ad monumentum. Erat autem spelunca, & lapis superpositus erat ei.) Mortuus sub lapide, reus sub lege: scitis enim quia lex quæ data est Iudæis, in lapide scripta est. Omnes autē rei sub lege sunt, bene uiuētes in lege sunt: iusto lex posita non est. Quid est ergo lapidem remouere? gratiam prædicare. Apostolus enim Paulus ministerium se dicit noui testamenti, non littera, sed spiritu: nam littera, inquit, occidit, spiritus autem uiuificat. Littera, inquit, occidēs, quasi lapis est premens. Remouete, inquit, lapidem.) Remouete legis pondus, gratiam prædicate: si enim data esset lex quæ possit uiuificare, omnino ex lege esset iustitia, sed conclusit omnia scriptura sub peccato, ut promissio ex fide Iesu Christi daretur credentibus: ergo remouete lapidem. Dicit ei Martha soror eius qui mortuus fuerat, domine iam fœtet, quatruiduanus enim est. Dicit ei Iesus, Nōne dixi tibi, quia si credideris, uidebis gloriam dei? Quid est uidebis gloriam dei? quia & putentem & quatruiduanum resuscitat. Omnes enim peccauerunt, & egent gloria dei: &, Vbi abundauit peccatum, superabundauit & gratia. Tulerunt ergo lapidem, Iesus autem eleuatis sursum oculis, dixit, Pater gratias ago tibi, quoniam audisti me, ego autē sciebam quia semper me audis, sed propter populum qui circumstat dixi, ut credant quia tu me misisti. Hæc cum dixisset, magna uoce clamauit.) Fremuit, lachrymatus est, uoce magna clamauit. Quam difficile surgit, quem moles malæ consuetudinis premit, sed tamen surgit, occulta gratia intus uiuificatur, surgit post uocem magnam. Quid est factum? Voce magna clamauit, Lazare ueni foras, & statim prodijt qui fuerat mortuus, ligatus manus & pedes institis, & facies illius sudario erat ligata.) Quomodo processit ligatis pedibus miraris, & non miraris quia surrexit quatruiduanus? In utroq̃ potentia domini erat, non uires mortui. Processit, & adhuc

Matth. 7. &amp; 25

Gen. 3

2. Cor. 3

Rom. 5. &amp; 5



A & adhuc ligatus est, adhuc inuolutus, tamen iam foras processit. Quid significat? Quando contemnis, mortuus iaces: & si tanta quanta dixi contemnis, sepultus iaces: quando confiteris, procedis. Quid est enim procedere, nisi ab occultis uelut exeundo te manifestare? Sed ut confitearis, deus facit magna uoce clamando, id est, magna gratia uocando: ideo cum processisset mortuus adhuc ligatus, confitens & adhuc reus, ut solueretur peccata eius, ministris cessisset mortuus adhuc ligatus, confitens & adhuc reus, ut solueretur peccata eius, ministris hoc dixit dominus, soluite illum & sinite abire. Quid est, soluite & sinite abire? Quae solueritis in terra, soluta erunt in caelo. Multi ergo ex Iudaeis qui uenerant ad Mariam & uiderunt quae fecit Iesus, crediderunt in eum: quidam autem ex ipsis abierunt ad phariseos, & dixerunt eis quae fecit Iesus. Non omnes ex Iudaeis qui conuenerant ad Mariam, crediderunt, sed tamen multi. Quidam uero ex eis, siue ex Iudaeis qui conuenerant, siue ex eis qui crederent, abierunt ad phariseos, & dixerunt eis quae fecit Iesus, siue annunciando ut ipsi crederent, siue potius prodendo ut sauirent. Sed quomodolibet & a quibuslibet ad phariseos ista perlata sunt. Collegimus pontifices & pharisei conciliū, & dicebant, Quid facimus? Nec tamen dicebant, credamus, plus enim perdit homines cogitabant quomodo nocerent ut perderent, quam quomodo sibi consulerent ne perirent: & tamen timebant, & quasi consulebant: dicebant enim, Quid faciemus? Quia hic homo multa signa facit, si dimittimus eum sic, omnes credent in eum, & uenient Romani, & tollent nostrum locum & gentem. Temporalia perdere timuerunt, & uitā aeternā non cogitauerunt, ac sic utrumque amiserunt, nam & Romani post domini passionem & glorificationem, tulerunt eis & locum & gentem expugnando & transferendo: & illud eos sequitur, quod alibi dictum est, Filij autem regni huius ibunt in tenebras exteriores. Hoc autem timuerunt, ne si omnes in Christum crederent, nemo remaneret qui aduersus Romanos ciuitatem dei templumque defenderet, quoniam contra ipsum templum, & contra suas paternas leges doctrinam Christi esse sentiebant. Unus autem ex ipsis Caiphas, cum esset pontifex anni illius, dixit eis, Vos nescitis quicquam nec cogitatis, quia expedit uobis ut unus moriatur homo pro populo, & non tota gens pereat. Hoc autem a semetipso non dixit, sed cum esset pontifex anni illius prophetauit. Hic docemur etiam homines malos prophetiae spiritu futura praedicere, quod tamen euangelista diuino tribuit sacramento, quia pontifex fuit, id est, summus sacerdos: potest autem mouere quomodo dicatur pontifex anni illius, cum deus unum constituerit summum sacerdotem, cui mortuo unus succederet. Sed intelligendum est, per ambitiones & contentiones inter Iudaeos, postea constitutum ut plures essent, & per annos singulos uicibus ministrarent: nam & de Zacharia hoc dicitur, Factum est autem cum sacerdotio fungeretur Zacharias in ordine uicibus suae ante deum, secundum consuetudinem sacerdotum, forte exiit ut incensum poneret, ingressus in templum domini: hinc apparet plures eos fuisse, & uices suas habuisse: nam incensum non licebat ponere nisi summo sacerdoti, & forte etiam unum annum plures administrabant, quibus alio anno alij succedebant, ex quibus forte exhibat quis ut incensum poneret. Quid est ergo quod prophetauit Caiphas? Quia Iesus moriturus erat pro gente, & non tantum pro gente, sed ut filios dei qui erant dispersi congregaret in unum, hoc euangelista addidit, nam Cayphas de sola gente Iudaeorum prophetauit, in qua erant oues, de quibus ait ipse dominus, Non sum missus nisi ad oues quae perierunt domus Israel. Sed nouerat euangelista esse alias oues quae non erant de hoc ouili, quas oportebat adduci, ut esset unum ouile & unus pastor. Haec autem secundum praedestinationem dicta sunt, nam neque oues eius, nec filij dei adhuc erant, qui necdum crediderant. Ab illo ergo die cogitauerunt ut interficerent eum. Iesus ergo iam non palam ambulabat apud Iudaeos, sed abiit in regionem iuxta desertum in ciuitate quae dicitur Effrem, & ibi morabatur cum discipulis suis. Non quia potentia eius defecerat, in qua utique si uellet, & palam Iudaeis conuersaretur, & nihil ei facerent, sed in hominis infirmitate uiuendi exemplum discipulis monstrabat: in quo apparet non esse peccatum, si fideles eius qui sunt membra eius, oculis persequentium se subtraherent, & furorē sceleratorum latendo potius deuiterent, quam se offerendo magis accenderent.

Ab eo quod ait, Proximum erat pascha Iudæorum, usq; ad id quod ait, Multi propter illum abibant & credebant in Iesum.

Tractatus L.



ESTERNAM lectionem sancti euangelij de qua locuti sumus quod dominus dedit, hodierna sequitur, de qua locuturi sumus quod dominus dabit. Quædā in scripturis tam manifesta sunt, ut potius auditorem q̃p̃ expositorē desiderent, in eis nos immorari non oportet, ut necessarijs in quibus immorandum est, tempus sufficiat. Proximum ergo erat pascha Iudæorum.) Illum diē festum Iudæi cruentum habere domini sanguine uoluerūt, illo die festo occisus est agnus, qui nobis eundem diem festum suo sanguine consecrauit. Consilium erat inter Iudæos de occidendo Iesu: ille qui de cœlo uenerat pati, propinquare uoluit loco passionis, quia imminabat hora passionis.

Ascenderunt ergo multi Hierosolymam de regione ante pascha, ut sanctificaret seipsos.) Hoc faciebant Iudæi secundū præceptum domini, per sanctum Moysen in lege mādātum, ut die festo quo pascha erat, omnes undiq; conuenirent, & illius diei celebratione sanctificarentur: sed illa celebratio umbra erat futuri. Quid est umbra futuri? Prophetia Christi uenturi, prophetia pro nobis illa die passuri, ut transiret umbra, & lux ueniret, ut transiret significatio, & ueritas teneretur. Habebant ergo Iudæi pascha in umbra, nos in luce: quid enim opus erat ut eis dominus præciperet per ipsum festum diem ouem occidere, nisi quia ille erat de quo prophetatum est, Sicut ouis ad immolandum ductus est: sanguine occisi per coris Iudæorum postes signati sunt: sanguine Christi frōtes nostræ signantur, & illa signatio quæ erat significatio, data est ab omnibus signatis exterminatorem prohibere: signum Christi à nobis repellit exterminatorem, si cor nostrū recipiat saluatorem. Quare hoc dixi? Quia multi postes habent signatos, & intus nō manet habitator. Agitatores facile habent in fronte signum Christi, & corde non recipiunt uerbum Christi: ideo dixi fratres quod reſpeto, signum Christi à nobis repellit exterminatorem, si cor nostrum habeat Christum habitatorem. Hæc dixi, ne quis forte cogitaret, quid sibi uellent ista festa Iudæorum. Venit ergo Iesus tanquam ad uictimam, ut uerum pascha nos haberemus, cum eius passionem tanq̃p̃ ouis immolationem celebraremus. Quærebant ergo Iesum,) sed male. Beati enim qui quærunt Iesum, sed bene. Illi quærebāt Iesum, ut nec ipsi haberent eum, nec nos, sed ab ipsis abscedentem suscepimus nos: reprehenduntur qui quærunt, laudantur qui quærunt. Animus enim quærentis aut laudem inuenit, aut damnationem: habes enim & in psalmis, Confundantur & reuerentur, qui quærunt animam meam: isti sunt qui male quærebant: alio autē loco dicit, Perijt fuga à me, & non est qui requirat animam meam. Culpantur qui quærebant, culpantur qui non quærebant: ergo quæramus Christum ut habeamus, quæramus ut teneamus, sed non ut occidamus: nam & illi non ideo quærebant ut tenerent, sed ut cito non haberent. Quærebant ergo, Et loquebantur inter se, Quid puratis quia non uenit ad diem festum? Dederunt autem pontifices & pharisæi mādātum, ut si quis cognouerit ubi sit, indicet, ut apprehendant eū.) Nos indicemus modo Iudæis ubi sit Christus, utinam uelint audire & apprehendere. Quicumq; sunt ex semine illorum qui dederant mādātum, ut indicarent eis ubi esset Christus, ueniant ergo ad ecclesiam, audiant ubi sit Christus, & apprehendant eum: à nobis audiant, & ex euangelio audiant. Occisus est à parentibus eorum, sepultus est, resurrexit, à discipulis agnitus, ante oculos eorum ascendit in cœlum, ibi sedet ad dexteram patris, qui iudicatus est, uenturus est iudex: audiant & teneant. Respondet, quem tenebo? Absentem? Quomodo in cœlum manum mittam, ut ibi sedentem teneam? Fidem mitte & tenuisti: parentes tui tenuerunt carne, tu tene corde, quoniā Christus absens etiam præsens est: nisi præsens esset, à nobis ipsis teneri non posset: sed quoniā uerum est quod ait, Ecce ego uobiscum sum usq; ad cōsummationem seculi: & abiit, & hic est, & rediit, & nos nō deseruit: corpus enim suum intulit cœlo, maiestatem non abstulit mūdo.

Iesus ergo ante sex dies paschæ, uenit Bethaniam, ubi fuerat Lazarus mortuus, quem suscitauit Iesus. Fecerūt autem ei ibi cœnam, & Martha ministrabat, Lazarus uero unus erat ex di-



A ex discumbentibus.) Ne putarent homines phantasma esse factum quia mortuus resur-  
 rexit, unus erat ex recumbentibus, uiuebat, loquebatur, epulabatur, ueritas ostendebatur,  
 infidelitas Iudæorum confundebatur. Discumbebat ergo Iesus cum Lazaro & cæteris, mi-  
 nistrabat Martha una ex sororibus Lazari. Maria uero.) altera soror Lazari accepit li-  
 bram unguenti nardi pistici preciosi, & unxit pedes Iesu, & exterisit capillis suis pedes eius,  
 & domus impleta est ex odore unguenti.) Factum audiuius, mysterium requiramus.  
 Quæcunq; anima fidelis uis esse, cū Maria unge pedes domini precioso unguento: unguen-  
 tum illud iustitia fuit, ideo libra fuit: erat autem unguentum nardi pistici preciosi, quod ait  
 pistici, locum aliquem credere debemus, unde hoc erat unguentum preciosum, nec tamen  
 hoc uacat, & sacramēto optime consonat: pistis græce fides dicitur. Quærebas operari iusti-  
 tiam, iustus ex fide uiuit, unge pedes Iesu bene uiuendo, dominica sectare uestigia, capillis  
 terge: si habes superflua, da pauperibus, & domini pedes tersisti: capilli enim superflua cor-  
 poris uidentur: habes quod agas de superfluis tuis: tibi superflua sunt, sed domini pedibus  
 necessaria sunt. Forte in terra domini pedes indigent, de quibus enim nisi de membris suis  
 in fine dicturus est, Cum uni ex minimis meis fecistis, mihi fecistis: superflua uestra impen- Matth. 25  
 distis, sed pedibus meis obsecuti estis. Domus autem impleta est odore, mundus imple-  
 tus est fama bona: nam odor bonus, fama bona est. Qui male uiuunt & Christiani uocan-  
 tur, iniuriam Christo faciunt: de qualibus dictum est, q; per eos nomen domini blaspheme-  
 tur. Si per tales nomen dei blasphematur, per bonos nomen domini laudatur: audi Apo- 2. Cor. 2  
 stolum, Christi bonus odor sumus, inquit, in omni loco: dicitur & in canticis canticorum, Cant. 1  
 Oleum effusum nomen tuum: ad Apostolum reuoca intentionem, Christi, inquit, bonus  
 odor sumus in omni loco, & in his qui salui fiunt, & in his qui pereunt: alijs sumus odor uitæ  
 in uitam, alijs odor mortis in mortem: & ad hæc quis idoneus? Occasionem nobis præbet  
 in uitam, alijs odor mortis in mortem: & ad hæc quis idoneus? Occasionem nobis præbet  
 præsens lectio sancti euangelij de odore isto ita loqui, ut & a nobis sufficienter dicatur, & a  
 uobis diligenter audiatur, Apostolo ipso ita dicente, Et ad hæc quis idoneus? ergo ut inde  
 nos conemur loqui, nūquid idonei sumus, aut uos audire hæc idonei estis? Hæc audire uos  
 nos conemur loqui, nūquid idonei sumus, aut uos audire hæc idonei estis? Hæc audire uos  
 quidem idonei estis, nos quidem idonei non sumus, sed idoneus est ille qui per nos dignetur  
 tur dicere, quod uobis prosit audire. Ecce Apostolus, bonus odor est, sicut dicit ipse, sed ipse  
 odor alijs est odor uitæ in uitam, alijs autem odor mortis in mortem, tamen bonus odor:  
 nunquid enim ait, alijs sumus bonus odor ad uitam, alijs malus odor ad mortem? bonum  
 odorem se dixit, non malum, & eundem bonum odorem alijs ad uitam dixit, alijs ad mor-  
 tem: felices qui bono odore uiuunt. Quid autem infelicius illis qui bono odore moriuntur?  
 Et quis est, ait aliquis, quæ bonus odor occidit? hoc est quod ait Apostolus, & ad hæc quis  
 idoneus? Quomodo ea facit deus miris modis, ut bono odore & boni uiuant, & mali mori-  
 riantur, quomodo sit, quantum dominus inspirare dignatur, ostendam: nam fortasse ibi la-  
 tet altior intellectus, qui a me non potest penetrari: tamen quousq; penetrare potero, uobis  
 non debet denegari. Paulum apostolum bene agentem, bene uiuentem, iustitiā uerbo præ-  
 dicantem, opere demonstrantem, doctorem mirabilem, fidelem dispensatorem, fama usque-  
 quaq; disseminabat, quidam diligebant, quidam inuidebant: nam ipse quodam loco ait de  
 quibusdam, q; non caste, sed per inuidiam Christum annuntiarent, existimantes, inquit, tri-  
 bulationem suscitare uinculis meis: sed quid ait? Siue occasione, siue ueritate Christus an-  
 nunciatur, annuncient qui me amant, annunciet qui mihi inuidet: Illi bono odore uiuunt,  
 & illi bono odore moriuntur: tamen utrisq; prædicantibus nomen Christi annūciatur, odo-  
 re optimo mūdus impleatur: amasti bene agentem, uixisti bono odore: inuidisti bene agentem,  
 mortuus es bono odore. Nūquid quia mori uoluisti, ideo odorē illum malum esse fecisti?  
 Noli inuidere, & nō occidet te bonus odor. Deniq; audi & hic ex unguento isto, quomodo  
 alijs erat odor bonus in uitam, alijs odor malus in mortem. Postea q; hoc fecit religiosa Maria  
 ad domini obsequium, continuo Vnus ex discipulis eius, Iudas Iscariotes qui eum erat  
 traditurus, dixit, Quare hoc unguentum non uenit trecentis denarijs, & datum est egenis? Vt tibi

Væ tibi miser, bonus odor occidit te. Quare enim hoc dixerit, euangelista sanctus aperuit. <sup>q</sup>  
 Putaremus autem & nos, si mens ipsius nobis per euangelium non proderetur, pauperum  
 cura hoc illum dicere potuisse: nō ita est. Sed quid? audi testem ueracem. Dixit autē hoc,  
 nō quia de egenis pertinebat ad illū, sed quia fur erat & loculos habēs, & ea quæ mitteban/  
 tur, portabat. Portabat, an exportabat? sed ministerio portabat, furto exportabat. Ecce au/  
 dite quia Iudas iste nō tunc peruersus factus est, quando à Iudæis corruptus dominum tra/  
 didit: plerique enim incuriosi euangelij, existimant tunc perisse Iudam, quando accepit à Iu/  
 dæis pecuniā ut dominum traderet: non tunc perijt, iam fur erat, & dominū perditus seque/  
 batur, quia non corde, sed corpore dominum sequebatur. Duodenarium numerum apo/  
 stolorum implebat, apostolicā beatitudinem nō habebat, ad imaginē fuerat duodecimus:  
 quo Iuda decidēte, & Matthia succedente, & suppleta est apostolica ueritas, & numeri per/  
 mansit integritas. Quid ergo uoluit dominus noster Iesus Christus fratres mei admonere  
 ecclesiam suam, quando unum perditum inter duodecim habere uoluit, nisi ut malos tole/  
 remus, ne corpus Christi diuidamus? Ecce inter sanctos est Iudas, ecce fur est Iudas, & ne/  
 contempnas, fur sacrilegus, nō qualiscunq; fur. Fur loculorum, sed dominicorum, loculorum,  
 sed sacrorum: si crimina discernuntur in foro qualiscunq; furti, & peculatus: peculatus enim  
 dicitur furtū de re publica, & non sic iudicatur furtū rei priuatæ quomodo publicæ: quanto  
 uehementius iudicandus est fur sacrilegus, qui ausus fuerit undecunq; tollere, hoc est, & de  
 ecclesia tollere. Qui aliqd de ecclesia furatur, Iudæ perduto cōparatur. Talis erat iste Iudas,  
 & tamen cum sanctis discipulis undecim intrabat & exhibat, ad ipsam dominicam cœnam  
 pariter accessit, cōuersari cum eis potuit, eos inquinare non potuit. De uno pane & Petrus  
 & Iudas accepit, & tamen quæ pars fideli cum infideli? Petrus enim accepit ad uitā, Iudas  
 ad mortem: quomodo enim ille odor bonus, sic ille cibus bonus: sicut ergo odor bonus, ita  
 & cibus bonus, bonos uiuificat, malos mortificat. Qui enim manducauerit indigne, iudiciū  
 sibi manducat & bibit: iudiciū sibi, non tibi. Si iudiciū sibi, non tibi, tolera malū bonus, <sup>p</sup>  
 ut uenias ad præmia bonorum, ne mittaris in pœnam malorum. Exemplum domini accipe  
 conuersantis in terra, quare habuit loculos cui angeli ministrauerūt, nisi quia ecclesia ipsius  
 loculos suos habitura erat? quare furem admisit, nisi ut eius ecclesia fures patienter toleret?  
 Sed ille qui consueuerat de loculis pecuniam tollere, non dubitauit accepta pecuniā ipsum  
 dominum uendere. Videamus quid ad ista dominus respondeat, uidete fratres, nō illi ait,  
 propter furta tua dicis ista: furem nouerat, & prodere nolebat, sed potius tolerabat, & ad  
 perferēdos malos in ecclesia nobis exemplū patientiæ demonstrabat. Dixit ergo ei Iesus,  
 Sine illam, ut in diem sepulturæ meæ seruet illud.) Morituum se denunciavit: sed quid est  
 quod sequitur, Pauperes enim semper habebitis uobiscum, me autem non semper habeb/  
 bitis.) Intelligimus quid est, pauperes semper habebitis: quod dixit, uerū est, quādo ecclesia  
 sine pauperibus? Me autem non semper habebitis, quid sibi uult, quomodo intelligēdum  
 est, me autē non semper habebitis? nolite expauescere, Iudæ dictum est: quare ergo non di/  
 xit, habebis, sed habebitis? quia non unus est Iudas. Iudas malus corpus malorum signifi/  
 cat, quomodo Petrus corpus bonorum, corpus ecclesiæ, imò corpus ecclesiæ, sed in bonis:  
 nam si in Petro non esset ecclesiæ sacramentum, non ei diceret dominus, Tibi dabo clauēs  
 regni cœlorum, quæcunq; solueris in terra, soluta erunt & in cœlo: & quæcunq; ligaueris in  
 terra, ligata erunt & in cœlo. Si hoc Petro tantum dictum est, nō facit hoc ecclesia: si autem  
 & in ecclesia fit, ut quæ in terra ligantur, in cœlo ligentur, & quæ soluuntur in terra, soluātur  
 in cœlo: quia cum excommunicat ecclesia, in cœlo ligatur excommunicatus: cum reconciliatur  
 ab ecclesia, in cœlo soluitur reconciliatus. Si hoc ergo in ecclesia fit, Petrus quando clauēs ac/  
 cepit, ecclesiā sanctā significauit. Si in Petri persona significati sunt in ecclesia boni, in Iudæ  
 persona significati sunt in ecclesia mali: ipsis dictum est, Me autem non semper habebitis.  
 Quid est enim, non semper, & quid est semper? Si bonus es, si ad corpus Christi pertines,  
 quod significat Petrus, habes Christum & in præsentī, & in futuro. In præsentī per fidem,  
 in præsentī

1. Cor. 11

2. q. 1. c. exemplū

Matth. 16

2. q. 1. c. quæcunq;



- A in presenti per signum Christi, in presenti per baptismatis sacramentum, in presenti per altaris cibum & potum. Habes Christum in presenti, sed habebis semper: quia cum hinc exieris, ad illum uenies qui dixit latroni, Hodie mecum eris in paradiso. Si autem male uersa- Luc. 23
- ris, uideris habere in presenti Christum, quia intras ecclesiam, signas te signo Christi, baptizaris baptismo Christi, misces te membris Christi, accedis ad altare Christi, in presenti habes Christum, sed male uiuendo non semper habebis: potest & sic intelligi, Pauperes semper habebitis uobiscum, me autem non semper habebitis. Accipiant & hoc boni, sed non sint solliciti: loquebatur enim de presentia corporis: nam secundum maiestatem suam, secundum prouidentiam, secundum ineffabilem & uisibilem gratiam impletur quod ab eo dictum est, Ecce ego uobiscum sum omnibus diebus usque ad consummationem seculi. Secundum car- Matth. 28
- nem uero quam uerbum assumpsit, secundum id quod de uirgine natus est, secundum id quod a Iudæis comprehensus est, quod ligno confixus, quod de cruce depositus, quod linteis inuolutus, quod in sepulchro conditus, quod in resurrectione manifestatus, non semper Act. 1
- habebitis me uobiscum. Quare? Quonia conuersatus est secundum corporis presentiam quadraginta diebus cum discipulis suis, & eis deducen- tibus uidendo, non sequendo ascendit in celum, & non est hic: ibi enim sedet ad dexteram patris, & hic est: non enim recessit presentia maiestatis. Aliter. Secundum presentiam maiestatis semper habemus Christum: secundum presentiam carnis, recte dictum est discipulis, me autem non semper habebitis. Habuit enim illum ecclesia secundum presentiam carnis paucis diebus: modo fide tenet, oculis non uidet. Ergo si ita dictum est, me autem non semper habebitis, quaestio sicut arbitror iam nulla est, quæ duobus modis soluta est. Cætera quæ pauca remanent audiamus. Cognouit ergo multa turba ex Iudæis quia illic est, & uenerunt, non propter Iesum tantum, sed ut Lazarum uiderent, quem suscitauit Iesus a mortuis. Curiositas eos adduxit, non charitas, uenerunt & uiderunt. Audite mirabile consilium uanitatis. Viso Lazaro resuscitato, quia tantum miraculum domini tanta erat euidentia diffamatum, tanta manifestatione declaratum, ut non possint uel occultare quod factum est, uel negare quod inuenerunt, uidere.
- Cogitauerunt autem principes sacerdotum ut & Lazarum interficerent, quia multi propter illum abibant ex Iudæis, & credebant in Iesum. O stulta cogitatio & cæca sauitia. Dominus Christus qui suscitare potuit mortuum, non possit occisum? Quando Lazaro inferrebatis necem, nunquid auferebatis domino potestatem? Si aliud uobis uidetur mortuus, aliud occisus, ecce dominus utrumque fecit, & Lazarum mortuum, & seipsum suscitauit occisum.
- De eo quod ait, In crastinum autem turba multa quæ uenerat ad diem festum, cum audissent quia uenit Iesus Hierosolymam, acceperunt ramos palmarum, & processerunt obuiam ei & clamabant, Osanna, benedictus qui uenit in nomine domini rex Israël, usque ad id quod ait, Si quis mihi ministrauerit, honorificabit illum pater meus.

## Tractatus LI.



Posteaquam dominus quadriduanum mortuum resuscitauit, stupentibus Iudæis, & alijs eorum uidendo credentibus, alijs inuidendo pereuntibus propter odorem bonum qui est alijs ad uitam, alijs ad mortem, posteaquam discubuit in domo cum recubente Lazaro qui fuerat mortuus resuscitatus, post unguentum diffusum super pedes eius, unde domus odore impleta est, posteaquam uanam salutem, & stultissimum & dementissimum scelus Iudæi etiam de occidendo Lazaro corde perditio conceperunt, de quibus omnibus ut potuimus, quod dominus dedit, superioribus sermonibus locuti sumus: nunc intendat charitas uestra, ante domini passionem quantus fructus apparuerit prædicationis eius, & quantus grex ouium ex his quæ perierant domus Israël, uocem pastoris audierit: sic enim loquitur euangelium, quod modo cum recitaretur, audistis. In crastinum autem turba multa quæ uenerat ad diem festum, cum audissent quia uenit Iesus Hierosolymam, acceperunt ramos palmarum, & processerunt obuiam ei, & clamabant, Osanna, benedictus qui uenit in nomine domini, rex Israël. Rami palmarum lau- des

des sunt, significantes uictoriam, qua erat dominus mortem moriendo superaturus, & tro-  
phæo crucis de diabolo mortis principe triumphaturus. Vox autem obsecrantis est, osan-  
na, sicut nonnulli dicunt qui Hebræam linguam nouerunt, magis affectum indicans, quam rem  
aliquam significans, sicut sunt in lingua latina quas interiectiones uocant: uelut cum dolen-  
tes dicimus, heu: uel cum delectamur, uah dicimus: uel cum miramur dicimus, ô rem magnâ:  
tunc enim nihil significat, nisi mirantis affectum. Quod ideo credendum est ita esse, quia ne  
Mat. 5 que Græcus, neque Latinus hoc interpretari potuit, sicut illud, Qui dixerit fratri suo racha,  
nam & hæc interiectio esse perhibetur, affectum indignantis ostendens. Benedictus autem  
qui uenit in nomine domini, rex Israël: sic potius accipiendum est, ut in nomine domini, in  
nomine dei patris intelligatur, quamuis possit intelligi etiam in nomine suo, quia & ipse do-  
minus est: unde & alibi scriptum est, Pluit dominus a domino. Sed uerba eius melius no-  
Ioan. 5 strum dirigunt intellectum, qui ait, Ego ueni in nomine patris mei, & non suscepistis me: alius  
ueniet in nomine suo, hunc suscipietis. Humilitatis enim magister est Christus, qui humilia-  
uit semetipsum, factus obediens usque ad mortem, mortem autem crucis. Non itaque omittit diui-  
nitatem, quando nos docet humilitatem: in illa est patri æqualis, in hac nobis similis. Per quod  
patri est æqualis, nos ut essemus creauit: per quod nobis est similis, ne periremus redemit.  
Has ei laudes turba dicebat, Osanna, benedictus qui uenit in nomine domini, rex Israël.  
Quam crucem mentis inuidia principum Iudæorum perpeti potuerat, quando regem  
suum Christum tanta multitudo clamabat: Sed quid fuit domino regem fuisse Israël? Quid  
magnum fuit regi seculorum, regem fieri hominum? Non enim rex Israël Christus ad exi-  
gendum tributum, uel exercitum ferro armandum, hostesque uisibiliter debellandos: sed rex  
Israël quod mentes regat, quod in æternum consulat, quod in regnum cælorum credentes,  
sperantes, amantesque perducatur. Dei ergo filius æqualis patri, uerbum per quod facta sunt  
omnia, quod rex esse uoluit Israël, dignatio est, non promotio, miserationis indicium est, non  
potestatis argumentum. Qui enim appellatus est in terra rex Iudæorum, in cælis est domi-  
nus angelorum. Et inuenit Iesus asellum, & sedit super eum. Hic breuiter dictum est, nam  
quemadmodum sit factum, apud alios euangelistas plenissime legitur. Adhibetur autem  
huic facto propheticum testimonium, ut appareret quod maligni principes Iudæorum cum  
non intelligebant, in quo implebantur quæ legebant. Inuenit ergo Iesus asellum, & sedit su-  
per eum. Sicut scriptum est, Noli timere filia Sion, ecce rex tuus uenit sedens super pullum  
Zach. 9 asinæ. In illo ergo populo erat filia Sion, ipsa est Hierusalem: quæ Sion in illo, inquam, po-  
pulo reprobo & cæco erat, tamen filia Sion cui diceretur, Noli timere, ecce rex tuus uenit se-  
dens super pullum asinæ. Hæc filia Sion cui diuinitus ista dicuntur, in illis erat ouibus quæ  
uocem pastoris audiebant: in illa erat multitudo, quæ dominum uenientem tanta deuotio-  
ne laudabat, tanto agmine deducebat. Ei dictum est, noli timere, illum agnosce qui à te  
laudatur, & noli trepidare cum patitur, quia ille sanguis funditur, per quem tuum delictum  
deleatur, & uita reddatur. Sed pullum asinæ in quo nemo federat: hoc enim apud euangeli-  
stas inuenitur, intelligimus populum gentium, qui legem domini non acceperat. Asinam  
uero, quia utrumque iumentum domino adductum est, plebem eius quæ ueniebat ex popu-  
lo Israël, non indomitam planè, sed quæ præsepe domini agnouit. Hæc non cognouerunt  
discipuli eius primum, sed quando glorificatus est Iesus. Id est, quando uirtutem suam resur-  
rectionis ostendit. Tunc recordati sunt quia hæc scripta erant de eo, & hæc fecerunt ei. Id est,  
non alia fecerunt ei quàm illa quæ erant scripta de eo. Recolentes quippe secundum scriptu-  
ram, quæ ante passionem, uel in passione domini completa sunt, ibi & hoc inuenerunt quod  
secundum eloquia prophetarum in pullo asinæ federat. Testimonium ergo perhibebat  
turba quæ erat cum eo quando Lazarum uocauit de monumento, & suscitauit eum à mor-  
tuis, propterea & obuiam uenit ei turba, quia audierunt eum hoc fecisse signum. Pharisei  
ergo dixerunt ad semetipsos, Videtis quia nihil proficimus, ecce mundus totus post eum  
abiit. Turba turbauit turbam, Quid autem inuides cæca turba: quia post eum uadit mun-  
dus,



- A dus per quē factus est mundus? Erant autē gentiles quidam ex his qui ascēderant ut adorarent in die festo. Hi ergo accesserunt ad Philippum, qui erat à Bethsaida Galilææ, & rogabant eum dicentes, Domine, uolumus Iesum uidere. Venit Philippus & dicit Andreas. Andreas rursum & Philippus dicunt Iesu.) Audiamus quid dominus ad ista responderit. Ecce uolunt eum Iudæi occidere, gentiles uidere, sed etiam illi ex Iudæis erant qui clamabant, Benedictus qui uenit in nomine domini rex Israël: ecce illi ex circuncisione, illi ex præputio, uelut duo parietes de diuerso uenientes, & in unam fidem Christi pacis osculo concurrentes. Audiamus ergo uocem lapidis angularis. Iesus autem, inquit, respondit eis dicens. Venit hora ut glorificetur filius hominis.) Hic quisquā forsitan putat ideo se dixisse glorificatum, quia gentiles eum uolebāt uidere, non ita est: sed uidebat ipsos gentiles post passionem & resurrectionem suam in omnibus gentibus credituros: quia sicut dicit Apostolus, Cæcitas ex parte in Israël facta est, donec plenitudo gentium intraret. Ex occasione Rom. 11 igitur istorum gentilium, qui eum uidere cupiebant, annuntiat futuram plenitudinem gentium, & promittit iam iamq; adesse horam glorificationis suæ, quam factam in cœlis gentes fuerant credituræ: unde prædictum est, Exaltare super cœlos deus, & super omnem terram psal. 107 ut præcederet humilitas passionis, ideo secutus adiunxit, Amen amen dico uobis, nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum affert.) Se autem ipsum Iesus dicebat, ipse erat granū mortificandum & multiplicandum: mortificandum in infidelitate Iudæorum, multiplicandum in fide omnium populorū. Iam uero exhortans ad passionis suæ sectanda uestigia. Qui amat, inquit, animam suam, perdet eam.) Quod duobus modis intelligi potest, qui amat perdet, id est, si amas perdes: si cupis uitam tenere in Christo, noli timere mori pro Christo.
- B Item alio modo, qui amat animam suam, perdet eam: noli amare ne perdas: noli amare in hac uita, ne perdes in æterna uita. Hoc autem quod posterius dixi, magis habere uidetur euangelicus sensus: sequitur enim. Et qui odit animam suam in hoc mundo, in uitam æternam custodit eam.) Ergo quod supra dictum est, qui amat, subintelligitur in hoc mundo, ipse itaq; perdet: qui autem odit, utiq; in hoc mūdo, in uitam æternā ipse custodit eam. Magna & mira sententia, quemadmodum sit hominis in animam suam amor ut pereat, odium ne pereat: si male amaueris, tunc odisti: si bene oderis, tunc amasti. Felices qui odierunt custodiendo, ne perdant amando: sed uide ne tibi subrepat ut teipsum uelis interire, sic intelligendo quod debes odisse in hoc mundo animam tuam. Hinc enim quidam male ligni atq; peruersi homines, & in seipsis crudeliores & sceleratiores homicidæ, flammis se donant, aquis se præfocant, præcipitio se collidunt, & pereunt. Hoc Christus non docuit, immo etiam diabolo præcipitium suggerenti respondit, Redi retro satanas, scriptum est, non tentabis dominum deum tuum. Petro autem dixit significās qua morte clarificaturus erat deum, Cum esses iunior, cingebas te & ambulabas quod uolebas: cum autem senueris, alter te cinget, & feret quod tu non uis: ubi satis expressit, non à seipso, sed ab alio debere occidi, qui uestigia sequitur Christi. Cum ergo causæ articulus uenerit, ut hæc conditio præponatur, aut faciendum esse contra dei præceptum, aut ex hac uita emigrandum: quorum duorum homo si cogatur alterum eligere, comminante mortem persecutore, ibi eligat deo dilecto emori, quàm offenso uiuere: ibi oderit in hoc mundo animam suam, ut in uitam æternam custodiat eam. Si quis mihi ministrat, me sequatur.) quid est, me sequatur, nisi me imitetur? Christus enim pro nobis passus est, ait apostolus Petrus, relinquens nobis exemplum, ut sequamur uestigia eius. Ecce quod dictum est, si quis mihi ministrat, me sequatur. Quo fructu? qua mercede? quo præmio? Et ubi sum, inquit, ego, illic & minister meus erit.) Gratis ametur, ut operis quo ministratur illi, premium sit esse cum illo: ubi enim bene erit sine illo, aut quando esse male poterit cum illo? Audi euidentius. 1. Petri. 2

nistraverit, honorificabit eum pater meus.) Quo honore, nisi ut sit cum filio eius? Quod est  
superius ait, Vbi ego sum, illic & minister meus erit, hoc intelligitur exposuisse cum dicit, ho-  
norificabit eum pater meus. Nam quem maiorem honorem accipere poterit adoptatus,  
quàm ut sit ubi est unicus, non æqualis factus diuinitati, sed consocius æternitati? Quid sit  
autem ministrare Christo, cui operi merces tanta proponitur, hoc potius debemus inquire-  
re. Si enim hoc putauerimus esse Christo ministrare, ea quæ sunt corpori necessaria præpa-  
rare, aut cœnanti cibum coquere uel apponere, uel poculum dare potumq; miscere, fecerunt  
hoc illi qui potuerunt eum in corpore habere præsentem, sicut Martha & Maria, quando et  
Lazarus unus erat ex discumbentibus: sed eo modo Christo etiam Iudas perditus mini-  
strauit, nam & oculos ipse habebat: & quamuis ex eis quæ mittebantur sceleratissime furar-  
etur, per illum tamen etiam necessaria parabantur. Hinc est illud quod cum ei diceret do-  
minus, quod facis fac celerius: arbitrati sunt quidam, quod eum iusserit propter diem festum  
necessaria præparare, uel indigentibus aliquid dare. Nullo modo igitur de huiusmodi mi-  
nistis diceret dominus, Vbi sum ego, illic & minister meus erit, & si quis mihi ministraverit,  
honorificabit eum pater meus, quoniam Iudam talia ministrantem, reprobatum potius  
quàm honoratum uidemus. Vt quid ergo alibi quærimus, quid sit ministrare Christo, &  
non potius in istis ipsis uerbis agnoscimus? Cum enim dixit, si quis mihi ministrat me se-  
quatur: hoc intelligi uoluit, ac si diceret, si quis me non sequitur, non mihi ministrat. Ministrat  
ergo Iesu Christo, qui non sua quærunt, sed quæ Iesu Christi: hoc est enim me sequatur, uias  
ambulet meas, non suas: sicut alibi scriptum est, Qui se dicit in Christo manere, debet sicut  
ambulauit ille, & ipse ambulare. Debet etiam si porrigit esurienti panem, de misericordia fa-  
cere, non de iactantia: non aliud ibi quærere quàm opus bonum, nesciente sinistra quid fa-  
ciat dextera, id est, ut alienetur intentio cupiditatis ab opere charitatis. Qui sic ministrat, Chri-  
sto ministrat, recteq; illi dicetur, Cum uni ex minimis meis fecistis, mihi fecistis: nec tantum  
ea quæ ad misericordiam pertinent corporalem, sed omnia bona opera propter Christum  
facta: tunc enim erunt bona, quoniam finis legis Christus ad iustitiam omni credenti. Mi-  
nister est Christi usq; ad illud opus magnæ charitatis, quod est animam suam pro fratri-  
bus ponere: hoc est em̃ & pro Christo ponere, quia & hoc propter sua mēbra dicturus est,  
cum pro istis fecistis, pro me fecistis: de tali quippe opere etiā se ministrum facere & appella-  
re dignatus est, ubi ait, Sicut filius hominis non uenit ministrari sed ministrare, & animam  
suā ponere pro multis: hinc est ergo unusquisq; minister Christi, unde est & minister Chri-  
stus. Sic ministrantē Christo honorificabit pater eius honore illo magno, ut sit cū filio eius,  
nec unquam deficiat felicitas eius. Cum ergo auditis fratres dominū dicentē. Vbi ego sum,  
illic & minister meus erit: nolite tantūmodo bonos episcopos & clericos cogitare, etiā uos  
pro modulo uestro ministrare Christo, bene uiuendo, eleemosynas faciendo, nomē doctri-  
namq; eius quibus potueritis prædicando, ut unusquisq; etiam paterfamiliās hoc nomine  
agnoscat paternū affectū suæ familiæ se debere pro Christo & p̃ uita aterna, suos omnes  
admoneat, doceat, hortetur, corripiat, impendat beneuolentiā, exerceat disciplinā: ita in do-  
mo sua ecclesiasticū & quodāmodo episcopale implebit officiū, ministrās Christo ut in æ-  
ternū sit cū ipso: nam & illā maximā passionis ministrationē, multi ex uestro numero mini-  
strorū, multi nō episcopi neq; clerici, iuuenes & uirgines, senes cū iunioribus, multi cōiugati  
& cōiugatæ, multi patres matresq; familiās Christo ministrātes, etiam animas suas in eius  
martyrio posuerunt, & honorificante patre coronas gloriosissimas receperunt.

Ab eo quod ait, Nūc anima mea turbata est, & quid dicā, usq; ad id quod ait,  
Hæc locutus est Iesus, & abiit & abscondit se ab eis. Tractatus LII.



Postquam dominus Iesus Christus uerbis lectionis hesternæ ministros suos ut  
seipsum sequeretur hortatus est, cum ita prædixisset passionem suam, quod ni-  
si granum frumenti cadens in terram mortuum fuerit, solum manet: si autē mor-  
tuum fuerit, multum fructum affert, ubi excitauit eos qui cum ad regnum cœ-  
lorum



A lorum sequi uellent, ut animā suā odissent in hoc mundo, si eam in uitam æternam custodi  
re cogitarēt, ad nostram rursus infirmitatem suam temperauit affectum, & ait, unde lectio  
coepit hodierna. Nunc anima mea turbata est. unde turbata est domine anima tua?  
Nempe paulo ante dixisti, Qui odit animam suam in hoc mundo, in uitam æternam custo  
dit eam. Ergo ne anima tua, quia in hoc mundo amatur, ideo turbatur ueniente hora qua  
ex hoc mundo egrediatur? Quis hoc de anima domini audeat affirmare? Sed nos in se  
transtulit, nos in se suscepit, caput nostrum membrorum suorum suscepit affectum, & ideo  
ab aliquo non est turbatum: sed sicut de illo dictum est, cum Lazarum suscitaret, turbauit  
semetipsum. Oportebat enim ut unus mediator dei & hominum homo Christus Iesus, si  
cur nos excitauit ad summa, ita nobis compateretur ad infirma: audi superius dicentem,  
Venit hora ut glorificetur filius hominis, si mortificatum fuerit granum, multum fructum  
affert. Audio, qui odit animam suam in hoc mundo, in uitam æternam custodit eam. Nec  
permittor tantummodo mirari, sed iubeor imitari: deinde sequentibus uerbis, Si quis mihi  
ministrat me sequatur, & ubi sum ego, ibi & minister meus erit, mundum contemnere accen  
dor, & in cōspectu meo nihil est uilius <sup>†</sup> uitæ huius. Totus quantumlibet fuerit prolixus ua  
por præsentis uitæ, præ amore æternorū temporalia mihi cuncta uilescunt. Et rursus ipsum  
dominum meum, qui me illis uerbis ab infirmitate mea rapuit ad infirmitatem suam, au  
dio dicentem, Nunc anima mea turbata est. Quid est hoc? Quomodo sequi iubes animam  
meam, si turbari uideo animam tuam? quomodo sufferam, quod graue tanta firmitas sen  
tit? Quale fundamentum quæram, si petra succumbit? Sed uideor mihi audire in cogitatio  
ne mea respondentem mihi dominum meum, & quodammodo dicentem, magis sequeris  
quia sic me interpono: audisti ad te uocem fortitudinis meæ, audi in me uocem infirmita  
tis tuæ: uires suggero ut curras, nec reprimo quod acceleras, sed transero in me quo trepi  
das, & substerno quod transeas. O domine mediator deus supra nos, homo propter nos,  
agnosco misericordiam tuam: nam quod tu tantus tuæ charitatis uoluntate turbaris, mul  
tos in corpore tuo qui suæ infirmitatis necessitate turbantur, ne desperando pereant conso  
laris. Denique homo qui sequi uult, audiat quæ sequatur. Accessit forte hora terribilis, propo  
nitur optio, aut faciendæ iniquitatis, aut subeundæ passionis, turbatur anima infirma, pro  
pter quam spōte turbata est anima inuicta: præpone tuæ uoluntati uoluntatem dei. Atten  
de enim quid deinde subiungat creator tuus & magister tuus qui te fecit, & ut te doceret fa  
ctus est & ipse quod fecit: homo enim factus est qui hominem fecit, sed deus incommuta  
bilis mansit, & hominem in melius commutauit. Audi ergo quid deinde subiungat, cum  
hæc dixisset, nunc anima mea turbata est. Et quid dicam, inquit, pater saluifica me ex hac  
hora, sed propterea ueni in hanc horam, pater clarifica nomen tuum. Docuit te quid cogi  
tes, docuit quid dicas, quem inuoces, in quo speres, cuius uoluntatem certam atque diuinam  
tuæ uoluntati humanæ infirmæque præponas. Non ideo tibi uideatur ex alto deficere, quia  
te uult ab imo proficere: nam & tentari dignatus est à diabolo, à quo utique si nollet non ten  
taretur, quemadmodum si nollet non pateretur. Et ea respōdit diabolo, quæ tu in tentatio  
nibus debeas respondere: & ille quidem tentatus est, sed nō periditatus, ut doceret te in ten  
tationis exire. Sicut autem hic dixit, nunc anima mea turbata est, ita etiam ubi dicit, Tristis  
est anima mea usque ad mortem: &, pater si fieri potest transeat à me calix iste, ostēdit homi  
nis suscepti infirmitatem, ut doceat sic contristatū & conturbatum quod sequitur dicere: ue  
runtamen non quod ego uolo, sed quod tu uis pater. Sic enim homo ab humanis in diui  
na dirigitur, cum uoluntati humanæ uoluntas diuina præponitur. Quid est autem, Clari  
fica tuum nomen, nisi in sua passione & resurrectione? Quid est ergo aliud, nisi ut pater clari  
ficet filium, qui clarificat suum nomen etiam in similibus passionibus seruorum suorum: un  
de scriptum est de Petro, quod ideo de illo dixerat dominus, Alter te cinget, & feret quod tu  
non uis, quia significare uoluit, qua morte clarificaturus esset deū: ergo & in illo deus clari  
ficabatur

Græcorū more  
genitium po  
suit pro ablati  
uo. Sicut maior  
ra horū faciet

Matth. 26

Ioan. 21

cabat nomen suum, quia sic etiam in membris suis clarificat Christum. Venit ergo uox de cœlo, & clarificaui & iterum clarificabo.) Et clarificaui antequam faceret mundum, & iterum clarificabo cum resurget à mortuis, & ascendet in cœlum. Et aliter intelligi potest, & clarificaui cum de uirgine natus est, cum uirtutes operatus est, cum cœlo indice per stellam à magis adoratus est, cum à sanctis spiritus sancto plenè agnitus est, cum descendente spiritu in specie columbæ declaratus, cum uoce de cœlo sonante monstratus, cum in monte transfiguratus, cum miracula multa fecit, cum multos sanauit atque mundauit, cum de paucissimis panibus tantam multitudinem paut, cum uentis & fluctibus imperauit, cum mortuos suscitauit. Et iterum clarificabo, cum resurget à mortuis, cū mors ei ultra nō dominabitur, cū exaltabitur super cœlos deus, & super omnem terrā gloria eius.

Turba ergo quæ stabat & audierat, dicebat tonitruum factum esse: alij dicebant, angelus ei locutus est. Respondit Iesus & dixit, Non propter me hæc uox uenit, sed propter uos.) Hic ostendit illa uoce non sibi indicatum quod iam sciebat, sed eis quibus indicari oportebat. Sicut autem illa uox non propter eum, sed propter illos diuinitate facta est: sic anima eius non propter eum, sed propter alios uoluntate turbata est. Attende cetera. Nunc, inquit iudicium est mundi.) Quid ergo expectandum est in fine seculi? Sed in fine quod expectatur iudicium, erit iudicandorum uiuorum & mortuorum, iudicium erit præmiorum, pœnarumq; æternarum. Quale ergo nunc iudicium est? Iam in superioribus lectionibus quantum potui, commonui charitatem uestram, dici etiam iudicium non damnationis, sed discretionis: unde scriptum est, Iudica me deus, & discerne causam meam de gente non sancta. Multa autem sunt iudicia dei: unde dicitur in psalmo, Iudicia tua abyssus multa. Dicit etiam Apostolus, O altitudo diuitiarum sapientiæ & scientiæ dei, quàm inscrutabilia sunt iudicia eius, ex quibus iudicijs etiam hoc est, quod hic ait dominus, Nunc iudicium est mundi, seruato illo iudicio in fine, ubi nouissime uiui & mortui iudicandi sunt. Possidebat ergo diabolus genus humanum, & reos suppliciorum tenebat chirographo peccatorum, dominabatur in cordibus infidelium ad creaturam colendam deserto creatore, deceptos captiuosq; pertrahebat: per Christi autem fidem quæ morte eius & resurrectione firmata est, per eius sanguinem, qui in remissionem fusus est peccatorum, milia credentium à dominatu liberantur diaboli, Christi corpori copulantur, & sub tanto capite uno eius spiritu fidelia membra uegetantur: hoc uocabat iudicium, hanc discretionem, hanc à suis redemptis diaboli expulsionem. Deniq; attende quid dicat: quasi quæreremus quid esset quod ait, Nunc iudicium est mundi, secutus exposuit: ait enim, Nunc princeps huius mundi eijcietur foras.) Audiuius quale dixerit esse iudicium: non ergo illud quod in fine uenturum est, ubi uiui & mortui iudicandi sunt, alijs ad dexteram, alijs ad sinistram separatis, sed iudicium quo princeps huius mundi eijcietur foras. Quomodo ergo intus erat, & quò eum eijciendum dixit foras? Nunquid nam in mundo erat, & extra mundum missus est foras? Si enim de illo iudicio diceret quod in fine uenturum est, posset aliquis opinari ignem æternum, quò mittendus est diabolus & angeli eius, & omnes qui sunt ex parte eius nō natura, sed uitio: nō quia creauit aut genuit, sed quia persuasit & tenuit. Posset ergo aliquis opinari illum ignem æternum extra mundum esse, & hoc esse dictum, eijcietur foras: quod uero ait, Nunc iudicium est mundi, & exponens quid dixerit, Nunc, inquit, princeps huius mundi eijcietur foras: hoc intelligendum est quod nunc fit, non quod tantum post futurum est in nouissimo die. Præuidebat ergo dominus quod sciebat, post passionem & glorificationem suam per uniuersum mundum multos populos credituros, in quorū cordibus diabolus intus erat, cui quando ex fide renunciant, eijcitur foras: sed dicit aliquis, Nunquid de cordibus patriarcharum & prophetarum, ueterumq; iustorum non eiectus est foras? Eiectus est planè. Quomodo ergo dictum est, nunc eijcietur foras? quomodo putamus, nisi quia tunc quod in hominibus paucissimis factum est, nunc in multis magnisq; populis iam mox futurum esse prædictum est? Sic & illud quod dictum est, Spiritus autem nondum erat datus, quia Iesus nondum

psal. 41

psal. 35

Rom. 4. 11

Ioan. 7



**A** nondum fuerat glorificatus, potest similem habere quæstionem, & similem solutionem: nõ enim sine spiritu sancto futura prænuñciauerunt prophetæ: aut non etiam dominum in fantẽ in spiritu sancto Symeon senex & Anna uidua cognouerunt, & Zacharias & Helisabet, qui de illo nondum nato, sed iam concepto, tanta per spiritum sanctum prædixerunt. Sed spiritus nondum erat datus, id est, illa abundantia gratiæ spiritualis, qua congregati linguis omnium loquerentur, ac sic in linguis omnium gentium futura prænuñciaretur ecclesia, qua gratia spiritali populi congregarentur, qua longe lateq; peccata dimitterentur, & milia milium deo reconciliarentur. Quid ergo, ait quispiam, quia diabolus de credentium cordibus eiicitur foras? Iam fidelium neminem tentat: imò uero tentare non cessat. Sed aliud est intrinsecus regnare, aliud forinsecus oppugnare: nam & munitissimam ciuitatem aliquando hostis oppugnat, nec expugnat. Et si aliqua tela eius missa perueniunt, admonet Apostolus unde non lædant, commemorat lorica & scutum fidei. Et si aliquando uulnerant, adest qui sanat, quia sicut pugnantibus dictum est, Hæc scribo uobis, ut non peccetis: ita qui uulneratur, quod sequitur audiunt: & si quis peccauerit, aduocatum habemus apud patrem Iesum Christum iustum, & ipse est propitiatio peccatorum nostrorum. Quid enim oramus cum dicimus, Dimitte nobis debita nostra, nisi ut uulnera nostra sanentur? Et quid aliud petimus cum dicimus, Ne nos inferas in tentationem, nisi ut ille qui insidiatur, uel certat extrinsecus, nulla irrumpat ex parte, nulla nos fraude, nulla nos possit uirtute superare? Quantaslibet tamen aduersum nos erigat machinas, quando nõ tenet locum cordis ubi fides habitat, eiectus est foras. Sed nisi dominus custodierit ciuitatem, inuanum uigilabit qui custodit eam. Nolite ergo de uobis ipsis præsumere, si non uultis foras eiectum diabolus intro iterum reuocare. Absit autem ut diabolus mundi principem ita dictum existimemus, ut eum cælo & terræ dominari posse credamus: sed mundus appellatur in malis hominibus, qui toto orbe terrarum diffusi sunt, sicut appellatur domus in his à quibus habitat, secundum quod dicimus, bona domus est, uel mala domus est, non quando reprehendimus siue laudamus ædificium parietum atque tectorum, sed quando moribus uel bonorum hominum uel malorum: sic ergo dictum est, Princeps huius mundi, id est, princeps malorum omnium qui habitant in mundo. Appellatur etiam mundus in bonis, qui similiter toto terrarum orbe diffusi sunt: unde dicit Apostolus, Deus erat in Christo, mundum reconcilians sibi, hi sunt ex quorum cordibus princeps huius mundi eiicietur foras. Cum ergo dixisset, Nunc princeps huius mundi eiicietur foras. Et ego, inquit, si exaltatus fuero à terra, omnia traham post me. Supra dixit dominus, ut audistis, cum euangelium legeretur, omnia traham post me: quæ omnia, nisi ex quibus ille ita, & animam & corpus, & illud quod intelligimus, & illud quod uiuimus, & illud quod uisibiles & contrectabiles sumus: qui enim dixit, Capillus capitis uestri non peribit, omnia trahit post se. Aut si omnia, ipsi homines intelligendi sunt, omnia prædestinata ad salutem possumus dicere, ex quibus omnibus ait nihil esse perituum, cum supra de suis ouibus loqueretur. Aut certe omnia hominum genera, siue in linguis omnibus, siue in ætatibus, siue in gradibus honorum omnibus, siue in artium licitarum & utilium professionibus omnibus, & quicquid aliud dici potest secundum innumerabiles differentias, quibus inter se præter sola peccata homines distant ab excelsissimis usque ad humillimos, à rege usque ad mendicum, omnia, inquit, traham post me, ut sim caput eorum, & illi membra mea. Sed si exaltatus, inquit, fuero à terra, hoc est, cum exaltatus fuero: non enim dubitat futurum esse, quod uenit implere. Hoc refertur ad illud quod superius ait, Si autem mortuum fuerit granum, multum fructum affert: nam exaltationem suam quid aliud dixit, quam in cruce passionem? Quod & ipse euangelista non tacuit: subiunxit etenim & ait, Hoc autem dicebat, significans qua morte esset moriturus. Respondit ei turba, Nos

audiuimus ex lege, quia Christus manet in æternum, & quomodo tu dicis, oportet exaltari filium hominis? Et quis est iste filius hominis? Memoriter tenuerunt quod dominus dicebat assidue se esse filium hominis: nam hoc loco non ait, si exaltatus fuerit à terra filius hominis, sed superius dixerat, quod hesterno die lectum atque tractatum est, quando nuntiati sunt gentiles illi, qui eum uidere cupiebant, uenit hora ut glorificetur filius hominis. Hoc itaq; isti animo retinentes, & quod nunc ait, Cum exaltatus fuero à terra, mortem crucis intelligentes, quasi erunt ab illo & dixerunt, Nos audiuius ex lege, quia Christus manet in æternum, & quomodo tu dicis, oportet exaltari filium hominis? Quis est iste filius hominis? Si enim Christus est, inquit, manet in æternum: si manet in æternum, quomodo exaltabitur à terra, id est, quomodo crucis passione morietur? Hoc enim eum dixisse intelligebant, quod facere cogitabant, non ergo eis uerborum istorum obscuritatem aperuit in sua sapientia, sed stimulat conscientia. Dixit ergo eis Iesus, Adhuc modicum lumen in uobis est. Hinc ergo est quod intelligitis, quia Christus manet in æternum. Ergo ambulate dum lucem habetis, ut non tenebræ uos comprehendant. Ambulate, accedite, totum intelligite, & moriturum Christum, & uicturum in æternum, & sanguinem fusurum quo redimat, & ascensurum in sublimia, quò perducatur: tenebræ autem uos comprehendunt, si eo modo credideritis Christi æternitatem, ut negetis in eo mortis humilitatem. Et qui ambulat in tenebris, nescit quò uadat. Sic potest offendere in lapidem offensionis, & petram scandalis, quod fuit dominus cæcis Iudæis, sicut credentibus lapis quem reprobauerunt ædificantes, factus est in caput anguli. Hinc dedignati sunt credere in Christum, quia eorum impietas cõtemplit mortuū, risit occisum. Et ipsa erat mors grani multiplicandi, & exaltatio trahẽtis post se omnia. Dum lucē, inquit, habetis, credite in lucē, ut filij lucis sitis. Cum aliquid ueri auditu habetis, credite in ueritatem, ut renascamini in ueritatem. Hæc locutus est Iesus, & abiit & abscondit se ab eis. Non ab eis qui credere & diligere cœperant, non ab eis qui cum ramis palmarum & laudibus obuiam uenerāt, sed ab eis qui uidebant & inuidebant, quia nec uidebant, sed in lapidem illum cæcitate offendeabant. Cum autem abscondit se Iesus ab eis, qui eum occidere cupiebant, quod sæpe propter obliuionem commonendi estis, nostræ infirmitati consuluit, non suæ potestati derogauit.

Ab eo quod scriptum est, Cum autem tanta signa fecisset coram eis, non credebant in eum, usque ad id quod ait, Dilexerunt gloriā hominum magis quàm dei.

### Tractatus LIII.

**R**ænunciata dominus Christus passione sua, & morte fructuosa in exaltatione sanctæ crucis, ubi dixit se omnia tracturum esse post se, cū intellexissent Iudæi quòd de sua morte dixisset, & proposuissent ei quæstionem, quomodo diceret se esse moriturum, cum ex lege audierint quòd Christus manet in æternum, hortatus est eos, ut dum adhuc modicum lumen in eis esset, quo Christum æternum esse didicissent, ambularent ut totum discerent, ne comprehenderentur à tenebris: & cum hæc esset locutus, abscondit se ab eis. Hæc in superioribus dominicis lectionibus uerbisq; didicistis. Deinde tulit euangelista unde hodiernum capitulum recitatum est, & ait, Cum autem tanta signa fecisset coram eis, non credebant in eum, ut sermo Esaia propheta impleretur quem dixit, domine, quis credidit auditui nostro, & brachium domini cui reuelatum est? Vbi satis ostendit brachium domini ipsum filium dei nuncupatum, non quòd deus pater figura determinetur carnis humanæ. Brachium domini filius dicitur, quòd omnia per ipsum facta sunt, ei q; filius non tanquam membrum corporis hæreat, sed quia omnia per ipsum facta sunt, ideo brachium domini dictum est. Sicut enim tuum brachium, per quod operaris, sic dei brachium dictum est eius uerbum, quia per uerbum mundum operatus est. Cur enim homo ut aliquid operetur brachium extendit, nisi quia non continuo fit quod dixerit? Si autem tanta potestate praualeret, ut sine ullo mor-



**A** corporis sui quod diceret fieret, brachium eius uerbum eius esset, quia uerbum est cogitabile uel sonabile: sed dominus Iesus unigenitus dei patris filius, sicut non est paterni corporis membrum, ita non est cogitabile uel sonabile ac transitorium uerbum, quia cum omnia per ipsum facta sunt, dei uerbum erat. Cum ergo audiuius brachium dei patris esse dei filium, non nobis obstrepat consuetudo carnalis, sed quantum illo donante possumus, uirtutem dei & sapientiam cogitemus, per quam facta sunt omnia. Tale quippe brachium nec porrectum extenditur, nec collectum contrahitur: non est enim ipse qui pater, sed unum sunt ipse & pater, & æqualis patri, ubique totus est sicut pater, ne aliqua pateat occasio detestabili errori eorum, qui dicunt solum esse patrem, sed pro diuersitate causarum ipsum dici filium, ipsum dici spiritum sanctum, & in his uerbis audent dicere, Ecce uidetis, quia solus est pater, si brachium eius est filius: non enim duæ, sed una persona est homo & brachium eius, non intelligentes, neque aduertentes, quomodo uerba de rebus alijs ad res alias transferantur propter aliquam similitudinem etiam in locutionibus quotidianis de uisibilibus & notissimis rebus, quanto magis ut nobis ineffabilia qualitercumque dicantur, quæ dici sicuti sunt, omnino non possunt. Nam & homo alterum hominem per quem solet agere quicquid agit, brachium suum appellat, & si ei auferatur, dolens dicit, brachium perdidi, & ei qui abstulerit dicit, brachium meum mihi abstulisti. Intelligent ergo quomodo dictus sit filius patris brachium, per quod pater operatus est omnia, ne non hoc intelligendo, & in sui erroris tenebris permanendo, similes sint Iudæis ipsis: de quibus dictum est, & brachium domini cui reuelatum est? Hic occurrit altera quaestio, de qua quidem ut competenter aliquid disputetur, & omnes eius latebrosissimi sinus perscrutentur, & excutiantur ut dignum est, nec mearum uirium esse arbitror, nec angustiarum temporis, nec uestræ capacitatis. Tamen quia transire ad alia uestra expectatione non sinimur, nisi aliquid inde dicamus, accipite quod poterimus, & ubi uestræ expectationi non suffecerimus, ab illo incrementum poscite, qui nos plantare posuit & rigare, quia sicut dicit Apostolus, Neque qui plantat est aliquid, neque qui rigat, sed qui incrementum dat deus. Quidam ergo inter se mussitant, & ubi possunt aliquando prodamant, & turbulenta disceptatione contendunt dicentes, Quid fecerunt Iudæi, uel quæ culpa eorum fuit, si necesse fuit, ut sermo Esaie prophetae impleretur quem dixit, Domine quis credidit auditui nostro, & brachium domini cui reuelatum est? Quibus respondemus, deum præscium futurorum, per prophetam prædixisse infidelitatem Iudæorum, prædixisse tamen, non fecisse: non enim propterea quoniam deus ad peccandum cogit, quia futura hominum peccata iam nouit: ipsorum enim præsciuit peccata, non sua, non cuiusquam alterius, sed ipsorum. Quapropter si ea quæ ille præsciuit ipsorum, non sunt ipsorum non uere ille præsciuit: sed quia illius præscientia falli non potest, sine dubio non alij, sed ipsi peccant, quos deus peccatores esse præsciuit. Fecerunt ergo peccatum Iudæi, quod eos non compulit facere, cui peccatum non placet, sed facturos esse prædixit, quem nihil latet. Et ideo si non malum, sed bonum facere uoluissent, non prohiberentur, & hoc facturi præuiderentur ab eo qui nouit quid sit quisquam factururus, & quid ei sit pro eius opere redditurus. Sed quæ sequuntur euangelij uerba plus urgent, & profundiores faciunt quaestiones. Sed quæ sequuntur euangelij uerba plus urgent, & profundiores faciunt quaestiones. Sed quæ sequuntur euangelij uerba plus urgent, & profundiores faciunt quaestiones. Sed quæ sequuntur euangelij uerba plus urgent, & profundiores faciunt quaestiones.

**B** Propterea non poterant credere, quia iterum dicit Esaias, Excæcauit oculos eorum, & indurauit cor eorum, ut non uideant oculis, & intelligant corde, & conuertantur & sanem illos. Dicitur enim nobis, Si non potuerunt credere, quod peccatum est hominis non facientis quod non potest facere? Si autem non credendo peccauerunt, potuerunt ergo credere & non fecerunt. Si ergo potuerunt, quomodo dicit euangelium, propterea non poterant credere, quia iterum dicit Esaias, Excæcauit oculos eorum, & indurauit cor eorum, ut quod est grauius, ad deum referatur causa qua non crediderunt, quandoquidem ipse excæcauit oculos eorum, & indurauit cor eorum. Non enim saltem hoc de diabolo dicitur, sed de deo, quod ipsa prophetica scriptura testatur. Nam si arbitremur hoc dictum de diabolo, quod excæcauit oculos eorum, & cor indurauit, laborandum est quo-

1. Cor. 3

Esaiæ 53

Esaiæ 6

est quomodo illorum culpam, quia non crediderunt, possimus ostendere, de quibus dicitur, non poterant credere. Deinde quid respondebimus de alio propheta ipsius testimonio quod posuit Paulus apostolus dicens, Quod quærebat Israël hoc non est consecutus, *Rom. 11* electio autem consecuta est, ceteri uero excæcati sunt, sicut scriptum est, Dedit illis deus spiritum compunctionis, oculos ut non uideant, & aures ut non audiant, usque in hodiernum diem. Audistis fratres mei, propositam quæstionem, nempe quàm profunda sit cernitis: sed respondemus ut possumus. Non poterant credere, quia hoc Esaias propheta prædixit: hoc autem propheta prædixit, quia deus hoc futurum esse præsciuit. Quare autem non poterant, si à me quæratur, cito respondeo, quia nolebant: malam quippe eorum uoluntatem præuidit deus, & per prophetam prænunciavit ille cui abscondi futura non possunt. Sed aliam causam, inquis, dicit propheta, non uoluntatis eorum: quam causam dicit propheta? Quia dedit illis deus spiritum compunctionis, oculos ut non uideant, & aures ut non audiant, & excæcavit oculos eorum, & indurauit cor eorum: etiam hoc eorum uoluntatem meruisse respondere, sic enim excæcat, sic obdurat deus deferendo & non adiuuando, quod occulto iudicio facere potest, iniquo non potest. Hoc omnino pietas religiosorum inconcussam debet inuiolatumque seruare, sicut Apostolus dicit, cum eandem ipsam tractaret difficillimam quæstionem. Quid ergo dicemus, inquit? Nunquid iniquitas est apud deum? Absit. Si ergo absit ut sit iniquitas apud deum, siue quando adiuuat, misericorditer facit, siue quando non adiuuat, iuste facit: quia omnia non temeritate, sed iudicio facit. Porro si iudicia sanctorum iusta sunt, quanto magis sanctificantis & iustificantis dei? Iusta ergo sunt, sed occulta. Ideo cum quæstiones huiusmodi in medium uenerint, quare alius sic, alius autem sic, quare ille deo deferente excæcetur, ille deo adiuuante illuminetur, non nobis iudicium de iudicio tanti iudicis usurpemus, sed contremiscentes exclamemus cum Apostolo, O altitudo diuitiarum sapientiæ & scientiæ dei, quàm inscrutabilia sunt iudicia eius, & inuestigabiles uiae eius: unde dictum est in psalmo, Iudicia tua abyssus multa. Non ergo me fratres ad hanc penetrandam altitudinem, ad hanc abyssum discutiendam, ad inscrutabilia perscrutanda, expectatio uestre charitatis impingat. Agnosco modulum meum, sentire mihi uideor etiam modulum uestrum: altius est hoc incrementis meis, & fortius uiribus meis, puto quia & uestris. Simul ergo audiamus admonentem scripturam atque dicentem, Altiora te ne quæsieris, & fortiora te ne perscrutatus fueris, non quia ista negata sunt nobis, cum deus magister dicat, Nihil est occultum quod non reuelabitur. Sed si in quod peruenimus in eo ambulamus, sicut dicit Apostolus, non solum quod nescimus, & scire debemus, sed etiam si quid aliter sapimus, id quoque nobis deus reuelabit. Peruenimus autem in uiam fidei, hanc perseverantissime teneamus, ipsa perducit ad cubiculum regis, in quo sunt omnes thesauri sapientiæ & scientiæ absconditi. Non enim ipse dominus Iesus Christus suis illis magis & præcipue electis discipulis inuidebat, quando eis dicebat, Multa habeo uobis dicere, sed non potestis illa portare modo. Ambulandum est, proficiendum est, crescendo est, ut sint corda nostra capacia earum rerum, quas capere modo non possumus. Quod si nos ultimus dies proficientes inuenerit, ibi discemus quod hic non potuimus. Si quis autem istam quæstionem liquidius & melius nouit se posse & confidit exponere, absit ut non simplicior discere quàm docere, tantum ne audeat quisquam liberum arbitrium sic defendere, ut nobis orationem qua dicimus, Ne nos inferas in tentationem, conetur auferre: rursus ne quisquam neget uoluntatis arbitrium, & audeat excusare peccatum. Sed audiamus dominum, & præipientem, & opitulantem, & iubentem quid facere debeamus, & adiuuantem ut implere possimus: nam & quosdam nimia suæ uoluntatis fiducia extulit in superbiam: & quosdam nimia suæ uoluntatis diffidentia deiecit in negligentiam. Illi dicunt, ut quid rogamus deum ne uincamur tentatione, quod in nostra est potestate? Isti dicunt, ut quid conamur bene uiuere, quod in dei est potestate? O domine, o pater qui es in cælis, ne nos inferas in quamlibet istarum tentationum, sed libera nos à malo.



A malo. Audiamus dominum dicentem, Rogavi pro te Petre, ne deficiat fides tua. Nec sic existi- Luce 22  
 timemus fidem nostram esse in libero arbitrio, ut diuino non egeat adiutorio: audiamus  
 & euangelistam dicentem, Dedit eis potestatem filios dei fieri: ne omnino existimemus in  
 nostra potestate non esse quod credimus, ueruntamen in utroque illius beneficia cognosca-  
 mus: nam & agenda sunt gratia, quia data est potestas, & orandum ne succumbat infirmi-  
 tas. Ipsa est fides quae per dilectionem operatur, sicut eius mensuram dominus cuique parti-  
 tus est, ut qui gloriatur, non in seipso, sed in domino gloriatur. Non itaque mirum est quia non  
 poterant credere, quorum uoluntas sic superba erat, ut ignorantes dei iustitiam, suam uel- Rom. 9  
 lent constituere: sicut dicit de illis Apostolus, Iustitiae dei non sunt subiecti. Quia enim non  
 ex fide, sed tanquam ex operibus tumuerunt, ipso suo tumore caecati, offenderunt in lapide  
 offensionis. Sic autem dictum est, non poterant, ubi intelligendum est quod nolabant, quae  
 admodum dictum est de domino deo nostro, si non credimus, ille fidelis permanet, nega-  
 re seipsum non potest: de omnipotente dictum est, non potest. Sicut ergo quod dominus  
 negare seipsum non potest, laus est uoluntatis diuinae, ita quod illi non poterant credere, cul-  
 pa est uoluntatis humanae. Ecce dico & ego, quod tam superbe sapiunt, ut suae uoluntatis  
 uiribus tantum existiment esse tribuendum, ut negent sibi esse necessarium diuinum adiuto-  
 rium ad bene uiuendum, non possunt credere in Christum: non enim aliquid profunt sylla-  
 bae nominis Christi, & sacramenta Christi, ubi resistitur fidei Christi. Fides autem Christi  
 & sacramenta, est credere in eum qui iustificat impium: credere in mediator, sine quo inter-  
 posito non reconciliamur deo: credere in saluatore, qui uenit quod perierat quaerere atque sal- Ioan. 15  
 uare: credere in eo qui dixit, Sine me nihil potestis facere. Qui ergo ignoras dei iustitiam qua  
 iustificat impius, suam uult constituere qua conuincatur superbus, in hunc non potest credere: hinc  
 & illi non poterant credere non quia mutari in melius homines non possunt, sed quadiu talia fa-  
 ciunt, non possunt credere. Hinc excacatur & induratur, quia negando diuinum adiutorium non ad-  
 iuuatur. Hoc de Iudaeis qui excacati & indurati sunt deus praesciuit, atque in eius spiritu pro-  
 pheta praedixit: quod uero addidit, Et conuertantur & sanem eos, utrum subaudiendum  
 sit, non, id est, non conuertantur, connexa de super sententia, ubi dictum est, ut non uideant  
 oculis & intelligant corde, quia & hic utique dictum est, ut non intelligant. Et ipsa enim con- psal. 79  
 uersio de illius gratia est cui dicitur, Deus uirtutum conuerte nos. An forte & hoc de super-  
 biae medicinae misericordia factum intelligendum est, ut quoniam superbiae & peruersae uo-  
 luntatis erant, & suam iustitiam constituere uolebant, ad hoc defererentur, ut excacarentur,  
 ad hoc excacarentur, ut offenderent in lapidem offensionis, & impleretur facies eorum igno-  
 minia, atque ita humiliati quaerent gloriam domini, & non suam, qua inflatur superbus,  
 sed iustitiam dei, qua iustificatur impius. Hoc enim multis eorum profecit in bonum, qui  
 de suo scelere compuncti, in Christum postea crediderunt, pro quibus & ipse orauerat di- Luc. 23  
 cens, Pater, ignosce illis, quia nesciunt quid faciunt: de qua eorum ignorantia & Aposto- Rom. 10  
 lus dicit, Testimonium illis perhibeo quia zelum dei habent, sed non secundum scientiam,  
 tunc etenim hoc subiunxit atque ait, Ignorantes enim dei iustitiam, & suam uolentes consti-  
 tuere, iustitiae dei non sunt subiecti. Haec dixit Esaias, quando uidit gloriam eius, & locu-  
 tus est de eo. Quid uiderit Esaias, & hoc quomodo ad dominum Christum pertineat, in  
 libro eius legendum & intelligendum est. Vidit enim non sicuti est, sed modo quodam si-  
 gnificatio, sicut prophetae uisio fuerat informanda: nam uidit & Moyses, & tamen ei quae Exod. 33  
 uidebat dicebat, Si inueni gratiam ante te, ostende mihi teipsum manifeste ut uideam  
 te, quia non uidebat sicuti est. Quando autem nobis hoc futurum sit, idem iste sanctus Io- 1. Ioan. 3  
 annes euangelista in epistola sua dicit, Dilectissimi, filii dei sumus, & nondum apparuit quid  
 erimus: scimus quia cum apparuerit, similes ei erimus, quoniam uidebimus eum sicuti est. Po-  
 terat dicere, quoniam uidebimus eum, & non addere, sicuti est. Sed quia sciebat a quibusdam  
 patribus & prophetis uisum, sed non sicuti est: ideo cum dixisset, uidebimus eum: addidit, si-  
 cuti est. Nemo enim uos fallat fratres eorum qui dicunt inuisibile patrem, & uisibile filium. Hi  
 enim

enim hoc asserunt qui putant eum esse creaturam, nec intelligunt secundum quod dictum est, Ego & pater unum sumus, prorsus in forma dei in qua æqualis est patri, etiam filius inuisibilis est. Vt aut ab hominibus uideretur, formam serui accepit, & in similitudinem hominum factus, inuisibilis factus est. Ostendit ergo se etiam antequam susciperet carnem oculis hominum, si cut uoluit in subiecta sibi creatura, non sicuti est. Mundemus corda per fidem, ut illi ineffabili, & (ut ita dicam) inuisibili uisioni præparemur. Beati enim mundo corde, quoniam ipsi deum uidebunt. Veruntamen & ex principibus multi crediderunt in eum, sed propter Pharisæos non confitebantur, ut de synagoga non eijcerentur: dilexerunt enim gloriam hominum magis quam gloriam dei.) Videte quemadmodum notauerit euangelista & improbauerit quosdam, quos tamen in eum credidisse dixit, qui in hoc ingressu fidei si proficerent, amorem quoque humanæ gloriæ proficiendo superarent, quam superauerat Apostolus dicens, Gal. 6 Mihi autem absit gloriari, nisi in cruce domini nostri Iesu Christi, per quem mihi mundus crucifixus est & ego mundo. Ad hoc enim & ipse dominus crucem suam, ubi eum demerita superbæ impietatis irrisit, in eorum qui in illum crederent frontibus fixit, ubi est quodammodo sedes uerecundiæ, ut de nomine eius fides non erubescat, & magis dei gloriam quam hominum diligat.

Ab eo quod ait Iesus, Qui credit in me, non credit in me, sed in eum qui misit me, usque ad id quod ait, Sed qui misit me pater, ipse mihi mandatū dedit, quid dicam & quid loquar.

#### Tractatus LIIII.

**I**n quante domino nostro Iesu Christo apud Iudæos, & tanta miraculorum signa faciente, quidam crediderunt prædestinati in uitam æternam, quos etiam uocauit oues suas: quidam uero non crediderunt, nec poterant credere, eo quod occulto, nec tamen iniusto iudicio dei fuerant excæcati & indurati, deferente illo qui superbis resistit, humilibus autem dat gratiam. Eorum autem qui crediderunt, alij usque adeo confitebantur, ut palmarum ramis acceptis uenienti occurrerent, in eadem laudis confessione lætantes. Alij uero ex principibus, non audebant confiteri, ut de synagoga non eijcerentur, quos notauit euangelista dicens, quod dilexerunt gloriam hominum magis quam gloriam dei. Eorum etiam qui non crediderunt, alij erant postea credituri, quos præuidebat ubi ait, Cum exaltaueritis filium hominis, tunc agnosceitis quia ego sum. Alij uero in eadem infidelitate mansuri, quorum imitatrix est etiam ista gens Iudæorum, quæ postmodum de bellata, ad testimonium prophetiæ, quæ de Christo scripta est, in toto penè orbe dispersa est. His ita se habentibus, & sua iam propinquante passione, Iesus clamauit & dixit, unde lectio cœpit hodierna. Qui credit in me, non credit in me, sed in eum qui misit me. Et qui uidet me, uidet eum qui misit me.) Iam dixerat quodam loco, Mea doctrina non est mea sed eius qui misit me: ubi intelleximus eum doctrinam suam dixisse uerbum patris quod est ipse, & hoc significasse, dicendo, Mea doctrina non est mea, sed eius qui me misit, quod à seipso ipse non esset, sed haberet à quo esset. Deus enim de deo, filius patris: pater autem non deus de deo, sed deus pater filij. Nunc autem quod ait, Qui credit in me, non credit in me, sed in eum qui misit me, quomodo intellecturi sumus, nisi quia homo apparebat hominibus, cum lateret deus? Et ne putarent hoc eum esse tantummodo quod uidebant, talem actantum se uolens credi, qualis & quantus est pater, Qui credit in me, inquit, non credit in me, id est in hoc quod uidet, sed in eum qui misit me, id est, in patrem. Sed qui credit in patrem, necesse est eum credat esse patrem: qui autem credit eum patrem, necesse est ut credat eum habere filium: ac per hoc qui credit in patrem, necesse est ut credat in filium. Sed ne quisquam hoc credat de unigenito filio, quod de his qui dicti sunt filij dei secundum gratiam, non naturam: sicut ait euangelista, Dedit eis potestatem filios dei fieri: unde & illud est quod dominus commemorauit in lege dictum, Ego dixi dij estis, & filij excelsi omnes. Propterea dixit, Qui credit in me, non credit in me, ne totum quod de Christo creditur, secundum hominem crederetur. Ille ergo, inquit, credit in me, qui non credit in me secundum id quod me uidet, sed in



A sed in eum qui me misit, ut cum credit in patrem, credat eum habere filium sibi æqualem, & tunc uere credat in me: nam si putauerit eum non habere nisi filios secundum gratiam, qui sunt eius utiq; creatura, non uerbum, sed facta per uerbum, nec habere filium æqualem sibi atq; coæternum, semper natum, pariter incōmutabilem, ex nullo dissimilem atq; imparem, non credit in patrem qui eum misit, quia non est hic pater qui eum misit. Et ideo cū dixisset, qui credit in me, non credit in me, sed in eum qui misit me, ne putaretur sic uoluisse patrem intelligi, tanq̃ patrem multorum filiorum per gratiam regeneratorū, non unici uerbi æqualis sibi, cōtinuo subiicit: Et qui uidet me, uidet eum qui misit me.) Nāquid ait, qui uidet me, nō uidet me, sed eū qui misit me, sicut dixerat, qui credit in me, non credit in me, sed in eū q̃ misit me? Illud nāq; dixit, ne sicut uidebat, crederetur tantūmodo filius hominis: hoc autē dixit, ut patri crederetur æqualis: Qui credit in me, inquit, non credit in hoc quod uidet me, sed credit in eum qui misit me: aut cum credit in patrem qui sibi æqualē genuit me, non quo modo me uidet, sed sic credat in me, quomodo in eum qui misit me, usq; adeo enim nihil distat inter eum & me, ut qui me uidet, uideat eū qui me misit. Apostolos suos certe ipse doctus minus Christus misit, quod eorum etiam nomen indicat: nam sicut Græce angeli, Latine nunciij uocantur, ita Græce apostoli, Latine missi appellantur: nunq̃ tamen aliquis apostolorum dicere auderet, qui credit in me, nō credit in me, sed in eū qui misit me: omnino enim non diceret, qui credit in me, credimus enim apostolo, sed non credimus in apostolum: non enim apostolus iustificat impiū. Credenti enim in eum qui iustificat impiū, deputatur fides eius ad iusticiam. Posset dicere Apostolus: qui recipit me, recipit eum qui me misit, uel qui audit me, audit eum qui me misit: hoc enim eis ipse dominus ait, qui uos recipit, me recipit, & qui recipit me, recipit eum qui me misit: quia dominus honoratur in seruo, & pater in filio, sed pater tanq̃ in filio, dominus tanq̃ in seruo: filius autem unigenitus recte dicere potuit, credite in deum, & in me credite: & quod nunc ait, qui credit in me, nō credit in me, sed in eum qui misit me, non à se abstulit fidem credētis, sed noluit in forma serui remanere credentem, quoniam cum quisq; credit in patrem qui eum misit, profecto credit in filium, sine quo patrem non esse cognoscit, & ita credit ut credat æqualem, quoniam sequitur, & qui uidet me, uidet eum qui me misit. Attende cetera. Ego lux in mundum ueni, ut omnis qui credit in me, in tenebris non maneat.) Dixit quodam loco discipulis suis: Vos estis lux mūdi. Non potest ciuitas abscondi supra montem constituta: neq; accendunt lucernam, & ponunt eam sub modio, sed supra candelabrum, ut luceat omnibus qui in domo sunt: sic luceat lumen uestrum coram hominibus, ut uideant opera uestra bona, & glorificēt patrem uestrum qui in cœlis est: non tamen eis dixit, uos lux uenistis in mundum, ut omnis qui credit in uos, in tenebris non maneat, nusq̃ hoc legi posse confirmo. Lumina ergo sunt omnes sancti, sed credendo ab eo illuminantur, à quo si recesserint, tenebrabuntur, à se recedere nō potest, quia incōmutabile omnino est. Credimus ergo lumini illuminato, sicut propheta, sicut apostolo, sed ideo illi credimus, ut nō in ipsum credamus quod illuminatur, sed cum illo credamus in illud lumen à quo illuminatur, ut & nos illuminemur, non ab illo, sed cum illo à quo ille. Cum autem dicit, ut omnis qui credit in me, in tenebris non maneat, satis manifestat omnes se in tenebris inuenisse: sed ne in eis tenebris maneant in quibus inuenti sunt, debent credere in lucem quæ uenit in hunc mundum, quia per illam factus est mundus. Et si quis audierit, inquit, uerba mea & custodierit, ego non iudico eum.) Mementote quæ uos audistis in superioribus lectionibus noui, & qui oblitī forte estis, recolite, & qui non affuistis, audite quomodo dicit filius: Ego non iudico eum, cum dicat alio loco: Pater nō iudicat quenq̃, sed omne iudicium dedit filio, nisi quia intelligendum est, modo non iudico eum. Quare non iudicat modo? Attende quid sequitur: Non enim ueni, inquit, ut iudicem mundum, sed ut saluificem mundum:) id est, ut saluum faciam mundum: nunc ergo est tempus misericordiæ: postea erit iudicij, quia misericordiam, inquit, & iudicium cantabo tibi domine: sed de ipso etiam futuro nouissimo iudicio uidete quid dicat. Qui spernit me

B

Matth. 10  
Matth. 5  
Ioan. 5  
Psal. 100

& non

& nō accipit uerba mea, habet qui iudicet eum: sermo quem locutus sum, ille iudicabit eum in nouissimo die.) Non ait, qui spernit me, & non accipit uerba mea, ego non iudico eū in nouissimo die. Hoc enim si dixisset, non uideo quomodo posset non esse contrarium illi sententiæ ubi ait: pater nō iudicat quenq̃, sed omne iudicium dedit filio: cū uero dixit, qui spernit me, & non accipit uerba mea, habet qui iudicet eum: expectantibus autem quisnam ille esset, secutus adiunxit: sermo quem locutus sum, ille iudicabit eum in nouissimo die, satis manifestauit seipsum iudicaturum in nouissimo die: seipsum quippe locutus est, seipsum annūciauit, seipsum ianuam posuit, qua ipse ad oues pastor intraret. Aliter itaq; iudicabuntur q  
 Rom. 2 non audierunt, aliter qui audierūt & contēpserunt. Qui enim sine lege peccauerunt, ait Apostolus, sine lege & peribunt, & qui in lege peccauerunt, per legem iudicabūtur: Quia ego, inquit, ex meipso nō sum locutus.) Ideo se dicit nō locutū ex seipso, quia non est ex seipso. Iam hoc sæpe diximus, iam hoc tanq̃ notissimum non docere, sed admonere debemus:  
 Sed qui misit me pater, ipse mihi mandatum dedit, quid dicam, & quid loquar.) Non laboraremus, si cum eis nos loqui sciremus, cum quibus superiora locuti sumus, & cum eis ipsis non omnibus, sed qui audierūt memoria retinētibus: nūc uero quia fortasse aliqui assunt, q non audierunt, eisq; sunt similes qui obliui sunt quod audierunt, ppter illos perferant moras nostras qui audita meminerunt: quomodo dat mandatum pater unico filio? Quo uerbo loquitur uerbo, cum sit ipse filius unigenitus uerbum? Nunquid per angelum, cum per ipsum creati sunt angeli? Nunquid per nubem, quæ quando sonuit ad filium, non propter ipsum sonuit, quod alibi dicit etiā ipse, sed ppter alios quos oportebat ita audire? Nunquid per sonum labijs emissum, qui non habet corpus? An aliquo locorum interuallo filius a patre separatur, ut sit inter illos aer medius, quo percussio uox fiat & ad aurem ueniat? Absit ut talia de illa incorporea & ineffabili substantia suspicemur: filius unicus, est uerbum patris, & sapientia patris, in illa sunt omnia mandata patris: neq; enim patris mandatum filius aliquando nesciebat, ut eum necesse esset ex tempore habere quod antea nō habebat: Ita em̃ a patre quod habet accepit, ut nascēdo acceperit, dederitq; illi gignendo: nam & uita est, & accepit uitam utiq; nascendo, non prius sine uita existēdo, quia & pater habet uitā, & quod habet est, nec accepit tamen, quia non ex aliquo est: filius autem accepit uitam dante patre a quo est, & ipse quod habet est: habet enim uitam, & uita est: Ipsum audi loquentem: sicut habet, inquit, pater uitam in semetipso, sic dedit & filio uitam habere in semetipso: nūquid existenti, & non habenti dedit? Sed eo dedit quo genuit qui uitam genuit, & uita genuit uitam, & quia parem genuit, non imparem genuit uitam, ideo dictum est: sicut habet ipse uitam in semetipso, sic dedit & filio uitā habere in semetipso: uitā dedit, quia gignendo uitam, quid dedit nisi esse uitam? Et quia æterna est ipsa natiuitas, nunq̃ non fuit filius qui est uita, nunq̃ non fuit filius sine uita: & sicut est natiuitas æterna, sic est qui natus est uita æterna. Ita & mandatū nō quod filius non habebat pater dedit, sed, sicut dixi, in sapientia patris quod est uerbum patris, omnia mandata sunt patris. Dicitur autem mandatum datum, quia nō est a seipso cui dicitur datum: & hoc est dare filio, sine quo nūquam filius fuit, quod est gignere filium qui nunq̃ non fuit. Sequitur autem: Et scio quia mandatum eius uita æterna est.) Si ergo uita æterna est ipse filius, & uita æterna est mandatū patris, quid aliud dictum est, quā ego sum mandatum patris? Proinde & id quod adiungit & dicit: Quæ ego loquor, sicut dixit mihi pater sic loquor: non accipiamus, dixit mihi, quasi pater uerba locutus sit unico uerbo, aut egeat dei uerbis dei uerbum. Dixit ergo pater filio, sicut dedit uitam filio, non quod nesciebat uel non habebat, sed quo ipse filius erat. Quid est autem, sicut dixit mihi pater sic loquor, nisi uerbum loquor? Ita ille dixit ut uerax, ita iste loquitur ut ueritas. Verax autem genuit ueritatem: quid ergo iam diceret ueritati? Non enim imperfecta erat ueritas, cui uerum aliquid adderetur. Dixit ergo ueritati, quia genuit ueritatem. Porro ipsa ueritas sic loquitur, ut ei dictum est, sed intelligentibus quos docet ut nata est. Ut autem crederent homines quod intelligere nondum ualent, ex ore carnis uerba sonuerunt & abierunt



**A** abierunt:transuolantes soni strepuerunt,peractis morulis temporum suorum:sed res ipsæ quarum signa sunt soni,traiectæ quodammodo in eorum memoriam qui audierunt,etiam ad nos per litteras quæ uisibilia signa sunt,peruenerunt:non sic loquitur ueritas,intelligentibus mentibus intus loquitur,sine sono instruit,intelligibili luce perfundit:qui ergo potest in ea credere natiuitatis eius æternitatem,ipse illam sic audit loquentē,sicut ei dixit pater quod loqueretur.Excitauit nos ad magnum desiderium interioris dulcedinis suæ,sed credendo capimus,ambulando crescimus,proficiendo ambulamus ut peruenire possimus.

Ab eo quod ait:Ante diē festū paschæ,sciens Iesus quia uenit hora eius,usq;  
ad id quod ait:Venit ergo ad Simonem Petrum: Tractatus LV.



**O**ENA domini secundum Ioannem adiuuante ipso debitis est explicanda tractatibus,& ut nobis posse donauerit,explananda. Ante diem autem festum paschæ,sciens Iesus quia uenit hora eius,ut transeat ex hoc mundo ad patrem.

Pascha autem fratrum dilexisset suos qui erant in mundo,in finē dilexit eos.) Pascha autem fratres,non sicut quidam existimant,Græcum nomen est,sed Hebræum.Opportunissime tamen occurrit in hoc nomine quædam congruentia utrarūq; linguarū:quia enim pati Græce πάσχα dicitur,ideo pascha passio putata est,uelut hoc nomen à passione sic appellatum est:in sua uero lingua,hoc est in Hebræa,pascha transitus dicitur,propterea quia tūc primū pascha celebrauit populus dei,quando ex Ægypto fugientes,rubrum mare transierūt:nūc ergo figura illa prophetica in ueritate completa est,cum sicut ouis ad immolandum ducitur Christus,cuius sanguine illitis postibus nostris,id est,cuius signo crucis signatis frōtibus nostris,à perditione huius seculi tanq; à captiuitate uel interemptione Ægyptia liberamur,& agimus saluberrimum transitum,cum à diabolo transimus ad Christum,& ab isto instabili seculo ad eius fundatissimum regnum:ideo quippe ad deum permanentem transimus,ne cum mundo transeunte transeamus:de hac nobis collata gratia deum laudans Apostolus dicit:Qui eruit nos de potestate tenebrarum,& transtulit in regnum filij claritatis suæ. Hoc itaq; nomen,id est,pascha,quod Latine ut dixi transitus nuncupatur,uelut interpretans nobis beatus euangelista:Ante diem,inquit,festum paschæ sciens Iesus quia uenit hora eius ut transeat ex hoc mundo ad patrem:ecce pascha,ecce transitus.Vnde & quod? De hoc scilicet mundo ad patrem.Spes membrīs in capite data est,q; essent illo transeunte sine dubio secutura:quid ergo infideles,& ab hoc capite atq; ab eius corpore alieni?Nōne & ipsi transeunt,quia non permanent? Transeunt planē & ipsi:sed aliud est trāsire de mūdo,aliud est transire cū mundo:aliud ad patrē,aliud ad hostem:nam & Ægyptij transierūt,nō enim persequendo manserunt,non tamen transierunt per mare ad regnum,sed in mari ad interitū. Sciens ergo Iesus quia uenit hora eius,ut transiret ex hoc mundo ad patrem: Cum dilexisset suos qui erant in mundo,in finem dilexit eos.) Vtiq; ut & ipsi de hoc mundo ubi erant,ad suum caput quod hinc transisset,eius dilectione transirent:quid est enim,in finem,nisi in Christum? Finis enim legis Christus,ait Apostolus,ad iusticiam omni credenti:finis perficiens,non interficiens:finis quousq; eamus,non ubi pereamus.Sic omnino intelligendum est,pascha nostrum immolatus est Christus.Ipse est finis noster,in illum est transitus noster:nam uideo posse ista uerba euangelica quodam humano modo etiam sic accipi,tanq; usq; ad mortem Christus dilexerit suos,ut hoc uideatur esse,in finem dilexit eos.Humana est hæc sentētia,nō diuina:necq; enim nos hucusq; ille dilexit,qui semp & sine fine nos diligit,absit ut dilectionem morte finierit,qui non est in morte finitus.Etiam post mortem quinq; fratres suos dilexit diues ille superbus atq; impius,& usq; ad mortem nos dilexisse putandus est Christus? Absit charissimi,nequaquam ille nos diligendo usq; ad mortem ueniret,si dilectionem nostram morte finiret,nisi forte ita sit diligendum,in finem dilexit eos,usq; ad mortem dilexit eos,quia tantum dilexit,ut moreretur pro eis.Hoc enim testatus est dicens:Maiolem hac charitatem nemo habet,quā ut animam suam ponat quis pro amicis suis.Ita sanē non prohibemus intelligi,in finem dilexit,usq; ad mortem dilexit,id est,

usq; ad mortē illū dilectio ipsa perduxit. Et cœna, inquit, facta, cum diabolus iam misisset in cor ut traderet eum Iudas Simonis Iscariotes, sciens quia omnia dedit ei pater in manus, & quia à deo exiit, & ad deum uadit, surgit à cœna, & ponit uestimenta sua. Et cum accepisset linteum, præcinxit se: deinde mittit aquam in peluim, & cœpit lauare pedes discipulorum, & extergere linteo quo erat præcinctus.) Non ita debemus intelligere cœnam factā ueluti iam consummatam atq; transactam: adhuc enim cœnabatur cum dominus surrexit & pedes lauit discipulis suis: nam postea recubuit, & buccellam suo traditori postea dedit, utique cœna nondum finita, hoc est, dum adhuc panis esset in mensa. Cœna ergo facta, dictum est, iam parata, & ad conuiuantium mensam usumq; perducta: quod autē ait: Cū diabolus iam misisset in cor ut traderet eum Iudas Simonis Iscariotes: si quæris quid misum sit in cor Iudæ, hoc utiq; ut traderet eum. Missio ista spiritalis suggestio est, non fit per aurem, sed per cogitationem, ac per hoc non corporaliter, sed spiritaliter: neq; enim spiritale quod dicitur, semper in laude accipiendum est: nouit Apostolus quædam spiritalia nequitie in cœlestibus, aduersus quæ nobis colluctationem esse testatur: non autem essent maligna etiam spiritalia, si non essent etiam maligni spiritus. A spiritu enim spiritalia nominantur: sed quomodo ista fiant ut diabolicæ suggestiones immittantur, & humanis cogitationibus misceantur, ut eas tanq; suas deputet homo, unde scit homo? Nec dubitandum est etiā bonas suggestiones à bono spiritu ita latēter ac spiritaliter fieri: sed interest quibus nam earum mens humana consentiat, diuino auxilio uel deserta per meritum, uel adiuta per gratiam. Factū ergo iam fuerat in corde Iudæ per immisionē diabolicam, ut traderet discipulus magistrum, sed quem non didicerat deum: iam talis uenerat ad conuiuium explorator pastoris, insidiator saluatoris, uenditor redemptoris, iam talis uenerat & uidebatur, & tolerabatur, & se ignorari arbitrabatur, quia in eo quem uolebat fallere, fallebatur: at ille isto in ipso corde intus inspecto nesciente scienter utebatur. Sciens quia omnia dedit ei pater in manus.) Ergo & ipsum traditorem: nam si eum in manibus non haberet, non utique illo uteretur ut uellet. Proinde iam traditor traditus erat ei quem tradere cupiebat, atq; ita malum tradendo faciebat, ut de illo tradito bonum fieret quod nesciebat: sciebat enim dominus quid faceret pro amicis, qui patienter utebatur inimicis: ac sic omnia dederat pater in manus eius, & in usum mala, & in effectum bona. Sciens etiam quia à deo exiit & ad deum uadit.) Nec deum cum inde exiret, nec nos deferens cum rediret. Hæc ergo sciens: Surgit à cœna, & ponit uestimenta sua, & cum accepisset linteum, præcinxit se: deinde misit aquam in peluim, & cœpit lauare pedes discipulorum, & extergere linteo quo erat præcinctus.) Debemus charissimi sensum euangelistæ diligenter attendere, locutus quippe de tanta domini humilitate, prius celsitudinem uoluit cōmendare. Ad hoc pertinet quod ait, sciens quia omnia dedit ei pater in manus, & quia à deo exiit, & ad deum uadit. Cū illi ergo omnia pater dedisset in manus, ille discipulorum non manus, sed pedes lauit: & cum se sciret à deo exisse, & ad deum pergere, non domini dei, sed hominis serui impleuit officium. Ad hoc autem pertinet quod etiam de traditore ipsius, quia iam talis uenerat, qui nec ab illo ignorabatur, proloqui uoluit, ut hoc quoq; ad maximum cumulum humilitatis accederet, quod etiam illi non dedignatus est pedes lauare, cuius manus iam prouidebat in scelere. Quid autē mirum si surrexit à cœna, & posuit uestimēta sua, qui cum in forma dei esset, semetipsum exinaniuit? Et quid mirum si præcinxit se linteo, qui formam serui accipiens habitu inuentus est ut homo? Quid mirum si misit aquam in peluim unde lauaret pedes discipulorum, qui in terram sanguinem fudit, quo immundiciam dilueret peccatorum? Quid mirū si linteo quo erat præcinctus, pedes quos lauerat terxit, qui carne quæ erat indutus, euangelistarū uestigia confirmauit? Et linteo quidē ut se præcingeret, posuit uestimenta sua quæ habebat. Vt autem formam serui acciperet quando semetipsum exinaniuit, non quod habebat deposuit, sed quod non habebat accepit. Crucifigēdus sanē suis expoliatus est uestimentis, & mortuus inuolutus est linteis, & tota illa eius passio, nostra purgatio



**A** gatio est. Passurus igitur exitia, præmisit obsequia non solum eis pro quibus erat subiturus mortem, sed etiam illi qui eum fuerat traditurus ad mortem. Tanta est quippe humanæ humilitatis utilitas, ut eam suo cōmendaret exemplo etiam diuina sublimitas, quia homo superbus in æternum periret, nisi illum deus humilis inueniret: uenit enim filius hominis quærere & saluum facere quod perierat. Perierat autē superbiam deceptoris secutus, ergo humilitatem redemptoris sequatur inuentus.

Ab eo quod ait: Venit ergo ad Simonem Petrum, & dicit ei Petrus: Domine tu lauas mihi pedes: usq; ad id quod ait: Qui lotus est, non indiget nisi ut pedes lauet, sed est mundus totus:

Tractatus

LVI



**M** lauaret pedes discipulorum dominus: Venit ad Simonem Petrum, & dicit ei Petrus: domine, tu mihi lauas pedes? Quis enim non expauesceret lauare sibi pedes à dei filio? Quamuis itaq; magnæ fuisset audaciæ contradicere seruū domino, hominem deo, tamen hoc Petrus facere maluit, quàm perpeti ut sibi pedes lauarentur à domino & deo. Nec putare debemus hoc Petrum inter cæteros formidasse atq; recusasse, cum id alijs ante ipsum libèter uel æquanimiter sibi fieri permisissent: facilius quippe sic accipiuntur ista uerba euangelij, quia cum dictum esset: Cœpit lauare pedes discipulorum, & extergere linteo quo erat præinctus: deinde subiunctum est: uenit ergo ad Simonem Petrum, quasi aliquibus iam lauisset, & post eos uenisset ad primum: quis enim nesciat primum apostolorum esse beatissimum Petrum? Sed non ita intelligendum est, q; post aliquos ad illum uenerit, sed quòd ab illo cœperit: quando ergo pedes discipulorum lauare cœpit, uenit ad eū à quo cœpit, id est, ad Petrū. Et tunc Petrus, quod etiam quilibet eorū expauisset, expauit atq; ait: Domine, tu mihi lauas pedes? Tu mihi: quid est, tu? Quid est, mihi? Cogitanda sunt potius q̃ dicenda, ne forte quod ex his uerbis aliquatenus dignum concipit anima, non explicet lingua. Sed respondit Iesus & dixit ei: quod ego facio, tu nescis modo, scies autem postea. Nec tamē ille dominici facti altitudine exterritus, permittit fieri, quod cur fieret ignorabat: sed usq; ad suos pedes humilem Christum adhuc non uult uidere, non potest sustinere. Non lauabis mihi, inquit, pedes in æternum. Quid est, in æternum? Nunq̃ hoc feram, nunquam patiar, nunq̃ sinam: hoc quippe in æternum non fit, quod nunq̃ fit. Tum saluator ægrum reluctantem de ipsius salutis periculo exterrens. Si non lauero te, inquit, nō habebis partem mecum. Ita dictum est, si nō lauero te, cum de solis pedibus ageretur, quomodo dici assolet, calcas me, quando sola planta calcas. At ille amore & timore perturbatus, & plus expauescens Christum sibi negari, quàm usq; ad suos pedes humiliari. Domine ait, non tantum pedes meos, sed & manus & caput. Quandoquidem sic minaris, lauanda tibi membra mea, non solum tibi ima non subtraho, uerum etiam prima substerno. Ne mihi neges capiendam tecum partem, nullam tibi nego abluendam mei corporis partem. Dicit ei Iesus: qui lotus est, non habet opus nisi pedes lauare, sed est mundus totus. Hic moueatur fortassis quis & dicat: Immo si mundus est totus, quid ei opus est uel pedes lauare? Dominus autē nouerat quod dicebat, etiā si nostra infirmitas eius secreta non penetrat: uerū tamen quantum nos erudire, & ex lege sua docere dignatur, pro captu meo, pro modulo meo, aliquid etiam ego de huius quæstionis profunditate illo adiuuante respondeam, ac primum ipsam locutionem non sibi esse contrariam facillime ostendam: quis enim non ita rectissime loqui possit, mundus es totus præter pedes? Elegantius autem loquitur si dicit, mūdus es totus nisi pedes, quod tantundē ualeat. Hoc ergo ait dominus: Non habet opus nisi pedes lauare, sed est mundus totus. Totus utiq; præter pedes, uel nisi pedes quos habet opus lauare: sed quid est hoc? Quid sibi uult, quid hic necessarium est, ut quæramus. Dominus dicit, ueritas loquitur, quòd opus habeat pedes lauare etiā ille qui lotus est. Quid fratres mei, quid putatis, nisi quia homo in sancto quidem baptismo totus abluatur, non præter pedes, sed totus omnino: uerū tamen cum in rebus humanis postea uiuitur, utiq; terra calcatur, ipsi igitur humani affectus, sine quibus

in hac mortalitate non uiuitur, quasi pedes sunt, ubi ex humanis rebus afficimur, & sic affi-  
 cimus, ut si dixerimus, quia peccatum non habemus, nosipsum decipimus, & ueritas in  
 nobis non est. Quotidie igitur pedes lauat nobis, qui interpellat pro nobis: & quotidie nos opus  
 habere ut pedes lauemus, id est, uias spiritualium gressuum dirigamus, in ipsa oratione do-  
 minica confitemur cum dicimus: Dimitte nobis debita nostra, sicut & nos dimittimus debi-  
 toribus nostris: si enim confiteamur, sicut scriptum est, peccata nostra, profecto ille qui lauit  
 pedes discipulorum suorum, fidelis est & iustus qui dimittat nobis peccata nostra, & mun-  
 det nos ab omni peccato, id est, usque ad pedes quibus conuersamur in terra. Proinde eccle-  
 sia quam mundat Christus lauacro aquae in uerbo, non solum in illis est sine macula & ru-  
 ga, qui post lauacrum regenerationis continuo ex huius uitae contagione tolluntur, nec cal-  
 cant terram ut opus habeant pedes lauare: uerum etiam in his quibus istam misericordiam  
 praebens dominus, fecit eos de seculo isto lotis etiam pedibus emigrare. In his autem qui hic  
 demorantur, etiam si munda sit, quoniam iuste uiuunt, opus tamen habent pedes lauare,  
 quoniam sine peccato utique non sunt. Propter hoc dicit in canticocanticorum: Laui pedes me-  
 os, quomodo inquinabo illos? Dicitur enim hoc cum cogitur ad Christum uenire, & terram  
 calcare conuenit. Alia quaestio rursus exoritur: nonne Christus sursum est? nonne ascendit in  
 caelum, & sedet ad dexteram patris? nonne Apostolus ad nos clamat & dicit: Si ergo resur-  
 xistis cum Christo, quae sursum sunt quaerite, ubi Christus est in dextera dei sedens, quae  
 sursum sunt sapite, non quae super terram? Quomodo ergo ut ad Christum eamus, terram  
 calcare compellimur, cum potius nobis sursum cor habendum sit ad dominum, ut cum illo esse pos-  
 simus? Videtis fratres hodierni temporis angustias istam coartare quaestione. Quod & si  
 uos forte minus uidetis, ego utique uideo quantae disputationis indigeat: unde peto ut eam  
 potius suspēdi, quam uel negligentius uel angustius pertractari, non fraudata sed dilata expecta-  
 tione patiamini. Aderit enim dominus qui nos debitores facit, ut faciat etiam redditores.

De eadem lectione:

Tractatus LVII.

**N**ON immemor mei debiti, & iam reddendi tempus agnosco. Donet unde red-  
 dam, qui donauit ut debeam: donauit enim dilectionem, de qua dictum est: Ne-  
 mini quicquam debeatis, nisi ut inuicem diligatis. Donet etiam sermonem quem ui-  
 deo me debere dilectis: expectationem uestram ad hoc nempe distuleram, ut  
 explicarem sicut possem, quemadmodum etiam per terram ueniat ad Christum, cum po-  
 tius iubeamur quae sursum sunt quaerere, non quae super terram. Sursum enim Christus est se-  
 dens ad dexteram patris: sed profecto & hic est propter quod & Saulo in terra saeuienti di-  
 cit: Saule Saule, quid me persequeris? Ut autem hoc quaerendum susceperemus, id tracta-  
 batur quod pedes dominus discipulis lauit, cum iam ipsi discipuli loti essent, nec opus haber-  
 ent nisi pedes lauare, ubi uisum est intelligendum, quod baptismo quidem homo totus  
 abluitur, sed dum isto postea uiuit in seculo, humanis affectibus terram uelut pedibus cal-  
 cans, ipsa scilicet conuersatione uitae huius contrahit unde dicat: Dimitte nobis debita nos-  
 tra: ac sic etiam inde mundatur ab eo qui pedes lauit discipulis suis, nec desinit inter-  
 pellare pro nobis. Hinc occurrunt ex canticocanticorum ecclesiae uerba dicentis: Laui pedes  
 meos, quomodo inquinabo eos? Cum uellet ire & aperire ei qui uenerat ad eam, & pulsaue-  
 rat, sibi quae aperiri poposcerat, ille speciosus forma praefiliis hominum. Hinc quaestio nata est  
 quam coartare nolimus angustis temporis, ideoque distulimus, quo nam modo ecclesia ti-  
 meat inquinare pedes, dum pergit ad Christum, quos baptismate lauerat Christi, sic enim  
 ait: Ego dormio, & cor meum uigilat, uox fratruelis mei pulsat ad ianuam: deinde dicit etiam ipse:  
 Aperi mihi soror mea, proxima mea, columba mea, perfecta mea, quia caput meum repletum est  
 rore, & crines mei guttis noctis: & respondit illa: Exui me tunica mea, quomodo induar eam?  
 Laui pedes meos, quomodo inquinabo illos? O admirabile sacramentum, o grande myste-  
 rium. Ergo ne timet inquinare pedes ueniendo ad eum qui lauit suorum discipulorum pedes? Ti-  
 met certe quia per terram uenit ad eum qui etiam in terra est, quia suos hic constitutos non de-  
 serit: an



**A** ferit: an non ipse ait: Ecce ego uobiscum sum usque ad consummationem seculi: an non ipse ait: Vi-  
 debitis celos apertos, & angelos dei ascendentes & descendentes ad filium hominis: Si ascen-  
 dunt ad eum propterea quia sursum est, quomodo ad eum descendunt si etiam non hic est: Dicit  
 ergo ecclesia: Laui pedes meos, quomodo inquinabo eos: In eis hoc dicit qui predicat Chri-  
 stum, & aperiunt illi ostium, ut habitet per fidem in cordibus hominum. In his hoc dicit cum deli-  
 berant, utrum ministerium tale suscipiant, cui se minus idoneos existimant, ut sine culpa imple-  
 ant, ne forte alijs predicantes, ipsi reprobi fiant. Tutius enim ueritas auditur quam predicat,  
 quoniam cum auditur, humilitas custoditur, cum autem predicat, uix non surrepit cuius homi-  
 num quantulacumque iactantia, in qua utique inquinantur pedes. Ergo ut apostolus Iacobus di-  
 xit: Sit omnis homo uelox ad audiendum, tardus autem ad loquendum: dicit & alius homo dei: *Iacob. 1*  
 Auditui meo dabis gaudium & leticiam, & exultabunt ossa humiliata, hoc est quod dixi: Cum *Psal. 50*  
 ueritas auditur, humilitas custoditur: dicit & alius: Amicus autem sponsi stat & audit eum, & gau- *Ioan. 3*  
 dio gaudet propter uocem sponsi. Fruamur auditu, sine strepitu nobis loquente intrinsecus ueri-  
 tate, quamque etiam cum forinsecus insonat per legentem, per annunciantem, per predicantem, per dispu-  
 tantem, per precipientem, per consolantem, per exhortantem, per ipsum etiam cantantem atque psal-  
 lentem: ipsi qui haec agunt, inquinare pedes suos timeant, cum placere hominibus surrepente  
 amore humanae laudis affectant. Caterum qui eos audit libenter & pie, non habet locum ia-  
 ctandi se in laboribus alienis, & non inflatis ossibus humiliatis, gaudio gaudet propter uo-  
 cem dominicae ueritatis. Proinde in eis qui libenter & humiliter audire nouerunt, & uitam  
 quietam in studijs dulcibus & salubribus agunt, catholica delitetur ecclesia & dicat: Ego *Cant. 5*  
 dormio, & cor meum uigilat. Quid est, ego dormio, & cor meum uigilat, nisi ita quiesco ut  
 audiam: Ocium meum non impenditur nutriendae desideriae, sed percipiendae sapientiae: Ego  
 dormio, & cor meum uigilat, uaco & uideo, quoniam tu es dominus, quia sapientiam scri-  
 bo in tempore oculi, & qui minoratur actu, ipse percipiet eam. Ego dormio, & cor meum ui-  
 gilat: ego requiesco a negotiosis actibus, & animus meus diuinis se intendit affectibus: sed  
**B** in his qui isto modo suauiter & humiliter requiescunt, dum ociose oblectatur ecclesia, ecce *Matth. 10*  
 pulsatur ille qui ait: Quae dico uobis in tenebris, dicite in lumine, & quod in aure auditis, praed- *Cant. 5*  
 dicite super tecta. Vox ergo eius pulsatur ad ianuam, & dicit: Aperi mihi soror mea, proxima  
 mea, columba mea, perfecta mea, quia caput meum repletum est rore, & crines mei guttis  
 noctis: uelut si diceret, tu uacas, & contra me ostium clausum est, tu studes ocio paucorum,  
 & abundante iniquitate refrigescit charitas multorum: nox quippe iniquitas est, ros uero  
 eius & guttae, hi sunt qui frigescent & cadunt, & faciunt refrigescere caput Christi, hoc est, ut  
 non ametur deus, caput enim Christi deus: sed portantur in crinibus, id est, in sacramentis  
 uisibilibus tolerantur, cum nequaquam interiora sensus attingunt. Pulsatur ergo ut excutiat quie-  
 tem sanctis ociosis, & clamat: Aperi mihi de sanguine meo soror mea, de accessu meo, pro-  
 xima mea, de spiritu meo columba mea, de sermone meo quem plenius ex ocio didicisti pro-  
 perfecta mea, aperi mihi, praedica me: ad eos quippe qui clausum contra me, quomodo in- *Rom. 10*  
 trabo sine aperiente: Quomodo enim audient sine praedicante: Hinc fit ut etiam hi qui a-  
 mant ocium studiorum bonorum, & nolunt perpeti laboriosarum molestias actionum, eo  
 quod minus idoneos ad haec ministranda, & sine reprehensione agenda se sentiunt, mallent  
 si fieri posset, sanctos apostolos & praedicatores ueritatis antiquos excitari aduersus abun-  
 dantiam iniquitatis, quia feruor friguit charitatis: sed in eis qui iam de corpore exierunt, &  
 carnis indumento expoliati sunt, neque enim ab ea separati sunt, respondeat ecclesia, Exui  
 me tunica mea, quomodo induar ea: Recipietur quidem illa tunica, & in eis qui iam exuti  
 sunt, rursus uestietur carne ecclesia, non tamen nunc quando feruere faciendi sunt frigidi, sed  
 tunc quando resurrexerunt mortui. Passa ergo difficultatem propter inopiam praedicatorum,  
 & recolens illa sua membra sana sermonibus, sancta moribus, sed iam exuta corporibus,  
 ingemit & dicit ecclesia: Exui me tunica mea, quomodo induar ea: Membra illa mea  
 quae Christo aperire euangelizando excellentissime potuerunt, quomodo ad corpora qui-  
 bus

bus exuta sunt, redire nunc possunt: Deinde respiciens ad eos qui prædicare, & populos acquirere ac regere, ac sic Christo aperire utcumque possunt, sed in his difficultatibus actionum peccare metuunt: Laui, inquit, pedes meos, quomodo inquinabo illos? Quisque enim in uerbo non offendit, hic perfectus est uir. Et quis est perfectus? Quis est qui non offendit in tanta abundantia iniquitatis, tanto frigore charitatis? Laui pedes meos, quomodo inquinabo eos? Quamdoquidem lego & audio: nolite multi magistri fieri fratres, quoniam maius iudicium sumitis. In multis enim offendimus omnes. Laui pedes meos, quomodo inquinabo eos? Sed ecce surgo & aperio, Christe laua eos: dimitte nobis debita nostra, quoniam non est extincta charitas nostra, quia & nos dimittimus debitoribus nostris. Quando te audimus, exultant tecum in cœlestibus ossa humiliata. Sed quando te prædicamus, terram calcamus ut tibi aperiamus: & ideo si reprehendimur, perturbamur: si laudamur, inflamur. Laua pedes nostros ante mundatos, sed cum ad aperiendum tibi per terram pergimus inquinatos. Hæc uobis hodie satis sint dilectissimi: si quid secus quam oportuit dicentes fortassis offendimus, uel laudibus uestris immoderatus quam oportuit eleuati sumus, impetrate mundationem pedibus nostris, deo placentibus orationibus uestris.

Ab eo quod dicit: Et uos mundi estis, sed non omnes, usque ad id quod ait: Exemplum dedi uobis, ut quemadmodum ego feci uobis, ita & uos faciatis: Tract. LVIII



**A**M illa uerba sancti euangelii, ubi dominus lauans pedes discipulis suis, ait: Qui lotus est semel, non habet necessitatem nisi pedes lauare, sed est mundus totus dilectioni uestre ut dominus donare dignatus est exposuimus, nunc quod sequitur uideamus. Et uos, inquit, mundi estis, sed non omnes. Hoc quid sit ne queremus, ipse euangelista patefecit adiungens: Sciebat enim quisnam esset qui traderet eum, propterea dixit, non estis mundi omnes. Quid hoc apertius? Proinde ad sequentia transeamus. Postquam ergo lauit pedes eorum, & accepit uestimenta sua, cum recubuisset iterum dixit eis: Scitis quid fecerim uobis? Nunc est ut beato Petro reddatur illa promissio: dilatatum enim fuerat, quando expauescenti & dicenti: non lauabis mihi pedes in æternum, responsum est ei: quod ego facio, tu nescis modo, scies autem postea. Ecce est ipsum postea, iam tempus est ut dicatur, quod paulo ante dilatum est. Memor itaque dominus se promississe iam dudum scientiam facti sui tam inopinati, tam mirabilis, tam expauescendi, & nisi ipse uehementer terruisset, nullo modo sinendi, ut magister non tantum ipsorum, sed angelorum, & dominus non tantum ipsorum, sed rerum omnium, lauaret pedes discipulorum & seruorum suorum. Huius ergo tanti facti quoniam promiserat scientiam dicens: Scies autem postea, quid sit, quod fecit docere nunc incipit: Vos, inquit, uocatis me magister & domine, & bene dicitis: sum etenim. Bene dicitis, quia uerum dicitis: sum quippe quod dicitis. Homini præceptum est: Non te laudet os tuum, sed laudet te os proximi tui. Periculosum est enim sibi placere, cui cauendum est superbire. Ille autem qui super omnia est, quantumcumque se laudet, non se extollit excelsus, nec potest recte dici arrogans deus. Nobis nanque expedit eum nosse, non illi, non eum quisque cognoscit, si non se indicet ipse qui nouit: si ergo non se laudando quasi arrogantiam uitare uoluerit, nobis sapientiam denegauit. Et magistrum quidem quod se esse dicit, nemo reprehenderet, etiam qui eum nihil esse aliud quam hominem crederet, quoniam id profitetur quod & ipsi homines in quibuslibet artibus usque adeo sine arrogantia profitentur, ut professores uocent. Quod uero dominum & ipse se dicit discipulorum suorum, cum sint illi etiam secundum seculum ingenui, quod ferat in homine? Sed deus loquitur: nulla est hic elatio tantæ celsitudinis, nullum mendacium ueritatis, nobis subiaceret illi utile est celsitudini, nobis seruire utile est ei ueritati. Quod se dominum dicit, non illi uitiū est, sed nobis beneficiū. Cuiusdam secularis auctoris uerba laudant, quia dixit: cum omnis arrogantia odiosa est, tum illa ingenij & eloquentiæ multo molestissima: & tamen idem ipse cum de sua eloquentia loqueretur, dicerem, inquit, perfectam, si ita iudicaret, nec in ueritate crimen arrogantiae pertimescerem: si igitur ille homo eloquentissimus in ueritate arrogantiam non time-



**A** meret, quomodo arrogantiam ipsa ueritas timet: Dicat se dominum qui dominus est, dicat se uerum qui ueritas est. Nonne dicam ego quod utile est, dum tacet ille quod est: Beatissimus Paulus, non utique unigenitus dei filius, sed unigeniti dei filij seruus & apostolus, non ueritas, sed particeps ueritatis, ait libere & constanter: Et si uoluero gloriari, non ero insipiens, ueritatem enim dico. Neque enim in seipso, sed in ipsa ueritate quae superior est ipso, & humiliter & ueraciter gloriaretur, quoniam & ipse praecipit, ut qui gloriatur, in domino gloriatur. Ita ne non timeret insipientiam, si gloriari uellet amator sapientiae, & in gloria sua timeret insipientiam ipsa sapientia: Non timuit arrogantiam qui dixit: In domino laudabitur anima mea: & in lau de sua timeret arrogantiam potestas domini, in quo laudatur anima serui: Vos, inquit, uocatis me magister & domine, & bene dicitis, sum etenim. Ideo bene dicitis, quia sum: nam si non essem quod dicitis, male diceretis, etiam si me laudaretis. Quomodo ergo negaret ueritas, quod dicunt discipuli ueritatis: Quomodo quod dicunt qui didicerunt, negaret ipse unde didicerunt: Quomodo fons negat, quod bibens praedicat: Quomodo lux occultat, quod uidens indicat: Si ergo, inquit, ego laui pedes uestros dominus & magister, debetis & uos alter alterius lauare pedes. Exemplum enim dedi uobis, ut quemadmodum ego feci uobis, & uos ita faciatis. Hoc est beate Petre quod nesciebas, quando fieri non sinebas. Hoc tibi postea sciendum promisit, quando ut sineres terruit te magister tuus & dominus tuus, lauans pedes tuos. Didicimus fratres humilitatem ab excelso, faciamus inuicem humiles quod humiliter fecit excelsus. Magna est commendatio humilitatis, & faciunt sibi hoc inuicem fratres, etiam opere ipso uisibili, cum se inuicem hospitio recipiunt: est enim apud plerumque consuetudo huius humilitatis usque ad factum, quo cernatur expressa, unde & Apostolus cum uiduam bene meritam commendaret: Si hospitio, inquit, recipit, si sanctorum pedes lauit. Et apud sanctos ubicunque haec consuetudo non est, quod manu non faciunt, corde faciunt: si in illorum numero sunt quibus dicitur in hymno beatorum trium puerorum: Benedicite sancti & humiles corde domino: multo autem est melius & sine controuersia uerius, ut etiam manibus fiat, nec dedignetur quod fecit Christus, facere Christianus: cum enim ad pedes fratris inclinatur corpus, etiam in corde ipso uel excitatur, uel si iam inerat, confirmatur ipsius humilitatis affectus: sed excepto isto morali intellectu, ita nos huius dominici facti altitudinem commendasse meminimus, quod lauando pedes iam lotorum atque mundorum discipulorum, significauerit dominus propter humanos quibus in terra uersamur affectus, quantumlibet profecerimus in apprehensione iustitiae, sciamus nos sine peccato non esse, quod subinde abluuit interpellando pro nobis, cum oramus patrem qui in caelis est, ut debita nostra dimittat nobis, sicut & nos dimittimus debitoribus nostris. Quomodo ergo ad hunc intellectum poterit pertinere hoc quod ipse postea docuit, ubi sui facti exposuit rationem dicens: Si ego laui uestros pedes dominus & magister, debetis & uos alter alterius lauare pedes: exemplum enim dedi uobis, ut quemadmodum ego uobis feci, ita & uos faciatis. Nunquid dicere possumus quod etiam frater fratrem a delicti poterit contagione munda: Immo uero id etiam nos esse admonitos in huius dominici operis altitudine nouerimus, ut confessi inuicem delicta nostra oremus pro nobis, si cut & Christus interpellat pro nobis. Audiamus apostolum Iacobum, hoc ipsum euidentissimè praecipiente & dicentem: Confitemini inuicem delicta uestra & orate pro uobis, quia & hoc dominus nobis dedit exemplum: si enim ille qui ullum peccatum nec habet nec habuit nec habebit, orat pro peccatis nostris, quanto magis nos inuicem pro peccatis nostris orare debemus: Et si dimittit nobis ille cui non habemus quod dimittamus, quanto magis dimittere nobis debemus inuicem, qui sine peccato hic uiuere non ualemus: quid enim uidetur in hac altitudine sacramenti dominus significare cum dicit: Exemplum enim dedi uobis, ut quemadmodum ego feci uobis, ita & uos faciatis, nisi quod apertissime dicit Apostolus: Donantes uobismet ipsis, si quis aduersus aliquem habet querelam, sicut & dominus donauit uobis, ita & uos inuicem: Itaque nobis delicta donemus, & pro nostris delictis inuicem oremus, atque ita quodammodo inuicem pedes nostris lauemus. Nostrum est donante ipso ministerium charitatis & humilitatis adhibere: illius

2. Cor. 12

Psalm. 35

1. Timoth. 5

Daniel. 3

Iacob. 5

Col. 3

re: illius est exaudire, ac nos ab omni peccatorum contaminatione mundare per Christum, & in Christo, ut quod alijs etiā dimittimus, hoc est, in terra soluimus, solvatur & in celo.

Ab eo quod dicit: Amen amen dico vobis, nō est seruus maior domino suo, neq; apostolus maior eo qui misit illum, usq; ad id quod dicit: Qui autem me accipit, accipit illum qui misit me:

Tractatus

LIX.



**A**VDIVIMVS sanctum euangelium, loquente domino atq; dicente: Amen amen dico vobis, non est seruus maior domino suo, neq; apostolus maior eo qui misit illum: si hæc scitis, beati eritis si feceritis ea.) Hoc ideo dixit, quia lauerat discipulorum pedes magister humilitatis, & uerbo & exemplo: sed poterimus ea quæ sunt operosius differenda, ipso adiuuante differere, si non in eis quæ manifesta sunt immoremur. Cum ergo hæc dominus præmisisset, adiunxit: Non de omnibus vobis dico, ego scio quos elegerim, sed ut impleatur scriptura, qui manducat panem meum, leuabit super me calcaneum suum.) Hoc quid est aliud, nisi conculcabit me, notum est de quo loquatur, Iudas ille traditor eius attingitur. Ergo ipsum non elegerat, unde ab eis quos elegerat, isto sermone secernit. Quod ergo dico, inquit, beati eritis si feceritis ea, non de omnibus vobis dico. Est inter uos qui non erit beatus, neq; faciet ea, & ego scio quos elegerim: quos nisi eos qui beati erunt faciendo quæ præcepit, ac faciendo monstrauit, qui efficere beatos potest. Non est igitur traditor Iudas electus. Quid est ergo quod alio loco dicit: Nōne ego uos duodecim elegi, & unus ex uobis diabolus est? An & ipse ad aliquid est electus, ad quod utiq; erat necessarius? Non autem ad beatitudinem, de qua modo ait, beati eritis si feceritis ea. Hoc non de omnibus dicit: scit enim quos ad societatem beatitudinis huius elegerit: nō est ex eis iste, qui panem illius sic edebat ut super eum leuaret calcaneum. Illi manducabant panem dominum, ille panem domini contra dominum, illi uitam, ille pœnam: qui enim manducat indigne, ait Apostolus, iudicium sibi manducat. Amodo, inquit, dico vobis priusquam fiat, ut cum factum fuerit credatis quia ego sum: id est, ego sum de quo illa scriptura præcessit, ubi dictum est: qui manducat meum panem, leuabit super me calcaneum suum. Deinde sequitur & dicit: Amen amen dico vobis, qui accipit si quem misero, me accipit: qui autem me accipit, accipit eum qui me misit.) Tantum ne distare intelligi uoluit inter eum quem mittit & seipsum, quantum inter ipsum & patrem deum, hoc si isto modo acciperimus, nescio quos gradus, quod absit, Arianorū more faciemus. Illi quippe cum audiunt hæc euangelica uerba seu legunt, statim ad illos gradus sui dogmatis currunt, quibus non ascendunt ad uitam, sed præcipitantur in mortem: continuo quippe dicunt: Quantum apostolus filij distat à filio, quæuis dixerit: qui accipit si quem misero, me accipit: tantum & filius distat à patre, quæuis dixerit: qui autem me accipit, accipit eum qui me misit: sed si hoc dicis, oblitus es hæretice gradus tuos: si enim tanto intervallo propter hæc domini uerba filium à patre, quantum apostolum distinguis à filio, ubi positurus es spiritum sanctum? Excidit ne tibi? Vis eum ponere post filium? Erit ergo ipse inter apostolum & filium. Et multo amplius distabit filius ab apostolo, quam pater à filio. An forte ut inter filium & apostolum, atq; inter patrem & filium maneat paribus interuallis ista distinctio, æqualis erit spiritus sanctus filio? Sed ne hoc uultis: ubi ergo eum posituri estis, si quanta filium patri, tanta apostolum filio discretionem supponitis? Cohibete itaq; uestre præsumptionis audaciam, & in his uerbis nolite quærere quantā filij & apostoli, tantā patris filijq; distantia. Ipsum filiū audite potius dicentē: Ego & pater unū sumus. Vbi ueritas uobis inter genitorē & unigenitū nullā distantie suspicionē reliquit, ubi gradus uestros Christus elisit, ubi scalas uestras petra cōfregit: sed hæreticorum calumnia refutata, quonā modo nos accepturi sumus hæc dominica uerba: qui accipit si quem misero, me accipit, qui autem me accipit, accipit eum qui me misit: si enim uoluerimus intelligere ideo dictum, qui me accipit, accipit eum qui me misit, quæ unius naturæ sint pater & filius, cōsequens uidebitur ex eorundem uerborum regula quæ dictum



Psal. 18

Tract. LX.

Psalm 40

Ioan. 6

Ioan. 12

1. Cor. 13:13

Pfal, 95

mi Christiani, nec philosophorū Stoicorū, uel quorumcunq; similium consentiatur errori, qui profecto quemadmodum uanitatem existimant ueritatem, sic stuporem deputant sanitatem, ignorantes sic hominis animum, quemadmodum corporis membrum desperatius agrotare, quando & doloris amiserit sensum: sed dicit aliquis: nunquid animus Christiani debet etiam morte impendente turbari? Vbi est enim quod ait Apostolus: concupiscentiā se habere dissolui & esse cum Christo, si illud quod concupiscit, potest eum turbare cum uenerit? Facile est quidem istis adhuc respondere, qui & ipsam laticiam perturbationem uocant. Quis enim propterea morte imminente turbatur, quia morte imminente latatur? Sed hoc, inquit, gaudium, non laticia nominanda est: quid est hoc, nisi easdē res sentire, & rerum nomina uelle mutare? Verū nos sacris litteris accomodemus auditum, & secundū ipsas potius istam quæstionem domino adiuuante soluamus. Nec quoniam scriptum est, cū hæc dixisset Iesus turbatus est spiritu, dicamus eū laticia fuisse turbatum, ne uerbis suis nos ipse conuincat ubi dicit: Tristis est anima mea usq; ad mortem. Tale aliquid etiam hic intelligendū est, quādo suo traditore iam tunc solo exituro, & cum suis socijs continuo redituro, Iesus turbatus est spiritu: firmissimi quidem sunt Christiani, si qui sunt, qui nequaquā morte imminente turbantur: sed nunquid Christo firmiores? Quis hoc insanissimus dixerit? Quid est ergo quod ille turbatus est, nisi quia infirmus in suo corpore, hoc est, in sua ecclesia, suā infirmitatis uoluntaria similitudine consolatus est, ut si qui suorum adhuc morte imminēte turbantur, in spiritu ipsum intueantur, ne hoc ipso se putantes reprobos, peiore desperationis morte sorbeantur. Quantum itaq; bonū de participatione diuinitatis eius expectare & sperare debemus, cuius nos & perturbatio tranquillat, & infirmitas firmat: siue ergo isto loco propter ipsum Iudam pereuntem miserando turbatus est, siue sua morte propinquante turbatus est, non est tamen ullo modo dubitandum, non eum animi infirmitate, sed potestate turbatum, ne nobis desperatio salutis oriatur, quando non potestate, sed infirmitate turbamur. Carnis quippe ille gerebat infirmitatem, quæ infirmitas resurrectione cōsumpta est: sed quia non solum homo, uerum etiam deus erat, ineffabili distantia uniuersum genus humanum animi fortitudine superabat: non ergo aliquo est cogente turbatus, sed turbauit semetipsum, quod de illo euidenter expressum est quando Lazarum suscitauit: nam ibi scriptum est, quod turbauerit semetipsum, ut hoc intelligatur, & ubi non scriptum legitur, & tamen eum legitur fuisse turbatum, affectum quippe humanum quando oportuit in se indicauit, in seipso potestatem cōmouit, qui hominem totum potestate suscepit.

De eo quod ait: Aspiciebant ergo ad inuicem discipuli hæsitantes de quo diceret, usq; ad id: Et cum intinxisset panem, dedit Iudæ Simonis Iscariotæ, & post panem intinctum introiuit in illum satanas:

Tractatus

LXI



o c euangelij capitulum fratres, ita nobis exponendum in hac lectione propositum est, ut iam etiam de traditore domini per panem tinctum eiꝯ porrectum satis euidenter expresso aliquid dicere debeamus. Et de illo quidem, quod cum iā demonstraturus Iesus turbatus est spū, præterito sermone differui: sed fortassis quod ibi non dixi, etiam hoc nobis dñs significare sua perturbatione dignatus est, quod scilicet falsos fratres, & dominici agri illa zizania ita necesse est usq; ad messis tempus inter frumenta tolerari, ut quando ex eis aliqua separari etiam ante messemurgens causa compellit, fieri sine ecclesiæ perturbatione non possit. Hanc perturbationē sanctorum suorum per schismaticos & hæreticos futuram, quodammodo prænunciāns dominus præfigurauit in seipso, cum exituro inde homine malo, & cōmixtionem frumenti, in qua diu fuerat toleratus, separatione apertissima relicturo, turbatus est nō carne, sed spiritu. Spiritales enim eius in huiusmodi scandalis non peruersitate, sed charitate turbantur, ne forte in separatione aliorum zizaniorum simul aliquod eradicetur & triticum. Turbatus itaq; est Iesus spiritu, & protestatus est & dixit: amē amen dico uobis, quia unus ex uobis tradet me. Unus ex uobis, unus numero, non merito, unus specie, non uirtute, cōmixtione corporali, non uinculo spiritali



**A** spiritali, carnis adiunctione, non cordis socius unitate. Proinde non qui ex uobis est, sed qui ex uobis exiturus est, nā quomodo erit uerum quod protestatus est dominus & dixit, unus ex uobis, si uerum est quod ait idem ipse in epistola sua, cuius est hoc euangelium, Ex nobis 1. Ioan. 2 exierunt, sed non erant ex nobis, nam si fuissent ex nobis, mansissent utiq; nobiscum: Non erat igitur ex illis Iudas, māssisset enim cum illis, si esset ex illis. Quid est ergo, unus ex uobis tradet me, nisi unus ex uobis exiturus est qui me tradet? Quia & ille qui ait, Si fuissent ex nobis, mansissent utiq; nobiscum, iam dixerat, ex nobis exierunt, ac per hoc utrunq; uerum est, & ex nobis & nō ex nobis: secundū aliud ex nobis, secundū aliud non ex nobis: secundū communionē sacramentorū ex nobis, secundū suorum proprietatem criminū nō ex nobis.

Aspiciebant ergo ad inuicem discipuli hæsitantes de quo diceret.) Sic quippe in eis erat erga magistrum suū pia charitas, ut tamen eos humana alterum de altero stimularet infirmitas. Nota quidem sibi erat cuiusq; conscientia, ueruntamen quia proximi erat ignota, ita sibi singulus quisq; erat certus, ut incerti essent & in cæteris singuli, & in singulis cæteri. Erat ergo recumbēs unus ex discipulis eius in sinu Iesu, quē diligebat Iesus.) Qui dixerat, in sinu paulo post ait, ubi dicit supra pectus Iesu, ipse est Ioannes cuius est hoc euāgelium, sicut postea manifestat. Erat enim eorum hæc cōsuetudo qui sacras litteras nobis ministrauerunt, ut quando ab aliquo eorum diuina narrabatur historia, cum ad seipsum ueniret, tanq; de alio loqueretur, & sic se infereret ordini narrationis suæ, tanq; rerum gestarum scriptor, non tanq; suūpsius prædicator: nam & hoc sanctus Matthæus fecit, qui cū in textu narrationis suæ uenisset ad seipsum, uidit, inquit, in telonio sedentem quendam publicanum nomine Matth. 9 Matthæū, & ait illi, Sequere me, non ait, uidit me, & dixit mihi: hoc fecit & beatus Moyses, ita de seipso tanq; de alio cuncta narrauit, & ait, dixit dominus ad Moysen: inusitatus apostolus Paulus, non in historia, ubi rerum gestarum suscipitur explicāda narratio, sed in epistola hoc fecit: nam utiq; de seipso ait, Scio hominē in Christo ante annos quatuordecim, 2. Cor. 12 siue in corpore, siue extra corpus nescio, deus scit, raptum huiusmodi usq; ad tertiū cælum.

**B** Quocirca quodd etiam hic beatus euangelista non ait, Eram recumbens in sinu Iesu, sed ait, erat recumbens unus ex discipulis, nostrorum autorum cōsuetudinem agnoscamus potius Ioan. 13 q̃ miremur. Quid enim deperit ueritati, quando & res ipsa dicitur, & modo quodā dicendi iactantia deuitatur? Hoc quippe narrabat, quod ad eius laudem maximam pertinebat. Quid est autē, quem diligebat Iesus? quasi alios non diligeret, de quibus idem ipse Ioannes superius ait, In finem dilexit eos: & ipse dñs, Maiorem hac charitatem nemo habet, q̃ ut animam suam ponat quis pro amicis suis. Et quis enumerat omnia diuinarum testimonia paginarum, quibus dñs Iesus, non illius neq; eorum qui tunc erant tantum, sed etiam post futurorum membrorum suorū, & totius ecclesiæ suæ dilector ostēditur? Sed profecto latet hic aliquid & pertinet ad sinum, in quo recumbebat qui ista dicebat: per sinū quippe quid significatur aliud q̃ secretum? Sed alius est opportunior locus, ubi nobis dominus aliquid donet de hoc secreto quantum sufficiat dicere. Innuuit ergo Simon Petrus, & dicit ei,) No tanta locutio est, dici aliquid nō sonando, sed tantūmodo innuendo: innuit, inquit, & dicit, utiq; innuēdo dicit: si enim cogitādo aliquid dicitur, sicut scriptura loquitur, dixerunt apud semetipsos, quāto magis innuendo, ubi iam foras qualibuscunq; signis promitur quod fuerat corde conceptū. Quid ergo dixit innuendo? quid nisi quod sequitur? Quis est de quo dicit?) Hæc uerba Petrus innuit, quia nō sono uocis, sed motu corporis dixit. Itaq; cū recubisset ille supra pectus Iesu,) Hic est utiq; pectoris sinus, sapiētiae secretum. Dicit ei, dñe quis est? respondit Iesus, ille est cui ego intinctū panem porrexero: & cū intinxisset panem, dedit Iudæ Simonis Iscariotæ, & post panem, tunc introiuit in illum satanas.) Expressus est traditor, nudatæ sunt latebræ tenebrarum: bonum est quod accepit, sed malo suo accepit, quia male bonum malus accepit. Verum de isto pane tincto qui porrectus est ficto, & de his quæ sequuntur, multa dicēda sunt, quibus necessarium est plus temporis, quā nunc habemus iam in istius sine sermonis.

De eo quod ait, Dicit ei Iesus, Quod facis fac citius, usque ad id quod ait, Cum ergo exisset, dicit Iesus, Nunc clarificatus est filius hominis. Tractatus LXII.



**C**IO fratres charissimi moueri posse nonnullos, siue pios ut requirant, siue impios ut reprehendant, quod posteaque panem tinctum traditori suo dominus dedit, intrauit in illum satanas: sic enim scriptum est, Et cum intinxisset panem, dedit Iudae Simonis Iscariotae, & post panem tunc introiuit in illum satanas: dicunt enim, Ita ne hoc meruit panis Christi porrectus de mensa Christi, ut post illum intraret in eius discipulum satanas? Quibus respondemus hinc nos potius doceri, quam sit cauendum male accipere bonum: multum quippe interest, non quid accipiat, sed quis accipiat, nec quale sit quod datur, sed qualis sit ipse cui datur, nam & bona obsunt, & mala profunt, sicut fuerint quibus dantur, Peccatum, inquit Apostolus, ut appareat peccatum, per bonum mihi operatum est mortem: ecce per bonum factum est malum, dum male accipitur bonum: item quod ipse ait, In magnitudine reuelationum mearum ne extollar, datus est mihi stimulus carnis meae, angelus satanae qui me colaphizet, propter quod ter dominum rogavi, ut auferret eum a me, & dixit mihi, Sufficit tibi gratia mea, nam uirtus in infirmitate perficitur: ecce per malum factum est bonum, dum bene accipitur malum. Quid ergo miraris si datus est Iudae panis Christi, per quem manciparetur diabolo, cum uideas e contrario datum Paulo angelum diaboli, per quem perficeretur in Christo: ita & malo bonum obfuit, & malum bono profuit: recordamini unde sit scriptum, Quicumque manducauerit panem, aut biberit calicem domini indigne, reus erit corporis & sanguinis domini. Et de his erat sermo cum hoc Apostolus diceret, qui domini corpus uelut aliud cibum quemlibet indiscrete negligenterque sumebant: hic ergo si corripitur qui non diiudicat, hoc est, non discernit a ceteris cibis dominicum corpus, quomodo non damnatur qui ad eius mensam fingens amicum, accedit inimicus? Si reprehensione tangitur negligentia conuiuantis, qua poena percutitur uenditor inuitatis? Quid erat autem panis traditori datus, nisi demonstratio cuius gratiae fuisset ingratus? Intrauit autem satanas post hunc panem in domini traditorem, ut sibi iam traditum plenius possideret, in quem prius intrauerat ut deciperet: neque enim non in illo erat quando perrexit ad Iudaeos, & de precio tradendi dominum pactus est, cum hoc apertissime Lucas euangelista testetur, & dicat, Intrauit autem satanas in Iudam, qui cognominabatur Iscariotes, unum de duodecim, & abiit & locutus est cum principibus sacerdotum: ecce ubi ostenditur quod iam intrauerat satanas in Iudam. Prius ergo intrauerat immittendo in cor eius cogitationem qua traderet Christum, talis enim iam uenerat ad cenandum, nunc autem post panem intrauit in eum, non ad hoc ut alienum tentaret, sed ut proprium possideret: non autem ut putant quidam negligenter legentes, tunc Iudas Christi corpus accepit: intelligendum est enim, quod iam omnibus eis distribuerat dominus sacramentum corporis & sanguinis sui, ubi & ipse Iudas erat, sicut sanctus Lucas euidentissime narrat: ac deinde ad hoc uentum est, ubi secundum narrationem Ioannis, apertissime dominus per buccellam tinctam atque porrectam suam exprimit traditorem, fortassis per panis tinctionem illius significans fictionem: non enim omnia quae tinguntur, abluuntur, sed ut inficiantur nonnulla tinguntur: si autem bonum aliquid hic significat tinctio, idem bonum ingratum non immerito est secuta donatio. Adhuc tamen Iuda possessio, non a domino sed a diabolo, cum homini ingrato intrasset panis in uentre, hostis in mentem: adhuc inquam, tanti mali iam corde concepti, plenus restabat effectus, cuius iam praecesserat donandus affectus: itaque cum dominus panis uiuus panem mortuo tradidisset, & panem tradendo panis traditorem ostendisset, Quod facis, inquit, fac citius. Non praecipit facinus, sed praedixit Iudae malum, nobis bonum. Quid enim Iuda peius, & quid nobis melius quam traditus Christus ab illo, aduersus illum, pro nobis praeter illum? Quod facis fac citius: o uerbum libentius parati ad passionem, quam irati ad uindictam, o uerbum non tam poenam exprimens uenditoris, quam mercem significans redemptoris: dixit enim, quod facis fac citius: non tam in perniciem perfidi seuiendo, quam ad salutem fidelium festinando, quia traditus est propter delicta nostra.




**A** nostra, & dilexit ecclesiam, & semetipsum tradidit pro ea: unde & de seipso dicit Apostolus, Gal. 2  
 Qui dilexit me, & tradidit seipsum pro me: nisi ergo se traderet Christus, nemo traderet  
 Christum: quid habet Iudas nisi peccatum? neque enim in tradendo Christo salutem nostram  
 cogitauit, propter quam traditus est Christus, sed cogitauit pecunie lucrū, & inuenit animam  
 detrimentum: accepit mercedem quam uoluit, sed nolenti est data quam meruit: tradidit  
 Iudas Christum, tradidit Christus seipsum: ille agebat negociū suae uenditionis, iste nostrae  
 redemptionis. Quod facis fac citius, non quia tu potes, sed quia hoc uult qui omnia potest.

Hoc autem nemo sciuit discumbentium, ad quid dixerit ei, quidam enim putabant quia  
 loculos habebat Iudas, quod dixisset ei Iesus, eme ea quae opus sunt nobis ad diem festum, aut  
 egenis ut aliquid daret. Habebat ergo & dominus loculos, & à fidelibus oblata conser- 12. q. 1. c. habebat  
 uans, & suorum necessitatibus & alijs indigentibus tribuebat. Tunc primum ecclesiasticae pe-  
 cuniae forma est instituta, ubi intelligeremus quod praecipit non cogitandum esse de crastino,  
 non ad hoc fuisse praecipitū, ut nihil pecuniae seruetur à sanctis, sed ne deo pro ista seruiatur,  
 & propter inopiae timorem iustitia deferatur, nam & Apostolus in posterum prauidēs, ait,  
 Si quis fidelis habet uiduas, sufficiēter tribuat eis, ut non grauetur ecclesia, quo ueris uiduis 1. Timoth. 5  
 sufficere possit. Cū ergo accepisset ille buccellā exijt cōtinuo. Erat autē nox, & ipse qui exiuit  
 erat nox. Cum ergo exisset nox, ait Iesus, Nunc clarificatus est filius hominis. Dies diei Psal. 44  
 eructat uerbū, id est, Christus discipulis fidelibus, ut audirēt eū & amarēt sequendo: & nox  
 nocti annūciat scientiā, id est, Iudas Iudaeis infidelibus, ut uenirēt ad eū, & apprehenderent  
 persequendo, sed iā hinc in sermone dñi, qui factus est ad pios anteq̃ teneretur ab impijs,  
 intētor flagitatur auditor, & ideo eū praecipitare non debet, sed differre potius disputator.

De eo quod dicit, Si deus clarificatus est in eo, & deus clarificabit eum in semet-  
 ipso, & continuo clarificabit eum.

## TRACTATUS LXIII.

**B**  NTENDAMVS mentis obtuitu, & adiuuante domino deum requiramus: di-  
 uini cantici uox est, Quærite deum & uiuet anima uestra: quæramus inuenien- Psal. 68  
 dum, quæramus inuentum: ut inueniendus quærat, occultus est, ut inuentus  
 quærat, immensus est: unde alibi dicitur, Quærite faciem eius semper. Satiat Psal. 104  
 enim quærentem in quantum capit, & inuenientem capaciorem facit, ut rursus quærat im-  
 plere, ubi plus capere coeperit: non ergo ita dictum est, Quærite faciem eius semper, quemad-  
 modum de quibusdā, Semper discentes, & ad scientiam ueritatis nunq̃ perueniētes: sed po-  
 tius sicut ille ait, Cum consummauerit homo, tunc incipit, donec ad illam uitam ueniamus, Eccl. 18  
 ubi sic impleamur, ut capaciores non efficiamur, quia ita perfecti erimus, ut iam non proficia-  
 mus: tunc enim ostēdetur nobis quod sufficit nobis. Hic autē semper quæramus, & fructus  
 inuentionis non sit finis inquisitionis: neque enim propterea non semper, quia hic tātum, sed  
 ideo hic semper dicimus esse quæredum, ne aliquando hic putemus ab inquisitione cessan-  
 dum: nam & de quibus dictum est, Semper discentes, & ad ueritatis scientiam nunq̃ perue-  
 nientes: hic sunt utiq̃ semper discentes. Cum uero de hac uita exierint, iam non erunt discen-  
 tes, sed erroris sui mercedem accipiētes: sic enim dictum est, Semper discentes, & ad ueritatis  
 scientiam nunq̃ peruenientes: tanq̃ diceretur, Semper ambulātes, & nunq̃ ad uiam perue-  
 nientes. Nos autē semper ambulemus in uia, donec eō ueniamus, quod ducit uia, nusq̃ in ea  
 remaneamus, donec perducatur ubi maneamus: atq̃ ita & quæredo tendimus, & inueniēdo  
 ad aliquid peruenimus, & ad id quod restat quærendo & inueniēdo transimus, quousq̃  
 ibi fiat finis quærendi, ubi perfectioni non superet intētio proficiendi. Hæc prælocutio dile-  
 ctissimi, intentam fecerit charitatem uestram ad istum domini sermonem, quē ad discipu-  
 los habuit ante passionem: profunditas est enim, & utiq̃ ubi multum laboraturus est di-  
 sputator, non remissus debet esse auditor. Quid ergo ait dominus posteaq̃ Iudas exijt, ut  
 citius faceret quod erat factururus, hoc est, dominū traditurus? Quid ait dies, cū exisset nox?  
 Quid ait redemptor, cum exisset uenditor? Nunc, inquit, clarificatus est filius hominis.  
 Quare nunc? Nunquid quia exijt qui tradit, quia imminet qui teneant & occidant? Itā ne  
 A 2 nunc

nunc clarificatus est, quia prope est ut humilietur amplius, cui iam impendit ut alligetur, ut iudicetur, ut condēnetur, ut irrideatur, ut crucifigatur, ut interimatur. Hæc ne est clarificatio, an potius humiliatio? Nōne quando miracula faciebat, ait tamen de illo iste ipse Ioānes, *1041.7* Spiritus non erat datus, quia Iesus nondum erat glorificatus. Tunc ergo nondum erat glorificatus, cū mortuos suscitaret, & nūc est glorificatus cū mortuis propinquaret: nondū erat glorificatus faciens diuina, & glorificatus est passurus humana. Mirum, si hoc deus ille magister significabat, & docebat his uerbis: altius est perscrutandum altissimi dictum, qui se aliquantum manifestat ut inueniamus, & iterum occultat ut inquiramus, & de inuentis ad inueniēda tanq̃ passibus innitamur: uideo hic aliquid quod præfiguret magnum aliquid, exiit Iudas, & clarificatus est Iesus: exiit filius perditionis, & clarificatus est filius hominis: ille quippe exierat propter quem dictū erat eis, Et uos mundi estis, sed non omnes: exeunte itaq; immundo, omnes mundi remanserunt, & cū suo mundatore manserunt: tale aliquid erit cum uictus à Christo transierit hic mundus, & nemo in populo Christi remanebit in mundo, cum zizanijs à tritico separatis, iusti fulgebūt sicut sol in regno patris eorum. Hoc *Math. 13* futurum præuidens dominus, & nunc significatum esse contestans, discedente Iuda tanq̃ zizanijs separatis, remanētibus tanq̃ tritico apostolis sanctis: Nunc, inquit, clarificatus est filius hominis: tanq̃ diceret, ecce in illa clarificatione mea quid erit, ubi malorū nullus erit, ubi bonorum nullus perit. Sic autē non est dictum, nunc significata est clarificatio filij hominis, sed dictum est, nunc clarificatus est filius hominis: quemadmodum non est dictum, petra significabat Christum, sed petra erat Christus: nec dictum est, bonum semen significabat filios regni, aut zizania significabat filios maligni: sed dictum est, Bonum semen hi sunt filij regni, zizania autem filij maligni: Sicut ergo solet loqui scriptura res significantes, tanq̃ illas quæ significātur appellans, ita locutus est dominus, dicens, Nunc clarificatus est filius hominis, posteaq; separato inde nequissimo, & secū remanentibus sanctis significata est glorificatio eius, quādo separatis iniquis manebit in æternitate cum sanctis: cum autem dixisset, nūc clarificatus est filius hominis, adiunxit, Et deus clarificatus est in eo. Ipsa est enim clarificatio filij hominis, ut deus clarificetur in eo: si enim non ipse in seipso, sed deus in illo clarificatur, tunc illum deus in se clarificat: deniq; tanq̃ ista exponens, adiungit & dicit, Si deus clarificatus est in eo, & deus clarificauit eum in semetipso, hoc est, si deus clarificatus est in eo, quia non uenit facere uolūtatem suam, sed uoluntatem eius qui misit illum, & deus clarificauit eum in semetipso, ut natura humana in qua est filius hominis, quæ à uero æterno suscepta est, & iam immortalī æternitate dominetur. Et continuo, inquit, clarificabit eum, resurrectionem scilicet suam, non sicut nostram in fine seculi, sed continuo futuram hac attestatone prædicens. Ipsa est enim clarificatio de qua euangelista iam dixerat, quod paulo ante commemorauī, quia propterea nōdum spiritus datus erat ullo nouo modo in eis, quibus fuerat eo modo post resurrectionem credentibus dandus, quia Iesus nondum fuerat clarificatus, id est, nondū fuerat mortalitas immortalitate uestita, & in æternam uirtutē temporalis infirmitas cōmutata. Potest & de ista clarificatione dictū uideri, nūc clarificatus est filius hominis, ut quod ait nunc, nō ad imminētē passionē, sed ad uicinā resurrectionē pertinere credatur, tanq̃ fuerit factum quod erat tā proxime iā futurū. Hodie dilectioni uestre ista sufficiāt, cum donauerit dñs, de consequentibus postea differemus.

De eo quod dicit, Filioli, adhuc modicū uobiscum sum, quæretis me, & sicut dixi Iudæis, quō ego uado uos non potestis uenire, & uobis dico modo,

## Tractatus LXIIII.



**A**DVERTENDA est charissimi, dominicorum uerborum ordinata connexio: cum enim superius dixisset, posteaq; Iudas egressus est, & ab illa sanctorū etiā corporali cōuersatione seiunctus est, nunc clarificatus est filius hominis, & deus clarificatus est in eo, quod siue futurum regnum significans dixit, quando mali separabuntur à bonis, siue quæ eius resurrectio tunc futura esset, id est, differēda nō esset, sicut in finem



**A** in finem seculi nostra differtur, ac deinde addidisset, Si deus clarificatus est in eo, & deus clarificauit eum in semetipso, & continuo clarificabit eum, quod sine ulla ambiguitate de sua resurrectione continuo futura testatus est, adiecit atque ait, Filioli adhuc modicum uobiscum sum.) Ne putarent ergo quod sic eum clarificaturus esset deus, ut non eis iungeretur ulterius ea conuersatione qua in terra est, adhuc modicum, inquit, uobiscum sum: tanquam diceret, continuo quidem resurrectione clarificabor, non tamen continuo ascensurus in celum, sed adhuc modicum uobiscum sum: sicut enim scriptum est in actibus apostolorum, fecit cum eis post resurrectionem Act. 1 quadraginta dies intrans & exiens, & manducans & bibens, non quidem habens esuriendi ac sitiendi egestatem, sed usque ad ista carnis insinuans ueritatem, quae cibandi ac potandi iam non habebat necessitatem, sed potestatem: hos ergo quadraginta dies significauit, dicendo, adhuc modicum uobiscum sum, an aliquid aliud? potest enim & sic intelligi, adhuc modicum uobiscum sum, adhuc sicut uos in hac infirmitate carnis etiam ipse sum, donec scilicet moreretur atque resurgeret: quia posteaque resurrexit, cum illis quidem fuit diebus, ut dictum est, quadraginta exhibitione corporalis praesentiae, sed non cum illis fuit consortio infirmitatis humanae. Est & aliter diuina praesentia sensibus ignota mortalibus, de qua idem dicit, Ecce ego uobiscum sum, usque ad consummationem seculi: hoc certe non est, adhuc modicum uobiscum sum, non enim modicum est usque Matth. 18 ad consummationem seculi: aut si & hoc modicum est, uolat enim aetas, & in oculis dei mille anni sicut dies unus, aut sicut uigilia in nocte, non tamen hoc significare uoluisset credendus est nunc, quando quidem secutus adiunxit, Quaretis me, & sicut dixi Iudaeis, quod ego uado, uos non potestis uenire.) Vtique post hoc modicum quo uobiscum sum quaretis me, & quod ego uado, uos non potestis uenire. Numquid post consummationem seculi quod ipse uadit, uenire non poterunt? & ubi est quod aliquanto post in hoc ipso sermone dicturus est, Pater, uolo ut ubi ego Ioan. 17 sum, & ipsi sint mecum: non ergo de illa sua cum suis praesentia qua cum illis est usque ad consummationem seculi, nunc locutus est, ubi ait, adhuc modicum uobiscum sum, sed uel de infirmitate mortali qua cum illis erat usque ad passionem suam, aut de praesentia corporali qua cum illis futurus erat usque ad ascensionem suam: quodlibet horum quis eligat, cum fide non litigat. Ne cui autem uideatur abhorre iste sensus a uero, quo dicimus dominum mortalis carnis communionem in qua cum discipulis usque ad passionem fuit, significare potuisse, dicendo, adhuc modicum uobiscum sum: apud alium quoque euangelistam post resurrectionem uerba eius attendat, ubi ait, Haec locutus sum uobis, cum adhuc essem uobiscum: quasi tunc non erat cum ipsis simul assistentibus, uidentibus, tangentibus, colloquentibus? Quid est ergo, cum adhuc essem uobiscum, nisi cum adhuc essem in carne mortali, in qua estis & uos. Tunc enim quidem in eadem carne resuscitatus erat, sed cum illis in eadem mortalitate iam non erat: quapropter sicuti ibi iam immortalitate carnis indutus ueraciter ait, cum adhuc essem uobiscum, ubi nihil aliud intelligere possumus, nisi cum adhuc essem in carnis mortalitate uobiscum: ita & hic non absurde dixisse intelligitur, adhuc modicum uobiscum sum, tanquam diceret, adhuc modicum sicut uos estis, mortalis sum ego: ergo sequentia uideamus, Quaretis me, & sicut dixi Iudaeis, quod ego uado, uos non potestis uenire: & uobis dico modo, hoc est, modo non potestis uenire: Iudaeis autem cum hoc diceret, non addidit modo. Isti itaque uenire non poterant tunc quod ille ibat, sed poterant postea, nam hoc apostolo Petro apertissime paulo post ait, cum enim dixisset ille, Domine quod uadis? respondit ei, Quod ego uado, non potes me modo sequi, sequeris autem postea: sed hoc quid sit, non negligenter est praetereundum. Quod enim sequi tunc non poterant discipuli dominum, sed postea poterant? Si dixerimus ad mortem homini nato, quod inuenitur tempus quo ad moriendum non sit idoneus, quandoquidem talis est in corpore corruptibili hominum mors, ut non sit in ea facilius uita quam mors: non igitur adhuc minus idonei erant sequi dominum ad mortem, sed minus idonei erant sequi dominum ad uitam quam non habet mortem: Illud quippe ibat dominus, ut resurgens a mortuis iam non moreretur, & mors ei ultra non dominaretur. Moriturum quippe dominum pro iustitia quomodo iam fuerant secuturi adhuc martyrio non maturi? Aut iterum dominum ad immortalitatem carnis, quomodo iam fuerant secuturi quodolibet morituri, sed in fine seculi resurrecturi?

Aut iturum dominum ad sinum patris, nec relicturū eos, unde nec recessit cum uenisset ad eos, quomodo iam fuerant secuturi, cum esse nemo possit in illa felicitate nisi perfectus in charitate? Ideoq; docens quomodo idonei esse possint pergere quod ille antecedebat, Mandatum, inquit, nouum do uobis ut diligatis inuicem. Hi sunt gressus quibus sequendus est Christus, sed de his sermo uberius in aliud tempus est differendus.

De eo quod dicit, Mandatum nouum do uobis ut diligatis inuicem sicut dilexi uos, ut & uos inuicem diligatis, in hoc cognoscent omnes quia mei discipuli estis, si dilectionem habueritis ad inuicem,

Tractatus LXV

Exo. 20



**D**OMINVS Iesus mādatum nouum se discipulis suis dare testatur, ut diligant inuicem: Mādatum, inquit, nouū do uobis, ut diligatis inuicem.) Nōne iam erat hoc mandatū in antiqua dei lege, ubi scriptū est, Diliges proximum tuum tanq̃ teipsum? Cur ergo nouū appellatur à dño, quod tā uetus esse cōuincitur? An ideo est mandatum nouum, quia exuto uetere induit nos hominem nouum? Innouat quippe audientē, uel potius obedientem nō omnis, sed ista dilectio quā dominus mandat, & ut à carnali dilectione distingueret, addidit, sicut dilexi uos.) Nā diligunt inuicē mariti & uxores, parentes & filij, & quacūq; alia inter se homines necessitudo humana deuinxerit, ut taceamus de dilectione culpabili atq; damnabili, qua diligunt inuicē adulteri & adulteræ, scortatores & meretrices, & quoscūq; alios nō humana necessitudo, sed humanæ uitæ noxia turpitudine cōiungit. Mandatū ergo nouū dedit nobis Christus ut diligamus inuicē, sicut & ipse dilexit nos. Dilectio ista nos innouat, ut simus homines noui, hæredes testamēti noui, cantatores cānici noui. Hæc dilectio fratres charissimi, antiquos etiā tunc iustos, tūc patriarchas & prophetas, sicut postea beatos apostolos innouauit, ipsa & nūc innouat gētes, & ex uniuerso genere humano quod diffunditur toto orbe terrarū, facit & colligit populū nouū, corpus nouæ nuptæ filij dei unigeniti spōsæ, de qua dicit in cānico canticorū, Quæ est ista quæ ascēdit dealbata, utiq; dealbata quia innouata, unde nisi mandato nouo? Propter p quod pro inuicē sollicita sunt mēbra in ea, & si patitur unū membrum, compatiūtur omnia mēbra, & si glorificatur unū membrū, cōgaudet omnia mēbra: audiūt enim atq; custodiūt, mādatum nouū do uobis, ut uos inuicem diligatis, nō sicut se diligunt qui corrumpunt, nec sicut se diligūt homines, quoniā homines sunt: sed sicut se diligūt quoniam dñi sunt & filij altissimi omnes, ut sint filij eius unici fratres, ea dilectione inuicem diligentes, qua ipse dilexit eos, perducturus eos ad illum finem qui sufficiat eis, ubi satietur in bonis desiderij eorum. Tunc enim aliquid desiderio nō deerit, quādo omnia in omnibus deus erit: talis finis nō habet finē, nemo ibi moritur, quod nemo peruenit, nisi huic seculo moriatur, non morte omniū qua corpus ab anima deseritur, sed morte electorū qua etiā cū in carne mortali adhuc manet, cor sursum ponitur: de qua morte dicebat Apostolus, Mortui em̃ estis, & uita uestra col. 3 abscondita est cum Christo in deo: hinc fortasse dictum est, Valida est sicut mors dilectio. Cant. 8 Hac enim dilectione fit, ut in isto adhuc corruptibili corpore cōstituti, moriamur huic seculo, & uita nostra abscondatur cū Christo in deo: imò ipsa dilectio est mors nostra seculo, & uita cū deo: si enim mors est quando de corpore anima exit, quomodo nō est mors quādo de mūdo amor noster exit? Valida est ergo sicut mors dilectio: quid ea ualidius, qua uincitur mūdus? Nolite itaq; fratres mei, putare in hoc quod ait dñs, Mandatū nouū do uobis, ut uos inuicem diligatis, illud magis prætermisum esse mandatū, quo præcipitur ut diligamus dominū deum nostrū ex toto corde, ex tota anima, & ex tota mente: tanq; enim hoc prætermisso uidetur dictū ut diligamus inuicē, uelut hoc ad illud alterū non pertineat, quo dictum est, Diliges proximū tuū tanq; teipsum, in his enim duobus præceptis, inquit, tota lex pēdet & propheta: sed bene intelligētibus utrunq; inuenitur in singulis: nā & qui diligit deum, nō eū potest cōtemnere præcipiētem ut diligit proximū: & qui sancte ac spiritaliter diligit proximū, quid in eo diligit nisi deum? Ipsa est dilectio ab omni mundana dilectione discreta, quam distinguendo addidit dominus, sicut dilexi uos: quid enim nisi deum dilexit

3. sen. dist. 27

c. cū autē duo




A dilexit in nobis: Nō quod habebamus, sed ut haberemus, ut perducatur nos sicut paulo ante dixi, ubi sit deus omnia in omnibus: sic enim medicus recte dicitur agros diligere, & quid in eis nisi salutem diligit, quam cupit itaq; reuocare, non morbum, quem uenit expellere: Sic ergo & nos inuicem diligamus, ut quantum possumus inuicem, ad habendum in nobis deum cura dilectionis attrahamur: hanc dilectionem nobis donat ipse dominus, qui ait,

Sic dilexi uos, ut & uos diligatis inuicem.) Ad hoc ergo nos dilexit, ut & nos diligamus inuicem: hoc nobis conferens diligendo nos, ut mutua dilectione constringamur inter nos, & tam dulci uinculo connexis membris corpus tanti capitis simus. In hoc cognoscent, inquit, omnes quia mei discipuli estis, si dilectionem habueritis ad inuicem: tãquam diceret, alia munera mea habent uobiscum etiam non mei, non solum naturam, uitam, sensus, rationem, & eam salutem quæ hominibus pecoribusq; communis est, uerum etiam linguas, sacramenta, prophetiam, scientiam, fidem, distributionem rerum suarum pauperibus, & traditionem corporis sui ut ardeant, sed quoniam charitatem non habent, ut cymbala concrepant, nihil sunt, nihil illis prodest: non ergo in illis quamuis bonis muneribus meis, quæ habere possunt etiam non discipuli mei, sed in hoc cognoscent omnes quia mei discipuli estis, si dilectionem habueritis ad inuicem. O sponsa Christi, pulchra inter mulieres, o dealbata ascendens & incumbens super fratruelem suum, quoniã cuius lumine illustraris ut candeas, eius adiutorio fulciris ne cadas. O quàm bene cantatur tibi in illo canticocanticorum uelut epithalamio tuo, quia charitas in delitijs tuis: ipsa non perdit cum impijs animã tuam, ipsa Cant. 7 discernit causam tuam, & sicut mors ualida est, & in delitijs tuis est: quàm mirandi generis mors est, cui parũ fuit non esse in pœnis, nisi esset insuper in delitijs: Sed hic iam iste sermo claudatur, ab alio exordio tractanda sunt quæ sequuntur.

De eo quod sequitur, Dicit ei Simon Petrus, Domine quò uadis? usque ad id quod ait, Amen amen dico tibi, non cantabit gallus, donec ter me neges.

#### Tractatus LXVI.

B  VM DOMINVS Iesus sanctã dilectionem, qua inuicem diligenter, discipulis commendaret. Dicit ei Simon Petrus, Domine quò uadis? Sic utiq; hoc dixit magistro discipulus, & domino seruus, tanq; sequi paratus: propterea quippe dominus qui eius animum uidit, quare hoc interrogauerit, sic ei respondit,

Quò ego uado, nō potes me modo sequi, tanq; diceret, propter quod interrogas, non potes me modo sequi: non ait, nō potes, sed non potes modo: dilationē intulit, non spem tulit, & eandē spem quā non tulit, sed potius dedit, sequēti uoce firmavit, addendo atq; dicendo,

Sequeris autem postea.) Quid festinas Petre? nondum te suo spiritu solidauit petra, noli extolli præsūmēdo, non potes modo: noli deſcī desperando, sequeris postea: sed adhuc ille quid dicit. Quare te non possum sequi modo? animam meã pro te ponam.) Quid in animo eius esset cupiditatis uidebat, quid uirium nō uidebat: uoluntatem suam iactabat infirmus, sed inspiciebat ualetudinem medicus: iste promittebat, ille prænoscēbat: qui nesciebat audiebat, qui præsēbat docebat: quantum sibi assumpserat Petrus intuendo quid uellet, ignorādo quid posset, quantum sibi assumpserat cum uenisset dominus animam suam ponere pro amicis suis, ac per hoc & pro ipso, ille hoc domino offerre consideret, & nondū pro se posita anima christi, animam suã polliceretur positurū esse pro Christo: Respōdit ergo Iesus, Animã tuã pro me pones? Itã ne facies pro me, quod ego nondū feci pro te? Animã tuam pro me pones? Præire potes qui sequi nō potes? Quid tantū præsūmis? Quid de te sentis? Quid esse te credis? Audi quid sis. Amen amen dico tibi, nō cantabit gallus, donec ter me neges.) Ecce quomodo tibi cito apparebis, qui magna loqueris, & te paruulū nescis: qui mihi promittis mortē tuã, ter negabis uitã tuam: qui te iam putas mori posse pro me, prius uiue pro te, nã timendo mortem carnis tuæ, mortem dabis animæ tuæ: quanta enim uita est cōfiteri Christum, tanta mors est negare Christum. An apostolus Petrus, sicut eum quidã fauore peruerso excusare nituntur, Christū non negauit, quia interrogatus ab ancilla ii. q. 3. c. non

hominem se nescire respōdit, sicut alij euangelistæ contestantur expressius. Quasi uero qui hominē Christū negat, non Christū neget, & hoc in eo negat quod factus est propter nos, ne periret quod fecerat nos: ergo qui ita cōfiteatur Christum deū, ut hominē neget, non pro illo mortuus est Christus, quia secundū hominē mortuus est Christus: qui negat hominē Christum, non reconciliabitur per mediatorē deo: unus enim deus, & unus mediator dei & hominum homo Christus Iesus: qui negat hominē Christū non iustificatur, quia sicut per inobedientiā unius hominis peccatores cōstituti sunt multi, ita & per obedientiā unius hominis iusti constituētur multi: qui negat hominē Christū, nō resurget in resurrectionē uitæ, quia per hominē mors, & per hominē resurrectio mortuorū: Sicut enim in Adam omnes moriūtur, ita & in Christo omnes uiuificabūtur: per quid autē caput est ecclesiæ, nisi per hominem? Quod uerbū caro factum est, id est, dei patris unigenitus deus homo factus est: quomodo est igitur in corpore Christi, qui negat hominē Christum? Qui enim caput negat, quomodo est membrū? Sed quid multis immoror, cum ipse dñs abstulerit omnes humanæ argumētationis ambages: nō enim ait, Non cātabit gallus donec hominē neges, aut sicut loqui familiariorē cū hominibus dignatione cōsueuit: nō cantabit gallus donec filium hominis ter neges: sed ait, donec me ter neges: quid est me, nisi quod erat, & quid nisi Christus erat? Quicquid ergo eius negauit, ipsum negauit: Christū negauit, dominū deū suum negauit, quia & ille cōdiscipulus eius Thomas, quādo exclamauit, Dñs meus & deus meus: nō uerbū, sed carnē tetigit, nō incorporeā dei naturā, sed hominis corpus curiosis manibus contrectauit: hominē itaq; tetigit, & tñ deum cognouit: si ergo quod iste tetigit, hoc Petrus negauit, quod iste exclamauit, hoc Petrus offendit, nō cantabit gallus, donec ter me neges. Dicas licet, nescio hominē, dicas licet homo nescio quid dicis: dicas licet, nō sum ex discipulis eius, me negabis. Si quid dubitare nefas est, Christus hoc dixit, uerūq; prædixit, proculdubio Petrus Christū negauit: nō accusemus Christū, cū defendimus Petrū: peccatū agnoscat infirmitas, nā mēdaciū nō habet ueritas. Agnouit planē peccatum suum infirmitas Petri, prorsus agnouit, & quantū mali Christum negādo cōmiserit, plorādo mōstrauit: Ipse suos redarguit defensores, & unde eos conuincat, producit lachrymas testes: neq; nos cū ista dicimus, primū apostolorū accusare delectat, sed hunc intuēdo admoneri nos oportet, ne homo quisq; de humanis uiribus fidat: nā quid aliud pertinuit ad doctōrē saluatōrēq; nostrum, nisi ut nobis nequaq; de se quenq; præsumere debere, in ipso primo apostolorum demōstraret exemplo? In anima itaq; Petri contigit quod offerebat in corpore, nō tamen pro domino quod temere præsumebat præcessit, sed aliter q̄ putabat, nanq; ante mortem & resurrectionem domini & mortuus est negādo, & reuixit plorādo. Sed mortuus est, quia superbe præsumpsit, reuixit autem, quia benigne ille respexit.

De eo quod dicit, Non turbetur cor uestrum, creditis in deum & in me credite, usq; ad id quod ait, Quò ego uado scitis, & uiam scitis. Tractatus LXXVII.

Cap. XIII



RIGENDA est nobis fratres ad deum maior intentio, ut uerba sancti euangelij, quæ modo in nostris auribus sonuerunt, etiam mente capere utique possimus. Ait enim dominus Iesus, Non turbetur cor uestrum. Creditis in deum, & in me credite. Ne mortem tanquam homines timerent, & ideo turbarentur, consolatur eos, etiā se deum esse contestans: Creditis, inquit, in deum, & in me credite: consequens est enim, ut si in deum creditis, & in me credere debeatis, quod nō esset consequens, si Christus non esset deus: Creditis in deum, & in eum credite, cui natura est, non rapina esse æqualem deo: semetipsum enim exinaniuit, non tamen formā dei amittens, sed formam serui accipiens. Mortem metuitis huic formæ serui, non turbetur cor uestrum, suscitabit illam forma dei: sed quid est quod sequitur. In domo patris mei mansiones multæ sunt: nisi quia & sibi metuebant. Vnde audire debuerunt, nō turbetur cor uestrum: Quis enim eorum non metueret, cum Petro dictum esset fidentiori atq; promptiori, nō cantabit gallus donec ter me neges: tanq; ergo essent ab illo perituri, merito turbabantur: sed cum audiunt,



**A** audiunt, In domo patris mei mansiones multae sunt. Si quo minus dixissem uobis, quia uado parare uobis locum.) A perturbatione recreantur, certi ac fidentes etiam post pericula tentationum se apud deum cum Christo esse mansuros, quia & si alius est alio fortior, alius alio sapientior, alius alio iustior, alius alio sanctior, in domo patris mei mansiones multae sunt. Nullus eorum alienabitur ab illa domo, ubi mansionem pro suo quisque accepturus est merito: denarius quidem ille aequalis est omnibus, quam paterfamilias eis qui operati sunt in uinea, iubet dari omnibus, non in eo discernens qui minus & qui amplius laborarunt: quo utique denario uita significatur aeterna, ubi amplius alio nemo uiuit, quoniam uiuendi non est diuersa in aeternitate mensura: sed multae mansiones diuersas meritorum in uita aeterna significant dignitates. Alia est enim gloria solis, alia gloria lunae, alia gloria stellarum: stella enim ab stella differt in gloria, sic & resurrectio mortuorum: tanquam stellae sancti diuersas mansiones, diuersas claritates, tanquam in caelo sortiuntur in regno, sed propter unum denarium nullus separatur a regno: atque ita deus erit omnia in omnibus, ut quoniam deus charitas est, per charitatem fiat ut quod habet singuli, commune sit omnibus: sic enim quisque etiam ipse habet, cum amat in altero quod ipse non habet: non erit itaque aliqua inuidia in paritatis claritatis, quoniam regnabit in omnibus unitas charitatis. Proinde respuendi sunt a corde Christiano, qui putant ideo dictum multas esse mansiones, quia extra regnum caelorum erit aliquid, ubi maneant beati innocentes, qui sine baptismo ex hac uita emigrarunt, quia sine illo in regnum caelorum intrare non potuerunt: haec fides non est fides, quoniam non est uera & catholica fides: ita ne tandem stulti homines, & carnalibus cogitationibus excacati, cum reprobandi essetis, si mansionem non dico Petri & Pauli uel cuiuslibet apostolorum, sed cuiuscunque paruuli baptizati a regno caelorum separaretis, non uos putatis esse reprobandos, qui domum dei patris inde separatis? Non enim ait dominus, in uniuerso mundo, aut in uniuersa creatura, aut in uita uel beatitudine sempiterna mansiones multae sunt, sed in domo, inquit, patris mei mansiones multae sunt. Nonne ista est domus ubi aedificationem habemus ex deo, domum non manufactam aeternam in caelis? Nonne ista est domus de qua cantamus domino, Beati qui habitant in domo tua, in secula seculorum laudabunt te? *Psal. 83* ergo ne uos non domum cuiusque baptizati fratris, sed domum ipsius dei patris, cui omnes fratres dicimus, Pater noster qui es in caelis: a regno separare caelorum, aut eam sic diuidere *Matth. 6* audebitis, ut aliquae mansiones eius sint in regno caelorum, aliquae autem extra regnum caelorum? Absit absit, ut qui uolunt habitare in regno caelorum, in hac stulticia uelint habitare uobiscum: absit, inquam, ut cum omnis domus regnantium filiorum non sit alibi nisi in regno ipsius, regiae domus pars aliqua non sit in regno. Et si abiero, inquit, & praeprauero uobis locum, iterum uenio & accipiam uos ad meipsum, ut ubi sum ego & uos sitis: & quod ego uado scitis, & uiam scitis.) O domine Iesu, quomodo uadis parare locum, si iam multae mansiones sunt in domo patris tui, ubi tecum habitabunt tui? aut si accipis eos ad teipsum, quomodo iterum uenis qui non recedis? Ista charissimi si breuiter explicare conemur, quantum uidetur hodierno satis esse sermoni, coartata utique non clarebunt, & erit ipsa breuitas altera obscuritas. Proinde hoc debitum differamus, quod opportunius uobis paterfamilias nostro largiente reddamus.

De eadem lectione. Tractatus LXVIII.



**D**EBERI uobis fratres charissimi iamque esse reddendum quod distuleramus agnoscimus, quomodo intelligi possint non esse inter se ista duo contraria, quae cum dixisset, In domo patris mei mansiones multae sunt, si quo minus dixissem uobis, quia uado parare uobis locum.) Vbi satis ostendit ideo se hoc illis dixisse, quia iam ibi sunt mansiones multae, & non est opus aliquam praeparare: rursus dicit, Et si abiero & praeprauero uobis locum, iterum ueniam & accipiam uos ad meipsum, ut ubi ego sum & uos sitis.) Quomodo uadit & parat locum, si iam multae mansiones sunt? Si quo minus dixissem, uado parare: aut si adhuc paratus est, cur non merito dixisset, uado parare? An istae mansiones & sunt, & paratae sunt? Si quae minus enim essent, dixisset, uado parare, & tamen quia ita sunt ut pa-

ut parandæ sint, non eas uadit parare sicut sunt: sed si abierit & parauerit sicut futuræ sunt, iterum ueniens accipiet suos ad seipsum, ut ubi est ipse, sint & ipsi. Quomodo ergo mansiones in domo patris non aliæ sed ipsæ, & sine dubio iam sunt sicut parandæ non sunt, & nondum sunt sicut parandæ sunt? Quomodo ergo putamus, nisi quomodo etiam propheta prædicat deum, quia fecit quæ futura sunt? Non enim ait, qui facturus est quæ futura sunt, sed qui fecit quæ futura sunt, ergo & fecit ea, & facturus est ea, nam neque facta sunt, si ipse non fecit: neque futura sunt si ipse non fecerit. Fecit ergo ea prædestinando, facturus est operando, sicut discipulos quando elegerit, satis indicat euangelium, tunc utique quando eos uocauit: & tamen ait Apostolus, Elegit nos ante mundi constitutionem, prædestinando utique, non uocando: quos autem prædestinauit, illos & uocauit. Elegit prædestinando ante mundi constitutionem, elegit uocando ante mundi consummationem: sic & mansiones præparauit & præparat, nec alias, sed quas præparauit has præparat, qui fecit quæ futura sunt: quas præparauit prædestinando, præparat operando: iam ergo sunt in prædestinatione: si quo minus dixisset, ibo & præparabo, id est prædestinabo: sed quia nondum sunt in operatione, & si abiero, inquit, & præparauero uobis locum, iterum ueniam & accipiam uos ad meipsum. Parat autem quodammodo mansiones, mansionibus parando manfores: quippe cum dixerit, in domo patris mei mansiones multæ sunt, quid putabimus esse domum dei nisi templum dei? Quid autem sit, interrogetur Apostolus & respondeat, Templum enim dei sanctum est, quod estis uos: hoc est etiam regnum dei, quod filius traditurus est patri, unde dicit idem Apostolus, Initiū Christus, deinde qui sunt Christi in præsentia eius, deinde finis, cum tradiderit regnum deo & patri, id est, quos redemit sanguine suo, tradiderit contemplantando etiam patri suo: hoc est regnum celorum, de quo dicitur, Simile est regnum celorum homini seminanti bonum semen in agro suo: bonum autem semen, hi sunt filii regni, qui & si nunc habent permixta zizania, mittet in fine rex ipse angelos suos, & colligent de regno eius omnia scādala, tunc iusti fulgebunt sicut sol in regno patris sui. Regnum fulgebit in regno, cum regno uenerit regnum, quod nunc oramus, & dicimus, Veniat regnum tuum. Nunc ergo iam regnum uocatur, sed adhuc conuocatur: si enim regnum non uocaretur, colligent de regno eius omnia scādala, non diceretur, sed nondum regnat hoc regnum. Proinde sic iam est regnum, ut cum de illo collecta fuerint omnia scādala tunc perueniet ad regnum, ut non solum regni nomen, sed etiam regnandi habeat potestatem: huic quippe regno ad dexteram stanti, in fine dicitur, Venite benedicti patris mei, percipite regnum, id est, qui regnum eratis & non regnabatis, uenite, regnate, ut quod in spe fueratis, etiam in re esse possitis: hæc ergo domus dei, hoc templum dei, hoc regnum dei, regnumque celorum adhuc ædificatur, adhuc fabricatur, adhuc paratur, adhuc congregatur. In illo erunt mansiones, sicut eas adhuc parat dominus: in illo iam sunt, sicut prædestinauit etiam dominus: sed quid est quod ut præpararet abiret, cum profecto nosipsum præpararet, quod non faciet si reliquerit? Agno fco domine ut possim, nimirum illud significas, quia ut paratur istæ mansiones, uiuere debet iustus ex fide. Qui enim a domino peregrinatur, opus habent ex fide uiuere, quia per hanc ad speciem contemplandam paratur, beati enim mundo corde, quia ipsi deum uidebunt: & fide mundat corda eorum: illud in euangelio, hoc in apostolorum actibus legitur. Fides autem qua eorum qui deum uisuri sunt quamdiu peregrinatur, corda mundantur, quod non uidet credit: nam si uides, non est fides: credenti colligitur meritum, uidenti redditur præmium. Eat ergo dominus & paret locum, eat ne uideatur, lateat ut credatur: tunc enim locus paratur, si ex fide uiuatur, creditus desideretur, ut desideratus habeatur, desiderium dilectionis, præparatio est mansionis. Ita domine para quod paras, nos enim tibi paras, & te nobis paras, quoniam locum paras, & tibi in nobis & in te nobis: tu enim dixisti, Manete in me & ego in uobis. Quantum quisque fuerit particeps tui, alius minus, alius amplius, hæc erit diuersitas præmiorum pro diuersitate meritorum, hæc erit multitudo mansionum pro disparitate mansorum, sed tamen omnium in æternitate uiuorum, & sine fine beatorum. Quid est quod uadis? quid est quod uenis? Si te bene intelligo, nec unde uadis, nec unde uenis, recedis: uadis latendo,

De pe. dist. 4  
c. in domo

Eph. 1

1. Cor. 3

1. Cor. 15

legendum arbitror,  
complantando

Matth. 6

Matth. 25

Ioan. 15



**A** tendo, uenis apparēdo, sed nisi maneat regendo, ut proficiamus bene uiuendo, quomodo parabitur locus, ubi possimus manere perfruendo? Hæc de uerbis quæ recitata sunt euangelicis, satis dicta sint, quousq; ait dominus, Iterum uenio, & accipiam uos ad meipsum. Quid autem sit quod sequitur, ut ubi ego sum & uos sitis: Et quod ego uado scitis, & uiam scitis.) Post interrogationem quæ sequitur à discipulis factam, tanq; per eos & nos interrogemus, melius audiemus, opportuniusq; tractabimus.

De eo quod dicit ei Thomas, Domine, nescimus quod uadis, usq; ad id quod ait,

Nemo uenit ad patrem nisi per me.

Tractatus LXIX.



**N**unc est dilectissimi, ut quantum ualeamus, intelligamus de uerbis domini posterioribus priora, ex consequētib; præcedētia, in eo quod audistis apostolo Thomæ interroganti esse responsum. Dixerat enim superius dñs cum de mansionibus loqueretur, quas & esse dixit in domo patris sui, & ire se ut præpararet eas, ubi intelleximus & esse iam mansiones ipsas in prædestinatione, & præparari eas cum eorum qui ibi mansuri sunt, per fidem corda mundātur, quoniam ipsa dei domus ipsi sunt. Et quid est aliud manere in domo dei, q̃ esse in populo dei, cum idem populus est in deo, & deus in eo? Hoc ut præpararet, dominus abiit, ut credēdo in eum qui nō uidetur, ea quæ in specie futura est, nunc per fidē mansio præpararetur: propter hoc ergo dixerat, Et si abiero & præparauero uobis locum, iterum uenio & accipiam uos ad meipsum, & ubi ego sum & uos sitis, & quod ego uado scitis & uiam scitis: ad hæc, Dicit ei Thomas, Domine, nescimus quod uadis, & quomodo possumus uia scire? Vtrunq; illos dominus dixerat scire, utrumq; dixit iste nescire, & locum quod itur, & uiam qua itur: sed nescit ille mentiri, ergo isti sciebant, sed se scire nesciebant: conuincat eos dominus iam scire, quod se putant ad hucusq; nescire.

**B** Dicit ei Iesus, Ego sum uia, ueritas & uita.) Quid est fratres? Ecce audiuius discipulum interrogantem, audiuius & magistrum docentem, & nondum capimus etiam post uocem sonantem sententiam latitantem: sed quid nō possumus capere? Nunquid poterant ei dicere apostoli eius cum quibus loquebatur, nescimus te? Proinde si eum sciebāt, & uia ipse est, uiam sciebant: si eum sciebant, & ueritas ipse est, ueritatem sciebant: si eum sciebant, & uita ipse est, uitam sciebant: ecce scire conuicti sunt, quod se scire nesciebant. Quid igitur & nos in isto sermone non cepimus? Quid putatis fratres mei, nisi quia dixit, & quod uado scitis & uiam scitis? ecce cognouimus q̃ sciebant uiam, quia sciebant ipsum qui est uia: sed uia est qua itur, nūquid uia est & quod itur? Vtrunq; autem illos dixerat scire, & quod uadit, & uiam: opus ergo erat, ut diceret, ego sum uia, ut ostēderet eos qui eum scirent, uiam scire, quam putauerant se nescire. Quid autē opus erat, ut diceret, ego sum uia & ueritas & uita, cum uia cognita qua iret, restaret nosse quod iret, nisi quia ibat ad ueritatem, ibat ad uitam? Ibat ergo ad seipsum, per seipsum. Et nos quod imus nisi ad ipsum? & quā imus nisi per ipsum? Ipse igitur ad seipsum per seipsum, nos ad ipsum per ipsum, imō uero & ad patrem & ipse & nos, nam & de seipso alibi dicit, Ad patrem uado: & hoc loco propter nos, Ne- Ioan. 16 mo, inquit, uenit ad patrem nisi per me.) Ac per hoc & ipse per seipsum & ad seipsum & ad patrem, & nos per ipsum & ad ipsum & ad patrem. Quis hæc capit, nisi qui spiritaliter sapit? Et quantum est quod hic capit, etiam qui spiritaliter sapit? Fratres mei, quid à me ista uobis uultis exponi? Cogitate q̃ excelsa sint: uidetis quid sim, uideo quid sitis: in omnibus nobis corpus quod corrumpitur aggrauat animā, & deprimit terrena inhabitatio sensum multa cogitantem: putamus ne & possumus dicere, Ad te leuaui animam meam, qui Psalm. 122 habitas in caelis? Sed sub tanto pondere ubi ingemiscimus grauati, quomodo leuabo animam meam, nisi mecum leuet qui posuit pro me suam? dicam ergo quod possum, capiat uestrum qui potest: quo donante dico, eo donante capit qui capit, & eo donante credit qui nondum capit, Nisi enim credideritis, inquit propheta, non intelligetis. Dic mihi domine Esai. 7 deus, quid dicam seruis tuis, cōseruis meis? Thomas apostolus ut te interrogaret, habuit te ante se, nec tamen intelligeret te, nisi haberet in se: ego interrogo te, quia te scio esse sup me.

Interrogo

Interrogo autem inquātum possum super me effundere animam meam, ubi nō sonantem  
 & tamen docentem audiam te. Dic mihi obsecro, quomodo uadis ad te? nunquid nam ut  
 uenires ad nos, reliqueras te, maxime quia non à teipso uenisti, sed pater te misit? Scio quī  
 dem q̄ te exinanisti, sed quia formam serui accepisti, non quia formam dei, uel ad quā redi  
 res dimisisti, uel quam reciperes amisisti: & tamen uenisti, & non solum usque ad carnales  
 oculos, uerum etiā usq; ad manus hominum peruenisti: quomodo nisi in carne? Per hanc  
 uenisti manens ubi eras, per hanc redisti non relinquens quō ueneras. Si ergo per hanc uer  
 nisti & redisti, per hanc proculdubio nō solum nobis es qua ueniremus ad te, uerum etiā  
 tibi qua uenires & redires uia fuisti. Cum uero ad uitam quod es ipse isti, eandem profecto  
 carnem tuam de morte ad uitam duxisti, aliud quippe dei uerbum est, aliud homo, sed uer  
 bum caro factum est, id est, homo. Non itaq; alia uerbi, alia est hominis persona, quoniam  
 utrunq; est Christus una persona: ac per hoc quemadmodum caro cum mortua est, Chri  
 stus mortuus est, & cū caro sepulta est, Christus sepultus est: sic enim corde credimus ad iu  
 stitiam, sic ore confessionem facimus ad salutem: ita cum caro à morte uenit ad uitam, Chri  
 stus uenit ad uitam: & quia uerbum dei Christus est, Christus est uita. Ita miro quodā &  
 ineffabili modo, qui nūq̄ dimisit uel amisit seipsum, uenit ad seipsum. Venerat autem, ut  
 dictum est, per carnem deus ad homines, ueritas ad mendaces: deus enim uerax, omnis au  
 tem homo mendax. Cum itaq; ab hominibus abstulit, atq; illuc ubi nemo mētitur, carnem  
 suam leuauit idē ipse, quia uerbum caro factum est, per semetipsum, id est, per carnem, ad  
 ueritatem quod est ipse remeauit. Quam quidem ueritatem, quamuis inter mendaces, & in  
 morte seruauit: aliquādo enim Christus fuit mortuus, sed nūq̄ fuit falsus. Accipite quāuis  
 diuersum & longe impar exemplum, tamen utcunq; ad intelligendū deum, ex his quæ pro  
 pius subiecta sunt deo: ecce ego ipse quātum attinet ad animum meum, cum hoc sim quod  
 estis & uos, si taceo, apud meipsum sum: si autem loquor uobis quod intelligatis, quodam  
 modo ad uos procedo, nec me relinquo, sed & ad uos accedo, & non recedo unde procedo:  
 cum autē tacuero, quodammodo ad me redeo, & quodāmodo uobiscum maneo, si tenueri  
 tis quod audistis in sermone quem dico. Si hoc potest imago quam fecit deus, quid potest  
 nō à deo facta, sed ex deo nata imago dei deus, cuius illud per quod ad nos egressus est, &  
 in quo à nobis regressus est, corpus, non sicut meus elapsus est sonus, sed manet ibi ubi iam  
 non moritur, & mors ei ultra non dominabitur? Multa de his euāgelicis uerbis adhuc dici  
 fortasse poterāt & debebant, sed non sunt corda uestra spiritalibus cibis quālibet suauibus  
 onerāda, maxime quia spiritus promptus est, caro autem infirma.

De eo quod ait, Si cognouissetis me, & patrem meum utiq; cognouissetis, usque  
 ad id quod ait, Nō credis quia ego in patre & pater in me est. Tractatus LXX.



VERBA sancti euangelij fratres, ita recte intelliguntur, si cum superioribus repe  
 riuntur habere concordiam: cōuenire enim debent pracedētia consequentibus,  
 quādo ueritas loquitur: superius dixerat dominus, Et si abiero & praparauero  
 uobis locum, iterum uenio & accipiam uos ad meipsum, ut ubi ego sum & uos  
 sitis: deinde addiderat, Et quō ego uado scitis, & uiam scitis, nihilq; aliud ostēdit esse quod  
 dixit, nisi quia ipsum sciebant. Quid ergo esset ire ad seipsum per seipsum, quod etiam disci  
 pulis præstat ut eant ad ipsum per ipsum, ut potuimus pristino sermone iā diximus. Quod  
 itaq; ait, Ut ubi ego sum & uos sitis, ubi erant futuri nisi in ipso? Ac per hoc est etiā ipse in  
 seipso, & ideo ibi illi ubi & ipse, id est, in ipso. Ipse est igitur uita æterna in qua futuri sumus,  
 cum acceperit nos ad se, & ipsa uita æterna quod ipse est, in ipso est, ut ubi est ipse & nos si  
 mus, hoc est, in ipso. Sicut enim pater habet uitam in semetipso, & utiq; non aliud est uita  
 quam habet, nisi quod est ipse qui hanc habet: sic dedit filio habere uitā in semetipso, cum  
 ipse sit eadem uita quam habet in semetipso. Nunquid autē nos uita quod est ipse, hoc eri  
 mus, cum in illa uita, hoc est in ipso esse cœperimus? Non utiq; quia ipse existendo uita ha  
 bet uitam, & ipse est quod habet, & quod uita est in ipso, ipse est in seipso: nos autem non  
 ipsa



A ipsa uita, sed ipsius uitæ participes sumus, atq; ita ibi erimus, ut in nobisipsis non quod ipse  
 est esse possimus, sed nosipsi non uita, ipsum habeamus uitam qui seipsum habet uitam,  
 eo quod ipse sit uita. Deniq; ipse & in seipso est immutabiliter, & in patre inseparabiliter,  
 nos uero cū in nobisipsis esse uoluissimus, ad nosipsos turbati sumus: unde illa uox est, Ad psal. 6  
 meipsum turbata est anima mea, atq; in deterius commutati, neq; id quod fuimus perma-  
 nere potuimus. Cum autem per ipsum uenimus ad patrem, sicut ait, Nemo uenit ad patrē  
 nisi per me, manentes in illo, nec à patre nos quisquam poterit separare, nec ab illo. Conne-  
 ctens itaq; consequentia præcedentibus, Si cognouissetis me, inquit, & patrem meum uti-  
 que cognouissetis.) hoc est quod ait, Nemo uenit ad patrem nisi per me: deinde subiungit,  
 Et amodo cognoscetis eum, & uidistis eum.) Sed Philippus unus ex apostolis, qui audie-  
 rat non intelligens, Domine, inquit, ostende nobis patrem, & sufficit nobis.) Cui domi-  
 nus, Tanto, inquit, tempore uobiscum sum, & nō cognouistis me? Philippe qui uidet me,  
 uidet & patrem.) Ecce increpat quod tanto tempore cum ipsis erat, & non cognoscebatur.  
 Nonne ipse dixerat, & quò ego uado scitis, & uiam scitis? Et se nescire dicentes, eos hoc scire  
 conuicerat, addendo atq; dicendo, Ego sum uia & ueritas & uita: quomodo nunc dicit, Tan-  
 to tempore uobiscum sum, & non cognouistis me, cum profecto & quò iret & uiam scirent,  
 non ob aliud nisi quod ipsum utiq; scirēt? Sed facile ista soluitur quæstio, si dicamus quòd  
 eum aliqui eorum sciebant, aliqui nesciebant, atq; in his qui nesciebant & Philippus erat, &  
 quod ait, & quò uado scitis, & uiam scitis, illis dixisse intelligatur qui sciebant, non Philippo  
 cui dictū est, Tanto tempore uobiscum sum, & non cognouistis me Philippe? His ergo qui  
 filium iam nouerant, etiam illud de patre dictum est, & amodo cognoscetis eum & uidistis  
 eum: dictum est enim propter omnimodam similitudinem quæ illi cum patre est, ut ideo  
 amodo dicerentur nosse patrem, quia nouerant similem filium: ergo iam sciebant filium, &  
 si non omnes, certe quidam eorum quibus dicitur, Et quò uado scitis, & uiam scitis, ipse est  
 B enim uia. Sed patrem nesciebant, ideo audiunt: si cognouissetis me, & patrem meum cogno-  
 uissetis, si me, utiq; & illum, alius enim ego sum, alius ille: sed ne putarent dissimilem, & a-  
 modo, inquit, cognoscetis eum, & uidistis eum. Viderunt enim ei similem filium, sed admo-  
 nendi fuerant talem esse etiam patrem, quem nōdum uidebant, qualis est filius quem uide-  
 bant, & ad hoc ualet quod postea Philippo dicitur, Qui uidet me, uidet & patrem.) Nō  
 quòd ipse sit pater & filius, quod in Sabellianis, qui uocantur etiam Patripassiani, catholi-  
 ca fides damnat, sed quòd tam similes sint pater & filius, ut qui unum nouerit, ambos noue-  
 rit: solemus enim de simillimis duobus ita loqui eis qui unū illorum uident, & qualis sit ali-  
 us uolunt nosse, ut dicamus, Vidistis istum, illum uidistis. Sic ergo dictum est, qui me uidet,  
 uidet & patrem, non utiq; ut ipse sit pater qui filius, sed quòd à patris similitudine in nullo  
 prorsus discrepet filius: nam nisi duo essent pater & filius, non dictum esset, si cognouisse-  
 tis me, & patrem meum cognouissetis, utiq; enim, quia nemo, inquit, uenit ad patrem nisi  
 per me, si cognouistis me, & patrem meum cognoscetis, quoniam ego per quem uenitur ad  
 patrem, perducam uos ad eum, ut ipsum etiam cognoscatis: sed quoniam illi sum omnino  
 simillimus, amodo cognoscetis eum cum cognoscitis me, & uidistis eum, si oculis cordis uidi-  
 stis me. Quid ergo est quod dicis Philippe, ostende nobis patrem, & sufficit nobis? Tanto,  
 inquit, tempore uobiscum sum, & non cognouistis me? Philippe qui uidet me, uidet & pa-  
 trem. Quod si ad te multum est hoc uidere, saltem quod non uides hoc crede. Quomodo  
 enim dicis, inquit, ostende nobis patrem? Si me uidisti qui omnimodo similis sum, uidisti  
 illum cui similis sum: quod si uidere non potes, non saltem credis quia ego in patre & pater  
 in me est? Poterat hic dicere Philippus, Video quidem te, & credo te simillimum esse patri:  
 sed nunquid arguendus & obiurgandus est, qui cum similem uidet, etiam illum cui similis  
 est uult uidere? Similem quidem noui, sed adhuc alterum sine altero noui, non mihi suffi-  
 cit, nisi & illum cui est iste similis nouerim, Ostēde itaq; nobis patrem, & sufficit nobis. Sed  
 ideo magister discipulum arguebat, quoniam cor postulantis uidebat. Tanquam enim me  
B lior es

lior esset pater quàm filius, ita Philippus patrē nosse cupiebat, & ideo nec filiū sciebat, quo melius esse aliquid credebat. Ad hunc sensum corrigendum dictum est, qui uidet me, uidet & patrem, quomodo tu dicis, ostende nobis patrem? Video quomodo tu dicas, non alterū quāris uidere similem, sed illum putas esse meliorem. Nō credis, quia ego in patre & pater in me est? Cur in similibus distantiam cupis cernere? Cur inseparabiles separatim desideras nosse? Deinde nō ad solum Philippum, sed ad eos pluraliter loquitur, quā non sunt in angustias coartanda, ut adiuuante illo diligentius exponantur.

De eo quod dicit, Verba quæ ego loquor uobis, à meipso non loquor: usq; ad id quod ait, Si quid petieritis patrē in nomine meo, hoc faciam. Tract. LXXI.



VDITE auribus, accipite mentibus dilectissimi, loquētib; quidem nobis, sed ipso docente qui non recedit à nobis, dominus dicit, quod modo cum legebat; tur audistis. Verba quæ ego loquor uobis, à meipso non loquor: pater autem in me manens, ipse facit opera.) Ergo & uerba opera sunt? Planè ita est, nam profecto qui proximum loquendo ædificat, bonum opus operatur. Sed quid est, à meipso non loquor, nisi à meipso non sum qui loquor? Ei quippe tribuit quod facit, de quo est ipse qui facit: pater enim deus nō est de aliquo, filius autem deus est quidem patri æqualis, sed de patre deo: ideo ille deus, sed non de deo: & lumen, sed non de lumine: iste uero deus de deo, lumen de lumine: nam in his duabus sententijs, una qua dictū est, non à meipso loquor: alia qua dictum est, pater autem in me manens ipse facit opera, singulas tenentes diuersi nobis aduersantur hæretici, qui non ex una parte, sed in contraria conantes, à uia ueritatis exorbitant. Ariani quippe dicunt, ecce inæqualis est patri filius, à seipso nō loquitur: dicunt Sabelliani contrā, id est, patripassiani, ecce qui pater est ipse & filius. Quid enim est, pater in me manens, ipse facit opera, nisi in me maneo ego qui facio? Contraria dicitis, sed non eo modo sicut est falsum contrarium uero, sed sicut sunt inter se duo falsa contraria, errando in diuersa itis, in medio est uia quam relinquitis: inter uosipsum longiore interuallo separati estis, quā ab ipsa uia cuius desertores estis. Vos hinc, uos autem illinc, huc uenite, alteri ad alteros transire nolite, sed hinc atq; illinc ad nos ueniēdo, inuicem uos inuenite. Sabelliani, agnoscite quem prætermittitis: Ariani, æquate quē subditis, & in uia uera nobiscū ambulabitis: est em̄ quod inuicem ex uobis alteri ex alteris admoneri utriq; debeatis. Audi Sabelliane, usq; adeo non ipse pater, sed alter est filius, ut eum Arianus inæqualem asserat patri: audi Ariane, usq; adeo filius æqualis est patri, ut Sabellianus eūdem esse dicat & patrem: tu adde quem tollis, tu adimple quem minuis, & nobiscum ambo consistitis, quia nec tu tollis, nec tu minuis eum: qui & alter est à patre, ut conuincas Sabellianum: & æqualis est patri, ut conuincas Arianum: utriq; enim clamat, Ego & pater unum sumus: quod ait, unum, audiant Ariani: quod ait, sumus, audiant Sabelliani: & nec illi æqualem, nec illi alterum negando sint uani. Si ergo quoniam dixit, uerba quæ ego loquor uobis, à meipso non loquor, propterea putatur usq; adeo imparis potestatis, ut non quod ipse uult faciat: audiatur quod dixit, Sicut pater suscitatur mortuos & uiuificat, sic & filius quos uult uiuificat. Item si quoniā dixit, Pater in me manens ipse facit opera, propterea putatur non alius esse pater, alius ipse: audiatur quod dixit, Quæcunq; pater facit, hæc & filius similiter facit: & intelligatur non bis unus, sed duo unum. Verum quia sic æqualis est alter alteri, ut tamē alter sit ex altero, ideo non loquitur à semetipso, quia non est à seipso: & ideo pater in illo manens facit opera ipse, quia per quem & cum quo facit, non est nisi ab ipso: deniq; adiungit & dicit, Non creditis quia ego in patre, & pater in me est? alioquin propter opera ipsa credite.) Antea solus Philippus arguebatur, nunc autem non ibi cum solum fuisse qui esset arguendus ostenditur, Propter opera, inquit, ipsa credite, quia ego in patre & pater in me est: neq; enim si separati essemus, inseparabiliter operari ulla ratione possemus. Sed quid est quod sequitur, Amen amen dico uobis, qui credit in me, opera quæ ego facio, & ipse faciet, & maiora horū faciet, quia ego ad patrem uado: & quacūq; petieritis in nomine meo, hæc

Ioan. 10

Ioan. 5



A hæc faciam, ut glorificetur pater in filio. Si quid petieritis in nomine meo, hoc faciam.) Ergo & ille maiora opera seipsum facturum esse promisit. Non se extollat seruus supra dominum, nec discipulus supra magistrum. Maiora quam ipse fecit dicit eos esse facturos, sed in eis uel per eos se faciente, non ipsis tanquam ex seipsis: ei quippe cantatur in psalmo, Dilige me domine uirtus mea. Sed quæ sunt tandem ista maiora? an forte quod ægros ipsis transeuntibus, etiã eorum umbra sanabat? Maius est enim ut sanet umbra quam fimbria. Illud per se fecit, hoc per ipsos, sed tamen utrunq; ipse: ueruntamen quando ista dicebat, uerborum suorum opera commendabat: sic enim dixerat, Verba quæ ego loquor uobis, à me ipso non loquor, Pater autem in me manens, ipse facit opera. Quæ opera tunc dicebat, nisi uerba quæ loquebatur? Audiebant & credebant illi, & eorundem uerborum fructus erat fides illorum. Veruntamen euangelizantibus discipulis, non tam pauci quam illi erant, sed gentes etiam crediderunt. Hæc sunt sine dubitatione maiora: nec tamen ait, Maiora horum facietis, ut solos apostolos ea putaremus esse facturos, Sed qui credit in me, inquit, opera quæ ego facio, & ipse faciet, & maiora horum faciet. Itã ne quicumq; credit in Christum, facit quæ Christus, uel maiora quam Christus? Non prætereunter ista tractanda sunt, nec debent festinatione præcipitari, sed ea cogit concludendus iam sermo iste differri.

De eadem lectione.

Tractatus LXXII.



Vid tibi uelit, & quomodo accipiendum sit quod dominus ait, Qui credit in me, opera quæ ego facio & ipse faciet, non est facile comprehendere, & cū hoc ad intelligendū difficillimū sit, adiecit aliud difficilius, Et maiora horū faciet.) Quid est hoc? Qui faceret opera quæ Christus fecit, nō inueniebamus, qui etiã maiora faciet inuēturī sumus? Sed dixeramus sermone pristino, quia maius fuit umbræ suæ transitu quod discipuli fecerūt, quam fimbriæ suæ tactu quod ipse dominus fecit, sanari languētes. Et quia plures apostolis, quam ipso per os propriū prædicāte domino crediderunt, ut hæc uiderentur opera intelligenda esse maiora: non quo maior esset magistro discipulus, uel domino seruus, uel adoptatus unigenito, uel homo deo: sed quod per illos ipse dignaretur eadē maiora facere, qui dicit illis alio loco, Sine me nihil potestis facere. Ipse quippe (ut alia omittam quæ sunt innumerabilia) sine ipsis fecit eos, sine ipsis fecit hunc mundū, & quia homo etiam ipse fieri dignatus est, sine ipsis fecit & seipsum. Quid autē illi sine ipso nisi peccatum? Deniq; & hic id quod de hac re poterat nos mouere, mox abstulit: cū enim dixisset, Qui credit in me, opera quæ ego facio & ipse faciet, & maiora horum faciet, continuo secutus adiunxit. Quia ego ad patrem uado, & quæcunq; petieritis in nomine meo, hæc faciam.) Qui dixerat faciet, post ait faciam, tanquam diceret, Non uobis impossibile hoc uideatur: non enim poterit esse maior me qui credit in me, sed ego sum factururus, & tūc maiora quam nunc. Maiora per eum qui credit in me, quam præter eum per me: ego tamē ipse præter eum, ego ipse per eum: sed quando præter eum non faciet ipse, quando autem per eum, quamuis non per semetipsum, faciet & ipse. Porro autem maiora facere per eum quam præter eum, non est defectio, sed dignatio, Quid enim retribuunt serui domino, pro omnibus quæ retribuit eis? Quandoquidē inter cætera bona etiam hoc eis donare dignatus est, ut maiora faceret per illos quam præter illos. Nōne ab ore illius diues ille tristis abfcessit, qui uitæ æternæ consiliū quæsiuit? Audiuit, abiecit, & tamen postea quod ab illo auditum non fecit unus, fecerunt multi, cum loqueretur per discipulos magister bonus, contemptibilis ei quem diuitem per seipsum monuit, amabilis eis quos ex diuitibus pauperes, per discipulos pauperes fecit. Ecce maiora fecit prædicatus à credentibus, quam locutus audientibus. Verum hoc adhuc mouet, quod hæc maiora per apostolos fecit, nō autem ipsos tantum significans ait, Opera quæ ego facio & uos facietis, & maiora horum facietis, sed omnes ad suam familiam pertinentes intelligi uolēs, Qui credit in me, inquit, opera quæ ego facio & ipse faciet, & maiora horum faciet. Si ergo qui credit faciet, non credit utique qui non faciet, sicuti est, Qui diligit me mandata mea custodit, unde profecto qui non custodit, non

Ioan. 15

psal. 115

Matth. 19

Matth. 7 dit, non diligit. Item alio loco, Qui audit, inquit, uerba mea hæc, & facit ea, similabo eum uiro prudenti, qui ædificauit domum suam supra petram. Qui ergo non est similis huic uiro prudenti, proculdubio aut uerba hæc audit & non facit, aut omnino nec audit. Qui credit, inquit, in me, licet moriatur uiuet: qui ergo non uiuet, non utiq; credit. Tale etiam hoc est, qui credit in me faciet, non utiq; credit qui non faciet. Quid est hoc fratres? Nunquid inter credentes in Christum non est computandus, qui nō fecerit opera maiora quàm Christus? Durū est, absurdū est, ferri nō potest, nō toleratur nisi intelligatur. Apostolum igitur audiamus, Credēti, inquit, in eū qui iustificat impiū, deputatur fides eius ad iustitiā. In hoc opere facimus opera Christi, quia & ipsum credere in Christo, opus est Christi, hoc operatur in nobis, nō utiq; sine nobis: audi ergo iā & intellige, Qui credit in me, opera quæ ego facio & ipse faciet: prius ego facio, deinde & ipse faciet, quia facio ut faciat. Quæ opera, nisi ut ex impio iustus fiat? Et maiora horū faciet, quorū obsecro? Nunquid nam omniū operū Christi maiora facit, qui cum timore & tremore suam ipsius salutem operatur? Quod utiq; in illo, sed non sine illo Christus operatur. Prorsus maius hoc esse dixerim, quàm est cælum & terra, & quæcunq; cernuntur in cælo & in terra: & cælum enim & terra transibit, prædestinatorū autem, id est, eorum quos præscit, salus & iustificatio permanebit. In illis tantum opera dei, in his autē etiā est imago dei. Sed & in cælis, sedes, dominationes, principatus, potestates, archangeli, angeli, opera sunt Christi. Nunquid etiam his operibus maiora facit, qui operante in se Christo, cooperatur salutem æternam ac iustificationem suam? Non hic audeo præcipitare sententiam: intelligat qui potest, iudicet qui potest, utrum maius sit iustos creare, quàm impios iustificare. Certe enim si æqualis est utrunque potentia, hoc maioris est misericordiæ: hoc est enim magnum pietatis sacramentum quod manifestatum est in carne, iustificatum est in spiritu, apparuit angelis, prædicatum est in gentibus, creditum est in mundo, assumptum est in gloria. Sed omnia opera Christi intelligere ubi ait, Maiora horum faciet, nulla nos necessitas cogit: horum enim forsitan dixit, quæ in illa hora faciebat: tunc enim uerba fidei faciebat, & de his operibus fuerat prælocutus dicēs, Verba quæ ego loquor uobis, à meipso non loquor, pater autem in me manens, ipse facit opera. Tunc igitur uerba eius erant opera eius, & utique minus est uerba iustitiæ prædicare quod fecit præter nos, quàm impios iustificare, quod ita facit in nobis, ut faciamus & nos. Restat inquirere quomodo accipiendum sit. Quodcunq; petieritis patrem in nomine meo, hoc faciam.) Propter multa enim quæ petunt fideles eius nec accipiunt, non parua hinc exoritur quaestio: sed quoniam sermo iste iam claudendus est, ei consideranda rei atque tractanda tribuatur saltem parua dilatio.

De eo quod dicit, Quia ego ad patrem uado, & quodcunq; petieritis patrem in nomine meo, hoc faciam.

Tractatus LXXIII.



**M**AGNAM spem dominus suis promisit sperantibus dicens, Quia ego ad patrem uado, & quodcunq; petieritis in nomine meo, hoc faciam.) Sic ergo perrexit ad patrem, ut non relinqueret indigentes, sed exaudiret petentes. Sed quid est, quodcunq; petieritis, cum uideamus plerunq; fideles eius petere, & non accipere? An forte propterea quia male petunt: nam hoc exprobrauit apostolus Iacobus dicens, Petit is & non accipitis, eo quod male petatis, ut in concupiscentiis uestris infumatis. Male ergo usurus eo quod uult accipere, deo potius miserante non accipit. Proinde si hoc ab illo petitur unde homo lædatur exauditus, magis metuendum est, ne quod posset non dare propitius, det iratus. An non uidimus Israëlitas malo suo impetrasse, quod culpabili concupiscentia petierunt? Concupierant enim carnibus uesti, quibus pluebatur manna de cælo: fastidiebant quippe quod habebant, & quod non habebant, impudenter petebant: quasi non melius peterent, non ut cibus qui deerat indecenti desiderio præstaretur, sed ut ille qui aderat, sanato fastidio sumeretur. Quando enim nos delectant mala, & non delectant



A stant bona, rogare debemus potius deum ut delectent bona, quàm ut concedantur mala. Non quia malum est carne uesci, cum de hac re loquens Apostolus dicat, Omnis creatura <sup>1. Tim. 4</sup> dei bona est, & nihil abiiciendum quod cum gratiarum actione percipitur: sed quia sicut idem ipse ait, Malum est homini qui per offendiculum manducat. Et si per hominis offensionem, quanto magis dei? Cuius in Israëlitis non parua erat offensio, repudiare quod dabat sapientia, & petere id quo inhiabat concupiscentia, quamuis illi nec peterent, sed quia deerat murmurarent, sed ut sciremus non dei creaturam esse culpabilem, sed inobedientiam contumacem & inordinatam cupiditatem, non propter porcum, sed propter pomum mortem primus homo inuenit, & Esau primatus suos non propter gallinam, sed propter lenticulam perdidit. Quomodo ergo intelligendum est, quodcunque petieritis, hoc faciam, si deus aliqua petentibus fidelibus etiam consulendo non facit? An forte solis apostolis hoc dictum debemus accipere? Absit. Vnde enim ad hoc uenit ut diceret quod superius dixerat, Qui credit in me, opera quæ ego facio & ipse faciet, & maiora horum faciet, de qua re iam pristino sermone tractauimus, & ne quisquam hoc sibi tribueret, ut etiam illa opera maiora à seipso facere ostenderet, adiecit atque ait, Quia ego ad patrem uado, & quodcunque petieritis in nomine meo, hoc faciam. Nunquid in eum soli apostoli crediderunt? Ad eos itaque loquebatur dicendo, Qui credit in me, in quibus eo donante etiam nos sumus, qui utique non quodcunque petimus accipimus. Ipsos quoque beatissimos si cogitemus apostolos, inuenimus eum qui plus omnibus laborauit, non autem ipse, sed gratia dei cum ipso, ter dominum rogasse ut ab eo discederet angelus satanæ, nec tamen quod rogauerat accepisse. Quid dicemus charissimi? Putabimus ne hoc promissum ubi quodcunque petieritis hoc faciam, nec apostolis fuisse ab illo completum? Et cui tandem quod promittit impleuit, si apostolos suos in sua promissione fraudauit? Euigila igitur homo fidelis, & uigilanter audi quod illic positum est, in nomine meo. Ipsum enim quodcunque, non ait petieritis utcunque, sed in nomine meo. Quis promissit ergo tam magnum beneficium? qui uocatur utique Christus Iesus. Christus significat regem, Iesus significat saluatorem. Non itaque nos saluos faciet quicunque rex, sed rex saluator, ac per hoc quodcunque petimus aduersus utilitatem salutis, non petimus in nomine saluatoris, & tamen ipse saluator est, non solum quando facit quod petimus, uerumetiam quando non facit, quoniam quod uidet peti contra salutem, non faciendo potius se exhibet saluatorem: nouit enim medicus quid pro sua, quid contra suam salutem poscat agrotus, & ideo contraria poscentis non facit uoluntatem ut faciat sanitatem: quapropter quando uolumus ut fiat quodcunque petimus, non utcunque sed in nomine eius, hoc est in nomine saluatoris petamus. Non ergo contra nostram salutem petamus, quod si fecerit, non ut saluator facit, quod est nomen fidelibus eius. Est quippe impijs & damnator, qui dignatur fidelibus esse saluator. Qui ergo credit in eum, quodcunque petierit in eo nomine, quod est illis qui credunt in eum, hoc facit, quoniam hoc sicut saluator facit. Si autem qui in eum credit, aliquid per ignorantiam contra suam salutem petit, non in nomine saluatoris petit, quia saluator ei non erit, si quod eius salutem impedit, fecerit. Vnde tunc expedit potius, ut non faciendo propter quod inuocatur, faciat quod uocatur. Propterea non solum saluator, sed etiam magister bonus, ut faciat quodcunque petierimus, in ipsa oratione quam nobis dedit, docuit quid petamus, ut etiam sic intelligamus non petere nos in nomine magistri, quod petimus præter regulam ipsius magisterij. Sanè quædam quamuis in nomine eius petamus, id est, secundum saluatorem & secundum magistrum petamus, non tunc quando petimus facit, sed tamen facit. Neque enim quia & illud petimus ut ueniat regnum dei, propterea non facit quod petimus, quia non statim cum illo in æternitate regnamus: differtur enim quando petimus, non negatur. Veruntamen orantes tanquam seminantes non deficiamus, tempore enim proprio metemus ut simul petamus quando bene petimus, ut non faciat quod non bene petimus, quia & ad hoc pertinet quod in eadem oratione dominica dicimus, Ne nos infer- <sup>Mat. 6</sup>

ras in tentationem: neque enim parua est tentatio, si contra tuam sit causam tua postulatio. Non autem negligenter audiendum est, quod dominus ne quisquam eum putaret quod se promissit facere petentibus, sine patre esse facturum, cum dixisset, quodcumque petieritis in nomine meo, hoc faciam, continuo subiecit, Vt glorificetur pater in filio, si quid petieritis in nomine meo, hoc faciam. Nullo modo igitur sine patre hoc filius facit, quandoquidem ut in illo pater glorificetur, propterea facit. Facit ergo pater in filio, ut filius glorificetur in patre: & facit filius in patre, ut pater glorificetur in filio, quoniam unū sunt pater & filius.

De eo quod dicit, Si diligitis me, mandata mea seruare, usque ad id quod ait, Vos autem cognoscetis eum, quia apud uos manebit & in uobis erit.

Tractatus LXXIII.



**V**idimus fratres cum euangelium legeretur dominum dicentem, Si diligitis me, mādata mea seruare. Et ego rogabo patrem, & alium paracetum dabit uobis, ut maneat uobiscum in æternum, spiritum ueritatis quē mundus nō potest accipere, quia nō uidet eum, nec scit eum. Vos autem cognoscetis eum, quia apud uos manebit & in uobis erit. Multa sunt quæ in istis paucis uerbis domini requirantur. Sed multum est ad nos uel omnia quæ hic quærenda sunt quærere, uel omnia quæ hic quærimus inuenire. Veruntamen quantum nobis dominus donare dignatur, pro nostra & uestra capacitate quid dicere debeamus, & quid audire debeatis, attendentes per nos charissimi, quod possumus sumite, & ab illo quod non possumus poscite. Spiritum paracetum Christus promissit apostolis, quo autem modo promiserit, aduertamus. Si diligitis me, inquit, mandata mea seruare, & ego rogabo patrem, & alium paracetum dabit uobis, ut maneat uobiscum in æternum, spiritum ueritatis. Hic est utique in trinitate spiritus sanctus, quem patri & filio consubstantiali & coæternum fides catholica confitetur: ipse est de quo dicit Apostolus, Charitas dei diffusa est in cordibus nostris per spiritum sanctū qui datus est nobis: quomodo ergo dominus dicit, Si diligitis me, mandata mea seruare, & ego rogabo patrem, & alium paracetum dabit uobis, cum hoc dicat de spiritus sancto, quē nisi habeamus, nec diligere deum possumus, nec eius mandata seruare? Quomodo diligimus ut eum accipiamus, quem nisi habeamus, diligere non ualemus? Aut quomodo mandata seruabimus ut eum accipiamus, quem nisi habeamus, mandata seruare non possumus? An forte præcedit in nobis charitas, qua diligimus Christum, ut diligēdo Christum eiusq; mandata faciendo, mereamur accipere spiritum sanctum, ut charitas non Christi, quæ iam præcesserat, sed dei patris diffundatur in cordibus nostris per spiritum sanctum qui datus est nobis? Peruersa est ista sententia, qui enim se filium diligere credit, & patrem non diligit, profecto nec filium diligit, sed quod sibi ipse confinxit: deinde apostolica uox est, Nemo dicit dominus Iesus nisi in spiritus sancto. Et quis dominum Iesum, nisi qui cum diligit dicit? Si eo modo dicit quo Apostolus intelligi uoluit, multi enim uoce dicunt, corde autem & factis negant, sicut de talibus ait, Confitentur enim se nosse deum, factis autem negant. Si negatur factis, proculdubio etiam dicitur fecte. Nemo itaq; dicit dominus Iesus, animo, uerbo, facto, corde, ore, opere: nemo dicit dominus Iesus, nisi in spiritus sancto, & nemo sic dicit, nisi qui diligit. Iam itaque apostoli dicebant dominus Iesus, & si eo modo dicebant, ut non fecte dicerent, ore confitentes, corde & factis negantes. Prorsus si ueraciter hoc dicebāt, proculdubio diligebāt. Quomodo igitur diligebant, nisi in spiritus sancto? Et tamen eis prius imperatur ut diligant eum, & eius mandata conseruent, ut accipiant spiritum sanctum, quem nisi haberent, profecto diligere & mandata seruare non possent. Restat ergo ut intelligamus spiritum sanctum habere qui diligit, & habendo mereri ut plus habeat, & plus habendo plus diligit. Iam itaque habebant spiritum discipuli, quem dominus promittebat, sine quo cum dominum non dicebant, nec tamen eum adhuc habebant, sicut eum dominus promittebat. Et habebant ergo, & non habebant, qui quantum habent

Rom. 5

1. Cor. 12

ad Titum 1



A dus fuerat, nondum habebant. Habebant itaque minus, dandus erat eis amplius, habebant occulte, accepturi fuerant manifeste, quia & hoc ad maius donum sancti spiritus pertinebat, ut eis innotesceret quod habebant: de quo munere loquens Apostolus ait, Nos autem non spiritum huius mundi accepimus, sed spiritum qui ex deo est, ut sciamus quæ à deo donata sunt nobis: nam & ipsam manifestam imperfectionem spiritus sancti non semel, sed bis numero dominus egit. Mox enim ut resurrexit à mortuis insufflans ait, Accipite spiritum sanctum. Nunquid igitur quia tunc dedit, ideo non misit etiam postea quem promisit? Aut non idem ipse est spiritus sanctus, qui & tunc est insufflatus ex ipso, & postea ab ipso missus è cælo? Quapropter cur ipsa quæ facta est euidenter donatio eius, bis facta fuerit, alia quæstio est: fortassis enim propter duo præcepta dilectionis, hoc est proximi & dei, commendaretur ad spiritum sanctum pertinere dilectio, hæc eius gemina est in manifestatione facta donatio. Et si alia causa querenda est, non nunc eius inquisitione in longior rem quam oportet modum sermo iste mittendus est, dum tamen constet sine spiritu sancto Christum nos diligere, & mandata eius seruare non posse, & id nos posse atque agere tanto minus, quanto illum percipimus minus: tanto autem amplius, quanto illum percipimus amplius. Proinde non solum non habenti, uerum etiam habenti non incassum promittitur, non habenti quidem, ut habeatur, habenti autem, ut amplius habeatur, nam nisi ab alio minus, ab alio amplius haberetur, sanctus Helisæus sancto Helix non diceret, Spiritus qui est in te, duplex sit in me: quando autem ait Ioannes Baptista, Non enim ad mensuram dat deus spiritum, de ipso dei filio loquebatur, cui non est datus spiritus ad mensuram, quia in illo inhabitat omnis plenitudo diuinitatis. Neque enim sine gratia spiritus sancti est mediator dei & hominum homo Christus Iesus, nam & ipse dicit de se fuisse prophetæ cum illud impletum, Spiritus domini super me, propter quod unxit me, euangelizare pauperibus misit me. Quod enim est unigenitus, æqualis patri, non est gratiæ, sed naturæ: quod autem in unitatem personæ unigeniti assumptus est homo, gratiæ est non naturæ, confitente euangelio atque dicente, Puer autem crescebat & confortabatur plenus sapientia, & gratia dei erat in illo. Cæteris autem ad mensuram datur, & datus additur, donec unicuique proportio sui perfectionis propria mensura compleatur: unde & monet Apostolus non plus modo suæ perfectionis propria mensura compleatur: unde & monet Apostolus non plus sapere quam oportet sapere, sed sapere ad temperantiam, unicuique sicut deus partitus est mensuram fidei. Neque enim ipse diuiditur spiritus, sed dona per spiritum: nam diuisiones donationum sunt, idem autem spiritus: quod uero ait, Rogabo patrem, & alium paracletum dabit uobis. Ostendit & seipsum esse paracletum. Paracletus enim latine dicitur aduocatus: & dictum est de Christo, Aduocatum habemus ad patrem Iesum Christum iustum. Sic autem mundum dixit non posse accipere spiritum sanctum, sicut etiam dictum est, Prudentia carnis inimica est deo, legi enim dei non est subiecta, nec enim potest, uelut si dicamus, iniustitia iustitia esse non potest. Mundum quippe ait hoc loco, mundi significans discipulos, quæ dilectio non est à patre. Et ideo dilectioni huius mundi, de qua satagimus, ut minuatur & consumatur in nobis, contraria est dilectio dei, quæ diffunditur in cordibus nostris per spiritum sanctum, qui datus est nobis. Mundus ergo eum accipere non potest, quia non uidet eum, neque scit eum. Non enim habet inuisibiles oculos mundana dilectio, per quos uideri spiritus sanctus nisi inuisibiliter non potest. Vos autem, inquit, cognoscetis eum, quia apud uos manebit, & in uobis erit. Erit in eis ut maneat, non manebit ut sit: prius est enim esse alicubi, quam manere. Sed ne putarent quod dictum est, apud uos manebit, ita dictum quemadmodum apud hominem hospes uisibiliter manere consuevit, exposuit quid dixerit, apud uos manebit, cum adiunxit & dixit, in uobis. Ergo inuisibiliter uidetur, nec si non sit in uobis, potest esse in uobis eius scientia. Sic enim à uobis uidetur in nobis, id est, nostra conscientia: nam faciem uidemus alterius, nostram uidere non possumus: conscientiam uero nostram uidemus, alterius non uidemus. Sed conscientia nunquam est nisi in nobis: spiritus autem sanctus potest esse

esse etiā sine nobis. Datur quippe ut sit & in nobis, sed uideri & sciri quemadmodū uiden-  
 dus & sciendus est, non potest à nobis, si non sit in nobis.

De eo quod dicit, Non relinquam uos orphanos, ueniam ad uos, usque ad id  
 quod ait, Et qui diligit me, diligitur à patre meo, & ego diligam eum, & manife-  
 stabo ei meipsum,

## Tractatus LXXV.

**P**OST promissionem spiritus sancti, ne quisquam putaret quod ita eū dominus  
 daturus fuerit uelut pro seipso, ut non & ipse cum eis esset futurus, adiecit atq;  
 ait, Non relinquam uos orphanos, ueniam ad uos. Orphani pupilli sunt: il-  
 lud enim Græcum eiusdem rei nomen est, hoc Latinū: nam & in psalmo ubi le-  
 gitur, Pupillo tu eris adiutor, Græcus habet orphano. Quāuis ergo nos filius dei suo pa-  
 tri adoptauerit filios, & eundem patrem nos uoluerit habere per gratiam, qui eius pater  
 est per naturam, tamen etiam ipse circa nos paternum affectum quodammodo demonstrat  
 cum dicit, Non relinquam uos orphanos, ueniam ad uos: hinc est quod etiam sponsi filios  
 nos appellat, ubi ait, Veniet hora ut auferatur ab eis sponsus, & tunc ieiunabūt filij sponsi.  
 Quis autem sponsus nisi dominus Christus: deinde sequitur & dicit, Adhuc modicum &  
 mundus me iam non uidet. Quid enim? Tunc eum uidebat mundus, quandoquidē mun-  
 di nomine uult intelligi eos de quibus superius locutus est, dicens de spiritu sancto quem  
 mundus accipere non potest, quia non uidet eum neq; cognoscit eum. Videbat eum planē  
 mundus carnis oculis in carne conspicuum, non autem uidebat quod in carne uerbum la-  
 tebat. Uidebat hominem, non uidebat deum, uidebat indumentum, non uidebat indutū.  
 Sed quoniam cum post resurrectionem etiam ipsam carnem suam quam nō solum uiden-  
 dam, uerum etiam contrectandā suis uoluit demonstrare, non suis subtrahere: fortasse hinc  
 intelligendum est esse dictum, Adhuc modicum & mundus me iam non uidet. Vos autē  
 uidetis me, quia ego uiuo, & uos uiuetis. Quid est, quia ego uiuo, & uos uiuetis? Cur de  
 præsenti se dixit uiuere, illos autem de futuro esse uicturos, nisi quia uitam etiam carnis uti-  
 que resurgentis qualis in ipso praecebat, & illis est pollicitus secuturam? Et quia ipsius  
 mox futura erat resurrectio, præsenti posuit temporis uerbum propter significandam ce-  
 leritatem, illorum autem quoniam seculi differtur in finem, non ait uiuitis, sed uiuetis. Du-  
 as ergo resurrectiones, suam scilicet mox futuram, & nostram in seculi fine uenturam, duo-  
 bus uerbis præsenti temporis & futuri, eleganter breuiterq; promisit. Quia ego, inquit, ui-  
 uo & uos uiuetis, quia uiuit, ideo & nos uiuemus, Per hominem quippe mors, & per ho-  
 minem resurrectio mortuorum: sicut enim in Adam omnes moriuntur, ita & in Christo  
 omnes uiuificabuntur, quoniam nemo ad mortem nisi per illū, nemo ad uitā nisi per Chri-  
 stum. Quia nobis uiuimus, mortui sumus: quia uiuit ipse, uiuemus nos. Mortui sumus illi,  
 quādo uiuimus nobis: quia uero mortuus est ille pro nobis, & sibi uiuit & nobis: quia enim  
 uiuit ille, & nos uiuemus: nam sicut per nos mortē habere potuimus, nō sic & uitam per nos  
 habere possumus. In illo die, inquit, uos cognoscetis, quia ego sum in patre, & uos in me,  
 & ego in uobis. In quo die, nisi de quo ait, & uos uiuetis? Tunc enim erit, ut possimus uide-  
 re quod credimus, nam & nunc est in nobis, & nos in illo: sed hoc nunc credimus, tunc etiā  
 cognoscemus, quamuis & nunc credendo nouerimus, sed tunc contemplando noscemus.  
 Quādiu enim sumus in corpore quale nunc est, id est corruptibili, quod aggrauat animā,  
 peregrinamur à domino, per fidem enim ambulamus, non per speciem: tunc ergo per speciem  
 quoniam uidebimus eū sicuti est, nā si etiā nūc Christus in nobis nō esset, nō diceret Apōsto-  
 lus, Si autem Christus in nobis, corpus quidem mortuum est propter peccatum, spiritus au-  
 tem uita est propter iustitiā. Quia uero & nos etiam nunc in illo sumus, satis ostendit ubi  
 dicit, Ego sum uitis, uos palmites. In illo ergo die quando uiuemus ea uita, qua mors ab-  
 sorbebitur, cognoscemus quia ipse in patre, & nos in ipso, & ipse in nobis, quia tunc perfici-  
 etur hoc ipsum, quod & nunc inchoatum est iam per ipsum, ut sit in nobis & nos in ipso.  
 Qui habet, inquit, mandata mea & seruat ea, ille est qui diligit me. Qui habet  
 in me



TRACTATUS LXXVI. DE OMNIBUS  
A in memoria, & seruat in uita: qui habet in sermonibus, & seruat in moribus: qui habet audiendo, & seruat faciendo: aut qui habet faciendo, & seruat perseverando, Ipse est, inquit, qui diligit me. Opere est demonstranda dilectio, ne sit infructuosa nominis appellatio. Et qui diligit me, inquit, diligetur à patre meo, & ego diligam eum, & manifestabo ei meipsum.) Quid est diligam, tanquam tunc dilecturus sit, & nunc non diligit? Absit. Quomodo enim nos pater sine filio, aut filius sine patre diligeret? Quomodo cum inseparabiliter operentur, separabiliter diligunt? Sed ad hoc dixit, diligam eum, ad quod sequitur, & manifestabo ei meipsum. Diligam & manifestabo, id est, ad hoc diligam ut manifestem: nunc enim ad hoc dilexit, ut credamus, & mandatum fidei teneamus: tunc ad hoc diligit, ut uideamus, & ipsa uisione mercedem fidei capiamus: quia & nos nunc diligimus credendo quod non uidemus: tunc autem diligemus uidendo quod credimus.

De eo quod sequitur, Dicit ei Iudas, non ille Iscariotes, Domine quid factū est, quia nobis manifestaturus es teipsum & non mūdo, usq; ad id quod ait, Sermo quē audistis non est meus, sed eius qui misit me patris. Tract. LXXVI.

mo quē audistis non est meus, sed eius qui milit me patris. **I**NTERROGANTIBUS DISCIPULIS, & eis magistro respondente Iesu, etiam nos tanquam cum illis discimus, quando sanctum euangelium uel legimus uel audimus. Quia ergo dixerat dominus, Adhuc modicum & mundus me iam non uidet, uos autem uidebitis me. Interrogauit eum de hoc ipso Iudas, non ille traditor eius qui Iscariotes cognominatus est, sed cuius & epistola inter scripturas canonice legitur. Domine, quid factum est quia nobis manifestaturus es te ipsum, & non mundus? Simus cum ipsis tanquam interrogantes discipuli, communemque magistrum audiamus & nos. Iudas enim sanctus, non immundus, nec insectator domini, sed sectator, causam quaesuit quare se non mundo, sed suis manifestaturus esset Iesus, quare adhuc modicum & mundus non uideret eum, ipsi autem uiderent eum. Respondit Iesus & dixit ei, Si quis diligit me, sermonem meum seruabit, & pater meus diligit eum, & ad eum ueniemus, & mansionem apud eum faciemus. Qui non diligit me, sermones meos non seruat. Ecce exposita est causa, quare e suis manifestaturus est, non alienis, quos mundi nomine appellat, & ipsa est causa quod hi diligant, illi non diligant: ipsa causa est de qua sacer insonat psalms, Iudica me deus, & discerne causam meam de gente non sancta. Qui enim diligunt, quia diligunt, eliguntur: qui uero non diligunt, si linguis hominum loquantur & angelorum, fiunt aëramentum sonans & cymbalum tinniens, & si habuerint prophetiam, & scierint omnia sacramenta, & omnem scientiam, & habuerint omnem fidem ut montes transferant, nihil sunt; & si distribuerint omnem substantiam suam, & tradiderint corpus suum ut ardeant, nihil eis prodest. Dilectio sanctos discernit à mundo, quæ facit unanimes habitare in domo, in qua domo pater & filius mansionem faciunt, qui donant & ipsam dilectionem, quibus donent in fine etiam ipsam suam manifestationem. De qua discipulus magister interrogabat, ut non solum illi qui tunc audiebant per os eius, sed etiam nos per euangelium eius hoc nosse possimus: quaesierat enim de Christi manifestatione, & audiuit de dilectione atque mansionem. Est ergo quædam dei manifestatio interior, quam prius impij non nouerunt, quibus dei patris & spiritus sancti manifestatio nulla est: filij uero potuit esse, sed in carne, quæ nec talis est qualis illa, nec semper illis adesse potest qualiscunque sit, sed ad modicum tempus, & hoc ad iudicium, non ad gaudium, ad supplicium, non ad præmium. Nunc est ergo ut intelligamus quantum aperire ille dignatur, quomodo dictum sit, Adhuc modicum & mundus me iam non uidet, uos autem uidebitis me. Verum est quidem, quod post paululum etiam corpus suum in quo poterant eum & impij oculis uidere, oculis eorum fuerat subtracturus: quandoquidem post resurrectionem neminem eum uidit illorum, sed quoniam dictum est testantibus angelis, Sic ueniet quemadmodum uideratis eum uidistis eum euntem in cælum, nec aliud credimus quam eum in eodem corpore ad iudicium uiuorum & mortuorum esse uenturum. Proculdubio tunc eum uidebit mundus, quo

dus, quo nomine significati sunt à regno eius alieni: ac per hoc lóge melius intelligitur iam  
 illud tempus significare uoluisse in eo quod ait, Adhuc modicum & mundus me iam non  
 uidet, quando in fine seculi auferetur ab oculis damnatorum, ut illi eum de cætero uideant,  
 apud quos diligentes eum, facit pater atq; ipse mansionem. Modicū autem dixit, quia & id  
 quod prolixum uidetur hominibus, breuissimum est ante oculos dei: de hoc quippe modi-  
 co iste ipse Ioannes, Filioli, inquit, nouissima hora est. Ne quis porrò existimet patrem tan-  
 tummodo & filium sine spiritu sancto apud dilectores suos facere mansionem, recolat  
 quod superius de spiritu sancto dictum est, Quem mundus non potest accipere, quia non  
 uidet eum, nec scit eum: uos autem cognoscetis eum, quia apud uos manebit, & in uobis er-  
 rit. Ecce facit in sanctis cum patre & filio sanctus etiam spiritus mansionem, intus utiq; tan-  
 quam deus in templo suo. Deus trinitas pater & filius & spiritus sanctus ueniunt ad nos,  
 dum uenimus ad eos: ueniunt subueniendo, uenimus obediendo: ueniunt illuminando,  
 uenimus intuendo: ueniunt implendo, uenimus capiendo, ut sit nobis eorum non extraria  
 uisio, sed interna, & in nobis eorum non transitoria mansio, sed aterna: sic mundo non se fi-  
 lius manifestat. Mundus enim dictus est hoc loco, de quibus continuo subiunxit atq; ait,  
 Qui non diligit me, sermones meos non seruat. Hi sunt qui patrem & spiritum sanctum  
 nunquam uident: filium autem non ut beatificentur, sed ut iudicentur, ad modicum uidet:  
 nec ipsum in forma dei ubi est cum patre & spiritu sancto pariter inuisibilis, sed in forma  
 hominis, ubi esse uoluit mundo patiundo contemptibilis, iudicando terribilis: quod uero  
 adiunxit, Et sermo quem audistis non est meus, sed eius qui misit me patris. Non mire-  
 mur, non pauemus, non est minor patre, sed non est nisi à patre: non est impar ipso, sed  
 non est à seipso: neque enim mentitus est dicendo, Qui non diligit me, sermones meos  
 non seruat, ecce suos dixit esse sermones. Nunquid sibi ipse est contrarius, ubi rursus di-  
 xit, Et sermo quem audistis non est meus? Aut quia secundum hominem non est suus?  
 Et fortasse propter aliquā distinctionem, ubi suos dixit pluraliter dixit, hoc est sermones:  
 ubi autem sermonem, hoc est uerbum, non suum dixit esse, sed patris, seipsum intelligi uo-  
 luit. In principio enim erat uerbum, & uerbum erat apud deum, & deus erat uerbum. Non  
 itaq; suum, sed patris est uerbum, quomodo nec sua imago, sed patris est, nec suus filius idē  
 ipse, sed patris. Recte igitur tribuit auctori quicquid fecit æqualis, à quo habet hoc ipsum,  
 quod illi est indifferenter æqualis.

De eo quod sequitur, Hæc locutus sum uobis apud uos manens, usque ad id  
 quod ait, Pacem meam do uobis, non quomodo mundus dat ego do uobis.

#### Tractatus LXXVII.



In præcedenti lectione sancti euangelij, quam sequitur ista quæ modo recitata  
 est, dominus Iesus dixerat se & patrem ad dilectores suos esse uētu-  
 ros, & apud eos mansionem esse facturos. Iam uero & superius dixerat de spiritu sancto,  
 Vos autem cognoscetis eum, quia apud uos manebit, & in uobis erit, unde in-  
 telleximus in sanctis tanquam in templo suo simul manere trinitatem deum: nunc autem  
 dicit, Hæc locutus sum uobis apud uos manens. Illa itaq; mansio alia est quam promi-  
 sit futuram, hæc uero alia quam præsentem esse testatur. Illa spiritalis est, atque intrinsecus  
 mentibus redditur, hæc corporalis forinsecus oculis atque auribus exhibetur: illa in æternū  
 beatificat liberatos, hæc in tempore uisitat liberandos: secundum illam dominus à suis dile-  
 ctoribus non recedit, secundum hanc it & redit. Hæc, inquit, locutus sum uobis, apud uos  
 manens, utiq; præsentia corporali, qua cum illis uisibilis loquebatur. Paracletus autem,  
 inquit, spiritus sanctus, quem mittet pater in nomine meo, ille uos docebit omnia, & com-  
 memorabit uobis omnia quæcunque dixero uobis. Nunquid nam dicit filius, & docet  
 spiritus sanctus, ut dicente filio uerba capiamus, docente autem spiritu sancto eadem  
 uerba intelligamus? Quasi dicat filius sine spiritu sancto, aut spiritus sanctus doceat  
 sine filio, aut uero non & filius doceat, & spiritus sanctus dicat, & cum deus aliquid  
 dicit &



A dicit & docet, trinitas ipsa dicat & doceat: sed quoniam trinitas est, oportebat eius singulas  
 insinuare personas, easque nos distincte audire, inseparabiliter intelligere. Audi patrem di-  
 centem ubi legis, Dominus dixit ad me, filius meus es tu: audi & docentem ubi legis, Omnis <sup>psal. 2</sup>  
 qui audiuit à patre & didicit, uenit ad me: filium uero dicentem modo audisti: de se quippe <sup>ioan. 6</sup>  
 ait, Quaecumque dixerò uobis. Quem etsi docentem uis nosse, magistrum recole, Vnus est, in- <sup>Matth. 23</sup>  
 quit, magister uester Christus. Spiritum porro sanctum quem modo audisti docentem ubi  
 dictum est, Ipse uos docebit omnia: audi etiam dicentem, ubi legis in actibus Apostolorum, <sup>Act. 10</sup>  
 beato Petro dixisse spiritum sanctum, Vade cum illis, quia ego misi eos. Omnis igitur & di-  
 cit & docet trinitas: sed nisi etiam singillatim commendaretur, eam nullo modo humana  
 capere utcumque possit infirmitas. Cum ergo omnino sit inseparabilis, nunquam trinitas esse  
 sciretur, si semper inseparabiliter diceretur: nam & cum dicimus patrem & filium & spiritum san-  
 ctum, non eos utique dicimus simul, cum ipsi non possint esse nisi simul. Quod uero addidit, com-  
 memorabit uobis, intelligere debemus etiam, quod iubemur non obliuisci saluberrimos mo-  
 nitus ad gratiam pertinere, quam nobis commemorat spiritus. Pacem, inquit, relinquo uo-  
 bis, pacem meam do uobis. hoc autem est quod legimus apud prophetam, Pacem super  
 pacem, pacem nobis relinquit iturus, pacem suam nobis dabit in fine uenturus, pacem nobis  
 relinquit in hoc seculo, pacem suam nobis dabit in futuro seculo, pacem nobis relinquit, in  
 qua manentes hostem uincimus, pacem suam nobis dabit, quando sine hoste regnabimus,  
 pacem relinquit nobis, ut etiam hic inuicem diligamus, pacem suam nobis dabit, ubi nun-  
 quam dissentire possimus, pacem relinquit nobis, ne de occultis nostris inuicem iudicemus,  
 cum in hoc sumus mundo, pacem suam dabit nobis, cum manifestabit cogitationes cordis  
 & tunc laus erit unicuique à deo. In illo tamen atque ab illo nobis est pax, siue quam nobis re-  
 linquit iturus ad patrem, siue quam nobis dabit nos perducturus ad patrem. Quid autem  
 nobis relinquit ascendens à nobis, nisi seipsum dum non recedit à nobis? Ipse est enim pax  
 nostra, qui fecit utraque unum. Pax ergo ipse nobis est, & cum credimus quia est, & cum uide-  
 mus eum sicut est: si enim quandiu sumus in corpore corruptibili quod aggrauat animam,  
 cum per fidem ambulamus, non per speciem, non deserit peregrinantes à se, quanto magis  
 cum ad ipsam speciem uenerimus, nos implebit ex se. Sed quid est quod ubi ait, Pacem relin-  
 quo uobis, non addidit meam: ubi uero ait, pacem do uobis, ibi dixit meam? Vtrum subau-  
 diendum est meam, & ubi dictum non est, quia postea dictum est, potest referri ad utrumque  
 etiam quod semel dictum est? An forte & hic aliquid latet quod petendum est & quaren-  
 dum, & ad quod pulsantibus aperiendum? Quid si enim pacem suam eam uoluit intelli-  
 gi qualem habet ipse? Pax uero ista quam nobis relinquit in hoc seculo, nostra est potius di-  
 cenda quam ipsius. Ille quippe nihil repugnat in seipso, qui nullum habet omnino peccatum: <sup>Mat. 6</sup>  
 nos autem talem pacem nunc habemus, in qua adhuc dicamus, Dimitte nobis debita noi-  
 stra. Est ergo nobis pax aliqua, quoniam condelectamur legi dei secundum interiorem  
 hominem, sed non est plena, quia uidemus aliam legem in membris nostris, repugnantem le-  
 gi mentis nostrae. Itemque inter nos ipsos est nobis pax, qua inuicem nobis credimus quod  
 diligamus: sed nec ipsa plena est, quia cogitationes cordis nostri inuicem non ui-  
 demus, & quaedam de nobis quae non sunt in nobis, uel in melius inuicem, uel in deterius  
 opinamur. Itaque ista etiam si ab illo nobis relicta est, pax nostra est: nisi enim ab illo, non  
 haberemus & talem, sed ipse non habet talem. Si tenuerimus usque in finem qualem accepi-  
 mus, qualem habet habebimus, ubi nihil nobis repugnet ex nobis, & nihil nos inuicem  
 lateat in cordibus nostris. Nec ignoro ista domini uerba etiam sic accipi posse, ut eius-  
 dem domini sententiae repetitio uideatur. Pacem relinquo uobis, pacem meam, & quod dixerat, re-  
 linquo uobis: hoc repetierit dicens, do uobis. Ut uolet quisque accipiat, me tamen de-  
 lectat, credo & uos fratres mei, delectet sic tenere istam pacem, ubi aduersarium concor-  
 diter uincamus, ut desideremus pacem, ubi aduersarium non habebimus. Quod uero  
 domi-

dominus adiunxit atq; ait, Non quomodo mundus dat, ego do uobis. Quid est aliud, nisi non quomodo homines dant, qui diligunt mundum, ita do uobis. Qui propterea dant si bi pacem, ut sine molestia litium atq; bellorum, non deo, sed amico suo mundo perfruatur: & quando iustis dant pacem, ut non eos persequantur, pax non potest esse uera, ubi non est uera concordia, quia disiuncta sunt corda: quomodo enim consors dicitur, qui sortem iungit: ita ille concors dicendus est, qui corda iungit. Nos ergo charissimi, quibus Christus pacem relinquit, & pacem suam nobis dat, non sicut mundus, sed sicut ille per quem factus est mundus, ut concordemur simus, iungamus inuicem corda, & cor unum sursum habeamus, ne corrumpatur in terra.

De eo quod dicit, Non turbetur cor uestrum neq; formidet. Audistis quia dixi uobis, uado & uenio ad uos, si diligeretis me, gauderetis utiq; quia uado ad patrem, quia pater maior me est.

## Tractatus LXXVIII.



**A** cepimus fratres uerba domini dicentis ad discipulos suos, Non turbetur cor uestrum, neq; formidet. Audistis quia ego dixi uobis, uado & uenio ad uos. Si diligeretis me, gauderetis utiq; quia uado ad patrem, quia pater maior me est. Hinc ergo turbari & formidare poterat cor illorum quod ibat ab eis, quia uis uenturus ad eos, ne forsitan gregem lupus hoc interuallo inuaderet pastoris absentia: sed a quibus homo abscedebat, deus non recedebat, & idem ipse Christus homo & deus. Ergo & ibat per id quod homo erat, & manebat per id quod deus erat: ibat per id quod uno loco erat, manebat per id quod ubiq; erat. Cur itaq; turbaretur & formidaret cor, quando ita deserebat oculos, ut non desereret cor? Quamuis deus etiam qui nullo continetur loco, discedat ab eorum cordibus, qui eum relinquunt moribus, non pedibus, & ueniat ad eos qui conuertuntur ad eum non facie, sed fide, & accedunt ad eum mente, non carne. Ut autem intelligerent secundum id quod homo erat eum dixisse: uado & uenio ad uos, adiecit atq; ait, Si diligeretis me, gauderetis utiq; quia uado ad patrem, quia pater maior me est. Per quod ergo filius non est aequalis patri, per hoc iturus erat ad patrem, a quo uenturus est ui uos & mortuos iudicaturus. Per illud autem in quo aequalis est gignenti unigenitus, nunquam recedit a patre, sed cum illo est ubiq; totus pari diuinitate, quam nullus continet locus. Cum enim in forma dei esset, sicut Apostolus loquitur, non rapinam arbitratus est esse aequalis deo: quomodo enim rapina possit esse natura, quae non erat usurpata, sed nata? Semetipsum autem exinaniuit, formam serui accipiens, non ergo amittens illam, sed accipiens istam, eo modo se exinaniens quo hic minor apparebat, quam apud patrem manebat. Forma quippe serui accessit, non forma dei recessit: haec est assumpta, non illa consumpta: propter hanc dicit, Pater maior me est: propter illam uero, Ego & pater unum sumus. Hoc attendat Arianus, & hac attentione sit sanus, ne contentione sit uanius, aut quod est peius, insanus. Haec est enim forma serui, in qua dei filius minor est, non patre solo, sed etiam spiritu sancto, neq; id tantum sed etiam seipso, quia idem ipse in forma dei maior est seipso. Neq; enim homo Christus non dicitur filius dei, quod etiam sola caro eius in sepulchro meruit appellari: nam quid aliter confitemur cum dicimus credere nos unigenitum dei filium, qui sub Pontio Pilato crucifixus est & sepultus? Et quid eius sepulta est nisi caro sine anima? Ac per hoc cum credimus in dei filium qui sepultus est, profecto filium dei dicimus & carnem quae sola sepulta est. Ipse ergo Christus filius dei, aequalis patri in forma dei, quia semetipsum exinaniuit non formam dei amittens, sed formam serui accipiens, maior est & seipso, quia maior est forma dei quae amissa non est, quam serui quae accepta est. Quid itaq; mirum, uel quid indignum, si secundum hanc formam serui loquens, ait dei filius, Pater maior me est: & secundum dei formam loquens, ait idem ipse dei filius, Ego & pater unum sumus. Vnum sunt secundum id quod deus erat uerbum: & maior est pater, secundum id quod uerbum caro factum est. Dicam etiam quod Ariani & Eunomiani negare non possunt, secundum hanc formam serui puer Christus etiam parentibus suis minor erat, quando paruulus maioribus, sicut scri-



A ptum est, subditus erat. Quid igitur hæretice, cum Christus deus sit & homo loquitur ut homo, & iam calumniaris deo? Ille in se naturam comendat humanam, tu in illo audes deformare diuinam? Infidelis, ingrate, ideo ne tu minuis eum qui fecit te, quia dicit ille quid factus sit propter te? Aequalis enim patri filius per quem factus est homo, ut minor esset pater factus est homo, quod nisi fieret, quid esset homo? Dicat planè dominus & magister noster: Si diligeretis me, gauderetis utique, quia uado ad patrem, quia pater maior me est. Cum discipulis audiamus uerba doctoris, non cum alienis sequamur astutiam deceptoris. Agnoscamus geminam substantiam Christi, diuinam scilicet qua æqualis est patri, humanam quam maior est pater. Vtrūque autem simul, non duo sed unus est christus, ne sit quaternitas, non tri-nitas deus: sicut enim unus est homo anima rationalis & caro, sic unus est Christus deus & homo: ac per hoc Christus est deus, anima rationalis & caro. Christum in his omnibus, Christum in singulis confitemur. Quis est ergo per quem factus est mundus? Christus Iesus, sed in forma dei. Quis est sub Pontio Pilato crucifixus? Christus Iesus, sed in forma serui. Idem <sup>3. sen. dis. 22. ca.</sup> de singulis quibus homo constat. Quis non est derelictus in inferno? Christus Iesus, sed in anima sola: quis resurrexurus triduo iacuit in sepulchro? Christus Iesus, sed in carne sola. Dicitur ergo & in his singulis Christus. Verum hæc omnia non duo uel tres, sed unus est Christus: ideo ergo dixit: Si diligeretis me, gauderetis utique quia uado ad patrem, quoniam natura humanæ gratulandum est, eo quod sic assumpta est à uerbo unigenito, ut immortalis constitueretur in cælo, atque ita fieret terra sublimis, ut incorruptibilis puluis sederet ad dexteram patris: hoc enim modo se iturum dixit ad patrem: nam profecto ad illum ibat qui cum illo erat: sed hoc erat ire ad eum & recedere à nobis, mutare atque immortale facere quod mortale suscepit ex nobis, & leuare in cælum per quod fuit in terra pro nobis. Quare non dehinc gaudeat, qui sic diligit Christum, ut & suam naturam iam immortalem gratuletur in Christo, atque id se speret futurum esse per dominum Christum? Qui cum patre & spiritu sancto uiuit & regnat deus, per omnia secula seculorum amen.

De eo quod dicit: Et nunc dixi uobis priusquam fiat, ut cum factum fuerit credatis, usque ad id quod ait: Et sicut mandatum dedit mihi pater, sic facio: Surgite eamus hinc.

Tractatus

LXXIX.



DOMINVS & saluator noster Iesus Christus, dixerat discipulis suis: Si diligere tis me, gauderetis utique quia uado ad patrem, quia pater maior me est. Quod ex forma serui eum dixisse, non ex forma dei in qua æqualis est patri, nouit fides quæ religiosus est mentibus fixa, non à calumniis & dementibus ficta: deinde subiūxit: Et nunc dixi uobis priusquam fiat, ut cum factum fuerit credatis. Quid est hoc, cum magis homo credere debeat antequam fiat id quod credendum est? Hæc est enim laus fidei, si quod creditur non uidetur: nam quid magnum est, si id creditur quod uidetur, secundum illam eiusdem domini sententiam, quando discipulum arguit dicens: Quia uidisti me credidisti, beati qui non uident & credunt? Et nescio utrum credere dicendus est quisque quod uidet: nam ipsa fides in epistola quæ scribitur ad Hebræos, ita est definita: Est autem fides sperantium substantia, & coniunctio rerum quæ non uidentur. Quapropter si fides est rerum quæ creduntur, eademque fides earum rerum est quæ non uidentur, quid sibi uult quod dominus ait: Et nunc dixi uobis priusquam fiat, ut cum factum fuerit credatis? Nonne potius dicendum fuit, & nunc dixi uobis priusquam fiat ut credatis, quod cum factum fuerit uideatis? Nam & ille cui dictum est: Quia uidisti, credidisti, non hoc credidit quod uidit, sed aliud uidit, aliud credidit. Vidit enim hominem, credidit deum: cernebat quippe atque tangebatur carnem uiuentem, quæ uiderat morientem, & credebat deum in carne ipsa latentem. Credebat ergo mente quod non uidebat, per hoc quod sensibus corporeis apparebat: sed & si dicuntur credi quæ uidentur, sicut dicit unusquisque oculis suis se credidisse, non tamen ipsa est quæ in nobis ædificatur fides, sed ex rebus quæ uidentur, agitur in nobis, ut ea credantur quæ non uidentur. Quocirca dilectissimi, unde nunc mihi sermo est quod dominus ait: Et nunc dixi uobis priusquam fiat, C ut cum

ut cum factum fuerit credatis, illud utiq; dicit, cum factum fuerit, q; eum uisuri erant post mortem uiuentem, & ad patrem ascendentem. Quo uiso illud fuerant credituri, quod ipse esset Christus filius dei uiui, qui potuit hoc facere cum prædixisset, & prædicere anteq; faceret. Creditur autem hoc non fide noua, sed aucta, aut certe cum mortuus esset defecta, cum resurrexisset resecta: neq; enim eum dei filium non & ante credebant, sed cū in illo factū esset quod ante prædixit, fides illa quæ tunc quando illis loquebatur fuit parua, & cum moretetur penè iam nulla, & reuixit & creuit: deinde quid dicit? Iam nō multa loquar uobiscū: uenit enim princeps mundi huius.) Quis nisi diabolus? Et in me non habet quicquam: nullum omnino scilicet peccatum: sic enim ostendit non creaturarum, sed peccatorum principem diabolus, quos nunc nomine mundi huius appellat. Et quotienscunq; mundi nomen in mala significatione ponit, nō ostēdit nisi mundi istius amatores: de quibus alibi scriptū est: Quicumq; uoluerit amicus esse seculi huius, inimicus dei cōstituetur. Absit ergo ut sic intelligatur diabolus princeps mundi, tanq; gerat uniuersi mundi, id est, cœli & terræ, atq; omnium quæ in eis sunt principatum, de quali mundo dictum est, cum de Christo uerbo firmo esset: Et mundus per eum factus est. Vniuersus itaq; mundus à summis cœlis usq; ad infimam terram creatori est subditus, non desertori, redemptori, non interemptori, liberatori, non captiuatori, doctori, non deceptor: quemadmodum autem sit intelligendus princeps mundi diabolus, euidentius aperuit Paulus apostolus, qui cum dixisset: Non est nobis colluctatio aduersus carnem & sanguinem, id est, aduersus homines, subiicit atq; ait, sed aduersus principes & potestates & rectores mundi tenebrarum harum. Sequenti enim uerbo exposuit quid dixisset, mundi, cum subiicit, tenebrarum harum, ne quisq; mūdi nomine intelligeret uniuersam creaturam, cuius nullo modo sunt rectores angeli desertores. Tenebrarū, inquit, harum, id est, mundi istius amatorum, ex quibus tamen electi sunt, non per suū meritum, sed per dei gratiam, quibus dicit: Fuitis enim aliquando tenebræ, nunc autem lux in dño. Omnes enim fuerant sub rectoribus tenebrarum harū, id est, hominū impiorum, tanq; tenebræ sub tenebris, sed gratias deo qui eruit nos, sicut dicit idem Apostolus, de potestate tenebrarum, & transtulit in regnum filij charitatis suæ: In quo princeps huius mundi, hoc est, tenebrarum harum, non habebat quicquam, quia neq; cum peccato deus uenerat, nec eius carnem de peccati propagine uirgo pepererat. Et tanq; ei diceretur, cur ergo moreris si non habes peccatum, cui debeatur mortis supplicium, continuo subiicit. Sed ut cognoscat mundus, quia diligo patrē, & sicut mandatū dedit mihi pater, sic facio: surgite eamus hinc.) Discumbens enim discumbentibus loquebatur, eamus autem dixit: quo? nisi ad illum locum unde fuerat tradendus ad mortem, qui nullum habebat meritum mortis, sed habebat ut moreretur mandatum patris, tanq; ille de quo prædictū erat: quæ non rapui, tunc exoluebam, mortem sine debito soluturus, & nos à morte debita redempturus. Rapuerat autē Adam peccatū, quādo manū in arborē præsumptione deceptus extendit, ut incōmunicabile nomen incōcessæ diuinitatis inuaderet, quā filio dei natura cōtulerat, non rapina.

De eo quod dicit: Ego sum uitis uera, & pater meus agricola est, usq; ad id quod ait: iam uos mundi estis ppter sermonem quē locutus sum uobis: Trac. LXXX

cap. xv



**T** E locus euangelicus fratres, ubi se dicit dñs uitem, & discipulos suos palmites, secundum hoc dicit q; est caput ecclesiæ, nos quoq; membra eius, mediator dei & hominum homo Christus Iesus. Vnius quippe naturæ sunt uitis & palmites. Propter quod cum esset deus, cuius naturæ non sumus, factus est homo, ut in illo esset uitis humana natura, cuius & nos homines palmites esse possimus: quid ergo est: Ego sum uitis uera.) Nunquid ut adderet uera, hoc ad eam uitem retulit, unde ista similitudo translata est? Sic enim dicitur uitis per similitudinem, non per proprietatem, quæ admodū dicitur ouis, agnus, leo, petra, lapis angularis, & cætera huiusmodi, quæ magis ipsa sunt uera, ex quibus ducuntur istæ similitudines, nō proprietates: sed cum dicit, ego sum uitis uera, ab illa se utiq; discernit cui dicitur: Quomodo conuersa es in amaritudinē uitis alienæ? Nam



**A** Nam quo pacto est uitis uera, quæ expectata est ut faceret uuam, fecit autem spinas? Ego sum, inquit, uitis uera: Et pater meus agricola est, omnem palmitem in me non ferentem fructum, tollet eum, & omnem qui fert fructum, purgabit eum, ut fructum plus afferat.) Nunquid unum sunt agricola & uitis? secundum hoc ergo uitis Christus, secundum quod ait, pater maior me est: secundum autem id quod ait: Ego & pater unum sumus, & ipse agricola est, nec talis quales sunt qui extrinsecus operando exhibent ministerium, sed talis ut det etiam intrinsecus incrementum: nam neque qui plantat est aliquid, neque qui rigat, sed qui incrementum dat deus: sed utique deus est Christus, quia deus erat uerbum, unde ipse & pater unum sunt, & si uerbum caro factum est quod non erat, manet quod erat: denique cum de patre tanquam de agricola dixisset, quod infructuosos palmites tollat, fructuosos autem purget ut plus afferant fructum, continuo etiam seipsum mundatorem palmitum ostendens: Iam uos, inquit, mundi estis propter sermonem quem locutus sum uobis.) Ecce & ipse mundator est palmitum, quod est agricola, non uitis officium, qui etiam palmites operarios suos fecit: nam & si non dant incrementum, impendunt tamen aliquod adiumentum, sed non de suo, quia sine me, inquit, nihil potestis facere: audi etiam ipsos confitentes: quid autem est Apollo? quid autem Paulus? Ministri per quos credidistis, & unicuique sicut dominus dedit: ego plantaui, Apollo rigauit: & hoc ergo sicut unicuique dominus dedit, non itaque de suo: iam uero quod sequitur, sed deus incrementum dedit, non per illos, sed per seipsum facit. Excedit hoc humanam humilitatem, excedit angelicam sublimitatem, nec omnino pertinet, nisi ad agricolam trinitatem. Iam uos mundi estis, mundi scilicet atque mundandi: neque enim nisi mundi essent, fructum ferre potuissent: & tamen omnem qui fert fructum purgat agricola, ut fructum plus afferat: fert fructum, quia mundus est, atque ut plus afferat, purgat adhuc. Quis enim est in hac uita sic mundus, ut non sit magis magisque mundandus? Vbi si dixeris, <sup>1. Ioan. 1</sup> Quis enim est in hac uita sic mundus, ut non sit magis magisque mundandus? Vbi si dixeris, mus quia peccatum non habemus, nos ipsos seducimus, & ueritas in nobis non est: si autem <sup>1. q. 1. ca. detrahe</sup> <sup>4. sen. dis. 3. c. 1</sup> confessi fuerimus peccata nostra, fidelis est & iustus qui dimittet nobis peccata, & mundet nos ab omni iniquitate. Mundet itaque mundos, hoc est, fructuosos, ut tanto sint fructuosiores, quanto fuerint mundiores. Iam uos mundi estis propter uerbum quod locutus sum uobis. Quare non ait, mundi estis propter baptismum quo loti estis, sed ait, propter uerbum quod locutus sum uobis, nisi quia & in aqua uerbum mundat: detrahe uerbum, & quid est aqua nisi aqua? Accedit uerbum ad elementum, & fit sacramentum, etiam ipsum tanquam uisibile uerbum: nam & hoc utique dixerat, quando pedes discipulis lauit: qui lotus est, non indiget nisi ut pedes lauet, sed & est mundus totus. Vnde ista tanta uirtus aquæ ut corpus tangat & cor abluat, nisi faciente uerbo? Non quia dicitur, sed quia creditur: nam & in ipso uerbo, aliud est sonus transiens, aliud uirtus manens. Hoc est uerbum fidei quod prædicamus, ait Apostolus, quia si conuersus fueris in ore tuo, quia dominus est Iesus, & credideris in corde tuo quia deus illum suscitauit à mortuis, saluus eris, corde enim creditur ad iusticiam, ore autem confessio fit ad salutem: unde in actibus apostolorum legimus: Fide mundans cor <sup>Act. 13</sup> <sup>1. Pet. 3</sup> eorum: & in epistola sua beatus Petrus, Sic & uos, inquit, baptisma saluos facit, non carnis depositio sordium, sed conscientie bonæ interrogatio, hoc est, uerbum fidei quod prædicamus, quo sine dubio ut mundare possit, consecratur & baptismus. Christus quippe nobiscum uitis, cum patre agricola, dilexit ecclesiam, & seipsum tradidit pro ea. Lege Apostolum, & uide quid adiungat: Vt eam sanctificaret, inquit, mundans eam lauacro aquæ in uerbo. Mundatio igitur nequaquam fluxo & labili tribueretur elemento, nisi adderetur in uerbo. Hoc uerbum fidei tantum ualet in ecclesia dei, ut per ipsum credentem, offerentem, benedicientem, tingentem etiam tantillum mundet infantem, quousque nondum ualentem corde credere ad iusticiam, & ore confiteri ad salutem. Totum hoc fit per uerbum, de quo dominus ait: Iam uos mundi estis propter uerbum quod locutus sum uobis.

De eo quod dicit: Manete in me & ego in uobis, usque ad id quod ait:  
Si manseritis in me, & uerba mea in uobis manserint, quodcumque uo-  
lueritis petetis, & fiet uobis: Tractatus LXXXI.



**V**ITEM se dixit esse Iesus, & discipulos suos palmites, & agricolam patrem: unde iam pridem sicut potuimus disputatum est. In hac autem lectione cum adhuc de seipso qui est uitis, & de suis palmitibus, hoc est, discipulis loqueretur:

Manete, inquit, in me, & ego in uobis: Non eo modo illi in ipso, sicut ipse in illis. Vtrūque autem prodest non ipsi, sed illis: ita quippe in uite sunt palmites, ut uiti non conferant, sed inde accipiant unde uiuant: ita uero uitis est in palmitibus, ut uitale alimentum subministret eis, non sumat ab eis. Ac per hoc & manentem in se habere Christum, & manere in Christo, discipulis prodest utrumque, non Christo: nam praeciso palmite, potest de uiua radice alius pullulare: qui autem praecisus est, sine radice non potest uiuere: denique adiungit & dicit: Sicut palmes non potest ferre fructum à semetipso nisi manserit in uite, sic nec uos, nisi in me manseritis.) Magna gratiae commendatio fratres mei, corda instruit humilium, ora obstruit superbiorum. Ecce si cui audent respondeant, qui ignorantes dei iusticiam & suam uolentes constituere, iusticiae dei non sunt subiecti. Ecce cui respondeant sibi placentes & ad bona opera facienda deum sibi necessarium non putantes: Nonne huic resistunt ueritati, homines mente corrupti, reprobi circa fidem, qui respondent & loquuntur iniquitatem dicentes: A deo habemus quod homines sumus, à nobis ipsis autem quod iusti sumus: Quid dicitis, quid uos ipsos decipitis, non assertores, sed praecipitatores liberi arbitrii, ex alto elationis per inania praesumptionis in profunda submersi: Nempe uox uestra est, quod homo ex semetipso facit iusticiam, hoc est altum elationis uestrae, sed ueritas contradicit & dicit: Palmes non potest ferre fructum à semetipso, nisi manserit in uite. Ite nunc per abrupta, & non habentes ubi figamini, uentosa loquacitate iactamini. Haec sunt inania praesumptionis uestrae: sed quid uos sequatur uidete, & si est in uobis ullus sensus horrete: qui enim à semetipso se fructum existimat ferre, in uite non est: qui in uite non est, in Christo non est: qui in Christo non est, Christianus non est. Haec sunt profunda submersionis uestrae, etiam atque etiam considerate quid adhuc ueritas adiungat & dicat: Ego sum, inquit, uitis, uos palmites: qui manet in me & ego in eo, hic fert fructum multum, quia sine me nihil potestis facere.) Ne quisquam putaret saltem paruum aliquem fructum posse à semetipso palmitem ferre, cum haec dixisset, hic fert fructum multum, non ait, quia sine me parum potestis facere, sed nihil potestis facere. Siue ergo parum siue multum, sine illo fieri non potest, sine quo nihil fieri potest, quia & si parum attulerit palmes, eum purgat agricola ut plus afferat: tamen nisi in uite manserit, & uixerit de radice, quantumlibet fructum à semetipso non potest ferre: quamuis autem Christus uitis non esset, nisi homo esset, tamen istam gratiam palmitibus non praeberet, nisi etiam deus esset. Verum quia ita sine ista gratia non potest uiui, ut & mors in potestate sit liberi arbitrii: Si quis in me, inquit, non manserit, mittetur foras sicut palmes & arescet, & colligent eum & in ignem mittent & ardet.) Ligna itaque uitis tanto sunt contemptibilia si in uite non manserint, quanto gloriosiora si manserint: denique sicut de his etiam per Ezechielem prophetam dominus dicit, praecisa nullis agricolarum usibus pro sunt, nullis fabrilibus operibus deputantur. Vnum de duobus palmiti congruit, aut uitis, aut ignis: si in uite non est, in igne erit: ut ergo in igne non sit, in uite sit. Si manseritis in me, inquit, & uerba mea in uobis manserint, quodcumque uolueritis petetis, & fiet uobis.) Manendo quippe in Christo, quid uelle possunt nisi quod conuenit Christo? Quid uelle possunt manendo in saluatore, nisi quod non est alienum à salute? Aliud quippe uolumus quia sumus in Christo, & aliud uolumus quia sumus adhuc in hoc seculo. De mansionem namque huius seculi nobis aliquando subrepat, ut hoc petamus quod nobis non expedire nescimus. Sed absit ut fiat nobis si manemus in Christo, qui non facit quando petimus, nisi quod expedit nobis. Manentes ergo in eo cum uerba eius in nobis manent, quodcumque uoluerimus petimus



A petimus, & fiet nobis, quia si petimus & non fiet, non hoc petimus quod habet mansio in eo, nec quod habent uerba eius quæ manent in nobis, sed quod habet infirmitas & cupiditas carnis quæ non est in eo, & in qua non manent uerba eius: nam utiq; ad uerba eius pertinet oratio illa quam docuit, ubi dicimus: Pater noster qui es in cœlis. Ab huius orationis Matth. 6 uerbis & sensibus non recedamus petitionibus nostris, & quicquid petierimus fiet nobis. Tunc enim dicenda sunt uerba eius in nobis manere, quando facimus quæ præcepit, & diligimus quæ promisit: quando autem uerba eius manent in memoria, nec inueniuntur in uita, non computatur palmes in uite, quia uitam non attrahit ex radice. Ad hanc differētiā Psalm. 102 ualet quod scriptum est: Et memoria retinentibus mādāta eius ut faciant ea: multi enim memoria retinent, & contemnunt uel etiam derident & oppugnant ea. In his uerba Christi nō manent, quia tangunt & quodammodo non cohærent: & ideo illis non erūt in beneficium, sed in testimonium, & quia sic insunt eis ut non maneant in eis, ad hoc tenentur ab eis ut iudicentur ex eis.

De eo quod dicit: In hoc glorificatus est pater meus ut fructū plurimum afferatis, usque ad id quod ait: Sicut & ego patris mei præcepta seruauī, & maneo in eius dilectione: Tractatus LXXXII



**M**AGIS magisq; saluator gratiam qua saluamur discipulis loquendo cōmendās: In hoc, inquit, glorificatus est pater meus, ut fructum plurimum afferatis, & efficiamini mei discipuli. Siue glorificatus siue clarificatus dicatur, ex uno Græco uerbo utrūq; translatus est, quod est δόξα & ἐξουσία. Doxa enim quæ Græce dicitur, Latine gloria est. Quod ideo cōmemorandum existimaui, quia dicit Apostolus: Rom. 4 Si Abraam ex operibus iustificatus est, habet gloriam, sed non ad deum. Hæc est ad deum gloria qua glorificatur non homo, sed deus, si non ex operibus, sed ex fide iustificatur, ut ex deo illi sit quod etiam bene operatur, quoniam palmes sicut iam superius dixi, non potest deo illi sit quod etiam bene operatur, quoniam palmes sicut iam superius dixi, non potest Matth. 5 ferre fructum à semetipso: si enim in hoc glorificatus est deus pater ut fructum plurimū afferamus, & efficiamur Christi discipuli, non hoc gloriæ nostræ tribuamus tanq; ex nobis ipsis habeamus, eius est enim hæc gratia, & ideo in hoc non nostra, sed eius est gloria: unde Eph. 2 & alibi cum dixisset, Sic luceat lumen uestrū coram hominibus, ut uideant opera uestra bona, ne à semetipsis putarent esse bona opera sua, mox addidit: & glorificent patrem uestrū qui in cœlis est. In hoc enim glorificatur pater ut fructum plurimum afferamus, & efficiamur Christi discipuli. A quo efficimur, nisi ab illo cuius misericordia præuenit nos? Ipsius 1. Ioan. 4 enim figmentum sumus, creati in Christo Iesu in operibus bonis. Sicut dilexit me pater, inquit, & ego dilexi uos, manete in dilectione mea. Ecce unde sunt nobis opera bona: nam unde nobis essent, nisi quia fides per dilectionem operatur? Vnde autem diligeremus, nisi prius diligeremur? Apertissime hoc in epistola sua idem iste euangelista dixit: Nos diligamus deum, quoniam ipse prior dilexit nos: quod autem ait: Sicut dilexit me pater, & ego dilexi uos, nō æqualitatē naturæ ostendit nostræ & suæ, sicut est patris & ipsius, sed gratiā qua mediator dei & hominū est homo Christus Iesus: mediator quippe monstrat cū dicit, sicut dilexit me pater, & ego dilexi uos: nam pater utiq; diligit & nos, sed in ipso, quia in hoc glorificatur pater, ut fructū afferamus in uite, hoc est in filio, & efficiamur eius discipuli. Manete, inquit, in dilectione mea: quomodo manebimus? Audi quid sequitur: Si præcepta mea, inquit, seruaueritis, manebitis in dilectione mea. Dilectio facit præcepta seruare, an præcepta seruata faciunt dilectionem? Sed quis ambigat, quod dilectio præcedit? Vnde enim præcepta seruet nō habet qui nō diligit: quod ergo ait, Si præcepta mea seruaueritis, manebitis in dilectione mea, ostēdit nō unde dilectio generetur, sed unde monstretur: tanq; diceret, Nolite uos putare manere in dilectione mea, si nō seruaueritis præcepta mea: si enim seruaueritis, manebitis, hoc est, hinc apparebit quod in dilectione mea manebitis, si præcepta mea seruaueritis. Nemo se fallat dicendo quod eum diligit, si eius præcepta nō seruat: nam inquantum eum diligimus, inquantum eius præcepta seruamus: inquantum autem minus C 3 seruamus

seruamus, minus diligimus: quous quod ait, manete in dilectione mea, non apparet quam dixerit dilectionem, utrum qua eum diligimus, an qua ipse diligit nos: sed ex uerbo superiore dinoscitur: dixerat quippe, & ego dilexi uos, cui uerbo continuo subiunxit, manete in dilectione mea, illa ergo qua dilexit eos. Quid est ergo, manete in dilectione mea, nisi manete in gratia mea? Et quid est, si praecepta mea seruaueritis, manebitis in dilectione mea, nisi ex hoc scietis, quod in dilectione mea qua uos diligo manebitis, si praecepta mea seruabitis? Non ergo ut nos diligat, prius eius praecepta seruamus, sed nisi nos diligat, praecepta eius seruare non possumus. Haec est gratia quae humilibus patet, superbos latet: sed quid illud est quod adiungit: Sicut & ego patris mei praecepta seruauimus, & maneo in eius dilectione? Vtique etiam hic hanc dilectionem patris intelligi uoluit, qua eum diligit pater: ita quippe dixerat, Sicut dilexit me pater, & ego dilexi uos, atque his uerbis illa subiunxit: manete in dilectione mea, illa proculdubio qua dilexit uos. Ergo quod ait etiam de patre, maneo in eius dilectione, illa scilicet accipienda est, qua dilexit eum pater. Sed nunquid & hic gratia intelligenda est qua pater diligit filium, sicut etiam gratia est qua nos diligit filius, cum sumus nos filij gratia, non natura, unigenitus autem natura, non gratia? An hoc etiam in ipso filio ad hominem referendum est? Ita sane: nam dicendo, sicut dilexit me pater, & ego dilexi uos, gratiam mediatoris ostendit: Mediator autem dei & hominum, non in quantum deus, sed in quantum homo est Christus Iesus. Et perfecto secundum id quod homo est, de illo legitur: Et Iesus perficiebat sapientiam & aetate & gratia apud deum & homines. Secundum hoc igitur recte possumus dicere, quod cum ad naturam dei non pertineat natura humana, ad personam tamen unigeniti filij dei per gratiam pertinet humana natura, & tantam gratiam ut nulla sit maior, nulla prorsus aequalis: neque enim illam susceptionem hominis ulla merita praecesserunt, sed ab illa susceptione merita eius cuncta ceperunt. Manet ergo filius in dilectione qua eum dilexit pater, & ideo seruatur praecepta eius: quod est enim & ille homo, nisi quod deus susceptor est eius? Deus enim erat uerbum, unigenitus, gignenti coaeternus, sed ut mediator daret nobis, per ineffabilem gratiam uerbum caro factum est & habitauit in nobis.

De eo quod dicit: haec locutus sum uobis, ut gaudium meum in uobis sit, & gaudium uestrum impleatur, usque ad id quod ait: Hoc est praeceptum meum, ut diligatis inuicem sicut dilexi uos:

Tractatus

LXXXIII.



V D I S T I S charissimi, dominum dicentem discipulis suis: Haec locutus sum uobis ut gaudium meum in uobis sit, & gaudium uestrum impleatur. Quod est gaudium Christi in nobis, nisi quo dignatur gaudere de nobis? Et quod est gaudium nostrum quod dicit implendum, nisi eius habere consortium? Propter quod Petro dixerat: Si non lauero te, non habebis partem meum. Gaudium ergo eius in nobis, gratia est quam praestitit nobis, & ipse est gaudium nostrum. Sed de hac ille etiam ex aeternitate gaudebat, quando nos elegit ante constitutionem mundi. Nec recte possumus dicere quod gaudium eius plenum non erat: non enim deus imperfecte aliquando gaudebat, sed illud eius gaudium in nobis non erat, quia nec nos in quibus esse posset iam eramus, nec quando esse coepimus, cum illo esse coepimus. In ipso autem semper erat, qui nos suos futuros certissima suae praescientiae ueritate gaudebat. Proinde gaudium iam ipse perfectum de nobis habebat, quando nos praesciendo & praedestinando gaudebat: neque enim ullus in illo eius gaudio motus esse poterat, ne forte non fieret quod se facturum esse praesciebat: sed neque cum id facere coepit, quod se facturum esse praesciuit, gaudium eius quo beatus est creuit, alioquin beatior factus est, quia nos fecit. Absit hoc fratres, dei beatitudo quia nec minor fuerat sine nobis, nec fit maior ex nobis. Gaudium igitur eius de salute nostra, quod in illo semper fuit cum praesciuit & praedestinauit nos, coepit esse in nobis, quando uocauit nos, & hoc gaudium merito nostrum dicimus, quo & nos beati futuri sumus: sed hoc gaudium nostrum crescit & proficit, & ad suam perfectionem perseuerando pertinet: ergo inchoatur in fide renascentium, implebitur in praemio resurgentium. Ecce unde dicitur. In uobis sit meum, impleatur uestrum: semper enim erat meum plenum, & antequam uocaremini, cum uocandi



**A** uocandi à me præsciremini: sed sit & in uobis, cū hoc efficiamini quod præscīui de uobis, impleatur aut̃ uestrū, quia beati eritis quod nondū estis, sicut creati estis qui nō fuistis. Hoc est, inquit, præceptū meū, ut diligatis inuicē sicut dilexi uos.) Siue dicat̃ præceptū, siue mān datum, ex uno uerbo Græco utrūq; interpretat̃, quod est ἐντολή. Iam uero istā sentētiā & ante dixerat, de qua me uobis ut potui disputasse meminisse debetis. Ibi enim sic ait: Man- 1 Ioan. 13  
datum nouum do uobis, ut diligatis inuicem, sicut dilexi uos, ut & uos diligatis inuicem. Huius itaq; mandati repetitio, cōmendatio est, nisi q; ibi: mandatū, inquit, nouū do uobis, hic autem: hoc est, inquit, mandatum meum. Ibi tanq; nō fuerit ante tale mandatū: hic, tanq; nō sit aliud eius mandatum: sed ibi dictum est nouū, ne in uetustate nostra perseuere- mus: hic dictū est meum, ne contemnendū putemus. Quod autem hic ita dixit: hoc est man- 1, Cor. 13  
datum meum, uelut non sit aliud, quid putamus fratres mei? Nunquid nam solum eius de ista dilectione mandatū est, qua diligimus inuicem? Nōne est & aliud maius, ut diligamus deū? Aut uero de sola nobis dilectione mandauit, ut alia nō inquiramus? Tria certe cōmen- Rom. 13  
dat Apostolus dicēs: Manent aut̃ fides, spes, charitas, tria hæc: maior autem horū charitas. 5. sen. dif. 56  
Et si in charitate, hoc est, in dilectione concluduntur duo illa præcepta, maior tamen dicta est esse sola. De fide igitur nobis q; multa mandata sunt, q; multa de spe, quis potest cum- Iaco. 2  
cta colligere, quis enumerando sufficere? Sed intueamur quod ait idem Apostolus: Plenitu- Psal. 10  
do legis charitas. Vbi ergo charitas est, quid est quod possit deesse? Vbi autē non est, quid est quod possit prodesse? Dæmon credit, nec diligit: nemo diligit, qui nō credit. Frustra qui- Psal. 10  
dem, sed tamen potest sperare ueniam qui non diligit: nemo autem potest desperare qui di- Psal. 10  
ligit. Itaq; ubi dilectio est, ibi necessario fides & spes, & ubi dilectio proximi, ibi necessario etiam dilectio dei: qui enim non diligit deum, quomodo diligit proximum tanq; seipsum, quandoquidem non diligit & seipsum? Est quippe impius & iniquus: qui autem diligit ini- Psal. 10  
quitatem, non planē diligit, sed odit animam suam. Hoc ergo præceptum dñi teneamus, ut nos inuicem diligamus, & quicquid aliud præcepit faciamus, quoniā quicquid est aliud, hic Psal. 10  
habemus. Discernitur quippe ista dilectio ab illa dilectione qua se inuicem diligunt homi- Psal. 10  
nes sicut homines: nam ut discerneretur, adiunctum est, sicut dilexi uos. Vt quid enim dili- Psal. 10  
git nos Christus, nisi ut regnare possimus cum Christo? Ad hoc ergo & nos inuicem diliga- Psal. 10  
mus, ut dilectionem nostram discernamus à cæteris, qui non ad hoc se inuicem diligūt, quia Psal. 10  
nec diligunt: qui autem se propter habendum deum diligunt, ipsi se diligunt: ergo ut se dili- Psal. 10  
gant, deum diligunt, non est hæc dilectio in omnibus hominibus: pauci se propterea dili- Psal. 10  
gunt, ut sit deus omnia in omnibus.

De eo quod dicit: Maiorem hac dilectionem nemo habet, quā ut animam

suam ponat quis pro amicis suis:

Tractatus

LXXXIII.



Lenitudinem dilectionis qua nōs inuicem diligere debemus fratres charissimi, definiuit dñs dicens: Maiorem hac dilectionē nemo habet, q; ut animā suā ponat quis pro amicis suis.) Quia ergo superius dixerat: Hoc est mandatum meum, ut diligatis inuicem, sicut dilexi uos: quibus uerbis addidit quod nūc au- 1, Ioan. 5  
distis: maiorem hac dilectionē nemo habet, q; ut animā suā ponat q; p amicis suis. Fit ex hoc cōsequens, quod idē iste euangelista in epistola sua dicit: Vt quēadmodum Christus Prouer. 25  
p nobis animā suā posuit, sic & nos debemus p fratribus animas ponere, diligētes utiq; in- Prouer. 25  
uicē sicut ipse dilexit nos, q; p nobis animā suā posuit. Nimirū hoc est quod legit̃ in Prouer. 25  
bijs Salomonis: Si sederis cœnare ad mēsam potētis cōsyderās intellige quæ apponūt tibi, Prouer. 25  
& sic mitte manū tuā, sciēs q; talia oportet præparare: nā quæ mēsa est potētis, nisi unde su- Prouer. 25  
mis corpus & sanguis eius, q; animā suā posuit p nobis? Et qd est ad eā sedere, nisi hūiliter Prouer. 25  
accedere? Et qd est cōsyderare & intelligere q; apponūt tibi, nisi digne tātā gratiā cogitare? Prouer. 25  
Et qd est sic mittere manū, ut scias quia talia te oportet præparare, nisi qd iam dixi, quia si- Prouer. 25  
cut p nobis Christus animā suā posuit, sic & nos debemus anias pro fratribus ponere? Sic Prouer. 25  
em ait etiā ap̃lus Petrus: Christus pro nobis passus est, relinquēs nobis exēplū, ut sequamur Prouer. 25  
uestigia

Pro martyribus  
non oratur

Ioan. 10

uestigia eius: Hoc est, talia præparare, hoc beati martyres ardenti dilectione fecerunt, quorum si non inaniter memorias celebramus, atque in conuiuio quo & ipsi saturati sunt, ad mensam domini accedimus, oportet ut quemadmodum ipsi, & nos talia præparemus. Ideo quippe ad ipsam mensam non sic eos commemoramus, quemadmodum alios qui in pace requiescunt, ut etiam pro eis oremus, sed magis ut orent ipsi pro nobis, ut eorum uestigijs adhæreamus, quia impleuerunt ipsi charitatem, qua dominus dixit non posse esse maiorem. Talia enim suis fratribus exhibuerunt, qualia de domini mensa pariter acceperunt: neque hoc ita dictum est, quasi propterea domino Christo pares esse possimus, si pro illo usque ad sanguinem martyrium duxerimus. Ille potestatem habuit ponendi animam suam, & iterum sumendi eam: nos autem nec quantum uolumus, uiuimus, & morimur etiam si nolumus. Ille moriens mox in se occidit mortem, nos eius morte liberamur à morte. Illius caro non uidit corruptionem, nostra post corruptionem, in fine seculi per illum induetur incorruptione. Ille nobis non indiguit ut nos saluos faceret, nos sine illo nihil possumus facere. Ille se nobis palmitibus præbuit uitam, nos habere præter illum non possumus uitam. Postremo & si fratres pro fratribus moriantur, tamen in fraternorum peccatorum remissionem nullius sanguis martyris funditur, quod fecit ille pro nobis: neque in hoc quid imitemur, sed quid gratularemur contulit nobis. Quatenus ergo martyres pro fratribus sanguinem suum fuderunt, hactenus talia exhibuerunt, qualia de mensa dominica perceperunt. In cæteris autem quæ dixi, quamuis nec omnia quæ dicere potui, martyr Christi longe impar est Christo. Quod si quisquam se, non dico potentiam Christi, sed innocentiam comparabit, non dicam & aliena se putando sanare, sed suum saltem nullum habere peccatum, etiam sic audior est quam ratio salutis exposcit, multum est ad illum, non capit tantum. Quod & bene quidem ista prouerbiorum sententia comonetur, quæ continuo subiungit atque dicit, quod si audior es, noli concupiscere cibos eius, satius est enim ut nihil inde sumas, quam tibi plus quam oportet assumes. Hæc enim, inquit, uitam habent fallacem, hoc est, hypocrysim: dicendo enim se sine peccato esse, iustum non potest exhibere, sed fingere: ideo dictum est, hæc enim habent uitam fallacem. Unus est solus, qui & carnem hominis habere, & peccatum potuit non habere. Merito quod sequitur nobis præcipitur, ac tali uerbo atque prouerbio humana infirmitas conuenitur, eique dicitur: Noli extendere te cum sis pauper, contra diuitem. Diues enim qui nec hæreditario nec proprio unquam debito obnoxius, & ipse iustus est, & alios iustificat Christus. Noli contra eum te extendere, intantum pauper ut remissionis peccatorum appareas quotidiana fallaci: Ille quippe quia non tantum est homo, sed etiam deus, ideo nusquam reus: si enim direxeris oculum tuum ad illum, nusquam parebit. Oculum tuum, oculum uidelicet humanum, quod cernis humana, si direxeris ad illum, nusquam parebit, quia uideri non potest, quemadmodum uidere te potes, parauit enim sibi pennas sicut aquilæ, & uadit in domum præpositi sui, unde ad nos utique uenit, nec tales qualis uenit inuenit. Diligamus ergo inuicem, sicut & Christus dilexit nos, & tradidit semetipsum pro nobis. Maiorem quippe hac dilectionem nemo habet, ut animam suam ponat quis pro amicis suis. Eumque sic imitemur pia obedientia, ut ei nos comparare nulla præsumamus audacia.

De eo quod dicit: Vos amici mei estis, si feceritis quæ præcipio uobis, usque ad id quod ait: Iam non dicam uos seruos, quia seruus nescit quid faciat dominus eius:

Tractatus

LXXXV.



**M** dominus Iesus commendasset charitatem, quam exhibuit nobis, moriendo pro nobis, atque dixisset: Maiorem hac dilectionem nemo habet, ut animam suam ponat quis pro amicis suis. Vos, inquit, amici mei estis, si feceritis quæ ego præcipio uobis. Magna dignatio, cum seruus bonus esse non possit, nisi præcepta domini sui fecerit. Hinc amicos suos uoluit intelligi, unde serui boni possunt probari. Sed, ut dixi, ista dignatio est, ut dominus quos nouit seruos suos, dignetur dicere amicos suos: nam



**A** nam ut sciatis ad seruorum officium pertinere praecepta domini sui facere, alio loco seruos  
 utiq; obiurgat dicens: quid autem uocatis me domine domine, & non facitis quae dico? Cū Luc. 8  
 ergo dicitis, inquit, domine, iussa faciendo quid dicatis ostēdite. Nōne seruo obedienti ipse Matth. 23  
 dicturus est: Euge serue bone, quia in paucis fuisti fidelis, supra multa te constituam, intra  
 in gaudiū domini tui? Potest igitur esse & seruus & amicus, qui seruus est bonus: sed quod  
 sequitur attendamus. Iam non dicam uos seruos, quia seruus nescit quid faciat dominus  
 eius.) Quomodo ergo intellecturi sumus, & seruū & amicum esse seruū bonum, cum  
 dicat: Iam non dicam uos seruos, quia seruus nescit quid faciat dominus eius? Ita nomē cō/  
 stituit amici, ut auferat serui, non ut in uno utrunq; maneat, sed ut alterum altero decedente  
 succedat. Quid est hoc? Itā ne cum praecepta domini fecerimus, serui non erimus? Itā ne tūc  
 serui non erimus, quando boni serui fuerimus? Et quis contradicere potest ueritati quae ait:  
 Iam non dicam uos seruos? Et cur hoc dixerit, docet: Quia seruus, inquit, nescit quid faciat  
 dominus eius. Nunquid nam seruo bono & probato dominus eius non etiam secreta sua  
 cōmittit? Quid est ergo quod ait: Seruus nescit quid faciat dominus eius? Verum, esto, ne/  
 scit quid faciat: nūquid nescit etiam quid praecipiat? Nam & si hoc nescit, quomodo seruit?  
 Aut quomodo seruus est, qui non seruit? Et tamen dominus loquitur: Vos amici mei estis,  
 si feceritis quae ego praecipio uobis, iam non dicam uos seruos. O rem mirabilem, cum serui  
 re non possumus, nisi praecepta domini fecerimus, quomodo praecepta faciendo serui non  
 erimus? Si seruus non ero praecepta faciendo, & nisi praecepta fecero, seruire non potero, er/  
 go seruiendo seruus non ero. Intelligamus fratres intelligamus, & hoc in nobis dominus fa/  
 ciat ut intelligamus, faciat etiam ut intellecta faciamus. Hoc autem si scimus, profecto sci/  
 mus quod facit dominus, quia nos ipsos tales non facit nisi dominus, & per hoc ad eius ami/  
 citiam pertinemus. Sicut enim duo sunt timores, qui faciunt duo genera timentium, sic duae  
 sunt seruitutes, quae faciunt duo genera seruientium. Est timor quem perfecta charitas foras 1. Ioan. 4  
 mittit, & est alius timor castus permanens in seculū seculi. Illum timorem qui non est in cha Psalm. 18  
 ritate, attendebat Apostolus cum dicebat: Non enim accepistis spiritum seruitutis iterum Rom. 8  
 in timore. Illum autem timorem castum attendebat cum dicebat: Noli altum sapere, sed ti Rom. 11  
 me. In illo timore quem foras charitas mittit, est etiam seruitus simul foras cum ipso timor/  
 re mittenda: utrūq; enim iunxit Apostolus, hoc est seruitutem & timorem, dicendo: Non  
 enim accepistis spiritum seruitutis iterum in timore. Ad hanc seruitutem seruū pertinentē  
 intuebatur & dominus dicens: Iam non dicam uos seruos, quia seruus nescit quid faciat do/  
 minus eius: non utiq; ille seruus pertinens ad timorem castum, cui dicitur: Euge serue bone,  
 intra in gaudium domini tui, sed ille seruus pertinens ad timorem, foras à charitate mitten/  
 dus, de quo alibi dicit: Seruus non manet in domo in aeternum, filius autem manet in aeternū. Ioan. 8  
 num: quoniam itaq; dedit nobis potestatem filios dei fieri, ut non serui sed filij simus, ut miro  
 quodam & ineffabili, sed tamen uero modo serui, non serui esse possumus, serui scilicet timo/  
 re casto, ad quem pertinet seruus intrans in gaudium domini sui, non serui autem timore  
 foras mittendo, ad quem pertinet seruus non manens in domo in aeternū. Vt autem tales  
 serui non serui simus, dñm facere scimus. Hoc autem seruus ille nescit, qui nescit quid faciat  
 dñs eius: & cū aliquid boni facit, sic extollitur quasi hoc ipse faciat, non dñs eius, & in se, non  
 in dño gloriatur, cū se ipse deceperit, quia sic gloriatur quasi nō acceperit: nos autē charissimi,  
 ut amici dñi esse possimus, quid noster dñs faciat sciamus, non solum enim homines, uerū/  
 etiam iustos ipse facit nos, & non ipsi nos. Et ut hoc sciamus, quis nisi ipse facit? Non enim  
 spiritum huius mundi accepimus, sed spiritū qui ex deo est, ut sciamus quae à deo donata  
 sunt nobis. Ab ipso quicquid boni est, donatur ut sciatur. Ergo quia & hoc bonum est, ab  
 ipso utiq; donatur, ut sciatur à quo bonum omne donetur, ut omnino de omnibus bonis  
 qui gloriatur in dño gloriatur. Quod uero sequitur: Vos autem dixi amicos, quia omnia  
 quaecunq; audiui à patre meo nota feci uobis.) ita est profundum, ut nullo modo sit isto  
 sermone coartandum, sed in alium differendum.

De eo quod dicit: uos autem dixi amicos, usque ad id quod ait: Et fructus uester maneat, ut quodcumque petieritis patrem in nomine meo det uobis:

Tractatus

LXXXVI



**M**ERITO quæritur quomodo accipiendum sit quod ait dominus: Vos autem dixi amicos, quia omnia quæcunque audiui à patre meo, nota feci uobis. Quis autem audeat affirmare uel credere ullum hominum scire omnia quæcunque à patre audiuit unigenitus filius, quando nec hoc quidem quisque capit, quomodo à patre audiat uel uerbum, cum ipse sit patris unicum uerbum? Quid est quod aliquāto post in hoc ipso testimonio sermone, quem post cenam ante passionem ad discipulos habuit, Multa, inquit, habeo uobis dicere, sed non potestis illa portare modo? Quo igitur pacto intellecturi sumus omnia eum nota fecisse discipulis, quæcunque audiuit à patre, cum propterea quædam multa non dicat, quia scit eos modo portare non posse? Sed nimirum quod facturum est, fecisse se dicit, quia ea quæ futura sunt fecit: sicut enim dicit per prophetam: Foderunt manus meas & pedes meos, nec ait, fossuri sunt, uelut præterita dicens, & ea tamen futura prædicens: ita & hoc loco ait, omnia se nota fecisse discipulis, quæ se nouit nota esse facturum in illa plenitudine scientiæ, de qua dicit Apostolus: Cum autem uenerit quod perfectum est, quod ex parte est euacuabitur. Ibi quippe dicit, nunc scio ex parte, tunc autem cognoscam sicut & cognitus sum, & nunc per speculum in ænigmate, tunc autem facie ad faciem: nam & ipse Apostolus saluos nos dicit esse factos per lauacrum regenerationis, qui tamē alio loco: Spe, inquit, salui facti sumus. Spes autem quæ uidetur non est spes: quod enim uidet quis, quid sperat? Si autem quod non uidemus, speramus, per patientiam expectamus: unde etiam eius coapostolus Petrus, In quem modo, inquit, non uidentes creditis, quem cum uideritis, exultabitis gaudio inenarrabili & honorato, percipientes mercedem fidei, salutem animarum ueststrarum: si ergo nunc tempus est fidei, salus autem animarum merces est fidei, quis dubitet in fide quæ per dilectionem operatur, peragendum diem ultimum, atque in fine diei recipiendam esse mercedem, non solum redemptionem corporis nostri, de qua dicit apostolus Paulus, uerumetiam salutem animarum nostrarum, de qua dicit apostolus Petrus: Vtriusque enim rei felicitas isto tempore atque in ista mortalitate in spe potius habetur, quam in re tenetur. Verum hoc interest, quod exterior noster homo, id est, corpus adhuc corrumpitur: interior autem, id est, anima iam re nouatur de die in diem. Itaque sicut immortalitatem carnis & salutem animarum futuram expectamus, quamuis iam pignore accepto, salui facti esse dicamur: ita omnium noticiam quæcunque unigenitus audiuit à patre, futuram sperare debemus, quamuis hoc iam se fecisse dixerit Christus: Non uos me elegistis, inquit, sed ego uos elegi. Hæc est illa ineffabilis gratia: quid enim eramus quando Christum nondum elegeramus, & ideo non diligebamus? Nam qui eum non eligit, quomodo diligit? Nunquid iam in nobis erat quod in psalmo canitur: Elegi abiectus esse in domo domini, magis quam habitare in tabernaculis peccatorum? Non utique. Quid ergo eramus nisi iniqui & perditionis? Neque enim iam credideramus in eum, ut eligeret nos: nam si iam credentes elegit, electos elegit, cur ergo diceret, non uos me elegistis, nisi quia misericordia eius præuenit nos. Hic certe uacat uana illorum ratiocinatio, qui præscientiam dei defendunt contra gratiam dei, & ideo dicunt nos electos ante mundi constitutionem, quia præsciuit nos deus futuros bonos, non seipsum nos facturum bonos: non hoc dicit qui dicit: Non uos me elegistis, quoniam si propterea nos elegisset, quia bonos futuros esse nos præsciuerat, simul etiam præscisset quod eum nos fuisset prius electuri. Non enim aliter esse possemus boni, nisi forte dicendus est bonus qui non eligit bonum. Quid ergo eligit in non bonis? Non enim electi sunt quia boni fuerunt, qui boni non essent nisi electi essent: alioquin gratia iam non est gratia, si præcessisse contēdimus merita: hæc quippe electio gratia est, de qua dicit Apostolus: Sic ergo & in hoc tempore reliquæ per electionem gratiæ dei saluæ factæ sunt: unde de subiungit, Si autem gratia, iam non ex operibus, alioquin gratia iam non est gratia. Audi ingratum, in-



**A** te, ingrate audi: non uos me elegistis, sed ego elegi uos. Non est ut dicas, ideo electus sum, quia iam credebā: si enim credebas in eū, iam elegeras eum, sed audi: nō uos me elegistis: nō est ut dicas, anteq̃ crederem, iam bona operabar, ideo electus sum: quid enim est boni operis ante fidem, cum dicat Apostolus: Omne quod non est ex fide, peccatum est. Quid ergo Roma, 14 dicturi sumus audiendo, nō uos me elegistis, nisi quia mali eramus & electi sumus, ut boni per gratiam nos eligentis essemus. Non est enim gratia, si præcesserant merita. Est aut̃ gratia. Hæc igitur non inuenit, sed effecit merita: & uidete charissimi, quemadmodum non eligat bonos, sed quos elegit, faciat bonos. Ego, inquit, elegi uos: Et posui uos, ut eatis & fructum afferatis, & fructus uester maneat. Nōne iste est fructus de quo iā dixerat: sine me ctū afferatis, & fructus uester maneat. Egit ergo & posuit ut eamus & fructum afferamus: nullum itaq̃ fructum unde nos elegit habebamus. Vt eatis, inquit, & fructum afferatis. Imus ut afferamus, & ipse est uia qua imus, in qua nos posuit ut eamus. Proinde in omnibus misericordia eius præuenit nos. Et fructus, inquit, uester maneat: Vt quodcunq̃ petieritis patrem in nomine meo, det uobis. Maneat ergo dilectio, ipsa est enim fructus noster: quæ dilectio nunc est in desiderio, nondum in saturitate, & ipso desiderio quodcunq̃ petierimus in nomine unigeniti filij dat nobis pater: quod autem accipere saluandis non expedit nobis, non existimemus nos petere in nomine saluatoris, sed hoc petimus in nomine saluatoris, quod pertinet ad orationem salutis.

De eo quod dicit: Hæc mando uobis, ut diligatis inuicem, usq̃ ad id quod ait: Sed ego elegi uos de mūdo, propterea odit uos mundus: Tract. LXXXVII

**I**n lectione euangelica quæ hanc antecedit, dixerat dominus: nō uos me elegistis, sed ego elegi uos, & posui uos, ut eatis & fructum afferatis, & fructus uester maneat, ut quodcunq̃ petieritis patrem in nomine meo, det uobis: de quibus uerbis iam nos quod dominus dedit, disseruisse meministis. Hic autem dicit, sequenti scilicet lectione, quam modo cum recitaretur, audistis. Hæc mando uobis, ut diligatis inuicē: Ac per hoc intelligere debemus hunc esse fructum nostrum de quo ait: Ego uos elegi ut eatis, & fructum afferatis, & fructus uester maneat. Et quod adiunxit, ut quodcunq̃ petieritis patrem in nomine meo, det uobis, tunc utiq̃ dabit nobis, si diligamus inuicem, cum & hoc ipsum ipse dederit nobis, qui nos elegit nō habentes fructum, quia nō eum nos elegeramus, & posuit nos ut fructum afferamus, hoc est, inuicem diligamus: quem fructum sine illo afferre non possumus, sicut palmites facere sine uite nihil possunt. Charitas ergo est fructus noster, quam definit Apostolus: de corde puro & conscientia bona, & fide nō ficta. Hæc diligamus inuicem, hæc diligamus deum, neq̃ enim uera dilectione diligeremus inuicem, nisi diligentes deum. Diligit enim unusquisq̃ proximum suum tanq̃ seipsum si diligit deum: nam si nō diligit deum, non diligit seipsum. In his enim duobus præceptis charitatis, tota lex pendet & prophetæ, hic est fructus noster. De fructu itaq̃ nobis mandans, hæc mando, inquit, uobis, ut diligatis inuicē: unde & apostolus Paulus, cum contra opera carnis cōmendare fructum spiritus uellet, à capite hoc posuit: Fructus, inquit, spiritus charitas est: ac deinde cætera tanquam ex isto capite exorta & religata contexit, quæ sunt, gaudium, pax, longanimitas, benignitas, bonitas, fides, mansuetudo, continentia, castitas. Quis autem bene gaudet, qui bonum non diligit unde gaudet? Quis pacem ueram nisi cum illo potest habere quem ueraciter diligit? Quis est longanimis in bono opere perseveranter manendo, nisi ferueat diligendo? Quis est benignus, nisi diligat cui opitulatur? Quis bonus, nisi diligēdo efficiatur? Quis salubriter fidelis, nisi ea fide quæ per dilectionem operatur? Quis utiliter mansuetus, cui non dilectio moderetur? Quis ab eo continet unde turpetur, nisi diligat unde honestatur? Merito itaque magister bonus dilectionem sic sæpe cōmendat, tanquam sola præcipienda sit, sine qua non possunt prodesse cætera bona, & quæ non potest haberi sine cæteris bonis, quibus homo efficitur bonus. Pro hac aut̃ dilectione patienter debemus etiā mūdi odia

1 Timoth., 3

Gal., 5

di odia sustinere: necesse est enim ut nos oderit, quos cernit nolle quod diligit: sed plurimum c  
 nos de seipso dominus consolatur, qui cum dixisset: Hæc mando uobis ut diligatis inuicem,  
 adiecit atq; ait: Si mundus uos odit, scitote quoniã me priorem uobis odio habuit.) Cur  
 ergo se membrum supra uerticem extollit? Recusas esse in corpore, si non uis odium mundi  
 sustinere cum capite. Si de mundo, inquit, essetis, mundus quod suum erat diligeret.) Vni  
 uersæ utiq; hoc dicit ecclesiæ, quam plerūq; etiam ipsam mundi nomine appellat, sicut est il  
 lud: Deus erat in Christo, mundum reconcilians sibi. Itemq; illud: Non uenit filius homi  
 nis ut iudicet mundum, sed ut saluetur mundus per ipsum: & in epistola sua Ioānes ait, Ad  
 uocatum habemus ad patrem Iesum Christum iustum, & ipse propitiator est peccatorum  
 nostrorum, non tantum nostrorum, sed etiam totius mundi: totus ergo mūdus ecclesia est,  
 & q totus mūdus odit ecclesiam. Mūdus igitur odit mūdum, inimicus reconciliatū, damna  
 tus saluatum, inquinatus mundatum: sed iste mundus quem deus in Christo recōciliat sibi,  
 & per Christum saluatur, & cui per Christum peccatum omne donatur, de mundo electus  
 est inimico, damnato, contaminato. Ex eadem quippe massa quæ tota in Adam periit, fuit  
 uasa misericordiæ, in quibus est mundus perticens ad reconciliationem, quam mūdus odit,  
 ex eadem massa, perticens ad uasa iræ, quæ perfecta sunt ad perditionem: deniq; cum dixi  
 set: si de mundo essetis, mundus quod suum erat diligeret, continuo subiecit. Quia uero  
 de mundo non estis, sed ego elegi uos de mundo, ppter ea odit uos mundus.) Ergo & ipsi  
 inde erant, unde ut non essent, electi sunt inde, nō meritis suis, quorū nulla bona præcesse  
 rant opera, non natura, quæ tota fuerat per liberum arbitrium in ipsa radice uitiata, sed gra  
 tuita, hoc est uera gratia: qui enim de mundo mundum elegit, fecit quod eligeret, non inue  
 nit, quia reliquæ per electionem gratiæ saluæ factæ sunt: si autem gratia, inquit, iam non ex  
 operibus, alioquin gratia iam non est gratia: si autem quærat quomodo se diligit mun  
 dus perditionis, qui odit mundum redemptionis, diligit se utiq; falsa dilectione, non uera.  
 Proinde falsò se diligit, & uere odit: Qui enim diligit iniquitatem, odit animā suam: sed dili  
 gere se dicitur, quoniam iniquitatem qua iniquus est diligit: & rursus odisse se dicitur, quo  
 niam quod ei nocet, hoc diligit. Odit ergo in se naturam, diligit uitium: odit quod factus  
 est per dei bonitatem, diligit quod in eo factū est per liberam uoluntatē. Vnde nos quoq;  
 illum diligere & phibemur, si recte intelligimus, & iubemur: prohibemur scilicet ubi nobis  
 dicitur, Nolite diligere mundum: iubemur autē, ubi nobis dicit, Diligite inimicos uestros.  
 Ipsi sunt enim mundus qui nos odit. Ergo & prohibemur diligere in illo quod ipse diligit  
 in seipso, & iubemur diligere in illo quod ipse odit in seipso, dei scilicet opificium, & diuersas  
 bonitatis suæ consolationes. Vitium quippe in illo diligere prohibemur, iubemurq; dilige  
 re naturam, cum ipse in se diligit uitium, oderitq; naturam, ut nos eū & diligamus & ode  
 rimus recte, cum se ipse diligit oderitq; peruerse.

Luc. 6

De eo quod dictum est: Mementote sermonis mei quem ego dixi  
 uobis, usq; ad id quod ait: Sed hæc omnia facient uobis propter no  
 men meum, quia nesciunt eum qui misit me: Tractatus LXXXV III



1. Pet. 2

hortans dominus seruos suos ad mundi odia perferenda patienter, nullum  
 eis maius & melius quàm de seipso pponit exēplū, quoniã sicut dicit apostolus  
 Petrus: Christus p nobis passus est relinquēs nobis exēplū, ut seqmur uestigia  
 eius. Quod utiq; si facimus, ipso adiuuante facimus q dixit: sine me nihil pote  
 stis facere: deniq; iam dixerat: Si odit uos mūdus, scitote quia me priorē uobis odio habuit,  
 & nūc in eo quod audistis cū legere euangeliū. Memētote, inquit, sermonis mei, quē ego  
 dixi uobis: nō est seruus maior domino suo: si me persecuti sunt, & uos persequent: si sermo  
 nem meum seruauerunt, & uestrum seruabunt.) Dicendo autē, non est seruus maior domi  
 no suo, nōne euidenter ostendit quemadmodum intelligere debeamus quod superius di  
 xerat: Iam non dico uos seruos: ecce enim eos seruos dicit, nunquid est aliud, Non est ser  
 uus maior domino suo, si me persecuti sunt, & uos persequentur: Manifestum est igitur  
 illum



**A** illum seruum, qui non manet in domo in aeternum, illū pertinentē ad timorem, quem foras  
 charitas mittit, esse intelligendū ubi dictū est, Iam non dico uos seruos: hic autē ubi dicitur,  
 Non est seruus maior domino suo, si me persecuti sunt, & uos persequetur, illum significari  
 seruum pertinētem ad timorem castum, qui permanet in seculum seculi: hic enim seruus est  
 auditurus, Euge serue bone, intra in gaudium domini tui. Sed hæc, inquit, omnia facient *Matth. 25*  
 uobis propter nomen meum, quia nesciunt eum qui misit me.) Quæ omnia faciunt nisi quæ  
 dixit? odio habebunt scilicet & persequentur, sermonemq; contēnent: quoniā si sermonem  
 non seruarent eorum, nec tamen odissent eos, neq; persequerentur, uel etiam si odissent, nec  
 tamen persequerentur, non omnia facerent: hæc autē omnia facient uobis, inquit, propter  
 nomen meū, quid est aliud dicere, q̄ me in uobis odio habebūt, me in uobis persequentur,  
 & sermonem uestrum quia meus est, ideo non seruabunt: hæc enim omnia facient uobis  
 propter nomen meum, non uestrum, sed meum: tanto igitur miseriore, qui propter hoc no  
 men ista faciunt, quanto beatiores, qui propter hoc nomen ista patiūtur, sicut ipse alio loco  
 dicit, Beati qui persecutionem patiūtur propter iustitiam: hoc est enim propter me uel pro  
 pter nomen meum, quia sicut Apostolus docet, Factus est nobis sapientia à deo, & iustitia, *1. Cor. 1*  
 & sanctificatio, & redemptio, ut quemadmodū scriptū est, Qui gloriatur, in dño gloriatur. *Hiere. 6*  
 Faciūt quippe ista mali malis, sed nō propter iustitiā, & ideo miseri utiq; & q̄ faciunt, & qui  
 patiūtur: faciūt & mali bonis, ubi & si nō faciunt isti propter iustitiā, tñ illi propter iustitiam  
 patiuntur. Sed dicit aliq; si mali quādo persequūtur bonos propter nomē Christi, propter  
 iustitiā boni patiūtur, profecto propter iustitiā hoc eis mali faciunt: quod si ita est, ergo &  
 quādo boni malos propter iustitiā persequūtur, propter iustitiā etiā mali patiūtur: si enim  
 possunt mali persecutionē facere bonis propter nomē Christi, cur nō possunt mali persecu  
 tionē pati à bonis propter nomen Christi? Et quid est propter nomen Christi, nisi propter  
 iustitiā? nam si nō propter quod boni faciūt, propter hoc mali patiūtur, quia faciūt boni  
**B** propter iustitiā, patiūtur mali propter iniustitiā: nec mali ergo propter hoc possunt facere,  
 propter quod boni patiūtur, quia faciūt mali propter iniustitiā, patiūtur boni propter iu  
 stitiā: quomodo ergo erit uerū, hæc omnia faciēt uobis propter nomen meū, cū illi nō pro  
 pter nomē Christi faciāt, id est, nō propter iustitiā, sed propter iniquitatē suā? Hæc quæstio  
 ita soluitur, si eo modo intelligamus dictū, hæc omnia faciēt uobis propter nomen meū, ut  
 totū referatur ad iustos, tanq̄ dictū sit, hæc omnia patiemini ab eis propter nomen meū,  
 ut hoc sit, faciēt uobis, quod est, patiemini ab eis: si aut propter nomē meū sic accipitur tanq̄  
 diceret, propter nomen meū quod in uobis oderūt, ita potest accipi, & propter iustitiā quā  
 in uobis oderūt: ac per hoc & boni cū persecutionē faciūt malis, possit recte dici & propter  
 iustitiā facere, quam diligēdo persequūtur malos, & propter iniquitatē quā oderunt in  
 ipsis malis: ita ergo & ipsi mali possunt dici pati, & propter iniquitatē quā in illis punitur, &  
 propter iustitiā quā in eorū poena exercetur. Itē quæri pōt, si etiā mali faciunt persecutionē  
 malis, sicut impij reges & iudices, cū essent persecutores piorū, utiq; & homicidas, & adulte  
 ros, & quosq; maleficos, quos cōtra leges publicas fecisse cognoscerent, puniebāt: quomodo  
 intelligendū est quod ait dñs, Si de mūdo essetis, mūdus quod suū erat diligeret? Neq; em̄  
 quos punit diligit mūdus, à quo uidemus supradicta scelerū genera plerunq; puniri, nisi  
 quia mūdus est in eis, à quibus talia scelera uel puniūtur uel patiūtur: & mūdus est in eis à  
 quibus talia scelera diliguntur: mūdus itaq; ille qui intelligitur in malis atq; impijs, & odit  
 quod suū est, ex ea parte hominū qua sceleratis nocet: & diligit quod suū est ex ea parte ho  
 minū, qua eisdē ipsis sceleratis fauet: Ergo hæc omnia faciēt uobis propter nomen meū, uel  
 ita dictum est, propter quod uos patimini, uel ita propter quod & ipsi faciūt, quia & hoc in  
 uobis dū persequuntur, oderūt: & addidit, Quia nesciūt eum qui misit me.) Hoc secundū *Sap. 6*  
 eam scientiā dictū intelligēdum est, de qua & alibi scriptū est, Scire autē te sensus est cōsum  
 matus. Hæc quippe scientia qua sciunt patrem à quo missus est Christus, nullo modo perse  
 quuntur quos colligit Christus, quia & ipsi cū eis colliguntur à Christo.

De eo quod dicit, Si nō uenissem & locutus eis fuissem, usq; ad id quod ait, Qui me odit, & patrem meum odit.

Tractatus LXXXIX.

Tractatus LXXXIX.  
VPERIVS dixerat dominus ad discipulos suos, Si me persecuti sunt, & uos  
persequentur, si sermonem meum seruauerunt, & uestrum seruabunt, sed hæc  
omnia facient uobis propter nomen meum, quia nesciūt eum qui misit me. De  
quibus autē hoc dixerit si quis promiserit, &c.

eo quod dixerat. Si mundus uos odit, scitote quia me priorem uobis odio habuit: nunc uero quod addidit. Si nō uenissem, & locutus eis fuissem, peccatum non haberent.) Iudæos ostendit expressius, de his ergo & illa dicit.

his ergo dicit, Si non uenissem & locutus eis fuisset, peccatum non haberent, de quibus di-

feruabunt. Sed hæc omnia facient uobis propter nomen meum, quia nesciunt eum qui mi-

habarent. Iudæi ergo persecuti sunt Christum, quod evidentissime indicat euangelium, lu-

Christum & discipulos eius, imò uero non eos solos, sed hos quoque ad eundem mundum pertinere monstrauit. Quid est

berent? Nunquid sine peccato erant Iudæi, anteq̃ christus ad eos in carne uenisset? Quis

sub generali nomine uult intelligi: hoc est enim peccatū quod tenet. Si uero quod

in Christum, qui propterea uenit ut credatur in eum habere. Aduentus enim

adherent. Aduentus quippe eius quantum credentibus salutaris, tantum non credentibus exitialis factus est, tanq̃ & ipse caput & princeps apert.

ent, quibusdam quidem odor uitæ in uitam, quibusdã uero odor mortis in mortem: sed  
quod adiunxit atq; ait, Nunc autem excusationẽ

nem de peccato suo: si enim nō habent, cur hic dicitur? autem excusationē non habent de peccato suo:) potest mo-  
ueri quærentes, utrum hi ad quos non uenit Christus, nec locutus est eis, habeānt excusatio-

ut mitius puniantur? Ad hæc inquisita pro magis

quos excusationem, non de omni peccato suo, sed de hoc peccato quo in Christum non cre-

quos in discipulis uenit, & quibus per discipulos est locutus, quod & nūc facit: nam per eccle-

us Paulus, experimētum accipere eius. Quod ait, Qui uos recipit me recipit, & qui uos spernit, me spernit. An uultis inquit, apostolus

qui prius q̄ Christus ueniret in ecclesiam ad gentes, & priusq̄ euāgelium eius audirent,

plâne, sed non ideo possunt effugere damnationem. Quicunque enim sine lege peccauerunt

Apostoli uerba, quoniam id quod ait, peribunt, terribilius sonat. Non enim ait iudicabuntur,


qui enim se quia nō audierunt excusabunt, sine lege peribunt. Sed etiam si audierint, contempserunt, uel etiam resistunt, contempserunt, uel etiam resistunt, contempserunt, uel etiam resistunt.

cant



**A** cant in lege, qui sunt in lege, id est, qui eā suscipiunt, eamq; sanctam, & mādatum sanctum & iustum & bonum fatētur, sed infirmitate non implent, quod ab ea rectissime præcipi dubitare non possunt, hi sunt qui aliquo modo forsitan possunt ab eorum qui sine lege sunt perditione discerni, si tamen quod Apostolus ait, per legem iudicabuntur, sic accipiendū est tanq; dixerit, nō peribunt, quod mirum si ita est. Neq; enim de infidelibus & fidelibus erat sermo ut hoc diceret, sed de gentibus & Iudæis, qui certe utriq; nisi in eo saluatore saluētur, qui uenit quærere quod perierat, ad perditionē sine dubio pertinebūt, quamuis dici possit, alios grauius, alios leuius perituros, id est, alios grauiiores, alios leuiiores pœnas in sua perditione passuros. Ille enim perire deo dicitur, quisquis ab illa beatitudine quā dat sanctis suis, per supplicium separatur. Tanta est autem suppliciorum, quanta diuersitas peccatorū, quæ quomodo sese habeat, altius indicat sapiētia diuina, q̃ coniectura scrutatur aut effatur humana. Isti certe ad quos uenit, & quibus locutus est Christus, non habent de magno infirmitatis peccato illam excusationem, qua possint dicere, non uidimus, non audiuius, siue non acceptaretur ista excusatio ab illo cuius inscrutabilia sunt iudicia, siue acceptaretur, & si non ut ab omni damnatione liberarētur, certe ut aliquanto lenius damnarentur. Qui me odit, inquit, & patrem meum odit. Hic nobis fortasse dicatur, Quis potest odisse quem nescit? & utiq; ante q̃ diceret, Si non uenissem, & locutus eis fuisset, peccatum non haberent, dixerat discipulis suis, Hæc facient uobis, quia nesciunt eum qui misit me. Quomodo ergo nescierunt & oderunt: si enim non quod est ipse, sed nescio quid aliud de illo opinātur, non utiq; ipsum, sed illud inueniuntur odisse quod fingunt, aut errando potius suspicātur, & tamen nisi possent homines odisse quod nesciūt, non ueritas utrunq; dixisset, q̃ eius patrem & nesciunt & oderunt. Sed quomodo id fieri possit si adiuuante domino per nos demonstrari potest, quia hæc disputatio est iam claudenda, nunc non potest.

De eo quod dicit, Qui me odit, & patrem meū odit. Tractatus xc.

**B**  **V**DISTIS dominum dicentem, Qui me odit & patrem meum odit: qui superius dixerat, Hæc facient uobis, quia nesciunt eum qui misit me, non itaq; dissimulanda nascitur quæstio, quomodo possint odisse quē nesciunt. Si enim deum non quod ipse est, sed nescio quid aliud eum suspicantur aut credunt, & hoc oderunt, utiq; nō ipsum oderunt, sed quod sua mendaci suspitione, uel uana credulitate concipiunt: si autē quod est, hoc de illo sentiunt, quomodo eum nescire dicuntur? Et de hominibus quidē fieri potest, ut eos sæpe quos nunq; uidimus, diligamus, ac per hoc nec illud e contrario impossibile est, ut eos quos nunq; uidimus oderimus. Fama quippe de aliquo sermocinante seu bene seu male, fit nō immerito ut amemus uel oderimus ignotum. Sed si fama sit uerax, quomodo est de quo uera didicimus dicēdus ignotus? An quia eius faciem non uidimus? Quam cum & ipse non uideat, nulli tamen potest notior esse q̃ sibi: non igitur in eius facie corporali nobis intimatur cuiusq; noticia: sed tūc nobis ad cognitionem patet, quando eius mores & uita non latent, alioquin nec seipsum nosse quisq; potest, qui uidere faciem suam non potest. Sed utiq; tanto certius q̃ notus est alijs ipse se nouit, quanto certius interiore conspectu potest uidere quod sapit, uidere quod cupit, uidere quod uiuit: quæ cum aperiuntur & nobis, tunc uere fit cognitus nobis. Hæc itaq; quoniam plerunq; ad nos de absentibus uel etiā mortuis, siue fama, siue litteris perferuntur, hinc fit ut sæpe quos nunq; facie corporis uidimus, non tñ quos omnino nescimus, uel oderimus homines uel amemus. Sed plerunq; in eis nostra credulitas fallitur, quia nonnunq; & historia, & multo magis fama mētitur. Pertinet autē ad nos ne pernicioſa opinione fallamur, ut quia nō possumus hominum indagare conscientiam, de ipsis rebus habeamus ueram certamq; sententiam, hoc est, ut si ille uel ille homo utrum sit impudicus pudicusue nescimus, oderimus tamen impudicitiam, & pudicitia diligamus: & si illum uel illum iniustum esse iustumue nescimus, amemus tamen iustitiam, & iniustitiam detestemur, non quas nobis ipsis errando conſingimus, sed quas fideliter hanc appetendam, illamq; uitandam in dei ueritate conspi-

1. COR. 10  
 cimus, ut cum de ipsis rebus quod appetendum est appetimus, quod deuitandum est deui-  
 tamus, ignoscatur nobis quod de occultis hominum aliquando, imò assidue non uera sen-  
 timus. Hoc enim ad humanam tentationem pertinere arbitror, sine qua duci ista non po-  
 test uita, ita ut Apostolus diceret, Tentatio uos non apprehendat nisi humana: quid enim  
 tam humanum, quàm non posse inspicere cor humanum, & ideo non eius latebras perscrutari,  
 sed plerumque aliud quàm id quod ibi agitur suspicari? Quanquàm & in his rerum tenebris huma-  
 narum, hoc est, cogitationum alienarum, & si suspiciones intelligere non possumus, quia ho-  
 mines sumus, iudicia tamen, id est, definitas firmasque sententias continere debemus, nec an-  
 te tempus quicquid iudicare, donec ueniat dominus, & illuminet abscondita tenebrarum, &  
 manifestet cogitationes cordis, & tunc laus erit unicuique à deo. Quando ergo non erratur in  
 rebus, ut recta sit improbatio uitiorum, uirtutumque probatio, profecto si erratur in homi-  
 nibus, uenialis est humana tentatio. Per has autem humanorum cordium tenebras, res mul-  
 tum miranda & multum dolenda contingit, ut eum nonnunquam quem iniustum putamus,  
 & tamen iustus est, & iustitiam in eo nescientes, quem diligimus deuiitemus, auersemur, à no-  
 stro prohibeamus accessu, communem cum illo uitam uictumque habere nolimus, eumque  
 etià si disciplinæ imponendæ necessitas cogat, siue ne alijs noceat, siue ut fiat ipse correctior,  
 asperitate salubri persequamur, & hominem bonum tanquam malum affligamus, quem nesci-  
 entes amamus. Hoc fit si quis uerbi gratia cum sit pudicus, à nobis creditur impudicus: sine  
 dubio enim si pudicum diligo, hoc est ipse quod diligo, ergo etiam ipsum diligo & nescio:  
 & si impudicum odi, non ergo ipsum odi, quia non est quod odi, & tamen dilecto meo cum  
 quo simul in charitate pudicitia habitat anima mea, facio ignarus iniuriam, non errans in  
 discretionem uirtutum atque uitiorum, sed in cordium tenebris humanorum. Proinde sicut fieri  
 potest ut homo bonus hominem bonum oderit nesciens, uel potius diligat nesciens, ipsum  
 enim diligit cum bonum diligit, quia id quod est ille, hoc iste diligit, oderit autem nesciens  
 non ipsum, sed quod putat esse ipsum: ita fieri potest ut etiam homo iniustus oderit homi-  
 nem iustum, & dum aestimat se sui similem iniustum diligere, nesciens diligat iustum, & ta-  
 men dum eum credit iniustum, diligit non ipsum, sed quod putat esse ipsum: quemadmo-  
 dum autem hominem, sic & deum. Denique si interrogarentur Iudaei, utrum diligerent deum,  
 quid se aliud quàm diligere responderent, nec ex animo mentientes, sed errando potius opinan-  
 tes. Quomodo enim diligerent patrem ueritatis, qui haberent odio ueritatem? Nolunt enim  
 sua facta damnari, & hoc habet ueritas ut talia facta damnentur: tantum igitur oderunt ue-  
 ritatem, quantum oderunt suas poenas quas talibus irrogat ueritas: nesciunt autem illam esse  
 ueritatem, quæ tales quales ipsi sunt damnat. Oderunt ergo quæ nesciunt, & cum illam ode-  
 runt, profecto & eum de quo nata est, nisi odisse non possunt: ac per hoc quia ueritatē qua  
 iudicante damnantur, de patre deo natam nesciunt, utique etiam ipsum & nesciunt & oderunt.  
 O miseros homines, qui cum esse uolunt mali, nolunt esse ueritatem qua damnantur mali:  
 nolunt enim eam esse quod est, cum ipsi debeant nullo modo esse quod sunt, ut ipsa ma-  
 nente mutentur, ne ipsa iudicante damnentur.

De eo quod dicit, Si opera non fecissem in eis quæ nemo alius fecit, peccatum non  
 haberent, nunc autem & uiderunt, & oderunt & me & patrem meum, sed ut im-  
 pleatur sermo qui in lege eorum scriptus est, quia odio habuerunt me gratis.

Tractatus XCI.



DIXERAT dominus, Qui me odit, & patrem meum odit. Vtique enim qui odit  
 ueritatem, necesse est oderit & à quo ueritas nata est, unde iam quantum da-  
 tum est locuti sumus: deinde addidit unde nobis nunc loquendum est. Si opera  
 non fecissem in eis quæ nemo alius fecit, peccatum non haberent. Peccatum illud  
 scilicet magnum, de quo superius ait, Si non uenissem & locutus eis fuisset, peccatum non  
 haberent, hoc est peccatum, quod in eum loquentem & operantem non crediderunt, neque enim  
 nullum habebant peccatum, antequam loqueretur eis & operaretur in eis. Sed hoc peccatum  
 quo



A quo in eum non crediderunt, ideo sic commemoratur, quia ipso peccato tenentur & cetera: hoc enim si non haberent, & in eum crederent, dimitterentur & cetera. Sed quid est hoc quod cum dixisset, Si opera non fecissem in eis, mox addidit. Quæ nemo alius fecit? Nulla quippe in operibus Christi uidentur esse maiora quæ suscitatio mortuorum, quod scimus etiam antiquos fecisse prophetas. Fecit hoc etiam Helias, fecit Helisæus, & cum in hac carne uiueret, & cum in suo monumento sepultus iaceret, nam quidam portâtes mortuum, cum irruentibus hostibus eò refugissent, eumque posuissent, continuo resurrexit. Fecit tamen alia qua Christus, quæ nemo alius fecit, quod quinq; milia hominum de quinq; & quatuor milia de septem panibus paut, quod super aquas ambulauit, & Petro ut hoc faceret præstitit, quod aqua mutauit in uinum, quod aperuit oculos cæci nati, & alia multa quæ commemorare longum est. Sed respondetur nobis & alios fecisse quæ ipse non fecit, & quæ nemo alius fecit: quis enim nisi Moyses Ægyptios plagis tot tantisque percussit, diuiso mari populum duxit, manna de cælo esurientibus impetrauit, aqua de petra sitientibus fudit? Quis nisi Iesus naue populo transiuro Iordanis fluentia diuisit, & currentem solem emissa ad deum oratione frenauit, & fixit? Quis præter Samson propter suam sitim maxilla mortui asini exundante satiatus est? Quis præter Heliam curru igneo in alta subuectus est? Quis præter Helisæum, quod paulo ante commemorauimus, sepulto suo cadauere, cadauer alterius reddidit uitæ? Quis præter Daniele inter ora inclusorum secum leonum esurientium uixit innocuus? Quis præter tres uiros, Ananiam, Azariam, Misacem, in flammis ardentibus & non urentibus deambulauit illæsus? Prætereo cetera, quoniam hæc satis esse arbitror, quibus demonstratur & alios sanctos quædam opera miranda fecisse, quæ nemo alius fecit. Sed qui tam multa uicia & malas ualitudines uexationesque mortalium tanta potestate sanaret, nullus omnino legitur antiquorum: ut enim taceamus quos iubendo sicut occurrebant, saluos singulos fecit, Marcus euangelista quodam loco, ait, Vespere autem facto cum occidisset sol, afferebant ad eum Marci 1 omnes male habentes, & dæmonia habentes, & erat omnis ciuitas ad ianuam congregata, & curauit multos qui uexabatur uarijs languoribus, & dæmonia multa eiciebat. Id autem cum commemorasset Matthæus, etiam testimonium propheticum addidit, dicens, Vt adimpleretur quod dictum est per Esaiam prophetam dicentem, Ipse infirmitates nostras accepit, & ægitudines portauit: item alio loco dicit Marcus, Et quocumque loco introibat in uicos, uel in uillas, aut in ciuitates, in plateis ponebant infirmos, & deprecabantur eum ut uel simbrariam uestimenti eius tangerent, & quotquot tangebant eum, salui fiebant: hæc nemo alius fecit in eis. Sic enim intelligendum est quod ait, in eis, non inter eos uel coram eis, sed propter eum in eis quia sanauit eos. Hæc quippe intelligi uoluit quæ non solum facerent admiratio, sed etiam manifestam conferret salutem, pro quibus beneficijs utique amorem, non odium retribuere debuerunt. Omnia quidem cæterorum miracula superat, quod est natus ex uirgine, matrisque integritatem solus potuit nec conceptus uiolare nec natus: sed hoc nec coram eis factum est, nec in eis, ad cognoscendam quippe huius miraculi ueritatem, non communi cum eis aspectu, sed discreto ab eis discipulatu apostoli peruenerunt, iam uero illud quod die tertia in carne in qua occisus fuerat, de sepulchro se reddidit uiuum, & nunquam deinde moriturus cum illa ascendit in cælum, superat etiam cuncta quæ fecit: sed neque hoc factum est in Iudæis, neque coram eis: & nondum hoc fecerat quando dicebat, Si opera non fecissem in eis quæ nemo alius fecit, nimirum ergo sunt illa, quæ in eorum ualitudinibus tantam salutis ostendit, quanta in illis antea nemo donauit: hæc enim uiderunt, & hoc eis exprobrans adiungit & ait, Nunc autem & uiderunt & oderunt & me & patrem meum, sed ut impleretur sermo qui in lege eorum scriptus est, quia odio habuerunt me gratis, Psalm. 34 Eorum legem dicit, non ab ipsis inuentam, sed ipsis datam: sicut dicimus, Panem nostrum Matth. 6 quotidianum: quem tamen à deo petimus, addendo, da nobis. Gratis autem odit, qui nolum ex odio commodum querit, uel incommodum fugit: sic oderunt dominum impij, sic diligunt iusti, hoc est gratis, ut alia præter illum non expectent bona, quoniam ipse erit in

omnibus omnia. Quisquis uero altius attenderit Christum dicentem, Si opera nō fecissem in eis quæ nemo alius fecit, sed hæc & si pater aut spiritus sanctus fecit, quia totius trinitatis una substantia est, inueniet ipsum fecisse, si quando quispiam dei homo tale aliquid fecit. Potest quippe in seipso cuncta per ipsum, nemo autem potest aliquid sine ipso. Christus nanque cum patre & spiritu sancto non sunt tres dii, sed unus deus: de quo scriptum est, Benedictus dominus deus Israël, qui facit mirabilia solus, Nemo ergo alius fecit quæcunque opera in eis fecit, quoniam quisquis alius homo aliquid eorum fecit, ipso faciente fecit: hæc autem ipse, non illis facientibus fecit.

De eo quod dicit, Cum autem uenerit paracletus quem ego mittam uobis à patre spiritum ueritatis qui à patre procedit, ille testimonium perhibebit de me, & uos testimonium perhibebitis, quia ab initio mecum estis.

## Tractatus XCII.

**D**OMINVS Iesus in sermone quem locutus est discipulis suis post cœnam proximæ passioni, tanq̃ iturus & relicturus eos præsentia corporali, cum omnibus autem suis usq̃ in consummationem seculi futurus præsentia spiritali, exhortatus est eos ad perferendas persecutiones impiorum quos mûdi nomine nuncupauit: ex quo tamen mundo etiam ipsos discipulos se elegisse dixit, ut scirent se dei gratia esse quod sunt, suis autem uitjs fuisse quod fuerunt: deinde persecutores & suos & ipsorum Iudæos euidenter expressit, ut omnino appareret etiam ipsos mundi damnabili appellatione conclusos, qui persequuntur sanctos. Cumq̃ de illis diceret q̃ ignorarent eū à quo missus est, & tamen odissent & filium & patrem, hoc est, & eum qui missus est, & eum à quo missus est, de quibus omnibus in alijs sermonibus iam disseruimus, ad hoc peruenit ubi ait, ut adimpleatur sermo qui in lege eorum scriptus est, quia odio habuerunt me gratias. Deinde tanquam consequenter adiunxit, unde modo disputare suscepimus. Cum autem uenerit paracletus quem ego mittam uobis à patre spiritum ueritatis qui à patre procedit, ille testimonium perhibebit de me, & uos testimonium perhibebitis, quia ab initio mecum estis. Quid hoc pertinet ad illud quod dixerat, nunc autem & uiderunt & oderunt & me & patrem meum, sed ut impleatur sermo qui in lege eorum scriptus est, quia odio habuerunt me gratis: an quia paracletus quando uenit spiritus ueritatis, eos qui uiderunt & oderunt, testimonio manifestiore conuicit? Imò uero etiam aliquos ex illis qui uiderunt & adhuc oderant, ad fidem quæ per dilectionem operatur, sui manifestatione conuertit: hoc ut intelligamus, ita factum esse recolimus. Venit enim die pentecostes spiritus sanctus in centum uiginti homines cōgregatos, in quibus & apostoli omnes erant, qui illo adimpleti cum linguis omnium gentium loquerentur, plures ex his qui oderant, tanto miraculo stupefacti quandoquidem uiderunt loquēte Petro tam magnum atq̃ diuinum testimonium perhiberi de Christo, ut ille qui occisus ab eis inter mortuos deputabatur, resurrexisset & uere probaretur, compuncti corde conuersi sunt, & tanti sanguinis tam impie atq̃ immunitate fusi, indulgentiam perceperunt, ipso redempti sanguine quem fuderunt. Christi enim sanguis sic in remissionem peccatorum omnium fusus est, ut ipsum etiam peccatum posset delere quo fusus est: hoc ergo intuens dominus dicebat, Odio me habuerunt gratis. Cum autem uenerit paracletus, ille testimonium perhibebit de me: tanq̃ diceret, odio me habuerunt, & occiderunt uidētes, sed tale de me paracletus testimonium perhibebit, ut eos faciat in me credere nō uidētes. Et uos, inquit, testimonium perhibebitis, quia ab initio mecum estis. Perhibebit spūs sanctus, perhibebitis & uos: quia enim ab initio mecum estis, potestis prædicare quod nostis, quod ut modo non faciatis, illius spiritus plenitudo nondum adest uobis. Ille ergo testimonium perhibebit de me, & uos testimonium perhibebitis, dabit enim uobis fiduciā testimoniū perhibēdi charitas dei diffusa in cordibus uestris per spiritum sanctum qui dabitur uobis. Quæ utiq̃ Petro adhuc defuit, quando mulieris ancillæ interrogatione perterritus, non potuit uerum testimonium perhibere, sed contra suā pollicitationem timore



**A** timore magno compulsus est ter negare: timor autem iste non est in charitate, sed perfecta charitas foras mittit timorem. Denique ante passionem domini seruilis timor eius interrogatus est à femina seruitutis, post resurrectionem uero domini liberalis eius amor ab ipso principe libertatis, & ideo ibi turbabatur, hic tranquillabatur, ibi quem dilexerat negabat, hic quem negauerat diligebat. Sed adhuc etiam tunc amor ipse infirmus fuerat & angustus, donec eum roboraret & dilataret spiritus sanctus. Qui postea quod illi est abundantia gratiae largioris infusus, sic ad perhibendum de Christo testimonium quondam eius frigidum pectus accendit, atque illa prius trepida quae ueritatem suppresserant ora reserauit, ut cum omnes in quos uenerat spiritus sanctus, linguis omnium gentium loquerentur, Iudaeorum circumstantibus turbis, solus ad testimonium de Christo perhibendum praeter ceteris promptius emicaret, eiusque interfectores de illius resurrectione confunderet: si quem delectat tam suauiter sanctum tale spectaculum intueri, actus apostolorum legat, ibi beatum Petrum quem negantem doluerat, stupeat praedicantem. Ibi linguam illam uideat ad fiduciam à diffidentia, & ad libertatem à seruitute translatam, tot linguas inimicorum conuertere ad Christi confessionem, quarum non ualendo unam ferre, uersa fuerat in negationem. Quid plura? Tantus in illo fulgor gratiae, tanta spiritus sancti plenitudo apparebat, tanta de ore praedicantis preciosissimae ueritatis pondera procedebant, ut ingentis multitudinis aduersarios interfectores Christi Iudaeos faceret pro illo paratos mori, à quibus cum illo formidabat occidi: hoc fecit spiritus sanctus tunc missus, ante promissus: ista dominus magna atque miranda sua beneficia praeuidebat, quando dicebat, Et uiderunt & oderunt & me & patrem meum, ut adimpleatur sermo qui in lege eorum scriptus est, quia odio habuerunt me gratias, cum autem uenerit paracletus quem ego mittam uobis à patre spiritum ueritatis, qui à patre procedit, ille testimonium perhibebit de me, & uos testimonium perhibebitis: ille quippe testimonium perhibens, & testes fortissimos faciens, abstulit Christi amicis timorem, & inimicorum odium conuertit in amorem.

**B** De eo quod dicit, Haec locutus sum uobis ut non scandalizemini, usque ad id quod ait, Sed haec locutus sum uobis, ut cum uenerit hora eorum reminiscamini, quia ego dixi uobis.

## TRACTATUS XCIII.

Capit. XVI

**I**N HIS quae praecedunt hoc euangelij capitulum, dominus discipulos suos ad imitandum fieri fortiores, addens & promittens eis, quod uenturus esset spiritus sanctus qui de illo testimonium perhiberet, & adiiciens quod & ipsi fierent testes eius, hoc utique in eis operante spiritu sancto: sic enim ait, Ille testimonium perhibebit de me, & uos testimonium perhibebitis: utique quia ille perhibebit, etiam uos perhibebitis: ille in cordibus uestris, uos in uocibus uestris, ille inspirando, uos sonando, ut possit impleri, In omnem terram Psal. 18 exiuit sonus eorum: parum quippe fuerat eos adhortari exemplo suo, nisi impleteret spiritus sanctus: denique apostolus Petrus cum iam uerba eius audisset, ubi dixerat, Non est seruus maior domino suo, si me persecuti sunt, & uos persequentur & hoc in illo iam uideret impleri, in quo patientiam domini sui si exemplum sufficeret debuit imitari, succubuit & negauit, non utique ferens quod illum ferre cernebat. Cum uero accepit donum spiritus sancti, quod negauerat praedicauit, & quod confiteri timuerat, non timuit profiteri. Prius enim exemplo quidem fuerat edoctus, ut quod fieri conuenerat nosset, sed nondum fuerat uirtute fultus, ut quod nouerat faceret, instructus erat ut staret, sed non erat firmatus ne caderet: quod postea per spiritum sanctum factum est, annunciauit usque ad mortem, quod negauerat timens mortem: ideo dominus in hoc consequenti capitulo, de quo nunc nobis loquendum est, Haec, inquit, locutus sum uobis, ut non scandalizemini. Psal. 118 Merito itaque promisso spiritu sancto, quo in eis operante fierent testes eius, subiunxit, haec locutus sum uobis, ut non scandalizemini: cum enim charitas dei diffunditur in cordibus nostris per spiritum sanctum qui datus est nobis, fit pax multa diligentibus legem dei, ut non sit illis scandalum: D. 4 deinde

at, absq; synagogis

deinde quæ passuri essent, iam exprimens ait, <sup>1</sup>Extra synagogas facient uos.) Quid autem mali erat apostolis expelli de synagogis Iudaicis, quasi nō inde fuerant se separaturi, etiam si eos nullus expelleret? Sed nimirum hoc uoluit denunciare, quia Iudæi Christum nō fuerant recepturi, à quo isti non fuerant recessuri, & ideo futurum erat ut foras mitterentur cum illo ab eis qui esse nollent in illo, hi qui esse non possent sine illo, nā profecto quia non erat ullus alius populus dei q̃ illud semen Ahraæ, si agnoscerent & reciperent Christum, tanq̃ rami naturales in oliua permanerēt, nec aliæ fierent ecclesiæ Christi, aliæ synagogæ Iudæorum, eadem quippe essent, si in eodem esse uoluissent, quod quia noluerunt, quid restabat nisi ut remanentes extra Christum, extra synagogas facerent eos qui non relinquerēt Christum? Accepto quippe spiritu sancto, testes eius effecti, non utiq; ut tales essent, de quibus dicitur, Multi principes Iudæorum crediderunt in eum, sed propter metum Iudæorum ne repellerentur de synagogis, non audebant confiteri eū, dilexerunt enim gloriam hominum magis q̃ dei. Crediderunt ergo in eum, sed non sic quomodo eos uolebat credere, qui dicebat, Quomodo potestis credere, gloriam ab inuicem expectātes, & gloriam quæ à solo deo est non quærentes? Discipulis ergo sic in eum credentibus ut impleti spiritu sancto, hoc est, dono gratiæ dei, non sint de numero eorum qui ignorantes dei iustitiam, & suam uolentes constituere, iustitiæ dei non sunt subiecti, nec de illorum, de quibus dictum est, Dilexerunt gloriam hominum magis q̃ dei: illa congruit prophetia quæ de ipsis inuenitur impleta, Domine in lumine uultus tui ambulabunt, & in nomine tuo exultabunt tota die, & in tua iustitia exultabunt, quoniam gloria uirtutis eorum tu es: merito eis dicitur, Extra synagogas facient uos, illi scilicet, qui zelum dei habent, sed non secundū scientiam: propter quod ignorantes dei iustitiam, & suam uolentes constituere, eos expellunt qui non in sua, sed in dei iustitia exultabunt, nec expulsi ab omnibus erubescunt, quoniam gloria uirtutis eorum ipse est: deniq; cum hoc eis dixisset, adiecit, Sed uenit hora, ut omnis qui interficit uos, arbitretur obsequium se præstare deo, & hæc facient uobis, quia non cognouerunt patrem neq; me.) hoc est, non cognouerunt deum nec eius filium, cui se in uobis occidendis præstare arbitrantur obsequium: quæ uerba dominus ita subiunxit, tanquam ex hoc consolationetur suos, qui de synagogis Iudaicis expellerentur: prænunciāns enim quæ mala essent pro eius testimonio perpassuri, extra synagogas, inquit, facient uos, nec ait, & uenit hora ut omnis qui interficit uos, arbitretur obsequium se præstare deo. Quid ergo ait? Sed uenit hora, quemadmodum diceret, si aliquid boni post ista mala prædiceret. Quid sibi ergo uult, extra synagogas facient uos? Sed uenit hora, tanquam hoc dicturus fuisset, Separabunt quidem illi uos, sed ego uos colligam: aut separabunt quidem illi uos, sed uenit hora laetitiae uestre: quid ergo ibi facit hoc uerbum, quod ait, sed uenit hora, quasi consolationem eis promitteret post tribulationem, cum magis dicere debuisset uideatur indicatiuo modo, & uenit hora? Sed non ait, & uenit, cum tribulationem super tribulationem, non consolationem post tribulationem uenturam illis esse prædiceret. An forte sic eos illa de synagogis separatio fuerat turbatura, ut mori mallent, quàm in hac uita sine Iudæorum congregationibus immorari? Absit ut sic turbarentur qui dei, non hominum gloriam requirebant. Quid ergo est, extra synagogas facient uos, sed uenit hora, cum potius dicere debuisset uideatur, & uenit hora, ut omnis qui interficit uos, arbitretur obsequium se præstare deo? Neque enim saltem dictum est, sed uenit hora ut interficiant uos, quasi ut eis mors pro consolatione illius separationis accideret: sed uenit hora, inquit, ut omnis qui interficit uos, arbitretur obsequium se præstare deo. Prorsus non mihi uidetur aliud significare uoluisse, nisi ut intelligerent atque gauderent tam multos se Christo acquisituros, cum de Iudæorum congregationibus pellerentur, ut eos quidem non sufficerent pelleri, sed non sinerent uiuere, ne omnes ad nomen Christi sua prædicatione conuerterent, & ab obseruatione Iudaismi, tanquam diuinæ ueritatis auerterent. Hoc enim de Iudæis dictum debemus accipere, de quibus dixerat, extra synagogas facient uos. Nam testes, id est,



**A** id est, martyres Christi, etiam si occisi sunt à gentilibus, non tamen illi arbitrati sunt deo, sed dijs suis falsis obsequium se præstare cum hæc facerēt. Iudæorum autem omnis qui occidit prædicatores Christi, deo se putauit præstare obsequium, credens q̄ deferrent deū Israēl, quicumq; conuerterentur ad Christum, ut enim & ipsum Christum occiderent, ista ratione commoti sunt, nam eorum de hac re etiam uerba conscripta sunt, Videtis quia totus mundus post eum abiit, si dimiserimus eum uiuere, uenient Romani, & tollent nobis & locum & gentem: & quod Caiphas dixit, Expedi ut unus homo moriatur pro populo, & nō tota gens pereat. Et in hoc ergo sermone suo discipulos suos erexit exemplo, quibus dixerat, Si me persecuti sunt, & uos persequentur, ut quemadmodum illum occidendo, deo se præstitisse obsequium putauerunt, sic etiam illos: iste itaq; sensus est in his uerbis, Extra synagogas facient uos, sed nolite solitudinem formidare: separati quippe à congregatione eorum, tam multos in nomine meo cōgregabitis, ut illi metuētes ne templum quod erat apud eos, & omnia legis ueteris sacramenta deferantur, interficient uos, sic fundentes sanguinem uestrum, ut deo se præstare arbitrentur obsequium: ecce est illud quod de his dixit Apostolus, Zelum dei habent, sed nō secundū scientiam, obsequium se putant præstare deo, interficiendo famulos dei. O error horrendus, itā ne ut placeas deo, percutis placētem deo, & templum dei uiuum te feriente prosternitur, ne dei templum lapideum deferatur: o execrabilis cæcitas: sed ex parte in Israēl facta est, ut plenitudo gentium intraret, ex parte, inquam, facta est, non ex toto. Nō enim omnes, sed aliqui ex ramis fracti sunt, ut infereretur oleaster, nam spiritus sancto implente discipulos Christi, cum linguis omnium gentium loqueretur, cum per eos diuina miracula frequentarentur, & diuina eloquia spargerentur, etiam occisus ita dilectus est Christus, ut eius discipuli expulsi à congregationibus Iudæorum, ex ipsis quoq; Iudæis ingentem multitudinem congregarent, & nullam solitudinem formidarent. Hinc ergo accensi cæteri reprobī & cæci, zelum dei habentes, sed non secundū scientiam, & obsequium se præstare deo credentes, occidebant eos. Sed pro illis occisis colligebat eos, qui de his futuris antequam occideretur instruxerat eos, ne ignaros atq; imparatos animos mala inopinata & improuisa, quamuis cito transitura turbarent, sed præcognita & patiēter accepta, ad bona sempiterna perducerēt. Hanc enim fuisse causam ut hæc eis prænunciaret, etiam ipse demonstrauit adiungens, Sed hæc locutus sum uobis, ut cum uenerit hora eorum reminiscamini, quia ego dixi uobis. Hora eorum hora tenebrosa, hora nocturna: sed in die mādauit dominus misericordiam suam, & nocte declarauit, quando nox Iudæorum separatū à se diem Christianorum nulla confusione fuscavit, & quando carnem occidere potuit, fidem tenebrare non potuit.

De eo quod dicit, Hæc autem uobis ab initio non dixi, quia uobiscum eram, usq; ad id quod ait, De iudicio autem, quia princeps huius mundi iudicatus est.

## TRACTATUS XCIII.



**M** dominus Iesus prædixisset discipulis suis persecutiones quas passuri fuerant post eius abscessum, subiunxit atq; ait, Hæc autem uobis ab initio non dixi, quia uobiscum eram: nunc autē uado ad eum qui me misit. Vbi primum uidendum est, utrum eis futuras non prædixerit ante passionem. Sed alij tres euāgelistæ iatis eum prædixisse ista demōstrant, anteq̄ uentum esset ad cenā, qua peracta secundū Ioannem ista locutus est, ubi ait, Hæc autem uobis ab initio non dixi, quia uobiscum eram. An forte hinc ista soluitur quæstio, quia & illi eum narrant passioni proximum fuisse cum hæc diceret? Non ergo ab initio quando cū illis erat, quia iam discessurus, tam q̄ ad patrem perrecturus hæc dixit, & ideo etiā secundū illos euāgelistas uerum est quod hic dictum est, hæc autem uobis ab initio non dixi: sed quid agimus de fide euāgelij secundū Matthæum, qui hæc eis à domino nō solum cū iam pascha esset cum discipulis cenaturus imminente passione, uerū & ab initio denunciata esse commemorat, ubi primum nominatim duodecim exprimiuntur apostoli, & ad opera diuina mittuntur? Quid sibi ergo uult quod hic ait,

hic ait, Hæc autem uobis ab initio non dixi, quia uobiscum eram, nisi quia ea quæ hic dicitur de spiritu sancto, quod sit uenturus ad eos & testimoniū perhibiturus, quando mala illa passuri sunt. Hæc ab initio eis non dixit, quia cum ipsis erat. Cōsolator ergo ille uel aduocatus, utrūque enim interpretatur, quod est græce paracletus, Christo abscedente fuerat necessarius, & ideo de illo non dixerat ab initio quādo cum illis erat, quia eius præsentia consolabatur. Abscessurus autem oportebat ut diceret illum esse uenturum, per quem futurum erat, ut charitate diffusa in cordibus suis uerbum dei cum fiducia prædicarent, & illo intrinsecus apud eos testimonium perhibente de Christo, ipsi quoque testimonium perhiberent, neque scandalizarentur cum inimici Iudæi absque synagogis facerent eos, & interficerent, arbitantes obsequium se præstare deo, quoniam charitas omnia tolerat, quæ diffundenda erat in cordibus eorum per spiritum sancti donū. Hinc ergo iste totus ducitur sensus, quia facturus eos erat martyres suos, id est, testes suos per spiritum sanctum, ut illo in eis operante, persecutionū quæcunque asperatolerarent, nec frigerent à charitate prædicandi, illo diuino igne succensi. Hæc ergo, inquit, locutus sum uobis, ut cum uenerit hora eorum reminiscamini quia ego dixi uobis: hæc scilicet locutus sum uobis, non tantum quia passuri estis ista, sed quia cum uenerit paracletus, ille testimonium perhibebit de me, ne ista timēdo timeatis, unde fiet ut etiam uos testimonium perhibeatis. Hæc autē uobis ab initio non dixi, quia uobiscum eram, & ego uos cōsolabar mea corporali præsentia exhibita humanis sensibus uestris, quam paruuli capere poteratis.

Nunc autem uado ad eum qui me misit, & nemo, inquit, ex uobis interrogat me quod uadis? Significat dominus Iesus sic se iturum ut nullus interrogaret, quod palam fieri uisum corporis cernerent, nam superius interrogauerunt eum discipuli quod esset iturus, & responderat eis se iturum quod ipsi tunc uenire non possent. Nunc uero ita se promittit iturum, ut nullus eorum quod uadit interroget. Nubes enim suscepit eum quando ascendit ab eis, & euntem in cælum non uerbis quæsierunt, sed oculis deduxerunt. Sed quia hæc locutus sum uobis, inquit, tristitia implebit cor uestrum. Videbat utique quid illa sua uerba in eorum cordibus agerent, spiritalem quippe nondum interior habentes consolationem, quam per spiritum sanctum fuerat habituri, id quod exterius in Christo uidebant amittere metuebant, & quia se amissuros esse illum uera denunciantem dubitare non poterant, contristabatur humanus affectus, quia carnalis desolabatur aspectus. Nouerat autem ille quid eis potius expediret, quia uisus interior ipse est utique melior, quo eos consolaturus fuerat spiritus sanctus, non cernentium corporibus ingesturus corpus humanum, sed seipsum credentium uadam, si enim non abiero, paracletus non ueniet ad uos, si autē abiero, mittam eum ad uos. tanquam diceret, expedit uobis ut hæc forma serui auferatur à uobis, caro quidem factum uerbum habito in uobis, sed nolo me carnaliter adhuc diligatis, & isto lacte contenti semper infantes esse cupiatis, expedit uobis ut ego uadam, si enim non abiero, paracletus non ueniet ad uos. Si alimenta tenera quibus uos alui, non subtraxero, solidum cibum non esuriētis, si carni carnaliter hæseritis, capaces spiritus non eritis: nam quid est, si non abiero, paracletus non ueniet ad uos, si autē abiero, mittam eum ad uos? Nūquid hic positus, eum non poterat mittere? Quis hoc dixerit? Neque enim ubi ille erat, iste inde recesserat, & sic uenerat à patre, ut non maneret in patre. Postremo quomodo eum etiā hic constitutus non poterat mittere, quem scimus super eum baptizatum uenisse atque mansisse, imò uero à quo scimus eum nunquam separabilem fuisse? Quid est ergo, si non abiero, paracletus non ueniet ad uos, nisi non potestis cæpere spiritum, quamdiu secundum carnem persistitis nosse Christum? Vnde ille, inquit, qui iam Etiam ipsam quippe carnem Christi non secundum carnem nouit, qui uerbum carnem factum spiritualiter nouit. Hoc nimirum significare uoluit magister bonus dicendo, si enim non abiero, paracletus non ueniet ad uos: si autē abiero, mittam eum ad uos. Christo autē discedente corporaliter, non solum spiritus sanctus, sed & pater & filius illis affuit spiritualiter, nam si ab eis sic abscessit Christus, ut pro



A ut pro illo non cum illo in eis esset spiritus sanctus, ubi est eius promissio dicentis, Ecce ego <sup>Matth. 28</sup> uobiscum sum usque ad consummationem seculi, & ueniemus ad eum ego & pater, & mansionem apud eum faciemus, cum & spiritum sanctum ita se promiserit esse missurum, ut cum eis esset in aeternum, ac per hoc cum ex carnalibus uel animalibus essent spirituales futuri, profecto & patrem & filium & spiritum sanctum capacius fuerant habituri. In nullo ergo credendus est esse pater sine filio & spiritu sancto, aut sine patre & filio spiritus sanctus, aut pater & spiritus sanctus sine filio, sed ubi eorum quilibet unus, ibi trinitas deus unus. Oportebat autem ita insinuari trinitatem, ut quamuis nulla esset diuersitas substantiarum, singillatim tamen commendaretur distinctio personarum, ubi eis qui recte intelligunt, nunc uideri potest separatio naturarum: quod autem sequitur, Et cum uenerit ille, arguet mundum de peccato, & de iustitia, & de iudicio: de peccato quidem, quia non crediderunt in me: de iustitia uero, quia ad patrem uado, & iam non uidebitis me: de iudicio autem, quia princeps huius mundi iudicatus est.) Tanquam solum sit peccatum non credere in Christum, & tanquam ipsa sit iustitia non uidere Christum, & tanquam ipsum sit iudicium, quod princeps huius mundi, hoc est diabolus, iudicatus est, ualde latebrosus est, nec isto sermone coartandum, ne fiat obscurius breuitate, sed alio potius quantum dominus adiuuerit explicandum.

De eadem lectione.

Tractatus XCV.

**R**OMITTENS dominus missurum se spiritum sanctum: Cum uenerit, inquit, ille arguet mundum de peccato, & de iustitia, & de iudicio.) Quid est hoc? Nunquid nam dominus Christus non arguit mundum de peccato, cum ait, Si non <sup>Ioan. 19</sup> uenissem, & locutus eis fuisset, peccatum non haberent, nunc autem excusationem non habet de peccato suo? Sed ne quis forte dicat hoc ad Iudaeos proprie pertinere, non ad mundum: nonne alio loco inquit, Si de mundo essetis, mundus quod suum erat diligeret? Nunquid non <sup>Ioan. 17</sup> arguit de iustitia, ubi ait, Pater iuste, mundus te non cognouit? Nunquid non <sup>Matth. 23</sup> arguit de iudicio, ubi se ait sinistris esse dicturum, Ite in ignem aeternum, qui paratus est diabolo & angelis eius? Et multa alia reperiuntur in sancto euangelio, ubi de his Christus arguit mundum: quid est ergo quod tanquam proprie tribuit hoc spiritui sancto? An forte quia Christus in Iudaeorum gente tantum locutus est, mundum non uidetur arguisse, ut ille intelligatur argui qui audit arguentem? Spiritus autem sanctus in discipulis eius toto orbe diffusis, non <sup>Act. 1</sup> unam gentem intelligitur arguisse, sed mundum: nam hoc illis ait ascensurus in coelum, Non est uestrum nosse tempora uel momenta, quae pater posuit in sua potestate, sed accipietis uirtutem spiritus sancti superuenientis in uos, & eritis mihi testes in Hierusalem, & in tota Iudaea, & in Samaria, & usque ad fines terrae, hoc est arguere mundum. Sed quis audeat dicere quod per discipulos Christi arguet mundum spiritus sanctus, & non arguat ipse Christus, cum dicit Apostolus, <sup>2. Cor. 13</sup> An uultis experimentum accipere eius qui in me loquitur Christus? Quos itaque arguit spiritus sanctus, arguit utique & Christus. Sed quantum mihi uidetur, quia per spiritum sanctum diffundenda erat charitas in cordibus eorum, quae foras mittit timorem, quo impediri possent, ne arguere mundum qui persecutionibus fremebat auderet, propterea dixit, ille arguet mundum, tanquam diceret, ille diffundet in cordibus uestris charitatem, sic enim timore depulso, arguendi habebitis libertatem. Saepe autem diximus inseparabilia opera esse trinitatis, sed singillatim commendandas fuisse personas, ut non solum sine separatione, uerum etiam sine confusione & unitas intelligatur & trinitas: exponit deinde quid dixerit de peccato, & de iustitia, & de iudicio. De peccato quidem, inquit, quia non crediderunt in me.) hoc enim peccatum quasi solum sit praeter ceteris posuit, quia hoc manente cetera detinentur, & hoc discedente cetera remittuntur. De iustitia uero, inquit, quia ad patrem uado, & iam non uidebitis me.) Hic primo uidendum est, si recte quisque arguitur de peccato, quomodo recte arguatur & de iustitia. Nunquid si arguendus est peccator propterea quia peccator est, arguendum putauit quisquam & iustum, propterea quia iustus est? Absit. Nam & si aliquando iustus arguitur, ideo recte arguitur, quia scriptum est, Non est iustus in terra, qui faciat bonum

bonum & non peccet: quocirca etiā cum iustus arguitur de peccato, arguitur nō de iustitia: c  
*Eccles. 7* quoniam & in illo quod legimus diuinitus dictum, Noli effici iustus multum, non est no-  
 rata iustitia sapientis, sed superbia præsumentis: qui ergo fit multum iustus, ipso nimio fit  
 iniustus: multum enim se facit iustum, qui dicit se non habere peccatum, aut qui se putat nō  
 gratia dei, sed sua uoluntate sufficiente effici iustum, nec recte uiuēdo iustus est, sed potius  
 inflatus, putando se esse quod non est. Quo pacto igitur mundus arguēdus est de iustitia,  
 nisi de iustitia credentium? Arguitur itaq; de peccato, quia in Christū nō credit, & arguitur  
 de iustitia eorum qui credunt: ipsa quippe fidelium comparatio, infidelium est uituperatio,  
 hoc & ipsa expositio satis indicat: uolens enim aperire quid dixerit, de iustitia uero, inquit,  
 quia ad patrem uado, & iam non uidebitis me: non ait, & iam non uidebunt me, de quibus  
 dixerat, quia non credunt in me, sed peccatum quid uocaret exponens, de illis locutus est,  
 dicens, quia non credunt in me: exponens autē quam dixerit iustitiam, de qua dixit, mūdus  
 arguitur, ad ipsos quibus loquebatur, se conuertit atq; ait, Quia ad patrē uado, & iam non  
 uidebitis me. Quapropter mūdus de peccato quidem suo, de iustitia uero arguitur aliena,  
*Ephes. 5* sicut arguuntur de lumine tenebræ: Omnia enim quæ arguuntur ait Apostolus, à lumine  
 manifestantur. Quantum enim malum sit eorum qui non credunt, non solum per seipsum,  
 uerumetiam ex bono potest eorum apparere qui credunt. Et quoniam ista uox infidelium  
 esse consuevit, quomodo credimus quod nō uidebimus? Ideo credentium iustitiā sic oportet  
 tuit definiri, quia ad patrem uado, & iam non uidebitis me: beati enim qui non uident &  
 credunt. Nam & qui uiderunt Christum, nō in eis laudata est fides eorum, quia credebant  
 quod uidebant, id est, filium hominis, sed quia credebant quod non uidebant, id est filium  
 dei. Cum uero & ipsa forma serui subtracta eorū esset aspectibus, tum uero ex omni parte  
*Abucuc. 2* impletum est, Iustus ex fide uiuit: est enim fides, sicut in epistola quæ ad Hebræos est diffi-  
 nitur, sperandarum substantia, & conuictio rerum quæ nō uidentur. Sed quid est, iam non  
 uidebitis me? non enim ait, ad patrem uado, & non uidebitis me, ut temporis interuallum  
 quo non uidebatur, significasse intelligeretur, siue breue, siue longum, tamen utiq; termina-  
 tum: sed dicendo, iam nō uidebitis me, uelut nunq̃ de cætero uisuros eos Christum ueritas  
 prænuñciauit: Hæc ne iustitia est nunq̃ Christum uidere, & in eum tamen credere, cum  
 propterea laudetur fides ex qua iustus uiuit, quoniam credit quem modo non uidet Chri-  
 stum, se aliquando esse uisurum? Postremo secundū hanc iustitiam, nūquid dicturi sumus  
 Paulum apostolum non fuisse iustum, confitētem se Christum uidisse post ascensionē eius  
 in cælum, de quo utiq; iam tempore dixerat, iam non uidebitis me. Nunquid secundū hanc  
*A. 7. 7* iustitiam iustus non erat gloriosissimus Stephanus, qui cum lapidaretur, ait, Ecce uideo cœ-  
 lum apertum, & filium hominis stantem ad dexteram dei? Quid ergo est, Ad patrem ua-  
 do, & iam nō uidebitis me, nisi quomodo sum, cum uobiscum sum? Tunc enim adhuc erat  
 mortalis in similitudine carnis peccati, qui esurire poterat atq; sitire, fatigari atq; dormire.  
*2. Cor. 5* Hunc ergo Christum, id est, talem Christum cum transisset de hoc mundo ad patrem, non  
 erant iam uisuri, & ipsa est iustitia fidei, de qua dicit Apostolus, Etsi noueramus Christum  
 secundum carnem, sed nunc iam non nouimus. Erit itaque, inquit, uestra iustitia qua mun-  
 dus arguetur, quia uado ad patrem, & iam non uidebitis me, quoniam in eum quem non  
 uidebitis credetis in me, & quando me uidebitis quod tunc ero, non uidebitis me quod  
 sum uobiscum modo, non uidebitis me humilem, sed excelsum: non uidebitis mortalem,  
 sed sempiternum: non uidebitis iudicandum, sed iudicaturum, & de hac fide uestra, id est,  
 iustitia uestra, arguet spiritus sanctus incredulum mundum. Arguet etiam de iudicio,  
*Ioan. 14* quia princeps huius mundi iudicatus est. Quis est iste, nisi de quo ait alio loco, Ecce uenit  
 princeps mundi, & in me nihil inuenit, id est, nihil iuris sui, nihil quod ad eum pertineat,  
 nullum scilicet omnino peccatum? Per hoc enim est diabolus princeps mundi, non enim  
 cœli & terræ & omniū quæ in eis sunt est diabolus princeps, qua significatione intelligitur  
 mundus, ubi dictum est, Et mundus per eum factus est: sed mundi est diabolus princeps,  
 de quo



A de quo mūdo ibi cōtinuo subiungit atq; ait, Et mundus eū non cognouit, hoc est homines infideles, quibus toto orbe terrarum mundus est plenus: inter quos genuit fidelis mundus, quem de mundo elegit, per quem factus est mundus, de quo ipse dicit, Non uenit filius ho- <sup>Ioan. 3</sup> minis ut iudicet mundum, sed ut saluetur mundus per ipsum. Mūdos eo iudicante damnatur, mundus eo subueniente saluatur, quoniam sicut arbor folijs & pomis, sicut area paleis & frumentis, ita infidelibus & fidelibus plenus est mundus. Princeps est ergo mundi huius hoc est, princeps tenebrarum harum, hoc est, infidelium, de quibus eruitur mundus de quibus dicitur, Fuiſtis aliquando tenebræ, nunc autem lux in domino. Princeps mundi huius <sup>Ephes. 5</sup> de quo alibi dicit, Nunc princeps mundi huius missus est foras, utiq; iudicatus est, quoniā <sup>Ioan. 12</sup> iudicio ignis æterni irreuocabiliter destinatus est. Et de hoc itaq; iudicio quo princeps iudicatus est mundi, arguitur à spiritu sancto mundus, quoniam cum suo principe iudicatur, quem superbus atq; impius imitatur. Si enim deus, sicut dicit apostolus Petrus, peccātibus <sup>2. Petri. 2</sup> angelis non pepercit, sed carceribus caliginis inferi retrudens tradidit in iudicio puniendos seruari, quomodo non à spiritu sancto de hoc iudicio mundus arguitur, quando in spiritu sancto hæc loquitur apostolus? Credant itaq; homines in Christum, ne arguantur de peccato infidelitatis suæ, quo peccata omnia detinentur. Transeant in numerum fidelium, ne arguantur de iustitia eorum, quos iustificatos non imitantur. Caueant futurum iudicium, ne cum mundi principe damnentur, quem iudicatum imitantur. Etenim ne sibi existimet par ti superbia dura mortalium, de superborum supplicio terrenda est angelorum.

Ab eo quod scriptum est, Adhuc multa habeo uobis dicere, sed non potestis portare modo, Cum autem uenerit ille spiritus ueritatis, docebit uos omnem ueritatem.

## TRACTATUS XCVI.

B **I**N isto sancti euangelij capitulo, ubi dominus ait discipulis suis, Adhuc multa habeo uobis dicere, sed non potestis portare modo, Prius quæredum illud occurrit, quomodo superius dixerit, Omnia quæ audiui à patre meo nota feci uobis, & hic dicat, Adhuc multa habeo uobis dicere, sed non potestis portare modo. Verum illud quomodo dixerit, quod nondum fecerat tanquam fecerit, sicut ea quæ futura sunt deum fecisse propheta testatur dicens, Qui fecit quæ futura sunt, iam cum ipsa uerba tractaremus, ut potuimus, exposuimus. Nūc ergo quæ ista sint quæ apostoli portare non poterant, uultis forsitan scire. Sed quis nostrum audeat eorum se dicere iam capacem, quæ illi capere non ualebant? Ac per hoc nec à me expectanda sunt ut dicantur, quæ forte non caperem, si mihi ab alio dicerentur, nec uos ea portare possetis, etiā si ego tantus essem, ut à me ista quæ uobis altiora sunt audiretis. Et fieri quidem potest ut sint in uobis aliqui ad ea capienda iam idonei, quæ alij capere nondum ualent, & si non omnia, de quibus magister ille deus dicebat, Adhuc multa habeo uobis dicere, tamen eorum fortasse nonnulla. Sed quæ nam sint ista quæ ipse non dixit, temerarium est uelle præsumere & dicere: nam & mori pro Christo nondum erant idonei tunc apostoli quibus dicebat, Non potestis me sequi modo. Vnde primus eorum Petrus, qui hoc iam se posse præsumperat, aliud expertus est quàm putabat: & tamen postea & uiri & mulieres, pueri & puellæ, iuuenes & uirgines, senes cū iunioribus innumerabiles martyrio coronati sunt, & posse inuenta sunt oues, quod tunc quando ista dominus loquebatur, nondum poterant portare pastores. Nūquid ergo debuit illis ouibus dici in illo tētationis articulo, quod certare usq; ad mortem pro ueritate oportebat, & pro Christi nomine uel doctrina sanguinem fundere, nunquid inquit debuit eis dici, Quis uestrum audeat idoneum martyrio se putare, cui Petrus idoneus nondum fuerat, quando eum os ad os ipse dominus instruebat? Sic itaq; dixerit aliquis, nō debere dici populis Christianis audire cupiētibus, quæ sint de quibus dominus tunc dicebat, Adhuc multa habeo uobis dicere, sed non potestis portare modo: si apostoli nondum poterant, multo minus uos potestis: quia forte sic multi possunt audire, quod tunc nondum poterat Petrus, sic multi possunt martyrio coronari, quod tunc nondum poterat Petrus, præ- E sertim

fertim iam misso spiritus sancto, qui tunc nondum erat missus, de quo cōtinuo subiungit at-  
 que ait, Cum aut uenerit ille spiritus ueritatis, docebit uos omnē ueritatem. Sic utiq; de-  
 monstrans illos ideo quæ habebat dicere, portare non posse, quia nondum ad eos uenerat  
 spiritus sanctus. Ecce cōcedamus ut ita sit, multos ea modo portare posse iam misso spiritus  
 sancto, quæ tunc eo nondū misso, nō poterant portare discipuli. Nunquid ideo scimus quæ  
 sint quæ dicere noluit, quæ tunc sciremus si ab eo dicta legeremus uel audiremus? Aliud est  
 enim scire, utrum à nobis uel à uobis portari possint, aliud autem scire quæ sint, siue portari  
 possint siue non possint. Quæ cum ipse tacuerit, quis nostrum dicat, ista uel illa sunt? aut si  
 dicere audeat, unde probat? Quis enim est tam uanus aut temerarius, qui cum dixerit etiā  
 uera quibus uoluerit quæ uoluerit, sine ullo testimonio diuino affirmet ea esse quæ tunc do-  
 minus dicere noluit? Quis hoc nostrum faciat, & non maximam culpam temeritatis incur-  
 rat, in quo nec prophetica nec apostolica excellit autoritas? Nam profecto si eorum aliquid  
 legissemus in libris canonica autoritate firmatis, qui post ascensionem domini scripti sunt,  
 parum fuerat hoc legisse, nisi illic id etiam legeretur hoc ex eis esse, quæ tūc dominus noluit  
 discipulis suis dicere, quia non poterant illa portare: tanquam si uerbi gratia, ego dicerem il-  
 lud quod legimus in huius euangelij capite, In principio erat uerbum, & uerbum erat apud  
 deum, & deus erat uerbū, hoc erat in principio apud deum, & alia quæ sequuntur, quoniam  
 postea scripta sunt, nec ea dominum Iesum dixisse narratū est, cū hic esset in carne, sed hæc  
 unus ex apostolis eius ipso ac spiritu eius sibi reuelante conscripsit, ex his esse quæ noluit tūc  
 dominus dicere, quia ea discipuli portare non poterant, quis me audiat tam temere ista di-  
 centem? Si autem ubi hoc legimus, ibi hoc etiam legeremus, quis non tanto apostolo cre-  
 deret? Sed id quoq; mihi uidetur absurdissime dici, ea tunc non potuisse portare discipulos  
 quæ de inuisibilibus & altissimis rebus inuenimus in apostolicis litteris, quæ postmodū scri-  
 ptæ sunt, nec ea dominū quando cum illis uisibiliter erat, dixisse narratur, cur enim ea tunc  
 ferre non poterant, quæ nunc in eorum libris quis nō legat, quis non ferat, etiā si non intelli-  
 gat? Nonnulla quidē homines infideles in scripturis sanctis, & non intelligunt cum legunt  
 uel audiunt, & lecta uel audita ferre nō possunt, sicut pagani, quod per eū qui crucifixus est  
 factus est mundus, sicut Iudæi, quod filius dei sit, qui eo modo quo ipsi celebrant sabbatū  
 soluit, sicut Sabelliani, quia trinitas est pater & filius & spiritus sanctus, sicut Ariani, quia æ-  
 qualis est patri filius, & patri ac filio spiritus sanctus, sicut Photiniani, quia nō homo tantū  
 similis nobis, sed etiā deus deo patri æqualis est Christus, sicut Manichæi, quod Christus  
 Iesus per quē liberati sumus, nasci in carne & de carne dignatus est, & cæteri omnes peruer-  
 sarum ac diuersarū sectarū homines, utiq; ferre nō possunt, quicquid in scripturis sanctis &  
 in fide catholica reperitur, quod cōtra eorū proferatur errores, sicut nos ferre nō possumus  
 sacrilegas eorū uanitates & insanias mēdaces. Quid est enim ferre non posse, nisi æquo ani-  
 mo nō habere? Sed omnia quæ post ascensionem domini canonica ueritate atq; autoritate  
 conscripta sunt, quis fidelis uel etiā catechumenus anteq; spiritū sanctū baptizatus accipiat,  
 nō æquo animo legit atq; audit, etiā si nondū sicut oportet intelligit? Quomodo ergo aliqd  
 eorū quæ post ascensionē domini scripta sunt, nō possent ferre discipuli, etiā nondū sibi mis-  
 so spiritus sancto, cū omnia nūc ferāt catechumeni nondū accepto spiritus sancto: quia & si nō  
 eis fideliū sacramēta produntur, nō ideo fit quod ea ferre nō possunt, sed ut ab eis tanto ar-  
 dentius concupiscantur, quanto eis honorabilius occultantur. Quapropter charissimi, nō à  
 nobis expectetis audire quæ tunc noluit dominus discipulis dicere, quia nondū poterant il-  
 la portare, sed potius in charitate proficite, quæ diffunditur in cordibus uestris per spiritum  
 sanctum, qui datus est uobis, ut spiritu feruētes & spiritalia diligentes, spiritalē lucem spirita-  
 lemq; uocē, quā carnales & animales homines ferre nō possunt, non aliquo signo corpora-  
 libus oculis apparente, nec aliquo sono corporalibus auribus instrepente, sed interiore con-  
 spectu & auditu nosse possitis. Non enim diligitur quod penitus ignoratur, sed cum diligi-  
 tur quod ex quantulacunq; parte cognoscitur, ipsa efficitur dilectione, ut melius & plenius  
 cogno-



A cognoscatur. Si ergo in charitate proficiatis, quā diffundit in cordibus spiritus sanctus, docebit uos omnē ueritatē, uel sicut alij codices habent, deducet uos in omni ueritate: unde dictū est, Deduc me dñe in uia tua, & ambulabo in ueritate tua. Sic fiat ut non à doctoribus exterioribus illa discatis, quæ noluit dominus tunc dicere, sed sitis omnes docibiles dei, ut ea ipsa quæ per lectiones atq; sermones extrinsecus adhibitos didicistis & credidistis de natura dei non corporea, nec loco aliquo inclusa, nec per finita spacia locorū quasi mole distēta, sed ubique tota & perfecta & infinita, sine nitoribus colorum, sine figuris lineamentorum, sine notis litterarum, sine serie syllabarum, ipsa mente conspiciere ac percipere ualeatis: ecce dixi aliquid quod forte inde sit, & tamen accepistis, & non solum ferre non potuistis, uerum etiā libenter audistis. Sed si ille magister interior, qui cū adhuc discipulis exterius loqueretur ait, Adhuc multa habeo uobis dicere, sed nō potestis portare modo, uellet nobis id quod de incorporea dei natura dixi, intrinsecus ita dicere, sicut sanctis angelis dicit, qui semper uidēt faciē patris, nondum ea portare possemus: proinde quod ait, Docebit uos omnem ueritatē.) Vel deducet uos in omni ueritate, non arbitror in hac uita in cuiusquā mente posse cōpleri: quis enim uiuens in hoc corpore quod corrumpitur & aggrauat animam, possit omnē cognoscere ueritatē, cum dicat Apostolus, Ex parte scimus. Sed quia per spiritum sanctū fit, unde nūc <sup>1. Cor. 13</sup> pignus accepimus, ut ad ipsam quoq; plenitudinē ueniamus, de qua idem dicit Apostolus, <sup>2. Cor. 13</sup> Tunc autē faciē ad faciē, & nunc scio ex parte, tunc autē cognoscā sicut & cognitus sum, non quod in hac tātū uita, sed totū quod usq; ad illā perfectionē futurū est, nobis dominus promisit per charitatē spiritus dicens, Docebit uos omnē ueritatē, uel deducet uos in omni ueritate. Quæ cū ita sint dilectissimi, moneo uos in charitate Christi, ut seductores caueatis impuros, & obscenæ turpitudinis sectas, de quibus ait Apostolus, Quæ autem occulte fiunt <sup>Eph. 5</sup> ab istis, turpe est & dicere, ne cum horrendas immunditias docere cœperint, quas humanæ aures qualescunq; sint, portare non possunt, dicant ipsa esse quæ dominus ait, Adhuc multa habeo uobis dicere, sed non potestis portare modo, & per spiritum sanctū asserant fieri, ut possint illa immunda & nefanda portari. Alia sunt mala quæ portare non potest qualifcunq; pudor humanus, & alia sunt bona quæ portare non potest paruus sensus humanus. <sup>Rom. 12</sup> Ista fiunt in corporibus impudicis, illa remota sunt à corporibus uniuersis, hoc in pura carne committitur, illud pura mente uix cernitur. Renouamini ergo spiritu mentis uestre, & intelligite quæ sit uoluntas dei, quod bonum & beneplacitum & perfectum, ut in charitate radicati & fundati, possitis comprehendere cum omnibus sanctis, quæ sit longitudo, latitudo, altitudo & profundum, cognoscere etiam supereminentem scientiæ charitatem Christi, ut impleamini in omnem plenitudinē dei. Isto enim modo uos docebit spiritus sanctus omnē ueritatem, cum magis magisque diffundet in cordibus uestris charitatem.

De eadem lectione.

Tractatus XCVII.



PIRITUM sanctum quem promisit dominus se discipulis suis esse missurum, qui eos doceret omnem ueritatem, quam tunc quādo cum eis loquebatur portare non poterant, de quo spiritus sancto, sicut dicit Apostolus, nūc pignus accepimus, quo uerbo intelligeremus eius plenitudinem nobis in uita alia reseruari. Ipse ergo spiritus sanctus & nūc docet fideles, quanta quisq; potest capere, & spiritalia eorum pectora desiderio maiore succendit, si quisq; in ea charitate proficiat, qua & diligit cognita, & cognoscenda desideret, ita ut ea quoq; ipsa quæ nunc quomodocunq; cognoscit, nondum se scire sciat, sicut scienda sunt in ea uita, quam nec oculus uidit, nec auris audiuit, nec in cor hominis ascendit. Quo sciendi modo, si nunc ea uellet interior magister dicere, id est, nostræ menti aperire atq; monstrare, humana infirmitas portare non posset. Vnde me uestra dilectio meminit iam locutum, cum sancti euangelij uerba tractarem, ubi dominus ait, Adhuc multa habeo uobis dicere, sed non potestis portare modo.) Non ut in his domini uerbis nescio quæ secreta nimis abdita suspicemur, quæ cum dici à docente possint, portari à discente non possint: sed ea ipsa quæ doctrina religionis in quorumlibet hominū E 2 noticia

noticia legimus & scribimus, audimus & dicimus, si uellet eo modo nobis Christus dicere, si cut ea dicit angelis sanctis in seipso unigenito uerbo, patri coeterno, quinam portare homines possent, etiā si iam essent spirituales, quales adhuc apostoli non fuerunt, quando ista eis dominus dixit, qualesq; postea ueniēte sancto spiritu facti sunt: Nā utiq; quicquid de creatura sciri potest, minus est ipso creatore, qui summus & uerus & immutabilis est deus. Et q̄s eum tacet, ubi non à legentibus, disputantibus, quærentibus, respondentibus, laudantibus, cantantibus, quoquo modo sermocinantibus, postremo ab ipsis etiā blasphemantibus nominatur: Et cū eum nemo taceat, quis est qui eum sicut intelligēdus est capiat, cū de oribus & auribus hominum non recedat, quis est cuius acies ad eum mentis accedat: Quis est qui eum trinitatē esse scisset, nisi ipse sic innotescere uoluisset: Et quis hominū iam istā sileat trinitatē, & tamen quis hominum sicut angeli sapiat trinitatē: Ea ipsa ergo quæ de dei æternitate, ueritate, sanctitate in promptu & palām sine cessatione dicuntur, ab alijs bene, ab alijs male intelliguntur, imò ab alijs intelliguntur, ab alijs non intelliguntur: qui enim male intelligit, non intelligit. Ab eis ipsis autē à quibus bene intelliguntur, ab alijs minus, ab alijs amplius mētis uiuacitate cernuntur, & à nullo hominū sicut ab angelis capiuntur. In ipsa ergo mēte, hoc est, in interiore homine quodāmodo crescitur, nō solū ut ad cibū à lacte transeat, uel rumetiā ut amplius atq; amplius cibus ipse sumatur. Nō autē crescitur speciosa mole, sed intelligētia luminosa, quia & ipse cibus intelligibilis lux est. Vt ergo crescat, eūq; capiat, & quāto magis crescit, tāto magis magisq; capiat, nō ab eo doctore, qui uestris auribus sonat, hoc est forinsecus operādo plātat & rigat, sed ab eo q̄ dat incrementū, petere ac sperare debetis. Proinde sicut præterito sermone cōmonui, cauete, maxime q̄ paruuli estis, & adhuc alimētis lacteis indigetis, ne hominibus sub hac occasione deceptis ac deceptoribus, q̄a dñs ait, Adhuc multa habeo uobis dicere, sed non potestis portare modo, aurē curiosam præbeatis ad incognita sciēda, cū mentes inualidas habeatis ad uera & falsa dijudicanda, maxime propter obscenissimas turpitudines, quas docuit uanitas animas instabiles atq; carnales, ad hoc deo sinente ut eius ubiq; sint tremēda iudicia, & in comparatione impuræ nequitie dulcescat purissima disciplina, atq; illi det honorem, timorem autē uel pudorē sibi, qui in illa mala uel illo regente non cecidit, uel illo inde leuante surrexit. Cauete timendo & orādo, ne irruatis in illud ænigma Salomonis, ubi mulier insipiens & audax, inops panis effecta, conuocat prætereuntes dicens, Panes occultos libenter attingite, & aquæ furtiue dulcedinē. Hæc enim mulier uanitas est impiorum, cum sint insipientissimi, aliquid se scire opinantiū, sicut de ista muliere dictum est, inops panis efficitur. Quæ cum sit inops panis, promittit panes, id est, cum sit ignara ueritatis, promittit scientiā ueritatis, occultos tamen panes promittit, quos tamen dicit libenter attingi, & aquæ furtiue dulcedinē, ut ea scilicet libentius & dulcius audiantur & agantur, quæ palām in ecclesia dici crediq; prohibentur. Ipsa quippe occultatione condiunt quodāmodo nefarii doctores sua uenena curiosis, ut ideo se existimēt aliquid discere magnum, quia merentur habere secretū, & suauius hauriant insipientiā, quam putant scientiā, cuius prohibitā quodāmodo furantur audaciā. Hinc & nefarios ritus suis hominibus, sacrilega curiositate deceptis uel decipiendis, magicarū artiū doctrina cōmendat. Hinc illæ illicitæ diuinationes inspectis pecudū uisceribus occisorū, aut uocibus & uorlatibus auium, aut signis multiformibus dæmoniorū, insusurrant auribus hominum peritiorum per colloquia perditorum. Propter hæc illicita atq; punienda secreta, mulier illa non solum insipiens, uerum audax etiā nuncupatur. Sed hæc nō solū à re ipsa, uerum & à nomine nostræ religionis aliena sunt, quandoquidē mulier hæc insipiens & audax sub Christiana in theatris siue cantantur, siue saltantur, siue mimica scurrilitate ridentur, & non quāsdā tales quales quales aduersus deū fingere potuisse, sic illā doleamus insipientiā, ut miremur audaciā. Omnes autē insipientissimi hæretici, qui se Christianos uocari uolunt, audacias figmentorum suorum, quas maxime exhorret sensus humanus, hac occasione euangelicæ sententiæ colorare

Prover. 9

als, audienti am



**A** lorare conantur, ubi dominus ait, Adhuc multa habeo uobis dicere, sed non potestis portare modo, quasi hæc ipsa sint quæ tunc discipuli portare non poterant, & ea docuerit spiritus sanctus, quæ palam docere atque prædicare quantalibet feratur audacia, spiritus erubescit inmundus. Hoc Apostolus in spiritu sancto præuidens ait: erit enim tempus quo sanam doctrinam <sup>2. Tim. 4.</sup> non sustinebunt, sed secundum desideria sua magistros sibi coaceruabunt pruriētes auribus, & a ueritate quidem auditum suum auercentes, ad fabulas autem conuertentur: illa enim secreti furtique commemoratio quæ dicit, Panes occultos libenter attingite, & aquæ furtivæ dulcedinem, pruritum facit audientibus in auribus spiritualiter fornicationibus, sicut pruritu quodam libidinis etiam in carne corrumpitur integritas castitatis. Audite itaque Apostolum talia præudentem, & ea uita da salubriter admonentem, Prophanas, inquit, uerborum nouitates deuota: multum enim proficiunt ad impietatem, & sermo eorum sicut cancer serpit. Et non ait uerborum nouitates, sed addit, prophanas: sunt enim & doctrinæ religionis congruentes uerborum nouitates, sicut ipsum nomen Christianorum quando dici coeperat, sicut scriptum est, In Antiochia enim primum <sup>Act. 11</sup> post ascensionem domini appellati sunt discipuli Christiani, sicut legitur in actibus apostolorum, & xenodochia & monasteria postea sunt appellata nouis nominibus: res tamen ipsæ & ante nomina sua erant, & religionis ueritate firmantur, quæ etiam contra improbos defenduntur. Aduersus impietatem quoque Arianorum hæreticorum nouum nomen patris homouision condiderunt, sed non rem nouam tali nomine signauerunt: hoc enim uocatur homouision, quod est, ego & pater unum sumus, unius uidelicet eiusdemque substantiæ. Nam si omnis nouitas prophana esset, nec a domino diceretur, Mandatum nouum do uobis: nec testamentum <sup>Ioan. 13</sup> appellaretur nouum, nec cantaret uniuersa terra canticum nouum. Sed prophanae sunt uerborum nouitates, ubi dicit mulier insipiens & audax, Panes occultos libenter attingite, & aquæ furtivæ dulcedinem. Ab hac pollicitatione falsæ scientiæ prohibet etiam illo loco Apostolus ubi dicit, O Timothee, depositum custodi, deuotās prophanas uocum nouitates, & contradictiones falsi nominis scientiæ, quæ quidam promittentes circa fidem exciderunt: nihil enim <sup>1. Tim. 6</sup> sic amant isti quam scientiam promittere, & fidem rerum uerarum quas credere paruuli præcipiuntur, uelut imperitiā deridere: dicit aliquis, Nihil ne spirituales uiri habent in doctrina, quod carnalibus taceant, & spiritualibus eloquantur? Si respondero, non habent, continuo mihi dicitur ex epistola ad Corinthios apostoli Pauli, Non potui uobis loqui quasi spiritualibus, sed quasi carnalibus, quasi paruulis in Christo lac uobis potum dedi, non escam, nondum enim poteratis, sed nec adhuc quidem potestis: adhuc enim estis carnales: & illud, Sapientiam <sup>1. Cor. 2</sup> loquimur inter perfectos: & illud, Spiritualibus spiritualia comparantes: animalis autem homo non percipit quæ sunt spiritus dei, stultitia enim est illi. Hoc totum quale sit, ne rursus propter hæc uerba Apostoli prophanis uocum nouitatibus secreta quærantur, & ea quæ debet castorum spiritus corpusque uitare, dicatur carnalis sustinere non posse, sermone alio si dominus donauerit disputandum est, ut iam istum aliquando claudamus.

De eadem lectione.

Tractatus XCVIII.

**I**X uerbis domini nostri ubi dicit, Adhuc multa habeo uobis dicere, sed non potestis portare modo. Exortam difficile questionem me recolo distulisse, ut inde ociosius tractaretur, quia illud modus competens compellebat finire sermonem, nunc ergo quoniam tempus est promissa reddendi, pertractetur ut dominus ipse donauerit, qui cordi nostro ut proponeretur ingessit. Hæc est autem questio, utrum spirituales homines habeant aliquid in doctrina, quod carnalibus taceant, & spiritualibus dicant. Quia si dixerimus, non habent: respondebitur nobis, Quid est ergo quod dicebat Apostolus scribens ad Corinthios, Non potui uobis loqui quasi spiritualibus, sed quasi carnalibus, quasi paruulis in Christo lac uobis potum dedi non escam: nondum enim poteratis, sed nec adhuc quidem potestis, adhuc enim estis carnales: Si autem dixerimus, habent, timendum & cauendum est, ne sub hac occasione in occultis nefaria doceantur, & spiritualium nomine uelut ea quæ carnales capere non possunt, non solum excusatione dealbando, uerum etiam prædicatione laudanda

E 3 uideantur.

uideantur. Primum ergo scire debet charitas uestra, quod ipse Christus crucifixus, quo uelut lacte paruulos aluisse se dicit Apostolus, ipsa uero caro eius, in qua facta est uera mors eius & uulnera uera confixi sanguinisque excussi, non eo modo à carnalibus quo ab spiritualibus cogitatur, & illis est lac, istis cibus est, quia etsi non audiunt amplius, intelligunt amplius. Non enim aequaliter mente percipitur, etiam quod in fide pariter ab utrisque recipitur, ita fit ut prædicatus ab apostolis Christus crucifixus, & Iudæis esset scandalum, & gentibus stultitia, & ipsis uocatis Iudæis & Græcis dei uirtus & dei sapientia: sed carnalibus paruulis id tantum credendo tenentibus: spiritualibus autem capacioribus id etiam intelligendo cernentibus. Illis ergo tanquam lacteus potus, istis tanquam solidus cibus, non quia hoc illi aliter in populis, isti aliter in cubiculis cognouerunt, sed quod eodem modo utrique cum palam diceretur audiebant, pro suo modo quique capiebant. Cum enim Christus propterea sit crucifixus, ut in remissione peccatorum sanguinem funderet, qua eius unigeniti passione diuina gratia commendatur, ut nemo in homine gloriatur, quomodo intelligebant Christum crucifixum qui adhuc dicebant, Ego sum Pauli, Nunquid quomodo ipse Paulus qui dicebat, Mihi autem absit gloriari, nisi in cruce domini nostri Iesu Christi? De ipso itaque Christo crucifixo, & ipse cibus pro sua capacitate sumebat, & illos lacte pro eorum infirmitate nutrebat. Denique illa quæ scripsit ad Corinthios, aliter utique ab ipsis paruulis, aliter à capacioribus posse intelligi sciens, ait, Si quis est inter uos propheta aut spiritualis, agnoscat quæ scribo uobis, quia domini est mandatum: si quis autem ignorat ignorabitur, solidam profecto uoluit esse scientiam spiritualium, ubi non sola fides accommodaretur, sed certa cognitio teneretur: ac per hoc illi ea ipsa credebant, quæ spirituales insuper agnoscebant. Ignorabitur autem, ait, qui ignorat, quia nondum ei reuelatum est, ut quod credit sciat. Quod cum sit in hominis mente, ipse dicitur agnoscere à deo, quia deus illum agnoscentem facit, sicut alibi ait, Nunc autem cognoscentes deum, imò cogniti à deo: neque enim tunc cognouerat eos deus, præcognitos & electos ante mundi constitutionem, sed tunc eos seipsum cognoscere fecerat. Hoc igitur primitus cognito, quod ea ipsa quæ simul audiunt spirituales atque carnales, pro suo modulo quique capiunt, illi ut paruuli, isti ut maiores, illi ut lactis alimentum, isti ut cibi solidamentum, nulla uidetur esse necessitas, ut aliqua secreta doctrinæ taceantur, & abscondantur fidelibus paruulis, seorsum dicenda maioribus, hoc est intelligentioribus, & hoc ideo faciendum putetur, quia dixit Apostolus, Non potui uobis loqui quasi spiritualibus, sed quasi carnalibus. Hoc ipsum enim quod non iudicauit se scire in eis nisi Iesum Christum & hunc crucifixum, ipsis non potuit loqui quasi spiritualibus, sed quasi carnalibus, quia id sicut spirituales capere non ualebant. Quicunque autem spirituales inter eos erant, id est, quod illi tanquam carnales audiebant, spirituali ipsi intellectu capiebant, ut sic intelligatur quod ait, Non potui uobis loqui quasi spiritualibus, sed quasi carnalibus, ac si diceret, non potuistis quasi spirituales, sed quasi carnales capere quod loquebar. Animalis enim homo, id est, qui secundum hominem sapit, animalis dictus ab anima, carnalis à carne, quia ex anima & carne constat totus homo, non percipit quæ sunt spiritus dei, id est, quid gratiæ credentibus crux conferat Christi, & putat hoc illa cruce actum esse tantummodo, ut nobis usque ad mortem pro ueritate certantibus imitandum præberetur exemplum: nam si scirent huiusmodi homines, qui nolunt esse nisi homines, quemadmodum Christus crucifixus factus sit nobis sapientia à deo, & iustitia, & sanctificatio, & redemptio, ut quæ admodum scriptum est, Qui gloriatur, in domino gloriatur, proculdubio non gloriarentur in homine, nec carnaliter dicerent, Ego quidem sum Pauli, ego autem Apollo, ego uero Cepha, sed spiritualiter, ego sum Christi. Verum illud adhuc quæstionem facit, quod in epistola ad Hebræos legitur, Cum iam deberetis tempore ipso esse doctores, iterum doctrina indigeretis, quæ sint elementa sermonum dei, & facti estis opus habentes lacte, non solido cibo. Omnis enim qui lactet inexpertus est uerborum iustitiæ, infans est enim. Perfectorum est autem solidus cibus eorum, qui per habitum exercitatos habent sensus ad separandum bonum à malo. Hic enim uidemus tanquam definitum esse quæ perfectorum dicit solidum cibum: & hoc esse



A esse illud quod ad Corinthios scriptum est, Sapientiam loquimur inter perfectos. Quos autem perfectos uoluerit hoc loco intelligi, subiicit atque ait, qui per habitum exercitatos habent sensus, ad separandum bonum à malo. Hoc uero qui inualida & inexercitata mente non possunt, profecto nisi fidei quodam lacte teneantur, & inuisibilia quae non uident, & intelligibilia quae nondum intelligunt, credant, facile ad uanas & sacrilegas fabulas promissione scientiae ducuntur, ut & bonum & malum non nisi corporalibus imaginibus cogitent, & ipsum deum non nisi aliquod esse corpus existiment, & malum non nisi substantiam putare non possint, cum sit potius ab immutabili substantia mutabilium substantiarum quidam defectus, quas fecit ex nihilo ipsa immutabilis & summa substantia qui est deus. Quod profecto quisquis non solum credit, uerumetiam exercitatis interioribus animi sensibus intelligit, percipit, nouit: non est iam metuendum ne seducatur ab eis qui malum putando esse substantiam quam non fecit deus, mutabilem substantiam faciunt ipsum deum, sicut Manichaei, uel si quae aliae pestes ita decipiunt, sed mente adhuc paruulos, quos dicit apostolus carnales lacte nutriendos. Omnis de hac re sermo, quo agitur ut non solum credatur, uerumetiam intelligatur, sciaturque quod dicitur, percipere talia non ualentibus onerosus est, faciliusque illos premit quam pascit. Ex quo fit ut spirituales ista carnalibus non omnino taceant propter catholicam fidem quae omnibus praedicanda est, nec tamen sic differant, ut uolentes ea perducere ad intelligentiam non capacem, facilius fastidiri faciant in ueritate sermonem, quam in sermone percipi ueritatem. Propterea dicit scribens ad Colossenses, Et si corpore absens sum, spiritu uobiscum sum, gaudens & uidens ordinationem uestram, & id quod deest fidei uestrae in Christo. Et ad Thessalonicenses, Nocte ac die, inquit, abundantius orantes, ut uideamus faciem uestram, & suppleamus quae defunt fidei uestrae. Intelligendi sunt utique ita primum catechizati, ut lacte alerentur, non solum lido cibo, cuius lactis ad Hebraeos commemoratur ubertas eis, quos uolebat cibi soliditate iam pascere: propter quod ait, Ideoque remittentes initium Christi uerbum, in consummationem respiciamus, non iterum iacentes fundamentum poenitentiae ab operibus mortuis, & fidei in deum, lauacri doctrinae, impositionis manuum, resurrectionis etiam mortuorum, & iudicii aeterni. Haec est lactis ubertas, sine quo non uiuunt, qui iam quidem ratione utuntur ut possint credere: sed bonum à malo non credendo tantum, uerumetiam intelligendo quod pertinet ad solidum cibum, separare non possunt. Quod autem in lactis commemoratione posuit & doctrinam, ipsa est quae per symbolum traditur & orationem dominicam. Sed huic lacti absit ut sit contrarius cibus rerum spiritualium firma intelligentia capiendus, qui Colossensibus & Thessalonicensibus defuit, & supplendus fuit. Quando enim suppletur quod defuit, non improbat quod fuit: nam & ipsis quae sumimus alimentis, usque adeo non est lacti contrarius solidus cibus, ut ipse lactescat, quo posset esse aptus infantibus, ad quos per matris uel nutricis peruenit carne: sicut fecit etiam mater ipsa sapientia, quae cum sit in excelsis angelorum solidus cibus, digna est quodammodo lactescere paruulos, cum uerbum caro factum est, & habitauit in nobis. Sed ipse homo Christus, qui uera carne, uera cruce, uera morte, uera resurrectione, syncerum lac dicitur paruulorum, cum bene ab spiritualibus capitur, inuenitur dominus angelorum. Proinde nec sic paruuli sunt lactandi, ut semper non intelligant deum Christum: nec sic ablactandi, ut deserant hominem Christum. Quod alio modo id ipsum ita dici potest, nec sic lactandi sunt, ut creatorem nunquam intelligant Christum: nec sic ablactandi, ut mediatorum nunquam deserant Christum. In hoc quippe non conuenit huic rei similitudo materni lactis & solidi cibi, sed potius fundamenti, quia & puer quando ablactatur, ut ab alimentis infantiae iam recedat, inter solidos cibos non repetit ubera quae sugebat: Christus autem crucifixus, & lac surgentibus, & cibus est proficientibus. Fundamenti uero ideo est aptior similitudo, quia ut perficiatur quod struitur, additur aedificium, non subtrahitur fundamentum. Quae cum ita sint, o qui cumque estis, qui sine dubio multi estis paruuli in Christo, proficite ad solidum cibum mentis, non uentris, proficite ad separandum bonum à malo, & magis magisque inhaerete mediatori, per quem liberamini à malo, quod non est à uobis loco separandum, sed in uobis potius est sanandum. Quis

quis autē uobis dixerit, nolite credere uerum hominē Christū, aut non à uero deo corpus  
 cuiuslibet hominis uel cuiuslibet animantis creatū, aut non à uero deo uetus testamentum  
 datum, & si quid huiusmodi: hæc enim uobis prius ideo non dicebantur, quando lacte nu-  
 triebamini, quoniā ad uera capiēda cor nondū habebatis idoneū, non uobis iste cibū præ-  
 parat sed uenenū. Propter quod beatus Apostolus eos alloquens qui sibi iam uidebantur  
*Philip. 3* esse perfecti, cum se imperfectum ipse dixisset, Quicūq; ergo, inquit, perfecti sumus, hoc sa-  
 piamus, & si quid aliter sapitis, hoc quoq; uobis deus reuelabit. Et ne forte incurrerent in se-  
 ductores, qui eos uellent à fide auertere promittendo scientiā ueritatis, & hoc putarent esse  
 quod dixit Apostolus, id quoq; uobis deus reuelabit, continuo subiunxit, Veruntamen in  
 id quod peruenimus, in eo ambulemus. Si quid ergo intellexeris quod nō sit contra regulā  
 catholicæ fidei, ad quā uelut uiam, quæ te ducat ad patriā peruenisti, & sic intellexeris, ut in-  
 de dubitare omnino non debeas, adde ædificium, noli tamen relinquere fundamentum. Sic  
 debent maiores docere aliquid paruulos, ut omniū dominū Christū, & seipsis longe maio-  
 res prophetas & apostolos non dicant aliquid fuisse mentitos. Nō autē solū uaniloquos &  
 mentis seductores fabulosa & falsa garrientes, & in eis uanitatibus uelut altam scientiā pro-  
 mittentes contra regulam fidei quam catholicā suscepistis, cauere debetis, uerum etiā ipsos  
 qui de ipsa diuinæ immutabilitate naturæ uel incorporea creatura siue creatore ueraciter di-  
 sputant, & quod dicunt omnino documentis atq; rationibus certissimis probant, & tamen  
 ab uno dei & hominū mediatore conantur auertere, tanquā pestē insidiosiorē cæteris fugi-  
 ter tales enim sunt de quibus dicit Apostolus, Quia cognoscentes deū, non sicut deum glori-  
 ficauerunt. Quid enim prodest habere intelligentiam uerā de immutabili bono, ei qui non  
 tenet per quem liberetur à malo? Propterea admonitio beatissimi Apostoli de uestris cor-  
*Rom. 1* dibus non recedat, Si quis uobis euangelizauerit præter quā quod accepistis, anathema  
*Gal. 1* sit. Nō ait plustq; accepistis, sed præter quā quod accepistis. Nā si illud diceret, sibi ipsi præ-  
 iudicaret, qui cupiebat uenire ad Thessalonicenses, ut suppleret quæ illorum fidei defuerūt.  
 Sed qui supplet, quod minus erat addit, nō quod inerat tollit. Qui autē prætergreditur regu-  
 lam fidei, nō accedit in uia, sed recedit de uia, quod itaq; ait dominus, Adhuc multa habeo  
 uobis dicere, sed non potestis portare modo, adijciēda illis fuerant quæ nesciebant, nō quæ  
 didicerant euertenda. Et ille quidem, sicut in pristino sermone iam exposui, potuit hoc ita di-  
 cere, quia illa ipsa quæ docuerat, si uellet eis sic aperire, ut in illo concipiuntur ab angelis, hoc  
 infirmitas humana in qua adhuc erant, ferre non posset. Spiritalis autem homo quilibet po-  
 test alterum hominē docere quod nouit, si proficiendo capaciore faciat spiritus sanctus, in  
 quo & ipse doctor aliquid amplius addiscere potuit, ut sint ambo docibiles deo, quanquā  
 & inter ipsos spirituales sunt utiq; alijs alijs capaciores atq; meliores, ita ut quidam illorum ad  
 ea perueniret, quæ nō licet homini loqui. Qua occasione uani quidam apocalypsim Pauli  
 quam sana non recipit ecclesia, nescio quibus fabulis plenā, stultissima præsumptione finxe-  
 runt, dicentes hanc esse unde dixerat raptum se fuisse in tertium cælū, & illic audisse ineffa-  
 bilia uerba, quæ non licet homini loqui. Vt cūq; illorum tolerabilis esset audacia, si se au-  
 disse dixisset, quæ adhuc non licet homini loqui, cū uero dixerit, quæ nō licet homini loqui,  
 isti qui sunt q hæc audeāt impudēter & infeliciter loqui. Sed iam istū sermonē hoc fine con-  
 cludam, per quē uos esse cupio sapientes quidem in bono, integros autem à malo.  
 De eo quod dixit, Non enim loquetur à semetipso, sed quæcūq; audiet lo-  
 queretur.

#### Tractatus XCIX.



*Ioan. 5*

VID est quod dominus ait de spiritu sancto, cum eum uenturum esse promit-  
 teret, & docturum discipulos eius omnem ueritatem, uel eos deducturum in o-  
 mni ueritate. Nō enim loquetur à semetipso, sed quæcūq; audiet loquetur.)  
 Simile est hoc ei quod de semetipso dixit, Non possum à meipso facere quic-  
 quam, sicut audio iudico. Sed illud cum exponeremus, secundum hominem posse accipi  
 diximus, ut obedientiam suam qua factus est obediens usq; ad mortē crucis, prænu-  
 ciassse  
 filius



A filius uideretur & iudiciū futurū, quo uiuos & mortuos iudicabit, quia hoc per id facturus est quod filius hominis est, propter quod dixit, Pater non iudicat quenquā, sed omne iudiciū dedit filio, quia in iudicio non forma dei qua æqualis est patri, nec ab impijs uideri potest, sed forma hominis apparebit, qua minoratus est etiā modico minus ab angelis, quam uis iam in claritate, non in pristina sit humilitate uenturus, conspicuus tamen futurus & bonis & malis: hinc ait & illud, Et potestatem dedit ei iudicium facere, quoniā filius hominis est. In quibus uerbis eius manifestatur non eam formā præsentandā esse iudicio, in qua cū esset, non rapinam arbitratus est esse se æqualem deo, sed illam quam cum semetipsum exinanisset, accepit. Semetipsum enim exinaniuit formam serui accipiens, in qua uidetur etiā ad faciendum iudicium obediētiam suam commendasse, cum dixit. Non possum facere à me ipso quicquam, sicut audio iudico. Adam nanq; per cuius unius hominis inobedientiam peccatores constituti sunt multi, non sicut audiuit iudicauit, quia quod audiuit præuaricatus est, & à semetipso fecit malum quod fecit, quia non dei uoluntatem, sed suam fecit. Iste autem per cuius unius hominis obediētiam iusti constituuntur multi, non solum obediēs fuit usq; ad mortem crucis, in qua est uiuus iudicatus à mortuis: sed obediētē se futurum promittens in ipso quoq; iudicio, quo est de uiuis iudicaturus & mortuis, Non possum, inquit, à me ipso facere quicquā, sicut audio iudico: sed nūquid de spiritu sancto quod dictum est, Non enim loquetur à semetipso, sed quæcunq; audiet loquetur, secundū hominem uel secundū assumptionē cuiuscūq; creaturæ dictū esse audebimus opinari? Solus quippe in trinitate filius formā serui accepit, quæ forma illi ad unitatē personæ coaptata est, id est, ut filius dei & filius hominis unus sit Iesus Christus, ne non trinitas, sed quaternitas prædicetur, quod absit à nobis. Propter quā personā profecto unā ex duabus substantijs diuina humanaq; constantē, aliquādo secundū id quod dominus est loquitur, ut est illud quod ait, Ego & pater unum sumus: aliquādo secundū id quod homo est, sicuti est illud, Quoniā pater maior me est, secundū quod accepimus esse ab eo dictū, & hoc unde nunc disputo. Nō possum à me ipso facere quicquā, sicut audio iudico. In persona uero spiritus sancti quomodo id accipiamus quod ait, Non enim loquetur à semetipso, sed quæcunq; audiet loquetur, cum in ea nō sit alia diuinitatis, alia humanitatis, uel alterius creaturæ cuiuscunq; substantia, magna exoritur difficultas. Illud enim quod sicut columba spiritus sanctus apparuit specie corporali, uisio fuit ad horā facta atq; transacta: sicut etiā quando super discipulos uenit, uisæ sunt illis linguæ diuisæ uelut ignis, qui & insedit super unumquemq; eorum. Qui ergo dicit columbā ad unitatē personæ spiritui sancto fuisse coniunctā, ut ex illa & deo, quia spiritus sanctus deus est, una spiritus sancti persona constaret, & hoc etiā de illo igne cōpellitur dicere, ut intelligat nihil horū debere se dicere: ista enim quæ de substantia dei quoquo modo ut opus erat significāda, corporeis hominū sensibus se intulerūt atq; trāserunt, ad horā diuinitus facta sunt de creatura seruiēte, nō de ipsa domināte natura, quæ in se manēs quod uult mouet, & quod uult immutabilis mutat. Sicut etiam uox illa de nube aures utiq; attigit corporales, eumq; sensum corporis qui uocatur auditus, nec tamen ullo modo credendum est uerbum dei quod est unigenitus filius, quoniam uerbum dicitur, syllabis sonisq; finiri, quia nec omnes simul sonare possunt cum sermo sit, sed tanquam nascentes morientibus ordine suo soni quicunq; succedunt, ut totum quod loquimur nouissima syllaba compleatur. Absit ut sic loquatur pater ad filium, hoc est, deus ad uerbum suum deum. Sed hoc eorum est capere, quantum ab homine capi potest, ad quos non lac pertinet, sed solidus cibus. Cū igitur spiritus sanctus nulla susceptione hominis sit homo factus, nulla susceptione angeli sit angelus factus, nulla susceptione cuiusquam creaturæ creatura sit factus, quomodo de illo intelligendū est quod dominus ait, Nō enim loquetur à semetipso, sed quæcūq; audiet loquetur? Ardua quæstio, nimis ardua, ipse assit spiritus, ut saltē sicut eā cogitare possumus, sic eloq; possimus, ac sic ad intelligentiā uestrā pro mei moduli facultate perueniat. Prius itaq; nosse debetis & intelligere potestis, credere autem, qui intelligere nondum potestis, in ea substantia,

substantia quæ deus est, non quasi per corporis molē sensus locis proprijs distributos, sicut  
in carne mortali quorumcūq; animalium alibi est uisus, alibi auditus, alibi gustus, alibi olfa-  
ctus, per totū autē tactus. Absit hoc credere in illa incorporea immutabiliq; natura: audire  
ergo ibi & uidere, id ipsum est. Dicit & olfactus in deo, unde dicit Apostolus, Sicut & Chri-  
stus dilexit nos, & tradidit semetipsum pro nobis oblationē & hostiā deo in odorē suauita-  
tis. Et gustus intelligi potest secundū quē deus & odit amaricantes, & nec frigidos nec cali-  
dos, sed tepidos euomit ex ore suo: & Iesus Christus dicit, Meus cibus est ut faciā uolunta-  
tē eius qui me misit: est etiā tactus ille diuinus, unde dicit sponsa de spōso, Sinistra eius sub  
capite meo, & dextera eius cōplectitur me: nō sunt hæc in deo per diuersa corporis loca: cum  
enī dicitur scire, ibi sunt omnia, & uidere, & audire, & olfacere, & gustare, & tāgere, sine ulla  
eius mutatione substantiæ, sine ulla mole quæ in alia parte maior, in alia minor etiā in sen-  
bus puerili pectore cogitatur, quando deus sic cogitatur. Nec mireris quod ineffabilis dei  
scientia, qua nouit omnia, per uarios humanæ locutionis modos, omniū istorum corpora-  
lium sensuum nominibus nuncupatur, cum & ipsa mens nostra, hoc est homo interior, cui  
uniformiter scienti per hos quinque ueluti nuncios corporis diuersa nunciantur, quando im-  
mutabilem ueritatem intelligit, eligit, diligit, & lumen uidet de quo dicitur, Erat lumen ue-  
rum, & uerbum audit de quo dicitur, In principio erat uerbum, & odorē capit de quo dici-  
tur, Post odorē unguentorū tuorū currimus, & fontē bibit, de quo dicitur, Apud te est fons  
uitæ, & tactu fruitur, de quo dicitur, Mihi autē adhærere deo bonū est: nec aliud atq; aliud,  
sed una intelligētia tot sensuū nominibus nuncupatur. Cū ergo de spiritu sancto dicit, Nō  
enim loquetur à semetipso, sed quæcūq; audiet loquet, multo magis ibi simplex natura, ubi  
uerissime simplex est, uel intelligēda est uel credēda, quæ lōge lateq; naturā nostrā mētis ex-  
cedit. Mutabilis quippe est mens nostra, quæ percipit discēdo quod nesciebat, & amittit de  
discēdo quod sciebat: & uerisimilitudine fallitur, ut pro uero approbet falsum, & obscuritate  
sua quasi quibusdā tenebris impedit ne perueniat ad uerū. Et ideo nō est ista substantia ue-  
rissime simplex, cui nō hoc est esse quod nosse: potest enī esse nec nosse. Atqui illa diuina nō  
potest, quia id quod habet est, ac per hoc non sic habet scientiā, ut aliud illi sit scientia qua  
scit, aliud essentia qua est, sed utrūq; unū est: nec utrūq; dicendū est, quod simpliciter unū  
est, sicut habet pater uitā in semetipso: nec aliud est ipse quā uita quæ in ipso est, & dedit  
filio habere uitā in semetipso, hoc est, genuit filiū qui & ipse uita esset. Sic itaq; debemus ac-  
cipere quod de spiritu sancto dictum est, Non enim loquetur à semetipso, sed quæcūq; au-  
dient loquetur, ut intelligamus non eum esse à semetipso. Pater quippe solus de alio non est,  
nam & filius de patre natus est, & spiritus sanctus de patre procedit. Pater autem nec na-  
tus est de alio, nec procedit. Nec ideo sanè aliqua disparilitas in summa illa trinitate cogi-  
tationi occurrat humanæ: nam & filius ei de quo natus est, & spiritus sanctus ei de quo pro-  
cedit æqualis est. Quid autē illic intersit inter procedere & nasci, & longum est quærendo dis-  
serere, & temerarium cum differueris definire, quia hoc & menti utcūq; comprehendere, &  
si quid forte mens inde comprehendit, linguæ difficillimum est explicare, quantuslibet præ-  
sit doctor, quantuslibet adsit auditor. Non ergo loquetur à semetipso, quia non est à semet-  
ipso, sed quæcūq; audiet loquetur, ab illo audiet à quo procedit. Audire illi scire est: scire  
uero esse, sicut superius disputatum est. Quia ergo non est à semetipso, sed ab illo à quo  
procedit, à quo illi est essentia, ab illo igitur audientia, à quo nihil est aliud  
quā scientia: nec moueat, quod uerbum futuri temporis positum est, non enim dictum  
est, quæcūque audiuit, aut quæcūq; audit, sed quæcūque audiet loquetur, illa quippe  
audientia sempiterna est, quia sempiterna est scientia. In eo autem quod sempiternum est,  
sine initio & sine fine, cuiuslibet temporis uerbum ponatur, siue præteriti, siue præsen-  
tis, siue futuri, non mendaciter ponitur. Quamuis enim natura illa immutabilis & in-  
effabilis non recipiat, fuit & erit, sed tantum est: ipsa enim ueraciter est, quia mutari  
non potest, & ideo illi tantum conuenerat dicere, Ego sum qui sum, & dices filijs Israël,  
qui est.



A qui est, misit me ad uos, tamē propter mutabilitatem temporum in quibus uersatur nostra mortalitas & nostra mutabilitas, non mendaciter dicimus, & fuit & erit & est. Fuit in præteritis seculis, est in præsentibus, erit in futuris. Fuit, quia nunquā defuit: erit, quia nunquā deerit: est, quia semper est. Neque enim uelut qui iam non sit cum præteritis occidit, aut cū præsentibus uelut qui nō maneat labitur, aut cū futuris uelut qui nō fuerat orietur. Proinde cū secundum uolumina temporum locutio humana uariatur, qui per nulla deesse potuit aut potest aut poterit tēpora, uera de illo dicuntur cuiuslibet tēporis uerba. Semper itaque audit spiritus sanctus, quia semper scit. Ergo & sciuit, & scit, & sciet, ac per hoc & audiuit, & audit, & audiet, quia sicut iam diximus, hoc est illi audire quod scire, & scire illi hoc est quod esse. Ab illo igitur audiuit, audit, & audiet à quo est, ab illo est à quo procedit. Hic aliquis forsitan quærat, utrum & à filio procedat spiritus sanctus: filius enim solius patris est filius, & pater solius filij est pater, spiritus autē sanctus non est unius eorum spiritus, sed amborum. Habes ipsum dominum dicentem, Non enim uos estis qui loquimini, sed spiritus patris uestri qui loquitur in uobis: habes & Apostolum, Misit deus, inquit, spiritum filij sui in corda uestra, nunquid duo sunt, alius patris, alius filij? Absit. Unū enim corpus, ait, cum significaret ecclesiā, moxque addidit, & unus spiritus. Et uide quomodo illic impleat trinitatē. Sicut uocati estis, inquit, in una spe uocationis uestræ, unus dominus, hic utique Christum intelligi uoluit. Restat ut etiam patrem nominet: sequitur ergo, Vna fides, unū baptisma, unus deus & pater omnium, qui super omnes, & per omnia, & in omnibus nobis. Cum ergo sicut unus pater, & unus dominus, id est filius, ita sit & unus spiritus, profecto amborum est, sicut ipse Christus Iesus dixit, Spiritus patris uestri qui loquitur in uobis: & dicit Apostolus, Misit deus spiritum filij sui in corda uestra: habes & alio loco eundē Apostolū dicentē, Si autē spiritus eius qui suscitauit Iesum à mortuis, habitat in uobis. Hic utique spiritū patris intelligi uoluit, de quo tamen alio loco dicit, Quisquis autē spiritū Christi non habet, hic nō est eius. Et multa alia sunt testimonia, quibus hoc euidenter ostēditur, & patris & filij ipsum esse spiritū, cū etiā si deitate dicitur spiritus sanctus. Nec ob aliud existimo ipsum uocari proprie spiritū, cū etiā si de singulis interrogemur, nō possimus nisi patrē & filiū spiritū dicere, quoniā spiritus est deus, id est, non corpus est deus, sed spiritus: quod ergo cōmuniter uocantur & singuli, hoc proprie uocari oportuit eū qui nō est unus eorū, sed in quo cōmunitas apparet amborum. Cur ergo nō credamus quod etiā de filio procedat spiritus sanctus, cum filij quoque ipse sit spiritus? Si enim non ab eo procederet, non post resurrectionem se representans discipulis suis insufflans diceret, Accipite spiritū sanctū: quid enim aliud significauit illa insufflatio, nisi quod procedat spiritus sanctus & de ipso? Ad hoc pertinet etiam illud quod de muliere quæ fluxum sanguinis patiebatur, ait, Tetigit me aliquis, ego enim sensi de me uirtutem exiisse: nā uirtutis nomine appellari etiā spiritum sanctū, & eo loco clarum est, ubi angelus dicenti Mariæ, Quomodo fiet istud, quoniā uirū non cognosco, respondit, Spiritus sanctus superueniet et in te, & uirtus altissimi obumbrabit tibi. Et ipse dominus promittēs eū discipulis, ait, Vos sedete in ciuitate quoadusque induamini uirtute ex alto: & iterū, Accipietis, inquit, uirtutē spiritus sancti superuenientē in uos, & eritis mihi testes: de hac uirtute credēdus est dicere euangelista, Virtus de illo exibat, & sanabat omnes. Si ergo & de patre & filio procedit spiritus sanctus, cur filius dixit, de patre procedit? cur putas nisi quēadmodū ad eū solet referre & quod ipsius est, de quo & ipse est? unde illud est quod ait, Mea doctrina nō est mea, sed eius qui misit me. Si igitur intelligatur hic eius doctrina, quā tamē dixit nō suā, sed patris, quāto magis illic intelligēdus est & de ipso procedere spiritus sanctus, ubi sic ait, de patre procedit, ut nō diceret, de me nō procedit? à quo autē habet filius ut sit deus, est eū de deo deus, ab illo habet utique, ut etiā de illo procedat spiritus sanctus, ac per hoc spiritus sanctus ut etiā de filio procedat, sicut procedit de patre, ab ipso habet patre. Hic utique etiā illud intelligit, quantū à talibus quales nos, sumus intelligi potest, cur nō dicat natus esse, sed potius procedere spiritus sanctus, quā si & ipse filius diceret, amborum utique filius diceret, quod absurdissimū est: filius quippe

Matth. 10  
Gal. 4Gal. 4  
Rom. 8

Luc. 8

Luc. 2  
Luc. 24  
Act. 1

Ioan. 7

quippe nullus est duorum nisi patris & matris, amborum utiq; filius diceretur. Absit autem ut inter deum patrem & deum filium tale aliquid suspicemur, quia nec filius hominis simul & ex patre & ex matre procedit, sed cum in matre procedit ex patre, non tunc procedit & ex matre: & cum in hanc lucem procedit ex matre, non tunc procedit ex patre. Spiritus autem sanctus non de patre procedit in filium, & de filio procedit ad sanctificandam creaturam, sed simul de utroq; procedit, quamvis hoc filio pater dederit, ut quemadmodum de se, ita de illo quoq; procedat: neq; enim possumus dicere quod non sit uita spiritus sanctus, cum uita sit pater, uita sit filius, ac per hoc sicut pater cum habeat uitam in semetipso, dedit & filio habere uitam in semetipso, sic ei dedit uitam procedere de illo, sicut procedit & de seipso. Sequuntur autem uerba domini dicentis, Et quæ uentura sunt annūciabit uobis, Ille me clarificabit, quia de meo accipiet & annūciabit uobis. Omnia quæcunq; habet pater mea sunt, propterea dixi, quia de meo accipiet, & annūciabit uobis.) Sed quia ista iam proluxa sunt, in alium sunt differenda sermonem.

De eadem lectione.

Tractatus C.



**C**VM promitteret dominus uenturum spiritum sanctum, docebit uos, inquit, omnem ueritatem, uel quod in nonnullis codicibus legitur, deducet uos in omnem ueritatem: non enim loquetur à semetipso, sed quæcunq; audiet loquetur. De quibus euangelicis uerbis iam quod donauit dominus disputauimus: nūc ea quæ sequuntur attēdite, Et quæ uentura sunt, inquit, annūciabit uobis.) Neq; enim hic, quoniam planum est immorandum: nihil enim habet quæstionis, cuius à nobis expositio flagitet: sed quod adiungit, Ille me clarificabit, quia de meo accipiet, & annūciabit uobis.) non negligenter est transeundum, quod enim ait, Ille me clarificabit, potest intelligi, quia diffundendo in cordibus credentium charitatem, spiritalesq; faciendo, declarauit eis quomodo filius patri esset æqualis, quem secundum carnem prius tantummodo nouerant, & hominem sicut homines cogitabant. Vel certe quia per ipsam charitatem fiducia repleti, & timore depulso annūciauerunt hominibus Christum, ac sic fama eius diffusa est in toto orbe terrarum, ut sic dixerit, Ille me clarificabit, tanquam diceret, ille uobis auferet timorem, & dabit amorem, quo me ardentius prædicantes, gloriæ meæ per totum mundum dabitis odorem, commendabitis honorem. Quod enim facturi fuerant in spiritu sancto, hoc eundem spiritum dixit esse facturum: quale est etiam illud, Non enim uos estis qui loquimini, sed spiritus patris uestri qui loquitur in uobis. Verbum quippe græcum quod est *δοξάζει*, alius clarificabit, alius glorificabit, Latini interpretes in sua quisq; translatione posuerunt, quoniam ipsa quæ græce dicitur *δοξάζει*, unde dictum est uerbum *δοξάζει*, & claritas interpretatur & gloria. Gloria namq; sit quisq; clarus, & claritate gloriosus, ac per hoc quod utroq; uerbo significatur, id ipsum est. Sicut autē definierunt antiqui latinæ linguæ clarissimi auctores, Gloria est frequens de aliquo fama cum laude. Quæ cum est in hoc mundo facta de Christo, non Christo credenda est magnum aliquid contulisse, sed mundo. Bonum enim laudare, non laudato sed laudantibus prodest. Est autem etiam falsa gloria, quando laudantes errore falluntur, siue in rebus, siue in hominibus, siue in utrisq;. Nam in rebus falluntur, quando putant id bonum esse quod malum est: in hominibus autem, quando putant eum bonum esse qui malus est. In utrisq; uero, quando & id quod est uitium, uirtus putatur, & ipse qui propter hoc laudatur, non habet quod putatur, siue sit bonus, siue sit malus. Donare quippe res suas histrionibus, uitium est immane, non uirtus. Et scitis de talibus quæ sit frequens fama cum laude, quia sicut scriptum est, Laudatur peccator in desideriis animæ suæ, & qui iniqua gerit benedicitur. Hi laudatores non falluntur in hominibus, sed in rebus: malum est enim, quod bonum esse credunt. Illi autem qui hoc malo largitionis uitiosi sunt, tales utiq; sunt quales eos hi qui laudant, non suspicantur esse, sed cernunt. Porro si se quisquam iustum fingat & non sit, sed totum quicquid coram hominibus laudabiliter agere uidetur, non agat propter deum, hoc est propter ueram iustitiam, sed solum quærat & diligat ab ho-



**A** ab hominibus gloriam. Illi autem apud quos frequens est eius fama cum laude, nō eum putent nisi propter deum laudabiliter uiuere, non falluntur in re, sed falluntur in homine: quod enim bonum esse credunt est bonum, sed quem bonum esse credunt, non est bonus. Quod si putetur, uerbi gratia, bonum artium peritia magicarum, & dum quisque patriam liberaſſe eiſdem quas omnino nescit artibus creditur, ac frequentem cum laude famā quæ gloria defnita est apud homines impios, cōſequatur, errant in utroque qui laudant, & in re ſcilicet, quia id quod malum est bonum putant, & in homine, quia non est quod putant, quapropter falſa est in his tribus generibus gloria. Cum autē de aliquo per deum & propter deū iuſto, hoc est, ueraciter iuſto cauſa ipſius iuſtiſſiæ frequens est fama cum laude, uera quidem gloria est, non tamen ea credendum est beatificari iuſtum, ſed laudantibus gratulandum est, quia recte iudicant, & diligunt iuſtum. Quanto magis ergo dominus Chriſtus, nō ſibi ſed eis profuit gloria ſua, quibus profuit morte ſua: ſed non eſt uera eius apud hæreticos gloria, apud quos tamen frequentem famam uidetur habere cum laude. Non eſt hæc uera gloria, quia in utroque falluntur: nam & bonum putant eſſe quod bonum non eſt, & Chriſtū putant eſſe quod Chriſtus non eſt. Unigenitum enim filium æqualem non eſſe gignentī, nō eſt bonū: unigenitum dei filium hominem tantum eſſe non deum, non eſt bonum: ueritatis carnem non eſſe ueram carnem, non eſt bonum. Horum trium quæ dixi, primum ſentiunt Ariani, ſecūndum Photiniani, tertium Manichæi: ſed quia & eorum nihil eſt bonum, & Chriſtus nihil eſt eorum, in utroque falluntur, nec dant ueram gloriā Chriſto, quæ uis apud eos eſſe uideat̃ cum laude frequens fama de Chriſto: & omnes proſus hæretici, quos cōmemorare nimis longum eſt, qui de Chriſto non recte ſentiunt, ideo errant, quia & de bonis rebus ac malis non uerum ſentiunt. Pagani etiam quoniā ſunt Chriſti plurimi laudatores, & ipſi in utroque falluntur, qui non ſecundum ueritatem dei, ſed potius ſecundum ſuam ſuſpicionem dicunt eum fuiſſe hominē magum. Chriſtianos quippe uelut imperitos uituperāt, Chriſtū autē uelut magum laudant, ac ſic produnt quod amant: Chriſtum uero non amant, quoniā quod non erat Chriſtus, hoc amant. Ideo in utroque falluntur, quia & magū eſſe malum eſt, & magus non fuit Chriſtus, quia bonus eſt. Quapropter de his nihil hoc loco dicendum eſt, qui Chriſtum uituperant atque blaſphemant, quia de gloria eius loquimur qua eſt glorificatus in mundo, non enim glorificauit ſpiritus ſanctus uera gloria niſi in eccleſia ſancta catholica, alibi enim, id eſt, uel apud hæreticos, uel apud quosdam paganos, uera eius in terris gloria non poteſt eſſe, & ubi uidetur eſſe frequens de illo fama cum laude. Vera ergo eius gloria in eccleſia catholica, ſicut à propheta cantatur: Exaltare ſuper ccelos deus, & ſuper omnē terram gloria tua. Quia itaque poſt eius exaltationem uenturus erat ſpiritus ſanctus & eum glorificaturus, hoc ſacer pſalmus, hoc ipſe unigenitus promiſit futurum, quod uidemus impletū: quod autē ait: De meo accipiet, & annuntiabit uobis: catholicis audite auribus, catholicis percipite mentibus: non enim propterea ſicut quidam hæretici putauerunt, minor eſt filio ſpiritus ſanctus, & quaſi filius accipiat à patre, & ſpiritus ſanctus à filio, quibusdam gradibus naturarum. Abſit hoc credere, abſit hoc dicere, abſit à Chriſtianis cordibus cogitare: denique cōtinuo ſoluit ipſe quæſtionē, & cur hoc dixerit, explanauit. Omnia, inquit, quæ cūque habet pater mea ſunt, propterea dixi, quia de meo accipiet & annūciabit uobis. Quid uultis amplius? Ergo à patre accipit ſpiritus ſanctus, unde accipit filius, quia in hac trinitate de patre natus eſt filius, de patre procedit ſpiritus ſanctus: qui autem de nullo natus ſit, de nullo procedit, pater ſolus eſt: quomodo autē dixerit unigenitus filius, omnia quæcunque habet pater mea ſunt, quia utique non ſic quemadmodum dictum eſt illi filio unigenito, ſed ex duobus maiori: Tu mecum es ſemper, & omnia mea tua ſunt, eo loco ſi dominus uoluerit, diligenti conſideratione tractabitur, ubi dicit unigenitus patri, & mea omnia tua ſunt, & tua mea ſunt, ut hic iſte ſermo claudatur, quoniam quæ ſequentur aliud poſcunt quo diſcernatur exordium,

Pſal. 107

Luc. 15

De eo quod dicit: Modicum & iam non uidebitis me, & iterum modicum & uidebitis me, quia uado ad patrem, usque ad id: Et in illo die me non interrogabitis quicquam:

Tractatus

CI.



**H**AE C domini uerba ubi ait: Modicum & iam non uidebitis me, & iterum modicum & uidebitis me, quia uado ad patrem: ita obscura erant discipulis, antequam id quod dicit impletum esset, ut quærentes inter se quid esset quod diceret, omnino se faterentur nescire: sequitur enim euangelium: Dixerunt ergo ex discipulis eius ad inuicem: Quid est hoc quod dicit nobis, Modicum & non uidebitis me, & iterum modicum & uidebitis me, quia uado ad patrem? Dicebant ergo: quid est hoc quod dicit, modicum? Nescimus quid loquitur.) Hoc enim est quod eos mouebat, quia dixit, modicum & non uidebitis me, & iterum modicum & uidebitis me. Nam in præcedentibus quia non dixerat, modicum, sed dixit, ad patrem uado, & iam non uidebitis me, tanquam aperte illis uisus esset locutus, nec inter se de hoc aliquid quæsierunt: nunc ergo quod illis tunc obscurum fuit, & mox manifestum est, iam nobis utique manifestatum est: post paululum enim passus est, & non uiderunt eum, rursus post paululum resurrexit, & uiderunt eum: illud autem quod ait, iam non uidebitis me, quia isto uerbo, id est iam, intelligi uoluit, quod eum ulterius non uiderent, ibi exposuimus quomodo accipiendum sit ubi dixit: de iusticia arguet mundum spiritus sanctus, quia ad patrem uado, & iam non uidebitis me, quia scilicet mortalem Christum ulterius non uiderunt. Cognouit autem Iesus (sicut in sequenti euangelista dicit) quia uolebant eum interrogare, & dixit eis: de hoc quæritis inter uos, quia dixi modicum & non uidebitis me, & iterum modicum & uidebitis me. Amen amen dico uobis, quia plorabitis & flebitis uos, mundus autem gaudebit, uos autem contristabimini, sed tristitia uestra uertetur in gaudium.) Et hoc sic accipi potest, quia contristati sunt discipuli de morte domini, & confestim de resurrectione lætati: mundus autem quo nomine significati sunt inimici, à quibus Christus occisus est, tunc utique lætati sunt occiso Christo, quando sunt discipuli contristati: mundi quippe nomine, malicia potest mundi huius intelligi, id est, hominum mundi huius amicorum: unde Iacobus apostolus in epistola sua dicit: Quicumque uoluerit amicus esse huius seculi, inimicus dei constituitur: quibus inimicitias dei factum est, ut nec eius unigenito parceretur: deinde subiungit & dicit: Mulier cum parit, tristitiam habet, quia uenit hora eius: cum autem peperit puerum, iam non meminit pressuræ propter gaudium, quia natus est homo in mundum. Et uos igitur nunc quidem tristitiam habetis. Iterum autem uenio ad uos, & gaudebit cor uestrum, & gaudium uestrum nemo tollet à uobis.) Nec ista similitudo ad intelligendum uidetur esse difficilis, quoniam comparatio eius in promptu est, eodem ipso exponente cur dicta sit. Parturitio quippe tristitia, partus autem gaudio comparatur, quod tunc maius esse consuevit, quando non puella, sed puer nascitur: quod uero ait, gaudium uestrum nemo tollet à uobis, quia gaudium ipsorum ipse Iesus significatus est, quod & ait Apostolus: Christus resurgens à mortuis iam non moritur, & mors ei ultra non dominabitur. Hucusque in isto euangelij capitulo unde hodie disputauimus, uelut facili intellectui omnia cucurrerunt, acrior negotabitur quicquam? Hoc uerbum quod est rogare, non solum petere, uerum etiam interrogare significat: & Græcum euangelium unde hoc translatum est, tale habet uerbum quod utrumque possit intelligi, ut hæc ambiguitas nec inde soluatur, quamquam & si solueretur, non ideo nulla quaestio remaneret. Dominum etenim Christum postquam resurrexit, & interrogatum legimus & rogatum: nam interrogatus est à discipulis ascensurus in celum, quando præsentaretur, & quando regnum esset Israël: cum uero iam esset in celo, rogatus est à Stephano, ut spiritum eius acciperet: & quis audeat uel cogitare uel dicere, in celo sedentem Christum rogandum non esse, & in terram manentem rogatum fuisse: rogandum non esse immortalē, rogari debuisse mortalē: Immo charissimi rogemus eum, ut nodum quaestionis huius ipse dissoluat, lucendo in cordibus nostris ad uidenda quæ dicit: puto enim quod ait: Iterum autem uidebo uos, & gaudebit cor uestrum, & gaudium

Iacob. 4

als parit

Rom. 6



A & gaudium uestrū nemo tollet à uobis, non ad illud tempus esse referendum quo resurrexit, eisq; suam carnē cernendā tangendamq; monstrauit, sed potius ad illud unde iam dixerat: Qui diligit me, diligitur à patre meo, & ego diligam eum, & manifestabo me ipsum illi. *Ioan. 14*  
 Iam quippe resurrexerat, iā se illis in carne monstraauerat, iam sedebat ad dexteram patris, quando dicebat idem ipse apostolus Ioannes, cuius est hoc euangelium, in epistola sua: Dilectissimi, nunc filij dei sumus, & nondū manifestū est quid erimus: scimus quia cū manifestum fuerit, similes ei erimus, quoniā uidebimus eum sicuti est. Ista uisio non uitæ huius est, sed futuræ, non tēporalis, sed æternæ. Hæc est autem uita æterna, dicente ipsa uita, ut cognoscat te, inquit, unū uerum deū, & quē misisti Iesum Christum. De hac uisione & cognitiōe dicit Apłus: Videmus nūc per speculū in ænigmate, tūc autē facie ad faciē: nūc scio ex parte, *1. Cor. 13*  
 tūc autē cognoscā sicut & cognitus sum: nunc totius laboris sui fructū ecclesia parturit gendo, nūc paritura lætando: nūc parturit desiderando, tūc paritura cernendo: nūc parturit orādo, tūc paritura laudādo, & ideo masculū, qm̄ ad istū fructū contēplatiōis cūcta officia referuntur actionis: solus est em̄ liber, quoniā ppter se appetit, & nō refertur ad aliud, huic seruit actio: ad hunc enim refertur qcquid bene agitur, quia ppter hunc agitur, ipse autē non propter aliud, sed propter semetipsum tenetur & habetur. Ibi enim finis qui sufficit nobis, æternus igitur erit: neq; enim nobis sufficit finis, nisi cuius nullus est finis. Hoc inspiratū erat Philippo quando dicebat: Dñe ostende nobis patrem, & sufficit nobis. In qua ostensione se p- *Ioan. 14*  
 misit & filius dicens: non credis quia ego in patre, & pater in me est? De hoc itaq; quod sufficit nobis, rectissime audimus, gaudium uestrū nemo tollet à uobis, de his etiam quæ superius dicta sunt, melius existimo intelligi: Modicum & iam non uidebitis me, & iterum modicum & uidebitis me. Modicum est enim hoc totum spacium quod præsens peruolat seculū: unde dicit idem ipse euangelista in epistola sua: nouissima hora est: ideo nanq; addidit, *1. Ioan. 2*  
 quia uado ad patrem, quod ad priorem sententiam referendum est, ubi ait: modicū & iam nō uidebitis me, non ad posteriōrē ubi ait, & iterū modicum & uidebitis me. Eundo quippe ad patrē, facturus erat ut eū nō uiderent: ac per hoc non ideo dictū est, quia fuerat moriturus, & donec resurgeret, ab eorū conspectibus recessurus, sed q̄ esset iturus ad patrem: quod fecit posteaq; resurrexit, & cum eis quadraginta dies conuersatus ascendit in cælum: illis ergo ait: Modicum & iam non uidebitis me, qui eum corporaliter tunc uidebant quando iturus erat ad patrē, & eum deinceps mortalē uisuri non erant, qualē cum ista loqueretur uidebant: quod uero addidit, & iterum modicū & uidebitis me, uniuerse promisit ecclesiæ, sicut uniuerse promisit ecclesiæ: Ecce ego uobiscum sum usq; ad consummationē seculi. Non tardat dñs promissum, modicum & uidebimus eum, ubi iam nihil rogemus, nihil interroga- *Matth. 28*  
 mus, quia nihil desiderandū remanebit, nihil quærendum latebit. Hoc modicum longū nobis uidetur, quoniam adhuc agitur, cum finitū fuerit, tunc sentiemus q̄ modicū fuerit: nō ergo sit gaudiū nostrū quale habet mundus, de quo dictum est: mūdus autem gaudebit, nec tamen in huius desiderij parturitione sine gaudio tristes simus, sed sicut ait Apostolus: Spe *Rom. 12*  
 gaudentes, in tribulatione patientes, quia & ipsa parturiens cui cōparati sumus, plus gaudet de mox futura prole, q̄ tristes est de præsenti labore. Sed huius sermonis iste sit finis: habet enim quæstionem molestissimam quæ sequuntur, nec breuitate coartanda sunt, ut possint cōmodius, si dominus uoluerit, explicari.

De eo quod dicit: Amen amen dico uobis: Si quid petieritis patrem in nomine meo dabit uobis, usq; ad id quod ait: Exiui à patre & ueni in mundum: iterum relinquo mundū, & uado ad patrem: Tractatus CII.

**D**OMINI uerba nūc ista tractanda sunt: Amen amē dico uobis, si quid petieritis patrē in nomine meo dabit uobis. Iam dictū est in superioribus huius dñici sermonis partibus, propter eos qui nōnulla petūt à patre in Christi nomine nec accipiūt, nō petīt in nomine saluatoris quicqd petīt cōtra rationē salutis: nō em̄ sonum litterarū ac syllabarū, sed quod sonus ipse significat, & quod eo sono recte ac ueraciter in-

ter intelligitur, hoc accipiendus est dicere cum dicit, in nomine meo: unde qui hoc sentit de Christo quod nō est de unico dei filio sentiendū, nō petit in eius nomine, etiā si nō taceat literis ac syllabis Christū, quoniā in eius nomine petit, quē cogitat cū petit: qui uero quod est de illo sentiendū sentit, ipse in eius nomine petit, & accipit quod petit, si nō cōtra suā salutem sempiternam petit: accipit autē quādo debet accipere, quādam enim nō negant, sed ut congruo dentur tēpore differunt. Ita sanē intelligendū est quod ait, dabit uobis, ut ea beneficia significata sciantur his uerbis, quæ ad eos qui petūt proprie pertinent. Exaudiuntur quippe omnes sancti pro seip̄s, nō autē pro omnibus exaudiunt uel amicis uel inimicis suis, uel quibuslibet alijs, quia nō utcūq; dictū est dabit, sed dabit uobis. Vsq; modo, inquit, nō petistis quicūq; in nomine meo: Petite & accipietis, ut gaudiū uestrū sit plenum.) Hoc quod dicit gaudiū plenum, profecto nō carnale, sed spiritale gaudiū est, & quando tantū erit, ut aliud ei iam non sit addēdum, proculdubio tunc erit plenū. Quicq; ergo petitur quod pertineat ad hoc gaudium consequendū, hoc est in nomine Christi petendū, si diuinam intelligimus gratiam, si uere beatam poscimus uitam: quicquid autem aliud petitur, nihil petitur, nō quia nulla omnino res est, sed quia in tantæ rei cōparatione quicquid aliud concupiscitur, nihil est: neq; enim prorsus nulla res est homo, de quo ait Apostolus: Qui se putat aliquid esse cum nihil sit. In cōparatione quippe spiritualis hominis, qui scit gratia dei se esse quod est, quisquis uana præsūmit, nihil est. Sic ergo etiam recte intelligi potest: Amen amen dico uobis, si quid petieritis patrem in nomine meo, dabit uobis, ut hoc quod ait, si quid nō quodlibet intelligat, sed aliquid quod in beatæ uitæ cōparatiōe nō nihil sit. Et quod sequitur, usq; modo nō petistis quicūq; in nomine meo, duobus modis intelligi potest, uel quia nō in nomine meo petistis, quod nomē nō sicut cognoscendū est cognouistis, uel nō petistis quicūq;, quoniā in cōparatione rei quam petere debuistis, pro nihilo habendū est quod petistis. Vt igit in eius nomine nō nihil, sed gaudiū plenū petant, quoniā si aliquid aliud petunt, idē aliquid nihil est, exhortat̄ dicens: Petite & accipietis, ut gaudiū uestrum sit plenū, id est, hoc in nomine meo petite, ut gaudiū uestrū sit plenū, & accipietis. Isto enim bono in petendo persequerantes, sanctos suos nequaquā misericordia diuina fraudauit. Hæc, inquit, in prouerbis locutus sum uobis, uenit hora, cum iam nō in prouerbis loquar uobis, sed palām de patre meo annuntiabo uobis.) Possem dicere hanc de qua loquit̄ horam, futurū oportere seculū intelligi, ubi uidebimus palām quod beatus Paulus dicit, facie ad faciē, ut quod ait: Hæc in prouerbis locutus sum uobis, hoc sit, quod ab eodē Apostolo dictū est, uidemus nūc per speculū in ænigmate. Annuntiabo autē uobis quia per filiū pater uidebitur, iuxta illud quod alibi ait: Neq; patrē quis cognoscit nisi filius, & cui uoluerit filius revelare: sed istum sensum uidetur impedire quod sequit̄: Illo die in nomine meo petetis.) In futuro enim seculo cum peruenerimus ad regnū, ubi similes ei erimus, quoniā uidebimus eum sicuti est, quid petituri sumus quādo satiabit̄ in bonis desiderīū nostrū? Vnde & alio psalmo legitur: Satiabor cū manifestabit̄ gloria tua. Petitio nāq; alicuius est indigentia, quæ ibi nulla erit ubi hæc satietas erit. Relinquit̄ itaq; quātū sapere ualeo, ut intelligat̄ Iesus discipulos suos de carnalibus uel animalibus se spiritales promississe facturū, quāuis nondū tales quales erimus, quādo spiritale etiam corpus habebimus, sed qualis erat qui dicebat: Sapientiam loquimur inter perfectos, & nō potui uobis loqui quasi spiritualibus, sed quasi carnalibus. Et non spiritū huius mundi accepimus, sed spiritū qui ex deo est, ut sciamus quæ à deo donata sunt nobis quæ & loquimur, nō in sapiētia hūanæ doctis uerbis, sed docti spū à spiritualibus spiritualia cōparantes: animalis autē homo nō percipit quæ sunt spūs dei. Non itaq; percipiens quæ sunt spūs dei homo animalis sic audit quæcūq; audit de dei natura, ut aliud q̄ corpus cogitare nō possit, quālibet amplissimū uel immensū, quālibet lucidū ac speciosum, corpus tamē, ideo prouerbialia illi sunt quæcūq; dicta sapiētia de incorporea immutabiliq; substantia, nō q̄ ea tantū p uerbia deputat, sed quia sic cogitat, quomodo q̄ prouerbialia solent audire neq; intelligere. Cū uero spiritualis cœperit omnia diiudicare, ipse autē à nemine diiudicari, etiam si in hac uita adhuc



**A** huc uelut per speculū ex parte perspicit, tamē nō ullo corporis sensu, nō ulla imaginaria cogitatione quæ capit aut fingit qualicūq; similitudine corporum, sed mentis certissima intelligentia deum intelligit nō corpus esse sed spiritū. Ita palām de patre annunciante filio, ut eiusdē substantiæ conspiciatur & ipse qui annunciat, tunc in eius nomine petunt qui petunt, quando in sono eius nominis non aliud q̄ res ipsa est, quæ hoc nomine uocatur, intelligūt, nec animi uanitate uel infirmitate cōfingunt tanq̄ in alio loco patrē, in alio filium ante patrem stantem, & pro nobis rogantem, spacia sua quæq; amborum occupantibus molibus, & uerbum ad eum cuius est uerbum, facere uerba pro nobis, interuallo interposito inter os loquentis & auriculas audientis, & alia talia quæ sibi animales, idēq; carnales in cordibus fabricant. Quicquid enim tale spiritualibus de deo cogitantibus ex corporum consuetudine occurrit, negando atque respuendo tanq̄ importunas muscas, ab interioribus oculis abigunt, & synceritati eius lucis acquiescunt, qua teste ac iudice has ipsas imagines corporū suis internis aspectibus intuentes, falsas omnino esse conuincunt. Hi possunt utcūq; cogitare dñm nostrum Iesum Christum in quantum homo est, pro nobis interpellare patrē, in quantum autē deus est, & nos exaudire cum patre, quod eū significasse arbitror ubi ait, Et nō dico uobis, quia ego rogabo patrē de uobis.) Ad hoc quippe intuendum quomodo nō rogat patrē filius, sed simul exaudiunt rogantes pater & filius, non nisi spiritualis oculus mentis ascendit. Ipse enim pater, inquit, amat uos, quia uos me amastis.) Ideo amat ille quia nos amamus, an potius quia ille amat ideo nos amamus? Ex epistola sua euāgelista idem ipse respondeat: Nos diligimus, inquit, quia prior ipse dilexit nos: hinc ergo factum est ut diligere mus, quia dilecti sumus. Prorsus donum dei est diligere deum, quoniā ipse ut diligere t dedit, qui nō dilectus dilexit. Displicentes amati sumus, ut esset in nobis unde placeremus: non enim amaremus filium, nisi amaremus & patrem. Amat nos pater, quia nos amamus filium, cum à patre & filio acceperimus, ut & patrem & filium amemus: diffudit enim charitatem in cordibus nostris amborum spiritus, per quem spiritum & patrē amamus & filium, & quē spiritum amamus cū patre & filio. Amorem itaq; nostrū pium quo colimus deū, fecit deus, & uidit quia bonū est: ideo qppe amauit ipse quod fecit, sed in nobis nō faceret quod amaret, nisi anteq̄ id faceret nos amaret. Et credidistis, inquit, quia à deo exiui: exiui à patre & ueni in mundū: iterum relinquo mundum & uado ad patrē.) Planē credidimus, neq; enim propterea debet incredibile uideri, quia sic ad mundū ueniens, exiit à patre ut nō deseret patrem, & sic uadit ad patrē relicto mundo, ut non deserat mundū. Exiit enim à patre, quia de patre est, & in mundū uenit, quia mūdo suū corpus ostēdit quod de uirgine assumptus sit. Reliquit mundū corporali discessione, perrexit ad patrem hominis ascensione, nec mundum deseruit præsentiæ gubernatione.

1. Ioan. 4

De eo quod dicit: Dicūt ei discipuli eius: Ecce palām loqueris, & prouerbiū nullū dicis, usq; ad id quod ait: sed cōfidite, ego uici mundū: Tractatus CIII.

**Q**UALES erant discipuli Christi quando cum eis ante passionē loquebatur magna cū paruis, sed sic oportebat ut magna dicerent & paruis, quia nondū accepto ipū sancto quemadmodū eū post eius resurrectionē uel ipso insufflante, uel desuper ueniente acceperūt, humana magis q̄ diuina sapiebāt, multis indicijs per totū euāgeliū declaratur: unde & hoc est quod in ista lectione dixerūt: ait enim euangelista. Dicūt discipuli eius: ecce nūc palām loqueris, & prouerbiū nullū dicis, nūc scimus quia nosti omnia, & nō opus est tibi ut quis te interroget: in hoc credimus quia à deo existi.) Ipse dñs paulo ante dixerat: hæc in prouerbijs locutus sum uobis, uenit hora cū iam non in prouerbijs loquar uobis: quomodo ergo isti dicunt, ecce nunc palām loqueris, & prouerbiū nullū dicis? Nūquid hora iam uenerat, qua nō iam in prouerbijs se pmiserat locuturū? Prorsus q̄, nondū illa hora uenisset, cōtinuatio uerborū eius ostendit, quæ ita sese habet: hæc, inquit, in prouerbijs locutus sum uobis, uenit hora cū iā nō in prouerbijs loquar uobis, sed palām de patre meo annuntiabo uobis, illo die in nomine meo petetis. Et non dico uobis, quia ego rogabo patrem de uobis. Ipse enim pater amat uos, quia uos me amastis, & credidistis quia à deo exiui. Exiui

F 3 à patre

à patre, & ueni in mundum: iterum relinquo mundum, & uado ad patrem. Cum per hæc omnia uer-  
 ba adhuc illam promittat horam qua non iam in prouerbijs loquetur, sed palam de patre  
 annunciabit eis, in qua hora dicit eos in suo nomine petituros, nec se patrem de illis rogaturum,  
 eo quod ipse pater amat eos, quia & ipsi amauerunt Christum, & crediderunt quod à patre exierit  
 & uenerit in mundum, iterum relicturus mundum & iturus ad patrem. Cum ergo adhuc promittatur  
 hora illa in qua sine prouerbijs locuturus est, cur isti dicunt: Ecce nunc palam loqueris & pro-  
 uerbum nullum dicis, nisi quia illa quæ scit ipse non intelligentibus esse prouerbia, illi usque adeo  
 non intelligunt, ut nec saltim non se intelligere intelligant. Paruuli enim erant & nondum spirita-  
 liter dijudicabant, quæ de rebus non ad corpus, sed ad spiritum pertinentibus audiebant: denique  
 de ipsa eorum ætate adhuc secundum interiorem hominem parua & infirma eos admonens. Respon-  
 dit eis Iesus: Modo creditis: Ecce uenit hora, & iam uenit ut dispergami unusquisque in pro-  
 pria, & me solum relinquatis. Et non sum solus, quia pater mecum est. Paulo ante dixerat, re-  
 linquo mundum & uado ad patrem, nunc dicit, pater mecum est. Quis uadit ad eum, qui cum illo  
 est? Sed hoc intelligenti est uerbum, non intelligenti prouerbum, sic tamen quomodo à pa-  
 tris non intelligitur, & utcumque fugitur, & eis etiam si non præbet, quia nondum eum capiunt, so-  
 lidum cibum, saltim lacteum non denegat alimentum. Ex hoc alimento est, quod sciebant eum nosse omnia,  
 nec opus ei esse ut eum quis interroget: quod quidem cur dixerit, quæri potest. Videamus enim potius  
 fuisse dicendum, non opus est tibi ut quicquid interroges, non ut quis te interroget: dixerunt quippe, sci-  
 mus quia nosti omnia, & utique qui nouit omnia, magis à nescientibus interrogari solet, ut interro-  
 gantes audiant quod uolunt ab eo qui nouit omnia, non ipse interroget tanquam uolens aliquid  
 scire qui nouit omnia. Quid sibi ergo uult quod ei quæ sciebant nosse omnia, cum dicere debuisset  
 se uideantur, non opus est tibi ut quicquid interroges, dicendum potius putauerunt, non opus  
 est tibi ut quis te interroget. Quid quod utrumque legimus factum, & interrogasse scilicet dominum, & in-  
 terrogatum fuisse. Sed hoc cito soluitur, quia hoc non ei, sed illis potius opus erat quos inter-  
 rogabat, uel à quibus interrogabat. Neque enim aliquos ille interrogabat, ut ab eis aliquid  
 disceret, sed eos potius ut doceret. Qui interrogabant eum, uolentes ab eo aliquid discere, illis pro-  
 pterea ei facto id opus erat, ut scirent aliqua ab illo qui nouerat omnia. Nimirum ergo propterea ei  
 opus non erat ut eum quis interrogaret, quemadmodum nos quando interrogamur ab eis qui  
 uolunt aliquid à nobis scire, ex ipsis interrogationibus eorum cognoscimus quid uelint discere.  
 Opus est ergo nobis ab eis interrogari, quos docere aliquid uolumus, ut inquisitiones eorum  
 quibus respondendum est nouerimus. Illi autem ne id quidem opus erat qui omnia nouerat,  
 nec opus habebat quod ab eo quisque scire uellet, per eius interrogationem cognoscere, quia prius  
 usque interrogaretur, interrogatoris nouerat uoluntatem: sed ideo se patiebatur interrogari, ut  
 uel eis qui tunc aderant, uel qui hæc siue dicta fuerant audituri, siue scripta lecturi, quales essent  
 fraudibus, uel quibus apud eum proficeretur accessibus. Præuidere autem cogitationes hominum,  
 & ideo non opus habere ut cum quis interrogaret, magnum deo non erat, sed magnum paruulis  
 erat qui ei dicebant: in hoc credimus quia à deo existi. Multo autem maius erat ad quod intelli-  
 gendum eos uolebat extendi & crescere, quod cum illi dixissent uerumque dixissent, à deo existi, ait ille,  
 pater mecum est, ne sic à patre filium cogitarent existisse, ut putarent etiam recessisse: deinde sermo  
 nem istum magnum prolixumque concludens. Hæc, inquit, locutus sum uobis, ut in me pacem  
 habeatis: in mundo pressuram habebitis, sed confidite, ego uici mundum. Illud initium fuerat ha-  
 bitura ista pressura, de quo superius ut eos ostenderet paruulos, quibus adhuc non intelligen-  
 tibus, & aliud pro alio sentientibus, prouerbia quodammodo essent, quæ cum magna & diuina  
 dixisset, ait: modo creditis: Ecce uenit hora & iam uenit, ut dispergami unusquisque in pro-  
 pria. Ecce initium pressuræ, sed non eo modo perseveratura. Quod enim adiunxit, & me solum re-  
 linquatis, non uult eos tales esse in consequenti pressura, quam post eius ascensionem in mundo  
 fuerant habituri, ut relinquunt eum, sed ut in illo pacem habeant permanentes in eo. Non enim  
 quando comprehensus est tantummodo carne sua eius carnem, uerum etiam mente relinque-  
 runt fidem. Ad hoc pertinet quod ait, modo creditis: ecce uenit hora ut dispergami unus-  
 quisque



**A** quisque in propria, & me solum relinquatis: tanquam diceret, tunc ita perturbabimini, ut etiam quod modo creditis relinquatis. Venerunt enim ad tantam desperationem, & suae pristinae fidei, ut ita dixerim, mortem, quanta apparuit in illo Cleopha, qui post eius resurrectionem cum illo se loqui nesciens, & quid ei contingeret narrans: Nos, inquit, sperabamus quod ipse fuerat redempturus Israel. Ecce quomodo eum reliquerant deserendo etiam ipsam fidem qua in eum ante crediderant. In ea uero pressura quam post eius glorificationem accepto spiritu sancto pertulerunt, non eum reliquerunt, & quamuis fugerent de ciuitate in ciuitatem, ab ipso non refugerunt, sed ut habentes pressuram in mundo, in illo pacem tenerent, non ab ipso refugerunt, sed ipsum potius refugium habuerunt, dato quippe illis spiritu sancto, factum est in eis quod nunc dictum est eis: Confidite, quia ego uici mundum. Considerunt & uicerunt: in quo nisi in illo? Non enim uicisset ille mundum, si eius membra uinceret mundus: unde ait Apostolus: Gratias deo, qui dat nobis uictoriam, continuoque subiecit: per dominum nostrum Iesum Christum, qui dixerat suis: confidite, ego uici mundum.

De eo quod sequitur: Hec locutus est Iesus, & subleuatis oculis in caelum dixit: Pater uenit hora clarifica filium tuum, ut & filius tuus clarificet te: Tract. CIII.

**N** T E ista quae nunc sumus adiuuante domino tractaturi, dixerat Iesus: Hec locutus sum uobis, ut in me pacem habeatis: quae non recentiora paulo superius ab eo dicta, sed omnia debemus accipere, siue quaecumque illis locutus est, ex quo eos cepit habere discipulos, siue certe ex quo post coenam exorsus est hunc ad mirabilem prolixumque sermonem. Talem quippe commemorauit causam, cur eis sit locutus, ut ad eum finem rectissime referantur uel omnia quae locutus est eis, uel ea maxime quae dixit iam pro eis moriturus, tanquam uerba nouissima, posteaque de conuiuio sancto ille qui cum fuerat traditurus, egressus est. Hanc ergo commendauit causam sermonis sui, ut in illo pacem haberent, propter quod totum agitur quod Christiani sumus. Hae enim pax finem temporis non habebit, & omnis pax nostrae intentionis actionisque finis ipsa erit. Propter hanc sacramentis eius imbuimur, propter hanc mirabilibus eius operibus & sermonibus erudimur, propter hanc spiritum eius pignus accepimus, propter hanc credimus in eum & speramus, & eius amore quantum donat accendimur. Hac pace in pressuris omnibus consolamur, hac a pressuris omnibus liberamur, propter hanc omnem tribulationem fortiter sustinemus, ut in hac feliciter sine ulla tribulatione regnemus. Merito ad eam clausit uerba, quae parum intelligentibus discipulis erant prouerbia, intellecturis ea quando eis dedisset promissum spiritum sanctum, de quo superius ait: Hae locutus sum uobis, apud uos manens. Pater autem spiritus sanctus quem mittet pater in nomine meo, ille uos docebit omnia, & suggeret uobis omnia quaecumque dixero uobis. Hae nimirum futura fuerat illa hora, qua se promiserat non iam in prouerbijs locuturum, sed palam de patre annunciaturum. Eadem quippe ipsius uerba reuelante spiritu sancto, intelligentibus iam non erant futura prouerbia. Neque enim loquente in eorum cordibus spiritu sancto, taciturnus erat unigenitus filius, qui dixit in ea hora palam se illis de patre annunciaturum, quod eis utique iam intelligentibus non esset prouerbiū: sed hoc quoque ipsum quomodo simul loquantur in suorum spiritualium cordibus & dei filius & spiritus sanctus, immo ipsa trinitas, quae inseparabiliter operatur, intelligentibus est uerbum, non intelligentibus autem prouerbiū. Cum ergo dixisset propter quid omnia sit locutus, ut in illo scilicet pacem haberent, in mundo habentes pressuram, exhortatusque fuisset ut confiderent, quia ipse uicit mundum, eo qui erat ad illos sermonem finito, deinde ad patrem uerba direxit, & orare iam cepit: sicut enim euangelista sequitur dicens: Hae locutus est Iesus, & subleuatis oculis in caelum dixit: Pater, uenit hora, clarifica filium tuum.) Poterat dominus noster unigenitus & coaeternus patri, in forma serui & ex forma serui si hoc opus esset orare silentio: sed ita se patri exhibere uoluit precator, ut meminisset nostrum se esse doctorem. Proinde eam quam fecit orationem pro nobis, notam fecit & nobis, quoniam tanti magistri non solum apud ipsos sermocinatio, sed

sed etiam ipsius pro ipsis ad patrem oratio, discipulorum est edificatio, & si illorum qui hæc dicta c  
 aderant audituri, profecto & nostra qui fuimus conscripta lecturi. Quapropter hoc quod  
 ait: Pater uenit hora, clarifica filium tuum, ostendit omne tempus, & quid & quando faceret uel  
 fieri sineret, ab illo esse dispositum qui tempori subditus non est, quoniam quæ futura erant per sin-  
 gula tempora in dei sapientia causas efficientes habent, in qua nulla sunt tempora. Non ergo cre-  
 datur hæc hora fato urgente uenisse, sed deo potius ordinata, nec ea sydereā necessitas Chri-  
 sti conexuit passionem, absit enim ut sydera mori cogerent syderum conditorum. Non itaque Chri-  
 stum tempus ut moreretur impegit, sed tempus Christus quo moreretur elegit, qui etiam tempus  
 quo de uirgine natus est cum patre constituit, de quo sine tempore natus est, secundum quam ue-  
 ram sanamque doctrinam etiam Paulus apostolus: Cum autem uenit, inquit, plenitudo temporis, mi-  
 sit deus filium suum: & deus per prophetam: Tempore ait, accepto exaudiui te, & in die salutis ad-  
 iuui te: & rursus Apostolus: Ecce nunc tempus acceptabile, ecce nunc dies salutis. Dicit ergo: Pa-  
 ter uenit hora, qui cum patre disposuit omnes horas, tanquam dicens: pater, quia propter homi-  
 nes & apud homines ad me clarificandum simul constituimus, uenit hora, clarifica filium tuum,  
 ut & filius tuus clarificet te. Clarificatum à patre filium nonnulli accipiunt in hoc quod ei non peper-  
 cit, sed pro nobis omnibus tradidit eum: sed si passione clarificatus dicitur, quanto magis re-  
 surrectione: nam in passione magis eius humilitas quam claritas commendatur, Apostolo atte-  
 stante qui dicit: Humiliauit semetipsum, factus obediens usque ad mortem, mortem autem cru-  
 cis: deinde sequitur, & de eius clarificatione iam dicit: Propter quod & deus illum exaltauit, &  
 donauit ei nomen quod est super omne nomen, ut in nomine Iesu omne genu flectatur: cœ-  
 lestium, terrestrium & infernorum, & omnis lingua confiteatur quia dominus Iesus Christus in  
 gloria est dei patris. Hæc est glorificatio domini nostri Iesu Christi, quæ ab eius resurrectione  
 sumpsit exordium. Humilitas ergo eius incipit in sermone apostoli, ab eo loco ubi ait: Semet-  
 ipsum exinaniiuit formam serui accipiens, & peruenit usque ad mortem crucis: claritas uero  
 eius incipit ab eo loco ubi ait: Propter quod & deus exaltauit eum, & peruenit quod in gloria  
 est dei patris: nam & ipsum nomen, si inspiciantur codices Græci, ex qua lingua epistola apo-  
 stolica translata sunt in Latinum, quod hic legitur gloria, ibi legitur δόξα. Unde uerbum de-  
 riuatum est in Græco ut diceretur δόξα δορυ quod interpretatur Latinus ait clarifica, cum posset etiam  
 gloria dicere, quod tantumdem ualeat. Et ideo posset etiam in Apostoli epistola, ubi est glo-  
 ria, claritas poni, quod si fieret, tantumdem ualeret. Ut autem non recedatur à uerborum sonis,  
 quemadmodum à claritate clarificatio, sic à gloria glorificatio deriuatur. Ut ergo mediator dei &  
 hominum homo Christus Iesus resurrectione clarificaretur uel glorificaretur, prius humilia-  
 tus est passione: non enim à mortuis resurrexisset, si mortuus non fuisset. Humilitas clarita-  
 tis est meritum, claritas humilitatis est præmium, sed hoc factum est in forma serui. In forma  
 uero dei semper fuit, semper erit: claritas enim non fuit quasi iam non sit, nec erit quasi non  
 dum sit, sed sine initio, sine fine semper est claritas. Quod ergo ait: Pater, uenit hora, clarifica  
 filium tuum, sic intelligendum est tanquam dixerit: uenit hora seminanda humilitatis, fructum  
 non differas claritatis: sed quid sibi uult quod sequitur: Ut filius tuus clarificet te? Nun-  
 quid etiam deus pater pertulit humilitatem carnis siue passionis, ex qua illum clarificari oport-  
 teret? Quomodo igitur eum clarificaturus erat filius, cuius claritas sempiterna, nec ex forma  
 serui potuit uideri minor, nec in diuina persona potuit esse amplior? Sed istam questionem  
 in hunc sermonem nolo coartare, aut hinc cum facere longiorem.

De eo quod dicit: Sicut dedisti ei potestatem omnis carnis, usque ad id, clarita-  
 te quam habui priusquam mundus fieret apud te: Tractatus CV.



Lorificatum à patre filium secundum formam serui, quam pater suscitauit à mor-  
 tuis, & ad suam dexteram collocauit, res ipsa indicat, & nullus ambigit Christia-  
 nus: sed quoniam non tantum dixit: Pater clarifica filium tuum, sed addidit  
 etiam: Ut filius tuus clarificet te: merito queritur quomodo patrem clarificaue-  
 rit filius, cum sempiterna claritas patris nec diminuta fuerit in forma humana, nec auge-  
 ri potuerit in sua perfectione diuina, sed in seipsa claritas patris nec minui nec auge-  
 ri potest



**A**ri potest. Apud homines autē pculdubio minor erat, quādo in Iudaea tantūmodo deus no-  
tus erat: nondū à solis ortu usq; ad occasum laudabant pueri nomen dñi. Hoc autē quia per  
euangeliū Christi factum est, ut per filiū pater innotesceret gentibus, profecto patrē clarifi-  
cavit & filius: si autē tātummodo mortuus fuisset filius, nec resurrexisset, proculdubio nec à  
patre clarificatus esset, nec patrem clarificasset: nunc autē resurrectione clarificatus à patre, re-  
surrectionis suæ prædicatione clarificat patrē. Hoc quippe aperit ordo ipse uerborū: Clarifi-  
ca, inquit, filium tuū, ut filius tuus clarificet te, tanq̃ diceret, resuscita me ut innotescas toto or-  
bi per me: deinde magis magisq; pandens quomodo clarificet patrē filius: Sicut dedisti,  
inquit, ei potestātē omnis carnis, ut omne quod dedisti ei, det eis uitam æternā. (Omne car-  
nē dixit oēm hominē, à parte totū significans, quēadmodum rursus à parte superiore signifi-  
catus est homo totus, ubi ait Apłus: Omnis anima potestatibus sublimioribus subdita sit. *Rom. 13*  
Quid enim dixit omnis anima, nisi omnis homo? Et hoc autē q; potestas Christo à patre da-  
ta est omnis carnis, secundū hominē intelligendū est: nam secundū deū omnia per ipsum fa-  
cta sunt, & in ipso cōdita sunt omnia in cœlo & in terra, uisibilia & inuisibilia: sicut ergo de-  
disti ei potestātē, inquit, omnis carnis, ita te glorificet filius tuus, id est, notum te faciat omni  
carni quā dedisti ei: sic enim dedisti ut omne quod dedisti ei, det eis uitā æternā. Hæc est  
autē, inquit, uita æterna ut cognoscāt te solū uerū deum, & quē misisti Iesum Christū. (Ordo  
uerborū est, ut & te quē misisti Iesum Christū cognoscant solum uerū deum, consequenter  
enim & spūs sanctus intelligit, quia spūs est patris & filij, tanq̃ charitas substantialis & cō-  
substantialis amborū, quoniā nō duo dñj pater & filius, nec tres dñj pater & filius & spūs san-  
ctus, sed ipsa trinitas unus solus uerus deus: nec idē tamē pater q; filius, nec idē filius q; pater,  
nec idē spūs sanctus q; pater & filius, qm̃ tres sunt pater & filius & spūs sanctus, sed ipsa tri-  
nitas unus est deus: si ergo eo modo te glorificat filius sicut dedisti ei potestātē omnis carnis,  
& sicut dedisti, ut oēm quod dedisti ei det eis uitam æternā, & hæc est uita æterna, ut cognos-  
cant te, sic te igit̃ filius glorificet, ut omnibus quos dedisti ei te cognitū faciat. Porro si cogni-  
tio dei est uita æterna, tāto magis uiuere tendimus, quāto magis in hac cognitiōe pficimus.  
Nō autē moriemur in uita æterna, tunc ergo dei cognitio pfecta erit, quādo nulla mors erit.  
Summa dei tunc clarificatio, quia sūma gloria, quæ Græce dicit̃ δόξα. Vnde dictū δόξα ὁπ, *Gloria quid sit*  
quod Latini quidā interpretati sunt clarifica, quidā glorifica. A ueteribus autē gloria qua glo-  
riofī homines dicunt, ita est diffinita: Gloria est frequēs de aliq̃ fama cū laude. At si homo *Psal. 85*  
laudat, cū famæ credit, quomodo deus laudabit qñ ipse uidebit? Propter quod scriptū est:  
Beati q; habitāt in domo tua, in seclā seculorū laudabūt te. Ibi erit dei sine fine laudatio, ubi  
erit dei plena cognitio, & quia plena cognitio, ideo sūma clarificatio uel glorificatio: sed pri-  
us hic clarificat̃ deus, dū annūciatus hominibus innotescit, & per fidē credentiū prædicat̃.  
Propter quod dicit: Ego te clarificaui sup̃ terrā, opus cōsummaui quod dedisti mihi ut fa-  
ciam.) Nō ait, iussisti, sed dedisti, ubi cōmēdatur euidēs gratia: quid enim habet quod nō ac-  
cepit etiā in unigenito humana natura? An nō accepit ut nihil malī, sed bona faceret om̃ia,  
qñ in unitatē personæ suscepta est à uerbo, p̃ quod facta sunt om̃ia? Sed quomodo cōsum-  
mauit opus quod accepit ut faciat, cum restet adhuc passionis experimentum, ubi martyri-  
bus suis maxime præbuit quod sequerētur exemplū, unde apostolus Petrus: Christus pas- *1. Pet. 2*  
sus est pro nobis relinquens nobis exemplum, ut sequamur uestigia eius, nisi quia cōsumma-  
se dicit, quod se cōsummaturū esse certissime nouit? Sicut longe ante in prophetia præteriti  
tēporis usus est uerbis, quādo post annos plurimos futurū erat quod dicebat. Foderunt, in- *Psal. 21*  
quit, manus meas & pedes meos, dinumerauerunt omnia ossa mea: nō ait, fodient & dinu-  
merabunt. Et in hoc ipso euāgelio: Omnia, inquit, quæ audiui à patre meo nota feci uobis,  
qbus ait postea: Adhuc multa habeo uobis dicere, sed nō potestis portare modo. Qui em̃  
certis & immutabilibus causis om̃ia futura prædestinauit, quod facturus est fecit: nam & p̃  
prophetā dictū de illo est, qui fecit quæ futura sunt. Secundū hoc etiā, quod sequitur dicit:  
Et nunc clarifica me tu pater apud temetipsum claritate quam habui priusq̃ mundus  
esset

esset apud te.) Nam & supra dixerat: Pater uenit hora, clarifica filiū tuū, ut filius tuus clarifi-  
cet te. In quo uerborū ordine ostenderat prius à patre clarificandū filiū, ut patrē clarificaret  
& filius: modo autē dixit: Ego te clarificaui sup̄ terrā, opus cōsummaui quod dedisti mihi ut  
faciam, & nūc clarifica me, tanq̄ prior ipse patrē clarificauerit, à quo deinde ut clarificetur ex-  
poscit. Ergo intelligendū est utroq̄ uerbo superius usum, secundū id quod futurū erat, eoq̄  
ordine qđ futurū erat: clarifica filiū ut te clarificet filius: modo uero usum fuisse uerbo prate-  
riti tēporis de re futura ubi ait: Ego te clarificaui super terrā, opus cōsummaui quod dedi-  
sti mihi ut faciam: deinde dicendo: & nunc clarifica me tu pater apud temetipsum, quasi po-  
sterius esset clarificandus à patre, quem prius ipse clarificauerat, quid ostendit nisi superius  
ubi ait: Ego te clarificaui super terram, ita locutū se fuisse tanq̄ fecisset quod facturus esset:  
hic autem poposcisse ut pater faceret, per quod illud filius facturus esset, id est, ut pater clari-  
ficaret filiū, per quā filij clarificationē etiā filius clarificaturus esset patrem. Deniq̄ si de re  
quæ futura erat ponamus etiā futuri tēporis uerbū, ubi pro tpe futuro posuit ipse präteritū,  
nulla sententiæ remanebit obscuritas, ueluti si dixisset: Ego te clarificabo super terram, opus  
cōsummabo quod dedisti mihi ut faciam, & nunc clarifica me tu pater apud temetipsum.  
Nempe ita planū est sicut illud ubi ait: Clarifica filiū tuum, ut filius tuus clarificet te, & ipsa  
est omnino sententia, nisi quia & hic dictus est eiusdem clarificationis modus, ibi autem ta-  
citus, tanq̄ illud isto exponeretur eis quos poterat permouere, quomodo pater filiū, & ma-  
xime quomodo patrem clarificaret & filius. Dicendo enim clarificari à se patrē super terrā,  
se autem à patre apud eundem patrem, modū profecto utriusq̄ clarificationis ostēdit. Ipse  
quippe patrem clarificauit super terram, eum gentibus prædicando: pater uero ipsum apud  
semetipsum ad suam dexteram collocando: sed ideo postea de clarificādo patre ubi ait: Ego  
te clarificaui, uerbū präteriti tēporis ponere maluit, ut monstraret in prædestinatiōe iam fa-  
ctum, & pro iam factō habendū, quod certissime fuerat futurū, id est, ut à patre apud patrē  
glorificatus, patrē super terram glorificaret & filius: sed hanc prædestinatiōē in sua clarifi-  
catione manifestius aperuit, quā eū clarificauit pater, in eo quod adiunxit: Claritate quā  
habui priusq̄ mūdus esset apud te.) ordo uerborū est, quā habui apud te priusq̄ mūdus  
esset. Ad hoc ualet quod ait: & nunc clarifica me, hoc est, sicut tunc ita & nunc: sicut tunc præ-  
destinatione, ita & nunc perfectione, fac in mundo quod apud te iam fuerat ante mūdum,  
tanq̄ natura humana quæ suscepta est à uerbo, conuerteretur in uerbū, & homo mutaretur  
in deum, immo si diligentius quod opinati sunt cogitemus, homo periret in deo: non enim  
quisq̄ ex ista mutatione hominis uel duplicari dei uerbū dicturus est uel augeri, ut aut duo  
sint quod unū fuit, aut amplius sit quod minus fuit. Porro si natura humana in uerbū muta-  
ta atq̄ conuersa, uerbum dei quantū erat & quod erat hoc erit, ubi est homo si non perit.  
Sed ad hanc opinionē quam ueritati prorsus nō uideo conuenire, nihil nos urget, si filio di-  
cente: Et nūc clarifica me tu pater apud temetipsum claritate quā habui priusq̄ mūdus esset  
apud te, intelligamus prædestinatiōē claritatis humanæ quæ in illo est naturæ, ex mortali  
immortalis apud patrem futuræ, & hoc iam prædestinando factū fuisse anteq̄ mundus  
esset, quod in mundo etiam suo tempore fieret. Si enim de nobis dixit Apostolus: sicut ele-  
git nos in ipso ante mundi constitutionem, cur abhorreere putatur à uero, si tūc pater caput  
nostrū glorificauit, quando nos in ipso ut membra eius essemus elegit? Sic enim nos elegit  
quomodo ipse clarificatus, quia priusq̄ mundus esset, nec nos eramus, nec ipse mediator dei  
& hominū homo Christus Iesus. Sed ille qui per ipsum inquantū uerbum eius est, etiā quæ  
futura sunt fecit, & uocat ea quæ nō sunt tanq̄ sint, pfecto secundū id qđ mediator dei & ho-  
minū homo est ante mūdi cōstitutionē, pro nobis deus pater glorificauit ipsum, si tūc elegit  
etiā nos in ipso: quid enim dicit Aplūs: scimus autē qm̄ diligētibus deū omnia cooperantur in  
bonū, his qui secundū ppositū uocati sunt: quos enim præsciuit & prædestinauit cōformes  
fieri imaginis filij eius ut sit primogenitus in multis fratribus: quos autē prædestinauit, illos  
& uocauit

Eph. 1

Rom. 8



A & uocauit, nisi forte ipsum prædestinatum dicere formidabimus, quia de nobis tantum ut efficiamur conformes imaginis eius, hoc dixisse uidetur Apostolus: Quasi uero quisque regulam fidei fideliter intuens, filium dei negaturus est prædestinatum, qui eum negare hominem non potest. Recte quippe dicitur non prædestinatus secundum id quod est uerbum dei, deus apud deum, ut quid enim prædestinaretur, cum iam esset quod erat sine initio, sine termino sempiternus: Illud enim prædestinatum erat quod nondum erat, ut sic suo tempore fieret, quemadmodum ante omnia tempora prædestinatum erat ut fieret. Quisquis igitur dei filium prædestinatum negat, hunc eundem filium hominis negat. Sed propter contentiosos etiam hinc audiamus Apostolum in suarum exordio litterarum: nam & in prima epistolarum eius quæ est ad Romanos, & ipsius epistolæ principium est, ubi legitur: Paulus seruus Iesu Christi, uocatus apostolus, segre Rom. 1  
gatus in euangelium dei, quod ante promiserat per prophetas suos in scripturis sanctis de filio suo, qui factus est ei ex semine Dauid secundum carnem, qui prædestinatus est filius dei in uirtute secundum spiritum sanctificationis ex resurrectione mortuorum: secundum hanc ergo prædestinationem etiam clarificatus est antequam mundus esset, ut esset claritas eius ex resurrectione mortuorum apud patrem, ad cuius dexteram sedet. Cum ergo uideret illius prædestinatæ suæ clarificationis uenisse iam tempus, ut & nunc fieret in redditione quod fuerat in prædestinatione iam factum, orauit dicens: & nunc clarifica me tu pater apud te ipsum claritate quam habui priusquam mundus esset apud te: tantum diceret, claritatem quam habui apud te, id est, illam claritatem quam habui apud te in prædestinatione tua, iam tempus est ut apud te habeam etiam uiuens in dextera tua: sed quoniam nos diu tenuit huius discussionis questionis, alio quæ sequuntur sermone tractanda sunt.

De eo quod dicit: Manifestaui nomen tuum hominibus, usque ad  
id: Et crediderunt quia tu me misisti: Tractatus CVI.

B **I**n his uerbis domini, sicut ipse donauerit, sermone isto disputaturi sumus quæ ita se habent: Manifestaui nomen tuum hominibus quos dedisti mihi de mundo.) Quod si de his tantum dicit discipulis cum quibus coenauit, & ad quos antequam orare inciperet tam multa locutus est, non pertinet hoc ad illam clarificationem, siue ut alij interpretati sunt, glorificationem, de qua superius loquebatur, qua filius clarificat uel glorificat patrem: quanta est enim uel qualis gloria, duodecim uel undecim potius innotuisse mortalibus? Si autem quod ait: manifestaui nomen tuum hominibus quos dedisti mihi de mundo, omnes hic intelligi uoluit, etiam qui in eum fuerant credituri, ad eius magnam quæ futura erat ex omnibus gentibus ecclesiam pertinentibus, de qua in psalmo canitur: In ecclesia magna psal. 21  
confitebor tibi, est plane ista clarificatio qua filius clarificat patrem, cum eius nomen notum facit omnibus gentibus, & tam multis generationibus hominum: & tale est hoc quod ait, manifestaui nomen tuum hominibus quos dedisti mihi de mundo, quale illud quod paulo ante dixerat: Ego te clarificaui super terram, pro tempore futuro & illic & hic præteritum ponens, sicut qui sciret prædestinatum esse ut id fieret, & ideo fecisse dicens se, quod erat sine ulla dubitatione facturum: sed de illis qui iam erant discipuli eius, non de omnibus qui in illum fuerant credituri eum dixisse quod dixit: manifestaui nomen tuum hominibus quos dedisti mihi de mundo, ea quæ sequuntur credibiliter esse demonstrant: cum enim hoc dixisset, adiunxit: Tui erant, & mihi eos dedisti, & sermonem tuum seruauerunt: nunc cognouerunt, quia omnia quæ dedisti mihi abs te sunt, quia uerba quæ dedisti mihi, dedi eis, & ipsi acceperunt & cognouerunt uere quia à te exiui, & crediderunt quia tu me misisti.) Quamquam & hæc omnia de futuris omnibus fidelibus dici potuerunt specie perfecta, cum adhuc essent futura, sed ut de his solis quos tunc habebat discipulis hæc loqui intelligatur, illud magis urget quod paulo post ait: Cum essem cum eis, ego seruabam eos in nomine tuo, quos dedisti mihi custodiui, & nemo ex his periit nisi filius perditionis, ut scriptura adimpleatur, Iudam significans qui tradidit eum. Ex isto quippe duodenario numero apostolorum solus periit: deinde subiungit, nunc autem ad te uenio, unde manifestum est eum de corporali sua dixisse præsentia: cum essem cum eis ego

eis, ego seruabam eos, ueluti iam cum eis ea præsentia non esset. Eo modo enim significare o  
 uoluit ascensionem suam mox futuram, de qua dixit: Nunc autem ad te uenio, iturus utiq;  
 ad dexteram patris, unde uenturus est ad uiuos & mortuos iudicandos præsentia itidem  
 corporali, secundum fidei regulam sanamq; doctrinā: nam præsentia spiritali cum eis erat  
 utiq; uenturus post ascensionem suam, & cum tota ecclesia sua in hoc mundo usq; in con  
 summatione seculi. Non itaq; recte intelliguntur de quibus dixerit, cum essem cum eis, ego  
 seruabam illos, nisi hi quos in se credentes seruare iam coeperat præsentia corporali, & quos  
 relicturus fuerat absentia corporali, ut eos cum patre seruaret præsentia spiritali: post uero  
 adiungit & ceteros suos, ubi dicit: non pro his autem rogo tantum, sed & pro his qui credi  
 turi sunt per uerbū eorū in me. Vbi manifestius ostendit, q; non de omnibus ad eum perti  
 nentibus superius loqueretur, ab eo loco ubi ait: Manifestaui nomē tuum hominibus quos  
 dedisti mihi, sed de his tantum qui eum cum illa diceret audiebant. Ab ipso itaq; orationis  
 eius exordio ubi subleuatis oculis in cœlū dixit, Pater, uenit hora, clarifica filium tuū, ut, filius  
 tuus clarificet te, usq; ad illud quod paulopost ait: Et nunc clarifica me tu pater apud temet  
 ipsum claritate quam habui priusq; mundus esset apud te, omēs suos uolebat intelligi, qui  
 bus notum faciendo patrem clarificat eum. Cū enim dixisset, ut filius tuus clarificet te, mox  
 quemadmodum id fieret, demonstrauit dicens: Sicut dedisti ei potestatem omnis carnis, ut  
 omne quod dedisti ei, det eis uitam æternam, hæc est uita æterna, ut cognoscant te solū ue  
 rum deum, & quem misisti Iesum Christum. Non enim potest cognitione hominum clari  
 cari pater, nisi & ille cognoscatur per quem glorificatur, id est, per quem populus innot  
 scit. Hæc est glorificatio patris quæ nō circa solos illos apostolos facta est, sed circa omnes  
 homines fit, quibus in suis membris caput est Christus: neq; enim de solis apostolis potest  
 intelligi: Sicut dedisti ei potestatem omnis carnis, ut omne quod dedisti ei det eis uitā æter  
 nam, sed utiq; de omnibus quibus in eum credentibus uita æterna datur. Iam nunc ergo ui  
 deamus quid de illis à quibus tunc audiebatur, discipulis suis dicat: Manifestaui, inquit, no  
 men tuum hominibus quos dedisti mihi. Non ergo nouerant dei nomē cum essent Iudæi?  
 Et ubi est quod legitur, notus in Iudæa deus, in Israël magnum nomen eius? Ergo manife  
 stauit nomen tuum hominibus istis quos dedisti mihi de mundo, qui me audiunt hoc dice  
 tem, non illud nomen tuum quo uocaris deus, sed illud quo uocaris pater meus, quod no  
 men manifestari sine ipsius filij manifestatione non posset: nam quod deus dicitur, uniuersæ  
 creaturæ & omnibus gentibus anteq; in Christum crederent, non omni modo esse potuit  
 hoc nomen ignotum. Hæc est enim uis ueræ diuinitatis, ut creaturæ rationali iam ratione  
 utenti, non omnino ac penitus possit abscondi. Exceptis enim paucis in quibus natura ni  
 mium deprauata est, uniuersum genus humanum deum mundi huius fatetur autorem. In  
 hoc ergo q; fecit hunc mundum cœlo terraq; conspicuū, & anteq; imbuerentur in fide Chri  
 sti, notus omnibus gentibus deus. In hoc autem q; non est in iniurijs suis, & cum dijs falsis  
 colendus, notus in Iudæa deus: in hoc uero q; pater est huius Christi per quem tollit peccā  
 ta mundi, hoc nomen eius prius occultum omnibus, nunc manifestaui eis quos dedit ei pa  
 ter ipse de mundo: sed quomodo manifestaui si nondum uenit hora, de qua superius dixe  
 rat, quod ueniret hora cum iam non in prouerbijs, inquit, loquar uobis, sed palām de patre  
 meo annuntiabo uobis? An uero annuntiatio manifesta putabitur in prouerbijs? Cur er  
 go dictū est, palām annuntiabo uobis, nisi quia in prouerbijs non est palām. Quod aut nō  
 in prouerbijs occultatur, sed uerbis manifestatur, proculdubio palām dicitur: quomodo er  
 go manifestaui quod nondum palām dixit. Proinde sic intelligendum est, pro tempore fu  
 turo præteritum positum, quemadmodum illud: Omnia quæ audiui à patre meo nota feci  
 uobis: quod nondum fecerat, sed loquebatur quasi fecisset, quod immobiliter esse præfixū  
 sciebat ut faceret: quid est autem? Quos dedisti mihi de mundo. Dictū est enim de illis,  
 quod non essent de mundo, sed hoc illis regeneratio præstitit, non generatio: quid est etiam  
 quod sequitur: Tui erant, & mihi eos dedisti? An aliquando erant patris, quando non  
 erant

psal. 75

ioan. 15



**A** erant unigeniti filij eius, & habuit aliquando pater aliquid sine filio: Absit. Veruntamen habuit aliquid aliquando deus filius, quod nondum habuit idem ipse homo filius, quia nondū erat homo factus ex matre, quando tamen habebat uniuersa cū patre. Quapropter quod dixit, tui erant, non inde se separauit deus filius, sine quo nihil unq̃ pater habuit, sed solet ei tribuere omne quod potest, à quo est ipse qui potest: à quo enim habet ut sit, ab illo habet ut possit, & simul utrunq; semper habuit, quia nunq̃ fuit, & nō potuit: quocirca quicquid potuit pater, semper cum illo filius potuit, quoniam ille qui nunq̃ fuit & non potuit, nunquam sine patre fuit, nunquam sine illo pater fuit, ac per hoc sicut pater æternus omnipotens, ita filius coæternus omnipotens, id enim potius uerbum è uerbo interpretamur, si proprie uolumus dicere, quod à græcis dicitur παντοκράτωρ quod nostri non sic interpretantur, ut omnipotens dicerent, cū sit παντοκράτωρ omnitenens, nisi tantundem ualere sentirent. Quid ergo unquā habere potuit æternus omnitenens, quod non simul habuerit coæternus omnitenens? quod utiq; ait, Et mihi eos dedisti, hominem se accepisse hanc potestatem ut eos haberet ostēdit, quoniā qui semper omnipotens fuit, nō semper homo fuit. Quāobrem cum patri potius tribuisse uideatur, ut ab eo illos acceperit, quoniā ex ipso est quicquid est de quo est, etiā ipse sibi eos dedit, hoc est, cū patre deus Christus homini Christo, quod cum patre nō est, homines dedit: deniq; qui hoc loco dicit, Tui erāt, & mihi eos dedisti, iā sup̃ius eisdē discipulis dixerat, Ego uos de mūdo elegi: conteratur hic cogitatio carnalis atq; disperat de mundo sibi à patre dicit filios datos homines, quibus alio loco dicit, ego uos elegi de mūdo. Quos deus filius de mūdo elegit cū patre, idē ipse homo filius de mūdo eos accepit à patre: nō enim pater illos filio dedisset, nisi elegisset: ac per hoc filius sicut non inde separauit patrē, quādo dixit, ego uos de mūdo elegi, quoniā simul eos elegit & pater: sic nō inde separauit & se, qñ dixit, tui erāt, quia & ipsius filij pariter erāt: nūc autē homo idē ipse filius accepit eos qui non erant ipsius, quia & formā serui accepit deus idē quæ non erat ipsius, sequitur ac dicit, Et sermonē tuum seruauerunt, nunc cognouerunt quia omnia quæ dedisti mihi abs te sunt.) id est, cognouerunt quia abs te sunt: simul enim pater dedit omnia, cū genuit qui haberet omnia. Quia uerba, inquit, quæ dedisti mihi dedi eis, & ipsi acceperunt,) id est, intellexerunt atq; tenuerunt: tunc enim uerbum accipitur, quando mente percipitur. Et cognouerūt, inquit, uere quia à te exiui, & crediderunt quia tu me misisti:) & hic subaudiendum est, uere: q; enim dixit, cognouerunt uere, exponere uoluit adiungendo, & crediderunt: hoc itaq; crediderunt uere, quod cognouerunt uere, id est enim à te exiui, quod est tu me misisti. Cum ergo dixisset, cognouerunt uere, ne quisquam putaret istā cognitionem tanq̃ per speciem factam non per fidem, exponendo addidit, & crediderūt, ut subaudiamus uere, & intelligamus hoc dictum esse, cognouerunt uere, quod est crediderunt uere, non eo modo quem significauit paulo ante, cum dixit, modo creditis. Venit hora & iam uenit, ut dispergami unusquisq; in propria, & me solum relinquatis. Sed crediderunt uere, id est quomodo credendū est, inconculse, firme, stabiliter, fortiter, non iam in propria redituri, & Christum relicturi. Adhuc ergo discipuli non erant tales quales eos dicit uerbis præteriti temporis, quasi iam non essent, prænuncians quales futuri essent, accepto scilicet spiritu sancto, qui eos sicut promissum est, doceret omnia, quem priusquam acciperent quomodo seruauerunt eius sermonem, quod de illis quasi fecerint dixit, quando primus eorum ter eum negauit, cū ex ore eius audisset quid futurū esset homini qui eū coram hominibus negauisset: Dedit ergo eis uerba sicut dixit, quæ dedit ei pater: sed quando illa nō foris in auribus, sed intus in cordibus spiritualiter acceperūt, tunc uere acceperunt, quia tunc uere cognouerūt, uere autem cognouerunt, quia uere crediderunt: ipsi autē filio quomodo pater ea uerba dedit, quibus uerbis homo poterit explicare? Facilius sanē quæstio uidetur, si secundum id q; filius est hominis, accepisse à patre illa uerba credatur, quanq̃ natus ex uirgine quādo & quomodo ea didicerit, quis enarrabit, quando etiā ipsam quæ de uirgine facta est, generationē eius quis enarrabit? Si uero secundum id q; est de patre genitus patriq; coæternus, accepisse à patre

Ioh. 15

G ista

ista uerba cogitatur, nihil ibi temporis cogitetur, quasi prius fuerit qui ea nō habuerit, atq; ut haberet, quā nō habebat acceperit, quoniā quicquid deus pater deo filio dedit, gignēdo dedit, ita enim dedit filio pater, sine quibus filius esse non posset, sicut ei dedit ut esset: nam quomodo aliter uerbo uerba daret aliqua, in quo ineffabiliter dixit omnia? Sed iam quæ sequuntur, alio sunt expectanda sermone.

De eo quod dicit, Ego pro eis rogo, nō pro mūdo rogo: usq; ad id, Et hæc loquor in mundo ut habeant gaudium meū impletū in semetipsis. Tractatus c v i i.



**M** de his quos iam discipulos habebat dominus loqueretur ad patrē, inter alia etiā dixit hoc, Ego pro eis rogo, non pro mundo rogo, sed pro his quos dedisti mihi. Mundum uult modo intelligi, qui uiuunt secundū concupiscētiā mūdi, & nō sunt in ea sorte gratiæ ut ab illo eligātur ex mundo: nō itaq; pro mūdo, sed pro his quos ei pater dedit, rogare se dicit. Per hoc enim q; eos illi pater iam dedit, factum est ut non pertineant ad eum mundum pro quo nō rogat: deinde subiungit, Quia tui sunt. Neq; enim quia pater eos filio dedit, amisit ipse quos dedit, cum adhuc filius sequatur & dicat, Et mea omnia tua sunt, & tua mea sunt. Vbi satis apparet quomodo unigeniti filij sint omnia quæ sunt patris, per hoc utiq; q; etiam ipse deus est, & de patre patri est natus æqualis, nō quomodo dictū est uni ex duobus filiis, maiori scilicet, Tu semp̄ mecum es, & omnia mea tua sunt. Illud enim dictū est de his omnibus creaturis, quæ infra creaturam rationalem sunt, quæ utiq; subduntur ecclesiæ, in qua uniuersa ecclesia & illi duo intelligūtur filij maior & minor, cū omnibus angelis sanctis, q;bus erimus æquales in regno Christi & dei: hoc autē ita dictum est, Et mea omnia tua sunt, & tua mea, ut hic sit etiā ipsa creatura rationalis, quæ nō nisi deo subditur, ut ei quæ infra illā sunt cuncta subdatur. Hæc ergo cū sit dei patris, nō simul esset & filij, nisi patri esset æqualis: de ipsa quippe aiebat, cum diceret, Non pro mūdo rogo, sed pro his quos dedisti mihi quia tui sunt, & mea omnia tua sunt, & tua mea: nec fas est ut sancti de quibus hæc locutus est cuiusq; sint, nisi eius a quo creati & sanctificati sunt: ac per hoc & omnia quæ ipsorū sunt, necesse est ut eius sint cuius & ipsi sunt: ergo cū & patris & filij sint, æquales eos esse demonstrat quorum æqualiter sunt: illud autē quod ait cū de spiritu sancto loqueretur, Omnia quæ habet pater mea sunt, propterea dixi, quia de meo accipiet & annūciabit uobis, de his dixit quæ ad ipsam patris pertinent diuinitatē, in quibus illi est æqualis, omnia quæ habet habendo: neq; enim spiritus sanctus de creatura quæ patri est subdita & filio, fuerat accepturus quod ait, de meo accipiet, sed utiq; de patre de quo procedit spiritus, de quo est natus & filius. Et clarificatus sum, inquit, in eis. Nunc suā clarificationē tanq̄ facta sit dicit, cū adhuc esset futura, superius autē a patre poscebat ut fieret. Sed utrū ipsa sit clarificatio, de qua dixerat, & nunc clarifica me tu pater apud te ipsum claritate quā habui priusq; mundus esset apud te, utiq; requirendū est: si enim apud te, quomodo in eis? An cū hoc ipsum innotescit eis, ac per ipsos omnibus qui credunt eis testibus suis? Possumus planē intelligere sic dixisse dominū de apostolis q; clarificatus sit in eis: dicēdo enim esse iam factū, ostendit iā fuisse prædestinatum, & certū haberi uoluit quod esset futurum. Et iam, inquit, nō sum in mūdo, & hi in mūdo sunt. Si hominem prorsus illā qua loquebatur attēdas, utriq; adhuc in mundo erāt, & ipse scilicet, & illi de quibus hæc dicebat: non enim secundū profectū cordis & uitæ id accipere possumus uel debemus, ut illi propterea adhuc esse dicātur in hoc mūdo q; mūdāna adhuc sapiāt, ille autem iam nō esse in mundo sapiēdo diuina. Positū est hic enim uerbū unum, quod nos ita intelligere omnino nō sinat, quia non ait, & nō sum in mundo, sed iam nō sum in mūdo, per hoc ostendens fuisse se in mundo, iam nō esse. Nunquid ergo fas est ut eū credamus aliquando mūdāna sapuisse, & ab hoc errore liberatū iam illa nō sapere? Quis tā impio sensū se inducit? Restat igitur ut secundū id quod ipse etiā in mūdo prius erat, in mūdo se dixerit iā non esse, profecto præsentia corporali mūdo scilicet absentiam suā iam cito futurā, illorū autem tardius, per hoc ostendēs, q; se iā nō hic esse, illos autē hic esse dixit, cū & ipse hic & illi adhuc essent.



**A** essent. Sic enim locutus est homo cōgruens hominibus, ut mos loquēdi sese habet & humanus usus. An nō quotidie dicimus, iā nō est, de aliquo quantocius aūturo? Et maxime hoc de morituris solet dici, quanq̃ & ipse dñs tanq̃ prauidēs, quid lecturis mouere posset, adiecit. Et ego ad te uenio: sic exponens quodāmodo cur dixerit, iam nō sum in mūdo: commēdat ergo eos patri, quos corporali absentia relicturus est, dicens, Pater sancte, serua eos in nomine tuo quos dedisti mihi. nēpe sicut homo deū rogat pro discipulis suis quos accipit à deo: sed attēde quod sequitur, Vt sint, inquit, unū sicut & nos. nō ait, ut nobiscū sint unum, aut ut simus unū ipsi & nos, sicut unū sumus nos, sed ait, ut sint unū sicut & nos: ipsi utiq̃ in natura sua sint unū, sicut & nos in nostra unū sumus: quod proculdubio uerū nō diceret, nisi secundū hoc diceret, q̃ eiusdē naturae deus est cuius & pater, secundū q̃ libi dixit, ego & pater unū sumus, nō secundū id q̃ etiā homo est, nā secundū hoc, pater maior me est dixit. Sed qm̃ una eademq̃ persona est deus & homo, intelligimus hominē in eo quod rogat: intelligimus autē deum in eo q̃ unū sunt, & ipse & ille quē rogat: sed est adhuc in cōsequētibus locus, ubi de hac re diligētius disputādum est, hic autē sequitur, Cū essem cū eis, ego seruabā eos in nomine tuo. Me, inq̃t, ueniēte ad te, serua eos in nomine tuo, in quo tunc es quando cū eis eram, & ipse seruabā. In nomine patris seruabat discipulos suos filius homo, cum eis humana præsētia constitutus, sed etiā pater in nomine filij seruauit, quos in nomine filij petētes exaudiebat: his quippe idē filius dixerat, Amen amen dico uobis, si quid petieritis patre in nomine meo, dabit uobis. Neq̃ hoc tam carnaliter debemus accipere, uelut uicissim nos seruēt pater & filius, amborū in nobis custodiēdis alternāte custodia, quasi succedat alius quādo discesserit alius: simul enim nos custodiūt pater & filius & spiritus sanctus, qui est unus uerus beatus deus. Sed scriptura nos nō leuat nisi descendat ad nos, sicut uerbū caro factū descendit ut leuaret, nō cecidit ut iaceret. Si descendentē cognouimus, cū leuante caro factū descendit ut leuaret, nō cecidit ut iaceret. Si descendentē cognouimus, cū leuante surgamus, & intelligamus cum ita loquitur, personas eum distinguere, nō separare naturas.

**B** Quando ergo seruabat discipulos suos filius præsētia corporali, non expectabat pater ad custodiendū succedere filio discedēte, sed eos ambo seruabāt potētia spiritali: & quando ab eis abstulit filius præsētia corporālē, tenuit cū patre custodiā spiritalē, quia & custodiēdos quando filius homo accepit, custodiā paternā nō eos abstulit, & cū pater filio custodiēdos dedit, nō dedit sine ipso cui dedit, sed dedit homini filio, nō sine deo eodem ipso utiq̃ filio: sequitur ergo filius & dicit, Quos dedisti mihi custodiui, & nemo ex his periit nisi filius perditionis, ut scriptura impleatur. Filius perditionis dictus est traditor Christi perditioni prædestinatus, secundū scripturā quæ de illo in psalmo cētesimo octauo maxime pphetat, Nunc autē, inquit, ad te uenio, & hæc loquor in mundo, ut habeant gaudiū meum impletum in semetipsis. Ecce in mūdo se loqui dicit, qui pauloante dixerat, iam nō sum in mūdo, quod cur dixerit ibi exposuimus, imō ipsum id exposuisse docuimus: ergo & quia nondum abierat, hic adhuc erat, & quia mox fuerat abiturus, hic quodammodo iā nō erat. Quod sit autē hoc gaudiū de quo ait, ut habeāt gaudiū meū impletū in semetipsis, iā superius expressum est, ubi ait, ut sint unū sicut & nos: hoc gaudiū suū, id est, à se in eos collatū, in eis dicit impletum, propter quod locutum se dixit in mundo. Hæc est pax illa & beatitudo in futuro seculo, propter quā consequendā temperanter & iuste & pie uiuendū est in hoc seculo.

De eo quod dicit, Ego dedi eis sermonē tuum, & mundus eos odio habuit, usq̃ ad id, Vt sint & ipsi sanctificati in ueritate. Tractatus CVIII.



**L**OQUENS adhuc dominus ad patrem, & orās pro discipulis suis, dicit, Ego dedi eis sermonē tuum, & mūdos eos odio habuit. Nondū id experti fuerant passionibus suis quæ illos postea sunt secutæ: sed more suo dicit ista, uerbis pateriti tēporis futura prænūcians: deinde causam subiiciēs, cur eos oderit mūdos: Quia nō sunt, inquit, de mūdo, sicut & ego nō sum de mundo. Hoc eis regeneratione collatū est, nā generatione de mūdo erant, propter quod iam eis dixerat, Ego uos de mūdo elegi. Donatū est ergo eis, ut sicut ipse, nec ipsi essent de mūdo, eos ipso liberante de mūdo.

Ipse autē de mūdo nūq̄ fuit, quia etiā secūdu formā serui de spiritu sancto ipse natus est, de quo illi renati: nam s̄ propterea illi iam nō de mundo, quia renati sunt de spiritu sancto, propterea ille nūq̄ de mūdo, quia natus est de spiritu sancto. Nō rogo, inquit, ut tollas eos de mūdo, sed ut serues eos à malo.) Adhuc enim necessariū habebant, quamuis iā non essent de mundo, de tamen in mundo: repetit eandē sententiam. De mundo, inquit, non sunt, sicut & ego non sum de mundo, sanctifica eos in ueritate.) Sic enim seruātur ex malo, quod superius orauit ut fieret. Quāri autē potest quomodo de mundo iam nō erant, si sanctificati in ueritate nōdum erant? aut si iam erant, cur poscat ut sint? An quia & in ueritate sanctificati n eadē proficiūt sanctitate, fiuntq̄ sanctiores? Neq̄ hoc sine adiutorio gratiæ dei, sed illorum sanctificante profectum, qui sanctificauit inceptum: unde & Apostolus dicit, *Philip. 1* Quin uobis opus bonum cœpit, perficiet usq̄ in diē Christi Iesu. Sanctificātur itaq̄ in ueritate hæredes testamenti noui, cuius ueritatis umbræ fuerunt sanctificationes ueteris testamenti, & cū sanctificātur in ueritate, utiq̄ sanctificantur in Christo, qui ueraciter dixit, *Ioan. 14* Ego sum uia, ueritas, & uita: item quando ait, Veritas liberabit uos: paulopost exponens *Ioan. 8* quid dixerit, Si uos, inquit, filius liberauerit, tunc uere liberi eritis, ut ostenderet hoc se prius dixisse ueritatem quod postmodū filium: quid ergo aliud ex hoc loco dixit, Sanctifica eos in ueritate, nisi sanctifica eos in me? Deniq̄ sequitur, & hoc apertius insinuare non desinit, Sermo, inquit, tuus ueritas est.) Quid aliud dixit, q̄ ego ueritas sum. Græcū quippe euāgelium λόγος habet, quod etiā ibi legitur, ubi dictum est, In principio erat uerbum, & uerbum erat apud deum, & deus erat uerbum. Et utiq̄ uerbum ipsum nouimus unigenitū dei filium, quod caro factū est, & habitauit in nobis: unde & hic poni potuit, & in quibusdam codicibus positum est, Verbum tuū ueritas est: sicut in quibusdā codicibus etiā ibi scriptum est, In principio erat sermo: in Græco autē sine ulla uarietate & ibi & hic λόγος est. Sanctificat itaq̄ pater in ueritate, id est, in uerbo suo, in unigenito suo suos hæredes eiusq̄ cohæredes: sed nunc adhuc de apostolis loquitur, nam secutus adiungit, Sicut me misisti in mūdum, & ego misi eos in mundum.) Quos misit nisi apostolos suos? Nam & ipsum nomen apostolorum, quoniā Græcum est, nihil nisi missos significat in latino. Misit ergo deus filium suum nō in carne peccati, sed in similitudinem carnis peccati: & misit filius eius eos quos natos in carne peccati, sanctificauit à lege peccati: sed quoniā per hoc q̄ mediator dei & hominum homo Christus Iesus factus est caput ecclesiæ, illi membra sunt eius: ideo ait quod sanctificatur, Et pro eis ego sanctifico meipsum.) Quid est enim, & pro eis ego sanctifico me ipsum, nisi eos in meipso sanctifico, cum & ipsi sint ego? Quoniā de quibus hoc ait, ut dixi, membra sunt eius, & unus est Christus caput & corpus: docente Apostolo atq̄ dicente de *Gal. 3* semine Abrahæ, Si autem uos Christi, ergo semen Abrahæ estis. Cum dixisset superius, non dicit in feminibus tanq̄ in multis, sed tanq̄ in uno, & semini tuo quod est Christus. Si ergo semen Abrahæ, hoc est Christus, quid aliud dictū est quibus dictum est, ergo semen Abrahæ estis, nisi ergo Christi estis? Inde est quod alio loco idē ipse Apostolus ait, Nunc gaudeo in passionibus pro uobis, & adimplebo ea quæ desunt pressurarum Christi in carne mea: non dixit, pressurarum mearum, sed Christi, quia membrum erat Christi, & in persecutionibus suis quales Christū in suo toto corpore pati oportebat, etiā ipse pressuras eius pro sua portione adimplebat: quod ut etiam hoc loco certum sit, attende sequentia: cum enim dixisset, & pro eis ego sanctifico meipsum, ut intelligeremus hoc eū dixisse, q̄ eos sanctificaret in se: ipse mox addidit, Ut sint & ipsi sanctificati in ueritate.) Quod quid est aliud, q̄ in me secūdu id q̄ ueritas est uerbum illud in principio deus, in quo & ipse filius hominis sanctificatus est ab initio creationis suæ, quādo uerbū factum est caro, quia una persona facta est uerbū & homo: tūc ergo sanctificauit in se, hoc est, se hominem in se uerbo: sed quia unus est Christus uerbum & homo sanctificans hominem in uerbo, propter sua uero membra, & pro eis, inquit ego, id est, q̄ prosit etiam ipsis, quia & ipsi sunt ego, sicut profuit mihi in me, quia homo sum sine ipsis, & ego sanctifico meipsum, hoc est, ipsos in me, tanq̄ meipsum sanctifico



**A** sanctifico ego, quoniā in me etiā ipsi sunt ego, ut sint & ipsi sanctificati in ueritate. Quid est & ipsi, nisi quēadmodū ego in ueritate, quod ipse sum ego? Deinde iā nō solū de apostolis, sed etiā de suis cæteris mēbris incipit dicere, quod donāte ipso alio sermone tractādum est.

De eo quod dicit, Non pro his autem rogo tantum, sed & pro eis qui credituri sunt per uerbum eorum in me.

Tractatus CIX.



**D**OMINVS Iesus iam sua propinquāte passione, cū orasset pro discipulis suis, quos & apostolos nominauit, cum quibus cœnauerat ultimā cœnam, de qua traditor eius per buccellam manifestatus exierat, & cū quibus post eius egressum anteq̃ pro eis oraret, multa iam fuerat locutus, adiungit & cæteros qui in eum fuerat credituri, & ait ad patrem, Non pro his autē rogo tantū, id est, pro discipulis qui cum illo tunc erant, sed & pro eis, inquit, qui credituri sunt per uerbum eorum in me.) ubi omnes suos intelligi uoluit, non solum qui tunc erant in carne, sed etiā qui futuri erant. Quotquot enim postea crediderunt in eum, per uerbum apostolorum sine dubio crediderunt, & donec ueniat credituri sunt: ipsis enim dixerat, Et uos testimoniū perhibebitis, quia Ioan. 15 ab initio mecum estis: & per eos euāgelium manifestatum est & anteq̃ scriberetur: & uicq̃ quisquis in Christum credit, euangelio credit. Non itaq̃ hī tantum intelligendi sunt quos ait in se credituros per uerbum eorum, qui ipsos cum in carne uiuerent apostolos audierūt, sed & post obitum eorum & nos longe post nati, per uerbum eorū credimus in Christum, quoniā ipsi qui cum illo tunc fuerunt, quod ab illo audierunt, cæteris prædicauerunt, atq̃ ita per uerbum eorum ut etiā nos crederemus, ad nos usq̃ peruenit, ubicunq̃ est eius ecclesia, & peruēturum est ad posteros quicunq̃ ubicunq̃ postea in eum credituri sunt. Potest itaq̃ uideri Iesus in hac oratione nō orasse pro quibusdā suis, nisi diligenter scrutemur in eadem oratione uerba eius. Si enim pro eis prius orauit, sicut iam ostendimus, qui cū illo tunc erāt, postea uero etiam pro eis qui per uerbum eorum in illum fuerant credituri, potest dici non orasse pro illis qui neq̃ tunc erant cum illo quando ista dicebat, neq̃ per uerbum eorum postea, sed in eū siue per ipsos, siue quomodolibet, tñ ante crediderant. Nūquid enim cū illo tunc erat Nathanaël? Nunquid Ioseph ille ab Arimathia, qui corpus eius à Pilato petijt, quem iam discipulū eius fuisse iste ipse Ioannes euāgelista testatur? Nūquid Maria mater eius & aliæ scēminæ, quas eius discipulas in euāgelio iam tunc fuisse didicimus? Nunquid cum illo tunc erant de quibus sæpe dicit idē Ioannes euāgelista, multi crediderūt in eum? Nam unde erat multitudo illa eorum qui cum ramis partim præcedebāt, partim sequebantur infidentem iumento, dicentes, Benedictus qui uenit in nomine domini: & cum eis pueri, de quibus ipse ait fuisse prædictum, Ex ore infantū & lactētium perfecisti laudem? Vnde psal. 8 quingenti fratres quibus simul post resurrectionem nō apparuisset, nisi in eū ante credidissent? Vnde illi centū & nouem, qui cū istis undecim centum & uiginti erant, quando simul congregati post eius ascensum expectauerunt & acceperunt promissum spiritum sanctum? Vnde erāt isti omnes, nisi ex illis de quibus dictū est, multi crediderunt in eum? Non ergo pro eis tunc saluator orauit, quoniā pro eis orauit qui cum illo tūc erant, & pro alijs qui per uerbum eorum in eum nō iam crediderant, sed fuerant credituri. Isti autē nec cum illo tunc erant, & in eum iā ante crediderant. Omitto dicere de Symeone sene, qui in infantulum cre didit, de Anna prophetissa, de Zacharia & Elisabeth, qui eum prophetauerunt anteq̃ de uirgine nasceretur, de filio eorum Ioanne præcuratore eius, amico spōsi, qui eum & in spiritu sancto agnouit, & absentem prædicauit, & alijs agnoscendum cum præsens esset ostendit. Hos omitto, quoniam responderi potest orandum pro talibus mortuis nō fuisse, qui cum magnis suis meritis hinc abierant, & recepti quiescebant: hoc enim & de antiquis iustis simili ter respōdetur. Quis enim eorum à damnatione totius massæ perditionis, quæ per unum hominem facta est, saluus esse potuisset, nisi in unū mediatorem dei & hominum in carne uenturum reuelante spiritu sancto credidisset? Sed nunquid ei pro apostolis orādum fuit, & pro tam multis qui in hac uita adhuc erāt, nec cum illo tūc erant, & ante iam crediderant;

G ;

orandum

orandum non fuit? Quis hoc dixerit? Intelligendum est igitur, q̄ nondum in eum sic credi-  
 derant quomodo in se ipse credi uolebat, quandoquidem & ipse Petrus, cui confitenti & di-  
 centi, Tu es Christus filius dei uiui, tam magnum testimoniū perhibuerat: magis eum mo-  
 ri nolebat, q̄ mortuum resurrecturū esse credebat, unde mox ab eo appellatus est satanas.  
 Fideliores itaq; reperiuntur qui defuncti iam fuerant, & resurrecturum Christum reuelante  
 spiritu non utiq; dubitabant, q̄ illi qui cum credidissent ipsum redēpturum Israël, uisa eius  
 morte spem totam quam de illo habuerant perdiderunt. Nihil itaq; melius credimus, q̄  
 post eius resurrectionem impertito spiritus sancto edoctis & confirmatis apostolis, eisq; in  
 ecclesia primis doctoribus constitutis, per eorum uerbum sic alios credidisse quemadmo-  
 dum in Christum credi oportebat, id est, ut fidem resurrectionis eius tenerent, ac per hoc &  
 illos omnes qui iam in eum credidisse uidebātur, ad eorū numerum pertinuisse pro quibus  
 orabat, dicens, Non pro his autē rogo tantum, sed & pro eis qui credituri sunt per uerbum  
 eorum in me. Sed restat nobis ad istam quæstionem adhuc soluendam beatus apostolus  
 Paulus, & latro ille crudelis in scelere, fidelis in cruce. Paulus quippe apostolus nō ab homi-  
 nibus neq; per hominem, sed per Iesum Christum se dicit factū apostolum, & de ipso suo  
 Gal. 3. euangelio loquens ait, Neq; enim ego ab homine accepi illud neq; didici, sed per reuelatio-  
 nem Iesu Christi: quomodo igitur erat in eis de quibus dictū est, credituri sunt per uerbum  
 eorum in me? Latro uero ille tunc credidit, quādo in ipsis doctoribus fides quæ fuerat qua-  
 liscunq; defecit: nec ipse itaq; per eorum uerbū credidit in Christum Iesum, sed tamen sic cre-  
 didit, ut quem uiderat crucifixum, confiteretur nō solum resurrecturum, uerum etiā regnatu-  
 rum dicendo, Memēto mei cū ueneris in regnum tuum. Proinde relinquitur, ut si dominus  
 Iesus hac oratione pro suis omnibus quicunq; in hac uita, quæ tentatio est super terram, uel  
 tunc erant uel futuri erāt, orasse credēdus est: sic intelligamus quod dictum est, per uerbum  
 eorum, ut ipsum uerbum eorū, uerbū fidei quod prædicauerunt in mūdo hoc, significatum  
 esse credamus. Dictum autē esse uerbum eorum, quoniā ab ipsis est primitus ac præcipue  
 prædicatum: iam enim ab ipsis prædicabatur in terra, quādo per reuelationem Iesu Christi  
 ipsum uerbum eorū Paulus accepit: unde & cōtulit cū eis euangeliū, ne forte inuacuū cū-  
 risset aut curreret, & dextras ei dederūt, quia & in illo, quamuis nō per eos illi datum, tamen  
 uerbum suū quod iam prædicabāt, & in quo fundati fuerāt, inuenerūt. De quo uerbo resur-  
 rectionis Christi idem dicit Apostolus, Siue ego siue illi, sic prædicauimus, & sic credidistis:  
 1. Cor. 15. & iterū, Hoc est, inquit, uerbū fidei quod prædicamus, quia si cōfessus fueris in ore tuo, quia  
 Rom. 10. dñs est Iesus, & credideris in corde tuo quia deus illum suscitauit à mortuis, saluus eris: & in  
 actibus apostolorum hoc legitur, q̄ in Christo deus definierit fidē omnibus, suscitans eum  
 à mortuis. Hoc uerbū fidei quia principaliter ac primitus per apostolos qui ei cohæserant  
 prædicatum est, ideo uerbum eorum dictū est: neq; enim propterea non est uerbū dei, quia  
 dictum est uerbū eorum, cū dicat idē Apostolus Thessalonicēses excepisse à se, nō ut uerbū  
 hominum, sed sicut est, inquit, uere uerbū dei: ideo ergo dei, quia deus id donauit: eorū uero  
 uerbū dictum est, quia hoc prædicandū illis deus primitus ac præcipue cōmendauit, ac per  
 hoc etiam ille latro in sua fide uerbum eorum habebat, quod eorum propterea dictū erat,  
 quoniā prædicandū ad eorum officiū primitus ac præcipue pertinebat. Deniq; cū murmur  
 factū esset de ministerio mensarū à uiduis Græcorū, anteq̄ Paulus credidisset in Christū,  
 A. 6. responderunt apostoli qui dño ante cohæserant, Non est bonū nos relinquere uerbū dei,  
 & ministrare mensis. Tunc ordinandos diaconos prouiderūt, ne ipsi à prædicādi uerbi auo-  
 carentur officio, unde merito dictū est uerbum eorū quod est uerbū fidei, per quod omnes  
 in Christum undecunq; id audierint crediderūt, uel audiri & credituri sunt: ergo illa ora-  
 ptor noster orauit, cum rogans pro apostolis qui cum illo tunc erant, adiunxit etiam illos  
 qui per eorum uerbum in eum fuerant credituri. Quid autem adiunctis illis deinde dicat,  
 alia est disputatione tractandum.



A De eo quod dicit, Vt omnes unum sint, sicut & tu pater in me, & ego in te, usq[ue]  
ad id, Et dilexisti eos sicut & me dilexisti.

Tractatus cx



V M dominus Iesus orasset pro discipulis suis, quos tunc secum habebat, atq[ue]  
adiunxisset suos alios, dicens, Nō pro his autē rogo tantum, sed & pro eis qui  
creditori sunt per uerbū eorū in me, uelut quæreremus, quid uel quare pro illis  
rogaret, continuo subintulit, dicens, Vt omnes unum sint, sicut & tu pater in  
me, & ego in te, ut & ipsi in nobis unum sint. Et superius cū adhuc pro solis discipulis quos  
secum habebat, oraret, Pater sancte, inquit, serua eos in nomine tuo quos dedisti mihi, ut  
sint unum sicut & nos: hoc ergo nūc etiā & pro nobis rogauit, quod tunc pro illis, ut omnes,  
hoc est, & nos & illi unum simus. Vbi diligenter aduertendum est, non dixisse dominum ut  
omnes unū simus, sed ut omnes unum sint, sicut tu pater in me & ego in te, subintelligitur,  
unum sumus: quod apertius dicitur postea, & id prius dixerat de discipulis qui cū illo erāt,  
ut sint unum sicut & nos. Quāobrem ita est pater in filio & filius in patre, ut unū sint, quia  
unius substantiæ sunt. Nos uero esse quidē in eis possumus, unum tamen cum eis esse non  
possumus, quia unius substantiæ nos & ipsi non sumus, in quantum filius cū patre deus est:  
nam in quantum homo est, eiusdē substantiæ est cuius & nos sumus: sed nūc illud potius  
uoluit commēdare, quod alio loco ait, Ego & pater unum sumus, ubi eandē patris & suam  
significauit esse naturam: ac per hoc & cum in nobis sunt pater & filius uel etiā spiritus san-  
ctus, nō debemus eos putare naturæ unius esse nobiscum. Sic itaq[ue] sunt in nobis, uel nos in  
illis, ut illi unum sint in natura sua, nos unū in nostra: sunt quippe ipsi in nobis, tanq[ua]m deus  
in templo suo: sumus autē nos in illo, tanq[ua]m creatura in creatore suo. Deinde cum dixisset, ut  
& ipsi in nobis unum sint, adiunxit, Vt mundus credat quia tu me misisti. Quid est hoc?  
Nunquid nam tunc crediturus est mundus, quando in patre & filio unum omnes erimus?  
Nōne ista est pax illa perpetua, & potius fidei merces q[uam] fides? Vnum enim erimus, non  
ut credamus, sed quia credidimus. Sed & si in hac uita propter ipsam communem fidem,  
omnes qui unum credimus unum sumus: iuxta illud Apostoli, Omnes enim uos unū estis  
in Christo Iesu, etiā si non credamus, sed quia credidimus unū sumus: quid est ergo, omnes  
unum sint, ut mundus credat? Ipsi quippe omnes mundus est credens. Neq[ue] enim alij sunt  
qui unum erunt, & alius est mūdus propterea crediturus quia illi unum erunt, cum procul  
dubio de his dicat, ut omnes unum sint, de quibus dixerat, non pro his tantum rogo, sed &  
pro eis qui creditori sunt per uerbum eorū in me, cōtinuo subiungēs, ut omnes unū sint. Isti  
autē omnes quid est nisi mūdus, non hostilis utiq[ue] sed fidelis: nā ecce qui dixerat, Non pro  
mundo rogo, pro mūdo rogat ut credat: quoniam est mundus de quo scriptū est, Ne cū mun-  
do damnemur, pro isto mundo non rogat, neq[ue] enim quō sit prędestinatus ignorat: & est  
mundus de quo scriptū est, Nō enim uenit filius hominis ut iudicet mūdū, sed ut saluetur  
mūdus per ipsum: unde & Apostolus, Deus, inquit, erat in Christo, mūdū recōcilians sibi:  
mūdus per ipsum: unde & Apostolus, Deus, inquit, erat in Christo, mūdū recōcilians sibi:  
pro isto mundo rogat, dicens, Vt mūdus credat quia tu me misisti. Per hanc enim fidē mun-  
dus recōciliatur deo, cū credit in Christū qui est missus à deo. Quomodo ergo intellecturi  
sumus, quod ait, Vt & ipsi in nobis unū sint, ut credat mundus quia tu me misisti, nisi quia  
non in eo causam posuit ut credat mūdus quia illi unum sunt, tanq[ua]m ideo credat mūdus, q[uod]  
eos esse unū uidet, cū ipse mūdus sint omnes qui credēdo unū fiunt: sed orādo dixit, ut mun-  
dus credat, sicut orādo dixit, ut omnes unum sint. Orando dixit, ut & ipsi in nobis unū sint:  
hoc est enim omnes unū sint, quod est mūdus credat, quoniam credēdo unum fiunt, perfecte  
unum, qui cū natura essent unū, dissentiendo ab uno nō erant unū. Deniq[ue] si uerbū quod ait  
rogo, tertio subaudiamus, uel potius q[uod] planius fiat ubiq[ue] ponamus, erit huius expositio sen-  
tentię manifestior, rogo ut omnes unū sint, sicut tu pater in me, & ego in te, rogo ut & ipsi  
in nobis unū sint, rogo ut mundus credat quia tu me misisti. Ideo quippe addidit quod di-  
xit in nobis, ut q[uod] unū efficimur fidelissima charitate, gratiæ dei nouerimus tribuēdum esse,  
nō nobis, sicut Apostolus cū dixisset, Fuiſtis aliquādo tenebrę, nūc autē lux, inquit, & ne sibi

Ioan. 10

Gal. 5

1. Cor. 11

Ioan. 3

2. Cor. 5

Ephes. 5

hoc tribuerent, adiecit, in domino. Deinde saluator noster rogādo patrē, se hominē demonstrabat, nūc demonstrans & seipsum, quoniā cum patre deus est facere quod rogat: Et ego, inquit, claritatem quā dedisti mihi dedi illis.) Quam claritatē, nisi immortalitatem, quā natura humana in illo fuerat acceptura? Nā nec ipse adhuc acceperat eā, sed more suo propter immobilitatē prædestinationis, præteriti tēporis uerbis futura significat, quod nunc clarificandus, hoc est suscitandus à patre, & ipse sit nos ad eā claritatē suscitaturus in fine: simile est hoc ei, quod alibi dicit, Sicut pater suscitāt mortuos & uiuificat, sic & filius quos uult uiuificat. Et quos? nisi eosdē quos pater: quæcunq; enim pater facit, nō alia sed hæc & filius facit, nec aliter, sed similiter facit: ac per hoc suscitauit & seipsum etiā ipse: nā unde est, Soluite templum hoc, inquit, & in triduo resuscitabo illud? Proinde immortalitatis claritatē, quam sibi à patre datā dicit, etiā se sibi dedisse intelligēdus est, & si nō dicit: ideo quippe sapius solum patrem facere dicit quod & ipse facit cum patre, ut quicquid est, ei tribuat de quo est: sed & aliquando etiā tacito patre se dicit facere quod ipse facit cū patre, ut intelligamus ita filium non esse à patris opere separandū, quādo se tacito patre dicit aliquid operari, quēadmodū nec pater ab opere filij separatur, qñ ipso tacito filius operari dicitur, quod nihilominus pariter operatur. Cū ergo tacet filius in opere patris operationem suā, humilitatē commēdat ut sit nobis salubrior: cū uero uicissim in opere suo tacet operationē patris, parilitatē suam commēdat, ne credatur inferior: isto modo igitur & hoc loco nec se facit alienū à patris opere, quamuis dixerit, claritatem quā dedisti mihi, quia & ipse dedit eam sibi: nec patrē facit alienum ab opere suo, quamuis dixerit, dedi eis, quia & pater illā dedit eis. Inseparabilia namq; sunt opera, non solū patris & filij, uerum etiā spiritus sancti: sicut autē ex eo q; patrē pro suis omnibus rogauit, hoc fieri uoluit ut omnes unū sint, ita ex hoc etiā suo beneficio quod ait, claritatē quā dedisti mihi dedi eis, id fieri nihilominus uoluit: nā cōtinuo subiūxit, Vt sint unum, sicut & nos unū sumus: deinde addidit, Ego in eis & tu in me, ut sint consummati in unum.) Vbi se mediatorē inter deū & hominē breuiter intimaui: neq; enim ita dictū est tanq; pater nō sit in nobis, aut nos in patre non simus, cū & alio loco dixerit, Veniemus ad eum & mansionē apud eū faciemus: & hic paulo ante nō dixerit, ego in eis & tu in me, quod dixit modo, aut ipsi in me & ego in te, sed tu in me & ego in te, & ipsi in nobis: quod nūc ait, ego in eis & tu in me, ita dictum est ex persona mediatoris: sicut illud quod Apostolus ait, Vos Christi, Christus uero dei: quod uero addidit, ut sint cōsummati in unum, ostendit eō perducī recōciliationem quæ fit per mediatorē, ut perfecta beatitudine, cui iam nihil possit adijci, perfruamur: unde id quod sequitur, Vt cognoscat mūdus quia tu me misisti.) Non sic accipiēdum puto, tanq; iterum dixerit, ut credat mūdus: aliqñ enim & cognoscere pro eo quod est credere ponitur, ut est quod ait aliquanto superius, Et cognouerunt uere quia à te exiui, & crediderunt quia tu me misisti: hoc dixit posterius, crediderunt, quod prius dixerat cognouerunt. Sed hic quandoquidem de consummatione loquitur, talis est intelligenda cognitio, qualis erit per speciem, nō qualis nunc est per fidem: nam uidetur ordo esse seruatus in eo quod paulo ante dixit, ut credat mundus: hic autem, ut cognoscat mundus. Ibi enim quamuis dixerit, ut omnes unum sint, & in nobis unum sint, non ait tamen, sint cōsummati in unum, atq; ita subnexuit, ut credat mūdus quia tu me misisti: hic uero, ut sint, inquit, consummati in unum, ac deinde nō addidit, ut credat mūdus, sed ut cognoscat mūdus quia tu me misisti. Quamdiu enim credimus quod non uidemus, nondum sumus ita consummati, quemadmodū erimus cum meruerimus uidere quod credimus. Rectissime igitur ibi ait, ut credat mundus: hic ut cognoscat mundus, tamen & ibi & hic, quia tu misisti, ut nouerimus quātū pertinet ad patris & filij inseparabilē charitatē, hoc nos modo credere, quō tēdimus credēdo cognoscere: si autē diceret, ut cognoscant quia tu me misisti, tantundē ualeret quantum hoc quod ait, ut cognoscat mundus: ipsi sunt enim mundus, non permanens inimicus, qualis est mundus dānationi prædestinatus, sed ex inimico amicus effectus, propter quem deus erat in Christo mundū reconcilians sibi: ideo dixit, ego in eis & tu in me: tanq; diceret, ego



**A** ego in eis ad quos misisti me, & tu in me, mundū recōcilians tibi per me: propterea sequitur etiam illud quod ait, Et dilexisti eos sicut & me dilexisti. In illo quippe nos pater diligit, quia in ipso nos elegit ante constitutionem mundi: qui enim diligit unigenitum, profecto diligit & membra eius quæ adoptauit in eum & per eum: nec ideo pares sumus unigenito filio per quē creati & reconciliati sumus, quia dictum est, dilexisti eos sicut & me, neq; enim semper æqualitatem significat, qui dicit, sicut illud ita & illud, sed aliquando tātum, quia est illud, est & illud, aut quia est illud, ut sit & illud. Quis enim dixerit eo prorsus modo in mundum à Christo apostolos missos, quomodo est ipse missus à patre? Ut enim alias taceam differentias, quas cōmemorare longū est, missi sunt certe illi cū iam homines essent, missus est autem ipse ut homo esset, & tamen superius ait, Sicut me misisti in mūdum, & ego misi eos in mundum: tanq̃ diceret, quia misisti me, misi eos: ita & hoc loco, dilexisti eos, inquit, sicut & me dilexisti: quod aliud nihil est, q̃ dilexisti eos, quia & me dilexisti. Nō enim membra filij nō diligeret qui diligit filium, aut alia causa est diligendi membra eius, nisi quia diligit eum, sed diligit filium secundū diuinitatem, quia genuit illū æqualem sibi: diligit eum etiam secundū id q̃ homo est, quia ipsum unigenitum uerbum caro factum est, & propter uerbum est ei chara uerbi caro. Nos autē diligit, quoniā sumus eius membra quē diligit, & hoc cū essemus, propter hoc nos dilexit anteq̃ essemus. Quapropter incomprehensibilis est dilectio qua diligit deus, neq; mutabilis: non enim ex quo ei reconciliati sumus per sanguinem filij eius nos cœpit diligere, sed ante mundi cōstitutionem dilexit nos, ut cū eius unigenito etiam nos filij eius essemus, priusq̃ omnino aliquid essemus. Quod ergo recōciliati sumus deo per mortem filij eius, non sic audiatur, non sic accipiatur quasi ideo nos reconciliauerit ei filius, ut iam inciperet amare quos oderat, sicut recōciliatur inimicus inimico, ut deinde sint amici, & inuicem diligant qui oderant inuicem, sed iam nos diligēti reconciliati sumus ei, cum quo propter peccatum inimicitias habebamus: quod utrū uerum dicam, atteste-  
**B** tur Apostolus, Commendat, inquit, dilectionē suam deus in nobis, quoniā cum adhuc pec-  
Rom. 5  
catores essemus, Christus pro nobis mortuus est. Habebat itaq; ille erga nos charitatem, etiā cum inimicitias aduersum eū exercētes operaremur iniquitatem, & tamen ei uerissime dictum est, Odisti domine omnes qui operātur iniquitatē. Proinde miro & diuino modo,  
Psal. 5  
& quando nos oderat, diligebat: oderat enim nos, quales ipse nō fecerat, & quia iniquitas nostra opus eius non omni ex parte consumpserat, nouerat simul in unoquoq; nostrum & odisse quod feceramus, & amare quod fecerat: & hoc quidē in omnibus intelligi potest de  
Sap. 11  
illo cui ueraciter dicitur, Nihil odisti eorū quæ fecisti: nō enim quodcunq; odisset esse uoluisset, aut omnino esset quod omnipotēs esse noluisse, nisi & in eo quod odit, esset etiā quod amaret. Merito quippe odit, & uelut à regula suæ artis alienū improbat uitium, amat tamen suum etiā in uitiosis uel sanationis beneficiū, uel damnationis iudiciū: ita & deus nihil odit eorū quæ fecit, naturarū enim, nō uitiorū conditor mala quæ odit ipse non fecit, & de malis eisde uel sanando ea per misericordiā, uel ordinādo per iudicium, bona sunt ipsa quæ fecit. Cum igitur eorū quæ fecit nihil oderit, quis digne eloqui possit quantum diligit membra unigeniti sui, & quanto amplius ipsum unigenitū in quo condita sunt omnia uisibilia & inuisibilia, quæ in suis generibus ordinata ordinatissime diligit? Mēbra quippe unigeniti, ad angelorum sanctorū æqualitatem gratiæ suæ largitate perducit, unigenitus autē cū sit dñs omnium, proculdubio est dñs angelorum: natura qua deus est, nō angelis, sed patri potius æqualis: gratia uero qua homo est, quomō nō excedit excellentiā cuiuslibet angeli, cū sit una persona carnis & uerbi? Quanq̃ non desint qui etiā nos angelis præferāt, quia pro nobis, inquit, nō pro angelis mortuus est Christus, id qd est aliud q̃ de impietate uelle gloriari? Etenim Christus, sicut ait Apostolus, iuxta tēpus pro impijs mortuus est. Hic ergo nō meritū nostrū, sed dei misericordiā cōmēdatur: nā quale est ideo se uelle laudari, quia uitio suo tam detestabiliter ægrotauit, ut nō possit aliter q̃ medici morte sanari? Non est hæc nostrorum gloria meritorū, sed medicina morborū. An ideo nos præferimus angelis, quia cū & angeli  
peccauerint?

peccauerint, nihil eis tale ut sanarentur impensum est, quasi aliquid eis uel pauum fuerit impensum & nobis amplius. Quod & si factum esset, adhuc quæri posset, utrū ideo fuisset factum q̄ steteramus excellētius, an q̄ desperatius iacebamus. Cū uero nouerimus bonorū omnium creatorem reparandis angelis malis nihil gratiæ contulisse, cur nō potius intelligimus, q̄ tanto damnabilior eorum iudicata sit culpa, quanto erat natura sublimior. Tanto enim minus q̄ nos peccare debuerunt, quanto meliores nobis fuerunt. Nunc autē in offendendo creatorem tanto execrabilius beneficio eius ingrati extiterunt, quanto beneficentius sunt creati: nec eis satis fuit desertores esse illius, nisi & nostri fieret deceptores. Hoc itaq; nobis magnum bonum cōferet qui dilexit nos sicut dilexit Christum, ut propter ipsum cuius membra nos esse uoluit, æquales angelis sanctis simus, quibus & natura inferiores cōditi sumus, & peccato indigniores facti, qui eorum fieri qualescuncq; socij deberemus.

De eo quod dicit, Pater quos dedisti mihi, uolo ut ubi ego sum & illi sint mecū, usq; ad id, Vt dilectio qua dilexisti me, in ipsis sit, & ego in ipsis. Tract. cxi.

**I**N MAGNAM spem dominus Iesus suos erigit, qua maior omnino esse non possit. Audite & estote in spe gaudentes, propter quod uita ista non amāda sed toleranda sit, ut esse possitis in eius tribulatione patientes. Audite, inquā, & quod spes uestra leuetur attendite. Christus Iesus dicit filius dei unigenitus, qui patri coæternus & æqualis est dicit, qui propter nos homo factus est, sed sicut omnis homo mendax non factus est, dicit, uia, uita, ueritas dicit, qui mundum uicit, de his quibus uicit dicit, Audite, credite, sperate, desiderate quod dicit. Pater, inquit, quos dedisti mihi, uolo ut ubi ego sum & illi sint mecū. Qui sunt isti quos ait à patre datos sibi: nōne illi de quibus alio loco dicit, Nemo uenit ad me, nisi pater qui misit me traxerit eum. Iam quomodo ea quæ fieri dicit à patre, faciat & ipse cū patre, si quid in hoc euangelio proficimus, nouimus. Ipsi sunt ergo quos à patre accepit, quos & ipse elegit de mundo, atq; elegit, ut iam nō sint de mūdo, sicut nō est & ipse de mūdo, & sint tamen etiā ipsi mūdo credens & cognoscēs, q̄ Christus à deo patre sit missus, ut mūdo ex mūdo liberaretur, ne mūdo deo recōciliādus cum mūdo inimicissimo damnaretur: sic enim ait in huius orationis exordio, Dedisti ei potestatem omnis carnis, id est, omnis hominis, ut omne quod dedisti ei, det eis uitā æternā, ubi ostendit potestatem se quidē omnis hominis accepisse, ut liberet quos uoluerit, damnet quos uoluerit, q̄ uiuos & mortuos iudicabit, sed eos sibi esse datos, q̄bus omnibus det uitā æternā: sic enim ait, ut omne quod dedisti ei, det eis uitā æternā. Proinde nō ei dati sunt, quibus uitā non dabit æternā, quāuis & ipsoꝝ potestas data sit, cui potestas data est omnis carnis, id est, omnis hominis: ita mūdo recōciliatus ex inimico liberabitur mūdo, cū in illo exegerit potestātē suā, ut eū in mortē mittat æternā: hunc autē facit suū, cui uitā donat æternā. Quapropter omnibus prorsus ouibus suis bonus pastor, omnibus membris suis magis caput promissit hoc præmiū, ut ubi ipse est & nos cū illo simus: nec poterit nisi fieri quod omnipotēti patri se uelle dixit omnipotēs filius: ibi est enim & spūs sanctus pariter æternus, pariter deus, spūs unus duorū & substantia uoluntatis amborū: nā illud quod dixisse legitur propinquāte passiōe, Verū nō quod ego uolo, sed quod tu uis pater: quasi alia patris, alia filij sit uoluntas aut fuerit, sonus est nostræ infirmitatis, quāuis fidelis quāuis in se caput nostrū trāsfigurauit, quādo etiā peccata nostra portauit: unā uero esse patris & filij uoluntatē, quorū etiā spiritus unus est, quo adiūcto cognoscimus trinitatē, & si intelligere nōdum permittit infirmitas, credat pietas. Sed qm̄ quibus promiserit, & q̄ firma sit ipsa promissio, profermonis breuitate iā diximus, hoc ipm̄ quantū ualemus, qd sit qd dignatus est promittere uideamus, Quos dedisti mihi, inqt, uolo ut ubi ego sum, & ipsi sint mecū: quantū attinet ad creaturā in q̄ factus est ex semine Dauid secūdū carnē, nec ipse adhuc erat ubi futurus erat: sed eo modo dicere potuit, ubi ego sum, quo intelligeremus q̄ cito fuerat ascēsurus in cœlū, ut iā ibi esse se diceret ubi erat mox futurus: potuit & illo mō quo ante iā dixerat loquēs ad Nicodemū, Nemo ascēdit ad cœlū nisi q̄ descēdit de cœlo filius hōis q̄ est in cœlo: nā & ibi non



A non dixit, erit, sed est, propter unitatem personæ, in qua & deus homo est, & homo deus: in  
 cælo ergo nos futuros esse promisit, illa enim forma serui leuata est quā sumpsit ex uirgine,  
 & ad patris dexterā collocata, propter spem tātī huius boni & Apostolus ait, Deus autē qui *Ephes. 2*  
 diues est in misericordia propter multā charitatē qua dilexit nos, & cū essemus mortui pec-  
 catis, conuiuificauit nos in Christo, cuius gratia sumus salui facti, & simul excitauit & simul  
 sedere fecit in cœlestibus in Christo Iesu: hoc ergo pōt intelligi dixisse dñm, ut ubi ego sum  
 & illi sint mecū: & ipse quidē de se dixit q̄, ibi iā esset: de nobis autē uelle se dixit, ut essemus  
 ibi cū illo, nō q̄ iam essemus ostēdit: Apostolus autē quod dominus uelle se dixit ut fieret,  
 tanq̄ factum fuerit est locutus: nō enim ait, excitaturus est nos, & in cœlestibus sedere factu-  
 rus, sed excitauit, & sedere in cœlestibus fecit, quia nō inaniter sed fideliter iā deputat factū,  
 quod futurum esse non dubitat. Quod uero attinet ad formā dei in qua æqualis est patri, si  
 secundū eam uelimus intelligere quod dictū est, uolo ut ubi ego sum, & illi sint mecū, abscē-  
 dat ab animo omnis imaginum corporaliū cogitatio, quicquid menti occurrerit longum,  
 latū, crassum, qualibet luce corporea coloratum, per quælibet locorum spacia uel finita uel  
 infinita diffusum. Ab his omnibus quantū potest aciem suā cōtemplationis uel intētionis  
 auertat, & nō inquiratur æqualis patri filius ubi sit, quoniā nemo inuenit ubi non sit, sed qui  
 uult quærere, quærat potius ut cum illo sit, nō ubiq̄ sicut ille, sed ubicunq̄ esse potuerit: qui *Luc. 25*  
 em̄ homini pœnaliter pēdēti, & salubriter cōfitēti ait, Hodie mecū eris in paradiso, secundū  
 id q̄ homo erat, anima eius ipso die futura fuerat in inferno, caro in sepulchro: secundū au-  
 tem id q̄ deus erat, utiq̄ & in paradiso erat, & ideo latronis anima à pristinis facinoribus  
 absoluta, & illius munere iam beata, quamuis ubiq̄ sicut ille esse nō poterat, tamen etiā ipso  
 die cū illo in paradiso poterat, unde ille qui ubiq̄ semp̄ est non recesserat: propterea nimirū  
 non ei satis fuit dicere, uolo ut ubi ego sum & illi sint, sed addidit, mecū: esse enim cū illo ma-  
 gnum bonum est, nā & miseri esse possunt ubi est ille, quoniā quicunq̄ ubicunq̄ fuerint, est  
 B & ille, sed beati soli sunt cū illo, quia beati esse nō poterunt nisi ex illo. An non deo ueraciter *Psal. 138*  
 dictum est, Si ascēdero in cœlū, tu ibi es, & si descendero ad infernum, ades? Aut uero Chri-  
 stus nō est dei sapiētia, quæ attingit ubiq̄ propter suam mundiciam? Sed lux lucet in tene-  
 bris, nec eā tenebræ comprehendunt: ac per hoc ut de re uisibili quāuis longe dissimili quales-  
 cunq̄ sumamus exēplum, sicut cæcus etiā si ibi sit ubi lux est, nō est tñ ipse cū luce, sed absens  
 est à præsente: ita infidelis atq̄ impius, aut etiā si fidelis & pius, nondū tamen ad intuēdum  
 lumen sapientiæ idoneus, etiā si esse nuscē possit ubi nō sit Christus, nō est tamen ipse cum  
 Christo duntaxat per speciem: nā hominē pie fidelem, non est dubitādum cū Christo esse *Matth. 12*  
 per fidem: propter quod dicit, Qui non est mecū aduersum me est: sed cū patri deo dicebat,  
 Quos dedisti mihi, uolo ut ubi ego sum, & ipsi sint mecum, de specie illa omnino dicebat in  
 qua uidebimus eū sicuti est. Nemo serenissimum sensum nubilosa cōtradictione perturbet,  
 consequentia perhibeāt testimoniū præcedētibz uerbis: nempe cū dixisset, uolo ut ubi ego  
 sum, & ipsi sint mecū: continuo secutus adiūxit, Ut uideāt claritatē meā quā dedisti mihi,  
 quia dilexisti me ante constitutionē mūdi, ut uideāt dixit, nō ut credāt: fidei merces est ista  
 nō fides: si enim fides ad Hebræos in epistola recte definita est, cōuictio rerū quæ nō uiden-  
 tur, cur nō merces fidei definiatur uisio rerū quæ creditæ sperabantur? Cū uiderimus enim  
 claritatē quam dedit pater filio, etiā si eā dici hoc loco intelligamus, nō quam pater æquali  
 filio gignens eū dedit, sed quā facto homini filio dedit ei post mortē crucis, quando ergo ui-  
 debimus illā filij claritatē, profecto tunc fiet iudiciū uiuorū atq̄ mortuorū: tūc tollet impius *Matth. 5*  
 ut nō uideat claritatē dei, quam nisi illā qua deus est? Beati enim mundo corde, quoniā ipsi  
 deum uidebunt: nec mundo corde sunt impij, propterea nō uidebunt, tunc ibunt ipsi in sup-  
 plicium æternum: sic enim tolletur impius ne uideat claritatem dei, iusti autē ibunt in uitam  
 æternam. Et quæ est uita æterna? Ut cognoscant, inquit, te solum uerum deum, & quem mi *Ioan. 17*  
 sisti Iesum Christum: non utiq̄ sicut eum cognouerunt, qui licet non mundi corde, tamen  
 in forma serui clarificata iudicantem uidere potuerunt: sed sicut cognoscēdus est à mundis  
 corde

corde solus uerus deus, cum patre & spū sancto filius, quia ipsa trinitas est solus uerus deus, c  
 si ergo secundum id q̄ filius dei deus est patri coequalis atq; coaeternus, accipiamus hoc dictum, uolo ut ubi ego sum & ipsi sint mecum, in patre cum Christo erimus, sed ille sicut ille, nos sicut nos, ubicunq; corpore fuerimus: si enim loca dicenda sunt, & quibus non corpora continentur, & locus est cuiq; rei ubi est, locus Christi aeternus ubi semper est, ipse pater est, & locus patris filius est, quia ego, inquit, in patre, & pater in me est: & in hac oratione, sicut tu pater, inquit, in me & ego in te, & locus interea noster ipsi sunt, quia sequitur, ut & ipsi in nobis unū sint: & nos locus dei sumus, quoniam templum eius sumus, sicut orat pro nobis  
*Psalm. 75* qui mortuus est pro nobis, uiuitq; pro nobis, ut in ipsis unū simus, quia factus est in pace locus eius, & habitatio eius in Sion, quae nos sumus. Sed quis idoneus loca ista, uel quae sunt in locis istis sine spaciolis capacitatibus, & sine corporeis molibus cogitare? Nō parū tamen proficitur, si saltē quicquid tale oculo cordis occurrit, negatur, respuitur, improbat. Et lux quaedam in qua ista negāda, respuenda, improbāda cernūtur, sicut potuerit cogitatur, & q̄ sit certa cognoscitur & amatur, ut inde surgatur, atq; ad interiora tendatur. Quae cum penetrare mens inualida, & minus q̄ illa sunt pura nequiverit, non sine amoris gemitu & desiderij lachrymis inde pellatur, & patienter ferat quamdiu fide mūdetur, atq; ut illic habitare ualeat, sanctis moribus praearetur. Quomodo ergo nō erimus cū Christo ubi est, quādo in patre cū illo erimus in quo est? Neq; hinc Apostolus nobis, quamuis nondū rem tenentibus, sed tamen spem gerentibus tacuit: ait enim, Si surrexistis cū Christo, quae sursum sunt  
*Col. 3* quærite, ubi Christus est in dextera dei sedēs, quae sursum sunt sapite, nō quae super terram, Mortui enim estis, inquit, & uita uestra abscondita est cū Christo in deo: ecce interim fide ac spe uita nostra ubi Christus est, cū illo est, quia cū Christo in deo est: ecce uelut iam factum est quod orauit ut fieret, dicens, uolo ut ubi ego sum & ipsi sint mecum: sed nunc per fidem, quando autem fiet per speciem? Cum Christus, inquit, apparuerit uita uestra, tunc & uos apparebitis cum ipso in gloria. Tunc apparebimus quod tunc erimus, quia tunc apparebit non inaniter nos id credidisse ac sperasse anteq̄ essemus: faciat hoc filius, qui cum dixisset, ut uideant claritatem meā quam dedisti mihi, continuo subiunxit, Quia dilexisti me ante constitutionē mundi.) In illo enim dilexit & nos ante constitutionē mundi, & tunc praedestinavit quod in fine facturus est mūdi. Pater, inquit, iuste, mundus te nō cognouit: quia iustus es, ideo te nō cognouit. Mundus quippe ille damnationi praedestinatus merito non cognouit: mūdu uero quē Christus reconciliauit sibi, nō merito, sed gratia cognouit. Quid est enim eum cognoscere, nisi uitam aeternam, quā mundo damnato utiq; non dedit, reconciliato dedit? Propterea itaq; mundus te nō cognouit qui iustus es, nec & meritis eius ut te cognosceret tribuisti: & propterea mundus reconciliatus cognouit quia misericors es, & ut cognosceret non eius merito, sed gratia subuenisti: deniq; sequitur, Ego autem te cognoui.) Ipse fons gratiae est deus natura, homo autem de spiritu sancto & uirgine ineffabili gratia: deniq; propter ipsum, quia gratia dei per Iesum Christū dominū nostrum. Et hi cognouerunt, inquit, quia tu me misisti.) Ipse est mūdu reconciliatus: sed quia tu me misisti, ideo cognouerunt, ergo gratia cognouerunt. Et notum feci eis, inquit, nomen tuum, & notum faciam,) notum feci per fidem, notū faciam per speciem: notū feci cum sine peregrinantibus, notum faciam sine fine regnantibus. Vt dilectio, inquit, quā dilexisti me in ipsis sit, & ego in ipsis,) Non est usitata locutio, dilectio quam dilexisti me in ipsis sit, & ego in ipsis, usitate quippe diceretur, dilectio qua dilexisti me: de graco quidē ista translata est, sed sunt similes & latinæ, sicut dicimus, fidelem seruitutem seruiuit, strennuam militiam militauit, cum dici debuisset uideatur, fidei seruitute seruiuit, strenua militia militauit, Qualis autē ista locutio  
*2. Timoth. 4* est, dilectio quam dilexisti me, tali & Apostolus usus est, Bonum certamen certavi, nō ait, xit pater filiū, est & in nobis, nisi quia mēbra eius sumus, & in illo diligimur cū ipse diligitur totus, id est, caput & corpus? Ideo subiunxit, & ego in ipsis, tanq̄ diceret, quoniam ego sum in ipsis.



A in ipsis. Aliter enim est in nobis tanq̃ in templo suo, aliter autē quia & nos ipse sumus, cum secundū id q̃ ut caput nostrum esset, homo factus est, corpus eius sumus. Finita est saluatoris oratio, incipit passio: ergo & iste sermo finiatur, ut de passione quod ipse donauerit, alijs sermonibus disputetur.

De eo quod dicit, Hæc cum dixisset Iesus, egressus est cum discipulis suis trans torrentē Cedron, ubi erat hortus, usq̃ ad id, Et ministri Iudæorū comprehenderunt Iesum, & ligauerunt eum.

Tractatus CXI.



ERM inato magno prolixoq̃ sermone, quē post cœnā dominus fundēdo pro nobis proximus sanguini ad discipulos habuit qui cū illo tūc erāt, adiuncta oratione quā direxit ad patrē, deinceps eius passionē Iōanes euāgelista sic exorsus est,

Caput XVII

Hæc cū dixisset Iesus, egressus est cū discipulis suis trans torrentē Cedron, ubi erat hortus, in quē introiuit ipse & discipuli eius. Sciebat autē & Iudas qui tradebat eū locū, quia frequenter Iesus conuenerat illuc cū discipulis suis. Hoc quod narrat ingressum domini cū discipulis suis in hortū, non continuo factū est, cū eius illa finita esset oratio, de cuius uerbis ait, Hæc cū dixisset Iesus, sed alia quædā sunt interposita quæ ab isto prætermissa, apud alios euangelistas leguntur, sicut apud hunc inueniuntur multa, quæ illi similiter in sua narratione tacuerūt. Quomodo autē inter se omnes cōueniant, ne ueritati quæ per aliū promittitur, ab alio repugnetur, quisquis nosse desiderat, nō in his sermonibus, sed in alijs laboriosis litteris quærat, nec stando & audiēdo, sed potius sedendo & legendo, uel legenti aurem mentēq̃ intentissimā præbēdo illa condiscat. Credat tamen anteq̃ sciat, siue id etiā scire in hac uita possit, siue per aliqua impedimenta non possit, nihil ab aliquo euangelista esse cōscriptū, quantū ad hos attinet quos in autoritatē canonicā recepit ecclesia, quod uel ipsius uel alterius non minus ueraci narrationi possit esse contrarium. Nunc itaq̃ huius beati Iōanis narrationē quā suscepimus tractandā, sine aliorū cōparatione uideamus, in eis quæ manifesta sunt non immorantes, ut hoc ubi opus est, causa poscente faciamus. Nō ergo sic accipiamus quod ait, Hæc cū dixisset Iesus, egressus est cū discipulis suis trans torrentē Cedron, ubi erat hortus, in quē introiuit ipse & discipuli eius, tanquā continuo post illa uerba in illū hortū fuerit ingressus, sed ad hoc ualeat quod dictū est, hæc cū dixisset Iesus, ut non eū ante opinemur ingressum, quā illa uerba finiret. Sciebat autē, inquit, & Iudas qui tradebat eum locū. Ordo uerborū est, sciebat locū qui tradebat eū, quia frequēter, inquit, Iesus conuenerat illuc cū discipulis suis. Ibi ergo lupo ouina pelle contactus, & inter oues alio patrisfamilias consilio toleratus didicit, ubi ad tempus exiguū dispergeret gregē, insidijs appetendo pastore. Iudas ergo, inquit, cum accepisset cohortē, & à principibus & Pharisæis ministros, uenit illuc cū laternis & facibus & armis. Cohors non Iudæorū, sed militum fuit, à præside itaq̃ intelligatur accepta, tanq̃ ad tenendū reū, seruato ordine legitimæ potestatis, ut nullus tenētibz auderet obistere, quanq̃ & manus tanta fuerit cōgregata, & sic armata ueniebat, ut uel terreret uel etiā repugnaret, si quisq̃ Christū defendere auderet. Ita quippe eius abscondebatur potestas & ostendebatur infirmitas, ut hæc inimicis necessaria uiderentur aduersus eum, in quē nihil ualuisset, nisi quod ipse uoluisset, bene utens bonus malis, & faciens bona de malis, ad faciendos bonos ex malis, & discernendos à malis. Iesus itaq̃, sicut euangelista secutus adiungit, sciens omnia quæ uentura erant super eum, processit & dicit eis, Quid quæritis? Respōderunt ei, Iesum Nazarenū. Dicit eis Iesus, Ego sum. Stabat autē & Iudas qui tradidit eū cū ipsis. Vt ergo dicit eis ego sum, abierunt retrorsum & ceciderūt in terrā. Vbi nunc militū cohors, & ministri principum & Pharisæorū ubi terror & munimen armatorū? Nempe una uox dicentis, ego sum, tantā turbā odijs ferocē, armisq̃ terribilē sine telo ullo percussit, repulit, strauit. Deus enim latebat in carne, & sempiternus dies ita mēbris occultabatur humanis, ut laternis & facibus quæreretur occidendus à tenebris, Ego sum dicit, & impios deiecit. Quid iudicaturus faciet, qui iudicandus hoc fecit? Quid regnaturus poterit, qui moriturus hoc potuit? Et nunc ubiq̃ per euāgelium, ego sum

H dicit

alias, obtendebatur

dicit Christus, & à Iudæis expectatur Antichristus, ut retro redeant, & in terrā cadant, quoniam deferentes cœlestia, terrena desiderant. Certe ad cōprehendendum Iesum persecutores cum traditore uenerunt, quē quærebant inuenerunt. Audierunt, ego sum, quare non cōprehenderunt, sed abierunt retro & ceciderunt, nisi quia hoc uoluit, qui potuit quicquid uoluit. Verū si nunquā se ab eis permitteret apprehendi, non quidē illi facerent, propter quod uenerant, sed nec ipse faceret propter quod uenerat. Eum quippe illi occidendum quærebāt faciundo, sed quærebat nos & ipse moriendo. Proinde quia tenere uolentibus, nec ualētibus, ostendit potestatem suam, iam teneant eum, ut faciat de nescientibus uoluntatem suam. Iterum ergo eos interrogauit, Quid quæritis? Illi autem dixerunt Iesum Nazarenum. Respondit Iesus Dixi uobis, quia ego sum, si ergo me quæritis, sinite hos abire, ut adimpleretur sermo quem dixit, Quia quos dedisti mihi, nō perdidisti ex eis quenquam. Si me, inquit, quæritis, sinite hos abire. Inimicos uidet, & hoc faciunt quod iubet, sinunt eos abire, quos non uult perire. Nunquid autē non erant postea morituri? Cur ergo si tunc moreretur perderet eos, nisi quia nondum sic in eum credebant, quomodo credunt quicquid non pereit.

Simon ergo Petrus habens gladium, eduxit eum, & percussit seruum principis, & abscidit eius auriculā dextram. Erat autē nomen seruo Malchus. Solus hic euangelista etiā nomen huius serui expressit, sicut Lucas solus, quod eius auriculā dominus tetigerit & sanauerit eā. Malchus autē interpretatur regnaturus. Quid ergo auris pro domino amputata & à domino sanata significat, nisi auditum amputata uetustate renouatum, ut sit in nouitate spiritus, & non in uetustate litteræ? Quod cui præstitum fuerit à Christo, quis dubitet regnaturum esse cum Christo? Quod autem seruus dictus est, & hoc ad illam pertinet uetustatem, quæ in seruitutē generat, quod est Agar. Sed cum accessit sanitas, figurata est & libertas. Factum tamen Petri dominus improbauit, & progredi ultra prohibuit dicens, Mitte gladium tuum in uaginā, Calicem quem dedit mihi pater, non uis ut bibā illum? In suo quippe factum ille discipulus magistrum defendere uoluit, non quod significatum est cogitauit. Et ille igitur ad patientiā cōmonendus fuit, & hoc ad intelligentiam conscribendum. Quod autem à patre sibi dicit datū calicē passionis, profecto illud est quod ait Apostolus, Si deus pro nobis, quis contra nos, qui filio proprio non peperit, sed pro nobis omnibus tradidit eum? Verum autor calicis huius est etiā ipse qui bibit: unde idē Apostolus iterum dicit, Christus dilexit nos, & tradidit semetipsum pro nobis, oblationē & hostiā deo in odorem suauitatis. Cohors autem & tribunos & ministri Iudæorum, comprehenderunt Iesum, & ligauerunt eum. Cōprehenderunt ad quē non accesserunt, quoniam dies ille, illi uero tenebræ permanserunt, nec audierunt, Accedite ad eum & illuminamini. Si enim sic accederent, non eum manibus occidendum, sed recipiendum corde comprehenderent. Nunc autem quando eum illo modo comprehenderunt, tunc ab illo longius recesserunt, & ligauerunt eum à quo solui potius uelle debuerunt, & erant fortassis in eis qui tunc imposuerunt Christo uincula sua, atq; ab eo post ea liberati dixerunt, Dirupisti uincula mea. Hæc hodie satis sint, tractabuntur deo uolente sermone alio quæ sequuntur.

De eo quod dicit, Et adduxerunt eum ad Annā primū, usq; ad id, Iterū ergo negauit eum Petrus, & statim gallus cantauit.

Tractatus CXIII.



OSTEA quam persecutores tradente Iuda cōprehensum dominū ligauerunt, qui dilexit nos & tradidit semetipsum pro nobis, & cui pater non peperit, sed pro nobis omnibus tradidit eū, ut intelligatur Iudas nō laudabilis utilitate traditionis huius, sed sceleris uoluntate damnabilis. Adduxerunt eum, sicut Ioannes euangelista narrat, ad Annā primū, nec tacet causam, cur ita factum sit. Erat enim, inquit, socer Caiphæ, qui erat pontifex anni illius. Erat autem, inquit, Caiphas, qui consilium dedit Iudæis, quia expedit unū hominē mori pro populo. merito & Matthæus cū id breuius narrare uoluisset, eum ad Caiphā ductum fuisse cōmemorat, quia & ad Annam prius ideo ductus est, quod socer eius fuerit, ubi intelligēdū est hoc eundē Caiphā fieri uoluisset. Sequebar



A Sequebatur autem, inquit, Iesum Simon Petrus, & alius discipulus.) Quisnam iste sit discipulus, non temere affirmandum est, quia tacetur: solet autem se idem Ioannes significare ita & addere, quem diligebat Iesus: fortassis ergo & hic ipse est, quisquis tamen sit, sequentia uideamus. Discipulus autem ille, inquit, erat notus pontifici, & introiuit cum Iesu in atrium pontificis, Petrus autem stabat ad ostium foris. Exijt ergo alius discipulus qui erat notus pontifici, & dixit ostiariæ, & introduxit Petrum: dicit ergo Petro ancilla ostiaria, Nunquid & tu ex discipulis es hominis istius? Dicit iste, Non sum.) Ecce columna firmissima ad unius auræ impulsu tota contremuit: ubi est illa promittentis audacia, & de se plurimū præsumptis, ubi sunt uerba illa, quando ait, Quare non possum te sequi modo, animam meā pro te ponam? Hocce est sequi magistrum, se negare discipulum? Siccine pro dño anima ponitur, ut hoc ne fiat, uox ancillulæ formidetur? Sed quid mirum si deus uera prædixit, homo autem falsa præsumpsit? Sanè in ista quæ iam cœpta est negatione apostoli Petri, debemus aduertere, nō solum ab eo negari Christum, qui dicit eum nō esse Christū, sed ab illo etiam qui cum sit, negat se esse Christianum. Dominus enim non ait Petro, discipulum meum te negabis, sed me negabis: negauit ergo ipsum, cū se negauit eius esse discipulū. Quid autem aliud isto modo quā se negauit esse Christianum? Quamuis enim discipuli Christi nondum appellarentur hoc nomine, post ascensionem quippe eius in Antiochia primum cœperunt appellari discipuli Christiani, iā tamen erat res ipsa illo postea uocabulo nuncupanda, iam erant discipuli, qui postea appellati sunt Christiani, & hoc cōmune nomen, sicut cōmunem etiā fidem ad posteros transmiserunt. Qui ergo se Christi negauit esse discipulū, ipsam rem negauit, cuius nomen est uocari Christianum. Quam multi postea, non dico senes & anus, in quibus huius uitæ societas facilius potuit mortem pro Christi confessione contemnere, nec solū iuuetus utriusq; sexus, de qua ætate cōuenienter uidetur exigi fortitudo, sed etiam pueri puellæq; potuerunt, & innumerabilis societas sanctorū martyrum in regnū cœlorum fortiter & uolēter intrauit, quod tunc iste nō potuit, qui clauēs regni eius accepit: ecce unde dictum est, Sinite hos abire, quando se pro nobis tradidit, qui suo sanguine nos redemit, ut impleretur sermo quem dixit, Quia quos dedisti mihi, non perdi ex eis quenq;. Vtiq; enim Petrus si negato Christo hinc iret, quid aliud quā periret? Stabant autem serui & ministri ad prunas, quia frigus erat, & calefaciebant se.) non hyems erat, & tamen frigus erat, quale solet etiā æquinoctio uerno aliquādo contingere. Erat autē cū eis & Petrus stans & calefaciēs se. Pōtifex ergo interrogauit Iesum de discipulis eius & de doctrina eius. Respondit eis Iesus, Ego palām locutus sum mundo, ego semper docui in synagoga & in templo quo omnes Iudæi conueniunt, & in occulto locutus sum nihil, Quid me interrogas? Interroga eos qui audierūt quid locutus sim ipsis, ecce hi sciunt quæ dixerim ego.) Nō prætereunda nascitur quæstio, quomodo dixerit dñs Iesus, ego palām locutus sum mūdo: & maxime illud quod ait, in occulto locutus sum nihil. Nōne in hoc ipso recentiore sermone quē post cœnam discipulis est locutus, ait illis, Hæc in prouerbij locutus sum uobis, uenit hora cum iam non in prouerbij loquar uobis, sed palām de patre meo annuntiabo uobis? Si ergo ipsis coniunctioribus discipulis suis non loquebatur palām, sed horā promittebat quando palām fuerat locuturus, quomodo palām locutus est mūdo? Deinde illis ipsis sicut aliorum quoq; euangelistarū testatur autoritas, in eorum comparatione qui discipuli eius nō erant, multo utiq; manifestius loquebatur, quando cū solis erat remotus à turbis, tunc enim eis & parabolis aperiebat, quas clausas proferebat ad alios. Quid est ergo, in occulto locutus sum nihil? Sed intelligendum est ita eum dixisse, palām locutus sum mundo: ac si dixisset, multi me audierunt. Ipsum autē palām modo quodam erat palām, modo autē quodā non erat palām, Palām quippe erat, quia multi audiebāt, & rursum nō erat palām, quia nō intellegebāt, & quod seorsum discipulis loquebatur, nō in occulto utiq; loquebatur. Quis namq; in occulto loquitur, qui coram tot hominibus loquitur, cum scriptum sit, In ore duorum uel triū testiū stabit omne uerbū, præsertim si hoc loquitur paucis, quod per eos uult innotescere

11. q. 3. c. nō solum abnegat

& multis, sicut ipse dominus ait illis quos adhuc paucos habebat, Quod dico uobis in tenebris, dicite in lumine, & quod in aure auditis, prædicate super tecta. Ergo & hoc ipsum quod ab ipso dici uidebatur occulte, quodammodo non dicebatur in occulto, quia non ita dicebatur, ut ab eis quibus dictum fuerat taceretur, sed ita potius ut usquequaque prædicaretur. Sic ergo dici potest aliquid & palam simul & non palam, uel in occulto simul & non in occulto, quomodo dictum est, ut uidentes uideant, & non uideant. Quomodo enim uideant, nisi quia palam, non in occulto. Et quomodo idem ipsi rursus non uideant, nisi quia non palam, sed in occulto. Ea tamen ipsa quæ audierant & non intellexerant, talia erant ut non possent iuste ac ueraciter criminari: & quotiescunque interrogando tentarunt, ut inuenirent unde & accusarent eum, sic eis respondit, ut omnes eorum retunderentur doli, & calumniæ frustrarentur: ideo dicebat, quid me interrogas, interroga eos qui audierunt quid locutus sim ipsis, ecce hi sciunt quid dixerim ego. Hæc autem cum dixisset, unus assistens ministrorum, dedit alapam Iesu dicens, Sic respondes pontifici? Respondit ei Iesus, Si male locutus sum, testimonium perhibe de malo, si autem bene, quid me cædis? Quid ista responsione uerius, mansuetius, iustius? Eius est enim de quo prophetica uox præcesserat, Intende prospere, procede & regna, propter ueritatem & mansuetudinem & iustitiam. Si cogitemus quis acceperit alapam, nonne uelle mus eum qui percussit, aut coelesti igne consumi, aut terra dehiscite sorberi, aut correptum demonio uololari, aut aliqua huiusmodi qualibet poena, uel etiã grauiore puniri? Quid enim horum per potentiam iubere non potuisset per quem factus est mundus, nisi patientiam nos docere maluisset qua uincitur mundus? Forte hic dicit aliquis, cur non fecit quod ipse præcepit? Percutienti enim non sic respondere, sed maxillam debuit alteram præbere. Quid quod & ueraciter, mansuete iusteque respondit, & non solum alteram maxillam iterum percussuro, sed totum corpus figendum præparauit in ligno: & hinc potius demonstrauit, quod demonstrandum fuit, sua scilicet magna illa præcepta patientiæ non ostentatione corporis, sed cordis præparatione faciendâ: fieri enim potest ut alteram maxillam uisibiliter præbeat homo & iratus. Quanto ergo melius & respondet uera placatus, & ad uera perferenda grauiora tranquillo animo sit paratus? Beatus est enim qui in omnibus quæ iniusta pro iustitia patitur, potest ueraciter dicere, Paratum cor meum deus, paratum cor meum. Hinc fit quippe quod sequitur, cantabo & psalmum dicam domino. Quod Paulus & Barnabas etiã in uinculis durissimis facere potuerunt. Sed ad narrationis euangelicæ sequentia redeamus. Et misit eum Annas ligatum ad Caipham pontificem. Ad illum enim sicut Matthæus dicit ab initio ducebatur, quoniam ipse erat illius anni princeps sacerdotum: alternos quippe intelligendi sunt agere solere annos ambo pontifices, id est, principes sacerdotum, qui erant illo tempore Annas & Caiphas, quos & Lucas euangelista commemorat, narrans quo tempore cœperit dominus à præcuratore Ioanne prædicare regnum celorum & congregare discipulos: sic enim dicit, Sub principibus sacerdotum Anna & Caipha, factum est uerbum domini super Ioannem Zachariæ filium in deserto, &c. Proinde isti ambo pontifices uicissim suos annos agebant. Et erat tunc annus Caipha quando passus est Christus. Ideo secundum Matthæum cum comprehensus esset, ad eum ductus est, sed prius ad Annam secundum Ioannem uenerunt cum illo, non quia collega, sed quia socer eius erat. Et credendum est secundum uoluntatem Caiphae id esse factum, uel etiã domus eorum ita fuisse positas, ut non deberet Annas à transeuntibus præteriri. Sed cum dixisset euangelista quod eum ligatum miserit Annas ad Caiphā, reuersus est ad locum narrationis ubi reliquerat Petrum, ut explicaret quod in domo Annæ de trina eius negatione cōtigerat. Erat autem, inquit, Simon Petrus stans & calefaciens se. Hoc recapitulat quod ante iam dixerat: deinde quæ secuta sunt iungit. Dixerunt ergo ei, Numquid & tu ex discipulis eius es? Negauit ille & dixit, Non sum. Iam semel negauerat ad ancillæ uocem, & ecce iterum eodem timore perterritus negauit. Deinde ut tertia negatio perficeretur, & uerbum domini prædicetis impleretur, Dicit ei unus ex seruis pontificis, cognatus eius cuius abscidit Petrus auriculā, Nonne ego te uidi in horto cum illo? Iterum ergo negauit Petrus, & statim gallus cantauit. Ecce medici completa



A cōpleta est prædictio, ægroti cōuicta præsumptio: nō enim factū est quod iste dixerat, Anī  
mā meā pro te ponā: sed factum est quod ille prædixerat, Ter me negabis. Sed trina Petri  
negatione cōpleta, iam & iste sermo cōpleatur, ut deinceps quæ de domino apud Pontium  
Pilatum præsidem gesta sunt, ab alio consideremus exordio.

Ab eo quod dicit, Adducunt ergo Iesum à Caïpha in prætorium. Erat autem mane, usq; ad id quod ait, Vt sermo Iesu impleretur quem dixit, significans qua morte esset moriturus.

Tractatus CXIII.

Tractatus CXIII.

**Q**UANTUM cum domino uel de domino nostro Iesu Christo apud Pontium Pilatum praeside gesta sunt, quantum Ioannes euangelista indicat, deinde uideamus. Reddit enim ad locum narrationis suae ubi eam reliquerat, ut explicaret Petri negationem. Iam quippe dixerat, Et misit eum Annas ligatum ad Caipham pontificem, atque inde regressus euangelista ubi dimiserat Petrum calefacientem se ad ignem in atrio, posteaque totam eius negationem quae ter facta est terminauit, iterum percurrit ad ordinem historiae. Adducunt ergo Iesum, inquit, a Caipha in praetorium. Ad Caipham quippe ab Anna collega & socero eius dixerat missum: sed si ad Caipham, cur in praetorium? Quod nihil aliud uult intelligi, quam ubi praeses Pilatus habitabat. Aut igitur aliqua urgente causa de domo Annae, quod ad audiendum Iesum ambo conuenerant, Caiphas perrexerat ad praetorium praesidis, & socero suo Iesum reliquerat audiendum: aut in domo Caiphae praetorium Pilatus acceperat, & tanta domus erat, ut seorsum habitantem dominum suum, seorsum iudicem ferret. Erat autem mane, & ipsi, id est qui ducebant Iesum, non introierunt in praetorium, hoc est in eam partem domus quam Pilatus tenebat, si ipsa erat domus Caiphae. Cur autem non introierunt in praetorium, exponens causam, Vt non contaminaretur, inquit, sed ut manducaret pascha. Dies enim agi coeperat azymorum, quibus diebus contaminatio illis erat in alienigenae habitaculum intrare. O impia & stulta caecitas, habitaculo uidelicet contaminarentur alieno, & non contaminaretur scelere proprio? Alienigenae iudicis praetorio contaminari timebant, & fratris innocentis sanguinem fundere non timebant, ut hoc solum interim dicam, ubi rea malorum conscientia tenebatur. Nam quod etiam dominus erat, qui eorum impietate ducebatur ad mortem, & uitae dator occidebatur, non eorum conscientiae, sed ignorantiae deputetur. Exiuit ergo Pilatus ad eos foras & dixit, Quam accusationem affertis aduersus hominem hunc? Responderunt & dixerunt ei, Si non esset hic malefactor, non tibi tradidissemus eum. Interrogentur atque respondeant ab immundis spiritibus liberati, sanati languidi, leprosi mundi, surdi audientes, muti loquentes, caeci uidentes, mortui resurgentes, & quod omnia superat, stulti sapientes, utrum sit malefactor Iesus. Sed ista dicebant, de quibus per prophetam iam ipse praedixerat, Retribuebant mihi mala pro bonis. Dixit ergo eis Pilatus, Accipite eum uos, & secundum legem uestram iudicate eum. Dixerunt ergo ei Iudaei, Nobis non licet interficere quemquam. Quid est quod loquitur insana crudelitas? An non interficiebant quem interficendum offerebant? an forte crux non interficit? Sic desipiunt qui non sectantur, sed insectantur sapientiam. Quid est autem, nobis non licet interficere quemquam? Si malefactor est, cur non licet? nonne lex eis praecipit, ne malefactoribus, praesertim qualis istum putabant, a suo deo seductoribus parcatur? Sed intelligendum est eos dixisse, non sibi licere interficere quemquam, propter diei festi sanctitatem, quae celebrare iam coeperant, propter quod de ingressu etiam praetorii contaminari metuebant. Ita ne obduruistis falsi Israelitae? ita ne omnem sensum nimia malitia perdidistis, ut ideo uos a sanguine innocentis impollutos esse credatis, quia eum fundendum alteri tradidistis? Nunquid & Pilatus illum qui potestati eius a uobis ingeritur occidendus, suis est manibus occisurus? Si non eum uoluistis occidi, si non insidiati estis, si non uobis tradendum pecunia comparastis, si non comprehendistis, uinxistis, adduxistis, odistis, si non occidendum manibus obtulistis, uocibus poposcistis, non eum a uobis interfectum esse iactate. Si autem illis omnibus uestris praecedentibus factis, etiam crucifige crucifige damastis, audite quid contra uos propheta clamat, Filij hominum dentes eorum arma & sagittae, & lingua eorum machaera acuta. Ecce quibus armis, quibus sagittis, qua machaera iustum interfecistis, quando uos

De pœni. dif. i  
c. periculose

psal. 56

bis interficere quenquā non licere dixistis. Hinc est quod ad cōprehendendum Iesum, cū sacerdotum non uenissent principes, sed misissent, Lucas tamen euangelista in eodem narrationis suae loco ait, Dixit autem, inquit, Iesus ad eos qui uenerant ad se principes sacerdotū, & magistratus templi, & seniores, Quasi ad latronē existis, &c. Sicut ergo principes sacerdotum non per seipsos, sed per eos quos miserant ad comprehendendum Iesum, quid aliud quā ipsi in suae iussionis potestate uenerunt: sic omnes qui crucifigendū Iesum impijs uocibus clamauerunt, non quidē per seipsos eum, sed tamen ipsi per illū, qui eorū clamore ad hoc nefas impulsus est, occiderūt: quod uero Ioannes euangelista subiungit, Vt sermo Iesu impleretur quē dixit, significans qua morte esset moriturus.) Si mortē crucis hic uelimus accipere, tanquā ideo dixerint Iudaei, Nobis nō licet interficere quenquā, quia interfici aliud est, aliud crucifigi, non uideo quomodo id possit consequenter intelligi, cum hoc ad Pilati uerba responderint, quibus eis dixerat, Accipite eum uos, & secundū legē uestrā iudicate eū: nunquid ergo eū non poterant accipere, & ipsi eū crucifigere, si per tale genus supplicij interfectionē cuiusq; uitare cupiebant? Quis autē non uideat quā sit absurdū eis licere quenquā crucifigere, quibus non licet quenquam interficere? Quid quod ipse dominus eandem mortem suam, id est, mortem crucis, etiam interfectionem uocat, sicut legimus apud Marcum ubi ait, Ecce ascendimus Hierosolymam, & filius hominis tradetur principibus sacerdotum & scribis, & damnabunt eum morte, & tradent eum gentibus, & illudent ei, & conspuent eum, & flagellabunt eum, & interficient eum, & tertia die resurget? Nimirum ergo ista dicendo significauit dominus qua esset morte moriturus, non quod hic mortem crucis uellet intelligi, sed quod eum Iudaei fuissent gentibus tradituri, hoc est, Romanis: nam Pilatus Romanus erat, eumq; in Iudaeam Romani praesidem miserant. Vt ergo iste sermo Iesu impleretur, id est, ut eum sibi traditum gentes interficerēt, quod Iesus futurum esse praedixerat, ideo Pilatus qui iudex Romanus erat, cum uellet eū reddere Iudaeis ut secundum legem suam iudicarent eum, noluerunt eum accipere dicentes, Nobis nō licet interficere quenquam. Ac sic impletus est sermo Iesu, quem de sua morte praedixit, ut eum a Iudaeis traditū interficerēt gētes, minore scelere quā Iudaei, qui se isto modo ab eius interfectione uelut alienos facere uoluerūt, nō ut eorū innocētia, sed ut demētia monstraretur.

De eo quod dicit, Introiuit ergo iterū in prātorijū Pilatus, & uocauit Iesum, ut que ad id quod ait, Erat autem Barrabas latro. Tractatus CXV.



**Q**UID Pilatus dixerit Christo, quid uē Pilato ille respōderit, isto sermone considerandum atq; tractandum est: cum enim dictum esset Iudaeis, Accipite eum uos, & secundum legem uestram iudicate eum, atq; illi respondiissent, nobis non licet occidere quenquam. Introiuit ergo iterum in prātorium Pilatus, & uocauit Iesum, & dixit ei, Tu es rex Iudaeorum? Et respondit Iesus, A temetipso hoc dicis, an alijs tibi dixerunt de me? Sciebat utiq; dominus, & quod ipse interrogauit, & quid ille respondisset: sed tamen dici uoluit, non ut ipse sciret, sed ut scriberetur, quod nos uoluit ut sciremus. Respondit ei Pilatus, Nunquid ego Iudaeus sum? Gens tua & pontifices tradiderūt te mihi, quid fecisti? Respondit Iesus, Regnum meum nō est de hoc mundo: si ex hoc mundo esset regnum meum, ministri mei decertarent, ut non traderer Iudaeis, nunc autē regnū meum non est hinc.) Hoc est quod bonus magister scire nos uoluit: sed prius nobis demonstranda fuerat uana hominum de regno eius opinio siue gentium, siue Iudaeorum, a quibus id Pilatus audierat, quasi propterea morte fuisset plectendus, quod illicitum affecta uerit regnum, uel quoniam solent regnaturis inuidere regnantes, & uidelicet cauendum erat, ne eius regnum siue Romanis, siue Iudaeis esset aduersum. Poterat autem dominus quod ait, Regnum meum non est de hoc mundo &c. ad primā interrogationem praesidis respondere ubi ei dixit, Tu es rex Iudaeorum? sed eum uicissim interrogās, utrum hoc a semetipso diceret, an audisset ab alijs, illo respondente ostendere uoluit hoc sibi apud illum fuisse a Iudaeis uelut crimen obiectum, patefaciens nobis cogitationes hominum quas ipse nouerat, quoniam



A quoniam uanae sunt, eisq; post responsionem Pilati, etiam Iudæis & gentibus opportunius aptiusq; respondens, Regnum meum non est de hoc mundo. Quod si interroganti Pilato continuo respondisset, non etiam Iudæis, sed solis gentibus hoc de se opinantibus respondisse uideretur. Nunc uero quoniam respondit Pilatus, nunquid ego Iudæus sum? Gens tua & pontifices tradiderunt te mihi, quid fecisti? abstulit à se suspicionem qua posset putari à semetipso dixisse quòd Iesum regē dixerat esse Iudæorū, id se à Iudæis audisse demonstrans. Deinde dicēdo, quid fecisti, satis ostēdit illud ei pro crimine obiectū: tanquā diceret, si regē te negas, quid fecisti ut tradereris mihi? Quasi mirū nō esset, si puniendus iudici traderetur, qui se diceret regē. Si autē hoc nō diceret, quārēdū ab illo esset, quid aliud forte fecisset, unde tradi iudici dignus esset. Audite ergo Iudæi & gentes, audi circūcisio, audi præputiū, audite omnia regna terrena, nō impedio dominationē uestrā in hoc mundo, regnū meū nō est de hoc mundo. Nolite metuere metu uanissimo, quo Herodes ille maior cū Christus natus nunciaretur, expauit, & tot infantes ut ad eum mors perueniret, occidit, timendo magis quā irascendo crudelior, Regnū, inquit, meū non est de hoc mundo. Quid uultis amplius? Venite ad regnū quod nō est de hoc mundo: uenite credēdo, & nolite saui re metuēdo. Dicit quidē prophetia de deo patre, Ego autē constitutus sum rex ab eo, *super Sion montē sanctū eius: sed Sion illa & mons ille nō est de hoc mūdo: quod est enim eius regnum nisi credentes in eum, quibus dicit, De mundo non estis, sicut & ego non sum de mundo: quāuis eos esse uellet in mundo, propter quod de illis dixit ad patrem, Non rogo ut tollas eos de mundo, sed ut serues eos à malo. Vnde & hic non ait, regnum meum non est in hoc mundo, sed non est de hoc mundo: & cum hoc probaret dicens, si ex hoc mundo esset regnum meum ministri mei decertarent, ut non traderer Iudæis, non ait, nunc autem regnum meum non est hic, sed non est hinc. Hic est enim regnum eius usque in finem seculi, habens inter se commixta zizania usq; ad messē, messis enim finis est seculi, quando messores uenient, id est angeli, & colligent de regno eius omnia scandala, quod utiq; nō fieret, si regnum eius non esset hic: sed tamen non est hinc, quia peregrinatur in mundo. Regno suo quippe dicit, De mundo non estis, sed ego uos elegi de mundo. Erant ergo de mūdo, quando regnum eius nō erant, sed ad mundi principē pertinebant. De mundo est ergo quicquid hominū à uero quidē deo creatū, sed ex Adam uitiata atq; damnata stirpe generatū est. Factum est autem regnum non iam de mundo, quicquid inde in Christo regeneratum est. Sic enim nos deus eruit de potestate tenebrarum, & transtulit in regnū filij charitatis suæ: de quo regno dicit, Regnū meū nō est de hoc mundo, uel regnū meum nō est hinc.*

Dixit itaq; ei Pilatus, Ergo rex es tu? Respondit Iesus, Tu dicis, quia rex sum ego. Non quia regem se timuit confiteri, sed tu dicis, ita libratum est, ut neq; se regem neget: rex est em̄ cuius regnum non est de hoc mundo: neq; regē talē se esse fateatur, cuius regnum putetur esse de hoc mundo: talem quippe ille sentiebat qui dixerat, Ergo rex es tu? Cui responsum est, tu dicis, quia rex sum ego: dictum est enim, tu dicis, ac si dictum esset, carnalis carnaliter dicis. Deinde ait, Ego in hoc natus sum, & ad hoc ueni in mundum, ut testimonium perhibeam ueritati. Nō est producenda huius pronomini syllaba quod ait, in hoc natus sum, tanquam dixerit, in hac re natus sum: sed corripienda, tanquam dixerit, ad hanc rem natus sum, uel ad hoc natus sum, sicut ait, ad hoc ueni in mundum. In Græco nanque euangelio nihil est huius locutionis ambiguum, unde manifestum est eum temporalem naturam suam hic commemorasse qua incarnatus uenit in mundum, non illam sine initio qua deus erat, per quem pater condidit mundum. In hoc ergo se dixit natum, id est, propter hoc natum, & ad hoc uenisse in mundum, utique nascendo de uirgine, ut testimonium perhibeat ueritati. Sed quia non omnium est fides, adiunxit atque ait, Omnis qui est ex ueritate, audit meam uocē. Audit utique interioribus auribus, id est, obaudit meæ uoci, quod tantumdem ualeret si diceret, credit mihi. Cum itaq; Christus testimonium perhibeat ueritati, profecto testimonium perhibet sibi: eius quippe uox est, Ego sum ueritas: & dixit alio

quoque loco, Ego testimoniū perhibeo de me: quod uero ait, Omnis qui est ex ueritate, audit  
 Ioh. 8 meā uocē, gratiā cōmendauit quæ secundū propositū uocat: de quo proposito dicit Aposto-  
 Rom. 8 lus, Scimus quoniā diligentibus deū omnia cooperantur in bonū, his qui secundū proposi-  
 2. Tim. 1 tū dei uocati sunt, propositū scilicet uocantis, non uocatorū: quod alibi apertius ita positum  
 est, Conlabora euangelio secundū uirtutē dei saluos nos facientis & uocantis uocatione sua  
 sancta, non secundū opera nostra, sed secundū suū propositū & gratiā: nam si naturā cogi-  
 temus in qua creati sumus, cum omnes ueritas creauerit, quis non est ex ueritate? Sed non  
 omnes sunt quibus ut audiant ueritatem, hoc est, ut obediant ueritati & credant in ueritatē,  
 ex ipsa ueritate præstatur, nullis proculdubio præcedētibz meritis, ne gratia non sit gratia.  
 Si enim dixisset, Omnis qui audit meam uocē ex ueritate est, ideo dictus ex ueritate puta-  
 retur, quia obtēperat ueritati: non autē hoc ait, sed ait, Omnis qui est ex ueritate, audit meā  
 uocem: ac per hoc nō ideo est ex ueritate, quia eius audit uocem: sed ideo audit, quia ex ue-  
 ritate est, id est, quia hoc illi donū ex ueritate collatū est. Quod quid est aliud quā donan-  
 te Christo credit in Christum? Dixit ei Pilatus, Quid est ueritas? Nec expectauit audire  
 responsum. Sed cum hoc dixisset, iterum exiuit ad Iudæos, & dixit eis, Ego nullam inue-  
 nio in eo causam. Est autem consuetudo uobis, ut unum dimittam uobis in pascha, uultis  
 ergo dimittam uobis regem Iudæorum? Credo cum dixisset Pilatus, quid est ueritas, in  
 mentem illi uenisse continuo consuetudinem Iudæorum qua solebat eis dimitti unus in pa-  
 scha, & ideo non expectauit ut responderet ei Iesus quid esset ueritas, ne mora fieret cum re-  
 coluisset morem quo posset eis per pascha dimitti, quod eum ualde uoluisse manifestū est.  
 Auelli tamen ex eius corde non potuit Iesum regē esse Iudæorū, tanquam hoc sibi sicut in  
 titulo ipsa ueritas fixerit, de qua quid esset interrogauit. Sed hoc audito, Clamauerunt  
 rursum omnes dicentes, Non hunc, sed Barrabā. Erat autē Barrabas latro. Non reprehē-  
 dimus ō Iudæi quod per pascha liberatis nocentē, sed q̄ occidistis innocentē: quod tamē ni-  
 si fieret, uerū pascha nō fieret: sed umbra ueritatis à Iudæis errantibus tenebatur, & mirabili  
 dispensatione diuinæ sapiētiae per homines fallaces eiusdē umbræ ueritas implebatur, quia  
 ut uerum pascha fieret, Christus uelut ouis immolabatur. Hinc ea sequuntur quæ iniuriōsa  
 Christo Pilatus & cohors eius ingessit, sed alia disputatione tractanda sunt.

De eo quod dicit, Tunc ergo apprehēdit Pilatus Iesum & flagellauit, usq; ad  
 id quod ait, Susceperunt autem Iesum, & eduxerunt eum. Tractatus CXVI.

cap. XIX



**M** Iudæi clamassent, non Iesum sibi à Pilato dimitti uelle per pascha, sed Bar-  
 rabā latronē, non saluatorē, sed interfectōrē, non datorē uitæ, sed ademptorē.  
 Tunc apprehendit Pilatus Iesum & flagellauit. Hoc Pilatus non ob aliud fecit  
 se credendus est, nisi ut eius iniurijs Iudæi satiati sufficere sibi existimarēt, & usq;  
 ad eius mortem Iudæi s̄uire desisterēt. Ad hoc pertinet quod idē præses cohortē suā etiam  
 permisit facere quæ sequuntur, aut fortassis & iussit, quāuis hoc euangelista tacuerit: dixit enī  
 quid deinde fecerint milites, Pilatū tamen id iussisse non dixit. Et milites, inquit, plectētes  
 coronā de spinis, imposuerunt capiti eius, & ueste purpurea circumdederunt eū, & ueniebāt  
 ad eū, & dicebant, Aue rex Iudæorū, Et dabant ei alapas. Sic implebantur quæ de se prædi-  
 xerat Christus: sic martyres informabantur ad omnia quæ persecutores libuisset facere per-  
 ferenda: sic paulisper occultata tremēda potētia, cōmendabatur prius imitanda patientia:  
 sic regnū quod de hoc mundo nō erat, superbū mundū nō atrocitate pugnandī, sed patienti-  
 di humilitate uincebat: sic illud granū multiplicandū seminabatur horribili contumelia, ut  
 mirabili pullularet in gloria. Exijt iterū Pilatus foras & dicit eis, Ecce adduco eū foras, ut co-  
 gnoscatis, q̄a in eo nullā causam inuenio. Exijt ergo Iesus portās spineā coronā & purpureū  
 uestimētū, & dicit eis, Ecce homo. Hic apparet nō ignorāte Pilato hæc à militibus facta, siue  
 iusserit ea siue pmiserit, illa scilicet causa quā supra diximus, ut hæc eius ludibria inimici libē-  
 tissime biberēt, & ulterius sanguinē nō sitirēt. Egredit̄ ad eos Iesus portās spineā coronā &  
 purpureū uestimentū, nō clausus imperio, sed plenus opprobrio: & dicit eis, Ecce homo. Si re-  
 gi inuide



A gi inuidetis, iam parcite quia deiectum uidetis. Flagellatus est, spinis coronatus est, ludibrio-  
 sa ueste amictus est, amaris conuicijs illusus est, alapis cæsus est, feruet ignominia, frigescat  
 inuidia, sed non frigescit, inardescit potius & increscit. Cum ergo uidissent eum pontifices  
 & ministri clamabant dicentes, Crucifige, crucifige eum. Dicit eis Pilatus, accipite eum uos  
 & crucifigite, ego enim non inuenio in eo causam. Responderunt ei Iudæi, Nos legem habemus,  
 & secundum legem debet mori, quia filium dei se fecit. Ecce altera maior inuidia. Par-  
 ua quippe illa uidebatur, uelut affectatæ illicito ausu regiae potestatis, & tamen neutrum si-  
 bi Iesus mendaciter usurpauit, sed utrunq; uerum est, & unigenitus dei filius est, & rex ab eo  
 constitutus super Sion montem sanctum eius, & utrunq; nunc demonstraret, nisi quāto erat  
 potentior, tanto mallet esse patientior. Cum ergo audisset Pilatus hoc uerbum, magis ti-  
 muit, & ingressus est prætorium iterum, & dicit ad Iesum, Vnde es tu? Iesus autem respon-  
 sum non dedit ei. Hoc silentium domini nostri Iesu Christi nō semel factū, collatis omniū  
 euāgelistarū narrationibus reperitur, & apud principes sacerdotū, & apud Herodē, quod eū  
 sicut Lucas indicat miserat Pilatus audiendum, & apud ipsum Pilatum, ut non frustra de il-  
 lo prophetia præcesserit, Sicut agnus corā tondēte se sine uoce, sic non aperuit os suum, tūc  
 utiq; quando interrogantibus non respondit. Quamuis enim quibusdam interrogationi-  
 bus sæpe responderit, tamen propter illa in quibus noluit respondere, ad hoc data est de a-  
 gno similitudo, ut in suo silentio non reus sed innocēs haberetur. Cum ergo iudicaretur ubi  
 cunq; non aperuit os suum, sicut agnus non aperuit, id est, non sicut male sibi cōsciū qui de  
 peccatis conuincebatur suis, sed sicut mansuetus qui pro peccatis immolabatur alienis. Di-  
 cit ergo ei Pilatus, Mihi non loqueris? Nescis quia potestatem habeo crucifigere te, & potesta-  
 tem habeo dimittere te? Respondit Iesus, Non haberes aduersum me potestatem ullam, ni-  
 si tibi datū esset desuper, propterea qui me tradidit tibi maius peccatū habet. Ecce respon-  
 dit, & tamen ubicunq; non respondit, non sicut reus siue dolosus, sed sicut agnus, hoc est, si-  
 cut simplex atq; innocens non aperuit os suum. Proinde ubi non respondebat, sicut ouis si-  
 lebat: ubi respondebat, sicut pastor docebat. Discamus ergo quod dixit, quod & per Apo-  
 stolum docuit, quia non est potestas nisi à deo. Et quia plus peccat qui potestati innocentē  
 B occidendū liuore tradit, quā potestas ipsa si eum timore alterius maioris potestatis oc-  
 cidit. Talem quippe Pilato deus dederat potestatem, ut etiā esset sub Cæsaris potestate. Qua-  
 propter non haberes, inquit, aduersum me potestatem ullam, id est, quantulamcūq; habes,  
 nisi hoc ipsum quidē tibi esset datū desuper. Sed quoniā scio quantū sit, nō enim tantū est,  
 ut tibi omnimodo liberū sit, propterea qui tradidit me tibi, maius peccatū habet. Ille quip-  
 pe me tuæ potestati tradidit inuidendo, tu uero eandē potestatem in me exerciturus es me  
 tuendo. Nec timendo quidem, præsertim innocentē homo hominē debet occidere, inuidus  
 homicida malus est, sed tamen id zelando facere multo magis malū est, quā timendo. Et  
 ideo non ait uerax magister, qui me tradidit tibi, ipse habet peccatū, tanq̃ ille non haberet,  
 sed ait, maius habet peccatū, ut etiā se habere intelligeret: neq; em̃ propterea illud nullū est,  
 quia hoc maius est. Exinde quærebat Pilatus dimittere eū. Quid est hoc quod dictū est,  
 exinde? Quasi antea nō quærebat? Lege superiora, & inuenies iam dudū eū quærere dimit-  
 tere Iesum. Exinde itaq; intelligendum est propter hoc, id est, ex hac causa, ne haberet pecca-  
 tum occidendo innocentē sibi traditū, quāuis minus peccans quā Iudæi qui eū illi tradide-  
 rāt occidendū. Exinde ergo, id est, ideo ne hoc peccatū faceret, nō nunc primū, sed ab initio  
 quærebat eū dimittere. Iudæi autē clamabāt dicētes, Si hūc dimittis, nō es amicus Cæsaris.  
 Omnis em̃ qui se regē facit, cōtradicit Cæsari. Maiorē timorē se ingerere putauerūt Pilato  
 terrendo de Cæsare ut occideret Christū, q̃ superius ubi dixerūt, Nos legē habemus, & se-  
 cūdū legē debet mori, q̃a filiū dei se fecit. Eorū legē quippe ille nō timuit ut occideret: sed ma-  
 gis filiū dei timuit ne occideret. Nūc uero nō sic potuit contēnere Cæsare autōrē potestatis  
 suæ, quēadmodū legē gentis alienæ. Adhuc tñ euāgelista sequit̃ & dicit, Pilatus autē cū au-  
 disse hos sermones, adduxit foras Iesum, & sedit pro tribunali, in loco q̃ dicit̃ Lithostrotos,  
 Hebraice

Esaiæ 53

Rom. 13

Hebraice autem Gabatha. Erat autem parasceue paschæ hora quasi sexta.) Qua hora sit dominus crucifixus, propter euangelistæ alterius testimonium, qui dixit, Erat autem hora tertia, & crucifixerunt eum, quoniam magna disceptatio solet oboriri, cum ad ipsum locum ubi crucifixus narratur uentum fuerit, ut potuerimus, si dominus uoluerit, disseremus. Cum ergo pro tribunali sedisset Pilatus, Dicit Iudæis, Ecce rex uester. Illi autem clamabant, Tolle tolle, crucifige eum. Dixit eis Pilatus, Regem uestrum crucifigam? Adhuc terrorem quem de Cæsare ingesserant, superare conatur, de ignominia eorum uolens eos frangere dicendo, Regem uestrum crucifigam, quos de ignominia Christi mitigare non potuit, sed timore mox uincitur. Responderunt enim Pontifices, Non habemus regem nisi Cæsarem. Tunc ergo tradidit eis illum ut crucifigeretur.) Apertissime quippe contra Cæsarem uenire uideretur, si regem se non habere nisi Cæsarem profitentibus, alium regem uellet ingerere dimittendo impunitum, quem propter hos ausus ei tradiderant occidendū. Tradidit ergo eis illum ut crucifigeretur: sed nunquid aliud & ante cupiebat quando dicebat, Accipite eum uos, & crucifigite: uel etiam superius, accipite eum uos, & secundum legem uestram iudicate eum? Cur autem illi tantopere noluerunt, dicentes, Nobis non licet interficere quenquam, & omni modo instantes, ut non ab eis, sed à præside occideretur, & ideo eum occidendum accipere recusantes, si nunc eum accipiunt occidendum? Aut si hoc non fit, cur dictū est, tunc ergo tradidit eis illum ut crucifigeretur? An aliquid interest? planè interest, non est enim dictum, Tunc ergo tradidit eis illum ut crucifigerent eum, sed ut crucifigeretur, id est, ut iudicio ac potestate præsidis crucifigeretur, sed ideo illis traditum dixit euangelista, ut eos crimine implicatos à quo alieni esse conabantur, ostenderet. Non enim faceret hoc Pilatus, nisi ut id quod eos cupere cernebat, impleveret: quod autem sequitur, Susceperunt autem Iesum & eduxerunt.) Potest ad milites iam referri apparitores præsidis: nam potestea euidentius dicitur, Milites ergo cum crucifixissent eum, quamuis euangelista etiam si totum Iudæis tribuit, merito facit. Ipsi enim susceperunt quodui adissime flagitauerunt, & ipsi fecerunt quicquid ut fieret extorserunt. Sed hæc sequentia alio sermone tractanda sunt.

De eo quod dicit, Et baiulans sibi crucē, exiit in eum qui dicitur Caluariæ locum, usque ad id quod ait. Respondit Pilatus, Quod scripsi scripsi. Tra. CXXVII.



**I**udei dicente atque damnante Pilato pro tribunali dominum Iesum Christum hora quasi sexta, Susceperunt & eduxerunt. Et baiulans sibi crucem, exiit in eum qui dicitur Caluariæ locum, Hebraice autem Golgotha, ubi crucifixerunt eum.) Quid est ergo quod Marcus euangelista dicit, Erat autem hora tertia, & crucifixerunt eum, nisi quia hora tertia crucifixus est dominus linguis Iudæorum, hora sexta manibus militum, ut intelligamus horam quintam iam fuisse transactam, & aliquid de sexta cœptum quando sedit pro tribunali Pilatus, quæ dicta est à Ioanne hora quasi sexta. Et cum duceretur ut in ligno cum duobus latronibus configeretur, & iuxta eius crucem gererentur quæ gesta narrantur, hora sexta integra compleretur, ex qua hora usque ad nonam sole obscurato, tenebras factas trium euangelistarum, Matthæi, Marci & Lucæ contestatur autoritas. Sed quoniam Iudæi facinus interfecti Christi à se in Romanos, id est, in Pilatum & eius milites transferre conati sunt, propterea Marcus suppressa ea hora qua Christus à militibus crucifixus est, quæ agi sexta iam cœperat, tertiam potius horam esse recordatus expressit, qua hora intelliguntur apud Pilatum clamare potuisse, Crucifige, crucifige, ut non illi tantum reperiantur crucifixisse Iesum, id est, milites qui eum ligno sexta hora suspenderunt, uerum etiam Iudæi, qui ut crucifigeretur hora tertia clamauerunt. Est & alia huius solutio quæstionis, ut non hic accipiat hora sexta diei, quia nec Ioannes ait, Erat autem hora diei quasi sexta, sed ait, Erat autem parasceue paschæ hora quasi sexta. Parasceue autem latine preparatio est: sed isto uerbo Græco libentius utuntur Iudæi in huiusmodi obseruationibus, etiam qui magis latine quam græce loquuntur. Erat autem preparatio paschæ. Pascha uero nostrum, sicut dicit Apostolus, immolatus est Christus. Cuius paschæ preparatione,



A tionem si ab hora noctis nona computemus, tunc enim uidentur principes sacerdotū pro-  
 nunciassē immolationē domini, dicētes, Reus est mortis, cum adhuc in domo pontificis au-  
 diretur, unde cōgruenter accipitur inde cōpisse pręparationē uerī paschę, cuius umbra erat  
 pascha Iudęorum, id est, immolationis Christi, ex quo à sacerdotibus pronunciatu est im-  
 molandus, profecto ab ea noctis hora quę tunc nona fuisse cōjicitur, usq; ad horā diei ter-  
 tiam qua crucifixum esse Christum Marcus euangelista testatur, sex horę sunt, tres noctur-  
 nę & tres diurnę. Vnde in hac parasceue paschę, id est pręparatione immolationis Chri-  
 sti, quę ab hora noctis nona cōperat, quasi sexta agebatur hora, id est, peracta quinta iam  
 sexta currere cōperat, quando Pilatus tribunal ascendit: adhuc em̄ erat ipsa pręparatio quę  
 ab hora noctis nona cōperat, donec fieret quę pręparabatur Christi immolatio, quę fa-  
 cta est hora tertia secundū Marcū, nō pręparationis, sed diei, eadēq; sexta non diei sed prę-  
 parationis, sex utiq; horis à noctis nona usq; ad diei tertiā cōputatis. Harū duarū solutio-  
 num istius difficilis quęstionis eligat quisq; quā uolet. Melius autē quid eligat iudicabit, qui  
 de cōsensu euāgelistarū quę operosissime disputata sunt legerit. Quod & si alię solutiones  
 eius potuerint inueniri, cumulatius euangelicę ueritatis cōstantia defenditur aduersus calu-  
 mñas infidelis atq; impię uanitatis. Nūc ad narrationē Ioannis euangelistę post ista bre-  
 uiter tractata redeamus. Susceperunt autē, inquit, Iesum & eduxerunt, & baiulans sibi crucē  
 exiit in eū qui dicitur Caluarię locū, Hebraice Golgotha ubi crucifixerunt eū. Ibat ergo ad  
 locū ubi fuerat crucifigēdus, portans crucē suā Iesus. Grande spectaculū, sed si spectat impie-  
 tas, grande ludibriū: si pietas, grande mysteriū. Si spectet impietas, grande ignominia do-  
 cumentū: si pietas, grande fidei munimentū. Si spectet impietas, ridet regē pro uirga regni  
 lignū sui portare supplicij: si pietas, uidet regē baiulantē lignum ad semetipsum figendum,  
 quod fixurus fuerat etiā in frontibus regū, in eo spernendus oculis impiorū, in quo erāt glo-  
 riatura corda sanctorū: dicturo enim Paulo, Mihi autē absit gloriari, nisi in cruce domini no-  
 Gal. 6  
 B stri Iesu Christi, ipsam crucē suā suo gestās humero cōmēdabat, & lucernę arsurę quę sub  
 modio ponenda non erat, candelabrum ferebat. Baiulans ergo sibi crucem, exiit in eum qui  
 dicitur Caluarię locum, Hebraice Golgotha, ubi eum crucifixerunt. Et cum eo alios duos  
 hinc & hinc, medium autem Iesum. Isti duo latrones erant, sicut aliorum euangelistarū nar-  
 ratione didicimus, cum quibus crucifixus & inter quos fixus est Christus: de quo pręmis-  
 sa dixerat prophetia, Et inter iniquos deputatus est. Scripsit autem & titulum Pilatus, &  
 Esaię 53  
 posuit super crucem: erat autem scriptum, Iesus Nazarenus rex Iudęorum. Hunc ergo titu-  
 lum multi legerunt Iudęorum, quia prope ciuitatē erat locus ubi crucifixus est Iesus. Et erat  
 scriptū Hebraice, Gręce & Latine, rex Iudęorū. Hę quippe tres linguę ibi prę ceteris emi-  
 nebant. Hebręa propter Iudęos in dei lege gloriantes, Gręca propter gentium sapientes,  
 Latina propter Romanos, multis ac penē omnibus iam tunc gentibus imperantes. Dice-  
 bant ergo Pilato Pontifices Iudęorū, Noli scribere rex Iudęorum, sed quia ipse dixit, rex  
 sum Iudęorū. Respondit Pilatus, Quod scripsi, scripsi. O ineffabilem uim diuinę operati-  
 onis, etiā in cordibus ignorantū. Nōne occulta uox quādā Pilato intus quodā, si dici po-  
 test, clamoso silentio personabat, quod tanto ante in psalmorū litteris prophetatū est? Ne  
 corrūpas tituli inscriptionē, ecce tituli inscriptionē nō corrumpit, quod scripsit scripsit. Sed  
 etiā Pōtifices qui hoc corrūpi uolebant, quid dicebant? Noli scribere, inquiunt, rex Iudęo-  
 rū, sed quia ipse dixit, rex sum Iudęorū. Quid loquimini insani, quid fieri cōtradicitis, quod  
 mutare nullo pacto potestis? Nūquid enim propterea nō erit uerū, quia Iesus ait, rex sum  
 Iudęorū? Si corrūpi nō potest quod Pilatus scripsit, corrūpi potest quod ueritas dixit, sed  
 Iudęorū tantū rex est Christus, an & gentiū? imō & gentiū: cū enim dixisset in prophetia,  
 Ego autē cōstitutus sum rex ab eo super Sion montē sanctū eius, prędicans pręceptū eius, psal. 2  
 ne propter montē Sion solis Iudęis eū regē quisq; diceret cōstitutū, cōtinuo subiunxit, Do-  
 minus dixit ad me, filius meus es tu, ego hodie genui te, Postula à me, & dabo tibi gētes hæ-  
 reditatē tuam, & possessionem tuam terminos terrę. Vnde & ipse iam per os proprium lo-  
 quens

*Ioan. 10* quens apud Iudæos, Habeo, inquit, alias oves quæ nō sunt de hoc ouili, oportet me & ipsas adducere, & uocem meam audient, & fiet unus grex & unus pastor. Cur ergo magnum uolumus intelligi in hoc titulo sacramentum, in quo scriptum erat, rex Iudæorum, si rex est Christus & gentium? Quia scilicet oleaster factus est particeps pinguedinis oleæ, non olea particeps facta est amaritudinis oleastri: nam in eo quod de Christo ueraciter scriptum est in titulo rex Iudæorum, qui sunt intelligendi Iudæi nisi semen Abraæ filij promissionis, qui sunt etiam filij dei: quoniam non qui filij carnis, ait Apostolus, hi filij dei, sed qui filij promissionis deputantur in semine. Et gentes erant quibus dicebat, Si autem uos Christi, ergo Abraæ semen estis, secundum promissionem hæredes. Rex ergo Iudæorum Christus, sed Iudæorum circumcissione cordis, spiritu non littera. Quorum laus non ex hominibus sed ex deo est, pertinentium ad Hierusalem liberam matrem nostram æternam in cœlis, Saram spiritalem, ancillam & filiam eius de domo libertatis eiicientem. Ideo enim Pilatus quod scripsit scripsit, quia dominus quod dixit dixit.

De eo quod dicit, Milites ergo cum crucifixissent eum, acceperunt uestimenta eius, usq; ad id quod ait, Et in uestem meam miserunt sortem. Tractatus CXVIII.



*psal. 21* A quæ gesta sunt iuxta crucem domini, cum iam crucifixus esset, isto quantum dominus adiuuat sermone tractemus. Milites ergo cum crucifixissent eum, acceperunt uestimenta eius & fecerunt quatuor partes, unicuiq; militi partem, & tunicam. Erat autem tunica inconsutilis desuper contexta per totum. Dixerunt ergo ad inuicem, Non scindamus eam, sed sortiamur de illa cuius sit, ut scriptura impletur dicens, Partiti sunt uestimenta mea sibi, & in uestem meam miserunt sortem.) Factum est quod uoluerunt Iudæi, non ipsi sed milites qui parebant Pilato, iudicante ipso crucifixerunt Iesum: & tamen si uoluntates, si insidias, si operam, si traditionem, postremo si extorquentes clamores eorum cogitemus, magis utiq; Iudæi crucifixerunt Iesum. Sed de partitione & sortitione uestimentorum eius non est prætereunter loquendum. Quamuis enim omnes euangelistæ quatuor huius rei meminerint, ceteri tamen breuius quam Ioannes, sed clausæ illi, iste uero apertissime: nam Matthæus ait, Postquam autem crucifixerunt eum, diuiserunt uestimenta eius sortem mittentes. Marcus, Et crucifigentes eum diuiserunt uestimenta eius, mittentes sortem super eis quis quid tolleretur. Lucas, Diuidentes uero uestimenta eius, miserunt sortes. Ioannes autem & quot partes de uestimentis eius fecerint dixit, id est quatuor, ut singulas tollerent. Vnde apparet quatuor fuisse milites, qui in eo crucifigendo præsidii paruerunt: manifeste quippe ait, Milites ergo cum crucifixissent eum, acceperunt uestimenta eius, & fecerunt quatuor partes, unicuiq; militi partem, & tunicam subaudiendum est acceperunt, ut iste sit sensus, acceperunt uestimenta eius & fecerunt quatuor partes, unicuiq; militi partem, acceperunt & tunicam. Et sic locutus est, ut de ceteris uestimentis nullam sortem missam esse uideamus, sed de tunica quam simul cum ceteris acceperunt, sed non si militer diuiserunt: de hac enim sequitur exponens. Erat autem tunica inconsutilis, desuper contexta per totum.) Cur autem de illa sorte miserunt narrans, Dixerunt, inquit, ergo ad inuicem, Non scindamus eam, sed sortiamur de illa cuius sit.) Apparet itaq; in alijs uestibus æquales eos habuisse partes, ut sortiri necesse non fuerit: in illa uero una non eos habere potuisse singulas partes nisi scinderetur, & pannos eius inutiliter tollerent, quod ne facerent ad unum eam peruenire sortitione maluerunt. Huius euangelistæ narrationi cōsonat etiā propheticum testimonium, quod & ipse continuo subiungens, Vt scriptura, inquit, impletur dicens, Partiti sunt uestimenta mea sibi, & in uestem meam miserunt sortem.) Nō enim ait, sortiti, sed partiti sunt, nec ait, sortientes partiti sunt, sed in ceteris uestimentis sortem omnino non nominans, postea dixit, & in uestem meam miserunt sortem, propter illam reliquam tunicam. De qua re dicam, quod ipse donauerit, cum prius eam quæ oboriri potest tanquam euangelistæ inter se discrepent, calumniam propulsauero, demonstrans nullius cæterorum uerba narrationi Ioannis esse contraria: Matthæus enim dicendo, Diuiserunt uestimenta



**A** uestimenta eius sortem mittentes, ad totam diuisionem uestimentorum uoluit intelligi etiā illam tunicam pertinere, de qua sortem miserunt, quia utiq; omnes uestes diuidendo in quibus & illa fuit, de ipsa sortiti sunt. Tale est etiam quod ait Lucas: Diuidentes uestimenta Luc. 23 eius miserunt sortes: diuidentes enim uenerunt ad tunicam, de qua facta est sortitio, ut inter eos uniuersa uestimentorum eius diuisio compleretur. Quid autem interest utrum dicatur, diuidentes miserunt sortes, quod ait Lucas: an diuiserūt sortem mittentes, quod ait Mattheus, nisi q; Lucas dicendo sortes, pluralē pro singulari numero posuit, quæ locutio in scripturis sanctis insolita non est, quibus nōnulli codices sortem reperiuntur habere, non sortes: Marcus itaq; solus uidetur aliquam intulisse quæstionem: dicendo enim: Mittentes sortem Marci. 15 super eis q̄s quid tolleret, tanq̄ super om̄ibus uestimētis, nō super sola tunica fors missa sit, locutus uidetur: sed hic etiam breuitas obscuritatem facit: sic enim dictum est, mittentes sortem super eis, ac si diceretur, mittentes sortem cum diuiderent, quod & factum est. Omnium quippe uestimentorum eius diuisio completa non esset, nisi sorte claruisset, quis etiam illam tunicam tolleret, ut sic contentio diuidentium finiretur, uel nulla potius oriretur. Quod ergo ait: quis quid tolleret, quandoquidem hoc sorti deputatur, nō ad omnia quæ diuisa sunt uestimenta referendum est: fors enim missa est quis illam tunicam tolleret, de qua quoniam narrare prætermisit qualis fuerit, & quemadmodum æqualibus factis partibus sola remanserit, quæ ne conscinderetur, ueniret in sortem, pro eo positum est quod ait, quis quid tolleret, id est, quis eam tolleret, tanq̄ si totū ita diceretur, diuiserunt uestimenta eius, mittentes sortem super eis, quis tunicam quæ partibus æqualibus superfuerat tolleret. Quærat forte aliquis, quid significet in tot partes uestimentorū facta diuisio, & de tunica illa sortitio. Quadripartita uestis domini Iesu Christi, quadripartitam figurauit eius ecclesiam, toto scilicet quadripartita consistat, terrarum orbe diffusam, & omnibus eiusdem partibus æqualiter, id est, concorditer distributam. Propter quod alibi dicit missurum se angelos suos, ut colligant electos eius à quatuor uentis: quod quid est, nisi à quatuor partibus mundi, oriente, occidente, aquilone & meridie? Tunica uero illa sortita, omnium partium significat unitatem, quæ charitatis uinculo continetur. De charitate autem locuturus Apostolus: Supereminet 1. Cor. 13 tiorem, inquit, uiam uobis demonstro: & alio loco ait, Cognoscere etiam supereminentem Eph. 3 scientiæ charitatem Christi. Itemq; alibi: Super omnia autem hæc habet charitatem, quæ Col. 3 est uinculum perfectionis. Si ergo charitas & supereminet tiorem habet uiam, & supereminet scientiæ, & super omnia præcepta est, merito uestis qua significatur, de super cōtexta perhibetur. Inconsutilis autem, ne aliquando dissuatur, & ad unum peruenit, quia in unū omnes colligit, sicut in apostolis cum esset etiam ipse numerus duodenarius, id est, quadripartitus in ternos, & omnes essent interrogati, solus Petrus respondit: Tu es Christus filius dei uiuī, Math. 16 & ei dicitur: Tibi dabo clauēs regni cœlorum, tanq̄ ligandi & soluendi solus acceperit potestatem, cum & illud unus pro omnibus dixerit, & hoc cum omnibus tanq̄ personam gerēs ipsius unitatis acceperit. Ideo unus pro omnibus, quia unitas est in omnibus. Vnde & hic cum dixisset, de super contexta, addidit, per totum, quod si referamus ad id quod significat, nemo eius est expers qui pertinere ad totum inueniatur, à quo toto sicut Græca indicat lingua, catholica uocatur ecclesia. In sorte autem quid nisi dei gratia cōmendata est? Sic quippe in uno ad omnes peruenit, cum fors quoq; omnibus placuit, quia & dei gratia in unitate ad omnes peruenit, & cum fors mittitur, non personæ uel cuiusq; meritis, sed occulto iudicio dei ceditur. Nec ideo ista non aliquid boni significasse quis dixerit, quia per malos facta sunt, non scilicet per eos qui Christum secuti, sed qui sunt persecuti. Quid enim de ipsa cruce dicturi sumus, quæ certe similiter ab inimicis atq; impijs Christo facta & impacta est? Et tamen ea significari recte intelligitur quod ait Apostolus: Quæ sit latitudo, longitudo & altitudo, Eph. 3 & profundum. Lata est quippe in transuerso ligno, quod extendūt pendentes manus, & significat opera bona in latitudine charitatis: longa est à transuerso ligno usq; ad terram, ubi dorsum pedesq; figuntur, & significat perseverantiam in longitudine temporis usq; in I finem

De eo quod dicit: Iudæi ergo quoniam parasceue erat ut non remanerent in cruce corpora sabbato, usq; ad id quod ait: Nondum enim sciebant scripturam, quia oportuit eum à mortuis resurgere:

Tractatus CXX.



**P**osteaquam dominus Iesus peractis omnibus quæ ante suam mortem peragi oportere præsciebat, quando uoluit tradidit spiritum, quæ deinde secuta sunt, euangelista narrante uideamus. Iudæi ergo, inquit, quoniam parasceue erat, ut non remanerent in cruce corpora sabbato: erat enim magnus dies ille sabbati, rogauerunt Pilatum ut frangerentur eorum crura & tollerentur. Non crura tollerentur, sed hi quibus ideo frangebantur ut morerentur, & auferretur de ligno, ne pendentes in crucibus, magnum diem festum sui diurni cruciatus horrore scelerarent. Venerunt ergo milites, & primi quidem fregerunt crura, & alterius qui crucifixus est cum eo. Ad Iesum autem cum uenissent, ut uiderunt eum iam mortuum, non fregerunt eius crura, sed unus militum lancea latus eius aperuit, & continuo exiuit sanguis & aqua. Vigilanti uerbo euangelista usus est, ut non diceret, latus eius percussit aut uulnerauit, aut quid aliud, sed aperuit, ut illic quodammodo uitæ ostiū panderetur, unde sacramenta ecclesiæ manauerunt, sine quibus ad uitam quæ uera uita est non intratur. Ille sanguis in remissionem fusus est peccatorum: aqua illa salutare temperat poculum, hæc & lauacrum præstat & potum. Hoc prænuntiabat q̄ Noë in latere arcæ ostium facere iussus est, qua intrarent animalia quæ non erant diuino peritura, quibus præfigurabatur ecclesia. Propter hoc prima mulier facta est de latere uiri dormientis, & appellata est uita materq; uiuorum. Magnum quippe significauit bonū ante magnum præuaricationis malum. In habitu iacentis & dormientis hic secundus Adā inclinato capite in cruce dormiuit, & unde ei formaretur coniunx, quod de latere dormientis effluxit. O mors unde mortui reuiuiscunt: quid isto sanguine mundius? Quid uulnere isto salubrius? Et qui uidit, inquit, testimonium perhibuit, & uerum est testimoniū eius, & ille scit quia uera dicit, ut & uos credatis. Non dixit, ut & uos sciatis, sed ut credatis: scit enim quod uidit, cuius credat testimonio qui non uidit: magis autem ad fidem credere pertinet quam uidere: nam quid est aliud credere, q̄ fidem accommodare? Facta sunt enim hæc, inquit, ut scriptura impleretur: Os non cōminuetis ex eo: & iterum alia scriptura dicit: Videbūt in quem transfixerunt. Duo testimonia de scripturis reddidit singulis rebus, quas factas fuisse narrauit: nam quia dixerat, ad Iesum autem cum uenissent, ut uiderunt eum iam mortuum, non fregerunt eius crura, ad hoc pertinet testimonium: Os non cōminuetis ex eo: quod præceptum est eis qui celebrare pascha iussi sunt ouis immolatione, in ueteri lege quæ dominicæ passiōis umbra præcesserat, unde pascha nostrū immolatus est Christus, de quo & Esaias propheta prædixerat: Sicut ouis ad immolandum ductus est. Item quia subiunxerat dicēs, sed unus militum lancea latus eius aperuit, ad hoc pertinet alterum testimonium: Videbūt in quem transfixerunt, ubi promissus est Christus, in ea qua crucifixus est carne uenturus. Post hæc autem rogauit Pilatum Ioseph ab Arimathia, eo quod esset discipulus Iesu, occultus autem propter metum Iudæorum, ut tolleretur corpus Iesu. Et permisit Pilatus. Venit ergo & tulit corpus Iesu. Venit autem & Nicodemus qui uenerat ad Iesum nocte primum, ferens mixturam myrrhæ & aloes quasi libras centum. Non ita distinguendū est ut dicamus, primum ferens mixturam myrrhæ, sed ut quod dictum est primū, ad superiorē sensum pertineat: Venerat enim Nicodemus ad Iesum nocte primū, quod idem Ioannes in prioribus euangelij sui partibus manifestat. Hic ergo intelligendū est ad Iesum, non tunc solum, sed tunc primum uenisse Nicodemum, uenisse autem postea ut fieret audiendo discipulus, quod certe modo in reuelatione corporis beatissimi Stephani ferè omnibus gentibus declaratur. Acceperunt ergo corpus Iesu, & ligauerunt illud linteis cum aromatibus, sicut mos est Iudæis sepelire. Non mihi uidetur euangelista frustra dicere uoluisse, sicut mos est Iudæis sepelire: ita quippe, nisi fallor, admonuit in huiusmodi officijs quæ mortuis exhibetur, morem cuiusq; gentis esse seruandum. Erat autem in loco ubi crucifixus est hortus, & in horto

Exod. 12  
Zach. 12

Esai. 53

Ioan. 3



A horto monumentum nouum, in quo nondum quisq̃ positus erat:) Sicut in Mariæ uirginis utero nemo ante illū, nemo post illū cōceptus est: ita in hoc monumento nemo ante illū, nemo post illum sepultus est. Ibi ergo propter parasceuen Iudæorū, quia iuxta erat monumentum posuerunt Iesum.) Acceleratā uult intelligi sepulturam, ne ad uesperasceret, quando iam ppter parasceuen, quā cœnam puram Iudæi latine usitatus apud nos uocāt, facere tale aliquid non licebat. Vna autem sabbati Maria Magdalene uenit mane cum adhuc tenebræ essent ad monumentum, & uidit lapidem sublatum à monumento.) Vna sabbati est, quem iam diem dominicum propter domini resurrectionem mos Christianus appellat, quem Matthæus solus in euāgelistis primam sabbati nominauit. Cucurrit ergo & uenit ad Simonem Petrum, & ad alium discipulum, quem diligebat Iesus, & dicit eis: Tulerūt dominū de monumento, & nescio ubi posuerunt eum.) Nonnulli codices etiam Græci habent, tulerunt dominū meum, quod uideri dictum potest propensiore charitatis uel famulatus affectu, sed hoc in pluribus codicibus quos in promptu habuimus, non inuenimus.

Caput XX

Matth. 28

Exiit ergo Petrus & ille alius discipulus & uenerunt ad monumentum. Currebant autem duo simul, & ille alius discipulus præcucurrit citius Petro, & uenit primus ad monumentū.) Aduertenda hic & cōmendanda est recapitulatio, quomodo reditum est ad id quod fuerat prætermisum, & tanq̃ si hoc sequeretur adiunctum est. Cum enim iam dixisset, uenerunt ad monumentum, regressus est ut narraret quomodo uenerunt, atq̃ ait: Currebant autem duo simul &c. Vbi ostendit quod præcurrēs ad monumentū prior uenerit alius ille discipulus, quē seipsum significat, sed tanq̃ de alio more sanctæ scripturæ cuncta narrat. Et cū se inclinasset, inquit, uidit posita linteamina, nō tamen introiuit. Venit ergo Simon Petrus sequens eum, & introiuit in monumentum, & uidit linteamina posita & sudarium, quod fuerat super caput eius, non cum linteaminibus positum, sed separatim inuolutum in unum locum.) Putamūsne nihil ista significant? Nequaquā hoc putauerim, sed ad alia festinamus, in quibus immorari quæstionis uel obscuritatis alicuius necessitate cōpelli mur: nam ista quæ per se ipsa manifesta sunt, quid singula etiam significēt, quærere sanctæ quidem delitiæ sunt, sed ociosorum, quod non sumus nos. Tunc ergo introiit & ille discipulus, qui uenerat prius ad monumentum.) Prior uenit, & posterior intrauit. Neq̃ hoc utiq̃ uacat, sed mihi ad ista non uacat. Et uidit, inquit, & credidit.) Hic nonnulli parum attendentes, putant hoc Ioannem credidisse, quod Iesus resurrexerit, sed quod sequitur, hoc non indicat. Quid sibi enim uult, quod statim adiunxit: Nondum enim sciebant scripturam, quia oportebat eum à mortuis resurgere.) Non ergo eum credidit resurrexisse, quem nesciebat oportere resurgere. Quid ergo uidit, quid credidit? Vidit scilicet mane monumentum, & credidit quod dixerat mulier eum de monumento esse sublatum. Nondū enim sciebant scripturam, quia oporteret eū à mortuis resurgere: & ideo quando id ab ipso domino audiebant, quibus apertissime diceretur consuetudine audiendi ab illo parabolas, non intelligebāt, & aliquid aliud eum significare credebant. Sed ea quæ sequuntur, in sermonem alium differamus.

De eo quod dicit: Abierunt ergo iterum ad semetipsos discipuli, usq̃ ad id:

Tractatus

CXXI.

Beati qui non uiderunt &amp; crediderunt:



**S**UBLATUM esse dominum de monumento, discipulis eius Petro & Ioanni nunciauerat Maria Magdalene. Quod illi uenientes, inuenerunt sola linteamina quibus corpus fuerat inuolutum. Et quid aliud credere potuerunt nisi quod illa dixerat, & quod etiam ipsa crediderat? Abierunt ergo iterum ad semetipsos discipuli:) Id est, ubi habitabant, & unde ad monumentum cucurrerant. Maria autē stabat ad monumentum foris plorans.) Viris enim recedētibus, infirmiore sexū in eodē loco fortior fugebat affectus, & oculi qui dominum quæsierant & non inuenerant, lacrymis iam uocabant, amplius dolentes quod fuerat de monumento sublatum, quā quod fuerat in ligno occisus, quoniam magistri tanti cuius eis uita subtracta fuerat, nec memoria reuanebat. Tenebat itaq̃ ad monumentum iam dolor iste mulierem. Cū ergo fletet, incli-

I 3 nauit

clinavit se & prospexit in monumentū.) Cur hoc fecerit nescio, non enim nesciebat nō ibi esse e-  
iam quem quærebat, quandoquidē inde sublatum discipulis ipsa nunciauerat, & illi ad mo-  
numentum uenerant, & non solum intuendo, sed etiam intrando corpus dñi quæsierant, nec  
inuenerant. Quid sibi ergo uult, q̄ ista cum fleret, rursus in monumentū inclinata prosper-  
xit? Vtrum q̄ nimium dolebat, nec suis nec illorū oculis facile putabat esse credendum, an po-  
tius diuino instinctu in animo eius effectum est ut prospiceret? Prospexit enim, Eruidit  
duos angelos in albis sedentes, unum ad caput, & unum ad pedes, ubi positū fuerat corpus  
Iesu.) Quid est q̄, unus ad caput, & ad pedes alter sedebat? An quoniam qui Græce ange-  
li dicuntur, Latine sunt nunci, isto modo Christi euangelium uelut à capite usq; ad pedes,  
ab initio usq; in finem significabant esse nunciandum? Dicunt ei illi: Mulier quid ploras?  
Dicit eis: quia tulerunt dominū meum, & nescio ubi posuerunt eum.) Angeli lachrymas p-  
hibebant, ubi quid aliud q̄ futurum quodammodo gaudium nunciabant? Ita enim dixe-  
runt: quid ploras? Ac si dicerent, noli plorare. At illa eos putans interrogasse nescientes, cau-  
sas prodidit lachrymarum. Quia tulerunt, inquit, dominū meum.) Dominū suum uo-  
cans corpus exanime domini sui, à toto partem significans, sicut oēs cōfitemur Iesum Chri-  
stum filium dei unicum dominū nostrum, quod utiq; simul est & uerbū & anima & caro:  
crucifixum tamen & sepultū, cum sola eius sepulta sit caro. Et nescio, inquit, ubi posuerunt  
eum.) Hæc erat causa maior doloris, quia nesciebat quò iret ad cōsolandum dolorem. Sed  
hora iam uenerat, ut id quod nunciatum quodammodo fuerat ab angelis flere prohibenti-  
bus, gaudium succederet fletibus. Deniq; cum hæc dixisset, conuersa est retrorsum, & ui-  
dit Iesum stantem, & non sciebat quia Iesus est: Dicit ei Iesus: Mulier quid ploras? Quem  
quæris? Illa existimās quia hortulanus esset, dicit ei: Domine, si tu sustulisti eum, dicito mi-  
hi ubi posuisti eum, & ego eum tollam: Dicit ei Iesus, Maria. Conuersa illa dicit ei: Rabbo-  
ni, quod dicitur magister.) Nemo calumniatur mulieri quòd hortulanum dixerit domi-  
num, & Iesum magistrum. Ibi enim rogabat, hic agnoscebat. Ibi honorabat hominē à quo  
beneficium postulabat, hic relegebat doctorem à quo discernere humana & diuina discer-  
bat. Appellabat dominum cuius ancilla non erat, ut per eum ueniret ad dominum cuius an-  
cilla erat. Aliter ergo dominum dixit, sustulerunt dominum meum: aliter autem, domine si  
tu sustulisti eū: nam & prophetae appellauerunt dominos eos qui homines erant, sed aliter  
illum de quo scriptum est, Dominus nomen ei. Sed ista mulier quæ iam fuerat conuersa re-  
trorsum ut uideret Iesum, quando eum putauit esse hortulanum, & cum illo utiq; loqueba-  
tur, quomodo rursus conuersa dicitur, ut ei diceret, rabboni, nisi quia tunc conuersa cor-  
pore quod non erat putauit: nunc corde conuersa, quod erat agnouit? Dicit ei Iesus:  
Noli me tangere, nondum enim ascendi ad patrem meum: uade autem ad fratres me-  
os & dice eis, Ascendo ad patrem meum & patrem uestrum, deum meum & deum uest-  
rum.) Est in his uerbis quod breuiter quidem, sed tamen attentius pertractare de-  
bemus. Iesus quippe mulierem quæ illum magistrum agnouit & appellauit, cum hæc ei re-  
sponderet, fidem docebat, & hortulanus ille in eius corde, tanquam in horto suo granum  
synapis seminabat. Quid est ergo: noli me tangere? Et tanq̄ huius prohibitionis causa quæ  
reretur adiunxit: nōdum enim ascendi ad patrem meum. Quid est hoc, si stans in terra non  
tangitur, sedens in cœlo quomodo ab hominibus tangetur? Qui certe anteq̄ ascenderet, di-  
scipulis se tangendum obtulit dicens, sicut Lucas euangelista testatur: Palpate & uidete,  
quia spūs carnē & ossa non habet, sicut me uidetis habere: uel quando dixit discipulo Tho-  
mæ: Infer digitum tuum huc, & uide manus meas, & affer manum tuam, & mitte in latus  
meum. Quis autem tam sit absurdus, ut dicat eum à discipulis quidem anteq̄ ad patrem  
ascendisset, uoluisse se tangi, à mulieribus autem noluisse, nisi cum ascendisset ad patrē? Sed  
nec sic qui uellet, desipere sineretur. Leguntur enim etiam fœminæ post resurrectionem an-  
teq̄ ad patrē ascendisset, tetigisse Iesum, in quibus erat etiā ipsa Maria Magdalene narra-  
te Matthæo, quòd occurrerit illis Iesus dicens: Auete. Illæ autem accesserunt, inquit, & tenuerunt

Psal. 83

Luc. 24

Matth. 28



**A** runt pedes eius, & adorauerunt eum. Hoc à Ioanne pratermissum est, sed à Matthæo uerū dictum est: Restat ergo ut aliquod in his uerbis lateat sacramētum, quod siue inueniamus, siue inuenire minime ualeamus, inesse tamen nullo modo dubitare debemus. Aut ergo sic dictum est, noli me tangere, nondum enim ascēdi ad patrem meum, ut in illa fœmina figuraret ecclesia de gentibus quæ in Christum non credidit, nisi cū ascēdit ad patrē: aut sic in se credi uoluit Iesus, hoc est, sic se spiritaliter tangi, quod ipse & pater unum sunt. Eius quippe intimis sensibus quodammodo ascendit ad patrem, qui sic in eo profecerit ut patri agnoscat æqualem: aliter non recte tangitur, id est, aliter nō recte in eum creditur. Poterat autem sic credere Maria, ut eum putaret imparem patri, quod utiq; prohibetur cū ei dicitur: Noli me tangere, id est, noli in me sic credere quemadmodum adhuc sapias. Noli tuum sensum huc usq; pertendere quod pro te factus sum, nec transire illud per quod facta es. Quomodo enī non carnaliter adhuc in eum credebatur, quem sicut hominem flebat? Nondum enim ascendit, inquit, ad patrem meum. Ibi me tanges, quando me credideris patri non imparem deū. Vade autem ad fratres meos & dic eis: ascendo ad patrem meum & patrem uestrum: non ait, patrem nostrum: aliter ergo meum, aliter uestrum: natura meum, gratia uestrū. Et deū meum & deū uestrum: neq; hic dixit, deū nostrum, ergo & hic aliter meū, aliter uestrū: deū meum sub quo & ego homo sum: deū uestrum, inter quos & ipsum mediator sum. Venit Maria Magdalene annuncians discipulis, quia uidi dominum, & hæc dixit mihi. Cum esset ergo sero die illa una sabbatorum, & fores essent clausæ, ubi erant discipuli congregati propter metum Iudæorum, uenit Iesus & stetit in medio, & dixit eis, Pax uobis: & cum hoc dixisset, ostendit eis manus & latus.) Clauī enim manus fixerant, lancea latus eius aperuerat, ubi ad dubitantium corda sananda, uulnerum sunt seruata uestigia. Moli autem corporis ubi diuinitas erat, ostia clausa nō obstiterunt. Ille quippe non eis apertis intrare potuit, quo nascente uirginitas matris inuiolata permansit. Gausi sunt ergo discipuli uiso domi-

**B** no. Dixit ergo eis iterum: Pax uobis.) Iteratio confirmatio est, ipse quippe dat per prophetam promissam pacem super pacem. Sicut misit me pater, inquit, & ego mitto uos.) Æqualem patri filium nouimus, sed hic uerba mediatoris agnoscimus. Medium quippe se ostendit dicendo: ille me, & ego uos. Hæc autem cum dixisset, insufflauit & dixit eis: Accipite spiritū sanctū.) Insufflando significauit spiritū sanctum non patris solius esse spiritū, sed & suum. Quorum remiseritis, inquit, peccata remittuntur eis, & quorum retinueritis, retenta sunt.) Ecclesiæ charitas quæ per spiritum sanctum diffunditur in cordibus nostris, participum suorum peccata dimittit: eorum autem qui non sunt eius participes tenet, ideo posteaq; dixit: Accipite spiritum sanctum, hoc continuo de peccatorum remissione ac detē-tione subiicit: Thomas autem unus ex duodecim qui dicitur didymus, non erat cum eis, quando uenit Iesus. Dixerunt ergo ei alij discipuli: Vidimus dominum. Ille autem dixit eis: Nisi uidero in manibus eius fixuram clauorum, & mittam digitum meum in locum clauorum, & mittam manum meam in latus eius non credam. Et post dies octo, iterum erant discipuli eius intus, & Thomas cum eis. Venit Iesus ianuis clausis, & stetit in medio, & dixit eis, Pax uobis: deinde dicit Thomæ, Infer digitum tuum huc, & uide manus meas, & asser manum tuam, & mitte in latus meum, & noli esse incredulus, sed fidelis. Respondit Thomas & dixit: Dominus meus & deus meus.) Videbat tangebataq; hominem, & confitebatur deum, quem non uidebat neque tangebatur. Sed per hoc quod uidebat atque tangebatur, illud iā remota dubitatione credebat. Dicit ei Iesus, quia uidisti me, credidisti.) Nō ait tetigisti me, sed uidisti me, quoniā generalis quodāmodo sensus est uisus: nam & p alios quatuor sensus nominari solet, uelut cū dicimus, audi & uide q; bene sonet, olfac & uide q; bene oleat, gusta & uide quā bene sapiat, tange & uide q; bene caleat. Vbiq; sonuit uide, cum uisus proprie non negetur ad oculos pertinere. Vnde & hic ipse dominus: Infer, inquit, digitum tuum huc, & uide manus meas: quid aliud ait, quā tange & uide? Nec tamen oculos ille habebat in digito. Ergo siue intuendo siue etiā tangendo, quia uidisti me, inquit,

4. sen. dis. 18. c. nec  
ideo

credidisti, quous dici possit non ausum fuisse discipulum tangere, cum se offerret ille tangendum, non enim scriptum est, & tetigit Thomas: sed siue aspiciendo tantum, siue etiam tangendo uiderit & crediderit, illud quod sequitur, magis gentium fidem prædicat atque comendat. Beati qui non uiderunt & crediderunt.) Præteriti temporis usus est uerbis, tanquam ille qui quod erat futurum, in sua nouerat prædestinatione iam factum: sed iam sermo iste à prolixitate cohibendus est. Donabit dominus, ut de his quæ restant, aliàs disputemus.

De eo quod dicit: Multa quidem & alia signa fecit Iesus in conspectu discipulorum suorum, usque ad id quod ait: Ascendit Simon Petrus, traxit rete in terram plenum magnis piscibus centum quinquaginta tribus, & cum tanti essent, non est scissum rete: Tractatus CXXII.



Post narrationem rei gestæ, in qua Thomas discipulis oblati sibi tangendis in Christi carne uulnerum locis, uidit quod credere nolebat, & credidit, interponit hæc euangelista Ioannes & dicit: Multa quidem & alia signa fecit Iesus in conspectu discipulorum suorum quæ non sunt scripta in libro hoc. Hæc autem scripta sunt ut credatis quia Iesus est Christus filius dei, & ut credentes uitam habetis in nomine eius.) Hoc capitulum uelut libri huius indicat finem: sed narratur hic deinde quemadmodum se manifestauerit dominus ad mare Tyberiadis, & in captura piscium commendauerit ecclesiæ sacramentum, qualis futura est ultima resurrectio mortuorum. Ad hoc itaque commendandum ualere arbitror, quod tanquam finis interpositus est libri, quod esset etiam securæ narrationis quasi præmium, quod ei quodammodo faceret eminentiorem locum: quæ narratio incipit ita: Postea manifestauit se iterum Iesus ad mare Tyberiadis, manifestauit autem sic. Erant simul Simon Petrus & Thomas qui dicitur didymus, & Nathanaël qui erat à Galilæa, & filij Zebedæi, & alij ex discipulis eius duo. Dicit eis Simon Petrus: Vado piscari: dicunt ei: Venimus & nos tecum.) Quæri solet de hac piscatione discipulorum, cur redierint Petrus & filij Zebedæi ad id quod fuerunt priusquam à domino uocarentur, erant enim piscatores quando eis dixit: Venite post me, & faciam uos fieri piscatores hominum. Tunc enim quippe illi secuti sunt, ut magisterio eius relictis omnibus adhærerent, intantum ut cum ab eo diues ille tristis abscederet cui ipse dixerat: Vade, uende quæ habes & da pauperibus, & habebis thesaurum in cælo, & ueni sequere me, diceret ei Petrus: Ecce nos dimisimus omnia, & secuti sumus te. Quid est ergo quod nunc quasi apostolatu relicto fuerunt quod fuerunt, & quod dimiserant repetunt, tanquam obliti quod audierant: Nemo mittens manum super aratrum, & respiciens retro, aptus est regno cælorum: Quod si fecissent defuncto Iesu priusquam resurrexisset à mortuis, quod quidem non poterant, quoniã dies quo crucifixus est, totus eos tenebat attonitos, usque ad eius sepulturam, quæ ante uesperam facta est. Sequens autem dies erat sabbati, quando eis morè patrium seruantibus, operari utique non licebat. Tertio uero die dominus resurrexit, eosque reuocauit ad spem quã de illo non habere iam cœperant: tamen si tunc fecissent, putaremus eos illa quæ animos eorum occupauerat desperatione fecisse: nunc uero post eum sibi de sepulchro redditum uiuum, post oblata suis oculis & manibus, non solum uidentem, uerum etiam tangendam atque palpandam rediuiuam carnis euidentissimam ueritatem, post inspecta uulnerum loca, usque ad apostoli Thomæ confessionem, qui se aliter crediturum non esse prædixerat, post acceptum eius insufflatione spiritum sanctum, post uerba in suas aures eius ore prolata, Sicut misit me pater, & ego mitto uos, quorum remiseritis peccata remittuntur eis, & quorum retinueritis, retenta sunt, subito fiunt sicut fuerunt, non eos fuisse prohibitos arte sua licita scilicet res. His ergo quos hoc mouet respondendum est, non eos fuisse prohibitos arte sua licita scilicet atque concessa uictum necessarium querere, sui apostolatus integritate seruata, si quando unde uiuerent aliud non haberent: nisi forte quispiam putare audebit aut dicere, apostolum Paulum non pertinuisse ad eorum perfectionem, qui relictis omnibus Christum secuti sunt, quoniã ne quenquam eorum grauaret quibus euangelium prædicabat, suum uictum suis manibus transigebat, ubi magis impletum est quod ait: Plus omnibus illis laboraui: & adiunxit: Non autem ego,

Capitulum XXI

Matth. 4

Matth. 19

Luc. 9



A ego, sed gratia dei mecum, ut hoc quoque appareat dei gratiae deputandum, quod & animo & corpore poterat usque adeo plus illis omnibus laborare, ut neque cessaret ab euangelio praedicando, neque tamen ex euangelio sicut illi sustentaret hanc uitam, cum id per tot gentes in quibus Christi nomen fuerat prophetatum, multo latius atque fertilius seminaret. Vbi ostendit ex euangelio uiuendi, hoc est uictum habendi, non necessitate apostolis impositam, sed potestate datam. Quam potestatem commemorat idem Apostolus dicens: Si nos uobis spiritualia seminamus, magnum est si uestra carnalia metamus: Si alij potestatis uestrae particeps sunt, non magis nos: Sed non sumus, inquit, usi hac potestate. Et paulopost: Qui altario seruiunt, inquit, altario compartiuntur: sic & dominus ordinauit his qui euangelium annunciant de euangelio uiuere: ego autem nullo horum usus sum. Satis igitur apertum est, non imperatum, sed in potestate apostolis positum, ut aliunde non uiuerent nisi ex euangelio, & ab eis quibus euangelium praedicando spiritualia seminabant, carnalia meterent, hoc est, carnis huius sustentaculum sumerent, & tanquam milites Christi, stipendium debitum acciperent, sicut a provincialibus Christi: unde idem ipse miles egregius paulo superius de hac re dixerat: Quis militat suis stipendijs unquam? Quod tamen ipse faciebat, quia plus illis omnibus laborauit. Si ergo beatus Paulus ut ea potestate quam profecto cum ceteris euangelij praedicatoribus habebat, non cum ceteris uteretur, sed suo stipendio militaret, ne gentes a nomine Christi penitus alienas doctrina eius quasi uenalis offenderet, aliter educatus, artem quam non nouerat didicit, ut dum suis manibus transigitur doctor, nullus grauaretur auditor: quanto magis beatus Petrus qui iam piscator fuerat, quod nouerat fecit, si ad praesens illud tempus aliud unde uiueret non inuenit. Sed respondebit quispiam: Et cur non inuenit, cum dominus promiserit dicens: Quaerite primum regnum dei & iusticiam eius, & haec omnia apponentur uobis. Prorsus etiam sic dominus quod promisit impleuit: nam quis alius pisces qui caperentur apposuit, qui non ob aliud credendus est eis ingessisse penuriam qua compellerent ire piscatum, nisi dispositum uolens exhibere miraculum, ut simul & praedicatores euangelij sui pasceret, & ipsum euangelium tanto sacramento quod erat de numero piscium, commendaturus augeret? De qua re etiam nos quod ipse apposuerit, dicere iam debemus. Dicit ergo Simon Petrus: Vado piscari. Dicunt ei qui cum illo erant: uenimus & nos tecum. Et exierunt & ascenderunt in nauim, & illa nocte nihil prendiderunt. Mane autem iam facto stetit Iesus in litore, non tamen cognouerunt discipuli quia Iesus est. Dicit ergo eis Iesus: Pueri, nunquid pulmentarium habetis? Responderunt, non. Dicit eis: Mittite in dexteram nauigij rete, & inuenietis. Miserunt ergo, & iam non ualebant illud trahere a multitudine piscium. Dicit ergo discipulus ille quem diligebat Iesus, Petro: dominus est. Simon Petrus cum audisset quia dominus est, tunica succinxit se, erat enim nudus, & misit se in mare. Alij autem discipuli nauigio uenerunt. Non enim longe erant a terra, sed quasi cubitis ducentis trahentes rete piscium. Ut ergo descenderunt in terram, uiderunt prunas positas, & piscem superpositum, & panem. Dicit eis Iesus: Afferte de piscibus quos prendidistis nunc. Ascendit Simon Petrus, & traxit rete in terram plenum magnis piscibus, centum quinquaginta tribus. Et cum tanti essent, non est scissum rete. Hoc est magnum sacramentum in magno Ioannis euangelio, & ut uehementius commendaretur, loco ultimo scriptum. Quod ergo septem discipuli fuerunt in ista piscatione, Petrus & Thomas, & Nathanael, & duo filij Zebedaei, & alij discipuli eius duo, quorum nomina tacetur, isti suo septenario numero finem significant temporis: uniuersum quippe septem diebus uoluitur tempus. Ad hoc pertinet quod mane facto Iesus stetit in litore, quia etiam litus finis est maris, & ideo finem significat seculi. Eundem finem seculi ostendit, & quod Petrus rete traxit in terram, hoc est in litus. Quod ipse dominus aperuit, ubi alio quodam loco de sagena in mare missa similitudinem dedit, & eam trahunt, inquit, ad litus. Quod litus quid esset, exponens ait: Sic erit in consummatione seculi. Sed illa uerbi est, non rei gestae parabola. Re autem gesta sicut hoc loco qualiter in seculi fine futura sit, ita dominus alia piscatione significauit ecclesiam qualiter nunc sit. Quod autem illud fecit in initio praedicationis suae

nis suæ, hoc uero post resurrectionem suam, hinc ostendit illam capturam pisciū, bonos & malos significare, quos nunc habet ecclesia: istam uero tantūmodo bonos, quos habebit in æternum, cōpleta in fine huius seculi resurrectione mortuorū: deniq; ibi Iesus non sicut hic in litore stabat, quando iussit pisces capi: sed ascendēs in unam nauim quæ erat Simonis, rogauit eum ut à terra reduceret pusillum, & in ea sedens docebat turbas. Vt cessauit autē loqui, dixit ad Simonem: Duc in altum, & laxate retia uestra in capturam. Et illic quod captū est piscium in nauiculis fuit, non sicut hic rete extraxerunt in terram. His signis & si qua alia poterunt reperiri, ibi ecclesia in hoc seculo, hic uero in fine seculi figurata est: ideo illud ante, hoc autem post resurrectionem dñi factum est, quia ibi nos Christus significauit uocatos, hic resuscitados. Ibi retia non mittuntur in dexterā, ne solos significant bonos, nec in sinistrā, ne solos malos, sed indifferenter, laxate, inquit, retia uestra in capturam, ut permixtos intelligamus bonos & malos: hic autē, inquit, mittite in dexteram nauigij rete, ut significaret eos qui stabant ad dexteram solos bonos. Ibi rete propter significāda schismata rumpebatur: hic uero quoniam tunc in illa summa pace sanctorum nulla erunt schismata, pertinuit ad euangelistam dicere, & cum tanti essent, id est, tam magni, non est scissum rete, tanq; illud respiceret ubi scissum est, & in illius mali comparatione cōmendaret hoc bonum. Ibi capta est multitudo piscium tanta, ut impleta duo nauigia mergerentur, id est, in submersionem premerentur: non enim merfa sunt, sed tamen periclitata. Vnde enim existunt in ecclesia tanta quæ gemimus, nisi cum tantæ multitudini obfisti non potest, quæ ad submergendam partem modum disciplinam intrat, cum moribus suis à sanctorum itinere penitus alienis: Hic autem miserunt rete in dexteram partem, & iam non ualebant illud trahere præ multitudine piscium. Quid est, iam non ualebant illud trahere, nisi quia illi qui pertinent ad resurrectionem uitæ, id est, ad dexteram, & intra Christiani nominis retia defunguntur, non nisi in litore, id est, in fine seculi cum resurrexerint, apparebunt: Ideo non ualuerunt sic trahere retia ut in nauem refunderent quos ceperant pisces, sicut de illis omnibus factum est, quibus rete diruptum, & nauiculæ pressæ sunt. Habet autem istos dextros ecclesia post finem uitæ huius in somno pacis, uelut in profundo latentes, donec ad litus rete perueniat quod trahebatur, quasi à cubitis ducentis. Quod autem illic duabus nauiculis propter circūcisionē & præputium, hoc isto loco ducentis cubitis existimo figuratum, propter utriusq; generis electos, & circūcisionis & præputij, tanquam centum ad centum, quia in summa centenarij numerus ad dexteram transit. Postremo in illa piscatione numerus piscium non exprimitur, tanq; illud ibi fiat quod prædictum est per prophetam: Annunciaui & locutus sum, multiplicati sunt sup numerū. Hic uero nō sunt aliq; super numerū, sed certus est numerus centū quinquagintatres: cuius numeri ratio dño adiuuante reddenda est: si enim numerū cōstituamus qui legem significet, quid erūt nisi decem? Decalogum quippe legis, id est, decem notissima illa præcepta digito dei duabus lapideis tabulis primū fuisse cōscripta, certissimū nobis est. Sed lex quando nō adiuuat gratia præuaricatores facit, & tantūmodo in littera est. Propter hoc enim maxime ait Apostolus: Littera occidit, spūs autē uiuificat. Accedat ergo ad litterā spūs, ne occidat littera quæ non uiuificat spiritus, sed ut operemur præcepta legis, nō uiribus nostris, sed munere saluatoris. Cum autem accedit ad legem grātia, id est, ad litteram spiritus, quodammodo denario numero additur septenarius. Isto quippe numero, id est, septenario, significari spiritum sanctum aduertenda litterarum sacrarum documenta testantur. Nempe enim sanctitas uel sanctificatio ad sanctū pprie pertinet spiritū: unde cum & pater spūs sit, & filius spiritus sit, quoniā deus spiritus est, & pater sanctus, & filius sanctus sit, proprio tamē nomine amborū spūs uocat spūs sanctus. Vbi ergo primū in lege sonuit sanctificatio, nisi in die septimo? Non enim sanctificauit deus diem primū in quo fecit lucem, aut secundū in quo firmamētū, aut tertiū in quo discreuit mare à terra, & terra herbam lignūq; produxit, aut quartum in quo sydera sunt creata, aut quintū in quo animalia quæ in aquis uiuunt & in aëre uolitant, aut sextū, in quo terrestris anima uiua & ipse homo: sed sanctificauit



**A** fcauit diem septimum, in quo requieuit ab operibus suis. Cōuenienter igit septenario numero significatur spūs sanctus. Esaias etiā propheta: Requiescet, inquit, in eo spūs dei, eūq; deinceps cōmendans opere uel numero septenario: Spūs, inquit, sapientiæ & intellectus, spūs ritus consilij & fortitudinis, spūs scientiæ & pietatis, impleuit illū spiritus timoris dei. Quid in Apocalypsi? Nōne septem spūs dei dicūtur, cum sit unus atq; idē spiritus, diuidens propria unicuiq; prout uult. Sed operatio septenaria unius spūs sic appellata est ab eodem spiritu, qui scribenti affuit ut septem spūs diceretur. Cum itaq; legis denario spūs sanctus per septenarium numerū accedit, fiunt decem & septem, qui numerus ab uno usq; ad seipsum cōputatis omnibus crescens, ad centū quinquagintatres peruenit. Ad unū enim si adijcias duo, fiunt utiq; tres, his si adijcias tres & quatuor, fiunt decem: deinde si adijcias omnes numeros qui sequūtur usq; ad decem & septem, ad supradictū numerum summa perducitur, id est, si ad decem, quod ab uno usq; ad quatuor perueneras, addas quinque fiunt quindecim. His addas sex, & fiunt uigintiunum, his addas septē, & fiunt uigintiocto, his addas octo, & nouemdecem, & fiunt quinquagintaquinque: his addas undecim & duodecim & tredecim, & fiunt nonagintaunum: his rursus quatuordecim & quindecim & sedecim, & fiunt centū triginta sex: huic numero adde illum qui restat de quo agitur, id est, decem & septem, & piscium numerus ille complebitur. Nō ergo tantūmodo centum quinquagintatres sancti ad uitam resurrecturi significant aternam, sed milia sanctorū ad gratiam spūs pertinentiū, quā gratia cū lege dei tanq; cū aduersario cōcordat, ut uiuificāte spū littera nō occidat: sed quod per litteram iubetur, spiritu adiuuante cōpleatur, & si quid minus sit, remittatur. Omnes ergo ad istam gratiā pertinentes, hoc numero figurātur, hoc est, figurati significantur. Qui numerus ter habet etiam quinquagenariū numerū, & insuper ipsa tria propter mysterium trinitatis. Quinquagenarius aut multiplicatis septem per septē, & unius adiectione cōpletur: nam septies septem fiunt quadragintanouem. Vnus autem additur, ut eo significet unum esse, quod per septem ppter operationē septenariam demonstratur: & nouimus spiritū sanctum post ascensionē dñi quinquagesimo die missum, quē discipuli iussi sunt expectare pmissum. Nō igitur frustra dicti sunt hi pisces, & tot & tanti, id est, & centū quinquagintatres, & magni: sic enim scriptum est: Et traxit rete in terram plenum magnis piscibus centū quinquagintatribus. Cum enim dixisset dñs: Non ueni soluere legem sed implere, daturus utiq; spiritū per quem lex posset impleri, tanq; septē additurus ad decem, paucissimis uerbis interpositis ait: Qui ergo soluerit unū de mandatis istis minimis, & docuerit sic homines, minimus uocabitur in regno cœlorū: qui autem fecerit & docuerit, magnus uocabitur in regno cœlorū: iste ergo poterit pertinere ad numerū piscium magnorum. Minimus autem ille qui soluit factis quod docet uerbis, in tali ecclesia potest esse, qualem significat pisciū prima illa captura, habentem bonos & malos, quia & ipsa dicitur regnum cœlorū, propter quod ait: Simile est regnum cœlorū sagenæ missæ in mare, & ex omni genere piscium cōgreganti. Vbi uult intelligi etiam bonos & malos, quos dicit in litore, id est, sine seculi separandos: deniq; ut ostenderet istos minimos reprobos esse qui docent bona loquendo, quæ soluunt male uiuēdo, nec quasi minimos in uita æterna futuros, sed omnino ibi non futuros, cum dixisset minimus uocabitur in regno cœlorum, continuo subiecit: Dico enim uobis, quia nisi abundauerit iusticia uestra plus quā scribarum & pharisæorum, nō intrabitis in regnum cœlorū. Isti sunt certe scribæ & pharisæi, qui cathedram Moyli sedent, & de quibus ait: Quæ dicūt facite, quæ autem faciunt, facere nolite: dicunt enim & non faciunt, docent sermonibus quod soluunt moribus. Cōsequens est ergo, ut qui minimus est in regno cœlorū qualis nūc est ecclesia, nō intret in regnum cœlorū, qualis tunc erit ecclesia, quoniā docendo quod soluit, ad eorum societatem qui faciunt quod docent non pertinebit. Et ideo non erit in numero piscium magnorū, quoniam qui fecerit & docuerit, magnus uocabitur in regno cœlorū. Et quia hic magnus erat, ideo ibi erit ubi minimus ille non erit, usq; adeo quippe ibi magni erūt, ut q minor ibi est, maior sit eo quo hic nemo maior est: sed tñ q hic magni sūt, id est, q in regno cœlorū ubi sagna

Esa. 11

Apoc. 3

Matth. 5

Matth. 13

Matth. 23

sagena congregat bonos & malos, faciunt bona quæ docent, ipsi erunt in illa regni cælorum æternitate maiores, quos isti ad dexteram & ad resurrectionem uitæ pertinentes indicant pifces. Sequitur de prandio domini cum istis septem discipulis, & de his quæ post prandium locutus est, ac de ipsius euangelij termino, ut deus quod donauerit disseramus, sed hoc non est isto sermone coartandum.

De eo quod dicit eis Iesus: Venite prandete, usq; ad id quod ait: Hoc autē dixit, significans qua morte clarificaturus esset deum: Tractatus CXXXIII.



**N**e eo quod tertio dominus post resurrectionem manifestauit se discipulis suis, beati Ioannis apostoli euangelium terminatur: in quo iam pertractauimus ut ualuimus partem priorem, usq; ad eum locum ubi narratum est captos fuisse pifces centum quinquagintatres à discipulis quibus se demonstrauit, & cum magnum essent, retia non esse rupta: deinde quæ sequuntur consideranda sunt, & quantum adiuuat dominus sicut res postulare uidebitur disserenda. Peracta quippe illa piscatione, dixit eis Iesus: Venite prandete. Et nemo audebat discumbētium interrogare eum, tu quis es, scientes quia dominus est. Si ergo sciebant, quid opus erat ut interrogarent? Si autem non opus erat, quare dictum est, non audebant, quasi opus esset, sed timore aliquo non auderent? Sensus ergo hic est, tanta erat euidentia ueritatis qua Iesus illis discipulis apparebat, ut eorum non solum negare, sed nec dubitare quidem ullus auderet, quoniā si quisq; dubitaret, utiq; interrogare deberet: sic ergo dictum est, nemo audebat eum interrogare, tu quis es, ac si diceretur, nemo audebat dubitare q; ipse esset. Et uenit Iesus & accepit panē, & dat eis, & piscem similiter. Ecce dictum est etiam quid pranderent, de quo prandio aliquid suaue ac salubre dicemus & nos, si pascat & nos. Superius narratum est q; isti discipuli quando descendunt in terram, uiderunt prunas positas, & piscem superpositum, & panem. Vbi non est intelligendum etiam superpositum panem fuisse prunis, sed tantum subaudiendum uiderunt. Quod uerbum si repetamus eo loco ubi subaudiendum est, ita totum dici potest: uiderunt prunas positas, & piscem superpositum, & uiderunt panem. Vel ita potius, uiderunt prunas positas, & piscem superpositum, uiderunt & panem. Iubente etiam domino attulerunt & de piscibus quos ipsi ceperant, quod eos fecisse, quousq; à narrante Ioanne non esset expressum, tamen dominum fuisse non tacitum est, ait enim: Afferte de piscibus quos prendidistis nunc. Et utiq; iubente illo eos non fecisse quis credat? Hinc ergo fecit prandium dominus illis septem discipulis suis, de pisce scilicet quem prunis superpositum uiderant, huic adiungens ex illis quos ceperant, & de pane quem nihilominus eos uidisse narratum est. Pifcis assus Christus est passus. Ipse est & panis uiuus qui de cælo descendit: huic incorporat ecclesia ad participandam beatitudinem sempiternam, propter quod dictū est: Afferte de piscibus quos prendidistis nunc, ut omnes qui hanc spem gerimus, per illum septenariū numerum discipulorum, per quem potest hoc loco nostra uniuersitas intelligi figurata, tanto sacramento nos cōmunicare nossemus, & eidem beatitudini sociari. Hoc domini prandium est cum discipulis suis, ad quod Ioannes euangelium suū cum haberet de Christo alia multa quæ diceret magna, ut existimo, ex rerum magnarum contemplatione cōcludit. Hic enim ecclesia qualis in solis bonis futura est, significatur per capturam centum quinquagintatriū piscium, & eis qui hæc credunt, sperant, diligunt, participatio tantæ beatitudinis per hoc prandium demonstratur. Hoc iam tertio, inquit, manifestatus est Iesus discipulis suis cum surrexisset à mortuis. Quod non ad ipsas demonstrationes, sed ad dies referre debemus, id est, primo die cum surrexit, & post dies octo quādo discipulus Thomas uidit & credidit, & hodie quando hoc de piscibus fecit. Post quot autem dies id fecerit, dictum non est: nam ipso primo die non est uisus semel, sicut euangelistarum omnium testimonia collata demonstrant: sed sicut dictum est, secundum dies numerandæ sunt manifestationes eius, ut ista sit tertia. Prima quippe habenda est, eademq; una propter unum diem, quotiescunq; se & quibuscunq; die illo quo surrexerit ostendit: secunda post dies octo, & hæc tertia, & deinde quotiens



A quotiens uoluit usque ad diem quadragesimum quo ascendit in cœlum, quamuis non scripta  
 sint omnia. Cū ergo prandissent, dicit Simoni Petro, Simon Ioannis diligis me plus his?  
 Dicit ei, Etiam domine, tu scis quia amo te. Dicit ei, Pasce agnos meos. Dicit ei iterū, Simon  
 Ioannis diligis me? Ait illi, Etiam domine, tu scis quia amo te. Dicit ei, Pasce agnos meos. Di  
 cit ei tertio, Simon Ioannis amas me? Contristatus est Petrus, quia dixit ei tertio, amas me,  
 & dicit ei, Domine tu omnia scis, tu scis quia amo te. Dicit ei, Pasce oues meas. Amen amen  
 dico tibi, cum esses iunior, cingebas te & ambulabas ubi uolebas, cum autem senueris, exten  
 des manus tuas, & alius te cinget, & ducet quod tu non uis. Hoc autem dixit, significans qua  
 morte clarificaturus esset deum. Hunc inuenit exitū ille negator & amator, præsūmēdo cla  
 tus, negādo prostratus, flendo purgatus, confitēdo probatus, patiēdo coronatus, hunc inue  
 nit exitum, ut pro eius nomine perfecta dilectione moreretur, cū quo se moriturū peruersa  
 festinatione promiserat, faciat eius resurrectione firmatus, quod immature pollicebatur in  
 firmus. Hoc enim oportebat ut prius Christus pro Petri salute, deinde Petrus pro Christi  
 prædicatione moreretur. Præposterum fuit quod audere cœperat humana temeritas, cum  
 istum disposuisset ordinē ueritas: Animam suā se positurum pro Christo Petrus putabat,  
 pro liberatore liberandus, cum Christus uenisset animam suā positurus pro suis omnibus,  
 in quibus erat & Petrus. Quod ecce iā factum est: nunc iam firmitas cordis ad suscipiendam  
 mortem pro nomine domini uera ipso donante sumatur, non falsa nobis erratibus præsu  
 matur. Nunc est ut uitæ huius nō metuamus interitū, quia resurgēte domino uitæ alterius  
 præcessit exemplum: nunc est Petre ut mortē non timeas, quia uiuit quē mortuū dolebas,  
 & quem pro nobis mori carnali amore prohibebas. Ausus es præuenire doctorem, formi  
 dasti eius persecutorem, iam precio pro te fuso, nunc est ut sequaris redemptorē, & sequaris  
 omnino usque ad mortem crucis. Verba eius audisti, quem iam ueracem probasti: pasurum  
 te ipse prædixerat, qui te prædixerat negaturum. Sed prius dominus quod sciebat interro  
 gat, nec semel sed iterum ac tertio, utrū Petrus eum diligat, nec aliud totiens audit à Petro  
 B quā se diligere: nec aliud totiens commēdat Petro, quā suas oues pasci. Redditur negationi trinæ  
 trina cōfessio, ne minus amoris lingua seruiat quā timori, & plus uocis eliciuisse uideatur mors  
 imminens quā uita præsens. Sit amoris officium, pascere dominicum gregem, si fuit timoris  
 indicium, negare pastorem. Qui hoc animo pascūt oues Christi, ut suas uelint esse, nō Chri  
 sti, se conuincuntur amare, non Christum, uel gloriandi, uel dominandi, uel acquirendi cupi  
 ditate, non obediendi & subueniendi & deo placendi charitate. Contra hos ergo uigilat to  
 tiens inculcata ista uox Christi, quos Apostolus gemit sua quærere, non quæ Iesu Christi.  
 Nam quid est aliud, diligis me, pasce oues meas, quā si diceretur, si me diligis, non te, pascere  
 cogita sed oues meas, & sicut meas pasce, nō sicut tuas, gloriā meam in eis quære, non tuam,  
 dominium meum, non tuum, lucra mea, nō tua, ne sis in eorū societate qui pertinent ad tem  
 pora periculosa seipsum amātes, & cætera quæ huic malorum initio connectuntur: cū enim  
 dixisset Apostolus, Erunt enim homines seipsum amantes: secutus adiunxit, Amatores pe  
 cunia, elati, superbi, blasphemici, parentibus nō obediētes, ingrati, scelesti, irreligiosi, sine affe  
 ctione, detractores, incontinentes, immites, sine benignitate, proditores, procaces, cæcati, uo  
 luptatum amatores magis quā dei, habētes speciem pietatis, uirtutem autē eius abnegantes.  
 Hæc omnia mala ab eo uelut fonte manantia, quod primū posuit seipsum amātes. Merito  
 dicitur Petro, diligis me, & respondet amo te, ei quæ refertur, pasce agnos meos, & hoc iterum,  
 hoc tertio: ubi etiā demonstratur unum atque idem esse amorem & dilectionem: nam etiam  
 dominus nouissime non ait, diligis me, sed amas me. Non ergo nos sed ipsum amemus, &  
 in pascendis ouibus eius ea quæ sunt eius, nō ea quæ sunt nostra quæramus. Nescio enim  
 quo inexplicabili modo quisquis seipsum, non deum amat: & quisquis deum non seipsum  
 amat, ipse se amat: qui enim non potest uiuere de se, moritur utique amando se: non ergo se  
 amat, qui ne uiuat se amat. Cū uero ille diligitur de quo uiuitur, nō se diligendo magis dili  
 git, qui propterea se nō diligit, ut eū diligat de quo uiuit. Non sint ergo seipsum amātes qui  
 K pascunt

pascunt oves Christi, nec tanq̃ suas, sed tanq̃ ipsius eas pascant: & uelint ex illis sua lucra conquirere, sicut amatores pecuniæ, uel eis dominari, sicut elati, uel gloriari de honoribus quos ab eis sumūt, sicut superbi, uel intantū progredi ut etiā hæreses faciāt, sicut blasphemī, nec cedant sanctis patribus, sicut parentibus nō obedientes, & eis qui illos corrigere uolūt, mala pro bonis reddant, sicut ingrati, interficiant animas & suas & alienas, sicut scelesti, mala ecclesiæ uiscera dissipent, sicut irreligiosi, nō compatiātur infirmis, sicut sine affectione, famam sanctorum maculare conētur, sicut detractores, cupiditates pessimas nō refrenent, sicut incōtinentes, exerceāt lites, sicut immites, nesciant subuenire, sicut sine benignitate, indigent inimicis piorum quæ occultanda cognouerant, sicut proditores, humanā uerecundiam inuerecūda exagitatione perturbent, sicut procaces, nō intelligant neq; quæ loquūtur, neq; de quibus affirmāt, sicut cæcati, laticias carnales spiritualibus gaudijs anteponan, sicut uoluptatum amatores magis q̃ dei. Hæc enim atq; huiusmodi uitia, siue uni homini accedant omnia, siue his alia, illis alia dominantur, ex illa radice quodammodo pullulant, cū sint homines seipsos amātes. Quod uitium maxime cauendū est eis qui pascunt oves Christi, ne sua quærāt, sed quæ Iesu Christi, & in usus cupiditatum suarū conferant, pro quibus sanguis fusus est Christi. Cuius amor in eo qui pascit oves eius, in tam magnum debet spiritalem crescere ardorem, ut uincat etiā mortis naturalem timorem quo mori nolumus, & quādo cum Christo uiuere uolumus. Nam & apostolus Paulus dicit se habere concupiscentiā dissolui & esse cum Christo, ingemiscit tamen grauatus, & nō uult spoliari sed superuestiri, ut absorbeat mortale à uita. Et huic dominus dilectori suo, Cū senueris, inquit, extēdes manus tuas, & alius te cinget, & ducet te quō tu non uis. Hoc autē ei dixit, significans qua morte clarificaturus esset deum. Extēdes, inquit, manus tuas, hoc est crucifigeris. Ad hoc autē ut uenias, alius te cinget, & ducet non quō uis, sed quō nō uis, prius dixit q̃ fieret, & deinde quomodo fieret. Nō enim crucifixus, sed utiq; crucifigēdus quō nollet est ductus: nā crucifixus non quō nolebat abiit, sed potius quō uolebat: solutus quippe à corpore uolebat esse cum Christo, sed si fieri posset, præter mortis molestiā uitā cōcupiscebat æternā: ad quam molestiam nolens ductus est, sed ab ea uolēs eductus est: nolens ad eam uenit, sed uolens eam uicit, & reliquit hūc infirmitatis affectū quo nemo uult mori, usque adeo naturalem, ut eum beato Petro nec senectus auferre potuerit, cui dictū est, Cum senueris, duceris quō non uis. Propter nos cōsolandos etiā in se figurauit ipse saluator, dicens, Pater si fieri potest, trāscat à me calix iste: qui utiq; mori uenerat, nec habebat mortis necessitatem sed uolūtatem, potestate positurus animā suā, & rursus eam potestate sumpturus. Sed molestia quantacūq; sit mortis, debet eā uincere uis amoris, quo amatur ille qui cum sit uita nostra, etiā mortem uoluit perferre pro nobis: nā si nulla esset mortis uel parua molestia, non esset tam magna martyri gloria. Sed si pastor bonus qui posuit animā suā pro ouibus suis, ex ipsis ouibus tam multos sibi martyres fecit: quanto magis debent usq; ad mortē pro ueritate certare, & usq; ad sanguinē aduersus peccatū, quibus oves ipsas pascēdas, hoc est, docēdas regēdasq; committit. Ac per hoc præcedēte passionis eius exemplo, quis nō uideat magis debere imitando pastori hærere pastores, si eum multæ etiam imitatae sunt oves, sub quo pastore uno in grege uno & pastores ipsi sunt oves. Omnes quippe fecit suas oves, pro quibus est omnibus passus, quia & ipse ut pro omnibus pateretur, ouis est factus.

De eo quod dicit, Et cum hoc dixisset, dicit ei, sequere me, usq; in finem.

Tractatus CXXIII.



NON PARUA quæstio est, cur apostolo Petro quando se tertio manifestauit discipulis, dixerit Iesus, Sequere me: de apostolo autem Ioanne, Sic cum uolo manere donec ueniam, quid ad te? Huic quæstioni quantū dominus ipse donauerit, siue pertractādæ, siue soluendæ, sermonem nouissimum huius operis impendimus. Cū ergo prænunciasset dominus Petro, qua morte clarificaturus esset deum, dicit ei, Sequere me. Cōuersus Petrus uidit illū discipulum quē diligebat Iesus, sequentem, qui



A qui & recubuit in cœna super pectus eius, & dixit, Domine, quis est qui tradet te? Hinc ergo cum uidisset Petrus, dicit Iesu, Domine, hic autem quid? Dicit ei Iesus, Sic cum uolo manere donec ueniam, quid ad te? Tu me sequere. Exijt ergo sermo iste inter fratres, quia discipulus ille non moritur: & non dixit ei Iesus, non moritur, sed sic eum uolo manere donec ueniam, quid ad te? Ecce quousque in hoc euangelio extenditur quaestio, quae sua profunditate non mediocriter mentem scrutantis exercet. Cur enim dicitur Petro, sequere me, nec dicitur ceteris qui simul aderant? Et profecto eum sicut magistrum discipuli sequebantur. Sed si ad passionem intelligendum est, nunquid solus pro Christiana ueritate passus est Petrus? Nonne ibi erat in illis septem alius filius Zebedaei frater Ioannis, qui post eius ascensionem ab Herode manifestatur occisus? Verum aliquis dixerit, quoniam Iacobus non erat crucifixus, merito dictum est Petro, sequere me, qui non solum mortem, sed etiam mortem crucis sicut Christus expertus est. Sit hoc, si nihil aliud quod sit conuenientius potuerit inueniri. Cur ergo de Ioanne dictum est, sic eum uolo manere donec ueniam quid ad te? & repetitum est, tu me sequere? Tanquam ille ideo non sequeretur, quoniam eum manere uoluit donec ueniat. Quis facile aliud dictum esse credat, quam quod fratres crediderant qui tunc aderant, eo quod scilicet non esset discipulus ille moriturus, sed donec Iesus ueniret, iste maneret in uita? Sed hanc opinionem Ioannes ipse abstulit, non hoc dixisse dominum aperta contradictione declarans. Cur enim subiungeret, non dixit Iesus, non moritur, nisi ne hominum cordibus quod falsum fuerat inhereret? Sed cui placet, adhuc resistat & dicat uerum esse quod ait Ioannes, non dixisse dominum quod discipulus ille non moritur, sed hoc tamen significatum esse talibus uerbis qualia eum dixisse narrauit, & asserat apostolum Ioannem uiuere, atque in illo sepulchro eius quod est apud Ephesum, dormire eum potius quam mortuum iacere contendat. Assumat in argumentum, quod illic terra sensim scatere, & quasi ebullire perhibetur, atque hoc eius anhelitu fieri, siue constanter, siue pertinaciter asseueret. Non enim possunt deesse qui credant, si non desunt qui etiam Moysen afferant uiuere, quia scriptum est: eius sepulchrum non inueniri, & apparuit cum domino in monte ubi & Helias fuit, quem mortuum legimus non esse sed raptum: quasi Moysi corpus non potuerit alicubi sic abscondi, ut prorsus homines lateret ubi esset, atque inde ad horam diuinitus excitari, quando cum Christo Helias & ipse sunt uisi: sicut ad horam multa sanctorum corpora surrexerunt, quando passus est Christus, & post eius resurrectionem apparuerunt multis in sancta, sicut scriptum est, ciuitate. Sed tamen ut dicere coeperam, si quidam Moysen mortuum negant, quae scriptura ipsa, licet sepulchrum eius nusquam inueniri legimus, mortuum tamen esse sine ulla ambiguitate testatur: quanto magis Ioannes ex istorum occasione uerborum ubi dominus ait, sic eum uolo manere donec ueniam, creditur uiuus dormire sub terra? Quem tradunt etiam, quod in quibusdam scripturis quamuis apocryphis reperitur, quando sibi fieri iussit sepulchrum, incolumem fuisse praesentem, eo quod effosso & diligentissime preparato, ibi eum se tanquam in lectulo collocasse, statimque eum esse defunctum. Ut autem isti putant qui haec uerba domini sic intelligunt, non defunctum, sed defuncto similem cubasse, & cum mortuus putaretur, sepultum fuisse dormientem, & donec Christus ueniat sic manere, suamque uitam scaturigine pulueris indicare, qui puluis creditur ut ab imo ad superficiem tumuli ascendat, flatu quiescentis impelli, huic opinioni superuacaneum existimo reluctari. Viderunt enim qui locum sciunt, utrum hoc ibi faciat uel patiat terra quod dicitur, quia & reuera non a leuibus hominibus id audiuius. Interim credamus opinioni quam certis documentis refellere non ualemus, ne rursus aliud quod a nobis quaeratur exurgat: cur super humanum mortuum ipsa humus quodammodo uiuere ac spirare uideatur? Sed nunquid hinc tanta soluitur quaestio, si magno miraculo, qualia potest facere omnipotens, tamdiu uiuum corpus in sopore sub terra est, donec ueniat terminus seculi? Quinimodo sit amplior & difficilior, cur discipulo Iesus quem diligebat praeter ceteris, intantum ut super pectus eius discumbere mereretur, pro magno munere longum in corpore donauerit somnum, cum beatum Petrum per ingentem martyrii gloriam, ab onere ipsius corporis soluerit, ei quod concesserit quod apostolus Paulus se concupisse dixit

& scripsit dissolui & esse cū Christo: Si autē quod magis creditur, ideo sanctus Ioannes ait, non dixisse dominum, nō moritur, ne illis uerbis quæ dixit, hoc uoluisse intelligi putaretur, corpusq; eius in sepulchro eius exanime sicut aliorum mortuorum iacet, restat ut si uere ibi sit quod sparsit fama de terra, quæ subinde ablata succrescit, aut ideo fiat ut eo modo commendetur preciosa mors eius, quā nequaquā commendat martyrium, nō enim eum pro fide Christi persecutor occidit, aut propter aliquid aliud quod nos latet, manet tamen quaestio, cur dixerit dominus de homine morituro, sic eū uolo manere donec ueniam. Illud etiam in his duobus apostolis Petro & Ioanne quē non moueat ad quarendum, cur Ioannem plus dilexerit dominus, cū ipsum dominū plus dilexerit Petrus: Vbiq; enim se cōmemorat Ioānes, ut nomine suo tacito ipse posset intelligi, hoc addit q; eū diligebat Iesus, quasi solū diligeret, ut hoc signo discernetur à cæteris, quos utiq; omnes diligebat. Quid ergo nisi amplius se dilectū cū hoc diceret, uolebat intelligi, quod absit ut mendaciter diceret: Quod autem maius dare potuit Iesus maioris erga eū suæ dilectionis indicium, q; ut homo cum cæteris cōdiscipulis suis socius tantæ salutis, solus tamen discubuerit super pectus ipsius saluatoris: Porro q; apostolus Petrus plus alijs dilexit Christum, possunt quidē documenta multa proferri, sed ut longe in alia nō eamus, in ipsius tertiæ manifestationis domini paulo superiore lectione quæ istam præcedit, satis euidenter apparet, ubi interrogans eum, dixit, diligis me plus his: Quod utiq; sciebat, & tamē interrogabat, ut etiā nos qui legimus euangelium, amorē Petri erga dominū, & illo interrogante & isto respondente nossemus. Quod autē in eo quod respondit Petrus, amo te, nō addidit, plus his, hoc respōdit quod de seipso sciebat. Non enim quātum ab alio quolibet diligeretur scire poterat, qui cor alterius uidere non poterat. Sed tamen superioribus uerbis dicendo, Etiā domine, tu scis quia amo te, satis & ipse declarauit scientē dominum interrogasse quod interrogauit. Sciebat igitur dñs non solum q; diligeret, uerumetiam q; plus illis eum diligeret Petrus, & tamen si proponamus quærētes, quis duorū sit melior, utrū qui plus an qui minus diligit Christum, quis dubitabit respondere, eum qui plus diligit esse meliorem: Item si proponamus quis duorū sit melior, utrum quē minus, aut quē plus diligit Christus: Eū qui plus diligitur à Christo, meliorem proculdubio respondebimus. In illa ergo comparatione quā prius posui, Petrus Ioanni: in hac uero altera, Ioannes anteponitur Petro: proinde tertiā sic proponimus, Quis est duorū discipulorū melior, qui minus q; cōdiscipulus eius diligit Christum, & plus q; cōdiscipulus eius diligitur à Christo, an ille quē minus q; cōdiscipulum eius diligit Christus, cum plus ipse q; suus cōdiscipulus diligit Christum: Hic planē cunctatur respōsio, & augetur quæstio. Quantum autē ipse sapio, meliorem qui plus diligit Christum, feliciorem uero quem plus diligit Christus, facile responderem, si iustitiam liberatoris nostri minus eum diligētis à quo plus diligitur, & eū plus à quo minus diligitur, quēadmodū defenderē, prauiderem. Aggrediar igitur in eius manifesta misericordia, cuius est occulta iustitia, de soluenda quaestione tam ingenti pro uiribus quas ipse donauerit disputare: hucusq; enim proposita est, non exposita. Exponendæ uero eius hoc sit exordium, ut meminerimus in hoc corruptibili corpore quod aggrauat animā, uita nos misera uiuere. Sed quia iam redempti per mediatorem sumus, & spiritum sanctum pignus accepimus, beatam uitam in spe habemus, & si re ipsa nondum tenemus: spes autē quæ uidetur non est spes: quod enim uidet quis, quid sperat: Si autem quod nō uidemus speramus, per patientiam expectamus. In malis autē quæ quisq; patitur, non in bonis quibus fruitur, opus est patientia: hanc itaq; uitam de qua scriptum est, Nunquid nō tentatio est uita humana super terram: in qua quotidie damamus ad dominum, Libera nos à malo: cogitur homo tolerare etiā remissis peccatis, quamuis ut in eam ueniret miseriam, primū fuerit causa peccatum: productior est enim pœna q; culpa, ne parua putaretur culpa, si cum illa finiretur & pœna: ac per hoc uel ad demonstrationem debitæ miseriæ, uel ad emendationem labilis uitæ, uel ad exercitationem necessariæ patientiæ, temporaliter hominē detinet pœna, etiā quē iam ad damnationē sempiternā reum nō detinet

Iob. 7

Matth. 6



**A** detinet culpa. Hæc est istorum dierum, quos in hac mortalitate agimus malos, quamuis in ea diligamus uidere dies bonos, flenda quidem sed non reprehendenda conditio: uenit enim de ira dei iusta, de qua scriptura loquens, Homo, inquit, natus ex muliere, breuis uitæ: & plenus *Iob 14* iræ, cum ira dei non sit ut hominis, id est, perturbatio concitati animi, sed tranquilla iusti supplicij constitutio. In hac ira sua deus non continens, sicut scriptum est, miserationes suas, præter alia solatia miserorum quæ generi humano præbere non cessat, in plenitudine temporis quo ipse sciebat hoc esse faciendum, misit filium suum unigenitum per quem creauit uniuersa, ut manens deus fieret homo, & esset mediator dei & hominum homo Christus Iesus, in quem credentes per lauacrum regenerationis soluto reatu omnium peccatorum, & originalis uidelicet quod generatio trahit, contra quam maxime regeneratio est instituta, & cæterorum quæ male agendo contracta sunt, liberarentur à damnatione perpetua, & uiuerent in fide & spe & charitate, peregrinantes in hoc seculo, atque in eius tentationibus laboriosis & periculosis, consolationibus autem dei & corporalibus & spiritualibus ambulant ad conspectum eius, quam tenentes quod eis factus est Christus. Et quia in ipsa quoque uia ambulantes non sunt sine peccatis, quæ de huius uitæ infirmitate surrepunt, dedit elemosynarum remedia salutaria, quibus eorum adiuuaretur oratio, ubi eos dicere docuit, Dimitte nobis debita nostra, sicut & nos dimittimus debitoribus nostris. *Matth. 6* Hoc agit ecclesia spe beata in hac uita erumnosa, cuius ecclesiæ Petrus apostolus propter apostolatus sui primatum gerebat figurata generalitate personam. Quod enim ad ipsum proprie pertinet, natura unus homo erat, gratia unus Christianus, *Matth. 16* abundantiore gratia unus idemque primus apostolus: sed quando ei dictum est, Tibi dabo clauis regni cælorum: & quodcumque ligaueris super terram, erit ligatum & in cælis: & quodcumque solueris super terram, erit solutum & in cælis: uniuersam significabat ecclesiam, quæ in hoc seculo diuersis tentationibus uelut imbribus, fluminibus, tempestatibusque quatitur, & non cadit, quoniam fundata est super petram, unde & Petrus nomen accepit: non enim à Petro petra, sed Petrus à petra, sicut non Christus à Christiano, sed Christianus à Christo uocatur: ideo *1. Cor. 3* quippe ait dominus, Super hanc petram ædificabo ecclesiam meam, quia dixerat Petrus, Tu es Christus filius dei uiui. Super hanc ergo, inquit, petram quam confessus es, ædificabo ecclesiam meam. Petra enim erat Christus, super quod fundamentum etiam ipse ædificatus est Petrus. Fundamentum quippe aliud nemo potest ponere præter id quod positum est, quod est Christus Iesus. Ecclesia ergo quæ fundatur in Christo, clauis ab eo regni cælorum accepit in Petro, id est, potestatem ligandi soluendique peccata, quod enim est per proprietatem in Christo ecclesia, hoc est per significationem Petrus in petra: qua significatione intelligitur Christus petra, Petrus ecclesia. Hæc igitur ecclesia quam significabat Petrus, quamdiu degit in malis, amando & sequendo Christum liberatur à malis. Magis autem sequitur in eis qui certant pro ueritate usque ad mortem: sed uniuersitati dicitur, sequere me, pro qua uniuersitate passus est Christus: de quo dicit idem Petrus, Christus pro nobis passus est, relinquens nobis exemplum, ut sequamur *1. Pet. 2* uestigia eius: ecce propter quod ei dictum est, Sequere me. Est autem alia uita immortalis, quæ non est in malis, ibi facie ad faciem uidebimus, quod hic per speculum & in ænigmate uidetur, quando multum in conspicienda ueritate proficitur. Duas itaque uitas sibi diuinitus prædicatas & commedatas nouit ecclesia, quarum est una in fide, altera in specie: una in tempore peregrinationis, altera in æternitate mansionis: una in labore, altera in requie: una in uia, altera in patria: una in opere actionis, altera in mercede cõtemplationis: una declinat à malo & facit bonum, altera nullum habet à quo declinet malum, & magnam habet quo perfruatur bono: una cum hoste pugnat, altera sine hoste regnat: una fortis est in aduersis, altera nihil sentit aduersi: una carnales libidines frenat, altera spiritualibus delectationibus uacat: una est uincendi cura sollicita, altera uictoriæ pace secura: una in tentationibus adiuuatur, altera sine ulla tentatione in ipso adiutore latatur: una subuenit indigenti, altera ibi est ubi nullum inuenit indigentem: una aliena peccata ut sua sibi ignoscantur ignoscit, altera nec patitur quod ignoscat, nec facit quod sibi poscat ignosci: una flagellatur malis, ne extollatur in bonis, altera tanta plenitudine gratiæ

gratiæ caret omni malo, ut sine ulla tentatione superbiæ cohareat summo bono: una bona & mala discernit, altera quæ sola bona sunt cernit: ergo una bona est, sed adhuc misera, altera melior & beata: ista significata est per apostolū Petrum, illa per Ioānem: tota hic agitur ista usq; in huius seculi finem, & illic inuenit finem, differtur illa complēda post huius seculi finem, sed in futuro seculo nō habet finē: ideo dicitur huic, Sequere me: de illo autē, Sic cum uolo manere donec ueniam, quid ad te? tu me sequere: quid enim est hoc? Quantum sapio, quantum capio, quid est hoc, nisi tu me sequere, per imitationem perferēdo tēporalia mala: ille maneat, donec sempiterna uenio redditurus bona: quod apertius ita dici potest, Perferēta me sequatur actio, informata meæ passionis exemplo: inchoata uero contemplatio maneat donec ueniā, perficienda cū uenero. Sequitur enim Christū perueniēs usq; ad mortem plenitudo patiētiae, manet autē donec ueniat Christus, tunc manifestāda plenitudo sciētiae. Hic quippe tolerātur mala huius mūdi in terra morientiū, ibi uidebūtur bona dñi in terra uiuētium: quod enim ait, Sic eū uolo manere donec ueniam: nō sic intelligendū est quasi dixerit, remanere uel permanere, sed expectare, quoniā quod per eum significatur, non utiq; nunc, sed cū uenerit Christus implebitur. Quid aut per hunc significatur, cui dictū est, Tu me sequere: nisi nunc agatur, non peruenietur ad illud quod expectatur. In hac autē actiua uita quāto magis Christū diligimus, tanto facilius liberamur à malo. At ipse nos minus diligit quales nunc sumus, & hinc ideo liberat, ne semper tales simus. Ibi uero amplius nos diligit, quoniā quod ei displiceat, & quod à nobis auferat nō habebimus: nec ob aliud nos hic diligit, nisi ut sanet & transferat ab his quæ nō diligit. Hic ergo minus ubi nō uult remaneamus, ibi amplius quō uult trāseamus, & unde nō uult pereamus. Amet ergo eū Petrus, ut ab ista mortalitate liberemur: ametur ab eo Ioannes, ut in illa immortalitate seruemur. Sed ista ratione illud ostēditur, cur amplius Ioānem q̃ Petrum amauerit Christus, nō cur amplius Petrus q̃ Ioannes amauerit Christū. Neq; enim si plus nos diligit Christus in futuro seculo, ubi cū illo sine fine uiuemus, q̃ in isto unde eruihur, ut illic semper simus, propterea nos tunc eum minus dilecturi sumus quando meliores erimus, cū meliores utiq; nisi amplius eū diligendo nullo modo esse possumus. Cur ergo Ioannes minus eū diligebat q̃ Petrus, si eam uitā significabat in qua est multo amplius diligendus, nisi quia propterea dictum est, uolo eū manere, id est, expectare donec ueniā, quoniā & ipsum amorem qui tunc multo amplior erit nondū habemus, sed futurū expectamus, ut cū ipse uenerit habeamus: nam sicut in epistola sua idē dicit Ioānes apostolus, Nondū apparuit quod erimus, scimus quoniā cū apparuerit similes ei erimus, quoniā uidebimus eū sicuti est. Tunc ergo amplius quod uidemus, diligemus. Ipse aut dñs illā quæ futura est uitā nostrā, qualis in nobis futura sit sciens, prædestinatione plus amat, ut ad eā nos amando perducatur. Quocirca quoniā uniuersæ uiæ dñi misericordia & ueritas, miserā nostrā præsentē nouimus quia sentimus: & ideo misericordiā domini quā nobis de miseria liberādis exhiberi uolumus, plus amamus, eamq; quotidie maxime pro peccatorū remissione poscimus & habemus. Hoc per Petrum significatū est, plus amantem, sed minus amatū, quia minus nos amat Christus miseros q̃ beatos. Veritatis aut contemplationem qualis tunc futura est, minus amamus quia nondū nouimus nec habemus: hæc ergo per Ioānē significata est minus amantem, atq; ideo & ad ipsam & ad eius in nobis amorē qualis ei debetur implendū, donec ueniat dñs & expectantem: sed plus amatū, quia id quod per illū figuratū est, hoc efficit beatū. Nemo tñ istos ingnes apostolos separaret, & in eo quod significabat Petrus ambo erāt, & in eo quod significabat Ioānes, ambo futuri erāt: significando sequebatur iste, manebat ille: credēdo autē ambo mala præsentia huius miseriæ tolerabāt: ambo futura bona illius beatitudinis expectabāt, nec ipsi soli, sed uniuersa hoc facit sancta ecclesia sponsa Christi ab istis tētationibus eruada, in illa felicitate seruāda. Quas duas uitas Petrus & Ioānes figurauerūt singuli singulas: uerū & in hac tēporaliter ambulauerunt ambo per fidē, & illa in aternū fruētur ambo per speciem. Omnibus igitur sanctis ad Christi corpus inseparabiliter pertinentibus, propter huius



**A** huius uitæ procellosissimæ gubernaculū, ad ligāda & soluēda peccata clauēs regni cœlorum primus apostolorū Petrus accepit, eisdēq; omnibus sanctis propter uitæ illius secretissimæ quietissimū sinū, super pectus Christi Ioānes euāgelista discubuit, quoniā nec iste solus, sed uniuerſa ecclesia ligat soluitq; peccata: nec ille in principio uerbū deū apud deū, & cætera de Christi diuinitate, & de totius diuinitatis trinitate atq; unitate sublimia, quæ in illo regno facie ad faciē cōtemplāda, nūc autē donec ueniat dñs in speculo atq; in ænigmate cōtuenda sunt, quæ prædicādo ructaret, de fonte dñici pectoris solus bibit, sed ipse dñs ipsum euangelium pro sua cuiusq; capacitate omnibus suis bibendū toto terrarū orbe diffundit. Sūt qui senserint, & hi quidē non cōtemptibiles sacri eloquij tractatores, à Christo Ioāne apostolū propterea plus amatū, q; neq; uxore duxerit, & ab ineunte puericia castissimus uixerit. Hoc quidē in scripturis canonicis nō euidenter apparet, ueruntamen id quoq; multū adiuuat congruentiā huiusce sententiæ, q; illa uita per eū significata est ubi nō erūt nuptiæ. Hic est discipulus ille q; testimoniū phibet de his, & scripsit hæc, & scimus quia uerū est testimoniū eius. Sunt autē, inquit, & alia multa quæ fecit Iesus, quæ si scribātur per singula, nec ipsum arbitror mundū capere eos qui scribēdi sunt libros. Non spacio locorū credendū est mundū capere nō posse, quæ in eo scribi quomodo possent, si scripta nō ferret. Sed capacitate legentiū comprehendendi fortasse nō possent, quāuis salua rerū fide, plerunq; uerba excedere uideātur fidē, quod nō sit qñ aliquid quod erat obscurum uel dubiū, causa & ratione reddita exponitur: sed qñ id quod apertū est uel augetur uel extenuatur, nec tñ à tramite significādæ ueritatis erratur, qm̄ sic uerba rē quæ indicatur excedūt, ut uolūtas loquētis nec fallētis appareat, qui nouit quousq; credatur, à quo ultra q; credēdū est, uel minuitur loquēdo aliqd uel augetur. Hūc loquēdi modū græco sermone, nō solū græcarū, uerūetiā latinarū litterarū magistri Hyperbolen uocat: qui modus, sicut hoc loco, ita in nōnullis alijs diuinis litteris inuenit, ut est, Posuerūt in cœlū os suū: & Verticē capilli perambulantiū in delictis suis, & multa huiusce. Psal. 72 & 97

**B** modi quæ scripturis sanctis non desunt, sicut alij tropi, hoc est locutionum modi, de quibus operosius disputarē, nisi euāgelista termināte euāgeliū suū etiā ipse cōpelleret meum terminare sermonem.

Enarrationum in Ioannem finis.

# D. AVRELII AVGVSTINI

EXPOSITIO IN EPISTOLAM BEATI IOANNIS.



**M**EMINIT sanctitas uestra euangelium secundū Ioannem ex ordine lectionum nos solere tractare. Sed quia nunc interposita est solennitas sanctorū dierum, quibus certas ex euāgelio lectiones oportet in ecclesia recitari, quæ ita sunt annuæ ut aliæ esse nō possint, ordo ille quē susceperamus, necessitate paululum intermissus est, non omisus. Cum autē cogitarem quid secundū hilaritatem præsentium dierum per hāc hebdomadā uobiscum de scripturis agerem, quantū dominus donare dignatur, quod posset in istis septem uel octo diebus finiri, occurrit mihi epistola beati Ioānis, ut cuius euāgelium paululū intermisimus, eius epistolā tractādo ab eo nō recedamus: præsertim quia in ipsa epistola satis dulci omnibus quibus sanū est palatū cordis, ubi sapiat pax nis dei, & satis memorabili in sancta ecclesia dei, maxime charitas cōmendatur. Locuturus est multa, & propē omnia de charitate. Qui habet in se unde audiat, necesse est gaudeat ad quod audit: sic enim illi erit lectio ista, tanq̄ oleū in flāma. Si est ibi quod nutriatur, nutritur & crescit & permanet. Item quibusdā sic esse debet tanq̄ flamma ad fomitem, ut si non ardebat, accedente sermone accendatur. In quibusdam enim nutritur quod est: in quibusdam accenditur si deest, ut omnes in una charitate gaudeamus. Vbi autē charitas, ibi pax, & ubi humilitas, ibi charitas. Iam ipsum audiamus, & ad eius uerbū quæ dominus suggerit, etiā uobis ut bene intelligatis, loquamur.

De eo quod Ioannes dicit, Quod erat ab initio, quod audiuiimus & quod uidi-  
mus & manus nostræ tractauerunt de uerbo uitæ, usq; ad id, Qui odit fratrem  
suum in tenebris est & in tenebris ambulat, & nescit quò eat, quoniam tenebræ  
excæcauerunt oculos eius.

## Tractatus 1.



**Q**UOD erat ab initio, quod audiuiimus, & quod uidiimus, & manus nostræ tra-  
ctauerunt de uerbo uitæ.) Quis est qui manibus tractet uerbū, nisi quia uerbum  
caro factum est & habitauit in nobis. Hoc autē uerbum quod caro factum est,  
ut manibus tractaretur, cœpit esse caro ex uirgine Maria, sed nō tunc cœpit uer-  
bum, quia quod erat ab initio dixit. Videte si non attestatur epistola sua euāgelio suo, ubi  
modo audistis, In principio erat uerbum, & uerbum erat apud deum. Forte de uerbo uitæ  
sic quisq; accipiat, quasi locutionem quandā de Christo, nō ipsum corpus Christi quod ma-  
nibus tractatum est, uide quid sequatur. Et ipsa uita manifestata est.) Christus uero uer-  
bum uitæ: & unde ergo manifestata est. Erat enim ab initio, sed nō erat manifestata homi-  
nibus: manifestata autē erat angelis uidētibus, & tanq; pane suo cibātibus: sed quid ait scri-  
ptura. Panē angelorum māducauit homo: ergo manifestata est ipsa uita in carne, quia in  
manifestatione posita est, ut res quæ solo corde uideri potest, uideretur & oculis, ut corda sa-  
naret. Solo enim corde uidetur uerbum, caro autē & oculis corporalibus uidetur: erat unde  
uideremus carnem, sed nō erat unde uideremus uerbū: factum est uerbū caro quam uidere  
possemus, ut sanaretur in nobis unde uerbum uideremus. Et uidiimus, inquit, & testes su-  
mus.) Forte aliqui fratrum nesciūt, qui græce nō norunt quid sint testes, græce & usitatū no-  
men est omnibus & religiosum: quos enim testes latine dicimus, græce martyres sunt. Quis  
autē non audiuit martyres. Aut in cuius ore Christiani nō quotidie habitat nomen marty-  
rum. Atq; utinam sic habitet & in corde, ut passionēs martyrum imitemur, nō eos calcibus  
persequamur: ergo hoc dixit, uidiimus & testes sumus, audiuiimus & martyres sumus. Testi-  
moniū enim dicēdo ex eo quod uiderūt, & testimoniū dicēdo ex eo quod audierunt ab his  
qui uiderūt, cū displiceret ipsum testimoniū hominibus aduersus quos dicebatur, passi sunt  
omnia quæ passi sunt martyres. Testes dei passi sunt, deus testes habere uoluit homines, ut  
& homines habeant testē deum: Vidimus, inquit, & testes sumus. Vbi uiderunt. In manife-  
statione. Quid est in manifestatione. in sole, id est, in hac luce. Vnde autē potuit uideri in  
sole qui fecit solē, nisi quia in sole posuit tabernaculum suū, & ipse tanq; spōsus procedēs de  
thalamo suo, exultauit ut gigas ad currēdam uia. Ille ante solē qui fecit solē, ille ante lucife-  
rum, ante omnia sydera, ante omnes angelos, uerus creator, quia omnia per ipsum facta  
sunt, & sine ipso factum est nihil, ut uideretur oculis carnis qui solem uident, ipsum taber-  
naculū suum in sole posuit, id est, carnem suā in manifestatione huius lucis ostēdit: & illius  
spōsi thalamus fuit uterus uirginis, quia in illo utero uirginali coniūcti sunt duo, spōsus &  
sponsa. Spōsus uerbū, & sponsa caro: quia sic scriptū est, Et erunt duo in carne una: & dñs in  
euāgelio, Igitur iam nō duo, sed una caro: & Esaias optime meminit unum esse ipsos duos:  
Esai. 1 loquitur enim ex persona Christi, & dicit, Sicut spōso imposuit mihi mitrā, & sicut spōsam  
ornauit me ornamēto: unus uidetur loqui, & spōsum se fecit & spōsam se fecit, quia nō duo  
sed una caro. Quia uerbū caro factū est, & habitauit in nobis, illi carni adiūgitur ecclesia, &  
fit Christus totus, caput & corpus. Et testes, inquit, sumus, & annūciamus uobis uitā eter-  
nam, quæ erat apud patrem, & manifestata est in nobis.) hoc est, manifestata est inter nos,  
Quid apertius diceretur q̄ manifestata est in nobis. Quæ ergo uidiimus & audiuiimus, nun-  
ciamus uobis: intēdat charitas uestra. Quæ ergo uidiimus & audiuiimus nūciamus uobis.)  
Illi uiderūt ipsum dominū præsenti in carne, & audierūt uerba ex ore dñi, & annūciauerūt  
nobis. Et nos ergo audiuiimus, sed nō uidiimus: minus ergo sumus felices q̄ illi qui audierūt  
& uiderunt: & quomodo adiungit, Vt & uos societate habeatis nobiscum.) Illi uiderunt,  
nos nō uidiimus, & tamen socij sumus, quia fidē communē tenemus: nā quidā uidendo non  
credidit, & palpare uoluit, & sic credere: & ait, Nō credā nisi digitos meos misero in locū da-  
uorum



A uorum, & cicatrices eius tetigero. Et præbuit se ex tēpore palpādum manibus hominū, qui  
 semper se præbet uidendū aspectibus angelorum: & palpauit ille discipulus & exclamauit,  
 Dñs meus & deus meus: quia tetigit hominē, cōfessus est deū. Et dñs cōsolās nos qui ipsum  
 iam in cōelo sedentē manu cōtrectare nō possumus, sed fide cōtingere, ait illi, Quia uidisti &  
 credidisti, beati qui nō uiderūt & credūt, nos descripti sumus, nos designati sumus: fiat ergo  
 in nobis beatitudo quam dñs prædixit futurā: firme teneamus quod non uidemus, quia illi  
 nunciāt qui uiderūt: ut & uos, inquit, societate habeatis nobiscū. Et quid magnū, societatem  
 habere cū hominibus? Noli cōtemnere, uide quid addat. Et societas nostra sit cū deo pa-  
 tre & Iesu Christo filio eius: hæc, inquit, scribimus uobis, ut gaudiū uestrū sit plenū. Plenū  
 gaudiū dicit in ipsa societate, in ipsa charitate, in ipsa unitate. Et hæc, inquit, est annūciatio  
 quā audiuius ab eo & annūciamus uobis. Quid est hoc? Ipsi uiderūt, cōtrectauerūt ma-  
 nibus uerbū uitæ, ab initio erat, ad tēpus uisibilis & palpabilis factus est unicus filius dei.  
 Ad quā rem uenit, uel quid nobis nouū nunciavit, quid docere uoluit, quare fecit hoc quod  
 fecit, ut uerbū caro fieret, ut deus super omnia indigna ab hominibus pateretur, ut alapas  
 eorū sustineret de manibus quas ipse formauit. Quid uoluit docere, quid uoluit ostendere,  
 quid uoluit annūciare? Audiamus, nā sine fructu præcepti auditio rei gestæ, quia natus est  
 Christus, & quia passus est Christus, auocamentū mentis & nō firmamentū. Quid magnū  
 audis, quo fructu audias? Vide, quid uoluit docere, quid annūciare? audi. Quia deus lux  
 est, inquit, & tenebræ in eo nō sunt ullæ. Adhuc lucē quidē nominauit, sed obscura sunt uer-  
 ba. Bonū est nobis ut ipsa lux quā nominauit, illustret corda nostra, & uideamus qd dixit,  
 hoc est quod annūciamus, quia deus lux est, & tenebræ in eo nō sunt ullæ. Quis enim aude  
 ret dicere, quia in deo sūt tenebræ? aut quid est ipsa lux, aut qd sunt tenebræ? Ne forte talia  
 dicat quæ ad oculos istos nostros pertineāt: deus lux est. Ait nescio quis, & sol lux est, & luna  
 lux est, & lucerna lux est, aliqd debet esse lōge his maius, longe q̄ præstātius, lōge superemi-  
 nentius: quantū deus à creatura, quantū cōditor à cōditione, quantū sapiētia ab eo quod fa-  
 ctū est p sapiētiā, lōge ultra omnia debet esse lux ista: & forte uicini ei erimus, si quæ sit lux  
 ista cognouerimus, & ad eā nos applicauerimus ut ex ipā illuminemur, quia in nobis tene-  
 bræ sumus, & ab illa illuminati possumus esse lux, & nō cōfundi de illa, quia de nobis cōfun-  
 dimur. Quis est q de se cōfunditur? q se cognoscit peccatorē. Quis de illa nō confunditur? q  
 ab illa illuminatur. Quid est ab illa illuminari? q iā uidet se peccatis tenebrari, & cupit ab illa  
 illuminari, accedit ad illā: unde & dicit psalmus, Accedite ad eū & illuminamini, & uultus ue-  
 stri nō erubescēt. Sed nō erubescēs de illa, si qñ tibi te foedū ostēderit, displiceat tibi foeditas  
 tua, ut percipias pulchritudinē illius: hoc est qd uult docere, & fortasse præpropere illud nos  
 dicimus, ipse hoc manifestat in cōsequētibus. Memēto in principio sermonis nostri, quia epi-  
 stola ista charitatē commēdat, Deus lux est, inqt, & tenebræ in eo nō sunt ullæ: & qd supius  
 dixerat: ut societate habeatis nobiscū, & societas nostra sit cū patre & filio eius Iesu Christo.  
 Porro si deus lux est, & tenebræ in eo nō sunt ullæ, & societate cū illo habere debemus, & à  
 nobis pellēdæ sunt tenebræ, ut fiat in nobis lux, nā tenebræ cū luce societate habere nō pos-  
 sunt: ideo uide quid sequat. Quod si dixerimus q societate habemus cū eo, & in tenebris  
 ambulamus, mētīmur, habes & apostolū Paulū dicētē, Aut quæ societas luci ad tenebras? 2. Cor. 6  
 Dicis te societate habere cū deo, & in tenebris ambulas, & deus lux est, & tenebræ in eo nō  
 sūt ullæ, quō ergo est societas luci ad tenebras? Iā ergo dicat sibi homo, Quid faciā? Vnde  
 ero lux? In peccatis & in iniquitatibus uiuo, qñ subrepat quædā desperatio & tristitia. Salus  
 nulla est nisi in societate dei. Deus lux est, & tenebræ in eo nō sunt ullæ. Peccata aut tenebræ  
 sunt, sicut dicit Apostolus diabolu & angelos eius rectores tenebrarū harū esse: non diceret  
 rectores tenebrarū, nisi diceret, rectores peccatorū, dominatores iniquorū. Quid ergo facie-  
 mus fratres mei? Societas cum deo habēda est, alia spes uitæ æternæ nulla est: deus aut lux  
 est, & tenebræ in eo sunt ullæ: iniquitates aut tenebræ sunt, iniquitatibus premimur, ne societate  
 cū deo habere possimus. Quæ ergo spes? Nōne promiserā me aliqd locuturū istis diebus  
 quod

quod gaudium faciat? Quod si non exhibeo, tristitia est ista, Deus lux est, & tenebrae in eo non sunt ullae: peccata tenebrae sunt, quid erit nobis? Audiamus ne forte consoletur, erigat, det spem, ne deficiamus in uia. Currimus enim, & ad patriam currimus, & si nos peruenturos desperamus, ipsa desperatione deficiamus: ille autem qui nos uult peruenire, ut conseruet in patria, pascet in uia: audiamus ergo, Quod si dixerimus quia societatem habemus cum eo, & in tenebris ambulamus, metimur, & non facimus ueritatem.) Non dicamus quia societatem cum illo habemus, si in tenebris ambulamus. Quod si in lumine ambulamus, sicut & ipse est in lumine, societatem cum eo habemus, cum inuicem in lumine ambulamus, sicut & ipse est in lumine, ut possimus societatem habere cum illo.) Quid facimus de peccatis? audi quid sequitur, Et sanguis Iesu Christi filij eius purgabit nos ab omni delicto.) Magnam securitatem dedit deus, merito pascha celebramus, ubi fusus est sanguis domini, quo purgamur ab omni delicto. Simus securi, cautionem contra nos diabolus seruitutis tenebat, sed sanguine Christi deleta est: sanguis, inquit, filij eius purgabit nos ab omni delicto, quid est ab omni delicto? attendite, ecce iam in nomine Christi per sanguinem crucis domini, quem nunc confessi sunt isti qui appellantur infantes, mundata sunt omnia peccata ipsorum: ueteres intrauerunt, & noui exierunt. Quid est, ueteres intrauerunt, noui exierunt? Senes intrauerunt, infantes exierunt. Senectus enim ueternosa, uetusta uita: infantia autem, regenerationis noua uita. Sed quid facimus? Praeterita peccata donata sunt, non tantum ipsis, sed & nobis. Et post donationem & abolitionem omnium peccatorum uiuendo in hoc seculo inter tentationes, quaedam forte contracta sunt, ideo quod potest homo faciat: ipse confiteatur quod est, ut ab illo curetur qui semper est quod est: ipse enim semper erat & est, nos non eramus & sumus: uide enim quid dicat, Quod si dixerimus quia peccatum non habemus, nosmetipsos seducimus, & ueritas in nobis non est.) Ergo si te confessus fueris peccatorem, est in te ueritas, nam ipsa ueritas lux est. Nondum perfecte splenduit uita tua, quia insunt peccata tua, sed tamen iam illuminari coepisti, quia inest confessio peccatorum: uide enim quid sequatur, Quod si confessi fuerimus delicta nostra, fidelis est & iustus, ut dimittat nobis delicta nostra, & purget nos ex omni iniquitate.) Non tantum praeterita, sed & si qua forte contraximus ex hac uita, quia non potest homo quamdiu carnem portat non habere uel leuia peccata: sed ista leuia quae dicimus, noli contemnere: si contemnis, quando appendis? Expauescere quando numeras: leuia multa faciunt unum grande. Multae guttae implent flumen: multa grana faciunt massam. Et quae spes est? Ante omnia confessio: nec quisquam se dicat iustum, & ante oculos dei qui uidet quod est, erigat ceruicem suam homo qui non erat & est: ante omnia ergo confessio, deinde dilectio: quia de charitate quidem dictum est, Caritas cooperit multitudinem peccatorum. Iam uideamus si ipsam charitatem commendet propter surrepticia delicta, quia sola charitas extinguit delicta, superbia extinguit charitatem. Humilitas ergo roborat charitatem, charitas extinguit delicta: humilitas pertinet ad confessionem, qua confitemur nos peccatores: ipsa est humilitas, non ut dicamus illud lingua, quasi propter arrogantiam, ne displiceamus hominibus si nos iustos dixerimus: Faciunt hoc impij & insani, scio quidem quia iustus sum, sed quod dicturus sum ante homines? Si me iustum dixerō, quis ferat, quis toleret? Apud deum nota sit iustitia mea, ego tamen dicam me peccatorem, non quia sum, sed ne arrogantia odiosus inueniar. Dic hominibus quid es, dic deo quis es: quia si non dixeris deo quod es, damnat deus quod in te inueniet: non uis ut ille damnet, tu damna: uis ut ille ignoscat, tu agnosce, ut possis deo dicere, Auerte faciem tuam a peccatis meis: dic illi etiam illa uerba in ipso psalmo, Quoniam iniquitatem meam ego cognosco. Quod si confessi fuerimus delicta nostra, fidelis est & iustus, qui dimittat nobis delicta nostra, & purget nos ex omni iniquitate. Quod si dixerimus quia non peccauimus, mendacem facimus eum, & uerbum eius non erit in nobis.) Si dixeris, non peccaui, illum facis mendacem, cum & uis facere ueracem. Vnde fieri potest ut deus mendax sit, & homo uerax, cum contradicat scriptura, Omnis homo mendax, & deus solus uerax? ergo deus per seipsum uerax, tu per deum uerax, nam per te mendax. Et ne forte impunitatem uideretur dedisse peccatis, quia dixit, Fidelis est & iustus qui mundet nos

1. Pet. 4

Psalm. 50

Psalm. 115



**A** nos ab omni iniquitate, & dicerent iam sibi homines, Peccemus, etiā securi faciamus quod uolumus, purgat nos Christus, fidelis est & iustus, purgat nos ab omni iniquitate: tollit tibi malam securitatē, & inserit utilem timorē. Male uis esse securus, sollicitus esto, fidelis enim est & iustus, ut dimittat nobis delicta nostra, si semper tibi displiceas, & muteris donec perficiaris: ideo quid sequitur? Filioli mei hæc scribo uobis ut non peccetis.) Sed forte surripit cap. ii  
 de uita humana peccatum, quid ergo fiet? Iam desperatio erit: audi. Si quis, inquit, peccauerit, aduocatū habemus apud patrē Iesum Christum iustū, & ipse est propitiatio pro peccatis nostris) Ille est ergo aduocatus, da operā tu ne pecces: si de infirmitate uitæ surrepserit peccatum, continuo uide, continuo displiceat, cōtinuo damna, & cū damnaueris, securus ad iudicem uenies: ibi habes aduocatū, noli timere, ne perdas causam cōfessionis tuæ. Si enim aliquando in hac uita committit se homo disertæ linguæ & non perit, committis te uerbo & periturus es? Clama, aduocatum habemus apud patrem. Videte ipsum Ioānem seruantem humilitatem, certe uir iustus erat & magnus, qui de pectore domini mysteriorū secreta bibebat: ille ille qui bibendo de pectore domini diuinitatem ructauit, In principio erat uerbum, & uerbum erat apud deum: ille talis uir non dixit, aduocatum habetis apud patrem: sed si quis peccauerit, aduocatum, inquit, habemus: non dixit, habetis, nec me habetis dixit, nec ipsum Christum habetis dixit, sed & Christum posuit, non se: & habemus dixit, nō habetis. Maluit se ponere in numero peccatorū ut haberet aduocatum Christum, q̄ poneret se pro Christo aduocatum, & inueniri inter damnādos superbos. Fratres, Iesum Christum iustum ipsum habemus aduocatum ad patrem, ipse propitiatio est peccatorū nostrorum. Hoc qui tenuit, hæresim non fecit, hoc qui tenuit, schisma non fecit: unde enim facta sunt schismata? Cum dicūt homines, nos iusti sumus: cū dicunt homines, nos sanctificamus imundos, nos iustificamus impios, nos petimus, nos impetramus: Ioannes autē quid dixit? Et si quis peccauerit, aduocatum habemus apud patrē Iesum Christum iustum: sed dicet Ioan. 1  
**B** aliquis, Ergo sancti non petunt pro nobis? ergo episcopi uel præpositi non petunt pro populo? sed attendite scripturas & uidete, quia & præpositi commēdant se populo: nam Apostolus dicit plebi, Orātes simul & pro nobis: orat Apostolus pro plebe, orat plebs pro Apostolo: oramus pro uobis fratres, sed & uos orate pro nobis: inuicem pro se omnia membra orent, caput pro omnibus interpellet. Propterea non mirum quia sequitur & hic, & claudit ora diuidentibus ecclesiam dei: quia dixit, Iesum Christum iustum habemus aduocatum, & ipse propitiatio est peccatorum nostrorum, propter illos qui se diuisuri erant & dicturi, Matth. 24  
 Ecce hic est Christus, ecce illic, & uellent ostendere eum in parte qui emit totum & possedit totum: continuo secutus est, Non tantum nostrorum, sed & totius mundi.) Quid est hoc Col. 4  
 fratres? Certe inuenimus in campis saltuum, inuenimus ecclesiam in omnibus gētibus. Ecce Christus propitiatio est peccatorū nostrorū, non tantū nostrorum, sed & totius mūdi. Ecce habes ecclesiā per totū mundum, noli sequi falsos iustificatores & ueros præcipitatores, in illo mōte esto qui impleuit orbē terrarū, quia Christus propitiatio est peccatorū nostrorū, non tantū nostrorū, sed & totius mūdi quē suo sanguine comparauit. Et in hoc, inquit, cognoscimus eū, si mādāta eius seruauerimus.) Quæ mandata? Qui dicit quia cognouit eū, & mādāta eius nō seruat, mēdax est, & in hoc ueritas nō est.) Sed adhuc quæris, quæ mandata? Qui autē, inquit, seruauerit uerbū eius, uere in hoc perfecta est dilectio dei.) Videamus ne ipsum mādātum dilectio dei uocetur. Quærebamus enim, quæ mandata, & ait, qui autē seruauerit uerbū eius, uere in hoc perfecta est dilectio dei: attende euangeliū, si non est hoc mādātū, Mādātū, inquit, nouū do uobis, ut uos inuicem diligatis. In hoc cognoscimus quia in ipso sumus, si in illo perfecti fuerimus.) Perfectos in dilectione uocat: quæ est perfectio dilectionis? Et inimicos diligere, & ad hoc diligere, ut sint fratres: non enim dilectio nostra carnalis esse debet: optare alicui salutē temporālē, bonū est, sed & si desit, anima tua sit: si optas alicui amico tuo uitā, bene facis: gaudes de morte inimici, male facis. Sed fortē & amico tuo uita illa quā optas inutilis est, & inimico tuo mors de qua gaudes utilis fuit. Psalm. 131  
Incertum

Incertum est utrum alicui sit utilis uita ista an inutilis, uita uero quæ est apud deum, sine dubio utilis est. Sic dilige inimicos tuos ut fratres optes, sic dilige inimicos ut in societate tuam uiuentur: sic enim dilexit ille qui in cruce pendens, ait, Pater ignosce illis, quia nesciunt quid faciunt: neque enim dixit, pater, uiuant isti multo tempore, me quidem occidunt, sed ipsi uiuant: sed quid ait? ignosce illis, quia nesciunt quid faciunt: mortem sempiternam ab eis expellebat prece misericordissima, & potentia præstantissima: multi ex eis crediderunt, & dimissus est eis fusus sanguis Christi: primo fuderunt cum fauissent, biberunt cum crediderunt: in hoc cognoscimus quia in ipso sumus, si in ipso perfecti fuerimus. De ipsa perfectione diligendorum inimicorum dominus admonens, ait, Estote ergo perfecti, sicut & pater uester celestis perfectus est. Qui ergo dicit se in ipso manere, debet sicut ipse ambulauit & ipse ambulare. Quomodo fratres? Quid nos monet? Qui dicit se in ipso manere, id est in Christo, debet sicut ipse ambulauit & ipse ambulare: forte hoc nos monet, ut ambulemus in mari? Absit: hoc ergo, ut ambulemus in uia iustitiæ. In qua uia? Iam commemorauimus: Fixus in cruce erat, & in ipsa uia ambulabat ipsa uia charitatis, pater ignosce illis, quia nesciunt quid faciunt. Si ergo didiceris orare pro inimicis tuis, ambulas uiam domini. Dilectissimi, non mandatum nouum scribo uobis, sed mandatum uetus quod habebatis ab initio. Quod mandatum uetus dixit? Quod habebatis, inquit, ab initio: ideo ergo uetus, quia iam illud audistis: alioquin contrarius erit domino, ubi ait, Mandatum nouum do uobis, ut uos inuicem diligatis: sed mandatum uetus quare? non quia ad ueterem hominem pertinet: sed quare? quod habebatis ab initio. Mandatum uetus est uerbum quod audistis: ideo ergo uetus, quia iam audistis: & id ipsum nouum ostendit, dicens, Iterum mandatum nouum scribo uobis. Non alterum, sed idem ipsum quod dixi uetus, id est & nouum. Quare? Quod est uerum in ipso & in uobis. Nam quare uetus audistis? quia iam illud noueratis. Quare autem nouum? Quia tenebræ transierunt, & lux uera iam lucet. Ecce unde nouum: quia tenebræ ad ueterem hominem, lux uero ad nouum hominem pertinet: quid dixit apostolus Paulus? Exiite uos ueterem hominem, & induite nouum: & iterum quid dicit? Fuiſtis aliquando tenebræ, nunc autem lux in domino. Qui dicit se esse in lumine, modo manifestat totum quod dixi. Qui dicit se esse in lumine, & fratrem suum odit, in tenebris est usque adhuc. Eia fratres mei, quoadiu dicamus uobis, diligite inimicos. Videte quod peius est, ne adhuc fratres oderitis: si fratres solum amaretis, nondum essetis perfecti: si autem fratres oditis, quid estis? Vbi estis? Respiciat unusquisque cor suum, non teneat odium contra fratrem pro aliquo uerbo duro, pro contentione terræ, ne fiat terra: quisque enim odit fratrem suum, non dicat quia in lumine ambulat: quid dixi? non dicat quia in Christo ambulat: qui dicit se esse in luce, & odit fratrem suum, in tenebris est usque adhuc. Nescio quis enim ex pagano factus est Christianus, intendite, ecce tenebræ erant quando paganus erat, modo iam Christianus factus est: deo gratias, omnes gratulantur: recitatur Apostolus gratulans, Fuiſtis enim aliquando tenebræ, nunc autem lux in domino. Adorabat idola, adoratur deum: adorabat quem fecit, adoratur qui eum fecit. Mutatus est, deo gratias, omnes gratulantur Christiani. Quare? quia iam adoratur pater & filij & spiritus sancti, etiam detestator demoniorum & idolorum est: adhuc iste Ioannes sollicitus est, multis gratulantibus adhuc suspectus est, Fratres, maternam sollicitudinem libenter amplectamur: non sine causa mater sollicita est de nobis, cum alij gaudent: matrem dico charitatem, ipsa enim habitat in corde Ioannis, cum ista diceret, quare, nisi quia aliquid timet in nobis? Et cum iam nobis homines gratulentur, quid est quod timet? Qui dicit se esse in lumine: quid est hoc? iam dicit se esse Christianum, & fratrem suum odit, in tenebris est usque adhuc: quod exponere non est, sed quod gaudere si non fiat, aut quod plangere si fiat. Qui diligit fratrem suum, in lumine manet, & scandalum in eo non est. Obsecro per Christum, pascit nos Christus, refecturi sumus corpora in nomine Christi, & aliquantum refecta sunt, & reficienda sunt, mens nostra pascatur, non quia diu dicturus sum dico, nam ecce iam finitur lectio: sed ne forte ex tadio minus attente audiatur quod maxime necessarium est, qui



A qui diligit fratrem suum in lumine manet, & scandalum in eo non est. Qui sunt qui patiuntur scandalum aut faciunt? Qui scandalizantur in Christo & in ecclesia: qui in Christo scandalizantur, tanquam à sole uruntur: qui in ecclesia, tanquam à luna. Dicit autem psalmus, Per diem sol non uret te, neque luna per noctem, id est, si tenueris charitatem, nec in Christo scandalum patieris, nec in ecclesia, nec Christum relinques, nec ecclesiam: qui enim ecclesiam relinquit, quomodo est in Christo, qui in membris Christi non est? quomodo est in Christo, qui in corpore Christi non est? Illi ergo patiuntur scandalum, qui relinquunt aut Christum, aut ecclesiam. Vnde intelligimus quia inde dixit psalmus, Per diem sol non uret te, neque luna per noctem: quia ipsam uisionem scandalum uult intelligi. Primo ipsam similitudinem attende, quomodo qui uritur dicit, non tolero, non fero, & subducit se: sic qui quædam non ferunt in ecclesia, & subtrahunt se uel nomini Christi uel ecclesie, scandalum patiuntur. Videte quomodo passi sunt scandalum tanquam à sole illi carnales, quibus prædicabat carnem suam Christus & dicebat, Qui non manducauerit carnem filii hominis & biberit eius sanguinem, non habebit in se uitam. Septuaginta ferme homines dixerunt, Durus est hic sermo, & recesserunt ab eo, & remanserunt duodecim. Omnes illos uisit sol & recesserunt, non ualentes ferre uim uerbi: remanserunt ergo duodecim. Et ne forte putaret homines, quia ipsi præstant deo credendo in Christum, & non ab ipso illis præstatur beneficium, cum duodecim remansissent, ait illis dominus, Nunquid & uos uultis ire? Ut noueritis, quia uobis necessarius ego sum, non uos mihi. Illi autem quos non uisitat sol, responderunt uoce Petri, Domine, uerbum uitæ æternæ habes, quod ibimus? Quos autem urit ecclesia tanquam luna per noctem, qui schismata fecerunt, audi ipsum uerbum positum in Apostolo, Quis infirmatur & ego non infirmor? quis scandalizatur & ego non uor? Quomodo ergo non est scandalum in eo qui diligit fratrem? Quia qui diligit fratrem, tolerat omnia propter unitatem, quia in unitate charitatis est fraterna dilectio. Offendit te nescio quis, siue malus, siue ut tu putas malus, siue ut tu fingis malus, & deseris tot bonos, qualis dilectio est fraterna? Qualis apparuit in istis, cum accusant Afros, deseruerunt orbem terrarum: nunquid in orbe terrarum sancti non erant? Aut inauditi à uobis damnari potuerunt? Sed o si diligeretis fratres, scandalum in uobis non esset: audi psalmum quid dicat, Pax multa diligentibus legem tuam, & non est illis scandalum. Pacem multam dixit eis qui diligunt legem dei, & ideo non eis esse scandalum. Illi ergo qui scandalum patiuntur, pacem perdunt. Et quos dixit non pati scandalum, aut non facere? Diligentes legem dei: ergo in charitate positi sunt: sed dicit aliquis, Legem dei dixit diligentibus: non fratres, audi quid dominus dicat, Mandatum nouum do uobis, ut uos inuicem diligatis. Quid est lex nisi mandatum? quomodo autem non patiuntur scandalum nisi dum sufferunt inuicem? sicut Paulus dicit, Sufferentes inuicem in dilectione, studentes seruare unitatem spiritus in uinculo pacis. Et quia ipsa est lex Christi, eundem audi Apostolum commendantem ipsam legem, Inuicem, inquit, onera uestra portate, & sic adimplebitis legem Christi. Nam qui odit fratrem suum in tenebris est, & in tenebris ambulat, & nescit quod eat. Magna res fratres, attendite rogamus uos. Qui odit fratrem suum in tenebris ambulat, & nescit quod eat, quoniam tenebræ excæcauerunt oculos eius. Quid tam cæcū, quàm isti qui oderunt fratres? Nam ut noueritis quia cæci sunt, in montem offenderunt: eadem dico, ne uobis excidant. Nonne lapis iste qui præcisus est de monte sine manibus, Christus est de regno Iudæorum sine opere maritali? Nonne ille lapis confregit omnia regna terrarum, id est, omnes dominationes idolorum & dæmoniorum? Nonne ille lapis creuit, & factus est mons magnus, & impleuit uniuersum orbem terrarum? Nunquid digito ostendimus istum montem, quomodo ostenditur hominibus noua luna? Verbi gratia, quando uolunt homines uidere lunam nouam, dicunt, Ecce luna, ecce ubi est. Et si sunt ibi qui non uolunt intendere aciem, & dicant, ubi? Intèditur illis digitus ut uideant: aliquando dum erubescunt ne cæci putentur, dicunt se uidisse quod non uiderunt. Nunquid sic ostendimus ecclesiam fratres mei? nonne aperta est? nonne manifesta? nonne obtinuit omnes gentes? nonne impletur

ne impletur quod ante tot annos promissum est Abraæ, in semine eius benedici omnes gentes? Vni fideli promissum est, in milibus fideliū mundus impletus est. Ecce mons implens uniuersam faciē terræ: ecce ciuitas de qua dictū est, Nō potest ciuitas abscondi super montē constituta, Illi offendunt in montē: & cū eis dicitur, Ascendite, non est mons dicunt, & facilius illuc faciē impingunt, quā illic habitaculum quærunt. Esaias hesternā die lectus est, quisquis uestrum uigilabat, nō oculis tantū, nec aure corporis, sed aure cordis aduertit, Erit in nouissimis diebus manifestus mons domus domini, paratus in cacumine montiū. Quid tam manifestū quā mons? Sed sunt & montes ignoti, quia in una parte terrarum positi sunt. Quis uestrū nouit Olympum montē? quomodo ibi qui habitāt, Giddabā nostrū nō nouerunt. In partibus sunt isti montes: ille autē mons non sic, quia impleuit uniuersam faciē terræ: & de illo dicit, Paratus in cacumine montium. Mons est super cacumina omniū montium. Et congregabuntur, inquit, ad eum omnes gentes. Quis errat in hoc monte? quis frangit faciē offendēdo in illū? quis ignorat ciuitatē super montē constitutā? Sed nolite mirari, quia ignoratur ab istis qui oderunt fratres, quia in tenebris ambulāt, & nesciunt quō eunt, quia tenebræ excæcauerunt oculos eorū: montē nō uident, nolo mireris, oculos non habēt. Vnde oculos non habent? quia tenebræ excæcauerunt eos. Vnde probamus? quia fratres oderunt, quia cum offenduntur in Afris, separant se ab orbe terrarum, quia non tolerāt pro pace Christi quos infamant, & tolerant pro parte Donati quos damnant.

De eo quod Ioannes dicit, Scribo uobis filioli, quia remittuntur uobis peccata per nomē eius, usq; ad id, Et mundus transiet & desideria eius. Qui autē fecerit uoluntatem dei manet in æternum, sicut & ipse manet in æternū. Tractatus II.



**M**ANIA quæ leguntur in scripturis sanctis, ad instructionē & salutē nostram in mente oportet audire. Maxime tamen memoriæ cōmendanda sunt, quæ aduersus hæreticos ualēt plurimū, quorū insidiæ infirmiores quosq; & negligētiores circumuenire non cessant. Mementote dominū nostrū & saluatore Iesum Christum, & mortuū esse pro nobis & resurrexisse: mortuū scilicet propter delicta nostra, resurrexisse propter iustificationē nostrā. Sicut modo audistis, quia discipulorū duorū quos inuenit in uia, tenebantur oculi ne eum agnoscerent, inuenit eos desperantes de redēptione quæ erat in Christo, & existimantes iam illū passum, & mortuū fuisse sicut hominē, nec tanq; filium dei putātes semper uiuere, & in carne ita mortuū ut non reuiuisceret, sed tanquā unum ex prophetis, sicut uerba eorū paulo ante qui intēti eratis, audistis. Tunc aperuit illis scripturas, incipiens à Moysē, per omnes prophetas ostendens eis omnia quæ passus erat prædicta fuisse, ne illi magis mouerentur, si resurrexisset dominus, & magis ei non crederent, si de illo ista ante dicta non essent. Firmitas enim fidei in eo est, quia omnia quæ euenerunt in Christo, prædicta sunt. Discipuli ergo eum nō agnouerunt, nisi in fractione panis. Et uere qui non sibi iudiciū manducat & bibit, in fractione panis Christū agnoscit. Postea & illi uindicandum inimicis, palpandū amicis: medicus tamen omniū, & illorū impietatis, & istorum incredulitatis. Nam quod audistis cū actus apostolorū legerentur, quot milia crediderunt ex interfectōribus Christi, si crediderunt postea qui occiderunt, non erant credituri qui paululum dubitabant? Et ipsos tamen, quod maxime debetis animaduertere, & memoriæ uestræ mandare, quia contra insidiosos errores deus uoluit ponere firmamentū in scripturis, contra quas nullus audet loqui, qui quoquo modo se uult uideri Christianū. Cū se palpandum præbisset, non illis suffecit, nisi de scripturis cōfirmaret cor credentiū: prospiciebat enim nos futuros. In quo palpemus nos non habemus, & quod legamus habemus. Si enim propterea illi crediderunt, quia tenuerunt & palpauerūt, nos quid facimus? Iam Christus ascendit in cœlum, non est uenturus nisi in fine, ut iudicet de uiuis & mortuis. Vnde credituri sumus, nisi unde & ipsos palpantes uoluit confirmare? Aperuit enim illis scripturas, & ostendit eis quia oportebat pati Christū, & impleri omnia quæ de illo scripta sunt in lege Moysi &



A si & prophetis & psalmis, omnē ueterem scripturā circumplexus est. Quicquid illarū scriptu-  
 rarum est, Christum sonat, sed si aures inueniat: & aperuit eis sensum, ut intelligerēt scriptu-  
 ras. Vnde & nobis hoc orandum est, ut ipse sensum nostrū aperiat. Quid autē ostendit do-  
 minus scriptum de se in lege Moyſi & prophetis & psalmis: quid ostendit? Ipse dicat. Bre-  
 uiter hoc euangelista posuit, ut nos noscamus, quid in tāta latitudine scripturarū credere &  
 intelligere debeamus. Certe multae sunt paginae & multi libri, hoc habent omnes quod di-  
 xit dominus breuiter discipulis suis. Quid est hoc? Quia oportebat pati Christū, & resurge-  
 re tertia die. Habes iam de spōso, quia oportebat Christum pati & resurgere: cōmendatus  
 est nobis sponsus, de sponsa uideamus quid dicat, ut tu cū cognoueris spōsum & sponsam,  
 non sine causa ad nuptias uenias. Celebratio enim nuptiarū omnis celebratio: ecclesiae enim  
 nuptiae celebrantur. Ducturus est uxore filius regis, & ipse filius regis rex, & qui frequentāt,  
 ipsi sunt sponsa. Non quomodo in nuptijs carnalibus alij frequētant nuptias, & alia nubit:  
 in ecclesia qui frequentant, si bene frequētant, sponsa fiunt: omnis enim ecclesia sponsa Chri-  
 sti est, cuius principiū & primitiae caro Christi est, ibi iuncta est sponsa sponso in carne. Me-  
 rito carnē ipsam cum cōmendaret, panē fregit, & merito in fractione panis aperti sunt ocu-  
 li discipulorū, & agnouerūt eū. Quid ergo dixit dominus scriptū esse de se in lege & prophe-  
 tis & psalmis: quia oportebat pati Christū: si non adderet, & resurgere, recte illi plangerēt,  
 quorū oculi tenebantur: sed & resurgere prādictū est. Et ut quid hoc? quare hoc oportebat  
 pati Christū & resurgere? Propter illū psalmū quē uobis maxime cōmendauimus quarta  
 sabbati statione prima nouissimae hebdomadis. Quare oportebat Christum pati & resur-  
 gere: propter psalmum, Commemorabuntur & conuertentur ad dominum uniuersi fines Psalm. 21  
 terrae, & adorabunt in conspectu eius uniuersae patriae gentium. Nam ut noueritis, quia  
 oportebat pati Christum & resurgere, & hic quid addidit, ut post cōmendationem spon-  
 si commendaret & sponsam? Et prādicari, inquit, in nomine eius poenitentiam & remissio- Act. 1  
 B nem peccatorum per omnes gentes, incipientes ab Hierusalem. Audistis fratres, tenete: ne-  
 mo dubitat de ecclesia, quia per omnes gentes est: nemo dubitat, quia ab Hierusalem cœ-  
 pit, & omnes gentes impleuit. Agnoscimus agrum ubi uitis plantata est, cū autē creuerit, nō  
 agnoscimus quia totū occupauit. Vnde cœpit: ab Hierusalē. Quōd peruenit: ad omnes gen-  
 tes: paucae remanserunt, omnes tenebat. Interea cum omnes tenet, aliqua sarmenta inutilia  
 uisa sunt agricolae prācidenda, & fecerunt haereses & schismata. Non uos inducant prācisa  
 ut prācidamini, hortamini magis quae prācisa sunt, ut iterū inserantur. Manifestū est enim  
 Christum passum resurrexisse, ascendisse in cœlū: manifestū est & ecclesiae, quia prādicatur  
 in nomine eius poenitentia & remissio peccatorū in omnes gentes. Vnde cœpit: ab Hieru-  
 salē. Audi stultus uanus, & quid amplius dicturus sum: quā cecos qui tam magnū mon-  
 tem non uident, qui contra lucernā oculos in candelabro positā claudunt? Cum eis dicimus  
 si Christiani catholici estis, cōmunicate illis ecclesijs, unde euangeliū toto orbe diffunditur. Il-  
 li Hierusalē cōmunicate quando dicimus, Respondent nobis, non cōmunicamus illi ciuitati  
 ubi occisus est rex noster, ubi occisus est dominus noster, quasi oderint ciuitatem ubi occisus  
 est dominus noster. Occiderunt Iudaei quem inuenerunt in terra, exufflant illi qui sedet in  
 cœlo. Qui sunt peiores, qui contempserunt quia hominē putabant, an qui sacramenta eius  
 exufflant, quē iam dominū cōfitentur? Sed oderunt uidelicet ciuitatē, in qua dominus ipso  
 rum occisus est. Pn homines & misericordes, multū dolēt occisum esse Christum, & occidūt  
 in hominibus Christum. Et ille dilexit illam ciuitatem, & misertus est eius. Inde dixit incipe-  
 re prāditionē suam, incipiens ab Hierusalē. Ille ibi principium fecit prāditionis nomi-  
 nis sui, & tu exhorrescis cōmunicationem illius ciuitatis? Non est mirū si prācisis odisti ra-  
 dicem. Quid ait ille discipulis suis? Estote sedentes in ciuitate, quia ego mitto promissionem  
 meā in uos. Ecce quam ciuitatem oderunt, forte amarent, si Iudaei interfectores Christi in il-  
 la habitarent. Manifestum est enim omnes interfectores Christi, id est, Iudaeos expulsos es-  
 se de illa ciuitate. Quae habebat sauiantes in Christum, habet adorantes Christum, propte-  
 rea illā

rea illam isti oderunt, quia Christiani in illa sunt. Ibi uoluit sedere discipulos suos, & ibi illis mittere spiritum sanctum. Vbi inchoat ecclesia nisi ubi uenit de cœlo spiritus sanctus, & impleuit uno loco sedentes centum uiginti. Duodenarius ille numerus decuplatus erat. Sedebat centum uiginti homines, & uenit spiritus sanctus, & impleuit totum locum, & factus est sonus, quasi ferretur flatus uehemens, & linguæ diuisæ sunt uelut ignis. Audistis actus apostolorum hodie, ibi lecta est ipsa lectio, cœperunt linguis loqui quomodo spiritus sanctus dabat eis pronunciare. Et omnes qui aderant illic, de diuersis gentibus uenientes Iudæi, agnoscebat unusquisque linguam suam, & mirabantur illos idiotas & imperitos subito didicisse, non unam aut linguas duas, sed omnium omnino gentium. Vbi ergo iam omnes linguæ sonabant, omnes linguæ credituræ ostendebantur. Isti autem qui multum amant Christum, & ideo nolunt communicare ciuitati quæ interfecit Christum, sic honorant Christum, ut dicant illum remansisse ad duas linguas, Latinam & Punicam, id est, Afram. Solas duas linguas tenet Christus. Istæ enim duæ linguæ solæ sunt in parte Donati, plus non habent. Euigilemus fratres, uideamus potius donum spiritus sancti, & credamus antedictis de illo, & uideamus impleta esse quæ antedicta sunt in psalmo, Non sunt loquelæ neque sermones, quorum non audiantur uoces eorum. Et ne forte & ipsæ linguæ uenerint ad unum locum, & non potius donum Christi uenerit ad omnes linguas, audi quid sequitur, In omnem terram exiit sonus eorum, & in fines orbis terræ uerba eorum. Quare hoc? quia in sole posuit tabernaculum suum, id est, in manifesto tabernaculum eius, caro eius, tabernaculum eius, ecclesia eius in sole reposita est: non est in nocte, sed in die. Sed quare illi non agnoscunt? Redite ad lectionem, qua heri finis factus est, & uidete quare non agnoscunt. Qui odit fratrem suum, in tenebris ambulat, & nescit quod eat, quoniam tenebræ excæcauerunt oculos eius. Nos ergo sequentia uideamus, & non simus in tenebris. Vnde non erimus in tenebris? Dei amemus fratres. Vnde probatur? Quia amamus fraternitatem, quia non scindimus unitatem, quia tenemus charitatem. Scribo uobis filioli, quia remittuntur uobis peccata per nomen eius. Ideo filioli, quia dimissis peccatis nascimini. Sed per cuius nomen remittuntur peccata? nunquid Augustini? ergo nec per nomen Donati. Videtis quis Augustinus, aut quis Donatus? Nec per nomen Pauli, nec per nomen Petri. Nam diuidentibus sibi ecclesiam, & partes facere de unitate cupientibus, parituriens paruulos mater charitas, in Apostolo exponit uiscera sua, conscindit quodammodo uerbis ubera sua, plorat filios quos uidet efferri, reuocat ad unum nomen eos qui multa nomina sibi facere uolebant, repellit ab amore suo ut Christus ametur, & dicit, Nunquid Paulus pro uobis crucifixus est, aut in nomine Pauli baptizati estis? Quid dicit, nolo mei sitis, sed mecum sitis. Mecum estote, omnes illius sumus qui pro nobis mortuus est, qui pro nobis crucifixus est: unde & hic, dimittuntur uobis peccata per nomen eius, non per hominis alicuius. Et scribo uobis patres. Quare primo filij? Quia remittuntur uobis peccata per nomen eius, & regeneramini in nouam uitam, ideo filij. Patres quare? Quia cognouistis eum qui à principio est. Principium enim ad paternitatem pertinet. Nouus Christus in carne, sed antiquus in diuinitate. Quam antiquus putamus? quot annorum? Putamus ne maior quam mater sua? Maior planè quam mater sua: omnia enim per ipsum facta sunt. Si omnia, & ipsam matrem antiquus fecit, de qua nasceretur nouus. Putamus ne ante matrem solam, & ante auos matris? ante quos auos matris ipsius? Abraam: & dominus dicit, Ante Abraam ego sum. Ante Abraam dicimus. Cœlum & terra antequam esset homo, facta sunt, ante ipsa fuit dominus, imò est: optime enim non ait, ante Abraam ego fui, sed ante Abraam ego sum. Quod enim dicitur, quia fuit, non est: & quod dicitur quia erit, nondum est: ille non nouit nisi esse. Secundum quod deus est, esse nouit, fuisse & futurus esse non nouit. Dies est ibi unus, sed sempiternus: non ponunt illum diem in medio, hesternus & crastinus, hesternus enim die finito, incipiens hodiernus, uenturo crastino finitur. Ille unus dies ibi est, sine tenebris, sine nocte, sine mensura, sine horis. Quod uis illum dicere si uis dies est, si uis annus est, si uis anni sunt. Dictum est de ipso, Et anni tui non deficient. Quomodo



A modo autem dictus est dies, quando dictum est domino, Ego hodie genui te. Ab æterno <sup>psal. 2</sup> patre genitus, ex æternitate genitus: nullo initio, nullo fine, nullo spacio latitudinis, quia est quod est, quia ipse est qui est. Et nomen suū dixit Moyſi: dices eis, Qui est misit me ad uos. <sup>Exo. 3</sup> Quid ergo: ante Abraā: quid ante Noē: quid ante Adā: Audi scripturā, Ante luciferū ge <sup>psal. 109</sup> nui te. Postremo ante cælū & terrā. Quare: Quia omnia per ipsum facta sunt, & sine ipso factum est nihil, ideo patres agnoscite: patres enim fiunt agnoscēdo quod est ab initio. Scribo uobis iuuenes. Filij sunt, patres sunt, iuuenes sunt: filij, quia nascuntur: patres, quia principium agnoscūt. Iuuenes quare: Quia uicistis malignū. In filijs natiuitas, in patribus antiquitas, in iuuenibus fortitudo. Si malignus à iuuenibus uincitur, pugnat nobiscū: pugnat, sed non expugnat. Quare: quia nos sumus fortes. An quia ille est fortis in nobis, qui inter manus persequentium infirmus inuentus est: Ille nos fortes fecit, qui persequentibus nō resistit: crucifixus est enim ex infirmitate, sed uiuit ex uirtute dei. Scribo uobis pueri, quia cognouistis patrem. Scribo uobis patres. Cōmendat & repetit. Quia cognouistis eum qui à principio est. Memōtote uos patres esse. Si obliuiscimini eum qui à principio est, perdidistis paternitatem. Scribo uobis iuuenes. Etiam atq; etiam consyderate, quia iuuenes estis. Pugnate ut uincatis: uincite ut coronemini: humiles estote ne cadatis in pugna. Scribo uobis iuuenes, quia fortes estis, & uerbum dei in uobis manet, quia uicistis malignum. Hæc omnia fratres, quia cognouimus id quod à principio est, quia fortes sumus, quia cognouimus patrē: omnia ista quasi cognitionē cōmendant, charitatē cōmendāt. Si cognouimus, amemus: nam cognitio sine charitate non saluos facit. Scientia inflat, charitas ædificat. Si confiteri uultis & non amare, incipitis dæmonibus similes esse. Confitebantur dæmones filium dei, & dicebant, Quid nobis & tibi: & repellebantur. Confitemini & amplectimini: illi enim timebant de iniquitatibus suis, uos amate dimissorem iniquitatū uestrarum. Sed quomodo poterimus amare deū, si amamus mundū. Si amamus mundū, separat nos à charitate dei. Duo sunt amores, mundi & dei. Si mundi amor habitat, non est quā intret amor dei: recedat amor mundi, & habitat dei, melior accipiat locū. Amabas mundum, noli amare mundū. Cum exhauseris cor tuum amore terreno, hauries amorem diuinū, & incipit habitare iam charitas, de qua nihil mali potest procedere: audite ergo uerba purgātis modo. Quasi agrum inuenit corda hominum: sed quomodo inuenit: Si syluam inuenit, extirpat: si agrum purgatum inuenit, plantat: plātare ibi uult arborem charitatē. Et quam syluā uult extirpare: amorem mūdi. Audi extirpationem syluæ. Nolite diligere mundum. hoc em̄ sequitur, Neq; ea quæ sunt in mundo. Si quis dilexerit mundū, dilectio patris non est in eo. Audistis, quia si quis dilexerit mundum, dilectio patris non est in eo. Ne quis dicat in corde suo falsum esse hoc. Fratres, deus dicit per apostolum: spiritus sanctus locutus est, nihil uerius, Si quis dilexerit mundum, dilectio patris non est in ipso. Vis habere dilectionē patris ut sis cohæres filij, noli diligere mundum, exclude malum amorem mundi, ut implearis amore dei. Vas es, sed adhuc plenum es: funde quod habes, ut accipias quod non habes. Certe iam renati sunt ex aqua & spiritu sancto fratres nostri: & nos ante aliquot annos renati sumus ex aqua & spiritu sancto. Bonum est nobis, non diligamus mundum, ne remaneant in nobis sacramenta ad damnationem, non firmamenta ad salutem. Firmamentum salutis est habere radicem charitatis, habere uirtutem pietatis, nō formam solam. Bona forma, sancta forma: sed quid ualeat forma, si non habeat radicem: Sarmentum præcisum, nōne in ignem mittitur: Habe formam, sed in radice. Quomodo autem radicamini, ut nō eradicemini: Tenendo charitatem, sicut dicit Apostolus, In charitate radicati & fundati. <sup>Ephes. 5</sup> Quomodo ibi radicatur charitas inter tanta syluosa amoris mundi: Extirpate syluas, magnum semen posaturi estis: non sit in agro quod suffocet semen. Hæc sunt uerba extirpantia quæ dixi, Nolite diligere mundum, neq; ea quæ in mundo sunt, si quis dilexerit mundū, non est charitas patris in eo. Quia omne quod in mundo est, desiderium est carnis, & desiderium oculorum, & ambitio seculi. Tria dixit Quæ nō sunt à patre, sed ex mundo. Et

mundus transiet & desideria eius. Qui autem fecerit uoluntatem dei, manet in æternum, sicut & ipse manet in æternum.) Quid uis? Vtrum amare temporalia, & transire cum tempore, an mundum nō amare, & in æternum uiuere? Rerū temporalium fluuius trahit, sed tanquam circa fluuium arbor nata est, dominus noster Iesus Christus assumpsit carnem & resurrexit, ascendit in cœlum. Voluit se quodammodo circa fluuium temporum plantare: rapis in præcepis, tene lignum: uoluit te amor mundi, tene Christum. Propter te factus est temporalis, ut tu fias æternus: quia & ille sic factus est temporalis, ut maneret æternus. Accessit illi aliquid ex tempore, non decessit ex æternitate. Tu autem temporalis natus es, & per peccatum temporalis factus es, tu factus temporalis per peccatum: ille factus temporalis per misericordiam dimittendi peccata. Quantum interest cum duo sunt in carcere inter reū & uisitatorem eius? homo enim aliquando uenit ad amicum suum, & intrat uisitare eum, & ambo in carcere uidentur: sed multum distant & distincti sunt. Illum causa premit, illum humanitas adduxit: sic in ista mortalitate nos reatu tenebamur, ille misericordia descendit. Intrauit ad captiuum redemptor, non oppressor. Dominus pro nobis sanguinem fudit, redemit nos, mutauit spem nostram. Adhuc portamus mortalitatem carnis, & de futura immortalitate præsumimus: & in mari fluctuamus, sed ancoram spei in terra iam fiximus: sed non diligamus mundum, neque ea quæ in mundo sunt, quæ enim in mundo sunt, desiderium carnis est, & desiderium oculorū, & ambitio seculi: tria sunt ista, ne quis forte dicat, Quæ in mundo sunt deus fecit, id est, cœlū & terram, mare, solē, lunam, stellas, omnia ornamenta cœlorū. Quæ sunt ornamenta maris? omnia repētia. Quæ terræ? Animalia, arbores, uolatilia: ista sunt in mundo, deus illa fecit. Quare ergo nō amem quod deus fecit? Spiritus dei sit in te ut uideas quia hæc omnia bona sunt. Sed uæ tibi si amaueris condita, & deserueris conditorem. Pulchra tibi sunt, sed quanto est pulchrior qui ista formauit. Intendat charitas uestra: similitudinibus enim potestis instrui, ne subrepat uos satanas dicēs, quod solet dicere, Bene sit uobis in creatura dei, quare illa fecit, nisi ut bene uobis esset? Et inebriantur & pereunt, & obliuiscuntur creatorem suū, dum non temperanter, sed cupide utuntur creatis, creator contemnitur: de talibus dicit Apostolus, Coluerunt & seruiuerunt creaturæ potius quam creatori, qui est benedictus in secula. Non te prohibet deus amare ista, sed non diligere ad beatitudinem, sed approbare & laudare ut ames creatorem. Quemadmodū fratres si sponsus fecerit sponsæ suæ anulum, & illa acceptum anulum plus diligeret quam sponsum qui illi fecit anulum, nōne in ipso dono sponsi adultera anima deprehenderetur, quamuis hoc amaret quod dedit sponsus? Certe hoc amaret, quod dedit sponsus: tamen si diceret, Sufficit mihi anulus iste, iam illius faciem nolo uidere, qualis esset? quis non detestaretur hanc amentiam? quis non adulterum animum conuinceret? amas aurum pro uiro, amas anulum pro sponso. Si hoc est in te, ut ames anulum pro sponso, & nolis uidere sponsum tuum, ad hoc tibi arram dedit, ut non te oppignoraret, sed auerteret: ad hoc utique arram dat sponsus, ut in arra sua ipse ametur: ergo dedit tibi deus omnia ista, ama illum qui fecit ista. Plus est quod tibi uult dare, id est, seipsum qui ista fecit. Si autem amaueris hæc, quamuis illa deus fecerit, & neglexeris creatorem & amaueris mundum, amittis creatorem, qui fecit mundum. Mundus enim appellatur non solum ista fabrica quā fecit deus, cœlū & terra, mare, uisibilia & inuisibilia, sed habitatores mundi mundus uocatur, quomodo domus uocatur & parietes & inhabitantes. Et aliquando laudamus domum, & uituperamus inhabitantes: dicimus enim, Bona domus, quia marmorata est & pulchre laqueata: & aliter dicimus, Bona domus, nemo ibi patitur iniuriam, nullæ rapinæ, nullæ oppressiones ibi fiunt, modo non parietes laudamus, sed inhabitatores: domus tamen uocatur, siue illa, siue ista. Omnes enim dilectores mundi, quia dilectione inhabitant mundum, sicut cœlum quorum sursum est cor, & ambulāt carne in terra. Omnes ergo dilectores mundi, mundus uocatur. Ipsi non habent nisi ista tria, desiderium carnis, desiderium oculorum, & ambitionem seculi. Desiderant enim manducare, bibere, uti uoluptatibus istis. Nunquid nō est in his



A in his modus? Aut quando dicitur, nolite ista diligere: hoc dicitur, ut non manducetis, non bibatis, aut filios non procreetis? Non hoc dicitur: sed sit modus propter creatorem, ut non uos illigent ista dilectione, ne ad fruendum hoc ametis, quod ad utendum habere debetis. Non autem probamini, nisi quando uobis proponuntur duo, hoc aut illud. Iustitiam uis, an lucra? Non habeo unde uiuam, non habeo unde manducem, non habeo unde bibam. Sed quid si non potes habere ista nisi per iniquitatem? Nōne melius amas quod nō amittis, quā quod iniquitatem committis? Lucrum auri uides, damnum fidei non uides? Hoc ergo ait dominus, Desiderium carnis est, id est, desiderium earum rerum quæ pertinet ad carnem, sicut cibus & cōcubitus, & cætera huiusmodi. Et desiderium oculorum, desiderium oculorum dicit omnem curiositatem. Iam quā late patet curiositas ipsa in spectaculis, in theatris, in sacramentis diaboli, in magicis artibus, in maleficijs, ipsa est curiositas. Aliquando tentat etiam seruos dei, ut uelint quasi miraculum facere, tentare utrū exaudiat illos deus. In miraculis curiositas est, hoc est, desiderium oculorum, non est à patre. Si dedit deus fac. Obtulit enim ut facias: non enim qui non fecerunt, ad regnum dei non pertinebunt. Cum gauderent apostoli quia dæmonia eis subiecta erant, quid eis dixit dominus? Nolite in hoc gaudere, sed gaudete quoniam nomina uestra scripta sunt in cælo. Inde uoluit gaudere apostolos, unde gaudes & tu. Væ tibi enim, si nomen tuum non est scriptum in cælo. Nunquid uæ tibi si non ambulaueris in mari? Nunquid uæ tibi, si non excluseris dæmonia? Si accepisti hæc unde facias, utere humiliter, non superbe. Nam & de quibusdam pseudoprophetis dicit dominus, quia facturi sunt signa & prodigia. Ergo non sit ambitio seculi: ambitio seculi superbia est, iactare se uult in honoribus: magnus tibi uidetur homo, siue de diuitijs, siue de aliqua potentia. Tria sunt ista, & nihil inuenies unde tentetur cupiditas humana, nisi aut desiderio carnis, aut desiderio oculorum, aut ambitione seculi. Per ista tria tentatus est dominus à diabolo. Desiderio carnis tentatus est quando dictum est ei, Si filius dei es, dic lapidibus istis ut panes fiant, quando esuriuit post ieiunium. Sed quomodo repulit tentationem, & docuit pugnare militem? Attendite quid illi ait, Non in solo pane uiuit homo, sed in omni uerbo dei. Tentatus est ex desiderio oculorum de miraculo, quando ei dixit, Mitte te deorsum: scriptum est, Angelis suis mandauit de te, ne quando offendas ad lapidem pedem tuum. Ille restitit tentatori: si enim faceret miraculum, non uideretur nisi aut cessisse aut curiositate fecisse: fecit enim quando uoluit tanquam deus, sed tanquam infirmos curans: nam si tunc faceret, quasi tantummodo miraculum uelle facere putaretur. Sed ne hoc homines sentiret, attende quid respondit: & quando tibi talis tentatio euenerit, dic illud & tu, Redi post me satanas: scriptum est enim, Nō tentabis dominū deū tuū, id est, si hoc fecero, tentabo deū. Hoc dixit, quod te uoluit dicere, quando tibi suggerit inimicus: qualis homo, qualis Christianus? Modo uel unum miraculū fecisti, aut orationibus tuis mortui surrexerunt, aut febricitantes sanasti? Si uere esses alicuius momenti, faceres aliquod miraculum: responde & dic, scriptum est, Non tentabis dominum deum tuum: non ergo tentabo deum, quasi tunc pertineam ad deum si fecero miraculum, & non pertineam si non fecero. Et ubi sunt uerba eius, Gaudete quia nomina uestra scripta sunt in cælo? De ambitione seculi quomodo tentatus est dominus, quando eleuauit eum in excelsum & dixit ei, Hæc omnia regna tibi dabo, si prostratus adoraueris me? De elatione regni terreni uoluit tentare regem seculorum: sed dominus qui fecit cælū & terram, diabolum calcabat. Quid magnum à domino diabolū uinci? Quid ergo respondit diabolo, nisi quod te docuit ut respondeas, Scriptum est, dominum deum tuum adorabis, & illi soli seruiēs. Tenentes ista, non habebitis concupiscentiam mundi. Non habendo concupiscentiam mundi, non uos subiugabit nec desiderium carnis, nec desiderium oculorum, nec ambitio seculi, & facitis locum charitati uenienti ut diligatis deum, quia si fuerit ibi dilectio mundi, non ibi erit dilectio dei. Tenete potius dilectionem dei, ut quomodo deus est æternus, sic & uos maneatis in æternum: quia talis est quisque, qualis eius dilectio est. Terram

Luc. 10

Matth. 4

est. Terram diligis, terra eris. Deum diligis: quid dicam, deus eris: Non audeo dicere ex me, <sup>psal. 81</sup> scripturas audiamus, Ego dixi dii estis, & filij altissimi omnes. Si ergo uultis esse dii & filij altissimi, nolite diligere mundum, nec ea quæ sunt in mundo. Si quis dilexerit mundum, nõ est charitas patris in illo, quia omnia quæ sunt in mundo, desiderium carnis est, & desiderium oculorum, & ambitio seculi, quæ non est ex patre, sed ex mundo, id est, ab hominibus & dilectoribus mundi. Et mundus transiet, & desideria eius transeunt. Qui autem facit uoluntatem dei, manet in æternum, sicut & deus manet in æternum.

De eo quod Ioannes dicit, Pueri nouissima hora est, usque ad id, Et non habetis necessitatem, ut aliquis uos doceat, quia unctio ipsius docet uos de omnibus.

### Tractatus III.



<sup>IOAN. 20</sup> **P**ueri nouissima hora est. In hac lectione pueros alloquitur ut festinet crescere, quia nouissima hora est. Ætas corporis nõ est in uoluntate. Ita nullus secundum carnem crescit quando uult, sicut nullus quando uult nascitur. Vbi autem natiuitas in uoluntate est, & incrementum in uoluntate est, nemo ex aqua & spiritu nascitur nisi uolens, ergo si uult crescit: si nõ uult decrescit. Quid est crescere? proficere. Quid est decrescere? deficere. Quisquis nouit natum esse se, ut audiat quia puer est & infans, auide inhiat uberibus matris, & cito crescit. Est autem mater, ecclesia: & ubera eius duo testamenta scripturarum diuinarum, hinc sugatur lac omnium sacramentorum temporaliter pro æterna salute nostra gestorum, ut nutritus atque roboratus perueniat ad masticandum cibum, quod est, in principio erat uerbum, & uerbum erat apud deum, & deus erat uerbum. Lac nostrum Christus humilis est, cibus noster, idem ipse Christus æqualis patri. Lacte te nutrit ut pane pascas: nam corde contingere Iesum spiritualiter, hoc est cognoscere, quia æqualis est patri. Propterea & Mariam prohibebat se tangere, & dicebat ei, Noli me tangere, nondum enim ascendi ad patrem meum. Quid est hoc? Discipulis se palandum præbuit, & Mariæ contactum uitauit: nonne ipse est qui dubitanti discipulo dixit, Mitte digitos tuos & palpa cicatrices: nunquid iam ad patrem ascenderat. Quare ergo Mariam prohibet & dicit, Noli me tangere, nondum enim ascendi ad patrem meum? An hoc dicturi sumus quod à uiris se tangi nõ timuit, & à mulieribus se tangi timuit? Contactus illius omnem carnem mundat. Quibus primo uoluit manifestari, ab his se timuit contrectari: Nonne uiris resurrectio eius per foeminas nunciata est, ut contraria arte serpens uinceretur: quia enim ille mortem primo homini per foeminam nunciauit, & uiris uita per foeminam nunciata est: quare ergo se tangi noluit, nisi quia contactum illum spiritalem intelligi uoluit? Contactus spiritualis de corde mundo. Ille contingit de corde mundo Christum qui eum intelligit patri coæqualem & coæternum: qui autem nondum intelligit diuinitatem Christi, usque ad carnem uenit, usque ad diuinitatem non uenit. Quid autem magnum est usque illuc attingere, usque quo persecutores qui crucifixerunt. Illud est magnum intelligere, uerbum deum apud deum in principio, per quod facta sunt omnia, qualem se cognosci uolebat quando ait Philippo. Tanto tempore uobiscum sum, & non cognouistis me, Philippe qui uidet me, uidet & patrem. Sed ne quis piger sit ad proficiendum, audiat, Pueri, nouissima hora est, Proficite, currite, crescite, nouissima hora est. Ipsa nouissima hora diuturna est, tamen nouissima hora est: noster Iesus Christus: sed dicturi sunt aliqui, Quomodo nouissimum tempus, quomodo nouissima hora, certe prius uenit antichristus, & tunc ueniet dies iudicii? Vidit Ioannes cogitationes istas, ne quasi securi fierent, & ideo non esse horam nouissimam putarent, quod uenturus esset antichristus, ait illis, Et sicut audistis quod antichristus sit uenturus, nunc antichristi multi facti sunt. Nunquid posset habere multos antichristos, quam hora nouissima? Quos antichristos, sequitur & exponit. Vnde cognouimus quod nouissima sit hora? Vnde? Quia antichristi multi facti sunt. Ex nobis exierunt. Videte antichristos, ex nobis exierunt: ergo plangimus damnum? Audi consolationem. Sed non erant ex nobis. Omnes hæretici, omnes schismatici ex nobis



**A** ex nobis exierunt, id est ex ecclesia exeunt: sed non exirent si ex nobis essent, antequam exirent ergo, non erant ex nobis. Si antequam exirent non erant ex nobis, multi intus sunt, non exierunt, & tamen antichristi sunt: audemus hoc dicere: ut quid? Nisi unusquisque cum intus est non sit antichristus. Descripturus enim antichristos & designaturus est, & uidebimus eos. Nunc interrogare debet unusquisque conscientiam suam, an sit antichristus: latine enim antichristus contrarius est Christo. Non quomodo nonnulli intelligunt antichristum ideo dictum, quod ante Christum uenturus sit, id est, post eum uenturus sit Christus. Non sic dicitur, non sic scribitur, sed antichristus, id est contrarius Christo. Iam quis sit contrarius Christo, nunc aduertetis ipso exponente, & intelligetis non posse exire foras nisi antichristos. Eos autem qui non sunt Christo contrarii, foras exire nullo modo posse: qui enim non est Christo contrarius, in corpore ipsius haeret, & membrum computat. Nunquam sibi sunt membra contraria, corporis integritas uniuersis membris constat: & quid de concordia membrorum dicit Apostolus, Si 1. Cor. 12 patitur unum membrum, compatiantur omnia membra: & si glorificatur unum membrum, congaudent omnia membra. Si ergo in glorificatione membri cetera membra congaudent, & in passione omnia membra patiuntur, concordia membrorum non habet antichristum. Et qui sunt intus, certe sunt in corpore domini nostri Iesu Christi, quandoquidem adhuc curatur corpus ipsius, & sanitas perfecta non erit nisi in resurrectione mortuorum. Sic sunt in corpore Christi, quomodo humores mali, quando euomuntur, tunc releuatur corpus: sic & mali quando exeunt, tunc ecclesia releuatur. Et dicit quando eos euomit atque proijcit corpus: ex me exierunt humores isti, sed non erant ex me. Quid est, non erant ex me? Non de carne mea praecisi sunt, sed pectus mihi premebant cum inessent, ex nobis exierunt, sed nolite tristes esse, non erant ex nobis. Vnde probas? Quod si fuissent ex nobis, permansissent utique nobiscum. Hinc ergo uideat charitas uestra, quia multi qui non sunt ex nobis, accipiunt nobiscum sacramenta, accipiunt nobiscum baptismum, accipiunt nobiscum quod norunt fideles accipere, benedictionem, eucharistiam, & quicquid in sacramentis sanctis est. Ipsius altaris communicationem accipiunt nobiscum, & non sunt ex nobis: tentatio probat quia non sunt ex nobis. Quando illis tentatio uenerit, uelut occasione uenti uolant foras, quia grana non erant. Omnes autem tunc uolabunt (quod saepe dicendum est) cum area dominica coeperit uentilari in die iudicii. Ex nobis exierunt, sed non erant ex nobis: quod si fuissent ex nobis, permansissent utique nobiscum. Nam uultis nosse charissimi, quod certissime dicatur hoc, ut qui forte exierunt & redeunt non sunt antichristi, non sunt contrarii Christo, sed de uoluntate sua unusquisque aut antichristus, aut in Christo est, aut in membris sunt uiuis, aut in humoribus malis. Qui se in melius commutat, in corpore membrum est: qui autem in malicia permanet, humor malus est, & quando exierit, releuabuntur qui premebantur. Ex nobis exierunt, sed non erant ex nobis, quod si fuissent ex nobis, permansissent utique nobiscum. Sed ut manifestarentur, quod non omnes erant ex nobis. Ideo addidit ut manifestarentur, quia & intus cum sunt, non ex nobis sunt, non tamen manifesti sunt, exeundo manifestantur. Et uos unctionem habetis a sancto, ut ipsi uobis manifesti sitis. Vnctio spiritalis ipse spiritus sanctus est, cuius sacramentum est in unctione uisibili. Hanc unctionem Christi qui habent, dicit omnes cognoscere malos & bonos, nec opus esse ut doceantur, quia ipsa unctio docet. Scribo uobis, non quod nesciretis ueritatem, sed quia nostis eam, & quia omne mendacium non est ex ueritate. Ecce admoniti sumus quomodo cognoscamus antichristum. Quid est Christus? ueritas: ipse dixit, Ego sum ueritas. Omne autem mendacium non est ex ueritate, omnes igitur qui mentiuntur, non sunt ex Christo. Non dixit quoddam mendacium ex ueritate, & quoddam mendacium non ex ueritate. Sententiam attende, ne uos palpetis, ne uobis adulemini, ne uos decipiatis, ne uos illudatis, omne mendacium non est ex ueritate. Videamus ergo quomodo antichristi mentiuntur, quia non est unum genus mendacii. Quis est mendax, nisi is qui negat quod Iesus non sit Christus? Aliam significationem habet Iesus, aliam habet Christus. Cum sit unum, Iesus Christus saluator noster, Iesus tamen proprium nomen illi, quomodo Moyses proprio nomine appellatus est, quomodo Helias, quomodo Abraha: sic tanquam proprium

prium nomen habet dominus noster Iesus. Christus autē sacramēti nomen est, quomodo si dicatur propheta, quomodo si dicatur sacerdos: sic Christus commendatur unus, in quo est redēptio totius populi Israël. Iste Christus sperabatur uenturus à populo Iudæorū, & quia humilis uenit, non est agnitus, quia lapis paruus erat, offenderunt in illū & fracti sunt. Sed creuit lapis, & factus est mons magnus: & quid ait scriptura? Quicumq; offenderit in lapidem istum conuassabitur, & super quem uenerit lapis iste, conteret eum. Discernenda sunt uerba, offendente dicit conuassari: super quem autem uenerit conteri. Primo quia humilis uenit, offenderunt in illum homines: quia excelsus uenturus est ad iudiciū, super quem uenerit conteret eum. Sed illum non conteret uenturus, quem non quassauit cum uenit. Qui in humilem non offendit, non formidabit excelsū. Breuiter audistis, qui in humilem non offendit, nō formidabit excelsū: omnibus enim malis lapis offensionis est Christus, quicquid dicit Christus, amarū est illis. Etenim audite & uidete, omnes certe qui exeūt de ecclesia, & ab unitate ecclesiæ præciduntur, antichristi sunt: nemo dubitat, ipse enim designauit, Ex nobis exierunt, sed nō erant ex nobis: nam si fuissent ex nobis, permansissent utique nobiscum. Quicumq; ergo nō manēt nobiscū, sed exeunt ex nobis, manifestū est quod antichristi sunt. Et quomodo probantur antichristi? ex mendacio. Et quis est mendax, nisi qui negat quoniā Iesus est Christus? Interrogemus hæreticos. Quē inuenis hæreticū, qui negat, quia Iesus nō est Christus? Videat charitas uestra magnū sacramentū, attēdite quid inspirauerit nobis deus, & quid insinuare nobis uelit. Ecce exierūt à nobis, & facti sunt Donatistæ. Interrogemus eos utrum Iesus sit Christus, statim cōfitentur quia Iesus Christus est. Si ergo ille est antichristus, qui negat Iesum esse Christum, nec nos possunt illi dicere antichristos, nec nos illos, quia & nos confitemur & illi. Si ergo nec illi nos dicunt, nec nos illos, ergo nec illi à nobis exierūt, nec nos ab ipsis. Si ergo nō à nobis exiuius, in unitate sumus. Si in unitate sumus, quid faciunt in hac ciuitate duo altaria? quid faciunt diuisæ domus, diuisa coniugia? Quid facit cōmunis lectus, & diuisus Christus? Admonet nos, uult nos fateri quod uerum est. An ipsi à nobis exierunt, aut nos ab ipsis? sed absit ut nos ab ipsis: habemus enim testamentū dominicæ hæreditatis, recitamus, & ibi nos inuenimus, Dabo tibi gentes hæreditatē tuā, & possessionē tuā terminos terræ. Tenemus hæreditatē Christi, illi eam nō tenent, nō cōmunicant orbi terrarū, non cōmunicant uniuersitati redēptæ sanguine domini. Habemus ipsum dominū resurgentē à mortuis, qui se dubitatibus manibus discipulorū præbuit palandū. Et cū adhuc illi dubitarent, ait illis, Oportebat Christū pati, & resurgere tertia die, & prædicari in nomine eius pœnitentiā & remissionē peccatorū. Vbi? quā? quibus? Per omnes gentes, incipientes ab Hierusalem: securi sumus de unitate hæreditatis. Quisquis huic hæreditati non cōmunicat, foras exijt. Sed nō cōtristemur, ex nobis exierūt, sed non erant ex nobis nā si fuissent ex nobis, permansissent utiq; nobiscū. Si ergo ex nobis exierunt, antichristi sunt: si antichristi sunt, mendaces sunt: si mendaces sunt, negant Iesum esse Christum. Iterum redimus ad difficultatem quæstionis: singulos interroga, confitentur Iesum esse Christum. Coartat nos angustus intellectus in hac epistola: uidetis certe quæstionem. Hæc quæstio & nos & ipsos turbat, si non intelligatur. Aut nos sumus antichristi, aut illi sunt antichristi. Illi nos antichristos uocant, & dicunt quod exiuius ab eis, nos illos si militer: sed designauit hæc epistola antichristos. Quicumque negat quod Iesus non sit Christus, ipse est antichristus. Iam ergo quæramus, quis neget, & non attendamus ad linguam, sed ad facta: si enim omnes interrogentur, omnes uno ore confitentur Iesum esse Christū. Quiescat paululum lingua, uitam interroga. Si inueneritis hoc, si ipsa scriptura nobis dixerit, quia negatio eorum nō tantum lingua fit, sed & factis. Certe inuenimus multos antichristos, qui ore confitentur Christum, & moribus dissentiant à Christo. Vbi inuenimus hoc in scriptura? Paulū audi apostolū de talibus cum loqueretur, ait, Cōfitentur enim se nosse deum, factis autem negant. Inuenimus & ipsos antichristos, quisquis factis negat Christum, antichristus est. Nō audio quid sonet, sed uideo quid uiuat: opera loquuntur, & uerba requirimus

Daniel. 2

Luc. 20

psal. 2

ad Titum



**A** requirimus? Quis enim malus non bene uult loqui? sed quid dicit de talibus dominus? *Hy Matth. 12*  
 pocritæ, quomodo potestis bona loqui cum sitis mali? Voces uestras ad aures meas affe-  
 tis, ego cogitationes uestras inspicio, uoluntatē ibi malam uideo, & falsos fructus ostēditis.  
 Noui quid inde colligā, non colligo de tribulis ficus, non colligo de spinis uuas. *Mat. 7*  
 Vnaquæq; enim arbor à fructu cognoscitur. Magis mendax est antichristus qui ore profitemur Iesum  
 esse Christum, & factis negat, ideo mendax, aliud loquitur, aliud agit. Iam ergo fratres, si fa-  
 cta interroganda sunt, non solum multos inuenimus antichristos foras exiisse, sed multos  
 nondum manifestos quod foras exierint. Quotquot enim habet ecclesia periuros, fraudato-  
 res, adulteros, ebriosos, sceneratores, mangones, & omnia quæ numerare non possumus, si  
 contraria sunt doctrinæ Christi, contraria sunt uerbo dei. Verbum autem dei Christus  
 est: quicquid contrarium est uerbo dei, in antichristo est. Antichristus enim contrarius est  
 Christo. Et uultis nosse quā aperte resistant isti Christo, aliquando eueniat ut aliquid  
 mali faciant, & incipiant corripī, quia Christum non audent blasphemare, ministros eius  
 blasphemant à quibus corripiuntur. Si autem ostenderis illis, quia Christi uerba dicis, non  
 uerba tua, conantur quantum possunt ut te conuincant uerba tua dicere, non uerba Chri-  
 sti. Si autē manifestū fuerit, quia uerba Christi dicis, eunt & in Christū, incipiūt reprehende-  
 re Christū. Quomodo, inquiūt, & quare tales nos fecit? Nōne dicūt hoc quotidie homines  
 conuicti de factis suis? Praua uoluntate peruersi artificē accusant. Clamat ille artifex de cœ-  
 lo, quia ipse nos fecit, qui nos refecit: quid te fecit? Ego hominē, non avaritiā: ego hominē fe-  
 ci, non latrocinii: ego hominē feci, non adulteriū. Audistis quia laudant me opera mea. Ex  
 ore triū puerorū ipse hymnus erat qui ab ignibus defendebat, laudant opera domini do-  
 minū, laudant cœli, terra, mare: laudant omnia quæ sunt in cœlo. Laudant angeli, laudāt stel- *Daniel, 3*  
 la, laudant luminaria, laudat quicquid natat, quicquid uolat, quicquid ambulat, quicquid re-  
 pit: laudant ista omnia dominū. Nunquid audistis quia laudat dominū avaritiā: nunquid  
**B** audistis, quia laudat dominū ebriositas? quia laudat luxuria, laudat nugacitas? Quicquid  
 ibi non audis laudē dare domino, non fecit dominus. Corrige quod tu fecisti, ut saluetur  
 quod in te deus fecit. Si autē non uis, & amas & amplecteris peccata tua, contrarius es Chri-  
 sto. Intus sis, foris sis, antichristus es: intus sis, foris sis, palea es. Sed quare foris nō es? Quia  
 occasionē uenti nō inuenisti. Iam ista manifesta sunt fratres, ne quis dicat, Christū nō colo,  
 sed deū colo patrē ipsius. Omnis qui negat filiū, nec filiū nec patrē habet: & qui cōfitemur fi-  
 lium, & filiū & patrē habet. Vos grana alloquitur, & qui palea erant, audiant, grana fiant.  
 Vnusquisq; considerans conscientiam suam, si mundi amator est, mutetur: fiat amator Chri-  
 sti, ne sit antichristus. Si quis ei dixerit quod antichristus sit, irascitur, iniuriam sibi factam  
 putat, fortassis inscriptionē minatur. Si audiat à litigante quod antichristus sit, dicit ei Chri-  
 stus, Patiens esto, si falsum audisti, gaude mecum, quia & ego falsa ab antichristis audio.  
 Si autem uerum audisti, conueni conscientiam tuā, & si audire times, esse plus time. Ergo  
 uos quod ab initio audistis, in uobis maneat. Quod si in uobis manserit quod ab initio au-  
 distis, & uos in filio & patre manebitis. Hæc est illa pollicitatio quā ipse pollicitus est nobis.  
 Forte enim mercedē quæreres & diceres, Ecce in me quod ab initio audiui custodio, obtem-  
 pero: pericula, labores, tentationes pro ista mansione sustineo, quo fructu, qua mercede?  
 Quid mihi postea dabit, quia in hoc seculo me uideo laborare inter tentationes? Non ui-  
 deo hic requiem esse aliquam, mortalitas ipsa aggrauat animam, & corpus quod corrumpi  
 tur premit ad inferiora, sed tolero omnia, ut illud quod ab initio audiui, maneat in me, & di- *Psalm. 16*  
 cam deo meo, Propter uerba labiorum tuorum ego custodiui uias duras. Ad quam ergo  
 mercedem? Audi & noli deficere. Si deficiebas in laboribus, promissa mercede fortis esto.  
 Quis est qui operetur in uinea, & recedat illi de corde quod accepturus est? Fac illum obli-  
 tum mercedem suam, deficiunt manus. Memoria promissæ mercedis perseverantem fa-  
 cit in opere: & homo promisit qui te potest fallere. Quanto fortior esse debes in a-  
 gro dei, quando promisit ueritas, cui nec succedi potest, nec mori, nec fallere potest eum  
 cui pro-

cui promissum est: Et quid est promissum? uideamus quid promissit. Aurum est, quod hic multum amant homines, an argentum? An possessiones, ad quas fundunt homines aurum, quamuis multum ament aurum? An amœna prædia, amplæ domus, multa mancipia, animalia numerosa? Non est hæc merces quædam ad quam nos hortatur, ut in labore duremus. Quid dicitur merces ista? Vita æterna: audistis & gauisi exclamastis, amate quod audistis, & liberamini à laboribus uestris in requiẽ uitæ æternæ. Ecce quid promittit deus: Vitam æternam. Ecce quid minatur deus: Ignem æternum. Quid illis ad dexteram constitutis, Venite benedicti patris mei, percipite regnum quod uobis paratum est ab origine mundi. Ad sinistram quid? Ite in ignem æternum, qui paratus est diabolo & angelis eius. Illud nondum amas, uel hoc time: mementote ergo fratres mei, quia uitam æternam nobis promissit. Hæc est, inquit, pollicitatio quam ipse pollicitus est nobis uita æterna. Hæc scribo uobis de his qui uos seducunt. Nemo uos seducat ad mortem, promissionem uitæ æternæ desiderate. Quid potest mûdus promittere? Quicquid libet promittat, fortassis in crastino morturo promittit. Et qua fronte ad illum qui manet in æternum exiturus es? Sed quid minatur mihi potens homo, ut aliquid mali faciam? quid minatur? carceres, catenas, ignes, tormenta, bestias, nunquid ignem æternum? Exhorresce quod minatur omnipotens, ama quod pollicetur omnipotens, & uilescit omnis mundus, siue promittens, siue terrens. Hæc scribo uobis de his qui uos seducunt. Ut sciatis quia unctionem habetis, & unctio quam accepimus ab eo, permaneat in nobis. Vnctionis sacramentum est, uirtus ipsa inuisibilis, unctio inuisibilis spiritus sanctus, unctio inuisibilis, charitas illa est, quæ in quocumque fuerit tanquam radix illi erit, quauis ardente sole arefcere non potest. Omne quod radicum est, nutritur calore solis, non exarescit. Et non habetis necessitatem ut aliquis uos doceat, quia unctio ipsius docet uos de omnibus. Quid ergo nos facimus fratres, quia docemus uos? Si unctio eius docet nos de omnibus, quasi nos sine causa laboramus. Et ut quid tantum clamamus? Dimittamus uos unctiõni illius, ut doceat uos unctio ipsius. Sed modo mihi facio quaestionem, & illi ipsi apostolo facio, dignetur audire paruulum quaerentem à se, ipsi Ioanni dico, Vnctionem habebat quibus loquebaris? Tu dixisti, quia unctio ipsius docet uos de omnibus, ut quid talem epistolam fecisti? quid illos tu docebas? quid instruebas? quid ædificabas? Iam hic uidete magnum sacramentum fratres, sonus uerborum nostrorum aures percipit, magister intus est. Nolite putare quenquam hominem aliquid discere ab homine. Admonere possumus per strepitum uocis nostræ, si non sit intus qui doceat, inanis fit strepitus noster. Adeo fratres uultis nosse, nunquid non sermonem istum omnes audistis? Quam multi hinc indocti exituri sunt: quantum ad me pertinet, omnibus locutus sum, sed quibus unctio illa intus non loquitur, quos spiritus sanctus intus non docet, indocti redeunt. Magisteria forinsecus, adiutoria quædam sunt & admonitiones, cathedram in cælo habet qui corda docet, propterea ait & ipse in euangelio, Nolite uobis dicere magistrum in terra: unus est ergo magister Christus. Ipse uobis ergo intus loquitur, quando nemo hominum illic est. Quia etsi aliquis est à latere tuo, nullus est in corde tuo: & non sit ullus in corde tuo, Christus sit in corde tuo, unctio ipsius sit in corde, ne sit in solitudine cor sitiens, & non habens fontes quibus irrigetur. Interior ergo magister est qui docet, Christus docet, inspiratio ipsius docet. Vbi illius inspiratio & illius unctio non est, forinsecus inaniter perstreperunt uerba. Sic sunt ista fratres quæ forinsecus dicimus, quomodo est agricola ad arborem, forinsecus operatur, adhibet aquam & diligentiam culturæ. Quælibet forinsecus adhibeat, nunquid poma forinsecus agit? sed quis agit hoc? Audite agricolam Apostolum, & uidete quid sumus, & audite magistram interiorem, Ego plantaui, Apollo rigauit, sed deus incrementum dedit. Neque qui plantat est aliquid, neque qui rigat, sed qui incrementum dat deus. Hoc ergo uobis dicimus, siue plantemus, siue rigemus, loquendo non sumus aliquid, sed ille qui incrementum dat deus, id est, unctio illius docet uos de omnibus.

Matth. 23

1. Cor. 3



**A** De eo quod Ioannes dicit: Et uerax est, & nō est mendax: sicut docuit uos permanere in ipsa. Et nunc filioli, permanete in eo, ut cum manifestatus fuerit, habeamus fiduciam in conspectu eius ut non confundamur ab eo in aduentu eius, usq; ad id: In hoc manifestatus est filius dei, ut soluat opera diaboli:

Tractatus

IIII.



**M**INISTIS fratres hesternā lectionē ad hoc terminatam, quia non habetis necessitatem ut quis doceat uos, sed ipsa unctio docet uos de omnibus. Hoc autem sicut uos recordari certus sum, sic exposuimus uobis, quia nos qui forinsecus loquimur ad aures uestras, ita sumus quasi operarij, adhibentes culturam forinsecus ad arborem: sed incrementum dare non possumus, nec fructus formare: ille autem qui uos creauit & redemit & uocauit per fidem, & spiritum suum habitās in uobis, nisi loquatur uobis intus, sine causa nos perstrepimus. Vnde hoc apparet: Quia cum multi audiunt, non omnibus persuadetur quod dicitur, sed illis solis quibus intus loquitur deus. Illis autē intus loquitur, qui ei locum prābent: illi autem deo locum prābent, qui diabolo locū non prābent. Habitare enim uult diabolus corda hominum, & loqui ibi omnia quae ualent ad seductionē: sed quid ait dñs Iesus: Princeps huius mundi missus est foras: unde missus est? Ioan. 12 Nunquid extra coelum & terram? nunquid extra fabricam mūdi? Non: sed extra corda credentium foras misso inuasore, habitat redemptor, quia ipse redemit qui creauit: & diabolus iam forinsecus oppugnat, non uincit illum qui intus possidet. Forinsecus autem oppugnat, immittendo uarias tentationes: sed ille non consentit cui deus intus loquitur, & unctio quā audit, docet. Et uerax est, inquit, eadem unctio, id est, ipse spiritus domini qui docet homines, mentiri non potest. Et non est mendax: sicut docuit uos permanere in ipsa. Et nunc filioli permanete in eo, ut cum manifestatus fuerit, habeamus fiduciam in conspectu eius, ut non confundamur ab eo in aduentu eius.) Videte fratres, credimus in Iesum quem non uidimus, annunciauerunt eū qui uiderunt, qui contrectauerunt, qui uerbū ex ore ipsius audierunt, & ut persuaderent generi humano, ab illo missi sunt, non à seipsis ire ausi sunt. Et quō missi sunt? Audistis cum euangelium legeretur: Ite praedicate euangelium uniuersae creaturae quae sub coelo est. Vbiq; ergo discipuli missi sunt attestantibus signis & prodigijs, ut crederetur illis, quia ea dicebant quae uiderant. Credimus in eum quem nō uidimus, & uenturum eum expectamus. Quicumq; illum fide expectant, cum uenerit gaudebunt: qui sine fide sunt cum uenerit, quod nunc non uident, erubescunt. Et confusio illa non erit unius diei & transiet, quomodo solent confundi qui inueniuntur in aliqua culpa, & eis insultatur ab hominibus. Confusio illa traducet cōfustos ad sinistram, ut audiant: Ite in ignem aeternum qui paratus est diabolo & angelis eius. Maneamus ergo in uerbis eius, ne confundamur cū uenerit, ipse enim dicit in euangelio eis qui in eum crediderant, Si permāseritis in uerbo meo, Marci. 16 uere discipuli mei estis. Et quasi dicerent, quo fructu? Et cognoscetis, inquit, ueritatem, & ueritas liberabit uos: Modo enim salus nostra in spe, nōdum in re: nondū tenemus iam quod promissum est, sed uenturum speramus: fidelis autem est qui promisit, non te fallit, tantum noli deficere, sed expecta promissorem: non enim nouit fallere ueritas, tu noli esse mendax, ut aliud profitearis, aliud agas. Tu serua fidem, & seruat ille pollicitationem: si autem non tu seruaueris fidem, tu te fraudasti, non ille qui promisit. Si scitis quia iustus est, scitote quia omnis qui facit iusticiam ex ipso est natus.) Iusticia modo nostra ex fide, iusticia perfecta non est nisi in angelis: & uix in angelis si deo comparentur: tamen si qua perfecta iusticia animarum & spirituum est quos deus creauit, in angelis sanctis, iustis, bonis, nullo lapsu auersis, nulla superbia cadentibus, sed manentibus semper in contemplatione uerbi dei, & nihil aliud dulce habētibus nisi à quo creati sunt, in ipsis perfecta iusticia est, in nobis autē ex fide coepit esse secundum spiritum. Audistis cum psalmus legeretur: Incipite domino in Psalm. 146 confessione. Incipite, inquit. Initium iusticiae nostrae confessio peccatorum. Coepisti non desistere peccatum tuum, iam inchoasti iusticiam, perficietur autem in te quando nihil aliud

M

facere

facere delectabitur, quando absorbebitur mors in uictoria, quando nulla concupiscentia ti-  
 tillabit, quādo non erit lucta cum carne & sanguine, quando erit corona uictoriae & trium-  
 phus de inimico, tunc erit perfecta iusticia. Modo adhuc pugnamus, si pugnamus, in stadio  
 sumus. Ferimus & ferimur, sed qui uincat expectatur. Ille autem uincit, qui & quod ferit, de  
 uiribus suis nō præsūmit, sed de protectore suo. Solus diabolus aduersum nos pugnat, nos  
 cum deo simus, & diabolū uincimus: nam si tu solus cum diabolo pugnaueris, uinceris. Ex-  
 ercitatus est hostis: quot palmarum? Considerate quō deiecerit ut mortales nasceremur  
 primo, ipsam originem nostram de paradiso. Quid ergo faciendū est, quia ipse exercitatus  
 est? Inuocetur omnipotens aduersus exercitatum diabolū. Habitat in te qui non potest uin-  
 ci, & securus uincet eum qui uincere solet: sed quos, nisi in quibus nō habitat deus? Nam ut  
 noueritis fratres, contempsit Adam in paradiso positus praeceptum dei, & erexit ceruicem,  
 ueluti in potestate sua esse cupiēs, & nolens subdi uolūtati dei, & lapsus est ab illa immorta-  
 litate, ab illa beatitudine. Homo autem quidam iam exercitatus natus mortalis, cū sederet  
 in stercore putris uermibus diabolū uicit: ipse Adam, & in Iob ipse, quia de genere ipsius  
 Iob. Ergo Adam uictus in paradiso, uicit in stercore: in paradiso cum esset, audiuit persuas-  
 ionem mulieris quam illi immiserat diabolus, in stercore autē cum esset, ait Eua: tanq̃ una  
 ex insipientibus mulieribus locuta es. Ibi aurem apposuit, hic responsum dedit: cum esset  
 latus, audiuit: cū esset flagellatus, uicit. Ideo uidete quid sequitur fratres in epistola ista: quia  
 hoc nobis cōmendat, ut diabolū quidē uincamus, sed nō ex nobis: si scitis quia iustus est,  
 ait, scitote quia omnis qui facit iusticiam, ex ipso est natus, ex deo, ex Christo. Et quia dixit,  
 ex ipso est natus, hortat nos. Iam ergo quia nati ex illo sumus, pfecti sumus, audite. Ecce  
 qualem dilectionem dedit nobis pater, ut filij dei uocemur & simus.) Nam qui uocatur &  
 non sunt, quid illis prodest nomen ubi res non est? Quā multi uocatur medici qui cura-  
 re non norunt? Quā multi uocatur uigiles, qui tota nocte dormiunt? Sic multi uocantur  
 Christiani, & in rebus nō inueniuntur, quia hoc quod uocantur nō sunt, id est, in uita, in mo-  
 ribus, in fide, in spe & charitate. Hoc autem quod audistis fratres: ecce qualē dilectionem de-  
 dit nobis pater, ut filij dei uocemur & simus. Propter hoc mūdus nō cognoscit nos, quia  
 non cognouit eum, & nos nō cognoscit mundus.) Totus mundus Christianus est, & totus  
 mundus impius. Per totum enim mundū impij, & per totum mundū pī, illi illos non co-  
 gnoscunt. Quomodo putamus quia non cognoscunt? Insultant bene uiuentibus, attendi-  
 te & uidete, quia forte sunt & inter uos. Vnusquisq̃ uestrū qui iam pīe uiuit, qui contemnit  
 secularia, qui non uult ire ad spectacula, qui non uult se inebriare quasi solēniter, & quod est  
 grauius, accedente patrociniō sanctorum dierum fieri immundus, qui ista facere noluerit,  
 quomodo ei insultatur ab his qui faciunt? Nunquid insultaretur ei si agnosceretur? Quare  
 autē non agnoscitur? Mundus eum non agnoscit. Quid est mundus? Illi habitatores mun-  
 di, quomodo dicitur domus habitatores eius. Iam ista saepe dicta sunt, & non ea uobiscum  
 hodie repetimus. Iam cum auditis mundū in mala significatione, nō intelligatis nisi dilecto-  
 res mundi, quia per dilectionē inhabitant, & per quod inhabitant, nomē habere meruerūt.  
 Propter hoc mundus non cognouit nos, quia nō cognouit eum. Ambulabat & ipse dñs Je-  
 sus Christus in carne: erat deus, latebat in infirmitate. Et unde nō est cognitus? Quia omnia  
 peccata arguebat in hominibus. Illi amando delectationes peccatorū non agnoscebāt deū:  
 amando quod febris suadebat, iniuriā medico faciebant. Quid ergo, nos iam nati sumus  
 ex ipso? Sed quia in spe sumus. Dilectissimi, inquit, nunc filij dei sumus.) Iam nūc? Quid  
 est ergo quod expectamus, si iam filij dei sumus? Et nondū, inquit, manifestum est quod  
 erimus.) Quid autem erimus aliud q̃ filij dei? Audi quid sequitur. Scimus quia cum ap-  
 paruerit, similes ei erimus, quoniā uidebimus eum sicuti est.) Intelligat charitas uestra. Ma-  
 gna res: scimus quia cum apparuerit, similes ei erimus, quoniā uidebimus eum sicuti est, iam  
 illud attendite quid uocatur, est. Nostis quid uocatur, est? Quid uocatur, & non solum uoca-  
 tur, sed uere est, incōmutabilis est, semper manet, mutari nescit, nulla ex parte corrumpitur,  
 nec



**A** nec proficit quia perfectum est: nec deficit quia perfectum est: & quid est hoc. In principio <sup>Ioan. 1</sup> erat uerbum. Et quid est hoc? Qui cum in forma dei esset, non rapinam arbitratus est esse <sup>Phil. 2</sup> se æqualem deo. Hoc modo Christum in forma dei, uerbum dei, unicum patri, æqualem patri, non possunt uidere mali. Secundum id uero quod uerbum caro factum est, potuerunt & mali, quia in die iudicii uidebunt & mali, quia sic ueniet iudicaturus quomodo uenit iudicandus. In ipsa forma homo, sed deus: nam maledictus omnis qui spem suam ponit in homine. Homo uenit, & ut iudicet. Et si non uidebitur, quid est quod scriptum est: Videbunt in quem <sup>Ioan. 19</sup> transfixerunt? De impijs enim dictum est, quia uidebunt & confundentur. Quomodo non uidebunt impij, quando alios ponet ad dexteram, alios ad sinistram? Ad sinistram positus dicet, Ite in ignem æternum: ad dexteram positus dicet, Venite benedicti patris mei, percipite <sup>Matth. 25</sup> regnum. Videbunt, sed formam serui: formam dei non uidebunt. Quare? Quia impij <sup>Matth. 5</sup> sunt: & ipse dominus dicit, Beati mundo corde, quoniam ipsi deum uidebunt. Ergo uisuri sumus quandam uisionem fratres, quam nec oculus uidit, nec auris audiuit, nec in cor hominis ascendit. Visionem quandam, uisionem præcellentem omnes pulchritudines terrenas, auri, argenti, nemorum atque camporum, pulchritudinem maris & aeris, pulchritudinem solis & lunæ, stellarum, angelorum, omnia superantem, quia ex ipso pulchra sunt omnia. Quid ergo erimus, quando uidebimus quod nobis promissum est? Similes ei erimus, quoniam uidebimus eum sicuti est. Quomodo potuit, lingua sonuit, cætera corde cogitentur: quid enim & ipse Ioannes dixit ad comparisonem rei quæ est, uel à nobis dici potest hominibus longe imparibus meritis ipsius? Redeamus ergo ad illam unctionem quæ intus docet, & loqui non possumus, & quia modo uidere non potestis, officium uestrum in desiderio sit. Tota uita Christiani boni, sanctum desiderium est. Quod autem desideras nondum uides, sed desiderando capax efficeris, ut cum uenerit quod uideas implearis. Sicuti enim si uelles implere aliquem sinum, & nosti quod magnum est quod dabitur, extendis sinum uel sacci uel utris uel **B** alicuius rei, nosti quantum missurus es, & uides quia angustus est sinus, extendendo facis <sup>Phil. 5</sup> capaciore: sic deus differendo extendit desiderium, desiderando extendit animum, extendendo facit capacem. Desideremus ergo fratres, quia implendi sumus. Videte Paulum extendentem sinum, ut possit capere quod uenturum est, ait: Nō quia iam acceperim, aut iam perfectus sim fratres, ego me non arbitror comprehendisse. Quid ergo agis in hac uita, si nondum apprehendisti? Vnum autem, quæ retro oblitus, in ea quæ ante sunt extentus, secundum intentionem sequor ad palmam supernæ uocationis. Extentum se dixit, & secundum intentionem sequi se dixit: minorem se sentiebat ad capiendum quod oculus non uidit, nec auris audiuit, nec in cor hominis ascendit. Hæc est uita nostra, ut desiderando exerceamur. Tantum autem nos exercet sanctum desiderium, quantum desideria nostra amputauerimus ab amore seculi. Iam diximus, aliquando exinaniri, quod implendum est: bono implendus es, funde malum: puta quia melle te uult implere deus, si aceto plenus es, ubi mel pones? Fundendum est quod portat uas, mundandum est ipsum uas. Murandum est, & si cum labore, cum tritura, ut fiat aptum cuidam rei. Mel dicamus, aurum dicamus, uinum dicamus, quicquid dicamus quod dici non potest, quicquid uolumus dicere, deus uocat. Et quid diximus deus, quid diximus? Duæ istæ syllabæ sunt totum quod expectamus. Quicquid ergo dicere ualuimus, infra est: extendamus nos in eum, ut cum uenerit, impleat. Similes ei erimus, quoniam uidebimus eum sicuti est. Et omnis qui habet spem hanc in ipso est. Videte quia in spe nos posuit. Videtis quemadmodum nos congruit apostolo Paulo, coapostolo suo, Spe salui facti sumus. Spes autem quæ uidetur non est spes: quod enim uidet quis, quid sperat? Si enim quod non uidemus speramus, per patientiam expectamus. Ipsa patientia exercet desiderium: mane tu, nam manet ille, & perseuera in ambulando, ut peruenias quia quod tendis, non migrabit, uidete. Et omnis qui habet spem hanc in ipso, castificat semetipsum, sicut & ipse castus est. Videte quemadmodum non abstulit liberum arbitrium, ut diceret castificat semetipsum. Quis nos castificat nisi deus? Sed deus te nolentem non castificat. Ergo quod adiungis uoluntatem tuam,

tem tuā, deo castificas te ipsum. Castificas te, non de te, sed de illo qui uenit ut habitet in te. c  
 Tñ quia agis ibi aliquid uolūtate, ideo & tibi aliqd tributū est: ideo aut tibi tributū est, ut di-  
 cas sicut in psalmo: Adiutor meus esto, ne derelinquas me. Si dicis, adiutor meus esto, aliqd  
 agis: nam si nihil agis, quomodo ille adiuuat? Omnis em̄ qui facit peccatū, & iniquitatē  
 facit. Nemo, enim dicat, aliud est peccatū, atq; aliud iniquitas: nemo dicat, ego peccator ho-  
 mo sum, sed iniquus non sum: omnis qui facit peccatum, & iniquitatem facit. Peccatū ini-  
 quitas est.) Quid ergo facimus de peccatis nostris & iniquitatibus? Audi quid dicit: Et  
 scitis quia ille manifestatus est, ut peccatum auferat, & peccatum in ipso non est.) In quo nō  
 est peccatum, ipse uenit auferre peccatum: nam si esset in illo peccatum, auferēdum esset illi,  
 non ipse auferret. Omnis qui in ipso manet, non peccat.) In quantum in ipso manet, in-  
 tantum non peccat. Omnis qui peccat, non uidit eum, neq; cognouit eum.) Non est mi-  
 rum: non enim uidimus, sed uisuri sumus. Non eum cognouimus, sed cognituri sumus. Cre-  
 dimus in eum quem non cognouimus? An forte ex fide cognouimus & specie non cogno-  
 uimus? Magna est ista quæstio: Omnis qui peccat non uidit eum, nec cognouit eum. Non-  
 dum cognouimus, sed in fide & uidemus & cognoscimus: si enim nondum uidet fides, qua-  
 re dicimur illuminati? Est illuminatio per fidē, & illuminatio per speciem. Modo cum pere-  
 grinamur, per fidem ambulamus, nōdum per speciem. Ergo & iusticia nostra per fidem est,  
 & non per speciem. Erit perfecta nostra iusticia cum uidebimus per speciem, modo non re-  
 linquamus eam iusticiam quæ est ex fide, quoniam iustus ex fide uiuit, sicut ait Apostolus:  
 Omnis qui manet in ipso non peccat: nam omnis qui peccat non uidit eum, neq; cognouit  
 eum. Nō credidit iste qui peccat? Si autem credidit, quantum ad fidem eius pertinet nō pec-  
 cat. Filioli, nemo uos seducat: qui facit iusticiam iustus est, sicut & ille iustus est.) Nūquid  
 quando audimus, quia iusti sumus, sicut æquales nos debemus putare deo? Debetis scire  
 quid est, sicut. Iam dudum enim dixit: Castificat semetipsum, sicut ipse castus est. Iam ergo  
 patet, æqualis est castitas nostra castitati dei, & iusticia nostra iusticiæ dei? Quis hoc dicat? p  
 Sed, sicut, non semper in æqualitate dici solet: quomodo, uerbi gratia: Visa basilica ista am-  
 pla, si uelit facere aliquis minorem, sed tamen proportionē ad mensuras eius, ut uerbi gra-  
 tia, si lata est simplum, & longa duplum, faciat & ille latam simplum, & longam duplum, ui-  
 detur sic fecisse sicut est ista: sed ista habet, uerbi gratia, centum cubitos, illa triginta, & sicut  
 est, & impar est. Videtis quia non semper, sicut, ad parilitatem & æqualitatem refertur, uer-  
 bi gratia: uidete quantum sit inter faciem hominis & imaginē de speculo. Facies in imagine,  
 facies in corpore, imago in imitatione, corpus in ueritate: & quid dicimus? Nam sicut hic o-  
 culi, ita & ibi: sicut hic aures, ita & ibi. Dispar est res, sed, sicut ad similitudinem dicitur. Habe-  
 mus ergo & nos imaginem dei, sed non illam quam habet filius æqualis patri: tamen & nos  
 pro modo nostro si non sicut ille essemus, ex nulla parte similes diceremur. Ergo castifi-  
 cat nos sicut & ipse castus est: sed ille castus æternitate, nos casti fide. Iusti sumus sicut &  
 ipse iustus est: sed ipse in ipsa incommutabili perpetuitate, nos iusti credendo in quem non  
 uidemus, ut aliquando uideamus. Et cum perfecta fuerit iusticia nostra, cum facti æquales  
 angelis fuerimus, nec tunc illi æquabimur: quanto ergo modo ab illo longe est, quando nec  
 tunc par erit? Qui facit peccatū, de diabolo est, quia ab initio diabolus peccat.) De diabo-  
 lo est, nostis quid dicat? Imitando diabolus: nam neminem fecit diabolus, neminem ge-  
 nuit, neminem creauit. Sed quicumq; fuerit imitatus diabolus, quasi de illo natus sit filius  
 diaboli imitando, non proprie nascendo. Quomodo es filius Abraæ? Nunquid Abraam te  
 genuit? Quomodo Iudæi filij Abraæ? Non imitantes fidem Abraæ, facti sunt filij diaboli.  
 De carne Abraam nati sunt, & fidem Abraæ nō sunt imitati. Si ergo qui inde nati sunt, ex-  
 hæredati sunt, quia non sunt imitati: tu qui non de illo natus es, efficeris filius, & sic eris filius  
 imitando: & si diabolus fueris imitatus, quia ille superbus extitit & impius aduersus deū,  
 eris filius diaboli, diabolus imitando, nō quia ipse creauit te, aut genuit te. In hoc mani-  
 festatus est filius dei.) Eia fratres, omnes peccatores ex diabolo nati sunt, in quantum pec-  
 catores



**A** ctores. Adam à deo factus est, sed quando cōsensit diabolo, ex diabolo natus est. Et tales omnes genuit qualis erat, cum ipsa concupiscentia nati sumus. Et anteq̃ nos de uita nostra addamus, de illa damnatione nascimur: nam si cum illo peccato non nascimur, quid est quòd cum infantibus ad baptismum curritur ut soluantur? Ergo duas natiuitates attendite fratres, Adā & Christū. Duo sunt homines, sed unus ipsoꝝ homo homo, alter homo deus. Per hominem hominem peccatores sumus, per hominē deum iustificamur. Natiuitas illa deiecit ad mortem, ista natiuitas erexit ad uitam: natiuitas illa trahit secum peccatū, natiuitas ista liberat à peccato: ideo enim uenit Christus homo, ut solueret peccata hominū.

In hoc manifestatus est filius dei, ut soluat opera diaboli.) Cetera cōmendo charitati uestre, ne uos grauem: ipsa enim quæstio est, in qua soluenda laboramus, quia peccatores nos dicimus: si enim quis dixerit se esse sine peccato, mendax est. Et in ipsius epistola Ioannis inuenimus: Si dixerimus quia peccatum non habemus, nos ipsos seducimus. Meminisse enim debetis priorum, si dixerimus quia peccatum nō habemus, nos ipsos seducimus, & ueritas in nobis non est. Et rursus in cōsequentibus audis: qui natus est ex deo, nō peccat, quia qui facit peccatum non uidet eum, neq; cognouit eum: omnis qui facit peccatum de diabolo est, ex deo non est peccatum. Iterum terret nos, quomodo nati sumus ex deo, & quomodo nos fatemur peccatores? An dicturi sumus, quia de deo nati non sumus? Et quid faciūt ista sacramenta in infantibus? Quid dixit Ioannes: qui natus est ex deo, non peccat: ipse Ioannes iterum dixit, si dixerimus quia peccatum non habemus, nosmetipsos seducimus, & ueritas in nobis non est. Magna quæstio & angusta: & ad hanc soluendam utinam intentam fecerim charitatem uestram: in nomine domini cras quod inde dederit differemus.

De eo quod Ioannes dicit: Omnis qui natus est ex deo, nō facit peccatū, quia semē eius in ipso manet, & nō potest peccare, quia ex deo natus est, usq; ad id: Filioli non diligamus uerbo tantum & lingua, sed opere & ueritate:

Tractatus

V



**I**NTENTE audite obsecro uos, quia res non minima uersatur in medio: & non dubito qui hesterno die intenti affuistis, quòd & hodie intentius cōuenistis: est enim non parua quæstio, quomodo dicat in ista epistola, qui natus est ex deo nō peccat: & quomodo in eadem epistola superius dixit: Si dixerimus, quia peccatum non habemus, nos ipsos seducimus, & ueritas in nobis non est. Quid facturus est quē uterq; sermo ex eadem epistola in medio coartauit? Si se confessus fuerit peccatorem, timet ne dicatur illi, non ergo ex deo natus es, quia scriptum est, qui natus est ex deo, non peccat: si autem dixerit se iustum, & nō habere peccatum, accipit ex alia parte plagam ex ipsa epistola: Si dixerimus quia peccatum non habemus, nos ipsos seducimus, & ueritas in nobis non est. Positus ergo in medio, quid dicat & quid confiteatur, aut quid profiteatur non inuenit. Profiteri se esse sine peccato periculosum est, & nō solum periculosum, sed etiā mendosum. Nos ipsos, inquit, seducimus, & ueritas in nobis non est, si dixerimus quia peccatum nō habemus: sed utinam non haberes & diceres, uerum enim diceres, nec in ueritate promenda, ullum iniquitatis uel uestigium formidares: sed ideo malefacis si dicis, quia mendacium dicis. Veritas, inquit, in nobis non est, si dixerimus quia peccatum non habemus: non ait, non habuimus, ne forte de præterita uita dictum uideretur. Habuit peccatum homo iste, sed ex quo natus est ex deo, cœpit non habere: si ita esset, nulla nos angustaret quæstio, diceremus enim, fuimus peccatores, sed modo iustificati sumus: habuimus peccatum, sed modo nō habemus: non hoc ait, sed quid ait? Si dixerimus quia peccatum non habemus, nos ipsos seducimus, & ueritas in nobis non est. Post aliquantum rursus: qui natus est ex deo, inquit, non peccat. Nunquid Ioannes ipse non erat natus ex deo? Si Ioannes non erat natus ex deo, de quo audistis, quia supra pectus domini recubuit, aliquis sibi audet promittere generationem factam in se, quam ille habere nō meruit, qui super pectus domini recumbere meruit, quem

M 3

quem dominus plus quàm ceteros diligebat, ipsum de spiritu nō genuerat. Attendite nūc & uerba ista. Adhuc angustias nostras cōmendo, ut per intentionem uestram quæ oratio est, & pro nobis & pro uobis dilatet deus, & det exitum ne aliquis in uerbo eius inueniat occasionem perditionis suæ, quod uerbum non est prædictum & conscriptum, nisi ad medicinam & salutem. Omnis, inquit, qui facit peccatum & iniquitatē facitne forte discernas, peccatum iniquitas est: ne dicas peccator sum, sed iniquus non sum, peccatum iniquitas est. Et scitis quia in hoc ille manifestatus est, ut peccata auferat, & peccatum in illo non est: & quid prodest nobis quia uenit sine peccato? Omnis qui non peccat in ipso manet, & omnis qui peccat, non uidit eum, neq; cognouit eum. Filioli, nemo uos seducat: qui facit iusticiā iustus est, sicut & ille iustus est. Iam ista diximus, quia secundū quandā similitudinem, non secundū æqualitatem dici solet, qui facit peccatū de diabolo est, quia ab initio diabolus peccat. Et hoc diximus, quia neminem creauit diabolus, neq; genuit, sed imitatores eius ex illo nascuntur. In hoc manifestatus est filius dei, ut soluat opera diaboli. Ergo ut soluat peccata, uenit ille qui non habet peccatū: deinde sequitur: Omnis qui natus est ex deo non facit peccatum, quia semen eius in ipso manet: & non potest peccare, quia ex deo natus est. Fortiter intrinxit: fortassis secundum quoddam peccatum dixit, non peccat, non secundū omne peccatum. Vt quid ait: qui natus est ex deo, non peccat? Certum quoddam peccatum intelligas, quod non potest admittre homo qui ex deo natus est. Et tale peccatum est illud, ut si quisquam illud admiserit, confirmet cætera: si quis autem hoc non admiserit, soluet cætera.

**1041, 13** Quod est hoc peccatum? Facere contra mandatum: quod est mandatum? Mandatum nouum do uobis, ut uos inuicem diligatis. Intendite, hoc mādatum Christi dilectio uocatur. Per hanc dilectionem peccata soluuntur. Hæc si non teneatur, & graue peccatum est, & radix omnium peccatorum. Intendite fratres, protulimus aliquid, in quo bene intelligentibus soluta est quæstio. Sed nunquid cum ceterioribus tātum ambulamus uiam? Et qui tardius ambulant, non sunt relinquendi. Versemus hoc quibus possumus uerbis, ut ad omnes perueniat. Puto enim fratres, quia omnis homo sollicitus est pro anima sua, qui non sine causa intrat ecclesiam, qui non temporalia quærit in ecclesia, qui non propterea intrat ut transigat negocia secularia, sed ideo intrat, ut aliquid sibi æternum promissum teneat quod perueniat. Necessè est ergo cogitet, quemadmodum ambulet in uia, ne remaneat, ne retro eat, ne aberret, ne claudicando non perueniat. Qui ergo sollicitus est, tardus non sit, uelox sit, non recedat de uia. Hoc ergo dixi, quia qui natus est ex deo non peccat. Fortassis secundum quoddam peccatum uoluit intelligi: nam erit aliter contrarium illi loco, Si dixerimus quia peccatum non habemus nos ipsos seducimus, & ueritas in nobis non est. Sic ergo forte potest solui quæstio. Est quoddam peccatum quod non potest admittre ille qui natus est ex deo, & quo non admissio soluuntur cætera, quo admissio confirmatur cætera. Quod est hoc peccatum? Facere contra mandatum Christi, contra testamentum nouum. Quod est mādatum & contra dilectionem fraternam, non audet gloriari & dicere natū se esse ex deo: qui autem in dilectione fraterna constitutus est, certa sunt peccata quæ nō potest admittre, & hoc maxime ne oderit fratrem. Et quid de ceteris peccatis facit, unde dictum est: Si dixerimus quia peccatum non habemus, nos ipsos seducimus, & ueritas in nobis non est. Audiat securitatē de alio loco scripturæ: Caritas cooperit multitudinem peccatorum. Charitatem ergo cōmendamur, charitatem cōmendat hæc epistola. Post resurrectionem dominus quid aliud interrogauit Petrum: Amas me? Et parum fuit semel interrogare, & iterū nihil aliud, & tertio nihil aliud. Cum iam tertio ille tædio afficeretur, quasi non sibi crediderit, quomodo qui nesciret quid in illo ageretur, tamen & primo & secundo & tertio hoc interrogauit. Ter negauit timor, ter confessus est amor. Etenim amat Petrus dñm. Quid præstaturus dño? Nō enim & ipse non turbatus est in ipso psalmo: Quid retribuam domino pro omnibus quæ retribuit mihi? Qui enim dicebat hæc in psalmo, attendebat quanta sibi essent præstita à dño, & quæ



M 4

uimus, cum istam epistolam inciperemus, nihil in ea nobis sic cōmendari, quomodo charita-  
tem. Et si uidetur alia & alia dicere, illò facit reditum, & ad ipsam charitatem omnia uult re-  
ferre quæcunq; dixerit. Videamus si & hic hoc facit: attendite. Omnis qui natus est ex deo,  
non facit peccatū. Quærimus quod peccatū, quia si omne intellexeris, contrarius eris illi lo-  
co: Si dixerimus quia peccatum non habemus, nosmetipsos seducimus, & ueritas in nobis  
non est. Ergo dicat quod peccatum, doceat nos, ne forte ego temere dixi peccatum hoc esse  
uiolationē charitatis. Quia sicut supra dixit, qui odit fratrem suū in tenebris est, & in tene-  
bris ambulat, & nescit quò eat, quia tenebræ excæcauerunt oculos eius. Sed forte aliquid di-  
xit in posterioribus, & non nominauit charitatem, uidete quia circuitus ille uerborum hunc  
habet finem, hunc habet exitum. Omnis qui natus est ex deo, nō peccat, quia semen eius  
in ipso manet.) Semen dei, id est, uerbum dei: unde dicit Apostolus, Per euangelium ego  
uos genui. Et non potest peccare, quia ex deo natus est.) Dic adhuc. Videamus in quo  
non potest peccare. In hoc manifestati sunt filij dei & filij diaboli: Omnis qui non est ius-  
tus, non est à deo, & qui non diligit fratrem suum.) Certe iam manifestum est unde dicat,  
& qui non diligit fratrem suum. Dilectio ergo sola discernit inter filios dei & filios diabo-  
li. Signent se oēs signo crucis Christi: Respondeant omnes, Amen. Cantent omnes alleluia:  
Baptizentur omnes, intrent omnes ecclesias, faciant parietes basilicarum, non discernunt fi-  
lij dei à filiis diaboli nisi in charitate. Qui habent charitatem, nati sunt ex deo: qui non, non  
sunt nati ex deo. Magnum iudicium, magna discretio. Quicquid uis habe, hoc solum nō ha-  
beas, nihil tibi prodest: alia si non habeas, hoc habe, & implesti legem. Qui enim diligit al-  
terum, legem impleuit, ait Apostolus: & plenitudo legis charitas. Puto istam margaritam  
esse illam. Homo negociator describitur in euāgelio, qui inuenit unam margaritam, & uen-  
didit omnia quæ habebat & emit eam: hæc est margarita preciosa charitas, sine qua nihil ti-  
bi prodest quodcūq; habueris. Quam si solam habeas, sufficiat tibi. Modo cum fide uides,  
tunc cum specie uidebis: si enim amamus cum non uidemus, quomodo amplectemur cum  
uiderimus? Sed ubi nos debemus exercere? In amore fraterno: potes mihi dicere, non uidi  
deū, nūquid potes mihi dicere, nō uidi hominē? Dilige fratrem. Si em fratrem quē uides dilexe-  
ris, simul uidebis & deum, quia uides ipsam charitatem, & intus inhabitat deus. Qui nō est  
iustus, non est ex deo, & qui non diligit fratrem suum. Quia hæc est annunciatio.) Vide  
quomodo confirmat. Quia hæc est annunciatio quam audiuius ab initio ut diligamus  
inuicem.) Manifestauit nobis inde se dicere, contra hoc mandatum quisquis facit, in pecca-  
to illo est scelerato, in quod incidunt qui non nascunt ex deo. Non sicut Cain qui ex mali-  
gno erat, occidit fratrem suum: & cuius rei gratia occidit? Quia opera eius maligna fuerūt,  
fratris uero eius iusta.) Ergo ubi est inuidia, amor fraternus esse non potest. Intendat cha-  
ritas uestra, qui inuidet non amat: peccatum diaboli est in illo, quia & diabolus inuiden-  
do deiecit: cecidit enim, & inuidit stanti, non ideo uoluit deicere ut ipse staret, sed ne solus ca-  
deret. Tenete in animo ex hoc quod subieci, inuidiā non posse esse in charitate. Habes aper-  
te cum laudaretur ipsa charitas: Charitas non æmulatur. Non fuit charitas in Cain, & nisi  
esset charitas in Abel, non acciperet deus sacrificium eius. Cum enim ambo obtulissent, ille  
de fructibus terræ, ille de foetibus ouium: quid putatis fratres, quia deus fructus terræ negle-  
xit, & foetus ouium dilexit? Nō intendit deus ad munus, sed in corde uidit: & quē uidit cū cha-  
ritate offerre, ipsius sacrificiū respexit: quē uidit cū inuidiā offerre ab ipsius sacrificio oculos  
auertit. Opera ergo bona Abel, non dicit nisi charitatē: opera uero mala Cain, nō dicit nisi  
odiū fraternū. Parū est, quia odit fratrem suū & inuidit operibus bonis, quia imitari noluit, ne-  
care uoluit. Et hinc apparuit quia filius erat diaboli, & ille hinc apparuit iustus dei. Hinc er-  
go discernunt homines fratres mei: nemo attēdat linguas, sed facta. Cor si non bene faciat  
pro fratribus suis, ostēdit qd in se habeat: temptationibus pbanť homines. Nolite mirari  
fratres si mundus uos odit.) Nunquid sæpe uobis dicendum est, quid est mūdus? Nō cœ-  
lum, non



A lum, nō terra, nec ista opera quæ deus fecit, sed dilectores mundi. Ista sæpe dicendo quibus  
 dam onerosus sum: sed usque adeo non frustra dico, ut aliqui interrogentur an dixerim, & nō  
 respondeant. Ergo uel inculcando hæreat aliquid in cordibus audientium. Quid est mūdus?  
 mūdus est, quādo in malo ponitur, dilectores mūdī: mundus quando in laude ponit̃, cœlū  
 & terra est, & quæ in his opera dei: unde dicitur, & mundus per eum factus est. Item mun-  
 dus plenitudo terræ, sicut dixit ipse Ioannes: Non solum autem nostrorum propitiatio pec-  
 catorum est, sed & totius mundi. Mundi dicit, omnium fidelium per orbem sparsorū: mun-  
 dus autem in malo, amatores mundi sunt: qui amant mundum, fratres amare nō possunt.  
 Si odit nos mundus: Nos scimus. Quid nos scimus? Quia transiimus de morte  
 ad uitam. Vnde scitis? Quia diligimus fratres. Nemo interroget hominē: redeat unus-  
 quisque ad cor suum, si ibi inuenerit charitatem fraternam, securus sit, quia transijt à morte  
 ad uitam, iam in dextera est. Non attendat quia modo gloria eius occulta est, cum uenerit  
 dominus, tunc apparebit gloria: uiget enim, sed adhuc in hyeme: uiget radix, sed quasi ari-  
 di sunt rami. Intus est medulla quæ uiget, intus sunt folia arborum, intus fructus, sed æsta-  
 tem expectant. Ergo nos scimus quia transiimus de morte ad uitam, quia diligimus fra-  
 tres. Qui non diligit, manet in morte. Ne putetis fratres leue esse odisse. Odisse, an di-  
 ligere? Audi quid sequit̃. Omnis qui odit fratrem suū homicida est. Iam ergo si contēne-  
 bat quisque odium fraternum, nunquid & homicidium in corde suo contempturus est? Non  
 mouit manum ad occidendum hominem, homicida iam tenetur à domino. Viuit ille, &  
 iste iam interfector iudicatur. Omnis qui odit fratrem suum, homicida est. Et scitis quia  
 omnis homicida non habet uitam æternam in semetipso manentem. In hoc cognoscimus  
 dilectionem. Perfectionem dilectionis dicit, perfectionem illam quam cōmendauimus.  
 In hoc cognoscimus dilectionem: Quia ille pro nobis animam suam posuit, & nos debe-  
 mus animam pro fratribus ponere. Ecce unde ueniebat, Petre amas me, pasce oues me-  
 as: nam ut noueritis fratres, quia sic ab eo pasci uolebat oues suas, ut animam suam pro ou-  
 bus poneret, hoc illi continuo dixit: Cum iuuenis esses, præcingebas te, & ibas quō uolebas:  
 cum autem fueris senior, alius te præcinget, & tollet te quō tu non uis. Hoc autem dixit, ait  
 euangelista, significans qua morte clarificaturus esset deum. Et cui dixerat, pasce oues meas,  
 doceret eum ponere animam pro ouibus suis. Vnde incipit charitas fratres? Modicum at-  
 tendite quo perficiatur. Audistis ipsum finem & modum: ipsum & dominus in euangelio  
 cōmendauit: Maiorem charitatem nemo habet, ait, quā ut animam suam ponat quis  
 pro amicis suis. Perfectionem ergo eius ostendit in euangelio, & hic cōmendata est eius per-  
 fectio: sed interrogatis uos, & dicitis nobis, quando possum habere istam charitatem? No-  
 licito de te desperare, forte nata est, sed nondum perfecta est, nutri eam ne offocetur: sed di-  
 cturus es mihi, & unde noui? Quod enim perficiatur audiuius, unde incipiat audiamus:  
 sequitur & dicit: Qui autem habuerit facultates mundi, & uiderit fratrem suum esurien-  
 tem, & clauerit uiscera sua ab eo, quomodo poterit dilectio dei manere in eo? Ecce unde  
 incipit charitas: si nōdum es idoneus mori pro fratre, iam idoneus esto dare de tuis faculta-  
 tibus fratri. Iam percutiat uiscera tua charitas, ut non de iactantia facias, sed de intimo adi-  
 pe misericordiæ, ut consyderes illum in egestate positum. Si enim superflua non potes da-  
 re fratri tuo, animā tuam potes dare pro fratre? Iacet pecunia in sinu tuo, quā tibi fures pos-  
 sunt auferre: & si illam non auferent fures, moriendo illam deferes, etiam si te illa uiuentem  
 non deferat. Quid inde factururus es? Esurit frater tuus, in necessitate positus est, fortassis su-  
 spenditur, à creditore angustatur. Non habet ipse, habes tu, frater est, simul empti estis,  
 unum est precium uestrum, ambo sanguine Christi redempti estis: uide si misereris, si ha-  
 bes facultates mundi. Quid ad me pertinet, forte dicis? Ego daturus sum pecuniam meā,  
 ne ille molestiam patiatur? Si hoc tibi responderit cor tuū, dilectio patris non in te manet.  
 Si dilectio patris nō in te manet, nō es natus ex deo, quomodo te gloriaris esse Christia-  
 num?

Ioh. 21

num? Nomen habes, & factum non habes: si autem nomen secutum fuerit opus, dicat te quod  
quam pagani, tu factis ostende Christianum: nam si factis non ostendis Christianum,  
omnes te Christianum uocent, quid tibi prodest nomen, ubi res non inuenitur? Qui autem  
habuerit facultates mundi, & uiderit fratrem suum egentem, & clauerit uiscera sua ab eo, quo  
modo potest dilectio dei manere in eo? Et sequitur. Filioli, non diligamus uerbo tantum  
& lingua, sed opere & ueritate. Puto manifestum esse uobis magnum & necessarium secre-  
tum & sacramentum, fratres mei: quid ualeat charitas? Omnis scriptura commendat. Sed ne-  
scio si alicubi amplius quam in ista epistola commendatur. Rogamus uos & obsecramus in  
domino, ut & illa quae audistis, memoria teneatis, & ad ea quae dicenda sunt donec finiatur  
ipsa epistola, intenti ueniatis, intenti audiatis. Aperite autem corda ad semina bona: extirpa-  
te spinas, ne offocetur in uobis quod seminatur, sed potius crescat seges, & gaudeat agrico-  
la, & horreum uobis praeparet tanquam frumentis, non ignem tanquam paleis.

De eo quod Ioannes dicit: Et in hoc cognoscimus quia ex ueritate sumus, &  
coram ipso persuademus cordi nostro, quia si male senserit cor nostrum, maior est  
deus corde nostro, & nouit omnia, usque ad id: In hoc cognoscitur spiritus dei: Omnis  
spiritus qui confitetur Iesum Christum in carne uenisse, ex deo est. Et omnis spi-  
ritus qui non confitetur Iesum Christum in carne uenisse, non est ex deo: & hic est an-  
tichristus de quo audistis, quod uenturus sit, & nunc in ipso mundo est: Trac. VI.



**S**i meministis fratres hesternum nos clausisse sermonem ad istam sententiam,  
quae sine dubio manere debuit & debet in corde uestro, quia ipsam nouissimam  
audistis: Filioli, non diligamus uerbo tantum & lingua, sed opere & ueritate: de-  
inde sequitur: Et in hoc cognoscimus quia ex ueritate sumus, & coram ipso  
persuademus cordi nostro, quia si male senserit cor nostrum, maior est deus corde nostro &  
nouit omnia. Dixerat: non diligamus uerbo tantum & lingua, sed opere & ueritate: Quae  
ritur a nobis, in quo opere & in qua ueritate agnoscitur qui diligit deum uel qui diligit fra-  
trem suum. Iam superius dixerat quousque charitas perficiatur, quod & dominus in euangelio  
ait: Maiorem hac nemo habet charitatem, quam ut animam suam ponat quis pro amicis  
suis. Et iste hoc dixerat: sicut ille animam suam pro nobis posuit, debemus & nos animam  
pro fratribus ponere. Haec est perfectio charitatis, & maior omnino non poterit inueniri: sed  
quia non in omnibus perfecta est, & desperare non debet & in quo perfecta non est, si iam na-  
ta est qua perficiatur, & utique si nata est, nutrienda est, & quibusdam suis nutrimentis ad per-  
fectionem propriam producenda. Quae si uimus inchoationem charitatis unde incipiat, &  
ibi continuo inuenimus: si quis habet facultatem mundi, & uiderit fratrem suum egentem,  
& clauerit uiscera sua aduersus eum, quomodo dilectio patris manet in eo? Ergo incipit ista  
charitas fratres, ut de suis superfluis tribuat egenti in angustiis aliquibus constituto: ex eo quod  
sibi abundat secundum tempus a tribulatione temporali liberat fratrem. Hinc exordium  
est charitatis. Hanc ita ceptam si uerbo dei & spe futurae uitae nutrieris, peruenies ad illam  
perfectionem, ut paratus sis animam tuam ponere pro fratribus tuis: sed quia multa talia  
sunt ab his qui alia quaerunt, & qui fratres non amant, reuocemur ad testimonium con-  
scientiae. Vnde probamus quia talia multa sunt ab his qui fratres non amant: Quam mul-  
ti se in haeresibus & schismatibus martyres dicunt: Videntur sibi animam ponere pro fra-  
tribus suis: si pro fratribus animam ponerent, non se ab uniuersa fraternitate separarent.  
Item quam multi sunt qui iactantiae causa multa tribuunt, multa donant, & non ibi  
quaerunt nisi laudem humanam & gloriam popularem, plenam uentis, nulla stabilita-  
te solidatam. Quia ergo sunt tales, ubi probanda erit charitas fraterna: Quia uoluit il-  
lam probari, & ait admonens: Filioli, non diligamus uerbo tantum & lingua, sed ope-  
re & ueritate. Quae in quo opere, in qua ueritate? Potest esse manifestius opus  
quam tri-



**A** ¶ tribuere pauperibus: Multi hoc iactantia faciunt, nō dilectione. Potest esse maius opus  
 quā mori pro fratribus: Et hoc multi uolunt putari facere iactantia nominis comparan-  
 di, non uisceribus dilectionis. Restat ut ille diligat fratrem, qui ante deum ubi solus uidet,  
 cordi suo persuadet, & interrogat cor suum an uere propter fratrum dilectionem hoc faciat,  
 & perhibet illi testimonium oculus qui penetrat cor, quō homo attendere non potest. Ideo  
 Paulus apostolus quia paratus erat mori pro fratribus dicebat: Ipse impendar pro anima / *2. Cor. 12*  
 bus uestris, tamen quia deus uidebat in corde ipsius, non homines quibus loquebatur, ait  
 illis: Mihi autem minimū est ut à uobis iudicer, aut ab humano die. Et ostendit etiam ipse / *1. Cor. 4*  
 quodam loco, quia solent ista fieri inani iactantia, non firmamento charitatis: ait enim cum  
 de ipsius charitatis cōmendatione loqueretur, Si distribuero omnia mea pauperibus, & tra / *1. Cor. 13*  
 didero corpus meum ut ardeam, charitatem autem non habeam, nihil mihi prodest. Po-  
 test enim quisquam hoc facere sine charitate: Potest: nam qui non habent charitatem, diui-  
 ferunt unitatem. Quærite ibi, & uidebitis multos multa tribuere pauperibus: uidebitis alios  
 paratos ad suscipiendam mortem, ita ut desistente persecutore, seipsos præcipitent. Isti sine  
 dubio sine charitate hoc faciunt. Reuocemur ergo ad conscientiam, de qua dicit Apostolus: / *2. Cor. 1*  
 Nam gloria nostra hæc est, testimonium conscientiæ nostræ. Reuocemur ergo ad conscien-  
 tiam, de qua item dicit: Opus autem suum probet unusquisq; & tunc in semetipso tantum / *Gal. 6*  
 gloriam habebit, & non in altero. Opus ergo suum probet unusquisq; nostrum, utrum de  
 uena charitatis emanet, utrum de radice dilectionis rami bonorum operū pullulēt. Opus  
 autem suum probet unusquisq; ait, & tunc in semetipso gloriam habebit, & non in altero:  
 non quando illi perhibet testimonium lingua aliena, sed quando perhibet cōscientia pro-  
 pria. Hoc ergo hic cōmendat. In hoc cognouimus quia ex ueritate sumus, quando opere &  
 ueritate, non uerbis tantum & lingua diligimus: & coram ipso persuademus cordi nostro. / *Matth. 6*  
 Quid est coram ipso? Vbi ipse uidet: unde ipse dñs in euangelio: Cauete, inquit, facere ius-  
 ticiam uestram coram hominibus, ut uideamini ab eis: alioquin mercedem non habebitis  
**B** apud patrem uestrum qui in cœlis est: & quid est, Nesciat sinistra tua quid faciat dexte-  
 ra tua, nisi quia dextera tua pura conscientia est, sinistra mundi cupiditas: Multi per cupidi-  
 tatem mundi multa mira faciunt, sinistra operatur, non dextra. Dextera debet operari, & ne-  
 sciente sinistra, ut nec misceat se cupiditas seculi, quando aliquid boni de dilectione opera-  
 mur. Et ubi hoc cognoscimus? Ante deum es, interroga cor tuum, uide quid fecisti, & quid  
 ibi appetisti, salutem tuam an laudem humanam uentosam: intus uide, nam homo iudica-  
 care non potest, quem uidere non potest. Si persuademus cordi nostro, coram illo persua-  
 deamus: quia si male sentiat cor nostrum, id est, accusat nos intus, quia non eo animo faci-  
 mus quo faciendum sit, maior est deus corde nostro, & nouit omnia. Cor tuum abscondis  
 ab homine, à deo absconde si potes. Quomodo abscondis ab eo, cui dictum est à peccatore / *Psalm. 139*  
 quodā timente & confitēte: Quò ibo à spiritu tuo, & à facie tua quò fugiam? Quærebat quā  
 fugeret & euaderet iudicium dei, & non inueniebat. Vbi enim non est deus? Si ascendero,  
 inquit, in cœlum ibi es: si descendero ad infernum ades. Quò iturus est? Quò fugiet? Vis  
 audire consilium, si uis ab illo fugere, ad ipsum fuge. Ad ipsum fuge confitendo, non ab  
 ipso latendo: latere enim non potes, sed confiteri potes. Dic illi: Refugium meum es tu, & / *Psalm. 31*  
 nutriatur in te dilectio, quæ sola perducit ad uitam: Perhibeat tibi testimonium conscientia  
 tua, quia ex deo est. Si ex deo est, noli illam uelle ante homines ponere, quia nec laudes ho-  
 minum te leuant in cœlum, nec uituperationes inde te deponunt. Ille uideat qui coronat, ille  
 sit testis quo uidente coronaris: maior est deus corde tuo, & nouit omnia. Dilectissimi,  
 & si cor male non senserit, fiduciam habemus ad deum.) Quid est, cor non male senserit?  
 Verum nobis responderit, quia diligimus, & germana dilectio est in nobis, non ficta, sed  
 sincera, salutem fraternam quærens, nullum emolumentum expectans à fratre, nisi salutem  
 ipsius. Fiduciam habemus ad deum, & quicquid postulauerimus, accipiemus ab eo, quia  
 mandata eius seruamus.) Ideo nō in cōspectu hominū, sed ubi ipse deus uidet in corde. Fi-  
 duciam

duciam ergo habemus ad deū, & quicquid postulauerimus ab eo, accipiemus. Sed qui? Qui c  
 Ioh. 13 mandata eius seruamus. Quæ sunt mandata eius? Nunquid semper repetendum est? Man  
 datum nouum do uobis, ut uos inuicem diligatis. Ipsam charitatem loquitur, ipsam cōmen  
 dat. Quisquis ergo habuerit charitatem fraternam, & coram deo habuerit, ubi deus uidet,  
 corq; eius interrogatum sub iusto examine, non ei aliud responderit, q̃ germanam ibi esse  
 radicem charitatis, unde boni fructus existant, habet fiduciam apud deum, & quicquid po  
 stulauerit ab eo accipiet, quia mandata eius seruat. Incurrit quæstio quædam, quia non ille  
 aut ille homo, aut tu aut ego, qui si petiero aliquid à domino deo nostro, & non accepero, fa  
 cile de me potest dicere unusquisq; non habet charitatem, & de quolibet homine huius tē  
 poris facile dici potest. Et sentiat quis quod uult homo de homine, maiore quæstione nō fa  
 ciunt, nisi illi uiri quos sanctos constat fuisse cum scriberent, & modo esse cum deo. Quis ha  
 2. Cor. 6 bet charitatem, si eam Paulus non habebat qui dicebat: Os nostrum patet ad uos o Corin  
 thij, cor nostrum dilatatum est, non angustamini in nobis: qui dicebat, Impendar pro ani  
 mabus uestris, & tanta gratia in illo erat, ut manifestaret eum habere charitatem? Inueni  
 mus eum tamen petisse & non accepisse. Quid dicimus fratres? Quæstio est: intēti estote ad  
 deum, magna & ista quæstio est, quomodo de peccato ubi dictum est: qui natus est ex deo  
 non peccat. Inuenimus hoc esse peccatum uiolare charitatem, & hoc proprie designatū esse  
 in hoc loco. Sic & nunc quærimus quid dixerit, si enim uerba attendis, planē uidetur: si ex  
 pla, obscurum est. Verbis his nihil est planius: & quicquid postulauerimus accipiemus ab  
 eo, quia mandata eius seruamus. Et quæ placent illi in conspectu eius facimus.) Quicquid  
 postulauerimus ait, accipiemus ab eo. Angustauit uehementer, quia & ibi angustaret si dice  
 ret omne peccatum: sed ideo inuenimus locum exponēdi quia de certo peccato dixit, nō de  
 omni, sed de quodā peccato, quod omnis qui ex deo natus est nō facit. Et inuenimus ipsum  
 Ioh. 15 quoddam peccatum uiolationem esse charitatis. Et habemus exemplum de euangelio ma  
 nifestū quando ait dominus: Si non uenissem, peccatum non haberent. Quid ergo? Ad in  
 nocentes Iudæos uenerat quia sic loquitur? Ergo si ipse non ueniret, peccatum non haber  
 rent? Præsentia ergo medici fecit ægrum, febrem nō abstulit? Quis hoc uel demens dicat? Il  
 le non uenit nisi curare & sanare ægros: Quare ergo dixit: si non uenissem peccatum non  
 haberent, nisi quia certum quoddam peccatū uoluit intelligi? Quoddam enim peccatū non  
 haberent Iudæi. Quod peccatum? Quod in eum non crediderunt, q̃ præsentem cōtempse  
 runt. Sicut ergo ibi peccatum dixit, & non est consequens ut omne peccatum intelligamus,  
 sed certum peccatum: sic & hic, non omne peccatum, ne contrarius sit illi loco ubi ait: Si dixe  
 rimus quia peccatum non habemus, nosmetipsos seducimus, & ueritas in nobis non est: sed  
 certum quoddam peccatum, id est, uiolationem charitatis. Hic autem plus nos constrinxit.  
 Si petierimus dixit, si nos non accusauerit cor nostrū & renunciauerit in conspectu dei, quia  
 uera dilectio est in nobis, quicquid postulauerimus ab eo accipiemus. Iam ergo dixi charita  
 ti uestre fratres, nemo attendat ad nos. Quid enim sumus nos? Aut quid estis uos? Quid  
 nisi ecclesia dei, quæ nota est omnibus? Et si illi placet, in illa sumus: & qui dilectiōe in illa ma  
 nemus, ibi perseveremus, si uolumus ostendere dilectionem quam habemus. Verū tamen  
 de apostolo Paulo quid mali sensuri sumus? Ipse non diligebat fratres? Apud ipsum non  
 erat testimonium conscientie eius in conspectu dei? Nō erat in Paulo radix illa charitatis,  
 unde omnes boni fructus procedebant? Quis hoc nisi demēs dixerit? Vbi ergo inuenimus  
 2. Cor. 12 petisse Apostolum & non accepisse? Ait ipse: In magnitudine reuelationum ne extollar, da  
 tus est mihi stimulus carnis angelus satanæ qui me colaphizet, propter quod ter dominum  
 rogavi ut auferretur à me, & dixit mihi, Sufficit tibi gratia mea: nam uirtus in infirmitate p  
 ficitur. Ecce non est exauditus ut auferretur ab illo angelus satanæ: sed quare? Quia non ei p  
 derat. Ergo exauditus est ad salutem, qui nō est exauditus ad uoluntatem. Nouerit magnū  
 sacramentum charitas uestra, quod ideo cōmendauimus uobis, ne excidat uobis in tentatio  
 nibus uestris. Sancti ad salutem per omnia exaudiuntur: semper exaudiuntur ad salutem  
 æternam



A æternam: ipsam desyderant, quia secundū hanc semper exaudiuntur: sed discernamus exau-  
 ditiones dei. Inuenimus enim quosdā non exauditos ad uolūtatem, exauditos ad salutem:  
 & rursus quosdam inuenimus exauditos ad uoluntatem, & nō exauditos ad salutem. Hoc  
 discernite, hoc tenete. Exemplum eius qui nō est exauditus ad uolūtatem, sed exauditus ad  
 salutem: audi apostolum Paulum, nam ipsam exauditionem ad salutem ostendit illi deus,  
 Sufficit tibi grātia mea, nam uirtus in infirmitate perficitur. Rogasti, clamasti, ter clamasti, 2. Cor. 12  
 ipsum semel quod clamasti audiui, non auerti aures meas à te, noui quid faciam: tu uis au-  
 ferre medicamentum quo ureris, ego noui infirmitatem qua grauaris: ergo iste ad salutem  
 exauditus est, ad uoluntatem nō est exauditus. Quos inuenimus exauditos ad uolūtatem,  
 non exauditos ad salutem? Inuenimus putamus aliquē, neq; aliquem impium exauditum  
 à deo ad uoluntatē, non exauditum ad salutem? Si alicuius hominis exemplum posuero,  
 forte dicturus es mihi, Tu illum dicis iniquum, nam iustus erat: si iustus nō esset, à deo non  
 exaudiretur. Talē propositurus sum, de cuius iniquitate & impietate nemo dubitet: diabo-  
 lus ipse petijt Iob & accepit: nōne & hic de diabolo audistis, Quia qui facit peccatum ex Iob 1  
 diabolo est? Nō quia ille creauit, sed quia iste imitatur. Nōne de illo dictū est, In ueritate Ioan. 8  
 non stetit? Nōne ipse est antiquus ille serpēs, qui per scēminam uenenum primo homini Gen. 3  
 propinauit? Qui ad ipsum Iob scēminam propterea seruauit, per quam maritus non con-  
 solaretur, sed tentaretur. Ipse diabolus petijt sanctum uirum tentandum, & accepit. Petijt  
 Apostolus ut auferretur ab eo stimulus carnis, & nō accepit: sed Apostolus magis exaudi-  
 tus est q̄ diabolus. Apostolus enim exauditus est ad salutem, & si non ad uolūtatem. Dia-  
 bolus exauditus est ad uoluntatem, sed ad damnationem: ideo enim concessus est iste ten-  
 tandus, ut eo probato esset ille cruciandus. Sed hæc fratres nō tantum in ueteribus libris in-  
 uenimus, & in euangelio inuenimus. Petierunt dæmones à domino cum eos excluderet ab  
 homine, ut ire permitterentur in porcos. Nōne his posset dicere dominus, ut nec illuc acce-  
 derent? Non enim si nollet, rebellaturi erant cōtra regem cœli & terræ, certi tamen myste-  
 rij gratia & certa dispensatione dimisit dæmones ire in porcos, ut ostenderet diabolus in  
 eis dominari qui uitam porcorum gerunt. Dæmones ergo exauditi sunt, Apostolus nō ex-  
 auditur. An potius quod uerius est dicimus, imò Apostolus exauditus est: dæmones non  
 sunt exauditi. Illorum uoluntas facta est, huius sanitas perfecta est. Secundū hoc intelligere  
 debemus, quia deus & si uoluntati nostræ nō dat, saluti dat. Quid si enim hoc petieris quod  
 tibi obest, & medicus nouit quia obest tibi, non enim te exaudiat medicus, quando forte tu  
 frigidam aquam petis: & si prodest, statim dat, si non prodest, non dat: nō exaudiuit, an po-  
 tius ad sanitatem exaudiuit, quia uoluntati contradixit? Sit ergo in uobis charitas fratres,  
 sit in uobis, & securi estote: & quando non uobis datur quod petitis, exaudimini, sed nō sci-  
 tis. Multi dati sunt in manus suas malo suo, de quibus dicit Apostolus, Tradidit eos deus Rom. 1  
 in desideria cordis eorum. Petit aliquis magnam pecuniam, accipit malo suo: quando illam  
 non habebat, parum timebat: habere illam cœpit, præda factus est potētiori. Nōne malo  
 suo exauditus est, qui uoluit habere unde à latrone quæreretur, quē pauperem nemo quæ-  
 rebat? Discite rogare deum, ut medico cōmittatis, quod ipse nouit faciat. Tu morbum con-  
 siteris, ille medicamētum adhibeat. Tu tantū charitatem tene, nā si ille secare te uult, urere  
 te uult: tu si clamas & non exaudiris in uisione & tribulatione, nouit ille quousq; putre est.  
 Tu iam uis reuocet manus, & ille uulneris sinum attendit, scit quousq; perueniat, non te ex-  
 audit ad uoluntatem, sed exaudit ad salutem. Certi estote fratres mei, quia quod ait Apo-  
 stolus uerū est, Quid enim oremus, sicut oportet nescimus, sed ipse spiritus interpellat pro Rom. 8  
 nobis gemitibus inenarrabilibus, quia ipse interpellat pro sanctis. Quid est, ipse spiritus in-  
 terpellat pro sanctis, nisi ipsa charitas quæ in te per spiritū facta est: ideo enim dicit idem Rom. 8  
 Apostolus, Charitas dei diffusa est in cordibus nostris per spiritum sanctum qui datus est  
 nobis: charitas ipsa gemit, charitas ipsa orat: contra hanc aures claudere nō nouit qui illam  
 dedit: securus esto, charitas roget, & ibi sunt aures dei: nō sit quod uis, sed sit quod tibi expe-  
 dit:

dit: ergo quicquid postulauerimus, nunquid accipiemus ab eo? Iam dixi, si ad salutem intel-  
ligas, nulla quaestio est: si non ad salutem, quaestio est magna, quæ te calumniatorem facit  
Paulo apostolo, Quicquid postulauerimus accipiemus ab eo, quia madata eius seruamus,  
& quæ placet illi in cōspectu eius facimus: in cōspectu eius, intus ubi uidet. Et quæ illa man-  
data sunt? Hoc est, inquit, mandatum illius ut credamus in nomine filij eius Iesu Christi,  
& diligamus inuicem.) Videtis quia hoc est mandatū: uidetis quia contra hoc mandatum  
qui facit, peccatū facit, quo caret omnis qui natus est ex deo. Sicut dedit nobis mdatum  
ut diligamus inuicem, & qui seruauerit mandatū eius.) Videtis quia nihil aliud nobis præ-  
cipitur, nisi ut diligamus inuicem. Et qui seruauerit mdatum eius, in ipso manebit, & ipse  
in eo: & in hoc cognoscimus quia manet in nobis de spiritu quem dedit nobis.) Nonne ma-  
nifestū est, quia hoc agit spiritus sanctus in homine, ut sit in illo dilectio & charitas? Nonne  
Rom. 5 manifestum est quod ait Apostolus, Charitas dei diffusa est in cordibus nostris per spiri-  
tum sanctum qui datus est nobis? De charitate enim loquebatur & dicebat, quia in conspe-  
ctu dei debemus interrogare cor nostrum. Quod si non male senserit cor nostrum, id est, si  
confiteatur quia de dilectione fratris fit quicquid fit, in bono opere fit. Accessit etiā quod de  
mandato cum diceret, hoc ait, hoc est mdatum eius, ut credamus in nomine filij eius Iesu  
Christi, & diligamus inuicem: & qui facit mandatum eius, in ipso manet, & ille in eo. In hoc  
cognoscimus quia manet in nobis, de spiritu quem dedit nobis. Si enim inueneris te habe-  
re charitatē, habes spiritum dei ad intelligendum: ualde enim necessaria res est. Primis tem-  
poribus cadebat super credētes spiritus sanctus, & loquebantur linguis quas nō didicerant,  
quomodo spiritus dabat eis pronunciare. Signa erāt tempore opportuno, oportebat enim  
ita significari in omnibus linguis spiritum sanctum, quia euāgelium dei per omnes linguas  
cursurum erat toto orbe terrarum: significatum est illud & transijt. Nūquid modo quibus  
imponitur manus ut accipiant spiritum sanctum, hoc expectatur ut linguis loquantur? Aut  
quando imposuimus manum istis infantibus, attendit unusquisque uestrum utrū linguis lo-  
querentur? Et cum uideret eos linguis non loqui, ita peruerso corde aliquis uestrum fuit ut  
diceret: non acceperunt isti spiritum sanctum, nā si acceperunt, linguis loquerentur quemad-  
modum tunc factum est? Si ergo per hæc miracula non fiat modo testimoniū præsentiae  
spiritus sancti, unde fit, unde cognoscit quisque acceperunt spiritum sanctum? Interroget cor suū  
si diligit fratrem, manet spiritus dei in illo: uideat, probet seipsum coram oculis dei: uideat si  
est in illo dilectio pacis unitatis, dilectio ecclesiae toto terrarum orbe diffusae. Non attendat  
eum solum diligere fratrem quem attendit ante se: multos enim non uidemus fratres no-  
stros, & in unitate spiritus illis copulamur. Quid mirum quia nobiscum non sunt? In uno  
corpore sumus, unum caput habemus in cælo. Fratres, oculi nostri non se uident, quasi non  
se norunt, an in charitate compaginis corporalis norunt se? Nam, ut noueritis, quia in con-  
iunctione charitatis se nouerunt, quando ambo patent, nō licet ut aliquid attendat dexter,  
quod non attendat sinister. Dirige radium dextrum sine altero si potes, simul coeunt, simul  
dirigunt, intētio una est, loca diuersa sunt. Si ergo omnis qui tecum diligit deum, unā inten-  
tionem tecum habet, nolo attēdere quia corpore in loco separatus est, aciem cordis simul fi-  
xistis in lumine ueritatis. Ergo si uis nosse quia acceperunt spiritum sanctum, interroga cor tuū,  
ne forte cū sacramētum habes, uirtutem sacramēti nō habeas, Interroga cor tuum, si est ibi  
dilectio fratris securus esto. Non potest esse dilectio sine spiritu dei, quia Paulus clamat,  
cap. III Charitas dei diffusa est in cordibus nostris per spiritum sanctum qui datus est nobis. Dilec-  
tissimi, nolite omni spiritui credere.) quia dixerat, in hoc cognoscimus quia manet in no-  
bis, de spiritu quē dedit nobis: unde autē cognoscitur ipse spiritus, attendite, Dilectissimi,  
nolite omni spiritui credere, sed probate spiritus si ex deo sunt.) Quis est q probat spiritus?  
Difficilem rem nobis proposuit fratres mei: bonum est nobis ut dicat ipse unde discerna-  
mus, dicturus est ne formidetis, sed primo uidete, attēdite. Videte hinc exprimi illud, unde  
uani hæretici calumniantur: attendite, uidete quid ait, Dilectissimi, nolite omni spiritui cre-  
dere,



A dere, sed probate spiritus si ex deo sunt. Spūs sanctus nomine aquæ appellatus est in euan-  
gelio, domino clamante & dicente, Si quis sitit, ueniat ad me & bibat, qui credit in me, flumina Ioan. 7  
aquæ uiuæ fluent de uentre eius. Euāgelista autem exposuit unde diceret, secutus enim ait,  
Hoc autem dicebat de spiritu quē accepturi erant qui in eū erant credituri: quare nō multos  
baptizabat dominus. Sed quod sequitur attendite, Spiritus autem nōdum erat datus, quia  
Iesus nondum fuerat glorificatus. Quia ergo illi baptismum habebāt, & spiritum sanctum  
nondum acceperant, quem die pentecostes misit dominus de cælo, ut daretur spiritus, expe-  
ctabatur glorificatio domini. Et anteq̃ clarificaretur, & anteq̃ mitteret eum, inuitabat ta-  
men homines, ut se prępararent ad accipiendam aquam, de qua dixit, qui sitit, ueniat & bi-  
bat, & qui credit in me, flumina aquæ uiuæ fluēt de uentre eius. Quid est illa aqua? Nemo  
me interroget, euangelium interroga, hoc autē dicebat, ait, de spiritu quem accepturi erant  
hi qui in eū erāt credituri. Aliud est ergo aqua sacramēti, aliud aqua quæ significat spiritum  
dei. Aqua sacramenti uisibilis est, aqua spiritus inuisibilis est: ista abluit corpus, & significat  
quod fit in anima, per illū spiritū ipsa anima mūdatur & saginatur. Ipse est spiritus dei, quē  
non possunt habere hæretici, & quicunq; se ab ecclesia pręcidūt. Et quicunq; nō aperte prę-  
ciduntur, sed per iniquitatē pręcisi sunt, & intus tanq̃ palea uoluūtur, & grana nō sunt, non  
habent istū spiritum. Iste spiritus nomine aquæ à dño significatus est, & audiuius ab hac  
epistola, Nolite omni spiritui credere: attestatur illa uerba Salomonis, Ab aqua aliena ab- Prouerb. 5  
stinete. Quid est aqua? Spiritus. Nunquid semper aqua spiritū significat? non semper. Qui-  
busdam locis spiritū significat, quibusdā locis baptismū significat, quibusdā locis populos Prouerb. 16  
significat, quibusdā locis consiliū significat. Habes quodā loco dictum, Fons uitæ consiliū  
possidentibus eum: ergo per diuersa loca scripturarū nomen aquæ diuersa significat. Nunc  
tamen in nomine aquæ spiritum sanctū audistis, non ex interpretatione nostra, sed ex euan-  
gelica, ubi ait, Hoc autē dicebat de spiritu quē erant accepturi hi qui in eum erant credituri.  
B Si ergo aquæ nomine significatur spiritus sanctus, & dicit nobis epistola sua, nolite omni  
spiritui credere, sed probate spiritus si ex deo sunt, intelligamus inde dictū esse, ab aqua alie-  
na abstinete, & de fonte alieno ne biberis. Quid est de fonte alieno ne biberis? Spiritui alie-  
no ne credideris. Restat ergo examen unde probetur quia spiritus dei est. Posuit quidem  
signum, & hoc fortasse difficile. Videamus tamen, ad illam charitatem redituri sumus. Ipsa  
est quæ nos docet, quia ipsa est unctio: tamen hic quid ait? Probate spiritus si ex deo sunt.  
(Quia multi pseudoprophetæ exierunt in istum mundum.) Iam ibi sunt omnes hæretici  
& omnes schismatici. Quomodo ergo probabo spiritum? sequitur, In hoc cognoscitur spi-  
ritus dei.) Erigite aures cordis: laborabamus & dicebamus, Quis nouit? quis discernit? ecce  
dicturus est signum. In hoc cognoscitur spiritus dei, omnis spiritus qui confitetur Iesum  
Christum in carne uenisse ex deo est. Et omnis spiritus qui nō confitetur Iesum Christum  
in carne uenisse, nō est ex deo. Et hic est antichristus, de quo audistis q̃ uenturus sit, & nunc  
in isto mundo est.) Quasi eriguntur aures ad discernendos spiritus, & tale quiddam audi-  
uimus unde nihilominus non discernamus: quid enim ait, Omnis spiritus qui confitetur Ie-  
sum Christum in carne uenisse, ex deo est? quia confitentur Iesum Christum in carne ue-  
nisse. Iam hic erigunt se forte aduersum nos & dicunt, uos non habetis spiritum ex deo, sed  
& nos confitemur Iesum Christum in carne uenisse: iste autē illos negauit spiritum dei ha-  
bere, qui non confitentur Iesum Christum in carne uenisse. Quære ab Arianis, confitentur  
Iesum Christum in carne uenisse. Quære ab Eunomianis, confitentur Iesum Christum in car-  
ne uenisse. Quære à Macedonianis, confitentur Iesum Christum in carne uenisse. Interroga  
Cataphrygas, confitentur Iesum Christum in carne uenisse. Interroga Nouatianos, confi-  
tentur Iesum Christum in carne uenisse: omnes ergo istæ hæreses spiritum dei habent, non  
ergo pseudoprophetæ sunt? nulla est ergo ibi deceptio, nulla seductio? Certe antichristi  
sunt, qui ex nobis exierunt, sed non erant ex nobis. Quid ergo facimus, unde discernimus?  
Intendite, eamus simul corde, & pulsemus. Vigilat ipsa charitas, quia ibi pulsatura est, ipsa  
N 2 apertura:

apertura, modo intelligetis in nomine domini nostri Iesu Christi: iam superius audistis, quia dictum est, Qui negat Iesum Christum in carne uenisse, hic est antichristus. Et ibi quasi uimus, quis neget, quia nec nos negamus, nec illi negant. Et inuenimus quosdam factis negare, & adhibuimus testimonium de Apostolo, qui ait, Confitetur enim se nosse deum, factis autem negant. Sic ergo & modo quæramus in factis, non lingua, quis est spiritus qui non est ex deo, qui negat Iesum Christum in carne uenisse: & quis est spiritus qui est ex deo, qui confitetur Iesum Christum in carne uenisse? Eia fratres, opera attendamus, non strepitum linguæ. Quæramus quare uenerit in carne Christus, & inueniemus qui eum negant in carne uenisse. Nam si linguis attendas, multas hæreses auditorus es cōfidentes Christum in carne uenisse: sed conuincit illos ueritas. Quare uenit Christus in carne? Nōne deus erat? Nōne de illo dictum est, In principio erat uerbum, & uerbum erat apud deum, & deus erat uerbum? Nōne pascebat angelos, & ipse pascit angelos? Nōne sic uenit ut inde non discederet? Nōne sic ascendit ut nos non dimitteret? Quare uenit ergo in carne? Quia oportebat nobis ostendi spem resurrectionis. Deus erat, & in carne uenit: deus enim mori non poterat, caro poterat, ideo ergo uenit in carne ut moreretur pro nobis. Quemadmodum autem mortuus est pro nobis? Maiorem hac charitatem nemo habet, quæ ut animam suam ponat pro amicis suis. Caritas ergo illum duxit ad carnem. Quisquis ergo non habet charitatem, negat Christum in carne uenisse. Nunc iam interroga omnes hæreticos, Christus uenit in carne? Venit, hoc credo, hoc profiteor. Imò hoc negas. Vnde nego? Audis quia hoc dico, imò ego conuincō quia negas. Dicis uoce, negas corde, dicis uerbo, negas factis. Quomodo, inquis, nego factis? Quia ideo uenit in carne Christus ut moreretur pro nobis. Ideo mortuus est pro nobis, quia charitatem multam docuit: Maiorem hac charitatem nemo habet, quæ ut animam suam ponat pro amicis suis. Tu non habes charitatem, quia pro honore tuo diuidis unitatem. Ergo hunc intelligite spiritum ex deo, pulsate, tangite uasa fictilia, ne forte crepuerint & male resonent. Videte si integre sonant, uidete si ibi est charitas. Tollis te ab unitate orbis terrarum, diuidis ecclesiam per schismata, dilanias corpus Christi. Ille uenit in carne ut colligat, tu ideo clamas ut spargas. Ergo ipse est spiritus dei qui dicit Iesum in carne uenisse: qui dicit non lingua, sed factis, qui dicit non sonando, sed amando. Ille autem non est spiritus dei qui negat Iesum in carne uenisse: negat & ipse non lingua, sed uita, non uerbis sed factis. Manifestum ergo unde agnoscamus fratres. Multi intus quasi intus, nemo autem foris, nisi uere foris, adeo ut noueritis quia ad facta retulit. Et omnis spiritus ait, qui soluit Christum non est ex deo. Soluere factis intelligitur. Quid tibi ostendit qui negat quia dixit, soluit? Ille uenit colligere, tu uenis soluere. Distringere uis membra Christi. Quomodo non negas Christum in carne uenisse, qui dirumpis ecclesiam quam ille cōgregauit? Contra Christum ergo uenis, antichristus es. Intus sis, foris sis, antichristus es. Sed quando intus es, lates: quando foris es, manifestaris. Soluis Iesum, & negas eum in carne uenisse, non es ex deo: ideo dicit in euangelio, Qui soluerit unum de mandatis istis minimis, & docuerit sic, minimus uocabitur in regno cœlorum. Quid est soluitur? Quid est docetur? Soluitur factis, & docetur quasi uerbis. Qui prædicas non furandum, furaris? Soluit ergo in facto qui furatur, & quasi docet sic, minimus uocabitur in regno cœlorum, id est, in ecclesia huius temporis: de illo dictum est, Quæ dicunt facite, quæ autem faciunt, facere nolite. Qui autem fecerit, & sic docuerit, magnus uocabitur in regno cœlorum: ex eo quod dixit hic, fecerit: contra hoc ibi dixit, soluerit, id est, non fecerit, & docuerit sic: ille ergo soluit, qui non facit. Quid nos docet, nisi ut facta interrogemus, non uerba credamus? Obscuritas rerum multa nos cogit dicere, maxime ut illud quod dominus reuelare dignatur, etiam ad tardiores fratres perueniat, quia omnes Christi sanguine comparati sunt. Et uereor ne ipsa epistola istis diebus sicut promiseram non finiatur: sed quod domino placet, melius est seruare reliquias, quam onerare corda nimio cibo.



A De eo quod Ioannes dicit, Iam uos ex deo estis filioli & uicistis eum, quia maior est qui est in uobis, q̄ qui in hoc mundo, usq; ad id, Ita deus dilexit nos, debemus & nos inuicem diligere.

## Tractatus VII

**M**UNDVS iste omnibus fidelibus quærentibus patriam sic est, quomodo fuit eremus populo Israël. Errabant quidem adhuc, & patriam quærebāt, sed duce domino errare non poterant, uia illis fuit uisio domini. Nam ubi per quadraginta annos circumierunt, paucissimis mansionibus conficitur iter ipsum, & notum est omnibus. Tardabantur, quia exercebantur, non quia deserebantur. Quod ergo nobis promittit deus, ineffabilis dulcedo est, & bonum, sicut scriptura dicit, & sæpe nobis commemorantibus audistis, quod oculus non uidit, nec auris audiuit, nec in cor hominis ascendit. Laboribus autem temporalibus exercemur, & tentationibus uitæ præsentis erudimur. Sed si nō uultis in ista eremo siti mori, bibite charitatem, fons est quem uoluit dominus hic ponere, ne deficiamus in uia, & abundantius eum bibemus cum ad patriam uenerimus. Modo euāgelium lectū est, ut de ipsis uerbis quibus lectio terminata est dicam, quid aliud nisi de charitate audistis? Quandoquidem pactum fecimus cum domino nostro in oratione, ut si uolumus dimittat nobis peccata nostra, dimittamus & nos peccata quæ in nobis fuerint commissa. Non autē dimittit nisi charitas: tolle charitatem de corde, odium tenet, ignoscere non nouit. Sit ibi charitas, secunda ignoscit quæ non angustatur. Epistola autem ista tota quam suscepimus tractandam uobiscum, uidete si aliud aliquid commendat q̄ ipsam unā charitatem. Nec timendum est, ne sæpe dicendo in odium ueniat: quid enim amatur, si charitas in odium uenit? Quia charitate fit, ut cætera bene amentur, ipsa quomodo amanda est? Res ergo quæ nunq̄ debet de corde discedere, nec ab ore discedat. Iam uos, inquit, ex deo estis filioli, & uicistis eum. Quem, nisi antichristum? Superius enim dixerat, Omnis qui soluit Iesum Christum, & negat eum in carne uenisse, non est ex deo. Exporauimus autē si meministis, quia omnes negant Iesum Christum in carne uenisse qui uiolant charitatem. Iesus enim non opus erat ut ueniret, nisi propter charitatem. Charitas enim nobis illa commendatur, quam & ipse in euangelio commendat. Maiorem hac dilectionem nemo habet, q̄ ut animā suā ponat pro amicis suis. Quomodo poterat filius dei animam suam ponere pro nobis, nisi carne indueretur ubi mori posset? Quisquis uiolat charitatem quodlibet dicat de lingua, uita ipsius negat Christū in carne uenisse, & iste est antichristus ubicunq; fuerit, quocunq; intrauerit. Sed quid dicit eis qui ciues sunt illius patriæ cui suspiramus? Vicistis eum. Et unde uicerūt? Quia maior est qui est in uobis, q̄ qui in hoc mundo. Ne uictoriam suis uiribus tribuerent, & arrogantia superbiam uincerentur: quencunq; enim diabolus superbum fecerit, uincit, uolens eos seruare humilitatem, quid ait? Vicistis eum. Iam omnis homo qui audit, uicistis, erigit caput, erigit ceruicē, laudari se uult. Noli te extollere, uide quis in te uicit. Quare uicisti? Quia maior est qui est in nobis, q̄ qui in hoc mundo. Ergo humilis porta dominum tuū, esto iumentum sessoris tui. Bonū tibi est ut ipse regat, & ipse ducat: nam si ipsum sessorem non habueris, ceruicem erigere potes, calces poterat mittere, sed uā tibi sine rectore, quia libertas ista in bestias te mittet comedendum. Hi de mundo sunt. Qui? Antichristi. Iam audistis qui sint. Et si nō estis, cognoscitis eos. Quisquis autem hoc est, non cognoscit. Hi de mundo sunt, ideo de mundo loquuntur, & mundus eos audit. Qui sunt qui de mūdo loquuntur? Attendite contra charitatē: ecce audistis dominum dicentem, Si dimiseritis peccata hominibus, dimittet uobis & pater uester cælestis peccata uestra: si autem non dimiseritis, nec pater uester dimittet uobis peccata uestra. Sententia est ueritatis, aut si non ueritas loquitur, contradic. Si Christianus es & in Christum credis, ipse dixit, Ego sum ueritas: sententia est ista, uera est, firma est. Iam audi homines de mundo loquētes, Et non te uindicaturus es? & dicturus est ille, quia fecit tibi, imō sentiat quia cum uiro rem habet. Quotidie dicuntur ista, de mundo loquuntur qui ista dicunt, & mundus eos audit, nec dicūt ista nisi qui diligunt mundū, neq; audiuntur ista nisi ab his

qui diligunt mundum. Et qui diligit mundum, & negligit charitatem, audistis quia negat Iesum in carne uenisse. Aut si fecit illud in carne ipse dominus? Si cū expalmaretur, uoluit se uindicare? Si cū in cruce penderet, non dixit, Pater ignosce illis, quia nesciūt quid faciunt? Si autē ista qui potestatem habebat, tu quid minaris, quid sufflas in potestate aliena cōstitutus? Ille quia uoluit mortuus est, & nō minabatur, tu nescis quando moriaris & minaris?

Nos ex deo sumus.) Videamus quare? Videte si propter aliud q̄ propter charitatē. Nos ex deo sumus. Qui nouit deū, audit nos: qui non est ex deo, non nos audit. Ex hoc cognoscimus spiritum ueritatis & erroris.) Quia qui audit nos, spiritum habet ueritatis: qui nō audit nos, spiritum habet erroris. Videamus quid monet, & audiamus eum potius in spiritu ueritatis monentem, non antichristos, non amatores mundi, non mundum. Si ex deo nati sumus: sequitur, supra uidete quid, nos ex deo sumus. Qui nouit deum audit nos, qui nō est ex deo, non nos audit: ex hoc cognoscitur spiritus ueritatis & erroris. Iam ergo intētos nos fecit, quia qui nouit deum ipse audit: qui autem non nouit, nō audit. Et hac discretio est spiritus ueritatis & erroris. Videamus quid moniturus est, in quo illum audire debeamus.

Dilectissimi diligamus inuicem.) Quare? Quia homo monet. Et dilectio ex deo est.) Multum commendauit dilectionem, quia dixit ex deo est. Plus dicturus est, intendite, audiamus, modo dixit, Dilectio ex deo est, & omnis qui diligit, ex deo natus est, & cognouit deum: qui non diligit, nō nouit deum.) Quare? Quia deus dilectio est.) Quid amplius dici potuit fratres? Si nihil de laude dilectionis diceretur per omnes istas paginas huius epistolæ, si nihil omnino per ceteras paginas scripturarum, & hoc solum unum audiremus de uoce spiritus dei, quia deus dilectio est: iam uidete, quia facere cōtra dilectionem, facere contra deum est. Nemo dicat, in hominem pecco, q̄ non diligo fratrem meum. Intēdite, & facile est peccatum in hominem, in deum solū nō peccem. Quomodo non peccas in deum, quando in dilectionem peccas? Deus dilectio est. Nūquid nos dicimus? Si nos diceremus, deus dilectio est, forte scandalizaretur aliquis ex nobis & diceret, quid dixit, quid uoluit dicere, quia deus dilectio est? Dedit dilectionem deus, donauit dilectionem deus. Ex deo est dilectio, deus dilectio est: ecce habetis fratres scripturas dei, canonica est ista epistola: per omnes gentes recitatur orbis terræ, autoritate tenetur, orbem terrarum ipsa ædificauit. Audis hic ab spiritu dei, deus dilectio est. Iam si audes, fac cōtra deum, & noli diligere fratrem tuum. Quomodo ergo iam dudum dilectio ex deo est, & modo ergo dilectio deus est? Etenim deus pater & filius & spiritus sanctus. Filius deus ex deo, spiritus sanctus deus ex deo: & hi tres unus deus, non tres dii. Si filius deus, & spiritus sanctus deus, & ille diligit in quo habitat spiritus sanctus, ergo dilectio deus est: sed deus, quia ex deo, utrunq; enim habes in epistola: & dilectio ex deo est, & dilectio deus est. De solo patre scriptura non nouit dicere, quia ex deo: cum autē audis ex deo, aut filius intelligitur, aut spiritus sanctus: quia uero dicit Apostolus, Caritas dei diffusa est in cordibus nostris per spiritum sanctum qui datus est nobis, intelligamus in dilectione spiritum sanctum esse. Ipse enim spiritus sanctus quē non possunt accipere mali, ipse est ille fons, de quo dicit scriptura, Fons aquæ uitæ sit tibi proprius, & nemo alienus communicet tibi. Omnes enim qui non diligunt deum, alieni sunt, antichristi sunt. Et quamuis intrent basilicas, non possunt numerari inter filios dei: non ad illos pertinet fons ille uitæ. Et habere baptismū & malus esse potest, habere prophetiā & malus esse potest. Inuenimus Saulem regē habuisse prophetiam, persequabatur sanctū Dauid, & impletus est spiritu prophetiæ, & prophetare coepit. Accipere sacramentū corporis & sanguinis domini, & malus esse potest: nā de talibus dictū est, Qui manducat & bibit indigne, iudicium sibi māducat & bibit. Habere nomen Christi, & malus esse potest, id est Christianus uocari, & malus esse potest: de quibus dictū est, Polluebāt nomen dei sui: ergo habere sacramenta ista omnia, & malus esse potest, habere autē charitatē & malus esse non potest: hoc est ergo propriū donū, ipse est singularis fons, ad hunc bibendū uos hortatur spiritus dei, ad se bibendū uos hortatur spiritus dei. In hoc manifestata est dilectio dei in nobis.)

Ecce

Rom. 5

Proverb. 5

1. Reg. 19

1. Cor. 11



A Ecce ut diligamus deum, hortationem habemus. Possemus illum diligere, nisi prior ille diligeret? Si pigri eramus ad amandum, non simus pigri ad redamandum: prior amauit nos, nec sic nos amamus: iniquos amauit, sed iniquitates soluit: iniquos amauit, sed non ad iniquitates cōgregauit: ægrotos amauit, sed sanandos uisitauit. Deus ergo dilectio est. In hoc manifestata est dilectio dei in nobis: Quia filium suū unigenitum misit in hūc mundum, ut uiuamus per ipsum.) Quomodo ipse dominus ait, Maiorem dilectionem nemo potest habere, q̄ ut animā suam ponat pro amicis suis. Et ibi probata est dilectio Christi in nos, quia mortuus est pro nobis. Dilectio patris unde probata est in nobis? Quia filium suum unicum misit mori pro nobis: sic & Paulus apostolus dicit, Qui filio proprio non pepercit, sed pro nobis omnibus tradidit eum: quomodo nō & cum illo omnia nobis donauit? Ecce Christum tradidit pater, & tradidit Iudas: nunquid non quasi simile factum uidetur? Traditor Iudas, ergo traditor est & deus pater? Absit, inquis. Nō dico, sed Apostolus dicit, qui filio proprio nō pepercit, sed pro nobis omnibus tradidit eum. Et pater illū tradidit, & ipse se tradidit: ait idē Apostolus, Qui me dilexit, & tradidit semetipsum pro me. Si pater tradidit filiū, & tradidit seipsum filius, Iudas quid fecit? Facta est traditio à patre, facta est traditio à filio, facta est traditio à Iuda. Vna res facta est. Sed quæ res discernit patrē tradentem filium, seipsum filiū tradentem, & Iudam discipulū tradentem magistrum suum? Quia hoc fecit pater & filius in charitate, fecit autē hoc Iudas in prodicione. Videtis quia nō quid faciat homo consyderandū est, sed quo animo & uolūtate faciat. In eodē facto inuenimus deum patrem, in quo inuenimus Iudā, patrem benedicimus, Iudam detestamur. Quare patrem benedicimus, Iudam detestamur? Benedicimus charitatem, detestamur iniquitatem. Quantū enim præstitum est generi humano tradito Christo, nūquid hoc cogitauit Iudas ut traderet? Deus cogitauit salutem nostrā qua redempti sumus, Iudas cogitauit precium quo uendidit dominū: filius ipse cogitauit precium quod dedit pro nobis, Iudas cogitauit precium quod accepit ut uenderet. Diuersa ergo intentio diuersa facta fecit: cū sit una res, ex diuersis eam intētionibus si metiamur, unū amandum, alterū damnādum, unum glorificandum, alterum detestandū inuenimus. Tantum ualet charitas, uidete quia sola discernit, uidete quia facta hominū sola distinguit: hoc diximus in similibus factis. In diuersis factis, inuenimus sæuientem hominem factum de charitate, & blandum factum de iniquitate. Puerum cædit pater, & mango blāditur. Si duas res proponas, plagas & blandimēta, quis non eligat blandimenta, & fugiat plagas? Si personas attēdas, charitas cædit, blanditur iniquitas. Videte quid commēdamus, quia nō discernūtur facta hominum, nisi de radice charitatis: nā multa fieri possunt quæ speciem habent bonā, & nō procedunt de radice charitatis, habent enim & spinæ flores: quædā uero uidentur aspera, uidētur truculenta, sed fiunt ad disciplinam dictante charitate. Semel ergo breue præceptum tibi præcipitur. Dilige, & quod uis fac: siue taceas, dilectione taceas: siue clames, dilectione clames: siue emendes, dilectione emendes: siue parcas, dilectione parcas. Radix sit intus dilectionis, non potest de ista radice nisi bonum existere. In hoc est dilectio, in hoc manifestata est dilectio dei in nobis, quia deus filium suum misit unigenitum in hunc mundum, ut uiuamus per ipsum.

B In hoc est dilectio, non quia nos dileximus, sed quia ipse dilexit nos.) Non illum dileximus prius, nam ad hoc nos dilexit, ut diligamus eum. Et misit filium suum litatorem pro peccatis nostris. ) Litatorem, sacrificatorem. Sacrificauit pro peccatis nostris. Vbi inuenit peccatis nostris. ) Vbi inuenit uictimam, quā puram uolebat offerre? Aliud non inuenit, seipsum hostiam. Vbi inuenit uictimam, quā puram uolebat offerre? Aliud non inuenit, seipsum obtulit. Ita deus dilexit nos, debemus & nos inuicem diligere. ) Petre amas me? Et ille dixit, Amo. Pasce oues meas. Deum nemo uidit unquam, res est inuisibilis, non oculo, sed corde quærendus est. Sed quemadmodum si solem istum uidere uellemus, oculum corporis purgaremus unde uideri lux potest: uolētes uidere deum, oculum quo deus uideri potest purgemus. Et ubi est iste oculus? Audi euangelium, Beati mundo corde, quoniam ipsi deum uidebunt. Sed nemo sibi pro concupiscentia oculorum cogitet deum. Facit enim sibi

Ioh. 15

Rom. 8

Gal. 2

Deut. 6

Matth. 5

aut ingētem formā, aut magnitudinem aliquā inestimabilem, distēdit per loca uelut lucem  
 istam quā uidet his oculis, auget per campos quantū potest, aut facit sibi aliquē quasi uene-  
 rabilis formæ senem. Nihil horū cogites. Est quod cogites, si uis uidere deum, deus dilectio  
 est. Qualem faciē habet dilectio? Qualem formā habet? Qualē staturā habet? Quales pe-  
 des habet? Quales manus habet? Nemo potest dicere. Habet tamen pedes, nā ipsi ducunt  
 ad ecclesiam: habet manus, nam ipsæ pauperi porrigūt: habet oculos, nam inde intelligitur  
 ille qui eget: Beatus qui intelligit super egenum & pauperem. Habet aures, de quibus dicit  
 Psal. 40  
 Luc. 8 dominus, Qui habet aures audiendi audiat. Nō sunt enim membra distincta per loca, sed  
 intellectu totū simul uidet. Qui habes charitatem, habita & inhabitaberis, mane & mane-  
 bitur in te. Quid enim fratres mei? Quis amat quod non uidet? Quare autē quādo lauda-  
 tur charitas, erigimini, acclamatis, laudatis? Quid uobis ostendi? Aliquos colores protuli?  
 Aurum & argentum proposui? Gemmas de thesauris effudi? Quid tale ostendi oculis ue-  
 stris? Nunquid faciēs mea mutata est cum loquor? Carnem gero, ipsa forma sum in qua  
 præcessi. In ipsa forma estis in qua uenistis, laudatur charitas & clamatis, certe nihil uide-  
 tis. Sed quomodo uobis placet quando laudatis, sic uobis placeat ut in corde seruetis. Inten-  
 dite enim quid dicā fratres, exhortor uos quantum dat dominus, ad magnum thesaurum.  
 Si uobis ostēderetur aliquod uasculū anaglyptū, inauratū, operosē factū, & illiceret oculos  
 uestros, & duceret in se intentionē cordis uestri, & placeret uobis manus artificis, & pondus  
 argenti, & splendor metalli: nōne unusquisq; uestrum diceret, o si habere uasculum istud?  
 Et sine causa diceretis, in potestate enim uestra nō erat: aut si quisq; uellet habere, cogitaret  
 illud de domo aliena furari. Laudatur charitas uobis. Habete, possidete, nō opus est ut fur-  
 tum alicui faciatis, nō opus est ut emere cogitetis, gratis constat, tenete eam, amplectimini  
 eam, dulcius illa nihil est. Si cum cōmemoratur talis est, cū habetur qualis est? Si qui forte  
 uultis seruare charitatē fratres, ante omnia ne putetis abiectam & desidiosam, nec quadam  
 mansuetudine, imò non mansuetudine, sed remissione & negligentia seruari charitatem.  
 Non sic seruatur. Non putēs tunc te amare seruum tuum, quando eū non cedis: aut tunc te  
 amare filium tuū, quando ei nō das disciplinā: aut tunc te amare uicinū tuum, quando eum  
 non corripis: non est ista charitas, sed languor. Ferueat charitas ad corripiēdum, ad emen-  
 dandū: si sunt boni mores, delectent: si sunt mali, emendentur, corrigantur. Noli in homine  
 amare errorem, sed hominē: hominem enim deus fecit, errorē ipsius homo fecit. Ama illud  
 quod deus fecit, noli amare quod ipse homo fecit. Cum illud amas, illud tollis: cū illud dili-  
 gis, illud emēdas. Sed & si sēuis aliquando propter correctionem dilectionis, propterea de  
 colūba demonstrata est charitas, quæ uenit super dominū. Species illa colūbæ in qua uenit  
 spūs sanctus, in quo nobis charitas infunderetur. Quare hoc? Fel colūba non habet, tamen  
 rostro & pennis pro nido pugnat, sine amaritudine sēuit. Hoc facit & pater quando filium  
 castigat, sed ad disciplinā castigat, sicut dixi. Seductor ut uendat cū amaritudine blāditur,  
 pater ut corrigat, sine felle castigat. Tales estote ad omnes. Videte fratres, magnū documen-  
 tum, magna regula, unusquisq; habet filios aut habere uult, aut si omnino decreuit filios  
 non habere carnaliter, uel spiritualiter cupit habere. Quis est pater qui non corrigit filiū suū?  
 Quis est cui non det disciplinā pater? Et tamen sēuire uidetur. Amor sēuit, charitas sēuit.  
 Sēuit, quomodo? Sine felle more columbino, non coruino. Vnde uenit in mentem fratres  
 mei dicere uobis, quia illi uiolatores charitatis schisma fecerunt: quomodo oderant ipsam  
 charitatē, sic oderunt & columbā: sed cōuincit illos colūba, procedit de cœlo, aperiūtur cœli,  
 Ioan. 1 & manet sup caput dñi. Vt quid hoc? ut audiat. Hic est qui baptizat. Recedite prædones,  
 recedite inuafores possessionis Christi. In possessionibus uestris, ubi dominari uultis, titu-  
 los potētis ausi estis infringere? Cognoscit ille titulos suos, uendicat sibi possessionem suam.  
 Non delet titulos, sed intrat & possidet: sic ad catholicam uenienti, non deletur baptismus,  
 ne titulus imperatoris deleatur. Sed qd fit in catholica? Agnoscitur titulus, intrat possessor  
 sub titulis suis, quò intrabat prædo sub titulis alienis.



A

Tractatus VIII.

B

Matth. 6

utitur & al's iusum  
pro deorsum

Matth. 5

Gal. 8

morbum sanauit. Magnitudinē enim uulneris manus medici secuit & sanauit. Vox illa de  
 celo prostrauit persecutorē, & erexit prædicatorem: occidit Saulum, & uiuificauit Paulum.  
 Saul enim persecutor erat sancti uiri, inde nomen habebat iste quādo persequēbatur Chri-  
 stianos: postea de Saulo factus est Paulus. Quid est Paulus? Modicus: ergo quā Saulus, su-  
 perbus, elatus: quā Paulus, humilis, modicus: ideo sic loquimur, paulo post uidebo te, id est,  
 post modicū. Audi quia modicus factus est, Ego enim sum minimus apostolorum. Et mihi  
 minimo omnium sanctorū, dicit alio loco. Sic erat inter apostolos tanquā simbria uestimenti:  
 sed tetigit ecclesia gentium tanquā fluxū patiens, & sanata est. Ergo fratres hoc dixerim, hoc dico,  
 hoc si possem nō tacerē: opera illa modo illa sint in nobis, modo illa pro tēpore, pro horis,  
 pro diebus. Nunquid semper loqui? nunquid semper tacere? nunquid semper reficere corpus?  
 nunquid semper ieiunare? nunquid semper panē dare egenti? nunquid semper nudū uestire?  
 nunquid semper ægrotū uisitare? nunquid semper discordātes cōcordare? nunquid semper  
 mortuos sepelire? modo illud, modo illud. Inchoatur ista & cessant, ille autē imperator nec  
 inchoatur, nec cessare debet: charitas intus nō intermittatur, officia charitatis pro tempore  
 exhibeantur: charitas ergo sicut scriptū est, fraterna pmaneat. Fortassis autē mouerit aliquos  
 uestrū ex quo istā epistolam beati Ioannis tractamus uobis, quare nō commendauerit ma-  
 xime nisi fraternam charitatem? Qui diligit fratrem dicit, & præceptum nobis est datum, ut  
 diligamus inuicē. Assidue nominauit charitatē fraternā, dei charitatē, id est, qua debemus  
 diligere deum, non tam assidue nominauit, sed tamen non omnino tacuit. De inimici uero  
 dilectione prorsus tacuit propē per totā istam epistolam. Cum uehementē nobis prædicet,  
 commendatque charitatem, non nobis dicit ut diligamus inimicos, sed dicit nobis ut fratres  
 diligamus: modo uero cum euangelium legeretur, audiuius, Si enim diligitis eos qui uos  
 diligunt, quā mercedē habebitis? Nōne & publicani hoc faciūt? Quid est igitur quod pro ma-  
 gno nobis ad perfectionē quandā fraternam dilectionem commēdat Ioannes apostolus,  
 dominus autē dicit, nō nobis sufficere ut fratres diligamus, sed debere nos extēdere ipsam  
 dilectionē ut perueniamus ad inimicos? Qui usque ad inimicos peruenit, nō trānsibit fratres.  
 Necesse est, sicut ignis, prius occupet proxima, & sic se in longinquiora distendat. Propin-  
 quior est tibi frater quā nescio quis homo. Rursus tibi magis adhæret ille quē non noueras,  
 qui tibi tamen non aduersatur, quā inimicus qui etiā aduersatur. Extende dilectionē in pro-  
 ximos, nec uoces illam extēsiōnem. Prope enim te diligis, qui eos diligis qui tibi adhærent.  
 Extende ad incognitos, qui tibi nihil mali fecerunt. Transcende & ipsos, perueni, ut diligas  
 inimicos: hoc certe dominus iubet. Quare iste tacuit de dilectione inimici? Omnis dilectio  
 siue quæ carnalis dicitur, quæ non dilectio, sed magis amor dici solet: dilectionis enim no-  
 men magis solet in melioribus rebus dici, in melioribus rebus accipi, tamen omnis dilectio  
 fratres charissimi utique beneuolētiā quandam habet erga eos qui diliguntur. Non enim  
 sic debemus diligere homines, aut sic possumus diligere uel amare: hoc enim etiam uerbo  
 usus est dominus, cum diceret, Petre amas me? Non sic debemus amare homines, quo-  
 modo audimus gulosos dicere, amo turdos. Quæris quare? Ut occidat & cōsumat, & ama-  
 re se dicit, ad hoc illos amat ut non sint, ad hoc amat ut perimat, & quicquid ad cibandum  
 amamus, ut illud consumatur & nos reficiamur. Nunquid sic amandi sunt homines tanquā  
 consumendi? Sed amicitia quadam beneuolētiæ, ut aliquando præstemus quos amamus.  
 Quid si non sit quod præstemus? Sola beneuolentia sufficit amanti. Non enim optare  
 debemus esse miseros, ut possimus exercere opera misericordiæ. Das panem esurienti, sed  
 melius nemo esuriret & nulli dares. Vestis nudū, utinā omnes uestiti essent, & non esset ista  
 necessitas. Sepelis mortuum, utinā ueniat aliquando illa hora ubi nemo moriatur. Concor-  
 das litigantes, utinā aliquando sit pax illa æterna Hierusalē, ubi nemo discordat: hæc enim  
 omnia officia necessitatum sunt. Tolle miseros, cessabunt opera misericordiæ. Opera mise-  
 ricordia cessabunt, nūquid ardor charitatis extinguatur? Germanius amabis felicem homi-  
 nem cui nō habes quod præstes, purior ille amor erit, multoque syncerior. Nam si præstiteris  
 misero,





esse quā alius homo, inuidebis ei quādo tibi esse uidebis æqualem. Debes uelle omnes homines æquales tibi: & si uiceris aliquem per prudentiam, optare debes ut sit & ipse prudens. Quamdiu tardus est, discit à te, quamdiu indoctus est, indiget te, & tu uideris doctor, ille autē discens: tu ergo superior quia doctor es, ille inferior quia discens, nisi illū optes æquale, semper uis habere discitem: si autē uis semper habere discētem, inuidus eris doctor: si inuidus doctor, quomodo eris doctor? Rogo te noli docere ipsam inuidentiā tuam: audi Apostolum dicentem de uisceribus charitatis, Vellem omnes homines esse sicut meipsum: quomodo uolebat omnes æquales, ideo erat omnibus superior, quia charitate optabat omnes æquales. Excessit ergo modū homo, dū auarior uoluit ut supra homines esset, qui supra percora factus est, & ipsa est superbia: & uidete quanta opera facit superbia. Ponite in corde quā similia faciat, & quasi paria charitati. Pascit esuriētē charitas, pascit & superbia: charitas ut deus laudetur, superbia ut ipsa laudetur: uestit nudū charitas, uestit & superbia: ieiunat charitas, ieiunat & superbia: sepelit mortuum charitas, sepelit & superbia. Omnia opera bona quæ uult facere charitas & facit, cogitat cōtrā superbia, & quasi docet equos suos. Sed interior charitas tollit locū male agitatæ superbiæ, non male agitati, sed male agitatæ. Vae homini cuius auriga superbia est, necesse est enim ut præceps eat. Vt autē non sit superbia quæ agitatur facta bona, quis nouit, quis uidet, ubi est hoc? Opera uidemus, pascit misericordia, pascit & superbia: hospitem suscipit misericordia, hospitem suscipit & superbia: intercedit pro paupere misericordia, intercedit & superbia. Quid est hoc? In operibus nō discernimus: audeo aliquid dicere, sed non ego, Paulus dixit, Moritur charitas, id est, homo habens charitatem, confitetur nomen Christi, ducit martyrium, cōfitetur & superbia, ducit martyrium: ille habet charitatem, ille non habet charitatem: sed audiat ab Apostolo ille qui non habet charitatem, Si distribuero omnia mea pauperibus, & si tradidero corpus meū ut ardeam, charitatem autē non habuero, nihil mihi prodest. Ergo scriptura diuina intrō nos reuocat à iactatione huius faciei forinsecus, & ab ista superficie quæ iactatur ante homines, reuocat nos intrō. Redi ad conscientiam tuā, ipsam interroga: noli attēdere quod floret foris, sed quæ radix est interna. Radicata est cupiditas, species potest esse bonorum factorum, uere opera bona esse nō possunt: radicata est charitas, securus esto, nihil mali procedere potest. Blanditur superbia, scēuit amor: illa uestit, iste cedit: illa enim uestit ut placeat hominibus, iste cedit ut corrigat disciplina. Accipitur magis plaga charitatis, quā elemosyna superbiæ. Redite ergo intrō fratres, & in omnibus quæcunq; facitis, intuemini testē deum. Videte si ille uidet, quo animo faciatis. Si cor uestrū non uos accusat, quia iactantiæ causa facitis, bene securi estote. Nolite autē timere quādo faciatis bene, ne uideat alter: time ne propterea facias ut tu lauderis: nam uideat alter ut deus laudetur, si enim abscondis ab oculis hominis, abscondis ab imitatione hominis. Duo sunt, elemosynam facis, duo esuriunt, unus panem, alter iustitiam: inter duos istos famelicos, quia dictum est, Beati qui esuriunt & sitiunt iustitiam, quoniam ipsi saturabuntur. Inter duos istos famelicos, bonus operator constitutus est: si charitas de illo operatur, ambos miseratur, ambobus uult subuenire: ille enim quarit quod manducet, ille quarit quod imitetur: pascis istum, præbes te isti, ambobus dedisti elemosynam: illum fecisti gratulatorem de fame interfecta, hunc fecisti imitorem de exemplo proposito. Miseramini ergo tanquā misericordes, quia in eo etiam quod diligitis inimicos, fratres diligitis. Ne putetis Ioannem nihil de dilectione inimici præcepisse, quia de fraterna charitate non tacuit, fratres diligitis. Quomodo, inquis, fratres diligimus: quæro quare diligas inimicum? Quare illum diligis? Vt sanus sit in hac uita. Quid si non illi expedit? Vt diues sit. Quid si ipsis diuitijs excæbatur? Vt uxorem ducat. Quid si amaram uitam inde patietur? Vt filios habeat. Quid si mali erunt? Incerta sunt ergo ista quæ uideris optare inimico tuo, quia diligis eum, incerta sunt. Opta illi ut habeat tecum uitam aternam, opta illi ut sit frater tuus: si ergo hoc optas, diligendo inimicum ut sit frater tuus, & cum diligis, fratrem diligis: nō enim amas in illo quod est, sed quod uis ut sit. Dixeram aliquando charitati uestre, ni fallor,



A ni fallor, robur est ligni positum ante oculos. Faber optimus uidet lignum nō dolatum, de  
 sylua præcisum adamauit, nescio quid inde uult facere: non enim ad hoc amauit ut semper  
 sic maneat. In arte uidit quod futurum est, non in amore quod est, & amauit quod inde fa-  
 cturus est, non illud quod est: sic nos & deus amauit peccatores. Nam dicimus, quia deus  
 amauit peccatores: ait enim, Non est opus sanis medicus, sed male habētibus. Nunquid ad Mat. 9  
 hoc amauit peccatores, ut peccatores remaneremus? Quasi lignū de sylua uidit nos faber,  
 & cogitauit ædificium quod inde facturus est, non syluam quod erat: sic & tu respicis ini-  
 micum tuum aduersantem, sæuientem, mordentem uerbis, exasperantem contumelijs, inse-  
 ctantem odijs: attendis ibi quia homo est, uides ista omnia quæ aduersa sunt, ab homine  
 facta, & uides in illo quod à deo factus est. Quod autem homo factus est, à deo factus est:  
 quod autem te odit, ipse fecit: & quid dicis in animo tuo? domine propitius illi esto, dimit-  
 te illi peccata, incute illi terrorem, muta illum: non amas in illo quod est, sed quod uis ut sit.  
 Ergo cum inimicū amas, fratrem amas. Quapropter perfecta dilectio est in dilectione ini-  
 mici, quia pfecta dilectio est in dilectione fraterna: & nemo dicat quia aliquid minus nos  
 monuit Ioannes apostolus, & plus nos monuit dominus Christus. Ioannes nos monuit ut  
 fratres diligamus, Christus nos admonuit ut etiam inimicos diligamus. Attende quare te  
 monuit Christus ut diligas inimicos, nunquid ut semper remaneant inimici? Si ad hoc te  
 monuit ut inimici remaneant, odisti, non diligis. Attende quomodo ipse dilexit, id est, quia  
 nolebat ut sic remanerent sui persecutores, ait, Pater ignosce illis, quia nesciunt quid faciunt.  
 Quibus uoluit ignosci, mutari illos uoluit: quos uoluit mutari, ex inimicis fratres facere di-  
 gnatus est, & uere sic fecit. Occisus est, sepultus est, resurrexit, in cœlum ascendit, spiritum san-  
 ctum misit discipulis, cœpit in fiducia prædicari nomen ipsius, miracula faciebant in nomi-  
 ne crucifixi & occisi. Viderunt illi interfectores domini, & qui sanguinem eius sæuendo fu-  
 derant, credendo biberunt. Hæc dixi fratres & longiuscule, quia uehementius commendā-  
 da fuit charitati uestræ ipsa charitas, id est, commendanda sibi erat. Si enim charitas nulla  
 B est in uobis, nihil diximus: si autem est in uobis, tanquam oleum flammæ adiecimus, & in  
 quo non erat, forte uerbis accensus est. In alio creuit quod erat, in alio cœpit esse quod non  
 erat. Ad hoc ergo ista diximus, ne pigri sitis diligere inimicos. Sæuit in te homo, ille sæuit,  
 tu deprecare: ille odit, tu miserere. Febris animæ ipsius te odit, sanus erit, & gratias tibi agit.  
 Quomodo medici diligunt ægrotos? nunquid ægrotos diligunt? Si ægrotos diligunt, uo-  
 lunt ut semper ægrotent? Ad hoc diligunt ægrotos, ne ægroti permaneant, sed ut ex ægro-  
 tis sani fiant: & quanta plerunq; patiuntur à phreneticis, quales contumelias uerborum, ple-  
 runq; & percutiuntur: persequitur ille febrem, ignoscit homini. Et quid dicam fratres? Amat  
 inimicum suum, immo odit inimicum suū morbum, ipsum enim odit, & amat hominem à  
 quo percutitur, odit febrē. A quo enim percutitur? A morbo, ab ægrotatione, à febre. Illud  
 tollit quod illi aduersatur, ut remaneat illud unde gratulet. Sic & tu, si odit te inimicus tuus,  
 & iniuste te odit, noueris quia cupiditas seculi in illo regnat, propterea te odit. Si odisti illū  
 & tu, contra reddis malum pro bono. Vnum ægrotū flebam qui te oderat: iam duos plan-  
 go, si & tu odisti. Sed persequitur rem tuam, tollit tibi nescio quæq; habes in terra. Ideo illū  
 odisti, quia angustias tibi facit in terra: noli pati angustias, migra in cœlum, sursum cor ibi  
 habebis ubi latitudo est, ut nullas angustias patiaris in spe uitæ æternæ. Attende quæ tibi  
 tollit, nec ipsa tibi tolleretur nisi ille permitteret, qui flagellat omnem filium quē recipit. Quo-  
 dammodo ferramentum dei est quo saneris, ipse inimicus tuus. Si nouit deus utile tibi esse  
 ut expoliet te, permittit illum: si nouit tibi utile esse ut uapules, permittit ille ut cædaris. De  
 illo curat, opta ut ille sanetur. Deum nemo uidit unquam.) Videte dilectissimi. Si dili-  
 gamus inuicem, deus in nobis manebit, & dilectio eius erit perfecta in nobis.) Incipe dili-  
 gere, perficeris. Cœpisti diligere, cœpit in te deus habitare: ama eum qui in te cœpit habita-  
 re, ut perfectius inhabitando faciat te perfectum. In hoc cognoscimus quia in ipso ma-  
 neamus & ipse in nobis, quia de spiritu suo dedit nobis. Bene, deo gratias. Cognosci-  
 mus

mus, quia habitat in nobis. Et hoc unde cognoscimus, quia cognoscimus quia habitat in nobis? Quia hoc ipse Ioannes dixit, quia de spiritu suo dedit nobis. Vnde scimus, quia de spiritu suo dedit nobis: hoc ipsum, quia de spiritu suo dedit tibi, unde cognoscis? Interroga uiscera tua: si plena sunt charitate, habes spiritum dei. Vnde cognoscimus, quia inde cognoscis habitare in te spiritum dei? Paulum interroga apostolum, Quoniam charitas dei diffusa est in cordibus nostris per spiritum sanctum qui datus est nobis. Et nos uidimus, & testes sumus, quia pater misit filium suum saluatorem mundi. Securi estote qui aegrotatis, talis medicus uenit: desperabatis, magni erant morbi, insanabilia erant uulnera, desperata erat aegritudo, magnitudinem mali tui attendis, omnipotentiam medici non attendis? Tu desperatus es, sed ille omnipotens est, cuius testes isti sunt qui primo sanati, & annunciantes me dicunt, & ipsi tamen plus spe sanati quam re: nam sicut dicit Apostolus, Spe enim salui facti sumus. Coepimus ergo sanari in fide, perficietur autem salus nostra cum corruptibile hoc induerit incorruptionem, & mortale hoc induerit immortalitatem. Haec spes est, nondum res: sed qui gaudet in spe, tenebit & rem: qui autem spem non habet, ad rem non poterit peruenire. Quicumque confessus fuerit quod Iesus sit filius dei, deus in ipso manet & ipse in deo. Iam si a multis confessus fuerit, non dicamus uerbo sed facto, non lingua, sed facto: nam multi confitentur uerbis, sed factis negant. Et cognoscimus & credimus, quia dilectionem habet deus in nobis. Et iterum unde cognouisti? Deus dilectio est. Iam dixit superius, ecce iterum dicit. Amplius tibi non potuit dilectio commendari, quam ut diceretur deus: forte munus dei contempturus eras. Et deum contemnis? Deus dilectio est. Et qui manet in dilectione, in deo manet, & deus in eo. Vicissim se habitant, qui continet & qui continetur. Habitas in deo, sed ut continearis: habitat in te deus, sed ut contineat ne cadas, ne forte sic te putes domum dei fieri, quomodo domus tua portat carnem tuam. Si subtrahat se domus in qua es, cadis: si autem tu te subtrahas, non cadet. Deus integer est, cum eum deseris: integer, cum ad illum redieris. Tu sanaris, non illi aliquid praestabis, tu mundaris, tu reficeris, tu corrigeris. Ille medicamentum est non sano, regula est prauo, lux est tenebrato, habitatio est deserto: omnia ergo tibi conferuntur. Vnde ne putes deo aliquid conferre quando uenis ad eum, nec mancipium saltem. Ergo non habebit deus seruos, si tu nolueris, & omnes noluerint? Deus non indiget seruis, sed serui deo: ideo dicit psalmus, Dixi domino deus meus es tu. Ipse est uerus dominus: & quid ait? Quoniam bonorum meorum non eges. Tu eges bono serui tui, eget seruus bono tuo ut pascas illum: eges & tu bono serui tui ut adiuuet te. Non tibi potes aquam implere, non tibi potes coquere, non tibi potes ante equum currere, iumentum tuum non potes curare. Vides, quia indiges bono serui tui? obsequio illius indiges. Non es ergo uerus dominus, quando indiges inferiore. Ille est uerus dominus, qui nihil a nobis quaerit, & uae nobis si eum non quaeramus. Nihil a nobis quaerit, & quaesuit nos, cum eum non quaereremus. Ouis una errauerat, inuenit eam, gaudens in humeris suis reportauit. Et nunquid ouis erat pastori necessaria, & non oui potius pastor necessarius erat? Quanto libentius de charitate loquor, tanto minus uolo finire epistolam istam: nulla est ardentior ad commendandam charitatem. Nihil uobis dulcius praedicatur, nihil salubrius bibitur, sed si bene uiuendo confirmetur in uobis munus dei. Ne sitis ingrati tantae gratiae illius, qui cum haberet unicuique, noluit illud esse unum: sed ut fratres haberet, adoptauit illi, qui cum illo possiderent uitam aeternam.

De eo quod Ioannes dicit, In hoc perfecta est dilectio in nobis, ut fiduciam habeamus in die iudicii, quia sicut ille est & nos sumus in hoc mundo, usque ad id, Et hoc mandatum habemus ab ipso, ut qui diligit deum, diligat & fratrem suum.

## Tractatus IX.



EMINIT charitas uestra, ex epistola Ioannis apostoli ultimam partem restitisse nobis tractandam & exponendam uobis quantum deus donat: huius ergo debiti nos memores sumus: exactionis autem uos memores esse debetis. Eadem quippe charitas quae in ipsa epistola maxime & propè sola commendatur, &



A tur, & nos facit fidelissimos debitores, & uos dulcissimos exactores. Ideo dixi dulcissimos exactores, quia ubi charitas non est, amarus exactor est: ubi autem charitas est, & qui exigit dulcis est, & à quo exigitur: & si aliquem laborem suscipit, facit eundem laborem propè nullum & leuem ipsa charitas. Nōne uidemus etiam in mutis animantibus & irrationalibus ubi non spiritalis charitas, sed carnalis & naturalis est, exigi tamen magno affectu de uberi bus matris lac à paruulis. Et quamuis sugens impetum faciat in ubera, melius est tamē ma tri quàm si non sugat, nec exigat quod charitate debetur. Sæpe uidemus ubera uaccarum etiam grandiusculis uitulis capite percuti, & propè ipso impetu leuari matrum corpora, nec eas tamen calce repellere, sed si desit filius qui sugat, mugitu prouocari ad ubera. Si ergo est in nobis illa charitas spiritalis, de qua Apostolus dicit, Factus sum paruulus in medio ue 1. Thef. 2

strum tanquam nutrix fouens filios, tunc uos diligimus quando exigitis: pigros non ama mus, quia languentibus formidamus. Intercesserunt autem ut intermitteremus textum hu ius epistolæ quædam pro diebus festis solennia lectionū, quæ nō potuerunt nisi legi, & ipsa tractari. Nunc ergo ad prætermisum ordinem redeamus, & quæ restant, intēte accipiat cha ritas uestra. Nescio utrum magnificentius nobis charitas commendari possit, quàm ut dice retur, Deus charitas est. Breuis laus, magna laus: breuis in sermone, & magna intellectu: cū cito dicitur, Deus dilectio est, & hoc breue est: si numeres, unum est: si appendas, quantū est, Deus dilectio est. Et qui manet, inquit, in dilectione, in deo manet, & deus in illo manet. Sic tibi domus deus, esto domus dei: mane in deo, & maneat. Maneat in te deus ut te cōtineat: 1. Cor. 13

manes in deo, ne cadas: quia sic de charitate dicit Apostolus, Charitas nunquā cadit. Quo modo cadit quem continet deus? In hoc perfecta est dilectio in nobis, ut fiduciam habea mus in die iudicii, quia sicut ille est, & nos sumus in hoc mundo. Dicit quomodo se probet unusquisq, quantum in illo profecerit charitas, uel potius quantum ipse in charitate profe cerit. Nam si deus charitas est, nec proficit nec deficit deus: sic dicitur proficere in te charitas, quia tu in eam proficis. Interroga ergo quantum in charitate profeceris, & quid tibi respon deat cor tuum, & noueris mensuram profectus tui: promisit enim ostendere nobis, in quo cognoscamus eum, & ait, In hoc perfecta est in nobis dilectio: quære in quo? Ut fiduciā ha beamus in die iudicii. Quisquis fiduciam habet in die iudicii, perfecta est in illo charitas. Quid est habere fiduciam in die iudicii? nō timere ne ueniat dies iudicii. Sunt homines qui non credunt diem iudicii, isti fiduciam non possunt habere in die, quem uenturam esse nō credunt: prætermittamus istos, excitet illos deus ut uiuant. De mortuis ut quid loquimur? Non credunt futurum diem iudicii, nec timent nec desiderant quod non credunt. Cœpit ali quis credere diem iudicii: si cœpit credere, cœpit & timere: sed quia timet, adhuc nondum ha bet fiduciam in die iudicii, nondum est in illo perfecta charitas. Nunquid tamen desperan dum est? In quo uides initium, cur desperas finē? quod initium uideo inquires? ipsum timo rem: audi scripturam, Initium sapientiæ timor domini, Cœpit ergo timere diem iudicii, Ecci. 1

timēdo corrigit se, uigilat aduersus hostes suos, id est peccata sua, incipit reuiuiscere interius, & mortificare membra sua quæ sunt super terram, sicut Apostolus dicit, Mortificate membra uestra quæ sunt super terram: spiritalia nequitiae dicit membra super terrā: nam sequi tur & exponit, Auaritiam, immunditiam, & cætera quæ illic exequitur. Quantum autē mor tificat iste qui timere cœpit diem iudicii, membra sua super terram, tantum surgunt & cor roborantur membra cœlestia. Membra autem cœlestia, omnia opera bona. Surgētibz cœ lestibus membris, cœpit desiderare quod timebat: timebat enim ne ueniret Christus, & in ueniret impium quem damnet: desiderat ut ueniat, quia inuenturus est quem coronet. Iam cum cœperit desiderare ueniētē Christum casta anima, quæ desiderat amplexus spon si, renunciat adultero, fit uirgo interius ipsa fide, spe & charitate. Habet iam fiduciam in die iudicii, non cōtra se pugnat quando orat & dicit, Adueniat regnum tuum. Qui enim timet Matth. 6

ne ueniat regnum dei, timet ne exaudiatur. Qui autem orat, quomodo orat qui timet ne exaudiatur? Qui autē orat cum fiducia, charitas optat iam ut ueniat. De ipso desiderio di

O 2 cebat

psal. 6 cecbat quidam in psalmo, Et tu domine usquequo, conuertere domine & erue animam meam. o  
 Gemebat se differri. Sunt enim homines qui cum patientia moriuntur: sunt autem quidam  
 perfecti, qui cum patientia uiuunt: quid dixi? Qui adhuc desiderat istam uitam, quando  
 illi uenerit dies mortis, patienter tolerat mortem, luctatur aduersum se ut sequatur uolunta-  
 tem dei, & hoc potius agit animo quod elegit deus, non quod elegit uoluntas humana, &  
 ex desiderio uitae praesentis fit lucta cum morte, & adhibet patientiam & fortitudinem ut æ-  
 Phil. 1 quo animo moriatur, iste patienter moritur. Qui autem desiderat, sicut dicit Apostolus, dis-  
 solui & esse cum Christo, non patienter moritur, sed patienter uiuit, delectabiliter moritur.  
 Vide Apostolum patienter uiuentem, id est, cum patientia hic non amare uitam, sed tolera-  
 re. Dissolui, inquit, & esse cum Christo multo magis optimum, manere autem in carne ne-  
 cessarium propter uos. Ergo fratres date operam intus agere uobiscum, ut desideretis diem  
 iudicii, aliter non probatur perfecta charitas, nisi cum coeperit illa dies desiderari. Ille autem  
 eum desiderat, qui fiduciam habet in illo: ille autem fiduciam habet in illo, cuius conscientia  
 non trepidat in charitate perfecta atque sincera. In hoc perfecta est dilectio eius in nobis, ut  
 fiduciam habeamus in die iudicii. Quare habebimus fiduciam? quia sicut ille est, & nos sum-  
 mus in hoc mundo. Audisti causam fiduciae tuae, Quia sicut ille est, inquit, & nos sumus in  
 hoc mundo. Nonne uidetur aliquid impossibile dixisse, nunquid enim potest esse homo  
 sicut deus? Iam uobis exposui, quia non semper ad æqualitatem dicitur, sicut, sed dicitur ad  
 quandam similitudinem. Quomodo enim dicis, sicut aures habeo, ita & imago: nunquid  
 omnino sic? sed tamen dicis, sicut. Si ergo facti sumus ad imaginem dei, quare non sicut de-  
 us sumus? non ad æqualitatem, sed pro modo nostro. Vnde ergo nobis datur fiducia in die  
 iudicii? Quia sicut ille est, & nos sumus in hoc mundo. Debemus ergo hoc referre ad ipsam  
 Matth. 5 charitatem, & intelligere quid dictum sit. Dominus in euangelio dicit, Si diligitis eos qui  
 uos diligunt, quam mercedem habebitis? nonne & publicani hoc faciunt? quid ergo uult  
 nos? Ego autem dico uobis, Diligite inimicos uestros, & orate pro persequentibus & calu-  
 niantibus uos. Si ergo iubet nos diligere inimicos nostros, unde nobis dat exemplum?  
 De ipso deo: ait enim, Ut sitis filij patris uestri qui in caelis est. Quomodo illud facit deus?  
 Diligit inimicos suos, qui facit solem suum oriri super bonos & malos, & pluit super iustos  
 & iniustos. Si ergo ad hanc perfectionem nos inuitat deus, ut diligamus inimicos nostros si-  
 cut & ipse dilexit suos, ea nobis fiducia est in die iudicii, quia sicut ille est, & nos sumus in hoc  
 mundo: quia sicut ille diligit inimicos suos, faciendo solem suum oriri super bonos & ma-  
 los, & pluendo super iustos & iniustos, nos quia inimicis nostris non possumus prestare  
 temporalem solem & pluuiam, praestemus lachrymas cum pro illis oramus. Iam ergo de  
 ipsa fiducia uidete quid dicat. Vnde intelligitur perfecta charitas? Timor non est in chari-  
 tate. Quid ergo dicimus de illo qui coepit timere diem iudicii? Si perfecta in illo esset chari-  
 tas, non timeret: perfecta enim charitas faceret perfectam iustitiam, & non haberet quare ti-  
 meret, imò haberet quare desideraret ut transeat iniquitas, & ueniat regnum dei: ergo ti-  
 mor non est in charitate. Sed in qua charitate? non in inchoata. In qua ergo? Sed perfec-  
 ta charitas foras mittit timorem. Ergo incipiat timor, quia initium sapientiae timor domi-  
 ni. Cum autem coeperit charitas habitare, pellitur timor qui ei preparauit locum: quantum  
 enim illa crescit, ille decrescit: & quantum illa fit interior, timor pellitur foras. Maior charitas,  
 minor timor: minor charitas, maior timor. Si autem nullus timor, non est quæ intret chari-  
 tas. Sicut uidemus per setam introduci linum, quando aliquid fuitur: seta prius intrat, sed ni-  
 si exeat, non succedit linum: sic timor primo occupat mentem, non autem ibi remanet timor, quia  
 Concor. de pe. 2. sicut seta  
 ideo intrauit, ut introduceret charitatem. Iam facta securitate in animo, quale gaudium nobis  
 est, uel in hoc, uel in futuro seculo? Et in hoc seculo quis nobis nocebit plenis charitate?  
 Rom. 8 Videte quomodo exultet Apostolus de ipsa charitate. Quis nos, inquit, separabit à chari-  
 tate Christi? Tribulatio, an angustia, an persecutio, an nuditas, an periculum, an gladius?  
 1. Petri 3 Et Petrus dicit, Et quis uobis nocere poterit, si boni amatores fueritis? Timor non est in  
 dilectione



A dilectione, sed perfecta dilectio foras mittit timorem, quia timor tormentum habet.) Torquet cor conscientia peccatorum, nondum facta est iustificatio. Est ibi quod titillet uel pun-  
gat. Ideo in psalmo de ipsa perfectione iustitiæ quid dicit? Conuertisti luctum meum in *psal. 29*  
gaudium mihi, concidisti saccum meum, & cinxisti me lætitia, ut cantet tibi gloria mea, &  
non compungar. Quid est, non compungar? Non sit quod stimulet conscientiam meam.  
Stimulat timor, sed noli timere, intrat charitas quæ sanat quod uulnerat timor. Timor dei  
sic uulnerat, quomodo medici ferramentum putredinem tollit, & quasi uidetur uulnus au-  
gere. Ecce putredo quando erat in corpore, minus erat uulnus, sed periculosum. Accedit fer-  
rumentum medici, minus dolebat illud uulnus, quàm dolet modo cum secatur, plus dolet  
cum curatur, quàm si non curaretur: sed ideo plus dolet accedente medicina, ut nunquam  
doleat succedente salute. Occupet ergo cor tuum timor, & inducta charitate succedat cic-  
trix ferramenti medici. Talis est medicus ut nec cicatrices appareant, tu tantum subde te de-  
xteræ ipsius. Nam si sine timore es, non poteris iustificari. Sententia dicta est de scripturis:  
nam qui sine timore est, non poterit iustificari. Opus est ergo ut intret timor primo, per  
quem ueniat charitas, timor medicamentum, charitas sanitas. Qui autem timet, non est  
perfectus in dilectione.) Quare? Quia timor tormentum habet, quomodo sectio medici  
tormentum habet. Est autem alia sententia quæ uidetur huic esse contraria, si non habeat *1. sen. dif. 24.*  
intellectorem: dicitur enim quodam loco in psalmo, Timor domini castus, permanens in se *c. est autem*  
culum seculi. Aeternum quendam timorem nobis ostendit, sed castum. Quod ille æternum *psal. 118*  
nobis timorem ostendit, nunquid contradicit illi forte ista epistola, quæ dicit, Timor non  
est in charitate, sed perfecta charitas foras mittit timorem? Interrogemus ambo eloquia  
dei. Spiritus unus est, etsi codices duo, etsi ora duo, etsi linguæ duæ. Hoc enim dictum est  
per Ioannem, illud dictum est per Dauid: sed nolite putare alium esse spiritum. Si unus fla-  
tus inflat duas tibias, non potest unus spiritus implere duo corda, agitare duas linguas:  
Sed si spiritu uno, id est, uno flatu impletæ duæ tibie consonant, impletæ duæ linguæ spiri-  
tu dei dissonare possunt. Est ergo ibi quædam concordia, sed auditorem desiderat. Ecce in-  
spirauit & impleuit duo corda, duo ora, mouit duas linguas spiritus dei. Et audiui-  
mus ex una lingua, Timor non est in charitate, sed perfecta charitas foras mittit timorem: audiui-  
mus ex alia, Timor domini castus permanens in seculum seculi. Quid est hoc? quasi disso-  
nant. Non. Excute aures, intende melodiam. Non sine causa hic addidit, castus: illic non ad-  
didit, nisi quia est timor alius qui dicitur castus: est autem alius qui nō dicitur castus. Discer-  
namus ergo istos duos timores, & intelligemus consonantiam tibiarum. Quomodo intel-  
ligimus, uel quomodo discernimus? attendat charitas uestra. Sunt homines qui propterea  
timent, ne mittantur in gehennam, ne forte ardeant cum diabolo in igne æterno. Ipse est ti-  
mor ille qui introducit charitatem, sed sic uenit ut exeat: si enim adhuc propter pœnam ti-  
mes deum, nondum amas, quem sic times. Non bona desideras, sed mala caues: sed ex eo  
quia mala caues, corrigis te, & incipis bona desiderare. Cum bona desiderare cœperis, erit in  
te timor castus. Quis timor castus? ne amittas ipsa bona. Intendite, aliud est timere deum,  
ne mittat te in gehennam cum diabolo: aliud est timere deum, ne recedat à te. Ille timor  
quo times ne in ignem mittaris cum diabolo, nondum est castus: non enim uenit ex amore  
dei, sed ex timore pœnæ. Cum autem times deum, ne deferat te præsencia eius, amplecteris  
eum, ipso frui desideras. Non potest melius explanari quid intersit inter duos timores, unū *3. sen. dif. 34. c.*  
quem foras mittit charitas, alterum castum qui permanet in seculum seculi, nisi ponas duas *non potest*  
maritatas, quarum unam ita constituas uolentem facere adulterium, delectari nequitia, sed  
timere ne damnetur à marito. Timet maritum, sed quia adhuc amat nequitiam, ideo timet  
maritum, huic non grata, sed onerosa est mariti præsencia. Et si forte uiuit nequiter, timet  
maritum ne ueniat. Tales sunt qui timent ne ueniat dies iudicii. Fac alteram amare uirum,  
debere illi castos amplexus, & nulla se adulteri immunditia maculari, optat præsenciam ui-  
ri. Et

ri. Et quomodo discernuntur duo isti timores? Timet illa, timet & illa. Interroga, quasi unum tibi respondent. Respondeat illa, Times uirum? timeo. Interroga & illam si timeat uirum: respondet, timeo. Vna uox est, sed diuersus animus: iam ergo interrogentur quare: illa dicit, Timeo uirum ne ueniat. Illa dicit, timeo uirum ne discedat. Illa dicit, timeo ne damnet: illa dicit, timeo ne deferar. Pone hoc in animo Christianorum, & inuenisti timorem quem foras mittit charitas, & alium timorem castum permanentem in seculum seculi. Loquamur ergo huic primo quæ sic timet uirum, quomodo illa mulier quam delectat nequitia, timet eum uirum ne damnet illam. Talibus enim primo loquimur, O anima quæ sic times deum ne damnet te deus, quomodo timet mulier quam delectat nequitia, timet uirum ne damnetur a uiro, quomodo tibi displicet illa mulier, displice & tu tibi. Si forte habes uxorem, nunquid uis ut sic timeat te uxor tua, ne damnetur abs te, ut delectet illam nequitia, sed pondere timoris tui reprimatur, non damnatione iniquitatis? Castam eam uis ut te diligat, non ut te timeat. Exhibe te talem deo, qualem uis habere uxorem. Et si nōdum habes, & habere uis, talem uis habere. Et quid dicimus fratres? Illa mulier quæ ideo timet uirum ne damnetur a uiro, forte non facit adulterium, ne aliquo modo perueniat ad uirum, & tollat illi lucem istā temporālē. Potest autem uir ille & falli: homo est enim, sicut & illa quæ potest fallere. Timet illa eum extra cuius oculos potest esse: tu non times semper faciem supra te uiri tui? Vultus autem domini super facientes mala. Captat illa absentiam uiri sui, & incitatur forte delectatione adulterij, & dicit sibi tamen, non faciam: absens est quidem ille, sed difficile est ut non ad illum quoquo modo perueniat. Temperat se ne perueniat ad hominem, qui potest & nescire, qui potest & falli, qui potest bonam suspicari etiam malā, qui potest & castam suspicari quæ adultera est. Tu non times oculos eius quem fallere nemo potest? Tu non times eius præsentiam, qui auerti a te non potest? Roga deum ut intueatur te, & auertat faciem suam a peccatis tuis, Auerte faciem tuam a peccatis meis. Sed unde mereris ut ille faciem suam auertat a peccatis tuis, si tu non inde auertas faciem tuam a peccatis tuis? Ipsa enim uox dicit in psalmo, Quoniam iniquitatem meam ego cognosco, & peccatum meum coram me est semper. Tu agnosce, & ille ignoscit. Allocuti sumus eam quæ habet adhuc timorem non permanentem in seculum seculi, sed quem charitas excludit & foras mittit. Alloquamur & illam quæ habet iam timorem castum permanentem in seculum seculi. Putamus inuenimus illam, ut alloquamur illam? putas est in hoc populo? putas est in ista exedra? putas est in hac terra? Non potest nisi esse, sed latet: hyems est, intus est uiriditas in radice, forte inuenimus & aures illius. Sed ubicunq; est illa anima, utinam illam inuenirem, & non aures suas præberet mihi, sed ego meas aures illi. Illa me doceret aliquid potius quam a me disceret. Anima quædam sancta, ignea & desiderans regnum dei, hanc non ego alloquor, sed deus ipse & patienter uiuentem in hac terra ita consolatur, Iam uis ueniam, & ego noui quoniam uis ut ueniam: noui qualis es, ut secura expectes aduentum meum. Noui quia molestia est tibi, sed magis expecta, tolera: uenio & cito uenio. Sed amāti tardum est, audi eam cantantem, tanq̃ liliū de medio spinarū: audi suspirantē & dicentē, Psallam & intelligam in uia immaculata, quando uenies ad me. Merito non timet, quia perfecta charitas foras mittit timorē, & cum uenerit ad eius amplexū timet. Sed securiter qui timet, cauet, & obseruabit ab iniquitate sua, ne iterum peccet, non ne mittatur in ignem, sed ne ab illo deferatur. Et erit in illa, quid? Timor castus permanens in seculum seculi. Audiuius duas timoribus consonantes. Ille de timore dicit, & ille de timore dicit: sed ille de timore quo timet anima ne damnetur, ille de timore quo timet anima ne deferatur. Ille est timor quem charitas excludit, ille est timor permanens in seculū seculi. Nos diligimus quia ipse prior nos dilexit. Nā unde diligeremus, nisi ille prior diligeret nos? Diligendo amici facti sumus: sed inamicos ille dilexit, ut amici efficeremur. Prior dilexit nos, & donauit nobis ut diligeremus eū, nondum diligebamus: diligendo pulchri efficimur. Quid facit homo deformis & distorta facie



A facie, si amet pulchrā? Aut quid facit foemina deformis & distorta & nigra si amet pulchrū?  
 nunquid amando poterit esse pulchra? & nunquid & ille amando poterit esse formosus?  
 Amat pulchram, & quādo se in speculo uidet, erubescit faciem suam leuare ad illam formo-  
 sam quam amat. Quid facit ut pulcher sit? Expectat ut ueniat pulchritudo, imò expectādo  
 senectus additur, & turpiorem facit. Non est ergo quid agere, non est quomodo illi des con-  
 silium, nisi ut cōpescat se, & nō audeat amare impar imparē: aut si forte amat, & ducere uxo-  
 rem optat, optet ut illa castitatem amet, nō carnis faciē. Anima uero nostra, fratres mei, fœ-  
 da est per iniquitatem, amādo deum pulchra efficitur. Qualis amor est qui reddat pulchrā  
 amantem? Deus autem semper pucher est, nunquam deformis, nunquam commutabilis.  
 Amauit nos prior qui semper est pulcher: & quales amauit, nisi fœdos & deformes? Non  
 ideo tamē ut fœdos dimitteret, sed ut mutaret, & ex deformi pulchrum faceret. Quomodo  
 erimus pulchri? amando eum qui semper est pulcher. Quantum in te crescit amor, tantum  
 crescit pulchritudo, quia ipsa charitas est animæ pulchritudo: nos diligimus, quia ipse prior  
 dilexit nos: audi apostolum Paulum, Ostēdit autē deus dilectionem suam in nobis, quo  
 niam cum adhuc peccatores essemus, Christus pro nobis mortuus est, iustus pro iniustis, Roma. 5  
 pulcher pro fœdis. Quomodo inuenimus pulchrum Iesum? Speciosus forma præ filiis ho- psal. 44  
 minum, diffusa est gratia in labijs tuis: unde item uidete, unde sit pulcher. Speciosus forma  
 præ filiis hominū, quia deus, quia in principio erat uerbū, & uerbū erat apud deū, & deus e-  
 rat uerbū. Quia uero carnē suscepit, id est, mortalitatē tuā, ut aptaret se tibi, cōgrueret tibi, &  
 excitaret te ad amandam intus pulchritudinē. Vnde ergo inuenimus quia fœdus & defor-  
 mis Iesus, sicut inuenimus quia pulcher & speciosus forma præ filiis hominum? Vnde inue- Esaie 53  
 nimus quia & deformis? Esaia interroga, Et uidimus eum, & non habebat speciem neq;  
 decorē. Illæ sunt duæ tibiæ diuerse sonantes, sed unus spiritus ambas inflat: hac dicitur, Spe-  
 ciosus forma præ filiis hominum: hac dicitur in Esaia, Vidimus eum, & non habebat speciē  
 neq; decorē. Vno spiritu implentur ambæ tibiæ, non dissonant. Noli aures auertere, ad- philip. 2  
 hibe intellectum. Interrogemus Paulum apostolum, & exponat nobis consonantiam dua-  
 rum tibiæ: sonet nobis, Speciosus forma præ filiis hominum. Qui cum in forma dei es-  
 set, non rapinam arbitratus est esse se æqualem deo. Ecce speciosus forma præ filiis ho-  
 minum: sonet nobis etiam, Vidimus eum, & non habet speciem neque decorē, Semet-  
 ipsum exinaniuit formam serui accipiens, in similitudinem hominum factus, & habi-  
 tu inuentus ut homo. Non habebat speciem neque decorē, ut tibi daret speciem & deco-  
 rem. Quam speciem? quem decorē? dilectionem charitatis. Vt ames, curras: curris, a-  
 mas. Pulcher es iam, sed noli te attendere, ne perdas quod accepisti, illum attende a quo  
 factus es pulcher. Ideo sis pulcher ut ille te amet. Tu autem totam intentionem tuam  
 in illum dirige, ad illum curre, eius amplexus pete, ab illo time discedere, ut sit in te ti-  
 mor castus permanens in seculum seculi. Nos diligimus, quia ipse prior dilexit nos.  
 Si quis dixerit, quoniam diligo deum. Quē deum? quare diligimus? Quia ipse prior dile-  
 xit nos, & donauit nobis diligere. Dilexit impios ut faceret pios, dilexit iniustos ut face-  
 ret iustos, dilexit ægrotos ut faceret sanos. Ergo & nos diligimus, quia prior dilexit nos.  
 Interroga unumquemque, dicat tibi si diligit deum, Clamat, confitetur, diligo. Ipse  
 scit. Est aliud unde interrogetur. Si quis dixerit, quoniam diligo deum, & fratrem suum  
 oderit, mendax est. Vnde probas, quia mendax est? Audi. Qui enim non diligit fra-  
 trem suum quem uidet, deum quem non uidet quomodo potest diligere? Quid er-  
 go, qui diligit fratrem, diligit deum? Necessē est ut diligit deum, necesse est ut dili-  
 gat ipsam dilectionem. Nunquid potest diligere fratrem, & non diligere ipsam dilectio-  
 nem? Necessē est ut diligit dilectionem. Quid ergo? Quia diligit dilectionem, ideo di-  
 ligit deum? Vtique ideo diligendo dilectionem, deum diligit. An oblitus es quod pau-  
 lo ante dixisti, Deus dilectio est? Si deus dilectio, quisquis diligit dilectionē, deum diligit.  
 O 4 Dilige

Dilige ergo fratrem, & securus esto. Non potes dicere, diligo deum, sed non diligo fratrem. Quomodo mentiris si dicas, diligo deum, quando non diligis fratrem? Sic falleris si quando dicis, diligo fratrem, putas quia non diligis deum? Necessse est ergo qui diligis fratrem, diligas ipsam dilectionem: dilectio autem deus est. Necessse est ergo ut deum diligat, quisquis diligit fratrem. Si autem non diligis fratrem quem uides, deum quem non uides quomodo potes diligere? quare non uidet deum? quia non habet ipsam dilectionem. Ideo non uidet deum, quia non habet dilectionem: ideo non habet dilectionem, quia non diligit fratrem. Propterea ergo non uidet deum, quia non habet dilectionem: nam si habeat dilectionem, deum uidet, quia deus dilectio est. Et purgatur ille oculus magis magisque dilectione, ut uideat illam incommutabilem substantiam, cuius presentia semper gaudeat, qua perfruatur in aeternum coniunctus angelis. Sed currat modo, ut aliquando in patria lateatur. Non amet peregrinationem, non amet uiam. Totum amarum sit, praeter illum qui uocat, quousque inhaereamus illi, & dicamus quod dictum est in psalmo, Perdidisti omnes qui fornicantur abs te. Et qui sunt qui fornicantur? Qui discedunt & amant mundum. Tu autem quid? sequitur & dicit, Mihi autem inhaerere deo bonum est. Totum bonum meum est deo inhaerere gratis. Nam si interrogas & dicas, quare inhaeres deo, & dicat, ut donet mihi. Quid tibi donet? Coelum ipse fecit, terram ipse fecit. Quid tibi donaturus est, iam haeres illi? Inueni melius & donat tibi. Qui enim non diligit fratrem suum quem uidet, deum quem non uidet quomodo poterit diligere? Et hoc mandatum habemus ab ipso, ut qui diligit deum, diligat & fratrem suum. Magnifice dicebas, diligo deum, & odis fratrem. O homicida quomodo diligis deum? Non audisti superius in ipsa epistola, Qui odit fratrem suum homicida est: Sed prorsus diligo deum, quamuis oderim fratrem meum. Prorsus non diligis deum, si odisti fratrem. Et modo probo alio documento: ipse dixit, Dedit nobis praeceptum ut diligamus inuicem: quomodo diligis eum cuius odisti praeceptum? Quis est qui dicat, diligo imperatorem, sed odi leges eius? In hoc intelligit imperator si diligis eum, si obseruentur leges eius per prouincias. Lex imperatoris, quae est? Mandatum nouum do uobis ut uos inuicem diligatis. Dicis ergo te diligere Christum, serua mandatum eius, & fratrem dilige. Si autem fratrem non diligis, quomodo eum diligis cuius mandatum contemnis? Fratres ergo non satior loquendo de charitate in nomine Christi. Quantum & uos habetis huius rei auaritiam, tantum speramus quia crescit in nobis ipsa, & foras mittit timorem, ut remaneat ille timor castus permanens in seculum. Toleremus mundum, toleremus tribulationes ipsius, toleremus scandala temptationum. Non recedamus a uia, teneamus unitatem ecclesiae, teneamus Christum, teneamus charitatem. Non diuellamur a mēbris sponsae ipsius, non diuellamur a fide, ut gloriemur in praesentia ipsius, & securi manebimus in eo. *Modo per fidem, tūc per speciem, cuius tantas arras habemus donum spiritus sancti.*

De eo quod Ioannes dicit, Omnis qui credit, quod Iesus sit Christus, ex deo natus est, usque ad id, Hae est enim dilectio dei, ut praecepta eius seruemus.

## Tractatus X.



**M**INISSE uos credo qui affuistis hesterno die, ad quem locum in progressu huius epistolae peruenerit nostra tractatio, id est, Qui enim non diligit fratrem suum quem uidet, deum quem non uidet quomodo potest diligere? Et hoc mandatum habemus ex ipso, ut qui diligit deum, diligat & fratrem suum. Hucusque disputatum erat. Quae sequuntur ergo ex ordine uideamus. Omnis qui credit quod Iesus sit Christus ex deo natus est. Quis est qui non credit quod Iesus sit Christus? qui non sic uiuit quomodo praecipit Christus: multi enim dicunt, Credo, sed fides sine operibus non saluat. Opus autem fidei ipsa dilectio est, dicente Paulo apostolo, Et fides quae per dilectionem operatur. Opera quidem tua praeterita antequam crederes, uel nulla erant, uel si bona uidebantur, inania erant. Si enim nulla erant, sic eras quasi homo sine pedibus, aut uexatis pedibus ambulare non ualens. Si autem bona

Caput V

Gal. 5



A bona uidebantur antequam crederes: currebas quidem, sed præter uiam currendo errabas  
 potius quam perueniebas. Est ergo nobis & currendū, & in uia currendū. Qui præter uiam  
 currit, inaniter currit, imò ad laborem currit. Tanto plus errat, quanto præter uiam currit.  
 Quæ est uia per quam currimus? Christus dixit, Ego sum uia. Quæ patria, quò currimus? Ioh. 14.  
 Christus dixit, Ego sum ueritas. Per illum curris, ad illum curris, in ipso requiescis. Sed ut cur  
 ramus per illum, extendit se usq; ad nos, longe enim eramus, & longe peregrinabamur. Pa  
 rum est, qui longe peregrinabamur, & languidi nos mouere non poteramus. Medicus ue  
 nit ad ægrotos, uia porrecta est ad peregrinos. Saluemur ab ipso, ambulemus per ipsum.  
 Hoc est credere quod Iesus Christus est, quomodo credunt Christiani, qui non solum no  
 mine Christiani sunt, sed factis & uita: non quomodo credunt dæmones: nam & dæmo Iaco. 2  
 nes credunt & contremiscunt: sic dixit scriptura. Quid potuerunt dæmones plus credere q̃  
 ut dicerent, Scimus, qui sis, tu es filius dei? Quod dixerunt dæmones, hoc dixit & Petrus, cū Matth. 16  
 dominus quæreret, quis esset, quem illum dicerent homines: responderunt illi discipuli, Alij  
 dicūt Ioannem Baptistam, alij Heliam, alij Hieremiam, aut unum ex prophetis: & ille, Vos  
 autem quem me esse dicitis? Respondit Petrus & ait, Tu es Christus filius dei uiui: & audit  
 à domino. Beatus es Simon bar Iona, quia non reuelauit tibi caro & sanguis, sed pater  
 meus qui est in cœlis. Videte quæ laudes prosequuntur hanc fidem. Tu es Petrus, & super  
 hanc petram ædificabo ecclesiam meam. Quid est, super hanc petram ædificabo ecclesiam  
 meam? Super hanc fidē, super id quod dictum est, Tu es filius dei uiui. Super hanc petram  
 inquit, fundabo ecclesiam meam. Magna laus: ergo dicit Petrus, Tu es Christus filius dei ui  
 ui: dicunt & dæmones, Scimus qui sis, tu es filius dei uiui, sanctus dei: hoc Petrus, hoc & dæ  
 mones: eadem uerba, non idem animus. Et unde constat, quia hoc Petrus cum dilectione  
 dicebat: Quia fides Christiani cum dilectione est, dæmonis autē sine dilectione. Quomodo  
 sine dilectione? Hoc dicebat Petrus ut Christum amplecteretur, hoc dicebant dæmones ut  
 B Christus ab eis recederet: nam antequam dicerent, Scimus qui sis, tu es filius dei, quid no  
 bis & tibi est dixerunt, quid uenisti ante tempus perdere nos? Aliud est ergo confiteri Chri  
 stum ut teneas Christum: aliud confiteri Christum ut repellas à te Christum: ergo uidetis,  
 quia quomodo hic dicit, Qui credit, propria quædam fides est, non quomodo cum multis.  
 Itaq; fratres, nemo hæreticorum dicat uobis, Et nos credimus. Ideo enim de dæmonibus ex  
 emplum proposui, ne gaudeatis ad uerba credentium, sed exploreis facta uiuentium. Vi  
 deamus ergo quid est credere in Christo, quid credere quia Iesus ipse est Christus. Sequit̃,  
 Omnis qui credit quod Iesus sit Christus, ex deo natus est. ) Sed quid est credere illud?  
 Et omnis qui diligit qui genuit eum, diligit eum qui genitus est ab ipso. ) Statim fidei con  
 iunxit dilectionem, quia sine dilectione fides inanis est. Cum dilectione fides Christiani, si  
 ne dilectione fides dæmonis. Qui autem non credunt, peiores sunt quàm dæmones, & rari  
 diiores quàm dæmones. Nescio quis non uult credere in Christum, adhuc ne dæmones imi  
 tatur. Iam credit in Christo, sed odit Christum, habet confessionem fidei in timore poenæ,  
 non in amore coronæ: nam & illi puniri timebāt. Adde huic fidei dilectionem, ut fiat fides Gal. 5  
 qualem dicit apostolus Paulus, Fides quæ per dilectionem operatur. Inuenisti Christianū,  
 inuenisti ciuem Hierusalem, inuenisti ciuem angelorum, inuenisti in uia suspirantem pere  
 grinum, adiunge te illi, comes tuus est, curre cum illo, si tamen & tu hoc es. Omnis qui dili  
 git qui genuit eum, diligit eū qui genitus est ab ipso. Quis genuit? Pater. Quis est genitus?  
 Filius. Quid ergo ait? Omnis qui diligit patrem, diligit filium. In hoc cognoscimus, quia  
 diligimus filios dei. ) Quid est hoc fratres? Paulo ante de filio dei dicebat, nō de filiis dei. Ec  
 ce unus positus est Christus contēplandus nobis, & dictū est nobis, Omnis qui credit quod  
 Iesus sit Christus, est ex deo natus: & oīs qui diligit q̃ genuit eū, id est patrē, diligit eū q̃ geni  
 tus est ex ipso, id est, filiū dñm nostrū Iesum Christū: & sequit̃, In hoc cognoscimus q̃a dili  
 gimus filios dei, quasi dicturus esset, in hoc cognoscimus q̃a diligimus filiū dei. Filios dei di  
 cit, q̃ filiū dei paulo ante dicebat, q̃a filij dei corpus sunt unici filij dei, & cū ille caput, nos mē  
 bra

bra, unus est filius dei. Ergo qui diligit filios dei, filium dei diligit: & qui diligit filium dei, patrem diligit. Nec potest quisquam diligere patrem, nisi diligat filium: & qui diligit filium, diligit filios dei, membra filij dei, & diligendo fit & ipse membrum, & fit per dilectionem in compage corporis Christi, & erit unus Christus amans seipsum: cum se enim inuicem amant membra, corpus se amat. Et si patitur unum membrum, compatiuntur omnia membra: & si glorificatur unum membrum, congaudent omnia membra. Et quid secutus ait? Vos autem estis corpus Christi & membra. Dicebat paulo ante de dilectione fraterna, & ait, Qui non diligit fratrem quem uidet, deum quem non uidet quomodo poterit diligere? Si autem diligis fratrem, forte fratrem diligis, & Christum non diligis, quomodo quando membra Christi diligis? Cum ergo membra Christi diligis, Christum diligis: cum Christum diligis, filium dei diligis: cum filium dei diligis, & patrem diligis: non potest ergo separari dilectio. Elige tibi quid diligas, sequuntur & cetera. Dicas, deum solum diligo, deum patrem, mentiris. Si diligis, non solum diligis: sed si diligis patrem, diligis & filium. Ecce, inquit, diligo patrem, & diligo filium: sed hoc solum, patrem deum & filium deum dominum nostrum Iesum Christum, qui ascendit in celos, & sedet ad dexteram patris. Illud uerbum per quod facta sunt omnia, & uerbum caro factum est, & habitauit in nobis, hoc solum diligo, mentiris: si enim diligis caput, diligis & membra: si autem membra non diligis, nec caput diligis. Non exparis: uescis uocem capitis de caelo clamantem pro membris suis, Saule Saule quid me persequeris? Persecutorem suum uocauit persecutorem membrorum suorum: dilectorem suum uocauit dilectorem membrorum suorum. Iam quae sunt membra eius nostis fratres, ipsa est ecclesia dei. In hoc cognoscimus quia diligimus filios dei, quia deum diligimus. Et quomodo non aliud sunt filij dei, aliud deus: sed qui deum diligit, praecepta eius diligit. Et quae sunt praecepta dei? Mandatum nouum do uobis, ut uos inuicem diligatis. Nemo se excuset per aliam dilectionem, ad aliam dilectionem. Omnino sic se tenet ista dilectio, quomodo ipsa compaginata est in unum, sic omnes qui ex illa pendent, unum facit, & quasi conflatur in unum ignis. Aurum est, conflatur massa, & fit unum aliquid: sed nisi feruor charitatis accedat, ex multis in unum conflare non potest. Quia deum diligimus, inde cognoscimus quia diligimus filios dei. Et unde cognoscimus, quia diligimus filios dei? Quia deum diligimus, & praecepta eius facimus. Suspiramus hic ex difficultate faciendi praeceptum dei: audi quid sequatur. Homo, qui laborabas amando auaritiam, cum labore amatur quod amas: sine labore amatur deus. Auaritia iussura est labores, pericula, tribulationes, & obtemperaturus es. Quo fine? Ut habeas unde impleas arcam, perdas securitatem. Securior forte eras antequam haberes, quam cum habere coepisti. Ecce quid tibi iussit auaritia. Implesti domum, timentur latrones: acquisisti aurum, perdidisti somnum. Ecce quid tibi iussit auaritia, fac, & fecisti. Quid tibi iubet deus? dilige me. Aurum diligis, quaesiturus es aurum, & forte non inuenturus: quisquis me quaerit, cum illo sum. Amaturus es honorē, & forte non peruenturus. Quis me amauit, & non ad me peruenit? dicit tibi deus, Patronum uis facere, aut amicum potentem, amabis per alium inferiorem. Me ama dicit tibi deus, non ad me ambitur per aliquem: ipse amor praesentem me tibi fecit. Quid dulcius dilectione ista fratres? non sine causa modo audistis in psalmo fratres, Narrauerunt mihi iniusti dilectiones suas, sed non sicut lex tua domine. Quae est lex dei? mandatum dei. Quod est mandatum dei? nouum illud mandatum: quod ideo nouum dicitur, quia innouat, Mandatum nouum do uobis, ut uos inuicem diligatis: audi quae est lex dei, Apostolus dicit, Inuicem onera uestra portate, & sic adimplebitis legem Christi. Ipsa est consummatio omnium operum nostrorum dilectio. Ibi est finis, propter hoc currimus: ad illam currimus, cum uenerimus, requiescemus: audistis in psalmo, Omnis consummationis uidi finem. Quid uiderat iste putamus. Ascenderat in uerticem altissimi montis acutissimi, & prospexerat & uiderat ambitum terrae & circulos orbis uersi: & ideo dixit, Omnis consummationis uidi finem. Si hoc laudabile, oculos carnis quaeramus à domino tam acutos, ut aliquem excelsissimum montem qui est in terra requiramus, de cuius cacumine



**A** cumine uideamus: omnis consummationis uidi finem. Noli ire longe: ecce dico tibi, Ascen-  
 de in montem, & uide finem. Christus mons est. Veni ad Christum, uides inde finem omnis  
 consummationis. Quis est iste finis? Paulum interroga, Finis autem praecepti dei charitas, *1. Tim. 1*  
 de corde puro & conscientia bona, & fide non ficta: alio loco, Plenitudo autem legis chari- *Roma. 3*  
 tas. Quid tam finitum & terminatum quam plenitudo? Etenim fratres, finem posui lauda-  
 biliter, nolite putare consumptionem, sed consummationem: aliter enim dicitur, Finiui pa-  
 nem, aliter finiui tunicam: finiui panem manducando, finiui tunicam texendo: & ibi finis  
 sonat, & illic finis sonat: sed tamen panis finitur ut consumatur, tunica finitur ut cōsumme-  
 tur: panis finitur ut non sit, tunica finitur ut perfecta sit: ergo sic audite finem, & quando le-  
 gitur psalmus, & auditis, In finem psalmus David, Assidue auditis hoc in psalmis, & debe-  
 tis nosse quod audistis. Quid est in finem? Finis enim legis est Christus ad iustitiam omni-  
 tis credēti. Et quid est finis? Christus, quia Christus deus, & finis praecepti charitas, & deus cha-  
 ritas, quia pater & filius & spiritus sanctus unum sunt. Ibi tibi finis est, & alibi uia est: noli hā-  
 rere in uia, & non peruenire ad finem. Ad quicquid aliud ueneris, transi usque quo peruenias *psal. 77*  
 ad finem. Quid est finis? Mihi autem adhærere deo bonum est. Adhælisti deo, finisti uiam,  
 permanebis in patria. Intendite, pecuniā aliquis quærit, non sit ibi finis, transit tanquā peregrini-  
 nus. Quære ubi transeat, non ibi remaneat: si autem amas, per auaritiā implicatus es. Erit  
 tibi auaritia catena pedum, ultra progredi non potes: transi ergo & hoc, quære finem. Salu-  
 tem corporis quæris, adhuc noli ibi remanere. Quæ est enim ista salus corporis quæ mor-  
 te premitur, quæ aegritudine debilitatur, friuola, mortalis, fluxa? Quære illam, ne impediatur  
 forte morbida ualetudo opera tua bona: ergo nō est ibi finis, quia propter aliud quæritur.  
 Quicquid propter aliud quæritur, nō est ibi finis: quicquid propter se & gratis quæritur, ibi  
 est finis. Quæris honores, forte ad aliquid agendum quæris, ut peragas aliquid, ut placeas  
 deo, noli ipsum honorem amare, ne ibi remaneas. Quæris laudem? Si dei quæris, bene fa-  
 cis: si tuam quæris, male facis, remanes in uia. Sed amaris & tu, laudaris & tu: noli gratulari *psal. 55*  
 quando in te laudaris, laudare in domino ut cantes, In domino laudabitur anima mea. Ser-  
 monem aliquem bonum dicis, & laudatur sermo tuus, non laudatur quasi tuus, non est ibi  
 finis: si ibi ponis finem, finiris: sed non finiris quasi perficiaris, sed finiris ut consumaris: er-  
 go non laudetur sermo tuus quasi abs te, quasi tuus. Sed quomodo laudetur? quomodo di- *psal. 55*  
 cit psalmus, In deo laudabo sermonem, in deo laudabo uerbum. Ex hoc fit ut fiat in te quod  
 sequitur, In deo sperabo, non timebo quid faciat mihi homo: quando enim omnia tua in  
 deo laudantur, non timebo ne pereat laus tua, quia non deficit deus: ergo transi & ipsa. Vi-  
 dete fratres quanta transimus, in quibus non est finis. His utimur quasi in uia, quasi in man-  
 sionibus stabulorum reficimur & transimus. Vbi ergo finis? Dilectissimi, filij dei sumus, &  
 nondum apparuit quod erimus. Hoc dictum est in hac epistola: adhuc ergo in uia sumus,  
 adhuc quocumque uenerimus transire debemus, usque quo perueniamus ad aliquem finem. Sci- *psal. 118*  
 mus quia cum apparuerit, similes ei erimus, quoniam uidebimus eum sicuti est. Iste finis, ibi  
 perpetua laudatio, ibi semper alleluia sine defectu: ergo ipsum finem dixit in psalmo, O  
 omnis consummationis uidi finem: & quasi diceretur illi, Quis est finis quem uidisti? Latum  
 mandatum tuum ualde. Ipse est finis, latitudo mandati. Latitudo mandati charitas est,  
 quia ubi est charitas, non sunt angustiae. In ipsa latitudine erat Apostolus cum diceret, *2. Cor. 5*  
 Os nostrum patet ad uos o Corinthij, cor nostrum dilatatum est, non angustamini *1oan. 13*  
 in nobis. Ideo ergo latum mandatum ualde. Quod est latum mandatum? Manda-  
 tum nouum do uobis, ut uos inuicem diligatis. Charitas ergo non angustatur. Vis  
 non angustari in terra, in lato habita. Quicquid enim tibi fecerit homo, non te angus-  
 tet, quia illud diligis quod non nocet. Homo deum diligis, fraternitatem diligis, le-  
 gem dei diligis, ecclesiam dei diligis, sempiterna erit: laboras in terra, sed peruenis ad  
 fructum promissum, quis tibi tollit quod diligis? Si nemo tibi tollit quod diligis, secu-  
 rus dormis, immo securus uigilas, ne dormiendo perdas quod diligis. Non enim frustra  
 dictum

dictum est, Illumina oculos meos, ne quando dormiā in morte. Qui claudunt oculos con-  
 tra charitatem, obdormiscunt in concupiscentijs delectationum carnalium. Euigila ergo, de-  
 lectationes enim sunt, manducare, bibere, luxuriari, ludere, uenari: pompas istas uanas, o-  
 mnia mala sequuntur. Nunquid nescimus quia delectationes sunt? quis neget quia dele-  
 ctant: sed plus diligatur lex dei. Clama contra tales suasores, Narrauerunt mihi iniusti de-  
 lectationes, sed non sicut lex tua domine. Ista delectatio manet, nō solū manet quod uenias,  
 sed etiā reuocat fugiētē. Hæc est em̄ dilectio dei, ut præcepta eius seruemus. Iā audistis, In  
 his duobus præceptis tota lex pēdet & prophetæ. Quomodo noluit te diuidere per multas  
 paginas? In his duobus præceptis tota lex pēdet & prophetæ. In qbus duobus præceptis:  
 Diliges dominum deum tuum ex toto corde tuo, & ex tota anima tua, & ex tota mēte tua,  
 & diliges proximum tuum sicut teipsum, in his duobus præceptis tota lex pēdet & prophe-  
 tæ. Ecce de quibus præceptis narrat tota ista epistola. Tenete ergo dilectionem, & securi esto  
 te. Quid times ne male facias alicui? Quis male facit ei quem diligit? Dilige, non potest fie-  
 ri nisi bene facias. Sed forte corripis? Amor hoc facit, non sæuitia: sed forte cædis? Ad disci-  
 plinam facis, quia amor ipsius dilectionis non te permittit negligere indisciplinatum, & sit  
 quodammodo quasi diuersus fructus & contrarius, ut aliquando odium blandiatur, & cha-  
 ritas sæuiat. Nescio quis odit inimicum suum, & fingit illi amicitiam, uidet illum facere ali-  
 quid mali, laudat: uult eum esse præcipitem, uult cæcum ire per abrupta cupiditatum suarū,  
 unde forte non redeat, laudat: quoniam laudatur peccator in desiderijs animæ suæ: adhi-  
 bet illi unctionem adulationis suæ. Ecce odit & laudat. Alter uidet amicum suum tale ali-  
 quid facere, reuocat: si illum non audiat, profert uerba etiam castigationis, obiurgat, litigat,  
 aliquando uenitur ad hanc necessitatem ut litiget. Ecce odium blanditur, & charitas litigat.  
 Noli attendere uerba blandientis, & quasi sæuitiam obiurgantis: uenam inspicere, radicē un-  
 de procedat quære. Ille blanditur ut decipiat, iste litigat ut corrigit, ergo non opus est fra-  
 tres, ut per nos distendatur cor uestrum, impetrate à deo ut diligatis inuicem. Omnes ho-  
 mines etiam inimicos uestros diligatis, non quia sunt fratres, sed ut fratres sint. Ut semper  
 fraterno amore flagretis, siue in fratrem factum, siue in inimicum ut frater fiat diligēdo, ubi  
 cunq; fratrē diligitis, amicū diligitis: iam tecū est, iā in unitate etiā catholica tibi coniunctus  
 est. Si bene uiuis, fratrē diligis factū ex inimico: si diligit aliquē qui nōdū credit in Christo,  
 aut si credidit Christo ut dæmones credūt, reprehēdis uanitatē ipsius, tu diligitis, fraterno a-  
 more dilige: nōdū est frater, sed ideo diligit ut sit frater. Ergo tota dilectio nostra fraterna  
 est erga Christianos, erga omnia membra eius. Disciplina charitatis fratres mei, robur, flo-  
 res, fructus, pulchritudo, amœnitas, pastus, potus, cibus, amplexus sine satietate est: si sic nos  
 delectat peregrinos, in patria quomodo gaudebimus? Curramus ergo fratres mei, curra-  
 mus & diligamus Christum. Quem Christum? Iesum Christum. Quis est iste? uerbū dei.  
 Et quomodo uenit ad ægrotos? Verbum caro factum est, & habitauit in nobis. Completū  
 est ergo quod scriptura prædixit, Oportebat Christum pati, & resurgere tertia die à mor-  
 tuis. Corpus ipsius ubi iacet, membra ipsius laborāt. Vbi esse debes ut sub capite sis? Et præ-  
 dicari in nomine eius pœnitentiam & remissionem peccatorum per omnes gentes, incipien-  
 tes ab Hierusalē: ibi diffundatur charitas tua. Dicit Christus & psalmus, id est, spiritus dei,  
 Latum mandatum tuum ualde. Et nescio quis ponit in Africa fines charitatis. Extende cha-  
 ritatem per totum orbem, si uis Christum amare, quia membra Christi per orbem iacēt. Si  
 amas partem, diuisus es: si diuisus es, in corpore non es: si in corpore non es, sub capite non  
 es. Quid prodest quia credis, & blasphemas? Adoras illum in capite, blasphemas in corpo-  
 re: amat ille corpus suum. Si tu te præcidisti à corpore ipsius, caput non se præcidet à corpo-  
 re suo. Sine causa me honoras, clamat tibi caput desuper, sine causa me honoras. Tanquam  
 si uelit tibi aliquis osculari caput, & calcare tibi pedes, forte caligis clauatis conteret pedes tu-  
 os, uolens tibi tenere caput & osculari, nōne inter uerba honorantis, clamares & diceres,  
 quid facis homo? Calcas me, non diceres, calcas caput meum, quia caput honorabat, sed  
 plus



A plus clamaret caput pro mēbris calcatis, q̄ pro se quia honorabatur. Nōne clamat ipsum  
 caput, Nolo honorem tuum, calcare me noli. Iam tu dic si potes quare te calcaui, dic huic ca-  
 piti, te osculari uolui, amplecti uolui. Sed non uides o stulte, quia quod uis amplecti per  
 quandam compagem unitatis peruenit ad id quod calcas. Susum me honoras, iusum me  
 calcas. Plus dolet quod calcas, q̄ gaudet quod honoras: quia quod honoras, dolet pro eis  
 quos calcas. Quomodo clamat lingua? Dolet mihi: non dicit, dolet pedi meo, sed dolet mi-  
 hi dicit. O lingua, quis te tetigit? quis percussit? quis stimulauit? quis pupugit? Nemo, sed  
 coniuncta sum eis quæ calcantur. Quomodo uis non doleam, quando non sum separata?  
 Dominus ergo noster Iesus Christus ideo ascendit in cœlum die quadragesima, commen-  
 dauit corpus suum quā habebat iacere, quia uidit multos honoraturos se quia ascendit in  
 cœlum, & uidit quia honor ipsorum inutilis est, si conculcant membra ipsius in terra. Et ne  
 quis erraret, & cum adorat caput in cœlo, calcaret pedes in terra, dixit ubi essent membra  
 ipsius. Ascēsurus enim dixit uerba nouissima, post ipsa uerba nō est locutus in terra. Ascen-  
 surum caput in cœlum, commendauit membra in terra & discessit. Iam non inuenis loqui  
 Christum in terra. Inuenis illum loqui, sed in cœlo, & de ipso cœlo. Quare? Quia membra  
 calcabantur in terra: persecutori enim Saulo dixit desuper, Saule Saule quid me persequeris? A. 7. 9  
 Ascēdi in cœlum, sed adhuc in terra iaceo. Hic ad dexterā patris sedeo, ibi adhuc esurio,  
 sitio, peregrinus sum. Quomodo ergo corpus commendauit in terra ascēsurus: cum interro- A. 7. 1  
 garent illum discipuli, Domine, si hoc in tempore præsenteris, & quando regnum Israël?  
 Respondit iturus, Nō est uestrum scire tempus quod pater posuit in sua potestate, sed acci-  
 pietis uirtutem spiritus sancti superueniētem in uos, & eritis mihi testes. Videte quā diffun-  
 dat corpus suum, uidete ubi se calcari non uult. Eritis mihi testes in Hierusalem, & totam Iu-  
 daeam, & Samariam, usq; in totam terram. Ecce quā iaceo qui ascendo. Ascendo enim, quia  
 caput sum. Iacet adhuc corpus meum. Quā iacet? Per totā terram. Caue ne percutias, caue  
 ne uioces, caue ne calces: nouissima uerba Christi sunt ista ituri in cœlum. Considerate lan-  
 guentem in lecto hominem in domo sua iacentem, & maceratum aegritudine, proximum  
 morti, anhelantem, iam animam quodāmodo inter dentes habētem, qui forte sollicitus de  
 aliqua re chara sibi quā multum diligit, ueniat illi in mētem, & uocet hāredes suos & dicat,  
 Rogo uos facite hoc. Teneat quodāmodo uiolenter animam, ne ante exeat q̄ illa uerba fir-  
 mentur. Cum illa uerba nouissima dictauerit, efflat animā, tollitur cadauer in sepulchrum.  
 Hāredes ipsius quomodo meminerūt nouissima morientis? Quomodo si quis existat qui  
 dicat eis, Nolite facere: quid ergo illi dicant? Ergo non facio quod mihi pater meus efflans  
 animam nouissime mandauit, quod ultimum sonuit in aures meas proficiscente hinc patre  
 meo? Quauis alia uerba ipsius aliter possum habere, nouissima uerba plus tenent. Non eū  
 uidi amplius, non audiui loquentem. Fratres cogitate uisceribus Christianis, si hāredibus  
 sunt tā dulcia, tā grata, tā magni pōderis uerba patris ituri in sepulchrū, hāredibus Christi  
 qualia debent esse uerba nouissima, non redituri in sepulchrum, sed ascensuri in cœlum?  
 Nanq; ille qui uixit & mortuus est, rapitur ad alia loca anima ipsius, corpus ipsius ponitur  
 in terra, an fiant illa uerba, an non fiant, non ad eū pertinet, tamen aliud agit, aliud patitur.  
 Aut in sinu Abrae gaudet, aut in igne aeterno aquae modicum desiderans: in sepulchro au-  
 tem ipsius iacet cadauer sine sensu, & custo diūtur uerba nouissima morientis. Quid sibi spe-  
 rant illi qui uerba nouissima sedentis in cœlo nō custodiunt, uidente desuper an contemna-  
 tur, an non contemnatur: illius qui dixit, Saule Saule quid me persequeris? Qui seruat ad  
 iudicium quod uidet pati membra sua, & quid nos fecimus, inquiūt? Nos sumus passi, per-  
 secutionem non fecimus. Vos fecistis o miseri primo, quia diuistis ecclesiam. Maior est ma-  
 chera linguae q̄ ferri. Superba fuit ancilla Saræ Agar, & afflicta est à domina sua propter  
 superbiam. Disciplina erat illa, nō pœna, ideo cū recessisset à domina sua, quid ei dixit ange-  
 lus? Reuerte ad dominam tuam. Sic ergo carnalis anima tanq̄ ancilla superba, si forte ali- Gen. 16  
 quas molestias passa es propter disciplinam, quid insanis? Redi ad dominam tuam, tene  
 P dominicam

dominica pacem. Ecce proferuntur euāgelia, legimus quā diffunditur ecclesia. Disputatur contra, & dicitur nobis, traditores. Cuius rei traditores? Christus commēdat ecclesiā suam, & non credis, ego tibi crediturus sum maledicenti parentibus meis, uis ut credam tibi de traditoribus? Crede tu prius Christo. Quid est dignū, Christus deus est, tu homo? Cui prius debet credi? Christus ecclesiam suam toto orbe diffudit. Ego dico, contemne. Euangelium loquitur, caue. Quid dicit euangelium? Oportebat pati Christum, & resurgere à mortuis die tertia, & prædicari in nomine eius pœnitentiā, & remissionē peccatorum. Vbi remissio peccatorum, ecclesia est. Quomodo ecclesia? Illi enim dictum est, Tibi dabo clauēs regni cœlorū, & quæ solueris in terra, soluta erunt & in cœlis: & quæ ligaueris in terra, ligata erunt & in cœlis. Quā diffunditur ista remissio peccatorū? Per omnes gentes, incipiētes ab Hierusalem. Ecce crede Christo. Sed quia intelligis si credideris Christo, nō te habere quod dicas de traditoribus: tibi uis ut credā parētibz meis maledicēti, q̄ tu credas Christo præstati.

Videtur deesse finis.

#### AD LECTOREM.

NON uidetur Augustini, quanquam opus lectū dignum. Sunt quædam humiliora quæ non annotasset Augustinus, & interdum in eadem pagina repetitur iisdem uerbis eadem sententiā. Postremo qui cōuenit, ut de rebus tā obscuris tanta breuitate loqueretur apud populum? Videntur annotatiunculæ à studioso quopiam collectæ, quas aliquis uertit in homilias, affutis in initio ac fine uerbis aliquot frigidis. In medio nulla concionis appellatio.

## EXPOSITIONIS IN APO

CALYPSIM BEATI IOANNIS HOMILIA I.



IN LECTIōNEM reuelationis beati Ioānis apostoli fratres charissimi animaduertimus, & secundū anagogen hoc domino largiente explanare curauimus, quia reuelatio Iesu Christi nostris auribus panditur, ut arcana cœlestia nostris cordibus manifestentur. Apocalypsis Iesu Christi quā dedit illi deus palām facere seruis suis, id est, manifestare: Quæ oportet fieri cito, significās, hoc est ostendens. Seruo suo Ioanni.) Ioannes dei gratia interpretatur. Scribens septem ecclesijs, quæ sunt in Asia.) Asia elatio interpretatur, & genus humanum figuratur. Istæ septem ecclesiæ & septem candelabra, hoc solerter intuendum est, quia septiformis gratia est quæ data est à deo per Iesum Christum dominum nostrum nobis generi humano, qui credidimus, quia & ipse pollicitus est nobis mittere spiritum paracletum de cœlis, quē & apostolis misit qui in Asia esse uidebātur, hoc est, in elato mundo, ubi & septiformem gratiā septem ecclesijs nobis per seruum suū Ioannem donauit. Gratia uobis & pax multiplicetur à deo patre & à filio hominis: id est Christo. Siue autē filius hominis, siue septem candelabra, siue septem stellæ, ecclesia intelligitur cum capite suo Christo: quōd autem ait. Inter mammillas zona aurea erat ille præcinctus.) Christum dominum præfigurabat. Duas mammillas, duo testamenta intellige, quæ de petore domini saluatoris tanq̄ de perenni fonte accipiunt, unde Christianum populum nutriāt ad uitā æternam. Zona uero aurea, chorus est, siue multitudo sanctorum. Sicut enim de cingulo pectus stringitur, ita sanctorū multitudo Christo adhæret, & uelut duas mammillas duo testamenta complectitur, ut ex ipsis uelut de sanctis uberibus nutriantur. Caput, inquit, eius & capilli sicut lana alba & nix.) Capillos albos multitudinem alborum, id est, neophytorum ex baptismo prodeuntium dicit. Lanam dixit, quia oues Christi sunt. Niuem dixit, quia sicut nix de cœlo ultro descendit, ita & gratia baptismi nullis præcedentibus



A tibus meritis uenit. Ipsi enim qui baptizantur Hierusalem sunt, quæ quotidie ad instar niuis de cælo descēdit. Hierusalem, id est, ecclesia ideo descendere dicitur, quia de cælo gratia, per quam & à peccatis liberatur, & Christo, id est, æterno capiti sponso cælesti cōiungitur. Sicut e contrario bestia de abyssu ascendere dicitur, id est, populus malus qui ex populo malo nascitur: nam sicut Hierusalem humiliter descendendo liberatur & exaltatur, ita bestia, id est, populus superbus arroganter ascendendo præcipitatur. Oculi eius uelut flamma ignis.) In oculis præcepta dei dicit, sicut scriptum est, Lucerna pedibus meis uerbum tuum. Et pedes eius similes aurichalco clibani igniti uelut in fornace ignis.) In pedibus ignitis ecclesia intelligitur, quæ imminente die iudicii, nimietate pressurarum probanda, & igne examinanda est. Et quia pes nouissima pars est, & pedes ignitos dixit esse, ideo in pedibus ecclesia nouissimi temporis intelligitur multis tribulationibus uelut aurum in fornace probanda. Quam rem qui bene cōsyderat, iam nunc ex multitudine iniquitatum fieri uidet. Ideo aurichalco similauit, quod ex are & igne multo ac medicamine perducitur ad auri colorem: sic ecclesia per tribulationes & passionem purior redditur. In zona aurea accincta pectori, potest etiā scientia spiritalis ac purus sensus datus ecclesiæ intelligi. Gladium uero bis acutum de ore ipsius procedentem: Iesum Christum esse significat, qui & nunc euāgelium bonum, & prius per Moysen legis noticiam uniuerso orbi protulit: & de quo Dauid similiter ait, Semel locutus est deus, duo hæc audiui. Hæc ergo sunt duo testamenta, quæ pro captu temporis aut noua, aut uetera, aut gladius acutus dicuntur. Vox eius tanquam uox aquarum multarum.) Aquarum multa, populi intelliguntur esse: in uoce, prædicatio apostolorum. Quod autem supra dixit, pedes eius similes aurichalco, tanquam in fornace conflati possunt etiam apostoli intelligi, qui post passionem prædicauerunt uerbum eius. Per quos enim ambulat prædicatio, merito pedes nominantur: sicut propheta dixit, Quam pulchri pedes euāgelizantium pacis: & illud, Adorabimus in loco ubi steterunt pedes eius: quod autem dixit, Habebat in dextera sua stellas septem: ecclesiam intelligi uoluit. In dextera enim Christi est spiritalis ecclesia, cui ad dexteram positæ dicit, Venite benedicti patris mei. Septem enim stellæ ecclesia est. Diximus enim quia spiritus septiformis uirtutis est ei datus à patre, sicut Petrus ad Iudæos de Christo ait, Dextra igitur dei exaltatus, acceptum à patre spiritum effudit. Septem autem ecclesias quas uocat uocabulis suis, non ideo dicit, quia illæ solæ sunt ecclesiæ, sed quod dicit uni, omnibus hoc dicit. Denique siue in Asia, siue in toto orbe, septem ecclesias omnes esse, & unam esse catholicam: sicut ad Timotheum ait, Quomodo oportet te in domo dei conuersari, quæ est ecclesia dei uiui: & in Esaia, septem mulieres quæ apprehendent uirum unum, septem ecclesias significari intelligit, quæ & una est: uirum, Christum intelligimus: panem mulierum, spiritum sanctum qui nutrit in uitam æternam. Et ut uobis ea quæ dicta sunt tenacius inculcetur, breuem recapitulationem fieri uolumus. Septem ergo ecclesiæ, quibus sanctus Ioannes scribit, intelligitur una ecclesia catholica propter septiformem gratiam. Idem autem testis fidelis Christus est. Septem candelabra, ecclesia catholica est. In medio candelabrorum similis filio hominis, Christus est in medio ecclesiæ: quod autem ait, Cinctum super mammillas: per mammillas duo testamenta intelliguntur, quæ de pectore Christi lac spiritale accipiunt, ut populum Christianum in uitam æternam nutriat. Zona uero aurea, chorus est siue multitudo sanctorum, qui iugiter lectioni & orationi insistentes, Christo adherere probantur: iam ista charitati uestræ sufficiant. Quod audistis, sancta inter uos colloquutione meditamini, donec quod reliquum est, donante domino audire possitis. Quod ipse præstare dignetur.

## Homilia II.



RATRES charissimi in candelabro de quo cum Apocalypsis legeretur audistis, populus intelligitur: Quod autem ait, Mouebo candelabrum tuum, hoc est, dispergam populum pro peccatis: Et pugnabo cum eis gladio oris mei: id est, proferam præcepta mea, per quæ arguantur peccata uel crimina sua. Quod ergo dixit, Facies eius sicut sol lucet in uirtute sua: est de aduentu uel præsentia Christi, quia

per faciem quiscq; manifestatur atq; cognoscitur. Et de ecclesia potest hoc accipi, cui ista claritate Christus promisit, de qua dicit, Tunc fulgebunt iusti sicut sol in regno Christi. Stella matutinam,) prima resurrectione dicit, quæ per gratiâ baptismi fit. Stella matutina noctem fugat, & lucem annunciat, id est, peccatū tollit & gratiam tribuit, si tamen accepta gratia bona opera sequatur. Sicut enim magnam arborē uirere & fructum nō reddere nihil prodest, sic nihil prodest Christianū dici, & Christiana opera nō habere: & ideo dicit, Cōsulo tibi à me emere aurū conflatū: id est, contēde ut pro nomine Christi aliquid patiaris. Et collyrio unge oculos tuos: ut quod libenter per scripturas cognoscis, opere impleas. Ostium apertum esse in cælo: noui testamēti prædicator uidit Ioānes, & dicitur illi, Ascēde huc.) Quantum apertū modo ostenditur, tantū clausum fuisse ante hominibus manifestum est. Solium positū,) est sedes iudicātis, super quē uidit similitudinem iaspidis & sardij. Iaspis aquæ colorē habet, & sardius ignis. In his duobus lapidibus duo iudicia intelliguntur: unum quod iā per aquā factum est, aliud quod erit per ignē in consummatione seculi. Potest hoc loco & uita seruorum dei intelligi, quia ad similitudinē aquæ & ignis interdum in hac uita omnes sancti habent prospera & aduersa, inter quæ patiuntur. Mare uitreum,) donū baptismi est, quod ideo ante solū esse dicitur, quia ante aduētū iudicij datur. Quod uero post hoc ait, Habeo clauēs mortis & inferni,) hoc ideo dicit, quia qui credit & baptizatur, à morte & ab inferis liberatur. Et quia ipsa ecclesia, sicut habet clauēs uitæ, ita & inferorū: ipsi enim dictum est, Cui dimiseritis peccata, dimittuntur: & cui retinueritis, retēta sunt: ubicunq; ponit in Apocalypsi angelū hominis, ipsum hominem significat, sicut & ecclesiā. Et angeli eorum ibidem nō debent intelligi, nisi aut episcopi aut præpositi ecclesiarum. Intantum angelorum nomine ecclesias catholicas uoluit intelligi, ut iubeat angelos pœnitentiā agere. Nō enim angeli qui in cælo sunt indigent pœnitentiā, sed homines qui sine peccato esse nō possunt. Nā quia etiā angelus nuncius interpretatur, quicunq; aut episcopus aut presbyter aut etiā laicus de deo loquitur, & quoquo modo ad uitā æternam annūciat, merito angelus dei dicitur. Et tamen quia sine peccato nemo esse potest, dicitur ei, id est homini, ut pœnitentiā agat, quia reuera qui bene cōsiderat se, agnoscit qd nō dicā laici, sed etiā sacerdotes una die esse nō debent sine pœnitentiā, quia quomodo nullus dies est in quo homo possit esse sine peccato, sic nullo die debet esse sine satisfactionis remedio. Septē autē candelabra, & unum candelabrum, septiformem ecclesiā possumus intelligere: & ideo quicunq; ad septē ecclesias loqui uidetur, ad unā ecclesiam loquitur toto orbe diffusam, & quia in septenario numero omnis plenitudo cōsistit. Angelos ergo ecclesiā dicit, in quibus duas partes, id est bonorum & malorum ostēdit: & propterea nō solum laudat, sed etiā increpat ut laus ad bonos, increpatio ad malos dirigatur: sicut dñs in euāgelio, Omne præpositorū corpus unū seruū dixit beatū, & nequam quē ueniens dñs ipse diuidet. Quomodo fieri potest ut unus seruus diuidatur, cū diuisus uiuere nō possit? Sed unū dicit totū populum Christianum, qui populus si totus bonus esset, nō diuideretur: sed quia non solū habet bonos, sed etiā malos, diuidendus est: & boni audituri sunt, Venite benedicti patris mei: raptores uero & adulteri qui misericordiā nō fecerūt, audituri sunt, Discedite à me maledicti &c. Quod autē in Apocalypsi singulis dicitur ecclesijs, fratres charissimi, singulis hōib; cōuenit in una ecclesia constitutis. Hæc dicit qui tenet septē stellas in manu sua: hoc est, qui nos in manu, id est, potestate habet & gubernat. Qui ambulat in medio candelabrorū aureorū,) id est, in medio nostri, quia candelabra illic populū significāt Christianū. Quod autē dicit, Mouebo candelabrū tuū de loco suo si nō egeris pœnitentiā: Videte quia nō dixit, aufert, sed mouet, quia candelabrū significat unū populū Christianū. Et ipsum candelabrū moueri dicit, nō auferri, & per hoc intelligitur qd in una eademq; ecclesia mouetur mali, confirmātur boni, & quod occulto, sed tñ iusto dei iudicio id qd tollitur malis, bonis augetur, ut adimpleat illud quod scriptū est, Qui habet dabitur ei, & ei q nō habet, & qd uidetur habere auferet ab eo. Quod autē dicit, Vincētī dabo māducare de ligno uitæ,) id est, de fructu crucis: Quod est, inq; in medio paradisi



A paradisi dei mei.) Paradisum ecclesiā dicit: omnia enim in eius figura sunt: nā q̄ dicit, Scio opera tua, & tribulationē & paupertatē, sed diues es.) Omni ecclesiā dicit, quā spiritu paup̄ est & omnia possidet: idē autē dicit, Habetis pressurā dies decē.) Dies totū tēpus posuit, quia denarius numerus p̄fectus est, in quo populus Christianus, sicut dicit Apostolus, per multas tribulationes intrat in regnū coelōrū: nā q̄ dicit angelo Pergami ecclesiā: Scio ubi habitas, ubi est introitus satanā: omni ecclesiā dicit in unius uocabulo, & quia ubiq̄ habitat satanas per corpus suū. Corpus autē satanā sunt supbi & mali: sicut & corpus Christi humiles & boni. Vincenti dabo māducare de manna abscondito: id est, de pane qui de coelo descendit. Cuius figura fuit māna in eremo, quā, sicut ipse dñs dixit, multi māducantes mortui sunt: sed & nūc quicunq̄ māducatur indigne, iudiciū sibi māducatur: idē panis est etiā lignū uitā. Possumus & per māna immortalitatē accipere. Et dabo ei calculū candidum: id est, corpus per baptismū candidū. Et super calculū nomen nouū scriptum, id est noticiā filij hominis. Quod nemo scit nisi qui accipit, scilicet p̄ reuelationē: & ideo de Iudæis dicitur, Si enim cognouissent, nunq̄ dñm gloriā crucifixissent. Quod autē dicit angelo Thiatyræ ecclesiā, Habeo aduersum te, quia permisisti mulieri Iezabel, dicit p̄positis ecclesiā, qui luxuriosis & fornicatibus, & aliud quodlibet male agētibus securitatē disciplinā ecclesiā sticā nō imponunt. Et potest hoc etiā de hāreticis intelligi. Quā dicit se prophetē, id est, Christianā. Modo enim multā hāreses sibi hoc nomine blādiuntur. Nec cognouistis alitudinē satanā: id est, nō respuistis doctrinā eius sicut hāreses. Non mitto sup uos aliud pondus: id est, supra id quod potestis sustinere. Verū quod habebas, tene donec ueniā, & qui uincit, & qui seruat opera mea usq̄ ad finē, dabo ei gētes & pascet eas in uirga ferrea, & ut uas figuli cōminuetur, sicut & ego accepi à patre meo.) In Christo habet ecclesiā hanc & ut uas figuli cōminuetur, sicut & ego accepi à patre meo.) In Christo habet ecclesiā hanc potestātē: sicut dicit Apostolus, Cum illo omnia nobis donauit. Virgam ferream dicit propter iustitiā rigorem, & de ipsa uirga corriguntur boni, confringuntur mali. 1. Cor. 2. Rom. 8

## Homilia III.



B **M**ODO fratres charissimi audiuius beatū Ioannē peccatorē hominē terribiliter increpantē: & ideo cū ingēti timore cōsideremus, & cū tremore timeamus quod dictū est, Noui opa tua, quia nomē habes q̄ uiuas, & mortuus es.) Nō moritur nisi qui mortale crimen cōmiserit, secundū illud quod dictū est, Anima quā peccauerit, ipsa moriet̄. Quod peius est, multi in corporibus uiuis animas mortuas portare noscuntur. Esto uigilās & cōfirma quā moritura erāt. Hāc dicit sanctus & uerus qui habet clauēs Dauid: id est regiā potestātē. Qui aperit & nemo claudit.) Manifestū est q̄ Christus pulsantibus aperit, & hypocritis, id est fictis uitā ianuā claudit. Ecce dedi ante te ostiū apertum.) Hoc ideo dictū est, ut nullus dicat, quia ostium quod deus aperit ecclesiā, in toto mūdo aliquis posset uel in parte claudere. Quia modicā habes uirtutem.) Laus est dei, q̄ deus modicā fidei ecclesiā aperiat ostiū. Et scribā sup illud nomen dei mei.) Vtiq̄ à Christo Christiani signamur. Et nomē ciuitatis dei mei nouā Hierusalē quā descendit de coelo.) Nouā Hierusalē, cōlestem ecclesiā dicit, quā à dño nascitur. Nouā autē dixit pro nouitate nominis Christiani, & quā ex ueteribus noui efficitur. Neq̄ frigidus es neq̄ feruēs, id est, inutilis es. Potest enim & super diuitum steriliū persona accipi, qui habēt facultates, & non inde faciūt misericordias. Pauperes nō sunt qui habēt facultates, diuites nō sunt qui ex diuitijs nō operantur. Consiliū tibi do ut emas aurū tibi, id est, ut elemosynas faciēdo & actibus bonis insistēdo, ipse efficiaris aurū, id est, à deo accipias intellectū, & per bonam cōuersationē merearis martyriū. Et ecce, inquit, ostiū apertū est in coelo.) Ostiū apertū Christū dicit, quia ianua est. Coelū ecclesiā dicit, ubi cōlestia gerūtur: sicut dicit Apostolus, Instaurare omnia quā in coelis & quā in terra sunt: coelū intelligit primitiā ecclesiā de Iudæis, terram uero ex gētibus esse. Ascēde huc & ostendā tibi.) Nō in solū Ioannē cōuenit, sed in ecclesiā uel in omnes credētes. Qui enim uidit ostiū apertū in coelo, id est, natū & passum, & resurrexisse Christū credidit, ascendit in altitudinē & uidit futura. Et ecce thronus positus erat in Ezech. 18 Ephes. 1

celo,) id est, in ecclesia. Et qui sedebat, similis erat aspectui lapidis iaspidis uel sardii.) Istae cōparationes in ecclesiā conueniūt. Iaspis aquae colorē habet, & sardius ignis: per hoc sicut iam dictū est, duo iudicia uult intelligi: unū per aquā quod iam factū est per diluuiū, aliud quod futurum est per ignē. In circuitu throni uidi sedes uigintiquatuor, & supra sedes uigintiquatuor seniores.) Seniores totā ecclesiā dicit: sicut Esaías dicit, Et in medio senum fuerit glorificatus. Vigintiquatuor seniores praepositi & populi sunt. In duodecim, apostolos praepositos, & in alijs duodecim reliquā ecclesiā intellige. Et de sede procedebant fulgura & uoces.) De ecclesia enim procedunt haeretici, quia ex nobis exierunt. Est & alius sensus, ut fulgura & uoces praedictio ecclesiae intelligatur. In uocibus uerba, in fulgure miracula cognoscuntur. In conspectu throni mare uitreū.) Mare uitreū, fontē baptismi ante thronū dixit, id est, ante iudiciū. Sed & aliquando animā sanctā intellige thronū, sicut scriptū est, Anima iusti sedes est sapientiae: aliquādo ecclesiā significat, in qua sedē habet deus. Et in medio throni quatuor animalia,) id est, in medio ecclesiae euāgelistae: Plena oculis in priora & retro,) id est, praeterita & futura cōspicientia. In animali primo simili leonī,) fortitudo ecclesiae ostēditur. In uitulo,) passio Christi. In tertio animali quod est uelut homo,) humilitas ecclesiae ostēditur, quia nihil sibi blāditur ut superbū sapiat, quāuis adoptionē filiorū teneat.

Quartū animal,) ecclesiā dixit, simile aquilae,) id est, uolantē & liberā, atq; à terra suspensam duabus alis, quasi duorū testamētōrū siue duorū praeceptorū gubernaculis eleuatam, nā & Ioannes euangelista cū de istis animalibus intrō aspexisset, in Christo cōpletum esse quadriforme mysteriū intellexit, cū uidisset hominē nascētem, uitulū patiētem, & aquilā ad cōlestia remeantē. Et singula eorū habebāt alas senas per circuitū.) In animalibus ostenduntur uigintiquatuor seniores: nā senae alae in quatuor animalibus, uiginti & quatuor alae sunt. Etenim per circuitū throni uidit animalia, ubi se dixerat seniores uidisse: nā quomodo animal cū sex alis potest simile esse aquilae quae habet duas alas, nisi quia quatuor animalia unū sunt, quae habēt uiginti & quatuor alas, in quibus uiginti & quatuor seniores intelligimus, qui sunt ecclesia quam similitudo aquilae. Et aliter, senae alae testimonia sunt ueteris testamēti. Sicut enim animal uolare nō potest nisi habeat pennas, sic nec praedictio noui testamēti fidē habet, nisi habeat ueteris testamēti praeuocata testimonia, p. quae tollitur à terra & uolat. Sēper enim quod ante dictū est futurū, & postea factū inuenitur, fidē facit indubitabile. Nisi enim quae praedixerāt prophetae in Christo essent cōsummata, inanis esset praedictio illorū. Hoc tenet ecclesia catholica, ante praedicta, & postea cōsummata. Merito uolat & tollitur à terra unū animal in cōlū. Et requiē nō habebāt animalia illa:) ecclesia, quae nō habet requiē, sed semper laudat deum. Viginti & quatuor seniores possumus etiā intelligere libros ueteris testamēti & patriarchas & apostolos. Fulgura & tonitrua, quae de solio exire dicuntur, praedicationes & promissiones intelligere debemus noui testamēti. Mittere coronas suas ante thronum.) Hoc ideo, quia quicquid dignitatis habent sancti, totū deo tribuunt, sicut & illi in euangelio palmas & flores sternerant sub pedibus eius, id est, ipsi tribuētes omne quod uicerāt. Quia tu creasti omnia, & ex uolūtate tua erūt.) Erant secundū deum à quo cuncta anteq̃ fierent possessa sunt. Creata sunt autē ut & à nobis uiderentur, sicut dicit Moyses ad ecclesiam, Nōne est hic ipse pater tuus qui fecit te & possedit te & creauit te? Possedit in praescientia, & fecit in Adam, & creauit ex Adam.

## Homilia IIII.



**E**T VIDI supra dextrā sedētis in throno librū scriptū intus & foris:) Vtrunq; testamentum intellige. A foris uetus, ab intus nouū, quod intra uetus latebat. Signatū, inquit, sigillis septē,) id est, omni mysteriorū plenitudine obscuratum, quod usq; ad passionē & resurrectionē Christi māsit signatū: nā quomodo testamētū nō dicitur nisi quod faciūt morituri, & signatur usq; ad mortē testatorū, & post mortē ipsius aperitur: ita & post Christi mortē omnia mysteria reuelantur. Et uidi angelum fortē clamantē uoce magna, Quis est dignus aperire librū, & soluere signacula eius:) Cuius primo signa soluuntur,



A tur, deinde liber aperiatur, certa ratio est, quia Christus tunc aperuit librū, cū opus paternae uolūtatis aggressus, cōceptus & natus est: tunc eius signacula soluit, qñ pro genere humano occisus est. Et nemo poterat neq; in cœlo neq; in terra neq; sub terra: id est, neq; angelus, neq; in terris uiuēs, neq; mortuus. Aperire librū neq; uidere illū, id est, cōtēplari splēdorē gratiæ noui testamēti. Et ego flebā multū, quia nemo inuentus est dignus aperire librū. Ecclesia flebat, cuius figurā habuit Ioānes, onerata & grauata peccatis, implorās sui redemptionē. Et ecce unus ex senioribus. Vñ ex senioribus totū corpus prophetarū intellige. Prophetæ cōsolabātur ecclesiā, annūciantes Christū de tribu Iuda radicē Dauid, quia ipse in nobis uincit omne peccatū, & si quid boni aliq; habet, ab ipso habet. Et uidi, & ecce in medio throni & quatuor animalū & seniorū agnū stantē q occisus est. Throni, animalia, seniores, & agnus q occisus est, ecclesia est cū capite suo, quæ pro Christo moritur, ut cū Christo uiuat. Possunt & martyres in ecclesia agnus quasi occisus accipi. Habentē, inq; cornu septē, & oculos septē, qui sunt spūs dei missi in omnē terrā. Quod nemo possit habere spiritū dei prāter ecclesiā, hinc manifeste cognoscitur. Et uenit & accepit de dextera sedētis in throno librum. Sedentē in throno & patrē accipimus & filiū & spiritū sanctū. Accepit ergo agnus de dextera dei, id est, à filio accepit opus libri perficiendum, ipso dicēte, Sicut misit me pater & ego mitto uos, eo q ipse in illis perficiat quod donat. Habentes singuli citharas: id est, chordas laudū. Et phialas aureas. Hæc sunt uasa in domo dñi in qbus thymiama offerri cōsueuit: ideo orationes sanctorū bene in eis intelligimus. Et cātabāt cāticū nouū. Canētes canticū nouū, id est, professionē suā publice proferētes. Et uere nouū est, filium dei hominē fieri, & mori & resurgere, & in cœlum ascēdere, remissionē peccatorū hominibus dare. Cithara enim, id est, chorda in ligno extēsa, significat carnē Christi passioni coniunctam. Phiala autē confessionē, & noui sacerdotij propaginē. Reseratio sigillorū ad apertio est ueteris testamēti. Et uidi & audiui uocē multorū angelorum. Angelos homines dicit, quia & filij dei dicimur. Dignus est agnus qui occisus est, accipere potestatem & diuitias & sapientiam &c. Non de dño dicit in quo sunt omnes thesauri sapiētiae, ut ipse accipiat, sed de homine assumpto & eius corpore quod est ecclesia, uel de martyribus eius, q pro nomine eius occisi sunt, quia in capite suo totā accepit ecclesiā: sicut scriptū est, Cū illo nobis omnia dona uit. Ipse enim agnus accipit, q in euāgelio dicit, Data est mihi omnis potestas in cœlo & in terra, secundū humanitatē ergo, nō secundū deitātē accepit. Omnes, inquit, audiui dicētes sedētī in throno: id est, patri & filio: & agno, id est ecclesia cum capite suo: Benedictio & honor & claritas in secula: Cui est honor & gloria & imperiū in secula seculorum Amen.

## Homilia v.



ICVT modo dum lectio diuina legeretur audistis, ita ait beatus Ionanes, Et ecce equus albus, & qui sedebat super eum, habebat arcum, & data est ei corona, & exiit uincens. Equus albus ecclesia est, sessor Christus. Iste equus domini cum arcu bellico per Zachariam hoc modo ante promissus est, Visitauit domus deus gregem suum domum Israël, & disposuit eum sicut equum speciosum in bello, & ex eo disposuit, & ex eo arcus in ira, & ex eo exiit omnis insequens. Equum enim album intelligimus prophetas & apostolos. Equitem coronatum habentem arcum, cognoscimus non solū Christū, sed etiā spiritū sanctū. Posteaq; enim dñs descendit de cœlo, & aperuit uniuersa, misit spiritū sanctum, cuius uerbo prædicatores tanq; sagittæ ad cor hominum pertingerent, ut uincerēt incredulitatem. Coronæ super caput, promissa per spiritū sanctum intelligenda sunt. Et cū aperuisset sigillū secundū, audiui secundū animal, dicens, Veni & uide. Et exiit equus rufus, & sedenti super eum datum est tollere pacem de terra, & ut inuicem occiderent, & datus est ei gladius magnus: contra uictricem uincētem ecclesiam exiit equus rufus, id est, populus sinister & malus, ex sessore suo diabolo sanguinolentus, quam uis legamus secundum Zachariam equum domini rufum, sed ille suo sanguine erat, hic alieno, Cui datus est gladius magnus ut tolleret pacem de terra, scilicet suā pacem, hoc est

mundanam: nā ecclesia æternam pacē quam sibi Crīstus reliquit, habet. Sicut ergo supra dictum est, equū albū & ecclesiā dicit, sessorem eius Crīstū per spiritū sanctum. Arcū quem tenebat in manu,) præcepta eius sunt, quæ totum mūdum uelut sagittæ acutæ potentis ad interficiēda peccata, & excitāda fideiū corda directæ sunt. Corona in capite eius,) promissio uitæ æternæ est. Equū rufum,) malū populum, sessorem eius diabolu. Quē ideo dixit rufum, eo q̄ multorū esset sanguine rubicūdus. Quod autē, Datus est ei gladius acutus, & tollere pacē de terra,) hoc est, q̄ diabolo suadente, homines mali inter se lites & discordias usq; ad mortē excitare non cessant. Et in equo nigro,) intelligitur populus sinister diabolo consentiens. Quod autē, Stateram habebat in manu,) hoc ideo est, quia dū se fingunt mali iustitiæ librā tenere, sic plerunq; decipiūt. Quod dixit, Vinū & oleū ne læseris,) in uino sanguis Crīsti, in oleo unctio chrismatis intelligit̃. In tritico uel hordeo,) tota ecclesia siue in magnis siue in minimis, aut certe in præpositis & in populis. Et in equo pallido,) homines intelligūtur mali, qui persecutiones excitare nō desinūt. Isti tres equi sunt qui exierunt post albū & contra albū, & sessorē habent diabolu qui est mors. Tres ergo equi, fames & bella & pestis intelligūtur: quod etiam dominus in euāgelio suo prædixit, quæ etiā fiunt, & imminente die iudicij amplius futura sunt. Quod autē dixit se uidisse sub ara animas interfectorum,) martyres intelliguntur. Quod autē dicit, Terræ motum magnū,) persecutio nouissima est. Quod dicit, Solē factū nigrū, & lunā sanguinē, & stellas cecidisse de cœlo,) Sol & luna & stellæ, ecclesia est in toto orbe diffusa. Quod autem dicit cecidisse, nō tota cecidit, sed à parte totū intelligitur. In omni enim persecutione boni perseuerant, & mali quasi de cœlo, id est, de ecclesia cadūt: deniq; sequitur, Sicut ficus mittit grossos suos cū à uento agitur,) sic de ecclesia cadūt mali, quādo per aliquā tribulationē fuerint cōturbati. Quod autē, Cœlū recessit ut liber,) ecclesia est quæ separatur à malis, & uelut liber inuolutus continet in se sibi nota diuina mysteria. Quod autē dicit, Reges terræ fugerūt & abscederunt se in speluncis terræ,) hoc significat q̄ totus mūdus in bonis & sanctis refugiū habiturus est ad ecclesiā, ut sub eius protectione constitutus, peruenire possit ad uitā æternam, auxiliante domino nostro Iesu Crīsto, qui uiuit & regnat in secula.

## Homilia VI.



**E**T VIDI alterum angelum descendentem ab ortu solis,) Alterum angelum eandem ecclesiam catholicā intelligit, ab ortu solis, à passione & resurrectione domini clamātem quatuor angulis terræ. Et clamauit uoce magna quatuor angelis, quibus data est potestas lædere terrā & mare: ne læseritis terram neq; mare,) Accipit autem gladium generaliter, siue contra eos quos in uitā interficit, siue quos inter se pro rebus temporalibus usq; ad mortem litigare persuadet. De tertio sigillo dicit, Equum nigrū exisse, & qui sedebat super eum, habebat in manu sua stateram,) Libram, inquit, habebat in manu sua, id est, examen æquitatis, quia dum fingit se iustitiā tenere, per simulationem lædit. Dum autem, in medio animalium,) id est, in medio ecclesiæ dicitur, Ne læseris,) ostēditur q̄ spirituales nequitie potentiam in seruos dei nō habent, nisi à deo acceperint. Vinū & oleum ne læseris,) In uino & oleo unctiōe chrismatis & sanguinem domini: in tritico autē & hordeo ecclesiā dicit, siue in magnis siue in paruis Christianis, siue in præpositis & populis. De quarto sigillo, Equus pallidus, & qui sedebat super eum, nomen erat ei mors & infernus sequebatur eum: & data est ei potestas super quartam partem terræ, interficere gladio, fame & morte, & bestiis terræ,) Isti tres equi, ut supra dictū est, unū sunt, qui exierunt post album, & contra albū, & unum sessorē habent diabolu qui est mors: nam equitē diabolu esse & socios esse, sexto signo manifestat, cū prælio ultimo equos dicit congregari. Tres ergo equi, fames & bella & pestes intelliguntur, sicut à domino in euāgelio prænunciatur, Equus albus, uerbū est prædicationis in orbe terrarū. In equo rufo & sessore eius bella sunt significata quæ futura sunt, imò fiunt cum iam gens surgat contra gentem. Per equum pallidum & sessorem eius, pestis magna & mortalitas signatur: Et infernus sequitur



A sequitur illum, id est, expectat deuotionem multarum animarum. Et cum aperuisset si-  
 gillum quintum, uidi sub ara dei animas interfectorum.) Aram dei ecclesiā dicit, sub cuius  
 oculis martyres effecti sunt. Et licet animæ sanctorum in paradiso sint, tamen quia sanguis  
 sanctorum super terram funditur, sub ara clamare dicuntur: sicut illud est, Sanguis fratris tui  
 clamat de terra. Et cum aperuisset sigillum sextum, terramotus factus est, id est, persecu-  
 tio nouissima. Et sol factus est niger sicut saccus cilicinus, & luna facta est tota sicut san-  
 guis, & stellæ ceciderunt in terram.) Quod est sol, est luna & stellæ, id est ecclesia, sed à toto  
 pars intelligitur. Non enim tota ecclesia, sed qui mali sunt in ecclesia, ipsi cadunt de cœlo. To-  
 tum autē dixit, quia in toto orbe terrarum erit nouissima persecutio. Et tūc qui iusti fuerint  
 permanebunt in ecclesia tanq̃ in cœlo: cupidi uero, iniusti & adulteri acquiescere habēt dia-  
 bolo & sacrificare idolo. Et tunc qui se Christianos esse uerbis tantummodo dicunt, tanq̃  
 stellæ cadunt de cœlo, quod est ecclesia. Sicut ficus magno uento agitata mittit grossos su-  
 os.) Agitatam arborem ecclesiæ comparauit: uentū magnum dicit persecutionem: grossos,  
 hominibus malis comparauit, qui excutiēdi sunt & recessuri ab ecclesia. Et cœlū recessit ut  
 inuolutus liber.) In hoc loco cœlum ecclesiā dicit, quæ à malis recedit, & intra se sibi soli nota  
 mysteria cōtinet sicut liber inuolutus, quē iniqui intelligere, nec uolūt omnino, nec possunt.  
 Et omnis mons & insula de locis suis motæ sunt.) Quod cœlū dicit, hoc montes, hoc insu-  
 læ significāt, id est, ecclesiam facta nouissima persecutione, omnē de loco suo recessisse dicūt,  
 siue in bonis fugiēdo persecutionē, siue in malis fidecedēdo. Sed potest in utranq̃ partem  
 conuenire, quia & bona pars mouetur de loco suo fugiens, id est, amittēs illud quod habet:  
 sicut illud: Mouebo candelabrū tuū de loco suo. Et reges terræ & magistratus.) Reges po-  
 tentes homines accipimus. Ex omni enim gradu conuertētur ad Christū. Caterū qui tunc  
 reges erūt, præter unū persecutorem, Absconderūt se in speluncis & petris montiū.) Con-  
 fugiunt omnes in præsentī seculo ad fidē ecclesiæ, & in abscondito mysterio scripturarū con-  
 teguntur. Et dicūt, cadite, id est, tegite nos: Et abscondite, id est, ut homo uetus à dei ocu-  
 lis abscondatur. Et aliter, Qui cogitat futurū iudiciū, cōuertetur ad mōtes, id est ad ecclesiā,  
 ut abscondantur peccata sua per pœnitentiam in præsentī tempore, ne in futuro puniātur.  
 Donec signemus seruos dei in frōtibus eorum.) Ecclesiā denunciat, & dicit malis homini-  
 bus, id est, sinistræ parti lædenti. Ne læseris.) Hæc est uox quæ in medio animalū dicit læ-  
 denti. Vinū & oleū ne læseris.) In uino & oleo omnes qui sunt iusti intelliguntur, quos nec  
 diabolus nec mali homines lædere poterūt, nisi quotiēs ad eorū probationē pmiserit deus.  
 Vinū, inquit, & oleū ne læseris.) Præcepit dñs omnem terrā suā spiritālē non lædi quousq̃  
 omnes signētur. Et audiui numerū signatorum, centū quadragintaquatuor milia signati  
 ex omni tribu filiorū Israël.) Centū quadragintaquatuor omnino omnis ecclesia est. Por-  
 stea uidi, & ecce populus multus quē dinumerare nemo poterat ex omnibus populis, gen-  
 tibus & linguis.) Non dixit, post hæc uidi aliū populū, sed uidi populū, id est, eundē quem  
 uiderat in istis centū quadragintaquatuor milibus. Hunc uidit innumerabilē ex omni tribu  
 linguæ, quia omnes gētes insertæ sunt radici credēdo. Dñs in euangelio totā ecclesiam tam  
 de iudæis q̃ de gentibus, in tribubus Israël duodecim demonstrat, dicens, Sedebitis super  
 duodecim thronos, iudicātes duodecim tribus Israël. Amicti stolis albis.) Stolas albas spi-  
 ritum sanctū intelligit. Et omnes angeli in circuitu eius stabāt throni.) Angelos ecclesiam  
 dicit, quia præter ipsam nihil aliud describebat. Et respondit mihi unus de senioribus, di-  
 cens, Isti qui amicti sunt stolis albis, qui sunt? Unus de senioribus qui respondit, officium  
 indicat sacerdotum, quia ecclesiā, id est, populum in ecclesia docēt, quid sit remuneratio labo-  
 ris sanctorū, dicens, Hi sunt qui uenerūt ex magna tribulatione, quia lauerunt stolas suas  
 in sanguine agni.) Nō enim ut aliqui putant, martyres soli sunt, sed omnis populus in eccle-  
 sia, quia nō in sanguine suo dixit lauisse stolas suas, sed in sanguine agni, id est, in gratia dei  
 per Iesum Christum dominum nostrum: sicut scriptum est, Et sanguis filij eius mundauit  
 nos. Et qui sedet in throno habitat super eos.) Ipsi enim thronus sunt super quos habi-  
 rat deus

Nonnulli hoc uerbum accipiunt ad hoc in Gen. 22  
 non fuit anima occisa, sed malis uidebat  
 Gen. 22 in lamentationibus cap. 22. can. 22.

Apo. 2

Matth. 19

1. Ioh. 1

tat deus in secula, id est in ecclesia. Neq; cedit super eos sol neq; aestus.) Sicut dicit Esaias  
 Esai. 25 de ecclesia, Erit in umbra ab aestu, & deducet ad uitae fontes aquarum. Omnia haec etiam in  
 praesenti uita spiritualiter ecclesiae eueniunt, cum dimissis peccatis resurgemus, & uitae prioris  
 lugubre ueteris hominis expoliati, in baptismo Christum induimur, & gaudio sanctispiri-  
 tus implemur. Cum aperuisset sigillum septimum, factum est silentium in caelo, id est in ecclesia  
 Media hora.) In semihora ostendit initium quietis aeternae. Et uidi septem angelos qui stant  
 in conspectu dei.) Septem angelos ecclesiam dixit, Qui acceperunt septem tubas, id est perfectam  
 Esai. 58 praedicationem: sicut scriptum est, Exalta sicut tuba uocem tuam. Et alius angelus uenit & stetit  
 ante altare.) Alium angelum quem dicit, non post illos septem uenit, quia ipse est dominus Iesus  
 Christus: Habens thuribulum aureum, quod est corpus sanctum. Ipse enim dominus factus est thu-  
 ribulum, ex quo deus odorem suauitatis accepit, & propitius factus est mundo, quia obtulit  
 seipsum in odorem suauitatis. Et accepit angelus thuribulum, & impleuit illud ex igne altaris.)  
 Accepit Iesus corpus, id est ecclesiam, & perficiendo patris uoluntatem, impleuit illam igne spiri-  
 tus sancti. Et factae sunt uoces & tonitrua & fulgura & terrae motus.) Omnia haec spiritualis  
 sunt ecclesiae praedicationes & uirtutes. Et septem angeli qui habebant septem tubas, prepara-  
 uerunt se ut tuba canerent, id est ecclesia preparauit se ad praedicandum. Et primus tuba  
 cecinit, & facta est grando & ignis mixtus sanguine.) Facta est ira dei quae haberet in se mul-  
 torum necem. Et missa est in terram, & tertia pars terrae combusta est, & tertia pars arborum, &  
 Esai. 40 omne fenum uiride combustum est.) Quod est terra, hoc & arbores, hoc fenum, id est homines.  
 Fenum autem uiride, carnem intellige sanguineam & luxuriosam: secundum illud, Omnis caro  
 fenum. Et secundus tuba cecinit, & uelut mons magnus ardens missus est in mare.) Ardens  
 mons diabolus est. Et quod tertia pars terrae uel arborum, hoc tertia pars maris. Et arbores  
 humanas animas dixit, ut ostenderet in carne uiuos, sed spiritualiter mortuos. Et etiam tertiam  
 partem animae corruerunt doctrina sua haeretici, & eos qui illis acquieuerunt. Et tertius an-  
 gelus tuba cecinit, & cecidit de caelo stella magna ardens uelut facula.) De ecclesia dicit ceci-  
 disse homines superbos & impios. Magnam uero stellam dixit, quia personae malorum, &  
 potestatem uel diuitias habentium. Et nomen huius stellae dixit absinthium.) Tertia pars  
 hominum facta est similis stellae quae super illam cecidit. Et multi hominum mortui sunt  
 ab aquis, quoniam amaricauerunt aquae.) Homines mortui sunt ab aquis, hoc in his qui re-  
 baptizantur manifeste intelligi potest. Et quartus tuba cecinit, & percussa est tertia pars so-  
 lis, & tertia pars lunae & stellarum.) Sol & luna ecclesia est, cuius tertia pars percussa est. In  
 tertia parte intelliguntur omnes mali. Percussa est autem, id est, suis malis tradita & uolupta-  
 tibus, ut redundantibus & inolefcentibus peccatis, suo tempore reuelaretur. Et uidi & au-  
 diui uocem unius aquilae uolantis in medio caeli, & dicentem, Vae uae uae habitantibus in  
 terra.) Aquila ecclesiam intelligit uolantem in medio caeli, id est, in medio sui discurrentem,  
 & plagas nouissimi temporis magna uoce praedicantem. Quando enim sacerdotes diem iu-  
 dicij annunciant, aquila in medio caeli uolat. Sicut ergo supradictum est, alium angelum  
 dixit ascendisse ab ortu solis, id est, a passione uel resurrectione domini. Quod autem dicit,  
 Ne laesis terram neq; mare.) Hoc quotidie praedicando malis hominibus clamat. Quod  
 dicit, Vinum & oleum ne laesis.) In uino & oleo omnes qui sunt iusti in ecclesia intelligun-  
 tur, quos nemo laedere poterit nisi ad probationem illorum permiserit deus. Quod autem ait,  
 Centum & quadraginta quatuor milia signatos.) tota ecclesia significata est. Quod autem di-  
 xit, Amictos esse stolis albis.) In stolis donum spiritus sancti intelligitur. Angelos stantes  
 circa thronum.) ecclesiam dixit, quia praeter illam nihil aliud scribebat. Qui sunt isti, ait senior, &  
 unde uenerunt.) Officium istud indicat sacerdotum, qui populum in ecclesia docet. Quod  
 dixerunt, Lauerunt stolas.) de tota ecclesia dixit, non de martyribus tantum, denique non  
 dicit in sanguine suo, sed agni, quod utique per baptismi sacramentum impletur. Et qui se-  
 det super thronum habitat super illos.) Ipsi enim thronus sunt super quos sedet deus. Neq;  
 cadet super illos sol, neq; ullus aestus, & deducet eos ad uitae fontes aquarum.) Omnia haec  
 etiam



A etiam in presenti seculo, & in his diebus spiritualiter ecclesie eueniunt, dum ita per gratiam dei defenditur, ut persecutionibus mundi huius exerceatur potius quam vincatur: quod dicit, In semi hora silentium factum in celo: in ecclesia dicit, & significat initium quietis aeternae. Et septem angelis, tubis canentibus: In angelis ecclesia, in tubis praedicatio ecclesiae intelligitur. Alium angelum quem supra dixit stetit ante altare: Christus dominus est, habens thuribulum aureum, corpus scilicet sanctum, per quod deus pater passionis incensum, odorem suauitatis accepit. Quod autem dicit, Factae sunt uoces, fulgura & tonitrua: praedicationes sunt ecclesiae spirituales. Septem angeli qui se preparauerunt ut canerent: ecclesia est, in qua per totum mundum contra omnia peccata uel crimina fit praedicatio spiritualis. Quod autem Canente primo angelo tertia pars terrae combusta est: significat homines superbos & uoluptatibus deditos, quos deus iusto iudicio permittit incendio luxuriae uel cupiditatibus exuri. Quod autem Canente secundo angelo, mons ardens cecidit in mare: mons ille diabolus, mare mundus iste intelligitur. Tertia pars maris: sicut supra dictum est, homines iniqui & impij. Quod autem Tertio angelo canente, stella magna cecidit de celo: Homines mali intelliguntur, qui malis moribus & iniquis actibus de ecclesia tanquam de celo cadunt: quod dicit, Multi hominum mortui sunt ab aquis, quoniam amaricauerunt aquae: Hoc in his qui rebaptizantur intelligi potest. Quod autem Canente quarto angelo, solis & lunae & stellarum tertia pars percussa est: in his ecclesia intelligitur, in qua quotidie qui mali uel ficti sunt, persuadente diabolo peccatorum uulneribus percutiuntur in anima. Quod autem dicit, Aquilam uolantem in medio caeli & clamantem, uae uae uae: ecclesiam intelligi uoluit uolantem in medio caeli, id est, in medio sui, & per assiduitatem praedicationis plagas nouissimi temporis annunciantem. Quando enim sacerdotes in ecclesia dei diem iudicii annunciant, aquila in medio caeli uolat. Concedat diuina pietas, ut dum & sacerdotes student iugiter praedicare, & populi ea quae praedicantur fideliter adimplere, simul mereantur ad aeterna peruenire, praestante domino Iesu Christo, Qui uiuit &c.

## Homilia VII.



MODO fratres charissimi, cum Apocalypsis legeretur audiuius, quia Quinto angelo tuba canente, stellae de celo ceciderunt super terram. Vna stella est corpus multorum cadentium per peccata. Et data est ei clavis putei abyssi. Stella abyssi, puteus homines sunt: ergo stella cecidit de celo, id est, populus peccator de ecclesia. Et accepit clauem putei abyssi, id est potestatem cordis sui, ut aperiat cor suum in quo diabolus delegatus non compescatur, ut faciat uoluntatem suam. Et aperuit puteum abyssi, id est, manifestauit cor suum sine ullo timore uel pudore peccandi. Et ascendit fumus de puteo: id est, de populo ascendit, quod cooperit & obscurat ecclesiam: ita ut dicatur, Et obscuratus est sol, & aer de fumo putei. Obscuratum dixit solem, non occidit se. Peccata enim malorum & superbiorum hominum quae passim committuntur per orbem, obscurant solem, id est ecclesiam, & sanctis ac iustis interdum faciunt obscuritatem, quia tantus est malorum numerus, ut aliquotiens uix inter eos appareant iusti. Sicut, inquit, fumus fornacis magnae. Et ex fumo putei exierunt locustae in terram, & data est eis potestas, sicut habent potestatem scorpionum, id est, ueneno laedere. Et praeceptum est illis ne laederent fructum terrae, neque omnem arborem, neque homines: & datum est eis ne occiderent eos. Et quia duae partes sunt in ecclesia, bonorum scilicet & malorum: una pars sic percutitur ut corrigatur, alia uoluptatibus suis relinquitur. Pars bonorum humiliata traditur ad cognitionem iustitiae dei, & commemorationem poenitentiae: sicut scriptum est, Bonum mihi quia humiliasti me, ut cognoscam iustificationes tuas. Datu est illis ne occiderent, sed ut cruciarent, & cruciatus eorum sicut cruciatus scorpionum cum percutit hominem. Hoc tunc fit quando diabolus per uitia uel per peccata, uenena propinat. Et quaerent homines mortem. Mortem uero requiem dixit. Quaerent utique mortem, sed malis, id est tribulationibus, ut ipsi requiescant dum mala moriuntur. Super capita, inquit, eorum tanquam coronae similes auro. Ecclesia superius descripta in uiginti quatuor senio,

Psal. 118

senioribus qui habent coronas aureas, isti autem similes auro, hæreses sunt quæ imitantur ecclesiam. Et habebant capillos sicut capillos mulierum.) In capillis mulierum non solum sexum effœminatum, sed utrunq; sexum uoluit intelligere & ostendere. Et habebant caudas similes scorpîs, & aculei in caudis eorum.) Caudas, hæreticorum præpositos dicit, sicut scriptum est, Propheta docens mendacium, hic est cauda. Qui sunt pseudoprophetæ, & hi crudelia regū iussa implent. Habentes super se regem angelum abyssi.) Id est diabolus uel regē seculi. Abyssi populus est, Cui nomen Hebraice abaddon, Græce apollion, Latine perdens, Væ unum abiit, & ecce duo uæ uenient. Post hæc sextus angelus tuba cecinit.) Hinc incipit nouissima prædicatio. Et audiui unum ex quatuor angulis altaris aurei quod est in conspectu dei, dicente sexto angelo qui habebat tubam, Solue quatuor angelos qui alligati sunt in flumine magno Euphrate.) Altare quod est in conspectu dei ecclesiam uult intelligi, quæ in tempore nouissimæ persecutionis audeat uerba crudelissimi regis aut iussa cōtemnere, & ab obtemperatibus discedere. Solue quatuor angelos in flumine Euphrate.) Flumen Euphraten peccatorē populū dixit, in quo satanas & propria uoluntas ligata est. Euphrates autē fluuius est Babylonis, sicut Hieremias in medio Babylonis submittit librū in Euphraten. Et soluti sunt quatuor angeli, id est, inchoata est persecutio: Parati in horam & diem & mensem & annū, ut occiderent tertiam partē hominum.) Hæc sunt quatuor tempora triennij, & pars temporis. Et numerus, inquit, exercituum bestiarum, myriades myriadum, audire numerum eorum;) sed non dixit quid myriadum, ut occiderent tertiam partem hominum, hoc est superbiorum, pars tertia, de qua descendit ecclesia. Et uidisti in uisione equos, & qui sedebant super eos habebant loricas igneas & hiacynthinas ac sulphureas.) Equos homines dicit, sessores spiritus nequā armatos igne & sulphure. Et capita eorum erant sicut leonum,) ad sæuiendum in persecutione. Ex ore eorum exiuit fumus, ignis & sulphur;) id est, blasphemiarum de ore eorum contra deum egrediuntur. Caudæ eorum similes serpētibus.) Caudas, præpositos dixit: capita, principes mundi. Et in his nocet,) diabolus, & sine his nocere non potest. Aut enim sacrilegi reges male iubendo, aut sacrilegi sacerdotes male docendo nocent. Et uidi, inquit, alium angelum fortem descendentem de cœlo, amictū nube, & iris,) id est arcus. In capite eius, & facies eius erat ut sol.) Amictus nube dominus intelligitur, amictus ecclesia. Legimus enim sanctos nubes, sicut Esaias dicit, Qui sunt hi qui ut nubes uolāt? Indutum itaq; nube spiritali & sancto corpore Christum intellige. Et iris super caput eius,) id est, uel iudicium quod fit & quod futurū est, uel promissio perseverans. Ecclesiā enim describit in domino, dicens, Et facies eius sicut sol,) id est, de resurrectione, sicut sol apparuit quando, à mortuis resurrexit. Et pedes eius sicut columnæ ignis.) Pedes, apostolos dicit, per quos in uniuerso mundo doctrina eius discurrit. Aut certe quia pes nouissima pars corporis est, ecclesiam dicit post ignem nouissimæ persecutionis futuram sanctorum claritatem. Et posuit pedem suum dextrum super mare, sinistrum autem super terram.) Id est, ad prædicandum trans mare, & in uniuerso orbe terrarum. Et clamauit uoce magna, quemadmodū leo rugit;) id est, fortiter prædicauit. Et cum clamasset, locuta sunt septem tonitrua uoces suas,) quæ sunt & septem tubæ. Et audiui uocem de cœlo dicentem, Signa quæ locuta sunt septem tonitrua, noli ea scribere,) propter obtrundendos, ut non passim omnibus impijs pateant uerba dei. Alio deniq; loco propter seruos suos, Ne signaueris, inquit, uerba prophetiæ huius: & ostendit quibus signari iusserat, & quibus nō, Qui perseverauerit, inquit, nocere, noceat: & qui in sordibus est, sordescat adhuc, hoc est, propterea in similitudinibus loquor illis, ut qui iustus est, iustiora faciat: & qui sanctus est, sanctiora, hoc est, uestri fideles oculi, quoniam uident, & aures quoniam audient. Istis non sunt signata uerba libri, malis autē signata sunt. Et iurauit angelus ille, quoniam tempus iam non erit;) sed in diebus septimi angeli, cum cœperit tuba canere. Septima tuba finis est persecutionis & aduentus domini, propterea dixit Apostolus, in nouissima tuba fieri resurrectionem. Quod autē sicut supra dictum est, Quinto angelo tuba canente, iterum

Esaiæ 60

Apo. 22

1. Cor. 15



**A**rum stellam dixit cecidisse de cœlo:) Etiam & hæc stella corpus est multarum stellarum de cœlo, id est, de ecclesia cadentium, & significat superbū populum & impium. Quòd autem Data est ei clauis abyssi,) dimissus est ei in potestate cordis sui, ut aperiat cor suū diabolo, & absq; ulla reuerentia exerceat omne malum. Quòd autem Ascendit fumus de puteo,) id est, de populo malo: & obscurauit solem & lunam:) Obscuratum solem dixit, non occidisse, hoc ideo, quia peccata malorum & superbiorum hominum obscurare uidetur solem, dum sanctis & iustis interdum per multas tribulationes faciunt obscuritatem, sed lumen eorum extinguere nō possunt, quia illis ad malum cōsentire non acquiescunt. Quòd autem dixit, Ex fumo putei exire locustas, & accepisse potestatem lædendi, & datum est eis ne occiderent eos:) hoc ideo, quia duæ partes sunt in ecclesia, bonorum scilicet & malorum. Vna pars sic percutitur ut corrigatur, alia uoluptatibus suis relinquitur. Quòd autem dicit, Cruciatu eorum sicut cruciatu scorpj cum percutit hominem,) Hoc tunc fiet, quādo diabolus luxuriosis hominibus per uitia & peccata in modum scorpj propinat. Et super capita eorum tanquam coronæ similes auro.) Vigintiquatuor seniores, in quibus ecclesia descripta est, coronas habebāt aureas. Isti autē similes auro, hæreses scilicet quæ imitantur ecclesiam. Quòd autem Capillos habebant mulierum:) in capillis non solum sexum effemina- tum, sed etiam utrunq; sexum ostendit. In caudis earum) quæ erant tanquam scorpius, duces uel principes hæreticorum intelliguntur, sicut scriptū est, Propheta docens mendacium, *Esa. 9* hic est cauda. Habebant super se regem abyssi,) id est diabolum. In abyssu populus malus intelligitur, cui diabolus dominatur. Altare,) quod dixit esse in cōspectu dei, ecclesiam uult intelligi, quæ uelut aurum purgatum tempore nouissimæ persecutionis audet crudelissimi regis iussa contemnere, & ab obtemperantibus discedere. Quòd autē dicit, Quatuor angelos ligatos in flumine Euphrate,) populum peccatorem significat, in quo satanas & propria uoluntas ligata est. Euphrates autem est fluuius Babylonis, quæ interpretatur confusio, unde ad ipsum fluuiū pertinent quicunq; res confusione dignas exerceant. Quòd dicit se uidisse equos, & qui sedebant super ipsos, habebant loricas igneas & hiacynthinas & sulphureas:) Equos superbos homines dicit, sessorem eorum diabolum & angelos eius. Quòd autem dicit, Capita eorum ut leonum,) propter uiolentiam & persecutionem illorum hominum dictum est. Et ex ore eorum exiit ignis, fumus & sulphur:) id est blasphemiarum de eorum ore egrediuntur. In caudis quæ erant similes serpentibus,) sicut iam supra dictum est, principes sunt aut præpositi hæreticorum, per quos lædere consuevit diabolus. Aut enim sacrilegi reges male iubēdo, aut sacrilegi sacerdotes male docendo nocent. Angelum quem dixit amictum nube,) dominus & saluator noster est, amictus nube, id est, ecclesia: quia de sanctis scriptum est, Qui sunt isti qui ut nubes uolant? Quòd autem dixit, *Esa. 66* Facies eius ut sol,) propter resurrectionem domini dixit. Sicut sol enim apparuit, quando à mortuis resurrexit. In pedibus eius qui erāt sicut columna ignis,) apostoli figurati sunt, per quos in uniuerso mundo doctrina eius discurrit. Quòd autem Posuit pedem suum dextrum super mare:) hoc significauit, q̄ prædicatio eius usq; trans mare in uniuerso mundo itura erat. Quòd autem Velut leo rugiendo clamauit:) hoc ideo, quia ex potestate fortiter prædicauit. Quòd autem dixit, Signa quæ locuta sunt septem tonitrua:) propter obtundendos dictum est, de quibus in euangelio, Nolite sanctum dare canibus, id est, *Matth. 7* ut non passim omnibus pareat uerbum dei. Et ostendit, quibus signare iusserat, & qui *Apoc. 22* Ne signaueris, inquit, uerba prophetiæ huius. Et ostendit, quibus signare iusserat, & qui bus non. Qui perseuerauerit, inquit, nocere noceat: & qui in sordibus est, sordescat adhuc. Ecce quibus signatum est uerbum dei. Propterea in similitudinibus loquitur illis, ut qui iustus est, iustiora faciat, similiter & sanctus sanctiora. Ecce quibus non est signatum. Quam rem oremus, ut etiam implere dominus per suam pietatem dignetur, Qui cum patre & spiritu sancto uiuit & regnat, Amen.



o x de cœlo,) imperium est dei, qui ecclesiæ cor tangit, & iubet percipere eā quæ  
 ecclesiæ aperto libro futuram pacem prædicauit. Et abiit ad angelum, ut daret  
 mihi librum.) Hoc ex persona Ioannis ecclesia dicit, desiderans perdoceri. Et  
 tunc dixit mihi, Accipe & comede illum,) id est, tuis uisceribus pāde, & describe  
 in altitudine cordis: Et faciet amaricari uētre tuum, sed in ore tuo erit tanq̃ mel dulce:)  
 id est, cum perceperis, oblectaberis eloquiū diuini dulcedine, sed amaritudinem senties cum  
 prædicare & operari cœperis quod intellexeris: sicut scriptum est, Propter uerba labiorum  
 tuorum custodiui uias duras: & aliter, Erit, inquit, in ore tuo dulce ut mel, & in uentre ama-  
 ritud:) in ore intelliguntur boni & spiritales Christiani, in uentre carnales & luxuriosi.  
 Inde est q̃ cum uerbum dei prædicatur, tunc spiritualibus dulce est: carnalibus uero quorum  
 secundū Apostolum deus uenter est, amarū uidetur & asperum. Et data est mihi arundo  
 uirgæ similis, dicens, Surge & metire templū dei & altare, & adorātes in eo.) Sed quia non  
 omnes quidētur adorāt: ideo dixit, Atriū quod est foris templū, eijce foras & ne metieris  
 illud.) Ipsi atriū sunt qui uidētur in ecclesia esse & foris sunt, siue hæretici, siue male uiuentes  
 catholici: Quoniā datum est gentibus, & ciuitatē sanctā calcabunt mensibus duodecim.)  
 Qui excludūtur, & quibus dabitur, utriq; calcabūt eam. Et dabo duobus testibus meis:)  
 id est, duobus testamētis. Et prophetabūt diebus mille ducētis sexaginta.) Duobus testi-  
 bus meis, id est Christianis prædicēt, dies mille ducētos sexaginta nouissimæ persecutionis  
 dixit, sed futuræ pacis & totius temporis à dñi passione, quoniā utrunq; tempus totidē dies  
 habet, quod suo in loco dicitur. Saccis,) id est, cilicis amicti,) quod in ἱερομολόγησις, id est,  
 ex cōfessione sint cōstituti, quia ex sensu humilitatis dixit saccis amiectos: deinde ostēdit qui  
 sunt hi duo testes, dicēs, Hi sunt duæ oliuæ & duo cādelabra in cōspectu terræ dei stātes.)  
 Hi sunt qui stant, nō qui stabunt. Duo cādelabra ecclesia est, sed pro numero testamentorū  
 duo: sicut quatuor angelos dixit ecclesiam, cū sint septē pro numero angelorum terræ. Ita &  
 septē candelabra, si unū uel amplius pro locis nominet, tota ecclesia est: nā Zacharias unum  
 candelabrū uidit septiforme, & has duas oliuas, id est testamēta infundere oleū cādelabro,  
 hoc est ecclesia, sicut sunt ibidē septē oculi, septiformis gratia spiritus sancti qui sunt in eccle-  
 sia inspicientes totā terrā. Et si qs eos uult lædere uel occidere, ignis exiet ex ore eorū, & de-  
 uorabit inimicos eorū,) id est, si quis ecclesiā uel lædit uel lædere uoluerit, precibus oris eius  
 diuino igne aut in præsentī ad correctionē, aut in futuro seculo ad damnationē consumet.  
 Hi habēt potestātē claudere cœlū nubibus, ne pluat in diebus prophetiæ eorū.) Habent  
 ait, nō habebunt. Hoc ideo dicit, quia tēpus quod nūc agitur significauit. Sed & spiritualiter  
 cœlū clauditur, ne imbrē pluat, id est, ne occulto, sed tñ iusto iudicio dei super sterilem terrā de  
 ecclesia benedictio descēdat. Et cū finierint testimoniū suū, bestia quæ ascendet de abyssō  
 faciet cū eis præliū.) Aperte hæc omnia ostēdit ante nouissimā persecutionē fieri, cū dicit, cū  
 finierint testimoniū suū: utiq; illud quod præbent usq; ad reuelationē Christi. Et uicit eos  
 & occidit.) Vincit in eis q̃ succubuerint: occiditur in eis q̃ cōfessi deū fuerint. Et corpus eorū  
 proijcitur in plateis ciuitatis magnæ.) Duorū dicit unū corpus, aliqñ corpora, & ut numerū  
 testamentorū seruaret, & ecclesiæ unū corpus ostēderet, quomō est illud, Proiecisti sermones  
 meos retro. In plateis ciuitatis magnæ, id est in medio ecclesiæ. Et uident de populis tribus  
 & linguæ corpus eorū, per dies tres & dimidiū,) id est, annos tres & mēses sex. Miscet enim  
 tempus nūc præsens, nunc futurū, sicut & dñs dicit, Veniet hora, ut omnis populus qui occi-  
 derit uos arbitretur obsequiū se præstare deo, & nūc est & ueniet. Et corpora eorū nō sinet  
 poni in monumēto,) Votū eorū & impugnationē, nō quo ualeāt facere ne sit ecclesia in me-  
 moria, sicut & illud, Nec uos intratis, nec alios finitis intrare, cū multi introierūt etiā illis im-  
 pugnatibus. Sic ergo nō sinūt poni in monumētum. Et habitātes in terra gaudēt sup̃ eos,  
 & epulantur, & munera inuicē mittūt inter eos.) Hoc semp̃ factū est, & nūc inuicē mittūt, &  
 nouissime gaudebūt & epulabūtur. Quotiēs em̃ iusti affligūtur, exultāt iniusti & epulātur.  
 Quoniam



**A** Quoniam hi duo prophetae cruciauerunt eos.) Per plagas qua pro contemptu testamentorum dei humanum genus affligunt. Denique etiam ipse uisus iustorum grauat iniustos, sicut ipsi dicunt. Grauis est nobis etiam ad uidendum. Gaudebunt autem ubicunque ueluti iam nihil habuerunt quod impatienter ferant, disturbatis & occisis iustis, & eorum hereditate possessa. Et post dies tres & dimidium spiritus uitae à deo intrauit in illos.) Iam dictum est de diebus hucusque futuris, angelus narrauit, & inducit factum quod futurum audit. Et steterunt super pedes suos, & timor magnus super illos cecidit, & audiui uocem magnam de caelo dicentem, Ascendite huc, Et ascenderunt in caelum in nube.) Hoc est quod Apostolus dixit, *Ra* *1. Thes. 4.*  
*piemur in nubibus obuiam Christo.* Ante aduentum autem domini nulli hoc posse contingere scriptum est, Initium Christus, deinde hi qui sunt Christi in aduentu eius. Vnde exclus *1. Cor. 15*  
 ditur omnis suspicio quorundam, qui putant hos duos testes duos uiros esse, & ante aduentum Christi caelum in nubibus ascendisse. Quomodo autem potuerunt habitantes terram de duorum nece gaudere, cum in una ciuitate morerentur, & munera inuicem mittere, si tres dies sunt quo antequam gaudeant de nece contristabuntur: de resurrectione autem quales epulae aut uoluptas esse potest in plateis epulantium cadauera humana epulis, morbum tri duanum foetorem reddentium: unde nos dominus liberare dignetur, Amen.

## Homilia IX.

**Q**UOD audiuiimus fratres in lectione quae recitata est, quia In illa hora factus est terrae motus magnus.) In illo terrae motu persecutio intelligitur, quam diabolus per malos homines exercere consuevit. Et decima, inquit, pars ciuitatis cecidit, & occisa sunt in terra nomina uiro- *7*  
 rum septem milium.) Et denarius & sexagenarius perfectus est numerus. Quod si non esset, à parte totum intelligendum erat. Duo sunt enim aedificia in ecclesia, unum supra petram, aliud supra arenam. Quod supra arenam est, dicitur cecidisse. Et caeteri timuerunt, & dederunt claritatem deo.) Qui supra petram aedificati sunt, cum illis qui super arenam erant cadere non potuerunt. Ideo autem dixit, timuerunt, quia uidens iustus peccatoris interitum, plus accenditur in obseruatione praeceptorum, *Psalm. 52*  
 sicut dicitur, Et lauabit manus in sanguine peccatoris. Et apertum est, inquit, templum dei in caelo.) Id est, in ecclesia incarnationis Christi mysteria patefacta sunt: unde ostenditur ecclesia caelum esse. Et uisa est arca testamenti eius in templo eius.) Id est, intellectum ecclesiam esse arcam testamenti. Et facta sunt fulgura & tonitrua & terrae motus.) Haec omnia, uirtutes praedicationis & coruscationis & bellorum ecclesiae. Et signum magnum est in caelo uisum, mulier amicta sole, & luna sub pedibus eius.) Ecclesiam dicit partem suam, id est, homines fidos & malos Christianos sub pedibus habere. Et in capite eius corona stellarum duodecim.) Ista duodecim stellae duodecim apostoli intelligi possunt. Sole autem amicta spem resurrectionis signat, propter illud quod scriptum est, Tunc iusti fulgebunt sicut *Matth. 13*  
 sol in regno patris eorum. Draco magnus rufus, diabolus quaerens ecclesiae natum deuorare, habens, inquit, cornua decem & capita septem.) Capita reges sunt, cornua uero regnare, In septem enim capitibus omnes reges, in decem cornibus omnia regna mundi dicit. Et cauda eius trahebat tertiam partem stellarum caeli, & misit eas in terram.) Cauda, prophetae iniqui sunt, id est, haeretici, qui stellas caeli per iteratum baptismum adhaerentes sibi deiiciunt in terram. Ipsi sunt sub pedibus mulieris. Multi, homines illos esse aestimant, quos sibi consentientes diabolus fecit sodales: multi, angelos qui cum illo quando cecidit praecipitati sunt. Parturiens cruciatur ut pariat.) Per omne tempus quotidie parit ecclesia in prosperis & in aduersis. Et draco stetit ante mulierem quae erat paritura, ut cum peperisset filium eius deuoraret.) Semper enim in cruciatibus parit ecclesia Christum per membra, semper & draco quaerit deuorare nascentem. Et genuit mulier filium masculum.) Id est Christum. Deinde corpus eius, id est, ecclesia, semper generat Christi membra. Masculum autem dixit uictorem aduersus diabolum. Et mulier fugit in eremum.) Mundum istum non incongrue eremum accipimus, ubi usque in finem Christus ecclesiam gubernat & pascit, in qua ipsa ecclesia

desia superbos & impios homines tanq̃ scorpiones & uiperas, & omnē uirtutē satanæ per Christi adiutoriū calcat & cōterit. Et factū est bellū in cœlo, id est in ecclesia. Michaël & angeli eius pugnabāt cū dracōe. Michaël Christū intellige, & angelos eius, sanctos homines. Et draco pugnavit & angeli eius. Id est diabolus & homines uoluntati eius obtēperantes: nam absit ut credamus diabolū & angelos eius in cœlo ausos esse pugnare, qui in terra unū Iob ausus non est tentare, nisi cū à domino postularēt ut laderet. Et nō ualuerūt, neq; locus eorū inuentus est amplius in cœlo. Non est inuentus locus eorū in hominibus sanctis dixit, qui credentes semel expulsum diabolū eiusq; satellites amplius nō recipiunt, sicut Zacharias dixit, ut semel exterminati idola amplius non recipiant loca. Et expulsus est draco magnus, anguis antiquus qui dicitur diabolus satanas, & angeli eius cum eo. Diabolus & spiritus immūdi omnes cum suo principe de sanctorū cordibus expulsi sunt in terrā, id est, in homines qui terrena sapiunt, & totā spem suā in terrā constituunt. Et audiui uocem magnā de cœlo dicentē, Modo facta est salus & uirtus & regnū dei nostri. id est ecclesiæ: ostendit in quo cœlo ista fiant. Apud dominum semper fuit & est uirtus & regnū & potestas filij eius. Sed in ecclesia dixit per uictoriā factā Christi salutē: quā uidentes illi de quibus dominus dixit, Multi iusti & prophetae cupierunt uidere quæ uidetis, dixerunt, Modo facta est salus domini nostri. Quoniā exclusus est accusator fratrum nostrorum, &c. Si autē, ut quidā putant, angelorū uox est in cœlo superiore, & nō sanctorū in ecclesia, non dicerent accusator fratrum nostrorum, sed accusator noster, nec accusat sed accusabat. Quod si iustos in terra positos appellauerunt angeli fratres suos, non erat gaudiū missum esse diabolū in terra, quē molestiorē possunt experiri sancti secū in terris positum, quā si, ut dicitur, adhuc esset in cœlo: sic enim terrā maledicunt dicentes, Væ tibi terra & mare. Id est qui cœlum non estis. Quia descendit ad uos diabolus, habens irā magnā, sciens quia breue tempus habet. Descendit, inquā, ut allegoriā seruet. Ceterū omnes in cœlo sunt, id est in ecclesia, quæ iuste cœlū dicitur, unde deiectus à sanctis diabolus descendit in suos, qui pro amore terreno in terra sunt. Deinde autē de cœlo non sic dixi, quod in hominibus fieret iā cœlū factū, sed quod sint, nō quod fierent: non enim possunt sancti cœlū factū fieri, nisi diabolo excluso. Non ergo primo nomine, sed secūdo appellauit eos cœlū. In quibus ultra diaboli locus inuentus nō est. De quo periculo nos dominus sub sua protectione liberare dignetur, Qui uiuit &c.

## Homilia X.

**M**ODO fratres charissimi audiuius, quia cum uidisset draco quod de sanctis exclusus esset in terrā, id est, de cœlo in peccatores, persecutus est mulierem quæ peperit masculū. Quāto enim diabolus de sanctis eicitur, tanto magis eos persequitur. Et datae sunt mulieri, id est ecclesiæ, Duæ alæ aquilæ magnæ ut uolaret in desertum locū, ubi alitur per tempus & tempora & dimidiū temporis à facie serpentis. Tempus & annus intelligitur, & centum anni. Duæ alæ magnæ, duo sunt testamenta ecclesiæ quæ accipit quibus serpentem euaderet in eremū. In locum suum dixit, id est in hoc mundo serpentes & scorpiones habitant, quia illi dictum est, sicut dominus dicit, Ecce ego mitto uos sicut oues in medio luporū: & Ezechieli dicitur, Fili hominis inter scorpiones habitas. Et misit serpens ex ore suo post mulierem aquā, id est uiolentiam persecutorum. Et adiuuit terra mulierē, & aperuit os suum & absorbuit flumen. Flumen terrā sanctam dicit, id est sanctos. Quoties enim persecutiones ecclesiæ irrogantur, sanctæ terræ precibus, id est, omnium sanctorum orationibus aut amouentur, aut tēperantur: nam dominus noster Iesus Christus qui interpellat pro nobis has persecutiones remouet, cum ipsa terra sedet à dextris uirtutis dei. Item aliter, mulierem uolasse in desertū, ipsam ecclesiam intelligit, in qua in nouissimo tēpore super Helia creditura est synagoga. Alæ duæ aquilæ magnæ, uult intelligi prophetas, scilicet Heliā, & qui cū eo uenturus est: aqua emissa de ore draconis, exercitū persequentium eam significat: absorpta aqua, de persecutoribus facta uindicta. Et iratus est draco in mulierē, & abiit bellū facere cū reliquis de semine eius. Et cū uidisset non posse continuari



A continuari persecutiones quas per paganos solebat immittere, eo quod de ore eius sancta  
 terræ, id est orationibus sanctis remouerentur, hæreses cōcitauit. Et stetit super arenā ma-  
 ris. Id est, super multitudinē hæreticorū. Et uidi ascēdentē bestiā de mari, id est, de popu-  
 lo malo. Ascendentē dixit, hoc est nascentē, sicut flos in bonā partē de radice Iesse ascendit.  
 Bestiā ascendentē de mari, impios dicit qui sunt corpus diaboli. Et bestia quā uidi similis  
 erat pardo, & pedes eius sicut ursi, & os eius sicut leonis. Pardo propter uarietate gentium si-  
 milauit: urso propter malitiā & uasaniā, leoni propter uirtutē corporis, & linguæ superbiā.  
 Et quia tēporibus antichristi cū uarietate gētiū & populorū regnū illius erit cōmixtū, pedes  
 tanq̃ ursi duces eius, os eius uisio eius. Et dedit ei draco uirtutē suā. Sicut uidemus modo  
 hæreticos esse in hoc seculo potentes qui habēt uirtutē diaboli, sicut quondā pagani, ita nūc  
 illi uastant ecclesiā. Et uidi unū ex capitibus eius quasi occisum. Hæretici sunt qui simulant  
 se confiteri Christū, & dū nō sic credunt ut fides catholica habet, blasphemant cū eū & occi-  
 sum prædicent resurrexisse, quia ipse satanas trāsfiguratur se in angelū lucis. Et aliter occidun-  
 tur hæreses per catholicos, cum in scripturarū testimonijs opprimuntur, sed illi nihilominus  
 quasi satanæ plaga rediuiui peragūt opera satanæ, & nō cessant blasphemare, & ad dogma  
 suū quos possunt attrahere. Et mirata est omnis terra secuta bestiā, & adorauerunt draco-  
 nem qui dedit potestatem bestiæ, utiq̃ habent potestatem hæretici, sed præcipue Ariani. Et  
 adorauerunt bestiā dicentes, Quis similis bestiæ, aut quis poterit pugnare cū ea? Hoc ideo  
 quia sibi blādiuntur hæretici, quod nullus melius credat illis, & quod nullus uincat populū  
 ipsoꝝ qui bestiæ nomine censentur, cui datū est ab ipso diabolo, & à deo permissum est ut  
 loquatur magna & blasphemias, sicut dicit Apostolus, Oportet hæreses esse, ut qui proba- 1. Cor. 11  
 ti sunt, manifesti sint in uobis. Et data est potestas facere menses quadragintaduos. Tem-  
 pus nouissimæ persecutionis in istis duobus mensibus intelligitur. Deinde aperuit os suū  
 in blasphemiam ad deū. Hic manifestū est illos significari qui de ecclesia recesserūt catholica,  
 ut qui ante occulte intra ecclesiā quasi fidē rectā tenere uidebātur, in persecutione aperto ore  
 in deum proferant blasphemiam. Et in tabernaculo eius qui in cælo habitant. Id est in san-  
 ctis qui intra ecclesiā cōtinentur, quæ cælū est nuncupata, quia & ipsi tabernaculū dei sunt.  
 Et datū est ei bellū facere cū sanctis & uincere eos. A toto partē intelligimus, quæ uinci po-  
 test: non enim boni Christiani, sed illi qui mali sunt uincuntur. Et data est ei potestas super  
 omnē tribū & linguā, & adorabunt omnes habitantes terrā. Omnes dixit, sed in terra habi-  
 tantes, nō in cælo. Quorū non est scriptū nomē in libro uitæ agni, signati ab origine mun-  
 di. De diabolo dixit uel eius populo, nō est scriptū nomen eius in libro uitæ signati ab ori-  
 gine mūdi, quia in præsciētia dei ante præordinata est atq̃ signata. Quod ipse præstare, &c.

## Homilia XI.

**I**N lectione quæ modo recitata est fratres charissimi, audiuius beatū Ioannē  
 dicentē, Et uidi aliā bestiā ascendentē de terra. Quod est mare, hoc est terra.  
 Et habebat cornua duo similia agni, id est duo testamēta agni, qd' est ecclesia.  
 Et loquebat̃ ut draco. Hæc est illa quæ sub nomine Christiano agnū præfert,  
 ut draconis uenena latēter infundat, hæc est hæretica ecclesia: agni em̃ similitudinē nō imita-  
 retur, si aperte loqueret̃. Nūc Christianitatē fingit quo securius incautos decipiat, propterea Mat. 7  
 dñs dicit, Cauete à pseudopphetis, &c. Et facit terrā & eos qui in ea sunt, ut adorent be-  
 stiā priorē, cuius curata est plaga mortis eius, & faciet signa magna ut ignē faciat descēde-  
 re de cælo in terra. Et quia cælū ecclesia est, quid est ignē de cælo descēdere in terrā, nisi hæ-  
 reses de ecclesia eadē: sicut scriptū est, Ex nobis exierunt, sed non erant ex nobis. Ignis enim 1. Ioan. 2  
 de cælo descendit, quādo hæretici qui de ecclesia uelut ignis recedunt, ipsam ecclesiam perse-  
 quuntur. Bestia ergo cum duobus cornibus facit, ut simulacrū bestiæ, id est, ut populus ado-  
 ret diaboli adinventionem. Ut dent eis notam super manum eorum dextrā, & super fron-  
 tem eorum. Mysterium enim disputat facinoris: sancti enim qui sunt in ecclesia, Christū  
 accipiunt in manu & in fronte: hypocritæ autem bestiam sub Christi nomine. Sed qui nō  
 Q 3 adoraue-

adorauerunt bestiam, nec imaginem eius, nec acceperunt inscriptionem in fronte aut in manu sua, occidantur.) Non abhorret à fide, ut bestia ipsa impia ciuitas intelligatur, id est cōgregatio uel cōspiratio hominū impiorum uel superbiorum, quæ Babylonia dicitur, & interpretatur confusio, & ad ipsam pertinet quicunq; res cōfusione dignas exercere uoluerunt. Ipse est populus infidelium contrarius populo fideli & ciuitati dei. Imago uero eius simulatio est in eis uidelicet hominibus, qui uelut fidem catholicam profitentur, & infideliter uiuunt: fingunt enim se esse quod non sunt, uocanturq; non ueraci effigie, sed fallaci imagine Christi.

2. Tim. 3. ni: de quibus Apostolus dicit, Habentes quidem speciem pietatis: uirtutem autem eius abnegantes, quorum non parua portio in ecclesia catholica continetur. Iusti autem non adorant bestiam, non consentiunt, non subiiciuntur, neq; accipiunt inscriptionem, notam scilicet criminis in fronte propter professionem, in manu propter operationem. Sic ergo faciet, ut nemo possit mercari nisi qui habet nomen aut notam bestiae aut numerū eius. Hic sapientia est, qui habet intellectum, computet numerum bestiae: numerus enim hominis est, id est, filij hominis Christi, cuius nomen in hæreticis sibi fecit bestia. Faciamus ergo numerum quem dixit. Accipiamus in numero, & inueniamus nomen uel notam. Numerus, inquit, eius est sexcenti sexaginta sex.) Quem faciamus secundū Græcos, maxime quia ad Asiam scribit. Et ego, inquit, sum alpha & ω. Sexcenti ergo & sexaginta sex græcis litteris sic fiunt undecim, quæ notæ solutæ numerus est, redactæ autem in monographium & notam faciunt & numerum & nomen, hoc signum Christi intelligitur, & ipsius ostenditur similitudo, quam in ueritate colit ecclesia. Cui se similem facit hæreticorum aduersitas, qui cū Christum spiritualiter persequantur, tamē de signo crucis Christi gloriari uidentur, hoc ideo, quia dictum est, numerus hominis est. Et uidi, & ecce stans in monte Sion, & cum eo centum quadragintaquatuor milia, habentia nomen eius & nomen patris eius scriptum in frontibus eorum.) Aperuit quæ sit imitatio notæ in frontibus, uel dum & dominum & Christum dicit scriptum in frontibus ecclesiae. Et audiui uocem de cœlo sicut aquarum multarum, id est, centum quadragintaquatuor milium, Et sicut tonitruū magni, & uocem quam audiui sicut citharædorum citharizantium in citharis suis.) Quod autem dixit, Hi sunt qui cū mulieribus non sunt coinquinati, &c.) Virgines hoc loco non solum corpore castos intelligamus, sed maxime omnem ecclesiam quæ fidem puram tenet, sicut dicit Apostolus, Desponsaui enim uos uni uiro, uirginem castam exhibere Christo, nulla adulterina hæreticorum commixtione pollutam, nec in male blandis & mortiferis huius mundi uoluptatibus usq; ad exitum uitæ suæ absq; remedio pœnitentiæ infelici perseverantia colligatā. Addit post hoc dicens, Et in ore ipsorum non est inuentum mendacium.) Non dixit nō fuit, sed non est inuentum. Qualem enim inuenit dominus cum hinc uocat, talem iudicat: nam aut per baptismum, aut per pœnitentiā possumus in interiori homine & uirgines effici & sine mendacio: nunc iterum recapitulatio. Et uidi, inquit, alium angelum uolantem in medio cœli, id est prædicationem in medio ecclesiae discurrentem, Habentem euangelium aternum, ut euangelizaret habitantibus in terra dicens, Timete deum, &c.) Volunt aliqui intelligi angelum uolantem in medio cœli Heliam, & alium angelum qui eum sequitur, comitem Heliae, qui eo tēpore prædicabit. Et alius angelus secutus est, id est pacis futuræ prædicatio, dicens, cecidit Babylon.) Babylonem ciuitatē, impiam diaboli congregationem dicit, id est populum ipsi consentientem, & omnem concupiscentiam & corruptelam quam in perniciem sui & humani generis exquirunt. Nam sicut ciuitas ecclesia dei est & omnis cōuersatio cœlestis: ita cōtrā ciuitas est diaboli Babylon in omni mundo, sicut dicit dominus, Ecce ponam Hierusalem lapidem conculcabilem in omnibus gentibus: ecclesia ergo dicit, Cecidit cecidit Babylon illa magna.) Iam quasi perfectum dicit, quod adhuc futurum erat: sic illud, Diuiserunt sibi uestimēta mea. Quæ à uino fornicationis suæ potauit omnes gentes.) Omnes gentes ciuitas est mundi, id est omnes superbi & impij, siue extra ecclesiam constituti. Et uidi, & ecce nubem albam, siue candidam, & super nubem sedentem filium hominis,



A minis, id est Christum. Ecclesiam enim describit in claritate sua, precipue post persecutionem, flammam habentem. Habentem in capite coronam auream. Ipsi sunt seniores cum coronis aureis. Et in manu habent falcem acutam. Ista falx separat catholicos ab hæreticis, sanctos à peccatoribus, sicut dicit dominus de messoribus. Si autem putandum est quod ipse specialiter Christus uisus est in nube alba, messor qui est uindemiator post eum, idem esse cum suo corpore quod est ecclesia, forte non male sentitur, si istos tres angelos qui exierunt, triformem scripturam intelligamus, iuxta historiam, moralem & spiritalem: falcem uero discrepationem. Et misit in torculari magnum. Seipsum misit in torculari iræ dei magni. Non in torculari magnum, sed ipsum misit in torculari, id est superbum quenque. Et calcatum est torcular extra ciuitatem, id est extra ecclesiam. Facta enim dissensione, foris erit omnis homo peccati. Calcatio autem torcularis, retributio est peccatorum. Et exiit sanguis de torculari usque ad frenos equorum. Exiit ultio usque ad rectores populorum. Usque enim diabolus & angelos eius nouissimo certamine exiet ultio sanguinis effusi. Per stadia mille sexcenta, id est, per omnes quatuor partes mundi. Quaternitas enim est conquatennata, sicut est in quatuor faciebus quadriformibus & rotis: quater enim quatringenti sunt mille ducenti, sub cuius protectione nos liberare dignetur. Qui uiuit, &c.

## Homilia XII.

**I**N lectione quæ recitata est fratres charissimi, dicit se sanctus Ioannes uidisse aliud signum in cælo magnum & mirabile, angelos septem, id est ecclesiam. Habentes plagas septem nouissimas, quoniam in his finita est ira dei. Nouissimas dixit, quia semper percutit ira dei populum contumacem. Septem plagas, id est, perfecte, sicut ipse deus in Leuitico frequenter repetit. Et percutiam uos septies, propter peccata uestra. Et uidi sicut mare uitreum. Fontem baptismi dicens pellucidum. Mixtum igni, id est, spiritui uel tentationi. Et uictores bestie super mare uitreum, id est in baptismo. Habentes citharas dei, id est corda laudantium deum. Et cantantes canticum Moysi serui dei & canticum agni, id est utrumque testamentum. Magna & mirabilia opera tua. Hæc enim sunt in utroque testamento quod cantant supradicti. Repetit quod posuerat dicens. Post hæc uidi, Et ecce apertum est tabernaculum testimonij in cælo. Templum ecclesiam iam diximus: sententiam, angelum qui exiit de templo. Et iussit sedenti super nubem imperium esse domini. Iussionis enim eius est, sicut dicit euangelium, Exiit editum à Cæsare Augusto. Indutilino nouo splendido, & cincti super pectora zona aurea. Manifeste ostendit in septem angelis ecclesiam sicut in initio describit in Christo, habentem, inquit, zonam auream super ubera. Et unum ex quatuor animalibus dedit septem phialas aureas plenas ira dei. Iste sunt phialæ quas cum odore ferunt seniores & animalia, quæ sunt ecclesia, qui & septem angeli. Et quod sunt odoramenta, hoc ira dei, hoc & uerbum dei. Sed hæc omnia bonis dant uitam, malis inferunt mortem, ut est illud, Alijs odor mortis in mortem. Orationes enim sanctorum, qui est ignis exiens de ore testium, ira sunt è mundo & impijs. Hoc ideo, quia superbis & impijs non sufficit, quod eos qui sancti sunt non diligunt nec imitantur, uerumetiam ubicunque poterunt eos persequuntur. Omnes istæ plagæ spirituales sunt & in anima fiunt: nam ipso tempore illæsus erit omnis populus impius ab omni plaga corporis, quia non meretur in presenti seculo flagellari, quasi qui acceperit totam seruiendi potestatem, sed spiritaliter uoluntaria & mortalia peccata, quæ sunt ulcera in animabus suis, patiuntur omnes impij & superbi. Secundus fudit phialam in mare, & cætera. Mare, flumina, fontes aquarum, sol, thronus, bestie, fumus, Euphrates, aer, super quem angeli fuderunt phialas, terræ sunt & homines, quia omnibus angelis in terram fundere mandatum est, omnes autem plagæ istæ à contrario intelligendæ sunt. Plaga est enim & insanabilis ira magna, accipere potestatem peccandi, maxime in sanctos, nec corrumpi, adhuc maior ira dei, &c.

Leuit. 26

Luc. 2

2. Cor. 2

dei, & errorum fomenta subministrari in iustitia. Hæc plaga ira dei, hæc uulnera transpungunt, gaudere, placere sibi unumquemque in peccatis: sic prosperitas malorum ulcera sunt animarum, & aduersitas iustorum æternorum sunt præmia gaudiorum. In tertio uero angelo aquarum conuersio in sanguinē. Omnes angelos populorum intellige, id est, interiores homines in animo uiuentes. Quartus angelus effudit phialam suam super solem, & usti sunt homines uisione magna. Hoc adhuc futurum est in igne gehennæ: nam diabolus in præsentem cum in animo occidat amatores suos, non solum non urit in corpore, sed quantum permittitur clarificat. Quam claritatē & lætitiā spiritus sanctus plagas definit & dolores.

Et blasphemauerunt nomen dei habentis potestatem in his plagis, nec egerunt pœnitentiam, quia non in corpore, sed in animo percutiuntur plagis istis à deo, ideo deum non recordantur, sed in pœnis proficiunt, & propterea blasphemauerunt persequentes eos qui sunt sancti dei. Quintus angelus effudit phialam suam super sedem bestię, & factum est regnum eius tenebrosū. Thronus enim bestię, ecclesia ipsius est, id est congregatio superbiorum, qui huiusmodi plagis obcæcantur. Et comedebant linguam suam a doloribus suis. Id est, sibi nocebunt blasphemantes ex ira deum, quia transpuncti gaudia existimant. Et non egerunt pœnitentiā, utique obdurati lætitiā. Et sextus effudit phialam suam super flumen magnum Euphraten, id est super populū. Et exiccata est aqua eius, ut supra diximus, aruit messis terræ, id est, ad combustionem parata est. Ut præparetur uia eorū qui sunt ab ortu solis, id est Christo. His enim perfectis iusti proficiscuntur obuiam solito more prætermisso à septimo angelo.

#### Homilia XIII.



**S**ANCTUS Ioānes fratres charissimi dū de septē angelorū phialis uel plagis loqueretur, prætermisso septimo angelo recapitulat ab origine breuibus dicēs, Et uidi ex ore draconis & ex ore bestię, ex ore pseudo prophetę spiritus tres immūdos in modū ranarū. Vnū spiritū uidit, sed pro numero & partitione unius draconis. Draco, id est, diabolus, nā & bestia corpus diaboli. Pseudo prophetę, id est, præpositi corporis diaboli unus spiritus est quasi ranę. Sunt enim spiritus dæmoniorū faciētes signa. Ranę namque præter horrore propriū, etiā loco immūdo sunt: quæ cū aquarū incolę & indigenę uiuantur, non solū aquarum refugę & impatientes sunt, sed etiā in ipsis aquis, in aquę sordibus & cœno uoluntur. Sic hypocritę nō in aqua ut putātur degunt, sed in sordibus quas credentes in aqua deponunt. Ranis etiā similes sunt homines, qui peccata uel crimina, quę alij per pœnitentiā, uel per baptismum deponunt, illi ibi uolutare non erubescunt, quando aliquis se conuertit ad deū, & pœnitet fuisse superbū, adulterū, ebriosum uel cupidum, qui ista peccata quę alius confitendo relinquit imitatur, cogitās apud se dicens, facio quod uolo, & postea quomodo agit iste pœnitentiā, & ego ago, & subito dum ei superuenit ultimus dies, perit cōfessio, & restat dānatio. Iste qui talis est, dum alios non ad bonum sed ad malū uult imitari, in luto unde alius liberatus est, uelut rana inuoluitur & uoluitur. Ranę ergo significant spiritus dæmoniorū facientes signa. Qui exeunt ad reges totius orbis congregare eos ad bellū diē magni dei. Diē magnū totū tempus dicit à passione domini, sed pro locis accipiendus est dies. Aliquando diē iudicij dicit, aliquando nouissimā persecutionē quę sub antichristo futura est: aliquando totū tēpus, sicut per Amos prophetā dicitur, Vx, inquit, magnus, qualis non est factus ex quo homines facti sunt. Et facta est ciuitas magna illa in tres partes. Hæc ciuitas magna, omnis omnino populus intelligit quisque est sub cœlo, qui fiet in tres, & cū ecclesia diuisa fuerit, cū sint gētiles pars una, & oēs hæretici & ficti catholici altera, ecclesia catholica tertia sequitur. Et ostēdit quę sint tres partes dicēs, Ciuitates gentiū ceciderūt, & Babylō illa magna uenit in mentē dei dare ei poculum uini irę suę. Et omnis insula fugit, & montes inuenti non sunt. Ciuitas gentium, gentes sunt. Babylon abominatio uastationis. Montes & insulę ecclesia est. In ciuitatibus gentium omne munimen & spem



A & spem gentiū dicit cecidisse: non enim diuisas habēt ciuitates à Christianis, sed ciuitates bonæ atq; malæ in hominibus describuntur. Tunc ergo Babylon cecidit, aut irā dei bibit cum potestatem accepit aduersus Hierusalē, quæ est ecclesia. Insulæ inuentæ nō sunt, id est nō sunt superatæ. Et grando magna quasi talentum descēdit de cœlo super homines.) Grandinem irā dei, omnes plagas, istas figuras esse dicit plagarū spiritualium. Et blasphemaue runt homines deū ex plaga grandinis, quoniam magna est plaga eius nimis.) Recapitulat iterum dicens, Et uenit unus ex septem & dixit, ueni ostendam tibi damnationem meretricis magnæ, sedentis super aquas multas, cum qua fornicati sunt reges terræ, id est omnes terrigenæ. Et tulit me in eremo in spiritu, & uidi mulierem sedentem super bestiam.) In bestia omnis populus malus intelligitur: in muliere corruptela monstratur: in eremo dicit sedere mulierem, eo quod in impijs in anima mortuis sedeat, & à deo desertis: in spiritu dixit, quia non nisi in spiritu uideri potest huiusmodi desertio. Preciose ornatam,) dixit propter ornamentū luxuriæ: nam bestiam super quā, sicut iam dictū est, populū esse dicit, quæ sunt & aquæ multæ, sicut ipse exponit. Aqua quam uides ubi mulier sedet, populi & turbae sunt, & gentes & lingua.) Corrupte iam dicit sedere super populos in eremo. Meretrix, bestia, eremus, unum sunt. Bestia, ut iam dictum est, corpus est aduersus agnum: in quo corpore nunc diabolus, nunc caput uelut occisum, quod significat hæreticos, qui uelut de morte Christi gloriari uiderentur, non superborum populus accipiendus est. Quod totū Babylonem in tribus spiritibus qui ex ore draconis uelut ranæ procedebant,) In uno intelligitur diabolus, in alio pseudopropheta uel præpositi hæreticorum: in tertio corpus diaboli, id est, omnes ficti, superbi uel impij Christiani, quorum numerus maximus in ecclesia continetur. Deniq; qui tales sunt, ad similitudinē ranarum in omni immundicia & luxuria fordidibus uolutantur. Tunc ranis etiā similes sunt homines, qui in peccatis uel criminibus, quæ alij per pœnitentiā uel baptisimū deponunt, uolutari non erubescunt, dicentes sibi: Ad præsens impleo uoluptates meas, postea quomodo isti conuersi sunt, & ego cōuertar ad dominum. Et subito superueniente morte perit confessio, & restat damnatio. Quod dicit, Congregando homines ad diem magnū,) Totū tempus dicit à domini passione, usq; ad finem mundi. Iste enim dies quibus suauis est, & qui in eo uoluptati & luxuriæ seruientes lucra requirunt, in magnā miseriam cōuertuntur, quia impletū est in illis illud propheticū, Væ desiderantibus diē domini: per falsam enim & transitoriā dulcedinē præparant sibi æternā amaritudinē. Potest hoc loco dies magnus intelligi illa desolatio, quādo à Tito & Vespasiano obfessa est Hierosolyma, ubi exceptis his qui in captiuitatē ducti sunt, quindecies cetera milia mortua referuntur. Quod autē dicit, Congregauit illos Mageddon,) Omnes inimicos ecclesiae uoluit intelligi. Deniq; sequitur, quia dicit, Circumdederunt castra sanctorū, & ciuitatē sanctā dilectā,) id est, ecclesiā. Quod autē sequitur, Tonitrua & terræmotus factus est magnus, & facta est ciuitas magna in tres partes,) Ciuitas magna, omnis omnino populus intelligit, ubi una pars paganorū, alia hæreticorū, tertia Christianorū, in qua sunt etiā hypocritæ. Cū ex ista tertia parte superati fuerint boni, tunc illi qui sunt in ecclesia ficti, illis duabus partibus iuncti, accipiūt iudiciū dei, quod etiā in hoc tēpore iā ex aliqua parte cōpletur. Tūc enim Babylon cadit, quādo potestatē accipiūt mali ut persequātur bonos qui sunt ecclesiae. Quod autē Grando magna sicut talētū descēdit de cœlo,) In gradine ira dei intelligit, quæ etiā anteq̃ ueniet dies iudicij, sup̃ impios & superbos spiritualiter intus in anima mittit. Mulierē meretricē quā uidit supra bestiam sedentē in eremo,) Ideo dicit in eremo, quia in impijs, id est in anima mortuis sedeat, & à deo desertis. Spiritus dicit, quia nō nisi spiritualiter uideri potest huiusmodi desertio quæ in anima fit. Meretrix, bestia, eremus unū sunt, q̃ totū Babylonem intelligit. Bestia autē ut iā dictū est, corpus est impiorū aduersus agnū. In quo corpore, nūc diabolus, nūc caput uelut occisum, q̃ significat p̃fidiā hæreticorū, q̃ uelut de morte Christi gloriari uidetur, cū tamē Christi ecclesiā persequat̃. Et quia nō solū hæretici uel pagani, sed etiā catholici mali, id est superbi & impij eos quos in ecclesia māsuetos & humiles uiderint persequer

persequuntur, quantum possumus misericordiam dei deprecemur, ut & illos de tam malis actibus ad bonum corrigat, & nobis in bonis operibus felicem perseverantiam pro sua pietate concedat, Qui cum patre, &c.

## Homilia XIII.



**M**ODO cum diuina lectio legeretur fratres charissimi, audiuius beatum Ioannem dixisse, Quia uiderit mulierem sedentem super bestiam coccineam peccatricem cruentam, plenam nominibus blasphemiarum. Ostendit multa nomina esse in bestia, id est in impio. Habentem, ut iam dictum est, capita septem & cornua decem, id est habentem mundi reges & regna, cum quibus diabolus uisus est in celo. Et mulier, id est, omnis multitudo superborum. Erat circumdata purpura, & ornata auro & lapide precioso. Id est omnibus illecebris simulatae ueritatis. Quid sit denique intra hanc pulchritudinem, sic exponit dicens, Et habes poculum aureum in manu sua, plenum abominatione & immunditia fornicationis eius. Aurum hypocrisis est, quia foris quidam apparent hominibus quasi iusti, intus autem pleni sunt omni immundicia. Et in fronte eius non scriptum mysterium Babylon magna, mater fornicationum & abominationum terrae. Nulla est superstitio quae fronti det signum nisi hypocrisis. Spiritus autem retulit quid sit scriptum in fronte. Nam quis talem titulum aperte imposteret: mysterium enim dixit esse quod interpretatus est dicens. Et uidi mulierem ebriam de sanguine sanctorum, & sanguine martyrum Iesu. Vnum est enim corpus quod aduersatur ecclesiae intus ac foris, id est, in ecclesia ficti Christiani. Et licet uideatur loco separatum, in persecutione tamen ecclesiae unitatem spiritus operatur. Impossibile est enim prophetam perire praeter Hierusalem interficientem prophetas, id est, non potest fieri ut Christiani boni sine Christianis malis aliquam persecutionem patiantur. Sic pro nepote prauorum sensu Zachariam lapidasse accusantur, cum ipsi non fecerint. Et bestia quae fuit & non est, & futura est, ascensura de abyssu, in perditionem irae dei ibit. id est ex populo nascetur, ut possit dicere, bestia ex bestia, abyssus de abyssu. Quid est bestia ex bestia, nisi populus malus nascens ex populo malo, hoc est, filii mali parentes pessimos imitantur. Et ascendit superstes & in perditionem uadit, sicut & patres sui, ex quibus ascendit etiam non sunt, quia alijs morientibus alij succedunt eis, & sic nunquam desunt ecclesiae. Quod autem dicit, Circundatam purpura, & ornata auro & lapide precioso. Ostendit superborum & impiorum hominum plebem omnibus illecebris simulatae ueritatis repletam. Quod autem Poculum aureum habebat in manu sua plenum abominationum & immundiciarum fornicationis eius. Hypocritae & ficti Christiani intelliguntur, quia foris quidem apparet quasi iusti, intus autem pleni sunt omni immundicia. Quod autem In fronte habebat scriptum, Babylon mater fornicationum. Nulla est superstitio quae fronti det signum nisi hypocrisis, id est, fingunt se bonos cum sint mali. Quod autem dixit, Ebriam esse mulierem sanguine sanctorum & martyrum Iesu. Vnum corpus martiorum intelligere uoluit, quod semper aduersatur ecclesiae intus & foris, quia in ecclesia sunt ficti Christiani, & extra ecclesiam haeretici uel pagani: & licet interdum corpore separantur, uno tamen animo in ecclesiae persecutione iunguntur. Quod autem dicit, Bestia fuit & non est, & futura est ascensura de abyssu. Hoc intelligitur quod ex populo malo nascatur populus malus, & possit dicere bestia ex bestia, abyssus de abyssu. Quid est, bestia ex bestia, nisi populus nascens ex populo malo. Hoc fit dum filii mali parentes pessimos imitantur, ac sic dum alijs morientibus succedunt alij, nunquam desunt siue in paucis siue in multis, seu occulte siue aperte, qui non ab initio semper insidientur ecclesiae. De quorum consortio, quia corpore separari non possumus in hoc seculo, oremus misericordiam omnipotentis dei, ut sic moribus separemur, ne cum illis aeterno supplicio pereamus: sed magis cum illi audierint, Discedite a me maledicti in ignem aeternum, nos audire mereamur. Venite benedicti patris mei, percipite regnum, praestante domino nostro Iesu Christo.



**A** **I**N LECTIONE quæ recitata est fratres charissimi, reges illos quos dixit, quod persequuntur ecclesiam dei, quare quasi reges appellantur, quia uelut in somnis regnant. Omnis enim malus qui persequitur bonum, uelut in somnis hoc facit, quia malorum persecutio non manebit, sed uelut somnium euanesceat: sicut Esaias dicit, Erunt, inquit, uelut somnians in somno diuitiarum omnium gentium. Hi unam sententiam habent, id est, uno animo persequuntur bonos: ideo dicit habent, & non habebunt, quia persecutio malorum non solum adueniente die iudicii non erit, sed etiam iam in presenti desinit. Et uirtutem suam & maiestatem suam dabunt. Hoc ideo dicit, quia homines impii uidentur dare uirtutem, quando diabolo instigante faciunt mala. Hi cum agno pugnant, id est, usque in finem donec sancti regnum omne percipiunt, ecclesiam aduersantur. Et agnus uincet eos: id est, utique non permittet eos tentari supra id quod possunt: & ideo dicit, Et agnus uincet eos: Quia dominus dominorum est & rex regum, & qui cum eo uocati sunt & electi. Propterea autem dixit, uocati & electi, quia non omnes uocati sunt & electi: sicut dominus dicit, Multi sunt uocati, pauci electi. Et dixit mihi angelus, Vides aquas ubi mulier sedet, hæc & populus & turbae sunt & gentes & linguæ: & decem cornua quæ uidisti, hi odio habent meretricem: id est, mulierem illam. Meretrix enim est uita luxuriosa, quæ rapinis & uoluptatibus agitur: ideo dicit quod odio habeant meretricem, quia luxuriosi atque superbi, cupidissimi & elati non solum persequuntur sanctos, sed etiam seipsos odio habent: in quibus impletur illud quod scriptum est, Qui diligit iniquitatem, odit animam suam: sequitur, Et deserunt eam faciunt & nudam. Ipsi autem per iram dei & iustum iudicium quo deseruntur ab eo, desertum faciunt mundum, dum ei dediti sunt & iniuste utuntur. Et carnes eius edunt. Hoc ideo, quia secundum Apostolum seinuicem mordent & comedunt: & propterea adiecit causam, dicens, Deus enim dedit in corde ipsorum facere sententiam eius: id est, excitauit plagas, quas in mundo iure merito irrogare decreuit. Et dabunt regnum suum bestiarum, usque dum finiatur dicta dei: id est, homines mali diabolo obtemperant donec impleatur dei scriptura, & ueniat dies iudicii: post hoc sequitur, Mulier quam uidisti, est ciuitas magna quæ habet regnum super gentes & reges terrarum: id est, omnes mali & impii: sic & de ecclesia dictum est, Veni ostendā tibi uxorem agni. Et ostendit ciuitatem descendantem de caelo. Postea uidi alium angelum descendantem de caelo, habentem potestatem magnam, & terra illuminata est claritate eius, & clamauit in fortitudine, dicens, Cecidit Babylon illa magna, & facta est habitaculum daemoniorum & custodia omnis immundicie, & inquinatae auis. Nunquid unius ciuitatis ruina potest capere omnes immundos, aut omnem auem immundam? Aut eo tempore quo ciuitas magna cecidit, totus mundus desertus est spiritualibus & auius immundis, & in unius ciuitatis ruina habitabunt. Nulla est ciuitas quæ omnem animam immundam capiat, nisi ciuitas diaboli, in qua omnis immundicia in hominibus malis per totum orbem commoratur. Reges quos dixit quod persequatur Hierusalem, homines sunt qui persequuntur deum: Qui uiuit & regnat &c.

## Homilia XVI.

**Q**UOTIENS CUNQUE BABYLONIAM nominari audistis fratres charissimi, nolite ciuitatem de lapidibus factam intelligere, quia Babylonia confusio interpretatur, sicut sæpe dictum est: sed homines superbos, raptos, luxuriosos & impios in malis suis perseverantes, ipsius nomine signari cognoscite: sicut e converso quoties nomen Hierusalem audieritis, quæ uisio pacis dicitur, homines sanctos ad deum pertinentes intelligite: nam Babylonia malorum hominum imaginem gerit: ideo de eis in sequentibus dicit, Quoniam ex uino iræ fornicationis eius biberunt omnes gentes, & reges terrarum qui cum ea fornicati sunt, id est, cum inuicem. Non enim cum una meretrice omnes reges fornicati sunt, sed dum se luxuriose qui sunt membra meretricis, inuicem corrumpunt cum meretrice, id est, luxuriosa fornicatione fornicari dicuntur: post hoc sequitur dicens, Et omnes mercatores terrarum ex uirtute luxuriæ eius diuites facti sunt. Hoc loco diuites peccatis dicit, nam nimietas luxuriæ pauperes potius quam diuites facit. Et audiui, inquit, aliam uocem de caelo dicentem, Exite de ea popule meus: ne communicetis peccatis eorum

eorum, & plagis eius ne lædamini.) Hoc loco demonstrat Babyloniam in duas diuisam esse partes, quia dum spirante deo conuertantur mali ad bonum, Babylonia diuiditur, & pars illa quæ ab illa discesserit, efficietur Hierusalē: quotidie enim & de Babylonia transferimur ad Hierusalem, & de Hierusalem seducimur ad Babyloniam, dum & mali cōuertuntur ad bonum, & qui uidebantur boni, in hypocrisim uertuntur publice, & fiunt mali de bonis: ita etiam scriptura dicit per Esaïam, Exite de medio eorum, & immūdum nolite tangere. Exite de medio eorum, & separamini qui fertis uasa domini: huius separationis meminit Apostolus, 2. Timoth. 2. Firmum enim fundamētum dei manet: & Cognouit dominus qui sunt eius: &, Discedat ab iniquitate omnis qui inuocat nomen domini. Ne cōmunicetis, inquit, peccatis eius, & plagis eius ne lædamini: sicut scriptum est, Quacumq; morte præoccupatus fuerit iustus, in refrigerio erit. Quomodo particeps delicti esse potest, quem cum impio ciuitatis casus abstulerit? Nisi forte quando de ciuitate diaboli, id est, de conuersatione luxuriosa & impia exeunt boni, nisi aliquis ex illis remanere, & delectari uoluptatibus Babylonis uoluerit, hoc si fecerit, sine dubio particeps plagæ eius erit. Quod autem dicit totiens, Exire nolite, hoc nō corporaliter, sed spiritualiter intelligi debet. De medio Babylonis exitur, quando conuersatio mala deseritur, nam & in una domo, & in una ecclesia & in una ciuitate sunt Babylonij cum Hierosolymitanis, & tamen quamdiu boni nō consentiunt cum malis, nec mali conuertuntur ad bonos, & in bonis Hierusalem, & in malis Babylonia cognoscitur: simul habitant corpore, sed longe diuisi sunt corde, quia malorum cōuersatio semper in terra est, quia terram diligunt, & omnem spem suam, & totam intentionem animi sui in terra consistunt: bonorū uero mens secundū Apostolū semper in cœlis est, quia quæ sursum sunt sapiunt. Exite, inquit, de ea popule meus, id est, de Babylonia. Ne communicetis peccatis eius, & plagis eius ne lædamini, quoniam ascenderunt peccata eius usq; ad cœlum, & reuocatus est deus iniquitatum eius: reddite illi sicut ipsa reddidit, & duplate dupla secundū opera eius, in quo poculo miscuit, miscete ei duplum, quantū se clarificauit & in delictis fuit, tradite ei cruciatum & luctum: populo suo. Hæc enim omnia bonis Christianis, id est, ecclesiæ dicit dominus, Reddite ei sicut & ipsa reddidit. De ecclesia enim exeunt in mundo plagæ uisibiles & inuisibiles. Quoniā in corde suo dicit Babylonia, id est, plebs omnium malorum & superbiorum in seculo: Sedeo regina & uidua non sum, & luctum non uidebo: Propterea una die uenient plagæ eius, mors & luctus & fames, & igne cremabitur. Si ex una die morietur & cōcremabitur, quæ subsistis lugebis mortuum, aut fames quanta potest esse unius diei? Sed diem dixit breue tempus uitæ præsentis, q̃ spiritualiter & carnaliter affliguntur, nam super omnes superbos & uoluptatibus deditos maiores plagæ in anima ueniunt q̃ in corpore. Tunc enim maiori plaga percutiuntur, quando se suis iniquitatibus cōlentes, iusto dei iudicio malum agere permittuntur, ut inter dei filios flagellari non mereantur, sed impleatur in eis illud quod scriptum est, In laboribus hominum nō sunt, & cum hominibus non flagellabuntur: ideo tenuit eos superbia eorum. Quoniam fortis dominus minibus non flagellabuntur: ideo tenuit eos superbia eorum. Quoniam fortis dominus deus qui iudicat eam: & flebunt & plangent se super eam omnes gentes terræ, quæ cum ea fornicatæ sunt. Qui reges plangent eam si eam reges euertant? Sed quod est ciuitas, hoc reges qui plangent eam. Non luxuriæ malum, quia cum ea peccant, agendo poenitentiam plangunt: sed quia prosperitatem seculi, per quam suis uoluptatibus seruiebant, perire cognoscunt, uel quare cessare incipiat in eis attritio, per quam luxuriosi inuicem consumuntur, tanq̃ fumus instantis gehennæ. A longe, inquit, stātes propter metum poenæ eius. Longe stantes non corpore sed anima, cum unusquisq; timet quod alterum per calumnias & superbiorum potentiam uidet pati. Dicentes, Væ uæ ciuitas magna Babylon ciuitas fortis, quoniā una hora uenit damnatio tua. Spiritus dicit nomen ciuitatis. Verum illi mundum plangūt, exiguo admodum tempore poenæ intercepto, omnemq; industriam labefactam cessisse. Equorum & rhedarum & pecorū mercatores quæ ditati sunt ab ea longe stabūt flentes & dicentes, Væ uæ ciuitas magna. Vbicunq; dixit spiritus ditatos ab ea, peccatorū diuitias



A diuitias significat. Induta bysso, purpura, & coronata coccino, & ornata auro & lapide pre-  
 cioso & margaritis.) Nunquid ciuitas induitur bysso, & non homines? Ipsi se plangunt  
 dum supradictis spoliatur. Et omnis gubernator & omnis qui nauibus nauigat, & quot-  
 quot in mari operantur, à longe steterunt & clamaucrunt, uidentes fumū ignis eius.) Nun-  
 quid omnis gubernator & nauta, & quotquot operantur in mari, adesse possunt in incēdio  
 ciuitatis unius? Sed omnes seculi amatores & operarios iniquitatis dicit timere sibi, uiden-  
 tes spei suæ ruinam. Post hæc autem idem Ioannes ait, Et uidi bestiam & reges terræ &  
 exercitus eorum.) In bestia quam uidit, diabolum significat. In regibus terræ exercitum &  
 omnem eius populum congregatum facere bellum cum sedente super equum, & cum exer-  
 citu eius, cum Christo ecclesiaq. Et uidi alium angelum descendantem de cælo.) Domi-  
 num Christum dicit in primo aduentu. Habentem clauem abyssi.) id est, potestatem  
 populi. Abyssum enim populū malum intellige. Et catena magna in manu sua, hoc est,  
 potestatem dedit deus in manu eius. Et tenuit draconem anguem antiquum qui est dia-  
 bolus & satanas. Et in cælo sequebantur eum in equis albis.) id est, ecclesia in corporibus  
 candidis sequatur eum, sicut supradictum est. Hi sunt qui sequuntur agnum quocunq. ierit,  
 induti bysso albo mundo, quod definiunt uestimenta sanctorum. Ex ore eius proce-  
 dit gladius bis acutus.) Ipse est quo defenduntur iusti, puniuntur iniusti. Vt in eo percu-  
 tiat gentes, & ipse reget eos in uirga ferrea. Ipse calcit torcular uini indignationis & iræ dei  
 omnipotentis.) Calcat etiam nunc, quando malos permittit facere, & dimittit eos in uolu-  
 ptatibus suis, & postea extra ciuitatem, id est, extra ecclesiam calcabit, cum eos qui non ege-  
 runt pœnitentiam gehennæ ignibus tradet. Hic habet in uestimēto & super femur suum  
 scriptum nomen, rex regum & dominus dominantium.) Hoc est nomen quod nemo su-  
 perborum cognoscet, quia ecclesia seruiendo, in Christo regnat. Et dominator dominan-  
 tiū.) id est, uincit uitia & peccata. Femur aut potestas est, sicut illud, Non deficiet princeps Gen. 49  
 de femoribus Iuda. Et Abraam ne posteritas eius ab alienis misceretur, inter se seruūq.  
 B suum tertium testimonium femur adhibet. Et uidi (inquit) angelum stantem in sole.)  
 id est, prædicatorem in ecclesia. Et clamauit uoce magna, dicens omnibus auibus quæ uo-  
 lant in medio cæli.) Aues uel bestias pro loco accipimus bonas & malas, sicut est illud: Be-  
 nedicent me bestię agri, & leo de tribu. Hoc ergo in loco aues uolantes in medio cæli, aues  
 uel bestias pro loco, sicut supra dixit ecclesiam quasi in unum corpus redigens, dixerat aqui-  
 lam uolantem in medio cæli. Congregamini, uenite ad cœnam magnam dei, ut mandu-  
 cetis carnes regum & carnes tribunorum & fortium, & carnes equorum & sedentium super  
 eos, & carnes omnium liberorum & seruorum, & pusillorum & magnorum.) Omnes enim  
 gentes quando in Christo credentes ecclesiæ incorporantur, spiritualiter ab ecclesia comedun-  
 tur. Et post hoc de diabolo ait, Et signauit super eum ne seducat nationes, usquedum fi-  
 niantur mille anni.) Isti intelliguntur mille anni qui ab aduentu domini nostri aguntur. In  
 his ergo dominus de diabolo interdixit, ne seducat nationes: sed quæ in uitam destinatæ  
 sunt quas antea seducebat, ne deo reconciliarentur. Post hæc oportet eum solui modico  
 tempore.) Id est, tempore antichristi cum reuelatus fuerit homo peccati, cum acceperit to-  
 tam persequendi potestatem qualem non accepit ab initio. Mille annos dixit, partem à to-  
 to. Hic reliquias mille annorum sexti diei in quo natus est dominus & passus, intelligi uo-  
 luit. Post hæc ait, Væ uæ ciuitas illa magna, in qua ditati sunt illi omnes qui habent na-  
 ues in mari, quoniam una hora deserta est. Exulta cœlum super eam, & sancti apostoli &  
 propheta.) Nunquid sola ciuitas Babylonia in omni mundo persequitur aut persecuta est  
 dei seruos, ut ipsa extincta uniuersi uindicerentur? In toto enim mūdo est Babylonia in ma-  
 lis hominibus, & in toto mūdo persequitur bonos. Et tulit unus angelus lapidem ut mo-  
 lam magnam, & misit in mare dicens, Hoc impetu deicietur illa ciuitas magna Babylon.)  
 Ideo Babylon uelut molam dicit proiectam, quia omnes amatores mundi reuelatio tem-  
 porum sicut mola conteret, & in gyro mittet. De quibus scriptum est, In circuitu impij am-  
 bulant.

bulant. Quorum infelix occupatio semper quasi incipit, Et non inuenietur amplius. Vox citharcedorum & citharizantium & musicorum & fistularum non audietur in ea amplius.) Iocunditatē dicit transire impiorū, & non inueniri. Et adiecit causam dicens, Quoniam mercatores tui erant maximi terræ, id est, quoniam in uita tua percepisti bona. Quoniam in ueneficijs tuis errauerunt omnes gentes, & sanguis prophetarum & sanctorum inuentus est omnium à te occisorū super terrā.) Nūquid eadē ciuitas apostolos & prophetas & omnes reliquos martyres occidit? Sed hæc ciuitas omnium superborū est quā Cain fratris sui sanguine fundauit, & uocauit nomē eius nomine filij sui Enoch, id est, posteritatē, quia omnes mali in quibus est Babylonia, succedentes sibi usq; ad finem mundi persequuntur ecclesiam dei. In ciuitate ergo Cain funditur omnis sanguis iustus, à sanguine Abel iusti usq; ad sanguinem Zachariæ, id est populi & sacerdotes, inter templum & altare, id est inter populum & sacerdotes. Hoc ideo dictum est, quia non solum populi, sed & sacerdotes conspirauerunt in mortē Zachariæ. Inter templum, inquit, & altare. In altari intelliguntur sacerdotes, in templo populi significati sunt: alia enim causa loci nominandi non fuit. Hæc est ciuitas quæ interfecit prophetas, & lapidauit missos ad se. Hæc est ciuitas quæ sanguine struitur, sicut scriptum est, Væ qui ædificat ciuitatem in sanguinibus, & parat ciuitatē in iniustitijs. In equo albo,) sicut supra dictum est, ecclesiam intelligere, In sessore eius,) Christum dominum recognoscere debemus. Quod autem dixit, Habens nomen scriptum quod nemo nouit nisi ipse,) Ipse utiq; & quæ in illo est omnis ecclesia. In ueste sanguine sparsa,) martyres intelligendi sunt. Quod autem Exercitus qui est in cœlo sequebatur eum in equis albis,) Est ecclesia in corporibus candidis. In gladio bis acuto,) Potestas Christi intelligitur, de quo defenduntur iusti, puniuntur iniusti. In uirga ferrea,) Iustitia eius cognoscitur, de qua eruduntur humiles, superbi tanquam uasa figuli confringuntur. Quod autem dixit, Ipse calcatorcular uini iræ dei omnipotentis,) Calcat etiam nunc quando malos permittit ut persequantur bonos, & dimittit eos in uoluptatibus suis: & postea retribuet quando eos qui non egerint penitentiam, mittit in gehennam. Angelum stantem in sole,) prædicationē in ecclesia intellige: ideo enim ecclesia soli comparatur, quia de ea scriptum est, Tunc iusti fulgebunt, sicut sol in regno patris eorū. Quod autē Clamauit omnibus auiibus quæ uolant in medio cœli,) aues illæ ecclesia intelligitur. Quod autem dictum est, Congregamini ad cœnam magnam, ut manducetis carnē regum & tribunorū,) hoc in ecclesia in ueritate fieri cognoscimus. Nā quando omnes gentes ecclesiæ incorporantur, spiritualiter comeduntur, & qui deuorantur à diabolo, erunt corpus diaboli: suscepti ab ecclesia, mēbra efficiuntur Christi: quod autē de diabolo dixit, Et clausit & signauit super eum, ne seducat nationes, usq; dū finiantur mille anni,) Sicut dictū est, isti mille anni à passione domini aguntur, in quibus nō permittitur diabolo facere quantum uult, quia non permittitur à deo tentare seruos suos supra id quod possunt sustinere. Quod autē Postea modico tēpore soluendus est,) tempus antichristi designatur, in quo maiore potestate sæuendi diabolus accepturus est: quod autē dicitur, Væ uæ ciuitas magna,) Babylonia intelligitur. Sciendū tamen, quod non solum ciuitas Babylonia persequitur sanctos, ut ipsa extincta uniuersi uindicerentur: in toto enim mundo est Babylonia, & in malis hominibus persequitur bonos. Quod autē Lapidē grandem uelut molā misit angelus in mare dicēs, sic mittetur Babylonia,) Ideo uelut molā dicitur Babyloniā, quia amatores mundi reuolutio temporū sicut mola conterit, & in gyro mittit. Quod autē dicit, In ueneficijs tuis errauerunt omnes gentes, & sanguis prophetarū inuentus est omnium à te occisorum super terrā,) Non enim in una ciuitate occisi sunt apostoli & prophetæ aut reliqui martyres. Sed hæc est ciuitas superborum quæ in toto mundo persequitur sanctos. Ipsa est ciuitas quam Cain fratris sui sanguine fundauit & uocauit nomine filij sui Enoch, id est posteritatē, quia omnes mali in quibus Babylonia est, succedentes sibi usq; ad finē mundi persequuntur ecclesiā dei. De quorū persecutione nos dominus per misericordiam suam liberare dignetur, Qui cum patre & spiritu sancto, &c.



**A** **I**n lectione quæ recitata est fratres charissimi, beatus Ioānes euangelista sic ait, Audiui uocem magnam populi multi in cælo dicentium alleluia, Et salus & claritas & uirtus deo nostro, quoniam uera & iusta iudicia dei, quoniam iudicauit meretricem illam quæ corrupit terrā fornicatione sua, & uindicauit sanguinem seruorum suorum de manu eius. Et iterum dixerūt alleluia. Hæc uox ecclesiæ est, cum discussio facta fuerit, & cum ab illa exiuerint omnes mali æterno incendio cōcremandi. Et fumus, inquit, eorum ascendit in secula seculorum. Audite fratres & cognoscite, & expauescite, quia Babylonia est meretrix. Quorum fumus ascendit in secula seculorum, non intelligitur nisi homines cupidi, adulteri & superbi, & ideo si uultis hæc mala euadere, nolite tam graua mala committere. Et fumus, inquit, eorum ascendit: nunquid uisibilis ciuitatis exustæ fumus in secula seculorum ascendet, & non hominum in superbia uiuentiū? Ascendit autem non descendit: semper enim etiam in præsentī seculo in proditionem uadit. Babylon autem crematur ex parte, sicut Hierusalem in istis sanctis qui de cælo migrāt, transit in paradysum, domino manifestante in paupere & diuite. Et audiui uocem populi multi, & uocem aquarum multarum, & ut uoces tonitruorum fortium, dicentes alleluia, quoniam regnabit dominus deus noster omnipotens. Gaudeamus & exulemus, & glorificemus nomen eius, quoniam uenerunt nuptiæ agni & mulier eius parauit se. Mulier agni ecclesia est. Et datum est ei ut operiatur bysso splendido mundo. Bysinū enim iusta facta sanctorū sunt. Datū est enim sanctis suis indui, sicut scriptū est, Sacerdotes tui induātur iustitia. Hi inquit, uixerunt & regnauerunt cum Christo mille annis, id est, in præsentī seculo. Et recte dixit, Omnes & superstitēs & animæ sanctorum, id est, quia adhuc in mundo uincunt, & quia iam de hac uita migrauerunt, regnant cum Christo. Regnauerunt profecto dixit, sicut illud, Diuiserunt sibi uestimenta mea. Nam dicturus erat, regnabunt. Ut ostenderet autem quid in hac uita sint isti mille anni ait, Hæc est itaq; prima resurrectio. Ipsa est enim qua resurgimus, sicut dicit Apostolus, Si consurrexistis cum Christo quæ sursum sunt quærite: & iterum, Tanquam ex mortuis uiuentes. Peccatum enim mors est, sicut dicit Apostolus, Cum essetis mortui delictis & peccatis uestris. Et sicut prima mors in hac uita est per peccatum, sic & resurrectio prima in hac uita est per remissionē peccatorum. Beatus & sanctus qui habet partem in resurrectione prima, id est, qui reseruauerit quod in baptismo renatus est. In hoc secunda mors non habet potestatem, id est, æterna tormēta non sentiet. Sed erunt sacerdotes dei & Christi, & regnabunt cum eo mille annos. Retulit spiritus dum hæc scriberet, regnaturam ecclesiam mille annos in hoc seculo usq; in finem mūdi. Manifestum est quod dubitari non debeat de perpetuo regno, cum etiā in præsentī regno sancti regnāt. Bene enim regnare dicuntur, quia cum dei adiutorio etiā per ipsas pressuras mundi & se & alios bene regunt. Et cum, inquit, finiti fuerint mille anni, soluetur satanas de custodia sua. Finitus dixit à toto partem: nam sic soluitur ut supersint anni tres & menses sex nouissimi certaminis tēporibus antichristi. Et exiet seducere nationes quæ sunt in quatuor angulis terræ. A parte totum dixit: nam non omnes seduci possunt: superbi tantummodo seducuntur & impij: nam humiles & ueri Christiani non seducuntur. Multi nanq; uocati, pauci electi. Et ascendit diabolus & populus eius multitudinem terræ. Id est, in elationem superbiæ. Et circumdederunt castra sanctorum & dilectorum ciuitatem, id est ecclesiā. Hoc quod supra dixit collectos in Armageson: nō enim ex quatuor angulis terræ potuerunt in unam ciuitatem congregari, sed in ipsis quatuor angulis terræ unaquæq; gens congregabitur in obsidionē sanctæ ciuitatis, id est, in persecutionem ecclesiæ. Et descendit ignis de cælo à deo, id est de ecclesia, & comedit eos. Dupliciter enim hoc loco intelligitur ignis: aut enim per ignem spiritus sancti creditur in Christum, & spiritualiter comeduntur ab ecclesia, id est, incorporantur ecclesiæ: aut peccatorū suorum igne comeduntur & pereunt. Et diabolus seducens eos, missus est in stagnum ignis & sulphuris, ubi & pseudoprophetæ & bestia. Pseudoprophetæ intelliguntur aut hæretici, aut ficti Christiani. Ex quo enim passus est do-

minus, moritur bestia, id est, ficti Christiani, & in ignem mittitur usquedum finiantur mille anni ab aduentu domini. Et punientur die ac nocte in secula seculorum. Et uidi mortuos magnos & pusillos stantes in conspectu throni, & libri aperti sunt, & alius liber apertus est qui est uitæ. Vniuscuiusque memoriam dicit gestorum nostrorum, non quod librum habeat commemoraturum occultorum cognitorum. Et iudicati sunt mortui ex his quæ scripta sunt in libris secundum opera sua. Id est ex testamentis iudicati sunt, secundum quod dei præcepta fecerunt, aut non fecerunt. Et dedit mare mortuos suos. Gentes quas hic iudicij dies inueniet uiuos, ipsi sunt mortui maris, quia hoc seculum mare est. Mors & infernus dederunt mortuos suos. Id est eos qui in sepulchris inueniendi sunt in iudicij die.

Mors & infernus missi sunt in stagnum. Mortem & infernum diabolus dicit & populum eius. Et qui non est inuentus scriptus in libro uitæ. Et qui uoluptatibus suis dimissis, per temporaneam examinationem in hoc seculo meruit iudicari à deo, dum uiueret.

Missus est in stagnum ignis. Et uidi celum nouum & terram nouam. Primum enim nouum celum & terra abierunt, & mare iam non est. Et ciuitatem sanctorum Hierusalem nouam uidi descendantem de celo, à deo compositam, sicut sponsam ornata uiro suo, Et audiui uocem magnam de celo dicentem. Ecce tabernaculum dei cum hominibus, & habitabit cum eis, & ipsi populus eius erunt & ipse deus, cum eis erit eorum deus. Et absterget deus omnem lachrymam ab oculis eorum, & mors non erit amplius, & luctus non erit. Hoc totum de gloria ecclesiæ dixit, qualem habebit post resurrectionem. Et dicit scribe, quoniam sermones isti fideles & ueri sunt. Et dixi mihi. Ego sum alpha & omega, initium & finis. Ego sitientibus dabo ex fonte aquæ uiuæ gratis. Id est cupienti remissionem peccatorum per fontem baptismi. Qui uincit possidebit hæc, & ero eius deus, & erit meus filius. Timidis autem & incredulis, execrabilibus & homicidis & ueneficis, idolorum cultoribus & omnibus mendacibus pars erit in stagno ardenti igne & sulphure, quod est mors secunda. Quod supradictum est: iudicauit meretricem illam magnam, quæ corripit terram uino fornicationis suæ, & uindicauit sanguinem seruorum suorum. Hæc uox ecclesiæ est, cū ab ea in die iudicij exierint omnes mali, æterno incendio concremandi, & fumus eorum ascendet in secula seculorum. Non enim uisibilis ciuitatis ascendet fumus in secula seculorum, sed hominum in superbia perdurantium. Quod autem dicit. Quia uenerunt nuptiæ agni. De Christo intelligitur & ecclesia. Quod uero dicit eam opertam bysso. In bysso iusta opera sanctorum intelliguntur, quibus iusti uestiuntur, secundum quod dictum est: Sacerdotes tui induantur iusticia. Quod autem dicit. Eos regnasse mille annos, præsens tempus intelligitur, in quo sancti iusti regnare dicuntur, quia se ita cum dei adiutorio regunt, ut à peccatis uinci non possint. Et ut hoc euidenter ostenderet, secutus ait. Hæc est prima resurrectio. Ipsa est enim qua resurgimus per baptismum, quia sicut prima mors est in hac uita per peccatum, ita & prima resurrectio per remissionem peccatorum. Beatus & sanctus qui habet in resurrectione primam partem. Id est qui reseruauit quod in baptismo renatus accipit. Quod autem dicit. Regnaturam ecclesiam mille annos in hoc seculo. Intelligitur usque ad finem mundi. Vnde manifestum est quod dubitari non debeat de perpetuo regno. Cū enim in præsentī seculo sancti regnent, recte regnare dicuntur, qui cum dei adiutorio inter ipsas pressuras mundi & se & alios bene regunt. Quod autem de diabolo dicit quia. Seducit nationes quæ sunt in quatuor angulis terræ. A parte totū intelligitur. Nam soli mali seducuntur: secundum illud, Multi uocati, pauci electi. Quod autem dicit. Diabolus & angeli eius circundederunt castra sanctorum & ciuitatem dilectorum. Non enim ex quatuor angulis terræ potuerunt in unam ciuitatem congregari, sed in ipsis quatuor angulis unaquæque gens congregatur in persecutione ecclesiæ. Quod autem dicit. Cecidit ignis de celo, & comedit eos. Dupliciter intelligi potest, aut enim per ignem sancti spiritus spiritualiter comeduntur dum ecclesiæ incorporantur: aut si ad deum conuerti noluerint, peccatorum suorum igne comeduntur & pereunt. Quod autem dicit. Libros apertos, Testamentum dei uoluit



A uoluit intelligi: secundum enim utrumque testamentum iudicabitur ecclesia. Librum uero uitae,) uniuscuiusque memoriam dicit gestorū nostrorū, quia in die iudicii nulli licebit nec ullus poterit abscondere peccata uel crimina sua. Quia mare dedit mortuos suos.) Eos dicit quos in hoc mundo uiuos inuenit aduentus Christi. Ipsi sunt mortui maris, quia hoc seculum mare est. Quod dicit. Mors & infernus dederunt mortuos suos.) Illi intelliguntur qui sunt in sepulchris inueniendi in die iudicii. Et mors & infernus missi sunt in stagnum ignis.) Hoc loco mortē & infernum, diabolū & populum eius intelligi uoluit, qui uoluptatibus suis dimissis, per temporaneam examinationem non meruit iudicari. Post hæc exposita ecclesiae gloria, adiungit & dicit. Ego sitienti dabo ex fonte uitae aquam gratis,) id est, cupienti remissionem peccatorum per fontem baptismi. Qui uincit, possidebit hæc, & ero eius deus, & erit meus filius.) Quod præstare dignetur qui uiuit. &c.

## Homilia XVIII.



IC VT modo audiuius fratres charissimi, angelus domini locutus est ad beatum Ioannem dicens. Veni ostendam tibi uxorem agni. Et abstulit me in spiritu supra montem magnū & altum.) Montē, Christum dicit. Et ostendit mihi ciuitatē sanctā Hierusalē descendentem de cælo,) hæc est ecclesia. Ciuitas in monte constituta, est sponsa agni: ipsa enim ciuitas tunc in monte est constituta, quando in humeris pastoris tanquā ouis ad ouile propriū reuocata est. Si enim alia est ecclesia, alia ciuitas descendens de cælo, erunt duæ sponsæ, quod omnino fieri non potest: & hanc enim ciuitatem sponsam dixit agni, unde manifestum est ipsam esse ecclesiam, quam sic describit dicens. Habentem claritatē dei, luminare eius simile lapidi precioso.) Lapis preciosissimus Christus est. Habētē murū magnū & altū, habentē portas duodecim, & super portas angulos duodecim.) Ostendit duodecim portas & duodecim angulos apostolos esse & prophetas: quoniā sic scriptum est, *Ædificati sumus supra fundamentū apostolorū & prophetarum*, sicut dominus dixit Petro, *Super hanc petrā ædificabo ecclesiam meā.* Ab oriente <sup>Ephes. 2</sup> <sup>Matth. 16</sup> portæ tres, ab aquilone portæ tres, ab austro portæ tres, ab occidente portæ tres.) Et quia ciuitas ista quæ describitur, ecclesia est toto orbe diffusa, ideo per quatuor partes ciuitatis terræ portæ dicuntur esse, quia per totas quatuor partes mundi trinitatis mysterium in ecclesia prædicatur. Et super eas duodecim nomina apostolorum & agni.) Quod sunt portæ, hoc fundamentum: quod ciuitas, hoc murus. Et qui loquitur mecum, habet mensurā arundineam auream.) In arundinea aurea hominis ecclesiam ostendit, fragili quidem carne, sed aurea fide fundatam: sicut Apostolus dicit, *Habetis thesaurum in uasis fictilibus.* Et super <sup>2. Cor. 4</sup> pellex muri & ciuitatis aurum mundum, simile uitro mundo.) Ecclesia enim aurea est, quia fides eius uelut aurum splendet, sicut septem candelabra, & ara aurea, & phialæ aureæ, hoc totum ecclesiam figurauit. Vitrum autem ad puritatē fidei retulit, quia quod foris uidetur, hoc est & intus, & nihil est simulatū, & nō est perspicuum nisi sanctis ecclesiae. Fundamentum primum, iaspis: secundum, saphirus: tertium, calcedonius: quartum, smaragdus: quintū, sardonius: sextum, sardius: septimum, Chrysolithus: octauum, berillus: nonum, topazius: decimum, chrysoprasus: undecimū, Hyacinthus: duodecimū, amethystus.) Ideo diuersitatem gemmarum in fundamentis nominare uoluit, ut dona diuersarum gratiarum, quæ apostolis data sunt, demonstraret: sicut de spiritu sancto dictū est, *Diuidens singulis prout uult.* Et <sup>1. Cor. 12</sup> ideo duodecim margaritæ singillatim. Et unaquæque porta erat ex una margarita.) Et in istis margaritis dictum est quod apostolos designauit, qui ideo portæ dicuntur, quia per doctrinam suam æternæ uitæ ianuam pandunt. In platea quæ erat uelut aurum mundum & uitrum, ostendit ecclesiā. In platea ciuitatis aurū mundum & uitrum perspicuū, & templum non uidi in ea, dominus enim deus omnipotēs templum eius est & agnus.) Hoc ideo quia in deo est ecclesia, & in ecclesia deus. Ciuitas non indiget sole neque luna, ut luceant in ea, quia non lumine aut elementis regitur ecclesia, sed Christo æterno sole deducitur per mundi tenebras. Claritas enim dei illuminauit eam, & lucerna eius agnus est.) Ipso dicente, Ego sum lux

1047. S. C. : sum lux mundi: & iterū, Ego sum lumen uerum, quod illuminat omnē hominē uenientē in hūc mundum. Ambulabunt gentes in lumine tuo, & reges terræ offerēt gloriam.) Reges terræ filios dei dicit. Et portæ eius non claudentur die. Nox enim ibi non est, usq; in æternum. Et ferent gloriā & honorem gentium,) in Christo utiq; credentium. Et non introibit in eam omne immundum, aut faciens abominationes & mēdacium, nisi qui scriptus est in libro uitæ & agni.) In medio plateæ eius fontem baptismi ostendit, in medio ecclesiæ uenientem à deo & Christo. Nam quale decus ciuitatis potest esse, si flumē per medium plateæ eius ad impedimentum habitantium descendit? Et ex utraq; parte fluminis lignum uitæ faciens fructus duodecim per singulos menses, & reddēs fructum suū.) Donante Iesu Christo domino nostro, Qui uiuit & regnat cū patre & spiritu sancto in secula seculorū, Amen.

### Expositionis in Apocalypsim finis.

#### AD LECTOREM.

Habes hic eucharistias, doxologias & preces aliquot pias ac doctas, quarum exceptis potestis Augustinum fuisse autorem, nec asseuerare uelim, nec inficiari; illud res indicat ab eo proditas, qui libros Augustini non indiligenter legir, Titulum addiderant

#### LIBER MEDITATIONVM.

##### Caput I



DOMINE deus meus da cordi meo te desiderare, desiderādo quærere, quærēdo inuenire, inueniēdo amare, amando mala mea redimere, redēpta non iterare. Da domine deus meus cordi meo poenitentiam, spiritui contritionem, oculis lachrymarum fontem, manibus elemosynæ largitatē. Rex meus, extingue in me desideria carnis, & accēde ignem tui amoris. Redemptor meus, expelle à me spiritum superbix, & concede propitius thesaurum humilitatis tuæ. Saluator meus, amoue à me furorē iræ, & indulge mihi benignus scutum patientiæ. Conditor meus, euelle à me animi rancorem, & largire mihi mitis mentis dulcedinem. Da clementissime pater mihi solidam fidem, spem congruam, charitatem continuam. Rector meus, auerte à me uanitatem, mentis inconstantiam, corporis uagationem, oris scurrilitatem, oculorum elationem, uentris ingluuiē, opprobria proximorum, scelera de tractionum, curiositatis pruriginē, diuitiarum cupidinem, potentatuum rapinā, inanis gloriæ appetitum, hypocrisis malum, adulationis uenenum, contemptum inopum, oppressiōnem debiliū, auaritiæ ardorem, inuidiæ rubiginem, blasphemix mortem. Refeca in me factor meus temeritatē iniquam, pertinaciam, inquietudinem, ociositatem, somnolentiam, pigritiam, mentis hebetudinem, cordis cæcitatem, sensus obstinationem, morum truculentiam, boni inobedientiā, cōsiliij repugnantiam, linguæ effrenationem, pauperum prædam, impotentium uiolentiam, innocentum calumniam, subditorum negligētiam, circa domesticos sœueritatem, aduersus familiares impietatem, erga proximos duritiam. Deus meus misericordia mea, oro te per dilectum filium tuum, da mihi misericordiæ opera, pietatis studia, compati afflictis, consulere erroneis, succurrere miseris, subuenire egenis, consolari mœstos, releuare oppressos, pauperes recreare, flebiles refouere, dimittere debitoribus, parcere in me peccantibus, odientes me diligere, pro malis bona reddere, neminem despiciere, sed honorare: bonos imitari, malos cauere, uirtutes amplecti, uitia reiicere, in aduersis patientiam, in prosperis continentiam, custodiam oris, & ostium circumstantiæ labijs meis, terrena calcare, cœlestia sitire.

Caput II

Ecce plasmator meus, multa rogauī, cum nec pauca promerui. Fateor, heu fateor, nō solum quæ postulo nō debentur dona, sed multa & exquisita supplicia. Animant tamen me publicani, meretrices & latrones, qui à faucibus hostis momentanee eruti, sinibus excipiuntur pastoris. Tu enim factor omnium deus, licet in cunctis operibus tuis sis mira,



A mirabilis, mirabilior tamen crederis esse in operibus pietatis. Vnde de temetipso per quem  
dam tuum seruum dixisti, Miserationes eius super omnia opera eius. Et quasi de singulo lo <sup>psal. 144</sup>  
quentem de uniuerso populo tuo te dixisse confidimus, Misericordiam autem meam non <sup>psal. 88</sup>  
dispergā ab eo. Nullū enim spernis, neminē abijcis, neminē perhorrescis, nisi forte qui amēs  
te exhorruerit. Ergo modo iratus non percutis, sed te iritantibus dona, si quieuerint, tribuis.  
Deus meus cornu salutis meæ & susceptor meus, ego infelix, ego te iritavi, ego malum corā  
te feci, furorē tuū prouocaui, iram promerui, peccaui & passus es, deliqui & adhuc sustines.  
Si pœniteo, parcis: si reuertor, suscipis: insuper dum differo, præstolaris. Reuocas errantem,  
inuitas repugnantem, expectas torpentem, amplexaris redeuntē. Doces ignorantem, mœ/  
rentem mulces, à ruina suscitās, post lapsum reparas, petēti largiris, quærēti inueniris, & pul/  
santi aperis. Ecce domine deus salutis meæ quid opponā nescio, quomodo respondeā igno/  
ro, nullum abs te confugium, nullum abs te patet latibulum, ostendisti mihi bene uiuendi  
uiam, & gradiendi scientiam dedisti, minatus es mihi gehennam, & pollicitus es mihi para/  
disi gloriam. Nunc pater misericordiarum & deus totius consolationis, confige timore tuo  
carnes meas, quatenus quæ minaris, metuēdo euadam: & redde mihi lætitiā salutaris tui,  
ut quæ spondes diligendo percipiam. Fortitudo mea domine, firmamentum meum, deus  
meus, refugium meum, & liberator meus, suggere quid de te cogitem, doce quibus te sermo  
nibus inuocem, da quibus operibus tibi placeam. Scio nanq; scio unum quo tu placaris, &  
aliud quod non spernis. Est utiq; tibi spiritus contribulatus sacrificium, & acceptas cor con/  
tritum & humiliatum. His me deus meus, adiutor meus dita muneribus, his contra inimi/  
cum muni protectionibus, hoc de flammis uitiorum præsta refrigerium, hoc autem deside/  
riorum passionibus pande pium refugium. Fac domine uirtus salutis meæ, ne sim de nume/  
ro eorum qui ad tempus credūt, & in tempore tentationis recedunt. Obumbra caput meū  
in die belli, spes mea in die afflictionis, & salus in tempore tribulationis. En domine illumi/  
natio mea & salus mea rogavi quibus egeo, intimaui quæ timeo, sed remordet conscientia,  
B reprehēdūt me cordis secreta, & quod amor ministrat, timor dissipat, zelus incitat, metus in/  
crepat. Acta mea formidinē, sed tua ingerit pietas fiduciā: tua hortat benignitas, mea tar/  
dat malignitas. Et ut uerius fatear, occurrūt memoriæ phātasmatum uitiorū, quæ reuerberāt  
audaciam præsumptum animorū. Cū enim quis odio dignus sit, qua fron- <sup>Caput III</sup>  
te gratiam requirit? Cui pœna debetur, qua temeritate gloriam deposcit? Lacescit iudicem,  
qui postposita satisfactioe delicti quærīt præmijs honorari. Regi insultat obnoxius suppli/  
cio, qui donari flagitat indebito brauiō: & dulcem affectum patris stultus exacerbat filius,  
qui post illatas contumelias, ante pœnitudinē hæreditatis usurpat celsitudinem. Quid mi/  
pater me gessisse recolo? merui mortem, & peto uitā. Commoui regem meū, cuius impudēs  
inuoco præsidium. Contempsi iudicem, quem temere postulo adiutorem. Insolens renui au/  
dire patrem, quem demum præsumo habere tutorem. Heu mihi quā sero uenio, heu heu  
quā tarde festino, heu me quia curro post uulnera, dedignās incolumis præcauere iacula.  
Neglexi prospicere tela, modo uero sollicitor de morte uicina, uulnera uulneribus inflexi,  
quia scelera sceleribus addere non timui. Recentī cicatrices labe resperxi, quia prisca flagitia  
modernis iniquitatibus reciprocaui, & quæ diuina solidauerat medicina, mea resoluit pru <sup>aliās nouis</sup>  
rigo phrenetica. Cutis quæ superducta uulneribus morbum cælauerat, sanie erumpente pu <sup>Ezech. 5. 18</sup>  
truit, quia iterata iniquitas concessam misericordiam exinaniuit. Noui quippe scriptum, In  
quacunq; hora iustus peccauerit, omnes iustitiæ eius obliuiscuntur. Si iustitia aboletur iusti  
ruētis, quāto magis pœnitētia peccatoris in idipsum reuertētis? Quotiēs canis redij ad uomē  
tū, & quasi sus repetij uolutabrū? Fateor, quia nihil recordari est impossibile. Quot morta/  
liū ignorātes peccare docui, nolētibus delinquere persuasi, resistētes coēgi, uolētibus cōsen/  
si? Quot sanē gradientibus laqueū induxi, uia quærētibus foueā retexi, quod ut patrare nō  
horrerem, obliuisci non metui. Sed tu iustus iudex signans peccata, quasi in sacculo obser/  
uasti omnes semitas meas, & cunctos gressus meos dinumerasti, tacuisti, semper siluisti,  
paties

cap. IIII *cap. IIII* patiens fuisti. Væ mihi demum loqueris quasi parturiens. Deus deorum domine c  
 præstabilis super malicia, noui quia manifestus uenies, noui quia non semper filebis, cum  
 in conspectu tuo ignis exardescet, & in circuitu tuo tempestas ualida ingruerit, cum aduo/  
 caueris cœlum desuper & terram discernere populum tuum. Et ecce coram tot milibus po/  
 pulorum nudabuntur omnes iniquitates meæ, tot agminibus angelorum patebunt uniuersa  
 scelera mea, non solum actuum, sed etiam cogitationum simulq; locutionum. Tot iudi/  
 cibus inops astabo, quot me præcesserunt in opere bono: tot arguentibus confundar, quot  
 mihi præbuerunt bene uiuendi exempla: tot conuincar testibus, quot me monuerunt profi/  
 cuis sermonibus, seq; imitandos iustis dederunt actionibus. Domine mi nō suppetit quid  
 dicam, non occurrit quid respondeam. Et cum iam inter sim sæuo illi discrimini, torquet me  
 conscientia, cruciant cordis arcana, coartat auaricia, accusat superbia, consumit inuidia, in/  
 flammatur concupiscentia, infestat luxuria, dehonestat gula, ebrietas confutat, detractio la/  
 cerat, ambitio supplantat, rapacitas obiurgat, discordia dissipat, ira perturbat, leuitas dis/  
 soluit, torpor opprimit, hypocrisis fallit, adulatio frangit, fauor attollit, calumnia pungit.  
 Ecce liberator meus de gentibus iracundis, ecce cū quibus uixi à die natiuitatis meæ, quibus  
 & studui, quibus & fidem seruauī. Ipsa me quæ dilexeram studia, damnant: quæ laudaueram,  
 uituperant. Hi sunt quibus acquieui amici, quibus parui magistri, & quibus seruiui do/  
 mini, consules quibus credidi, ciues quibus cohabitauī, domestici quibus cōsensi. Heu mihi  
 rex meus & deus meus, quia incolatus meus prolōgatus est. Væ mihi illuminatio mea, quia  
 habitauī cum habitantibus cedar. Et cum Dauid sanctus dixerit multum, quanto magis  
 ego infelix dicere possum, nimis incola fuit anima mea, firmamentum meum deus, non in/  
 stificabitur in cōspectu tuo omnis uiuens. Spes mea non est in filiis hominū, quæ si remota  
 pietate iudicaueris, iustum inuenies. Et nisi præueneris miserando impium, non est quod  
 glorificet pium. Credo nanq; salus mea quod audiui, quoniā benignitas tua ad pœniten/  
 tiam me adducit, tui oris mihi sonuerunt nectarea labia. Nemo potest uenire ad me, nisi  
 pater meus qui misit me traxerit eum. Enimuero quia me instruxisti, tanquam propitius  
 instructione formasti, totis medullis cordis, toto nisu mentis te omnipotens pater cum di/  
 lectissimo filio tuo, teq; dulcissima proles cum serenissimo inuoco paracleto, trahere me qua/  
 tenus post te curram in odorem unguentorum tuorum dulciter.

cap. V *cap. V* Inuoco te deus meus, inuoco te, quia prope es omnibus inuocantibus te in in ueritate:  
 tu enim ueritas es, doce me quæso per clementiam tuam, sancta ueritas, te inuocare in te,  
 quia hoc fieri quo modo oporteat nescio, sed à te doceri beata ueritas humiliter imploro.  
 Absq; te enim sapere, est desipere: te uero nosse, est perfecte scire. Erudi me diuina sapien/  
 tia, & doce me legem tuam. Credo nanq; quem tu erudieris beatus erit, & de lege tua do/  
 cueris eum. Desidero inuocare te, quod quæso fiat in ueritate. Quid est in ueritate inuocare  
 ueritatem, nisi in filio patrem? Ergo sancte pater, sermo tuus ueritas est, principiumq; uer/  
 borum tuorum ueritas. Hoc quippe est uerborum tuorum principium, quod in principio  
 erat uerbum. In ipso principio te summū adoro principium. In ipso ueritatis uerbo, te perfe/  
 cta inuoco ueritas, in quo ipsa eadē ueritas dirigas me in ueritate & doceas. Quid enim est  
 dulcius q; genitorem in nomine unigeniti inuocare, patrem in recordatione filij ad pietat/  
 tem inflectere, regem charissimæ sobolis denominatione mitigare? Sic enim solent rei car/  
 ceribus eripi, sic commancipati uinculis liberari, sic tristem accipientes sententiam capitis,  
 non solum absolui, sed insuper nancisci insolitam gratiam, dummodo iratis principibus di/  
 lectæ prolis intimauerint charitatē: sic delinquentes seruuli euadunt supplicia dominorum,  
 dum pro eis interuenit dulcedo filiorum. Sic te omnipotens pater per omnipotētis filij cha/  
 ritatē postulo, educ de carcere ad confitendū nomini tuo animā meam, libera me à uinculis  
 peccatorū, per coæternū flagito unicū tibi natū, meq; cui propria merita lætalem minatur  
 sententiā, per preciosissimæ ad dexterā tuā confidentis prolis interpellationē restaura placa/  
 tus ad uitam. Quem enim alium dirigam intercessorē tibi nescio, nisi hunc qui est propitia/  
 tio



A tio pro peccatis nostris, qui sedet ad dexteram interpellans pro nobis. Ecce aduocatus meus apud te deum patrem. Ecce pontifex summus, qui non alieno eget expiari sanguine, qui proprio refulget perfusus cruore. Ecce hostia sancta, bene placens & perfecta, in odorē suauitatis oblata & accepta. Ecce agnus sine macula; qui coram se tondentibus obmutuit, qui alapis cæsus, sputis illitus, opprobrijs affectus, os suum non aperuit. En qui peccatum non fecit, peccata nostra pertulit, & languores nostros suo liuore sanauit.

Aspice pater pie pijsimū filium pro me tam impia passum. Respice clementissime rex quis patitur, & reminiscere benignus pro quo patitur. Nonne hic est mi domine innocens ille, quem ut seruū redimeres, filium tradidisti? Nunquid autor uitæ hic est, qui ut ovis ad occisionem ductus, tibiq; usq; ad mortem obediens factus, atrocissimæ non timuit necis genus subire? Recole totius salutis dispensator, quia hic est ipse, quem etsi ex tua uirtute genuisti, meæ tamen infirmitatis participem fieri uoluisti. Vere hæc est tua deitas quæ meam induit naturam, crucis ascendit patibulum, quæ in assumpta carne triste tulit supplicium. Reduc domine deus meus oculos tuæ maiestatis super opus ineffabilis pietatis. Intuere dulcē natum toto corpore extensum, cerne manus innoxias pio manantes sanguine, & remitte placatus scelera quæ patrarunt manus meæ. Considera inerme latus crudeli perfossū cupidē spide, & renoua me sacro fonte quem inde credo fluxisse. Vide immaculata uestigia quæ non steterunt in uia peccatorum, sed semper ambulauerunt in lege tua diris confixa clauis, & perfice gressus meos in semitis tuis, & fac me odio habere benignus omnes uias iniquitatis: uiam iniquitatis amoue à me, & fac me propitius uiam ueritatis eligere. Oro te rex sanctorum per hunc sanctum sanctorum, per hunc redemptorem meum, fac me currere uiam mandatorum tuorum, ut ei ualeam spiritu uniri, qui mea non horruit carne uestiri. Nunquid non attendis pie pater adolescentis filij charissimi caput, niuea ceruice deflexa preciosissimam resolutum in mortem? Aspice mitissime conditor dilectæ sobolis humanitatem, & miserere super infirmi plasmatis debilitatem. Candet nudatum pectus, rubet cruentum latus, tenfa arent uiscera, decora languent lumina, regia pallent ora, procera rigent brachia, crura pendent marmorea, rigat terebratos pedes beati sanguinis unda. Specta gloriose genitor gratissimæ proles lacerata membra, & memorare benignus quæ mea est substantia, conspiciare dei hominis poenam, & relaxa conditi hominis miseriam. Vide redemptoris supplicium, & redempti dimitte delictum. Hic est domine mi quem propter peccata populi tui percussisti, licet ipse sit dilectus in quo tibi bene placuisti. Hic est ille innocens in quo dolus non est inuentus, & tamen inter iniquos deputatus est.

Caput VI

Caput VII

Quid commisisti dulcissime puer, ut sic iudicareris? Quid commisisti amantissime iuuenis, ut adeo tractareris? Quod scelus tuum, quæ noxa tua, quæ causa mortis, quæ occasio tuæ damnationis? Ego enim sum tui plaga doloris, tuæ culpa occisionis. Ego tuæ mortis meritum, tuæ uindictæ flagitium. Ego tuæ passionis liuor, tui cruciatus labor. O mirabilis censuræ conditio, & ineffabilis mysterij dispositio. Peccat iniquus, & punitur iustus: delinquit reus, & uapulat innocens: offendit impius, & damnatur pius: quod committitur meretur malus, patitur bonus: quod perpetrat seruus, exoluit dominus: quod committit homo, sustinet deus. Quò nate dei, quò tua descendit humilitas? quò tua flagrauit charitas? quò processit pietas? quò excreuit benignitas? quò tuus attigit amor? quò peruenit compassio? Ego enim inique egi, tu poena mulctaris: ego facinus admisi, tu ultione plecteris: ego crimen ædidi, tu torturæ subijceris: ego superbiui, tu humiliaris: ego gumi, tu attenuaris: ego inobediens extiti, tu obediens scelus inobedientiæ luis: ego gula parui, tu inedia afficeris: me ad illicitam concupiscentiam rapuit arbor, te perfecta charitas duxit ad crucem: ego præsumpsi uetitum, tu subisti euleum: ego delector cibo, tu laboras patibulo: ego fruor delitijs, tu laniaris clauis: ego pomi dulcedinem, tu felis gustas amaritudinem: mihi ridens congaudet Eua, tibi plorans compatitur Maria. Ecce rex gloriæ, ecce mea impietas, & tua claret pietas. En mea iniustitia, & tua liquet iustitia.

*psal. 115* iustitia. Quid rex meus & deus meus, quid retribuam tibi pro omnibus quæ retribuisti mihi? Non enim inueniri potest in corde hominis quod condigne talibus referatur præmijs. Nunquid sagacitas machinari potest humana, cui cōparetur miseratio diuina? Nec est creaturæ moliri officium quo iuste creatoris recompēset præsidium. Est autem <sup>†</sup> nate dei in hac tua admirabili dispensatione, est cui fragilitas mea in aliquo suppeditet, si tua uisitatione compuncta mens carnem suam crucifigat cum uitijs & concupiscentijs, & hoc cum à te conceditur, quasi iam tibi incipit compati, quia & tu pro peccato meo dignatus es mori. Sicq̃ per interioris hominis uictoriam te duce armabitur ad exteriorem palmam, quatenus deui cta persecutione spiritali, non uereatur pro amore tuo subiici gladio materiali. Ita exiguitas conditionis, si tuæ complaceat pietati, magnitudini ualebit pro uiribus respondere creatoris. Et hæc cœlestis medicina bone Iesu, hoc tui antidotum amoris. Oro te per antiquas misericordias tuas, infunde uulneribus meis quod reiecta uipereæ cōtagionis bile, reintegret me incolumitati pristinæ, quo gustatum tuæ nectar suauitatis faciat me illecebrosa mundi toto affectu despiciere, & nulla eius aduersa pro te formidare, memorq̃ perpetuæ nobilitatis, semper fastidiam uentos huius transitorijs tumoris. Nihil quæso sine te mihi dulcescat, nihil complaceat, nil preciosum, nil præter te mihi arrideat speciosum, uilescant obsecro absq̃ te mihi omnia, sordeant uniuersa. Quod tibi aduersum est, sit mihi molestum: & tuum beneplacitum, mihi indeficiens desiderium. Tædeat me gaudere sine te, & delectet contristari pro te. Sit mihi nomen tuum refocillatio, & memoria tua consolatio, fiant mihi lachrymæ meæ panes die ac nocte inuestigando iustificationes tuas, sit mihi bonum lex oris tui super milia auri & argenti. Sit obedire tibi mihi amabile, & resistere tibi execrabile. Rogo te spes mea per omnes pietates tuas ut propitieris impietatibus meis. Adaperi aures meas mandatis tuis, & ne declines flagito per nomen sanctum tuum, in uerba maliciæ cor meum ad excusandas excusationes in peccatis: peto etiam per admirabilem humilitatem tuam, ne ueniat mihi pes superbiæ, & manus peccatoris non moueat me.

*cap. VIII* Ecce omnipotens deus pater domini mei dispone benignus, quæso miserearis mei, quoniam quicquid preciosius inueni, deuote obtuli, quicquid clarius repperi, suppliciter præsentavi. Nihil mihi reliqui quin tuæ exposuerim maiestati, nihil iam superest quod adijciam, quia totam tibi delegaui spem meam. Direxi tibi aduocatum meum dilectum filium tuum, misi gloriosam progeniem inter me & te mediatorem, misi, inquā, intercessorem, per quem confido ueniam, misi uerbis uerbum, quem pro meis dixi missum factis, & numeraui tibi sanctissimæ sobolis passionem, quā pro me credo fuisse perpeffam. Credo à te missam deitatem, meam suscepisse humanitatem, in qua dignum duxit alapas, uincula, sputa, irrisiones perferre, nec nō crucem, clauos telumq̃ suscipere. Hanc olim infantia uagitibus demolitam, pueritiæ pannis constrictam, iuuentutis sudoribus uexatam, ieiunijs maceratam, uigilijs afflictam, itineribus fessam, postea affectam flagris, laceratam supplicijs, deputatam cum mortuis, dotatam gloria resurrectionis cœlorum gaudio induxit, & in dextera tua celsitudinis collocauit: hæc placatio mea & propitiatio tua. Hic attende pius quem genueris filium, & quem redemeris seruum. Hic aspice factorem, & ne despicias facturam. Amplectere serenus pastorem, & respice misericors allatam proprijs humeris ouem. Hic est fidelissimus pastor ille qui dudum errabundam per abrupta montium, per præcipitia uallium multis uarijsq̃ quæsierat laboribus, quiq̃ iam morienti, iam per longa exilia deficiente, tamen inuenta gaudens se supposuit, & miro sibi annisu charitatis à profunda confusionis abyffo leuauit, pijsq̃ astrictam complexibus ad nonagintanouem unam quæ perierat reportauit. Ecce domine mi, rex deus omnipotens, ecce pastor bonus refert tibi quod commisisti ei. Suscepit te disponente ad saluandum hominem, quem tibi restituit omni laquebe immunem. Ecce tuum tibi charissimus natus plasma reconciliauit, quod à te procul deuiauit. En gregi tuo pastor mitis reformat, quod prædo uiolentus abegerat. Reddit tuis conspectibus seruum, quem sua fecerat conscientia fugitiuum, ut qui per se meruit poenam, per factionem



A factionem huius mereatur ueniam, cuiq; pro culpis supererat gehenna, tanto duce iam confidat reuocari ad patriam. Potui per me te sancte pater offendere, sed non ualui per me placare. Factus est adiutor meus deus meus, tuus dilectus filius, meam participans humanitatem ut curaret infirmitatem, quatenus unde causa emerferat offensionis, inde tibi imolaret sacrificium laudis, meq; per hoc redderet tuæ pietati placabilem, quo sedens ad dexteram tuam semper meæ substantiæ se ostenderet esse consortem. Ecce spes mea, ecce tota fiducia mea. Si me pro mea, ut dignū est, despicias iniquitate, respice me saltē misericors pro dilectæ sobolis charitate. Attende in filio quo propitius seruo, uide carnis sacramentum, & remitte carnis reatum. Quotiens beatæ prolis tibi patent uulnera, delitecant obsecro scelera mea. Quotiens rubet preciosus pio de latere sanguis, diluatur obsecro labes meæ pollutionis. Et quia caro te lacerauit ad iram, caro te flectat imploro ad misericordiam: & sicut me caro seduxit ad culpam, caro deducat ad ueniam. Multum nanque est quod mea mereatur impietas, longe autem maius quod redemptoris mei reposcit iure pietas. Magna enim est mea iniustitia, fateor, uerum maior redemptoris iustitia. Quanto nanque est superior deus homine, tanto mea malitia est inferior eius bonitate in qualitate & quantitate. Quid enim deliquit homo, quod non redemerit filius dei factus homo? Quæ tanta superbia tu meret, quam non tanta humilitas sterneret? Quod nam tantum mortis imperium, quod nati dei non destrueret crucis supplicium? Nimirum deus meus si æqua lance delicta peccantis hominis, & redimentis gratia librentur auctoris, non tantum oriens ab occidente, seu inferior separatur infernus à summo cœli cardine. Iā lucis optime creator, iā culpis ignosce meis, pro dilecti filij tui laboribus immensis. Iam eius quæso pietati mea impietas, eius modestiæ mea peruersitas, & mansuetudini donetur ferocitas. Iam sua humilitas meam superbiam, patientia impatientiam, benignitas duriciam, obedientia inobedientiam, tranquillitas inquietudinem, dulcedo amaritudinem, suauitas iram, charitas lucrifaciat crudelitatem. Caput IX

B Iam diuini amor numinis, patris omnipotentis prolisq; beatissimæ sancta communicatio omnipotens paraclete spiritus, merentium consolator clementissime, iam cordis mei penetralibus potenti illabere uirtute, & tenebrosa quæque laris neglecti latibula, corusci luminis fulgore pius habitator lætifica, tuiq; roris abundantia longo ariditatis marcentia squalore uisitando fecunda. Saucia interioris hominis arcana tui amoris iaculo, & torpentis medullas iecoris flammis salutaribus penetrando succende, sanctiq; feruoris igne illustrando intima mentis & corporis uniuersa depasce. Pota me torrente uoluptatis tuæ, ut nil iam mundanorum degustare libeat uenenatæ dulcedinis. Iudica me domine & discerne causam meam de gente non sancta, doce me facere uoluntatem tuam, quia deus meus es tu. Credo ergo quia quemcunque inhabitaueris, patris ac pariter filij domicilium condis. Beatus qui te merebitur hospitari, quoniam per te pater & filius apud eum faciunt mansionem. Veni iam, ueni benignissime dolentis animæ consolator, protegens in opportunitatibus, in tribulatione adiutor. Veni mundator scelerum, curator uulnerum. Veni fortitudo fragilium, releuator labentium: ueni humilium doctor, superbiorum destructor. Veni orphanorum pius pater, uiduarum dulcis iudex. Veni spes pauperum, refocillator deficientium. Veni nauigantium sydus, naufragij portus. Veni omnium uiuentium singulare decus, morientium unica salus. Veni sanctissime spiritus, ueni & miserere mei, apta me tibi, & condescende propitius mihi, ut mea tuæ magnitudini exiguitas, roboriq; tuo mea imbecillitas secundum multitudinem tuarum complaceat miserationum, per Iesum Christum saluatorem meum, qui cum patre in tua unitate uiuit & regnat in secula seculorum, Amen. psal. 42

Scio domine, scio & fateor, quia non sum dignus quem tu diligas, sed certe tu non es indignus quem ego diligam. Indignus quidem sum tibi seruire, sed tu non es indignus seruire. Uitio creaturæ tuæ, da ergo mihi domine unde tu es dignus, & ego ero dignus unde sum indignus. Fac me quomodo uis à peccatis cessare, ut quomodo debeo possim tibi seruire. Cōcede mihi sic custodire & regere & finire uitam meā, ut in pace dormiam, & in te requiescā. cap. X  
Præsta

Caput XI Præsta mihi in finem ut me excipiat somnus cum requie, requies cum securitate, securitas in æternitate, Amen. Te deum patrem ingenitum, te filium unigenitum, te spiritum

Cap. XII

sanctum paracletum, sanctam & indiuiduam trinitatem toto corde & ore confitemur, laudamus atq; benedicimus, tibi gloria in secula seculorum, Amen. O summa trini-

tas, uirtus una & indiscreta maiestas, deus noster, deus omnipotens, confiteor tibi ego ultimus seruorum tuorum, & exiguum membrum ecclesiæ tuæ cōfiteor tibi, & honorifico te debito sacrificio laudis pro scire & posse quod mihi tantillo donare dignatus es. Et quia exteriora mihi munera defunt quæ possim offerre, ea quæ in me sunt uota laudationis ex dono misericordiæ tuæ, ecce libens atque ouans offero tibi de fide non ficta & conscientia pura. Credo igitur te ex toto corde rex cœli & terræ domine, & ore te confiteor patrem & filiū & spiritum sanctum in personis trinum, & in substantia unū, uerum deum omnipotentem, unius simplicis & incorporeæ, inuisibilis & incircumscriptæ naturæ, nihil te superius aut inferiorius maiusue aliquid habentem, sed per omnem modum sine deformitate perfectum, sine quantitate magnum, sine qualitate bonū, sine tempore sempiternum, sine morte uitam, sine infirmitate fortem, sine mendacio uerum, sine situ ubiq; præsentē, sine extensione omnia implentem, sine contradictione ubiq; occurrentem, sine motu omnia transcendentem, sine statu intra omnia manentem, sine indigentia omnia creantem, sine labore omnia regentē, sine tui initio omnibus initia dantem, sine tui mutatione omnia mutabilia faciētem, in magnitudine infinitum, in uirtute omnipotentem, in bonitate summum, in sapiētia inestimabilem, in consilijs terribilem, in iudicijs iustum, in cogitationibus secretissimum, in uerbis ueracem, in operibus sanctum, in misericordijs copiosum, erga delinquentes patientissimum, erga poenitētes piissimum, semper eundem ipsum æternū ac sempiternum, immortalem atque incommutabilem, quem nec spacia dilatant, nec breuitas locorum angustat, nec receptacula ulla coartant, nec uoluntas uariat, nec necessitudo corrumpit, nec mœsta perturbāt, nec læta demulcent. Cui nec obliuio tollit, nec memoria reddit, nec præterita transeunt, nec futura succedunt. Cui nec origo initium, nec tempora incrementum, nec casus finem dabit, sed ante secula & in seculis & per secula in æternum uiuis, & est tibi perennis laus & æterna gloria, summa potestas & singularis honor, perpetuum regnum, & sine fine imperium, per infinita & indefessa & immortalia secula seculorum, Amen. Hucusq; omnipotens

Cap. XIII

deus cordis mei inspector & scrutator, confessus sum omnipotentiam maiestatis tuæ, & maiestatem omnipotentiae tuæ, nunc autē qualiter humano generi subuenire dignatus es in fine seculorum, sicut corde credo ad iustitiam, ita ore coram te confiteor ad salutem. Tu quidem deus pater solus nunquam & nusquam legeris missus, de filio autem tuo ita scribit Apostolus, Cum autem uenit plenitudo temporis, misit deus filium suum. Cum dicit, misit, satis ostendit, quia in hunc mūdum missus aduenit, cum de beata Maria semper uirgine natus, uerus & perfectus homo in carne apparuit. Sed quid est quod de illo ille euangelistarum præcipuus ait, In mundo erat & mundus per ipsum factus est? Illuc uero missus est per humanitatem ubi semper fuit & est per diuinitatem. Quam uidelicet missionem opus esse totius sanctæ trinitatis toto corde credo, & ore confiteor. Quomodo autem nos amasti pater sancte & bone, quantū nos dilexisti pie cōditor, q; etiā proprio filio nō pepercisti, sed pro nobis impijs tradidisti illum, subditus tibi ille fuit usq; ad mortē, mortem autem crucis, tollens chi rographū peccatorū nostrorū & affigēs illud cruci, crucifixit peccatū & occidit mortē, unus ille inter mortuos liber, potestatem habens ponēdi animam suam pro nobis, & iterum suū mēdi eam pro nobis. Igitur uictor & uictima, & ideo uictor, quia uictima pro nobis tibi, sacerdos & sacrificiū: & ideo sacerdos, quia sacrificiū. Merito mihi spes ualida in illo est, quia sanabis omnes lāguores meos per eum qui sedet ad dexterā tuam & interpellat pro nobis. Languores quippe mei domine magni sunt & multi, multi sunt & magni: habet enim multa in me princeps mūdi huius, scio & fateor, sed rogo te libera me per sedentē ad dexteram tuam redemptorem nostrum, in quo nihil sui mali potuit inuenire. Per ipsum me iustifica-

qui



A qui peccatum non fecit, nec inuentus est dolus in ore eius, per ipsum caput nostrum in quo nulla est macula, libera membrum eius licet exiguum & infirmum, libera quæso me à peccatis, uitijs, culpis & negligentijs meis. Reple me tuis sanctis uirtutibus, & fac me bonis pol-  
lere moribus, fac me in sanctis operibus tuis propter nomen sanctū tuum perseverare usq;  
in finem secundum tuam uoluntatem. Desperare utiq; potuissem propter nimia Cap. XIII

peccata mea & infinitas negligentias meas, nisi uerbum tuum deus caro fieret & habitaret in nobis. Sed desperare iam non audeo, quia cū inimici essemus, reconciliati sumus per mortem filij tui, quanto magis reconciliati salui facti sumus pec eum? Omnis nanq; spes & totius fiducia certitudo mihi est in precioso sanguine eius, qui effusus est propter nos & propter nostram salutem. In ipso respiro, & in ipso confisus ad te peruenire desidero, non habens meam iustitiam, sed eam quæ est ex filio tuo domino nostro Iesu Christo. Vnde gratias agimus tibi clementissime & benignissime amator hominum deus, qui per Iesum Christum filiū tuū dominū nostrū cū non essemus, potenter fecisti nos, & cū periti fuissetus culpa nostra, mirabiliter liberaisti & recuperaisti nos. Gratias ago pietati tuæ, & multas tibi gratias refero ex totis præcordijs meis, qui propter tuam inenarrabilem dilectionē qua nos miseros & indignos mirabili bonitate amare dignatus es, misisti eundē unigenitū tuū de sinu tuo ad publicum nostrū, saluare nos peccatores tunc & filios perditionis. Gratias ago tibi pro sancta incarnatione & natiuitate eius, & pro gloriosa genitrice sua, de qua ipse carnē assumere dignatus est propter nos & propter nostram salutem: ut sicut uerus deus ex deo, ita uerus homo ex homine esset. Gratias tibi ago pro passione & cruce eius, pro morte & resurrectione eius, pro ascensione eius in cælum, & sede maiestatis eius ad dexteram tuā. Ipse enim quadragesimo die post resurrectionem suam ascendens uidentibus discipulis super omnes cælos, sedensq; ad dexteram tuam, spiritum sanctum secundum promissionem suā in filios adoptionis effudit. Gratias tibi ago pro sacratissima illa effusione preciosi sanguinis eius, quo sumus redempti, simul & pro sacrosancto & uiuifico mysterio corporis & sanguinis eius quo quotidie in ecclesia tua pascimur & potamur, abluimur & sanctificamur, & unius summæ diuinitatis participes efficimur. Gratias tibi ago pro hac tua mira & inenarrabili charitate, qua nos indignos sic amasti & saluasti per unicum & dilectum filiū tuū. Sic enim dilexisti mundum ut unigenitum tuum dares, ut omnis qui credit in eum non pereat, sed habeat uitam æternam. Hæc est autem uita æterna, ut cognoscamus te uerum deū, & quem misisti Iesum Christum, per fidem rectam & condigna fidei opera.

O immensa pietas, o inæstimabilis charitas, ut liberares seruum, filium tradidisti. Deus factus est homo, ut perditus homo de potestate demonum erueretur. Quam benignissimus amator hominum filius tuus deus noster, cuius pijs uisceribus non satis uisum est ut se inclinaret factus homo de uera uirgine Maria, nisi etiam subiret crucis supplicium effuso sanguine propter nos & propter nostram salutem, Venit pius deus, uenit pro pietate & bonitate sua, uenit quærere & saluum facere quod perierat. Quæsiuit ouem perditam, quæsiuit & inuenit, & humeris suis reportauit ad caulas gregis. Pius dominus, & uere multum pius pastor, O charitas, o pietas, quis audiuit talia, quis super tanta misericordiæ uiscera nō obstupescat? Quis non miretur, quis non collatetur propter nimiam charitatem tuam qua nos dilexisti? Misisti filium tuum in similitudinem carnis peccati, ut de peccato damnaret peccatum, ut nos efficeremur iustitia tua in ipso. Ipse enim uerus est agnus immaculatus, qui abstulit peccata mundi, qui mortem nostram moriendo destruxit, & uitam resurgendo reparauit. Sed quid tibi retribuere possumus deus noster pro tantis beneficijs misericordiæ tuæ? Quas laudes, quasue gratiarum actiones? Eriam si illa beatorum angelorum scientia & potentia nobis foret, nihil tamen dignum tantæ pietati & bonitati tuæ recōpensare ualeremus. Si certe omnia membra nostra uerterentur in linguas ad rependendum tibi debitas laudes, nequaquam sufficeret exiguitas nostra. Supereminet enim omnem sciētiam tua inæstimabilis charitas, quā ostendisti nobis indignis pro sola bonitate & pietate tua. Filius nanq;  
S tuus

Caput XV

tuus deus noster, non angelos, sed semen Abraæ apprehendit, assimilatus nobis per omnia absq; peccato: humanā itaq; nō angelicā suscipiēs naturā, & eā stola sanctæ resurrectionis & immortalitatis glorificans, uexit super omnes cœlos, super omnes choros angelorum, super Cherubin & Seraphin, collocans ad dexteram tuam. Hanc autē laudant angeli, adorant dominationes, & omnes uirtutes cœlorum tremunt super se & super hominē deū: hæc nempe mihi tota est spes omnisq; fiducia. Est enim in ipso Iesu Christo domino nostro uniuscuiusque nostrum portio, caro & sanguis. Vbi ergo portio mea regnat, ibi me regnare credo. Vbi caro mea glorificatur, ibi gloriosum me esse cognosco. Vbi sanguis meus dominatur, ibi dominari me sentio: quāuis peccator sim, de hac cōmunionē gratiæ nō diffido. Etsi peccata mea me prohibēt, substantia mea requirit. Etsi delicta mea me excludunt, naturæ cōmunio non repellit. Non enim tam immitis est deus ut obliuiscatur hominis, & non meminerit ipsius quem ipse gestat, & quē mei causa suscepit, eius quē mei causa requirit. Mitis uero & ualde benignus est dominus deus noster, & diligit carnem suā, mēbra sua & uiscera sua in ipso deo & domino nostro Iesu Christo dulcissimo benignissimo atq; clementissimo, in quo resurreximus, & iam cœlos ascendimus, & iam in cœlestibus confedimus. Caro nostra nos diligit: habemus autem sanguinis nostri prærogatiuam in ipso. Sumus autem mēbra eius & caro eius, ipse deniq; est caput nostrum, ex quo totū corpus, sicut scriptū est, *Gen. 2* Os ex ossibus meis, & caro de carne mea, & erūt duo in carne una: &, *Eph. 5* Nemo unquā carnem suam odio habet, sed fouet & diligit eam. Mysterium hoc magnum est, ego dico in Christo & in ecclesia, ait Apostolus.

Caput XV

Gratias itaq; ago tibi labijs & corde & omni qua ualeo uirtute infinitæ misericordiæ tuæ domine deus noster, pro omnibus miserationibus tuis quibus mirabiliter nobis perditis subuenire dignatus es per eundē filiū tuum, saluatorem & recuperatōrē nostrū, qui mortuus est propter peccata nostra, & resurrexit propter iustificationē nostrā, & nunc uiuēs sine fine sedet ad dexteram tuam, & interpellat pro nobis, & simul tecum miseretur, quia deus est ex te patre, coæternus & consubstantialis tibi per omnia, unde potest in perpetuum nos saluare: sed secundū id quod homo est, ex qua parte minor te est, data est ei omnis potestas in cœlo & in terra, ut in nomine Iesu omne genu flectatur, cœlestiū, terrestriū & infernorum, & omnis lingua confiteatur quia dominus noster Iesus Christus in gloria est tua deus pater omnipotens. Ipse quidē constitutus est à te iudex uiuorum & mortuorū, tu uero non iudicas quenq;, sed omne iudiciū tuū dedisti filio tuo, in cuius pectore reconditi sunt omnes thesauri sapientiæ & scientiæ. Ipse autē testis & iudex est: iudex & testis, quē nulla peccatrix conscientia effugere poterit: omnia enim nuda & aperta sunt oculis eius. Ipse sanē qui iniuste iudicatus est, iudicabit orbem terræ in æquitate & populos in iustitia. Benedico ergo nomē sanctū tuū in aternū, & glorifico ex toto corde meo omnipotens & misericors domine, pro inenarrabili & mirabili coniunctione diuinitatis & humanitatis in unitate personæ, ut non alter deus alter homo esset, sed unus idemq; deus & homo, homo & deus. Sed licet mirabili dignatione uerbum caro factum sit, neutra tamē ex duabus naturis in aliā mutata est substantiā: Trinitatis mysterio quarta non est addita persona, unita quippe est, nō cōfusa uerbi dei hominisq; substantia, ut in deū quod ex nobis susceptū fuerat perueniret, & illud quod nunq; fuerat, idē qd' semper fuerat permaneret. O admirabile mysteriū, o inenarrabile cōmerciū. O mira semperq; mirāda, semperq; amāda diuinæ ppitiationis benignitas, Serui digni nō fuimus, & ecce filij dei facti sumus: hæredes quidē dei, cohæredes autē Christi. Vnde hoc nobis, & q's nos ad hoc perduxit? Sed rogo te clemētissime pater deus per hāc inæstimabilē pietatē, bonitatē & charitatē tuam, ut dignos nos facias multis & magnis promissionibus eiusdē filij tui domini nostri Iesu Christi. Māda uirtuti tuæ & confirma hoc quod operatus es in nobis: perfice quod cœpisti, ut ad plenā tuæ pietatis gratiā mereamur peruenire. Fac nos per spiritum sanctum intelligere & mereri, & debito semper honore uenerari hoc magnum pietatis mysterium, quod manifestatum est in carne, iustificatū est in spiritu, apparuit angelis, prædicatum est gentibus, creditum est in mun-



A. in mundo, assumptum est in gloria. O quantum sumus tibi debitores domine *Cap. XVII*  
 deus noster, tanto redēpti precio, tanto saluati dono, & tam glorioso adiuti beneficio: quan-  
 tum à nobis miseris es timendus, amandus, benedicendus, laudandus, honorandus, & glo-  
 rificandus: qui nos sic amasti, sic saluasti, sic sanctificasti, sic sublimasti. Tibi nempe debemus  
 omne quod possumus, omne quod uiuimus, omne quod sapimus. Sed quis habet quicquid  
 non tuum? Tu domine deus noster, à quo bona cuncta procedunt, propter te & nomen san-  
 ctum tuum, da nobis de bonis tuis, ut de bonis ac datis tuis seruiamus tibi, & in ueritate pla-  
 ceamus, atque debitas quotidie laudes repēdamus tibi pro tantis beneficijs misericordiae tuae:  
 non enim aliunde possumus tibi seruire neque placere, nisi de tuo munere, Omne enim datum *Iaco. 1*  
 optimum, & omne donum perfectum de sursum est, descendens à te patre luminum, apud  
 quem non est transmutatio, nec uicissitudinis obumbratio. Domine deus noster, deus pie,  
 deus bone, deus omnipotens, deus ineffabilis & incircumscriptae naturae, deus institutor or-  
 mnium rerum, & domini nostri Iesu Christi pater, qui eundem dilectum filium tuum domi-  
 num nostrum dulcissimum misisti de sinu tuo ad publicum proficuum nostrum suscipere  
 uitam nostram, ut nobis donaret suam, essetque perfectus deus ex te patre, & perfectus homo  
 ex matre, totus deus & totus homo, unus idemque Christus, aeternus & temporalis, immorta-  
 lis & mortalis, creator & creatus, fortis & infirmus, uictor & uictus, nutritor & nutritus, pa-  
 stor & ouis, temporaliter mortuus & tecum uiuens in aeternum, suis dilectoribus uirae muni-  
 cipium promittens, suis discipulis dixit, Quodcumque petieritis patrem in nomine meo, dabit *Ioan. 14*  
 uobis, Per ipsum summum sacerdotem & uerum pontificem & bonum pastorem, qui se tibi obtulit  
 in sacrificium, ponens animam suam pro grege suo, te rogo, per ipsum qui sedet ad dexteram,  
 tuam & interpellat pro nobis, redemptorem & aduocatum nostrum pietati & bonitati tuae  
 supplico clementissime & amantissime & benignissime amator hominum deus, ut des mi-  
 hi cum eodem filio tuo & spiritu sancto te in omnibus benedicere & glorificare, cum multa cor-  
 dis contritione & lachrymarum fonte, cum multa reuerentia & tremore: quia quorum una est  
 substantia, unum est & datum. Sed quoniam corpus quod corrumpitur aggrauat animam, ex-  
 cita quaeso torporem meum tuis stimulis, & fac me strennue perseverare in praeceptis & lau-  
 dibus tuis die ac nocte. Tribue ut concaleat cor meum intra me, & in meditatione mea exar-  
 descat ignis. Et quia ipse tuus unicus natus dixit, Nemo uenit ad me nisi pater qui misit me *Ioan. 6*  
 traxerit eum: &, Nemo uenit ad patrem nisi per me, obsecro & suppliciter rogo, trahe me sem-  
 per ad ipsum, ut ipse me tandem perducatur ad te illuc ubi ipse est in dextera tua sedens. Vbi  
 est sempiterna uita sempiternae beata, ubi est amor perfectus & timor nullus, ubi est dies aeter-  
 nus & unus omnium spiritus, ubi summa & certa securitas & secunda tranquillitas, & tranquilla  
 iocunditas, & iocunda felicitas, & felix aeternitas, & aeterna beatitudo, & beata tui sine fine  
 uisio atque laudatio. Vbi tu cum illo & ille tecum in comunione sancti spiritus aeternaliter ac  
 sempiternaliter uiuis & regnas deus per omnia secula seculorum, Amen.

Precatio ad  
Christum  
Caput XVIII

Spes mea Christe deus, hominum tu dulcis amator,  
 Lux, uia, uita, salus, decor & decus omne tuorum,  
 Omnia pro quorum uoluisti ferre salute,  
 Cernito uincla, crucem, uulnus, mortem atque sepulchrum.  
 Post tres inde dies deuicta morte resurgens,  
 Discipulis uisus, nutantia corda reformans,  
 Luce quaterdena coelorum summa petisti.  
 Viuis in aeternum nunc & per secula regnans.

Tu es deus meus uiuus & uerus, pater meus sanctus, dominus meus pius, rex meus ma-  
 gnus, pastor meus bonus, magister meus unus, adiutor meus optimus, dilectus meus pul-  
 cherimus, panis meus uiuus, sacerdos meus in aeternum, dux meus ad patriam, lux mea ue-  
 ra, dulcedo mea sancta, uia mea recta, sapientia mea praeclara, simplicitas mea pura, concor-  
 dia mea pacifica, custodia mea tuta, portio mea bona, salus mea sempiterna, misericordia  
 mea

mea magna, patiētia mea robustissima, uictima mea immaculata, redemptio mea sancta, spes mea firma, charitas mea perfecta, resurrectio mea uera, uita mea aeterna, exultatio & uisio mea beatissima & sine fine mansura. Te deprecor, supplico & rogo ut per te ambule, ad te perueniam, in te requiescam, qui es uia, ueritas & uita, sine qua nemo uenit ad patrem. Te enim desidero dulcissimum & pulcherrimum dominum, o splendor paternae gloriae, qui sedes super Cherubin, & intueris abyssos, lumen ueridicum, lumen illuminans, lumen indeficiens, in quem desiderant angeli prospicere. Ecce cor meum coram te est, discute tenebras eius ut amoris tui claritate plenius perfundatur. Da mihi deus meus te, redde mihi te, enim amo te, & si parum est, amem ualidius. Non possum metiri ut sciam quantum desit mihi amoris tui ad id quod satis est, ut currat uita mea in amplexus tuos, nec auertatur donec abscondatur in abscondito uultus tui. Hoc tamen scio quia male mihi est praeter te domine, non solum extra me, sed in me ipso. Omnis enim copia quae deus meus non est, egestas mihi est. Bonum namque quod neque in melius, neque in deterius commutari potest tu solus es, qui simpliciter solus es, cui non est aliud uiuere, & aliud beate uiuere, quia tua beatitudo tu es. Creatura uero tua cui est aliud uiuere, & aliud beate uiuere, omne quod uiuit & beate uiuit, non debet nisi gratiae tuae attribuire. Et ideo nos egemus tui, non tu nostri: quia si omnino non essemus, nihil tibi deesset ad bonum quod tu es. Tibi itaque domino nostro semper adherere necesse habemus, ut per continuum auxilium tuum sancte & pie & recte uiuere ualeamus: pondere siquidem fragilitatis nostrae deorsum trahimur, dono autem tuo accendimur & sursum ferimur, inardescimus & imus, ascendimus, ascensiones in corde facimus, & cantamus canticum graduum, igne tuo bono inardescimus & imus quod iam sursum imus, ad pacem Hierusalem. Quoniam iocundatus sum in his quae dicta sunt mihi, in domum domini ibimus. Illic collocauit nos uoluntas bona, ut nihil uelimus aliud quam permanere illic in aeternum. Sed quia dum sumus in corpore, peregrinamur a te domine, non habemus hic ciuitatem manentem, sed futuram inquirimus, noster autem municipatus in coelis est, ideo duce gratia tua ingredior in cubile cordis mei, & canto tibi amatoria rex meus & deus meus, gemens inenarrabiles gemitus in loco peregrinationis meae. Vbi catribiles mihi factae sunt iustificationes tuae. Et recordans Hierusalem extendo in eam sensum cordis, Hierusalem patriam meam, Hierusalem matrem meam, teque super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium & omnia bona ineffabilia, simul omnia, quia unum summum & uerum bonum, & non auertat, donec in eius pacem matris charissimae ubi sunt primitiae spiritus mei, colligas totum quod sum a dispersione & deformitate hac, & conformes atque confirmes in aeternum deus meus misericordia mea.

**Caput XIX**  
**Psal. 148** Haec est domus tua deus non terrena, neque ulla coelesti mole corporea, sed spiritualis & particeps aeternitatis tuae, quia sine labe manet in aeternum. Statuisti enim eam in seculum & in seculum seculi, praecipuum posuisti & non praeteribit. Non tamen tibi deo coaeterna, quia non sine initio, facta est enim. Prior quippe omnium creata est sapientia, non utique illa sapientia deo patri plane coaeterna & coequalis, per quam creata sunt omnia, & in quo principio factum est coelum & terra: sed profecto sapientia quae creata est, spiritualis natura scilicet quae contemplatione luminis, lumen est: dicitur enim & ipsa, quamuis creata, sapientia. Sed quantum distat inter lumen illuminans, & lumen quod illuminatur: tantum differt inter te summam sapientiam, quae est creans, & istam quae creata est: sicut inter iustitiam iustificantem, quae tu deus noster es, & iustitiam quae iustificatione nostra facta est. Nam & nos sumus dicti iustitia dei patris in te filio eius domino nostro, testante Apostolo. Ergo quia prior omnium creata est quaedam sapientia, quae creata est mens rationalis & intellectualis, caestae scilicet ciuitatis tuae, matris nostrae quae sursum est & libera est, & aeterna in coelis. Quibus coelis? Nisi qui te laudant coeli coelorum, quia hoc est & coelum coeli domino. Et si non inuenimus tempus ante illam, quae creaturam temporis antecedit: quia prior omnium creata est, ante illam tamen es tu deus aeternus creator omnium, a quo facta sumpsit exordium, quamuis



A quamuis non temporis, quia nondum erat tempus, ipsius tamen conditionis suae. Vnde ita est abs te domino deo nostro, ut aliud sit planè quàm tu, licet nec ante illà, nec in illa inueniamus tēpus: est enim idonea faciē tuā semper uidere, nec uspiā deflectitur ab ea, quo fit ut nulla mutatione uarietur. Inest tamen ipsi mutabilitas qua tenebresceret & frigesceret, nisi amore grandi cohærens tibi tanquam super meridiem luceret & ferueret ex te. Deniq; tam casto amore cohæret tibi deo uero & uere æterno, ut quamuis tibi non sit coæterna, per nullius tamen temporis uarietates & uicissitudines à te resoluatur & defluat, sed in tui solius uerissima contemplatione requiescat. Quoniam tu deus diligenti te quantū præcipis, ostendis te, & sufficit ei. Vnde non declinat à te, nec à se, sed semper in eodē statu manet, te indefinenter uidendo, te indeficiēter amando, uerū lumen & castum amorē. O beata ista & sublimis creatura creaturarū, maxime beata inhæredo semper beatitudini tuæ, felix & nimium felix te sempiterno inhabitatore atq; illustratore suo. Nec inuenio quid licentius appellandū existimemus, cœlum cœli domino, quàm domū tuā contemplantem, delectationem tuam sine defectu & absq; affectu egrediendi in aliud, mentem puram concordissime unā, stabilitum pacis beatorum spirituum, in cœlestibus sunt ista cœlestia. Vnde intelligat anima cuius peregrinatio longinqua facta est, si iam sit ibi, si iam factæ sint ei lachrymæ suæ pænes sui, si iam petat unā & hanc requirat, ut inhabitet in domo tua per omnes dies uitæ suæ. Et quæ uita eius nisi tu? & qui dies sui, nisi æternitas tua? sicut anni tui qui non deficient. Hic ergo intelligat anima quæ potest, quàm longe super omnia tempora sis æternus, quando domus tua, quæ peregrinata non est, quāuis tibi non sit coæterna, indefinenter tamen & indeficienter cohærendo tibi, nullā temporis patitur uarietate, teq; semper perseverantissimā castitate hauriens immutabilitatē suam, nusquā & nunq; exierit ex te sibi præsentē, ad quem toto affectu se tenet, non habens futurum quod expectet, <sup>†</sup> nec præteritum transiēs, quod meminerit, per nullas uices uariatur, & in nulla tempora extenditur. O domus dei luminosa & speciosa, dilexi decorem tuum, & locum habitationis gloriæ domini dei mei fabricatoris & possessoris tui, tibi suspiret peregrinatio mea, nocte ac die tibi inhiēt cor meum, tibi intendat mens mea, ad societatem beatitudinis tuæ peruenire desideret anima mea, dico ei qui fecit te ut possideat me in te, quia ipse fecit me & te: imò tu dic, tu roga ut dignum me faciat participatione gloriæ tuæ. Sanctā enim societate tuā, & mirabilem pulchritudinem tuam, non per meritum requiro, sed per sanguinem eius quo redēptus sum, adipisci non despero, tantum adiuuent me merita tua, subueniant prauitati meæ sanctæ & purissimæ orationes tuæ, quæ inefficaces apud deum nullatenus esse possunt. Errauit sicut ouis perdita, & incolatus meus prolongatus est, atq; procul proiectus sum à face domini dei mei in hanc exiliū cæcitatē. Vbi expulsus à paradisi gaudijs deploro quotidie mecum super miseras captiuitatis meæ lugubre carmen ingentesq; lamentationes, cum recordor tui mater Hierusalem, dum stant pedes mei in atrijs tuis, sancta & decora Sion, nec dum interiora tua conspiciere in propatulo ualens: sed in humeris pastoris mei, structoris tui, spero me reportari tibi, ut tripudiem tecum illo inenarrabili gaudio quo lætatur illi qui tecum sunt coram ipso deo & saluatore nostro, qui dissoluit inimicitias in carne sua, & pacificauit omnia quæ in cœlis sunt, & quæ in terra sanguine suo. Ipse enim est pax nostra qui fecit utraq; unum, qui duos ex aduerso uenientes parietes cōiungens in se, beatitudinis tuæ permanentem felicitatem pari modo, & eadem mensura se nobis daturum promisit, dicens Erunt æquales angelis dei in cœlis. O Hierusalem domus dei æterna, post Christi dilectionem tu esto lætitia & consolatio mea, dulcis memoria tui beati nominis sit releuatio meorum tædiorumq; meorum.

Tædet enim me domine ualde uitæ huius, & istius æternæ peregrinationis. Vita hæc, uita misera, uita caduca, uita incerta, uita laboriosa, uita immunda, uita domina malorum, regina superborum, plena miserijs & erroribus, quæ non est uita dicenda, sed mors, in qua momentis singulis morimur, per uarios mutabilitatis defectus diuersis generibus mortium. Nunquid ergo hoc quod uiuimus in hoc mundo, dicere possu-

aliās in præteritum traiciens  
Caput XX

Matth. 22  
Cap. XXXI

re' possumus uitā, quā humores tumidant, dolores extenuāt: & ardores exiccant, aërea mor-  
bidant: esca inflant, ieiunia macerant: ioci dissoluunt, tristitia consumunt: sollicitudo coar-  
tat, securitas hebetat: diuitiae inflant & iactant, paupertas deijcit: iuuentus extollit, senectus  
incuruat: infirmitas frangit, mœror deprimit: Et his malis omnibus mors furibunda succe-  
dit, simulq; cunctis gaudijs istius miseræ uitæ ita finē imponit, ut cū esse desierit, non fuisse  
putetur. Mors ista uitalis, & uita mortalis, licet his alijsq; sit respersa amaritudinibus, prohi-  
dolor quāplurimos suis capit illecebris, & quā multos suis falsis promissionibus decipit.  
Et cū ita per se sit falsa & amara, ut etiā suos cacos amatores latere non ualeat: tamen infini-  
tam stultorū multitudinē aureo calice quē in manu habet, potat & prorsus inebriat. Felices  
illi, & ipsi rari, qui familiaritatē eius recusant, perfunctoria gaudia spernūt, societātē abijciūt,  
ne cū pereunte deceptrice & ipsi perire cogantur..

cap. XXII

O tu uita quā preparauit deus  
his qui diligunt eū, uita uitalis, uita beata, uita secunda, uita tranquilla, uita pulchra, uita mun-  
da, uita casta, uita sancta, uita ignara mortis, nescia tristitiæ, uita sine labe, sine dolore, sine  
anxietate, sine corruptione, sine perturbatione, sine uarietate & mutatione, uita totius elegan-  
tiæ & dignitatis plenissima, ubi non est aduersarius impugnans, ubi nulla peccati illecebra,  
ubi est amor perfectus, & timor nullus, ubi dies æternus, & unus omnium spiritus, ubi deus  
facie ad faciem cernitur, & hoc uitæ cibo mens sine defectu satiatur. Libet me tuæ intendere  
claritati, delectant me bona tua auido corde, quanto plus ualeo tecum considerare, tanto  
plus amore langueo, tuo uehementi desiderio, tuaq; dulci memoria admodum delector.  
Libet itaque libet cordis in te oculos attollere, statum mentis erigere, affectum animi con-  
formare. Libet sanē de te loqui, de te audire, de te scribere, de te conferre, de tua beatitudi-  
ne & gloria quotidie legere, & lecta sapius sub corde reuoluere, ut uel sic possim ab huius  
mortalis perituræq; uitæ ardoribus, periculis & sudoribus sub tuæ uitalis auræ dulci refrige-  
rio transire, & transiens in sinu tuo fessum caput dormiturus uel paululum reclinare. Huius  
rei gratia scripturarum sanctarum amœna prata ingredior, uiridissimas sententiarum her-  
bas exarando carpo, legēdo comedo, frequētando rumino atq; congregando tandē in alta  
memoriæ sede repono, ut tali modo tua dulcedine degustata, minus istius miserrimæ ui-  
tæ amaritudines sentiā. O tu uita felicissima, ô regnū uere beatū, carēs morte, uacās sine, cui  
nulla tēpora succedūt p̄ æuū, ubi cōtinuus sine nocte dies nescit habere tēpus, ubi uictor mi-  
les illis hymnidicis angelorū sociatus choris, cātat deo sine cessatione cāticū de cāticis Sion,  
Nobile perpetua caput amplectente corona.

Vtinam concessa mihi peccatorum uenia, moxq; hac carnis sarcina deposita, in tua gaudia  
ueram requiem habiturus intrarem, & tuæ ciuitatis præclara atq; speciosa mœnia, coronam  
uitæ de manu domini accepturus ingrederer, ut illis sanctissimis choris interesssem, ut cū bea-  
tissimis spiritibus gloriæ conditoris assisterem, ut præsentem Christi uultum cernerem, ut il-  
lud summum & ineffabile & incircumscripsum lumen semper aspicerem, sicq; nullo metu  
mortis affici, sed de incorruptionis perpetuæ munere latari possem sine fine. Felix

cap. XXIII

anima quæ terreno resoluta corpore libera cœlum petit, secunda est & tranquilla, non timet  
hostem neq; mortē: habet enim præsentē, cernitq; indefinenter pulcherrimū dominum, cui  
seruiuit, quē dilexit, & ad quem tandē læta & gloriosa peruenit. Hanc uero tantæ beatitudi-  
nis gloriā, nulla dies minuet, nullus improbus poterit auferre. Viderunt eam filiae Sion, &  
beatissimā prædicauerūt, reginæ & concubinæ laudauerunt eam dicentes, Quæ est ista quæ  
ascendit de deserto, delitijs affluens, innixa super dilectū suū? Quæ est ista quæ progreditur  
sicut aurora consurgens, pulchra ut luna, electa ut sol, terribilis ut castrorum acies ordinata?  
Quam læta exit, festinat, currit, cum dilectum suū sibi dicentem attonitis auribus audit, surge  
propera amica mea, speciosa mea, & ueni: iam enim hyems transiit, imber abiit & recessit,  
flores apparuerūt in terra nostra, tempus putationis aduenit, uox turturis audita est in ter-  
ra nostra, ficus protulit grossos suos, florentes uineæ dederunt odorem suum, Surge, prope-  
ra amica mea, formosa mea, colūba mea in foraminibus petrae, in cauernis maceræ, ostendit  
de mihi



A de mihi faciem tuam, sonet uox tua in auribus meis. Vox enim tua dulcis, & facies tua decorata. Veni electa mea, speciosa mea, columba mea, immaculata mea, sponsa mea, ueni & ponam in te thronum meum, quia concupiui speciem tuam. Veni ut lateris in conspectu meo cum angelis meis, quorum societas tibi à me repromissa est. Veni post multa pericula & labores, intra in gaudium domini tui, quod nemo tollet à te.

Felices sancti dei *sanctorum in uocatio*  
Caput XXIII

mnes, qui iam pertransistis huius mortalitatis pelagus, & peruenire meruistis ad portam perpetuæ quietis, securitatis & pacis, securi & tranquilli, semperque festiui atque gaudentes, Obsecro uos per uestram charitatem, qui securi estis de uobis, solliciti estote de nobis: securi estis de uestra immarcescibili gloria, solliciti estote de nostra multiplici miseria. Per ipsum uos rogo, qui uos elegit, qui uos tales fecit, de cuius pulchritudine iam satiamini, de cuius immortalitate iam immortales facti estis, de cuius beatissima uisione semper gaudetis, estote iugiter memores nostri, subuenite nobis miseris, qui adhuc in salo huius uitæ circumstantibus agitamur procellis. Vos portæ pulcherrimæ, quæ in magnâ surrexistis altitudinem, adiuuate nos uile pauimentum longe inferius iacentes. Date manum, & erigite iacentes super pedes, ut conualescentes de infirmitate, fortes efficiamur in bello. Intercedite & orate constanter atque indefinenter pro nobis miseris multumque negligentibus peccatoribus, ut per uestras orationes uestro sancto consortio coniungamur, quia aliter salui esse non possumus. Sumus namque ualde fragiles, & nullius uirtutis homunciones, animalia uētris, & carnis mancipia, in quibus uix aliquod uirtutis uestigium apparet. Et tamen sub Christi cōfessione positi, ligno crucis ferimur, nauigantes per hoc mare magnum & spaciosum, ubi sunt reptilia quorum non est numerus, ubi sunt animalia pusilla cum magnis, ubi est draco sæuissimus, semper paratus ad deuorandum, ubi sunt loca periculosa Scylla & Charybdis, & alia innumera, in quibus naufragantur incauti, & in fide dubij. Orate dominum, orate piissimi, orate omnia agmina sanctorum, & uniuersi cœtus beatorum, ut uestris precibus meritisque adiuui, salua naue & integris mercibus peruenire mereamur ad portum perpetuæ salutis & quietis, & continuæ pacis, & nunquam finiendæ securitatis.

Mater Hierusalem *Caput XXV*

B quieris, & continuæ pacis, & nunquam finiendæ securitatis, Ierusalem, ciuitas sancta dei, charissima sponsa Christi, te amat cor meum, pulchritudinem tuam nimium desiderat mens mea. O quàm decora, quàm gloriosa, quàm generosa tu es? Tota pulchra es, & macula non est in te. Exulta & latere formosa filia principis, quia concupiuit rex speciem tuam, & amauit decorem tuum, speciosus forma præ filiis hominum. Sed qualis est dilectus tuus ex dilecto o pulcherrima? Dilectus meus candidus & rubicundus, electus ex milibus. Sicut malus inter ligna sylvarum, sic dilectus meus inter filios. Sub umbra illius quem desiderauit, ecce læta sedeo, & fructus eius dulcis gutturi meo. Dilectus meus misit manū suā per foramen, & uenter meus intremuit ad tactū eius. In lectulo meo per noctem quæsiui quem diligit anima mea, quæsiui, & inueni: teneo, nec dimittam illum, donec introducat me in domum suam, & in cubiculum suum, gloriosa genetrix mea. Ibi enim dabis mihi dulcissima ubera tua abundantius & perfectius, & satiabis me satietate mirifica, ita ut nec esuriam, nec sitiam in æternum. Felix anima mea, semperque felix in secula, si intueri meruero gloriam tuam, beatitudinem tuam, pulchritudinem tuam, portus & muros tuos, & plateas tuas, & mansiones tuas multas, nobilissimos ciues tuos, & fortissimum regem tuum dominum nostrum in decore suo. Muri namque tui ex lapidibus preciosis, portæ tuæ ex margaritis optimis, plateæ tuæ ex auro purissimo, in quibus iocundum alleluia sine intermissione concinitur. Mansiones tuæ multæ quæ dris lapidibus fundatæ, saphyris constructæ, laterculis coopertæ aureis, in quas nullus ingreditur nisi mundus, nullus habitat inquinatus. Speciosa facta es & suauis in delitijs tuis, mater Hierusalem. Nihil in te tale quale hic patimur, qualia in hac misera uita cernimus. Non sunt in te tenebræ, aut nox, aut qualibet diuersitas temporum, Non lucet in te lux lucernæ, aut splendor lunæ, uel iubar stellarum, sed deus de deo, lux de luce, sol iustitiæ semper illuminat te, agnus candidus & immaculatus lucidum & pulcherrimum

cherrimum est lumen tuum. Sol tuus & claritas tua & omne bonum tuum, huius pulcherri  
 mi regis indeficiens contēplatio. Ipse rex regū in medio tui, & pueri eius in circumitu eius.  
 Ibi hymnidici angelorum chori, ibi societas supernorum ciuium. Ibi dulcis solēnitas omniū  
 ab hac tristi peregrinatione ad tua gaudia redeuntium. Ibi prophetarum prouidus chorus,  
 ibi duodenus apostolorum numerus, ibi innumerabilium martyrum uictor exercitus, ibi  
 sanctorum confessorum sacer conuentus, ibi ueri & perfecti monachi, ibi sanctæ mulieres,  
 quæ uoluptates seculi & sexus infirmitatem uicerunt, ibi pueri & puellæ, qui annos suos san  
 ctis moribus transcenderunt, ibi sunt oues & agni, qui iam huius uoluptatis laqueos euase  
 runt, exultāt omnes in proprijs mansionibus, dispar est gloria singulorum, sed cōmunis est  
 lætitia omnium. Plena & perfecta ibi regnat charitas, quia deus est ibi omnia in omnibus,  
 quæ sine fine uidēt, & semper uidēdo in eius amore ardēt, amant & laudant, laudāt & amāt  
 Omne opus eorum, laus dei sine fine, sine defectione, sine labore. Felix ego & uere in perpe  
 tuum felix, si post resolutionem huius corpusculi audire meruero illa cantica cœlestis melo  
 dia, quæ cantantur ad laudem regis æterni ab illis supernæ patriæ ciuibus, beatorumq; spi  
 rituum agminibus. Fortunatus ego nimiumq; beatus, si & ego ipse meruero cantare ea, &  
 assistere regi meo deo meo & duci meo, & cernere eum in gloria sua, sicut ipse polliceri di  
 gnatus est dicens, Pater, uolo ut quos dedisti mihi, sint mecum, ut uideant claritatem meam  
 quam habui apud te ante constitutionem mundi: & alibi, Qui mihi ministrat, me sequa  
 tur, & ubi sum ego, illic & minister meus erit: & iterum, Qui diligit me, diligetur à patre meo  
 & ego diligam eum, & manifestabo ei meipsum.

## HYMNVS DE GLORIA PARADISI.

Caput XXVI  
 Numeri sunt le  
 ge soluti, ad imi  
 tationem carmi  
 nis trochaici te  
 trametri catale  
 ctici

Ad perennis uitæ fontem mens sitiuit arida,  
 Claustra carnis præsto frangi clausa quærit anima,  
 Gliscit, ambit, eluctatur exul frui patria,  
 Dum pressuris ac ærumnis se gemit obnoxiam,  
 Quam amisit cum deliquit, contemplatur gloriam.  
 Præsens malum auget boni perditæ memoriam.  
 Nam quis promat, summæ pacis quanta sit lætitia?  
 Vbi uiuis margaritis surgunt ædificia,  
 Auro celsa micant tecta, radiant triclinia,  
 Solis gemmis preciosis hæc structura nectitur,  
 Auro mundo tanquam uitro urbis uia sternitur.  
 Abest limus, deest fimus, lues nulla cernitur.  
 Hyems horrens, æstas torrens illic nunquam sæuiunt,  
 Flos perpetuus rosarum uer agit perpetuum,  
 Candent lilia, rubescit crocus, sudat balsamum,  
 Virent prata, uernant sata, riui mellis influunt,  
 Pigmentorum spirat odor, liquor & aromatum,  
 Pendent poma floridorum non lapsura nemorum.  
 Non alternat luna uices, sol, uel cursus syderum,  
 Agnus est felicitatis urbis lumen innocuum.  
 Nox & tempus desunt ei, diem fert continuum,  
 Nam & sancti quicq; uelut sol præclarus rutilant,  
 Post triumphum coronati mutuo coniubant,  
 Et prostrati, pugnas hostis iam securi numerant.  
 Omni labe defecati, carnis bella nesciunt,  
 Caro facta spiritalis & mens unum sentiunt,  
 Pace multa perfruentes, scandala non perferunt.  
 Mutabilibus exuti, repetunt originem,

Et præsentem



A Et præsentem ueritatis contemplantur speciem:  
 Hinc uitalem uiui fontis hauriunt dulcedinem,  
 Inde statum semper iſdem exeuntes capiunt,  
 Clari, uiuidi, iocundi, nullis peccant caſibus,  
 Abſunt morbi ſemper ſanis, ſenectus iuuenibus.  
 Hinc perenne tenent eſſe, nam tranſire tranſiit.  
 Inde uirent, uigent, florent, corruptela corruiť,  
 Immortalitatis uigor atræ mortis ius abſorbuit.  
 Qui ſcientem cuncta ſciunt, quid neſcire nequeunt?  
 Nam & pectoris arcana penetrant alterutrum,  
 Vnum uolunt, unum nolunt, unitas eſt mentium.  
 Licet cuiq; ſit diuerſum pro labore meritum,  
 Charitas hæc ſuum facit, quod dum amat alterum,  
 Proprium ſic ſingulorum, commune ſit omnium.  
 Vbi corpus, illic iure congregantur aquilæ,  
 Quo cum angelis & ſanctæ recreentur animæ,  
 Vno pane uiuunt ciues utriuſq; patriæ.  
 Audi & ſemper pleni, quod habent, deſiderant.  
 Non ſatietas faſtidit, neq; fames cruciat,  
 Inhiantes ſemper edunt, & edentes inhiant.  
 Nouas ſemper harmonias, uox meloda concrepat,  
 Et in iubilum prolata mulcent aures organa  
 Tigna, per quem ſunt uictores, regi dant præconia.  
 Felix cœli quæ præſentem regem cernit anima,  
 Et ſub ſede ſpectat alta orbis uolui machinam,  
 Solem, lunam & globola cum planetis ſydera.  
 B Chriſte palma bellatorum, hoc in municipium  
 Introduc me, poſt ſolutum militare cingulum.  
 Fac conſortem donatiui beatorum ciuium,  
 Probes uires inexhauſto laboranti prælio.  
 Vt quietem poſt præcinctum debeas emerito,  
 Teq; merear potiri ſine fine præmio. Amen.

Benedic anima mea domino, & omnia quæ intra me ſunt nomini ſancto eius, Benedic ani  
 ma mea domino, & noli obliuiſci omnes retributiones eius. Benedicite domino omnia ope  
 ra eius, in omni loco dominationis eius benedic anima mea domino. Laudemus deum quæ  
 laudant angeli, adorant dominationes, tremunt poteſtates, cui Cherubin & Seraphin in  
 teſſabili uoce proclamant, Sanctus, ſanctus, ſanctus. Iungamus uoces noſtras uocibus an  
 gelorum ſanctorum, & communẽ dominum laudemus pro modulo noſtro. Illi enim lau  
 dant dominum puriſſime & inceſſanter, qui ſemper inhærent contẽplationi diuinæ, nõ per  
 ſpeculum & in ænigmate, ſed facie ad faciem. Sed quis dicere uel cogitare ſufficiat, qualis ſit  
 in conſpectu domini dei omnipotentis illa beatorum ſpirituũ cœleſtiumq; uirtutum innu  
 merabilis multitudo: quæ ſit in eis ſine fine feſtiuitas uiſionis dei, quæ lætitia ſine defectu,  
 quis amoris ardor, non crucians, ſed delectans? Quod ſit in eis deſiderium uiſionis dei  
 cum ſatietate, & ſatietas cum deſiderio, in quibus nec deſiderium pœnam generat, nec ſatie  
 tas faſtidium parit? Quomodo inhæredo ſummæ beatitudini ſint beati? quomodo cõiun  
 cti uero lumini facti ſunt lux? Quomodo ſemper aſpicientes incõmutabilem trinitatẽ, mu  
 tati ſunt in incõmutabilitatẽ? Sed quando illã angelicæ dignitatis celſitudinẽ cõprehendere  
 poterimus, quando nec ipſius animæ noſtræ naturam inueſtigare ualemus? Qualis eſt iſta  
 quæ carnem uiuificare poteſt, ſe autem in ſanctis cogitationibus ut uolet conſtringere non  
 poteſt?

Doxologia

Caput XXVII

potest: Qualis est ista tam fortis, tam infirma, tam parua, tam magna, quæ rimatur secretâ dei & cœlestia cōtemplatur, atq; humanis commodis multarum artium peritiâ perspicaci ingenio adinuenisse probatur: Qualis ergo est ista quæ tam multa de cæteris nouit, & se qualiter facta sit prorsus ignorat: Licet enim nonnulla ambigua à quibusdam super eius origine proferantur, inuenimus tamen eam esse quendâ intellectualem spiritum per creatoris potentiam factum, immortaliter iuxta modum suum uiuentem, mortale corpus quod sustinet uiuificantē, mutabilitati subiectum, obliuioni deditū, quē timor sæpe afficit, lætitia extollit. O res mira omniq; stupore dignissima. De deo quidem creatore omnium qui est incomprehensibilis & ineffabilis, excelsa & mirabilia nimis omni remota ambiguitate legimus, loquimur & scribimus: de angelis autem & animabus quicquid dicimus, non tam euidenter approbare possumus. Sed transeat ab his animus, & transcendat omne quod creatū est, currat & ascendat, uolitet & pertranseat, & in eū qui creauit omnia quantum potest oculos fidei dirigat. Faciam ergo gradus ascensionis in corde meo, & per ipsos ascēdam animā meam, & per ipsam mentem meam ascēdā ad dominum meū, qui capiti meo desuper manet. Quicquid uisibiliter cernitur, quicquid spiritualiter imaginatur, forti manu ab intuitu cordis & mentis procul remoueatur: solus intellectus purus & simplex, incedens rapido uolatu ad ipsum perueniat conditorem angelorum & animarum & omnium rerum. Mens illa beata quæ ima deserit, summa petit, quæ ponit in arduis sedem habitationis suæ, & de summis rupibus cōtemplatur solem iustitiæ aquilinis obtutibus. Nihil enim tam pulchrū atq; iocundum, quàm ipsum solum mētis intuitu & cordis auditate cōtēplari deum, & miro modo inuisibiliter cernere inuisibilem, sicq; aliā non istā gustare dulcedinem, & inspicere aliam non istam lucē. Lux enim ista quæ loco clauditur, tempore finitur, noctium interruptione uariatur, & quā cōmunem cum uermibus & pecoribus habemus, in cōparatione illius summae lucis non est lux dicenda, sed nox.

CAP. XXVIII

Quantū autē illa summa & incōmutabilis essentia, lux uera, lux indeficiens, lux angelorū à nemine conspici ualeat in hac uita, quod solum præmiū sanctis reseruatur in cœlesti gloria, illud tamē credere & intelligere & sentire & ardenter inhiare, quodāmodo illū cernere est atq; tenere. Sonet itaq; uox super angelos, & homo intēra mente cōtēpletur deū, uerbis quibus potest suas illi dicat laudes. Iustū nanq; est ut creatura suū laudet creatorē, ipse enim ad laudandū se nos creauit, qui nostris nō indiget laudibus. Est autē uirtus incōprehensibilis, nullius indigēs, ipse sibi sufficiens. Magnus dominus deus noster & magna uirtus eius, & sapientiæ eius non est numerus, magnus dominus deus noster & laudabilis ualde. Hūc itaq; mens diligat, lingua canat, manus scribat, atq; in his sanctis studijs fidelis animus se totum exerceat. Huius uidelicet cœlestis theoriæ suauissimis dapibus uir desideriorum, & cœlestium cōtemplator assidue reficiatur, ut hoc cœlesti pabulo saginatus clamet clamore magno, clamet totis medullis cordis, clamet in iubilo, & ardentissimo mentis desiderio dicat.

CAP. XXIX

O summe, optime, omnipotentissime, misericordissime, iustissime, secretissime, præsensissime, pulcherrime & fortissime, stabilis & incomprehensibilis, inuisibilis, omnia uidens, immutabilis, omnia mutans, immortalis, illocalis, interminus, incircumscriptus, nusquam finitus, inæstimabilis, ineffabilis, inscrutabilis, immotus, omnia mouens, inuestigabilis, indicibilis, metuendus atq; terribilis, honorandus atq; timendus, uenerandus atq; reuerendus: nunquam nouus, nunquā uetus, innouans omnia, & in uetustatem perducens superbos & nesciunt. Semper agens, semper quietus, colligens & non egens, omnia portans sine onere, omnia implens sine inclusione, omnia creans, protegens, nutriendus & perficiens, quærens cum nihil desit tibi, amans nec æstuas, zelans & securus es: poenitet te & non doles, irasceris & tranquillus es, opera mutas, sed non consilium. Recipis quod nō inuenis & nunquam amisisti, nunquam inops & gaudes lucris, nunquā auarus & usuras exigis, supererogatur tibi ut debeas, & quis habet quicquam non tuum: Reddis debita nulli debens, donas debita nihil perdens. Qui solus uiuificas omnia: qui creasti omnia, qui ubiq; es, & ubiq; totus, qui sentiri potes, uideri non potes qui nusq;



A. qui nusquam dees, & tamen ab iniquorum cogitationibus longe es. Qui nec ibi dees, ubi longe es: quia ubi non es per gratiam, ades per uindictam. Qui omnia tangis, nec tamen omnia tangis aequaliter: quædam enim tangis ut sint, non tamen ut uiuant, sentiant & discernant: quædam uero tangis ut sint & uiuant, non tamen ut sentiant & discernant: quædam uero tangis ut sint, uero tangis, ut sint, uiuant & sentiant, nō tamen ut discernant: quædam uero tangis ut sint, uiuant, sentiant & discernant. Et cum tibi metipsi nunquam dissimilis sis, dissimiliter tamen tangis dissimilia, qui ubiq; semper præsens es & inueniri uix potes, quem stantē sequimur, & apprehendere non ualemus, qui tenes omnia, imples omnia, circumplecteris omnia, superexcedis omnia, sustines omnia: neq; ex alia parte sustines, atque ex alia parte superaris: neq; ex alia parte imples, & ex alia circumplecteris: sed circūplectendo imples, & implēdo circumplecteris, sustinendo superexcedis, & superexcedendo sustines. Qui doces corda fidelium sine strepitu uerborum. Qui attingis à fine usq; ad finem fortiter, & disponis omnia suauiter. Qui locis non distēderis, nec temporibus uariaris. Neq; habes accessus & recessus, sed habitas lucem inaccessibilem, quam nullus hominum uidit, nec uidere potest. In te manens quietus, ubiq; circumis totum, ubiq; prorsus totus. Non enim scindi uel diuidi poteris, quia uere unus es, nec in partes efficeris, quia totus totum tenes, totum imples, totum illustras & possides. Huius uidelicet mysterij immensam profunditatem mens humana concipere non potest, nec oratoria lingua enarrare, neq; diffusi sermones, nec bibliothecarum uolumina queunt explicare. Si totum mundum libri repleant, tua scientia inenarrabilis explicari non potest, quoniam uere indicibilis es, nullo modo scribi potes neq; concludi, qui es fons lucis diuinæ & sol claritatis æternæ. Magnus enim es sine quantitate, & ideo immensus: bonus es sine qualitate, & ideo uere & summe bonus, & nemo bonus nisi tu solus, cuius uoluntas est opus, cuius uelle posse est. Qui omnia de nihilo creasti, quæ sola uoluntate tua fecisti. Qui omnem creaturam tuam absq; indigentia aliqua possides, & sine labore gubernas, & absq; tædio regis. Et nihil est quod perturbet ordinem imperij tui, uel in summis, uel in imis. Qui in omnibus locis sine loco haberis, & omnia contines sine ambitu, & ubiq; præsens es sine situ & motu. Qui nec mali autor es, quod facere non potes qui nihil non potes: neq; unquam te aliquid fecisse pœnituit, nec ullius commotionis animi tui tempestate turbaris, nec totius terræ pericula damnum tuum est. Nulla flagitia uel scelera probas aut imperas. Nunquam mētiris, quia æterna ueritas es. Cuius unius bonitate facti sumus, & iustitia pœnas luimus, & clementia liberamur. Nam nihil cœleste, nihil igneum, nihil terrenum, nihilq; quod corporis sensus attingat pro te colendum est, qui uere es quod es & non mutaris. Cui maxime spiritualiter conuenit illud quod Græci dicunt *τὸ ὄν*, Latine quod est, semper idem ipse es, & anni tui non deficient. Hæc & alia multa docuit me sancta mater ecclesia, cuius factus sum membrum per gratiam tuam. Docuit me sane te solum & unum & uerum deum non esse corporeum & passibilem, nihilq; de substantia tua uel natura ullo modo esse uiolabile aut commutabile, aut compositum uel factum. Et ideo certum est corporis oculis te non posse sentiri, sed nec ab ullo mortalium in propria essentia aliquando potuisse uideri. Hinc etenim patēter datur intelligi quod unde angeli te intuentur, inde & nos post hanc uitam te uidebimus. Sed nec ipsi profecto te uidere possunt sicuti es: nulli deniq; alij tota nisi tibi soli nota est omnipotens trinitas.

Tu uero unitas es diuinitatis, Caput XXX  
personarum pluralitate multiplex, numerabiliter es innumerabilis, ac idcirco mensurabiliter immensurabilis, & ponderabiliter imponderabilis. Non enim summæ bonitatis quæ tu ipse es profiteamur originem, ex qua omnia, per quam omnia, in qua omnia, sed eius participatione dicimus omnia bona. Nam tua diuina essentia semper caruit ac caret materia, licet non careat forma, forma scilicet informata, forma formarum, forma formosissima, quam dum imprimis quasi sigillum rebus singulis, eas sine tui augmenti, aut tui detrimenti mutabilitate proculdubio à te facis differri. Quicquid autem in natura creaturarum est, creatura tua est. O una trinitas & trina unitas deus, cuius omnipotentia omnia

tia omnia possidet & regit & implet quæ creauit. Nec ideo te implere omnia dicimus ut te contineant, sed ut ipsa potius à te contineantur: nec particulatim impleas omnia, nec ullatenus ita putandum est ut unaquæque creatura pro magnitudine portionis suæ capiat te, id est maxima maius, & minima minus, cum sis potius ipse in omnibus, siue omnia in te. Cuius omnipotentia concludit uniuersa, nec euadendi potentiam tuam quis aditum inuenire poterit. Qui enim te non habet placatum, nequaquam euadet iratum, sicut scriptum est, Neque ab oriente, neque ab occidente, neque à desertis montibus, quoniã deus iudex est: & alibi, Quò ibo à spiritu tuo, & quò à facie tua fugiam? Immensitas diuinæ magnitudinis tuæ ista est, ut intelligamus te intra omnia, sed nò inclusum: extra omnia, sed non exclusum. Et ideo interior es ut omnia contineas, & ideo exterior es ut incircumscriptæ magnitudinis tuæ immensitate omnia concludas. Per id ergo quod interior es, ostenderis esse creator: per id uero quod exterior es, gubernator omnium demonstraris: ac ne omnia quæ creata sunt sine te essent, interior es: exterior uero, ut omnia includantur à te, non locali magnitudine, sed potentiali præsentia, qui ubique præsens es, & omnia tibi præsentia, quamuis quidam hæc intelligant, quidam uero non intelligant. Inseparabilis ergo naturæ tuæ unitas separabiles non potest habere personas, quia sicut es trinitas in unitate, & unitas in trinitate: sic separationem non potes habere personarum. Nominantur quidem illæ personæ aliquando singulæ, sed ita te uoluisti deus trinitas inseparabilem ostendere in personis, ut nullum tibi nomen sit in qualibet persona quod non ad aliã secundum relationis regulam referatur: sicut pater ad filium, & filius ad patrem, sic spiritus sanctus ad patrem & filium uerissime refertur. Ea uero nomina quæ substantiã, uel personã, uel potentiã uel essentiam tuam significat, uel quicquid proprie dicitur deus, omnibus personis æqualiter conueniunt, ut deus magnus, omnipotens, æternus, & omnia quæ naturaliter de te deo dicuntur. Non est ergo aliquod naturæ nomen, quod sic tibi deo patri conuenire ualeat, ut aut filio tuo, aut spiritui sancto conuenire nequeat. Dicimus te patrẽ naturaliter esse deũ, sed naturaliter est filius deus, naturaliter est deus & spiritus sanctus, nò tamẽ tres dñi, sed unus naturaliter deus, pater & filius & spiritus sanctus. Idcirco inseparabilis es sancta trinitas, deus in personis sensu intelligẽda, quãuis uoce separabilia habeas nomina, quia pluralem numerum in naturæ nominibus nullatenus recipis: in hoc enim ostenditur personas nò posse diuidi in sancta trinitate, quæ unus deus uerus est, quia cuiuslibet personæ nomen semper ad alterã respicit personã. Si patrem dico, filiũ ostendo: si filium nomino, patrẽ prædico: si spiritũ sanctum appello, alicuius esse spiritũ necesse est intelligi, scilicet patris & filij. Hæc est enim fides uera ueniẽs de sana doctrina, hæc certe est fides catholica & orthodoxa, quã me docuit deus in sinu matris ecclesiæ gratia sua.

Inuocat itaq; domine te fides mea, quã dedisti mihi propter bonitatẽ tuã ad saluationem meam. Fidelis autẽ anima ex fide uiuit, tenet in spe quod uidebit in re. Inuocat te deus meus casta cõscientia mea, & suauis amor fidei meæ, quã excussis ignorantia te nebris ad ueritatis intelligentiã perduxisti, & quã à stulta seculi amaritudine eruisti, atq; adhibita tuæ dulcedinis charitate, iocundã mihi & mellifluã reddidisti. Inuocat te trinitas beata, uox clara & syncerus amor fidei meæ, quam ab ipsis enutriens cunabulis illuminasti semper per illustrationem gratiæ tuæ, & quam ad augens confirmasti in me per documenta matris ecclesiæ. Te inuoco beata & benedicta & gloriosa una trinitas, pater & filius & spiritus sanctus, deus, dominus, paracletus: charitas, gratia, communicatio: genitor, genitus, regenerans: uerum lumen ex lumine uero, uera illuminatio: fons, flumen, irrigatio, ab uno omnia, per unum omnia, in uno omnia, à quo, per quem, in quo omnia, uiuens uita, uita à uiuente, uiuentium uiuificator, unus à se, unus ab uno, unus ab ambobus, & à se, & ab altero, & ab utroq; uerax pater, ueritas filius, ueritas spiritus sanctus: una ergo pater, logos, paracletus & essentia, una uirtus, una bonitas, una beatitudo, à quo, per quem, & in quo beata sunt omnia quæcunque beata sunt.

Deus uera & summa uita, à quo, per quẽ, & in quo uiuunt omnia quæcunque uere & beate uiuunt. Deus bonũ & pulchrum, à quo, per quem, & in quo uiuunt omnia quæcunque uere & beate uiuunt.

psal. 74

psal. 138

caput XXXI

caput XXXII



Сар. XXXIII

Tibi sancti & humiles corde, tibi spiritus & animarum iustorum, tibi omnes superni ciues  
& cuncti beatorum spirituum ordines, gloriam & honorem suppliciter adorantes concinunt  
sine fine. Laudant te domine illi superni ciues magnifice & honorabiliter: laudat te homo,  
magna portio creaturæ tuæ. Sed & ego peccator homuncio, desiderio magno cupio te lau  
dare, amare te opto amore præcipuo. Deus meus, uita mea, fortitudo mea, & laudatio mea  
dignare me laudare te. Da mihi lumen in corde, uerbum in ore, ut cor meum meditetur glo  
riam tuam, & lingua mea tota die cantet laudes tuas. Sed quia non est pulchra laus in ore  
peccatoris, & quia uir pollutis labijs ego sum, munda obsecro cor meum ab omni inquina  
mento, sanctifica me sanctificator omnipotens interius & exterius, & fac me dignum lau  
dibus tuis. Suscipe benigne & acceptabiliter de manu cordis & de mentis amore, suscipe  
sacrificium labiorum meorum, fiatque acceptabile in conspectu tuo, & ascendat ad te in odo  
rem suauitatis. Memoria tua sancta & dulcedo tua beatissima possideat totam animam  
meam, atque in inuisibilem amorem rapiat eam. Transseat de uisibilibus ad inuisibilia, de ter  
renis ad cœlestia, de temporalibus ad æterna, transseat & uideat uisionem mirabilem. O æte  
rna ueritas, ô uera charitas, ô chara æternitas, tu es deus meus, ad te suspiro nocte ac die, tibi  
inhiò, tibi intendo, ad te peruenire desidero, qui nouit te, nouit ueritatem, nouit æternitatem.  
Tu ueritas super omnia præsidens, quem uidebimus sicuti es, cum pertransierit hæc uita cæca  
& mortalis, in qua dicitur nobis, Vbi est deus tuus? Et ego dico, Deus meus ubi es? Respi  
ro in te paululum, cum effundo super te animam meam in uoce exultationis & confessionis  
soni epulantis & festiuitatem celebrantis, & adhuc tristis est, quia relabitur & fit abyssus,  
quin potius sentit se adhuc esse abyssum. Dicit ei fides mea quam accendisti in nocte ante  
pedes meos, Quare tristis es anima mea, & quare cõturbas me? Spera in deo, lucerna pedi  
bus meis uerbum eius. Spera & perseuera donec pertranseat nox mater iniquorum, donec  
pertranseat ira domini, cuius fuimus aliquando filij: fuimus enim aliquando tenebræ, do  
nec pertranseat iste impetus aquarum, residua adhuc trahimus in corpore propter peccatum  
mortuo, donec aspiret dies & inclinentur umbræ. Sperabo in dño, mane astabo & contem  
plabor, semperque confitebor ei. Mane astabo & uidebo salutare uultus mei deum meum, qui  
uiuificabit mortalia corpora nostra propter inhabitantem spiritum eius in nobis, ut iam simus  
lux;

lux, dū adhuc spe salui facti sumus, & filij lucis, & filij dei, nō noctis neq; tenebrarū. Fuimus enim aliquādo tenebræ, nunc autē lux in te deus noster, & tamen adhuc per fidem, necdum per speciem. Spes quæ uidetur, nō est spes. Laudant te domine illi populi angelorū tuorum immortales, & glorificant nomen tuum cœlestes uirtutes, quæ nō habent opus legere hanc scripturam nostram, & cognoscere te sanctā & indiuiduam trinitatem. Vidēt enim faciem tuam semper, & ibi legunt sine syllabis temporū quid uelit æterna uoluntas tua, legunt, eligunt, & diligunt, semperq; legunt, & nunq; præterit id quod legunt, eligendo & diligendo legunt ipsam immutabilitatem consilij tui, & nō clauditur codex eorum, nec plicabitur liber eorum, quoniā tu ipse illis hoc es, & eris in æternum. O beatæ nimīū illæ cœlorum uirtutes quæ laudare te possunt sancte & purissime cum nimia dulcedine & ineffabili exultatione, inde laudant unde gaudēt, quia semper uident unde gaudere ualeant & laudare. Nos uero mole carnis pressi, & procul a uultu tuo in hac peregrinatione positi, atq; per mūdanas uarietates distenti, digne laudare nequimus, laudamus tamen per fidem, non per speciem: illi uero angelici spiritus per speciem, non per fidem. Hoc enim caro facit ut multo aliter laudemus, q̄ illi: sed licet diuersis modis laudes dicamus, tu tamen unus es deus creator omnium, cui sacrificium laudis in cœlo & in terra offertur: peruenturi tamen sumus misericordia tua ad eorum consortium, cū quibus te semper uidebimus, & sine fine laudabimus. Tribue dñe ut donec in hoc fragili corpore positus sum, laudet te cor meum, laudet te lingua mea, & omnia ossa mea dicant, Domine quis similis tui? Tu es deus omnipotens, quem trinum in personis, & unū in substantia deitatis colimus & adoramus, patrē ingenitum, filium de patre unigenitum, spiritum sanctum de utroq; procedentem, & in utroq; permanentem, sanctam & indiuiduā trinitatem, unū deum omnipotentem: qui cū non essemus, potēter fecisti nos: & cū perditī fuissetus culpa nostra, pietate & bonitate tua mirabiliter recuperasti nos, ne finas nos esse ingratos, obsecro, tantis beneficijs & indignos tā multis miserationibus. Te deprecor, supplico, & rogo, auge fidem, auge spem, auge charitatem. Fac nos per ipsam gratiam tuā semper in fide stabiles, & in opere efficaces, ut per fidem rectam & condigna fidei opera ad uitam te miserante perueniamus æternā, ut ibi uidentes gloriam tuam sicuti est, adoremus maiestātē tuā, & dicamus pariter quos dignos feceris uidere gloriam tuā, Gloria patri qui creauit nos, gloria filio qui redemit nos, gloria spiritui sancto q̄ sanctificauit nos, gloria summæ & indiuiduæ trinitati, cuius opera inseparabilia sunt, cuius imperiū sine fine manet. Te decet laus, te decet hymnus, tibi debetur omnis honor, tibi benedictio & claritas, tibi gratiarū actio, tibi honor, uirtus, & fortitudo deo nostro in secula seculorum, Amen.

**cap. XXXIII** Ignosce domine, ignosce pie, ignosce & miserere, parce ignorantia meæ, & multæ imperfectioni meæ. Noli me tanq̄ temerarium reprobare, q̄ audeam seruus utinam uel bonus & non etiam inutilis & malus, & ideo ualde malus, quia te omnipotentem deum nostrum, terribilem & nimis metuendum sine cordis contritione, & lachrymarum fonte, sine reuerentia debita & tremore laudo, benedico, atq; adoro. Si enim angeli te adorantes & laudantes tremunt mira exultatione repleti, ego peccator dū tibi assisto, laudes dico, sacrificium offero, cur nō corde paueo, uultu palleo, labijs tremo, toto corpore inhorresco, sicq; obortis lachrymis coram te indefinenter lugeo? Volo, sed non ualeo, quia nequeo quod desidero. Hinc enim mecum uehemēter admiror, dum te nimis terribilem oculis fidei cerno. Sed quis hoc sine ope gratiæ tuæ? Vniuersa enim salus nostra, magna misericordia tua. Miserum me, quomodo sic insensata facta est anima mea, ut non terreatur terrore nimio dum stat ante deum, & suas illi laudes decantat? Miserum me, quomodo sic induruit cor meum, ut oculi mei indefinenter non producant flumina lachrymarum, dum seruus sermocinatur coram domino suo, homo cū deo, creatura cū creatore, qui factus est ex limo, cū eo qui omnia fecit ex nihilo. Ecce domine pone me ante te, & quid in secretis de me sentio, paternis auribus non taceo: tu diues in misericordia, & largus in præmijs, da mihi de bonis tuis ut ex eis seruiam tibi. Non enim aliunde possumus seruire, neq; tibi placere nisi de tuo munere, confige quālo



**A** quaeso, timore tuo carnes meas: letetur cor meum ut timeat nomen tuum. Utinam sic te timeret peccatrix anima, quomodo ille uir sanctus, qui dixit, Semper enim quasi tumens super me fluctus timui deum. Dator enim omnium bonorum deus, da mihi inter laudes tuas fontem lachrymarum, simul cum cordis puritate & mentis iubilatione, ut perfecte te diligens & digne te laudans, ipso cordis palato sentiam, gustem, & sapiam, quam dulcis & suavis es domine, sicut scriptum est, Gustate & uidete quoniam suavis est dominus, beatus uir qui sperat in eo: Beatus populus qui scit iubilationem: Beatus uir cuius est auxilium abs te, ascensiones in corde suo disposuit in ualle lachrymarum, in loco quem posuit. Beati mundo corde, quoniam ipsi deum uidebunt. Beati qui habitant in domo tua domine, in secula seculorum laudabunt te.

Iob 31

psal. 33

psal. 88

psal. 83

Precatio ad Iesum  
Cap. XXXV

Iesu nostra redemptio, amor & desiderium, deus de deo adesto mihi famulo tuo. Te inuoco, ad te clamo clamore magno in toto corde meo. Te inuoco in animam meam, intra in eam, & coapta eam tibi, ut possideas eam sine ruga & sine macula. Mundissimo namque domino mundissima debetur habitatio. Sanctifica ergo me uas tuum quod fecisti, de malicia euacua, & imple de gratia, & plenum conferua, ita ut dignum habitationis tuae efficiat templum hic & in perpetuum. Dulcissime, benignissime, amantissime, charissime, potentissime, desideratissime, preciosissime, amabilissime, pulcherrime, tu melle dulcior, lacte & niue candidior, nectare suauior, gemmis & auro preciosior, cunctisque terrarum diuitijs & honoribus mihi charior. Quid dico dulcedo felix & securus? quid dico dum talia dico? Dico quod ualeo, sed non dico quod debeo, utinam possem talia dicere, qualia illi hymnidici angelorum chori. O quam libenter me in tuis laudibus totum effunderem. O quam deuotissime illa coelestis melodiae cantica ad laudem & gloriam nominis tui in medio ecclesiae infatigabilis perorarem. Sed quia talia non possum, nunquid tacebo? Vae tacentibus de te, quoniam ipsi loquaces muti sunt, cum non tuas laudes dicunt. Quis digne te laudare potest? O ineffabilis uirtus & sapientia patris. Et quoniam nulla inuenio uerba quibus te sufficiens ualeam explicare cunctipotens & omniscium uerbum, dicam interim quod ualeo, donec iubeas me uenire ad te ubi possim dicere quod te decet, & me oportet. Et ideo suppliciter rogo ut non respicias tantum ad id quod modo dico, sed ad id quod dicere opto. Cupio enim desiderio magno de te eloqui quod oportet & decet, quia te decet laus, te decet hymnus, tibi debetur omnis honor: Scis ergo occultorum cognitor deus, quoniam non solum terra & omnibus quae in ea sunt tu mihi charior es, sed etiam ipso caelo & omnibus quae in eo sunt tu mihi acceptabilior, tu mihi amabilior es, diligo enim te super caelum & terram, & cetera omnia quae in eis sunt, imo nisi amore nominis tui quae transitoria sunt proculdubio amanda non sunt. Amo te deus meus amore magno, magisque te amore capio. Da mihi ut amem te semper quantum uolo, quantum debeo, ut tu solus sis tota intentio mea, & omnis meditatio mea, te mediter per dies sine cessatione, te sentiam per soporem in nocte, te alloquatur spiritus meus, tecum fabuletur mens mea, lumine sanctae uisionis tuae illustretur cor meum, ut te rectore, te duce ambule de uirtute in uirtute, tandemque uideam te deum deorum in Sion, nunc quidem per speculum in aenigmate, tunc autem facie ad faciem, ubi cognoscam te & cognitus sum. Beati mundo corde, quoniam ipsi deum uidebunt. Beati qui habitant in domo tua domine, in secula seculorum laudabunt te. Rogo itaque te domine per omnes miserationes tuas quibus de morte aeterna liberati sumus, mollifica cor meum durum & lapideum, saxeum & ferreum, tua sacratissima & potenti unctione, & fac me per ignem compunctionis coram te omni hora hostiam uiuam fieri. Fac me in tuo conspectu cor contritum & humiliatum semper habere cum lachrymarum abundantia. Fac me ex tuo desiderio huic mundo funditus extinguere, & transeuntium rerum obliuisci praemagnitudine timoris & amoris tui, uque adeo ut de temporalibus nec lugeam, nec gaudeam, nec metuam aliquid temporale, nec diligam, nec blandis corrumpar, nec aduersis concutiar. Et quia tua ualida est ut mors dilectio, absorbeat quaeso mentem meam ab omnibus quae sub caelo sunt ignita & melliflua uis amoris tui, ut tibi soli inhaream, solaque tuae suauitatis memoria pascar. Descendat domine, descendat precor, descendat

dat in cor meum odor tuus suauissimus, ingrediatur amor tuus mellifluus. Veniat mihi tui c  
 saporis mira & inenarrabilis fragrantia, quæ sempiternas in me suscitet concupiscências, & ex  
 corde meo perducatur uenas salientis aquæ in uitâ æternâ. Imensus es domine, & ideo sine  
 mensura debes amari & laudari ab his quos tuo precioso sanguine redemisti. Amator ho-  
 minum benignissime, clementissime domine & æquissime iudex, cui omne iudiciû dedit pa-  
 ter, sapiētissimo tuæ æquitatis iudicio discernis hoc rectû & iustum esse, ut filij huius seculi  
 noctis & tenebrarum præstâtiori desiderio uirtute atq; studio diligant & quærant perituras  
 diuitias & fugitiuos honores, q̃ nos serui tui diligamus te deum nostrum, per quem facti  
 & redempti sumus. Si enim homo hominem tâta diligit dilectione, ut alter alterum uix pa-  
 tiatur abesse, si spōsa sponso tanto cōglutinetur mētis ardore, ut præ magnitudine amoris  
 nulla perfrui ualeat requie, chari sui absentia non sine magno mœrore ferens: qua ergo dile-  
 ctione, quo studio, quo seruire anima quâ desponsasti tibi fide & miserationibus, debet di-  
 ligere te uerû deum & pulcherrimû spōsum, qui nos sic amasti & saluasti, qui pro nobis tot  
 tanta & talia fecisti? Quanq̃ autē hæc infima habeant suas delectationes, suosq; amores,  
 non tamen tali modo delectât sicut tu deus noster. In te enim delectatur iustus, quia amor  
 tuus suauis est & quietus, nam pectora quæ possides, dulcedine & suauitate & trāquillitate  
 replet. E contra amor seculi & carnis anxius est & pturbatus, animas certe quas ingreditur  
 quietas esse nō patitur: semper enim suspicionibus & perturbationibus uarijsq; timoribus  
 sollicitat eos. Tu itaq; es delectatio rectorum, & merito, quies enim ualida est apud te &  
 imperturbabilis uita. Qui intrat in te bone domine, intrat in gaudium domini sui, & nō ti-  
 mebit amplius, sed habebit se optime in optimo loco, dicens, Hæc requies mea in seculum  
 Psal. 131 seculi, hic habitabo quoniā elegi eam: & illud, Dominus regit me & nihil mihi deerit, in lo-  
 Psal. 22 co pascuæ ibi me collocauit. Dulcis Christe, bone Iesu, reple semper quæso cor meû inextin-  
 guibili dilectione tua, cōtinua recordatione tua, adeo ut sicut flamma urens totus ardeam  
 in tui amoris dulcedine, quem & aquæ multæ in me nunq̃ possint extinguere. Fac me dul-  
 cissime domine amare te, & desiderio tuo deponere pondus omniû carnaliû desideriorum,  
 & terrenarû concupiscências grauiissimam sarcinā, quæ impugnant & aggrauāt miseram  
 animā meā, ut post te expeditus in odore unguetorum tuorû currens usq; ad tuā pulchri-  
 tudinis uisionē efficaciter satiādu, quantocyus te quoq; duce merear peruenire. Duo enim  
 amores, alter bonus, alter malus: alter dulcis, alter amarus, nō se simul capiunt in uno pecto-  
 re. Et ideo si quis præter te aliud diligit, non est charitas tua deus in eo, amor dulcedinis &  
 dulcedo amoris, amor nō crucians sed delectans, amor sincere & caste permanens in seculû  
 seculi, amor qui semper ardes & nunq̃ extingueris. Dulcis Christe, bone Iesu, charitas, deus  
 meus, accēde me totû igne tuo, amore tuo, suauitate & dulcedine tua, iucunditate & exulta-  
 tione tua, uoluptate & concupiscētia tua, quæ sancta est & bona, casta est & mūda, trāquilla  
 & segura, ut totus dulcedine amoris tui plenus, totus flāma charitatis tuæ succēsus, diligā te  
 deum meû ex toto corde meo totisq; medullis præcordiorum meorum, habēs te in corde,  
 in ore, & præ oculis meis semper & ubiq; ita ut nullus pateat in me locus adulterinis amo-  
 ribus. Audi deus meus, audi lumen oculorum meorum, audi quæ peto, & da quæ petam ut  
 audias me. Pie & misericordissime domine ne efficiaris mihi inexorabilis propter peccata  
 mea, sed propter bonitatē tuam suscipe preces serui tui, & da mihi effectum petitionis meæ,  
 & desiderij mei, intercedente & orante & impetrante gloriosa uirgine genitrice tua Maria,  
 domina mea, cum omnibus sanctis tuis, Amen.

Christe domine uerbum patris,  
 qui uenisti in hunc mundum peccatores saluos facere, rogo te per indulgentissima miseri-  
 cordiæ tuæ uiscera, emēda uitam meam, meliora actus, compone mores, tolle de me quod  
 mihi nocet & tibi displicet: & da quod nosti tibi placere & mihi prodesse. Quis potest facere  
 mundû de immundo conceptû semine nisi tu solus? Tu es deus omnipotens infinitæ piete-  
 tis, qui iustificas impios, & uiuificas mortuos propter peccatû, qui mutas peccatores & non  
 sunt. Tolle ergo de me quicquid tibi displicet in me, imperfecta enim mea plurima uident  
 oculi



**A** oculi tui, mitte quæso manum pietatis tuæ in me & tolle de me quicquid offendit oculos pietatis tuæ in me. Coram te dñe est sanitas & infirmitas mea, illam precor serua, istā sana. Sana me domine & sanabor, saluū me fac & saluus ero, tu qui infirma sanas, & sanata conseruas, tu qui solo nutu tuo restauras diruta & collapsa. Si enim dignaris in agro tuo corde meo ferere bonū semen, necesse est ut manu pietatis tuæ spinas prius euellas uitiorū meorum. Dulcissime, benignissime, amantissime, charissime, desideratissime, amabilissime, pulcherrime, infunde obsecro multitudinem dulcedinis tuæ & charitatis tuæ pectori meo, ut nihil terrenum, nihil carnale desiderem uel cogitem, sed te solum amem, te solum habeam in corde & in ore meo. Scribe digito tuo in pectore meo dulcem memoriam tui melliflui nominis, nulla unq̃ obliuione delendam. Scribe in tabulis cordis mei uoluntatem tuam & iustificationes tuas, ut te immensæ dulcedinis dominum & præcepta tua semper & ubique habeā præ oculis meis. Succede mentem meā igne illo tuo quē misisti in terram, & uoluisti uehementer accendi, ut sacrificium spiritus contribulati & cordis contriti obortis lachrymis quotidie offeram tibi. Dulcis Christe bone Iesu, sicut desidero, sicut tota mente mea peto, da mihi amorem tuū sanctum & castum qui me repleat, teneat, totumq̃ possideat. Et da mihi euident signum amoris tui, irriguum lachrymarum fontem iugiter emanantē, ut ipsæ quoq̃ lachrymæ tuū in me testētur amorem, ipsæ prodant, ipsæ loquātur quātum te diligit anima mea, dū præ nimia dulcedine amoris tui nequit se à lachrymis cōtinere. Reminiscor i. Reg. i. pie dñe illius bonæ mulieris Annæ, quæ ad tabernaculum rogatura pro filio uenit, de qua scriptura refert, q̃ uultus eius post lachrymas & preces nō sunt amplius in diuersa mutati. Sed memor tantæ uirtutis tantæq̃ cōstantiæ, dolore torqueor & uerecūdia cōfundor, quia me miserum nimis deorsum iacere intueor. Si enim ita fleuit & in fletu perseverauit mulier quæ quærebat filiū: quomodo plāgere & in plāctu persistere debet anima mea, quæ quærit & amat deum & ad eū peruenire desiderat? Quomodo gemere ac flere debet talis anima quæ quærit deum die ac nocte, quæ propter Christū nil uult amare? Mirum quippe est, si iam non factæ sunt ei lachrymæ suæ panes die ac nocte. Respice ergo & miserere mei, quia dolores cordis mei multiplicati sunt. Da mihi cōsolationem tuā cōlestē, & noli spernere peccatricem animam pro qua mortuus es. Da mihi quæso lachrymas ex toto affectu internas, quæ peccatorum meorū possint soluere uincula, & cōlesti iocunditate semper repleant animam meā, si non cum ueris & perfectis monachis quorū uestigia nequeo imitari, saltē cum deuotis mulieribus quātulamcunq̃ portionem in regno tuo merear adipisci. Venit quoq̃ mihi in mentē alterius mulieris deuotio mira, quæ te in sepulchro iacentē pio amore quærebat, quæ recedentibus discipulis de sepulchro nō recedebat, quæ sedebat ibi tristis & morrens, & diu multumq̃ flebat, & surgēs multis lachrymis iterū iterumq̃ antra deserti sepulchri uigilātibus oculis explorabat, si forte alicubi te uidere posset, quē feruētī desidero quærebat, iam certe semel & iterū ingressa sepulchrū uiderat, sed nimium amanti nō satis erat, uirtus enim boni operis perseverantia est. Et quia præ cæteris dilexit & diligendo fleuit, & flēdo quæsiuit, & quærēdo perseverauit, ideo prima te omnium inuenire, te alloqui meruit. Et non solum hæc, sed etiā ipsis discipulis gloriosæ resurrectionis tuæ prænuncia extitit, te præcipiēte & demēter monente, Vade dic fratribus meis ut eant in Galilæam, ibi me uident. Si ergo ita fleuit, & in fletu perseverauit mulier quæ uiuentem cū mortuis quærebat, quæ te manu fidei tangebatur: quomodo plangere & in planctu persistere debet anima, quæ te redemptorem suum iam cōelo præsentē & ubiq̃ regnantem corde credit, ore cōfiteatur? Quomodo ergo gemere & flere debet talis anima quæ te toto corde diligit, teq̃ toto desiderio uidere cōcupiscit, solū confugium & unica spes miserorū, cui nuncq̃ sine spe misericordie supplicatur? Præsta mihi hanc gratiā propter te & propter nomē sanctū tuū, ut quotiēs de te cogito, de te loquor, de te scribo, de te cōfero, quotiēs tui reminiscor, tibi afflato, laudes, preces, & sacrificium offero, totiens obortis lachrymis in cōspectu tuo copiose & dulciter fleam, ita ut efficiātur mihi lachrymæ meæ panes die ac nocte. Tu quidē rex gloriæ

*Matth. 5* & omnium uirtutum magister docuisti nos uerbo & exemplo gemere & flere, dicens, Beati qui lugent, quoniam ipsi consolabuntur. Tu fleuisti defunctum amicum, & lachrymatus es ualde super perituram ciuitatem: rogo te bone Iesu per illas preciosissimas lachrymas tuas & per omnes miserationes tuas, quibus mirabiliter nobis perditis subuenire dignatus es, da mihi gratiā lachrymarum quā multum desiderat & appetit anima mea, quia sine dono tuo non possum habere eam, sed per spiritū sanctum tuū, qui dura corda peccatorū mollit, & ad fletum compūgit. Da mihi gratiā lachrymarū, sicut dedisti patribus nostris quorum uestigia debeo imitari, ut plangā me in omni uita mea, sicut ipsi se planxerūt nocte ac die: propter merita & orationes eorū qui tibi placuerūt & deuotissime seruierunt, misere mei miserrimi & indigni serui tui, & da mihi gratiā lachrymarum. Da mihi irriguum superius, & irriguum inferius, ut sint mihi lachrymæ meæ panes die ac nocte, efficiarq; in conspectu tuo deus meus per ignem compūctionis holocaustum pingue & medullatū, macter totus in ara cordis mei, & tanq̃ pinguiſſimum holocaustum assumar tibi in odorē suauitatis. Da mihi dulcissime fontē irriguum, fontemq; perspicuum, in quo lauetur assidue istud inquinatum holocaustum. Licet enim me totū tibi obtulerim opitulāte gratia tua, in multis tamen quotidie offendo propter nimiam fragilitatem meam. Da ergo mihi gratiā lachrymarum benedicte & amabilis deus, præcipue ex multa dulcedine amoris tui & commemoratione misericordiarum tuarum, præpara hanc mensam famulo tuo in conspectu tuo, & da mihi eam in potestatem ut quotiens uolo satier ex ea. Tribue pro pietate & bonitate tua ut iste calix tuus inebriās & præclarus satiet sitim meā, ut inhiet tibi spiritus meus & ardeat mens mea in amore tuo, oblitus uanitatis & miseriæ. Audi deus meus, audi lumen oculorū meorum, audi quæ peto, & da ut petam quod audias, pie & exorabilis domine, ne efficiaris mihi inexorabilis propter peccata mea, sed propter bonitatem tuam suscipe preces serui tui, & da mihi effectum petitionis meæ & desiderij mei, precibus & meritis gloriosæ uirginis Mariæ dominæ meæ & omniū sanctorum, Amen.

*Alia ad Iesum*  
*Cap. XXXVII*

Iesu domine, Iesu pie, Iesu bone, qui mori dignatus es propter peccata nostra, & resurrexisti propter iustificationē nostram, rogo te per gloriosam resurrectionem tuam, resuscita me de sepulchro uitiorum & peccatorum meorū omniū, & da mihi quotidie partem in resurrectione prima, ut in resurrectione tua merear ueraciter percipere portionem. Dulcissime, benignissime, amantissime, charissime, preciosissime, desideratissime, amabiliſſime, pulcherrime, ascēdisti in cælum cum triumpho gloriæ tuæ, & sedes ad dexteram patris rex potentissime, trahe me sursum ad te ut curram post te in odore unguentorum tuorum, curram & non deficiam, te trahente, te ducente, me currente, trahe os sitientis te animæ in superna fluenta æternæ satietatis, imò trahe me ad te fontem uiuum, ut inde pro captu meo bibam unde semper uiuam, deus meus uita mea. Tu enim dixisti ore tuo sancto & benedicto, Si quis sitit, ueniat ad me & bibat. Fons uitæ da sitienti animæ semper bibere ex te, ut secundū sanctam & ueridicam promissionem tuam, de uentre meo fluant aquæ uiuæ. Fons uitæ reple mētem meam torrente uoluptatis tuæ, & inebria cor meum sobria ebrietate amoris tui, ut obliuiscar quæ uana sunt & terrena, & te solum iugiter habeam in memoria mea, sicut scriptum est, Memor fui dei & delectatus sum. Da mihi spiritum sanctum tuum, quem significabant illæ aquæ quas sitientibus daturum te promiseras. Da quæso toto desiderio & omni studio tēdere, quò te ascēdisse post resurrectionem die quadragesimo credimus, ut in præſenti quidem miseria solo tenear corpore, tecum autem sim cogitatione semper & aueritate, ut ibi sit cor meum, ubi tu es thesaurus meus desiderabilis & incomparabilis multumq; amabilis. In hoc enim magno huius uitæ diluuiū ubi circumstantibus agitamur procellis, & non inuenitur fida statio & locus eminentior ubi pes columbæ ualeat aliquatenus requiescere, nusq; tuta pax, nusq; secura quies, ubiq; bella & lites, ubiq; hostes, foris pugna, intus timores. Et quia altera pars fumus cœli, altera terræ, corpus quod corrumpitur aggrauat animam. Idcirco animus meus socius & amicus meus, fatigatus de uia ueniens, languet & iacet discissus atq; laceratus ab his



A his quas pertransierat uanitatibus, esurit & sitit ualde, & non habeo quid ponā ante illum,  
 quia pauper sum & mēdicus. Tu domine deus meus diues omnium bonorum, & dapium  
 supernae satietatis opulētissime largitor, da lassō cibum, collige dispersum, reintegra scissum.  
 En stat ad ostium & pulsat, obsecro per uiscera misericordiae tuae quibus uisitasti nos oriens  
 ex alto, aperi pulsanti, misero manum pietatis tuae porrige, & iube propitiabili dignatio-  
 ne ut ingrediatur ad te, requiescat in te, reficiatur de te uino coelestiq; pane, quo satiatu-  
 resumptisq; uiribus ad superiora conscendat, & de hac ualle lachrymarum penna sancti  
 desiderij raptus, ad coelestia regna uolitet. Assumat domine, assumat rogo spiritus meus  
 pennas ut aquilae, & uolitet & non deficiat, uolet & perueniat usque ad decorem domus  
 tuae, & locum habitationis gloriae tuae, ut ibi super mensam refectionis ciuium supernorum  
 pascatur de occultis tuis in loco pascuae tuae, iuxta fluenta plenissima requiescat in te deus  
 meus cor meum. Cor mare magnum tumens fluctibus, tu qui imperasti uentis & mari, &  
 facta est tranquillitas magna, ueni & gradere super fluctus cordis mei, ut tranquilla & sere-  
 na fiant omnia mea, quatenus unum bonum dominū meum amplectar te, & dulce lumen  
 oculorum meorum contempler te sine tumultuantium cogitationum caeca caligine. Con-  
 fugiat domine mens mea sub umbra alarum tuarum ab aestibus cogitationum huius se-  
 culi, ut in tui refrigerij temperamento absconsa, laetabunda cantet & dicat, In pace in id, psal. 4  
 ipsum, dormiam & requiescam. Dormiat obsecro domine deus meus, dormiat memoria  
 mea ab omnibus malis, iniquitatem odiat, iustitiam diligit. Quid enim pulchrius, quid ue-  
 dulcius, quā inter tenebras huius uitae multasq; amaritudines diuinā dulcedini inhia-  
 re, & aeternae beatitudini suspirare, illicq; teneri mentem ubi uera habere gaudia certissi-  
 mum est. Dulcissime, amantissime, benignissime, charissime, preciosissime, desideratis-  
 sime, amabilissime, pulcherrime, quando te uidebo? Quando apparebo ante faciem tuam?  
 Quando satiabor de pulchritudine tua? Quando educes me de hoc carcere tenebroso, ut  
 B confitear nomini tuo, ita ut deinceps non compungar? Quando transibo in illam admi-  
 rabilem & pulcherrimam domum tuam, ubi personat uox laticiae & exultationis in ta-  
 bernaculis iustorum? Beati qui habitant in domo tua domine, in secula seculorum lauda-  
 bunt te. Beati & uere beati quos elegisti & assumpsisti in illam coelestem hereditatem. Ecce  
 sancti tui domine florent ante te sicut lilium, replentur enim ab ubertate domus tuae, &  
 torrente uoluptatis tuae potas eos: quoniam tu es fons uitae, & in lumine tuo uident lumen,  
 usque adeo ut ipsi uidelicet lumen illuminatum per te deum illuminantem sicut sol efful-  
 geant in conspectu tuo. O quā mira, quā pulchra, quā acceptabilia sunt domus tuae  
 habitacula domine uirtutum, concupiscit intrare in ea haec peccatrix anima mea. Domine  
 dilexi decorem domus tuae, & locū habitationis gloriae tuae. Vnam petij à domino & hanc  
 requiram, ut inhabitem in domo domini omnibus diebus uitae meae. Quemadmodum cer-  
 nus desiderat ad fontes aquarum, ita desiderat anima mea, ad te deus. Quando ueniam &  
 apparebo ante faciē tuam? quando uidebo deum meum quem sitit anima mea? quando  
 uidebo eum in terra uiuentium? In ista enim terra morietium uideri non potest mortalibus  
 oculis. Quid faciam miser ego grauedine compedis mortalitatis meae constrictus? quid fa-  
 ciam? Dum sumus in corpore, peregrinamur à domino. Nō habemus hic manentem ciui-  
 tatem, sed futuram inquirimus: noster autem municipatus in coelis est. Heu mihi quia inco-  
 latus meus prolongatus est, habitauī cū habitantibus cedār, multum incola fuit anima mea.  
 Quis dabit mihi pennas sicut columbae, & uolabo & requiescam? Nihil mihi tam dulce, q̃  
 cum domino meo esse. Mihi autē adhaerere deo bonū est. Da mihi domine donec his fra-  
 gilibus assisto membris, tibi adhaerere, sicut scriptū est, Qui adharet domino, unus spiritus 1. Cor. 6  
 est cum eo. Praebe mihi rogo contemplationis pennas, quibus indutus, ad te uolitem sur-  
 sum. Et quia omne sinistrum deorsum iacet, tene mentem meā, ne ad ima tenebrose uallis  
 corruat, ne interueniente umbra terrae, à te uero iustitiae sole separetur, & obducta teneb-  
 nebula prohibeatur alta respicere. Idcirco sursum tendo ad pacis gaudia, lucisq; delect-  
 T 4 bilem

bilem & serenissimum statum. Tene cor meū manu tua, quia sine te ad altiora non rapitur. Illuc festino, ubi summa pax regnat, & iugis trāquillitas rutilat. Tene & rege spiritū meum, & assume illum secundū uoluntatem tuam, ut te duce ascēdat in illam regionem ubertatis, ubi pascis Israël in æternum pabulo ueritatis, ut ibi uel rapida cogitatione attingat te summam sapientiā super omnia manentem, cuncta transeuntem, & omnia gubernantem. Sed uolitantī ad te animæ multa sunt quæ obstrepūt, iussu tuo domine cōticescant mihi omnia, ipsa sibi anima mea fileat, omnia pertrāseat, omnia quæ creata sunt transcēdat à se, & perueniat ad te, atq; in te solo creatore omniū oculos fidei figat, tibi inhiet, tibi intendat, te meditetur, te contempletur, te sibi ante oculos ponat, te sub corde reuoluat uerū & summū bonū, & gaudiū sine fine mansurū. Multæ deniq; sunt cōtemplationes, quibus anima deuota tibi mirabiliter pascitur, sed in nulla earum ita delectatur & requiescit anima mea sicut in te, & quando te solū cogitat & cōtemplatur. Quām magna multitudo dulcedinis tuæ dñe, quam mirabiliter inspiras cordibus amatorū tuorū: q̄ mira suauitas amoris tui, quo perfruuntur illi qui nihil prāter te diligūt, nihil quærūt, nihil etiā cogitare cōcupiscunt. Felices illi quibus tu solus spes es, & omne opus eorū oratio. Beatus qui sedet solitarius & tacet, & stat super custodiam suā iugiter die ac nocte, ut adhuc in hoc fragili corpusculo positus, pralibare ualeat aliquatenus dulcedinē tuā. Rogo te p̄ illa salutifera uulnera tua, quæ passus es in cruce pro salute nostra, è quibus emanauit ille preciosus sanguis quo sumus redēpti, uulnera hanc animam meā peccatricem, pro qua etiā mori dignatus es, uulnera eā igneo & potentissimo telo tuæ nimiae charitatis. Viuus est enim sermo dei, & efficax & penetrabilior omni gladio ancipiti. Tu sagitta electa, & gladius acutissimus, qui durū scutum humani cordis penetrare tua potētia uales, confige cor meū iaculo tui amoris, ut dicat tibi anima mea, Charitate tua uulnerata sum, ita ut ex ipso uulnere amoris tui uberrimæ fluāt lachrymæ die ac nocte. Percute domine, percutere obsecro hanc durissimam mentem meam pia & ualida cuspe dilectionis tuæ, & altius ad intima penetra potēti uirtute. Et sic de capite meo educ aquam imensam, & de oculis meis uerum fontē lachrymarum iugiter manantem, ex nimio affectu & desiderio uisionis pulchritudinis tuæ, ut lugeā die ac nocte, nullā in præsenti uita recipiēs consolationē, donec te in cœlesti thalamo merear uidere dilectū & pulcherrimum sponsum meum, deū & dominum meū, ut ibi uidens gloriosam, admirabilem & pulcherrimā faciem tuā, omni dulcedine plenā, cū his quos elegisti, maiestātē tuā supplex adorem, & illic tandē cœlesti & ineffabili repletus iubilo æternæ exultationis exclamem cū diligētibus te, dicens, Ecce quod concupiui iam uideo, quod speraui iā teneo, quod desiderauī iā habeo. Illi namq; in cœlis iunctus sum, quē in terris positus tota uirtute dilexi, tota charitate amplexus sum, cui toto amore inhæsi, ipsum laudo benedico atq; adoro: Qui uiuit & regnat deus in secula seculorum, Amen.

Precatio in afflictione  
Cap. XXXVIII

Miserere domine, miserere, pie miserere mihi miserrimo peccatori indigna agenti & digna patienti, assidue peccanti, & tua flagella quotidie sustinenti. Si penso malum quotidie quod feci, nō est tantum quod patior, grauius est quod commisi, leuius est quod tolero: Iustus es domine, & rectum iudicium tuum: omnia iudicia tua iusta sunt & uera: Iustus & rectus tu es dñe deus noster, & non est ulla iniquitas in te. Non enim iniuste neq; crudeliter affligis nos peccatores omnipotēs & misericors domine, qui cū non essemus potenter fecisti nos, & cū perditī fuissetus culpa nostra, pietate & bonitate tua mirabiliter reparaisti nos. Scio & certus sum q̄ uita nostra nō temerarijs motibus agitur, sed à te dño deo nostro disponitur & gubernatur. Vnde tibi cura est de omnibus, præcipue de seruis tuis, qui totā spem suam posuerunt in sola misericordia tua: Idcirco obsecro & suppliciter rogo, ut non facias mihi secundū peccata mea, quibus iram tuā merui, sed secundū magnam misericordiam tuā, quæ superat etiā peccata totius mundi. Tu domine qui exterius flagella irrogas, da semper interius indeficientem patientiam, ita ut laus tua non recedat de ore meo. Miserere mei domine, miserere mei & adiuua me, sicut tu nosti quod mihi necesse est in corpore & in anima, scis omnia, potes omnia, qui uiuis in secula.

Domine



A Domine Iesu Christe fili dei uiui, qui expansis in cruce manibus propter mortaliū  
 omnium redemptionem haussisti calicem passionis, mihi hodie præbere digneris auxilium.  
 Ecce pauper uenio ad te diuitem, miser ad misericordem, ne recedam uacuuus uel contem-  
 ptus: esuriens incipio, ne desinam de te ieiunus: famelicus accedo, ne recedam impastus. Et si  
 antequam comedam suspiro, da uel post suspiria ut comedam. In primis dulcissime Iesu co-  
 ram magnificentia tuæ suauitatis confiteor aduersum me iniustitiam meam. Ecce domine  
 quia in peccatis fui conceptus & natus, & tu me abluisti & sanctificasti, & ego postea me  
 maioribus sordidaui peccatis. Fui enim in necessarijs natus, postea in spontaneis uoluta-  
 tus, sed tuæ domine miserationis non immemor, tulisti me de domo patris mei carnalis, &  
 de tabernaculis peccatorum, & inspirasti mihi ut sequerer te cum generatione quærenti-  
 um faciem tuam, ambulantium semitam rectam, commorantium inter lilia castitatis,  
 & tecum discumbentium in cenaculo altissimæ paupertatis: & ego tot beneficiorum  
 ingratus post acceptum baptismum multa commisi illicita, multa perpetraui nefanda,  
 & ubi peccata emendare debui, peccata peccatis addidi. Hæc sunt mala mea domine  
 quibus exhonoraui te & maculaui me, quem ad imaginem & similitudinem tuam creasti,  
 superbia, uana gloria, & cætera multa alia mala, quibus uexatur & affligitur, laceratur  
 & destruitur infelix anima mea. Ecce domine iniquitates meæ supergressæ sunt caput me-  
 um, & sicut onus graue grauata sunt super me: & nisi tu cui proprium est misereri sem-  
 per & parcere, dexteram tuæ maiestatis supponas, mergi cogor miserabiliter in profun-  
 dum. Attende domine deus & uide quoniam sanctus, & ecce insultat aduersum me ini-  
 micus meus, dicens, Deus dereliquit eum, persequar & comprehendam eum, quia non  
 est qui eripiat, & tu domine usquequo, conuertere & eripe animam meam, saluum me fac  
 propter misericordiam tuam: Miserere filio tuo quem in dolore non modico peperisti, &  
 noli attendere malum meum, ut obliuiscaris bonum tuum. Quis est pater qui filium non  
 liberet? Aut quis filius quem pater pietatis baculo non corripiat? Ergo pater & domine  
 licet peccator sim, non possum non esse filius tuus, quia tu me fecisti & refecisti. Sicut pec-  
 caui emenda me, & prius flagello emendatum trade me filio tuo. Nunquid obliuisci potest  
 mater infantem uteri sui? Et certe si illa oblita fuerit, tu pater promissisti te non obliuisci. Ecce  
 clamo & non exaudis me, dolore crucior & non consolaris me, quid dicam uel quid faciam  
 miserrimus? Ego tãto destitutus solatio, proiectus sum à facie oculorum tuorum. Heu me  
 de quanto bono in quantum malum cecidi, quò tendebam, & quò deueni, ubi sum & ubi  
 non sum, ad quem aspirauì & nunc in quibus suspiro? Quæsiui bona, & ecce turbatio. Ecce  
 iam morior, & Iesus non est mecum. Et certe melius est mihi non esse, q̃ sine Iesu esse: me-  
 lius est non uiuere, quàm uiuere sine uita. Et tu domine Iesu ubi sunt misericordiæ tuæ  
 antiquæ? Nunquid irascaris mihi in finem? Placare obsecro & miserere mei, & non auer-  
 tas faciem tuam à me, qui pro me redimendo non auertisti faciem tuam ab increpan-  
 tibus & conspuentibus in te. Fateor quia peccaui, & conscientia mea meretur damnatio-  
 nem, & poenitentia non sufficit ad satisfactionem, sed certum est quòd misericordia tua  
 superat omnem offensionem. Noli quæso p̃ssime domine scribere aduersum me ama-  
 ritudines meas, ut intres in iudicium cum seruo tuo, sed secundum multitudinem mise-  
 rationum tuarum dele iniquitatem meam. Væ mihi misero cum uenerit dies iudicij, &  
 aperti fuerint libri conscientiarum, cum dicetur de me, Ecce homo & opera eius: Quid fa-  
 ciam tunc domine deus meus, cum cœli reuelabunt iniquitatem meam, & aduersum me  
 terra consurget? Ecce nihil respondere potero, sed demisso capite præ confusione coram te  
 stabo trepidus & confusus. Heu me miserum quid dicam? Clamabo ad te domine deus  
 meus, Quare tacens consumor? Veruntamen si locutus fuero, non quiescet dolor meus:  
 & si tacuero, amarissima amaritudine crucior interius. Plange anima mea sicut uidua  
 super uirum pubertatis tuæ, ulula misera & plora, quoniam dimisit te sponsus tuus,  
 id est, Christus. Ira omnipotentis ne irruas super me, quia nunquam capi posses in me.

Certe

Certe non est in toto me quod posset tolerare te. Miserere, ne desperem, sed desperando respirem. Etsi ego commisi unde me damnare potes, tu non amisisti unde saluare soles. Tu domine non uis mortem peccatorum, nec lataris in perditione morientium, imò ut mortui uiuerent tu mortuus es, & mors tua peccatorum mortem occidit. Et si ipsi te moriente uixerunt, obsecro domine, ut ego te uiuente non moriar. Mitte manum tuam de alto, & libera me de manu inimicorum meorum, ne supergaudeant mihi & dicant, deuorauimus eum. Quis unquā bone Iesu de tua misericordia diffidat? Qui cum inimici tui essemus, redemisti nos in sanguine tuo & recōciliasti nos deo. Ecce sub tuæ misericordiæ umbra protectus ad thronum gloriæ ueniā postulans curro, clamans & pulsans donec miserearis mihi. Si enim ad ueniam nos uocasti, ueniam nō quærentes, quanto magis ueniam impetrabimus postulant. Ne memineris dulcissime Iesu tuæ iustitiæ aduersus peccatōrē tuū, sed esto memor benignitatis tuæ aduersus creaturam tuam. Ne memineris iræ aduersus reum, sed memor esto miserationis tuæ aduersus miserum. Obluiscere superbum prouocantem, & respice miserum inuocantem. Quid enim est Iesus, nisi saluator? Ergo Iesu per te ipsum exurge in adiutorium mihi, & dic animæ meæ, salus tua ego sum. Multum domine de tua bonitate præsumo, quoniā tu ipse doces petere, quærere & pulsare, & ideo tua oratione admonitus peto, quæro, & pulso. Et tu domine qui iubes petere, fac accipere: cōsulis quærere, da & innuere: doces pulsare, aperi pulsanti, & confirma me infirmum, restaura me perditū, suscita me mortuum, & omnes sensus meos, cogitatus & actus dirigere & gubernare digneris in beneplacito tuo, ut de cætero tibi seruiam, tibi uiuam, tibiq; me tradam. Scio domine mi quia ex hocq; me fecisti, debeo tibi me ipsum, & quia me redemisti, & pro me homo factus es, deberem tibi plus q̄ me si haberem, quanto tu maior es pro quo dedisti te ipsum. Ecce nec plus habeo, nec quod habeo, dare tibi possum sine te: sed accipe me tu, & trahe me ad te, ut tuus sim imitatione & dilectione, sicut tuus sum conditione & creatione: Qui uiuis & regnas in secula.

Alia precatio ad  
deum. Cap. XL

Domine deus omnipotens, qui es trinus & unus, qui es semper in omnibus, & eras ante omnia, & eris semper in omnibus deus benedictus in secula, tibi commendo hodie & omni tempore animam meam, corpus meum, uisum, auditum, gustum, odoratum, & tactū, omnes cogitationes meas, affectiones, locutiones, actiones, omnia exteriora & interiora, sensum & intellectum, memoriam meam, fidem & credulitatem meam, & perseverantiam meam in manus potentiæ tuæ, ut custodias ea diebus & noctibus, horis atq; momentis. Exaudi me trinitas sancta, & conserua me ab omni malo, ab omni scandalo, & ab omni mortali peccato, ab omnibus insidijs & infestationibus dæmonum, & inimicorum uisibiliū & inuisibiliū, per orationes patriarcharum, per merita prophetarum, per suffragia apostolorum, per constantiam martyrum, per fidem confessorum, per castitatem uirginum, & per intercessionem omniū sanctorum qui tibi placuerūt ab initio mundi. Expelle à me iactantiam mentis, & auge compunctionem cordis, minue superbiam meam, & perfice in me humilitatem uerā, suscita in me fletū, mollifica cor meū durū & lapideum, libera me domine & animā meā ab omnibus insidijs inimici, & conserua me in tua uoluntate. Doce me domine uolūtatem tuam facere, quia deus meus es tu. Da mihi domine sensum perfectum & intellectū, ut suscipere ualeam profundā benignitatem tuā. Illud da mihi petere, quod te audire delectet & mihi expediat. Da mihi lachrymas ex toto affectu quæ peccatorū meorū possint dissoluere uincula. Audi dominus meus & deus meus, audi quæ peto, & da ut quod peto exaudias. Si despicias, pereō, si respicias, uiuō: si iustitiā meā requiris, mortuus scæteō, si cum misericordia respexeris, scetentem resuscitas de sepulchro. Quod odis in me, longe fac à me, & castitatis ac continentię spiritum inferre in me, ut quodcunq; petiero, in ipsa petitione te non offendam. Tolle à me quod nocet, & præbe quod iuuat. Præsta mihi dñe medicinā unde mea possint curari uulnera. Da mihi dñe timorem tuum, cordis compunctionem, mētis humilitatem, & conscientiā purā. Præsta mihi dñe, ut frater nam semper tenere ualeam charitatem, & mala mea nō obliuiscar, aliena nō requirā. Parce animæ



**A** animæ meæ, parce malis meis, parce peccatis meis, parce criminibus meis. Visita me infirmum, cura me ægrum, sana me languentem, & suscita me mortuum. Da mihi domine cor quod te timeat, mētem quæ te diligat, sensum qui te intelligat, aures quæ te audiant, oculos qui te uideant. Miserere mei deus miserere mei, & respice me de sede sancta maiestatis tuæ, & tenebras cordis mei radio splendoris tui illumina. Da mihi domine discretionem discernendi inter bonum & malum, & concede ut sensum habeam uigilem. Peto à te domine remissionem omnium peccatorum meorum, à quo & per quem mihi fiat propitiatio in tempore necessitatis & angustiae meæ. Sancta & immaculata uirgo dei genitrix Maria, & mater domini nostri Iesu Christi interuenire pro me digneris apud illum cuius meruisti effici templum. Sancte Michaël, sancte Gabriel, sancte Raphaël, sancti chori angelorū atq; archangelorum, patriarcharum atq; prophetarum, apostolorum, euangelistarum, martyrum, confessorum, sacerdotum, leuitarum, monachorum, uirginum, omniumq; iustorū, & per illum qui uos elegit, & de cuius contemplatione gaudetis, uos rogare præsumo, ut pro me culpabili ipsi deo supplicare dignemini, quatenus de faucibus diaboli, & de morte perpetua me rear liberari. Largiri mihi digneris domine perpetuam uitam, secundū clementiam ac benignissimam misericordiā tuam. Da domine Iesu Christe sacerdotibus cōcordiam, regibus, episcopis & principibus iuste iudicantibus tranquillitē & pacem. Oro domine pro uniuersa sancta ecclesia catholica, pro uiris & fœminis, pro religiosis & secularibus, pro omnibus rectoribus Christianorum, cunctisq; in te credentibus, qui pro tuo amore sancto laborāt, ut perseverantiam boni operis obtineant. Præsta domine rex æterne uirginibus castitatem, deo dicatis continentiam, coniugatis sanctimoniam, pœnitentibus indulgētiā, uiduis & orphanis sustentationem, pauperibus protectionem, peregrinantibus reditum, lugentibus consolationem, defunctis fidelibus requiem sempiternam, nauigantibus in portum uenire salutis, optimis ut in bonitate semper consistant, bonis & mediocribus ut meliores fiant, praue agentibus & delinquentibus ut cito se corrigant. O dulcissime & misericordissime domine Iesu Christe fili dei uiui, redemptor mūdi, inter omnes & per omnia me miserum peccatorem confiteor, sed tu clementissime pater & summe qui omnium misereris, non me peccatis à tua misericordia fieri alienum. Et tu domine rex regum qui inducias uiuendi præstas, corrigendi mihi deuotionem tribue, excita in me mentem quæ te requirat, te desideret, & te qui es ubique totus trinus & unus semper præ omnibus amet, te timeat, tuamq; uoluntatem faciat. Præcipue ergo te domine sancte pater deprecor, qui es benedictus & gloriosus per omnia secula, ut omnes qui mei memoriam faciunt in suis orationibus, & qui indignis orationibus meis se commendauerunt, & qui mihi aliquod charitatis officium & pietatis studium impenderunt, seu & illos qui consanguinitate ac cognationis affectu sunt mihi propinqui, tam & illos qui nunc consistunt in corpore, quàm & illos qui teguntur funere, misericorditer gubernare digneris ne pereant. Omnibus etiam Christianis uiuis adiutorium præstare digneris, & defunctis fidelibus absolutionem & requiem sempiternam per æterna secula. Necnon & illud magnopere supplico domine qui es alpha & ω, ut cum extrema dies mea finisq; uitæ meæ aduenerit, tu ipse mihi sis misericors iudex contra malignum accusatorem diabolum, & sis mihi perpetuus defensor aduersus insidias hostis antiqui, & in societatem angelorū omniumq; sanctorum in sancto paradiso tuo perseverare facias, qui es benedictus in secula seculorum, Amen.

Domine Iesu Christe, redemptio mea, misericordia mea, salus mea, te laudo, tibi gratias ago, quāuis ualde impares tuis beneficijs, quamuis multū expertes deuotionis, quāuis macras à desiderata pinguedine dulcissimi tui affectus, tamen qualescunq; gratias, nō quales scio me debere, sed sicut potest conari, tibi persoluit anima mea. Spes cordis mei, uirtus animæ meæ, cōpleat tua potētissima dignitas, quod conatur mea tepidissima imbecillitas, uita mea, tu finis intētionis meæ. Et si nondum merui tantū, quantum debitor sum amare, utiq; saltē desidero te amare quantū debeo. Illuminatio mea tu uides conscientia meā, quia domine

precatio de passionē Christi.  
Cap. XLI

Hæc et dūc sup̄  
riores nō sunt simi  
les cæteris

domine ante te est omne desiderium meum, & tu donas si quid bene uult conscientia mea. Si bonum est domine quod inspiras, imò quia bonum est ut te uelim amare, da quod me facis uelle. Da ut quantum iubes, tantum te merear amare, laudes & gratias refero ne sit mihi donum tuum infructuosum, quod tua spontanea dedisti uoluntate, perfice quod incepisti, & dona quod me benigne praueniendo immeritum desiderare fecisti. Cōuerte benignissime meum torporem in feruentissimum tui amorem. Ad hoc clemētissime tendit hac oratio mea, hac memoria & meditatio beneficiorum tuorum, ut accendas in me tuum amorem. Tua me domine bonitas creauit, tua misericordia creatum ab originali peccato mūdauit, tua patiētia post illam emundationem baptismi in alijs peccatorum sordibus inuolutum haecenus tolerauit, nutriuit & expectauit. Expectas tu bone domine correctionem, expectat anima mea ad poenitendum, ad bene uiuendum tuae gratiae inspirationem. Deus meus, creator meus, tolerator & nutritor meus, te sitio, te esurio, te desidero, ad te suspiro & concupisco, & sicut pupillus benignissimus patris orbatus praesentia, flens & eiulans incessanter eius dilectam faciem toto corde amplectitur: sic ego non quantum debeo, sed quantum queo memor passionis tuae, memor alaparum tuarum, memor flagellorum, memor uulnerum tuorum, memor qualiter pro me occisus es, qualiter conditus, qualiter sepultus, simul memor tuae gloriosae resurrectionis & admirabilis ascensionis, hac indubitata fide teneo, exilij mei erumnas defleo, spero tui aduentus solam consolationem, ardentem desidero tui uultus gloriosam contemplationem. Heu mihi quia uidere non potui dominum angelorum, humiliatum ad conuersationem hominum ut homines exaltaret ad conuersationem angelorum, cum deus offensus moriebatur ut peccator uiueret. Heu quod tam admirabili, tam inestimabili pietati praesens obstupescere non merui. Cur o anima mea te praesertim non transfigit gladius doloris acutissimi, cum ferre non posses uulnerari lancea latus tui saluatoris, cum uidere nequies uiolari diuis pedes & manus tui plasmatoris, cum horrore effundi sanguinem tui redemptoris, cur non es inebriata lachrymarum amaritudine, cum ille potaretur amaritudine fellis? Cur non es compassa castissimae uirgini, dignissimae matri eius, dignissimae dominae tuae? Domina mea misericordissima, quos fontes dicam erupisse de tuis pudicissimis oculis, cum attēderes unicum filium tuum innocentem coram te ligari, flagellari & mactari? Quos fletus credam perfudisse piissimum tuum uultum, cum suspiceres eundem filium tuum deum & dominum tuum in cruce sine culpa extendi, & carnem de carne tua ab impijs crudeliter dissecari? Quibus singultibus extimabo purissimum pectus tuum uexatum esse, cum tu audires, Mulier ecce filius tuus: & discipulus, Ecce mater tua: cum acciperes discipulum pro magistro, seruum pro domino? Utinam cum felice Ioseph dominum meum de cruce deposuissem, aromatibus condissem, in sepulchro collocassem, ut saltem profecutus uel consecutus essem, ut tanto funeri non defuisset aliquid mei obsequij. Utinam cum beatis mulieribus corusca uisione angelorum essem territus, & audissem nuncium dominicae resurrectionis, nuncium meae consolationis, nuncium tam expectatum, nuncium tam desideratum. Utinam, inquam, audissem ex ore angeli, Nolite timere, uos Iesum quaeritis crucifixum, surrexit non est hic. Benignissime, suauissime, serenissime, quando restaurabis mihi, quia non uidi illam beatam tuam carnis incorruptionem, quia non fui deosculatus loca uulnerum, fixuram clauorum, quia non resperpsi lachrymis gaudij cicatrices corporis ueri, admirabilis, inestimabilis, incomparabilis, quando consolaberis & compesces me à dolore meo? Non enim cadit in me dolor meus quamdiu peregrinus sum à domino meo. Heu mihi domine, heu animae meae, recessisti consolator animae meae, nec uale dixisti. Ingressus uias tuas benedixisti tuis, nec affui. Eleuatis manibus à nube susceptus es in caelum, nec uidi. Angeli promiserunt te rediturum, nec audiui. Quid dicam? quid faciam? quò uadam? Vbi eum quaeram? uel quando inueniam? Quem rogabo? Quis nunciabit dilecto, quia amore langueo? Defecit gaudium cordis mei. Versus est in luctum risus meus, defecit caro mea & cor meum, deus cordis mei & pars mea deus in aeternum. Renuit consolari anima mea, nisi de te dulcedo mea. Quid enim mihi est in caelo, & à te

Ioan. 19

Marci 16



**A** & à te quid uolui super terram? Te uolo, te spero, te quero, tibi dixit cor meum, quasi uultum tuum, uultum tuum domine requiram, ne auertas faciem tuam à me. Amator hominum benignissime, tibi derelictus est pauper, orphano tu eris adiutor. Mi aduocate tuissime, miserere mei orphani derelicti, pupillus factus sum absq; patre, anima mea quasi uidua. Respice orbitatis & uiduitatis meae lachrymas, quas tibi offero donec redeas. Eia iā domine eia, appare mihi & consolatus ero. Exhibe praesentiam tuam, & consecutus ero desiderium meum. Reuela gloriam tuā & erit perfectum gaudium meum. Sitiuit in te anima mea, q̄ multipliciter tibi caro mea. Sitiuit anima mea ad deum fontem uiuum, quando ueniam & apparebo ante faciem domini: quando uenies consolator meus: quem expectabo: O si quando uidebo gaudium meum quod desidero, o si satiabor cum apparuerit gloria mea quam esurio. O si inebriabor ab ubertate domus tuae ad quam suspiro, si potabis me torrete uoluptatis tuae quem sitio. Sint mihi domine interim lachrymae meae panes die ac nocte, donec dicatur mihi, Ecce deus tuus: donec audiat anima mea, Ecce sponsus tuus. Pisce interim me singultibus meis, refocilla me doloribus meis, ueniet fortasse redemptor meus quia bonus est, nec tardabit quia pius est. Ipsi gloria in secula seculorum, Amen.

## AD LECTOREM,

**LIBER** pius nec ineruditus, quanquam phrasis plurimum discrepat ab Augustiniana.

## DE DILIGENDO DEO LIBER.



**V**IGILI cura, mente sollicita, summo conatu, & sollicitudine continua <sup>cap. i</sup> decet nos inquirere & addiscere quomodo & qua uia possimus infernale supplicium uitare, & coeleste gaudium acquirere: cum nec illud supplicium uitari, nec illud gaudium acquiri possit, nisi uia cognita qua est illud uitandum, & illud acquirendum. Audiamus ergo libentius, inspiciamus diligentius uerba Apostoli, quibus ipse duo ostendit, scilicet q̄ coelestis gloria ineffabilis est, & quae sit uia quae ducit ad uitā: ait enim, <sup>1. Cor. 2</sup>

Nec oculus uidit, nec auris audiuit, nec in cor hominis ascendit, quae preparauit deus diligentibus se. Ecce per hoc q̄ dicit deum preparasse bona diligentibus se, ostendit quia dilectio uia est qua ad illa bona peruenitur: sed dilectio dei sine dilectione proximi haberi non potest, testante beato Ioanne, qui ait, Qui non diligit fratrem suum quem uidet, deum quem non uidet, quomodo diligere potest? Et hoc mandatū habemus à deo, ut qui diligit deum diligat & proximū suum. Ecce in hac gemina dilectione consistit uera charitas, de qua Apostolus loquens, ait, Excellentiore adhuc uiam uobis demonstro. Ecce charitas excellentissima uia est, quae ducit ad coelestem patriam, & sine qua nemo illuc uenire potest. Sed quis in hac uia est? quis nouit eam? Qui diligit deum & proximum. Quomodo diligendus est deus, & quomodo proximus? Deum debemus diligere plus q̄ nos, & proximū sicut nos. Deum diligimus plus q̄ nos, si praecepta eius uoluntati nostrae in omnibus praepo-<sup>1. Cor. 12</sup> nimus. Proximū autem nō iubemur diligere quantum nos, sed sicut nos, id est, uelle & optare ei omne bonum, quod debemus uelle & optare nobis, & maxime aeternam beatitudinem, & ad illam obtinendam ei succurrere, & in corporalibus bonis, & in spiritalibus, prout ratio <sup>Matth. 7</sup> exigit, & facultas permittit: unde dominus in euangelio ait, Non diligamus uerbo neq; <sup>1. Ioan. 3</sup> bis homines, & uos eadem facite illis: & Ioannes apostolus ait, Non diligamus uerbo neq; <sup>cap. ii</sup> lingua, sed opere & ueritate. Sed qui sunt proximi quos debemus sic diligere? Certe omnes homines Christiani, Iudaei, pagani, amici & inimici. Cum ergo tota salus nostra in dilectione consistit, quare & qualiter dominus diligendus sit, diligenter considerandum est. Ad dei igitur dilectionem in nobis excipiendam, nutriendam, & augendam nihil ita ualet, sicut beneficiorum eius frequens & diligens recordatio uel consideratio. Tanta enim nobis tribuit, & tanta retribuit, q̄ deficit anima nostra, deficit prorsus in consideratione <sup>V</sup> tantorum

tantorum beneficiorum eius. Et licet non possimus ei tantum & tantas ut deceret, amorem & obsequium & gratiarum actiones, tamen quantum & quantas possumus, rependere debemus. Ecce quare, id est, pro beneficijs suis quæ sua magna pietate, sua gratuita bonitate, nullis nostris meritis exigentibus nobis contulit dominus, à nobis quoque multum diligendus est. Qualiter autem à nobis diligendus est deus, illud eius mandatum manifestat, quod nimis mandauit & nimis custodiri uoluit. Audi igitur ô homo illud omnium mādatorum & maximum & primum mandatum. Audi, inquam, illud diligēter, retine memori ter, meditare iugiter, & pro uiribus tuis imple instantèr, assidue & perseveranter: hoc autem est illud mādaturum, Diliges dominū deum tuū ex toto corde tuo, id est, ex toto intellectu, & ex tota anima tua, id est, ex tota uoluntate tua, & ex tota mente, id est, ex tota memoria, ut omnes cogitationes tuas, omnemque uitam tuam, & omnem intellectum tuum in illum conferas. Sed quia parum te forte à deo diligere aestimas, illum quoque parum diligere nō ueris. Scrutare ergo & reuolue in animo tuo quæ tibi contulit dona & beneficia, quæ uē promisit, & te uehementer illum debere diligere conuinceris. Vt autem amor dei in te amplius excitetur & crescat, consydera diligenter, à quo, quare, uel ad quid creatus sit homo, quæ uē deus propter hominem creauit. Sciendum est ergo rerum creatarum, cœlestium uel terrestrium, uisibilium uel inuisibilium causam nō esse nisi bonitatem creatoris, qui est deus unus & uerus, cuius est tanta bonitas, ut alios suæ beatitudinis quæ æternaliter beatus est, uelit esse participes, quam uidit cōmunicari posse, minui omnino nō posse. Illud igitur bonum quod ipse erat, & quo ipse erat beatus, sola bonitate, non necessitate alijs communicare uoluit, quia summi boni erat prodesse uelle, & omnipotentissimi nocere nō posse. Et quia nō ualet eius beatitudinis particeps existere aliquis, nisi per intelligentiā, quæ quanto magis intelligitur, tanto plenius habetur, fecit deus rationalem creaturam quæ summum bonum intelligeret, intelligendo amaret, amando possideret, & possidendo frueretur, eamque hoc modo distinxit, ut pars in sui puritate permaneret, nec corpori uniretur, scilicet angelus: pars corpori iungeretur, scilicet anima. Distincta est igitur rationalis creatura in incorporeā & corpoream. Incorporea, angelus: corporea uero, homo uocatur ex anima rationali & carne subsistens. Conditio igitur rationalis creaturæ primam causam habuit dei bonitatem. Creatus est igitur homo uel angelus propter bonitatem dei: nam quia bonus est deus, sumus, & in quantum sumus, boni sumus. Ad quid autem creata sit rationalis creatura? Ad laudandū deum, ad seruiendum ei, ad fruendum eo, in quibus ipsa proficit, non deus: deus enim perfectus & summa bonitate plenus, nec augeri potest nec minui. Quod autē creatura rationalis facta est à deo, referēdum est ad creatoris bonitatem, & ad creaturæ utilitatem. Cum igitur quæritur, quare uel ad quid facta sit rationalis creatura? Respondendum est propter dei bonitatem, & creaturæ utilitatem, utile nempe est ei seruire deo & frui eo.

Cap. III

Factus ergo angelus, siue homo propter deū dicitur esse, nō quia deus creator & summe beatus alterutrius indigeret officio, quia bonorum nostrorum nō eget, sed ut seruiret ei & frueretur eo, cui seruire regnare est. In hoc proficit seruiens, non ille cui seruitur. Et sicut factus est homo propter deum, sic factus est mūdus propter hominem ut ei seruiret. Positus est ergo homo ut ei seruiret, & ut ipse seruiret, ut acciperet utrunque & refluere totū ad bonum hominis, & quod accepit obsequiū, & quod impedit. Ita enim uoluit deus sibi ab homine serui, ut ea seruitute nō deus sed homo iuuaretur: & uoluit ut mundus seruiret homini, ut exinde similiter iuuaretur homo. Totū igitur bonū hominis erat, & quod factum est propter ipsum, & propter quod factus est ipse. Omnia, enim ait Apostolus, nostra sunt, superiora scilicet æqualia & inferiora. Superiora quidē nostra sunt ad perfruēdum, ut deus triuitas. Æqualia nostra sunt ad conuiuēdum, scilicet angeli, qui & si modo sunt superiores nobis, in futuro erūt æquales. Et inferiora nostra sunt, quæ ad usum nobis sunt, sicut res domesticorum dicuntur esse famulorum, non priuatione à dño, sed quia sunt ad usum eorū. Ipsique angeli in quibusdā scripturæ locis nobis seruire dicuntur, dū propter nos in ministeriū mittuntur.



A tur: unde Apostolus ait, Quoniā omnes administratorij spiritus sunt, missi in ministerium Heb. 1  
 propter eos qui hereditatē capiunt salutis. Neq; id incredibile cuiq; uideatur, quandoquē  
 dem & ipse creator & rex angelorum uenit non ministrari, sed ministrare, & dare animam  
 suam pro multis. Dicuntur enim angeli orationes & uota nostra offerre deo, nō quia deum  
 doceant, quia omnia anteq; fiunt sicut & postea facta sunt nouit, sed quia eius uolūtatem  
 super his consulunt, & quod deo iubente completum esse cognouerint, hoc nobis euidenter Tobia 12  
 uel latēter reportent: unde angelus hominibus ait, Cum orastis orationem uestram, obtuli  
 deo. Similiter & nos cum oramus, non deum docemus quasi nesciat quid uelimus, & quo  
 indigeamus: sed necesse habet rationalis creatura temporales causas ad æternam ueritatem  
 referre, siue petendo quid erga se fiat, siue consulendo quid fiat. De excelsis igitur cœlorum  
 habitaculo ad consulendos, uisitandos, & ad adiuuandum nos attrahit supereminens cha-  
 ritas angelos propter deum, propter nos, propter seipsos. Propter deum utiq; cuius tanta  
 erga nos pietatis uiscera ipsi quoq; ut dignū est imitātur. Propter nos, in quibus nimirum  
 propriā similitudinē admirantur. Propter seipsos, quorum ordines instaurandos ex nobis  
 toto desiderio præstolantur. De dei in nos dilec-  
 ctione. Cap. IIII  
 Primum ergo necesse est ut quisq; seipsum consyde-  
 ret, & cum cognouerit dignitatem suam, ne iniuriam faciat creatori suo, abiectiora se non  
 amet: nam ea quæ per se consyderata pulchra sunt, pulchrioribus comparata uilescunt: &  
 sicut ineptum est deformia pulchris coniungere, sic non indecens est ea quæ nō habent infi-  
 mam quandā & imaginariam pulchritudinem pulcherrimis cœquare. Tuam ergo anima  
 attende pulchritudinem, & intellige qualem pulchritudinem debeas diligere. Quod si forte  
 uisio tua ita per negligētiā tuam obscurata est, & temetipsam ut decet & expedit, contem-  
 plari non sufficis, cur saltem quod de te existimare debeas, ex iudicio alieno nō perpendis?  
 Sponsum habes, sed nescis pulcherrimum omniū, quia faciem eius non uidisti. Ille te uidet,  
 q; nisi te uidisset, non te diligeret. Noluit adhuc seipsum præsentare tibi, sed munera misit,  
 B arram dedit pignus amoris, signum dilectionis ut cognoscere illum posses. Si speciem eius  
 uideres, non ambigeres, scires enim q; tam pulcher, tam formosus, tam elegans, tam unicus  
 in tuo aspectu captus non esset, si non eum singularis decor & ultra cæteros admirādis tra-  
 heret. Ergo quid agis? nunc uidere illum non potes, quia absens, & ideo non times nec eru-  
 bescis illi iniuriam facere, & singularem eius amorem cōtemnis, teq; alienæ libidini turpiter  
 & impudice prostituisti. Noli sic facere, si adhuc scire nō potes qualis ille sit qui te diligit, con-  
 sydera saltem arram quā dedit tibi, fortassis in ipso munere eius quod penes te est, poteris  
 agnoscere quo affectu illū diligere, quo studio & diligentia te illi debeas cōseruare. Insignis  
 est arrā eius, nobile donum, quia magnum nō decuit ut parua daret, nec pro paruo magna  
 sapiēs dedisset. Magnū ergo est quod tibi dedit, sed maius est quod in te diligit. Magnū est  
 ergo quod tibi dedit. Quid tibi dedit o anima mea sponsus tuus? Respice uniuersum mun-  
 dum istū, & consydera si in eo aliquid sit quod tibi nō seruiat. Omnis creatura ad hūc finem  
 cursum suum dirigit, ut obsequijs tuis famuletur & utilitati deseruiat, tuisq; oblectamentis  
 pariter & necessitatibus secundū affluentiam & deficientiā occurrat, hoc cœlū, hæc terra, hic  
 aer, hæc maria cum eis quæ in ipsis sunt uniuersis, explere nō cessat, hic circuitus temporum  
 annuis inuolutionibus rediuiuis partibus antiqua innouans, dilapsa informās, consumpta  
 instaurans pastu perpetuo subministrat. Quis ergo putas hæc instituit, quis illud naturæ  
 præcepit ut uno cœsu tibi seruiat? Beneficiū accipis, & autorem eius nō cognoscis, donū in ma-  
 nifesto est, largitor occultus, & ipsa ratio tua te dubitare nō sinit hoc tuū nō debitū esse, sed  
 beneficiū alienū. Quicunq; ergo ille est, multū nobis cōtulit, & qui tantū dare uoluit, multū  
 dilexit. Tantū ergo diligens & tā diligēdus dono suo demonstratur. Et q; stultū est amorē tā  
 poteris nō ultra cōcupiscere, q; impium, q; peruersum est tā diligentē non amare? Si autem  
 ista diligis, ut subiecta dilige, ut famulantia dilige, ut arram sponsi, ut munera amici, ut be-  
 neficia dñi, sic tamen ut memineris semper q; illi debeas, nec ista propter se, sed ista propter  
 illū, nec ista cū illo, sed ista propter illū, & per ista illū, & super ista illum diligas.  
 V 2 Caue

De fruitione dei  
Cap. V

De creationis parti  
ter & recreationis  
gratuitis munerib.  
bus. Cap. VI

De beneficio uoca  
tionis ad fidem  
Cap. VII

Caue o anima, ne quod ab sit, meretrix dicaris, si munera dantis plus q̃ amantis affectum diligis. Maiorem charitati eius iniuriam facis si dona illius accipis, & tamen uicissitudinem dilectionis nō impēdis. At dona illius si potes respice, uel si dona illius respicere non potes, uicissitudinem dilectionis repende. Dilige illum propter se, dilige te propter se: dilige illum ut fruaris illo, dilige te ut diligaris ab illo. Dilige in donis illius quæ data sunt ab illo, illum tibi & te illi dilige. Hæc pura & casta dilectio est, nil habēs sordidum uel amarum, nil transitorium. Considera ergo o anima quæ cōmunia cum hominibus, quæ specialia cum aliquibus, quæ singularia sola acceperis. In omnibus his te dilige, quæ uel communiter cum omnibus, uel specialiter quibusdā, uel singulariter tibi soli tribuit. Cum omnibus ergo te dilexit, quibus te singulari dono prætulit, in omni creatura dilecta es, cum omnibus bonis dilecta es, præ omnibus malis dilecta es: & cū parū tibi hoc uideatur q̃ præ omnibus malis dilecta es, quanti boni sunt qui minus te acceperunt? Primum cogita o anima q̃ aliquando non fueris, & ut esse inciperes, hoc dei dono acceperis. Donum ergo eius erat ut fieres: sed nunquid ei aliquid dederas priusq̃ fieres, q̃ tibi hoc redderet ut fieres? Nihil propterea, nil tu dederas, nil tu dedisse poteras priusq̃ fieres: qui utiq̃ si nil amplius dedisset, pro eo ipso tamen semper à nobis laudandus & diligendus esset: nunc autem amplius dedit, q̃ dedit non solum esse, sed & pulchrū esse & formosum esse. Sed nec hic terminari potuit munificētia largitoris optimi, adhuc aliquid plus dedit, sed magis nos ad similitudinem suam traxit. Voluit ad se trahere per similitudinē, quos ad se trahebat per dilectionem. Dedit ergo nobis esse, & pulchros esse dedit & uiuere, ut præcellamus his quæ nō sunt per essentiam, & his quæ inordinata sunt & incompleta, aut incompōsita per formam, aut inanimata per uitam. Magno debito obligata es anima mea, multū accepisti, & nihil à te habuisti, & pro omnibus his non habes quid retribuas, nisi tantum ut diligas. Nam quod per dilectionem datum est, nec melius nec deterius q̃ per dilectionem repēdi potest: accepisti autē hoc per dilectionem. Iam nunc tibi narrare incipiam quantum iste sponsus tuus qui tam excellens apparuit cum te conderet, humiliari dignatus est cū te repararet. Illic tam sublimis, hic tam humilis: non tam hic, q̃ illic minus admirabilis. Illic potenter magna tibi contulit, hic misericorditer pro te dira sustinuit. Ut enim releuaret te illuc unde cecideras, ipse descendere dignatus est huc ubi iacebas: & ut tibi iuste redderetur quod perdidideras, ipse dignatus est pati quod tolerabas. Descēdit ergo, suscepit, sustinuit, uicit, restaurauit: descēdit ad mortale, suscepit mortalitatem, sustinuit passionem, uicit mortem, restaurauit hominem. Ecce anima mea obstupeſce tāta mirabilia, tāta beneficia propter te exhibita. Cogita quantū te diligit, qui tanta dignatus est facere propter te: pulchra fueras eius munere, fœda facta es tua iniquitate: sed rursus mūdāta es & formosa facta es eius pietate, operāte tamē utrobiq̃ eius charitate. Olim cū non esses, dilexit ut cōderet: cū fœda esses, dilexit ut pulchrā faceret: & ut ostēderet tibi quantū te diligeret, nō nisi moriēdo à morte liberare te uoluit, ut nō impēderet tantū pietatis beneficiū, uerū etiā charitatis mōstraret affectū. Grandi itaq̃ dignatione primo homini spiraculū uitæ desup̃ pius formator infudit, sed multo maiori charitate pro eodē homine nō iā sua dedit, sed seipsum impēdit atq̃ tradidit. Magnū quidē est de deo, q̃ esse me sentio opus eius: sed multo plus est, q̃ trāsisse ipsum uideo in preciū meū, quoniā quidē tam copioso munere ipsa redemptio agitur, ut homo deū ualere uideatur. O felix culpa mea, ad quā diluēdam dū ille charitate trahitur, ipsa quoq̃ eius charitas mihi eā desideranti & eā totis præcordiis concupiscenti aperitur. Nunq̃ tā bene dilectionē eius agnoscerē, nisi in tātis periculis expertus eā fuisset. O q̃ feliciter cecidi, qui post lapsum feliciter resurrexi. Nulla dilectio maior, nullus amor syncerior, nulla charitas sanctior, nullus affectus ardentior, mortuus est pro me innocēs, nihil quod amaret in me inueniēs. Quid ergo dilexisti dñe in me, & tātum dilexisti ut morereris pro me: quod tale in me inuenisti, pro quo tāta & tā dura sustinere uoluisti? Et tu quoq̃ si cogitare cœperis o anima mea, quot & quales in cōparatione tui abiecti sint, qui hāc quæ tibi data est gratiā consequi nō potuerūt. Certe audisti



A audisti ab initio usque ad hanc diem, quod multae generationes pertransierunt quae omnes sine cognitione dei & precio suae redemptionis in interitum sempiternum dilapsae sunt, omnibus illis redemptor tuus te praetulit, quando tibi hanc gratiam largitus est, quam nullus eorum percipere meruit, tu sola praeter omnibus illis assumpta es, & quare hoc in te factum sit, nullam praeter solam saluatoris tui charitatem inuenire poteris causam. Elegit ergo & praelegit te sponsus tuus, amator tuus, deus tuus, redemptor tuus. Elegit te in omnibus, & assumpsit te ex omnibus, & amavit te in omnibus, nomine suo uocauit te, ut memoriale eius semper esset apud te, uoluit te participem esse in nomine, participem in nominis ueritate, quoniam unxit te illo quo & ipse unctus erat oleo laetitiae, ut ab uncto sis unctus, quia a Christo dicitur Christianus. Sed nunquid tu fortior, nunquid sapientior, nunquid nobilior, nunquid omnibus illis ditior fuisti, qui hanc praeter omnibus illis specialem gratiam sortiri meruisti? Quot fortes, quot sapientes, quot nobiles, quot diuites ibi fuerunt, & tamen uniuersi relictis & abiectis perierunt. Multum fateor collatum est tibi, nam cum foeda prius fuisses & polluta & deformis & squalida, discissa & dissipata & omni horrore & enormitate plena, sic deus dominus tuus dilexit te, ut te tantis gratiae suae muneribus ditaret. Nisi ergo prius multa cura, studio uehementi exculpta & ornata deceter fueris, in coelestis sponsi thalamum introduci digna non eris. Nunc ergo dum tempus est o anima mea formam tuam excole, faciem orna, habitum compone, maculas terge, mundiciam repara, mores corrige, dignam sponfam omni nisu te redde. Prepara ergo te sicut decet sponfam immortalis, sponfam regni coelestis. Hoc etiam ad dilectionem pertinere scias, quod habes unde te ornare possis, De uirtutu muneribus: Cap. VIII

quod utique ex te non haberes nisi ab illo reciperes: ab illo autem accepisti ut uestimenta bonorum operum indui & fructu eleemosynarum cum ieiunijs, sacris uigilijs, alijs quoque operibus pietatis, quasi quodam uario ornatu possis ornari uel decorari, & quicquid ad sanitatem, quicquid ad refectum, quicquid ad speciem reparandam, quicquid ad decorem augendum ualere dinoscitur, copiose tribuit. Unde quod copiosa dispensatio tibi ubique occurrit? Non habuisti, & datum est tibi, perdidisti, & instauratum est tibi, nunquam derelinqueris, ut scias quantum ille diligat a quo amaris. Non uult te perdere, & ideo tanta patientia te expectat, & concedit pie totiens negligenter amissa, iterum atque iterum si uolueris reparare. O quot reperiuntur iam qui ista secum receperunt, sed amissa iterum tecum accipere non meruerunt. Plus omnibus illis dilecta es, quia tibi tam benigne amissum redditur, quod illis perditum tam districte negatur. Nunquam tibi gratia bene operandi ipso largiente negata est. Si magna opera facis, misericorditer sublimaris. Melius enim nouit ille quid tibi expediat quam tu, & ob hoc si uis de eo bene sentire, totum quod ab illo tibi fit, bene fieri intellige: talis enim amor dei in nobis, nec quicquam omnino humana infirmitas tolerat quod ipse quantum in sua bonitate est, & ad bonum nostrum non disponat. Forte gratiam uirtutum non habes, sed dum uirtutum impulsu concuteris, melius in humilitate solidaris. Suauius enim redolet deo humilitas infirma, quam uirtus elata. Nihil omnino dispositioni diuinae prauiudicare audeas, sed semper cum timore & reuerentia ora deum, ut quemadmodum ipse nouit, tibi subueniat, si qua adhuc tamen in te mala remanserint, pie diluat: si qua inchoata sunt bona, benigne perficiat, & ea te qua uoluerit ad se uia perducatur. O anima quid faciemus domino deo a quo tot bona accepimus? Neque enim contentus fuit eadem quae ceteris nobis bona tribuere, sed in malis quoque nostris eius singularem dilectionem cognoscimus, ut eum tam de bonis quam de malis nostris omnibus singulariter diligamus. Tuedidisti mihi domine ut te agnoscam, & praeter ceteris multis de tuis secreta reuelata intelligam. Alios coartaneos meos in tenebris ignorantiae dereliquisti, & mihi praeter illis gratiae tuae lumen infudisti, tu dedisti mihi sensum capacem, intellectum facilem, memoriam tenacem, efficaciam in opere, gratiam in conuersatione, profectum in studijs, profectum in conceptis, solamen in aduersis, tutelam in prosperis, & quocumque uertebam me ubique gratia tua & misericordia tua praecessit, & saepe mihi cum consumptus uidebar, subito liberaisti me: quando errabam, reduxisti me: quando ignorabam, docuisti me: quando peccaui, corripuisti me: quando tristabar, consolatus es me: quando cecidi, erexisti me: quando steti, tenuisti me: ita dedisti mihi uerius agnoscere te, purius diligere te, sincerius credere in te, ardentius sequi te. V 3 lorum

De sensu humano  
rum munere & cu  
stodia uitæ.  
Cap. XI

Multū igitur deus tuus diligēdus est tibi, cui tāta beneficia cōtulit. Vt autē amoris flam-  
ma amplius accēdaris, cōsydera diligēter si prāter illa quæ supra dicta sunt, aliqua tibi cōtu-  
lerit beneficia. Cū ergo quæ hic memorata sunt bona tibi uides collata, multū ei à quo tibi  
hæc collata sunt debes grātiosus & deuotus existere, & grātias agere. Valde mihi diligēdus  
est deus meus, qui bene utēs malo parentū meorū creauit me de carne illorū, & inspirauit in  
me spiraculū uitæ, discernēs me ab illis q̄ uel abortiui proiecti sunt ab utero, uel intra mater  
na uiscera suffocati, p̄cenz uidētur cōcepti nō uitæ. Accepi ergo ut sim, accepi ut homo sim,  
accepi intellectū, q̄ intersit inter me & pecus. Accepi corporis formā, accepi in corpore distin-  
ctiōē sensuū, oculos ad uidendū, aures ad audiendū, nares ad odorandū, manus ad cōtre-  
ctandū, palatū ad gustandū, pedes ad ambulandū, salutemq̄ ipsam corporis. Magnū fuit  
& hoc q̄ ad eorū dē sensuū meorū oblectamēta, singula sensibus singulis cōueniētia creauit  
deus, multa pulchre lucētia, canore mulcētia, suaue olentia, dulce sapiētia, tacta placētia: ob  
hoc enim, prouidētia creatoris tā diuersas qualitates rebus induit, ut omnes sensus hominis  
sua oblectamēta inueniāt. Aliud em̄ p̄cipit uisus, aliud auditus, aliud olfactus, aliud gustus,  
aliud tactus. Visum pascit pulchritudo colorū: suauitas cātilenæ demulcet auditū: fragrantia  
odoris olfactū: dulcedo saporis gustū. Et q̄s omnes delicias sensuū enumerare queat, quæ tā  
multiplices sūt in singulis, ut si q̄s quēlibet p̄ se cōsyderet, quēlibet p̄ se singulariter dītarū  
putet.



A putet. Tot oblectamēta oculorū in diuersitate colorū mōstramus, tot oblectamēta aurium in diuersitate sonorū audimus, qbus homines adinuicē suas uolūtates cōmunicāt, praterita narrāt, præsētia indicāt, futura nunciāt, occulta reuelant, adeo ut si careat his uita humana, bestijs cōparabilis uideat. Quid aut cōcentus auiū, quid humanæ uocis melos iucundū, qd dulce melos sonorū omniū cōmemorē? quia tā multæ sunt harmoniæ genera ut ea nec cogi tatus pcurrere, nec sermo facile explicare possit, quæ tñ cuncta auditui seruiūt & in eius delicias creata sunt. Eodē modo gustus & tactus uaria habēt oblectamēta, quæ ex similitudine priorū satis perpēdi possunt. Magnū est certe & hoc, q, sana & integra mēbra creauit mihi deus, ne essem meis dolor, opprobriū alienis. Accepi etiā amplius mentē, scilicet quæ possit intelligere, quæ possit capere ueritatē, quæ possit iustū ab iniusto discernere, quæ possit indagare, desiderare creatorē, laudare & inhærere illi. Magnū etiā æstimo beneficiū, q, eo tēpore & inter tales me nasci uoluit deus, p quos ad fidē suā & sacramēta peruenirē. Video innume rabilibus hominibus hoc negatū, qd mihi gratulor esse cōcessum, cū qbus tñ nobis esset una cōditio. Illi derelicti sunt p iusticiā, & ego uocatus p gratiā. Procedā adhuc etiā, intuens munus eius fuisse q, educatus fui à parētibus, q, me flāma nō læsit, q, aqua nō absorbuit, q, nō uexatus à dæmone, q, à bestijs nō pcussus, q, nō præcipitio necatus, q, usq; ad cōgruā atate in fide eius & bona uolūtate sum nutritus. Magnā igitur dñe deus erga me ostēdisti pietatē. Cū aut in cunctis operibus tuis sis mirabilis, mirabilior tñ crederis esse in uisceribus pietatis, nullū em spernis, nullū abijcis, neminē phorrescis, nisi q forte te amens exhorruerit. Bona igitur sūt hæc tua dñe mihi à te misericorditer indulta, q, me in piculis sape cōstitutū clemēter eripuisti, nec unq; in peccatis meis me dereliquisti, oblitū tui de te admonuisti, auer sum à te reuocasti, uenientem ad te benigne suscepisti, pœnitēti indulxisti. Non enim ea sola quæ cōmisi peccata, sed etiā quæ te protegēte nō cōmisi, totū à te dimissum deputandū est. Nam sicut in multa peccata cecidi, sic & in multa plura, nisi me cōseruasses cecidissē. Tribus autē modis à peccato me memini cōseruatū, scilicet occasionis subtractione, resistēdi data uirtute, affectionis sanitate. Multa enim in peccata cecidissē, si data esset occasio, sed dei miseratione nō me talis opportunitas apprehēdit. In multa quoq; paulominus cecidissē grauius impulsus uiolētia tērationis, sed uirtutē dedisti mihi dñe ut sub me esset appetitus meus, & ei quā sentiebā concupiscētiæ minime cōsentirem: sed à quibusdā peccatis tā longe me fecit tua misratio dñe, ut penitus abominarer ea, & ne ulla me quidē corū tentatio molestaret. Magnæ quidē bonitatis est indicium dñe deus & hoc, Ecce infelix ego te iritauī, ego malū corā te feci, furorē tuū prouocaui, irā promerui, peccaui & passus es, deliqui & adhuc sustines: si pœniteo, parcis: si reuertor, me suscipis. Insuper dum differo, præstolaris: reuocas errātem, uincis repugnantem, expectas torpentē, amplecteris redeuntē, doces ignorantem, mulces mœrētē, à ruina suscitās, post lapsum reparas, petēti largiris, quærēti inueniris, pul santi aperis, ostēdis mihi bene uiuendi uiam, das gradiēdi scientiā. Magnum est etiā & hoc dñe, q, multa mihi anteq; petere possē, uel uellē, aut nossē, dona cōtulisti, nō solū ante, sed & postq; senui & potui te petere, te quærere, te desiderare, tibi inhærere, gratuita bonitate tua non petēti, nō quærēti, non desiderāti, imò etiā paruipēdenti uel etiā contēnenti largitus es. Maximū æstimo & illud fuisse beneficiū, q, angelum pacis ab ortu natiuitatis meæ ad me custodiendū usq; ad finē meū mihi dedisti: unde quidā sanctus ait, Magna est dignitas ani marū, ut quæq; habeat ab ortu natiuitatis ad custodiā sui angelū delegatū. Magnæ pietatis fuit hoc dñe, q, mira patientia tua meas sustinuit iniquitates. Cui gratias referre debeo q, non secundū iniquitates meas retribuisti mihi, q, me terra nō absorbuit, nō me cœlū fulminauit, non me fulgor combussit, nō flumina submerferūt, nec alia pœna uel morte prout dignus erā me afflixisti. Cū enim peccādo à te recederem, non solū iram tuā promerui, sed & omnē creaturā aduersum me excitauī. Nā si seruus cuiusq; à dño suo recederet, nō solū dñm ipsum exacerbaret, sed & totā eius familiā iustissime iritaret. Cū ergo te deū omniū creatorē offēdi, omnē creaturā quantū spectat ad meritū meū in irā commoui, ita ut merito pro te

De longanimitate  
dei. Cap. XII

pugnaret aduersum me totus orbis terrarum. Posset enim terra dicere mihi, nō debeo te sustinere, sed potius absorbere, quoniā à creatore meo non timuisti peccādo recedere, & inimico scilicet diabolo adherere. Posset dicere sol, non debeo tibi ad salutem lucere, sed ad uindictam domini mei qui est lux & fons luminis, penitus tibi radios meos abscondere. Sic etiam cuncta quæq; creatura ad ulciscēdam tantā iniuriam sui creatoris, nisi impetum cohiberet ipse qui eas condidit, qui nō uult mortē peccatoris, sed ut cōuertatur & uiuat. Oportet ergo me dñe tanto magis tibi gratiosum & deuotū, ad seruiendum promptiorē existere, quanto me de tātis beneficijs obligatiorem conspicio in reddenda ratione, ne dilata uindicta tanto acrius adueniendo mala mea puniat, quanto diutius tolerauit quod puniri potuit. Iam diu igitur expectare cogita ô anima mea dei longanimitatem quam exhibuit, electionem prædestinationis suæ quā impleri uoluit, nimīā charitatem qua nos dilexit. Propter hoc enim expectans expectauit dñs & intēdit mihi: sed auertit oculos suos à peccatis meis, quasi nolens aduertere quantū delinquerē. Propter hoc, inquam, dissimulabat, ut commendaret patientiam, confirmaret charitatē suam. Propter hoc, ut bene memini, percussit cor meū, excilians illud ut aduerteret suorū uulnera peccatorum, & uulnerum sentiret dolorem, etiā deducens ad portas inferi & præparata iniquis supplicia mōstrans, etiam ut nil iam noxiæ remaneret rationis, meliorem mihi cōsolationem inspirans, spem indulgentiæ dedit, demum & ipsam indulgentiam contulit. Sic autem ex toto indulsit, & tam liberaliter omnem donauit iniuriam, ut iam nō damnet ulciscendo, nec confundat improperando, nec minus diligat imputādo. Sunt autē aliqui sic donātes iniuriam ut nō ulciscantur, sapius tamen improperēt: sunt & aliqui qui licet sileant, manet tamen aliquid in alta mente repositum, rancoremq; tenent in animo, quorū utiq; neutra plena est indulgentia. Longe ab his benignissima diuinitatis natura, liberaliter agit, ignoscit plenarie, ita ut propter fiduciā peccatorū se pœnitentium, ubi superabūdauit delictum, soleat & gratia superabūdare. Testis est Petrus, cui post trīnam negationem totius ecclesiæ pastoralis cura est commissa: testis est Paulus, qui de ecclesiæ persecutore effectus est uas electionis & doctor gentium: testis est Matthæus qui de telonio electus est in apostolū, cui etiā & noui testamēti primū scriptorem esse donatū est.

Post hæc dedit mihi dominus deus continentiam. Continentiam autē dico, nō à sola luxuria, sed à cæteris quoq; sicut necesse est uitijs & peccatis, qui & aliquādo uix per tridū continebam, postea dei auxiliante gratia, per longum tempus potui cōtinere. Ex hoc inuenio unde merito exclamare possim, Quia fecit mihi magna qui potēs est. Forte parū quid reputat aliquis continētiam, sed ego nō ita. Scio enim quos habeat oppugnatores, quantā illam necesse sit esse uirtutis, ut possit talibus resistere. Primus hostis continētiae nostræ caro est nostra, dum concupiscit aduersus spiritum. Quām domesticus hostis, q̄ periculosa lucta, q̄ intestinum bellum, hostem hunc crudelissimum nō fugere possumus. O anima mea non fugare, sed circumferre illum necesse est, quoniam alligatus est nobis. Quid autem periculosius & miserabilius est, q̄ q̄ hostem nostrum cogimur sustentare, perimere eum non licet. Vides ergo quām sollicitè te custodire necesse sit ab ea, quæ dormit in sinu tuo. Verum tamen non est hic solus aduersarius mihi, alium adhuc habeo qui circūcinxit me & obsedit undiq; hostis iste est præsens seculum nequam, qui per quinq; portas quinq; uidelicet sensus corporis, iaculis suis uulnerat me, & mors intrat per fenestras meas. Tertius hostis est humani generis inimicus, antiquus serpēs callidior cunctis animātib; iste est hostis quem nec possumus uidere, quanto minus cauere. Hic hostis nunc quidem aperte & uiolenter, nūc occulte & fraudulēter, semper autē maliciose & crudeliter nos impugnat & persequitur. Et ad hæc toleranda, ne dicam superanda, quis idoneus? Hæc ideo dixi ut innotesceret continentiae difficultas, ut sciamus quæ à deo data sunt nobis, ac per hoc amplius diligamus cū qui hanc nobis uirtutem tribuit. Omnino enim in domino facimus hanc uirtutem, & ipse ad nihilum deducet tribulantes nos. Ipse est qui non modo carnem nostram cum concupiscentijs suis, sed & præsens seculum nequam cū curiositatibus suis & uanitatibus suis, etiam & ipsum



A & ipsum cum tentationibus suis conterit satanā sub pedibus nostris. Nunquid non merito dixerim inueniendū in continētia unde clamarem. Quia fecit mihi magna qui potēs est:

De beneficio spei  
Cap. XIII

Post hæc dedit mihi dominus deus gratiam promerēdi bona uitæ æternæ, quam gratiam in tribus maxime stare arbitror, in odio præteritorum malorum, in contemptu bonorum præsentium, in desiderio futurorum. Deinde dedit mihi spem eadem obtinendi. Tria, inquam, sunt quæ sic roborant & confirmant cor meum, ut nulla me penuria meritorum, nulla cōsyderatio propriæ uilitatis, nulla æstimatio cœlestis beatitudinis de celsitudine spei deijcere possit: in ea firmiter radicatur anima mea. Vis scire quæ sint illa? Tria cōsydero in quibus spes mea tota consistit, scilicet charitatem adoptionis, ueritatem promissionis, potestatem redditionis. Murmuret iam quantum uoluerit insipiens cogitatio mea, dicens, Quis enim es tu, aut quanta est illa gloria, quibusue meritis hanc obtinere speras? Et ego fiducialiter respondebo, Scio cui credidi, & certus sum, quia in charitate nimia adoptauit me deus, quia uerax est in promissione, quia potens est in exhibitione, licet enim ei hoc facere quod uoluerit. Pro his ergo meritis deus meus mihi diligendus est. Magnæ autem gratiæ fuit, quod me deus à se fugientē persecutus est, timētī blanditus, quod erexit in spem totiens desperatum, quod suis obruit beneficijs ingratum, quod gustu interioris dulcedinis immūdis assuetum delectationibus attraxit & illexit, quod indissolubilia malæ consuetudinis uincula dirupit, & abstractum seculo benigne suscepit.

De largitate dei, et  
iniquitate nostra, &  
gratia repēdēda  
Cap. XV

B Adhuc anima mea, illa quibus tibi sola conscia es, diuinæ bonitatis inspicere munera, quæ iucunda facie abrenuncianti seculo tibi Christus occultus occurrit, quas esurienti delicias præparauit, quas miserationum suarum diuitias, & absconditos inspirauit affectus, quo te charitatis poculo delectauit. Magnum fuit & hoc quod me fugientem seruum suum & rebellem, sola miseratione uocatum, spiritualium consolatorum non reliquit expertem. Si enim tentabar, ille me sustentabat: si periclitabar, ille me erigebat: si tristabar, ille me confortabat: si fluctuabam, ille solidabat. Quotiens præ timore arescebam, ille pius consolator astantabat: quotiens æstuabam præ timore, ille meis se uisceribus infundebat. Perpendo etiam quotiens psallentem uel legentem spiritualium me sensuum lumine illustrabat: quotiens errantem in quoddam ineffabile desiderium sui rapiebat: quotiens mentem meam à terrenis subtractam, ad cœlestes delicias & paradisiacas amœnitates transportabat. Taceo multa & magna misericordiæ suæ circa me opera, ne aliquid gloriæ quæ tota eius est, ad me uideatur transire. Ita enim secundū hominum æstimationem sibi cohærent gratia dantis & felicitas recipientis, ut nō laudetur solū qui solus laudandus esset, scilicet ille qui dedit, sed etiā ille qui recepit. Quid enim habet aliquis quod non accepit? aut qui gratis accepit, quare laudatur quasi uelut promeruerit? Tibi ergo laus deus meus, tibi gloria, tibi gratiarū actio: mihi autē confusio faciei meæ, qui tot mala feci, & tot bona recepi. Vide ergo o anima mea, quia multū cōmendat bonitatē dei, nō solū largitas sua, sed iniquitas nostra. Si enim magnū est nihil promerētibus impedere multa, quale quantumue erit retribuere bona promerentibus mala? O qualis pietas, quā nulla potest superare impietas. Alia sunt quæ misericorditer deus ignoscit, alia quæ affluenter attribuit: ignoscit mala nostra, largitur bona sua: semper præsto ad ignoscēdū, paratus semper ad largiendū: hinc pius, hinc largus, utrobique pius & largus. Cōfiteamur ergo illi mala nostra, cōfiteamur & bona nostra. Cōfiteamur ergo à nobis mala nostra esse ut pie ignoscatur: cōfiteamur ab ipso bona nostra esse, ut feruet & augeat. Hoc igitur incessanter agamus, ne ingrati appareamus, uel de indulta uenia, uel de concessa gratia. Hæc, inquam, agat qui se credit uel cupit esse amatorem dei, uerus animi amor semper cōfiteatur. Quid ergo hæc omnia faciūt diligēter cōsyderata, nisi ut cōsyderātis animū ab omni penitus abstractū amore, ad deū diligēdū qui hæc cōtulit, mirabiliter rapiat, uehemēter afficiat? Si quis autē hæc omnia à deo sibi uidet collata, & ideo illū parū diligere nō ueretur, sciat pro certo quod nemo est qui nō facile si quærīt inueniat, unde plurimū est obnoxius deo, unde cū totis uiribus diligēter ei etiā continuas gratias referre deberet. Ille ergo cui alia qua bona salutis necessaria defūt, nec sic audeat cōtra deū murmurare, nec eū accusare, quia omnia certissima

De morte Christi  
Cap. XVI

certissima & iustissima ratione facit deus, cuius uult miseretur, & quē uult indurat, qui etiam potens est dona sua cui uoluerit cōferre, & collata cui uoluerit auferre. Doleat ergo qui hæc non habet, & laboret & oret ut habeat, pro acceptis uero bonis deo gratus existat.

Magna igitur & multa, imò certe innumerabilia quæ mihi domine deus contulisti beneficia, pro quibus mihi diligendus & semper es laudandus. Quicquid enim boni habeo uel habui uel habiturus sum, à te summo bono est, à quo omne quod bonum dicitur, & est, & procedit. Vnum autē est, quod me plus his omnibus accēdit, urget, mouet, & promouet ad te diligendum: super omnia, inquam, amabilem te mihi reddit o bone Iesu ignominiosissima & amara mors, quā sustinuisti opus nostræ redemptionis. Hoc solum uel hoc omnino totam uitā nostram, totū laborem nostrum, totum obsequium nostrum, amorem deniq; nostrum facile sibi uendicat, totum hoc, inquam, est quod deuotionem nostram & excitat melius & quærit suauius & auget amplius. Multum quippe in hoc opere laborabat autor mundi, nec in omni fabrica mundi tantā fatigationem sustinuit. De mundo enim & de his quæ in mundo sunt, dixit & facta sunt, mādauit & creata sunt: at uero pro reparatione generis humani magnos & multos & diuturnos labores sustinuit & dolores. Ecce quomodo nos dilexit, qui nulla sui necessitate, sed sola charitate tam dura & indigna sustinuit. Merito ergo dixerim hoc unum omnibus alijs præstare beneficijs. Quippe cū magnum sit aliquem sua gratis alicui conferre, multo maius certe est semetipsum impendere. Et cum magnæ charitatis sit animam pro amicis ponere, multo maioris charitatis indicium est pro inimicis ponere, quod filius dei pro nobis fecit. Nam cum inimici essemus deo, reconciliati sumus per mortem filij eius. Vix autē pro iusto quis moritur, ipse autē pro impijs est mortuus, iustus pro iniustis, ut nos offerret deo, exul à cœlis factus, ut nos reportaret ad cœlos. O quæ ineffabilis charitas, quæ ineffabilis dulcedo charitatis, quæ stupenda dignatio fuit, deum pro homine hominem fieri, deum pro homine carne mori, tentatum per omnia pro similitudine absque peccato. Ecce cū quanto precio quantōue labore redimebatur homo qui diabolo iure debebatur, qui si nō redimeretur sine dubio æternaliter cū diabolo damnaretur. Hæc ideo dixi, ut intelligat homo quantū debeat diligere deum, non utcunq; patienter, imò libenter: non solum autem hoc, sed etiam ardentem pro illo sustinere labores & dolores, qui pro te tanta ac talia sustinuit. Per multas enim tribulationes oportet nos intrare in regnum dei. Amplectatur igitur anima mea domine Iesu crucifixum, sumat tui dulcissimi sanguinis haustum, occupet memoriam hæc suauis meditatio, ne ex toto eam obliuio obscurer. Iudico me nihil scire præter Iesum Christum & hunc crucifixum, ne scientiam meam à soliditate fidei uanus error abducat, uēdicet sibi totum amorem meum hæc tua mira dilectio, ne illum cupiditas mundialis absorbeat. Mentem igitur quam tuæ domine dulcedo charitatis compleuerit, non timor angustat, nō libido commaculat, non ira dilaniat, non superbia eleuat, non ceruodoxia inanis fumus euentilat, non exagitat furor, nō stimulus ambitionis euiscerat, non auaricia contrahit, nō deijcit tristitia, non inuidia tabefacit, nullum deniq; uitium eam corrumpit, dum in eadē dulcedine immobilis persistit. Qui ergo suis tanta præstat in præsentia, quæ dat in præsentia temporalia sunt, quæ autem in futuro seculo se promittit deus suis daturum æterna sunt, & bonis temporalibus incomparabiliter meliora. Temporalia enim bona difficile acquiruntur, & acquisita facile dilabuntur, & quæ habita sunt cum graui sollicitudine custodiuntur, & cū dolore amittuntur, & amissa cum graui labore recuperantur: Futuri autem seculi bona nunquā amittuntur, nunquā minuuntur, cum gaudio & quiete possidentur, semper desiderantur, & nunquā fastidiuntur. Quæ cum semel quis acceperit, ita securus erit ea se nunquam amissurum, sicut certus est uel erit illa se nunquam uelle amittere.

De promissionibus  
dei. Cap. XVII

Valde igitur diligendus est deus in promissis suis qui magna nobis dedit, sed maiora promisit. Promisit nobis à labore requiem, à seruitute libertatem, à timore securitatem, à mœrore consolationem, à morte resurrectionem, à resurrectione plenum gaudium, summum gaudium & indeficiens. Deniq; promisit nobis seipsum, sicut iurauit patribus nostris daturum



A daturū se nobis. Magnæ sunt igitur promissiones dei & ineffabiles, & pro his & in his uult amari à nobis aliquo modo. Si modum quæras, uehemens desiderium promissionis, modus est, per amorem promissio dei quantumcūq; desideretur, minus desideratur quàm desiderat. Nā quantumcūq; profecerit, plus debet. Vehemens itaq; desiderium aliquo modo non habet modum, cum non possit esse nimium. Cum in cæteris rebus impatientia soleat culpari, in expectatione tantæ promissionis laudabilis est uehemens impatiētia dilationis. Cum eum qui plus amat, & qui plus desiderat, dilationis impatientia magis cruciat: spes quæ differtur affligit animam, hæc autem omnia bona in cœlesti habentur patria. De illo igitur bono quod omnium bonorum summum est, quid uel quale sit primū dicēdum est. cap. xviii

Exulemus igitur & erigamus totum intellectum nostrum in quantum deus donauerit, & cogitemus quale & quātum electorum sit unicum & singulare gaudium. Illud scilicet summum bonum quod uita, lux, beatitudo, sapientia, & æternitas, & tamen nō est nisi unicum & summum bonum, omnino sibi sufficiens, nullo indigens, quo omnia indigēt ut sint & bene sint, hoc bonū est pater deus, hoc est uerbum, id est, filius patris, hoc ipsum est amor & bene sint, hoc bonū est pater deus, hoc est uerbum, id est, filius patris, hoc ipsum est amor unus & communis patri & filio, scilicet spiritus sanctus ab utroq; procedens. Quod autē est singulis horum quisq;, hoc est tota trinitas simul, pater & filius & spiritus sanctus, quoniam singulus quisq; non est aliud q̄ summe simplex unitas, & summe una simplicitas, quæ nec multiplicari, nec aliud & aliud esse potest. Porro hoc est illud idē unū quod est necessariū. Porro illud necessarium, in quo omne bonū, imò quod est bonum, & unum totū & solum bonum. Si enim singula bona delectabilia sunt, cogita mente, uide q̄ delectabile sit illud bonum quod cōtinet iucunditatē omnium bonorum, & nō qualem in rebus creatis sumus experti: sed tanto differentē, quanto differt creator à creatura. Si enim est bona uita creata, q̄ bona est uita creatrix? Si iucunda est salus facta, q̄ iucunda est salus quæ fecit salutem? Si amabilis est sapientia cum cognitione rerum conditarum, q̄ amabilis est sapientia quæ cōdidit omnia ex nihilo? Deniq; si multæ & magnæ delectationes sunt in rebus delectabilibus, qualis & quanta est delectatio in illo qui fecit omnia delectabilia? O qui hoc bono fruetur, quid illi erit, & quid illi non erit? Ibi quippe erunt bona corporis & animæ, qualia nec oculus uidit, nec auris audiuit, nec in cor hominis ascēdit. Cur ergo per multa uagamur, quærēdo bona corporis & animæ nostræ? Amemus unū bonū in quo sunt omnia bona, & sufficit. Desideremus simplex bonū quod est omne bonum, & satis est. Quid enim amas ô caro, quid desideras ô anima? Ibi est quicquid amas, quicquid desideras. Bona ergo cœlestis regni dicere uel cogitare uel intelligere ut sunt, nullus potest carne uestitus: multo enim maiora sunt & meliora q̄ cogitātur & intelliguntur: regnū nanq; dei omni fama maius est, omni laude melius, omni scientia innumerabilius, omni gloria quæ putatur excellētius. Regnū itaq; dei plenū est lucis ac pacis, charitatis & patientiæ, honestatis & gloriæ, dulcedinis & dilectionis, læticiæ & beatitudinis perennis, & omnis boni ineffabilis, quod nec dici nec cogitari potest. Nec ideo tamen debeo tacere, sed dicere quantum ualeo, quia dicere quantum uolo nō ualeo: neq; enim quia deū ineffabilē credimus, fari de illo quod possumus nō debemus, ita sanè ut plus credatur de illo q̄ scribitur: quia nō potest tantū inde proferri sermo, quantum potest mente cōplecti, & minus cōcipit mētis humanæ quælibet profunda cōplecti, q̄ se habeat ipsius regni uel rei magnitudo. Ergo futura uita creditur esse sempiterna, & sempiternæ beata, ubi est certa securitas, securā trāquillitas, trāquilla iucūditas, felix æternitas, æterna felicitas, ubi amor est perfectus, timor nullus, dies æternus, alacer motus, & unus omniū spiritus de cōtemplatione dei sui ac de sua cū illo permāsiōe securus, ubi ipsa ciuitas quæ est angelorū omnium atq; sanctorum cōgregatione beata, meritis fulgētibus micans, ubi æterna salus exuberat, ueritas regnat, ubi nec fallit quisq; nec fallitur, unde beatus nullus efficitur, ubi nullus miser admittitur. Hæc est contemplatiua uita beata, ad quam qui bonorum cōsummatione operum peruenerint beatis similes erunt, & simul cū eis sine fine regnabunt. Quod autē hic crediderunt, ibi uidebunt, sui creatoris substantiam mundissimis cordibus

cordibus contemplantes, æterna exultatione gaudebunt, diuinæ charitatis & mutua dilectionis possessione deo suo in æternum & inuicē sibi adhærebūt, receptis cū incorruptione atq; immortalitate corporibus municipatum patriæ cœlestis accipiet, atq; eius in æternum ciues effecti præmia promissa reportabunt. Ibi eius exuberabit tanta læticia, tanta cœlesti gratia gaudiorum, ut & remuneratori suo pro tantis muneribus gratias agant, & nullum fastidium ex ipsa affluentia bonorum perceptione sustineant. Ibi ita patebunt singulorum singulis mentes, sicut corporalibus oculis subiacent facies corporales, quia humanorum peccatorum tanta erit ibi & tā perfecta mundicia, ut habeant unde mundati deo gratias agant, non unde offensi antiquis sordibus peccatorum erubescant, quia nec ibi ulla peccata, nec peccatores erunt, & ibi qui fuerant iam peccare non poterunt. Nec latebit iam perfecte beatos aliquid secretorum, qui, q; est præstantius longe, ipsum uisuri sunt mundis cordibus deum. Quādoquidem humana creatura ita perfecta erit ut in melius aut in deterius ultra mutari non possit. Cuius humanæ substantiæ ad conditoris sui similitudinem sublimitate omnia bona quæ naturaliter accepta corruperant peccādo, mutabūtur in melius, & intellectus sine errore, memoria sine obliuione, cogitatio sine peruagatione, charitas sine simulatione, sensus sine offensatione, incolumitas sine debilitatione, salus sine dolore, uita sine morte, facilitas sine impedimēto, saturitas sine fastidio, & tota sanitas sine morbo. Quoniam quicquid hic humanis corporibus, aut ferarū morsus, aut improuisi casus abstulerint, aut malarum uoletudinum genera diuersa decerpserint, aut humana crudelitas amputauerit, aut ignis, aut quælibet alia res aliquid debilitatis intulerit, aut etiam senectus ipsa satis onerosa negauerit, hæc atq; his similia corporum damna una ibi resurrectio reparabit, atq; ea corpora membris omnibus instauratis, incorruptibilis sanitas obtinebit. Propterea quicumq; erunt ibi, etiam sibi differentibus meritis ab inuicem distabunt.

Finis huius libri.

AD LECTOREM.

OPVS plenum pijs affectibus, subinde tamen iterans eadem. Agnoscas hominem uersatum in Augustini uoluminibus, nonnunquam uerba quædam ac sententias ueluti tessellas intertextit ex libris cōfessionum, alijsq; scriptis illius decerptas. Vehementer inculcat illud nihil, quod Augustinus docet sine uerbo dei factum esse. In summa, copiam probes citius quā ordinem.

## SOLILOQVIORVM ANI-

MAE AD DEVM LIBER.

De ineffabili dulcedine dei. Cap. I



COGNOSCAM te domine cognitor meus, cognoscam te uirtus animæ meæ. Ostende te mihi consolator meus, uideam te lumen oculorum meorum. Veni gaudium spiritus mei, uideam te læticia cordis mei. Diligam te uita animæ meæ. Appare mihi delectatio mea magna, solatium meum dulce, domine deus meus, uita mea, & gloria tota animæ meæ. Inueniam te desiderium cordis mei, te neam te amor animæ meæ. Amplectar te spōse cœlestis. Exultatio mea summa intus & extra, possideam te beatitudo sempiterna, possideam te in medio cordis mei, uita beata, dulcedo summa animæ meæ. Diligam te domine fortitudo mea, dominus firmamentum meum & refugium meum, & liberator meus. Amem te deus meus, adiutor meus, turris fortitudinis mihi, & spes mea dulcis in omni tribulatione mea. Amplectar te bonum, sine quo nihil bonū, fruar te optimum, sine quo nihil est optimum. Aperi penetralia auriū mearum uerbo, quod est penetrabilius omni gladio ancipiti, ut audiā uocem tuā. Intona domine desuper uoce grādi & forti. Tonet mare & plenitudo eius, commoueatur terra & omnia quæ in eis sunt. Illustra oculos meos lux incōprehensibilis.



A henfibilis, fulgura coruscationem, & diffipa eos ut non uideant uanitatem. Flumina multi- *psal. 17*  
 plica & conturba eos, ut appareant fontes aquarum, & reuelentur fundamenta orbis terra-  
 rum. Tribue uisum lax inuisibilis, qui te uideat. Crea nouum olfactum odor uitæ, qui post  
 te currat in odorem unguentorum tuorum. Gustum sana qui sapiat, & cognoscat & discer-  
 nat, quàm magna multitudo dulcedinis tuæ domine, quam abscondisti timentibus te, siue  
 his qui pleni sunt charitatis tuæ. Da cor quod te cogitet, animum qui te diligat, mentē quæ  
 te recolat, intellectum qui te intelligat, rationē quæ tibi semper summo delectabili fortiter  
 adhæreat. Te semper amor sapiens diligat. O uita cui omnia uiuunt, uita quæ das mihi ui-  
 tam, uita quæ es mea uita: per quā uiuo, sine qua morior: uita per quam resuscitor, sine qua  
 pereō: uita per quā gaudeo, sine qua tribulor: uita uitalis, dulcis & amabilis, semper memo-  
 rialis. Vbi quæso es, ubi te inueniam, ut in me deficiam & in te subsistam? Prope esto in ani-  
 mo, prope in corde, prope in ore, prope in auribus, prope in auxilio, quia amore languēo,  
 quia sine te morior, quia te recolens suscitator. Odor tuus me recreat, memoria tua me sanat,  
 sed satiabor cum apparuerit gloria tua uita animæ meæ, Concupiscit & deficit anima mea  
 de memoria tua, quādo ueniam & apparebo tibi latitā mea? Quare faciem tuam auertis,  
 gaudium meum per quod gaudeo? ubi est absconditus pulcher quem desidero? Odorem  
 tuum haurio, uiuo, & gaudeo. Te autem nō uideo, uocem tuam audio & reuiuifco. Sed cur  
 faciem tuam abscondis? forte dicis, Non uidebit me homo & uiuet. Eia domine moriar ut *Exod. 33*  
 te uideam, uideam ut hic moriar. Nolo uiuere, uolo mori, dissolui cupio & esse cum Chri- *phil. 1*  
 sto. Mori desidero ut uideā Christū, uiuere renuo ut uiuā cū Christo. O domine Iesu acci-  
 pe spiritū meū, uita mea suscipe animā meā. Gaudiū meum attrahe cor meum, dulcis cibus  
 meus comedā te. Caput meū, dirige me: lumen oculorum meorū illumina me: melos meū  
 tēpera me, odor meus uiuifica me, uerbū dei recrea me. Laus mea latifica animam serui tui,  
 intra in eam gaudiū meū, ut in te gaudeat: intra in eā dulcedo summa, ut dulcia sapiat. Lu-  
 men æternū illustra super eā ut te intelligat, cognoscat & diligat. Ob hoc enim nō te diligit  
 B domine, si non diligit, quia non te cognoscit: & te ideo non cognoscit, quia non intelligit: &  
 idcirco non intelligit, quia lumen tuum non comprehendit, & lux in tenebris lucet, & tene-  
 bræ eam non comprehenderunt. O lux mentis, ô lucens ueritas, ô uera claritas, quæ illumi-  
 nas omnem hominem uenientem in hunc mundum, uenientem quidem, sed nō diligentē,  
 quia qui diligit mundum inimicus dei constituitur. Expelle tenebras desuper faciem abyssi  
 mentis meæ, ut uideat te intelligendo, ut cognoscat te comprehendendo, ut diligat te cogno-  
 scendo. Quisquis enim cognoscit te diligit te, se obliuiscitur, amat te plus quàm se, relinquit  
 se & uenit ad te, ut gaudeat de te. Hinc est ergo domine quod non tantum diligo quan-  
 tum debeo, quia non plene cognosco te. Sed quia parum cognosco, parum diligo: & quia  
 parum diligo, parum in te gaudeo: sed à te uero gaudio interiori per exteriora recedēs, dum  
 te solo careo adulterinas amicitias in his exterioribus quæro. Et sic miser ego cor meū quod  
 tibi soli debui toto amore totoq; affectu impedere, uanis dedi: & ideo uanus effectus sum,  
 dum uanitatem dilexi. Hinc etiam est domine quod in te nō gaudeo, & tibi non adhæreo:  
 quia ego in exterioribus, tu in interioribus: ego in temporalibus, tu in spiritualibus: ego in  
 transitorijs animo diffundor, cogitatione uersor, locutione implicor, & tu domine in æter-  
 nis habitas, & æternitas es: tu in cælo, ego in terra: tu diligis alta, ego infima: tu cœlestia, ego  
 terrestria. Et quando poterunt hæc contraria conuenire? Miser ego quando  
 poterit obliquitas mea tuæ rectitudini adæquari? Tu domine diligis solitudinem, ego mul-  
 titudinem: tu silentium, ego clamorem: tu ueritatem, ego uanitatem: tu mundiciam, ego im-  
 mundiciam sequor. Quid plura domine? Tu uero bonus, ego malus: tu pius, ego impius: tu  
 sanctus, ego miser: tu iustus, ego iniustus: tu lux, ego cæcus: tu uita, ego mortuus: tu medici-  
 na, ego æger: tu gaudium, ego tristitia: tu summa ueritas, ego uniuersa uanitas, ut omnis ho-  
 mo uiuens. Heu quid igitur ô creator dicam? audi ô creator, Creatura tua sum, iam perij: cre-  
 atura tua sum, iam morior. Factura tua sum, iam ad nihilum redigor: plasma tuum sum:

Manus tuæ domine fecerunt me, & plasmauerunt me, manus, inquam, illæ quæ affixæ clauis sunt pro me, opus manuum tuarum domine ne despicias. Vulnere manuum tuarum precor ut aspicias. Ecce in manibus tuis domine deus descripsisti me, lege ipsam scripturam & salua me. En ad te suspiro creatura tua, creator es, recrea me. En ad te clamo factura tua, uita es, uiuifica me. En ad te respicio tuum plasma, plasmator es, restaura me. Parce mihi domine, nihil enim sunt dies mei. Quid est homo ut possit alloqui deum factorem suum? Parce mihi colloquente tibi, ignosce seruo tuo qui præsumit loqui tanto domino. Legem nõ habet necessitas, dolor me compellit dicere: calamitas quā patior, cogit me exclamare. Aegrotus sum, ad medicum clamo: cæcus sum, ad lucem propero: mortuus sum, ad uitam suspiro. Tu es medicus, tu lux, tu uita Iesu Nazarene, miserere mei fili Dauid, miserere mei fons misericordiæ: audi qui ad te clamat infirmum. Lux quæ transis, expecta cæcum, præbe ei manum, ut ad te ueniat, & in lumine tuo uideat lumen. Vita uiuēs reuoca mortuum: quid sum ego qui loquor tecum? Væ mihi domine, parce mihi domine, ego cadauer putridum, esca uermium, uas foetidum, cibus ignium. Quid sum ego qui loquor tecum? Væ mihi domine, parce mihi domine, infelix ego homo: homo, inquam, natus de muliere breui uiuens tempore, repletus multis miserijs: homo, inquam, uanitati similis factus, comparatus iumentis insipientibus, & iam similis factus illis. Quid iterum ego? Abyssus tenebrosa, terra misera, filius iræ, uas aptum in contumeliam, genitus per immundiciam, uiuens in miseria, moriturus in angustia. Heu miser quid sum? heu quid futurus sum? Vas sterquilini, concha putredinis, plenus foetore & horrore: cæcus, pauper, nudus, plurimis necessitatibus subditus, ignorans introitum & exitum meum. Miser & mortalis, cuius dies sicut umbra prætereunt, cuius uita sicut umbra lunatica euanescit, sicut flos in arbore crescit, & statim marcescit, nunc floret, & statim aret. Vita, inquam, mea uita fragilis, uita caduca, uita quæ quanto magis crescit, tanto magis decrescit: quanto magis procedit, tanto magis ad mortem accedit. Vita fallax & umbratica, plena laqueis mortis. Nunc gaudeo, statim tristor: nunc uigeo, sæpe infirmor: nunc uiuo, statim morior: nunc felix appareo, semper miser: nunc rideo, iam fleo. Sicq; omnia mutabilitati subiacent, ut nihil uix una hora in uno statu permaneat. Hinc timor, hinc tremor, hinc fames, hinc sitis, hinc calor, hinc frigus, hinc languor, inde dolor exuberat. Subsequitur his importuna mors, quæ mille modis quotidie miseros homines rapit. Hunc necat febribus, illum opprimit doloribus, hunc consumit fames, illum sitis extinguit, hunc suffocat aquis, illum interimit laqueo, illum perimit flammis, alium dentibus bestiarum ferocium uorat, hunc trucidat ferro, illum ueneno corrumpit, alterum tantum repentino terrore miseram uitam finire compellit. Et nunc super hæc omnia magna miseria, quia cum nihil sit certius morte, ignorat tamen homo finem suum. Et cum stare putat, colliditur & perit spes eius: nescit enim homo quando uel ubi uel quomodo moriatur, & tamen certum est quod eum mori oporteat. Ecce domine quā magna miseria hominis in qua sum, necti meo: quā magna calamitas quam patior, nec doleo, & ad te non clamo. Clamabo domine antequam transeam, si forte non transeam, sed in te maneam. Dicam ergo, dicam miseriam meam, confitear nec erubescam ante te uilitatem meam. Adiua me fortitudo mea, per quam subleuor: succurre uirtus, per quam sustentor. Veni lux per quam uideo, appare gloria per quam gaudeo. Appare uita in qua uiuam o domine deus meus.

De mirabili  
luminis dei  
Caput III

O lux quam uidebat Tobias, quando oculis clausis docebat filium suum uiam uitæ. Lux quam uidebat Isaac interius, quando caligantibus oculis exterius filio futura narrabat. Lux, inquam, inuisibilis, cui omnis abyssus humani cordis est uisibilis. Lux quam Iacob uidebat, quando, sicut tu intus docebas, filijs exterius uentura prædicebat. Ecce tenebræ sunt super faciem abyssi mentis meæ, tu es lumen. Ecce caligo tenebrosa super aquas cordis mei, tu es ueritas. O uerbum per quod facta sunt omnia, & sine quo factum est nihil. Verbum quod es ante omnia, ante quod nihil: uerbum creans omnia, sine quo omnia nihil: uerbum regēs omnia, sine quo nihil sunt omnia: uerbum quod dixisti in principio, Fiat lux, & facta est lux.



A est lux. Dic etiā mihi, fiat lux, & facta sit lux, & uideā lumē, & cognoscā quicquid non est lumen, quia sine te mihi tenebræ lumen, & lumen tenebræ ponuntur. Et sic sine tua luce nō est ueritas, adest error, adest uanitas: non est discretio, adest confusio, adest ignorantia, non est scientia: adest cæcitas, non est uisio: adest inuium, non est uia: adest mors, non est uita.

Ecce domine, quia lux non est, mors est, imò nō est mors, quia nihil est mors: nam per ipsam ad nihilum tendimus, dum nos nihil facere per peccatum non formidamus. Et iuste quidem hoc domine, nam digna factis recipimus, dum ad nihilum deuenimus tanquam aqua decurrens, quia sine te factum est nihil, & nos faciendo nihil, facti sumus nihil, quia si ne te sumus nihil, per quem facta sunt omnia, sine quo factum est nihil. O domine uerbū, ō deus uerbum, per quod facta sunt omnia, sine quo factum est nihil. Væ mihi misero totiens obcæcato, quia tu lux, & ego sine te. Væ mihi misero totiens uulnerato, quia tu salus, & ego sine te. Væ mihi misero totiens infatuato, quia tu es ueritas, & ego sine te. Væ mihi misero totiens oberrato, quia tu uia, & ego sine te. Væ mihi misero, totiens mortuo, quia tu uita, & ego sine te. Væ mihi misero totiens annihilato, quia tu uerbum, per quod facta sunt omnia, & ego sine te, sine quo factū est nihil. O domine uerbū, ō deus uerbū, qui es lux, per quem facta est lux, qui es uia, ueritas & uita, in quo non sunt tenebræ, error, uanitas, neque mors. Lux sine qua tenebræ, uia sine qua error, ueritas sine qua uanitas, uita sine qua mors. Dic uerbum domine, fiat lux, ut uideam lucem, & uitem tenebras: uideam uiam, & uitem inuium: uideam ueritatem, & uitem uanitatem: uideam uitam, & uitem mortem. Illuminare domine lux mea, illuminatio mea, & salus mea quem timebo, dominus meus quem laudabo, deus meus quem honorabo, pater meus quem amabo, sponsus meus cui me seruabo. Illuminare, inquam, illuminare lux huic cæco tuo, qui in tenebris, & in umbra mortis sedet, & dirige pedes eius in uia pacis, per quā ingrediar in locū tabernaculi admirabilis usq; ad domū dei in uoce exultationis & cōfessionis. Vera enim confessio est uia per quā ingrediar ad te uia, per quā egrediar ab inuiio, & reuertar ad te uiam, quia tu es uera uia uitæ.

B te uia, per quā egrediar ab inuiio, & reuertar ad te uiam, quia tu es uera uia uitæ. Confitear ergo, cōfitear tibi pater domine cœli & terræ miseriam meā, ut me uenire liceat ad misericordiā tuā. Miser quippe factus sum, & ad nihilū redactus sum, & nesciui, quia tu es ueritas, & ego non erā tecū. Vuulnerauerunt me iniquitates meæ, & nō dolui, quia tu es uita, & ego nō erā tecū. Ad nihilū duxerunt me, quia tu es uerbū, & ego non erā tecū, per quæ facta sunt omnia, sine quo factum est nihil: & ideo sine te factus sum nihil, quia est nihil quod ad nihilum ducit. Omnia per ipsum facta sunt, quæcunq; facta sunt. Et qualia facta sunt: Vidit deus cuncta quæ fecerat, & erant ualde bona. Omnia quæcunq; sunt, per uerbū facta sunt: & quæcunq; per uerbum facta sunt, ualde bona sunt. Quare bona sunt, quia omnia per uerbum facta sunt: Et sine ipso factum est nihil, quia nihil bonum sine summo bono est. Sed malum est ubi non est illud bonum, quod utiq; nihil est: quia nihil aliud est malum, quā priuatio boni: sicut nihil aliud est cæcitas, quā priuatio luminis. Malū itaque nihil est, quia sine uerbo factum est, sine quo factum est nihil. Illud autem malum est, quod priuatur illo bono per quod omnia facta sunt quæcunq; sunt. At quæ non sunt, per ipsum facta non sunt, & ideo nihil sunt. Et ideo mala sunt, quæ facta non sunt: quia omnia quæcunq; facta sunt, per uerbum facta sunt, & omnia per uerbum bona facta sunt. Cum igitur omnia per uerbum facta sunt, mala per ipsum non sunt. Restat igitur, quod omnia quæ facta non sunt, bona non sunt, quia omnia quæcunq; facta sunt, bona sunt: & ideo mala sunt quæ facta non sunt, & ideo nihil sunt, quia sine uerbo factum est nihil. Malum igitur nihil est, quia factum non est. Sed qualiter malum est, si factum non est? Quia malum priuatio boni est, per quod factum bonum est: esse ergo sine uerbo malum est, quod esse non est, quia sine ipso nihil est. Sed quid est separari à uerbo? Si hoc quæris scire, audi quid est uerbum: uerbum dei dicit, Ego sum uia, ueritas & uita. Separari ergo à uerbo, est esse sine uia, sine ueritate, sine uita, & ideo sine ipso nihil, & ideo malum, quia separatur à uerbo, per quod facta sunt omnia ualde bona. Separari autem à uerbo, per quod omnia facta sunt, sunt,

Quid sit nihil fieri Cap. V

10dm. 14.

sunt, nihil aliud est quàm deficere, & à facto trāsire in defectū, quia sine ipso est nihil. Quotiē ergo à bono deuias, à uerbo te separas, quia ipsum est bonum, & ideo nihil efficeris, quia sine uerbo es, sine quo factum est nihil. Nunc igitur domine illuminasti me lux ut uiderem te, uidi & cognoui me, quia totiens nihil factus sum, quotiēs à te separatus sum, quia bonū q̄ tu es, oblitus sum & ideo malus effectus sum. Væ mihi misero, ut quid hoc non cognoscebam quia te deferens nihil fiebam? Sed quid hoc quero, si nihil eram, quomodo cognoscere nolebā? Scimus quia nihil est: & quod, nihil est, non est: & quod non est bonum, non est, quia nihil est. Si ergo nihil fui cū sine te fui, quasi nihil fui, & uelut idolum quod nihil est, quod quidē aures habet & non audit, nares habet & nō odorat, oculos habet & nō uidet, os habet & non loquitur, manus habet & non palpat, pedes habet & non ambulat, & omnia lineamenta habet membrorum sine sensu eorum.

## Caput VI

Cum igitur fui sine te, non fui, sed nihil fui, & ideo cæcus eram, surdus & insensibilis, quia nec bonum discernebam, nec malum fugiebam, nec dolorem uulnere sentiebam, nec tenebras meas uidebam, quia eram sine te uera luce, quæ illuminas omnem hominem uenientem in hunc mundum. Væ mihi, uulnerauerunt me & non dolui, traxerunt me & non sensi, quia nihil eram, quia sine uita eram, quæ est uerbum per quod facta sunt omnia. Ideo domine lux mea inimici mei de me fecerunt quacūq; uoluerunt, percusserunt, nudauerunt, poluerunt, corruerunt, uulnerauerunt & occiderunt me, quia recessi à te & factus sum nihil sine te. Heu domine uita mea, qui fecisti me: lux mea, qui direxisti me. Defensor uitæ meæ miserem me & resuscita me, dñe deus meus spes mea, uirtus mea, fortitudo mea, consolatio mea in die tribulationis meæ, respice inimicos meos & eripe me, fugiant à facie mea qui oderunt me, & ego uiuā in te per te. Ipsi enim domine consyderauerunt me, & uidentes me sine te despexerunt me. Diuiserunt sibi uestimenta mea uirtutum quibus ornaueras me, fecerunt sibi uiam per me, sub pedibus suis conculcauerunt me, fecibus peccatorum polluerunt templū sanctum tuum, posuerunt me desolatū & mœrore confectū. Ibam post eos cæcus & nudus & illaqueatus funibus peccatorum, trahebāt me post se in circumitu de uitio in uitium, & de luto in lutum, & ibam absq; fortitudine ante faciem subsequētis. Seruus eram, seruitor tē amabam. Cæcus erā, & cæcitatem desiderabā. Vincētus erā, & uincula non horrebā. Amarum dulce, & dulce amarum credebā. Miser eram nec cognoscebam, & hoc quia sine uerbo eram, sine quo factū est nihil, per quod omnia conseruantur, sine quo omnia annihilantur. Sicut enim omnia per ipsum facta sunt & sine ipso factum est nihil, sic per ipsum omnia cōseruātur quacūq; sunt, siue in cœlo, siue in terra, siue in mari, & in omnibus abyssis. Nec pars parti in lapide adhæret, nec in aliquo creatorū, nisi quia per uerbum cōseruantur per quod omnia facta sunt. Adhæream ergo tibi uerbum ut cōserues me, quia ubi à te recessi peri in me, nisi quia tu qui me feceras refecisti me. Ego peccaui, tu me uisitasti. Ego cecidi, tu me erexitisti. Ego ignorauī, tu me docuisti. Ego non uidi, tu me illuminasti.

## Caput VII

Miser ego deus meus quantum teneor diligere te ostēde mihi, quantum debeo laudare te demonstra mihi, quantum debeo placere tibi innotesce mihi. Intona domine de super uoce grandi & forti in interiorē aurem cordis mei, doce me & salua me, & collaudabo te, qui creasti me cum nihil essem, qui illuminasti me cum in tenebris essem, qui resuscitasti me cum mortuus essem, qui pauidisti me à iuuentute mea omnibus bonis tuis. Hūc inutilem uer mem fecerunt peccatis, nutris omnibus optimis donis tuis. Aperi mihi o clauis David qui aperis, & nemo claudit illi cui tu aperis: claudis & nemo aperit illi cui tu claudis, aperi mihi ostium luminis tui ut ingrediar, & uideam & cognoscam, & confitear tibi in toto corde meo, quia misericordia tua magna est super me, & eruisti animam meam ex inferno inferiori. Domine deus noster quam admirabile & laudabile est nomē tuum in uniuersa terra. Et quid est homo quod memor es eius, aut filius hominis quoniam uisitas eum? Domine spes sanctorum, & turris fortitudinis eorum, deus uita animæ meæ per quam uiuo, sine qua morior, lumen oculorum meorum per quod uideo, sine quo orbor, gaudium cordis mei.



A dñs mei, & læticia spiritus mei, diligam te toto corde meo, & toto animo meo, & totis medullis & uisceribus meis, quia tu prior dilexisti me. Et unde hoc mihi ò creator cœli & terræ & abyssi, qui bonorū meorū nō indiges? Vnde hoc mihi, quia dilexisti me? O sapientia quæ aperis os mutorū, ò uerbū per quod facta sunt omnia, aperi os meū, da mihi uocē laudis ut enarrem omnia beneficia tua, quæ mihi domine à principio contulisti. Ecce enim sum, quia tu creasti me: & quodd me creares, & in numero creaturarum tuarum numerares, ab æterno tu præordinasti antequam quicquam faceres à principio, antequam extenderes cœlos, necdum erant abyssi, adhuc terram non feceras, nec montes fundaueras, necdum fontes eruperrant, antequam hæc omnia quæ fecisti per uerbum faceres, me creaturam tuam fore certissimam ueritatis tuæ prouidentia præuidisti, & esse me creaturam tuam uoluisti. Et hoc unde mihi domine benignissime, deus altissime, pater misericordissime, creator potentissime & semper mitissime? Quæ mea merita, quæ mea gratia, ut cōplaceret ante cōspectum tuæ magnificæ maiestatis creare me? Non eram, & creasti me: nihil fueram, & de nihilo me aliquid fecisti. Quale autē aliquid? Non stillā aquæ, non ignē, non auē, uel piscē, non serpentem, uel ali quid ex brutis animalibus, nō lapidē, uel lignū, non ex corū genere quæ tantū habent esse, uel ex eorū quæ tantū esse possunt & crescere, non ex eorum genere, quæ tantum esse & crescere & sentire possunt: sed super omnia hæc uoluisti me esse ex his quæ tantū habēt esse, quæ sum: & ex his quæ tantū habēt esse & crescere, quia sum & cresco: & ex his quæ sunt, crescūt & sentiūt, quia sum, cresco & sentio. Et paulominus parē me creasti angelis, quia rationē te cognoscendi cum ipsis à te communem accepi. Sed paulominus utiq; dixi, nam illi tuam felicem notitiam iam habent per speciem, ego autem per spem. Illi facie ad faciem, ego per speculum in ænigmate. Illi plene, ego autem ex parte. Sed cum uenerit quod

B ne corona spei quæ ornata est gloria & honore, coronaueris, quos tu nimis quasi amicos tuos honorificaueris, imò per omnia & æquales angelis? Nempe & hoc ueritas tua dicit, æquales enim sunt angelis, & filij dei sunt. Quid nisi filij dei sunt, si pares fiunt angelis? Vere al's nā mirū si quidem erunt filij dei, quia filius hominis factus est filius dei. Hoc utique cōsideranti mihi fiducia est dicere, non homo minor paulominus est ab angelis, non utique tantum æqualis angelis, sed superior angelis, quia homo deus, & deus homo, nō angelus, & dicam propter hoc hominē esse creaturam dignissimam, quia uerbum quod erat in principio deus apud deum, uerbum per quod deus dixit, fiat lux, & facta est lux, angelica scilicet natura, uerbū per quod deus creauit omnia in principio, idem uerbum caro factum est, & habitauit in nobis, & uidimus gloriam eius. Ecce gloria per quam glorior, quando sanē glorior. Ecce gaudium per quod gaudeo, quando sanē gaudeo. Domine deus meus uita & tota gloria animæ meæ, confiteor ergo tibi domine deus meus cum me creasti rationis capacem, angelis quodammodo parem creasti, quia perfici possum per uerbum tuum, ut ueniam ad æqualitatem angelorum, ut habeam adoptionē filiorum per unigenitum uerbum tuum domine, per filium tuum dilectum, in quo tibi bene complacuit, per unicum cohæredem & consubstantialem tibi & coæternum Iesum Christum, unicum dominum & redemptorem nostrum, illuminatorem & consolatorem nostrum, aduocatum nostrum apud te, & lumen oculorum nostrorum, qui est uita nostra & saluator noster, & spes unica nostra, qui nos dilexit magis quàm se, per quem habemus fiduciam repositam, & firmam apud te spem & accessum ueniendi ad te, quoniam dedit potestatem filios dei fieri his qui credunt in nomine eius. Laudem tribuam nomini tuo domine, qui me ad imaginem & similitudinem tuam creando tantæ gloriæ fecisti me fore susceptibilem ut possim filius dei fieri. Hoc utiq; nō possunt arbores, non possunt lapides, non generaliter omnia quæ mouentur uel crescunt in aëre uel in mari uel in terra, quia non dedit eis potestatem per uerbum tuum filios dei fieri, quia rationem non habent: nam & hæc potestas in ratione consistit, per quam cognoscimus deū.

Cap. VIII

X 3 Dedit

Dedit autem hanc potestatem hominibus, quos creauit rationabiles ad imaginem & similitudinem suam. Et ego utique domine per tuam gratiam homo sum, & filius tuus esse possum per gratiam, quod illi non possunt. Vnde hoc mihi domine ueritas summa, ueraque summitas, & principium omnium creaturarum? Vnde hoc mihi domine, ut possim fieri filius dei, quod illi non possunt? Tu es qui manes in aeternum, qui omnia creasti simul. Simul creasti homines & iumenta, lapides & uirentia terrae. Non enim praecesserunt merita, nulla eorum antecessit gratia, quia omnia tua tantum bonitate creasti: & pares omnes creaturae fuerunt in meritis, quia omnium nulla fuere merita. Et unde ergo magis tua bonitas in hac tua creatura, quam fecisti rationalem, quam in omnibus alijs quae sunt sine ratione apparuit? Quare non ego sicut omnes illae, aut cur non omnes illae sicut ego, aut ego solus sicut illae? Quae mea merita, quae mea gratia, ut me filium tuum posse fieri susceptibilem creares, quod illis omnibus denegares? Absit domine ut hoc sentiam. Tua tantum gratia, tua tantum bonitas hoc fecit, ut essem particeps dulcedinis eius. Illa igitur gratia qua me de nihilo creasti, illam quaeso domine da mihi gratiam, ut tibi de hoc referam gratiam.

Cap. IX

Omnipotens manus tua semper una & eadem, creauit in caelo angelos, & in terra uermiculos, non superior in illis, non inferior in istis. Sicut enim nulla alia manus angelum, ita nulla posset creare uermiculum: sicut nulla caelum, ita nulla posset creare minimum arboris folium: sicut nulla corpus, ita nulla ullum capillum album posset facere aut nigrum: sed omnipotens manus tua, cui omnia pari modo sunt possibilia. Nec enim possibilis est ei creare uermiculum quam angelum, nec impossibile est extendere caelum quam folium, nec leuius formare capillum quam corpus, nec difficilius fundare terram super aquas, quam aquas super terram, sed omnia quaecumque uoluit fecit: sicut uoluit in caelo & in terra, & in mari & in omnibus abyssis, & me inter omnia sicut uoluit, potuit & sciuit. Potuit quidem manus tua domine me lapidem uel auem uel serpente uel beluam aliquam creare, & sciuit, sed noluit propter suam bonitatem. Quare ergo ego non sum lapis uel arbor uel aliqua belua? quia sic ordinauit bonitas tua, Et ut hoc ordinaret non praecesserunt merita mea.

Cap. X

Vnde hoc mihi domine, unde mihi laudes ad laudandum te? Sicut enim fecisti me sine me, sicut complacuit ante te: ita laus tibi est sine me, sicut complacet ante te. Laus tua domine tu ipse es. Laudent te opera tua secundum multitudinem magnitudinis tuae, laus tua domine incomprehensibilis est. Corde non comprehenditur, ore non mensuratur, aure non percipitur, quia ista transeunt, & laus tua domine manet in aeternum. Cogitatio incipit, & cogitatio finitur, uox sonat & uox transiit, auris audit & auditus desinit: laus uero tua in aeternum stat. Quis ergo est qui te laudet? Quis homo annunciet laudem tuam? Laus tua perpetua est, transitoria non est. Hic te laudat qui te ipsum laudem tuam credit. Hic te laudat, qui se ipsum nescit in tuam laudem non posse pertingere. Laus tua perpetua est quae nunquam transit. In te est laus nostra, in te laudabitur anima mea. Non nos laudamus te, sed tu te, & per te, & in te, & nobis etiam est laus in te. Tunc ueram habemus laudem quando a te habemus laudem, quando lux approbat lucem, quia tu uera laus tribuis ueram laudem. Quotiens autem ab alio quam a te quaerimus laudem, totiens tuam amittimus laudem, quia illa transitoria est, sed tua aeterna. Si transitoriam quaerimus, aeternam amittimus laudem. Si aeternam uolumus, transitoriam non amemus. Laus aeterna domine deus meus, a quo omnis laus, sine quo nulla est laus, non ualeo laudare te sine te, habeam te & laudabo te. Quis enim ego sum domine per me ut laudem te? Puluis & cinis ego sum, carnis mortuus & foetens ego sum, uermis & putredo ego sum. Quis ego sum ut laudem te domine deus fortissime spirituum uniuersae carnis, qui inhabitas aeternitatem? Nunquid tenebrae laudabunt lucem, aut mors uitam? Tu lux, ego tenebrae: tu uita, ego mors. Nunquid uanitas ueritatem laudabit? Tu es ueritas, ego uero homo similis factus uanitati. Quid ergo domine, laudabo te? Nunquid miseria mea laudabit te? Nunquid foetor laudabit odorem? Nunquid mortalitas hominis, quae hodie est & cras tollitur, laudabit te? Nunquid



A quid laudabit te homo putredo & filius hominis uermis? Nunquid laudabit te domine, qui in peccatis conceptus est & natus & nutritus? Laudet te domine deus meus incomprehensibilis potentia tua, incircumscriptibilis sapientia tua, & ineffabilis bonitas tua. Laudet te supereminens clementia tua, superabundans misericordia tua, sempiterna quoque uirtus & diuinitas tua. Laudet te omnipotentissima fortitudo tua, summa quoque benignitas & charitas tua, per quam creasti nos domine deus uita animæ meæ.

Ego autem creatura tua sub umbra alarum tuarum sperabo in bonitate tua, qua creasti me. Adiuua creaturam tuam quam creauit benignitas tua. Nō pereat in malicia mea quod operata est bonitas tua. Non pereat in miseria mea quod fecit summa clementia tua. Quæ est enim utilitas in creatione tua, si descendam in corruptionem meam? Nunquid enim uane deus constituisti omnes filios hominum? Creasti me domine, rege quod creasti. Opera manuum tuarum ne despicias deus. Me fecisti de nihilo, si me non regis domine, iterum reuertar ad nihilum. Sicut enim domine non eram, & de nihilo fecisti me: sic si me non regis, adhuc ad nihilum redigar in me. Adiuua me domine uita mea, ne peream in malicia mea. Si non creasses me domine, non essem: quia creasti me, iam sum. Si non regis, iam non sum: non enim mea merita, non mea gratia te coegerunt ut creares me, sed benignissima bonitas tua & clementia tua. Illa charitas tua domine deus meus quæ te ad creationem coegit, ipsa quæso modo cogat te ad regendum. Quid enim prodest quod te compulit charitas tua ad creandum, si peream in miseria mea, & non me regat dextera tua? Hæc te cogat domine deus meus clementia ad saluandum quod creatum est, quæ te compulit creare quod creatum non est. Ipsa te uincat charitas ad saluandum, quæ te uicit ad creandum: quia nec nunc minor est, quia ipsa charitas tu ipse es, qui semper idem es. Non est abbreviata manus tua domine ut saluare nequeat, neque aggrauata est auris tua, ut non audiat, sed peccata mea diuise sunt inter me & te, inter tenebras & lucem, inter imaginem mortis & uitam, inter uanitatem & ueritatem, inter lunaticam hanc uitam meam & sempiternam tuam.

B Hæ sunt umbræ tenebrarum, quibus operior in hac abyssu caliginosi carceris huius, in qua hæ sunt umbræ tenebrarum, quibus operior in hac abyssu caliginosi carceris huius, in qua prostratus iaceo donec aspiret dies, & inclinentur umbræ, fiatque lux in firmamento uirtutis tuæ, uox domini in uirtute, uox domini in magnificentia, dicatque. Fiat lux & effugentur tenebræ & appareat arida, germinetque terra herbam uiuentem & facientem semen & fructum bonum iustitiæ regni tui. Domine pater & deus, uita per quam omnia uiuunt, & siue qua omnia mortua computantur, ne derelinquas me in cogitatu maligno, & extollentiam oculorum meorum ne dederis mihi. Aufer a me concupiscentias, & animo irreuerentiam & infrunitum ne tradas me, sed posside cor meum ut te cogitet semper. Illumina oculos meos ut te uideant, & non extollantur ante te gloria sempiterna, sed humiliter sentiant non in mirabilibus super se, & quæ a dextris sunt uideant, & non quæ a sinistris abs te, & palpebræ tuæ præcedant gressus meos. Nam & palpebræ tuæ interrogant filios hominum. Allide concupiscentiam meam dulcedine tua quam abscondisti timentibus te, ut concupiscam te concupiscentijs sempiternis, ne uanis illectus & deceptus interior gustus ponat amarum dulce, & dulce amarum: tenebras lucem, & lucem tenebras: ut liberari in medio tot decipularum possim ab inimico super faciem uia huius positarum, ad capiendas animas peccatorum, quibus plenus est totus mundus, quod is qui uidit sub silentio non transiit, inquiens. Quicquid enim est in mundo, aut est concupiscentia carnis, aut concupiscentia oculorum, aut superbia uitæ. Ecce domine deus meus, mundus totus plenus est concupiscentiarum laqueis, quos parauerunt pedibus meis. Et quis effugiet hos laqueos? Profecto a quo tu abstuleris extollentiam oculorum suorum, ut non eum capiat concupiscentia oculorum: & a quo tu abstuleris carnis concupiscentiam, ne eum capiat carnis concupiscentia: & a quo tu abstuleris animum irreuerentem & infrunitum, ne eum callide decipiat superbia uitæ. O quam felix cui hæc tu facies, quippe transibit immunis. Nunc redemptor te precor per te, adiuua me ne corruam

cap. XI  
capit. XII  
1. Ios. 2.

X 4

ruam in conspectu aduersariorum meorum, captus laqueis eorum, quos parauerunt pedibus meis, ut incurrent animam meam. Sed erue me uirtus salutis meae, ne sibi risum exhibeant de me inimici mei qui oderunt te. Exurge domine deus meus, fortis meus, & dissipentur inimici tui, & fugiant qui oderunt te à facie tua: sicut fluit cera à facie ignis, sic pereant peccatores à facie tua. Et ego abscondar in abscondito faciei tuae, & gaudeam cum filiis tuis satiatibus omnibus bonis. Et tu domine deus pater orphanorum, & tu mater pupillorum tuorum, audi eiulatum filiorum tuorum & extende alas tuas ut fugiamus sub eis à facie inimici. Turris fortitudinis Israël, qui non dormitas, neque dormis custodiens Israël, quia non dormit neque dormitat hostis qui impugnat Israël.

caput XIII

O lux quam non uidet alia lux, lumen quod non uidet aliud lumen, lux quae obtenebrat omnem lucem, & lumen quod excæcat omne extraneum, lux à quo omnis lux, lumen à quo omne lumen, lumen ad quod omne lumen est tenebra, ad quod omnis lux obscuritas, lux cui omnes tenebrae lumen, cui omnis obscuritas lux, lux suprema quam cæcitas non obnubilat, quam caligo non hebetat, quam tenebrae non obscurant, quam nulla obstantia claudit, quam nunquam separat aliqua umbra, lux quae illuminas omnia tota simul, semel & semper, absorbe me in claritatis abyssum, ut uideam undique te in te, & me in te, & cuncta sub te. Ne derelinquas me ne accrescant umbrae ignorantiae meae, & multiplicentur delicta mea. Sine te enim omnia sunt mihi tenebrae, omnia mala, quia nihil bonum sine te uero, solo & summo bono. Hoc confiteor, hoc scio domine deus meus, quia ubicunque sum sine te, male est mihi praeter te, non solum extra me, sed etiam in me, quia omnis copia quae non est deus meus, mihi est egestas. Satiabor tunc cum apparuerit gloria tua. Et tu domine uita mea beata, fac ut miseriam meam confitear tibi, ex quo ab unitate bonitatis tuae summo & uno bono temporalium rerum multiformitas lapsum me per carnales sensus dissipauit, & ab uno in multa diuisit, & facta est mihi abundantia laboriosa, & egestas copiosa, dum aliud & aliud sequebar, & à nullo implebar, dum non in me inueniebam te incommutabile & singulare & indiuisum unum bonum, quod consecutus non ego, quod consecutus non doleo, quod possidens satiatur totum desiderium meum. Heu miseria super miseriam, cum misera anima mea à te refugit, cum quo semper abundat & gaudet: & sequitur mundum, cum quo semper eget & dolet. Mundus clamat deficio: tu domine clamas reficio: & miseria mea praua magis sequitur deficientem quam reficientem. Planè infirmitas mea haec est, Medice spirituum sana illam, ut confitear tibi, salus animae meae toto corde meo super omnibus beneficiis tuis quibus pascis me à iuuentute mea & usque in senectam & senium: te deprecor per teipsum ne derelinquas me, fecisti me cum non essem, redemisti me cum perissem: perieram, mortuus fueram, ad mortuum descendisti, mortalitatem suscepisti: ad seruum rex descendisti, ut seruum redimeres teipsum tradidisti: ut ego uiuerem, tu mortem suscepisti, mortem uicisti, me instaurasti cum te humiliasti: perieram, abieram in peccatis, uenundatus eram, uenisti pro me ut redimeres me, & tantum me dilexisti, ut sanguinem tuum in precium dares pro me, dilexisti me domine plus quam te, quia mori uoluisti pro me. Tali pacto, tam charo precio reduxisti me de exilio, redemisti me de seruitio, retraxisti me de supplicio, uocasti me nomine tuo, signasti me sanguine tuo, ut memoriale tuum semper esset apud me, & nunquam recederet à corde meo qui pro me non recessit à cruce. Vnxi me oleo tuo quo tu unctus fuisti, ut à te Christo dicerer Christianus. Et in manibus tuis descripsisti me, ut semper sit memoria mea apud te, si tamen memoria tua iugiter fuerit apud me. Sic igitur gratia tua semper & misericordia praeuenerunt me. De multis namque & magnis periculis saepe liberaisti me, liberator meus: quando erraui, ad uiam reduxisti me: quando ignoraui, docuisti me: quando peccaui, corripuisti me: quando tristis, consolatus es me: quando desperaui, confortasti me: quando cecidi, erexisti me: quando steteri, tenuisti me: quando iui, deduxisti me: quando ueni, suscepisti me: quando dormiui, custodisti me: quando clamaui, exaudisti me.

caput XIII

Haec enim & multa alia beneficia fecisti mihi domine deus meus uita animae meae, de quibus dulce esset mihi



A set mihi semper loqui, semper cogitare, semper tibi gratias agere, ut possim te semper pro  
 omnibus bonis tuis laudare & amare te toto corde meo, & tota anima mea, & tota mente  
 mea, & tota fortitudine mea, simul ex omnibus medullis & intimis cordis mei & omnium  
 compagum mearum, beata dulcedo domine deus meus omnium qui delectantur in te. Sed  
 imperfectum meum uiderunt oculi tui, oculi, inquam, tui multo lucidiores sunt sole, circum-  
 spicites omnes uias hominum & profundum abyssi, & in omni loco contemplantur sem-  
 per bonos & malos. Cum enim cunctis præsideas singula implens, totus semper ubiq; præ-  
 sens, cunctorumq; curam agens quæ creasti, quia nihil odisti eorum quæ fecisti, sic gressus  
 meos semitasq; consyderas, & die noctuq; super custodiam meam uigilas, omnes semitas  
 meas diligenter notans, speculator perpetuus, ueluti si totius creaturæ tuæ cœli & terræ obli-  
 tus, tantum me solum consyderes, & nihil sit tibi curæ de alijs. Neq; enim tibi crescit lux in-  
 commutabilis uisionis tuæ si tantum unum aspicias, neque minuitur si innumera uideas &  
 diuersa. Quia sicut unum totum simul perfecte consyderas, sic singula quælibet licet diuersa  
 perfecte simul totaq; totus conspiciat uisus tuus. Sed sicut omnia sic unum, & sicut unum sic  
 singula, totus simul sine diuisione uel commutatione, uel diminutione consyderas. Itaq; to-  
 tus tu in toto tempore sine tempore, totum me simul semperq; consyderas, ac si nihil aliud  
 consyderare habeas. Sic igitur super custodiam meam stas, sicut si omnium oblitus sis, & mi-  
 hi soli intendere uelis. Semper quippe te præsentem exhibes, semper te paratum offers, si  
 me paratum inuenis. Quocunq; iero tu me domine non deseris, nisi prior ego te deseram.  
 Ubicunq; fuero non recedis, quoniam ubiq; es, & quocunq; iero inueniam te, per quæ pos-  
 sim esse ne peream sine te, cum sine te esse non possim. Fateor quidem, quia quicquid facio  
 & quæcunq; facio, ante te facio, & illud quicquid est quod facio, melius tu uides quam ego  
 qui facio. Quicquid enim semper operor, tu pariter semper præsens assistis, utpote perpe-  
 tuus inspector omnium cogitationum, intentionum, delectationum, & omnium operatio-  
 num mearum. Domine ante te est semper omne desiderium meum, ante te tota cogitatio  
 mea. Tu domine uides unde ueniat spiritus, ubi sit, & quò uadat, quia tu es omnium spiri-  
 tum pōerator, & utrum radix sit dulcis, an amara, de qua foris pulchra folia emittuntur:  
 tu iudex internus melius ipse nosti, & etiam medullas radicum subtilius perscrutaris, & non  
 solum intentionem, sed radicis eius medullam intimam disertissima tuæ lucis ueritate colli-  
 gis, numeras, contueris & consignas, ut reddas unicuiq; non solummodo secundum opera  
 uel intentionem, sed etiam secundum ipsam interiorem absconditam medullam radicis, de  
 qua procedit intentio operantis. Ad quod tendo cum operor, quicquid cogito, & in quocun-  
 que delector, tu uides, aures tuæ audiunt, oculi tui uident & consyderant, signas, attendis, no-  
 tas & scribis in libro tuo siue bonum fuerit siue malum, ut reddas postea pro bono præmia,  
 & pro malo supplicia, quando aperientur libri & iudicabuntur secundum hæc quæ fuerunt  
 scripta in libris tuis. Hoc est forte quod iam dixisti nobis, Consyderabo nouissima eorū: &  
 quod de te domine dicitur, Vniuersorum finem ipse consyderat, quoniam tu quidem in o-  
 mnibus quæ agimus, finem intentionis magis quam actum operationis attendis. Cumq;  
 hæc diligenter consydero domine deus meus, terribilis & fortis, timore pariter & ingenti ru-  
 bore confundor, quoniam nobis magna est indita necessitas iuste recteq; uiuendi, qui cum  
 cœta facimus ante oculos iudicis cuncta cernentis.

Fortissime magnipotens deus cap. XV  
 spirituum uniuersæ carnis, cuius oculi sunt super omnes uias filiorum Adam, à die natiuita-  
 tis eorum usq; in diem exitus eorum, ut reddas unicuiq; secundum opera eorum bona uel  
 mala, ostende mihi ut confitear tibi paupertatem meam, quoniam dixi quòd diues essem  
 & nullius egerem, & nesciebam quoniam pauper eram, cæcus, nudus, miser & miserabi-  
 lis. Credebam enim me fore aliquid cum nihil essem. Dixi sapiens efficiar, & stultus factus  
 sum. Cogitabam me esse prudētem, & deceptus sum Et uideo nunc quia donum tuum est,  
 sine quo nihil possumus facere, quia nisi tu domine custodieris ciuitatem, frustra uigilat qui  
 custodit eam. Sic docuisti me ut cognoscerem me, quia dereliquisti me & probasti me,

non

non propter te quod cognosceres me, sed propter me ut cognoscerem me. Nam ut dixi domine credebam me aliquid fore ex me, existimabam me sufficere per me, nec percipiebam quoniam tu regebas me, donec aliquantulum te elongasti à me, & cecidi statim in me, & uidi & cognoui quoniam tu regebas me, & quod cecidi, fuit ex me: & quod surrexi, fuit ex te. Aperuisti mihi oculos lux & excitasti & illuminasti me, & uidi quoniam tentatio est hominis uita super terram, & quod gloriari non ualeat ante te omnis caro, nec iustificatur omnis uiuens, quoniam si quid boni est parui uel magni, donum tuum est, & nostrum non nisi malum est. Vnde igitur gloriabitur omnis caro? nunquid de malo? Hæc nō est gloria, sed miseria. Sed nunquid gloriabitur de bono, nunquid de alieno? Tuum domine est bonum, tua est gloria, Qui enim de bono tuo gloriam sibi quærit & non tibi quærit, hic fur est & latro, & similis est diabolo, qui uoluit furari gloriā tuā. Qui em̄ laudari uult de tuo dono, & non quærit in illo gloriam tuam, sed suam: hic licet propter tuum donum laudetur ab hominibus, à te tamen uituperatur, quia de dono tuo non tuam, sed suam gloriam quæsiuit. Qui autem ab hominibus laudatur uituperante te, non defendetur ab hominibus iudicante te, nec liberabitur condēnante te. At tu domine formator meus ex utero matris meæ, non me sinas cadere in illam exprobrationem, ut exprobretur mihi furari uoluisse gloriam tuā. Tibi enim sit gloria, cuius est omne bonum: nobis autem confusio faciei & miseria quorum est omne malum, nisi tu uolueris misereri. Misereris quippe domine, misereris omnium, & nihil odisti eorum quæ fecisti, & das nobis de bonis tuis, & ditas nos domine deus inopes optimis donis tuis. Quoniam diligis pauperes, & diuites facis eos diuitijs tuis. Ecce nūc domine pauperes nos filij tui sumus, & pusillus grex tuus, aperi nobis ianuas tuas, & edēt pauperes & satiabuntur, & laudabunt te qui requirunt te. Scio etiam domine & cōfiteor docentem te te, quoniam illi soli qui cognoscunt se pauperes, & cōtinentur tibi paupertatem suam, diuitabuntur à te: quoniam qui se diuites existimant cum sint pauperes, à tuis diuitijs inueniuntur exclusi. Ego igitur cōfiteor tibi domine deus meus paupertatem meam, & sit tibi tua gloria tota, quoniam tuum est omne bonum per me gestum. Domine cōfiteor ut docuisti me, nihil aliud sum quàm uniuersa uanitas & umbra mortis, & abyssus quædam tenebrosa, & terra inanis & uacua, quæ sine tua benedictione nō germinat, fructū quoq; nō facit, nisi confusionem, peccatum & mortem. Si quid boni unquam habui, à te recepi, quicquid boni habeo tuum est, uel à te habeo. Si quando steti, per te steti: sed quando cecidi, per me cecidi, & semper in luto iacuissem, nisi tu me erexisses: semper cæcus fuisset, nisi tu me illuminasses. Quando cecidi nunquam surrexissem, nisi tu mihi manum porrexisses. Postquam me etiā erexisti semper cecidissem, nisi tu me sustinuisses: sapius perissem, nisi me gubernasses. Sic semper domine, sic semper gratia tua & misericordia tua præuenit me, liberans me ab omnibus malis, saluans à præteritis, suscitans à præsentibus, & muniens à futuris, præciciens etiā ante me laqueos peccatorū, tollens occasiones & causas: quia nisi tu & hoc mihi fecisses, ego omnia peccata mundi fecissem, quoniā scio domine, quod nullū peccatum est quod unquā fecerit homo, quod non possit facere alter homo, si creator desit à quo factus est homo. Sed quod nō facerē, tu fecisti: qđ abstinere tu iussisti, & quod tibi crederē, gratiā tu infudisti. Tu nanq; domine regebas me tibi, seruabas me tibi, & mihi ut adulteriū & omne aliud peccatū nō cōmitterē, gratiā & lumen donasti.

Tentator defuit, & ut deesset, tu fecisti. Affuit tentator, non defuit locus, non defuit tēpus: sed ut non consentire, tu me tenuisti. Venit tentator tenebrosus ut est, & ut eum despicere, tu me confortasti. Venit tentator armatus & fortis, & ut me non uinceret, tu eum refrenasti, & me roborasti. Venit tentator transfiguratus in angelum lucis, & ut me non deciperet, tu eum increpasti, & ut eum cognoscerem, tu me illuminasti: ipse enim est draco, ille magnus & rufus, serpens antiquus, uocatus diabolus & satanas, habens capita septem, & cornua decem, quem creasti ad illudendum huic mari magno & spaciofo, in quo rampant animalia, quorū non est numerus, & animalia pusilla & magna, id est diuersa demoniorum



A niorum genera, qui nihil aliud die noctuq; operantur, nisi quia circumeunt quærentes quem deuorent, nisi tu eripias. Ipse enim est antiquus ille draco, qui ortus est in paradiso uoluptatis, qui cauda sua trahit tertiã partem stellarum cœli, & eas mittit in terram, qui ueneno suo corrumpit aquas terræ, ut bibētes homines moriantur, & qui sternit sibi aurum quasi lutū, quod influat Iordanis in os suum, & habet fiduciam, qui factus est ut nullū timeat. Et quis defendet à moribus eius, quis eruet ab ore eius, nisi tu domine qui confregisti capita draconis huius, qui nos persequitur, & scuto tuo libera nos à cornibus eius: hoc em̃ est contumacium studium eius, hoc unicum desiderium suum, ut animas quas creasti deuoret. Et ideo deus meus ad te clamamus, libera nos ab aduersario nostro quotidiano, qui siue dormiamus, siue uigilemus, siue comedamus, siue bibamus, siue quodcunq; opus operemur, omnibus modis instat die ac nocte, fraudibus & artibus, nunc palam, nunc occulte, sagittas uenenatas contra nos dirigens, ut interficiat animas nostras. Et tamen domine pessima infania nostra, quia cum continue uideamus contra nos draconem ore aperto paratum ad deuorandum, nihilominus dormimus & lasciuimus in pigritijs nostris, tanquam securi ante eū, q̃ nihil aliud desiderat quàm ut nos perdat. Inimicus ut occidat semper uigilat sine somno, & nos ut custodiamus nos, nolumus euigilare à somno. Ecce tetendit ante pedes nostros laqueos infinitos, & omnes uias nostras uarijs repleuit decipulis ad capiēdas animas nostras, Et quis effugiet? Laqueos posuit in diuitijs, laqueos posuit in paupertate, laqueos tetendit in cibo, in potu, in uoluptate, in somno & in uigilia, laqueos posuit in uerbo & in opere, & in omni uia nostra. Sed tu domine libera nos de laqueo uenantium, & à uerbo aspero, ut confiteamur tibi dicentes, Benedictus dominus qui non dedit nos in captionem dentibus eorum. Anima nostra sicut passer erepta est de laqueo uenantium, laqueus contritus est, & nos liberati sumus.

B uideam lumen, & ambulem in lumine tuo, & non impingam in laqueos eius. Quis enim euadet laqueos istos multos, nisi uideat eos? Et quis uidebit eos, nisi quem illuminaueris lumine tuo? Ipse enim pater tenebrarum laqueos suos abscondit in tenebris suis, ut capiātur in eis omnes qui sunt in tenebris suis, qui sunt filij tenebrarum harum, non uidentes lumen tuum, in quo qui ambulat non timebit: qui enim ambulat in die, non offendit: qui autem in nocte ambulat, offendit, quia lux non est in eo. Tu lux domine, tu lux filiorum lucis, tu dies qui nescis occasum, in qua ambulant filij tui sine offensione, & sine qua omnes qui ambulant in tenebris sunt, quia te lucem mundi non habent: ecce quotidie cernimus, quia quo magis à te uero lumine quis elōgatur, eo magis peccatorum inuoluitur tenebris: & quo magis est in tenebris, eo minus uidet laqueos in uia sua, & ideo minus cognoscit, & idcirco sæpius capitur, & cadit in eis, & quod est horribilius, etiam se cecidisse ignorat. Qui uero suum casum ignorat, eo minus curat surgere, quanto se existimat adhuc stare. Tu uero lux mentis domine deus meus, nunc illumina oculos meos, ut uideam & cognoscam, ne corruam in conspectu aduersariorum meorum. Etenim in exterminium nostrum laborat inimicus noster, quem petimus ut facias liquefieri à facie nostra, sicut cara liquefcit à facie ignis. Quoniam domine ipse est latro primus & ultimus, qui consilium fecit ut raperet gloriam tuam, quoniam inflatus & elatus crepuit & cecidit in faciem suam, & deiecisti eum de monte sancto tuo, & de medio lapidum ignitorū, in quorum medio ambulauit. Et nunc uita mea domine deus meus, ex quo cecidit non cessat persequi filios tuos. Et in odium tuum o rex magne, cupit perdere hanc creaturam tuam, quam creauit omnipotens bonitas tua ad imaginem tuam ut possideat gloriam tuam, quam ipse perdidit per superbiam suam. Sed contere eum fortis noster antequàm nos agnos tuos deuoret, & illumina nos ut uideamus laqueos quos ipse parauit, & euadamus ad te o lætitia Israël. Et hæc omnia tu domine melius nosti, qui nosti contentionem eius, & ceruicem eius durissimam. Ne hoc dico ut ostendam tibi, quia omnia uides, & nulla te latet cogitatio. Sed ante pedes

Quod deus est  
lux iustorum  
Cap. XVII

pedes tuæ maiestatis de inimico meo querimoniā facio, iudex æternæ, ut & ipsum damnes, & nos filios tuos salues, quorū fortitudo tu es. Versutus est enim domine iste hostis & tor-  
tuosus, nec facile deprehendi possunt circuitus uiæ eius, nec cognosci species uultus eius, ni-  
si tu illumines. Nam nunc hic, nunc illic: nunc agnum, nunc lupum: nunc tenebras, nunc lu-  
cem se ostendit, & singulis quibuslibet qualitatibus, locis, & temporibus, secundum uarias  
rerum mutationes, uarias exhibet tentationes. Nam ut tristes decipiat, tristatur & ipse: ut  
gaudentes illudat, fingit se & ipse gaudere: ut spiritales defraudet, in angelum lucis se trans-  
figurat: ut fortes comprimant, apparet agnus: ut mites deuoret, apparet lupus. Hæc quidem  
omnia secundum similitudinem uariarum tentationum effici habet, sicut alios à timore no-  
cturno, alios à sagitta uolante in die, alios à negotio perambulante in tenebris, alios uero ab  
incurso, alios à dæmonio meridiano. Et ad hæc quis idoneus ut cognoscat, & astutias eius  
quis cognouit? Quis reuelabit speciem indumenti eius, & gyrum dentium eius quis agno-  
scet? En abscondit sagittas suas in pharetra, & laqueos suos abscondit sub specie lucis, & hoc  
difficilius perpeditur, nisi à te domine spes nostra lumen assumamus, ut uideamus omnia.  
Nam non solum in carnis operibus quæ de facili cognoscuntur, nec tantum in ipsis uitis, sed  
in ipsis spiritualibus exercitijs laqueos abscondit subtiles, & sub uirtutum colore ipsa uitia in-  
duiit, & transmutat se in angelum lucis. Hæc & multa alia nititur contra nos ipse filius Belial,  
ipse satan, domine deus noster. Et nunc ut leo, nunc ut draco, manifeste & occulte, intus &  
extra, die ac nocte insidiat ut rapiat animas nostras. Et tu eripe nos domine, qui saluas spe-  
rantes in te, ut ipse de nobis doleat, & tu lauderis in nobis domine deus noster.

cap. XVIII

Ego autem filius ancillæ tuæ qui me commendavi manui tuæ, iam his meis pauperculis  
confessionibus confitear tibi liberator meus toto corde meo, & recolam ad mentem meam  
omnia bona quæ fecisti mihi à iuuentute mea, in omni uita mea. Scio namque quod ingrati-  
tudo multum tibi displiceat, quæ est radix totius mali spiritualis, & uentus quidam delicatiss,  
& urens omne bonum, obstruens fontem diuinæ misericordiæ tuæ super hominem, quæ &  
mala mortua iam oriuntur, & uiua iam opera moriuntur, & ultra non adipiscuntur. Et ego  
domine gratias tibi agam, ne sim ingratus tibi liberator meus, quoniam liberaisti me. Quo-  
tiens me iam absorbuerat ille draco, & tu domine ab ore eius extraxisti me? Quotiens ego  
peccaui, & ipse paratus fuit deglutire me, sed tu domine deus meus defendisti me? Cū con-  
tra te inique agebam, cum tua madata frangebam, stabat ipse paratus ut me raperet ad in-  
fernum, sed tu prohibebas. Ego te offendebar, & tu me defendebas: ego te nō timebam, &  
tu me custodiebas. A te recedebam, & inimico meo me exhibebam, tu ipsum ne me accipe-  
ret, deterrebas. Hæc mihi tu domine deus meus beneficia conferebas, & ego miser non co-  
gnoscebam. Sic enim me multotiens à faucibus diaboli liberaisti, de ore leonis eripuisti, &  
ab inferno licet nescientem me multis uicibus reduxisti. Descendi enim usque ad portas infer-  
ni, & ne illuc intrarem, tu me tenuisti. Appropinquabam usque ad portas mortis, & ne me ipse  
caperent, tu fecisti. De morte etiam corporis sapius eripuisti me saluator meus, cum graues  
morbi tenerent me, cum fui in periculis multis, per mare, per terras, ab igne & gladio, & ab  
omni periculo liberans, semper mihi astans & misericorditer saluans. Sciebas tu quidem do-  
mine, quia si tunc mors me occupasset, infernus animam meam suscepisset, & perpetuo da-  
mnatus fuisset: sed tua misericordia, & tua gratia præuenit me, eripiens me de morte cor-  
poris, & de morte animæ domine deus meus. Hæc & multa alia mihi tua beneficia exhibui-  
sti, & ego eram cæcus, & non cognoui donec illuminasti me. Nunc igitur lux animæ meæ  
domine deus meus, uita mea, per quam uiuo, lumen oculorum meorum, per quod uideo,  
en illuminasti me, & cognosco te, quia uiuo per te, & gratias ago tibi licet uiles & exiles & im-  
pares beneficijs tuis, quales habet mea fragilitas offero. Quoniam tu es solus deus meus,  
creator meus benignus, qui amas nostras animas, & nihil odisti eorum quæ fecisti. En ego  
primus inter peccatores quos saluasti, ut exemplum alijs tribuam benignissimæ pietatis tuæ.  
Confitear beneficia tua magna, quoniam eripuisti me de inferno inferiori semel & secundo  
& tertio



A & tertio & centies & millies, & ego semper ad infernum tendebam, & tu me semper reducebas, & iuste millies damnasses me si uoluisses: noluisti, quia amas animas, & dissimulas peccata hominum propter poenitentiam domine deus meus, multae misericordiae in omnibus uis tuis. Nunc ergo uideo hanc domine deus meus, & cognosco per lumen tuum, & deficit anima mea in misericordia tua magna quae est super me, quoniam eripuisti animam meam ex inferno inferiori, & me ad uitam reduxisti. Totus enim eram in morte, totum me resuscitasti. Tuum igitur sit totum id quod uiuo, & totus totum me tibi offero. Totus spiritus, totum cor, totum corpus, tota uita mea uiuat tibi, uita mea dulcis, quoniam totum me liberaisti ut totum me possideres, totum me refecisti ut totum me rehaberem. Diligam te igitur domine uirtus mea, diligam te ineffabilis exultatio mea, & uiuat iam non mihi, sed tibi tota uita mea, quae perierat in miseria mea, resuscitata est in misericordia tua, qui es deus misericors & miserator & multae misericordiae in milia his qui diligunt nomen tuum. Idcirco domine deus meus sanctificator meus iussisti mihi lege tua, ut diligam te toto corde meo, tota anima mea, tota mente mea, tota fortitudine mea, & totis uiribus meis, & etiam ex intimis medullis cordis mei, omnibus horis & momentis quibus fruor bonis misericordiae tuae, quoniam semper perirem, nisi quia semper regis me: semper morerer, nisi quia semper me uiuificas, & omni momento me tibi obligas, dum omni momento mihi tua magna beneficia praestas. Sicut ergo nulla est hora uel punctum in omni uita mea, quo tuo beneficio non utar: sic nullum debet esse momentum quo te non habeam ante oculos in mea memoria, & te non diligam ex omni fortitudine mea. Sed nec hoc ualeo nisi tu dederis mihi, cuius est omne donum bonum, & omne datum optimum descendens a patre luminum, apud quem non est transmutatio, nec uicissitudinis obumbratio. Non enim est uolentis neque currentis, sed tui misementis, ut diligamus te. Tuum est domine hoc donum, cuius est omne bonum. Iubes te diligere, da quod iubes & iube quod uis.

De seruire charitatis. Cap. XIX

B Amo te deus meus, magis quae semper amare cupio, quia tu es reuera omni melle dulcior, omni lacte nutritior, & omni luce clarior. Idcirco super omne aurum & argentum & lapidem preciosum es mihi charior, displicebat enim mihi quicquid agebam in seculo praedulcedine tua, & decore domus tuae quam dilexi. O ignis qui semper ardes & nunquam exstingueris, o amor qui semper ferues & nunquam tepescis, accende me. Accendar, inquam, totus a te ut totus diligam te. Minus enim te amat, qui tecum aliquid amat quod non propter te amat. Diligam te domine, quoniam tu prior dilexisti me. Et unde mihi uerbum ut explicem signa dilectionis tuae, maxime erga me propter innumera beneficia tua, quibus a principio educaisti me? Post beneficium nempe creationis quando in principio de nihilo ad imaginem tuam creasti me, honorificans & exaltans me inter eas creaturas quas fecisti, & nobilitans lumine uultus tui quo signasti superliminare cordis mei, quo ab insensibilibus pariter & sensibilibus brutis discreuisti me, & paulominus ab angelis minuisti. Parum & hoc fuit ante te conspectum diuinitatis tuae, quoniam quotidianis & singularibus maximisque donarijs tuorum beneficiorum me sine intermissione nutruisti, & quasi filium tuum paruulum tenelum uberibus tuae consolationis lactasti & confortasti me. Vt enim tibi totus seruire, omnia quaecumque fecisti in meum seruitium tradidisti. Omnia sub pedibus hominis subiecisti, ut solus homo totus tibi subiceretur. Et ut tuus totus homo esset, super omnia opera tua dominatus est homo. Exteriora nempe pro corpore cuncta creasti, ipsum uero corpus pro anima, animam uero pro te ut tibi soli uacaret, & te solum amaret, possidens te ad solatium, inferiora uero ad seruitium. Quicquid enim caeli ambitu continetur inferius ab anima humana est, quae facta est ut summum bonum superius possideret, cuius possessione beata fieret, cui si adhaerit, cunctorum mutabilium inferiorum necessitudines supergrediens, illius summae maiestatis cuius aemulatur speciem, aeternae immortalitatis faciem cum serenitate uidebit. Tunc uero illis bonis optimis fruatur in domo domini, quorum comparatione cuncta haec quae hic cernimus uelut nihilum computantur. Illa sunt quae oculus non uidit, nec auris audiuit, nec in cor hominis ascenderunt quae praeparauit deus diligentibus se. Et haec

Quod deus subiecit omnia seruituti hominum. Cap. XX

quidem domine daturus es animæ. His etiã quotidie latificas animas seruorum tuorum, qui amas animas. Quid miror hæc domine deus meus, imaginem quippe tuã honorificas, & similitudinem tuã ad quam creatæ sunt: nam & corpore nostro licet adhuc corruptibili & ignobili, ut uideret, dedisti cœli claritatem per manum ministrorum tuorum indefessorum, solis & lunæ, qui præcepto tuo iugiter die ac nocte deseruiunt filiis tuis: ut spiraret, largitus es aëris puritatem: ut audiret, sonorum uarietates, ut odoraret odorum suauitates, ut gustaret saporum qualitates: ut contrectaret, dedisti corpulentorū omnium grossitates. Adiunxisti suis necessitatibus dedisti iumēta, uolucres quoq; cœli, & pisces maris, & fructus terræ ad reficiendum impendisti. Medicinas de terra propter singulas quasq; suas corruptelas creasti, singula solatia singulis malis obuiātia præparasti, quoniã es misericors & miserator, & nouisti figmentum nostrum figulus noster, & nos omnes quasi lutum in manu tua.

cap. XXI

En aperiatur mihi misericordia tua magna, lumine tuo illustra quæso magis adhuc, ut mihi magis aperiatur. Nam ex his minimis tua magna, & ex his uisibilibus tua inuisibilia comprehendimus domine deus sancte, & bone creator noster. Si enim mi domine pro hoc corpore ignobili & corruptibili tam magna & innumera beneficia præstas à cœlo & aëre, à terra & mari, à luce & tenebris, à calore & umbra, rore & imbre, uētis & pluuijs, uolucris & piscibus, bestijs & arboribus, & multiplicitate herbarum & germinū terræ, & cunctarum creaturarum tuarum ministerio nobis successiue per sua tempora ministrantium, ut alleues fastidium nostrū: qualia quæso, & quæp̃ magna & innumerabilia erunt illa bona, quæ præparasti diligentibus te, in illa cœlesti patria ubi te uidebimus facie ad faciem? Si tanta facis nobis in carcere, quid ages in palatio? Magna & innumerabilia sunt opera tua domine rex cœlorum. Cū enim sint hæc omnia ualde bona & delectabilia, quæ bonis pariter malisq; cōmunia tradidisti, qualia futura sunt illa, quæ solis bonis recondidisti? Si tam innumera & uaria dona tua, quæ nunc amicis pariter tribuis & inimicis, quæp̃ magna & innumerabilia, quæp̃ dulcia & delectabilia quæ solis tuis es largiturus amicis? Si tanta solatia in hac die lachryarum, quanta conferes in die nuptiarum? Si tanta delectabilia cōtinet carcer, quanta quæso cōtinet patria? Oculus non uidit deus absq; te, quæ præparasti diligentibus te. Secundum enim magnam multitudinem magnificentia tua est etiam multitudo magna dulcedinis tua, quā abscondisti timentibus te: magnus enim tu es dñe deus meus & immensus, nec est finis magnitudinis tuae, nec est numerus sapientia tua, nec est mēsurā benignitatis tuae, nec est finis, nec numerus, nec mensura retributionis tuae, sed sicut magnus es tu, ita magna sunt donaria tua, quoniã tu ipse præmium & donū omnium legitimorum tuorū pugnatorum,

cap. XXII

Hæc sunt beneficia magna tua domine deus, sanctificator sanctorum tuorum, quibus repleturus es inopiam esuriētium filiorum tuorum: quoniã tu es spes desperatorum, & cōsolatio desolatorum, tu corona spei, quæ ornata est, gloria præparata uincētibus. Tu famelicorum satietas aterna, danda esurientibus. Tu cōsolatio sempiterna, qui solis illis te tribuis qui cōsolationem huius mūdi pro tua perpetua cōsolatione contemnunt. Nam qui hic cōsolantur, indigni tua cōsolatione habentur: sed qui hic cruciantur, à te cōsolantur: & qui participant passionibus, participant & cōsolationibus. Nemo enim potest in utroq; seculo cōsolari, nec potest quis hic, & in futuro gaudere: sed unū necesse est ut perdat, qui alterum uoluerit possidere. Hæc ubi cōsydero domine cōsolator meus, in hac uita reuocari cōsolari anima mea ut digna habeatur tuis cōsolationibus aternis, quia iustum est ut amittat te quicunq; in aliquo alio magis cōsolari eligit quæp̃ in te. Et obsecro summa ueritas te per te, nō permittas me in aliqua cōsolatione uana cōsolari quæp̃ in te, sed peto ut omnia mihi amarescant, ut tu solus dulcis appareas animæ meæ, qui es dulcedo inestimabilis, per quam cuncta amara dulcorantur. Tua enim dulcedo Stephano lapides torrentis dulcorauit: tua dulcedo craticulam beato Laurentio dulcem fecit: pro tua dulcedine ibant apostoli gaudentes à conspectu concilij, quoniam digni habiti sunt pro nomine tuo contumeliā pati, ibat Andreas securus ad crucem & gaudens, quoniam ad tuam dulcedinem properabat.



**A** bat. Hæc enim tua dulcedo ipsos apostolorum principes sic repleuit, ut pro ipsa crucis patibulum unus eligeret, alter quoque caput ferienti gladio supponere non timeret. Pro hac emenda Bartholomæus propriam pellem dedit. Pro hac quoque gustanda ueneni poculum intrepidus Ioannes potauit. Hanc uero ut gustauit Petrus, omnium interiorum oblitus clamauit quasi ebrius, dicens, Domine bonum est nos hic esse, faciamus hic tria tabernacula: hic moriamur, te contemplemur, quia nullo alio indigemus, sufficit nobis domine uidere te, sufficit, inquit, tanta dulcedine satiari. Vnam enim stillam dulcedinis ille gustauit, & omnem aliam fastidiuit dulcedinem. Quid putas dixisset, si magnam illam multitudinem dulcedinis diuinitatis tuæ gustasset, quam abscondisti timentibus te? Hanc tuam dulcedinem ineffabilem & illa gustauerat uirgo, de qua legimus, quod latissima & gloriater ibat ad carcerem, quasi ad epulas inuitata. Hanc, ut reor, & ipse gustauerat, qui dicebat, Quam magna multitudo dulcedinis tuæ domine quam abscondisti timentibus te: quicquid monebat, Gustate & uidete, quoniam suauis est dominus. Hæc est enim illa beatitudo domine deus noster quam expectamus daturum te nobis, pro qua tibi domine continue militamus, pro qua tibi mortificamur tota die, ut in tua uita tibi uiuamus. Matth. 17

Tu autem domine expectatio Israel, desiderium ad quod suspirat cor nostrum quotidie, festina ne tardaueris. Surge, propera & ueni, ut educa nos de isto carcere ad confitendum nomini tuo, ut gloriemur in lumine tuo. Cap. XXIII  
Aperi aures tuas clamoribus lachrymarum pupillorum tuorum, qui clamant ad te, Pater noster, da nobis hodie panem nostrum quotidianum, in cuius fortitudine ambulemus die ac nocte, usquequo perueniamus ad montem sanctum tuum Oreb. Et ego paruulus inter paruulos familie tuæ deus pater & uirtus mea, quando ueniam & apparebo ante faciem tuam, ut qui nunc tibi confiteor ad tempus, extunc confitear tibi in æternum? Beatus ero si fuero admissus ad uidendum claritatem tuam. Quis mihi hoc tribuat ut ad hoc uenire permittas me? Scio domine, scio & confiteor me indignum ut intrem sub tectum tuum, sed fac propter honorem tuum, & ne confundas in te sperantem seruum tuum. Et quis intrabit in sanctuarium tuum ad considerandas potentias tuas, nisi tu aperias? Quis autem aperiet, si tu clauderis? Si enim destruxeris, nemo est qui ædificet. Et si incluseris hominem, nemo est qui aperiat. Si continueris aquas, omnia siccabuntur: & si emiseris eas, subuertent terram: si omnia quæ fecisti ad nihilum redigas, quis contradicet tibi? Porro sempiterna bonitas misericordiae tuæ qua fecisti omnia quaecumque uoluisti, tu nos fecisti fabricator mundi, rege nos: tu nos creasti, ne spernas nos, quia opera tua sumus. Et quidem domine deus noster, nos lutum & uermiculi non ualemus in tuas æternitates intrare, nisi tu induxeris qui de nihilo cuncta creasti. Matth. 6

Ego autem opus manuum tuarum confitebor tibi in timore tuo, quia non in arcu meo sperabo, & gladius meus non saluabit me, sed dextera tua & brachium tuum & illuminatio uultus tui, alioquin desperarem, quoniam spes mea tu es qui creasti me, quoniam non derelinquis sperantes in te. Tu quippe es dominus deus noster suauis & patiens, in misericordia dispones omnia. Nam si peccauerimus, tui sumus: si non peccauerimus, tui sumus, quoniam tu niam apud te sumus computati. Nos enim folium uniuersi, & uanitas est omnis homo uiuens, & uentus est uita nostra super terram. Ne irascaris si cadimus pupilli tui, quoniam tu nosti signum nostrum domine deus noster. Num deus inestimabilis fortitudinis contra folium quod a uento rapitur ostendere uis potentiam tuam, & stipulam siccam persequeris? Num damnabis rex Israël æternæ canem mortuum? Num damnabis culicem unum? Audiuius de misericordia tua domine, quoniam tu mortem non facis, nec lataris in perditione morientium. Propter hoc domine oramus te, ne permittas dominari quod non fecisti huic creaturæ tuæ quam fecisti. Si enim doles de perditione, quid te prohibet domine, qui omnia potes, ne semper lateris de nostra saluatione? Si uis, potes me saluare, ego autem & si uellem non possem. Magna est multitudo miseriarum mearum mecum. Velle quippe mihi adiacet, perficere autem non inuenio. Velle quod bonum est non possum, nisi tu uelis, nec quod uolo possum, nisi tua potentia me confortet: & quod possum aliquando nolo, nisi Quod salus nostra ex deo est  
Cap. XXIII

tua uoluntas fiat sicut in cœlo & in terra. Et quod uolo & possum ignoro, nisi tua sapientia me illustret. Et si etiā sciam quandoq; uolens, quandoq; ualens, imperfecta & uacua transit sapientia mea, nisi adiuuet uera sapientia tua. In tua autem uoluntate cuncta sunt posita, & non est qui possit resistere uoluntati tuæ, domine uniuersorum, principatum tenens omnis carnis, & quæcunq; uis facis in cœlo & in terra, in mari & in omnibus abyssis. In nobis igitur fiat uoluntas tua, super quibus inuocatum est nomen tuum, ne pereat hoc nobile plasma tuum quod creasti propter honorē tuum. Et quis homo natus de muliere qui uiuat & non uideat mortem, & eripiat animam suam de manu inferi, nisi tu solus eripias uita uitalis omnis uitæ, per quē omnia uiuunt?

cap. XXV

Etenim iam tibi confessus sum laus uitæ meæ domine deus meus, uirtus salutis meæ. Sperabā aliquando in uirtute mea, quæ tamen non erat uirtus. Et cum sic uoluī currere, ubi magis stare credebā, ibi magis cecidi, factusq; sum magis retro & nō ante, & quod credebam consequi, magis elongatū est à me. Sic per multa similia uires meas probans, cognosco nunc quia illuminasti me, quoniam quod magis credidi posse per me, minus semper potui. Dicebam enim, hoc faciam, illud perficiam: nec hoc, nec illud faciebam. Aderat uoluntas, non erat facultas. Aderat facultas, nō aderat uoluntas, quoniam de meis uiribus confidebam. Nunc autem confiteor tibi domine deus meus pater cœli & terræ, quia non in fortitudine sua roborabitur uir, ut gloriatur ante te stulta præsumptio omnis carnis. Non est enim hominis uelle quod possit, aut posse quod uelit, uel scire quod uelit & possit: sed potius à te gressus hominis diriguntur, illorū, inquam, qui nō à se, sed à te dirigi se cōfidentur. Obsecramus itaq; per uiscera misericordiæ tuæ, uelis dñe saluare quod creasti, quoniā si uis, potes nos saluare, & in tua uoluntate uirtus est nostræ salutis.

cap. XXVI

Recordare misericordiæ tuæ antiquæ, qua nos à principio in benedictionibus tuæ dulcedinis præuenisti. Ante q̃ enim nascerer ego filius ancillæ tuæ dñe, spes mea ab uberibus matris meæ, tu me præuenisti præparās mihi semitas quibus incederem & uenirem ad gloriam domus tuæ, priusq; me formares in utero nouisti me, & ante q̃ exirem de uulua, quicquid tibi placuit præordinasti de me. Quæ & qualia sint in libro tuo scripta de me, in secreto consistorij tui, ego quidem ignoro, unde & ualde timeo, tu uero nosti, quoniā quod ego per successus dierū & temporum hinc ad mille annos huius temporalitatis expecto, in conspectu æternitatis tuæ iam factum est, & quod futurum est, iam factum est. Ego autē stans in hac nocte tenebrosa hæc ignorans, timor & tremor uenerunt super me, dum uideo mihi undiq; imminere multa pericula, à multis quoq; hostibus uenari, multitudineq; innumerarum miseriarū in hac uita me circumdari. Et nisi in tantis malis afforet mihi tuū adminiculum, desperarem. Sed spes mihi magna subest de te mitissime princeps deus meus, & consyderatio multitudinis miserationum tuarum, quæ apud te sunt, subleuat mentem meam, & præcedentia signa misericordiæ tuæ, quæ me ante q̃ nascerer præuenerūt, & nunc specialiter in me effulserunt, de futuris benignitatis tuæ melioribus & perfectioribus muneribus, quæ amicis tuis referuas, spem meā admonent, ut in te latetur domine deus meus laticia sancta & uiua, qua semper lætificas iuuentutem meam.

cap. XXVII

Dilexisti enim me unice amor meus ante q̃ diligere te, & ad imaginem tuam creasti me, omnibus creaturis tuis præposuisti me, quam dignitatem tunc quidem seruo cum nouerim te, propter quem fecisti me. Insuper facies angelos tuos spiritus propter me, quibus mādasti ut custodiāt me in omnibus uis meis, ne forte offendam ad lapidem pedem meum. Hi enim sunt custodes super muros ciuitatis tuæ nouæ Hierusalem, & montes in circuitu eius uigilantes & custodientes uigilias noctis super gregem tuum, ne quando rapiat ut leo animas nostras dum non esset qui eriperet, ille antiquus serpens aduersarius noster diabolus, qui quasi leo rugiens semper circumit quarens quē deuoret. Hi sunt ciues beatæ ciuitatis supernæ Hierusale, quæ sursum est mater nostra, in ministerium missi propter eos qui hereditatem capiunt salutis, ut eos liberent ab inimicis suis, & custodiant in omnibus uis suis, confortent quoq; & moneant, & orationes filiorum tuorum offerant in cōspectu gloriæ maiestatis tuæ. Diligunt nempe conciuēs



Proverb. 8

De profunda præ  
destinatione &  
præscientia dei  
Cap. XXVIII

mundo, iustificasti in mūdo, & magnificas eos post mundum. Nō omnibus autē hoc facis, quod admirātur tabescentes omnes sapientes terræ. Et ego dñe hoc cōsyderans expauesco, & obstupesco de altitudine diuitiarum sapientiæ & scientiæ tuæ, ad quā ego non pertingo, & incomprehensibilia iudicia iustitiæ tuæ, quoniā ex eodē luto alia quidē facis uasa in honorem, alia uero in contumeliā sempiternam. Quos igitur tibi elegisti de multis in templū sanctum tuū, ipsos mundas, effundens super eos aquā mundam, quorū nomina numerumq; tu nosti, qui solus numeras multitudinem stellarū, & omnibus eis nomina uocas, qui etiam scripti sunt in libro uitæ, qui nequaquā perire possunt, quibus omnia cooperātur in bonum, etiā ipsa peccata. Cū enim cadunt nō colliduntur, quia tu supponis manum tuā, custodiens omnia ossa eorū ut unum ex eis nō conteratur. Attamen mors peccatorū pessima, illorum, inquam, quos anteq̃ faceres cœlū & terrā, secundū abyssum multam iudiciorū tuorū occul torū, semper autē iustorū, præsciuit ad mortē aternā, quorū dinumeratio nominū & meritorū prauorū apud te est, qui numerū arenæ maris dinumerasti, & dimēsus es profundum abyssi, quos reliquisti in immundicijs suis, quibus omnia cooperātur in malum, & ipsa etiā oratio uertitur in peccatū, ut si etiā usq; ad cœlos ascēderint, & caput eorū nubes tetigerit, & inter sydera cœli collocauerint nidum suum, quasi sterquilinium in fine perdentur.

De illis qui prius  
sunt iusti, & postea  
impij efficiuntur,  
& econuerso  
Cap. XXIX

Magna enim sunt hæc iudicia tua dñe deus, iudex iuste & fortis, qui iudicas æquitatē, & inscrutabilia facis & profunda, quæ cū cōsydero, cōtremiscunt omnia ossa mea, quoniā non securatur homo uiuēs super terrā, ut seruiamus tibi pie & caste cunctis diebus uitæ nostræ in timore, & exulemus tibi cū tremore, ut nō sit seruitium sine timore, neq; gaudiū sine tremore, & nō gloriatur accinctus æque ut discinctus, neq; gloriatur ante te omnis caro, sed pauescat & cōtremiscat à facie tua, cū ignoret homo utrū amore an odio dignus sit, sed in futurū omnia reseruātur incerta. Vidimus enim multos dñe & audiuius à patribus nostris, quod utiq; sine magno tremore nō recolo, sine multo timore nō confiteor, ascendisse primus quodāmodo usq; ad cœlos, & inter sydera nidū suū collocasse, postmodū autē cecidisse usq; ad abyssos, & animas eorū in malis obstupuisse. Vidimus stellas de cœlo cecidisse ab impetu feriētis caudæ draconis, & eos qui iacebāt in puluere terræ, à facie subleuātis manus tuæ dñe mirabiliter ascēdisse. Vidimus uiuos moriētes, & mortuos à morte surgētes, & eos qui inter filios dei ambulāt in medio lapidū ignitorum quasi lutū ad nihilū defluxisse. Vidimus lucem obtenebrasse, & de tenebris lucē processisse: quia publicani & meretrices præcedunt incolas in regno cœlorū, filij autē regni eijciūtur in tenebras exteriores. Quare autem ista omnia, nisi quia in montē illū ascenderūt, in quē primus ascēdit angelus, & descēdit diabolus: Quos autē prædestinasti ipsos & uocasti, & sanctificasti & mundasti, ut dignū habitaculū sint tuæ maiestatis, cū quibus & in quibus sunt tibi delitiæ sanctæ & munda, in quibus tu delectaris, & lætificas iuuentutem eorū, habitans cū eis in memoria eorū, ut ipsi templum sanctum tuū sint, quod magnæ dignitatis & commēdatio est humanitatis nostræ.

Quod anima fidelis  
sit sanctuarium  
dei. Cap. XXX

Anima enim quam creasti nō de te, sed per uerbum tuū, non ex qualibet elemētorum materia, sed ex nihilo, quæ quidē rationalis, intellectualis, spiritalis, semper uiuens, semper in motu, quam signasti lumine uultus tui, & cōsecrasti uirtute lauacri tui, ita facta est capax maiestatis tuæ, ut à te solo, & à nullo alio possit impleri. Quando autē te habet, plenum est desiderium eius, & iam nihil aliud quod desideretur exterius restat. Dum autē aliquid exterius desiderat, manifestum est q̃ te non habet interius, quo habito nihil est quod ultra desideret. Cū enim sis summū & omne bonum, nō habet quod desideret amplius, sed possidet te omne bonum. Quod si nō desiderat omne bonū, restat ut desideret aliquid quod nō est omne bonū: ergo nec summū bonum, ergo nec deum, sed potius creaturā. Cum autē creaturam desiderat, continuā famem habet: quia licet quod desiderat de creaturis adipiscatur, uacua tñ remanet, quia nihil est quod eā impleat nisi tu, ad cuius imaginem est creata. Implet autē tu eos qui nihil aliud desiderant præter te, & facis eos dignos te, sanctos, beatos, immaculatos & amicos dei, qui omnia reputant ut stercora ut lucrifaciant te solum. Hæc est enim beatitudo



A beatitudo quam homini contulisti, hic est honor quo cum inter omnes creaturas, & super omnes honorificasti, ut sit admirabile nomen tuum in uniuersa terra. Ecce dñe deus meus summe, optime, omnipotētissime, inueni locum ubi tu habitas, quia in anima quam creasti ad imaginem & similitudinem tuam quæ te solum quærit & desiderat, quia non in illa quæ te non quærit nec desiderat.

Ego erraui sicut ouis quæ perierat, quærens te exterius qui es interior, & multū laboraui quærens te extra me, & tu habitas in me, si tamen ego desiderē te. Circumui uicos & plateas ciuitatis huius mundi quærens te & non inueni, quia male quærebam foris quod erat intus. Misi nuncios meos omnes sensus exteriores, ut quærerem te, & nō inueni, quia male quærebam. Video enim lux mea deus qui illuminasti me: quia male te per illos quærebam, quia tu es intus, & tamen ipsi ubi intraueris, nesciuerunt. Nā oculi dicunt, si coloratus non fuit, per nos non intrauit. Aures dicunt, si sonitū non fecit, per nos non transiuit. Nasus dicit, si non oluit, per me non uenit. Gustus dicit, si non sapuit, per me nō introiuit. Tactus etiā addit, si corpulentus non est, nihil me de hac re interroges. Non ista igitur sunt in te deus meus: non enim speciem corporis, non decus temporis, non candorem lucis, nō colorem, non dulcium melodiarum cantus & quæcunq; dulce sonantia, non florum & unguentorum uel aromatum odores, non mella uel manna gustui delectabilia, non cætera ad tangendum uel amplexandum amabilia, nec omnia alia sensibus his subiecta quæro, cū deum meum quæro. Absit ut ista crediderim deum meum, quæ etiam à brutorum sensibus comprehenduntur. Et tamen cū deum meū quæro, quæro nihilominus quandā lucem super omnē lucem, quā non capit oculus: quandā uocem super omnē uocem quam nō capit auris: quandā odorem super omnem odorem, quem nō capit naris: quandā dulcorem super omnē dulcorē, quem nō capit gustus: quandā amplexū super omnē amplexum, quē non capit tactus. Ista enim lux fulget, ubi locus non capit: ista uox sonat, ubi spiritus non rapit: odor iste redolet, ubi flatus non spargit: sapor iste sapit, ubi non est edacitas: amplexus iste tangitur, ubi non diuellitur. Hic est deus meus, & non æstimabitur alius ad illum. Hoc quæro cum deum meum quæro, istud amo cū deum meum amo. Sero te amaui pulchritudo tā antiqua, & tā noua sero te amaui, & tu intus eras, & ego foris, & ibi te quærebam, & in ista formosa quæ fecisti deformis irruebam. Mecū eras, & ego tecum nō eram. Ea me tenebant longe à te quæ esse non poterant nisi in te. Circumbam enim omnia quærens te, & propter omnia derelinquēs me. Interrogaui terram si esset deus meus, & dixit mihi q; nō, & omnia quæ ea sunt, hoc idē cōfessa sunt. Interrogaui mare & abyssos, & reptilia quæ in eis sunt, & responderūt, Nō sumus deus tuus, quare super nos eum. Interrogaui fabilem aërem, & inquit uniuersus aër cū omnibus incolis suis, Fallitur Anaximenes, nō sum ego deus tuus. Interrogaui cœlū, solem, lunā, & stellas, Neq; nos sumus deus tuus, inquit. Et dixi omnibus his qui circumstant fores carnis meæ, dicite mihi de deo meo, quod uos nōscitis, dicite mihi aliquid de illo. Et clamauerūt omnes uoce grandi, Ipse fecit nos. Interrogaui proinde mundi molem, Dic mihi si es deus meus, an non? Et respondit uoce forti, Nō sum, inquit, ego, sed per ipsum sum ego, quē quæris in me, ipse fecit me, super me quære eum, qui regit me, qui fecit te. Interrogatio creaturarum profunda est cōsyderatio ipsarum: respōsio earum attestatio ipsarum de deo, quoniā omnia clamant, deus nos fecit: quoniam ut ait Apostolus, Inuisibilia dei per ea quæ facta sunt à creatura mundi intellecta conspiciuntur. Et redij à me & intraui in me, & aio ad me, Tu quis es? Et respondi mihi, Homo rationalis & mortalis. Et incœpi discutere quid hoc esset, & dixi, Vnde hoc tale animal domine deus meus? Vnde nisi abs te, tu fecisti me, & non ego ipse me. Quis tu? Tu per quem uiuo ego, tu per quē uiuunt omnia. Quis tu? Tu domine deus meus uerus & solus omnipotens, & æternus, & incomprehensibilis, & immēsus, qui semper uiuis & nihil moritur in te, immortalis enim es, habitās æternitatem, mirabilis oculis angelorum, inenarrabilis, imperscrutabilis & innominabilis, deus uiuus & uerus, terribilis & fortis, nesciens principium neq; finem, principiū omniū atq; finis, qui es ante primordia seculorū, & ante omnes seculorum

Quod neq; per sensus exteriores neq; interiores inueniri potest deus  
Cap. XXXI

ais, non estis

Rom. 1

origines. Tu es deus meus, & dominus omnium bonorum quæ creasti, & apud te omnium  
 stabilium stant causæ, & omnium mutabilium apud te immutabiles stant & manent origi-  
 nes, & omnium rationalium & irrationaliū atq; temporalium sempiternæ uiuunt rationes.  
 Dic mihi supplici seruo tuo deus meus, dic misericors misero tuo, dic quæso per miserationes  
 tuas, unde hoc tale animal nisi à te deus? An quisq; sese faciēdi erit artifex? An aliunde  
 q̃p à te trahitur esse & uiuere? Nōne tu es summum esse, à quo est omne esse? Quicquid  
 enim est, à te est, quia sine te nihil est. Nōne tu es fons uitæ, à quo fluit omnis uita? Quis  
 quid enim uiuit, per te uiuit, quia sine te nihil uiuit: Tu ergo domine omnia fecisti, quæ  
 quis fecit me? tu domine fecisti me, sine quo factū est nihil. Tu factor meus, ego opus tuum.  
 Gratias tibi ago dñe deus meus, per quē uiuo ego, & per quem omnia uiuūt, quoniā fecisti  
 me. Gratias tibi plasmator meus, quia manus tuæ fecerūt me & plasmauerūt me. Gratias ti-  
 bi lux mea, quoniā illuminasti me, & inueni te & me: ubi inueni me, ibi cognoui me: ubi in-  
 ueni te, ibi cognoui te: ubi aut cognoui te, ibi illuminasti me. Gratias tibi lux mea quoniam  
 illuminasti me. Quid est quod dixi, cognoui te? Nōne tu es deus incomprehensibilis & im-  
 mensus, rex regū & dominus dominantium, qui solus habes immortalitatem & lucē habitas  
 inaccessibleem, quē nullus hominum uidit, sed nec uidere potest? Nōne tu es deus abscon-  
 ditus & imperscrutabilis maiestatis, solus tu ipse maximus cognitor & mirabilis contem-  
 plator? Quis enim cognouit quod nunq̃ uidit? Dixisti enim in ueritate tua, Non uidebit  
 me homo & uiuet. Dixit & prece tuus per ueritatem tuam, Deum nemo uidit unq̃. Quis  
 ergo cognouit, quod nunq̃ uidit? Dixit etiā ueritas tua, Nemo nouit filium nisi pater, neq;  
 patrē quis nouit nisi filius. Sola trinitas tua soli sibi integre nota est, quæ exuperat omnem  
 sensum. Quid est ergo quod dixi, homo uanitati similis quia cognoui te? Quis enim cogno-  
 uit te nisi tu te? Tu quippe solus deus omnipotens, superlaudabilis, & supergloriosus, & su-  
 perexaltatus, & altissimus, & superessentialis in sanctissimis & diuinissimis eloquijs nomi-  
 naris, quoniā super omnem essentiam intelligibilem siue intellectualem atq; sensibilem, & su-  
 per omne nomen quod nominatur, non solū in hoc seculo, sed etiā in futuro, superessentiali-  
 ter & superintelligibiliter esse dignosceris: quoniā superessentiali & occulta diuinitate, super  
 omnem rationem, intellectum & essentiam inaccessibleiter & imperscrutabiliter habitas in  
 te ipso, ubi lux inaccessibleis, & lumen imperscrutabile, & incomprehensibile & inenarrabile,  
 ad quod non attingit aliquod lumen, quoniam incontemplabile & inuisibile & superratio-  
 nale & superintelligibile & superinaccessibile & superincommutabile & superincommuni-  
 cabile creditur, quod nullus unquam angelorum uel hominum uidit, sed nec uidere potest.  
 Hoc est cœlum tuum domine, cœlum zelans super arcanū, superintelligibile, superrationale,  
 & superessentiale lumen, de quo dicitur, Cœlum cœli domino. Cœlū cœli cui terra est omne  
 cœlum, quia supermirabiliter exaltatum est super omne cœlum, ad quod etiam terra est  
 ipsum cœlum empyreum, hoc enim est cœlum cœli domino, quia nulli notū nisi domino:  
 Ad quod nemo ascendit nisi qui de cœlo descendit, quia nemo nouit patrem, nisi filius &  
 eorum spiritus, & nemo nouit filium nisi pater & eorum spiritus. Soli quidem tibi trinitas  
 integre nota es, trinitas sancta, trinitas supermirabilis, & superinenarrabilis, & superinscruta-  
 bilis, & superinaccessibilis, superincomprehensibilis, superintelligibilis, superessentialis, super-  
 essentialiter exuperans omnē sensum, omnē rationē omnē intellectū, omnē intelligentiam,  
 omnem essentiā supercœlestium animorum, quā neq; dicere, neq; cogitare, neq; intelligere,  
 neq; cognoscere possibile est, etiā oculis angelorum. Vnde ergo cognoui te dñe deus altis-  
 sime super omnem terram, super omne cœlum, quem neq; Cherubin perfecte cognoscunt,  
 neq; Seraphin, sed alis contemplationum suarum uelatur facies sedenti super solium excel-  
 sum & eleuatū, clamātes & dicentes, Sanctus, sanctus, sanctus dominus deus exercituum,  
 plena est omnis terra gloria tua? expauit propheta & dixit, Væ mihi quia tacui, quia uir  
 pollutus labijs ego sum: & expauit cor meum, & dixi, Væ mihi quia non tacui, quia uir pol-  
 lutus labijs ego sum, sed dixi, cognoui te. Verūamen domine uæ tacētibus de te, quoniam  
 loquaces

als, inuisibilis

Exod. 33

Ioan. 1

Math. 11

Psal. 113

Esaie 6



A loquaces muti fiunt sine te. Et ego domine deus meus non tacebo, quoniam fecisti me, & illuminasti me, & inueni me & cognoui te, quoniam illuminasti me. Sed qualiter cognoui te? Cognoui te in te. Cognoui te non sicut tibi es, sed cognoui te sicut mihi es, & non sine te, sed in te, quia tu es lux quæ illuminasti me. Sicut enim tibi es, soli tibi cognitus es: sicut mihi es, secundum gratiam tuam & mihi cognitus es. Sed quid mihi es? Dic mihi misericors famulo tuo misero, dic mihi per miserationes tuas, quid mihi es? Dic animæ meæ, Salus tua Psalm. 54 ego sum. Noli abscondere à me faciem tuam, ne moriar: sine me loqui apud misericordiam tuam, me terram & cinerem, sine me loqui apud misericordiam tuam, quoniam misericordia tua magna est super me. Loquar enim ad deum meum cum sim puluis & cinis. Dic mihi supplici tuo, dic mihi misericors misero tuo, dic per miserationes tuas, quid mihi es? Et intonasti desuper uoce grandi in interiorem aurem cordis mei, & rupisti surditatem meam, & audiui uocem tuam, & illuminasti cæcitatem meam, & uidi lucem tuam, & cognoui quoniam deus meus es tu. Propterea dixi, quia cognoui te. Cognoui enim te, quoniam deus meus es tu. Cognoui te solum uerum deum & quem misisti Iesum Christum. Erat enim tempus quando non cognoscebam te, uæ tempori illi quando nō cognoscebam te. Væ cæcitati illi quando non uidebam te. Væ surditati illi quando non audiebam te. Cæcus & surdus, per formosa quæ fecisti deformis irrueram, & mecum eras, & tecum non eram, & ea me tenebant longe à te, quæ non essent nisi essent in te. Illuminasti me lux mundi, & uidi te, & amauit te. Nemo quippe te amat, nisi qui te uidet: & nemo te uidet, nisi qui te amat. Sero te amauit te. Nemo quippe te amat, nisi qui te uidet: & nemo te uidet, nisi qui te amat. Sero te amauit te. Pulchritudo tam antiqua & tam noua, sero te amauit, uæ tempori illi quando nō amauit te, Cap. XXXII

B Gratias tibi ago lux mea quæ illuminasti me & cognoui te. Qualiter cognoui te? Cognoui te solum deum uiuum & uerum creatorem meum. Cognoui te creatorem cæli & terræ uisibilem omnium & inuisibilem, deum uerum omnipotentem, immortalem & inuisibilem, incircūscriptibilem, interminabilem, æternum, inaccessibilem, incomprehensibilem, imperscrutabilem, incommutabilem, immensum, infinitum, principium omnium uisibilem & inuisibilem creaturarum, per quem omnia facta sunt, per quem cuncta subsistunt elementa. Cuius maiestas sicut principium nunquā habuit, sic nec desinet in æternum. Cognoui te unum solum uerum deum æternum patrem & filium & spiritum sanctum, tres quidem personas, sed unam essentiam, omnino simplicem indiuisamque naturam. Et patrem à nullo, filiū à patre solo, & spiritum sanctum pariter ab utroque, absque initio, semper & sine fine deum trinum & unum solum & uerum deum omnipotentem, unum uniuersorum principium, creatorem omnium uisibilem & inuisibilem, spirituum & temporalium, qui tua omnipotentia uirtute simul ab initio temporis utramque de nihilo condidisti creaturam spiritalem & corporalem, angelicam uidelicet & mundanā, ac deinde humanam quasi communem ex corpore & spiritu constitutam. Cognoui te, & cōfiteor te deum patrem ingenitum, te filium à patre genitum, te spiritum sanctum paracletum neque genitum, neque ingenitum, sanctā & indiuiduam trinitatē in tribus cœqualibus personis cōsubstantialibus & cœternis, trinitatem in unitate, & unitatem in trinitate, corde credens ad iustitiam, & ore confitens ad salutem: cognoui te uerū deum & dominū nostrum Iesum Christū filium dei unigenitum, creatorem, saluatorem & redemptorem meū & totius humani generis, quem cōfiteor ex patre genitum ante secula, deum de deo, lumen de lumine, deum uerū de deo uero, nō factum, sed genitū, cōsubstantialē & cœternum patri & spiritui sancto, per quē omnia facta sunt à principio, firmiter credens, & ueraciter cōfitens te deū unigenitum Iesum Christum, propter salutem hominum à tota trinitate cōmuniter incarnatū, & ex Maria perpetua uirgine spiritus sancti cooperatione cōceptum, uerū hominē factū ex anima rationali, & humana carne subsistentem. Qui cū secundū diuinitatem unigenitus dei impassibilis sis pariter & immortalis, propter nimiam dilectionē tuā qua dilexisti nos, idē ipse dei filius secundū humanitatē factus es passibilis & mortalis. Qui propter salutem humani generis unice fili dei in ligno crucis pati dignatus es passionem & mortem, ut nos à morte perpetua liberares, atque ad inferos ubi sedebant

fedebant in tenebris patres nostri, autor luminis descendisti, & die tertia gloriosus uictor  
 ab inferis ad superos resurrexisti, resumens sacrum corpus, quod pro peccatis nostris mor-  
 tuum iacuerat in sepulchro, & uiuificans secundum scripturas die tertia, ut ipsum in patris  
 dextera collocares. Assumpta namq; tecum ex inferis captiuitate quam captiuauerat anti-  
 quus hostis, humani generis inimicus, uerus dei filius cum nostræ carnis substantia, id est,  
 cum anima & carne humana ex uirgine gloriosa assumpta, super omnes cœlos ascendisti,  
 transcendens omnes ordines angelorum, ubi sedes ad dexteram dei patris, ubi est fons ui-  
 tæ, & lumen inaccessibile, & pax dei quæ exuperat omnē sensum. Ibi te deum uerum & ho-  
 minem Iesum Christum adoramus & credimus, confitentes te patrē habere deum, indeq;  
 uenturum iudicē in fine sæculi expectamus, ut iudices uiuos & mortuos, & reddas omnibus,  
 bonis & malis secundū opera sua, quæ operati sunt in hac uita, uel præmium, uel supplicium,  
 prout unusquisq; dignus fuerit requie uel erumna. Resurgent enim in illa die à uoce uirtu-  
 tis tuæ omnes homines, quotquot humanam animam acceperūt in carne sua quam hic ha-  
 buerunt, ut totus homo pro meritis, uel gloriam suscipiat, uel gehennam. Tu es ipsa uita &  
 resurrectio nostra, quem saluatorem expectamus dominum Iesum Christum, qui reforma-  
 bit corpus humilitatis nostræ configuratū corpori claritatis suæ. Cognoui te deū & unum  
 spiritum sanctum patris & filij, ab utroq; pariter procedentem, consubstantialem & coæter-  
 num patri & filio, paracletum & aduocatum nostrum, qui super eundē deum & dominum  
 nostrum Iesum Christū in columbæ specie descendisti, & super apostolos in linguis igneis  
 apparuisti. Qui & omnes sanctos & electos dei à principio tuæ gratiæ munere docuisti, &  
 ora prophetarum, ut enarrarent mirabilia regni dei aperuisti, qui ab omnibus sanctis dei  
 cum patre & filio simul adoraris & glorificaris. Inter quos & ego filius ancillæ tuæ toto cor-  
 de meo glorifico nomen tuum, quoniam illuminasti me. Tu enim es uera lux, lumen ueridi-  
 cum, ignis dei, & magister spirituū, qui unctione tua doces nos omnē ueritatem spiritus ue-  
 ritatis, sine quo impossibile est placere deo, quoniā tu ipse deus es ex deo, & lux de luce pro-  
 cedens à patre luminum ineffabiliter, & à suo filio domino nostro Iesu Christo, quibus con-  
 substantialis & coequalis & coæternus existēs, in unius trinitatis essentia superessentialiter  
 congloriaris & cōregnas. Cognoui te unum deum uiuum & uerum patrem, & filium, & spi-  
 ritum sanctum, trinum quidem in personis, sed unum in essentia, quem confiteor, adoro &  
 glorifico toto corde meo uerum deum, solum sanctum, immortalem, inuisibilem, incommu-  
 tabilem, inaccessibilem, imperscrutabilem, unum lumen, unum solem, unum panem, unam  
 uitam, unū bonum, unū principium, unum finem, unum creatorem cœli & terræ, per quem  
 omnia uiuunt, per quem omnia subsistunt, per quem omnia gubernantur, reguntur & uiui-  
 ficantur quæ in cœlis sunt, & quæ in terris, & quæ sub terra, præter quē non est deus in cœlo  
 & in terra. Sic cognoui te domine deus, cognitor meus, sic cognoui te. Cognoui te per fidem  
 tuam quam inspirasti mihi, lux mea, lumen oculorum meorum domine deus meus spes  
 omnium finium terræ, gaudium lætificans iuuetutem meam, & bonum sustentans senectū-  
 tem meam. In te enim domine iubilant omnia ossa mea dicētia. Domine quis similis tibi?  
 Quis similis tibi in dijs domine, non quem fecit manus hominum, sed qui fecisti manus ho-  
 minum. Simulacra gentium argentum & aurum opera manuum hominum. Non sic ope-  
 rator hominum. Omnes dii gentium dæmonia, dominus autem cœlos fecit, dominus ipse  
 est deus. Di qui nō fecerunt cœlum & terram, pereant de cœlo & de terra: deum qui creauit  
 cœlū & terrā, cœli & terra benedicant. Quis similis tibi etiā in dijs dñe, quis cognoui  
 tibi, magnificus in sanctitate, terribilis atq; laudabilis & faciens mirabilia? Sero te cognoui  
 lumen uerū, sero te cognoui. Erat autē nubes magna & tenebrosa ante oculos uanitatis meæ,  
 ita ut uidere nō possem solē iustitiæ & lumen ueritatis: inuoluebar in tenebris filius tenebra-  
 rum, tenebras meas amabā, quia lumen nō cognoscebā. Cæcus erā, & cæcitātē amabā, & ad  
 tenebras p̄ tenebras ambulabā. Quis inde me eduxit, ubi erā homo cæcus sedēs in tenebris  
 & umbra mortis? Quis accepit manum meā ut inde me educeret? Quis est ille illuminator  
 meus?



A meus? Non enim quærebam eum, & ipse quæsiuit me: non uocabam eum, & ipse uocauit me. Quis est ille? Tu es dñe deus meus misericors & miserator, pater misericordiarū, & deus totius consolationis: Tu sancte domine deus meus, quem confiteor toto corde meo gratias agens nomini tuo. Non te quærebam, tu me quæsiuisti: non te inuocabam, tu me uocasti. Vocasti enim me nomine tuo, intonasti desuper uoce grādi in interiorem aurē cordis mei. Fiat lux, & facta est lux, & discessit nubes magna, & liquefacta est nubes tenebrosa, quæ operuerat oculos meos, & uidi lucem tuam, & cognoui uocem tuam: & dixi, Vere domine tu es deus meus qui eduxisti me de tenebris & umbra mortis, & uocasti me in admirabile lumen tuum, & ecce uideo. Gratia tibi illuminator meus. Et conuersus sum & uidi tenebras in quibus fueram, & abyssum tenebrosam in qua iacueram, & contremui, & expaui, & dixi, Væ uæ tenebris meis in quibus iacui. Væ uæ cæcitati illi in qua uidere non poteram lumen cœli. Væ uæ præteritæ ignorantia meæ, quando non cognoscebam te domine. Gratias tibi ago illuminator & liberator meus, quoniam illuminasti me & cognoui te. Sero cognoui te ueritas antiqua, sero te cognoui ueritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

B Sancte sanctorum deus inæstimabilis maiestatis, deus deorum & dñs dominorum mirabilis, inenarrabilis, inexcogitabilis, quæ contremiscunt in cœlo angelicæ potestates, quem adorant omnes dominationes & throni, & omnes uirtutes pauent à cōspectu tuo, cuius potentia & sapientia nō est numerus, qui fundasti mundū super nihilum, & mare colligasti in aëre quasi in utre, omnipotentissime, sanctissime, fortissime deus spirituum uniuersæ carnis, à cuius conspectu fugit cœlum & terra, ad cuius nutum omnia se subiiciunt elementa, te adorant & glorificent omnes creaturæ tuæ. Et ego filius ancillæ tuæ per fidē tuā flecto ceruicem cordis mei sub pedibus maiestatis tuæ, gratias agens quoniā dignatus es per tuā misericordiam illuminare me. Lumen uerum, lumen sanctū, lumen delectabile, lumen admirabile, lumen superlaudabile, quod illuminat omnē hominē uenientē in hunc mundū, & etiā oculos angelorum. Ecce uideo, gratias ago. Ecce uideo lumen cœli, interlucet oculis mentis meæ & angelorum. Ecce uideo, gratias ago. Ecce uideo lumen cœli, interlucet oculis mentis meæ & angelorum. Augedius desuper à facie luminis tui, & lætificat omnia ossa mea. O si perficeretur in me. Auge quæso luminis autor, auge quæso quod interlucet in me. Dilatetur obsecro, dilatetur ex te. Quid est hoc quod sentio? quis est ignis, qui calefacit cor meum? quæ est lux quæ irradiat cor meū? O ignis qui semper ardes, & nunq̄ extingueris, accēde me. O lux quæ semper lucet, & nunq̄ obfuscari, illumina me. O utinā arderem ex te. Ignis sancte q̄ dulciter ardes, q̄ secrete lucet, q̄ desideranter aduris. Væ his qui nō ardent ex te, uæ illis qui nō illuminantur ex te. O lumen ueridicū, illuminans omnē mundū, cuius lux implet mundū. Væ cæcis oculis qui te nō uident, sol illuminās cœlū & terrā. Væ caligantibus oculis, qui te uidere nō possunt: uæ auertentibus oculis, ut uideant ueritatem: uæ nō auertentibus, ut nō uideant uanitatem. Nequeunt enim oculi assueti tenebris summæ ueritatis radios intueri, nec sciunt de lumine aliquid æstimare, quorum est in tenebris habitatio. Tenebras uident, tenebras diligunt, tenebras approbant, de tenebris euntes in tenebras nesciunt ubi corruant. Miseri qui nesciunt quid amittant: & miseres utiq̄ qui sciunt quid amittunt, qui cadunt apertis oculis, & descendunt in infernum uiuentes. O lux beatissima, quæ non nisi à purgatissimis oculis uideri potes. Beati mundo corde, quoniā ipsi deum uidebunt. Munda me mundans uirtus, sana oculos meos, ut sanis oculis te contempler, quem non nisi sani oculi intuentur. Aufer quæso squamas caliginis antiquæ radio tuæ illuminationis splendor inaccessibilis, ut te uidere ualeam irreuerberatis obtutibus, & in lumine tuo uideam lumen. Gratias tibi ago lux mea, ecce uideo. Dilatetur obsecro uisus meus domine ex te. Reucla oculos meos ut cōsiderem mirabilia de lege tua, qui es mirabilis in sanctis tuis. Gratias tibi ago lumen meum, ecce uideo, sed per speculum in enigmate: sed quando facie ad faciē? Quando ueniet dies lætitiæ & exultationis, in qua ingrediar in locum tabernaculi admirabilis usq̄ ad domum dei, ut uideam uidentem me facie ad faciem, & satiatur desiderium meum?

Consideratio dñi  
uine maiestatis  
Cap. XXXIII

Quem

De desiderio & siti  
animæ in deum.  
Cap. XXXV

Quemadmodum desiderat ceruus ad fontes aquarum, ita desiderat anima mea ad te deus. Sitiuit anima mea ad te deum fontem uiuum, quando ueniā & apparebo ante faciem tuam? O fons uitæ, uena aquarum uiuentium, quando ueniam ad aquas dulcedinis tuæ? De terra deserta inuia & in aquosa, ut uideam uirtutem tuam & gloriam tuam, & satiem ex aquis misericordiæ tuæ sitim meā? Sitio domine, fons uitæ, satia me, sitio dñe: sitio te deum uiuum. O quando ueniam & apparebo domine ante faciem tuam? Putāsne uidebo diem illam, diem, inquam, iocunditatis & læticiæ, diem quam fecit dominus, ut exulemus & lætemur in ea? O dies præclara & pulchra, nesciens uesperum, non habens occasum, in qua audiam uocem laudis, uocem exultationis & cōfessionis: in qua audiam, intra in gaudium domini tui, intra in gaudium sempiternum, in domū domini dei tui, ubi sunt magna & inscrutabilia & mirabilia, quorum non est numerus. Intra in gaudium sine tristitia, quod cōtinet æternam læticiam, ubi erit omne bonum, & nō erit aliquod malum: ubi erit quicquid uoles, & non erit quicquid noles: ubi erit uita uitalis, dulcis & amabilis, semperq; memorialis: ubi non erit hostis impugnās, nec ulla illecebra, sed summa & certa securitas, secura tranquillitas, & tranquilla iocunditas, iocunda felicitas, felix æternitas, æterna beatitudo, & beata trinitas, & trinitatis unitas, & unitatis deitas, & deitatis beata uisio, quæ est gaudiū domini dei tui. O gaudium super gaudium, gaudium uincēs omne gaudium, extra quod nō est gaudium, quando intrabo in te, ut uideam deum meum qui habitat in te? Ibi & uidebo uisionē hanc grandē. Quid est quod me detinet? Heu me, quia incolatus meus prolongatus est: heu me quamdiu dicetur mihi, Vbi est deus tuus? quamdiu dicetur mihi, expecta, reexpecta? Et nunc quæ est expectatio mea? Nōne domine deus meus? Saluatōrē expectamus dominum nostrum Iesum Christū, qui reformabit corpus humilitatis nostræ configuratum corpori claritatis suæ. Expectamus dominū quādo reuertatur à nuptiis, ut inducat nos ad suas nuptias. Veni domine & noli tardare. Veni domine Iesu Christe, ueni uisitare nos in pace, ueni & educ uinctos de carcere, ut lætemur corā te corde perfecto. Veni saluator noster, ueni desideratus cunctis gētibus, ostende faciem tuam & salui erimus. Veni lux mea, redemptor meus, educ de carcere animam meam ad confitendum nomini sancto tuo. Quamdiu miser iactabor in fluctibus mortalitatis meæ, clamans ad te domine, & non exaudis? Audi clamātem domine de hoc mari magno, & adduc me ad portum felicitatis æternæ. Felices qui de periculo maris huius educti ad te deū portū tutissimū peruenire meruerunt. O uere felices qui de pelago ad littus, de exilio ad patriā, de carcere ad palatium peruenierunt, optata iam quiete beati, qui brauium illud perpetuæ gloriæ quod hic per multas tribulationes quasierrunt, iam felici iocūditate adepti, lætātur in perpetuum. O uere beati, o terq; quaterq; beati, qui iam omniū malorum exuti, securi de sua immarcescibili gloria ad regnū decoris peruenire meruerunt. O æternum regnum, regnum omnium seculorum, ubi lumen indeficiens, & pax dei quæ exuperat omnem sensum, in quo sanctorum animæ requiescunt, & læticia sempiterna super capita eorum, gaudium & exultationem obtinebunt, & fugiet dolor & gemitus. O q̄ gloriosum est regnum in quo tecum domine regnāt omnes sancti, amicti lumine sicut uestimēto, habentes in capite suo coronam de lapide precioso. O regnum beatitudinis sempiternæ, ubi tu domine spes sanctorum & diadema gloriæ, facie ad faciem uideris à sanctis, lætificans eos undiq; in pace tua quæ exuperat omnē sensum. Ibi gaudium infinitum, læticia sine tristitia, salus sine dolore, uia sine labore, lux sine tenebris, uita sine morte, omne bonum sine omni malo: ubi iuuentus nunq; senescit, ubi uita terminum nescit, ubi decor nunq; pallescit, ubi amor nunq; tepescit, ubi sanitas nunq; marcescit, ubi gaudium nunq; decrescit, ubi dolor nunq; sentitur, ubi gemitus nunquam auditur, ubi triste nihil uidetur, ubi læticia semper habetur, ubi malum nullum timetur, quoniā ibi summum bonum possidetur, quod est uidere semper faciem domini uirtutum. Felices igitur qui de naufraga uita præsentis ad tanta gaudia iā peruenire meruerunt. Infelices heu nos & miseri, qui per huius maris magni fluctus procellosasq; uoragines nauem trahimus, ignorantes an ad portum salutis



A salutis peruenire ualeamus: infelices, inquam, quorum est uita in exilio, uia in periculo, finis in dubio, nescientes finem nostrum, quia omnia in futurum reſeruantur incerta. Adhuc in pelagi fluctibus uerſamur ſuſpirantes ad te portum maris. O patria noſtra, patria ſecura, à longe te uidemus. Ab hoc mari te ſalutamus, ab hac ualle ad te ſuſpiramus, & nitimur cum lachrymis ſi quo modo ad te perueniamus. Spes humani generis Chriſte deus de deo, reſugium noſtrum & uirtus, cuius lumen à longe inter caliginoſas nebulas ſuper maris procel- las, quaſi ſtellæ maris radius oculos noſtros irradiat, ut dirigamur ad te portum. Guberna domine nauem noſtram tua dextera, clauo crucis tuæ, ne pereamus in fluctibus, ne nos de mergat tempeſtas aquæ, ne abſorbeat nos profundum, ſed uirtute crucis tuæ trahe nos ab hoc pelago ad te ſolamen unicum noſtrum, quem à longe quaſi ſtellam matutinam & ſolē iuſtitie uix lachrymantibus oculis in littore cœleſtis patriæ nos expectantem uidemus. En ad te clamamus redempti tui, ſed & nunc exules tui, quos preſoſo ſanguine redemiſti. Exaudi nos deus ſalutaris noſter, ſpes omnium finium terræ, & in mari turbu- lēto uerſamur, tu in littore ſtans aſpiciſ pericula noſtra, ſaluos nos fac propter nomen tuū. Da nobis domine inter Scyllam & Charybdim ita tenere medium, ut utroq; periculo eui- tato ſalua naue & mercibus ſecuri perueniamus ad portum. Cum ergo perue- nerimus ad te ſapientie fontem, ad te lumen indeficiens, ad te lucem inextinguibilem, ut te non iam per ſpeculum in ænigmate, ſed facie ad faciem uideamus, tunc ſatiabitur in bonis deſiderium noſtrum, quia nihil erit exterius quod deſideretur niſi tu domine ſummum bo- num, qui eris præmiū beatorum, & diadema decoris eorum, & lætitia ſempiterna ſuper capita eorum, pacificans eos intus & extra in pace tua, quæ exuperat omnem ſenſum. Ibi uidebimus, amabimus & laudabimus. Videbimus in lumine tuo lumen tuum, quoniam apud te eſt fons uitæ, & in lumine tuo uidebimus lumen. Quale autem lumen? Lumen im- menſum, lumen incorporeum, incorruptibile, incomprehenſibile, lumen indeficiens, lumen inextinguibile, lumen inacceſſibile, lumen increatum, lumen ueridicum, lumen diuinū quod illuminat oculos angelorum, quod lætificat iuuentutem ſanctorum, quod eſt lumen lumi- num & fons uitæ, quod eſ tu domine deus meus. Tu eſ quippe lumen, in cuius lumine uide- bimus lumen, te ſcilicet in te, in ſplendore uultus tui, quando te uidebimus facie ad faciem, Quid eſt uidere facie ad faciem, niſi quod ait Apoſtolus, cognoscere ſicut & cognitus ſum, 1. Cor. 13 cognoscere ueritatem tuam & gloriam tuam, hoc eſt cognoscere faciem tuam. Cognoscere patris potentiam, filij ſapientiam, ſpiritus ſancti clementiam, ipſius ſummæ trinitatis unam & indiuiduā eſſentiā. Videre enim faciē dei uiui, hoc eſt ſummū bonū, gaudium angelorū atq; omnium ſanctorum, præmiū uitæ æternæ, gloria ſpirituum, lætitia ſempiterna, coro- na decoris, brauium felicitatis, requies opulenta, pulchritudo pacis, intimum & externū gau- dium, paradifus dei, Hieruſalem cœleſtis, uita beata, plenitudo beatitudinis, gaudium æter- nitatis, pax dei quæ exuperat omnem ſenſum. Hæc eſt plena beatitudo, & tota glorificatio hominis, uidere faciem dei ſui, uidere eum qui fecit cœlum & terrā, uidere eum qui fecit eū, qui ſaluauit eum, & qui glorificauit eum. Videbit eum cognoscendo, amabit diligendo, lau- dabit poſſidendo. Ipſe enim erit hæreditas populi ſui, populi ſanctorum, populi quem rede- mit. Ipſe poſſeſſio felicitatis eorum, ipſe præmiū & merces expectationis. Ero, inquit, mer- ces tua magna nimis, magnum enim magna decet. Vere domine deus meus magnus eſ tu nimis ſuper omnes deos, & merces tua magna nimis. Neq; em̄ magnus eſ tu & parua mer- ces tua: ſed ut magnus eſ tu, ita magna merces tua, quoniam non aliud eſ tu, & aliud mer- ces tua. Sed tuiſe magnus nimis, tuiſe merces magna nimis, tuiſe coronator eſ & coro- na, tuiſe promiſſor eſ, & promiſſio, tu remunerator & munus, tu præmiator & præmiū feli- citatis æternæ. Tu ergo coronator eſ, & corona deus meus, & diadema ſpei meæ quæ orna- ta eſ gloria, lumen lætificans, lux renouans, decor adornans, ſpes mea magna, deſiderium cordis ſanctorum, & deſideratus eorum. Viſio ergo tua tota merces eſt, totum præmiū, & totum gaudium quod expectamus. Hæc eſt enim uita æterna, hæc eſt, inquam, ſapientia tua.

Caput XXXVI

1. Cor. 13

Z

tua. Hæc est uita æterna, ut cognoscamus te solum uerū deum, & quem misisti Iesum Christum. Cum igitur uidebimus te solum deum, deum uerum, deum uiuū omnipotentem, simplicem, inuisibilem, incircūscriptibilem, incomprehensibilem, & filium tuum unigenitum cōsubstantialē, & cōæternum tibi dominum nostrum Iesum Christum, quē pro salute nostra misisti in mundum in uirtute spiritus sancti, trinum in personis, & unum in essentia, deum sanctum solum, extra quē non est deus, tunc habebimus quod nunc quærimus, uitam æternam, gloriam sempiternā, quā præparasti diligentibus te, quā abscondisti timentibus te, quā daturus es quærētibz te, quærētibz faciē tuā semper. Et tu domine deus meus, formator meus ex utero matris meæ, quæ me recōmendauit manui tuæ, non me permittas amplius ex uno distrahi in multa, sed collige me de exterioribus ad me, de me ad te, ut dicat tibi semper cor meum, Exquisiuit te facies mea, faciē tuā domine requirā, faciē domini uirtutum, in qua sola consistit tota gloria sempiterna beatorū, quā quidē uidere uita æterna est, & gloria sempiterna sanctorū. Latetur ergo cor meū ut timeat nomen tuū, latetur cor quærēntium dominum, sed multo magis cor inuenientium. Si enim lætitia est in quærēdo, qualis lætitia est in inueniēdo? Quærā ergo semper ardentē & indefinenter faciē tuā, si quando tandē aperiatur mihi ostiū & porta iustitiæ, ut intrē in gaudiū domini mei. Hæc porta domini, iusti ingredientur per eam.

*psal. 26* O tres cōæquales & cōæternæ personæ, deus unus & uerus, pater & filius & spiritus sanctus, qui solus habitas æternitatem & lucem inaccessibilē. Qui fundasti terram in potentia tua, & regis orbem terræ prudentia tua, Sanctus, sanctus, sanctus dominus deus sabaoth, terribilis & fortis, iustus & misericors, admirabilis, laudabilis, amabilis. Unus deus, tres personæ: una essētia, potētia, sapiētia, bonitas: una & indiuisa trinitas. Aperi mihi clamanti portas iustitiæ, & ingressus in eas cōfitebor tibi domino. En ad ostium tuum summe pater familiās mendicus pulso. Iube aperiiri pulsanti, qui dixisti, Pulsate & aperiatur uobis. Pulsant enim ad ostium tuum pater misericordissime, desideria rugientium præcordiorum meorum, & clamores lachrymarum oculorum meorum. Ante te est omne desiderium meum, & gemitus meus à te non est absconditus. Et tu domine, non auertas faciem tuam amplius à me, nec declines in ira à seruo tuo. Pater misericordiarum audi eiulatum pupilli tui, & porrige manum tuam optimam adiutricem, ut retrahat me de profundis aquarum, & de lacu miseriæ, & de luto fecis, ne peream uidente misericordia oculorum tuorum, aspiciente clementia uiscerum tuorum, sed euadam ad te dominum deum meum, ut uideam diuitias regni tui, & intuear faciem tuam semper, & laudem dicam nomini tuo sancto domine, qui facis mirabilia, qui cor meum latum facis memoria tua, qui illuminas iuuentutem meam, ne despicias senectutem meam, sed iubilare facias ossa mea, & reuiuiscere facias ut aquilæ canos meos.

*cap. XX XVII*

*Mat. 7*

## Soliloquiorum finis.

## AD LECTOREM.

Liber qui sequitur, ex superioribus libellis magna ex parte cōsarcinatus est per quempiam, nec eruditione, nec eloquentia præditum: proinde non uideo quur admodum lectū dignus uideatur. Cap. XVI. ponit in potestate hominis ut promereatur regnum cœlorum, quam sententiā ubiq; detestatur Augustinus. Quanquam idem Cap. XXII. dicit diuersum.

## MANUALE, PRAEFATIO.



VONIAM in medio laqueorum positi sumus, facile à cœlesti desiderio frigescimus. Quapropter assiduo indigemus munimento, ut expergescimus, ad deum nostrum uerum & summum bonū cum defluimus, recurramus. Idcirco nō præsumptionis temeritate, sed magna dei mei dilectione huic opusculo ad laudem eius operam dedi, ut ex elegantioribus dictis sanctorum patrum breue & manuale uerbum de deo meo mecum semper haberem.



**A** rē ex cuius lectionis igne quotiēs tepesco in eius accēdar amorē. Nūc adesto mihi deus meus quē quæro, quē diligo, quē corde & ore & qua ualeo uirtute laudo atq; adoro. Mēs mea deuota tibi, tuo amore succensa, tibi suspirās, tibi inhians, te solū uidere desiderans, nihil habet dulce, nisi de te loqui, de te audire, de te scribere, de te conferre, tuā gloriā frequenter sub corde reuoluere, ut tua suauis memoria sit inter hos turbines aliqua repausatio mea. Te ergo inuoco desideratissime, ad te clamo clamore magno in toto corde meo. Et cū te inuoco, utiq; te in meipso inuoco, qm̄ omnino nō essem nisi tu esses in me: & nisi ego essem in te, nō esses in me. In me es quoniā in memoria mea manes, ex ea cognoui te, & in ea inuenio te, cū reminiscor tui, & delector in te de te, ex quo omnia, per quē omnia, & in quo omnia. *De mirabili essentia dei*  
 Tu dñe coelū & terrā imples, omnia portās sine onere, omnia implēs sine inelusione, semper *Caput I*  
 agēs, semper quietus, colligēs & nō egens, quærens cū nihil desit tibi, amans nec æstuans, zelans & securus es, poenitet te & non doles, irasceris & tranquillus es, opera mutas, sed nō mutas consilium, recipis quod inuenis & nunquā amisisti: nunquā inops, & gaudes lucris, nunquā avarus, & usuras exigis, supererogas cui nō debes, uel semper supererogat tibi ut debeas, & q̄s habet quicquā nō tuū: Reddis debita nulli debēs, donas debita nihil perdēs. Qui ubiq; es & ubiq; totus, qui sentiri potes & uideri non potes, qui nusquam dees, & tamen ab iniuris quorum cogitationibus longe es, qui nec ibi dees ubi lōge es: quia ubi non es per gratiam, ades per uindictā. Qui ubiq; præsens es, & uix inueniri potes: quem stantem sequimur, & apprehendere non ualemus. Qui tenes omnia, imples omnia, circumplecteris omnia, superexcedis omnia, sustines omnia: qui corda fidelium doces sine strepitu uerborum: qui locis non distenderis, nec tēporibus uariaris, nec habes accessus & recessus. Qui habitas lucem inaccessibilem, quem nullus hominū uidit, nec uidere potest. In te manens quietus, ubiq; circumis totum: non enim scindi & diuidi potes, quia uere unus es: nec in partes efficeris, sed totus totum tenes, totum imples, totum illustras & possides. *Si totum mundū De indicibili scientia dei*

**B** libri repleant, tua scientia inenarrabilis non potest enarrari. Quoniam uero indicibilis es, libri repleant, tua scientia inenarrabilis non potest enarrari. Quoniam uero indicibilis es, nullo modo scribi poteris nec concludi. Tu es fons lucis diuinæ, & sol claritatis aternæ. Magnus es sine quantitate, & ideo immensus: bonus sine qualitate, & ideo uere & summe bonus, & nemo bonus, nisi tu solus, cuius uolūtas opus est, cuius uelle posse est, qui omnia quæ ex nihilo creasti, sola uoluntate fecisti. Qui omnem creaturam tuam absq; indigētia aliqua possides, & sine labore gubernas, & absq; tædio regis, & nihil est quod conturbet ordinē imperij tui, uel in summis, uel in imis. Qui in omnibus locis sine loco habetis, & omnia cōtines sine ambitu, & ubiq; præsens es sine situ & motu. Qui nec mali autor es, quod facere nō potes: qui nihil nō potes, nec unquam quicquā te fecisse poenituit. Cuius bonitate facti sumus: & iustitia poenas luimus, & clementia liberamur. Cuius omnipotentia omnia gubernat, regit & implet quæ creauit. Nec ideo te implere omnia dicimus ut te contineant, sed ipsa potius à te cōtinentur, nec particulatim imples omnia. Nec ullatenus ita putandum est ut una quæq; res pro magnitudine suæ portionis capiat te, id est, maxima maius, minima minus, cum sis potius ipse totus in omnibus, & omnia in te. Cuius omnipotentia omnia concludit, nec euadendi potentiam tuam quis aditum inuenire poterit. Qui enim te nō habet placatum, nequaquam euadet iratum. *De desiderio anime sentientis deū*  
 Te igitur clementissime deus inuoco in *Caput III*  
 animam meam, quam pręparas ad capiendum te, ex desiderio quod inspiras ei. Intra rogo in eam, & coapta eam tibi, ut possideas illam quam fecisti & refecisti, ut habeam te uelut si gnaculum super cor meum. Quæso piissime inuocantem te non deseras, quia priusquam te inuocarem me uocaſti & quæſisti, ut ego seruus tuus te quærerem, quærendo inuenirem, & inuētum amarem. Quæſui & inueni te domine, & amare desidero. Auge desiderium meū, & da quod peto: quoniam si cuncta quæ fecisti mihi dederis, non sufficit seruo tuo, nisi te ipsum dederis. Da ergo te ipsum mihi deus meus, redde te mihi. En amo te, & si parū est, amem ualidius. Tuo ergo amore teneor, tuo desiderio flagro, tua dulci memoria delector. Ecce dum tibi mens mea suspirat, & tuam ineffabilem pietatem meditatur, ipsa carnis sarcina minus

cina minus grauat, cogitationum tumultus cessat, pondus mortalitatis & miseriarum mote solito non hebetat, silent cuncta, tranquilla sunt omnia, cor ardet, animus gaudet, memoria uiget, intellectus lucet, & totus spiritus ex desiderio uisionis tuæ accensus, inuisibilem amore rapi se uidet. Assumat spiritus meus pennas ut aquila, uolet & non deficiat, uolet & perueniat usq; ad decorem domus tuæ, & thronum gloriæ tuæ, & ibi super mensam refectionis ciuium supernorum pascatur de occultis tuis in loco pascuæ iuxta fluëta plenissima. Tu esto exultatio nostra, qui es spes nostra, salus atq; redemptio: tu esto nostrum gaudium, qui es futurum præmium. Te semper quærat anima mea, & tu præsta ut quærendo non deficiat.

De miseria animæ  
quæ Christum non  
amat Cap. III

Væ misera animæ quæ Christum non quærit nec amat, arida manet & misera. Perdit quod uiuit qui te deum non diligit: qui curat uiuere non propter te domine, nihil est, & pro nihilo est. Qui tibi uiuere recusat, mortuus est: qui tibi non sapit, desipit. Misericordissime tibi me commendo, reddo & concedo, per quem sum, uiuo & sapio. In te confido, spero, & totam spem meam pono, per quem resurgam, uiuam & requiescam. Te cupio, diligo & adoro, cum quo manebo, regnabo & beatus ero. Anima quæ te non quærit, nec diligit, mundum diligit, peccatis seruit & uitij subiecta est, nunquam quieta, nunquam secunda est. Famuletur tibi semper mens mea piissime, suspiret tibi semper peregrinatio mea, ardeat in amore tuo cor meum, requiescat in te deus meus anima mea, contempletur te in mentis excessu, cætet laudes tuas in iubilatione, & hæc sit in hoc exilio meo consolatio mea. Cõfugiat mens mea sub umbrarum tuarum ab æstibus cogitationum seculi huius. Repauset in te cor meum, cor mare magnum tumens fluctibus. O diues omnium bonarum dapum supernæ satietatis, opulentissimè largitor deus, da lassum cibum, collige dispersum, libera captiuum, & reintegra scissum. Enstat ad ostium & pulsat. Obsecro per uiscera misericordiæ tuæ quibus uisitasti nos oriens ex alto, iube pulsanti misero aperiri, ut liberis gressibus ingrediatur ad te, & requiescat in te, & reficiatur de te pane cœlesti. Tu enim es panis & fons uitæ, tu lumen claritatis æternæ, tu omnia ex quibus uiuunt recti qui diligunt te.

De desiderio animæ  
Caput V

Deus lumen cordium te uidentium, & uita animarum te amantium, & uirtus cogitationum te quærentium, da ut sancto amoris tuo inhaream. Veni, rogo, in cor meum, & ab ubertate uoluptatis tuæ inebria illud, ut obliuiscar ista temporalia. Pudet ac piget me talia pati, qualia mundus iste agit. Triste est mihi quod uideo, graue est omne quod de transitorijs audio. Adiua me domine deus meus, & da lætitiã in corde meo, ueni ad me ut uideam te. Sed angusta est mihi domus animæ meæ, quousq; uenias ad eam, & dilatetur à te: ruinosam est, refice eam. Habet plurima quæ offendant oculos tuos, fateor & scio: sed quis mundabit eam, aut cui alteri præter te clamabo. Ab oculis meis munda me domine, & ab alienis parce seruo tuo: Fac me dulcis Christe bone Iesu, fac me rogo amore & desiderio tuo deponere onus carnalium desideriorum, & terrenarum concupiscentiarum. Dominetur carni anima, animæ ratio, rationi gratia tua, & tu me interius & exterius subde uoluntati. Tribue mihi ut laudet te cor meum, & lingua mea, & omnia ossa mea. Dilata mentem meam, & attolle intuitum cordis mei, ut uel rapida cogitatione spiritus meus attingat te æternam sapientiã super omnia manentem. Dissolue me oro à uinculis quibus cõstrictus teneor, ut relinquens omnia ista, tibi festinem, tibi soli inhaream, tibi soli intendam.

psal. 18

De felicitate animæ  
a terreno carcere  
resolutæ  
Cap. VI

Felix anima quæ terreno carcere libera cœlum petit, quæ te dulcissimum dominum facie ad faciem cernit, quæ nullo metu mortis afficitur, sed de incorruptione perpetuæ gloriæ lætatur. Tranquilla est & secunda, iam non timet hostem nec mortem. Habet iam te piū dominū quē diu quæsiuit, semperq; amauit, hymnidicis sociata choris, melliflua perpetuæ festiuitatis carmina ad laudem gloriæ tuæ rex Christe bone Iesu in æternum concinit. Inebriatur enim ab ubertate domus tuæ, & torrente uoluptatis tuæ potas eam. Felix societas supernorum ciuium, & gloriosa solennitas omnium ad te redeuntium, ab huius splendoris, atq; dignitatem totius elegantia, ubi te iugiter domine tui ciues cernunt. Nihil omnino quod cõturbet mentem ibidem auribus audire datur. Quæ cantica, quæ organa, quæ can-



A tilenæ, quæ melodiæ ibi sine fine decantantur. Sonant ibi semper melliflua hymnorum organa, suauissima angelorum melodia, cætica canticorum mira, quæ ad laudem & gloriam tuam à supernis ciuibus decantantur. Amaritudo & omnis fellis asperitas in regione tua locum non habent. Non enim est ibi malus neque malicia, non est aduersarius & impugnans, nec est ulla peccati illecebra, nulla est ibi indigètia, dedecus nullum, rixa nulla, nullum improperium, causa, ratio nulla, nullus timor, nulla inquietudo, nulla poena, nulla dubietas, nulla uolentia, nulla discordia, sed est ibi pax summa, charitas plena, iubilatio & laus dei æterna, sine fine secunda requies, & gaudium semper in spiritu sancto. O quam fortunatus ero si audiuerem iocundissimas ciuium tuorum cantilenas, carmina melliflua, laudes summæ trinitati debito honore promentia. Sed & nimium felix, si ego ipse meruero cantare canticum domino Iesu Christo de dulcibus canticis Sion.

O uita uitalis, uita sempiterna, & sempiternæ beata, De gaudio paradisi  
ubi gaudium sine mœrore, requies sine labore, dignitas sine tremore, opes sine amissione, sa  
nitas sine languore, abundantia sine defectu, uita sine morte, perpetuitas sine corruptio/  
ne, beatitudo sine calamitate. Vbi omnia bona in charitate perfecta, ubi species & uisio facie  
ad faciem, ubi plena scientia in omnibus, & per omnia, ubi summa dei bonitas cernitur, & lu  
men illuminans à sanctis glorificatur, ubi præsens maiestas dei conspicitur, & hoc uitæ cibo  
sine defectu mens intuentium satiatur. Vident semper & uidere desiderant, sine anxietate  
desiderant, & sine fastidio satiantur. Vbi uerus sol iustitiæ, mira suæ pulchritudinis uisione  
omnes reficit, & ita uniuersos cœlestis patriæ ciues illuminat, ut luceat ibi, lumen uidelicet il  
luminatum per diuinum lumen illuminans ultra omnem solis nostri splendorem, atque cum  
ætarum stellarum claritatem, immortalis adherentes deitati, ac per hoc immortales & im  
corruptibiles facti, iuxta promissionem domini saluatoris, Pater quos dedisti mihi, uolo ut  
ubi ego sum & illi sint mecum, ut uideant claritatem meam, & omnes unum sint, sicut tu pa  
ter in me, & ego in te, & ipsi in nobis unum sint. Regnum cœlorum, regnum

Ioan. 17

De regno cœlorum,  
Capitulum VIII

B felicissimum, regnum carens morte, & uacans fine, cui nulla tempora succedunt per æuū, ubi  
continuus sine nocte dies nescit habere tempus, ubi uictor miles donis ineffabilibus cumu  
latur. Nobile perpetua caput amplectente corona. Utinam remissa peccatorum mole me ul  
timum seruorum Christi iuberet diuina pietas hanc carnis sarcinam deponere, ut in suæ ci  
uitatis gaudia æterna repausandus transirem, sanctissimis supernorum choris interesssem,  
cum beatissimis spiritibus gloriæ conditoris assisterem, præsentem dei uultum cernerem,  
nullo mortis metu tangerer, de perpetuæ immortalitatis incorruptione securus gauderem,  
& scienti omnia coniunctus omnem ignorantie cæcitatem amitterem, terrena cuncta par  
uipenderem, conuallem lachrymarum istam intueri uel reminisci ulterius non dignarer, ubi  
uita laboriosa, uita corruptibilis, uita omni amaritudine plena, uita domina malorum, ancil  
la infernorum, quam humores tumidant, dolores extenuant, ardores exiccant, aërea morbi  
dant, escæ inflant, ieiunia macerant, ioci soluunt, tristitiæ consumunt, sollicitudo coartat, se  
curitas hebetat, diuitiæ iactant, paupertas deijcit, iuuentus extollit, senectus incuruat, infir  
mitas frangit, mœror deprimit, diabolus insidiatur, mundus adulatur, caro delectatur, ani  
ma excæcatur, totus homo conturbatur, & his, tot & tantis malis mors furibunda succedit,  
uanisque gaudijs ita finem imponit, ut cum esse desierint, nec fuisse putentur.

Mœstam animam  
consolatur deus  
Capitulum IX

Sed quas laudes, quas gratiarum actiones tibi referre ualeamus deus noster, qui nos  
etiam inter has tantas mortalitatis nostræ ærumnas non desinis consolari mira uisitatione  
gratiæ tuæ. Ecce me miserum multis mœroribus plenum, dum uitæ meæ finem timeo, dum  
peccata mea considero, dum iudicium tuum formido, dum mortis horam cogito, dum sup  
plicia tartari horreo, dum opera mea qua districtione & discussione à te pensentur ignoro,  
dum quo fine illa clausurus sim penitus nescio, dum hæc & alia multa mecum sub corde  
retracto, consolaturus ades solita pietate domine deus, & inter has querelas nimiosque plo  
ratus ac profunda cordis suspiria assumis mœstam & anxiam mentem super alta iuga montium  
ad arcolas usque aromatum, & collocas me in loco pascuæ secus riuulos dulcium aquarum,

Z 3

ubi præ

De dulcedine diuini amoris Cap. X

ubi pręparas in conspectu meo mensam multiplicis apparatus, quę fatigatum spiritum te pauset, & cor triste lætificet, quibus tandem refocillatus delitijs, multarum miseriarum mearum oblitus, & leuatus super altitudinem terrę in te uera pace quiesco.

De pręparatione nostrę redēptionis Cap. XI

Amo te deus meus, amo te, & magis atq; magis amare uolo. Da mihi domine deus meus specie se prę filijs hominum, ut deliderem te, ut amem te, quantum uolo & quantum debeo. Im mensus es, & sine mensura debes amari, pręsertim a nobis quos sic amasti, sic saluasti, pro quibus tāta ac talia fecisti. O amor qui semper ardes & nunquam extingueris, dulcis Christe, bone Iesu, charitas deus meus, accende me toto igne tuo, amore tuo, dulcedine tua, dilectione tua, desiderio tuo, charitate tua, iocunditate & exultatione tua, pietate & suauitate tua, uoluptate & cōcupiscentia tua, quę sancta est & bona, quę casta est & munda, ut totus dulcedine amoris tui plenus, totus flamma tuę charitatis uaporatus, diligam te dominum meum dulcissimum & pulcherrimum ex toto corde meo, ex tota anima mea, ex totis uiribus meis, & ex omni intentione mea, cum multa cordis contritione & lachrymarum fonte, cum multa reuerentia & tremore, habens te in corde, & in ore, & prę oculis meis semper & ubiq; ita ut nullus in me adulterinis amoribus pateat locus.

Pulcherrime Iesu Christe rogo te per illam sacratissimam effusionem preciosi sanguinis tui quo redempti sumus, da mihi cordis contritionem & lachrymarum fontem, pręcipue dum preces & orationes tibi offero, dum tuę laudis tibi psalmodiam decanto, dum mysteriū nostrę redemptionis manifestum misericordię tuę indicium recolo uel profero, dum sacris altaribus licet indignus assisto, cupiens tibi offerre illud mirabile & cœleste sacrificium omni reuerentia & deuotione dignum, quod tu domine deus meus sacerdos immaculate instituiisti, & offerre pręcepisti in commemorationem tuę charitatis, mortis scilicet & passionis, pro salute nostra, pro quotidiana nostrę fragilitatis reparatione. Confirmetur mens mea inter tanta mysteria dulcedine pręsentię tuę, sentiat te sibi adesse, & lætetur coram te. Ignis qui semper lucet, amor qui semper ardes, dulcis Christe, bone Iesu, lumen æternum & indeficiens, panis uitę qui nos reficis & in te non deficis, quotidie comederis, & semper integer manes, resplende mihi, accende me, illumina & sanctifica uas tuum, de malicia euacua, imple de gratia, & plenum conserua, ut ad salutem animę meę manducem cibum carnis tuę, quatenus manducando te uiuam de te, uiuam per te, perueniam ad te, & repauserem in te.

De gaudio Cap. XII

O dulcedo amoris & amor dulcedinis, comedat te ueter meus & nectare tui amoris replentur uiscera mea, & eructet mens mea uerbum bonum. Charitas deus meus, mel dulce, lac niueum, cibus es grandium, fac me crescere in te, ut sano palato possis manducari a me. Tu es uita mea qua uiuo, spes cui inhæreo, gloria quā adipisci desidero. Tu mihi cor tene, mentem rege, intellectum dirige, amorem erige, animum suspende, & in superna fluentia os sitientis te spiritus trahe. Taceat quæso tumultus carnis. Conticescant phantasię terrarum, & aquarum, aëris & poli: taceant somnia & imaginarię reuelationes, omnis lingua, omne signum, & quicquid transeundo fit. Sileat sibi & ipsa anima, & transeat se, non cogitando se, sed te deus meus, quoniam tu es reuera tota spes & fiducia mea. Est enim in te deo meo & domino nostro Iesu Christo dulcissimo & benignissimo atq; clementissimo uniuscuiusque nostrum & portio, & sanguis, & caro. Vbi ergo portio mea regnat, ibi regnare me credo: ubi sanguis meus dominatur, ibi dominari me cōfido: ubi caro mea glorificatur, ibi gloriosum me esse cognosco. Quamuis peccator sim, de hac tamen communione gratiæ non diffido. Et si peccata mea prohibent, substantia mea requirit: & si delicta propria me excludunt, natura communio non repellit.

Quod uerbum incarnatum sit causa spei nostrę

Caput XIII

Non enim tam inimicus est dominus ut nō diligat carnem suam, membra sua, & uiscera sua. Desperare utiq; potuisssem propter nimia peccata mea & uitia, culpas & infinitas negligentias meas quas egi, & quotidie indefinenter ago corde, ore, & opere, & omnibus modis quibus humana fragilitas peccare potest, nisi uerbum tuum deus meus caro fieret & habitaret in nobis. Sed desperare iam non audeo, quoniam subditus ille tibi usq; ad mortem, mortem autem crucis, tulit chirographum peccatorum



A catorum nostrorum & affigens illud cruci, peccatum crucifixit & mortem. In ipso autem securius respiro qui sedet ad dexteram tuam, & interpellat pro nobis. In ipso confisus ad te peruenire desidero, in quo iam resurreximus & reuiximus, iam in cœlum conscendimus, & in cœlestibus confidemus. Tibi laus, tibi gloria, tibi honor, tibi gratiarum actio.

Piissime domine qui sic nos amasti & saluasti, sic uiuificasti & sublimasti, piissime domine Dulcis de deo meo  
ditatio Ca. XIII

mine quam dulcis est memoria tua, quanto magis in te meditor, tanto es mihi dulcior & amabilior. Idcirco delectant me ualde bona tua puro mentis intuitu, & dulcissimo p̄i amoris affectu in loco peregrinationis meæ iuxta modulum meum, interim quādiu his fragilibus subsisto membris miram tuam dilectionem & pulchritudinem indefinenter cupio desiderare & consyderare. Tuæ enim charitatis iaculo uulneratus sum, tuo uehementer desiderio flagro, ad te peruenire cupio, te uidere desidero. Idcirco super custodiam meam stabo, & uigilantibus oculis psallam spiritu, psallam & mente, & totis uiribus meis te factorem & resectorem meum collaudabo, polum penetrabo mente, & desiderio tecum ero, ut in præsentibus quidem miseria solo corpore tenear, tecum autem cogitatione & aueritate atq; omni desiderio sim semper, quatenus ibi sit cor meum, ubi tu es thesaurus meus desiderabilis, incomp̄arabilis, multumq; amabilis. Sed ecce deus meus piissime ac misericordissime, dum tuæ immensæ bonitatis & pietatis gloriam consyderare uolo, cor meum non sufficit: excedit enim omnem sensum humanæ mentis tuum decus, tua pulchritudo, tua uirtus, tua gloria, tua magnificentia, tua maiestas, & tua charitas: sicut inæstimabilis est tuæ gloriæ splendor, ita ineffabilis est æternæ tuæ charitatis benignitas, qua illos quos de nihilo creasti adoptas in filios, & tibi coniungis.

B O anima mea si quotidie oporteret nos tormenta perferre, si ipsam gehennam longo tempore tolerare, ut Christum in gloria sua uidere possemus, & sanctis eius sociari: nonne dignum esset pati omne quod triste est, ut tanti boni tantæq; gloriæ participes haberemur? Insidentur ergo dæmones, parent suas tentationes, frangant corpus ieiunia, prement carnem uestimenta, labores grauent, uigiliæ exiccent, clament in me iste, inquietet me ille uel ille, frigus incuruet, conscientia murmure, calor urat, caput doleat, pectus ardeat, infletur stomachus, palleat uultus, infirmetur totum corpus, deficiat in dolore uita mea, & anni mei in gemitibus, ingrediatur putredo in ossibus meis, & subter me scateat, ut requiescam in die tribulationis, & ascēdam ad populum accinctum nostrum. Quæ enim erit iustorum gloria, quā grandis sanctorum lætitia, cum unaquæq; facies fulgebit ut sol? cum ordinibus distinctis populum suum dominus in regno patris sui cœperit recensere, & meritis atque operibus singulorum promissa præmia restituet, pro terrenis cœlestia, pro temporalibus sempiterna, pro modicis magna? Reuera cumulus felicitatis erit, cum dominus adducet sanctos suos in uisione paternæ gloriæ, & faciet in cœlestibus consistere, ut sit omnia in omnibus.

Quod desideranda  
sint tribulationes  
pro Christo,  
Caput XV

O felix iocunditas, & iocunda felicitas sanctos uidere, cum sanctis esse, & esse sanctum, deū uidere & deum habere in æternum & ultimum. Hæc sedula mente cogitemus, hæc toto desiderio desideremus, ut ad eos cito peruenire tra. Hæc sedula mente cogitemus, hæc toto desiderio desideremus, ut ad eos cito peruenire tra. Hæc sedula mente cogitemus, hæc toto desiderio desideremus, ut ad eos cito peruenire tra.

Quomodo regnū  
cœlorum possit acquiri  
Cap. XVI

tra. Hæc sedula mente cogitemus, hæc toto desiderio desideremus, ut ad eos cito peruenire tra. Hæc sedula mente cogitemus, hæc toto desiderio desideremus, ut ad eos cito peruenire tra.

tra. Hæc sedula mente cogitemus, hæc toto desiderio desideremus, ut ad eos cito peruenire tra. Hæc sedula mente cogitemus, hæc toto desiderio desideremus, ut ad eos cito peruenire tra.

Quid sit paradisus  
Cap. XVII

tra. Hæc sedula mente cogitemus, hæc toto desiderio desideremus, ut ad eos cito peruenire tra. Hæc sedula mente cogitemus, hæc toto desiderio desideremus, ut ad eos cito peruenire tra.

psal. 86

rius: Vbi non est paupertatis metus, non ægritudinis imbecillitas, ibi nemo læditur, nemo irascitur, nemo inuidet, cupiditas nulla exardescit, nullum cibi desiderium, nulla honoris aut potestatis pulsatio, nullus ibi diaboli metus, insidiæ dæmonum nullæ, terror gehænæ procul, mors neque corporis neque animæ, sed immortalitatis munere iocunda uita, nulla erunt tunc mala, nusquam discordia, sed cuncta consona, cuncta cōuenientia: quia omnium sanctorum una erit concordia, pax cuncta & lætitia continet, tranquilla sunt omnia & quæta, iugis splendor, non ut est ille qui nunc est sol, sed tanto clarius quanto felicius: quia ciuitas illa, ut legitur, non egebit sole neque luna, sed dominus omnipotens illuminabit eam, & lucerna eius est agnus. Vbi sancti fulgebunt ut stellæ in perpetuas æternitates, & sicut splendor firmamenti qui erudiunt multos. Quapropter nox ibi nulla, nullæ tenebræ, concursus nubium nullus, nec frigoris ardorisue asperitas ulla, sed talis erit rerum temperies, quam nec oculus uidit, nec auris audiuit, nec in cor hominis ascendit, nisi illorum qui ea perfrui digni inueniuntur, quorum nomina scripta sunt in libro uitæ. Verum super hæc omnia est, consociari choris angelorum & archangelorum, atque omnium cœlestium uirtutum, intueri patriarchas & prophetas, uidere apostolos atque omnes sanctos, uidere etiam patres nostros. Gloriosa sunt hæc: sed multo gloriosius est præsentem dei uultum cernere, incircumscriptum lumen uidere. Superexcellens gloria erit cum deum uidebimus in seipso, uidebimus & habebimus in nobis, quem cernere finis non erit.

Non ualet homo  
deo uicem reddere  
nisi per amorem  
Caput XVIII

Anima insignis dei imagine, illustris similitudine, habet in se ex deo quo admoneatur semper aut stare cum eo, aut redire, si mora suis affectibus, imò defectibus fuerit. Et non solum habet unde respirare queat in spe ueniæ & misericordiæ, sed etiam unde audeat aspirare ad nuptias uerbi, & cum deo inire fœdus societatis, atque cum rege angelorum ducere iugum suauis amoris. Hæc omnia facit amor, si anima exhibeat se similem deo per uoluntatem, cui similis est per naturam, diligens sicut dilecta est. Solus enim est amor ex omnibus animæ motibus, sensibus atque effectibus, in quo potest creatura, etsi non ex æquo, respondere auctori, uel sibi mutuam rependere uicem. Amor ubi uenerit, cæteros in se omnes tradit & captiuat effectus. Amor per se sufficit, per se placet & propter se. Ipse meritum, ipse præmiū, ipse causa, ipse fructus, ipse usus: per amorem enim coniungimur deo. Amor facit unum spiritum de duobus, amor facit idem uelle & idē nolle. Amor facit prius mores componere, postmodum omnia quæ assunt tanquam non assint consyderare, tertio uero loco munda cordis acie superna & interna cōspicere. Per amorem primum in seculo bene geruntur honesta, postmodum etiam honesta seculi despiciuntur, ad extremum etiam dei intima conspiciuntur.

Quid in nobis deus  
requirat sibi simile  
Cap. XIX

Deus pater charitas est, deus filius dilectio est, spiritus sanctus amor patris & filij est. Hæc charitas & hæc dilectio aliquid simile requirit in nobis, scilicet charitatem, qua uelut quadam affinitate consanguinitatis ei sociemur & coniungamur. Amor dignitatis nescius reuerentiam nescit. Qui amat, per seipsum fiducialiter accedit ad deum, familiariterque loquitur ei, nihil timens, nihil hæsitans. Perdit quod uiuit, qui non diligit: qui autem diligit, oculos suos semper habet ad deum quem diligit, quem desiderat, in quo meditatur, in quo delectatur, in quo pascitur, in quo impinguatur. Iste talis sic deuotus, ita cantat, ita legit, & in omnibus operibus suis sic est prouidus & circumspectus, quasi deus assit præsens ante oculos eius, sicut reuera adest. Ita orat quasi sit assumptus & præsentatus ante faciem maiestatis in excelso throno, ubi milia milium ministrant ei & decies cetera milia assistunt ei. Animam quam uisitat amor, expergefuit dormientem, monet & emollit eam & uulnerat cor eius, tenebrosa illuminat, clausa reseat, frigida inflamat, mentem asperam & irascibilem & impatiētem mitigat, uitia fugat, carnales affectus comprimit & mores emendat, reformat & innouat spiritum, lubricæ ætatis motus actusque leues coercet. Hæc omnia facit amor cum præsens est: cum uero abscesserit, ita incipit anima iacere languida, ac si caco bo bullienti subtraxeris ignem.

De confidentia anime  
amantis deum  
Cap. XX

Magna res est amor, quo anima per semetipsam fiducialiter accedit ad deum, deo cōstāter inhæret, deum familiariter percūctat, cōsultatque de omni re. Anima quæ amat deum, nil aliud potest cogitare, nil loqui, cætera continet, omnia fastidit, quicquid



A quicquid meditatur, quicquid loquitur, amorem sapit, amorē redolet, ita amor dei eam sibi  
 uendicauit. Qui uult habere notitiam dei, amet. Frustra accedit ad legendum, ad meditan-  
 dum, ad prædicandum, ad orandum qui non amat. Amor dei amorē animæ parit, & eam  
 intendere sibi facit. Amat deus ut ametur. Cum amat, nil aliud uult quàm amari, sciens  
 amore esse beatos qui se amauerint. Anima amans cunctis suis renuntiat affectionibus,  
 & tota soli incumbit amorì, ut possit respondere amorì in redhibendo amore. Et cum  
 se tota effuderit in amorem, quantum est ad illud fontis perenne profluuium, non pa-  
 ri ubertate concurrunt amor & amans, anima & deus, creator & creatura: tamen si ex toto  
 se diligit, nihil deest ubi totū est. Non timeat anima quæ amat, paueat quæ non amat. Ani-  
 ma amans fertur uotis, trahitur desiderijs, dissimulat merita, maiestati oculos claudit, ape-  
 rit uoluptati, ponēs se in salutari, & fiducialiter agēs in eo. Amore anima secedit & excedit à  
 corporeis sensibus, ut sese non sentiat quæ deum sentit. Hoc fit cum mens ineffabili dei ille-  
 cta dulcedine quodammodo sese sibi furatur, imò rapitur atq; labitur à seipsa, ut deo frua-  
 tur ad iocunditatem. Nihil tam iocundū, nisi esset tam modicum. Amor dat familiaritatem  
 dei, familiaritas ausum, ausus gustū, gustus famē. Anima quā tágit amor dei, nihil aliud po-  
 test cogitare, nil desiderare, sed frequenter suspirat dicens, Sicut ceruus desiderat ad fontes  
 aquarum, ita desiderat anima mea ad te deus meus. *Deus amore uenit ad homi-  
 nes, uenit in homines, factus est homo. Amore deus inuisibilis seruis suis factus est similis:*  
 amore uulneratus est propter delicta nostra. Tuta & firma requies est infirmis & peccato-  
 ribus in uulneribus saluatoris. Securus illic habito, patent mihi uiscera per uulnera: quicqd  
 ex me mihi deest, usurpo mihi ex uisceribus domini mei, quoniam misericordia affluūt, nec  
 desunt foramina per quæ affluant. Per foramina corporis patent mihi arcana cordis, patet  
 magnum pietatis sacramentū, patent uiscera misericordiæ dei nostri, in quibus uisitauit nos  
 oriens ex alto. Vulnera Iesu Christi plena sunt misericordia, plena pietate, plena dulcedine  
 & charitate. Foderunt manus eius & pedes eius, & latus eius lancea perforauerunt. Per has  
 rimas licet mihi gustare quàm suauis est dominus deus meus, quoniā reuera suauis & mitis  
 & multæ misericordiæ est omnibus eum inuocantibus in ueritate, omnibus inquiringibus,  
 & maxime diligētibus. Copiosa redēptio data est nobis in uulneribus Iesu Christi saluato-  
 ris nostri. Magna multitudo dulcedinis plenitudo gratiæ, & perfectio uirtutum.  
 Cum me pulsat aliqua turpis cogitatio, recurro ad uulnera Christi. Cum me premit caro  
 mea, recordatione uulnerum domini mei resurgo. Cum diabolus mihi parat insidias, fugio  
 ad uiscera misericordiæ domini mei, & recedit à me. Si ardor libidinis moueat mēbra mea,  
 recordatione uulnerum domini nostri filiū dei extinguatur. In omnibus aduersitatibus non  
 inueni tam efficax remedium quàm uulnera Christi: in illis dormio securus, & requiesco in-  
 trepidus: Christus mortuus est pro nobis. Nihil tam ad mortē amarum quod morte Chri-  
 sti non sanetur. Tota spes mea est in morte domini mei. Mors eius meritum meum, resu-  
 rgiū meum, salus, uita & resurrectio mea: meritum meum miseratio domini. Non sum me-  
 riti inops, quādiu ille miserationum dominus nō defuerit. Et si misericordiæ domini mul-  
 tæ, multus ego sum in meritis. Quanto ille potētior est ad saluandū, tātō ego sum securior.  
 Peccaui peccatū grande, & multorum sum mihi conscius delictorum: nec sic despero,  
 quoniā ubi abundauerunt delicta, superabundauit & gratia. Qui de uenia peccatorum suo  
 rum desperat, negat deū esse misericordē. Magnā iniuriā deo facit qui de eius misericordia  
 diffidit. Quantū in se est, negat deum habere charitatē, ueritatē, & potestātē, in quibus tota  
 spes mea cōsistit, scilicet in charitate adoptionis, in ueritate promissionis, & in potestate redē-  
 ptiois. Murmuret iā quātū uoluerit inspiēs cogitatio mea dicēs, Quis em̄ es tu, & quāta est  
 est gloria illa, quibusue meritis illā obtinere speras? & ego fiducialiter respōdebo. Scio cui cre-  
 didi, quā in charitate nimia adoptauit me in filiū, quā uerax est in pmissiōe, potēs in exhibitio-  
 ne, & licet ei facere q̄ uult, nō possum terreri multitudine peccatorū si mors dñi in mētē meā  
 uenerit, quoniā peccata mea illū uincere nō possunt. Clauī & lancea clamant mihi quod uere  
 recon-

psal. 41

Quid fecerit deus  
propter hominē.

Caput XXI

De recordatiōe uul-  
nerū Iesu Christi  
domini nostri  
Caput XXIIRecordatio uulne-  
rū Christi remedi-  
um in aduersis  
Cap. XXIII

recôciliatus sum Christo, si eum amauero. Longinus aperuit mihi latus Christi lancea, & ego intraui, & ibi requiesco securus. Qui timet, amet: quoniam charitas mittit foras timorem. Nulum tam potens est & tam efficax contra ardorem libidinis medicamentum, quam mors redemptoris mei. Extendit brachia sua in cruce, & expandit manus suas paratus in amplexus peccatorum. Inter brachia saluatoris mei, & uiuere uolo, & mori cupio. Ibi securus decantabo, Exaltabo te domine, quoniam suscepisti me, nec delectasti inimicos meos super me. Saluator noster caput inclinauit in morte, ut oscula daret suis dilectis. Toties deum osculamur, quotiens in eius amore compungimur.

*Meditatio anime  
ad amorē Christi  
Caput XXIII*

O anima mea insignita dei imagine, redempta Christi sanguine, desponsata fide, dotata spiritu, ornata uirtutibus, deputata cum angelis, dilige illum à quo tanrum dilecta es. Intende illi, qui intendit tibi: quare quærentem te, ama amatorem tuum à quo amaris, cuius amore præuenta es, qui est causa amoris tui. Ipse est meritum, ipse præmium, ipse fructus, ipse usus, ipse finis. Esto sollicita cum sollicito, cum uacante uacans, cum mundo munda, cum sancto sancta. Qualis apparueris deo, talis oportet ut appareat tibi, deus suauis & mitis, & multæ misericordiæ, suaues, mites, dulces, humiles & misericordes requirit. Ama illum qui eduxit te de lacu miseriæ, & de luto fecit. Elige illum amicum tuum præ omnibus amicis tuis, qui cum omnia subtracta fuerint, solus tibi fidem seruabit. In die sepulturæ tuæ cum omnes amici tui recedent à te, ille te non derelinquet, sed tuebitur à rugientibus præparatis ad escam, & conducet te per ignotam regionem, atque perducet ad plateas supernæ Sion, & ibi collocabit te cum angelis ante faciem maiestatis suæ, ubi audies illud angelicum melos, Sanctus, sanctus, sanctus, &c. Ibi est canonicum lætitiæ, uox exultationis & salutis, gratiarum actio, & uox laudis, atque alleluia in perpetuum. Ibi est cumulus felicitatis, supereminens gloria, superabundans lætitia, & omnia bona. O anima mea suspira ardentem, desidera uehementer ut possis peruenire in illam supernam ciuitatem, de qua tam gloriosa dicta sunt, in qua sicut lætantium omnium habitatio est. Amore potes ascendere, amanti nihil est difficile, nihil impossibile. Anima quæ amat, ascendit frequenter, & currit familiariter per plateas cœlestis Hierusalem, uisitando patriarchas & prophetas, salutando apostolos, admirando exercitus martyrum & confessorum, chorosque uirginum speculando. Cœlum & terra, & omnia quæ in eis sunt, non cessant mihi dicere, ut amem dominum deum meum.

*Quod nihil possit  
anime sufficere  
præter summum  
bonū, Cap. XXV*

Cor humanum in desiderio æternitatis non fixum, nunquam stabile potest esse, sed omni uolubilitate uolubilius, de alio in aliud transit, quærens requiem ubi non est. In his autem caducis & transitorijs, in quibus eius affectus captiui tenentur, ueram requiem inuenire non ualet, quoniam tantæ est dignitatis, ut nullum bonum præter summum bonum ei sufficere possit: tantæ est enim libertatis, ut in aliquod uitium cogi non possit. Propterea unicuique propria uoluntas est causa suæ damnationis uel saluationis, & ideo nihil ditius bona uoluntate deo offertur. Bona uoluntas deum ad nos deducit, & nos in eum dirigit. Per bonam uoluntatem deum diligimus, deum eligimus, ad deum currimus, ad deum peruenimus, & eum possidemus. O bona uoluntas, per quam ad dei similitudinem reformamur, & ei similes efficimur. Ita amabilis est deo bona uoluntas, ut ipse in corde habitare non uelit, in quo bona uoluntas non fuerit. Bona uoluntas illius summæ maiestatis trinitatem ad se inclinat. Sapientia namque ad cognitionem ueritatis illam illuminat, charitas ad desiderium bonitatis inflamat, paternitas in ea custodit quod creauit ne pereat.

*Quid sit cognitio  
ueritatis  
Caput XXVI*

Quid est cognitio ueritatis? Primo cognoscere teipsum, & quod esse debes, esse studeas: quod autem corrigendum est, corrigas. Deinde cognoscere & amare creatorem tuum: hoc enim est totum hominis bonum. Vide ergo quod ineffabilis est diuinæ charitatis erga nos dilectio. De nihilo nos creauit, & quicquid habemus donauit: sed quia plus dileximus datum quam dator, creatum motus, misit filium suum quo redimeret seruos, misit etiam spiritum sanctum quo seruos adoptaret in filios. Filium dedit in precium redemptionis, spiritum sanctum in priuilegium amoris, se denique totum seruat hereditatem adoptionis. Ita deus ut piissimus & misericordissimus præ desiderio uel



A rio uel amore hominis, non solum sua, uerumetiam & seipsum impendit ut hominem recuperaret, non tam sibi quam homini ipsi. Vt homines ex deo nascerentur, primo ex ipsis natus est deus. Quis est tam durus quem non emolliat amor dei sic hominem praeueniens, tam que, inquam, uehemens amor, quod homo propter hominem dignatus est fieri? Quis potest odire hominem, cuius naturam & similitudinem uidet in humanitate dei? Reuera qui odit illum, odit deum, & ita perdit quicquid facit. Deus namque propter hominem factus est homo, ut esset redemptor qui est & creator, ut de suo redimeretur homo, & ut familiarius diligeretur ab homine deus, in similitudine hominis apparuit, & ut uterque sensus hominis in ipso beatificaretur, & reficeretur oculus cordis in eius diuinitate, & oculus corporis in eius humanitate, ut siue ingrediens siue egrediens in ipso pasqua inueniret natura humana condita ab ipso.

Saluator namque noster natus est nobis, crucifixus & mortuus est pro nobis, ut morte sua mortem nostram destrueret. Et quia botrus carnis portatus fuerat ad torcular crucis, & expressione facta fluere coeperat mustum diuinitatis, missus est spiritus sanctus, quo uasa cordium praepararentur, & uinum nouum in utres novos poneretur, primum ut corda mundarentur, ne infusum pollueretur, & postea ligarentur, ne infusum amitteretur. Mundarentur gaudio iniquitatis, ligarentur contra gaudium uanitatis. Non enim quod bonum est uenire potuit, nisi prius recederet quod malum est. Gaudium iniquitatis polluit, & gaudium uanitatis effudit. Gaudium iniquitatis reddit uas sordidum, & gaudium uanitatis facit rimosum. Gaudium iniquitatis est, cum peccatum diligitur: & gaudium uanitatis est, cum transitoria amantur. Eripe ergo quod malum est, ut quod bonum est percipere possis. Effunde amaritudinem, ut dulcedine impleri possis. Spiritus sanctus gaudium est & amor. Eripe spiritum diaboli, & spiritum mundi huius, ut accipias spiritum dei. Spiritus diaboli operatur gaudium iniquitatis, & spiritus mundi gaudium uanitatis. Et haec gaudia mala sunt, quoniam aliud habet culpam, aliud occasionem culpae. Veniet autem spiritus dei, cum eiectione fuerint spiritus mali, & intrabit in aliud bernaculum cordis, & operabitur gaudium bonum & amorem bonum, quo expellitur amor mundi, & amor peccati. Amor mundi allicit & decipit: amor peccati polluit, & ad mortem conducit. Amor dei mentem illuminat, conscientiam mundat, animam laetificat, & deum demonstrat.

Quid in nobis  
operetur missio  
spiritus sancti  
Cap. XXVII

In quo amor dei est, semper cogitat quando ad deum perueniat, semper habet cor suum & linquat, quando carnis corruptionem euadat, ut ueram pacem inueniat, quando mundum derelinquat, quando desiderium in superna eleuatur: quando sedet, quando ambulat, quando requiescit, uel quando aliquid agit, cor a deo non recedit, omnes ad amorem dei exhortatur, omnibus amorem dei commendat, & quam dulcis sit dei amor, & quam malus & quam amarus sit amor seculi corde, ore, & opere omnibus demonstrat. Deridet huius seculi gloriam, arguit sollicitudinem, & quam stultum sit in his quae transeunt fiduciam habere ostendit. Miratur caecitatem hominum qui haec diligunt: miratur etiam quomodo uniuersa haec transitoria, & caduca omnes non derelinquunt. Omnibus aestimat dulce quod sibi sapit, omnibus placere quod diligit, omnibus quidem esse manifestum quod cognoscit. Frequenter deum suum contempletur, & in eius contemplatione sua uiter reficitur: tanto felicius, quanto frequentius. Dulce est enim semper ad considerandum, quod ad amandum & laudandum semper suaue est.

De operatione  
eius qui diligit  
deum  
Caput XXVIII

Reuera haec est uera cordis requies, cum totum in amore dei per desiderium figitur, nec quicquam aliud appetit, sed in eo quod tenet felici quadam dulcedine delectatur, delectando iocundatur. Si uero uana aliqua cogitatione, uel rerum occupatione inde aliquantulum abstractum fuerit, summa cum festinatione illuc redire festinat, exilium reputans alibi quam ibi moram facere. Nam sicut nullum est momentum, quo homo non fruatur uel utatur pietate diuina: sic nullum debet esse momentum, quo eum praesentem non habeat in memoria. Idcirco non breui crimine tenetur astrictus quisque in oratione cum deo loqui, & subito abstrahi ab eius conspectu, quasi ab oculis non uidetur nec audietur. Hoc autem fit quando cogitationes suas malas & importunas sequitur, & aliquam uilissimam creaturam ad quam mentis intuitus facile distrahitur, ei praefert, illam uidelicet in cogitatione sapienter reuoluendo, uel cogitando, quam deum quem assidue debet recolere creatorem, adorare redemptorem, expectare saluatorem, timere iudicem.

De uera cordis  
requie  
Caput XXIX

Quisquis

## CAPUT XXX

Quisquis amas mundum, tibi prospice quò sit eundum,  
Hæc uia qua uadis, uia pessima, plenaq; cladis.

Fuge ergo ô homo paululum occupationes tuas, & abscondere modicum à tumultuosis cogitationibus tuis. Abijce nunc onerosas curas, postpone laboriosas dissensiones, uaca aliquid quantulum deo, & paululum requiesce in eo. Intra in cubiculum mētis tuæ, exlude omnia præter deum, & quæ ualent ad quærendum eum, & clauso ostio quære eum. Dicat nunc totum cor tuum deo, Quæro uultum tuum, uultum tuum domine requiro. Eia nunc ergo domine deus meus tu doce cor meum, ubi & quomodo te quærat, ubi & quomodo te inueniat. Domine si hic non es, ubi te quæram absentem? Si autem ubiq; es, cur te non uideo præsentem? Sed certe habitas lucem inaccessibilem. Sed quomodo accedam ad lucem inaccessibilem, aut quis me deducet & inducet in illam ut uideam te in illa? Deinde quibus signis, qua facie te quæram? nunquam te uidi domine deus meus, nunquam noui faciem tuam. Quid faciet altissime domine, quid faciet iste longinquus exul tuus? Quid faciet seruus tuus anxius amore tui, & longe proiectus à facie tua? En anhelat uidere te, & nimis illi abest facies tua. Accedere ad te desiderat, & inaccessibilis est habitatio tua: inuenire te cupit, & nescit locum tuum. Quærere te affectat, & ignorat uultum tuum.

## CAPUT XXXI

Domine deus meus es tu, & dominus meus, & nunquam uidi te, tu me fecisti, & refecisti, & omnia bona tua mihi contulisti, & nondum uidi te, neque noui. Deniq; ad te uidendum factus sum, & nondum feci id propter quod factus sum. Omisera sors hominis, cum hoc perdidit ad quod factus est. O dirus ac durus casus ille. Heu quid perdidit, & quid inuenit: quid abcessit, & quid remansit? Perdidit beatitudinem ad quam factus est, & inuenit miseriam ad quam factus non est. Abcessit sine quo nihil felix est, & remansit quod per se non nisi miserum est. Manducabat tunc homo panem angelorum, quem nunc esurit: manducat nunc panem dolorum, quem tunc nesciebat. O tu domine usq; quo obliuisceris in finem, usq; quo auertis faciē tuā à nobis? Quando respicies & exaudies nos? quando illuminabis oculos nostros, & ostendes nobis faciem tuam? quando restitues te nobis? Respice domine, & exaudi, & illumina nos, & ostende nobis te ipsum, restitue te nobis ut bene sit nobis, sine quo tam male est nobis. Inuita nos, adiuua nos, obsecro te domine. Amaricatum est cor meum sua desolatione, indulcora illud tua consolatione. Obsecro domine, esuriēs cœpi quærere te, ne desinar impastus à te: famelicus accessi, ne recedam impastus. Pauper ueni ad diuitem, miser ad misericordem, ne recedam uacuuus & contemptus. Domine incuruatus sum, & non possum nisi deorsum aspicere, erige me ut possim sursum uidere uel intendere. Iniquitates meæ supergressæ sunt caput meum, obuoluerunt me, & sicut onus graue grauant me. Euolue me & exonera me, ne urgeat super me puteus os suum. Doce me quærere te, & ostēde te quærenti te, quia nec quærere te possum nisi doceas tu, nec inuenire nisi te ostēdas. Quæram te desiderando, desiderem te quærendo, inueniam amando, amem inueniendo.

## CAPUT XXXII

Fateor domine & gratias ago, quia creasti me ad hanc imaginem tuam, ut tui memor te cogitem, te amem. Sed sicut est abolita corruptione uitiorum, sic est obfuscata fumo peccatorum, ut non possit facere ad quod facta est, nisi tu renoues & reformes eam. Rogo domine qui das fidei intellectum, da mihi ut quantum scis expedire intelligam, quia es sicut credimus, & hoc es quod credimus, & quidem credimus te esse aliquid quo nihil maius aut melius cogitari possit. Quid ergo es domine deus quo unum maius meliusq; nihil ualet cogitari, nisi id quod summum bonum omnium solum existens per se ipsum, omnia alia fecit ex nihilo? Quod ergo bonum deest summo bono, per quod omne bonum? Tu es itaq; iustus, uerax, beatus, & quicquid aliud est melius esse quam non esse. Verum malis quomodo parcis, si es totus summe iustus? An quia bonitas tua est incomprehensibilis? Latet hoc in luce inaccessibili, quam inhabitas. Vere in altissimo & secretissimo bonitatis tuæ profundo latet fons, unde manat fluuius misericordiæ tuæ. Nam cum totus & summe iustus sis, tamen idcirco etiam malis benignus es, quia totus & summe bonus es. Minus namq; bonus



**A** nus esses, si nulli malo esses benignus. Melior est enim qui & bonis simul & malis bonus est, quā qui bonis tantum bonus est. Et melior est qui malis & parcendo & puniendo bonus est, quā qui puniendo tantum. Ideo ergo misericors es, quia totus & summe bonus es.

O immensa bonitas quæ omnium intellectum excedis, ueniat super me misericordia De delectabili  
fruitione dei.  
Cap. XXXIII

illa quæ de tanta opulentiâ procedit: influat in me quæ profluit de te. Parce per clemētiā, ne ulciscaris per iustitiā. Excita te nunc anima mea, & erige totum intellectum tuum, & cogita quantum potes, quale & quantum sit illud bonum quod deus est. Si enim singula bona delectabilia sunt, cogita intente quā delectabile sit illud bonum quod continet iocunditatem omnium bonorum, & non quale in rebus creatis sumus experti, sed tanto differētem, quanto differt à creatura creator. Si enim est bona uita creata, quā bona est uita creatrix? Si iocunda est salus facta, quā iocunda est salus quæ fecit omnem salutem? Si amabilis est sapientia in cogitatione uel cognitione rerum cognitarum, quā amabilis est sapiētiā quæ omnia fecit & condidit ex nihilo? Denique si multæ & magnæ sunt delectatiōes in rebus delectabilibus, qualis & quanta est delectatio in eo qui ipsa delectabilia fecit? O qui hoc bono frue-  
tur, quid illi erit? quid illi non erit? Certe quicquid uoluerit illi erit, & quicquid noluerit non erit. Ibi quippe illi erunt bona animæ & corporis, qualia nec oculus uidit, nec auris audiuit, nec in cor hominis ascendit.

Cur ergo per multa uagaris homuncio quærēdo bona animæ tuæ & corporis tui? Ama unum bonū in quo sunt omnia bona, & sufficit. Desidera simplex bonum quod est omne bonum, & satis est. Quid enim amas caro mea? quid desideras anima mea? Ibi est quicquid amas, ibi est quicquid desideras. Si delectat pulchritudo, fulgebunt iusti sicut sol. Si uelocitas, aut fortitudo, aut libertas corporis tui, nihil ob-  
stere poterit, erunt similes angelis dei: quia seminatur corpus animale, surget corpus spiritale, potestate utique, non natura. Si longa aut salubris uita, ibi erit sana aternitas, & aterna sanitas: quia iusti in perpetuum uiuent, & salus iustorum à domino. Si satietas, satiabuntur cum apparuerit gloria domini. Si ebrietas, inebriabuntur ab ubertate domus dei. Si melodia, ibi

Quod summū bonum appetendū sit  
Cap. XXXIII

**B** angeli concinent sine fine deo. Si quælibet non immunda, sed munda uoluptas, torrente uoluptatis suæ potabit eos dominus. Si sapientia, ipsa dei sapientia ostendet eis se ipsam sapientiam. Si amicitia, diliget deum plus quā seipsum, & inuicem tanquā seipsum, & deus illos plus quā illi seipsum, quia illi illū se & inuicem per illū, & ille se & illos per seipsum. Si concordia, omnibus illis erit una uolūtas, quia nulla illis erit nisi dei summa uoluntas. Si potestas, omnipotentes erunt suæ uoluntatis, ut deus suæ. Nam sicut deus poterit quod uolet, per se ipsum: ita poterunt illi quod uolent per illum: quia sicut illi non aliud uolent quā ille uolet, ita ille uolet quicquid illi uolent, & quid ille uolet, non poterit non esse. Si honor & diuitiæ, deus seruos suos bonos & fideles supra multa bona constituet, imò filij dei & dij uocabuntur, & erunt hæredes quidem dei, cohæredes autem Christi. Si uera securitas, certe ita certi erunt nunquā ullatenus illud bonum sibi defuturum, sicut certi erunt se non sua sponte illud amis-  
suros, nec dilectore deum illud dilectoribus suis inuitis ablaturū, nec aliquid deo potentius deum & illos separaturū. Gaudium uero quale quātum uie est, ubi tale ac tantū bonum est?

De mutua charitate sanctorū i cœlis  
Cap. XXXV

Cor humanum, cor indigens, cor expertū erumnas & miseras, imò obrutum miserijs, quantum gauderes si in his omnibus abundares, interroga ultima intima tua si capere possent gaudium suum de tanta beatitudine sua. Sed certe si quis alius quem omnino sicut te ipsum amares, eandem beatitudinem haberet, duplicaretur gaudiū tuum, quia non minus gauderes pro eo quā pro teipso. Si uero duo uel tres uel multo plures id ipsum haberent, tantundem pro singulis, quantundem pro teipso gauderes, si singulos sicut teipsum amares. Ergo quid erit in illa perfecta charitate innumerabilium beatorum angelorum & hominum, ubi nullus diligit alium minus quā seipsum? Non enim aliter gaudebit unusquisque pro singulis alijs quā pro seipso. Si ergo cor hominis de tanto bono suo uix gaudium suum capiet, quomodo capax erit tot & tantorum gaudiorum? Et utique quoniam quantum quisque diligit aliquem, tantum de bono eius gaudet. Sed sicut in illa beata felicitate unusquisque sine

Aa compa

De pleno gaudio  
uitæ æternæ  
Cap. XXXVI

IOH. 16

comparatione plus amabit deum q̄ se & omnes alios secum, ita plus gaudebit absq̄ afflictione de felicitate dei q̄ de sua & omnium aliorum secum. Et si deum sic diligens toto corde, tota mēte, tota anima, ut tamen totū cor, tota mens, tota anima nō sufficiat dignitati dilectionis: profecto sic gaudebūt toto corde, tota mente, tota anima, ut tamen totum cor, tota mens, tota anima non sufficiat plenitudini gaudij. Deus meus & dominus meus, spes mea & gaudium cordis mei, dic animæ meæ, si hoc est gaudiū de quo nobis per filium tuū dicis, Petite & accipietis ut gaudium uestrum sit plenum. Inueni nanq̄ gaudium quoddam plenum & plusq̄ plenum, pleno quippe corde, plena mente, plena anima, pleno toto homine. Gaudio illo adhuc supra modum supererit gaudium. Non ergo totum illud gaudium intrabit in gaudentes, sed toti gaudentes intrabunt in gaudium domini sui. Dic domine, dic seruo tuo intus in corde meo, si hoc est gaudium in quod intrabūt serui tui, qui intrabunt in gaudium domini sui? Sed certe gaudium illud quo gaudebunt electi tui, nec oculus uidit, nec auris audiuit, nec in cor hominis ascendit. Nondum ergo cogitavi aut dixi. Domine, quantum gaudebunt electi tui? Vtiq̄ tantum gaudebunt, quantum amabunt: tantum amabunt, quantum cognoscent domine. Et quātum te amabunt? Certe nec oculus uidit, nec auris audiuit, nec in cor hominis ascendit in hac uita, quantū te cognoscent & amabunt in illa uita. Oro te deus meus ut cognoscam te, amem te, ut gaudeam de te, & si non possum in hac uita ad plenum, uel proficiam de die in diem, usquedum ueniat illud ad plenum. Proficiat in me hic noticia tua ut tibi fiat plena, crescat in me hic amor tuus, ut ibi sit plenus, ut hic gaudium meum sit in spe magnum, & ibi in re plenum. Deus uerax peto ut accipiam quod promittis, ut gaudium meū sit plenum. Meditetur in te interim mens mea, loquatur inde lingua mea, amet illud cor meū, sermocinetur os meum, efuriat illud anima mea, sitiāt illud caro mea, desideret illud substantia mea donec intrem in gaudium domini mei, ibi permanens per secula, Amen. Finis.

#### AD LECTOREM

ET hunc pius quispiam & ociosus consarcinauit, hoc melior superiore, quod breuior.

#### DE TRIPLICI HABITACULO LIBER.

Caput I



TRIA sunt sub omnipotentis dei manu facta habitacula, primum, imum, & medium: quorū summum regnum dei, uel regnum cœlorum dicitur: imum, uocatur infernus: medium, mundus præsens, uel orbis terrarum appellatur. Quorū extrema omnino sibi inuicem sunt cōtraria, & nulla sibi societate cōiuncta. Quæ enim societas potest esse lucis ad tenebras, & Christi ad belial? Medium autem nonnullam habet similitudinem ad extrema. Vnde lucem & tenebras habet, frigus & calorem, dolorem & sanitatem, laticiam & mœrorem, odium & amorem, bonos & malos, iustos & iniustos, dominos & seruos, regnum & subiectionem, famem & satietatem, mortē & uitam, & innu-mera huiusmodi. Quorum omnium pars una imaginem habet regni dei, pars altera inferni. Commixtio nanq̄ simul bonorum & malorum in hoc mundo est. In regno autem dei nulli mali sunt, sed omnes boni: at in inferno nulli boni, sed omnes mali. Et uterq̄ locus ex medio suppletur: hominū enim huius mundi, alij eleuantur ad cœlū, alij trahuntur ad infernum. Similes quippe similibus iunguntur, id est, boni bonis, & mali malis. Iusti homines iustis angelis: & transgressores homines, transgressoribus angelis. Serui dei, deo: serui diaboli, diabolo. Benedicti uocātur ad regnum sibi paratum ab origine mūdi: maledicti expelluntur in ignem æternum, qui paratus est diabolo, & angelis eius. Bona autē regni cœlestis dicere, uel cogitare, uel intelligere ut sunt, nullus potest carne uestitus. Multo enim maiora & meliora sunt, q̄ cogitātur & intelligūtur, dū scriptum est, Quod oculus nō uidit, nec auris audiuit, nec in cor hominis ascendit, quæ præparauit deus diligētibus se. Regnum nanq̄ dei omni fama

1. Cor. 2



A fama maius, & omni laude melius, omni scientia innumerabilius, omni gloria quæ putatur excellentius. Mala autem inferni dicere uel cogitare ut sunt, nemo potest: peiora quippe sunt ualde quæ cogitantur. Regnum itaque dei plenum est lucis & pacis & charitatis, & sapientiæ & gloriæ & honestatis, & dulcedinis & melodiæ & læticiæ, & beatitudinis perennis & omnis boni ineffabilis, quod nec dici, nec cogitari potest. At lacus inferni plenus est tenebrarum, discordia, odij, stultitiæ, miseriæ, turpitudinis, amaritudinis, offensionis, doloris, adustionis, sitis, fædiæ, ignis inextinguibilis, tristitiæ, uindictæ perennis, & omnis ineffabilis mali, quod nec dici, nec cogitari potest. Ciues cæli sunt iusti homines & angeli, quorum rex est deus omnipotens: at contra ciues inferni sunt impij homines & dæmones, quorum princeps est diabolus. Satiat iustos uisio sanctorum hominum & angelorum, & super omnia ipsius dei. Cruciat impios & peccatores uisio hominum damnatorum & dæmonum, & super omnia ipsius diaboli. Nihil in regno dei desideratur quod non inueniatur: at in inferno nihil inuenitur quod desideratur. In regno dei nihil inuenitur nisi quod placet & delectat & satiat: at contra in lacu miseriæ perennis nihil uidetur, nihilque sentitur nisi quod displicet, nisi quod offendit, nisi quod cruciat. In regno æterno erit uita sine morte, ueritas sine errore, felicitas sine perturbatione, omne bonum in regno dei abundat, & nullum malum. Omne malum abundat in carcere diaboli, & nullum bonum. Nullus indignus in regno suscipitur dei: nullus uero dignus, nullus iustus ad infernum trahitur.

De pœnis infernalibus, Cap. II

Principalia duo sunt tormenta in inferno, frigus intolerabile, & calor ignis inextinguibilis: unde in euangelio legitur, Illic erit fletus

Matth. 13. & 22

& 25

Iob 24

& stridor dentium. Fletus namque & liquefactio oculorum ex calore nascitur. Stridor uero dentium ex frigore nascitur: hinc etiam beatus Iob, De aquis, inquit, niuium transibunt ad calorem nimium. De quibus duobus innumera pendent pœnarum genera, uidelicet sitis intolerabilis, pœna famis, pœna foetoris, pœna horroris, pœna timoris, pœna angustiae, pœna tenebrarum, sæueritas tortoris, præsentia dæmonum, ferocitas bestiarum, crudelitas ministrantium, dilaceratio immortalium uermium, uermis conscientiae, ignitæ lachrymæ, suspiria miseriarum, dolor sine remedio, uincula sine solutione, mors æterna, pœna sine fine, absentia Christi quo ad uisionem eius, quæ sola omnia supradicta superat, & omnibus pœnis intolerabilius. Væ igitur illis qui perenne subire hæc omnia mala etiam sine fine merentur pro delectabili unius horæ somnio. Tanta etenim & talis est omnis huius mundi gloria, ad æternam comparata gloriam. Melius erat eis, quod dictum est de infelice Iuda, non nasci, quam malis suis meritis plagas inferni sustinere.

De ijs quos pœna æternitas à mundi uoluptate non deterret, Cap. III

Quid stultius, quid insanius est, quam umbra & imagine & similitudine ueræ gloriæ & ueræ delectationis, ueræ pulchritudinis, ueri decoris, ueri honoris, more infantium decipi & superari, & ipsam gloriam non quærere, non desiderare? Quis imaginem auri in aqua ipso auro neglecto eligeret, & non statim à cunctis fatuus & insanus crederetur? Quis orbem solis in speculo redditum, uel in qualibet materia formatum plus diligeret quam ipsum solem, & non ab omnibus derideretur? Sic irridendus, sic æstimandus est quisquis mundi huius caducam fragilitatem & inutilem carnis uoluptatem diligit, quærit, contendit, æterna gloria contempta, & neglectis regni cœlestis ineffabilibus gaudijs. Hoc commercium insipientium ualde est & miserorum, & cor non habetium sanum, etiam si plagæ inferni non sequerentur, quæ nec dici nec cogitari possunt. Duplex uero plaga est ab æterno regno dei separari, & semper in inferno cum diabolo damnari, præsentiam amittere angelorum, & terribilem semper pati dæmonum præsentiam. Quantum cauere, uitari, metui deberet, nullo modo dici potest. Quis cum sano sensu pro unius dei delictis, centum annorum pœnam eligeret? Et miseri tamen illi qui sine ulla sapientia uoluptatē carnis sequentes, non uitant uitia, non effugiunt intolerabiles pœnas, non centum annorum, non millies mille, sed omnium sine fine seculorum, pro sexaginta uel septuaginta annorum delictis uel qualibet corruptibili delectatione. Quantum autem est inter unum diem & centum annos, non tantum utique: sed plus inter quadraginta uel sexaginta uel centum annos, & æternitatem siue in bono siue in malo futuram. Vnus enim dies aliqua portio est in centum annorum spacio, quamuis modica ualde. At uero

De ingrediēdo uia  
artā, & patrie fel  
licitate & pulchri  
tudine, Cap. IIII

centum annorum spacium nulla portio est in illa æternitate. Si enim, uerbi gratia, ceterima pars uel millesima pars esset æternitatis, prædictū eius spacium uel centuplum eius spacium uel milluplum æternitas esse desineret. Quod ratio non sinit æternitatis, quæ si ullo modo, ullo tēpore finiretur, æternitas omnino nō esset. Fortiter ergo carnali resistēdum est uoluptati, fortiter cōtra fallaces huius mundi blanditias pugnandū est, contra q̄ multas modas satanæ suggestiones uigilandum. Omni studio lata seculi uia uitāda est quæ ducit ad mortem: at uero omni cordis desiderio uia angusta quæ ducit ad uitam, adeunda est & appetēda. Via hæc angusta est uia abstinētiæ & castitatis, humilitatis, & omnis religionis, quā uiam ante nos Christus attriuit, qua uia ad suū regnū migravit, Cuius uestigia & nos sequamur, donec post eum eadē uia ad urbem regiam perueniamus, in qua ipse regnat. De qua urbe quicquid homo dixerit quasi stilla de mari est, uel quasi scintilla de foco. In qua uidelicet urbe fulgebunt iusti sicut sol, ut dñs ait, Vbi summa pax erit, summa quies, nullus labor, nullus dolor, nulla paupertas, nec senectus, nulla mors, nec ulla nox, nullum cibi desiderium, nullum sitis incēdium: sed cibus & potus omnium erit uisio Christi & sanctæ trinitatis, & contēplatio puro cordis oculo ipsius diuinitatis, & assidua lectio, ut ita dicā, libri uitæ, id est, æternæ ueritatis & summæ sapiētiæ, & uerbi dei, quæ est Christi Iesu uisio, ubi quicquid nos nunc latet, manifestū erit. Vbi ratio manifesta est, cur hic electus est, & iste reprobatus, cur hic in regnum assumptus, & ille in seruitutē redactus. Cur alius in utero moritur, alius in infantia: alius in iuuentute, alius in senectute. Cur alius pauper, & alius diues. Cur filius adulteræ baptizatur, & aliquādo filius legitimæ cōiugis ante baptismum moritur. Cur qui bene incipit uiuere aliquando male finit, & qui male incipit sæpe bene finit. Hæc omnia & huiusmodi multa in libro uitæ plana & aperta omnibus erunt. In eadē urbe præmium singulorum omniū, & singulorū per charitatem omniū erit. Ibi omniū bonum omnibus patebit. Ibi omnes inuicem suas cogitationes cognoscēt. Ibi nullus superior superbus erit, nullus inferior inuidus. Quomodo enim qui omnes sicut seipsum diliget alicui inuidere poterit, cū nemo sibi ipsi inuideat? Ibi nullus esse melius uel superius concupiscet q̄ erit, quia aliter esse q̄ quod meruit, non esset decorū, nec aliter esse desiderabit q̄ quod erit: quia ita esse ut erit, pulchrum erit, nō sibi ipsi solum, sed etiā uniuerso corpori ecclesiæ cœlestis. Quomodo enim membrū in corpore, si superius uel inferius ponatur aliter q̄ natura cōstituit, mōstruosum efficit corpus & turpe: sic nimirū si aliquis in regno dei superius ordinetur q̄ postulat ars & uolūtas omnipotētis artificis, turpitudinē efficiet, & nō solū sibi met, sed etiā omni cōgregationi, in qua qui erit minimus, maiore sine dubio habebit gloriā, q̄ totū habēs mūdi regnū, etiā si æternum esset. Vile enim est ualde elemētis frui in cōparatione fruēdi & cōgaudendi ipsi deo, & uisibilibus delectari & corporalibus. Tāta est enim pulchritudo iustitiæ, tāta incūditas lucis æternæ, hoc est, incōmutabilis ueritatis & sapiētiæ, ut etiā si nō liceret amplius manere in ea q̄ unius diei mora, ppter hoc solū innumerabiles anni huius uitæ pleni delictis incircumfluentia temporalium bonorū recte merito q̄ contēnerētur. Nō enim falso aut paruo affectu dictū est, Quoniā melior est dies una in atrijs tuis super milia. Nihil comparādum dilectioni & gaudio quod nascitur ex inuisibilibus & incorporeis, & ex societate angelorū, & iustorū omniū, & ex certa sciētia & cognitione ipsius diuinæ naturæ, & ex dei ipsius facie ad faciē uisione: Cuius pulchritudinē mirātur angeli, cuius imperio suscitātur mortui, cuius sapiētiæ nō est numerus, cuius regnū finem nescit, cuius gloria nequit uariari, cuius lux tam solem obscurat ut eius cōparatione nullā habeat lucē, cuius dulcedo tam mel superat, ut ei comparatū uelut absinthiū sit amarissimū. Cuius faciē si omnes carcere inferni inclusi uiderent, nullā pœnā, nullum dolorem, nullamq̄ tristitiā sentirent. Cuius præsētia si in inferno cū sanctis habitatoribus appareret, cōtinuo infernus in amœnū conuerteretur paradisum. Cuius sine nutu nec folium de arbore cadit. Cuius oculi flammium profundum penetrāt inferni. Cuius auris tacitā cordis uocē audit, id est, cogitationē. Cuius oculus non minus audit q̄ uidet. Cuius auris nō minus uidet q̄ audit, quia nō corpus sunt, sed summa sapiētia & certa



A & certa cognitio. Cuius delitiæ sine fastidio satiant, quæ cum à beatis inueniuntur, semper tamen desiderantur, & esuriē & sitim sine pœna efficiunt, id est, ardenti semper desiderio delectant. Cuius secreta mirabilia uidētibus ea semper noua sunt & mira, & nō plus cū incipiūt uideri pariunt stuporem cernentibus, q̄ post mille annos & millies mille. Et cum angeli ab initio mundi ea soliti sint uidere, inde hodie nō minus mirantur ea q̄ in primo die, alioquin dudum coram angelis assiduo uidendi usu uilesceat. Cuius cognitioni præterita & futura, non præterita & futura, sed præsentia sunt. Vnde nō diem iudicij uidebit, & primū diem seculi nō uidit, sed utrunq; uidet. Cuius præscientia neminem cogit ad peccandum, ut multi errantes dicunt. Si enim, inquiunt, præsciuit Adam peccaturum esse, nō peccare nō potuit. Ex quo errore nascitur, deum causam esse peccati, quod nefas est dicere, & illi tamen suis uerbis alligantur. Si enim quod præscientia dei habet, necesse est fieri, ideo uoluntate propria homo peccauit, & nō alia necessitate, quia in præscientia dei fuit ut uoluntate & libero arbitrio, & nō necessitate cogente peccaret. Si ergo præscientia dei nō potest uitari, nō potuit homo aliter peccare nisi uoluntate, nulla alia ui cogente, quia ita deus præsciuit peccaturum. Si ergo uoluntarie, nō coactus est. Si enim nō coactus est ad peccandū, potuit sine dubio non peccare si uellet, ideo q̄ pœnā meruit, quia nō inuitus peccauit, alioquin à deo pœnā mortis non susciperet. Cuius locutio est occulta inspiratio, qua mētibus suā uoluntatem & suā charitatē inuisibiliter ostēdit, quā uidendo angeli per omnia deo obediunt. Cuius laus est qua electos laudabit, manifestatio qua suorū electorum bona omnibus mōstrabit, assidua autē laus qua electi eū laudabūt, est admiratio eius perennis. Qui miro modo nō tempore præcessit mundū & tempus. Nullius enim horæ spacio fuit ante mundū, & tamen semper erat sine initio. Nō enim erat tempus ante tempus. Tempus autē cum mundo cōcreatum est. Si igitur tempus ab initio mūdī cœpit currere, ante mundū factum nō erat. Ideo q̄ nullo tempore, ut prædiximus, præcessit deus tempora & mundū eis coæuū, imò paulo eis prior est, eius enim motu cœperūt currere. Quicquid mouetur, suū motum præcedit. Ineffabili æternitate præcessit deus mundū, nō tempore, cuius tempus ante mundū non erat, cuius lux tenebras depellit ignoratiæ, cuius aliqua particula hæc omnia quæ diximus uera & certa esse cognoscimus. Eadē luce melius esse uerū q̄ falsum uidemus & tamen peius esse uerū malū: uel uerū peccatum, q̄ falsum malum uel falsum peccatū: non quia uerū est, sed quia malum uel peccatum, sed ideo malū uel peccatū est, quia uerum malū uel peccatum est. Aliter enim non posset esse malū uel peccatum, falsum enim malū nō est malum, ut falsum argentū est. Potest aliquis dicere à ueritate malum uel peccatū exortum esse, uel factū, & quodāmodo opus esse ueritatis malum, quod omnino falsum est. Omne enim uerū inquantū uerum, bonum est: à ueritate igitur est esse uerū, ut sit malum uel peccatum, nō ipsum malum uel peccatum: aliud nanq; est ipsum malum, aliud uerū esse illud. Quamuis igitur ipsum malū bonum non est, bonum est tamen uerum esse ut sit illud. Nisi enim bonū esset esse malū, nullo modo sineret deus illud fieri. Multa quippe bona de malis omnipotens facit, ut de adulterio hominum bonos format & facit homines. Si uero quadā lucis particula quasi per angustas rimas infusa, hæc & alia quæ nouimus uera esse cognoscimus: quali & quanta luce sapientiæ & sciētiæ illic illustrabimur, ubi ipsum solem ueritatis facie ad faciē uidebimus, id est, certa & uera sapiētia cognoscemus. Cuius præsentia similes ei facit præsentia. Qui enim ueræ sapientiæ, ueræ pulchritudini, ueræ æternitati adhærebit, sapiens utiq; & pulcher & æternus erit. Sic enim absentia eius dissimiles omnino ei facit. Cuius æternitas sine initio & sine fine est. Si enim esset tempus quando nō esset, quis eum faceret? Ipse est solus deus, & ante ipsum alius deus nō erat, nec est, nec erit. Non seipsum creauit, cum nihil seipsum creat. Quia enim potētia qui omnino nō esset seipsum faceret? Restat igitur q̄ omnino non est factus deus. Cū ergo nullo modo deus factus est, sine initio ante omnia erat. Quicquid enim factū est habet initium, & quicquid initium habet sine dubio factū est, nō ab alio nisi à deo nō facto, sed omnia faciente. Cuius sciētia sine ulla uarietate cognitionis, & sine ullo uisu huc & illuc

De libertate peccati, & beatifica cognitione eiusq; æternitate, Cap. V

De triplici cogni-  
tione beatorum  
Cap. VI

innumerabilem uarietatem omnium creaturarum, angelorum, hominum, stellarum, arenarum, capillorum, uerborum, cogitationum, momentorum omnium simul & semel comprehendit & intelligit. Fons igitur & origo omnis scientiae deus est, quem quanto plus quis bibet, tanto plus sitiet. Incōparabiliter ergo totius mundi regnum, ut supra diximus, & si aeternum esset, praecellit societas angelorum & sanctorum, & praesenti ipsius dei adesse uisioni. In cuius uisione trina scientia nascitur, id est, homo qui cernit, & deus qui cernitur, & ceteri omnes omnia uidebunt & intelligent. Sicut enim per speculum uitreum trina nobis uisio administratur, quia nos ipsos, & ipsum speculum, & quicquid praesens adest uidemus: sic per speculum diuinæ claritatis, & ipsum deum, ut est uidebimus quantum possibile est creaturam, & nos ipsos, & ceteros uera & certa scientia cognoscemus. Tunc abdita creaturarum & ipsius inferni uidendo deum uidebimus. Tunc iustis manifestum erit quomodo deus est inuisibilis, incomparabilis, sine initio, & sine fine ante omnia. Quid interest inter nasci quod ad filium pertinet, & procedere quod ad spiritum sanctum, excepto quod unus ex uno natus sit, alter ex duobus processit. Et quomodo pater non praecessit filium tempore, sed origine, nec spiritum sanctum. Et quomodo omnia dei, unum sunt ex deo, excepto quod ad relationem pertinet. Nam sapientia & ueritas dei & aeternitas non diuersa sunt inter se, sed unum sunt sicut & omnia. Sapientia enim dei non magis sapientia quam ueritas est, & non magis ueritas est quam sapientia: quam aeternitas, quam cetera dei omnia. Unum enim sunt in deo, & non solum haec inter se eadem sunt in deo, sed non aliud sunt quam ipse deus. Et quomodo mundus erat in deo, antequam in seipso esset non mundus, sed deus: & quomodo ubique totus sine loco, magnus sine quantitate, bonus sine qualitate: & quomodo omnia penetrat munda & immunda sine sui pollutione. Si enim lux ista uisibilis omnia loca illustrat, & sterquilinia etiam penetrat sine sui foetore, & sine sui pollutione: quanto magis deus qui est inuisibilis & incommutabilis lux, omnia penetrat, regit, sustinet, circumdat, illustrat, sine ulla mutatione uel pollutione, non solum coelestia & terrestria, sed infernaliam. Tunc erit electis dei trina uisio, id est corporalis, qua corpora cernuntur quorundam splendentia ut sol, quorundam ut luna, aliorum ut stellae. Et spiritualis, qua similitudines corporum in spiritu non fallaci phantasia inspicient, qua uisione etiam hodie fruuntur spiritus iustorum post corporum claustra. Et uisio intellectualis, qua puro mentis oculo in spiritu deum uidebunt, & suas animas & uirtutes intimas & spiritus angelicos. Tunc duplices deo acturi sunt gratias, uidelicet pro sua liberatione à perpetua damnatione, & pro bonorum ineffabili retributione. Tunc communis omnium reus & hostis diabolus in conspectu omnium electorum dei damnabitur. Cuius damnatio & intolerabilis poena delectabile spectaculum praebit electis. Tunc ardentissimo amore liberatorem suum & omnium bonorum datorem amabunt, & sine fine & fastidio clamore cordis laudabunt deum omnipotentem benignum & misericordem: cui est honor & gloria nunc & per omnia secula seculorum, Amen. Finis.

## AD LECTOREM.

HOC opusculum fertur inter scripta diuini Bernardi, quanquam nec illius uidetur esse, tantum abest ut sit Augustini. Neque enim Augustinus unquam laborauit manibus, quod monachorum est, qui tum ferè erant laici.

## SCALAE PARADISI LIBER.

Descriptio. 4. graduum exercitatorum spiritualium.  
Caput I



VI die quadam corporali manuum labore occupatus de spiritalis hominis exercitio cogitare cepissem, quatuor spirituales gradus animo cogitanti se subito obtulerunt, scilicet lectio, meditatio, oratio, & contemplatio. Haec est scala claustralium qua de terra in coelum subleuatur, gradibus distincta paucis, immensae tamen & incredibilis magnitudinis. Cuius extrema pars terrae innixa est, superior uero nubes penetrat, & secreta coelorum rimatur. Hi gradus sicut nominibus & numero sunt diuersi, ita ordine & numero sunt distincti. Quorum proprietates & officia quidem singula, quid circa nos efficiant, quomodo inter se inuicem



se inuicē differāt & præmineāt, si quis diligēter inspiciat, quicquid laboris aut studiū impēderit in eis, breue reputabit & facile, præ utilitatis & dulcedinis magnitudine. Est autē lectio, sedula scripturarū cum animi intētiōe inspectio. Meditatio est studiosa mētis actio, occultæ ueritatis noticiā ductu propriæ rationis inuestigās. Oratio est deuota mētis intētiō in deū, pro malis amouēdis, & bonis adipiscēdis. Contēplatio est mētis in deū suspēsa quædā eleuatio, aternæ dulcedinis gaudia degustās. Assignatis ergo quatuor graduū descriptionibus, restat ut eorū officia uideamus. Lectio inquit, meditatio inuenit, oratio postulat, contemplatio degustat: unde ipse dñs dicit, Quærite, & inuenietis, pulsate, & aperietur uobis. Quærite legēdo, & inuenietis meditando. Pulsate orando, & aperietur uobis cōtemplando. Lectio quasi solidū cibum ori apponit. Meditatio masticat & frāgit. Oratio saporem acquirit. Contemplatio est ipsa dulcedo quæ iocūdat & reficit. Lectio in cortice, meditatio in adipe, oratio in desiderij postulatione, contemplatio in adeptæ dulcedinis delectatione. Quod ut expressius uideri possit, unū de multis supponā exemplū: in lectione audio, Beati mundo corde, quoniā ipsi deum uidebunt. Ecce breue uerbum, sed suaue & multiplex sensu. Redeo supra ad pastum animæ, quasi uuæ ministralis: quod postq̃ anima diligēter inspexit, dicit intra se, Potest aliquid boni esse. Redeo ad cor meū & tētabo si forte intelligere & inuenire potero mundiciā hanc, preciosa enim & desiderabilis est res ista, cuius possessores dei dicuntur. Cui uisio dei quæ est uita aterna promittitur, quæ tot sacræ scripturæ testimonijs collatur. Hoc ergo sibi plenius explicari desiderans, incipit hanc uuam masticare & frangere, eamq̃ in torculari ponit dū excitat rationē ad inquirendū an sit, & quomodo haberi possit hæc adeo preciosa & desiderabilis mundicia. Accedens ergo sedula meditatio non remanet extra, nō habet aliquid in superficie alterius, pedē figit, interiora penetrat, singula rimatur, attente cōsiderat q̃ nō dixit, Beati mundo corpore, sed mente, quia non sufficit manus habere innoxias à malo opere, nisi & à prauis cogitationibus mundemur in mente: quod autoritate prophetæ cōfirmatur dicētis, Quis ascendet in montē domini, aut quis stabit in loco sancto eius? Innocēs manibus & mūdo corde. Item cōsiderat hanc cordis mundiciā quā optabat idē propheta, qui orans, inquit, ut supra. Cogita q̃ sollicitus erat in hac custodia beatus Iob qui dicebat, Pepigi fœdus cū oculis meis ne cogitarē quidē de uirgine. Ecce quantū artabat se uir sanctus, qui claudebat oculos suos ne uideret uanitatem, ne forte incautus respiceret quod postea intus desideraret. Postq̃ & huiusmodi de cordis mūdicia pertractauit, incipit tractare de eius præmio. Quam gloriosum & delectabile esset uidere faciē desideratam domini, speciosam forma præ filijs hominū. Nō iam abiectam & uilem, nō habentē speciē qua uestiuit eū mater sua, sed stola immortalitatis indutū, & coronatum diademate quo coronauit eū pater suus in die resurrectionis & gloriæ, die quā fecit dñs. Cogitat q̃ in illa uisione erit satietas illa, de qua dicit propheta, Satiabimur, cū apparuerit gloria tua. Vidēs ne quātum liquoris emanauit ex minima uua, quantus ignis ex hac scintilla ortus est, quantū hæc modica massa, Beati mundo corde, quoniā ipsi deū uidebunt, in eadē meditatione extēsa est. Sed quātum adhuc posset extēdi, si accederet aliq̃s talia exptus. Seditio enim q̃ puteus altus est, sed ego ad hæc rudis, uas in quo pauca haurirē, uix inueni. His anima facibus inflāmata, his maētata desiderijs, fracto alabastro suauis unguenti præsentire incipit, nō de gustu, sed quasi nariū odoratu. Ex hoc colligit q̃ suaue est huius meditationis sentire experiētiā, cuius meditationē nouit adeo esse iocundā. Sed quid faciet? Hæc desiderio exæstuat: sed nō inuenit apud se quomodo habere possit, & quāto plus inquit, plus sitit, dū apponit meditationē, apponit & dolorē, quia nō sentit dulcedinē quam in cordis mūdicia meditatio esse mōstrat, sed nō præstat. Nō enim est legētis atq̃ meditantis hanc sentire dulcedinem, nisi data fuerit desuper. Legere enim & meditari tam bonis q̃ malis cōmune est. Et ipsi philosophi gentiū, in quo summa ueri boni cōsisteret, inuenerunt ductu rationis. Sed quia cū deum cognouissent, non sicut deum glorificauerunt, sed de suis uiribus præsumentes, dicebant, Linguam nostram magnificabimus, labia nostra à nobis sunt,

Descriptio officiorum quatuor graduum, Cap. II

Matth. 7

Matth. 5

Officiū meditationis, Cap. III

Psal. 23

Iob. 31

Psal. 16

sunt, nō meruerunt percipere quod potuerunt uidere. Euanuerunt in cogitationibus suis, & eorum sapientia deuorata est, quā eis contulerat humanum studium disciplinā, nō spiritus sapientiā, qui solus dat ueram sapientiam, sapidam scilicet scientiam, quā cum alicui inest, inestimabilis sapor iocundat & reficit: & de illa dictum est, Sapientia non intrat in malucolam animam. Hoc autē à solo deo est, & sicut officium baptizandi dominus cōcessit multis, potestatem uero & auctoritatem in baptismo remittēdi peccata sibi soli retinuit: unde Ioannes antonomasice & discretiue de eo dixit, Hic est qui baptizat in spiritu sancto. Et de eo possumus dicere, Hic est qui sapiētīā saporem dat, sapidā animā facit scientiā: Sermo siquidem datur multis, sapientia paucis: quam distribuit dominus cui uult, & quomodo uult.

Officiū orationis

Cap. IIII

Videns autem anima q̄ ad desideratam cogitationis & exprientiā dulcedinem per se non possit attingere, & quanto magis ad cor altū accedit, tanto magis exaltetur deus, humiliat se & fugit ad orationē, dicens, Domine qui nō uideris nisi à mundis cordibus, inuestigauī legendo, meditādo, quasi uī quomodo haberi possit uera cordis mundicia, ut ea mediāre uel ex media parte possem te cognoscere. Quarebam uultum tuū domine, uultū tuum domine quarebam. Diu meditatatus sum in corde meo, & in meditatione mea exardescit ignis & desiderium amplius cognoscēdi te, dum panem sacrae scripturā mihi frāgis, & in fractione panis, in quo magis cognitus es, quantum plus te cognosco, plus te cognoscere desidero, non iam in cortice litterā, sed in sensu experientiā. Nec hoc peto dñe propter merita mea, sed pro tua misericordia. Fateor enim quia indigna & peccatrix sum, sed catelli edunt de micis quā cadūt de mensa dominorum suorum. Da mihi domine arram hāreditatis futurā, saltem guttam cōlestis pluuiā, qua refrigerem sitim meam, quia amore ardeo.

Officiū contemplationis, Cap. V

His & huiusmodi ignitis eloquijs suū inflammat desiderium, sicut ostendit suū affectum. His incantationibus aduocat sponsum. Dominus autem cuius oculi super iustos, & aures eius non solū ad preces, sed ipsas preces eorum nō expectat donec sermonē finierint, sed medium orationis cursum interrūpens festinus ingerit se, & animā desideranti festinus occurrit cōlestis rore dulcedinis circumfusus, unguētis optimis delibutus animā fatigatam recreat, esurientē reficit, aridā impinguat, facit eam terrenorū obliuisci. Immemorē sui mirabiliter fortificando uiuificans, & inebriando sobriā reddens. Et sicut in quibusdā carnalibus officijs adeo uincitur carnalis cōcupiscētia q̄ omnē usum rationis amittit, & fit homo quasi totus carnalis: ita merito in hac superna contemplatione ita consumuntur & absorbentur carnales motus ab anima, ut in nullo caro spiritui cōtradicat, & fiat homo quasi totus spiritalis.

Signa spūssancti ad animā ueniētis. Cap. VI

O domine quomodo appares quando hac facies, & quod signū aduentus tui? Nūquid huius consolationis & laticiae testes & nunciū sunt suspiria & lachrymae? Si ita est, noua est antiphrasis ista, & significatio inusitata. Quā enim conuentio consolationis ad suspiria, laticiae ad lachrymas? si tamen istae dicēdae sunt lachrymae, & nō potius roris interioris superinfusi superfluens abundantia, & interioris ablutionis indicium, & exterioris purgamentum. Vt sicut in baptismo puerorū per exteriorē ablutionē significatur & figuratur interior animae ablutio, ita hic exteriorē ablutionē interior praecedit purgatio. O felices lachrymae, per quas maculae interiores purgātur, per quas peccatorū incēdia extinguuntur. Beati qui sic lugetis quia ridebitis in lachrymis. Agnosce o anima spōsum tuum, amplectere desideratum. Nunc torrente te uoluptatis inebria, sūge ab ubere consolationis eius lac & mel. Hae sunt munda munuscula & solatia quā dedit tibi spōsus tuus, gemitus scilicet & lachrymae. Adducit tibi potum his lachrymis in mensura. Hae lachrymae sunt tibi panes die ac nocte, panes utiq̄ confirmantes cor hominis, & dulciores super mel & fauū. O domine si adeo sunt dulces istae lachrymae quā ex memoria & desiderio tui excitantur, q̄ dulce erit gaudium quod ex manifesta tui uisione capiatur: si adeo dulce est flere pro te, q̄ dulce erit gaudere de te? Sed quid huius secreta colloquia proferimus in publicum? Cur incarnales affectus uerbis communibus conamur exprimere? Inexpertī talia non intelligunt in libro experientiā, quos ipsa docet unctio. Aliter autē littera exterior nō prodest quicq̄ legēti. Modicum



A dicum sapida est lectio exterioris litteræ, nisi glosam & interiorem sensum sumat ex corde. *Quo remanet anima spiritus sancti feruore discende*  
 O anima diu protraximus sermonem. Bonum enim erat nos hic esse cū Petro & Ioanne *Cap. VII Gen. 32*  
 contemplari gloriam sponsi, & diu manere cum illo. Sed uellem hic fieri non duo non tria  
 tabernacula, sed unum in quo essemus simul & simul delectaremur: sed ut dicit sponsus, Di  
 mitte me, iam enim ascendit aurora, iam lumen gratiæ & uisitationem quam desiderabas  
 accepisti. Data ergo benedictione, mortificato neruo femoris, & mutato nomine de Iacob  
 in Israël, paulisper secedit spōsus diu desideratus, cito elapsus. Subtrahit se tam à prædicta  
 uisione q̄ à dulcedine cōtemplationis, manet tamen præsens quātum ad gubernationem,  
 quantum ad gloriam, quantum ad unionem. *Quare spūs sancti feruor animam altē quantulum deseris*  
*Cap. VIII*

res, ne existimes te contemni si paulisper tibi subtrahit sponsus faciem suam. Omnia ista  
 cooperantur tibi in bonum, & de accessu & recessu lucrum acquiris, tibi uenit, tibi & recedit.  
 Venit ad consolationem, recedit ad cautelam, ne magnitudo consolationis extollat te, ne si  
 semper apud te sit sponsus, incipias contemnere sodales, & hanc continuā uisitationem non  
 iam gratiæ attribuas, sed naturæ. Hanc autē gratiam cui uult & quando uult sponsus attri  
 buit, non iure hæreditario possidetur. Vulgare prouerbiū est, q̄ nimia familiaritas parit  
 contemptum. Recedit ergo ne forte nimis assiduus contemnatur, & absens magis desidere  
 tur, desideratus auidius quæatur, diu quæsitus tandē gratius inueniatur. Præterea quæ est  
 præsens uita? Quæ respectu futuræ gloriæ, quæ reuelabitur in nobis ænigmatica est, quam  
 nunc ex parte cognoscimus. Nam hic ciuitatem manentem non habemus, sed inquirimus  
 futuram. Ne ergo exilium deputemus pro patria, arram pro precij summa, uenit spōsus &  
 recedit uicissim, nunc consolationem afferens, nunc uniuersum statum nostrum in infirmi  
 tate commutans, paulisper nos permittit gustare q̄ suauis est, & ante q̄ plene sentiamus se  
 subtrahit, & ita quasi alis expālis supra nos uolitans, prouocat nos ad uolandū: quasi dicat,  
 Ecce parum gustastis, sum dulcis, sed si uultis plene saturari hac dulcedine, currite post me  
 in odorē unguentorum meorum, habētes sursum corda, ubi ego sum in dextera dei patris,  
 ubi uidebitis me, non per speculum in ænigmate, sed facie ad faciem, & ubi plene gaudebit  
 cor uestrum, & gaudium uestrum nemo tollet à uobis. *Cura anime ne à deo deferatur*  
*Cap. IX*

Sed caue tibi o spōsa quo  
 cor uestrum, & gaudium uestrum nemo tollet à uobis. ipse tamen uidet te plenus  
 modo auertat se sponsus. Non longe abijt, & si non uides eum, ipse tamen uidet te plenus  
 oculis ante & retro, nunq̄ potes eum latere. Habet etiam circa te nuncios suos spiritus quasi  
 sagacissimos exploratores, ut uideant quomodo absente sponso conuerferis, & accusent te  
 coram ipso si aliqua signa lasciuiæ & scurrilitatis in te deprehenderint, statim discedet à te, &  
 sus iste, si forte aliū amatorem acceperis, si alijs placere studueris, statim discedet à te, &  
 alijs adhærebit adolescentulis, delicatus est sponsus iste, nobilis & diues est, speciosus forma  
 præ filijs hominum: & ideo non nisi speciosam dignatur habere spōsam. Si uiderit in te ma  
 culam siue rugam, statim auertet oculos. Nullam enim immūdiā potest sustinere. Esto  
 ergo casta, esto uerecunda & humilis, ut sic à sponso tuo merearis frequēter uisitari. Timeo  
 ne diutius detinuerit nos sermo iste, sed ad hæc compulit me materia sterilis pariter & dul  
 cis, quam ego non protrahebā spontaneus, sed nescio qua eius dulcedine trahebar inuitus.  
 Ut ergo quæ diffusius dicta sunt simul iuncta uel unita melius uideantur, prædictorum  
 summam recapitulando colligamus, sicut in prædictis exemplis prænotatum uideri potest,  
 quomodo prædicti gradus cohæreant, & sicut tēporaliter & causaliter se præcedant. Medi  
 enim quasi fundamētum, prima occurrit, & data materia mittit nos ad meditationē. Medi  
 tatio uero quid appetēdum sit diligentius inquirat, & quasi effodiens thesaurum inuenit &  
 ostendit. Sed cū per se obtinere nō ualeat, mittit nos ad orationem. Oratio se totis uiribus  
 erigit ubi repperit thesaurū desiderabilē, cōtemplationis suauitatem: hæc adueniēs prædi  
 ctorum trium laborē remunerat, dū cœlestis rore dulcedinis animā sitientē inebriat. Lectio  
 ergo est secundū exterius exercitiū: Meditatio secundū interiorē intellectū: Oratio secundū  
 desiderii. Contemplatio super omnē sensum. Primus gradus est incipiētium. Secundus est  
 proficiētium. Tertius est deuotorum. Quartus beatorum. Hi autē gradus ita catenati sunt,  
 & uicaria

*Officia singulorū  
 graduū per repe  
 titiōē. Cap. X*

& uicaria ope sibiſnuicem deferuiūt, q̄ præcedētes ſine ſubſequentibus, aut parum, aut nihil profint: ſequentes uero ſine præcedentibus, aut raro aut nunq̄ profint. Quid enim prodeſt lectione cōtinua tempus occupare, ſanctorū geſta & ſcripta legēdo tranſcurrere, niſi ea maſticando & ruminādo, ſuccum & bibamus, & tranſglutiēdo uſq̄ ad cordis intima tranſmitamus, ut ex his diligēter conſyderemus ſtatum noſtrum, & ſtudeamus eorū opera agere, quorum facta cupimus lectitare? Sed quō hæc cogitabimus, aut quomodo cauere poterimus ne falſa aut inania quædā meditādo, limites à ſanctis patribus cōſtitutos trāſeamus, niſi prius circa huiusmodi aut ex lectione aut ex auditu fuerimus inſtructi? Auditus enim quodāmodo pertinet ad lectionē. Vnde ſolemus dicere, non ſolum libros ipſos nos legiſſe quos nobiſiſſis uel alijs legimus, ſed etiā illos quos à magiſtris audiuiſus. Itē qd prodeſt homini ſi per meditationes quæ agēda ſunt uideat, niſi orationis auxilio & dei gratia ad ea obtinēda conualeſcat? Omne, inquit, datū optimum, & omne donū perfectū deſurſum eſt, deſcēdens à patre luminum, ſine quo nihil poſſumus facere, ſed ipſe in nobis facit opera, nō tñ omnino ſine nobis. Cooperatores quidē dei ſumus, ſicut dicit Apoſtolus. Vult ſiquidem deus ut eū oremus, & ut ei adueniēti & præſtolanti ad oſtiū aperiāmus ſinum uolūtatis noſtræ, & ei cōſentiamus. Hūc cōſenſum exigebat à Samaritana, qñ dicebat, Voca uirum tuū. Volo tibi infundere gratiā, tu applica liberū arbitrium. Orationem exigebat ab ea, cum dicebat, Tu ſi ſcires donum dei, & quis eſt qui dicit tibi, da mihi bibere, forſitan petiſſes ab eo aquā uiuam. Hoc audito quaſi ex lectione mulier inſtructa, meditata eſt in corde ſuo, bonū ſibi fore & utile habere hanc aquā. Accēſa ergo habēdi deſiderio, cōuertit ſe ad orationem, dicens, Dñe da mihi hanc aquā ut non ſitiā, neq̄ ueniam unq̄ haurire aquam. Ecce auditis uerbi dñi & ſequens ſuper eo meditatio incitauerunt eā ad orandū. Quomodo nanq̄ eſſet ſollicita ad poſtulandū, niſi prius eā accendiſſet meditatio? Aut quid ei præcedēs meditatio cōtuliffet, niſi quæ appetēda mōſtrabat ſequēs oratio impetratiffet? Ad hoc ergo ut fructuoſa ſit meditatio, oportet ut ſequatur orationis deuotio, cuius quaſi effectus eſt contēplatio.

Hic oſtēdūtur oēs  
hi gradus ita eſſe  
ſimul iuncti ut ſint  
inſeparabiles.

Cap. XI

Matth. 7

Ex his poſſumus colligere, q̄ lectio ſine meditatione arida eſt: Meditatio ſine lectione erronea eſt: Oratio ſine meditatione eſt tepida. Meditatio ſine oratione infructuoſa. Oratio cū deuotione contemplationis eſt acquiſitiua: Cōtemplationis adeptio ſine oratione, aut rara, aut miraculoſa. Deus enim cuius potentia nō eſt numerus uel terminus, & cuius miſericordia ſuper omnia opera eius, quandoq̄ ex lapidibus ſuſcitāt filios Abrahæ, dum duros & nolentes acquieſcere cogit ut uelint: & ita quaſi prodigus, ut uulgo dici ſolet, bouem cornu trahit quando nō uocatus ſe infundit. Quod & ſi quando aliquibus legimus cōtigiffet, ut Paulo & quibuſdā alijs, nō tamen ideo debemus nos quaſi deū tentādo diuina præſumere, ſed facere quod ad nos pertinet, legere ſcilicet & meditari in lege dei: orare uel amare ipſum, ut adiuuet infirmitatē noſtrā, ut uideat imperfectum noſtrū: quod ipſe docet nos facere, dicens, Petite & accipietis, quærite & inuenietis, pulſate & aperietur uobis. Nunc enim regnū cœlorū uim patitur, & uiolenti rapiūt illud. Ecce ſi gratis diſtinctionibus perfici poſſunt prædictorū graduū proprietates quomodo ſibi cohæreāt, & quid ſinguli in nobis efficiāt. Beatus homo cuius animus à cæteris negocijs uacuuſ, in his quatuor gradibus uerſari ſemp deſiderat, qui uēditis uniuerſis quæ habuit emit agrū illū, in quo latet theſaurus delectabilis, ſcilicet quia notate & uidete quia ſuauiſ eſt dñs: qui in primo gradu excitatus, in ſecūdo circūſpectus, in tertio deuotus, in quarto ſupra ſe leuatus per has aſcēſiones quaſ in corde ſuo diſpoſuit, aſcēdit de uirtute in uirtutē donec uideatur dñs dominorū in Sion. Beatus cui in hoc ſupremo gradu uel modico tempore cōceditur manere, q̄ uere poteſt dicere, Ecce ſentio gratiā domini, ecce cum Petro & Ioāne cōtemplor, ecce cum Iacob plerūq̄ Rachel amplexibus delector. Sed caueat ſibi iſte ne poſt contēplationem iſtā qua eleuatus fuerat uſq̄ ad cœlos, inordinato caſu corruat uſq̄ ad abyſſos, nec poſt factā uiſitationem ad laſciuos mundi actus & carnis illecebras conuertatur. Cum uero mentis humanæ acies infirma ueri luminis illuſtationē diutius ſuſtinere nō poterit, ad aliquem trium graduum per quos



A per quos ascēderat, leuiter & ordinate descēdat, & alternatim modo in uno, modo in altero, iam in alio secundū motū liberi arbitrii pro ratione loci & tēporis demoretur, tanto iā deo uicinior, quanto à primo gradu remotior. Sed heu fragilis & misera humana cōditio: Ecce ductu rationis & scripturarū testimonijs aperte uidemus in his quatuor gradibus bonæ uitæ perfectionem cōtineri, & in his spiritalibus bonis hominis exercitiū debere uersari. Sed quis est hic & laudabimus eum? Velle multis adiacet, sed perficere paucis. Et utinā de istis paucis essemus.

Sunt autē quatuor causæ quæ retrahūt nos plerūq; ab istis gradibus, scilicet, ineuitabilis necessitas, honestæ actionis utilitas, humana infirmitas, mūdialis uanitas. Prima excusabilis, secūda tolerabilis, tertia miserabilis, quarta culpabilis. Cur culpabilis? Illis enim quos huiusmodi causa à sancto proposito retrahit, melius erat gloriā dei non cognoscere, q̃ post agnitā retroire. Quam sibi excusationē habebit de peccato? Nam iuste potest dicere dñs, Quid debuī tibi facere, & nō feci? Non eras, & creauī te: peccasti & diaboli seruum te feceras, & redemi te: in mundi circumitu cū impijs currebas, & elegi te: dederā tibi gratiā in cōspectu meo & uolebam facere apud te māsionem, tu uero despexisti me, & non solum sermones meos, sed meipsum proiecisti retrorsum, & ambulasti post cōcupiscentias tuas. Sed ō deus bone, suauis & mitis, amicus dulcis, consiliarius prudens, adiutor fortis, q̃ inanis, q̃ temerarius est qui te abiicit, qui tā humilem, tam mansuetum hospite à suo corde repellit? O q̃ infelix & damnosa cōmutatio creatorem suum abiicere, & prauas noxiasq; cogitationes recipere, illud etiā secretum cubile spiritus sancti, secretū cordis, quod paulo ante cōlestibus gaudijs intendebat, tam subito immūdis cogitationibus & peccatis tradere cōculcandum. Adhuc in eodē calent sponsi uestigia, & iam intromittuntur adultera desideria. Male conueniens, indecorum, aures quæ modo audierunt uerba quæ non licet homini loqui, tam cito inclinari ad fabulas & detractiones audiēdas: oculos qui sacris lacrymis modo baptizati erant, repente conuerti ad uidendas uanitates: linguam quæ modo dulce epithalamium decantauerat, quæ ignitis persuasionis eloquijs suis cum sponso reconciliauerat, sponfam, & introduxerat eam in cellam uinariam, iterum conuerti ad uana eloquia, ad scurrilitates, ad concinnandum dolos, ad detractiones. Absit à nobis domine. Sed si forte ex humana infirmitate ad talia dilabimur, non ideo desperemus, sed iterū recurramus ad clementem medicum, qui suscitāt de terra inopem & erigit de stercore pauperem: & qui non uult mortem peccatoris, iterum curabit & sanabit nos. Iam tempus est ut epistolæ finem imponamus. Oremus ergo deum ut impedimenta quæ nos ab eius contemplatione retrahunt, in præsentī nobis mitiget, in futuro nobis penitus auferat, qui per prædictos gradus de uirtute in uirtutem nos perducāt, donec uideamus deum deorum in Sion. Vbi electi nō guttatim, non interpolatim percipient diuinæ contemplationis dulcedinem, sed torrente uoluptatis indefinenter repleti habebūt gaudium, quod nemo tollet ab eis, & pacem incommutabilem, pacem in idipsum.

Quatuor cause re  
trahunt nos ab his  
quatuor gradibus.  
Cap. XII

Finis.

AD LECTOREM.

DE MIRO R, qua fronte quisquam hoc opus putarit tribuendum Augustino. Vide/  
tur esse boni cuiuspiam laici.

DE DVODECIM ABVSIONVM GRADIBVS LIBER.



PRIMVS abusionis gradus, si sine bonis operibus sapiens & prædicator fuerit, qui quod sermone docet, actibus cōplere negligit. Auditores enim doctrinæ dicta facere cōtemnunt, cū prædicatoris opera à prædicationis uerbis discrepare conspiciunt. Nunq̃ enim fit efficax prædicantis autoritas, nisi eam effectū operis cordi affixerit audiētis, præsertim cum & ipse doctor si in uitiorum amorem delapsus fuerit, alterius doctoris medicamentum suis uulneribus adhibere paruipendit. Vnde & ipse dominus in euangelio de doctrina

sapiens sine operi  
bus. Gradus I

Matth. 5 *Matth. 5* etrina pariter & bono opere discipulos instruere uolens, qualem in his cautelam haberent admonebat, dicens, Quod si sal euanuerit, in quo salietur? Hoc est, si doctor errauerit, à quo iterum doctore emendabitur? Et si lumen quod in te est, tenebrae sunt, ipsae tenebrae quantae erunt? Si namq; oculus à uidēdi officio desiuerit, quis à manu uel à pede uel à reliquo corpore illud ministeriū exiget? Quapropter doctores cogitēt ne ampliori uindictae subiaceant, si plurimis perditionis occasionē abundātius praestent. Nam & ipse Salomon dum multae sapiētia transgressionem incurrit, totius Israēliticae plebis regni dispersionē solo suo merito praestitit. Quibus ergo committuntur multa, maiora perdunt si nō recte dispensauerint rectoris sui munera quae perceperunt. Cui enim plus committitur, plus ab eo exigitur. Et seruus qui uoluntatem domini sui intelligens non facit, acrioribus flagellis grauioribusq; uindictis uapulabit.

*Senex sine religio-  
ne, Gradus II*

Secundus abusionis gradus est, si sine religione senex esse inueniatur. Cui cum multa membra exterioris hominis ueterascūt, uires animi, id est, interioris hominis membra incrementa roboris non capiunt. Plus enim omnibus religioni operam dare senibus conuenit, quos praesentis seculi florida aetas transacta deseruit. Sicut namq; in lignis ipsa reprobata arbor comparet, quae post flores fructus optimos cultori suo non exhibet: sic & in hominibus ipse reprobus est, quem flos iuuentutis deseruit, & tamen in sui corporis senectute bonorum operum maturos fructus proferre paruipendit. Quid enim stolidius potest fieri si mens ad perfectionem festinare non contendat, quando totius corporis habitus senectute confectus ad interitum properat? Dum oculi caligant, aures grauius audiunt, capilli fluunt, facies in pallorem mutatur, dentes lapsi numero minuuntur, cutis ardescit, flatus non suauiter olet, pectus suffocatur, tussis cachinnat, genua trepidant, talos & pedes tumor inflat, etiam homo interior qui non senescit his omnibus aggrauatur. Et haec omnia ruituram iam iamq; domum corporis cito praenunciant. Quid ergo superest, nisi ut dum huius uitae defectus appropiat, nihil aliud cogitare q̃p̃ quomodo futurae uitae aditus propere comprehendatur, quisq; senex appetat. Iuuenibus enim incertus huius uitae terminus instat, senibus uero cunctis maturior ex hac uita exitus breuiter concordat. Cauenda ergo sunt homini duae particulae, quae & in illius carne non ueterascunt, & totum hominem secum ad peccādum pertrahunt, cor uidelicet & lingua: quia cor nouas semper cogitationes machinari non desinit: lingua impigre loquitur quodcunq; cor machinari senserit. Caveat ergo senilis aetas, ne istae iuuenescētes particulae totam sui harmoniam decipiant, & per res ineptas reliquam corporis grauitatem illudant. Vnicuiq; namq; considerandum est, quid aetate eminenti dignum sit, ut hoc agat quod nec uitā, nec aetate, nec ministeriū uile reddat.

*Adolescēs sine obe-  
dientia, Gradus III*

Tertius abusionis gradus est, si adolescens sine obedientia deprehenditur, quo minus à recto rationis ordine deprauatur. Qualiter namq; in senectute ille ministrari sibi sperabit, qui in adolescentia senioribus obedientiam exhibere contemnit? Vnde & in prouerbijs apud ueteres habetur, Quod dominari nequeat, qui prius alicui seruitutē praebere denegat. Propter quod & dominus Iesus in temporibus suae carnis, dū adhuc ad legitimam aetatem doctoris non perueniret, obediēter ministrationem suis parētibus exhibuit. Sicut ergo in senibus sobrietas, & morum perfectio requiritur: ita etiam in adolescentibus obsequium, subiectio & obedientia rite debetur. Quapropter & in mandatis legis primū in his quae ad homines pertinet, patris & matris honor imperatur: quia quamuis carnalis pater non superuixerit, aut indignus fuerit, alicui tamen patri digno & uiuenti paternus honor usq; ad dignam aetatem à filijs praebendus esse ostenditur. Quatuor enim modis per scripturas diuinas patres uocantur, hoc est, natura, gente, admonitione, & aetate. De patre namq; naturali Iacob ad Laban loquitur, Nisi timor patris mei Isaac affuisset, tulisses omnia quae mea sunt. Gente uero pater dicitur, quando dominus ad Moysen de rubo loquebatur, Ego sum, inquiens, deus patrum tuorum, deus Abraam, deus Isaac, deus Iacob. Aetate autem & admonitione pater dicitur, cum Moyses in cantico Deuteronomio loquitur, Interroga patrem tuū & annuntiabit tibi, maiores tuos & dicent tibi, Quod si ergo naturalis pater superstes

*Ebrardus  
Pater quatuor  
modis dicitur*

*Gen. 31*

*Exod. 3*

*Deut. 32*



Diues sine eleemo  
syna Gradus IIII

Matth. 19

als pauperi pro/  
desse potest

Fæmina sine pudici  
tia Gradus V

B b dem ab

dem ab hominibus in præsenti seculo, nec remunerationem à deo expectat in futuro. Pudica uero uita famā bonā inter homines possidet, & de spe futura beatitudinis gaudet. Præsens semetipsam mirabilem facit, posteris memoriā amabilem relinquit. Bonis semper moribus delectatur & consentit, & assiduis scripturarum meditationibus & eloquijs animā uegetat. Bonorum præcedentiū exempla custodit, & inseparabilia perfectis cōtubernia nequit. Duobus ergo modis cōstat ueræ pudicitiae exercitatio, id est, corporis habitu in superficie, & animi affectu interno. Per exteriorē modum, iuxta Apostolum, coram hominibus exempla: per interiorē modum coram deo prouidemus opera bona. Pudicitia namq; corporis, est alienas res non appetere, & omnem immundiciā deuitare: ante horam congruam non gustare uelle, risum non excitare, uerba uana & falsa non loqui: habitū per omnia ordinatum, cōpositionemq; conuenientē tam capillorum quā uestium sicut decet habere, cum indignis contubernia non inire, supercilioso intuitu neminem aspicere, uagari oculos non permittere, pompatico & illecebroso gressu non incedere, nulli inferior in incepto bono opere apparere, nulli contumeliam aut ruborē incutere, neminem blasphemare, bonis non inuidere, senes non irridere, meliori non cōtrouerfari, de his quæ ignoras non tractare, & ea quæ scis nō omnia proferre: hæc em̄ proximis amabilē hominē reddunt, & deo acceptabilē faciūt. Pudicitia uero animæ est, plus propter dei oculos q̄ hominū bona facere, appetitiones turpiū cogitationū cōpescere, omnes meliores se esse extimare, nemini inuidere, de semet ipso nihil cōfidere, dei semper auxilio res oēs cōmittere, ante dei oculos semetipsum cōstituere, hæretica prauitate sensum nō maculare, catholicis per omnia cōsentire, deo soli adharere, castitatē internæ mētis domino Iesu Christo offerre, omnia incepta bona opera mortis tantum termino finire, præsentes tribulationes animi fortitudine paruipendere, in terra præter proximos nihil amare, cuncti amoris sui thesaurum in cœlo constituere, & pro omni bono actu mercedē in cœlestibus à deo sperare. Pudicitia ornamētum nobilium est, exaltatio humilium, nobilitas ignobilium, pulchritudo debilium, prosperitas laborantiū, solamen mœstorum, augmentum omnis pulchritudinis, decus religionis, defensio criminum, multiplicatio meritorum, creatoris omnium dei amica.

Sextus abusionis gradus est, Dominus sine uirtute. Quia nihil proficit dominandi habere potestātē, si dominus ipse nō habeat uirtutis rigorem. Sed hic uirtutis rigor nō tam exteriori fortitudine, quæ & ipsis secularibus dominis necessaria est, indiget, quā animi interiori fortitudine bonis moribus exerceri debet: sæpe enim dominandi fortitudo per animi negligentiam perditur, sicut de Heli sacerdote factum fuisse comprobatur, Qui dum per saueritatem iudicij peccantes filios non coercuit, in eorum uindictam dominus uelut consentienti ferociter non pepercit. Tria ergo necessaria hos qui dominantur habere oportet, terrorem scilicet, ordinationem & amorem. Nisi enim ametur dominus & metuatur, ordinatio illius minime stare poterit. Per beneficium ergo & affabilitatem procuret ut diligatur: & per iustas uindictas, non propria iniuria, sed legis dei studeat ut metuatur. Propterea quoq; dum multi pendent in eo, ipse deo adharere debet, qui illum in ducatum constituit, qui ad portandum multorū onera ipsum ueluti fortiorem solidauit. Paxillus enim nisi bene fixus firmiter alicui fortiori adhareat, omne quod in eo pendet cito dilabitur, & ipse solutus à rigore suæ firmitatis cum oneribus ad terrā delabitur. Sic & princeps nisi suo conditori pertinaciter adhæserit, & ipse & omnis qui ei consentit cito deperit. Quidam namq; per dominandi officium plus deo appropinquant, quidam imposito sibi dignitatis honore deteriores fiunt. Moyses enim accepto populi ducatu, familiaris dei locutionibus utebatur. Saul uero filius Cis postquam sceptrum regni suscepit, per inobedientiæ superbiam deum offendit. Rex Salomon postquam patris domini sui Dauid sedem obtinuit, deus illum ultra omnes mortales uelut ad innumerosi populi gubernationem sapientiæ munere ditauit. Econtrario uero Hieroboam seruus Salomonis, postquam regni domus Dauid partem occupauit, ad idolorum culturam decē tribus Israël, quæ erant in parte Samariæ, diuertit. Per quæ exempla euidenter ostenditur quosdam

Dominus sine uirtute  
Gradus VI

1. Reg. 2



A quosdam in sublimiori statu ad maiorem perfectionem crescere, quosdam uero per supercilium dominationis ad deteriora defluere. Per quod utrunque intelligitur, eos qui ad meliora conscendunt, per uirtutem animi & dei auxilium posse id facere: & eos qui ad deteriora diuertuntur, per mentis imbecillitatem pariter & negligētiam errare. Vnde dominū absque uirtute fieri nō decet, quā uirtutē sine dei auxilio nemo habet. Qui enim multa tuctur, si nō habet fortitudinē animi, nō ualet id agere, quoniā magna magnis infestationibus, uel aduersitatibus solēt laborare. Omnis igitur qui præst, hoc primitus tota animi intentione procuret, ut per omnia de dei adiutorio omnino nō dubitet. Si namque cœperit in actibus suis auxiliatorē habere dominū dominorū, nullus hominū contemptū potest habere eius dominatū: nō enim est potestas nisi à deo. Ipse enim eleuat de stercore egenū, & sedere facit cū principibus populi sui: & deponit potētes de sede, & exaltat humiles, ut subditus fiat omnis mundus deo, & erigatur gloria dei.

Septimus abusionis gradus est, Christianus cōtentiosus. Qui cū participationē nominis Christi per fidē & baptismū suscepit, cōtra Christi dicta & propositū, mūdi caduca delectamēta diligit. Omne enim de quo contēditur, aut propter propriam eius dilectionem, de qua agitur: aut propter alterius amorem, quæ sub odiosa specie latet, appetitur. Quemadmodum, uerbi gratia, bellum animoso compugnantium cōflictu cum odiosa res sit, propter amorem uictoriæ & libertatis peragitur, & multæ aliæ dilectæ species sub odioso labore uel formidine satis contentiose expetuntur. Vnde patenter intelligitur nihil contendere posse nisi propter dilectionem, speratam scilicet & subsequenter amabilem remunerationem. Qui igitur de mundo præsenti ex quacunque causa contendit, perspicue ostendit quod illum diligit. Quomodo ergo mundum diligi per Ioannem spiritus sancti sermones interdiciunt, quibus ait, Nolite diligere mundum, neque ea quæ in mundo sunt: Mundi enim amor & dei pariter in uno corde cohabitare non possunt, quemadmodum iisdem oculi cœlum pariter & terram nequaquam aspiciunt. Sed requirendum est, si uere in mundo aliquid sit quod amari debeat, & quid sit ille mundus quem diligi diuina eloquia uetant. Terra uero cum nascentibus ex ea, & metallum & animantia, & pulchritudo uestium, & oblectationes ciborum, & ea quæ ad hæc pertinent non diligi præcipiuntur: sed proximus, propter quæ hæc omnia facta sunt, hic amari iubetur. Hæc enim omnia prædicta, uelut non mansura, ad cœlestē patriā pergentes concomitari nequeunt. Proximi uero uelut mansuri regis cohæredes, semetipsos licenter inuicem diligunt. Quod ergo semper in mundo non manet, & cum mundo pariter deficiet. Ipse mundus non amari præcipitur, proximus autem qui est pars regni cœlestis in terra, & inter ima elementa à regni cœlorum appetitoribus non incongrue amatur, dum in summa illa patria in æternum cohæres habebitur. Propterea uero mundus præsens non diligi imperatur, ne à dei dilectione alienus seculi dilector quisque efficiatur. Non ergo debet contendere quod non licet amari. Igitur Christianus qui nominis Christi similitudinē tenet, morū quoque eius similitudinē habere debet. Christianus enim nemo recte dicitur, nisi qui moribus Christo coæquatur. De Christo uero per prophetam ita scribitur, Ecce puer meus quē elegi, electus meus, cōplacuit in illo sibi anima mea, ponā spiritū meum super eum. Non contendet neque clamabit, neque audiet alius in plateis uocem eius. Ecce Christus non contendit, neque clamauit, & tu si morum eius similitudinem retinere cupis, ne contendas ne abusiue in ecclesia Christianus existas: suis enim sectatoribus Christus præcepit, Nolite uocari Rabbi, unus est enim magister uester qui est Christus: & patrem nolite uocare super terram, unus est enim pater uester, qui in cœlis est. Omnes enim uos fratres estis, quibus ad supplicandum imperauit dicens, Sic autem orabit, Pater noster qui es in cœlis, sanctificetur nomen tuū, &c. Frustra enim cōtendit patrē se habere in terra, qui patrē & patriam profitetur se habere in cœlo. Cuius patriæ possessor nemo efficitur, nisi qui de terrenæ patriæ contentione securus habetur.

Octauus abusionis gradus est, Pauper superbus, qui nihil habens, in superbiam extollitur, cum econtrario diuitibus seculi non superbe sapere per apostolum Paulum imperatur.

Christianus contentiosus Gradus VII

1. Ioan. 2

Esaiæ 42

Matth. 23

Matth. 6

Pauper superbus Gradus VIII

Bb 2 tur.

tur. Quid ergo stolidius potest fieri, quàm illum qui per infimam miseriam uelut in terram abiectus, extremus & humilis incedere debuerat, supercilioso superbiae tumore inflatam mentem contra deum erigere? Per quod uitium lapsi corruerunt, qui in summo cœli cōditi erant culmine. Quid ergo uult quasi potēs in terra superbire, qui prae omnibus hominibus debuerat humilis apparere? Sed ne de paupertate sua tristitiā habeant, quid à deo receptu

*Matth. 5* ri sunt pauperes attendāt, ipse etenim inquit, Beati pauperes spiritu, quoniam ipsorum est regnum cœlorum. Recta nanq; dispensatione misericors iudex regnum cœlorum illis committit, quibus regni terrarum participationem inter mortales abstulit: ut ipse diues in cœli sede appareat, qui in terra nihil penitus procurat. Cauendum ergo pauperibus est, ne dum

*als, perdunt* per egestatem & necessitatem terrenum regnum <sup>†</sup>prætereunt, per mentis etiam imprudentiam cœlorū regnum amittāt. Cum enim dei dispensatione paupertatem necessariā acceperint, in ipsorum arbitrio pendet, utrum pauperes spiritu sint. Non enim quibuscūq; pauperibus cœli regna promittūtur, sed his tantūmodo in quibus diuitiarum inopiam animorū humilitas comitatur. Pauper enim humilis, pauper spiritu appellatur: qui cum egenus foris cernitur, nunq; in superbiam eleuatur: quoniam ad appetenda cœlorum regna plus ualeat mentis humilitas, quàm præsentiū diuitiarum temporalis paupertas. Etenim humiles qui bene possellas diuitias habent, possunt pauperes spiritu appellari: superbos autē nihil habentes haud dubium est beatitudine paupertatis priuari. De quibus utrisq; sancta scriptura ita loquitur, Est quasi diues cū nihil habeat, & est quasi pauper cum in multis diuitiis sit. Quasi pauper ergo in multis diuitiis, est diues humilis spiritu: & nihil habens quasi diues, est pauper superbus mentis affectu. Nobilis ergo inopia est mentis humilitas, & ineptæ diuitiæ sunt animorū enormitas. Prouidendū ergo pauperibus est, ut semetipsos quales sint intelligant: & quia rebus consequi quod cupiūt nō ualent, mētis tumore superbire desināt.

*Rex iniquus Gradus IX* Nonus abusionis gradus est, rex iniquus. Etenim regem non iniquū, sed correctorem iniquorum esse oportet. Inde in semetipso nominis sui dignitatem custodire debet: nomen enim regis intellectualiter hoc retinet, ut subiectis omnibus rectoris officium procuret. Sed qualiter alios corrigere poterit, qui proprios mores, si iniqui sint, non corrigit? Quoniam iniusticia regis exaltatur soliū, & in ueritate regis solidantur gubernacula populorū. Iusticia uero regis est neminem iniuste per potentiam opprimere, sine acceptione personarū inter uirum & proximū suum iudicare, aduenis & pupillis & uiduis defensorem esse, furta cohibere, adulteria punire, iniquos non exaltare, impudicos & histriones non nutrire, impios de terra perdere, parridas & peierantes uiuere non sinere, ecclesias defendere, pauperes elemosynis alere, iustos super regni negocia constituere, senes & sapientes & sobrios consiliarios habere, magorū & ariolorum phytonissarumq; superstitionibus non intendere, iracundiam suam differre, patriam fortiter & iuste contra aduersarios defendere, per omnia in deo confidere, prosperitatibus non eleuare animū, cuncta aduersa patienter tolerare, fidem catholicam in deum habere, filios suos non sinere impie agere, certis horis orationibus insistere, ante horas congruas non gustare cibum. Væ enī terræ cuius rex puer est, & cuius principes mane comedunt. Hæc regni prosperitatem in præsenti faciunt, & regem ad cœlestia regna meliora perducunt. Qui uero regnum secundū hanc legem non dispensat, multas nimium aduersitates imperij tolerat: idcirco enim pax populorū saepe rumpitur, & offendicula de regno suscitantur, terrarum quoq; fructus diminuuntur, & seruitia populorū impediuntur, multi & uarij dolores prosperitatem regni inficiunt, charorum & liberorum mortes tristiciam conferunt, hostium incurfus prouincias undiq; uastant, bestiae armentorum & pecorum greges dilacerant, tempestates aëris & hemisphæria turbata terrarum fecunditatem, & maris ministeria prohibent, & aliquando fulminum ictus segetes, & arborum flores, & pampinos quosq; exurit. Super omnia uero regis iniusticia non solum præsentis imperij faciem offuscat, sed etiam filios suos & nepotes, ne post se regni hæreditatem teneant, obscurat. Propter piaculum enim Salomonis regnum domus Israël dominus de manibus filiorum



A rum suorum disperſit. Et propter iuſtitiam Dauid regis, lucernā de ſemine eius ſemper in Hieruſalem reliquit. Ecce quantum iuſtitia regis ſeculo ualeat, intuētibus perſpicue patet. Eſt enim pax populorum, tutamen patriæ, immunitas plebis, munimētum gentis, cura languorum, gaudium hominum, temperies aëris, ſerenitas maris, terræq; fecūditas, ſolatiū pauperum, hæreditas filiorum, & ſibi metipſi ſpes futuræ beatitudinis. Attamen ſciat rex, quod ſicut in throno hominum primus conſtitutus eſt, ſic & in pœnis ſi iuſtitia nō fecerit, primum habiturus eſt. Omnes nanq; quoſcunq; peccatores ſub ſe in præſenti habuit, ſupra ſe modo implacabili in illa futura habebit.

Decimus gradus abuſionis eſt, episcopus *Episcopus negligēs*  
negligens, qui gradus ſui honorem requirit inter homines, ſed miniſteriſui dignitatē corā *Gradus X*  
deo, pro quo legatione fungitur, non cuſtodit. Primo nanq; ab episcopo quid ſui nominis dignitas teneat inquiratur, quoniam cum episcopus Græcum nomen ſit, ſpeculator interpre-  
tatur. Quare uero ſpeculator ponitur, & quid à ſpeculatore requiritur, dominus ipſe denun-  
ciat cum ſub Ezechielis prophetæ perſona episcopo officiſui rationem denunciât, ita inquit *Ezech. 5*  
ens, Speculatorem dedi te domui Iſraël. Audiens ergo ex ore meo ſermonem, nunciabis  
eis ex me. Si autem uideris gladium uenientem, & tu non annunciaueris ut reuertatur im-  
pius à uia ſua, ipſe quidem impius in iniquitate ſua morietur, ſanguinem autem eius de ma-  
nu tua requiram. Si autem tu annunciaueris, & ille non fuerit reuerſus, ipſe quidem in ini-  
quitate ſua morietur, ſed tu animam tuam liberaſti. Decet ergo episcopum qui omniū ſpe-  
culator poſitus eſt, peccata diligenter attendere: audiens ergo & poſtquam attenderit ſer-  
monem, ſi potuerit & actu corrigere: ſi non potuerit, iuxta euangelij regulam ſclerum ope-  
rarios declinare. Si enim, inquit in euangelio dominus, peccauerit in te frater tuus, corripe il- *Matth. 18*  
lum inter te & ipſum. Si te audierit, lucratus eris fratrem tuū. Si te non audierit, adhibe te/  
cum adhuc unū uel duos, ut in ore duorū uel trium ſtet omne uerbum: ſi illos non audierit,  
dic eccleſiæ: ſi eccleſiam nō audierit, ſit tibi ſicut ethnicus & publicanus. Tali ordine expellen-  
dus eſt quicunq; doctōri uel episcopo adhærere noluerit. Et qui tali ordine expulſus fuerit,  
ab alio aliquo doctōre uel episcopo non debet recipi: de ſacerdote nanq; in lege ſcribitur, *Leuit. 24*  
Viduam aut repudiatam non accipiat uxorem. Qui ergo illum excommunicatum à catho-  
lico illo non permittente ſibi iungit, iura ſacerdotij ſancti, quod Chriſtianorum genus ele-  
ctum eſt excedit. Hæc ratione episcopū ad eos quibus in ſpeculatione poſitus eſt, eſſe oportet. *1. Tim. 5*  
Cæterum uero qualis in ſemetipſo eſſe debeat Paulus apoſtolus exponit, ut ad gradū  
episcopi ueniens ſit ſobrius, prudens, caſtus, ſapiens, modeſtus, hoſpitalis, filios habens ſub  
ditos cum omni caſtitate, teſtimonium habens bonum ab his qui foris ſunt, proferens do-  
ctrinæ fidelem ſermonem, ante episcopatum non plures habens uxores quàm unam. Nō  
percuffor, non bilinguis, non ebriofus, non neophytus, ut per hæc ipſe oſtendat in opere,  
quod alios docet in ſermone doctrinæ. Caueant ergo negligentes episcopi, quod in tempo-  
re uindictæ dominus per prophetam conqueritur dicēs, Paſtores mei demoliti ſunt popu- *Ezech. 34*  
lum, & non paſcebant gregem meum paſtores, ſed paſcebant ſemetipſos: ſed potius procu-  
rent hi quos conſtituit dominus ſuper familiam ſuam, dare illis cibum in tempore ſuo men-  
ſuram tritici, puram ſcilicet & probatam doctrinam, quatenus ueniente domino mereantur  
audire. Euge ſerue bone & fidelis, quia ſupra pauca fuiſti fidelis, ſupra multa te conſtituam, *Matth. 25*  
intra in gaudium domini tui.

Vndecimus abuſionis gradus eſt, Plebs ſine di- *Plebs ſine diſcipli-  
na Gradus XI.*  
ſciplina, quæ cum diſciplinæ exercitationibus non ſeruit, communi ſe perditionis laqueo cō-  
ſtringit, iram enim domini abſq; diſciplinæ rigore non euadit. Atq; idcirco pſalmiſtæ uoci-  
bus indiſciplinatæ plebi prædicatur, Apprehēdite diſciplinā, ne quando irascatur dominus. *Pſal. 2*  
Diſciplina uero eſt morum ordinata correctio, & maiorum præcedentium regularum ob-  
ſeruatō: de qua diſciplina Paulus apoſtolus ita loquitur, dicens, In diſciplina perfeuerate. *Heb. 12*  
tanq; filij uobis ſe offert deus. Quod ſi extra diſciplinā eſtis, cuius participes facti eſtis, o-  
mnes ergo adulteri & non filij eſtis. Qui ergo adulteri ſine diſciplina ſunt, cœleſtis regni hæ-  
reditatem non capiunt: ſi filij autem paternæ diſciplinæ correctiones ferunt, & hæredita-

tatem quandoq; recipere posse non desperent. De qua etiā disciplina Esaias quidem indisci-  
*Esaiæ 1* plinata plebi prædicat, dicens, Quiescite agere peruerse, discite benefacere. Et ad eadem psal-  
*psal. 36* mista consona uoce psallit dicens, Declina à malo, & fac bonum. Infelix ergo est qui abiicit  
 disciplinam. Audet enim extra milites aliquid, qui dominum crucifigentes non eius sciderūt  
 tunicā, qui ecclesiæ Christi scindit disciplinā. Sicut enim tunica totum corpus præter caput  
 tegitur, ita disciplina omnis ecclesia, præter Christum qui ecclesiæ caput est & sub disciplina  
 non est, protegitur & ornatur. Ipsa enim tunica contexta desuper fuerat per totum, quia ead-  
*Luca 24* dem disciplina ecclesiæ à domino de celo tribuitur & integratur. De qua dominus cum ad  
 patrem ascendisset postquam resurrexit à mortuis, ad apostolos suos loquitur dicens, Vos  
 autem sedete hic in ciuitate quoadusque induamini uirtute ex alto. Tunica ergo corpo-  
 ris Christi, disciplina ecclesiæ est: qui autem extra disciplinam est, alienus est à corpore Chri-  
 sti. Non scindamus igitur illam, sed fortiamur de illa cuius sit, id est, non soluamus quicquā  
 de mandatis domini, sed unusquisq; in quo uocatus est, in eo permaneat apud dominum.

Populus sine lege  
 Gradus X II

Duodecimus abusionis gradus est. Populus sine lege, qui dum dei dicta, & legūscita  
*Esaiæ 55* na præuaricatoris populi humanū genus propheta ita deplangit, Nos autē sicut oues erra-  
*Prouer. 14* uimus, unusquisq; in uia suā declinauit: de quibus uis etiam eadē sapientia loquitur per Salo-  
 monē, Multæ uia uidēt hominibus rectæ, & nouissima earū deducūt ad mortē. Quæ utiq;  
 multæ perditionis uia tūc incedūtur, cū una regalis uia, lex dei uidelicet, quæ neq; ad dexte-  
 rā, neq; ad sinistrā declinat, per negligentia deserit. De qua uia dominus Iesus Christus qui  
*Matth. 11* est finis legis ad iustitiā omni credēti denūciat, Ego sum uia, ueritas & uita. Nemo uenit ad  
 patrē nisi per me. Ad quā uia omnes cōmuniter inuitat dicēs, Venite ad me oēs qui labor-  
 ratis, & onerati estis, & ego uos reficiā. Quia nō est personarū acceptio apud deū, ubi nō est  
 Iudæus & Græcus, masculus & fœmina, seruus & liber, barbarus & Scytha, sed omnia in o-  
 mnibus Christus: oēs em̄ unū sunt in Christo Iesu. Dū ergo Christus est finis legis, qui sine  
 lege sunt, sine Christo fiunt: igitur populus sine lege, populus sine Christo est. Abusiū ergo  
 in tēporibus euangelij populū sine lege fieri, quando apostolis in cunctas gētes licētia præ-  
 dicationis data est, quando tonitruū euāgelij per cunctas seculi partes intonuit, quādo gen-  
 tes quæ non sectabantur iustitiā apprehenderunt iustitiā, quando qui longe fuerant, facti  
 sunt prope in sanguine Christi: qui aliquando nō populus, nunc autē populus dei in Chri-  
*Matth. 28* sto, quando est tēpus acceptabile & dies salutis, & tēpora refrigerij in conspectu altissimi:  
 quando unaquæq; gens habet testē resurrectionis, quando ipse dominus testatur, Ecce ego  
 uobiscum sum omnibus diebus usq; ad consummationē seculi. Non fiamus ergo sine Chri-  
 sto in hoc tempore transitorio, ne sine nobis Christus esse incipiat in futuro. Finis.

#### AD LECTOREM.

Nec hic libellus quicquam habet Augustini.

#### DE CONTRITIONE CORDIS. LIBER.

Quomodo nostræ  
 miseriæ & dei sint  
 memoranda benefi-  
 cia Cap. I



**N** I H I L certius morte, nihil incertius hora mortis. Cogitemus ergo quā  
 breuis sit uita nostra, quā uia lubrica, quā mors certa, & hora mortis  
 incerta. Cogitemus quantis amaritudinibus admixtum sit si quid dulce  
 aut iucundum in medio huius uitæ occursum nobis alludit, quā fallax &  
 suspectum, quā instabile & transitorium est quicquid huius uitæ amor  
 perturbat, quicquid species aut pueritudo temporalis promittit. Confy-  
 deremus etiam quæ sit patriæ coelestis suauitas aut dulce do, & attendamus & perpenda-  
*Eccēs. 1* mus unde cecidimus & ubi iaceamus, quid perdidimus & quid inuenimus, & ex utroque  
 intelligamus quantum nobis in hoc exilio lugendum sit: hinc enim Salomon ait, Qui ap-  
 ponit scientiā, apponit dolorem. Quia quanto magis quis intelligit mala sua, tanto am-  
 plius suspirat & gemit. Meditatio siquidem parit conscientiam, conscientia compunctio-  
 nem,



Quid pro benefi-  
cij domino debeat  
mus Cap. II

Domine precatio Cap. III

in alijs peccatorum sordibus haecenus tolerauit, nutriuit, & expectauit. Domine deus creator meus, adiutor meus, te sitio, te esurio, te desidero, ad te suspiro, te concupisco benignissimum, suauissimum, serenissimum, te uolo, te quaero, & in te spero. Renuit consolari anima mea, nisi de te dulcedo mea, accede ad me domine, appare mihi & consolatus ero, ostende mihi faciem tuam & saluus ero, exhibe mihi praesentiam tuam, & implebitur desiderium meum. Reuela gloriam tuam, & perfectum erit gaudium meum. Sitiuit in te anima mea quam multipliciter tibi caro mea. Quando uenies consolator meus, quem ego expecto? O si ego uidebo gaudium quod desidero. O si ego satiabor cum apparuerit gloria tua quam esurio. O si inebriabor ab ubertate domus tuae ad quam suspiro. O si potabis me torrente uoluptatis tuae quem sitio. Da mihi domine in hoc exilio poenitentiae dolor, & lachrymarum fontem quem esurio super omnem copiam deliciarum. Sint mihi domine interim lachrymae meae panes die ac nocte, donec dicatur mihi, ecce deus tuus. Pisce me domine interim singultibus meis, refocilla me doloribus meis, donec audiam, ecce sponsus tuus. Deus meus qualem me fecisti, & qualem iterum me feci? In peccatis eram conceptus & natus, & abluisti me atque sanctificasti me, & ego peioribus sordidaui me peccatis. Innocens eram tunc natus scilicet in baptismo, nunc sum in uoluntarijs uolutatus.

De conscientiae peccatricis infelicitate  
Cap. IIII

Heu me miserum nimisque miserum, quem torquet conscientia sua, quam fugere non potest: nimis miserum quem expectat damnatio sua, quam uitare non potest nisi deus eripiat. Nimis est infelix, cui mors aeterna est sensibilis: nimis arumnosus, quem terrent continui de sua infelicitate horrores: nimis arumnosus quem multum torquebunt aeterni pro sua iniquitate dolores, malum hoc & malum hoc, sed minus hoc & maius hoc. Peccare quam amara res est, & mala res est peccatum. O peccata quam faciles aditus habetis dum suadetis, & quam difficiles exitus habebitis: dum suadetis, inungitis, sed postquam suaseritis, utque ad mortem animae pungitis: foetores quos inducitis, usque in iniquos utres includitis. Intellegite intelligite quam amarum & malum est relinquere dominum uos qui peccatis, nolite peccare amplius, sed redite ad cor, nolite peccare, malum est enim & amarum: expertus sum in memetipso. Aut ergo continui dolores cruciabunt poenitentem uitam meam, aut etiam cruciatus aeterni uexabunt puniendam animam meam. Malum & amarum est utrumque, sed libera me ab utroque. Anima mea, ante omnia te sicut matrem uirtutum moneo, ne in recordationibus malorum tuorum aliquis diaboli laqueos incurras, quos multi incauti incurrunt quando de malis suis quasi pro eis plorantes ante mentis oculos reducunt, & per easdem recordationes in ipsas malorum delationes insipienter incidunt. Sapientius etiam cum sine alicuius mali intentione cum aliquo loqui incipio, statim detractionem incurro, uel pro aliqua re imprudenter loquendo iuro, uel uitio curiosis in ipsis interioribus meis sustineo. Heu tantae infelicitati & tantae perditioni, dum enim quae retro sunt obliuiscens ad ea quae ante sunt me extendere uolo, subito nescio qua miseria me relabi ad inania conspicio & noxia, & tanquam mors subito interueniens, uel quemadmodum canis rabidus qui nec percussus a laceratione hominis separatur, carnalis delectatio perforat mentem meam, & pro suauis odore uirtutum sentio intolerabile ac tetrissimum foetorem interiorum uitiis. Eia dulcissime domine Iesu coram te expando omnes iniquitates meas quas intus sustineo: sunt autem haec mala decem. Primum impotentia, inimica deo & omnibus sanctis odiosa, discordia, indignatio, rancor animi, tardum mentis, uoracitas gulae, murmuratio, desiderium uoluptatis, delectatio carnis, tempestas libidinis, & multa his similia, quibus laqueatur & decipitur atque afficitur infelix anima mea. O quam tolerabilius canis putridus foetet hominibus, quam anima peccatrix deo, magis infelix ista deo quam ille hominibus. Anima peccatrix arbor infructuosa es, ubi sunt fructus tui? Talis autem arbor digna est securi & igne, digna succidi & incendi. Qui sunt fructus tui? Vtique spinae pungentes & amara peccata, quae utinam sic te poenitendo pungerent ut confoderent, sic amarescerent, ut euanescerent. Forsitan parum quid putas quid peccatum sit. Sed heu nonne omne peccatum per praeparationem personam domini in honorem? Quam parum ergo audebit peccator dicere peccatum, quando propter peccatum filius dei moritur.



Imploratio diuinæ  
misericordiæ super  
peccatorum disci-  
mine Cap. V

De peccatorum in  
genti periculo  
Cap. VI

nescio ubi securus sum. Heu mihi misero, quid faciam? Heu quanto tempore angetur mens mea, quanto stupore induratum est cor meum, quanto tempore obduratur anima mea.

De præpedientibus  
resipiscētiā à pec-  
tis. Cap. VII

Quid est quod sic me impedit? quid est quod ceruicem meam sic premit? Vult domine, uult anima mea ad te erigere faciē suā, & plumbeo onere aggrauata deprimitur: conatur se expedire & catenis ferreis constringitur: tentat exire, & æneo carcere includitur: cupit in te dirigere seruitiū suum, & caliginosis tenebris obscuratur. Quæ sunt ista deus meus, quæ sic animā meam obtenebrant, & grauant, & ligant? Forsitan hæc sunt peccata mea? imò uere hæc sunt peccata mea. Hi sunt affectus carnales, qui inficiūt in me affectionem spiritalem. Intentio inferiorum incuruat animam meā ab intuitu supernorum. Amor terrestriū excācat in me dilectionē cœlestium. Usus uitiorum euacuauit in me sensus donorū bonorum. Ab his donis sum elongatus, in his malis sum occupatus: ab illis exclusus, in istis inclusus: ab illis deuolutus, istis obuolutus. Hinc est carcer & uincula, hinc sunt tenebræ & peccata. Væ mihi, quia prope est dies mortis, prope, inquā, & incognita. Subito uenit, & forsitan hodie erit.

De sera scēditatis  
peccati cognitione  
Caput VIII

Delicta mea an eratis tunc tam noxia futura, cum animā meā uestra dulcedine pulsabatis, cum cor meū uestra dulcedine ungebatis? Cur hoc ante cœlabatis, & cur me tradebatis? Imò uos non tradidistis me, sed ego tradidi me, quando uobis me tradidi. Nō uos me decepistis, sed ego me decepi, quando uos intra me suscepi. Heu cur uobis fidē adhibui & credidi uobis? Sed quodā horribili modo uidēs, cæcus me tradidi uobis. Vidēs quidē, quia uos cognoscebā, & mala quæ præcipiebatis non abhorrebā, sed eis cōsentiebā. Cæcus, quia me à uobis non cauebā. Heu peccatum nomen horrendū, res detestabilis, nullo modo comparabilis. Cæcus non uidet foueā in quā cadit, insanus putat se debere quod facit: qui sponte facit peccatū uidens & sciens, præcipitio se tradit. Mors & tormenta quælibet tantū sunt, & in se scēda non sunt, quia ordinata sunt: peccatū autē habet in se scēditatē suā, & cum hoc trahit secū æternā infelicitatē. Melius enim erat eligere tormentū quod per se scēditatē æternā non attrahit, quā peccatū quod sua cum scēditate dolores æternos iungit. Et certe omnis scēditas peccati ipsa sola plus est. Magis est ergo uitanda peccādi scēditas, quā quælibet tormentorū immanitas: quia ipse homo in peccādo scēditissima peruersitate præposuit se creatori suo, quo nihil iniustius: sed in tolerādo peccati tormēta ordine præpostero subiicit se creatura factori suo, quo nihil iustius. O homo quō euauit humanitas tua, quō deuenit ratio tua: didiceras enim, quoniā qui facit peccatū, seruus est peccati, & peccatū fecisti. Inaudita insania hæc scire, & semper peccare. Sciebas enim quod tu es spiritus uadens & nō rediēs, & in peccati abyssum irremediabilē & sine fundo te proiecisti. Vere abyssus peccata mea sunt, quia incomprehensibilia sunt profunditate, & inæstimabilia sunt numero & immensitate. O abyssus abyssum inuocans, o peccata mea, tormenta quibus me seruat

De triplicis abyssi  
distinctione Ca. IX

abis abyssus sunt, quia infinita & omnino incōprehensibilia sunt. Est & tertia abyssus, & est nimis terribilis, iudicia dei abyssus multa, quia super omnē sensum occulta. Hæc omnes abyssi terribiles sunt mihi undiq, quia timor super timorē, & dolor super dolorē. Nā abyssus abyssi in uoce cataractarū tuarū inuocat, quia peccati abyssus abyssum tormentorū meretur, quia iudicia dei pronūciat. Abyssus ergo iudiciorū dei super me, abyssus inferni subtus me, abyssus peccatorū meorū est intra me. Illā quæ super me est, timeo ne in me irruat, & me cū abyssō mea in illā quæ subtus me latet, obruat, ubi per tormēta peccata nunquam delebuntur, sed peccata tormenta super me tenebunt. Miser ego peccator, quō abij facto meo à factore meo, quō fugi à facie tua? Et certe si ego nequiter fugio, & abyssō me dānabili abscondo, quō uado uides me: quis enim nisi tu ad renitendum mouet animā meam? Bone domine Iesu Christe, tu pulsasti & excitasti eam in abyssō delictorū meorum uelut in lecto dormientem, tu concussisti pigritatem, tu sollicitasti negligentem, tu fecisti pœnitētem unde iocundabatur, & dolentem unde lætabatur. Bone domine omnia hæc fecisti in abyssō.

Quid peccatori faciendum. Cap. X

Exaudi ergo clamantem de abyssō ad te benignissimum, peccata mea non abscondo, sed pando ea coram te: non defendo, sed ostenso: non excuso, sed accuso, Ego sum reus, ego ipse



A ego ipse accusator meus. Non accuses me qui fecisti me. Solus suffeci ad peccandum, solus sufficiam ad accusandum, solus ad poenitendum. Sed unde deus meus tantorum criminum correctio, unde tibi tantorum scelerum satisfactio? Praecipitare ergo miser homo in profundum immoderatae mœstitiæ, qui sponte praecipitatus es in barathrum horrendæ nequitiae. Obruere infelix mole terribilis doloris, qui libens corruisti in cœnum infernalis sceleris. Obuoluere ærumnose in tenebris inconsolabilis luctus, qui uolens prouolutus es in uolune tam sordidi fluctus. Volutare ergo in gurgite amaritudinis, qui uolutatus es in uoluntabro turpitudinis. Terror terribilis, horror horribilis, mœror inconsolabilis aggregate uos super me, irruite, obruite, iustum est, possidete me iustum est, perturbate, obuoluite, torquete reum, uindicate deum. Præsentiat fornicator inferni tormenta quæ meruit, prægustet quod præparauit, bibat quod nutriuit, assuescat quod perpetuo est passurus. Consoletio, sanitas, lætitia, nolo uos, nisi forte poenitentia reduxerit uos: procul estote ante mortem, nisi forte indulgentia reuocet uos: quia necessarium est flere peccatorem uel hic, uel in futuro. Sit ergo poenitentia continua & amara comes ætatis meæ. Continuus dolor, insatiabilis terror inhæreat uitæ meæ. Sint mœror acerbus, luctus infatigabilis tortiones iuuentutis & senectutis meæ, ut ita fiat rogo & desidero. Si enim non sum dignus oculos ad cœlum leuare orando coram te domine deus, certe sum dignus plorando eos cæcare. Si confunditur mens mea pudore conscientiae, æquum est ut confundatur turbine luctuoso doloris & tristitia. Si timet exhiberi ante conspectum domini dei sui, iustum est ut habeat ante conspectum suum tormenta sceleris sui. Respira ô peccator, respira aliquando, & fuge ad ipsum deum, quæ offendisti, fuge, inquam, ab irato ad placatum.

Memento iustissime & benignissime deus, memento quod misericors es & redemptor meus es. Si iudex es ad iudicandum reum tuum, es & deus ad defendendum seruum tuum, es & creator ad conseruandum opus tuum, es & deus ad saluandum credentem tuum & baptizatum tuum. Ne ergo memineris domine iustitiæ tuæ solius aduersus peccatorem tuum, sed memor esto benignitatis tuæ erga creaturam tuam. Ne memineris iræ tuæ aduersus reum tuum, sed memor esto miserationis tuæ aduersus miserum tuum. Scio quidem & fateor, quod conscientia mea meretur damnationem, & poenitentia mea non sufficit ad satisfactionem. Parce ergo mihi bone domine qui es salus mea, qui non uis mortem peccatoris, parce ergo peccatrici animæ meæ. Deus meus es, in te pono spem meam, & tibi committo animam meam. Custodi animam meam dum dormio, conserua eam dum aliquid facio, memento eius dum ego obliuiscor tui, peccator sum & miser, sed peccasse me doleo, & miserum me cognosco. Misericors deus misere mei, misere & humilis creaturæ tuæ. Peccare est deum inhonorare, quod homo facere non debet, etiam si necesse esset perire, quicquid deus non est. Heu me peccaui, deum uerum exhorauui, omnipotentem prouocaui, peccator quid feci, quando mala feci? uæ mala agentis, uæ bona negligentis. Væ uæ ira omnipotentis dei, ne irruas super me. Deus dominus ubi poteris capi in me? Non est quod possit tolerare totam te in toto me. Deus dominus cuius bonitas non exhauritur, cuius scientia non deficit, cuius misericordia non exinanitur, cuius potentia quicquid uult efficit: unde potero respirare, qui sic ob peccata mea cogor desperare? Nam si irascaris peccantibus, soles tamen benigne dare cōsiliū petentibus. Doce me domine unde debeam sperare, ut possim saluari: orare uolo, sed nescio. Secundum ignorantiam meam non possum dei misericordiam prouocare: ideo cogor desperare propter iniquitatem meam. Scio quidem & fateor, quia peccator sum, quia peccatū sponte subiij, & iuste non exaudior, quia non obediui. Vtiq; bone domine peccaui, erraui: ueruntamen te non negaui, nec detestor bonitatem tuam. Ideo fac mecum secundum misericordiam tuam, qui es benedictus in secula seculorum.

Prouocatio spei in  
corde peccatoris  
Cap. XI

Finis.

Hoc opus

HOC opus Augustini non esse nō est quod admoneā. Stilus magis refert Iovinianū quēpiā uel febricitātem potius. Cap. 2. nimum tribuit dialecticæ, cap. 6. dicit angelos cuncta scire ac præscire. Item alia quæ nunquam scripsit Augustinus. Apparet esse progymnasma monachi Tyronis theologiæ, qui quantū in philosophia scholastica profecisset, uoluit hoc libro dare specimen.

## DE COGNITIONE VERAE VITAE LIBER.

Caput I



104n. 17

**S**APIENTIA dei quæ os muti aperuit, & rudibili animali humana uerba formare tribuit, me quoque non solum sermone, sed etiam scientia imperitum ad fandū impellit, atque per se ac de se intellecta alijs pie innotescere compellit. Huius ergo instinctu ad utilitatem, ut spero, plurimorum, iterum committo me ad corrodendum dentibus inuidorum, & forsitan ad confodiendum cordibus uitæ dilectorum: cum Christus ueritas & uita dicat, Hæc est uita æterna ut te solum uerum deum cognoscant. Constat profecto naturam rationalem ad hoc solum factam, ut factorem suum uerum deum intelligat, intelligendo diligat, diligendo in eo qui est æterna uita æternaliter beate uiuat. Diuinitatis ergo essentiam rationabiliter inuestigare, est ad uitam æternā festinare: hanc uero negligendo ignorare, est utique ad mortem indeficientem properare: quia nimirum hic ab eo ignorabitur, dum quandoque à beata uita sequestrabitur. Quamobrem cum de hac prædara materia plurimi sanctorum patrum multa gloriosa cōscripserint, ipsamque rem simplicioribus obscuriorē quodammodo reddiderint, libet me per hæc condensa quasi quandam semitam stilo complanare, qua infirmis intellectibus relicto erroris deuio, per planum ueritatis liceat libere ambulare. Sed hic quilibet inuidus nebulosa facie mihi fortassis occurrit, & uirus diu sub liuio corde concretū, in me acerbiter euomit: Quid tu, inquires, tentas ligna syluis importare, aut redundantī mari undam instillare conaris? Huius tam mordacis mordacem dentem hæc petra redundat, & uenenum maliciose euomitum in uiscera ipsius denuo retorquenda refundat. Inuidia diaboli intrauit mors in orbem terrarum, imitantur illū qui sunt ex parte illius. O inuide infelix, qui aliena felicitate torqueris, alieno damno depasceris, ipsis rebus probas te ex parte eius esse, qui inuides alijs quod tu ignoras scire, ac mihi ob piū laborem collatum ægris suspirijs ingemiscis, quod tibi ob desidiā, imò ob inuidiā denegatum cognoscis. Age miser, potius latiferū uirus quo turges euome, salubre dilectionis antidotum excipe. Sin autem, parti patris tui nigro felle tabescens faueto. Ego autem cum inuidia tabescente iter nō habeo. Egregiam scripturarum syluam alacer ingrediens, non in eam ut tu uenenata lingua asseris, ligna deferens, sed preciosum uitæ lignum iustitiam esuriētibus de ea efferre conabor, & dulcem uitæ haustum uitam sitiētibus de pelago scripturæ haurire non morabor. Omnes ergo fideles ad lignum uitæque fontem curramus, cuius gustu in æternum beate uiuamus. Libellus autē nomen, cognitio ueræ uitæ, sortiatur, dū in eo uero uita tardioribus intellectu cognoscibilis reddi uideatur.

FRATRES. Gratias deo psoluimus,

cuius dono aperte in rebus dubijs certificari possumus: Quandoquidē ergo nos in hoc ipsum uideas confluisse, ne ad patriam tendentes, in uia lassabundi deficiamus, pastu potuque ut soles refice, & tempus irremeabili cursu labile, nexibus quæstionum figens fac stabile, ne sua uolubilitas nos ociantes inuoluat, sed tua affabilitas in diuinis laborātes ad semper manēs æuum sustollat. **MAGISTER.** Fructum ligni uitæ in ramis crucis pendulum mecum alacres adite, fontemque uitæ à uita quasi de loco uoluptatis manātem paradysum, ecclesiam uidelicet hortum deliciarum irrigantem unanimes haurite, cuius sapor si palatum cordis uestri indulcorabit, testor uobis, quod uos cum eo in æuum permanfuros, de torrente uoluptatis suæ quandoque satiabit. **FRATRES.** Cum carnalia sapientes spiritualia cogitare nequeamus, regnum cœlorum regionem clarissimam, omni opulentia affluentissimam, in qua cœlestem Hierusalem urbem prædaram, meritis atque opibus indyctam, & in hac deum quasi gloriosum regem, angelos uelut milites, uario cultu conspicuos mēte formamus: idcirco poscimus, ut ratione indagante, argumentis quæque obstantia comprimens, ueritatem quasi in tenebris

De utilitate ueræ  
uite & præuia eius  
dispositiōe Cap. II



A tenebris latitantem, ad lucem nobis perducas, ac deum aliquando uidentem, ut asseris, factum quodammodo uisibilem, ante oculos cordis nostri constituas. *MAG.* Cū deus omnipotens, solus immortalis, solus inuisibilis, solus incomprehensibilis, lucem habitat inaccessibilem, ego autem tenebris uitiorum oblitus, tetram caliginem inhabitem, luci uirtutum inaccessibilem, qualiter ineffabile lumen faucibus animorum oculis inferre potero, qui cæcutiente cordis oculo, splendorē tantæ maiestatis reuerberatus nullo modo intueri præualeo? *FRA.* Tamēn nitere pro posse in illam rapi, quatenus disiecta caligine merearis ab illa illuminari, nosq; per te illustrari, sicut sæpe uidemus ualles à mōtibus iubare solis irradiari. *MAG.* Conabor pro uiribus uobis orātib; ac logica præeunte comitantibus argumentis, sequar ueritatem usq; in ipsius inaccessibilis lucis latibulum fugientem, ipsaq; concedente producam eam uobis indagantibus se ostendentem. *FRA.* Nostra quidem tibi non deerit oratio, tantū sit tibi præuia dux ueritatis ratio: Magnopere quippe à te audire desideramus, qualiter in orationibus de deo cogitare debeamus, ne forte infirma mens quasi pulchrū hominē imagnetur, & hoc simulacrū pro uero deo decepta ueneretur. *MAG.* Fateor, magnitudinē altitudinis suscepta negocij uictus succumbo, qui quæ utcunq; mente conspicio uel cōcipio, uix uerbis explicare sufficio: excedit enim omne præclarum longe summorum philosophorum ingeniū, quia sublimitas huius rei quæ tractatur, exuperat omnē intellectum. Quanto quippe magis omnem creaturam transgressus conor eam diligēti intuitu contemplari, tanto magis sentio eam ab aspectu intellectus mei elōgari. Operam tamen dabo inquisitioni uestræ pro modulo meo satisfacere, prout ipse de quo agimus, dignabitur noticiam sui de sideranti animo innotescere. Vos autem ubi uires pondere tantæ eminentiæ pressæ succumbunt, oportet fragilitati ignoscere. *FRA.* Nos quanto diligentius huius rei perpendimus altitudinem, tanto ardentius optamus eam nobis utcunq; fieri cognoscibilem, & eius quæ *als, amplitudinem* licunq; modo intueri pulchritudinē, & ideo libenti animo tibi ignoscimus, si ea quæ uerbis non uales, saltem nutibus explices. *MAG.* Sciendum igitur deum nullis uerbis pro- *Cap. III*  
 prie exprimi, nulla posse cogitatione comprehendī: quomodo enim immensus & incomprehensibilis prædicaretur, si humanæ locutioni uel meditationi includeretur? Nunc autem patet q; sit admirabilis, cum omnibus linguis sit inedicibilis, omnibus cordibus sit incogitabilis. Dialectica nanque differendi potens, potenter quæq; dubia diffiniens, cunctas scripturas euibrans & euiscerans, cunctam humanam sapientiam annihilans, cum diuinitatem intendit, tantæ maiestatis luce percussa, pauidum caput tremefacta reflectit, atq; in abdita mundanæ sapientiæ fugiens delitescit, dissolutisq; syllogismorum nexibus stulta obmutescit. Nempe nomine & uerbo cuncta exprimuntur, quæ sub decem prædicamētis humano corde cōcipiuntur. Sed q; ex his nullum proprie deo cōueniat, manifeste ratio comprobatur: nam si dixerimus q; deus substantia sit quæ omnibus subsistere tribuat, & per quam omnes res esse habent, mox uniuersalia & indiuidua, de quibus substantia prædicatur, genera & species in quibus uersatur, simul & nouem accidentia quæ ei necessario inhaerent, animo occurrunt, quæ cuncta liquent, quia minime in deum concurrunt. Si prædicemus q; deus ipsa magnitudo existat, quæ omnia in mensura & numero & pondere disponat, protinus paruitas huic quantitati se opponit, & sua exiguitate quod est super omnia maximum comminuit. Quem si ipsam bonitatem uel summum bonum nominemus, qui cūcta ualde bona facit, statim malum huic qualitati contrarium obuiat, & tanto bono se opponere non trepidat. Quod si creator uel dominus prædicetur, quod utrunq; ad aliquid scilicet refertur, cōfestim relatio opponit, ante mundi cōstitutionem eum hoc uocabulo caruisse, & hoc relatiuum ex mundi creatione ei accidisse, cum ratio astruat nihil deo accidentale, sed totum quod prædicatur de eo ei esse essenziale. Porro si ubiq; totus esse dicatur, & simul cūcta replere loca dicatur, mox localitas clandestine irrepens, illum loco includit, qui cūcta pugillo includit. Si autem sempiternus prædicetur, & cūcta tempora disponere affirmetur, cōtinuo præterito præsens, præsentī futurum succedere festinat, & initium atq; finem æternitati ascribere non *Cc* formidat.

formidat. Si uero dicatur q̄ omnia possideat, & amictus lumine sicut uestimento refulgeat, statim hoc habitu cogitatio eum priuat, dum amictum lucis uel possessionem rerum ab eo separat. Quod si semper præsens adesse testatur, confestim situs standi uel sedendi imaginatur. Si uero uniuersa regere referatur, actus laboris æternam requiē annullare conatur. Porro si affirmetur patiēs, mala nostra sufferens, ilico passio se ingerit, & impassibilem pati contendit. His quippe decē cuncta humana<sup>†</sup> conditio includitur, & ab his omnibus proprietas summæ essentiaē euidēti ratione penitus excluditur. Cuncta etenim quæ uel oppositionem uel contrarietatem uel accidens suscipiunt, nulla ratione deo proprie cōueniunt. Igitur cum ratione repugnāte nihil de deo proprie loqui ualeamus, saltem improprie & per ænigmata de deo loqui satagimus.

Cap. III

F R A. Euidens ratio quidē docet deū humanis uerbis ineditibilem, sed intellectualis mens inhiāter desiderat eum sibi utcunq; fieri cognoscibilem, quæ mens instar speculi animæ uidetur, in quo ipsa imaginem creatoris sui cōtempletur. M A G.

als, scimus

Vniuersa quæ in rebus creatis nouimus, per corporeos sensus cognouimus. Et ea quidem quæ nec uisu nec experiētia didicimus, per comparationes uisorū uel expertorum<sup>†</sup> discimus, ut quæ de bestiis uel ignotis hominibus legimus: quæ aut nobis penitus incognita per comparationes notas nō signantur, nunq̄ prorsus scientiaē nostræ notificantur. Et ideo quia spiritalia nobis sunt inuisibilia, atq; corporeis sensibus incōparabilia, nunq̄ erūt aliqua ratione nobis probabilia. Quia uero hæc cōstat esse, sed per similia edoceri nequeunt, fidem tantum credentium exigunt. F R A. Quæ ratio argumentis probat, quanq̄ in comparatione deficiat, necesse est ut rationalis quisq; credere non renuat: tu tamen profer quid de spiritibus sciendum tibi ratio innuat. M A G. Sex modis in scripturis spiritus substantialiter dici, non nescio à uobis sciri. Primo summus omniū deus spiritus appellatur, ut ibi, Spiritus est deus, & qui adorant eum, in spiritu oportet adorare. Secūdo angeli spiritus dicuntur, ut ibi, Qui facit angelos suos spiritus. Tertio animæ spiritus nuncupātur, ut ibi, Exhibet spiritus eius, & caro reuertetur in terram. Quarto uita brutorū animalium spiritus uocatur, ut ibi, Quis scit si spiritus iumentorum descendat deorsum. Quinto uenti dicuntur spiritus, ut ibi, Spiritus procellarum. Sexto aer scribitur spiritus, ut ibi, Os meū aperui & attraxi spiritum. Quorum definitio talis est, Aer est spiritus sensibilis, quē nos attrahēdo sentimus, ipse nihil sentiens, cunctis tamen sub cœlo uiuentibus spiramen exhibens. Ventus spiritus est aer, dei nutu aliquo modo agitatus, procellis aquarum augmentatus, per angelica ministeria excitatus, per eadem tranquillatus. Vita brutorum animalium est spiritus uitalis, constans de aëre & sanguine, animalis, inuisibilis, sed sensibilis, memoriam habens, intellectu carens, cum carne moriens, in aëra euanescens.

Anima intellectiua  
quid sit. Cap. V

Anima uero spiritus est substantia incorporea, corporis sui uita, inuisibilis, sensibilis, mutabilis, illocalis, passibilis, nec quantitatē mensuræ, nec qualitatem formæ uel coloris susceptibilis, memorialis, rationalis, intellectualis, immortalis. Et ne hæc uacillet definitio, ratio eam probationibus roboret. Anima est spiritalis substantia. Omne enim quod alijs uitam subministrat, ipsum est necesse ut subsistat: sed anima uitam corpori tribuit, igitur anima realiter subsistit. Hanc uero uitā esse ipsamet probat, dum præsencia sua corpus uiuificat, absencia sua idem mortificat. Hæc nobis quidē est inuisibilis, sed spiritibus uisibilis. Hanc etiam sensibilem esse constat, dum oculis colores, auribus sonos, naribus odores, palato sapes, manibus aspera uel lenia sentire præstat. Est quoq; mutabilis: omne enim quod melioratur & peioratur mutabile est: sed anima uitijs peioratur, uirtutibus melioratur, igitur mutabilis est. Est etiam illocalis: omne enim quod loco includitur, altitudine, latitudine, longitudine aëris circumscribitur, corpus est: sed ratio docuit animam incorpoream esse, id est, nec corpus nec aliquod membrum habere, igitur constat eam esse illocalem: non enim spacium aëris ut corpus occupat, nec corpus ut aqua utrem implet: sed ut calor toto igni illocaliter inest, ita anima totū corpus illocaliter possidet. Ignis quidē est uisibilis, sed calor inuisibilis & sensibilis, & quodammodo ignem uiuificans: ita anima inuisibilis, sed sensibilis, uisibile corpus quadam occulta ui sensificat & uiuificat. Hæc est quoq; passibilis:



A passibilis. Omne enim quod mœrore afficitur passibile est, sed anima dum suæ uoluntatis compos nō efficitur, dolore mœsticiæ afficitur, igitur passibilis esse cōuincitur. Ab hac quantitas excluditur, dū nec altitudine aut latitudine aut longitudine metitur, nec sex circumstantiis, scilicet ante & retro, dextrū & sinistrū, sursum & deorsum se includere patitur. Qualitas etiam formæ uel coloris ab hac secernitur, dum nulla forma uel humani corporis, uel ullius coloratæ rei illi ascribitur. Hæc est memorialis, quia præterita recolit. Est etiā rationalis, quia præsentia discernit. Est intellectualis, quia futura intelligit. Hanc immortalem hinc esse constat, q̃ memoriam sui apud posteros perenniter durare laborat. Angelus autem spiritus est substantia incorporea, inuisibilis, sensibilis, rationalis, intellectualis, immortalis, bonorum lucida & impassibilis, malorum tetra & passibilis. Sed uidendum est utrū aliqua substantia talis in rebus creatis esse credatur, cū à nobis minime uideatur. Angelos esse ipsa insensibilia probant, quæ tam certam sui motus legem obseruant. Omne quippe quod mouetur, aut motum à se habet aut aliunde: sed omne quod motum à se habet est sensibile, ut anima: quod aliunde, insensibile, ut corpus. Quod si sol, luna, & sydera per se mouentur, sensu uel ratione uigere uidentur, quæ tã certa tempora, tam certa cœli spacia custodiunt, & quodammodo suum intellectū huic mundo lumine uel signis innuunt. Sed qui ea rationabilia uel saltem sensibilia corpora arbitratur, iure sensu carentes, inter irrationabilia computatur. Cum autem uere sint corpora uisibilia, sed motu carentia, utputa insensibilia, & tamen moueantur, constat profecto q̃ aliunde moueantur. Restat igitur ea per angelica ministeria moueri: similiter uentos, pluuias, grandines, fulgura, tonitrua, tempestates, auras, iussu dei per illos regi. Qui dubitat, & ea sensibilia putat, hunc ratio stultum cum insensibilibus probat. Bruta quoq; animalia uisibus humanis per illos obsecundare uel aduersari qui nō credunt, aut illa per rationalem intellectum hæc facere credunt, longe à ratione recedunt. Sed & cuncta quæ in rebus insensibilibus uel creaturis sensibilibus geruntur, per illos administrari qui ambigit, multum à luce ueritatis desipit. Igitur constat angelos uere esse, & cuncta nobis occulta patenter nosse. Sed hoc differt inter illorum & nostram scientiam, q̃ ipsi omnes causas rerum anteq̃ eueniant præsciunt, nos autē uix & cum magno labore inuestigamus eas, postq̃ res in actu constant.

B Porro summus spiritus, sicut à nullo intellectu ualet proprie cogitari, ita nulla definitione poterit proprie definiri uel determinari. Sed quia intellectualis mens eum utcunq; agnoscere anhelat, hæc ænigmatica definitio ei interim sufficiat. Deus spiritus est essentia inuisibilis, omni creaturæ incomprehensibilis, totam uitam, totam sapientiam, totam æternitatem simul essentialiter possidens, idem ipsa uita, ipsa sapientia, ipsa ueritas, ipsa iustitia, ipsa æternitas existens, omnem creaturam instar puncti in se continens. Si autem aliquis insipiens tantum desipiat, ut deum esse diffidat, hunc solum uere esse, & alia omnia ab ipso habere esse hac ratione colligat. Omnis substantia aut per se subsistit aut per aliud, sed hunc mundum non subsistere qui contēdit, hic fatuus in nihilum tendit. Mundum autem non per se subsistere constat, dum eum ratio cœpisse doceat, partibus enim constat. Omne autem quod partibus coniungitur uel in partes resoluitur, ab aliquo utiq; coniunctionem uel resolutionē patitur. Mundus ergo non per se subsistit, & ideo sequitur q̃ creatura sit. Creatura autem ad aliquid, scilicet ad creatorem refertur. Solus ergo creator per seipsum & in seipso existit, omnis autē creatura per ipsum subsistit. Si enim ab alio esse habet, tunc deo maius est à quo hoc habet: quod deo inconueniens est. Et cū nihil præter creatorem & creaturam existat, si deus per seipsum non habet esse, necessario consequitur ut per creaturam existat: quod inconuenientissimum est. Amplius, Substantia mundi in diuersa genera & in differentes species diuiditur, & in his singulis bonum inuenitur. Omne enim utile bonum: uniuersa quippe utilia consyderantur, & ideo singula bona participazione unius boni bona esse necesse est. Diuersitas quippe recipit maius & minus: nam quantum ad genus, lapis est minus bonum, qui tantum est & non uiuibilis, lignum maius bonum

Angeli definitio,  
et an sint, et de eorum  
noticia. Cap. VI

Quod deus sit, et  
quid sit, ænigmati-  
caq; descriptionis  
eius pulchra deductio.  
Cap. VII

num, quod crescendo uiuit: equus illo melius, qui uiuit & sentit: homo illo praestantius, qui uiuit, sentit, & ratione discernit. Restat igitur his maximū & summū bonū, de quo omnibus inferioribus profluat bonum: & hoc bonum deus est, de quo quasi de fonte cuncta bona profluunt, & in eundem cuncta refluunt. Hic solus uere est, & ideo ueritas est. Omne enim quod est, uerum est. Quod uero nō est, falsum est: sed deus uere est, igitur ueritas est. Creatura autem ei collata quasi nō est, & idcirco quasi falsitas ad ueritatē est. Omne enim quod ex nihilo esse coepit, in nihilū redigi poterit: sed omnis creatura ex nihilo à deo producta, ad aliquid esse est producta, igitur si ei comparatur, nihil esse probatur. Nulla ergo mens deum esse dubitat, per quem alia cuncta esse cōsiderat, huius essentia est uita. Omne enim quod est, aut uiuit, aut uita caret: omne autem quod uiuit, aut per se uiuit, aut per aliud: sed deus per seipsum & in seipso uiuit, & alijs omnibus uiuere tribuit, igitur uera est uita & uitalis uita: seipsum quoq; & totam facturam suā sapit & intelligit, cui nihil aliud est sapere, q̃ uiuere & esse, igitur sapientia est. Seipsum etiam & omnem creaturam diligit, quia iustitia est, & hanc increatam iustitiam nō aliunde accipit, igitur iustitia & dilectio existit. Initio & fine caret, praeteritum & futurum non habet, igitur aeternitas est. Cum itaq; ratio deum ueraciter esse probauerit, & hunc uitam, sapientiam, ueritatem, iustitiam & aeternitatē ueris assertionibus essentialiter esse docuerit, restat nunc ut ad hunc quoq; uidēdum aliquam fenestram aperiat, per quam mens per quosdam gradus scandens prospiciat, quatenus regem gloriā in decore suo uidere praeualeat. Pedetentim autem ratio per corporalia gradiatur, ne infirmus intellectus per ardua nitens, difficultate confractus relabatur. Inprimis igitur hunc corporeum solem mente cōsideremus, cuius claritudine totum mundi orbem illuminari uidemus. Post hunc solem milia milium angelorum deo ministrantium attendamus, quos singulos ratione monstrante septies, imò centies sole splēdidiore sciamus: nam hic sol est minister mundi, angeli autem templa dei. Quantum ergo differt templum dei à seruo mundi, tantum differt claritas angelorum à claritate solis. Deinde decies milies centena milia sublimium angelorum deo astantium perpendamus, quos singulos centies, imò milies praē sole clariores pro certo noscamus. Sicut enim luna stellas, sol lunam in claritate excellere cernitur: sic quilibet superior ordo angelorum inferiorem ab angelis usque ad Seraphin gloria, dignitate, claritate praecellere creditur. Post hos innumerabilia milia sanctarum animarum inspicimus, quas singulas longe sole lucidiores, angelis beatitudine & claritate coequandas nō dubitamus. Tot & tantis luminibus singulariter cōsideratis, singulorum etiam magnitudinem contemplemur, quatenus ad id quod intueri anhelamus, facilius subleuemur. Cogitemus itaq; animam splendidum ignem, cuius minima scintilla ratione instruente uincat hunc solem. Omne enim quod ab alio includitur, minus eo quod se inducit, esse necessitate cōuincitur: sed cogitatio animae quae eius scintilla est, nō solum hunc solem, sed & totum mūdi ambitum breui spacio includit, & totus orbis eā minime circumscribit: igitur cōstat quanq; animam toto mundo longe maiorem fore. Angeli autem sicut ab animabus beatitudine, ita etiam differunt magnitudine. Hic nemo magnitudinem corporalis quantitatē intelligat, sed illam potius intellectualem, quae hunc mundum corporeum, & cuncta in eo corpora ad paruitatē redigat. Hinc iam mens se in alta eleuet, cor suum quantum potest dilatat, tot lucēs inestimabili claritate, incomparabili magnitudine resplendentes sub se prospiciat: super se uero quādam admirabilem lucem, quae omnium illarum lucium lux sit, intēdat, quae sic super tot & tantas lucēs longe refulgeat, sicut sol super omnes stellas luceat: cuius lucis ineffabilem magnitudinem & admirabilem pulchritudinem illae tot & tantae lucēs iugiter admirētur, & in cuius affluentissimam dulcedinem indefesse prospicere delectentur. Haec profecto est lux inaccessibilis, quā inhabitat essentia dei, solis mundis cordibus uisibilis. Nullus hic cogitet luce deum, quasi tabernaculo hominem circundatum, quasi aliud sit deus qui lucem inhabitet, & aliud lux quam inhabitet, sed potius illam lucem essentiam dei sciat, in qua uniuersa bona simul locata sciat. Haec est lux quae angelos & animas



A & animas in coelis sua uisione satiat. Hæc est quæ mūdī cordes per contēplationē illuminat. Hæc est quæ solis lucernam in mundo commorantibus, ut candelæ lumen in carcere positis præstitit, quæ de tenebris ad lucem, de morte ad uitā, de exilio ad patriā remeare possint.

De uarijs nomi-  
bus beatæ uisionis,  
quæ iusti deū uidēt  
Cap. IX  
Iac.

Ergo in oratione taliter mens nostra deum meditetur, taliter intentio nostra imaginem eius contempletur, scilicet talē lucem quæ sic super solē, ut sol super candelā resplendeat, imō talem quæ sic super innumera angelorum & animarū milia præ sole centies splēdida, ut sol super sydera refulgeat. Vnde dicitur pater luminum in canonica Iacobi, Omne datū opti- mum & omne donū perfectū desursum est, descēdens à patre luminū. Non multū quippē à ueritate aberrat qui talem dei imaginē ante oculos cordis in oratione uersat. Hæc præsens uisio dei facie ad faciē regnū coelorum uocatur, quia extra hoc corporeum cœlum, imō extra omnem locum, angeli & iusti qui cœli nominantur, hac uisione fruuntur. Idcirco etiā quamuis deus in omnibus creaturis essentialiter manere credatur, proprie in coelis, id est, in iustis habitare prædicatur: quia ipsi inhabitationē eius fruendo sentiunt, & cū omnibus rebus inesse gaudentes conspiciunt, quæ sibi minime adesse cognoscunt qui terrena diligunt. Sicut enim uidens & cæcus in sole stantes, uidens claritate solis uidēdo fruitur, cæcus lumine eius priuatur, & quamuis præsentia solis utriq; æque assit, tamen eius præsentia facie ad faciē uidēdo ut angeli, sentit: sic deus hos tantū inhabitare dicitur, q̄ eius præsentia facie ad faciē uidēdo ut angeli, aut per cōtēplationē speculādo ut iusti in hac uita fruuntur: in his autē non esse dicitur, qui eius uisione priuantur. Vnde & intra nos regnū coelorum esse prædicatur, quia uisio dei omni- potētis, quæ regnū coelorum, id est, iustorum nominatur, in angelis & iustis cōtemplatur. Hæc etiā uita æterna appellatur, quia beati in præsentia deficiētis uitæ plene perfruuntur, & nunq̄ nec morti, nec ullis doloribus ministris mortis subiacerē permittuntur. Ad hoc nanq; creati sunt ut æternaliter uiuāt, & æternā uitā æternaliter aspiciāt. Hæc quoq; cœlestis ciuitas nūc patur, quia unanimitas illorū ciuiū ad uidendū regē gloriæ in decore suo congregatur. Hæc pa- nihilominus Hierusalē cognominatur, quia uisione semper manētis pacis satiatur. Hæc quoq; supna radis uocatur, quia omnimoda omniū delictarū abūdātia iocūdatur. Hæc quoq; patria nominatur, quia omnes iusti hanc uisionem, ut puta filij dei, hæreditare nō dubitant. Cum ergo sanctos in oratione inuocatis, sic oportet de eis cogitare cōstitutis in gloria æternæ claritatis, scilicet splēdidissima lumina longe præ solis fulgore lucentia, qui omnia bona pleniter in dei uisione habeant, & cunctis se inuocantibus potenter subueniant. F R A. Sol æternus ad quem uidendum nos tua dulcis oratio perduxit, & cuius serena lux in cordibus nostris per tua uerba illuxit, ipse te de tenebris exemptum in lucis regione cōstituat, & inter lucēs quas prædicās, te lucentē luce suæ uisionis perenniter frui tribuat. M A G. Si quid per me probabile profertur, nolo ut inde mihi, sed deo, cuius donum est, gratia referatur, qui se per abiectos seruos ad hæreditatē suæ uisionis filios suos cōuocat, & per hostes de exilio ad patriam iter salutis amicis prænotat. Et bene nostis aliquando deformem formoso spe- culum, imō cæcum uidentibus lumen tenuisse, ac claudum sanis gressu uiam ostendisse.

De necessaria per-  
sonarū trinitate in  
essentiæ unitate  
Cap. X

F R A. Nos quoq; propter ea quæ audiuius, perenni deo grates referimus, cuius uisio per te nobis innotuit, & qui talē thesaurū carnalibus absconditum per te nobis protulit. Sed quia pōdus carnis animā aggrauat, ecce iterū carnalis cogitatio mentē diuina contemplan- tem pulsat. Cū enim superius ratio unū deū uerissime esse demonstrauerit, & ipsum solū cū- cta ex nihilo fecisse probauerit, quomodo quasi tres deos adorare docemur? Dū enim cū deum, filiū perfectū deum, spiritū sanctum perfectū deum cōfiteri monemur? M A G. Subdistingtæ tres personæ distinguuntur, quid aliud q̄ tres dī à nobis intelliguntur? M A G. In ipsa ueritate se demonstrāte & ratione probante, citius uidebitis necessariū in una essentiā personarū trinitatem, itē per omnia necessariā in tribus personis indiuiduæ substantiæ unita- tem: cū iam superius anigmātice de deo loquerer, quia nō poterā proprie, quid dixi essentiā dei esse? F R A. Lucem. M A G. De luce quid gignitur? F R A. Splendor. M A G. Quid in luce & splendore simul consideratur? F R A. Calor. M A G. Num in substantia lucis, Cc 3 splendoris

splendoris & caloris inuenitur diuersitas? F R A. Non, sed identitas. M A G. Num in uocabulis uel officijs prædicatur identitas? F R A. Minime, sed diuersitas: nā lucis uocabulum ipsam substantiam, splendoris uocabulū lucis gratiā, caloris uero uocabulū uidetur exprimere lucis efficaciam. M A G. Igitur patet tria uocabula diuersa unam cōstare indiuiduam essentiam. F R A. Per omnia patet. M A G. Summum spiritum patrem lucē appellari habetis in Ioanne apostolo, Deus lux est, & in eo tenebræ nō sunt ullæ. Summū quoq; spiritū filium splendorem nūcupari habetis in alio Apostolo, Qui est splēdor substantiæ eius. Summū nihilominus spiritū sanctum calorem nominari apud Moysen, Deus noster ignis est. Cū itaq; lux, splēdor, calor una sit natura & indiuidua substantia, uocabula uero diuersa, cōstat profecto patris & filij & spūs sancti unā naturā indiuiduāq; essentiā esse, dū in eo quod significat quid sit, substantia liter spiritus nominatur: & itē in personis diuersitatē necessariā, dum pater gignēs, filius nascēs, spiritus sanctus ab utroq; procedēs prædicatur. F R A. Planē trinitatem in personis perspicue uidemus, & necessariam in substantia unitatem euidenter tenemus.

M A G. Ideo uigilantissime hæc duo nomina, scilicet substantia & persona diuinæ essentiae coaptantur, quia semper substantia de indiuiduis prædicatur in pluralitate cōsistentibus: persona autē de indiuidua rationali natura prædicatur, cū nos soleamus personis pluralitatem, substantiæ autē designare essentiæ unitatē. F R A. Qua similitudine uocatur æterna lux pater? M A G. Quia ex se prole genuit æqualem. F R A. Nōne sibi magis matris nomen cōuenire uideretur? M A G. In patre est semper principalis causa prolis, & ideo à princ pali sexu debuit iure hoc nomine appellari. F R A. Qua similitudine dicitur gignens? M A G. Certum est q; mens gignit cogitationem. Cum autē mens seipsam cogitat, quasi aliam sibi similem generat. Sic summus deus cum seipsum talem qualis est cogitauit, proculdubio similem sibi per omnia imaginē generauit. Et sicut gignens iure pater uocatur, ita rectissime genitus filius nominatur.

F R A. Si deus filium genuit, uidetur aliquando fuisse q; filium non habuerit, & hoc nomen ex accidenti possederit. Quod si hoc ita est, superior prolatio labefactatur, qua deo nihil accidentale, sed totum essentiale prædicabatur. M A G. Iam docuit ratio, dei essentiā esse æternam uitā, initij & finis nesciā. Quod si hæc singularis uera uita absq; initio semper fuit, cōstat q; & absq; initio semper se uiuere intellexit. Quod si se uiuere non intellexit, sapiens non fuit, quod nefas est de deo dicere. Quod si aliquando sapientiam aliunde accepit, qua prius caruit, tunc id à quo tantū bonum accepit deo melius extitit, quod absurdissimū est. Sed si sempiterna uita semper se uiuere intellexit, hæc intelligentiæ sapientia non aliunde ei accidit, sed semper ei cōessentialis fuit, quanq; hanc ex se ut prolem suā ineffabiliter genuerit: igitur pater nunq; sine filio extitit.

F R A. Qua similitudine splendor æternæ lucis filius uocatur, non filia? M A G. Quia per omnia similitudo patris in eo exprimitur, unde & similitudo eius dicitur. Nihil enim in rebus creatis ad intergrum eius similitudinem seruat à quo nascitur. Capilli nanq; à capite nati sunt capiti dissimiles, poma ab arboribus nata sunt illis dissimilia, lana dissimilis ouibus. Fœtus animal ū, uel ipsi filij hominum, non per omnia similes qualitati genitorum. Hic autem per omnia gignenti est simillimus, & ideo uerissime nō filia, sed filius uocatur.

F R A. Qua autem habitudine filius uerbū uocatur? M A G. Tripliciter uerbum intelligitur: uerbi gratia, Cum hoc uerbū homo, homo profert ore, aut cū idem uerbū homo, absq; motu linguæ in corde suo format, aut cum res ipsa quā significat illud uerbū homo, qualis sit intellectu cogitatur. Hoc tertio modo deus uerbū suum genuit, cū seipsum cogitādo dixit, Et quia totā mundi formā eadē cogitatione creauit, ideo dicitur, q; omnia in uerbo suo fecerit: unde & de creatione mūdi legitur, Ipse dixit & facta sunt. Nihil enim aliud est filius uel uerbū dei, q; cogitatio uel ars uel sapiētia eius. Nempe cū nos aliquā rem cogitamus, ipsius rei imaginem in cogitatione nostra formamus: sic deus cum seipsum cogitauit, similem sui per omnia imaginem formauit: ideo hoc uerbum imago uel similitudo dei dicitur, sed nihil aliud nisi eadē essentia exprimitur: unde & hoc uerbum dicitur quasi uere bonum.

Quare

Vnde substantia & personæ nōia ad diuina trāsferantur, & unde pater dicitur uel gignens

Cap. XI

De cōternitate filij cum patre

Cap. XII

Vnde filius dicitur splēdor æternæ lucis, & non filia

Cap. XXIII

Quare uerbū dicitur filius, & de triplici uerbo

Cap. XXIII



De creaturarum  
trifaria subsistētia  
Cap. XV

**A** **FRA.** Quare dicitur, Omne quod factum est, in ipso uita erat? Num lapides qui stolidi sunt, in uerbo dei uiuunt? **MAG.** Omnis creatura trifarie subsistere dicitur, In deo, in seipsa, in nobis. In deo uita immutabilis, in seipsa substantia commutabilis, in nobis similitudo rerum imaginabilis: uerbi gratia, Lapis in seipso est substantia mutabilis, quia in calcem commutabilis, in nostra cogitatione similitudo lapidis, in arte dei essentia interminabilis, uitae durabilis. Cum enim artifex domum facere cogitat, iam domus in ipsa arte uiuit, quā postmodum manus aedificat. Sed illa quā manus erigit, corruet: illa uero quae in arte uiuit, permanet. Nihil quippe aliud est ars quā anima, & anima nihil aliud quā ars eius: & ars eius nihil aliud est quā ipsa uita: sic uerbum dei nihil aliud est quā ars eius, & ars nihil aliud est quā ipsa uita, & in hac cuncta immutabiliter permanebunt, quae in substantia sui mutabilia deficiunt.

Quō solum uerbū  
incarnari potuit  
Cap. XVI

**FRA.** Cum euident ratio idē uerbum cum patre & spiritu sancto, unā & indiuiduam substantiam inexpugnabiliter probauerit, quomodo solum incarnari potuit? Si enim à patre & spiritu sancti essentia est separatum, & sic singulariter in humanitate, constat profecto quod patris & filij & spiritu sancti substantia non est indiuidua, quae potuit pati separationis discrimina. **MAG.** Sicut sempiterna uirtus diuinitatis per ea quae facta cōspiciuntur potest intelligi, sic hoc profundū mysterium & occultum, per ea quae in nobis geruntur ratione perscrutāte poterit inspicī. Notum est enim quod humana mens uerbum communis locutionis ex se cogitando gignit, & idem uerbum in mente & in memoria simul una essentia existit. Cum uero mens uerbum suum alijs innotescere cupit, cum eadē cogitatione quae nihil aliud est quā uerbum suum, & cū memoria disponit, quod idē uerbum corpus uocis induit, & auribus audibile, & cordibus audiētium uisibile procedit, & etiā litteris corpus suum ligari & uideri permittit, & tamen inuisibile manens, de essentia mentis & memoriae nō recedit. Non ergo mens neque memoria, sed solum uerbum singulariter sonuit per corpus uocis sensibile, & tamen inseparabiliter mansit in essentia mentis & memoriae inuisibile. Sic summus pater uerbum suū seipsum cogitādo genuit, quod in patris & spiritu sancti essentia simul coessentialiale subsistit: sed tamen nec pater nec spiritus sanctus, sed solum uerbum quod est patris filius, singulariter humanū corpus induit, se hominibus sensibile exhibuit, corpus sumptum indigna pati permisit, & ipsum inseparabiliter in essentia patris & spiritu sancti inuisibile & impassibile permāsit.

Quare amor dei  
spūs nominetur &  
sāctus. Cap. XVII

**FRA.** Qua autē similitudine amor dei spiritus sanctus nominatur? **MAG.** Dei essentiam dixi esse uitā, uera autē uita se uiuere intelligit, & si se uitam intelligit, se utique diligit. Dei autem uiuere, intelligere, diligere, nihil est aliud quā existere. Dilectio ergo dei est uita, & uita est spiritus. Et quia deus per dilectionem cunctis esse uel uiuere tribuit, idcirco spiritus nuncupatur. Ideo autē sanctus additur, quia cuncta per eum sanctificatur.

De spiritu sancto  
Cap. XVIII

**FRA.** Qualiter probatur hic spiritus à patre & filio procedere? **MAG.** Nihil aliud spiritus sanctus, quā amor dei intelligitur, unde & deus charitas dicitur. Constat autem quia pater filium ut seipsum diligit, & item filius patrem tantū seipsum diligit. Vita namque diligit se sapere, & iterum sapientia diligit se uiuere: uita autem & sapientiae probata est una essentia esse. Igitur dilectio uel amor uel charitas, quod est spiritus sanctus, in substantia patris & filij coessentialis existit, & ideo ab utroque aequaliter procedit. **FRA.** Si spiritus sanctus patri & filio coessentialis existit, quomodo ab indiuidua substantia separari potuit, cum in specie columbae super dominum, uel in forma ignis super apostolos apparuit? **MAG.** Sancti spiritus substantia non in columbam uel ignem est transmutata, sicut nec uerbi in carnem est transformata: sed spiritus sanctus columbae corpus cōdidit, in quo se ad horam super corpus sibi inseparabiliter unitū, ad testimoniū hominibus uisibilem praebuit, ipse uero inuisibilis in essentia patris & uerbi inseparabiliter mansit. Animas quoque discipulorum interius possidens, foris speciem ignis uel luminis oculis hominū pro signo exhibuit, & tamen à substantia patris & filij non recessit: profecto insinuans quod pater & filius per eū peccata consumunt, & in eorum amorē hominum corda per ipsum accedunt, & quod impios per eum iudicabunt, iustos uero lumine uitae in ipso glorificabunt.

Cur equalitas pso-  
narum deitatis no-  
mine potiss. hono-  
retur. Cap. XIX

si nullus esset mi-  
ser uel dānatus, ad  
huc deus suā miseri-  
cordiā uel iustitiā  
posset ostendere  
Cap. XX

Malum quid sit, &  
q̄ i regno dei nihil  
inordinatum relin-  
quatur. Cap. XXI

**F R A.** Quomodo constat has personas esse coæquales? **M A G.** Deus est summa uita, summa sapientia, summa dilectio. Quantum ergo uita uiuit, tantum se intelligit, & tantum se diligit. Si enim non tantum se intelligit quantum uiuit, nequaquā summa sapientia erit: & si non tantum se diligit quātum se intelligit, summa dilectio minime existit. Sed cum ipse substantia uerissime summum bonum sit, summa autem uita & summa sapientia & summa dilectio non nisi in summo bono inueniri possint, necessario sequitur tres personas, patris gignētis, filij geniti, spiritus sancti procedētis, per omnia esse æquales, & in una eademque indiuidua substantia summum bonū existentes. **F R A.** Cur in his uocabulis magis deitas ueneratur quā aliarum uirtutum, cum misericordia & iustitia, & ceteræ uirtutes eius essentia assignentur? **M A G.** Quia illa sunt ei proprie secundū se substantialia, ista uero secundū nos ei accidētia. Misericors namque inde dicitur, nō quod miserum cor habeat, sed omnē miseriam longe à deo esse ratio probat. Iustum autem humana locutio nominat, qui bonis bona, malis mala recompēsat. Verum quia deus miseris in miserijs subuenit, nomen misericordis & misericordiae accipit, quamuis si nunquā aliquis miser fuisset cui misericordiam impenderet, non minus tamen in substantia sui ipsa misericordia existeret. Quia uero iustis largitur prēmia, iniustis irrogat supplicia, iuste uocatur iustus uel iustitia, tamen si nullus foret cui uel gloriam uel pœnam impenderet, non minus ipse iustitia existeret. Sic de ceteris uirtutibus sentiendū est. **F R A.** Hinc maxima uidetur quæstio suboriri, si misericordia dei nō potuit dinosci nisi per miseros, & iustitia eius sciri nisi per dānatos, uidetur inenitabiliter sequi, quosdā necessario miseros factos, per quos misericordia dei manifestaretur: quod si ita est, tunc frustra prædicabitur malum nihil esse, cum nihil possit peius excogitari quā miseria & damnatio: & si hoc per ualidissima rationis argumenta non infirmabitur, iam deus summum bonum minime cognoscitur, imò autor esse tanti mali cōuincitur. Porro si noluit uel non potuit ostendere suam misericordiam nisi in miseris, iustitiam nisi in damnandis, quis non uideat sequi eum maleuolum uel impotentem, in uno quod bonum nisi per malum ostendere noluerit, in altero quod aliter facere non potuerit. **M A G.** Quis demens hæc præsumat dicere misericordiam & iustitiā dei nisi per miseros & damnandos manifestari non potuisse, cum manifeste constet nos occultas diuitias nō solum per egentes, sed etiā per abundantes demonstrare posse. Si enim occultam habuero pecuniā, non ideo necesse erit quenquā pauperem existere cui largiendo eā manifestam faciā, cum id ipsum diuiti tribuēdo facere queam: sed potius si quilibet pauper existens ad me uenerit, de occulta pecunia ei misericordiā impendi oportebit. Sicque eius experiētia me largū & locupletē comprobat, quod idē in diuite posse fieri cōstat, quamuis diuitis aut pauperis scientia uel experientia nihil mihi utilitatis, utputa omnia bona habenti conferat. Iplis autē utilia, imò necessaria me habere eis scire & experiri multū expedit. In hunc quippe modū si nullus aliquā miser uel damnabilis fuisset, deus omnipotēs misericordiā & iustitiā in angelis & hominibus nō minus manifestare potuisset, de sua uidelicet abundantia eis misericorditer largiēdo quod minime haberēt, præsertim cū omnis creatura à se nihil omnino habeat, sed omnia ab ipso fonte omniū bonorum accipiat, ac dona sua in suis iuste cōseruādo quæ ab eo accepissent. Et ideo nō erat necesse ut uel angelus damnationē ad manifestandā dei iustitiā, uel homo miseriam ad declarandā dei misericordiā inciderent, cū utrunque instātibus angelis declarauit, misericordiā uidelicet, eos à lapsu cōseruādo, iustitiā, eis prēmia dādo. Quia autē libera uolūtate angelus uel homo à deo apostatauerūt, misericordiā & iustitiā quasi prius occultā, manifeste experti sunt, dum illū iustitia manifeste dānauit, istū misericordia misericorditer de miseria liberauit. Et cū in hac experiētia nihil deo utilitatis accreuerit, in quo plenitudo omniū bonorū ante omnem creatā creaturā fuerit, sequitur quod nulla necessitas, sed sola uoluntas eos ad miseriam cōpulerit. Deum autē autorem mali nō esse hinc aperte cōstat, quod ipse omne malū damnat. Porro quod malum nō subsistat, euident ratio probat. Omnis enim substantia bona est, sed malum bonum nō est, igitur malū substantia nō est, sed priuatio boni est. Videtur autē malū quoddam agendi



A agendi uel patiēdi separabile accidens. In actu quidem, dum inordinate agitur: in passione autem, dum inordinata actio bene ordinabitur. In regno quippe cuncta ordinantis nihil inordinatum relinquitur. Est autē rectus rationalis creaturæ ordo, ut caduca respuat, manura appetat, homines in anima immortales diligat, deum summū bonum præ omnibus amans, eius uoluntati obediat. Sed qui summum bonum contemnūt, caducum mundi bonum diligunt, suas animas despiciunt, sicq; malum faciunt. Hoc uero malum ordinabitur, dum hæc actio in passionem mutabitur: nam dum tales & summo & caduco bono priuantur, necesse est ut asperis, quæ blanditijs contraria sunt, afficiantur, quæ tamen in seipsis non sunt mala, sed à patientibus uidētur amara: igitur per naturam nihil est malum. Deum autem summum bonum hinc constat, q̃ malis & reis quasi cōtra iustitiā misericordiam suam prærogat. Nempe à fonte summi boni talis iustitia manat, qua iure deus indignis misereri debeat: qui etiam in hoc beneuolus comprobatur, quia solus tot bonis frui noluit, sed ex nihilo tot substantias protulit, quibus bona gloriæ distribuit. Omnipotens uero, imò ipsa hæc omnipotentia hinc determinatur, q̃ tantam machinam rerum cum omnibus quæ sunt, potuit ex nihilo formare, & omnis creatura eum ad inconueniens non flectit, sed quicquid est nutui suo paret. Hæc est tota munitio nostræ propositionis, subruta arce manifesti erroris.

Vnde creatura sit  
cōdita, Ca. XXII

B F R A. Vtile est munimen erroris subruī, & arcē ueritatis cōstrui, cuius fundamētum quia super omnia creātem stabiliter locasti, superest ut machinam super originem creaturæ cōsolides, ac finem mundi initio continuando ædifices, culmenq; in alto regni cœlorum cōsummes. Itaq; ratione probāte nobis insinua, utrū uniuersitas creaturæ ex creatoris substantia, an ex aliqua præexistente materia, an ex nihilo sit condita. M A G. Huius structuræ cōgeriem hic artifex corroborabit, cuius opus nullius augmēti molimen cōquassabit. Deus stantia creatoris se esse ipsa creatura negat, & euidēs ratio totis armis suis repugnat. Deum nanque est immutabilis, omnis autem creatura mutabilis, quæ si ex immutabili natura processisset, consequenter & ipsa immutabilis perdurasset. Porro si corruptibilis natura ex substantia dei prodijt, sequitur q̃ dei essentia corrumpi possit: quam cæcæ mentis insaniam iacula rationis confodiunt, & à præsentia ueritatis longe reiiciunt. Quod autem ex nulla substantiali materia cōdita sit, hinc constat, q̃ nihil præter deum fuerit. Restat ergo q̃ uniuersitas creaturæ ex nihilo creata sit, non q̃ nihil aliquid sit, sed quod non aliquid fuit, hoc aliquid creator esse fecit. Tamen ante creationem totius creaturæ, imago in uerbo, id est, in arce dei fuit, ad cuius exemplar uniuersitas in creatione prorupit. Sicut enim pictor uarietatem picturæ prius in mēte fingit, ad cuius similitudinem postmodum uisibilem picturam pingit: ita deus uniuersitatē creaturæ prius in sapiētia sua formauerat, secundū quā formam cuncta per multimodas species creauerat. Sed pictor picturam mente cōceptam in re non existentē, per colores & per instrumēta extrinseca ad esse producit: deus autē uniuersitatem creaturæ in sapiētia sua nullā quidē substantiam existentem, per nulla instrumēta in tot substantias produxit, & ideo ex nihilo omnia fecit, & tamen quasi non ex nihilo, sed ex aliquo uisibilis mūdus processit, dū instar archetypi mūdi formas induit.

F R A. Iam egregia

Propositio quinq;  
difficiliū quæstio/  
num. Cap. XXII

turre in altum surgēte discreta ratio tenebras erroris undiq; uersum eliminat, præclarā strukurā serena ueritatis luce clarificet, ac nobis indytæ ædis opus mirātibus aperiat: Vtrū creator in creatura, an creatura in creatore, an uterq; in utroq; consistat: an potius creator extra creaturā alicubi in aliqua gloria substantialiter maneat, an creaturā per se existentē potētialiter repleat: an dimidiis in cœlo, dimidiis in mundo: an aliqñ totus in cœlo, aliqñ totus in mūdo subsistat, an p singula loca diuisus, an in omnibus locis totus existat: an aliqñ in hoc loco, aliqñ in alio loco sit, uerbi gratia, heri Hierosolymis, hodie Carthagini, cras Romæ morari credēdus sit, an extra omnē locum & extra omne tēpus semp ubiq; sit. M A G. Sicut sol exoriēs quasuis innumeras rerū formas tenebris obsitas cūctas sua præfētia irradiat: ita potēs ratio, licet multiplices nimiūq; perplexas uestras propositiones pspicaci intuitu singulas determinat, resq; profundissimas de obscurissimis latebris protractas pspicue elucidat.

Quod

Responsio ad pri-  
mā, & q̄ creator  
in tota creatura cō-  
sistat. Ca. XXIII

Quod creator in tota creatura existat, omnis creatura probat, quæ se nihil à se, à deo autem esse & bonū habere clamat. Deus namq̄ est summa essentia & summum bonū, omnis autem creatura per eum subsistit: omnis uero substantia bona est, quia ex summo bono est. Vbi autē deus nō est, ibi nihil est: ubi autē aliquid substantiale est, ibi deus est, ergo in omni creatura deus existit. Hic fortassis infirmus animus dicit apud se, Si deus in omni creatura est, tunc est in cœno, & in inferno, & in brutis animalibus, & in dæmonibus, quæ utiq̄ creaturæ sunt. Hic nullam inconuenientiam ratio aperta probat, quæ in his omnibus bonum probat & considerat. Cœnū quippe res aliqua est permixta cū alia, utpote terra cum aqua, uel cū alia huiusmodi: terra autē bona est, quia substantia est, & aqua bona est, quia substantia est. Infernus quoq̄ dicitur esse igneus, & ignis est bonus, quia substantia est. Bruta etiam animalia singula in genere suo ad aliquid utilia sunt, & ideo bona sunt. Dæmones nihilominus in eo q̄ angelica sunt natura, boni sunt. Igitur cū constet hæc singula in bono subsistere, necessario sequitur deū qui solus bonitas est, in omnibus esse. Sed & omnis creatura deum sibi inesse per aliquid sentit. Angeli enim & uniuersa uiuētia deū sibi inesse sentiunt. Deus quippe uita est, & omne quod uiuit uita uiuit. Non enim angelus magis uiuit q̄ uermis, licet ille sit immortalis, iste mortalis. Nec angelus magis subsistit q̄ uermis, quāuis illius substantia sit æterna, istius autē caduca. Corpora autē cœlestia, sicut sol, luna, sydera deū in se sentiunt, dū per eum lucent & subsistunt. Arbores & herbæ deū in se sentiūt, dum per eū crescunt & subsistunt. Lapidēs uero deū sibi inesse sentiunt, dū per eū subsistunt. Dæmones sibi deū adesse sentiūt, dū per eū uiuunt, & sentiūt q̄ iudicio dei iusto mala in pœnis luūt. Deus enim iustitia est, & ubicunq̄ iustitia exercetur, deus ibi esse creditur. Sic deniq̄ adest impetator latroni dū eū dānat, sicut militi dū eū remunerat. Et nemo opinetur deū sordes mūdi abominari: sed solū peccatorū sordes nouerit eum execrari, nec eum ullo modo posse ulla re commaculari, sicut nec radiū solis ulla immūdia fordidari.

Quod omnis creatura in creatore  
existere probetur.  
Cap. XXV

Omnis autē creatura in creatore hinc existere cognoscitur, q̄ extra deū nihil esse creditur: sed tamen non sic est in eo ut sit eius substantia uel pars eius essentia, ut cor est in animali uel pars animalis, sed ut lucet nā lumen in sole nō est eius substantia, neq̄ pars eius essentia. At aliquis stultus hic prorūpit & dicit, Si lapis est in deo, & deus est in lapide, ergo lapis est deus. Nō utiq̄ sequitur, ut omne quod est in altero sit illud in quo est: nā uinū est in utre, non tamen uinū est uter. Sol quoq̄ in speculo, & speculū in sole, & tñ neutrū est illud quod aliud. Sicut aliquis Romæ positus, si cogitatione totā ciuitatē illuminaret, totā urbē cū populo imaginādo menti suæ includeret, recte diceretur Roma in eius anima, & eius anima in Roma esse, nec tñ eius substantia esse: sic profecto deus in omni creatura, & omnis creatura in eo rectissime affirmatur, & tñ neuter est quod est aliud. Sed hic creator deus immutabilis uerissime prædicatur. Sed quia nos in tenebris nati sumus, lumen ueritatis uidere nō possumus. Mundū hūc super abyssum fundatū: deū autē in cœlis cū angelis locatū cogitamus, & extra hunc mundū nihil nisi tenebras esse putamus, sed potius uisus mentis nostræ ueræ lucis magnitudine hebetatur: sicut corpus reus oculus fulgore solis reuerberatur, & tenebræ nostræ tantā claritatē cōprehendere, & sua caligine cordis intuitu eā nos contēplari præpediunt. Nēpe totus hic mūdus instar breuissimi puncti intra deū collocatur: serenissima autē lux maiestatis eius extra undiq̄ uersum in immēsum diffūdatur. Deus quippe uniuersa supra & infra, interius & exterius, & in circuitu essentialiter replet, & nullius creaturæ intellectus interminabilē eius substantiā ulla cogitatione excedit. Hoc iterū infirmū intellectū scādalizat, & tacitus apud se uolutat. Si cūcta in deo sunt, ergo & lupi & serpētes & dæmones in eo sunt. Hic ut supra nulla incōuenientia cōprobat, dū in his omnibus bonum reperiatur. Omne autē bonū in deo est, extra quē nihil.

Cūr non tota creatura æqualiter bono fruatur  
Cap. XXVI

Sed quæritur, cur aliqua creatura quicq̄ mali patiat, & non potius tota æqualiter bono fruatur, si deus qui est summum bonū, in omni creatura esse declaratur. Sed sciendū est, sicut anima per totum corpus diffusa, in singulis membris tota cōsistit, non tñ tota singulis membris administrationis suæ munera tribuit, sed oculo tantum uidere & non audire, auri autem



A autem audire & non uidere, & cæteris in hunc modum: membrum autem cui donum uegetationis subtrahit, stolidum & inutile remanebit, & hoc malum pati uel nihil pati affirmatur, quia bono priuatur: sic deus per omnia diffusus in singulis totus consistit, non tamen singulis cuncta dona gratiæ suæ tribuit: sed singulis prout sibi placuerit, lapidi tantum esse & non uiuere, arbori crescendo uiuere, non sentire, bestiis sentire, non discernere, angelis & animabus discernere & immortales existere. Cui autem aliquid horum subtraherit, protinus in corpore uniuersitatis inutile erit. Et cum ei bonum quod naturæ blandum est subtrahitur, mox ex necessitate amaro quod ei contrarium est afficitur, ut homines in mundo, daemones in inferno: sicque malum pati prædicatur dum bono priuatur: sicut cæcus in sole positus tenebras pati dicitur, dum luce non fruitur. Cur autem deus uni creaturæ dulcedinem suæ præsentiae perfruendam exhibeat, alteri subtrahat, ratio nullo acumine penetrare ualet, sed terribilem deum in iudicijs suis stupet.

Itaque queritur, si deus in omni creatura, & omnis creatura in eo est, quomodo aliquid deficiat & non potius totum in uno statu permaneat, præsertim cum immutabilis deus cuncta contineat. Sed sciendum est, quod in hoc creator à creatura discernitur, dum hic immutabilis, hæc autem multum instabilis cernitur: cuncta autem æternitatem imitatur, dum deficiendo, & iterum recrescendo, & iterum quasi in circulis existentiæ semper rotatur. Quia enim de nihilo originem simpliciter sumit, in nihilum recurrere, & quasi extra deum exire cupiunt: sed quia exitum non inueniunt, quasi in circulos reuoluta rursum in esse redeunt. Cæli quippe & sidera semper in circulos suos reuoluuntur: aquæ iugiter fluendo quasi pacto circulo in fontes suos reuertuntur. Arbores, herbarum, animalia crescendo, senescendo, putrescendo, iterum recrescendo quodammodo circulose circumaguntur. Hoc quoque modo cuncta per se in nihilum tendunt, sed per continentiam dei semper in datam naturam reuerti contendunt. Itaque queritur, si homo in paradiso perstitisset, utrum hæc cuncta ut nunc mutabilia fuissent: Proculdubio cuncta cum labili tempore ut nunc uices suas crescendo, deficiendo, nascendo, moriendo seruarent, ipse in uno statu stabilis & dominus omnium perduraret: quia uero

*Cur non tota creatura in uno statu permaneat, cum in deo sit qui immutabilis est. Cap. XXVII*

B peccando instabilis extitit, ipse cum tempore & caducis rebus labi cepit. Fugatis tenebris de structura sacrae ædis, iam ad dissoluendas machinas contra eam erectas attingamus. Deum alicubi esse substantialiter & ubique potentialiter, repugnat firmitati totius iam elaboratae dispositionis, & subruitur impulsu euidentissimæ rationis. Si enim alicubi & non ubique substantialiter est, tunc circumscriptus est & localis: & si localis est, tunc corpus est: & si corpus est, concluditur non esse deus. Amplius, si deus loco continetur, tunc locus qui eum continet, maior & melior est illo: maior, quia deum includit: melior, quia tantum bonum continet. Porro si in cælo est substantialiter, in mundo autem potentialiter, tunc eius essentia est aliud quam potentia, & sequitur quod hæc potentia ei ex accidenti aduenerit, quod superius ratio à facie ueritatis repulit. Si autem dimidius est in cælo & dimidius in mundo, tunc creatura continet creatorem, & includit in se suum factorem. Si autem aliquando est in cælo, aliquando in mundo, tunc mutabilis conuincitur, quia de loco ad locum mouetur. Amplius, si deus aliquando est in cælo & non in mundo, tunc ibi tantum aliquid est ubi ipse est, alibi autem nihil est: ubi enim deus non est, ibi nihil est. Si enim per singula loca est diuisus, tunc constat ex partibus, & sequitur quod sit passibilis, qui per loca est diuisibilis, & etiam solubilis. Omne enim quod partibus constat, dissolui poterit. Si autem in singulis locis est totus, tunc tot sunt tota quot loca: omne enim quod uni loco totum includitur, eius nulla pars in alio loco esse conuincitur: & sequitur, quod deus loco concludatur, qui cuncta pugillo concludere prædicatur. Quod si secundum uices temporum mutatur, & heri in uno, & hodie in alio, cras in tertio loco commoratur, tunc temporalis est, & iam præteritum amissum, futurum adhuc non habet, sed & cuncta accidentia in eum concurrunt. Huius falsissimæ opinionis machinamenta facile dissolunt huius sacrae turris instrumenta. Dei potentia nihil aliud est quam eius essentia, ideo deus non alicubi est determinate, sed ubique essentialiter est. Deus quoque immensus est, locus autem scilicet spacium quod quodlibet corpus occupat, altitudine, latitudine, longitudine mensuratur. Et quicquid est locale, per anteriorius & posterius, per dextrorsum & sinistrorsum, per sursum & deorsum circumscribitur.

*Responsio ad reliquas questiones supra cap. 23. propositas. Caput XXVIII*

*Declaratio specialis, quod deus sit illocalis. Cap. XXIX*

Deus

Deus ergo nec partim in mundo, nec aliquando totus in cœlo, nec aliquando in mundo, nec per singula loca diuisus, nec in singulis disiuncte totus: sed extra omnem locum replens, & in se continens, cunctam creaturam penetrans, & uniuersa per substantiam continuans ubique scilicet in omnibus & extra omnia est totus, sicut lumen lucernæ in oculis omnium astantium totum lucet, & in seipso totum manet, non à seipso recedit ut ad præsentis perueniat, nec unum relinquit ut alijs luceat, sed potius singulis & omnibus simul totum lucet, & in seipso totum manet: sic deus ubiq; & in omnibus est totus, & in seipso permanet totus, & à se non recedit, sed cuncta in se colligit.

Quo Christus totus in cœlo, totus in uirginis utero.

Cap. XXX

Hic quaeritur, cum deus loco non includatur, quomodo Christus totus in uirginis utero, totus in cœlo prædicetur, cum uterus uirginis locus non dubitetur. In cœlo totus fuit in patris essentia, ut in anima tota sapiëntia. In uirginis utero totus, ut uerbum totum in uoce. Deus enim initio & fine caret, & ideo omnino æternus manet. Igitur nihil ei fuit præteritum, nec futurum recipit, sed extra omne tempus præsens & semper ubiq; existit, unde & est, cognominatur, quia æternitas existens, omnia tempora disponens nullo tempore uariatur. En machina uestre multiplicis propositionis corruit, nullum accidens cadit in deum. F R A. Huius ruinam non moleste ferimus, sed ad fragorem eius potius fautores applaudimus, quia per huius casum turris introitum speramus. Sed cum hæc machina sit disiecta, ecce alia structura contra turrim stat erecta.

Quomodo deus sit solus immortalis, solus inuisibilis

Cap. XXXI

Superius dictum est, q; solus deus sit immortalis, solus inuisibilis: Num angeli uel anime mortales sunt, aut deus est angelis inuisibilis, de quibus dicitur, q; semper uidet faciem patris? M A G. Mutabilitas est quædam mortalitas, dū enim quid de præterito in futurum mouetur, quasi præterito moritur. Deus solus est immutabilis, quia nihil præteriti ei decedit, nihil futuri accedit, sed quicquid est uel fuit uel erit, totum sibi præsens adest: & sicut non potest cogitari q; aliquando initium habuerit, ita quoq; non potest cogitari q; unq; finiri possit. Angeli autem mutabiles sunt, quia de præterito in præsens, de præsentis in futurum mouentur. Præteritum quippe habent, futurum nondum habent. Constat enim q; socios angelicos olim amissos non habent, & q; adhuc consortio sanctorum in terra peregrinantium carent, præterita memoria recolligunt, futurum præsciendo intelligunt. Et sicut potest cogitari q; aliquando cœperunt, ita etiam potest cogitari q; finiri possint. Sed cum & ipsi creaturam in se mutabilem considerant, quodammodo à statu immutabilitatis degenerant: talis mutabilitas est eis quædam mortalitas. Animæ uero sicut sunt per omnia mutabiles, ita quoq; penè per omnia mortales. Deus quippe est uita animæ, sicut ipsa est uita corporis. Sed sicut mortuum est corpus quando animam nō habet, ita anima mortua est quādo deo caret. Vel sicut cæcus oculis mortuis dicitur cū luce priuatur, sic anima mortua cū beata uita quæ deus est non fruitur. Solus ergo deus habet immortalitatem, quia nullam recipit mutabilitatem. Hic etiā solus est inuisibilis, quia nulli creaturæ ad plenū intelligibilis: nempe animæ beatorū & angeli suo more, nō nostro eū semper uidet, nō per interualla spaciorum sicut nos corporea uidemus, sed intra se & extra se in omni creatura, & extra omnē creaturam eum conspiciunt, nec ullo intellectus intuitu amplitudinem suæ claritatis excedunt: & quia non pleniter ab ipsis ut à seipso conspiciatur uel intelligitur, ideo solus inuisibilis dicitur.

Quomodo homo ad dei imaginē & similitudinē sit creatus. Cap. XXXII

F R A. Iam diuina natura cū angelica in hac turri tenēte screptra, ecce humana natura lectionē adducit, & ad impugnandam eam machinā erigit. Quaeritur namq; quomodo homo ad imaginē & similitudinē dei formatus dicatur, cū nulla cōueniētia similitudinis dei in homine cōspiciatur. M A G. Impugnātia à repugnātib; expugnantur, dū præcedētia à subsequētib; inexpugnabiliter roborantur. Duo homines scribuntur, interior & exterior. Interior anima, exterior corpus: interior inuisibilis, exterior uisibilis. Interior & inuisibilis ad imaginē & similitudinē inuisibilis dei creatus, uisibilis autem secundū uisibilem mundum est formatus. Deus inuisibilis est, in substantia unitas, in personis trinitas. Interior ergo homo, id est, anima, ad imaginem unitatis est creata, quia non ex partibus ut corpus composita, sed est simplex natura & immortalis essentia. Est quoq; deus memoria, quæ sui & omnium quæ sunt meminit.



A meminit, quæ pater nominatur: ex qua intelligentia nascitur, quæ se & cuncta quæ sunt intelligit, quæ filius nuncupatur: ex utraq; dilectio procedit, quæ se & uniuersa quæ sunt diligit, quæ spiritus uocatur. Ad huius trinitatis imaginem anima conditur, dum ei memoria, intellectus, ratio dilectionis indicitur: præteritorum namq; meminit, inuisibilia intelligit, mala respuens bona diligit. Dei quoq; essentia est, lux, uita, iustitia, bonitas, beatitudo. Ad hanc similitudinem anima facta est, ut sit lucida, uitalis, iusta, bona, beata. Exterior uero homo, id est, corpus quodammodo ad exemplar mundi formatur, dum ex quatuor elementis componitur, unde & microcosmus cognominatur, id est, minor mundus. In hoc anima etiam habet similitudinem dei, dum ipsa sic minorem mundum gubernat ut deus maiorē. Omnis quoq; creatura per aliquid similitudinem dei habet, & quantum cuiq; alteri est excellētiōr, tanto illi similior. Ipse quippe est, uiuit, sentit, per rationē discernit: lapides ergo eius similitudini se adiungūt, quia sunt. Arbores magis eius similitudini appropinquant, quia sunt, & crescendo uiuūt. Quæq; animantia multo magis eius similitudinem exprimunt, quia sunt, uiuunt, sentiunt. Porro in hominibus & angelis similitudo dei maxime refulget, quia sunt uiuunt, sentiunt, & ratione discernunt. Animas autem constat esse æternas: si enim ad uidendum deum factæ prædicantur, necessario sequitur, ut sicut deus finem non habere creditur: ita animæ illum uisuræ, sine fine uiuere non dubitentur. Sed quæritur utrum illæ animæ im mortales sint, quæ deum uisuræ nō sunt. Omnes animas unius cōstat esse naturæ, & si quædam animæ immortales sunt: igitur omnes animæ deum uisuræ semper erunt beatæ, & eū non uisuræ miseræ.

FRA. Vnde anima tranta uidet in somnis? MA.

Vnde anima tā multa uideat in somnis  
Caput XXXIII

B Anima insatiabili cupiditate sciendi ueritatem captat, & ideo semper in cogitationibus uagatur: ideoq; sensibus corporeis sopitis, per ænigmata quædam futura deo reuelante præ uidet. Interdum circa uerisimilia diabolo fallente languet anxia. Aliquando angelis uel animabus confabulatur: aliquando à dæmonibus ludificatur. Hæc in modum oculi cætera omnia uidet, seipsam uidere non potest. FRA. Cur à nobis nō uidetur? MA. Quia tam subtilis eius natura dicitur, quod se à corporeis oculis uideri non patitur. Quanto enim aqua tenuior est terra, quanto aër subtilior est aqua, & quanto æthereus ignis aërem tenuitate: tanto uincit anima ignē cœlestem tenuitate & subtilitate. Hæc enim est causa quod nullus spiritus à nobis cernitur, quia subtilitas illorum naturæ nostrum uisum excedere creditur.

Quomodo anima in singulis membris dicatur esse tota  
Cap. XXXIII

FRA. Qualiter perhibetur anima per totum corpus esse diffusa, & tamen non magis in maximis, nec minus esse in minimis mēbris, sed in singulis tota. Num tot sunt tota quot membra? MA. Sicut superius dictum est, Si lumen ponatur in medio, non minus in meis, & non magis lucet in alterius oculis, sed in singulis totum, & in seipso manet totum: sic anima ubiq; in corpore, & in singulis membris est tota. Vnde tacto uno membro dolet tota, non tamen tot tota: sicut uox in auribus omnium non particulariter, sed sonat tota, & in se ipsa remanet tota.

Cur una anima sit docilior quā alia  
Caput XXXV

FRA. Si omnes animæ unius naturæ sunt, quidnā est quod ipsa remanet tota. MA. Anima habet formam cæræ quædam habilior, & quædam tardior est ad discendum. Anima habet formam cæræ quædam habilior, & quædam tardior est ad discendum, si ei sigillum imprimatur: sic candelæ. Cæra habilis est ad exprimendam imaginem, si ei sigillum imprimatur: sic candelæ ad lucendum si incendatur. In hunc modum recipit anima imaginem scientiæ si ei imprimatur sigillum doctrinæ, lumenq; ueritatis recipit, si igne sapientiæ accensa fuerit: quæ si per studium uel exercitium se neglexerit habilem præbere, sicut cæra sine imagine, & sicut candelæ inaccensa sine lumine, sic in tenebris ignorantia sine scientia & ueritate remanebit. Quanto magis autem quæq; anima doctrinæ se adoptauerit, tanto magis capax scientiæ erit. Cur autem ignis spiritus sancti quasdam animas se habiles non præbentes, imò negligentes, lumine scientiæ magis accendat, quasdam non accendat, imò quibusdam laborantibus scientiam subtrahat, alijs similibus similis ratio penetrare non ualens mirando clamat, O quā incomprehensibilia sunt iudicia dei, & inuestigabiles uia eius.

FRA.

Quid magistri foris, et ueritas intus in anima operetur  
Cap. XXXVI

Cum cūcta à magistris discantur, quomodo unus magister in cœlis esse scribitur, à quo quæ si specialiter quæq; docentur? MA. Si recte perpenditur, nihil prorsus per hominem discitur,

D d tur,

tur, magistri tantum commemorando foris plantant & rigant, ueritas autem quæ in anima c habitat, intus docendo incrementum dat: sed stultus non intelligit hæc. Ratio autem quæ cuncta discernit facile hæc ita esse comprobabit. Nempe quicquid discitur, melius per uisum quàm per auditum capitur: nam quantum cæco de sole narrauerò, ipse tamen nescit quid sit sol, quem nunquam uidit, tantum uerbis meis credit aliquid esse quod ita uocetur, aut fortasse dubitat quicquam esse in re quod sic nominetur: qui si repente uideat, ipso uisu solem esse probat, quem auditu scire non poterat. Sic plerique cæci scripturas nouerunt, sed tamen quid sit littera uel liber nesciunt, quorum oculi si subito aperiantur, & libro coram se posito quid sit uiderint, mirantur, & uisu discernunt quod auditu non poterant. Porro si alii cui illorum dixerò, talis littera uocatur, a, & talis b, nominatur: mox introitus recurrit, ueritatem consulit, & uerum esse probat quod audit. Quid ergo hunc docui, qui nec prius auditu, nec postea uisu scire potuit quid sit littera, nisi ueritate intus docente, uisu foris probante hoc ediceret? Ego tantum sonos uerborum protuli, ipse uero res per uerba signatas ueritate intus examinante cognouit: sic uos quoque si multa uobis de elephante dixerò, nescitis quid sit elephas, nisi eum uideritis: sic multa de deo legimus, & quasi rufum hominem & pulchrum aspectu eum nouimus, qui si ad præsens intraret, num illum agnosceremus? Puto minime. Quare? Quia à magistris discere nequiuimus, quod ueritate uisus non probauimus. Doctores ergo tantum sonos uerborum proferunt: auditores autem ueritate uisus docente, uerba mente, res uisu discunt. Sic litteras, sic ignotas linguas, sic uarias artes discimus, dum sonos uerborum à præceptoribus percipimus, res ipsas ueritate docente intus consideramus. Sed quid de cantu est dicendum, qui non uidetur, sed tantum auditu discitur? Nonne dum uox canentis foris sonat, ueritas intus quasi quosdam ascensus uocis in anima format? Igitur omnino nihil per hominem nisi sonus discitur, uerba autem & res per ueritatem in interiori homine habitantem discernuntur. Et sic uerissime unus magister prædicatur, à quo quisque interiorius instruitur. Ea autem quæ à nobis non uidentur, ut deus & angeli, tantum esse creduntur.

Quid sit credere  
deum, & quid credere  
in deum  
Cap. XXXVII

FRA. Differt aliquid, credere deum & credere in deum. MA. Multum. Dæmones deum & pagani credunt, sed non credunt in deum. Credunt namque quod deus sit qui omnia creauit, ac super omnia potens sit. In deum autem tantum credunt, qui eum diligendo in eum tendunt. Vera autem fides est credere, quod deus in essentia sit unitas, & in personis trinitas, & hic cuncta ex nihilo uerbo suo creauerit, ac collapsa eodē uerbo incarnato restaurauerit, & in ultimo die uniuersa per spiritum sanctum innouabit: & hoc credentibus summum bonum, scilicet seipsum in præmio dabit. Hæc fides uita animæ existit, & per hanc iustus uiuit. Hæc fides spe nutritur, ut corpus cibo reficitur. Dilectione animatur, ut corpus anima uiuificatur. Dilectio autem operatione comprobatur: unde fides sine operibus mortua esse affirmatur. Ergo fide anima declinat à malo & facit bonum, cuncta transitoria respuit, inuisibilia sicut uisibilia appetit, dilectione quæque dura tolerat, carnis impetus refrenat, necessaria proximis erogat, summo bono semper anhelat. Igitur anima quæ sic credendo & sperando in deum tendit, ipsum summum bonum sine fine habebit.

Vtrum lux diei aut  
caligo noctis ani-  
mæ quid conferat  
aut noceat  
Cap. XXXVIII

FRA. Si animæ naturaliter sint lucidæ, quæritur utrū animabus corpore exutis lux diei aliquid conferat, uel rursus caligo noctis quicquā ad uidendum noceat. MA. Sicut corpus sine anima nihil sentire cernitur, sic utique anima sine corpore nihil corporeū sentire creditur. Corpori quippe admixta per oculos sentit colores, per aures uoces, per nares odores, per palatum sapores, per tactum uel incessum res tangibiles, mollicie uel duritia differentes. A corpore uero separata nihil corporeū corporaliter sentit, quasque res in proprietate substantiæ, abstractis accidentiis colorum conspicit, spiritualia quæque suo more sentit. Ergo sicut lumen candelæ nihil confert soli ad lucendum, sic profecto lux solis nihil omnino confert animæ ad uidendum. Et sicut nox iubar solis non impedit, sed potius fugit: sic nec animæ aliquatenus obsistit, ut puta quā nec anima sentit. Porro anima, aut spiritali luce ipsa nimis præ sole fulgida fruitur, aut horrida peccatorum caligine obscurata, non noctis, sed propriis ut cæcus tenebris



A nebris inuoluitur. Quod autem anima carne soluta corporaliter lucē non uideat, hinc constat quod cum aliqua dictare uolumus, uel quicquā facturi disponimus, mox anima exteriores sensus fugit, introrsus se colligit, in seipsa intus considerat ea de quibus tractat, & solis lumē ei nihil prodest, sed etiā ei ad hoc negociū obest: & dum aliās attendit, clamorosas uoces iuxta se non audit. Igitur anima extra corpus nihil corporeum uidet uel audit. Quod si facit, tunc utiq; aëreū corpus induit.

FRA. Si animæ corporeas uoces non audiunt, quomodo animæ sanctorū intelligātur audire preces uiuentium, & eis patrocinari

Cap. XXXIX

MA. Oratio cordis, non oris ascendit in cœlum. Animæ enim non clamorem uocis, sed cordis audiunt, & se fideliter inuocantibus subueniunt. Neq; magis clamorosas preces audiunt quā eas quæ sine uoce, uel in lingua, uel in corde tantum fiunt, quia neq; a nobis uerba, sed uoces cordis tantum audiuntur, cæterum uerba mente uidentur. Cū ergo animæ nostræ aliquid secundū deum desiderant, & hoc sibi à deo per sanctos dari, siue corde, siue lingua, siue uoce postulāt, animæ sanctorū quibus est idē audire quod uidere, & ecceuer so, non uoces, sed uerba intuentes, desiderata eis à deo impetrant, ut habetis scriptum, Desiderium pauperū exaudiuit dominus.

FRA. Nōne legitur, quod sæpe multæ animæ ductæ de corpore, multa loca pœnalīa, & itē multa amœna & florida, & in utrisq; multas animas in humana forma uiderint, atq; ad corpus reuersæ, plurima se audisse ab eis retulerint? MA. Sciendum est, quod hæ animæ non penitus corpus reliquerant, sed sensus

Psal. 9

Quomodo intelligatur anima à corpore solui, & iterū reuerti, ac uisa re

ferre Cap. XL

MA. Sciendum est, quod hæ animæ non penitus corpus reliquerant, sed sensus tantum corporeos suis officijs destituerant, corpus autem non ex toto spiritu uitali carebat. Vnde ea quæ audierant, non res corporeæ, sed similes corporearum rerum erant, quas reuersæ alijs in corpore constitutis pro ædificatione referre poterant. Postquam uero corpus funditus exuerant, longe res aliter erat quæ prius uideri non ualebat. Sicuti nos aliquando iuxta parietem positi, umbrā uenientis hominis, non ipsum uidemus, remoto autē obstaculo muri, ipsum ut est cernimus. Animæ etiā defunctorum cum uiuentibus apparent, corpus aëreum induunt, in quo corporeā uocē uel uerba audibilia exprimūt. Hinc colligitur, quod infernus sit incorporeus, substantia spiritalis, corpori similis, cuius pœna tanto sit intolerabilior, quanto spiritus corpore est subtilior. Omne enim corpus uetustate deficit, diuturnitate dissolutum interibit. Vnde si infernalis ignis est corporeus, restat ut corporalibus instrumentis nutriatur, & sequitur ut illis consumptis ipse intereat. Sed constat ignem gehennæ non deficere, ergo spiritalis est. Si autem est corporeus, sed indeficiēs creatus est, necesse est ut animæ & spiritus quaecunq; corpus induant, in quo ignem corporeū sentiant.

FRA. Poterit ne probari resurrectio mortuorū? MA. Si ea inconcussa manebunt uel constabunt, quæ superius uerissimis argumentis probata sunt, tunc omni repugnantia submotā, omniq; necessitate admota, resurrectio erit futura. Constitit enim deum esse ueritatem, ueritatis autē uerba necesse est adimpleri: quod si non implebuntur, sequitur quod aut deus mutabilis sit, aut ueritas non sit. Quod si impleri non poterunt, iam deus omnipotens non est, quæ cuncta liquet quā absurdissima deo sunt. Incomutabilis itaq; ueritas deus, promisit suis dilectoribus plenum gaudiū, suis contemptoribus plenū supplicium, quod utrunq; erit impossibile, nisi sit in anima & corpore. Necesse est ergo ut corpora resurgant, animas recipiant, quatenus secundum promissa ueritatis hi plenum gaudium in anima & corpore habeant, illi eodē modo plenum supplicium recipiant. Amplius, si corpora non resurgant, tunc animæ æternæ factæ non sunt: sed superius probatū est animas æternas factas, ad hoc uidelicet, ut deū cum angelis semper uideant, & in hac uisione sine fine beate uiuant. Beate autē nō uiuant, si indumēta sua scilicet corpora in sordibus cōputrescere absq; spe recuperationis conspiciunt. Sequitur nanq; ut necessario uestimenta sanctarum animarum, quæ stolæ nominantur, per resurrectionem innouentur, & in incorruptibilem gloriā immutentur, quibus animæ reindutæ semper beate deum contemplantur: & econtra ut infelices uestes sordibus animæ reindutæ semper beate deum contemplantur. Igitur nō solum corpora innouari, sed etiam communem naturam quæ scilicet seruiuit, necesse est in melius commutari: unde habetis.

Quomodo resurrectio mortuorum sit probabilis

Cap. XL I

*Apoc. 21* betis scriptum, Ecce noua facio omnia. *FRA.* Cum deus ab initio mundi nihil noui creauerit, quomodo nouam creaturam tunc esse constabit? *MA.* Trifarie noua creatura dicitur, quae per trinitatem ita disponitur, Deus pater omnem creaturam ex nihilo condidit, & hac noua creatura nominatur. Item deus filius: unde habemus in Apostolo, Si qua in Christo noua creatura: & alio loco, Vt simus initium aliquid creaturae eius. Deus quoque spiritus sanctus corpora uiuificabit, & hunc totum mundum innouabit. Et hac nihilominus noua creatura appellatur: unde habemus, Coelum nouum & terram nouam faciet dominus.

*Quomodo dominus  
& animae sanctorum  
nunc in caelo, aut san-  
cti receptis corpori-  
bus ibi futuri esse  
credantur*  
*Cap. XLII*

*FRA.* Iam turri in summum nobiliter perducta, restat nunc ut propugnaculis cingatur, & sic cacumen in summo coelorum consummetur. Legimus de domino quod eleuatis manibus ferebatur in coelum, & quia sedet ad dexteram dei. Et Stephanus in concione uidit eum stantem a dextris dei. Qui fertur, de loco ad locum mouetur: & qui sedet uel stat, loco continetur. Et cum dominus corporaliter coelum ascendit, qualiter nunc ibi credendus sit, uel qualiter nunc ibi animae sanctorum sunt, aut qualiter receptis corporibus ibi futuri sunt, summo pere scire desideramus. Si enim aliquis locus Christum, uel sanctos sedentes, uel stantes continet ne cadant, tunc iste locus eis melior probatur, a quo tot bona continentur: & sic sancti de aliqua creatura uisibili & sensibili gaudentes gloriantur, ut nos de hac uisibili & sensibili luce delectamur, tunc iterum ea res melior rationali creatura iudicatur, de cuius possessione ipsa iocundatur, ut nos de habita pecunia gloriamur & gratulamur, & miserum gaudium uidetur, si intellectualis creatura non nisi de stoliditate latatur. *MAG.* Apicem huius turris pariter ascendamus, & ratione indagante, qualiter se habeant haec perspiciamus. Coelum uisitato nomine appellamus, quod super caput nostrum uidemus. Supra nos autem nihil nisi nubes, uel aërem sole illustratum conspiciamus. Solem uero lunam uel stellas longe a nobis remotas sic uidemus, sicut in lato mari positi a longe montes conspiciamus, in circumitu uero nihil nisi confusum aërem uidemus. Vnde liquet quod nullius hominis uisus totum huius aëris spacium penetret, qui uix etiam horizontem attingere ualet. Vnde cum apostoli dominum sublatum ulterius uidere non possent, dicitur, Nubes suscepit eum ab oculis eorum. Stephanus quoque non corporeis oculis dominum in coelo ultra firmamentum uidit, cum nullius hominis uisus ullo modo usque ad coelum pertingere possit. Sed & concio illa in qua Stephanus stans Christum conspexit, in domo aliqua fuit, cuius tecti culmen ipsius corporeus oculus penetrare minime potuit. Constat igitur quod non oculo corporis, sed intuitu interioris hominis Christum non in corporeo, sed intellectuali coelo uiderit. Sed hic forte ab aliquibus calumniosis obijcitur, stellas esse in firmamento infixas, & uisum nostrum firmamentum attingere dum eas uidemus. Num ideo oculi nostri firmamentum attingunt, dum quia stellas aspiciunt? Num ideo totum aëris spacium in mari penetrant, quia montes ut puta solida corpora considerant? Sicut enim in mari remotis ab aspectibus montibus, nihil nisi aër conspicitur undique: ita quoque syderibus solidis uidelicet corporibus sublatis, nihil nisi aër cernitur. Quicquid autem ab aëre est usque ad firmamentum, & ipsum firmamentum a nobis nequaquam uidetur propter ipsius spacii longinquitatem, & ob naturae suae subtilitatem.

*De triplici coelo hi-  
storialiter & signifi-  
catue dicto*  
*Cap. XLIII*

Quod si forte obijcitur, quod Apostolus ad tertium coelum raptus describitur, Sciendum est tres coelos historialiter appellari, & iterum tres significantie nuncupari. Hic quippe aër primum coelum historialiter uocatur, sicut habetis, Volucres coeli, quia in coelo, id est, in aëre uolare uidetur: secundum coelum aether uocatur, ut habetis, Stellae coeli, quia in eo planetae uago cursu feruntur. Tertium coelum firmamentum appellatur, sicut habetis, Astra coeli, quia in eo sydera fixa traduntur. Significantie quoque tres coeli leguntur, quia tres uisiones, scilicet sensualis, spiritalis & intellectualis a sapientibus non nesciuntur. Sensualis quippe uisio est, cum colores & formas rerum exterius cernimus, sed interius aliquid caelari intelligimus, ut in litteris intelligimus significantiam. Hac ergo uisio primum & substantiale coelum nominatur, quia in scripturis intelligentia caelatur. Coelum etenim a caelando nominatur. Secunda uisio spiritalis est, qua non res, sed imagines rebus similes spiritaliter uidemus,



A demus, sicut in somnijs solemus, & sicut Ioannes in Apocalypsi, & prophetas multa nouimus uidisse, & hæc uisio secundū cælum nuncupatur, quia res in his similitudinibus cælantur. Tertia uero uisio intellectualis est, cum neq; res exterius, neq; imagines rerum interius, sed ipsas substantias prout ueræ sunt, abstractis coloribus intellectu conspiciamus, & uniuscuiusq; qualitatem inter se differentem ratione discernimus: & hæc uisio tertium cælum uocatur, quia ueritas rerum in hac quasi à stultis cælat. Igitur si Apostolus in corpore est raptus, tunc ad corporeum cælum, scilicet ad firmamentū est perductus. Si autē extra corpus, quod magis uidetur, tunc utique ad intellectuale cælum raptus creditur, in quo essentiam deitatis sicut est, & angelicas substantias prout sunt, non sensualiter, quod nequit fieri nisi per corpus, nec spiritaliter, quod non fit nisi per imagines rebus similes, sed ueraciter, quod non fit nisi ipso intellectu, uidisse cognoscitur. Angeli uel iusti quadam similitudine cæli nuncupantur, quia in secreto dei humanis uisibus cælantur: & contra dæmones uel impij tenebræ appellantur, quia in tormentis à nobis occultantur.

Regnum autem cælorum, id est iustorum, non urbium mœnia, nō possessionum prædia, non auri uel gemmarum copia, non suppellex uaria, sed iustitia, pax & omnimoda gloria in pleno gaudio creditur, quod de uisione æternæ claritatis, & de societate angelorum & sanctorū habetur. Deus æterna lux probatus est esse in mundo & extra mūdū, infra & supra, & in circumitu undiq; & ubiq;. Igitur si regnum talium cælorum ratione demonstrante nihil aliud est q̃ uisio dei, quæ est fons omnium bonorum, necessario sequitur q̃ regnum cælorum sit in hoc mundo, & extra mundum, & in omni creatura, & extra omnem creaturam: unde habetis, Regnum

B cælorum intra uos est: quia nimirum in deo cōsistentes, eum in nobis ipsis, & in omni creatura, & extra omnem creaturam sicut est cernimus. Idcirco autē nunc extra deum, uel extra regnum cælorum dicimur, quia hac uisione priuamur. Eodem modo & miseri tunc à regno cælorum excludi referuntur, quia eadem uisione ut cæci sole priuabuntur. Hoc regnum cælorum uel hoc gaudium iusti intrare scribuntur, quia ineffabile gaudium non capientes, in eo quodammodo obuoluuntur. Quod autem animæ sursum ad cælum ferri affirmantur, uel etiam inferri putantur, ad uisum nostrum dicitur, quibus superiora splendore solis lucidiora noscuntur, & q̃ aliter res non potest cognosci ab his qui sunt adhuc in carne. Solutæ autem non loco mouentur, nec ad aliquem locum corporeum ducuntur, ut inde deum contemplantur: sed mox à corpore sequestratæ, angelis & sanctis associantur, & regno cælorum, quod est uisio dei, intra mundum & extra & undiq; sine mora fruuntur: sicuti cæcus in sole positus, si eius oculi aperirentur, cōfestim luce solis frueretur. Quod à quibusdā morientibus lux uel formæ angelorum aut sanctorum ibi uidentur, & concentus harmoniæ audiuntur, & ad alta duci cernuntur, hoc propter uiuentes fieri nō dubitetur, ut in Christiana religione corroboretur. Porro friuolum uidetur, si animæ illocales de hoc mūdo extra firmamentum duci asserantur, quasi ibi sit pulchrius, uel ibi magis sit deus, cum supra & infra, intra & extra æqualiter esse non dubitetur, & eius uisio ubiq; iustis æqualiter adesse cōprobetur. Animas uero uel spiritus cum sint incorporei, corporeis locis includi absurdissimū uidetur, præsertim cum omnis locus altitudine, longitudine, latitudine dimetiatur, hisq; omnis spiritus carere bene sciatur: ideo quippe illocaliter manere, & eius uisione frui æstimantur, sicut scientia in anima illocaliter moratur.

Corpus autem sanctorum resurget spiritale, quia uelo citate, leuitate, perspicuitate spiritibus erit æquale, & omne solidum erit ei penetrabile, sicut & corpus domini lapide clauso surrexit, & ianuis clausis intrauit: sicut igitur spiritus nunc nullo corporali loco sustentatur, ita quoq; non est necesse, ut tunc spiritale corpus aliquo loco fulciatur. Nō enim insensibile corpus spiritum, sed spiritus corpus uegetat. Igitur nullus locus spiritale corpus fulcit, quod omni elemento subtilius erit, sed ut spiritus illocaliter in summo spiritu deo subsistat: nisi forte hoc pro loco accipiatur, quod substantialiter & personaliter circumscribitur. Amplius, aut in hoc corporeo mūdo sancti manētes deū uidebunt, aut extra mundum erunt. Si extra mundum fuerint, tunc nulla elementali materia stantes

Quid sit regnū cælorū et ubi esse creditur Cap. XLIII

Luc. 17

De gloria corporum beatorum Cap. XLV

uel sedentes sustentantur, quia nullum elementum extra mundum comprobatur. Qui enim terram uel aquam ibi esse credit, nimis terrenus fluidus desipit. Si autem aërem uel ignem ibi esse arbitratur, grauiter à mobilitate aëris & ignis ipse instabilis, irrisus cōspicatur. Ergo extra mundum nulla re materiali fulciuntur, ubi nulla materia inuenitur. Si autē in hoc mundo erunt, similiter nulli elemento localiter stando uel sedendo inhærebunt, quia æquales angelis erunt. Cum igitur spirituales sint, in summo spiritu spiritaliter, non localiter manebunt. Porro illorum corporum gloria, non ratione, sed sola fide est contemplanda. Erunt quippe illa corpora ut animus agilia, ut sol perspicua. Quam cito enim nunc animus ab oriente in occidentem cogitatione peruenit, tam cito tunc illud corpus illuc peruenire poterit. Hoc hinc colligitur, quod resurrectio in ictu oculi fienda legitur. Ictus autem oculi est, non quod oculus aperiatur, sed quod aperto oculo obiectus lucis radius cōspicatur. Sed reuera tantū uelocitas illius corporis ab ictu oculi differt, quantum à corpore agilitas animi. Huius etiam corporis claritas est tanta, quanta est spiritus: non enim est hoc corpus animæ oneri, sed decori, quod nulla corruptibilis moles aggrauat, sed quod angelicæ naturæ æqualitas leuigat. Huius quoque corporis claritas tantum solem excellit, quantum sol in claritate nostrum corpus præcellit. Sol enim est corpus insensibile, & quamuis immutetur, tamen nunquam uiuificabitur: corpus autem illud erit sensibile & intellectuale. Igitur quantū spiritus intellectualis differt ab aëre insensibili, tantum differt præclara claritas illius corporis à claritate solis.

De gloria communi  
sanctorum omnium,  
& differenti gloria  
singulorum  
Cap. XLVI

Hinc quæstio non minima occurrit: cum enim dominus dicat, Fulgebunt iusti sicut sol: & Apostolus, Alia claritas solis, alia lunæ, alia stellarum. Stella à stella differt in claritate, sic & resurrectio mortuorum. Videtur Apostolus domino contrarium sentire, uidelicet quos hic uelut solem fulgere asserat, ille quosdam uelut diuersas stellas, alios uelut lunam, alios uelut solem fulgere astruat. Sed sciendum est, quod dominus gloriam sanctorum generaliter expressit: Apostolus autem singulorum gloriam per meritis distinxit. Vltimus ergo in regno cælorum ut sol fulgebit, qui tunc septies clarior quàm nunc erit. Et in hac claritate tantum quisque ab alio pro meritis differt, quantum stella à stella in claritate differt. Alij autem hos intantum diuersæ claritatis gloria ita præcellunt, sicut lucifer pleiades, luna luciferum, sol lunam in claritate excellunt. Nos autem omnes tantum corpus Christi in claritate excedit, quantum creator creaturas transcendit. Vnde & in dextera dei patris sedere scribitur, quia in gloria diuinæ maiestatis fulgere creditur. Igitur talis uisio & talis gloria regnum cælorum dicitur, quia soli cæli, id est, iusti hac uisione fruuntur, quorum primum summum bonum est, in quo habent plenum gaudium de plenitudine omnium bonorum.

Concluditur, quod  
sancti non de sensibili  
bus rebus, sed de  
summo bono deliti  
entur Ca. XLVII

Matth. 19

Concluditur itaque, quod sancti non de sensibilibus rebus delitientur, sed se in summo bono esse, & summum bonum in omni creatura, & extra omnem creaturam uidendo frui gloriantur. Si enim quicquam minus quam summum bonum in præmium acciperent, adhuc plus appeterent, & consequens esset, quod plenum gaudium non haberent. Sed cum constet eos plenum gaudium habere, necessario sequitur eos summum bonum deum habere, id est, de eius affluentia & plenitudine omnium bonorum abundare. Quando autem cælum cælorum legitur, ipse deus intelligitur, ubi iusti in abscondito faciei suæ à conturbatione hominum cælantur: unde scribitur, Habetis thesaurum in cælo, hoc est, in deo. Ad hoc summum bonum iusti quadam catena trahuntur, quæ de uirtutibus hoc modo connectitur. In primis fides animam quasi quidam circulus completitur, fides spe nutritur, spes dilectione tenetur, dilectio operatione expletur, operatio ad summum bonum intentione trahitur, intentio boni perseverantia clauditur, perseverantiæ deus fons omnium bonorum dabitur. Igitur qui hac catena tractus, hanc turrim scandens culmen eius attingit, non solum se ueram uitam cognoscere, sed se perenniter in ea beate uiuere gaudebit, quia in ea huius gloriæ consors erit. FRA. Veræ uitæ & omnium beate uiuentium faciat te deus participem, qui nos omnes ad summum bonum perducatur.

Finis.



## AD LECTOREM.

Et hunc libellum studiosus aliquis confarcinavit, unde ipse in fine uocat defloratiunculam. Multa insunt quæ in superioribus habentur: subinde intertexit uersiculos ex Bœotij libro tertio, quum is longe posterior fuerit Augustino. Cap. uigesimoseptimo, negat filiū à patre procedere, quum Augustinus euidenter doceat processionem filio & spiritui sancto communem esse. Stilius inæqualis est, & si æqualis esset, Augustini non posset uideri.

## DE SPECULO LIBER.



DE STO mihi uerum lumen, deus pater omnipotens. Adesto mi Caput 1

hi uerum lumen de lumine uerbum, filius dei, deus omnipotens. Adesto mihi uera illuminatio sancte spiritus, patris & filij unitas, sanctitas, charitas, deus omnipotens. Adesto mihi o una trinitas, pater & filius & spiritus sanctus unus deus omnipotens. Inuocat te domine fides mea quam dedisti mihi propter bonitatem tuam ad salutem meam. Inuocat te deus meus casta conscientia mea, & suauis amor fidei meæ, qua me de excussis ignorantia tenebris ad ueritatis intelligentiam perduxisti, quam stulta seculi amaritudine ablata, & tuæ charitatis dulcedine adhibita, saporosam mihi & mellifluam reddidisti. Inuocat te trinitas beata, uox clara & syncerus clamor fidei meæ, quam ab ipsis mihi enutrens cunabulis illuminasti per inspirationem tuæ gratiæ, quam adaugens confortasti me per ministerium prædicationis matris ecclesiæ. Quam dulcis facta est in ore cordis mei, quam suauiter sapit in ipso palato gaudium animæ meæ, quam fortiter, quam crebro pulsant mentem meam, & mouet omnes sensus meos, & interiora spiritus mei, ut te laudare delectat, quia fecisti nos ad laudandum te. Sed inquieta est mens mea donec requiescat in te, & increpitans me meæ desidia, ac colligens à dispersione qua frustratim distendor, dum ab uno te auersus in multa euanesco, & reuersus in me & surgens supra me, atque cunctis transcensis perueniens ad te, exultem tibi cordis iubilo, & laudes promam oris officio, quatenus in meditatione confessionis tuæ incalcescat cor meum, & inhiet tibi spiritus meus, atque ardeat mens mea in amore tuo oblita uanitatis & miseriæ, dum tibi soli intendit, dum stupens adhæret incommutabilitati tuæ gloriæ, oculisque fidei intuetur te solem iustitiæ, sicut scriptum est, Qui adhæret deo unus spiritus est. Fugiam itaque domine, & libenter fugiam ob strepitum tumultus omnium uanitatum. Sed quò fugiam ut illos declinem, illos calcem sub pedibus, & procul pellam à serenitate iocundi intuitus? Ad te, qui es solum confugium & unica spes miserorum, ad te gloria mea & exaltans caput meum, ad te confugiam de lacu miseriæ & luto fecis, tibi inhæream prout ipse dederis, suauitas melliflua, ut indulceas mihi dulcedo non fallax, dulcedo felix & securus. Quæram ergo te domine inuocans te, & inuocabo te credens in te, ut quærens te inueniā te, & inueniens benedicam te, qui benedixisti nos omni benedictione. Deus meus unica spes mea, exaudi me, ne fatigatus nolim quærere te, sed quæram faciem tuam semper ardentem. Tu da quærendi uires, qui inueniri te fecisti, & magis ac magis inueniendi te spem dedisti. Illumina domine cordis mei oculum intimæ uisionis perspicua luce: uelatus enim est & cæcus terra caligine peccatorum & ignorantia. Illumina eum lumine gratiæ tuæ, ut syncretis fidei oculis, & puro lumine cordis inspiciam mysteria regni tui. Verum quia non est pulchra laus in ore peccatoris, & fides sine operibus condignis non laudatur, rogo patrem per filium, filium per patrem, rogo spiritum sanctum per patrem & filium, ut & omnia uirtutes plantentur à me, & omnes sanctæ uirtutes plantentur in me, quatenus acceptabile tibi fiat sacrificium laudis fidei meæ, deus meus, & ascēdat ad te in odore suauitatis. Obsecro, & misericordiam tuā supplex imploro, cunctarum fons & origo, largitor & munerator uirtutum deus, adauge mihi spem, fidem sanctam, rectam & immaculatam, fidem eruditam, catholicam & prudentissimam, fidem feruentem, inseparabilem & orthodoxam, quæ in me omnia quæ tibi placent per dilectionem & humilitatem operetur, quæ uinci nequeat inter uerba altercationis in tempore persecutionis uel

in die necessitatis. Scrutans corda & renes deus, coram te est sanitas & infirmitas mea. Illā precor serua, istā sana. Coram te est scientia & ignorantia mea, ubi mihi aperuisti, suscipe intrantem: ubi clausisti, aperi pulsanti, ut audiens intelligam te, & intelligens diligam te, atq; in toto corde meo desiderem pulchritudinem uisionis tuæ semper inspicere. Audio quod nobis intimare uult scriptura tua, quam sanctificasti & misisti in mundum. Audio & credo ei.

Quod deus spiritus  
est et præsens ubiq;  
& totus Cap. II

Dicit enim, Spiritus est deus, & eos qui adorant eum, in spiritu & ueritate oportet adorare & credere. Sed spiritus incomprehensibilis, incorporeus, immutabilis, incircumscriptus, ubiq; totus, nunquam diuisus, secundum ipsius scripturæ testimonium ueridicum, hoc modo discernens, creator & creatura, in qua sunt qui & spiritus dicuntur. Si ita est, quia ita, quomodo inuocabo deum meum & dominum meum, quem utiq; in memet ipso inuocabo cum inuocabo eū? Et quis locus est in me, quò ueniat in me deus meus, quò ueniat ille deus qui fecit cælum & terram? Itā ne deus meus, est quicquam in me quod capiat te? An uero cælum & terram quæ fecisti, & in quibus me fecisti capiunt te? An quia sine te non esset quicquid est, fit quicquid est ut capiat te? Cum itaq; ego peto ut uenias in me, quia non essem nisi esses in me: nōne enim ego iam sum in inferis, & tu tamen ibi es? nā et si descendero ad infernum, ades. Non ergo essem deus meus, non omnino essem nisi esses in me. An potius non essem, nisi essem in te, ex quo omnia, per quæ omnia, in quo omnia? Etiam sic domine, etiam sic. Quo ergo inuoco cum in te sim, aut unde uenis in me? quò ergo recedā, quò ibo? Extra cælū & terrā fortasse, ut inde ueniat in me deus meus, qui dixit, Cælū & terrā ego impleo. Capiūt ergo ne te cælū & terra, quoniā tu imples ea? An imples, & restat quod te nō capiūt? Et quò refūdīs quicquid impleto cælo & terra ex te restat? Quoniā quæ imples, cōtinendo imples: nō enim uasa quæ te plena sunt, stabilē te faciunt, quia et si frangantur tu nō effunderis. Et cū effunderis super nos, tu nō iaces, sed erigis nos: nec tu dispergeris, sed colligis nos. Sed quæ imples omnia, de toto imples omnia. An quia non possunt te totum capere omnia, partem tui capiunt, & eandē partem simul omnia capiunt? An singulas singula, & maiores maiora, an minores capiunt minora? Ergo ne aliqua pars tui maior, aliqua minor? An ubiq; totus es, & res nulla te totum capit? Quid ergo es domine deus meus, quid rogo nisi dominus deus meus? Quis est enim deus præter dominum, aut quis deus præter deum nostrum? Nemo, planē nemo: non enim est alius præter te trinū & unū, unum & trinum, neq; in cælo sursum, neq; in terra deorsum. Quis tui similis? quis magnificus in sanctitate, terribilis atq; laudabilis in omni uirtute sicut tu deus noster, qui facis magna & mirabilia inscrutabilia quorum non est numerus? Te cuncta magnificant, te omnis spiritus laudat, te adorant, te benedicunt omnia illa beatorum spirituum & supernorum ciuiū agmina. Tibi mater ecclesia in toto orbe offert preces, & incessanter dicit laudes. Te ergo ultimus seruorū tuorū laudo & benedico. Tibi mens mea iubilat, tibi omnia ossa mea clamant, quis similis tui domine? Et merito cuncta quæ operatus es, tibi soli creatori obediunt, seruiunt, tremunt ad nutum tuum satis quæcunq; uelis.

Caput III

Tu es enim uere dominus, solus deus inuisibilis, inæstimabilis, incircumscriptus, illocalis, immensus, incomprehensibilis, ubiq; totus, ubiq; præsens, ineffabiliter omnia penetrans, omnia cōtinens, omnia sciens, cuncta prospiciens, omnia potens, uniuersa gubernans, totus in cælo, totus in terra, totus etiā ubiq; & non est alius præter te deum nostrū, in quē credit & adorat mater ecclesia apostolica & uniuersalis. Tu es uere colendus & uenerandus, tremendus & amandus cū omni semper deuotione domine deus noster. Qui cum non essemus, potenter fecisti nos: & cum perditī fuissetus culpa nostra, pietate & bonitate tua recuperaisti nos. Vnde confiteor tibi rex cæli & terræ, & honorifico te sacrificio laudis. Et quia exteriora munera defunt, totis medullis cordis quæ in me sunt uota laudationis reddo tibi. Sed quia nihil nisi de tuo accipibile tibi offerri potest, tu deus in cuius lumine lumen uidimus, da quæso lumen in corde, da uerbum in ore, da menti cœlestem conscendere sedem. Da fontem lustrare boni, da lucē reperta

In te conspicuos animi defigere uisus.

Et



**A** Et quoniā altera pars sumus cœli, altera terræ: unde corpus quod corrūpitur aggrauat anī-  
mā, & terrena inhabitatio deprimīt sensum multa cogitantē. Discinde quāso terrenas nebu-  
las & pondera molis, atq; tuo quāso splendore illumina obscuram interioris hominis faciē.  
Siste uagas mentes per deuia multa ruentes.

Subde carnem spiritui, appetitum rationi, uitia uirtutibus, corpus animo, atq; tuæ me in-  
tus exteriusq; subde per omnia uoluntati, & uniuerſis ſuo bene compositis ordine per gra-  
tiam tuam & te perfecte diligere & digne laudare merear labijs & corde, omniq; qua ualeo  
uirtute clamans ad te atque ita dicens, Summe, omnipotentiffime, miſericordiſſime, ue-  
roſiffime, ſecretiſſime, præſentiſſime, pulcherrime, fortiſſime, ſuauiſſime, inuiſtiſſime, ue-  
riſſime domine deus noſter ſtabilis es & incomprehenſibilis.

Immutabilis De eſſentia deitatis  
ſcriptus. Cap. III

mutans omnia, inuisibilis uidēs omnia, immortalis, illocalis, interminatus, incircumscriptus, nusquam finitus, ineffabilis, inexistentiabilis, indicibilis, inscrutabilis, immotus, tangens omnia, inuestigabilis, metuēdus atq; terribilis, uenerandus atq; uerendus, honorandus atq; horrendus, nunquam nouus, nunquam uetus, omnia innouans, in uetustate perducens super perbos & nesciunt: semper agens, semper quietus, colligens & non egens, omnia portans sine onere, omnia implens sine inclusione, omnia creans & protegens, nutriendus & perficiens. Quærens cum nihil desit tibi, amans nec æstuans, zelans & securus es, pœnitet te & non doleres, irasceris & trāquillus es: opera mutas, sed cōsiliū nunquā recipis. Qui inuenis & nunquā amittis, nunquam inops & gaudes lucris, nunquam auarus & uſuras exigis, supererogatur tibi ut debeas. Et quis habet quicquam nō tuum? Reddis debita nulli debens, donans debita nihil tibi. Qui es ubiq;

Qui es ubiq; cap. v

bita nihil perdēs, qui solus uiuificas omnia, quia creasti omnia. & ubiq; totus, qui sentiri potes & uideri non potes, qui nusquam dees, & ab iniquorum cogitationibus longe es. Qui nec ibi dees, ubi longe es: quia ubi nō es per gratiā, ades per uisitationibus longe es. Qui omnia tangis, nec tamē æqualiter omnia tangis. Quædā tangis ut sint, nec tamē dictā. Qui omnia tangis, nec tamē æqualiter omnia tangis. Quædā tangis ut sint, uiuant, sentiant atq; discernant. Et cū tibi uiuāt sentiant & discernant: quædā tangis ut sint, uiuant, sentiant atq; discernant. Et cū tibi metip̄i nunquā dissimilis sis, dissimiliter tangis dissimilia. Qui ubiq; præsens es, & inueniri uix potes, quē sentiri sequimur & apprehendere non ualemus. Qui tenes o-

Qui tenes o/ Cap. VI

Non enim scindi uel diuidi poteris, quia uere unus es, nec in partes  
is totum.

Quod non diuidi-  
tur deus in parti-  
bus Cap. VII

Non enim scindi uel diuidi poteris, quia uere unus es, nec in partes  
efficeris, sed totus totum tenens, totum implet, totum illustras, totum possides. Hoc myster-  
ium mens humana capere non potest, neque concipere, nec oratoria lingua narrare, neque dis-  
fusi sermonis bibliothecarum uolumina queunt explicare. Si totum mundum libri repleant,  
tua scientia inenarrabilis non potest enarrari. Quoniam uere indicibilis es, nullo modo scri-  
bi poteris neque concludi, qui es fons lucis diuinæ, & sol claritatis æternæ. Magnus enim  
es sine quantitate, & ideo immensus: bonus sine qualitate, ideo uere & summe bonus, & ne-  
mo bonus, nisi tu solus. Voluntas tua opus est, cui uelle est posse, qui omnia  
facis, & omni creatorum tuorum absque indigentia ali-

Quod uelle dei, fa  
cere est Cap. VIII

Voluntas tua opus est, cui uelle est posse, qui omnia  
mo bonus, nisi tu solus. Qui omnem creatorem tuam absq; indigētia ali  
quæ ex nihilo creasti sola uoluntate fecisti. Et nihil est quod perturbet or  
qua possides, & sine labore gubernas, & absque tadio regis. Qui in omni loco habetis, & omnia conti  
dinem imperij tui uel in summis uel in imis. Qui nec mali autor es, quod face  
nes sine habitu, & ubique præsens es sine situ & motu. Qui nec malum poenituit, nec ullius  
re non potes, qui nihil non potes, nec unquam fecisse te quicquam poenituit. Nulla fla  
cōmotionis animi tēpestas turbas, nec totius terræ particula regnum tuū est. Nulla fla  
gitia uel scelera probas uel imperas. Nunquā mētiris, quia æterna ueritas es, cuius unius bo  
nitate

Quod nihil sit colendum nisi deus  
Cap. IX

Opinor fuisse scriptum τὸ δὲ π, id est, quod est

nitate facti sumus, & cuius iustitia poenas luimus & clementia liberamur. Nam nihil celeste, nihil terrenum, nihil igneum, nihilque quod corporis sensus attingit pro te adorandum est uel colendum, qui uere es quod es & non mutaris: cui maxime aut specialiter illud conuenit, quod Græci dicunt *ωλατῶν*, id est latus, quia semper idem ipse es, & anni tui non deficiunt. Hinc etenim patenter datur intelligi, quod tu deus noster quem colimus, deus uerus & omnipotens es sine dubio inuisibilis, & si pio intellectu uidearis, incomprehensibilis, & si per gratiam repræsentaris, inexestimabilis, & si humanis sensibus pie credaris sancteque cogiteris, ineffabilis, & si humanæ locutionis usualibus uerbis abusiue utcumque dicaris, ideo uerus & tantus: cæterum quod sciri, quod cogitari, quod comprehendere, quod dici de te potest, minus est. Quod uero incomprehensibile est & immensum, indicibile & infinitum, tibi solum duntaxat notum est. Hec nanque est quod omnem superat sensum: hoc quoque est quod te facit existimari & pro certo credi & uniuersalem appellari deum, dum ad perfectum usque reperiri non uales, dum totus intelligi capiue non potes, ita te uis magnitudinis & notum nobis obijcit & ignotum. Et hæc est summa delicti spernētium te, scire uolentium tibi creatori suo seruire, habent quod scientes uenerentur, & habent quod ignorantes mirentur, habent quod timeant, habent quod diligant. Si enim totus pateres nostræ conditioni deus unus & uerus, minime potuisses credi, adeo falsi reperti sunt qui putabatur deus, quoniam sciri per omnia potuerunt qui & quales quantique fuerunt. At tu deus noster mirabilis &

Quod in solo uerbo deus omnia fecit  
Cap. X

potens, qui totam istius mundi molem cum omni instrumento elementorum, corporum, spirituum, uerbo quo iussisti quæ fieri disposuisti, uirtute qua potuisti ex nihilo, expressisti ornamentum maiestatis gloriæ tuæ, qui tempore ab ipso tunc æuo ire iubens stabilisque manens dans cuncta moueri. Qui terram multiplici germine fructuum, & cælum pulchro decorasti lumine syderum, quorum tu solus nomina, signa, potestates, cursus & tempora nosti. Tu mitis & benigne, fortis & zelotes & sabaoth inuictissime, uisitans peccata patrum in filios usque in tertiam & quartam generationem, & faciens misericordiam in mille milia his qui diligunt te & timeant nomen tuum. Si opera tua ita sunt magna & inscrutabilia pulchra atque stupenda, dicant qui uolunt, quomodo capi poteris tu pulcherrimus creator eorum. Cõstat enim opificem longe se aliter habere quam ea quæ à se fieri uoluit. Ex pulchritudine tamen circumscriptæ naturæ & mundialium rerum mirabili specie pulchritudo tua quæ tu ipse es, quia simplex es, & excellentia gloriæ tuæ quæ circumscribi non potest, intelligi aliquatenus ualet: quanquam magnitudinem diuinitatis tuæ infinitam & incomprehensibilem nullus possit sensus attingere: neque enim illorum quoque supernorum ciuium, miro tamen modo essentia tua scitur, cum esse creditur.

De duabus syllabis dei  
Cap. XI

Quotiescunque recolo uel audio duas breues syllabas, uel quatuor litteras, quibus scribitur deus: hoc enim nomen tibi soli omnipotens iure debetur: atque cum intueor tuæ uirtutis magnalia & mirabilem mundi creationem, id est, cosmopœiæ consydero decorem, simulque mecum tacitus reputo miserationes tuas quæ à seculo sunt: mirentur enim qui uolunt potentiam tuam, sed ego plus stupeo animaduertens misericordias tuas profecto in his quatuor litteris & duabus breuibus syllabis, cum infinitum quid & incomprehensibile, immensum & inenarrabile mentis intuitu, & synceris fidei oculis præscire & posse, quod mihi tantillo homini dignaris largiri, contemplan. Nunquid enim duæ breues syllabæ tuæ deus noster es, aut duas breues syllabas adoramus, uel ad duas breues syllabas peruenire desideramus, quæ penè ante desinunt sonare quam ceperint, nec in eis secundæ locus est, nisi prima ante transierit. Manet quippe magnum aliquid, & magne summeque est quod incomparabile & omnium præcellentissimum est, quod dicitur deus, quamuis non maneat sonus cum dicitur deus. Verum

Quod in natura sua nos uidet deus  
Cap. XII

quia caro nescit spiritum, & inuisibilia à uisibilibus non uidentur, per fidem enim ambulamus, & non per speciem, humanæ tu deus noster nimis bonus & pius consulens infirmitati, dignaris te nobis insinuare, non tua proprietate, sed aliqua quadam similitudine. Unde & nostrorum qualitatem membrorum habere describeris, uolens passionum indigna de te ipso ad hæc perferre, ut quia sicut es te nequimus scire in præsentī miseria, per nostra nos ad



A ad tua trahas, & nos dum condescendis nobis facilius consurgamus tibi.

Multis siquidē modis ad significandum te hominibus de rebus inferioribus ad te speciebus ducis, quē reuera iuxta propriam naturā inuisibilem constat esse, & in totum incōprehensibilem & incircumscriptum: ac per hoc nunquā alicui apparuisse secundum essentiam, sed modis quibus uoluisti, per assumptam creaturarum speciem, & ad efficientias causarum credimus. Fallūtur itaq; Anthropomorphitarum hæresis sectatores, qui dum legunt hominē ad imaginem & similitudinem dei factum, asserunt stulta temeritate speciem humanam te habere, cum illo in loco uel dicaris uel credaris mentē, non carnem ad imaginem tuam creasse. Enimvero nihil dignum de te humanus sermo loquitur, quia nec secundum qualitatem aut quantitatem, situm uel habitum seu motum aliquid de te digne dicitur.

De magnitudine  
dei in homine facta  
Cap. XIII

Et tamen longitudo, latitudo, altitudo & profunditas tibi quodāmodo inesse leguntur. Sed latitudo charitatis, qua nos ab errore colligis & contines in ueritate. Longitudo uero, qua nos lōganimiter malos portas, donec emendatos futuræ patriæ restituas. Altitudo autem, qua omnē sensum & hominum & angelorum immensitate scientiæ superexcellis. Profunditas quoq; quō damnandos inferius iuxta æquitatem disponis, atq; tuo iudicio iudex iustus præordinas. Omnē igitur supergrediatur creaturā, & mentis intuitum ultra omnia dirigat, qui aliquid uoluerit de tua prælibare libertate, summa boni deitas.

De latitudine dei  
Cap. XIII

B enim homo procul positus à uanitate, plenius in ueritate tenetur, quando in corde eius quicquid est deus, reliquis cunctis ab intuitu dimotis, pacificus pie credit & sancte cogitat. Sed licet nemo sit qui te in hac ualle lachrymarum ualeat efficaciter comprehendere & definire, magnum tamen & mirum ualde nostræ ætati datum est scire de te summo bono, tua nobis nimirum gratia reuelante. Quis ante nos in quos seculorum fines deuenerunt, talia sic manifesta audire potuit uel cognoscere de trinitate & unitate, de personis & substantia? De te quidem pater deus quod sis à nullo, ideo ingenitus diceris: de filio autem tuo, quia genitus & à te sit, non à se: de spiritu quoq; sancto, quia procedens & nō sit à se, sed à te & filio, quorum est spiritus. Ita, ut sicut tu pater genitus nec procedens dici potes: sic filius nec ingenitus, nec procedens: sic nec spiritus sanctus ingenitus, nec genitus dici debeat, quatenus proprietates personarū te unū patrē simul cū uno filio & uno spiritu sancto patenter nobis ostendat. Quis prioribus seculis in te unum credere deum, & te cōfiteri trinum, neq; substantiam separans, neq; personas confundens, sic prudenter intellexit, sic palam sapuit, sic uero cognouit? Filius sane tuus missus ad publicū nostrum de sinu tuo, hanc rectæ fidei normā euidentius huic ultimæ patefecit ætati. Priusquā creaturæ ostenderes creatorē, in sola notus eras Iudæa deus, & in Israël magni nominis tui fama & cultus audiebatur. Sed nūquid sic liquidō, aut tantum quantū apud nos sub gratia constitutos? De trinitate uero indiuidua parū quidē tunc per pauci senserunt. Legislatorū enim filij quod de una trinitate, uel de trina unitate scire debeant, digna perculsi cecitate adhuc ignorant, aliud præter unum deum miseris nolentes confiteri, & garrientes in nos uerbis malignis dum dicimus te patrē habere filium. Nobis autem qui ex gentibus uenimus, quā multa & uera de trino unoq; deo datum sit, probant corda quæ credunt, nec nō & ora quæ cōfitentur, atq; nihilominus flagella ipsa & mors quæ pro hac ipsa confessione illata sunt: scriptū est enim, Super senes intellexi.

psal. 118  
Quod sancta trinitas sit indiuisa,  
Cap. XVI

Domine deus noster unus & uerus, nisi tu trinitas esses, nō diceretur uoce ueritatis, Ite baptizate oēs gētes in nomine patris & filij & spiritus sancti. Neq; enim baptizari iubemur domine deus in eius nomine q non esset deus dominus. Et rursum nisi tu trinitas esses unus deus, nequaquā tua uox diceret, Audi Israël, dominus deus tuus unus est. Ergo nisi tu deus pater ipse esses, & filius tuus uerbum tuum Iesus Christus ipse esset, & donum nostrum esset ipse spiritus sanctus, non legeremus in literis ueritatis, Misit deus filium suum. Nec tu unigenite diceres de spiritu sancto, Quem mittet pater in nomine meo: &, Quem ego mittam uobis à patre. Et alibi, Ego & pater unū sumus: &, Qui uidet me, uidet & patrem, Ego enim in patre, & pater in me est: &, Pater in me manens ipse facit opera. Quid

Deut. 6  
Gal. 4  
Ioan. 14. & 15. 10

tenim

enim his uerbis aliud, nisi trinū & unū deū docere nos crederis tu magister ueritatis, in cuius pectore recōditi sunt thesauri sapientiæ & scientiæ: & dicis quoq; Mea doctrina nō est mea: & Sermonem quem audistis non est meus, sed eius qui misit me patris. Res mira, res admiranda: dic ergo, dic uerbum patris, responde quæso uirtus & sapientia summi principij: sed tu ipse principium de principio, non tamen duo principia, sed unum certe principium. Dic uerbum semper manens, doce seruum humiliter interrogantem. Quid enim tam tuū quā tu? Sed tu tuus & non tuus, quia non es à teipso, sicut in multis sæpe locis testaris, sed à patre cuius es uerbum, non sonabile per syllabas & uolatile, sed semper immobiliter uiuens atq; manens. Et ideo uerbum non quod desinit prolatum, sed quod permanet natum: non transitorium, sed æternum: non factum, sed genitum: nec solum genitum, sed etiam unigenitum: cui ratio adest disponenti, & præsto est uirtus perficienti, utpote uero deo & summo domino. Te quippe unigenitum uerbum pater genuit de seipso, per quod omnia creauit ex nihilo. Et idcirco indubitanter credimus, quia nisi omniscium & cunctipotens uerbum deus esses, nullo modo per te omnia facta fuissent. Quomodo creatura creare aliquid potest? Creare certe solus deus ualet, qui creatus non est: nihil enim excepto deo non creatum est. Absit ab intellectu nostro, ut aliquid fateamur ex patre nisi filium, & ideo non nisi deus nasci potuit ex deo. Vnde te mihi patris uerbum considerare uolenti, nulla sufficiunt uerba quibus te ualeam explicare. Quid aut abūde uel digne loqui potero? Quis de quo? Homo de deo, opus de opifice, creatura de creatore, paruus de immenso, temporalis de æterno: cuius uenerabilis potētia omnipotentissima, qua nos gratuita bonitate fecisti: nec minus tamen uenerabilis gratia, qua omnipotentissima misericordia saluasti. Qui & opus creatricis omnipotentiae gratis fecisti, & opus saluatricis gratiae omnipotenter implesti, habens nimirū perpetuam potestatem, & condendi incondita, & reparandi perdita. Nec igitur præcipuus ille theologorum summa profundius cæteris aquilinis contemplatus obtutibus scriptitans eructaret. In principio erat uerbum, & uerbum erat apud deum, & deus erat uerbum, hoc erat in principio apud deum, nisi tu deus uerbum, semper apud patrem, semper cum patre, semper de patre, semper in patre esses. Non sicut uas in uase, uel ciuitas apud urbem: sed ueluti sapientia intra sapientem, ueritas in ueritate, bonitas in bono, æternitas in æterno, quia nihil aliud in patris substantia nisi deus & æqualis & coæternus illi à quo genitus es, esse potes. Obmutescat itaq; & cum suis autoribus pereat omnis hæretica prauitas, quæ inimica semper lite nunc substantiam diuidit, nunc personas confundit. Crescat rogo fide & magis magisque pijs fœcundetur actibus mater ecclesia, quæ tres deos colere, trinitarem in personis distinguere prophanum & nimis impium iudicat. Hæc denique celestibus erudita disciplinis, credit, confitetur & docet unam proculdubio substantiam & tres personas, sciens omnia quæ ad fidei regulam pertinet. Huius magisterio & doctrina coelitus inspirata à puero doctus, corde credo, ore confiteor te, o summa trinitas, una uirtus & indiscreta maiestas.

De cognitione diuinae  
essetiae incorporae  
Cap. XVII

Confiteor te patrem & filium & spiritum sanctum in personis trinum, in substantia unum, uerum deum omnipotentem, uisibilem & inuisibilem conditorem, non corpus aut in corpore positum, neque ex diuersis speciebus admixtum, aut membrorum compaginibus effigiatum, sed unius simplicis & incorporeæ naturæ. Te quidem uerum patrem summæ bonitatis, & totius deitatis principium incircumscriptæ & ingentis maiestatis deum, ex nullo ducentem initium, sed omnibus initium dantem credo & confiteor non corporali progenie nec extrinsecus, non necessitate neque uoluntate, sed natura filium generantem. Confiteor & uerum te filium ex patre sine initio ineffabiliter natum, uerum deum unigenitum, per quæ omnia facta sunt, & uerum patris uerbum, non factum, non creatum, non adoptiuum, sed genitum & unius cum patre substantiæ, atque ita per omnia æqualem deo patri, ut nec tempore nec gradu, nec potestate esse possis inferior. Tantumque te esse confiteor qui genitus es, quantus & ipse qui te genuit. Non autem, quia dico genitum à patre filium, diuinæ & ineffabili generationi aliquod tempus ascribo, sed nec patrem aliquando coepisse, nec te eius filium. Quia



**A** Quia semper fuit pater: nunquā igitur non fuisti filius. Non enim aliter confiteri possumus aeternum patrem, nisi confiteamur te coaeternum filium. Ex filio enim pater dicitur: & quia semper pater fuit, semper habuisse filium dubium non est. Te quoque credo spiritum sanctum uerum deum, non factum, nec creatum, nec genitum, neque ingentum, sed ex patre & filio inenarrabiliter procedentem, & in patre simulque filio substantialiter permanentem. Sic igitur ab utroque procedis ut inseparabiliter in utroque maneat: atque ita per omnia deo patri & filio aequalem, coaeternum, consubstantialiter, ut neque potestate, neque uoluntate, neque aeternitate, neque substantia differri possis ab eis uel praecidi à quibus procedis. Igitur aeternum patrem sine natiuitate, aeternum filium cum natiuitate, aeternum spiritum sanctum cum processione, sine natiuitate: totum patrem in filio & spiritu sancto, totum filium in patre & spiritu sancto, totum spiritum sanctum in patre & filio permanentem: patrem & filium & spiritum sanctum unum deum omnipotentem, una potestate, unoque regno, una maiestate, una aeternitate, ex tunc & nunc & semper ubique regnantem corde credo, ore confiteor & mentem diligo. Ad hanc fidei regulam dirigens intentionem meam quantum me posse fecisti, deus meus quaesivi te & desideravi intellectu uidere quod credidi. Huius rei gratia ingressus sum multarum apothecam deliciarum, quibus pascitur mater ecclesia ubi consideravi plurima, & coepi explorare singula. Et cum huc illucque anxius pauidusque discurrerem, tu bonus adiuuare cupiens desiderium quod dedisti, misisti manum pietatis tuae & soluisti nodum ambiguitatis meae: & ideo delectat me de te ualde cogitare, de te loqui, laudesque tuas desideranti corde depromere, ut in praesenti miseria solo quidem corpore, tecum autem mente & omni auiditate mihi teneat domine. Deus trine & une, scientiae lumen accede in me, per quod te intelligere merear trinum & unum deum, sicut es trinus & unus deus. Et ignorantiae tenebras magis magisque sicut coepisti remouere à me, ut spiritalia spiritaliter uideam quantum possibile est humanae fragilitati. Da mihi in uia hac qua te duce gradior, intellectum, atque inspira mihi & semper doce gratiam tuam qualiter in te irreprehensibiliter sit credendum, ut te unum deum essentialiter sapiam, & incomprehensibiliter trinum personaliter capiam.

*De processione spiritus  
sancti à patre & fi  
lio. Cap. XVIII*

**B** Patrem ingentum, de patre unigenitum, de utroque procedentem & in utroque manentem spiritum sanctum, nullum anticipationis tribus uel posteritatis interuenire momentum, nec dissipatum habere imperium: non in creandis consilium, regendis perficiendisque creaturis auxilium opusque diuissum. Quicquid illic naturale est, indurptum: quicquid personale est, inconfusum. O mysterium ineffabile & praeter ceteris intellectu difficile: reliqua uero sacramenta quae tenentur in ecclesia tua domine, stupenda sunt & ueneranda, sed istud tui sacramentum praecellit uniuersa. Hoc nempe tuae indiuiduae trinitatis mysterium, & illud coelestis mensae sacramentum, quae fideles & pias animas pascit carne & potat sanguine, ut non esuriant, neque sitiant in aeternum, fac me deus meus pura & simplici conscientia praecipue inter cetera sentire & credere, sumere & retinere: ne sinas quaeso domine fidem in eis meam aliquatenus uacillare, sed ita semper in eis & de eis pro tua tribuas pietate mihi credere ac intelligere, sicut ueritas eorum se habeat. Intret in cor meum gratia tua, quae sonet sine sonitu & sine strepitu, loquatur ibi tantorum omnem ueritatem mysteriorum, luce & dulcedine intus ubique & foris undique perfundat animam meam illa magistra uirtutum, & iudex omnium ueritatum: & sic in radiando & soporando eam in ipso ueritatis centro stabiliat atque confirmet, ut nec uelim, nec possim de tantis mysterijs aliter sentire nisi sicut oportet & decet. Omnipotens bonitas, cuius pietatis aures ipsius pauperum tuorum desiderijs patet, intellige clamorem cordis mei & faue uotis meis: Praesta domine ut ipso mentis palato sentiam, gustem, & sapiam haec ineffabilia sacramenta: magna enim sunt & mira ualde, & ego paruulus in eorum consideratione deficio quotiens ad intuenda ea fidei oculos attollo. Sed quia uno modo utraque nobis necessaria sunt ad salutem, deus autor omnium inuisibilis creator, qui es substantia summa & una diuinitas atque personalis uera & perfecta trinitas, te deum patrem exoro, ex quo omnia, & filium tuum, per quem omnia, simul & spiritum sanctum,

*De comparatione  
trium personarum  
Cap. XIX*

Ee in quo

in quo omnia, Te dominum meum quem unum & uerum in trinitate cōfiteor deum, à quo creati, liberati & illuminati sumus, supplex rogo tantorum auidus myſteriorum, lacta me, nutri me & in meſuram ætatis uſq; perfecti uiri meam extende exiguitatem, ut ſolidū hūc & perfectorum cibum capere ualeam. Imperfectum enim meum uiderunt oculi tui.

Quod diuina ſubſtātia indiuidua ſit  
Cap. XX

Dator omnium bonorum deus pater, cui nunquam ſine ſpe miſericordiæ ſupplicatur cum filio tuo ac ſpirituſancto, da quod à te deſideratur, & à te poſtulat anima mea. Quorū enim una eſt ſubſtātia, unum eſt & datum, una & operatio, unum donum, unaq; potestas, ut in ipſa quoq; perſonarū proprietate iuxta profundiorē intellectum quādam unitas ſentiat. Inſeparabilis nimirum naturæ tuæ unitas non poteſt ſeparabiles habere perſonas, quia ſicut trinitas eſt in unitate, & unitas in trinitate, ſic ſeparationem non poteſt habere perſonarum. Nominantur quidem illæ perſonæ aliquando ſingulæ, ſed ita uocaſti te trinitas deus inſeparabilem oſtendere in perſonis, ut nullū ibi nomen ſit in qualibet perſona, quod ad aliam partem ſecundum relationis regulam non referatur, ſicut pater ad filium, & filius ad patrem, uel ſpirituſſanctus ad patrem & filium ueriffime refertur. Ea uero nomina quæ ſubſtātiā uel potentiam uel eſſentiam tuam ſignificant, uel quicquid dei propriis omnibus perſonis æqualiter conuenit, ut deus magnus, bonus, æternus, omnipotens, omnia naturaliter de te deo dicuntur. Non eſt igitur aliquod naturæ nomen quod ſic tibi deo patri poſſit conuenire, ut aut filio tuo, aut ſpirituſancto conuenire negetur. Dicimus te deum patrem naturaliter eſſe deum, ſed naturaliter eſt & filius deus, naturaliter eſt & ſpirituſſanctus deus: nō tamen tres dī, ſed unus deus, pater & filius & ſpirituſſanctus. Idcirco inſeparabilis eſt ſancta trinitas deus in perſonis, ſenſu, intelligentia, quamuis in uoce ſeparabilia habeas nomina quia pluralem numerum naturæ nominibus nullatenus recipis. In hoc enim oſtenditur perſonas non poſſe diuidi in ſancta trinitate quæ unus eſt uerus deus, quia cuiuſlibet perſonæ nomen ſemper ad alteram reſpicit perſonam. Si patrem dico, filium oſtendo: ſi filium nomino, patrem prædico: ſi ſpirituſſanctum appello, alicuius eſſe ſpirituſſanctum neceſſe eſt intelligi, id eſt, patris & filij. Tu uero trinitas deitatis perſonarū pluralitate multiplex, numerabiliter eſt innumerabilis, ac idcirco meſurabiliter immeſurabilis, & ponderabiliter imponderabilis: non enim ſummæ bonitatis, quæ tu ipſe eſ, proſitemur originē, ex quo omnia, per quæ omnia, in qua omnia: ſed eius participatione dicimus bona omnia. Nam tua diuina ſubſtātia ſemper caruit ac caret materia, licet nō careat forma: quā dū imprimis quaſi ſigillū rebus ſingulis, eas ſine tui augmēti aut detrimēti mutabilitate proculdubio à te facis differre. Quicquid in natura creaturarū eſt creatura tua eſt, ō trina unitas & una trinitas deus, cuius omnipotētia omnia gubernat regit & implet quæ creauit. Nec ideo te omnia implere dicimus, ut te contineāt, ſed ut ipſa potius à te cōtineantur. Nec particulatim implere omnia, nec ullatenus ita putādū eſt, ut unaquæq; res pro magnitudine portionis ſuæ capiat te, id eſt, maxima maius, uel minima minus, dū potius in omnibus totus ipſe ſis, ſiue omnia in te. Cuius omnipotētia omnia cōcludit, nec euadēdī potētiā quis aditū inuenire poterit. Qui enim te nō habet placatū nequaquā euadit iratū. Immeſitas quippe diuinæ magnitudinis tuæ iſta eſt, ut intelligamus te intra omnia, ſed nō incluſum: extra omnia, ſed nō excluſum.

Quod in diuinitate non eſt materia  
Cap. XXI

Quod non eſt pars deo, nec diuiſio  
Cap. XXII

Quod deus cōtinet omnia, Ca. XXIII

Et ideo interior eſ, ut omnia contineas: ideo exterior eſ, ut incircumſcripta magnitudinis tuæ immeſitate omnia circumcludēdo omnia regas. Per id ergo quod exterior eſ, oſtēderis eſſe creator: per id uero quod interior eſ, omnia gubernare & regere demōſtraris. Ac ne ea quæ creata ſunt ſine te eſſent, tu intra omnia eſ: uerum ne extra te eſſent, tu exterior eſ, ut omnia concludantur à te, nō locali magnitudine, ſed potentiali præſentia, quia ubiq; eſ præſens, & omnia tibi præſentia, quamuis quidam hoc intelligant, quidam uero non intelligant. Hæc & alia multa docuit me mater eccleſia, mater ſancta uniuerſalis & orthodoxa, cuius me fieri membrum uoluisti per gratiam tuā, & de eius cœleſti doctrina me ita certum & ſecurum in omnibus pro tua pietate reddere dignatus eſ dñe per aſſiduā tuā inſpirationis illuminationem, & ſi multa quæ clauſa myſterijs latent, nō per ſpeculum, ſed facie ad faciē intuerer.

Decuit



**A** Decuit te igitur solum uiuum & uerum deum non esse corporeum uel passibilem uel palpabilem, nullā tui partem corporis oculis posse sentiri, nihil de substantia tua atq; natura ullomodo esse uiolabile, aut cōpositum, aut fictum, aut maius, aut inferius, sed per omnem modum ex omni parte sine deformitate perfectum, sine quātitate magnum, sine qualitate bonum, sine tempore sempiternū, sine morte uitā, sine infirmitate fortē, sine mēdacio ueritatem, sine loco ubiq; totum, sine situ ubiq; præsente, sine extēsiōe omnia implente, sine contractione ubiq; occurrentē, sine motu omnia transcēdentē, sine statu intra omnia manentē, sine indigētia omnia createm, sine labore omnia regentem, sine tui initio omnibus initium dantē, sine tui mutatione omnia mutabilia facientē, ac semper & ubiq; regnantem, sine fine manentem. Domine deus une trinitas deus, quæ incōparabiliter rebus omnibus antecellis, adeo es ineffabilis, infinita & incōprehēibilis ut paruissimū sit ualde omne quod de te dici potest. Multa enim dicimus, sed plene id quod es dicere nō possumus. Et quia uniuersorum cōsummatio sermonū ipse es, cū ergo peruenerimus ad te, cessabūt proculdubio multa ista quæ dicimus, & manebis unus omnia in omnibus, & sine te dicemus omnia unum laudantes te etiā unum, & in te facti unum, uidentes te iugiter sine fine incorporalem naturāq; immutabilem trinitatem, & in te omnia scientes, & in te gaudium perpetualiter mansurum habentes, ab omni sanati languore, & in illam immortalitatis gloriam transformati.

Quod deitas sit  
incorporea  
Cap. XXIII

**B** Cum uenerit uisio hæc quæ danda facie ad faciē promittitur, quando palām de cūctis annuntiabitur mysterijs, & fidei species atq; spei res succedet, tunc clarius certiusq; scientes intuebimur, nihil creatum, aut seruiens in te trinitas una, nihil inæquale, nihil gratia æquale, nihil anterius posterius ue, nihil maius aut minus, nihil extraneum aut officiale alteri, nihil persuasione aut surreptione insertū, nihil moribus uolūtate diuersum, nihil officio singulare aut alteri cōmunicabile, non confusum, totū perfectum, quia totū in uno & unū in toto, non tamen solitariū, quoniam summū bonū & summā sapiētiam & summā benignitatē te sancte pater unum omnium principiū & ueritatem tuā per quā te intelligimus nulla ex parte tibi dissimilē, quæ forma es omnium, & quæ sola implet hoc quod appetūt omnia, simulq; ipsum utriusq; donū quo beata sunt quæcunq; beata sunt, in te & cū te colimus, & adoramus unā scilicet incōmutabilem trinitatem.

De uisione dei  
Cap. XXV

Cum enim tertio repetitur quod unū est, nō numerus coaceruatur, sed unum esse illud asseritur, genitus, gignens, & procedēs, tres quidem personæ, sed una substantia. Sicut ignis, candor, calor, tria nomina sunt, res una: sic memoria, intellectus, uolūtās, sed una anima, quæ inseparabiliter demonstrātur & inseparabiliter operantur. Si hoc in creaturis inuenitur, quid de te creatore intelligendū est?

Exemplū de igne  
& anima  
Cap. XXVI

Si hoc in creaturis inuenitur, quid de te creatore intelligendū est? Natura De immutabilitate dei. Cap. XXVII  
quippe diuinitatis tuæ immobilis est omnino & immutabilis, personæ uero mobiles sunt secundū relationē, non iuxta proprietatē, sed ideo in relatione personarū trinitas, in naturā uero substantia unitas. Vnitas siquidē propter inseparabilem essentiā diuinitatis: trinitas autem propter diuersitatē nominū. Non enim nomina tantū, sed etiā proprietates nominum, hoc est, personas, uel uti Græci exprimunt *ουλαβας*, id est, syllabas confitemur. Hæc tamen dicimus de te deus noster ut potest humana intelligētia capere. Cæterū quis in hac uita positis uel crystallino pectore, sufficiat penetrare tuū ipsius trinitatis interna mysteria, quomodo pater, filius & spiritus sanctus tres personæ estis & una natura? Quomodo tu pater ingenuus, diceris filius genitus, spiritus sanctus nec genitus nec ingenitus, sed procedēs dicatur? Quomodo filius de te patre natus est, spiritus sanctus de te procedit & filio? Quomodo filius nascēdo nō procedit, spiritus sanctus procedēdo nō nascitur? Quomodo filius de te procedit & sed de te est, nec tñ tui est posterior de quo est? Quomodo spiritus sanctus de te procedit & filio, nec tamen à uobis præscinditur à quibus procedit? Quomodo tria unū estis, & unum tria? Quomodo inuicē relatiue tria estis, essentialiter unū: quomodo trinus es & unus deus, non localiter, sed ubiq; es, & nō particulatim ubiq; es, sed ubiq; totus es, ubiq; præsens sine situ & loco & motu? Quis ista rogo cōsideret? Quis hæc comprehendat quantalibet probitate uel sciētia præditus? Hoc tamen in spe, promissionis repositum est, quia uidebimus te

Ee 2 domine,

domine, & tanto unusquisque perspicacius, quanto hic uixerit purius. Quia mundi corde, teste scriptura, deum uidebunt. Aperte namque uidebitur cuncta mentis iam deterfa caligine, quomodo qui oriendo est, tibi o pater de quo oritur subsequens non est, & quomodo spiritus amborum, qui per processionem proditur, a uobis proferentibus non praeritur, quomodo & unum diuissibiliter tria, & tria indiuisibiliter estis unum. Visa enim claritas ad impatescentiam tuam nobis maiestatis speciem purum amantis intuitum mentis rapiens subleuabit. Sed ipsa claritas natura est, & ipsa natura claritas est. Quae nimirum uisio nunc fide inchoatur, sed tunc in specie perficietur, quando sapientiam tibi coaeternam, quam modo per ora doctorum sumimus, in ipso fonte bibemus. Omnia sacramenta & cuncta nobis tunc apparebunt arcana, non doctorum uerbis, non enim ullis indigebimus mysterijs cum facie ad faciem uidebimus te, sed inde, nisi fallor, unde angeli te uident. Quid nos tunc latere potuit, quando tu deus noster & uita uiuentium, causa causarum, forma formarum informata te nobis clara uisione insinuabis? Non enim indignum tibi uidetur cum te formam uocemus.

Quod deitas materia caret  
Cap. XXVIII

Exod. 3

De siti, sine satietate,  
Cap. XXIX

Nam tua essentia, & species dici potest & forma. Non frustra tam speciosissimum quam formosissimum in laude tua ponitur, sed forma quae materia caret & motu & tempore & loco, atque idem unum est, & est id quod est: reliqua uero non sunt id quod sunt. Haec uerissime sola dicere potest, Ego sum qui sum. Haec tanta ac talis est, ut de eius pulchritudinis uisione nihil in hac uita sibi usurpare mens humana audeat, quod solum electis tuis praemium in sequenti remuneratione referuas. Cum ergo ad te peruenerimus fontem uitae & lumen aeternum, & dulcissimam speciem & uisionem tuam, erit nobis delectabiliter impressa sitis simulque satietas. Sed longe aberit a siti satietas, longe a satietate fastidium, quia sitientes saturabimur, & satiati sitiemus. Tu denique & aeterna nobis uita gaudium & corona eris. Tua beata uisio erit nostri laboris praemium, ut post mortalitatis huius tenebras accensa gloriae tuae luce gaudeamus. Videbimus itaque tuae incommutabilitatem essentiae, ut per hanc & nos efficiamur incommutabiles. Sed non sicut tu uides te: in nobis enim quicquid erimus, poterimus nosse: in te autem qui comprehendere non possumus: quod es, quicquid illud est quando possumus nosse? & si poterimus, nondum possumus: & tamen cum poterimus, nunquid sic te nosse ualebimus sicut te nosti deus? Ipsa quoque rationalis & electa creatura non aequaliter uisione tui potietur: unusquisque enim pro mercede laboris sui: sed plene sibi sufficiet quod singulis dabitur intueri, Quam magna multitudo dulcedinis tuae domine. Beati qui habitant in domo tua domine. Felices qui iam pelagus huius mortalitatis transierunt, & ad portum perpetuae securitatis peruenerunt. Infelices nos qui adhuc in salo huius uitae circumflantibus agitamur procellis, & inter pericula multa uariosque casus incerti uane laborantes trahimus.

De uita aeterna  
Cap. XXX

Domine da nobis te rectore, te ducere inter scyllam & charybdin ita tenere iter per medium, ut integra naue & saluis membris peruenire possimus ad te portum tutissimum. Felix anima terreno carcere, libera caelum petit, quae beatis iam admixta spiritibus maiestati tuae assistit, quae te incircumscriptum lumen cernit, quae nullo metu uel mortis uel hostis afficitur, quae incorruptionis perpetuae munere letatur. O uita uitalis, dulcis & amabilis & semper memorialis, ubi non est hostis impugnant, ubi nulla illecebra, sed summa & certa securitas, & secunda tranquillitas, & tranquilla iocunditas, & iocunda felicitas, & felix aeternitas, & aeterna beatitudo, & beata sine fine tui uisionis atque laudatio. Utinam haec succedat, & mortale hoc induatur immortalitate. Utinam desinat, & quamcito finiatur ista uita, uita dubia, uita caeca, uita erummosa, quam humores tumidant, dolores exterminant, ardores exsiccant, aera morbidant, escae inflant, ieiunia macerant, ioci soluunt, tristitiae consumunt, sollicitudo coartat, securitas hebetat, diuitiae iactant, paupertas deridet, iuuentus extollit, senectus incuruat, infirmitas frangit, mors deprimit: & post haec omnia mors interimit & uniuersis gaudijs finem imponit, ita ut cum desierint esse, non fuisse putentur. Iam iamque adueniat domine, aduolet obsecro regnum illud carens morte, uacans fine, cui nulla tempora succedunt per aeuum, ubi continuus sine nocte dies nescit habere tempus, ubi illi angelorum hymnidici chori & supernorum ciuium societas, ubi dulcis sollemnitas a perennationis



De luce diuină  
Cap. XXXI

Quòd sit immutabilis deus  
Cap: XXXII

De infinitate dei  
Cap. XXXIII

Ee 3 purgatus.

purgatus. Deus quem nescire mori est, quem nosse uiuere est, quē spernere perire est cui seruire regnare est. Deus cuius pietatis ope & bene seruit subiectus, & dominatur praelatus, & ideo sine te nemo eorū recto incedit tramite uel ordine. Deus inuisibilis & immēse, ineffabilis & aterne, incomprehensibilis & corpore immortalis & perpetue, incommutabilis & incircumscripte, mirabilis & benedicte, indicibilis, cui est uiuere sapere, & intelligere scire & posse, pulchre sancte & dare, unum & idem es & diuidi non potes. Tu es ipse deus meus uiuus & uerus, deus pius, rex nimis magnus. Te unum deum colo, unum naturarum principium, à quo uniuersitas inchoatur & perficitur & continetur. Vnum deum à quo sumus, per quem sumus, in quo sumus, à quo discessimus, cui dissimiles facti sumus, principium ad quod recurrimus, & formam quam sequimur, & gratiam qua reconciliamur, unum quo auctore uiuimus, quem diligentes, & quem fruētes beate uiuimus, te laudo, benedico atq; adoro, tuæ clemētiæ & bonitati gratias refero pro uniuersis donis tuis ac datis, & pro omnibus beneficijs misericordiæ tuæ, quæ animæ corporiq; meo largitus es, & semper largiris à puero & cunabulis meis propter te & nomen sanctū tuum. Vnde expertus didici, quia tu deus noster deus es infinitæ misericordiæ & maiestatis immensæ pietatisq; gratuita, qui seruos tuos inter aduersa & prospera mirabiliter dirigis atq; custodis, sicq; moderaris uitam illorum in utraq; parte, ut aduersa prosperis, & prospera succedant aduersis. Confitcātur ergo tibi domine omnia opera tua, & sancti tui benedicant tibi: ei ut confitendo respiciant, non cessent à laudibus tuis ipsi etiā peccatores. Quorum unus licet in peccatis pronior, in corde tamen desideranti tuas decanto laudes, si non ea qua debeo laude uel dignitate facio, qua ualeo facultate, respice quæso sereno uultu ad hoc meæ exiguitatis obsequium, & propitiabili dignatione accipe tantillum sacrificium cōfessionis fidei meæ, ut ad te redeat quod à te uenit: non respiciens tantum ad id quod deuotus offero, quantum ad ea quæ deuotissime dicere uolui & uolo. Quicquid dedecet uel te offendit, abhorret anima mea. Utinā possem talia qualia hymnidici chori. O quā libenter me in laudibus tuis totum effunderem, & luculēter in medio ecclesiæ carmen gloriæ tuæ infatigabilis perorarē. Sed quia ut illi nequeo, prorsus tacebo. Væ dñe tacētibus de te, qui ora mutorū resoluis, & linguas infantium facis disertas. Verū quia paruulis licet laudes tuas uel balbutire, suscipe sacrificiū precor de manu linguæ meæ, de cordis amore. Sed ignosce rogo dñe indignissimo & infideli tecum de te loquēti diutius seruo. Ignosce pie, quia nō temeritate præsumptionis, sed auuiditate tui desiderij huic defloratiūculæ operā dedi, ut breue & manuale uerbū meū de te semper haberem, ex cuius lectione quoties te pefio, in tuū reaccēdar amorē. Sumus enim in medio laqueorū positi, & ideo facile à cœlesti refrigerescimus desiderio. Vnde indigemus assiduo munimēto, quo expergefati, ad te nostrū uerū summūq; bonū quū defluimus, recurramus. Multæ deniq; sunt cōtemplationes, quibus anima deuota exercitatur & proficit, sed nulla earū ita me delectat, ut mens mea intēdit, sicut illa quæ tua agitur proprietate. Idcirco necessarium duxi hic mihi solū decerpere sermūculum, ubi de omnipotētia maiestatis tuæ, sicut corde credo ad iustitiā, ita ore confiterer ad salutē te deum patrē ingenitū, te filium unigenitū te spiritum sanctū paracletū, sanctam & indiuiduā trinitatē unum deū, in magnitudine infinitū, in uirtute omnipotentē, in bonitate summū, in sapiētia inexistentē, in cōsilijs terribilem, in iudicijs iustū, in cogitationibus secretissimū, in uerbis ueracē, in operibus sanctū, in misericordijs copiosum: erga delinquētes patiētissimū, erga pœnitētes pñssimū, semper idipsum, æternū ac sempiternū, immortalē atq; incōmutabilem, quē nec spacia dilatant, nec breuitas locorū angustat, nec receptacula ulla coartāt, nec uolūtas uariat, nec necessitudo corrumpit, nec mœsta perturbāt, nec læta demulcēt, cui nec obliuio tollit, nec memoria reddit, nec præterita trāseunt, nec futura succedunt, cui nec origo initium, nec tempora incrementū, nec cursus finē dabit: sed ante secula, & in seculis, & per secula in æternū uiuis, & est tibi laus perennis & æterna gloria, summa potestas & singularis honor, perpetuum regnum & sine fine imperium, per infinita & indefessa & immortalia secula seculorum, Amen.

Speculi finis,



A H V N C librum non esse sancti Augustini non minus superuacaneum sit, quàm si quis admo-  
neatur, bubalum non esse equum. Fruatur suo quisque iudicio, ego nihil uideo dignum in quo tempus  
terat, cui sit alioqui aliquid serij negocij.

## DE VITA CHRISTIANA LIBER.



T E G O peccator primus & ultimus, insipientiorque ceteris & imperitior  
uniuersis, te ut sanctitatis & iustitiae uiam pergas crebrioribus audeam  
litteris admonere, non meae propriae iustitiae fiducia, non sapientiae peri-  
tia, non scientiae gratia, sed sola quam concepi secundum deum animo &  
mente, tuae charitatis causa compellit, quae me peccatorem & ignarum  
pariter ad dicendum, ita haec hortatur & prouocat, ut cum loqui nesciam,  
tacere non possim. Vellem itaque, & libenter optarem te eorum habere  
noticiam, quorum & sapientia affluentior est, & facundia maior, & scientia uberior, & con-  
scientia ab omni peccatorum contagione liberior, qui suis tete uerbis iuste instruerent &  
exemplis. Nos enim praeterquam quod mentem nostram ita insipientiae & ignorantiae caligo  
caecauit, ut diuinum aliquid nequeat sentire uel dicere, adhuc insuper & omnium redarguit  
conscientia peccatorum, ut etiam si quid luminis possit habere abscondat, & ita fit ut praeter-  
quam quod dicere non habemus, hoc etiam quod habemus, non fiducialiter proferre con-  
scientia prohibente possimus. Tu tamen cum peritior tibi apparere possit & melior, rudi-  
bus admonitionibus nostris interim esto contenta, & charitati da ueniam, cuius est non con-  
siderare quid offerat, nec quod non habet quaerit, sed totum quod habet libenter imperti-  
tur: ad cuius non tam muneris speciem, quam animi respice uoluntatem, & diligenter ad-  
uerte quid tibi illa negare poterit, quae totum dare uoluit quod habebat, obtulisset etiam  
quod non habebat si posset, quae totum quod potuit offerebat. Sitit itaque ille, sed parum,  
qui decurrentis interim riuus aqua non potest esse contentus, donec ad fontem uberiores  
purioresque perueniat. Nec illum satis esurire credo, qui cum cibarios panes habeat, nitidos  
expectat & candidos: ita dulcissima soror quam ego certus sum esurire nimium, & sitire coe-  
lestia, cibarios interim mande panes, donec similagines candentes inuenias. Exigui & tur-  
bulenti riuuli aquam pota, usquequo fontis affluentioris haurias puriorem. Nec tibi inte-  
rim panis noster, quamuis rusticus uideatur esse displiceat. Rusticus enim panis incultior  
esse uidetur, sed fortior, & celerius esurientem stomachum satiat, fessumque corroborat, quam  
qui siligineus uidetur & nitidus. Nunc ergo dicam sermone prout ualeo, & quid Christianus  
num agere conueniat, ut potero explicabo. Cuius rei & unde prius exordium sumam iu-  
stius non inuenio, quam ut primum de Christiano ipso uocabulo disputem, & cur quis  
Christianus nuncupetur exponam. Christum unctum interpretari, sapientium  
& fidelium nullus ignorat. Unctos uero non nisi sanctos uiros & satis deo dignos semper  
fuisse manifestum est, nec alios quam prophetas aut sacerdotes aut reges. Et tam magnum fuit  
ipsius unctionis mysterium, ut in Iudaico populo, non omnes illud, sed satis pauci de pluri-  
mis mererentur accipere, & hoc usque ad aduentum domini nostri Iesu Christi quem deus  
oleo laticiae, id est, spiritu sancto praeter ceteris consortibus suis unxit. Ex quo tempore creden-  
tes illi & baptismatis illius sanctificatione purgati, non aliqui sicut sub lege prius fuerant, sed  
omnes in prophetis & sacerdotibus unguntur & regibus. Cuius unctionis quales esse debeamus  
admonemur exemplo, ut in quibus tam sancta est unctio, sit non minus sancta conuer-  
satio. Ex sacramento enim unctionis huius & Christi & Christianorum omnium, id est, in  
Christo credentium uocabulum descendit & nomen. Quod nomen ille frustra sortitur, qui  
Christum minime imitatur. Quid enim tibi prodest uocari quod non es, & nomen tibi usurpare  
alienum? Sed si Christianum te esse delectat, quae Christi sunt gere, & merito tibi Christianum no-  
men assume. Aut forsitan non esse, sed uocari desideras, hoc satis miserum & foedum est, te uelle  
uocari quod non sis. Nemo enim ita transit ad Christum, ut Christianus appelletur & non sit.

Cur quis Christianus  
nuncupetur  
Cap. I

Qui Christianus dicitur, Christum se habere dominum profitetur. Et uere habet si ei in omnibus obsequatur & seruiat. Si quo minus, Christi ille non famulus, sed subsannator est & derisor, qui eius se seruum dicit cui seruire dissimulat. Huic ergo iudicium geminum seruatur, & pro dei subsannatione quem sine causa deum appellauit, & pro qualitate peccati.

Quare peccatores  
deus sufferat, & nō  
ilico puniat, Ca. II

Sed plerisque incredulos & imprudentes & perfidos misericordis dei longa patientia peccare finit intrepidos, ut ex hoc peccatorum suorum non arbitrentur ultionem, quia non statim uelit punire peccātes. Miseri & ingrati, suae salutis improuidi, quia etiā deo imputant quod eorum differatur interitus, ignorantes dei prouidentia duplici ratione seruari, ut & humano generi longa eius patientia consulatur, & ne ille iudicetur impatiens si ilico uoluerit damnare peccantes. Nam si tam patiens non esset, iam dudum humani generis origo defuisset. Nec iustos de peccatoribus haberemus, si cōfestim deus uellet punire qui peccāt. Nōnullos enim scimus & legimus qui antea, aut ignorantiae cecitate, aut causa perfidia, aut adolescentiae uanitate decepti, multiplici & uario peccatorum genere tenebātur obnoxii, & per sustentantis dei clementiam & patientiam postmodum cōuersi ab errore, maiores adhuc operas fecerunt iustitiae quā antea peccata commiserant: deus enim non donat peccata, sed differt: nec perseverantem peccatorem a morte liberat, sed ut uel sero conuertatur & uiuat patienter expectat: sic beatus Petrus apostolus ait, Non tardat dominus promissionem, sed patienter expectat uel agit propter nos, nolens aliquos perire, sed omnes ad poenitentiam conuerti. Ille enim te quasi benignus, pius & demens, ilico idcirco non percutit, ut tu quanta illius erga salutem tuam pietas, quanta clementia sit recognoscas, qui te peccatorem & impium expectare magis uult, & seruare conuersum quā punire peccatorem: sicut per prophetam ipse dominus loquitur, & quantum uelit homini misericordiae pietatisque largiri, propriae uocis benignitate depromit, dicens, Et iniquus si conuertat se ab omnibus iniquitatibus suis quas fecerit, & custodiat mandata mea, & faciat iudicium & iustitiam in terra & misericordiam, uita uiuet, & non morietur. Omnia delicta eius non erunt in memoria. In iustitia sua quam fecit uiuet. Et nūquid uoluntate uolo mortem iniusti, dicit Adonai dominus, ut auertat se a uia sua mala, & uiuere eum faciam: & alibi, Iniquitas impij non nocebit ei, in qua cunq; die conuerterit se a sua iniquitate: & iterum, Conuertimini filij conuertentes, & ego saluabo contritionem uestram. Ecce quomodo te deus, ut a peccatis tuis uel sero conuersus saluus esse possis, & monet & prouocat. Ecce qualiter morti obnoxii ut uiuat hortatur, quā leniter, quā dementer inuitat, ut etiam peccatoribus patris non neget pietatem, & adhuc filios appellat, qui patrem deum peccando perdiderunt, sicut & ipse se perdidisse peccatores filios alio in loco cum uoce flebili, & miserabili quadam lamentatione testatur, dicens, Sine filijs factus sum, perdidit populum meū propter peccata eorum. Ex hoc ergo cognosce quāliter te deus diligit, quem maluit uiuere quā perire. Et tu eum contemnis & despicias, qui amplius quā tuipse te diligit, qui te mori cupientem uult uiuere. Nolo, inquit dominus, mortem peccatorum, sed ut conuertantur ut uiuant. Tu ergo mori uoluisti peccando, ille te uiuere uult conuertendo. O stulte, o irreuerens & ingrate, qui nec in hoc deo, qui tibi uult misereri consentis, qui te magis uult sua pietate saluare quā tuo perire peccato.

Quō de dei misericordia  
nimium praesumētes,  
plerūque subito & occulte puniuntur  
etiā in praesenti, Cap. III

Nemo ergo sibi ideo blandiatur, nemo stulta & uana suspitione decipiatur, nemo idcirco securus delinquat & liber, quia super peccatores cōfestim dei ira iudiciumque non uenit, ut ex hoc opinetur se impune peccasse, quod non ilico puniatur, sed hoc magis differre deum quā dissimulare cognoscat, & iram dei peccatoribus quamuis seram subito & repente uenturam: sicut scriptum est, Ne dixeris peccaui, & quid accidit mihi triste: est enim altissimus redditor patiens. Ne tardes conuerti ad dominum, neque differas de die in diem, subito enim ueniet ira eius. Quod in plerisque impletur, quibus ob nimia peccata, & in praesenti dei ira superuenit, & in futuro seruatur. Sed hoc nemo intelligit, nemo cognoscit, nec quisque aduersa sustinens malis suis aestimat irrogari, sed quod per tulerit consuetudinis potius putat esse quā criminis. Et idcirco deus in praesenti non uidetur



uidetur punire peccantes, quia cum punit non cognoscitur. Multi sunt enim quos nemo intelligit, qui ob multitudinem peccatorum iam ante iudicii diem in presenti etiā iudicantur. Aut dicat mihi quis si quem sacrilegum, sanguinarium, rapacem, falsarium, homicidam, fraudulentum, adulterum, ceterorumque criminum reum, uel in presenti tempore poterit uidere longauum. Nos enim plurimorum habemus exempla, per quae probare sufficimus sceleratos & impios peccatorum suorum fine completo, & hoc tempore iudicari, & presentem eis uitam negari non minus quam futuram. Sed hoc ille facilius intelligere potest, qui per diuersa tempora diuersorum iudicium impie scelerateque conuersantium spectauit interitum. Quorum quo potestas sublimior est, eo ad peccandum maior audacia, quae totum sibi licere credit quod potest. Et dum alterius iudicium non timent qui alios iudicant, ita ad cadendum praecipites sunt. Ita fit ut qui hominis non timent in delinquendo iudicium, deum sentiant iudicem & ultorem. Ex quibus alij qui in fontem animarum sanguinem frequenter effuderant, ita iram dei iudiciumque sensere, ut ipsi postmodum sanguinem fundere cogerentur suum, qui libenter fundebant alienum. Alij uero qui similia commiserant, sic dei indignatione prostrati sunt, ut insepulti iacerent, & esca feris & coeli uolucris fierent. Alij autem qui innumerabilium hominum multitudinem iniuste peremerant, membratim particulatimque confisi sunt, ut non minor fuerit confissura membrorum numero punitorum quos interim fecerant. Et quorum iudicio maritis iniuste peremptis multae effectae uiduae, multi orphani patribus occisis derelicti, quibus praeter orbitatem mendicitas inferebatur & nuditas: nam addebant impietati & crudelitati quod deerat, ut eorum quos fecissent occisi spoliarent & liberos: nunc uero ipsorum coniuges uiduae, & filij orphani alienis quotidie egent panibus. Nonne uidetur tibi istud testimonium in ipsis esse completum comminantis dei, dicentis, *Exod. 22*  
 Viduam & orphanos non uexabitis: quia si uexabitis eos, & uociferantes clamauerint ad me, exaudiam uociferationem eorum, & irascar animo, & percutiam uos gladio, & erunt coniuges uestrae uiduae, & filij uestri orphani. O indignum facinus, o scelestissimum facinus, o nimia & non ferenda crudelitas, duo seuiissima & atrocissima uno perpetrantur in tempore, homicidium fit ut rapina succedat. Occiduntur mariti, occiduntur & patres, quo facilius uiduae spolientur & orphani, & ita quisque in alterius morte congaudet quasi non sit & ipse quandoque moriturus. Merito ergo deus huiusmodi crudelitatibus & impietatibus commouetur. Merito iudicium suum in quibusdam ante tempus ostendit. Merito talibus uita nec praesens nec futura conceditur. Quorum nos nec sceleratum nec impium & in presenti dei iudicium euadere posse aestimemus, admonemur exemplo. Sed hoc magis sentire nos conuenit, tamdiu unumquemque dei patientia sustentari, quamdiu nondum peccatorum suorum terminum finemque compleuerit, quo consummato eum ilico percuti, nec illi ullam ueniam iam referuari.  
 Esse autem certum peccatorum modum atque mensuram dei ipsius testimonio comprobatur. Et quod unusquisque uel celerius uel tardius prout peccatorum suorum modum expleuerit iudicetur, euidentissime quidem demonstratur, quando de Sodomorum & Gomorraeorum interitu ac incendio, qui sua iam peccata repleuerant ad Abraam deus loquitur, dicens, Clamor Sodomorum & Gomorraeorum repletus est, & peccata eorum magna uehementer repleta sunt. De Amorraeis uero quid dicit qui sua nondum peccata finierant, quos post multos annos quam supradictae ciuitates crematae sunt, constat esse deletos. Nondum sunt repleta peccata Amorraeorum usque adhuc. Quo exemplo manifestissime instruimur & docemur, singulos secundum peccatorum suorum plenitudinem consummari, & tamdiu ut conuertantur sustineri, quamdiu cumulum suorum non habuerint delictorum consummatum. Nemo, inquam, se fallat, nemo se decipiat, malos non amat deus, peccatores non amat, iniustos non amat, rapaces, crudeles & impios non amat. Sed amat iustos, bonos, pios, humiles, innocentes & mites, sicut scriptum est, Quoniam non uolens deus iniquitatem tu es: Non habitabit iuxta te malignus, neque permanebunt iniusti ante oculos tuos. Odisti, ait Dauid, omnes qui operantur iniquitatem, perdes omnes qui loquuntur mendacium, *Psalm. 5*

Quod deus certo numero peccatorum completo puniat hominem, exemplo probatur, Cap. III

Sed

De bonorū & malorū differenti pu-  
nitione, Cap. V

Sed dicet aliquis, Quid est q̄ uidemus bonos etiā perire cum malis? Illi non pereunt, sed euadunt qui de malorum consortio & persecutionibus liberantur, & ad requiem transferuntur. Illi & planē moriuntur & pereunt, quos de hoc mundo recedentes maioris adhuc iudicii supplicium expectat & pœna. Vocātur enim ante tempus boni ne diutius uexentur à noxijs: mali uero & impij tolluntur, ne bonos diutius persequantur. Iusti de pressuris, tribulationibus & angustijs uocantur ad requiem: iniqui uero de luxurijs, opibus & delitijs rapiuntur ad pœnam. Illi uero uadunt ut iudicent, isti ut iudicentur. Illi ut uindicerentur, isti ut in eos uindicta celebretur, ut scriptum est, Iustus autem si morte præoccupatus fuerit, in refrigerio erit: & iterum, Viuens inter peccatores translatus est: & iterū, Placita enim erat deo anima eius & ideo properauit de medio iniquitatis eripere eum: & iterum, Cum impij eunt ad mortem, illi autē sunt in pace. Vides ergo hanc solutionem corporis iustis & dei electis requiem esse, nō pœnam, ut cum dissoluuntur liberari eos potius q̄ perire. Et idcirco ipsam solutionem qui fideles sunt, nō timent nec uerentur, sed uenire magis desiderāt & exoptant, per quam requiē intelligunt exhiberi, non pœnam. Iniqui uero & impij & suorum scelerum conscij, eam merito naturali prouidentia pertimescunt, per quam se non nesciunt iudicari. Quapropter hac ratione reddita & accepta, non oportet nos omnino peccare, præsertim cum non ignoremus peccatoribus iudiciū, & in præsentī esse, & in futuro seruari.

De uerborū eorū  
qui uirtutibus carē-  
tes, Christiani no-  
minis sibi honorē  
arrogant, Cap. VI

Nec in hoc nobis q̄ nomine tantum Christiani dicimur, blandiamur: sed propter hoc etiam iudicandos nos credamus, si nobis nomen frustra uēdicemus alienum. Aut si aliquis tam incredulus est, tam infelix, tam pertinax, tam obstinatus, tam audax, ut quæ quandoq̄ uentura est, dei iudicis iram indignationemq̄ non metuat, uel saltem humanam consuetudinem erubescat, & id uideat q̄ brutus q̄ insipiens ille, q̄ stultus ab ipsis etiam gentibus iudicetur, cuius tanta est uanitas tantaq̄ dementia, ut sibi adipiscatur alienum nomen. Quis enim tam uanus & miser est, qui aduocatum se cum litteras nesciat audeat profiteri? Quis tam insanus & excors, ut se profiteatur militē qui nesciat arma gestare? Nemo enim quodcunq̄ nomen sine causa sortitur. Sutor ut dicatur, necesse est ut calciamenta conficiat: ut uocetur quis faber aut artifex, artis peritiā facit: ut negocians nuncupetur quis, carius quod uilius emerat distrahit. Huiusmodi exemplis cognoscimus nullū sine actu nomen, sed omne nomen ab actu. Tu ergo quomodo Christianus diceris, in quo Christiani actus non apparent? Christianus iustitiæ, bonitatis, integritatis, patientiæ, castitatis, prudētiæ, humilitatis, humanitatis, innocentiae, pietatis est nomen, & tu illud tibi quomodo defendis & uendicas tibi, cui de tam plurimis rebus nec pauca subsistunt? Christianus ille est qui non nomine tantum, sed opere est, qui in omnibus Christum imitatur & sequitur, qui sanctus, innocens, incontaminatus, intactus, cuius in pectore malicia non habet locum, cuius in pectore sola pietas consistit & bonitas, qui neminem nouit lādere & nocere, sed omnibus opem ferre. Christianus ille est qui exemplo Christi nec inimicos nouit odire, sed magis aduersantibus sibi benefacere, & pro persecutoribus suis & hostibus exorare. Nam qui aliquē lādere aut nocere paratus est, ille mentitur se esse Christianum. Christianus est qui potest iusta uoce dicere, Nemini hominum nocui, iuste uixi cum omnibus.

Quod deus præcep-  
ti sui obseruatiōe  
placetur, trāgres-  
sione offendatur  
Cap. VII

Sed ne me ex sensu proprio loqui quis arbitretur aut credat, aut eum putet se facile debere contemnere, qui sua potius uoluntate quā legis autoritate loquatur, iam nunc ipsius legis cuius præceptis nobis uitæ aditus aperitur, tam ueteris quā noui incipiam exempla proferre, & ostendere quid deus ab initio statim mundi humano generi obseruare præceperit, in quo semper placatus fuerit uel offensus. Lego enim post Adam qui à deo primus formatus est, de cuius causa nunc dicendum non est: in exordio mundi Cain & Abel fratres fuisse germanos, è quibus unus deo placuit, eo q̄ iustus esset & innocens: alter uero quia iniustus & nocens, deo placere non potuit. Deinde interueniente tempore, Enoch satis iustum fuisse scriptura designat. Cui tantum iustitiā contulit, ut nec præsentem mortem sciret, sed & ad immortalitatem de medio omnium mortalium singulariter raperetur. Cuius mōstratur exemplo, unum



A unum deo iustum plurimis peccatoribus chariorem. Noë quoque & ille iustus, cui iustitiæ meritum quid præstiterit nouimus, ut ipsi cum suis uita daretur per diluuium toto mundo damnato. Abraam quid per fidei merita & iustitiæ consecutus sit scriptura testatur, ut illo in tempore solus amicus dei esset in terris, qui solus fuerat iustus inuentus. Loth uero ut pereuntibus cunctis de Sodomitanorum liberaretur incendio, quid aliud quàm iustitiæ meritum fuit? Longum est nos ire per singulos, & omnium merita recensere.

Populum Iudaicum quem ad se deus primum de semine Abraæ præ cæteris gentibus pertinere optauit, quomodo erudierit, quid eum ut sibi placeret facere, quid obseruare præceperit, scire nos conuenit. Primo in loco quod derelicta regione in qua semper habitare optauerat patriaque deserta, in alienam prouinciam, hoc est, in Ægyptum migrare fecit, non sine causa, nec sine dei prouidentia factum esse reor. Sed hanc fuisse puto rationem, quia deus populum suum quæ elegerat, præceptis misericordiæ, pietatis, iustitiæ, cæterisque bonis operibus cupiens erudire, uoluit eum in extera patria pro tempore peregrinum esse & captiuum, ut captiuitatis & peregrinationis miseriam disceret & labores, quo facilius postmodum misereri peregrinantibus & laborantibus nosceret, si ipse ante peregrinationis miseras didicisset. Nemo enim tam libenter peregrino & aduenæ miseretur, quæ qui peregrinationis exitus nouit. Nemo libentius hospitem sine tecto, suo introducit hospitio, nisi qui ante indiguerit alieno. Nemo ita esurientem cibis, nemo sic sitientem potat, nisi qui sitim esuriemque perperis est. Nemo tam facile nudum operit suis uestimentis, quæ qui nuditatis & frigoris nouit penuriam. Nemo sic tribulato & misero & laboranti succurrit, quæ qui tribulationum & miseriarum casus expertus est & laborum. Merito ergo deus misericordiæ & pietatis magister, qui legem postmodum erat aditurus, per quam populo suo misericordiæ & pietatis omniumque bonorum operum præcepta erat traditurus, uoluit eum prius omnes passionibus, quo facilius postea posset talia patiētibz misereri, & sic suis obtemperare mandatis. Vt putas eum bonum fuisse agricolam, qui priusquam semen mittat, diu terram aratris & rastris domat, ne quod illi traditurus est semen pereat: ita & deus populum suum diu ante macerat & domat, quæ ei salutarium mandatorum semen impartiat. Denique ut ob hanc causam hæc eum pertulisse euidentius clareat, ipsius domini intueamur mandata, dicentis, Aduenam non uexabitis nec tribulabitis, fuistis enim & uos aduenæ in terra Ægypti: & iterum legimus, Deus magnus, qui non accipit personam nec munera, faciens iudicium profelytis, & orphano & uiduæ date panem & uestimentum, diligite profelytum, quia & ipsi fuistis in terra Ægypti peregrini: & alibi dicit, Si autem messus fueris messem in agro tuo, & obliuisceris manipulum, non reuertaris accipere illum, profelyto & orphano & uiduæ erit, ut benedicat te dominus in operibus manuum tuarum, & memor eris quia famulus eras in terra Ægypti, ideo præcipio tibi uerbum hoc. Vnde facile uidetur atque dinoscitur eum populum ob hanc causam cunctis afflictum fuisse miseris, ut misereri alteri suo doceretur exemplo: sicut scriptum est, Docuisti enim populum tuum per talia opera, quoniam oportet iustos esse & humanos. Qualem populum suum esse uelit late, ut arbitror patet, & quibus possit operibus promereri plurimis probatur exemplis. Sed ne ad mandatum eius uoluntatem parum uideatur esse quod diximus, legis & prophetarum præcepta iungamus, & quid deo placeat semperque placuerit, & quid crebrius fieri & obseruari præceperit, tam ueteris quam nouæ legis testimonijs comprobemus. Diliges dominum deum tuum ex toto corde tuo, & ex tota anima tua, & ex tota mente tua, & ex totis uiribus tuis, & diliges proximum tuum sicut teipsum. Legis & prophetarum præcipuum hoc mandatum esse, domini & saluatoris nostri testimonio comprobatur, dicentis, In his duobus mandatis omne tam legis & prophetarum. Quod rescindi non potest, nec mutari, in duobus istis mandatis omne tam legis quam prophetarum constare præceptum, & illum legem impleuisse qui hæc potuerit implere. Nihil enim à te aliud in lege ueteri quaeritur, quam ut deum & proximum diligas. Et uere ille legis & consummator & factor est, qui nec in deum, nec in proximum peccat.

Sed

Quare deus populum Iudaicum in Ægyptum induxit, & tantum affligi permittit. Cap. VIII

Exod. 22

Deut. 10

Deut. 24

Sap. 12

Deut. 6

Matth. 23

Quid sit deum dili-  
gere. Cap. 122

Leuit. 19

Psal. 96

Ioan. 14

Psal. 138

Psal. 118

1. Cor. 5

Psal. 32

Esa. 52

Psal. 49

De pximi dilectiōe

Christianorum

uita. Cap. X

Tobie 4

Matth. 7

Matth. 25

Sed quid deum, quid proximum sit diligere, præterire minime ac dissimulare cōuenit. Deum diligit, qui suis in omnibus mandatis obtemperat. Deū diligit qui leges eius & præcepta custodit. Deum diligit, qui ut ille sanctus est, & ipse se sanctificat: sicut scriptū est, Sancti estote, quoniam & ego sanctus sum dominus deus uester. Deum diligit, qui & illud propheta dicentis implet eloquium, Qui diligitis dominum, odite malum. Deum diligit, qui non alia q̄ celestia cogitat & diuina. Deus enim non nisi sanctitatis, iustitiæ, & pietatis amator est. Et ille deum diligit, qui non aliud q̄ quod deus amare uidetur operatur. Quid sit enim deum diligere, domini saluatoris doctrina declarat, dicentis, Qui audit uerba mea & facit ea, hic est qui diligit me. Si ergo ille deū diligit qui quicquid deus præcipit facit, qui non facit, ille non diligit: omnis uero qui nō diligit, odit. Vnde clarum atq; manifestum est, ab eis deum odiri, qui sua mandata non seruant: de quibus per prophetam dixisse puto, Nōne qui oderunt te domine, oderam illos, & super inimicos tuos tabescebam? Perfecto odio oderam illos, inimici facti sunt mihi. Odit propheta iustus peccatores & adulteros & iniustos, & dei mandata spernentes: sicut ipse propheta alio in loco dicit, Vidi prauaricantes & tabescebam: & iterum, Iniquos odio habui, & legem tuā dilexi. Vide ergo q̄ iusti, q̄ integri esse debeamus & sancti, quibus postq̄ male conuersari nō licet, sed nec male conuersantes agnoscere. Hoc etiam beatus Apostolus euidenter ostendit, quia nec panes cum peccatoribus frangi præcepit, dicēs, Si quis frater cognominatur inter uos, & est fornicator, aut auarus, aut idolis seruies, aut maledicus, aut ebriosus, aut rapax, cum huiusmodi nec cibum sumere quidem. Sanctum esse populum suū deus uoluit, & ab omni contagione iniustitiæ & iniquitatis alienum: talem eum esse uoluit, tam iustum, tam purum, tam immaculatum, tam simplicem, ut nihil in eo agentes quod redarguerent inuenirent, sed quod admirarentur, & dicerēt, Beata gens cuius est dominus deus eius, populus quem elegit in hereditatem sibi. Tales conuenit esse dei cultores & seruos, mansuetos, graues, prudētes, pios, irreprehensibiles, immaculatos, ut quisquis uiderit eos stupeat & admiretur, & dicat, Hi homines sunt dii, quorū talis est cōuersatio. Ita se homo dei exhibere debet & agere, ut nemo sit qui eum uidere non uelit, qui eum non audire desideret, nemo eum cum uiderit non dei esse filium credat, ut uere in eo propheticum illud impleatur, Fauces plenæ dulcedinis, & totus desiderabilis. Nam si se talem exhibeat Christianus, si se talem exhibeat dei seruus, ut his qui dæmonijs idolisq; deseruiūt cōuersando fiat æqualis, incipiet deus per illū blasphemari, & dici, O Christianum, o dei seruū, cuius tā nequam cōuersatio est, cuius tā mali actus, tam turpia opera, cuius uita tā impia, tā scelestā, tā luxuriosa, tam sordida, & erit illius prophetiæ reus, Nomen enim dei per uos blasphematur inter gentes. Sed uæ illis per quos fuerit blasphematum. Deus etiā à nobis nihil magis desiderat & requirit, q̄ ut per actus nostros nomen suū magnificetur ab omnibus, sicut scriptū est, Sacrificium laudis honorificauit me. Hoc est sacrificiū quod deus super omnes hostias quærit & diligit, ut per iustitiæ nostræ opera nomen suum ubiq; laudetur, & deus uerus esse seruorum suorum actu & opere comprobetur. Illi uero deum diligunt, qui non aliud quā unde nomen dei glorificetur exercent.

Quomodo deus diligi debeat, ut potuimus breuiter diximus: nunc uero quid sit proximum tanquam seipsum diligere, ut possumus explicemus, quanq̄ ipsius causæ expositio alio in loco breuiter differatur, cum dicitur, Quod tibi non uis fieri, alij ne feceris: dominus quoq; & saluator noster inquit, Omnia quæ uultis ut faciant uobis homines, ita & uos facite illis similiter. Nemo est enim qui sibi malum optet ab aliquo fieri. Ille ergo proximum suum tāquam seipsum diligit, qui ei nō mali aliquid facit quod nec sibi uult fieri, sed si quid boni prout ipse ab omnibus recipere optat & consequi, libenter impertitur: quia nō solum hoc à Christiano quæritur, ut malo careat, sed ut exerceat bonū: qui etiam si nec quid mali nec boni fecerit, tamen ad æternæ uitæ præmium nō admittitur, sed gehennæ ignibus mancipatur: sicut in euangelio dominum dixisse legimus de his qui mali faciunt nihil, nec boni tamen aliquid operantur. Discedite à me maligni in ignem æternum, quē præparauit pater meus



**A** meus diabolo & angelis eius, Esuriui, & nō dedistis mihi manducare, Sitiui, & non dedistis mihi bibere, Hospes fui, & non suscepistis me, Nudus, & non uestistis me, Infirmus, & non uisitastis me, In carcere, & non uenistis ad me. Non quia male gesserunt, sed quia bonū non fecerunt condemnantur. Ex hoc enim quisq; prudens & sapiens recognoscat, quam spem illi habere possunt qui uersantur in malis, quādo etiā illis uita negatur qui mali nihil fecerunt, nisi quia non aliquid gesserunt boni. Neq; enim deus hoc tantū quærit à nobis ut mali non simus, sed ut efficiamur boni. Ex malis enim operibus uocantur mali, ita ecōtrario ex bonis appellantur boni. Et duo sunt quibus boni seruire uidentur & mali: bonus deus, cui omnes bene cōuersantes deseruiunt: diabolus autē malus, cuius quisq; qui male operatur famulus est. Non enim à nobis hoc solū poscitur, ut non uiuendo male serui esse diaboli desinamus, sed etiam ut uiuēdo bene deo seruire uideamur. Nam quisq; qui nec malū uidetur operari nec bonū, cuius seruus uideatur esse ignoro. Et quomodo à deo uitam poterit sperare perpetuam, quam bene faciendo non meruit? Nemo se inquam sensu proprio decipiat & illudat. Nemo se uana existimatione seducat. Quisquis bonus non fuerit, uitam non habet. Quisquis iustitiæ & misericordiæ opera non fecerit, non potest regnare cum Christo. Quisquis non fuerit humanus, pius, hospitalis, benignus, clemēs, gehennæ non euadet incendiū. Deus malos non amat, non diligit peccatores. Quisquis malū fecerit, inimicus est dei. Quisquis sine dolo non fuerit, partem non potest habere cum Christo. Nihil enim amplius est Christiano quærendum, nihil desiderandum magis, nihilq; totis uiribus enitēdum, quā ut malitiam suo excludat ex corde, quā ut nequitiam intra pectoris sui conscientiam non admittat, quā ut bonitatem teneat, iustitiam seruet, puritatem mentis custodiat. Esto igitur innocens, si uis cum deo uiuere, Esto simplex si uis regnare cum Christo. Quid tibi prodest malicia quæ in mortem trahit, quid nequitia quæ prohibet regnare cum Christo, quæ se habentem exterminat, sicut scriptum est, Anima enim nequam disperdet eum qui se habet. **B** Si uiuere uis, audi prophetam qui loquitur: si regnum Christi diligis, audi quomodo illud merearis adipisci. Quis est homo, inquit, qui uult uitā, & cupit uidere dies bonos? *Eccī 6*  
*Psal. 35* Co-  
 hibe linguam tuam à malo, & labia tua ne loquantur dolum. Diuerte à malo & fac bonū, inquire pacem & persequere eam. Huiusmodi homines deus honorat & diligit, qui malum nesciunt, qui mentiri non norunt, quorum labia dolum non loquuntur, in quibus non nisi bonitas esse uidet & puritas. Innocentia est quæ nos cōmendat deo: simplicitas est quæ nos regnare facit cum Christo. Quod deus non nisi innocētes diligit, & sibi uelit esse cōiunctos, testimonijs plurimis declarat, sicut in psalmo scriptū est, Innocētes & recti adhæserūt mihi: *Psal. 24*  
 & alibi dicit, Custodi innocentia, & uide æquitatē, quoniam sunt reliqui homini pacifico. *Psal. 36*  
 Quāta innocentia homini præstet & conferat etiā si sero seruet, propheta David testimonio comprobatur, qui cum grauiter ante peccasset, postea se iudicari nō timuit, ex quo innocentiam nosse cœpit, sicut ipse dixit, Iudica me deus, quoniam ego in innocentia mea ingressus sum. Sciebat ergo sibi iam non metuendum iudicium esse, quia innocentiam & sero cognouerat. Et in alio loco dicit, Me autem propter innocentiam suscepisti. Suscepit postmodum propter innocentiam illum deus, quem propter maliciam ante repulerat. Innocentes nō cōfundi coram deo posse manifestū est, cum dicitur, Quanto tempore innocentes custodiunt iustitiam, non confundentur. Nihil enim deo dignius, nihil charius esse potest, q̃ ut innocētia tota obseruatione teneatur. Licet quis in alijs operibus deuotus appareat, si illam non habuerit, sibi frustra blanditur de sua deuotione. Si illam Iudæis etiam sub ueteri lege degentibus, quoniam adhuc illis inimicum licebat odire, obseruare præceptum est, quid te nunc agere conuenit Christiane, qui inimicum tuum iuberis amare? Quando enim innocens non eris, uel cui poteris esse malus, qui inimicis præciperis esse bonus? Sed tu forsitan & proximum odis, cui nec extraneum odisse conceditur: & fratrem persequeris, cui præcipitur amare inimicum: & Christianum te esse credis, qui nec noui nec ueteris testamenti præcepta custodis? Sed ne sine causa te Christianum æstimes, & de solo tibi nomine blādiaris,

*Eph. 4* qualem te esse oporteat, Apostolum audi dicentem, Qui furabatur, iam nō furetur: magis autem laboret operando manibus suis quod bonum est, ut habeat unde tribuat necessarium patienti. Omnis sermo malus de ore uestro non procedat, sed si quis bonus ad edificationem fidei ut det gratiam audientibus. Et nolite contristare spiritum sanctum dei, in quo si gnati estis in die redemptionis. Omnis amaritudo & ira & indignatio & clamor & blasphemia auferatur à uobis cum omni malitia. Estote autem benigni inuicē, misericordes, donantes inuicem, sicut in Christo deus donauit uobis. Estote autem imitatores dei sicut filij charissimi, & ambulate in dilectione, sicut & Christus dilexit nos, & tradidit semetipsum pro nobis oblationem & hostiam deo in odorem suauitatis. Impudicitia autem & omnis immundicia & avaritia nec nominetur inter uos, sicut decet sanctos, aut turpitudine, aut stultitium, aut scurrilitas, quæ ad rem non pertinet, sed magis gratiarum actio. Hoc etiam scitote, quod omnis impudicus aut immundus, aut auarus quod est idolorum seruitus, nō haberes erit in regno Christi & dei. Ille se merito Christianum iudicet, qui hæc præcepta custodit, qui sanctus, humilis & pudicus & iustus est, qui in misericordiae & iustitiae operibus conuersatur.

*Capit. XI*

Num tu illum Christianum putas, in quo nullus Christianitatis actus est, in quo nulla cōuersatio iustitiae est, sed nequitiae, impietatis & sceleris? An illum Christianum putas, qui opprimit miserum, qui pauperem grauat, qui res alienas concupiscit, qui se ut diuitem faciat plures efficit indigentes, qui lucris gaudet iniustis, qui de alienis laboribus cibum capit, qui miserorum ditatur interitu, cuius os assidue uiolatur mendacio, cuius labia non nisi indigna & obscena & scelestia loquuntur & turpia, cui cū iubeatur distribuere sua, inuadit aliena? Et talis ad Ecclesiam audenter accedit, & temere & importune expandit in celum impias manus, illicito raptu & innocentum cruore uiolatas: & ore illo, polluto atque sacrilego quo fuerat pauloante aut falsa locutus aut turpia, preces ad deum, quasi sibi nihil cōscius mali, fundit. Quid agis imprudēs & miser? Quid te maiorum peccatorum onere grauas? Quid deo præter cōtemptum iniurias irrogas? Quid ad prouocandam celerius eius iram in testimonium pœnæ tuæ sceleratas ad deum porrigis manus, ad quas ille non respicit qui non nisi sanctas & immaculatas sibi manus iussit offerri? Quid ore illo deum rogas, quo pauloante locutus es male, cuius quamuis multiplicentur preces, abominatur, sicut scriptum est, Cum extenderitis manus uestras, auertam faciem meam à uobis, & si multiplicaueritis preces, nō exaudiam, manus enim uestre sanguine plenae sunt. Lauamini, mūdi estote, auferte nequias ab animis uestris. Bene ergo ille sibi cōscius esse debet & certus, & suae innocentiae fidus, qui ad deum manus extendit & porrigit innoxias, cum Apostolus dicit, Volo autem uiros orare in omni loco, leuantes manus sanctas. Ille enim merito ad deum extollit manus: ille preces bonae conscientiae fundit, qui potest dicere, Tu nosti domine, quàm sancta, quàm innocentes, quàm pudicae sunt ab omni fraude & iniuria & rapina quas ad te expando manus, quàm immaculata labia & ab omni mendacio libera, quibus tibi ut mihi miserearis, preces fundo. Talis enim cito meretur audiri, & antequam penitus preces fundat, potest impetrare quod postulat. Scio enim esse quos ita nequitiae & avaritiae profunda caligo cæcauit, ut cum illis prospere cesserit quod aut pauperem per potentiam uinxerint, aut infirmum uirtute superauerint, aut innocentem testimonijs falsis obruerint, aut furtum fecerint, aut rapinam, deo gratias agant, quo opitulante talia se perpetrasse credunt, & tam iniquum deum iudicent, ut putent eum scelerum suorum fuisse participem.

*cap. XII*

Stulti & miseri usque adeo suis iniquitatibus obcæcati, ut nō intelligant deo non posse placere quod prohibet, & quasi unum crimen satis non sit, nisi adhuc male sentiēdo de deo adiiciatur & aliud. Alij uero in hoc se iustificari aestimant, quod de substantia pauperum exiguam eleemosynam faciant, & de eo quod à plurimis abstulerunt, unum quiddam minimū largiuntur. Cibatur unus unde plures esuriunt, & de multorum spolijs uix pauci teguntur. Non talem eleemosynam deus quaerit, nec uult pietatem uni de alterius crudelitate præstari. Melius est enim te non facere eleemosynam, quā unde pauca paucis facias, plurimos denudare: & ut unum uestias, plurimos spoliare uestitos. Illam



Cap. XIII

Matth. 15

Hierc, 23

Gen. 13

1 Roma, 3

iacobi

1041.5

2. Petri 2 post agnitam uiam iustitiæ peccauerit euenire, cum dicit, Si enim refugientes coinquinatio-  
 nes mundi, in cognitione domini nostri saluatoris Iesu Christi, his rursus implicati super-  
 rantur, facta sunt eis posteriora deteriora prioribus. Melius enim esset illis, uiam non co-  
 gnoscere iustitiæ, quam post cognitam retrorsum conuerti ab eo quod illis traditum est à san-  
 cto mandato. Contingit enim eis illud ueri prouerbij, Canis reuersus ad uomitum suum,  
 & sus lota in uolutabro luti. Hoc & beatus Paulus apostolus testatur & loquitur, hominem  
 post baptismi sanctificationem pristino errore peccantem non sine ingenti pœnitentia con-  
 seruari, dicens, Impossibile est enim eos qui postquam semel illuminati sunt, gustauerunt  
 etiam donum cœleste, & participes sunt facti spiritu sancti, gustauerunt nihilominus bo-  
 num dei uerbum, uirtutesq; seculi uenturi, & prolapsi sunt, renouari rursus ad pœnitentiam,  
 rursus crucifigentes sibi metipsis filium dei & ostentui habentes. Quendam etiam ad salua-  
 torem accessisse, & quid faciêdo uitam æternam perciperet interrogasse, Euangelista testa-  
 tur, cui ita à domino responsum est, Si uis uitam habere, serua mandata, Non dixit, serua  
 tantum fidem. Nam si sola fides quæritur, superflue uidentur mandata seruari. Sed absit ut  
 ego deum meum aliquid dicam præcepisse superfluum. Sed dicant hoc illi qui peccado iam  
 filij perditionis effecti sunt, & in hoc tantum solatium se habere credunt, si alios secum por-  
 tuerint morti perpetuæ mancipare. Nam si deus peccatorem non punit, ubi est illud pro-  
 pheticum, Si iustus uix saluus erit, peccator & impius ubi parebunt? Et alibi, Quia peccato-  
 res peribunt. Et iterum, Deficient peccatores à terra, & iniqui ita ut nō sint. Et iterum, Sicut  
 deficit fumus, ita deficient: sicut fluit cera à facie ignis, sic pereant peccatores à facie dei. Nul-  
 lum hic tantum incredulum & infidelem, sed peccatores audio condemnari. Et saluatorem  
 nostrum quodam loco dixisse lego, Non omnes qui dicunt mihi domine domine, intrabunt  
 in regnum cœlorum, sed qui faciunt uoluntatem patris mei qui in cœlis est. Vtiq; isti Chri-  
 stum credebant, qui eum etiam dominum nuncupabant. Nec idcirco illis cœlestis regni ia-  
 nua panditur, quia illum ore quem factis abnegant confitentur. Negari autem deum factis  
 non minus q̃ uerbis Apostolus dixit, Deū confitentur se nosse, factis autem negant. Et do-  
 minus in Euāgelio, Multi mihi dicent in illa die, Domine domine, nōne in nomine tuo eie-  
 cimus dæmonia, & in nomine tuo uirtutes multas fecimus? Et dicam illis, Nunq̃ uos cogno-  
 uistis. Discedite à me omnes qui operamini iniquitatem. Vsq; adeo isti credidisse dicuntur, ut in  
 nomine domini uirtutes etiam operentur, nec tamen eis proderit fides, quia iustitiæ opera  
 non fecerunt. Itaq; si sola fides prodest, cur illi cum angelis satanæ in perpetuum gehennæ  
 ignis mancipantur, qui non perfidiæ causa, sed quia boni nihil fecerunt, iudicantur, sicut scri-  
 ptum est. Et dicet eis rex qui ad sinistram sunt, Discedite à me maligni, in gehennam æter-  
 nam, quam parauit pater meus diabolo & angelis eius. Esuriui, & non dedistis mihi man-  
 ducare, &c. Non dixit utique, quia non credidistis mihi. Vnde intelligi datur, non eos in-  
 credulitatis causa, sed propter bonorum operum sterilitatem esse damnandos.

Nemo igitur alterum decipiat: nemo seducat, nisi qui iustus fuerit uitam nō habebit:  
 nisi qui in omnibus Christi mandata seruauerit, partem non potest habere cum Christo: ni-  
 si qui terrena despexerit, diuina non capiet: nisi humana contempserit, nō potest habere cœ-  
 lestia. Nec quisquam se Christianum iudicet, nisi qui Christi doctrinam sequitur, & imita-  
 tur exemplum. Sed tu Christianum illum putas, cuius nunquam pane ullus saturatur esuri-  
 ens, cuius potu nullius sitis extinguitur, cuius mensam nemo pauper cognoscit, sub cuius te-  
 cto nec aduena nec peregrinus aliquando succedit, cuius nemo nudus tegitur uestimentis,  
 cuius pauper nullus fouet auxilio, cuius bonum nemo sentit, cuius misericordiā nemo co-  
 gnoscit, qui in nullo imitatur bonos, sed deridet potius & subsannat? Absit ut huiusmodi  
 Christianus dicatur, absit ut dei filius possit appellari qui talis est. Christianus ille est, qui  
 uiam Christi sequitur, qui Christum in omnibus imitatur, sicut scriptum est, Qui dicit se in  
 Christo manere, debet sicut ille ambulauit & ipse ambulare. Christianus ille est, qui omni-  
 bus misericordiam facit, qui omnium mouetur iniuria, qui opprimi pauperem se presente  
 non



**A** non patitur, qui miseris subuenit, qui indigentibus sæpe succurrit, qui cum moerentibus moe-  
 ret, qui dolorem alterius sicut proprium sentit, qui ad fletum fletibus alienis prouocatur, cuius  
 omnibus communis est domus, cuius ianua nemini clauditur, cuius mēsam pauper nul-  
 lus ignorat, cuius donum panis cunctis offertur, cuius bonum omnes norunt, à quo nemo  
 sentit iniuriam, qui deo die noctuq; deseruit, qui eius præcepta indefinēter meditatur & co-  
 gitat, qui pauper mundo efficitur, ut deo locuples fiat, qui inter homines habetur inglorio-  
 sus, ut coram deo & angelis eius gloriosus appareat, qui in corde suo nihil uidetur habere  
 simulatum uel fictum, cuius simplex & immaculata est anima, cuius consciētia fidelis & pu-  
 ra est, cuius tota mēs in deo est, cuius omnis spes in Christo est, qui cœlestia potius q̃ terre-  
 na desyderat, qui humana spernit ut possit habere diuina. Nam his qui hoc seculū diligūt,  
 & qui in præsentī tempore gloriantur & cōplacent, audi quid dicitur, Nescitis quia amicitia *Iacobi 4*  
 huius mundi inimica est deo. Et quicumq; uoluerit fieri amicus huius seculi, inimicus dei cō-  
 stituetur. *Cap. XV*  
 Hic tibi soror dilectissima quid Christianū agere conueniat, prout potui ex-  
 plicauī. Si ergo omnes generaliter qui Christiani nuncupantur, esse tales oportet, nūc tuæ  
 prudentiæ est æstimare, qualem tu te uiduam debeas exhibere, quam cunctis bene conuer-  
 santibus esse oportet exemplū. Tria autē esse uiduarum genera non ignorare te credo. Vnū  
 quod perfectissimum est, cœlestiq; præmio destinatum, quod ritu illius de Euāgelio ui-  
 duæ de orationibus & ieiunijs die noctuq; deseruit. Aliud uero quod filiorum curam ha-  
 bere dicitur & domus, non tamen tanto præmio dignum, nec tamē peccatis obnoxium. Ter-  
 tium autē genus est in epulis & delitijs, quod æternæ morti seruatur & pœnæ, sicut scriptū *1. Timoth. 5*  
 est, Viduas honora quæ ueræ uiduæ sunt. Istæ sunt primæ, quæ dicunt & ueræ, & quæ iubē-  
 tur à tanto sacerdote, hoc est à Timotheo honorari. Secundæ sunt illæ quibus iam non iu-  
 betur exhiberi honor, nec tamen uita negatur, de quibus dicitur, Quæ autem filios habent  
 aut nepotes, discant primum domum suam pie tractare, & parem gratiam reddere paren-  
 tibus. Illæ uero tertiæ sunt, de quibus scriptum est, Vidua autem quæ in delitijs est uiuens,  
 mortua est. Vnde intelligi datur non omnes uiduas esse æquales, nec eas deo placere, quæ  
 corpore tantum uiduæ uidentur esse, nō opere. Qualis autē Christi uidua debeat esse, Apo-  
 stolus dicit, Quæ uere uidua est, sperat in domino, & instat orationibus die ac nocte, Nec  
 illud te præterire uolo, q̃ quādo ueras uiduas Apostolus nominat, esse demonstrat & falsas,  
 hoc est, actu, mente, cōuersatione & corpore. Et alibi uiduæ ueræ & electæ actum conuer-  
 sationeq; describit idē Apostolus dicens, Vidua eligatur quæ fuerit unius uiri uxor, in ope-  
 ribus bonis testimonium habens, Si filios educauerit, & subintelligitur deo: si hospitem re-  
 cepit, si sanctorum pedes lauit, si tribulationem patientibus ministrauit, si omne opus bo-  
 num subsecuta est. Hanc esse ueram uiduam iudicauit, cuius talia sunt opera. Illa uero quo-  
 modo se Christi uiduam dicit esse, quæ nihil tale aliquando operata est? Sed sunt aliqua  
 uiduæ diuites, nobiles & potentes, quibus forsitan uidetur indignum, ut aut filios deo, &  
 non seculo educent, aut hospitio recipiant aduenam, aut sanctorum pedes laboriosos, lutu-  
 lentos & horridos delicatis & nitidis manibus tãgant. Sed nec dignæ erunt tales in futuro  
 tempore sanctorum esse consortes, quos ita hic spreuerunt, nec partem habere poterunt cū  
 Christo, quem suscipere noluerunt, & cuius plantas contrectare manibus horruerunt, quia *Luce 10*  
 Christum spernit quicumq; eius famulos spernit, sicut ipse dicit, Qui uos spernit, me spernit.  
 Mariæ lachrymæ unde Christi lauarentur pedes abundarunt: nostri autem temporis fœ-  
 minis aut uiduis, peregrinorum unde pedes lauentur ipsa aqua deficit. Tu ergo sanctissima  
 & prudentissima fœmina, ne uelis imitari huiusmodi, quæ cum audēter malefecerint, bene-  
 facere erubescunt, & confunduntur iuste uiuere, quæ nō sunt peccare confusæ: & quæ se mor-  
 ti ultro obtulerunt, nec inuitatæ reuertuntur ad uitam: quæ hominum magis risus & sub-  
 sannationes & fabulas quàm dei iudicium pertimescunt, & quibus charius est miseris ho-  
 minibus placere quàm deo. Sed esto talis, qualem te dominus esse præcepit, qualem Apo-  
 stolus iubet exhiberi Christo uiduam. Esto sancta, humilis & quieta, misericordiæ & iusti-  
 tiæ

tia opera indefinenter semper exerce. Et quisq; te in opprobrium habeat, quisq; te substat & irrideat, tu tantum deo placeas, & quæ Christi sunt geras. Ante omnia incessabiliter domini meditare mandata, orationibus & psalmis instanter incumbe, ut si possibile est, nemo te aliquando nisi aut legentem inueniat aut orantem. Et cum fueris talis, nostri mememento, qui te tantum diligimus, ut quod præsentem præstare non possumus, cõferamus absentes.

## DE ASSUMPTIONE BEATÆ MARIAE VIRGINIS

## Liber unus.

## AD LECTOREM.

Hic libellus ne pilum quidem habet Augustini.



**A**D INTERROGATA de uirginis & matris domini resolutione temporalis, & assumptione perenni, quid intelligam respondurus, te deus omnipotens pater uoto supplici exoro, ut qui mandas nubibus & pluunt imbres, qui tangis montes & fumigant, qui aperis terram & germinat, quid dicam iubeas, quid proferam præbeas, ad quid sermonem dirigam aperias. Venerabile est enim mihi domine, & præcordiis meis reuerendissimum, de matre filij tui loqui, & de sanctissimo corpore eius linguam sermonibus occupare, quæ sola meruit deum & hominem paritura suscipere, facta thronus dei & aula regis æterni, secundum quod nos docuisti per sanctos tuos patriarchas, prophetas & apostolos, figuris & sermonibus quibus credimus & certi sumus, quia nunquam fefellisti, qui nec fallere nec falli nouisti, ostendens filium tuum coæternum tibi & consubstantialem incarnandum, & incarnatum per uirginis uterum, de qua carnem assumpsit qui corporalia cuncta tecum creauit auctor, administrator & deus, ab homine factus est homo, ab eo naturam sumens, non originem, sanctificante spiritu sancto tuo in ea uterum humanum & purificante atque mundante ad cõceptionem filij tui, cuius dignitatis & gratiæ effectum nec cor concipere, nec lingua uallet exprimere. Non enim talis conceptus, talisque partus, nisi deum decuerat, qui uenerat redimere quos uoluit creare, creare profecto potestate, redimere humilitate: humilitatis naturam sumens sanctam de sanctificato corpore, & immaculatam de immaculato. Ineffabilem enim sanctificationis gratiam quam concipiendus præbuit, conceptus & natus non abstulit. Quæ quantum in corpore ualuerit uirginis, illi soli notissimum est, qui de eius natura naturam suscepit quam condidit: Per quem te quaeso domine, quia per illum bona cuncta tribuis, quæ ut tribuas elegis, ut me inoffense de tanta sanctitate loqui tribuas. Et si non totum ut est, quod impossibile omni linguæ humanæ est, tamen ipsum ex parte quod est, dicatur ut est. Sonet ergo preciosissimum sui preciositate, sanctissimum certa sanctitate, inestimabilissimum fidelissima ueritate. Quæ quia humanam rationem excedunt, spiritus tuus assit, qui suo sacro spiramine inducat in omnem dicendorum ueritatem. Et quia de eius corpore & anima loquendum est, quod ipse præter naturalem usum sanctificauit & gratiam contulit, non aliena nos dicere patiatur, sed propria ad laudem & gloriam tuam deus omnipotens pater, & ad honorem filij tui per uirginem nati, & eiusdem spiritus sancti dei & domini nostri, cum quo est tibi regnum & imperium in omnia secula seculorum. Amen. Quia profundissimæ & sua dignitate altissimæ sum responsurus quaestioni, lectorem meum obsecro, ut pro me deprecetur, & si quæ à me pleniter dicta cognouerit, donis dei gratus existat: sin aut minus, nostræ compatiatur humilitati, quia licet minus ualeamus, uera tamen proculdubio uocatione quantum dominus donauerit loqui suscipientes, hoc primum dicimus, quod in diuinis scripturis postquam dominus in cruce matrem discipulo commendauit, ut castitas castis tueretur obsequijs, nihil de ea reperitur præter id quod Lucas commemorat in Actibus apostolorum, cõmone moratis eisdem apostolis nominatim dicens, Hi omnes erant perseverantes unanimiter in oratione cum mulieribus & Maria matre Iesu & fratribus eius. Hoc dicimus, quia tanto quæ magna existit

caput 1

ioan. 19

act. 1



A existunt cautius tractanda sunt, quanto specialibus autoritatum testimonijs non possunt adli-  
 quidum roborari. Sed quia quedam scriptura sancta ueris indagationum studijs quarenda reliquit  
 quae non sunt superflua aestimanda dum uera indagatione fuerint patefacta. Fecunda est enim  
 ueritatis autoritas: & dum diligenter discutitur, de se gignere quod ipsa est cognoscitur. Saepem  
 discussa ueram conuenientiam parit, quam manifestis sermonibus abscondit, & saepe apertis  
 sermonibus insinuat, in quibus nihil praeter id quod sonat quarendum inuitat: ut est illud,  
 quod Abrahama genuit Isaac, Isaac genuit Iacob, Iacob genuit Iudam & fratres eius, & caetera talia  
 in quibus sola tenenda est littera: quedam autem sic commendat, ut pariter litteram & mysticum in-  
 tellectum insinuet, ut in transitu maris rubri, manna caelesti, & tabernaculo dei, atque arca testa-  
 menti, ubi futurorum figura, baptismi scilicet Christi & ecclesiae ostensa est praerogatiua. Quae-  
 dam tantum mystice, ut cum deum dicit insufflassee in faciem Adae spiraculum uitae, qui tamen os ad  
 spirandum non habet, nec manus ad operandum, licet dicat propheta, Manus tuae domine fece-  
 runt me & plasmauerunt me. Sunt & quedam quae quous commemorari ex toto omissa sint, Iob. 10  
Cap. II  
 uera tamen ratione creduntur, atque ipsa conuenientia rei quodammodo, quemadmodum dux &  
 praeuia creditur. Nihil enim de Melchisedech sacerdotis dei excelsi iustitia loquitur, cum ipsa  
 praecessisse tantae laudis merita cognoscatur. Nihil de Heliae & Enoch postquam rapti sunt, ui-  
 tae felicitate commendat, cunctis liquide scientibus eos beate uiuere quos dominus hinc in  
 futurum saluandos uoluit rapere. Quid ergo de Mariae morte, quid de eius assumptione  
 dicendum est, unde diuina scriptura nihil commemorat, nisi quarendum ratione quod con-  
 ueniat ueritati? Fiatque ipsa ueritas autoritas, sine qua nec est, nec ualet autoritas. Memores  
 enim conditionis humanae, mortem illam subisse temporalem dicere non metumus, quam idem  
 certe eius filius qui & deus & homo est, lege sortis humanae sustinuit, & hoc, quia homo  
 de eius susceptus & profusus est utero. Sed si dicimus eam mortis teneri uinculis, & re-  
 solutam in communem putredinem, uermem ac cinerem: deliberandum est si hoc conueniat tantae  
 sanctitati, tantae aulae dei praerogatiuae. Scimus enim dictum primo parenti, Quia pulvis es, & in Gen. 3  
 puluerem ibis. Quod si de morte dicitur, generalis est sententia: si de resolutione in puluerem, hanc  
 conditionem Christi caro euasit, de carne Mariae sumpta, quae corruptionem non sustinuit. De Psalm. 15  
 hoc enim scriptum est per prophetam dicentem, Quoniam non derelinques animam meam in inferno, nec  
 dabis sanctum tuum uidere corruptionem. De quo autem sancto dictum sit, archangelus prodidit, qui Luce 1  
 ad Mariam ait, Et quod nasceretur ex te sanctum, uocabitur filius dei. Et uere sanctum & sanctum sancto,  
 rursum, unde & illa sancta sanctorum dicuntur quae illa seruabant, quibus ille figurabatur qui ueraciter Dan. 19  
 solus sanctus sanctorum dicitur. Hic enim est de quo idem archangelus Gabriel Danieli loquitur, inter  
 caetera quae futura ostendit dicens, Et impleatur uisio & prophetia, & ungatur sanctus sanctorum.  
 Hic enim sanctus corruptionem non uidit, qui tertia die cum triumpho de inferis rediens resurre-  
 xit. Caro eius quae de Maria sumpta est, & si mortua est ex infirmitate, reuixit ex dei uirtute.  
 Sed hoc ille qui quando uoluit mori, quando uoluit resurgere, potuit. Excipitur ergo ab illa  
 generali sententia de uirgine sumpta natura. Quod si non Mariae congruit, congruit tamen filio  
 quem genuit Iesu. Vocabulum Iesu gloriosum, omni ornatu cultuque dignissimum, nomen quod est  
 super omne nomen, non decuit ab hominibus appellari, neque ab eis efferri in mundum, sed ab Ca. IIII  
 excellentiori quadam meliori que natura. Post haec quae Adae dicta sunt, de quibus excipitur  
 Mariae filius, contuenda sunt quae etiam Euae dicta sunt, si cunctis foeminis sint generalia, & si in Gen. 3  
 aliquo excipiat Maria. Scriptum quippe est, Mulierum quoque dixit deus, Multiplicabo erumnas  
 tuas & conceptus tuos, in dolore paries filios, & sub uiri potestate eris, & ipse dominabitur tui.  
 Erumnam Maria sustinuit, cuius animam gladius passionis Christi pertransiuit. Sed conceptus non  
 multiplicauit, nec sub uiri. i. mariti potestate deguit, quae integerrimis uisceribus de spiritu sancto  
 Christum suscepit, & uirginitatis integritate manente uirgo permansit. Quae quia sine peccati col-  
 lusione, & sine uirilis admixtionis detrimento suscepit, sine dolore genuit, & sine integritatis  
 uiolatione pudore uirginitatis integro permansit. Hoc enim potuit efficere de matre, quia sic  
 deus elegit nasci de homine. Maria ergo & si comunicat erumnis Euae, non comunicat parturiendo cum  
 dolore.

dolore. Promeruit enim hoc singularis sanctitas eius & singularis gratia, qua susceptione dei singulariter existimanda est digna. Non immerito ergo excipitur à quibusdam generatilibus uera æstimatione, quam tanta seruat gratia & attollit dignitatis prerogatiua. Quantum enim Christi potestas possit, mundi ostendit uniuersitas: quantum gratia, Mariæ monstrat integritas: quæ sicut diuersa est à natura, ita diuersa est ab usu. Quid ergo si in tanta diuersitate eam dicimus humanæ sortis mortem subiisse, nec tamen eius uinculis retineri, per quam deus uoluit nasci, & carnis substantiæ communicaret, nunquid impium erit? Scimus enim Iesum omnia posse, qui de seipso ait, Data est mihi omnis potestas in cælo & in terra.

*Matth. 28*  
*Cap. V* Si ergo uoluit integrum Mariæ uirginitatis seruare pudorem, cur non uelit incorrupta à putredinis seruare fœtore? Dicat ergo qui cognouit sensum domini, & qui cõsiliarius eius fuit: nunquid non pertinet ad benignitatem domini, matris seruare honorem, qui legem non soluere uenerat, sed adimplere? Lex enim sicut honorem matris præcipit, ita inhonorationem damnat. Qui enim in uita præ cæteris illam gratia sui cõceptus honorauit, pium est credere singulari saluatione eam in morte & speciali gratia honorasse. Potuit enim eam à putredine & puluere alienam facere, qui ex ea nascens potuit uirginem relinquere. Putredinemq; & uermis humanæ est opprobrium conditionis, à quo opprobrio cum Iesus sit alienus, natura Mariæ excipitur, quam Iesus de ea suscepisse probat. Caro enim Iesu caro est Mariæ, & multo specialius quam Ioseph Iudæ cæterorumq; fratrum eius quibus dicebat,

*Gen. 37* Frater enim & caro nostra est. Caro enim Christi quamuis gloria resurrectionis fuerit magnificata, & potenter super omnes cælos ascensione glorificata, eadem tamen carnis mansit & manet natura quæ suscepta est de Maria. Ipse enim est qui cõceptus, genitus, atq; à mortuis suscitatus est per gloriã patris, sicut profecto ipse testatur post resurrectionem, quãdo Apostolus dicit, Videte manus meas & pedes meos, quia ego ipse sum. Quid enim est, ego ipse sum, nisi quia alter non sum quàm qui tunc erã quãdo passus sum. Et hoc siquidẽ cognoscere potestis, qui in manibus & pedibus meis clauorum signa clare uidetis. Ipse ergo idcirco cælos ascendit, & carnem quã de matre suscepit super astra transuexit, honorans omnem humanam naturam, sed multo magis maternam. Si igitur natura matris est filius, cõueniens est ut sit & filij mater, non quantum pertinet ad æquã administrationem, sed quantum pertinet ad eandem reciprocam substantiam, ut homo de homine, caro de carne, mater à filio, filius à matre, non ad unitatem personæ, sed ad unitatem corporalis naturæ & substantiæ. Si enim unitatem potest facere gratia sine proprietate specialis naturæ, quãto magis ubi gratiæ unitas & corporis est specialis naturitas? Unitas namq; gratiæ est, ut discipulorum in Christo, de quibus ipse dixit, Pater sancte, serua eos in nomine tuo: quos dedisti mihi, uolo ut sint unum sicut & nos. Et iterum de omnibus iustis, Non pro his autem rogo tantum, sed & pro his qui credituri sunt per uerbum eorum in me, ut omnes unum sint sicut & tu pater in me, & ego in te, hoc est, ut ipsi sint per gratiam quod nos sumus per diuinitatẽ. Hæc quippe gratiæ unitas, quæ cunctis in Christum credentibus seruatur, si Mariæ etiam minus sapientium æstimatione non tollitur, quãto magis cum gratiæ unitate ipsa specialitas naturæ unum efficit matrem & filium, & filium & matrem. Videndum est etiam quid de his quos secum per gratiam unum esse uoluit consequenter adiunxit. Ait enim, Pater, quos dedisti mihi, uolo ut ubi sum ego, & illi sint mecum, ut uideant claritatem quam dedisti mihi. O magnam & inæstimabilem bonitatem dei, qui habere secum suos in gloria uult, ut sua claritate fruantur, qui hic sua fide iuncti, unum cum eo esse digni iudicant. Si igitur eos secum habere uult, & hoc potest qui omnia potest, quid æstimandum est de matre ubi digna sit haberi, nisi in præsentia filij? Quantum igitur conueor, quantum intelligo, quantum credo, Mariæ anima claritate fruitur Christi, & gloriosis cõspectibus eum semper uidere sitiens, & semper cõspiciens, dum inæstimabiliter pascitur, excellentiori quadam specialiq; prerogatiua à filio honoratur, possidens in Christo corpus suum quod genuit, clarificatũ in dextera patris, & si non suum per quod genuit, tamen suum quod genuit. Et quare non suum per quod genuit? Si enim non obuiauerit, necdum perspecta

*Luce 24*  
*Ioh. 17*  
*Caput VI*



C autoritas, uere credo, & per quod genuit, quia tãta sanctificatio dignior cœlo est quàm terra, quoniam thronum dei, thalamum domini, domum atq; tabernaculum Christi dignum est ibi esse ubi ipse est. Tam preciosum enim thesaurum dignius est cœlo seruari q̃ terra. Tantam integritatē merito incorruptibilitas, non putredinis aliqua resolutio sequitur. Istud ergo sacratissimum corpus, de quo Christus carnem assumpsit, & diuinam naturam humanæ uniuit, non amittēs quod erat, sed assumens quod nō erat, ut uerbum caro, hoc est, deus homo fieret, escam uermibus traditum, in communi sorde putredinis & futurū de uermibus puluerem, quia sentire non ualeo, dicere pertimesco. De quo si nihil altius sentire quàm de proprio, nihil dicerem nisi quemadmodum de proprio. Quod abq; ulla ambiguitate sol uendum est in mortem, post mortem est futurum putredo, post putredinem uermis, post uermē, ut dignum est, abiectissimus puluis. Quod de Mariā credendum non uidetur, nec æstimabile, quia æstimationem procul pellit incomparabilis gratiæ munus. Cap. VII

dicere multarum cōsideratio rerum inuitat, quarum & quædam illa est, quam suis alibi ministris ipsa ueritas ait, Qui mihi ministrat me sequatur, & ubi ego sum, ibi & minister meus Iodn. 12

erit. Si enim hæc est generalis sententia omnium per fidem & bonam operationem Christo ministrantiū, quāto magis quodammodo & specialius est Mariæ. Mariam namq; operis exhibitione & fidei rigidissima ueritate ministram Christi fuisse omnis qui sanè sapit intelligit. Absq; dubio enim omni operi ministratrix extitit, quæ hunc in utero gessit, partum perfusum aluit & fouit, atq; ut Euangelium ait, in praesepio reclinauit, & à facie Herodis in Luce 2

Aegyptum fugiens abscondit, & omnem infantiā eius pro matris affectu ita persecuta est, ut usq; ad crucem, in qua filium iam uirum perfectum uidit pendentem, ab eius indubitanter ministerio non recesserit, consecuta eum non solum gressibus pedum tanquam pro reuerentia dei, uerumetiam imitationis affectu. Maria ergo ministratrix Christi spiritaliū operum qualitatibus sicut deuotissima extitit, ita absq; dubio religionis fide, id est, ueræ credulitatis charitate secutrix fuit. Non enim potuit nisi diuinitatis eius esse credula, quæ se nouerat hunc non uirili semine secundum ordinem naturæ, sed diuino spiramine nunciante archangelo concepisse, uidens semper famulantiū angelorum ei adesse frequentiam ut cōcepto & nato, quando uidelicet facta est cum angelo multitudo cœlestis exercitus clamantium & dicentium, Gloria in altissimis deo, & in terra pax hominibus bonæ uolūtatis: & in Aegyptū fugituro, atq; inde iterum redituro, quibus liquido cognoscere potuit, quia talia obsequia non nisi deum decuerāt. Vnde & stellæ demonstratio, & magorum de longinquis partibus inspirata adductio, quāmaxime illi extitit indicium ueritatis. Similiter Simeonis atque Annæ prophetali dignitate insolitus cæteris & huic specialis occursum. Quæ omnia profecto Maria conseruans, his cunctis altius ad fidem roborata, pio corde conferebat in tātum, ut omnino non nutabunda, sed certa de filij potestate, tanquam de dei uera uirtute, deficiente in nuptiis uino dixerit, Vinum non habent, sciens planè hoc illum potuisse, quod eum Iodn. 2

mox contigit diuino miraculo compleuisse. Ecce igitur Maria fide & opere Christi administratrix, & deuota usque ad eius mortem secutrix, non plus gressu quàm imitationis affectu, ut credendum est, si ibi non fuerit ubi Christus ministros suos uult esse, ubi ergo erit? Et si ibi erit, nunqd aequali gratia? Et si æquali gratia, ubi æqua dei cēsura, quæ unicuiq; reddit secundum sua merita? Si ergo merito Mariæ uiuenti, præ omnibus donata est gratia, mortuæ erit minuenda? Absit. Quia si omnium sanctorum mors est preciosa, Mariæ sanè est preciosissima, quam tanta comitata est gratia, ut mater dei dicatur & sit. Cap. VIII

Consideratis igitur his uniuerfis, uera ratione confitendum censeo, Mariam in Christo, & apud Christum esse, In Christo, quia in ipso uiuimus, mouemur & sumus: apud Christum gloriose ad æternitatis gaudia assumptam, benignitate Christi honoratius susceptam cæteris, quam hic gratia honorauit præ cæteris, nec usq; ad cōmunem humilitatem esse adductā post mortē, putredinis uidelicet & uermis, & pulueris, quæ suū & omniū genuit saluatorem, in cuius si potestate est, sanctorum de capite capillum non perire, est & illā anima

anima & corpore integram posse seruare. De cuius potestate si nullus dubitet ecclesiasti-  
corum, quin possit matrem sine corruptione in perpetuum seruare, cur dubitandum est, uo-  
luisse qd' attinet ad tantæ benignitatis gratiã. Si elegit diuina uoluntas sola gratia inter cre-  
pitantes uehementium ignium flammæ, non solum puerorum corpora seruare illæsa, uerũ  
& ipsa uestimenta seruare inusta: cur abnuat in matre propria quod elegit in ueste aliena?  
Ionam seruare in uentre ceti præter naturalem usum uoluit incorruptum sola misericordia,  
Mariam incorruptam præter naturam non seruabit gratia. Seruatus est Daniel ab intem-  
peratissima fame leonum, non seruanda est Maria tantis dotata meritis dignitatum. Hæc  
contracta quæ diximus, quia naturam non seruasse cognoscimus, in Mariæ integritate plus  
potuisse gratiam quàm naturã nõ dubitamus. Diuinitatis enim sunt opera quæ dicimus,  
& ideo possibilia, quia sunt ab omnipotentia. Christus autem dei uirtus est & dei sapiëntia,  
cuius omnia quæ patris sunt, sua sunt & uelle: uelle autẽ omnia quæ sunt iusta & digna. Sic  
per hoc digne uidetur lætari Maria lætia inenarrabili anima & corpore, in proprio filio, cũ  
proprio filio, per proprium filiũ, nec ullam sequi debere corruptionis erumnam quam nul-  
la secuta est tantum filium pariendo integritatis corruptio, ut sit semper incorrupta quam  
tanta perfudit gratia, sit integraliter uiuens, quæ omnium integram perfectamq; genuit ui-  
tam, sit cum illo quem in suo gessit utero, sit apud illum illa quæ genuit, fouit & aluit illum,  
Maria dei genitrix, dei nutrix, dei ministratrix, & dei secutrix, De qua ut iã dixi, quia aliter  
sentire nõ audeo, aliter dicere nõ præsumo. Suscipiat igitur hunc sensum fraterna chari-  
tas uestra, quem sanctus spiritus inspirauit. Ostensa sunt ex parte quæ taliter hortata sunt  
me dicere. Si quis autem refragari his elegerit, quum dicere non uelit, hoc non posse Chri-  
stum: proferat quare non conueniat uelle, ac per hoc non esse. Et quum se ueraciter consiliũ  
dei de his nosse manifestauerit, incipiam credere, de quibus aliter non possum sentire. Mi-  
rabor illum altitudinem consilij diuini inuestigasse, quam me cum Apostolo digna reuerẽ-  
tia uideor debere admirari dicente. O altitudo diuitiarum sapiëntiæ & scientiæ dei, quàm in-  
comprehensibilia sunt iudicia eius, & inuestigabiles uia eius. Et quia secũdum eundẽ Apo-  
stolum, ex parte cognoscimus, & ex parte prophetamus, dixi de his: & si non quantum est,  
tamẽ quemadmodum me dicere debuisse credidi. Si ergo uera sunt quæ scripsi, tibi gratias  
ago Christe, quia de sancta uirgine matre tua, nisi quod pium est ac dignum uisum, sentire  
non potui. Si ergo dixi ut debui approba Christe tu & tui. Si autem non ut debui, ignosce  
obsecro tu & tui: Qui cum deo patre & spiritu sancto uiuis & regnas per omnia secula secu-  
lorum, Amen.

Finis.

DIVI AVRELII AVGVSTINI HIPPONENSIS EPISCOPI,

Liber de disciplina Christiana, uel de domo disciplinæ.

Cap. I



LOCVTVS est ad nos sermo dei, & deproptus est ad exhortationẽ no-  
strã, dicente scriptura. Accipite disciplinã in domo disciplinæ. Disciplina  
à discendo dicta est, disciplinæ domus est Ecclesia Christi. Quid ergo hic  
discit, uel quare discit? Qui discunt, uel à quo discunt? Discit bene uiuere.  
Propter hoc discit bene uiuere, ut perueniat ad semper uiuere. Discunt  
Christiani, Docet Christus. Primo ergo quid sit bene uiuere: deinde quæ  
sit merces bonæ uitæ: tertio qui sint ueri Christiani: quarto quis sit uerus magister, pauca lo-  
quentibus nobis sicut dominus donat audire dignemini. Omnes in domo disciplinæ su-  
mus, sed multi nolunt habere disciplinam, & quod est peruersius, nec in domo disciplinæ uo-  
lunt habere disciplinã. Cum propterea debeãt in domo disciplinæ accipere disciplinã, ut ser-  
uent illã in domibus suis: ipsi econtra disciplinationẽ nõ solum in domibus suis habere nõ-  
lunt, sed nec ferre illam secũ etiam ad domum disciplinæ. Ideo apud quos nõ uacat uerbũ  
dei,



C dei, qui cor auri coniungunt, qui non sunt uia ubi semem cum ceciderit ab auibus colligitur, qui non sunt petrosa loca, ubi semen altam radicem habere non potest, & ad horam exit & in aestu arefcit: qui nō sunt ager spinosus, ubi semen cū germinauerit & in auras surgere cōperit, spinarū densitate suffocatur, sed qui sunt terra bona parata semē accipere, & fructum reddere, uel centenum uel sexagenum uel tricenum, recordentur non sine causa intrasse disciplinā scholam, & has me similitudines ex Euangelio commemorasse. Qui igitur tales sunt, accipiant quod per me dominus dicere dignatur. Ego enim, quoniā ille seminat, quid sum? Vix cophinus seminantis. Ipse in me dignetur ponere quod uobis spargat. Nolite ergo attendere ad uilitatē cophini, sed ad charitatē seminis & potestātē seminantis. Quid est ergo bene uiuere? Quid hic discitur? Præcepta multa sunt in lege, quibus ipsa bona uita continetur, impletur & discitur. Multa omnino præcepta sunt & innumerabilia. Præceptorū ipsorū paginas uix quisquam enumerat, quanto magis ipsa quæ uoluit. Tamē deus propter eos qui se possent excusare, uel quia eis nō uacat legere, uel quia nō norunt legere, uel quia non possunt facile intelligere, ut excusationem nemo habeat in die iudicii, uoluit, sicut scriptum est, consummare & breuiare uerbum super terram, sicut de illo propheta prædixerat, Verbum enim consummans & breuians faciet dominus super terram. Hoc ipsum uerbum consummatum & breuiatum, nec obscurum deus esse uoluit. Ideo breue, ne non uacaret legere: ideo apertum, ne dicat, nō mihi licuit intelligere. Thesaurus ergo est magnus diuinarum scripturarum, habens in se mirabilia præcepta & multa, tanquam multas gemmas, & preciosa monilia, & uasa ingentia, & magni metalli. Sed quis potest scrutari thesaurum istum, & uti eo, & peruenire ad omnia quæ ibi sunt? Quando hanc similitudinem dominus dedit in Euangelio suo, & dixit, Simile est regnum cœlorum thesauro inuento in agro: ne quis se minus idoneum diceret ad perscrutandum thesaurum, continuo dedit aliam similitudinem, Simile est, inquit, regnum cœlorum homini negociatori quærēti bonas margaritas, qui inuenit unam preciosam margaritam, & uendit omnia quæ habuit & emit illā: ut si piger eras ad perscrutandum thesaurum, non sis piger unam margaritam sub lingua ferre, & quod uis securius ambulare. Quid est ergo uerbum cōsummans & breuians? Diliges dominum deum tuum ex toto corde tuo, & ex tota anima tua, & ex tota mente tua, & diliges proximum tuum tanquam teipsum, In his duobus præceptis tota lex pendet & propheta. Ecce quid discitur in domo disciplinæ? Diligere deum, Diligere proximum tanquam seipsum? Deum tanquam deum, proximum sicut teipsum. Non enim inuenis parem deo, ut possit tibi dici, dilige deū sicut diligis illum. De proximo inuenta est tibi regula, quia inuentus es proximo tuo par tuipe. Quæris quomodo diligas proximum, attende teipsum, & quomodo te diligis, sic dilige proximum. Non est ubi erres. Volo ergo iam & tibi committere proximum tuum, ut diligas eum tanquā teipsum. Volo, sed adhuc timeo, Volo tibi dicere, Dilige proximum tuum sicut teipsum, & timeo, Adhuc enim discutere uolo quomodo diligas teipsum. Noli ergo ægreferre. Non es tuipe facile dimittendus, cui est proximus committendus, Non transitorie tecum agendum est. Tu unus homo es, proximi tui multi sunt. Non enim primo sic debes intelligere proximum, uel fratrem, uel cognatum, uel affinem. Proximus est omni homini omnis homo. Proximi sibi dicuntur pater & filius, socer & gener. Nihil tam proximum, quā homo & homo. Sed si putamus non esse proximos, nisi qui de iisdem parentibus nascuntur, Adam & Euam attendamus, & omnes fratres sumus. Et quidem fratres secundum quod homines sumus, quanto magis secundum quod Christiani sumus. Ad id quod homo es, unus pater fuit Adam, una mater Eua. Ad id quod Christianus es, unus pater est deus, una mater ecclesia. Videte ergo quantos proximos habeat unus homo. Omnes homines in quos incurrerit, quibus iungi potuerit, proximi eius sunt. Quomodo ergo discutiendus est, utrum diligat se, cui committendi sunt tot proximi, ut sic eos diligat tanquā se? Non ergo irascatur unusquisque, si discussio quomodo se diligat. Certe ego discussio, ipse se inueniat. Ut quid enim discussio, quia ego inuenturus sum? Ideo

Esaiæ 10

Matth. 13

Ideo discutio, ut ipse se interroget, ipse sibi appareat, ipse se non lateat, ipse se sibi nō abscon-  
 dat, ipse sibi se ante oculos suos, nō post dorsum ponat. Me loquēte faciat hoc, me nesciēte  
 faciat hoc. Quomodo te diligis? Quisquis me audis, imō quisquis deū per me audis in hac  
 domo disciplinæ, attende te quomodo te diligis. Profecto enim si te interrogem utrum di-  
 ligas te, respōdebis quia diligis. Quis enim se odit? Hoc dicturus es: quis enim se odit? Ergo  
 non diligis iniquitatem, si te diligis. Nam si diligis iniquitatem, non ego dico, psalmum au-  
 di, Qui diligit iniquitatem, odit animam suam. Ergo si diligis iniquitatem, audi ueritatem,  
 ueritatem non te palpantem, sed aperte tibi dicentem. Odis te. Quanto magis dicis, quia  
 amas te, odis te. Qui enim diligit iniquitatem, odit animam suā. Quid dicam de carne, quæ  
 pars est uiliior hominis? Si animam odit, quomodo carnem diligit? Deniq; qui amant  
 iniquitatem, & odiunt animam suam, omnem turpitudinem exercēt de carne sua. Iam ergo  
 qui diligit iniquitatem, quomodo tibi uolebas committi proximum, ut diligeres eum tanq̃  
 te? Homo quid perdis te? Si enim tu ipse sic te diligis, ut perdas te, sic profecto perditurus  
 es & eum quem diligis sicut te. Nolo ergo quenquam diligas, uel solus peri. Aut corrige di-  
 lectionem, aut respue societatem. Dicturus es mihi, Diligo proximum tāquam meipsum.  
 Audio planē, audio. Inebriari uis cum illo quem diligis tanquam teipsum. Bene nobis facia-  
 mus hodie, quantum possumus bibamus. Vide quia sic te diligis, & illum ad te trahis, & ad  
 quod amas uocas. Neceffe est ut quem diligis tanq̃ teipsum, illuc illum trahas ad quod &  
 tu te amas. Humanus homo, imō beluinus, amando talia qualia beluæ. Beluas enim deus  
 prostratas in faciem fecit pastum quærētes de terra, te in duos pedes erexit de terra. Tuam  
 faciem sursum attendere uoluit. Non discordet cor tuum à facie tua, non habeas faciem sur-  
 sum, & cor deorsum, imō uerum audi, & uerum fac sursum cor, ne mentiaris in domo disci-  
 plinæ. Quando enim audis, responde, sed sit uerum quod respondes. Sic te dilige, & diligas  
 proximum tuum tāquam teipsum. Quid est enim sursum habere cor, nisi quod dictum est  
 prius, Diliges dominum deum tuum ex toto corde tuo, & ex tota anima tua, & ex tota mēte  
 tua? Quia ergo duo præcepta sunt, si unum diceret non sufficeret. Sufficit & unum si intelli-  
 gatur. Nam aliquando sic loquitur scriptura sicut Paulus apostolus, Non adulterabis, non  
 homicidium facies, non concupisces, & si quod est aliud mandatum, in hoc sermone recapitu-  
 latur, Diliges proximum tuum tanquam teipsum. Dilectio proximi malū non operatur.  
 Plenitudo autem legis est charitas. Quid est charitas? Dilectio. Nihil uidetur dixisse de di-  
 lectione dei, sed solam proximi dilectionē dixit sufficere ad implendam legē. Quicquid est  
 aliud mandatum, in hoc sermone recapitulatur, in hoc sermone impletur. In quo? Diliges  
 proximum tuum tanq̃ teipsum. Ecce unum est. Certe duo præcepta sunt in quibus præce-  
 ptis tota lex pēdet & propheta. Videte quomodo plus breuiatū est, & adhuc pigri sumus.  
 Ecce quæ duo erant, unum factum est. Proximum dilige, & sufficit. Sed dilige quo-  
 modo teipsum diligis, non quomodo teipsum odisti. Dilige proximum tuum tanquam te-  
 ipsum: sed prius est ut diligas teipsum. Quærere habes quomodo diligas teipsum, & audi-  
 re habes, Diliges dominum deum tuum ex toto corde tuo, & ex tota mente tua, & ex tota  
 anima tua. Homo enim quomodo à se fieri non potuit, sic nec beatus à se fieri potest. Alia  
 res fecit enim hominem, quod non est ipse homo: alia res eū factura est beatum quod nō  
 est ipse homo. Deniq; errās uidet ipse, quia per se nō potest beatus esse, & amat aliud unde  
 sit beatus. Vnde se fieri putat beatū, hoc amat. Quid putamus, amat, unde putat se fieri be-  
 atum? Pecuniam, aurum, argentū, possessiones. Breuiter dico pecuniam. Totum enim quic-  
 quid homines possident in terra, omnia quorum domini sunt, pecunia uocatur. Seruus sit,  
 uas, ager, arbor, pecus, quicquid horum est, pecunia dicitur. Et unde est primum uocata pe-  
 cunia? Ideo pecunia, quia antiqui totum quod habebant, in pecoribus habebant. A pecore  
 pecunia uocatur. Legimus antiquos patres fuisse diuites pastores. Ergo pecuniam diligis o-  
 homo, unde putas te fieri beatum. Pecunia est, & multū eam diligis. Volebas diligere pro-  
 ximum tanquam teipsum, diuide cum illo pecuniam tuam. Quid esses discutiebam. Inuen-  
 tus es,



Matth. 25.

1. Cor. 15.  
Eccī: 28.

coelo est: Noli mihi ista dicere, aut noli ad me accedere. Hoc est enim: Sepi aures tuas spiritibus. Conuertam me ad illum: Auarus es, pecuniam amas. Beatus esse uis, deum tuum ama. Pecunia te non facit beatum: Tu eam facis ornatam, non illa te beatum. Sed quia multum amas pecuniam, & uideo quia pergis quod iusserit cupiditas, piger perge quod iubet charitas. Respice & uide quàm multum inter sit inter pecuniam tuam & deum tuum. Pulchrior est iste sol quàm pecunia tua, & tamen iste sol non est deus tuus. Porro si pulchrior est lux ista quàm pecunia tua, quantum est pulchrior qui fecit hanc lucem? An forte comparare uis pecuniam tuam luci? Ecce occidit sol: ostende mihi pecuniam tuam. Nitet & nocte, subtrahit lucernam. Ecce diues es, Ostende mihi diuitias tuas. Iam si lumine priueris, iam si non habes unde quod habes uideas, ubi sunt diuitiae tuae? Et sic tamen horrenda profunditas auariciae non patet oculis, & scatet animis. Vidimus & cecos auaros. Dicatur mihi, unde auari sunt caeci qui non uident? Quod habet non habet, & tamen auarus est cecus: Quare? Quia credit se habere, auarus est: Fides eum facit diuitem: Credendo diues est, non uidendo. Quanto melius cum fidem conuertit ad deum. Non uides quod possides, & deum tibi sic praedico: Nondum uides, ama & uidebis. Amas pecuniam o cace, quam nunquam uidebis. Cecus possides, cecus moriturus es, quod possides hic relicturus es. Non tenebas & quando uidebas, quanto magis perdis, quia non uidebas quod habebas. De deo quid tibi dicitur? Ecce hoc tibi dicit ipsa sapientia, Ama illam tantum pecuniam. Indignum est, iniuriosum est, ut sapientia pecuniae comparetur, sed amoris comparatur. Video enim hic uos sic amare pecuniam, ut iubente amore pecuniae labores suscipiatis, ieiunia toleretis, mare transcat, uentis & fluctibus uos committatis. Habeo unde eligam quod ametis, sed non habeo quod addam ad amorem quo amatis. Sic me amate, plus nolo me amari dicit dominus. Improbis loquor, auaris loquor. Pecuniam diligitis, tantum me diligite. Certe melior sum incomparabiliter. Nolo à uobis ampliorem amorem. Quantum diligitis pecuniam, tantum me amate. Erubescamus saltem, confiteamur & pectora tundamus, non ut super peccata nostra pauimentum solidemus. Nam qui tundit pectus & non corrigitur, solidat peccata & non tollit. Tundamus pectus & cadamus nos, & corrigamur à nobis, ne ille postea nos cadat, qui magister est. Diximus enim iam, quid hic discatur, quare discatur.

cap. II

Quare isti in scholam, & uapulasti, & à parentibus ductus, & fugitans quaesitus, & inuentus attractus es, & adductus extensus es? Quare uapulasti? quare tanta mala in pueritia pertulisti, ut disceres? Quid disceres? Litteras. Quare? Ut haberetur pecunia, aut ut compareretur honor, & teneretur sublimitas dignitatis. Vide quia periturus es propter perituram rem. Perituram rem cum tanto labore didicisti in tantis poenis, & amabat te qui te ad poenas trahebat. Ipse qui te amabat, ipse te ad poenas trahebat ut uapulares, amando faciebat ut disceres. Quid? Litteras. Bonum sunt litterae? Bonae. Noui dicturus es mihi: Quare & uos episcopi litteras non legistis? Quare non diuinas scripturas in ipsa litteratura tractastis? Ita uero: sed non ad hoc didicimus litteras. Non enim parentes nostri, quando nos in scholam mittebant, hoc nobis dicebant, discite litteras ut habeatis unde legere possitis codices domini. Nec ipsi Christiani filijs suis hoc dicunt. Sed quid? Discite litteras. Quare? Ut sis homines. Vnde & illud prouerbum: quantum habebis, tantus eris: ut habeas quantum ceteri, aut quantum pauci, aut plusquam ceteri, aut plusquam pauci, habeas inde honores, habeas inde dignitatem. Et ubi erunt ista omnia cum mors uenerit? Quomodo stimulat, quomodo metus iste interpellat? Quomodo nomen ipsum à me commemoratum omnium corda percussit? Quomodo timorem uestrum teste gemitu declarastis? Audiui, audiui, gemuistis, mortem timetis. Si timetis, quare non cauetis? Mortem timetis. Quid timetis? Ventura est. Timeam an non timeam, uenire habet: sero an cito, uentura est. Si timeas, non efficies ut non sit quod times. Illud potius time, quod si nolis, non erit. Quid? Peccare. Peccare time, quia si amaueris peccata, in aliam mortem irrues, quod posses non uenire, si non amares peccata. Modo autem peruersus plus



**A** fus plus amas mortē q̄ uitam? Absit, inquis. Quis est hominū qui plus amet mortem q̄ uitam? Forte conuincō te, quia plus amas mortē q̄ uitā. Ecce unde te conuincō. Amas tunicā tuam, bonam eam uis. Amas uillam tuam, bonā eam uis. Amas filium tuū, bonū eum uis. Amas amicū tuum, bonū eum uis. Amas domū tuā, bonam eam uis. Quid est q̄ etiā bonam uis habere mortē? Quotidie enim rogas, ut quoniā mors uentura est, bonā mortē tibi det deus, & dicis: Deus auertat à me malam mortē. Plus ergo amas mortē tuā q̄ uitam tuam. Mori male times, & male uiuere non times. Corrige male uiuere, time male mori, sed noli timere. Non potest male mori qui bene uixerit. Prorsus confirmo, audeo dicere, Credi psal. 115 di propter quod locutus sum: non potest male mori, qui bene uixerit. Iam tu dicis tibi: Num multos iustos naufragio perierunt? Certe nō potest male mori, qui bene uixerit. Num multos iustos gladius peremit hostilis? Certe nō potest male mori, qui bene uixerit. Num multos iustos, latrones occiderūt? Num multos iustos bestiæ laniauerūt? Certe nō potest male mori, qui bene uixerit. Et ego respondeo. Hæc em̄ tibi uidetur mala mors, naufragio perire, gladio percuti, à bestiis laniari, mors mala tibi esse uidetur. Nōne has mortes martyres subierunt, quorū natalicia celebramus? Quod genus mortis nō subierūt? Et tamen si Christiani sumus, si in domo disciplinæ nos esse meminimus, uel cū hic sumus, uel cū hic audimus, si ex eūtes hinc nō obliuiscimur, si meminimus quod hic audimus, nōne martyres beatificamus? Quare mortes martyrū, oculos carnis interroga. Male mortui sunt, oculos fidei interroga: Preciosa in conspectu dñi, mors sanctorū eius. Quicquid ergo est quod exhorres in morte, omnino nō exhorreas, si eos imitaris. Id age ut bonā uitā habeas, & quacūq; occasio fuerit, ut excas de hoc corpore, exis ad requiē, exis ad beatitudinē, quæ non habet timorē nec finē. Luc. 16 Nam quasi bona mors diuitis in purpura & bysso, sed mala mors sitientis & inter tormēta Luc. 16 guttā aquæ desiderātis. Quasi mala mors iacētis pauperis ante ianuā diuitis, inter linguas canū, in fame & siti micæ de mensa desiderantis. Mala mors, auersanda mors, finem respice: Christianus es, fidei oculū intende. Cōtigit mori inopem illū, & deferri ab angelis in sinū Abrahæ. Quid proderat diuiti sepulchrū marmoreū, sitienti apud inferos? Quid oberāt pauperi panni cum sanie ulcerū eius requiescenti in sinu Abrahæ? Longe uidit eū requiescentem, quē cōtempserat iacentē. Modo elige mortē. Dic mihi, Quis bene mortuus est, quis male? Puto quia melius ille pauper, q̄ ille diues. An uis aromatibus sepeliri, & apud inferos sitire? Respondes: Absit à me. Puto q̄ hoc dicis. Disce ergo bene mori, si didiceris bene uiuere: Merces enim bonæ uitæ æterna est. Cap. IIII Qui discūt, Christiani sunt: qui audiunt & nō di Match. 13 scunt, quid ad seminantem? Seminantis manū nō terret uia, nō terrent lapides, non terrent spinæ iactat ille quod suū est. Qui timuerit ne cadat in terrā malam, non peruenit ad terrā bonam. Et nos dicimus, spargimus semina, iactamus semina. Sunt qui contemnūt, sunt qui reprehendūt, sunt qui irrident. Istos si nos timuerimus, nihil habemus seminare, & in messe habemus esurire. Ergo ueniat semen ad terrā bonā. Scio q̄ qui audit & bene audit, deficit & proficit. Deficit iniquitati, proficit ueritati. Deficit seculo, proficit deo. Cap. IIII Quis est enim 2. Cor. 13 magister qui docet? Nō qualiscūq; homo, sed Ap̄lus, plane apostolus, & tamen non ap̄lus, An uultis, inquit, experimētū eius accipere qui in me loquit̄ Christus? Christus est q̄ docet. 2. Cor. 13 cathedrā in cœlo habet, ut paulo añ dixi. Schola ipsius in terra est, & schola ipsius corpus ipsius est. Caput docet mēbra sua, lingua loq̄r pedibus suis. Christus est q̄ docet. Audiamus, timeamus, faciamus. Et ne cōtēnas ipsum Christū, q̄a p̄pter te in carne natus est, p̄nis mortalitatis circūdatus: p̄pter te esuriuit & sitiuit: p̄pter te lassatus ad puteum sedit: propter te fatigatus in naui dormiuit: propter te cōtumelias indignas audiuit: p̄pter te à facie sua spu Ioan. 10 ta hominū nō abegit: propter te alapas in faciē suā accepit: propter te in ligno pependit: propter te animā effudit: propter te in sepulchro positus est. Hæc om̄ia forte cōtemnis in Christo? Vis nosse quis sit? Recole euāgeliū quod audisti: Ego & pater unū sumus. Nos cōuersi Ioan. 10 ad deū præcepta eius custodiamus, ut æterna præmia ab ipso percipiamus, præstante eodē dño nostro Iesu Christo, qui cū patre & spū sancto uiuit & regnat in secula seculorū: Amē.

# DIVI AVRELII AVGV

STINI HIPPONENS. EPISCOPI,  
De decem chordis liber.

Cap. I



**D**OMINVS & deus noster misericors & miserator, longanimis & multum misericors, & uerax, q̄ largiter prerogat misericordiam in praesenti seculo, tam seuerè minatur iudicium in futuro seculo. Verba quæ dixi scripta sunt, & diuinis autoritatibus cōtinentur, quia misericors & miserator dominus, longanimis & multum misericors & uerax. Multum delectat omnes peccatores & amatores huius seculi, quia misericors & miserator dominus, quia longanimis & multum misericors. Sed si amas tam multa mitia, time ibi & ultimū quod ait, & uerax. Si em̄ nihil aliud diceret, nisi misericors & miserator dominus, longanimis & multum misericors, quasi iam conuerteres te ad securitatē & impunitatē, & ad licentiā peccatorum, & faceres quod uelles, uteris seculo, uel quantum tibi permetteretur, uel quantum tibi libido iussisset. Et si quis te bene admonēdo obiurgaret atq; terreret, ut cohiberes te ab immoderato fluxu eundo post cōcupiscētiās tuas, & deferendo deū tuū, inter medias uoces obiurgantis obsisteres, impudenti quidē fronte, ueluti audita diuina autoritate, & legeres de libro dominico: Quid me terres de deo nostro? Ille misericors est, & miserator, & multum misericors. Ne talia homines dicerent, unum uerbū addidit in fine, quod ait, & uerax: & excussit læticiam male praesumentium, & induxit timorem dolentiū. Gaudeamus ad misericordiā domini, sed timeamus iudiciū domini. Parcit dum tacet. Tacet, sed nō semper tacebit. Audi dū non tacet in uerbo, ne non tibi uacet audire dū non tacebit in iudicio. Esai. 42 Cap. II B Modo enim licet tibi causam tuā componere. Ante ultimum iudiciū dei tui cōpone causam tuā. Non est unde praesumas cū ille uenerit, nec falsos testes adduces quibus ille fallatur, nec patronos fraudulentis circūuentionibus & linguosis artibus adhibebis, nec ambies aliquo modo, ut iudicem possis corrumpere. Quid ergo ages apud talem iudicē, quē nec fallere nec corrūpere poteris, & tamē est quod agas? Tunc enim ipse erit iudex causæ tuæ, qui modo est testis uitæ tuæ. Clamauimus & laudauimus, cōponamus causam nostrā. Qui testis est operū nostrorū, ipse testis est uocū istarū. Nō sint inanes, cōuertantur ad gemitū. Tēpus est concordandi cū aduersario tuo cito. Tam longanimis est deus uidendo iniqua & nō puniendo, ut tamē cito sit futurū iudicium. More quippe humana uita prolixū est, quod deo breue est. Sed & ipsi seculo & humano generi quod longe uidetur, quid cōsolatur? Nūquid si totius generis hūani ultimus dies longe est, uniuscuiusq; dies ultimus longe est? Hoc dico, ex Adam multi anni euoluti sunt, multi anni fluxerūt, & deinceps fluent, nō quidē tam multi, sed tamē usq; in finem seculi trāsibunt anni, sicut & illi trāsierūt. Longū uidetur quod restat, q̄ q̄ nō erit tantū quantum transactū est, & tamen ex transacto praeterito tēpore, sperandus est finis reliqui tēporis. Fuit tūc quidē dies qui dicetur hodiernus, ex illo usq; ad hūc hodiernū, nōne quicquid fuit futurū, praeteritū factū est? tale habet ac si nō fuerit. Sic erit quicquid restat extremū. Sed si & hoc longū sit prolixū, quantum putaueris, quantum dixeris, quantum cogitaueris, quantum tibi nō format scriptura, sed fingit cogitatio, quantum uis diē iudicij prolonga, nūquid ultimū diē tuū, id est, uitæ tuæ quo exiturus es de hoc corpore producturus es in longū? Sit tibi senectus certa si potest, cui aut potest? Nōne ex quo homo incipit uiuere, iam potest & mori? Possibilitatē mortis inītiū uitæ facit. In hac terra & in genere humano ille solus mori nondū potest, qui nondū cœpit uiuere. Incertus ergo dies tanq̄ quotidianus sperandus est. Si aut tanq̄ quotidianus est incertus dies, cōponatur cū aduersario dum est tecū in uia. Via enim uocatur hac uita, per quam omnes transeunt, & non recedit iste aduersarius.

Matth. 5

Quis



**A** Quis autem est iste aduersarius? Aduersarius iste nō est diabolus: nam nunquā te hor- Cap. III  
 taretur scriptura ut cum diabolo cōcordares: Est ergo alius aduersarius, quē sibi homo facit  
 aduersariū: nam ille si aduersarius esset, tecum in uia non esset. At hic est tecum in uia, ut con-  
 cordet tecum: Scit enim, quia nisi in uia secum cōcordaueris, iam tradet te iudici, iudex autē  
 minister in carcerem. Eloquia ista euangelica sunt, recordantur nobiscū, uel qui le-  
 gerunt, uel qui audierūt. Ergo quis est aduersarius? Sermo dei. Sermo dei aduersarius tuus  
 est. Quare aduersarius tuus est? Quia cōtraria iubet quā tu facis. Dicit tibi, Vnus est deus Exod. 20  
 tuus, unū deum cole: Tu uis dimisso uno deo tuo tanquā legitimo uiro animā, fornicari per  
 multa dæmonia: & quod est grauius, non quasi aperte deserens & repudiās, sicut apostotæ  
 faciunt, sed tanquā manens in domo uiri tui admittis adulteros, id est, tanquā Christianus nō  
 dimittis ecclesiam, consulis mathematicos, aut haruspices, aut augures, aut maleficos, quasi  
 de uiri domo non recedens adultera anima, & manens in eius coniugio fornicaris. Dicitur  
 tibi, Ne accipias in uanum nomē dei tui. Ne existimes creaturam esse Christum, quia pro  
 te suscepit creaturam, & tu cōtemnis eum qui æqualis est patri, & unus cum patre. Dicitur ti-  
 bi ut spiritaliter obserues sabbatum, nō quomodo Iudæi obseruant sabbatū carnali ocio:  
 Vacare enim uolunt ad nugas atque luxurias suas. Melius enim faceret Iudæus in agro suo  
 aliquid utile, quā in theatro seditiosus existeret. Et melius fœminæ eorum die sabbati la-  
 nam facerent, quā tota die in Neomenijs suis impudice saltarent. Tibi autē dicitur ut ob-  
 serues spiritaliter sabbatum, in spe futuræ quietis, quā tibi promittit dominus. Quisquis  
 autem propter illā quietem futuram agit quicquid potest, quāuis laboriosum uideatur quod  
 agit, tamen si ad fidem promissæ quietis id refert, nondū quidē sabbatū habet in re, sed ha-  
 bet in spe. Tu autē ad hoc uis requiescere ut labores, cum ad hoc debeas laborare, ut requie-  
 scas. Dicitur tibi, Honora patrē tuum & matrē tuā: contumeliā irrogas parētibus, quā non  
 uis pati à filijs tuis. Dicitur tibi, Non occides: Tu autē occidere uis inimicū tuum. Et ideo for-  
 te non facis, quia times iudicem hominē, non quia cogitas deum: Ignoras quia ille testis est  
 cogitationum: Illo uiuo quē uis mori, te homicidam tenet in corde. Dicitur tibi, Non mœ-  
 chaberis, id est, non ibis ad aliquā aliam præter uxorem tuā: Tu autē exigis hoc ab uxore,  
 & nō uis reddere hoc uxori. Et cum debeas in uirtute præcedere uxorem, quoniā castitas uir-  
 tus est, & tu sub uno impetu libidinis cadis, & uis uxore tuā uictricem esse, tu uictus iaces.  
 Et cum tu caput sis uxoris tuæ, præcedet te ad deū, cuius caput es. Vis domū tuā capite deor- Eph. 5  
 sum pendere: Caput enim mulieris est uir. Vbi autē melius uiuit mulier quā uir, capite deor-  
 sum pendet domus. Si caput est uir, melius debet uiuere uir, & præcedere in omnibus bonis  
 factis uxorem suam, ut illa imitetur uirum & sequatur caput suū. Quomodo caput ecclesiæ  
 Christus est, & hoc iubet ecclesiæ ut sequatur caput suum, & ut per uestigia ambulet capitis  
 sui, sic uniuscuiusque domus habet caput uirum, & tanquā carnē fœminā. Quod caput ducit, illuc  
 debet sequi corpus. Quare ergo uult caput ire, quod nō uult ut corpus sequatur? Quare uult  
 ire uir quod nō uult ut sequatur uxor? Hæc iubēdo sermo dei aduersarius est sermo dei, quo  
 homines facere quod uult sermo dei. Et quid dicam? Quia aduersarius est sermo dei, quo  
 niam iubet. Timeo ne ego ipse aduersarius sim quibusdā, quia hæc loquor. Quid ad me per-  
 tinet? Fortem me faciat qui terret ut loquar, ut non timeam querelas hominū. Nam qui no-  
 lunt castitatē seruare uxoribus suis & abundant, tales nolunt me ista dicere. Sed uelint no-  
 lint, dicturus sum. Si enim uos nō exhortor ut cum aduersario cōcordetis, ego cum illo in li-  
 te remanebo. Qui uobis iubet ut faciatis, ipse nobis iubet ut loquamur. Si nō faciēdo quod  
 iubet ut faciatis, aduersarij eius estis: nō dicēdo quod iubet ut dicamus aduersarij eius rema-  
 nebimus. Cap. III  
 Nunquid in cæteris quæ supra dixi presumimus de fide catholica  
 presumimus de charitate uestra, quia unum deū colitis, hoc presumimus de fide catholica  
 quæ in uobis est, quia filiū dei æquale patri creditis, nec in uanū accipitis nomen dñi dei ue- Rom. 8  
 stri, ut putetis creaturam esse filium dei, Quoniā omnis creatura uanitati subiecta est. Sed  
 creditis eum æquale patri esse, deum de deo, uerbum apud deū, uerbum deum per quod fa-  
 Gg 3 cta

eta sunt omnia, lumen de lumine, coaeternum illi qui genuit, unū cum illo qui genuit: & hoc A  
 uerbum creditis assumpsisse creaturā de uirgine Maria, assumpsisse mortalitātē, & passum  
 fuisse pro nobis: ea legimus & credimus ut saluemur, nec in eo immoratus sum, ut quicqd fa-  
 citis, pro spe futura faciatis. Noui enim omnīū Christianorū mentes de futuro seculo cogi-  
 tare. Qui enim de futuro seculo non cogitat, nec propterea Christianus est, ut id quod in fi-  
 ne deus promittit accipiat, nōdum Christianus est. Neq; in eo immoratus sum, ubi dicit ser-  
 mo dei: *Exod. 20* Honora patrē tuū & matrē tuam. Multi enim honorāt parētes, & raro inuenimus  
 parentes cōquerentes de improbitate filiorū, q̄uis nō desint: sed tamē q̄ raro fit, tam bre-  
 uiter monendū fuit. Neq; in eo ubi dictū est: Nō occides, immorari uolui, non enim credo  
 hic turbam esse homicidarū. Illud uero malū late serpens plus occupauit, & in eo uehemen-  
 tius iritatur aduersarius ille, qui ideo clamat, ut sit aliquādo amicus. Querelae quotidianae  
 sunt, q̄q̄ ipsae scēminae nec iam audent conqueri de uiris suis. Ita inuadens omnia consuetu-  
 do, p lege obseruatur, ut iam & mulieribus forte persuasum sit, licere hoc uiris, nō licere mu-  
 lieribus. Solent enim audire adductas esse mulieres ad forum quae forte cum seruis inuen-  
 tae sunt: adductū uirum ad forū, quia inuentus est cū ancilla sua, nunquā audierūt: cum sit  
 par peccatum. In peccato pari innocentiorē facit uideri uirum, nō diuina ueritas, sed huma-  
 na peruersitas. Et si forte hodie acriorē quisq; passus fuerit uxore suā, & liberius murmuran-  
 tem, cui iam uidebatur quia licebat uiro, & audiuit in ecclesia, quia nō licet uiro. Si ergo pas-  
 sus fuerit uxorem suā liberius iam ut dixi murmurātem & dicentē sibi: non licet quod facis,  
 simul audiuius, Christiani sumus, quod à me exiges, redde mihi: Fidem tibi debeo, fidem  
 mihi debes, fidem Christo ambo debemus: & si me fallis, eū nō fallis cuius sumus, nō fallis  
 eum qui nos emit. Hac atq; huiusmodi audiens ille quae nō solet, dum non uult in se fieri sa-  
 nus, in me fit insanus, irascitur, maledicit, fortassis etiā dicit: quomodo factum est ut huc ille  
 ueniret, aut uxor mea ipso die in ecclesiā procederet? Et hoc credo q; in cogitatione sua di-  
 cat: nam libere erumpere in uocē nō audet, nec ante solam uxorem suā. Fortassis enim si sic B  
 eruperit & hoc dixerit, potest illa respondere & dicere: Quare maledicis, cui pauloante accla-  
 mabas? Certe cōiuges sumus, cū lingua tua discordas mecum, concorditer quomodo uiue-  
 re poteris? Nos fratres pericula uestra intuemur, non uoluntates uestras attendimus: nam  
 & medicus si uoluntatē aegri attendat, nunquā illum curat. Quod nō est faciendum, nō fiat,  
 quod prohibet deus, nō fiat. Qui deo credit, ab ipso audit quod dicimus. Certe melius erat  
 quibusdā nolentibus corrigi, ut uel huc non ueniremus, si ista dicturi eramus, uel quia iam  
 uenimus nō ea dicerem? Nudiustertiano die memini me dixisse sanctitati uestrae, quia si ci-  
 tharcedi essemus, aut huiusmodi aliqd populariter exhibētes p studijs nugacitatis uestrae,  
 quae iā quāsumus ut relinquatis, tenuissetis nos ut daremus uobis diē, & quisquis p modu-  
 lo suo conferret nobis mercedē. Quare ambularemus delectati uanis canticis, nulli rei pro-  
 futuris, ad tempus dulcibus, in posterū amaris. Talibus etenim turpitudinibus cantionum  
 animi humani illecti eneruantur & decidūt à uirtute, defluentes in turpitudinē, & propter  
 ipsas turpitudines postea sentiunt dolores, & cū magna amaritudine digerūt quod cū dul-  
 cedine tēporali biberūt. Melius ergo nos amara uobis cantamus ad tēpus, quae postea dul-  
 cescent in uobis: nec mercedem aliquā exigimus, nisi ut faciatis quae dicimus: imō nō facia-  
 tis, si dicimus nos. Si aut omib; ille dicit qui neminē timet, & per quē fit in nomine ipsius,  
 & in gloria misericordiae ipsius, ut & nos neminem timeamus, omnes audiuius, omnes fa-  
 ciamus, omnes cum nostro aduersario concordemus. Putate me citharcedum esse, quid uo-  
 bis possum amplius canere? Ecce psalterium fero, decem chordas habet, hoc uos pauloante  
 cantastis antequam inciperem loqui, chorus meus uos fuitis.

cap. v

Nōne uos pauloante cantastis: Deus canticū nouū cantabo tibi, in psalterio decem  
 chordarū psallam tibi: Ipsas autem decem chordas modo percutio. Quare amara est uox  
 psalterij dei: Psallam tibi in psalterio decem chordarū. Non uobis hoc canto quod uos nō  
 faciatis. Decalogus enim legis decem praecepta habet, quae decem praecepta sunt sic distribu-  
 ta, ut



ta, ut tria pertineant ad deum, septem pertineant ad homines. Tria ad deum, quæ iam dixi, Vnus est deus noster, ei nullā similitudinē debemus facere, & nō fornicari post deū, q̄ unus est, qui deus, & Christus filius dei unū est cū patre. Et ideo nō debet à nobis accipi in uanū, ut putemus eū factū, id est, creaturā aliquā, per quē facta sunt omnia, quia ipse unus deus pater & filius & spiritus sanctus. In spiritu sancto, hoc est, in domo dei, requies nobis sempiterna promittitur: Inde modo pignus accepimus. Sic enim dicit Apostolus, Qui dedit nobis pignus spiritum. Si pignus accipimus ut incipiamus in dño & in deo nostro esse tranquilli, ut simus in deo nostro mites, simus in deo patiētes, erimus etiam in illo unde pignus accepimus, in æternū quieti, quod erit sabbatū sabbatorū propter ipsam requiem pertinentem ad donū spiritus sancti. Tertiū itaq; præceptū de sabbato, quod diximus, quod carnaliter Iudæi celebrant, nos spiritualiter agnoscamus. Nam quia spiritus sanctus septiformis dicitur, propterea septimum diem sanctificauit deus quādo fecit omnia opera sua, sicut in Genesi scriptum legimus, non ibi habes nominatam sanctificationē, nisi illo die ubi dicitur: Requieuit deus ab omnibus operibus suis. Nō enim fatigatus erat deus ut diceretur, requieuit deus ab omnibus operibus suis, sed in illo uerbo tibi laborātī requiem promisit: ut quia fecit omnia bona ualde, & sic dicitur, requieuit deus, intelligas etiā te post bona opera requieturū, & sine fine requieturum. Nam omnia superiora quæ dicta sunt, id est dies superiores, & sine fine requieturum. Nam omnia superiora quæ dicta sunt, id est dies superiores, habent uesperam, septimus iste dies non habet uesperam, ubi deus sanctificauit requiē. Dicitur ibi, Factum est mane, ut inciperet ipse dies: non dictum est, factum est uespere ut finitur dies, sed dictum est: Factū est mane, ut fieret dies sine fine. Sic incipit ergo requies nostra quasi mane, sed nō finitur, quia in æternum uiuimus. Ad hanc spem quicquid facimus, si facimus, sabbatum obseruamus. Ipsa tertia chorda huius decalogi, id est, psalterij decalogi, in tribus enim chordis ad deum pertinent præcepta.

Si diceretur nobis, Diliges dominū deum tuū ex toto corde tuo, & ex tota anima tua, & ex tota mente tua, & de proximo nostro nihil diceretur, nō esset decachordū, sed trichordum. Quia uero addidit dñs, Et diliges proximū tuū tanq̄ teipsum, & cōtexuit dicens: In his duobus mādatis tota lex pendet & pphetæ. Tota lex in duobus præceptis est, dilectione dei, & dilectione proximi. Ad duo itaq; præcepta, id est, ad dilectionē dei & proximi pertinet decalogus. Ad primū præceptū tres chordæ pertinet, quia deus trinitas. Ad alterū uero præceptū, id est, ad dilectionē proximi, septē chordæ, quomodo uiuatur inter homines. Nam ipse nūerus septenarius tanq̄ septē chordarū incipit ab honore parentū, Honora patrem tuū & matrem tuā. Ad parentes em̄ suos homo aperit oculos, & hæc uita ab eorū amicitia sumit exordiū. Quisquis aut̄ suis parentibus nō defert honorem, quibus parcere potest: Et dicit Apl̄s, Honora patrem tuū & matrem tuā, hoc est primū mandatum. Quomodo primum, quādo quartū mandatum est, nisi quia in septenario numero est primum: Ad dilectionem proximi primū est in secunda tabula: nam ideo duæ tabulæ legis datæ sunt: Deus enim famulo suo Moȳsi in monte duas tabulas dedit, in quibus duabus tabulis lapideis conscripta erant decem præcepta legis, quod est psalterium decem chordarum. Tria in una tabula ad deum pertinentia, septem in altera tabula ad proximum. In altera ergo tabula primum est: Honora patrem tuum & matrem tuam. Secundum, Non mœchaberis. Tertiū, non occides. Quartum, non furaberis. Quintū, non falsum testimoniū dices. Sextū, non concupisces uxorem proximi tui. Septimum, non concupisces rem proximi tui. Hæc iungamus illis tribus ad dilectionem dei pertinentibus, si in psalterio decem chordarum uolumus cantare canticum nouum.

Audiat enim charitas uestra ut dicam uel quod deus suggererit. Accepit legem populus Iudæorū: Ista in decalago non obseruauit: Et quicunq; obtemperabant, timore obtemperabant pœnæ, nō amore iusticiæ: portabant psalterium, nō cantabāt. Cantanti enim uoluptas, timentī onus est. Ideo uetus homo, aut non facit, aut timore facit, non amore sanctitatis, nō delectatione castitatis, tēperantiæ, charitatis, sed timore. Vetus enim homo est, & uetus homo uetus canticū cantare potest, nō nouū. Vt

autē cantet canticum nouum, sit nouus homo. Quomodo autē possit esse nouus homo, autē  
 Eph. 4 di nō me sed Apostolū dicentē, Exuite uos ueterem hominē & induite nouū. Et ne quis pu-  
 taret, cum dixit: Exuite uos ueterem hominē & induite nouum, aliquid deponēdum esse, &  
 aliquid accipiendū, cū de mutando prāciperet homine, subiecit & ait: Quapropter deponen-  
 tes mēdaciū, loquimini ueritatē. Hoc est quod ait, Exuite ueterē hominē & induite nouū,  
 hoc dixit, mutate mores: seculū diligebatis, deū diligite. Nugatoria iniquitatis, temporales  
 uoluptates diligebatis, proximū diligite. Si dilectione facitis, nouum canticum cantatis. Si  
 timore facitis, facitis tamen, portatis quidē psalteriū, sed nōdum cantatis. Si autem nec facia-  
 tis, proijcitis ipsū psalterium. Melius est tamen portare q̄ proijcere. Sed rursus melius est  
 cum uoluptate cantare, q̄ cum onere portare. Nec peruenit ad canticum nouum, nisi iam cū  
 uoluptate cantans. Nam qui portat cum timore, adhuc in uetustate est. Et quid est fratres  
 quod dico, attendite. Non concordauit cum aduersario suo, qui cum timore adhuc facit: Ti-  
 met enim ne ueniat deus & damnet illum. Nam nondum delectat castitas, nondum illum  
 delectat iusticia, sed iudicium dei formidans à factis temperat: nondū concupiscentiā ipsam  
 damnat quā sēuit in eo: nondū illum delectat quod bonū est: nondū ibi habet suauitatē  
 ut cantet canticū nouū, sed de uetustate pēnas timet: nondū concordauit cum aduersario.

Cap. VIII

Tales enim homines plerūq; supplantantur tali cogitatione, ut dicant sibi: si fieri pos-  
 set, non nobis minaretur deus, non talia per prophetas suos diceret quā homines deterrēt,  
 sed anteq̄ ueniret, daret omnibus indulgentiam, ignosceret omnibus, postea ueniret, nemi-  
 nem mitteret in gehennam. Iam quia iniquus est, iniquum uult esse deum. Vult te deus fa-  
 cere similem sui, & tu conaris deum facere similem tui. Placeat tibi ergo deus qualis est, non  
 qualē illum esse uis. Peruersus em̄ es, & talem uis esse deū qualis es, nō qualis est. Si autē pla-  
 ceat tibi qualis est, corrigeris, & diriges in eam regulā cor tuū, à qua nunc alienus distortus  
 es. Placeat tibi deus qualis est, ama qualis est: nō te ipse amat qualis es, sed odit te qualis es.  
 Ideo tui miseretur, quia odit te qualis es, ut faciat te qualis nondum es. Faciat te dixi qualis  
 nondum es: nam illud tibi non promittit, quia faciet te qualis es. Nam eris qualis est, sed ad  
 quēdam modum, id est, imitator dei uelut imago, sed non qualis imago est filius: nam etiā  
 imagines in hominibus diuersæ sunt: Filius hominis habet imaginem patris sui, & hoc est  
 quod pater eius, quia homo est sicut pater eius. In speculo autē imago tua nō hoc est quod  
 tu: aliter est enim imago tua in filio, aliter in speculo. In filio est imago tua secundū æquali-  
 tatem substantiæ, in speculo autē q̄ longe est à substantia, & tamē est quādā imago tua, q̄  
 uis nō talis, qualis in filio tuo secundū substantiā: sic in creatura nō hoc est imago dei quod  
 est in filio, qui hoc est quod pater, id est, uerbū dei per quod facta sunt om̄ia. Recipe ergo si-  
 militudinē dei quā p̄ mala facta amisisti. Sicut em̄ imago in nūmo imperatoris aliter est, &  
 aliter in filio: nā imago & imago est, sed aliter impressa est in nūmo, aliter in filio, aliter in so-  
 lido aureo imago imperatoris. Sic & tu nūmus dei es, ex hoc melior, quia cū intellectu & cū  
 quādā uita nūmus dei es, ut scias etiā cuius imaginē geras, & ad cuius imaginē factus sis: nā  
 nūmus nescit se habere imaginē imperatoris. Ergo ut dicere cōeperam, odit te deus qualis  
 es, sed amat te talem qualē te esse uult, & ideo ille te ut muteris hortatur. Cōcorda cū illo, &  
 incipe primo bene uelle, & odisse te qualis es: hoc sit tibi initiū concordiae cum sermone dei,  
 ut incipias primo tu odisse te qualis es. Cū cōperis & tu odisse te talē qualis es, sicut te talē  
 odit deus, incipis iam ipsum diligere deū qualis est. Agrū attēdite. Ager agrotantē se odit  
 qualis est, inde incipit cōcordare cū medico, quia & medicus odit eū qualis est. Nā ideo uult  
 sanū esse, q̄ odit eū febrientē, & est medicus febris p̄secutor, ut sit hominis liberator. Sic a-  
 uaricia, sic libido, sic odium, cōcupiscentia, luxuria, sic nugacitas spectaculorū, febres sunt ani-  
 mæ tuæ, debes illas odisse cum medico tuo: ita concordas cum medico, niteris cum medico,  
 & libenter audis quod iubet medicus, libenter facis quod iubet medicus, & proficiente iam  
 sanitate incipiūt etiā iā delectare prācepta. Quā onerosus est cibus agris q̄n reficiunt, &  
 peiorē horā reputant agrī refectionis suæ q̄ suæ accessionis, & tñ cogūt se concordantes cū  
 medico



Cum medico, & quis inuiti & oblectantes uincunt se ut aliquid accipiant: quanta auiditate sani maiora percepturi sunt, unde aegri minora uix accipiunt. Sed unde hoc factum est? Quia oderant febrem suam & cum medico concordauerunt, & simul persequeretur febrem medicus & aegrotus. Cum ergo & nos talia dicimus, non odimus nisi febres uestras, imò in nobis ipsis sermo dei febres nostras odit, cum quo concordare debetis. Nam nos quid sumus nisi liberandi uobiscum, sanandi uobiscum? Modo non me intueamini, sed sermonem dei. Nolite irasci me: dicameto uestro, non inueni enim aliud quam transirem.

Veni ad quintam chordam cap. ix

homo: qui tango psalterium decem chordarum, nunquid praetermissurus eram quintam? Imò asidue percussurus. In illa enim uideo iacere penè totum genus humanum, in illa uideo plus laborare. Ipsam percutiendo quid dico? Nolite moechari post uxores uestras, quia non uultis ut moechentur post uos uxores uestrae. Nolite ire uos quod eas sequi non uultis. Sine cautela uos excusari conamini, quando dicitis, Nunquid eo ad uxorem alienam? ad ancillam meam eo. Vis ut dicat uxor tua tibi: nunquid eo ad uirum alienum? ad seruum meum eo. Dicit, non est uxor aliena ad quam uado. Nunquid uis dicatur tibi, non est uir alienus ad quem uado? Absit ut dicat hoc illa. Melius enim dolet te quam imitetur te. Illa enim casta & sancta foedum & uere Christiana, quae dolet fornicantem uirum, & non dolet propter carnem, sed propter minam & uere Christianam, quae dolet fornicantem uirum, & non dolet propter carnem, sed propter charitatem, non ideo uult ut non facias, quia & ipsa non facit, sed quia tibi non expedit. Nam si propterea non facit ut tu non facias, si feceris, faciet. Si autem deo illud debeat, si Christo illud debeat quod tu exigis, & ideo reddit, quia iubet iste, & si fornicatur uir, castitatem foemina illa deo exhibet. Christus enim loquitur in cordibus bonarum foeminarum, loquitur intus ubi non audit uir, quia nec dignus est, si talis est. Loquitur ergo ille interior & dicit, & filiam suam consolatur huiusmodi uerbis: De iniurijs uiri tui torqueris, quod tibi enim fecit, dole, sed ipsum noli imitari ut male facias, sed ipse te imitetur in bono. Nam in eo quod male facit, noli eum putare caput tuum, sed time me deum tuum. Nam & si in eo quod male facit caput est, & securum est corpus caput suum, eunt ambo per praepceptum. Ut autem non sequatur malum caput suum, teneat se ad caput ecclesiae Christum, huic debens castitatem suam, huic deferens honorem suum: absens sit uir, praesens sit uir, non peccet illa, quia nunquam est absens cui debet ut non peccet. Haec ergo fratres mei facite, ut possitis concordare cum aduersario: nec amara sunt quae dico, aut si amara sunt, curant. Potio ista si amara est, accipiat: quia in periculo sunt uiscera, amara bibatur. Melius est modica amaritudo in faucibus, quam aeternum tormentum in uisceribus. Mutate ergo uos: Quicumque non faciebatis hoc bonum castitatis, iam facite. Nolite dicere, non potest fieri. Foedum est fratres mei, turpe est, ut uir dicat, non posse fieri quod facit foemina. Scelus est ut uir dicat, non possum. Quod potest foemina, uir non potest? Quid enim illa, carnem non portat? Prior a serpente decepta est. Castae uxores uestrae ostendunt uobis, fieri posse quod non uultis facere, & dicitis fieri non posse. Sed forte dices, ideo illam facilius facere possumus, quia multa illi custodia est, legis praepceptum, diligentia maritalis, terror etiam legum publicarum, est etiam uerecundia & pudoris illius magnum munimentum. Multae custodiae faciunt foeminam castam, uirum castum faciat ipsa uirilitas. Nam ideo mulieri maior custodia, quia maior infirmitas. Illa erubescit uiro, tu non erubescis Christo. Tu liberior, quia fortior, quia facile uincis, ideo tibi commissus es. Super illam & diligentia uiri, & terror legum, & consuetudo morum, & uerecundia maior, & deus super te tantum deus. Inuenis enim facile pares uiros quibus non timeas erubescere, quia faciunt id multi. Et tanta est peruersitas generis humani, ut aliquando metuendum sit ne castus erubescat inter impudicos. Ideo non cesso tangere istam quintam chordam propter ipsam peruersam consuetudinem & labem totius ut dixi generis humani. Si quis inter uos faciat homicidium, quod auertat deus, pelleret eum uultis de patris humani. Si quis faciat furtum, odistis illum, nec uidere uultis. Si quis concupiscat, quis dicat falsum testimonium, abominamini, nec uobis homo uidetur. Si quis uoluitur cum ancillis suis, amatur, blande accipitur, conuertuntur uulnera in ioca. Si quis autem existat qui dicat se castum, non facere

adulterium, notum autē sit q̄ non faciat, erubescit accedere ad illos non sui similes, ne insultent, ne irrideant, ne dicant non esse uirum. Ad hoc delapsa est humana peruersitas, ut uir habeatur à libidine uictus, & uir non habeatur uictor libidinis. Triumphantes exultant, & nō sunt uiri, iacent prostrati & uiri sunt. Si spectares, ille tibi uideretur fortior qui iam iaceret sub bestia, quā qui perimeret bestiam. Sed quia dissimulatis à pugna interiore, & delectant uos pugnae exteriores, ideo non uultis pertinere ad canticum nouum, ubi dicitur, *psal. 17* Qui docet manus meas ad praelium, & digitos meos ad bellum. Est enim bellum quod secum agit homo dimicans contra concupiscentias malas, frenans auariciam, elidens superbiam, suffocans ambitionem, trucidans libidinem. Has pugnas facis in occulto, & non uincis in aperto. Ad hoc docentur manus uestrae ad praelium, & digiti uestri ad bellum. Non est hoc in spectaculis uestris. In illis spectaculis non idē est uenator quod citharista: aliud agit uenator, aliud citharista. In spectaculo dei unum est. Tange easdem decem chordas, & feras occides, utrūq; simul facis. Tangis primam chordam qua colitur unus deus, cecidit bestia superstitionis. Tangis secundam, qua non accipis nomen dei tui in uanum, cecidit bestia erroris nefandarum haesum quae id putauerunt. Tangis tertiam chordam, ubi pro spe futurae quietis facis quicquid facis, interficitur crudelior ceteris bestiis, amor seculi huius. Propter enim amorem seculi huius laborant homines in omnibus negociis: Tu autem in omnibus bonis operibus tuis labora, non propter amorem seculi huius, sed propter requiem sempiternam quam promittit deus. Vide quomodo utrūq; simul facis, & chordas tangis, & bestias occidis, id est, & citharista es & uenator. Non nos delectant talia spectacula ubi non promeremur oculos auditoris, sed oculos redēptoris. Honora patrē tuū & matrem tuā, tangis quartam chordam, ut honorem parentibus deferas, cecidit bestia impietatis. Non moechaberis, tangis quintam chordam, cecidit bestia libidinis. Non occides, tangis sextam chordam, cecidit bestia crudelitatis. Non furtum facies, tangis septimam chordam, cecidit bestia rapacitatis. Non falsum testimonium dices, tangis octauam chordam, cecidit bestia falsitatis. Non concupisces uxorem proximi tui, tangis nonam chordam, cecidit bestia adulterinae cogitationis. Aliud enim est non facere aliquid tale prater uxorem, aliud nō appetere alienam uxorem. Ideo duo praecepta sunt, non moechaberis, & non concupisces uxorem proximi tui. Non concupisces rem proximi tui, tangis decimam chordam, cecidit bestia cupiditatis. Ita cadentibus omnibus bestiis, securus & innocens in dei dilectione & humana societate uersaris, tangens chordas decem quot bestias occidis. Nam multa capita sunt sub istis capitibus. In singulis chordis non singulas bestias, sed greges interficis bestiarum. Sic ergo canticum nouum cum amore, non cum timore cantabis.

Cap. X

Exod. 20

Tobie. 4

Noli dicere tibi, quādo forte aliquid luxurianter uis agere, uxore nō habeo, facere possum quod uolo, non enim post uxorem meam pecco. Iam nosti preciū tuum, iam nosti quod accedis, quid manduces, quid bibas, imō quem manduces, quē bibas. Abstine te à fornicationibus. Ne forte mihi dicas, ad fornicem uado, ad meretricem pergo, ad prostitutam eo, nec illud praeceptum uiolo quo dictum est, non moechaberis, quia uxorem nōdum habeo, nec post illam aliquid facio: nec illud praeceptum uiolo ubi dictum est, non concupisces uxorem proximi tui. Qui ad publicam uado, in quod praeceptū incurro? Non inuenimus chordam quam tangamus, non inuenimus chordam, quo neruo ligemus fugitiuum istum? Nō fugiat, habet unde ligetur, sed amet te. Non enim ligamentum, sed ornamentum in ipsis decem chordis inuenimus. Decem enim praecepta ad duo illa referunt, sicuti audiuius, ut diligamus deū & proximū, & duo illa ad unū illud: Vnū est autē: Quod tibi fieri nō uis, alij ne feceris: Ibi cōtinētur decē, ibi cōtinētur duo. Sed dicis, furtum si faciam, id facio quod pati nolo. Si occidam, id facio quod ab altero pati nolo. Si parētib; meis honorē nō deferam quādo uolo ut deferatur mihi à filiis meis, id facio quod pati nolo. Si sim moechus & aliqd tale moliar, id facio quod pati nolo. Nam si qs interroget dicit, nolo ut uxor mea tale aliqd faciat. Si concupisco uxore proximi mei, nolo q̄scq; concupiscat meā, id facio quod pati nolo.

Si con-



c Si concupisco rem proximi mei, nolo ut auferatur mea, id facio quod pati nolo. Cum uero ad meretricem eo, cui facio quod pati nolo: quod grauius est ipsi deo. Intelligat sanctitas uestra: Etenim quod fieri tibi non uis, alij ne feceris, ad duo praecepta pertinet: quomodo *Tobie. 4.* pertinet ad duo praecepta, si homini non feceris quod pati non uis ab homine. Ad proximi praeceptum pertinet, ad dilectionem proximi, ad septem chordas. Si autem quod non uis pati ab homine, ipsi deo uis facere, quid est hoc, non facis alteri quod pati non uis: Charior factus est tibi homo quam deus: Ergo quomodo facio, inquis, ipsi deo: Corruptis te ipsum. Et unde iniuriam facio deo, quia corrumpto meipsum: Vnde tibi facit iniuriam qui uoluerit forte lapidare tuam tabulam pictam, in qua tabula imago tua est in domo tua inaniter posita ad uanum honorem tuum, nec sentiens, nec loquens, nec uidens: Si quis illam lapidet, nonne in te facit contumeliam: Cum uero imaginem dei, quod es tu, corumpis in te per fornicationes & per diffluentias libidinis, attendis quia ad nullius uxorem accessisti, attendis quia post uxorem tuam nihil fecisti, quia uxorem non habes: & non attendis per libidines illicitas fornicationes, cuius imaginem uiolasti. Postremo deus qui scit quid tibi utile sit, qui uere sic suos seruos gubernat ad utilitatem illorum, non ad suam: non enim indiget seruis quasi ad adiutorium, sed tu indiges domini auxilio. Ipse ergo dominus qui scit quid tibi sit utile, uxorem concessit, nihil amplius. Hoc iussit, hoc praecepit, ne per illicitas uoluptates corrumpat templum eius quod esse coepisti. Nunquid hoc ego dico: Apostolum audite, Nescitis *1. Corin. 5.* quia templum dei estis, & spiritus dei habitat in uobis: Si quis templum dei corruperit, corrumpet illum deus. Videtis quomodo minatur: Non uis corrumpi domum tuam, quare corrumpis domum dei: Certe non facis alicui quod pati non uis. Non est ergo quae euadatur. Tenetur ille qui se teneri non putabat. Omnia enim peccata hominum, aut ad corruptelam pertinent flagitiorum, aut ad facinora nocendi. Quia deo nocere non potes in facinoribus, in flagitijs eum offendis, in corruptelis illum offendis, in te illi facis iniuriam. Facis enim *D.* iniuriam gratiae ipsius, domui ipsius. Seruum si haberes, uelles ut seruiret tibi seruus tuus. Serui tu meliori domino deo. Seruum tuum non tu fecisti, & te & seruum tuum ille fecit. Vis ut tibi seruiat cum quo factus es, & non uis seruire ei a quo factus es. Ergo cum uis ut seruiat tibi seruus tuus homo, & tu non uis seruire domino deo, facis deo quod tu pati non uis. Ergo illud unum praeceptum continet duo, illa duo continent decem, illa decem continent omnia. Cantate ergo in psalterio decem chordarum canticum nouum. Ut autem cantetis canticum nouum, estote homines noui. Diligite iusticiam, quia habet pulchritudinem suam. Ideo non uultis illam uidere, quia aliud amatis. Nam si aliud non amaretis, eam utique uideretis. Quare illam uidetis, quando illam exigitis: Illam exigitis, quare laudas fidem, quando illam exigitis de seruo tuo: Quam pulchra res est fides, sed tunc pulchra est, quando de seruo exigitur: tunc uidetur: quando ab altero expetitur, quando de te exigitur non uidetur. Aurum uidetur, fidem non uidetur. Sicut quod lucet aurum ad oculos corporis, sic lucet fides ad oculos cordis. Aperis ad illam oculos cordis, quando uis ut exhibeat illam tibi seruus tuus. Si tibi illam exhibuerit, laudas seruum tuum, & praedicas eum & dicis: Praeclarum seruum habeo, magnum seruum habeo, fidelem seruum habeo. Quod laudas in seruo, non exhibes domino: & eo sceleratius, quia uis ut meliorem tu habeas seruum quam te deus. Iubet deus seruo tuo ut bonus sit erga te: quomodo iubet uxori tuae, ut & si tu mœchaberis non mœchetur, sic iubet seruo tuo ut & si tu non seruis deo, seruiat tibi. Sed hoc totum uide, ut ad monitionem tuam ualeat, non ad perniciem tuam. Etenim seruus ille quod tibi seruit indigno digne, id est, quod indigno tibi bene seruit, & fideliter seruit, & pure te diligit, deo debet non tibi. Iustum est ergo ut tu attendas, quia sub domino es ad quem & ille attendit, ut seruiat tibi. Imple ergo quod dictum est: Quod tibi fieri non uis, alij ne feceris. Sed ipsum alij cum dicis, utrumque attende, & proximum & deum. Canta in psalterio decem chordarum, canta canticum nouum, concorda cum sermone dei, cum est tecum in uia. Concorda *Matth. 5.* cum aduersario tuo cito, ne cum discordia uenias ante iudicem. Si facis quod audis, concorda si cum eo: si autem non facis, rixaris cum eo, & nondum composuisti quousque facias.

Vt autem

Cap. XI

Vt autem concordetis, abstinete uos à detestabilibus corruptelis, & à detestabilibus inquisitionibus, à mathematicis, ab haruspicibus, à sortilegis, ab auguribus, à sacrilegis: abstinete uos quantum potestis à nugatorijs spectaculis. Si quæ delectationes seculi subrepunt in anima, exercete uos in misericordia, exercete uos in eleemosynis, in ieiunijs, in orationibus. His enim purgantur quotidiana peccata, quæ non possunt nisi surrepere in animam, propter fragilitatem humanam. Noli illa contemnere, quia minora sunt, sed time quia plura sunt. Attendite fratres mei, minuta sunt, non sunt magna. Non est bestia quasi leo, ut uno morsu guttur frangat, sed bestia plerumque minuta multæ necant. Si projiciatur quisque in locum pulicibus plenum, nunquid non moritur ibi? Non sunt quidem maiores, sed infirma est natura humana, quæ etiã minutissimis bestiis interimi potest. Sic & modica peccata attendite, quia modica sunt, & cauete, quia plura sunt. Quàm minutissima sunt grana arenæ, si arenæ amplius in nauis mittat, mergit illam ut pereat. Quàm minutæ sunt guttæ pluuiæ, nonne flumina implent, & domos dericiunt? Ergo ista nolite cõtemnere. Sed dicturi estis: & quis potest sine istis? Ne hoc dices quæ habere nemo potest, deus misericors uidens nostram fragilitatem, posuit contra remedia. Quæ sunt remedia? Eleemosynarum, ieiuniorum, & orationum, ipsa sunt tria. Vt autem uerum dicas in oratione, perfectæ implendæ sunt eleemosynæ. Quæ sunt perfectæ eleemosynæ? Vt ex quo tibi abundat, des ei qui nõ habet, & cū te lædit aliquis, ignoscas illi. Sed ne putetis fratres, quia faciēda sunt quotidie adulteria, & eleemosynis quotidianis mundanda sunt: ad illa scelera maiora non sufficiunt quotidianæ eleemosynæ ut ea mundent. Aliud est ubi mutes uitam, aliud est ubi toleres uitam. Illa mutanda est: Si mœchus eras, noli esse mœchus. Si fornicator eras, noli fornicari. Si homicida, noli homicida esse. Si ibas ad mathematicum, & ad cæteras pestes sacrilegas, iam desine. Arbitraris hæc, nisi fieri desinant, quotidianis eleemosynis posse mundari? Illa dico quotidiana peccata, quæ aut per linguam facile cõmittuntur, ut est uerbum durum, aut cum labitur aliquis in risum immoderatum, aut in huiusmodi nugas quotidianas. In ipsis concessis peccata sunt: Cum ipsa uxore si exceditur concubendi modus procreandis liberis debitus, iam peccatum est. Ad hoc enim ducitur uxor, id etiam tabulæ indicat, ubi scribitur liberorū procreandorū causa: quando tu uti uxore amplius quæ necessitas procreandorū liberorū cogit, uolueris, iam peccatū est: & ipsa talia peccata quotidianæ eleemosynæ mundant. In ipsis alimentis, quæ utique concessa sunt, si forte excedis modū, & amplius accipis quæ necesse est, peccas. Quotidiana sunt ista quæ dico, sed tamen peccata sunt, & non leuia, quia plura. Quia uero quotidiana & plurima, timenda est ruina multitudinis, & si nõ magnitudinis. Talia peccata dimittimus fratres quotidianis eleemosynis posse mundari. Sed facite eleemosynas, & nolite cessare. Attendite uitam uestram quotidianam ipsis peccatis scaturientem, minutis ipsis dico.

Cap. XII

Et cum facis eleemosynam, non superbe facias, nec sic ores quemadmodum ille phariseus. Sed tamen quid ibi dixit? Ieiuno bis in sabbato, decimas do omnium quæcunque posideo, & nondum fusus erat sanguis dñi. Tantū pro nobis precium accepimus, & saltem nec tantum erogamus, quantum phariseus. Et habes alio loco aperte dicentem dñm: Nisi abundauerit iusticia uestra plus quæ scribarum & phariseorum, non intrabitis in regnum cœlorū. Ergo illi dant decimas, tu si centesimam dederis, aliquid magnum te fecisse gloriaris. Attendis enim quid alius non faciat, non quid te iubeat facere deus. Metiris te de comparatione peioris, nõ de iussione melioris. Non quia ille nihil facit, ideo tu magnum aliquid facis, sed quia gaudetur ad quædam minima opera uestra, quia tanta est sterilitas uestra ut ad modica gaudeatur. Quasi securi uobis blandimini de minimis eleemosynarum granis, & aceruos obliuiscimini peccatorum. Protulisti forte nescio quid paruum, quod alius aut non habuit, aut non protulit cum haberet. Noli attendere post te quis non faciat, sed quid te iubeat deus facere. Postremo, quare in istis affectiõibus secularibus nõ uobis sufficiunt quos præcessistis? Sed uultis esse diuites, æquales ditioribus uobis. Non attenditis quantos pau-

Luc. 18

Matth. 5

peri-



A periores transcenditis: Vincerere uultis ditiores: Sed in eleemosynis habetur modus. Hic dicitur, Iam quousq; facio: & illic nō dicitur, quantis diuitibus ditior sum: Non attendūtur egestates innumerabilium mendicorum, non respiciuntur posteriores multitudines pauperum, sed paucitas præcedentium diuitum ante oculos ponitur. Cur in opere bono nō attenditur ille Zachæus, qui dimidium rerū suarum dedit pauperibus: Sed optare cogimur, ut attendatur saltem ille pharisæus, qui omnium quæ possidebat decimas dabat. Noli parcere thesauris caducis, thesauris uanis. Noli sub imagine pietatis augere pecuniā. Filijs, inquis, meis seruo. Magna excusatio, filijs meis seruo. Videamus: seruat tibi pater tuus, seruas tu filijs tuis, filij tui filijs suis, & sic per omnes, & nullus facturus est præcepta dei. Quare non illi potius impendis omnia qui te fecit ex nihilo: Qui te fecit, ipse te pascit, ex his quæ fecit ipse pascit & filios tuos. Neq; enim melius cōmittis filio tuo patrimoniū tuū q̃ creatori tuo. Et mentiuntur quidē homines, mala est auaricia. Palliare se uolunt nomine pietatis & dealbare, ut quasi propter filios uideantur seruare homines quod propter auariciā seruāt. Nā ut noueritis, quia sic plærūq; cōtingit, dicit de quodam, Quare nō facit eleemosynam: quia seruat filijs suis. Cōtingit ut amittat unū. Si propter filios seruabat, mittat post illum partem suā. Quare illam tenet in sacculo, & illum relinquit ab animo: Redde illi quod suum est, redde quod illi seruabas. Mortuus est, inquit, sed præcessit ad deum, pars ipsius debetur pauperibus. Illi debetur ad quē perrexit, Christo debetur, ad ipsum enim perrexit. Et ille dixit. Qui *Matth. 25* uni ex minimis istis fecit, mihi fecit, Et qui uni ex minimis istis non fecit, mihi non fecit. Sed quid dicis: Seruo fratribus ipsius. Si uiueret ille, non erat cum suis fratribus diuisurus: O si des mortua, mortuus est enim filius tuus. Quicquid dicas, mortuo debes quod uiuo seruabas. Mortuus est filius meus, sed tamē partem filij mei seruo fratribus ipsius. Si credis quia mortuus est, si pro illo Christus mortuus non est, mortuus est ipse: si autem in te fides est, uiuit filius tuus. Viuit prorsus, non decessit, sed præcessit. Qua fronte uenturus es ad filium tuum qui præcessit, cui præcedenti non mittis partem suam in cœlum: An non potest mitti *Matth. 6* in cœlum: Potest prorsus. Audi ipsum dominum dicentem, Thesaurizate uobis thesauros in cœlo. Si ergo ille thesaurus melius est custoditus in cœlo, nunquid tunc mittendus est filio, quando si missus fuerit non peribit: Tenebitur hic ubi potest perire, non mittitur illuc ubi Christus est custos. Certe ea quæ hic tenes, & non uis mittere post filium tuum, quibus cōmendas actoribus tuis, commendas illius partem qui præcessit, & Christo non cōmendas ad quem præcessit: An idoneus est tibi procurator tuus, minus idoneus Christus: Videtis fratres, quia mendacium est quod dicunt homines, Filijs meis seruo. Mēdacium est fratres mei, mendacium est, auari sunt homines: uel si certe cogantur confiteri quod nolunt, cū erubescunt tacere quod sunt, fundant, uomant in confessione quod portant. Pectus premitur crapula iniquitatis, euomat ea confessio, sed non canino more redeatur ad uomitum. Esto te Christiani. Valde parū est uocari Christianus. Quāta donatis uenatoribus, quāta turpibus psonis, quāta donatis eis qui uos occidūt: Per istas enim exhibitiones uoluptatū interficiūt animas uestras, & insanitis q̃s plus donet: Si insaniretis quis plus seruet, nō essetis ferē di. Quis plus seruet insanire, auaritiæ est: q̃s plus donet insanire, p̃fusionis est. Nec auarū te deus, nec p̃fusus uult: collocare te uult quæ habes, nō proicere. Certatis q̃s uincat in peius, nō datis operā quis sit melior, atq; utinam non daret is, quis sit peior. Et dicitis, Christiani sumus, ad fauorem populi proiçitis res uestras. Ecce non iubet Christus, rogat Christus, egermus, ad fauorem populi proiçitis res uestras. Esuriui, dicit Christus, & non dedisti mihi manducare: egere uoluit propter te, ut haberes ubi seminare, qui dedit ut meteres uitā æternā. Nolite pigri esse & male securi, mores emendate, peccata redimite, & cum hæc feceritis, deo gratias agite, à quo accepistis bene uiuere. Et si ei gratias agite ut non insultetis his qui nondum bene uiuunt, sed eos ipsos moueribus uestris hortemini. Hæc faciendo habetis perfectam, quantum in hac uita potest, iustitiam. Conuersantes in bonis operibus, in orationibus, in ieiunijs & eleemosynis propter minuta peccata, & abstinēdo uos ab illis magnis peccatis concordatis cum aduersario, & se-

*Matth. 6* curi dicitis in oratione, Dimitte nobis debita nostra, sicut & nos dimittimus debitoribus nostris. Habetis enim quod quotidie uobis dimittatur, qui habetis quod quotidie dimittatis. Sic ambulando securi in uia non timebitis latrocinia diaboli, quia Christus uiam & stratum magnam seipsum fecit, perducit ad patriam. Omnis ibi securitas, omnis quies, ubi & ipsa misericordiae opera cessabunt, quia nulla ibi erit indigentia miserorum. Erit ergo illud sabbatum sabbatorum, ut quod hic desideramus, ibi inueniamus. Amen.

Finis.

DE CANTICO NOVO.

Concio est, sed  
notha  
Cap. I

Hiere, 31

Psal. 95

Col. 3

2. Cor. 5



**O**MNIS qui baptismum Christi desiderat, uitam nouam concupiscit. Transeat ergo à uetustate, ut perueniat ad nouitatē. Prius enim fuit testamentum uetus, homo uetus: nunc autem testamentum nouum, canticum nouum propter hominem nouum. Demonstramus hoc quod dicimus testimonijs sanctarum scripturarum: Hieremias propheta, Ecce, inquit, dies ueniunt dicit dominus, & consummabo super domum Iuda testamentum nouum: Dauid quoque propheta, Deus canticum nouum cantabo tibi: & iterum, Cantabo domino canticum nouum: apostolus autem Paulus, Expoliātes, inquit, uos ueterem hominem, induite nouum: & alibi, Vetera transierunt, ecce facta sunt omnia noua. Quae uetera transierunt? Quae facta sunt noua? Si adsit spiritalis auditor, non solum intelligit, uerum etiam uidet quae facta sunt noua. Si autem carnalis adsit, qui totum per oculos carnis, nihil per aciem mentis intelligit, irridens respondet, Rogo te, dic quae facta sunt noua? Nunquid aliud coelum respicio quam antea, aut sydera in nouum splendorem micantia? Nonne ipsidem cursibus sol peragit diem, eisdemque curriculis luna peragit noctem? Nunquid mare terminos suos finesque transgressum est, aut terrae facies immutata, alia insolita germina procreauit? Nunquid sicut ex initio horis duodecim peragitur dies, eisdemque cremētis aetatis tempus, quibus detrimētis hyems peragitur? Progenies quoque ipsa mortalium alijs decedentibus, alijs succedentibus terminatos finiunt dies? Quum ergo omnia sicut ex initio constituta sunt, ita currunt, suos motus finesque seruantes, quid est quod nobis praedicatur, Vetera transierunt, ecce facta sunt noua? Responde o Paule talia de nobis requirenti, & quia minus ualeo ad respondendum, te obsecro responde pro me. Ecce audi, audi Paulum, Quid quaeris carnalis auditor per oculos carnis respicere? erige mentis aciem, ut quod dicitur, possis intelligere. Vetera transierunt, ecce facta sunt noua. Quae uetera transierunt, quae facta sunt noua? Prius homo, inquit, de terra terrenus, secundus homo de coelo coelestis. Transijt Adam homo uetus factus ex limo, uenit Christus deus homo missus ex coelo. Transijt uetustas mentium, accessit nouitas credentium: transijt uita carnalis, successit spiritalis. An parua est haec nouitas ita demonstrata per hominem deum, ut moriendo susciperet uetustatem tuam, resurgendo ostenderet nouitatem tuam, ascendendo firmaret claritatem tuam? Vetera transierunt, Quae uetera transierunt? Quod eratis filij Adam, filij carnales. Noua accesserunt? Quae noua? Quod efficiamini filij dei, filij spirituales. Vetera transierunt: terra eratis, Ecce facta sunt noua: coeli iam penè effecti estis. Coeli enim enarrant gloriam dei. Non uobis impossibile uideatur, quod quum sitis terrestres, efficiamini coelestes. De terra non fecit coelum qui de nihilo fecit terram & coelum. Vetera transierunt, lapides colebatis: Noua accesserunt, deum uerum adoratis. Vetera transierunt, transijt mortalitas: Noua accesserunt, promissa est immortalitas. Vetera transierunt, perierat omnis caro per mulierem simul cum uiro peccante: Noua accesserunt, reparata est caro sine uirgine pariente. Vetera transierunt, transijt regio uetustatis: Noua accesserunt, succedit Hierusalem ciuitas coelestis nouitatis, Ad hanc ciuitatem nouam peruenire cupitis, qui nomina uestra conscribenda dedistis. Eia fratres mei, ardentius desideremus propriam patriam: peregrinationem istam, quae nos ab ea adhuc detinet, toleremus, non amemus, festinemus tamen. Non est quare hic stare, nec inuenis in seculo quod iam

Caput II



A iam possis amare, Ipse enim amor parentū, coniugis, filiorum, facultatum, aut magnū quibusdam incusserunt laborem, aut magnum pariunt timorem, non est quare hic stare. Melius enim festinando appetimus sempiterna, q̄ hic remanendo seculi nos apprehendat ruina. Præparemus sistorcias, apprehendamus & ascendamus nauem fide simul & cruce, nec desit ancora spes nostræ salutis, extendamus funes diuersas uirtutes, uela charitatis colligamus, inuocemus uentum prosperum uerbum dei, exhauriamus sentinam à peccatis, per eleemosynas mundetur consciētia. Non impediatur huius nostri cursus nauigij, operemur manibus ut possumus. Manibus suis sentinam exhauriebat qui dicebat, Manibus meis cor *psal. 76* ram eo nocte, & non sum deceptus. Non negligamus nostra peccata, minuta sunt, sed multa sunt. Fluctus unus ualidus irruens obruit nauē, minaturq̄ naufragiū. Humor aut per rimas influēs & in sentinā ueniens, nisi subinde siccet hoc idē facit. Ergo exhauriatur sentina, ne negligat misericordia, quia eleemosyna à morte liberat, & ipsa purgat peccata. Assit nostra tutela Christi gratia, celeuma nostrum dulce cantemus alleluia, ut læti ac securi ingrediāmur sempiternam ac felicissimam patriam. Non metuat anima mare hoc magnū, seculū scilicet, cuius fluctus ac turbines sentimus inimicas seculi potestates. In deo sperantes multi iam sancti hos fluctus spreuerunt, multi calcauerunt, multi super eius aquas ambulantes securi ad patriam peruenerunt. Sed exurgit uetus ualidus & magna tempestas, sua cuiusq̄ cupiditas, titubat fides in mari: Clamet in te Petrus, Domine pereo: dabit manum mergenti, *Matth. 14* nec finit pire ille qui propter nos dignatus est sup aquas ambulare. Vide apostolū Paulū, hoc nauigium non solū demonstrantem, uerum etiā ascendentem, & q̄ plurimos inuitatem *1. Timoth. 6* quando dicebat, Habentes uictum & tegumētum, his contenti simus. Quid aliud q̄ com *Gal. 6* petentē sistorciā imponendā esse mōstrabat, quādo dicebat, Mihi aut absit gloriari, nisi in cruce domini nostri Iesu Christi, per quem mihi mundus crucifixus est, & ego mundo? Na *Col. 3* uem ascendebat quando dicebat, Induite uos sicut electi dei, benignitate, humilitate, longa *1. Cor. 13* uitate, māsuetudine. Quid aliud q̄ funes extendebat quando dicebat, Manet fides, spes, *Col. 3* charitas, maior horum charitas. Vela colligebat, quando dicebat, Verbum dei habitet in *Gal. 6* uobis abundāter. Ventum prosperum inuocabat quando dicebat, Infatigabiles itaq̄ dum *1. Thessa. 4* tēpus habemus operemur bonū ad omnes. Et, Operātes proprijs manibus uestris. Quid *Eph. 2* aliud q̄ sentinam exhauriri præcipiebat, quando dicebat, Gratia salui facti estis: Tutelam *Eph. 5* exorabat quando dicebat, In psalmis & hymnis cantantes in cordibus uestris domino. Celeuma sanctū docebat quādo dicebat, Spe salui facti sumus. Ancorā in cordibus credentiū *Roma. 8* figebat, quādo dicebat, Hierusalem quæ sursum est libera est, quæ est mater nostra. Ipsam *Gal. 4* patriam demonstrabat, quādo dicebat, Vbi est mors contentio tua? Gratias deo, qui dedit *1. Cor. 15* nobis uictoriam per dominum nostrum Iesum Christum. Non adhuc in mari periclitabatur, sed iam in propria patria lætabatur. O optime gubernator, ô pulcherrime magister & doctor, docuisti & fecisti, & ideo celeriter peruenisti, quia quæ docuisti, prior ipse fecisti.

Si quis forte ut assolet refugit nauigiū, & insolitos fluctus maris horrescit, desyderatq̄ *Caput III* iter conficere, quo etsi tardius ad patriam ualeat peruenire, demonstrabo uiam, imò ipsa de *Ioan. 14* monstrat uia. Ecce in Euangelio clamat saluator, Ego sum uia. Habes uiam, ambula sollicitus: tamē doma iumentū tuum, carnem tuam, ipsi enim insidet anima tua. Quomodo si in hac uia mortali iumēto insideres, quod te gestiēdo uellet præcipitare, nōne ut securus iter ageres, cibaria ferocienti subtraheres, & fame domares quod fræno nō posses? Caro nostra iumentum nostrum est, iter agimus in Hierusalem. Plærūq̄ nos rapit caro, & de uia conatur excludere. Tale ergo iumentum cohibeamus ieiunijs. Vide illum gubernatorem eundēq̄ uiatorem apostolum Paulum, uide illum iumentum suum domantem, In fame, in *1. Cor. 11* quit, & siti, in ieiunijs sæpius castigo, corpus meum, & in seruitutem redigo. Ita ergo & tu qui ambulare desyderas, doma carnem tuam, & ambula. Ambulas enim si amas. Nō enim ad deum passibus, sed affectibus currimus. Via ergo ista nostra ambulantes quæ *ca. III* rit: tria sunt hominum genera quæ odit, remanentem, retro redeuntem, aberrantē. Ab his *Hh 2* tribus

tribus generibus malis domino adiuuante uindictet & defendatur gressus noster. Iam uero cum ambulantes sumus, alius tardius ambulat, alius celerius, ambo tamen ambulant. Excitandi sunt ergo remanentes, retro redeuntés reuocandi, errantes in uiam ducendi, tardi exhortandi, celeres imitandi. Qui non proficit, remansit in uia: qui forte à meliore proposito declinat ad id quod deterius reliquerat, reuersus est retro: qui fidem deserit, à uia errauit. Cum tardis sit nobis & cum celerioribus ratio, cum ambulantibus tamen. Quis est qui non proficit? Qui se putauerit esse sapientem, qui dixerit, sufficit mihi quod sum. Qui non attenderit eum qui dicit, Quæ retro oblitus, in ea quæ ante sunt extentus secundum intentionē sequor ad palmam uocationis dei in Christo Iesu. Currentem se dixit, sequentem se dixit, nō remansit, non retrospexit: absit ut errauerit, quia uiam ipsam docebat qui & tenebat & ostēdebat.

*Philip. 3* Celeritatem autem eius ut imitemur ait, Imitatores mei estote, sicut & ego Christi. Arbitramur ergo uos dilectissimi in uia nobiscū ambulare, si tardi sumus præuenite nos, non inuidemus, quærimus quod sequamur. Si autem nos putatis celeriter ingredi, currite nobiscū, unum est ad quod omnes festinamus, & qui tardius, & qui celerius ambulamus. Qui sunt & retro redeuntés? Qui ex continentia reuertuntur in immundiciam, qui ex sancto & singulari bono proposito uirginitatis diuertunt in turpitudines uoluptatis, & corrupta mēte corrumpunt simul & carnē. Hos increpat apostolus Petrus dicēs, Melius illis erat nō cognoscere uiam salutis, quā cognoscentes retro respicere. O malū, retro respicere. Vxor em̄ Loth, quæ liberata à Sodomis cōtra præceptum retro aspexit, quod euaserat perdidit, nec immerito in statum salis repente conuersa est, nisi ut fatuos suos etiam explendo cōdiret. Qui sunt & aberrantes? Omnes hæretici, qui relicta ueritatis uia errando per desertum latrocinant, & animas captant in peccatis, præpediūtque ne quis ad patriam ualeat peruenire, effecti lupi semitarij induti ouina pelle, cum sint intus lupi rapaces, prædicantes Christum uiam, & qui eos sequuntur ducentes ad mortem.

*Cap. V* Hic si aliquis dicat, Quid ego faciam non inuenio. Ecce homo Christum uiam prædicat, Christi se dicit esse discipulum, ueritatem se dicit annuntiare, quare non sequar talia prædicantem? Respondeo, quia aliud eius lingua habet, aliud conscientia. Vnde noui inquis? Nūquid ego cōscientias discutere possum? Christum ab eo audio: quod audio hoc credo, hoc teneo. Non te seducat filius falsitatis, si filius es ueritatis. Disce iā Christiane quī Christū desyderas & audire & uidere. Si quis tibi Christum prædicat, attende, & consydera, qualem prædicet, ubi prædicet. Christus enim ueritas est, per scripturas sanctas prædicatur, non in angulis, non occulte, sed palam, publice. In sole enim posuit tabernaculū suum, hoc est, in manifesto collocauit ecclesiā suā. Iam hic respice illum qui tibi Christum prædicat, dicat qualem Christum prædicet.

*Caput VI* Ecce hæreticus Manichæus, qui per suam doctrinam promittit introducere te in ueritatem, ipsum Christum dicit esse fallacem. Non habuit, inquit, uerum corpus, phantasma fuit, spiritus fuit. Et hoc in illo fuisse negat nequissimus Manichæus. O pessime hæretice Manichæe, si credere non uis ueritatem dicentem discipulis suis, Palpate & uidete, quia spiritus ossa & carnē non habet, sicut me uidetis habentē. Si credere non uis ut dixi ueritatē, Iudæo crede crucifigenti. Nam cum tu dicis, Christus deus fuit, non homo: Iudæus dicit, non fuit deus sed homo. Catholica utrosque conuincens, ego ait uerum teneo quod Christus & deus est & homo. Tu autem Manichæe, unde probas Christum spiritum fuisse? Spiritus alas accepit, spiritus spem coronam portauit, spiritus sibi crucem baiulauit? Si spiritus fuit, cuius uestimenta milites diuiserūt? Si spiritus fuit, quomodo cum traderet spūm, corpus eius propē dimidium diē exanime pepēdit in cruce? Si spiritus fuit, quomodo latus eius perforatum est lancea? Quomodo susceptus est à Ioseph sepeliendus, quomodo sepulchro est conditus? Omnia ista spūs pati non potest. Sicut de eo antea per prophetas prædictum est, ita & factum est. Erras tu nimis falsitas, in omnibus te superat ueritas. Ergo ne hæretice ut doces, ueritas mentita est, & tu uerū prædicas? Et ubi hoc prædicas? In abscondito, in occulto. Si ueritati fulcis prædicatio tua, publica sit doctrina tua. Demonstra mihi ecclesiā tuā. Sed nouimus quid agatis



A tis & decepti & deceptores. Apostolus Paulus uos prodidit dicens, Quæ enim occulte fiunt *Eph. 5*  
ab eis, turpe est etiam dicere. Nobis est turpe dicere, sed uos non quiescitis agere. Manifesta  
est ignominia uestra, nudata est turpitudine uestra. Ex confessione simul & scriptura uestra,  
omnibus palam facta est turpis doctrina uestra: utinam aliquando corrigantur corda uestra.

Ca. VII  
*Ioan. 10*

Alij hæretici Ariani ipsam uiam Christum, per quam itur ad patrem, secundum di-  
uinitatem nolunt esse æqualem patri. Et cum ipse dicat, Ego & pater unum sumus: illi dicunt,  
Si missus est Christus, minor est: maior est utique qui mittit illo qui mittitur. Hæc argumen-  
tatio est humana, non autoritas diuina. Alia est operatio trinitatis, quam tu hæretice non  
assequeris, quia carnaliter sapis. Mundum enim cor nō habes, nec ad deum. Christus enim  
inquātum hominem suscepit, missus dicitur: inquantū deus est, æqualis est patri. Nam quō  
eum pater mitteret, ubi ipse cum filio non esset? Aut quō filius uenisset, ubi non simul cū pa-  
tre esset ille qui dicit, Ego in patre, & pater in me est. Et, Philippe qui uidet me, uidet pa-  
trem. Et qui per prophetam dicit, Cælum & terram ego impleo. Et de quo Salomon dicit,  
Attingit à fine usque ad finem fortiter, & disponit omnia suauiter? Attingit ubique propter  
suam mūdiciam. Sed tu hæretice, ideo dicis maiorem esse qui mittit, minorem qui mittitur,  
quia temporū spacia cogitas. Sed multum erras, illi assignare tempora per quem facta sunt  
tempora. Si patrem confiteris deum, deum filium, æternūque credis & patrem & filium, noli  
minorem facere filium in eo quod fecit te, quia ideo minor factus est, ut redimeret te. Sed  
ipse, inquis, dixit, Pater maior me est, Intellige secundum susceptū hominem, & depones er-  
rorem. Secundum hoc ait, Pater maior me est, secundum quod de eo ait propheta, Mino-  
rasti eum paulominus ab angelis. Tu autem dic, secundum quid eum minorem asseris? Si  
secundum potestatem, Pater nō iudicat quemquam, sed filius. Si secundum opera, Omnia  
per filium facta sunt. Si secundum tempus, hoc credis de deo tuo, quia sicut tu maior es filio  
tuo, ita ipse filio suo. Auertat hoc deus ab auribus fidelium. Indigna sunt ista credere de deo.  
B Si enim filius secundum deitatem dei uerbum est, sicut euangelista Ioannes narrat, In prin-  
cipio erat uerbum, & uerbum erat apud deū, & deus erat uerbum: fuit aliquod tēpus quan-  
do pater fuit sine uerbo, aut fuit aliquod principium ante ipsum principium? Quoniam ipse  
filius dixit se esse principium. Interrogatibus quippe Iudæis, Tu quis es? Respondit, Princi-  
pium. Ergo & illud quod in Genesi scriptum est, In principio fecit deus cælū & terram, in-  
telligitur in filio qui est principium. Si ergo semper deus pater, semper deus filius, quia nec  
ille aliquando non pater, nec iste aliquando non fuit filius. Non enim ut pater generaret fi-  
lium, minuit seipsum, sed ita genuit de se alterum qualem se, ut totus maneret in se. Spiritus  
autem sanctus non præcedit unde procedit, sed integer de integro, nec minuit eum proce-  
dendo, nec auget hærendo. Et hæc tria unus deus de quo propheta dicit, Tu es deus solus  
magnus. Tu autem hæretice, compone gradus, separa trinitatem, fac patrem maiorem, filiū  
minorem, spiritum sanctum sequentem. Sed & iam de filio quod æqualis sit patri aliqua di-  
ximus, & quod occurrit, diximus, audi & de spiritu sancto, quem minorem uis esse patri & fi-  
lio. Nempe spiritus sanctus ipse spiritus est dei. Audi & ipse quod simul sit cum patre &  
filio, & ubique sit totus, Deus, inquit Ioānes apostolus, spūs est. Et ipse filius per prophetam  
ait, Spiritus domini super me: nō ait post me, ut sequentem eum faceret, uel minorem, sed  
ait, super me. Vnde & angelus Gabriel ad Mariam, Spiritus sanctus, inquit, superueniet in te.  
Dauid quoque propheta, Quō ibo à spiritu tuo, & à facie tua quō fugiam? Si ascēdero in cœ-  
lū, tu illic es, si descendero in abyssum, tu ades. Ergo si spiritus dei & in cœlo & in terra & in  
inferno adest cum illo qui dicit, Cælum & terram ego impleo: ergo trinitas unus est deus.  
Sed audi adhuc hæretice unde conuincaris, quod trinitas unus sit deus. In ipso principio li-  
bri Geneseos, quod diximus scriptum est, In principio fecit deus cælum & terram. Ecce deus  
pater, & principium filius secundum quod se dixit esse principium. Si autem & spiritus san-  
ctum quæris, Spiritus, inquit, dei superferebatur super aquas. Cum ergo in consequentibus  
legitur, Dixit deus, fiat lux, & finxit deus de terra, & fecit deus, hoc demonstrat quod inse-

*Ioan. 14*  
*Hiere. 23*  
*Sapient. 8*

*Psal. 8*

*Ioan. 1*

*Ioan. 8*  
*Gen. 1*

*Psal. 85*

*Ioan. 4*  
*Esaiæ 61*

*Luce 1*  
*Psal. 138*

*Hiere. 23*

*Gen. 1*

parabilia sunt opera trinitatis. Evidentius hoc in consequentibus demonstrat. Nam cum uen-  
 tū esset ad id ut homo formaretur, ait scriptura, Et dixit deus, Faciamus hominem ad imagi-  
 nē & similitudinem nostrā: non dixit, faciā ad imaginem & similitudinem meā, ut solus pa-  
 ter intelligeretur: nec dixit, fiat, ut filio ueluti iuberet facere per quē facta sunt omnia: nec di-  
 ctū est, fecerūt, ut singuli singula in eo conferret opera sua: sed cum diceretur, faciamus homi-  
 nem ad imaginem & similitudinem nostram, ut trinitas unus deus intelligeretur, statim sub-  
 iunctū est, Et fecit deus hominē, ad imaginē suam fecit illū. Ecce per scripturas sanctas, tri-  
 nitas unus deus prädicatur, ut Arianus conuictus, aliquādo confundatur. Sed audi adhuc  
 philip. 2 hæretice apostolum Paulū conuincētem te, & docentē me, audi quid de deo filio dicat. Cū,  
 inquit, in forma dei esset, nō rapinam arbitratus est esse æqualis deo. Ille eū prädicat æqua-  
 lem, tu eū asseris minorē. Cui credendū est, Apostolo, an tibi? Tibi quem totus orbis abie-  
 cit, an illi, quem totus mundus suscepit? Cedat igitur uel sero conuicta peruersitas tua, quia  
 cap. VIII iam totū mundū possedit euangelica & apostolica doctrina. Alia quoque spelūca  
 latronum non bonorū, hæreticorum Pelagianorū & demonstranda est & cauenda: hæc est  
 hier. 17 enim eorū peruersa doctrina. Cum scriptura dicat, Maledictus homo qui spē suā ponit in  
 homine, & qui gloriatur, in domino gloriatur: isti contra hoc maledictū, hominē nō incurre-  
 re promittunt, si de se præsumpserit, uel in seipso gloriatus fuerit. Sed quid cōtra hos multa  
 gen. 3 dicamus? Hoc promisit & pater illorū diabolus illi primo homini, Non morte, inquit, mori-  
 eris, eritis sicut dii. Deū contēpsit, serpenti credidit, & quod acceperat, perdidit. Si tūc ille ho-  
 mo nō fuit cautus, nūc homo caueat uel expertus. Odit deus præsumptores de uiribus suis.  
 Quid enim ualeat liberum arbitriū non adiutū, in ipso Adam demonstratū est. Ad malū  
 sufficit sibi, ad bonum nō, nisi adiuuetur à deo. Primus enim ille homo accepit liberū arbi-  
 trium rectum, & posuit deus ante eum, sicut scriptura dicit, ignē & aquā, ad quod uolueris  
 porrige manū tuam. Elegit ignē, reliquit aquā, uidete iustū iudicem. Quod elegit homo, li-  
 ber accepit: malum uoluit, hoc illū secutum est. Videte rursum illū iustū iudicem misericor-  
 diam facientem. Cum enim uideret quod homo totam stirpem suam, male usus libero uolun-  
 tatis arbitrio, in se tanquā in radice damnasset, ipse non rogatus de cælo descendit, & huma-  
 num genus superbia pereunte, sua humilitate sanauit, errātes perduxit ad uiam, peregrinos  
 perducit ad patriam. Nō ergo gloriatur humana natura de se, sed in eo gloriatur qui fecit se.  
 cap. I X Iā uero cætera sectæ hæreticorū Christi uia prädicantiū, sed longe à uia errantiū, una  
 math. 7 uoce ipsius ueræ uiaē cōuincuntur atque confunduntur dicētis, Multi mihi dicēt in illo die, dñe  
 domine, nōne in tuo nomine pphetauimus, & in tuo nomine dæmōia eiecimus, & in tuo  
 nomine uirtutes multas fecimus? Et tunc dicā eis, Non noui uos, Recedite à me omnes qui  
 operati estis iniquitatē. Ideo operati estis iniquitatē, quia ecclesiæ meæ perturbastis unitatē.  
 cap. X Vos autē fidelia germina sanctæ matris ecclesiæ catholicæ per uniuersum mundū diffu-  
 sæ, fugite omnes hæreses. Si quis aliud euangelizauerit uobis, anathema sit. Rectos cursus  
 facite pedibus uestris, nō declinetis nec ad dexteram præsumēdo, nec ad sinistrā desperādo.  
 Currite uelociter rectā uiaē, ipsa em̄ uos pducit ad patriā: ad patriā illā cuius ciues angeli sūt,  
 cuius tēplū deus, cuius splēdor filius, cuius charitas spūs sanctus, ciuitas sancta, ciuitas beata,  
 ciuitas ubi null⁹ perit amicus, quod nullus admittit inimicus, ubi nullus morit⁹, quia nullus ori-  
 tur, nullus infirmat⁹, quia incorrupta salute lætat⁹. Cū illuc uenerimus, nō ibi esuriemus aut si-  
 tiemus, Visio ipsa satietas nostra erat. Nō ibi dormiemus, quia nō ibi laborabimus. Nulla cu-  
 iuslibet rei necessaria erit refectio, ubi nulla erit defectio. Viuemus, regnabimus, lætabimur.  
 Si tantum delectat cum de ea loquimur, quid erit & uidere? Videre deum, uiuere cum deo,  
 psal. 83 uiuere de deo. Vita enim erit nostra laudare deū, & sine defectu amare. Beati enim, ait pro-  
 pheta, qui habitāt in domo tua domine, in secula seculorū laudabūt te. Fratres dilectissimi,  
 si cum nauigātib⁹ laborauimus, & uiatoribus ducatum præbui⁹, si deuias fauces latro-  
 num, hoc est, hæreticorum sollicitè demōstrauimus, si ipsam patriam cœlestem declaratam  
 atque demōstratam iam cernitis oculis cordis uestri, reddite nobis fructū laboris nostri, red-  
 dite



A dīte fratres reddite, exigimus à uobis. Talis est em̄ merces nostra, quam à uobis exigimus, ut nec nos pudeat petere, nec uos pigeat erogare. Hoc quod exigimus, erogādo cumulabitis magis quam detrimentum patiamini. Si nō erogaueritis, quæ est ergo nostra merces? Nō quærimus aurum uestrum, non argentum uestrum, non nummum uestrum, nec quicq̃ de rebus uestris, sed merces nostra est, ut in illo sancto fōte adiuueris nos orationibus uestris.

## AD LECTOREM

Quū hic sermo nihil prorsus habeat Augustini, tamē qui finxit, haberi Augustinus uoluit. Sic enim homo suauis loquit̃ cap. 7. Non reputet quisquam hæc uerba esse Augustini. Meminit Canonicoꝝ, quasi hoc cognomen agnouerit ætas Augustini. Sed impudentius est, quod eūdem facit statum, canonicorum, clericorum & monachorum. Negat eos posse remittere peccata, quum possident aliquid proprium, & pronunciat: ut regnum cœlorū est pauperum, ita diuitum esse infernum. Eamus, & has indoctas nānias tribuamus Augustino.

## DE CONTEMPTV MVNDI LIBER VNVS.



V D I T E, fratres charissimi, salutiferam patris nostri doctrinam, qui nō Cap. I  
terrenam, sed æternam concupiscitis hæreditatem, qui non uultis sortem Psal. 141  
accipere in terra moriētium, sed cum psalmista decantare, Portio mea in  
terra uiuentium: qui Ægyptum reliquistis, & ad promissionis terram fe  
stinatis. Audite itaq̃ habentes aures audiendi pium patrem, ad hæredi  
tatem cœlorū nos uocantē & dicentem, Venite filij audite me, timorē do Psal. 33  
mini docebo uos, Quis est em̄ homo q̃ uult uitā? Quis est qui ad uitā uis ingredi: serua mā Matth. 19  
data dei. Quorū mādatorū alia sunt specialia, alia uero cōmunia. Specialia sunt proprie ca  
nonicoꝝ siue clericorū & monachorū: cōmunia aut̃ omniū catholicorū. Specialia igit̃ sunt  
hæc, Si uis pfectus esse, uade & uēde omnia quæ habes, & da pauperibus, & sequere me. Et  
iterū, Omnis q̃ reliquerit domū, aut agrū, aut patrē, aut matrē, aut fratres, aut sorores, aut fi  
lios, aut agros ppter me, centuplū accipiet, & uitā æternā possidebit. Et ad discipulos, Vos  
qui secuti estis me, in regeneratione cū sederit filius hominis in sede maiestatis suæ, sedebitis Caput. II  
& uos super sedes duodecim, iudicantes duodecim tribus Israël. Hæc itaq̃ fratres quā Luc. 14  
to singularia, tanto præcipua: quanto acriora, tātō deo gratiora. Dicit iterū saluator noster  
inter cætera, Qui nō renunciauerit omnibus quæ possidet, nō potest meus esse discipulus.  
Qui dixit, omnibus, nihil propriū à suis discipulis possideri uoluit. Qui quicq̃ possidet in  
terra, remot⁹ est à Christi disciplina, Qui aut̃ nō est discipulus Christi, quomodo præsumit  
sibi ligandi atq̃ soluendi potestatem? Intendite fratres uerba euāgelij dicentis, Intrauit Ie  
sus ianuis clausis ad discipulos, & insufflans dixit eis, Accipite spiritum sanctū, quorū remise  
ritis peccata, remittunt̃ eis, & quorū retinueritis retenta sunt. Nunquid illi habebāt propriū  
quibus magister indixerat, Nihil tuleritis in uia? De quibus Lucas euāgelista refert, Erāt eis  
omnia cōmunia. Videte quid Petrus dixerit ad Iesum, Ecce nos reliquimus omnia, & secuti  
sumus te. Qui omnia reliquerāt, nihil sibi penitus retinuerāt. Vnde ergo sibi arrogant ligādi  
atq̃ soluēdi potestātē, q̃ in terra præsumunt possidere facultatē? Quomodo nō erubescūt di  
cere, Dñs pars hæreditatis meæ? Vbi est illud apostolicū, Quæ conuētio Christi ad Belial? Psal. 15  
Qui terrenas possessiones relinquere nolunt, cur peccata populi comedūt? Si decimas cū fi  
lijs Leui accipiunt, quomodo inter cæteras tribus partem accipient? Si nominis sui etymo  
logiā attēdūt, cur clerici à sorte dicti sunt? nisi quia dominus eorū sors uel hæreditas sit. Cur  
saltē clericatus sui signa, qbus à laicis discernunt̃, nō perpendūt? Nō em̄ sine causa capita Cap. III  
eorū radunt̃ & tondent̃, sed perspicacissima & euidentissima ratione. Nā his signis secernū  
tur à laicorū conuersatione. Quod ut multis deo propitiante proficiat, admonitioni utilissi  
mæ duximus inferere. Dicimus multorū patrū autoritate, cerebrū esse sedē sapientiæ: Chri  
stū uero, Paulo attestātē, dei uirtutē & sapientiā esse. Cum itaq̃ cerebrū sit in capite, sapien  
tia uero iuxta patrū autoritatem in cerebro habeat sedem, & sic per sapiētiam sibi infusam  
cūcta membra regātur à capite, quod per cerebrū est, quod est sedes sapientiæ: sic inter nos  
& uerā sapientiā, quæ ut diximus Christus est, qui etiam iuxta Apostolū caput nostrū est.

1. Cor. 11 Dicit enim, Caput mulieris est uir, caput uero uiri est Christus, Christi aut caput est deus. C  
 Ut ostendamus, nullum obstaculum interesse, in ea parte pilos capitis incidimus, in qua no-  
 uā sapientiā. i. Christū inesse cognoscimus, p hoc signātes malā terrenarū rerū sollicitudinē  
 nostrā mentis oculos ad deū contēplandū impedire. Scimus enim q quisq quanto magis  
 terrenis occupationibus implicat, tanto magis à sui cōditoris uisione impedit. Vnde Apo-  
 2. Timoth. 2 stolus, Nemo militans deo implicat se negocijs secularibus. Item, Qui sine uxore est, cogitat  
 1. Cor. 7 quæ dei sunt. Hinc Moyses ait, Leuitæ radant pilos carnis suæ. Leuita interpretat assūptus.  
 Numeri 8 Quisq nāq in officijs diuinis assūptus est, pilos carnis. i. superfluas cogitatiōes cordis ra-  
 dere debet. Caput igit radere, signat cogitationes terrenas & superfluas à mēte refecare. Nec  
 incōgrue per pilos & capillos significant cogitationes superfluas. Sic enim pili nō sunt pars  
 corporis, sed quædā superfluitas procedēs à corporis humore, sic bona tēporalia nō sunt no-  
 bis naturalia, sed aliena & superflua. Hinc itaq fideles Christi, qui ad æternā uitā medullitus  
 suspirant, qui mundū cū suis oblectationibus sub pedibus cōculcant, qui in terra nihil possi-  
 dere uolūt, sed cū Apostolo dicūt, Nostra cōuersatio in cœlis est, capillorū minimā partē in-  
 Philip 3 capitibus retinent, ut per eorū abrasionē se minimā terrenorū sollicitudinē habere designēt.  
 Quapropter etiā illā minimā particulā capillorū retinent, quia dū in hoc mundo sunt, à ter-  
 renis cogitationibus omnino uacui esse non possunt. Quisquis igit clericus ad sortē dñi uo-  
 catus, qui comā nutrit, & capillos radere uel tondere erubescit, profecto se non de dei, sed de  
 mundi sorte esse testat. Quanto em quisq carnis crines diligit, fouet & nutrit, tātō cor suum  
 non in cœlis, sed in terra fixū esse ostendit: quanto aut radit & edomat, tanto se nō terrena  
 sed æterna diligere cōprobat. Si uero, ut prædiximus, crines idcirco radimus, ut inter  
 1. Cor. 11 nos & deū nihil interesse approbemus, profecto patet, q cū in oratione psistimus, aliena ue-  
 lamina capitibus nostris apponere non debemus, præsertim cum Apostolus dicat, Vir nō  
 debet orare uelato capite, imago enim dei est. Cessent itaq clerici psalmodiæ hymnisq spi-  
 ritualibus insistentes, capillos, mitras, cæteraq uelamina in capitibus portare, ne dū cū deo lo-  
 qmur, famulatus sui signa occultantes, eius indigni iudicemur, ppitiatione, cuius salubri do-  
 2. Cor. 13 ctrina præsumimus nō obedire. Qui enim nō obedit Apostolo, cōtradicit Euangelio. Et iu-  
 Gal. 1 Itē, Si angelus uenerit de cœlo, & aliud euangeliū nunciauerit uobis, anathema sit. Extirpe-  
 tur ergo penitus de clero talis præsumptio, ne, quod absit, à deo expellatur eius oratio.  
 Cap. V His igitur signis clericalibus prælibatis, quibus à laicis discerni debemus, ad propositā  
 1. Ioan. 2 admonitionem redeamus. Audiamus apostolū Ioannem dicentem, Nolite diligere mun-  
 Psal. 4 dum, neq ea quæ in mūdo sunt. Audiamus & psalmistam mundi amatores increpantē, Fi-  
 lij hominum ut quid diligitis uanitatē, & quæritis mendaciū? Salomon quoq subsequit di-  
 Eccles. 1 cēs, Vanitas uanitatū & omnia uanitas. Libet intueri q bene cōsonant organa spiritus san-  
 ctī. Monet Apostolus ut nō diligamus mundū: inuehit psalmographus in eius amatores:  
 clamat Salomō, cuncta subiacere uanitati. Quare nō diligamus mundū, nec sequamur mē-  
 daciū, Ecclesiastes declarat, ac sic diceret, Ideo non sunt amanda ima, quia transitoria mēda-  
 cia, quia quæ promittunt non cōferunt, bona igitur nō sunt. Cū enim bonorū omniū autor  
 sit deus, & à fidelibus suis quæri & diligi quæq bona præcipiat, si mūdāna uera bona essēt,  
 nec ipse quidē contemneret, nec suis sequacibus contēni præciperet. Quid igit ueritas de se  
 Matth. 8 testet, audiamus, Vulpes foueas habēt, filius aut hominis nō habet ubi caput suū reclinet.  
 Item si mūdi gloria uana nō esset, non se abscondisset, cum turbæ eum regem facere uoluiss-  
 sent. Item si mundi gloria uana non esset, si diuitiæ terrenæ uera bona essent, non earū pos-  
 Luce 6 sessoribus impropere dominus dicens, Væ uobis diuitibus, &c. Et alibi, Facilius est came-  
 Matth. 19 lum per foramen acus transire, q diuitē introire in regnum cœlorum. Audiamus etiā quid  
 suis dicat imitatoribus. Si uis perfectus esse, uade & uende omnia quæ habes & da pauperi-  
 Luce 14 bus. Itē, Nisi qs renūciauerit omnibus quæ possidet, nō potest meus esse discipulus. Itē, Ne-  
 Matth. 6 mo potest duobus dominis seruire, id est, deo & māmōnæ. Vidit pitus magister suos disci-  
 pulos



A. pulos luctaturos cum mundo, qui si haberent unde tenerentur, leuius deicerentur. Tulit igitur arma suis & nostris hostibus, dum nos priuauit terrenis possessionibus. Nudus namque latrones non solet timere: qui uero se mundanis implicat, tela parat quibus confodiatur. Qui ergo non uult confodi, nudus procedat per uiam huius exilij. Fortassis quaeret aliquis, Cum deus sequaces suos mundana iubeat postponere, quae sunt quae iubet appetere? Audi ipsum dicentem, Quærite regnum dei. Item, Thesaurizate uobis thesauros in caelis. Quæret iterum aliquis, Si deus uult homines terrena odire, quae debet diligere? Ista sunt quae praecepit diligere, cum per Moysen respondit, Diliges dominum deum tuum ex toto corde tuo, & proximum tuum tanquam teipsum. Proximus in terra tantum diligere praecipitur, quia coelestis regni hereditatem nobiscum consortitur. In quo charitate diuina perfusi, scriptura te stante quae ait, ut ciues nostros sicut nos ipsos diligamus, propitiantes deo ibi facturi sumus, per quem & redempti sine fine uiuamus: qui etiam cum propter opera nostra mala inimici eius essemus, prior dilexit nos, & cum essemus serui inutiles, in filios suos nos adoptauit & heredes: filium suum unigenitum tradens pro nobis, ut nos eriperet à perpetuae mortis latro. Quisnam puer tam benignum patrem digne potest diligere? Quis eius tantis beneficiis aliquid dignum potest retribuere? Haec tanta beneficia admirans psalmista ait, Quid retribuam domino pro omnibus quae retribuit mihi? Cui ipse inquisitioni deinde subiungit, Calicem salutaris accipiam, &c. Quantulacumque sit haec retributio, calicem scilicet domini accipere, nulla tamen alia ita digne uidetur passioni dominicae congruere. Hac itaque ratione, ut quere, admodum sanguinem suum dedit pro nostra redemptione, sic & nos nostrum fundamus pro sui nominis confessione. Sed quomodo pro Christo suum dabit sanguinem, qui pro eo non uult abijcere mundi uanitatem, cum nos minus quam nostra diligamus? Quomodo pro Christo uitam tradet, qui contra eius praecepta haec uana & falsa possidet? Ipse enim dicit, Si diligis me, mandata mea seruate. Loquitur & Ioannes apostolus, Qui dicit se diligere deum, & non deum diligere, qui mandata eius non custodit, mendax est. Conuincitur itaque se, & non deum diligere, qui mandata eius non custodit, mendax est. Cum Christus pro nobis pauper factus sit & egenus, nos pro ta eius non uult custodire. Nuncius eius pauperes non facit diuites, ueritate attestante, Regnum caelorum non diuitum, sed pauperum est. Dicit namque pauperibus, Beati pauperes spiritu, quoniam ipsorum est regnum caelorum. Si est regnum caelorum pauperum, restat ut infernus sit diuitum. Hoc quoque declarat nobis Euangelium dicens, Homo quidam erat diues. Et post pauca subiungit, Erat autem & quidam mendicus, Lazarus nomine, qui iacebat ad ianuam eius, ulceribus plenus, &c. Factum est autem ut moreretur mendicus, & portaretur ab angelis in sinum Abrahae. Mortuus est autem & diues, & sepultus est in inferno. Non reputet quisque haec uerba esse Augustini, non sunt hominis, sed ueritatis, quae nec fallere potest, nec falli. Quisquis ergo uis regnare cum Christo, elige pauperiem cum ipso, ut requiescas cum Lazaro medico. Nemo enim potest gaudere cum seculo, & regnare cum Christo. Audi Apostolum dicentem, Per multas tribulationes oportet nos intrare in regnum caelorum. Et iuxta ueritatis uocem, primo nos oportet bibere calicem domini, ut sic pertingamus ad regni confessionem. Qui autem uult epulari cum diuite, praeparat se epulas uerbis gehennae, in qua pro gaudio momentaneo ardebit perpetue cum capite suo diabolo. Infelix commercium, pro tam breui gaudio, coelesti priuari regno. Felix paupertas, per quam coelestis acquiritur hereditas. Felix commercium, pro perituris aeterna recipere, & quod ineffabile bonum est, cum Christo sine fine regnare. Ecce contrarium ineffabilis miseria, perpetua cum diabolo pati supplicia. Quapropter fratres charissimi, nos illud Euangelium ruminantes, Quid prodest homini si uniuersum mundum lucretur, animae uero suae detrimentum patiat, uel quam commutationem dabit homo pro anima sua: uoluntarie nunc pro Christo ponamus quandoque dimittenda, ne, quod absit, pro transitorijs amittamus aeterna. Haeremus antidotum momentanea amaritudinis, ut quandoque percipiamus immensa gaudia salutis. Sic modo curramus, ut in futuro comprehendamus, ubi inueniemur, ubi iudicabimur. Non possumus

Cap. VI

Matth. 6

Deu. 6

Psalm. 115

Ioan. 14

1. Ioan. 2

Ca. VII

Matth. 5

Luce 16

Acto. 14

Cap. VIII

Matth. 16

mus tempus acceptabile. Non enim erit apud inferos locus poenitentiae. Dum igitur uacat, cū sumus in uia, aduersario nostro legi dei cōsentiamus. Lex qppe diuina noster ideo dicitur aduersarius, qā nostris carnalibus omīno cōtradicit uoluptatibus. Aduersario itaq; nostro, id est, euangelio, dū rex expectat, dum nos adhuc ad pacē inuitat, nuncios mittamus, cum eo pacis fœdus ineamus, ut cum uenerit ille magnus paterfamiliās, non ut seruos inuitiles puniendos, sed ut filios hāreditandos inueniat, secumq; introducat ad nuptias, ut de suis beneficijs sibi perennes reddamus gratias Iesu Christo domino nostro, qui cum patre & spiritu sancto uiuit & regnat in secula seculorum. Amen.

## DE VANITATE SECVLI LIBER VNVS.

Non est Augustini.

Cap. I



**I**N HAC uita positi fratres, ita agite, ut cū hinc migraueritis, & caro uestra à uermibus cœperit deuorari in sepulchro, anima ornata bonis operibus cum sanctis omnibus lætetur in coelis. Retrahat uos à malis operibus uel peccatis interitus eorum quos prēmisiſtis. Attendite calamitates, considerate diuitum sepulchra, uel eorum qui ante pauca tempora uobiscum erāt, quid sunt, uel quid fuerunt, uel quid eis diuitiæ & cupiditas seculi profuerint: ecce nihil ex eis nisi soli cineres remanserūt, qui si modo loqui possent, hæc uobis dicerent, Vt quid infelices tātum pro seculi uanitate discurretis? Vt quid uos criminibus & uitijs repletis? Considerate ossa nostra, & uel sic uobis horreat cupiditas & miseria uestra. Quod uos estis, nos fuimus, & quod nos sumus, uos eritis. Itaq; omīa fratres charissimi, sollicita consideratione pensate, & hæc considerātes expauescite, diem mortis ante oculos semper ponite, ad emendationem quantum potestis festinate. Nolite negligere quod uos pius deus peccantes sustineat, quia quanto diutius expectat ut emendetis, tātō grauius iudicabit si neglexeritis. Si forte putatis quia finis mundi tardius ueniat, uel suum unusquisq; consideret finem. Ecce dum libenter ac iucundissime moratur homo in mundo, multa q; in longa tempora disponit agenda, repente rapitur in morte, & ex improviso aufertur à corpore. Sed ille est beatus qui semper illam habuerit ante oculos, & festinauerit in illa hora mortis paratus inueniri. Quodd si uultis scire charissimi q̄ magno metu magnisq; doloribus anima separatur à corpore, diligenter aduertite. Veniunt enim angeli assumere eam, ut perducant illam ante tribunal iudicis metuendi, & tūc illa memorans opera sua mala & peruersa quæ die noctuq; gessit, contremiscit, & quærit ea fugere induciasq; petere dicens, Date mihi uel unius horæ spacium. Tunc quasi loquentia simul opera eius dicent, Tu nos egisti, opera tua sumus, non te deseremus, sed tecum semper erimus, tecumq; pergemus ad iudiciū. Hæc quidem peccatoris anima agit, quæ cum horrendo timore separatur à corpore, & pergit plena peccatis & ingenti confusione: iusti uero anima cum separatur à corpore, non timet, nec expauescit, sed magis cum magno gaudio egreditur, & cum exultatione pergit ad deum, deducuntibus se sanctis angelis. Illam horam fratres modo timete, ut non tunc timeatis: illam nunc præcaute, ut tunc securi esse possitis. Mementote iugiter quod in medio laqueorum diaboli ambulatis, & ideo semper parati estote, ut quando domini præceptum fuerit missum, libere ab omni labe peccati ad requiem transire possitis. Non arbitramini uos in hoc mundo diu mansuros, quia nimirum prouenit, ut post dominicum missum præceptum, nec unius horæ momentum concedatur in hac uita consistere. Cauete igitur ne in exitu uestro tristitiam faciatis angelis, & gaudium inimicis. Scitote uero, quod cum anima à corpore euellitur, statim aut in paradiso pro meritis bonis collocatur, aut certe pro peccatis in inferni tartara præcipitatur. Eligite modo quod uultis, & hoc iam in uita uestra disponite, aut perpetualiter gaudere cum sanctis, aut sine fine cruciari cum impijs. Itaque fratres, saltem poenæ uos terreant, si præmia non inuitant, & præsens seculum si despiciere non ualeris, saltem cum iustitia possidete. Qui in adolescentia errauit, saltem iam in senectute



A cture resipiscat, & mala quæ peccando commisit, pœnitendo iam expurget. Ecce paulatim deficit mundus, & cuncta quæ uidentur, uelociter tanq̃ nebula, aut tanquam uespertina umbra transcurrunt. Ecce quod olim prænuntiabatur, præsentī iam tempore perspicue cernitur. Subtrahuntur, ut ipsi uideatis, omnia bona, & crescunt quotidie mala. Nolite ergo fratres iam mundū diligere, quem tanta cernitis cum uelocitate transire. Nolite in eius amore ancoram cordis iam figere, quem sic ad finem conspiciatis declinare, præsertim cum apostolus Iacobus clamet, quod amicitia huius mundi inimica sit deo. Si enim ipse mūdus nos diligeret, diligendus utiq̃ nō esset: quanto magis nunc, dum ipse nos odire probatur, quos tantis malis insequitur, a nobis omnino spernendus atq̃ fugiendus est. Vitam ergo Cap. II  
 æternam ex omnibus præcordijs uestris amate, quam nunquam in secula finiat. Illuc festinate ubi semper uiuatis, & ubi iam mori nūquam timeatis. Si enim sic amatis istam uitam miseram fluidamq̃, ubi cum tanto labore uiuitis, & ubi uix currendo, satagendo, sudando, suspirando necessarijs corporis satiffacitis, quāto magis amare debetis æternam uitam, ubi nullum laborem sustinebitis, ubi semper summa securitas, summa felicitas, summa libertas, Matth. 22  
 felix beatitudo, ubi etiam implebitur illud quod dominus in euangelio dicit, Erūt homines Matth. 13  
 similes angelis. Et illud, Fulgebunt iusti sicut sol in regno patris mei. Qualis putatis tunc erit splendor animarum, quando solis claritatem habebit lux corporum? Ibi iam non erit ulla tristitia, nullus ibi labor, nullus dolor, nullus timor, nulla mors, sed perpetua semper sanitas perseverat: nulla ibi confurgit malitia, nulla carnis miseria, nulla ægritudo, nulla omnino necessitas. Non erit ibi fames, non sitis, non frigus, non æstus, non lassitudo ieiunij, nec ulla tentatio inimici, non peccandi uoluntas, nec delinquendi possibilitas, sed totū lætitia, totum exultatio possidebit, hominesq̃ sociati angelis, sine ulla carnis infirmitate uernabunt. Erit ibi iucunditas infinita, beatitudo sempiterna, quam qui semel adipiscitur, semper tenet. Nihil hoc loco magnificētius, nihil gloriosius, nihil clarius, nihil pulchrius, nihil uerius, nihil illa bonitate syncerius, nihil illa abūdantia copiosius. Ibi iam non formidabitur fortissimus hostis, qui cupit iugiter animas iugulare, nec facies omnino turbulenta tortoris. Non incutiet timorem barbarorum immanitas, nec ulla ulterius timebitur aduersitas. Nemo in illo loco glorioso indigebit uestimento, non est illic frigus, non æstus, nec ulla aëris inæqualitas. Nullus ibi esurit, nullus tristatur, nullus est ibi peregrinus, sed omnes qui illuc uenire meruerūt, securi in propria patria uiuent. Non ultra aduersabitur caro spiritui, sed cum angelis inenarrabilia sempiterna à Christo præmia tribuentur, & quod oculus non uidit, sicut dicit Apostolus, nec auris audiuit, nec in cor hominis ascendit, quæ præparauit deus diligentibus se. 1. Cor. 2  
 Ecce qualem beatitudinem perditurus est, qui modo se dum licet, emēdare noluerit. Idcirco nos fratres domino auxiliante dedignemur ultra seruire peccato, quibus tāta beatitudo præparatur in celo Cap. III  
 Dum ergo tempus est, festinemus propitium nobis habere dominū, ut despiciamus quæ terrena sunt, ut adipiscamur cœlestia, cogitemus peregrinos nos esse in hoc seculo, ut liberius festinemus ad cœlos. Velociter enim transeunt, & cito tanquam umbra pereunt cuncta quæ hic uidentur. Perpendamus charissimi fratres, quales erimus in die iudicij, dei & angelorum eius conspectui præsentandi, quando opera nostra erunt nobis ante oculos nostros ponenda. Qualis erit tunc ista confusio, cui contigerit pro peccatis suis in conspectu dei omniumq̃ hominū & angelorum erubescere, qui hic nec unū quidem hominem in se peccantem uult nunc inspicere? Quis pauor erit, deum iratū uidere, quē placatū nō ualet uniuersitas cōprehendere? Illū ergo diem semper timeamus, quē modo præuidere nullatenus possumus. Illū diem iugiter pauescamus, & uel sic actus nostros reuocemus. Cōsyderemus q̃s terror in die illo erit, cū dominus de cœlis ad iudicandum seculū uenerit: qui metus erit, deū uidere, ad cuius aduentū uniuersa elemēta quatient, & cœlū cū terra contremiscet, uirtutesq̃ cœlorum commouebūtur. Tunc nimirum præcinentibus angelorū tubis, omnes gentes quæcūq̃ sub cœlo fuerint, & omnis homo tā uiri q̃ scemina, in eo sexu unusquisq̃ quo natus fuerat in mundo, boni & mali, sancti & peccatores, uel quicunq̃ ab initio nati

Matth. 26

nati & mortui fuerint, siue à bestijs deuorati, siue ab igne consumpti, siue etiã ab aquis absorpti, omnes simul in momento temporis, in ictu oculi resurgent, in ipsis sine dubio corporibus, atq; in ipsa carne quam hic habuerunt, scilicet in uirũ perfectũ, in mensurã ætatis plenitudinis Christi, in qua & ipse dominus resurrexit à mortuis. Et omnes ante iudiciũ Christi uenient, pariterq; eum electi & reprobis oculis suis uidebunt, sicut & ipse dominus in Euangelio dicit, Tunc uidebunt filiũ hominis ueniẽtem in nubibus cœli cũ uirtute magna & maiestate, constipatum agminibus angelorum, & congregabuntur ante eum omnes tribus terrarũ, & separabit eos ab inuicẽ, sicut pastor segregat oues ab hædis, & statuet quidem iustos à dextris, impios autem à sinistris. Tunc dicet ad eos qui à dextris erunt, Venite benedicti patris mei, possidete paratum uobis regnum à constitutione mundi, Esuriui enim & destituti mihi manducare, sitiui, & dedistis mihi potum, & cætera quæ auditis in Euangelio. Tunc omnibus aspicientibus ostẽdet liuores fixurasq; clauorũ, in ipso sine dubio corpore quod pro nostris peccatis uulneratum est, & ita peccatores compellans dicet, Ego te homo de terræ limo manibus meis formaui, & in paradysum meum quem non merebaris, collocaui, sed tu me meaq; iussa contemnens, deceptorem sequi maluisti, unde & iusta pœna damnatus, inferni supplicij deputatus eras: postea misertus tui, carnem assumpsi in terris, inter peccatores habitauit, contumelias & uerbera pro te sustinui: ut te eriperem colaphos & sputa suscepĩ: ut tibi dulcedinem paradisi redderem, acetum cum felle bibi. Propter te uepribus coronatus, cruci affixus, lancea uulneratus sum, propter te mortuus, in sepulchro positus sum, ad inferna descendĩ, ut te ad paradysum reducerem: tartara adiũ ut in cœlo regnares. Agnosce ergo impietas humana quæ pro te pertuli. Ecce liuores quos pro te suscepĩ. Ecce clauorũ foramina, quibus affixus in cruce pependi. Suscepĩ dolores tuos ut te sanarem, suscepĩ pœnam ut tibi gloriam darem, suscepĩ mortem ut tu haberes uitam immortalem, conditus iacui in sepulchro, ut tu regnares in cœlo. Hæc omnia pro uobis sustinui. Ampliora horum quid uobis debui facere & non feci? Dicite mihi nunc, uel ostendite quid passi estis propter me dominatorem uestrũ, uel quid boni egistis pro uobis? Ego cum essem inuisibilis & impassibilis, propter uos dignatus sum sponte pati, propter uos incarnatus sum: cum essem diues, propter uos egenus factus sum. Sed uos humilitatem meam & præcepta mea semper renuentes, seductorem magis q̃ me secuti estis. Ecce modo nõ potest iustitia mea aliud iudicare, nisi quod merentur opera uestra. Ergo quod ipsi elegistis, tenete. Contẽpistis lucem, possidete tenebras. Amastis mortem, ite in perditionem. Secuti estis diabolũ, ite cum illo in ignem æternũ. Quis putas tũc erit mœror, quis luctus, quæ tristitia, quæ angustia, cum hæc fuerit aduersus impios prolata sententia? Tunc erit malis dura separatio à dulcedine consortij sanctorum. Et tunc impij traditi in potestatem dæmonum, ibunt in ipsis corporibus suis cum diabolo in supplicium æternũ, & permanebunt semper sine fine in luctu & gemitu. Procul quippe exulati à beata paradisi patria cruciabuntur in gehenna perpetua, nunquam lucem uisuri, nunquam refrigerium adepturi, sed per milia milium annorum in inferno cruciandi, nec inde in secula liberandi, ubi nec qui torquet aliquando fatigatur, nec qui torquetur aliquando morietur. Sic enim ibi ignis consumit, ut semper reseruet, sic tormenta aguntur, ut semper renouentur. Iuxta qualitatem uero culpæ, pœnam unusquisque sustinebit gehennæ: & similis culpæ rei, suis similibus iunguntur cruciandi. Non ibi audietur aliud nisi fletus & planctus atq; stridores dentium, nõ ibi erit aliud consolamentum, nisi flammæ & terrores pœnarum, ardebuntq; miseri in igne æterno semper in secula seculorum. Iusti autem ibunt in uitam æternam, in ipsa sine dubio carne quam hic habuerunt, & sociabuntur angelis sanctis in gloria sempiterna, nunquam iam ulterius morituri, nunquam corruptionem uisuri, sed semper læti ac dulcedine Christi iugiter satiati, fulgebunt sicut sol in gloria & claritate, quam præparauit deus diligentibus se. Et erit tunc, quanto quis amplius alio hic obediens deo fuit, tanto ampliorem illic mercedem accipiet: quantoq; hic amplius quis deum amauit, tãto propius eum uidebit. Benedicamus igitur dominũ



A dñm deum nostrū fratres, qui ad læticiam spiritalem congregauit nos, simus in humilitate cordis semper, & gaudium nostrū penes ipsum sit. Non igitur de prosperitate aliqua huius seculi inflemur, sed nouerimus felicitatem nostram non esse nisi cum ista transferint. Modo gaudium nostrum fratres in spe futura sit, totum desiderium uita æterna sit, omnia suspiria nostra Christo anhelent. Ille unus pulcherrimus, qui fœdos dilexit ut pulchros faceret, desideretur, ad illum unum curratur, illi ingemiscatur, & dicant: semper magnificetur dominus, qui uolunt pacem serui eius: Amen.

Finis.

DE OBEDIENTIA ET HUMILITATE SERMO.

Hic sermo ne pilum quidē habet docti hominis, nedū Augustini.



**N** I H I L sic deo placet quemadmodum obediētia. Cham maledictus fuit: Cap. I  
Gen. 9  
Daniel, 13 & post multa secula manet quod dicitur, Semen Chanaam, & non Iuda, quia patri non est obsequutus. Ceterū Sem, qui obsequutus est patri, benedictionem habuit in omnia secula. Hoc itaq; dico, non est filiorum iudicare de patribus. Nemo uadit ad magistrum & docet magistrum suū. Venisti ad me ut docerem te litteras: si tibi scripsero & dixerō tibi, scribe quomodo ego scribo, utiq; mirari debes quem magistrum elegisti. Ab aliquo doctus es, & uadis ad peritiorem magistrum. Hoc totum quare dico? Ut obediētiā exhibeamus patribus nostris. Qui patribus non obsequitur, deo non obsequitur. Dicit enim dominus, Qui uos contemnit, me cōtemnit. Luc. 10 Qui ergo contemnit apostolos, contemnit Christū. Qui cōtemnit patres, contemnit Christum qui in patribus est. Hoc dico quia hæc in nobis summa & sola est uirtus obediētiæ. Si ieiunaueris diebus ac noctibus, orationēq; feceris, si in sacco fueris uel cinere, si nihil aliud feceris, nisi quodcunq; præceptum est in lege, & tibi uisus fueris quasi sapiens, & obediens patri non fueris, omnes uirtutes perdidisti. Vna obediētia plus ualeat q̃ omnes uirtutes. Ieiunium uel continentia, nisi te diligenter attenderis, superbiam tibi facit, superbia autem inimica est deo. Nihil sic odio habet deus, sicut superbiam. Quicunq; non obedit, nō facit de sanctitate, sed de superbia. Ideo enim nō obedit, quia se meliorem putat illo, cui nō obedit. Cap. II Simpliciter dico uobis, omnia peccata odio habet deus, mendacium, per iurium, furtum, & cætera, in quibus si quis deprehensus fuerit, non potest oculos leuare, sed sic eum habemus quasi execrabilem. Si quis superbus est, multo peius facit quā adulterium, & tamen loquimur cum eo. Qui fornicator est, potest aliquid dicere: Vicit me caro mea, superauit me adolescentia mea. Non dico quod sibi hoc facere liceat, aut quod se excusare debeat, si quidem & hoc odio habet deus, sed in cōparatione mali dico. Quicunq; aliud peccatum fecerit, uerbi gratia, si furtum fecerit, se excusare potest. Quid enim dicit? Propter ream furtum feci quia algebam, quia fame moriebar, quia ægrotabam. Superbus quid dicere potest? Ideo superbia maius malum est, quia excusationem non habet. Cætera uitia eis nocent, qui ea cōmittunt: ceterum superbia plus omnibus nocet. Hoc ergo dico, ne cogitatis peccatum non esse superbiam. Quid enim dicit Apostolus? Ne quis incidat in iudiciū diaboli. Videtis ergo quomodo quicunq; inflatur, in iudiciū diaboli incidit. Hoc ergo dico secundum quod scriptum est, Deus superbis resistit, humilibus autem dat gratiam, ut omnia, I. Timoth. 3  
Iacob, 4 inquit, peccata fugiamus, maxime superbiam. Dico uobis quid agat qui per superbiam sibi sapiens uidetur. Siquis uni de fratribus dederit consilium & dixerit ei: Frater, non debes sic agere, non eum dignatur audire, quia se magis sapientem putat quā illum qui dat consilium. Et quid dicit in corde suo qui sibi uidetur esse sapientior? Ego igitur non habeo consilium. Num tu es sapientior me? Licet non dicat, tamen ex eo quod contemnit cōsiliū fratris, in corde hoc loquitur. Ergo hoc dico, Qui superbiam habet, sine causa habet alias uirtutes, imò eas non habet, sed uidetur habere aliquid quod deo amicū sit. Superbia in monasterio

sterio fit. Si ieiunamus erigimur, si orationē facimus pro peccatis, in superbā erigimur. Ali-  
 quis ieiunat pro peccatis suis, & pro peccatis suis pœnitentiā agens in superbiam extollitur.  
 cap. III Ideo ieiunas, ideo oras, ideo prœcepta facis, ut cōtra deū facias? Monachus si supbus  
 est, multū ei melius fuerat si uxore duxisset. Ego simpliciter dico, & libera fronte hoc dico, quā-  
 quicūq; superbus est, melius esset ei (& hoc ad cōparationē mali dico) ut omnia alia uitia ha-  
 beret, & ex malis suis inclinaretur ad pœnitentiā, & non omnes despiceret. Si autē post  
 peccata ageret pœnitentiā, utiq; dei misericordiam mereretur. Qui autē superbus est, omniū  
 malorū habet principiū, & non agit pœnitentiā, quasi iustus sit. Propterea superbia contra-  
 ria est deo, quia deo nō subiicitur. Sic enim se habet quasi iustus. Superbus nō agit pœnitē-  
 tiam pro malis, & gloriatur quasi pro bonis. Hæc quare dixerim, & uos ipsi intelligitis, & alio-  
 rum ruinæ uestra debent esse exempla. Propterea uenimus in monasteriū, libertatem secu-  
 li perdidimus, ut seruitutē Christi accipiamus. Deinde ista de fratribus loquor, qui solēt lon-  
 gius sedere à monasterio, nō eis debet nasci superbia de exemplo. In cœnobio uixisti, plā-  
 cuit tibi ut maneres in decimo miliario, nō propterea debes synaxim sanctorū fratrum con-  
 temnere: nec te ideo uiliorem putes, si ad fratres ueneris ad ciuitates. Si necessitatem habe-  
 res, ires & uideres mulieres, & si necesse habuisses, ires in plateas, recteq; non ires, ad syna-  
 xim sanctorum fratrum non uadis. O tu qui manes in secreto, aut melior es fratribus qui  
 sunt in cœnobijs, aut peior es. Si melior es, ueni ut eis exemplum uitæ tuæ tribuas: si autem  
 deterior es, ueni ut discas quæ non scis. Superbia nascitur, quando aliquis dicit se in secreto  
 sedere, & fratres non dignatur uidere, & uisitare & in superbiam erigitur. Hoc propterea lo-  
 quor præsente sancto fratre qui facit opere, ut hoc quod ego loquor, hunc sciatis opus face-  
 re. Deniq; multi sancti patres, qui uere patres sunt, qui regunt animas sanctorū, quando ali-  
 quos uiderint iuuenes ire ad secreta, & ad cœnobiū non uenire, & in superbia esse, uadunt &  
 uim eis faciunt, & adducunt eos, non ut eis noceant, sed ut tollatur eis superbia. Nec hoc pro-  
 pterea dico, ut illi qui manent in secretis, & ueniunt ad cœnobiū, & fratres uisitant, ab his  
 qui sunt in cœnobijs arguantur quasi sint impatientes, nec quasi humiles. Nemo dicat de  
 uobis: Ecce ille qui in eremo sedet, quia non patitur, uenit: propterea uenit ut superbiam  
 deponat: propterea uenit ut te ædificet, & non destruat. Videte qualis uita. Sic uiuit in de-  
 serto, & tamen gloriam non habet eorum qui in deserto sunt. Deus itaq; omnipotēs omnia  
 quæ loquuti sumus, orationibus sanctorum nos quoq; implere faciat. Nihil enim grande  
 est dicere, sed facere: & si quid facere non possum & loquor, ideo loquor, ut qui potest face-  
 re, faciat. Qui habet aures audiendi, audiat in Christo Iesu domino nostro, cui est honor,  
 uirtus & potestas in secula seculorum. Amen.

Finis.

## DE BONO DISCIPLINAE.

Non est Augustini.

cap. I



ULTI sunt qui sanæ doctrinæ aduersantur, iusticiam culpant, & disciplinam  
 imperium esse iudicant, ac rationabilem castigationem superbiæ assignant, cū  
 non sit imperium, nisi ubi aliquid iubetur iniustum: nec sit superbia, nisi ubi ne-  
 gligitur disciplina. Disciplina igitur magistra est religionis, magistra ueræ pie-  
 tatis, quæ nec ideo increpat ut lædat, nec ideo castigat ut noceat. Deniq; mores hominum  
 irata corrigit, inflammata custodit, ita Salomone dicente, Fili, ne deficias à disciplina domi-  
 ni, neq; fatigeris cum ab eo increparis: Quē enim diligit dominus, increpat, flagellat autē  
 omnē filium, quem recipit. Nihil profecto est quod non disciplina aut emendet, aut saluū  
 faciat. Quam si quis sapiens apprehenderit, nec gratiam amicitiarum perdit, nec periculum  
 cap. II damnationis incurrit. Nemo disciplinam irrationabilem putet, sub qua uidet  
 uniuersis quæ in cœlo, & sub cœlo sunt, uerbo cooperante compositis omnipotentis dei sta-  
 re consilium. In principio enim operis sui, deus nihil prius quàm disciplinam fecit. Nam cū  
 assistente



A assistente sapientia, cœlum suspenderet, terram pararet, maria cōcluderet, & suis locis, suisq; temporibus cursum solis, lunæq; globum disponderet, omnia sub disciplina cōstituit. Quid autem non esset tenebrosum, quid non incompositum, quid non haberetur absurdum, nisi constitutis legibus cuncta starent elementa? Nunquid sine disciplina agitur solis cursus? qui quamuis diurni itineris necessitatem infatigatus impleuerit, ad officium tamen suum matutinus occurrit, & se in parte cœli quotidie terrarum spacia lustraturus ostendit. Tanta est disciplinæ ratio, ut intra temporum metas lege conscriptas ita indefessi itineris alternis uicibus syderū cursus agitur, ut nec luna defectionis suæ damna effugiat, nec solem diurni luminis flamma destituat. Nunquid sine disciplina est, quod tanti maris fluctus humi li terrarum littore continentur, & in suo sinu frequenter incitata uentis altior aggere unda concluditur? Omnia profecto insipiens natura confunderet, nisi mundum disciplinæ ratio gubernaret. Hæc ideo proposuimus dicere, ut disceretis obedire euangelicis præceptis, & cœlestibus obtemperare mandatis. cap. iiii

Quid autem rationalem animā, & ad dei imaginem factam expediat, facile potest homo intelligere, cum uidet sacratis per uoluntatem dei constitutionibus disciplinæ etiam elementa seruire. Audite prophetam dicentem: *Seruite domino in timore, & exultate ei cum tremore. Apprehendite disciplinam, ne quando irascatur dominus, & pereatis de uia iusta. Bene in omnibus causis timor obtemperat disciplinæ, qui pro hoc ipso quod imminentes periculorum casus aut iras iudicum cauere non uult, potestatem cōseruandæ salutis obtinuit.* Psal. 2 Quid igitur adultero castū? quid furi esset tutū? quid latroni non peruium? Quis non expauesceret concaua littorum, secreta sylvarū? Quid non præsumptio possideret, nisi furorem animorum sub metu pœnæ disciplina compesceret? Ac nisi constitutus esset ordo uiuendi, nunquam profecto finem poneret natura peccati. Nihil est quod non gula suadeat, si gulæ disciplina consentiat. Nihil est quod non perdat luxuria, si amore uitiorum à te disciplina discedat. Nihil est quod non habendi cupiditate animus occupet, nisi auariciæ uitium disciplina condemnet. Omnia sub metu disciplinæ uitia iacent. Iam non est in quo fides unquam erubescat, si homo futurum dei iudicium respiciat, & causam reddendæ rationis intendat, nec est in quo uindex scelerum flamma de sæuiat, si intuitu disciplinæ, aut quæ sunt honesta cogites, aut quæ sunt pudenda casti ges. Multi ibi nomen crudelitatis imponunt, ubi pro amore disciplinæ crimen admissi scelus supplicio uindicatur latronis, cum sententia uindicantis iustis legibus seruiat, & non solum præsentibus, sed etiam futuris manum porrigat. Quis igitur non licite crederet se debere peccare, si impudicis & impijs actibus iudex non perscriberet disciplinam? cap. iiii

Videamus quid lex loquatur, Non occides, non adulterabis, non falsum testimoniū dices. Hæc sunt disciplinæ legis, quibus etiam districtio sententiæ secularis obsequitur, impugnano turpia, refecando criminosa. Nam adiicit scriptura, Iudex non est uindex positus quando turpia, refecando criminosa. Nam adiicit scriptura, Iudex non est uindex positus boni operis, sed mali: ita ut etiam uicarium pœnæ genus exigat, cum dicit, Oculum pro oculo, dentem pro dente. Sed istam antiquam sententiæ seueritatem facile uitare possumus, si flammam futuri iudicii cogitemus. Absolute autem docet Paulus apostolus posse cōtemni secularis arma iudicii, qui dicit, Si uis potestatem non timere, quod bonum est fac. Sed hæc Rom. 13 non ociose tractanda sunt: nam cum de his terrenis potestatibus Apostoli doctrina cōmémorat, sensibus nostris cœlestis iudicii partes insinuat. Nam cum docet seruiendum seculi legibus, admonet necessario hominem futuris cauere temporibus. Si uis, inquit, non timere potestatem, quod bonum est fac: Hoc est dicere, si uis futurum non timere iudicium, Declina à malo, & fac bonum. Ergo hanc primam constitutionis formam, quæ seculi legibus carnaliter, cauere debemus & uincere, ut possimus à nobis illud præiudicium perpetuæ mortis excludere. Quia quos ista temporalis non affligit pœna, hos illa in æternum infatigabili tormētorum persequitur dolore. Nemo autem illum homicidij crimen euasisse æstimet, quem excusatum secularis iudicii corrupti sententia absoluerit. Nec ille adulterij facinus prætermisum putet, qui indulgentiæ lege deprehensus euasit. Nemo cum sanam dexteram uidet, falsitatis Psal. 36

litatis reo debita iure supplicia iudicet fuisse concessa. Defunctis corporibus salua sunt cri- A  
mina, nisi fuerint prius apud deū lachrymarū intercessiōe purgata. Expectat em̄ reum suū  
gehenna debitis armata supplicijs. Ad confusionem magis præsentiſ uitæ, non ad absolu-  
tionem criminis pertinet autoritas sententiæ secularis. Illa ergo nobis sunt ante omnia cogi-  
tanda supplicia, ubi homo uiuet durante pœna, ubi nec tormenta corpori, nec defunt mem-  
bra tortori.

cap. V  
Rom. 13 Quæ tamen facile uitare possumus si habenas disciplinæ teneamus,  
dicente Apostolo, Si uis non timere potestatem, bonum fac, & habebis laudem ex ea. Quis  
sapiens non ad hæc disciplinæ bona animum lætus apponat, ubi potest homo non solum

psal. 2 criminis pœnam uitare, sed & gratiam laudationis acquirere? Audite prophetam dicen-  
tem: Apprehendite disciplinam, ne quando irascatur dominus, & pereatis de uia iusta. In  
hoc loco ad illos puto pertinet ista sententia, ad quos nondum disciplina peruenit, qui ad  
huc in deijs morantur, capti antiquo superstitionis errore. Probantur enim sub lege nun-  
quam uixisse, qui admone- ur ut apprehendant studium disciplinæ. Sequitur in hoc psal-  
mo, Ne quando irascatur dominus, & pereatis de uia iusta. Igitur si illos propheta statuit  
reos, ad quos disciplina nunquam peruenit, quid de illis iudicandum putamus, quos disci-  
plina destituit? Inter utrorumq; actus autoritas prophetica lectionis inculcat minorem pla-  
nè culpam, non peruenisse ad disciplinam, quàm legem disciplinæ respuisse. Ecce dicit pro-

sap. 3 pheta, Qui spernit disciplinam, odit animam suam. Et uere ut dixit ita est: nam hostis est &  
inimicus animæ suæ qui spretis disciplinæ monitis, diabolicis occupatur officijs. Dicunt ali-  
quanti disciplinam satis duris legibus constitutam. Loquantur ista satis miseri, quos ad  
omne facinus ille diabolus autor mortis inuitat, quorum mentes insatiabilis gula possidet,  
super quos regnat ebrietas, quos turpis luxuria captiuos tenet, & à quibus nunquam super-  
bia ingrata discedit. Illis autem quibus est studium honeste fidem seruare continentia, hu-  
militati, pietatiq; seruire, dulce disciplinæ onus est, & leue iugum domini, quod non grauat,  
cap. VI nisi aut perditos, aut perituros.

Erubesco dicere in confusionem humanæ negli- B  
gentia, quare apud aliquantos parum proficiat disciplina, cum uideamus pastorale magi-  
sterium etiam apud muta animalia non perire. Doceant nos ecce seruare ordinem discipli-  
næ tam dociles equorum animi, cum in gyrum ducti flexuosis gressibus membra compo-  
nunt, & sub unius habenæ retinaculo ita laxari se cōsentiunt, ut & currēdi & standi modus  
sub quadam legum dispositiōe seruetur: Ita quos natura numero diuidit, studio disciplinæ  
coniungit. Videte quàm fortia boum corpora plauistro subiaceant, quæ intantum imperio  
animum parant, ut tumentia naturaliter leui iugo colla supponant. Ita disciplinæ constitui-  
tionibus seruiunt, etiam quæ in feritate nascuntur. Vnde miror aliquotiens hominem, cui  
inest sapientia & intellectus prudentia, passim præcepta disciplinæ negligere, cū uideamus  
mutum animal uitia cauere, iussis obtemperare, imperio deseruire, atq; ita ad omnem obe-  
dientiam animum aptare, ut cum opus fuerit, armatis legionibus occurrat, & hostilibus se-  
telis iussu obijciat. Audite in hoc loco prophetam dicentem: Cognouit bos possessorem  
suum, & asinus præsepe domini sui, Israël autem me non cognouit. Vereor dicere, ne uestrā  
negligentiam pulset ista sententia. Non autem cognoscit dominum, qui conditionis suæ nō  
cap. VII cognoscit officium.

Ostendam sanè quomodo dominus possit aut inueniri, aut  
cognosci, si tamen est animus uidentis. Si uis uidere dominum, require mendicum, respice  
ad pauperem, suscipe peregrinum, uisita infirmum, curre ad carcerem. Si uis uidere deū, uin-  
cula captiuitatis absolue, nodos iniquitatis incide. Audi de hoc dominum dicentem, Esuri-  
ui, & dedistis mihi manducare, sitiui, & dedistis mihi bibere, hospes fui, & suscepistis me, nu-  
Matth. 25 dus fui, & operuistis me, infirmus fui, & uisitastis me, in carcere eram, & uenistis ad me. Mo-  
neo itaq; ne despicias nudum, ne cæco manum subtrahas, ne inuolutum pannis cōtemnas.  
In hac enim ueste primum dominus cum à magis quæreretur inuentus est. Et quia de disci-  
plina fecimus mentionem, sub qua fides Christiana uiget, necesse est ut omnia in aures ue-  
stras uitæ ornamenta deferantur, ut intelligat unusquisq; parum sibi prodesse conuersatio-  
nis fa-



**A** nis famam, nisi in contemptu mundi amauerit disciplinam.

Ergo cui studiū est, Christū colere, prius cordis & corporis suscipiat indumenta. Omnis cap. VIII  
igitur uita religionis professæ, integritatis debet famam sentire, ne quæ expectat corona uir/  
tutis, pudoris damno feriat. Corporis integritas uitam muniat, integritatem fides inonta/  
minata custodiat, ut manente utriusq; partis beneficio, immaculatum hominē faciat regna  
re cū Christo. Sed in hoc solum cōstat conuersationis nostræ ratio, ut boni simus. Laboran  
dum igitur illi ante omnia est, ut qui bonitatē sequitur, bonus esse iudicetur. Nam quāuis ho  
mo purum corpus immaculatumq; custodiat, laceratam uitam ad deū portat, cuius actus  
uultū infamat, licet sciamus conscientiam solam bonis actibus posse sufficere. Sed quanto  
melius est ut semper de te bene sentiat qui circa ianuam suam uanis suspicionibus frequen  
ter ægrotat. Infitū est enim naturaliter uulgo, ut de bonis semper male iudicet. Sed tu qui  
curam bonæ famæ colis, studio tuo gratiam integræ opinionis acquire. Vita ergo no  
stra ita sit lucida, ut sit omnibus nota. Integritas religioni, pudor seruiat humilitati. Quem  
amor tenet seruandæ integritatis, ante omnia falsi ad se famam non admittat erroris. Ma  
gnū est quidem & gloriosum, & usq; ad cælum omnium ore proferendum, nunq̃ malis  
actibus locum dedisse: sed multo fortius est, nunq̃ falsis suspicionibus laborasse. Quid em̃  
tibi prodest sobrietas, si uitia ebrietatis exerceas? Quis te non ebrium iudicet, si inter effluē  
tes uino calices saltantiū gyros imiteris? Quis te castum putabit, si te uiderit meretricum fa  
bulis mixtum, scenico sermone compositis, aut loquētem turpia, aut inhonesta resonantē?  
Laudo quidem conscientiam castitatis in te, sed odī colloquium meretricis.

In quo loco fortasse dicat tibi aliquis: Sufficit mihi pura cōscientia. Quantum ad in cap. IX  
nocentiam pertinet tibi soli suff. cit. Sed prouidendū est, ne facilitate tua alter peccet, & alie  
num peccatum in te redundet, iuxta illud quod dicit scriptura: Væ illi per quem scandalum Matth. 18  
uenit. Quamuis autem precioso serico corpus uestias, & niueo uellere membra componas,  
non sine macula diē transigis, si camini ardentis ora contigeris. In omni igitur actu tuo uitā  
tuam disciplina comitetur. Si uis placere Christo, elabora ut professionem tuam fides adiu  
uet, fama cōmendet. Præcedat uos patientia humilitatis socia, assistat pudicitia integritatis  
magistra, fugiat cupiditas, erubescat ebrietas, luxuria actus suos lugeat, superbia confusa di  
scedat. Quicumq; igitur est qui festinat deum agnoscere, sub hoc disciplinæ ordine Christū  
poterit inuenire. Multa quidem erāt adhuc dilectissimi, quæ disciplinæ ratio suadebat ape  
rire, quæ interim putauimus differenda, ne ociosis auribus fastidium pareret longa narra  
tio. Sanè ne quid in hoc opere subtraxisse uideamur, elaborabimus ut ea quæ religiosi acti  
bus competunt sequenti tempore differamus.

Finis.

#### AD LECTOREM.

Sermo locutuleij, nec docti, nec disertī. Quid habuerunt uel frontis, uel  
mentis, qui talia scripta nobis obtruserunt nomine Augustini.

DIVI AVRELII AVGVSTINI HYPONEN.  
episcopi, De uisitatione infirmorum liber primus.



**V**ISITATIONIS gratia nepoti meo charissimo morienti extremum ua cap. I  
ledicturus hesternā diē processi: sed tactus dolore cordis intrinsecus, nō si  
ne quantulacunq; oculorum humectatione, uix in uerbum aliquod tandē  
ora singultuosa resolui, unde nec digna me, nec digna se satis proferre po  
tui. Si enim, quod omnium est ausus animus dolore nō minimo affectus,  
uerba attemperaret, ipsa uerborum attentatio lachrymarū esset augmentatio. Parcebam  
itaq; uerbis, ut parcerem lachrymis. Non consolatorias siquidē effundere lachrymas, effce/  
minatorum est: porrò nullas, cum gaudere cum gaudentibus, flere cū flentibus iubeamur,  
Ii 3 & inobe

& inobediētia & inhumanitas est: Nam & lachrymatus est Iesus. Plorabo igitur mi nepos dilectissime, ne si inobediens & inhumanus sum, non sim imitator saluatoris mei Iesu, temperabo quoq; me à lachrymis, ne nimis uidear effceminatus.

cap. II

Tu quoq; quia uiam uniuersæ carnis nepos amatissime ingredi festinas, quo uisurus es parentes tuos, patriarchas sanctos, omnium etiam summam beatitudinem. Ad tanti igitur itineris ne deficias in uia subsidium, grande uaticum tibi est neccarium. In muro ciuitatis supernæ apponendus est lapis uiuus, in cuius ædificatione nō auditur strepitus aut malitus. Hic proferendus est strepitus, hic adiiciendus est lapidi malleus, hic conterendum est totum lapidis quadrandi superuacaneum. Strepitus sit peccatorum tuorum recordatio, super quibus perstrepet in aure sacerdotis humillima tua confessio, iuxta illud apostoli Iacobi, Confitemini alterutrum peccata uestra. Malleus sit pœnitentia cordis plus quàm pectoris percussio, quæ utraq; dum adhuc aliquantulum in hac uita præualent, ita modificentur, ut in ædificij dei appositione necessaria habeantur. Nam quod uadis? Ad uitam. Per quam uiam? Audi deum dicentem, Ego sum uia, ueritas & uita. Nō potes errare, Christus uia est. Non potes falli, Christus ueritas est. Non potes non uiuere, Christus uita est. Per Christum uiam uadis ad Christum ueram uitam: Christus uia est, tu uiator, Christum uaticum porta: conducet te ad seipsum uia, ueritas & uita. Sed quomodo inuenies uiam istā, quomodo inuenies uaticum? Christus deus est, deus autē ubiq; est. Si deus ubiq; est, & in te est, post te est, ante te est, & incircūitu tuo est, dei omnia plena sunt: ne longe deū arbitreris, ubicūq; quæsieris, ipsum inuenies. Si ascenderis in cœlū, illic est, si descenderis ad infernū, adest. Si assumeris pennas tuas diluculo, ut habites in extremis maris, etenim illic manus sua deducet te, & tenebit te dextera sua. Deus igitur ubiq; est. Hospitem deum habes, hospitium acceptum fac hospiti tanto, & tunc securus dices hospiti tuo, ut in eundo deducat te, & in deducendo conducatur te, in conducendo perducatur te, & in perducendo hospitetur te.

cap. III

Dico tibi, si sibi gratum exhibueris hospitium, gratum & gratius exhibebit tibi hospitium suum. O quod beatus eris si hospes dei fueris, si in ciuitate sua, cœlesti scilicet Hierusalem, mansionem acceperis. Si deus in die aliqua tibi gratias agens dixerit: Hospes fui, & collegisti me, & quod diu fecisti uni ex his minimis meis, mihi fecisti: Veni benedicte patris mei, percipe regnum. Erraueram equidem, quoniam pro hospitio tuo hospitium dei promiseram, tibi est iam conscriptum, imò iam conregnantem hospitem uocaueram. Non promittit tibi deus hospitium, promittit regnum, regnabis cum Christo, eris hæres dei, cohæres autem Christi. Sed ad tantam felicitatē adipiscendam præparatio multifaria tibi charissime est necessaria. De cōfessione & pœnitentia superius breuiter notatum est: Cōfiteri & pœnitere, à malo est declinare. A malo declinare, quodammodo bonum est. Sed audisti: Declina à malo, & fac bonum. Bona est à malo declinatio. Sed necessaria est ad bonum faciendū festina & efficax exhilaratio: Hilarem enim datorē diligit deus. Et quid est bonum facere? In publico est boni faciendi regula. Enarrat sibi bona impensa doctor doctorū ita dicens: Hospes fui, nudus & in carcere, sitiens & esuriens, & ministraui mihi. Et hæc mihi fecisti quod diu uni ex minimis meis fecisti. Grande bonum quod cum sit in pauperes, redundat in deum. Sed in pauperes largitio non est totius boni exhibitio. Dicit Apostolus, Si distribuero in cibos pauperū omnes facultates meas, charitatem autē nō habuero, nihil mihi prodest. Ergo totius boni summa est charitas. Distributio facultatū tuarū in pauperes, nisi ex radice charitatis procedat, in deum nō redundat. Deus charitas est: quod ex deo procedit, in deum redundat: quod in deum non redundat, ex charitate non procedit. Ex deo igitur processio, & in deum redundatio, dei dona sunt. Distribue igitur tua sic in pauperes, ut in deum distributio redundet. Sed quid distribues? Forsitan deest quod distribuas. Audi Tobiam, Fili, si multum tibi fuerit, abundanter tribue, si autem exiguum, etiam illud exiguum impertiri stude. Si dederis alicui calicē aquæ saltem frigide, non perdes mercedem tuam. Sed forsitan & aqua deest: sed habes quod distribuas, habes teipsum, da teipsum deo, & habebis ipsum deum. Quomodo dabis te deo?

Dispone



c Dispone domui tuæ, quia morieris tu & non uiues. Forsitan domum non habes, dispone tibi, si non disponis domui. Esa. 38  
Cap. III  
 Qualis erit illa dispositio? Dilige deum, & diliget te deus. Assume pennas cum quibus ad deum euoles. Pennæ quibus euoles sunt dilectio dei & proximi. Dei & proximi dilectio, aperta tui ipsius est dispositio. Diliges proximum tuum sicut te ipsum. Dilectio proximi malum non operatur. De dilectione dei quid dicam? Dilige dominum deum tuum ex toto corde tuo, ex tota anima tua, ex totis uiribus tuis. Dilige deum oculus tuus, os tuum, manus tua, pes tuus, omnis sensus tuus. Quicquid dilectionis in te est, tu totus diligas deum. Hæ sunt duæ alæ quibus euoles ad cælos, transueharis ad sanctos, inferaris inter angelos. Si ociosa sit manus ab opere, pes à deambulatione, sed nūquam sancta anima uel mens timēs deū, uacare poterit à dilectione. Sed dicis, Diligo deū. Bene, utinam sit in re quod promissisti sermone. Dilectionis dei probatio, mandatorum ipsius est completio. Operū suorum uoluntaria completio, amare quod amat deus, ardentius est completio. Si igitur deū diligis, quod facit deus diligis. Et si quod desiderio amplecti quod facit deus. Si igitur deū diligis, quod facit deus diligis. Et si quod facit deus diligis, disciplinam dei flagellantem te diligis, flagellum dei sustines, tussi laboras, pulmone deficis, cibum stomachus respuit, phthisi decoqueris, uinū fastidis, dysenteria fauciariis, multimodo morborum genere afficeris. Sed & hæc, si oculum habes, si recordatus es, dei dona sunt. Disciplinam patris ne abijcias fili, Nemo filius quem non corripit pater, sed noli deficere à disciplina domini, & ne fatigeris dum ab eo argueris: Quem enim diligit dominus, corripit, & quasi pater in filio complacet sibi. Vis scire, quia infirmus corporis salutem animæ parturit, audi dominum apostolo respondentem: Virtus infirmitate perficitur: ac si dicat: Complectere quam pateris infirmitatem, quoniam ita proficies de uirtute in uirtutem, si in infirmitate uirtus augmentatur. Virtus autem est salus animæ, infirmitas corporis: quandoquidem per uirtutem animæ parit salutem. Dominus dei est: Non enim est aliunde nisi ex deo salus animæ. Flagellū ergo dei ne cōtemnas, sed flagellatus dic deo gratias. Dilige corripientem, dilige corrigentem, dilige arguentem. Non in furore, non in ira, sed in misericordia aperi pulsanti, deuotus esto uocanti, gratias age miseranti, redi ad te, cogita parumper: cogita de deo, pensa si potes: quoniam super omnia opera sua ipsius miserationes. Ipse deus est, ipse iudex est, nec te uult damnari, nec uult te male iudicari, uult tui misereri, flagellat in te misericorditer qui in eum deliquisti pertinaciter. Prouer. 3  
2. Cor. 12  
 Deus meus, deus meus audebo dicere, pace tua dicam, quoniam Cap. V  
 magno repletus gaudio dicam: In quodā ecstasis tripudio de te præsumendo dicam, nisi quia deus es, iniustus esses, quia peccauimus grauiter, inharemus peccato pertinaciter, gaudemus de peccato, post peccatum ambulamus, extenso collo peccatum nostrum prædicamus, nec abscondimus, & tu placatus es: nos te prouocamus ad iram, tu autem condiscis nos ad misericordiam. Nos iritamus te ad furorem, tu autem differs uindictam. Iusto exterminio punire poteras peccantes, subuertere negligentes, & patientia tua expectat ut corrigamur poenitentes. Deus meus misericordia mea. Nunquid non hæc est iniusticia? Sed nunquid iniusticia apud deum? Absit. Quod enim sustinet deus, iudex iustus patienter, quod iusta sæueritas flectitur misericorditer, totum deus est. Neque enim aliter deus esses nisi flecteretur, nisi pateretur, nisi miseretur, nisi deus esses. Quodcunque igitur facis, tuum est. Fac igitur deus quod facis, quia quod facis, tuum est: quod tuum est, bonum est: quod igitur facis bonum est, deus meus misericordia mea. Rom. 9  
 Tu igitur chare mi, ad modicum migraturus de mundo, tantam & tam ineffabilem Cap. VI  
 benignitatem domini dei tui ne spernas, flagellum ipsius gaudenter suscipe: Flagellat in te quod nescis, nec iniuste: Iusta enim sunt ipsius iudicia, morbus hic corporis, medicina est spiritalis. Porro recogita quod morbus tuus, ut aiunt medici, est incurabilis, & tecū reuolue, quā si cōtra deū præsumpseris murmurare, & morbum uelis nolis, sustinebis: nec murmurando sanaberis, imò anima debilitaberis, dū contra deū tuū, patrē tuū, medicum tuū, magistrum tuum

tuum mansuetissimum & tranquillissimū, in ipso flagello pacatissimum, qui nunquā iratus est, cum iratus est misericordiā recordabitur, murmuraueris. Meis igitur acquiesce consilijs, & quandoquidem murmurando duo mala sustineres, pacificus esto, & grauamen corporale fac tibi antidotū spiritale: Non enim si in flagello uis deū recognoscere, corpore & anima flagellaberis, non enim flagellat deus bis in idipsum. O quā iucundo pectore, quā lato corde, uisitationē diuinā debes praeoptare. Certe si corpore totus praeualeres, infirmitatem medicinalē à deo debueras uotis omnibus expetere, ne sanitas corporis infirmitas esset animae metuere. Nihil aliud scio, sed quia infirmaris, utiliter debes gaudere, quia iuxta est uocatio diuina: Debes ei totis uisibus latus adherere. Eia si episcopatū aut honorē aliū, aut sanitatem infirmis optabilē tibi concessisset deus, nōne omni gaudio illud donum dei susciperes? Certe maiori exultatione & affectuosiori uoluntate, cū gratiarū etiam actione hanc dei animaduersionem debes tibi unicam habere, quia & hoc utilissimū donū dei est. Porro si de uitae istius naufragio, de quā compendiosa mortis cōparando cōmercio cogitares, quā inenarrabiliter uiuere fastidires, quā festinanter mori in dño concupisceres, Beati enim mortui qui in dño moriuntur. Nam ut collationē quandā breuiter faciamus, conferamus si placet de uita praesenti, quae initium dolorū est, & quasi per amicū litigium quid potius appetendū sit, male uiuere, an bene mori, discutiamus: nā bene uiuere praesentialiter nemo potest, Omnis enim homo mendax. Et Apostolus homo praeter ceteris hominibus uidens aliam legē in membris suis legi mentis suae repugnantē, cupit dissolui & esse cū Christo. Et scimus quia omnis creatura ingemiscit & parturit, usquequo liberetur à seruitute corruptionis per eum qui subiecit eam in spe. Denique quis numerare potest praesentis uitae molestias? Esurire, sitire, algere, calere, lassari, & innumerabilia ex ipsa consuetudine nobis domestica sunt: tamen initium dolorum haec. Sed ut altius reuoluamus quae intra nos sunt, cupere, amare, odire, fornicari, adulterari, occidere uel occidi, rapere, furari, nōne inimicae passionēs nobis sunt, tamē quis immunis erit à peccato? Et quis uiuens sub peccato, bene uiuit? Ergo male uiuit omnis homo, & peccatū malū est. Denique audenter pronuncio, quia principium uitae hominis initium dolorū est. Fuere philosophi hoc nō ignorantes, qui in ortu puerorū lugebant, in morte aut gaudebant: hoc significantes, quia homo ad laborē nascitur, ad requiē aut moritur. Sanctus etiā Dauid & de ortu & de uita filij, quē de Bersabee susceperat, intantum est cōtristatus, ut dū puer adhuc uiueret, lugens & inccenatus maneret, mortuo aut puerulo & gauderet & cenaret. O mors desiderabilis, o mors omniū malorū praesentium finis, o mors laboris clausula, quietis principium, quis excogitare queat tuarū utilitates beatitudinū? Nam male mori, Christianorū nō est: bene aut mori, cū Christo uiuere est. Et quis ipsius beneficia sufficiēter expediat, quae hominē Christo cōglutinat, quae ut dictū est, finis malorū est, nutrix initiumque securae felicitatis est. Valeas mors mi dilectissima, confiteor si possem, libenter te cōplecterer, libenter te gustarem, ultro subirem: & testor, quia omnis mea cogitatio, & epistolae praesentis frequētata lectio instigat me ad tui dilectionē, tantum ne intempestiua uenias. Tu aut caro mea & os meū, quē epistola mea uisitat, quā & extremā moriturus accipis, de hac eadē epistola, & de alijs quae in te sunt exemplaribus, cōsolationem accipe, ne in extremo positus, tanquā desolatus ad curiā dei tui uenias. His omnibus expletis oratio tibi est necessaria, ergo deū alloquere, & nihil secus egeris, de ipso securus ita affare: Deus meus, deus meus, misericordia mea, refugium meū, te delidero, ad te cōfugio, ad te uenire festino, ne despicias me sub tremendo discrimine positū, adesto mihi propitius in his meis magnis necessitatibus: non possum me redimere meis operationibus, sed tu redime me & miserere mei. Diffido de meis meritis, sed cōfido de miserationibus tuis, & plus cōfido de tuis miserationibus, quā diffidā de malis actibus meis. Tu es spes mea deus meus, tibi soli peccaui, mea culpa: Qui fui tibi charus ad redimendū, non sum uilis ad perdendum, & nunc ad te uenio qui nulli dees: cupio dissolui & esse tecū. In manus tuas cōmendo spiritū meū dñe. Respice in me dñe deus ueritatis, & presta mihi deus

Apoc. 14

psal. 115

Rom. 7

Phil. 1

2. Reg. 12



hi deus meus, ut in pace dormiam & requiescam: Qui in trinitate perfecta uiuis & regnas deus, per omnia secula seculorum: Amen.

Finis.

DIVI AVRELII AVGVSTINI HIPPO NENSIS

episcopi, De uisitatione infirmorum liber secundus.



UPERIORIS tractatus cursum me clausisse putaueram, cum quidam Cap. I  
de fratribus illum accipientes, ipsi attentius inhaerentes, accurate collauda-  
uerunt, & sicuti testabantur pro alia utilitate sui gratanter relegerūt, & eū  
cōmuni decedentium à seculo consolationi necessarium iudicauerūt: ego  
autem fraternum gaudium meū existimans, ita illud complexatus sum,  
ut in ipsorum læticia mihi meū complaceret opusculum, & quod ipse im-

præmeditatus dictaueram, solitario peragerem scrutinio. Erant autem quæ scripta fuerant,  
simpliciter, sed ut reor catholice dicta. Vnde & dictorum simplicitati propter fratrum bene-  
uolentiam, qui iam ita laudauerūt, peperci. Ipsi autem licet uolumen esset paruulum, Visita-  
tionem illud infirmorum appellauerunt: ego autē superiora uti erant, manere passus sum.  
Sed quoniam epistolari studueram breuitati, quædā prætermiserā quæ ad eandē infirmi ui-  
sitationē necessaria fuissent. Ea ergo quæ cōpendij gratia prætermiserā, necnō & ea quæ sup-  
idem negotium à me postea requisita sunt, stilo subsequenti cōmendauī. Erāt quoq; ordine  
præcedentia, sed ipsa præposterauit ad alia tendenti non inutilis uelocitas.

Mi charissime recessurus à nobis, te etenim compellit dies ultima, fidelis esto, sine fide Cap. II  
enim nō potes placere deo, neq; enim infidelis deo est acceptabilis. Sunt ergo de deo multa  
credenda, ad salutē animæ necessaria. Sacramētis igitur diuinis fides plus q̄ uerborū argu-  
mētatio adhibenda est: Neq; etenim singillatim de deo credēda per rationis argumēta pos-  
sumus cōprehendere, possumus autē & debemus credere: nam neq; de deo loquimur, quin  
à nobismetipsis aliquantulū mente excedamus. Vbi igit̄ est mentis excessio, idonea est fi-  
dei successio. Mirabile ergo illud de trinitatis unitate, de unitatis deifica trinitate, sacramētū  
magis est credendū q̄ exponendū: Enimuero credatur sacræ scripturæ testimonijs. Sunt &  
alia de deo filio, quasi nobis propinqua & cōtigua, & ex ipsa sui propinquitate & cōtiguīta-  
te nobis familiaria, & ex ipsa familiaritate delectabilia. Delectabile quippe est homini & sa-  
lutare morienti, loqui & satiari de humanitate Christi. Quod em̄ uerbū caro factum est, & Ioan. 1  
habitauit in nobis, hominis est: q; homo deus factus est, hominis est: utrūq; igit̄ hoc ineffa-  
bile sacramentum hominis est. Quoniā ergo infirmus hominis intellectus ex suis ipsius hu-  
manitate ponderosa hebetatus, uidēs nūc per speculū in ænigmate, dei nō potest diuinitatē  
ut dignū est cōprehendere, ad illā quæ sua est, Christi humanitatē, oculū suū intellectualem re-  
flectat. In illa delectet̄, ex illa quoq; satiatur, ad ipsam faciem suā cōuertat, sicut de Ezechia 4. Reg. 20  
dictum est, Cōuertit Ezechias faciē suā cū lachrymis ad parietē. Paries Christi humanitas Cant. 2  
est. Vnde ita Salomon: En ipse stat post parietem nostrum. Diuinitas ipsius uidelicet ad Baruch. 3  
nullum deflexa uel deflectenda peccatū, sub carne nostra latitabat: Nam & in terris uisus  
est, & cum hominibus conuersatus est. Ad hūc reuera parietem Ezechias sub mortis arti-  
culo, quem ei ppheta per spiritum prædixerat, faciem conuertit & ita conualuit. Hac ualitu-  
dinis expectatione tandem securus Iacob ita tripudiat: Vidi dominum facie diuinitatis, in Gen. 32  
qua erat deus, ad faciem humanitatis, quam erat assumpturus, & sic salua facta est anima  
mea. Huius incarnationis desiderio flagrabant omnes sancti. Quippe q̄bus erat manifestū Act. 4  
nō aliter posse saluari genus humanū, nisi per filiū dei incarnatū, Nō em̄ est in aliquo alio  
salus, nec est nomen aliud sub cœlo datum hominibus in quo oporteat hominem saluum  
fieri. Ad hūc igit̄ parietē nostrū, mediatorē nostrum cōuerte faciē tuā familiaris, qd̄ tuum  
est, aggredere securius, scit cōpati tuis infirmitatibus, qui factus est tuæ infirmitatis partici-  
pando cōsocius, prærogatiuā nostræ carnis in cœlos euegit superius, q̄a exaltatus est super  
cœlos homo deus, participatus est nostræ hūanitatis, ut nos præcipitemur suæ diuinitatis.  
Aude

Aude igitur fili mi de homine tuo deo facere quoddam participium, quia prior fecit deus de homine tuo puro sibi participium: ex diuinitate processit saluatio, & ex humanitate redemptio, utrumque tamen ex utroque. Sed quod meum est, & quod ex me mihi quadam agnatione & cognatione, & quadam secreta affectione conglutino, quodam proprio iure consanguinitatis mihi uendico. Tutius & iucundius loquor ad meum Iesum, quam ad aliquem sanctorum spirituum dei: plus debet mihi Christus quam alicui celestium spirituum. Quod tu es, fieri dignatus est deus, non factus est quod est angelus: & si sit magni consilij angelus, te exaltauit super angelos, tu etenim iudicabis angelos. Nollem habere locum angeli, si possem habere locum debitum homini. Ad curiam dei sui, dei tui, praecessit deus tuus, homo tuus, tunica tua, tunica polymita, quam sibi decentissime coaptauit, indutus illa, assiduus interpellat pro nobis, non iam ab angelis minoratus, imò gloria & honore coronatus, & super opera manuum dei constitutus. Quem igitur habes intercessorem, habes mediatorem, constitue tibi propitium adiutorem. Et si deus pro te, quis contra te? Firmiter igitur & fideliter credenda est dei incarnatio, passio & resurrectio, & super coelos ascensio, necnon & tuus ipsius futura reformatio. Hæc fili mi fides tua habeat, perscrutetur & teneat cor tuum, nihil dulcius sapiat, os tuum audacter confiteatur & concinat, Corde etenim creditur ad iusticiam, ore autem confessio fit ad salutem. Et licet hæc sufficere ualeant ad salutem, tamen sunt quædam exteriora signa pigritantis etiam fidei aliquando excitatoria, & quasi quandam compunctionem penetrabilibus suis figentia, quæ & Christianitatis religio uult obseruari, & amicorum ad infirmos conuenientium deuotio gaudet adimpleri. Hæc & tu fili mi non negligas, erunt siquidem & tibi ipsi salubria, & mihi charisquæ tuis consolatoria. Habent siquidem Christianorum arcana illius dominicæ crucis quasi quoddam uenerabile monimentum, quod de crucis ipsius imaginatione crucem cognominat, quod & nos omni ueneratione dignissimum fatemur, & ad recordationem crucifixi nostri ueneramur. Adijcitur etenim super crucem quædam hominis inibi patientis imago, per quod salutifera Iesu Christi nobis renouatur passio: hanc complectere humiliter, uenerare suppliciter, tamen hæc ad memoriam tibi re-  
Versus duces: Nec deus est, nec homo, præsens quam cerno figura: Sed deus est & homo, & quæ signat sacra figura, Verus homo uerusque deus, tamen unus uterque. Probra crucis patitur, mortem subit & sepelitur: Viuit idem, crucis hæc per signa triumphat ab hoste: Id notum uobis crucis huius littera reddit: Scilicet ipsius nota sunt crux & crucifixus: Hæc & ego ueneror, Iesum quoque semper adoro. Tu autem bone Iesu, qui pro me pendens ita passus es, misereri mihi digneris, & præsta ut qui mihi mortuus es, & ad hoc mortuus es, ut mundo moriens, tibi uiuam bone Iesu.

Cap. IIII Iaco. 5 Nec prætermittendum est illud apostoli Iacobi præceptum, Infirmatur quis in uobis, inducat presbyteros ecclesiæ, ut orent super eum, ungentes eum oleo sancto in nomine domini Iesu, & oratio fidei saluabit infirmum. Ergo sic roges de te & pro te fieri, sicut dixit apostolus Iacobus, imò per apostolum suum dominus: Ipsa uidelicet olei sacrati delibutio, intelligitur spiritus sancti typicalis unctio. Illud etiam uiuificum dominici corporis supplementum suscipere fili mi non renuas, quin potius illud audivissime quaras, fideliter comedas. Cibus ille etenim incomparabilis, ineffabilis, uiaticum tibi erit saluberrimum, redemptionis tuæ precium, redemptoris monumentum, & redempti munimentum. De confessione superiori tractatu te breuiter commonere feci, quod urgebat me ad alia tendendi curiosa necessitas. Nunc quoque de eodem confessionis capitulo, recapitulationem compendiosam facere dispono. Sunt quidem qui sufficere sibi ad salutem autumant, si soli deo, cui nihil occultum est, quem nullius latet conscientia, sua confiteantur crimina. Nolunt enim, aut erubescunt, siue dedignantur ostendere se sacerdotibus, quos tamen inter lepram & lepram discernere per legislatorem constituit dominus. Sed nolo ut ipsa decipiaris opinione, quatenus confundaris confiteri coram domini uicario, tabescens præ rubore, uel ceruicosus præ indignatione: nam ipsius humiliter subeundum est iudicium, quæ dñs sibi non dedignatur uicarium. Ergo ad te uenire roges sacerdotem, & fac ipsum conscientiarum



C tuarum penitus participem. Non seducat te somniantium illa superstitio quæ in uisitando confirmat, quia saluat sacerdote incòsulto ad deũ peccatorum confessio. Nos autem nõ abnegamus quin sit ad deum frequenter referenda confessio peccatorum, Beatus etenim qui *psal. 136* tenebit & allidet paruulos uel maximos suos ad petram, Petra autem Christus est. Sed te *1. Corin. 10* stamur, & testatur illud sana doctrina, ne tibi applaudentium faues auribus, quoniam prius egres sacerdotis qui mediator sit ad deum tuum salubri iudicio: alioquin & sub lege & sub gratia: Ite & ostendite uos sacerdotibus, responsum diuinum, quomodo consummare *Luc. 17* tur: Confitemini alterutrum peccata uestra, quomodo compleretur? Ergo cicatricum tuarũ *Iaco. 5* arbitri dei uice, dominus adhibeatur presbyter, & reuela ei uias tuas, & ipse tibi exhibebit antidotum reconciliationis. *cap. v*

Neq; quidem, sicuti quidam faciũt, cum quadam caliditate alloquaris presbyterum, quoniam talis allocutio tui ipsius foret deceptio. Accedunt siquidem deceptiosi ad sacerdotes, ita eis presentibus confitentes: Ego peccator, domine sacerdos, peccaui periurando, adulterando, fornicando, hominem occidendo, mentiendo, sacrilegium committendo, furando, rapiendo. Hæc omnia commisi, mea culpa, uel opere, uel uoluntate. Ita isti deum iridentes, cum tamen non irridetur, confitentur quæ non fecerunt interpolantes, reuelata uelantes, ut sit idem in eodẽ peccatum denudasse, & denudatũ obumbrasse, de quo sacerdos tunc incertior recedit, cum certa incerte audierit. O quàm bene & iuste huiusmodi uersutius sacerdos ille consuleret, si his omnibus quæ audiuit, iudiciũ suum apponeret, & quasi reum de omnibus cõpetenti correctione mulcicaret, qui se de omnibus nihil excipiens, nihil ex nomine detegens, semet infamando aggressus est, bona quoq; inordinate dispensauit, & tunc non erat his locus, & temperatior locus esset quo generalem morbum medico detegere debuisset, si prius uulnera, liuores, plagas tumentes sibi singillatim, prout grauius uisceribus instabant, euiscerasset. Tu uero fili mi, non ita facies, quoniam saniori cõsilio crediturus es. Astantem coram te sacerdotem angelũ dei existima. Labia quĩdem sacerdotis, ait Malachias, custodiunt scientiam, & legem requirũt ex ore eius: Angelus *Malach. 2* enim domini exercituum est. Et cum qua & deum & angelum eius decet reuerentia, dei ministrum affari. Aperi ei penetralium tuorum abditissima latibula, conscientiarum uerecundarum penitiora reuela repagula. Non te pudeat coram uno dicere, quod te nõ puduit forasitan coram multis & cũ multis facere: nam humanũ est peccare, Christianũ est à peccato desistere, diabolicum est perseuerare. Ergo quæ mentem grauius exacerbant facinora, dei angelus manifesta, nihil obscurũ dicēs, culpam nullis ambagibus inuoluens, nullis circũtioneibus quod uerum est operiens. Designanda etiã sunt in quibus peccasti loca, si recordaris & temporibus, cũ quibus peccasti personis, nõ nomina ipsarũ, etiã ut à peccato desistant secreto corrigenda familiaritas, in qua peccasti labilis ætas, quo gradu iam ecclesiæ inseruiebas, utrũ semel an ex consuetudine, utrum necessitate, an ex uoluptate cecidisti. His enim omnibus suam instant iudicia: si enim in iudicijs secularibus à locis loca discernuntur, alia censura uindictatur homicidium in regis curia, alia in uia publica, alia in agresti uilla: aliquando pro tẽpore temporibus ignoscitur infantia, defertur aliquãdo senectuti, quæ media deferret ætas, sæue ra cohibetur habena. In solẽnibus, præcipue natalitijs perpetrata, feroci plectuntur exterminio facinora, sic & cætera quãto districtioribus eliminãda sunt animaduersionibus, in locis deo sacratis, in tẽporibus festis deo dicatis, in ætate discretiori, in personis pprie deo delegatis, in gradibus cõmissa sublimioribus: nõne cui plus cõmittit, plus ab eo exigitur? Nõne minus est hominem occidisse q̃ homines? Nõne leuius est semel deliquisse q̃ centies? Nõne celeriore consequitur ueniã ex necessitate cecidisse q̃ ex uoluptate? Et quĩs ubiq; peccetur, peccatum semper sit peccatum, & nullum tempus, nulla ætas, nulla persona, nullus locus muniat peccantem à peccato, tamẽ hæc omnia modo suo discutienda sunt, quoniam hæc omnia corripienda & corrigenda sunt. Hæc autem omnia si taceantur, uel dicta callide pallientur, animam iugulant. Si denudentur, cum pœnitentiã euanescent, in nihilum redigenda ordine cõpetenti psequere, sine circũlocutione ediffere peccata pro uiribus, imò uiriliter

riliter extirpare contende. Heu cur erubescis cōfiteri quod facere nequaquā erubuisti? Melius est coram uno aliquantulum ruboris tolerare, quā in die iudicii coram tot milibus hominum graui depulsa denotatum tabescere. Confessionem tuam pēnitentia comitetur, quoniam ita tibi remitteretur iniquitas tua. Et, Beati quorum remissa sunt iniquitates, & quorum tecta sunt peccata. Peccati quoque confessio, peccatoris est damnatio, pēnitentia uero confessionem parit utilem. Odium quoque peccatis adhibendum est, quoniam peccatorum amicus, animæ suæ est inimicus. Et perfecto odio odienda sunt peccata, quoniam facta sunt nobis inimica. Momentaneas autem ipsorum illecebras, quæ ad momentaneam cordis percussio-  
*psal. 51* nem possunt annullari, pro quorum annulatione æternam possidebis requiem, per thesaurizationem in cruciatum ibis infernalem: nolle destruere cum possis, extremæ est demeritiæ. Confitere igitur chare mi nominetenus quæ te remordent flagitia, detege specialiter quæ scis specialia: quotidiana de quibus non fuisti mundus, saltem cogitatione in collecta generali appone, sicque ex indulgentia confide. Iam uero sacerdote consulto ad deum referenda sunt tua delicta, ipsi iam tunc erunt præsentanda. Non enim talis præsentatio ultra erit infructuosa. Et quod forsitan oblitus prætermiseram, debitoribus tuis ex corde dimitte debita sua, & omnes homines in deum propter deum dilige.

*cap. VI*

Paginulæ nostræ quasi documenta uilia uidentur & despicabilia, quia non sunt rhetorico flatu & fastu cothurnata: uidentur & superflua, quoniam eruditioribus hæc omnia erunt peruia. Sed est aliquando ut multa nouerint eruditi, de quibus non dubitauerunt, & cogitant ut in eodem discendi genere eadem didicerint omnes. Sed nos de minus capacium numero fuimus, & quomodo lassus bos calcet, perspicue nouimus. Accesserunt etiam ad nos animabus suis consuli concupiscentium copiosa frequentia, & quidam ex simplicitate, quidam ita loquebantur ex industria. Illis autem prout nobis collibuit consuluimus, tibi uero cui cor nostrum artius inuigilat, & quem epistolæ respectus uisitat, quoniam dolor impatientissimus tollit colloquendi gratiam, ex his quæ ex ipsis hausimus peritiores, huc tractatum direximus. Tuum est igitur, tuum est, tibi quoque pernecessarium est, qui sub mortis articulo positus es. Iamque si uideri posset, mortem uideres, quatenus ex nostra eruditione uigilantior, uel ex tui ipsius necessitate circumspectior tibi inuigiles, tibi prouideas, tibi consulas. Si autem in nostris tractatibus quæ nesciebas indicaui, uel quæ sciebas iterum inculcaui, tibi tamen in utroque ex summa erga te diligentia nostrum desudauit exercitum. Et si tibi non proderit, quoniam hæc omnia sciebas, harum dictionum cōmonitoria connexio, quibusdam saltem minus sciolis prodesse habebit, mihi quoque cui te cōmonuisse uoluptuosum est, quoniam mihi hi satisfeci, ualebit.

*cap. VII*

Sed ne quædam quorundam superstitio presbyterorum à nobis intacta quasi ignota transigatur, nunc aliquantulum nostri sermonis cōsummatio, quoniam coram illis confitendum est, respiciat presbyteros. Effet autem id scribere superuacaneum, nisi errori cuidam iam in multos serpenti prætenderetur obuium. Melius est quoque ignorantia presbyterorum consulere, quā ignorantes in ignorantia sua incastigatos remanere. Posset autem & tibi, quoniam nocuit multis, nocere, prout superius intimatum est, coram sacerdote confiteri habes, ipsiusque iudicium subire debes. Sed sicut stella differt à stella in claritate, sic sacerdos differt à sacerdote in sua conuersatione. Multorum siquid est uocari sacerdotes, sed non est omnium esse sacerdotes. Siquidem multis presbyteratus cōmittitur dispensatio, sed non omnes pariter cōmissæ dispensationis inseruiunt ministerio. Alius equidem cōmodis præsentibus, quæ sua sunt, non quæ Iesu Christi exquirēs, inexplabiliter inhiat, alius præpeditur ex incuria, alius suffocatur ex ignorantia, & tamen ignorans ignorabitur, alius uero concredita custodiæ competenter locum & tēpus explorat, respondetque probati uita ministri necessitatibus iniuncti ministerij. Ex his uocandi sunt si noueris peritiores & curiosiores. Si enim morbis corporum medici probatiores exquiruntur, quanto magis spiritalibus animarum putredinibus adhibendi sunt medici subtiliores, & si dici licet, spiritaliores. Non dico tamen ut damnes uel reprehendas domini sacerdotes, Nouit enim dominus



A dominus qui sunt eius. Sed dico, si recipis prophetam in nomine prophetae, uel iustū in nomine iusti, mercedem uel prophetae uel iusti recipies. Ergo tales uocandi sunt. C4. VIII

Iam uide quid de ignorantia ignorantium proueniat. Audiuit quidam ex minus eruditis sacerdotibus confessionem tuam, uidet infirmitatem tuam, nescit tamen res huiuscemodi aqua lance pensare: ignorat quia uelox medicina subitaneis infirmitatibus uel in extremis positus sit pernecessaria, respondet ægroto, Frater, si superuixeris ita ieiuna, ita fac elemosynam, ita ora: hæc cum omnia bene dixit, sed errorem impium animaduerte. Si autem ex hac infirmitate morieris, ne anima tua deo uideatur impœnitens, per obedientiam iniungo tibi, quatenus anima tua uel totam septimanam, uel annum integrum, uel tantum temporis patiundo pœnam quam meruisti, in pœnitentia post mortem tuam sit. O extermināda cordis cæcatio, ad consolandum uenerat infirmum, & cui maior & propera incumbit absoluendi necessitas, absolutione interdicta ligationis adiicit particulā. O perditionis animarum occasio. Vtrum autem hæc sacerdotis allocutio confitenti noceat? Certum est autem quod non iuuat, dei iudicio reseruetur. Sed quid huic consolatori, uel potius desolatori respondendum sit, si forte requiras, Absolute dico, quod docendus est iste, non sequendus: nec ibi erit inobedientia, ubi est eruditionis humilis officiositas. Si autem huiuscemodi putredinibus quod apponendū sit cataplasma scire desideras, ut saltē sub occasione tui doceātur presbyteri, & hoc etiam proficiat salutē, quod in extremo positus & tamen confitentibus responderem subtexo, Nemini imponendū est quod aut impossibilitas ei abdicat, aut tempus euanescentes adimplere prohibeat. Si autem aliquid quod pauperibus prodesse habeat, manus eius inuenit, aut amici sui de suo dare uoluerint, legale est ut peccata sua elemosynis redimantur, orationes etiam amicorū ei profuturas credimus. Si autem quantulacūque pecuniæ summa deerit, aut qui orent pro eo amicorum religiositas defuerit, & ex toto nihil nisi confiteri & pœnitere ualebit, enormitas quoque culparum eum aggregabit, quid isti faciam? Deducā eum, aut ego etiam de eo in desperationē deducar? Sed quis o bone Iesu de misericordia tua desperet? Audēter pronuncio, quoniam cumulatius delictum est, à te desperatio, quam qualiscunque humanæ fragilitatis offensio. Quare apostolorum primicerio lachrymæ profuerunt nisi prosint & mihi? Latronis illius in euangelio memoria quare nobis tam uenerabiliter recensita est? Quibus elemosynis quibusue operibus, uel orationibus respondisti mihi Iesu benignissime, dulcissime, misericordissime, quasi sub iureiurando, Amē dico tibi, hodie mecum eris in paradiso: nisi fidei suæ orationique breuissimæ, Memēto mei domine dum ueneris in regnum tuum? Dico itaque omnibus, dico tandem confitentibus, dico confessis conuulcentibus ne confessi desperent, ne sacerdotes post mortem aliquos ligent, imò cum suo Iesu dicant, Soluite eum & sinite abire. Melius est enim ut talis prosit, uel non noceat absolutio, quā ob sit indiscreta ligatio. Nec prætentant sacerdotes de fallaci securitate occasionē, quoniam melius est ut morientem in manus misericordissimi dei commendēt, quā desperantem cum quibusdam induciarum fabulis à regno dei eliminent. Nam quomodo dicit sacerdos pro defuncto quem ipse ligauit, Absolue domine animam famuli tui, uel ceteras solutionum eulogias? Absoluendi sunt itaque omnes absolutionem dūtaxat rogantes, nec suspendendi sunt à fidelium cōmunionē, quibus mors timetur sine dilatione, & quos peccatorum amara recordatio uel ciet in lachrymas, uel metus mortis ducit ad ueniam, sicut scriptura testatur, Et territi purgabuntur. Si tamen tales conualuerint, canonum diuturnam non negligant subire censuram. Subitaneum ergo dum nō diutius licuerit, hoc in extremo positus adhibeatur consilium: hoc etiam charissime do tibi amice, ascende oraturus in templum domini corde, si non potes corpore. Dic iustificandus cum illo iam iustificato peccatore, Deus propitius esto mihi peccatori, ut ascēdas iustus ad deum, iustificatus ab ipso, qui uiuit & regnat per omnia secula seculorum. Amen.

Finis.

Kk De

Eiusdem omnino farinae cuius est superior.

Cap. I



**D**RAEBETE silentium fratres, ne uos praterat sermo utilis, & in tēpo-  
re necessarius, Nam tunc uel maxime opus est medicina, quādo grauis  
nascitur ægrotudo. Et tunc sollicite collyrium adhibendū est, cum fuerit  
oculus dolore turbatus. Quicunq; ergo non habent hunc dolorē, non  
extrepent, sed potius audiant, quia non impedit sanam scire medicinā  
quæ profit. Qui uero per hunc casum turbatum habent oculum mētis,

1. Cor. 7

& doloribus cruciātur, magis intenti sint ut aperiant oculum ad suscipiendū salutaris uerbi  
collyrium, quo non solum consolationē, sed etiam remedium consequantur. Certū est, quia  
is qui dolet, oculum si nō medico infundenti collyrium, aperire uoluerit, collyrium quidem  
foras extra pupillam fundetur, oculus uero remanet in dolore, Sic & mens dolentis, si pro-  
pter nimiam tristitiam oculos clauserit, & non recipiat saluberrimam admonitionem, incipi  
et plus dolere, & forsitan pati illud quod in scriptura cōtinetur, Quia tristitia huius mundi  
mortem operatur. Beatus ille Paulus doctor gentium & medicus salutaris, duas esse dixit  
tristitias, unam bonā & alteram malam: unam utilem, & alteram inutilem: unā quæ saluat,  
& alteram quæ perdit. Et ne dubiū alicui uideatur id quod dicitur, ipsa eius uerba recitabo.  
Ait enim, Quæ secūdm deum est tristitia, pœnitentiam in salutem stabilem operatur: hæc  
est bona tristitia. Sequitur deinde, Nam huius mūdi tristitia, mortem operatur, hæc est illa  
non bona.

Caput II

Videamus ergo fratres, ista tristitia quæ nūc habetur in manibus, quæ  
nunc agitur in pectore, & auditur in uoce an utilis sit, an inutilis, prodesse uideatur aut noce-  
re. Iacet ergo corpus exanime, iacet in tabula homo sine homine, membra utiq; sine spiritu:  
clamatur, nec respondet: uocatur, & nō exaudit, iacet facies pallida, forma murata, per quæ  
mors ipsa cernitur & horretur: cogitatur prærerea perpetuum silentium eius, cogitatur aut  
delectatio quæ fuit, aut futura quæ erat utilitas, cogitantur necessitates, ueniunt in mentem  
uerba dulcissima, longa consuetudo requirit. Hæc sunt sine dubio quæ mouent lachrymas,  
incitant ululatum, & totum animum in tristitiam mergunt profundam. Contra hæc tam ua-  
lida, tā fortia doloris arma, spiritalibus debemus armari præsijs. Illud ergo primū omniū  
opponendū est, quia omne quod nascitur in hoc mundo, necesse erit mori. Hæc est lex dei  
& sententia immutabilis, quam post delictum princeps generis humani accepit, dicente do-

Gen. 3

mino, Terra es, & in terram ibis. Quid ergo noui contigit, si homo ad hoc natus, diuinæ le-  
gi ac sententiæ satisfecit? Quid noui accidit, si ex mortalibus natus naturæ propriæ, quia nec  
poterat excusare, respōdit? Non est inusitatum quod antiquum est, non est inauditū quod  
continuum est, nō est proprium quod commune est. Si auos & proauos nouimus per hāc  
uiam mortis prouectos, & ipsos deniq; patriarchas & prophetas, ab Adam protoplasto,  
non sine hoc casu audiuius migrasse de seculo, eleuamus animum de profundo tristi-  
tiæ, quia quod debebat hic reddidit. Et utiq; debitū cum redditur, quam potest habere tri-  
stitiam? Hoc est uere debitū, quod nulla potest pecunia redimi: hoc est debitum, quod nec  
sapientia, nec uirtus excusat, nec potestas, nec ipsi deniq; reges potuerunt declinare. Planē  
hortarer & ego, ut augeres tristitiam, si fuisset talis res, quæ cum posset tua substantia redi-  
mi, uel differri, aut negligentia tua, aut parcitate prouenisset. At cum dei decretum firmum  
sit & immutabile, frustra dolemus & de nobis quærimus quare sit mortuus, cū scriptum sit,  
Domini domini exitus mortis. Ista ergo communis uitæ conditio si recipiatur in animo, in-  
cipiet grauatus cordis oculus, quasi prima infusione releuari.

psal. 67

Cap. III

Sed dicis, Scio commu-  
nem esse hūc casum, scio quia is qui mortuus est, debitum soluit, sed delectationem cogito,  
necessitates reputo, consuetudinem requiro. Si propter hæc tristitia afficeris, errore ducis,  
non ratione gubernaris. Scire enim debes, quia dominus qui hanc dederat dilectionem, da-  
re potest & aliam potiolem: & qui tibi hanc intulit necessitatem, sufficiens est per aliū occa-  
sionem



A sionem supplere. Vtilitatem uero sicut tuā uidere debes, & eius qui defunctus est cogitare, quia sic ei forsitan expediebat, sicut scriptum est, Raptus est ne malicia mutaret eius intel- *Sapient. 4*  
 ctum. Placita enim erat deo anima eius, ideoq; properauit de media corruptione educere  
 eum. De cōsuetudine autem quid fuisse uidetur? Quod ergo tempus præstat & dies, multo  
 magis debet & ratio, & bona præstare cogitatio. Et illud maxime cogitandum est, quod di- *2. Cor. 7*  
 uina sententia per Apostolum diffinit, Quia tristitia huius mūdi mortem operatur. Quod  
 si tam oblectatio q̄ utilitas præsens, siue consuetudo, res mundi sunt & gaudia seculi transi-  
 toria, propter hæc animum deijcere, & spiritum contristari, uide quā sit mortifera ualitu-  
 do. Repetens autem iterum atq; iterum dicam, Tristitia mundi mortem operatur. Quare  
 autem mortē operatur? Quia solet nimia tristitia aut ad dubitationē, aut periculosam per- *Cap. IIII*  
 ducere ad blasphemiam. Sed dicet aliquis, Prohibes lugere mortuos, cum &  
 patriarchæ plorati sunt: & Moyses ille famulus dei, & multi inde propheta, præsertim cum  
 Iob quoq; iustissimus suam plagam super filiorum consciderit necem. Non ego prohibeo *1. Thessa. 4.*  
 lugere mortuos, sed gentium illuminator Paulus, qui sic ait, Nolo uos ignorare fratres de  
 dormientibus, ut non tristes sitis, sicut & cæteri qui spē non habēt. Non potest euangelij da-  
 ritas obscurari, siue quia hi q̄ ante legem, aut sub legis umbra positi fuerāt, suos mortuos fle-  
 bant. Merito flebant, quia nondum de cœlis uenerat Christus, qui fontem illum lachryma-  
 rum sua resurrectione siccaret. Merito flebant, quia adhuc sententia permanebat. Merito la-  
 mentabantur, quia nondum resurrectio prædicabatur. Sperabant quidem sancti aduentū  
 domini, sed mortuos flebant, quia nondū uiderant quem sperabant. Deniq; Simeon unus *Lucæ 2*  
 de ueteribus sanctis, qui prius fuerat de sua morte sollicitus, postquam Iesum dominū ad-  
 huc puerum in manibus attrectare promeruit, de suo exitu gratulatur & dicit, Nunc dimit-  
 tis seruum tuum in pace, Quia uiderunt oculi mei salutare tuum. O beatus ille Simeon, qui  
 quod sperauerat uidit, Iam mortem suam pacem & requiem cōputabat. Sed dices, In euan-  
 gelio ecce legitur, archisynagogi deploratam filiam, & sorores Lazari Lazarū fleuisse. Sed  
 & illi adhuc secundum ueterem legem sapiebant, quia necdum à mortuis Christum resurre-  
 xisse conspexerant. Fleuit planē & ipse dominus Lazarum iam sepultum, non utiq; ut flen-  
 di mortuos formam daret, sed ut se per lachrymas uerum corpus assumpsisse monstraret.  
 Vel certe fleuit amore humano Iudæos, qui nec dei signo mōstrato, erant in eum credituri.  
 Neq; enim mors Lazari causa esse poterat lachrymarum, quem ipse Iesus & dormisse dixe- *Cap. V*  
 rat, & resurrecturum se promiserat, sicut & fecit. Habuerūt ergo ueteres suum  
 morem, suamq; fragilitatem, Christi aduentum præcedentes. Iam ex quo uerbum caro fa-  
 ctum est, & habitauit in nobis: ex quo primi Adæ datam sentētiā, Adam nouissimus sol-  
 uit, ex quo nostram mortē sua morte destruxit, & ab inferis die tertia dominus resurrexit,  
 iam non est terribilis mors fidelibus, non timetur occasus, quia oriēs uenit ex alto. Clamat *Ioh. 11*  
 ipse dominus qui mentiri nescit, Ego sum resurrectio & uita, qui credit in me etiam si mor-  
 tuus fuerit, uiuet, & omnis uiuens & credens in me, mortem non uidebit in æternum. Mani-  
 festa autem fratres charissimi uox diuina, Quia qui credit in Christo, & eius mandata custo-  
 dit, etiam si mortuus fuerit, uiuet. Hanc uocem beatus Apostolus accipiens, & totis fidei ui-  
 ribus retinens, instruebat dicens, Nolo uos ignorare fratres de dormientibus, ut non tristes  
 sitis. O mira pronuntiatio Apostoli, uno sermone ut utramq; doctrinam proferat, resurre-  
 ctionem commendat. Dormientes namq; appellat illos qui moriuntur, ut dormientes eos  
 dicens, resurrecturos sine dubio consignet. Vt non, inquit, de dormientibus, sicut & cæteri  
 qui spem non habent, contristentur: nos autem qui spei filij sumus, collætēmur. Quæ au-  
 tem nobis spes sit, ipse commemorat, Si, inquit, credimus, quia Iesus mortuus est & res-  
 surrexit, ita & deus eos qui dormierunt, per Iesum adducet cum eo. Iesus nobis & hic ui- *Philip. 1*  
 uentibus salus est, & hinc recedentibus uita est. Mihi, inquit, uiuere Christus est, & mori lu-  
 crum. Lucrum planē, quia angustias & cogitationes quas habet longior uita, mors accele-  
 rans lucrificat, Iam uero ordinem & habitum spei nostræ describit Apostolus. Hoc, inquit,

1. Thess. 4. dicimus uobis in uerbo domini, quia nos qui uiuimus, qui residui sumus, in aduentu eius non præueniemus eos qui dormierunt, sed ipse dominus in iussu & in uoce archægeli, & in tuba dei descendet de cælo, & mortui qui in Christo sunt, resurgent primi, deinde & nos qui uiuimus, simul rapiemur cum illis in nubibus obuiam Christo in aëra, & sic semper cum domino erimus. Quod dixit Apostolus hoc est, quia cum uenerit dominus, inueniet multos in corpore Christianos, qui nondum experti sunt mortem, & tamen non ante rapientur ad cælum quàm mortui sancti de monumentis resurrexerint, in tuba dei & uoce angeli, suscitati. Cum autem fuerint suscitati sancti, pariter cum uiuentibus rapientur in nubibus obuiam Christo in aëra, & sic semper cum Christo regnabunt. Nec sanè potest dubitari, quòd possint corpora grauià in aëra alleuari, cum iubente domino Petrus ipsum corpus habès super undas ambulauerit maris, & Helias per huius spei confirmationem, per hunc aërem curru flammeo sit raptus per aëra ad cælos.

Cap. VI Sed quæris forte, quales erunt qui à mortuis surrexerint? Audi ipsum dominum dicentem, Tunc iusti fulgebunt in regno patris eorum sicut sol. Quid speciem decoremq; commemorem solis, cum eos figurari necesse est ad ipsius claritatem domini, ut testatur Paulus, Nostra, inquit, conuersatio in cælis est. Vnde & saluatorem expectamus dominum Iesum, qui transfigurabit corpus humilitatis nostræ ad conformitatem corporis gloriæ suæ: & transfigurabitur sine dubio caro ista mortalis, ad conformationem Christi claritatis, induet mortale immortalitatem. Quia quod seminatum fuerat in infirmitate, protinus surget in uirtute. Non timebit caro amplius corruptionem, non patietur famem, non sitim, non ægrotudines, nò casus aduersos. Pax erit tota, & firma securitas. Vita utiq; cœlestis, gloria ibi & gaudiū sine defectione præstabitur. Hæc in sensu & oculis gerens beatus Paulus dicebat, Optabā dissolui, & cum Christo esse. Multo enim melius & adhuc aperte docēs, Dū sumus, ait, in corpore, peregrinamur à domino, Per fidem enim ambulamus, & non per speciem. Habemus autem magis bonam uoluntatem peregrinari à corpore, & præsentem esse ad dominū. Quid agimus nos paruæ fidei homines, qui anxiamur & deficimus, si aliquis de charis nostris migret ad dominum? Quid agimus, quos peregrinatio ad Christi cōspectum separat? Vere uere peregrinatio est omne quod uiuimus, Nam sicut peregrini in seculo sedes habemus incertas, laboramus, defudamus, uias ambulantes difficiles, periculis plenas, undique insidiæ, à spiritalibus, à corporalibus inimicis, ubique errorū calliculi sunt præparati. Et cum tantis periculis urgeamur, non solum ipsi cupimus liberari, sed etiam liberatos tanquam pereuntes lugemus & plangimus. Quid nobis præstitit deus per suum unigenitū, si adhuc mortis timemus occasum? Quid nos renatos ex aqua & spiritu gloriamur, quos profectio de hoc mundo, quæ optabilis debet esse, contristat? Ipse dominus clamat, Si quis mihi ministrat, sequat me, & ubi ego sum, & minister meus erit. Putas si rex terrestris ad suum palacium uel conuiuium aliquem uocet, nōne libens & congratulans properabit? quanto magis ad cœlestem currendum est regem, qui quos receperit, nō solum conuiuas, sed etiam conregnatores efficiet, sicut scriptum est, Si commortui sumus, & conuiuemus: si sustinebimus, & cōregnabimus. Nec ego dico, ut quis manus sibi inferat, aut se interficiat contra uoluntatem dei creatoris, aut animā de corporis sui expellat hospitio: sed hoc dico, ut lætus sit & gaudens, cum aut ipse uocatur aut proximi sui uadunt, ut euntibus gratuletur. Hæc est enim Christianæ fidei summa, uitam ueram expectare post mortem, reditum sperare post exitum. Accepta igitur uocedit, per Christum dominum nostrum, Cui est gloria & potestas nunc & in secula seculorum. Amen.

Finis.

Sermo



A DE CONSOLATIONE MORTVORVM SERMO SECVNDVS

Sermo secundus eiusdem farinae.



VPERIORI quidem libello perstrinximus breuiter de cōsolatione mor- cap. I  
tuorū, de spe resurrectionis, nūc planius ac ualidius de eisdem aliquid pro-  
feramus. Siquidem hęc quæ locutus sum, fidelibus quidem certa sunt, infi-  
delibus autē & dubijs uidentur esse fabulosa, ad quos pauca strictius profer-  
ramus. Certe quicumq; estis increduli, omnem dubitationem de substantia

corporis sustinetis. Discreditur enim à quibusdam, carnem conuersam in puluerem, iterum  
posse resurgere, iterum reuiuiscere. Cæterum de anima nullum hominem posse dubitare. Si  
quidem de animæ immortalitate nec philosophi ipsi, cum sint Pagani, dissentiunt. Nā quid  
est mors, nisi separatio corporis animæq;. Recedēte enim anima quæ semper uiuit, quæ mo-  
ri nescit, quia de flatu dei est inspirata, solum corpus emoritur, quia aliud in nobis mortale,  
aliud immortale est. Sed recedens anima, quæ carnalibus oculis uideri non potest, ab ange-  
lis suscipit & collocatur aut in sinu Abraæ, si fidelis est, aut in carceris inferni custodia, si pec-  
catix est, donec ueniat statutus dies, quo suum recipiat corpus, & apud tribunal Christi iu-  
dicis ueri reddat suorum operum rationem. Ergo quia de carne, tota contradictio est, huius  
est & infirmitas defendenda, & resurrectio consignanda.

Quodd si quis requi- cap. II

rat à me dubius & incredulus, quomodo mortui resurgent, quo aut corpore uenient: re-  
spondebo ei ore ac uerbis Apostoli, Inspiciens, tu quod seminas, non uiuificat, nisi prius mo- 1. Cor. 15  
riatur: & quod seminas granum tritici, aut alterius cuiusq; seminis, mortuum & aridum sine  
humore, cum putrefactum fuerit, siccū surgit, sitq; uestitum folliculis, aristis armatum.  
Qui ergo granū tritici suscitāt propter te ipsum, te non poterit suscitare propter se? Qui so-  
lem quotidie quasi de sepulchro noctiū resuscitat, & lunam quasi de interitu reparat, & tem-  
pora recedentia reuocat, ad utilitatem scilicet nostram, nos ipsos, propter quos omnia repa-  
rat, non requirit, & cineres patietur extingui, quos suo flatu accedit, quos suo spiritu anima-  
uit, ut non perpetuo iam uiuat homo, qui illum pie & agnouit & coluit? Si iterum dubi-  
tas quo modo possis reparari post mortem, restitui post cineres & ossa consumpta. O ho-  
mo, si dicere uelimus, quid fuisti anteq; in utero matris cōcipereris, nihil utiq;. Deus ergo qui  
te creauit ex nihilo, nonne facilius potest facere quod ante iam fuit, qui potuit creare quod  
nō fuit? Qui te ex gutta informis liquoris in tuæ matris utero, in neruos, uenas & ossa iussit  
excrecere, poterit, mihi crede, de utero terræ iterum generare. Sed times ne forte ossa tua  
arida pristina carne uestiri non possint. Noli secundum tuam fragilitatē dei existimare ma-  
iestatē. Deus ille omniū creator, qui uestit arbores folijs, & arua floribus, poterit & tua ossa  
illo certo ueris tēpore in resurrectione uestire. Dubitauerat de hoc ipso propheta Ezechiel, Ezech. 37  
& interrogatus à domino utrum uiuerent ossa arida, quæ uidebat aspersa per campum, re-  
spondebit, Tu scis domine. Sed postq; deo iubente, & ipso prophetante uidit ossa ad sua lo-  
ca & ad iuncturas currentia, postq; uidit ossa arida neruis ligari, uenis intexi, carne contegi,  
cute uestiri, postea prophetauit de spiritu, Et ueniens spiritus uniuscuiusque, & introiuit in  
corpora illa iacentia, & surrexerunt, & mox steterunt. Sic confirmatus de resurrectione pro-  
pheta, scripsit uisionem, ut ad posteros tantæ rei cognitio perueniret. Merito ergo clamat  
Esaias, Exurgent mortui, & resurgent qui in monumentis sunt, & lætabuntur qui sunt in ter- Esai. 26  
ra. Ros enī qui abs te est, sanitas est illis. Vere enim sicut rore madefacta semina germinant  
& exurgunt, sic rore sancti spiritus ossa fidelium uisitata, cum suo corpore in æternam glo- cap. III  
riam germinabunt.

Sed dubitas, quomodo de paruis ossibus totus possit homo re-  
stitui. Reuera tu ex modica scintilla ignis ingentem suscitās flammam. Deus non poterit ex  
modico cineris fermento totum corpusculi tui reintegrare conspersum? Sed & iam dicis,  
Nūq; comparēt carnis ipsius reliquæ, Forsitan enim aut igne combustæ sunt, aut à bestijs  
deuoratae. Hoc primum scito, quia quicquid consumitur, in terræ uisceribus continetur, unde  
rursus poterit deo præcipiente produci, Nam & tu cum non appareat semen ignis, adhibes  
lapillum

lapillum & modicum ferri, & excutis de uisceribus lapilli quantum opus est ignis. Qui ergo per tuam industriam & sapientiam, quam ipse deus tibi concessit, tu facis ut producas quod non apparet, maiestas illa diuina facere sua uirtute non poterit, ut quæ interim non uidentur, excutiat. Mihi crede, potest omnia deus. Hoc enim require, utrū promiserit se facere resurrectionem, & cū promissam tantis didiceris testimonijs, imò cū ipsius domini Iesu Christi certissimam teneas cautionem, confirmatus fide, mortē desine iam timere. Qui enim timet, adhuc non credit, qui nō credit, peccatū cōtrahit insanabile, quia sua incredulitate dominū aut impotentem, aut certe asseuerat mendacem. Sed nō ita beati apostoli, non ita sancti martyres probant. Apostoli propter hāc prædicationē resurrectionis, dū Christū resurrexisse prædicant, & in ipso mortuos suscitatuos annūciāt, nec mortē nec tormēta recusauere, nec cruces. Si ergo in ore duorū uel trium testium stat omne uerbū, resurrectionis mortuorū, cui tot & tam idonei testes existūt, cui cum effusione sanguinis testimoniū dicunt, quomodo potest in dubium reuocari? Quid autem sancti martyres putas habuerunt, certam ipsius resurrectionis spem, an dubiam? Si non habuissent certam, nō utiq; per tātos cruciatus & pœnas mortem pro lucro maximo suscepissent: nō cogitabant supplicia præsentia, sed præmia secutura. Sciebāt dictum, Quæ uidentur, ad tempus sunt. Audi te fratres uirtutis exemplū, Mater septem filios hortabatur, & non lugebat, sed potius latabatur: uidebat filios ungulis tradi, ferro cōcidi, sartagine affari, & nō lachrymas fundebat, non ululatus tollebat, sed sollicitè ad tolerantia hortabat filios. Non erat crudelis illa, sed fidelis: amabat filios, non delicate, sed fortiter. Hortabatur filios ad passionem, quam gaudens ipsa quoq; suscepit. Erat enim de sua & suorū filiorum resurrectione secura. Quid loquar uiros, quid fœminas, quid pueros, quid puellas? Quomodo se de ista morte luxerūt, quomodo se sūma celeritate ad cœlestem militiā transtulerunt? Poterant utiq; ad præsens uiuere si uoluissent, quia in ipsis erat positū, an Christum negando uiuerent, an confitendo morerent: sed magis elegerunt uitam projicere temporalē, & uitam sumere sempiternā, excludi de terra, incolere cœlū. In hoc fratres quis dubitationis est locus, ubi potest adhuc residere mortis formido? Si martyrum sumus filij, si eorū socij inueniri uolumus, nec cōtristemur morte, non lugeamus charos, qui nos præcedunt ad dominū. Si plangere uoluerimus, ipsi nobis insultant beati martyres, & dicunt, O fideles, o regnum dei cupientes, uos qui charos uestros delicate morientes in lectulis utique & plumis, tanto mœrore plangitis & lugetis, si eos à gentibus propter nomē domini cruciari & interfici uideretis, quid facturi essetis? Aut non uos præcessit exemplum? Abraam patriarcha filiū unicū offerens sacrificiū, gladio obedientiæ iugulauit, nec ei quem tanto amore dilexit, pepercit, ne domino inobediens uideretur. Quod si dicatis, illum propter dei hoc fecisse præceptum, & uos habetis præceptū, ut nō tristes sitis de dormientibus. Qui ergo minora non seruat, maiora quomodo seruabit? An nescitis quia animus qui in terribilibus frāgitur, ad fortiora reprobis inuenit? Timēs quiuū, mare quando ingredit? Sic qui plangunt impatienter amissum, quando poterunt ad martyrij peruenire certamen? Nam qui in his constans & magnanimus existit, iam sibi gratiam ad potiora substernit.

Sufficiūt hæc fratres ad mortis contemptū, & ad spei futuræ cōfirmationē: superest ut unū de ueteribus exemplū proferam, quod omnem consolationem faciat, quod etiam patētibus cordis auribus uolo omnes audire. Dauid ille rex magnus filiū dilectū, quē sicut animā propriam diligebat, infirmitate percussus impatiēissime flebat: & cū humana auxilia iā nihil prodesse, semetipsum cōuertit ad dominū: deposita regali gloria, sedit in terra, iacuit in cilitio, nō māducauit neq; bibit, septem diebus continuis orans deū, si forte sibi filius donaretur. Accesserūt seniores domus eius, consolantes rogauerunt eū ut panē sumeret, ueriti ne dū filiū uelit uiuere, ipse ante deficeret. Non potuerunt torquere, nō cogere: amor enim impatiens solet pericula ipsa cōtēnere. Iacet rex in squalore cilitij ægrotāte filio, nec uerba faciunt cōsolationem, nec ipsa escharū necessitas auocauit, Mens tristitiam patitur, pectus dolore reficitur, oculi lachrymis perpetuis fluunt. Inter hæc factū est quod decreuerat deus. Morit̃ puer, uxor in luctu tanto, domus in planctu,

ca. IIII

2. Cor. 4

2. Macch. 7


cap. V

2. Reg. 12



dirigere, & non leuitate sui animi publicare.  
DE QVARTA FERIA, SIVE CVLTVRA AGRI DOMINICI,  
QVI SED LOCVTLEI CVIJSPIAM.

Sermo, non Augustini, sed locutulei cuiuspiam.



Sermo, non Augustini, sed locutulei cuiuspiam. Capitulum 1  
**C**OELESTI gratiæ & spiritali pluuiæ præparandus est ager ecclesiæ, quia  
 imber diuinus in proximo est. Opemur dilectissimi in isto agro quod nobis creditum est, nobis enim datum est plantare, rigare, arare, nouellare, sed  
 dei est incrementum dare. Apostolus Paulus doctor gentium in fide & ueritate, per semetipsum & operando & monendo, hanc nos docuit dominici  
 cæ exercere culturam dicens, Ego plantavi, Apollo rigauit, sed deus incrementum dedit. Et aliter  
 tū dedit. Et paulo post. Dei enim sumus cooperarii, dei agricultura, dei ædificatio estis. 1. Cor. 3.  
 bi, Coopatores mei estote fratres, & intēdite eos, qui sic ambulāt sicut habetis formam nostram. Philip. 3  
 In ista itaque fratres dominica agricultura, in qua nos dominus operari præcepit, sic operemur, ut  
 mercedem promissam dono gratiæ accipe mereamur. Tempus est, opemur, laboremus, quoniam illa  
 iuga bouum, quæ ille inuitatus in euangelio dum ad cenam uenire nollet, probare se uellet dixit, & pro  
 preterea à cena se excusauit, quoniam sibi ea, non agriculturæ dominicæ comparauit: nos ea  
 ipsa quinque iuga in agro dominico iungamus, terram durissimam sulcis spiritalibus exaremus,  
 semen uerbi dei proicientes, quasunque spinas malarum cupiditatum inuenerimus, euellamus,  
 eradicemus, diuino igne succedamus, ut in tali ope laborantes, domino deo nostro fiducialiter  
 dicamus, Domine paterfamilias, quoniam te adiuuante fecimus opus quod iussisti, redde mercedem  
 quam promisti. Quæ sunt illa quinque iuga bouum? Quinque sensus corporis sunt, uisus in oculis, au  
 ditus in auribus, olfactus in naribus, gustus in faucibus, tactus in manibus. Et ista iuga sunt.  
 Duo sunt oculi, duæ aures, geminæ nares, duæ manus, & in ipso gustu geminum quiddam intue  
 nitur

nitur quando sapor ipse faucibus atq; palato iudicāte discernitur. Ista ergo quinq; iugā ter-  
ram uersant, quando suis officijs deseruiētes, animum carnemq; peractam, aut uberes fru-  
ctus si ros cœlestis infuderit, aut aridas spinas si sicca terra remanserit, & eorum opus in po-  
sterum subsequetur. Sed quoniam nos dominus atq; paterfamiliās noster  
passim & sine ulla discretione cuiuslibet glebæ semen uerbi sui iacere præcepit. Inducit enim  
in euangelio huius ministri similitudinem & dicit, Ecce exiit seminans seminare, & dum  
seminat, aliud cecidit inter spinas, aliud in uia, aliud in petrosa, aliud in terrā bonam, & cum  
demonstraret quæ esset spinosa terra, homines uidelicet qui uerbum dei spinis cupiditatū  
præfocant, tantum semen, & non reddūt fructus iustitiæ: similiter de alia terra petrosa, atq;  
conculcata uia suæ similitudinis propositæ reddēs rationem, ad terram bonam peruenit &  
ait, Quod autem cecidit in terram bonam, hi sunt qui cum acceperint uerbū dei, custodiunt  
illud & faciunt, Quia nō auditores legis iusti sunt apud deū, sed factores legis iustificabun-  
tur. Non ergo nos dilectissimi aut timor spinarū, aut saxa petrarum, aut durissima uia per-  
terreat, dum tamen seminantes uerbum dei, ad terram bonam tandem aliquando perueni-  
re possimus. Accipe uerbum dei omnis ager, omnis homo, siue sterilis, siue fecundus. Ego  
spargā, tu uide quomodo accipias: ego erogē, uide quales fructus reddas. Melius est enim  
ut de accepto tu pro te rationem reddas, quā nobis non erogantibus iuste dicatur, Serue  
nequam & piger, tu erogares, ego ueniens cum usuris exigerem. Si uero te infœcundam aut  
spinofam uel siccam sentis, recurre ad creatorem tuum. Hoc enim nunc agitur, ut innoueris,  
ut fecūderis, ut irrigeris ab illo qui posuit desertum in stagna aquarū, & terram sine aqua  
in exitus aquarum, & habitare fecit illic esurientes, & constituerunt ciuitatem habitationis,  
& seminauerunt agros, & plantauerunt uineas, & fecerunt fructum frumenti. Ex qua ter-  
ra: Ex illa sterili, spinosa, & inaquosa. Et tu unaquæque anima quæ accedis ad Christum,  
terra es spinosa & arida. Vnde probamus, quia talis es: Recole illam sententiam quam in  
primis parentibus accepisti, & inuenies quid inde traxisti, Spinās, inquit, & tribulos pariet  
tibi. An respondebis, nō te esse terram spinosam? Si spinas non haberes, capiti creatoris tui  
coronam spineam non imponeres. Quia ergo & tu talis es, spinarum multitudine peccato-  
rum prægrauata es. Ideo tibi talis cultura impenditur, propterea crucis ligno exararis, pro-  
pterea cœlesti pluuiæ præpararis, ut cū fecūda effecta fueris, nō gratuleris de tuis quæ nul-  
la sunt meritis, sed reddens bonos fructus Christi prædices gratiā. Vis nosse qualis tibi ad-  
hibeat cultura, qualis te desuper perfundat gratia? Ecce agnosce. Christi cruce exararis, quā-  
do eius signo in fronte signaris: eius sanguine rigaris, quando in morte ipsius baptizaris.  
Quotquot em̃, ait Apostolus, in Christo baptizati sumus, in morte ipsius baptizati sumus.  
Multum est quod dictū est, eius sanguine rigaris, uideamus quomodo per aliquam  
similitudinem hoc quod diximus probare possimus. Non enim nostris sermonibus, sed do-  
cumentis diuinis, fides accommodāda est. Ecce dilectissimi intendite, Iudas ille malus & fal-  
sus discipulus uenalis & uenditor, fur & traditor, emptus à Iudæis, ut cum eis mancipium  
esset diaboli, precium accipiens de illo qui nō habet precium, uenditor sanguinis Christi,  
ex ipso precio, ut scriptura narrat, emit sibi agrū figuli, ut is qui hæreditatem integrā Chri-  
stū nō habebat in cœlo, partē aliquā habere uellet in seculo, quā nec ipsam possedit, quia sce-  
leris tanti facto sibi met conscius collum sibi alligauit, & pstratus in faciem diruptus est me-  
dius. Ager tamen ille qui ab eo cōparatus est, uocatus est ager sanguinis, quoniā ex precio  
cōparat⁹ est tāti sanguinis. Vēdidit discipulus sanguinē magistri, & emit exinde agrū figuli.  
Quid est hoc? Putamus dilectissimi uacare hāc actionē in illa uēditione uel emptione uel in  
ipsa Christi mystica passiōe? Cōparauit, ait scriptura, Iudas agrū figuli, & uocatus est ager  
ille, ager sanguinis. Clamat hic terra quali uel q̄ precio fuerit cōparata, imō preciū ipsum cla-  
mat, sanguis ipse clamat, Abel ille iust⁹ ab impio fratre occisus clamat. Nāq; dilectissimi cū  
hæc similitudo passiōis Christi & neq̄tia Iudæ ac Iudæorū in illis duobus primis monstra-  
ret, Cain & Abel, posteaq; à maiore fratre minor occisus est, ab inuido innocēs pemptus est,  
à scele-



A à scelerato pius interfectus est, interrogat deus Cain, quasi nescius, quasi ignarus & dicit ei,  
 Vbi est Abel frater tuus? Quæ uox non est ignorantis, sed peccatum ante oculos scelerati po-  
 nētis, ut inexcusabilis sit omnis homo, qui & admonitus poenitere nō uult in malo. Vbi est  
 Abel frater tuus: hoc fuit dicere dei. Agnosce Cain, non me potuisse latere id quod me puta-  
 sti posse latere. Agnosce quid feceris, de proximo age poenitentiam, ut possis accipere indul-  
 gentiam. Verum ille sensu durior, in scelere pertinacior, moribus peruersis in anima percus-  
 sus, respondit deo dicenti, Vbi est frater tuus, & dicit, Nescio, Nunquid ego custos sum fra-  
 tris mei? Quid dicis Cain cui dicis, nescio? Cū illo loqueris, q̄ omnia uidet oculis suis. Quid  
 est quod dicis, Nunquid ego custos fratris mei sum? Talia perpetrando repulisti à te in omni-  
 bus timorem dei. Et dominus illi, Quid fecisti: uox sanguinis fratris tui clamat ad me de ter-  
 ra. Si enim esses fratris tui custos, eius non esses interfecto. Si cognosceres fraternitatē, tan-  
 tam non committeres immanitatem. Si timeres meum iudicium, in fratrem non committe-  
 res parricidium. Vox sanguinis fratris tui clamat ad me de terra. Et nunc ait dominus, Ma-  
 ledictus tu à terra. Non maledicta terra, sed maledictus tu à terra, quæ accepit sanguinē fra-  
 tris tui de manu tua. Agnosce iam terra, quoniam sanguine rigata es innocentis, cōuince uo-  
 cem negantis, suscipe sanguinem confitentis. Interrogentur & nunc Iudas & Iudæi, imò in  
 Iuda omnes Iudæi. Interroget dominus Iudā, & dicat ei, Iuda, ubi est Christus frater tuus? psal. 11  
 An forte dicturus es, ô malus frater, q̄ Christus tuus nō fuit frater: cōuincat te prius ipse dñs  
 q̄ tuus fuerit frater. Dic nobis dñe Iesu Christe, utrū Iudas fuerit frater tuus. Respōdet, & si  
 fuit, fuit: nō enim est quod fuit, & si fuit, fuit: ego em̄ generaliter de omnibus patri dixi, Anū-  
 ciabo nomē tuū fratribus meis. Ecce Iuda cōuictus es, q̄ Christus fuerit frater tuus. Vbi est  
 frater tuus? respōde, dic, sequere, dic qd̄ dixit & ille, Nescio. Nunquid ego sum custos fratris  
 mei? Nō em̄ & tu fuisti custos qui & proditor factus es & uēditor. Dic, Nunquid sum custos  
 fratris mei, ut respōdeat & tibi: uox sanguinis fratris tui clamat ad me de terra. Quid enim 1. Cor. 15  
 dicit, omnis homo terra? Primus em̄ homo de terra terrenus: & qualis terrenus tales & ter-  
 reni. Quid dicit? Omnis homo terra, quando accipit sanguinem Christi? amen dicit. Quid  
 est amen? uerum est. Quid est uerum? Quia fusus est sanguis Christi. Quo faciente discipu-  
 lo Iuda tradente, amen dicendo, uerum clamādo dicit hoc, omnis homo terra. Ecce Iuda,  
 uox sanguinis fratris tui clamat ad me de terra: probauimus, quia eius sanguine rigaris.  
 Vide terra quomodo accipias hūc sanguinem, quia qui eum bene accipit, accipit bene- ca. IIII  
 dictionem, qui uero eum male accipit, iudicium sibi bibendo acquirit. Hoc figuratum est &  
 in illo agro Iudæ, de quo dictum est q̄ esset ager sanguinis, secutum est enim ut diceret, Fiat Matth. 27  
 uilla eius deserta. Si enim ad Iudam pertines, si facta eius imitaris, si sanguinem Christi nō  
 cum timore & tremore accipis, eris uilla deserta, maledicta, reprobata & spinosa. Si autem san- Roma. 9  
 guinem Christi cum reuerentia percipiens, cognoscis per illum tua tibi dimitti peccata, quo-  
 niam ager ille quem comparauit Iudas, figuli dictus est, Habet potestatem figulus luti, ex  
 eadem conspersione aliud quidem uas facere in honorem, aliud in contumeliam. O terra  
 tāto rigata sanguine, respōde de tanto sanguine, non sicut Cain & Iudas uerba excusatio-  
 nis, sed sicut sancti martyres uerba confessionis. Responde sicut respondit beatus Stepha-  
 nus, qui in isto agro dominico ut bonus colonus plurimum laborando genufixit, & su-  
 terra petrosa uulneratus, ex ea lapides in suo corpore tanquam in sinu suo collegit, & su-  
 dando in opere, terram sancto sanguine rigando centenum fructum ex martyrio domino  
 præsentauit. Responde sicut respondit Cyprianus, Laurentius, ceterique sancti pueri & pu- Apoc. 7  
 ellæ. Ætas omnis & uterque sexus, qui percipientes sanguinem Christi, testimonium dice-  
 bant, & non negantes nomen Christi, pro sanguine non biberunt, quem sanguinem su-  
 um fundere non dubitauerunt, simulque cum perpetua felicitate in æternum regnare me-  
 ruerunt. Hoc in Apocalypsi reuelante angelo Ioannes uidit turbam multam, quam di-  
 numerare nemo poterat. Hanc requirens quæ nam esset, responsum tale accepit. Hi  
 sunt, dictum est, qui lauerunt stolas suas, & candidas eas fecerunt in sanguine agni. Iam  
 agno-

agnoscis anima Christiana, quemadmodum & tu ex illo sanguine efficiaris candida, ut c  
omnis & corpore & corde pulchra ascendas de fonte Christi consecrata in sanguine. Quid  
enim manauit ex illo latere crucifixi? Sanguis & aqua, ex sanguine rubor, ex aqua splendor.

Cap. V

In istis duobus sacramentis decorantur singulae animae, ex quibus una illa pulchra effi  
citur sponsa ecclesia, cui dicitur in Cantico canticorum, Quam speciosa es soror mea, dilecta  
mea, quam speciosae sunt genae tuae. Et cum ipse eam talem fecerit, ipsamque pulchritudinem  
ei ipse donauerit, uidens eam talem quasi miratus exclamat atque circumstantes interrogans

Psal. 44

dicit, Quenam est haec quae ascendit dealbata? Et illi, Aequitas dilexit te, Ipsa est regina quae  
astitit a dextris tuis in uestitu deaurato, circumamicta uarietate linguarum diuersarum gen  
tium, uarietate decorata. Audiens haec sponsi sui uoces dicentis, Quae nam est haec quae ascen  
dit dealbata: uerecunde etiam ipsa respondere cogitur, & dicit suo sposo, De me interrogas  
quae nam sim quae ascendi dealbata? Ego sum quam foedam inuenisti, pulchramque fecisti.

Psal. 50

Ego sum cuius preces audisti, quando me in psalmo cantare fecisti, Lauabis me & super ni  
uem dealbabor. Quid ergo miraris pulchritudinem meam, cum scias haec esse opera tua?  
Quid interrogas, quod ipse fecisti? Vides me dealbatam, tu lotam super niuem fecisti can  
didam, ut uideas me ascendentem te cognoui de caelo descendentem, te amavi in cruce pen  
dentem. Humilitas tua facta est exaltatio mea, foeditas tua est pulchritudo mea. Nisi enim  
tu de cruce uulneratus descenderes, ego dealbata de fonte non ascenderem. Vere dictum est,

Can. 8

Quia ualida est sicut mors dilectio. Quousque se sponsus hic inclinauit, qui quantum amando  
foedam ut faceret pulchram, usque ad mortis exitum uenit? Et domini domini, inquit, mortis  
exitus. Vidimus enim eum, ait propheta, & non habebat speciem, neque decorem. Quid mira

Psal. 68

Esai. 53

Matth. 16

ris, amando talis factus est. Hanc tamen amissionem decoris huius timuit Petrus, quando  
praenuntianti domino passionem suam, dixit. Absit a te domine, propitius tibi esto, ne fiat  
istud. Sed ille talia sapienter increpauit, & apostolum diabolum uocauit dicens, Redi retro sata  
nas, non enim sapias quae dei sunt, sed quae sunt hominum. Aestimauit enim Petrus totam illam

diuinitatis pulchritudinem absorberi potuisse in corporis humani specie, & nesciebat agi il  
lud magnum sacramentum quod propterea se illam pulchritudinem quodammodo expoliaret,  
ut quam sibi coniungere dignabatur sponsam ecclesiam, eandem ipsam pulchritudinem ipse  
uestiret. Non enim dando perdebat illud quod erogando crescebat. Ille dedit, haec accepit:  
& ista quod non habuit inuenit, & ille dando quod dedit non amisit, quia cum ipsa pulchri  
tudine a mortuis resurrexit. Quid expauescis Petre quasi perdididerit Christus illam pulchram  
uestem, quando eum nudum intendeabas in ligno pendentem? Noli expauescere, noli time  
re, noli negare: tunicam illam diuinitatis atque immortalitatis Christus non perdidit in cru  
ce, quia sponsae suae eam consignauit in dote. Vidisti eum o Petre non habentem speciem  
neque decorem, & continuo negasti illum quem omnibus relictis tuis amasti, & non solum se  
mel, sed stans in atrio sacerdotis ab una ancilla tertio interrogaris, & negas. At ubi te gallo  
canente conuicit praesumptorem, qui praedixerat antea negatorem, respexit te intus in  
corde, & ut amare fleres, intus quodammodo tecum loquebatur illa ipsa eius diuinitas,  
& dicebat tibi, Vbi es Petre? Si possides amicum, in tentatione posside eum, ubi est in  
tempore tribulationis illius, permane illi fidelis, ut & in hereditate illius cohaeres sis. Vbi  
est, Petre, Animam meam pro te ponam, & tecum sum usque ad mortem? Quam celeriter  
negasti quasi hominem mortuum, quem antea confessus fueras uiui dei filium. Haec dum  
ille tecum in corde sermocinaretur, respexit diuinitas, & fleuit humanitas. Agnita est dulce  
do, & periit amaritudo, suscepta est charitas, & deleta est iniquitas, rediit amor, & fuga  
tus est timor. Ecce subito quem negauerat, quia non habebat speciem neque decorem,  
agnoscit resurgentem speciosum forma praefilijs hominum, coniunctamque illi uidet  
sponsam, tunicam illam immortalitatis, quam antea Petrus timuerat perituram: indutum  
uidet, cognoscit quod tali sit circumamicta ueste, & alloquitur illam ipsam sponsam Petrus, ut

1. Pet. 2

seruet huius tunicae dignitatem, & dicit animae humanae, Christus pro nobis passus est, relin  
quens



A quens nobis exemplū, ut sequamur uestigia eius. Sequere sponsa, sequere uestigia spōsi tui, nullas te metus reuocet à consortio dilecti tui. Ama amantem, quia prius ille amauit non amantem, require requirentem, quia prius ille quæsiuit non quærentem. Require & dic spōso tuo, ubi pascis, ubi cubas in meridie? Ne forte siam sicut operta super greges sodalium tuorum, quam sic dilexisti, pro qua sanguinem fudisti, cuius tabernaculum in sole posuisti. Psal. 18  
Cap. VI

Non siam sicut operta super greges sodalium tuorū. Ecce dum te quæro ubi pascas, ubi cubes in meridie, meridies Africa est, quæ in solis occasu est, & tamen quia ab ortu solis usq; ad occasum laudatur nomen tuū, & sunt qui te prædicant non caste, quærentes quæ sua sunt, nō quæ tua sunt, dum te quæro in meridie, id est, in Africa, ecce greges sodalium tuorū, scholæ pessimæ hæreticorum, fraus Manichæorum, nequitia Pelagianorū, superba congregatio Arianorum, insultant uelut opertæ, id est, uelut incognitæ, & dicunt mihi, Quem quæris? Christum quæris? Ecce hic est, ecce illic est. Tu autem quia me admonuisti dicens, Si aut dixerint, ecce hic est, ecce illic est, ne abieris post eos, cum te nouerim ubiq; totum esse, non partes defendere, sed unitatem diligere, facta sum illis incognita & uelut operta, & derident me, quia nesciunt te. Et quid magnum, quia ego ab eis sustineo tale opprobrium, cum tu eorum nunc usq; contumeliosum sustineas uerbū, qui te cum patre nolūt esse unum, sed diuidendo inter patrem & filium, inter sponsum & sponsam, magnum incurrunt sacrilegium, magnū suæ animæ inferunt morbum, quia nece unius unicum sponsum, nec fidelem atq; integrum habere desiderāt medicum? Tu autem anima Christiana quæ ascensura es ex sacratissimo fonte, rubore atq; decore perfusa, nimis speciosa & candida, serua decorem tuū, agnosce quid fueris & quid eris, uide ne deseras mensam sponsi tui. Vt pulchra permaneas, carnis eius quotidie māducabis: ut uitam æternam habeas, sanguinem eius potabis, uide ne deseras hanc mēsam. Plurimos apparatus hæreticorum fuge, & si plurima illic prauis disputationibus apponuntur, aut fœda sunt, aut semisæ sunt. Non est enim illic quicq; integrum, ubi pater & filius & spiritus sanctus nō est unum. Mensa sponsi tui panem habet integrum, & calicem sanctum, quem panem, & si fractum comminutumq; uidimus in passione, integer tamen mansit in illa sua cum patre indiuidua unitate. De isto pane & de isto calice dicebat ipse dominus, Panis quē ego dederō, caro mea est pro seculi uita, Et calix quem Ioan. 6

B sanctificauero, sanguis meus est, qui pro uobis fundetur in remissionem peccatorum. Superius enim dixerat, Nisi manducaueritis carnem filij hominis, & biberitis sanguinem eius, non habebitis uitā in uobis. Quod uerbum audientes, nec intelligentes discipuli dixerunt, Durus est hic sermo, quis eum potest audire? Et multi ex hoc uerbo scādalizati discesserūt. Cum uideret autem Iesus, ait reliquis, Nunquid & uos uultis ire? Tūc Petrus qui sanctæ figuram portabat ecclesiæ, respondit pro omnibus, Et ad quē ituri sumus? Verbum uitæ habes, & dimittimus te? Videtis dilectissimi, quid sit exire, quid permanere. Qui exierunt, quæ uerbum Christi non intellexerunt, non iam discipuli, sed hæretici remanserunt: qui perstiterunt, uerbū uitæ tenuerūt. Agnoscite hæretici exitū uestrū, quia minorē prædicatis Christi nostrū. Et uos cū eo stare nolulistis, quia Christū unū esse cū patre non intellexistis. Ideo foras existis, quia uerbū uitæ reliquistis. Nō in uobis manet, qui cum patre æqualis manet. Audi ipsum, quia simul cum patre manet, Si quis, inquit, me diligit, diligetur à patre meo, & ego diligam eū, & ueniemus ad eū ego & pater, & mansione apud eū faciemus. Dic mihi obsecro hæretice Ariane, unā animā tuā simul habitat hæc trinitas, pater & filius & spūs sanctus? Quoniā & spūs sanctus habitat in uobis. Nescitis, inquit Apostolus, quia templū dei estis, & spūs sanctus habitat in uobis? An diuersas mansiones in corde tuo præparas trinitati, ut maiorem partem teneat pater maior, minorē filius minor, inferiore spiritus sanctus inferior? Iam ergo non habes unum cor, sed duplum, aut triplum. Non ergo illic habitat trinitas. Quare? Quia dictum est, Væ duplici corde. Insensate, inepte, fatue: ignis, splendor & calor simul atq; inseparabiliter, nec distincte, sed æqualiter habitant unam lucernam, & una trinitas deus simul non potest inhabitare animā humanā. Si apud te æqualitas unitatis indiuiduæ Eccī 2

*Matth.* 23 diuiduæ trinitatis non fuerit digna mansio inuenta, respondebitur tibi, Ecce relinquetur uobis domus uestra deserta. Non enim de lapidibus uiuis construis templum deo, quos reba-  
 ptizando præfocas, exhonoras, reprobas, uastas, dānas, exterminas. Nec fundamenta apo-  
 stolorum sequeris, cum sint ipsi columnæ dei uiui, super quas fabricauit sapientia domum  
 suam, ut construeretur uerum illud templum, in quo erat pietatis magnum sacramentū. De  
*Ioan.* 2 quo templo dicebat Iudæis, Soluite templum hoc, & in triduo resuscitabo illud. In patribus  
 tuis non habes lapidem angularem, quæ secundum diuinitatem patri æqualem nō credis:  
*Deu.* 6 nec tecum ex duabus pennis charitatis dilectionem dei & proximi te habere demonstras,  
 quia nec deum diligis, sicut diligendus est, nec proximum sicut teipsum. Diliges enim domi-  
 num deum tuum, dictum est, ex toto corde tuo, & ex tota anima tua, & ex tota uirtute tua.  
 Da cor tuum patri, animam filio, uirtutem spiritui sancto. Ecce tria trinitati, ex quibus unū  
 hominem uni trinitati sacrificium obtulisti, hæresim Arianam uicisti, quoniam deus domi-  
 nus tuus nō tres dī, sed dominus unus est. Hæc est fabrica sancta, hæc est aula uera, in qua  
*Cap. VII* sunt oues Christi, nō lupi diaboli. Cauete dilectissimi fraudes hæreticorum,  
 oues Christi timete insidias luporum, uidete quia nihil subtractū est utilitati uestre, in qua  
 tum ipse dominus donauit de annūciatione uerbi dei. Quid Christus sit, & quid ecclesia au-  
 distis, approbastis, clamastis, & quare tanta mala patiamur, uel quibus meritis peccatorum  
 in manus tribulantiū nos traditi fuerimus, dum ante paucissimos dies loqueremur simul  
 & agnūmus, simul fleuimus, nunc etiam quid accepturi estis, uel quid eritis, adhuc in auri-  
 bus uestris insonat strepitus nostræ uocis, admonemus uos ut fratres, obsecramus ut pa-  
 tres, hortamur ut filios. Nolite perdere tantum bonum, amor Christi in cordibus uestris nō  
 refrigescat: amor matris huius circa uos cum torpescat, quæ uos parturit, quæ curā magnam  
 pro salute uestre animæ gerit, quæ spem uestram diligit, quæ quotidie redeuntē materno  
 sinu excipit, quæ uobis spirituales cibos præparat, quæ ad æternam saturitatē perducere desi-  
 derat. Immaculatos filios deo patri uult assignare, quos tāta cura ac sollicitudine dignatur  
 nutrire. Hæc toto corde amate, hanc amādo conseruos uestros, fratres uestros, dei ministros  
 puro amore diligite, atq; pro nostra mercede in illo sacratissimo fonte pro nobis orate. Ora-  
 te pro pace, orate pro liberatione huius terræ, orate ut misereatur qui iuste indignatur. No-  
 uelli filij, dum in uestra sancta natiuitate pater exultat, uestris orationibus & fletibus mi-  
 tigate irascentem, quem sensimus fortiter uindicantem. In summa autem rei, apostolorū no-  
 strorum uerbis utentes commendamus uos deo in uerbo gratiæ eius qui potens est custo-  
 dire in uobis quod ipse donauit, Ipsi gloria cum spiritu sancto in secula seculorum.

Finis.

## DE CATACLYSMO SERMO.

Nihil habet Augustini.

Caput I



VONIAM in proximo est dies redemptionis uestre, percipite dilectissi-  
 mi ea quæ uos erudiant, atq; corda uestra enutriāt, erigant, corroboret ad  
 timorē dei: & feruor iste tanti amoris non pigrescat in cordibus uestris, nec  
 putet quis tantum esse Christianum quod his imbuitur mysterijs, quod  
 renascitur ex aqua & spiritu, & postmodū dimittat se uoluptatibus uarijs:  
 securusq; effectus quod sacramento baptismatis munierit animam suam,  
 non eam custodiat contra uersutias inimici, immo & ipse quātum potest custodiat & custo-  
 diendam petat, ne tempestatibus huius mundi procellisq; depereat. Baptizatus est quis, na-  
 uis est instaurata, subuncta, uelificata, missa in mare, indiget gubernaculo, quousq; ad por-  
 tum desideratum perueniat. Mare hoc seculum scilicet, nō solum tempestatibus scopulisq;  
 periculosum est, uerumetiam bestijs cupiditatum insidiantibus abundās. Omni sollicitudi-  
 ne, omni cura, omni industria excitati iam uigilent nautæ, frequenter etiam Christus inuo-  
 cetur gubernator, ut nauem tantis periculis creptam ad portum securitatis ipse perducatur.  
 Baptiza-



A Baptizatus es, signatus es, regio caractere cœpisti consequi annonam de mensa regis tui: noli esse desertor, nec ut miles delicatus defluas per uoluptates, & te hostis diabolus incrimem defluentem cœp inueniat, sed ut fortis miles quicquid potes age in hoc bello, ut uirtus mem defluentem cœp inueniat, sed ut fortis miles quicquid potes age in hoc bello, ut uirtus tuo arma spiritalia, bellum tibi, inquit, indicitur, in quo enitescas pugnando, ut ad plenam pacem triumphando peruenias. Non contra unum dimicabis, multi enim contra te exient aduersarij: pugnabis enim cum uitijs, & ut beatus martyr Cyprianus ait, si depresso aua- riciam, exurget libido, q, & si libidinem superabis, succedet ambitio, & si ambitio à te fuerit deuicta, ira, zelus, æmulatio, inuidia, superbia, ebriositas cum cæteris suis pestiferis socijs in unum contra te dimicantium constituent castra.

Sed non metuas, habes quod agas, inuoca dominū uirtutum, induat te ex alto uirtu- te, ut illam proferas uocem, Si consistent aduersus me castra, non timebit cor meum, & si ex urgat in me prælum, in hoc ego sperabo. In illo, in quo, nisi in domino uirtutum qui militē suum ita expectat dimicantem, ut adiuuet laborantem? Baptizatus es, mundatus es, un- ctus es, oleo restauratum est corpus tuū, ad priorem statum primi illius hominis ante pec- catum, noli postmodum male securus esse. Ad agonem produceris, contra diabolū uitio- rum principem dimicabis in arena huius mundi, utraq; partes, Christi scilicet & diaboli, in finita populi multitudo te expectat luctantem, & quisnam uincat uide omnem turbam ni- mia intentione pendentem. Nō de te triumphet pars diaboli: Si uis uincere, noli de te præ- sumere, sed illi assigna uictoriæ gloriam, qui tibi donat ut uictoriæ perferas palmam. Vis uincere, caput prius contere inimici, excludendo de corde tuo suggestiones diaboli. Vis uin- cere, manus tuæ fortes inueniatur in bono opere. Vis uincere, fige pedes, nō nutent uestigia tua frequentando spectacula & deferendo ecclesiam. Sed ut hanc etiam in tam magno ago- ne & tam grandi luctamine possis implere uictoriā, mittat tibi dñs auxilium de sancto, & de Sion tueatur te.

B Ecce dilectissimi, uenturi estis ad fontem aquæ, non dicatis in cordibus uestris, hoc est totū quod pro magno desiderabamus: Fons iste uisibilis, simili- tudo est æterni fontis. Renascimini ex aqua & spiritu. Aqua illa non solum corporis sordes mūdāt, sed animam à peccatis liberat. Debetis autem nosse cur uirtus illius aquæ & animæ profit & corpori. Non enim omnis aqua mundat: sanctificatur hæc per consecrationē uer- bi. Tolle enim uerbum, & quid est aqua nisi aqua? Accedit uerbum ad elementum, & fit sa- cramentum, uirtus uerbi per aquam mundauit nos, quia super aquas ambulauit. Vt autem à tempestate huius seculi liberaret uos, uidete potentiam uerbi dei quemadmodum domi- netur cunctæ creaturæ suæ. Quod dicturus sum nostis. In euangelio legitur, cum quarta no- ctis uigilia ueniret dominus Iesus ad discipulos suos ambulans super aquas maris, & inue- niret eos piscantes quos iam fecerat hominum piscatores, perterriti discipuli putauerunt se phantasma uidere. Accessit Iesus, & ait illis, Nolite timere, ego sum. Tunc unus illorum Pe- trus ille præsumptor, & postea negator, post uero confessor & amator: Si tu es, inquit, dñe, iube me uenire ad te super aquas. Et dñs, Veni, inquit. Descēdit Petrus & cœpit ambulare super mare plenus fiducia. Dum ambulat, trepidauit infirmitas, sed statim subuenit diuini- tas. Cœpit mergi, clamat, domine pereō. Porrexit manum dominus, erexit mergentem, con- firmavit diffidentem, & ait illi: Modicæ fidei, quare dubitasti? Videtis dilectissimi, quantū adiuuet fides, & quantum deprimat infidelitas. Si quis enim ueniens ad aquas baptismi, si de plenus est, subleuatur: si quis infidelis est, mergitur. Sed porrigat manum dñs etiam infi- delibus mergentibus, & plenam fidem operetur in cordibus. Audite adhuc, aquæ sacramen- tum quid in uobis operabitur? Proponā figuram ut ex ea uobis ueritas elucescat. Cū Ægy- ptij duris operibus populum premerent Hebræū, clamor factus est populi in auribus dei, & deprecati sunt ut eos liberaret à dominatu gentis pessimæ. Missus est Moyses qui eos ex Ægypti educeret seruitute. Apud Pharaonem principem Ægyptiorum fidelissimus dei famulus allegat imperatoris sui iussionem, & quid rex omniū gentium præceperit, auribus

durissimi regis insinuat. Obdurat Pharaon cor suum, nec scire se dicit deum, atq; eius mini- A  
 stros repudiando, grauioribus poenis affligit populum. Ex maiori angustia populi maior da-  
 mor exurgit. Suscipit certamen famulus dei Moyses, congregatur cum Pharaone, nullo te-  
 lo, nullo gladio, nulla uisibilia indutus arma, sed munitus potestate diuina: inferuntur de-  
 cem plagae in Aegypto, & uindex ira in populum cotumacem surgit, ut ex minutissimis ani-  
 mantibus, uermiculis, ranis & locustis ceruix caderet superbiorum: in quibus plagis, ultima,  
 mors primogenitorum Aegyptiorum omnium facta est, ut suos iuste perderet qui alienos  
 iniuste detinebant. Dimittit populum Pharaon, non uoluntate, sed nimia necessitate constri-  
 ctus. Pergit populus erutus ad mare rubrum festinans, ut per aquas saluaretur qui a pessi-  
 mo hoste liberabantur. Sequuntur Aegyptij, imminet populo fugienti: uident super se  
 Israelitae hostes & inimicos suos, expectant gladium. Mors in oculis, timor & tremor in ma-  
 nibus singulorum, ne in fauces caderent persequentium. Exurgit Moyses famulus dei por-  
 tans uirgam quam a domino acceperat, & per quam iam multa signa fecerat, percussit ma-  
 re, & diuisum est. Vbi est illa potentia, non numinum, sed daemoniorum? Vbi est uana super-  
 stitio Paganorum? Numquid ut mare diuideretur ille Neptunus est inuocatus, quem regem  
 maris esse uolunt, qui regem uerum deum suum agnoscere nolunt? Virga extensa manu  
 aquas percutit Moyses, & statim cogitur fluctus in cumulum, & unda in semetipsa repressa  
 curuatur: soliditatem recipit liquor, & solum maris arefcit in pulueres. Ingressi sunt alij sal-  
 uandi, alij damnandi. Vnum elementum aquarum autore totius creaturae iubente iudica-  
 uit utrosq; separauit enim pios ab impijs: Illos abluuit, istos obruit: illos mundauit, istos occi-  
 dit. Moyses figuram habuit domini Christi, quoniam dux fuit populi. In uirga agnoscite  
 crucem, in mari rubro agnoscite baptismum Christi sanguine purpuratum. Regem Aegy-  
 ptiorum populosq; eius, autorem peccatorum diabolum cum omnibus ministris eius. Saui-  
 diabolus quando nos uidet per aquam baptismi a sua oppressione liberari. Exclamate ad  
 Moysen uestrum dominum Christum, & uirga crucis percutiat mare baptismi, reuertatur B  
 aqua & operiat Aegyptios, ut quemadmodum nullus remansit Aegyptiorum, nihil rema-  
 neat etiam nostrorum peccatorum. Totum mundet, qui totum fecit: reparet perditam, qui cre-  
 auit omnia integra: extinguat Pharaonem diabolum mortis autorem, & suum populum  
 liberet per aquam salutarem. Audistis dilectissimi, figurae illae quomodo transie-  
 runt ad speciem ueritatis: illud superest, ut noueritis quemadmodum celebrauerit pascha.  
 1. Cor. 10 Liberatus populus ex Aegypto, baptizatus, ut ait Apostolus, in nube & in mari rubro, acce-  
 perunt praecipuum domini per Moysen, ut in occisione agni celebraret pascha, ex cuius san-  
 guine postes domus suae unusquisq; liniret, nec timerent angelum uastatorem qui signum  
 Exod. 12 sanguinis agni occisi in suae fronte domus haberent. Os, inquit, dictum est, non cominuetis  
 ex eo, nec relinquetis quicquam in mane, cum picridis & azymis comedetis agnum. Fecerunt  
 quod praecipuum est filij Israel. Demonstra & tu Israel spiritalis filij Abrahae, secundum fide,  
 non secundum carnem, demonstra & tu quomodo celebras pascha, habes agnum occisum,  
 10an. 1 demonstra, Ecce agnus dei, ecce qui tollit peccata mundi. Lini sanguine eius postes domus  
 tuae, demonstra & dic: Ecce crux sanguinis Christi in frontibus est pudoris nostri. Dic cum  
 Gal. 6 Paulo, Mihi absit gloriari, nisi in cruce domini nostri Iesu Christi. Os non cominuetis ex  
 eo, dictum est, Impletum est hoc in ipsa domini passione, ipsius sancti agni immolatione,  
 quando crucifixus cum duobus latronibus in medio pendebat ipsa summa iusticia, liberans  
 unum confitentem, alium puniens blasphemantem. Ita factae sunt tres cruces, tres causae.  
 Vnus latronum Christo insultabat, alter sua merita confessus Christi se misericordiae com-  
 mendebar: crux Christi in medio non fuit supplicium, sed tribunal. Mox ut peregit omnia  
 quae de se erant scripta, accepto felle & aceto, propter illud quod praedictum erat, Dederunt  
 psal. 68 in escam meam fel, & in siti mea potauerunt me aceto, inclinato capite tradidit spiritum. Ve-  
 nerunt milites, fregerunt crura latronibus in cruce pendentibus: ad Iesum autem cum ue-  
 nissent, non fregerunt eius crura, ut impleretur, ait euangelista, quod scriptum est, Os non co-  
 minuetis



A minuetis ex eo, sed unus ex militibus latus eius aperuit, & continuo exiuit sanguis & aqua, quæ sunt matris ecclesiæ gemina sacramenta. Percussit latus lancea persecutor, & fudit præcuium redemptor. Hic sanguis inebriat mentem, ut amorem obliuiscatur mundi. Hæc aqua mundat animam, ut corpus sordibus careat diaboli. Nec relinquetis ex eo quicquam usque in mane. Hoc nunc agitur: Comeditur enim agnus per noctem huius seculi, ut cum mane illud uenerit quod uesperum non habebit, non iam offeratur sacrificium imaginis agni, sed ipsum agnum quæ quotidie comedimus, & cuius sanguinem bibimus. Inueniamus illic eum sacerdotem perfectum, quem constat hic pro nostra salute occisum. Quæ sunt hæ picridiæ olera amaritudinis, quæ comedit Israel spiritalis, nisi uox illa amara ad tempus sanctorum martyrum emissæ per sanctum Dauid ac dicentium, Cibabis nos pane lachrymarum, & postea per apostolum Paulum, In omnibus tribulatione patimur, sed non angustiamur. Demonstra & azyma sancte Paule, ex Israëlita carnali spiritalis affectus: Celebrasti enim pascha cum populo ueteri, & quemadmodum nouus populus figuras in ueritate conuerteret, tu docuisti, tu demonstraisti. Ostende ergo azyma conspersionem nouam, Non in fermento, inquit, ueteri, neque in fermento malitiæ & nequitiae, sed in azymis synceritatis & ueritatis. O agne occise, o Christe sancte pro nobis crucifixe, qui ut lapsa reparares in cruce pependisti.

Psal. 79  
2. Corin. 4

1. Cor. 5

Cap. V

Ipsa est illa uirga regni tui, crux ipsa, inquam, quia uirtus in infirmitate perficitur, ipsa illa uirga crux ipsa, illa uirga quæ floruit ex radice Iesse, ipsa illa uirga quam portabat Moyses, quæ conuersa est in serpentem, glutit magorum serpentes, doctrina Christi diffusa per omnes gentes hæreticos superans demones. In illo enim populo fratres, in quo multa signa faciebat Moyses per uirgam, exurrexerunt magi Pharaonis, facientes & ipsi prodigia contra famulum dei Moysen. Sed ad hoc quædam mira facere permitti sunt ut mirabilius uincerentur. Magi Pharaonis quid aliud significabant, nisi omnes hæreticos ministros diaboli, qui sub nomine Christi deuorare cupiunt populum Christi. Scatent nunc hæreses in hac terrâ tanquam serpentes magorum, quos deuorauit & deuorat ille serpens exaltatus in ligno. Sed quoniam niam non est temporis ire per multos, singulorum capita conterantur, quomodo exurgunt, sic deuorentur. Fuit hic, ut nostis dilectissimi, uiperea doctrina Donatistarum, contrita est, consumpta est. Mox Maximianistarum serpentina fraus pullulauit, contrita est, consumpta est. Pelagianorum Manichæorum uenenum aspidis surrepsit, contritum est, consumptum est. Pelagianorum nouum dogma à ministris diaboli tanquam à magis Pharaonis excitatum, illi nostro serpenti ceratamen indixit, conteritur, consumitur. Cum tot serpentum capita catholica doctrina conterit, dissipauerit, consumpserit, ecce nobis unus anguis Arius olim mortuus insultat, caput erigit, ueluti uiuum se demonstrare conatur, quem iam olim constat occisum. Redi Moyses noster, redi uirga, redi serpens Christe sancte, æqualem potestatem cum patre habens, redi, contere capita draconum super aquas, confringe caput draconis magni, uiuum sese posueris, sed ueram uitam non habentis. Dic tu quid es, quoniam ille aliud docet quam es. Dic, dic, audiamus unde hæreticos conuincamus. Audite quid dicat, Ego sum uia, ueritas & uita, Nemo uenit ad patrem nisi per me. Secundum humanitatem uia, secundum diuinitatem ueritas & uita. Tu autem hæretice Ariane, qui minorem uis esse in diuinitate uitam & ueritatem, sequitur ut non per eum uenias ad patrem. Sed adhuc domine Iesu contere caput draconis, dic quid sis cum patre, te audiamus docentem, non hæreticum blasphemantem. Dic quid sis cum patre: Ego, inquit, & pater unum sumus. Dic adhuc, Ego in patre & pater in me est. Adhuc dic, Qui me uidet, uidet & patrem. Credis iam hæretice tantæ autoritati? An ipsius testimonium de seipso non admittis, sed alios de eo testes requiris. Ecce introducantur aduersus te, dicant conuinceris, refutaris, & legis laqueis irretiris. Dic testis dei Paule, qui usque ad sanguinem pro isto testimonio accessisti, & ne falsæ doctrinæ succumberes animam posuisti. Dic, audiat qui conuinci formidat: Conuincat qui nec conuictus mutat. Singuli quique ait, hoc sentite in uobis quod & in Christo Iesu, qui cum in forma dei esset, non rapinam arbitrat

Ioan. 14

Ioan. 10

Phil. 2

tratus est esse se æqualem deo. Audis æqualem, audis formā dei, & tu audes dicere, minorem filiū dei? Veniat & alius testis ut in duobus uel tribus cōfirmetur æquitas ueritatis. Dic & tu sancte Petre, quid tibi reuelauerit, nō caro & sanguis, sed pater cœlestis, Tu es, inquit, Christus filius dei uiui. Et in epistola sua ad gentes secūda: Notam facimus uobis, inquit, dñi nōstri Iesu Christi uirtutē, & præsentiā, & magnitudinē. Audis uirtutē, audis magnitudinē, audis præsentiā. In q̄ hæretice Christū dicis esse minorem? Sed audi adhuc quid aduersum te hic testis & de filio & de spū sancto dicat: Nō uolūtate hūana allata est, inquit, pphētia, sed spūsancto acti, locuti sunt homines dei. Fuerūt uero & pseudo pphētae in populo, sicut & in uobis erūt magistri mēdaces, qui subinducunt sectas perditionis, & qui emit eos dominato rem abnegātes. Vides te ualidis testimonijs & demonstrari & cōuinci. Negātes, inquit, dominatorem esse qui emit eos. Quē negas dominatorem, nisi filiū quē dicis esse minorem? Et q̄s est qui uos emit, nisi qui uos suo sanguine redemit? Sed ingrediat̄ & tertius testis, ut tres unū uerū testimoniū dicant unī trinitati & trinæ diuinitati. Dic & tu sancte Ioānes, qui super petus saluatoris discumbebas, & uidebas supercœlestia mirabilia uerbum dñi. Dic & tu qui noueris filiū dei, In principio, inquit, erat uerbū, & uerbū erat apud deū, & deus erat uerbū. Et in epistola sua, Scimus, inquit, quoniā filius dei uenit, & dedit nobis intellectū ut sciamus quid uerū sit, & simus in uero filio eius: Hic est em̄ uerus deus & uita æterna. Tu aut̄ minorem dicēdo filiū qui est deus uerus, nō habes uitā æternā. Sed ad cōfutandā cōtumaciā puerſam hæresis ad deglutiedū te serpens magice factus, nō à ueritate susceptus, ipse pater testimoniū dicat de filio, ut nihil amplius quæras, nihil amplius credas. Per pphētā inqt, Tecū principium in die uirtutis tuæ. Principiū pater, principiū filius, ergo pater & filius principium sine ullo principio. Tecū principium in die uirtutis tuæ, in splendorib⁹ sanctorū ex utero generauit te. tāq̄ diceret, ut sancti illuminarēt̄, pcessisti ex me. Nec fuit dilectissimi alia causa cur uel ipsa nomina patris & filij & spūs sancti seiuncta uiderentur, nisi ut sancti homines instruerēt̄. Caterū quod dictū est Moyſi ab ipsa substātia trinitatis, Ego sum qui sum. Et sic dices, Qui est misit me. Ergo ex utero in splendoribus sanctorū generatus est filius. Sed ne hāc generationē carnaliter uel tēporaliter acciperes factā, audi quomodo eū genuerit. Eructauit, inqt, cor meū uerbū. Ioannes testis dicit, In principio erat uerbū. Deus pater dicit, Eructauit cor meū uerbū. Propheta Abacuk dicit, Ambulauit uerbū. Audis dñm uerbum, & hoc esse in principio apud deū, & deū esse uerbū. Testimoniorū uox, & ipsius trinitatis unitas per totū mundū cōtra te clamat, & tu uelut canis rabidus cōtra totū mundū latras. Sed audi adhuc unde plenius cōuincaris, q̄ trinitas unus deus sit. Patris uox est per pphētā ad filiū: In splendore sanctorū ex utero genui te. Patris uox est per Esaiā prophetā de spū sancto: Spūs, inquit, à me exiet. Et filij uox in euangelio, ostendens in se patrē esse & se in ipso ubi ait, Pater in me manens ipse facit opera. Filij uox est de spū sancto ostendens, quia quomodo procedit ex patre, ita ex seipso, ubi ait discipulis suis post resurrectionē, Accipite spiritū sanctū. Et insufflauit in eis, ait euāgelista, spiritū sanctū dans eis ac dicēs: Si cui remiseritis peccata, remittēt̄ illi. Vnde est & illud apostoli Pauli, Si q̄s spiritū Christi nō habet, hic nō est eius. Si ergo filius in patre & ex patre, & spūs sanctus simul est & in filio & patre: nō est seiuncta trinitas, ubi est perfecta unitas. Descadat Arianus cōfusus reus, quia trinitas unus est deus. Sed quando tibi peruerſa hæresis uerba mea proficiūt, cū sis aspis surda obturans aures ne audias uoces incantantiū? Noueris te tamen à uirga serpente esse comedendū, dum oues quas tenes captiuas, ad suum ouile ille pastor adduxerit, ut sit unus grex & unus pastor. Ille pastor noster dilectissimi qui in uirga ferrea pascit & regit, cōfringit & restituit, ipse pastor est, ipse rector, ipse fabricator, ipse architectus noster. Magnū te pastorem uideo dñe Iesu oues pascentē, errātes requirentē, inuentas cū gaudio ad gregē tuis humeris reportantē, magnū te architectū uideo uirgā portantem, in uirga pendentē, & de ista uirga multa miracula facientē. Multū expauesco expositionem uirgæ huius dilectissimi, dum loca diuinarū scripturarū cōsydero. Virga Maria sancta, uirga ipse Christus, uirga crux. Et de ista uirga



A uirga quæ magna & mira fecit hic architectus, & arborē fecit crucis ubi ipse angularis pepen-  
 dit lapis, & scalas cœli per quas hominē lapsum ad patrē leuauit. Quale miraculū fratres hu-  
 ius architecti, ut de uirga sua faceret scalas, & tales, quarum caput in cœlū poneret, & per eas  
 ipse & ascenderet & descenderet, & propter confirmationē ipse super eas incumberet. Ascē-  
 de securus qui desideras cœlum: non te terreat earum, nec angustia, nec longitudo, nec altitu-  
 do: nihil timeas, non nutant gradus eius quos ille architectus sic cōfirmauit, ut in eius ligno  
 manus suas clauis affigi uoluerit. Vide has scalas huius architecti, discipulū apostolū Pau-  
 lum & demonstrantē, & gradus quasi numerantē & ascendentē, & quæ plurimos inuitantem, Eph. 3  
 Flecto, inquit, genua mea ad patrē dñi nostri Iesu Christi, ut det nobis cōprehendere cum  
 omnibus sanctis quæ sit altitudo & latitudo, longitudo & profundum. Quatuor gradus  
 posuit crucis. Non ergo laboriosæ sunt hæ scalæ. Quatuor gradus habent, & perducunt ad  
 cœlum. In altitudine crucis caput positū est crucifixi. Sursum cor habeat Christianus ad do-  
 minum, quod interrogatus quotidie respondet, & ascendit unum gradū. In latitudine cru-  
 cis, manus affixæ sunt crucifixi. Perseuerent manus Christiani in operibus bonis, & secundū  
 gradum ascendit. In longitudine crucis corpus pependit crucifixi. Castiget quis corpus suū  
 observationibus, ieiunijs illud suspendat, ut seruituti animæ subijciat, & tertium gradū ascen-  
 dit. In profundo crucis occultū est quod nō uides, sed inde exurgit hoc totū quod uides. As-  
 cit fides Christiana, quod non potest comprehendere, credat corde, altiora à se non quærat,  
 spes eum nutriat, & tunc quartū gradū ascendit. Per hos gradus ascenderunt sancti omnes,  
 continent, cōiugati fideles, euaserunt ruinas mundi, migrauerūt ad loca tutissima, ubi iam  
 nec barbaros timent, nec fragiles casus humanos exhorrent, nec corruptiones metuunt, nec  
 ægritudines patiuntur, nec tribulationibus affliguntur, nec ipsam iam mortē timent, sed cū  
 deo de deo uiuunt. Hanc uitam dilectissimi amemus, ac petamus, desideremus, ad quam  
 omnis qui currit non graditur uia pedum, sed uia morum. Boni ergo mores requirantur, ipsi  
 in omnibus inueniantur. Vterque sexus & omnis ætas habet in hoc sanctorū hominū imita-  
 tionis exemplū. Imitentur senes, mores Tobie, qui cū cæcus esset corpore, uiam uitæ filio de-  
 monstrabat in corde. Ille eū manu ducebat in terra, & pater monēdo eū perducebat ad cœ-  
 lū. Imitentur adolēscētes Ioseph sanctū, pulchrū corpore, pulchriorē mente, quæ castitas sic  
 possederat ut irruentes minæ dñæ mulieris impudicæ nō possent eū uiolare nec corpore, cu-  
 ius iam deus possederat mentē. Imitentur uirgines sanctæ sanctā dñi sui matrem Mariam.  
 Imitentur uiduæ religiosam uiduam Annam. Imitentur & coniugatæ castam Susannam.  
 Virgo mater quod uouit, impleuit. Anna uidua in orationibus atque ieiunijs usque in finem  
 perseverantiā tenuit. Susanna casta pro pudicitia coniugali usque ad periculū mortis accessit.  
 Intendite coniugatæ, qualis uobis huius à scriptura sancta imitatio proponatur. Nō enim  
 prædicat eam, quæ fuerit auro, monilibus uel ueste preciosa forinsecus compta, cū fuerit intrin-  
 secus pudore castitatis ornata. Omnibus uitam donauit qui bonos mores instituit. Propte-  
 rea nāque ipse uir de scēmina est nasci dignatus, quia ab ipso uterque sexus est liberatus. Multa  
 diximus, intentissime audistis, epulas dñicas libentissime comedistis, repēdite uicē ministra-  
 tori uestro, ut si non uerbo, saltem uestris orationibus pascar.

Finis.

## DE TEMPORE BARBARICO.

Eiusdem farine Sermo de tempore barbarico.



DMONET dñs deus noster, nō nos debere negligere nostra peccata, quādo Cap. I  
 talē demonstrat irā suam: ipse quippe iuste punit nocentē, quia nullum inuenit  
 pœnitentē. Quotiēs dilectissimi intonuerunt atque intonant tubæ diuinæ: Agi-  
 te pœnitentiā, appropinquabit ad uos regnū cœlorū: & clausis auribus cordis,  
 magis operamur mala & petimus ut ueniāt bona: Sed taliū iudiciū iustū dicit esse Apосто-  
 lus: In eo enim ipso quod talia sapiunt qui tales sunt, ex malis operibus posse se bona suscipere,  
 obdurati sunt, pœnitentiæ locum nō requirunt: Merito iuste iudicati, qui à semetipsis inue-  
 niuntur

nituntur esse damnati, licet nō omnes hic noster tangat sermo, omēs tamen astringit sermo A  
 psal. 13 diuinus, dicens, Omnes declinauerunt, simul inutiles facti sunt, non est qui faciat bonum,  
 non est usq; ad unum. Quomodo omnes, & quomodo non omnes? Quia sunt multi qui  
 gemunt & dolent ob iniquitates quæ fiunt in medio eorum, uolentes resistere, sed timore se  
 cularium rerum non audentes, quas adhuc uel adipisci desiderat humana fragilitas, uel  
 amittere formidat infirmitas. Secundū id qd' dolent, nō omēs secundū q rem nō timendā  
 timent, omnes declinauerūt, simul inutiles facti sunt, quia plus existimatur timor hominis  
 q̄ timor dei, & præferūt homines res quas acceperūt à deo ipsi deo, ne eas tollat malus ho  
 mo, cōtemnitur deus per quē factus est homo. Vellem uos quidē qui adhuc tales estis, & a  
 more rerū seculariū obligati peccātibus aut parcitis aut fauetis, uellem uos quidē aliquibus  
 exhortationibus admonere, quid cui rei præponere debeatis, nisi nos fluuius lachrymarum  
 cōpelleret plāgere eos qui peccāt, & nolūt agere pœnitentiā. Si esset in nobis humanus affe  
 ctus, si esset in nobis cōpassionis sensus, unius hominis mortē flere, dolere ac plangere debe  
 remus. Quibus lachrymis, quo gemitu, quibus planctibus exagitamur, quādo aut maximā  
 partē, aut penē totā plāgimus ciuitatem. Ager est charus, & uena eius malū renūciat: omēs  
 qui eū diligunt, ægrotant simul animo: Si eū & in ipsa uicinia mortis ridere uiderint, quēad  
 modū ab eo oēm spem salutis ablatā sentiūt, eumq; adhuc uiuū tanq̄ mortuū merito plā  
 gunt. Inter tantas angustias, & in ipso fine rerū posita est uniuersa prouincia, & quotidie fre  
 quentantur spectacula, sanguis hominū quotidie funditur in mundo, & insanientū uoces  
 increpitant in circo. O planctus omni tristitia acceptior, ô planctus omni mœsticia affligēs  
 cor, quod libet flere. Plangimus em̄ dilectissimi & illos & nos, quia & nos digni sumus qui  
 cum talibus merito flagellamur. Nos enim, cū alios accusamus, omnes declinauimus, simul  
 inutiles facti sumus prorsus omnes. Nullus est excusatus, quia talis est iudex, ut omnis ho  
 mo ab illo inueniatur reus. Cū enim rex iustus sederit in throno, quis gloriabitur castum se  
 habere cor, aut quis gloriabitur mundū se esse à peccato? Adueniet tēpus illud quod prædi  
 xit dñs, Putas cū uenerit filius hominis, fidē inueniet in terra? Quis habet fidē? Quis credit  
 uerbis diuinis? Audebit aliquis uestrū sibi assignare fidē, quādo audit dñm dicentē discipu  
 lis, Si haberetis fidem sicut granū synapis, diceretis arbori huic, eradicare & plantare in ma  
 ri, & obaudisset uobis? Quis sibi audebit assignare, q̄ faciat omnia quæ præcepit deus? Ne  
 mo, prorsus nemo. Prædicamus, & non facimus, auditis, & facere nō curatis. Merito omnes  
 sumus sub flagello, & doctor & factor & auditor & contemptor. Studemus inuicē repre  
 hendere, & non studemus opera nostra discutere. Detrahit proximus proximo, detrahit de  
 ricus clerico, detrahit laicus laico. Video quidem seinuicem accusantes, sed neminem uideo  
 iuste se excusantem: unusquisq; enim dilectissimi propriū onus portat. Nolite detrahēre al  
 terutrum fratres, ait apostolus Iacobus: Qui enim detrahit fratri suo, aut iudicat fratrem,  
 detrahit legi, aut iudicat legem. Si autem iudicas legem, non es factor legis, sed iudex. Vnus  
 est enim legislator & iudex, qui potest perdere & liberare. Tu autem quis es qui iudices pro  
 ximum? nec tamen uoces detrahentium, silentium possunt imponere uerbo dei.

Cap. II  
 Matth. 5 Clamat ille per bonos & per malos: Agite pœnitentiā, appropinquabit ad uos regnū  
 dei. Nolite esse auditores legis tantum, sed factores: Facite dignos fructus pœnitentiæ. Ecce  
 enim ait euangelista: Securis ad radices arborum posita est: Omnis enim arbor nō faciens  
 fructum bonum, excidetur, & in ignem mittetur. Video, inquit, omnes homines diuersas ar  
 bores, fructus etiam diuersos habentes, sed bonus fructus quæritur qui pascat, nō qui pun  
 gat. Sūt em̄ & arbores spinosæ igni deputatæ merito incendēdæ, quia in eis nullus fructus  
 est animæ. Putatis ne dilectissimi, nos omnes tales sumus qui in istis malis pro peccatis no  
 stris dimissi sumus? Exacuit agricola ferrum, amputat inutile lignum, abscissum seruat in  
 incendio concremandum, hoc nunc agitur à uero agricola. Videntur sibi quidem mali ad  
 huc stare, adhuc florere. Quisquis talis es, quisquis malus es, quisquis corrigi non uis, non te  
 consoletur altitudo tua, quia maior te expectat ruina, ampliorq; sustinet flamma, quia se  
 curis



Curis hæc ad te nõdum uenit. Ideo putas te posse semper stare, cum uideas uel audias alias arbores te ampliores cecidisse. Quodd te hic agricola differt, eius est patientiæ, ne forte intercedat apud eũ locus pœnitentiæ. Colonus enim ille in euangelio qui intercedebat pro arbo-  
 re, quam dominus eradicare uolebat quodd fructum per trienniũ non haberet, uidete quid ait, Domine, dimitte illam, & hoc anno faciam ei fossam, adhibeam cophinũ stercoris. Si fe-  
 cerit fructum, bene, sin autẽ, ueniens abscindes eã. Arbor hæc sterilis, genus hominũ est nõ  
 habens fructũ pœnitentiæ. Dñs eius, conditor eius est. Intercessor huius arboris apostolus  
 Paulus est. Vnde probamus? Audi in quadã epistola sua quemadmodũ intercedebat pro  
 talibus, Flecto, inquit, genua mea ad patrem dñi nostri Iesu Christi, ut det uobis uirtutem. Eph. 3  
 Hoc ergo eis petebat, ut acciperent quod non habebãt. Faciam, inquit, ei fossam, adhibeam  
 cophinum stercoris. Fossa, locus est humilitatis: cophinus stercoris, lachrymæ sunt pœniten-  
 tis, quem locum si quis contempserit, amplius sustinebit tormentum, quando illius agrico-  
 læ acutissimum senserit ferramentum. Agite mali pœnitentiam, corrigimini mali, quia uo-  
 biscum flagellantur & boni. Dicit aliquis: Si mali merito flagellantur, boni qua-  
 re talia à malis, & cum malis patiuntur? Quare? quia secundũ quendam modũ dicuntur bo-  
 ni, secundum autem rectum uerumq; bonũ, Nemo bonus nisi solus deus. Ergo & ipsi boni,  
 quicunq; sunt boni, non tales sunt quales esse debent boni: Non enim sunt perfectũ bonũ,  
 proficiunt enim de die in diem. Si proficiunt, utiq; exercitationibus proficiunt. Nemo se iu-  
 stificet, tanq; iam sit perfectus. Recedat de medio male iustificator Pelagianus, cõfundatur  
 hæreticus Arianus: Nemo enim bonus, nisi solus deus. Quid ergo? Christus non est deus?  
 Planẽ deus. De ipso quippe dicit scriptura diuina: Hic est uerus deus, & uita æterna. Quid  
 spūs sanctus, non est deus? Planẽ deus. Vnde probamus, quoniã & ipse deus? Audi in acti-  
 bus apostolorũ Petrũ Ananiæ fraudatori improperantem, Anania, inquit, cur impleuit sa-  
 tanas cor tuũ, mentiri te apud spiritũ sanctũ? Nõ es mentitus hominibus, sed deo. Ecce &  
 spūs sanctus deus. Ergo trinitas unus est deus: & uerũ est, quia nemo bonus nisi unus deus.  
 Patiẽtes estote boni, ut sitis uere boni: Patiẽtes esto te usq; ad aduentũ dñi. Tolerate mala  
 quæ patimini à malis cũ malis, quia ista tentatio, uestra est examinatio. Si aurũ es, qd times  
 paleã, quid times ignem? Simul quidẽ eritis in fornacem, sed ignis paleas in cineres uertit,  
 tibi sordes tollit. Si frumentum es, quid times tribulam? Non apparebis qualis antea eras  
 in spica, nisi tribula conterendo à te separauerit paleas. Si oleum es, quid times pressuram  
 præli? Non declarabitur species tua, nisi etiam pondus lapidis à te sepeauerit amurcam.  
 Veruntamen interroget se unaquæque anima, & uideat si iniuste patitur, proferatur sta-  
 theram iusticiæ, appendatur amor mundi cum amore dei, uide quemadmodum præponde-  
 ret amor mundi, proferatur speculum scripturæ diuinæ: Speculum hoc neminem palpat,  
 qualis es, talem te tibi demonstrat. Intende & uide, & si est aliquid quod offendat, abi con-  
 fusus, & redi correctus: an non confunderis, & in malis tuis gloriaberis? Eris enim perfectũ  
 malum, non qualecunq; bonum. Talis non uis flagellari cum mundo, aut flagellatus  
 murmurat sub flagello? Serue male, fecisti quod dominus iussit, qui ne uapulares ista fla-  
 gella ante tibi prædixit. Quis iussit? Dominus iussit, creator tuus iussit. Quid iussit? Qui  
 amat, inquit, patrem aut matrem plusquam me, non est me dignus. Ecce quid iussit? Ait: Matth. 10  
 Qui amat filium aut filiam plusq; me, non est me dignus. Ecce quid iussit? Et qui est, inquit,  
 qui odiat patrem aut matrem aut filios? Nec illos ille odire præcipit, sed uel quantum illos,  
 tantum se diligi iussit. Plus quidem debueras diligere creatorem q; creaturam. Sed si nõ ua-  
 les præferre, saltem uel æquare dignare. Vere filios tuos diligeres, si Christum filijs præfer-  
 res, ipsosq; filios ipsi cõmitteres. Vere filios tuos diligeres, si in ipso illos diligeres, qui eos ti-  
 bi dedit ut diligas. An ideo eos uideris diligere, quia corũ uoluptatibus faues? Audis blas-  
 phemãtes, & patiẽter fers Christiane quod rex Nabuchodonosor alienigena non potuit  
 sustinere, dicens, Si quis dixerit blasphemiam in deum Sidrach, Misac & Abdenago, in  
 interitum erit. Vides frequentare spectacula, & non reuocas: uides luxuriantes, & non  
 LI 4 uerbe/

uerberas. Nec potes te talem exhibere patrem qui paratus sis indisciplinatos filios uel exhaereditare uel abijcere, cum paratus esse debueras sicut Abraam etiam filium immolare. Omnis enim qui filiorum trucidat uoluptates, sacrificium tale quale Abraam, offert deo. Sed dum ista non fiunt, & his moribus deprauatis male nutriuntur, qui isto mundo utuntur, labefescit mundus, nec immerito ait propheta, Defluxit terra, & omnes inhabitantes in ea. Non quiescunt usque nunc murmurare homines, laudare tempora praeterita, accusare tempora Christiana. Magna erant tempora patrum nostrorum, dicunt: O tempora bona tempora habuerunt patres nostri.

Cap. III Sed uidete quid fecerint patres nostri. Phinees sacrificante uirum idolis manu propria peremit, ut placaret iram dei. Moyses populum oberrantem, uitulumque fusilem adorantem, ita certa emendatione coercuit, ut unam tribum ex duodecim ad se deuocans, quae sequi uoluit deum, praeceptum eis daret, ut acceptis gladiis in manibus suis filii percuterent parentes, & parentes occiderent filios: nullus eos reuocauit affectus, nullus humanitati reseruatus est locus, quia timor & amor dei praeter omni desideriorum carnalium amore ferebatur. Ite ut hostes diis ac daemonibus immolantes superaret, unicum filium in sacrificio dedit. Sanson cum gentes daemonicolas uirtute, quam a deo in capite acceperat, diutius bellis contereret atque fatigaret, seductusque postea per mulierem oculos simulque uirtutem capitis perdidisset, posteaque cognouit in opprobrium suum omnes illos conuenisse ad templum idolorum suorum, eosque magnificare deos suos quod eis tradiderant acerrimum inimicum suum, cum crescente coma capitis eius ei creuisset & uirtus, a puero qui sibi ducatum praebat, ut sibi manum porrigeret petijt, secusque ad illud templum deducere poposcit: ad quod cum uenisset, columnas duas, super quas totum illud aedificium ferebatur, singulis manibus singulas columnas apprehendens, ruina se simul & illos uoluit opprimi, ne laudes daemonum in contumeliam dei sui a quoque libenter pateretur audiri. Daniel ne a rege hominem petitionem aliquam posceret, sed a deo uiuo, qui praestat omnia bona suis, leonibus ieiunantibus in escam datus est ut periret, sed dominus fidelem seruum suum non deserens, & ipsum intactum reseruauit, & per Abacuk prophetam simul & ipsum & leones paut. Quid dicam de tribus pueris, qui cum nolent imaginem regiam adorare, ignes riserunt. In quibus pueris micans gratia, ita enituit, ut ligati in fornacem mitterentur, deambulantesque uiderentur, os aperientes dominumque laudantes, flamas ad se non admitterent, sed fugarent, ut secum filium dei habere meruissent, antequam mundo in homine apparuisset ut esset eorum uindex flamma, Chaldaeorumque ministros fornacis deuorans consumeret: producti quoque de fornace incolumes, populos in se mirabiles redderent, regemque mutarent, eumque facerent dei sui amatorem, quem senserat ante persecutorem. Sed haec omnia faciebat fides, timor & amor dei. Oderant isti non solum omnia quae habebant propter deum, uerumetiam animas suas. Et deus eos hic claros fecit, & aeternae uitae remuneratione ditauit. Quid tale dilectissimi fecimus, imo e contrario quae talia non fecimus. Illi nec minis, nec tormentis conuenti, daemonibus sacrificauerunt. An non sacrificauit qui imagines idolorum per noctem ludentes, quod nocturnum uocant, libentissime spectauit. Sacrificauit, prorsus sacrificauit, & quod est peius, non tauri uel cuiuslibet pecoris aliquam uictimam, sed ipsam animam hominis preciosam. In hoc tam nefando sacrificio non unus uel pauci accusantur, tota hoc ciuitas fecit quae tota consensit: nec ab hostibus, nec a barbaris; sed a seipso omnis homo in anima se occidit uidendo, consentiendo, non prohibendo, omnes remanemus rei. Et dum nolumus pacem ciuitatis turbare peruersam, pacem quam desideramus non accipimus rectam. Contemnimus pacem seruare bonorum morum, & petijt pax temporum nostrorum. Discite nunc dilectissimi quid cui rei praeponeere debeatis. Nolite diligere uitia in filiis, in amicis, in seruis, in omnibus notis praeponeat singularis potestas omni potestati, honorem exhibeamus caesari tanquam caesari, timorem autem deo. Praeferatur creator creaturae, diligamus deum, quia diligit nos, & in hoc quod nos flagellat, diligit. Quis est enim filius cui non det disciplinam patris eius. Qui sanam considerationem habet, qui credit dei uerbis, metuit plus ignem aeternum, quam cuiuslibet truculenti barbari ferrum, plus metuit mortem perpetuam morte qualibet hic pessima.



ma. Irrideant hæc infideles, irrideant stulti, nolunt credere nec rebus expertis. Ecce coteruntur, ecce omnia pereunt, ecce cum ipsis non potest stare mundus quem amauerunt, ecce ad deum attrahuntur cuius precepta contempserunt, non enim bona uoluntate pergit qui blasphemando moritur. Ecce itur. Cum illuc uentum fuerit, quid agitur? Quod itur? Per quem abitur? Quis iterum huc redire cogitur? Finitum est & quod male fecerat, & emendare finitum est. Redite filii redite, redite prae- Esa. 46  
uaricatores ad cor, facite gaudium ex conuersatione uestra, corrigantur corda uestra, displiceant uobis opera uestra, estote fortes, tribulatio mundi non uos frangat, dominus in proximo est, nihil solliciti sitis, habetis uirorum fortium magna exempla. cap. v

Vicerunt martyres mundum. Ante paucos dies natalicia celes-  
tos martyres mares, etiam foeminae repertae sunt fortiores. Ante paucos dies natalicia cele-  
brauimus martyrum Perpetuae & Felicitatis, & comitum. Et cum tot ibi sint uiri, quare istae duae  
prae omnibus nominantur, nisi quia infirmior sexus, aut aequauit, aut superauit uirorum forti-  
tudinem? Una earum erat praegnans, alia lactans. Felicitas parturiebat, Perpetua lactabat. Sed  
tamdiu haec Perpetua lactauit quam diu acciperet ab illo pastore simul & patre bucellam lactis,  
qua accepta dulcedo felicitatis perpetuae eam fecit contemnere filium, spernere patrem, non inhære  
re mundo, perdere animam pro Christo. Felicitas uero, quae sociam habebat Perpetuam, & partu-  
riebat & dolebat, obiecta bestiis gaudebat potius quam timebat. Quae uirtus in foeminis qua-  
lis est gratia, quae cum se infundit nullum indignum iudicat sexum. Gratias gratiae dei, reparauit enim  
sexum muliebre: in opprobrium magnum mulier remanserat, quia ab initio per mulierem peccatum,  
& propter hanc omnes morimur. Diabolus unam Euam deiecit, sed Christus natus ex uirgi-  
ne, multas foeminas exaltauit. Perpetua & Felicitas caput calcauerunt serpentis, quod Eua ad-  
cor suum intus admisit. Istam seduxit falsa promittendo, illas non ualuit superare seruiendo: illam  
decepit in paradisi felicitate, has non potuit adire nec substantiarum deposita potestate. Illius  
inter paradisi delicias ruinam, harum inter poenas fortitudinis constantiam ipse quodammodo dia-  
bolus expauit. Merito sic sunt exaltatae, merito uiris uel coaequatae uel praelatae. Quauis enim Gal. 3  
in Christo Iesu non sit seruus neque liber, non sit masculus neque foemina, sed omnes sint unum oc-  
currentes in uirum perfectum, descendit tamen hoc donum ex magna gratia. Perpetua enim & Feli-  
citas nomina istarum sanctarum foeminarum, merces est sanctorum omnium martyrum.

Vicit mundum etiam Iob ille omnibus notissimus toties tentatus, sed minime superatus, cap. vi  
impleuit dominicum preceptum, contempsit filios, ne blasphemaret qui dederat filios, repulit a  
se uxorem quae ei blasphemiam persuadebat, quam diabolus propterea solam dimiserat, quia sibi eam  
necessariam esse nouerat. Non enim dimiserat marito consolatricem, sed suae tentationis adiutricem  
fecerat eam nouam Euam, sed ille non erat uetus Adam. Existimauit etiam istum sicut illum per mulie-  
rem posse decipi, sed iste spernendo uxorem pessima suggerentem, diuinitus adiutus, etiam  
ipsum diabolum in illa ualuit superare. Fortior fuit Iob in doloribus quam ille Adam in nemoribus:  
iste non cessit tormentis, ille superatus est in deliciis. Videtis dilectissimi quid agat tentatio, quod  
utiles sint huius mundi pressurae, & quemadmodum corrumpant terrenae delitiae. Contempsit Iob uxo-  
rem, filios, omnia sua, postea & carnem suam: plus amauit eum qui dederat quam id quod dederat,  
usus est quod acceperat tantum bonus uiator, possedit, non possessus est. At ubi ea placuit au-  
ferre qui dederat, benedixit, non blasphemauit: Dominus, inquit, dedit, & Dominus abstulit, sicut domino  
placuit ita factum est, sit nomen domini benedictum. Imitamini tale uirum, imitamini tales filii esse etiam  
flagellati, ut mereamini recipi: Flagellat enim omnem filium quem recipit, disciplinam eius sustinete, Heb. 12  
sicut filios, ita uos aggreditur deus. cap. vii

Quod probat ille filius iunior in euangelio po-  
situs, qui disciplinam paternam contempsit, substantiam suam in meretricibus erogauit, porcos pa-  
uit, fame contritus est, si quis porcorum uentre suum implere non potuit, tandem aliquando reuersus  
est ad se, & inuenit se qui perdiderat se, in mentem ei uenit quod multi mercenarii patris sui abun-  
darerent panibus, ipse uero fame periret. Statim surrexit, ad patrem recurrit, non se filium, sed tantum  
unum ex seruis computari rogauit. Inclinator humilitas, excitatur misericordia, uoces filii pater-  
nitatis concutit paterna uiscera. Dicit se filius indignum, ut ille eum iudicet dignum, rogat ut in  
numero seruorum iubeatur suscipi: & pater ei illam primam stolam iubet afferri, mactat  
titulum

uitulum saginatum, chorū congregat, aduocat amicos, facit epulum magnū. Quare? Quia hic filius meus, inquit, mortuus fuerat & reuixit, perierat & inuentus est. Hanc similitudinē dñs in euangelio proposuit, quam ipse exposuit dicens, tale gaudiū fieri in cœlo super peccatore pœnitentiam agente. Nunc uero quoniā tempus est exhortari omnes ad pœnitentiā, ut filij errantes reuertantur, eisq; conuiuiū à patre saginati uituli prœparetur, etiam nos dilectissimi parati simus huic conuiuiō tanq; amici domestici interesse, maxime quia cū isto patrefamiliās ad mensam eius quotidie accedentes nō nos iam dignat' uocare seruos, sed amicos. Percurramus, si placet, ipsam parabolam à dño in euangelio propositā, in qua nobis & affectum patris demonstrauit pium, & filij perditū indicauit reditum, filijq; maioris qui de paterna domo non discesserat, cōmotum retulit animū. Hoc quippe habet textus ipsius lectionis. Veniens, ait, filius eius primogenitus de agro cum uideret symphoniam, interrogauit seruos quid nam illud esset? Eiq; dixerūt: Frater tuus reuersus est, & occidit illi pater tuus uitulum saginatum, eo q; saluum illum suscepit. Et indignatus noluit introire. Egressus est autem ad illum pater suus ut eum introduceret. Improperauitq; ille patri suo, q; laborasset semper cum illo, & nuncq; illi talia exhibuisset: at ubi uenisset filius ille qui omnē substantiam paternam male consumpserat, occidisset illi uitulū saginatū. Et reddit pater rationē facti sui, consolaturq; filiū suū secum permanentē, de domo nō discedentē, & dicit illi: Fili, tu meus es, & mecū es semper, & omnia mea tua sunt: uerūtamē oportuit nos ista facere, quoniam frater tuus mortuus fuerat & reuixit, perierat & inuentus est. Nō uacat hac talis à dño propositio. Donet itaq; nobis qui ista proposuit, ut demonstramus ab ipso fuisse impletū hoc quod per quandā similitudinē nos quodāmodo excitauit ad aliquid inquirendū. Affectum paternū exhibuisse suis dominū nostrū Iesum Christū, nullus ambigit Christianus. Illud magis requiramus, qui sit filius iunior, qui prodige uiuens substantiā paternā dissipauit, & qui sit filius primogenitus qui indignatus q; filio perduto redeūti uitulus saginatus occisus sit, intrare noluerit. Quis est iste filius perditus q; oēm substantiam paternā in meretricibus erogauit, nisi ille latro qui substantiā animæ à deo sibi datā per scelera defluendo etiā in cruce pependit? Porcos pauit, quando dæmonū uoluptates suis factis impleuit. Fortasse illos porcos pauit, quos petierat diabolus à domino dicens: Iube nos introire in gregē porcorum. Fame cōtrit' est, quia panē uerbi dei nō inueniebat. Siquis cupiebat saturare uentrem suū, quando tortuosis cogitationibus replebat animā suā. Sed reuertatur ad se, uideat se latro in cruce pendentē, cōcurrat ad patrē, dicat pendens in cruce, Dñe memēto mei dū ueneris in regnū tuū. Dñe memēto mei, nō sum dignus uocari filius tuus, suscipe me sicut unū ex seruis. Dñe memēto mei. Latro enim sua attendens merita de seipso diffidebat, sed dñs tanq; pius pater latroni filio quod desperauerat offerebat. Proferat huic pater stolā illā primā, induat filiū immortalitate, quē secū uidet in cruce pendentē, introducat eū in domū, dicat Christus latroni: Amen dico tibi, hodie mecū eris in paradiso. Mactet uitulū saginatū, hominem illū susceptū etiā pro latronibus crucifixū, aduocet amicos suos discipulos quibus dicebat. Si feceritis quæ mando uobis, iam uos nō dicā seruos, sed amicos. Præparetur illud conuiuiū cœleste, astet ille chorus angelorū suauiter declamans, Gloria in excelsis deo, & in terra pax hominibus bonæ uoluntatis. Veniat & primogenitus filius ille & nolit intrare. Quis est iste filius primogenitus qui noluit intrare, nisi ille primus apostolorum Petrus, qui ad interrogationē unius ancillæ, in atrio sacerdotis ter dominū ausus est negare? Dixisti quidē o Petre tanq; patri Christo, ego tecū laboraui, quādo dicebas saluatori, Tecū sum usq; ad mortē, animam meā pro te ponam. Vbi est quod promissisti? Interrogaris semel, & negas: secundo interrogaris, & negas: tertio, & negas. Non uis ad cōuiuium intrare, ideo ausus es ter dominū negare. Vbi est, Animā meā pro te ponā? Ter negantē nō terruit unguis, sed una oppressit muliercula. Certe tecum sum usq; ad mortem. Vide, uide igitur Petre, quantū de te antea præsumpseris: Ecce nunc ter negando, gallo teste conuinceris. Sed egrediatur pater ad primogenitū filiū nolentē intrare, dicat Christus Petro: Intra in gaudiū dñi tui,

Matth. 8

Luc. 23

Ioan. 15

Luc. 2

Matth. 26

Ioan. 13



**C**ui, respiciat negantem, compungat flentem, faciat amatorem, exhortetur eum paterna uoce: Fili, inquit, tu meus es, tu es Petrus, & si me negasti, meus es. Tu es Petrus, & super hanc *Matth. 16*  
petram ædificabo ecclesiam meam. Tu meus es, & omnia mea tua sunt. Tibi dabo claues  
regni cœlorum. Apud te Petre sunt claues, dignare iam ad cōuiuium intrare, oportebat hæc  
fieri, quoniam frater tuus latro mortuus erat, & reuixit, perierat & inuentus est. Si Petrus an  
teq̃ Christus pro omnibus crucifigeretur, regni cœlorum claues accepit, quā illuc introiuit  
latro, ille iam non reus, nisi per latus quod aperuit Iudæus? Et nunc ueniant omnes quicūq̃  
amant paradysum locum quietis, locum securitatis, locum perpetuæ felicitatis, locum in quo  
non pertimescas barbarum, in quo nullum patiaris aduersarium, nullum habebis inimicū.  
Venite omnes, intrate omnes, est quā possitis intrare, patet latus. Ostendit enim ille latro,  
quò debeant omnes intrare, neminem suo exemplo docuit desperare.

Contendite, ait dominus, intrare per angustam portam. Quid angustius illo forami- *Cap. VIII*  
ne, quod unus ē militibus percutiendo latus crucifixi aperuit, & tamē per has angustias pe- *Luc. 13*  
nē iam totus mundus intrauit? Venite & uos Iudæi, uocat uos quem crucifixistis, filius dei,  
contendite intrare per angustam portam, per hanc enim introierunt patres uestri: Illi qui  
ut crucifigeretur clamauerunt, qui in ligno suspensum uiderunt, qui irriferunt, qui caput agi-  
tauerunt, per istas tamen angustias introierūt. Non enim inaniter clamabat ille pendens in  
cruce, Pater ignosce illis, quia nesciūt quid faciunt. Per has ergo, ut dixi, angustias, per angu- *Luc. 23*  
stam portam lateris Christi ingressus est latro mutatus, pœnitens Iudæus, conuersus omis  
paganus, & ab eo exiit foras malus hæreticus Arianus. Exiit, quoniam non erat de numero  
permanentium. De illis enim erat, de quibus Ioannes dicit, Ex nobis exierunt, sed nō erant ex *I. Ioan. 2*  
nobis: si enim ex nobis essent, mansissent utiq̃ nobiscum. O hæretici Ariani, agnoscit latro  
in cruce pendentem, ipsi inimici Iudæi expauescūt resurgentem, & uos male tractatis in cœ-  
lo regnantem. Cauete dilectissimi Arianam partem, non uos separent à Christo terrena p-  
mittendo, propter tunicā nō uos expolient fide, membra Christi seruate unitatem atq̃ inte-  
gritatē unius tunicæ, quam nec persecutores Christi ausi sunt scindere. Nolite iniurias irro-  
gare capiti uestro, pro uobis ille mortuus est, ne uos moreremini. Quē Christus per baptis-  
mum uiuificauit, quare eum Arius rebaptizando occidit? Erubescite, erubescite hæretice. Nega-  
uit Petrus & reuersus est, & flendo deleuit quod timore negauit. Christum in suis persecu-  
tus est Paulus, sed ad eius uocem cecidit & surrexit. Aliter cecidit, aliter surrexit. Cecidit per-  
secutor, erectus est prædicator. In Christianis Christum persecuti sunt reges, sed multū eis  
præstiterunt, quando membra ad caput suum uelociter transierūt. Nemo talia damna, qua  
lia tu ingeris Christo, animas em̃ multorum cupis interficere, p qbus Christus in carne uenit  
ocidi. Erubescite, erubescite hæretice. Quid iteras quod simul dat̃ in mēbris suis? Iā intus est *Matth. 3*  
Christus, noli in istis ipsum uelle rebaptizare. Semel enim pro omnibus cū Ioanne in aquā  
dignatus est ipse descēdere. Redemit Christus animas, custodite quod ille redemit. Integro  
Christo integrum assignate prædium. Nemo inuadat, nemo inuasori consentiat, caracte-  
rem dominicum nullus abstergat, titulos Christi nemo deponat. Redditiuri estis rationem  
domino rei, boni, serui, data est nobis occasio bene operandi. Abundant peregrini, captiui,  
expoliati. Facite uobis amicos ex māmōna iniquitatis, ut & ipsi recipiant uos in habitacula  
aeterna.

Finis.

## DE SOBRIETATE ET VIRGINITATE.

Sermo nescio cuius, certe nec pilum habet Augustini, ne scriptoris quidem eruditi. *Cap. 1*



V V M mortalium mutabilis mens uel bonis aliquando uel malis intentioni-  
bus delectetur, pleriq̃ seu pœnitudine malorum ad actus bonos, siue concor-  
dia mentis ex bonis ad malos præcipientes transferantur, disputandi materias  
morū ponderatoribus gignunt, quibus agnitis correcti latentur, inconuertibi-  
les autem in suis iniquis moribus confundantur. Difficilius nanque bonorum appetito-  
res inuenies, quàm malorum desertores: quia quamplurimis & penè cunctis mortalibus  
dulcia

dulcia sunt magis ea quæ carnem fouent, quàm quæ à uitijs frenant. Et quoniam stulticia diuina commodà à nobis suggerenda sunt honestatis, admonemus in tali proposito militare uolentem, segnem, somnolentum atque temulentum esse non debere, quoniam ab his uitijs tribus, nisi quis fuerit declinatus, securus nunquam esse potest uel tutus, imò & periculis omnibus, & ipsi etiam morti erit is semper obnoxius. Fortitudo enim inimicū opprimit: uigilantia tendentibus insidias obstat, sobrietas uero præparatum cor hominis facit. Propterea enim dominus deus noster paterno affectu per prophetas & apostolos suos nobis præcepit, ab omnibus uitijs, & maxime ab ebrietate, quæ omnium uitiorum gurgis est, penitus abstinere. De cuius uitij malo uolumus lectori aliquanta proferre, quem tantum monitis hortamur, animum intentum apponere, & sermoni nostro, & si minus lucenti quàm auditus exigit eloquētium, ueniam dare. Suademus enim, auditores rationem dicti debere aduertere, non fucum spumantis sermonis, aut artificiosam eloquentiam expectare. Vnde primitus propter libelli titulum uel decorem, fructus & bona sobrietatis in quantum possumus proferamus, & postea ebrietatis indecoras molestias publicemus. Sobrietas namque castitas est sensus & mentis, membrorum omnium corporisque tutela, castitatis pudicitiaque munimē, pudori proxima, amicitia pacisque serua, honestati semper coniuncta, criminum uitiorumque omnium profuga, recti iudicii tenax, memoria recordationisque inseparabilis sapientia, secretorum custos, arcani uelamen, lectionum & doctrinae capax, studiorum & artium bonarum discipula pariter & magistra, ingeniorum capiendorum pedissequa, bonæ famæ semper auida, in cogitationibus salubria atque utilia creans, uirtutis singulare auxilium, cuncta cum ratione disponens, in congregatione honestorum seipsam semper ingerens. Sobrietas temeritate fugit, pericula cuncta declinat, mutuis officijs obtemperat, superbiam detestatur, domum familiamque cum moderatione gubernat, fidem sibi committentibus seruat: & ut summum breuiterque dicam, sobrietatis perseverantia inestimabilis est animi fortitudo: omnes eam uirtutes, & omnes laudum semper tituli concupiscunt, quia sine ipsa ornari aut placere non possunt. Econtra ebrietas ab animæ iniuria incipit, & flagitiorum omnium mater est, culparum materia, radix criminum, origo omnium uitiorum, turbatio capitis, subuersio sensus, tempestas linguæ, procella corporis, naufragium castitatis. Ebrietas temporis amissio est, insania uoluntaria, ignominiosus languor, mentis sanæ debilitatio, turpitudine morum, dedecus uitæ, honestatis infamia, animæ corruptela. Ebrietas, ut cernimus, quotidie ampliarum familiarum plurimos labefacit, & cura gubernationis destitutos, parentum auorumque suorum bene diuque congregata, atque ingenti precio comparata uili nummo distrahere fecit. Ebrietas in utroque sexu cuncta mala semper appetit, & nefanda committit. Ebrietas timorem dei aufert, futurum dei iudicium de corde se habentium tollit. Ebrietas, ut ait Apostolus, regna cœlestia appetentibus denegat. Ebrietas temulentis tempora furatur, dies surripit, depositi sui non reminiscitur, & ante illum posita nec mente nec oculis cōtuetur. Famulo uero non solum fidem aufert, sed etiam fraudum & seruitutis officio inutilem facit, & alia mala quæ comprehendi non possunt. Et quoniam ab aliquantis uini non temperatur usus, sed potius appetitur excessus, habitus corporis & uitæ periculum & opinionis ac famæ grauissimum acquiritur damnum: nam fomentis corporalibus prouisum est uini munus: ab utribus penitus interdicitur, & sobrietatis disciplina custodienda sancitur. Est quidem in multis uitæ mortalium uinum necessarium, debilem stomachum reficit, uires deficientes reparat, algentem frigore calefacit, uulneribus infusum medetur, antidotis etiam diuersisque medicaminibus adiunctum salutem operatur, tristitiam remouet, languores omnes animi delet, læticiam infundit, conuiuas honesta miscere colloquia facit: paulo amplius uero sumptu potanti quodammodo conuertitur in uenenum. Propterea enim uini abstinentiam sacerdotibus primo & Leuitis à domino legimus imperatam, quia oportebat ut illi primitus sobrietatis modum obseruandum susciperent, qui ceteris mortalibus non dictis sed factis præcepta diuina obseruanda alijs traderent, castitatis & sanctitatis moribus adimplerent. Leuitico



A tico libro dicente, Et dixit ad Aaron, Vinum & omne quod inebriare potest, nō bibes tu & Leuit. 10  
 filij tui quando intratis in tabernaculum testimoniū, ne moriamini, quia praeceptum sempi- Ezech. 44  
 ternum est in generationibus uestris. Ezechiel quoque phopheta similiter dicit, Et uinum nō  
 bibet omnis sacerdos cum introire coeperit in atrium interius. Autorum uero secularium quae  
 plurimi sobrietatis praecepta libris plurimis addiderunt, quorum assertiones contra ebrieta-  
 tis uitia non proferimus, quia humana decet diuinis, non diuina humanis testimonijs confir-  
 mari. Quare debet congrua obseruatione sobrietas cum sacerdotali affectu certare, quia qui nō  
 sobrius accesserit ad diuinæ maiestatis altarium, sentiet immaturæ mortis interitū. Quicumque  
 erit honore sacerdotali præditus, & proximus fuerit ebrietati, uicinus est ultioni. Et in eos qui  
 deo proximant si fuerint temulenti, procul non sunt uindictæ sæuienti. Ergo quisquis diui-  
 no munere sacerdos constitutus, uinolētus accesserit ad sacramenti celebrationē, mortis con-  
 sequēdæ non habet dilationē. Contrarius namque est unicuique rei semper excessus, & in quo-  
 cunque sexu nimietas adhibita fuerit, uitium facit. Quare quicquid immoderatum indiscipli-  
 natumque est, proximum ruinae consequitur casum: quia ubi modus non est, periculū totum  
 est: & quaecunque res non habet temperamentum, præcipitat in exitium. Sic itaque dum quisquis  
 immoderatus conuiuioque medius amissis modestiæ frenis, insana fuerit ebrietate prostratus,  
 auersos respicit nutantes, quos integros uidere nequiuit, aut sermone longo superflua uerba  
 emittit, & uana dicta componit, male clamans & bene sibi sonās, uultu deiecto supinus ac-  
 cumbit, uomens & sui omnino nescius, spectaculum conuiuio præbet: & dum nihil conse-  
 quitur sanum, nullo alio cogente præter uinum, cordis sui archana patefacit, & amicorū sibi  
 commissa secreta in medium prodit. Ad uniuersa autem uel crudelitatis uel turpitudinis fa-  
 cinora perpetranda facilis inuenitur, cui nulla sobriæ mentis ratio, sed ebrietas dominatur.  
 Assumit inter pocula iniusta certamina, & nullis stantibus causis asperam excitat rixā, quia  
 interponendo uerba uana, aliorum sana dicta non patitur, & in contumeliam erigitur con-  
 uiuarum & crimina proximorum. Ista lector ut libenter accipias, admonendum te credi-  
 di. Quare lege caute Petri apostoli epistolā ad Gentes, Pauli ad Romanos, ad Corinthios  
 primam, ad Ephesios, ad Thessalonicenses, ad Titum. Præterea ad ebrietatem cauēdam do- Lucæ 21  
 minum nostrum Iesum Christum audi in euangelio dicentem, Attendite uobis, ait, ne for-  
 te grauentur corda uestra in crapula & ebrietate. Et dominus seruo irascitur, cui multas pla-  
 gas in aduentu suo imponere comminatur. Quare abstinete uos talia agentes uel facien-  
 tes, abstinete uestram insaniam, & homines uos humanos cognoscite, & tantam turpitudi-  
 nem à uobis abiicite, & ebrietatis crimina totis uiribus declinate. Rusticanum quidem,  
 sed sanum dictum aduertite, Vinum medicamentum, plus iusto sumptum, uenenum  
 esse cognoscitur. Tantam ergo turpitudinem à uobis abiicite, & ebrietatis crimina totis ui-  
 ribus declinate. Iucunditati, non ebrietati creata est uini natura, per cuius moderationem  
 sitis extinguatur, non tamen ut usque ad ebrietatem bibatur. Fugite crapulam, eaque loquen-  
 tes aut facientes quibus sobrii non erubescant. Fugite crapulam, quæ solis lugentibus à con-  
 solantibus amicis uel proximis in exequijs ingeritur. Dolor enim amissi funeris sine ui-  
 ni quauis nimietate temperari non potest. Tu uero o homo incolumis, quotidie uino  
 cogente desideras uomere, & tanto repleis, quanto possent plurimi cum iucunditate  
 lætari & sobrie saturari. Non consideras turpe esse plus sibi uelle inferre hominem quam  
 capit, nec stomachi sui nosse mēsuram? Non consideras ebrietati deuinctum, suæ potesta-  
 tis esse non posse? Vt quid potando facis excessus, nisi ut per prouocationē uini insolescas  
 in peius? Nascitur ex hac potandi infelicitate inter prouocatos & prouocātes ignominiosa  
 certatio, & uincenti est turpitudine deterior. Ex hoc enim multorum membra cibos recusant,  
 & uino dedita, præcoqua debilitate & cruda senectute marcescunt, & adhuc ætate uirides tre-  
 mula uibratione quasiantur. Inde pulmones ustione uini quotidiana putrescunt, & per ora  
 ueluti mortuorum spiritus tetros mittunt. In his ergo talibus non ratio ulla, non ullum ge-  
 rendæ uitæ consilium, nō gestorū aut lectionum memoria, nec ulla artium aut industriæ

prouidentia, utpote quem prandio accumbentē solis occidentis uidet occasus, & cœna per  
 noctantem insperatus occupat dies, & dum iugi amentia die nocteque discumbendo dormi  
 cap. 11 rat aut bibit, in hac uita adhuc positus quotidie sepelitur. Sed quid iam dicā  
 uel qd taceā? Huius igitur ebrietatis si quippiam in sceminis ceciderit, quæ uirilē sexum su-  
 perius tactis criminum molibus onerauit, nihil tacendū est, imò laborandum est, ut & quæ  
 tales sunt scemina, hæc diuina admonitio corrigat, & sobrietas metu correptionis ab ebie-  
 rate compescat. Sed quoniam in admonendis uiris à sacerdotibus & leuitis uel ministris hu-  
 ius libelli opusculum inchoauimus, merito conuenienterque in sceminilem sexum admonen-  
 dum à dominicis sacrisque uirginibus sumamus exordium, quo generaliter omnis dignitas,  
 uel sexus ab hac admonitiōe inexcusabilis habeatur. Dominica uirgo debet agnoscere qui-  
 bus præceptis conueniat insistere, uel à quātis uitijis debeat abstinere, si uult & in seculo po-  
 sita cum deo, & cum eodem post huius uitæ resolutionem in claritate cœlesti regnare. Do-  
 minica uirgo primitus publicos debet uitare conspectus, & platearum frequentiam declina-  
 re, atque in domo posita lanificio insistere uel lectioni diuinæ. Dominica uirgo in sceminarū  
 laicarum conuentu confidens uel consistens, ne uerbis scurrilibus neque lubricis earū aut can-  
 ticis præsentia tuæ copiam facias, sed magis fugias, oculos tuos auresque cōcludas, ne dei timo-  
 re priuata, diabolicas cogitationes sensibus tuis immittas, quibus in breui forte dispereas. Do-  
 minica uirgo nec ornatu capitis, nec habitu comæ, nec oculis erectis aut lætis, sed pronis ad  
 terram cum uultu procedat, ne in seruales indurata amores, & si ipsa non pereat, alijs causa  
 perditionis existat, Oculorum enim cupiditas quos animæ interitus faciat, euangelica uox  
 nobis pronuntiat. Dominica uirgo ab omni inuerecundo sermone uel risu se debet penitus  
 abstinere, & cum silētio & disciplina omnem uitam suam ornare. Dominica uirgo quæ uul-  
 tum suum ob splendorem genarum aliquo fūco infecerit, in Esaia propheta de filiabus Sion  
 promissam sententiam pertimebit. Dominica uirgo, ut de uiduis Apostolus docet, aut ser-  
 mone garrula, aut loquacitate uerbosa, uel curiositate superflua, casta non potest iudicari, D  
 imò prostituta ad luxuriam alios magis accendit. Dominica uirgo nulli te uirorum cuiusli-  
 bet ætatis sine grauissimarum mulierum præsentia singulari habitaculo uel colloquio cre-  
 das: & cum sola in tabernaculo consistis, clausis super te ianuis sed eas, nullique uirorum pul-  
 santi, facile ianuam tuam pandas, ne forte in suspicionem turpissimam, aut in pudoris tui  
 naufragiū cadas. Dominica uirgo in locis in quibus uiri cubant non debet accedere, ne ipsa  
 se uelut scortum credatur suis corruptoribus præbuisse. Dominica uirgo male docenti mise-  
 rabilisque uitæ scemina, aut aliquando sinistra opinione uexata, consortium colloquiumque  
 1. Cor. 15 declina, quoniam corrumpi mores bonos colloquijs malis, Paulus apostolus docet. Domi-  
 nica uirgo, ob extinguendas libidinis uel omnis lasciuia flammas, ieiunijs & abstinētiæ de-  
 bet operam dare, orationibus die nocteque insistere, si cupit & laqueos & insidias diaboli in-  
 sidiantis euadere, & ad promissa uirginitatis præmia peruenire. Dominica uirgo, omnem  
 fratrem quem uitandum mala fama commendat, nimis fuge, & quantum potes ab eo, uel  
 ab eius conuiuijs tuos accessus declina. Dominica uirgo non nesciat, ex conuiuali colloquio  
 inolescere libidinis uitia, & exinde ad fornicatiōis uenire peccata. Dominica uirgo, ut cito cō-  
 cludam, ab omnibus illecebris gulæ abstinens esse debet, & parco uictu uel potu debet esse  
 contēta, & honesta taciturnitate semper ornata. Dominicam uirginem, dei beneficium est,  
 irasci nescire, nosse magis iracundiam cohibere, cunctis benignam existere, oculis non annu-  
 ere, dolo & malicia linguam non fabricare, alienæ domus secreta nec auscultare nec prode-  
 re, auariciam cupiditatemque fugere, sibi deposita non negare, in usuris pecuniam non habe-  
 re, forori culpam ex corde dimittere, scādalum nulli apponere, tribulatis consolationē præ-  
 bere, infirmantibus ministrare, detrahenti alteri non consentire, & à detractiōe se penitus  
 abstinere. Dominicam uirginem in ecclesia cum silentio stare debere, & nihil legis docere,  
 1. Cor. 14 Apostolum audi loquentem. Mulieres in ecclesia taceant, turpe est mulieribus, loqui in eccle-  
 1. Timoth. 2 sijs. Item ait, Mulieres in silentio discant. Item mulieribus docere non permitto. Si ergo mu-  
 lieri/



A lieribus turpe est docere, aut in ecclesia loqui, quanto magis uirginibus, quas castitatis deo promissæ cura professioq; constringit, ut eas magis aliæ in bonis operibus imitentur. Dominica uirgo ne quid prauum aut scurrile aut simulate loquatur, & omne mendaciū ex ore suo penitus eradicet. Loquentes enim mēdaciū dominus perdet, ut in quinto psalmo Dauid, & eius filius in libro sapientiæ docet. Dominica uirgo quātam fidem debet in omnibus exhibere, tātum caueat iurare. De his quæ egerit, propter ueritatem confirmandam iuramentum persolvere, ne in totū, aut omnino iuret, dominum agnoscat in euangelio præmonētem. Dominica uirgo furta fraudēsq; facere, aut falsa testimonia dicere, aut ea facientibus cōsentire caueat, quia ea committētēs beatus Paulus obiurgat. Dominica uirgo matronalibus cōuiuijs, quibus uiri miscentur, interesse declinet, ne concupiscentiæ peccatum secum inter pocula loquētibus uiris importet. Dominica uirgo contra omnes sonos musica arte prolatos, contra cuncta cantica secularia, contra omnia quæ dulciter delectentur audire aures, & cor tuum concludere ne diabolicum melos, Christi de corde eius abscondat amorem. Dominica uirgo motibus, flexibusq; saltātium, cymbalistrarum, uel tympanistrarum omniumq; uirilium ludicrorum, quātum potes, uultum tuum auerte, ne cuiuslibet eorū repentino amoris telo percussa, grauius incipias interire. Dominica uirgo non tantum ne superbia litris telo percussa, grauius incipias interire. Dominica uirgo non tantum ne superbia litris get caueat, sed etiam à superbientibus & litigantibus quantum potest procul abscedat. Superbis namq; deus resistit, humilibus autem dat gratiam, Salomon in prouerbijis clamat. Dominica uirgo nec sermonis iactantia, nec diuitijs, nec generis nobilitate se debet extolere, sed in humilitate & paupertate spiritus Christo accepto debet quādiu uixerit permanere. In iudicio enim dei non natales, sed actus proprii pensabuntur, ex quibus singuli mercedem sicut gesserunt non sicut nati sunt reportabunt. Dominica uirgo uigilias funebres uel ceteras quæ in priuatis domibus eueniunt, debet effugere, ubi præcipue sine discretione seculi commixti cōueniunt. Dominica uirgo quæ secundum proprias uires ulli manum porrigit, non potest ancilla dei uel dici uel credi. Sed ut breuiter dicam, dominica uirgo quæ pudoris sui domino promissi custodiam gerere nititur, nec incessu notabili, nec nutu aut dicto molli, nec ociositate uerbi, nec corpore, nec mente debet omnino peccare.

Prouer. 3

Cap. III

Et quoniam quæ in admonendis uirginibus sacris dicta sunt, credamus posse sufficere, ex quibus præceptis etiam dei seruis uel laicis cunctis conueniat obseruare: iam debemus ad uinolentiæ crimina enumeranda uenire, & docere ebrietatem cuncta uitia superare. Ipsi primo uirginibus ebrietas castitatis promissæ implere nō pōtuit, quia sanctæ pollicitationi in utroq; sexu inimica semper extitit, & ideo ebrietas pudori comes esse nō potest, quia nec castitas fuit aliquando comes temulentiae. Sobrietas in foeminis ad terram deponit aspectum: ebrietas autem amisso pudore inuerecundos erigit uultus. Sobrietas enim cum summa trepidatione irreprehensibile, & cum silentio propinquum emittit uerbum: ebrietas in pudoratum facit foeminæ & sermonem & uultum. Elicit namq; atq; extorquet ebrietas in sandam inuerecūdiam de omnibus se habentibus uocem, & cui surreperit per audiatem nimietas uini, nullum potest habere tacendi pudorem: ex qua temulentia membrorum cōminuitur, ita foeminæ corpus ac mens grandi uini procella illisa, membris omnibus dissoluatur. Nam quæ naturaliter firma figere nō potest gradiendo uestigia, quomodo incedere ualebit, cum uini fuerit ingenti procella percussa, lassabunda gressu ac innuens, semper cōtortis oculis resupina, aut inclinata ceruice famula regēte pedissequa de temulentiae suæ culpa: Ibi sanitas & cura domus nulla, uel familiae gubernatio, lingua balbutiēs sermonis officio priuatur, aut in uocem prorumpere uolens, nō tantum non intelligitur, sed etiam ab audientibus deridetur, Est autem mēte alienata, & sui omnino nescia, cui cultus capitis uergit in partem, & seminudam monstrat uidentibus ceruicem, & omni ex parte dimissa à cōspicientibus erubescitur, & quid domi geratur, ignorat. Periclitatur in tali sine dubio pudor, & omne secretum quod sobrietas in foeminis custodit, temulentia publicat. Quæ cum humi

M m 2 fuerit

fuerit uertigine rapta lectoq; prostrata, circumcurfare sibi cunctos conspiciet parietes, culmi-  
naq; domus in imo, & ima in altum putat esse porrecta, & uelut sepulta somno recipitur.  
Lectisternia uero quæ ab infantibus contumelijs deformantur, à cunctis fœminis uel an-  
cillis non iam occultis sed uidētib; cachinnis talis dominæ temulentia deridetur. Sicitaq;  
transeunte tempore & ebrietatis uitio permanente de eius corde omnis euolat timor, nec  
correctionem, nec terrorem sæpe obiurgantis uiri cogitat, aut uigorem. Inde quotidie negle-  
cta domus per illapsum tempus ornatu quotidiano intātum destituitur, ut semper sibi ma-  
ritus mortem exoptet, cuius labor gubernatioq; sub tali domina quotidie minuitur, & in-  
lapsum uenit. Non est cum qua quippiam de cura domus conferatur, ut in melius aliquid  
disponatur, quia scilicet uxoris nomen tantum, non mores ostendit. Nihil ea disponente,  
maritalis quotidiana cura non sine tristitia fatigatur, quia uelut iuncti in uehiculo boues, si  
unus conari sub onere cesset, alterum conatus dirumpet. Vinolentia igitur dominæ subtra-  
ctis locorum clauibus, omnia tentantur, cellariorum plenitudo furtis quotidie seruilibus  
inanitur, indisciplinataq; familiæ clamoribus domus omnis perstrepat. Lanificij uero aut  
negligens, aut nulla, aut abominabilis efficitur cura. Tali enim dominæ ancilla charior atq;  
amabilior erit quæ capaciorem poculum porrexit, q̃ quæ pensum integrū ante uesperum  
assignauerit. Cathinis enim aut uarijs persinisq; coloribus in uino, non in tunicis delecta-  
tur, & non uestium faciendarum, sed uini quærit allatam mensuram. Non tuendæ castita-  
tis causa telas ad texendum erigit, quæ usum telæ olim de domo per ebrietatem amisit, &  
telas quas ancillis ociantibus subtraxit, texandas araneis dedit. Hæc cum cibos capit, uix co-  
medendo semiunciam panis attingit, & pocula deinceps absorbet, & propterea pulmento-  
rum sibi cataplasmata quærit. Hæc quàm diu uigilauerit, bibit: aut si obdormierit, sitis ei  
somnum abruptit. Sed adhuc quid immoror? Si ebrietatis uoluerò cuncta uitia enarra-  
re, ante me tempus deficiet, cum potiora in ecclesiastico Salomonis spiritu sanctus clamat,  
Ecc̃i 26 dicens, Mulier ebria, ira est magna, & cōtumelia & turpitudine eius non tegetur. Et de utroq; D  
Ecc̃i 31 sexu, Multos, ait, exterminat uinum: & iterum, Prudentiam absorbet ebrietas: & iterum,  
Vinum multum potatum, iritationes & iras & ruinas multas facit. Amaritudo animæ ui-  
num multum potatum. Quare ut finem libri faciam, summatim cuncta perstringam. Per  
uinum enim castitas submersa est, & plurimæ à corruptoribus turbæ deceptæ sunt. Multæ  
uirginum etiā pellente uino thori genitalis oblita, pudicitiam suam adulteris tradiderunt,  
& cum moechis de morte pactæ sunt maritorum. Quàmplures impellente uino precipites  
indecentibus se conuentibus polluerunt, & de genitoribus aut genitricibus, de filijs aut fi-  
liabus, de fratribus aut sororibus, de generis aut nuribus per nefandos, ut dictum est, con-  
cubitus sibi filios genuerunt. Per uinolētiam enim plurimi plurimæq; à sancto pioq; pro-  
posito exciderunt, & sui obliti amissis honoribus ignobiles remanserunt, & sedibus patrijs  
profugi, uitam nō ubi sumpserunt finierunt. Per hoc quippe uinum fortes ab infirmis elisi  
sunt, & in mortem quàmplures ictu muliebri prostrati: & inuicti exercitus uino dominante  
extincti sunt, & seruitutis iugo subacti. Innumerabiles iugum dominationis diu recusantes,  
uinolentia in alienum redegit arbitrium. Consuetudine uini quàmplures in insaniam  
sunt conuersi, ac mentis durante insaniam ab humana conuersatione seiuncti, ferino sunt  
plerunq; dente consumpti. Quàmplures uini immoderatus excessus ex diuitibus pauperes  
reddidit & egenos. Infiniti numero uino impellente iniusta impiaq; homicidia commiserunt.  
Quàmplurimæ urbes diu obsessæ nec captæ, custodibus somno uinoq; sepultis, ab ho-  
stibus patefactæ sunt & incendijs concremata. Sunt quoq; alia multa nefanda & innume-  
ra, quibus per ebrietatis uitia mundus iste dudum frequenter est uexatus, & nunc uexatur:  
quarū rerum si de dominicis uel secularibus libris uellem ad singula exempla personasq;  
per quas res gestæ sunt, proferre, enormitas libri legentibus fastidium afferret. Nos tamen  
in hoc opere propterea sacerdotibus & leuitis uituperationem simul & admonitionis ini-  
tium fecimus, ne ab hac inuectione, qua cunctos huic uitio deditos de dominica correptione  
ne



A ne confundimur, immunes forte clericos, aut dei ministros facere uideremur, quibus magis conuenit, ut qui populum à diuersis culpis abstinere docet, ne in aliquod uitium aut culpam cadant, cauta obseruatione procurent, & eos iusta increpatione Apostolus obiurget dicens, *Roma. 2* Estimas autem o homo qui iudicas eos qui talia agunt, & facis ea, quoniam tu effugies iudicium dei? Item, Qui alium doces, teipsum non doces, Qui abominaris idola, sacrilegium facis. Et cetera quibus arguit eos qui à uicis, quibus prohibet, ipsi se non abstinere, & in quos alios iudicant, seipsos condemnant. Quare omnibus clericis & laicis in diuersis huius mundi dignitatibus constitutis, hunc libellum frequentius lectitandum suademus, ut cum moribus bonis & sobrietate deo gratus quis profecerit, de correptione nostra in domino deo laetus semper exulet, agens deo gratias per dominum nostrum Iesum Christum, cui honor & gloria in secula seculorum. Amen.

Finis.

## TRACTATUS QUI SPECVLVM PECCATORIS INTITVLATUR.

Eiusdem omnino farinae cuius est superior.



VONIAM charissimi in uia huius uitae fugacis sumus, dies nostri sicut umbra praetereunt. Neceffe est igitur corde sollicito sapientius memorari, quod nostra fragilitas, nostra mortalis infirmitas totiens cogit obliuisci. Quid est istud quod ipse omnipotens deus noster in sua gratia uolens profectum, per beatum Moysen nobis consuluit dicens, *Deu. 32* Utinam sapierent & intelligerent, ac nouissima prouiderent? Eia frater mi, ecce feliciter possumus euadere mortis periculum, si diligenter studeamus sequi diuinum consilium, quod nobis intimat dominus dicens, Utinam saperent, & cetera. O felix & utile consilium, mortis remedium, salutis antidotum, peccatoris speculum, utinam saperent, & cetera. O salutifera nostri redemptoris sententia, ex qua nobis instructio sapientiae, admonitio continentiae, speculum prouidentiae, exultatio poenitentiae, acquisitio diuinae gratiae datur. Ait ergo, Utinam saperent, & cetera. O admiranda bonitas nostri creatoris, o ineffabilis charitas nostri redemptoris, o praedicanda humanitas nostri saluatoris, nos serui neque sumus, serui negligentes, serui inutiles, qui nostris exigentibus meritis mortem meruimus potius quam uitam. Ecce pius autor, ipse dator ueniae, ipse largitor gratiae, nos inuitat ad salutem dicens, Utinam saperent, & cetera. Quis nisi periturus homo haec audiens, ista considerans, non uehementissime gratuletur, & ultra quam fari possit, exultat in gaudio spiritus in utero eius, quod ipsi omnipotentis deo, ipsi regi caelorum, ipsi domino angelorum, ipsi creatori omnium creaturarum contenti de nobis infirmis ac miseris mortalibus? Cura ergo maxima nobis inesse debet, quatenus praeter omnibus & supra omnia sacris eius praeceptis diligenter obediamus, & ea deuote diligamus, & studiose eadem impleamus. *2. Cor. 15* Vae nobis in perpetuum, quoniam, teste Apostolo, Miserabiles omnibus hominibus erimus ac deteriores, si haec non fecerimus. Vere ad obsequenda domini mandata ociosi & inanes existimus, nisi in primis omnia odio habeamus, quae ipsi domino displicere cognoscimus: & illa fidei corde diligamus, quae tremenda eius maiestati placere credimus. Proinde die noctumque exorandus est ipse clemens & misericors deus & dominus, ut nobis largiatur auxiliū, qui suum tam salutare praestare dignatur consilium dicens, Utinam saperent. Valde mira & utilis est sententia illa non semel tantum, sed saepius repetenda, Utinam saperent, &c.

Frater mi charissime, intellige quae so *Cap. II*  
 quae legis, Consideratio enim huius sententiae, destructio est superbiae, extinctio inuidiae, mendela maliciae, effugatio luxuriae, euacuatio uanitatis & iactantiae, constructio disciplinae, perfectio sanctimoniae, preparatio salutis aeternae. Ait ergo, Utinam saperent, & cetera. Heu quam paucorum est ista uirtus. Pauci sunt qui salutarem hanc saluatoris nostri sapientiam sententiam. Pauci sunt quibus est ante oculos propriae fragilitatis cognitio, corruptibilis carnis corruptio, peccatorum recordatio, instantis mortis meditatio, feruentis gehennae putei

consideratio. Ecce t̃p̃ utile speculum peccatorū. Reuera chare frater, si te sapius in huiusmo-  
di speculo prospexeris, eris absq; dubio, Samsone fortior, David cautior, Salomone sapi-  
entior. Illi autem in hoc speculo se sapius considerare neglexerunt, ideo in carnis suæ deside-  
rijs cæcati corruerunt. Igitur si tanti uiri tam horribiliter lapsi sunt in culpam, quibus tanta  
affuit fortitudo & sapientia, quanta cautela, quantoq; studio nobis est uigilādum, quibus  
inest tanta debilitas, tantaq; imperitia? Porro isti tres uiri ualidi ideo leguntur in sancta ec-  
clesia, ut fidelibus nō ad exemplum sint ruinae, sed ad speculum cautelæ, quatenus nemo no-  
strum in sua confidat fortitudine, nemo præsumat de sua sapientia, imò semper timidi,  
semper reatus nostri consci, semper de nostra salute simus solliciti, nunq̃ nostræ corruptio-  
nis & nostræ mortalitatis obliui. Qui uero huiusmodi uerba negligenter attendunt, non sa-  
piunt, nec intelligunt, nec nouissima prouident, & sic in mortem & damnationem uadunt.  
Ut igitur mens nostra circa prudentiæ studium euigilet, dominica nos hortatur sentētia di-  
cens. Utinam saperent, & cætera. Hanc admonitionem omnino salutiferam, oculo rationis  
considera charissime, non in transitu, sed cum studio & deliberatione sapissime reuoluēdo,  
quia sicut thus non redolet nisi ponatur in igne, ita nulla sacra scripturæ sententia, nisi cocta  
sit in corde.

C4. III

Utinam saperēt, & cætera. Ecce hic frater mi, tria in hoc uersu pro-  
ponuntur, scilicet scientia, intelligentia & prouidentia. Vult ergo deus ut scias & intelligas,  
insuper & prouideas. Vult ut scias uitam præsentem fugitiuam, periculosam, breuem, mise-  
rijs tabescētem, uniuersæ uanitati subiectam, peccatorum sordibus pollutam, cupiditate cor-  
ruptam, in breui periturā, ut quanto infelicior mundus iste esse cōspicitur, tanto facilius pro  
amore cœlestis patriæ cōtemnatur. Vult itaq; deus ut fragilem tuam condicionē intelligas,  
sic meditādo uidelicet, quia nudus egressus es ex utero matris tuæ, & nudus reuerteris illuc,  
quia terra es, & in terram ibis: in huius uitæ miseriam nudus intraisti, lugens dies tuos in do-  
lore & erumna pertransisti, cum luctu & labore hinc exiturus es. Intelligas ergo quātum sit  
exitus & ingressus tuus flebilis, progressus tuus debilis, & egressus horribilis. Intelligas ergo  
quantum sis in hac ualle miseriæ exul & egenus, uirtutibus pauper & mēdicus, labilis & in-  
firmus, ac in proximo moriturus. Frater, felix eris, si huiusmodi admonitionem intelligas, &  
in corde tuo quasi in libro scribas, & hanc unam quam tibi trado regulam, seruare studeas.  
Viue deo gratus, toti mundo tumultus, crimine mūdatus, semper transire paratus. O t̃p̃  
beatus uir, cuius anima circa huiusmodi studium euigilat, quā prudenter sapit & intelli-  
git, ac nouissima prouidet. Charissime & tu fac similiter. Legisti iam in hoc speculo peccato-  
ris, quid sanē sapias, quid intelligas, restat ut nouissima prouideas. Ora ergo, & dic cū pro-  
pheta, Notū fac mihi dñe finē meū, & numerum dierum meorū quis est, ut sciā qd desit mi-  
hi. O utilis oratio, o felix contēplatio, o necessaria postulatio. Nō planē tēpora uel momēta  
quæ pater posuit in sua potestate præscire deposcas, sed q; sis aduena & pegrinus in huius  
peregrinatiōis erumnosæ exilio, homo infirmus & exigui tēporis super terram, intelligas &  
cognoscas. Ergo, Utinam saperent, scilicet peccata præterita q̃ sint amara, Vnde Hieremias,  
Vide quā amarum est & malum, dereliquisse te deum tuum, malum est in culpa, & ama-  
rum est in pœna. Et intelligerent scilicet præsentia q̃ sint uana. Ecclesiastes, Vanitas uanitan-  
tium & omnia uanitas. Et nouissima prouiderent. Prouiderent contra sterilitatem futuram  
sicut Ioseph. Vnde Salomō, In omnibus operibus tuis memorare nouissima tua, & in æter-  
nū non peccabis. Reuera charissime frater, si præsentis uitæ tuæ breuitatē attendas, & quid  
tibi deest in agenda deo condigna pœnitentia, in disciplina præceptorum eius obseruāda,  
in sanctitate coram ipso proficienda, sapires & intelligeres, & mortem ante oculos prospice-  
res, proculdubio mox sine mora, spretis pompis, postpositis mundi curis, despectis carnis il-  
lecebris, proiectis uoluptatibus, contemptis delitijs, in tui custodia uigilares, ac nouissima  
prudenter prouideres. Sapientis enim est, non tam cuiuslibet rei principium prospicere,  
quā finem exitūq; prouidere. Deniq; felix esse comprobatur, qui sic cogitat de supplicio  
ante supplicium, ut postea supplicij effugiat periculum.

Dicis



A Dicis ergo mihi, Paratus sum præ omnibus acquiescere diuino consilio, ut sapiam & intelligam, ac nouissima prouideam, sed quæ sunt mea nouissima? Illa utiq; de quibus spiritus sanctus tibi per Salomonem loquitur dicens, Fili, in omnibus operibus tuis memorare nouissima tua, & in æternū non peccabis. Non melius poterit caro luxuriosa domari, quàm qualis erit post mortem præmeditari: & si huiusmodi assiduam habueris meditationem, felicem te dicent omnes generationes. Meditatio enim nihil aliud est quàm mentis ditatio. Peroptime ergo mens tua ditatur, quando contra cuncta aduersantia prouidentia sciētia illustratur. Legitur in poëta, quod Centum luminibus cinctum caput Argus habebat, quod ex omni parte ita potest intelligi, quod mentis suæ circumspectionem & prudentiam possidebat. Igitur si tantæ studio cautelæ pollebat poëta paganus, multo fortius puriorem prouidentia oculum debet habere clericus Christianus. Esto ergo alter Argus, imò illo cauior, illo studiosior, illo prouidentior, ut sapias & intelligas, ac nouissima prudēter prouideas.

Ecclesi. 7

Sed quæ sunt nouissima tua quæ prouidere sollicite debes? Summa totius prouidentia est utique illa terribilis hora, in qua misera anima tua ex hoc corpusculo corruptibili timens est egressura. Frater crede mihi, ad huius rei tremēdam considerationem maluisse debueras prouidentiam possidere, quàm totius mundi dominationem. Vtinam ergo saperes & intelligeres quæ mundi sunt, & prouideres quæ inferni sunt, profecto deū timeres, superna appeteres, mundum contemneres, & infernum horreres. In illa nimis metuenda extrema hora tua, quis amicorum, quis parētum tuorum ueniet cum gladijs & armis auxilium ferre? Non enim erit tunc qui cōsoletur te ex omnibus charis tuis. Respicientibus etiam ad auxilium & adiutorium hominum, sed refugium tuum tantummodo est apud deum. Cogita igitur tecum, charissime, quo timore timendus, quo amore diligendus, quo honore reuerendus sit ipse dominus Iesus Christus deus noster, qui salutis præsidium solus præstat te poterit post mortem. Reduc ergo fili mi sedulus in memoriam illū extremum exitus tui diē, & antequam misera anima tua de carcere carnis exeat, prouideas quod uadat. Istiusmodi recordatio contritionem concipit, contritio compunctionem parit, compunctio contemplationem, scilicet piū & humilem affectū in piū deum, uidelicet ex fiducia & adiutorio diuinæ bonitatis & clementiæ, humilem considerationem propriæ fragilitatis & miseriæ. Hic lector attēde, quid enim est in omni scientia quod hominem prouocet facilius ad sui custodiam & omnem iniustitiam expellendam, ad sanctitatem in timore dei perficiendam, quæ suæ corruptiōis cōsideratio, suæ mortalitatis certa cognitio, postremo tremēdæ mortis suæ recordatio? Quando enim homo fit non homo, hoc est, quando agrotescit, agrotando agrotudo crescit, peccator expauescit, cor contremiscit, caput obstupescit, sensus euanesceat, uirtus exarescit, uultus pallefcit, facies nigrescit, oculus tenebrescit, auris surdescit, nasus putrescit, lingua fatescit, os obmutescit, corpus tabescit, caro marcescit, tunc carnis pulchritudo fœtor efficitur, & putredo tunc soluitur in cinerem & uertitur in uermem. Post hominem uermis, post uermen fœtor & horror: sic in non hominem uertitur omnis homo. Ecce frater mi charissime, ecce satis horribile spectaculum, quoniam nulla artis medicina, nullaq; doctrina sic superat superbiam, nec sic uincit malitiam, nec sic extinguit libidinem, nec sic mūdi calcat uanitatem, sicut huiusmodi horrendæ mortis recordatio. Vtinam ergo saperent. Et quid huic mundo tantum uilescit, sicut homo cuius corpus cum sit exanime, non permittit esse intra domū triduo præ fœtore, sed ut uile stercus foras proiciat, & in pfundo terræ abscondat. Erubescat ergo, quia uermibus dat, cadauer efficit. Erubescat ergo supbus & infelix peccator, & timeat, elatione cæcatus, ira inflāmat, impatientia uitio fœdatus, sciētia inflatus, cui plus placet ars Aristotelis quæ scientia de apostolis, plus codex Platonis quæ liber diuinus, quæ nulla lectio lætificat, nulla scientia ædificat, nullus sermo sapit, nisi fuerit grāmāte conceptus, dialectice imaginatus, rhetorice purpuratus. Stultus es, qui hæc ignoras, & erras, quoniam qui talia agunt, & in talibus dies suos consumunt, peccatū sibi generant, & mortem parant, quia ex simili studio simile concipiunt scientiam, hoc est, folia colligunt, non fructus

cap. VI

fructus, scilicet uerba, & nō uirtutes: uerba enim in uentū proferunt, & aërem uerbis uerbe-  
*Psalm. 106* rant, uerboſitatem ſonant, iactantiam oſtentant, de quibus per psalmiſtam dicitur, Tur-  
 bati ſunt & moti ſicut ebrius, & omnis ſapiētia eorū deuorata eſt. Sicut enim homo ebrius  
 neſcit quid agat, aut quò uadat, eo q̃ ſeipſum ignorat: ita inſipientes clerici ſeculares in ha-  
 bendo huiusmodi ſcientiam ſe conturbant, libros deuorant, ſententias multiplicant, ſed qđ  
 agant penitus ignorant, quia ad quem finem miſerū tradant, miſeri nō attendunt. Si enim  
 fugientis uitæ ſuæ breuitatem perpendiſſent, ſi damna dierum ſuorum ante oculos conuer-  
 tiſſent, ſi quem tremendo iudicio, non tantū de mortuis eorum operibus, imò de omni uer-  
 bo ocioſo q̃p̃ diſtrictè reſpōſuri ſunt, prauidiſſent, mox terrore perterriti, mox diuino amo-  
 re percuſſi, uana huius uitæ ſtudia reliquiſſent, & de ſtudio uanitat̃s ueniſſent ad ſtudium  
 ueritat̃s, & de ſtudio ſtultitiæ ad ſtudium ſapientiæ, hoc eſt, de ſtudio curioſitat̃s ad ſtudiū  
 ſanctæ humilitat̃s, de ſchola luxuriæ & prauitat̃s ad ſcholam mundiciæ & ſanctitat̃s, hoc  
 eſt, de uita fornicationis ad uiram beatæ religionis, id eſt, de domo conuerſationis munda-  
 næ ad domum ſanctæ diſciplinæ. Vnde ipſe ſpirituſ ſanctus per prophetam peccatoribus  
*Psalm. 2* præcipit, dicens, Apprehendite diſciplinam, ne quando irascatur dominus. O q̃ terribilis eſt  
 ſententia & nimis metuenda hiſ qui diſciplinam non apprehendunt: ex hac ſpirituſ ſancti  
*Leuit. 23* ſententia patet quòd peribūt. Hinc eſt quod dominus per Moysen ait, Omnis anima quæ  
 non fuerit afflicta die hac, peribit de populo meo. Notanda ſunt attentius uerba iſta diuini  
 na, Anima, inquit, quæ non fuerit afflicta, ſubaudi, per diſciplinam, per morum correctio-  
 nem, per pœnitentiæ ſatiſfactionem, per cordis contritionem, per conſcientiæ purificatio-  
 nem. Et dicebat, die hac, in præſenti tempore gratiæ, ſed die huius uitæ: quoniam qui non  
 ſuſcipit modo tempus pœnitentiæ, poſt mortem non inuenit locum indulgentiæ. Quapro-  
 pter time tu peccator, tu caro ſuperba, tu uile cadauer, quem adhuc uiuentem uermes quoti-  
 die corrodunt, qui de tuo corruptibili corpufculo generantur: cōtremiſce ſuperbiam, proijce  
 uanitatē, fuge luxuriā, apprehende diſciplinam ne pereas. Vide in hoc ſpeculo quis es, D  
 & quid eris, cuius conceptio tabes menſtrua, origo lutum, putredo finis, Vtinam ergo ſape-  
 res, & cætera. Ecce miſer, cauſas mille dolorum habes, & adhuc ſuperbis. Iterum te frater cō-  
 moneo, ut quicquid agant alij, ſis memor ipſe tui, uileſcat tibi mundus plus q̃p̃ tu mundo.  
 Huius igitur tantæ calamitat̃s miſeriam conſidera attentius, & cum propheta ingemiſcens  
*Psalm. 37* dicito, Iniquitatem meam annūciabo, & cogitabo pro peccato meo, Quoniā ego in flagel-  
 la paratus ſum, & dolor meus in conſpectu meo ſemper. Iterum dic cum Apoſtolo, qui tra-  
*Rom. 7* gilem humanæ conditionis ſtatum deplorabat dicens, Infelix ego homo, quis me liberabit  
 de corpore mortis huius? Hæc ſalutifera Apoſtoli ſententia exigit prudētem lectore. Ad-  
 huc corpore Apoſtolus uixit, quando tamen corpus mortuum nominauerat, quia qui ſa-  
 piens eſt, iam mortem ante oculos conſiderat, iam ſe mortuum reputat, cum ſe moriturū  
*cap. VII* pro certo ſciat. Attēde ergo in illa terribili hora, de qua loquimur, miſera pec-  
 catoris anima, quādo de mūdo exitura & itura es, aderunt mox miniſtri maligni illi, ſcilicet  
 maledicti diaboli: illa uera tartarea monſtra, illi ſpiritus terribiles & peſſimi, uelut leones ru-  
 gientes ut rapiant prædam, ſed tuam peccatricem & miſeram animam, tunc horribilia pate-  
 bunt loca, pœnarum chaos, & caligo tenebrarum, horrorem miſeriæ, & tribulationis tre-  
 mor, timor anguſtiæ & conſuſionis, dolor horrendæ uiſionis, tremor tremendæ man-  
 ſionis, locus ſilentium, ubi ſtridor dentium, ubi morſus uermium, ubi clamor dolentium,  
 ubi luctus gementium, ubi eſt uox clamantium peccatorum & dicentium, Væ uæ no-  
 bis filijs Eux. Cūque hæc & hiſ ſimilia, mō milleſies plus quā dīci poſſunt peiora, de  
 corpore egreſſura miſera anima, imò miſerrima audierit, uiderit & ſenſerit, qualis quan-  
 tusq̃ & quā magnus terror & timor ac tremor erit in ea, quæ lingua poteſt dicere, quis  
 liber exponere? Quid tunc proderit ſcientiæ iactantia, ſeculi pompa, mundi uanitas,  
 terrenæ dignitat̃s cupiditas? Nunquid proderint luxuriæ, appetitus cibi exquisitus, por-  
 tus delicatus, uestis curioſitas, calciamenti ſpecioſitas, carnis mollicies, uentris ingluui-  
 es, cibo/



A. ciborum superfluitas, crapula & ebrietas, domorum constructio, præbendarum acquisitio, diuitiarum aggregatio: nunquid omnia ista poterunt animam miseri hominis eripere de ore horrendi & horribilis leonis, ac de faucibus maledicti draconis. Hanc utilem lectionem legat aliquis, sapiat sanè, & intelligat, & in corde suo retineat, quod est implicatus peccatis, amore mudi & carnis inebriatus & cæcatus, cui plus placet luxuriosi cadaueris uenenosa uoluptas, quàm animæ suæ sanitas, qui plus studet circa arcam quàm circa Martham, cui plus est de mudo quàm de Christo, cui plus est de lege bouina quàm de lege diuina. Legat igitur lectionem istam insipiens ille qui eiusmodi est, & speculetur in hoc speculo peccatoris speciem suam, & consideret diligenter, unde ueniat, quid sit, & quò uadat, perpendat ex præmissis per quã semitam uehementer metuendam, per quod iter tenebrosum, per quorum horrendas manus misera eius anima transitura est. O stulte peccator, qui ista considerare nescis, siue præmeditari nõ uis, & quia ista præuidere negligis, ideo sæpe te inuadit superbia, exagitat ira, excruciat malitia, uulnerat inuidia, inflamat luxuria, fatigat pigritia, ligat auaritia. Et quoniam horrida imminet tibi tormenta prudenter non prospicis, iccirco contumax, iniurius, obstinatus sæpe efficeris piger, acidiosus ad opus diuinum accedis, illud negligenter & desidiose agis. Quare hoc? Quia non uis prouidere quò uadis, quia si ille serpens uenenosus diabolus & satanas ausus fuit cum furore impetum facere in sanctissimam beatæ Mariæ animam, qui erat, ut dicitur, gemma sacerdotum, quam felicem animam præsentibus angelis euntem in cælum curabat impedire: quomodo timendum est tibi peccatori, & tremendum præmeditandum, quod horribiliter occurreret miserae animæ tuæ ille doli artifex, ille filius iniquitatis, ille animarum hostis amarissimus: quomodo poteris stare ad horrendum aspectum tremendi uultus eius, ad intolerabilem foetorem oris eius, ad flammam sulphureas oculorum eius? Certus esto, quòd timor huius horridæ bestiae omne genus tormentorum superat, plus quàm in hoc mundo cogitari queat. Quod propheta pauidus expauescens, ad orationem confugit dicens, Exaudi deus deprecationem meam cum deprecor, & à timore inimici eripe animam meam. Non dicit, à potestate, sed à timore. Quare? Ad insinuandam quàm maxima iam sit poena, quàm horribilis, quàm intolerabilis sit terror ipsius inimici. Heu heu frater mi, si talis & tantus tremor est animæ peccatrici ex solo satanæ uisu, quanta confusio, quantusque horror, quanta afflictio, quanta lamentatio erit eius consortium?

B. O stulti filij hominum, uani filij hominum mentiētium, Qui enim diligit iniquitatem, odit animam suam. Et, Odibiles sunt deo impietas & impietas eius. Vnde psalmus, Nonne qui oderunt te domine, oderam, & cætera. Perfecto odio oderam illos. Item, Altissimus odio habet peccatores, & misertus est poenitentibus. Quare tam horrendam tamque horribilem non circumspicitis miseriam? quare non proicitis superbiam? quare non extinguitis auariciam? quare non contemnitis luxuriam? quare mores uestros non corrigitis? quare mandatum dei salutiferumque eius consilium negligenter auditis? quare non sapitis & intelligitis, ac nouissima prouidetis? Hinc est quòd nos peccatores terribiliter deus alloquitur, dicens, Ego, inquit, in interitu uestro ridebo & subsannabo uos, cum in uobis quod timebatis aduenerit.

O quàm metuenda est illa dominica sententia. Utinam lector sciret, & in palato cordis ruminaret, quantum contineat amaritudinis, quantumue formidinis, quia reuera si sciret, omni hora uitam suam cautius custodiret. Si dicis forsan quòd derisio & subsannatio non cadunt in ipsum deum, nec eius reuerenda sanctissimamque simplex natura huiusmodi passionum siue ironias admittit, cur ergo ab omnipotenti deo peccatoribus dicitur, Ego in interitu uestro ridebo? Attende qui interrogas, quomodo dicta tibi debeat exponi sententia. Ego in interitu uestro ridebo, hoc est, cum finis uester uenerit, uos derisione dignos clamabo, & cum irruerit super uos repentina calamitas, subsannabo, id est, cum amara mors uos momorderit, æterna subsannatione dignos damnabo. Audi tu peccator terribilem sententiam, quam si intelligeres, sine dubio expauesceres. Sed quare non intelligis? quia scripturas sacras negligenter legis, actus tuæ uitæ malæ quos facis, peccataque committis, facta & dicta

Psal. 63

Cap. VIII

Psal. 10

Sapient. 14

Psal. 118

Ecclesi. 12

Prouer. 1

etia & opera tua mala non sapienter respicis: uelox ad mensam, tardus ad ecclesiam: potens ad potandum, sed æger ad psallendum: peruigil ad fabulas, somnolētus ad uigilias: procax ad loquendum, sed tardus & mutus ad canendum: promptus ad iram & detractionem, piger uero ad orationem: inuidiæ amator, pauperum Christi persecutor: festucam in alieno oculo respiciens, sed trabem in oculo tuo non considerans: ceteros reprehendens, teipsum non considerās: alios uituperans, te collaudās: maliciæ inuentor, disciplinæ destructor: amicus uiciorum, hostis uirtutum. Hæc sunt quæ hominem excæcant, & à deo ipsum separant: hæc sunt quæ monachum conuersum efficiunt peruersum, clericum hæreticum, Christianū antichristum. Qui enim Christianus non est, antichristus est. Non est Christianus qui uita & moribus Christo est contrarius. Heu heu uir insipiens non cognoscit, & stultus non intelligit. Et ideo dicit propheta, Simul insipiens & stultus peribūt. Sed quæ distātia est inter insipientē & stultū? Omnis stultus est insipiēs. Insipiens enim dicitur quasi nō sapiēs. Multi em̄ manent qui sapientes nō sunt, tamen stulti non sunt. Multi iusti sunt, & multi iusti non sunt, & tamen iniqui nō sunt. Vis noscere quis sit insipiens, & qs stultus? Respōdeo, Insipiens est, qui se à paradisi gaudijs peregrinum esse non considerat, & se exulem in hoc exilio non attendit: stultus est, qui licet ista cognouerit, liberari tamē à mūdi miseria per uitæ meritum non intendit. Item insipiens est, qui non credit, futura supplicia reproborum esse perpetua, & gaudia iustorum æterna: stultus autem est, qui licet credat, tamen ut mortem perpetuam euadat, & gloriam æternam caste uiuendo, pieq; conuersando acquirat, non intendit. Iusto igitur dei iudicio simul insipiens & stultus peribunt. Quod tamen non fieret si saperent & intelligerent, ac nouissima prouiderent. Ecce frater mi, iam legisti, iam uidisti, in hoc speculo peccatoris, quid sapias, quid intelligas, quomodo nouissima prouidere debeas: superest igitur ut diligēter discas & in corde firmes, quid sane sapias, & recte intelligas, quomodo nouissima tua prudenter prouideas, ut per hæc æternam damnationem eripias, & cum domino nostro Iesu Christo uitam æternam possideas. Amen.

Finis.

## DE POENITENTIAE MEDICINA LIBER VNVS.

Hic libellus De pœnitētiæ medicina non omnino ineptus est, sed plurimum discrepās ab Augustino, quemadmodum & sequens.

Caput I

Iacobi 4  
Luc. 14.

Luce 18

VAM SIT utilis & necessaria pœnitentiæ medicina, facillime homines intelligunt, qui se homines esse meminerunt. Scriptum est enim, Deus superbis resistit, humilibus autem dat gratiam. Et dominus in Euangelio dicit, Qui se exaltat, humiliabitur, & qui se humiliat, exaltabitur. Magisq; iustificatus descendit de templo ille publicanus peccatorum confessione sollicitus, q̄ phariseus meritorum enumeratione securus, quamuis etiam gratias egit deo dicens, Deus gratias ago tibi, quia nō sum sicut ceteri hominū, raptores, iniusti, adulteri, quomodo & publicanus iste, Ieiuno bis in sabbato, decimas do omniū quæ possideo: & tamē ei prælatus est ille q̄ longe stabat, neq; oculos ad cœlū leuare audebat, sed percutiebat pectus suū dicēs, Deus propitius esto mihi peccatori. Nō enim tā ille phariseus sanitate, q̄ morborū alienorū cōparatione gaudebat. Utilius aut illi erat, qm̄ ad medicū uenerat, ea de quibus ægrotabat, confitendo monstrare, q̄ dissimulare uulneribus, & de cicatricibus auderet gloriari. Non ergo mirum si publicanus magis curatus abscessit, quē non puduit ostēdere quid doleat. In rebus quippe uisibilibus, ut excelsa quisq; cōtingat in excelsum erigat. Deus aut cū omniū sit excellētissimus, nō elatiōe, sed humilitate cōtingit. Vnde per prophetā dicit, Prope est dñs omnibus q̄ obtriuērūt cor. Et iterū, Excelsus est dñs, & humilia respicit, & altā à longe cognoscit. Excelsa ipse posuit pro supbis. Illa ergo respicit ut attollat, ista cognoscit ut deprimat & deiciat. Cum enim ait q̄ à longe excelsa cognoscit, satis eū ostendit humilia de proximo attendere, ipsum tamen deū excelsum esse prædixit. Solus enim



enim deus arrogans non est, quantacumque se prædicatione laudauerit. Nō igitur arbitretur se  
 ab oculis dei abscondi quantacumque superbia. Deus enim excelsa cognoscit, Nec se rursus  
 deo coniunctam putet, excelsa enim à longe cognoscit. Quisquis itaque poenitentiae humili-  
 tatem recusat, deo propinquare non cogitat. Aliud est enim leuare se ad deum, aliud eleua-  
 re se contra deum. Qui ante illum se proijcit, ab illo erigitur: qui aduersus illum se erigit, ab  
 illo proijcitur. Alia est soliditas magnitudinis, alia est inanitas inflationis. Qui foris tumes-  
 cit, intus tabescit. Qui eligit abijci in domo domini, magis quam habitare in tabernaculis  
 peccatorum, eligit eum deus ut inhabitet in atrijs eius. Vnde in psalmis, Beatus uir cuius est  
 susceptio eius abs te domine. Ne putes eum qui se humiliat semper iacere, cū dictū sit, exal-  
 tabitur, Et ne opineris, eius exaltationem in oculis hominum per sublimitates fieri corpora-  
 les. Cum enim dixisset, Beatus uir cuius est susceptio eius abs te domine, consequenter anne-  
 xuit, & ostendit eiusdem susceptionis celsitudinem spiritalem, Ascensus, inquit, in corde  
 suo disposuit in conualle plorationis, in locum quem disposuit. Vbi ergo disposuit ascen-  
 sus in corde? In conualle plorationis, hoc est, Qui se humiliat, exaltabitur. Sicut enim comes-  
 sus exaltationē indicat, ita ualles humilitatem, & cōualles plorationes. Sicut enim comes-  
 esse poenitentiae dolor creditur, ita lachrymae sunt testes doloris. Optime autem sequitur &  
 dicit, Etenim benedictionem dabit qui & legē dedit. Ad hoc enim lex data est, ut superbo  
 infirmitatem suam notam faceret, infirmo poenitentiam suaderet. Ad hoc etiam lex data  
 ut uulnera ostenderet peccatorum, quæ gratia benedictione sanaret. Ad hoc etiam lex data  
 est, ut diceremus in conualle plorationis, Video aliam legem in membris meis, repugnātem  
 legi mentis meae, & captiuantem me in lege peccati, quæ est in membris meis. Et cū ipso plo-  
 ratu clamaremus, Infelix ego homo, q̄s me liberabit de corpore mortis huius? Et succurret  
 nobis exaudiente deo qui erigit elisos, & soluit compeditos, illuminat cæcos gratia dei, per  
 Iesum Christum dominum nostrum. Tres autem sunt actiones poenitentiae, Cap. 11  
 quas mecum uestra eruditio recognoscit. Sunt enim usitatae in ecclesia, & diligenter attēden-  
 tibus notæ. Vna est, quæ nouum hominem per baptismū parturit, donec salutaris omniū  
 præteritorum peccatorum fiat ablutio, ut tanquam nato puero dolores transeāt, quibus ui-  
 scera urgebantur ad partum, & tristitiam læticia consequatur. Omnis enim qui iam uolun-  
 tatis suæ factus est arbiter, cum accedit ad sacramenta fidelium, nisi eum poeniteat uitæ uete-  
 ris, nouam non potest inchoare. Ab hac poenitentia cum baptizantur, soli pueri immunes  
 sunt, Nondum enim uti possunt libero arbitrio. Quibus tamen ad consecrationem remissi  
 onemque originalis peccati prodest eorum fides à quibus offeruntur, ut quascumque maculas  
 delictorum per alios ex quibus nati sunt contraxerunt, aliorum etiam interrogatione ac re-  
 sponsione purgantur. Verissime quidem in psalmis plangitur, Ecce enim in iniquitatibus cō-  
 ceptus sum, & in peccatis cōcepit me mater mea. Item scriptum est, Nō esse mūdum nec in-  
 fantē in conspectu dei, cuius est unius diei uita super terram. Et apostolus Petrus clamat  
 Iudæis, Poenitentiam agite, & baptizetur unusquisque nostrū in nomine domini nostri  
 Iesu Christi. Et dominus, Poenitentiam agite, appropinquabit enim regnum cælorum.  
 De hac etiam Ioannes baptista plenus spiritu sancto, præcursor & preparator uiæ domi-  
 ni ita dicit, Generatio uiperarum, quis ostendit uobis fugere à uentura ira? Facite ergo fru-  
 ctus dignos poenitentiae. Altera uero poenitentis est, cuius actio per totā istā uitā, qua in car-  
 ne mortali degimus, ppetua supplicatiōis humilitate subeūda est. Primo, quia uitā æternā,  
 incorruptibilē, immortalēque, nullus desiderat, nisi eū uitæ huius tēporalis, corruptibilis, mor-  
 talisque poeniteat. Nō enim sic quisque in uitā nouā per sanctificationē baptismi nascit, ut quē-  
 admodū deponit ibi omnia peccata præterita, ita etiā statim mortalitatē ipsam carnis corrupti-  
 onemque deponat. Quod si ita nō est, restat ut illud quod scriptū est, quod etiā quisque in se sen-  
 tit adhuc dū in hac uita est, Corpus quod corrumpit aggrauat animā: & deprimat terrena  
 inhabitatio sensum multa cogitantem. Quod tunc in illa beatitudine quia non erit, cum ab  
 sorbebit mors in uictoria, quis dubitet, in quacumque tēporali felicitate uersemur, poenitere tñ  
 huius

psal. 87

Roma. 7

Cap. 11

psal. 50

Iob 25

Acto. 2

Matth. 5

Sapien. 9

huius uitæ nos debere, ut ad illam incorruptionem tota aueritate curramus. Inde est illud  
 2. Cor. 5 quod Apostolus ait, Quamdiu sumus in corpore, peregrinamur à domino, per fidē quip-  
 pe ambulamus, & non per speciem. Quis ergo festinat atque optat ad patriam remeare, &  
 illam per speciem quæ est facie ad faciem contemplari, nisi quem peregrinationis suæ pœ-  
 nituerit. Ex quo dolore pœnitentis etiam uox illa miserabilis erumpit & sonat, Heu mihi,  
 quoniā peregrinatio mea lōginqua facta est. Et ne putes nondū fidelē ista loqui, uide quid  
 sequatur, Inhabitaui cum habitantibus cedar, Cum eis qui oderunt pacem, eram pacificus,  
 cum loquerer eis, impugnabant me ualde. Non solū hominis fidelis, sed etiam euangelistæ  
 firmissimi, & martyris fortissimi hæc uerba sunt, Scimus autem quia & si terrena domus no-  
 stra huius habitationis dissoluatur, ædificationem habemus ex deo, domum non manu fa-  
 ctam, sed æternam in coelis. Quapropter sanctus Iob non ait esse tentationem in hac uita,  
 1ob. 7 sed hanc ipsam uitam tentationem dixit esse, ita loquens, Nunquid non tētatio est uita hu-  
 mana super terram? Quo in loco etiam mysterium lapsi hominis mirabiliter tetigit dicēs,  
 Tanquam seruus fugiens dominum suum, & consecutus est umbram. Non enim hac uita  
 dicenda est potius quā umbra uitæ. Nec immerito fugitiuus Adam post offensionē pec-  
 cati abscondit se à facie domini, tectus folijs arborum, quibus opacantur umbracula, tanq̃  
 fugiens dominum suum, & consecutus umbram, sicut dictum est. Quæ uniuersa ad hoc di-  
 cta sunt, ne quis per baptismum, quamuis iustificatus sit à prioribus peccatis, tamē superbi-  
 re audeat, etiam si nihil cōmittat. Vnde ab altaris participatione priuetur, quasi iam de ple-  
 na securitate se iactans, sed potius seruet humilitatem, quæ penē ima disciplina Christiana  
 est, Nec superbiat terra & cinis, donec ista nox tota transeat, in qua pertranseunt omnes be-  
 stiæ syluæ, catuli leonum rugientes, quærentes à deo escam sibi. In hac esca Iob ipse petitus  
 est, qui dixit, Tentatio est uita hominis super terram, Quæ quamuis singula non letali uul-  
 nere ferire sentiantur, sicuti homicidium uel adulterium uel cætera huiusmodi, tamen simul  
 omnia congregata, uelut scabies, quo plura sunt necant, aut nostrum decus ita extermināt,  
 ut ab illius sponsi speciosa forma præ filijs hominum, castissimis separent amplexibus, nisi  
 medicamento pœnitentiæ quotidianæ desiccantur. Quod si falsum est, unde quotidie tundi-  
 mus pectora? Quod nos quoq; antistites ad altare assistentes, cum omnibus facimus. Vnde  
 etiam orantes dicimus, quod in tota uita ista oportet ut dicamus, Dimitte nobis debita  
 nostra, sicut & nos dimittimus debitoribus nostris. Non ea dimitti precamur, quæ iam in  
 baptismo dimissa credimus, nisi de ipsa fide dubitamus: sed utique de quotidianis peccatis  
 hoc dicimus, pro quibus etiam sacrificia elemosynarum, ieiuniorum & ipsarum supplica-  
 tionum ac orationum quisq; pro suis uiribus offerre non cessat. Quisquis itaq; se diligenter  
 attendens, nulla se ipsum adulatione seducit, satis intelligit cum quāto periculo mortis sem-  
 piternæ, & cum quanta penuria perfectæ iustitiæ peregrinetur à domino, quæ iam in Chri-  
 sto, hoc est, in uia cōstitutus, redire conetur, Nā si non habemus peccata & tundentes peccata  
 dicimus, Dimitte nobis debita nostra: ex hoc ipso certe & grauiter nullo dubitante pecca-  
 mus, cum inter ipsa sacramenta mentimur. Quamobrem inquātur deo nostro fide & cha-  
 ritate connectimur, & eum in quantum possumus imitamur, non peccamus, sed filij dei su-  
 mus: in quantum aut ex occasione carnalis infirmitatis, quia nondum morte resoluta, non-  
 dū resurrectione mutata est, motus reprehensibiles improbiq; subrepūt, peccamus. Quod  
 fateri nos conuenit, ne dura ceruice non languorū nostrorum sanitatem, sed damnationem  
 superbiæ mereamur. Vnde scriptum est, Et qui natus est ex deo, non peccat. Et quod in ea-  
 dem epistola Ioannis legimus, Si dixerimus, quia peccatum non habemus, nos ipsos seduci-  
 mus, & ueritas in nobis non est. Sed neq; facilius ab inimico derisimur, quā cum eum su-  
 perbiendo imitamur: nec uehementius eum prosterneamus, q̃ cum humilitate deum sequi-  
 mur: nec aciores ei dolores infigimus, q̃ cum plagas peccatorum nostrorum confitēdo &  
 pœnitendo sanamus. Tertia actio pœnitentiæ est, quæ pro illis peccatis subeunda est, quam  
 Gal. 5 legis decalogus continet, & de quibus Apostolus dicit, Quoniam qui talia agunt, regnum  
 dei



A dei non possidebunt. In hac ergo pœnitentia maiorem in se quisq; seueritatem debet exercere, ut à seipso iudicatus, non iudicetur à domino, sicut ipse Apostolus ait, Si enim nosmet ipsos iudicaremus, non utiq; iudicemur. Ascendit itaq; homo aduersus se tribunal mentis suæ, si timet illud quod oportet nos exhiberi ante tribunal Christi, ut illic recipiat unumquisq; quæ per corpus gessit, siue bonum seu malum: Cōstituat se ante faciem suam, ne hoc ei postea fiat: nam minatur deus hoc peccatori dicens, Arguam te & statuam contra faciem tuam. Atq; ita constituto in corde iudicio, afflit accusatrix cogitatio, testis conscientia, carnis timor: inde quidem sanguis animi cōfitentis per lachrymas profluat: postremo ab ipsa mente talis sententia proferatur, ut se indignū homo iudicet participatione corporis & sanguinis domini, ut qui separari à regno cœlorum timet per ultimam sententiam summi iudicis, per ecclesiasticam disciplinam à sacramento cœlestis panis interim separetur. Versetur ante oculos imago futuri iudicii, ut alijs accedant ad altare dei, quo ipse non accedit: cogitet quàm sit contremiscenda illa pœna, qua percipientibus alijs uitam æternam, alijs in mortem præcipitantur æternam. Ad hoc enim altare quod nunc in ecclesia est, in terra positum, terrenis oculis expositum, ad mysteriorum diuinorum signacula celebranda, multi etiam scelerati possunt accedere, cum deus cōmendat in hoc tempore patientiam suā, ut in futuro exercat seueritatem suam. Accedunt enim ignorantes, quoniam patientia dei ad pœnitentiam eos adducit: Illi autem secundum duriciam cordis sui & cor impœnitens, thesaurizāt sibi irā in die iræ & reuelationis iusti iudicii dei, qui reddet unicuiq; secundum opera sua. Ad illud autem altare quod præcursor pro nobis introiit Iesus, quod caput ecclesiæ præcessit, membris secuturis cæteris, nullus eorum accedere poterit. De quibus ut iam cōmemorauī, dixit Apostolus, Quoniam qui talia agunt, regnum dei non possidebunt. Quomodo ergo interiora stolis, & in illa inuisibilia sancta sanctorum intrare audebit aut poterit, qui medicinam disciplinæ contemnens, noluit paulisper à uisibilibus separari? Qui enim noluit humiliari ut exaltaretur, cum exaltari noluerit, deicietur, & in æternum seiungetur ab æternis sanctis. Quis quis hoc tempore per merita obedientiæ, & per satisfactionem pœnitentiæ non sibi prouidet locum in corde sacerdotis, qua fronte impudentiæ tunc uolet auerti faciem dei à peccatis suis, qui nunc toto corde non dicit, Quoniam facinus meum ego agnosco, & peccatum meum cōtra me est semper? Quo pacto quæso deus dignatur agnoscere, quod in seipso homo dedignatur agnoscere? Aut illud quale est, in quo sibi blandiuntur, qui sua uanitate se seducunt, perseverantes in malicijs atq; luxurijs suis, cum audiunt Apostolū dicentem: Quoniam qui talia agunt, regnum dei non possidebunt: audent sibi præter regnum dei, salutem quam desiderant polliceri, atq; ita inter se loquuntur dum recusant agere pœnitentiam pro peccatis suis, & perditos mores suos in melius cōmutare? Angeli ergo nuncij sunt. Nuncios autem rectissime accipimus omnes, qui salutem cœlestem hominibus nunciant: unde etiam euangelistæ boni nuncij interpretantur. Et de beato Ioanne baptista dictum est, Ecce mitto angelum meum ante faciem tuam. His ergo ut dicere cœperam exceptis, cætera omniū multitudo, sicut in ipsius domini uerbis manifestum est, in duas partes diuidetur. Positurus est enim oues ad dexteram, hædos autem ad sinistram, & dicetur ouibus, Venite benedicti patris mei, possidete regnum præparatum uobis à constitutione mundi. De hoc regno dicit Apostolus, Quoniam qui talia agunt, regnum dei non consequentur. Item ad impios, Ite, inquit, in ignem æternum, qui paratus est diabolo & angelis eius. Quapropter qui gaudet de nomine Christiano, & non cum omni obedientia & timore, audiat Apostolum dicentē, Hoc em̄ scitote intelligentes, quod omnis fornicator, aut auarus, aut immūds, quod est idolorum seruitus, non habet hæreditatem in regno Christi & dei. Nemo uos seducat inanibus uerbis: Propterea enim uenit ira dei in filios diffidentiae: Nolite effici participes eorū. Nolite errare, neq; fornicatores, neq; idolis seruientes, neq; molles, neq; masculorū cōcubitores, neq; fures, neq; auari, neq; ebriosi, neq; maledici, neq; rapaces regnum dei possidebūt. Sed uidete quēadmodū timorem & desperationē salutis abstulerit eis, qui hæc in uita

Nū ueteri

1. Cor. 11

Psal. 49

Rom. 2

Gal. 5

Psal. 50

Marc. 1

Malac. 3

Matt. 25

Eph. 5

1. Cor. 6

ueteri cōmiserunt. Et hæc quidem, inquit, fuistis, sed abluti estis, sed sanctificati estis in nomi-  
 ne domini nostri Iesu Christi, & spiritu dei nostri. Quisquis ergo post baptismum aliquo-  
 rum pristinorum malorum opere obligatus tenetur, usq; nūc sibi inimicus est, ut adhuc du-  
 biter uitam mutare cum tempus est, cum ita peccat & uiuit. Nam utiq; q; ita perseveranter  
 peccat, thesaurizat sibi iram in die iræ & reuelationis iusti iudicii dei. Quod autem adhuc  
 uiuit, patientia dei ad pœnitentiam eum adducit. Implicatus igitur tam mortiferorum uin-  
 culis peccatorum, detrectat, aut differt, aut dubitat ad ipsas clauēs ecclesiæ confugere, qui-  
 bus soluatur in terra, ut sit solutus in cœlo, & audet post hanc uitam, quia tantum Christia-  
 nus dicitur, salutem aliquam polliceri: nec ueridico illo dñico tonitruo contremiscit, Non  
 omnis qui dicit mihi domine domine, intrabit in regnum cœlorum, sed qui facit uolunta-  
 tem patris mei qui in cœlis est, ipse intrabit in regnum cœlorum. Et Apostolus scribens ad  
 Gal. 5 Galathas inter cætera dixit, Manifesta autem sunt opera carnis, quæ sunt fornicationes, im-  
 mundicia, luxuria, idolorum seruitus, ueneficia, inimicitia, contentiones, æmulationes, iræ, ri-  
 xæ, dissensiones, hæreses, inuidiæ, ebrietates, comesationes, & his similia, quæ prædico uo-  
 bis sicut prædixi, quoniam qui talia agunt, regnum dei non consequentur.

cap. III Iudicet ergo seipsum homo in istis uoluntate dum potest, & mores conuertat in me-  
 lius, ne cum iam non poterit, etiam præter uoluntatem à domino iudicetur. Et cum ipse pro-  
 tulerit seuerissimæ medicinæ, sed tñ medicinæ sententiā, ueniat ad antistites, per quos in ec-  
 clesia clauēs ministrantur, & tanq; bonus incipiens iam esse filius, maternorū membrorū or-  
 dine custodito, à præpositis sacramentorum accipiat satisfactionis suæ modum, ut in offer-  
 rendo sacrificio cordis contribulati deuotus & supplex, id tamen agat quod non solum illi  
 prosit ad recipiendam salutem, sed etiam cæteris ad exemplum. Vt si peccatum eius non so-  
 lum in graui eius malo, sed etiam in scandalo est aliorum, atq; hoc expedire utilitati eccle-  
 siæ uidetur antistiti in noticia multorum, uel etiam totius plebis, agere pœnitentiam non re-  
 cuset, non resistat, non lætali & mortiferæ plagæ per pudorem addat tumorem: meminerit  
 Iaco. 4 tamen semper q; superbis deus resistit, humilibus autem dat gratiam. Quid est enim infe-  
 licius, quid peruersius, quàm de ipso uulnere, quod latere non potest, non erubescere, & de li-  
 gatura illius erubescere? Nemo arbitretur fratres propterea se consilium salutiferæ huius de-  
 bere pœnitentiæ contemnere, quia multos forte aduertit & nouit ad sacramenta altaris ac-  
 cedere, quorum talia crimina non ignorat. Multi enim corriguntur ut Petrus, multi toleran-  
 tur ut Iudas, multi nesciuntur, donec ueniat dominus qui & illuminabit abscondita tenebra-  
 rum, & manifestabit consilia cordium: nam pleriq; propterea nolunt alios accusare, dum se  
 per illos cupiunt excusare. Pleriq; autem boni Christiani propterea tacent & sufferunt alio-  
 rum peccata quæ nouerunt, quia documentis saepe deferuntur, & ea quæ ipsi sciunt, iudicibus  
 ecclesiasticis probare non possunt. Quamuis enim uera sint quædam, nō tamen iudici facile  
 credenda sunt, nisi certis indicijs demonstrent. Nos uero à cōmunionē prohibere quenq;  
 non possumus, quamuis hæc prohibitio nondum sit mortalis, sed medicinalis, nisi aut spon-  
 te confessum, aut in aliquo siue seculari, siue ecclesiastico iudicio nominatum atque conui-  
 ctum. Quis enim sibi utrūq; audeat assumere, ut cuiquam ipse sit accusator & iudex? Cuius  
 modi regulā etiam Paulus apostolus in eadem ad Corinthios epistola breuiter insinuas-  
 se intelligitur, cū quibusdam cōmemoratis criminibus, ecclesiastici iudicii formā ad omnia simi-  
 lia ex quibusdam daret. Ait enim, Scripsi uobis in epistola, non commisceri fornicarijs: non  
 utiq; fornicarijs huius mundi, aut avaris, aut raptoribus, aut idolis seruientibus, alioquin  
 debueratis de hoc mundo exisse. Non enim possunt homines in hoc mundo uiuentes, nisi  
 cum talibus uiuere: nec eos possunt lucrifacere Christo, si eorum colloquium conuictumq;  
 Matih. 9 uitauerint. Vnde & dominus cum publicanis & peccatoribus comedens, Non est opus, in-  
 quit, sanis medicus, sed male habentibus, Non enim ueni uocare iustos, sed peccatores. Et  
 ideo sequitur Apostolus & adiungit, Nunc scripsi uobis nō cōmisceri. Si quis frater nomina-  
 tur in uobis, aut fornicator, aut idolis seruiens, aut auarus, aut maledicus, aut ebriosus, aut  
 rapax,



Rom. 14

1. Cor. 5

Cap. III

Eph. 5  
1. 1047, 2

1. Cor. 4

Cap. V.  
Прочет. 18

Psal. 129 clama etiam de profundo ad dñm, & dic ei, De profundis clamaui ad te domine, domine ex  
 audi uocem meam: Fiant aures tuæ intendētes in uocē obsecrationis meæ: Si iniquitates ob  
 seruaueris domine, domine quis sustinebit? Quoniam apud te propitiatio est. De tali pro  
 fundo Niniuitæ clamauerunt, & hanc propitiationem inuenerunt. Faciliusq; est euacuata  
 cōminatio prophetæ, quàm humiliatio pœnitentiæ. Hic fortasse dicis: Sed ego iam baptiza  
 tus sum in Christo, à quo omnia mihi peccata præterita dimissa sunt, uilis factus sum, ni  
 mis iterans uias meas, & canis horribilis oculis dei, conuersus ad uomitum suum, Quò abi  
 bo à spiritu eius, & à facie eius quò fugiam? Quò frater, nisi ad eius misericordiam pœni  
 tendo, cuius potestatem peccando cōtempseris? Nemo enim recte fugit ab illo nisi ad illū,  
 ab eius seueritate ad eius bonitatem. Quis enim locus te excipiet fugientem, ubi eius præ  
 sentia te non inueniat? Si ascenderis in cœlum ibi est, si descenderis ad infernum adest. Re  
 cipe ergo pennas tuas in directum, & habita in spe in extremo huius seculi. Etenim illuc ma  
 nus tua deducet me, & perducet me dextera tua. Quicquid enim feceris, quacunq; peccauer  
 ris, adhuc in hac uita es, unde te deus si sanare nollet, auferret. Cur ergo ignoras, quia patiē  
 tia dei ad pœnitentiā te adducit? Qui enim clamando tibi persuasit ut non recederes, parcē  
 do clamat ut redeas. Intuere Dauid regem, iam utiq; & ipse illius temporis sacramenta per  
 ceperat, iam circūcisus erat utiq; quod patres nostri pro baptismo habebant: nam ad hoc  
 Rom. 4 dicit Apostolus, sanctū Abraham signaculū iusticiæ fidei recepisse. Iam etiam unctus erat  
 2. Reg. 11 unctione uenerabili, qua regale sacerdotiū præfigurabatur ecclesiæ. Repente autem factus  
 est & adulteri & homicidij reus. Non frustra tamen de tam immani & abrupto profundo  
 Psal. 50 sceleris pœnitens clamauit ad dominū dicens, Auerte faciē tuam à peccatis meis, & omnes  
 iniquitates meas dele. Quo tandem merito, nisi quia item dicit, Iniquitatē meam ego agno  
 sco, & peccatum meum ante me est semper? Quid autem obtulit domino unde illū propi  
 tiaret sibi? Quoniā si uoluisses sacrificium, dedissem utiq; , holocaustis nō delectaberis. Sa  
 crificium deo spiritus contribulatus, cor contritum & humiliatum deus non spernit. Non  
 solum ergo deuote obtulit, sed etiam ista dicendo quid offerri oportebat, ostēdit. Nō enim  
 sufficit mores in melius cōmutare, & à factis malis recedere, nisi etiā de his quæ facta sunt,  
 Math. 5 satisfiat deo per pœnitentiæ dolorem, per humilitatis gemitum, per cōtriti cordis sacrificiū  
 cooperatibus elemosynis. Beati enim misericordes, quoniam ipsorū miserebitur deus. Nō  
 enim dictum est, ut tantum abstineatis à peccatis, sed & de præteritis, inquit, deprecare do  
 minum ut tibi dimittantur. Et Petrus iam erat fidelis, iam in Christo & alios baptizauerat.  
 Intuere ergo Petrum præsumentem accusatum, timentem uulneratū, flentem sanatū. Iam  
 etiam post aduentum de cœlo spiritus sancti, quidam Simon pecunia uoluit eundem spiri  
 tum emere, sceleratissimum & impium mercimonium cogitans, iam baptizatus in Christo,  
 & tamen pœnitentiæ cōsiliū ab ipso Petro correptus accepit. Dicit etiam apostolus Pau  
 2. Cor. 12 lus, qui utiq; fidelibus mittebat epistolas, Ne iterum cum uenero ad uos, humiliet me deus  
 ut lugeam multos ex his qui ante peccauerunt, & nō egerunt pœnitentiam super immundi  
 cia & luxuria, & fornicatione quā gesserunt. Circūstant ergo nos & præcepta recte faciendī,  
 & exempla non tantū recte facientiū, sed etiam ad recipiendā salutem pœnitentiū, quæ fue  
 rat amissa peccando. Sed fac incertū esse utrū ignoscat deus. Quid perdit cū supplicat deo  
 qui salutem perdere non dubitauerit cum offenderet deū? Quis enim certus est q; etiam im  
 perator ignoscat? Et tamen pecunia funditur, maria transmeantur, procellarū incerta subeū  
 tur, & penē ut mors uitetur, mors ipsa suscipitur: supplicatur deinde per homines homini,  
 sine dubitatione fiunt ista, cum sit dubiū quo fine proueniant, & tamen certiores sunt clauēs  
 ecclesiæ q̄ corda regia. Quibus clauibus quodcūq; in terra soluitur, etiā in cœlo solutū esse  
 promittitur. Et multo est honestior humilitas qua se quisq; humiliat ecclesiæ dei, & labor  
 minor imponitur, & nullo temporalis mortis periculo mors aeterna uitatur.

Finis.

De utilita



## DE UTILITATE POENITENTIAE TRACTATUS.

A



VOX poenitentis in his uerbis agnoscitur, Auerte faciem tuā à peccatis meis, <sup>Cap. 1</sup>  
 & omnes iniquitates meas dele. Vnde cum sermonem ad uestram charita, <sup>psal. 50</sup>  
 tem non prępararemus, hinc nobis esse tractādum domino cooperante co  
 gnoscimus. Volebamus enim hodierna die uos in ruminatione permitte  
 re, scientes q̄ abundantes epulas cœperitis. Sed quia salubriter quod appo  
 nitur accipitis, quotidie multum esuritis. Pręstet ergo dñs ipse deus noster, & nobis uirium  
 sufficientiam, & uobis utilem audientiam. Neq; enim ignoramus, esse seruendū bonę ue  
 strę & utili uoluntati. Adiuemur ergo à uobis & uoto & studio, uoto ad deum, studio ad  
 uerbum, ut ea dicamus quę uobis esse utilia ipse iudicat, qui uos pascit per nos. Vox igitur  
 in his uerbis poenitentis agnoscitur: Auerte faciem tuam à peccatis meis, & omnia facinora  
 mea dele. Proinde aliquid de poenitentia dicere diuinitus iubemur. Neq; enim nos istū psal  
 mū cantandū lectori imperauimus, sed quod ille censuit uobis esse utile ad audiendū, hoc  
 cordi etiam puerili imperauit. Dicamus aliquid de utilitate poenitentię, pręsertim, quia &  
 dies iam sanctus anniuersarius imminet, quo propinquante humiliari animas & domari  
 corpora studiosius decet. Triplex autem consideratio agendę poenitentię in sacra scriptura  
 inuenitur. Nam neq; ad baptismum Christi, in quo omnia peccata delentur, quisquam be  
 ne accedit, nisi agendo poenitentiam de uita pristina. Nemo enim eligit uitā nouam, nisi quē  
 ueteris poenitet. Hoc autem etiam autoritate diuinorum librorum probare debemus, utrū  
 baptizandi egerint poenitentiam, quando spiritus sanctus missus est antē promissus, & im  
 pleuit dñs fidem pollicitationis suę. Accepto spū sancto discipuli, ut nostis, cœperunt loqui  
 omnibus linguis, ut in illis qui aderant linguā suam quisq; cognosceret. Hoc autē miraculo  
 territi, cōsiliū uitę ab apostolis petiuerūt. Tunc eis Petrus annunciauit, eū colendū quē cruci  
 fixerūt, ut eius iam sanguinē nossent bibere credentes, quē fuderant sęuientes. Annunciato  
 autē illis dño nostro Iesu Christo, & agnoscentibus reatū suū, ut impleretur in eis quod pro  
 pheta antē prędixerat: Conuersus sum in erumna mea dum configitur spina. Cōuersi enim <sup>psal. 31</sup>  
 sunt in erumnam doloris, cū figeretur spina peccati recordationis. Nihil enim se mali fecisse  
 putauerant, nondū infixā erat spina. Loquente autē Petro, ut agnoscas infixam spinam, scri  
 ptura dixit, Petro loquente compuncti sunt corde. Proinde in eodem psalmo, cū dictū est: <sup>A. 2</sup>  
 Conuersus sum in erumna mea dū configitur spina, sequitur: Peccatum cognoui, & facinus  
 meū nō operui. Dixi, proloquar aduersum me delictum meū dño, & tu dimisisti impietate  
 cordis mei. Cū ergo spina illa recordatiōis cōpūcti dicerēt apostolis: Quid ergo faciemus?  
 Ait illis Petrus: Agite poenitentia, & baptizetur unusq; uestrū in nomine dñi Iesu Chri  
 sti, & remittūtur uobis peccata. Ergo interim nūc si qui forte assunt ex eo numero qui bapti  
 zari disponūt, credimus enim eos adesse tanto ad uerbū studiosius, quāto ad indulgētiā  
 uicinius: hos primū paucis alloquimur, ut erigāt mentes in spem, ament fieri quod nō sunt,  
 oderint quod fuerunt. Nouū hominē nascituri iam uoto cōcipiāt, quicquid de uita pręteri  
 ta remordebat, quicquid angebat conscientia, quicquid omnino uel magnum uel paruum,  
 uel dicendū uel nō dicendū, non dubitēt posse dimitti: ne forte quod uult dei misratio di  
 mittere, cōtra se teneat humana dubitatio. Exemplū etiā in primo illo populo exhibitum, <sup>2. Cor. 10</sup>  
 unusquisq; fideliter recorderetur. Ait enim Apostolus, Omnia hęc figurę nostrę fuerunt, cū  
 de rebus talibus loqueretur. Quid enim dixerat? Nolo enim uos ignorare fratres, quia pa  
 tres nostri omnes sub nube fuerūt, & omnes in Moyse baptizati sunt in nube & in mari, &  
 omnes eundē cibū spiritalē manducauerunt, & omnes eundē potū spiritalē biberunt. Bibe  
 bant enim de spiritali sequēti petra: Petra autē erat Christus. Has figuras nostras fuisse ille  
 dixit, cui nemo fidelis unq; contradixit. Et cum multa enumeraret, unam rem solam soluit,  
 quia dixit: Petra autē erat Christus. Soluendo unum aliquid, cetera proposuit inquirenda.  
 Sed ne recedens à Christo inquisitor erraret, ut firmus quęrat, in petra fundatus est, Petra,  
 inquit, erat Christus. Dixit illas figuras nostras fuisse, & obscura erāt omnia. Quis reuolue  
 ret

ret inuolucra ista figurarum, quis aperiret, quis discutere auderet? In quibusdam quasi du<sup>o</sup> A.  
 metis densissimis & crassa umbra lumen accendit. Petra, inquit, erat Christus. Iam ergo lu-  
 mine illato quæramus quid cætera significant, quid sibi uelint, mare, nubes, manna: Hæc  
 enim non exposuit, sed petra quid esset ostendit. Per mare transitus, baptismum est. Sed  
 quia baptismum, id est, salutis aqua non est salutis, nisi Christi nomine consecrata, qui pro  
 nobis sanguinem fudit, cruce ipsius aqua signatur, & ut hoc significaret ille baptismus,  
 mare rubrum fuit. Manna de cælo aperte ab ipso domino exponitur, Patres uestri man-  
 ducauerunt, inquit, manna in eremo, & mortui sunt. Quando enim uiuerent: figura enim  
 prænunciare uitam posset, uita esse non posset. Manducauerunt, inquit, manna, & mor-  
 tui sunt, id est, manna quod manducauerunt, non illos potuit de morte liberare: non  
 quia ipsum manna mors eis fuit, sed quia à morte non liberauit. Ille enim liberaturus erat  
 à morte qui per manna figurabatur. De cælo certe manna ueniebat, attende quem figura-  
 bat. Ego sum, inquit, panis uiuus qui de cælo descendi. Sicut studiosi autem & bene uigilan-  
 tes, uerba dominica attendite, ut proficiatis & legere & audire noueritis. Eundem, inquit, ci-  
 bum spiritalem manducauerunt. Quid est, eundem, nisi quia eum quem etiam nos? Video  
 aliquantum esse ad promendum explicandumque difficile quod dicere institui, sed adiuua-  
 bor beneuolentia uestra, hæc mihi à domino impetrat facultatem. Eundem, inquit, cibum  
 spiritalem manducauerunt. Suffecerat ut diceret, cibum spiritalem manducauerunt. Eundem,  
 inquit, eundem non inuenio quomodo intelligam, nisi eum quem manducamus & nos.  
 Quid ergo, ait aliquis? Hoc erat manna illud quod ego nunc accipio? Ergo nihil modo ue-  
 nit si ante iam fuit? Ergo euacuatum est scandalum crucis? Quomodo ergo, eundem, nisi  
 quia addidit spiritalem? Nam qui manna illud sic acceperunt, ut tantummodo indigen-  
 tiæ suæ corporali satisfieri putarent, & uentrem suum pasci, non mentem, nihil magnum  
 manducauerunt: factum satis est eorum indigentia. Alios deus pauit, alijs aliquid nun-  
 ciauit. Hi tales & cibum corporalem manducauerunt, non cibum spiritalem. Quos ergo di-  
 cit patres nostros cibum spiritalem eundem manducauisse? Quos putamus fratres, nisi qui  
 uere patres nostri fuerunt, imò patres nostri non fuerunt, sed sunt? Omnes enim illi uiuunt.  
 Ioh. 6 Sicut enim quibusdam infidelibus dicit dominus, Patres uestri manducauerunt manna in  
 eremo, & mortui sunt. Quid est enim, patres uestri, nisi quos infidelitate imitamini, quorum  
 Ioh. 8 uias non credendo, & deo resistendo sectamini? Secundum quæ intellectum quibusdā dicit, Vos  
 à patre diabolo estis. Neque enim diabolus aliquem hominem uel potentia creauit, uel gene-  
 rando procreauit, & tamen dicitur pater impiorum, non propter generationem, sed propter  
 imitationem. Sicut ecōtra de bonis dicit: Ergo Abraæ semen estis? cū loquat<sup>ur</sup> gentibus, quæ  
 stirpem carnis ex Abraæ genere non ducebant: Filij enim erant non nascendo, sed imitando.  
 Abrogatur autē & alijs natura perfidis pater Abraam, quando eis dominus dicit: Si filij  
 Ioh. 8 Abraæ essetis, opera Abraæ faceretis. Et ut malæ arbores de Abraæ paternitate gloriantes  
 eradicarentur, filij Abraæ de lapidibus promittuntur. Sicut ergo hoc loco dicit, Patres uestri  
 manducauerunt manna in eremo, & mortui sunt: non enim intellexerūt quod manducaue-  
 runt, itaque non intelligentes, cibum non nisi corporale acceperunt: sicut & Apostolus dicit, pa-  
 tres nostros, non patres infidelium, non patres impiorum manducantes & morientes, sed patres  
 nostros, patres fidelium, spiritalem cibum manducasse, & ideo eundem: Patres nostri, inquit, eū-  
 dem cibum spiritalem manducauerunt, & eundem potum spiritalem biberunt: Erant cū ibi qui  
 quod manducabant, intelligebant. Erant ibi quibus plus Christus in corde quam manna in ore  
 sapiebat. Quid de alijs loquamur? Inde erat primitus ipse Moyses famulus dei fidelis in to-  
 ta domo eius, sciens quid dispensaret. Et quia illo tempore ita dispensari debuerunt, causa præ-  
 sentiū aperta futurorum, breuiter ego dixerim: Quicumque in manna Christum intellexerunt, eundem  
 quem nos cibum spiritalem manducauerunt: quicumque autē de manna solā saturitatē quaesierunt,  
 patres infidelium, manducauerunt, & mortui sunt. Sic etiā eundem potum: Petra enim Christus,  
 Eundem ergo potum quem nos, sed spiritalem, id est, qui fide capiebatur, non qui corpore  
 haurie-



C hauriebatur. Audisti eundem potum, petra erat Christus. Non enim alter Christus, altera  
 quidem illa petra, alter lapis quem sibi posuit ad caput Iacob, alter agnus occisus ut mādū  
 caretur pascha, alter aries hærens in uepribus immolādus, quādo filio suo pepercit Abraā  
 iussus, quem iussus obtulerat, altera ouis & altera ouis, alter lapis & alter lapis, idem tamen  
 Christus: ideo eundē cibū, ideo eundē potū. Deniq; percussa est ipsa petra ligno, ut aqua de  
 flueret. Virga enim percussa est. Quare ligno, non ferro, nisi quia crux ad Christum accessit, Exod. 15  
 ut nobis gratiam propinaret. Et eundem ergo cibum, eundem potum, sed intelligentibus  
 & credentibus. Non intelligentibus autem illud, solum manna, illa sola aqua, ille cibus esu  
 rienti, potus iste sitienti, nec ille, nec iste credenti: credenti autem idem qui nunc. Tūc enim  
 Christus uenturus, modo Christus uenit. Vetus & uenit, diuersa uerba sunt, sed idē Chri  
 stus. Aliquid etiam, quoniā res uenit in medium, de dubitatione famuli dei Moyfi uolo di  
 cere. Figura enim erat ueterum etiam ista sanctorū. Dubitauit ad aquā Moyfes, quādo pe  
 tram uirga percussit, ut aqua flueret dubitauit. Dubitationē autem eius legens quisq; forte  
 transiret, nec intelligeret, quia nec quærere auderet. Dñō autē deo dubitatio illa displicuit, &  
 eam notauit, non solum arguendo, sed etiā uindicando: nam propter hanc dubitationē di  
 citur Moyfi, Non introduces tu populū in terrā promissionis: Ascēde in montē & morere. Numeri. 20  
 Deus hic utiq; apparet iratus. Quid ergo de Moyse fratres charissimi: Omnis ille labor eius,  
 omnis pro populo æstus eius, & illa charitas dicēs, Si dimittis illi peccatū, dimitte, sin aut, dele Exod. 32  
 me de libro tuo: hac subita & repentina dubitatione damnata est. Et quid est quo conclusit  
 lector cū Apostolū legeret: Charitas nunq; cadit? Cū quādā soluenda pponeret studiū ue 1. Corin. 13  
 strum, me fecit & aliud proponere, quod forte nō quæreretis. Videamus ergo, & adhuc quā  
 tū possumus conemur penetrare mysteriū. Irascit deus, dicit cū nō introducturū populū in  
 terrā promissionis: iubet ut ascendat in montē & moriatur, & tñ multa iniūgit agenda eidē  
 Moyfi: iubet qd agat, quomodo populū disponat, quomodo nō relinquat passim & negli  
 gēter. Nūq; ista dānato iniūgere dignaretur. Aliud accipe mirabilius, qm dictū est Moyfi,  
 hoc em placuit deo certi mysterij dispēstationisq; gratia, q; ipse in terrā pmissionis nō intro  
 duceret populū: eligitur alius Iesus Naue, & iste homo nō hoc nomine uocabatur, uocaba  
 Osee: & cū ei introducendū populū Moyfes cōmēdaret, uocauit eū, & mutauit ei nomen, &  
 appellauit eū Iesum, ut nō per Moysen, sed per Iesum, id est, nō per legē, sed p gratiā popu  
 lus dei in terrā pmissionis intraret. Sicut aut Iesus ille nō uerus sed figuratus, ita etiā terra  
 promissionis illa nō uera sed figurata. Illa em populo primo tēporalis fuit, nobis quæ pro  
 missa est, æterna erit. Sed figuris tēporalibus pmittebātur & prænūciabantur æterna. Sicut  
 ergo ille nō uerus Iesus, nec illa terra promissionis uera, sed figurata: ita māna nō cibus uere  
 celestis sed figuratus, ita petra illa nō uere Christus, sed figuratus, & sic omnia. Quā ergo sibi  
 exigit cōsiderationē dubitatio Moyfi? Ne forte & ibi aliqua figura expressa sit & innuerit in  
 telligēti, & ad inquirendū cōmouerit & puocauerit animū. Video em & post illā dubitatio  
 nē, & post irā dei, & post minas mortis, & post remotionē ab introductiōe ppli in terrā pro  
 missionis, multa deū sic dicere ad Moysen tāq; ad amicū q & antea loquebat, usq; adeo, ut  
 ipsi Iesu Naue obediētiæ exēplū de Moyse pponat, & hoc eū moneat deus ut sic ei seruiat  
 quō seruiuit Moyfes, & sic se pollicetur cum eo futurū quō cū Moyse. Euidēter charissimi cō  
 stringit nos ipse deus, non passim reprehēdere, sed intelligere dubitationē Moyfi. Figura pe  
 tra iacens, figura uirga pcutiens, figura aqua fluens, figura & Moyfes dubitans: & ibi dubi  
 tauit ubi percussit. Hinc facta est dubitatio Moyfi, quādo lignū accessit ad petram. Iam ue  
 loces præualent, imò tardos patienter expectent. Dubitauit Moyfes quādo lignum accessit  
 ad petrā: dubitauerūt discipuli quādo uiderunt dñm crucifixum. Horum figuram gerebat  
 Moyfes. Figura erat Petri illius ter negantis. Quare Petrus dubitauit: Quia lignum petre  
 propinquauit. Cū mortis suæ genus, id est, crucē ipsam prænūciaret deus, ipse Petrus expa  
 uit: Absit à te dñe, non erit hoc. Dubitas, quia petre imminere uirgā uides. Adeo spem suā, Matth. 26  
 quā gerebant de dñō discipuli tunc perdiderunt, quodāmodo intercepta est quādo crucifi  
 xum

xum uiderunt, quando planxerunt occisum. Inuenit eos post resurrectionem, loquentes inter se de hac re, tristi colloquio, & tenens oculos eorum ne ab eis agnosceretur: non se auferens credentibus, sed differens dubitantes, se tanq̃ tertium collocutorem sermoni commiscuit, & quæsiuit ab eis unde loquerentur. Mirantur illi quia solus ignorat quod in eo factum fuerat qui quærebat: Tu solus, inquiunt, peregrinaris in Hierusalē: & cōmemorant quæ gesta sint de Iesu. Et continuo iam desperationis suæ medullas aperiunt, & uulnus medico licet nescientes ostendunt: Nos autem, inquiunt, sperabamus quod in illo redemptio esset Israël. Ecce facta est dubitatio, quia lignum accessit ad petram, impleta est figura Moyfi. Videamus & hanc: Ascende in montē & morere. Per mortem corporale Moyfi, figurata est mors ipsius dubitationis, sed in monte. O mira mysteria. Hoc certe expositum & intellectū, quanto dulcius, quā magna ad petram nata est dubitatio. In monte mortua est, quando fuit humilis Christus in passione, quasi petra iacebat ante oculos: merito in illo dubitabatur, humilitas illa nihil magnum prætendebat: merito ipsa humilitate factus est lapis offensionis, resurrectione autem clarificatus magnus apparuit, iam mons est. Iam ergo illa dubitatio quæ nata erat ad petram, in monte moriatur. Agnoscant discipuli salutem suam, reuocent spem suam. Attende quemadmodum oriatur illa dubitatio, attende quemadmodum moriatur Moyfes in monte, non intret in terram promissionis: nolumus ibi dubitationē, moriatur. Ostendat nobis eam Christus mori: trepidauit Petrus & negauit ter. Petra enim erat Christus, Resurrexit, mons factus est, firmavit & Petrum, sed moritur dubitatio. Quomodo moriatur? Petre amas me? Cordis inspector, cordis cognitor, interrogat, & uult audire quod ametur, & parum est. Semel interrogat, hoc audit propē cum tadio ipsius Petri: miratur enim interrogari à præcio, sed etiam totiens interrogari, cum semel sufficeret respondere etiā nescienti. Sed tanq̃ tibi diceret dñs: Expecto, numerus legitimus impleat tertio: confiteatur ter per amorē, quia ter negauerat per timorem. Quod ergo dominus totiens interrogabat, dubitationem illam in monte occidebat. Quid ergo charissimi, si patent hæc? Non ad fraudem, sed ad iucunditatem clausa erant. Neque enim tam dulciter caperentur si prompta uilescent. Respiciat ergo negotium suum competiturus baptismum quem alloqui cœperam. Mare rubrum baptismus erat, populus transiens baptizabatur, transitus ipse baptismus erat, sed in nube. Adhuc enim nubilabatur quod prænunciabatur: adhuc occultabatur quod promittebatur. Iam modo præcessit nubes, manifestæ ueritatis serenitas facta est, quia recessit & uelum per quod loquebatur Moyfes. Hoc uelum & in templo pendeat, ne secreta templi uiderentur, sed in cruce domini uelum conscissum est ut paterent. Veni ergo ad baptismum, ingredere intrepidus uiam per mare rubrum: noli esse de peccato præterito tanquam de Ægypto sequente sollicitus: præmebant te peccata tua duro onere seruitutis, sed in Ægypto, in amore huius seculi, in peregrinatione longinqua: cogebant te sectari opera terrena, tanquam lateres facere, opera lutea operaberis, premunt te peccata, ueni securus ad baptismum, usq̃ ad aquam hostis sequi potuerit, ibi morietur. Time aliquid de uita præterita, crede aliquid remansurum tuorum peccatorum, si alius remansit Ægyptiorum. Audio uocem pigrorum: Ego, inquit, de præteritis peccatis non timeo, omnia mihi in aqua sancta per ecclesiæ etiam charitatem dimitti non dubito, sed timeo futura peccata. Placet ergo in Ægypto remanere: Interim hostē præsentem euade qui iam te premit, & iam subiugauit. De futuris quid tibi hostes meditaris? Quod iam fecisti, & si nolueris erit: quod futurum te putas, si uolueris non erit. Sed periculosa est uia: Neq̃ enim cum rubrum mare transiero, iam ero in terra promissionis. Ductus est ille populus per longa deserta. Interim ab Ægypto liberare. Quid ergo putas defuturum tibi auxiliatorem in uia, qui te eruit de uetusta captiuitate? Nouos tuos inimicos non compescit, qui te à uetustis hostibus liberauit? Tantum intrepidus transi, intrepidus ambula, obediens esto, noli amaricare Moyfi illi, cuius typum ille portabat, in hac obedientia fateor non desunt hostes. Sicut enim non deerant qui sequerentur fugientes, ita non deerant qui impederent.



e pedirent ambulantes. Prorsus charissimi figuræ nostræ fuerunt: Interim in te non sit quod  
 contristet Moysen: noli esse aqua amara, quam post mare rubrum non potuit ille popu-  
 lus bibere: Erat enim & ibi tentatio. Et tamē ista quādo eueniūt, quādo amaricat populus,  
 ostēdimus eis Christū, quæ pro illis tulerit, quomodo pro eis sanguinē fuderit, & mitescūt,  
 tāq; nobis lignū in aquā mittētibz. Planē hostē aduersantē itineri tuo habebis Amalech. Exod. 17  
 Tūc orabat Moyses, tūc extendebat manus: & ubi deponebat manus, cōualescebat Ama-  
 lech: ubi extendebat manus, deficiebat Amalech. Et tuæ manus extentæ sint, deficiat Ama-  
 lech tentator, & huius itineris impeditor: esto uigil & sobrius in oratiōibus, in operibus bo-  
 nis, non tamen præter Christum, quia extensio illa manuum, Christi crux fuit. In illa exten- Gal. 5  
 ditur Apostolus cū dicit, Mūdus mihi crucifixus est & ego mundo. Ergo deficiat Amalech,  
 tūcatur, & non impediat transitū populi dei. Sed si demittis manus à bono opere, à cruce  
 Christi, præualebit Amalech. Tamen noli omnimodo aut continuo te fortē futurum puta-  
 re, aut penitus desperādo deficere. Alternatio enim illa defectus & fortitudinis in manibus  
 serui dei Moysi, forte alternatio tua fuit. Aliquādo enim in tentationibus deficis, sed nō suc- Psal. 95  
 cumbis. Deponebat ille paululū manus, nō omnino ruebat. Si, dicebā, motus est pes meus,  
 ecce misericordia tua dñe adiuuabat me. Noli ergo timere, adest in itinere auxiliator qui in  
 Ægypto nō defuit liberator. Noli timere, aggredere uiam, præsume securus: aliquando ille  
 deponebat manus, aliquādo erigebat, tamē uictus est Amalech: debellare potuit, superare cap. 11  
 non potuit. Itaq; admonemur iam de altera loqui pœnitētia. Triplicem quippe  
 eius cōsiderationē in sancta scriptura esse proposui. Illa prima competentium est, & ad ba-  
 ptismum uenire sitientium. Hanc de scripturis sanctis ostendi. Est alia propē quotidiana, &  
 ubi illam ostendimus pœnitentiam quotidianā. Non habeo ubi melius ostendam, quā  
 in oratione dominica, ubi dñs orare nos docuit, & quid ad patrem dicamus ostēdit, & in his Matth. 6  
 uerbis posuit, Dimitte nobis debita nostra, sicut & nos dimittimus debitoribus nostris.  
 Quæ debita fratres? Quandoquidem debita hic intelligi nō possunt nisi peccata, quæ debi-  
 ta dimisit & in baptismo, iterum ut dimittat oramus. Certe mortuus est omnis Ægyptius  
 qui sequebatur. Si nihil de sequentibus hostibus residuum factū est, quid oramus ut dimit-  
 tatur, nisi propter manus deficientes cōtra Amalech? Dimitte nobis sicut & nos dimittimus.  
 Constituit medicinam, firmavit pactum. Hic preces constituit, ibi precanti respondet: nouit  
 quo iure res agat in cœlo, quomodo impetrari possint desiderata. Dimitti uis, dimitte, ait.  
 Quid enim habes quod deo præstes, à quo uis ut præstetur tibi? Nūquid iam Christus sal-  
 uator in terra ambulat? Nūquid suscipit illū modo in domū gaudens Zachæus? Nūquid  
 ei hospitium & epulas præparat Maria? Nihil horū indiget, ad dexterā patris sedet. Sed quā  
 do uni ex minimis meis fecistis, mihi fecistis. Hæc est extensio manuū, sub qua defecit Ama-  
 lech. Et erogas quidem pauperi, quando aliquid das esurienti: forte id quod dederis, minus  
 habebis, sed in domo, non in cœlo. Sed hic quoq; in terra, quo iubente præstitisti, ipse sup- 2. Corin. 9  
 plet quod dedisti. De hac re cum loqueretur Apostolus, ait, Qui administrat semen seminā-  
 ti, & panem in escam ministrabit. Operarius enim dei es, quādo das egenti, seminas hye-  
 me quod metas æstate. Quid ergo metuis infidelis, ne in hac magna domo tantus paterfa-  
 milias non pascat operarium suum? Erit & ibi quod sufficiat tibi. Dabit deus totum neces-  
 sitati, nō cupiditati. Operare ergo intrepidus, extende manus, deficiat Amalech. Sed hinc,  
 ut dixi, aliquid in domo tua cum dederis uel minus uides: uides quod ibi uidebas, non ibi  
 uides cum dederis, donec iterum det deus. Dic mihi cum ignoscis de corde quid perdis? Cū  
 ignoscis ei qui peccat in te, quid minus habebis in corde tuo, & tanquam de uena interiore  
 amittis: imo uero unda quædam charitatis ibat in corde tuo, & tanquam de uena interiore  
 manabat. Tenes odium contra fratrem, obturasti fontem. Non solum ergo nihil perdis  
 cum ignoscis, sed abundantius irrigaberis. Charitas non angustatur. Ponis ibi lapidem  
 offensionis, & tu tibi facis angustias. Vindicabo me, ulciscar me, ego illi ostendam, ego  
 faciam, æstuas, laboras. Cuilibet ignoscendo esse securum, securum uiuere, securum orare.  
 Nam

Nam ecce quid acturus es, oraturus es? Quid dicam? Quando hodie oraturus es, an nō es oraturus ira & odio impletus? Vindictam minaris, non dimittis ex corde. Ecce oras, ecce uenit orandi hora, incipis uerba illa uel audire uel dicere. Dictis & auditis superioribus, uenturus es ad hunc uersum: At si non uenturus, quō iturus? Ne ignoscas inimico, deuiabis à Christo. Planē si in oratione deuiabis, ut noueris dicere, Dimitte nobis debita nostra: quare non potes dicere, sicut & nos dimittimus debitoribus nostris? Ne tibi cito respondeatur: Sic dimitto quomodo & tu dimittis. Ergo quia hoc non potes dicere, & non uis dimittere, deuiabis ab hoc uersu, & pratermittes, & dices quod sequitur: Ne nos patiaris induci in tentationem: Ibi te capiet creditor tuus, cuius quasi faciem deuiabas. Quomodo quisque in uico cum occurrerit ei cui aliquid debet, si ad manum est diuerticulum, dimittit quō ibat, & it per aliam partem, ne faciem uideat creditoris. Hoc tu in isto uersu te fecisse arbitratu es, deuitasti dicere, Dimitte sicut ego dimisi, ne sic dimitteret, id est, non dimitteret: quia non dimittis, & noluisti dicere deuitans faciem creditoris. Quem deuitas? quid deuitas? quō ibis, ubi tu esse possis, & ille nō esse? Dicturus es: Quō abibo à spiritu tuo, & à facie tua quō fugiam? Si ascendero in cœlum tu illic es, si descendero in infernum, ades. Quantum potest à Christo debitor fugere, quā ut eat in infernum? Adest & iste creditor. Et ibi quid facturus es nisi quod sequitur: Si assumpsero pennas meas in directum, & uolaue ro in extrema maris, id est, spe mea finem seculi meditabor, in præceptis tuis uiuam, duabus alis charitatis attollar. Imple ergo duas alas charitatis, Dilige proximū sicut teipsum, & non teneas odium unde fugias creditorem.

Restat poenitentiae tertium genus, unde aliquid breuiter dicam, ut adiuuante domino proposita & promissa persoluamus. Est poenitentia grauior atq; luctuosior, in qua proprie uocantur in ecclesia poenitentes, remoti etiā à sacramentis altaris participandi, ne accipiendo indigne, iudicium sibi manducant & bibant. Illa uero poenitentia luctuosa est, graue uulnus est: adulterium forte commissum est, forte homicidium, forte aliquod sacrilegium. Grauis res, graue uulnus, letale, mortiferum: sed omnipotens medicus, iam post suggestionem facti, & delectationem, & cōsensionem, & præparationem, quasi quatruiduanus mortuus putet, sed nec ipsum dominus deseruit, sed clamauit, Lazare prodi foras. Cessit uoci misericordiae, moles sepulturae, cessit mors uitae, cessit infernus superno. Eleuatus est Lazarus, processit de tumulo, & ligatus erat, sicut sunt homines in confessione peccati agentes poenitentia. Iam processerunt à morte, nam non confiterentur nisi procederent. Ipsum cōfiteri, ab occulto & à tenebroso procedere est. Sed quid ait dñs deus ecclesiae suae: Quae solueritis in terra, soluta erūt & in cœlo. Proinde Lazaro pcedente, quia impleuit dominus misericordiae suae bonū, perducere ad confessionem mortuū latentem, putentem, iam cætera implet ecclesiae ministeria: Soluite illū & sinite abire. Sed charissimi, hoc genus poenitentiae nemo sibi proponat, ad hoc genus poenitentiae nemo se præparet: tamen si forte contigerit, nemo desperet. Iudam traditorem non tam scelus quod cōmisit, q̃ indulgentiae desperatio fecit penitus interire. Non erat dignus misericordia, ideo ei non fuit lumē in corde, ut ad eius indulgentiam concurreret quem tradiderat, sicut illi qui eum crucifixerant, sed desperando se occidit, & laqueo suspendit se, suffocauit se. Quod fecit in corpore suo, hoc factum est in anima ipsius. Spiritus enim dicitur etiam iste uentus aëris huius. Quomodo ergo qui sibi collum ligant inde se occidunt, quia non ad eos intrat spiritus aëris huius: sic illi qui desperant de indulgentia dei, ipsa desperatione intus se suffocant, ut eos spūs sanctus uisitare nō possit. Solent inde Christianis Pagani insultare de poenitentia quae instituta est in ecclesia, & contra nonnullas hæreses tenuit ecclesia catholica istam ueritatem de poenitentia agenda. Fuerunt enim qui dicerent, quibusdam peccatis non esse dandam poenitentiam, & exclusi sunt de ecclesia, & hæretici facti sunt. In quibuscūq; peccatis nō perdit uiscera pia mater ecclesia. Ergo solēt inde etiā Pagani quasi insultare nobis, nesciētes quid loquantur, quia ad uerbum dei, quod linguas infantium facit disertas, nōdū peruenerūt: Vos, inquiūt, facitis ut peccet homi-



homines, cum illis promittitis ueniam si egerint poenitentiam. Dissolutio est ista, non admo-  
 nitio. In hanc sententiam exaggerant uerba quanta quisque potest, lingua uel sonanti uel titu-  
 banti, non tacent: non tamen quando eis loquimur, & si uincantur, nobis consentiunt. Tamen  
 quomodo uincantur, breuiter accipiat charitas uestra, quia domini misericordia totum optime con-  
 stituit in ecclesia sua. Dicunt nos dare peccatis licentiam, quia portum poenitentiae pollicemur. Si  
 clauderetur aditus poenitentiae, nonne ille peccator tanto magis adderet peccata peccatis, quam  
 to magis sibi desperaret ignosci? Diceret enim sibi: Ecce peccaui, ecce scelus admisi, iam mihi  
 ueniam nullus est locus, poenitentia infructuosa est, damnatus sum. Quare iam non uiuo ut uo-  
 lo? Quia ibi non inuenio charitatem, hic saltem pascam cupiditatem. Quare enim me absti-  
 neam? Ibi enim mihi locus omnis clausus est, hic quicquid non fecero, perdo: quia alia uita quae  
 post hanc futura est, non mihi dabitur. Quare ergo non serui libidinibus meis, ut eas impleam  
 & saturer, & faciam quicquid non licet, sed libet? Diceretur ei fortassis, sed miser capieris, accusaberis,  
 torquereris, punieris. Sciunt ista homines mali ab hominibus dici, & inter homines ser-  
 uare: attendunt multos male & scelerate uiuentes impunita habere peccata, occultare possunt,  
 redimere quae occultauere non possunt. Redimere usque in senectute uitae lasciuia, blasphemia,  
 sacrilegio. Perdita enumerant sibi, cur ille qui tanta fecit, non senex mortuus est? Numquid atten-  
 dis ideo illum peccatorem & sceleratum senem mortuum, ut ostenderet in illo deus patientiam, Rom. 2  
 expectans poenitentiam? Vnde Apostolus dicit, Ignoras quia patientia dei ad poenitentiam  
 te adducit? Ille autem secundum duriciam cordis sui & cor impoenitens, thesaurizat sibi iram in  
 die irae & reuelationis iusti iudicii dei, qui reddet unicuique secundum opera sua. Opus est ergo  
 ut hic timor mentes obsideat, opus est ut ille qui peccare non uult, praesentem deum sibi cogi-  
 tet, non in publico solum, sed etiam in domo: non in domo solum, sed in cubiculo, in nocte,  
 in lecto suo, in corde suo. Ergo si tuleris portum poenitentiae, desperatione augebuntur peccata.  
 Ecce nihil dicunt illi qui putant ideo augeri peccata, quia portus poenitentiae in Christiana fi-  
 de praepositur. Quid ergo? deus ne per illam spem indulgentiae rursus auerentur peccata,  
 non dehinc prouidere poterit? Quomodo enim reuera auget peccata qui desperauerit,  
 dere debuit ne desperando augeantur. Quomodo enim reuera auget peccata qui desperauerit,  
 sic potest augere peccata & qui ueniam sperauerit, ut dicat sibi, faciam quod uolo: deus bo-  
 nus est, quando me conuertero, ignoscet mihi. Ita plane dic tibi: quando me conuertero, ignoscet Eccl. 5  
 mihi, si crastinus dies certus est tibi. Nonne ad hoc te admonet scriptura dicens, Ne tardes con-  
 uerti ad dominum, neque differas de die in diem, subito enim ueniet ira eius, & in tempore uindictae  
 disperdet te? Ecce ad utrumque uigilauit pro nobis prouidentia dei: ne desperando augeamus  
 peccata, propositus est poenitentiae portus: rursus ne sperando augeamus, datus est dies mor-  
 tis incertus.

Finis.

DE CONFLICTU VITIORVM ET VIRTVTVM LIB. VNVS.

Ceteris sanior, sed nihil habens Augustini.



POSTOLICA uox clamans per orbem, atque in procinctu fidei positus, ne securita-  
 te torpeant, dicit, Omnes qui pie uolunt uiuere in Christo Iesu, persecutionem patien-  
 tur. Et ecce quia iam Christianitas in suis principibus iam religiosa iamque fidelis  
 est, desunt pie uiuentibus in Christo Iesu uincula, uerbera, flagella, exules, carce-  
 res, cruces, & si qua sint diuersa genera tormentorum. Quomodo ergo uerum erit quod per aposto-  
 lum sonuit, ut omnes pie uiuentes persecutionem patiantur? An forte pacis tempore nemo uult pie ui-  
 uere in Christo Iesu, & ideo desunt ista? Quis modo hoc uel desipiens dixerit? In hac ergo  
 Apostoli sententia, non specialis quorundam, sed & generalis omnium persecutio debet intelligi. Et  
 quidem sunt multi intra sinum matris ecclesiae constituti, qui uiuentes in Christo, contumeliosis affici-  
 untur, opprobriis, iniuriis, derisionibusque laceantur: ista nec est illa generalis persecutio quam  
 Apostolus omnes pie uiuentes in Christo pati descripsit, & cum sint quidam religiosi, quibus  
 nemo prauorum audeat in faciem derogare. Alia ergo intelligenda est, quae immanior & magis  
 noxia est, quam non mortalis intorquet seueritas, sed uitiorum gignit aduersitas, Dum enim contra  
 humilitatem

Cap. I

2. Timoth. 3

humilitatem superbia, contra amorem patriæ cœlestis, appetitus huius seculi & cætera, quid aliud quàm pie uiuentium crudelis persecutio aduersus conglobatas uirtutum acies desæuit? O quæ durus, ô quàm amarus est superbiæ congressus, quæ angelos de cœlo proiecit, homines de paradiso minauit, cuius exercitus atq; armorum conflictus uitians quæ breuiter comprehensa tetigimus. Sed uideamus quemadmodum castra cœli & inferni dimicent, ar-

**cap. II** ma Christi & diaboli collisa decertent. Multis, imò penè omnibus melior es, uerbo, scientia, honoribus, cunctisq; quæ carnalibus uel spiritualibus suppetunt charismatibus. Cunctos ergo despice, cunctis temetipsum superiorem attende. Memento quia puluis es, quia cinis es, quia putredo & uermis es, quicq; & si aliquid es, nisi tatum te humiles quantū magnus es, perdes omnino quod es. Nunquid tu altior es quàm primus angelus? Nūquid tu splēdidior in terra quàm Lucifer in cœlo? Quod si ille de tanta sublimitate cecidit per superbiam, quomodo tu ad tām sublimitatem superbiens de imis cōscendes, qui illa quæ diu hic uiuis cōditiōe cernis? De qua per quendam sapientem dicitur, Corpus quod corrumpitur aggrauat animam, & deprimit terrena inhabitatio sensum multa cogitantem. Quàm densissimis putamus in terra tenebris superbiæ lutum inuolui, si poterat in cœlo stella quæ mane oriebatur lucis suæ globos amittere? Audi ergo potius lucem ueritatis dicentē, Qui se quitur me, non ambulat in tenebris, sed habebit lumen uitæ. In quo autem esset sequenda, alibi præmonuit dicens, Discite à me, quia mitis sum & humilis corde, & inuenietis requiem animabus uestris. Audi tumor superbiæ, audi dicentem ad hæc humilitatis magistrū, Qui se exaltat, humiliabitur, & qui se humiliat, exaltabitur. Et iterum, Super quem requiescet spiritus meus, nisi super humilem & quietum & tremētem sermones meos? Audi etiam de illo quid Apostolus dicat, qui te adhuc ad sectādā humilitatem inuitat, ait enim, Qui cum in forma dei esset, non rapinam arbitratus est esse se æqualem deo, sed semetipsum exinaniuit, serui formam accipiēs, & in similitudinē hominum factus, & habitu ut homo inuentus, humiliavit semetipsum factus obediens usq; ad mortem, mortem autē crucis. Si igitur tanta humilitate se opprimit diuina maiestas, superbire debet humana fragilitas?

**cap. III** Age bonum quod uales, ostende cūctis bonum quod agis, ut bonus à cūctis dicaris, ut sanctus & uenerabilis ab hominibus prædiceris, ut dei electus uoceris, ut nemo te contemnat, nemo cōspiciat, sed uniuersi tibi debitum honorem persoluāt. Si boni aliquid agis, non pro transitorijs, sed pro æternis honoribus id age. Occulta quod agis inquantū uales: quæ si ex toto nō uales, sit in animo occultādī uolūtas, & nō erit de ostētatione ulla temeritas, nec criminis erit aliquā manifestare, quod spernis celatū habere. Sic has duas deniq; redēptoris sentētiās, sibi quæ quasi cōtrarias uideberis adimplesse, quibus dicit, Te faciēte eleemosynā, nesciat sinistra tua quid faciat dextera tua, sed sit eleemosyna tua in abscondito, & pater tuus qui uidet in abscondito, reddet tibi, Vt uideāt opera bona uestra, & glorificēt patrē uestrū qui in cœlis est. Caue prorsus ne tibi illa sententia conueniat quæ de hypocritis dicitur: Omnia opera sua faciunt ut beatificentur ab hominibus: Amen dico uobis, receperunt mercedem suam ab hominibus, laudes quas amauerunt. Attende in cūctis quæ agis, ne elatione pulsatus cum his quidem qui de miraculorum signis gloriabantur, audias, Videbam satanam sicut fulgur de cœlo cadentem. Timor domini gloria & gloriatio, & laticia, & corona exultationis. Timor domini delectabit cor, & dabit laticiam & gaudium in longitudine dierum. Timenti deum in extremis bene erit, & in die defunctionis suæ benedicetur. Timor domini scientiæ religiositas, & religiositas custodiet & iustificabit cor, iucunditatē atq; gaudium dabit. Plenitudo scientiæ timere deum, & plenitudo à fructibus illius. Corona scientiæ timor domini. Radix sapientiæ est timere deum: rami enim illius longæui.

**cap. IIII** Quia nihil boni in abscondito facis, ne à cūctis cognitus detesteris, finge te foris esse quod intus non appetis. Imò magis satage esse quod non es: nam ostendere te hominibus quod non es, quid aliud quàm damnatio est? Memor esto igitur quod dicitur, Væ uobis scribæ & pharisei hypocritæ, qui mundatis quod deforis est calicis & paropsidis, intus autē pleni



A pleni estis rapina & immunditijs. Pharisee cæce, munda prius quod intus est calicis & pa-  
ropfidis, ut fiat id quod foris est mundum. Itemq; illud quod inculcando repetitur, Væ uo-  
bis scribæ & pharisei hypocritæ, qui similis estis sepulchris dealbatis, qui à foris apparetis ho-  
minibus iusti, intus autem pleni estis hypocrisis & iniquitate. Nec non & illud quod de tali-  
bus legitur scriptū, Veniunt ad uos in uestimentis ouium, intrinsecus aut sunt lupi rapaces. *Matth. 7*  
*Cap. V*

Quis tu es ut peioribus obtemperes, deterioribus famulatū exhibeas: te magis quàm  
illos decuerat imperare, qui tibi non possunt ingenio uel industria coæquari? Obtempera  
igitur magis domini imperio, & non sit tibi cura de aliquo. Si domini obtemperandum est  
imperio, humano subdi necesse est magisterio. Ipse enim dixit, Qui uos audit, me audit, &  
qui uos spernit, me spernit. Ita, inquis, oportet. Sed si talis q imperat esset qualis debet esse,  
non talis est per quem imperat deus. Sed Apostolus cōtra ait, Non est potestas nisi à deo, *Roma. 13*  
Quæ autē à deo sunt, ordinata sunt. Itaq; qui resistit potestati, dei ordinationi resistit. Qua-  
les enim esse debeant hi qui imperant, non est à subditis discutiendum. Et quidem prius  
ecclesiæ pastoribus dominus dicit, Scitis quia reges gentium dominantur eorum, & qui po-  
testatem exercent, inter eos benefici uocantur, Vos autem non sic, sed qui uult in uobis ma-  
ior esse, erit omnium seruus. Sicut filius hominis non uenit ministrari, sed ministrare, & ani-  
mam suam dare pro multis in redemptionem. Sed tamen quia non omnes tales futuros  
præuidit esse subiectorum omnium, & in discipulis assumens præmonuit dicens, Super ca-  
thedram Moysi sederunt scribæ & pharisei, quæ dicūt uobis, facite: quæ autem faciunt, fa-  
cere nolite. Imponunt enim humeris hominū onera grauiā & importabilia, digito autem *Matth. 23*  
suo nolunt mouere ea. In quo illo uel illo minor es? Cur ergo eis uel æqualis *Cap. VI*

uel superior non es? Quanta uales ipse quæ ipsi non ualent. Non ergo tibi aut superiores  
aut æquales esse debent. Si cæteros uirtutibus antecellis, tutius in loco infimo q̄ in summo  
temetipsum cōseruas, Semper enim de alto peior fit ruina. Quid si tibi, ut asseris, quidam  
superiores uel æquales sunt, quid te lædit, quid te nocet? Caue prorsus ne dum aliū locum cel-  
itudinis inuides, illum imiteris, de quo scriptum retines, Inuidia diaboli mors introiuit in *Sapient. 1*  
orbem terrarum, Imitantur autem illum qui sunt ex parte illius. *Cap. VII*

Abstine ut illum ames quem in omnibus contrarium habeas, qui tibi derogat, qui tibi  
insultat, qui te conuictijs exasperat, qui tibi peccata tua impropert, qui te dictis, operibus,  
honoribus semp præire festinat, nisi enim tibi inuideret, nequaquā se tibi ita præferret. Nun  
quid quia hæc quæ narras odio habenda sunt in homine, propterea non est amanda dei  
imago in homine? Sicut Christus qui in cruce positus, inimicos suos dilexit, ante crucis tor-  
mēta admonuit dicens, Diligite inimicos uestros, benefacite his qui uos oderūt, & orate p-  
persequentibus & calumniantibus uos, ut sitis filij patris uestri qui in cœlis est. Et sicut per *Matth. 5*  
Apostolum & Salomonem dicitur, Si esurierit inimicus tuus, ciba illum: si sitit, pota illum, *Roma. 12*  
hoc enim faciens, carbones ignis congeres super caput eius. Cui sententiæ idem Apostolus *Prouer. 25*  
ex proprio subiunxit dicens, Noli uinci à malo, sed uince in bono malum. De his quoq; qui  
fratres odisse noscuntur, per Ioannem dicitur, Qui odit fratrem suum, homicida est. Et sci-  
tis, quia omnis homicida non habet uitam in semetipso æternam manentē. Et rursus, Qui  
odit fratrem suum, in tenebris ambulat, & in tenebris est usq; adhuc, & nescit quò eat, quo-  
niam tenebræ obcæcauerunt oculos suos. Ait inquis, Sufficit mihi quod amantes me, dili-  
go. Sed do minus contra, Si enim diligitis eos qui uos diligūt, quam mercedem habebitis?  
Nōne & publicani hoc faciunt? Quod tu quoq; ad hoc obijcere uales. Certe qui odit fra-  
trem suum, manet in morte: & qui diligit, in deo manet, & deus in eo. Dictam ergo amari-  
tudine felle euome, & quoquo pacto ualueris, charitatis dulcedinem sume. Nihil enim sua-  
uius, nihil illa beatius. Ioannes euangelista hoc affirmans ait, Deus charitas est. Et egregius *1. Ioan. 4*  
prædicator Paulus, Charitas dei diffusa est in cordibus nostris per spiritum sanctū, qui da- *Roma. 5*  
tus est nobis. Vnde nec immerito delictorū facinora tegere dicitur, sicut scriptum est, Vni- *Prouer. 10*  
uersa delicta operit charitas.

Quis potest sustinere, quis silentio tegere, quanta illa praua committit, nisi forte qui consentit? Nec tacenda sunt mala proximi, nec consentiēda, sed charitate fraterna in faciem protinus est redarguendus, non autem occulte detrahendus. Quod si obijcitur, idcirco fratrem coram oculis increpare nolle, ne exasperatus increpatione non proficiat, sed magis ex correptione scandalum sumat, accedit scriptura diuina, & uersa uice hoc magis scandalum esse denunciat, dicens, Sedens aduersus fratrem tuum loquebaris, & aduersus filium matris tuæ ponebas detractionem. Maius enim scandalum sumit, qui se detrahentem intelligit, quàm qui correctionem sustinet. Et quia nonnunquam errata delinquentium ad tempus silentio tegenda sunt, ut à priori tempore corrigantur, propterea subiungitur, Hoc fecisti, & tacui. Sic nec ex hoc discreto silentio detractores sibi applauderent, qui dum semper occulte derogare malunt, nunquam in apertam detractionem profiliunt, adhuc subinfertur, Aestimasti utique quod ero tui similis: ac si diceretur, Iniquum est cogitare ut inde detractori similis appaream, unde ad tempus reticens nec derogans, locum apertæ correptionis expecto. Vnde & protinus subditur, Arguam te, & statuam te contra faciem tuam: ueluti diceretur, Non occulte, ut est tua consuetudo, sed in aperto, ut est mea sollicitudo, aptum corrigendi tempus expectans, peccatorem arguam, ut eius delicta contra faciem eius statuam. At inquis, Non odio, sed amo, quem ita in absconditis dijudicans reprehendo: imò magis odis & non diligis, unde detrahis & nō corripis. Quàm sit autē detestanda detraçtio proximi, plerisque in locis diuina eloquia testantur, ut est illud, Detrahentem aduersus proximum suum occulte, hunc persequer. Et iterum, Qui detrahit fratri, detrahit legi. Et illud, Qui detrahit fratri, eradicabitur. Sic enim & illud Apostoli, Videte ne dū inuicem mordetis, ab inuicem consumamini.

Quæ erga te aguntur, hæc æquanimiter ferri nō possunt, imò tolerare peccatum est: quia si non eis cum magna exasperatione resistitur, contra te deinceps sine mensura cumulatur. Si passio redemptoris ad mētem reducitur, nihil tam durum quod non æquo animo toleretur. Christus enim, ait Petrus, passus est pro nobis, uobis relinquens exemplum, ut sequamini uestigia eius. Ipse autem dixit, Si patrem familiars Beelzebub uocauerunt, quanto magis domesticos eius. Si me persecuti sunt, & uos persequer. Sed quanta in comparatione passionum eius quæ patimur? Ille enim opprobria, irrisiones, contumelias, alapas, sputa, flagella, spineam coronam, ceteraq; sustinuit, & nos miseri ad nostram confusionem uno sermone fatigamur, uno uerbo deijcitur. Et quid agimus de eo quod dicitur, Si non compatimur, non conregnabimus? Quapropter recedendi sunt restimuli coartatione, & eius metuēda damnatio. Vnde scriptum legimus, Qui irascitur fratri suo, reus est iudicio, Qui autem dixerit fratri suo racha, reus erit concilio, Qui autem dixerit fatue, reus erit gehennæ ignis. Vbi tamē remedium inuenitur, cum subinfertur, Si offer munus tuū ante altare, & recordatus fueris quia frater tuus habet aliqd aduersum te, remitte ibi munus tuū ante altare, & uade prius recōciliare fratri tuo, & tunc ueni offer munus tuū: ac si aperte diceretur, ne in corde tacitam precem effundas, nisi prius offensum proximum satisfaciendo ad lenitatis mansuetudinem perducas. Munus enim nostrum est oratio nostra, altare uero cor nostrum est. Ille enim qui hoc facere, quotiens inter duos ira sine causa fuerit excitata, studuerit, præmissam damnationem nequaquā incurrit. Sed sunt multi qui petenti sibi ueniam delicta non remittant, contra quos illa sententia domini uenit qua dicitur, Si non remiseritis hominibus peccata eorum de cordibus uestris, nec pater uester celestis remitteret uobis peccata. Plura sunt, inquis, quæ commisit, & me sapius offendit. Ad hoc non ego, sed dominus respondet, Nam cum Petrus ad dominum diceret, Quotiens peccabit in me frater meus, usq; septies dimittā illi? Et ille ad eum, Non dico tibi septies, sed usq; septuagies septies. Quàm multi autem sunt qui suas iniurias tarde relaxant, dei uero citius indulgent: fitq; nonnunquā, ut occasione domini iniurias uindicādi suas uindicet irati. Quid quoq; de illis dicendū est, qui furore cacitatis usq; ad uerba prorumpūt maledictionis, nisi hoc quod Apostolus ait, Neq; maledici regnū dei possunt possidere? Quod Iacobus ex



A aggerando detestans ait, Linguam nullus hominum domare potest: inquietum malum, *Iacobi 3.*  
 plena ueneno mortifero: in ipsa benedicimus deum & patrem, in ipsa maledicimus homi-  
 nes, qui ad similitudinē dei facti sunt, ex qua procedit benedictio & maledictio. Non oportet, fratres mei, hæc ita fieri, nūquid fons de eodem foramine manat, & dulcem & amaram  
 aquam habens? Hæc de causa etiam alibi dicitur, Mors & uita in manibus linguæ. *Prouer. 18*  
*Cap. X*

Nunquid stultis, nunquid brutis animalibus ac insensatis leuia uerba non asperima-  
 magis, ut tales decet, dum delinquant obijcienda sunt? Non tua in his persuasio, sed Apo-  
 stoli sequenda est præceptio, qui de hac sententia dilectum discipulum admonuit dicēs, Se- *1. Timoth. 4*  
 stoli ne culpaueris, sed obsecra ut patrem, iuuenes ut fratres, anus ut matres, iuenculas *2. Timoth. 2*  
 ut sorores, in omni castitate. Seruum, inquit, domini non oportet litigare, sed mansuetum  
 esse ad omnes, doctorem patientem, cū modestia corripiant eos, qui resistunt. Rursumq̃, *2. Timoth. 4*  
 Argue, obsecra, increpa, in omni patientia & doctrina. Quod uidelicet proteruiæ malum de  
 terius adhuc subditis, quàm prælatis nocet: sæpius enim cōtingit, ut leuiter ac cū charitatis  
 dulcedine prolata correptionem spernant, & contra humilitatis uerba disceptationis *Prouer. 9*  
 emittunt iacula: unde scriptum est, Qui arguit derisorem, ipse sibi iniuriam facit. Quo con- *Cap. XI*  
 tra de illo qui per increpationem proficit, dicitur, Argue sapientem, & amabit te.

Testem habes deum in coelis, non sit tibi curæ quid de te suspicentur homines in ter-  
 ris. Non est danda detrahendi occasio, non susurrandi suspitio: sed si assunt, quæ corrigan-  
 tur manifestanda, aut certe si desunt, humili protestatione neganda, quia Apostolus admo-  
 net nullam occasionem dare diabolo maledicendi gratia. Quod etiam in illis detestatus est  
 qui Christianæ fidei consentientes, in idolio ad comedendum recumbebant. Et quanq̃ ipsi  
 idoliū pro nihilo ducētes, immolata quasi innoxios cibos sumerent, infirmas tamen factas  
 conscientias per hoc factum, ad nefandum idolorum ritum trahebant. *Cap. XII*

Quid habes unde gaudeas, cum tanta mala de proximis spargas? Perpende cum *Cap. XII*  
 B quo mœrore omnes intuenti sunt, qui in tanto contra te amaritudinis felle uersantur. Ge-  
 minam esse tristitiam noui, imò duas esse tristitias noui: unam scilicet quæ salutem opera-  
 tur: alteram uero quæ ad perniciem trahit, & ad desperationem perducit. Tu quidem una  
 ex illis esse cognosceris, sed omnino quæ mortem operaris. Non est igitur in his contristan-  
 dum quæ suades, sed econtra magis gaudendū in his qui nondum intelliguntur, quia & da- *Matth. 5*  
 tor gaudiū perennis dixit, Cum persecuti uos fuerint homines, & dixerint omne malum ad-  
 uersus uos, mentientes propter nomen meum, gaudete in illa die & exultate, Ecce enim mer-  
 ces uestra multa est in coelis. Memeto quia religionis nostræ apostoli ibant, gaudētes à con- *Cap. XIII*  
 spectu consilij: quoniam digni habiti sunt pro nomine Iesu contumeliam pati. Nullus ergo  
 locus mœroris esse debet ubi tanta lætitia succedit. Si lectioni & continuato

locus mœroris esse debet ubi tanta lætitia succedit. Si indefinenter lachrymas fundis, ipsos  
 studio semper insiltis, oculorum caliginem incurris: si indefinenter lachrymas fundis, ipsos  
 etiam oculos amittis: si protelatis uigilijs psalmorum censum persoluis, insaniam capitis ac-  
 quiris: si quotidiano labore te conficis, ad opus spiritale quando cōsurgis? Quid tibi ad hoc  
 proferendū tam longa temporum spacia proponis? Nunquid scis si crastinum uiuas? imò  
 etiam si unam horam in hac uita facias, ignoras. An forte mente excidit quod saluator in *Matth. 25*  
 euangelio dicit, Vigilate itaq̃, quia nescitis diem neq̃ horam? Quapropter discite corporis  
 inhærentiam, semperq̃ memento, quòd regnum cœlorum nō tepidi, neq̃ molles, neq̃ desi- *Ca. XIII*

des, sed uiolenti atq̃ feruentes diripiunt illud. Si deum ubiq̃ esse credis, cur  
 unum locum singulariter, quo tanta mala perpetrantur custodis, & non potius ad alia tran-  
 sis? Si ita est, ut asseris, quia ubiq̃ deum esse fateris: ergo nec iste locus deferendus est, quem  
 fugere appetis, quia & in ipso deus est. At inquis, meliorem inquiero, meliorem inuenio. Sed  
 respondeo, Nunquid meliorem, aut etiam talem inuenies, qualem diabolum & angelos  
 eius, & hominem perdidisse cognoscis? Memor esto itaq̃, quia primus angelus de cœlo ru-  
 it, & primus homo de paradiso expulsus, ad erumnam huius seculi peruenit: attende quia  
 Loth exercitio malorum probatus, inter Sodomitas sanctus fuit: in mortis uero securitate  
 Oo 2 torpens,

torpens, inebriatus cum filiabus suis peccauit. Quod uidelicet uagationis tædium adhuc alteram speciem reddit, dum quosdam in uno loco perseverantes, à spiritualibus retrahens, uel terrenis negocijs implicare, uel rebus uilissimis satagit occupare, contra dicta Apostoli perpetrans, qui ait, Nemo militans deo, implicat se negocijs secularibus, ut ei placeat cui se probauit. Et rursum, Sine intermissione orate, in omnibus gratias agite.

2. Timoth. 2  
1. Thessal. 5  
Cap. XV

Quæ & quanta commisisti, quàm grauius crimina, quàm innumerosa delicta, & tamen in melius uitam nondum mutasti, necdum conuersationem utiliter correxisti: ex te enim, ut cernis, mala semper consuetudine obligatus teneris. Conaris exurgere, sed peccatorum oneribus prægrauatus delaberis. Quid ergo agendum est, quando de præteritis certa damnatio imminet, & de præsentibus emendatio nulla succurrit, nisi ut non amittantur rerum temporalium uoluptates, dum consequi nequeunt futuri seculi delectationes? Si de criminibus & de delictis agitur, ecce Dauid adulteri simul & homicidij reus, domini misericordia describitur liberatus. Ecce Manasses peccatorum operator nefandissimus, impurissimus ac sordidissimus, illecebrosissimus quoque & sceleratissimus, per pœnitentiam ad uitam de morte redijt. Ecce Maria Magdalena innumeris peccatorum sordibus inquinata, ad fontem pietatis anxia currens, dñi uestigia lachrymis rigans, capillis detergens, deosculans quoque & lambens, unguentoque ungens, ablui promeruit. Ecce Petrus negationis suæ uinculis astrictus, amarissimos infidelitatis nodos resoluit. Ecce seditione simul & effusione fratrum sanguinis latro obnoxius, unius horæ momento, unaque confessionis uoce, de cruce ad paradysum transijt. Ecce Saulus ecclesiam dei persequens, multos pro Christi nomine perimens, & ut ita dicam, martyrum cruore totum se inficiens, apostolus factus, in uas electionis est commutatus. Vbi ergo tot, tantaque procedunt exempla, dent locum desperationis mala colloquia, cum & scriptum sit, In quacunq; die peccator conuersus ingemuerit, saluus erit. Et rursum, Nolo mortem peccatoris, dicit dominus. De cōuersione uero in melius nequaquam mutata, quid aliud respondeam? Nisi ut quod heri quisque nō egit, agit hodie dum adhuc uiuere licet, nec differat de die in diem, dum nescit si uel unam diem correctionis habeat, semperque pro uiribus desuper acceptis, prauæ cōsuetudini resistēs, dicat uespere & mane, Nunc cœpi, hæc mutatio dexteræ excelsi.

Ezech. 18  
Ezech. 33

Caput XVI

Valde sine culpa es, quòd quædam habenda concupiscis, quia non multiplicare appetis, sed egere pertimescis, & quod male alius retinet, ipse melius expendis. Ista nec apud homines seculares sine periculo uel offensione procurant, quia quanto quisque amplius habere cœpit, tanto amplius habere concupiscit, fitque ut modum in concupiscendo non habeat, dum innumeris huius seculi curis deferuire festinat, ut enim ait scriptura, Auarus pecunijs non implebitur. Quæ nimirum quàm sit detestanda, Paulus indicat dicens, Et auaritia, quæ est idolorum seruitus. Quàm sit noxia, idem exponēs ait, Qui uolunt diuites fieri, incidunt in tentationem & in laqueum diaboli, & desideria multa & noxia, quæ mergunt hominem in interitum & perditionem. Quàm sit noxia, Iacobus aperit dicens, Agite nunc diuites, plorate ululantes in miserijs quæ aduenient uobis, Diuitiæ uestræ putrefactæ sunt: uestimenta uestra à tineâ comesta sunt: aurum & argentum uestrum erugauit, & erugo eorum in testimonium uobis erit, & māducabit carnes uestras sicut ignis. Sed nec redemptor noster præterire uoluit, cupiditatis malum quàm noxium sit. Ait enim difficile quæ pecuniā habent in regnū cœlorū intrabunt. Et rursum, Facilius est camelū per foramen acus transire, quàm diuitem regnum cœlorum intrare. Si igitur secularibus uiris est perniciofa cupiditatis industria: quanto magis illis periculosior, qui habitu & conuersatione iam seculares esse desierunt, qui totum quod uiuunt, domino deo deuouerunt: ad quos specialiter redemptoris transeunt uerba, quibus destrui possit auaritiæ morbus. Noli te, inquit, solliciti esse quid manducetis, aut quid bibatis, aut quid induamini, Hæc enim omnia gentes inquirunt. Quarite autem primum regnū dei & iustitiam eius, & hæc omnia adiicientur uobis. O quàm beata, o quàm secunda, o quàm amplectenda sententia, nullus in

Eccles. 5  
Col. 3  
1. Timoth. 6

Iacobi 5

Marc. 10

Matth. 6



A in hac uita securus est, ita ut ille q nihil præter Christum appetit possidere, cuncta quæ neces-  
saria sunt sub hac sponfione probatur habere, sicut Paulus ditissimus pauper dicebat, Tã 2. Cor. 6  
quam nihil habentes & omnia possidentes: omnia itaque superflua, sed necessaria tantum,  
ipso confirmante & dicente, Habentes uictum & uestitum, his contenti simus. Dicitis forte, 1. Timoth. 6  
Ideo à sanctis religiosiis uiris plura habenda sunt, ut melius ab ipsis quàm à popularibus  
erogentur pauperibus Christi. Et ego consentio, sed prælatis, non autem subiectis. Quod  
maxime illud mulieris Loth exemplum docuit, quæ dum post tergum à Sodomis exiens,  
respiciens, in statuam salis conuersa spiritum efflauit. Vnde & Christus tale quid præcauen  
Luce 9  
dum denunciat dicens, Nemo mittens manum suam ad aratrum & respiciens retro, aptus  
1. Pet. 2  
est regno coelorum. Hinc Petrus ait, Melius erat illis non cognoscere uiam iustitiæ, quàm  
post cognitionem retro conuerti ab eo quod traditum est illis secundum mandatum. Con-  
tigit autem eis illud ueri prouerbiij, Canis reuersus ad uomitum suum, & sus lota in uoluta  
Prouer. 26  
bro luti. Qui nimirum auaritiæ morbus nunquam melius compescitur, nisi cum dies mor-  
tis sine fine meditatur, cum qualis post modicum in sepulchro futurus sit homo, conside-  
rat. Hoc certe fixum manebat in illius corde qui dicebat, Homo putredo, filius hominis uer  
Iob 25  
Eccli. 7  
mis. Hæc ab illius ore non recesserunt, qui dicebat, In omnibus operibus tuis memorare  
nouissima tua, & in æternum non peccabis. Quid tunc, rogo, quid tunc diuitiæ conseruatae  
Iob. 1  
1. Timoth. 6  
proderunt? Audi quid dicit beatus Iob, Nudus egressus sum de utero matris meæ, nudus  
Caput XVII  
reuertar illuc. Et Apostolus, Nihil intulimus in hunc mundum, sed nec auferre qd possumus.  
Si ea quæ possides indigentibus tribuis, unde subiectos absque penuria nutris? Si apo  
stoli modum in hac parte tenueris, utraq; perficere ualebis. Hinc enim idem ipse ad Corin-  
thios ait, Si uoluntas prompta est ex eo quod habet, accepta est non secundum id quod nõ  
2. Cor. 8  
habet: non enim ut alijs sit remissio, uobis autem tribulatio, sed ex qualitate in præsentem tem-  
pore nostra abundantia illorum inopiam suppleat, ut & illorum abundantia nostræ inopiæ  
Exodi 16  
sit supplementum, ut sit æqualitas, sicut scriptum est, Qui multum habuit, nõ abundauit,  
Tobie 4  
& qui modicum, non minorauit. Hinc quidem iustus prolem dilectam admonet dicens, Si  
Luce 11  
Iacobi 2  
multum tibi fuerit, abundanter tribue: si autem exiguum, & hoc ipsum libenter impertire.  
Hinc quoq; incarnata ueritas dicit, Verumtamen quod superest, date eleemosynam, & ecce  
Esa. 58  
omnia munda sunt uobis. Audite obdurata præcordia, Iudicium sine misericordia ei qui  
non fecerit misericordiam. Quos contra per prophetam dominus admonet dicens, Frange  
esurienti panem tuum, & egenos uagosq; induc in domum tuam, & carnem tuam ne despe-  
xeris, cum uideris nudum operi eum. Memento quid purpurato diuiti contigerit, qui non  
ideo damnatus est, quod aliena abstulerit, sed quod ægrotanti pauperi sua non tribuerit, &  
Matth. 25  
in inferno positus ad petenda minima peruenerit, quia hic parua negauit: quid etiam ad si-  
nistram positus iudex cœli dicturus sit, Ite maledicti in ignem æternum, qui præparatus est  
Cap. XVII  
diabolo & angelis eius, Esuriui, & non dedistis mihi manducare: & cætera quæ ibi terribili-  
ter numerantur.  
Furtum & fraus quantos gradus habent locutionis, unum  
tamen est quod dicunt, Si aliena non tollis, ex proprio uel diues uel sufficiens esse non po-  
tes. Si cuncta quæ tibi prælatus seruanda commisit, illibata consignas, & nec modicum  
quid reseruandum existimes: unde uel proprijs utilitatibus consulis, uel amicis & commili-  
tonibus places? Melius est pauperem & sufficientem esse, nulliq; ex dato placere, quàm ali-  
quæ lacerare furto uel fraude: qui enim aliena quomodolibet iniuste percipit, ipse sibi regni  
1. Cor. 6  
cœlestis aditum claudit. Vnde & prædicator egregius quosdam redarguit dicens, Omnino  
delictum est in uobis, quod iudicia habetis inter uos: quare non magis iniuriam accipitis  
quàm non fraudem patimini, si iniuriam facitis & fraudatis, & hoc fratribus, An nescitis  
quia iniqui regnum dei non possidebunt?  
Fallacia atque mendacium & ipsa unum dicunt: fallacia autem ingenio, mendacium  
Cap. XIX  
uero ex simplici uerbo. Ut enim ex multis unum proferamus, fallacia est, cum in non dando  
Oo 3 aliquem

aliquem illudere querit. Quid in petendo moras innectis? Non habeo quod tibi tribuere possim, celans utiq; in corde quæ habet, uel quod sibi conseruet quod alijs uoluntate tribuat. Omnino quod postulas non habeo, scil. nō artificioso ingenio sicut fallacia, sed simplici negationis uerbo frustratur poscentem. Nec artificioso ingenio, nec simplici uerbo oportet decipere quenquā, quia quolibet artis modo mentiatur, os quod mentitur occidit animam. Et omnibus mendacibus pars illorum erit in stagno ignis ardentis & sulphure.

Sapient. 1

Cap. XX

Ezech. 16

Luce 21

Philip. 3

1. Cor. 6

Ca. XXI

Ade sum deus omnia munda condidit, & qui saturari cibo respuit, quid aliud quàm muneris concessio contradicit? Vnum horum quod dicis uerum est, Ne enim homo famem moreretur, omnia ad esum deus creauit: sed ne mensuram comedendi excederet, & abstinentiam imperauit. Nam inter cætera sua mala, saturitate panis maxime Sodoma periit, domino attestante, qui ad Hierusalem per prophetam loquitur dicens, Hæc est iniquitas sororis tuæ Sodomæ, saturitas panis. Quapropter sicut æger ad medicinam, sic ad sumendas dapes debet quisque accedere, nequaquam uidelicet in illis uoluptatem appetens, sed necessitati succurrens. Hinc ueritas per euangelium dicit, Attendite ne grauentur corda uestra in crapula & ebrietate. Quo contra de insatiabili Iudæorum uoracitate Apostolus dicit, Multi ambulant, quos sæpe dicebam uobis: nunc autem & flens dico, inimicos crucis Christi, quorū finis interitus, quorum deus uenter est, & gloria in pudēdis eorum, qui terrenam sapiunt. Et rursus, Esca uentri, & uenter escis, deus autem hunc & has destruet. Ille autem plene hoc uitium superat, qui in sumendis dapibus non solum parsimoniam, ut scilicet per refectionem semper esuriens imperet, uerum etiam accuratiores & suauiores epulas, excepta corporis infirmitate, & hospitem susceptione contemnit.

Ioan. 16

Luc. 6

Prouer. 4

Matth. 5

Eccēs. 9

Ca. XXII

Prouer. 10

Psal. 38

Cap. XXIII

1. Cor. 6

Ca. XXIII

Vt quid animi gaudium intus abscondis? Egredere in publicum latus, dic aliquid foris unde uel tu uel proximi rideant, fac eos lætos tua lætitia. Vnde tibi inest tanta lætitia? Nunquid iam inferni pœnas euasisti? Nunquid iam de exilio ad patriam uenisti? Nunquid iam de tua electione securitatem accepisti? An forte in obliuionem uenit quod dominus dixit, Mundus gaudebit, uos autem contristabimini, sed tristitia uestra uertetur in gaudium. An forte memoriam excessit quod idem alibi dicit, Væ uobis qui nunc ridetis, quia plorabitis & flebitis. Quod quidem per Salomonem dicitur, Risus dolore miscetur, & extrema gaudij luctus occupat. Et e contra per euangelium, Beati qui lugent, quoniam ipsi consolabuntur. Rursus per Salomonem, Nescit homo utrum amore, an odio dignus sit, sed omnia in futurum reseruantur incerta. Comprime inanem lætitiā, qui necdum euasisti pœnalem erumnam. Nōne apud omnes insanus iudicatur is, qui tenebris reclusus carceris, gaudere conatur? Non ille reus tenebitur qui plura quiddam, sed bona loqui, sed ille qui saltem rara, sed mala dicere probatur. Verum est quod dicis, sed dum multa bona proferri uidentur, sæpe contigit ut à bonis locutio inchoata, ad aliquod prauum deriuetur. Hoc ipsum sancta scriptura denunciat, quare, In multiloquio, inquit, peccatum non deerit. An forte inter innumera uerba declinantur criminosa? Sed nunquid declinari poterunt inutilia atque ociosa, de quibus utiq; ratio in futurum erit reddenda? Tenendus est ergo modus in loquendo, & ab ipsis nonnunquam utilibus parcendum, sicut psalmista legitur fecisse. Dicit enim, Humiliatus sum & silui à bonis.

Non est grande facinus siue concubitu maris & sceminae, uel proprijs, uel alterius inquirari manibus. Non sic ait Apostolus. Quid ergo ait? Neque immundi, inquit, regnum dei possidebunt.

Cur me in uoluptate tua no dilatas modo, cum quid te sequatur ignoras? Acceptum ergo tempus in desiderijs perdere non debes, quia quàm cito pertranseat, nescis. Si enim misceri deus hominem in uoluptate coitus nollit, in ipso humani generis exordio masculum & sceminam non fecisset. Nolo ut ignorare te fingas, quid post hanc uitam recipias. Si enim pie & caste uixeris, sine fine gaudebis: si uero impie & luxuriose, æternis incendijs subiacebis. Inde autem castius magis debet uiuere, unde



1. Cor. 6

Matth. 5

Job. 31

Esaiæ

Matth. 9

Remd.

Cap. XXVI

Esaiæ. 64.

2. Cor. 2

Psalm 72

*Psal. 16* abundans dicebat, Satiabitur cum manifestabitur gloria tua. Et rursus, Sitiuit anima  
*Psal. 41* mea ad deum fontem uiuum, quando ueniam & apparebo ante faciem dei. Rursusque,  
*Psal. 119* Heu me quia incolatus meus prolongatus est. Hinc & Paulus ait, Cupio dissolui & esse cū  
*Philip. 1* Christo: multo enim melius. His itaq; decursis, quanquam multa prætermiserim, tamen ut  
 mihi uideatur, hostis nostri fortia castra monstraui, quibus modis pie uiuentes in Christo le-  
 su non desinit impugnare. Sed necdum his contentus diabolus ad alia conuertitur argu-  
 menta, dum quibusdam in somnis uera pronunciat, ut eos quandoque ad falsitatem pro-  
 trahat, dum dormientes ante horam uel ipse exuscitat, ut eos uigiliarum tempore, grauissi-  
 mo somno deprimat, cum psallentes atque orantes sibi, uel stridoribus atque latratibus  
 diuersis & incognitis uocibus, iactis etiam lapidibus uel stercorebus perturbat, ut eos quor-  
 quo pacto à spiritali opere retrahens, inanes efficiat. Tu autem homo dei, uigilanti stu-  
 dio attende quæ dico, & mihi magis adhuc stupenda narranti, fidem præbeto.

Finis.

DE QVATVOR VIRTVTIBVS CHARITATIS TRACTATVS.

Non est Augustini.



**D**ESIDERIVM charitatis uestre à nobis exigit debitū sermonis offi-  
 cium: sed tanta sunt quæ terrent & reuocant animum nostrum, ut si ue-  
 limus parere desiderio uestro, non sit sine periculo nostro. Primū, quòd  
 iuuenis loqui cogor præsentibus senibus: deinde temerarium esse arbi-  
 tror, loqui uelle imperitia inter eos, quos roborauit antiqua doctrina.  
 Oprobam ergo silentio præterire, & illum locum tutissimum eligere, au-  
 dire potius quàm aliquid dicere. Sed quid facio? Instat uester amor, reuocat noster pur-  
 dor, cogit sanctorum patrum iussio, à quibus si uelim obsecrans ueniam petere dicens, I-  
 gnoscite patres, ignoscite, parcite nostræ uerecundiæ, parcite nostræ ætati, maxime cum  
*Ecc. 32* recolam uobis fuisse præceptum, Loquimini seniores, decet enim uos. Ipsi sancta charita-  
 te qua præualent, respondebunt mihi, Loquere iuuenis, delectat enim nos. Quibus si re-  
*2. Timoth. 3* petam, Sancti patres quid loquar? Rursus mihi respondebunt, Quod à nobis sæpe au-  
*1. Timoth. 4* disti, Memento fili, quia ab infantia sacras litteras didicisti. Sed nec sic uobis excusatus  
*Matth. 10* esse potero, quorum corda ita ista me sua uoce pulsabunt, Quid metuis proferre uerbum?  
 Si ætas reuocat? Paulus Timotheo iuueni præcipiebat dicens, Nemo adolescentiam tuam  
 contemnat, prædica uerbum. Si sermo deest, pete & accipies, Non enim uos estis qui loqui  
 mini: sed quod donatur uobis, hoc ministratur nobis. His coartatus angustijs, quòd me  
 conferam, nisi ad sancta uestigia charitatis, eamq; deprecor ut donet mihi aliquid dignum  
 de se dicere, quo & meum suppleam ministerium, & uestro satisficiam desiderio. Inter cæte-  
*1. Cor. 13* ras uirtutes eius quas commemorat apostolus Paulus, q̃ charitas non amulatur, non agit  
 perperam, non irritatur, non cogitat malum, & cætera: in ultimo quatuor eius uirtutes breui-  
 ter comprehendit dicēs, Omnia tolerat, omnia credit, omnia sperat, omnia sustinet, charitas  
 nunq̃ excidit. Ex his igitur quatuor uirtutibus sanctæ charitatis loqui cōuenit sanctitati ue-  
 stræ, delectatq; primitus intueri, quemadmodum uelut quatuor cardines orbis continens,  
 totū possederit mundum. Requiramus igit, si placet, aliquorū exempla sanctorū, eorū scilicet  
 qui his uirtutibus sanctæ charitatis possessi sunt, & eis singulis ita singula tribuamus, ut o-  
 mnes in omnibus esse noscamus. Quoniā omnis qui pie tolerat, recte credit: & omnis qui re-  
 cte credit, aliquid sperat: & qui sperat sustinet ne ab spe cadat. Sed iā qui nā isti sint uideamus,  
 quorum fidem in quantum desuper adiuuamur, assequi ualeamus. Virtus charitatis  
 quæ



A quæ omnia tolerat, eminebat in sancto Noë, quæ omnia credit in sancto Abraâ, quæ omnia sperat in patribus nostris, id est, in populo Israël: unde ipse noster exortus est dominus, quæ omnia sustinet in ipso capite nostro domino Iesu Christo, qui est uera charitas, quæ nunquam cadit. Nec cæteros sanctos ab his uirtutibus uestra charitas deputet alienos, quos pro breuitate temporis, & pro sermone suscepto ita prætermittos esse cognoscite, ut tamen certissime noueritis omnes esse in Christo, & in omnibus Christum. Sed iam uideamus quemadmodum sanctus Noë possederit uel possessus sit uirtute charitatis, quæ omnia tolerat. Prædixit ei deus, quod iniquitate hominum crescente, diluuium perderet mundum. Statim ille admonitus confugit ad lignum, & post camporum amœnorum faciem, angustijs se reclusit arcæ, tolerat cæli fremitum, sonitum aquarum, fragorem nimborum. Et post ista omnia, qui solet gaudere consortio hominum, socius quodammodo efficitur serpentum ac ferarum. Nec expauescit uir iste, quod cum eo sint feræ in arca: imò ibi agnoscit ordinem suum feritas, quia se cognouit humanitas: & iubenti homini obediunt, quia hominem superiori domino obedisse cognoscunt. Oñsum est in Noë quid Adam præceptum contemnendo perdiderit, & demonstratum est, posse homines bestijs etiam dominari si subdant obedientiam conditori. Expectat & tolerat sanctus iste finem diluuij, nec antequam finiatur, causa ferarum arca relinquitur. Tolerat bonus mala, & donec in fine etiam corpore separentur, intus manens, corde non corpore separatur. Si qua es anima, quæ cupis possidere uirtutem charitatis, quæ omnia tolerat, relinque mundum, confuge ad crucis lignum, non metuas procellas & turbines huius diluuij: non mergeris, si ligno portaberis, nouit gubernare, qui dignatus est creare, tantum afflit uirtus charitatis, quæ omnia tolerat. Nulla res te ab arcæ soliditate euellat. Permane bonus, & tolera malos: melius enim est ut intus positus propter bonos tolere malos, quam foras exiens & periens, & bonos relinqueas & malos. Si ergo sunt tecum feræ, id est, si sunt tecum in ecclesia praua docentes, falsos sentientes hæretici uel schismatici, aut etiam ipsi mali catholici, more ferarum animas deuorare quærentium, tolerantur usque ad finem seculi, tanquam finem diluuij, rugiant licet, si emant dentibus, atque ipsam arcam confringere conentur, non expauescas: finito diluuiio, illas rapiet inanis ac spinosa sylua, te fertilis suscipiet terra. Post finem seculi, impij rapiuntur ad tenebras exteriores, ubi est fletus & stridor dentium, pios suscipiet terra uiuentium. Nam & ipse sanctus Noë post finem diluuij obtulit sacrificium deo: sed de animabus mundis, non de immundis. Simul enim & munda & immunda animalia in arca natate potuerunt, sed mala ad sacrificium dei non peruenierunt. Sed iam hinc aliquando transeamus, ut cætera perscrutari ualeamus. Procedat in medio sanctus ille Abraam, & suo nos doceat exemplo possidere uirtutem charitatis, quæ omnia credit, qui non est cunctatus ad unam uocationem relinquere patriam, sedem, domum, familiam: omnia relinquuntur, ut domino præcipienti pareatur. Exi, inquit ei deus, de cognatione tua, & de domo tua, & ueni in terram quam cumque tibi ostendero. Nec apud se iste sanctus cogitauit aut dixit, Quò eam, cui me committam, in quam terram uadam? sed statim atque audit, surgit, currit, festinat, accelerat. Terram promissam non uidet, sed credendo eam firmiter retinet, ambulat recto itinere, nec aberrantibus uestigijs alibi quam debuit declinauit: quia qui eum ad ignotam terram mittebat, non dimittebat, nec eum ipse fefellit. Redditur merces credenti, ad terram peruenit, dilatatur, multiplicatur, ex paupere efficitur diues, ex ignobili potens, ditatur omnibus bonis. Et in illo impletur, quod dominus in euangelio suis discipulis promissit dicens, Si quis dimiserit domum, aut agrum, aut parentes causa nominis mei in hac uita, centuplum accipiet, & in futuro seculo uitam consequetur æternam. Cumulatur adhuc huius fidei merces, & seni promittitur filius. Adest uirtus charitatis, quæ oia credit, audit, exultat, amplius diligit, suscipit filium ex coniuge sterili, quam spe pariendi destitutam sterilitas, atque iam fecerat, atque in illo benedictionem omnium gentium promissam firmissime tenet. Sed adhuc eum charitas probat, probatumque commendat, & quemadmodum nihil deo præferat, posteris monstrat. Vocat eum dominus de cælo dicens, Abraam Abraam. Et

Gen. 6 &amp; 7

Gen. 12

Matth. 19

Gen. 22

Et ille tanquam seruus obediens, Ecce assum ait. Et dominus, Accipe filium tuum illū quem diligis Isaac, & uade in terram excelsam, & offeres eum holocaustū in unū montium, quem tibi dixerō. Nec hac quidem iussione turbatur aut frangitur seruus fidelis, adest ei uirtus charitatis, quæ omnia credit. Surgit, domum pergit, asinam sternit, ligna concidit, gladium & ignem sumit, puerū simul adducit & pergit ad locum. Tunc intētus factus Isaac, patrem interrogat dicens, Pater, ait. Et ille, Quid est fili? Et filius, Ecce, ait, ignis & ligna, ubi est ovis quam immolaturus es ad holocaustum? Et pater respōdit, Deus prouidebit sibi ouem ad sacrificium fili. Magnum hic & grande uideo sacramētum. Aliud Abraam corde gestabat, aliud filio promittebat. Sed neq; quæ promittebat, filium fallebant: neq; aliqua infirmitas cor eius à proposito immutauerat. Quid pluribus? Pergit uiam, uidet locum de longe, & statuens pueros suos ibi eis talia uerba profert, dicens, Sedete hic cum asina, ego autem & puer ibimus usq; illuc, & cū adorauerimus, reuertemur ad uos. O sancte Abraam, quid est quod dicis, cum aliud tibi de puero agendum sit? Nunquid aut te, aut tuos fallis? Non, inquit, sed quod prophetice uel dico uel gero, uirtus charitatis in me manens, quæ omnia credit, & facit, & dicit. Audio enim eam sine strepitu uocis intus ad cor loquentem & dicētem mihi, Tu quidem licet resurrecturum credens, pleno & perfecto uoto puerum ducas immolandum, filius tuus in isto sacrificio non crematur, quia resurrectio filio dei seruatur. Merito huius uiri fidem commemorans Iacobus apostolus ait, Credidit Abraam deo, & deputatum est illi ad iustitiam, & amicus dei appellatus est. Amicos, ut nouimus, coniunctio animorum facit. Vnde quidam sapiens huius mūdi ait, Idem uelle atq; idem nolle, ea demum firma amicitia est. Ergo amicos, ut nouimus, cōiunctio animorum facit. Quemadmodum iste sanctus animus coniunxerit deo, ut eius amicus appellaretur, uultis nosse? Sicut enim deus pater unico suo filio non pepercit, sed pro nobis omnibus tradidit illū: ita & iste unico filio nō pepercit, sed iubente ut immolaretur ei qui dederat eum, deuoto corde obtulit eum. Sed quæ sequuntur uideamus. Delectat enim nos, adiuuante domino deo nostro, huius historia: plenam reddere notionem. Postquam relictis pueris ad locum sacrificij, pater cum filio uenit, aram construit, ligna componit, manus filio ligat, imponit eum in aram supra ligna, deponit humana paternæ pietatis indicia, induit sacerdotis diram constantiam, educit gladium ut perimat filium. Quid uidetis fratres charissimi? Nihil hic sentimus humanum, quia totū cognoscimus diuinum. Sed & ille filius qui pauloante ouem requirebat, sub ingenti silentio talia fieri in se sentiebat: & ita patiens inuenitur, tanquam iam ille esset, qui sicut ovis ad immolandum ductus est, & tanquam agnus coram tondēte se sine uoce, sic non aperit os suū. O & tu sancte Isaac, indica nobis silentij huius tam grande secretum. Pauloante nihil in te fieri sentiebas, & à patre arietem requirebas, nunc autem manibus ligaris, in aram imponeris, ligno quodammodo suspenderis, & modo taces. Taceo, inquit, Dic quare obsecro, ut nouerimus. Vultis nosse ait, quare modo taceo? Quia figuram illius gesto, qui uoluntate ponit animam suam, non necessitate. In hoc tam grandi mystico fidei sacramento, & Abraam sanctus apparuit probatus, & filius in præsenti est liberatus, in quo est Christus prænunciatus. Si qua es anima, quæ cupis sequi uestigia fidei patris nostri Abraam, exi de terra tua, & de cognatione tua, relinque populum tuum, & domum patris tui, id est, fideliter renuncia diabolo, pompis, & angelis eius, & sequere uiam rectam, quæ te perducet ad terram, in qua ditescas & emineas, & efficiaris socius Abraam. Sed cum ista omnia feceris, si uirtus charitatis, quæ omnia credit, est in te, adhuc tentabit te, & probatum corronabit te, & expetit à te sacrificium dilecti tui. Quid à te expetit? Quod Abraam illi dictum est, Da mihi unicum dilectum filium tuum: tibi dicit sapientia, Da mihi fili cor tuum. Ipse est dilectus unicus. Quid metuis offerre cor tuum? Offer sacrificium contritionem cordis domino deo tuo, & dic ei cum propheta, Holocaustis non delectaberis. Sacrificium deo spiritus contribulatus, cor contritum & humiliatum deus nō spernit. Nihil meritas tali sacrificio oblato, & tibi acceptum erit, & quod obtuleris integrum permanebit. Aliam

Iacobi 2

Esaiæ 53

Gen. 22

Prouer. 23

Psal. 50



A Aliam uirtutem charitatis, quæ omnia sperat, placet inspicere: hanc superius plebi Israël & patribus nostris assignasse cognoscimus. Eius namq; uirtutis uox est in uersu illo prophético, In te sperauerunt patres, sperauerunt & liberaſti eos. Et ipſi ex Ægypto fugere iubentur, terra eis lac & mel fluens promittitur. Per mare rubrum tranſeunt, ad eremum ueniunt, ducebat eos ſpes charitatis, ut diſceret deū amare gratis. Redditur & his merces fidei. Non enim poteſt nō reddere qui ſe dignatur facere debitorem. Poſt eremum mella de petra ſuxerunt, pane in cœli manducauerunt, non ſunt priuati à deſiderio ſuo. Quod ſperauerunt, terram etiam promiſſionis acceperunt. Exurgit anima quæ huius charitatis uirtute cōprehenſa eſt: effugiat ex Ægypto, id eſt, ex huius ſæculi deſiderio: pergat ad mare rubrū, ſcilicet Chriſti baptiſmū, ideo rubrū, quia Chriſti ſanguine purpuratum. Perſequatur hoſtes, peccata cum ſuo autore diabolo, tāquam Ægyptij cum ſuo rege Pharaone ſæuiant, ſequatur fugientes. Quid metuiſ? Uſq; ad aquam ſæuiant. Ingredieris tu, ingredientur & illi poſt te, ſed aqua conuerſa, illis erit in perniciem, tibi proficiet ad ſalutem: illos obruet, te abluet: illos damnabit, te liberabit. Poſt hæc ſuſcipies mel de petra, quo ſitim tuā ſaties. Guſtabis & par erat Chriſtus, ex cuius præceptis tanquam ex fontibus dulcedinis ſatieris. Guſtabis & uide-  
nem illum, ſcilicet qui dixit, Ego ſum panis uiuus qui de cœlo deſcendi. Guſtabis & uide-  
bis, quoniam ſuauiſ eſt dominus. Et ſi in te eminet uirtus charitatis, quæ omnia ſperat, per  
eremum te neceſſe eſt tranſire, id eſt, utaris hoc mundo tanq; non utens: & in hac uita pere-  
grinum te noueris eſſe, ſi terram promiſſiōis cupis intrare. Hæc terra eſt de qua propheta  
cantat & dicit, Credo uidere bona domini in terra uiuentium. Vltima uirtus charitatis re-  
ſtat, quæ omnia ſuſtinet & nunq; cadit. Hanc ipſi capiti noſtro domino Ieſu Chriſto con-  
uenire nouimus. Ideo in ultimo, quoniam ſinis legis Chriſtus eſt. Quanta aut ipſe pro no-  
bis ſuſtulerit, puto charitatem ueſtrā ignorare non poſſe, tamē exinde aliquid dicā, ſi tamē  
de tanto aliqd digne dicā. Prius illud, q; deus homo, q; uerbū caro factū eſt, q; multa bona  
fecit, & mala ppeſus eſt, q; mortuos ſuſcitauit, & mortuus eſt, q; ſingularis illa patientia per-  
tulit diabolu tentatorem, diſcipulu traditorē, q; ipſum Iudā priuſq; oſtēderet traditorē, per-  
tulit furem, & ante experimētum uinculorum crucis ac mortis, labijs eiſ doſiſ non nega-  
uit oſculum pacis. In ipſa autem morte quanta ſuſtinuit: Pertulit odiorum flammas, mini-  
ſtrorum peſſimi cordis linguas. Clamauerunt Iudæi, Crucifige crucifige: & ne rei remane-  
rent Iudæi, innocens ab eiſ crucifixus eſt filius dei. Ad crucem ducitur, expal-matur qui eſt  
uera palma uictoriæ. Spinis coronatur, qui ſpinas peccatorum uenit conſringere. Ligatur,  
qui ſoluit compeditos. Ligno ſuſpēditur, qui erigit eliſos. Aceto potatur fons uitæ, diſcipli-  
na cæditur, ſalus uulneratur, ita moritur: occiditur ad tempus uita, ut in perpetuum à uita oc-  
cideretur mors: quia hic Iudæi in hac morte Chriſti exultauerunt quaſi uictores, & cum ter-  
renum & caducum regnum timuerunt perdere, regem cœli & terræ non dubitauerunt occi-  
dere. Sed nec ſicut putauerūt uictores extiterunt. Si enim uicerunt, regnum quomodo per-  
diderunt? Quomodo nunc uſque ſerui remanſerunt? Iſta namq; cauſa eſt qua ab eiſ Chri-  
ſtus occiſus eſt. Dixerunt apud ſe principes Iudæorum, ut euangelista narrat, Videris, in-  
quiūt, quia totus mundus poſt eū abibit, ſi dimiſerimus eū uiuere, ueniēt Romani & tollent  
nobis locum & gentem. Et Chriſtum occiderunt, locum & regnum gentemq; perdiderunt.  
Quid uobis profuit o inſani Iudæi, quod tantum ſcelus commiſiſtis? Nunquid quia Chri-  
ſto domino, ut decuit, ſeruire noluiſtis, ideo eiſ dominio caruiſtis? Dum illi ſeruiunt re-  
ges, quibus uos ſeruitis, facti eſtis mali ſerui bonorū ſeruorū Chriſti. Per ipſos cōterit con-  
tumaciā ueſtrā, per ipſos diſſipat cōſilia ueſtra, p ipſos retribuet ſcelera in capita ueſtra. Ipſe  
aut dñs quē uos interemiſtiſ, nō uos ſeruos, ſed liberos eſſe cupiebat, quādo dicebat, Si uos  
ſilius liberauerit, tūc uere liberi eritiſ. Vos aut deum dñm & regē, & ipſam ueram libertatē  
non ſolum repudiaſtiſ, uerū etiam necare cupientiſ. Nō habemus regē niſi ſolū  
Cæſarem. Sed ne in hoc quidem gloriemini q; Chriſtū occidiſtiſ, actū eſt de uobis potius  
& nescitiſ, audite ipſum dominum dicentem per prophetam, Ego dormiui & ſomnu corpi-  
ſomnum

Pſal. 118

Ioa. 6

Pſal. 26

Ioa. 18

Ioa. 8

Pſal. 5

somnum appellans mortem à uobis illatam. Cæterum qualis mors potuit esse tridua-  
 psal. 40 maxime illius qui per eundem prophetam aliq loco dicit, Nunquid qui dormit, nō adiciet  
 10411.1 ut resurgat? Ego, inquit, dormiui, Ego qui potestatem habeo ponendi animam meam. Ego  
 dormiui, non quia sæuistis, non quia insanistis, ego impleui quod uolui: uos autem in scel-  
 re remanistis. Quis exigit tanta de deo nostro fratres pro nostra salute ac redemptione, ni-  
 si charitas quæ nunquam cadit? O charitas, q̄p magnas uires habes. De cœlo deum depo-  
 suisti, O chara sanitas, o sancta ac uera charitas, quæ tanta es in terris, quanta eris sanctitas  
 in cœlis? Quæ tantū potes in hac pugna mortalitatis adhuc sollicita, quātum poteris in illa  
 perfecta pace secunda? Euigila itaq; omnis anima Christiana, & si in te eminet uirtus charita-  
 1. Pet. 2 tis, quæ omnia sustinet, domini tui imitare uestigia. Christus em̄, ait apostolus Petrus, pro  
 nobis passus est, relinquens uobis exemplum ut sequamini uestigia eius. Et si ille propter te  
 de cœlesti sede ad terrena descendit: tu propter te fuge terrena, appete cœlestia. Si dulcis est  
 mundus, dulcior est Christus. Si amarus est mūdus, omnia pro te sustinuit Christus. Via  
 tibi factus est ipse saluator: surge ambula, pigrescere noli, habes quod. Sed forte quæris, quō?  
 Vides em̄ uia, & quæris quō ducat hæc ipsa uia? Ad ueritatē & ad uitā ducit. Si amas ueri-  
 tatē, si amas uitā, & cupis ad ueritatē & ad uitā uenire, à uia noli errare. Video, inquis, uia, &  
 1. Matth. 7 cupio ambulare, sed amara est, aspera est. Arta em̄ & angusta uia quæ ducit ad uitam. Chri-  
 stus transiuit, sed adhuc aspera est? Caput transiuit, & membra dubitant? Sed Christus, in-  
 quis, deus & homo, ego autem homo. Tot milia martyrum transierūt, & adhuc tibi aspera  
 est? Transierunt senes, transierunt iuuenes, transierunt pueri, puellæ transierunt, uiam quam  
 timebas, tritam tibi fecerunt. Ambula ergo uiam, securus ambula. Quid enim metuis in hac  
 uia? Mortem? Et mortem times, qui ad uitam curris? Si bonus es, bene in hac uita curris,  
 mors tibi ianua erit, quæ te repræsentet, non quæ auferat uitæ. Ambula ergo uiam, imò ipse  
 qui propter te factus est uia, ipse te ducet per seipsum ad seipsum. Ipse enim est uia, ueritas  
 & uita. Dic ergo domino deo tuo, O anima fidelis & pia, dic, secunda dic, & cū propheta uera  
 1. Psal. 118 ceter exclama, Deduc domine me in uia tua, & ambulabo in ueritate tua. Tunc ad te secu-  
 rus perueniam, si in finem usq; tua gratia non deserat. Hæc fratres dilectissimi quæ dono  
 ipsius charitatis dicta sunt sanctitati & charitati uestre, ita hæreant cordibus & sensibus ue-  
 stris, ut eadem ipsa charitas fructum in uobis inueniat operis, non folia laudis. Amen.

Finis.

## DE LAVDIBVS CHARITATIS TRACTATVS.

Non est Augustini.

 Rom. 13  
 1. Timoth. 1


I V I N A R V M scripturarum multiplicem abundantiam, latissimāq; do-  
 ctrinam, fratres charissimi, sine ullo errore comprehendit, & sine ullo labo-  
 re custodit, cuius cor plenum est charitate, dicente Apostolo, Plenitudo  
 autem legis est charitas. Et alio loco, Finis autem præcepti est charitas de  
 corde puro, & conscientia bona, & fide nō ficta. Si ergo non uacat omnes  
 paginas scripturarum reuoluere, tene charitatē, & in ea inuenies omnem  
 scientiam. Quid est autem præcepti finis, nisi præcepti adimpletio? Quid est præcepti ad-  
 impletio, nisi legis plenitudo? Quod ergo ibi dixit, Plenitudo legis est charitas, hoc etiā hic  
 dixit, Finis præcepti est charitas. Nec dubitari ullo modo potest, quod templum dei sit ho-  
 mo, in quo habitat charitas. Respice ad munera ecclesiæ, & uniuersis excellentius charitatis  
 munus cognosces, quæ, ut oleum, nō potest premi in imo, sed semper superebullit. Dilige,  
 & fac quod uis. Charitas causa est & mater omnium uirtutum, quæ si desit, frustra habetur  
 cetera: si autem assit, habentur omnia. Omnia fiunt facilia charitate. Mandatum dei nō ha-  
 1. 104. 4 bet graue. Quomodo enim est graue, cum sit dilectionis mandatum? Aut enim quis nō di-  
 ligat, & iam graue est: aut diligit, & graue esse non potest. Dicit enim & Ioannes, Deus chari-  
 tas est.



A tas est. Hæc autem dicentes apostoli, & nobis præcellentiam charitatis cōmendantes, non  
 utiq; aliud nisi quod comederant, ructare potuerūt. Ipse quidem dominus pascens eos uer/  
 bo salutis, uerbo charitatis, quod est ipse panis uiuus qui de cœlo descendit, Mandatum, in Ioh. 13  
 quit, nouum do uobis, ut uos inuicem diligatis sicut dilexi uos. Et iterū: In hoc scient omnes  
 quia discipuli mei estis, si uos inuicem dilexeritis. Ille ergo qui uenit per crucis irrisiōem, car  
 nis perimere corruptionem, & uetustatem uinculi mortis nostræ, suæ mortis nouitate dissol  
 uere, mandato nouo fecit hominē nouum. Res enim uetus erat, ut homo moreretur: quod  
 ne semper ualeret in homine, res noua facta est, ut deus moreretur. Sed quia in carne mor/  
 tuus est, non in diuinitate, per sempiternam uitam diuinitatis, non permisit esse sempi/  
 ternum interitum carnis. Itaq; sicut dicit Apostolus, Christus mortuus est propter delicta Rom. 4  
 nostra, & resurrexit propter iustificationem nostram. Qui ergo contra mortis uetustatem,  
 attulit uitæ nouitatem, ipse contra uetus peccatum opposuit nouum mandatum. Quapro/  
 pter quisquis uetus peccatum uis extinguere, mandato nouo extingue cupiditatem, & am/  
 plectere charitatem. Sicut enim radix omnium malorum est cupiditas, ita & radix omniū  
 bonorum est charitas. Totam magnitudinem diuinorum eloquiorum & latitudinem secu/  
 ra possidet charitas, qua deum proximumq; diligimus. Docet enim nos cœlestis unus ma/  
 gister, & dicit, Diliges dominum deum tuum ex toto corde tuo, & ex tota anima tua, & ex Matth. 22  
 tota mente tua: & diliges proximum tuum tanq; teipsum. In his duobus præceptis tota lex  
 pendet & propheta. Si ergo nō uocat omnes paginas sanctas pscrutari, omnia uolumina ser/  
 monum euoluere, omnia scripturarum sectera penetrare, tene charitatem, ibi pendet omnia:  
 ita tenebis quod ibi didicisti, tenebis etiam quod nondum didicisti. Si enim nosti charita/  
 tem, aliquid nosti unde & illud pendet quod forte non nosti. Et in eo quod in scripturis in/  
 telligis, charitas patet: in eo quod non intelligis, charitas latet. Ille itaq; tenet & quod patet  
 & quod latet in diuinis sermonibus, qui charitatem tenet in moribus. Charitas est, ut mihi  
 B uidetur, recta uoluntas, ab omnibus terrenis ac præsentibus prorsus auersa, iuncta deo inse/  
 parabiliter, & unita igne quodam spūs sancti, à quo est, & in quem refertur incensa, inquit/  
 namenti omnis extranea, corruptionis nescia, nulli cōmutabilitati obnoxia, super omnia  
 quæ carnaliter diliguntur excelsa, affectionum omnium potentissima, diuinæ cōtemplatio/  
 nis auida, in omnibus semper inuicta, summa actionum bonorum, salus morum, finis cœ/  
 lestium præceptorum, mors criminum, uita uirtutum, uirtus pugnatium, palma uictorum,  
 arma sanctarum mentium, causa meritorum bonorum, præmium perfectōrū, sine qua nul/  
 lus deo complacuit, fructuosa in pœnitentibus, læta in proficientibus, gloriosa in perseverā/  
 tibus, uictoriosa in martyribus, operosa in omnibus omnino fidelibus, ex qua quicquid est  
 boni operis, uiuit. Quapropter fratres sectamini charitatem, dulce ac salubre uinculum men/  
 tium, sine qua diues pauper est, & cum qua pauper diues est. Hæc in aduersitatibus tolerat,  
 in prosperitatibus temperat, in duris passionibus fortis, in bonis operibus hilaris, in tēratio/  
 ne tutissima, in hospitalitate latissima, inter ueros fratres latissima, inter falsos patiētissima.  
 In Abel per sacrificium grata, in Noë per diluuium secura, in Abraæ peregrinatione fidelis/  
 sima, in Moysē inter iniurias lenissima, in Dauid tribulationibus mansuetissima: in tribus  
 pueris blandos ignes innocēter spectat, in Machabæis sæuos ignes fortiter tolerat, casta in  
 Susanna erga uirum, in Anna post uirum, in Maria præter uirum: libera in Paulo ad ar/  
 guendum, humilis in Petro ad obediendum, humana in Christianis ad confitendum, diui/  
 na in Christo ad ignoscendum. Sed ego de charitate quid maius aut uberius possum dice/  
 re, quàm per os Apostoli laudes eius intonat dominus, supereminētem uiam demonstnan/  
 tis atq; dicentis, Si linguis hominum loquar & angelorum, charitatem autem nō habeam, 1. Cor. 12  
 factus sum uelut ærumentum sonans, aut cymbalum tinniens. Et si habuero prophetiam  
 & nouerim mysteria omnia, & omnem scientiam, & habuero omnem fidem, ita ut montes  
 transferam, charitatem aut nō habeam, nihil mihi prodest. Charitas magnanima est, beni/  
 gna est, charitas non æmulatur, non agit perperam, non inflatur, non dehonestatur, non  
 P p      querit

quærit quæ sua sunt, non iritatur, non cogitat malum, non gaudet super iniquitate, congaudet autem ueritati, omnia tolerat, omnia credit, omnia sperat, omnia suffert, charitas nunquam cadit. Quanta est, anima, ista litterarum prophetiæ uirtus, sacramentorum solum, scientiæ solidamentum, fidei fructus, diuitiæ pauperum, uita morientium. Quid tam magnanimum, quam pro impijs mori? Quid tam benignum quam inimicos diligere? Sola est quam felicitas aliena non premit, quia non æmulatur: sola est quam felicitas sua non extollit, quia non inflatur: sola est quam conscientia mala non pungit, quia non agit perperam. Inter opprobria secura est, inter odia benefica est, inter iras placida est, inter insidias innocens, inter iniquitates gemens, in ueritate respirans. Quid illa fortius, non ad tribuendas, sed ad non curandas iniurias? Quid illa fidelius, non uanitati, sed æternitati? Nam ideo tolerat omnia in præfenti uita, quia credit omnia de futura uita: & suffert omnia quæ hic irrogantur, quia sperat omnia quæ ibi promittuntur. Merito nunquam cadit. Ergo sectemini charitatem, & eam sancte cogitantes afferte fructum iusticiæ. Et quicquid uberius quam ego dicere potui, uos inuenieritis in eius laudibus, appareat in uestris moribus. Oportet enim ut senilis sermo non solum sit non grauis, sed etiam breuis.

Finis.

DE HONESTATE MULIERVM,

LIBER VNVS.

Cap. I



Nemo dicat fratres quod temporibus nostris martyrum certamina esse non possint: Habet enim pax martyres suos: nam sicut diximus frequenter iracundiam mitigare, libidinem fugere, iusticiam custodire, cupiditatem contemnere, pars magna est martyrij. Contemnenda namque est cupiditas, quæ quidem uelut ignis quanto amplius accipit, tanto amplius requirit. Iracundia uero est mitiganda, quæ prius nocituris nocet quam nocendis. Quod autem libidinem fugiendam esse diximus, Apostolo doctore, euidenter didicimus, quia cum omnibus uitijs resistendum esse prædixerat, contra libidinem non dixit, resistite, sed ait, Fugite fornicationem: ac si diceret, reliquis uitijs deo adiuuante debemus in præfenti resistere, libidinem uero fugiendo superare. Sic & in scripturis alibi legimus: Noli attendere in faciem uirginis, ne scandalizet te uultus eius. Nam & beatus Ioseph ut impudicam dominam posset euadere, palium quo apprehensus erat, reliquit & fugit. Contra libidinis impetum apprehende fugam si uis obtinere uictoriam. Nec sit tibi uerecundum fugere, si castitatis palmam desideras obtinere. Videte fratres quomodo ab omnibus Christianis, præcipue tamen à monachis seu clericis, indigna & inhonesta familiaritas fugienda sit, quia sine ulla dubitatione qui familiaritatem mulierum non uult fugere, cito dabitur in ruina.

Cap. II

Sed forte negligens quisque & minus de animæ suæ salute sollicitus respondet & dicit: Ecce ego & familiaritatem habeo mulierum extranearum, & tamen arma castitatis custodio. Infelix est & nimium periculosa præsumptio. Multi enim se putant uincere cum uicti sunt. Sed adhuc addet aliquis & dicit: Ego inter extraneas mulieres habito, & continentiam seruo, & uolo habere quod uincam. Quid est, uolo habere quod uincam, nisi hoc uolo habere quod peream? Sed ego, inquit, libidinis impetum tanquam aduersarium meum retinere uolo. Vide ergo ne contra te incipiat captiuitas ipsa præualere, & unde putabas obtinere triumphum, inde æternum incurras opprobrium. Inter omnia enim Christianorum certamina, sola dura sunt prælia castitatis, ubi quotidiana pugna & rara uictoria. Grauem namque castitas sortita est inimicum, cui quotidie resistitur, & semper timetur, & ideo sicut dictum est, nemo se falsa securitate decipiat, ut de suis uiribus periculose præsumat, sed audiat Apostolum clamantem, Fugite fornicationem. Dauid enim ille sanctissimus in mille passionibus pressus uidit mulierem nudam, & adamauit eam, & statim homicidium simul fecit & adulterium. Et qui cum mulieribus habitantes putant se castitatis obtinere triumphum, ignorant



A rant se apud deum dupliciter reos existere, dum seipso in periculum mittunt, & alijs exemplum peruersæ familiaritatis ostendunt. Quanti enim per illarum inhonestam familiaritatem, castitatis decorem perdiderunt? Illorum animæ qui pereunt, ab illis in die iudicii requirendæ sunt, qui illis exemplum perditionis ostendunt. Et ideo fratres, contra mortifera blandimenta, & contra adiutores diaboli, qui familiaritatem suspectam habere non metuunt, nec erubescunt, ne nos suo exemplo decipiant, dei adiutoriū imploremus, ut de laqueo uenâ tium nos liberare dignetur, scientes quod in his omnibus quæ supra diximus bonis & castis quotidiana non desunt martyria. Cap. III

Omnibus Christianis martyria deesse non possunt. Sicut castitas, ueritas & iusticia Christus est, sic & ille qui eis insidiatur, persecutor Christi est. Ille uero qui castitatem, ueritatem & iusticiam in fratribus suis defensare, in alijs & in seipso custodire uoluerit, martyr erit. Et ideo qui hæc tota uirtute animi diligit, & ut alijs diligant, uerbis simul & exemplis ostendit, & ubicunq; ueritas uel iusticia uel castitas laborat, quantum præualet se etiam ultro ingerit, & secundum uires suas defensare contendit, non unam, sed plures coronas domino remunerante percipiet. Et ut hæc obtinere mereamur, cum dei adiutorio, non solum extraneorum mulierum, sed ancillarum nostrarum & quorumcunq; uicinarum, aut filiarum, aut ancillarum unusquisq; nostrum collocationem uitare procurat. Quia quanto uilius est illarum conditio, tanto ruina facilius. De tali re admonet Salomon omnes dicens, Nunquid alligabit aliquis ignem in sinu suo, & uestimenta eius non ardeant? Aut quis ambulabit super prunas, & plantæ eius non comburantur? Et illud: Preciū meretricis uix est dimidij panis. O quanta iniquitas, o quanta peruersitas, ut animam, quam Christus suo sacro sanguine redemit, luxuriosus quisq; propter unius momenti delectationem libidinis diabolo pessimo inimico suo uendit ac tradit. Vere nimium miseranda & plangenda conditio est, ubi cito præterit quod delectat, & permanet sine fine quod cruciat. Sub momento enim libidinis impetus transit, & permanet sine termino animæ infelicitis opprobrium. Prouer. 6

B Sed dicit aliquis: Iuuenis homo sum, faciam quod me delectat modo, & postea pœnitentiam agam. Quomodo si dicat, percutio me crudeli gladio, & postea uadam ad medicum. Heu miser homo, nescis quod unius horæ puncto uulnus accipit, sed uix longo tempore ad sanitatem pristinam reuocatur? Qui enim fornicans dicit pœnitentiam se acturum, quare non timet ne eum subitanea febricula, uel aliquo casu subita mors superueniens rapiat, & pereat dilatio, & succedat æterna damnatio? Et quia de infelici libidine, unde locuti sumus, credendum est quod dicit propheta: Confractus est malleus uniuersæ terræ. Quamuis post aduentum domini nostri Iesu Christi per uniuersa monasteria monachorum & per clericos uel etiam laicos castitatem seruantes, quasi confractus malleus ille uideatur, tamen quod multo peius est, adhuc multo plures sunt qui ab illo malleo quotidie confringuntur, quam illi qui de ruina collisionis illius liberantur. Vnde iterum atq; iterum rogo, ut diligentius consideremus, & quantum possumus timeamus illud quod dominus in euangelio dicit, Qui uiderit mulierem ad concupiscendum eam, iam mœchatus est in corde suo. Pro qua re, sicut iam dictum est, non solum ab extraneis mulieribus, sed etiam à uicinis & domesticis, & ancillis nostris refrenanda est, & secreta familiaritas & oculorum incauta fragilitas: ne illud eueniat nobis, quod dominus per prophetam terribiliter clamat dicens, Mors intrauit ad animas nostras per fenestras nostras. Per quas? per uisum oculorum, & auditum aurium. Cap. IIII

Si per linguam tuam amico tuo aut famulo tuo iusseris ut ad te meretrix adducatur, aut tuipse cum meretrice locutus fueris per os tuum, ad animam tuam gladius æternæ mortis ingreditur. Si autem malum uel sordidum consilium libenter audieris, si detrahentem, aut luxuriose loquentem, aut cantica turpia proferentem non respicis, per aurium tuarum fenestras mors intrauit ad animam tuam. Et quia dominus dixit, Qui uiderit mulierem libi cætera: uoluntas prona faciendi, reputatur pro opere facti: ac si dum aliquis mulierem libidinoso oculo considerat, per fenestras corporis sui in secretum mentis uenenum mortis instillat. Talis enim cogitatio, & si aliquando impeditur casu ut non impleat uoluntatem suam, Cap. V

nihilominus tamen actionis crimine condemnatur à domino: ac si illa casta est cum qua libidinis malum uoluit exercere, & ille iam adulter tenetur in corde. Ideo audiamus scripturam dicentem illud, *Omni custodia serua cor tuum. Et illud, Auerte oculos meos ne uideant uanitatem, & cetera.* Quomodo si aliquis carbones apprehenderit, si cito eos proiecerit, nihil ei nocebunt: si uero diutius tenere uoluerit, sine uulnere abire non poterit: ita ille qui ad concupiscendum oculorum defixerit intuitum, & libidinis malum in corde suscipiens, morari in corde suo libere permiserit, excutere à se sine animæ plaga non poterit. Ideo iugiter clamamus cum propheta, *Oculi mei semper ad dominum, quoniam ipse euellet de laqueo pedes meos, præstante domino nostro Iesu Christo mediatore dei & hominum, cuius misericordia plena est terra: Amen.*

Finis.

## DE PASTORIBVS.

Cap. I



**S** P E S tota nostra quia in Christo, & quia omnis uera & salubris gloria nostra ipse est, non nunc didicit primum charitas uestra: Estis enim in eius grege qui intendit & pascit Israël. Sed quoniam sunt pastores qui pastorum nomine gaudere uolunt, pastoris autem officium implere nolunt, quid ad eos propheta dicat, sicut lectum audiuius, recenseamus. Audite uos cum intentione, audiamus nos cum tremore. Et factum est ad me uerbum domini dicēs, *Fili hominis prophetiza super pastores Israël.* Hanc lectionem cum legeretur audiuius. Hinc cum uestre sanctitati aliquid loqui decreuimus, adiuuabit ipse ut uera dicamus. Si nos nostra dicamus, pastores erimus pascentes nos, non oues: si autem illius sunt quæ dicimus, per quælibet ipse nos pascet. Hæc dicit dominus deus, *Væ pastoribus Israël, qui pascunt se solos.* Nunquid oues pascunt pastores, id est, non se pascunt pastores, sed oues? Hæc prima causa est quare arguantur pastores isti, quia seipso pascunt, non oues. Qui sunt qui seipso pascunt? De quibus dicit Apostolus, *Omnes enim quæ sua sunt quærunt, non quæ Iesu Christi.* Nos enim quos in loco isto, de quo periculosa ratio redditur, dominus secundum dignationem suam, non secundum meritum nostrum constituit, habemus duo quædam: unum, quod Christiani sumus: alterum, quod præpositi sumus. Illud quod Christiani sumus, propter nos est: quod autem præpositi sumus, propter uos est. In eo quod Christiani sumus, attenditur utilitas nostra: in eo quod præpositi, non nisi uestra. Sunt autem multi Christiani & non præpositi, qui perueniunt ad deum faciliore fortasse itinere, & tanto expeditius ambulantes, quanto minorem sarcinam portant. Nos autem excepto quod Christiani sumus, unde rationem reddimus deo de uita nostra, sumus etiam præpositi, unde rationem reddimus deo de dispensatione nostra. Ad hoc istam difficultatem proponimus, ut compatientes nobis oretis pro nobis. Veniet enim dies quo cuncta adducuntur in iudicium. Et ille dies si seculo longe est, unicuique homini uitæ suæ ultimus prope est. Tamen utrumque latere deus uoluit, & quando ueniat finis seculi, & quando sit in unoquoque homine huius uitæ finis. Vis non timere diem occultum, quando uenerit inueniat te paratum. Cum ergo præpositi ad hoc sint, ut his qui subiecti sunt consulant, non in eo quod præsumunt, omnino utilitatem suam attendant, sed eorum quibus ministrant. Quisquis ita præpositus est, ut in eo quod præpositus sit gaudeat, & honorem suum quærat, & comoda sua sola respiciat, se pascit, non oues. Ad uos sermo dirigitur. Audite tanquam oues dei & uidete quemamodum uos securos fecerit deus: qualescunque sunt qui uobis præsumunt, id est, qualescunque nos sumus, nobis deus securitatem dedit qui pascit Israël. Nam deus non deserit oues suas, & mali pastores poenas debitas luent, & oues promissa percipient.

Videamus ergo quid loquatur pastoribus seipso pascentibus non oues, sermo diuinus neminem palps. Ecce lac consumitis, & lanis uos tergitis, & quod crassum est interficitis, & oues meas non pascitis, quod infirmatum est non confortastis, & quod ægrotat non corroborastis, & quod contribulatum est non colligastis, & quod



A quod errabat non reuocastis, & quod periit non inquisistis, & quod forte fuit confecistis, &  
 dispersæ sunt oues meæ eo q̄ non sit pastor. Dicitur in pastores pascentes semetipsos, non  
 oues, quid diligant, quid negligant. Quid ergo diligunt? Lac consumitis, & lanis uos regitis.  
 Propter quod dicit Apostolus, Quis plantat uineam, & de fructu eius non sumit? Quis pa- 1. Cor. 9  
 scit gregem, & de lacte gregis non percipit? Inuenimus ergo esse lac gregis quicquid à ple-  
 be distribuitur præpositis ad sustentandum uictum tēporalem. Inde enim loquebatur Apo-  
 stolus cum hæc diceret quæ cōmemorauī. Et quidem Apostolus quanq̄ eligeret manibus  
 suis laborare, nec ipsum lac quærere ab ouibus, tamē lactis potestatem percipiendi habere  
 se dixit, & sic dominum exposuisse, ut qui euangelium annunciant, de euangelio uiuant.  
 Et dicit alios coapostolos suos usos fuisse hac potestate, non usurpata, sed data. Plus ille  
 fecit, ut nec quod debebatur acciperet. Ipse ergo donauit & debitum, sed alius nō exegit in-  
 debitum: ille plus fecit. Fortassis enim illum significabat, qui ægrum cum adduceret ad sta- Luc. 10  
 bularium dixit, Si quid amplius erogaueris, in redeundo reddam tibi. De his ergo qui non  
 indigent lacte gregis, quid plura dicamus? Misericordiores sunt, uel potius ipsi misericor-  
 dia officium largius impendunt. Possunt enim, & quod possunt faciunt. Laudentur hi, ne-  
 que damnentur illi. Nam & ipse Apostolus datum non quærebat, fructuosas tamen oues  
 esse cupiebat, non steriles sine lactis ubertate. Itaq̄ cum esset quodam tempore in magna  
 indigentia uictus, in confessione ueritatis, missum est illi à fratribus unde necessitati & indi- Phil. 4  
 gentiæ eius ministraretur. Respondit autem illis gratias agens & dixit: Bene fecistis cōmu-  
 nicare necessitatibus meis. Ego enim didici in quibus sum sufficiens esse: Scio & abundare,  
 & penuriam pati. Omnia possum in eo qui me confortat. Verū tamen uos bene fecistis usi-  
 bus meis mittere. Sed ut ostenderet in eo quod illi bene fecerunt quod non ipse quareret,  
 ne inter illos esset qui seipsos pascunt, non oues, non tam suæ gaudet subuentum esse neces-  
 sitati, quā illorum gratulabatur fecunditati. Quid ergo ibi quærebat? Non requiro, in-  
 quit, datum, sed requiro fructum. Non ergo, inquit, ut expleat, sed ne uos inanes remanea-  
 tis. Qui ergo non possunt facere quod Paulus, ut in manibus suis transigant, accipiant de la-  
 cte ouium, sustentent suam necessitatem, non hoc sibi quærant tanquam cōmodum suum,  
 ut ex necessitate suæ pecuniæ uideantur annunciare euangelium, sed hominibus illuminan- Luc. 12  
 dis præbeant lucem uerbi ueritatis. Sint enim tanq̄ lucernæ, sicut dictū est, Sint lumbi ue- Matth. 5  
 stri præcincti, & lucernæ ardentes: & Nemo accedit lucernam, & ponit eam sub modio, sed  
 super candelabrum, ut luceat omnibus qui in domo sunt: Sic luceat lumen uestrum coram  
 hominibus, ut uideant bona opera uestra, & glorificent patrem uestrum qui in cœlis est. Si  
 ergo tibi lucerna accenderetur in domo, nōne adijceres oleum ne extingueretur? Porro si lu-  
 cerna accepto oleo non luceret, non erat planè digna quæ in candelabro poneretur, sed quæ  
 continuo frangeretur. Vnde enim uiuitur, necessitatis est accipere, charitatis est præbere, nō  
 tanquam uenale sit euangelium, ut istud sit precium eius, quod sumunt qui annunciant un-  
 de uiuant. Si enim sic uendunt, magnam rem uili precio uendunt. Accipiant sustentationē  
 necessitatis à populo, mercedem dispensationis à domino. Non enim est idoneus populus  
 reddere mercedem illis, qui sibi in charitate euangelij seruiunt: non expectent illi merce-  
 dem nisi unde & isti salutem. Quid ergo isti increpantur, unde arguuntur, qui cum lac sume-  
 rent, & lanis se tegerent, oues negligebant? Sua ergo tantū quærebat, nō quæ Iesu Christi.  
 Sed quoniā diximus quid sit lac sumere, quæramus qd sit lanis se tegere. Qui præbet cap. III  
 lac, uictū præbet, q̄ præbet lanam, honorē præbet. Ista sunt duo quæ à populis quærūt, qui  
 semetipsos pascunt, non oues: cōmodum supplendæ necessitatis, & fauorem honoris & lau-  
 dis. Etenim uestimentum propterea bene intelligitur in honore, quia nuditatē tegit. Etenim  
 unusquisq̄ homo infirmus: & quid est quisquis uobis præest, nisi quod uos estis? Carnem  
 portās mortalis est, māducat, dormit, surgit, natus est, moriturus est. Si ergo cogitatis quid  
 sit, & ipse homo est, tu tamen honorando eum uelut angelum, contegis quod infirmū est.  
 Huiusmodi indumentum acceperat à bona dei plebe idem Paulus cum diceret, Sicut ange-  
 lum

lum dei suscepistis me, testimonium uobis perhibeo, quia si fieri posset, oculos uestros eruis-  
 setis, & dedissetis mihi. Sed cum tantus honor exhibitus esset, nunquid propter ipsum ho-  
 norem sibi exhibitum, ne forte cum argueret negaretur, & minus ipse Apostolus laudare-  
 tur, pepercit errantibus? Nam si hæc fecisset, esset inter illos qui seipsos pascunt, non oues, di-  
 ceret apud seipsum: Quid ad me pertinet? quisque quod uelit agat, uictus meus saluus erit,  
 & lac & lana satis est mihi, eat quisque quod potest. Ergo integra tibi sunt omnia, sic eat quis-  
 que quod potest. Nolo te præpositum facere, unum te constituo de ipsa plebe. Si patitur  
 unum membrum, compatiuntur omnia membra. Proinde ipse Apostolus cum eos com-  
 memorat quales fuerint erga illum, ne quasi oblitus eorum honoficientiæ uideretur, & testi-  
 monium perhibet, sicut angelum dei susceperint eum, & quod si fieri posset, oculos suos uel-  
 lent eruere, & illi dare, & tamen accedit ad ouem languidam, ad ouem putridam, secare uul-  
 nus, non parcere putredini. Ergo inimicus factus sum uobis uerum prædicans: Ecce & acce-  
 pit de lacte ouium, sicut paulo ante memorauimus, & indumentum ex lanis ouium, sed ta-  
 men oues non neglexit, Non enim sua quærebat, sed quæ Iesu Christi. Absit ergo ut dica-  
 mus uobis: Viuite ut uultis, securi estote, deus neminem perdit, tantummodo fidem Chri-  
 stianā tenete: non perdet ille quod redemit, non perdet pro quibus sanguinem suum fudit:  
 & si spectaculis uolueritis oblectare animos uestros, ite: quid mali est? Et festa ista quæ ce-  
 lebrantur per uniuersas ciuitates in laticia conuiuantium & publicis mensis seipsos ut putāt  
 iucundantium, reuera magis pereuntium, ite celebrare: Magna est dei misericordia, quæ to-  
 tum ignoscat. Coronate rosas uos antequam marcescant, In domo dei uestri quando uolue-  
 ritis conuiuamini, impleamini cibo & uino, cum uestris, ad hoc enim data est ista creatura,  
 ut perfruamini, non enim impijs & Pagnis eam dedit deus, sed uobis eam dedit. Hæc si di-  
 xerimus, forte cōgregabimus turbas ampliores, & si sint quidam qui nos sentiant hoc dicen-  
 tes non recte sapere, paucos ostendimus. Quod si fecerimus, non uerba dei, non uerba Chri-  
 sti dicentes, sed nostra, sumus pastores nosmetipsos pascentes, non oues.

Cap. III

Titum. 2

Matth. 23

Matth. 5

Cap. V

Cum autem dixissem quæ diligant isti pastores, dicam & quæ negligant. Viria enim  
 ouium late patent, crassæ oues perpauca sunt, id est, solidæ in cibo ueritatis utentes pascuis  
 bene de munere dei. Sed mali illi pastores non parcut talibus, parum est quod illas lan-  
 guentes & infirmas & errantes & perditas non curant, sed istas fortes & pingues necant,  
 quantum in ipsis est. Illæ uiuent de misericordia dei, tamen quantum ad pastores malos at-  
 tinet, occidunt male uiuendo, malum exemplum præbendo. An frustra dictum est seruo  
 dei eminenti in membris summi pastoris, Circa omnes teipsum bonorum operum præbe  
 exemplū, & forma esto fidelis. Attendit enim ouis etiam fortis plerūque præpositū suū male  
 uiuentem, si declinet oculos à regulis domini, & intendens in hominem, incipit dicere in cor-  
 de suo: Si præpositus meus sic uiuit, ego quid sum qui non faciam quod ille facit? Si fortem  
 ergo occidit ouem, iam de cæteris quid faciet, qui illud quod non ipse fortificauerat, sed for-  
 te aut robustum inuenerat, male uiuendo interfecit? Dico charitati uestre & si uiuunt oues,  
 & fortes sunt oues in uerbo domini, & tenent istud quod audierunt à domino suo: Quæ di-  
 cunt facite, quæ autem faciunt facere nolite: tamen qui in cōspectu domini male uiuit, quan-  
 tum in illo est, eum à quo attenditur occidit. Nō sibi ergo blandiatur, quia ille non est mor-  
 tuus, sed homicida est. Quomodo cum lasciuus homo intendit in mulierem ad concupiscē-  
 dam eā, ecce illa casta est, & mœchus est iste. Domini enim uera & aperta est sententiā, Quis-  
 quis uiderit mulierem ad concupiscendum eam, iam mœchatus est eam in corde suo. Non  
 peruenit ad illius cubiculū, & in interiore iam suo cubili uolutatur. Sic omnis qui male uiuit  
 in conspectu eorum quibus præpositus est, quantum in ipso est, occidit & fortes oues. Qui  
 ergo imitatur præpositum malum, moritur: qui non imitatur, uiuit: tamen quātum ad illos  
 pertinet, ambos occidit. Et quod crassum est interficitis, & oues meas non pascitis.  
 Iam audistis qui diligant, audite qui negligant: Quod infirmum est, non confortastis,  
 & quod tabuit, non corroborastis, & quod contribulatum est, id est, contractum, non colli-  
 gastis,



C gasti, & quod errabat, non reuocasti, & quod periit, non inquisisti, & quod forte fuit, con-  
 fecisti, id est, interfecisti & occidisti. Infirmum quippe animum gerit ouis, quando tenta-  
 tiones sibi profuturas non credit. Pastor enim negligens, quādo sic credit talis infirmus, nō  
 illi dicit, Fili accede ad seruitutem dei, sta in iusticia & timore, & prepara animam tuam ad Eccl. 2  
 tentationem. Qui autem hoc loquitur, confortat infirmum, & ex infirmo facit firmū, ut non  
 eum crediderit prospera huius seculi sperare. Si autem doctus fuerit sperare prospera secu-  
 li, ipsa prosperitate corrumpitur. Superuenientibus autem aduersitatibus sauciatur, aut for-  
 tassis extinguitur. Non ergo cum ædificat super petram qui sic ædificat, sed super arenam.  
 Petra autem Christus est. Christi autem passionē imitandæ sunt, non à Christiano deli-  
 tiæ conquirendæ. Confortatur infirmus cum ei dicitur: Spera quidem tentationes huius se-  
 culi, sed ab omnibus eruet te dominus, si ab illo non recedet retro cor tuum. Nam ad cōfor-  
 tādum cor tuum uenit ille pati, uenit ille mori, uenit ille sputis liniri, uenit spinis coronari, ue-  
 nit opprobria audire, uenit postremo ligno configi: omnia hæc ille pro te, tu nihil pro illo,  
 sed pro te. Quales autem sunt qui timent eos lædere quibus loquuntur, non solum non  
 preparant ad imminentes tentationes, sed etiā promittunt felicitatem huius seculi, quam  
 deus ipsi seculo non promissit. Ille prædicit labores usque in finem uenturos ipsi seculo, & tu  
 uis ab istis laboribus exceptum esse Christianum, quia Christianus est, aliquid plus pas- 2. Tim. 3  
 surus est in seculo. Etenim ait Apostolus, Omnes qui pie uolunt in Christo uiuere, persecu-  
 tionem patientur: tu dicis, Si uolueris in Christo pie uiuere, abundabunt tibi omnia bo-  
 na: & si filios non habes, suscipies, & nutries omnes, nemo tibi moritur. Hæc enim est ædifi-  
 catio tua. Attende quid facias, ubi ponas, super arenam est quod constituis, uenturus est im-  
 ber, influxurus est fluuius, flaturus est uentus, & impingent in domum istam, & cadet, &  
 fiet ruina eius magna. Leua de arena & pone supra petram, in Christo sit quem uis esse  
 Christianum. Attende ad passionē Christi, attende ad illum sine ullo peccato, quæ non psal. 68  
 rapuit, exoluentem, attende scripturam dicentem, Flagellat autem omnem filium quē reci- Heb. 12  
 pit. Et para te flagellari, aut certe non quæras recipi. Flagellat autem omnem, inquit, filium  
 quem recipit. Et tu forte exceptus à passione flagellorum, exceptus à numero filiorum, itā  
 ne, inquires, flagellat omnem filium? Prorus flagellat omnem filiū ut & unicum. Et unicus  
 ille de patris substantia natus, æqualis patri in forma dei, uerbum, per quē facta sunt omnia,  
 non habebat ubi flagellaretur, ad hoc carne indutus est ut sine flagello non esset. Qui er-  
 go flagellat unicum sine peccato, nunquid relinquit adoptiuum cum peccato? In ado-  
 ptionem uocatos nos esse Apostolus dicit, Adoptionem filiorum accepimus, ut essemus Gal. 4  
 uni coheredes, essemus etiam hæreditas. Postula à me, & dabo tibi gentes hæreditatem psal. 2  
 tuam. Exemplum nobis proposuit in passionibus suis. Sed ne futuris tentationibus desi-  
 ciat infirmus, nec falsa spe decipiendus, nec errore frangendus sit, dic ei: Prepara animam Eccl. 2  
 tuam ad tentationem. Sed forte incipit labi, contremiscere, nolle accedere, habes aliud, Fi- 1. Cor. 10  
 delis deus qui non uos sinit tentari supra quā ferre potestis. Illud autem promittere &  
 prædicare futuras passionē, infirmum confirmare est. Timent autem nimium & ex hoc  
 deterrito cum polliceris misericordiam dei, non quia tentationes deerunt, sed quia non per-  
 mittit tentari supra quā potestis ferre, fractum colligare est. Sunt enim qui cum audie-  
 rint uenturas tribulationes, armant se magis, & quasi potum suum sicut paruam sibi eam  
 putant fidelium medicinam, sed quærunt martyrum gloriam. Sunt alij qui auditis futuris  
 & necessario uenientibus tentationibus, quas proprie oportet uenire Christiano, quas ne-  
 mo sentit nisi qui uoluerit esse uere Christianus: imminetibus ergo sibi aliquibus, fran-  
 guntur & claudicant. Affer consolationis alligamentum, alliga quod fractum est, dic, ne ti-  
 meas, nō deerit in tentationibus ille in quem credidisti, gdelis deus, qui non sinit te tentari  
 supra quā potes ferre. Non hoc à me audis, Apostolus dicit, qui etiam dicit, An uultis ex 2. Cor. 13  
 perimentum eius accipere qui in me loquitur Christus? Hoc ergo cū audis ab ipso Christo,  
 P p 4 audis

psal. 79 audis & ab illo pastore qui pascit Israël. Illi enim dictum est, Potabis eos in lachrymis, in mensura. Quod enim ait Apostolus, Non finit tentari uos supra quàm potestis ferre: hoc ait propheta, in mensura. Tantum tu noli dimittere corripientem & adhortantem, terrentem & consolantem, percutientem & sanantem.

cap. VI

Quod infirmum est, inquit, non confortastis, pastoribus malis dicit, pastoribus falsis, pastoribus sua quærentibus, non quæ Iesu Christi, ex cōmodo lactis & lanæ gaudentibus, oues omnino non curantibus. Et quod male habuit, non corroborastis, aut infirmum, id est, non firmum. Nam dicuntur infirmi etiam ægrotantes: sed inter infirmum & ægrotū, id est, male habentē, hoc mihi uidet̃ interesse. Etenim ista fratres quæ distinguere utcūq; conamur, forte & nos possumus maiore diligentia melius distinguere, & alius peritior uel lamine corporis plenior: interim ne fraudemini quātū ad uerba attinet scripturæ quod sentio loquor. Infirmo ne accadat tentatio & eū frangat, timendum est: languens autem iam cupiditate aliqua ægrotat, cupiditate aliqua impeditur ab intranda uia dei, à subeundo iugo Christi. Attendite illos homines uolentes bene uiuere, iam statuentes bene uiuere, & minus idoneos mala pati sicut parati sunt bona facere. Pertinet autem ad Christianam firmitatē, non solum operari quæ bona sunt, sed & tolerare quæ mala sunt. Qui ergo uidentur feruere in operibus bonis, sed imminentes passionēs tolerare nolle, aut non posse, infirmi sunt. Qui uero aliqua cupiditate mala amatores mundi ab ipsis bonis operibus reuocantur, languidi & ægroti iacent, quippe in ipso languore tanquam sine ullis uiribus nihil boni possunt operari. Talis in anima paralyticus ille fuit, quem cum domino inferre non possent qui eum portabant, tectum aperuerunt & deposuerunt: id est, tanquam si in anima hoc uelis facere, ut tectū aperias, & deponas ad dominum animam paralyticam, dissolutam omnibus membris, & uacantem ab omni opere bono, grauata utique peccatis suis, & languentem morbo cupiditatis suæ. Si ergo dissoluta sunt membra omnia, & est paralyticus interior, ut peruenias ad medicum. (Forte enim latet medicus, hoc est, iste uerus intellectus in scripturis occultus est) exponendo quod occultum est, aperi tectum & depone paralyticum. Quod qui non faciunt, & qui facere negligunt, audistis quæ audiant. Quod male habuit non corroborastis, & quod contribulatum est, non colligastis. Iam hinc diximus. Fractus enim erat terrore tentationis. Accidit aliquid unde quod fractum est colligetur consolatio: ne illa, Fidelis deus qui non uos finit tentari supra quàm potestis ferre, sed faciet cum tentatione etiam exitum ut possitis sustinere.

1. Cor. 10

cap. VII

Et quod errabat, non reuocastis: Ecce unde inter hæreticos periclitamur. Et quod errabat, non reuocastis, & quod periit, non inquisistis. Hic inter manus latronum, & dentes luporum furentium utcūq; uersamur. Et pro his periculis nostris ut oretis, oramus. Et contumaces oues quia quærentur errantes, alienas sese à nobis dicunt: errore suo & perditione sua dicunt, quid uos uultis? quid uos queritis? quasi non ipsa causa sit ut quærere eas uelimus. Et quare querimus? Quia errant & pereunt. Si in errore, inquit, sum, si in interitu, quid me uis? quid me queris? Quia in errore es, reuocare uolo: quia peristi, inuenire uolo. Sic uolo errare, sic uolo perire. Sic uis errare, sic uis perire, quanto melius ego nolo. Prorsus audeo dicere: Importunus sum. Audio enim dicentem Apostolum, Prædica uerbum, instā oportune importune. Quibus oportune: quibus importune? Oportune utique uolentibus, importune nolentibus. Prorsus importunus audeo dicere, tu uis errare, tu uis perire, ego nolo. Non uult postremo ille qui me terret. Si uoluero, uide quid dicat, uide quid increpet. Quod errabat non reuocastis, & quod periit non inquisistis. Te magis timebo quàm ipsum. Oportet nos omnes exhiberi ante tribunal Christi. Non te timeo, non enim potes euertere tribunal Christi: reuocabo errantem, requiram perditum. Et si me lanient inquirentem uepres sylvarum, per omnia angusta me coartabo, omnes sepes excutiam, quātum mihi uiriū dñs terrēs donat, omnia peragrabō, reuocabo errantē, requirā pereūtem. Si me pati non uis, noli errare, noli perire. Pa-

1. Timoth. 4

2. Corin. 5

rum



cum est quod doleo te errantem atque pereuntem, timeo ne negligēs te, etiam quod forte est  
 occidam. Vide enim quod sequitur: Et quod forte fuit confecistis. Si neglexero errātem atque  
 pereuntem, & cum qui fortis est delectauit errare atque perire, cupio lucra exteriora, sed ti-  
 meo plus damna interiora. Si indifferentem habuero errorem tuum, attendit qui foris est,  
 putat nihil esse, ire in hæresim, quando aliquod commodum de seculo reluxerit unde imi-  
 tetur. Statim mihi dicit fortis ille periturus, cum te perditum nō requiro: & hac & hac deus  
 est. Quid interest, homines inter se litigantes hoc fecerunt, ubicunque colendus est deus. Si  
 forte illi dixerit aliquis Donatista: Non tibi do filiam meam nisi fueris de parte mea: Ille  
 opus est ut attendat & dicat: Si nihil mali esset esse de parte eorum, non contra illos dicerēt  
 tanta pastores nostri, nō pro illorum errore satagerent. Si ergo cessemus & taceamus, con-  
 traria locuturus est, utique si malum esset esse in parte Donati, loquerentur contra, redargue-  
 rent eos, satagerent lucrari illos, si errant, reuocarent illos. Non frustra ergo cum iam dixis-  
 set superius: Quod crassum est, interfecistis: Ipsa est enim repetita sententia, nisi ex his quæ  
 supra dixit nata esset. Quod errabat, non reuocastis: & quod perijt, non requisistis: & hoc fa-  
 ciendo, quod forte est interfecistis. Proinde audi quid sequitur de ista negligentia cap. viii  
Ezech. 34  
 malorum, imò falsorum pastorum. Et dispersæ sunt oves meæ, eo quod non sit pastor, & fa-  
 ctæ sunt in comesturam omnibus bestiis agri. Furantur lupi insidiantes, rapiunt leones fre-  
 mentes, cum oves non hærent pastori. Nam præsens est pastor, sed male agentibus non  
 est pastor: & inhærent pastoribus, seipsos, non oves pascentibus, & latalis error consequi-  
 tur. Eunt in bestias deprædantes se, & de illarum morte se satiari cupientes. Tales enim  
 sunt oēs, qui gaudent de erroribus alienis, bestiae sunt pastæ moribus dispersarū. Et disper-  
 sæ sunt, & errauerunt oves meæ in omnem montem, & in omnem collem altum. Viam  
 montibus & collibus, tumor terrenus, & superbia seculi extulit. Superbia Donati fecit sibi  
 partem subsequentem, cum Parmenianus illius confirmauit errorem. Ille mons est, ille col-  
 lis est. Sic omnis cuiuslibet autor erroris terrena elatione intumescens, promittit ouibus re-  
 quietem, bona pascua, & aliquando inueniunt ibi oves pascua de pluuiā diei, non de duricia  
 montis: Habent enim & ipsi scripturas, habent sacramenta: Non sunt ista montium, sed cū  
 inueniuntur in montibus, male remanent in montibus. Errando enim in montibus, & in  
 collibus deserendo gregem, deserunt unitatē, deserit unitas cohortes aduersus leones & lu-  
 pos. Inde ergo reuocet deus ipse: reuocet modo, audietis ipsum reuocantem, Errauerunt,  
 inquit, oves meæ in omnem montem, & in omnem collem altum, hoc est, in omnem tumor-  
 rem terrenæ superbiæ. Sunt enim & montes boni, Leuaui oculos meos in montes, unde ue-  
 niet auxiliū mihi. Et uide quia non tibi in montibus spes est: Auxiliū, inquit, meum à do-  
 mino, qui fecit cælum & terram. Noli putare iniuriam facere te montibus sanctis, quando  
 dixeris: Auxiliū meū non in montibus, sed à dñō qui fecit cælū & terram. Ipsi montes hoc  
 tibi clamant. Mons erat qui clamabat: Audio in uobis schismata fieri, ut unusquisque ue-  
 strum dicat, Ego sum Pauli, ego Apollo, ego Cepha, ego autem Christi. Leua oculos in  
 istum montem, audi quid dicat, & in ipso remaneas. Audi etiam quid sequatur: Nunquid  
 Paulus crucifixus est pro uobis? Ergo posteaquam leuaueris oculos tuos in montes, unde  
 uenit auxiliū tibi, id est, in autores scripturarum diuinarum, attende omnibus medullis  
 suis, omnibus ossibus clamantem. Domine quis similis tibi? ut securus sine ulla iniura mon-  
 tium dicas: Auxiliū meū à domino qui fecit cælum & terram. Non solū tūc tibi non suc-  
 censebunt montes, sed tunc amabunt, tunc magis fauebunt: si in ipsis spem tuam posueris,  
 contristabuntur. Angelus multa diuina & mira ostēdens homini, ab homine adorabatur,  
 tanquam leuantem oculos in montem, ait ille se reuocans ad dñm, Noli, inquit, facere, illum  
 adora: nam ego conseruus tuus sum, & fratrum tuorum. In omnem montem, & in omnem  
 collem, & in oēm faciem terræ dispersæ sunt, & in omnē faciē terræ lucent. Quid est, in oēm  
 faciem terræ dispersæ sunt? Omnia terrena sectantes, ea quæ in faciem terræ lucent, ipsa  
 amāt

Psal. 120

1. Cor. 1

Psal. 82

Psal. 120

Apoc. 22

amant, ipsa diligunt. Nolunt mori, ut abscondatur uita ipsorum in Christo super omnem faciem terræ & dilectionem terrenorum. Et quia errantes oues sunt super omnem faciem terræ, non omnes hæretici per totam faciem terræ, sed tamen hæretici per totam faciem terræ, alij hic, alij ibi, nusquam tamen defunt, ipsi se non nouerunt. Alia secta in Africa, alia hæresis in oriente, alia in Ægypto, alia in Mesopotamia. Verbi gratia: Diuersis locis sunt diuersæ, sed una mater superbia omnes genuit, sicut una mater nostra catholica omnes Christianos fideles toto orbe diffusos. Non ergo mirum si superbia parit dissensionem, charitas unionem: tamen ipsa catholica mater & ipse pastor in ea ubiq; querit errantes, confortat infirmos, curat languidos, alligat contractos, alios ab istis, alios ab illis non se inuicem scientibus. Sed tamen illas omnes nouit, quia cum omnibus fusa est. Verbi gratia: Est in Africa pars Donati, Eunomiani non sunt in Africa, sed cum parte Donati est hic catholica. Sūt in oriente Eunomiani, ibi autem non est pars Donati, sed ibi est catholica. Illa sic est tanquam uitis crescendo ubiq; diffusa, illi sunt tanquam sarmenta inutilia agricolæ falce præcisa, merito sterilitatis suæ, ut uitis putaretur, non amputaretur. Sarmenta ergo illa ubi præcisa sunt, ibi remanserunt. Vitis autem crescens per omnia, & sarmenta sua nouit quæ in illa manserunt, & iuxta se, quæ de illa præcisa sunt. Inde tamen reuocat errantes, quia & de ramis fractis dicit Apostolus, Potens est enim deus iterum inserere illos, siue dicas oues errantes à grege, siue dicas ligna præcisa de uite. Nec ad reuocandas oues, nec rursus ad inferenda ligna minus idoneus est deus, quia ille summus pastor, ille uerus agricola. Et in omnem faciem terræ dispersæ sunt, & non fuit qui reuocaret, sed in malis illis pastoribus nõ fuit homo qui requireret.

Propterea pastores audite uerbum domini, Viuo ego dicit dominus deus. Videte unde cœpit. Tanquam iuratio est dei testificatio uitæ: Viuo ego dicit dominus, mortui sunt pastores, sed secutæ oues: Viuit dominus. Viuo ego dicit dominus deus. Qui autem pastores mortui? Sua quærentes, non quæ Iesu Christi. Erunt ergo & inuenientur pastores, non quæ sua sunt quærentes, sed quæ Iesu Christi: Erunt planè, & inuenientur planè, nec defunt, nec deerunt. Videamus ergo quid dicat dominus, qui se dicit uiuere, utrum dicat ablaturum se oues à pastoribus malis, pascentibus seipsos, non oues, & daturum se eas pastoribus bonis, pascentibus oues, non se. Viuo ego dicit dominus deus, quia pro eo quod factæ sunt oues meæ in commesturam omnibus bestiis campi, eo quod non esset pastor. Rursus pastorem dicit, & paulo ante, & nunc non ait ex eo quod non sint pastores. Ouibus enim talibus male errantibus, male pereuntibus non est pastor, & si præsens est pastor: quia & cum præsens est lux, non est cæcis lux. Et non quasi erunt pastores oues meas, & pauerunt pastores seipsos, oues autem meas non pauerunt. Propter istud pastores audite uerbum domini. Sed qui pastores audite? Dicit dominus deus: Ecce ego super pastores, & requiram oues meas de manibus eorum. Audite & discite oues dei: à malis pastoribus inquit deus oues suas, & de manibus eorum inquit morietur eorum. Dicit enim alio in loco per eundem prophetam, Fili hominis speculatorem de di te domi Israël, & audies ex ore meo sermones, & præmonstrabis eis ex me. In eo cum dixero peccatori: Morte morieris & non fuerit locutus, ut impius caueat à uia sua, ille facinorosus in suo facinore morietur, sanguinem autem eius de manu tua requiram. Tu autem si prænuiciaueris facinoroso uiam eius ut auertatur ab ea, & non fuerit auersus à uia sua, ille in facinore suo morietur, & tu animam tuam liberabis. Quid est fratres? Videtis quod sit tacere periculosum: moritur ille, & recte morietur, in impietate sua & in peccato suo moritur: Negligentia enim eius occidit eum. Nam pastorem inueniet uiuentem qui ait: Viuo ego dicit dominus deus: sed cum fuerit negligens, non admonente illo qui ad hoc est præpositus & speculator ut admoneat, & ille iuste morietur, & ille iuste damnabitur. Si autem dixeris, inquit, impio: morte morieris, cui ego fuero gladium cominatus, & ille neglexerit uitare imminens gladium, & uenerit gladius & interfecerit eum, ille in peccato suo morietur, tu autem animam tuam liberaisti: propter hoc ad nos



c ad nos quidem pertinet non tacere: ad uos autem & si taceamus, de scripturis sanctis uerba pastoris audire. Videamus ergo, quia sic proposueram, utrum auferat oues à

Cap. X

pastoribus malis, & det eas pastoribus bonis. Video eum auferentē oues à pastoribus malis. Hoc enim dicit dominus: Ecce ego ipse super pastores, & inquiram oues meas de manibus eorum, & auertam ab eis ut nō pascant oues meas, nec pascant amplius pastores semet ipsos. Cum enim dico, pascant oues meas, illi non pascunt oues meas. Auertam ut non pascant oues meas. Quomodo auertit ut non pascant oues ipsius? Quæ dicunt facite, quæ autem faciunt, facere nolite: tanquā diceret, mea dicunt, sua faciunt. Si diceret: Facite securi quod faciunt, ipsos damnabo male uiuentes, uobis autem parcam qui securi estis prepositos uelut stros. Si hoc diceret, dederat malis pastoribus pascendas oues, pascentibus non oues, sed se. Sed quoniam terret non solum cæcum ducentem, sed & cæcum sequentem: Neque enim ait, cedit in foueam ducens, & non cedit sequens, sed, Cæcus cæcum ducens, ambo in foueam cadunt. Admonuit oues & ait, Quæ dicunt, facite, quæ autem faciunt, facere nolite. Cū enim non facitis quæ faciunt mali pastores, non uos ipsi pascunt: cum facitis autem quæ dicunt, ego uos pasco: Mea enim dicunt, & non faciunt. Securi, inquit, sequimur episcopos non stros. Dicunt hoc sæpe hæretici, quando ueritate manifestissima conuincuntur: Nōne oues sumus? illi de nobis reddent rationem. Reddent planè malam de morte uestra: De morte ouis malignæ reddet malus pastor malam rationem. Nunquid ideo uiuit ouis, quia designatur pellis ipsius? Increpatur pastor, quia neglexit ouem errantem, & propterea in fauores lupi irruit ut deuoraretur. Quid illi prodest, quia affert pellem signatam? Paterfamilias uita ouis inquit. Sed ecce malus pastor attulit pellem, reddat de pelle rationē. Forte mentiturus est. Videat de super qui postea iudicat: Cui uerba ille ficta numerat, cogitationes inspicit. Reddat pastor malus rationem de pelle ouis mortuæ. Clamaui ei uerba tua, & sequi noluit, dedi operam ut à grege non aberraret, & non obtemperauit. Planè si hoc dicat, & uerum dicit, nouit autem ille utrum uerum dicat, reddit bonam rationem de oue mala. Si autem inspiciat deus quia neglexerit errantem, quia non quæsiuit pereuntem, quid prodest quod inuenit pellem quam referret? Ipsam reuocaret ne pellem mortuæ demonstraret. Si ergo non bonam rationem reddit, quia non quæsiuit errantem, qualem reddet qui fecit errantem? Hoc est quod dico: Si in catholica constitutus piscopus non bonam rationem reddit de oue, si non quæserit errantem de grege dei: qualem rationem redditurus est hæreticus, qui nō solum non reuocauit ab errore, sed etiam compulit in errorem? Sed uideamus, ut dixi, quomodo reuocet deus oues à pastoribus malis: Iam cōmemoraui, Quæ dicunt, facite, quæ autem faciunt, facere nolite. Et non uos ipsi pascunt, sed deus, quia uelint nolint pastores ut perueniant ad lac & lanam, uerba dei dicturi sunt. Qui prædicās nō furandū, furaris, dicit Apostolus ad eos qui bona dicunt, & mala faciunt. Tu audi prædicantem: ne fureris, noli imitari furantem. Si furantem imitari uolueris, ipse te pascet facto suo, sed uenenum subministrat, non cibum. Si uero hoc ab illo audis quod non dicit de suo, sed de deo, non potest quidem uua de spinis colligi: nam & ipsius domini sententiā est, Nemo colligit de spinis uuam, & de tribulis ficus. Nec ideo tamen quasi calumniaris domino tuo & dicas: Domine noluiisti me, quia fieri non potest, de spinis legere uuam. Et rursus dixisti mihi de quibusdam: Quæ dicunt, facite, quæ autem faciunt, facere nolite. Nempe mala facientes utique spinæ sunt. Quomodo uis de spinis me colligere uuam uerbi? Respondebit: Non est illa uua spinarum, sed aliquando increscens sarmentum implicat se in sepem, & pendet uua inter densa spinarum, sed non surgit de radice spinarum. Tu si esurieris, & aliud non habes unde sumas, caute manum mitte ne lacereris à spinis, id est, ne facta imitatoris malorum, & lege uuam inter spinas pendentem, sed de uite nascentem. Ad te perueniet botri alimentum, spinis seruetur ignis tormentum.

Matth. 23

Matth. 15

Rom. 2

Matth. 7

Cap. XI

Ezech. 34

Psalm. 13

Extraham, inquit, oues meas de ore eorum & de manibus eorum, & non erunt eis ad huc in cibum. Hoc & in psalmo dicitur, Nōne cognoscent omnes qui operantur iniquitatē, qui deuorant

deorant populum meum ut cibum panis: Et non erunt eis adhuc in cibum: quoniam hæc dicit dñs deus: Ecce ego ipse abstuli à malis pastoribus oues, monēdo, ut dixi, ne quod faciūt faciant, id est, ne quod faciunt mali pastores, faciant incaute negligentes oues. Et quid ait: Cui dat quod illis abstulit? Forte bonis pastoribus. Nō hoc sequitur. Et quid dicemus fratres, nōne sunt pastores boni? Nōne alio loco scripturarū dicitur: Et cōstituam eis pastores secundum cor meum, & pascant eas scientia & disciplina: Quomodo ergo oues quas malis pastoribus tollit, nō dat bonis, sed tanq̃ omnino nusq̃ remanserint boni, dicit, Ego pascā? Petro dixerat, Pisce oues meas. Quid ergo faciemus? Cum Petro cōmendantur oues, non ibi dixit dominus, Ego pascam oues meas, non tu: sed Petre, amas me, pascce oues meas. An forte quia modo non inuenitur Petrus? Iam enim assumptus est in requiem apostolorum & martyrum. Non est cui dicat securus dominus ouium, Pisce oues meas, & quodammodo quasi necessitate descendit ad officiū pascendi oues suas, non habens quibus cōmendet, nec tamen deferens. Hoc enim uidetur sequi. Hæc dicit dominus deus: Ecce ego ipse. Vi-  
 deamus, Qui pascis Israël, intende, qui deducis tanq̃ oues Ioseph populum in Ægypto cō-  
 stitutū. Iam diffusus in gentibus Israël, ipse est Ioseph. Nostis enim quia migravit Ioseph in Ægyptum, uendentibus fratribus factum est. Vendiderunt Christum Iudæi sine causa, & inter apostolos ipse Iudas uenditor fuit. Cœpit esse Christus in gentibus, ibi honoratus est, ibi creuit populus eius, non eū deseruit pastor eius. Excita, inquit, potentiam tuam & ueni, ut saluos facias nos Plene facit & faciet. Ait enim, Ecce ego ipse, & inquiram oues meas, & uisitato eas sicut uisitat pastor gregem suum. Non curauerunt mali pastores: non enim suo sanguine redemerunt. Sicut uisitat, inquit, pastor gregem suum in die. In qua enim die? Cum fuerit nimbus & nubes, id est, in pluuia & nebula. Pluuia & nebula error seculi huius, caligo magna surgens de cupiditatibus hominum, & nebula ualida cōtegens terram: & difficile est, ut non errent oues in ista nebula, sed pastor non deserit eas, inquit, eas, penetrat nebulam oculis acutissimis, non impeditur caligine nubium, uidet undiq̃, errantem reuocat, tantum ut fiat quod dicit in euangelio: Quæ sunt oues meæ, audiunt uocē meam, & sequuntur me. In medio ouium disperfarum, sic inquiram oues meas, & educam eas ab omni loco quo dispersæ sunt. Illic in die nubis & nimbi, quando difficile est eas inueniri, tunc ego inueniam. Crassa nebula est, pinguis nimbus est, oculos enim eius nihil latet. Et educam eas de gentibus, & colligam eas de regionibus, & inducā eas in terrā earū, & pascam eas super montes Israël. Constituit montes Israël, autores scripturarum diuinarū: ibi pascite, ut secure pascatis: quicquid inde audieritis, hoc uobis bene sapiat: quicquid extra est, respuite, ne erretis in nebula. Audite uocem pastoris: Colligite uos ad montes scripturæ sanctæ, ibi sunt delicta cordis uestri, ibi nihil uenenosum, nihil alienum, uberrima pascua sunt, uos tantum sanè uenite, sanè pascimini. In montibus Israël & in riuis & in omni habitatione terræ. A montibus enim quos ostendimus, manauerunt riui prædicationis euangelicæ, cum in omnem terram exiuit sonus eorum. Et facta est omnis habitatio terræ ad pascendas oues lata atq̃ secunda. In pascuis bonis pascam eas, & in montibus altis Israël: & erunt stabula earum illic, hoc est, ubi requiescant, ubi dicant: Bene est, uerum est, manifestum est, non fallimur. In gloria dei requiescent tanq̃ in stabulis illis & dormient, hoc est, requiescent in delictis bonis, & in pascua pingui pascetur super montes Israël. Iam dixi, montes Israël, montes bonos, quō leuamus oculos, ut inde nobis ueniat auxilium nostrum à domino qui fecit cœlum & terrā. Ideo ne uel in montibus bonis esset spes nostra, cum dixisset: Pascam oues meas super montes Israël: rursus ne tu spem poneres in montibus, subiicit statim: Ego pascam oues meas. Leua tu oculos tuos in montes, unde ueniet auxilium tibi: sed attende dicentem: Ego pascam. Auxilium enim tuum à domino qui fecit cœlum & terram. Et ego requiescere faciam eas, dicit dominus deus. Sed ut requiescere faciat, quid primo curauit? Quod enim primo curauit, posterius dicit: Hæc dicit dominus deus: Quod perijt, requiram, quod errauit, reuocabo, & quod cōminutum est, colligabo, & quod exanime est, cōfortabo, & quod pingue est & forte,



A & forte, custodiam. Quod non faciebant mali pastores, seiplos pascentes, non oues. Nō, ait dominus, constituam alios bonos pastores qui faciant hæc, sed ego, inquit, pascam oues meas, nulli committam. Securi uos fratres, securæ uos oues: nobis uidetur timendum, quasi desit pastor bonus. Et addit sic, Et pascam eas cum iudicio. Vide, quia sic solus Cap. XII

pascit cū iudicio pascēs. Quis em̄ homo iudicat de homine? Temerarijs iudicijs plena sunt omnia. De quo desperauimus, subito conuertitur & fit optimus: de quo multum præsumpsimus, subito deficit & fit pessimus. Nec timor noster certus est, nec amor noster certus est. Quid sit hodie quisq; homo, uix nouit ipse homo: tamen utcūq; ipse quid hodie, quid autem cras, nec ipse. Pascit ergo ille cū iudicio, dispartiens propria proprijs: hæc istis, illa illis, debita eis quibus debetur hoc aut illud, Nouit enim quid agat, cum iudicio pascit, quos iudicatus redemit. Pascit ergo ipse cum iudicio. In propheta enim Hieremia clamauit qui- Hier. 17  
dam, Perdix congregauit quæ non peperit, faciens diuitias suas non cum iudicio. Contra istum perdicem facientem diuitias suas non cum iudicio, pascit iste pastor cum iudicio. Quare ille sine iudicio? Quia cōgregauit, quæ non peperit. Quare iste cū iudicio? Quia fo-  
uet quod peperit. De pastore tamen bono loquitur. Pastores boni aut non sunt, aut latent. Si non sunt, quid agimus? Si latent, quare de eis tacetur? Perdix quidem illa à quibusdam maioribus, & ante nos scripturas tractantibus diabolus intellectus est, congregans quæ nō peperit. Non enim ille creator, sed deceptor est, faciens diuitias suas non cum iudicio. Non enim ad eum pertinet, quis isto aut illo modo erret: omnes errantes uult quibuslibet erroribus. Quam diuersæ sunt hæreses, & diuersi errores, ille in omnibus uult errare homines. Non dicit diabolus, Donatistæ sint, & non Ariani: siue illi sint, siue isti, ad eum pertinet congregantem sine iudicio. Idola, inquit, adoret, meus est: in Iudæorū superstitione remaneat, meus est: deserta unitate in illam uel in illam hæresim pergat, meus est. Congregat ergo sine iudicio faciens diuitias suas. Sed quid sequitur, In dimidio dierum eius derelinquet eas, & in nouissimis suis erit inspiens? Venit ille congregans undiq; oues suas in dimidio dierū eius, priusquam sperabat, antequam putabat, derelinquet eas, & erit inspiens in nouissimis eius. Quare in primis suis sapiens erat: ut in nouissimis suis sit inspiens. Audite fratres, Dicitur aliquando in scripturis sapientia pro stultitia abusione uerbi, non proprietate. Vnde etiam dicitur, Vbi sapiēs, ubi scriba, ubi conquisitor huius seculi? Nōne stultam fecit deus Esa. 33  
sapientiam huius mundi? Et iste perdix, idem draco, idem serpens sapiens erat, quādo Adā per Euam decepit: uerum dicere putatus est, bonum consilium dare existimatus est, contra deum creditus est. Quod uero dicitur sapientia abusiue uerbi & in malo, consuetudine quidam scripturarum nostrarum: nam quemadmodum loquantur autores mundi, quid ad nos? Habes in eodem libro, Erat ibi serpens sapientior omnibus bestijs. Iste sapientior Gen. 3  
omnibus bestijs, astutus & acutus ad decipiendum agnoscitur, postea non ei creditur. Et dicitur ei, Renunciamus tibi, sufficiat quod incautos primo decepisti. Ergo ita erit in nouissimis suis inspiens: apertæ erunt fraudes eius, & ideo iam fraudes non erunt. In nouissimis suis erit inspiens, qui congregauit quæ non peperit, & fecit diuitias suas non cum iudicio. Pascit contra illum redemptor noster cum iudicio. Existat & aliquis hæreticus, & si non frater diaboli, certe adiutor & filius, & ipsum dixerim perdicem contentiosum animal, Hoc enim animal, ut aucupes norunt, etiam contendendi studio capitur. Contendunt isti contra ueritatem, & contenderunt ex quo se diuiserunt. Modo dicunt, contendere uolumus, quia iam capti sunt. Nō habet quod dicat, Nolo contendere. O capte, aliquando tu eras qui primis temporibus seditionis tuæ traditores arguebas, innocentes damnabas, iudicium imperatoris quærebas, iudicio episcoporum non sentiebas, uictus totiens appellabas, apud ipsum imperatorem studiosissime litigabas, congregabas quæ non peperisti: ubi est nunc ceruix tua, ubi lingua tua, ubi sibilus tuus? Certe in nouissimis tuis factus es inspiens, pauisti sine iudicio. Non enim uerum uis, uel de errore tuo, uel de ueritate iudicare, pascit contra te Christus cum iudicio, discernit oues suas ab ouibus non suis. Quæ sunt oues meæ, inquit, Qq audi

audiunt uocem meam & sequuntur me.

Hic inuenio omnes pastores bonos

in uno pastore, Non enim uere pastores boni defunt, sed in uno sunt. Multi sunt, qui diuisi sunt. Hic unus prædicatur, quia unitas commendatur. Neque enim uere modo ideo tacentur pastores, & dicitur pastor, quia non inuenit dominus cui commendet oues suas: tunc autem ideo commendauit, quia Petrum inuenit, imò uero & in ipso Petro unitatem cõmendauit, multi erant apostoli, & uni dicitur, Pascue oues meas. Absit ut defint modo boni pastores, absit à nobis ut defint, absit à misericordia ipsius ut nō eos gignat atque constituat. Vtique si sunt bonæ oues, sunt & boni pastores: nam de bonis ouibus fiunt boni pastores. Sed omnes boni pastores in uno sunt, unum sunt. Illi pascunt, Christus pascit. Non enim uocem suam dicunt amici sponsi, sed gaudio gaudent propter uocem sponsi. Idem ergo ipse pascit cum ipsi pascunt: & dicit, Ego pascō: quia in illis uox ipsius, in illis charitas ipsius. Nam & ipsum Petrum cui commendauit oues suas, quasi alter alteri unum secum facere uolebat, ut sic ei oues commendaret, ut esset ille caput, ille figuram corporis portaret, id est, ecclesiæ, & tanquā sponsus & sponsa essent duo in carne una. Proinde ut oues commendaret, quid illi prius dicit, ne illi tanquam alteri commendaret? Petre amas me? Et respondit, Amo. Et iterum, Amas me? Et respondit, Amo. Et tertio, Amas me? Et respondit, Amo. Confirmat trinitatem, ut consolidet unitatem. Ipse ergo pascit unus in his, & hi in uno, & tacetur de pastoribus: sed non tacetur, Gloriantur pastores, sed qui gloriatur in domino gloriatur. Hoc est Christum pascere, hoc est Christo pascere, præter Christum sibi non pascere. Neque enim uere inopia pastorum tanquā ista futura mala tempora propheta prædiceret, dixit, Ego pascam oues meas, nō habeo cui commendem. Etiam cum ipse Petrus erat, & cum adhuc ipsi apostoli erant in hac carne & in hac uita, tunc ait ille unus, in quo uno omnes unum, Habeo alias oues quæ non sunt de hoc ouili, oportet me & eas adducere, ut sit unus grex & unus pastor. Sint ergo omnes in pastore uno, & dicant uocem pastoris unam, quam audiant oues & sequantur pastorem suum, & non illum, aut illum, sed unum: & omnes in illo unam uocem dicant, diuersas uoces non habeant. Obsecro uos fratres, ut id ipsum dicatis omnes, & non sint in uobis schismata. Hanc uocem eliquatam ab omni schismate, purgatam ab omni hæresi audiant oues, & sequantur pastorem suum dicentem, Quæ sunt oues meæ, uocē meam audiūt, & sequuntur me. Nam uis nosse hæretice quàm non habeas uocem pastoris, & periculose te sequatur oues tectum indumento ouium, & intus lupum rapacem, audiant uocem tuam. Videamus an Christi sit, ecclesiā quærit infirma ouis à grege aberrans, nesciens ubi sit grex, quærit quod se aggreget, quod intret ad eum. Vocem audiamus an Christi sit: audiamus utrum agni sit, an perdiciis. Ouis dei gregem suum quærit. Puta ouem de oriente uenisse in Africam, quærit gregem suum, incurrit in te, incurrit in basilicam tuam, intrare uult, commoueris ignota facie, uel tu, uel minister tuus, stans uel sedens ad ostium, interrogat ouem quærētem gregem suum, imò gregem dei cum grege suo intrare uult, ubi eum esse putat, quæris Paganus sit, an Christianus? Respondet, Christianus. Ouis est enim dei. Quæris ne forte catechumenus sit & irruat in sacramentis? Respondet, Fidelis. Quæris cuius communionis sit. Respondet, Catholicus. Christianum fidelem catholicum reprobas: qui sunt intus quos tenes? Ita uero proijcere reprobos. A te reprobatus, à Christo probatur. Utinam & illi qui sunt apud te cognoscant te, & in dimidio dierum tuorum derelinquant te. Quidam fratres nostri hesternodie ierunt ad basilicam eorum, & si ad malos fratres, tamen ad fratres. Attendite fratres mei, quid intersit inter fiduciam ueritatis & timorem falsitatis. Quando aliquos eorum in hoc populo agnoscitis, quomodo gaudetis, quia in uobis ille est qui quærit quod perierat? Sugeretur aliquando uobis, Audiet & discedet. Et uos audiat & discedat. Audiet & irridebit. Audiat & irrideat. Aliquando sapiet, aliquando agnoscet, aliquando relinquit à populo suo, remanet cū corde suo, renūtiat errori suo, gratias agat deo suo. Illi autem quid? Quid estis? Christiani sumus. Nō, sed exploratores. Et illi, Catholici sumus. Conati sūt iniuriare meliori cōsilio. Pœnitet eos, atque utinā sic pœniteat & ibi remanere, quomodo pœnituit eos qui ingressi sunt



A sunt iniuriare. Tamē quos proiecerūt Christianos, fideles: catholicos, quos tenuerūt, nolo  
 dicere, quos proiecerunt uideo, quos tenuerunt ipsi dicant. Dicant ergo uocem suam, Vide/  
 amus an Christi sit uox, an pastoris sit uox, quam sequantur oues: siue per bonum sit uox  
 ista, siue per malū hominem, utrū pastoris sit uox, attendamus. Quærit infirmus eccle ca. XIII  
 siam, quærit errans ecclesiam, tu quid dicis? Partis Donati est ecclesia. Ego uocem pasto/  
 ris inquirō. Lege hoc mihi de propheta, lege mihi de psalmo, recita de lege, recita de euange/  
 gelio, recita de Apostolo. Inde ego recito ecclesiam toto orbe diffusam & dominum dicen/  
 tem, Quæ sunt oues meæ, uocem meam audiunt, & sequuntur me. Quæ est uox pastoris. Ioan. 14  
 Et prædicari in nomine eius pœnitentiam & remissionem peccatorum per omnes gētes, in/ Lucæ 24  
 cipientibus ab Hierusalem. Ecce uox pastoris, agnosce eam, & sequere si ouis es. Sed illi co/  
 dices tradiderunt, & illi thus idolis posuerunt, ille & ille. Quid ad me de illo & de illo? Si fece/  
 runt, non sunt pastores: tu uocem pastoris edicto, quia nec de illis uocem pastoris annun/  
 cias. Tu accusas non euangelium, tu accusas non prophetam, non Apostolum, de quo mi/  
 hi uox ista loquit, de illo credo, alijs nō credo. Sed acta pferes, acta pfero. Credamus tuis,  
 crede & tu meis. Non credo tuis, noli credere meis. Auferantur chartæ humanæ, sonent uo/  
 ces diuinæ. A de mihi unā scripturæ uocem pro parte Donati, audi innumerabiles pro or/  
 be terrarum. Quis eas numerat? Quis eas terminat? Tamen ut pauca commemoremus, le/  
 gem attende, primum dei testamentū, In semine tuo benedicentur omnes gentes. Et in psal Gen. 22  
 mo, Postula à me, & dabo tibi gentes hæreditatem tuam, & possessionem tuam terminos Psal. 2  
 terræ. Commemorabuntur & conuertentur ad dominum omnes fines terræ: & adorabunt  
 in conspectu eius uniuersæ patriæ. Quoniam ipsius est regnum, & ipse dominabitur gen/  
 tium. Cantate domino canticum nouum, cantate domino omnis terra. Et adorabunt cum  
 omnes reges, omnes gentes seruiant illi. Quis enumerare sufficiat? Prope omnis pagina ni/  
 hil aliud sonat quàm Christū & ecclesiam toto orbe diffusam. Exeat mihi una uox pro par/  
 te Donati. Quid magnum est quod quæro? Ecclesiam toto orbe diffusam perituram esse di/  
 cunt. Peritura prædicta est tot testimonijs mansura? Nec una uox ista per legem, per pro/  
 phetas, per cantica pastoris est. Neque enim illi uerum dicere sine uerbo dei potuerunt, Matth. 8  
 quod est Christus. Audi uocem uerbi, & ex ore uerbi: miratus fidem Centurionis, Amē in/  
 quit, dico uobis, non inueni tantam fidem in Israël. Propterea dico uobis, quia multi ab ori/  
 ente & occidente uenient, & recumbent cum Abraam & Isaac & Iacob in regno celorum.  
 Ab oriente multi & occidente uenient: ecce ecclesia Christi, ecce grex Christi: tu uide si ouis  
 es. Non enim te latet grex qui ubiq; est. Non habebis, quem non uis esse pastorem tuum:  
 non habebis, inquam, quod respondeas iudici tuo, Nesciui, non uidi, nō audiui. Quid est Psal. 18  
 quod non scisti? Nec est qui se abscondat à calore eius. Quid est quod non uidisti? Viderūt  
 omnes fines terræ salutare dei nostri. Quid est quod non audisti? In omnem terram exiuit  
 sonus eorum, & in fines orbis terræ uerba eorum. Sed recte à uobis quæritur uox Christi,  
 uox pastoris, quam oues audiant & sequantur. Non inuenitis quid dicatis, uocem pastoris  
 non habetis. Audite & sequimini. Dimittite uocem lupi, sequimini uocem pastoris, aut da/  
 te uocem pastoris. Damus, inquiunt, Audiamus. Damus & nos uocem pa/ Cap. xv  
 storis. Audiamus, In canticis, inquiunt, canticorum loquitur sponsa ad sponsum, ecclesia ad  
 Christum. Nouimus cantica canticorū, sancta cantica, amatoria cantica: sancti amoris, san/  
 ctæ charitatis, sanctæ dulcedinis. Planè uolo inde audire uocem pastoris, uocem dulcissimi  
 sponsi ecclesiæ. Quid habes? Audiamus. Sponsa, inquiunt, dicit ad sponsum, Annuncia mi/ Can. 1  
 hi quæ dilexit anima mea, ubi pascis, ubi cubas? Et ille, inquiunt, respondet, In meridie. Ma/  
 nifesta tibi testimonia proferebam, non erat quemadmodum aliter interpretareris. Postu/  
 la à me, & dabo tibi gentes hæreditatem tuam, & possessionem tuam terminos terræ. Com/  
 memorabuntur & conuertentur ad dominum uniuersi fines terræ. Quid est quod mihi de  
 canticis canticorum profers, quod forte nō intelligis? Etenim illa cantica canticorū anigma/  
 ta sunt, paucis intelligentibus nota sunt, paucis pulsantibus aperiuntur. Tene, & deuote acci

pe aperta, ut merito tibi pandantur obscura. Quomodo eris penetrator obscurorum, con-  
 temptor manifestorum? Ecce tamen ut possumus fratres, hæc uerba discutiamus: aderit do-  
 minus ut uideatis ibi sanum intellectum. Primo, quod ab omnibus & imperitis facillime in-  
 dicatur, uerba ipsa male distinguunt. Nunc audietis, nunc probabitis. Etenim sic se habet te-  
 xtus ipse lectionis. Sponsa loquitur ad sponsum, Annuncia mihi quem dilexit anima mea,  
 ubi pascis, ubi cubas? Quod sponsa sponso dicat, quod ecclesia Christo dicat, nec nos dubi-  
 tamus nec illi. Sed omnia uerba sponsæ audi. Quare uerbum quod adhuc sponsæ est, uis tri-  
 buere iam sponso? Omnia quæ dicit sponsa, dicat, tunc respondebit sponsum. Audi eiden-  
 tius: hac distinctione quam dicturus sum, non inuenies aliquid plus. Annuncia mihi quem  
 dilexit anima mea, ubi pascis, ubi cubas in meridie? Ipsa adhuc dicit, ubi pascis, ubi cubas in  
 meridie? Et uide quia ipsa adhuc dicit. Sequitur enim, Ne forte fiam sicut operta super gre-  
 ges sodalium tuorum. Puto omnes peritos imperitosque discernere genus masculinū & fœ-  
 mininum. Operta quæro, cuius generis sit, ab omni homine quæro, masculini est, an fœ-  
 minini? Annūcia, inquit, mihi quæ dilexit anima mea: quæ, cū dicit, masculū alloquitur, spō-  
 sū alloquitur. Quia uere fœmina uirū alloquitur, cōsequentia uerba indicant. Annūcia mihi,  
 ubi pascis, ubi cubas in meridie? ne forte fiā sicut operta. Audi tu operta, ut fiant tibi hæc a-  
 pta. Annūcia mihi quæ dilexit anima mea, ubi pascis, ubi cubas in meridie? ne forte fiā sicut  
 operta super greges sodalium tuorum. Hucusque uerba sponsæ. Iam incipiunt uerba sponsi  
 de manifesto, Nisi cognoueris temetipsā. Agnosce euidenter fœminā. Temetipsam o pul-  
 chra inter mulieres. Nisi cognoueris temetipsam. O pulchra inter mulieres, exi tu in uesti-  
 gijs gregum, & pasc hædos tuos in tabernaculis pastorum, nō in tabernaculo pastoris. Vi-  
 de quomodo comminetur spōsus: uide quæadmodum in periculo, quamuis ille dulcis abstu-  
 lit de medio blandimenta. Quam blande illa: annuncia mihi quem dilexit anima mea, ubi  
 pascis, ubi cubas in meridie? Veniet enim dies medius, quando ad umbracula concurrāt pa-  
 stores, & forte latebit me ubi tu pascis, & ubi cubas in meridie, & uolo mihi annūcies ne for-  
 te fiam sicut operta, id est, sicut occulta & nō cognita. Ego enim manifesta sum, sed ne sicut  
 occulta & sicut celata incidam super greges sodalium tuorū. Omnes enim hæretici à Chri-  
 sto exierunt, omnes qui facti sunt pastores mali, habentes greges suos sub nomine Christi,  
 illius sodales fuerunt, illius conuiuium acceperunt. Sodales enim dicuntur tanquam unius  
 conuiuij. Latina enim lingua sic dicti sunt sodales, quasi simul edales, eo quod simul edant.  
 maledixisset mihi, sustinuissem utique, & si super me magna locutus fuisset, abscondissem me  
 utique ab eo: tu uero unanimis & notus meus, dux meus, qui simul mecum dulces capiebas ci-  
 bos. Ergo multi sodales ingrati mensæ dominicæ exierunt foras, mali sodales fecerunt sibi  
 mensas suas, & erexerūt sibi altaria contra altare, in eos ista timet errare. Et si putas quia me-  
 ridies Africa est, quanquam possem obtinere magis mundi meridiem esse partes Aegypti,  
 & illas exustas sole regiones ubi pluuia nō apparet, quia ipsa est meridies ubi feruet medius  
 dies, ibi autem eremus plena milibus seruorum dei. Vnde si ad meridiem locorū uelimus ad-  
 uertere, quare non ibi pascat magis ille & ibi requiescat, quando antè prædictum est, Vbe-  
 ra erunt deserta eremi? Sed ecce consentio, Africa sit meridies. Hic sunt sodales mali. Ecclesia  
 transmarina in aliquo suorum nauigante, in Africa sollicita ne erret, inuocat sponsum suū,  
 & dicit ei, Abundare audio hæreticos in Africa, abundare audio rebaptizatores in Africa:  
 esse autem ibi tuos non minus audio. Et illud audio, & hoc audio, sed qui sint tui, à te uolo  
 audire. Annuncia mihi quem dilexit anima mea, ubi pascis, ubi cubas in meridie? Audio  
 duas partes esse, unam Donati, alteram uniuerso tuo cohærentem. Tu mihi dic quò eam,  
 ne forte uelut operta, id est, ignota fiam super greges sodalium tuorum, & incurram in gre-  
 ges hæreticorum, conantes ponere lapidem super lapidem qui destruatur, ne iruam in re-  
 baptizatores, annuncia mihi. Et ille qui commendat unitatem pastoris, in hac lectione di-  
 xit, ego pascam. Pastores autem reprobant, qui multi esse uoluerunt, unitatem amiserunt.

Seuerissime



A Seuerissime non blande respondens, sed pro magnitudine periculi: Nisi cognoueris, inquit, temetipsum o pulchra inter mulieres. Pulchra es inter mulieres, sed agnosce te. Vbi te agnosces? In toto orbe terrarum. Si enim pulchra, unitas est in te: ubi diuisio, sceditas est, non pulchritudo. Nisi cognoueris temetipsam, in me credidisti, agnosce te in me. Quomodo credidisti? Quomodo & illi mali sodales consentiunt, uerbum carnem factum, natum ex uirgine, crucifixum, resurrexisse, ascendisse in coelos. Si talem me credidisti, talem & illi sonant. Cognosce & tu me in coelo, & in toto orbe. Vnumquemlibet ex ecclesia tanquam ecclesiam Christus alloquitur. Nam quomodo ecclesia quaerit ecclesiam? Secundum ipsos loquor. Annuncia mihi quem dilexit anima mea, ubi pascis, ubi cubas? Quid quaerit? Ecclesiam. Et ille tanquam ostendens ecclesiam dicit, In meridie, sicut illi uolunt. Respondeant mihi, quomodo ecclesia quaerat ecclesiam: annuncia mihi quem dilexit anima mea. Quae loquitur? Ecclesia. Quid sibi uult annunciari? Vbi pascis ubi cubas, id est, ubi sit ecclesia. Ecclesia loquitur & interrogat, ubi sit ecclesia: & respondet ille, ut putant, in meridie. Si in solo meridie est, ut dicunt, in Africa, quomodo ipsa interrogat ubi ipsa sit? An uero portio ecclesiae transmarinae bene interrogat de meridie ne hic erret? Alloquitur unumquodque membrorum ecclesiae suae Christus, tanquam suam ecclesiam, & dicit, Nisi cognoueris temetipsam o pulchra inter mulieres, exire haereticorum est. Aut cognosce te, aut exi: quia si te non cognoueris, exitura es. Exitura es, quo? In uestigijs gregum, sequendo malos greges. Ne forte putes quia oues sequeris si exis, audi quid sequitur, Exi tu in uestigijs gregum, & pascce haedos tuos, iam non oues. Notis fratres, ubi erunt haedi? Ad sinistram erunt omnes qui exierunt ab ecclesia. Manenti Petro dicitur, Pascce oues meas: exeunti haeretico, pascce haedos tuos. Est, inquiunt, & aliud testimonium nihilominus contra te. Dic, audiamus. Erit sic contra te, quomodo hoc quod putabis pro te. Si meridiem, inquiunt, interpretaris Aegyptum: multis quidem modis interpretamur meridiem, & Aegyptum possumus ad locum mundi, & ipsam Africam sic intelligere. Audi quid intelligam per meridiem, intelligo feruorem spiritualium, flagrantem igne charitatis, splendorem lumine ueritatis. Nam dicit in quodam psalmo, Dexteram tuam notam fac mihi, & eruditos corde in sapientia. Dexteram, non haedos: & eruditos corde in sapientia, ipsi sunt in meridie. Vnde dicitur a propheta, Et tenebrae tuae sicut meridies erunt. Multis ergo modis possumus intelligere meridiem, sed prorsus Africam intelligo. Accipio a te aliquid forte melius quam saperem, nisi a te commemorarer, Africa sit meridies. Timet ecclesia transmarina incidere in rebaptizatores, timet incidere tanquam ignota in greges sodalium, quaerit ab sponso suo ut annunciet illi ubi pascat, ubi cubat in meridie, quia in ipso meridie in alijs pascit, in alijs non pascit: in alijs cubat, in alijs non cubat. Audiat consilium, ueniat ad catholicam ecclesiam, non incurrat in greges sodalium, non pascat haedos suos. Sed dic aliud quod te dicebas esse dicturum. Propheta, inquit ait, Deus ab Africo ueniet. Et iam ubi Africus, utique Africa. O testimonium, Deus ab Africo ueniet, & ab Africo ueniet deus. Alterum Christum in Africa nasci, & ire per mundum haeretici annunciant. Rogo quid est, Deus ab Africo ueniet? Si diceretis, Deus in Africa remansit, utique turpiter diceretis: nunc autem etiam ab Africo ueniet dicitis Christus. Nouimus ubi sit natus Christus, ubi sit passus, ubi in coelum ascenderit, unde discipulos miserit, ubi eos spiritu sancto repleuerit, ubi per totum mundum euangelizare iusserit, & obtemperarunt ei, & adimpleretur orbis terrarum euangelio, & tu dicis, Deus ab Africa ueniet. Ergo tu mihi, inquit, expone quid est, Deus ab Africo ueniet? Dic totum, & fortassis intelliges, Deus ab Africo ueniet, & sanctus de monte umbroso. Tu mihi expone, si iam ab Africa, quomodo de monte umbroso? De Numidia nata est pars Donati, ipsi missi sunt primi in dissensionem & tumultum & scandalum, quarentes ingens uulnus. Numidae miserunt, Secundus Tigistanus misit. Vbi sit Tigisi, notum est. Qui missi sunt clerici, extra congregauerunt ab ecclesia, ad clericos Carthagini accedere noluerunt, uisitato rem posuerunt, a Lucilla suscepti sunt. Autor totius huius mali Numidia, haeticus fuit in Numidia, unde uentum est huc: cum tanto malo uiscarium uix inuenitur, cum incurfionibus

habitant, quomodo mons umbrosus Numidia? Dic mihi ergo, noli mihi hucusq; recitare, Deus ab Africo, exigo & sequentia, Et sanctus de monte umbroso. Sed ostende mihi partem Donati à Numidia, de monte umbroso uenire. Inuenis nuda omnia, pingues quidem campos, sed frumētarios, non oliuetis fertiles, non ceteris nemoribus amēnos. Vnde ergo mons umbrosus in Numidia partibus? Vnde hoc scandalum uenit?

Cap. XVI

Lucæ 24

Tu mihi, inquit, ergo expone quid est, Deus ab Africo ueniet, & sanctus de monte umbroso? Vide quā facile exponam. Primo illud audi quod ait dominus, Oportebat Christum pati, & resurgere tertio die, & prædicari in nomine eius pœnitentiam & remissionem peccatorum per omnes gentes, incipientibus ab Hierusalem. Ecce unde uenit, incipientibus cum dicit: inde utiq; se in sanctis suis ad alias gentes uenturum esse prædixit. Lege diuisionem terræ filiorum Israël in omnibus tribubus in libro Iesu Naue, ubi aperte dictum est, Hiebus ab Africo, quæ est Hierusalem. Lege, quære, & inuenies. Vtinam cum inueneris, credas: utinam animositatē deponas. Hiebus ab Africo quæ est Hierusalem. Et dominus, Incipientibus ab Hierusalem, hoc est, deus ab Africo ueniet. Quomodo ergo à monte umbroso? Euangeliū iā lege. De monte oliueti Christus ascendit in cœlū. Sequere. Et quid lucidius? Audis, ab Africo: audisti, de monte umbroso. Legem recitamus, Euangeliū recitamus. Audisti, Incipientibus ab Hierusalem, audi, per omnes gētes, in eodē propheta. Sequere uerba illa quæ contēpisti, Deus ab Africo ueniet, & sanctus de monte umbroso. Cooperiet montē umbra eius, & gloria eius plena est terra. Per oēs ergo gētes incipientibus ab Hierusalē? Quomodo incipientibus ab Hierusalē? Deus ab Africo ueniet, & sanctus de monte umbroso & cōdēso, id est, à monte oliueti unde ascendit in cœlū, unde misit discipulos suos, ubi etiā ascendens ait, Non enim uestrum est scire tempora quæ pater posuit in sua potestate, sed accipietis uirtutem ex alto, & eritis mihi testes. Videte quomodo incepit euangelium, Et eritis mihi testes in Hierusalem & in Iudæa & Samaria & usq; in totam terram. Ergo deo ueniente Christo, & nomen eius, & prædicatio euangelij eius ab Hierusalē, id est, ab Africo & monte umbroso, id est à monte oliueti, per omnes gentes diffamatū est euangelium. Operuit montes umbra eius, id est, refrigerium eius, protectio eius, & laudis eius plena est terra. Cantate ergo cum tota terra canticum nouum, non canticum uetus cum angulo terræ.

C4, XVII

Dicunt & aliud, Cyreneus, inquit, quidam Simon angariatus est ut tolleret crucem domini. Legimus, sed quid te adiuuet uolo scire. Cyreneus, inquit. Afer est, Quare ipse angariatus est qui crucem tolleret? Vbi sit Cyrene, forte nescis, Libyæ pentapolis est, contigua est Africæ, ad orientem magis pertinet, uel in distributione prouinciarum imperatorem cognosce. Imperator orientalis mittit iudicem ad Cyrenem. Breuiter respondeo, Vbi est pars Donati, non inuenitur Cyrene: ubi est Cyrene, non inuenitur pars Donati. Manifesta ueritas conuincit errorem. Det mihi Cyrenem ubi est pars Donati, det mihi partem Donati ubi est Cyrene. Manifestum est enim fratres, in Pentapoli ecclesiam esse catholicam, partem Donati ibi non esse. Sed securi irrideamus flendos, & fleamus irridendos. Quid dicis? Meritum Cyrenensis huius magnum commemoras, quia tulit crucem domini, & Afrum dicis, Orientalis est. Libya enim duobus modis dicitur, uel ista quæ proprie Africa est, uel illa orientis pars, quæ contigua est Africæ, & omnino collimitanea. Sed Afer fuerit Cyrenensis, beatum putas quod angariatus crucem tulerit? Quanto melius forte diceret quis in Arimathia remansisse ecclesiam Christi, quia Ioseph ille diues ab Arimathia, habēs ante oculos regnum dei, non angariatus, non coactus uenit ad crucem domini, cum ceteri formidarent, petijt à Pilato sepeliendū corpus domini, de ligno deposuit, obsecutus est funeri, in sepulchro condidit, laudatus est in euangelio. Quia uero de Arimathia fuit iste pius, tantum exhibēs obsequium corpori domini, in Arimathia remansit ecclesia? At si magis uos delectat angariatus, id est, qui cogitur tollere crucem: recte ergo faciunt imperatores catholici, qui uos cogunt ad unitatem.

Ioan. 19

Finis.

Diui



A DIVI AVRELII AVGVSTINI HIPPONENSIS EPISCOPI,

## De ouibus Liber siue Homilia.



VERBA quæ cantauimus continent professionem nostram, quia oues <sup>Cap. I</sup>  
 dei sumus: nec importune poscimus cum lachrymis eius misericordiā, <sup>Psal. 94</sup>  
 cuius oues sumus. Diximus enim, Ploremus ante dominum qui fecit  
 nos, quoniam ipse est dominus deus noster. Ne quisquam plorans se  
 exaudiri posse desperet, commemorata est necessitudo quædam exau  
 diendi nos deo, quoniam ipse est dominus deus noster qui fecit nos. Ille  
 deus noster, nos populus pascuæ eius, & oues manuum eius. Pastores

homines, uel etiam patres familiâs domini pecorū, oues quas habent non ipsi fecerunt, oues  
 quas pascunt, non ipsi creauerunt: noster autem dominus deus, quia deus & creator est, fecit  
 sibi oues quas habeat, & quas pascat, nec alter instituit quas ipse pascit, nec quas ipse insti  
 tuit alter pascit. Ploremus ergo ante illum. Neque enim in bono sumus, dum in hoc seculo su  
 mus. Cum enim placebimus domino in regione uiuorum, tunc detergentur lachrymæ no  
 stræ, & dicemus ei laudes qui nos exemit de uinculis mortis, pedes nostros à lapsu, oculos  
 nostros à lachrymis, ut placeamus domino in regione uiuorum: quia difficile est ut ei place  
 atur in regione mortuorum. Est autem & hic unde illi placeamus, eius misericordiam in his  
 deprecando, à peccatis nos quantum possumus abstinendo, in quantum autem non possu  
 mus confitendo atque plangendo. Ita in hac uita sumus sperantes aliam uitam, plorantes in  
 spe, imò plorantes in re, gaudentes in spe. Professi ergo in hoc cantico, quia sumus oues eius,  
 populus pascuæ eius, oues manuum eius: audiamus quid ad nos loquatur, tantum ad oues  
 suas. Pridem pastoribus loquebatur superiore lectione, presenti autem & hodierna ouibus  
 loquitur. In illis ergo eius uerbis, nos cum tremore audiebamus, uos cum securitate. Quid er  
 go in istis uerbis hodiernis? Nunquid uicissim nos cum securitate, uos cum tremore? Non  
 utique. Primo, quia etsi pastores sumus, pastor non solum quod dicitur ad pastores, cum  
 tremore audit, sed etiam quod dicitur ad oues: si enim securus audit quod ad oues dicitur,  
 non est illi cura de ouibus. Deinde iam & tunc diximus charitati uestre, duo quædam in  
 nobis esse cōsideranda, unum quod Christiani sumus, alterum quod præpositi sumus. Quod  
 ergo præpositi sumus, inter pastores deputamur, si boni sumus. Quod autem Christiani  
 sumus, & nos uobiscum oues sumus. Siue ergo dominus pastoribus loquatur, siue ouibus,  
 nos omnia cum tremore oportet audire, nec recedat sollicitudo de cordibus nostris, ut plo  
 remus ante dominum qui fecit nos. <sup>Cap. II</sup>  
 Audiamus itaque fratres, unde dominus <sup>Ezech. 34</sup>  
 oues suas improbas corripit, & quid promittat ouibus suis. Et uos, inquit, oues meæ, hæc  
 dicit dominus deus. Primo, quanta felicitas est esse gregem dei, si quis etiam cogitet, fratres,  
 in istis lachrymis, & in istis tribulationibus magnum gaudium concipit. Neque enim in eius  
 grege est quem lupi possunt flagellare, aut cuius somniū possunt captare prædones. Illi enim  
 dictum est, Qui pascit Israël, de quo dictum est, Non dormiet neque dormitabit, qui custo  
 dit Israël. Vigilat ergo super nos ille uigilantibus nobis, uigilat & dormientibus nobis. Si <sup>Psal. 97</sup>  
 ergo de pastore homine securum est pecus hominis, quanta debet esse nostra securitas pa  
 scente deo, non tantum qui pascit nos, sed etiam qui fecit nos? <sup>Psal. 120</sup>  
 Vna est nostra <sup>Ca. III</sup>  
 sollicitudo quæ nobis imponitur, audire uocem pastoris, & est nunc tempus audiendi, quia  
 ille nondum assumpsit tempus iudicandi. Qui loquitur modo, tacet. Loquitur enim modo  
 in præcepto, tacet in iudicio. Ideo dicit quodā in loco, Tacui, nunquid semper tacebo? Quo  
 modo tacuit, cum hoc ipsum loquendo dixerit? Qui dicit, tacui, non tacet, quia & hoc ipsum  
 dicere, tacui, non tacere est. Audio ergo te loquentem in tot præceptis, in tot sacramentis,  
 in tot paginis, in tot libris. Audio denique in hoc ipso quod dicis, Tacui, nunquid semper  
 tacebo? Quomodo ergo tacuisti? Quia nondum dico, Venite benedicti patris mei, <sup>Matth. 25</sup>  
 Qq 4 perci

percipite regnum : & nondum dico alijs, Ite maledicti in ignem æternũ, qui præparatus est G  
diabolo & angelis eius, & nondum hæc ipsa ita dico ut iam prædicaui. Vltimam sententiã  
quam dicturus est iudex, in tabella descripturus manu sua, ultra quam sententiã nihil iam  
iudicaturus est, partes non audiunt. Illis foras exeuntibus scribitur, attonitæ sunt ambæ par  
tes atq; suspensæ, contra quam uel pro qua sententia illius procedat. Magnum secretum iu  
dicis, unde secretarium nominatur. Magnus timor eorum qui in causa sunt, quid ille cogi  
tet, & quid scribat ignorat, & homo est, & illi de quibus ille iudicat, utiq; homines sunt. Ille  
autem deus noster est, & nos populus pascuæ eius, & oues manuũ eius. Et cum sit ille crea  
tor, nos creatura, ille immortalis, nos mortales: ille inuisibilis, nos uisibiles, noluit nos latere  
in hac uita, quam ultimam sententiã in fine dicturus sit. Nemo ante dicit, damno, qui  
uult damnare: nemo ante dicit, ferio, qui uult ferire.

Cap. IIII

Rom. 2

Magna ergo lenitas, magna misericordia, magna mansuetudo, sed non abutamur pa  
tientia eius ad nostram nequitia, & illo peccata nostra portante, nos quasi faciendo ei onus  
augeamus peccata peccatis, quasi ut ille plus portet qui non laborat cum portat peccata no  
stra, quibus adhuc parcit, quia adhuc sustinet, & illius ostendunt patientiam, nostram cumu  
lant sarcinam. Ignoras, inquit, quia patientia dei ad pœnitentiam te adducit? Patientia dei  
illa est quam taciturnitatem uocat, de qua dicit, Tacui, nunquid semper tacebo? Ergo cū ar  
gueret quosdam & diceret, Qui prædicas non furandum, furaris: qui dicis non adulterandũ,  
adulteras, &c. ait: an diuitias bonitatis eius & longanimitatis contēnis? Quia ille bonus est,  
quia longanimis, quia uidet & tacet, quia uidet & sustinet, putas illum iniquum? Ignoras  
quia patientia dei ad pœnitentiam te adducit? Et uide si semper tacebit, qui modo tacet. Tu  
aut, inquit, secūdum duriciam cordis tui & cor impœnitens thesaurizas tibi iram in die iræ  
& reuelationis iusti iudicii dei, qui reddet unicuiq; secūdũ opera sua. Ergo tacet, nunqd sem  
per tacebit? Itē dicit post quædã enumerata peccata, hæc fecisti & tacui, id est, hæc fecisti &  
non uindicaui, suspicatus es iniquitatem, quod ero tui similis. Et reuera hoc cogitant mali, D  
cum multa fecerint mala, & mali sibi accidere nihil uiderint, nō tantum placent eis facta sua  
mala, sed etiam deo placere putant: intantum procedit impietas, ut & deũ similem sibi exi  
stimet impius contemptor. Et cum deus adducat eum monendo, docendo, hortando, corri  
piendo ad similitudinem suam, non solum non sequitur similitudinem dei, sed deum uult  
ducere ad similitudinem suam. Hæc est iniquitas maior, dum ipsa peccata, à quibus se non  
corrigit, deo placere putat. Suspicatus es iniquitatē quod ero tibi similis. Et quid sequitur?  
Arguam te. Quare hoc? Tacui, nunquid semper tacebo? Itaq; fratres, quoniam sermo iste  
qui de ore procedit & me terret & uos: omnes enim unam spem habemus bonam in illo, &  
omnes pariter timere debemus, ne illo offenso non inueniamus quod speramus, sed experi  
amur quod contempsimus, audiamus omnes tanquam oues dei, dum loquitur qui tacet,  
dum monet nos, & nondum iudicat nos qui fecit nos, dum uacat audire, dum licet & legere.

Cap. V

Ezech. 34

Et uos, inquit, oues meæ, hæc dicit dominus deus, Ecce ego iudico inter ouem  
& ouem, & hircos & arietes. Quid hic faciunt hirci in grege dei? In iisdem pascuis, in  
iisdem fontibus, & hirci tamen sinistrae destinati, dextris miscentur, & prius tolerant q̃ se  
parabuntur, & hic exercetur ouium patientia ad similitudinem patientiæ dei. Separatio em̃  
ab illo erit, aliorum ad sinistram, aliorum ad dexteram. Nunc autem ipse tacet, tu uis loqui.  
Sed unde dico, tu uis loqui? Vnde ipse tacet? A uindicta iudicii, non à uerbo correptionis.  
Ipse nondum separat, tu uis separare? Ipse mixta tolerat qui seminauit. Si ante uenti  
lationem frumentum uis esse purgatum, tuo uento pessime uentilaberis. Licuerit dicere  
Matth. 13  
seruis, Vis, imus, & colligimus ea? Stomachati sunt enim uidendo zizania, & doluerunt  
segeti bonæ permixta zizania, & dixerunt, Nōne bonum semē seminaſti, unde ergo appa  
ruerunt zizania? Ille rationem reddidit unde apparuerunt, non tamen permisit ut ante tem  
pus euellerent: q̃uis & ipsi serui stomachati aduersus zizania, consiliũ tamen & præceptũ à  
domino expetierunt. Displicebant illa inter segetem, sed uidebant serui, quia si uel in ipsis  
ziza/



A zizanijs euellendis aliquid sua sponte facerent, ipsi zizanijs annumerarentur. A domino expectauerunt praeceptum, iussionem regis sui quaesierunt: uis imus & colligimus ea? Et ille, Non. Et reddidit inde causam; Ne forte cum uultis colligere zizania, eradicetis simul & triticum. Sedabat eos ab indignatione, nec reliquit in dolore. Graue enim uidebatur seruis esse zizania inter frumentum, & uere graue erat. Sed alia est agri conditio, alia quies horrei. Tolera, ad hoc enim natus es: tolera, quia forte toleratus es. Si semper bonus fuisti, habeto misericordiam: si aliquando malus fuisti, noli perdere memoriam. Et quis est semper bonus? Facilius si te deus diligenter discutiet, inueniet te etiam nunc malum, quam tu te semper bonum. Ergo toleranda sunt zizania haec inter frumentum, hirci inter arietes, haedi inter oues. Quid autem ille de frumento? In tempore, inquit, messis dicam messoribus, Colligite primum zizania, & alligate fasciculos ad comburendum ea, triticum autem meo recondite in horreo. Transiet ergo agri concretio, ueniet messis discretio. Exigit nunc dominus de nobis patientiam, quam proponit in se dicens tibi, Ego certe si uoluero modo iudicare, nunquid inique iudicabo? Ego si modo uoluero iudicare, nunquid falli potero? Si ego qui semper recte iudico, & qui falli non possum, differo iudicium meum, tu ignorans quemadmodum iudicandus sis, audes tam praepropere iudicare? Videte fratres quemadmodum illis seruis uolentibus ante tempus eradicare zizania, hoc opus nec in messe concessit. Ait enim, In tempore messis dicam messoribus, non ait, dicam uobis. Sed quid si ipsi serui messores erunt? Non. Nam exponam messoribus, non ait, dicam uobis. Sed quid si ipsi serui messores erunt? Non. Nam exponens omnia singulatim, messores ait angeli sunt. Homo ergo carne septus carne portans, aut forte caro totus, id est, caro corpore, carnalis animo, audes usurpare officium alienum, quod nec in messe erit tuum? Hoc de separandis zizanijs. De hircis autem quid? Cum uenerit filius hominis & omnes angeli cum eo, sedebit in sede gloriae suae, & congregabuntur ante eum omnes gentes, & separabit eas sicut pastor separat oues ab haedis. Et ueniet & separabit, ueniet messis, & separabuntur. Modo ergo tempus separationis non est, sed tolerantia. nis. Nec ideo ista dicimus fratres, ut corripiendi dormiat diligentia, immo uero ne in illud iudicium incauti ueniamus & caeci, negligentes caecitatem nostram subito nos ad sinistram ueniamus. Disciplina exerceatur, iudicium non praecipitur. Quid ergo domini cap. VI  
 nus? Ecce ego iudico inter ouem & ouem, & hircos & arietes. Ecce ego iudico. Magna securitas, ipse iudicat, securi sint boni. Iudicem ipsorum nullus aduersarius corrumpit, nullus aduocatus circumuenit, nullus testis illudit. Sed quantum securi sunt boni, tantum timeant mali. Non talis iudicat cui aliquid abscondetur. Nunquid enim deus iudicans quaesiturus est testes, per quos discat quis sis? Vnde potest falli qui sis, qui nouerat quid esses futurus? Te interrogat, non alium de te. Dominus, inquit, interrogat iustum & impium. Interrogat autem te, psal. 10  
 non ut discat a te, sed ut confundat te. Habentes uero talem iudicem, quem nemo contra nos fallit, nemo pro nobis, sic agamus ut eius iudicium uenturum non timeamus, sed expectemus & desideremus. Nunquid enim frumenta timent ne mittantur in horreum? Immo optant & desiderant. Nunquid oues timent ne ponantur ad dexteram? Immo nihil eis tam tardum est quam donec fiat. Hi uero ex animo & tota sinceritate dicunt cum orant, Adueniat regnum tuum. Mali uero hominis in his uerbis & cor trepidat, & lingua titubat. Quomodo enim dicis, Adueniat regnum tuum? Ecce ueniet. Qualem te inueniet? Sic ergo age ut securus ores. Et si quid forte inest in conscientia errati atque peccati, habes in ipsa oratione medicinam. Dimitte nobis debita nostra, sicut & nos dimittimus debitoribus nostris. Voluit enim deus sic te esse debitorem, ut habeas debitorem. Peccando quippe inimicum te facis deo, sed attende ne forte tu habeas inimicum. Dimitte, & dimitte tibi. Quod facis qui potes in peccato inueniri, hoc in te faciet, quod de nullo peccato poterit iudicari. Si autem ut homo in peccato positus, peccatori tuo non parcis, nec tuam in illo conditionem respicis, nec de caetero lapsu tuae fragilitatis horrescis, quid tibi facturum est qui tam securus iudicat, quomodo qui nunquam peccat? Da ergo opera est purae conscientiae, & si forte aliquis inest scrupulus, praueuiamus faciem eius in confessione. In psalmo autem cum nunc cantares, audiuius: Praueuiamus faciem eius in

in confessione. Praueniamus eū, ne ipse nos praueuiat. Post confessionē non afferet ultio-  
nem, si & tu post cōfessionē non repetas iniquitatē. Praueni, anteq̃ praueuiaris. Quia em̃  
uēturus est, certū est: perdes, si non desideras quod futurū est. Nā & te nolēte uēturus est.  
Nunquid eū dilaturus es recusando, ne ueniat? Sicut nouerat horam qua iudicari debuit, sic  
nouit & horam qua debeat iudicare. Veniet ille, tu uide qualis futurus sis. Hodie inest scrup-  
ulus, hodie sit confessio, hodie renunciatur scrupulo, hodie dimittetur, hodie laxetur. Non  
est ut dicas, differt deus ueniam: tu noli differre medicinam tuam. Habes enim aliquid in  
animo quod te angat, & si angit, & sollicitat. Vtique si in domo tua esset lapis offendens  
oculos tuos, iuberet eum auferri de medio, maxime si aliquem paulo maiorem hospitem in  
domo tua esses recepturus. Cū ergo deum inuocas, in te uocas: quomodo ueniet ad te, cui  
locū quō recipias, non mundaſti? Sed minus idoneus es auferre de corde tuo, quod tibi ipse  
fecisti, ipsum inuoca, ut mundet: ipsum inuita, ut intret: dum tamē quod facturus es, modo  
facias, cum loquitur monendo, & tacet iudicando. Dixit hic hircos, dixit & arietes, & iudicat

Cap. VIII inter eos.

Ezech. 34 Et quid eis dicit? Nunquid non sufficit uobis, quia bona pascua  
pascbatis, & reliquias pascuæ uestræ cōculcabatis pedibus uestris, & potabatis aquam, quæ  
subsistebat, id est, quæ pura & trāquilla erat, & reliquam pedibus uestris turbabatis, & oues  
meæ cōculcationes pedum uestrorū depascebāt, & conturbatam pedibus uestris aquam po-  
tabāt? Quid est hoc? Pascua dei bona sunt, & fontes dei puri sunt. Habemus hoc in scriptu-  
ris sanctis. Qui sunt ergo qui quod tranquillum est inde bibunt, & quod mundum est inde  
pascuntur, & conculcant reliquias & turbant aquā, ut oues aliæ conculcatas herbas accipiāt,  
& aquam conturbatam bibāt? Et hoc utiq̃ uidetis displicere pastori, qui dicit dum fiūt ista,  
Ego iudico inter ouem & ouē: ad hoc utiq̃ ne fiant. Sunt multi qui tranquille discunt, per-  
turbate docent, & cum habeant doctorem patientem, sēuiunt in discntem. Quām nos em̃  
tranquille doceat ipsa scriptura, quis nescit? Veniet ergo aliquis & legit præcepta dei, legit &  
capit, capit tranquillus de tranquillo bibens, de uiridi & mundo pascens. Velit aliquis au-  
dire ab illo aliquid, indignatur, perturbatur: tarditatē aliquando serius intelligentis accusan-  
do turbatum facit minus intelligere quod potuit audire tranquillus. Nec hoc ideo dixerim  
fratres, quia non est aliquando corripienda duricia, quam ipsa tanta ueritatis tranquillitas  
corripit dicens, O insensati & tardi corde ad credendum: si ista fiunt ea dilectione qua uolu-  
mus curam incutere hominibus ad incutiendam diligentiam intentionis, & ad serenandam  
forte nubem mentis suæ, quam de curis seculi contraxerunt, & forte cogitando alia inutilia,  
quod utile est audire non possunt. Deinde etiam si in se aliquis uideat tarditatem, non sine  
causa ille accusatur, ut deum roget, & soluat tarditatem, donet ueritatem. Aut enim si negli-  
gentia nostra minus intelligimus quod audiuius, utiq̃ negligentia corripienda est. Aut si  
tarditas est, cum fuerit accusata, erit unde rogetur deus. Nec doctores ergo tales reprehē-  
dendi sunt: sed qui hoc faciunt animo amaro, animo inuido, ipsi conculcant pascua & cōtur-  
bant fontes, quicquid forte nouerint, ita uolūt nosse ut alij non nouerint. Malignæ mentis  
homines, tartareo zelo pleni, liuidi non in corpore, sed in corde, legerunt & intellexerunt: cū  
interrogati fuerint, multum est ad te, Ego tibi ista credam, & tu dignus es ista legere uel au-  
dire. Quid turbas aquam? Ambobus fons manat. Quid conculcas herbas cōmunes? Non  
tu pluisti ut nascerētur.

Cap. IX

Est aliud in his uerbis quod non absurde potest intelligi.  
Sunt homines qui putant sibi in bene uiuendo sufficere conscientiam, & non ualde curant  
quid de illis alter existimet, ignorantes, quia cum homo uiderit hominem bonæ consciētiae  
negligentius uiuentem, passim se cuiuslibet & ubilibet coniungentem, habentem scientiam q̃  
nihil sit idolum, & tamen in idolio recumbētem, conscientia illius cū sit infirma, ædificat nō  
ad ea quæ perscrutatur, sed ad ea quæ suspicatur. Neq̃ enim homo pater tuus, frater tuus,  
intrare potest in conscientia tuā quam nouit deus. Consciētia tua coram deo est, cōuersatio  
tua coram fratre tuo. Si de te ille aliquid mali suspicans, perturbatus ædificatur ad aliquid  
faciendū, quod te putat facere dum sic uiuis, quid prodest, quia uenter cōscientiæ tuæ haussit  
aquam



A. aquam puram, & ille de tua negligētia conuersationem bibit turbatam? Et audis tales cum corripiuntur ne ista faciant, respondere nobis & dicere, Apostolus dixit, Si hominibus placere uellem, Christi seruus non essem. Et hic aquam turbas, pascua conculcas. Attende melius, ne & tibi aquam turbet quod ait Apostolus, Si hominibus placere uellem, Christi seruus non essem. Optime accipio apostolicam sententiā, libenter agnosco. Sed aliud in Apostolo non legisti? Placete omnibus per omnia, sicut & ego omnibus per omnia placeo, non Gal. 1  
quærens quod mihi prodest, sed quod multis ut salui fiant. Rursus eundem Apostolū non audisti? Sine offensione estote Iudæis & Græcis & ecclesiæ dei. Tertio eundem Apostolum non audisti? Prouidemus enim bona, non solum coram deo, sed etiam coram hominibus. 1. Cor. 10  
Ait ergo ille, Expone itaq; mihi, quomodo intelligam diuersa atq; contraria hæc dicentem Apostolum, Si hominibus placere uellem, Christi seruus non essem: ac dicentem, Placete omnibus per omnia, sicut & ego omnibus per omnia placeo, ac dicentē, Gloria nostra hæc est, testimonium conscientiæ nostræ: ac dicentem, Prouidemus bona, nō solum coram deo, sed etiam coram hominibus. Si tranquillus audias, si tibi ipsi aquam tuæ mentis nō perturbas, quātum potero fortassis exponam. Sunt homines temerarij iudices, detractores, susurrones, murmuratores, quærentes suspicari quod non uident, quærentes etiam iactare quod nec suspicantur, contra tales quid remanet, nisi testimonium cōscientiæ nostræ? Neq; enim fratres etiam in illis quibus placere uolumus, gloriam nostram quærimus, aut gloriam nostram quærere debemus, sed illorum salutem: ut si bene ambulamus, nos sequendo non errent: imitatores nostri sint, sicut & nos Christi: si autē nos non Christi, imitatores sint Christi. Ipse enim pascit gregem suum, & cum omnibus bene pascentibus, ipse solus est, quia omnes in illo sunt. Non ergo utilitatem nostram quærimus, quando hominibus placere uolumus, sed gaudemus eis placere quod bonū est, propter ipsorū utilitatem, non propter nostram dignitatē. Contra quos autē dixerit Apostolus, Si hominibus placere uellem, Christi seruus nō essem, manifestū est: & propter quos dixerit, Placete omnibus per omnia, sicut & ego omnibus placeo per omnia, manifestū est: utrunq; dilucidum, utrunq; tranquillū, utrunq; purum, utrunq; nō perturbatū: tu tantum pascere & bibere, noli conculcare, noli perturbare. Nam & ipsum dominū Iesum Iesum Christū magistrū utiq; audisti, Luceant opera uestra Mat. 5  
bona coram hominibus, ut uideant bona facta uestra, & glorificent patrem uestrum qui in coelis est, id est, qui uos fecit tales. Nos enim populus pascuæ eius, & oues manuum eius. Ille ergo laudetur, qui te fecit bonum, si bonus es: non tu, qui per te ipsum nō poteris esse nisi malus. Quid autem uis in contrariū ducere ueritatē, ut quando boni aliquid facis, te uelis laudari: quando mali aliquid facis, dominum uelis uituperari? Vtiq; enim qui dixit, Luceāt opera uestra bona coram hominibus: ipse dixit in eodem sermone, Nolite facere iustitiam Mat. 6  
uestram corā hominibus. Sed sicut in Apostolo ista tibi cōtraria uidebantur, sic & in euangelio, Si autem non perturbes aquam cordis tui, & hic agnosces pacem scripturarum, & habebis pacem cum eis & tu. Si autem tu cum eis habere nolueris pacem, tu in te committis li-  
tem tuam, illæ non amittent pacem suam. Propter illos enim qui se hominibus iactando commendant, & ita uentilant opera sua bona, ut finem bonorum operum suorum in laude hominum ponant, eandemq; laudem hominum quasi pro mercede computent bonorum operum suorum, de his dicitur, Amen dico uobis, perceperunt mercedem suam. Cōtrarium eos dicitur, Cauete iustitiam uestram facere coram hominibus. Proinde sequitur, Vt uideamini ab eis. Ultra non porrexit intentionem, hic fecit finem, Nolite sic facere coram hominibus, quicquid boni facitis, ut uideamini ab eis, ut sit ipse finis operis uestri, uideri ab eis. Nolite ergo sic, ut uideamini ab eis. Hic autem, non ibi ponit finem, ut uideamur ab hominibus, coram quibus uult esse bona facta nostra, sed ait, Luceant opera uestra coram hominibus, ut uideant bona opera uestra. Non quieuit, neque hic remansit, sed duxit te hinc rursus, & tulit te à te. Caderes enim si esses in te, & ubi tutus esses, posuit te. Videant, inquit, bona opera uestra, & glorificent patrem uestrum qui in coelis est. Noli

1. Cor. 11 Noli irasci, quia ille glorificatur. Apud illum esto, & in illo glorificaberis, ut nō gloriatur, ait C  
Apostolus, omnis caro coram illo. Ergo sine gloria remanebimus? Non. Ait enim ipse, Qui  
gloriatur, in domino gloriatur. Nam & testimonium consciētiae nostrae in nobis gloria est,  
quia in illo est. Nam si ita est gloria nostra, ut nobis placeamus & efficiamur placentes no-  
bis, ualde stulto homini placet qui sibi placet. Curemus ergo fratres, nō tantum uiuere, sed  
etiam coram hominibus bene conuersari, nec tantum amemus habere bonam consciētiam,  
sed quantum potest nostra infirmitas, quātum uigilantia fragilitatis humanae, curemus, ni-  
hil etiam facere quod ueniat in malam suspicionē infirmo fratri, ne forte puras herbas man-  
ducent, & puras aquas bibendo conculcemus pascua dei, & oues infirmæ conculcatū man-  
ducent, & turbatum bibant, & uel propter istum qui dicit, Ego iudico inter ouem & ouem.  
Pro istis hæc dicit dominus deus ad eos, Ecce ego iudico inter ouem fortem & inter ouem  
cap. 20 imbecillem. Aliud aliquid dicat.

Iam audiuius de his qui conculcāt herbas, &  
qui conturbant aquas: audiamus aliud genus mali, & magnum genus mali. Postea de hircis  
nullam facit mentionem, semel illos nominauit, ut sciremus eos esse. Ipse enim illos bene  
nouit. Postea sic loquitur, tanquam omnes sint oues. Primo quomodo ipse uidet, postea ue-  
ro quomodo nos uidemus, locutus est. Hirci enim quia insunt, & quia in fine seperabūtur,  
notum sit ouibus, modo tanq̃ inter ouem & ouem discerno. Nam scit prædestinatione  
& præsciētia oues & hircos ille solus, qui prædestinare potuit, q̃ præscire. Modo quia omnes  
sub iugo Christi sunt, & omnes ad gratiam dei accedunt, ouem te putas, hircū te forte deus  
nouit, sed tanquam ouis audi quod audis, Ecce ego iudico inter ouem fortem & inter ouem  
imbecillem, quoniam lateribus & humeris uestris impellebatis, & cornibus uestris percutie-  
batis, & omne quod deficiebat cōprimebatis, quoadusq̃ dispergeretis eas foras. Quis hoc  
non intelligat? Quis non exhorrescat? Si mille oues foris sunt, non est factum. Si autē mul-  
tas oues foris errare plangimus, uæ quorum humeris & lateribus & cornibus factū est. Nō  
enim hæc facerent nisi fortes oues. Quæ sunt fortes? De suis uiribus præsumentes. Quæ  
sunt fortes? De sua iustitia gloriantes. Non diuiserunt oues, non foras miserunt, nisi qui se  
iustos esse dixerunt: humeris audaces ad impellendum, quia non portant sarcinam dei: la-  
tera mala, conspirantes amici, societas pertinaciæ: cornua erecta, elata superbia: impelle late-  
ribus & humeris, uentila cornibus, mitte foras quod non emisti: certe ipsa tota causa est,  
quia tu iustus, & alij iniusti, & indignum erat ut iustus esset cum iniustis: indignum uideli-  
cet, ut frumēta essent inter zizania: indignum ut oues inter hircos pascerentur, donec pastor  
ueniret qui in separando non errat. Ita ne tu angelus eradicans zizania? Nō te agnoscerem  
angelum eradicantem zizania, nec si iam messis uenisset. Ante messem non tu, sed quisquis  
fuerit non est uerus. Qui designauit messorem, designauit & tempus. Possent & homines se  
dicere angelos. Inuenimus fortasse in scripturis & homines dictos angelos: sed tamen ego  
tēpus messis attendo. Angeli tibi nomen potes imponere, tēpus messis nō potes breuiare.  
Itaq̃ falsum dicis, qui sis, quia nōdum uenit quando sis. Proinde cum uenerit, & ueri messor-  
es missi fuerint, nescio ubi te inueniant, utrum purgandum qui in horreo recondaris, an  
alligandum qui in ignem proijciaris. Ideo enim dico, forte, quia non audeo iudicare. Modo  
te foris doleo: utrum sis futurus intus, ignoro. Interim audi ex alio scripturæ testimonio de  
te scriptum esse, dum uiuis, & noli uelle zizania eradicare, quādo tempus non est, sed tu ipse  
intro redi cum tempus est. Dicit alia dei scriptura, Filius malus ipse se iustum dicit. Hi sunt  
humeri & latera & cornua tua. Male fortis, quantum melius esses infirmus. Male fortis, sed  
non sanus. Male fortis phreneticus cedit & medicum. Dicis te perfectum ut facias defectū.  
Quanto potius, quanto utilius esses infirmus, ut ille te perficeret qui nouit imperfectū tuū.  
Et apostolus Paulus uas electionis, ne extolleretur in reuelationibus, q̃d dicere nō audere-  
mus, nisi ipsi dicēti crederemus, In magnitudine, inq̃t, reuelationū ne extollar, datus est mi-  
hi stimulus carnis meæ angelus sathanæ, qui me colaphizet. Ne cornua erigeret, colaphi-  
zari se dicebat. Propter quod, inquit, dominū ter rogaui ut auferret eū à me, & dixit mihi,  
Sufficit



1104H.2

P[al. 94

Psal. 60

Eccl'ii. 2

Rr      ingressi.

ingressi. Sed faciamus aliquem cogitantem de anima sua & uolentem esse Christianum, attendit ubi duas partes uidet, quarit causas quare se illi ab illis separauerunt. Respondent illi: Separauimus nos tanquam iusti à peccatoribus. Quasi uero cæco loquantur audienti quid dicant, non uidenti quid agant. Si itaque inspiciens morem ipsorum & ea quæ paulo ante comorauit dicat illis: Rogo uos, iustos uos esse dicitis, & ideo uos recte separasse contenditis, quare apud uos sunt tales & tales? Et illi fortasse, quia negare non audet, quia ea dicuntur quæ oculis obijciuntur, sunt quidem apud nos tales, sed nunquid omnes sumus tales? Optime. Video te foris cum peccatoribus. Quare non intus? Merces enim separationis tuæ esse debuit, cum peccatore non uiuere. Si foris sic esses, ut quales te fingis fugisse non haberes, quo modo ferrem separationem tuam. Attendat ergo iste cupiens esse Christianus, ubi sit Christianus. Videt illos separatos quasi à peccatoribus, plenos peccatoribus. Rursus attendat ecclesiam Christi secundum probabilem uitam morum generis humani, secundum quos mores potest ipse etiam ueniens de seculo utcumque iudicare. Videat & hic aliquos sobrios, aliquos ebriosos, aliquos patientes pauperes, aliquos rapinam rerum alienarum appetentes, & cætera talia, uidet hic, uidet & ibi, attendat iam deum, quid dicat de ecclesia sua: inuenit deum dicentem per omnes gentes ecclesiam suam, inuenit deum etiam in ista similitudine zizaniorum dicentem: Ager est hic mundus. Non ager est Africa, sed hic mundus. Per totum mundum frumentum, per totum mundum zizania, tamen ager est mundus. Seminator filius hominis, messores angeli, non principes Circūcellionum. Sinite crescere utrumque usque ad messem, non crescere zizania, & decrescere frumenta, sed utrumque crescere usque ad messem. Quam messem? Ipsum audi: Messis est finis seculi. Audit hæc planè, & recte iudicans quid dicit: Non ero in illa concisione, hac ero, & bonus ero in nomine eius cuius ero, & bonus ero, non meipsum bonum faciens, sed ab illo fieri expectans, non meipsum bonum & iustum dicens, sed ab illo dici desiderans. Intrat, fit catholicus, ecce ipse abluit ingressum suum, ablue & tu exitum tuum. Non potes. Filius enim malus ipse se iustum dicit, exitum autem suum non abluit. A

Cap. XI  
Ezech. 34  
Lateribus & humeris uestris impellebatis, & cornibus uestris percutiebatis, & omne quod deficiebat comprimebatis, quoadusque dispergeretis eas foras. Et saluabo oues meas. Sicut detestanda illorum iniquitas & crudelitas, ita laudanda pastoris nostri ueri dei nostri misericordia, saluauit oues suas. Forte fratres mei quamuis per minimos seruos suos, forte per indignos hoc facit cum hoc dicimus. Saluat oues suas, audiant uocem pastoris sui & sequantur eum: non quærant ecclesiam ex ore hominum, ex ore dei quærant, ex ore Christi quærant. Ille quem dicit impium, impius est: quem dicit iustum, iustus est: quem dicit ouem, ouis: quem dicit hircum, hircus est. Ipse est ueritas, ipse loquatur, ab illo ecclesia quærat. Dic nobis domine, ubi est ecclesia tua? Et ille omnibus: Vbi ego sum, scitis. Respondeant omnes: In cælo ad dexteram patris. Integra fides. Hanc docui, hanc seminavi, sed per mundum seminavi. Cum me, inquit, confitemini in cælo, uenit uobis certe in mentem ille psalmus, Exaltare super cælos deus. Ecclesiam quæritis, legite quod sequitur: Et super omnem terram gloria tua. Vbi fratres, ubi dictum est, Exaltare super cælos deus: de Christo resurgente & ascendente, ibi statim sequitur: Et super omnem terram gloria tua. Sponsus in cælo est, sponsa in terra est: ille super omnes cælos, illa super omnem terram. O hæretice, credis quod in cælo non uides, negas quod in terra uides. Dicat ergo hæc, dicat & audiatur, saluat oues suas. Et saluabo, inquit, oues meas, & iam non erunt in uastatione, & iudicabo inter ouem & ouem, & excitabo super eas pastorem unum. Nonne ipse in superiori lectione dixerat: Ego pascam? Modo excitat pastorem unum ille qui pascit. An forte intra tam paruum interuallum lectionis tædio affectus est pascendo, & excitauit pastorem cui commendaret curam ouium ut ipse esset securus? Audiamus quæ pastorem dicit, & ibi intelligimus quare & ipse pastor etiam excitato isto pastore ipse pascat, & solus pascat. Excitabo super eas pastorem unum, & pascet eas. Seruus meus Dauid ipse pascet eas. Prophetiam esse de Christo ueniente ad homines ex semine Dauid intelligitis fratres, si tempora cognoscatis. Ipse B



A tis, Ipse propheta Ezechiel tempore captiuitatis fuit, quæ facta est ex transmigratione po-  
 puli in Babyloniam. A tempore Dauid usq; ad tempus huius transmigrationis, generatio-  
 nes sunt quatuordecim. Ecce quanto post dicit: Et Dauid pascet eas. Si hoc diceretur tempo-  
 re Noë, aut tempore Abraam, aut tempore Moyfi, aut tēpore saltem ipsius Saulis, cui suc-  
 cessit in regno Dauid, recte intelligeremus de ipso Dauid filio Iesse dictum esse hoc, q; ipse  
 futurus esset pastor gregis dei, cui regnāti populus ille cōmissus est: nunc uero iam regnaue-  
 rat Dauid, iam de uita ista exierat, iam patribus appositus erat, iam pro merito suo quiesce-  
 bat. Quid est quod dicit, Excitabo Dauid, & faciam eum pastorem unum: nisi quia Dauid  
 ille est, qui uenit ex semine Dauid? Quomodo ergo erigit nobis pastorem deus? Quem pa-  
 storē unū? Et pascet eas seruus meus Dauid. Iam dudū ipse pascebat nos, modo pascit nos  
 seruus eius Dauid. Quare tanq; alter? Nam utiq; cum ille pascebat, deus pascebat: & cum  
 deus pascebat, pater & filius & spiritus sanctus pascebat. Modo excitatur & fit tanq; alter  
 pastor, sed non alter. Non alter secundum formam dei, quia in forma dei ipse & pater unus  
 deus: in forma autem serui tanq; alter excitatur ut pascat, quia maior est pater. Audi unum  
 pascentem, & Christum pascentem, Ego & pater unum sumus. Audi excitari Christum pa-  
 scentem, Pater maior me est. Vnus ergo pascit, quia cum in forma dei esset, non rapinam ar-  
 bitratus est esse se æqualem deo. Excitatur autem ut pascat, quia semetipsum exinaniuit for-  
 mam serui accipiens. Hoc & hic ipsa uerba testantur: Pascet eas seruus meus Dauid. Seruus  
 in forma serui: seruus, quia semetipsum exinaniuit formam serui accipiens, in similitudine  
 hominum factus, & habitu inuentus ut homo, humiliauit semetipsum factus obediens us-  
 que ad mortem, mortem autem crucis. Excitetur ergo ut pascat. Propter quod, inquit, deus  
 exaltauit eū à mortuis, & donauit ei nomen quod est super omne nomen. Iam excitato ser-  
 uo suo Dauid, iam excitata forma serui, quam posuit ad dexteram suam, donauit ei nomē  
 quod est super omne nomen. Vide quemadmodum pascat, q; late pascat, ut in nomine Ie-  
 su omne genu flectatur, cœlestium, terrestriū, & infernorū. Ad quā angustā partē latū pos-  
 sessorem uanitas hæretica impingis? An tantum fidis superbis humeris & cornibus tuis, ut  
 nō congreges ad pastorē, sed & ipsum pastorem à grege coneris excludere? Pascet eas ser-  
 uus meus Dauid. Audite oues pascentem uos Dauid. Audite uocem pastoris uestri Da-  
 uid, non uocem latronum, non ululatus luporum. Pascet eas seruus meus Dauid. Ipse pa-  
 scet eas. O cōmendanda res, Ipse pascet eas. Qui uult pascere, in illo pascat, quia ipse pascit  
 eas. Deus pauloante dicebat, Ego pascam: modo dicit, Ipse pascet eas. Respondeat filius &  
 dicat nobis. Vtrumq; uere dictum est, Ego & pater unum sumus. Qui dicit, ego pascam,  
 non mentitur dicendo, ipse pascet: & cum dicit, ipse pascet, non mentitur dicendo, ego pa-  
 scam. Non credis, inquit, quia ego in patre, & pater in me est? Philippe, qui uidet me, uidet  
 & patrem. Recte dicitur, Ego pascam: recte dicitur, Ipse pascet. Distinctio est, non separa-  
 tio, ipse pascet eas. Nolite oues expauescere, non relinquet uos qui dicit, ipse pascet eas. De-  
 us pascit pater & filius & spiritus sanctus, ipse deus pascit. Sed distinguenda erat forma ser-  
 ui, non separanda & alienanda, & in aliam personam cōstituenda. Accepit in se creator crea-  
 turam, non mutatus est creator in creaturā, assumpsit quod non erat, nō amisit quod erat.  
 Pascet eas seruus meus Dauid. Ipse pascet eas, & erit eis in pastorem, & ego dominus  
 ero illis in deum. Attendite fratres: Videte unitatem deitatis, & personarum tamen distribu-  
 tionem, ne dicamus eum esse filium qui pater est, aut eum esse patrem qui filius est. Ecce di-  
 xit: Ipse pascet eas, qui pauloante dixerat: Ego pascam eas. Et erit eis, inquit, in pastorem, &  
 ego dominus ero illis in deum. Expone nobis domine. Nemo aquam turbet, quod purum  
 manat de puro fonte potemus. Quid enim quasi singillatim quod dixisti, erit ipse in pasto-  
 rem, ego ero in deum, tanq; ipse sit pastor noster, tu sis deus noster? Quare domine tu non  
 es pastor noster, & ille non est deus noster? Tranquille audi, esto mansuetus ad audiendū  
 uerbū, ut intelligas. Forte enim modo audit me aliqua auris diuersa sentiens & hæretico ue-  
 heno tabefacta, & irridet me dicentem, patrem & filium unum deum, cum non irrideat tot  
 milia

Ioan. 10  
 Ioan. 14  
 Phil. 2

cap. XII

milia fratrum habentium animam unam, & dicit mihi, ecce aperte deus dicit: Erit eis in pastorem seruus meus Dauid: quem tu ipse Christum intellexisti, nec aliter potest intelligi. Rationem enim reddidisti, hæc esse dicta, cum iam dormisset Dauid. Christus ergo erit eis in pastorem, & ego, dominus ait, ero illis in deum. Ille in pastorem, ille in deum. Tu ergo mihi expone, quid est: Ego pascam? Quis dicebat, ego pascam? Certe deus loquens dicebat, ego pascam. Quomodo non separauit Christum à pascendo, cū diceret, ego pascam: sic nō separauit Christum à deitate, cum diceret, ego deus. Ecce pastor est Christus, pastor est & pater. Sic deus est pater, deus est & Christus. Sicut à pastore Christo non separas patrem, sic à deo patre non separe Christum. Habet cum filio pater pascendi miserationem, habet cum patre filius diuinitatis aequalitatem. Sed nisi ita diceret, putares eum esse patrem qui est filius. Ergo ad unitatem deitatis te admonuit, & ad personarum distributionem, ut quod dicit, ipse pascet, & ego ero illis in deum, non se separans à filio pascente, nec filium separans à se dominante, & in patre intelligas deum filium, & in filio intelligas pastorem patrem. Ego, inquit dominus, ero illis in deum, & seruus meus Dauid princeps in medio eorum, quia uerbum caro factum est & habitauit in nobis. Princeps in medio eorum: inde & mediator dei & hominum, quia deus cum patre, quia homo cum hominibus. Non mediator homo præter deitatem, non mediator deus præter humanitatem. Ecce mediator. Diuinitas sine humanitate non est mediatrix, humanitas sine diuinitate non est mediatrix, sed inter diuinitatem solam & humanitatem solam mediatrix est humana diuinitas & diuina humanitas Christi. Et seruus meus Dauid princeps in medio eorum.

cap. XIII

Ego dominus locutus sum. Non nescio quis hæreticus. Ego dominus locutus sum, Et disponam ad eos testamentum pacis, per ipsum utiq; qui ait, Pacem meam do uobis, pacem meam relinquo uobis. Hoc est testamentum patris nostri, testamētum pacis. Quælibet hæreditas diuidatur inter consortes, pacis hæreditas diuidi nō potest. Pax nostra Christus est, Eph. 2 pax facit utraq; unū, non duo de uno. Ipse enim pax nostra dicit, qui fecit utraq; unū. Testamentum dei est, hæreditas pax est. A concordibus consortibus possideatur, nō à litigantibus diuidatur. Et disponam ad eos testamentum pacis. Vigilate hæretici, audite à pastore testamentum pacis, uenite ad pacem: irascimini Christianis imperatoribus, quia testamentum uestra ualere noluerunt in domibus uestris, uidete quàm digna sit pœna. Et quid est q; testamentum non ualet in domo uestra? Quid est? Quantū est? Dolor iste admonitio est, nondū damnatio: Voluit em̄ deus cōpati testamēto pacis suæ. Condoles testamento tuo, si non stet testamentum tuum in domo tua. Certe moriturus es, & quid agatur in illa domo, postea nesciturus. In illa enim die peribunt, inquit, omnes cogitationes eius, & non cognoscet amplius locum suum. Non ergo sciturus quid postea agatur in domo tua, cum mortuus fueris, doles tamen testamentum tuum non stare in domo tua. Christus mortuus resurrexit, de cœlo respexit, ut stet testamentum eius. Euigila ex dolore tuo, corrigere excruciatu tuo. Ligno male curuo nosti calorem solere adhiberi: corrigatur dolor iste, nondum est flamma ignis æterni, tanquam calor foci est admotus curuo cordi tuo, ut hic admoneatur & corrigatur. Dole prorsus. Recte doles, non stare testamentum tuum in domo tua. Dominus dei cor tuum est. Si uis ualere testamentum tuum in domo tua, quare non uis ualere testamentum dei in domo sua? Dimittis filijs tuis parietes, & si aliter filios tuos diuiferos noueris quàm tu disposueris, doles. De una domo uilissima, de tecto ruituro quantam curam habes, quantam sollicitudinem concipis: quemadmodum ardentibus febribus premēti morbo, ipsi morti urgenti quantum potes resistis, anhelans uerba extrema ut impleas testamentum. Quot iuris peritos consulis, quantas fraudes, ut stet testamentum tuum contra ipsam legem imperatoris, inquiris? De proximo tibi respondet deus, Noli fraudes querere, noli calumniosas formulas aucupari. Vis stare testamentum tuum, stet in te meum. Doles, quia acquisitionem tuam tollit alius quem ignorabas, quid de hæreditate mea tam lata, tam pia? In semine tuo benedicetur omnes gentes. Dixi ego seruo meo, dicit tibi

Psal. 145



A tibi deus, & credidit cum hæc non uiderit, tu uides & negas. Ecce ille factum testamentum seruauit, tu apertum discindis. Tunc enim testamentum seruatum est, quādo auditum est: tunc apertum est, quando impletum est. Vsq; ad manus tuas seruatum est testamentum. Certe hæres uis esse. Nunquid sic tecum contendit cohæres tuus, ut dicat tibi, tolle istam partem, ego illam, aut tolle tu minorem, & ego maiorem? Non dicit, simul diuidamus, sed si mul habeamus: hoc enim uoluit, qui testatus est. Aperi & lege: & clamans, ne intenderetur ego feci, ne intenderetur ego seruauit, ne intenderetur tu seruasti. Aperi & uide, quia unde intendereris, seruasti, quous te seruasse absit ut credam, quem uideo non seruare quod iubet.

Et ponam ad eos testamentum pacis, & exterminabo bestias malas à terra. Bestias, Cap. XIII  
Ezech. 34  
Psal. 67 hostes testamenti pacis. De illis bestiis dicitur in psalmo, Increpa feras calami. Quid est feras calami? Bestias aduersarias sacre scripturæ, quia calamo scriptæ sunt. Exterminabo bestias malas à terra, & habitabo in eremo in spe. Quid est in eremo? In solitudine. Quid est in solitudine? Intus in conscientia. Magna solitudo, qua non solum nullus hominum transit, sed nec uidet. Ibi habitemus in spe, quia nondum in re. Etenim totum quod foris est nostrum, fluctuat tempestatibus & tentationibus seculi. Est interior eremus, ibi interrogemus fidem nostram, interrogemus si est charitas intus, uideamus si non labia sonant, sed & pectus cū dicimus, Dimitte nobis debita nostra, sicut & nos dimittimus debitoribus nostris, Matth. 6 si uerum sonat, si uerum dicimus, ubi nemo hominū uidet: ibi est eremus, ubi requiescimus in spe, quia transit hæc omnis tribulatio: & quæ spes erat, fiet res, & erit totum nostrum in requie, quia iam conspici nobis erimus, & non erit ouis tanquā abscondita cogitatio, & non erit eremus conscientia, quia omnes sibi noti erūt, & cogitationes suas ignotas non habebūt, cum uenerit dominus, & illuminauerit abscondita tenebrarum, & manifestabit cogitationes cordis, & tūc laus erit unicuique à deo. Nūc uero uides duos homines in tribulatione, ipsorum uidere nō potes. Forte alius conscientia mordeat, alius in conscientia tanquā in eremo requiescit, & habitabūt in eremo in spe, & somnū habebūt, id est, requiē, tanquā alienatis sensibus ab omni strepitu seculi intus ibi req̄scēt in riuis. In ipsa intus eremo sunt riuus quidā memoria manātes, liquores diuinos scaturientes, ex mente scripturæ tenentis & recolentis. Etenim quod legisti, quod audisti, si purum & liquidum & sanctum memoriæ mandaueris, cum cœperis in illa interiore eremo, id est, in bona conscientia requiescere, eliquatur de interioribus mentis tuæ, & manat quodammodo recordatio uerbi dei, & cum cæteris requiescis in spe, & dicis: Verum est, bene mihi est, ipsa est spes mea, hoc mihi promisit deus, non mentitur, securus sum. Et ista securitas somnus est in riuis. Et somnum habebunt in riuis, & dabo eis in circūitu collis mei benedictionem. Mons licet sit, collis licet sit in circūitu eius, bene sit nobis. Collis ipse Christus est. Sic enim ipse in medio nostrum, nos sumus in circūitu eius. Iam enim dudum dixerat: Dauid princeps in medio eorum. Et quia princeps, ideo collis, lenis, non arduus & difficilis ascendenti, sed si non de alto pedes ponat. Et dabo eis in circūitu collis mei benedictionem, & deferam imbrem in tempore suo, pluuiam uerbi dei. Est enim & imber malus, qui deijcit domum super arenam constitutam, cui magnum est ut resistat domus super petram fundata: tentationis enim imber est, ruinam quærens, non terram rigans. Non erit talis imber iste quem se dicit deferre dominus. Quid enim ait? Imbres benedictionis erunt. Suspectum te fecerat nominatus imber. Imbres erunt benedictionis, non tentationis. Imbres erunt benedictionis. Et uide quid profecit ille imber. Et ligna quæ in campo sunt dabunt fructum suum. In campo, in planicie quadam, non arduis, in facilitate quadam uitæ. Facilitatem quandam uitæ huius nihil in se habentem ardui, laboriosi, difficultatis, domos suas, uelut in campo sunt ligna, arduum nihil accendere ualuerunt: sed accipiant imbrem, dabunt & hæc ligna fructum suum. Horum lignorum fructus est: Frange esurienti panem tuum, & egenum sine tecto, induc in domum tuam. Talibus lignis dicebat Apostolus, Esa. 58 Non quia quæro datum, sed requiro fructum. Et ligna quæ in campo sunt dabunt Philip. 4 fructum

fructum suum, & si non habent maiorem, habet tamen quendam suum. Et terra dabit generationem suam, tota terra, & inhabitabunt in terra sua. Iam campi, colles, montes dabit generationes suas. Quid potest campus? Quid potest collis? Quid potest mons? Solus agricola agnoscatur, & habitabunt in terra sua in spe. Videtis quia ea promittit quae hoc tempore donat nobis. Quamdiu dicit in spe, adhuc in hoc tempore intelligo: cum enim per uenerimus ad promissa, iam non erit spes, sed res ipsa erit.

Cap. XV

Ezech. 34

Ioan. 8

psal. 55

psal. 21

Et scient quoniam ego sum dominus in eo, cum confregero furcas iugi eorum. Furcas quibus premitur collum eorum. Dñe frange furcas eorum, quibus haeretici premunt colla infirmorum. Quid enim tam angustum & furca compressum, quam, noli audire Christum, audi me? Remoue furcam, respirare permittite. Nescio quid dicas. Audio uocem pastoris mei per omnes gentes, incipientibus ab Hierusalem, sine me sequi pastorem. Quid premis? Tolle furcam de collo meo, tollam iugum leue domini mei. Haec audit & premit. Domine non uult haereticus furcam suspendere, tu furcam frange. Crux domini sursum leuat, furca haeretici deorsum premit. Sed confringentur in eo cum confregero furcas iugi eorum. Dominatio nem enim suam uolunt hominibus imponere, uolentes eos sub se esse, non sub deo. In eo cum confregero furcas iugi eorum, & eximam eos de manu eorum, qui eos in seruitutem redigebant. Quid est, in seruitutem redigebant? Ad peccatum eos cogebant. Omnis enim qui facit peccatum, seruus est peccati. Videte quid eis persuaferint fratres, ut dicant, Illi de nobis reddent rationem, nos oues sumus, quò duxerint sequimur. Ouis es, pastorem audi, non lupum. Et non erunt in uastationem gentibus. In omnibus enim gentibus non desunt alij hic, alij ibi, non illi ibi qui hic, sed tamen non desunt furcis prementes colla fidelium, nec hic nec ibi. Dissentiunt inter se, contra unitatem omnes consentiunt. Vnitas autem non dissentit à se, sed contra omnes dissentientes à se ubiq; pugnat, ubiq; laborat. Sed est requies in eremo. Et non erunt adhuc in uastationem gentibus, & bestiae terrae iam non comedent eos. Audientes uocem pastoris seruentur à dentibus luporum, bestiae illae calami non comedent eos, uolentes ad sensum suum conuertere scripturas, ab apertis scripturis auercentes aures, uolentes se audiri, & scripturas non audire. Et bestiae terrae non comedent eos, & inhabitabunt in spe. Videte quotiens ostendat, quia quod nunc promittit, hic promittit, de rebus loquitur quas adhuc hic exhibet. Et non erit qui eos terreat. Quomodo non erit qui eos terreat? Non erit prorsus. In domino confido, iam cum coeperit dicere homo, In domino laudabo sermo nem, in deo laudabo uerbum: in deo speraui, non timebo quid faciat mihi homo: non in me. Illi laudabant uerbum in se dicentes, Quod uobis dicimus, credite. Nos laudamus uerbum in domino dicentes, quod nobis dicitur à domino, credamus. Non erit qui eos terreat. Et excitabo eis plantarium pacis, testamentum pacis. Plantarium pacis germinet quod plantat deus, & exterminetur quod seminauit haereticus. Quod plantauit deus de se, de ecclesia sua: de se in caelo, de ecclesia in terra: de se super omnes caelos, de ecclesia per omnes terras, hoc plantauit deus. Veni autem huc, esto in parte Donati, in sola Africa ecclesia est. Non plantauit deus, non agnosco plantam dei: eradicandum est quod loqueris, non rigandum. Et excitabo eis plantarium pacis, & iam non erunt qui exterminentur fame in terra. Vere fratres quia fames est, quaerite & uidete quantam famem patiantur, & quod peius est, circum os habent escam, sed non manducant: prorsus quomodo agri moriuntur saepe fastidio, non quia deest quod comedant, sed quia comedere nolunt & auersantur. Nam utiq; & scripturae istae loquuntur, & hic utiq; & ibi sonat psalmus, Comemorabuntur & conuertentur ad dominum uniuersi fines terrae, & adorabunt in conspectu eius uniuersae patriae gentium. Ecce esca posita est in uasculo. Si sanus esses & manducares, nunquid ibi remaneres? Et iam non erunt qui exterminentur fame in terra, & iam non portabunt maledictum gentibus. Vere fratres in tantum culmen in nomine Christi erecta est ecclesia, ut iam confundantur omnes maledici, nec audiant maledicere. Hoc solum illis remansit, quod contra nos dicant: quare inter uos non consentitis? Gentiles Pagani qui remanserunt non habentes quod dicant contra Christi nomina



men, diffensionem Christianorum in Christianis obijciunt. Ergo quicūq; ab hæreticis tran-  
 sierunt ad catholicam, non habebunt hoc opprobrium gentium, nec portabunt maledictū  
 diffensionis, quia permanent in radice unitatis, in plantatione charitatis, non reportabunt  
 maledictum. cap. xvi

Et scient quia ego sum dominus deus eorum, & ipsi populus  
 meus domus Israël, dicit dominus deus. Ecce sunt oues, ecce est & uinea. Quomodo quum  
 de uinea loqueretur Esaias, arguens quandam uineam malam, ne diceret uitis, non intel-  
 lexi, exposuit in fine dicens: Vinea autem domini sabaoth, domus Israël est: ne dicerent, Esai. 5  
 non nobis dictum est, sed uineæ nescio cui. Sic & hic, quum loquutus esset de ouibus, ad ex-  
 tremum ne quis dicat, forte sunt aliquæ oues dei nescio ubi, quas curat deus, & ego illas non  
 noui, quanquam absurdus est nimis humano sensui qui ista cogitauerit: tamen pastor ille  
 compatiens infirmis usq; ad tales cogitationes descendit, & quæ essent oues eius apertissi-  
 me exposuit. Et uos oues meæ, & oues gregis mei homines estis. Sed qui homines? Oēs ho- psal. 39  
 mines? Non. Beatus enim cuius est dñs deus spes eius. Et q̄ bonus deus Israël rectis cor- psal. 72  
 de. Beatus uir cuius dñs deus est ipsius. Super omnes deus est: tamen nescio quomodo non  
 facile quisq; audet dicere: Deus meus, nisi qui in eū credit, & qui eum diligit, ipse dicit, deus  
 meus: tuū fecisti tibi, cuius es. Hoc amat ipse, prorsus dulcedine affectus tui, & securo, & præfi-  
 denti dilectione dic, deus meus. Securus dicis, uerum dicis, quia tuus est, & nō fecisti ut non  
 sit alterius. Non enim sic dicis, deus meus, quomodo, equus meus. Equus enim tuus est, non  
 alterius equus. Deus & tuus est, & eius qui sic dixerit, deus meus, quomodo tu dicis. Singuli  
 dicunt, deus meus & deus meus, ille omnium est, communiter omnibus se ad fruendū præ-  
 bens, in omnibus integer: non enim qui dicunt, Deus meus, singuli diuidunt inter se. Si ser-  
 mo iste quem iacto lingua & sono constante litteris & syllabis, totus ad singulos peruenit,  
 nec diuidunt illum inter se qui audiunt, si sermo ad aures corporis corporaliter sonans, in  
 propinquo clarius, in longinquo languidius, ab omnibus tamen audientibus totus excipi-  
 tur, non inter se syllabatim eum diuidentibus, sed ab omnibus totum accipientibus: quanto  
 magis ille deus ubiq; præsens, implens omnia, non propinqua clarius, & longinqua langu-  
 dius, sed pertendens a fine usq; ad finē fortiter, & disponens omnia suauiter, æqualiter pos-  
 fidetur ab omnibus. Lux ista fratres mei certe corporea de cælo fulget, oritur, occidit, circūit,  
 de loco in locum mutatur, tamen procedunt in ea & diriguntur oculi omnium, & omnium  
 oculi pariter eam possident, non eam diuidunt, nullus in ea diues limitē fixit, nec prior præ-  
 occupando ut uideret oculos pauperis, aut exclusit aut angustauit. Dicat pauper, Deus me-  
 us: dicat diues, Deus meus: minus ille habet, plus hic habet, sed argentum nō deum, ut per-  
 ueniret ad deum. Zachæus diues dedit dimidiū patrimonij sui ut perueniret. Pauperior calicem  
 & nauem dimisit ut perueniret. Vidua duo minuta dedit ut perueniret. Penitus pauper & egenus solam bonam ualetudinem  
 aquæ frigida porrexit ut perueniret. Penitus pauper & egenus solam bonam ualetudinem  
 tribuit. Diuersa dederunt, sed ad unum peruenerunt: quia non diuersa amauerūt. Sic & uos  
 homines oues dei, nolite perturbari tēporalibus diuersitatibus uestris: quod alij in honore,  
 alij sine honore, alij cum pecunia, alij præter pecuniā, alij pulchri corpore, alij minus pulchri,  
 alij ætate fessi, alij iuuenes, alij pueri, alij uiri, alij scemina, deus om̄ibus æqualiter adest. Ille  
 apud eum plus habet loci, qui plus attulerit, nō argenti, sed fidei. Et uos, inquit, oues meæ &  
 uos greges mei homines estis, & ego deus uester, dicit dñs deus. O beatos uos tali possessio-  
 ne, & tali possessore. Nā & possidet nos, ut possideamus illū. Possidet nos, ut colat nos, pos-  
 sidemus illum ut colamus illū. Sed nos tanq̄ deum colimus, ille colit tanq̄ agrum. Ille colit  
 nos ut fructum afferamus, nos eum colimus ut fructum demus. Totum ad nos recurrit, ille  
 nostri non eget. Dabo, inquit, tibi hæreditatem tuam, & possessionem tuam fines terræ. Ecce possessio  
 nostra est, sed tamen qua distinctione: uos homines estis, ego dñs deus uester, dicit domi-  
 nus deus noster, Qui uiuit & regnat deus in secula seculorum. Amen.

Finis.

Rr 4

Diui

## De symbolo uel regula fidei ad catechumenos, liber primus.

Cap. I



Rom. 10

CCIPITE fili regulam fidei, quod symbolum dicitur, & cum acceperitis, in corde scribite, & quotidie dicite apud uos, antequam dormiatis, anteque procedatis, uestro symbolo uos munite. Symbolum nemo scribit ut legi possit, sed ad recensendum, ne forte deleat obliuio quod tradidit diligentia, sit uobis codex uestra memoria. Quod audituri estis, hoc credituri, & quod credideritis, hoc etiam lingua reddituri. Ait enim Apostolus, Corde creditur ad iusticiam, ore autem confessio fit ad salutem. Hoc est enim symbolum quod retenturi estis & reddituri. Ista uerba quæ audistis per diuinas scripturas sparsa sunt, sed inde collecta & ad unum redacta, ne tardorum hominū memoria laboraret, ut omnis homo possit dicere, possit tenere quod credit. Nūquid modo audistis, quia deus omnipotēs est? Sed incipitis eū habere spiritū, quādo nati fueritis per ecclesiā matrē. Inde ergo iam acceperitis, meditati estis, & meditati tenuistis ut dicatis: Credo in deum patrem omnipotentem. Deus omnipotens est, & cum sit omnipotens, mori non potest, falli non potest, metiri nō potest, & quod ait Apostolus, negare seipsum nō potest. Quoniā multa non potest & omnipotēs est. Et ideo omnipotēs est, quia ista nō potest: nam si mori posset, nō esset omnipotens, si metiri, si falli, si fallere, si inique agere, nō esset omnipotens: quia si hoc in eo esset, nō fuisset dignus qui esset omnipotens. Prorsus omnipotēs pater noster peccare nō potest. Facit quicquid uult, ipsa est omnipotentia, facit quicquid bene uult, quicquid iuste uult: quicquid autē male fit, nō uult. Nemo resistit omnipotēti, ut nō qd' uult faciat. Ipse fecit cœlū & terrā, mare & omnia quæ in eis sunt, inuisibilia & uisibilia. Inuisibilia, sicut sunt in cœlis sedes, dñationes, principatus, potestates, archāgeli, angeli, si bene uixerimus ciues nostri. Fecit in cœlo uisibilia, solē, lunā, stellas. Suis animalibus terrestribus ordinauit terrā, impleuit aērē uolatilibus terram ambulātibus & serpentibus, mare natantibus, omnia impleuit suis creaturis propriis. Fecit & hominē ad imaginē & similitudinē suā in mente: ibi em̄ est imago dei, ideo mens ipsa non potest cōprehendi nec à seipsa, ubi est imago dei. Ad hoc facti sumus ut creaturis ceteris dominemur, sed per peccatū in primo homine lapsi sumus, & in mortis hēreditatē omēs deuenimus. Facti sumus humiles mortales, impleti sumus timoribus, erroribus, hoc merito peccati, cum quo merito & reatu nascitur omnis homo. Ideo sicut uidistis hodie, sicut nostis & paruuli exufflantur & exorcizantur, ut pellatur ab eis diaboli potestas inimica, quæ decipit hominē, ut possideret homines. Nō ergo creatura dei in infantibus exorcizatur aut exufflatur, sed ille sub quo sunt omnes qui cū peccato nascūtur: est enim princeps peccatorū. Ac per hoc propter unū qui lapsus est, & omnes misit in mortē, missus est unus sine peccato, qui omnes in se credētes perducatur ad uitā, liberās eos à peccato. Ideo credimus & in filiū eius, id est, in dei patris omnipotētis unicū dñm nostrū. Quādo audis unicū dei filium, agnosce deū. Nō enim filius dei unicus posset esse nō deus. Quod est, hoc genuit, & si nō est quem genuit. Si uerus est aut filius, hoc est quod pater: si hoc nō est quod pater, nō est uerus filius. Mortales & terrenas creaturas attēdite: quod est res quæq;, hoc generat, nō generat homo bouem, non generat ouis canē, nec canis ouē. Quicquid est quod generat, id quod est generat. Tenete ergo fortiter, firmiter, fideliterque: hoc genuit deus pater, quod est ipse omnipotēs. Creaturæ istæ mortales per corruptionē generāt. Nūquid sic deus generat? Mortalis natus id quod est generat, immortalis quod est generat, corruptibilis corruptibilē generat, incorruptibilis incorruptibilē, corruptibilis corruptibiliter, incorruptibilis incorruptibiliter, usque adeo hoc quod est, ut unus unū, ideo unicū. Scitis quoniā cū uobis prānunciare symbolum sic dixi, & sic credere debetis, quia credimus in deū patrē omnipotentē, & in Iesum Christū filiū eius unicū. Iamque unicū crede omnipotentē: non enim deus pater facit quod uult, & deus filius non facit quod uult, una uoluntas est patris & filij, quia una natura: nec enim uoluntas filij potest à patris uoluntate aliquantulum segregari. Deus & deus, ambo unus deus: Omnipotens & omnipotens, ambo unus omnipotens. Non introducimus duos

cap. II



C duos deos, quomodo quidam introducunt, & dicunt: Deus pater & deus filius, sed maior  
 deus pater, minor deus filius. Ambo quid? Duo dii? Erubescis dicere, erubescere credere. Do-  
 minus deus pater dicis, & dñs deus filius, & dicit ipse filius, Nemo potest duobus dominis *Math. 6*  
 seruire: in familia ipsius sic erimus, ut quomodo in domo magna, ubi est paterfamilias &  
 habet filium: dicamus & nos, dñs maior, dominus minor. Auerſamini talem cogitationē:  
 si uobis talia feceritis in corde, idola ponitis in anima, unā prorsus repellite. Prius credite,  
 postea intelligite. Cui autem donat deus, ut cum crediderit cito intelligat, dei donum est, nō  
 humana fragilitas. Tamen si nondum intelligitis, credite: Deus unus pater, deus Christus  
 filius dei, amboq; unus deus. Et quomodo ambo unus deus dicitur? Quomodo miraris *Act. 4*  
 in actibus apostolorum, Et erat, inquit, credentium, anima una & cor unum? Multæ ani-  
 mæ erant, fides easdem unam fecerat: tot milia animarum erāt, amauerūt se, & multæ sunt  
 una: amauerunt deum in igne charitatis, & ex multitudine ad pulchritudinis unitatem ue-  
 nerunt. Si tam multas animas fecit animā unam charitas, qualis charitas est apud deum,  
 ubi summa bonitas & integra æqualitas? Si in terris & in hominibus potuit esse tanta cha-  
 ritas, ut de tot animabus faceret unam animam, ubi semper inseparabilis fuit pater à filio,  
 filius à patre, potuerint ambo esse nisi deus unus. Sed illæ animæ, & multæ animæ dici po-  
 tuerunt & anima una, deus aut ubi est ineffabilis & summa coniunctio, unus deus dici po-  
 test, nō dii duo. Facit quod uult pater, facit quod uult filius. Nolite putare omnipotentē pa-  
 trem & non omnipotentem filium, error est, delete hoc in uobis, non hæreat in memoria  
 uestra, non bibatur in fide uestra, & si forte aliquis uestrum biberit, uomat. Omnipotens  
 est pater, omnipotens filius. Si omnipotens non genuit omnipotentem, non uerum filium  
 genuit. Quid enim dicimus fratres? Si pater maior minorem filium genuit, quid enim di-  
 xi genuit? Homo enim maior generat filium minorem, uerum est, sed quia senescit ille, cre-  
 scit iste, & ad formā patris sui, uel crescendo peruenit. Filius dei non crescit, quia nec potest  
 deus senescere, perfectus natus est. Perfectus quidem natus, si non crescit, & minor non re-  
 mansit, æqualis est. Nam ut sciatis omnipotentem de omnipotente natum, ipsum audite  
 qui ueritas est: de se quid dicat ueritas, hoc est, uerum, quod agit ueritas. Quid agit filius, *Ioan. 9*  
 qui est ueritas? Quæcunque pater facit, hæc & filius similiter facit. Omnipotens est filius,  
 omnia faciendo quæ uoluerit: nam si facit aliqua pater, quæ non facit filius, falsum dixit fi-  
 lius: quæcunque pater facit, hæc & filius facit similiter. Sed quia uerum dixit filius: credite  
 quæcunque pater facit, hæc & filius facit similiter, & credidistis in filium omnipotentem.  
 Quod uerbum & si in symbolo non dixistis, tamen hoc est quod expressistis, quando uni-  
 cum ipsum deum credidistis. Habet aliquid pater quod non habet filius? Hoc Ariani hære-  
 tici blasphemī dicunt, non ego. Sed ego quid dico? Si habet aliquid pater quod non ha-  
 bet filius, mentitur filius qui dicit, Omnia quæ habet pater, mea sunt. Multa & innumera *Ioan. 16*  
 bilia sunt testimonia quibus probatur, quia filius, uerus dei patris est filius, & pater deus  
 genuit filium deum, & pater & filius unus est deus.

Sed iste filius unicus dei patris om̃ipotētis uideamus quid fecit propter nos, quid pas- *Cap. III*  
 sus est propter nos, natus est de spiritu sancto & Maria uirgine. Ille deus tantus æqualis  
 patri natus de spiritu sancto & uirgine Maria, humilis unde sanaret superbos, exaltauit se  
 homo & cecidit, humiliavit se deus & erexit. Humilitas Christi quid est? Manum deus  
 homini iacenti porrexit: nos cecidimus, ille descendit: nos gemebamus, ille se inclinauit: præ-  
 uideamus & surgamus, ut non in pœnam cadamus. Ergo inclinatio ipsius hæc est. Natus  
 est de spiritu sancto & uirgine Maria: & ipsa humana natiuitas, humilis & excelsa. Vnde  
 humilis? Quia homo natus est ex hominibus. Vnde excelsa? Quia de uirgine uirgo  
 concepit, uirgo peperit, & post partum uirgo permansit. Quid deinde? Sub Pontio  
 Pilato, qui præsidem agebat, & iudex erat ipse Pontius Pilatus, quando passus est  
 Christus, iudicis nomine signata sunt tempora, quando passus est, sub Pontio Pilato,  
 quando passus est, crucifixus, mortuus & sepultus. Quis, quid, pro quibus? Quis?  
 Filius

Filius dei unicus dominus noster. Quid? Crucifixus, mortuus, & sepultus. Pro quibus? Pro impijs & peccatoribus. Magna dignatio, magna gratia. Quid retribuā domino pro omnibus quæ retribuit mihi? Natus est ante omnia tempora, natus ante omnia secula. Natus ante quid, ubi non est ante? Prorsus nolite cogitare aliquod tempus ante natiuitatem Christi, qua natus est de patre: de ipsa natiuitate loquor, qua est filius dei omnipotentis unicus dominus noster, de ipsa prius loquor. Nolite cogitare in hac natiuitate initium temporis, nolite cogitare ullum spacium æternitatis, quādo erat pater & nō erat filius. Et quid est, ex quo, ubi non est initium? Ergo semper pater sine initio, semper filius sine initio. Et quomodo, in quies, natus est, si non habet initium? De æterno coæternus. Nunquā fuit pater & nō erat filius, & tamen filius à patre est genitus. Vnde datur qualiscūq; similitudo? In rebus terrenis sumus, in creatura uisibili sumus: det mihi similitudinē terra, nō dat: det mihi aliquam similitudinē undarum elementū, nō habet unde: det mihi similitudinē aliquod animal, nec hoc potest. Animal quidem generat, & quod generat, & quod generatur, sed prior est pater, & postea nascitur filius. Inueniamus coæuam, & credamus coæternam. Si potuerimus inuenire patrē coæuum filio suo, & filiū coæuum patri suo, credamus deū patrē coæuum filio suo, & filiū deū coæternū patri suo. In terra possumus inuenire aliquā coæuam, nō possumus inuenire aliquā coæternam. Intendamus coæuam, & credamus coæternam. Intentos faciet forte aliquis & dicet: Quando potest inueniri pater coæuus filio suo, aut coæuus filius patri suo? Ut generet pater, antecedit ætate: ut nascatur filius, sequitur ætate, sed hic coæuus pater filio, uel filius patri quomodo potest esse? Occurrat uobis ignis pater, splendor filius: ecce inuenimus coæuos. Ex quo ignis esse cœpit, continuo splendorem gignit, nec ignis ante splendorem, nec splendor post ignem. Et si interrogemus, quis quem generat, ignis splendorem, aut splendor ignē, cōtinuo uobis occurrit sensu naturali prudētia insita mentibus uestris: omnes clamatis, ignis splendorem, nō splendor ignē. Ecce pater incipiens, ecce filius simul, nec antecedens, nec sequens. Ecce ergo pater incipiens, ecce filius simul incipiens. Si ostēdi uobis patrē incipientē, & filiū simul incipientē, credite patrē non incipientē, & cum illo filiū nec ipsum incipientē, illum æternū, illum coæternū. Si proficitis, intelligetis, date operam perficere, nasci habetis, sed & crescere debetis, quia nemo incipit à perfectō. Dei filio licuit nasci perfectū, quia natus est sine tempore, coæternus patri, antecedens omnia, non ætate, sed æternitate. Iste ergo natus patri coæternus, de qua generatione dicit propheta, Generationē eius quis enarrabit? Natus patris sine tempore, natus ex uirgine est in plenitudine tēporis, istam natiuitatē antecesserant tēpora, opportunitate tēporis, quādo uoluit, quādo sciebat tūc natus est: non enim nolēs natus est. Nemo nostrū quia uult nasci, & nemo nostrū quādo uult mori. Ille quādo uoluit natus est, qñ uoluit mortuus est, quomodo uoluit natus est de uirgine, quomodo uoluit mortuus est in cruce. Quicqd uoluit fecit, quia sic erat homo, ut lateret deus, susceptor deus, susceptus homo, unus Christus deus & homo. De cruce ipsius quid loquar, qd dicam? Extremum genus mortis elegit, ne aliquod genus mortis eius martyres formidaret. Doctrinam ostendit in homine, exemplū patientiæ demonstrauit in cruce: ibi opus, quia crucifixus: exēplum operis, crux: præmium operis, resurrectio. Ostendit nobis in cruce quid tolerare, ostendit in resurrectione quid sperare debeamus. Prorsus tanq; agonotheta sumus dixit, fac & tolle, fac opus & accipe præmium, certa in agone, & coronaberis. Quod est opus obedientiæ, quod est præmium? Resurrectio sine morte. Quare addidi, sine morte? Quia resurrexit Lazarus & mortuus est, resurrexit Christus, iam non moritur, mors ei ultra non dominabitur. Scriptura dicit, Patientiam Iob audistis, & finē dñi uidistis. Iob quanta pertulerit, legitur & horretur, expauescitur, cōtremiscitur. Et quid recepit? Dupla q; perdidit, reddet mihi deus filios duplos: Iob omnia dupla recepit, & tot filios genuit, quot extulerat. Non ergo dupla sunt? Prorsus dupla sunt, quia & illi uiuebant. Ne quis dicat, ferā mala & reddet mihi deus quemadmodū reddidit Iob, ut iam nō sit patientia, sed auaricia: nam

Rom. 6

Iaco. 5



C nam si patientiam ille sanctus non haberet, nec ea quæ cõtingebat fortiter sustineret, testimo-  
 nium quod ei dñs reddidit unde haberet. Aduertisti, ait dñs, puerum meum Iob, non enim est Iob. 1  
 illi similis quisq; in terris, homo sine querela, uerus dei cultor. Quale fratres testimoniũ hic  
 sanctus uir à dño meruit. Et tamen eum sua persuasione mala mulier decipere uoluit, habes  
 & hæc figuram illius serpentis, qui sicut in paradiso decepit hominem primum factum à deo,  
 & ideo etiã blasphemiam suggerendo putauit posse decipere placentem hominem deo. Quanta pas-  
 sus est fratres. Quis potest tanta pati in re sua, in domo sua, in filiis suis, in carne sua, in ipsa  
 quæ remanserat tentatrice uxore sua. Sed etiã ipsam quæ remanserat, olim auferret, nisi ad  
 iutricem sibi seruasset, quia primum hominem per Euam debellauerat, Euam seruauerat. Quan-  
 ta ergo passus est, perdidit omnia quæ habebat, domus ipsius cecidit, utinã sola, oppressit  
 & filios. Et quia in illo patientia magnũ locũ tenuerat, quid responderit, illum audite, Dñs  
 dedit & dñs abstulit, sicut dño placuit ita factum est, sit nomen dñi benedictũ. Abstulit qui  
 dedit, nũq; perijt qui dedit: tanq; diceret, abstulit omnia, auferat omnia, nudũ dimittat me, &  
 seruet mihi se. Quid em̃ mihi deerit, si deũ habuero. Aut quid mihi alia profunt, si deũ nõ  
 habuero. Accessũ est ad carnẽ, percussus est uulnere à capite usq; ad pedes, sanie difflebat,  
 uermibus scatebat, & se in deo suo immobilẽ demonstrabat atq; flegebat. Voluit illic mulier,  
 diaboli adiutrix, non mariti consolatrix, persuadere blasphemiam. Quamdiu, inquit, ista & Iob. 2  
 ista pateris. Dic aliquid uerbum in domino, & morere. Ergo quia humiliatus erat, exaltan-  
 dus erat, & fecit hoc dominus ut ostenderet hominibus: nam ipsi seruo suo in cœlo maiora  
 seruauit. Ergo humiliatum Iob exaltauit, elatum diabolus humiliauit, quia hũc humiliat,  
 & hunc exaltat. Ne quis autem fratres charissimi quando aliquas eiusmodi patitur tribula-  
 tiones hic expectet mercedem, uerbi gratia, si damna aliqua patiatur, ne forte eo animo di-  
 cat: Dominus dedit, dominus abstulit, sicut domino placuit, ita factum est, sit nomen domi-  
 ni benedictum, ut duplum accipiat. Patientia deum laudat, non auaricia. Si ea quæ perdidit  
 D sti, dupla quæris recipere, & ideo deũ laudas, de cupiditate laudas, nõ de charitate. Non tibi  
 occurrat ipsius sancti uiri exẽplum, fallis te. Quãdo Iob omnia tolerabat, dupla non spera-  
 bat, & in prima eius cõfessione quãdo damna pertulit, & filios extulit, & in secunda cũ iam  
 tormenta uulnere pateretur in carne, potest aduerti quod dico. Prioris eius confessionis  
 hæc uerba sunt, Dominus dedit, dñs abstulit, sicut dño placuit, ita factum est: sit nomẽ dñi  
 benedictũ. Poterat dicere, dñs dedit, dñs abstulit: potest iterũ dare qui abstulit, potest plura  
 reuocare q; tulit: nõ hoc dixit, sed sicut domino placuit, inquit, ita factum est, quia ei placet,  
 placeat mihi. Quod placuit bono domino, non displiceat subdito seruo: quod placuit medi-  
 co, non displiceat ægroto. Audi ipsius aliam confessionẽ: Locuta es, inquit uxori suæ, tanq; Iob. 2  
 una ex insipientibus mulieribus: si bona perceperimus de manu dñi, mala quare non sustine-  
 bimus. Nõ addidit, quod si diceret, uerũ diceret, potes est dñs & meã carnẽ in pristinũ reuo-  
 care, & quod nobis abstulit multiplicare: ne ista spe illa tolerasse uideretur. Ista non dixit,  
 ista nõ sperauit. Sed ut nos doceremur, nõ speranti dñs prætuit, quo nos doceremur, quia  
 deus illi affuit, quia si & illa illi non redderet, occultam coronam eius uidere minime potera-  
 mus. Et ideo quid ait scriptura diuina exhortando ad patientiã & spem futurorũ, non mer-  
 cedem præsentiũ. Patientiam Iob audistis, & finẽ dñi uidistis. Quare patientiam Iob, & Iaco. 5  
 finem ipsius dñi uidistis. Fauces si aperires, ad dupla diceres, deo gratias, sustineam, duplũ  
 recipio, sicut Iob, patientiam Iob, finem domini. Patientiam Iob nouimus, & finem domi-  
 ni nouimus. Quem finẽ domini. Deus deus meus, ut quid me dereliquisti. Verba sunt dñi psal. 27  
 pendentis in ligno: quasi reliquit illum ad præsente felicitatem, sed non eum reliquit ad æter-  
 nam immortalitatem. Ibi est finis dñi, tenent Iudæi, insultant Iudæi, ligant Iudæi, spinis  
 coronant, sputis dehonestant, flagellant, opprobrijs obruunt, ligno suspendunt, lancea fo-  
 diunt, postremo sepeliunt, quasi relictus est. Sed quibus. Illis insultantibus. Ideo ergo ha-  
 beto patientiam, ut resurgas & nõ moriaris, id est, nũq; moriaris, sicut Christus. Sic enim  
 legimus, Christus surgens ex mortuis, iam non moritur.

Ascendit

cap. IIII

Ascendit in cœlum, credite, Sedet ad dexteram patris, credite, Sedere, intelligite, habitare, quomodo dicimus de quocunq; homine: In illa patria sedit per tres annos. Dicit illud & scriptura, sedisse quendam in ciuitate tantum tempus. Nunquid sedit, & nunq; surrexit? Ideo hominum habitationes sedes dicuntur, ubi habitantur sedes nūquid semper sedetur, non surgitur, non ambulatur, non iacetur: & tamen sedes uocantur. Sic ergo credite, habitare Christum in dextera dei patris ubi est. Ne dicat uobis cor uestrum, quid agit? Nolite quærere quod non licet inuenire, ibi est, sufficit uobis. Beatus est, & à beatitudine, quæ dextera patris uocatur, ipsius beatitudinis nomen est dextera patris. Nam si carnaliter acceperimus, quia sedet ad dexteram patris, ille erit ad sinistram, nunquid fas est ut sic illos componamus, filium ad dexteram, patrē ad sinistram? Ibi omnis dextera est, quia ibi nulla est sinistra. Inde uenturus iudicare uiuos & mortuos. Viuos, qui superfuerint, mortuos, qui precesserunt. Potest & sic intelligi, uiuos, iustos: mortuos, iniustos. Vtrosq; em̄ iudicat sua cuiq; retribuens, iustis dicturus in iudicio. Venite benedicti patris mei, percipite regnū, quod uobis paratum est ab initio mundi. Ad hoc uos parate, hæc sperate, propterea uiuite, propterea credite, propterea baptizamini, ut possit uobis dici, Venite benedicti patris mei, percipite regnum quod uobis paratum est à constitutione mūdi. Sinistris quid? Ite in ignem æternum, qui paratus est diabolo & angelis eius. Sic iudicabuntur à Christo uiui & mortui. Dicta est prima sine tempore natiuitas Christi. Dicta est alia in plenitudine temporis de uirgine natiuitas Christi: dicta est passio Christi, dictum est iudicium Christi. Totum dictum est quod dicendum erat de Christo filio dei unico domino nostro, sed nondum perfecta est trinitas.

cap. V

Sequitur in symbolo: & in spiritum sanctū, ita trinitas unus deus, una natura, una substantia, una potentia, summa æqualitas, nulla diuisio, nulla diuersitas, perpetua charitas. Vultis nosse quid est deus spiritus sanctus? Baptizamini, & templū eius eritis. Apostolus dicit, Nescitis quia corpora uestra templum sunt spiritus sancti qui in uobis est, quem habetis à deo? Templum habet deus: nam & Salomon rex & propheta iussus est ædificare templum deo. Si ædificaret templum soli, aut lunæ, aut stellæ alicui, aut alicui angelo, nōne damnet illum deus? Quia ergo templum ædificauit deo, ostendit se colere deum. Et unde ædificauit de lignis & lapidibus, quia dignatus est deus facere sibi seruū suum domum in terra, ubi rogaretur, ubi moraretur. Vnde dicit beatus Stephanus, Salomon ædificauit illi domum, sed altissimus non in manufactis templis inhabitat. Si ergo corpora nostra templū sunt spiritus sancti, qualis deus est qui ædificauit templum spiritui sancto? Sed deus. Si enim templū spiritus sancti sunt corpora nostra, ille spiritui sancto ædificauit templū qui & corpora nostra. Attendite Apostolum dicentem, Deus temperauit corpus ei cui deerat, maiorem honorem dans, cum loqueretur de diuersis membris, ut non essent scissuræ in corpore. Deus creauit corpus nostrum, herbam quis creauit? Vnde probemus, quia herbam deus creat, qui uestit, ipse creat. Euangelium lege, Si ergo scœnum agri, ait, quod hodie est, & cras in clibanū mittit, deus sic uestit: ille ergo creat qui uestit. Et Apostolus, Stulte quod seminas non uiuificatur, nisi moriat. Et quod seminas, nō corpus quod futurū est seminas, sed nudū granū, ut forte triticum, aut alicuius cæterorum. Deus autē illi dat corpus quomodo uoluerit, & unicuiq; seminum proprium corpus. Si ergo deus corpora nostra ædificat, si deus membra nostra ædificat, & corpora nostra sunt templum spiritus sancti, nolite dubitare, deum esse spiritum sanctum, & nolite addere quasi tertium deū, quia pater & filius & spiritus sanctus unus est deus. Sic credite. Sequitur post trinitatis commendationem, sancta ecclesia. Demonstratus est deus & templum ipsius. Templum enim dei sanctum est, ait Apostolus, quod estis uos. Ipsa est ecclesia sancta, ecclesia una, ecclesia uera, ecclesia catholica, contra omnes hæreses pugnans, pugnare potest, ex pugnari tamen non potest. Hæreses omnes de illa exierunt, tanq; sarmenta inutilia de uite præcisa, ipsa autem manet in radice sua, in uite sua, in charitate sua, portæ inferorum non uincunt eam.

cap. VI

Remissionem peccatorum. Habetis symbolum perfecte in uobis, quando baptizamini. Ne



A ni. Nemo dicat, illud feci, forte mihi non dimittitur. Quia fecisti, quantum fecisti, dic imma-  
 ne aliquid quod commisisti, graue, horrendum, quod etiam cogitare horres, quicquid uis fe-  
 ceris, nunquid Christum occidisti? Nō est isto facto aliquid peius, quia & Christo nihil est  
 melius. Quantum nefas est occidere Christum, Iudæi tamen eum occiderunt, & multi in eū  
 postea crediderunt, & biberunt sanguinem, dimissum est illis peccatum quod commiserūt.  
 Cum baptizati fueritis, tenete uitam bonam in præceptis dei, ut baptismū custodiat is usq;  
 in finem. Nō uobis dico, quia sine peccato hic uiuetis, sed sunt uenialia, sine quibus uita ista  
 non est. Propter omnia peccata baptismus inuentus est: propter leuia, sine quibus esse non  
 possumus, oratio inuenta, Quid habet oratio? Dimitte nobis debita nostra sicut & nos di- *Matth. 6*  
 mittimus debitoribus nostris. Semel abluimur baptismate, quotidie abluemur oratione.  
 Sed nolite illa committere, pro quibus necesse est ut à Christi corpore separemur, quod ab-  
 sit à uobis. Illi enim quos uidetis agere pœnitentiam, scelera commiserunt, aut adulteria, aut  
 aliqua facta immania, inde agunt pœnitentiam: nam si leuia peccata ipsorum essent, hæc  
 quotidiana oratio delendo sufficeret. Ergo tribus modis dimittuntur peccata, in ecclesia, in  
 baptismate, in oratione, in humilitate maioris pœnitentiæ, tamen deus non dimittit pecca-  
 ta, nisi baptizatis. Ipsa peccata quæ primum dimittit, nisi baptizatis dimittit, quando bap-  
 tizantur. Peccata quæ postea orantibus dimittuntur, Nam quomodo dicunt, Pater no-  
 ster, qui nōdum nati sunt? Et pœnitentibus, quibus dimittit, baptizatis dimittit? Catechu-  
 meni q̄diu sunt, super illos sunt peccata eorum. Si catechumeni, quāto magis Pagani, quan-  
 to magis hæretici. Sed hæretici baptismum non mutamus. Quare? Quia sic habent bap-  
 tismum, quomodo desertor habet caracterem: ita & isti habent baptismum: habent, sed  
 unde damnantur, non unde coronentur. Et tamen si desertor ipse correctus incipiat milita-  
 re, nunquid audet quisquam ei caracterem mutare? Credimus etiam resurrectionem car-  
 nis quæ præcessit in capite. Caput ecclesiæ Christus, ecclesia corpus Christi. Caput nostrum  
 surrexit, ascēdit in cœlum, ubi caput, illic & membra. Quomodo carnis resurrectionem? Ne  
 forte putet aliquis quomodo Lazari, ut scias non sic esse, additum est, in uitam æternam. Re-  
 generet uos deus, conseruet & tueatur uos deus, in se, qui est ipsa uita æterna, perducatur uos  
 deus. Amen.

Libri primi finis.

DIVI AVRELII AVGVSTINI HIPPONENSIS EPISCOPI,

De symbolo ad catechumenos Liber alter.



A CRAMENTORVM rationem, siue transactæ noctis, siue præsen- *cap. I*  
 tis sancti symboli exponendam suscepimus sanctitati uestræ, donante  
 illo qui dat omnibus affluenter, & non improperat. Diues est enim in *Iacobi 1*  
 omnibus qui inuocant illum. Ipse quippe potest adiuuare intentionem  
 nostram, acceptabilem pro nobis faciens orationem uestram. Accipite  
 itaq; uos qui fidem desideratis uerbum dei, tanquam competentem ci-  
 bum, ex quo uobis dominus operetur incrementum. Nondum quidem adhuc per sacrum  
 baptismum renati estis, sed per crucis signum in utero sanctæ matris ecclesiæ iam concepti  
 estis. Agat itaq; hæc mater cōgruis alimentis prius pascere quos portat, ut post partum læ-  
 teretur se tales suscepisse quos spiritaliter nutriat. Quid est dilectissimi quod in uobis celebra-  
 tum est? Quid est quod hac nocte circa uos actū est, quod præteritis noctibus actum non  
 est, ut ex locis secretis singulis produceremini in conspectu totius ecclesiæ, ibiq; ceruice hu-  
 miliata quæ male fuerat antea exaltata, in humilitate pedum cilicio substrato in uobis cele-  
 braretur examen, atq; ex uobis extirparetur diabolus superbus, dum super uos inuocatus  
 est humilis altissimus Christus? Omnes itaq; humiles eratis, humiliterq; petebatis, orādo,  
 psallendo atq; dicendo, Proba me deus & scito cor meum. Probauit, examinauit corda ser- *psal. 138*  
 uorum

uorum suorum, suo timore tetigit, diabolū sua uirtute fugauit, atq; ab eius dominio suam familiā liberauit. Nō aliter hic actus est pauper, aliter diues, aliter dominus, aliter seruus, quia unus est omnibus introitus ad uitam. Et si sic ad hanc fragilem atq; caducam, quanto magis ad illam immortalem atq; sempiternam. Purgata itaq; familia redēptoris, posteaquam cantauit canticum salutis, accepit symboli remedium contra serpentis uenenum, ut si quando uoluerit aduersarius diabolus insidiari, nouerit redemptus cum symboli sacramento & crucis uexillo ei debere occurri, ut talibus armis indutus facile uincat Christianus, de cuius oppressione male antea triūphauerat nequissimus diabolus. Ex qua re nobis factus est aduersarius diabolus, nisi ex hac, quia uidet liberos quos tenebat ante captiuos, quia uidet sanos quos suis iaculis prostrauerat uulneratos, quia uidet uestiri denuo immortalitate quos nudauerat propinādo iniquitatem, quia muscipula eius comminuta est, & nos eruti sumus. Adiutorium nostrum in nomine domini. Si adiutorium nostrum in nomine eius est, renūciemus diabolo, pompis & angelis eius. Hoc audistis, hoc & uos professi estis renūciare uos diabolo, pompis & angelis eius. Videte dilectissimi, quia hanc professionem uestram in curiam profertis angelicam, nomina profitentium in libro excipiuntur uitæ, non à quolibet homine, sed à superiore cœlitus potestate. Optimi iam tyrones dei, fortes milites Christi, dum arma sacramentorum suscipitis, pugnam aduersus diabolū indicitis, dum eius operibus renūciatis, uehementius in uos eius furias prouocatis. Sed nō metuat miles Christi, induemini enim ipsum Christum, ut per eum uelociter superetis aduersarium diabolū. Quibus armis pugnat ille? Illecebrosis & subdolis. Duo sunt genera armorum eius ualde fortia, contra quæ uigilanter ac fortiter stare debet omnis miles Christi, qui triumphare cupit & superare uirtutem diaboli. Quæ sunt ista duo genera armorum? Voluptas & timor. Alios enim uoluptate capit, alios timore frangit. Confirmetur & nostra acies, proferantur arma spiritalia contra timorem diaboli, assit timor domini castus, permanens in seculum seculi. Contra uoluptatem turpissimæ delectationis non desit fides orationis. Et quid metuit Christianus, quando admonetur sic orare, sic præsumere, sic fidere, ut dicat, Dominus mihi adiutor est, & ego despiciam inimicos meos. Plures tamen noueritis dilectissimi capere aduersarium per uoluptatem quàm per timorem. Nam quare quotidie muscipulam spectaculorum, insaniam studiorum ac turpium uoluptatum proponit, nisi ut his delectationibus capiat quos amiserat, ac lætetur denuo se inuenisse quos perdiderat?

*Psalm. 117* Quid nobis opus est ire per multa? Breuiter admonendi estis quid spernere, & quid diligere debeatis. Fugite dilectissimi spectacula, fugite caueas turpissimas diaboli, ne uos uincula teneant maligni. Sed si oblectandus est animus, & spectare delectat, exhibet uobis sancta mater ecclesia ueneranda, hæc salubria spectacula, quæ & mentes uestras oblectent sua delectatione, & in uobis non corrumpant, sed custodiant fidem. Amator es quispiam circi? Quid delectat in circo? Aurigas uidere certantes, populos insana furia anhelantes, quælibet celerem præcedentem, aduersarij sui equum frangentem. Ista est omnis delectatio, clamare, quia uicit quæ diabolus uicit, exultare & insultare, quod aduersa pars perdiderit equum, cum is qui tali spectaculo delectatur, iam perdiderat animum. Vide econtra nostra sancta, sana, suauissima spectacula. Intuere in libro Actuum apostolorum, claudum ex utero matris nunquam ambulantiem, quem Petrus fecit currentem: uide subito sanum quem antea intuebaris infirmum, & si in te est sanitas mentis, si in te fulget ratio æquitatis ac delectatio salutis, uide quid debeas expectare, uide ubi debeas exclamare: illic ubi equi sani franguntur, an hic ubi homines fracti saluantur? Sed si te pompa illa, figura ea equorum, cōpositio curarum, ornatus & aurigæ superstantis equos regentis, uincere cupientis: si hæc te, ut dixi, pompa delectat, nec hanc tibi denegauit, qui pompis diaboli renūciare præcepit: habemus & nos spiritalem nostrum aurigam sanctum prophetam Heliam, qui quadrigæ igneæ superimpositus, tantum concurrat, ut metas prenderet cœli. Et si aduersarios quos & uera uirtus uicit, & quos ille uolando transijt, atq; ex quorum uictoria palmam supernæ cœlestis ac cepit

*Cap. 11*

*Act. 3*

*4. Reg. 2*



Psal. 118

Psal . 73

Cap. III

Ss 1 est,

est, crearet nō id quod ipse esset, sed ab illo ut essent, iā accepisse. Omne enim quod est, ab illo est: ipse autem à seipso est qui non ab aliquo factus est. Fecit ergo facta non factus, creauit creaturam non creatus, qui etiam ipsi creaturæ conuenientibus gradibus per diuersas ordinationes constituit potestates. Potest quippe secundum datam potestatem quilibet angelus uel homo dici potēs, sed nunquid potest dici omnipotens? Potest dici rex uel imperator, quòd multa quæ uelit possit, non tamen cum qui sanum sapit audebit dicere omnipotentem, nam si uoluerit eum adulando ita laudare, incipit & illum & seipsum fallendo decipere. Quomodo enim audebit dicere omnipotentem, quem uidet multum uelle uiuere & uitam succedente morte finire? Si omnipotens est, non moriatur, à morte excludatur. Si autem ei mors terminum dabit, omnipotentem eum non fuisse ipsa mors demonstrat. Nō ergo quispiam audebit quamlibet creaturam siue cœlestem siue terrestrem dicere omnipotentem, nisi solam trinitatem, patrem scilicet & filium & spiritum sanctum. Non enim cum dicimus nōs credere in deum patrem omnipotentem, sicut hæretici Ariani, negamus filium omnipotentem, aut spiritum sanctum negamus omnipotentem. Si filium negaueris omnipotentem, negabis & patrem omnipotentem. Sed maior est, inquiunt, pater, minor est filius: hoc in hominibus, hoc in omnibus, & tu in omnibus perturbaris. Diuinam naturam considera, deum attende, sempiternum cogita, nam uanus turbaris. Si sempiternus est pater, sempiternus est utiq; & filius. Si enim fuit filius quando non fuit filius, fuit & pater quando nō fuit pater: quòd si aliquando fuit pater non pater, nō fuit omnipotens, minus enim habuit in eo quòd postea effectus est pater. Si das initium filio, das initium & patri. Pater enim à filio appellatus est pater. Si autem semper fuit pater, semper fuit & filius, & si deus est pater, deus est & filius: non enim aliud potuit procedere de deo quàm deus. Quòd si deus est pater, deus est & filius, & sempiternus est pater, sempiternus est & filius, quem non præcessit ætate nec dignitate, nō enim minuit æqualitatem. Apostolum audi quid de deo filio dicat, *Philip. 2* Cum in forma dei esset, inquit, nō rapinā arbitratus est esse æqualis deo, Non rapuit, quia naturaliter habuit. Omnipotentia itaq; patris in filio, omnipotentia filij in patre, quia aliquando neq; pater sine filio, neq; aliquādo filius sine patre. Diuina illa natiuitas qua filius processit ex patre, qua natus est deus de deo, sine initio, sine tempore, sine matre, sine aliqua fragilitate, sine ulla sui diminutione: nō possumus explicare, Natiuitatē autem eius, ait propheta, quis enarrabit? Et reuera quis comprehendere uel dicere potest quomodo natus sit, qui semper est in patre & nunquam recedit à patre? Digne, ut dixi, non possumus enarrare, sed debemus corda nostra ipsi filio preparare, ut illuminādo & per fidem gubernando perducatur nos ad speciem ueritatis suæ, ne remaneamus in tenebris infidelitatis nostræ, ne aliud æstimando de filio quàm quod est pater, ipse filius non docendo, sed increpādo nos admo-  
*104. 14* neat sicut Philippum dicens, Philippe qui uidet me, uidet & patrem. An nō agnoscis, quia ego in patre & pater in me est? Sicut ergo deus de deo natus est, & lux de lumine, & dies ex die, ita & omnipotens ex omnipotente. In ista mortali nostra generatione qui est pater, aliquando non fuit, & qui est filius, non semper est filius, quia & ipse filius cum accessu temporis patrem amiserit, coniugem acceperit, prolemq; susceperit, non erit filius, sed ipse uocabitur pater, & quilibet pater antequam suscipiat filium non uocabitur pater. Accedit ergo aliquid tempore quod precedat tēpore. Non ergo æstimemus hoc in illa diuinitatis esse substantia, in illa generatione sempiterna. Non enim illic deficiendo moritur pater, ut filius crescendo perueniat ad patris dignitatem, aut sunt ibi tempora, quia per ipsum facta sunt tēpora.  
*Caput III* In quo autem tu hæretice audes dicere filium minorem, quem nos confitemur æqualem? In ætate? Non ibi sunt tempora. In diuinitate? Deus est pater, deus est & filius. In opere? Omnia per filium facta sunt. Dicit quidem scriptura, quòd deus fecerit mundum, sicut & in libro Geneseos, In principio fecit deus cœlum & terram. Sed nos audientes deum patrem cognoscimus filium & spiritum sanctum. Tu forsità dicis, Deus pater fecit mundū.  
*104. 1* Sed audi quid Ioannes euangelista dicat, In principio erat uerbum, & uerbum erat apud deum,



A deum, & deus erat uerbum, Omnia per ipsum facta sunt, & sine ipso factum est nihil. Ecce, sine filio dicit nihil esse factum, quoniam omnia per ipsum facta sunt. Sine filio factum est nihil. Quid fecit pater quod non fecit filius, de quo dicit euangelista, quod sine filio factum est nihil. Si autem, sicut uera fides catholica habet, in filio operante constituas patrem, & in patre operante constituas filium, quoniam filius in patre est, & pater in filio, omnipotēs inuenietur filius, si in ipso omnipotens est pater: si autē non est omnipotens filius, ut prædicat hæreticus Arianus, non est in illo omnipotēs pater, falsumq; erit secundum ipsos quod ipse filius ait, Ego in patre & pater in me est. Absit autem ut falsum sit quod ueritas dicit. *Ioh. 14*  
 Confundatur Arianus qui ueritati cōtradicit. Demonstramus ex scripturis, dictum filium omnipotentem sicut & patrem, ut non solum ratio uera, sed etiam diuina testimonia hæreticorum frontem percutiant impudentem. Dictus est pater omnipotens, propheta dicente, Hæc dicit dominus omnipotens. Dictus est & filius omnipotens, Ioanne Apostolo in apocalypsi dicente, de Iesu Christo domino nostro, qui est & qui fuit & qui uenturus est *Apoc. 1*  
 omnipotens. Dictus est spiritus sanctus omnipotens, Salomone prophetante, Spiritus domini repleuit orbem terrarum, & is qui continet omnia, scientiam habet. An non est omnipotens qui continet omnia? Dicit enim scriptura quod deus iudex sit, dicente Apostolo, *Sapient. 1*  
 Omnes astabimus ante tribunal Christi, ut referat unusquisq; secundum ea quæ per corpus *2. Cor. 5*  
 gessit, siue bonum, siue malum. Sed nos quando audimus deum iudicem, totam intelligimus trinitatē. Tu autē hæretice, dic quis sit iste deus iudex, pater, an filius? Si dixeris, pater est, negas filium iudicem, quem in symbolo etiam tu confiteris uenturum uiuos mortuosq; *Math. 25*  
 iudicaturum. Contradicis etiam euangelio dicenti, Cum filius hominis uenerit in claritate sua, congregabuntur ante eum omnes gentes, & separabit eos ab inuicem, sicut separat pastor oues ab hædis. In quo loco euangelistæ, expressius iudex demonstratus est filius, ut etiā eiusdem iudicis sententiā panderetur, dicentis, Ibūt impij in combustionem æternam, iusti *Math. 25*  
 autem in uitam æternam. Si nolens subsistere tantæ autoritati dixeris filium iudicem, patrem ergo negabis iudicem. Non, inquis, nego patrem iudicem. Quomodo non negas? Quia pater, inquis, potestatem dedit, filius accepit. Video quidem hæretice, quod strabis oculis intendas, quod peruersæ mentis aciei intētionem dirigas. Recitaturus enim mihi es ex euangelio & dicturus, Pater non iudicat quēquam, sed omne iudicium dedit filio. In eo, *Ioh. 5*  
 inquis, quod pater dedit, filius accepit, maior est utiq; qui dat, q̃ qui accipit, maior est pater, minor est filius. Non ex hac sententia gloriatur tua uanitas: quoniam ex ipsa te nunc diuina conuincit autoritas. Pater, inquis, non iudicat quenq; sed omne iudicium dedit filio. Cognoscimus: nouit quippe sana fides quomodo hoc intelligat. Homo enim ille susceptus, qui etiā ipse appellatus est dei filius, accipiet potestatem, sed dante patre & filio, quoniam filius in patre est, & pater in filio. Cæterum si tu hæretice secundum illam peruersam uestram doctrinam illi hoc uolueris assignare diuinitati qua filius æqualis est patri, quæro abs te diligenti- *Deu. 32*  
 us, & ut mihi respondeas celeriter, insistam, qui sit ille qui in libro Deuteronomij Moy-  
 si dicebat, In die iudicij reddā illis. Non potes dicere pater est, quoniā secundū euāgelij sen-  
 tentiam à te prolata, pater non iudicat quenquam. Ergo filius est qui dicebat, In die iudi-  
 cij reddam illis, Filius est. Responde, quid dubitas? Filius dixit hoc, an non? Non est quod  
 dicas, nisi filium dixisse, In die iudicij reddam illis, quoniam pater non iudicat quenquam.  
 Sed uide sequentia huius libri, quemadmodum te prouocet, quemadmodum conuincat.  
 Cum enim dixisset, In die iudicij reddam illis, post paululum secutus adiunxit, Videte, in-  
 quit, quoniā ego sum deus, & non est alius præter me. Quid agis Ariane? nō est quā ex eas.  
 Dic si audes, filium solum hoc dixisse, & negabis patrem nec deum esse nec iudicem. Depo-  
 ne uel nunc conuictus animositate, audi ueritatem, intellige deum iudicem trinitatem: au-  
 di quod & spiritus sanctus iudex sit, ipse dominus in euāgelio ait, Cum uenerit paracletus, *Ioh. 16*  
 ipse arguet mundum de peccato, de iustitia, de iudicio. Quid quæris amplius? Item demon-  
 strat scriptura diuina quod simul habitet pater & filius & spiritus sanctus in homine tanq̃

104. 14 in templo suo. In euangelio filius, Si quis me, inquit, diligit, diligitur à patre meo, & ueniet  
 mus ad eum, ego & pater, & mansionem apud illum faciemus. Ecce pater & filius. Quid  
 1. Cor. 3 spiritus sanctus? Apostolum audi. Nescitis, inquit, quia templum dei estis, & spiritus dei ha-  
 bitat in uobis. Item demonstratur quòd simul deserat impios pater & filius & spiritus san-  
 Sapient. 1 ctus. Salomon propheta, Peruersæ, inquit, cogitationes separant à deo. Ecce deus pater de-  
 serēs peruersas cogitationes. Quid deus filius? Sequitur, Quoniam in maleuolam animam  
 non introibit sapientia. Christus est enim dei uirtus & dei sapientia. Ecce filius deserit male-  
 uolam animam, in qua sunt peruersæ cogitationes, quas deseruit pater. Restat de spiritu san-  
 cto. Audi post paululum quid sequatur, Spiritus, inquit, sanctus disciplinæ effugiet fictū,  
 & aufert se à cogitationibus quæ sunt sine intellectu. Audi, sine intellectu deserere hominem  
 spiritum sanctum. Quando ista idem ipse spiritus sanctus per prophetam dicebat, uos præ-  
 uidebat. Ecce tam illa inseparabilis trinitas testimonijs diuinarum scripturarum demonstra-  
 tur, quòd simul habitet, simul regnet, simul possideat, simul deserat, quam uos Ariani separ-  
 rando & per diuersos gradus filio & spiritui sancto iniurias irrogando, non in uobis ha-  
 bitare finitis: quoniam & deus pater aufert se à cogitationibus peruersis, quæ sunt in uo-  
 bis, & in maleuolam animam non introibit sapientia, quæ per uestre animæ maliciam  
 sicut filium à patre, ita gregem separatis à summo pastore: & spiritus sanctus effugiet fictū,  
 id est, fictionem peruersæ uestre doctrinæ, in qua demonstratum est, nec patrem, nec filiū,  
 neq; manere spiritum sanctum. Quoniam igitur de unitate agitur trinitatis, patris & filij &  
 spiritus sancti, quam unitatem non audemus dicere tres deos, nec tres omnipotētes, nec tres  
 1. Timoth. 1 inuisibiles, nec tres immortales, sed unum deum, de quo dicit Apostolus, Immortali, inuisi-  
 bili, incorruptibili, soli deo honor & gloria. Nō ergo nobis ipsis dilectissimi fingamus patris  
 & filij & spiritus sancti diuersas dignitates separabiles & inæquales ætates, ampliores & in-  
 firmas potestates, ne quod ipse dominus saluator noster uirtute ac maiestate sua idola era-  
 dicauit & templa, rursus in cordibus Christianorum diabolus fabricet idola. Fides itaq; ca-  
 tholica hæc est, Omnipotentem, immortalem, atq; inuisibilem credere deum filium secun-  
 dum diuinam natiuitatem: uisibilem autem, mortalem, minoremq; angelis factum secun-  
 dum susceptam humanitatem. Omnipotentem, immortalem, atq; inuisibilem credere spiri-  
 tum sanctum secundum æqualem diuinitatem, uisum autem in specie columbæ propter fi-  
 liij attestationem. Et hæc trinitas simplex unitas, inseparabilis, inenarrabilis, semper manēs,  
 Psal. 85 semper præsens, ubiq; regnans unus deus, de quo propheta Dauid dicit, Tu es deus solus  
 Cap. V magnus. Credimus in filium eius Iesum Christum, natum de spiritu sancto  
 ex uirgine Maria. Hanc natiuitatem incredule quid expauescis? Noli credere, si tantum ho-  
 mo erat qui natus est: si autem deus homo erat, de qua uoluit natus est. Illud potius mira-  
 re, quia uerbū suscepit carnem, nec est mutatū in carne, quia manēs deus suscepit hominem.  
 Caterū quid miraris, quia genitrix suū genuit genitorē, quia creauit creatura factorē? Sic uo-  
 luit nasci excelsus humilis, ut in ipsa humilitate ostēderet maiestatem. Portabat filiū mater, fi-  
 liū intacta, mirabat & ipsa in aspectu suæ, plis quā amplexus nō strinxerat maritalis. Sed  
 Psal. 86 credule audi, prædictū cognosce impletū. Dauid propheta dicit, Mater Sion dicet homo, &  
 homo factus est in ea, & ipse fundauit eā altissimus. Ipse qui fundat eā altissimus, ipse in ea  
 factus est homo altissimus, quia talem matrem creauit altissimus, quia sic se in eam forma-  
 uit, ut procedens ex eius utero, & filium ei redderet, & integritatem non corrumpere. Quæ  
 est gratia matris huius & uirginis, quæ est gratia huius fœminæ quæ uirum nesciens filium  
 Luc. 1 portat? Quæ est gratia? Audite Gabrielem angelum eam salutātem, Aue, inquit, gratia ple-  
 na, dominus tecum. Quādo angelus istam uirginem sic salutauit, tunc eam spiritus sanctus  
 fœcundauit, tunc illa fœmina uirum sine uiro concepit, tunc est repleta gratia, tunc domi-  
 num suscepit, ut esset in ea qui fecerat eam. Neque enim dilectissimi credendum est quòd  
 illo iam præsente ac protegente poterat illi fœminæ dominari corruptio in qua non erat ar-  
 doris libido, nouerit tamen quem portauit uirgo, mater nouerit, stupor abscedat, fides acce-  
 dat.



A dat. Ecce quem portas nascitur, nondum loquitur & totum concutit mundum. Clamat cœ-  
lum noui syderis radians fulgorem, clamat terra turbata per Herodem, ueniūt magi admo-  
niti, inquirunt Iudæi turbati, quærunt ubi esset qui ubiq; totus est, quæritur in mundo fa-  
bricator mundi: ad hoc autem quarebatur, non ut agnosceretur, sed ut occideretur, quia  
mundus per eum factus est, & mundus eum non cognouit. O munde immunde, uenit qui  
te redimat, & turbaris: & hūc tu uis perdere, quando ille te disposuit liberare. O Iudæorum  
terra impia, non congruis cælo. Cœlum demonstrat ut adoretur, tu quæris ut infans nece-  
tur. Ille tibi annunciat deum hominem suscepisse pro te, & tu uis perdere eum qui uenit redi-  
mere te. Expecta paululum, ad hoc quidem uenit, ut tuam etiam pessimam impleat uolun-  
tatem, sed sustine ut suam ipse colligat hæreditatem. Collige collige redemptor, non glorie-  
tur disperfor, uindica in eos qui te paruulum persecutur, paruuli ipsorum pro te morian-  
tur. Super se in te crudeles existunt, paruuli ipsorum pro te moriantur. Vindica, sic uindica,  
Insultent filij in parentibus nondum loquentes, conuincant scæuientes, infantes dicant testi-  
monium de tua innocentia, quia non est in te ulla malicia, & hi qui te uolunt innocentem  
occidi, hoc eis proueniat ut suos paruulos ab eis facias separari. Lugeatis licet Iudæi atque  
plangatis filios uestros, non illi moriuntur, quia à uita suscipiuntur: uobis irrigatur pœna  
orbitatis, cæterum illis gloria offertur immortalitatis. Nunciastis Herodi ubi occidendus  
inueniri potest filius dei, sed ille filios uestros occidēs pro filio dei, & uos orbitatis pœna ne-  
sciens punit tanquam proditores, & filios uestros dei fecit hæredes. Sic uos irridebat ille: ille  
qui habitans in cœlo, iacebat in terra, sic furias uestras, uestriq; regis subsannabat, quando  
mala uestra retorquebat, & de malis uestris multa ille bona faciebat. Agnouisti uirgo ma-  
ter filij tui infantiam, agnosce & puericiam, Euangelium loquitur, Perrexerunt, ait, cū puero Luce 2  
Iesu parentes eius in Hierusalem, ut pro eo offerrent sacrificium secundum legem. Et factū  
est remeantibus illis, puer Iesus remansit in templo, & erat disputans cum senioribus & scri-  
bis, & mirabantur omnes in sapientia quæ erat in eo, & turbabat multos. Sed cū reuerſi essent  
quærentes illum, inuenerunt illum sedentem in medio seniorum interrogantem & respon-  
dentem illis. Et ait illi illa mater, Fili, quid fecisti nobis? Ecce enim solliciti & anxij quæreba-  
mus te. Tūc ille, Quid sollicita eras, inquit: nescis quia oportet me in his quæ patris mei sunt,  
operari? Quando talia mater à puero audiuit, corde expauit: non enim patrem nominabat  
ille quem nesciebat in terra, sed illum qui fecit cœlum & terram. Agnosce & eius adolescen-  
tiam, uideat multa & magna miracula, conuersionem aquarum in uinum. In quo primo Ioan. 2  
miraculo tentauit illa scemina iubere se filio posse tanquam mater, domina quæ se agnosce-  
bat ancillam, Fili, ait, defecit illis uinum, fac rursus, ut aquæ conuertantur in uinum. Et ille ut  
distingueret inter deum & hominem, quia secundum hominem minor erat, secundum ho-  
minem subditus erat, secundum deum autem supra omnes erat, Quid mihi & tibi est, in-  
quit, mulier? Nondum uenit hora mea, tanquam ei diceret, ueniet hora quando id quod  
natū est de te in cruce pendens, agnoscat te, & discipulo dilecto cōmendet te. In hoc autē mi-  
raculo quid mihi & tibi? Nō enim hoc processit ex te, sed in eo qui fecit te, non cōpetit tibi  
ut iubeas deo, cōpetit autē ut subdita sis deo. Sed pia mater quæ non aspere tulit admonitio-  
nē filij dicentis, Quid mihi & tibi? uideat in cæteris miraculis deum operantē quē intuebat  
filium adolescentem, uideat cæcorum illuminationem, leproforum mūdationem, claudorū  
ram cursus, surdorum auditus, dæmonū fugationes: & quod maius his omnibus, mortuo-  
rum resurrectionem. Sed adhuc agnoscat hæc mater, expauescat filij sui etiam iuuentutem. Ca. VI  
Quid restat iuueni, nisi ut procedat uelut sponsus de thalamo suo, accipiat  
sponsus sponsam, quæratur, inueniatur quæ ei coniungatur? Qualis est de qua natus est,  
talis ei inueniatur, quæ & matrem reddat fecundam, & uirginem seruet intactam: filius per  
manentis uirginis uirginem permansuram accipiat. Ecce tempus est, Modo Iudæi suam im-  
pleant uoluntatem, quando dignatur ipse dare potestatem. Agite Iudæi nescientes nuptias  
agni, date præmium pecuniæ malo Iudæ. Agite ut ille qui natus est de uirgine, à Pontio

Pilato suspendatur in cruce. Ascendat sponsus noster thalami sui lignum. Ascēdat sponsus noster thalami sui lectum, dormiat moriēdo, aperiatur eius latus, & ecclesia prodeat uirgo: ut quomodo Eua facta est ex latere Adæ dormiētis, ita & ecclesia formetur ex latere Christi in cruce pendentis. Percussum est enim eius latus, ut euangelium loquitur, & statim manauit sanguis & aqua, quæ sunt ecclesiæ gemina sacramenta. Aqua, in qua est sponsa purificata: sanguis, ex quo inuenitur esse dotata. In isto sanguine sancti martyres amici spōsi stolae suas lauerunt, candidas eas fecerunt ad nuptias agni, inuitati uenerūt, à sponso calicem acceperunt, biberunt, eiq; propinauerūt, sanguinem eius biberunt, sanguinem suum pro illo fuderunt. Quid egit uasana impietas Iudæorum, quia inuitati nō solum uenire noluerunt, sed insuper sponsum occiderunt? Quid egit iniquitas Iudæ qui eum uēdidit, à quo redimi debuit? Ecce nec Iudas tenuit precium, nec Iudæi quem comperauerant Christum. Illi dico, ubi est quod accepisti? Iudæo dico, ubi est quod emisti? Illi dico, quādo uendidisti, tunc te decepisti: isti dico, quod emisti, possidere non potuisti. Exulta Christiane in commerciū inimicorum tuorum, tu uicisti: quod Iudas uendidit, & Iudæus emit, tu acquisisti. Exulta exulta spōsa ecclesia, quia nisi ista in Christo facta essent, tu ab illo formata non esses: uēditus redemit te, occisus dilexit te. Et quia te plurimū dilexit, mori uoluit ppter te. O magnū sacramentum huius coniugij. O quā magnum mysterium huius sponsi & huius sponsæ, non explicabitur digne humanis uerbis. De sponso sponsa nascitur, & ut nascitur, statim illi coniungitur, & tunc sponsa nubit, quando sponus moritur: & tunc ille sponsæ coniungit, quando a mortalibus separatur. Quando ille super cœlos exaltatur, tunc ista in omni terra fecundatur. Quid est hoc? Quis est iste sponsus absens & præsens? Quis est iste sponsus præsens & latēs, quem sponsa ecclesia fide tantum concipit, & sine ullo amplexu membra eius quotidie parit? Quis est iste qui sic natus est, sic creuit, sic mortuus est? Quis est iste qui infans regem terruit, puer Iudæos conuicit, iuuenis Pontium Pilatum turbauit? Quis est iste, uultis nosse? Dominus uirtutum ipse est rex gloriæ. Si dominus uirtutum ipse est rex gloriæ: ergo nec Iudæos timuit quando armati uenerant, nec iudicem iniuste iudicantem, nec milites irridentes, nec inimicos subsannantes, nec coronam spineam imponentes, nec sua uestimenta diuidentes, nec fel, nec acetum, nec crucem, nec lanceam, nec mortem. Quando enim ista Iudæi potius q̃ Pilatus faciebant, dominus uirtutum negotium nostrum agebat, quæ non rapuerat, tunc exoluebat: non rapuit iniquitatem, & pro iniquis suscepit mortem, ut impleret quod de eo scriptum est, Quæ non rapueram, tunc exoluebam. Deniq; ut noueritis pro nobis reddidisse quod non debebat, Christus enim pro impijs mortuus est, mox sacculum carnis suæ in crucis ligno persoluit, & precium nostrum exactori reddidit. Ibi statim illum latronem fecit confessorem, ut per eum impiorum restauraret ruinam, uidētes redemptum quem diabolus possederat homicidam. Videte dominum uirtutum & in ipsa morte miracula facientem. Tunc latro confitebat, quando Petrus turbabatur: tunc iste agnouit, quādo ille negauit. Sed nunquid quia dominus acquisiuit latronem, Petrum perdidit negatorem? Absit, absit. Agebat mysterium qui fundebat preciū, in Petro demonstrans, non in se quāquam iustum debere præsumere: in latrone, nullum impium cōuersum posse perire. Timeat bonus ne pereat per superbiam, non desperet malus de multa malicia. Colligantur præsumentes, colligantur desperantes. Magnum precium pro nobis datū esse cognoscimus, quia sanguine Christi redempti sumus. Agamus quomodo tali domino non displiceamus. Ecce amauit seruos, & quos redemit, saluos fecit liberos. Ecce parū est, quia donat libertatē suā, exhibet fraternitatē, promittit etiam hereditatem. Habes amplius quod expectes. Suscepit ueniendo mortem tuā, donauit resurgendo uitā suā. Habes amplius qd expectes: ille qui crucifixus est pro te, die tertio à mortuis resurgēs, super cœlos exaltauit te, filiū dei fecit te. Habes amplius qd expectes. Quid retribuamus dño pro omnibus quæ retribuit nobis? Fecit nos anteq̃ essemus, donauit uitā, donauit aetate, donauit liberā uolūtatem, donauit substantiam, donauit ingenium, donauit rationem, donauit scientiam, donauit omnia sua



A. sua ut essent tua, & his omnibus bonis mali usi sumus, superbi effecti sumus, creatorē tanta bona largientem, merito prauaricationis offendimus. Periuimus, quæsiuit: captiui ducti sumus, subuenit: ad mortem perpetuam ducebamur, liberauit. Quid tibi minus exhibuit, qui seipsum pro te tradidit? Et dubitas q. tibi donet uitam suam, qui tecum cōmunicauit mortem suam. Quid retribuemus ei? Si non est quod ei tribuamus, ab ipso accipiamus quod ei offeramus. Hoc à te quærit Christus, hoc tibi dicit. Quod feci pro te, hoc & tu fac p me, animam meam posui pro te, & tu pro fratribus tuis animam tuā pone. Noli timere mortem, quia cum uincere non posses, ego sum mortuus ut tu uinceret, uinceret non per te, sed per me, quia & ego quod sum mortuus, non est propter me, sed propter te. Tu enim mori noueras, resurgere non noueras, suscepi mortem quam noueras, demonstraui resurrectionē quā ignorabas. Credendo ama resurgentem, ut per illum & tu resurgas. Diximus & quantū ille donauit, exposuimus has tres sentētias, quod natus sit de uirgine Maria, crucifixus sub Pō. tio Pilato, & sepultus, tertia die à mortuis resurrexit. Si enim de singulis, ut dignum est, loqui possemus, prolixitas sermonis fastidium uobis quā delectationem incuteret.

Quia ergo diximus, quousq. ille altissimus descēderit propter nos, nūc dicamus quomodo id quod suscepit ex nobis in cœlū leuauerit, ad dexterā patris collocauerit, ac fidei nostræ certū pignus dederit, ut secura sint mēbra de tāto capite, fideliterq. sperent ad ipsum se posse peruenire, quē iam credunt ad dexterā patris sedere. Assumptus in cœlos. Sessionē istam dilectissimi nō accipiatis humanis membris positā, tanq. pater sedeat in sinistra, ut filius se deat ad dexterā, sed ipsā dexterā intelligite potestātē, quā accepit homo ille susceptus à deo, ueniat iudicaturus qui prius uenerat iudicandus. Ad hoc enim ascendit in cœlum, ut fides suum impleat locum. Prædictum quippe hoc inuenitur per Dauid prophetam. Ait enim, *Psal. 7*  
*Philip. 2*  
 Congregatio populorum circundabit te, & propter hanc in altum regredere, dominus iudicat populos. Hoc quippe ait, Quoniam humiliatus es in forma serui usq. ad crucis opprobrium, Et hi qui te uiderunt crucifixum, aliqui crediderunt, multi dubitauerunt. Resurgens à mortuis in altum regredere, super cœlos dignare ascendere, ut congregatio populi fidelis congregetur in unum per fidem, ut fides deducat eos ad speciem. Ipsa est uirtus omnipotentia tua, ut plus possis in ipsis fidelibus, quando absens ab eis in homine illo suscepto sentiris. Caterum præsentia tuæ maiestatis de cordibus fidelium tuorum nunquam discedis. Viri dete autem dilectissimi, quid donauerit iste qui ascendit in altum, captiuam duxit captiuitatem, dedit dona hominibus: uidete quid donauerit, uenit mirabiliter, creuit mirabiliter, exhibuit multa miracula, quæ superius commemorauimus, salus æterna multis præstitit salutem, qui infirmitates nostras suscepit, multas uariasq. infirmitates curauit. Circundatus etiā hinc fuit multitudine populorum, quos adduxerat non fides, sed curiositas oculorum. Deniq. uisa miracula multi laudabant, alij detrahebant, Nā unde est illud detractionis uerbum dicentium, quod in Beelzebub principe dæmoniorum eiecerit dæmonia? Cum tantum tamen miracula faceret, contemptus est, non solum digne habitus non est, sed insuper occisus est. Quare tunc nō factum est, ut præsentia eius numerus ille colligeretur, nisi quia oportebat impleri omnia quæ de eo erant scripta? Etenim quādo illa agebantur, iam illi ab ipso præparabantur, iam captiuitas eorum capta erat. Expectabatur ut ascēderet saluator, & donaret dona. Quæ dona? Dona quæ acceperunt discipuli, quæ accepit Petrus ut moreretur pro absente, quem desperando negauerat præsentem. Videte quid idem Petrus dicat in epistola sua, quid effundat ex dono illo sancti spiritus, *1. Pet. 1*  
 Credentes, inquit, in eum quem non uidetis, gaudete inenarrabili gaudio. Gaudeamus & nos credendo in eum quem non uidemus, ut securi illum uideamus, cum ad ipsum peruenerimus. Veniet autem & ipse, sed nō talis qualis antea uenit. *Ca. VIII*  
 Venturus est enim uiuos & mortuos iudicare. Veniet ut iudicet qui steterit sub iudice, ueniet in ea forma in qua iudicatus est, ut uideāt in quē pupugerunt, & cognoscēt Iudæi quem negauerūt, cōuincat eos ille homo susceptus, & ab eis crucifixus. Fortasse dilectissimi, quoniā ueritas euāgelica nō tacuit eū cū cicatricibus resurrexisse, qui

qui posset si uellet de corpore suscitato & clarificato omnem maculam cuiuslibet cicatricis abstergere, sed sciebat quare cicatrices in corpore suo seruaret, ut uulnera dubitationis in cordibus discipulorum sanaret. Fortasse ergo, ut dixi, sicut demonstrauit Thomæ non credenti, nisi tangeret & uideret: ita etiam inimicis suis uulnera demonstraturus sua. Propter quod dictum est per prophetam, Videbunt in quem pupugerunt. Non ut eis dicat sicut Thomæ, Quia uidisti, credidisti: sed ut conuincens eos ueritas dicat, Ecce hominem quem crucifixistis, ecce deum & hominem in quem credere nolulistis. Videtis uulnera quæ infixistis, agnoscitis laqueum quod pupugistis, quoniam & per uos & propter uos apertum est, nec tamen intrare uolulistis. Qui non estis redempti precio mei sanguinis, non estis mei, discedite à me in ignem æternum, qui paratus est diabolo & angelis eius. Sed illorum mors proficiat ad nostram salutem. Si illi contempserunt, nos timeamus eum qui sic uenturus est iudicare. Festinet unusquisque cum uiuit ut uiuat, currat ut eius precioso sanguine redimatur, ne cum non fuerit inuentus in numero redemptorum, in numero maneat perditorum. Hic dum uiuitur, melior eligatur locus. Hic est tempus fidei. Caterum, in inferno, ait propheta, quis confitebitur tibi? Qui semper uult uiuere, & non timere mortem, teneat uitam, ut mors superetur à uita. Qui non uult timere istum iudicem iudicantem, ipsum nunc sibi adhibeat defensorem.

Cap. IX  
Credimus in spiritum sanctum. Spiritum sanctum deum credimus æqualem patri & filio, quia simul est & in patre & in filio. Quomodo est in patre? Filium audi, Spiritus, inquit, qui procedit à patre, ipse introducet uos in omnem ueritatem. Quomodo est & in filio? Ipse filius post resurrectionem mittens discipulos suos prædicare euangelium, insufflauit in faciem ipsorum, & ait illis, Accipite spiritum sanctum. Quomodo est spiritus patris? Ipse dominus in euangelio, Non enim uos estis qui loquimini, sed spiritus patris uestri qui loquitur in uobis. Quomodo est & spiritus filij, Apostolus dicit, Si quis spiritum Christi non habet, hic non est eius. Quomodo idem ipse spiritus patris & filij procedens à patre & filio, attestatur filium suscepisse carnem, Ioannes euangelista dicit, Spiritus, inquit, nondum erat datus quia Iesus nondum erat clarificatus. Quando autem clarificatus est filius, ipse dicit, Aperti sunt ei cæli, & descendit super baptizatum Iesum spiritus sanctus in specie columbæ, uoxque facta est dicens, Hic est filius meus dilectus, in quo bene complacui. Hoc tu hæretice Ariane cum audis uel legis, filium clarificatum, spiritum sanctum in specie columbæ de cælis esse transmissum, hac autoritate carnalis tua cogitatio & phantasia spiritus mali, qui operatur in filiis diffidentia, patrem inducis maiorem, quia uisus non est: filium minorem, quia uisus est in homine: spiritum sanctum filio multo inferiorem, quia in specie apparuit columbæ. Dicis enim tibi, & peruerse ratiocinaris: quantum distat uisibilis ab inuisibili, tantum distat filius à patre: & quantum distat species hominis ab specie columbæ, tantum distat honor filij ab honore spiritus sancti. Hæc cogitans, illi proximus es præcipitio erroris, neque enim defuerunt qui hoc sentirent de humana anima, quod tu uis asserere de substantia diuina. Introduxerunt enim quidam, pro meritis animas dari corporibus, & esse reuolutiones & circulos. Propheta Dauid diuina uoce dirumpens, In circuitu, inquit, impij ambulant. Qui talia credunt uel prædicant, impij sunt. Et tanquam ei deus diceret, Quid tu de propagine hominum sentis? secutus adiunxit, Secundum altitudinem tuam multiplicasti filios hominum. Sed hæc alia quaestio est, in qua nunc non opus est diutius immorari. Verumtamen quia de specie hominis & columbæ, nostra tecum hæretice est disceptatio, In hoc enim filium ampliorem esse à spiritu sancto dicis, quia pro dignitate gradus sui, sicut multum distat inter naturam hominis & columbæ, tantam distantiam uis esse filij & spiritus sancti. Possem quidem tibi respondere, quia innocentiam quam habet colūba, non habet homo, sed non dico. De illo enim homine agimus qui uenit sine peccato. Sed si hoc te mouet, quia filius hominem suscepit, spiritus in colūba apparuit, mouere te hoc & debet, quia & ipse homo à filio dei susceptus, à scriptura diuina dictus est agnus. Nam & Ioannes baptista dicit, Ecce agnus dei, ecce qui tollit peccata mundi. Et Esaias propheta dicit, Sicut ouis ad immolandum ductus est, & sicut agnus coram tondente



A te se, sic non aperuit os suum. Et Ioannes apostolus in Apocalypsi dicit, Vidi agnum Apoc. 5  
 stantem quasi occisum. Dic mihi si ualueris tu exponere, quare sit dictus agnus filius dei, ex-  
 ponam tibi & ego columbæ speciem spiritus sancti. Si mihi dixeris, agnus filius dei propter  
 innocentiam, hoc & ego tibi de spiritu sancto referam, ideo columba spiritus sanctus propter  
 innocentiam. Si Christus agnus propter innocentiam, & spiritus sanctus columba propter  
 innocentiam. Custodi & tu innocentiam, & uide æquitatem. Vides æquitatem, si patris &  
 filij & spiritus sancti intelligis unitatem. Sed adhuc uanas tuas machinas diuersasq; compa-  
 rationes de patris & filij & spiritus sancti substantia, catholica doctrina suffodiat, ut ædifi-  
 cium tuum quod super arenam, non super petram ædificas, flatu uentorum diuinorum sci-  
 licet eloquiorum, & pluuiæ, gratia descendente subuertat, subuersumq; fiat ruina magna.  
 Quamuis nos inuisibilem totam trinitatem nouerimus, credamus, teneamus: dic tu nobis  
 hæretice, qui sit ille qui apparuit Moyse in flamma ignis in monte Sina, cuius posteriora ui-  
 dit Moyses ipso se demonstrante: nam cum ille quæreret faciem dei uidere, dicens, Si inueni Exodi 33  
 gratiam ante te, ostende mihi faciem tuam. Hoc ei dominus respondit, Ascende in Oreb, &  
 sta super petram, & transiet claritas mea ante te, & posteriora mea uidebis, facies autē mea Exo. 13  
 non uidebitur tibi. Quis est qui ducatum præbuit filiis Israël exētib; de Ægypto? Deus,  
 ait liber Exodi, præibat illos die quidem in columna nubis, nocte autem in columna ignis.  
 Quis est iste? Pater est, an filius? Si dixeris, pater est, Visus est ergo & pater in aliqua spe-  
 cie. Non autē audes dicere, filius est, ne rursus ipsius testimonio Moyse obruaris, Tu es deus  
 solus, & alium non nouimus absq; te. Ergo deo patri assignabis quod apparuit in columna  
 ignis uel nubis. Si deo patri hoc assignabis, redi modo ad illam rationationem tuam, &  
 dic mihi quæ sit melior natura, ignis, nubis, aut hominis. Et si dixeris, ignis uel nubis, irride-  
 ris non solum ab hominibus, qui certa ratione sunt præditi, non qui uestra uana seductio-  
 ne decepti, sed etiam ab ipsis pecoribus, quibus & si nō sit rationalis intellectus, inest tamen  
 naturalis sensus, qui non est attributus igni uel nubibus. Si autem dixeris, hominis est me-  
 lior, filius à te demonstratur patre maior, quia filius apparuit in homine, pater apparuit in  
 igne. Hoc Ariani secundum uos dictum sit: secundum rectam autem ueramq; doctrinam,  
 quemadmodum non est filius patre maior, quia filius apparuit in homine, pater in igne, sic  
 non est spiritus sanctus minor filio, quia in specie apparuit columbæ: diuina illa substantia  
 trinitatis manēs in seipsa sicuti est, ut innouaret perdita, nostramq; restauraret ruinam pro  
 captu hominum, & pro congruentia cuiuslibet rei se inuisibiliter demonstrauit, unitatem,  
 æqualitatemq; suam non amisit in igne deus, sed non est ignis: in homine filius, sed nō hoc  
 solum quod uidebatur erat, erat & quod latebat, Nam si totum quod uidebatur erat, quid Iohn. 14  
 est quod dicebat discipulis suis, Qui me diligit, & ego diligam eū, & manifestabo me ipsum  
 illi? Quid manifestaturus erat, si totum quod uidebatur erat? Ergo erat & quod latebat. Ita  
 & spūs in columbæ apparuit specie, sed nō columba erat spiritus. Totum hoc homo quod  
 factum est, propter te factum est, Noli iniuriam facere illi qui te fecit, ut consequaris ab illo  
 quod in isto sancto symbolo sequitur. Cap. X  
 Remissionem omnium peccatorum.  
 Noli minorem prædicare eum, qui te perducit ad regnum cælorum in remissionem pecca-  
 torum. Sine ista fide si quis ad baptismū accedit, ipse contra se ianuam indulgentiæ claudit.  
 Nec ppter aliud dilectissimi, factū est, ut & pater mitteret filiū, & ipse filius suscipere homi-  
 nem sanandū, & spiritus sanctus hoc effunderet donū, nisi ut nostræ animæ eruerent à sarci-  
 nis peccatorū. Totū quidem hominē suscepit ille curandū, sed ampliorem curā demonstrauit  
 adhibendā esse animæ q̃ corpori. Nāq; cū ipse saluator inter cætera quæ præsens faciebat,  
 paralyticū antiqua ualeitudine oppressum uideret, prius enim animā censuit esse sanādam, Matth. 9  
 tūc demū etiā eius corpori dignatus est donare salutem. Fili, inquit, confide, quoniā remissa  
 sunt tibi peccata tua. Magna salus, nō est contēnenda. Hāc appetere debet quisquis interius,  
 si exterius saluus esse desiderat. Mūdate, ait ipse dominus, quæ intus sunt, & quæ foris sunt Matth. 23  
 mūda erūt. Verūtamē intētio illa peruersa Iudæorū, quæ nō fideliter sequebat Christū, sed  
 ad

ad hoc eum frequentabant, quia ei dolosi dolose insidias præparabant, quando audierunt C  
 Marci 2 dominum paralytico dicentem, Dimissa sunt tibi peccata tua, continuo susurratio illa cogi-  
 tationis pessimæ, ubi eos audiebat qui corda inspiciebat: quis est iste, inquit, qui peccata di-  
 mittit? Blasphemat, Nemo enim potest dimittere peccata, nisi solus deus, Ille autem ut eis  
 demonstraret se esse deum, eorumque nequitiam ostenderet, ac suam demonstraret poten-  
 tiam, ait illis, Quid cogitatis malum in cordibus uestris? Quid est amplius dicere, Dimissa  
 sunt peccata tua tibi, aut dicere, surge & ambula? Vt autem noueritis quia habet potestatem  
 filius hominis in terra dimittendi peccata, ait paralytico, Surge, tolle grabbatum tuum, & ua-  
 de in domum tuam. Et statim surrexit, & tulit grabbatum suum, & abiit. O quam melius illi  
 esset, si post acceptam remissionem peccatorum, non de lecto ad peccandum iterum surge-  
 ret, sed de sepulchro ad ueram uitam libere securusque surgeret. Non enim uacat dilectissimi  
 quod ei dictum est, Tolle grabbatum tuum, & uade in domum tuam. Sic enim eum dominus  
 curari exterius uolebat, ut iam interius non laboraret. Tolle autem grabbatum tuum, quid est,  
 nisi porta rursus sarcinam delictorum tuorum? Non erunt scapulæ tuæ liberæ, portabis quod  
 Ioan. 8 te premat, curuus eris sub onere, caput iam liberum iterum grauabitur seruitute. Omnis enim,  
 ait dominus, qui facit peccatum, seruus est peccati. Si post remissionem peccatorum ille pa-  
 ralyticus ex hac uita migraret, plenam acciperet libertatem. Quod autem hic uiuere postea  
 permixtus est, & si non peccat, quod credere difficile est, multum periclitatus est, quia tota hæc  
 uita tentatio est. Quisque itaque dilectissimi fideliter credit, & hanc professionem fidei suæ, in  
 qua remittuntur omnia peccata, indubitanter tenet atque amplectitur, præparet uoluntatem  
 suam uoluntati dei, ut si eum post baptismum dignatus fuerit in hac uita aliquantulum de-  
 psal. 26 tinere, iste non quiescat orare ac dicere, Adiutor esto meus, ne derelinquas me. Si autem digna-  
 tus fuerit liberum, atque ab omni fece peccati mundatum ad se uocare, incunctanter ac sine tri-  
 stitia pergat ad eum, cum quo & per quem incipiat & ipse regnare, nec uehiculum mortis ti-  
 meat, in quo prior ascendit ipse qui uocat. Sicut enim ipsum resurgendo perduxit ad patrem, D  
 ita & te illi per resurrectionem repræsentauit. Quia ut te inuitaret ad cælum, ad terram de-  
 scendit, sed non deseruit cælum. Carnis resurrectionem. Resurrectionem esse  
 omnem carnem, rationalem scilicet creaturam fideliter teneamus. Hæc est summa fidei no-  
 stræ quæ separat ab infidelibus. Neque enim de pecudibus uel cæteris animantibus, quibus non  
 est attributa imago creatoris, fas est nobis disputare. Ista enim omnia ad usus nostros crea-  
 ta esse cognoscimus. Legat quis quid deus dixit homini quando eum formauit atque bene-  
 dixit, & inueniet ita scriptum in libro Geneseos, Fecit deus hominem, ad imaginem suam  
 Gen. 1 fecit illum, masculum & feminam fecit eos, & benedixit eos dicens, Crescite & multiplicami-  
 ni, & replete terram, & dominamini eius, & habete potestatem piscium maris, pecorum ter-  
 ræ, uolatiliū cœli. Ista ergo omnia propter usus nostræ infirmitatis, ut dixi, creata sunt. Sed  
 quemadmodum non resurgit nobiscum nostra corruptio, neque infirmitas, ita nec ea quæ sunt  
 necessaria nunc nostræ infirmitati. Qualia futura sunt nostra corpora, Paulus apostolus di-  
 cit, 1. Cor. 15 Seminatur, inquit, in corruptione, resurget in incorruptione: seminatur in infirmitate,  
 surget in uirtute, seminatur in contumelia, surget in gloria: seminatur animale, surget corpus  
 spiritale. Incorruptio hæc uirtus & gloria & spiritus uiuificans faciet nos, sicut ipse dominus  
 promittere dignatus est, æquales angelis dei, ut uiuamus cum ipsis in æterna uita, in unam  
 immortalitatem ac sempiternam patriam, in qua patria uita nostra æterna ipse Christus  
 erit. Ipse enim est uerus deus & uita æterna. Hoc sequitur etiā in isto sancto symbolo quod  
 Caput XII post resurrectionem carnis credamus, Et uitam æternam. Non nostri iam do-  
 minabitur corruptio immortaliter uiuentibus, & cum ipsa æterna uita manentibus. Neque  
 enim indigebimus illic uestimento ubi erimus immortalitate uestiti: nec cibus nobis deerit,  
 quando ipse panis uiuus, qui propter nos de cœlo ad terras usque descendit, sui præsentia no-  
 psal. 35 stras animas satiabit: nec potus nobis deerit, præsentem fonte uitæ. Saturabit enim nos ab-  
 ubertate domus suæ, & torrēte deliciarum suarum corda nostra rigabit. Æstus illic non pa-  
 tiemur,



A tiemur. Illic est enim refrigerium nostrum, qui nos sub umbra alarum suarum protexit & pro-  
 tegit. Frigus illic non patiemur: est enim ibi sol iusticie, qui suo amore calefaciens corda no-  
 stra, radijs diuinitatis sue illuminet oculos nostros, ut uideant diuinitatem, æqualitatemque  
 patris & filij & spiritus sancti. Non ibi fatigabimur, nobiscum enim erit uirtus nostra, cui nunc  
 dicimus, Diligam te domine uirtus mea. Non ibi dormiemus, non enim ibi sunt tenebræ quæ *Psalm. 17*  
 excludere possint permanentem diem. Nulla ibi erit negociatio, nulla seruitus, nullum opus.  
 Et quid illic acturi sumus? Fortasse illud quod scriptum est: Vacate & uidete, quoniam ego *Psalm. 45*  
 sum deus. Vacuitas ista contemplationis, erit opus nostræ actionis, ut contemplantes dele-  
 ctemur, & delectabiliter contemplemur uidere. Quid uidere? Bona domini. Quæ bona? Possum *Esai. 64*  
 mus exprimere illud quod nec oculus uidit, nec auris audiuit, nec in cor hominis ascendit?  
 Possumus explicare quomodo erit deus omnia in omnibus? Possumus explicare quomodo *1. Cor. 15*  
 do ipse filius cum tradiderit regnum deo & patri, id est, sanctam congregationem fidelium,  
 ita illum hominem susceptum, ampliusque clarificatum non dimittat, ut tamen claritatem  
 quam habet cum patre antequam mundus fieret, ipsis iam fidelibus demonstrare non differat?  
 Possumus explicare quemadmodum sponsa ecclesia, quæ ex uiris & foeminis, omnis cõuer-  
 tatur in uirum perfectum, atque ita dignitatem uirilem accipiat ut tamen sponsæ nomen non  
 perdat? Possumus explicare sanctorum corpora resuscitata, ex qua gloria in quam gloriam  
 transeant? Possumus explicare quod Christum sequantur uirgines, quod eum sequi nequeant  
 non uirgines, atque illas nescio quod ubique manens secum ducat, nec tamen eas, quæ non sunt  
 uirgines deserat? Quis audet de his rebus positus in hac mortali carne quæ aggrauat ani-  
 mam, aliquid dicere, cum Paulus apostolus hoc non ualuit explicare, qui in isto positus cor-  
 pore, usque in tertium cœlum gratia operante ualuit ascendere? Non sumus curiosi ad inuesti-  
 gandum, quod apostoli exprimere minime potuerunt. Certe ex me nemo scire quærat quod  
 in me nescire scio, nisi forte ut nescire discat, quod scire non posse sciendum est. Sed per fidem  
 & patientiam & sanctam matrem ecclesiam speremus nos accipere, quicquid magnis & pu-  
 Billis dignatus fuerit ille donare. Sancta ecclesia, in qua omnis huius sacramenti *Cap. XIII*  
 terminatur autoritas, mater & uirgo, corpore casta, prole fecunda, sponsa Christi supe-  
 rius declarata, pie nutrit filios quos deo patri dignos assignare contendit. Filij boni amate  
 tantam matrem, filij boni nolite deserere quotidie uos requirentem, rependite uicem, ama-  
 te amantem. Tanta est, talis est, nobilis est, regia prole fecunda est, non eam patiamini aut  
 filiorum malorum, aut pessimorum seruorum iniurijs atque insidijs macerari: agite causas  
 matris uestre, exerite eius amplissimam dignitatem: seruus malus non insultet dominæ. Hæ-  
 reticus Arianus non insultet ecclesiæ. Lupus est, agnoscite: serpens est, eius capita conuassan-  
 te. Blanditur, sed fallit: multa promittit, sed decipit. Venite, inquit, defendam: si necessitas  
 est, pascam: si nuditas, uestiam: dabo pecuniam, statuam quid per singulos dies quisque acci-  
 piat. O lupe male, o serpens inique, o serue nequissime, dominam calcas, ueram matrem im-  
 pugnas, Christum exufflas, catholicum rebaptizas, & quod est pessimum, artis tuæ aliquos  
 potentia premis ut perdas, alios pecunia comparas quos occidas. Ergo ne hæretice ad hoc  
 uestis nudum, ut expolies intus Christi uestitum? Ad hoc pascis esurientem, ut animæ aufe-  
 ras cibum cœlestem? Ad hoc das pecuniam, ut sic tibi isti uendant Christum rebaptizan-  
 dum, quemadmodum Iudas Iudæus Christum crucifigendum? Pecunia tua tecum sit in per-  
 ditionem. Peiora hæretice facis quam quis fecit Iudæus. Ecce enim Iudæus & si præmio compa-  
 rauit Christum occidendum, semel latus in cruce pendentis pupugit, sed totum eius corpus  
 integrum reseruauit: tu uero ad hoc eum quotidie comparas pecunia, ut sedentis in cœlo di-  
 uersa laceres membra. Vos autem dilectissimi, qui ab initio uberibus sanctæ matris eccle-  
 siæ nutriti, usque ad solidum cibum estis ab ea perducti, manete in ea. Si quis eius uel disciplinam,  
 uel quamlibet admonitionem aspere tulit, & iratus abcessit, agnoscat matrem, redeat ad eam  
 multum gaudeat filium perditum fuisse cõuersum, stabilitatis dignitatē non quiescit prædicare secum  
 permanentium filiorum.  
 Finis.

Cap. I



1. Cor. 3

1. Pet. 2

Cap. II

Esa. 7

Gen. 1

ACRAMENTVM symboli quod accepistis, memoriaeque mandatum pro uestra salute retinetis, noueritis hoc esse fidei catholicae fundamentum, super quod aedificium surrexit ecclesiae constructum manibus apostolorum & prophetarum. Aedificium enim domus dei lapides sunt uiui, quod estis uos. Ita enim credentibus scribit Apostolus, Nescitis, inquit, quia templum dei estis, & spiritus sanctus habitat in uobis. Sed & apostolus Petrus alloquens fideles, Vos, inquit, tanquam lapides uiui aedificamini in domum spiritalem. Quisquis huic aedificio coniungi desiderat, renunciet diabolo, pompis & angelis eius. Pompae diaboli sunt quaeque illicita desideria quae turpant, non quae exornant animam, ut sunt, desideria carnis, desideria oculorum, ambitiones seculi. Ad concupiscentiam carnis pertinent illecebrae uoluptatum. Ad concupiscentiam oculorum, nugacitas spectaculorum. Ad ambitionem seculi, insana superbia, ubi est fumus inflatus, ut homo positus in aliqua potestate, hominem se esse nullo agnoscat cum de homine iudicat. Qui ergo uult mundum uincere, tria ista uincat quae sunt in mundo, & per haec illum uincit etiam qui suadendo per superbiam decepit mundum. Postquam autem homo renunciando diabolo excludit pessimum inuasorem, introducat optimum possessorem, credat in deum patrem omnipotentem &c. Magnam donum gratiae credere & intelligere deum. Sed quid propheta dicit? Nisi credideritis, non intelligetis. Credamus ergo ut intelligamus, sed oremus ut mereamur uidere quod credimus. Peccata enim & autor peccati diabolus, separauit animam a deo: & dum creatura secuta se ductorem suum deseruit saluatorem, facta est ruina magna, & errauit. Anima uero ut pro deo coleret idola & adoraret ipsa quae fecit, deferendo illum a quo facta est: adorando enim lapidem nullam habentem uitam, ipsa perit deferendo deum, qui est eius uera & aeterna uita. Hinc error omnis & desertio bonorum, hinc cultus Paganorum & peruersitas haereticorum, & errauerunt animae per diuersas uoluptates & peruersas, ut alij colerent solem, alij lunam & stellas, alij montes, alij lapides & quaeque uirgulta, ut sibi quisque credidit inuenisse, non adiutorem deum, sed deceptorum diabolum, atque ita per diuersa anima errauit a creatore suo, ut omne quod ei dederat deus ad seruitium, hoc illa coleret ut deum. Nonne omnia propter hominem creata sunt? Legat quis scripturas sanctas, & inueniet deum dixisse homini quae de limo terrae formauit, Crescite & multiplicamini, & replete terram, & dominamini eius, & habete potestatem piscium maris, & auium coeli, & pecorum terrae. Et paulo post: Ecce, inquit, dedi uobis omnia in usum & ad escam. Eos autem qui scripturas sanctas legere nolunt, ipsa rerum natura, ipseque mundus operibus famulatus sui, incredulos sua quadam uoce conuincit, & animam peruersam increpans dicit: Quid est misera quae erras in me, & degener facta oblita es, a quo quanta creata sis, cui coelum & terra tam pulchra domus nullis meritis praecedentibus constructa est? Respondent & singula quaeque elementa, clamantia, & ipsis suis operibus suum demonstrantia artificem. Clamat coelum: non sum deus, nam si deus essem, nulla me nubilatio obumbrare potuisset, nec tenebrae succederent luci meae, sed lux integra, incorrupta, inuiolataque mansisset, sicut manet lux illa uera quae istam lucem temporalem creauit in me propter te. Clamat & sol: quid me homo colis ut deum, quem uides ortu occasuque concludi? Deus nec ortum habet nec occasum, sed tu illum deferendo magnum incurristi casum. Sed consideras magnum atque mirabilem esse me: ego autem agnosco habere super me, qui & me creauit & te: cum autem opera & splendores & calores mei tibi deseruiant, quomodo me pro deo colendum ducis, nisi quia uerum deum colere nescis? Ita luna & stellae istam similem proferunt uocem: non uides, inquiunt, o homo spacium nos agere nocturnum, excludi luce, nec terminos transgredi constitutos, quos ad solatium quietis tuae omnipotens artifex terminauit? Non sumus deus: Conuincimus falsitatem tuam seruiendo tibi ad poenam tuam. Clamat mare



A mare, & omnia quæ in eo sunt, Nō sumus deus: Præbeo enim ut mihi iussū est, famulatū peruium, iter carinæ suscipiens, motus congruos, flatus uentorum, dirigens gressus, ut ad portum desideratum etiam rapiente te auaricia, nulla interposita tarditate perducam. Animalia uero quæ gignuntur ex me, tibi in escam donata esse cognoscis. Cum ergo per omnia agnoscam modulum meum, tu quare deferis ordinem tuum, deferendo omnium creatore deum? Clamat terra: Ergo ne homo deitatis mihi nomen conscribis, ideo non agnoscis quod sim, quia oblitus es qui sis? Non agnoscis materiam tuam? Non agnoscis quia limum meū es, ex me quidem formatum, sed non sicut ego animatum? Non agnoscis quia inter omnia animalia quæ ex me procreata sunt, tu solus sub deo penè mundi dominus constitutus es? Merito non intelligis, quia cum in honore esses, non intellexisti, comparatus es iumentis in-

psal. 48  
Cap. III

Nos autem dilectissimi, quibus donatum est cre-  
sipientibus, & similatus es illis. Nos autem dilectissimi, quibus donatum est cre-  
dere, nec solem credamus deum uel regē cœli, nec mare, aut nescio quem regem eius Neptu-  
num, quem fingit uanitas, non ueritas, nec terram & Plutonē, sed credimus in deum patrē  
omnipotentem, uniuersorum creatorem, regem cœlorum. Qui enim cuncta quia uoluit de  
nihilo fecit, ipse regit quæ fecit. Immortales isti quia nobis superius cōmemorati sunt, ideo  
dij non sunt, quia & comprehendere & uideri his oculis possunt: ceteros autem quos uani  
uane colunt, Iouem, Saturnū, Martem, Iunonem, Mineruam, Venerem, & cetera portēta,  
nō nomina bona, sed nomina mala homines mortales fuisse, etiam eorum litteræ clamant,  
qui talibus erroribus delectantur. Nostræ autem sacræ litteræ qualē deum prædicent, Pau-  
lum audite apostolum, Immortali, inquit, inuisibili, incorruptibili, soli deo honor & gloria. 1. Timoth. 1  
Non uidetur deus noster oculis carnis, sed uidetur oculis cordis: nō uidetur ad tempus, sed  
uidetur in æternum. Sed dicit Paganus, Ostende mihi quem colis? Respondeo: Ego qui  
dem habeo etiam modo quem tibi ostendam, sed tu non habes oculos unde uideas. Beati Matth. 5  
enim, ait saluator noster, mūdo corde, quoniam ipsi deum uidebunt. Cor immūdum & te-  
nebris obuolutum peccatorum, deum quærit uidere. Lux lucet in tenebris, sed tenebræ eam  
non comprehendunt. Nunquid quia cæcus non uidet, ideo lux non lucet? Si nossetis o infide-  
lis dicere deo uero, Illumina oculos meos: uideres nobiscum nunc per speculum in ænigma-  
te, ut posses uidere facie ad faciem. Si ex operibus intelligeres artificem, ex creatura conijce-  
res creatorem. Si expauesceres in te, quia non totum capis te, agnosceres deum qui fecit te.  
Non enim uides animam tuam, cum omnia uideat anima tua per carnem tuam. At si ui-  
des animam tuam, dic mihi qualis uel quanta sit, utrum quadra an rotunda, utrum lenis  
an aspera, utrum calida an frigida, utrum alicuius coloris an omni colore carens. Video de  
fecisti ostendere animam tuam qualis sit. Non potes. Ecce immortalis est anima tua, & ui-  
uificat mortalem carnem tuam. Immortalem dico animam tuam ad utrūq;. Si credit, im-  
mortalis est ad uitam: si non credit, immortalis est ad pœnam. Credimus ergo deum im-  
mortalem & inuisibilem, non illum quem uos infideles deum fingitis, simul & adulterantē  
& tonantem, sed deum uerum, totius mundi fabricatorem atq; rectorem.

psal. 12

cap. III

Filiū eius Iesum Christum olim promissum per prophetas tenemus, quod iam im-  
pletum esse cognoscimus. Sed ideo etiam hoc credere iubemur, quia quando factū est, præ-  
sentes non fuimus, aderant tunc Iudæi, ex quorum gente ipse saluator apostolos elegit, per  
quos ad nos fides ista peruenit. In ipsa autem gente in qua & ex qua nasci dignatus est, lon-  
ge antea Esaïas propheta prædixerat, Ecce uirgo in utero concipiet & pariet filiū, & uoca-  
bitur nomen eius Emanuel, quod interpretatur, nobiscum deus. Et alio in loco, Exiet uirga  
de radice Iesse, & flos de radice eius ascendet: uirgam significans uirginem Mariam, & flo-  
rem uirgæ, filiū uirginis dominum Iesum Christum. Iudæi antequam ista fierent, lege-  
bant, & non intelligebant. Cœperunt impleri quæ promissa sunt, & nō gaudebant, sed po-  
tius inuidebant. Nascitur Christus ex uirgine sicut flos ex uirga, sine ullo composito semine.  
Nascitur infans paruus, rex magnus: Procedunt certa indicia & signa magni regis: pa-  
storibus nunciant angeli: per stellam uelut per nouam linguam clamant cœli. Adducuntur

Esa. 7  
Esa. 11

de longinquo magi, ueniunt ut adorent adhuc in præsepe iacentem, sed iam in cœlo & in terra regnantem. Annunciantibus magis regem natum turbatur Herodes, & ne regnū perdat nult eum occidere, in quem si crederet, & hic securus, & in illa uita sine fine regnaret. Herodes à Iudæis ubi Christus nascatur inquirat. Quærunt simul nō sicut magi adorandum, sed inuentum necandum. Quid times Herodes quia audis regem natum? Non uenit ille ut te excludat, sed ut diabolum uincat. Sed tu hæc non intelligens turbaris & sæuis: & ut perdas unum quem quæris, per tot infantum mortes magnus efficeris crudelis. Non te ulla pietas plangentium matrum, aut lugentium patrum funera filiorum, non mugitus & gemitus reuocat infantum. Necas paruulos corpore, quia te necat timor in corde: & putas si hoc quod cupis impleueris, diu te posse uiuere, cum ipsam uitam quæras occidere. Ille autē fons gratiæ paruus & magnus qui in præsepe iacet, thronum tuum terret: agit per te nesciente te causas tuas, & à captiuitate liberat diaboli animas. Suscipit filios inimicorum in numerum adoptatorum. Moriuntur paruuli pro Christo, nescientes parentes plangunt martyres morientes. Ille nondum loquentes idoneos suos efficit testes. Ecce quomodo regnat, qui sic regnare uenerat. Ecce iam liberat liberator, & salutem præstat saluator. Sed tu Herodes nesciens hoc, turbaris & sæuis, & dum contra paruulum sæuis, iam illi obsequium præbes, & nescis. Ille enim rex magnus qui ad hoc uenit, ut per te & per alios suos hinc congreget, tu illi prior ad regnum cœlorum tot milia candidatorum infantum innumerabilem præmittis exercitū. Hanc turbam Apocalypsis illa beati Ioannis apostoli demonstrabat dicens, *Apoc. 7* Vidi turbam multam quam dinumerare nemo poterat ex omni tribu, stantes in cōspectu dei, & induti erant alba ueste, & palmæ fuerunt in manibus eorum. O magnum donū gratiæ: quibus eorum meritis præstitum est, ut sic uincerent infantes? Necdum loquuntur, & Christum confitentur. Necdum motibus membrorum ualent suscipere pugnam, & uictoriæ iam offerunt palmam. Quomodo regnas Herodes qui sic uinceris? Paruus ille nō te armatorum uirorum fortium superauit manu, sed innumerabili uicit turba morientium paruulorum. Vis nosse quid infantibus quos trucidasti præstiteris? Ideo accelerasti ad eorum uitam, ne cū suis parentibus occiderent ueram uitam: hoc illo peragente, qui nouit bene uti etiam malis tuis, illorum animas liberauit à parentum internecionis suæ societate, & te solum inanem reliquit in scelere. Egit & agit gratia causas suas, & per inimicos suos, & p ipsos, & in ipsis: nam & ipsi qui moriebantur, natura filij iræ erant sicut & ceteri. Sed quid eis præstitit gratia, nisi ut erueret eos de potestate tenebrarum? Præstitit eis Christus ut pro Christo morentur, præstitit ut suo sanguine ab originali peccato diluerentur. Nati sunt ad mortem, sed continuo eos mors reddidit uitæ. Hisdem gradibus dilectissimi, quibus perierat humana natura, à Iesu Christo domino nostro reparata est. Adam superbus, humilis; Christus: per scēminam mors, per scēminam uita: per Euam interitus, per Mariam salus. Illa corrupta secuta est seductorem, hæc integra peperit saluatorem. Illa poculum à serpente propinatum libenter accepit & uiro tradidit, ex quo simul mererentur occidi: hæc gratia cœlesti desuper infusa uitam protulit, per quam caro mortua possit resuscitari. Quis est qui hæc operatus est, nisi uirginis filius & uirginum sponsus, qui attulit matri scēcunditatem, sed nō abstulit uirginitatem? Quod contulit matri suæ, hoc donauit & sponsæ suæ. Deniq; sancta ecclesia quæ illi integro integra coniuncta est, quotidie parit membra eius & uirgo est.

*Cap. V*  
*Gal. 6* Crucifixum sub Pontio Pilato & sepultum. Et hoc credimus, & ita credimus, ut inde gloriemur, Mihi enim, ait doctor gentium apostolus Paulus, absit gloriari, nisi in cruce domini nostri Iesu Christi, per quem mihi mundus crucifixus est, & ego mundo: Et nos in hoc gloriemur, in hunc speremus, illi hæreamus, simul enim uetus homo noster cum illo crucifixus est cruci: Nisi enim crucifigeretur ille, mundus non redimeretur. Poena illa salus est nostra. Quod Iudæus & gentilis detestatur, Christianus inde saluatur: quia sicut Apostolus dicit, Illorum delicto salus est gentibus. Quod delictum Iudæi cōmiserunt: Christum tenuerunt, uinctum Pilato tradiderunt, clamauerunt, Crucifige crucifige. Quare, quam ob causam?

*Rom. 1*



A causam? Quoniam suscitauit mortuum. Audit Pilatus, inuenit innocentem, uidet populū  
 fauentem, excusat & dicit, Ego in isto causam non inuenio, accipite eum uos & crucifigite. *Ioan. 18*  
 Quando dicebat Pilatus, Ego in isto non inuenio causam, accipite eum uos: quid aliud di-  
 cebat, quàm hoc: Ad iudicem quasi cum reo uenistis, sed innocentem legibus tradidistis, in  
 quem nullum crimen probare ualulistis? Non ero iustus si secundum desiderium uestrum  
 innocentem occidero, ero ab hoc facto, à uestra seditione alienus si eum uobis tradidero.  
 Accipite eum, inquit, uos, & secundum legem uestram iudicate. Et illi: Nos scimus, inquit,  
 quia reus est mortis. Quid scit cæcus corde, non corpore? Clamat quod nescit, & ut impleat  
 quod scuit, dicit se scire quod nescit. Iterum Pilatus audit Iesum, & responsis eius in metum  
 missus, consilium inuenit quomodo eum dimitteret. Egressus ad Iudæos dixit, Est consue- *Marc. 15*  
 tudo ut dimittam uobis unum in pascha, uultis ergo dimittam uobis regem Iudæorū? Cla-  
 mauerunt & dixerunt, Noli ipsum dimittere, sed Barrabam. Fuit autem Barrabas, ut euan-  
 gelista narrat, insignis latro. O cæcitas Iudæorum, ô furia phreneticorū: Noli ipsum dimit-  
 tere, sed Barrabam: quid fuit aliud dicere, quàm occidatur Christus saluator, quia suscitauit  
 mortuum: dimittatur latro ut iterum perpetret homicidium? Sed clamate. Quid clamatis  
 nescientes? Occidatur à uobis Christus, & redimantur gentes. Medicus autem ille animarū  
 qui uos uidebat phrenesi laborare, somnum salutis ingerebat, & ideo etiam ipse pro nobis  
 dormire uolebat: tanq̃ diceret, Medicus sum, infirmi estis: infirmitas uestra magna refugit  
 somnum salutis. Ecce dormio propter uos, ut me uiso dormire delectet & uos, & à pœnali  
 morte liberemini uos. Sed illis & de illis hoc dicebat, quos credituros in se postmodum no-  
 uerat, & pro quibus in cruce pendens patrem rogabat dicens, Pater ignosce illis, quia nesciūt *Luc. 23*  
 quid faciunt. Inter eos erat ille phreneticus, prius Saulus, postea Paulus, prius superbus, po-  
 stea humilis, & ipse phrenesi laborabat, somnum salutis repudiabat. Sed quid ei fecit me-  
 dicus? Prostrauit fauentem, erexit credentem: prostrauit persecutorem, erexit prædicatorem. *Act. 9*  
 B Prostratus ad terram dormiuit phreneticus, surrexit, & factus est medicus. Coepit in alijs cu-  
 rare morbum quo ipse laborabat, & effectus discipulus, cœlestis archiatri antidotum bibit  
 confectum ex sanguine medici, prior ipse bibit, & bibendum amatoribus propinauit. Hoc  
 antidotum ex sanguine crucifixi confectum, etiam ipsi reges terræ biberunt, & qui erant ec-  
 clesiæ persecutores, eius facti sunt defensores.

Sepulturam uero huius crucifixi sanctum indicat euangelium, quod susceptus sit à Io *Cap. VI*  
 seph, obuolutusq̃ lintheaminibus, cū aromatibus positus sit in monumento nouo. Homo  
 enim nouus sine ulla corruptione ex uirgine procreatus, in monumento nouo positus est, in  
 quo nondum positus erat mortuus, ut sanctitas uirginalis uteri in omnibus ornaretur ex cō-  
 uenientia inuiolabilis sepulchri. Tertia die à mortuis resurrexit. Quamuis multi sancti mul-  
 ta hinc senserint atq̃ dixerint. Nam quidam uolentes tres dies & tres noctes exprimere, à  
 nocte præcedente sextæ feriæ, & ipsa sexta feria concluderunt unum diem, & nox sabbati &  
 sabbatum, & nox dominici diei & ipsum diem resurrectionis. Alij autem ab ipsa sexta fe-  
 ria, & noctem quæ medio die facta est, uoluerunt tres dies & tres noctes usq̃ in diem domi- *Matth. 12*  
 nicum exponere, propter illam sententiam domini in euangelio positam: Sicut enim Ionas  
 fuit in uentre ceti tribus diebus & tribus noctibus, ita oportet esse filium hominis in corde  
 terræ tribus diebus & tribus noctibus. Sed nos neutram eorum uacuantem sententiam, me-  
 lius tamen, si placet, in his spiritalem requirimus intellectum, quomodo filius hominis fue-  
 rit in corde terræ tribus diebus & tribus noctibus: tres dies, tria tempora seculi ponentes, an-  
 te legem, sub lege, sub gratia: & tres noctes tres mortes, id est, tres mortuos quos suscitauit  
 dominus præsens in carne. Filiam archisynagogi in domo, filiū uiduæ foris in porta, & La-  
 zarum quatruiduanum de sepulchro. Vnde enim mors nisi per peccatum? Et quid sunt pec-  
 cata, nisi magnæ tenebræ quæ faciunt grauem noctem? Ita ergo conueniunt sibi, ut unus  
 dies sit ante legem, quando peccatum latebat, & huic antecedit nox illa, quod puella mor-  
 tua

tua in domo iacebat, tanq̃ peccatum intra conscientiam latebat. Secundus dies sit sub lege, **A**  
**Exod. 20** quando dictum est homini, Non concupisces, & peccatum processit ad publicū: & hinc ac-  
 cedit nox illa, quòd filius uiduæ foris portam, tanq̃ peccatum animæ quod intus latebat,  
 processit ad publicum. Tertius dies sit sub gratia, quando iam plus peccat anima, quia scit  
 uoluntatem domini sui, & facit digna plagis, & supplantata plenitudine gratiæ merito pec-  
 catorum iam putet: & hinc accedit nox illa mortis Lazari in sepulchro iacentis, tanq̃ ani-  
 mæ peccatis obrutæ & foetentis. In his tribus diebus & noctibus fuit Christus in corde ter-  
 ræ, hoc est, iacuit fides Christi in cordibus eorū qui habitant in terra. Habēt ergo animæ in  
 his diebus & noctibus præcepta legis & uoces pœnitentiæ, ut resurgere possint cum Chri-  
 sto. **Tobia. 4** Ad diem & noctem latentis peccati, lex illa est generalis, Quod tibi fieri non uis, aliū ne  
**Psalm. 24** feceris. Et uox pœnitentiæ eius, Delicta iuuentutis & ignorantia meæ ne memor fueris. Ad  
**Psalm. 50** sequentem diem manifesti peccati, lex illa est, Non concupisces. Et uox pœnitentiæ est, Tibi  
 soli peccaui & malum coram te feci. Ad tertium diem & noctem iam sepultæ animæ cōsue-  
 tudine peccati, lex illa est, Ecce sanus factus es, iam noli peccare. Et uox pœnitentiæ eius est,  
**Ioan. 5** Domine libera animam meam de morte: Et, Eduxisti ab inferis animam meam. Per ista  
**Psalm. 114** tria tempora ueluti per tres dies resurgunt animæ cum Christo, quibus dicitur per prophe-  
**Psalm. 29** tam: Resurgent mortui, & excitabuntur qui in monumentis sunt, & exultabunt omnes qui  
**Eph. 5** sunt super terram. Et quibus per Apostolum dicitur, Surge qui dormis, & exurge à mor-  
**Col. 3** tuis, & illuminabit te Christus. Etiam resurgentibus, hoc est, à peccatis liberatis dicit, Si re-  
 surrexistis cum Christo, quæ sursum sunt quærite, ubi Christus est ad dexteram dei sedens,  
 quia dñs Iesus resurgens à mortuis, assumptus est in cœlos, & sedet ad dexteram patris.  
**Cap. VII** Quis est qui sedet ad dexteram patris? Homo Christus: nam inquātum deus, sem-  
 per cum patre & ex patre, & quando ad nos processit, à patre non recessit: Hoc est enim esse  
 deum, ubiq̃ esse totum. Totus ergo filius apud patrem, totus in cœlo, totus in terra, totus  
 in utero uirginis, totus in cruce, totus in inferno, totus in paradiso quòd latronem introdu-  
 xit. Nō per diuersa tempora uel loca dicimus ubiq̃ esse totum, ut modo ibi totus sit, & alio  
 tempore alibi totus, sed ut semper ubiq̃ sit totus. Si enim deus hoc præstitit huic luci quæ  
 uidetur nostris aspectibus, ut simul tota ubiq̃ sit: Neq̃ enim quando hic est in oriente, uel  
 in alijs partibus terrarum non est, sed ubiq̃ tota est, & omnibus tota est, & omnium oculos  
 satiat, & ipsa integra perseuerat. Si hoc potest creatura, quāto amplius ipse creator? Sed hoc  
 quòd filius dicitur sedere ad dexterā patris, demonstratur quòd ipse homo quem suscepit  
**Cap. VIII** Christus, potestatem acceperit iudicantis. Inde enim uenturus est iudicare ui-  
**Act. 1** uos & mortuos. Aduentum eius liber indicat Actuum apostolorum. Postea enim quā à  
 mortuis resurrexit, conuersatus est cum discipulis suis quadraginta diebus & quadraginta  
 noctibus, intrans & exiens, manducās & bibens: non quòd haberet infirmitatē, sed ut docer-  
 ret ueritatem. Quadagesimo die ipsis uidentibus & quodammodo in cœlum oculis dedu-  
 centibus, astiterunt illis duo uiri in ueste alba, qui dixerunt eis: Viri Galilæi, quid statis in-  
 tuentes in cœlum? Iste Iesus qui assumptus est in cœlum à uobis, sic ueniet quemadmodum  
 uidistis eum euntem in cœlum. Veniet ergo fratres mei, ueniet ille qui prius uenit occultus,  
 ueniet in potestate manifestus. Ille qui iudicatus est, ueniet iudicaturus. Ille qui stetit ante  
 hominem, iudicaturus est omnem hominem. Deus manifeste ueniet. Quid est, deus mani-  
 feste ueniet? Non sicut prius homo humilis, sed sicut deus homo maiestate sublimis, & iu-  
 dicabit. Quomodo iudicabit? Non enim ut iudex terrenus quæsiturus est testes ut te con-  
 uincat, aut ueritatem per tormenta requisitus est ut confessum puniat, cum sedeat iudex  
 ipsa iusticia, & testis sibi sit ipsa mala conscientia. Ille iudex dilectissimi, nec gratia præueni-  
 tur, nec misericordia iam flectitur, nec pecunia corrumpitur, nec satisfactione mitigatur. Hic  
 dum tempus est, quicquid potest anima agat pro se, ubi locus est misericordiæ: Nam ibi  
 quid pro se agat non habebit, quia iusticiæ solius locus erit. Hic agat anima pœnitentiam,  
 ut ille



Cap. 128

Cap. X

1. Cor. 15

psal. 11

1047.3

non spicas, sed profert spinas quæ igni tradantur, nō quæ horreo recondantur. Similiter & terra nostra, hoc est caro nostra, siue hic, siue ibi, non sibi assignet merita, sed agnoscat etiam  
 cap. XI illic accepturam se gratiam pro gratia. In uitam æternam. Bonum omne illud, quod resuscitabimur, quod à peccatis liberabimur, sempiternum erit, quia in æterna uita manebit. Quàm sit autem illud bonum quod promittit deus sanctis suis, quis explicet uerbis suis? Facilius tamen possumus dicere in illa uita æterna quid ibi non sit, quàm quid ibi sit. Nō est ibi mors, non est ibi luctus, non est ibi lassitudo, non est infirmitas, non est fames, nulla sitis, nullus æstus, nulla corruptio, nulla indigētia, nulla mœsticia, nulla tristitia. Ecce diximus quod ibi non sit. Quid autem ibi sit uultis nosse? Hoc nec oculus uidit, nec auris audiuit, nec in cor hominis ascendit, quæ præparauit deus diligentibus se. Si in cor hominis non ascendit, cor hominis illuc ascendat. Mundetur cor ab omni immūdia, ut possit portare deum, qui est uera sempiternaque iusticia, Manet enim deus in corde credentis & se diligentis, & manet homo in deo, id est, in æterna uita, quod est præmium deum amantis. Nec amare, nec diligere quis potest, qui in ecclesia eius non est: quoniam omnis qui præter illam est, nec cū deo est qui uita æterna est. Ideo sacramenti huius conclusio per ecclesiam terminatur, quia ipsa est mater fecunda, integra & casta, ubique diffusa, quæ filios deo spiritualiter parit, quæ paruulos lacte uerborum eius spiritualiter nutrit, quæ pueros sapientiam docet, quæ adolescentes à luxuria atque impudicitia sua sancta castitate custodit, quæ iuuenes robore uirtutis contra diabolum armat, quæ senes prudentiam docet, quæ seniores ætate prouectos uenerabiles facit. Per hanc iuuenes & uirgines, seniores cum iunioribus, ætas omnis & uterque sexus laudent nomen domini. Hæc errantes filios reuocat, mortuos grauiter dolet, secum perseuerantes indeficienter pascit. Hanc dilectissimi amemus omnes, tali matri sic amanti, sic propicienti, sic consulenti inseparabiliter inhæreamus, ut simul cum illa & per illam deo patri coniungi perpetuo mereamur.

Finis.

DIVI AVRELII AVGVSTINI HIPPONEN. EPISCOPI,  
 De symbolo ad catechumenos, liber alius.

Cap. I



Apoc. 12

U M per sacratissimum crucis signum uos suscepit in utero sancta mater ecclesia, quæ sicut & fratres uestros cum summa læticia spiritualiter pariet noua proles futura tantæ matris quousque per lauacrum sanctum regeneratos ueræ luci restituat, congruis alimentis eos quos portat pascit in utero, & ad diem partus sui lætos læta perducit: quoniam non tenetur hæc sententia: Væ quæ in tristitia & gemitu parit filios, nec ipsos gaudētes, sed flentes, sed potius hæc soluit quod illa ligauerat, ut prolem quam per inobedientiam sui morti donauit, hæc per obedientiam restituat uitæ. Omnia sacramenta quæ acta sunt & aguntur in uobis per ministerium seruorum dei, exorcismis, orationibus, canticis spiritualibus, insufflationibus, cilicio, inclinatione ceruicum, humilitate pedum, pauor ipse omni securitate appetendus, hæc omnia, ut dixi, escæ sunt quæ uos reficiunt in utero, ut renatos ex baptismo hilares uos mater exhibeat Christo. Accepistis & symbolum protectionem parturientis contra uenena serpentis: In Apocalypsi Ioannis apostoli scriptum est hoc, quod staret draco in conspectu mulieris quæ paritura erat, ut cum peperisset, natum eius comederet. Draconem diabolum esse nullus uestrum ignorat. Mulierum illam uirginem Mariam significasse, quæ caput nostrum, integra integrum peperit, quæ etiam ipsa figuram in se sanctæ ecclesiæ demonstrauit, ut quomodo filium pariens uirgo permansit, ita & hæc omni tempore membra eius pariat, & uirginitatem non amittat. Ipsas sententias sacratissimi symboli adiuuante domino exponendas suscepimus, & quid singulæ contineant, uestris sensibus



**C** bus intinemus. Parata sunt corda uestra, quia exclusus est inimicus de cordibus uestris. Mundata iam domus non remaneat inanis, ne cum uacuum desertor inuenerit, adducat se Luc. 11 cum alios septem nequiores se, & efficiantur hominis illius posteriora, ut euangelium loqui tur, peiora prioribus. Mox cum exclusus fuerit pessimus inuasor, introducatur optimus possessor. Quis est inuasor? Diabolus. Quid inuasit? Hominem quem non fecit, insuper & decipit. Promisit ei immortalitatem, & propinauit iniquitatem. Huic uos renunciare professi estis: in qua professione non hominibus, sed deo & angelis eius conscribentibus dixistis, renuncio. Renunciate non solum uocibus, sed etiam moribus, non tantum sono linguæ, sed & actu uitæ: nec tantum labijs sonantibus, sed operibus pronuntiantibus. Scitote, uos cum callido, antiquo & ueternoso inimico suscepisse certamen: non in uobis post renunciationem inueniat opera sua, non iure uos attrahat in seruitutem suam. Deprehenderis enim & detegeris Christiane, quando aliud agis & aliud profiteris: fidelis in nomine, aliud demonstras in opere, non tenens promissionis tuæ fidem: modo ingrediens ecclesiam orationes fundere, post modicum in spectaculis cum histrionibus impudice clamare. Quid tibi cum pompis diaboli quibus renunciaſti? Ut quid claudicatis ambobus inguinibus? Si deus est, ite 5. Reg. 18 post illum: si mundus est, ite post illum: si deus eligitur, seruiatur illi secundum ipsius uoluntatem: si mundus eligitur, ut quid fictum cor quasi deo accommodatur? Quisquis contempto deo sequeris mundum, & ipse te deserit mundus. Non uis bonus implere uoluntatem dei, & de te malo impletur uoluntas dei. Sequere adhuc quantum potes fugitium, & si potes apprehende eum, tene eum: sed uideo, non potes, fallis te. Ille enim labiles motus suos torrentis ictu percurrens, dum te uidet inhaerentem sibi & tenentem se, ad hoc te rapit non ut saluet, sed ut perdat te. Quid tibi cum pompis diaboli amator Christi? Noli te fallere, odit enim tales deus, nec inter suos deputat professores, quos cernit uia suæ desertores. Ecce amate ruinosus est mundus, ecce tantis calamitatibus repleuit dominus mundum, ecce amarus est mundus, & sic amatur, quid faceremus si dulcis esset? O munde immunde, teneris est mundus, & sic amatur, quid faceres si maneres? Quem non deciperes dulcis, si amarus alimentari uis periens, quid faceres si maneres? Quem non deciperes dulcis, si amarus alimentari uis periens, quid faceres si maneres? Vultis dilectissimi non inhaerere mundo, eligite amare creatorem mundi, & renunciantes pompis mundanis, quibus princeps est diabolus cum angelis suis.

**D** Credite, Sic crede, ut desideres uidere quod credis. Dicit aliquis: Ecce credo, & desidero cap. 11 uidere quod credo, utinam, mihi ostenderetur, ut fides mea ipsa uisione lataretur. Si nunc uideres, non crederes: ideo credis, quia non uides, sed ita crede ut uideas. Fides, opus est: uisio dei, merces est. Præpostere uis accipere mercedem, qui non laborasti in opere. Nonne omni operanti penes te, recte à te merces non datur, nisi opus perficiatur? Quod agis cum seruo tuo, hoc pete à domino tuo. Tibi confert, quod per fidem te exercet differendo uisionem suam: commendat donum suum, non negat, ut amplius desideres dilatum, ne uileſcat cito datū. Nec tamen te deserit, qui utiliter nunc uisionem suam subtrahit. Oculi tui eum non capiunt. Cæterum ipse te omni tempore attendet, adhibe oculos fidei. Nonne faciem respicis eius, cum in eius unigenito filio credis? Nonne manus eius uides cum uniuersam creaturam attendis? Nonne os eius audis, quando præcepta eius recitari aduertis? Orationem tuam quomodo fundis, nisi scias te ad illum peruenire, de quo dicit propheta, Ecce oculi domini psal. 35 super iustos, & aures eius ad preceseorū. Si autem & pedes eius quæris nosse, audi quid uoluit esse pedes suos, Quam speciosi pedes, inquit, eorum qui annunciant pacem, qui annunciant bona. Conſcripsimus membra, sed non his membris humanis continetur deus, quoniam niam non est in loco, sed ubique totus est. Diximus secundum modum intelligentiæ humanæ, non secundum ineffabilem uirtutem maiestatis diuinæ. Vis nosse qualis sit, uide facturam, & intelliges factorem: perscrutare quæ fecit, & intelliges eum qui omnia creauit, Ecce ait 2. Pd. 6 deo propheta, Cœli cœlorum non te capiunt. Et quem non capiunt spacia cœli, capiunt angelus Ioan. 1. 4 gustiæ cordis humani, ipso dicente: Inambulabo in illis & inhabitabo. Et dñs Iesus, Qui me

me diligit, diligetur à patre meo, & ego diligam eum, & ueniemus ad eum, & mansionem  
 apud eum faciemus. Ecce qualem te fecit omnipotens qui te creauit. Agnosce te prius quis  
 sis, & cognosces qui te fecit quis sit. Rex terrenus, ideo mortalis, quia uisibilis: rex celestis im-  
 mortalis & inuisibilis. Rex terrenus cum nihil creauerit, omnia tamen in potestate accepit:  
 & non credis regem qui omnia creauit, quòd cuncta gubernet & regat. Quomodo, inquis,  
 cuncta gubernat & regit: ecce tanta mala fiunt in mundo, & non iudicat. O homo, ideo ne-  
 gas eius potentiam, quia magnam ille exhibet patientiā: Peccantem quidem impunitum  
 non dimittit, seruat eum, aut poenitendo corrigendum, aut ultimo iudicio puniendum. Cre-  
 de mihi o tu quisquis es qui de malis quereris, quoniam omnes mali sumus. Si ut uis, deus  
 malis statim retribueret mala, nullus remaneret qui de alio murmuraret. Sed ideo ille rex  
 magnus, qui nouit quomodo regat quod creauit, non implet uoluntates peruersas, sed suā  
 perficit rectam, ut te doceat patientiam suam. Non tu deum uelis cōuertere ad furias tuas:  
 regat te qui fecit te: nam si uolueris regi à te, statim cades per te. Tamdiu primus homo il-  
 le stetit q̄ diu deo adhæsit, dimisit, & dimissus est: uoluit probare uires suas, & inuenit mise-  
 rias & nostras & suas. Quā bonum illi esset si hoc faceret quod psalmus admonet, Iacta  
 in domino curam tuam, & ipse te enutriet. Si tunc ille homo noluit esse cautus, nunc homo  
 caueat uel expertus. Confiteamur, intelligamus habere nos regem immortalem & inuisibi-  
 lem, quem nemo hominum uidit, nec uidere his oculis potest. Apostoli hæc uerba sunt.

Cap. III.  
 Exod. 33 Si nemo hominum uidet, quomodo locutus est cum Moyse os ad os, sicut quis loqui  
 tur ad amicum suum: Irruit quæstio non parua. Ait enim dominus, Non quomodo cum  
 alijs per anigmata, ita loquar ad Moysen famulum meum, sed os ad os loquar illi. Et sub-  
 iunxit scriptura quæ supra diximus: quoniam loquebatur Moyses cum deo os ad os, sicut  
 quis loquitur ad amicum suum. Si os ad os loquebatur cum eo, & uidebat eum, quomodo  
 uerum est illud apostolicum, quòd deum nemo uidit unquam, nec uidere potest: Si autem  
 uidebat eum Moyses, quid est quod idem ipse post paululum pro magno petit, & dicit, Si  
 inueni gratiam ante te, ostende mihi faciem tuam: Et dominus illi, Facies quidem mea nō  
 uidebitur tibi: non enim uidet quis faciem meam & uiuet. Vbi est illud quod uidebat, & si  
 uidebat, cur desiderabat uidere quod uidebat: Aut quomodo illi negabatur id quod iam  
 demonstrabatur: Exercet ingenium quærentis. Videbat Moyses deum non oculis corpo-  
 reis, sed oculis mentis. Et quia lux illa perpetua, quod deus est, plus eum quā ceteros illu-  
 strauerat, ideo dictum est: Os ad os loquebatur illi: ac si diceretur, plus omnibus manifesta-  
 tus est illi. In eo autem quod dictum est: non enim quis poterit uidere faciem meam & ui-  
 uere: ostensum est neminem his oculis corporeis deum posse uidere. Quid autem concess-  
 um sit fidelissimo famulo dei Moyse, ne tam magnum eius desiderium in omnibus frustra-  
 retur, debet nosse charitas uestra. Dictum est illi à domino, sicut eadem scriptura narrat: Vi-  
 de, ascēde super petrā in Oreb, & sta ibi, & transiet claritas mea ante te, & posteriora mea ui-  
 debis, facies autē mea non uidebitur tibi. Ne forte surrepat peruersus intellectus, aut hæreti-  
 cus sensus, & putet quis deum esse corporeum, uigilet pia fides & catholica doctrina. Mysti-  
 cis enim figuris loquitur scriptura diuina, seruans rebus tempora, quibus recognitis manife-  
 sta exerceat ueritate: quoniam nec hoc uacat à mysterio, quod in monte Oreb super petrā  
 iussus est ascendere Moyses, & stare. Ipsa est illa petra, quæ percussa produxit aquas popu-  
 lo sitienti: de qua dicit sanctus Dauid, Dirupit petram, & fluxerunt aquæ. Apostolus au-  
 tem exponens hoc, ait, Patres nostri escam spiritalem manducauerunt, & eundem po-  
 tum spiritalem biberunt: Bibebant autem de spiritali consequente eos petra: Petra au-  
 tem erat Christus. Ipsa sunt illa posteriora dei, Christus dei. Hoc uidit Moyses prophē-  
 tando quod Paulus exponit dicendo, Cum uenit, inquit, plenitudo temporis, misit deus fi-  
 lium suum factū ex muliere. Mulierem hic ponit, consuetudinē seruans locutionis Hebrai-  
 cæ, quæ omnes fœminas mulieres appellat: nam scriptū est, Seruate mulieres quæ nondū co-  
 gnouerunt



c. gnouerunt uirum. Et de ipsa Eua dictum est, Formauit eam in mulierem: antequam illam *Gen. 2*  
 uiro coniungeret, eam mulierem appellauit.

Fides autem & ueritas hoc prædicat, quod Christus sit natus ex uirgine. Sic accepistis, *cap. IIII*  
 sic uos credere dixistis. Credo, hæc natiuitas dei & hominis facta est causa hominis, ut sub/  
 limis illa maiestas procedens ex corde patris, infunderet se in utero matris. Causa exegit  
 pietatis, ut homo inueniretur perditus, & deo patri per mediatorem restitueretur inuen/  
 tus. Mira tamen hæc natiuitas secunda fratres dilectissimi. Caterum illam primam, qua de  
 patre natus est sine aliqua matre, quis enarrabit? Si hanc non possumus explicare, illam  
 quando ualemus uel inchoare? Si hoc ita nos exercet ut fidei det locum, illam quando at/  
 tingimus, quam nec corda potuerunt comprehendere prophetarum? De hac tamen secun/  
 da mira & ineffabili dicamus aliquid quod factum est pro nobis, ut uerbum caro fieret, &  
 habitaret in nobis. Quis enim non expauescat cum audit deum natum? Audis nascentem,  
 uide in ipso ortu miracula facientem, alius tumescit uirginis, claustrum pudoris permanet,  
 impletur uterus matris sine ullo complexu patris, sentit prolem quæ se ignorabat cōiugem,  
 angelus ad uirginem loquitur, à uirgine cor præparatur, Christus fide concipitur. Miraris  
 hæc? Adhuc mirare. Parit mater, & uirgo foeta & intacta: nascitur filius sine homine patre,  
 qui fecit & ipsam matrem: factor omnium sit inter omnia, portatur manibus matris re/  
 ctor totius orbis, lambit ubera regens sydera, tacet & uerbum est. Necdum per linguam se  
 demonstrabat quis esset, & uniuersa creatura suum natum indicat creatorem. Angeli pasto/  
 ribus annunciant, stella magos inuitat, rusticitas pastorum admonitione exigit angelorū,  
 curiositas magorum instructa est lingua cœlorum, Magi Iudæorum regem prædicant, Iu/  
 dæi abnegant. Illi quærunt adorare, isti quærunt occidere. Dicunt magi Herodi regi quem *Matth. 2*  
 quærunt natum regem, dicunt Iudæi ex qua ciuitate Christus surgat regnare: utrique præ/  
 dicant, utrique consentientur, sed illi aliter, isti aliter. Illi ut inuentus adoretur, isti ut captus ne/  
 cetur. O Iudæi, ad hoc ferentes in manibus lucernam legis, ut alijs uiam demonstraretis, &  
 uobis tenebras ingeratis? Ecce magi primitiæ gentium Christo offerunt munera, non so/  
 lum aurum, thus & myrrham, uerumetiam animas suas: & uos repudiat iniquitas propria,  
 ut illum qui uos uenit obligatos liberare, dementes effecti eum quærat occidere. Quid uo/  
 bis profuit quod prodidistis Herodi ubi Christus nasceretur? Nonne uos læstistis quàm  
 Christo aliquid nocuistis? Audiens enim ille à uobis ubi Christus natus posset inueniri, ue/  
 stræ gentis infantes continuo præcepit occidi. Scuit Herodes, ut inter multos perdat unū,  
 & plurimos necando se efficit reum, nec occidit quem quærit hominem deum. O Herodes,  
 magna tua iniquitas, & infantes necas, & tuæ nequitie testes cumulas, & Christus à te non  
 inuenitur, quia nondum uenit eius hora ut patiat. Teneris quidem persecutor Christi &  
 reus mortis eius, nihil agendo in ipso. Sed dum multa agis cōtra ipsum, perdidisti teipsum.  
 Quid metuis talem regem, qui sic uenit regnare, ut te nolit excludere? Quem quæris, rex re/  
 gum est, si uelles securus obtinere tuum regnum, ipsi supplicares ut ab illo acciperes sempi/  
 ternum. Regnet Christus quomodo uenit regnare, suscipiat credentes, irrideat persequen/  
 tes, faciat certantes, adiuuet laborantes, coronet uincentes, donet sanctitatem, amet castita/  
 tem, remuneret uirginitatem. Gaudete uirgines sanctæ, uirgo peperit Christum: non uos  
 contristet sterilitas, quarum fides magna est fecunditas. Nec doleatis non uos esse ma/  
 tres quæ spiritaliter generatis, uirgines permanetis, filios suscipitis, integritatem non amit/  
 titis. Accepistis ab illis nomen maternum, & decus castitatis in uos permaneat semper/  
 num. Amate quod estis, seruate quod accepistis, imitamini fideles matrem capitis uestri,  
 sponsi uestri: non uobis denegauit pignora qui natus est de uirgine Maria. Quod tantæ  
 matri contulit, & in sua carne seruauit, hoc etiam uobis donauit uirgo mater sancta caro  
 Christi, ab omni contagione integra. Sed nec ipsa caro eius sterilis fuit, dum per eam præ/  
 dicando spiritales filios regenerauit ad uitam, & post passionem per totum mundum  
 fructificauit occisa.

Crucifixi, ex hoc omni libertate assumpta, fiduciā sui anima capiat Christiana. Non enim erubescere debet in crucifixum se credidisse Christum. Crux illa fidelibus non est opus probrium, sed triumphus: crux illa vexillum nostrum est contra aduersarium diabolum: pugnavit enim rex noster pro nobis contra aduersarium nostrum. Adversarius diabolus non ster mortem minando terrebat, sed Christus æternam uitam promittebat. Adversarius diabolus carnem perempturam esse dicebat, rex autem noster ut doceret quomodo eius exercitus uinceret, in se demonstrauit mortem corporis non esse timendam, dum prior ipse pro omnibus dignatus est mori, ne eius exercitus à diabolo in anima possit occidi. Hoc agebat in illo prælio diabolus, si sibi consentiretur, animas perdere cupiebat, & corporibus salutem promittebat, Christus mori docebat ad tempus, & animam & corpus uiuere in æternum. Ille dicebat, si mihi consenseritis, dabo uitam istam temporalem: Christus dicebat, si à me non discesseritis, nec temporalem perditis, & æternā accipietis. Diabolus dicebat, nolite perdere istam lucem: Christus dicebat, ego qui feci & istam, dabo meliorem, quod ille promittit, ait Christus noster, in potestate dare non habet, & hæc lux mea est, & hæc uita à me creata est, sed illam propter quam docendam ueni, multo excellentior & melior est. Transite à bono ad melius, ne diabolo consentiendo remaneatis in peius. In hoc tam magno certamine dum diabolus captiuat, Christus liberat, diabolus decipit, Christus redimit, diabolus occidit, Christus restituit. Inter hæc omnia ipsum regem nostrum aduersarius diabolus existimauit carne perimendum, tanquā capite prostrato cætera sibi membra facilius subiugaret, falsusque in hoc quod uidebat, deum latere in carne minime cogitabat: inscius tanti sacramenti quod ille mediator esset, & ita tentare deum in homine, ut hominem coniungeret deo, occidit quasi potentem hominem defendentem homines, & sensit deum liberantem omnes quos creauerat homines. Denique in passione ipsa uidet spectaculum tanti certaminis, armatur Iudas ut precio uendat magistrum, & qui erat in numero discipulorum, fit particeps consilij Iudæorum, dat osculum falsum, in quo erat nequitie signum, fingit pacem plenus malicia in corde, excitantur Iudæi, ueniunt cum facibus, laternis & armis, quærunt multi unum, & ueniunt filij tenebrarum, ferentes in manibus lucem, per quam illam ueram alijs demonstrarent, quam ipsi cæcati corde non poterant retinere. Dominus autem Iesus sciens omnia quæ uentura erant super se: non enim aliquid ignorabat qui ad hoc uenerat, egressus est ad eos, & ait illis, Quem quæritis? At illi: Iesum Nazarenum. Ait illis, Ego sum. Quando autem illis dixit, ego sum, abierunt retro & ceciderunt in terrā. Ecce radius ueræ lucis latens adhuc sub nube carnis, respexit tenebras, & prostrauit ad terram. Quomodo tunc Iudæi audebunt illā respicere claritatē, quando istam infirmitatem tolerare minime potuerunt? Sed ut impletet propter quod uenerat, exurgunt rursus tenebræ, dat eis potestatem, capiunt tenebræ lucem, non sequendam, sed occidendam, permittit se lux ab eis teneri, duci, suspendi, occidi, ut expositus nube carnis, fulgorem redderet maiestatis. Quæ tandem acta sunt in illo certamine? Quam fortiores sibi esse uidebantur ministri diaboli dum fremerent dentibus, dum iriderent, dum caput agitant, dum spineam coronam imponent, dum uestimenta eius conscinderent, dum uiderent pendentem illum quem uiderant miracula facientem, dum fel & acetum darent, dum lancea perfoderent. Qualis uox ueluti uictoriæ eorum fuit dicentium, Si filius dei est, descendat de cruce. Sed hoc ille per eos clamabat, qui patientiam Christo auferre cupiebat, ut excitatus insultationibus Iudæorum, demonstraret potentiam, sed perderet patientiam. Ille autem rex fortis & singulare consilium, per quod nascitur & regitur omne sanum consilium, utraq; aciem respiciebat, utraq; aciem seruabat, & patientiæ & potentiæ, & quod seruauit, exhibuit: nam & patientiam seruauit, quia de cruce non descendit: & potentiam demonstrauit, quod de sepulchro surrexit: dum in cruce pependit, falsa uictoria Iudæorum: dum de sepulchro surrexit, uera confusio Iudæorum, & sempiterna uictoria Christianorum: dum in cruce pependit, mestis, contristati, dispersique discipuli: dum de sepulchro surrexit, gaudentes una in domo sunt congregati: dum in cruce pependit, diffidentia discipulorum: dum

Ioan. 18

Matth. 27



A rum: dum de sepulchro surrexit, congregatio gentium. Dum in cruce pependit, timore nega-  
 uit Petrus, dum de sepulchro surrexit, amore totus credit mundus, non solum tunc actum  
 est hoc certamen, sed nunc agit, pugnatur, laborant mēbra Christi, urgente aduersario, resi-  
 stitur illi, quoniā caput nostrū iam sedet in cœlo. Ad hoc ille pugnare uoluit, ut te doceret  
 quō uinceret. Sed si uires tuæ paruæ sunt, ipsum inuoca saluatore, ipsum inuoca adiutore.  
 Cū te perspexerit fideliter inuocantē, qui pro te pependit in ligno, & hic tibi uictoriā, & co-  
 ronam uictoriæ præparabit in cœlo. Tertia die. Triduana mors domini per <sup>cap. vi</sup>  
 prophetas, & prædicta est, & promissa, & impleta. Nam Osee propheta ait, Post biduum <sup>Osee 6</sup>  
 suscitabit nos, die tertio ueniemus, & quasi ante lucem paratum illum inueniemus, ostendēs  
 nos in illo resurgere, quoniam dignatus est carnē in qua moreretur à nobis accipere. Quid  
 iam dicam de figura illa Ionæ propheta, quem ipse dominus expressius demonstrans, ait <sup>Matth. 12</sup>  
 ad Iudæos, Generatio hæc, generatio nequam est, signum quærit & signum nō dabitur ei, <sup>Ionæ 2</sup>  
 nisi signum Ionæ propheta: sicut enim Ionas fuit in uentre ceti tribus diebus & tribus nocti-  
 bus, ita oportet esse & filiū hominis in corde terræ tribus diebus & tribus noctibus. Ipsam  
 figuram prophetica comparādo, breuiter percurramus. Missus Ionas ad ciuitatem Nini  
 ue, ut eius finem prædicaret: missus est Christus à patre, ut finem mundi omnibz demon-  
 straret. Fugit Ionas in Tharsis à facie domini, Fuga Ionæ uelox transitus Christi, de quo di-  
 cit propheta, Exultauit ut gigas ad currendam uiam. Ascendit nauem propheta fugiens, li- <sup>Psal. 18</sup>  
 gnum Christus ascēdit, per mare huius seculi transiēs. Irruit tempestas magna in mari. Per-  
 turbatio maris, perfidia Iudæorū. Data est fors ut propheta fugitiuus in mare mitteretur,  
 fors data est super Christi uestimenta, ut unitas omni mundo prædicaretur. Proiectus est ē  
 nauī in mare, Ionas, mors Christi in cordibus gentium collocata est. Susceptus est à bestia  
 propheta custodiendus, non comedendus. Audi hic ipsius uocem Christi per sanctum Da- <sup>Psal. 15</sup>  
 uid, Non derelinques animam meam apud inferos, nec dabis sanctum tuum uidere corru-  
 ptionem. In uentre bestię marinæ positus orauit Ionas sanctus, in inferno Christus descen-  
 dens mortuos suscitauit. Tertio die propheta littori incolumis est redditus, die tertia Chri-  
 stus de sepulchro surgēs, super cœlos est exaltatus. Ad prædicationem Ionæ propheta per  
 pœnitentiam saluata est ciuitas, per Christi prædicationem sancta Hierusalem redempta  
 est ciuitas. Assumptus in cœlum. Qui descendit, Apostolus ait, ipse est & qui <sup>Ca. VII</sup>  
 ascēdit super omnes cœlos, ut adimpleret omnia. Quis est qui descēdit? Deus homo. Quis <sup>Eph. 4</sup>  
 est qui ascendit? Idem ipse deus homo. Agnoscat se omnis homo, quoniam propter ho-  
 minem deus factus est homo. Quod pro te suscepit, leuauit in cœlum, terrenumq; corpus  
 fecit cœleste. Si credis & tu quod possis resurgere, & in cœlum ascēdere, quia certus es de tan-  
 to pignore, securus enim de tanto munere. Regnat homo iam susceptus à Christo ad de-  
 xteram patris sedens, & ut sui ab illo regnum accipiant, uocat, inuitat, hortatur. Festinet ad  
 eum omnis anima, quæ auida est gloriæ, pergat ad talem regem, à quo ut accipiat potesta-  
 tem, non ei precium pecuniæ dabit, sed plenam perfectamq; fidem, cum ad eum attulerit,  
 etiam angelos iudicabit. Inde uenturus. Quis est iste qui expectatur uenturus mortuos ui-  
 uosq; iudicare, nisi ille homo qui pro nobis dignatus est in cruce pēdere? Homo susceptus  
 expectatur ut ueniat. Caterum secundum id quod deus est, & pa. ri æqualis est, & semper  
 iudicat, semp præsens est. Veniet aut redēptor noster in ea forma in qua assumptus est, ut <sup>Zach. 12</sup>  
 impleat illud quod de eo ait propheta Zacharias, Videbūt in quē pupugerunt. Videbūt  
 ergo Iudæi deum & hominem semper regnantem, quem negando desperauerunt mori-  
 entem. Iudicabit eos in animis mortuos qui uenturus est resuscitare mortuos. Duobus mo-  
 dis enim hæc sententiā accipitur, Viui & mortui in anima. Item uiui & mortui in corpore. In  
 corpore secundum priorem, iudicabit uiuos in anima credentes, & mortuos in anima fidem  
 nullam habentes. Secundum posteriorem, iudicabit uiuos in carne, quos præsentes inuene-  
 rit eius aduētus: iudicabit & mortuos in carne, quos resuscitaturus est deus excelsus. Eliga-  
 mus dilectissimi, ut uiuos nos inueniat eius aduentus in anima, ne peccando simul ab illo  
 V u damne

damnetur caro & anima. Finis mundi in proximo est, & si, ut quidam putant, in proximo non est, dies ultimus uniuscuiusque nostrum incertus est. Quid differimus si ad beatam uitam tendimus? Corrigamur, dum tempus est emendemur, bonas causas habeamus, ut futuram diem iudicii non timeamus.

caput VIII

Credo in spiritum sanctum. Spiritus sanctus deus est à patre filioque, non minor, sed una maiestas, una potestas, inseparabilis trinitas, indiuisibilis sanctitas, simul ubique tota, Deus pater, deus filius, deus spiritus sanctus, Non tres dii, sed trinitas unus deus. Nec tempore separatur filius à patre, quoniam æternum uerbum patris est: nec maior est filio pater, quoniam æqualem genuit deus deum sine tempore per quem fecit tempora: nec spiritus sanctus minor est patre & filio, cum sit charitas atque concordia patris & filij. Quomodo enim filius minor est patre, ut Arianus hæreticus prædicat, cum Apostolus eum dicat dei uirtutem, & dei sapientiam? Si uirtus & sapientia patris filius est, qui eum minorem dicit, deo patri contumeliam facit, quoniam eum & minorem sapientiam & infirmam uirtutem in se habere contendit. Aut quomodo spiritum sanctum minorem prædicat etiam filio, cum membra Christi templum Apostolus ponat spiritus sancti, Vos, inquit, estis corpus Christi & membra? Et alio loco, Nescitis, inquit, quia membra uestra templum sunt spiritus sancti qui in uobis est? Quomodo deus non est, qui templum habet, aut quomodo minor est Christo, cuius membra templum habet? Non sunt diuersi gradus, ubi est una trinitas & trina æternitas. Qui enim diuersos gradus componit, ipse se ab unitate præcidit. Quomodo exultas Ariane quod teneas ueritatem, cum te malus error à catholica doctrina separans, hæreticumque protestans à communione totius orbis secernens in uno angulo damnauerit. Cauete fratres doctrinas hæreticorum tanquam insidias luporum. Oues Christi audite uocem pastoris uestri. Qui intrat per ostium in ouile ouium, ille pastor est, ait: qui autem ascendit per aliam partem, fur est & latro. Cauete fures, cauete latrones, non quiescit pastor clamare, non sinit etiam suos canes tacere. Non se sequestret ouis à summo pastore, ne ipsa se in depredatione nequissimi offerat lupi raptoris.

cap. IX

In remissionem peccatorum. Fortiter tenete, fideliter sperate, patienter expectate, reddetur uobis nouitas per baptismum ueritate discedente, deonerabitur anima sarcinis peccatorum, ut libertate nouæ uitæ induta aduersus diabolum cum adiutorio diuino ualeat fortiter dimicare, eumque à quo superata est, ita superet, ut in regno dei translata, de hoste deuicto, secunda regnet cum suo capite Christo. Carnis resurrectionem. Magna fides est necessaria, quoniam magnum præmium promittitur. Nec attendatis quid nunc sit, sed quid tunc sit. Quod enim nunc sit, multos mouet. Quem enim non mouet, cum uidet tantam speciem, tantam pulchritudinem, tantumque decorem hominem formatum resolui, in pulueres ossa dispergi, terram terræ mandari? Non te ista Christiane deterreant. Seminatus est homo, non perditus. Anima quidem discedente habitaculum eius soluitur, non est enim præsto illa domina quæ curam gerat luteæ domus atque eius restauret ruinas. Vadit enim ut magno præmio regnum comparet sempiternum. Quid ergo metuis o anima? Christo domino dicata es atque ipso donante bene uiuis, & ad regnum dei peruenire contendis. Ut quid formidas uehiculum mortis? Proficisceris quidem, & iniuriam patietur ad tempus caro tua, reuerteris cum summo rege regnans, & talis tibi reddetur quæ nequeat corrumpi, & tecum maneat sempiterna. Si ad hoc pergis ut melior efficiaris, non credis, quoniam meliori & in regno celorum quodammodo administra sti, melius tibi præparabitur hospitium. Si hæc terrena, lutea, fragilis, tantam tibi exhibuit pulchritudinem, restaurata & celestis effecta qualem tibi exhibebit decorem? Si hanc tantum diligis, quæ paululum manet & transit in tempore, illam quantam amabis quæ decore suo nunquam carebit, quoniam in æternam uitam manebit.

cap. X

Hoc sequitur in sancto symbolo, quod omnia quæ credimus & speramus, in uita æterna percipiamus. Vita æterna dilectissimi nunquam uilescat, semperque dulcescat. Si amatur uita, quare non queritur uera? Si amatur uita, talis queratur quæ nunquam finiatur. Et si amatur, quare non queritur? Aut si queritur, quia hic non est, ad eum locum ubi est quare non festinatur. Quid quod etiam ultro se nobis ipsa uita ingessit?



**A** ingessit. Christus est enim deus uerus & uita aeterna. Venit ad nos perditos, & redemit inuentos, uenit huc ad regionem mortalium ipsa uera uita, dedit gustum saporis sui, gustauimus, uidimus, quoniam suauis est: praecessit nos, inuitauit, ut sequamur, & ad tam magnum illud donum, cuius talem suscepimus gustum, sequi formidamus. Venit ad te uita, repende uicem, ueni & tu ad illam. Suscepit uehiculum mortis ut transiens liberaret te: suscipe & tu mortem, ut cum ad illum ueneris, ita ab illo suspiciaris, ut nunquam moriaris. Per sanctam ecclesiam. Propterea huius conclusio sacramenti per sanctam ecclesiam terminatur: quoniam si quis absque ea inuentus fuerit, alienus erit à numero filiorum, Nec habebit deum patrem, qui ecclesiam noluerit habere matrem. Nihilque ei ualebit quod credidit uel fecit tanta bona sine fine summi boni. Ecclesia mater est spiritalis, ecclesia sponsa Christi est, gratia eius dealbata, precioso sanguine dotata. Totum possidet quod à uiro suo accepit in dote. Lego tabulas matrimoniales eius, recitabo. Audite haeretici quid scriptum sit, Oportebat Christum par  
Luce 24

ti & resurgere à mortuis, & praedicari in nomine eius poenitentiam & remissionem peccatorum per omnes gentes. Omnes gentes totus mundus est. Ecclesia totum possidet quod à uiro suo accepit in dote. Quaecunque congregatio cuiuslibet haerese in angulis sedet, concubina est, non matrona. O haerese Ariana, quid insultas, quid exufflas, quid etiam ad tempus multa usurpas? Iniuriam à te patitur domina ab ancilla, multas ei ingeris contumelias: licet haec doleat, non te magno metuit sponsa Christi sancta catholica. Cum enim respexerit ille spiritus, eijceris tu ut ancilla cum filiis tuis, quoniam non erunt heredes filij ancillae cum filiis liberarum. Cognoscatur una sancta & uera regina catholica, cui Christus regnum tale dedit, quod eam per totum mundum diffundens, ab omni macula & ruga mundans, totam pulchram suo aduentu praeparauit.

Finis.

**DIVI AVRELII AVGVSTINI HIPPONENSIS EPISCOPI,**

**De conuenientia decem praepetorum & decem plagarum,**

**Liber unus.**



**N**ON est sine causa fratres dilectissimi, quod praepetorum legis dei numerus, cum plagarum numero, quibus Aegyptus percutitur, exaequari uidetur. Nam sicut decem praepeta sunt legis, quibus ad cultum dei populus admonetur, ita decem plagae leguntur, quibus superbia Aegyptiorum affligitur. Consideremus ergo cur & ibi decem praepeta, & hic decem plagae memorentur. Ideo sine dubio, quia in illis erant uulnera, & in istis medicamenta, & opus erat ut tam periculosis decem plagarum uulneribus, decem praepetorum medicamina subuenirent. Vnde rogo uos fratres, nolite hoc ociose accipere, quia si auxiliante deo diligenter attenderitis, poteritis agnoscere decem illa praepeta illis decem plagis per ordinem contra se esse contraria. Nam de primo praepeto prima plaga percutitur, de secundo secunda, de tertio tertia, & sic quousque ad decimum numerum peruenitur. Primum praepetum in lege est de uno deo, Non erunt, inquit, tibi alij dii praeter me. Prima plaga Aegyptiorum, aqua in sanguinem conuersa. Compara primum praepetum primae plagae, Deum unum, ex quo sunt omnia, in similitudinem aquae accipe, ex qua generantur uniuersa. Ad quam autem rem pertinet sanguis, nisi ad carnem mortalem? Quid est igitur conuersio aquae in sanguinem, nisi quia illi qui credere in deum noluerunt, sicut dicit apostolus Paulus, Obscuratum est insipiens cor eorum, dicentes se esse sapientes, stulti facti sunt. Aqua ergo in sanguinem uertitur, quia sensus Aegyptiorum obscurus & tenebrosus efficitur, & iusto dei iudicio factum est, ut de illo fluuio sanguinem biberent, in quo Hebraeorum paruulos necare consueuerant.

Cap. I  
Exodi 20

Roma. 1

Cap. II  
Exodi 20

V u 1 mini

*Iodth. 14* mini nostri Iesu Christi ueritas est. Ipse enim dicit, Ego sum ueritas. Et quia ueritas mūdāt, uanitas inquinat, uideamus huic secundo præcepto contrariam plagam. Quæ est ista secunda plaga? Ranæ in abundantia. In ranis hæretici intelliguntur atq; philosophi. Habes congruenter signatam philosophorum uel hæreticorum prauitatem, si consideres ranarum loquacitatē. Philosophi em̄ uel hæretici, quia in Christo humana omnia esse dicūt, ranæ sunt clamantes in paludibus limosis. Per superbiam & inanes cōtentiones strepitum uocum habere possunt, doctrinam ueræ sapientiæ non possunt insinuare. Qui enim Christianæ ueritati cōtradiciunt, & in sua uanitate decepti decipiunt, ranæ sunt, tædium afferentes auribus, non cibos mentibus.

cap. III

Tertium præceptum est, Memento, inquit, diem sabbati sanctificare. In tertio isto præcepto insinuatur quædam uocationis indiçtio, scilicet requies cordis, tranquillitas mētis, quam facit bona consciētia. Ibi enim est sanctificatio, quia ibi est spiritus dei. Deniq; uidete uacationem, hoc est, quietem. Super quem, inquit dominus, requiescam, nisi super humilem & quietum & tementem uerba mea? Inquieti ergo resiliunt à spiritu sancto, rixarum amatores, calumniarum seminatores, contentionis magis q̄ charitatis amatores, inquietudine sua non admittunt ad se quietē sabbati spiritualis. Spiritale enim sabbatum non obseruāt, nisi illi qui se ita tēperate operibus terrenis accommodant, ut tam lectioni q̄ orationi, & si non semper, certe uel frequenter insistant, secundum illud Apostoli, Attende lectioni & doctrinæ. Et iterum, Sine intermissione orate. Qui enim tales sunt, quotidie spiritualiter sabbatum colunt. Qui uero inquieti sunt, & iugiter terrenis actibus implicantur, de quibus scriptum est, Impedimenta mundi fecerunt eos miseros, sabbatum, id est, requiem habere non possunt. Contra istorum inquietudinem dicitur, ut tanquam sabbatum habeant in corde & sanctificationem spiritus sancti, Esto, inquit, mansuetus ad audiendum uerbum ut intelligas. Cessa ab iniquitate tua, non sit tumultus quidem in corde tuo per corruptionem uolantis phantasmatis ad similitudinem muscarum inquietantis uel compungentis te. Deū intellecturus audi dicentē tibi, Vacate & uidete quoniam ego sum deus.

*1. Timoth. 4**1. Thessal. 5**Ecclesi. 5**Psal. 45*

Tu per inquietudinem uacare non uis, contentionumq; tuarum corruptione cæcatus exis uidere quod non potes, Attendite tertiam plagam huic tertio præcepto contrariam. Ciniphes natæ sunt in terra Ægypti de limo, muscæ minutissimæ, inq̄tissimæ, & inordinate uolantes, in oculos irruentes, non permittentes homines quiescere: dum abiguntur, iterum irruunt, dum expulsæ fuerint, iterum redeūt: quales sunt istæ muscæ, tales sunt homines inquieti, qui sabbatum spiritualiter obseruare, id est, bonis operibus studere, & lectioni uel orationi insistere nolūt. Talia sine dubio sunt phāthasmata in corde cōtentiosorū. Quomodo enim corpus humanū ab istis muscis affligitur, ita cor istorum diuersis cogitationibus inquietatur atq; compungitur. Tenete præceptum, cauete plagam.

Caput IIII

Sequitur quartum præceptum, Honora patrem tuū & matrem tuā. Huic contraria est quarta plaga Ægyptiorum *κυνόμαυτα*, id est, musca canina, Græcū enim uocabulum est. Qui enim parentes honorare dissimulat, musca eum canina, id est, nequitia diaboli, spiritualiter affligit & cruciat, Caninum est enim parentes non cognoscere.

cap. V

Quintum præceptum est, Non mœchaberis. Quinta plaga, mors in pecora. Omnis enim qui aut uxore propria intemperate, excepto desiderio filiorum, utitur: aut certe, quod est crimē grauissimum, qui uxori aut filiæ alienæ, aut ancillæ, aut suæ uel alterius insidiatur, uictus cupiditate bestiarum, tanq̄ amisso hominis nomine erit pecus, non quasi conuersus in naturam pecoris, sed in forma hominis similitudinem pecoris habens, qui non uult audire deum dicentem, Noli te fieri sicut equus & mulus, quibus non est intellectus. Et illud, Homo cum in honore esset, non intellexit, comparatus est iumentis insipientibus, & similis factus est illis. Si pecus esse non times, uel saltem mori sicut pecus time.

*Psal. 31**Psal. 48*

Ca. VI

Sextum præceptum est, Non occides. Sexta plaga, pustulæ in corpore, & uesicæ bullientis & scaturientis incendia ulcerum uelut de fauilla fornacis. Tales sunt animæ homicidiales, ardent ira, & per iram homicidij frater perit. Ardēt homines iracūdia, ardēt & gratia. Nā qui uult subuenire, feruet: & q̄ uult occidere,

re,



A re, feruet, ille præcepto, iste morbo: ille bonis opibus, iste saniosis ulceribus. O si possemus uidere animas homicidarum, sine dubio plus plāgeremus q̄ putrescētia corpora ulceratorū.

Cap. VII

Sequitur præceptum septimum, Non furaberis, Et plaga septima, grādo in fructibus. Quod per furtum contra dei præceptum subducis, de cœlo perdis, Nemo enim habet iniustum lucrum sine iusto damno. Verbi gratia, Qui furatur, acquirit uestem, sed cœlesti iudicio perdit fidem. Vbi lucrum, ibi damnum: uisibiliter lucrum, inuisibiliter damnum: lucrum sua cæcitate, damnum quia iam uiuit sine æquitate. Ergo qui suo malo desiderio forinsecus furantur, iusto iudicio dei intrinsecus grandinātur. O si possent fures aut latrones uel raptores inspicere agrum cordis sui, profecto lugerent, dum ibi non inuenirēt quod in os animæ mitterēt, tametsi in furto suo inuenirent, quod gutturis auuiditate sorberēt. Maior est fames animæ q̄ corporis, maior fames & periculosior plaga, & grauior mors, quod peius est: multi per istam famem animæ mortui ambulant, & uiuentes portant funera sua. Viuere quidē uidentur in corpore, sed malis actibus mortui probantur in corde. Et multi in anima famelici, de uanis delitijs & diuitijs gloriantur. Deniq̄ bonum Christianum scriptura intus esse diuitem dicit. Absconditus, inquit, corde thesaurus, homo qui est ante deum diues, nō ante homines, sed ante deum diues ubi deus uidet. Quid ergo tibi prodest, si ubi homo non uidet furaris, & ubi deus uidet, iusto iudicio grandinaris?

Ca. VIII

Octauum præceptum est, Non concupisces uxorem proximi tui. Nona plaga, dēfæ tenebræ. Si enim peccatum est uxorem propriā excepta causa filiorū agnoscere, quale putas, peccatū est, non solū in sua peccare, sed & alienam appetere. Vere densæ sunt tenebræ: nihil enim sic dolet in corde patientis, quā si uxor illius appetatur: & qui hoc facit alteri, nihil tale uoluisset pati. Alia mala solent homines patienter excipere, hoc autem nescio utrum unq̄ inueniri potuerit, qui tolerabiliter patiatur. O q̄ dēfæ tenebras patiuntur qui talia faciunt & talia concupiscunt, uere excæcantur furore horribili. Furor enim indomitus est, alienam uxorem commaculare uelle atq̄ polluere.

Gal. 5

Cap. IX

B Decimum præceptum est, Non concupisces ullam rem proximi tui. Huic mādato plaga contraria est decima, mors primogenitorum. Omnes res quas habent homines, hæredibus seruant, & in hæredibus nihil primogenitis charius. Qui uolunt res alienas tanq̄ iuste possidere, sine hærede se quærunt fieri à morientibus. Quid enim tam iustum uidetur, q̄ si bi rem derelictam possidere? Dicit enim aliquis, dimissum est mihi in testamento. Lege nihil uidetur iustius ista uoce. Tu laudas quasi iure possidentem, deus damnat iniuste concupiscentem. Vides qualis es qui optas te ab aliquo hæredem fieri: non ergo uis ut habeat hæredes, in quibus nihil est charius primogenitis. Proinde in primogenitis tuis punieris, qui cōcupiscendo res alienas, id est, quod tibi iure non debetur, quasi iuris umbra perquiris. Percupiscendo res alienas, id est, quod tibi iure non debetur, quasi iuris umbra perquiris. Perdis ergo primogenita tua, & facile est quidē fratres corporaliter perdere primogenitos: mortales enim sunt homines, siue ante parentes, siue post parentes moriantur. Istud molestum est, ne per hāc occultam & iniustam concupiscētiā primogenita cordis tui perdas. Primogenita cordis nostri fides est, nemo enim bene operatur nisi fides præcesserit. Omnia opera tua bona filij tui sunt spirituales, sed inter istos tibi primogenita fides est. Quisquis rem alienam occulte concupiscit, internam fidem perdit. Erit enim primum sine dubio simulator obsequens, non charitate, sed fraude, ueluti amans eum à quo se cupit fieri hæredem. Amare se dicit eum quem mori desiderat, & ut rerum eius se uideat possessorem, optat ut proprium non derelinquat hæredem.

Cap. X

Hæc fratres comparatio, & quodammodo contrarie, tates decem præceptorum & decem plagarum, cautos nos faciat, ut habeamus securi res nostras in præceptis dei. Res, inquam, nostras interiores, & in arca conscientiae nostrae repositas: ipsæ sunt thesauri nostri, quos nobis nec fur, nec latro, nec uicinus malus poterit aliquando auferre, ubi uectinea nec rubigo est metuēda. Istæ sunt enim ueræ diuitiæ, id est, bona cō-

Cap. XI

scientia, iustitia, misericordia, castitas atq; sobrietas. Qui talibus rebus plenus est, diues est, etiā si de naufragio nudus euaserit. Sed hæc si diligēter attēditis, & quæ sunt mala fugere, & quæ bona sunt uolueritis auxiliante deo exercere, eritis populus domini, & de iniqua Agyptiorū societate, id est, spiritalium nequitiarū persecutione liberati, ad terrā repromissionis poteritis feliciter peruenire, auxiliante domino nostro Iesu Christo, qui uiuit & regnat in secula seculorum. Amen.

Finis.

DE RECTITVDINE CATHOLICAE CONVERSATIONIS TRACTATVS;

Non est Augustini.



**R**OGO uos fratres charissimi, & cū grādi humilitate admoneo, ut intētis animis auscultare uelitis, quod uobis pro salute uestra suggerere uolo. Omnipotens scit deus, q; prompta erga uos charitate ista uobis profero, quod si nō fecero, reus debiti teneor. Vos autē nō pro mea paruitate, sed pro uestra quæ dico salute libenter suscipite, ita duntaxat, ut quod aure suscipitis, opere cōpleatis, ut & ego de meo obsequio, & de uestro profectu merear gaudere in cœlesti regno. Et si forte displiceo, q; tam frequēter prædicare uobis contēdo, rogo ne mihi molestus quis existat, sed magis periculum meū cōsideret, & audiat dominū terribiliter cōinantem sacerdoti, Si non annūciaueris iniquo scelera sua, neq; locutus ei fueris ut auertatur à uia sua impia & uiuat, ipse impius in iniquitate sua morietur, sanguinē autē eius de manu tua requirā. Si autē annunciaueris impio, & ille non fuerit cōuersus ab iniquitate sua, & à uia sua impia, ipse quidem in iniquitate sua morietur, tu animā tuā liberaſti. Et Esaias, Clama, ne cesses, quasi tuba exalta uocem tuā, & annuncia populo meo scelera eorū. Cōsiderate ergo fratres, quia oportet me sine cessatione uestros animos ad tremendū dei iudiciū, & desiderādū cœleste præmium excitare, ut uobiscū merear in angelorum consortio perpetua pace gaudere. Ideo rogo, ut diem iudicij semper pertimescatis, & diem mortis suspectū quotidie aut oculos habeatis. Considerate quales eritis præsentandi conspectibus angelorū, uel qualem pro meritis uicissitudinem recepturi, si poteritis illibatū referre in illo die quod in baptismo promissistis. Mementote, quia tunc pactū cū deo fecistis, atq; renunciare uos diabolo & omnibus operibus eius in ipso baptismo promissistis, qui potuit tunc, ipse per se, & pro se huic respondere: qui uero non potuit, fideiussor pro eo ad eius uicem ista duo deo promissit, ille scilicet qui eum de sacro fonte suscepit. Considerate ergo quale pactū cum deo fecistis, & requirite apud uosmetipsos, si post ipsam promissionē opera maligni, cui renūciastis, securi estis. Abrenunciastis diabolo & omnibus pompis eius, operibus eius, id est, dolis & sortibus, augurijs, & furtis, fraudibus & fornicatiōibus, ebrietatibus & mendacijs. Hæc sunt uera opera & pōpæ eius. Promissistis similiter credere uos in deū patrē omnipotentē, & in Iesum Christū filiū eius unicū dñm nostrū, & cætera. Promissistis deinde credere uos in spiritū sanctū, sanctā ecclesiā catholicā, sanctorū communionē, remissionē peccatorū, carnis resurrectionem, & uitā æternā. Hinc proculdubio cautio & confessio uestra uel promissio semper in uestra teneatur memoria, ut hoc q; Christiani uocamini, non ad iudiciū uobis sit, sed potius ad remediū. Nam ideo Christiani facti estis, ut semper facta Christiana faciatis, id est, ut castitatē ametis, luxuriam & ebrietatē fugiatis, humilitatē teneatis, superbiam detestemini, quia dominus Iesus Christus humilitatē & ostendit exemplis, & docuit uerbis, dicēs, Discite à me, quia mitis sum & humilis corde, & inuenietis requiem animabus uestris. Inuidiam etiā respuatis, charitatem inuicē habeatis, & semper de futuro seculo æternāq; beatitudine cogitetis, & plus pro anima q; pro corpore laboretis, quia corpus pauco tēpore erit in hoc mundo, anima uero si bene egerit, sine fine regnabit in cœlo: aut si male, sine misericordia ardebit in inferno. Qui non cogitat nisi tantummodo de ista uita, animalibus & bestijs similis est. Nō ergo uobis sufficit, fratres charissimi, q; Christianum nomen accepistis, si opera Christiana nō faciatis. Illi enim prodest q; uocat Christianus qui semper Christi præcepta &

Exech. 3

Esaiæ 58

Matth. 11



A & mente retinet, & opere perficit, qui furtū nō facit, qui falsum testimoniū nō dicit, qui non mentit̃ neq; periurat, qui adulteriū nō cōmittit, qui nullū hominē odit, sed omnes sicut se ipsum diligit, qui inimicis suis malū pro malo nō reddit, sed magis p̃ ipsis orat, qui lites nō cōcitāt, sed discordes ad concordia reuocat. Hæc enim præcepta ipse dñs Iesus Christus per semetipsum in euangelio dignatus est tradere dicens, Non homicidiū facies, non adultera- bis, nō furtū facies, non falsum testimoniū dices, &c. Et quodcūq; uultis ut faciant uobis ho- mines, & uos facite eis: hæc est enim lex & prophetæ. Et adhuc maiora his, sed fortiora atq; fructifera dedit mandata dicēs, Diligite inimicos uestros, benefacite his qui oderūt uos, ora- te pro persequentibus & calumniantibus uos. Ecce forte mandatū uidet̃ hominibus & du- rū, sed magnū habet præmiū. Audite quale, Vt sitis filij patris uestri qui in cælis est. O quā- ta gratia: per nos serui digni nō sumus, & inimicorū dilectione filij dei efficimur. Ideo ergo fratres & amicos diligite in deū, inimicosq; propter deū. Qui enim diligit proximū, sicut Apostolus dicit, legem impleuit: nā qui uere Christianus uult esse, hæc ei necesse est præce- pta custodire. Si enim nō custodit, ipse se circūuenit. Ille itaq; bonus Christianus est qui nul- la phylacteria uel inuentiones diaboli credit, sed omnē suam spem in solo Christo ponit, qui peregrinos tanq̃ ipsum Christū cū gaudio suscipit, q̃a ipse dicit, Hospes fui & suscepistis me: & Quām diu fecistis hoc uni ex minimis meis, mihi fecistis. Ille, inq; bonus est, qui hospitib; lauat pedes, & tanq̃ parentes charissimos diligit, qui iuxta quod habet paupibus dat, qui ad ecclesiā frequentius uenit, & oblationē, quæ offeratur deo, in altari exhibet, qui de fru- ctibus suis nō gustat, nisi deo prius offerat, q̃ statheras dolosas & mensuras duplices nō ha- bet, qui pecuniā suā nō ad usurā tribuit, qui & ipse caste uiuit, & filios suos uel uicinos docet ut cum dei timore uiuant, & quotiens solennitates sanctæ aduenerint, ante dies plures casti- tatem etiam cum propria uxore custodit, ut secunda conscientia ad domini altare possit acce- dere. Postremo symbolū & dominicam orationem memoriter tenet, & filios & familiam ea- de docet. Qui talis est uere, sine dubio Christianus est, sed & Christus habitat in eo qui di- cit, Ego & pater ad eū ueniemus, & mansionē apud eū faciemus. Similiter & per prophetā dicit, Ego inhabitabo in eis, & inter eos ambulabo, & ero illorū deus. Ecce audistis charissi- mi, quales sint Christiani boni, ideo quātum potestis, cum dei adiutorio laboretis, ut nomē Christianum non sit falsum in uobis, sed ut ueri Christiani esse possitis, semper præcepta Christi & implete actione, & cogitate mente. Redimite animas uestras eleemosynis, dū ha- betis in potestate remedia. Eleemosynam iuxta uires facite, pacem & ueritatem habete, dis- cordes ad concordiam reuocate, mendacium fugite, periurium expauescite, falsum testimo- nium non dicite, furtum non facite, oblationes & decimas ecclesiæ offerte. Luminaria san- ctis locis iuxta quod habetis, exhibete. Symbolum & orationem dominicam in memoria retinete, & filijs uestris insinuate. Filios etiam quos ex baptismo suscepistis, docete & castiga- te, ut semper cum domino uiuāt: ad ecclesiā frequentius conuenite, sanctorum patrocinia humiliter expetite, diem dominicam pro reuerentia resurrectionis Christi absq; ullo ope- re seruii colite: sanctorum solennitates pio affectu celebrate, proximos uestros sicut uosmet ipsos diligite, quod uobis nō uultis fieri, nulli faciatis. Charitatē ante omnia habete, q̃a cha- ritas operit multitudinē peccatorū. Estote hospitales, omnē solitudinē uestrā proicientes in deū, quoniā ipsi cura est de uobis. Infirmos uisitate, carceratos requirite, peregrinos susci- pite, esurientes pascite, nudos uestite, hariolos & magos fugite. Sit uobis æqualitas in pōde- re & mensura, sit stathera iusta, iustus modius, æquus sextarius, nec plus q̃ dedistis accipia- tis, neq; usuras pro scenerata pecuniā à quoq; exigatis. Quod si obseruaueritis, securi in die iudicij ante tribunal æterni iudicis ueniētes, dicetis, Da nobis quod dedimus, miserere, quia misericordiā fecimus, nos impleuimus quod iussisti, tu redde quod promissisti. Ante omnia illud annuncio atq; obtestor, ut nullus Paganorum sacrilegas consuetudines obseruet, non carcarios, non diuinos, non sortilegos, non præcātatores, nec pro ulla causa aut infirmitate eos consulere & interrogare præsumatis. Qui hoc malū facit, perdit baptismi sacramentū. Similiter auguria uel sternutationes obseruare nolite, nec in itinere positi, aliquas auiculas cā-

Matth. 19

Matth. 7

Matth. 5

Roma. 13

Matth. 25

Ioā. 14

Leuit. 26

2. Cor. 5

rantes attēdatis, sed siue iter, siue quodcūq; opus arripiatis, signate uos in nomine Christi,  
 & symbolū & orationē dominicā cū fide & deuotione dicite, & nihil uobis nocere poterit  
 inimicus. Nullus obseruet qua die domū exeat, uel qua reuertatur, quia omnes creauit dñs.  
 Nullus ad inchoandū opus diem uel lunā attendat. Nullus in calēdis Ianuarij, nefanda &  
 & ridiculosa, uetulas aut ceruulos, aut iocēticos faciat, neq; mensas super noctē cōponat, nec  
 Sirenes aut bibitiōes exerceat superfluas. Nullus in pyras credat, neq; in cantū sedeat, quia  
 opa diabolica sunt. Nullus in festiuitate beati Ioānis aut sanctorū solennitatibus solstitia,  
 aut uallationes, uel saltationes, aut cantica diabolica exerceat. Nullus nomina dæmonū, aut  
 Neptunū, aut Dianam, aut Herculē, aut Mineruā, aut Genistum, aut cætera huiusmodi in/  
 epta credere aut inuocare præsumat. Nullus diem Iouis absq; solennitatibus sanctis, nec in  
 Maio, nec in ullo tēpore in ocio obseruet, nec turmarū uel murorū uel aliquā diē omnino,  
 nisi tantū diē dominicā. Nullus ad phana, uel ad petras, uel ad fontes, uel ad arbores, aut ad  
 ocellos, uel per trina luminaria uotū faciat, uel uotū reddere præsumat. Nullus ad colla ho/  
 minis uel alicuius animalis legumina depēdere præsumat, & si à clericis fiat, & dicatur q; res  
 sancta sit, & in diuina lectione contineat, nō esset dignus nomine clericorū, sed hæreticorū,  
 quia nō est in eis remediū Christi, sed uenenū diaboli. Nullus præsumat lustrationes facere,  
 nec herbas incātare, neq; pecora per cauā arborē, uel terrā transilire foratam, quia per hoc di/  
 abolo uidet cōsecrare. Nulla mulier præsumat succinos dependere: nec in tela, siue in tinctu/  
 ra, siue in quolibet opere Mineruā uel cæteras infauistas psonas nominare, sed in omni tēpo/  
 re Christi gratiā adesse, & in uirtute nominis eius toto corde cōfidere. Nullus quando luna  
 obscurat uociferare præsumat, quia certis tēporibus deo iubente obscurat: nec per lunā no/  
 uā timeat aliquid operis arripere, quia deus ad hoc lunā fecit, ut tēpora designet, & noctiū te/  
 nebras tēperet, nō ut alicuius corpus custodiat, aut dementē hominē faciat, sicut stulti putāt,  
 qui à dæmonibus uexatos, à luna pati putāt. Nullus dominos solē aut lunā uocet, neq; per  
 eos iuret, quia creatura dei sunt, & necessitatibus hominū iussu dei inseruiūt. Nullus sibi præ/  
 ponat Fortunā, aut Genistū, quod nascētia dicit, q; deus uult omnes homines saluos fieri  
 & ad agnitionē ueritatis uenire, atq; in sapientia omnia dispēsat, sicut disposuit ante mundi  
 constitutionē. Propterea quotiēs aliqua infirmitas occurrerit alicui, nō quærant præcantato/  
 res, nō diuini, non sortilegi, nō carcerij, neq; per fontes, aut arbores, aut biuia phylacteria ex/  
 erceant, sed qui ægrotat in sola dei misericordia confidat, & eucharistiā cū fide & deuotione  
 accipiat, oleūq; benedictū fideliter ab ecclesia petat, unde corpus suū ungat, & secūdū Apo/  
 stolū, Oratio fidei saluabit infirmū, & alleuabit eū dñs: nō solū corporis, sed & animæ sani/  
 tatē accipiet, cōplebitq; in illo quod dñs in euāgelio, pmissit dicens, Omnia quæcūq; petieri/  
 tis patrē in nomine meo, in oratiōe, credētes accipietis. Ante omnia ubicūq; estis, siue in do/  
 mo, siue in itinere, siue in cōuiuio, uerba turpia & luxuriosa nolite ex ore uestro pferre, q; si/  
 cut dñs in euāgelio pronūciat, De omni uerbo ocioso qd locuti fuerint homines, reddēt rati/  
 onē de eo in die iudicij. Ludos etiā diabolicos, uel uacillatiōes, uel cātica gentiliū fieri uetate,  
 nullus Christianus hoc exerceat, q; per hoc paganus efficit: nec em̄ iustū est, ut ex ore Chri/  
 stiano, ubi sacramēta Christi mittunt, & quē decet deū laudare, cantica diabolica procedāt.  
 Ideoq; fratres, omnes adinuēctiones inimici toto corde respuite, & supradicta sacrilegia cum  
 omni labore & horrore fugite. Nulli creaturæ præter deū & sanctos eius uenerationē exhibe/  
 atis: fontes uel arbores quos sacros uocāt, succidite: plantas siue ungulas pedū quas per  
 biuia ponūt, fieri uetate, & ubi inueneritis, igne cremate. Per nullam aliā artem saluari uos  
 credatis, nisi per inuocationem & crucem Christi. Nam illud quale est: quia si arbores illæ,  
 ubi miseri homines uota reddunt, ceciderint, non ex eis ligna ad focum deferunt. Et uide  
 quanta est stultitia hominum, si arbori & insensibili & mortuæ impendunt honorem, & dei  
 omnipotentis uota contemnūt. Non ergo cœlū, non terram, nec ulla omnino creaturam  
 præter deū adorandā credat, quia omnia ipse solus cōdidit atq; disposuit. Altū quidē cœlū  
 est, ingens terra, immensū mare, pulchra sydera, sed q; pulchrior & immensior sit qui creauit  
 hæc, necesse est. Si em̄ quæ uident tā incōprehensibilia sunt, id est, uarij fructus terræ, pulchri  
 tudo

Iacobi 5  
 Matth. 21

Matth. 12



A tudo florum, diuersitas pomorum, genera animalium, alia super terram, alia in aquis, alia in aëre, apum quoque prudentia, uentorum flatus, nubium rores, tonitruorum fulgores, temporum uices, dierum noctiumque uarij recursus, quæ omnia nullatenus mens humana potest æstimatione comprehendere. Si ergo talia sunt quæ uidemus & nullatenus comprehendimus, qualia æstimanda sunt illa cœlestia, quæ nondum uidemus, uel qualis omnium horum artifex, cuius nutu cuncta creantur? Illum ergo fratres super omnia timete, super omnia adorete: illum super omnia amate, ad illius uos misericordiam tenete, de illius clemētia nunquam desperate. Quos bonos uidetis, illos imitemini: quos malos conspicitis, castigatē, corripite, ut duplicem mercedem habeatis. Et qui hactenus idoneus à supradictis malis uixisse cognoscitur, gaudeat quidem, & deo gratias reddat, ac de cætero obseruet, & perseuerare in bonis actibus festinet: qui uero usque nunc mala opera exercuit, cito se corrigat, & ex toto corde penitentiam agat antequam de hac luce discedat, quia si sine penitentia mortuus fuerit, non ibit in requiem, sed præcipitabitur in gehennam, ubi nunquam exiet in secula seculorum. Quapropter loquor omnibus uiris & fratribus, ut corrigat se unusquisque, & uitia sua emēdet, mala opera quæ gessit penitendo expiet. Nullus se inebriet, nullus in cōuiuio cogat alium plus bibere quam oportet: cui uitio deditos multum uehementer redarguit Apostolus dicens, Neque ebriosi regnum dei possidebunt. Nullus, sicut dictum est, obseruet egrediens aut ingrediens domum, quid sibi occurrat, uel sibi in aliquo uox reclamantis fiat, aut qualis auis cantus garriat, uel quid etiam portantem uideat, quia qui hæc obseruat, ex parte paganus esse dinoscitur. Qui ergo hæc contempserit, prophetam sibi gratuletur clamare, Beatus uir cuius est dominus spes eius, & non respexit in uanitates & insanias falsas. Hinc & Apostolus monet, Omne, inquit, quodcumque facitis, in nomine Iesu Christi facite. Prorsus ergo recedendum est à cunctis huiusmodi obseruantibus, mathematici spernendi, auguria horrenda, somnia contemnenda, quoniam, sicut scriptura testatur, uana sunt. Vnde per Moysen præcipitur, Non auguriabimini, non obseruabitis, inquit, somnia, nec ad magos declinabitis. Oportet ergo ut hæc tota mente obseruetis, & si quos cognoscitis, uel occulte aliqua phylacteria exercere, expedit ut nec cibum cum eis sumatis, nec ullum consortium cum illis habeatis. Ista ergo omnia spernentes, ad dei uos auxilium conferte, & de eius misericordia non desperate. Omni die dominico ad ecclesiam conuenite, & non causas & rixas uel ociosas fabulas agatis, sed lectiones diuinas cum silentio auscultate, & pro ecclesiæ pace & pro peccatis uestris orate. Qui enim in ecclesijs fabulari non timet, pro se & alijs redditurus est rationem, dum nec ipse uerbum dei audit, nec alios audire permittit. De talibus dicit dominus in euāgelio, Vae uobis qui clauditis regnum cœlorum ante homines, uos autem non introitis, nec alios introire permittitis. Iudices etiam qui præestis, iustissime iudicate, nihil in iudicio iniuste agatis, nec munera super innocentes accipiat, non ad personam attendatis, nec res alienas rapate, nec fronte diripiat, quia de uestris quid uel super noctem agatur, nescitis. Pauperem uel ad ci fronte diripiat, quia de uestris quid uel super noctem agatur, nescitis. Pauperem uel ad uenam nullatenus in iudicio opprimatis, timentes illud quod ueritas dicit, Quia in quo iudicio iudicaueritis, iudicabimini: & in qua mensura mensi fueritis, remetietur uobis. Caute semper ne de uobis Propheta dicat, Vae qui potentes estis in hoc mundo, qui iustificatis impium pro muneribus & iusticiam iusti aufertis ab eo. Vae qui dicitis bonum malum, & malum bonum, labia uestra loquuntur mendacia, manus uestræ plenæ sunt iniquitate, facta est uobis ueritas in obliuionem, & iusticia fugit à uobis. Hæc fratres considerantes pariter, & qui præestis in dei timore uos solidate, retinete quæ dicta sunt, facite quæ præcepta sunt, habete semper Christum in mente, signum eius in fronte facite, scitote quia multos aduersarios habetis, qui cursum uestrum impedire festinant. Ideo omni loco, omni hora, crucis signo uos armate, crucis memoria uos munite: hoc enim solum timent, illud solum expauescunt, hoc & uobis datum est scutum, ut possitis sagittas maligni ardentes extinguere. Porro magna res est signum Christi, & crux Christi, sed illi soli prodest qui facit mandata Christi. Vt ergo uobis prosit, præcepta eius totis uiribus adimplete

re contendite, & siue sedetis, siue ambulatis, siue manducatis, siue in lectum ascendatis, siue à stratu surgatis, iugiter signum Christi muniat frõtem uestram, ut uos semper memoria dei uigilantes protegat, & in sopore custodiat. Et quotiens in nocte excitati fueritis, & somnus euolauerit, mox labijs signum crucis occurrat: mens quoq; orationibus occupetur, ac dei praecepta in corde uoluantur, ne stupido pectori repente surripiat inimicus, uel per salutem incuriam serpat ad animam aduersarius auidus, Et cum in sensum uobis turpem suggerit cogitationem, proponite uobis futurum iudicium, inferni supplicium, gehennae poenas, tartari tenebras, quae impij patientur. Si hæc feceritis, statim turpis cogitatio euanesceat, nec uos deferet misericordia dei, quia uerum est quod propheta canit, Sperantes in domino misericordia circudabit. Sed cum hæc omnia, auxiliante domino, impleueritis, scitote quia hoc moleste accepturus est diabolus, q; uidet uos à societate sua discedere, & ob hoc fortasse aliquas nequitias aut infirmitates uobis immittet: nolite ppter hoc desperare, quia ad uos probandos permittit hoc deus fieri, ut cognoscat si ex toto corde uos ad eius misericordiam tenetis, uel si ueraciter in eum credatis. Sed uos cuncta patienter sufferte, & deum in omnibus benedicite, ut in uobis possit impleri quod scriptum est, Beatus uir qui suffert tentationem. Consoletur uos & hoc quod dicit Apostolus, Qui cum tribulamur, à domino corripimur, ut non cum hoc mundo damnemur. Nec non & illud, Flagellat autem dominus omnem filium quem recipit. Et illud, Quos deus amat, corrigit & castigat. Quod si semel uel bis nequitias quas immittit, uiriliter atq; fideliter pro dei amore sustinueritis, ita ipsum dominus à uestra infestatione dignabit expellere, ut ulterius uobis nunq; possit nocere. Ita ergo si ueri & non falsi Christiani estis, diabolicas circumuentiones fugite & despiciate, & tota mente ad deum tendite, & quaecunq; aduersa uobis inimicus immiserit, patienter & fortiter toleretis. Nam & si p sortilegos aut diuinos aliqua prae dicta fuerint, & ita euenerint, nolite mirari, quia spiritus per aëra uolantes, facile possunt uidere aliqua futura. De hac re diuina scriptura testatur dicens, Etiam si uera uobis dixerint, nolite credere eis, tētat enim dominus uos dominus deus uester, utrum timeatis eum uel non. Illud autem scitote, quia nec uos, nec aliquid quod ad uos pertinet, lædere potest inimicus, nisi quantum permiserit deus. Permittit autem hoc deus, quia peccata hominum hoc exigunt. Permittit autem duabus de causis, aut ut probet si boni estis, aut castiget si peccatores. Sed qui patienter dispensationem dei sustinuerit, cum perdiderit aliquid, dicat, Dominus dedit, dominus abstulit, sicut domino placuit, ita factum est, sit nomen domini benedictum. Pro ista patientia, aut coronam recipiet si iustus est, aut indulgentiam, si peccator. Quod si murmurauerit, uel desperauerit, rerū pariter & animæ damnationem incurret. Sed mihi credite fratres, quia si ex toto corde & semper in timore dei permanseritis, & praecepta eius custodieritis, ita quod nihil ex gentili consuetudine obseruetis, nihil iam inimicus nocere poterit, sed omnia uestra prosperabuntur. Recto enim Christiano nec auguria, nec signēta aliqua nocere possunt, quia ubi signū crucis cū fide & timore dei praecefferit, nihil ibi poterit nocere inimicus: tepidis uero & negligentibus ideo nocere possunt, quia relinquentes dei praecepta, per uitæ suæ negligentiam praua opera exercendo, ipsi se dæmonum potestati spontanea tradunt uoluntate, qui si in seruitio Christi perseverarent, & per eius auxilium solummodo confiderent, nihil prorsus paterentur mali. Hæc ergo sciētes, totis uos uiribus ad eius misericordiam tenete, opera bona semper agite, & de substantia uestra pauperibus erogate: qui plus habet, plus tribuat: qui uero minus, de hoc ipso largiat: beatus & hilaris unusquisq; quod praeualerit, tribuat, quia nimirū gaudebit multū, quia qui dat parū, accipiet multū, sicut dñs ad apostolos dicit, Centuplū accipiet, & uitam æternā possidebit. Det igitur nummum, & cōparat cœleste regnū, det paruā pecuniā, & emit uitā æternā. Tenete ergo uos ad eleemosynā, quia scriptum est, Eleemosyna à morte liberat, & qui eā fecerit, nō ibit in tenebras. Unusquisq; quantū praeualerit, tantū porrigat. Qui habet aurū, det aurū, & qui argentū, argentū: qui uero nō habet pecuniā, cū bono animo det paupibus buccellā: & si nō habet integrā, ex eo qd habet, frāgat, & partem

psal. 31

Iacobi 1

1. Cor. 11

Prouer. 3

Heb. 12

Deut. 13

Job. 1

Matth. 19

Tobie 4



A partem egeno tribuat. Sciat, quamuis parum tribuerit cū bono animo, deo acceptabile erit.  
Dominus enim non copia largitatis, sed beneuolentia & deuotione largietis delectatur &  
pascitur. Vt autem nullus pauper ab elemosyna se excusare possit, ipse dominus pro calice  
aquæ frigidaē se mercedem esse redditurum promisit. Qui enim à domino plures facultates  
accepit, magis utiq; iudicij periculum sustinebit. Potuit nempe deus omnes diuites facere,  
sed pauperes in hoc mūdo esse uoluit, ut diuites peccata sua redimerent. Redimite ergo uos  
charissimi dum habetis precium, date elemosynam de bono & iusto labore, & non alte-  
rius rapina. Audite modo ante fores uestras pauperes rogātes, ut & ipsi pro uobis in die iu-  
dicij rogent. Prophetam audite clamantem, Qui auerterit aurem suam ab egeno, & ipse cla-  
mabit, & nō exaudiet eū dominus. Date ergo deo quod uobis dedit, quia ipse accipit quod  
pauperibus datis. Ipsi quidem datis, sed uobis in futurum transmittitis, non ut uentrem im-  
pleatis, sed unde flammās extinguat: quia sicut aqua extinguat ignem, ita elemosyna ex-  
tinguit peccatum. Hinc dominus & per prophetam dicit, Dabunt singuli redemptionē ani-  
marum suarum, & non erit in eis morbus nec casus. Date ergo dum licet accipere redempti-  
onem animarum uestrarum. Redimite uosipsi dum uiuitis, quia post mortem nemo uos re-  
dimere potest. Vnusquisq; de quali ingenio uel artificio uiuit, de ipso decimam deo in pau-  
peribus uel in ecclesijs donet: consideret, quia omnia dei sunt per quæ uiuit, siue terra, siue  
flumina, siue semina, uel omnia quæ sub cœlo sunt, uel super cœlos. Et si ipse non dedisset,  
nihil utiq; haberet, nam deus qui dignatur totum dare, decimam de suo dignatur nobis re-  
petere, non sibi penitus, sed nobis profuturam, sicut ipse promisit per prophetam dicens, In-  
ferre, inquit, omnē decimationē in horreis meis, & probate me in his, dicit dominus, si non  
aperuero uobis fructus pæ possidetis super terram, quod cognoscitis deo placere. Nolite  
de cuncta substantia uestra fraudare decimam, ne uobis nouem partes auferantur, & sola  
decima remaneat. Conuertimini adhuc, dicit dominus, ut aperiam uobis catartas cœli, &  
effundam super uos benedictionem meam. Si igitur dederitis uoluntarie, plus semper do-  
minus dabit uobis. Si non dederitis, quantuncq; pauperes in quibus locis habitatis, fame  
mortui fuerint, tantorum homicidiorum rei eritis. Insuper immittet uobis dominus pestilē-  
tiam & famem, & perdetis totum quod habetis, nec nō & animas uestras. Vt autē hac uo-  
bis non ueniant, festinate cū bono animo dare unde animas uestras possitis redimere. Ne  
eligatis cui misericordiam faciatis, ne forte prætereatis eum qui meretur accipere, quia nesci-  
tis si Iesus dignatur aduenire. Scitote quia quod pauperi datis uel peregrino, sedenti in cœ-  
lo datis, qui dixit, Qui uos recipit, me recipit. Et, Quamdiu fecistis unī ex minimis meis, mi-  
hi fecistis. Inter hæc autē omnia, quæ dominus præcepit exerceri bonitatis opera, nihil quæ-  
rit à uobis, nisi salutem animarum uestrarum, & ut custodiatis eius mādata. Quod si feceri-  
tis, dabit uobis, sicut per Moysen pollicitus est, pluuias cōgruo tempore, & terra uestra ger-  
men gignet suum, eritq; abundantia fructuum, pomorum, uinearum, & segetum, & abun-  
dabitis omnibus bonis. Et dabit uobis pacē per circuitum, & sine terrore eritis, ipse q; habi-  
tabit inter uos. Econtra, si non custodieritis mandata eius, in uobis uenient plagæ ab eodē  
Moysē prædictæ, pestilentia uidelicet, & fames, & gladius, eritq; desuper cœlum sicut fer-  
tur, omnisq; labor uester incassum consumetur. Insuper consurgent in uobis inimici uestri,  
& deuorabit uos gladius, & erit terra uestra deserta & desolata. Et tunc clamabitis præ an-  
gustia, & non exaudiet uos dominus, sicut per prophetam Esaïam minatur dicēs, Locutus  
sum, & non exaudierūt: clamabunt, & non exaudiā. Iterum propheta clamat, Nō est abbrevi-  
ata manus domini, ut non possit saluare & exaudire, sed iniquitates uestræ diuidūt inter  
uos & deum uestrum, & peccata uestra auertūt faciem eius ne exaudiat. Vt ista uero uobis  
nō contingāt, custoditæ quæ præcepta sunt, implete dei mādata, ut uiuatis, & bene sit uobis.  
nihilq; calamitatis eueniat. Ipse per prophetam consolatur dicens, Si egerint poenitentiam  
pro peccatis suis, & ego poeniteam super malo quod locutus sum ut facerem, & nō faciam.

Hæc

Hæc semper in mente tenete, hæc uerba filijs uestris & uicinis narrate, hæc memoramini  
 dum sedetis in domibus uestris, & dum ambulatis, nec oliuiscimini cum bene fuerit uobis,  
 sed deum timere semper, & illi soli seruite, ne irascatur furor eius, sed scitote, quia ipse custo-  
 dit pactum & misericordiam diligentibus se, & mandata sua custodientibus, omnes tollet  
 1. Ioan. 2 languores. Cōsiderate, quia sicut Ioannes apostolus prænūciat, Nouissima hora est, ideoq;  
 iam nolite mundum diligere, quia mundus transit, & concupiscentia eius cum eo. Vos autē  
 facite uoluntatem domini, ut maneatis in æternum, & habeatis fiduciam cum apparuerit,  
 ne confundamini in aduentu eius. Nemo uos seducat. Qui facit iustitiā iustus est, & qui pec-  
 catum, ex diabolo est. Etenim omne peccatum, siue furtum, siue adulterium, siue mendaciū,  
 sine damonis operatione non fit. Considerate quāso quā perniciosum est opera diaboli  
 exercere, eiusq; participem fieri non in requie, sed in pœna gehennæ. Idcirco quotiescunque  
 peccatis, nolite expectare mortiferam securitatem, ut uulnera illa putrescant, nec alia insuper  
 augeatis, sed continue per pœnitentiæ confessionem uobis medicinam adhibere festinate.  
 In magnis etiam operibus uos dilatare cōtendite, ut qui fuit hætenus superbus, sit humilis:  
 qui adulter castus, qui solebat furari, aut res alienas tollere, incipiat iam proprias ecclesijs aut  
 pauperibus erogare: qui fuit inuidus, sit benignus: qui ebriosus, sit sobrius: qui fuit iracū-  
 dus, sit patiens: qui fecit alteri iniuriam, cito petat ueniam: cui facta est, absque mora dimittat,  
 ut & illi dimittatur. Aut quare non dimittat parum, ut ei dignetur deus dimittere totum?  
 Nā & hoc clementiæ genus est, ut dimittat aliquis ex toto corde ei à quo læsus fuerit. Quòd  
 si aliquis ita sit pauper ut nullam rem habeat unde eleemosynā temporalem faciat, quia nō  
 potest fieri ut ab aliquo non patiatur iniuriam, si ex toto corde omnibus in se peccantibus  
 indulgeat, & contra nullum hominem odium teneat, atq; omnes sicut seipsum diligit, hoc  
 ei pculdubio pro maxima eleemosyna reputabit. Vt aut in nos peccātib; liberius dimitta-  
 mus, hortatur nos dominus in euangelio dicens, Si autem dimiseritis hominibus peccata  
 1. Ioan. 3 eorum, dimittet & pater uester cœlestis peccata uestra: si non dimiseritis, nec pater uester di-  
 mittet uobis. Nemo ergo se circumueniat, nemo se seducat. Qui uel cōtra unum hominem  
 in hoc mundo odium tenet, quicquid deo in bonis operibus obtulerit, perdet totum, quia  
 non mentitur Apostolus terribiliter clamans, Qui odit fratrem suum, homicida est, & men-  
 dax, & in tenebris ambulat. Hoc loco fratrē, omnem hominē oportet intelligi, quia omnes  
 in Christo fratres sumus. Vos autem ad inimicorum dilectionem admoneo, quia ad sanan-  
 dum peccatorum uulnera nullum esse medicamētum utilius cognosco, Licet magnus labor  
 sit, inimicos diligere, sed magnum erit præmium in futuro. Qui dilexit inimicos hic, erit dei  
 1. Ioan. 3 amicus, nō solum amicus, sed filius, sicut ipse, quod supra iam diximus, pollicetur dicēs, Di-  
 ligite inimicos uestros, benefacite qui oderunt uos, & orate pro persequentibus & calumni-  
 antibus uos, ut filij patris uestri sitis, qui in cœlis est. Qui non diligit, sicut dicit Apostolus,  
 manet in morte. Cum hæc ita sint charissimi, dilectionem ueram, nō falsam adinuicem ha-  
 bete, actus uestros semper ad deum dirigite, & quicquid potestis laborate pro amore uitæ  
 1. Ioan. 3 æternæ. Currite dum lucem habetis, ne tenebræ uos comprehendant. Vt laboratis pro  
 carne, ita pro anima, si curritis pro carne, quam post modicum tempus uermes deuoraturi  
 sunt in sepulchro, currite pro anima, ut ornata bonis moribus sine fine lætetur in cœlis. An-  
 te omnia qui ieiunatis, quod prādere debetis, pauperibus erogate. Et sicut dominus in euan-  
 gelio fieri docet, Cum ieiunatis, nolite fieri sicut hypocritæ tristes, ut uideamini ab homini-  
 bus, sed illi soli qui uidet in absconso, Et iterum monet, Attendite ne iustitiam uestram faci-  
 1. Ioan. 3 atis coram hominibus ut uideamini ab eis. Plus ergo de animæ quā de cibo corporis  
 cogitate, & dum in mundo uersamini, æternam uitam bene uiuendo emite, lectiones diui-  
 nas libenter audite in ecclesia, & quæ auditis iugiter in domibus recolite, & quomodo pasci-  
 tur corpus cibo, sic anima reficiatur dei uerbo. Certū est enim, qualis est caro quæ post mul-  
 tos dies pepercit cibo, talis est anima quæ pascitur dei uerbo raro. Ergo charissimi, siue am-  
 bulatis, siue sedetis, siue operamini, siue quæcunq; agitis, semper quod ex diuina lectione  
 audistis.



**A** audistis, ad mentem reducite, semperque euangelica praecepta in corde ruminare. Ante omnia luxuriam fugite, concupiscentiam malam uitare, timentes illud quod dominus in euangelio dicit, Omnis qui uiderit mulierem ad concupiscendum eam, iam mœchatus est eam in corde *Matth. 5* suo. Vxores legitimas absque ulla simulatione diligite, sicut Apostolus praecepit dicens, Viri diligite uxores uestras, sicut Christus dilexit ecclesiam. Et iterum, Mulieres subditae sint uiris suis, sicut oportet in domino. Et nequaquam uir legitimam uxorem quacunque occasione dimittere praesumat, quia secundum sententiam domini, Quicumque dimiserit uxorem suam, *Matth. 5* excepta causa fornicationis, facit eam mœchari. Concubinas, siue ante nuptias, siue post nuptias habere prohibemus, quia omnino illicitum est. Nam qui uxorem legitimam ducere cogitat, dignum est ut uirginitatem usque ad nuptias custodiat, & post nuptias nullam alteram nisi unam legitimam coniugem cognoscat, sicut Apostolus praecepit. Ipse fidem seruet ei sicut eam sibi seruare uult, nec peccet cum alia, sicut nec suam cum alieno uult peccare, timens illud quod idem Apostolus clamat, Fornicatores & adulteros iudicabit dominus. Quicquid *Heb. 13* enim de iure connubij mulieribus non licet, nec uiris omnino licet. Nam qui ante nuptias legitimas habere concubinas praesumat peius peccat quam qui adulterium committit, & ob hoc dignus est a consortio Christianorum separari. Qui si non poenituerit, aeterna illum flamma cruciabit sine remedio. Quapropter Christiane fuge fornicationem: erubescere iam sub oculis dei & angelorum peccare. Capitalia omni nisu detestare, quae sunt sacrilegium, homicidium, falsum testimonium, furtum, rapina, superbia, inuidia, auaricia, iracundia, ebrietas: haec sunt crimina quae mergunt homines in supplicium aeternum. Ex quibuscunque qui in se unum habere cognoscit, & poenitentiam non egerit, sine remedio in gehennae igne ardebit. Et ideo o anima Christiana, uigila, ora, caue praedicta crimina, & quicquid boni praeuales age pro uita aeterna. Aperi pauperibus manum tuam, ut Christus tibi aperiat ianuam suam & intres in gaudia paradisi. Noli ipse te tradere in perditionem, quia Christus pro te suum effudit sanguinem. Satis te charum habuit, quem tam caro precio redemit. Terreat te metus *Prouer. 28* gehennae, quo possis abstinere ab operibus prauis. Omni hora mortem adesse spera, & futura iudicia dei super te iugiter formida, ut tibi possit adaptari quod scriptum est, Beatus est qui semper est pauidus. Quod si male fecisti, emenda dum potes, dum est licentia poenitere: ueniam non desperes si ad meliora conuertaris, quia desperatio peius est omni peccato. Nullatenus de dei misericordia desperetis, nec post centum peccata, nec post mille crimina, quia nulla est tam grandis culpa quae poenitendo non habet ueniam. Quamuis ergo te iritet quisque, quis conuitiet, quis iniuriam tibi faciat, tu tamen patiens esto, ne rependas contumelias, & melius tacendo uinces iniuriam. Cum maledicit tibi, benedic ei, & magnam habebis gratiam, quod tu non laedis a quo laesus es. Nullum despicias, non seruum, non egenum, quia forsitan melior est apud deum quam tu. Et quoniam secundum Apostolum, Omnes fratres *1. Cor. 12* unum corpus sumus in Christo, & quia non est personarum acceptor deus, sed sicut scriptum est, Vnusquisque quod bonum fecerit, hoc feret a deo, siue seruus, siue liber: non detrahes fratri tuo, non facias calumniam fratri tuo, neque forti ui opprimas eum, sed sicut per Moysen dicitur, Si paupertate compulsus uendiderit se tibi frater tuus, non affliges eum more serui *Leui. 25* sed secundum dei timorem age circa illum. Memeto quia tu seruus es. Non oderis fratrem tuum in corde tuo, sed publice argue illum, ne habeas super illo peccatum. Hinc & dominus in euangelio dicit, Si peccauerit in te frater tuus, corripe illum inter te & ipsum solum. Et rursus, Si septies in te peccauerit, & totiens poenituerit, dimitte ei. Et iterum, Si offers munus tuum ad altare, & ibi recordatus fueris, quia frater tuus habet aliquid aduersus te, relinque ibi munus tuum ad altare, & uade prius reconciliari fratri tuo, & tunc ueniens offeres munus tuum. Haec te Christiane praecepta reuocent ad concordiam, haec dulcia Christi medicamenta curent odij uulnera, quae si contempseris, terribilem in te sententiam retorques, qua dicitur, Omnis qui irascitur fratri suo reus erit iudicio. Qui dixerit fratri suo racha aut fatue, reus erit gehennae ignis. Ecce audisti charissime, quid timeas, quid obserues.

Habe ergo charitatem, tene patientiam, fuge discordiam, impone frenos linguæ tuæ, ne de A  
*Prover. 18* trahat ad gehennam animam tuam, quia secundum scripturam, Mors & uita in manibus  
*Psal. 139* linguæ. Et, Vir linguosus nō dirigitur in terra. Hæc sollicita consideratione pensantes charis-  
*Esai. 55* simi, uerba simul & mores cōponite, sectamini semper iusticiam, amate Christi præcepta.  
*Osee. 14* Derelinquat impius uiam suam, & reuertatur ad dominum, sicut propheta clamat, & mise-  
*Amos. 5* rebitur eius, quia pius est ad ignoscendum. Ipse enim monet dicens, Conuertimini ad me, &  
 sanabo contritiones uestras. Et rursus, Quærite bonum & non malum ut uiuatis, & erit uo-  
 biscum dñs exercituum. Et iterum, Odite malum & diligite bonū, ut misereatur uestri deus.  
 Ecce hic per prophetam clamat deus: Et si me audire contempseritis, moriemini morte æter-  
*Luc. 5* na. Ipse etiam consolatur in euangelio dicens, Nō ueni uocare iustos, sed peccatores ad pœ-  
*Matth. 6* nitentiam. Et iterum monet dicens, Primum quærite regnum dei & iusticiam eius, & hæc  
*Matth. 7* omnia adiicientur uobis. Et iterum, Petite, & dabitur uobis, quærite, & inuenietis, pulsate,  
 & aperietur uobis. Modo enim dominus pro ineffabili pietate sua nō solum admonet, sed  
 etiam rogat ut conuertamur ad eum. Audiamus ergo eum dum rogat, audiamus scripturā  
 dicentem, Fili misere animæ tuæ placens deo. Quid ad hæc respondet humana fragilitas?  
 Deus rogat ut tui miserearis, & non uis: quomodo exaudiet te in die necessitatis supplican-  
 tem, cum tu eum pro teipso non audis rogantem? Si modo hæc neglexeritis fratres, quid  
 facietis in die iudicij, uel ad cuius auxilium confugietis? Si, inquam, modo neglexeritis talia  
 dei hortamenta, non effugietis tunc inferni tormenta, nec uos poterit aurum uel argentum  
 liberare, neq; diuitiæ, quæ in angulis modo absconditis, & ex quibus arrogantes effecti sa-  
*Esai. 13* lutem uestram obliti estis. Hinc nāq; dominus dicit, Visitabo super orbis mala, & quiescere  
 faciam superbiam impiorum, & arrogantiam fortiū humiliabo. Et rursus admonet dicēs,  
*Esai. 46* Præuaricatores, redite ad cor: quiescite agere peruerse, discite benefacere, succurrite oppres-  
 so, defendite pauperem, uiduam & aduenam & pupillum nolite calumniari. Hæc ergo fra-  
 tres mente retinete, hæc magnopere custodire festinate, impugnati à diabolo coniungimi-  
 ni deo, qui uos redemit. Stupeant gentes de conuersatione uestra, & si detrahunt uobis & ir-  
 rideant Christianitatis opera, ex hoc sectari non turbemini, reddent enim rationem. Totā  
 ergo spem uestram in Christi misericordia componite, & non solum ab actu impudico, sed  
 etiam à cogitationibus sordidis animas uestras custodite, quia deus iudex iustus & de ma-  
 lis cogitationibus iudicat. Et hæc moneo fratres, ut superbiam penitus deponatis, per quam  
 de cœlo diabolus corruit, quia sicut *Appl. testat*, Deus superbis resistit, humilibus autē dat  
*Iaco. 4* gratiam. Et in euangelio, Omnis qui se exaltat, humiliabitur, & qui se humiliat, exaltabitur.  
*Luc. 14* Et iterum, Nisi conuersi fueritis & efficiamini sicut paruuli, non intrabitis in regnum cœlo-  
*Matth. 18* rum. Iurandi consuetudinem funditus euitate, quia ualde præceptis in hac parte contraitis,  
*Matth. 5* domino in euangelio prohibente. Dico, inquit, uobis, Nolite omnino iurare, neq; per ter-  
 ram, neq; per caput, neq; per aliud quodcunq; sit autem sermo uester, est, est: non, non. In-  
 iurantibus autem uobis, proferte præcepta dei quibus dicitur: Non resistite malo, sed si qs  
 te percusserit in unam maxillam, præbe ei & alteram. Et qui uult tunicam tollere, dimitte ei  
 & pallium. Et iterum, Qui petit à te, da ei, & qui tollit quæ tua sunt, ne repetas. Orando ita  
 que necesse est, ut teneatis illam orationem quam dominus in euangelio præcepit dicens,  
*Matth. 6* Cum oratis, non in multiloquio, sed in secreto cordis orate, & pater uester qui uidet in ab-  
 scondito, reddet uobis: Scit enim quid opus sit uobis anteq; petatis. Hæc ergo uerba charis-  
*Matth. 18* simi recolite, hæc iugiter præcepta reminiscimini, ubicunq; estis memoriam Christi in collo-  
 quio miscete, quia dicit, Vbi duo uel tres congregati sunt in nomine meo, ibi sum in medio  
 eorum. Scandala etiam fugite, quia dominus grauiter notat eum qui lites concitat, dicēdo,  
*Ioan. 15* Væ homini illi per quem scandalum uenit. In compassione proximi illam sententiam tene-  
 te, qua in euangelio dicitur, Si manseritis in me, & uerba mea in uobis māserint, quodcūq;  
*1. Cor. 7* petieritis fiet uobis. Ipsum quoq; Apostolum audite clamantē, Tempus breue est, reliquū  
 est, ut qui habent uxores, tanq; nō habentes sint, & qui flentes, tanq; nō flentes, & qui gau-  
 dent,



A dent, tanq̃ non gaudentes, & qui utuntur hoc mundo, tanq̃ non utantur, præterit enim fi-  
gura huius mundi. Vt autem plus cupiatis cœlestia q̃ terrena, dominum audiat dicentē, *Matth. 16*  
Quid prodest homini si totum mundum lucretur, animæ uero suæ detrimentum patiatur?  
Vt uero diligamus charitatem, euangelista Ioannes hortatur dicens, Si diligamus inuicem, *1. Ioan. 4*  
deus in nobis manet, & charitas in nobis perfecta est. Et iterum, Deus charitas est. Necnon  
& Paulus excellentiam charitatis simili modo profert, dicens, Si distribuero in cibos paupe *1. Cor. 13*  
rum omnes facultates meas, & si tradidero corpus meum ita ut ardeam, charitatē autē non  
habeam, nihil mihi prodest. Hinc iterum monet dicens, Omnia uestra in charitate fiant. Et *1. Cor. 16*  
iterum, Alter alterius onera portate, & sic adimplebitis legem Christi. Ipse etiam ad trami- *Gal. 6*  
tem perfectionis blande coërcens, dicit, Qui furabatur, iam non furetur. Et illud, Fugi- *Ephes. 4*  
te fornicationem, quia omne peccatum quodcūq; fecerit homo, extra corpus est: qui autem  
fornicatur, in corpus suum peccat. Et iterum, Neq; auari regnū dei possidebunt, neq; forni-  
carij, neq; adulteri, neq; fures, neq; ebriosi, neq; malefici, neq; rapaces. Idem Apostolus cu- *1. Timoth. 6*  
piditatem coërcet dicens, Radix omnium malorum est cupiditas. Ergo fratres abijcite cupi-  
ditatem, sectamini charitatem, deponite iniquitatem, supponentes inuicem in charitate, il-  
lud omnino præcauentes quod Apostolus ad Romanos scribens infert: Reuelabitur, in *Rom. 1*  
quiens, ira dei de cœlo super omnem impietatem & iniusticiam hominum. Necnon & illud *Matth. 15*  
quod uoce ueritatis in euangelio cōminatur, Qui faciunt, inquit, iniquitatem, mittetur in ca-  
minum ignis ardentis, ibi erit fletus & stridor dentium. Considerate quā seuius quāq; tre-  
mendus sit ille ignis. Et qui modo nec unum suffert digitum in ignem mittere, ibi cum  
toto corpore in secula cruciari. Rogo ergo uos, ut si uultis ab illo igne uel ab illa pœna libe- *Ezech. 33*  
rari, desistatis iam amplius peccare, & dominum per prophetam attendite clamantem, Re- *Ezech. 33*  
uertimini recedentes ab iniquitatibus uestris, & sanabo uos. Et iterum, Nolo mortem pec- *Esa. 45*  
catoris, sed ut conuertatur & uiuat. Et per Esaïam clamat dicens, Quando conuersus fueris *Iohelis 2*  
& ingemueris, saluus eris. Per Iohel quoq; monet dicens, Conuertimini ad me in toto cor-  
de uestro, in ieiunio & fletu & planctu. Ecce quot testimonia de conuersione uestra ex diui-  
nis eloquijs prolata sunt. Vigilate ergo sollicite, quia quanto proximior finē mundi dia-  
bolus prospicit, tanto crudelius contra Christianos sæuit, ut quia cito se damnādum cogno-  
scit, plures sibi in pœna multiplicet, cum quibus utiq; sine fine crucietur. Cauete ergo atten-  
tius, & iugiter cum dei timore conuersamini, scientes quia unusquisq; uestrum angelum dei  
habet qui obseruat quæ iugiter egerit: & quidem si bene agit, gaudium sancto angelo gi-  
gnit, si uero mala opera exercet, angelum sanctum à se repellit, & malignum sibi dæmonē  
coniungit. Quapropter charissimi, hæc me loquente, introrsus ad uos redite, cōscientias ue-  
stras discutite, si dignas mentes angelis geratis: præuidete & si uos bonos ac dignos deo cō-  
spicitis. De meritis uestris nunq̃ superba mente præsumatis, sed de cætero magis cum hu-  
militate cauete, si uos peccatis obnoxios cernitis, nullatenus desperetis, tantum facite pactū  
in corde uestro cum deo, ut amplius nō peccetis, sed fiducialiter ueniam speretis, quia domi-  
nus signum suæ pietatis assidue patescit, & omnes uult ad se recipere per pœnitentiā. Nam  
si adulter quidem, aut meretrix, aut fur, aut ebriosus, aut mendax, aut filiorum necator fue-  
rit, tantum de cætero penitus caueat, inulgebit illi deus. Publicanum de euangelio & latro- *1. Tim. 5*  
nem, necnon & meretricem, sed & Paulum sumite in exemplum, qui de semetipso dicit, Pri-  
us fui blasphemus & persecutor & contumeliosus, sed misericordiam consecutus sum, quia  
ignorās hæc feci. Et uos ergo, si quid forte ignorāter admisistis, reparate uos quæso per pœ-  
nitentiam. Confitemini domino in totis præcordijs uestris, quoniā bonus est, doleatis uos  
non egisse quod bonum est. Et qui pœnitet, ita pœniteat ut ulterius iam lugenda non com-  
mittat. Et qui pauperiores in hoc seculo estis, nolite seduci, quia si bene agitis, ditiores eritis  
in cœlo. Deniq; cauete ne quis turpē sermonē proferat ex ore. Et secūdū Apostolū, Fabulis *Eph. 5*  
& uarijs ocijs nolite seduci. Sed corrigite inquietos, consolamini pusillanimes, patientes esto-  
te ad omnes. Et omnis sermo malus nō procedat ex ore uestro, timētes illud quod scriptū  
X x 2 est,

1. Cor. 15 est, Corruptū bonos mores colloquia praua. Crapulam & ebrietatem perhorrescite, quia  
 Luc. 21 dñs per semetipsum hoc redarguit dicens, Cauete ne grauent corda uestra crapula & ebrie/  
 Eph. 5 tate. Et Apostolus prohibet dicens, Nolite inebriari uino in quo est luxuria. Proculdubio  
 qui plus manducat & bibit q̄ expedit, & peccatū incurrit, & sanitatem seruare nō praualeat,  
 quia cū uenter & uenæ nimia fuerint saturitate repletæ, ilico necesse est ut libido in mēbris  
 Eccl. 31 generetur. Vnde & alibi scriptū est, Vinū multū potatū amaritudo est animæ, & ruina mul/  
 tiplicans imprudenti offensionē, minuens uirtutē & faciēs uulnera. Et hoc dico nō ut creatū  
 ram dei malā asseram, aut iudicē esse damandā, sed ut uos cautiore sobrioresq̄ reddam:  
 Gen. 1 imō & admoneo ut nullam creaturā dei malā esse dicatis, quia cūcta creauit deus ualde bo/  
 na. Nam quæcūq̄ uobis mala esse uidentur & nocent, uestro uitio, nō sua natura uobis mā/  
 la existunt. Ideoq̄ fratres solū diabolū qui in superbiendo factus est malus detestātes, tan/  
 torū bonorū creatorē glorificate. Cauete semper uiam latam quæ ducit ad interitū, appre/  
 hendite illā angustā per quā reperitur æterna latitudo. Pauperes & peregrinos ad conuiuū  
 Luc. 14 uocate, dñm q̄ de hoc præcipientē attendite, Cum facis, inquit, prandiū aut cenā, noli uoca/  
 re diuites qui cōuiuent tecū, sed uoca debiles & pauperes, cæcos, claudos, & beatus eris, quia  
 nō habent quid tibi retribuāt, retribuetur aut tibi in resurrectione iustorū. Nec enim iustū  
 est ut in populo Christiano, qui uno precio sunt redempti, & uni dño seruiunt, alij distentis  
 epulis uentribus incedant, alij famis periculo deficiāt. Prorsus peccatū est ut nostra supflua  
 à tineis deuoretur, & pauperes nec uetustissima quæq̄ recipere mereantur. Quare nō consi/  
 deratis q̄ pari conditione in hūc mundū uenistis? Vnius dñi serui estis, simili exitu de mun/  
 do migrabitis, & si bene agitis, ad unā beatitudinē uenietis. Aut quare uobiscū cibum non  
 accipiat qui immortalitatis stolam accepturus est uobiscū? Hæc cōsiderantes, ita pauperum  
 curam gerite, ut uberrimā pro his in cœlis accipiatis retributionē. Mendaciū semper fugite,  
 Sap. 1 quia nō minimū peccatū est, scriptura dicente, Os quod mentitur occidit animā. Et, Testis  
 Prouer. 19 falsus nō erit impunitus. Et Dauid ad dñm, Perdes, inquit, omnes qui loquūtur mendaciū.  
 Psal. 5 Et Apłus, Deponentes omne mendaciū, loquimini ueritatē unusquisq̄ cū proximo suo. In  
 Ephes. 4 hac ergo uita positi ita agite, ut cū hinc migraueritis & caro uestra à uermibus cœperit de/  
 uorari in sepulchro, anima ornata bonis operibus cū sanctis omnibus latetur in cœlo. Re/  
 trahat uos à malis operibus peccatorū interitus. Considerate diuitū sepulchra, uel corū qui  
 ante paruum tēpus uobiscū erant, quid fuerūt, uel quid sunt, uel quid eis diuitiæ uel cupidi/  
 tates seculi profuerūt. Ecce nihil ex eis, nisi soli cineres remanserūt, qui si loqui possent, pcul/  
 dubio hæc uobis dicerent: Vt quid infelices tātum pro seculi cupiditate discurretis? ut quid  
 uos uitijs & criminibus repletis? Considerate ossa nostra, ut uel sic horreat cupiditas uestra  
 & miseria. Quod uos estis, nos fuimus: quod nos sumus, uos eritis. Ista omnia fratres charis/  
 simi sollicita cōsideratione pensantes & hæc cōsiderantes, expauescite, diem mortis ante ocu/  
 los mētis ponite, & ad emendationē quantū potestis festinate. Nolite negligere q̄ uos pius  
 deus sustinet peccantes, quia quāto diutius expectat ut uos emendetis, tanto grauius uin/  
 dicabit si neglexeritis. Sed forte putatis q̄ finis mundi necdū erit: sed suū unusquisq̄ consi/  
 deret finē. Ecce dū libenter iocundissime moratur homo in mundo, multa q̄ in longo tēpo/  
 re disponit agenda, repente rapitur in mortē, & ex improviso auferit anima à corpore. Sed  
 ille beatus est qui horā illam habuerit ante oculos, & festinauerit in illa hora mortis paratus  
 inueniri, ut possit tanti metus terrorem euadere. Quod si uultis scire, cum metu magno fra/  
 tres charissimi magnisq̄ doloribus separatur anima à corpore. Veniunt enim sancti ange/  
 li eam assumere, ut perducant eam ante tribunal metuendi iudicis, & memorans sua mala  
 quæ die noctuq̄ gessit cōtremiscit & ingemiscit & quærit ea fugere, induciasq̄ petere dicēs,  
 Date mihi horæ spaciū. Tūc q̄ simul loquentia omnia opera eius dicent: Tu nos egisti, tua  
 opera sumus, nō te descrimus, sed tecū semper erimus, tecū pergemus ad iudiciū. Hæc quidē  
 peccatoris anima agit quæ cū horrendo timore separatur à corpore, pergit plena peccatis &  
 ingenti cōfusione depressa. Iusti uero anima cū separatur à corpore, nō timet, nō expauescit,  
 sed



A sed magis cū gaudio egreditur, & cū exultatione pergit ad dñm ducētibz sanctis angelis. Illam ergo charissimi horā modo timete, ne timeatis tunc illam, nūc praeauete ut tūc securi esse possitis. Mementote iugiter, quia in medio laqueorum diaboli estis, & ideo semper parati estote, ut quādo dñi præceptū missum fuerit, liberi ab omni labe peccati ad requiē transire possitis: nec arbitremini uos diu in hoc mūdo mansuros, quia nimirū ueniet, ut nō concedet dñicum præceptū missum nec unius horæ spacium in hac uita cōsistere. Cauete ne decedat dñicum præceptū missum nec unius horæ spacium in hac uita cōsistere. Cauete ne de exitu uestro tristitiā faciatis angelis, & gaudiū inimicis. Scitote enim quia anima cū à corpore auellitur, statim in paradiso pro bonis operibus, aut certe pro malis in inferno precipitare continuo. Quapropter eligite modo, & hic in uita uestra hoc disponite, aut perpetuo gaudere cum sanctis, aut sine fine cruciari cū impijs. Itaq; uel saltem poenæ uos terreat, si præmia non inuitant, & præsentē mundū si despiciere nō ualetis, uel cū iusticia possideate. Qui in iuventute errauit, saltem in senectute resipiscat, & mala quæ peccando comisit, penitendo iam expuret. Ecce paulatim deficit mundus, & cuncta quæ uidentur uelociter transeunt tanq̃ nebula & umbra uespertina. Ecce quod olim prænunciabatur, presenti tempore iam perspicue cernitur, subtrahuntur omnia bona, & crescūt quotidie mala. Nolite ergo fratres iam mundū diligere, quē sic ad finē declinare cōspicitis, præsertim cū apostolus Iacobus

Iaco. 4  
Matth. 22  
Matth. 19

B lux corporū? Ibi nulla erit tristitia, nullus labor, nullus dolor, nullus timor, nulla mors, sed perpetua sanitas perseverabit. Nulla ibi cōsurget malicia, nulla carnis miseria, nulla agritudo, nulla omnino necessitas, nō ibi erit fames, non sitis, non frigus, non æstus, non lassitudo, ieiunij, nec ulla tentatio inimici, non ad peccandū ulla uolūtas, nec ulla delinquendi possibilitas, sed totū exultatio, totū læticia possidebit. Homines angelis sociati sine ulla carnis infirmitate uernabunt, ibi erit læticia cūcta, requies secunda, pax uera, iucunditas infinita. In qua beatitudine quod semel adipiscitur, semper tenetur. Nihil loco illo magnificentius, nihil gloriosius, nihil clarius, nihil pulchrius, nihil uerius, nihil illa beatitudine syncerior, nihil illa abundantia copiosius. Ibi nō formidabit ferocissimus hostis, qui cupit iugiter iugulare animas, nemo in illo loco indiget precioso uestimēto, quia ibi nō est frigus, nō æstus, nulla inæqualitas aeris, nullus ibi est peregrinus, sed omēs qui ibidē attingere meruerūt, securi ut in patria uiuent. Nō ultra aduersabitur caro spiritui, nec ullū timebitur periculū, sed inenarrabilia cū angelis ac sempiterna à Christo ibi tibi præmia tribuentur, quod oculus nō uidit, nec auris audiuit, nec in cor hominis ascendit, sicut Apostolus ait, Quæ præparauit deus diligētibus se. Ecce qualē beatitudinē perditurus est, qui modo dū licet, emendare se noluerit. Ideo fratres charissimi, dño auxiliante dedignemur ultra seruire peccato, quibus tāta beatitudo præparatur in celo. Dū tempus est, festinemus deū propitiū facere: despiciamus quæ terrena sunt, ut celestia adipiscamur: cogitemus nos peregrinos esse in hoc seculo, ut liberius festinemus ad celū: perpendamus quales erimus in die iudicii, dei & angelorū cōspectibus præsentandi, quādo opera nostra erūt nobis ante oculos ponenda. Qualis erit illa confusio, cui contigerit pro peccatis suis in cōspectu omniū hominū erubescere, qui hic nec unū hominem in se peccantē uult inspicere? Et quis erit pauor tūc deū iratū uidere, quem placatū nō ualet uniuerſitas cōprehendere? Illū ergo diem timeamus, quē modo nullatenus prouidere possumus. Illū diē iugiter pauescamus, ut sic uel actus nostros à malo reuocemus. Cōsideremus quis terror erit cū dñs ad iudicandū uenerit de celis, quis metus erit deū uidere, ad cuius aduentū uniuerſa elementa quatientur, ac celū cū terra cōtrement, uirtutesq; celorū mouebuntur.

X x buntur

Matth. 24 &amp; 25

būtur. Tūc nimirū prācinentibus angelorū tubis, omēs gentes quācūq; fuerūt sub cōelo tā uiri q̄p̄ fœminā in eo sexu quo nati fuerūt, boni simul ac mali, sancti ac peccatores, uel quicūq; ab utero nati uiui ac mortui sunt, siue à bestijs deuorati, uel ab igne cōsumpti, uel ab aquis absorpti, omnes simul in momēto tēporis atq; in ictu oculi resurgent in ipsa carne, atq; in ipsis corporibus sine dubio quā hic habuerūt semel, & in uirū perfectum in mēsurā aetatis plenitudinis Christi, in qua ipse dñs resurrexit à mortuis, & omēs ante aduentū Christi aduenient, pariterq; electi & reprobi suis oculis uidebūt, sicut dñs in euāgelio dicit, Tunc uidebunt filiū hominis uenientē in nubibus cū potestate magna & maiestate cōstipatū agminibus angelorū, & cōgregabūtur ad eū omēs gentes, & plangent oēs tribus terrā, & separabit eos ab inuicē sicut pastor segregat oues ab hādis, & statuet iustos à dextris suis, impios autē à sinistris, & dicet his qui à dextris eius erunt: Venite benedicti patris mei, possidete paratū uobis regnū à cōstitutione mūdi: Esuriui, & dedistis mihi māducare: Sitiui, & dedistis mihi bibere & cætera. Quādiu fecistis uni ex minimis meis, mihi fecistis. Tunc omnibus aspicientibus ostēdet liuores & fixuras clauorū, sine dubio in suo corpore, quod pro peccatis nostris uulneratū est, & ita cōpellans peccatores dicet: Ego te homo de limo terrā formaui, & inter paradisi delicias collocaui, quod nō merebaris, sed tu me iustāq; mea cōtemnens, deceptorē sequi maluisti, unde pœnā in supplicijs inferni detrusus es. Postea misertus tui, in terris carnem assumpsisti, inter peccatores habitauisti, cōtumelias & uerbera pro te sustinui, ut te de inferno eriperem: alapas & sputa suscepi, ut tibi redderē dulcedinē paradisi. Acetū cū felle bibi ppter te, uepribus coronatus sum, cruci affixus, lancea uulneratus, mortuus, & in sepulchro positus. Ad inferna descendī, ut te ad paradysum reducerē, tartari claustra adiū. Agnosce ergo quid pro impietate humana pertuli. Ecce liuores quos pro te recepi, ecce clauorū foramina, quibus affixus in cruce pependi, suscepi dolores, ut te possem sanare, suscepi pœnam, ut tibi darem gloriā, suscepi mortem, ut tu uiueres sine fine, conditus latui in sepulchro, ut tu regnares in cōelo. Hæc omnia pro te sustinui. Quid amplius debui, & nō feci? Dicite nūc uel ostendite mihi quid passi estis pro me mediatore animarū uestrarū, aut quid boni egistis pro uobis? Ego cū essem inuisibilis, sponte pro uobis incarnatus sum: cū essem impassibilis, ppter uos dignatus sum pati: cū essem diues, ppter uos egenus factus sum. Sed & humilitatē renuentes, seductorē magis q̄p̄ me estis secuti. Ecce modo nō potest aliud iusticia mea iudicare, nisi quod merentur opera uestra recipere: ergo quod ibi elegistis, tenete: contēpistis lucē, possidete tenebras: amastis mortē, ite in perditionē: secuti estis diabolum, ite cū eo in ignem æternum. Quis putas erit tunc mœror, quis luctus, quæ tristitia, quæ angustia, cū hæc fuerit aduersus impios lata sententia? Tūc erit dura separatio à sanctorū cōsortio, & traditi in potestātē dæmonū, ibunt cum ipsis corporibus cum diabolo in ignē æternum, & permanebūt semper in luctu & gemitu: Procul quippe exulati à cœlesti patria paradisi cruciabuntur in gehenna, nūc q̄p̄ pacē uisuri, nūc q̄p̄ refrigerium adepturi, sed per milia milium annorum in inferno cruciandi, nec unq̄p̄ in secula liberandi: ibi nec qui torquet, aliquādo fatigabitur: nec qui torquetur, unq̄p̄ morietur. Sic ibi ignis cōsumit ut semper referuet, sic tormēta aguntur, ut semper renouentur. Iuxta uero qualitātē culpæ, unusquisq; sustinebit pœnam. Nō ibi auditur nisi fletus & planctus, & stridor dentium, nō erit aliud solatium, q̄p̄ flammæ & pœnarum, sic miseri sine fine erunt ibi in æternum in secula seculorum. Iusti autem ibunt in uitam æternā, in ipsa sine dubio carne quā habuerunt, & sociabuntur angelis sanctis in regno dei, & gaudijs deputandi perpetuis, nūc q̄p̄ iam morituri, nūc q̄p̄ corruptionē uisuri, sed semper in læticia ac dulcedine Christi saturati, sicut sol fulgebunt in gloriā & claritate, quā præparauit deus diligentibus se. Et quanto amplius obediens deo in hac uita fuerit, tātō illic ampliorē mercedem accipiet: quantoq; hic amplius deum amauerit, tanto tunc eum propius uidebit. Ecce fratres charissimi, prædixi uobis simpliciter ut intelligere possitis, quæ sint unicuiq; futura uel uentura. Nemo se de ignorantia poterit excusare, quoniam mors & uita prænuntiata sunt uobis, supplicia impiorum, & gloria iustorum. Iam enim in arbitrio uestro consistit eligere quod teneatis. Unusquisq; quod hic cōcupierit & assecutus fuerit, hoc

utiq;



utiq; illic possidebit. Vitam ergo æternam toto nisu concupiscite, nec emendationem uestrã diutius differatis, sed ad lucranda cœlestia regna, ultro ipsi relinquit quod lucis huius sine perdendum est. Surgat iam quæso, quicunq; peccati catena constrictus tenetur, & expergefactus à somno suæ mortis euigilet: recurrat ad confessionem, & agat pœnitentiã, nec erubescat publice pœnitere super immundicijs quas gessit, quia multo melius est reuera hic paruo tẽpore pœnitere, q̃ per tot milia annorũ inferni supplicia sustinere. Si ex toto corde pœnituerit, cito succurret ei redemptor, qui quatrduanũ Lazarũ suscitauit, paratus est ille misericordiæ sinus, & clementer expectat, ut suscipiat pœnitentes. Non enim est de misericordia dei desperandum, quamuis de magnis criminibus, ut scriptum tenemus, quia ipse clamat per prophetam, Quacunq; hora conuersus fuerit peccator ab immundicia sua, om̃es iniquitates eius erunt in obliuione coram me. Et rursus per alium prophetam dicit, Ego sum deus uester qui deleo iniquitates uestras. Et illud euangelistæ, Gaudium erit in cœlo super uno peccatore pœnitentiam agente. Et illud, Nolo mortem peccatoris, sed magis ut cõuertatur & uiuat. Considerate fratres charissimi quã larga est bonitas dei nostri, quã ineffabilis misericordiã eius. Quotidie contemnitur, & quotidie ad pœnitentiam nos inuitat sua benignissima pietate. Fiduciam nobis pia largitio præstat, ne desperemus de cœlesti misericordia, nec tamen absq; fructu nobis pœnitentia ueniam concessam præsumamus. Dñs enim quantum patris pietate indulgens & misericors est, tantum iudicis maiestate seuerus & metuendus. Potest quidem reis dare indulgẽtiã, potest suam reflectere sententiã, potest pœnitenti gratis indulgere, nõ potest nisi iustissime iudicare. Quoniã nõ est apud deum cõmutatio, nec uicissitudinis obumbratio. Equissime enim iudicat, atq; æqualiter secũdum merita uniuscuiusq; pensat, bona scilicet bonis, mala q̃ malis. Ideo fratres reminiscimini quæ gesta uniuscuiusq; pensat, bona scilicet bonis, mala q̃ malis. Ideo fratres reminiscimini quæ gestis, & si uos deliquisse cognoscitis, sine aliqua dilatione ad pœnitentiã medicamenta cõsultate. Audi prophetam admonentem, Nolite, inquit, tardare conuerti ad dñm, nec differatis de die in diem, quia nescitis quid crastino uenturum sit. Mementote semper q̃ ante conspectum omnipotẽtis dei cõuersamini, qui prospicit nõ solum omniũ hominũ facta, sed & cogitationes, sicut Apl̃s ait, Nõ est ulla creatura inuisibilis in cõspectu eius, sed om̃ia nuda & aperta sunt oculis eius. Hæc igitur iugiter cogitãtes, intentissima sollicitudine uos custodite, ultimoq; aduentui uos cum bonis operibus semper præparate. Ecce ut scriptum tenemus, si nis mũdi in promptu est, iam finis mũdi instat, & quod lugendũ est, tãta mala quotidie fiunt, tantæq; tribulationes increbrescũt, ut per hæc etiã mũdus finẽ suũ quodãmodo proclamare uideatur. Ecce om̃ia quæ propheta uaticinauerũt, quæq; prædicauerũt apl̃i, penẽ iam cõpleta sunt, solusq; dies iudicij & horribilis antichristi aduentus adhuc restat. Ecce bellũ super bellũ, tribulatio super tribulationem, fames super famẽ, pestilentia super pestilentia, & gens super gentẽ cõsurgit. Om̃ia quæ dudũ sunt prædicta, ferẽ iã uidemus impleta. Quare ergo sumus lapidei, & ferreũ pectus possidemus, ut p remedio animæ nostræ inter tot mala minime cogitamus? Diu est em̃ q̃ uox diuina minatur, cœlestis dei intendat ultio, & nulla hominũ adhibetur satisfactio: dei proximat ira, & tepide agitur pœnitẽtia. Venturũ prophetæ testatur suppliciũ, & raro ab hominibus implorat auxiliũ. Quapropter dilectissimi moneo, ut iã mundo finiẽte hũana finiat malicia, solius dei toto nisu quærat misericordiã. Nõ uos onera diuitiarũ ad terrã præmat, quia hic om̃ia relinquemus, nec pariter & Christũ uelimus habere & seculũ, sed spreto seculo liberi festinemus ad cœlũ. Reminiscamur q̃ grauiã sũt scelera q̃ cõmisimus, q̃q; dura inferni supplicia quæ timemus, & iuxta q̃litate culpæ mercedimentũ adhibeamus pœnitentiã. Cogitemus q̃ secũdũ Apl̃m, Nihil in hũc mũdũ intulimus, nihilq; ex eo moriẽtes auferre poterimus. Nudi nati sumus, nudi utiq; morituri, qd aut inuentũ est, pculdubio relinquet. Opa tãtũmodo bona si egerimus, ipsa nobiscũ ad cœlos portabimus, imò nos ipsa ad cœlũ portabũt. Tãq; pegrini ergo sola sufficiẽtia cõteti illas diuitias nobis hic acgramus, q̃s nobiscũ ad paradisi patriã feramus. Deũ sup om̃ia diligamus, q̃a reuera impiũ est eũ nõ diligere, cui uicẽ repẽdere nõ possumus, etiã cũ diligam⁹. Quid em̃ nos impij pio dño retribuere poterimus pro oĩbus quæ retribuit nobis: quia nul

Ezech. 18

Esa. 45

Luc. 15

Eccl. 5

Heb. 4

1. Timoth. 6

psal. 115

lis nostris præcedētibz meritis tāta nobis præstitit indignis, ut nos à iugo diræ dñationis c  
eriperet. De sede paternæ maiestatis ad nos descēdit, iniurias in terris pertulit, probra susti  
nuit, mortē indebite subiit, & hæc quidē omnia patienter tulit ut nobis humilitatis & patiē  
Matth. 11 tiæ exempla monstraret. Vnde sequētibz se discipulis dixit, Discite à me, quia mitis sum &  
humilis corde. Oportet igit̃ ut quēadmodū ille pro nobis, ita & nos cūcta aduersa quæ no  
bis pro peccatis nostris eueniūt, æquanimiter toleremus, ut patientiæ fructus in uita æterna  
carpere possimus. Vrgeamus ergo fratres charissimi cursum nostrū dum tēpus habemus,  
odiamus hūc mundū, quē diu possidere nō possumus. Nulla iam nos malorū operū cōta  
gia polluant, sed diuinus nos aspectus à peccatis arceat. Si em̃ homines nostri similes pecca  
tores & ex eodē luto formatos ne nos peccātes inspiciāt erubescimus, quanto magis æternū  
& solū sine peccato deū reuereri & timere debemus, qui nō solū facta, sed etiā cogitationes  
cōsiderat & uidet. Hūc ergo quotidie timeamus, huius reuerentiā nobiscū semper feramus,  
sicq̃ nos spes indulgētiæ erigat ut metus gehēnæ semper affligat. Ante om̃ia & super om̃ia  
Marc. 9 charitatē habeamus, reminiscētes præcepti dñi quo dicitur, Habete in uobis salutē & pacē.  
Ioan. 13 Et illud, Mandatū nouū do uobis ut diligatis inuicē. Et alibi dicitur, Habete charitatē, quod  
Col. 3 est uinculū perfectionis. Et iterū, Estote imitatores dñi sicut filij charissimi, & ambulate in di  
Eph. 5 lectione. Et iterū, Omnis amaritudo & ira & indignatio tollatur à uobis cū omni malicia.  
Ephes. 4 Et sol nō occidat super iracundiā uestrā. Nempe sicut nullū in uulnere ualet medicamentū  
si sit intus ferrū, ita nihil proficit illius oratio in cuius pectore mortiferū uersatur odiū. Ha  
beamus fratres charitatē, quā si habuerimus, omnibus uirtutibus replebimur: si uero chari  
tatē nō habuerimus, quicqd boni habere uidemur totū perdimus. Nec in arrepto bene agē  
Luc. 9 di proposito penitus laseamus, præcipue cū dñs dicat, nullū ponentē manū ad aratrū & re  
spicientē retrorsum, aptū esse regno dei. Respicere aut̃ retrorsum nihil aliud est, q̃ in eo quē  
q̃ pœnitere quod cœperit bonū, & rursus mūdānis delitijs obligari. Deniq̃ à ueniā nulla  
uos malorū uestrorū quātitas reuocet, quia q̃uis grauis sit culpa humana, largior est nihi  
Psal. 129 lominus misericordia diuina. Vnde per psalmistā dicitur, Apud dñm est misericordia, & co  
Psal. 50 piofa apud eū redēptio. Et iterū, Cor contritū & humiliatū deus non despiciet. Hæc uos fra  
tres memoria diebus ac noctibus refoueat, hæc uos præcepta frequēter sollicitēt. Debitū fi  
nem uitæ iam iamq̃ affuturū putemus, nūc emendemus quod nūc deliquimus, ne tūc pœ  
nitere incipiamus quādo nō ualebimus. Erit ibi pœnitētia dolorē habens, sed medicinā nō  
habens. Ibi nullatenus poterit promereri quod petit, qui hic noluerit audire quod dñs ius  
sit. Ideoq̃ charissimi, quantū possumus præceptis dñicis in omnibus obtēperemus, ut mu  
neris præmiū accipiamus. Vnde dū licet hic nos castigemus, hic nobiscū de actibus nostris  
rationē faciamus, ipsi nos iudici nostro accusemus, atq̃ emendationē uitæ nostræ nō ad ex  
tremū differamus, sed quotiēs in peccatis labimur, per pœnitentiā resurgamus, ac totis uiri  
bus uoluptates pessimas carnisq̃ illecebras uincentes, illud omnino præcaueamus, quoniā  
ad mortē properamus, & dū nescimus securiq̃ cōsistimus, repente mors uenit. Ibi ergo festi  
nemus, ubi iam nō timebitur, & ubi uos omnes sancti suscipere & uidere desiderāt, ubi uos  
rex cœlestis Christus & superni ciues angeli expāsis charitatis brachijs expectāt. Ibi, inquā,  
festinemus, ubi sine fine uiuamus, & ubi angelicis agminibus consortes esse poterimus. Ita  
postremo in exilio huius mūdi agamus, ut ad futurū iudiciū cū secūra cōscientia bonis ope  
ribz ornati ueniamus, ibiq̃ gratissimū munus deo animas nostras offeramus, ut per hoc  
ab eo cōmerciū æternitatis beatitudinē accipere & esse cū eo in seculū seculi mereamur. Hæc  
charissimi mādata hactenus quasi lac gustanda porreximus, & ecce modo sub testimonio  
dei & angelorū sanctorū qui nos loquētes audiūt, absoluius debitū nostrum cœlestia uo  
bis præcepta tradētes. Amodo iam uestrū est cogitare, quatenus & admonitio nostra effe  
ctum habeat salutis, & uos uoluntatē dei faciētes ab omni malo custodiat, atq̃ deinde li  
beri ab omni cōtagione peccati ad regna cœlestia tripudiantes peruenire possitis, præstāte  
dño nostro Iesu Christo, qui cum patre & spiritu sancto uiuit & regnat deus in secula secu  
lorū: Amen.



Non uidetur Augustini.



De utilitate ieiunij admonemur aliquid loqui, & deus admonet, & tempus nos admonet. Hæc enim observatio, hæc uirtus animi, hæc fraudatio carnis, & lucrum mentis ab angelis nō exhibetur deo. Ibi enim omnis est copia & sempiterna securitas, & ideo nullus defectus, quia in deum plenus affectus. Ibi panis angelorum, quē panem angelorum ut manducaret homo, factus est homo: hic omnes animæ terrenam carnē portantes, de terra implent uentres: ibi spūs rationales cœlestibus corporibus præsidentes de deo implent mentes. Et hic cibus est, & ibi cibus, sed cibus iste cū reficit deficit, & sic implet alium ut ipse minuatur, ille autem & implet & integer permanet. Hunc cibū nobis esuriendū Christus in dicit dicens, Beati qui esuriūt & sitiunt iusticiā, quoniam ipsi saturabūtur. Pertinet ergo ad hoc Math. 5  
mines hæc uitā mortālē gerentes, esurire ac sitire iusticiā, impleri autē iusticia ad aliā uitā pertinet. Hoc pane, hoc cibo pleni sunt angeli, homines autē dum esuriunt extendunt se, dum se extendunt dilatantur, dum dilatantur capaces fiunt, capaces facti suo tempore replebunt. Quid ergo hic? Nihil inde capiunt qui esuriunt & sitiunt iusticiā? Capiūt planē. Sed aliud est cū quærimus de refectione iter agentium, & aliud cum quærimus de perfectione beatorū apostolorū. Audi esuriētē & sitiētē & utiq; iusticiā, quāta in hac uita capi potest, quāta ge Phil. 3  
ri iusticia. Quis enim nostrū se illi uel cōferre audeat, nedū præferre? Sed quid ait? Nō quia iam acceperim ut iam perfectus sim. Videte quis loquat, uas electionis, & extremū quodāmodo simbriarū uestimenti dñi, sed tamē quod ad fluxū sanguinis sanat tangentē, quia 1. Corin. 15  
credentē: nouissimus enim apostolorum & minimus sicut ipse ait, Ego sum nouissimus apostolorū: & Ego sum minimus apostolorū. Et iterū, Nō sum dignus uocari apostolus, quia persecutus sum ecclesiā dei, sed gratia dei sum quod sum, & gratia eius in me uacua nō fuit, sed plus omībus illis laboraui, nō ego autē, sed gratia dei mecū. Hæc audiēs tu tāq; plenū & D  
perfectū ubi uideris audire. Audisti quid ructet, audi & qd esuriat. Nō quia iā acceperim, aut iam perfectus sim. Ait, Fratres, ego me nō arbitror apprehēdisse: unū autē quæ retro oblitus, in ea quæ ante sunt extentus, secundū intentionē sequor ad palmā supernæ uocationis dei in Christo Iesu. Dicit se nondū esse pfectū quod nondū acceperit, nondū apprehēderit: dicit se extendi, dicit se seq ad palmā supernæ uocationis. In uia est, esurit, impleri uult, satagit, per uenire desiderat, æstuat, nihil illi tam magnæ moræ est, q̄ dissolui & esse cū Christo. Ergo charissimi, quia est terrenus cibus quo carnis infirmitas pascitur, est autē & cœlestis cibus quo pietas mentis impletur, & habet cibus iste terrenus uitā suā, habet & ille suā. Huius cibi uita hominū est, illius cibi uita angelorū est. Fideles homines, discreti, iam corde à turba infidelium suspensū in deum, quibus dicitur, Sursum cor, aliam spem gerentes, & scientes se peregrinari in hoc mundo, mediū quendā locū tenent, nec illis cōparandi sunt qui nihil aliud putant bonū, q̄ delitijs terrenis perfrui, nec illis adhuc supernis habitatoribus cœli, quibus sola carne requirentes, pecoribus cōparantur, longe ab angelis distant & conditione & moribus. Conditione, quia mortales sunt, moribus, quia luxuriosi. Inter illū populū cœli & populum terræ, mediū quodammodo pendebat Ap̄lus. Illuc ibat, hinc se attollebat. Nec cū illis tamē erat adhuc, nam diceret, iam perfectus sum: nec cū istis erat pigris, torpidis, marcidis, somnolentis, nihil aliud esse putantibus, nisi quod uident & quod transit, & quod nati sunt, & quod morituri sunt: nam si cū eis esset nō diceret, sequor ad palmā supernæ uocationis. Gubernare itaq; debemus nostra ieiunia. Nō est hoc, ut dixi, officiū angelicū, nec tamē & illorum hominū officiū est qui uentri seruiūt, medietatis nostræ res est quā uiuimus secreti ab infidelibus & coniungi angelis inhiantes. Nondū peruenimus, sed iam imus: nondū ibi lætamur, sed iam hic suspiramus. Quid ergo nobis prodest abstinere aliquantum à palatu & læticia carnali? Caro in terram cogit, mens sursum tendit: rapitur amore, sed tardatur pondere. De hac re scriptura ita loquitur, Corpus enim quod corrumpitur, aggrauat animam sap. 9

animam, & deprimat terrena inhabitatio sensum multa cogitantem. Si ergo caro in terram uergens onus est animæ, & sarcina prægrauans præuolantem, quantum quisque delectatur superiore uita sua, tantum deponit de terrena sarcina sua. Ecce quod agimus ieiunantes. Non uobis ergo uideatur leuis res aut superflua, ne quisquam forte hoc faciens ecclesiæ cōsuetudine, cogitet apud se & dicat sibi ipsi ut suggerentem intrinsecus audiat tentatorem: quid facis quia ieiunas, defraudas animam tuam, non ei das quod eam delectat, tibi ipsi ingeris pœnam: tuus ipse tortor & cruciator existis. Deo ergo placet, quia te crucias: Ergo crudelis est qui delectatur pœnis suis. Responde huiusmodi tentatori, Excrucio me plane, ut ille parcat, do de me pœnas, ut ille subueniat, ut placeam oculis eius, ut delectem suauitatem eius. Nam & uictima excruciat, ut in aram imponatur. Minus premet mentem meā caro mea. Et tali dissuasori malo seruo uentris responde per hanc similitudinem, & dic: Si iumento forte insideres, si equo uteris qui te gestiando posset præcipitare, nōne ut securus iter ageres, cibaria ferocienti subtraheres, & fame domares quem freno non posses? Caro mea iumentum meum est, iter ago in Hierusalem, plerūque me rapit, & de uia conatur excludere: Via autem mea Christus est. Ita exultantem non cohibebo ieiunio? Si quis hoc sapit, etiam ipso experimento probat quā utiliter ieiunetur. Nunquid enim caro ista quæ nunc domatur semper domabitur? Dum temporaliter fluitat, dum mortalitatis conditione prægrauatur, habet exultationes suas manifestas & periculosas menti nostræ. Caro est enim adhuc corruptibilis, nondum resurrexit. Nam non semper sic erit, nondum habet statum proprium celestis habitudinis. Nondum enim facti sumus æquales angelis dei. Ne ergo arbitretur dilectio uestra, quod inimica sit caro spiritui, quasi alter sit autor carnis, alter sit autor spiritus: multi enim hoc putantes uere rapti ab ipsa carne deuiarunt, & alterum autorem carni, alterum spiritui posuerunt. Utuntur autem quasi testimonio apostolico, quod non intelligunt, Caro concupiscit aduersus spiritum, & spiritus aduersus carnem. Hoc uerū est, sed quare & aliud nō attendis? Nemo enim unquam carnē suam odio habet, sed nutrit & fouet eam, sicut & Christus ecclesiam. In illa prima sententiā quam cōmemorauimus, quasi quædam lucta duorum inimicorum uidetur, carnis & spiritus, quia caro concupiscit aduersus spiritum, & spiritus aduersus carnem: in hac autem, tanquam copulatio coniugalis: Nemo enim unquam carnem suam odio habet, sed nutrit & fouet eam, sicut & Christus ecclesiā. Quid ergo facimus inter has duas sententias? Si contrariæ sunt, quam respuemus, quam tenebimus? Sed non sunt contrariæ. Intendat enim charitas uestra, interim ego ambas accipio, & ambas concordēs quantum potuero, demonstrabo. Tu autem quisquis alium autorem carnis constituis, alium spiritus, de illa quid agis? Nemo enim unquam carnem suam odio habet, sed nutrit & fouet eam, sicut Christus ecclesiam? Vel similitudo non te terret, quia nutrit, inquit, & fouet eam, sicut & Christus ecclesiam? Compedem putas carnem. Quis amat cōpedem suam? Carcerem putas carnem. Quis amat carcerem suum? Nemo enim unquam carnē suam odio habet. Quis non oderit uinculū suum? quis non oderit pœnam suā? & tamen nemo unquam carnem suam odio habet, sed nutrit & fouet eam, sicut & Christus ecclesiam. Tu ergo qui alium autorem ponis carni, alium autorem spiritui ponis, alium positurus es ecclesiæ, alium Christo. Quod qui sapit, desipit. Diligit ergo unusquisque carnem suam, Apostolus dicit, & præter apostoli dictum unusquisque in se probet. Quantūlibet enim sis domator carnis, quantalibet in eam seueritate accendaris, nescio utrum non claudes oculum, si aliquis ictus immineat. Est ergo quasi quoddam coniugium spiritus & carnis. Vnde ergo caro concupiscit aduersus spiritum, & spiritus aduersus carnem? Vnde ista pœna, quæ ducta est de mortis propagine? Vnde dictū est, Omnes in Adam moriuntur? Et unde dicit Apostolus, Fuimus aliquādo & nos natura filij iræ sicut & ceteri? Accepit enim ille uindictā mortis, de quo nati sumus, & trahimus quod uincamus. Et ideo concupiscimus aduersus carnem, ut nobis domitam carnē subiiciamus, & eam ad obediendū attrahamus. Nūquid ergo odimus, quem nobis cupimus obedire? Dat unusquisque & in domo sua plerūque disciplinam

Gal. 5  
Eph. 5

1. Cor. 15

Eph. 2



C nam coniugi suæ, & eam subiugat renitentem, non persequitur inimicantem. Filium tuum domas ut tibi obediat, nunquid odisti, nunquid deputas inimicum? Seruum postremo tuum diligis & castigas, & in castigando obedientem facis. Habes de hac re ipsius Apostoli mani festam, plenamque sententiam: Non sic curro, inquit, tanquam in incertum, non sic pugillor quasi 1. Cor. 9  
 aërem cædens, sed castigo corpus meum, & in seruitutem redigo, ne forte alijs prædicans, ipse reprobus inueniar. Habet ergo caro ex conditione mortali quasi quosdam terrenos appetitus suos, in hos tibi ius freni concessum est: regat te præpositus, ut possit à te regi subiectus. Infra te est caro tua, supra te est deus tuus. Cum uis ut seruiat tibi caro tua, admoneris quomodo te oporteat seruire deo tuo. Attendis quod sub te est, attende & quod supra te est. Le ges in inferiorem non habes nisi à superiore. Seruus es, seruum habes, sed dominus duos ser uos habet. Seruus tuus plus est in potestate domini tui, quam in tua. Itaque uis tibi obediri à carne, nunquid in omnibus potest, in omnibus obtemperat domino tuo? Non in omni bus obtèperat tibi. Quomodo inquis? Ambulas, pedes moues, sequitur: sed nunquid quan tum uis ibit tecum? Animatur à te, nunquid quædiu uis? nunquid quando uis, doles? quando uis, sanus es? Exercet enim te plerumque dominus tuus per seruum tuum, ut quia fuisti domini contemptor, merearis emendari per seruum. Sed ad te quid pertinet, delectationem carnis non relaxare usque ad illicita aliquantum, & à licitis refrenare? Qui enim à nullis refrenat licitis, uicinus est & illicitis. Proinde fratres, licitum est coniugium, illicitum est adulterium, & ta men temperantes uiri, ut longe sint ab illicito adulterio, refrenant se & aliquantum à licito coniugio. Licitum est satietas, illicitum est ebriositas, tamen modesti homines ut longe se faciunt à turpitudine ebrietatis, castigant se aliquantum & à libertate satietatis. Ita ergo agamus fratres, temperemus: & quod facimus, sciamus quare faciamus. Cessando à laticia carnis, ac quiritur laticia mentis. Proinde finis nobis ieiuniorum nostrorum ad iter nostrum, quid sit ipsum iter, & quò tendamus, hoc considerandum est. Namque & Pagani ieiunant aliquando, & nec regionem quò tendimus, norunt: & Iudæi ieiunant aliquando, & uiam in qua ambu lamus, non apprehenderunt. Tale est hoc, ac si aliquis equum domet, in quo erret. Ieiunant hæretici, uideo quales eant: interrogo, quò eant, ieiunatis ut cui placeatis? Deo, inquit. Mu nus putatis accipit? Sed prius uide quid dicit, Relinque munus, & uade prius recòciliare fra tri tuo. Nunquid membra tua recte domas, qui Christi membra dilanias? Auditur, in Math. 5  
 quit, in clamore uox uestra, & eos qui sub iugo uestro sunt, stimulas & cæditis pugnis. Non tale ieiunium elegi, dicit dominus. Improbaretur ergo ieiunium tuum, si immoderatus se uerus existeres in seruum tuum: approbabitur ieiunium tuum, cum non agnoscis fratrem tuum? Non ego quæro à quo cibo abstineas, sed quæ cibum diligas. Dic mihi quæ cibum diligas, ut approbem quòd ab isto cibo te abstineas. Diligis iusticiam? Forte inquis, diligo. Appareat ergo iusticia tua: Puto enim iustum esse ut maiori seruias, quo tibi minor obtemperet. De carne enim loquebamur, quæ minor est quam spiritus, & quæ domanda ac moderanda subiecta est. Agis cum ea ut obtemperet tibi, & subtrahis ei cibum, quæ ames subiectam tibi: agnosce maiorem, agnosce superiorem, ut tibi recte cedat inferior. Quid si caro tua obedit tibi, & tu non obedis deo tuo? Nonne ab ipsa damnaris, cum tibi obtèperat? Nonne obtemperando ti bi contra te dicit testimonium? Et cui, inquit, maiori obtemperem? Ecce Christus loquitur iu sticia. Amatorem te dixerat. Mandatum nouum do uobis, ut uos inuicem diligatis. Audi ergo Ioan. 13  
 dominum tuum mandatum dantem, ut nos inuicem diligamus. Cum ex nobis omnibus tanquam membris corpus sibi faciat, quod corpus habeat unum caput ipsum dominum & saluatorem, tu contra diuellis te à membris Christi, non amas unitatem. Non hoc expauesceres in membris tuis, si distor tuum digitum haberes, non ad correctorem digiti tui medicum curres? Certe tunc se habet bene cor pus tuum, quando sibi còcordant membra tua: tunc diceris sanus, tunc bene uales. Si autem aliquid in tuo corpore dissentiat ab alijs partibus, quæris qui emedet: cur ergo non quæris emedari, ut còpagini membrorum Christi reuoceris, & cògruas in ipso corpore & tuo? Certe uilius es sunt cæteris membris capilli tui. Quid uilius in corpore tuo capillis tuis? Quid con temptius

tēptius, quid abiectius? Et tamen si male te tondeat, irasceris tonfori, quia in capillis tuis nō  
 seruat æqualitatem, & tu in membris Christi non tenes unitatem. Quid sunt ergo, aut cui  
 rei profunt ieiunia tua? Indignum deum cui putas, cui ab omnibus qui in eum credunt in  
 unitate seruiatur, & tamen uis in membris tuis, in corpore tuo, in capillis tuis unitatem ser-  
 uari. Loquuntur uiscera tua, membra tua contra te dicunt uerum testimonium, & tu falsum  
 contra membra Christi. Discreuisti te à ieiunio Paganorum. Hoc putas, & ideo securus tibi  
 uideris. Ego enim, inquis, Christo ieiuno, illi autem idolis & dæmonijs. Accipio quod dicis,  
 & reuera non nego, discretum est. Sed ecce quemadmodum contra te paulo ante me cōme-  
 morante, dicebant testimonium membra tua, ut admonerem te qualis esse debeas cū mem-  
 bris Christi dei tui & ipsi Pagani, à quibus separas ieiunium tuū, admoneant te aliquid de  
 unitate Christi tui. Ecce illi multos deos falsos non diuisi colunt, nunquid nos unum uerū  
 ideo inuenimus, ut sub uno in unitate non simus? Multos illi & falsos, nos unum & uerum:  
 & illi sub multis falsis non habent diuisionem, nos sub uno uero non tenemus unitatem.  
 Non doles, non gemis, non erubescis? Aliud addo. Non solum multos deos falsos Pagani  
 colunt, sed plerique sibi contrarios & inimicos. Verbi gratia cōmemoremus aliqua ipsorū,  
 si cuncta non possumus. Hercules & Iuno inimici fuerunt, homines enim fuerunt, priui-  
 gnus ille, sibiuerca illa, utriq; eorum Pagani templa fecerunt, & Iunoni & Herculi. Adorant  
 illum, adorant illam, pariter eunt ad Iunonem, pariter ad Herculem. Illis sibi iratis, cōcordes  
 sunt. Vulcanus & Mars inimici sunt, & iustam causam habet Vulcanus, sed da iudicem qui  
 audiat. Odit enim miser uxoris adulterium, nec tamē audet cultores suos à Martis templo  
 prohibere. Simul adorant & illū & illū. Si imitantur deos suos, litigant, & ipsi eunt de tēplo  
 Martis ad templum Vulcani. Magna indignitas: nec tamē timent ne sibi irascatur maritus  
 q̄ ad eum uenitur de templo Vulcani adulteri. Habent cor, sciunt lapidem sentire non pos-  
 se. Ecce colentes multos, falsos, diuersos, aduersos, tenent tamē in eis colendis qualem cūq;  
 unitatem. Ecce dicunt contra te testimonium & ipsi Pagani, à quibus tua ieiunia separasti.  
 Veni ergo ad unitatem frater: Vnum deum colimus, nunq̄ patrem & filium uidimus liti-  
 gantes. Nec mihi Pagani succenseant q̄ hæc dixi de dijs eorum. Quare enim irascantur uer-  
 bis meis, & non potius litteris suis? Illas prius si possunt, imò si uolunt, deleant. Non eis do-  
 cendis grāmatici uela suspendant. Irascitur mihi, quia ego dico, qui dat mercedem ut filius  
 ipsius discat. Ergo charissimi, illi quidem tales deos habent, uel potius habuerunt. Quia em̄  
 ipsi eos deserere noluerunt, ab eis deserti sunt. Et multi deseruerūt eos, & adhuc deserūt eos,  
 derijciunt templa eorum in cordibus suis: sed gaudemus de illis, quia ueniunt ad unitatem,  
 non ad diuisionem. Non inueniat Paganus occasionē qua nolit esse Christianus. Concor-  
 demus fratres colentes unum deū, ut & illos deserere multos deos exhortemur quodāmo-  
 do nostra cōcordia, ut ad pacem & ad unitatē ueniant colendi unū deū. Et si forte fastidiūt,  
 & hinc nobis calumniantur, q̄ unitatem inter nos Christiani nō habemus, & inde sunt tar-  
 di & pigri ne ueniant ad salutem, alloquar & ipsos paululum, & dicam, quod eis dicatis: nō  
 præferant nobis quasi concordiam suam, non sibi tanq̄ de unitate sua placeant. Hostem  
 quippe quē patimur, illi nō patiūtur: illos, & non ista agentes ipse possidet. Videt eos ado-  
 ratores falsorum deorū, uidet eos seruos, & seruos dæmoniorum. Quid illi lucri est, quia li-  
 tigant: aut quid damni est, quia non litigant? Et unum q̄uis falsum & uanum sentientes, si  
 bīq; consentientes, sic eos possidet. At uero cum desereretur, & multi ad unum deū concur-  
 rerent, eius sacrilega sacramenta desererent, templa euerterent, idola frangerēt, sacrificia p̄-  
 hiberent, uidit se perdidisse quos tenebat, uidit à sua familia recessisse, uerum deum cogno-  
 uisse, quid faceret, quomodo insidiaretur? Concordes nos scit q̄ possidere nō possit, unum  
 deum nobis diuidere non potest, falsos deos nobis supponere nō potest, sentit esse uitam  
 nostram charitatem, mortem nostram dissensionem, lites immisit inter Christianos, quia  
 multos deos non potuit fabricare Christianis, sectas multiplicauit, errores seminauit, hære-  
 ses instituit, sed quicqd fecit, de palea dñica fecit. Ecce securitas nobis est, licet illo sæuiente,  
 licet



A licet illo insidiare, & dissensiones varias inter Christianos seminare, si deum nostrum agnoscamus, si concorditer teneamus, si fidem seruemus, securi sumus fratres. Frumentum de area, aut non recedit, aut redit, aliquid palearum aufert uento tentationis, unde nobis faciat non uiam perditionis, sed opus exercitationis. Quantam uero paleam non tollit foras, & ipsa tamen in ultimo uentilanda est, & non ita tota palea, nisi in ignem. Satagere ergo debemus, fratres mei, cum tempus est, quantis possumus uiribus, quanta possumus intentione, ut si fieri potest, & palea redeat dum frumenta non pereant. Dilectio nostra hic probatur, magnum opus uitae uestrae proponitur. Non nos inueniremus quantum fratres diligamus, si nemo periclitaretur: non appareret quanta esset dilectio inquisitionis, si nihil teneret abyssus perditionis. Laboremus fratres, non cessemus, omni opere, omni sudore, affectu pio ad deum, ad illos inter nos, ne illorum ueterem litem sopire uolentes, inter nos nouas rixas faciamus, & ante omnia cauti simus inter nos ipsos tenere firmissimam dilectionem. Illi gelauerunt in iniquitatibus suis: quomodo in eis tu solues glaciem iniquitatis, si non ardes flamma charitatis? Nec curemus quod eis molesti uideamur compellendo, attendamus quo in eo securi sumus: nunquid enim ad mortem, & non potius a morte? Omnino quibuscumque modis possumus, sed modeste uetusta uulnera pertractemus, & cauti simus, ne inter manus medici deficiat, qui curatur. Quid itaque curandum nobis est, quia plorat puer qui ad scholam ducitur? Cogitandum nobis est, quia repellit manus medici qui secatur. Piscatores fuerunt apostoli, & dominus dixit eis, Faciam uos piscatores hominum. Per prophetam autem dicitur, quod deus prius mo piscatores erat missurus, postea uenatores. Primo piscatores misit, postea uenatores mittit. Quare piscatores, quare uenatores? De abyssu & profundo maris superstitionis idolorum credentes, piscati sunt retibus fidei. Venatores autem quod missi sunt, cum illi uarentur per montes & colles, id est, per superbias hominum, per tumores terrarum. Mons unus, Donatus, & alius mons, Arrius: alter mons, Fotinus, alter mons, Nouatus: per istos montes errabant, uenatoribus indigebat error ipsorum. Ideo & distributa sunt officia piscatorum & uenatorum, ne forte isti dicant nobis, Quare apostoli neminem coegerunt, neminem impulerunt? Quia piscator est, retia mittit in mare, quod incurrerit, trahit. Venator autem syluas cingit, sentes excutit, terroribus undique multiplicatis cogit in retia. Ne hac eat, ne ille lac eat: inde occurre, inde cede, inde terre, non exeat, non effugiat. Sed retia nostra uita est, tantum dilectio conseruetur. Nec attendas quod illi sis molestus, sed quam tibi ille sit dilectus. Qualis est pietas si parcis, & moritur? Fratres, hanc etiam considerate comparisonem & similitudinem, una enim res multas similitudines habere potest, ea conditione, Nascuntur homines ut uelit sibi omnis homo a filiis suis succedi, & nemo est, qui non hunc ordinem in domo sua uel optet uel speret, ut generatores filiorum cedant, & generati succedant: tamen si pater senex aegrotet, non dico si filius cui assit pater, quem quaerit heredem, quem cupit successorem, quem propterea genuit, ut illo mortuo ipse uiuat, non hoc dico: si pater aegrotet senex, ita uel iam uicinus morti, iam naturae ordinem petens, iam ultra quod speret, non habens: tantum si aegrotet, & assit illi pie filius eius, & uideat eum medicus lethali & noxio somno premium, patiens est in senem moriturum propter ipsos paucos dies, quibus hic potest uiuere: stat filius, & adest patri sollicitus, & cum audierit medicum dicentem, iste homo lethargicus potest esse, & inde mori, si permittatur dormire, si uultis eum uiuere non dormiat. Illum somnus ille noxius premit, qui & noxius est, & dulcis est. Filius autem eius admonitus a medico, stat sollicitus patri, molestus pulsat, & si pulsatio eius uincitur, uellicat, & si uellicatio nihil agit, pungit. Certe molestus est patri, & esset impius, nisi molestus esset. At ille quem delectet mori, molestum sibi filium tristi aspectu & uoce reuerberat. Quiesce mihi, quid mihi molestus es? Sed medicus ait, Quia si dormieris, morieris. Et illa uita utriusque temporalis est, dicit, mori uolo, & puer impius est, si non dicat, ego nolo. Et illa uita utriusque temporalis est, nec ille in ea perpetuus erit, cui filius est molestus ut excitet: nec ille qui abeunti patri & decedenti succedit, ambo per eam transiunt, ambo per illam temporaliter transuolant, & tamen

men impij sunt, nisi ad ipsam sibi temporalem etiam cum inuicem molesti sunt, consulant. Ergo ne uideo fratrem meum somno noxiæ cōsuetudinis premi, & non excito, dum timeo molestus esse dormienti atq; pereunti? Absit à me ut hoc facerem, nec si illo uiuo nostra angustaretur hæreditas. Nunc uero cum illud quod accepturi sumus diuidi non possit, cum possessore multiplicato angustari non possit, non eum erigam uel molestus ut uigilet, & carens somno uetustissimi erroris mecum in hæreditate gaudeat unitatis? Prorsus faciam, si uigilo faciam, si non facio, & ego dormio. Charissimi, dominus interpellatus est à quodam cum turbis loqueretur, & ait illi, Domine dic fratri meo ut diuidat mecum hæreditatem. Et dominus, Dic homo, quis me constituit diuiforem hæreditatis inter uos? Non utiq; dignabatur cōpescere cupiditatem, sed nolebat fieri iudex ad diuisionem. Nos autem charissimi, non eum rerū talium iudicem requiramus, quia nec talis est hæreditas nostra: pura fronte, bona consciētia interpellemus domino nostro, & dicat ei unusquisq; nostrum, Domine dic fratri meo nō ut diuidat, sed ut teneat mecum hæreditatem. Quid enim uis diuidere fratres? Quod enim dimisit nobis dominus, non potest diuidi. Aurum est enim, ut statheram diuisionis proferat, argentum est, pecunia est, mancipia sunt, pecora sunt, arbores sunt, agri sunt. Omnia enim ista diuidi possunt. Non potest diuidi, Pacem meam do uobis, pacem meam dimitto uobis. Postremo in ipsis etiam terrenis hæreditatibus diuisio minorem facit: constitue duos fratres sub uno patre, quicquid possidet pater, amborum est, totum illius, totum & illius. Proinde si de rebus suis interrogentur, sic respondet, Cuius est, uerbi gratia, equus ille? Et si uni eorum dixeris, noster est. Cuius ille fundus, ille seruus? In omnibus respondet, noster est. Si autem diuidant, iam aliud respondetur. Cuius equus ille? meus: cuius iste, fratris mei. Ecce qd tibi fecit diuisio: nō unū acquisisti, sed unū perdidisti. Si ergo & talem hæreditatem haberemus quæ diuidi posset, diuidere tamen nō deberemus, ne nostras diuitias minueremus. Et certe nihil tam importunum filijs, q̃ uiuo patre uelle diuidere. Deniq; si hoc facere moliantur, si litibus & contentionibus studeant ad uendicandas sibi quisq; partes suas, exclamat senex, Quid facitis adhuc uiuo? expectate paululū mortem meam, tunc secate domum meam. Nos autem deum patrem habemus, quid imus in diuisionem, quid imus in lites? Certe expectemus, si mori potuerit, diuidamus.

Finis.

DE VRBIS EXCIDIO TRACTATVS.  
Incerti auctoris.



Daniel. 9

INTVEAMVR primam lectionē sancti Danielis prophetae, ubi eū audiuius orantem, & mirati sumus, peccata non solū populi sui, sed & sua propria confitentē: nam post ipsam orationem, cuius quidem uerba indicabant eum nō solū deprecatorē, sed etiam confessorē. Post ipsam ergo orationem: cū orarem, inquit, & confiterer peccata mea, & peccata populi mei domino deo meo. Quis ergo est qui se sine peccato esse profiteat, cū Daniel peccata propria cōfiteatur: nā superbo cuidam dictū est per Ezechielē prophetam, Nunquid tu sapientior q̃ Daniel? In tribus itē quibusdā sanctis uiris, per quos tria genera hominū significat deus quæ liberaturus est, quādo magna tribulatio superuentura est generi humano, etiā hunc Danielē posuit & dixit, q̃ nemo inde liberabit nisi Noë, Daniel & Iob. Et quidē manifestū est, q̃ in his tribus nominibus tria quædā, ut dixi, genera hominum significat deus. Iā em̃ tres illi uiri dormierūt, & apd' deū sunt spūs eorū, & corpora eorū in terra fluxerūt: expectāt resurrectionē, & ad dexterā collocationē, nec aliquā in hoc mūdo tribulationē timent, unde se cupiant liberari. Quomodo ergo de illa tribulatione liberabūtur Noë, Daniel, & Iob? Quādo dicebat ista Ezechiel, solus forsitan Daniel in corpore fuit. Itē Noë & Iob olim dormierant, & somno mortis patribus appositi fuerant: quomodo ergo poterāt de imminēte tribulatiōe liberari, iam olim de carne liberati? Sed in Noë significant boni



A boni prepositi, qui regunt & gubernant ecclesiam, quomodo Noë in diluuiio gubernauit ar-  
 cā. In Daniel significantur omnes sancti continentes. In Iob significantur omnes coniugati  
 iusti & bene uiuētes. Hæc enim tria genera hominū de illa tribulatione liberat deus. Tamē  
 quantū sit cōmendatus Daniel, ex hoc apparet, q̄ unus ex illis tribus meruit nominari, & ta-  
 men confitetur peccata sua. Daniele ergo confitente peccata sua, cuius superbia non contre-  
 miscat, cuius inflatio non residat, cuius tumor & elatio non cohibeatur? Quis gloriatur ca-  
 stū se habere cor, aut quis gloriē mundū se esse à peccato? Et mirātur homines, & utinam  
 tantū mirarentur, & nō etiam blasphemarent, quādo corrigit deus genus humanū & flagel-  
 lis piæ castigationis exagitat, exercens ante iudiciū disciplinam, & plerūq̄ non eligens quē  
 flagellet, nolens inuenire quem damnet. Flagellat enim simul iustos & iniustos, quan-  
 q̄s iustus, si Daniel propheta peccata confitetur? Lecta est ante dies lectio libri Geneseos,  
 quæ uos, nisi fallor, multū fecit intētos, ubi Abraā dicit domino, utrū si inueniat in ciuitate  
 quinquaginta iustos parcat ciuitati propter eos, an cū ipsis perdat ciuitatē. Respondit ei do-  
 minus, q̄ si inueniant in ciuitate quinquaginta iustos, parcat ciuitati. Deinde Abraā adiecit  
 ad interrogationē, & quæsiuit, utrū si minus fuerint quinq̄, & remaneāt quadraginta qnq̄,  
 similiter parcat. Respōdit deus parcere se propter quadragintaquinq̄. Quid pluribus? Pau-  
 latim interrogādo, & illo ex numero detrahēdo puenit ad decē, & quæsiuit à domino, utrū  
 si decem iustos in ciuitate compererit, perdat eos cū reliquis innumerabilibus malis, an pro-  
 pter decem iustos nō se perdere ciuitatem. Quid ergo dicimus fratres? Occurrit enim quæ-  
 stio nobis ualida & uehemens, præsertim ab hominibus qui scripturis nostris insidiātur, nō  
 qui eas pietate perquirunt, & dicunt, maxime de recēti excidio tantæ urbis, Nō erāt Romæ  
 quinquaginta iusti in tāto numero fidelīū, tanto numero sanctimonialium, continentium,  
 tanto numero seruorū & ancillarū dei, nec quinquaginta iusti inueniri potuerunt, nec qua-  
 draginta, nec triginta, nec uiginti, nec decē? Si autē incredibile est, quare nos deus propter qn-  
 draginta, uel etiā ppter ipsos decē pepcit illi ciuitati? Scriptura nō fallit, si se homo nō fallat.  
 B Cū de iustitia quærit, & deus de iustitia respondet. Iustos quærit ad regulā diuinā, nō ad re-  
 gulam humanam. Cito ergo respondeo, Aut inuenit ibi tot iustos, & pepercit ciuitati, aut si  
 non pepercit ciuitati, nec iustos inuenit. Sed responderetur mihi, manifestum esse quod deus  
 non pepercit ciuitati, Respōdeo & ego, imō mihi non est manifestum: perditio enim ciuita-  
 tis ibi facta non est, sicut in Sodomis facta est. De Sodomis enim quæstio erat, quando  
 deum Abraam interrogauit, Deus autem dixit, Non perdā ciuitatem: non dixit, Non fla-  
 gello ciuitatem. Sodomis non pepercit, Sodomam perdidit, Sodomam penitus igne con-  
 sumpsit, quā ad iudiciū nō distulit, sed in ea exercuit quod alijs malis ad iudiciū reseruauit.  
 Prorsus nullus de Sodomis euasit, nihil hominis relicū est, nihil pecoris, nihil domorū, cū  
 cta omnino ignis absorbuisset. Ecce quomodo deus perdit ciuitatem. Ab urbe autē Roma q̄  
 multi exierunt & redituri sunt, q̄ multi manserunt & euaserunt, q̄ multi in locis sanctis nec  
 tangi potuerunt. Sed capti, inquit, multi ducti sunt. Hæc & Daniel nō ad supplicīū suū,  
 sed ad solacium ceterorū. Sed multi, inquit, occisi sunt: hoc & tot iusti prophetæ à sangui-  
 ne Abel usq̄ ad sanguinem Zachariæ: hoc etiā tot apostoli, hoc etiam dñs prophetarum  
 & apostolorū. Sed multi, inquit, tormentis uarijs excruciatī sunt. Putamus ne quisq̄ tan-  
 tum quantum Iob horrendus nobis? Nunciata sunt strages, facta incēdia, rapinæ, interfe-  
 ctiones, excruciationes hominū. Verū est, multa audiuius, omnia gemuimus, sæpe fleui-  
 mus, uix cōsolati sumus, nō ab uno, nō nego multa nos audisse, multa in illa urbe esse com-  
 missa. Veruntamen fratres mei intēdat charitas uestra quod dico. Audiuius librū sancti,  
 Iob, q̄ perditis rebus, perditis filijs, nec ipsam carnem quæ illi sola remāserat saluam potuit  
 obtinere, sed percussus graui uulnere à capite usq̄ ad pedes sedebat in stercore, putrescens ul-  
 cere, sanie fluens, uermibus scatens, tormentis acerbissimis dolorū cruciatus. Si nobis sic nun-  
 ciaretur uniuersa ciuitas sedere, sedere, inq̄, ciuitas uniuersa, nullo ibi sano, in grauissimo uul-  
 nere, & sic putrescere uermibus uiuus quomodo mortui putruerunt: quod erat grauius, hoc  
 an illud bellum? Puto q̄ mitius in carnem humanā ferrū sauiet q̄ uermes, tolerabilius de-

Gen. 18

uulneribus sanguis erūperet, & de putredine sanguis distillaret. Cadauer corrumpi respicis & horrescis, sed ideo minor pœna q̄ absens anima. At uero in Iob præsens anima quæ sentiret, ligata ne fugeret, sustinuit tamē tribulationē Iob, & deputatū est illi ad magnā iustitiā. Nō ergo quisq̄ attendat quid patiat, sed quid faciat homo. In eo q̄ pateris, potestas tua nō est, in eo q̄ facis, uoluntas tua uel nocens uel innocēs est. Patiebat Iob, stabat mulier relicta sola, nō ad consolationē, sed ad temptationē: nō quæ afferret medicinā, sed quæ moueret blasphemiam. Dic aliquid, inquit, in deū, & morere. Videte quēadmodū illi mors beneficiū fuit, & tale beneficium nemo dabat. Sed in his omnibus quæ sancta anima sustinebat, patientia exercebat, fide probabatur, mulier cōfutabatur, diabolus uincebatur. Spectaculū magnū, & in illa fœditate putredinis præclara pulchritudo uirtutis. Vastat latēter inimicus, aperte malū suadet inimica, adiutorium diaboli, non mariti, Eua noua, sed ille non uetus Adam. Dic aliquid in deum & morere. Blasphemando extorque, quod precando non potes impetrare. Locuta es, inquit, tanquam una ex insipientibus mulieribus. Attendite uerba fortis fidelis, attendite uerba foris putrescentis, intus integri. Locuta es, inquit, tanquam una ex insipientibus mulieribus. Si bona percepimus, mala non sustinemus? Pater est, nunquid amandus blandiēs, & respuēdus corripiens? Nōne pater est, & promittens uitā, & imponēs disciplinā? Excidit ne tibi fidelis? Accedēs ad seruitutē, sta in iustitia & timore, & præpara animam tuā ad tētationē: omne quod tibi applicitū fuerit accipe, & in dolore sustine, & in humilitate tua patientiā habe, quoniam in igne probat aurū & argentum, homines uero acceptabiles in camino humiliatiōis. Miser, excidit ne tibi? Quē enim diligit dñs, corripit: flagellat autem omnem filiū quem recipit. Cogita quoslibet cruciatus, extēde animū in quoslibet in hac uita pœnas humanas, cōpara ad gehennā, & leue est omne quod cogitas. Hic tēporalis, ibi æternus est, & qui torquet & qui torquetur. Nunquid adhuc patiunt, qui illo tēpore passi sunt, quo Roma uastata est? Diues aut ille adhuc apud inferos patit, arsit, & ardet, ardebit, uiuet usq̄ ad iudiciū, recipiet carnem nō ad beneficiū sed ad suppliciū. Illas pœnas timeamus, si deum timemus. Quicquid hic passus fuerit homo, si corrigatur, emendatio est: si nec sic corrigatur, duplex damnatio est. Et hic enim luit pœnas tēporales, & ibi experietur æternas. Dico charitati uestræ fratres, martyres certe sanctos laudamus, glorificamus, admiramur, dies eorū pia solennitate celebramus, merita eorū ueneramur, & si possumus, imitamur. Est profecto magna martyrum gloria, sed nescio utrū minor gloria fuit sancto Iob, nec tamē ei dicebatur, Thus pone idolis, sacrificia dijs alienis, nega Christū: dicebatur tamē, blasphemā deū. Nec sic dicebat, ut intelligeret, si blasphemaueris, putredo oīs abscessura sanitasq̄ reditura est, sed si blasphemaueris dicebat, inepta & insulsa mulier, moriēris, & moriēdo tormētis carebis. Quasi uero moriēti blasphemō nō æternus dolor succederet: mulier facta præsentis putredinis horrebat molestiam, æternā flammam minime cogitabat: ferebat ille præsens, ne incideret in futurum, tenebat cor à mala cogitatione, linguā à maledictio, seruabat animæ integritatem in putredine corporis, uidebat quid in futurū euadebat, & ideo quod patiebat, ferebat. Sic sic unusquisq̄ Christianus, quando aliquā afflictionem corporis patitur, gehennas cogitet, & uideat quā leue est quod patitur, non murmuret aduersum deum, non dicat, Deus, quid tibi feci, quare ista patior? Imò dicat, quod dixit ipse Iob quamuis sanctus, Exquisti omnia peccata mea, & ea tāquam in sacculo signasti. Non se ausus est dicere sine peccato qui patiebat, non ut puniretur, sed ut probaretur. Hoc dicat unusquisq̄ cum patitur, Fuerunt Romæ quinquaginta iusti, imò si modum humanum consideres, milia iustorum: si regulam perfectionis, nemo iustorum existit, Quicunq̄ Romæ qui se audeat iustum dicere, à me nō audet: nunquid tu sapientior quā Daniel? Audi ergo illum confitentem peccata sua, an forte cum confitebatur mentiebat? Hinc ergo habet peccatum, quia de suis peccatis deo non mentiebat. Sed aliquando argumentantur homines & dicūt, Debet & homo iustus dicere deo, quia peccator est, quamuis sciat nullum se habere peccatum, tamen dicat deo, habeo peccatum, miror si ista consilij sanitas appellanda est? Quis te facit non habere peccatum, nōne deus qui sanat animam tuam? Si tamen



A tamen non habes peccatū, nam considera, & inuenietis nō peccatum, sed peccata. Tamen si  
 prorsus non habes peccatū, nōne illius beneficiū est, cui dixisti, Ego dixi, dñe miserere mei, Psalm. 40  
 sana animā meā, quoniam peccaui tibi? Si ergo sine peccato est anima tua, sanata est omni-  
 modo anima tua, quare ingratus medico tuo, ut dicas uulnus esse adhuc, ubi omnē sanitatē  
 ille iā perfecit? Si corpus tuū languidum, aut uulneratū medico ostēderes, & rogares ut tibi  
 adhiberet curādī diligentia, atq; ille faceret, sanumq; & incolumem redderet, & tu adhuc di-  
 ceres, nō sum sanus, nōne esses medico ingratus, nōne esses in medicum contumeliosus?  
 Sic & deus sanauit te, & audes dicere, adhuc uuln<sup>9</sup> habeo, nec times ne tibi respōdeat: Ergo  
 ego nihil egi, aut totū quod egi, effudi, nō accipio mercedem, nō mereor uel laudem. Auer  
 tat deus hanc amentia, & hanc argumentationē uanā. Dicat homo, peccator sum, quia pec-  
 cator est: dicat, peccatū habeo, quia peccatum habet. Nō enim si nō habet, sapientior est q̃  
 Daniel? Ergo fratres mei, illā quæstionē aliquando determinem. Si iusti sic appellādi sunt,  
 sicut modo quodā humano iusti appellātur, secundū quādam cōuersationem qua inter ho-  
 mines uiuūt sine quærela, multi tales Romæ, & propter hos pepercit deus, multi euaserunt,  
 sed & eis qui mortui sunt, pepercit deus: Mortui enim in bona uita & uera iustitia, in bona  
 fide, nōne erumnis rerū humanarū caruerunt, & ad diuinū refrigeriū peruenierunt? Mor-  
 tui sunt post tribulationes, quomodo pauper ille ante ianuā diuitis, sed passi sunt famem,  
 passus est & ille, forte minus eos canes linxerunt. Mortui sunt, mortuus est & ille, sed quo fi- Lucæ 16  
 ne audi, Contigit, inquit, mori inopem illum, & afferri ab angelis in sinu Abraam. Vtinam  
 uidere possemus oculis animas sanctorū, qui in illo bello mortui sunt, tunc uideretur quo-  
 modo deus pepercerit ciuitati. Milia enim sanctorū in refrigerio sunt latantiū & dicētium,  
 Deo gratias tibi, quia nos à carnis molestijs & tormēto seruaſti. Gratias tibi, quia iam nec  
 Barbaros, nec diabolū formidamus, nō timemus in terra famem, non timemus grādinem,  
 nō timemus hostem, nō timemus illectatorē, nō timemus oppressorem, sed sumus in terra  
 mortui, apud te nō morituri, dono tuo non merito nostro. Qualis ciuitas est miliū quæ ista  
 B dicit? An putatis ciuitatem in parietibus deputandam? Ciuitas in ciuibus est, non in parie-  
 tibus. Deniq; si diceret deus Sodomitis, fugite, quia incēsurus sum locum istum, nōne ma-  
 gnum meritum eos habere diceremus si fugerent, & flamma de cælo descēdens mœnia pa-  
 rietesq; uastaret? Nōne deus pepercerat ciuitati, quia ciuitas migrauerat, & perniciem illius  
 ignis euaserat? Nōne ante paucos annos iam subtracto imperatore Constantinopoli,  
 quod de eo dicunt nōnulli forsitan qui nouerūt, & sunt in hoc populo qui & illic præsentes  
 fuerunt, uolens deus terrere ciuitatem, & terrendo emendare, terrendo conuertere, terren-  
 do mundare, terrendo mutare, seruo cuidam suo fideli uiro, ut dicitur militari, uenit in reue-  
 latione & dixit ei, ciuitatem uenturo de cælo igne perituram, eumq; admonuit, ut episcopo  
 diceret. Dictum est, non contempsit episcopus, & allocutus est populum, conuersa est ciui-  
 tas in luctum pœnitentiæ, queam admodum quondam illa antiqua Niniue: tamen ne puta-  
 rent homines illum qui dixerat uel fallitate deceptū uel fallaciter decepisse, uenit dies quem  
 deus fuerat comminatus, intentis omnibus, & exitum cum timore magno expectantibus,  
 noctis initio tenebratē iā mundo, uisa est ignea nubes ab oriente, primo parua, deinde pau-  
 latim ut accedebat sup ciuitatē ita crescebat, donec toti urbi ingēs terribiliter immineret: ui-  
 debat horrenda flāma pēdere, nec odor sulphuris deerat, omnes ad ecclesiā confugiebant,  
 nō capiebat multitudinē locus, baptismū extorquebat quisq; à quo poterat. Nō solū in ec-  
 clesia, sed etiā per domos, p uicos ac plateas salus sacramenti exigebat, ut fugeretur ira, nō  
 præsens utiq; sed futura. Attamē post magnā illā tribulationē, ubi exhibuit deus fidē uer-  
 bis suis, & reuelatiōe serui sui cœpit ut creuerat minui nubes, paulatimq; consumpta est, po-  
 pulus securus paululū factus, iterū audiuit omnino esse migrandū, quod ciuitas esset proxi-  
 mo sabbato peritura, migravit cū imperatore tota ciuitas, nemo in domo remansit, nemo  
 domū clausit, longe recedens à mœnibus, & dulcia tecta respiciens, relictis charissimis sedi-  
 bus uoce miserabili ualefecit. Et aliquot milibus tanta illa multitudo progressa, unā tamen

loco fundendis ad deū orationibus cōgregata, magnū fumū subito uidit, & uocē magnam emisit ad deū: tandemq; tranquillitate conspecta, missis qui renunciarēt sollicita, quæ prædicata fuerat hora transacta, & renunciātibus q; salua uniuersa mœnia & tecta consisterēt, omnes cū ingenti gratulatione redierunt. Nemo de domo sua quicq; pdidit patēte, omnis homo sicut dimisit inuenit. Quid dicemus, utrū ista ira dei, an potius misericordia fuit: quis dubitet misericordissimū patrē corrigere uoluisse, terrendo non perdendo punire, quādo nihil hominū, nihil domorum, nihil mœniū tanta impēdens præsētia calamitatis laetit prorsus, sicut solent manus erigi ad feriendū, & cōsternato illo qui feriendus erat miseratione reuocari, ita factum est illi ciuitati. Veruntamē si eo tēpore quo illa derelicta uniuersus populus abscessit, irrueret uastitas loco, totāq; urbē sicut Sodomā nullis saltem ruinis remanentibus perdidisset, quis etiam sic dubitaret quod deus pepercisset illi ciuitati, qua præmonita & territa & discedente atq; migrante locus ille consumeretur: sic minime dubitandū est, perpercisse deū Romanæ etiam ciuitati, quæ ante hostile incēdium in multis ex multa parte mi grauerat. Migrarant qui fugerant, migrarant q; de corpore exierant, multi præsentes utcūq; latuerunt, multi in locis sanctis uiui saluiq; seruati sunt. Manu ergo emendātis dei correpta est potius ciuitas illa q̄ perdita, tanq; seruus sciēs uoluntatē domini sui, & nō faciēs digna, plagis uapulabit multis. Atq; utinā ualeat ad exemplū timoris & malæ cōcupiscentiæ, sities mundū, & appetens perfrui perniciosissimis uoluptatibus, demonstrante domino q̄ sint insanabiles & caduæ omnes seculi uanitates & insanix mēdaces, potius refrenetur q̄ sub flagellis dignissimis aduersum dominū murmuretur: sed unam tribulā sentit area ut stipula concidatur, granū mundetur: unū ignem patitur fornax aurificis, ut palea in cinerem pergat, aurū sordibus careat: sic & unam tribulationē pertulit, in qua uel emendatus liberatus est pius, impius autē dānatus est, siue ab hac uita raptus sit ubi magis pœnas iustissimas lueret, siue hic remāserit ubi dānabilius blasphemaret. Nō ergo nos moueat labor piorū, exercitatio est nō dānatio, nisi forte horremus cū uidemus indigna & grauiā in hac terra ppeti aliquē iustū, & obliuiscimur quæ pertulerit iustus iustorū, sanctusq; sanctorū. Quod passa est uniuersa illa ciuitas, passus est unus. Sed uidete quis unus, rex regū & dominus dominatū, cōprehensus, uinctus, flagellatus, cōtumelijs omnibus agitat, ligno suspensus & fixus, occisus. Appende cū Christo Romā, appende cū Christo totā terram, appende cū Christo cœlū & terrā, nihil creatū cū creatore pēsatur, nullū opus artificis cōparat. Omnia per ipsum facta sunt, & sine ipso factū est nihil, & tamen persequentibus deputatus est nihil. Feramus ergo quod nos deus ferre uoluerit, qui nobis curandis atq; sanandis, quis etiam dolor sit uti lis sicut medicus nouit. Certe scriptū est, Patientia opus perfectū habet: quod autē erit opus patientiæ, si nihil aduersi patiamur? Cur ergo mala temporalia perpeti recusamus, an forte perfici formidamus? Sed planē oremus & gemiscamus ad dominum, ut seruetur erga nos quod Apostolus dicit, Fidelis deus qui non uos sinet tentari supra id quod potestis, sed faciat cum tentatione etiam exitum ut sustinere possimus. Amen.

DE CREATIONE PRIMI HOMINIS TRACTATVS.  
Fragmentū esse uidetur nescio cuius.



Gen. 1

ANTA dignitas humanæ conditionis esse dinoscitur, ut non solū iubētis sermone, ut alia sex dierū opera, sed consilio sanctæ trinitatis & opere maiestatis diuinæ creatus sit homo, ut ex primo conditionis honore intelligeret quantum suo conditori deberet, dum tantū in conditione mox dignitatis priuilegium præstitit ei conditor, ut tanto ardentius amaret conditor, quanto mirabilius se ab eo esse conditū intelligeret. Faciamus, inquit, hominem ad imaginem & similitudinē nostrā. Nec ob hoc solū q; sanctæ trinitatis consilio sit excellēter à conditore cōditus, sed etiam q; ad imaginē & similitudinē ipse creator omnium eum creauit, q; nulli alij ex creaturis donauit. Quæ imago diligentius est in interioris hominis nobilitate cōsiderāda. Primo quidē, ut sicut deus semper ubiq; totus est, omnia uiuificās & gu



A & gubernans, sicut Apostolus confirmat dicens, Quod in eo uiuimus, mouemur & sumus, sic anima in suo corpore ubiq; tota uiget uiuificans illud, mouēs & gubernās: Neq; enim in maioribus suis corporis membris maior, & in minoribus minor, sed in minimis tota est, & in maximis tota. Et hæc est imago unitatis omnipotentis dei, quā anima habet in se, quæ etiā sanctæ trinitatis quandā habet imaginē. Primo in hoc, quia sicut deus est, uiuit & sapit, ita anima secundum suū modū uiuit & sapit. Est q; & anima trinitas in ea qua ad imaginē & similitudinem sui cōditoris perfectæ quidem & summæ trinitatis, quæ est in patre & filio & spiritu sancto cōdita est. Et licet sit illa unius naturæ, tres tamen in se dignitates habet, id est, intellectū, uoluntatē & memoriā. Quod idē licet alijs uerbis in euangelio designatur, cum dicit, Diliges dominū deū tuū ex toto corde tuo, & ex tota anima tua, & ex tota mēte tua, id est, ex toto intellectu tuo, & ex tota uoluntate tua, & ex tota memoria tua. Nam sicut ex patre generatur filius, & ex patre filioq; procedit spiritus sanctus, ita ex intellectu generatur uolūtas, & ex his iterū ambobus procedit memoria, sicut facile à sapiente quolibet intelligi potest. Nec enim anima perfecta potest esse sine his tribus, nec horum triū unum aliquid quantū ad suā beatitudinem pertinet, sine alijs duobus integrū constat. Et sicut deus pater, deus filius, deus spiritus sanctus, nō tamen tres dī, sed unus est deus habens tres personas, ita & anima intellectus, anima uoluntas, anima memoria, nō tamen tres animæ in uno corpore, sed una anima tres dignitates, atq; in his tribus eius imaginem gerit mirabiliter in sua natura noster interior homo, & ex his quasi ex excellentioribus animæ dignitatibus iubemur deum diligere, ut inquantū intelligatur, diligatur: & quantū diligitur semper in memoria habeatur. Nec solū sufficit intellectus de eo, nisi fiat uolūtas in amore, imō nec hæc duo sufficiunt nisi memoria addatur, quia semper in mente intelligentis & diligentis manet, ut sicut nullū potest esse momentū quo præsentem eū non habeat in memoria. Et hæc habeto de imagine. Nunc uero de similitudine aliqua intellige quæ in moribus cernēda est, ut sicut creator deus qui hominē ad similitudinem creauit, charitas est, bonus est, iustus est, patiens & mitis est, mundus & misericors est, & alia uirtutū sacra insignia, quæ de eo legunt: ita homo creatus est ut haberet charitatem, ut bonus esset, iustus, patiens ac mitis, mundus & misericors foret. Quas uirtutes, quanto plus habet in seipso, tanto propinquior est deo, & maiorem sui conditoris similitudinē gerit. Si uero, quod absit, aliquis per deuiā uiciorū & diuertia criminū ab hac nobilissima sui conditoris similitudine aberrat, tunc fiet de eo q; scriptū est, Homo cum in honore esset, nō intellexit, &c. Quis maior honor poterat homini esse q; ut ad similitudinem sui cōditoris cōcreetur, & eisdem uirtutū uestimentis ornaretur, quibus & conditor? De quo legitur, Dominus regnauit, decorē indutus est, id est, omni splendore uirtutum & totius bonitatis decore indutus. Vel quod maius potest esse homini dedecus, aut infeliciores miseria, q; ut hac similitudinis gloria sui conditoris amissa, ad informem & irrationabilem brutorū iumentorūq; delabatur similitudinem? Quapropter quisq; diligentius attendat primæ suæ cōditionis excellentiā, & uenerandā sanctæ trinitatis in seipso imaginem agnoscat, honoremq; similitudinis diuinæ, ad quā creatus est nobilitate morū, exercitio uirtutū habere cōtendat, ut quando apparuerit qualis sit, tunc similis illi appareat, qui se mirabiliter ad suā similitudinē in primo Adam cōdidit, mirabilis in secūdo reformauit,

DE ARBORE SCIENTIÆ BONI ET MALI TRACTATVS.

Non est Augustini.

EGIMVS in Genesi dixisse dominū ad Adam, Ex omni ligno qd' est in paradiso edite, de ligno autem dinoscētiæ boni & mali, quod est in medio paradisi, non edatis, qua die autem ederitis, morte moriemini. Multos scimus, fratres charissimi, de hac arbore quæstiones uanas mouisse, qui dicant Adam nō uoluntate peccasse, quia in illa arbore fuit dinoscētia boni & mali: & dū hominis culpā excusare nitunt', sic deo cōditori iniuriā faciūt: quibus ratio reddēda est, ne diutius quæstiones malas



malas moueant, aut usq; adhuc in errore taliter sentiendo lateant, sed si uolunt nosse taceant & audiant, ne stulta loquendo, deo conuitium faciant. Vna arbor fuit in medio paradisi, explorans hominis uoluntatem: in ea uita pendeat, in ea & mors transgressionem latebat: *Gen. 2* in ea apparuit transgressio, in qua firmata fuerat legis præceptio. Dixit deus, Ex omni ligno quod est in paradiso edite, de illa uero arbore quæ est in medio paradisi non edatis, ne morte moriamini. In hoc uerbo lex erat à deo posita homini, in ea fuit præmium constitutum cum interminatione sententiæ. Deus dixit, Si gustaueritis, morte moriemini. Et diabolus dixit, Nō morte moriemini. Et stetit homo inter deum factorem, & diabolum deceptorem. Deus mortem minatus est, si arboris fructus tågatur: diabolus deos futuros esse eos promittebat si arbor illa uioletur: & appetita est uenenosa dulcedo, & contempta est salubritas perpetuæ uitæ. Sed dicit aliquis calumniator, Vides quia in illa arbore fuit mors? Respondeamus uanæ quæstioni: non fuit planè in eadem arbore facta, sed inuenta per hominem. Hæc probatio fuit hominis, non deceptio salutaris. Nam si deus hominem nō amaret, nec & fecisset, nec & antea præmoneret si mortificare uoluisset: quod si antea non præmoneret, nō erat misericordia sed impietas, nec iustitia sed iniustitia, ut ipse misericorditer fecisset. In iusta hæc impietas nec in homine esse debet, quātomagis nec in deo fuisse credenda est, qui fons pietatis & bonitatis est. Quis hominū, fratres mei, opus suū perire patiatur, aut fabricam suam ruinæ tradat, aut filium quem genuit in foueam mortis impingat? Si in homine ista crudelitas non est, nec in deo credas fuisse quæ fabricam suam, id est, hominem bene disposuit, & imminenti eius ruinæ destinata præcepto suffulsi ne caderet, sed stare nō potuit, quare? quia audire deū noluit. Quid ergo imputamus deo, si Adam cecidit, qui ut caderet dei præceptum contempsit? Dic mihi, arbor ipsa bona fuit, an mala? Dicturus es mala, mala utiq; de qua homo pomum rapiendo mutatus est in mortem. Ergo arbor fuit mala, an transgressio mandati? Planè arbor, nam si mala non fuisset, Adam non cecidisset. Hæc dicis, non intendens uirtutem scripturarum. Nam sicut scriptum est, In illa arbore fuisse dinoscentiam boni & mali: ita scriptum est, Et uidit deus quæ fecit, & ecce bona ualde. Illud credis quod te in errorem inducat, & hoc nō credis quod te ad salutem perducatur? Vis nosse qui calumniaris, quia arbor illa non fuit mala sed bona: nec in ea facta est à deo mors, sed homo sibi mortem creauit. Dic mihi calumniator, ferrū bonum est an malum? Sine dubio dicturus es, malum. Et quare malum & non bonum, cum omnia quæ deus fecit bona sunt ualde? Quale bonū dicis esse ferrum, unde homines perimuntur? Audi ergo, nō ferrum est malum, sed qui ad facinus utitur ferro, ipse malus est. Nam uis nosse quia bonum est ferrum? Vnus eo utitur ad putandum uineam, & alius ad perpetrandum homicidium, alius se pascit ferro, alius innocentem perimit gladio, unus ferro agrū colit, alius in fauce ferro sanguinem fundit, unus operatur ferro ut uitam sustentet suam, alius autem ferro uitam eripit alienam. Nam & iudex gladium portat ut in reū animaduertat, innocentem absoluat. Adhuc audi si uacat calumniator, Vinum bonum dicis esse an malū? Puto quod bonum dicas esse, non malū, & hoc æquitatis iudicio, non ebrietatis beneficio. Ergo bonum est uinum, ualde bene quod uinum confectus es bonam esse dei creaturam, & ego confiteor bonam esse: quare ergo unus accipit cū sobrietate, alius ad ebrietatem? Nunquid unus, quia debriatur & turpis uidetur, ideo mala dicenda est dei creatura, alius sobrie uiuit, & deum in ipsa sobrietate benedicit? Nam qui inebriatur in foueam cadit, & aliquotiens mortem incurrit. Cibi quos nobis dominus largiri dignatus est, ad utendum non sunt mali, sed boni, & tamen si amplius sumantur, perniciosus est: sed quia in perniciem salutis suæ amplius præsumunt, & quod deus generi humano largitus est, ipsis nociuū est, & quæ dicturus sum penè omnibus nota sunt. Scimus aliquos multo uino & cibo præfocatos, nunquid in uino aut in cibis fuit mors? Absit, sed in temperantia ciborum fecit eos in mortem cadere. Sic & ferrum non ideo dicendum est malum, quia de eo latro facit homicidium, sed ipse malus est, quia eo utitur ad perimendum hominem.





hoc calumniator ineptissime, si tu cum sis homo habens filios, omnes admones, omnibus A  
præceptum das, ut te sequantur & imitentur in omnibus, & si unus eorum cōtempтор exti-  
terit & per malam conuersationem mortem incurrerit, nunquid eius mors tibi imputanda  
est & nō potius ei qui tuā admonitionē contemnendo mortem incurrit? Sic nec deo mors  
Adæ ascribenda est qui eū ante transgressionē ne in mortem incideret monuit. Nam mani-  
festum est monuisse dñm atq; noluisse hominē mori, nec ipsam fecisse mortem. Testificatur  
huic uerbo sapientissimus Salomon dicens, Deus mortē non fecit, nec lætatur in perditione  
uiuorum. Adam dei præceptū neglexit & mortē incidit. Reuera fratres imperatoris sacra ne-  
mo sine periculo sui sanguinis contemnit, sed omnes suscipiūt cū tremore & ueneratione &  
adorant uilissimā chartulam atramento scriptā, & uelut diuinos adorant apices: scripturæ  
diuinæ legūtur, uerba dei tonant, ipse dñs qui admonendo præsens præsentibus loquit &  
non auditur, ac fastidiose homines audiūt, aut quod peius est sedentes fabulis uacāt. Impe-  
rator longe positus de chartula loquitur, & tremitur, & quasi præsens in illa chartula ado-  
ratur: testamentū dñicum recitat ab aliquibus hominibus & cōtemnitur. Ipsum propheta  
clamant, apostoli prædicāt, euāgelia loquūtur, per seipsum hominibus cōfabulatur & non  
Matth. 18 auditur: Audi præsentem dñm & loquentē: Vbi fuerint, inquit, duo uel tres cōgregati in no-  
mine meo, ibi sum in medio eorum. Sed utiq; inquit, calumniosi homines: Deus non de-  
buit permittere hominē ut peccaret. O stulti qui hoc dicūt, nō cōsiderant, quia deus non sta-  
tuam fecit lapideam aut ligneam, sed hominem perfectū condidit sui & liberi arbitrii, ut cō-  
sideraret quid boni appeteret, & quid mali contemneret. Debit timere quod minatus est  
deus, & cōtemnere quod persuaserat diabolus, & proposito sibi immortalī premio ad hoc  
debit habere cor paratū, & creatoris sui seruare præceptū, nō exterminatoris audire consi-  
lium. Nō melius hominē culpo q̃ deū: qui hominē fecit, iniuriā faciat? O stulta & uana  
quæstio. Dicunt homines: Deus non debuit hominem permittere ut peccaret, & non dicūt,  
quia homo male fecit dei præceptum transgrediendo ut peccaret, quia utiq; ipse homo de-  
buit mortem timere & ad interdictā arborem nō accedere. Si quisq; hominem (nolo dicere  
imperator seculi) iudicis præconem cōtempserit, nō rapitur ad supplicium? Dei præceptū con-  
tempnit Adam, & ab aliquibus defendit, quare culpas deū cum tuo iudicio, & non hominē  
sine tuo periculo? Quare incusas artificem qui bene fabricauit, & defendis hominē qui ædi-  
ficio suo adesse noluit, qui diuini præcepti immemor fuit, in uulnus trāsgressionis incurrit?  
O qui Adam defendis & deo iniuriā facis, ad quod te interrogo, responde mihi: Adā bo-  
nus fuit an malus? Dicturus es, bonus. Ut plena sit tua defensio: Si ergo bonus fuit, quare  
unū filiū bonū, & alium latronē genuit? Debit bonos ambos creare. Aut si, ut tu dicis, deo  
faciente peccauit, ambos malos debuit generare. Quare unum innocētem, & aliū effunden-  
tem innocentis sanguinem genuit? Vnus dedicauit martyriū, & alius initiauit parricidium.  
Ergo in quo germanū occidit, reus nō est, quia genitor eius suscepit reatū qui filium creauit,  
ergo Cain inuitus in iugulū fratris gladium fixit. Talem iusticiā tenent qui legi calumniari  
nitūtur, ut geniti sint recti, & horū genitores reatu teneantur obstricti. Ecce Adā qui genuit  
latronem, ecce Cain qui interfecit fratrem, quis ex his duobus reus est, pater qui genuit, aut  
filius qui germanum crudeli morte peremit? Cessit calumniator, tacuit calumniator, q̃uis  
nunq; aliquid uerius dicit qui ueritate calumnias facit. Vbi es calumniator, responde mihi  
pro suscepto tuo, qui de te eras securus, defende quem usq; modo defendebas. Quare cessi-  
sti, quid tacuisti? Ecce pro filij reatu reus tenetur Adā: quare nō dicis, nō est reus? Exurrexit  
qui tacebat, nō taceo, inquit: Respōdeo plane & defendo: Nec filius pro patre, nec pater pro  
Ezech. 18 filio reus est. Anima patris mea est, & anima filij mea est, secundum quod scriptū est: Ani-  
ma quæ peccauerit ipsa puniet. Quasi expectatus est calumniator ille qui dormiebat, ape-  
ruit os suū, cœpit loqui, sed modo tacebat. Dic ergo nec pater pro filio, nec filius pro patre  
reus est: Responde pro suscepto tuo, & ego pro deo meo: Defende Adæ causam & ego dei  
mei iniuriā. Tu dicis non esse iustum ut reus sit Adam pro filio, & ego consentio. Si patrē  
non inuoluit filij reatus ad peccatum, & sicut non est iudicādum pro Cain, sic nec deo quod  
Adam



A Adam peccauit imputemus, sed sic agamus ut ad indulgentiam dei ueniamus.

Finis.

DE PVGNA ANIMAE TRACTATVS INCERTI AVTORIS.



**Q**UOTQVOT spiritu dei aguntur, hi filij sunt dei. Nō sunt filij dei, si nō aguntur spiritu dei: Si autem spiritu dei aguntur pugnent, quia magnū habent adiutorem. Non enim nos deus sic expectat pugnant, quomodo expectat populus uenatores. Populus uenatori fauere potest, periclitantem adiuuare nō potest. Sic ergo & hic caro cōcupiscit aduersus spiritū, spūs autē aduersus carnē. Et quid est, ut non ea quae uultis faciatis? Hic enim periculū est mali intellectoris, sit nunc officium qualiscūq; expositoris, ut nō ea quae uultis faciatis. Attēdite sancti quicūq; pugnat: Præliatibus enim loquor. Intelligunt qui pugnant, nō intelligit qui nō pugnat. Nam qui pugnat, nō dico intelligit me, sed præuenit me, quia uult homo castus ut nulla omnino surgat in mēbris eius cōcupiscentia aduersaria castitati, pacē uult, sed nondum habet. Quādo enim, ad illud uentū fuerit, nisi nulla omnino exurgat cōcupiscentia aduersanda, nullus erit hostis cū quo luctemur, nec expectatur ibi uictoria, quia iam de hoste triumphatur. Audi ipsam uictoriā ipso Apostolo dicente, Oportet corruptibile hoc induere incorruptionē, & mortale hoc induere immortalitatem. Cū autē corruptibile hoc induerit incorruptionē, & mortale hoc induerit immortalitatem, tūc fiet sermo qui scriptus est: Absorpta est mors in uictoria. Audi uoces triumphantium: Vbi est mors cōtentio tua? Vbi est mors aculeus tuus? Percussisti, uulnerasti, deiecisti, sed uulneratus est pro me qui fecit me. O mors, o mors, uulneratus est pro me qui fecit me, & de morte sua uicit te. Et tūc triumphātes dicturi sunt: Vbi est mors cōtentio tua, ubi est mors aculeus tuus? Modo autē quādo caro cōcupiscit aduersus spiritū, & spūs aduersus carnem, cōtentio mortis est, non quod uolumus, facimus. Quare? Quia uolumus, ut nullae sint cōcupiscentiae, sed nō possumus, uelimus, nolimus habemus illas, uelimus, noli mus titillant, blandiuntur, stimulant, infestant. Surgere uolūt, premuntur, nondū extinguuntur quādiu caro cōcupiscit aduersus spiritū, & spūs aduersus carnē. Nunquid hoc etiā cū mortuus fuerit homo? Absit. Deponis carnem, quomodo tecum trahis concupiscentias carnis? Si bene pugnasti, reciperis ad quietem, de qua quiete coronandus es, non damnandus, ut postea perducaris ad regnum. Ergo quādiu hic uiuitur fratres, sic est: sic & qui senuimus in ista militia, minores quidem hostes habemus, sed tñ habemus. Fatigati sunt quodāmodo hostes nostri iam etiā per aetatem, sed tamen etiam fatigati nō cessant qualibuscūq; motibus infestare senectutis quietem. Acrior enim est pugna iuuenū, nouimus eā, transiimus per eam. Caro ergo cōcupiscit aduersus spiritū, & spūs aduersus carnem, ut nō ea quae uultis, faciatis. Quid enim uultis o sancti, o boni præliatores, o fortes milites Christi, quid uultis, ut nō sint omnino cōcupiscentiae malae? Sed nō potestis: Exercete bellū, sperate triumphū. Mōdo enim interim pugnatur, caro cōcupiscit aduersus spiritū, & spūs aduersus carnem, ut nō ea quae uultis faciatis, id est, ut omnino nullae sint cōcupiscentiae carnis: sed facite quod potestis, quod ait ipse Apostolus alio loco quādo cōmemorare iam coeperam, Nō regnet peccatum in uestro mortali corpore ad obediendū desiderijs eius. Ecce quod nolo: Desideria mala surgūt, sed noli obedire. Arma te, sume instrumentū bellorū, praecepta dei, arma tua sunt. Si bene me audis, & quod loquor amabis: Nō, inquit, regnet peccatū in uestro mortali corpore. Quādiu enim portatis mortale corpus, pugnat cōtra uos peccatū, sed nō regnet. Quid est re, nisi nō exhibeatis membra uestra arma iniquitatis peccato? Nihil hoc doctore præclarus. Quid uis iam ut exponā tibi? Fac quod audisti: Nō exhibeas membra tua arma iniquitatis peccato. Dedit tibi deus potestatem per spiritū suū, ut membra tua teneas. Surgit libido fariū tuū cōtra te, tene pedes ne eant ad illicita. Libido si surrexit, tene tu membra, tene manus ab omni scelere, tene oculos ne male attendāt, tene aures ne uerba libidinis libenter audiant, tene totū corpus, tene latera, tene sūma, tene ima. Quid facit libido? Surgere nouit, Zz i uincere

vincere nō nouit. Surgendo assidue sine causa discit & nō surgere. Redeamus ergo ad uerba quæ obscura de Apostolo proposueram & plana esse iam uidebimus. Hoc enim proposueram, quia non dixit Apostolus, Spiritu ambulate & concupiscentias carnis ne habueritis, quia necesse est ut habeamus illas. Quare ergo non dixit, concupiscentias carnis ne feceritis? Quia fecimus eas. Concupiscimus, ipsum concupiscere facere est. Sed ait Apostolus, Iam non ego operor illud, sed quod habitat in me peccatum. Ergo quid tibi cauendum est, hoc sine dubio ne perficias. Surrexit libido, damnabilis surrexit: Suggestit, non audiat: Ardet, non se compescit, & uelles ut non arderet. Et ubi est, ut nō ea quæ uultis faciatis? Noli dare membra, ardeat sine causa & consumit se. In te ergo fiunt ipsæ concupiscentiæ? Fatendum est, fiunt: Ideo dixit, ne perfeceritis, sed non perficiantur. Decreuisti facere, perfecisti. Perfecisti etenim si decernas faciendum esse adulterium, & ideo non facias, quia locus non est inuentus, quia opportunitas nō datur, quia forte illa casta est de qua uideris esse cōmotus, ecce iam ista casta est, & tu adulter es. Quare? Quia tu pfecisti cōcupiscentias. Quid est perfecisti? Id est, in animo tuo faciendū esse adulteriū decreuisti. Iam quod absit si & mēbra fuerint operata, in mortē deuolutus es. Suscitauit Christus mortuam in domo filiam archisynagogi. In domo erat, nondū erat elata: Sic & homo qui flagitium decreuit in corde mortuus est, sed intus latet. Si usq; ad perpetrationē membrorum peruenerit, elatus est foras. Sed & iuuenem filiū uiduæ suscitauit dñs quādo extra portā ciuitatis mortuus efferebatur. Sic ergo audeo quidē dicere: Decreuisti in corde tuo, si reuocaueris ab actu tuo, sanatus eris anteq̃ perperes. Si enim egeris in corde pœnitentiā, quia rem malā & scelestam & flagitiosam damnabilemq; decreueras, ibi ubi mortuus latebas intus, sic intus resurrexisti. Si aut perfeceris, iam foras elatus es, sed habes, qui tibi dicat: Iuuenis tibi dico, surge. Etia si perperasti, & pœniteat te, de proximo redi, noli in sepulchrū uenire. Sed & hic mihi tertius est qui etiā perductus est ad sepulchrū, iam supra se habet pondus molestum, terra premitur: Multū enim exercitatus est in flagitijs: Consuetudine sua nimia prægauratur. Clamat etiā Christus, Lazare prodi foras, homo enim iam pessimæ consuetudinis putet. Merito ibi Christus proclamauit: Nec solum clamauit, sed magna uoce clamauit. Ad Christi enim clamorem etiā tales licet mortui, licet sepulti, licet putentes resurgent: De nullo enim iacente desperandum est sub tali suscitatore.

Finis.

#### TRACTATUS DE ANTICHRISTO.

Non est Augustini.



**D**e Antichristo scire uolentes, primo notabitis quare sic uocatus sit. Ideo scilicet quia Christo in cūctis contrarius erit, & Christo cōtraria faciet. Christus uenit humilis, ille ueniet superbus. Christus uenit humiles erigere, peccatores iustificare: ille cōtra humiles deiciet, peccatores magnificabit, impios exaltabit, semperq; uitia quæ sunt cōtraria uirtutibus, docebit. Legē euāgelicā dissipabit, dæmonū culturam in mūdo renouabit uel reuocabit. Gloriā uanam quærens, omnipotentē deū se nominabit. Hic itaq; antichristus multos habet suæ malignitatis ministros, ex quibus multi in mūdo præcesserūt, qualis fuit Antiochus, Nero, Domitianus. Nos quoq; nostro tēpore antichristos multos nouimus esse. Quicūq; em̃ siue laicus, siue canonicus, siue monachus cōtra iusticiā uiuit, & ordinis sui gloriā impugnat, & quod bonū est blasphematur, antichristus est, minister satanæ. Sed iam de exordio antichristi uideamus: Non aut quod dico, ex proprio sensu fingō uel excogito, in libris diligenter relegendō, hæc omnia scripta inuenio. Sicut ergo auctores nostri dicūt, antichristus ex populo iudæorū nascetur de tribu Dan, secundum prophetā dicentē, Fiat Dan coluber in uia, cerastes in semita. Sicut em̃ serpens in uia sedebat, & in semita erit, ut eos qui per semitā iusticiæ ambulant, feriat, & ueneno suæ maliciæ occidat. Nascetur aut ex copulatione patris & matris sicut alij homines, nō ut aliqui dicūt ex sola uirgine, sed tamen totus in peccato concipietur, in peccato generabitur, & in peccato nascetur. In ipso uero conceptionis initio, diabolus simul introibit in uterum matris eius, & ex uirtute



- A** uirtute diaboli cōfouebitur & contutabitur in uentre matris, & uirtus diaboli semper cum illo erit. Et sicut in matrē dñi nostri spūs sanctus uenit, & eam sua uirtute obumbravit, & diuinitate repleuit, ut de sancto spiritu acciperet, ut quod nasceretur diuinum esset & sanctū: ita quoq; diabolus in matrē antichristi descendet, & totam eam replebit, totam circūdabit, totam tenebit, & totam interius exteriusq; possidebit, ut diabolo per hominem coope-  
rante concipiat & quod natum fuerit totum sit iniquum, totum perditum. Vnde & ille ho-  
mo peccati, filius perditionis appellatur, quia in quantum poterit genus humanū perdet,  
& ipse in nouissimo perdetur. Ecce audistis qualiter nascatur. Audite etiam locum ubi na-  
sci debeat. Nam sicut dominus ac redemptor noster Bethleem sibi prauidit, ut ibi pro no-  
bis humanitatem assumeret & nasci dignaretur, sic diabolus illi homini perduto qui anti-  
christus dicitur locū nouit aptū, unde radix omniū malorū oriri debeat, scilicet ciuitatē Ba-  
byloniæ. In hac enim ciuitate quæ quondā inclyta & gloriosa urbs gentiliū & caput regni  
Persarū erat, antichristus nascet, & in ciuitatibus Bethsaida & Corozaim nutrirī & uersari  
dicit. Quibus ciuitatibus dñs in euāgelio imprecatur dicēs, Vae tibi Bethsaida, uae tibi Coro- Luc. 10  
zaim. Habebit aut antichristus Magos, maleficos, diuinos, incantatores, qui eū diabolo in-  
spirante nutrient & docebūt in omni iniquitate, falsitate & nefaria arte, & maligni spūs erūt  
duces eius & socij semper & comites indiuisi. Deinde Hierosolymā ueniens omēs Christia-  
nos quos ad se nō poterit cōuertere, per uaria tormenta iugulabit & suā sedem in tēplo san-  
cto ponet. Templū etiā sanctū quod Salomon deo ædificauit in statu suo restaurabit, & fi-  
lium dei omnipotētis se esse mentietur. Reges aut & principes primū ad se cōuertet, deinde  
per illos ceteros populos. Loca uero per quæ Christus dñs ambulauit, prius destruet, dein-  
de per uniuersum mundū nuncios & prædicatores suos mittet. Prædicatio aut eius & pote-  
stas tenebit à mari usq; ad mare, ab oriente usq; ad occidentē, ab aquilone usq; ad septen-  
trionē: faciet quoq; signa multa magna mirabilia & inaudita, arbores scilicet subito florere  
& arescere, mare turbari, & subito tranquillari, naturas in diuersas figuras mutari, agitari aë-  
**B** ra uentis & multimodis cōmotionibus, & cætera innumerabilia & stupenda, mortuos in cō- Matth. 24  
spectu hominū suscitari, ita ut in errorē inducātur si fieri potest etiā electi. Nam quādo tan-  
ta ac talia signa uiderint, etiā illi q̄ cœlestes & perfecti dei sunt, dubitabūt, utrū ipse sit Chri-  
stus qui in fine mūdi uenturus est secundū scripturas an nō. Hæc aut omnia miracula omni-  
bus modis falsa erūt per incantationes diabolicas, sed peccatoribus & incredulis uidebūtur  
esse uera. Excitabit uero persecutionē sub omni cœlo super Christianos & omnes electos.  
Eriget itaq; se contra fideles tribus modis, hoc est, terrore, muneribus & miraculis. Dabit  
credentibus in se abundantia auri & argenti. Quos uero nō poterit decipere muneribus, su-  
perabit terrore, & quos terrore nō poterit uincere, signis & miraculis tentabit seducere: quos  
aut nec signis poterit illudere, in cōspectu omniū miserabili morte tentabit necare. Tūc erit  
tribulatio qualis nō fuit ex tēpore quo gentes cœperūt, usq; ad tēpus illud. Tūc qui in agro  
sunt, fugiant in montibus, & qui supra tectū, non descendant in domū ut tollant aliquid ex  
ea. Tūc omnis Christianus qui inuentus fuerit, aut deū negabit, aut siue per ferrum siue per  
ignē fornacis, siue per serpentes, siue per bestias, siue per aliud quodlibet genus tormenti in-  
terire iubebit, si in fide permāserit. Hæc aut tam terribilis & timenda tribulatio, tribus annis  
manebit in toto, & dimidiū. Tūc breuiabūtur dies ppter electos: nā nisi dñs breuiasset dies  
nō fieret salua omnis caro. Tēpus quidē quādo antichristus ueniat, uel quando dies iudicij  
apparere incipiat, Paulus in epistola ad Thessalonicenses dicēs, Rogamus uos per aduen- 2. Thess. 2  
tum domini nostri Iesu Christi, manifestat eo loco ubi ait, Quoniā nisi uenerit discessio pri-  
mū, & reuelatus fuerit homo peccati, filius perditionis & cætera. Scimus em̄ quoniā post re-  
gnū Græcorū, siue etiā post regnū Persarū, ex quibus unū quodq; suo tēpore magna glo-  
ria uiguit, & maxima potētia floruit: ad ultimū quoq; post cætera regna regnū Romano-  
rum cœpit, quod fortissimū omniū regnorū superiorū fuit, & omnia regna terrarū sub do-  
minatione sua habuit, omnesq; populorū nationes Romanis subiacerūt, & eis sub tribu-  
to seruierunt. Inde ergo dicit apostolus Paulus, Antichristum nō antea in mundū esse uen-  
turum

turū, nisi uenerit primū discessio, hoc est, nisi discesserint omnia regna à Romano imperio, A  
 quæ prius subdita erāt. Hoc autē tēpus nondū aduenit, quia licet uideamus Romanū impe-  
 riū ex maxima parte destructū, tamen q̄dīu reges Francorū durauerint, qui Romanū im-  
 periū tenere debent, Romani dignitas ex toto nō peribit, quia in regibus suis stabit. Quidā  
 uero doctores nostri dicūt, q̄d unus ex regibus Francorū Romanū imperiū ex integro tene-  
 bit, qui in nouissimo tēpore erit, & ipse erit maximus, & omniū regū ultimus. Qui postq̄  
 regnū suū feliciter gubernauerit ad ultimū Hierosolymā ueniet, & in monte Oliueti sceptrū  
 & coronā suā deponet. Hic erit finis & cōsummatio Romanorū Christianorumq̄ imperij.  
 Statimq̄ secundū prædictā sententiā apostoli Pauli antichristū dicūt futurū. Et tunc qui-  
 dem reuelabitur homo peccati, antichristus uidelicet: qui licet sit homo, fons tñ erit omniū  
 peccatorū & filius perditionis. Hic est filius diaboli, quia per omnia adimplebit uolūtatem  
 suam, quia plenitudo diabolicæ potestatis & totius mali ingenij corporaliter habitabit in il-  
 lo. In quo erunt omnes thesauri maliciæ & iniquitatis absconditi: Qui aduersatur, id est, cō-  
 trarius est Christo, omnibusq̄ membris eius, & extollitur, id est, in superbiam erigitur sup  
 omne quod dicitur deus, id est, super deos gentiliū, Apollinem, Iouem, Mercuriū, quos pa-  
 gani deos existimāt. Super omnes istos deos extollitur antichristus, quia maiore & fortior  
 rem se faciet illis omnibus. Et nō solū supra illos, sed etiā supra omne quod colitur, id est, su-  
 pra sanctā trinitatē quæ modo sola colenda & adoranda est ab omni creatura. Ita se extol-  
 let, ut in tēplo dei sedeat, ostendēs se tanq̄ sit deus. Nam sicut supra diximus in ciuitate Ba-  
 byloniæ natus, Hierosolymā ueniens, circūcidet se dicēs, Ego sum Christus uobis repromis-  
 sus, qui ad salutē uestram ueni, ut qui dispersi estis cōgregem, & defendam. Tunc confluent  
 ad eū omnes Iudæi æstimantes deū suscipere, sed suscipient diabolu. Siue etiā in tēplo dei  
 sedebit antichristus, id est, in sancta ecclesia, omnes Christianos cupiens martyres, eleuabit  
 & magnificabit, quia in ipso erit caput omniū malorū diabolus, qui est rex sup omēs filios  
 superbix. Subito autē & improuise antichristus ueniet, & totū simul humanū genus, suo er-  
 rore decipiet & perdet. Ante eius exortū, duo p̄phetæ mittētur in mundū, Enoch scilicet &  
 Helias, qui contra impiū antichristū, fideles dei diuinis armis præmunient & instruent eos,  
 & confortabūt & præparabunt electos ad bellū, docentes & prædicantes tribus annis & di-  
 midiū. Filios autē Israël quicūq̄ eo tempore fuerint inuenti, hi duo maximi p̄phetæ & do-  
 ctōres ad fidei gratiā cōuertent, & à pressura tantæ turbinis in parte electorū inseparabiles  
 reddēt. Tūc implebitur quod scriptura dicit, Si fuerit numerus filiorū Israël quasi arena ma-  
 ris, reliquæ saluæ fient. Postq̄ aut per tres annos & dimidiū prædicauerint, mox incipient  
 excandescere antichristi persecutiones, & contra eos primum antichristus sua arma arripiet  
 eosq̄ interficiet, sicut in Apocalypsi dicitur: Et cū finierit, inquit, testamentū suum, bestia de-  
 scendet de abyssō, & faciet aduersus eos bellū, & interficiet illos. Postq̄ ergo isti duo interfe-  
 cti fuerint, inde cæteros fideles persequens, aut martyres gloriosos faciet, aut apostatas red-  
 det. Et quicūq̄ in eū crediderint, signū characteris eius in fronte accipient. Sed quia de prin-  
 cipio eius diximus, quē finē habebit, dicamus. Hic itaq̄ antichristus diaboli filius, totius ma-  
 litix artifex pessimus, cū per tres annos & dimidiū, sicut prædictū est, magna persecutione  
 totū mūdū uexauerit, & oēm populū dei uarijs pœnis cruciauerit, postq̄ Heliam & Enoch  
 interfecerit, & cæteros in fide permanentes, martyrio coronauerit, ad ultimum ueniet ira dei  
 super illū, sicut beatus Paulus scripsit, dicēs, Quē dñs Iesus Christus interficiet spū oris sui.  
 Finis.

DIVI AVRELII AVGVSTINI HIPPONEN. EPISCOPI,

Psalterium quod matri suæ composuit.



OMINE deus omnipotēs, rex æternæ gloriæ, qui eū cognoscis beatū esse uirū  
 qui uiam peccatorum spernit, legemq̄ præceptorum tuorum meditatur die ac  
 nocte, doce me peccatorē tibi cum toto cordis timore & tremore fideliter serui-  
 re, & uocem meam te humiliter inuocantem exaudi, & ita clementissimis auri-  
 bus percipe uerba mea, ut delinquentē me in ira furoris tui nō derelinquas, ne quādo ille in-  
 fidians



C fidiāns antiquissimū hostis, rapiat ut leo animam meam, dum non est qui redimat neque  
 qui saluū faciat. Sed tu domine, cuius nomen admirabile est in cœlo & in terra, ita conuerte  
 inimicum meū retrorsum ut infirmetur & pereat à facie tua. Ne unq̃ irretire ualeat laqueis  
 igneis animā meam, neq̃ sulphur & spiritus procellarū ogglomeret me, sed propter inopis  
 miserā & gemitū pauperū, nūc exurgens respice & exaudi me dñe: Quia consiliū inopis &  
 spes eius es. Fac me ista ingredi sine macula, & operari iusticiā, ut gratia misericordiæ tuæ sit  
 pars hæreditatis meæ. Custodi me ut pupillā oculi, & sub umbra alarū tuarū protege me,  
 quia tu es uirtus mea, firmamentū meum & refugiū meū. Ab occultis meis munda me, & ab  
 alienis parce seruo tuo. Mitte mihi angelū de sancto, & desideriū animæ meæ tribue mihi.  
 Libera me de ore leonis, & deduc me per semitas iusticiæ: Vt possim ascendere in montem  
 sanctū tuū, & stare in loco sancto tuo, innocens manibus & mundo corde. Delicta iuuentu  
 tis meæ, & ignorantias meas ne memineris. Ne perdas cum impijs animā meā, & ne tradas  
 me in animas persequentū me. Sed ita exaudi propitius uocē deprecationis meæ, ut inuo  
 cantē gloriā sancti nominis tui, audias clementer & miserearis mei, & in te dñe sperans non  
 cōfundar in æternū: Sed remitte mihi impietate cordis mei. Fiat misericordia tua super me,  
 quēadmodū spero in te: & ex omnibus angustijs meis eripiens me, dic animæ meæ, salus  
 tua ego sum. Et quia in protectione alarū tuarum spero, da mihi petitionē cordis mei, & in  
 tende in adiutoriū meū domine deus salutis meæ. Notū fac mihi dñe finē meū, & numerū  
 dierū meorum, ut sciam quid desit mihi. Exaudi propitius uocē deprecationis meæ, & educ  
 me de lacu miseriæ, & de luto fecis. Statue supra petram pedes meos, & dirige in semitā re  
 ctam gressus meos. In die mala libera me, ut ingrediar in locū tabernaculi admirabilis do  
 mus dei, quia tu es deus meus & fortitudo mea. Ne declines gressus meos à uia tua, ut dili  
 gam iusticiam & odiam iniquitatem. Esto mihi refugium & uirtus, quia tu es rex magnus  
 super omnem terram. Qui regis omnes in secula, libera animam meam de manu inferi, cum  
 acceperit me. Tu autem cum manifestus fueris ad iudicandum nos, miserere mei secundum  
 magnam misericordiam tuā. Et spiritum sanctum tuum ne auferas à me. Auerte p̃ssime  
 domine in illa hora faciē tuā à peccatis meis, & omnes iniquitates meas dele. Cor mundū  
 crea in me deus, & spiritum rectum innoua in uisceribus meis. Vt sicut oliua fructifera in  
 paradiso dñi mei oleum sanctitatis accipiar, & ibi exultem cum Iacob, & in æternum later  
 cum Israël. Salua me in tuo nomine, tuāq̃ uirtute libera me. Ne despexeris deprecationem  
 meā, sed miserere mei. Mitte de cœlo & libera me, & da in opprobrium cōculcantes me. Cō  
 tere dentes eorū in ore ipsorū, & cōfringe molas leonū. Deus meus es tu, misericordia mea.  
 Saluū me faciat dextera tua & protegar à uelamēto alarum tuarū, cū reddideris singulis sin  
 gula secundū opera ipsorū. Dū sitit in te anima mea, protege me à cōuentu malignātium,  
 cū ad te omnis caro uenerit. Non amoueas misericordiā tuā à me: Et spiritū sanctū tuū ne  
 auferas à me, sed illumina faciē tuā super me. Prosperū iter fac mihi deus salutaris meus, ut  
 nō absorbeat me profundū, neq̃ aperiat super me puteus os suū. Adiutor & liberator me  
 us esto dñe, ne tardaueris. Quoniā in te spero dñe, nō cōfundar in æternū, cū iudicaueris po  
 pulū tuū. Et hi qui se elongant à te peribūt, ne auertat ego humilis factus confusus: Qm̃ iu  
 stus iudex es, humilias & exaltas nimis terribilis, & quis resistet tibi tunc ab ira tua? Tu es  
 deus qui facis mirabilia magna solus. Sicut populum tuū pane aluisti in deserto, & deside  
 rio suo non fraudasti eum: ita me esurientem gratia tua reficiat, & cito præueniat me mise  
 ricordia tua. Et tu mihi tutor panem lachrymarum & amaritudinem compunctionum tri  
 bue in tēpore tribulatiōis: Et da de petra mellis dulcedinē capiam internæ suauitatis. Deus  
 qui inter iustos & peccatores cuncta discernis, qui es solus altissimus super omnes gentes, mi  
 serere mei, & tribue mihi benedictionem, qui legē dedisti. Remitte iniquitatem cordis mei,  
 & dimitte omnia peccata mea, & saluum fac seruum tuū deus meus sperantē in te. Deus qui  
 fundas ecclesiā tuā in montibus sanctis, inclina aurē tuā ad precē meā. Manus ergo tua mi  
 hi auxilietur, ne auertat in humilitate, sed libera me de laqueo uenantium, & à ruina & da  
 monio meridiano. Vt plantatus in domo domini sicut palma floreā, & sicut cedrus, quæ est

in Libano, merear multiplicari in longitudinē dierū. Esto mihi in refugium, & deus meus in auxiliū spei meæ, quoniā tu es deus & rex magnus super omnē terrā. Cū iudicaueris orbem terræ in æquitate & populos in ueritate tua, luce perhenni perfruar cū iustis & rectis corde læticia. Saluet me dextera tua, & brachiū sanctū tuum. Qui sedes super Cherubin, fac me in conspectū tuum cū exultatione, ut perambulem in innocentia cordis mei in medio domus meæ. Non adhæreat mihi cor prauum: Sed sint oculi mei super fideles sanctos tuos, ut se deam cum eis ambulans per uiam immaculatam, cū disperdideris per iudiciū de ciuitate tua omnes qui nunc operantur iniquitatē. Dñe exaudi orationē, & clamor meus ad te perueniat. Nō auertas faciē tuā à me, in quacunq; die tribulor, inclina ad me aurē tuam. Propitius esto omnibus iniquitatibus meis, redimeq; de interitu uitā meā. Satia in bonis desiderīū meū, qui respicis in terrā, & facis eam tremere. Qui eduxisti populū tuū in exultatione, & electos in læticia. Fac me custodire iudiciū & iusticiā in omni tempore. Educ me de tenebris & umbra mortis, ut parato corde cantem, & psalmum dicam tibi. Fac mecū signum propter misericordiam & nomen tuum: Vt in splendoribus sanctorū in consilio iustorū & cōgregatione iusticia mea maneat in seculū seculi, & cornu meū exaltetur in gloria. Vt dum me suscitari iusseris, de terra inopem, & de stercore erexeris pauperem: Benedicam te ex hoc nunc & usq; in seculum, tunc complaceam tibi in regione uiuorum. Dirumpe uincula mea, & confirma me in misericordia tua. Cū in tribulatione inuocauero te dñe, exaudi me in latitudine. Legem pone mihi domine ut uiuam, & uias iusticiæ tuæ exquirā semper. Da mihi intellectū, ut perscruter legem tuam, & custodiam illam de toto corde meo. Erraui sicut ouis quæ perierat, requirēs libera animam meam. Custodi introitum meum & exitum meum, ut in domino tua stantes sint pedes mei in atrijs Hierusalem. Ad te leuaui oculos meos, qui habitas in coelis. Eripe me, animam meam de muscipula uenantium, ut non extendam ad iniquitatem manus meas. Reple gaudio os meum, & linguam meam exultatione. Imple desiderīū meum in bono, & benedic me ex Sion: Vt uideam quæ bona sunt in Hierusalem, longe factus ab omni iniquitate. Fiant aures tuæ intendentes in orationē serui tui dñe. Non sit exaltatū cor meū in superbia, nec elati sint oculi mei: Sed humiliter sentiam donec inueniam locū domino, tabernaculū deo Iacob: Ibi mandasti benedictionē & uitam usq; in seculū. Ibi extollam manus meas in sancta, & benedicam te qui iudicas populū, & in seruis tuis consolans. Deus deorū & dominus dominorū, deflentem me & adorantē ad templū sanctum tuū, proba me & scito cor meum, interroga me, cognosce semitas meas, & deduc me in uiam æterna. Conserua me de manu peccatoris, & ab omnibus iniquis libera me. Dirigat oratio mea sicut incensum in cōspectu tuo domine. Educ de carcere animā meā ad confitendū nomini tuo domine. Exaudi me in tua iusticia, & nō intres in iudiciū cū seruo tuo dñe. Velociter exaudi me domine, ne deficiat spūs meus, quoniā tu es deus misericordia mea, & refugium meum, & susceptor meus. Et quoniā magnus es & laudabilis nimis, & magnitudinis tuæ non est finis: Erige elisum, solue cōpeditum, illumina cæcū, qui ædificas Hierusalem. Cū autē confortaueris seras portarum tuarū, intrinsecus cum filijs tuis copulatus sim. Sicut te laudant angeli, & omnes uirtutes tuæ in regno coelorum: ibi & ego ita exultans cum gloria in choro sanctorum, laudem & glorificem nomē tuum in cymbalis labiorum, quod est sanctum & gloriosum, & regnat semper per infinita secula seculorum. Amen.

Finis,

DIVI AVRELII AVGVSTINI HIPPOEN. EPISCOPI,

Super magnificat, canticum Mariæ, Expositio.



T nouum in carne filij aduentū prædicaret, qui ingressus nouæ salutationis obsequio uirginem Gabriel ueneratur, dicens, Ave gratia plena & cætera. Ecce ancilla domini statim adueniente spiritu sancto in uirginem, omni gratia uirtutum sacro sanctum habitaculum in aduentu dei implente, dum bium non est cœlestium gaudiorum, & æternæ dulcedinis quàm miram atque inenarrabilem suauitatem uirgo ipsa concepit, quando illud æternum lumen cum toto



C toto maiestatis suæ fulgore in eam descendit. Et quæ non capit mundus, totum se intra uiscera  
 uirginis collocauit: Audacter pronuncio, quod nec ipsa plene explicare potuit, quod capere  
 potuit. Sed spiritu sancto docente didicerat sic sua per humilitatem tegere: Surgit mox & con-  
 scendit in montana Iudææ. Vnde Helisabet spū sancto repletur, qualis & quanta esset quæ  
 ad se uenerat agnouit, & quæ se indignam eius uisitatione iudicaret, aperuit dicens: Vnde hoc  
 mihi, ut ueniat mater domini mei ad me? Ecce & cætera. Tūc ait Maria, Magnificat anima  
 mea dñm. Vidisti maiestatem, gustasti suauitatem, ideo quod intus hauseras, foras propi-  
 nasti, & in iusticia eius exultasti. Quia exultauit spūs meus. Anima magnificat, spūs exul-  
 tat. Et iterum, In deo saluari meo. Deus potentiā, salutaris, misericordiam notat. Duo quip-  
 pe sunt quæ angelorū & hominū beati spūs in illo fonte boni æterna cōtemplatione hauri-  
 unt, incōprehensibilis scilicet maiestas dei, & ineffabilis bonitas. Quarū alterū castum timo-  
 rem gerit, alterum dilectionem parit. Pro maiestate uenerantur deū, & pro bonitate amāt;  
 ne uel dilectio sine reuerentia dissoluta sit: uel reuerentia sine dilectione pœnalis. Admiran-  
 tes enim diligunt, & diligentes admirantur, ut inextinguibiliter per admirationem ardeat  
 dilectio, & suauiter in dilectione ferueat admiratio. Nam quia eum quem uident perfecte  
 comprehendere nunquā sufficiunt, in quo quasi per admirationē euigilant: quanto autem  
 perspicacius intuentur, tanto ardentius amāt, quod uera dulcedo est: uera autem dulcedo,  
 quanto perfectius sentitur, tanto desiderabilius appetitur: ad hanc contemplationis lucem  
 Mariæ mens eleuata fuerat, quæ cœlestis patriæ dulcedinem in uerbis expressit quam ines-  
 fabiler comprehendit. Nam cum se magnificare dñm præbuit, reddendam uniueris æter-  
 ni muneris maiestatem, interna uisione contueri se manifeste declarauit. Cū uero se in suo sa-  
 lutari exultari asseruit, gustum se internæ dulcedinis percepisse ostendit. Vnde utrūq; p̄fess-  
 fa est & dñm & saluatorem: ut pro potestate qua omni suæ creaturæ dñatur, iure metuendū  
 ostenderet: pro bonitate uero, quia misericorditer quosdā saluat, dignū dilectione demon-  
 straret: Veritas in dño, & in saluatore misericordia. Veritas em̄ ad dñm pertinet: Misericor-  
 dia autē ad saluatorem. In ueritate seruat tenorē iusticiæ. Quia autē & quædā errantia gratuito  
 ad uitā colligit & reparat ad saluationē, propterea magnificamus dñm & exultamus in salu-  
 tari, quia quibus est reuerenda iudicis iusticia, dulcis est misericordia saluatoris. Propterea,  
 inquit Maria: Magnificat anima mea dñm, & exultauit spiritus meus in deo saluari meo.  
 Vnus & idem spūs, & ad seipsum spiritus dicitur, & ad corpus anima. Spiritus naturalē spi-  
 ritalem habuit admirationē, anima corporalem, quare anima dicitur spūs & ecōuerso. Ideo  
 anima humana, quia & esse in corpore habet & extra corpus, anima uocatur & spūs. Ani-  
 ma dicitur, inquantū est uita corporis, spiritus autē inquantū est substantia spiritalis. In qua  
 uita anima perditur, ut spiritus saluus fiat, cū hac uita despicitur, ut postmodū à deo uita  
 æterna tribuatur. Sed suo nominauit, quia in saluari suo. Omnipotens em̄ deus potestate,  
 qua uniuerse creaturæ suæ dñatur, dñs omniū est: sed pietate qua quosdā tantū, sed nō oēs  
 ad uitā reparat, saluator omniū nō est. Nam dñatio eius ad omnes æqualiter respicit, boni-  
 tas uero ad quosdā tantū. Ergo beata uirgo, quia singulariter se electā uidebat, quia singu-  
 lariter gratiā acceperat, quasi priuilegio quodam electionis diuinæ confirmata, fiducialiter  
 ipsum quē pro salute mūdi filiū cōceperat, suū etiā cū læticia & exultatione saluatorem uocat.  
 Quia respexit humilitatē ancillæ suæ. Hæc est gratia exultationis suæ, quia respexit humili-  
 tatē ancillæ suæ: Ac si dicat, quia de eius gratia exulto, ideo ab ipso est quod exulto. Et quia eius  
 dona propter ipsum diligo, ideo in ipso exulto. Respectus dei tribus modis accipi solet, ui-  
 delicet secundū cognitionem, secundū gratiā, secundū iudiciū. De primo Apostolus, Omnia Heb. 4  
 nuda & aperta sunt oculis eius. Sed per gratiā deus nō omnes respicit, quia oculi dñi sup iu- Psal. 33  
 stos & cætera. De tertio in fine dicitur: Nescio uos. Oculi dñi bonos & malos cōtemplātur. Matih. 7  
 Videre deum per cognitionem, est nihil eorū quæ sunt ignorare. Videre per gratiam, dona  
 misericordiæ impendere. Videre per iudiciū, unūquemq; secundū opera sua, uel ad gloriam,  
 uel ad pœnam destinare. Quid sit respicere. Respicere plus est quam uidere. Respicere per  
 gratiam, est prius abiectos & derelictos uisitare, cum bona placatus per misericordiam  
 subtrahit


subtracta restituit, rursus per respectum gratiæ ad eum se conuertit. Bene ergo Maria  
 solam in humilitatem dñm respexisse testatur, quia diuinitatis propitiationē, quam huma  
 na natura in primis parentibus per superbiam perdidit, in Maria per humilitatē recupera  
 uit. Nam in ea uerbū patris corporis substantiā quā sibi uniret assumpsit, quasi ad eam quā  
 prius abiecerat naturam sublimandam per misericordiā respexit, quia se humilitatis quod  
 erat ancillam cogitauit. Ideo quod nō erat, sublimitatis mater esse meruit, quia humilitatē  
 ostendit seruitutis. Seruitus quatuor modis uariat. Secundū conditionē seruitus, qua omnia  
 diuinæ seruituti debent esse obnoxia, quia opus factori suo, hoc ex conditione sua habet, q  
 eius dispositioni obtemperet & instituta sequatur, ut sicut ab ipso factū est, ita non nisi ab  
 ipso & secundū ipsum incedat. Secundum necessitatē deo seruire dicuntur prauæ uolūtates,  
 quæ cū eius iussionibus contraire nituntur, per ineffabilē tamen eius dispositionē artantur, ut  
 nihil sine eius nutū ad effectū perducere queant. Seruiunt nolentes eius dispositioni, qui uo  
 lentes subiecti non sunt ipsius præcepto. Seruitus cū timore est, quādo diuina præcepta nō  
 ex dilectione implemus, sed ex formidine. Quarta seruitus est, quando uolūtariē eius iussio  
 nibus obtemperamus, qui ipsum q iubet diligimus, nec aliud in nostra seruitute extra ipsum  
 comodū querimus, q̃ ut secundū ipsum ambulantes ad ipsum peruenire ualeamus. Serui  
 tutem secundū conditionē parentes nostri in paradiso cōditori exhibere noluerūt, quādo in  
 superbia elati despexerūt esse sub illo, ad quod fuerāt conditi, & uoluerūt peruersi esse in ma  
 iestate cōsimiles, qui nō erāt in natura æquales. Eua propter superbiam creaturam dei se esse  
 & opus dei nō considerās, deo parificari uoluit: Maria aut suo factori humiliter se subdens  
 ancillam se nominauit. Et idcirco illa abiecta & hæc electa est. Superbam despexit & humi  
 lem respexit: Id quod superba perdidit, humilis recepit. Ideo ait, Respexit humilitatē ancil  
 læ suæ. Sed serui dei aliquando cum etiam humilitatē habent, humiliationē nō habēt, nun  
 q̃ uero humiliationē sine humilitate. Humilitatē sine humiliatione habent, qui licet coram  
 hominibus foris despicabiles nō appareāt, intus tamē humilitatis meritū coram deo inuio  
 latum obseruant. Ergo Maria quæ apud dñm humilis erat, & apud homines propter deū  
 abiecta, in utroq; se esse respectam testatur, quia & eius humilitas apud deum acceptabilis  
 fuit, & eius humiliatio apud homines in gloriā cōmutata. Vnde sequit: Ex hoc beatā me di  
 cent omnes generatiōes. Vsq; ad illud apud homines opprobriū sterilitatis portauerat, quia  
 integritatē uirginitatis thoro maritali præponebat. Sed unde in priori generatione carnali  
 quasi maledictionis sententiā sustinuit, inde nūc ab omni generatione mortali benedictio  
 nem collaudabiliter recepit: quia ab omni generatione pro fructu fecunditatis meæ beata  
 uocor. Quia fecit mihi magna qui potens est, & sanctū nomē eius. Magnū fuit ut uirgo si  
 ne uirili semine filiū cōciperet. Magnū fuit, ut dei patris uerbū carne sua indutū utero gesta  
 ret. Magnū fuit, dū se ancillā confessa esset, ut mater fieret sui plasmatoris. Qui potens est:  
 Quia credi potest eius potentia, potentē confessa est, sed quāta aut qualis cōprehendi nō po  
 test. Confessa est potentiā, discutere non præsumpsit, quia sciri non conuenit quāta est, quia  
 infinita est. Omne quod prauidit se facturū, facit, nec aliquid quod nō prauidit fieri nō du  
 bium, sed fieri necesse est: Maria nō aut in se, aut in me, aut per me fecit magna, sed, inquit,  
 mihi: Quod em̃ in ea ad omniū salutē factū est, hoc priuilegio dilectiōis ad eius gloriā sin  
 gulariter est ordinatū. Et ideo dixit, magna: quia mysteriū incarnatiōis uerbi super omnia cō  
 stat esse ineffabile: Nihil enim unq; maius mirū factū est, q̃ ut deus fieret homo, & natura  
 incōprehensibilis corporis substantiam sibi sic uniret: ut nec minus in ea esset, quia in se erat  
 immensa: nec minor in se extiterit, quia in illa fuit creata. Hæc ergo sunt magna. Et ideo san  
 ctū nomen eius. Quod est nomē eius, fama eius, nomē eius, cognitio eius: fides, nomē eius.  
 Hoc nomē sanctū est, cū sanctis est, cum sanctis gloriatur, à sanctis benedicitur, à peruersis  
 blasphematur. Quia dū uerbū in carne nascitur, gloria dei per uerbū in hominibus declarat.  
 Et misericordia eius à progenie in progenies timētibus eū: Mariā, inquā, fecit, nō tamen sin  
 gulariter, sed uni excellēter: Verū tamen om̃ibus timētibus negatio excluditur. Potentiā fecit  
 in brachio suo, dispersit supbos mēte cordis sui. Hæc illa misericordia quā timētibus se exhi  
 buit



C buit deus: quia uerbum suum per assumptam carnē in hunc mundū misit, ut per ipsum aē-  
 reas potestates potenti uirtute debellaret, & genus humanū ab earū potestate redimeret.  
 Ipsi enim superbi sunt quos despexit, eiciens eos foras à cordibus hominū: atq; spolia eorū  
 dirumpens, per illā quæ prius in hominibus principabatur uirtutē dissipauit: & hoc in bra-  
 chio suo, id est, per humilitatem filij diabolum uicit. Brachium eius filius est: Ipsa infirmi-  
 tas, potentia fuit, quia per illam diabolus est uictus. Et hoc mente cordis sui, id est, profun-  
 do consilio suo dispersit eos. Profundum cōsiliū fuit, ut pro me deus fieret homo, & inno-  
 cens pateretur ut redimeretur nocēs: & in his erat cōsiliū, nec poterat illud diabolus prauī-  
 dere, sed captus hamo Leuiathan. Vel per superbos, Iudæos intelligere possumus, qui hu-  
 milem aduentum Christi superbe cōtempserunt, quos abiecit. Vnde subditur: Deposuit po-  
 tentes de sede, & exaltauit humiles. Potentes, quia filij regni qui uidebātur, abiecit: & gentes  
 per humilem confessionem in consortium regni atq; in filiorum adoptionem assumpsit:  
 ac malignos spūs à cordibus hominum abiecit, & humiles, id est, homines humiliatos exal-  
 tauit. Mens etiā & cordis est uiuax & permanens dispositio æternæ occultæq; prædestina-  
 tionis. Ipse est liber uitæ. Idem est ergo mens quod liber. Tribus modis aliquis in libro scri-  
 bitur, secundū præscientiā, secundū causam, & secundū operationē. Quantū ad primū, præ-  
 destinati sunt scripti, nō delent unq̃, licet ad tēpus, quasi periturus quis à uia uideatur, erra-  
 re permittitur. Secundū causam scripti sunt, qui à uia ueritatis cœpta ad errores declinando  
 recedunt: Tales aut sunt aliquādo, qui digni saluatione existerent, si tales usq; in finem per-  
 manerent. Secundum operationē, quorū opera secundū humanū iudicium talia apparent  
 propter quæ digni uideantur scribi in libro uitæ, qui tamen ea quæ præuidebātur agere bo-  
 na deferunt. Hi secundū præscientiā nunq̃ fuerunt in libro uitæ. Deposuit &c. Prius ange-  
 lum de cœlo, & hominē de paradiso superbitate proiecit: & postea hominē per pœnitentiā  
 humiliandū ad pristinā gloriā præparauit. Sed & quotidie superbos quoq; subtrahendo  
 humiliandū ad pristinā gloriā præparauit. Sed & quotidie superbos quoq; subtrahendo  
 D gratiā suam deponit: & postea eosdem humiliatos, gratiā priorem restaurans, exultat. De  
 quo aut illud est quod sequitur: Esurientes impleuit bonis & diuites dimisit inanes: Esuriē-  
 tes uocat eos qui se uero bono indigere cognoscūt. Diuites eos intelligere uult, qui superbi  
 sunt & se præ alijs in donis gratiarū abundare existimāt. Ergo sicut humiles modica de se  
 sentiendo maiore gratiā merētur accipe, ita superbi de se præsumēdo, etiā ea quæ acceperūt  
 amittūt. Suscepit Israël puerū suū recordatus misericordiæ suæ. Suscepit sicut medicus ægro-  
 tum, Israël puerum suum: id est, humilem & innocentem suscepit, ut sanaret infirmū, & redi-  
 meret captiuum, ut iustificaret impium & saluaret iustum. Suscepit Israël, nō quem inuenit  
 Israël, sed ut faceret Israël. Recordatus misericordiæ suæ, quā olim promisit, sed diu distule-  
 rat. Sicut locutus est ad patres nostros, uel patribus nostris, Abraam & semini eius in secu-  
 la. Misericors in promittendo, uerax in exhibēdo, quia sine debito promisit & sine dolo ex-  
 hibuit: sicut locutus est ad patres nostros Abraā & semini eius in secula. Nota sup illud.  
 Exultauit spiritus meus in deo salutari meo. Quidā neq; à deo exultant, neq; in deo. Nam  
 qui in carnis uoluptate exultant, aut qui exultant cum malefecerint, isti nec in deo, nec à deo  
 exultant, & malum est, unde exultant: Et quia de malo ad malū exultant, suum gaudiū in  
 malignitate constituunt, ideo minime in deo exultant. Sunt aliq; qui acceptis gratiæ donis  
 abutuntur, & ea quæ propter salutem animæ data sunt, ad carnis usum, & gaudia seculi con-  
 uertunt. Acceptis enim donis gaudent, quia neq; in deo neq; propter deum diligunt quod  
 à deo acceperunt. Qui autem gratia accepta ad amorem dei idipsum conuertunt quod ab  
 ipso acceperunt, isti profecto à deo & in deo exultant & exultare probantur. Ecōtra ergo ut  
 suum gaudium solidum esse monstraret, illud neq; à uanitate exortum, neq; ad uanitatem  
 cōuersum esse, se dei dona diligere in deo, & pro respectu gratiæ qua prauenta erat in suo  
 salutari exultare perhibuit, dicens: Exultauit spiritus meus in deo salutari meo.

NONI TOMI FINIS.

BASILEAE IN OFFICINA FROBENIANA,  
 AN. M. D. XXIX, MENSE APRILI.



29552











